







~~Convent. Graec. S. Mariae Trinitatis,~~  
~~Ord. Prædicatorum~~

y. v. 3

Patru' Janadulen' Exoni Insula Wygreu' empt' a Conventu  
Cisterciens' & Patru' Prædicatorum. An' 1687 e. Catholico  
Anno. nunc Exoni An' 1688.



SERENISSIMÆ PRINCIPI  
 ELISABETHÆ  
 SERENISSIMI PRINCIPIS  
 MAXIMILIANI,  
 COMITIS PALATINI,  
 Vtriusque Bauariæ Ducis, & Electoris coniugi;  
 LOTHARINGIÆ AC BARRÆ DVCI,

*Domina clementissima.*



N T E annos non adeo multos. Serenissima Princeps, initium  
 felix accepit laudatissimi exempli sodalitas, quæ Serenissimi  
 nominis auspicijs & nata, & maximis iam incrementis educa-  
 ta est. Ita prorsus Aula Theodosiana, pia, sancta reflorescit.  
 Nouus hic rerum ordo est. Iam ab Aula Philosophia, seu, Mor-  
 tis meditatio prodit, quæ olim è scholis petebatur. Nimirum  
 Serenitati Vestrae parum fuit hactenus, Mortem meditari, alios  
 etiam eadem vtilissima meditatione imbuerè; ipsos etiam  
 mortuos immortalibus beneficijs ornare instituit.

Suidas, velut rem mirissimam recenser, quod mortuus viuum occiderit: mirer ego  
 magis, si viuus mortuum vita donarit, Niconi pugili, qui mille quadringentas coronas  
 varijs certaminibus obtinuit, statua fuit locata. Hanc Niconis emulus iniquissimis o-  
 culis ferens, etiam verberare coepit, perinde si Niconem ipsum plagis expositum sau-  
 ciaret. Statua vi verberum quassata, & loco mota in furem aduersarium ruit, mise-  
 rumque obtrinit. Ita viuum iugulauit mortuus, memorando supplicio.

E diuerso nobilissima Sodalitas (cuius fundamenta, cum Serenissimo coniuge, Sere-  
 nitas Vestra posuit) quicquid Mortis aut mortuorum est, non tantum non probro affi-  
 cit, nec inter nauseanda numerat, sed amplissimis insuper honoribus illustrat. Au-  
 sim dicere: Vestra Serenitas amabilem facit Mortis memoriam. Atque hic fides oculis  
 haberi potest. Quisquis templum illius, quam dixi, sodalitaris ingreditur, quid nisi  
 meram Mortis imaginem cernit: Mortem omnia loquuntur, subsellia, picturae, parie-  
 tes, ara, epicedia, inferia, labara, vestes sacrae, quicquid demum oculos incurrit, Mor-  
 tis ad-



## EPISTOLA DEDICATORIA.

tis admonet. Neque tantum parietes & altaria, in ritum lugubrem atro velamine vestiuntur, sed exesas mortuorum caluas, & pictos cadauerum cineres, vbi que monstrant ingressis, & mortalitatis memoriam tacite instillant, non sine suavi ad Libitinam affectu.

Hoc laudabilissimum est studium, in Principibus summè admirandum; hoc agitur, vt viuos memoria mortuorum, & mortuos suffragia viuorum quàm plurimum iuuent: tam præclaro quàm pio consilio, & de illis, & de istis optimè merendi. Ita viui ad beatam mortem erudiuntur, mortui ad vitam beatam prouehuntur religiosissima munificentia. Hoc enim huius est instituti, pijs Manibus exilium deprecari, & mortuos ad vitam non hanc mortalem, sed immortalem illam è poënis euocare.

Neque in vnam solummodo hanc urbem, hæc sese beneficentia effundit. Omnem hunc Orbem Principalis ista liberalitas complexa est, neque enim pro vnus tantum oppidi, aut prouinciæ defunctis, elemosynæ & preces funduntur: longius abeunt, vltcrius excurrunt, Orbem vniuersum amplectuntur tam pia in defunctos subsidia.

Sed ego hic loquendi vices dignioribus tribuo. Loquantur nobilissimi viri feminæque, magno numero, & ardentibus studijs suorum Principum exempla amulantes. Illorum omnium panè vnus hic sermo est. *Quod Serenissimus Elector Maximilianus, & Serenissima coniux Elisabetha liberalissimè cœperunt, id religiosissimè etiam nū perseverant. Et pecunias suas, & suas lacrimas pijs Manibus impendunt, inter se certantibus Liberalitate & Pietate. In leui fuit Serenissimis Ducibus opes ad hoc instituti affundere; sua ipsi etiam virtute, & luculentis exemplis istud in defunctos studium mirificè in dies confirmant. Plurimum darent, etiamsi nihil præter exemplum hoc conferrent. Nunc illud Ecclesiastæ, & oculis & animo nostro fixissimum inheret: Melius esse, ire ad domum luctus, quam ad domum conuiuij. b Hoc nos pietas nostrorum Principum docet, quos in lugubri hac ade tam crebros, & pænè quotidianos habemus comprecatores. Quin ergo sequimur tantorum Principum vestigia? an sequi nos pudet, cum præeunt, viamque signant sidera tam illustria? Hos sermones est audire: sermones tantum? è verbis facta fiunt. Nam sodalitium illud florentissimum in eam nunc amplitudinem excreuit, vt locus cetera non angustus confertæ multitudini non raro desit, nunquam desint homines loco. Ipsi hic testes oculi loquuntur.*

Neque verò nouitium, quod fortè quis putet, hoc institutum est. Ante annos sexcentos, Ioanne XIV. summo Pontifice, Anno Christiano 984. Romæ sodalitium eiuscemodi coaluit, in quo etiam maximi præfules sua nomina profiteri non erubuerunt. Extat hodieque in eade sanctorum Cosmæ & Damiani tabula marmorea, quæ sodalitatem illam, defunctorum bono, asserit constitutam. c

Reuixit hoc æuo tam pia in defunctos commiseratio, quam Monachium, ad suorum Principum exempla compositum, certatim exhibet, docetque sanctam & salubrem esse cogitationem pro defunctis exorare, vt à peccatis soluantur. d

Sunt qui suam in alios misericordiam testentur, sed in rebus corporis tantum, suam alij solum in rebus animi, sodalitas illa vtrumque amplexa, & hoc & illud ingenti cum laude præstat; neque enim defunctos precibus tantum ac votis, sed etiam censu ac elemosynis liberaliter studet adiuuare. Quid ni beatos esse dixerim hos tales, nec vno nomine beatos? Multiplici sanè oraculo, *Beati misericordes*, ij præsertim qui sic curant mortuos vt viuis minimè desint; ita iuuant viuos, vt mortuis benignissimè succurrant. Eo spectat hæc sodalitas, cuius assiduum est exercitium, *Mortem meditari, & mortuis opitulari.*

Hæc verè Christiana philosophia est, quotidie Vasa conclamare, quouis momento Mortis falcem expectare, diem vltimum non quasi poenam, sed quasi naturæ legem aspicere, animo semper ad Æternitatem intento. Vtinam hanc philosophiam tandem capiant,



## EPISTOLA DEDICATORIA.

capiant, ij præcipuè, qui per omnem vitam nec viuere discunt, nec mori: omnia tanquam immortales concupiscunt, nec quidquam minus cogitant, quam quod maxime discendum, MORI. Alia præcepta tradit hæc Sodalitas, cuius omnes conuentus non aliud habent initium, non finem alium, quam *Memoriam mortis*.

Et hæc me causa impulit, cur hunc Æternitatis Prodromum, Moritis nuntium Serenitati Vestrae potissimum inscriberem, quæ mortuorum tam benignam suscepit curam. His certè iam Christianis studijs iam pridem debebatur hæc scriptio, à mortuorū sacris minimè aliena. Varia hic monita sunt, sed quæ omnia vnum hoc doceant, *Mortem prauiderè, & mortalia despicere*. Quod verò alias, hoc iterum submississimè rogo, vt sub Serenissimi nominis tutelâ, quæ Æternitatem in publicum eduxit, etiam Æternitatis Prodromio in lucem euolare liceat. Monachij die alterâ Nouembris, piorum Martinum memoriæ sacrâ. Anno à Virginis partu M. DC. XXVII.

Serenitatis Vestræ.

infimus cliens

HIEREMIAS DREXELIUS  
è Societate IESV.

a Suidas, mihi pag. 647. col. 1. b Eccles. c. 7. v. 3. c Baron. to. 20. An. 984. n. 5.  
d 2. Machab. c. 12. v. 46.

Qq q q 2

P I O



# PIO AC VERITATIS STUDIO LECTORI

## Typographus Salutem.



*Terum, Benevole Lector, in hac, ut ita loquar, vita mea clausula bono & utilitati tua, nec non omnibus propria & aeterna salutis cupidis hominibus volui consulere. Quamquam nemo sit (quod spero & conscientia certus sum) qui nesciat me nullis unquam laboribus aut sumptibus pepercisse, ut melioris nota auctorum libros aut imprimerem, aut alijs etiam in ultimis regionum angulis impressos ad bonum publicum recuderem; cum aetatem vitamque pene iam consumpserim in centenis ac centenis libris emulgandis, septemque vita mee aetates me iam consumpsisse omnes intelligant. Quod si unquam alias, hac dubio procul HIEREMIAE DREXELII redimpresione me fecisse nemo ingratus inficias ierit; Praesertim his tot tantorumque bellorum toto Belgio, Europaeque grassantium orbe fluctibus ac tempestate, quibus terra marique omnis mercimonia praepecta conquiescit, cessatque omnis mercatorum industria, adeo ut nullum negotiationis cum exteris hominibus commercium liberum, aut certe satis tutum habeatur. Quo fit ut omnium rerum ad usum & humanae vitae commoditatem & quotidiana mortalium industria servientium valor ad tantum pretium excreverit, ut charta hodierno die triplo & amplius maiori pretio, quam antea unquam, diuendatur; adeoque fit rara & cara, ut timendum sit, ne breui his in partibus reperiri non possit: nisi flamma illa Martis Belloneque flabellis suscitata plane restinguatur. Quibus quidem iure merito apud omnes excusatum habendum me fore confido, quod serius quam quisque desiderabat tantus auctor, adeoque utilis & pernecessarius omnibus omnium ordinum ac studiorum hominibus, imo & uniuersis ad beatam caelestium mansionum aeternitatem aspirantibus hac forma & veste decorus magis quam alias prodeat in publicum. Prodit ergo bono tuo, prodit aere meo & expensis maximis, prodit omnium scientiarum doctrinae plenus, omnium conquisitione rerum diues & opulentus, dictione sanus, sermone perpolitus, grauissimarum sententiarum pondere grauis, historiarum fecunditate gratus, humanioris etiam literatura, poeseos hilaritate incundus, & pietate mirabilis; ita enim in eo omnes scientia & doctrina admirabili quadam mixtura simul & architectura elucet; ut in qua excellat magis difficillimum sit constituere, sed quid opus tantum virum a me laudari, qui nullus sum auctoritatis; sed seruus omnium inutilis, atque utina saltem gratus: cum satis opus ipsum suum laudet Auctorem, in quo nihil, quod non vel ad vitae mores componendos, vel ad animae virtutes acquirendas, aut ad optime felicissimamque moriendum, tuncque ad beatam aeternam caelestis gloriae aeternitatem consequendam maxime inuēt & conducatur, facillimumque hominibus ad eam iter commonstret. Vis etenim sanus, sed communibus*



# LECTORI.

munibus vita miseris pertasus; aut ager lecto adfixus dolorum & aegritudinum mole oppressus dissolui & esse cum Christo, & in aeterna illa caelestis gloria felicitate con-  
 quiescere? Prodrumum aeternitatis vel à limine saluta & te ad feliciter moriendum  
 perdocebit, in beataque vita vestibulum collocabit, è quo ter beatus & felix, nihil  
 in hac vniuersitate mundi stabile, nihil firmum, nihil longum, nihil perdurabile  
 prater vnā aeternitatem, vnumque Deum prospectabis. Sed fortassis iterum terrenis  
 affectibus depressus ad terrena deuolueris, sequentibus de Aeternitate considerationi-  
 bus, & memorabilibus eiusdem eternitatis à R. P. Musart collectis non minus pijs  
 quàm doctis, ad aeterna & immortalia te reuoca. Mirum enim in modū animū salu-  
 tis suae cupidum ad eternitatis amorem incendunt & incitant. Pergere placet ulterius,  
 ad hac pennas dabunt praedestinationis signa, alasq; faciet Horologium Angeli cu-  
 stodis, animos & vires subministrabunt Nicetas, sentriumphata incontinentia, &  
 Trismegistus Christianus, tandemq; apertum iter demonstrabunt, tuumq; facient  
 Heliotropium, seu conformatio humanae voluntatis cum diuina, & recta humanarum  
 actionum Intentio. Si aueas scire vtrum in hac, vel in futura vita pati melius sit, li-  
 bros de Patientia perlustra, & satis superq; intelliges satius esse toto vita humana  
 momento tormenta perferre, quàm in futura vel minima damnatorum poena crucia-  
 ri. Orbis Phaethon vnus, quae est omnium malorum fons & origo, linguae vitia enume-  
 rat, fugiendaq; proponit, perlege tu vt fugias: quo omnibus humanae contagionis im-  
 pedimentis liberatus ad Christi Tribunal in particularis & arcanissimi illius iudicii  
 die purus & innocens deducaris. Quid exhorres, mi Lector? quid expallescis? quae  
 de Tribunali Christi elegantissime perscribit, te ad Aram diuinae misericordiae fistent,  
 & in ipsius Aeternitatis arcana secreta deducunt, mox breui Caelum ipsum Empy-  
 reum donaturus. Quae cum ita sint, Amicissime Lector, nonne me ingratum iudica-  
 res, sitantum tanta diuiniore humaniorisq; sapientiae luce illustratum opus, tot bono-  
 rum votis expetitur denuo, sed auxiore cumulo & nitidiori charactere formaq; ca-  
 paciori, non recudissem? Immortales itaque meo tuoq; nomine Deo Opt. Max. gra-  
 tias ago nec non sanctissimae Matri meae Mariae Virgini Deiparae caterisq; Patronis  
 meis tutelaribus, qui iam utilem omnibus, adeoq; necessariam vniuersis menti meae  
 cogitationem iniecerunt, & inter tot bellorum & negotiorum tumultus perficiendi  
 facultatem viresque praestiterunt. Tu igitur Domine Rex meus, & Deus meus ne de-  
 digneris hoc senile & exiguum immensi erga te officij & debiti muneris argumentum  
 gratis manibus lubentibusq; animis suscipere, ac me seruum tuum inutilem vilissi-  
 mumq; peccatorem, quamdiu huius lucis usura fruar, cum ab omni animae tum cor-  
 poris periculis immunem conserua, potissimum in extrema vita illa periodo, cum to-  
 ta eternitate delectanti, velis mihi contra omnes tartarei inimici thecnas benigne opi-  
 tulari, nomenq; meum in aeterna vita palimcesto inscribere, vt cum seruis tuis pro-  
 missam Beatorum recipiam hereditatem. Amen.



A V C T O R  
B E N E V O L O  
L E C T O R I.



*Ortis nuntium tibi sisto, mi Lector; sed nuntium forsan ingratum. Ne trepida, fiet gratissimus. Egrotas? suo hic nuntius venit tempore Moreris? tempore tunc maxime suo adest. Atqui, ais, sanus sum. Nihilominus hunc tibi nuntium sisto, & quidem tuo bono. Sanus hunc longè utilius nosse disces, quàm egrotus, quàm moribundus. Quare, rogo te, liceat, Regina maxima legato familiarius tecum agere, dum sanus es; & ausim promittere egrotum te, moribundum te vix quidquam terrebit. Ergo,*

*Vive memor mortis, uti sis & memor salutis. a*

*Neminem mors magis perterrefacit, quàm à quo minus expectatur. Hoc te, Lector, volui non nescire, & optime valere: tibi & Deo vivere,  
a Ausonius.*

S U M-



## *SUMMA PRIVILEGII.*

**E**Go infraſcriptus Societatis I E S V in Gallo-Belgica Prouincialis iuxta Priuilegium eidem Societati conceſſum, quo Bibliopolis omnibus prohibetur, ne libros ab eiufdem Societatis hominibus compoſitos abſque Superiorum permiſſione imprimant; Facultatem do BALTAZARI BELLERO Typographo Duaceni imprimendi vno vel altero Tomo Opera omnia haecenus edita R. P. IEREMIAE DREXELII è Societate I E S V, ad ſex annos proximos. In cuius rei fidem has manu propria ſubſcriptas, & officij mei ſigillo munitas dedi. Duaci 24. Decembris 1635.

FRANCISCVS DE LA CROIX,

AD



# A D C A P V T I.

## Imago I.

### SANIS SIC CONSIDERANDA.

- A. Mors sanis fortasse dormit? caute, euigilabit subito.*
- B. Sani tripudiant, non agri; viaticum ad vitia est sanitas,*
- C. Coturnicum pluuia, sanorum & otiosorum subseruiunt gula.*
- D. Fauonius blanditur, & flores spirat: sed hoc quamdiu?*
- E. Nunc Phæbus ridet, sed risum hunc sequetur nubium fletus.*
- F. Virtuti sanus sepe contumax aries; vitij's cerea virgo est.*
- G. Insaniam hilarem ad momentum insaniunt; sed pendet ab hoc momento ÆTERNITAS.*





# LIBRORVM,

## QVI IN HOC PRIMO TOMO

Continentur, ordo ac series; & vniuscuiusque  
libri Capitulorum immediatè sequitur  
Indiculus.

### ÆTERNITATIS PRODOMVS, SEV MORTIS NVNCIVS: Cuius hic est Syllabus.

#### Cap. I.



Ortis memoria proponitur  
sanis. fol. 1

§. 1. Lectori lux & ingressus ad sermonem.	ibid.	§. 30. Vita quid est?	18
§. 2. Quotidiana Mortis me- moria.	ibid.	§. 31. Vita Mimus.	ibid.
§. 3. Memoria Mortis, potens in omnia peccata pharmacum.	2	§. 32. Vitæ humanæ typus.	19
§. 4. Bona vitæ clausula, quanti è Seneca.	ibid.	§. 33. Vitæ prologus, narratio, epilogus.	ibid.
§. 5. Omnis homo, nullus homo: ex Arbitro.	3	§. 34. Omnis vita brevis, etiam longissima.	20
§. 6. Mortales vnius dieculæ.	ibid.	§. 35. Non longissima, sed honestissima, vita opti- ma.	ibid.
§. 7. Idem confirmatiùs traditur.	ibid.	§. 36. Magnam vitæ partem non vivimus.	ibid.
§. 8. Longe vitæ spes, & vota inania.	4	§. 37. Maxima vitæ labes, Procrastinatio.	21
§. 9. Homo pulvis.	ibid.	§. 38. Venatus Mortis.	22
§. 10. Homo verè miser.	5	§. 39. Cur quotidiana spectantes funera, mortem non cogitemus.	ibid.
§. 11. Quid igitur est Homo?	ibid.	§. 40. Compendiosissima Mortis præmeditatio.	23
§. 12. Ad rei funebres olores.	6	§. 41. Hodie mihi, cras tibi.	ibid.
§. 13. Omnis vita lacrimæ.	ibid.	§. 42. Ergo dum viuus, viue.	ibid.
§. 14. Lacrimas solatur Deus.	7	§. 43. Si cras, quare non hodie.	24
§. 15. Mors Natiuitas.	ibid.	§. 44. Cur mors horribilis	ibid.
§. 16. Vbiq; Mors.	8	§. 45. Inopina, sed formosa mors.	25
§. 17. Mors sua cuique domi est.	ibid.	§. 46. Vigilandum & orandum.	26
§. 18. Mors inexorabilis.	9	§. 47. Deo fidendum.	ibid.
§. 19. Mors certissima est incertissima.	ibid.	§. 48. Quando Domino visum.	27
§. 20. Mors plurimis repentina, præc omnibus in- sperata.	10	§. 49. Ad Deum in omnibus recurrendum.	ibid.
§. 21. Mortis repentina Antidotum.	12	§. 50. Orationes.	28
§. 22. Dies vitæ pauci & mali.	ibid.	Cap. II. Mortis memoria commendatur ægrotis.	30
§. 23. Qua ratione iuuenis possit mori senex.	13	§. 1. Ingressus ad sermonem; & an morbus, ma- lum.	ibid.
§. 24. Paradoxum: Quisquis voluit, diu vixit.	ibid.	§. 2. Ægrotus ad Amicos, ad Morbū ad Morbi le- thalis initium, ad Mortem, ad Christum Domi- num.	31
§. 25. Moriendum est, moriendum.	14	§. 3. Mororis antidotum.	32
§. 26. Mortis memoria variè refricanda.	ibid.	§. 4. Non semper malum.	ibid.
§. 27. Nouum indusium, nigra litteræ.	16	§. 5. Christiana generositas, Mortis contemptus.	33
§. 28. Omnis dies observandus.	ibid.	§. 6. Mortis contemptus specimen.	ibid.
§. 29. Sandapila, vltimum humanæ superbie fo- lium.	17	§. 7. Animus ad mortem promptus.	34
		§. 8. Mortem timent qui non prævident.	35
		§. 9. Mortem timent, qui vitam negligunt.	ibid.
		§. 10. Tria Morbi grauia.	ibid.
		§. 11. Morbus virtutum ludus.	36
		§. 12. Morbus animi salus.	ibid.
		§. 13. Morbus Æternitatis monitor.	ibid.
		§. 14. Mors	37



# INDICVLVS CAPITVLM.

§. 14. Morbus igitur optandus.	37	§. 17. Qualis vita, talis mors.	78
§. 15. In morbo quid legendum.	ibid.	§. 18. Bonæ mortis votum.	79
§. 16. In morbo Temper orandum.	38	§. 19. Somnus moris frater.	ibid.
§. 17. In doloribus, & alijs per diem quid cogitandum, quid agendum.	38	§. 20. Mortis prodromi.	ibid.
§. 18. Aliter sentimus sani, aliter ægri.	39	§. 21. Quid ad mortis nuntium respondendum.	80
§. 19. In omni ægritudine pia ad Deum suspiria.	39	§. 22. Mors dulcissima, sed pessima.	81
§. 20. Ægroti quædam vitia.	ibid.	§. 23. Melior mors quam vita amara.	ibid.
§. 21. Tres thesæ omnibus viribus ægroti propugnandæ.	40	§. 24. Beatitudo mortis.	82
§. 22. Ægroti sitis quæ curanda.	ibid.	§. 25. Valedictio morientis ad viuos eadem via secuturos.	83
§. 23. Ægroti sudarium.	41	§. 26. Morientium extrema monita.	ibid.
§. 24. Ægroti lectulus.	ibid.	§. 27. Christus inuitatur.	85
§. 25. Ægroti delicia, Christi Hortus.	42	§. 28. Moribundus animatur.	ibid.
§. 26. Christi inter alias lectulus.	ibid.	§. 29. Resurrectionis Fides.	86
§. 27. Mater Christi Domini ægrotum alloquitur.	43	§. 30. Spes resurrectionis solatium maximum.	87
§. 28. Humanæ voluntatis cum diuina consensu & conspiratio.	44	§. 31. Spes cæli.	ibid.
§. 29. Desperationi occurrendum.	ibid.	§. 32. Suspiria ad cælum.	ibid.
§. 30. Spes vitæ melioris miseras mitigat.	45	§. 33. Solatia aduersus mortem cõpendio dantur.	88
§. 31. Spes vera vitæ beatissimæ.	ibid.	§. 34. Contra inuitè morientes.	89
§. 32. Tranquillitas è vera spe.	46	§. 35. Moribundi scopulus, dilatio.	ibid.
§. 33. Solatium è doloribus.	47	§. 36. Moribundi dolores & terrores.	90
§. 34. Dolores omnes frangit Patientia.	48	§. 37. Moribundi promptus animus.	91
§. 35. Patientiæ specimen, mendicus.	ibid.	§. 38. Moriturus Fide, Spe, Charitate se armat.	92
§. 36. Patientiæ typus, Princeps magnus.	ibid.	§. 39. Ægro & moribundo quid semper corde ac ore veritandum.	92
§. 37. Patientiæ speculum Rex maximus.	49	§. 40. Moribundo singulariter obseruanda.	ibid.
§. 38. Patientiæ specimen, typus, speculum, exemplar absolutissimum Christus Dominus.	50	§. 41. Moribundo quid faciendum, è Blosio. ibid.	ibid.
§. 39. Panoplia ægroti, Patientia.	ibid.	§. 42. Moribundum refrigerantia.	93
§. 40. Tandem migrandum est, hospites sumus.	51	§. 43. Moribundi ad Deum preces & suspiria.	94
§. 41. Certus vitæ terminus.	ibid.	§. 44. Moribundi vera in Deum fiducia.	95
§. 42. Prima, & altera Ægroti obiectiuncula.	52	§. 45. Moribundi accensus cereus.	95
§. 43. Contra alias ægroti querimonias.	53	§. 46. Moribundi verba vltima.	96
§. 44. Ægrotus ad seipsum, contra seipsum.	54	§. 47. Humanæ voluntatis ad diuinam conformatio, summi momenti est, præcipuè sub vitæ fine.	97
§. 45. Ægrotus ad Deum.	ibid.	§. 48. Moribundus alterum in Golgotha latronem æmuletur.	97
§. 46. Ægrotus cum Deo paciscitur.	55	§. 49. Heliotropium, contra omnes morbos & mortem pharmacum.	98
§. 47. DEO GRATIAS, assiduum ægroti sit canticum.	56	§. 50. Orationes.	ibid.
§. 48. Ægroti vera in Deum fiducia.	57	Epilogus, & monitum Lectori.	102
§. 49. CONSTANter.	58		
§. 50. Orationes.	59		
Cap. III. Mortis memoria repræsentatur moribundis.	65		
§. 1. Ars bene moriendi, compendio traditur.	ib.		
§. 2. Tempus malè perditum, quomodo recuperandum.	66		
§. 3. Brevis vita quomodo extendenda.	ibid.		
§. 4. Finis rerum omnium, Æternitatis nullus.	67		
§. 5. Hominis moribundi consideratio.	ibid.		
§. 6. Stantes mortui.	68		
§. 7. Ante mortem mortui.	ibid.		
§. 8. A seipsis sepulti.	69		
§. 9. Consideratio sepulchri.	70		
§. 10. Testamēta nouem.	ibid.		
§. 11. Epitaphia nouem.	72		
§. 12. Cur æquo animo moriendū, causæ nouæ.	74		
§. 13. Mors igitur non formidanda.	75		
§. 14. Quomodo sancti mortem desiderant, & tamen formident.	76		
§. 15. Mors mala vitam malam sequitur.	ibid.		
§. 16. Mors bona vitam bonam sequitur.	77		
		DE ÆTERNITATE CONSIDERATIONES.	
		Quis hic est Syllabus.	
		Consideratio I. Quid sit Æternitas.	106
		§. 1. Varij veterum de eternitate sensus & pietatæ.	108
		§. 2. Arcanus scripturæ sensus aperitur.	110
		§. 3. Æternitatis locus, cur MANSIO dicatur.	111
		Consideratio II. In quibus natura repræsentet Æternitatem.	112
		§. 1. Quænam apud inferos sint æterna.	113
		§. 2. Cur gehenna ipsa sit æterna.	115
		§. 3. Alij ad æternitatem naturæ ductus.	116
		Confid. III. In quo potissimum æternitatem suam Romani vereres collocarint.	117
		§. 1. Quantum Romani à veræ eternitatis via aberrarint.	119
		§. 2. Melior priore ad æternitatem via.	123
		§. 3. Hanc	



# INDICVLVS

§. 1. Hanc viam follicite esse indagandam.	123
Consid. IV. Quomodo B. David æternitatem sit meditat⁹ & quæ illius in hoc imitandi ratio.	125
§. 1. Diversa ad æternitatem cogitandam admonitiunculae.	126
§. 2. Omnes Arithmetice numeros & leges transiliit æternitas.	127
§. 3. Considerata æternitatis effectus.	128
Consid. V. Quomodo alij, etiam improbi æternitatem sint meditati.	130
§. 1. Hominis & araneæ labores collati.	131
§. 2. Quæ in mundo sit omniū optima quæstio.	132
§. 3. Quomodo Dens hic punit vt ibi parcat, in aquatum exemplum.	132
Consid. VI. Quomodo Scriptura, sancti patres, Ecclesia æternitatem meditandam ingerant.	134
§. 1. Sanctorum Patrum & Ecclesiæ circa hoc responsa.	ibid.
§. 2. Scripturæ diuinæ clara de æternitate testimonia.	137
§. 3. Omnia MODICVM præter æternitatem.	138
Consid. VII. Quomodo Caritiani pingant æternitatem.	140
§. 1. Christi inuitans.	141
§. 2. Adam lamentans.	ibid.
§. 3. Coruus crocicans.	142
Consid. VIII. Quomodo Christianis non tam pingenda, quam meditanda sit æternitas.	145
§. 1. Non rem tantum sed spem omnem præscindit æternitas.	146
§. 2. æternitatis gustus quanti sit, illustri exemplo declaratur.	147
Consid. IX. Conclusiones septem circa has de æternitate consideraciones.	150
§. 1. æternæ mortis supplicium.	154
§. 2. æternæ vitæ præmium.	156
§. 3. Epilogus dictorum omnium.	159
Memoriale æternitatis, complectens Propositiones septem Mane & Vesperis perpendendas.	165
Conclusiones VII. de æternitate.	169
Quæstiones VII. circa æternitatem, earumque solutiones.	172

## INFERNVS DAMNATORVM,

Carcer & Rogus æternitatis.

Cuius est hic Syllabus.

Cap. I. Quo hic liber collineet & instructio lectori.	183
Cap. II. Primum æternitatis Tartaræ tormentum. TENEBRÆ.	187
Cap. III. Alterum æternitatis Tartaræ tormentum FLETVS.	193
Cap. IV. Tertium æternitatis Tartaræ tormentum FAMES.	197
Cap. V. Quartum æternitatis Tartaræ tormentum FOETOR.	202
Cap. VI. Quintum æternitatis Tartaræ tormentum IGNIS.	208
Cap. VII. Sextum æternitatem Tartaræ tormentum VERMIS CONSCIENCIA.	213
Cap. VIII. Septimum æternitatis tartaræ tor-	

## CAPITVM.

mentum LOCVS & SOCIETAS.	218
Cap. IX. Octauum æternitatis Tartaræ tormentum DESPERATIO.	223
Cap. X. æTERNITAS piorum iuge suspirium.	227
Cap. XI. æTERNITAS Sceleratorum formidabile somnium.	231
Cap. XII. æTERNITAS Damnatorum inexpugnabilis & nouum supplicium.	236
Cap. XIII. Conclusiones tres in præmissa capitula.	243
Cap. XIV. Quæ ligna quodve pabulum ignis sit æterni : vbi de peccati mortiferi inexplicabili grauitate.	247
Cap. XV. Cui vnita lætalis noxa supplicio afficiatur æterno.	260
Cap. XVI. Humanæ gentis cæcitas incredibilis & horribilis stupor tam in peccatis, quam in supplicijs peccato debitis, expendendis.	255
Cap. XVII. Compendium dictorum & Epilogus.	269

## ZODIACVS CHRISTIANVS, seu XII. signa Prædestinationis.

Quorum hic est Indiculus.

Primum, CERESVS ARDENS.	283
Secundum, CRANIVM, seu CALVA.	285
Tertium, AVREA EVCHARISTIA & HIEROTHECA.	188
Quartum, ALTARE NVDVM & DEVELATVM.	291
Quintum, FRVTEX ROSARVM.	295
Sextum, FICVS.	296
Septimum, FRVTEX TABACI.	300
Octauum, CVPRESSVS.	303
Nonum, HASTIS PER OLEAGINVM SERVVM CONIUNCTIS.	305
Decimum, FLAGELLO & VIRGIS môstratur.	312
Vndecimum, ANCHORA.	317
Duodecimum, CITHARA.	315

## HOROLOGIVM AVXILIARIS Tutelaræ ANGELI:

In eo continetur Officium Angeli Custodis cum diuersis orationibus & documentis super XII. horas diei super hæc verba : DISCE MORI, DISCE VIVERE, DISCE ORARE. 329  
Horæ noctis XII. in quibus sunt variæ consideraciones super hæc verba : DISCE MORI, DISCE VIVERE, DISCE ORARE, cogita & considera. 352. & seqq.

## NICETAS SEV TRIVMPHATA Incontinentia.

Cuius hic est Indiculus.

Z I B E R P R I M V S.

Cap. I. Sermonis ingressus.	393
Cap. II. Illustrissimam NICETÆ facinus, paulo â 3 finius	



# INDICVLVS CAPITVM.

fusus narratum.

- Cap. III. Primum Incontinentiæ inuitamentum, OTIVM. 394.  
 Cap. IV. Secundum Incontinentiæ inuitamentum, MENSA LAVTIOR. 395.  
 Cap. V. Tercium Incontinentiæ inuitamentum, IMPVRI LIBRI. 397.  
 Cap. VI. Quartum Incontinentiæ inuitamentum, PICITVRÆ INHONESTÆ. 398.  
 Cap. VII. Quintum Incontinentiæ inuitamentum, OCVLIVAGI, CVRIOSI, EMISSITII. 400.  
 Cap. VIII. Sextum Incontinentiæ inuitamentum, VERBA PRÆTEXTATA & IMPVDICA. 402.  
 Cap. IX. Septimum Incontinentiæ inuitamentum, MALISOCII. 407.  
 Cap. X. Incontinentiæ primi effectus, CORPVS DEBILITAT, OPES PERDIT. 411.  
 Cap. XI. Incontinentiæ effectus alteri, ANIMAM NECAT, INGENIVM IMPEDIT. 413.  
 Cap. XII. Incontinentiæ effectus tertij, FAMAM INQVINAT, VIRTUTES OMNES EXTIRPAT. 416.  
 419.

## LIBER II.

- Cap. I. Geminus NICETÆ Benediclus, illustrissimo itidem facinore. 420.  
 Cap. II. NICETÆ pugna & victoria, Episcis descripta. 424.  
 Cap. III. Primum Incontinentiæ Antidotum, LECTIO SACRA. 427.  
 Cap. IV. Secundum Incontinentiæ Antidotum, CORPORIS AFFLICTATIO. 431.  
 Cap. V. Tercium Incontinentiæ Antidotum, PRECES, & ORANDI STVDIVM. 436.  
 Cap. VI. Quartum Incontinentiæ Antidotum, CREBRA PECCATORVM CONFESSIO. 440.  
 Cap. VII. Quintum Incontinentiæ Antidotum, IEIUNIA, & ABSTINENTIAE EXERCITIVM. 445.  
 Cap. VIII. Sextum Incontinentiæ Antidotum, LABORES, & AMOR EXERCITII. 449.  
 Cap. IX. Septimum Incontinentiæ Antidotum, Sollicita SENSIVM exteriorum CVSTODIA. 452.  
 Cap. X. Octauum Incontinentiæ Antidotum, Affidue cogitata DEI PRÆSENTIA in omni loco. 457.  
 Cap. XI. Nonum Incontinentiæ Antidotum, Notuena ATERNITATIS supplicia. 466.  
 Cap. XII. Dictorum de Triumphanda Incontinentiæ EPILOGVS. 472.  
 473.

## TRISMEGISTVS CHRISTIANVS, Cuius hic est Syllabus.

### LIBER PRIMVS.

De cultu animi.

- Cap. I. Ingressus ad sermonem de Animi cultu & Examine Conscientiæ. 491.  
 Cap. II. Examen Conscientiæ, qui iam olim, & quomodo fecerint. 493.

- Cap. III. Examen Conscientiæ, quantæ utilitatis sit, & quam id à sanctis impensè commendatum. 595.  
 Cap. IV. Examen Conscientiæ quantæ sit necessitatis, & quod dispendium, illud negligere. 499.  
 Cap. V. Examinandæ Conscientiæ quis sit modus. 501.  
 Cap. VI. Examinandæ Conscientiæ quot, & quæ sint partes. 506.  
 Cap. VII. Examine Conscientiæ obijci solita, diluuntur. 513.  
 Cap. VIII. In Examine Conscientiæ quò potissimum collineandum; Et quanta humanæ voluntatis sit inconstantia. 516.  
 Cap. IX. Examen conscientiæ commendatur Religiosis, Beatissimæ Virginis sodalibus, Quibuscunque demum alijs. 526.

## LIBER SECVNDVS.

De Cultu Cælitum.

- Cap. I. Ingressus ad sermonem de Cultu Cælitum. 513.  
 Cap. II. Cultus Cælitum contra opiniones affectatur. 534.  
 Cap. III. Quinam Cælitum præcipue colendi. 537.  
 Cap. IV. Quanam potissimum ratione colendi Cælitum. 540.  
 Cap. V. Origo menstrua sortitionis Cælitum. 546.  
 Cap. VI. Cælitum nomen in menstrua schedâ expressum quid sibi velit? 545.  
 Cap. VII. Quo fine menstruis Cælitibus sententiosum dictum addatur? 549.  
 Cap. VIII. Quo consilio preces indicantur in mensæ proximum. 552.  
 Cap. IX. In charta menstruorum Cælitum, adscripta Virtus quid moneat? 554.  
 Cap. X. Inconstantia in cultu Cælitum exemplo inaudito coarguitur. 555.

## LIBER TERTIVS.

De cultu Corporis.

- Cap. I. Animone potius an corpori cultus debeatur? 562.  
 Cap. II. Quid sit corpus, & vnde tam dignum colitur? 565.  
 Cap. III. Quantus noster hostis sit CORPVS? 566.  
 Cap. IV. Quantus labor impendatur à nobis corpori, hostium nostrorum maximo? 568.  
 Cap. V. Quàm varius sit cultus corporis exterior. 572.  
 Cap. VI. De cultu corporis, quid sacræ paginæ, & sancti Patres sentiant? 581.  
 Cap. VII. Cultus corporis superuacuus, quàm à ratione, & præciæni legibus alienus sit. 584.  
 Cap. VIII. In cultu corporis, quanta maximorum virorum fuerit modestia. 587.  
 Cap. IX. Cultum corporis, sanctissimi homines, quàm & oderint, & fugerint. 592.  
 Cap. X. Cultus corporis quantorum malorum causa sit. 592.  
 Cap. XI. Dictorum ratio, confirmatio, Coronis. 603.

HELIO.



I N D E X  
R E R V M P R Æ C I P V A R V M,  
Q V Æ I N H O C P R I M O T O M O  
C O N T I N E N T V R.

*Ubi nota, Lector, numerum denotare paginam; Litte-  
ram autem A, primam columnam, B verò secun-  
dam columnam denotare.*

A



**A** R O N I S summi sacerdotis  
vestis quàm pretiosa. A 784  
Abrahamus decies rigide ten-  
tatus fuit A 695  
Abstinentia & ieiunijs lasci-  
vire dediscit caro. B 447  
Actiones humana eiusdem sunt bonitatis aut  
malitia cum intentione, qua illarum & ra-  
dix & fons est. B 779  
Accipiter olim irrisit trochilum. A 840  
Actiones suas qui nulla intentione regunt pueris  
similes sunt. A 818  
Actiones bonas an aliquis simul & eodem tem-  
pore exercere possit. A 849  
Actiones nostra Christi actionibus sunt iungen-  
da. B 874  
Actus amoris in Deum. A 344  
Adami lamentatio. B 141  
Adami primi parentis vestis qualis fuerit. A  
385  
Admonitiones varia, qua aternitatem nobis in-  
culcant. A. B. 134

*Ægrotis quid cogitandum, quid agendum. A. B.*

38

*Ægroti vitia. B 39*  
*Ægroti sudarium quale debeat esse. A 41*  
*Ægroti sitis quomodo curanda. B 40*  
*Ægroti delitiae, hortus Christi. A 42*  
*Ægrotis utilius nihil, quàm velle quod vult  
Deus. A 44*  
*Ægrotorum plerumque plurima sunt querela. A  
53*  
*Ægroti canticum quale esse debeat. A 56*  
*Ætatem disponere stultum est. B 4*  
*Æterna veraque felicitas qualium rerum ob-  
servatione à principibus obtinenda sit. A. B  
118.*  
*Æternitas representata ab antiquis per annu-  
lum seu circulum. A 108*  
*Eadem representata per spheram & glo-  
bum. ibid.*  
*Item per sellam, qua aternam quietem desi-  
gnabant. B ibid.*  
*Per solem & lunam. ibid.*  
*Per basiliscum animal venenatissimum. A  
109*  
*Per antrum à serpente circumcinctum. B ib.  
Æter-*



# INDEX

<i>Æternitas quid sit.</i> B	110	<i>tis.</i> B	197. & seq.
<i>Æternitatis locus cur mansio dicatur.</i> A	111	<i>Afflictio perpetua &amp; exercitatio perpetua alterum est predestinationis signum.</i> B	293
<i>Æternitatem agnouerunt idololatra.</i> B	112	<i>Alfonſus Ioannis Secundi Luſitani regis filius in equo iuveniliter exultans excutitur, &amp; letali plaga obruto capite datur ad terram &amp; animam efflat.</i> A	11
<i>Æterna gloria amiſſio, Virtutis neglectus, noxarum cumulus, aſpernatio diuine gratiæ, mirum in modum damnatos torquent.</i> B	214. A. & B. 215. A. & B. 216.	<i>Alexander Macedonum rex venenum à Philippo medico ei porrectum intrepidus hauſit.</i> A	91. & 619
<i>Æternitas qualiter quotidie meditanda.</i> A.	238	<i>Alexandro Macedoni oculi pudici fuere.</i> B	404.
<i>Æternitatis expendenda ratio.</i> A. & B	242	<i>Alexander Macedo Calyſthenem Olynthium ferrea cauea incluſam circumferri iubet.</i> A	220
<i>Æternitas piorum inge ſuſpirium eſſe debet.</i> A. & B	230	<i>Alfonſus Neapolis &amp; Aragoniæ rex epiſtolas Senecæ in Hiſpanicum idioma tranſtulit.</i> B	668
<i>Æternitas multis ſomnium eſt.</i> B	231	<i>Amaranthus ( ut eſt in ſabulis ) roſæ adſitus, quid dixerit.</i> A	20
<i>Æternitatis ſomniatores multi, interpretes pauci.</i> B	234	<i>Amor vitæ, catena ponderoſiſſima.</i> A	24
<i>Æternitatis ſupplicia nouem deſcribuntur.</i> B.	466. & ſeq.	<i>Amor ſui deteſtandus.</i> B	812
<i>Æternitatis via aſſiduè &amp; ſollicitè indaganda.</i> A	123	<i>Amor purus non eſt mercenarius.</i> A	788
<i>Æternitas omnes arithmetica numeros ſuperat.</i> A. & B	127	<i>Ambroſij &amp; Auguſtini ad mortis nuntium reſponſiones.</i> B	80
<i>Æternitatis ſeria conſideratio multa hominum millia ad viam ſalutis reduxit.</i> B	128	<i>Ambroſius Fernandez frigoriſus affectus conſtanter interijt.</i> B	205
<i>Æternitas deſcribi ſufficiens non poteſt.</i> B	140	<i>Amariſis Aegypti rex factus, ob natales obſeuos agrè toleratur à ſuis incolis.</i> A	563
<i>Æternitatis teſtimonia clara ſunt ex ſcriptura.</i> A. & B	137	<i>Ambitio inſana eſt finem operire purpura.</i> A	582
<i>Æternitas non tam pingenda Chriſtianis, quàm imitanda.</i> A	145	<i>Animus ad mortem promptus eſſe debet.</i> B	34
<i>Æternitas ſpem omnem præſcindit.</i> A	146	<i>Anaxagora peregrè morientis egregium diſtum.</i> A	37
<i>Æternitatis guſtus quanti ſit illuſtri exemplo declaratur.</i> A. & B	147 & 148	<i>Anaxagoras in vinculis conſtitutus eſt ab Athenienſibus.</i> B	895
<i>Æternitatem eſſe non credunt pars magna Chriſtianorum.</i> B	150	<i>Angelorum natura qualis.</i> B	357
<i>Æterna mortis ſupplicium.</i> B	154	<i>Angelorum numerus quantus.</i> ibid.	
<i>Æterna vitæ præmium.</i> B	156	<i>Angeli qua ratione pingantur.</i> B	359
<i>Æternitas duplex ab unico momento dependet.</i> B	167	<i>Angeli cur pingantur ex calceati &amp; zones ſuncti.</i> B	362
<i>Æternitatem deſcribere quàm ſit difficile.</i> A. & B	169	<i>Angelorum veſtis qualis.</i> A	360
<i>Æternitas quid ſit ex Angelico Doctore. ibidem</i>		<i>Angelis quare appingantur ala.</i> B	361
<i>Æternitatem metiri nemo poteſt.</i> ibidem		<i>Angelorum cantus &amp; officia qualia.</i> B	363
<i>&amp; ſeq.</i>		<i>Angelorum in homines officia.</i> B	366.
<i>Æternarum poenarum immenſitas damnatos adigit ad deſperationem.</i> B	170		367.
<i>Æternitatis tormentum, aliud fames &amp; ſi-</i>			



R E R V M P R Æ C I P V A R V M.

367. 368. 369. A & B  
 Angelorum in ipsum Christum officia varia.  
 A & B. 370. & 371  
 Angelus & homo inter se collati. A. & B. 372.  
 373  
 Angeli avertantur quidquid vitium redolet,  
 sed maxime oderunt in vitijs calorem, fu-  
 mum & foetorem. A. & B. 374. &  
 375  
 Angeli aliquid in nobis summe mirantur. ibid.  
 Aliquid etiam in nobis admodum amant. A  
 376  
 Angelorum virtutes quales & quanta. A. & B  
 377. & seqq.  
 Angeli quo honore & cultu affici possint. B 380  
 Angeli castitatis & integritatis sunt amato-  
 res. A. 381  
 Angelis honorandis quid operis quotidie fieri  
 possit. A. & B. 383  
 Andronici Orientis Imperatoris ab Isaacio An-  
 gelo in bello victi inaudita & incredibilis  
 patientia. A. 133  
 Anima & corpus fratres sunt, sed valde dispa-  
 res. B. 200  
 Antiochi regis lecto affixi foetor inauditus &  
 insupportabilis B. 204  
 S. Antoninus Florentinus Archiepiscopus fe-  
 minas petulantiori habitu incedentes non tu-  
 lit. A. 599  
 Animam quid esse contenderint olim antiqui  
 philosophi. B. 563  
 Animi cultus preferendus omnibus rebus. A  
 564  
 Anima nobilitas quanta sit nobis serio cogitan-  
 dum. A. 571  
 Animus plerumque vacuus iacet si marsupia  
 cista &c. rerum omnium referta non sint. A  
 & B. 734  
 Aniti heretici in Hispania. A. 125  
 Annuntiariuncula de divina & humana volun-  
 tatis conformatione. B. 347  
 Apostoli & alij sancti viri laborarunt ut Chri-  
 stiani quoad cultum corporis modeste se con-  
 tinerent. A. 607  
 Appelles canem qualiter pinxerit. A. 727  
 Aquila cervum praelio aggressura quid fa-  
 ciat. A. 5  
 Artis bene moriendi compendiosa traditio. A  
 65  
 Aranearum architectura quales. B. 264

Arsenius postquam annis quinquaginta quin-  
 que ingiter servisset Deo, mortem tamen  
 timuit. B. 76  
 Asbestor Arcadiae lapis ubi flammam semel  
 concepit, & continuus penè ignibus ardet. A  
 113  
 Astorum gens qualis B. 840  
 Attendendum sibi. A. & B. 894. &  
 seqq.  
 Augustus Caesar habitum vestitumque pristi-  
 num reducere studuit. B. 608

B.

**B** Altazar Chaldaorum rex dextram in  
 pariete scribentem vidit & exhorruit.  
 B. 232  
 Barlaam eremita. A. 13  
 Beati illi qui in Domino moriuntur. B. 82  
 Beati omnium sensuum beatitudinem sunt per-  
 cepturi. B. 199  
 Beata Virgo Maria nullius preces asperna-  
 tur. B. 537  
 Beati in caelo copiosius latantur de executione  
 Voluntatis divina quam de magnitudine sua  
 gloria. B. 651  
 Bernardinus impudicorum verborum osor. A  
 409  
 S. Benedicti contra demonem lucta. B. 421  
 Eiusdem inter spinarum scorpiones iacentis  
 constantia. B. 422  
 Benedictus XI. summus pontifex creatus non  
 erubuit sua paupertatis rudimenta. B. 589  
 Bona vite clausula quanti sit è Seneca. B. 2  
 Bonifacij Romani civis poenitentia & marty-  
 rium. A. 228  
 Brocardus de locis Palestina rem miram nar-  
 rat. A. 677

C

**C** Alanus sophista Indus, mortis contem-  
 ptor eximius. B. 33  
 Caligula Rom. Imperatoris severitas in furis  
 puniendis. B. 402  
 Cambysis regis exercitus fame opprimitur. A  
 199  
 Canes suos etiam habet infernus. A. 219  
 Carolus V. Imperator diu ante mortem reli-  
 gis curis secularibus in Hispania S. Iusti  
 mona-



# INDEX

monasterio se abdit. B	17	tri candidum linteam mittit suo sanguine infectum. A	41
Idem sarcophagum sibi construi iussit cum funebri supellectile. ibid.		Chrysostomi de cultu corporis disertum monitum. B	583
Idem legatum quale reliquerit filio suo Philippo II. A	84	Clades & calamitates à Deo immittuntur. B	695
Eiusdem leges lata circa vestium abusum. B	586	Conciones frequentare etiam doctissimi quique lubenter debent. A	299
In cultu vestium valde moderatus fuit. A	590	Concionibus sacris libenter non interesse quam turpe sit. A. & B	297
Caroli regis Sicilia ante mortem dicta. B	84	Confessionem quantum licuit creberrimè iterarunt plurimi sanctorum. B	442
Carolus IV imperator clericum reprehendit quod pileo auro gemmisque nitente uteretur. B	595	Conscientia crebriori confessione purganda cur sit. A. & B	441
Caroli Borromei abstinencia. A	449	Conspicilia duplicis generis. A. & B	183
Carolus Spinola Societatis Iesu vivus in Laponia comburitur. A	205	Conscientia delictorum maxima est anime tribulatio. B	213
Eiusdem carcer qualis. ibid.		Contritionis actus qualis esse debeat. A	332
Carcer damnatorum quomodo ante oculos animique proponendus. A	221	Conradi Hildemensis episcopi stupenda visio. B	217
Carcer apud Persas lethe dictus. B	154	Corporis locus sepulchrum. A 166. & B.	565
Caro nostra lentis rigoribus frangenda est, & quandoque flagellis preferenda sunt cilicia, idque exemplo plurimorum sanctorum. A. & B	433	Corpus nimium iuris sibi tribuit in animam. A	563.
Caro capitalissimus nobis hostis est. A. & B.	434	Corpus castigandum, & in servitutem redigendum. A	568
Cari imperatoris admiranda frugalitas. A	588.	Corpus est ornatus quo minus ornatur. A	569
Carnis vitium vitiorum omnium compendium est. A	480	Corporis & animi ligatio qualis futura sit in die iudicii. A. & B	570
Castitas ardentissimis precibus à Deo postulanda est. B	436	Corpori ornatus non plus dandus quam quantum anime prodesse possit. B	582
Catharina Senensis conclave. B	694	Corvus crocittans aternitatem aliquousque representat. B	112
Caunus Carie oppidum pestilente caelo & iniquo incolis. A	30	Cor rectum & pravum quomodo differant. B	624
Cerberum canem ad ingressum Balnei avernalis prisci affingebant. A	219	Cordis rectitudo commendanda. A	693
Caelitum cultus contra varios asseritur. B	534	Crastinandum numquam. A	90
Caelitum precipue quinam colendi. A	537	Credere se non videri accerrimus ad omne flagitium perpetrandum est stimulus. A	458
Caelites quamvis potissimum ratione colendi. B	541.	Crocodili industria. & astutia. B	566
Calitum nomina in menstrua scheda expressa quid indicare velint. A	546	Cultus cui potissimum debeatur animo an corpori. A	562
Christi inter olivas lectulus. A. & B	42	Cultus corporis nimius, non solum peccatum est, sed etiam multorum malorum causa, vel effectus. A. & B	597
Christus exemplar absolutissimum patientia. A	50	Cultus corporis exterior animi neglecti penè indicium esse solet. A	595
Christus Sancta Gertrudi visibilem se prabet. A	683.	Cultus corporis non alium respicit finem quam vanam gloriam. B	600
Christi vestis qualis fuerit. B	592	Cypressus perpetui viroris arbor. B	302
Choreas ducere an sit licitum. A	447		
Chlotildis regina Francorum Childeberto fra-			



R E R V M P R A E C I P V A R V M.

D.

**D**amnatos cruciabit id quod beatos omnes  
oblectabit. A 194  
Damnatorum fletus animo versare cogitatio  
est saluberrima. A. & B 196  
Damnati cernunt beatorum, quos contempe-  
runt, gloriam. B 214  
Damnatorum querela quales in inferno. A. &  
B 284  
Danielis Archiepiscopi Moguntini pia moni-  
ta. A 7  
Eiusdem abstinencia. B 448  
Davidis in Deum fiducia urbe Siceleg ab ho-  
stibus succensa. B 748  
David voluntatem suam cum divina artissimo  
consensu nexu copulavit. B 649  
Darius Persarum rex in exercitu suo alias co-  
piosissimo decem millia Persarum habuit  
quos immortales vocavit. A 121  
Desperatio in morbo maxime cavenda. B 44  
Desperatio damnatis tormento est. B 223.  
& seqq.  
Desperatio sibi omnem malitiae consummatio-  
nem vendicat. A 226  
Detestatio praeceptorum peccatorum praedesti-  
nationis signum est. A 312  
Deum placat duplici ratione qui seipsum con-  
demnat. B 173  
Deum videre immensa voluptatis est oceanus.  
ibid.  
Deus cur pro lapsis Angelis non sit factus an-  
gelus. B 353  
Dei exacta iustitia in puniendis peccatis. A 256  
Deus nobis est omnia. B 292  
Dei praesentia in omni loco assidue cogitata in-  
continentiae antidotum est efficacissimum. A  
457  
Dei oculus omnia etiam abditissima videt. A  
457  
Dei nutu imperioque fit quidquid in orbe fit,  
secluso peccato. 621  
Deus est auctor poenae qua in peccato est, sed  
nequaquam culpe. A 621  
Dei iudicia occulta circa Nabuchodonosorem  
& Pharaonem, circa Davidem & Saulem.  
628. & seqq.  
Deo agende sunt in omnibus eventibus gratiae.  
B 632

Deus ludimagistro comparatur. B 729  
Deo qui non fidit in his caducis, quanto minus  
fidet in alijs aternitatem spectantibus. B  
730.  
Deus qua ad vitam sunt necessaria omnibus  
providet. B 731  
Dei favore non hominum est innitendum. B  
746  
Deus cur permittat peccata B 625  
Deus cur permittat homines maleficis artibus  
devinci & necari. B 751  
Deus cur innumeros hominum milliones aeterna  
mortis damnavit ob esum unius pomi. A 845  
Democles egregia forma iuvenis Demetrii regis  
vim impudicam eludens in bulliens abenum  
insiluit. A 259  
Dies vitae pauci & plerumque mali. B 12  
Diana cur virgo fingatur. A 450  
Dilectio inimicorum alterum praedestinationis  
signum. A & B 305  
Diffidentiam in suis discipulis castigavit Chri-  
stus. A 744  
Diogenes Cynicus à Platone reprehenditur. A  
804  
Dormire simul & precari an aliquis possit. B  
850

E.

**E**ditha Edgari Anglorum regis filia cor-  
pus repertum integrum exceptis mani-  
bus & pedibus, quibus olim puellari levita-  
te abusa fuerat. A 456  
Edere & bibere, qua ratione quis possit ad Dei  
gloriam. A 789  
Eleemosyna benigno affectu data alteram est  
praedestinationis signum. A 300  
Eleemosyna per tabaci fruticem representata.  
ibid.  
Eleemosyna scelerum medicina. B 300  
Eleemosyna qualiter & quem ob finem facien-  
da. B 301  
Eleemosynam benigno affectu danti quale pra-  
mium promissum. A 302  
Elzearius comes Ariani quas leges in aula sua  
condiderit. A 410  
Elzearius comes ea in Deum fiducia pellebat, ut  
periculis omnibus esset excelsior. A. & B. 721  
S. Elyzabetha regina, plerumque trita & pan-  
niculis sarta veste induebatur. B 596  
\* 3  
Elyz



# INDEX

<i>Elia Thesbitis cum Baalis sacerdotibus contentio.</i> B	672	<i>Examen conscientie religiosis commendatur.</i> B	526
<i>Eliam Thesbitem cur Deus à corvis cibos voluerit accipere.</i> A	690	<i>Idem sodalibus Beata Maria Virginis.</i> A	528
<i>Elephas è musca quomodo fiat.</i> B	852	<i>Idem alijs quibuscunque.</i> B	529
<i>S. Emmeranus Ratisponensis praesul de turpissimo facinore falso delatus est.</i> A	685	<i>Eximius nullus neque venustus cum est moriendum.</i> A	610
<i>Encomia nostra sine aurium vulnere audimus.</i> B	841	<i>Exechielis propheta visio.</i> A	832
<i>Epicteti dictum egregium contra invide morientes.</i> B	82		
<i>Epitaphia novem clarorum virorum.</i> A. & B	72. 73.		
<i>Epitaphium pernobilis adolescentis morte repentina surrepti.</i> B	165		
<i>Ephrem Eremita votum.</i> A	404		
<i>Epicteti supellex qualis fuerit.</i> A	647		
<i>Epictetus presbyter &amp; Aetion religiosissimam vitam agentes in Oriente à Latroniano Almiridensium Duce comprehenduntur.</i> A	671		
<i>Erminigildus Hispania regis filius religionis verè tenacissimus.</i> A	192		
<i>Erodius astutissima avis, ad aquas raptu vivit.</i> B	830		
<i>Eunuchus Candacis Aethiopum regina commendatur ab industria sacra lectionis.</i> A	428		
<i>Encharistia quales in se contineat thesauros.</i> A	290		
<i>Eudoxia Theophili Imperat. coniux ob unum plurimum commendanda.</i> A	754		
<i>Europa regis Agenoris filia Iovis in taurum mutata sit praeda.</i> B	567		
<i>Europam, animam Dei sponsam interpretatur Augustinus.</i> ibid.			
<i>Eustachius cum uxore ac liberis in candentem aneum Bovem inclusi dirissime cruciantur.</i> B	211		
<i>Exempla varia eorum qui etiam stantes mortui sunt.</i> A	68		
<i>Exempla eorum qui sibi sepulchrum elegerunt, &amp; seipos quodammodo sepelierunt.</i> A. B	69		
<i>Examinanda conscientia quot &amp; quae sint partes.</i> B	506. & seq.		
<i>Examini conscientia obijci quae solita.</i> A	513. & seq.		
<i>Examinare conscientiam quàm sit utile.</i> A	495		
<i>Quàm necessarium.</i> A	499		
<i>Examinandi conscientiam modus assignatus.</i> B	501. & seq.		
		<i>F.</i>	
		<b>F</b> <i>Abulis inest non raro sua sapientia.</i> A. B	562
		<i>Falconis avis natura.</i> A	188
		<i>Fama &amp; nominis tactura plerumque ex luxu vestium.</i> B	604
		<i>Factor infernalis intolerabilis ex scriptura.</i> B	202
		<i>Factoris inferni cause quales.</i> A. & B	203
		<i>Felicitas quo pacto obtinenda.</i>	263
		<i>Feminarum comptus res infinita observationis est.</i> A	611
		<i>Femina fuerunt quae crocodili excrementis faciem polirent.</i> B	585
		<i>Femina plus ceteris corporis cultui dedita sunt &amp; indulgent.</i> A	586
		<i>Ferdinandus magnus Castella rex mortem obijt memoratu dignissimam.</i> B	84
		<i>Ferdinandus primus Imperator mirè olim delectatus horologijs affabre factis.</i> A	465
		<i>Fiducia in Deum habenda.</i> B	26
		<i>Fides resurrectionis nobis maximè necessaria est.</i> A. & B	86
		<i>Fiducia neminem fallit, aut pudore afficit.</i>	
		<i>Fiducia remuneratio altera est maxima vitae tranquillitas.</i> A	723. dein
		<i>Robur in adversis.</i> B	ibid.
		<i>Immunitas à plurimis vitijs.</i> A	724
		<i>Omnipotentes per eam effimur.</i> B	ibid.
		<i>Fidere sibi ipsi sapientis periculosum est.</i> B	744
		<i>Vnde grande malum est sui confidentia.</i> A.	745
		<i>Fidendum non tantum sibi ipsi, sed nec alteri facile.</i> B	ibid.
		<i>Fiduciam in Deum habenti quid promittatur.</i> A. & B	707
		<i>Fiduciam habendam esse in Deum Christus sepius inculcavit.</i> A	709
		<i>Fiducia quid sit, &amp; qualiter à spe differat.</i> B	710
		<i>Fiducia Iosaphati regis in Deum cum pugnare debet.</i>	



deberet adversus Moabitas &amp; Ammonitas.

- A  
Fiducia in Deum quàm sit necessaria in oratione. B 711  
Fiduciam habendam in adversis docet Cyprianus. B 713  
Fiducia in Deum elucet quàm maximè in periculis. B 714  
Fiducia in Deum quomodo in adversis erigenda. B 715 & seq.  
Fiducia Abraham quanta fuerit. A 718  
Quanta Ezechia regis. ibid.  
& aliorum SS Patrum. A & B. 719  
Fortuna & infortunium neminem ladunt nisi volentem. A & B 639  
Fons est in Idumea qui ter in anno mutat colorem. A 612  
Fortuna prisca bicolor fuit. A 648  
Franciscus Borgia ardentissima febre correptus didicit nihil in rebus humanis esse stabile. B 269  
Assiduus conscientia sua scrutator fuit. A 498  
Calitum cultor eximius fuit. A 546  
Cum coniuge Leonora mira concordia duodeviginti annos exegit. B 649  
Franciscus Xaverius Iaponum apostolus quanta pro Deo ausus fuerit aggredi pericula. A 659  
Fulgentij Ruspensis pontificis ante mortem præcationes. B 55

## G.

- G**eorgio Clarentia Duci à fratre Eduardo IV. Anglia rege ob suspicionem affectati regni datur optio mortis. A 81  
Gehenna ignis cur aterna, & an illa divina bonitati non repugnet. A & B 115  
Genas fucare & oculos delinire quàm turpe sit. A 580  
Gedeonis milites pugnaturi adversus Madianitas. lava lagenam, dextra buccinas tenere. B 805  
Gloria mundi ab homine repudianda. A. 839  
Gruæ nocturnis temporibus excubias habentes quid faciant. A 5  
Gracia viris illustribus non caruit qui cultum in animo non in corpore posuerunt. A & B 588  
Gulielmi III. Bavaria Ducis somnium. B 22  
Gula omnibus vitijs patrocinator imperij cum sit amplissimi. B 198

- H**emerocallis flos cuius vita & pulchritudo diaria est. A 3  
Hemerobios volucris. ibid.  
Henricus II. Galliarum rex in equestri certamine parisiis interficitur. B 10  
Heliotropium herba seu flos, abeuntem solem semper intuetur. A 98  
Herodes Agrippa Iacobum Zebedei filium occidit iuber. B 833  
Hesebon urbs regia eaque nobilissima. B 784  
Hippolytus Quartionius medicus illustris. A 414  
Hominem nudum in nudam humum natalis dies abijcit. A 5  
Homo quid sit ex Seneca & sacris scriptoribus. A 6  
Homo folijs simillimus. B 30  
Homini moribundi consideratio. B 67  
Homini & aranea labores non ab similes. 131  
Homo non è facie vel veste iudicandus. B 591  
Homines morti vicini plerumque sapientiores efficiuntur. B 83  
Homines in rebus fluxis curandis attenti & assidui, inertes & stupidi cum pro cælo laborandum est. A & B 217  
Homo dicendus beatus si à Deo corripiatur. A 296  
Hominesne tot futuri sint in cælo, quot angeli. A 354  
Homo iustus in adversis aquè ac prosperis hilarum vultum præ se ferre debet. A 665, 666  
Hominum eventus in divina providentia horologio ad amissim & ad numerum exactissime descripti sunt. A 750  
Homini pulchritudinem præcipuam posuerunt veteres in oculis. B 883  
Homo sincera intentionis, immutabilis & inconcussus manet. A 885  
Honorem omnem spernere qui potest magnanimus est. A & B 804  
Hostis nullus maior homini quàm corpus. B. 366  
Humilitas & vilis sui æstimatio prædestinatio nis est aliquod signum. B 302

## I.

- I**acopi viri sanctitate præditi versiculi de mundi vanitate. A 67  
Eiusdem de consideratione sepulchri facietur secta religio.



# INDEX

religiosum dictum & documentum. B.	70	Intentio alia est actualis, alia virtualis. A.	789
Iacobus Alphaei ab abstinentia & assiduitate orandi commendatur. A.	593	Intentio nostra sapius in die renovanda. B.	789
Iabel Sisaram bello iam fractum domi sua decumbentem interficit. A.	431	Intentionis primus gradus est rerum conditarum obliuio. A.	696
Iacobonus de S. Francisci familia eleganter quinque hominis sensus exteriores describit. A.	456	Secundus obliuio suspensus. B.	ibid.
Iaponum carceres ob factorem intolerabiles. B.	204	Tertius ita seruire Deo quod sibi sic seruiendi placeat Deus. B.	ibid.
Ieiunia & abstinentia exercitia alterum sunt incontinentia antidotum. A. & B.	445	Intentio recta quoties renovanda sit. B.	851
Ignoscere nobilissimum vindicta genus. A.	306	Intentio sincera tener est fructus. B.	797
Ignis suppliciorum omnium gravissimum. B.	208	Intentionem nostram diabolus semper vitare conatur, aut saltem terrere. B.	798
Ignis infernalis & noster qualiter differant. A.	209. & 210. A.	Intentio mala venenum potens. B.	799
Ignis igni remedio est. B.	212	Intentionis recta bonum opus conterit. B.	ibid.
Ignatij Loyola conversio qualiter contigerit. B.	727	Intentionis recta emolumentum. B.	852
Infernus mire capax. B.	113. & 219	Intentio mala videri non vult mala. A.	808
Incontinentia & libidinis invitamenta quanam sint. B.	395	Intentio bona & mala qualiter differant. B.	809
Incontinentia animam necat, & ingenium impedit. A.	416	Intentio indifferens qualis sit. B.	816
Eadem famam inquinat, virtutesque omnes extirpat. A.	417	Intentio recta a demone quam maxime impugnatur. B.	828
Incontinentia effectus quales. B.	412	In intentione qui errat, errat in omnibus. B.	854.
Incontinentia pharmacum lectio sacra. A.	427	Intentio quando purior & impurior. B.	855
Incontinentia antidotum corporis afflictio. A.	431	Intentio plerumque sola aut premio aut supplicio afficitur. A. & B.	856
Incontinentia antidotum alterum sollicita sensuum exteriorum custodia. B.	452	Intentionis dirigende praxis primo ad auspiciu diei. A. & B.	868
Item preces & orandi studium. A.	436	Et ad singulas horas. B.	ibid.
Indorum superstitio cadaveribus exornandis. B.	584	Intentiones quales prefixerit singulis horis canonicis sacerdos quidam. B.	869
Inconstantia in animi & calitum cultu exemplo inaudito arguitur. B.	555	Intentio qualis requiratur ad quaslibet actiones. B.	870
Intentio recta oculus est rectus. B.	775	Intentio qualis ad labores etiam recte tolerandos. B.	872
Intentio nostra quotupliciter ad Deum dirigi possit. B.	777	Qualis ante status mutationem. A. & B.	873
Intentio rectissima qualis sit. B.	ibid.	Intentionis recta signa quae sint. A.	876
Intentio nostra si recta sit, recta erunt & actiones ex ea procedentes. A.	781	Intentio actionem etiam excellentissimam viuat. B.	884
Intentionis oculus non est in rem quamcumque creatam defigendus. A.	785	Intentionis alter hostis est appetitus humanae laudis. A.	886
Intentione recta opus est ei, qui vanam gloriam vult effugere. B.	786	Intentione recta ad Deum sese semper attollere, calum est extra calum. B.	886
Intentio mala semper caducum vanumque quid spectat. A.	788	Intentionis recta exercitium religiosi commendatur. B.	886. & aulicis. 888
		cuiusvis denique ordinis hominibus. B.	890
		Ioannes Godefridus Bambergensis & Herbipolensis praesul aternitatis assidue memor. B.	229.
		Ioannis Alexandrini pontificis lepidum factum dum agros inviseret. A.	III
			Ioannes



# RERVM PRÆCIPVARVM.

*Ioannes Thebaus Ammoni seni & agro servij  
mirabili & patientia & sedulitate. B. 378*  
*Ioannes Carrera castissimus iuvenis Angelo tu-  
telari perquam familiaris. B. 381*  
*Ioannis Godefridi Bambergensis & VVurzburg-  
gensis episcopi castitas eximia. B. 434*  
*Ionas propheta super hedera latatur. A. 746*  
*Ionas nobile fuit paradigma hominis recusantis  
divina voluntati suam subiungere. A. & B. 697*  
*Iosaphat Abenneri regis filius adversus libidi-  
nem eximie decertavit. B. 428*  
*Eiusdem vacillatio. A. & B. 439*  
*Ioseph Egypti prrex qualiter ad salem gra-  
dum pervenerit. A. & B. 736*  
*Iosephus Anchieta. A. & B. 674*  
*Iudicia Dei alia quam hominum. A. 167*  
*Iudicia Dei nulli hominum scrutanda. B. 648*  
*Iudicare hominem aut damnare sceleris est  
aperti. A. 858*  
*Iudicanti hominem temerarie, quid eveniat. B. 865*  
*Iudicare nosmetipsos monet Apostolus. A. & B. 867*  
*Iuo è S. Dominici familia à sancto Ludovico  
Galliarum rege ad Damasci Sultanum mis-  
situr. A. & B. 813*

## L.

**L**abor nullus molestior quam labor irritus.  
A. 820  
*Labor & amor exercitij incontinentia sunt an-  
tidotum. B. 449*  
*Lachares Atheniensis philosophus. B. 192*  
*Lachryma initium vita nostra. B. 6*  
*Lachrymas solatur Deus. A. 7*  
*Lachryma dum vivimus lavant, post mortem  
cruciant. A. 197*  
*Lachryma nostra angelorum sunt delitia. A. 193*  
*Lachrymas damnatorum Christus in concio-  
nibus sapius ingessit. B. 198*  
*Lachryma eternitati sacra. 472*  
*Lacon voto se obstringit è rupe Leucade preci-  
pitum se dare. B. 257*  
*Lacedæmoniorum respublica quare olim adeo  
floruerit. B. 223*  
*Laconum severa lex circa vestium abusum. B. 199*

*Lex temperantia qualis esse debeat. B. 333*  
*Lex mansuetudinis. A. 342*  
*Lectori pio cavenda in legendo celeritas. B. 429*  
*Cavenda quoque varietas. A. 430*  
*sed & vanitas. ibid.*  
*Libri quinam legendi in morbo. B. 37*  
*Litania egrotis moribundis accommodata. A. & B. 61*  
*Libri qui potissimum perlegendi. B. 399. & 429*  
*Libros calamo minus verecundo aliquando ex-  
aratos plurimi deplorarunt. A. & B. 400*  
*Liberorum educatio quam sit laboriosa. B. 689*  
*Libidinis impetum qualiter vir religiosus in  
eremo scythica repressit. B. 203*  
*Libido & incontinentia vitia sunt insatiabi-  
lia. A. 476*  
*Immedicabilia. B. ibid.*  
*Communissima. A. 477*  
*Invisissima. ibid.*  
*Fugacissima. A. 478*  
*Damnissima. ibid.*  
*Fallacissima denique & turpissima. A. & B. 479*  
*Libri impuri & obsceni aliud incontinentia  
sunt incitamentum. B. 398*  
*Locus & societas sunt eternitatis luctuosissi-  
ma supplicium. B. 218*  
*Longavitas unde potissimum oriatur. B. 414*  
*Lumen rationis non tantum à bestiis nos se-  
cernit, sed etiam Deo iubet esse similes. A. 283*  
*Lucia religiosissima virgo oculos sibi eruit. A. 406*  
*Luxuria currus quatuor habet rotas. B. 446*  
*Luxus quantum olim vel in calceis Priscorum  
fuerit. A. 373*  
*Lyduyna Schiedamensis virgo sancta A. 38 & B. 236*  
*Eadem exacte semper voluntatem suam di-  
vina conformavit. B. 706*  
*Lysimachus eo siti redactus fuit, ut seipsum  
cum toto exercitu in potestatem hostium de-  
derit. B. 259*



# I N D E X

## M

<b>M</b> Ala non sunt facienda ut eveniant bona.	A. & B.	794
Malorum genera duo sunt. A.		625
Malum grande vicinus malus. B.		218
Manus sinistra scire non debet quid faciat dextra. B.		806
Marci Arethuseorum episcopi martyrium & patientia. B.		220
B. V. Maria assidue intenta fuit lectioni sacra. B.		430
Maria Ludovici Pij Galliarum regis filia Campania Comitissa luxum vestium assidue coluit. B.		613
Marius Imperator è cultivarij officina pervenit ad diadema. B.		690
Martyrum varia & atrocia supplicia. B.		240
Maximiliani I. Imperatoris testamentum. A.		17
Meditatiuncula de angelis. A. & B.		355
Memoria mortis pharmacum potentissimum adversus omnia peccata. A. & B.		2
Memoria mortis variè refricata etiam à viris illustribus. A. & B.		14. & 15
Memoria mortis sæpius renovanda. B.		16
Mezentius rex Tyrrenus plurimos foetore iugulat. B.		204
Michael Angelus pictor celeberrimus Italij II. pontificis.		560
Milvus natura rapacissimus & famelicus. B.		6
Mithridatis antidotum quale fuerit adversus quodcunque venenum. A.		420
S. Monegundis ob initam sanctitatem illustris. A.		737
Morbus mortis est nuncius. B.		31
Morbum tria sequuntur incommoda. B.		35
Morbus virtutum schola. A.		36
Vitiorum quoque macellum dicitur. ibid.		36
Morbus corporis animi salus. B.		36
Morbus quamvis deterrimus optabile tamen subinde malum est. A. & B.		37
Moribundo quid singulariter observandum. B.		92
Moribundo quid faciendum è Blofio. ibid.		92
Moribundum refrigerantia ex scriptura. A. & B.		93
Moribundi ad Deum suspiria & preces. A. & B.		94

Moribundi vera in Deum fiducia.		95
Moribundi cereus qualis.		96
Moribundi verba ultima qualia esse debeant. A. & B.		96
Moribundus alterum in Golgotha latronem imitari debet. B.		97
Morientium extrema monita. B.		83
Morientium suprema salutatio. B.		23
Mori est omnium miseriarum officinam claudere. A.		75
Moriendum ante mortem. B.		68
Mori semel præstat quàm ad mortem sapius accedere. B.		81
Mori metuunt qui vivere nesciunt. B.		35
Mors ubique est. B.		8
Mors inexorabilis. A.		9
Mors certissima, incertissima tamen hora. B.		9. & 165.
Mors infinitos habet aditus, quibus in ades nostras irrumpat, quod varia testantur exempla. A. & B.		10. & 11
Mortis necessitas quanta. A. & B.		14
Mortem cur non timeamus quotidiana spectantes funera. B.		22
Mortis varia genera. B.		24
Mors cur horribilis nobis videatur.		24
Mortem timeant qui non provident. A.		35
Mors bona maximus supremi regis favor est. A.		74
Mors quare optanda, & qua causa ad moriendum nos inducere possint. A. & B.		74. 75
Mortem viri sancti desiderarunt, sed tamen formidarunt. A.		76
Mors mala vitam malam sequitur, & è contra. A.		77
Mors bona vitam bonam sequitur. ibid.		77
Mortis presagia habent subinde viri principes. A. & B.		80
Moriturus fide, spe, & charitate armare se debet. B.		91
Mors appetenda potius quàm peccatum mortale committendum. B.		258
Moriuntur multis, sed non sine querela. B.		686
Mosis virga miraculorum & prodigiorum multorum operatrix. A. & B.		775
Mundum universum adeptum esse nil iuvat si quis seipsum perdat. A.		246

## N

Nas Ammonites quale sædus inire desideravit cum viris Labes Galaad, tale Lu-		
--	--	--



R E R V M P R Æ C I P V A R V M.

cifer nobiscum desiderat. B 787  
 Natura meliorne homini mater, an tristior  
 nouerca fuerit? A 5  
 Niceta adolescentis Ægyptij facinus illustri-  
 mum. B 393. & 394  
 Niceta pugna aduersus libidinem metro descri-  
 bitur. B 424  
 Nichanetus Prator Malacensis in India egre-  
 gius mortis contemptor. B 33  
 Noë de infinita Dei providentia instrui debuit.  
 B 752

O.

Oculi primi vincuntur. B 422  
 Oculos hominū magis observamus quam  
 Dei. B 463  
 Oculi vagi & curiosi libidinis sunt incitamen-  
 ta. B 402  
 Oceani fluxus & refluxus Philosophorum inge-  
 nia fatigavit; quando magis iudicia Dei fa-  
 tigabunt. B 631  
 Odoribus artificialibus delectari indecorum est.  
 A 454  
 Olfactu peccant qui sua peregrinis odoribus  
 imbuunt. A 207  
 Olympus mons admiranda altitudinis 682  
 Omnia mundi pretiosa umbra sunt si cum ater-  
 nitate comparentur. A 245  
 Opera nostra nullius sunt valoris si sincera in-  
 tentione non vestiantur. A 776  
 Opera indifferentia bona intentio efficit vite  
 aterna meritoria. A 884  
 Opus quoddam Deo gratissimum. B. 851. &  
 883  
 Opus bonum bona intentione omitti qualiter  
 possit. A 855  
 Oratio pro felici exitu ex hac vita. B 28  
 Oratio pro obtinendo SS. Eucharistia viati-  
 co in extremis. ibidem.  
 Orandum semper in morbo. A 38  
 Orationes agrotis moribundis inculcanda. A.  
 & B. 59. & 98.  
 Oratio pro timore Dei obtinendo. B 168. &  
 175  
 Oratio pro retinenda memoria aternitatis. A  
 172  
 Orationes varia pro venia peccatorum obtinen-  
 da. 332. & seq.  
 Oratio potens est aduersus tentationes, precipue

carnis telum. B 437  
 Origenes ausus est docere damnatos & damo-  
 nes gratia tandem aliquando restituendos. A  
 125.  
 Ornatus quicumque in vestibus non est accusan-  
 dus. B 595  
 Otium & reges simul & beatas perdidit ur-  
 bes. B 396

P.

Pachomius Fabennensis Abbas. B 371  
 Pallas & pietas pro excolendo animo sunt  
 nutrices. B 564  
 Parisius vir litteratus dum inferia eius canun-  
 tur in templo de ferebro assurgit. B 212  
 Paschasius Diaconus Anachoreta quid potissi-  
 mum contemplatione expenderit. B 211  
 Patientia dolores omnes frangit. A 47  
 Patientie specimen insigne fuit paralyticus ille  
 iuxta probaticam piscinam. A 48  
 Patientia mira in morbo Philippi II. Hispa-  
 niarum regis. B 49  
 Patientia nulla si desit constantia. A 58  
 Pauli eremita vestis. 393  
 Paupertas multos fecit cali mercatores. A 292  
 Peccato summum bonum laditur. B 247  
 Peccatum mortale hominem gratia divina spo-  
 liat. A 252  
 Peccatum causa unica omnium miseriarum. B  
 253  
 Peccatum hominem in omnes aternitates per-  
 dit. B. 256  
 Peccatum unicum mortale cur aternam penam  
 mereatur. 260  
 Peccatorum venia post exitum vita nullatenus  
 speranda est. B. 261  
 Peccati mortalis malitia infinita est. A. B 262  
 Peccatorum crebra confessio aliud incontinentia  
 antidotum. B 440  
 Phalangium animal tactu venenatissimum. B  
 479  
 Phengites miri nitore lapis. B 461  
 Pictura inhonesta alterum libidinis invita-  
 mentum. B 400  
 Pictores laudatissimi fuere qui casto penicilla  
 vsi sunt. A 401  
 Pigritia omnino detestanda est. A 451  
 Pigmenta que ad speculum preliniuntur vul-  
 tui dampnanda. B 579



# INDEX

Philemonis Poeta mors inopina, sed formosa. A

25.

Philippus Macedo per Ephebum quovis maner sibi dici iussit: Philippe homo es. A 126

Philippus Neri angelis admodum fuit familiaris. B 560

Piscis est in Boreali oceano iuxta Moscoviam, cui nomen mors est. A 9

Phocion Atheniensium illustrissimus quo genere vestis usus sit. A 589

Phocylides primus omnium fertur mortales docuisse quotidie seipsum ad conscientia tribunal citare. B 493

Polycarpus Smyrnenus praesul divinam circa se providentiam expertus est non semel. B 753

Poenitentia vera non est, qua non est stabilis. A 313.

Poenitentiam procrastinare nullus debet. B 335

Predestinati pauci. A. & B 320

Prisci Persae ad panem nil nisi nasturcium adhibere soliti sunt, & varia tamen tunc virtute floruerunt. B 448

Prodigi adolescentis frater acerbè tulit decorem patrimonij tam lautè excipere a patre. A 676

Providentia quid sit ex Boethio. A 726

Providentia divina qui non acquiescit tranquillo animo esse non potest. B 728

Providentia Dei mirabilis erga sanctos suos. B 732

Providentia Dei admiranda in Iosepho prorege Aegypti & Charitone. A. & B 736

Providentia Dei omnia gubernantur, & sepe qua putatur poena medicina est. A. & B 738

Providentia divina qualiter proponi possit. B 739

Providentia Dei admirabilis erga Saulem. B 741

Providentia divina est facere bona & mala permittere. B 742

## Q.

Q. Vastio omnium optima qualis. A 132

Quinam plorandi post mortem. A 8

Quotidiana mortis memoria commendatur. B 1

## R.

R. Emigius Rhemensis praesul maximam annonae caritatem previdit. A 696

Robertus primus Molisemensis abbas providentia divina studiosissimè semper se subiecit. B 737

Rodulphi episcopi Eugubini in fratrem severitas ob verbum impudicum prolata. A 410

Romani aternitatem quibus in rebus potissimè collocarint. A. & B 117

Rodolphus I. Austriacus Imperator in vestitus valde moderatus ita ut à Plebeio nihil differret. A. 590

## S.

S. Sacramentorum confessionis & communio- nis usus aliud praedestinationis signum. B 288

Scaphismus supplicium olim horribilissimum. B 41

Salamandra in ignibus viva aliquamdiu durare cur possit. A 113

Salutationes duodecim ad B. V. totidem stellis assimilatae. B 342

Sancta mater ecclesia cur filiorum capitibus initio quadragesimae cineres aspergat. B 4

Sanguinem victimae in lege cur Deus veteris sumi. B 782

Saul rex sanguinem Davidis perpetuis insidijs peti frustra renitente sc. providentia divina. A. & B 735

Saul regum optimus si tam bene sinisset quam coeperat. B 740

Sebastianus Chimura patria Iaponus tres ho- vivus stetit in ardente rogo. B 269

Semiramis olim regij Verna apud Babylonios ancilla aviditas imperandi. B 566

Senecio Cornelius eques Romanus homo sum- ma frugalitatis. A 4

Seneca conscientia sua examen nunquam omi- sit. B 494

S. Severini Colonienus episcopi de eremicola & principum stirpe oriundo narratio. A 831

Sigismundus II. rex Polonia ob perpetuam cun- ctationem ac segnitatem rex crastinus voca- tus. A 22

Simonides interrogatus ab Hierone Siculo quid Deus esset, diem unum huic considerationi petijt. A 107

Sim-



# RE R V M P R A E C I P V A R V M.

*Simulare & dissimulare principibus penè quotidianum est.* B 800

*Smindyrides perditissimus iuuenis in lecto aut mensa perpetuò occupatur.* A 35

*Smindyrides Sybarita à mollitie vita infamis.* B 41

*Societas mala libidinis subinde inuitamentum.* A. 411

*Societas damnatorum qualis.* B 222

*Solatia aduersus mortem.* B 88

*Somnus frater est mortis.* B 79

*Somnus tutus esse non potest ei qui conscientia examen non premisit.* B 495

*Speculo quali, & qualiter uti debeamus.* A. & B. 578

*Spes resurrectionis solatium maximum.* A. 87

*Spes longe vita inanis.* A 4

*Status & miseria hominis recenter nati praeter animantibus.* B 5

*Stephanus flos martyrum merces posuit solos lapides.* A. & B 825

*Stultitia genus est ornamenta virtutum sibi adscribere.* B 836

*Susanna ad perdendam pudicitiam invitata constantia.* A 233

*Superbia virtutum omnium ruina.* B 303

*Suspiria ad Deum pia in omni agrimonia.* A 39

*Suspiria ad calum ex scriptura sacra.* B 88

*Struthio avis symbolum est stultitia.* B 843

*Sybaritarum inuitantium feminas ad conuiuium consuetudo.* A 573

## T.

*Tactus omnium sensuum deterrimus est.* A 455

*Tarquinius pisciculi spina suffocatur.* A 10

*Taurus Phalaridis supplicium olim horrendum & eius origo.* A 187

*Templum Turcicum Moscheam vocant, quae ratione Caijri in Aegypto edificatum sit.* A 16

*Tempus malè peractum quomodo recuperandum.* A 66

*Temporis iactura irreparabilis.* A 342

*Temporis multum amittitur in cultu corporis.* A. 600

*Tenebrae apud inferos duplices.* B 187

*Testamenta novem illustrium & sanctorum virorum.* A. & B 71

*Thais Alexandrina à Paphnutio convertitur.* A 461

*Themistoclis filius gloriatur Atheniensium rempublicam à se gubernari.* B 676

*Theologia Christianorum vitam habere in patientia, mortem verò habere novit in desiderio.* B 286

*Thoma Mori Angliae cancellarij in carcere constituti constantia.* B 171. & A. 229

*Idem de Dei bonitate dissidere nunquam voluit.* B 708

*Eiusdem in vestibus simplicitas & in mensa frugalitas.* A 608

*Thomas Aquinas audire meruit à Christo has voces: Bene scripsisti de me Thoma.* B 727

*Thomas Aquinas eximius castitatis cultor.* A 438

*Trausi, Clausiani, & Geta puerperia luxerunt, funera verò plausu prosecuti sunt.* B 7

*Tribunal Dei omnibus formidandum.* B 166

*Tudertinus pontifex fortunatus vir mira sanctitatis.* B 802

## V.

*Valerianus Imp. Rom. à Sapore Persarum rege capitur & inhumaniter tractatur.* B 220

*Vanitas est nomenclaturas ingantes speciosissimorum titulorum texere.* A 6

*Vanitas quanta sit in ipsis vel collaribus communibus adaptandis.* A. & B 576

*Vana gloria quid sit.* B 842

*Vana gloria vitium est periculosissimum.* B 785

*Velle quod vult Deus nil melius.* A 704

*Verba impudica alterum libidinis inuitamentum.* A 407

*Vermiculus superbia quàm sit efficax.* A 785

*Versiculi ex psalmis Davidici à S. Bernardo selecti, quos ipse pro felici mortis hora dixisse traditur.* A 28

*Vestium hodie novitates innumera.* B 576

*Vestium luxus & nummos dissipat, & rem domesticam frangit.* A 602

*A vestium luxu magnum qui sibi ornamentum credit accedere in stultorum tritemes meritis primum locum obtinet.* B 606

*Vestium varietas & mutabilitas fugienda.* B 613

*Vesuvius mons in Campania horribilis propter flammularum eruptiones.* B 116

*Via ad inferos expeditissima, libido & luxuria.* A 269



# INDEX

Viam ad cœlum plerique aiunt esse trium mil- liarium. B	675	III. Suius diffidentia. A	656
Vigilandum omnibus & orandum. A	26	IV. Fiducia in Deum maxima. B	ibid.
Vindicta ab homine non exigenda. B	308	V. Omnia generoso silentio posse conquiere. B	657
Victoria tentationum predestinationis est si- gnum. A	317	Voluntatem suam divina conformando quan- tum promeruerit Cœnobiarcha quidam. A	663
Victimis cur in lege veteri adhibita sit impos- sio manuum. A	782	Voluntati divina devotus homo qualiter sese offerre debeat ad omnem penuriam. A	684
Vita nostra crescendo decrevit. A	3	ad contemptum & ignominiam. B	ibid.
Vita hominis brevissima. B	3	ad morbum quemcunque. A	685
Vita quid sit. A	18. & 165	ad mortem etiam quamcunque. A	686
Vita comœdia est. B	18	ad omnia denique omnino. A	687
Vita humana typum Barlaamus eremita Iosa- phato regi proponit. A	19	Voluntas propria grande malum. B	691
Vita humana prologus nasci, epilogus mori. B	19	Voluntas propria cesset, & infernus non erit. A	689
Vita brevis quamvis longissima. A	20	Voluntatis humane inconstantia & mobilitas in Iona propheta spectatur. A. & B	698
Vita exigua pars quam nos vivimus. A	21	Voluntas propria etiam sanctissimos in errores pertraxit. A. & B	699
Vita labe maxima procrastinatio. B	21	Voluntatem propriam roborant consuetudo pra- va. A	700
Vitam nemo bene rexit nisi qui contempsit. A	33	longanimitatis defectus. B	ibid.
Vita nostra hospitio similis. B	51	mutabilitas perpetua. B	701
Vita brevis quomodo extendenda. B	66	Voluntatem nostram divina non attemperamus in rebus subinde levissimis. B	702
Vita nostra prefixus terminus certus. B	51	Voluntate hominis sub cœlo nihil liberius. A	703
Vitijs facile fucum invenimus. A	609	Voluntas nostra semper & in omnem eventum prompta esse debet erga Deum. B	703
Vitionis non longa est delectatio, misericordia verò sempiterna. A	307	Voluntatem nostram conformare divina in mor- bo letali nil salubrius. B	704
Voluntatis in bonum propensio alterum est pre- destinationis signum. A	315	Voluntatem nostram ut conformaremus divina Christi precipuum documentum fuit. B	620
Voluntas humana cum divina in omnibus con- sentiens panoplia est omnium virtutum. A	763	Voluntas in Deo duplex. B	637
Voluntas humana tetriorem in orbe pestem nullam invenit seipsa. A. & B	765	Voluntas Dei cooperatur in omni re quam per- mittit. B	626
Voluntas bona, actionis animae est. A	822	Voluntas hominis ut conformet se divina insons esse debet. A. & B	641
Voluntas bona quid sit. B	824	Tolerans. A	ibid.
Voluntas Dei nostra esse debet. A	833	Hilaris. A	642
Voluntas Dei an in terra sicut in cœlo adim- pleri possit. B	650	Longanimis. B	643
Voluntatem Dei qua ratione aliquis exequi possit. A	651	Voluntas nostra instar Heliotropij est. A	643
Voluntati divina qui se devovit nihil invitius aut coactius sed omnia lubens facit. A. & B	652	Voluntas ardens in quo consistat. B	644
Voluntatis humane ad divinam conformata indicia seu signa. A	654	Voluntas omnipotens qualis sit	645
Et quidem I. Omnia cupere ad divina vo- luntatis nutum facere.	ibid.	Voluntas nostra non est statuenda contra divi- nam. A	646
II. Ærummas & calamitates non expave- scere. A	655	Voluntatis divina interpretes quales sint. A. & B	633
		Voluntatem divinam explorare volenti quid facto	



# R E R V M P R Æ C I P V A R V M.


facto opus sit. B 634 VVolfgangi LVIII. Archiepiscopi Moguntini  
 Voluntatem divinam nullus melius explorat abstinentia. B 48  
 qui sincerius ad illam in omnibus se confor- VVolstani episcopi VVigormiensis abstinentia. B  
 mare desiderat. B 635 454  
 Voluntas divina quid precipue exigat à suis cul-  
 toribus ex Cypriano. B 636  
 Voluntatem Dei remunerantem affectu pronissi-  
 mo recipimus, castigantem non ita. A 637  
 Voluntati divina inhaerere vera est in hac vita  
 felicitas. A 640  
 Voluptas fallacissima est glacies. B 195  
 Vilitas & dignitas in cunctis Dei operibus. A 121  
 834

X.

X Enocrates magna dicitur fuisse verecun-  
 dia. 395

Xerxes exercitum suum copiosum supra mo-  
 dum non sine lachrymis perlustrabat. A  
 121

F I N I S.









ÆTERNITATIS  
PRODROMVS  
MORTIS NVNTIVS  
HIEREMIÆ DREXELII.

CAPVT I.

MORTIS MEMORIA PROPOSITVR SANIS.

§. I.

*Lectori lux, & ingressus ad sermonem.*



ORBO & Morti solatia innumeri scripsere. Idem ego facere meditor. Sed tantum abest, vt illi me absteruant, vt etiam prouocent ad scribendum. Aliqui norum scriptorum (cum veniā dixerim) prolixi nimis sunt, & ægrotum aut ægrotaturum infinitis præceptionibus onerant. Alij breuitatis non adeo obliui, sed ordinis, quem nimis concinnum volunt & accuratum, minus offendissent, si sciissent manum amouere de tabula, quod in Protogene Apelles desiderabat. Alij multa præclare disserunt, sed non satis, sic dicam, practice: Theoriam alibi commendamus; hic agere oportet, & pro verbis monstrare facta. Alij ægris aut moribundis, meros pænè terrores,

formidines meras obijciunt, & exanimant etiamnum spirantes. Voti tui, mi Lector, scio esse, ad mortem præparari quàm fieri potest leuissimis impendijs. Voto tuo respondere conabor, & *Breuitè*, *Ordine*, *Hilariter*, ad Mortis ostium te ducam, vt pænè non sentias te duci. *Breuitè* quidem, nam libellum scripturus sum non librum, & libellum manuarium, qui suo domino nunquam non ad manus sit. *Ordine* non stricto illo & exquisito, sed, vt ita dicam, confuso. Ordo viæ est, etiam cum per ambages itur, præsertim si sint amœnæ. *Hilariter*, nec enim religioni ducam, etiam versiculos & epigrammata rei opportuna miscere: stilum iacentem illum & flaccidum subinde temperare expediet erectiore, & hilaritatem non abhorrente. Hæc in antecessum debui præmonere.

*a Plin. lib. 35. c. 10. post init.*

§. II.

*Quotidiana mortis memoria.*

**B**Eatus ille, qui semper & vbique sic viu-  
it, vt vltimam quamque lucem tan-  
quam non redituram consumat, Epictetus sa-  
pientissi-



pientissimè hoc docens: Mors, inquit, & exitium, & omnia quæ in malis habentur, ob oculos tibi quotidie versentur; omnium verò maximè mors. Sic nihil inquam humile cogitabis, nec impensè cupies quicquam. *a*

Miselli homunculi, quid longas spes præcipitis, quid tantam suscipitis rerum molem? cras forsitan futuri fauilla & cinis. Cautos figepedes, ô homo; illa atra ditæ, cuique nostrum super caput quotidie stat, & ultimas Vitalis clepsydre arenulas infopito & peruigili oculo expectat, & tu non expectes illam?

*Ortum quicquid habet, sinem timer;*

*Ibimus omnes,*

*Ibimus; immensis urnam quatit Æacus umbris.*

Neque ætas vlla delinit Mortem. Cum nascimur, subiicimur huic tributo, & Mortis sumus stipendiarij: Imo

*— cum tremuli sese oculi exerunt*

*Præuamque auidi percipiunt diem.*

Tunc sanè incipimus mori. Eadem mors reginè imminet, quæ ancillæ. Itaque, omnem crede diem tibi diluxisse supremum *b*. Dico omni vespere: Hodie sto ad ostium Æternitatis.

*a Epictet. Enchir. c. 28. b Horat. l. 1. epist. 4.*

### § III.

*Memoria mortis, potens in omnia peccata phar-  
macum.*

**O**Mnem sensum voluptatis excutit seria mortis recordatio, & in absinthium mella vertit. Chrysostomus id asserens: Mortis futuræ expectatio, inquit, haudquaquam finit, ut quas in manibus habent voluptates, seu delicias sentiât *a*. Et verò quid non potest, non extremis digitis, ac quasi per capillum, sed toto mors corpore cogitata? Nulli hæc ætati parcat, nulli dignitati. Hic decedit iuuenis, infans alter, senex alius. Ille ferro, veneno alius aut lapsu, lento alius stolidio, celeri alius, & tanquam valido imbre aut fluctibus oppressus, aut fulmine tactus iacet. Inter tam dubia, tam varia, tam subita, quæ securitas? aut quis peccandi animus inter tam incerta? Quid? quod quotidie morimur. Clepsydram cogita, siue veterem aqueam, siue recentiore arenariam: nonne per stillicidia & arenas pars superior euacuatur, im-

pletur inferior? Idem de vitâ cogita, delabitur momentis singulis aliquid, & euacuatur præsens vita, ac aliò diffuit. Nihil hic tutum, non hora horæ, non momentum momento, Beatus, cui omnis dies postremus; beatior, cui omnis hora; beatissimus, cui omne momentum. Abstinebit à scelere manum, quisquis omnem horam decretoriam putat, quisquis omne momentum ultimum. O spes inanis, quantos in fraudem impellis? quantos, dum promittis, senectam, in medio tollis cursu? Euenire proinde credas posse tibi, quod multis. Quanti iacent nocente mente, innocente licet manu? quàm multi meditato tantum crimine, mortem repererunt! quàm multos medio in scelere mors occupauit, & medium secuit crimen! quàm multi in ipso sceleris conatu abrepti, temerarij ausus pœnas dederunt! quàm multi in ipso inchoati sceleris momento, scelus morte clausurunt! Quid, si ex horum numero sis vnus? aut quæ certior tibi hora, aut momentum, quàm alteri? Iam quis ab illâ mente crimen expectet, quæ cum crimine mortem expectat, cum morte pœnam? Nemo prudens inter Oceani fluctus intabulâ ludit: Nemo ab ingenti præcipitio pèdulus scelera meditatur: nemo inter medios armatos hostes inermis hilare scit. Stolidior his est, qui in perpetuo mortis metu, omni horâ dubiâ, omni momento incerto, ea audet quæ æternum infelicem afferunt mortem. O fatui! quousque ruimus in æternum puniendâ *b*? Quin, Siracida consilio paremus? In omnibus, inquit, operibus tuis, memorare nouissima tua, & in æternum non peccabis *c*.

*a Chrys. tom 5. ser. de nequitia depulsa. inेतio, mibi pag. 678.*

*b Scribanus in Polit. Christ. lib. 1. c. 27.*

*c Eccli. c. 7. v. 40.*

### §. IV.

*Bona vita clausula; quanti sit: è  
Seneca.*

**D**ico, mi Seneca, quem magnus ille Plinius Principem eruditionis inuidendo elogio appellat, *a* dic quid sentis de Morte, præsertim immaturâ? Audite iuuenes, audite queruli senes: Quomodo fabula, sic vita, non quàm diu, sed quàm bene acta



ne acta sit, refert. Nihil ad rem pertinet, quo loco desinas, quocumque voles, desine: tantum bonam clausulam impone *b*. Non aliter Epictetus: Memento, inquit, actorem te esse fabulæ, qualem doctor esse voluit: si breuem, brevis; si longam, longa *c*. Nec aliter Varro dixit: Non eos optimè vixisse, qui diutissimè, sed qui modestissimè vixerint. Planissimè sic est: Non refert, Vbi aut quando, aut quomodo desinamus. Cùm Deus volet, desinendum est; modò nos clausulam apponamus bonam.

*a Plin. l. 14. c. 4. med.*

*b Senec. epist. 77. sine omnino.*

*c Epist. Enchir. c. 23.*

## § V.

*Omnis homo, nullus homo: ex Arbitro*

*Heu, heu nos miseros, quàm totus homuncio nil est!*

**V**erè sic est. Sed heu miseres multò, quò minus agnoscimus, esse miseros! Nil est totus homuncio (vt rectè priscus satyrus) sed ausim dicere, tunc aliquid esse incipit, cùm se nil esse cognoscit. O homo nosce teipsum; nosce & *σφραν*. a Mors namque lilia sentibus æquat.

O miseri & vani, quid nos, doctrina, fama, sumus? Ipsi pulvis, illa opinio, ista ventus. Et nos quoque qui viuimus, qui vigemus & floremus, dicemus breui: *Viximus*. Hic omnes exitus vnus habet. Vita nostra crescendo decrescit: & hunc ipsum quem agimus diem, cum Morte diuidimus. quotidie enim demitur aliqua pars vitæ. Quemadmodum clepsydram non extremum stillicidium exhaurit, sed quicquid antè deflaxit: sic vltima hora, qua esse desinimus, non sola mortem facit, sed sola consummat. *b*.

*a Sapi.*

*b Seneca epist. 24 post med.*

## § VI.

*Mortales vnus diecula.*

**F**los est, Hemerocallis, cuius vita & pulchritudo diaria est. Sed & volucris ad Hypanim fluuium est, Hemerobios dicta, quæ non vltra diem viuit, *a* sed eadem omnino luce, quâ lucem inchoat, finit; morientique soli commoritur: eodem die pueri,

iuuenis, senis ætatem experta. Manè nascitur, meridie viget, vesperti confenescit; & moritur. Sed & hoc magis mirum in hoc alato quadrupede, quod non minus vnica dieculæ alimenta prouideat, quàm si corui aut cornicis annos esset visurum. Animalculo huic simillima est humana vita. Ad fluuium illa est perpetuò fluentis temporis, sed & volucris est, magis quàm auis vlla vel sagitta: & sæpe omnis suæ pompæ diem vnicum; terminum habet, sæpe horam, sæpe paulò productius momentum. Quid ergo annos meditamur & sæcula, sæpe breuioris aui quàm flores, aut florum vmbre, aut si quid vmbra vanius, breuius.

Grande profectò mirum est, hanc vitæ volucerrimam breuitatem à tot diuinis vatibus proclamari, ab omnibus omnium sæculorum scriptoribus confirmari, nihilominus misellos homunciones adeò ad omnium voces obsurdescere. Clamat Ezechias per Isaïam: De manè vsque ad vespæram finies me. Clamat regius psaltes: Dies mei sicut vmbra declinauerunt. Clamat Hussæus princeps: Homo quasi flos egreditur, & conteritur, & fugit velut vmbra. En homo bulla, vita tua omnis, vmbra fuga est, & tu mansionem cogitas, ac quietam habitationem? Quid anarè congeris? Quid corradis, velut annos Nestoris victurus? Mors tibi à tergo hæret: Abibis hinc, priusquam abiturum te metuas, ni metuas maturè. Accelera, instat Æternitas,

*a Plin. l. 11. c. 36 Hoc culicum genus etiam in Arari nascitur, eodemque die mortuum aquis innatat, piscibus audivissimè consectantibus. Lugdunenses piscatores vocant de la manne.*

## § VII.

*Idem confirmatiua traditur.*

**N**vllius vita non brevis est, illorum breuissima, qui præteritorum obliuiscuntur, præsentia negligunt, de futuris non merentur. Optimè Iobus: Et qui eum, inquit, viderant, dicent: Vbi est? Velut somnium auolans non inuenietur (somnia inanisimum, volare celerissimum) transiet sicut visio nocturna *a*. Idem de seipso: Dies mei, ait, velociore fuerunt cursore, fugerunt & non viderunt bonum (hoc dixit hominum opulenti,



pulentissimus) pertransferunt quasi naues porta-  
ma portantes, sicut aquila volans ad escam *b*.  
Hesterni quippe sumus, & ignoramus, quo-  
niam sicut umbra dies nostri sunt super ter-  
ram *c*. Verè, dies nostri sicut umbra super ter-  
ram, & *nulla est mora*. Nos epulamur, & cho-  
reas ducimus, & *nulla est mora*. Nos quieti  
liberalissimè indulgemus, & ad ipsam vsque  
meridiem stertimus, & *nulla est mora*. Nos  
temporis prodigi fabulamur, & aliud  
ex alio delicatum otium comminiscimur,  
& tamen *nulla est mora*; labuntur, fugiunt, a-  
nuolant anni. Nemo tam diuos habuit fauen-  
tes vnquam, vt sibi crastinum possent pollice-  
ri. Ita dum somniamus, ad æternitatem transi-  
mus, vel illam cælitum, vel inferorum alte-  
ram. Præclare dixit Suidas: O mortales vnus  
dieculæ, quotidianorum gnari, futura non  
prospicientes, *d* perpendite, ad quam tenditis,  
Æternitatem.

*a* Iob cap. 20. v. 7. & 8.

*b* Idem cap. 9. v. 25. & 26.

*c* Et cap. 8. num. 9.

*d* Suidas, verbo ἐφικνέσθαι ὅπου: mihi pag. 358.

### §. VIII.

*Longa vita spes, & vota inania.*

**Q**uid faciam, dicebat apud animum suum  
ōpulentus ille, quia non habeo quo con-  
gregem fructus meos? Hoc faciam, destruam  
horrea mea, & maiora faciam *a*. Miser heu!  
bis miser. Tunc horreum ampliabis? sepul-  
chrum habitabis crastina, & ō si non tarta-  
rum. Hac nocte anima tua repetetur à te, quæ  
autem paraſti, cuius erunt? Virtus, si quam  
amaſti; Vicia quæ paraſti; tecum ibunt: nec  
alios hinc habebis comites. Huic diuitis fa-  
to simillimum illud Senecionis apud Sene-  
cam, qui vitam hanc volucrem, quam per  
momenta singula precariam ducimus, sapius  
reputans: Omnis dies, inquit, omnis hora,  
quàm nihil ſumus, ostendit, & aliquo argu-  
mento recenti admonet fragilitatis oblitos,  
cum æterna meditantes respicere cogit ad  
mortem Senecio Cornelius, eques Romanus,  
homo summè frugalitatis, non minus patri-  
monij quàm corporis diligens, cum per to-  
tum diem amico grauiter affecto, & sine spe  
iacenti, vsque in noctem assedisſet, cum hilaris  
cenasset, genere valetudinis præcipiti abre-

ptus, anginâ, vix compressum arctatis fauci-  
bus spiritum traxit in lucem. Intra paucissi-  
mas ergo horas, postquam omnibus erat ſani  
ac valentis officijs functus, decessit. Ille qui  
& mari & terrâ pecuniam agitabat, qui ad pu-  
blica quoque, nullum relinquens inexpertum  
genus quæstus, accesserat, in ipſo actu bene-  
cedentium rerum, in ipſo procurentis pecu-  
niæ impetu raptus est.

Ita fit, dum maximè agunt homines, a-  
gunt animam, vt venti, qui cum vehementis-  
simè flant, efflant vim suam, tunc plerumque  
celerrimè poſituri, cum plurimum ſæuierint.  
Admirabundus Iob à Deo quærit, & panem  
conqueritur: Et sic repentè præcipitas me? *a*  
Pulchrè Tertullianus, & verè: Vis est, in-  
quit, & illa à nauigijs, cum longè à Caphareis  
ſaxis, nullis depugnata turbinibus, nullis quaſ-  
ſata decumanis fluctibus; adulante ſtatu, la-  
bente curſu, lætante comitatu, inſtincto re-  
pente perculſu cum tota ſecuritate deſidunt:  
Non ſecus ſunt naufragia vitæ, & tran-  
quillæ mortis euentus. *b*

Quàm ergo ſtultum eſt ætatem diſponere?  
Ne crastino quidem dominamur. O quanta  
demètia eſt ſpes longas inchoantium! Emam,  
ædificabo, vendam, exigam, honores geram,  
tum demum laſſam ſenectutem in otium refe-  
ram. Omnia, mihi credite, etiam feliciſſimis  
dubia ſunt. Nihil ſibi quiſquam de futuro de-  
bet promittere: id quoque quod tenetur, per  
manus exit, & ipſam quam premimus horam,  
caſus incidere poteſt & abrumpere. Nos ve-  
rò nauigationes longas, & ſeros in patriam  
reditus proponimus: militiam, curiam, lentas  
actiones, prolixa negotia, longam laborum  
ſeriem, officiorumque per officia proceſſus  
deſtinamus, æuum Neſtoris, & fortunam  
Merelli ſperamus, cum interim ad latus mors  
eſt, & è vitæ colloquio in mare nos præcipi-  
tat Æternitatis.

*a* Luca cap. 12. v. 18.

*b* Iob cap. 10. v. 8.

*c* Tertull. lib. de Anima.

### §. IX.

*Homo puluis.*

**M**emento homo, quia puluis es, & in  
puluerem reuertèris *a*. Triste hoc car-  
men, noſtra nobis mater occidit Eccleſia,  
cum filiorum capitibus cineres inſpergit. mo-  
netque



# CAPVT PRIMVM.

netque mortalitatis, & eo quidem tempore, quo illa plerumque minimè cogitatur. Aquilam hic imitatur Ecclesia: illa ceruum prælio aggressura, multum puluerem alarum volutatu collectum, excutit in oculos cerui, cornibus media insidens, & pennis ora verberans, donec præcipitet in rupes *b*. Sic Ecclesia hominem in verita ruetem, mediâ quasi viâ adoritur, sternitque ferali hoc puluere. Idem sacerdos facit, cum ad exequiarum epilogum, cadaueri iam intra suum conditorium reposito, ter glebam iniiciens: Memento, inquit, homo, quia pulvis es, & in puluerem reuerteris. Hæc non iacenti iam & mortuo, sed viuis & etiamnum circumstantibus opportunè, & suo loco occinit.

Sapuit in hoc & Philippus Macedo, qui quotidiano illo carmine monitus (*Philippe homo es*) moderatiorem se gessit.

Sed & græcos hoc nos doceant. Hæc cum nocturnis temporibus excubias habent, lapillum pede sustinent, qui lassatis somno decedens, indiligentiam sono coarguat. Eadem, cum Pontum transuolant, arenam ferunt gutture. Mortales vanitatis arguat sepulchrale saxum, & arena qua conteguntur, Vitulus ab Hebræis adoratus, aureus quidem fuit, sed in puluerem redactus: Statua Nabuchodonosori visa, terribilis fuit, sed ictu lapilli contrita: Poma Gomorrhæa pulchra quidem sunt, sed cum franguntur, in vagum puluerem fatiscunt: formam & opes ostendit fastuosus homo, demum hæc omnia in cineres rediguntur. Hoc humanæ pompæ principium, hic finis. Ergo age quod agendū est, instat Aternitas.

a Gen. c. 3. 19. b Plin. l. 10. c. 4.

## §. X.

*Homo verè miser.*

**N**ON est satis æstimare, Natura meliôrne homini mater, an tristior nouerca fuerit. Ante omnia vnum animantium cunctorum alienis velat opibus: ceteris variè tegumenta tribuit, restas, cortices, coria, spinas, villos, feras, pilos, plumam, pennas, squamas, vellera. Truncos etiam arboreſque cortice, interdum gemino, à frigore & calore tutata est. Hominem tantum nudum, & in nuda humo, natali die abijcit ad vagitus statim & ploratum, nullumque tot animalium aliud

ad lacrimas, & has protinus vitæ principio. Ab hoc lucis rudimento, vincula excipiunt & omnium membrorum nexus: itaque natus, manibus pedibusque deuinctis iacet, sens animal ceteris imperaturum, & à supplicijs vitam auspicatur, vnam tantum ob culpam, quia natum est. Heu dementia ab his iniitijs existimantium ad superbiam se genitos! Prima roboris spes, primumque temporis munus quadrupedi similem facit. Quando hominis incessus? quando vox? quando firmum cibis os? quamdiu palpitans vertex, summa inter cuncta animalia imbecillitatis indicium? Iam morbi tot, atque medicinæ tot contra mala excogitatur, & hæc quoque subinde nouitatibus victæ. Videmus animalium cetera, mox naturam suam sentire, alia nare, alia ire, alia volare, alia serpere: hominem sine doctrinâ nihil scire, non fari, non ingredi, non vesci, breuiterque non aliud naturæ sponte, quam flere. Vni animantium luctus est datus, vni luxuria, vni ambitio, vni auaritia, vni superstitio, vni immensa viuendi cupido. Nulli vita fragilior, nulli rerum omnium libido maior, nulli pavor confusior, nulli rabies acrior. Denique cetera animantia in suo genere probè degunt: congregari cernimus, & stare contra dissimilia: Leonum feritas inter se non dimicat: serpentum morsus non petit serpentes: ne maris quidem belluæ ac pisces, nisi in diuersa genera, sequuntur. Homini plurima ex homine sunt mala *a*.

a Plinius, proæmio in lib. 7. hist. nat.

## §. XI.

*Quid igitur est Homo.*

**S**I priscas gentes audiamus, Homo est Fortunæ lusus, Inconstantis imago, corruptionis speculum, Temporis spoliū, Mortis mācipium, versatile sepulchrum, fragile simulachrum, tenuis vmbra. vmbre somnium, spirans cadauer, viua mors, pilâ quâ ludit Deus. *a*

Si Senecam interroges, quid est homo? respondebit. Imbecillum corpus & fragile, nudum, suapte naturâ inerme, alienæ opis indigens, ad omnem fortunæ contumeliam projectum, cuiuslibet feræ pabulum, cuiuslibet victima & c. *b*.



Si sacros scriptores interrogemus, Homo est efca vermium, laccus stercoreum, calamitatis ludibrium, imbecillitatis exemplum; est nuntius præcurrens, nauis pertransiens, auius tranfluolans, fumus euanesceus, gracilis spuma, Inuidiæ trutina, stilla situlæ, momentum stateræ, gutta rotis antelucani, hospes vnius diei; est flos, sænum, vniuersa vanitas, puluis & cinis inane & nihilum. c.

Interim nos miscelli nomenclaturas ingentes teximus speciosissimorum titulorum: grandia nomina operose ambimus, & sine omni aurium vulnere audimus Magnifici. Perillustres, Felices, Pij, Potentissimi, Augustissimi, Inuictissimi, Optimi, Maximi. Quid restat nisi vt Saporem Persarum Regem imitemur, qui epistolam quam ad Constantinum imperatorem dedit, sic exorsus est: Rex Regum Sapor, particeps siderum, frater Solis & Lune, Constantino fratri meo salutem plurimam d. Aut si malumus, nomina trahamus ab rege Bisenagensi qui salutabatur, Sponsus bonæ fortis, Magnarum Prouinciarum Deus, Regum potentissimorum Rex, omnium equitatum dominus, magister & doctor loqui nescientium, trium Imperatorum Imperator, omnium quæ videt. Conquistor, conquistorum conseruator; quem octo Mundi partes metuunt. Eques cui nemo par, & fortissimorum quorumque debellator, Elephantorum venator, Dominus Orientis, Austri, Septentrionis, Occidentis & maris. Hæc Petrus Iarrius percenset e. Nunquid titulorum satis? Si lubet, addamus elogiorum seriem quam Soldanus in litteris præmisit hunc in modum: Salmanderomnipotens ante Carthaginem, dominus Iordanis, dominus Orientis, dominus Berthelem, dominus paradisi, præfectus inferni, maximus Imperator Constantinopoleos, dominus aridæ ficus, dominus quæ Sol & Luna meant, protector primi sacerdotis Ioannis, Imperator, Rex Regum, dominus Christianorum, Iudæorum, Turcarum, amicus Deorum. Non multo aliter Solymanus nostro Cæsari scripsit his verbis: Carolo Quinto Imperatori semper Augusto Belge coæuus, Solyman ex victrici nobilissimaque Ottomannorum prosapia ortus, Imperator Turcarum, Rex Regum & dominus dominantium, Imperator Trapezuntinorum ac Constantinopolitanorum, do-

minator mundi, & terræ domitor &c. Quid vultis amplius? O verè splendida miseria, ô cinis & nihilum, ô vanitas vanitatum! Turpissima est ignorantia, cum homo se hominem esse obliuiscitur.

a Aristoteli, Trismegisto, Plauto, Sophocli, Pin-daro.

b Sen. Consol. ad Marciam c. 11. Aristot adscribunt hæc: Homo quid est? Imbecillitatis exemplum, fortuna ludicrum, inuidia & calamitatis trutina &c. pueritia & bilis. In hac verba Georgius Poss. Mucus cornicæ, egre-giam edidit cantionem in suo Orpheo mixto.

c Isaie, Dauidi &c. Bernardo, alijs.

d Marcellin. l. 7.

e Iarrit. tom 1. thesauri rer. Indicar. mibi pag 653.

## §. XII.

Ad rei funebris ofores.

**A** Bite igitur non homines, sed Milui, qui etiam rapacissimi, semperque famelici, nihil tamen esculenti rapiunt vnquam ex funerum ferculis: Vos, etiam cetera curiosissimi, nihil tamen, quod funus oleat aut pollinaturam, facile vnquam tangitis. Gratior vobis est quæuis cena sub quacunque arbore, quam vel lautissima sub taxo aut cupresso. Omnem Libitinæ apparatus pessimè odistis, nec quidquam malletis quam omnem Mortis memoriam abolere. At videre quam hic largiter deliretis, cum sacra pagina clarissimè moneat, Melius esse ire in domum luctus quam conuiuij. Vobis verò alia omnia potius agere lubet quam sanctè lugere, & Mortis meminisse. At caute, ne dum breuem luctum cauetis, non caueatis Æternum.

a Eccles. cap. 7. v. 3.

## §. XIII.

Omnis vita lacrima.

**V** Nusquisque nostrum, inquit Cyprianus, cum nascitur, & hospitio mundi huius excipitur, initium sumit à lacrimis a. Quis de se dixerit:

Vt lacrimis cæpi, lacrimis ita finio vitam.

Totum pænè meum viuere, flere fuit.

Sic omnes vitam ordimur, sic claudimus omnes;

Ad fletum stentes nascimur, & morimur.

Naufraga nos istis tempestas mergit in vndis.

Quisque suis merus sic sepelitur aquis.



*Ille vnus felix, qui fletum iam egerit omnem.*

*Ne lacrimas stillat post sua fata nouas.*

Victorius humanæ vitæ summam & epitomen? Daniel *b.* Archiepiscopus & Imperij Roman. Elector Moguntinus, in precum libello, suâ manu hæc viuendi monita scripsit:

1. Vita breuis.
2. Forma decipiens.
3. Pecunia fluxa.
4. Imperium inuisum.
5. Bellum perniciosum.
6. Victoria anceps.
7. Concordia fallax.
8. Senectus misera.
9. Mors Felicitas.
10. Sapientia fama perennis.

Illius vtique, cælestis sapientiæ. quæ regna donat, nunquam desitura, nemini expugnanda, eterna.

*a Cypr. serm. de Patientia.*

*b. Daniel 97. Episcopus. 57. Archiepiscopus, 41. Elector Moguntinus, Serarius in rebus Mogunt. mibi pag. 942.*

#### §. XIV.

*Lacrimas solatur Deus.*

**A**gnosce vocem consolatoris simul, & promissoris: Cum ipso sum in tribulatione eripiam eum & glorificabo eum. Et verè, iuxta est Dominus ijs qui tribulato sunt corde, & humiles spiritu saluabit. De his promissis luculenter Augustinus: Noli timere, inquit, quando tribularis, ne quasi non tecum Deus sit: iuxta est Dominus his qui tribulato sunt corde. Adiuuat certamen (considera) qui certamen indixit. Non te sic spectat Deus in agone certantem, vt populus aurigam; clamare enim nouit, adiuuare non nouit: corronæ veniam parare potest, vires subministrare non potest, homo enim non Deus est: & fortè dum spectat, plus laborat sedendo, quàm ille luctando. Deus quando spectat certatores suos, adiuuat eos innocentes: nam vox athletæ ipsius est in psalmo: Si dicebam, motus est pes meus, misericordia tua adiuuabat me. Cum ergo turbare cœperis, erige fidem tuam, & noueris, quia te non deserit. Sed ideo putas te deseri, quia non quando vis, eripit. Eripuit tres pueros de igne. Qui eripuit tres pueros, deseruit Machabæos? ab-

fit. Et illos eripuit, & istos. Illos corporaliter, vt infideles confunderentur: istos spiritaliter, vt fideles imitarentur. *a.* Iuxta est Dominus ijs qui tribulato sunt corde, & humiles spiritu saluabit. Altus est Deus, humilis est Christianus. Si vult vt altus Deus vicinetur illi, ille humilis sit. Magna mysteria, fratres: Deus super omnia est. Erigis te? non illum tangis. Humilias te? ipse ad te descendit. *b.* Hunc ergo fidissimum adiutorem in vora voca, aderitque vocatus, gemitu etiam vnico, modò seruo. Absterget Deus omnem lacrimam ab oculis eorum: & mors ultra non erit, neque luctus, neque dolor erit ultra, quia prima abierunt. *c.* Verissime dixit idem Augustinus: Cum quanta suauitate plorat in gemitu, qui orat. Dulciores sunt lacrymæ orantium, quàm gaudia theatrorum. *d.*

*a Aug. tom. 8. in Ps. 90. ante finem.*

*b Idem in Ps. 33. conc. 2. Post. med.*

*c Apoc. cap. 21. v. 4.*

*d In psal. 127. circa med.*

#### §. XV.

*Mors Natiuitas.*

**N**on finis (ait moriturus Thebanus) vitæ meæ, sed auctius initium & melius aduenit. Nunc enim, commilitones, vester Epaminondas nascitur, quia sic moritur. Etenim quid attinet, aut humano dolori indulgeri, aut diuino Numini inuidiam fieri, quod immortalitatem suam nobiscum partiri voluerit. *a*

Trausi, gens Thracibus finitima, quæ cum Thracum moribus cetera quidem concordat, vnum illud habet peculiare, quod edito infante propinqui circum sedentes cum ploratu commemorarent, quantum calamitatum illi sit perferendum; vitam ingresso. Contra defunctum hominem cum lusu lætitiæ, efferunt, recensentes quàm multis malis subductus sit. *b.* Sapientiæ laudem merito sibi vindicauerit hæc natio, quæ natales hominum flebiliter exequias cum hilaritate celebravit. Idem Caucasiani & Getæ dicuntur fecisse, qui puerperia luxerunt, funera plausu profecuti. Remoueatur itaque naturalis dulcedo vitæ, quæ multa & facere & pati turpiter cogit, & vitæ finis beatorum principio reperitur: Mors non timenda, vt malum, sed vt malorum finis, excipienda



ceptienda. Sanè Plinius Secundus: Itaque, ait, multi extiterè, qui non nasci optimum censerent, aut quàm ocysime aboleri. Ita Silenus, à Midà captus, rogatus est, quid esset homini optimum? Diu tacuit. Tandem ut diceret adactus, respondit: Optimum est nunquam nasci; proximum, quàm celerrime extinguì.

Illud non omiserim ter mirum, inauditum, & narratu iucundum. Ludouicus Cortusius Iurèconsultus Patavinus, lamentationes & lacrimas testamento suis omnibus interdixit, voluitque adesse ad funus aulædos, citharædos, & omnis generis musicos, qui vnâ cum candidato clero funeris pompam partim præirent (numero quinquaginta) partim sequerentur: singulis dimidium aureum dari præcepit. At feretrum portari iussit à duodecim innuptis puellis, quæ præsina aut viridi veste induta, altâ voce cantarent, quicquid lætitiæ suggereret. Harum virginum singulis certa pecunia dotis loco destinata. Ita sepultus est in templo S. Sophiæ Patavij; centum funeralibus, dum efferretur, stipatus præeunte omni Clero, & totius vrbis monachis, ijs tantum exclusis, qui nigri habitus essent, hos enim testamento à suo funere amouit, ne hilaritatem publicam atris cucullis funestarent. Atque hac ratione exequiæ in nuptias migrarunt. Obijt nuptialis hic homo, Anno Christiano 1418. 17. Iulij, die diui Alexij.

Præclare dixit Bernardus: Illi mortuos suos lugeant, qui Resurrectionem negant? Illi sunt plorandi, qui post mortem à dæmonibus sepeliuntur in inferno, non illi qui ab Angelis collocantur in cælo. e Pretiosa mors sanctorum, pretiosa planè tanquam finis laborum, tanquam victoriæ consummatio, tanquam vite ianua, & perfectæ securitatis ingressio f. Apertè Hebræus Sapiens: Melior est, inquit, dies Mortis, die Natiuitatis. g.

a Valer. Max. l. 3. c. 2. & l. 2. c. 6.

b Herodotus l. 5. hist. Valer. l. 2. cap. 1. Quintil. l. 6. institut.

c Stobæus in Encomio Mortis.

d Plin. Præfat. in l. 7. hist.

e Bern. de modo bene viu. ser. 70.

f Idem de transitu Malachia.

g Eccles. 6. 7. v. 2.

§ XVI.

Vbique Mors.

**T**orqueant se miseri, quibus extinguitur quàm superesse vtilius est, trepido & anxio, quam ratione vita exeat, quærentes, Ferrum acuant, venena temperent, laqueos apprehendant, vastas altitudines circumspiciant: tanquam magno apparatu aut exquisitâ molitione opus sit, ut corporis atque animi infirmo vinculo coharens societas dirimatur. Nihil horum Coma ille Diogenis frater, sed intra pectus inclusa anima finem sui reperit. Eumuerò minimo studio retinendum bonum est, cuius caduca possessio tam leui afflatu violentiæ concussa dilabitur. Vbique Mors est, omnibus locis, omnibusque momentis insidiatur; quaquà venias, paratam inuenies; nusquam non præsto est, occurrit vndique.

Cum verò vna tantum mors vni homini sit oppetenda, quid est quod ante mortem illam vltimam, tot misellum hominem mortes ingulcent, ut quis non immeritò quærat: *Guttula cum mihi sit vita tantum unica;*

*cur me*

*Mille necis species, funera mille premunt;*  
Bernardum audi: Summa tibi sit philosophia, Mortis meditatio assidua a. Et ideò varia te Mors vellicat. Quicquid alijs accidit ait Bernardus, tibi accidere potest, quia homo es. Homo de humo, limus de limo. De terra es, & de terra viuus, & in terram reuerteris, quando venerit dies illa vltima, quæ subito venit, & forsitan hodie erit. Certum est quia morieris, sed incertum quando, aut quomodo, vel vbi. Quoniam Mors vbique te expectat: tu quoque, si sapiens fueris vbique eam expectabis. b. Nec aliter Annæus: Incertum, quo te loco mors expectet. Itaque tu illam omni loco expecta. c.

a Bern. l. de honestate vite.

b Idem in meditation. c. 1. de dignitate animæ.

c Sen. epist. 26. post med.

§ XVII.

Mors sua cuique domi est.

**N**vgamur, mortemque procul, procul esse putamus.

*At medijs latet hæc abdita visceribus.*

*Scilicet*



Scilicet ex illa qua primum nascimur hora,  
 Prorepunt summo vitæque morsque pede,  
 Partem aliquam furim, qua se meretur & ipsa  
 De vita filo qualibet Hora rapit.  
 Paullatim morimur, momento extinguimur uno.  
 Ut lampas oleo deficiente perit.  
 Ut nihil interimat, tamen ipso in tempore mors  
 est:

Et nunc interea dum loquimur, morimur.

In Boreali oceano iuxta Moscouiam piscis est, cui nomen MORS. Hæc maris bellua maximè dentata est, idè ex eius dentibus, quod Cardanus refert, a gladiatorum capuli conficiuntur. Corpus cuiusque nostrum, o mortales, viuarium est, in quo piscem, hunc, Mortem, alimus. Ideo non procul nobis hæc bellua quærenda est: Mors sua cuique domi est.

a Hier. Cardan. l. 10. de subtilitate, mihi pag. 136.

## §. XVIII.

Mors inexorabilis.

**S**vrda sit & cautes, & caca tigridis ira.  
 Sit licet & rabidi vis furiosa freti,  
 Hanc Zephyri mulcent, componitur illa receptis.

Pignoris, scopulos vrda manusque domant,  
 MORS habet indomitos precibusque minisque furores.

Et saxo, & pelago, & tigride seu magis.

Parcas, in quarum colos, licia, stamina, forfices, vitæ necisque mortalium ius omne transtulere superi, inexorabiles esse, profana finxit antiquitas. Cum enim,

Certo veniant ordine Parca

Nulli inisso cessare licet,

Nulli scriptum proferre diem.

Sed nec Lanificas vlli exorare sorores fas est: quem statuere diem, ad amissum obseruant. Atque hoc ingenio Mortem, omnis vt ita dicam, hominis expertem, & pictorum pingunt pueri, & alijs fingunt artifices. Cæret auribus, ne precantes obaudiat, cæret oculis, ne lugentium miseratione moueatur, cæret fronte ac genis, ne scruitiæ ipsa suam erubescat; cæret lingua ac labijs ne solatiolum aliquod vocale ab ea expectes, cæret denique carne, vt humanitatis sensu careat: Soli nerui & artus, & muscoli, sola ossa supersunt, arcus

videlicet & sagittæ spicula & amenta ad miseros mortales ex destinato feriendos. Et sanè si quando, tunc maximè ea feritate ostendunt, adeoque insultauit Orbi ea Bellua, cum Christum filium Dei, vitæque omnis auctorem, frustra gementibus saxis, trepidante terra lugentibus stellis, expallescens sole, mærentibus Angelis, infando ausu sustulit, heu in ipsius Vitæ vita dirissimè paratragædians. Quisquis es, si homo es, mors tibi inexorabilis est. Ergo, Viue memor lethi, fugit hora, hoc quod loquor, inde est a. Ergo dies omnis velut vltimus ordinandus est, aut velut primus Aternitatis.

a Pers. sat. 5.

## §. XIX.

Mors certissima, est incertissima.

**Q**uid in rebus humanis certius morte? (exclamat Bernardus) quid hora mortis incertius inuenitur? Senibus quidem in ianuâ, adolcentibus in insidijs est a. Ergo, ne gloieris in crastinum, ignorans quid superuentura pariat dies b. Sed nec Venuſinus vates hoc nescit:

Quis scit, an adijciant hodiernæ crastina summa

Tempora Dî superi? — c

Iacobus Apostolus luculentissimè: Ecce nunc, inquit, qui dicitis, Hodie aut crastino ibimus in illam ciuitatem, & faciemus ibi quidem annum, & mercabimur, & lucrum faciemus (qui ignoratis quid erit in crastino. Quæ est enim vita vestra? Vapor est, ad modicum parens, & deinceps exterminabitur) pro eo vt dicaris: Si Dominus voluerit: & si vixerimus, faciemus hoc aut illud: d

Omnes ibimus, omnes, omnes. Siquidem, Omnes morimur, & quasi aquæ dilabimur in terram, quæ non reuertuntur e. Neque tu ignorare potes, ita te esse procreatum, vt memineras a rerum natura, & accipiendi spiritûs, & reddendi, eodem momento temporis legem dici: atque vt mori nemo solet qui non vixerit, ita nec viuere quidem aliquis potest, qui non sit moriturus, quando sit moriturus, incertissimum. Idcirco Christus fidelissimo præmonitu nos excitans: Videte, inquit, vigilate & orate, nescitis enim quando tempus sit. Ethoc ipsum mox repetens: Vigilate

B

ergo,



ergo, inquit, nescitis enim quando dominus domus veniat: sero, an mediâ nocte, an gallicantu, an manè, ne cum venerit repente, inueniat vos dormientes. Quod autem vobis dico, omnibus dico, VIGILATE. f. a Bern. de Convers. ad Clericos c. 14.

b Cron. cap. 2. v. 1.

c Horat. lib. 4. ode 7.

d Iac. c. 4. v. 13. & 14.

e 2. Reg. cap. 14. v. 14.

f Marci c. 13. v. 33. & 26 ad finem.

### §. XX.

*Mors plurimis repentina; penè omnibus insperata.*

**Q** Vis non stabit in vigiliâ contra impetus mortis, quæ omnibus horis imminet, quæ & nullum sibi destinavit tempus quo debeat occurrere? quæ repit, volitat, insilit, nixu tacito, gradu suspensio, nullis ante cedentibus signis, nullâ causâ, nullâ cautione, in morbo, in valetudine, in periculo, in securitate ita nihil ab eius vnguibus sanctû est aut tutû.

Sanus erat & hilaris Tarquinius cum pisciculi spinâ suffocatus est. Sanus quoque Fabius, cum ei tenuis pilus, quæ cum lacte hauserat, vitæ rescidit filû: Mustela Aristidem momordit, & momento teporis extinxit: Cæsaris dictatoris pater hilariter surgebat è lectulo, & dum calceatur, egit animam: Alius Cæsar dum pede impingit in limen, properantem spiritum exiit: Legatus Rhodiorum causam in senatu magnâ cum admiratione orauerat, in lime curiæ protinus expiravit: Anacreontem poetam, & (si fides Luciano) Spholoclem etiâ vuc acinus necavit: Luciam Marci Aurelij filiam acus punctiuncula occidit Cn. Bebius Pamphilus, præturâ functus, cum à puero quæssisset horas, sensit illi cõ horam sibi vltimam adesse. Multorum animas præceps & insperata lætitia excussit, quod Chiloni Lacedæmonio, & Rodeio Diagoræ contigisse accepimus, qui cum filios in ludis Olympicis victores complecterentur, eodem loci & temporis vestigio sunt exanimati. Denique Mors infinitos habet aditus, quibus in ædes nostras irumpat, & irrepat. Modo enim per fenestras, modò per hypogæa, modò per proiecturas, modò per regulas sese trajicit, & nisi in vrbe

aut ædibus proditores repererit, humores dico corporis, morbos, catarrhos, pleuritides, & ceteras causas, quibus ad sua consilia tanquam ministris vii solet, tormentario puluere portas conuellit, igne, aqua, peste, veneno. belluis, hominibus, cunctis denique machinis tentatam hanc vitam eripit.

Miphiboseth Saulis Regis filius à domesticis latronibus, cum meridiaret in lecto, est interfectus. Fulco Rex Hierosolymorum cum leporem venaretur, equo lapsus est, eiusque pedibus conculcatus, egit animam. Iosias omnium regum Iudæ (Dauidem excipio) pietate, sanctimonia, liberalitate facile princeps, cum Nechao Ægyptiorum Regi exercitum ducens occurrisset, inopinato sagittæ ictu vulneratus, in castris mortuus est. Diuus Ludouicus annum agens quinquagesimum septimum, in ora Africæ, in medio exercitu, quem pestis populabatur, exunctus est. Egilus Rex Gothorum, princeps optimus, à turali tauro, quem facinorosi populares, qui legum severitatem ferre non poterant, emiserrunt, crudeliter necatus est. Malcomus primus Rex Scotorum post multa iustitiæ specimina, noctu cum regnum iustraret, suffocatus est. Nonne multi sani dormierunt, & obdormierunt, reperti mortui? In procinctu flet animus necesse est. Oza, vir in Dauidis satellitio non ignobilis, nutantem Arcam, cum Ierosolyma triumphali curru veheretur obiectis manibus fulcire tentabat, repente tactus est de cælo. In prophetam qui cibum iniussu Dei sumperat, eductum è siluâ leonem Domini manus armauit, à quo est interfectus. Ananiam & Sapphirâ Christo primû initiatos, repentina vox Petri quasi fulmen in delicti expiationem perculit: quorum animos æternis supplicijs hac pœna subductos, bona pars theologorum sentit. Omittam vetera.

Anno 1550. Henricus II. Rex Galliarû in ludis, in triûphis in cõmuni hominum lætitia est interfectus. Dû enim Parisijs filiæ nuptias celebravit, in equestri certamine, pars fractæ lanceæ per illius oculum eâ vi adacta est, ut expulerit animam b. Anno 1491. Alfonsus Iohannis II. Lusitani Regis filius, annum agens decimum sextum, splendidissimi ingenij, & summæ expectationis princeps, Isabellam Ferdinandi Hispaniarum Regis filiam duxit uxorem,



vxorem, cuius dos erat, amplissima paterno-  
rum Regnorum hereditas. Celebrantur nuptiæ  
sexcentorum triumphorum apparatus; ubique  
ludi, Troiæ, equestres pugnae, conuiuia; tan-  
tus autem erat luxus, ut calones & mediastri-  
ni in Attalicis vestibus fulgerent, quibus sub-  
serica & holoserica vilioris videbantur pre-  
tij. Sed pro dolor! vix mensis erat septimus,  
cum miser adolescens ad ripam Tagi fluminis  
in equo iuueniliter exultans excutitur, & le-  
thalis plagâ obtrito capite datur ad terram, de-  
fertur in casam piscatoris, quæ vix illum cum  
duobus famulis caperet. Decumbit in stra-  
mentitiâ culcitram, ibi efflat animam. Accurrit  
Rex adolescentis pater cum Regina matre: vi-  
dent spectaculum miserabile, versas in la-  
mentationem pompas, surgentem filij ado-  
lescentiam, virtutes, opesque, quasi nascent-  
es flosculos ab improviso Borea, decussas, in-  
festo tumultu sepeliri omnia. O subitos rerum  
turbines! ô præcipientes vel firmissimorum  
lapsus!

Quid alios memorem? Basilium Impera-  
torem ceruus inter venandum, ramoso cornu  
impetum traiecit, quo vulnere non multo  
post extinctus est. Verus monumentum in ca-  
stro Ambrosii prope Oenipontum testatur e-  
quum ab ephebo nobili subditis calcaribus  
admissum ut fossam viginti pedes longam  
transfleret; transiit, sed eques & equus subi-  
tâ pœnè morte conciderunt. Id equi exuuiæ  
& ephebi vestes hodieque loquuntur. c

Sed repentinum hoc fatum probis cum im-  
probis commune est, neque infelicem ani-  
mæ arguit statum, nisi forte quempiam in  
ipso flagrantis sceleris concursu, diuinæ vin-  
dictæ feriat telum. Talis fuit Dathani & Abi-  
ronis exitus, quos in Mosen perduelli animo  
obfirmatos, hiatu discedens terra miserabili-  
ter absorpsit. Talis Mors Absalonis, quem  
Maieſtatis pertinacem reum feralis hasta  
confixit. Tale quinquaginta satellitum, quos  
in Eliam parum reuerentes, cælum flammâ  
globis armatum deuorauit. Tale fuit Hebræi  
hominis exitum, quem cum infami Madia-  
nitide vindex traiecit gladius, & lectulum  
geniale miscuit cum fenebris. d.

Quot porci corporis, tot ostiola sunt Mor-  
tis. Non ubique se Mors propè ostendit,  
ubique tamen propè est. Quid autem stultius.

quàm mirari id vltio die factum, quod omni  
potest fieri. Stat quidem terminus nobis, ubi  
illum inexorabilis fatum necessitas fixit: sed  
nemo scit nostrum, quàm propè versetur.  
Sic itaque formemus animum tãquam ad ex-  
trema ventum sit: nihil differamus. c

a Plin. l. 7. na. hist. c. 7.

b Jacobi Gordonii Chronol. in hunc ann.

c Hippol. Guarinonius l. 6. de Abominandis  
gentis hum. c. 20.

d Vide Iusta Henrici IV. Regis Gall. à Ludoui-  
co Richeomo scripta.

e Sen. epist. 101. med.

## NOTÆ.

In priorem paragraphum.

MORS INFINITOS HABET ADITVS )  
Ita prorsus est; & dictis addo. Qui-  
dam, ut memorant, somniauit leoninis fau-  
cibus senecatum. Surgit, somnij negligens,  
ædem sacram cum socijs adit, & in vestibulo  
videt leonem saxum hiantem rictu, qui colum-  
nam fulerat: Hic ille somnium inter comi-  
tēs non sine risu narrans: Et en, inquit, hic  
ille leo est, qui me hac nocte lacerauit. Cum  
dicto manum in saxeas fauces immittit: Et,  
hic habes, ait, tuum hostem, stringe dentes,  
si potes, mi leo, ac manum hanc præmorde.  
Vix ista dixerat, & lethale vulnus accepit in  
hoc innoxio, ut putabat, hiatu, siquidem lare-  
bat imâ fauce abstrusus scorpio, qui ubi ma-  
num sensit, aculeum exeruit, tetigit, extinxit.  
Itane lapidi etiam sua bilis est? aut ubi mori  
non est, si vel saxeæ leones perimunt? Similis  
fato periit Hilas adolescens quem in saxeæ  
visæ faucibus delitescens vipera occidit.  
Quod lethi genus Martialis describit libro  
tertio, epigrammate decimo quarto.

Quid memorem puerum stiriâ è lecto in  
subeuntis caput decedente occisum? Quem i-  
dem Martialis eleganti hoc carmine desce-  
uit.

Quæ vicina pluit Vipsanis porta columnis,

Et madet assiduo lubricus imbre lapis,

In ingulum pueri, qui roscida templa subibat.

Decidit hiberno prægrauis unda gelu.

Cumque peregisset miseri crudelia fata.

Tabuit in calido vulnere mucro tener.

Quid non sua sibi voluit fortuna licere?

Aut ubi mors non est si ingulatis aquæ? a



Sic omnino Mors infinitos habet aditus, tunc sæpe vicinissima, cum minimè putatur.  
a *Martial. l. 4. Epigr. 13.*

## §. XXII.

*Mortis repentina antidotum.*

**H**ic ego, lector, extra ordinem tres tibi preces velut paradigma propono, repentinæ morti deprecandæ factas. Tui arbitrius est, aut omnes aut vnam solum quotidie ex animo pronuntiare. Eo numero factæ sunt, ut velut supplices, ter ad Christi Domini genua prouoluamur, tanti momenti rem petitura. Atque hoc sciamus, hæc posse neminem, aut satis cautum, aut nimis esse prouidum.

## A D

Repentinam mortem auertendam

## O R A T I O I.

**O** Misericordissime Domine Iesv, per lacrymas tuas, per agoniam & sanguineum sudorem tuum, per mortem tuam rogo te, a subitanea & improuisa morte libera me.

## II.

**O** Benignissime Domine Iesv, per acerbissimam & ignominiosissimam flagellationem ac coronationem tuam, per crucem & passionem tuam amarissimam, per omnem bonitatem tuam humillimè te deprecor, ne permittas me sine sacramentis morte repentina ex hac vita migrare.

## III.

**O** Mi amantissime Iesv, ô Dominus meus & Deus meus, per omnes labores ac dolores tuos, per pretiosum sanguinem tuum, per sacrosancta vulnera tua; per illas tuas, ô mi dulcissime Iesv, supremas in cruce voces: Deus meus, Deus meus, ut quid dereliquisti me; per validum illum clamorem tuum: Pater in manus tuas commendo spiritum meum, ardentissimè te rogo, ne subito hinc tollas me. Manus tuæ, ô mi Redemptor, fecerunt me, & plasmaverunt me totum in circuitu, ne queso sic repentinè præcipientes me. Da, oro, spatium poenitentiae, da felicem & in gratia tua obitum, ut ego te tota mente diligam, laudem, & benedicam in æternum.

Verumtamen, ô bone Iesv, in manu tua stant omnia, nec est qui tuæ possit resi-

stere voluntati. Vita mea pendet à tuo nutu: desinet illa cum tu volueris. Neque ego aliud volo, mi amantissime Deus, quàm hoc ipsum tuum velle. Quocumque loco, tempore, morbo extingui me volueris, ita fiat: hæc omnia summæ bonitati tuæ, & diuinæ prouidentiae committo. Nullum locum, tempus, nullum mortis genus quantumuis ignominiosum & acerbum excipio. Illud vnicum rogo Christe Deus, ne improuisâ & subitanea morte finiam. Verumtamen non mea, sed tua voluntas fiat. Si ita placitum est in conspectu tuo, ut morte subitâ tollar, non recuso. Fiat voluntas tua in omnibus, ô Deus. Spero enim & confido per magnam misericordiam tuam (per quam hoc ipsum vnicè precor) me tunc in gratia & amicitia tua moriturum, in qua si moriar, non me mors quantumuis subita separare à te poterit. Nam, iustus: si morte preoccupatus fuerit, in refrigerio erit. Improuisa mors non est, cuius vita fuit prouida.

Quod si ergo spatium ibi & tempus futurum non sit (tibi soli, ô Deus, hoc notum) quo me tibi commendem: Ecce illud iam facio, & quàm possum submississimè atque ardentissimè ad te in cælum de profundis clamo: *Miserere mei Deus, secundum magnam misericordiam tuam: Fiat voluntas tua Domine, sicut in cælo & in terra: In manus tuas commendo spiritum meum, redemisti me Domine Deus veritatis. Benedicant, & laudent te, Deus, creata omnia. In te, Domine speravi non confundar in æternum. b*

a *Sap. cap. 4. v. 7.*

b *Psal. 30. v. 1.*

## §. XXII.

*Dies vite pauci & mali.*

**Q**uotes annorum? sexaginta. Et quot tu? septuaginta. Dic & quorum tu agis annum? Octogesium. Ah, ô boni, ubi sunt vestri anni? Vbi sunt tui sexaginta? Vbi tu tuos septuaginta reliquisti? Et ubi tu octoginta tuos inuenies? Quid numeratis iam amissos? Eleganter Lælius ille sapiens dicentis: Sexaginta annos habeo: Hos, inquit, dicis sexaginta, quos, non habes? Nec quod præterijt, nec quod futurum est, tuum est. In puncto fugientis temporis pendemus, & magni est modicum fuisse.

Agg.



*Aegyptius Rex Pharao patriarcham Iacob interrogans: Quot sunt, inquit, dies annorum vitæ tuæ? Respondit senex: Dies peregrinationis vitæ meæ, parui & mali. a Audite Tentali, qui fuitis perituræ vitæ extensissimos annos. Peregrinos vos scitote, non incolas. Sed neque diuturni itineris peregrini estis. Via vestra & brevis, & mala est: brevis, quia forsitan prius finienda, quàm hæc ipsa, quæ cum morte diuiditis, hora: malam esse nescire non potest, quisquis etiamnum in illa est. Rubos sæpius, quàm rosas offert calcandos. Et tamen miselli adhuc hæretis, & immoramini his vepretis, tam immemores patriæ! Egregiæ docet Gregorius, vitam hanc viam esse ad cælum; viatorum autem multos viæ amœnitatem sic pasci, vt magis eos diu pergere, quàm citius peruenire delectet. b Heu nos deliros homines! flosculis capimur, & speciosiores lappillos legimus, negligimus immensas gazas. Terræ lordes & cauernarum spumam corradimus, obliti quantos & quàm veros thesauros perdamus, dum falsos quærimus. Miseri & vani! Quid peregrino cū flosculis & lapillis, si ad patriam non perueniat? quid hæc reliquissæ oberit, si patriam contingat? Laborare in hac viâ, lassescere, molestiarum quàm plurimum pati, in maximo lucro ponendum! Tantò enim patria placebit magis, quànò magis displicuerit exilium.*

*a Gen. c. 7. v. 8. & 9.*

*b Gregor. l. 21. mor. c. 24.*

## §. XXIII.

*Quâ ratione iuuenis, possit mori senex.*

**V**ti senes non senes, sed pueros, ita iuuenes teperias non inuenes, sed ætate perfectos. Barlaam eremicola, senex septuaginta annorum, Iosaphato Regi de ætate sciscitanti, annum quadragesimum quintum se agere respondit, ac miranti adiecit, tacuisse se studio viginti quinque annos, quòd eos in Mundi vanitates impensos, crederet omnino periisse. Ita Similius qui curis Curie sepultus, & potiùs Imperatori suo vixerat, quàm sibi, sepulchro suo inscribi iussit: *Hic iacet Similius vetulus septennis.* Regum fasti de Saule Hebræo rege hæc memoriæ prodiderunt: Filius vnius anni erat Saul cum regnare cepisset, duobus autem annis regnavit super Israël. a Saul

regni principio, tam sceleris purus fuit, atque infans est vnius anni, in hac tamen puritate vitæ, vnico tantum anno perstitit, licet vniuersè viginti annis imperarit. Seniu multi maturè, & ante senectutem, adipiscuntur; plerique nunquam, qui etiam senes vitia retinent puerorum. Hinc pueri centum annorum moriuntur. Vitæ bonum non est positum in spatio eius, sed in vsu: potest fieri, imò sæpe fit, vt qui diu vixit parū vixerit. Quare nihil turpius est quàm grandis natu senex qui nullum aliud habet argumentum quo se probet diu vixisse, quàm ætatem. b Eleganter S. Ambrosius de Agnete Virgine: Computabatur, inquit, in annis infantia, sed erat senectus mentis immentia. c. Diuinæ Sapientie oraculum proclamat: Senectus venerabilis est non diuturna, neque annorum numero computata, canni autem sunt sensus hominis, & ætas senectutis vita immaculata. d Idcirco mores potiùs quàm crines venerandi. Reuerentia planè vberiore dignus est quisquis ante annos sit senex. Proba vita, senectus optima.

At potuit, inquis, tam immaturè mortuus, euadere vir magnus & Reipublicæ perquam utilis: At potuit etiam (quod iustius timetur) fieri pluribus similis. Aspice iuuenes quos luxuria in omne vitium propellit, quibus nullus dies sine aliquo insigni flagitio exit. Ergo ille raptus est ne malitia mutaret intellectionem eius, aut ne fictio deciperet animam illius. Consummatus in breui, explevit tempora multa. e. Quicumque ad extremum sui facti venerit, hic moritur senex. Sæpe in longissimâ vitâ minimum est quod viuunt. Gloriosus multò est suâ virtute quàm temporis dono sennisse. Satis diu vixit, qui bene vixit: satis diu pugnavit, qui vicit.

*a 1. Reg. cap. 13. 1.*

*b Seneca epist. 49 ad finem, & lib. de tranquill. cap. 3.*

*c Ambr. ser. 90, qui est de S. Agnete.*

*d Sap. cap. 4. v. 8. & 9.*

*e Sap. cap. eod. v. 11. & 13.*

## §. XXIV.

## PARADOXVM.

*Quisquis voluit, diu vixit.*

**B**ene tempus ætatis, satis longum est ad bene viuendam, inquit Tullius. a



Nemo nimis citò moritur, qui diutius aut melius victurus, quàm vixit, non fuit. Satis annorum vel ephēbus numerat, qui virtuti æternitati ad quam natus est, vixit. An non satis locutus est, qui verbulo aut nutu persuasit? An non satis cucurrit, qui palmam obriuit? An non satis nauigauit, qui in portum feliciter peruenit? Optimè enim omnium qui citissimè. Modò mors præmeditationem nostram non præueniat; quò velocior, eò felicior, erit.

*Verum ego* (ait apud Curtium Rex Macedo) *qui nō annos meos, sed victorias numero, si mu- nera fortuna bene computo, diu vixi.* b Quanto verius is, qui vitam suam omnem Deo consecrat, suoque solum domino placere studet & seruire, fidenter dicat: Ego, qui non annos meos quibus Deo serui, sed desideria mea numero, si beneficia domini mei bene, computo, diu vixi.

Sic est profectò. Centum, imò mille annos, imò sæcula viuit, & Deo seruit, quisquis ex animo verèque cupit centenis vel millenis annis, aut multis sæculis Deo seruire, si viuere tot annis liceret. Nam apud Deum voluntas pro facto sumitur, apud quem serio voluisse facere, sæpe tantundem est, quantum fecisse. Sic & martyr esse potest, sanguinemque Christianā nobilitate profundere, licet suā morte, in lectulo defungatur: sic & diu viuere, atque pro Christo fortiter & agere & pati potest, quisquis ardentè cupit ideò diu viuere, vt multum & agat pro Christo & patiatur. Nemo non suo die moritur, quisquis diuinæ voluntatis decreto moritur.

a Cic. l. i. Tusc. qq.

b Curt. l. 9. c. 12. med.

### §. XXV.

*Moriendum est; moriendum.*

**A**VGUSTUS Imperator capta Perusia in plurimos animaduertit. Orare veniam vel excusare se conantibus, hanc vna occurrit voce. *Moriendum est.* Ita trecentos ad aram Iulio Cæsari extractam, hostiarum more mactari iussit. b

Iustinus & Irenæus è priscis nobilissimi scriptores, acute obseruant, post latam mortis sententiam in Protoplastū, mortalium omnino neminem, secundum Dei Calendarium,

diem integrum vixisse & Nam Prophetis & Apostolis testibus, Vnus dies apud Dominū sicut mille anni, & mille anni sicut vnus dies dicitur. Atqui nullus hominum mille annis vixit, ergo nec diem totum vllus, *Moriendum est.* etiam ad nongentos & amplius annos ætatem produxeris, *Moriendum est.* Hoc ab oraculis diuinis humana ratione & experientia certissimum. Oracula diuina sexcenties proclamant, *Moriendum.* Ratio seipsam demonstrationibus euidentissimis conuincit, rem è contrarijs compositam, interitui obnoxiam, adeoque *Moriendum esse.* Experientia, stultorum ac sapientum magistra, digitum in immensos mortuorum cumulos intendens, vel oculis persuadet, hætenus neminem vnum ex omni uumero, Mortis impetum elusisse, *Moriendum esse.* Sole ipso clarius esse, *Moriendum esse.* Sed an vllum cæli tonitru tam validè aures omnium percellit, atque hoc ipsum: *Moriendum est.* Hic nemini licet esse furdo. Velis nolis, admittere cogeris has voces; vel iuuitas aures penetrat hoc tonitru: *Moriendum est irato Deo propitioque.*

Æschylus olim: Sola, inquit Dearum Mors munera non amat, non admittit dulcis partem Ipei. Quare sapienter Seneca: Hoc inquit, affigamus animo, hoc nobis subinde dicamus: *Moriendum est.* d Quando? Melius hoc nescies. Mors naturæ lex mors officium tributumque; mortalium est tunc dandum, cum exigitur. Quapropter omnibus omissis, hoc vnum meditare ne mortis nomen reformides: effice illā tibi cogitatione multa familiarem: vt ita tulerit, possis illi vel obuiam exire.

a Dio. ait quadragesimos.

b Sueton. in Aug. c. 15.

c Iust. Mart. in Trep. Iren. l. 5. cont. hæres.

d 2. Pet. c. 3. v. 8.

e Sen. nat. qq. l. 6. fine.

### §. XXVI.

*Mortis memoria variè refricanda:*

1. **A**IUNT craneum in furno arefactum, & pistollo in farinam redactum, admixto oleo, grangrænæ ac carcinomati felicissimè mederi. Caluas & mortuorum ossa seria contemplatione velut commolere, & vnguētū, loco adhibere, omnem animi pestem persanant.

2. Plato



2. Plato tantò aliquem euadere sapientiorē censebat, quantò viuaciùs consideraret mortem. Ideò discipulis suis Philosophiæ studiosis hanc legem dixit, vt iter ingressi pedes nunquam operirentur. Voluit vir sapiens hoc ritu significare, extremum vitæ assiduè cogitandum.

3. Nicolatus Christophorus Radziuius, Princeps Polonus affirmat, in Ægypto, eos qui prudentiâ & ætate ceteris antistarent, oblonga mortuorum ossa, ebore aut ligno efficta, aut etiam vera horieque circumgestare, mutuò sibi monstrare, & ad meditandum obitum cohortari. Mensis etiam memoriam mortis inferunt Ægyptij, conuiuiaque claudunt tristi hoc acroamate: Memento mori. *b*

4. Calipha Rex Tartarorum in vrbe Bagdad, die festo, quem ipsi Ramadam vocant conspiciendum se populo daturus, mulâ vehens, & vestibis ex auro, argento contextis conspicuus, fulgentibus in cidari gemmis pretiosissimis progreditur. Supra cidarim verò nigram calanticam gestat, quoquidem ritu, omnem corporis ornatum, mortis tenebris occultandum significat.

5. Iustiniano Imperatori mortuo, instrata vestis stragula, in quâ opere Phrygio, victarum vrbium, & barbarorū Regum, quos ipse debellarat, effigies textæ. Ecce tibi inter pugnas, triumphos, victorias, Mortis simulacrum. Ludit certè Mors in imperijs, & æquo pulsat pede pauperum tabernas, regumque tures. Martinus V. summus Pontifex, ad hoc habuit symbolum loquentis picturæ, feti tacentis poëtes: In pyrâ iam accensâ iacebant, breui etiam arsurâ Pontificis tiara, Cardinalium galerus, Antistitem insulæ, Imperatoris diadema, Regum coronæ. Ducum pileus & gladius, adscriptum lemma: *Sic omnis Mundi gloria.*

6. Nautæ, nescio cuius responsione probo, quem cum quidam interrogasset: Vbinam pater eius abiisset? in mari, dixit. Cumque ille idem de auo & proauo, atque atauo nominatum quæsisset ex ordine, responsumque idem de singulis accepisset, subiicit: Et nunquid tu, ait, mare ingredi non times? Responsum nauta dissimulans. Et vbinam, inquit, tuus obiit pater? Suo, ait iste, in lectulo. Sed vbi auus, vbi proauus, vbi ceteri

maiores tui? Omnes, inquit iste, suis in lectulis obiêre. Tunc nauta: Non tu, inquit, times lectulū conscendere, omnibus maioribus tuis fatalem? Eleganter quidem, aliquantoque plus quàm nauticum fert ingenium. *e* Quotidiana sit cogitatio nostrâ quæ Iusti Lippij fuit, qui correptus morbo, decubiturus dixit: *Ad lectum, ad lectum* Sepe qui dormiunt, ducuntur ad Mortem Somni sororem,

7. Ioannes, Patriarcha Alexandrinus qui ab eleemosynis nomen traxit, superstes & sanus monumentum sibi extrui iussit, sed ideò non absolui, vt diebus solemnioribus, præsentem iam clero, rem sacram facturus, ab vno aliquo sic moneretur: Domine, sepulchrum tuum imperfectum est, iube igitur inchoatum absolui, nescis enim qua hora fur veniat. *f*

8. Imperatorem Orientis recens creatum nemini prius alloqui licebat, quàm latomus aliquot diuersi coloris marmora exhibuisset interrogassetque: E quo genere lapidum, Maiestas Tua monumentum sibi vult fieri? Quid hoc aliud erat, quàm dicere: Ne supercilium tollas Imperator: homo es, morieris, sicut postremissimus mendicorum: Sic ergo regnum administra quod perditurus es, ne regnum perdas æternum. *g*

9. Domitianus Imperator primoribus senatorum & equestris ordinis, epulum dedit hunc in modum. Apparauit cædes omni ex parte nigerrimas. Laquearia, parietes, pavementum, sedilia, atra omnia & luctum spirantia. In hoc mortale triclinium nocte introducti conuiuæ, absque comitibus, iuxta singulos collocatum feretrum, inscripto cuiusque nomine: additus & lychunchus, qualis in monumentis solet. Ministri mensæ & ipsi colorem noctis vultu & veste referebant, cenatæque saltatione funebri cingebant. Cena interim magno silentio peragebatur; Domitiano insuper sermonem de ijs quæ ad mortes & funera spectarent, super mensam ingerente, conuiujs extrema metuentibus, metuque pænæ iam exanimatis. Quid itaque? Salubre sibi & senatoribus documentum parasset Domitianus: sed montes parturiebant, natulque demū ridiculus mus. *h* Rectius Ægyptijs, qui conuiuij risus lugubri castigant epilogo.

*a S. Hieronymus huius meminisse in c. 10. Math.*

*b Radzi-*



*b Radziuilus epist. 2. de itinere in Palaest. mih. 134.*

*c Baron. tom. 7. anno 565.*

*d Antea Otho Columna dictus.*

*e De remedio viri usque fortuna l. 1. dial. 121. Franc. Petrarca, cuius opus sapius hic utendum.*

*f Leonius Cypror. episc. cap. 19. in vita Ioann.*

*g Idem ibid.*

*h Xiphilinus in Domitiano, qui hoc epulo non mortis memoriam, sed risus vanitatem quaesit.*

### § XXVII.

*Nouum indusium, nigra littera.*

**C** Ayri in Aegypto templum Turcicum (Moschæam vocant) hac ratione ædificatum est. Assanus Bascha vir tam vafri quam avari ingenij, nomen suum in Orbem vulgaturus, grandi aliquâ substructione, sed nullis ferè suis sumptibus, hoc inuenit consilij. Vbiuis locorum proclamari iussit, constituisse se ingens Deo templum condere. Ut autem hoc opus feliciore successu eat, omnibus vndecumque aduentantibus liberalissimam stipem erogatum iri, dictusque est certus & dies & locus patriendæ elemosynæ. Euocauit hæc res immensum populum ex Aegypto vniuersa: sed & alijs è regnis Cayrum plurimi confluerunt. In Aduentum horum Assanus maximum indusiorum & tunicarum numerum parari iussit. Eos autem qui stipem accepturi venerant, ex amplissimo attrio in aliud equè amplum, per aliquot ostiola, & non nisi singulos transire voluit. In hoc transitu singulis suæ vestes ademptæ, & indusium tunicaque noua vi obtrusa. Hoc eo astu factum, ut quicquid à tot millibus hominum, in viaticum fuisset assumptum, id omne dicto loco relinqueretur. Solent enim illic locorum pecuniam, quam itineri destinant, indusijs aut pileis insuere. Et quamuis nemo non maluisset suum indusium & tunicam etsi laceram retinere, cogebantur tamen vniuersi suis relictis, nouâ sed vacuâ tunicâ superbire. Ploratus tandem ingens & vlulatus populi coortus, veteres ab Assano vestes petijt. At ille irrisis plebeculæ clamoribus & lacrymis, quicquid vestium collectum est, rogo v-

no comburi iussit. Pecuniæ vix tanta è busto sublata, vtea ædificio tam nobili suffecerit *a*. Simillimè nobiscum Mors agit, vestem veterem vel innuitis eripit, & nouâ sepulchralem obtrudit. Nos quidem, uti Paulus loquitur ingem. scimus grauati, eò quòd nolumus explari, sed superuestiri *b*. At frustra renitimur. Clamores & lacrimas nostras Mors ridet. Velis nolis, exuendum vetus amiculum. Exue, & abi. Omnes eadem conditio deuinxit. Cui nasci contigit, mori restat. Intervallis distinguimus, exitu æquamur.

Sed audite, quomodo avarissimi hominis crudelitas sit vindicata. Imperator Turcicus Assani nequitia intellecta, Imbraimum Bascham ad eum misit cum litteris, quibus Assano seriò præcepit: quam primum ab Imbraimo litteras accepisset, ipse suum caput Constantinopolim mox mitteret. Fatales eiusmodi epistolas Turcarum Imperator ipse sua manu solet scribere, & holoserico nigro obuoluerè. Harum expistolatum semper summarium est: *Mitte mihi tuum caput*. Quisquis es, Rex an Cæsar, quando Imperator cæli nigras eiusmodi litteras tibi miserit, resistere non potes, excusare non licet, deprecari nil iuuat, effugere non vales, tergiversare nequis, actum est. Hoc ergo age, & ipsam calca necessitatem: quod inuitus facere cogereis, fac istud sponte animi. Mitte caput tuum, non tyranno, sed patri, non homini, sed Deo. Non tantum morere; sed & velis mori. Cur enim quod necesse est, voluntas non occupet? Acquiescere necessitatis, velle virtutis est.

*a Radziuil. epist. 3. Itineris in Palaestinam, mih. pag. 170.*  
*b 2. Cor. cap. 5. v. 4.*

### § XXVIII.

*Omnis dies obseruandus.*

**M** Vsonius apud Stobæum: Non est, inquit, præsentem diem recte transigere, nisi statuis eam quasi vltimam transigere. Et Augustini sapientissimum monitum est. Later vltimus dies, ut obseruentur omnes dies. Diem mortis incertum salubriter constituit Deus, ut vltimum suum quisque salubriter cogitet *a*. At inquires, tristis hac cogitatio est super



super morte, & ipsam adducit mortem. Faleris. Sapiens cum tranquillitate de eâ cogitat: non aliter quàm in mari aut naui, ventos & vela spectat, quibus fertur in portum; nec tamen ipsa cogitatio eum transfert. Hæc stultitia & omnis error noster est. In fluctibus, & inter vndas iactari volumus; reformidamus quò naturâ & ratione ducimur, peruenire. De naturâ scimus: Omnes eodem ducimur, Omnium.

Verfatur vna

Sed & de ratione, quis eius compos abnegabit? Quid hic nisi iactationes, curæ, miseria, corporis atque animi dolores? Ecce finis: quid reformidas? Ecce portum: cur non intras? Sed reuera, ut ij qui in carcere sunt, elabi vellent & subinde possent, nisi custos carceris teneret, sic in hac vitâ nos impedit phylacista ille. Amor vitæ. Pellendus est, & ut possit, sæpe cogitandum est, quod semel faciendum est. Et quia incertus ac ignotus est vltimus dies, suspectus sit omnis dies. Animus hoc modo fortior, vita tamen latior, imò & latior, quid enim terreat aut turbet, quem ille timorum

Maximus haud vrget, lethi metus. Præuisum iaculum minus ferit; Mors sæpe cogitata molliùs sternit.

*a August tom. 10. l. 50. homiliar. hom. 13. init.*

# §. XXIX.

*Sandapila vltimum superbie nostræ solium.*

**A**brahamus ille magnus, cum Dei iussu peregrinabundus huc illuc commearet, nihil potius habuit, quàm vbi stabilem locum reperisset, animum adijcere sepulchro emendo. Hoc ita voluit esse suum, ut id omni iure modoque possideret. Hinc omnem pecuniam à venditore designatam sine cunctatione adnumeravit, *probata meneta publica*. Nec illi satis emptionem publicè transigi, voluit insuper omnes loci incolæ adesse testes emptionis. Quia in re vir fide plenus monstravit, sepulchrum esse hominis locum proprium, quem is verè, si quidquam aliud, suum diceret, Abrahami exemplo, optimus quisque inter primas curas numerat, rem sepulchri curare.

Maximilianus I. Imperator, Austriacus, tricennio ante mortem, capulum funebrem è querno ligno, arcæ viatoricæ inclusum, cir-

cumferri secum iussit: cavitque testamento ut exanime corpus suum, rudè linteo inuolutum, sine vllâ exenteratione, illi imponeretur, naribus, ore, auribusque viua calce oppletis. Quid sibi voluit magnus vir? nisi monumentum illud assidue in oculis habere quod diceret, *Cogita mori*. Quod amplius diceret, quid te dilatas & extendis, quid multa possides, plura appetis? Quem tot prouinciæ & regna non capiunt, locus iste capiet. Cur autè & calcem cauis illis partium immisit: en aromata quibus condiretur. Maximiliane magnus fuisti & res tuæ dicunt, tum & hæc circa mortem.

Quid memorem de feretro Ablauij, qui Præfectus Prætorio, inter Constantini Magni aulicos princeps, auri insatiabilis vorago, aurum sapius cogitauit quàm tumulum, quàm cælum. Hunc manu prehensum affarus Constantinus: Quousque tandem ô bone, inquit, thesauros accumulamus: atque simul cum dicto, hastâ, quam manu tenebat, feretri figuram in terrâ descripsit, & : Orbis, inquit, opes vniuersas habeas, non maiorem tamen post sumus locum possidebis aut loculum, quàm ego hic depinxi. Si tamen tantum terræ spatium sis occupaturus. Vates fuit Constantinus, nam Ablauius frustatim dissectus, non habuit quod daret tumulo.

Carolus V. Augustæ memoriæ Imperator, Maximilianum, quem dixi, sanctissimè æmulatus diu ante mortem Reipublicæ administratione se sponte submouit: & cum in filium iam validum æui & animi, curas transtulisset, in Hispaniâ S. Iusti monasterio se abdidit, cum duodecim duntaxat familiaribus, Deo & quieti vacaturus. Interdixit autem aliter se quàm Carolum appellari, Cæsaris atque Augusti nomina cum rebus animo exuens, quicquid honorarij est contempsit. Imò hoc amplius ferunt, diu ante Imperium abdicatum, sarcophagum sibi construi iussisse cum funebri suppellectile, deportandum, clanculum tamen, quocunque iret. Hunc apparatus mortualem habuit apud se quinque annis, vbicunque locorum esset, etiam dum Mediolanum contra Gallos proficisceretur, illucque diligentissimè singulis noctibus in suo cubiculo reponi iussit. Arbitrabantur quidam qui circa cum erant, thesaurum illic asser-



uari; alij nonnihil librorum, in quibus historia veteres continerentur, alij aliudpiani magni. Cæsar vero sibi conscius quo animo eam arcam circumferret, subridendo dicebat: In rei sibi charissimæ vsura, id secum deferri. Sic assidue mortem cogitabat Carolus, poteratque diebus singulis dicere, Vixi. ita quotidie ad lucrum surgebat.

Carolus Imperatorem complures alij felicissimè imitati, qui sandapilam mortis suæ monumentum quot diebus religiosè sunt contemplari. Genebaldus Laudunensis Antistes, instar sepulchri lectulum habuit septennio toto, quo quidem tempore in magnâ asperitate vitam traxit. e

Ida probatæ sanctitatis femina, diu ante supremum diem feretrum sibi construi curauit; quod quotidie bis pane & alimentis impleuit, idem in pauperes bis liberalissimè depletura. f. Virtutis studium, optimus ad mortem apparatus est: Virtutem nulla mors inquinat. Facile contemnit omnia, qui se semper cogitat esse moriturum.

a Gen. c. 11. toto.

b I. Lipsius in Monit. polit. lib. 2. cap. 14.

c Baron. tom. 3. An. 326. n. 96.

d Zach. Lippeloe tom. 3. in vita S. Remigij 1. Octob.

e Idem tom. 3. in vita S. Ida 4. Sept.

f Hiero epist. 103.

### §. XXX.

Vita quid est.

**F**los est, Fumus est, Umbra est, & Vmbra vmbra; Bulla, Pulvis, Spuma, Ros, Stilla, Glacies est. Iridis arcus, deficiens Cereus, Sacculus pertusus, ruinosa Domus, Cinis dolosus. Dies vernus, Aprilis inconstantissimus, vnicus testudinis tinnitus est? Hydria fracta, fontis Rota, aranearum Tela, maris Guttula, vilis Stipula, solstitialis Herba, brevis Fabula, volucris Scintilla, tristis Nebula, Vesica vento plena, rutilans ad solem Columbula; Vita Vitrum tenerimum, Folium leuissimum, Filum subtilissimum, Pomum aureum est, sed intus putridum &c. a Si nihil est vmbra, dic quid vmbrae somnium? Sexcenta, mille talia, de virâ humanâ rectè pronuntiat. Mihi omnium rectissimè videntur dixisse, qui vitam vocant, *Somnium vmbra*

*breuissimum*. Compendio rem dicamus: Vita est,

*Somnus, Bulla, Vitrum, Glacies, Flos Fabula, Fœnum;*

*Vmbra, Cinis, Punctum, Vox, Sonus, Aura, Nihil.*

Ah, miseri! quas opes struere, quantos honores gerere, quas & voluptates percipere nobis videmur? quicquid horum est, Somnium est, sed heu quàm breue & quàm ludicrum! Dormierunt sonum suum, & nihil inuenerunt omnes viri diuitiarum in manibus suis b. Diuites & beatos o viri vos esse somniaftis, sed ex ijs omnibus quæ habuistis, quæ sperastis, quid rerum obsecro retinuistis? hæc vigilantium somnia, hæc somniantium ludibria erant merissima. Oculos nunc aperit pœna, quos olim clauferat culpa.

Vita igitur quid est? Compendio dicam. Vitæ humanæ tempus, punctum est natura, inconstantia: sensus obscurus: corporis vniuersi concretio putrescere facilis: Animus vagus: honores, fumus: diuitiæ, spinæ, voluptates, venenum. Et vt verbo dicam omnia, corporis quidem, Aquius; animi vero, somnium: Vita bellum, & hospitis in peregrinâ ciuitate mora, & innumerabilium miseriarum officina; fama post obitum, est obliuio, hoc Ausonio credamus:

*Miremur perijisse homines; monumenta fatiscunt;*

*Mors etiam saxis nominibusque venit. a.*

Ante mortem consummare vitam virtute, res pulcherrima est.

a Vide P. Maximiliani Sandai *Symbola vitæ hum. Anno 1626. edita Francofurti.*

b Psal. 75. v. 6.

c Auson. epigr. 34.

### §. XXXI.

Vita Mimæ.

**C**omœdia est omnis vita. Nos histriones sumus; hic regem agit, ille medicum, mendicum; iste principis personam sustinet, ille medicus, hic rusticus. Quamcunque Deus imposuerit, eam decorè exsequi oportet. Neque in eo laus sita est, vt Imperatorè, agas vel Ducem, quamcunque egeris, plausum feres, modò eâ bene agas. Opportunissimè hoc Epictetus submonens: Actorè, inquit, esse fabulæ, talis qualis magistro probata fuerit, te memè-

10, Si



ro, Si mendicium agere te voluerit, fac eam quoque personam ingeniosè repræsentes. Ita si claudum, si principem, si plebeium Hoc enim tuum est, datam personam bene effingere: eam autem eligere, alterius. *a*

Augustus Imperator, supremo vitæ die, admissos ad se amicos percunctatus est, ecquid ijs videretur, mimum vitæ commode transigisse? Adiecit & clausulam: Ergo plausum date &c. *b*.

Seneca præclare de hac vitæ comediâ: Sequitur, inquit, hoc exemplo mihi utendum est: nec enim villo efficacius exprimitur hic humanæ vitæ mimus, qui nobis partes has, quas (nostra culpa & inscitia) male agimus, assignauit. *c*.

Laetius in Zenone, bono histrioni similem esse sapientem ait, qui siue Agamemnonis personam acceperit, vitamque decenter exprimit & imitatur.

Non igitur attendendum est, qui iam simus, sed qui futuri simus, ubi laruam & personam posuerimus: nec refert, primi an ultimi actoris partes susceperimus, modò bene agamus.

*a* Epictet. Enchir. c. 23.

*b* Sueton. in Augusto c. 99.

*c* Sen. epist. 20. med.

## §. XXXII.

*Vita humane typus.*

**I**osaphato Regi Barlaamus senex, humanæ vitæ fallacia gaudia proponens: Vnicornem, inquit ferocem belluam fugit quispiam. In fuga foueâ irruit ingentem, in ipsa verò ruinâ, protensis manibus apprehendit arborem, & ita lapsus præcipitem stitit. Dum in arbore hæret sui periculi iam contemptor, duos mures conspicitur, album vnum, atrum alterum: hi arboris radicem, cerrante morso vellicarunt, iamque ad ipsam pæne medullam penetrarunt dentibus. Sed oculis insuper in imam scrobem deiectis, horribilem vidit draconem igneas minas spirantem. Dumque miser huc illuc oculos circumuolit, quatuor aspidum capita è pariete preminencia obseruat. At his ille omnibus neglectis attolit vul-tum, & aliquid mellis ab arbore stillantis cernit. Quare sui securus, iamque & vnicornis insectantis, & draconis minantis, & murium rodentium, & serpentum imminentium, &

brevi casuræ arboris oblitus, melleam dulcedinem avidissimè lambit. Et hæc, inquit Barlaam, præsentis vitæ sunt ludibria, quæ sic explico: Vnicornis Mortem repræsentat, quæ humanam gentem vbique insequitur Scrobs, hic Orbis est calamitatum refertissimus. Arbor quam pressis manibus tenemus, vita est certis limitibus conclusa; Duo mures nox & dies, qui arborem illam paulatim excindunt rodendo. Quatuor aspides, quatuor elementa sunt, quorum pax si turbetur, animus corpore pellitur. Igneus ille ac truculentus draco, inferorum fauces designat, quæ nunquam non apertæ ad glutendum. Mellis guttulæ, putidas corporis voluptates, & lethalem vitiorum dulcedinem significant. Hæc noxiâ promulsæ inescati, nec inferos horremus, nec calum aspiramus, contenti suauiter perire. Hæc Barlaamus Iosaphato. *a* O vera verissima omnia! si sapimus, omnem horam credimus extremam; Ab omni vitæ momento pender Æternitas.

*a* Ioan. Damascen. hist. de his cap. 12. ad finem

## §. XXXIII.

*Vita prologus, narratio, epilogus.*

**H**umanæ vitæ prologus est *Nasci*, narratio *Dolere*, epilogus *Mori*. Orationis huius lumina sunt, gemitus & fletus, aut gaudium fletu deterius. Egregiè Seneca; Omnes agetum, inquit, mortales circumspice, larga vbique flendi, & assidua materia. Alium ad quotidianum opus laboriosa egestas vocat; alium ambitio nunquam quietâ sollicitat; alius diuitias quas optauerat, metuit, & voto laborat suo; alium sollicitudo, alium labor torquet, alium semper vestibulum obsidens turba: hic habere se dolet liberos, hic perdisse, ille nunquam habuisse. Lacrymæ nobis decurrunt, antequam causæ dolendi. Non vides, qualem vitam nobis rerum Natura promiserit, quæ primum nascentium omen, fletum esse voluit? Hoc principio edimur, huic omnis sequentium annorum ordo consentit; sic vitam agimus. *a*

Illud lacrymis dignissimum, nec vllis vnamquam satis eluendum, quod neme nostrum sermo cogitat, quandoque sibi ex hoc domicilio migrandum. Cogitamus hoc quidem, sed obiter, & velut somniantes. Hinc, viuimus tan-



quam semper victuri, vix vnquam fragilitas nostra profundius subit animum, nec obseruamus, quantum temporis transferit, sed velut ex pleno & abundanti, perdimus tot & horas, & dies, & menses, & annos. Profusissimi sumus in tempore, nec illius irreparabile iacturam æstimamus, cuius vnus honesta est avaritia. Sic magna pars vitæ malè agentibus elabatur, maxima nihil agentibus, tota ferè aliud agentibus. Quis est qui tempori pretium ponat, qui diem æstimet, qui intelligat se quotidie mori? Hunc præteritorum obliuiscimur, præsentia negligimus, futura non præuidemus. Cum ad extrema venerimus, serò intelligemus miseri, tamdiu nos, dum nihil agimus, malè occupatos fuisse. Hoc ergo agamus, singulas horas amplectamur, tanquam hodie morituri; sic vitæ nostræ narrationem tractemus, tanquam statim peroraturi. Dum differtur vita, transcurrit.

a Sen. Consol. ad Polyb. c. 23.

§. XXXIV.

*Omnis vita brevis, etiam longissima.*

**V**erissimè Annæus: Nulla, inquit, vita non brevis est. Nam si ad naturam rerum respexeris, etiam Nestoris & Statiliæ brevis erat, quæ monumento suo inscribi iussit: se annis nonaginta nouem vixisse. Et, vt ancilla gloriatur senectute longâ: quis eam ferre potuisset, si centesimum impleisset? a

Amaranthus (vt est in fabulis) rosæ aditus dixit: O qualis flos Rosæ, quàm formosus, quàm amabilis! beatam te iure dixerim, ob odorem, ob formam, & ob colorem, ô regina florum? Cui Rosæ: Ego quidem, inquit, ô Amaranthe, formâ præniteo, sed tempus breuissimum viuo; & quamuis nulla me manus violetæ, nihilominus tabesco. Tu verò cōtinuò flores, semperque recēs viuus: malim ego minus habere formæ, & plus vitæ. Mortalium vita est quæ Rosæ brevis, & fluxa. Et licet aliunde vis nulla eam extinguat, suo tamen defluxu sensim euanesceat. Iure medicorum maximus b exclamat: Vitam breuem esse, artem longam. Vitam ire non intelligimus, sed transisse sentimus. Temporis nobis concessit spatia tam velociter, tam rapidè decurrunt, vt exceptis admodum paucis, ceteros, in ipso vitæ apparatu vita destituat. Exiguū tēporis habemus, & ex hoc multum insuper per luxū aut

negligentiam perdimus. O mortales improvidi, corpus quod circumferimus, non domus est, sed hospitium, quod relinquendum, vbi te hospiti grauem esse videas. Ideò, mi Christiane, prope piè viuere, & singulos dies singulas vitas puta. Qui hoc modo se aptauerit, cui vita sua quotidie fuerit tota, mortem securus pronocabit, malè morietur nemo, qui vixit bene.

a Sen. epist. 87. fin.

b Hippocrates, initio Aphorismorum.

§ XXXV.

*Non longissima, sed honestissima, vita optima.*

**N**on vt diu, sed vt satis viuamus, curandum est. Sat longa est vita, si plena est. Impletur autem, cum quis suâ voluntate in diuinam plenissimè transit, & quantulumcunque temporis, quod datur bene impendit. Quid illi octoginta anni iuuant, per inertiā exacti? Non vixitiste, sed in vitâ moratus est. Nec serò mortuus est, sed diu. Nam imprudenter & impiè viuere, non tam est malè viuere, quàm diu mori. Sed, ait, octoginta annis vixit. Interest, mortem eius ex quo die numeres. Alius viridis & in medio cursu raptus est, sed officia boni ciuis, boni Christiani exsecutus est, licet eius ætas imperfecta sit, vita tamen perfecta est. Ille alter octoginta annos numerarit, certè tot annis non vixit, sed fuit: nisi fortè sic eum vixisse dicas, quomodo arbores dicuntur, viuere. Actū & virtutum officijs metienda est vita, non tempore. Laudemus itaque & in numero feliciū reponamus eum, qui quod vitæ habuit bene collocauit. In memoria æterna erit iustus a. Memoria iusti cum laudibus b. Vidit enim veram lucem, non fuit vnus è multis. Et vixit, & viuit nunc in cælo. Quid quæris, quamdiu vixerit? vixit ad immortalitatem, transiit sæcula, & se in memoriam dedit. Et quemadmodum in minore corporis habitu potest homo esse perfectus, sic & in minore temporis modo potest esse perfecta vita. Bonum non est in tēporis diuturnitate situm, sed in virtute, neque enim qui plurimum ci-thara cecinit, sed quid bene, commendatur. Quamdiu sis, alienum, quamdiu bonus Christianus sis, hoc tuum est. Id à teipso exige, ne



# CAPVT PRIMVM.

ge, neignobile æuū per vitia emetiaris; vt agas vitam, non vt prætercharis. Quaris, quod sit amplissimum vitæ spatium? Vique ad veram sapientiam viuere. In omnibus velle, quod vult Deus, verissima est sapientia: qui ad illam peruenit, quodcumque moritur, atgit non longissimum finem, sed maximum. Mors it per omnes nec magno spatio alter alterū præcedimus. Qui occidit, consequitur occisum. Minimum est de quo sollicitissime agitur. Quid enim ad rem pertinet, quamdiu vites, quod euitare non potes c. Optima vita, non quæ longissima est, sed quæ honestissima.

a Psal. III. v. 7.

b Prouerb. cap. 10. v. 8.

c Sen. epist. 93. paucis mutatis.

## §. XXXVI.

*Magnam vita partem non viuimus.*

**Q**uod à prisco poeta a dictum est, verum esse non debitem:

*Exigua pars est vita quam nos viuimus.*

Ceterum quidem omne vitæ spatium, non vita, sed tempus est. Vrgentia nos circumstant cum negotia, tum vitia, & in cupiditatibus infixos premūt. Vix vquam nobis ad nos recurrere licet; nobis ipsi rarissime vacamus, sed alijs: nemo ferè suus est. Qui pecuniam suam diuidere velit nullus est; vitam miserimè laceramus, & modo in hæc, modò in illa negotia partimur, sæpe vana & inutilia. Ita magnam vitæ partem exigimus non viuendo; cerè non cælo, non Deo viuimus. Et quæ multum temporis mensa, relaxatio; lusus; colloquia, somnus, otium, quantum litès & morbi nobis eripiunt? Heu quot hostes vitam nostram suffurantur nobis? non sentientibus, quid perdamus. Hoc versiculi, licet parum teretes aut delicati, ad calculum sic reuocant:

*Vixit homo octoginta (haud plus communiter) annis.*

*Ex quibus ille decem in mensâ potuque ciboque,*

*Ac totidem ludo, viginti insumere somno*

*Dicitur, atque nouem & septem puerilibus annis*

*Nil opera faciens; dein morbis quatuor. Ergo,*

*Quâ studeat Musis, studeat quæ rebus honestis,*

*Illis quarta datur totius portio vita.*

O quam exiguum nobis de nostro relinquatur! Multos respirare vix sinunt mala sua, plurimos sua bona. Non enim apprehendimus tempus, nec retinemus, nec velocissimæ omnium rei moram facimus, sed abire vt rem superuacua ac reparabilem sinimus. Quis est qui nullum non tempus in vsus suos conferat, qui omnes dies tanquam vltimum vitæ ordinet? Ecquis custos temporis tam parcus, vt nihil reperiat dignum, quod cum tempore suo permutet? Cum re omnium pretiosissima luditur, & pænè nullum eius pretium habetur, quod satis æstimari non potest. Quemadmodum qui in nauigijs dormiunt, à ventis celerrimè aguntur, etiamsi nihil sentiant; cum euigilauerint, mirantur se iam in portu exponi: Ita vitæ nostræ cursus prope rat, prouehimur velocissimè, diesque annique recedunt; nos interim dormimus, & pretium temporis inestimabile negligimus. Cum ad meliorem vitam euigilandum est, miramur nos iam ad exitum perductos. Mors est homini quod nauiganti portus. Bene nauigauit, qui in hoc portu naufragium non facit.

a Publio Mimographo.

## §. XXXVII.

*Maxima vita labes procrastinatio.*

**O**mnia differimus, exceptâ nequitia, quæ plerumque hodiernum diem occupat, non crastinum. In ceteris semper promissores sumus, & dicimus: Cras hoc fiet, alterâ hebdomade nulla erit mora, sequenti anno istud expedietur. Ita dies, ita menses, & anni labuntur, dum procrastinamus, dum promittimus, & nunquam promissis stamus. Optimè Seneca: Audies, inquit, plerisque dicentes: A quinquagesimo in otium secedam: sexagesimus annus ab officijs me dimittet. Et quem tandem longioris vitæ prædam accipis? qui ista sicuti disponis, ire patietur? Non te pudet reliquias faciemque vitæ reseruare Deo, & id solum tempus bonæ menti destinare, quod in nullam rem conferri possit? Quam seruum est, tunc viuere



incipere, cum desinendum est? quæ tam stultæ mortalitatis obliuio, in quinquagesimum & sexagesimum annum differre sana consilia; & inde velle vitam inchoare, quod paucam perduxerunt? *a*

Sigismundus II. Rex Poloniæ ob perpetuam cunctationem ac segnitiam in grauissimis negotijs. *Rex crastinus* vocabatur. Tales certè nos sumus *homines crastini*: Omnia differimus, omnium libentissimè, si liceret, dilaturi etiam Mortem. Sed moriendi negotium moram non fert, dilationes non admittit. Cum Mors pulsât, illico trahendum est pessulum. Ergo, quod veteri verbo dicitur: Si diu senex esse velis, maturè fias senex, quod esse potes, nihil differendo. Rex Macedo ad tantum victoriarum numerum peruenit hac vnâ re, nihil differendo. Nos, optima quæque differendo, omnia perdimus. Verè dixit Chrysologus: semper homo bona facere tunc cupit, quando Mors facienda tempus ademit. *b* Ad mortem his plerumque gradibus, velut qui ambulando dormiunt, peruenimus. Primò salubria differre quotidie ac procrastinare incipimus, dein aliquantò lentius agere, prostremò penitus obliuisci & omittere facienda, ita suauiter obdormire & perire.

O mortales, sera nimis vita est crastina, viuite hodie: stipem hodie date, de peccatis hodie dolete: quis enim vobis spondit crastinum? quod hodie fieri potest, cur in alios fors nunquam secururos dies differtur? Differre honesta, semper serum ac noxium sui.

*Laetura vita maxima, est dilatio:*

*Noluisse visus interim est, qui distulit. c*

Properemus ergo & cogitemus, quantum celeritati addituri essemus, si à tergo instaret hostis, si equitem aduentare suspicaremur, ac fugientium premere vestigia. Fit hoc, premimur, acceleremus & euadamus. Perducamus nos in tutum, & subinde consideremus, quàm pulchra res sit consummare vitam ante mortem. Maximum mortis solatium est N I H I L D I S T V L I S S E.

*a Sen. lib. de breuit. vita. cap. 4. adiectis pauculis.*

*b Pet. Chrysol. ser. 125. med.*

*c Lamb. vet.*

## §. XXXVIII.

*Venatus Mortis.*

**G**uilielmus III. Dux Bauariæ, Pater pauperum, hominumque religiosorum omnium tutor, quem vitâ functum, et si omnium voces siluissent, profunere satis laudassent tot complorantium voces & lacrimæ: Hic inquam, laudatissimus princeps, ubi è Concilio Basileensi, a cui Caesaris loco præerat, Monachium redijt, somnium tale habuit. Videbatur sibi videre eminentissimæ staturæ certum qui altero quidem cornu campanulas, altero accensos cereos præferret. Fugientem hanc feram venator & canes certatim insequerantur. Interclusis omnibus euadendi vijs teritum animal in cœmeterium Diuæ Virginis profugit. Hic sepulchrum inhumando homini apertum, præcipiti cursu irruens ceruus, captus, & occisus est. Euigilauit his visis princeps, & quid sibi hoc somnij veller, secum ipse desquisiuit. Altero die, quid somniaisset, suis etiam proceribus narrauit. Varias habuit interpretationes hoc somnium. Quibus auditis Dux Guilielmus: Ego, inquit, sum ceruus iste, mortalem hanc vitam breui finiturus; in illo ipso beatæ Virginis templo humari volo. Omnia ordine facta, & præfagia eventum habuerunt. Breui morbus & Mors Guilielmi principis corpus in sepulchri latebras coegerunt, animo utique in cæruleas illas oras euolante. Bona mors initium est Eternitatis beatissimæ. *b*

*a Basileense generale Concilium cœpit an. 1431 & durauit ad an. 1449.*

*b Ioannes Nyaer lib. 1. Formicarij cap. 3. qui quæ narrat, probe sibi cognita affirmat.*

## §. XXXIX.

*Cur quotidiana spectantes funera, Mortem non cogitemus.*

**D**iabolus, pictor peritissimus, ita pingit ad Optices legem, ut quod ante nos, quod proximum nobis est, putemus remotissimum. Hinc quasi mille annis victuri, longissimam nobis securitatem à morte pollicemur. Hinc funera spectamus & ridemus, quasi nos nunquam futuri funus. Quotidie morimur, tamen nos esse æternos credimus.

Tho.



Thomas Morus, illud Angliæ sidus, ne vlla cuiquam ætas liberalius viuendi spatium promitteret, hac hypotyposi submonens: Sicut qui è carcere, ait ducitur ad patibulum, etsi longiore ducatur viâ, non tamen ideò patibulum metuit minus, quia eò peruenturus est tardius; & licet firmis sit pedibus, vegetis oculis, valido pectore, cibus potusque etiamnum ei sapiat; hoc tamen illum extreme angit, *iam in viâ esse*: Et nos omnes ducimur ad Mortis patibulum, in viâ iam sumus omnes, & interuallis exiguis defungimur. Non deserunt nos morientes, sed antecedunt. At dicas: sanissimus sum, nec quicquam Mortis sentio. Quicquid dixeris: In viâ es, & nos vnâ tecum in viâ sumus, iam imus. At ego, ais, annum tricesimum nondum excessi, In viâ iam eras anno vicesimo, imò decimo, imò & primo anno, primaque horâ, perge tantum, breui erit in termino. At somnus, cibus, potusque adhuc mirè sapiunt. O delirare, hæc Mors non curat: Iam in viâ sumus, respice, iam tibi minatur patibulum; duceris, exiguum superest temporis, & expirasti recumque omnis tua pompa, aut luxuria. Omnis nostræ a vita, ad mortem est viâ.

## § XL.

*Compendiosissima & optima Mortis præmeditatio.*

**V**T tibi mors felix contingat, *vinere discere: Ut felix possis viuere, discere mori.*

Hæc summa rerum; hæc ars artium est. Bene viuere, totâ vitâ disponendum est, & quod magis fortasse quis miretur, totâ vitâ discendum est mori. Tot maximi viri, relictis omnibus impedimentis, cum diuitijs, voluptatibus, officijs renuntiaissent, hoc vnum in extremam vsque ætatem egerunt, vt viuere scirent: plures tamen ex his, nondum se scire confessi, è vitâ abierunt. *a* Et quâ ratione hoc illi sciant, qui nunquam id discere conati sunt? Plurimi mortalium non curant, quàm bene uiuant, sed quàm diu, cum omnibus possit contingere, vt bene uiuant, vt diu nulli. Quidam tunc viuere incipiunt, cum desinendum est. Hinc inanes omnium bonorum sumus, quorum desiderio, in fine vitæ laboramus, timidi Mortis, inscii vitæ. Quisquis

igitur discere cupit artem viuendi, discat prius moriendi. Supervacuum forsitan putat quis discere, quo semel tantum est vtendum? Hoc ipsam est, quare omni studio in hanc curam incumbere debeamus. Semper enim discendum est, quod an sciamus, experiri non possumus. Res magna non est viuere, res magna est mori.

## §. XLI.

*Hodie mihi, cras tibi.*

**F**RANCISCUS I. Rex Galliarum à Carolo Quinto captus, cum Madriti in pariete legisset Caroli symbolum: *Plus vltra*, adscriptum: *Hodie mihi, cras tibi*. Non succensuit victor, sed intellexisse se testatus subscripsit: *Homo sum, humani nihil à me alienum puto. a*

Eleganter Gregorius Nazianzenus: *Ca-* put, inquit, iam canescit, propè est æstas vitæ, in nos fortè falx acuitur, & timeo ne nobis dormientibus, & in vna spe occupatis, repente accedat messor terribilis. Sed dices: Senes metuunt, ego iuuenis sum: Noli decipi, non definitur mors certo tempore ætatis. Idem feretrum hodie senem, cras elegantem adolescentem, perendie virum robustum, dein virginem aut vetulam effert *b*. Ad rem Annæus Philosophus: Mors, inquit, tam iuueni ante oculos debet esse quàm seni *c*. non enim citamur è tabulis censualibus, in quibus iuniores, senioresque notati, & cuiusque adeo æuum. Talis autem citatio in militia & dilectu obtinebat; at non in morte. Omnium morientium suprema salutatio & monitum est: *Hodie mihi, cras tibi*. Sed & mortuorum hoc carmen est, qui è tumulis acclamant: *Mihi heri, tibi hodie*. Memento mortis, memento Æternitatis, quàm ego hesternâ, tu hodierna incipies aut crastina, vterque nulla finiturus. *a Delrij adagia tom. 2. mihi pag. 176.*

*b Gregor. Nazianz. orat. contra baptismum dilatum.*

*c Seneca epist. 12. med.*

## §. XLII.

*Ergo dum viuis, vive.*

**N**ON genio, non torpori, non voluptati, sed virtuti, sed Cælo, sed Deo. Viue & age, tam patièdo pro Deo, quàm faciendo



## P R O D R O M I

de laborando. Nescis enim quamdiu subsistas; & si post modicum tollat te factor tuus *a*. Saluberrime monet sapientissimus concionatorum: Quodcunque facere potest manus tua, instanter operare: quia nec opus, nec ratio, nec sapientia, nec scientia erunt apud inferos, quo, tu properas *b*. Bonum ergo facientes non deficiamus (hortatur Apostolus) tempore enim suo metemus non deficientes. Ergo dum tempus habemus, operemur bonum ad omnes. *c* Capisti laborare: laborem captum industria urge, continua, nunquam quiesce, nunquam nec interrompe quidem laborem illum qui celum potest mereri. Nam vitæ tuæ momentum nullum est quo non possis lucrari, & cælestem tibi thesaurum augere. Hoc igitur modo sine cessatione labora, veniet tempus quietis, quam labor nullus unquam interrompet. Militia est vita hominis super terram, & sicut dies mercenarij dies eius *d*. Mercenarius, inquit Gregorius, quod graue perpendit ex labore, leue æstimat ex remuneratione. Mercenarius, ne dies ab opere vacuus transeat, sollicitè curat, nam noctem quieti, diem verò labori scire esse destinatum. Tu ergo labora dum dies est, dumque licet laborare. Venit nox (clamat veritas) quando nemo potest operari *e*. Ergo dum operi sol fauet, operare. Est qui reddat labori tuo præmium. Habes operis tui perpetuum & attentissimum inspectorem Deum, qui uti capillos tui capitis habet numeratos, ita & minimas noxas tuas, ita & minima opera tua, quæ ipsius honori facis: ne dubita, cunctos gressus tuos dinumerat *f*. Vno saltu, imo passu unico peregisti totum iter ad Æternitatem. Sed vide ut pedem bene ponas. Talis eris in omne æuum, qualem te in morte gesseris.

*a* Job cap. 32. v. 12.

*b* Ecclesi. cap. 9. v. 10.

*c* Gal. cap. 6. v. 9. & 10.

*d* Job cap. 7. v. 1.

*e* Ioan. cap. 9. v. 4.

*f* Job cap. 31. v. 4.

### §. XLIII.

*Si cras, quare non hodie.*

**V**Na est, sed ponderosissima catena, quæ nos alligatos tenet, A M O R V I T A E,

qui ut non est abiciendus, ita semper minuentus est: ut quando res exiger, nihil nos detineat, nec impediat, quominus parati simus, quod quandoque faciendum est, statim facere. Vita non est imperfecta, si honesta est. Ubique desines, si bene desinis, tota est.

Hipponensis Præsul Augustinus, ad alium sibi familiarissimū præsulem in extremis fatiscientem reuisebat, cumque æger elatā manu ad superos se migraturum, significaret, subiecit Augustinus; Eum Ecclesiæ necessarium, vita longiore dignum. Ad hæc respondit æger: *Si nunquam bene: sic autem aliquando, quare non modo? a*

Mors omnes æquè vocat. Eodem citius tardiusve veniendum est. Hoc scimus: nec de re, sed de die querimus. Quid ergo? Non tibi timidissimus omnium videtur & insipientissimus, qui magno ambitu rogat moram mortis? Nonne indignareris illi, qui inter perituros constitutus, beneficij loco peteret, ut vltimus præberet cervicem? Hoc ipsum nos facimus. Magno æstimamus, moti tardius. In omnes constitutum est capitale supplicium, & quidem constitutione iustissimā. Nam, quod maximum solet esse solatium extrema passuris omnium causa eadem est. Quid iam interest, priores alijs an posteriores è vita, quam è theatro, exeamus: exeundum est. Si ergo aliquando, quare non modo? Hodie forsā. Mors parcit? Non effugisti: cras irruet. Petet te gladius, petet lapis, petet febris. Nunquam & nullo loco tutus es. Exeundum est. Si ergo cras, quare non hodie? si aliquando quare non modo?

*a* Fossidonias in vita Aug. c. 27.

### §. XLIV.

*Cur mors horribilis.*

**M**ors quidem omnium par est, ea tamen per quæ venit, diuersa sunt. Alius inter cenandum expirat, alterius mors somno continuatur, aliquis in ipso flagitio extinguitur: hic ferro transfoditur, iste in flammis finit: aliqui serpentum morsu exanimantur, aut ruinā franguntur; alijs per longam nervorum contractionem minutatim extorquetur anima, aliorum vita in medio flore præscinditur, aliorum interrumpuntur principia: alter adolescens decedit, alter senex, alius præter hos



ter hos infans, cui nihil amplius contingit, quam vitam salutasse. Aliquorum melior, aliquorum peior dici potest exitus. Sed quantuncunque placida sit & mitis mors, semper tamen aliquid horroris adfert, idque ob eam causam, quia videtur multa nobis bona eripere, & nos ex hac, cui assueuimus, rerum copia educere, hoc sui amor, & permanendi conservandique se infusa voluntas valde refugit. Naturalis præterea tenebrarum metus est, in quas adductura mors creditur hinc multorum ingenijs certatum est ad augendam mortis infamiam.

Illud autem morti nos maximè alienat, quod præsentia hæc iam nouimus; illa ad quæ transiture sumus nescimus qualia sint, & horremus ignota. Idè multa exercitatione durandus est animus, ne horreat, ad quam transfundendum est, Æternitatem. Æternitas diu notaque cogitanda est, sicut qui famis tolerantiam vult condiscere, quotidie nonnihil esuriat necesse est: sic animus è fluxu huius temporis in stabile regnum transferendus. ad Æternitatem quasi patiendam quotidie seipsum assuefaciat: Æternitatis ostium quotidie saluet, imò singulis momentis ad illud se stare credat: quicquid operis facit, Æternitati faciat, vt actionum suarum hanc vnam vnicam habeat formulam: Æternitati lego, Æternitati scribo, Æternitati pingo, meditor, vigilo, loquor, omnia operor Æternitati. Quisquis triumphos aspirat Æternos, pugnare discat Æternitati.

## §. XLV.

*Inopina, sed formosa mors.*

**C** Heremon, vti Palladius Helenopoleos episcopus testatur, dum sedet, dum opus facit, dum omnia pro sano agit, moritur: ita sedens, & opus manibus tenens repperitus est, sed mortuus æ. Omne genus mortis honestare potest virtus.

Philemon vetus Comædiarum scriptor, fabulas cū Menandro in scenā dictauit, certauitque cum eo, fortasse impar, certè æmulus. Hic, fabulæ partem quam recens fecerat, in scenā recitabat. Cumque iam tertio actu, quod genus in comediā fieri amat, iucundiores affectus moueret; imber repentinò coortus, differri auditorij cœtum & auditionis ce-

ptum coëgit. Reliquum autem varijs postulantibus, sine intermissione sequenti die perrecturum: Postridie igitur maximo studio ingens hominum frequentia conuenire. Sese quisque exaduersum quàm proximè collocat, Serus adueniens amicis annuit, locum sessui impertiunt: Extimus quisque excuneati queruntur. Farto toto theatro, ingens stipatio. Occipiunt paullatim inter se queri. Qui non affuerant, percontari ante dicta: qui affuerant, recordari audita, cunctisque iam priorum gnaris, sequentia expectare. Interim dies ire, neque Philemon ad conditum venire.

Quidam tarditatem poetæ murmurari, plures defendere. Sed vbi diutius æquo sedetur, nec Philemon vsquam comparet, missi ex promptioribus qui accirent. Atqui eum in suo sibi lectulo mortuum offendunt. Commodum ille animā editā obriguerat, iacebatque incumbens toto, similis cogitātī. Adhuc manus volumini implexa, adhuc os recto libro impressum. Sed enim animæ iam vacuus, libri oblitus, & auditorij securus. Stetere paullisper qui introierant, perculsi tam inopinatæ rei, tam formosæ mortis miraculo. Deinde regressi ad populum, renuntianere, Philemonem poetam qui expectaretur, vt in theatro fictum argumentum finiret, iam domi veram fabulam consummasse. Enimuerò iam dixisse rebus humanis VALERE ET PLAVDERE; suis vero famaliaribus dolere & plangere. Hæsternum imbrem lacrymas illi auspiciatum; comædiam eius prius ad funebrem faciem, quàm ad nuptialem venisse. Proin quoniam poetæ optimus personam vitæ deposuerit, recta de auditorio eius exequias eundum, legenda eius esse nunc ossa, mox carmina. b.

Si vitam solum præsentem spectemus, optatissima mors est, sine metu mortis mori: longè tamen optatior est, agendo agere animam, & operi suo immori, vt mors ipsa non sit otiosa c. Cypriani martyris votum fuit, dum, de Deo verba faceret, ingulari pro Deo d. Maximæ profectò laudis est, non tantum à diabolo nunquam, sed nec à Morte otiosum inueniri.

a Pallad. hist. c. 91.

b Madaurensis Philo. in Floridis mihi pag. 579

c Sen. de Sapientis otio.

d Lippeloo. 14. Septemb. mihi pag. 720.

D

§. XLVI.



## §. XLVI.

*Vigilandum & orandum.*

**Q**uia nescitis quâ horâ filius hominis venturus sit. Romani in armis vigilarunt, aliquando tamen sine scuto, bene habere quo fulcirentur ad somnū. Vigilandum tibi, ô homo & armato vigilandum. Ardentia ad Deum vota vera Christianorū arma sunt, Scutum quod somnū, suadeat, vana somnioris vitæ spes est. Fuerunt & illi Romanorum militum in vigilijs frequentes voces. *Vigila, Vigila; Mars Vigila.* Hoc se mutuo hortatu ad vigilandi constantiam incitarunt. Hac te voce, ô mea mens, omnes superi ad sacram insomniam animant. Cælum ipsum noctes atque dies peruigil ac laborans sine quiete, vigiliarum te monet. Obsurdescis aut in somnū declinas; Christum ipsum audi proclamantem: *Vigilate & orate.* Beato Marco narrante, Christus concionem habuit, in cuius solum epilogo, hoc ipsum ter pronuntiavit: *Videte, vigilate, & orate,* nescitis enim quando tempus sit. Hæc prima Domini admonitio. Altera: *Vigilate ergo,* nescitis enim quando Dominus domus veniat, sero, an media nocte, an galli cātu, an mane; necum venerit repente, inueniat vos dormientes. Tertia demum: *Quod autem vobis dico, omnibus dico. Vigilate.* Idem sapius monens, & quidem Matthæi ore nos inclamat: *Vigilate ergo,* quia nescitis qua hora Dominus vester venturus sit. Et repetit: *Vigilate itaque,* quia nescitis neque diem, neque horam. Nec aliud ad clium Oliuarii inculcat: *Vigilate, & orate,* ut non intretis in tentationem. *a.* Hoc ipsum beato Lucâ præcone promulgat: *Vigilate itaque,* omni tempore orantes. *b.* Ipsissimum istud, *Vigilate,* & quoties Paulus ingeminat: In nos fragores hi tonant, ut soporem nobis & torporem excutiāt. Surdi sumus, imo mortui, nisi ad has voces euigilamus. Quicunque vitij indormis, euigila. Farum Ægyptiorum nosti? Media nocte percussor Angelus Ægyptum ingressus est, & fragorem immensam dedit. Sortem illarum decem virginum recordaris? Media nocte clamor factus est, & quæ parata à sponso ad nuptias admittæ, stertentes aliæ sunt exclusæ. Stultitiam serui illius heluantis

meministi? Venit Dominus illius die qua non sperauit, & horâ quâ ignorauit venturum. Bonum patrem familiæ consideras? Omni hora vigila, ut nulla hora fur suffosor domum irreat. Seruatorem tuum cogitas? Media nocte natus est. Idem post mediam noctem (quod credibile) ad supremum Orbis iudicium venturus est *c.* Vigila, itaque, vigila; & omnem diem tibi puta ultimum.

*a* Matth. c. 24 v. 42. & c. 25. v. 13. & cap. 26. v. 41.

*b* Luc. c. 21. v. 36.

*c* *Supremi iudicis tubam media nocte audientem, putat Barradius tom. 3. Concord. Evangel. l. 16. c. 16. mihi pag. 653.*

## §. XLVII.

*Deo fidendum.*

**C**ui Deus adest, stet ille licet medijs irati maris fluctibus, forti pectore procellas excipiet; Molestiæ vexent, dolores lancinet; diabolus frendeat & fremat, Mors mineatur & spiculum dirigat, non est quod expauescat animus Deo confusus; moueat Acheron, tuat Orbis, impavidum ferient ruinæ; victor emerget, & ut cautes Marpesia inanes pelagi minas despiciet. Ita Iobus; ita David se gesserunt. Deum Iobus animo fidentissimo allocutus; *Pone me,* inquit *iuxta te,* & cuiusvis manus pugnet contra me. *a.* Prouocat, insultat, exprobrat castris hostium Dei; veniat qui volet, prodeant gigantes, duello depugnabimus.

David autem; Nam etsi, ait, ambulauero in medio vmbrae mortis, non timebo mala, quoniam tu mecum es. *b.* En, fiduciam? Quamuis in summo vitæ discrimine sim; etsi me, ait, noctis æternæ nigror horridus undique inuoluat, & Mors iam aurem vellicans, tam propinqua stet, quâ est vmbra corpori securus, sola Dei præsentia fretus, contemna illa omnia, Certissimus sum, in hac præsentia tutissimum mihi refugium, validissimumque esse, præsidium. Nam quia Dominus mihi adiutor, non timebo quid faciat mihi homo. Dominus illuminatio mea, & salus mea, quem timebo? Dominus protector vitæ meæ à quo trepidabo? Si consistant aduersum me castra non timebit cor meum; Si exurgat aduersum me prælium,



prelium, in hoc ego sperabo. Deo fidendum est, idque tantò magis, quantò minus sibi ipsi. Sub hostium muris aciem struit, qui Deo fincerè fedit. Deo fidere, est omnibus hostibus superiorem esse.

a *Iob cap. 17. v. 3.*

b *Psalm. 27. v. 4.*

c *Psalm. 26. v. 1. 3. & 4.*

## §. XLVIII.

*Quando Domino visum.*

**A**D beatam vitam nil facit longa series annorum: neque enim annis aut rugis æstimanda est vita, sed actionibus præclaris. Verùm illud, QUANDO, plerisque omnes homines egre habet. Moriendum sibi sciunt, & mori volunt, sed nondum: cupiunt naturæ soluere quod debent, sed nondum, desiderant solui corporis vinculis, sed nondum. Adeo miselli ingeniosè insanimus, vt cupiamus desinere esse miseri, sed nondum, vt felices & beati esse velimus, sed nondum. Ita mori nolumus, qui mori optamus. Iniqui prorsus sumus, qui simul dolemus, & miseros nos esse, & miseriam nostram desinere. Non est dolendi, non est flendi locus, vbi desinis esse quod inuitus eras. Quid, homuncule, tam altum ipse tibi paribulum edificas, vt multos gradus habeas, per quos ad mortem te ire diutius scias? quid vitæ tuæ tot optas annos, quibus funus tuum prospicias. cogitationum lento tormento? Eundem est seu hodiernâ, seu crastinâ.

Tobias laudatissimi senis, non degener filius & cognominis, sed & ipse senex, ætate processit vsque ad annum nonagesimum nonum. Sacræ paginæ testatur: Et completis annis nonaginta nouem, in timore Domini cum gaudio sepelierunt eum. Potuisset Tobias, sensu nostro, expostulare cum Deo & queri: Cur Domine iam mihi abrumpis vitam, cur non pateris me complere annos centum? Quid hic alius Deus responderit, quàm hoc ipsum: Sic mihi visum, tu iam morere, & annos omnes præteritos in lucro pone. Ergo moriendum, Quando Domino visum, non quando Tobia, aut Ragueli, aut Anania, alijve placeret.

At scio, quid multos decipiat: cum Mors pulsât, ante tempus adeste putant importunum exactorem. Stulti, tunc tempus est,

*Quando Mortis Domino visum est.* Quid tergiuersaris, mi homo, quid immaturam ætatem obtendis, quid inducias poscis, quid moram rogitas? Ad mortem maturus pridem fuisti: sed nec concessa mora te paratiorem faciet aut promptiorem. Nam & post hanc morari voles, minus forsitan paratus, quò plus moratus. Induciæ non paucos deteriores fecerunt. Mala ad mortem præparatio est, mori nolle. Facti dimidium habet, qui tunc vult, quando is, qui nihil mali vult. Excutienda vitæ cupido est, discendumque nihil interesse, quâdo patiaris, quòd quandoque patiendum est. Quàm bene viuas, refert, non quamdiu: sæpe autem in hoc est bene, ne diu. Ergo tergiuersationem tolle, & dic animo, Quando Domino visum, sic fiat.

a *Tob. c. 14. v. 16.*

b *Sen. ep. 101. fine.*

## §. XLIX.

*Ad Deum, in omnibus recurrendum.*

**H**eu nos misellos! imò, heu nos stultos! Cum nobis ægrè est, sæpe totum Orbem cogitationum nostrarum alis peruolamus: à rebus creatis solatiola mendicamus planè pudendâ mendicitate. Amicos, inimicos, in nostri subsidium laceessimus; opem omnium imploramus; solùm Deum præterimus, aut omnium adimus vltimò, aut sepe nec adimus quidem rogando solatio. Quæ hæc insania est, iuvari velle à quibus non possis: ab eo iuvari non cupere, à quo vno & possis & debeas?

Ergo quandocunque & quotiescunque tibi malè est primus omnium gemitus, primæ preces, primæ querelæ & voces ad Deum eant: Deo expone tuam causam, tuæque omnia quæ præteris. Quid discursas per Orbem, & ante mendicorum tuguriola mendicus stipem flagitas? Quid transuolantibus rhedis blanda iactas basia incassum? Ad diuitis illius ianuam procumbe, qui saluare possit animam tuam de necessitatibus. Ita Moses fecit: qui in omni dubio recursum iterauit ad tabernaculum, in quo Deum audiuit consultorem. Sic Iosue deceptus à Gabaonitis est quia os Domini nò prius interrogauit. Ad Deum in omni re, præsertim aduersa recurrendum. Mulier il-



la quæ erat in profluuiio sanguinis annis duodecim, & fuerat multa perpeſſe à compluribus medicis, & erogauerat omnia ſua, nec quidquam profecerat, ſed magis deterius habebat: tandem ad medicorum medicum venit, à quo vno, momento vnico impetrauit, quod à pluribus non potuit per totum duodecennium. Maximi refert ſcire, à quo beneficia poſtules. Extrêmæ inopiæ argumentum eſt, mendicis mendicare.


a *Psalm. 30 v. 8. lege totum,*

b *Iof. cap. 9. 14.*

c *Marci c. 5. v. 25. & 26.*

S. L.

**D**iximus recurrendum ad Deum in omni re. Ergo etiam felix obitus, non ab alio quàm à Deo petendus. Eius rei breuiſſimum paradigma ſubiicimus.



## I. ORATIO.

**O**CTO VERSICVLI PSALMIS  
*Davidicis à Sancto Bernardo ſelecti quos ipſe quotidie pro felici mortis hora dixiſſe traditur.*

**I**llumina Domine oculos meos ne vnquam obdormiam in morte: Ne quando dicat inimicus meus, Prævalui aduerſus eum. *Psalm. 12. v. 4.*

In manus tuas commendo ſpiritum meum: redemiſti me Domine Deus veritatis. *Psalm. 30. v. 6.*

Locutus ſum in linguâ meâ, Notum fac mihi Domine finem meum. *Pſ. 38. v. 5.*

Et numerum dierum meorum, quis eſt vt ſciam quid deſit mihi. *Psalm. eod. v. 6.*

Fac mecum ſignum in bonum, vt videant qui oderunt me, & confundantur, quoniam tu Domine adiuvisti me & conſolatus es me. *Psalm. 85. v. 17.*

Dirupiſti Domine vincula mea: tibi ſacrificabo hoſtiam laudis, & nomen Domini inuocabo. *Psalm. 115. v. 7.*

Periſt fuga à me: & non eſt qui requirat animam meam. *Psalm. 141. v. 1.*

Clamaui ad te, Domine, dixi, Tu eſ ſpes

mea, portio mea in terra viuentium. *Psalm. eod. v. 6.*

Omnipotens ſempiternæ Deus, qui Ezechia Regi te lacrymabiliter deprecanti, vitæ ſpatium protendiſti; concede mihi indigno famulo tuo ante diem mortis meæ tantum vitæ ſpatium, vt omnia peccata mea valeam, deplorare, & veniam ac gratiam te miſerante merear accipere.

Omnipotens, benigne ac miſericors Deus, te oro humiliter per mortem Filij tui, concede mihi horam felicem ac beatam, cum anima mea diſceſſura eſt è corpore.

Domine Ieſu Chriſte cruciſige, per illam amaritudinem mortis, quam ſuſtinuiſti pro me in cruce, maximè cum anima tua egreſſa ſuit de corpore tuo, miſerere animæ in egreſſu ſuo. Qui viuis & regnas, cum Deo Patre, & ſancto Spiritu, per omnia ſæcula ſæculorum. Amen.

## II. ORATIO.

*Pro felici exitu ex hac vita.*

**M**iſericordiſſime Domine Ieſu, ſi ſic agitur cum homine morituro, & in talibus periculis & anguſtijs erit vita ſpiritus mei ex hoc ſæculo migraturi, quò fugiam niſi ad te Deus meus? tu erue animam meam, vt non pereat in horâ illâ tremendâ: præſta mihi obſecro ſecundum multitudinem miſerationum tuarum, & per illum amoris eſtum & dolorem, quo ipſe, qui vita es, mori pro me voluiſti, vt mortis corporalis agonem ſemper præ oculis habeam, & hoc agam modo viuens, quod moriens optarem me egiſſe, vtque nullâ in re tantum operæ ac ſtudij ponam, quàm vt mihi ipſi ſpiritualiter moriar, & cunctas ſenſuum meorum mortificem paſſiones, ſicquæ tecum poſt hanc vitam felix ac beatus viuam in æternum.

## III. ORATIO.

*Efficaciſſima Hugonis de Sancto Victore, pro obtinendo SS. Eucharistiæ viatico in extremis.*

**O**dulciſſime ac benigniſſime Domine Ieſu Chriſte, ob tui ſanctiſſimi corporis reue-



ris reuerentiam quod ex intacta Virgine Maria sumpſisti, concede mihi misero peccatori, vt corpus tuum pretiosissimum animæ meæ finalis sit reſectio. Amen, Pater noster &c. Aue Maria &c.

O dulcissime & amantissime Domine IESV Christe, propter nomen tuum sanctissimum, concede mihi misero peccatori, vt gloriosissimum nomen tuum, quod est IESVS, sit mea finalis locutio. Amē. Pater noster. Aue Maria.

O dulcissime ac clementissime Domine IESV Christe, propter passionem tuam acerbissimam, concede mihi misero peccatori, vt tuum in cruce ineffabile tormentum sit mea

finalis cogitatio. Amen. Pater noster. Aue Maria.

O dulcissime ac misericordissime Domine IESV Christe, propter tuam omnem sanctissimam vitam concede mihi peccatori miserissimo omnes affectiones, cogitationes, locutiones, & operationes meas in sancta tua vulnera defigere. Amen. Pater noster. Aue Maria.

O dulcissime ac piissime Domine IESV Christe, propter omnes miserationes tuas, imprime cordi meo tuę mortis exinanitionem, & omnium vulnerum tuorum passionem. Amen. Pater noster. Aue Maria.



## CORONIS PRIMI CAPITIS AD LECTOREM.

**H**oc age, hoc cogita, mi homo, & dum ſactus es, diſce agrotare, diſce mori. Vtrumque rara artis eſt, quam virum ſcias, experiri non licet, niſi cū errare non licet ſine diſpendio æterna felicitatis. Male moriendo ſemel tantū erratur, ſed hic error nunquam emendatur in omnes æternitates.

Quapropter tanquam migraturus ſemper habita: ex parte verò maximā tecum habita, & quotidie omnes conſcientia tuę latebras explora. Quicquid circa te iacet rerum, tanquam hospitalis loci ſarcinam ſpecta. Non licet plus efferre, quā intuleris. Ergo age & ſatage, Deo reproba. Tranſeundum eſt. Omni momento ad oſtium Æternitatis te ſtare cogita. a Tranſeundum eſt. Tota nobis imminet Æternitas. Brevis eſt voluptas, ſupplicium æternum; modicus eſt labor, præmiū ſempiternum.

Sauum ergo inſtruximus: Mortem contemnendam, ſed mortis memoriam nunquam depenendam eſſe monuimus. Idem nūc monebimus Agrotum.

Ioannes Godefridus Bambergensis, & Herbipolensis Episcopus, qui Anno Chriſtiano 1622. die 29. Ratiſbonę in comitijs ſanctę obiit: hic optimus Antifteſ, Æternitatis aſſidue memor, dicere ſolebat: Omni momento ſto ante ianuam Æternitatis. Atque hæc iſtius dicti origo eſt.





## AD CAPVT II.

### Imago II.

#### ÆGROTIS SIC CONSIDERANDA.

- A. *Instat hyems, cadunt folia; Mors vigilat, & securim tollit; Tu quoque vigila egrote.*  
 B. *Quod Torcular uis, hoc Morbus est ægrotis; modo neutris desit maturitas.*  
 C. *Quadam aues cadendo vincunt; plurimi hominum ægotando sanantur.*  
 D. *Grando spicas, inualetudo sternit homines: præstat sic cadere, quàm malè stare.*  
 E. *Ha rerum vices sunt; Post nubila Phœbus, post Phœbum denuo consurgunt nubila.*  
 F. *Aculeus Morbi, & mortis spiculum vitari non possunt, vinci possunt patientiâ.*  
 G. *Eques in undis, æger in morbis fluctuat; incertum, an euadant.*

## CAPVT II.

### MORTIS MEMORIA

#### COMMENDATVR ÆGROTIS.

##### §. I

*Ingressus ad sermonem, & an Morbus, malum.*



**C**AVNVS, Cariz oppidum est, pestilente cælo, & iniquo incolis. Hos Stratonicus citharædus, homo facetus cum esset intutus Homeri versicu-

lum in eos recitauit:

*Tale quidem genus est hominum, quale est foliorum.*

Nimirum luridos omnium vultus, pallidosque sugillabat. Caunij verò cum hominem inhumanius salutassent, quod eorum vr-

bem vt morbidam infamaret, Stratonicus eis iterum: Ego, inquit, morbidam dicere non ausim, vbi & mortui ambulât? Urbanus multo falsiusque illos notauit quàm antè. *a*

Sed quid negamus, aut quid supercilium attollimus? folijs simillimi sumus. Dilucidè Iobus: Contra folium, inquit, quod vento rapitur, ostendis potentiam tuam. *b* Ac si dixisset: Cum folium sim, quod vite incommodis omnibus obnoxium est, quod ventos omnes timet, & vel ad leuissimam aëris commotionem tremit ac diffatur, ne tu, ô Deus, indignationis tuæ vento me præcípites; cadam vltro, te etiam non impellente. An non folia sunt homines, quos morbi tanquam exsuccos flores aridaque folia huc illuc vario ludibrio impellunt? Nec aliter clemens Alexandri-

Ægrot  
ihab  
Dom

A B  
h



xandrinus hac de resentiens: Agite, inquit, obscura vitæ homines, generationi foliorum similes, imbecilles, cera figmenta, gens instar vmbrae euanidi, inuolucres, vnius tantum diei vitam habentes c. Certè folia sumus, ad omnem auræ motum decutimur. Vnica quandoque febricula: quid dico, tussicula, imò guttula vnica ostiolo non suo illapsa, hoc tale folium pessundat, & in tumultum abijcit.

Sed nunquid sanitas bonum est, Morbus malum? Non, mi homo, non est, inquit Epictetus. Quid ergo? Rectè sanitate vii, bonum est; male, malum. Licet ergo vel è morbo capere fructum Deo tuo. An non & è morte? De morbo quid statues? Ostendam eius naturam, excellam in eo, tranquillus ero, bene mecum agi putabo, medico non adlabor, mortem non oprabo. Quid requiris amplius? Quicquid mihi dederis, id ego efficiam beatum, prosperum, honorabile, expectandum. Sed est qui abnuat, dicatque: Cave ne egrotas; mala res est. Cui denuò Epictetus: Perinde, ait, istud est, ac si quis diceret: Cave ne quando tibi singas tria esse quatuor; malum est. Quomodo malum? Si de eo sic existimaro, vt decet, quid porro mihi nocebit, ac non potius proderit? Si ergo de paupertate, de morbo, de perturbatione status publici, ita sensero, vt decet, nonne id mihi satis est, nonne profuturum?

Veritas te amet, Epictete, quàm hæc omnia verè, & ad amulum Christianæ legis! Hoc fundamento posito nos hic docebimus, in Morbo Mortis meminisse, & aduentum eius non expauescere.

Sed quæso te, Lector, ne hæc eò scripta putares, vt solum ea legas ægrotus: tu sanus lege, vt tibi prosint ægroto.

a Strabo l. 14. b Iob c. 13. v. 25.

c Clem. Alex l. 4. Strom. ex Aristoph.

d Epictet. l. 3. dissert. c. 20.

## §. II.

*Ægrotus ad Amicos, ad Morbum, ad Morbi lethalis initium, ad Mortem, ad Christum Dominum.*

## AD AMICOS

**A** Bite cum vano luctu intempestiui. Non hic querelis locus aut precibus. At

immaturus à vobis abeo? Immaturus videte ne erretis. Maturus ad mortem fui, quàm primum natus, imò antequam natus. Quid enim querat? Quid natus sim, scio: imbecillum corpus, fragile, ad omnem contumeliam proiectum, morbi pabulum, mortis victima. En, quisquis es, sume spes aut res animo cras non future, aut alibi future.

## AD MORBVM.

**E**rgone iam ægrotandum? Venit tempus quo experimentum mei caperem. Non in mari tantum aut in prælio vir fortis apparet. Exhibetur etiam in lectulo virtus. Ægrotandum itaque? Non potest istud toto sæculo fieri. Aut ego febrim relinquam, aut ipsa me. Sæpe vnà esse non possumus. Hactenus fruebar sanitate; nunc cum Morbo mihi res erit. Morbus, non nescio, primus Mortis nuntius est. Gregorio id credo, qui piè ac verè: Dominus pulsar, inquit, cum per ægritudinis molestias mortem vicinam esse designat. Cui confestim aperimus, si hunc cum amore suscipimus.

Primum hunc mortis nuntium equo animo admittere, etiam apologi me docent. Senem aiunt grauiter decubuisse. Cumque iam Mors raptura hominem adesset, rogauit æger feralem manum tantisper à se abstinere, dum testamentum conderet, ceteraque parare quæ tanto itineri forent necessaria. Cui Mors: Eho silicernium, inquit, parare te non poteris tot annis, toties à me admonitus? Ad quæ senex, Obsecro, ait, fidem tuam, non commemini, me vnquam à te monitum. Cui mors iterum: Vt audio, etiam senes mentiuntur, Centies, sexcenties, millies te monui, cum non solum æquales tuos, quorum vix vllus superest, sed & iuuenes pueros, infantes te spectante: te ingemiscere raperem. Sed & ego tuam fidem appello, obliuiose senex, non te monui, cum oculi tui hebescerent, pili canescerent, nares stillarent, aures surdescerent, ceterique sensus deficerent, omneque corpus tabesceret: Hi nuntij mei sunt, hi fores tuas pulsabant, sed tu negaras te esse domi. Sat crebro, sat diu monitus es; nil differo. Veni, & vnà mecum choreas ingredi. Ad Mortem raro bene se parat, qui se parat tam serò.

a Greg. hom. 13. in Euang.

AD



AD MORBI LETHALIS  
INITIVM.

**C**um vitam meam cogito, cum vitiorum meorum multitudinem, raritatem virtutum considero, eheu, Deus, coarctor nimis, & angustia mihi sunt undique. Sed melius est, ut incidam in manus Domini (multa enim misericordiae eius sunt) quam ut annos augeam, & simul vitia. Quis futurus essem, tu, ô Deus, nosti. Fortassis gratia tua exciderem, si non iam vita. Mors ades, irruc in me, vitam promptus paratus amittam, modo servem Dei mei gratiam, aut illa me servet potius, quod unum toto pectore à te, Christe Iesu, & per te flagito.

a Dan. cap. 13. v. 22.

AD MORTEM.

**Q**uia lenta me tabe necas, mors saeva, paratu

Non opus est tanto, vincere nolo, feri.

Cur in me pharetram sic vis consumere? vita  
Ferre potest spoliū sola vel aura mea.

Quid enim est homo? Navis quassa & rimosa, quae sola iactatione vehementiore soluitur, non magna tempestate opus est; ubi cumque arietaveris dissipatur. Humanum corpus ex infirmis fluidisque contextum, lineamentis exterioribus nūdum, frigoris, aestus, laboris impatiens, ipso rursus situ & otio iturum in tabem, alimenta metuens sua, quorum modò inopiā, modò copiā rumpitur, soli semper sibi nutrimentum vitiosum & inutile, anxie tuendum & servandum, precarij spiritus, & malè hærentis, morbis innumeris obnoxium, & absint morbi, à se ipso paullatim depascitur, & ad mortem defluit. Miramur hoc semel mori, in quo mille reperias Mortis latibula? Numquid enim ut concidat, res magni molimenti est? Odor illi saporque & lassitudo, & vigilia, & humor, & cibus, & sine quibus vivere non potest, mortifera sunt.

AD CHRISTVM DEVM.

**C**hriste mori nolo, sed vivere. Vivere quærit;

Christe tuo quisquis querit amore mori.

Non sanè sum in metu eorum, quæ ex de-

creto, ô Deus immitis. Sequor te, benigne parens, sequor. Et quidni faciam, cum propius ad te vocas? Dissolui & esse cum Christo, multo magis melius. Et hoc ipso desidero. Mihi enim vivere Christus est, & mori lucrum.

a Philip. cap. 1. v. 22. & 23.

§. III.

Mæroris antidotum.

**Q**uid turbaris, aut quid angeris? In manu Dei es; & ipsi de te cura est. Atqui malè afficeris & egrotas? Quid hoc tandem mali, cum sit à summo Bono? Deus te suum esse vult, & ideo quibusdam quasi morbi cancellis sepiet & coërcet, ne ab eas in diuersa, & à via aberres, quæ ad cælum.

Auicula caueam quidem indignatur, libertatem querit, & reluctatur: at dum in cauea capta est, ab hero suo & amatur & alitur. Quis liberè errantem ab aucupis seu visco, seu laqueo securam dicat? Ita, mihi crede, magnum quid est, Domini Dei captivum esse, uti est egrotus. Maximi beneficij loco censendum, exiguo tempore, vinciri, vri & secari ab eo, qui vult æternū parcere.

§. IV.

Non semper mulsum.

**D**Ev s tibi, mi æger, calices nunc ingerit amariore; mulsum biberas, dum sanus eras: iam bibendum est absinthium. Quid os torques, & avertaris hoc poculum? amarum est, fateor, sed salubre. Illud Iobi cogita. Si bona suscepimus de manu Dei, mala quare non suscipiamus? Ingrati mortales, bona nostra vix aliter cognoscimus quàm perdendo: amissæ valetudinis bonus æstimator eris imposterus. Et meministi utique, quod dum valeres, sæpius te plusculum inuitaveris, subinde etiā sobrietatis metas egressus. Nunc ergo, me suafore, amarulentum hoc poculum latus capies, & comestationibus antea actis honorariam hanc multam irrogabis. Olim Latinarum ferijs (teste Plinio b) cum quadrigæ certarent in Capitolio, absinthium bibit, qui vicit: tu iam bibe, ut vincas.

Dulcia non meruit, qui non gustavit amara.

a Iob c. 2. v. 10.

b Plin. l. 27. nat. hist. c. 7. ante med.



## §. V.

*Christiana generositas, mortis contemptus.*

**N**emo vitam bene rexit, nisi qui contempsit. Tam imperiti non sumus, ut nesciamus, nobis quandoque moriendum esse, tamen cum propius Mors accesserit, tergiuerſamur, tremimus, ploramus. Sed nonne tibi stultissimus videbitur, qui fleuerit, quod ante annos mille non vixerit? & que stultus est qui flet, quod post annos mille victurus non sit. Hæc paria sunt: non fuisti, nec eris. Vtrumque tempus alienum est. In istud, quo viuus, punctum coniectus es, quod ut extendas, quousque extendes? Quid fies? quid optas? perdis operam. Eo ibis quod eunt omnia. Quid tibi nouum est? ad hanc legem natus es: hoc patri tuo accidit, hoc maioribus, hoc omnibus ante te, hoc omnibus post te. Ratum & fixum est; Mors grassatur in omnes. In hoc nascimur ut defungamur. Cerne animo longam præeuntium, longamque sequentium te, & hac ipsa hora tecum obeuntium cateruam. Multa millia hominum & animalium, hoc ipso momēto, quo tu mori trepidas, animam varijs lethi generibus emittunt. a Pulchra hæc contemplatio est & vera. Totum Orbem vide, notum, ignotum: multa millia omnibus momentis nasci, mori certum est; & quosdam eodem mortis genere. Tu autem fortasse non putabas te aliquando peruenturum ad id, ad quod semper ibas? Nullum sine exitu iter est. Mors ad quietem perpetuum tutum est iter; nec in morte aliquid mali est, nisi timor mortis. Proinde si volumus tranquille degere, anima in expedito est habenda. Ego mei finem timeam, cum sciam me sine fine non esse, imò cum sciam omnia esse finita? Ego vltimum suspirium, quod finem dabit omnibus suspirijs, formidem? Eccur reddere dubitem, quod ea lege accepi ut reddam? At difficile est, inquis, animam perducere ad contemptum animæ. Est facile, sed scienti viuere.

*Summum diem probus nec optat, nec timet.*

Quin Mors habeat aliquod terribile, non negamus, sed ideo discendum quâ ratione Mortem non timeamus. Nemo discit, ut equo animo in rosa iaceat, ut hilari ad offertam mensam accumbat, sed in hoc duratur, ut do-

loribus non cedat. Hilariis uenientem mortem excipit, qui se ad illam diu composuit. Et hoc maximum animi generosioris argumentum est, si exire non metuit. Scit enim quod exiturus sit, qui vnde venerit meminit. Theodosius Imperator talis, de quo Ambrosius dicere solebat: Dilexi virum, qui cum moretetur, magis de Ecclesiarum statu, quam de suis periculis angebatur. Tu ergo Mortem ut nunquam timeas, semper cogita.

a Senec. epist. 77.

## §. VI.

*Mortis contempta specimen.*

**N**INACHETVS, prætor Malacensis in Indiâ iussu magistratu se abdicare, non tulit ignominiam, veri honoris & solidæ virtutis ignarus. Confestim ex aloë aliisque odoratis lignis extructâ pyrâ, quadratum iuxta suggestum nobilissimis aulæis, ceteraque pretiosa veste constrauit. Ex eo suggestu ipse aurâ togâ gemisque præfulgens; ad circumfusam concionem de rebus ab se gestis totâque vitæ suæ cursu disseruit: expositisque beneficijs, quæ in captiuos Lusitanos difficilimo tempore contulisset, nullo suo delicto, spoliari se dignitate, dolenter admodum & acerbe conquestus est. Tum Lusitana ingenia detestatus (adeo funestas humano pectori subdit faces ambitio) se in ardentem rogam iniecit, mortis contemptor. a.

De non absimili mortis contemptu Ælianus. Est, inquit, & Calani finis dignus quem laudemus, alius dixisset, quem admiremur. Fuit autem eiusmodi. Calanus Sophista Indus, cum Alexandro, Macedonibus, insuper & vitæ longum vale dixisset, in pulcherrimo Babylonis suburbio pyram è lignis odoratis Cedro, Thyo, Cupresso, Myrrhæ ac Lauro extruxit, obitoque consueto cursus exercitio, pyram conscendit, mediâque strue lignorum stetit coronatus, affulgente, quem ipse adorabat, sole. Quo facto signum Macedonibus dedit, ut pyram incenderent. Ardente iam rogo, flammis inuolutus Calanus constitit immotus, neque ante collapsus est, quàm expirasset. Alexander viri animum obstupescens dixisse fertur: à Calano potentiores hostes debellatos quàm à se. Nam Alexander cum Poro, Taxilâ, Dario bellum gesserat,



rat, Calanus cum Labore & Morte *b*.

Ergone tantum robur vanissimis hominibus fuerit in Mortem, & Christiani Deo adiutore freti trepident concidantque animis? Non est malum mors, sed malum est Mortis metus. Obsecro res ipsas examinemus, non umbras rerum. Si Senecæ credimus, Mors optimum naturæ inuentum, malorumque omnium remedium est *c*. Quid ergo ad extrema trepidamus? Excipiet nos magna & immortalis pax, voluptas aeterna. Inuicti esse possumus, inconcussi non possumus. Transendum est. Ex ipsa igitur longioris æui desperatione sumendus est animus, fiat virtus quod foret necessitas. Certè Christianus sapiens nihil facit inuitus, necessitatem omnem effugit, quia vult quod ipsa coactura est: Ergo libenter faciamus, quod non possumus, non facere: æquo animo expectemus nostri aut finem, aut potius initium. Sereno semper est animo qui Mortem scit contemnere.

*a* *Ælianus* l. 5. var. *hist.* c. 6.

*b* *Pet. Massæi* l. 5. *Ind. hist. mihi* pag. 150.

*c* *Sen. Consol. ad Marciam* c. 20. & *lib. 6. nat. qq. fine omnino.*

## S. VII.

*Animus ad Mortem promptus.*

**Z**eno Citricus, ut Suidas memorat *a*, schola exiens impegit, digito pedis vulnerato. At ille vocari se ratus ad plures, terram manu pulsauit, hac voce adiectâ: *Venio, quid me vocas?* Ita nonaginta annorum senex, nunquam ægrotus, decessit. Fames Zenoni amicissima ruit, nam ea se inedia frequenter confecit, ut deficeret. Sed libenter sic ægrotabat Zeno, ne ægrotaret, & ut senectutem obtineret tranquillam atque à morbis immunem. Vtrumque assecutus est ex voto. Ne miremur nos brevis æui, & incertæ valetudinis esse; nimirum inter mensas & pocula valetudinem ac vitam consumimus, neque enim cessasse nos credimus, nisi venter ad omnem satietatem fartus tumeat ut tympanum. Ridiculi, imò insani homines, quo vitam producere deberemus, eo præscindimus. Sed hoc inde est, quia persuaderi nolumus, tantas esse vires abstinentiæ ad extendendam ætatem. Sed quotidiana loquitur experientia, optime

dictum esse: *Quantum adimes escæ, tantum adicies vitæ* *b*. Sed ad lineam.

Vrsinus sacerdos (B. Gregorio teste *c*) in morbo celestibus visis recreatus, sapius exclamauit: *Venio, venio, gratias ago*. Cumque adstantibus, quos cælites videret, exposuisset, easdem voces iterauit: *Ecce venio, ecce venio*. Inter quæ verba abiit à vita.

Promptus ad mortem animus ita loquitur: *Venio, ecce venio*. Hic diu tritari velle, serum nimis est, frustra te reluctamur. Natura mater, non nouerca. Ecquid naturam accusas, mi Theophraste, quasi minus homini quam bestiis fauentem? magis certè huic quam illis voluit. Quid enim melius, citò pati quod non timeas amplius, quam diu timere quod tardè patiaris? Longum homini tormentum demit natura, cum vitam ei concedit breuem.

— *scilicet omnibus una*

*Expectanda dies semper* —

Quid ergo cohortes? vita tibi eripitur? Sed simul & mortis metus, & mala vitæ plurima. In omni panè re, omnibus hic sensus est: malle citò pati, pati quod debeas, quam patiendā tamdiu timere, quamdiu differre. Parvulum differt, ait Plinius secundus, patiari aduersa, an expectes: nisi quod tantum est dolendi modus, non est timendi; doleas enim quantum scias accidisse, timeas quantum possit accidere *c*.

Ergo ad sis, ô Mors, habes me tuum stipendiarium: solum quod debeo, quando-cunque Deo meo visum me debere. Ergo libens volens

— *explebo numerum reddarque tenebris* —

è quibus tamen ad lucem eamque immortalem me rediturum erectissimus spero. Non mors malum est, sed post mortem pœnās dare, hoc malum est *e*.

*a* *Suid.* *mihi* pag. 155. col. 1.

*b* *Vide* *Leonardi Lesij Hygiasticon.*

*c* *Greg. l. 4. dial. c. 11.*

*d* *Plin. sec. l. 8. epist. 17.*

*e* *Chrysostomus hom. 3. in epistolam ad Philipenses.*

## S. VII.



## §. VII.

*Mortem timent, qui non prouident.*

**R**es certa est: Nil æquè terret quàm inopia moriendi necessitas. Aspice, quem admodum qui alieno imperio parent, subito iussi longum iter agere, solliciti ac tristes complicandis raptim sarcinulis inbiant: Vide quàm queruli & indignanter abeant, quod non maturius moniti: dum discedunt, saepe in tergum se vertunt, & nunc hoc, nunc illud oblitī murmurant. Atqui nulla via est longior quàm *Mori*, nulla durior, nulla obscurior & incertior, nulla suspectior & latrocinibus infestior: quæ ut cuncta cessarent, certè irreameabilis via est. Tantò igitur attentius prouidendum, ne quid obliuiscamur, quoniam hinc digressis, non subsistere, nec diuerrere multò minus reuerti licet. Ire illò necesse est, milites, aiebat dux Romanus, vnde redire non est necesse. Vnum hîc remedium est, ut parati animo simus semper, & vocati respondere, & iussi obtemperare, compositisque omnibus ad primum ducis imperium, iter illud ingredi. Heu! quàm malè sibi consulunt, qui preparationem ad iter hoc inter minimas curas habent; cuticulam curant, & ut sibi bene sit, cetera committunt alex.

Smindyrides, perditissimus ille iuuenis iactare solitus est, se à viginti annis solem nec orientem, nec occidentem vidisse assidue scilicet in lecto aut in mensa occupatus. Nescio an non similes ei reperias inter Christianos, quorum maximum negotium, mensa, lusus, otium. Nimirum, ita nos Morti paramus, sic Æternitati preludimus. Hic eueniet, quod Bruto in epistolis verè olim varicinus Cicerò: Mihi crede, inquit, opprimemini, nisi prouideritis: Sic accidet incautis omnibus, qui futura non prouident. In cunctis quidem rebus necessaria est prouidentia, in ijs tamen maximè, quæ amplius quàm semel fieri nequeunt: vbicunque pes lapsus fuerit, actum est: vnus error multa trahit errorum millia. Hæc ratio mortis est, vnicus in ea error, infinitos trahit errores, hic semel errasse, æternum est periisse. O cæci mortales! Eueniet vobis, quòd his, qui contra hostilis ferri aciem oculos claudunt, quasi periculum quòd non vident, nec sensuri sint. Feriemini,

morie mini, sentietis, an cæci autem, an videntes, id in vestra manu est. Rocufatis ecce mortem cogitare, quàm breui & cogitare oportebit, & pati. Eius perperissio facilius sequeretur, si cogitatio præcessisset.

## §. IX.

*Mortem timent, qui vitam negligunt.*

**N**Eque hîc res dubia est: Illi potissimum mori nesciunt qui viuere nesciunt, quibus omnis felicitas est in corpore, quibus hoc vnum sapit, bene comedere, bene bibere, bene dormire; qui cælum suum interpretantur, nunquam extra voluptatem esse, homines certè obedientissimi, sed suo ventri, non diuinæ Voluntati, quorum maximum est negotium, cuticulam in bona pace curare, & indulgere genio, dum licet. De his verissimè dixit Gregorius: Desiderium cælestium nesciunt, qui cor in terrenis voluptatibus defigunt.

Christianus sapiens, cui non alia corporis, quàm vilis mancipij cura, mortem non aliter quàm digressum matutinum è nocturno quopiam in amœno & incommodo prorsus hospitio spectat. Quisquis es, posses vitæ huius exitum non timere, si alterius ingressum sperare posses; tuus hic timor inde oritur. Quamuis enim formidari vulgo exitus multè erandantur causæ, omnes tamen spe beatoris vitæ proposita evanescent. Qui cælum seriò aspirat, ad hæc ludicra non trepidat. Huic tali homini labor, mœstitia, dolor, contemptus, ignominia, damnum, Orbis, seruitus, paupertas, senium, mors ipsa nihil aliud sunt nisi experientia schola, campus patientiæ gloriæ palæstra.

a Greg. lib. 14. mor. c. 13.

## §. X.

*Tria morbi graua.*

**I**N omni ferè morbo graua sunt, *Mortis metus, Dolor corporis, intermissio voluptatum.* a Quomodo verò calida frigidis, frigida calidis curantur, sic & illa suis curanda sunt antidotis. Videat hic æger, ne erret, & æstum æstu mitiget. Adolescens fuit qui medicamentis egebat frigidis, hic tamen clam medicis, domesticorum suasu, diebus non paucis ius bene piperatum ieiuno stomacho transmisit, & pectus balsamo iunxit, alia-



que calidissima fomenta suo morbo admouit, & seipsum pœnè morti, Ergo *Timorem mortis*, amore curabimus, sed diuino: modicum diuini amoris omnem vanæ formidinis fumum dispellit. Qui Christum amauerit, minus amabit vitam. Christumque sentiet redamantē Hoc non fit verbis: Marce, vt ameris ama. *b*

*Dolor corporis* demulcendus est conscientia tranquillitate. Mens bene sibi conscia ægrum mirificè solatur, siquidem pura conscientia potens est pharmacum in omnes cruciatus. Illud etiam dolorem lenit, quod Gregorius suggerit his verbis: Mitigat vim doloris, considerata æquitas ferientis. Longè facilius dolores æger tolerabit, si altè in animum admiserit hoc vnum: Iustissimus Deus. vult me hoc pati.

At *voluptatum intermissio* nihil affliget eum qui voluptates cogitauerit æternas, illas quas relinquimus, vanas, breues, & plerumque fœdæ sunt, & sæpissime priusquam deserantur, ipsæ suos amatores deserunt: ex quas patria pollicetur, immensæ, stabiles, æternæ sunt. Facile spernit voluptatem fluxam, qui sincerè sperat æternam.

*a Sen. epist. 78.*

*b Martialis. l. 6. epigram. 9.*

# § XI.

*Morbus virtutum ludus.*

**B**ene pungeris, inquit Bernardus, si compungeris. *a* Morbus, virtutum schola; vitiorum quoddam veluti macellum dicitur. Quisquis ægrotus est, in hoc ludo discipulus est. Valetudo contrà plurimis virtutum macellum est, & schola vitiorum: dum valent, funt: si malè valerent, rectè agerent, dum sani sunt, sexcentis negotijs intrancantur, Dei negotium in postremis habent. Quamulti cacti sunt dum ægroti sunt: cum conualescunt, in pristinas libidinum sordes reuoluuntur. Hi longè tutius ægotarent, quibus tam periculosa & pestilens sanitas est. Hos ergo Deus in lectum compingit, vt sibi vacent, & rem salutis curent; vana vanis relinquunt, & celum suspirent, Infirmitas grauis sobriam facit animam. *b* Vt ad calculum res redeat; Morbus multis quidem tædijs implicat corpus, sed multis explicat animum. Diuini Pauli vox est. Et licet is qui foris est noster homo corrumpitur, tamen is qui intus est,

renouatur de die in diem. *c*. Hinc quamuis mala; quamuis pessima agritudo videatur, optima esse incipit, cum ægrum sanctiorem efficit. Multi cum sentiunt pœnam, corrigunt culpam. Nusquam peius quam in sano corpore æger animus habitat.

*a Bern. in Psal. 31. b Eccli. cap. 31 v. 2.*

*c 2. Cor. cap. 4 v. 16.*

# § XII.

*Morbus corporis, animi salus.*

**I**nvalida valetudo hortatrix parsimonias, dehortatrix libidinū, & magistra est modestias. Tu pone sollicitudinem, quicquid corpori euenit, saluus es, si modò valetudo animi sit bona. Enimuerò plurimis ad animi valetudinem profuit agritudo corporis. Ille vir altus ex humili, ex aquis euectus ad sidera, cælique clauiger, *a* cuius vel sola vmbra molestias morbosque corporum pellebat, interrogatus aliquando, cur suam ipse filiam graui morbo pressam sineret, respondit: *Sic expedit ei*. Tu quid scis, an non & tibi sic expediat? Ille idem, de quo loquor, filiam mox vt tutò sanam fieri posse cognouit, & sanauit, & sanandis alijs habilem fecit. Et tu quoque facito, vt tua tibi secura sit sanitas, fortasse sanabere. Denique quod tuum est, animum ante omnia cura, eumque cœlesti medico curandum offer. De reliquo, si non quod optas, at profectò quod expedit, spera. Misera valetudo comes est quidem iniucunda, sed fidelis, quæ te crebrò vellicet, iter signet, & conditionis tuæ admoneat. In periculis tutissimum est præsidium, fidus monitor. Quod si morbus sine remedio sit, sile & gaude; e carcere ruinoso facilius ac citius egredieris. Optime dixit Gregorius Nazianzenus: Anima morbo affecta, Deo propinqua. *b*

*a Petrus Apostolus.*

*b Grego. Naz. orat. ad ciues.*

# § XIII.

*Morbus Aeternitatis monitor.*

**Q**uantum hoc boni est quod mala vitæ presentis, breui gustu perennis admoment supplicij: Ager itaque infinitas amaritudines declinare studeat, quando horis pauculis tam impatienter hæc amarissima scola tolerat; doloribus non longis discat euadere sempiternos, quibus nec pharmacopola, nec medicus,



dicus, nec herba, nec dies criticus, neque mors ipsa medebitur, malorum hic omnium medicina. Viq̃ ad mortem diuersa, vnus omnium terminus est Aeternitas.

Anaxagoras peregrè moriens, An in patriam referri velleret, amicis interrogantibus: Nihil necesse est, inquit, & adiecit causam: Vndique enim ad inferos tantundem via est. Hoc responsum non minus conuenit ad cælum ascensuris, quam casuris ad inferos. O februm felix incendium, ac vtile, quia breue! O inferorum rogi formidabiles, quia æterni!

Ex quibuldā malis remedia constantur, & saepe paruus præsensque dolor, vt venturis ac grauibz occurreretur admonuit, fuitque vtilis qui molestus erat: ita morbus quicunque, quò magis infestat & torquet, eò magis Aeternitatis admonet: siue in delictis siue in flammis ducendz. Videant sani, attendant egri quò eant. Voluptas omnis, sed & omnis mœror breuissimis clauduntur spatij. Mortale est omne mortalium bonum; eodem hoc circo mala omnia coërcentur,

*Carcere metaq̃ nescit gloriosa Aeternitas;*

*Comparatum Aeternitati tempus omne per breue est.*

## §. XIV.

*Morbus igitur optandus.*

**O**ptanda saepe est, inquam, corporis imbecillitas, quò maturius liber sis ac victor. Optauit hanc qui dixit: Pro me autem nihil gloriabor, nisi in infirmitatibus meis. Cum enim infirmor, tunc potens sum. Nam virtus in infirmitate perficitur. Propter quod placeo mihi in infirmitatibus. Vt in vaginâ lacerâ sepe bonus gladius, sic in corpore imbecilli ac morbo fortis subinde animus latet. Hoc robur est optabile, quod nec dies minuit, nec fortuna. Aegrotus non quidem idoneus est vestandis oneribus, aut aruo fodiendo, sed exercendæ patientiæ, sed erigendæ fiducia. Sic in naui robustior quisque remum agit, at prudentior clauum regit. Vita quasi nauis, rerum fluctibus & Mundi pelago iactata suos remos habet suumque gubernaculum; si à vilioribus repulsus es officijs ad nobiliora conuertere. Vera & generosa vis hominis in animo est. Corpus animi domus quàm robusta, quàm fragilis sit, nihil ad hospitem, paucorum præcipue dierum: si domus corruat,

migrandi necessitas in aliud, idque perpetuum domicilium hinc exclusos transfert. *Virtus in infirmitate perficitur.* Et quauis morbus videatur deterrimus, optabile tamen hoc malū est, quod mali remedium sit maioris. Plurimum sanè valetudo tunc est prosperrima, cum maximè aduersa.

a 2. Cor. 12. v. 5. 9. & 10.

## §. XV.

*In morbo quid legendum.*

**Z**eno Demij filius, quem proximè nauis, cum oraculum consulisset, quâ ratione optimam vitam duceret, responsum ei ferunt: si mortuis concolor fieret. Vel: Si mortuorum consuetudine vteretur, hoc est est, vt Suidas explicat, si veterum scripta legeret. Cum libris habitare, est inter mortuos degere. Atqui hæc cum mortuis consuetudo, vita optima. Sed sicut ægrotis plena macella aut penora, sic & plenas ijs bibliothecas aperire, & grandia obtrudere volumina insanè est: iusculū illis aut olusculū quandoque satis est in lautissimam cenam, sic & libellus vnus alterve in aliquot menses. Subinde legendum aliquid est, etiam ægrotis, si morbus aut dolor id ferat: sed legendum ijs sicut comedendum. Quod comedunt, non statim glutiant, sed prius mandant, & cibum pœne in ore, velut stomacho primo, concoquant: sic etiam quod legunt, non oscitanter transiliant, sed vnâ alterâve sententiam expendant, & velut digerant. Aliter legere, est negligere. Sed vt ægrotis librorum, quos lecturi, delictus sit, syllabum subijcio breuissimum.

## E L A T I N I S.

Robertus Bellarminus de Arte moriendi.

Aut de gemitu Columbæ.

Aut de Aeternâ felicitate Sanctorum.

P. Steph. Bineti Schola & Recreatio ægrotorū.

P. Antonij Balingemij solatium afflictorum.

## E G E R M A N I C I S.

Academia Aegrotorum Neoburgi Anno 1625. edita.

Liber de Imitatione Christi, omnium pœne linguarum, omnibus vtilis est.

Ex horum librorum aliquo ager velut apud libare poterit quæ solentur, quæ erigant, quæ doceant par. Si morbus aut vita ratio alios libros respuat, liber ægroto vnus sit, Iesus Christus crucifixus. Hunc ille librum



assidue legat, tot in eo reperturus solatia, quot verba, quot vulnera.

## S. XVI.

*In morbo semper orandum.*

**I**Ta aio: semper orandum in morbo. Neque hoc difficile morbo, si velit. Aut enim lingua (si ea tam potens) ad Deum diuofque fundendæ preces: aut, si lingua torpeat, vel vocem dolor intercludat, animus ad Deum à trollendus supplex & obsecrans, quieto corpore: nisi quod ardentiores subinde gemitus tam secreta cum Deo colloquia rectè distinguunt. Sed is sæpe morbus est, qui non solum vocem impedit, sed & animum deprimat, iubeatque sibi potè soli attendere: atque tunc patientia & tolerantia dolorum pro precibus offerenda sunt Deo, gratum illi sacrificium est Dolor, cui iungitur Patientia. Bene precatur, qui bene patitur. Neque orare tantum, sed & exorare Deum credendus est is, qui ad illum legatos mittit tam disertos **DOLOREM** & **PATIENTIAM**. At sit ægrotus, cuius vocem quandoque supprimat, & animum frangat, & patientiam vincat dolor, etiamnum tamè modus est quo oret. Circumspiciat saltem; videbit assidentes, adstantes, paratos iuuare, promptos succurrere. Quàm facile tunc ægro vnam alteramve voculam mittere: Quælo te, mi amice, mi frater, linguam meam dolor hebetat, tuâ tu mihi commoda, & has preces percurrere, hos & hos psalmos recita, hoc aut illud è libello prælege. Quis tam durus sit, qui hanc operam neget decumbenti? Ergo, cum æger suis ipse verbis precari non poterit, poterit alienis. Ergo & repeto: *In morbo orandum semper.*

Nunquam Deum importunè adire possumus.

## S. XVII.

*In doloribus, & aliis per diem quid cogitandum, quid agendum.*

**H**Omo, Deo fretus, tamen si ærumnis pressus, doloribus plenus non malè dixerit: Dum spiro, spero, & semper meliora, quò mea scilicet sint propiora cerno. De dolore optimè philosophatus Seneca: Nemo inquit, potest valdè dolere, & diu. Sic nos a-

mantissima nostri natura disposuit, vt dolorem aut tolerabilem, aut breuem faceret a: Nam summi doloris intentio ibueni finem b. Hoc itaque solatium vasti doloris est, quod necesse est desinas illum sentire, si nimis senseris. Illud autem est, quod imperitos in vexatione corporis malè habet: Non assueverunt solo animo esse contenti, nimis multum negotij eis tum corpore est. Quocirca, mi ægrote, assuesce paulatim animum à corpore deducere, & multum cum meliore ac diuinâ tui parte versari; cum corpore, parte fragili & querulâ, non plus quàm necesse est. Et quia raro tam assiduus dolor est, vt non subinde intermittat, subinde etiam remittat, idè non statim omne animi exercitiū omittendū cense, cū in morbo cubas, cū dolores sentis. Ante omnia, vide, vt si villo modo possis, preces matutine, & aliquid conscientia examen vesperti suum habeant progressum: si vox langueat, ore animus. Rei diuinæ interesse non potes, & Deum panis albedine velatum cernere? in lectulo tuo tibi tempus destina, quo Deum animo præsentem aspicias. Noctem verò & somnum nunquam ordire, quin prius conscientiam per nota quinque capita discusseris. Interdiu, cum nullus dolor, aut remissior est, pium libellum cape, vnam alteramve periodum perlege, & lecta expende. Quotidie, vnam saltem horulam tibi selige, quam ordiaris orando, & labentem illam pijs gemitibus aut iaculatorijs precatiunculis distinguas, eandemque orando finias. Sic horam integram orasse censeberis in cælo. Si nec hoc potes (quod vix vllus dolor coget non posse) saltem mediam tibi horulam defini, qua aliquoties ad Deum mentem erigas, & per interualla celum suspires, hoc enim dolorem (quemcumque tandem) & mitigabit & minuet.

Ad omnium precum tuarum principium & finem, diuinæ Voluntati te totum & ad omnia paratum consecra. Hæc omnia tam non difficilia sunt, vt ea vel moribundus præster, ne dum is qui in dolore est non adeo sauo. Quòd si horum omnino nihil possis, aut rectius, nihil velis, saltem vnica illa hora, cum quem pateris dolorem, fer patientius. Noli obsecro mala tua facere tibi ipsi grauiora, & te querelis onerare: lenis dolor est, si ni-



si nihil illi opinio adiecerit. Contra, si exhortari te cœperis, ac dicere: *Nihil est, aut certe exiguum est, duremus, iam desinet: leuem illum, dum putas, facies.* Omnia ex opinione suspensa sunt; ad opinionem etiam dolemus. Tam miser est quisque quàm se esse credit.

*a Notum illud poeta: Si longus, leuis est, si grauis ille, breuis.*

*b Sen. epist. 78. ante med.*

## §. XVIII.

*Aliter sani, aliter sentimus aegri.*

**L** Acides philosophus, cū plurimæ rei domesticæ amississet: Nos, inquit, aliter in scholis disputamus, aliter domi viuimus: ita sani solatiōrū copiam ægris suggerunt; vbi nam est æger ille qui seipsum satis soletur? Nimirum, tu si hic sis, aliter sentias. Ah, quàm vitrea est virtus nostra, leui collisū frangitur! Ænei nobis videmur, cū sani sumus: dicta fundimus speciosissima, & dolores panē prouocamus: cū adfunt, fugimus, cadimus, iacemus ante vllum cum hoste congressum. Sumus homines, inquis, & moribunda corpuscula vim doloris ferre non valent. Humana corpora non negem fragilia, sed non vsque adeo quin ad tolerantiam omnis aduersi sat virium habitura sint, nisi multo maior infirmitas esset amorum. Hæc nostra mollities est quæ virtutis innumeros desertores facit, dum omne difficile tanquam intolerabile respuitur. Virtus perijt, si tollatur eius materia, difficultas.

## §. XIX.

*In omni aegritudinē pia ad Deum suspiria.*

**D** Omine, fortitudo mea & robur meum; & refugium meum in die tribulationis. *Hier. c. 1. v. 6 19.*

Dominus est, quod bonum est in oculis suis faciat. *1. Reg. c. 3. v. 18.*

Pater mi, proberur seruus tuus vsque ad finem; ne desinas ab homine iniquitatis. *Iob c. 34. v. 36.*

Bonum mihi, quia humiliasti me vt discam iustificationes tuas. *Psal. 118. v. 71.*

Placeo mihi in infirmitatibus, in contumelijs, in necessitatibus, in persecutionibus, in angustijs pro Christo. Cū enim infirmor,

tunc potens sum. *2. Cor. c. 12. v. 10.*

Nunc Domine, secundum voluntatem tuam fac mecum, & præcipe in pace recipi spiritum meum. *Tob. c. 3. v. 6.*

**O** IESV & Maria, amor meus, finite me pro amore vestri, & pati & mori; non sum meus amplius, sed vester TOTVS.

Sic orabat bonæ memoriæ Alphonsus Rodriquez. *a*

*a Qui obiit anno 1617. ipsa nocte Sanctorum omnium, dum vltima hæc verba pronuntiaret: Ah, IESV. Annum vitæ 87. compleuit.*

## §. XX.

*Ægroti quadam vitia.*

**P**rimum. Libenter audire curiosa, noua, nugatoria.

**II.** Non libenter audire Mortis monita.

**III.** Conqueri de ijs, qui sui curam gerunt.

**IV.** Cibos vt malè paratos non probare, reijcere.

**V.** Lectum vt malè stratum exprobrare.

**VI.** Credere non satis se curari, ideò murmurare & indignari.

**VII.** Rariùs de Deo & diuinis cogitare & loqui.

**VIII.** Non in omnibus *Resignatum*; seu diuinæ Voluntati subiectum esse.

**IX.** Quædam censere intolerabilia, nec omnia, Christiana patientia concoquere.

Et quæso, quid ad te, mi æger, quid in Gallia, Belgio, Italia aut Hispania fiat? Tu potiùs quære, quid fiat in celo, quid inter diuos, quid rerum agatur apud inferos: Hòc tu quære, quicquid demum alij inter se sciscitentur: Dimitte mortuos sepelire mortuos suos *a*.

Iam tibi curæ sit, cura salutis tuæ vnica; Vnum enim est necessarium *b*. Quid tibi cum curiosis illis aut nouis plerumque fictis? Tibi his non prodes, alijs offensionem es. Et quid eos auersaris, qui vicini te periculi monent: agnosce illos, feciales sunt Mortis. Obsecro te, senes illos, quorum fors plures nouisti, ne imiteris, quibus de morte loquentes audire, mors fuit. Et amabo te, non plus hæcenus profeceris, quàm sic pueriliter mortem timere? Non didiceris tot annis, libenter, tranquillè, & imperturbatè mori? Quid trepidas? Voluntati Dei quàm integerrimè te cōmitte, & negotium



rium hoc panem omne confecisti. Si velis credere altius veritatem intuentibus, *Omnis vita supplicium est.*

Romanum sapientem hic tibi opportunè ingero: In hoc, inquit, profundum inquietumque proiecti mare, alternis astibus reciprocum, & modò allectans nos subitis incrementis, modò maioribus damnis deferens, assidueque iactans, nunquam stabili consistimus loco: pendemus & fluctuamur, & alter in alterum illidimur, & aliquando naufragium facimus, semper timemus. In hoc tam procelloso, & in omnes tempestates exposto mari navigantibus, nullus portus nisi Mortis est.

At sua quemque crudelitas seducit, & in eis quæ diligit voluntaria mortis obliuio. Quotidie præter oculos nostros transeunt notorum ignotorumque funera: nos tamen aliud agimus, & subitum id putamus esse, quod nobis tota vita denuntiatur futurum. Non est ista Naturæ iniquitas, sed mentis humanæ prauitas, rerum omnium infatiabilis, quæ indignatur inde se exire, quò admissa est precario. Iniquus est qui muneris sui arbitrium danti non reliquit: auidus qui non lucri loco habet quod accepit, sed damni quod reddiderit. Ingratus est qui iniuriam vocat finem voluptatis: stultus, qui nullum fructum esse putat bonorum, nisi præsentium. Nimis angustat gaudia sua, qui eis tantummodo quæ habet ac videt, frui se putat. Cito nos omnis voluptas relinquit, quæ fluit ac transit, & præne antequam veniat, auferitur a. Gaudemus ergo omnes eo quòd datur, reddamusque id cum reposcemur. Alium alio tempore Mors comprehendet, neminem præteribit. In excubijs steterimus, & id quòd necessarium est, nunquam timeat, quòd incertum est, semper expectet. Vtrumne stultius sit, nescio, legem mortalitatis ignorare, an impudentius, recusare. Omnes imò omnia in vltimum diem spectant. Quisquis ad vitam editur, ad mortem destinatur, ad Æternitatem præparatur. a Sen. Consol. ad Polyb. c. 29. & 30.

## §. XXI.

*Tres theses omnibus viribus, ægroto propugnanda.*

## I. CIRCA DEVM.

**N**efas contra Deum, optimum parentem, quidquam queri, quasi morbum, aut nimis molestum, aut intempestiū im-miserit. Cum Iobo potius dicendum: Sicut Domino placuit, ita factum est: Sit nomen Domini benedictum, Et cum pia turba succlamandum: Bene omnia fecit. Siue enim vulneret, siue fauet Deus, semper benignissimi patris erga nos curam gerit, & adfectum.

## II. CIRCA IPSVM ÆGRVM.

**M**orbus grauior, non longas aut assiduas vult preces, sed longam & assiduam patientiam; quæ facile fit, quicquid difficile censetur. Morbi condimenta sunt, crebri ad cælum gemitus, malorum à sanctis omnibus tolerantium memoria, iterata & iaculatoriæ precatiunculae, quibus modò Sanctissimæ Trinitati, modò soli Christo, nunc beatissimæ Virgini matri, nunc alijs Diuine supplicandum pro constanti patientia, & felici ex hac vita transitu.

## III. CIRCA ALIOS HOMINES.

**M**edicis tam corporis, quàm animi parandum integrè. Ad ægrotum reuiscntibus, patientiæ, & animi bene compositi specimen præbendum. Et licet morbus affligat, multa turbent; quædam displiceant, plurima non sapiant, aliqua ad nutum non fiant, nunquam tamen murmurandum: sed omnia molesta, spe præmij condienda; dicta factaque omnia submissione & patientia commendanda.

## §. XXII.

*Ægroti sitis quæ curanda.*

**Æ**grotorum plerique cruciantur siti, præsertim febrientes: nos illis fontes monstrabimus; unde hauriant pro libitu.

Latro plurimorum cede nobilis, in Austria inferiore a in rota actus est, cruribus solum contractis, producendæ morti in grauius reo supplicium & testatus ceteris exemplum. Sed virum



virum se præsinit hic reus, & religiosissimus Christianus esse cœpit in tam diris supplicijs, nam quicquid dixit patientiam spiravit & pœnitentiam. Assiduis vocibus Deo supplicare, scelerum veniam orare, patronos cœlites implorare, imo & concionatorem agere, atque à flagitijs adstantes debortari instituit. Jamque dies in vesperam ibat, cum numerosus populus affluere, aderant etiam, sua opinione solatores tam grauiæ patientis, re ipsa tam generosæ patientiæ spectatores. Nam ille in pœnas suas pronus, vt vitam quæreret meliorem, spe futurorum dolorem mitescere iubebat, præsentem: Sed gratias Deo agebat, qui dum irascere, clementiæ meminisset, & sic castigaret vt parceret. In illo tamen tam lento tormento, quod vltra triduum putabatur duraturum, alterutrum orabat, vel maturitatem obitus ad finiendos dolorum furores, vel imbris opportunitatem ad mitigandos saltem æstus & sitim. Vtrumque auxilium adfuisse obseruatum est. Nam sub occasum solem copiosa defluxit pluuia, & ipse paullo post pœna simul & vita defunctus est.

Et mi Christiane, & tu tuam hic rotam habes, sed longè molliorem, tuo tu lectulo, velut rotæ implexus es. Neque dubium, quin non tantum dolor, sed & sitis te premat. Quare vt opportunus in te imber defluat, in Golgothâ monte lectulum tibi parari iube, ad pedem illius crucis, in quâ pendet Seruator Orbis, è cuius toto corpore cruenti depluunt imbres. Hic bibe, hic reficere, hic saturare: tanto futurus sanior, quanto hinc biberis intemperantiùs.

a Anno 1590.

## §. XXII.

*Ægroti sudarium.*

**C** Hrotildis Regina Fræcorum, vti Gregorius Turonicus refert ab Amalarico coniuge crudeliter habita, Regi Childeberto fratri candidum lineum misit suo sanguine infectum, quod loco litterarum esset, & hoc quasi fratri diceret. Vidēsne hæc Childeberte, & pateris cernisne quid soror patiatur, & coniuges? non vindicas, non defendis? a

En ægrote, Christus sudarium tibi quoque mittit, & quidem duplex, alterum ad Oliuiferos colles, cruore suo liberalissimè pinxit,

in altero faciem suam sudore, sputis, sanguine, lacrimis, plagis deformatam impressit, dum sub cruce in Golgothæum montem duceretur: Hoc geminum tibi sudarium mittit Christus, qui vtrumque suo ipse sanguine purpurauit, & hæc quasi verba inscripsit? Hunc mihi sudorem, ô mortales, scelera vestra expresserunt: videris ista, & vitam priorem improbam non desinitis? Vtinam nos Childeberti nunc simus, & in nostrâ ipsi vindictam animemur. Certè patientem Christum nemo lugeat veriùs, quàm qui ea, ob quæ passus est Christus, odisse incipit.

a Greg. Tur. l. 3. hist. Franc. c. 10. initio.

## §. XXIV.

*Ægroti lectulus.*

**V** Rit ægrotum lectulus, etiam si supra Sardanapali plumam, supra Smindyridis rosam sit mollis. Smindyridem Sybaritam nemo non nouit mollitiæ vitæ infamem inuenē, quem cum mollissimæ plumæ inclementius fodicarēt, experiri voluit, molliusne indormiret solutis rosarum foliolis. Sed hic etiam odoratissimus iuxta & mollissimus totus, rigidus nimium erat & asper in tenerrimū latusculum. Nam bonus inuenis questus, per proximam priorem noctem adeo dura sibi fuisse lectisteria, vt etiam cicatriculas pustulasque, intrastabilis strati argumenta possit monstrare. a

Æger tamen cubet in culcitris quæ vel pilum leporinum, vel plumas perdicum habeant, tamen rigidum dicet accubitus. Venia illi danda est; dolores hanc querelam extrudunt. Sed alios lectulos monstramus longè duriores. Laurentius Martyr candentem pro lecto craticulam habuit, post illum Vincentius Martyr, & alij complures hoc ipso repositi sunt lecto, heu nimium quantum aspero; eum tamen amor persuasit esse tolerabilē.

Supplicium olim de Christianis horribilissimum sumebant Persæ, quod *Scaphismus* dicebatur. b Nam Christianus excarnificandus geminis scaphis, velut cista oblonga & arcta supinus includebatur, capite solū, manibus ac pedibus extantibus, pro cibo mel & lac vel inuito infundebatur, protrahendæ vitæ & augendis cruciatibus immanissimis. Nam interdiu ardentissimo soli opponebatur inclusus, oculi vi deducebantur, caput insuper, manus,



nus, pedesque melle ac lacte perungebantur, hinc culicum, ac muscarum ingentia examina partes illas velut atro panno tegebant; porus autem ingestus, vitam quidem seruabat, quia verò facile perfluebat, scædam in ipsa ci- sta putredinem, & inde vermes generabat. Ita hominem in hoc lectulo iacentem foris cra- brones & vespæ, intus lumbrici & vermes mi- ferrimè laniabant. Hinc fiebat, vt cum mor- tui corpus aperiretur, scædè à vermibus ero- sum inueniretur. Atque hoc inauditum tor- mentum ad quindecim, ad septemdecim, ad plures etiam dies producebatur inter imma- nissimos martyris dolores. Hunc mihi lectu- lum, mi æger, hoc martyrum cubile heu mi- serabile, & cruciatibus plenissimum conside- ra. O quàm suaves sunt dolores tui ad istos, quàm mollis est lectulus tuus ad istum, quàm nihil est morbus tuus ad hæc tormenta! Sile igitur, & patienter perseuera. Qui socius est crucis, socius erit & paradisi. Et optimè di- xit beatus Saluianus: Mihi genus quoddam sanitatis esse videtur; hominem interdum non esse sanum.

a *Aelianus l. 9. var. hist. c. 20.*

b *De quo vide Anton. Gallonium de martyrib.*  
c. 1. mihi pag. 21.

# S. XXV.

*Aegroti delitia, Christi ortus.*

**H**æc cum dixisset Iesus, egressus est cum discipulis suis trans torrentem Cedron, vbi erat Hortus, in quem introiuit ipse & discipuli eius a. In hunc Hortum, mi ægrote, omnes Cælites te inuitant: hic audies mira, videbis mirissima. In hoc Horto ipsa cap- tit Lætitia tristari. Tristis est, ait, anima mea vsque ad mortem. Sustinete hic & vigi- late mecum. Permite obsecro, mi æger, ad te quoque spectare hæc verba; Sustine hic & vigila paulisper cum tuo Domino, Spiritus quidem promptus est, caro autem infirma. At- que iam orantem audi. Pater mi, si possibile est, transeat à me calix iste: verumtamen non sicut ego volo, sed sicut tu. Paullò post hoc ipsum repetens: Pater, inquit, si vis transfer calicem istum à me; verumtamen non mea voluntas, sed tua fiat. Sed & tertium eandem precationem ingeminat: Pater mi, si non po- test hic calix transire, nisi bibam illum, fiat

voluntas tua. In supremis his angustiis, ne- mo vnus hominum est, ô Christe, qui dolo- rem tuum vel minimum refocillet, nullus qui vicem tuam participet, qui mœrorem tuum vel verbulo soletur, etiam amicissimi dese- runt; ipsi etiam discipuli lingua quàm animo meliores destituunt, paullò antè vinciri te- cum & mori parati iam stertunt, breui & fu- gam circumspecturi. Solus, ô Christe vigilas, solus precaris, sudas, & laboras. O felicem te, Hortule à Domino tuo purpurate, & san- guineis notis velut rosis stellate, tu arcanas illas voces atque gemitus, tu suspiria lacry- mis distincta, tu preces singulibus interrup- tas audiuisti, conscius mœroris, qui Chri- stum; soporis, qui socios oppresserat. Gar- riant alij Adonidis aut Alcinoi hortos; nugæ sunt, & merâ dumeta ad te comparati: Elysiij campi, elysij non sunt præ tua dignitate. Non errem, si te feliciorum primo illo paradysum dixerim: Et quis me transferat, vt olim A- damum, in noua hæc & beata tempe? Sed & ô felicem te terram, quæ Domini tui cruo- rem combibisti, nunquam tam pretioso rore irrigata. Quis mihi der vt sexcentis osculis fangem locum, quem Seruatoris vestigia prefferunt, genua contigerunt, cui sese os, oculi appresserunt. Sed ô terra an non eru- buisti te premi tam sacro pondere, te aspergi tam nobili liquore? Imò certè rubere capi- stis minio nimis pretioso purpurascens, post- quam rubentem tibi stillam nouus hic hortu- lanus irrorauit. Ab hoc hortulano discat pre- cari æger: in hoc Horto flores legere, est a- ctus patientiæ varios coniungere. Sed hoc iam explicatiùs docebimus, ad istius Horti lectulum.

a *Ioan. c. 18. v. 1. Mat. c. 26. v. 36. Marci 14.*  
v. 22. Luc. c. 24. v. 42.

# S. XXVI.

*Christi inter oliuas lectulus.*

**Æ**grotum vix quidquam efficacius so- letur quàm ille Christi in Oliui- fero vireto lectulus, sed heu rigidus nimis, & plenissimus dolorum. Videte & attendite. Vix hortum Christus ingreditur, & mox pa- uere, pallere, angi, gemere; tristitiam aperi- re, tædium non dissuiteri, angores vultu pro- dere, vigiliarum & precum societatem po- scere, à socijs abire & redire sapius, quie- scere



rem tamen aut solamen nōspiam reperire. Et en, vtauellatur à suis, procumbat in genua, terræ faciem allidat, iratum Patrem exoret, verba suspirijs distinguat, precationem perseueret, imminentem sibi mortem auerti postulet, non tamen suæ potius quàm summæ voluntati satisfieri flagitet, preces easdem ter reperat, ad suos ter reuifcat, toties se terræ asternat, cruentum denique liquorem membris omnibus manantem exprimat, in hoc rigido terræ lectulo. O spectaculum hominibus, & vel ipsis Angelis luctuosum! *Et factus est sudor eius, sicut gutta sanguinis decurrens in terram a.* Ita Christus toto plorabat corpore: vndique prorumpabant lacrymæ, & quidem sanguinæ. Ita nimirum Amor diuinus festinabat in nostram salutem, vt illi tarda nimis visâ sint vincula, columna & flagra cunctari, morari vepres & clauī, crux ipsa nimium differri videbatur. Sic Deus dilexit mundum *b.* O amorem immensum, cui expleando morsyna satis non fuit, qui ante mortem Vitam ipsam mori coëgit, ita quidem vt nostri amantissimus Iesus membratim interire, guttatim contabescere, & per lenta sanguinis stillicidia diuersis vijs animam abire voluerit: & tamen plus diligebat ille quàm perfererebat, plus perferre cupiebat, quàm per humanam naturam valebat. Mors illi pœnarum eius leuissima videbatur, nec ei sufficiebat, si semel tantum moreretur in Golgothæ cœmeterio, nisi prius fuisset etiam mortuus in Gethsemani viridario: parum eierat si inter latrones exspiraret medius, nisi & ante sudore sanguineo sic fumaret, vt iam flagellatus videri potuisset. O Christe! nondum hic vllus est Brutiorum gente Romanus carnifex; nondum humata te flagella lacerant; nondum aculeati sentes diuinum verticem perfodiunt, nondum prægrandes clauī manus pedesque configunt, & tamen iam nunc tam vberes cruoris fonticuli fluunt. Quid cras fiet, cum totum corpus vnus erit liuor, vulnus vnum? nimirum hodie riui currunt, cras dabis cruoris maria: atque hic lectulus inter olinas cespere stratus, mollis videri potest, præ illo crucis rigidissimo.

In alterutro horum teipsum, mi ægrote, colloca, & mox omnes dolores tuos senties mitescere. Longè suauius tuos perferes, si tui

Domini cruciatus æstimaueris.

a Luc. c. 22. v. 44.

b Ioan. c. 8. v. 16.

## §. XXVII.

*Mater Domini ad ægrotum reuifens, his eum compellat.*

**E**Rige & surge; ambulandum est. Et, nisi possis aliter, in hac lecticula tua ab angelis tutelaribus deferri te curabo ad mortem, in quo Mundi medicus habitat, qui pharmaca non è pharmacopolio emit, sed è corpore suo promit, imò corpus suum porrigit in pharmacum, & sanguinem suum propinat in medelam omnium non tantum morborum, sed & mortis. In Golgotham ergo deferri vis? En delatus iam es, quia deferri voluisti. Hic mihi solos præbe oculos: nullum aliud membrum à te postulo in opus; nullum laborem impero: solum hic *videre*, laborare est. Attolle igitur oculos; & en oculos tui creatoris sanguine & lacrymis pleuos; in morte natantes. Sed & ceteras capitis partes vide. Nares fœtore, os felle & aceto, aures ludibrio, vertex vepreto cruciatur. Vultum iam dignoscere difficile est, per hoc palloris, cruoris, liuoris velum. Cetera membra omnia numenta, vulnus vnum reperies. Nihil hic sanum, nihil dolore liberum.

At tu, mi cliens, dolores sentis? Hic meus filius maiores. Angeris? Filius meus magis. Pœum solatiij habes? Minus iste. Multum pataris? Plus iste. Non adeo multum tibi videris peccasse? Nihil iste, & tamen quicquid peccatis omnium debebatur, vnus iste & solus excepit. Vide caput, brachia, pedes; vide totum corpus: nullum membrum, pars nulla cruciatibus vacat. Non tantum manus, pedesque, clauorum tormenta sentiunt; sui sunt & auribus, & linguæ, & oculis clani. Nec qui eam in eo designare est, cui non suum sit tormentum. Vide ergo, fili mi, filium meum, & ipsius doloribus tuos mitiga. Cruciatu tui guttulas, cum hoc tormentorum Oceano mifce, ita dolores tui plus habebunt præmij, minus tormenti.



*Humana voluntatis cum diuina consensu & conspiratio.*

**V**ti sanis, ægrotis, moribundis, nihil est factu facilius, ita nihil omnino vitiosius, quam *Velle quod vult Deus*. Hoc dies noctesque, hoc mane, meridie, vesperi, hoc horis omnibus, hoc assidue, hoc sanis & ægrotis, hoc nemini non inculcandum. Epictetus solâ præceptrice naturâ sapientissimus hac in re magister effectus: Melius, inquit, illud iudico quod Deus vult, quam quod ego. Adhæreo illi ut minister & pedisequus: cum illo desidero, cum illo expeto: denique quod ille vult, idem & ipse volo. Atque ut modum ostendat, quo in rebus humanis omnibus. Voluntas diuina est sequenda, istud insuper addens: Semper, inquit, illud potius volo quod fit. Quicquid enim fit (peccatum excipimus) diuinâ Voluntate fieri certum est. Hoc ergo fieri potius velimus quod fit, quicquid denique nobis ipsis vel alijs quibuscunque fiat. Ea de causâ hic ipse sapientissimus Philosophus quemlibet monens: Ne postules, inquit, ea quæ sunt, arbitrari tuo fieri. Sed si sapias, ita fieri quaque velis, ut sunt. Necessitati qui probè se accommodat, sapit, estque rerum diuinarum conscius b.

Hoc ipsum de humana voluntate ad diuinam conformanda longè confirmatius docens Epictetus: Mihi quidem, inquit, oprabile est à morte inuadi, nullâ aliâ re nisi voluntate meâ curandâ occupatum, ut perturbatione vacuus, & citra impedimentum dicere possim Deo: Nunquid præcepta tua violauis? Nunquid ad alia sum abusus facultatibus, quas mihi dedisti? num sensibus? num te vnquam inculcaui? num gubernationem tuam reprehendi? Ægrotavi, quia voluisti. Ægrotant & cæteri, sed ego volens. Pauper fui te volente, sed lætus. Non imperaui, quia tu voluisti. Nunquam appetiui imperium. Nunquid me vnquam hac de causâ tristiores vidisti? Nunquid vnquam vultu minus hilari te accessi? Paratus, si quid mandes, si quid imperes. Vis me nunc ludorum celebritate abire? Abeo. Gratiam quam possum maximam habeo, quò me dignatus es ad ludos tuos admittere, & ad spectanda opera tua, & admi-

nistrationem tuam intelligendam. Hæc me cogitantem, hæc scribentem, hæc legentem occupet mors.

Superi! quàm hoc Christianè, quàm hoc sapienter, quàm diuinè! Quid agimus, Christiani, aut quæ frons nostra, si ad hæc talia non erubescimus? Bruta sumus pecora, imò saxa sumus & durissimæ cautes si sensus nobis non redeat ad luculentissimam hanc Naturæ informationem. Sed audiant diuinæ Voluntati rebelles, audiant & respondeant Epicteto equissima postulanti: ostendite mihi aliquem, inquit, qui & ægroter, & beatus sit: qui & in periculo sit, & beatus: qui & moriatur, & sit beatus: qui in ignominia sit beatus? Animam ostendat aliquis vestrum hominis, qui idem cum Deo sentire velit, posthac nec Deum nec homines culpaturus, qui nulla re frustretur, qui nullo casu ledatur, qui non irascatur, qui inuideat nemini, qui non æmuletur: qui (quid enim ambagibus est opus?) ex homine Deus fieri desideret. Certè fieri licet hæc voluntatum coniunctione. Quocirca ægrotus cum eodem Epicteto sapere non recuset, dicatque: Duc me, ô Deus, & tu Voluntas diuina, eò quò sum à vobis destinatus. Sequar enim alacriter. Quod si nolueris, & improbus ero, & nihilominus sequar coactus. Ergo, si Deo ita visum fuerit, ita fiat c.

Aut igitur velimus in rebus omnibus, in morbo etiam & mortè, quod vult Deus; aut fateamur, nos darâ operâ quod bonum & rectum est, auersari & NOLLE. Malus esse vult: qui recusat esse bonus.

a Epictet l. 4. dissert. c. 7. circa med.

b Idem Enchir. c. 13. & c. 78.

c Idem Enchir. c. 77. & c. 79.

S. XXIX.

*Desperationi occurrendum.*

**N**ihil desperatione periculosius, nihil peius salutis hostis inuenit. Cetera enim suis cuncta remedijs leniuntur, hoc maiorum maximum atque vltimum, vbi abeuntem animam oppresserit, nullus iam remedio locus est. Huic ergo cum semper, tum in fine vehementius obstitendum est, quòd & tunc vrigere acrius solet, & nihil iam est reliqui quò salutis consilia cunctâdo rejicias. Extremæ horæ negligentia prorsus irreparabilis est: non resurget qui lethali ter ceciderit. Ergo vel tandem



dem euigila, egrote; peius est nunquam quàm ad vesperam expergisci, & omnino quicquid malè differtur, peius omittitur. Oculos in altum erige, cerne patulum crucifixi Domini pectus, aperta ad amplexum brachia, parata ad medendum vulnera. Neque hîc oratione longâ est opus: Pœniteat te errasse, & perorasti; Dic ex animo, *Peccavi*, & Deum tibi propitiasti; a emendationem sponde & veniam impetrasti. Nullum tam magnum est hominis peccatum, quia multò maior sit Dei misericordia. Hanc spera; spes non confundit b. Suavis Dominus vniuersis, & miserationes eius super omnia opera eius c. Ipsum Dominum audi: Nunquid abbreviata, inquit, & parvula facta est manus mea, vt non possim dedimere; aut nō est in me virtus ad liberandū. d.

Sed nos frequenter omni ex parte fallimur: in peccato feruidi, post peccatū gelidi, peccādo quidē exultamus, memorando peccata desperamus: Multi spe veniē peccāt, cū peccauerint, veniam desperāt. Vtrumque malè, sed hoc alterum multò pessimè. Ergo infaustam peccatorum sarcinam quàm primum abijce, est qui exoneratus ab humeris illam tuis transferat, qui grauiora iam transfudit, cui nil graue, nil difficile est. Tu tantum ne diffide. Et quāuis pigra dilatio excusatione careat, laude tamen non caret, vel sera emendatio. Satiū est serò quàm nunquam respicere. Ergo animo præsenti vttere, & respira; pauca lacrymula inferiorum incendium extinguunt. Cor contritum & humiliatum Deus non despiciet e.

a. Ex homologue si non neglectā.

b. Rom. cap. 5. v. 5.

c. Psalm. 144. v. 9.

d. Is. cap. 50. v. 3.

e. Psalm. 50. v. 19.

## §. XXX.

*Spes vita melioris, miseras mitiget.*

Cvm Seneca ex te quæro, mi æger Quid miraris miseras tuas; Ad hoc genitus es, vt perderes, vt perires, vt sperares, vt metueres, alios teque inquietares, mortem & timeres & optares, & quod est pessimum, nunquam scires, cuius esses status, nec vnquam in eodem statu durares. Præter hoc quod omne futurum incertum est, & ad deteriora

certius: facilius ad superos iter est, animis citò ab humanâ conuersatione dimissis, sic enim minus facis ponderisque trahunt. Nempe leuiiores ad originem suam reuolant, si liberentur antequam altius terrena concipiāt. Nec vnquam magnis ingenijs chara in corpore mora est. exire atque erumpere gestiunt; agrè has angustias ferunt, vagi per omne sublime, & ex alto assueti humana despicere. a Inde est quod Plato clamat: Sapientis animum totum in mortem prominere; hoc velle, hoc meditari, hac cupidine ferri in exteriora tendentem. Et quàm illud clarè Plato de meliore vita: Mihi videtur, inquit, vir qui reuera vitam in studio sapientiæ posuerit, cum fiducia moriturus, plenus bonæ spei, quod magna ibi præmia consequetur, si obierit b. Hoc prisca viderint in tenebris, tu in sole id non videas: Quid ergo, mi æger, res terræ te turbant? breuē cælum habitabis. Illuc aspira, & quicquid miseriarum sentis, minus senties:

a. Seneca ad Marcianum cons. c. 17. & 23.

b. Plato in Phædone.

## §. XXXI.

*Spes vera visa beatissima.*

PŒtas aut Philosophos tibi hic non ingero: res seria est. Ex ipso diuini eloquij fonte, propinabo tibi purissima fluencia. Ergo mœrorem mitte, speque cerra dic cum doctore Orbis: Scio cui credidi & certus sum, quia potens est depositum meum seruire in illum diem. a Quid trepidas curta spei homo? Si rapidem etiam audi: Qui timet Dominum, nihil trepidabit, & non pauebit; quoniam ipse est spes eius. Timentis Dominum, beata est anima eius. Ad quem respicit, & quis est fortitudo eius? Oculi Domini super timentes eum, protector potentiæ, firmamentum virtutis, tegimen ardoris, & vmbra culum meridiani, deprecatio offensionis, & adiutorium casus, exaltans animam & illuminans oculos, dans sanitatem & vitam & benedictionem b. Regius vates quàm hic fortis, quàm intrepidus, etiam funus suum prospiciens: In pace inquit, in idipsum dormiam & requiescā, quoniam tu Domine singulariter in spe constitui sti me c. Quanam illa? alibi exprimit: Quia factus es spes mea, turris fortitudinis a facio inimici.



inimici : inhabitabo in tabernaculo tuo in sacula : protegar in velamento alarum tuarum d. At dicas : *Impatientia mea , malè me iubet sperare. Hic iterum tibi remedium , cum Davide clama :* Quoniam tu es patientia mea Domine ; Domine spes mea à iuuentute mea e. *Neque satis huic regi frequentissimè exclamasse :* Spes mea in Deo est , Deus spes mea. *Sed & alius ad idem hortatus :* Sperate , inquit , in eo omnis congregatio populi , effundite coram illo corda vestra f. *cur tu non sequaris , toties voce praeuentem ? dic ergo animo :* Memor esto verbi tui seruo tuo , in quo mihi spem dedisti , hæc me consolata est in humilitate mea g. *Et cum Hieremia vate :* Et ego non sum turbatus te pastorem sequens , & diem hominis non desideravi , tu scis . Non sis tu mihi formidini , spes mea tu in die afflictionis h. *Tandem alibi momentem audi :* Quiescat vox tua à ploratu , & oculi tui à lacrymis , quia est merces operi tuo , & est spes nouissimis i. *Iobus in hoc confidentissimus :* Etiam si occiderit me , in ipso sperabo. *Idem iam in mortis vicinia degens :* Rursum , ait , post tenebras spero lucem k. *Scitote , clamat Siracides ,* quia nullus sperauit in Domino , & confusus est . Quis enim permanfit in mandatis eius , & derelictus est ? aut quis inuocauit eum , & despexit illum ? quoniam pius & misericors est Dominus , & remittet in die tribulationis : & protector est omnibus exquirentibus se in veritate l. *Et Oseeas :* Spera in Deo tuo semper m Nam , Omnes qui sperant in eum non infirmantur n. *Siquidem ,* Bonus est Dominus sperantibus in eum , anime quærenti illum . Bonum est cum silentio prestolari salutare Dei . o Verè . Bonus Dominus & confortans in die tribulationis , & sciens sperantes in se p. *Sed & nos ,* scimus quoniam cum apparuerit , similes ei erimus , quoniam videbimus eum , sicuti est . Et omnis qui habet hanc spem in eo , sanctificat se , sicut & ille sanctus est q. *Spem ergo firmissimam concipe de Dei bonitate ; & ille sperantem in se non deseret . Videbis Deum in regione viuorum r.*  
a 2. Tim. cap. i. v. 12.  
b Eccli. cap. 34. v. 16.  
c Psal. 4. v. 9.  
d Psalm. 60. v. 5.  
e Psalm. 70. v. 5.

f Psalm. 61. v. 9.  
g Psalm. 118. v. 50.  
h Hierem. cap. 17. v. 17.  
i Hierem. cap. 31. v. 16.  
k Job c. 13. v. 15. & c. 17. v. 12.  
l Eccli. c. 2. v. 11. 12. 13.  
m Osee c. 12. v. 6.  
n 1. Machab. c. 2. v. 61.  
o Thren. cap. 3. v. 25. & 26.  
p Nahum cap. 1. v. 7.  
q 1. Ioan. c. 3. v. 2. & 3.  
r Psal. 114. v. 9.

## §. XXXII.

*Tranquillitas è vera spe.*

**C**onuertere anima mea in requiem tuam , quia Dominus benefecit tibi a. *Quid fatigaris per tam varia laborum genera ? En adest Dominus , omni labori tuo finem imposturus . Desine ergo , mea anima , velle misera esse , & tot laboribus intabescere . Quietis tuæ initium Morbus & Mors . Laboriosa , inquis , initia . Ita est , sed scis , plerumque nulli dies minus quieti , quàm qui quieti proximi ; nulli minus festi , quàm qui festos antecedunt . Idem hîc . Requies tua , æterna requies . Nunc Parasceue te fatigat ; breuî sequetur Pascha nunquam finiendum . Age , & breuem adhuc seu laborem , seu dolorem exhauri : iam portam spectas , non tantum illam per quam è vita hac egressus , sed & per quam ingressus est in illam æternam . Etsi vix laborare cæperis ; tunc tamen satis est laboratum , quando id ille censet , cui laboratur . Tu ergo , mea anima , vanis vana dimitte , & ad Deum te verte qui benefecit tibi . Beneficia illius in te summa & innumera : arenam maris citius numeraueris quàm ista ; quibus vtique ad cælum tibi viam ( ita bene spera ) non ad inferos voluit aperire . Bernardus Clareuallensis hoc ante obitum suis vnice commendauit , vt in tutissimo diuinæ clementiæ sinu spei anchoram firmarent . Illud igitur carmen regium in corde & ore versemus assidue : In te Domine speravi , non confundar in æternum b.*  
a Psal. 114. v. 7.  
b Psal. 30. v. 1.

## §. XXXIII.



## §. XXXIII.

*Solacium è doloribus.*

**E**T hæc mihi sit consolatio, vt affligens me dolore non parcat, nec contradicam sermonibus sancti a. Hoc igitur solatio, interim dum me dolores vrunt, incalescam, & animum viresque colligam, quando cruciatuum magnitudo certam mihi mortis spem est allatura. Scio enim dum me dolores velut parturientem excruciant, fore vt tandem salutis & incolumitatis spiritus, vitæque alterius requies atque tranquillitas parata mihi sit, vt Dei misericordia super me resplendeat, siue cum mortem infert, siue cum vitam tueretur. Nulla igitur mei commiseratione retardetur Deus, nam si moriar, liber & securus à peccandi metu euadam, nec vnquam deinceps Dei Voluntati resistam, vt qui ex huius vitæ & mortalium inconstantiâ recesserim. Valde videlicet imbecillitati meæ timeo, ne forsân in viâ rectâ & proposito sancto deficiam. Cum itaque hætenus per summam Dei misericordiam & gratiam, in bono permanferim, aut inde auulsus, citò redierim, nollem ab vitæ innocentia recedere, quamuis spes mihi firma sit fore vt nunquam Deo contradicam. Non est igitur cur mortem timere debeam, sed potius est cur eam constanter experere ac expectare possim quam cum tandem immittere in me voluerit DEVS, tantum abest vt illam deprecari velim, vt pro magno potius beneficio eam sim habiturus. Sanctus enim esse, cum conari debeam, à sanctissimo & purissimo spiritu, Deo, nihil iniqui, aut parum mihi vtile accipere possum. Adeste igitur dolores, exercete me, prout vobis à Deo concessum. Incipere mori & non dolere, vix vlli contigit. Scio; hæc sacra aliter non constant. Per dolores ad mortem itur, hæc via regia est. Exiguo tempore dolemus, vt non doleamus eternum.

*a Iob c. 6. v. 10.*

## §. XXXIV.

*Dolores omnes frangit Patientia.*

**D**olor res acerba, inimitis, horrida, tristis, amara, naturæ aduersa, sensibus odiosa, sed quæ virtutis ope si non dulcescere, certè leniri, frangi que, fors etiâ si virtus animi armauerit, aut sentiri parcius, aut quo-

dammodo nec sentiri quidem possit. Ita dico: qui in hac lucta non volens terga dat, sed toto nisu ac bonâ fide resistit, semper est superior, semper abit victor. Quid ô lutum murmurat contra tuum sigillum? Illi ab æterno destinatum, vas istud in honorem, hoc in contumeliam, aliud in alium vsum, omnia tamen fragilia fingere & mortalia. Quid ergo indignaris? Querelæ & indignatio nil aliud quàm accessio mali sunt. Nihil enim tam exasperat feruorem vulneris quàm ferendi impatientia. Omnis indignatio in tormentum suum proficit. Sic laqueos fera dum iactat, astringit; sic aues viscum, dum trepidantes excutunt, plumis omnibus illinunt. Nullum tam arctum est iugum, quod non minus lædat ducentem, quàm repugnantem. Vnum est leuamentum malorum etiam ingentium, PATIENTIA, & necessitatibus suis obsequi a. Quid igitur morbo corporis, animi morbum addere iuuat, teque miseriorem facere murmurando, & illum tibi reddere infestior, qui labores hominum ex alto videt, patientiamque considerat, remedio illam compensaturus & premio.

Sed obijcit æger: Quicquid dixeris, non facies vt non sentiam quod sentio. Mi delicate æger, saltem in tuis auribus, si non alibi apud te, permittite habitare patientiam. Non ego dolorem, dolorem esse nego, sed eum opprimi posse dico patientia. Hæc si non omnem doloris sensum eripit, at doloris certè victoriam concedit, dum vires sufficit ad illum viriliter ferendum. Quapropter excitandus & armandus est animus, contraque suos hostes in aciem educendus. Lentus, imparatus, atque impatiens animus sæpe minimis deijcitur. Sicut pavidus miles, qui hoste visodiffugiens abijcit arma, & ipse sibi periculum facit, vbi periculum non fuisset impavidus: sic ignauium animum, & sensibus obsequentem sola cogitatio doloris exanimat, qui si patientiam, vt scutum obiecisset, doloris victor euassisset. Patientia non modò animi vim auget, sed ipsam doloris asperitatem imminuit. Quod si dolor sit acerrimus & maximus, sperare incipe, ipsa doloris magnitudo finem promittit: quod iam supra demonstratum est. Nam sicut ad extrema gaudij peruenisse principium est doloris, sic extremitas in dolore principium



pium gaudij sit oportet. Contrariorum hæc lex est; alterum ex alterius sine nascitur.

Sed an non erubescimus, tot è Christianis pueros ac puellas tulisse cum gaudio, quod nos viri sine steru & questibus non ferremus? Nos ergo non possumus, quod isti & istæ?

Quid trepidas? erige te anime, spera in Deo; mox erit finis. Gravia sint ista; sed sunt breuia. Noli, oro, succumbere. Pulcherri- mum est & verè Christianum nec voluptati cedere, nec dolori.

a Sen. l. 3. de Ira c. 16.

### §. XXXV.

#### *Patientia specimen mendicis.*

Vade mihi, obsecro, ad Hierosolymum illum probaticum annem, iacentem mendicum. a mendicum tantum? agrotum etiam. Hec! ipsa ex se sola paupertas, & diuturnus & gravis morbus est: si corporis dolores accedant, geminatur malum, quod tolerari non potest nisi geminata patientia, qualis certè in hoc paralytico. Pauper fuit & pænè extra legem aliorum. Nam adeo æris & opis inops erat, ut hominem non habuerit qui ipsum turbatis vndis admoueret. Seruulum sibi conducere non poterat, omni Codro & Iro pauperior. Sed nec fuit qui misericordia se moueri sineret, ut tam indigenti opem ferret, aut manum suam commodaret. Nullus miserabatur, nemo solabatur: nemo iuuabat, respiciebat nemo; deserebant omnes, quisque rem suam agebat. Ad hoc paupertatis malum accessit sæua paralyfis. Ah! quàm difficile est simul & pauperem, & agrotum esse! Neque morbus istius hominis, vnius mensis aut anni fuit. Ipsos triginta & octo annos, membrorum vsu destitutus, gravissimè iacuit, quid nisi spirans cadaver, & funus ante mortem, & pænè diu viveret, sepultus? Agrotis plerumque dies vnus mense stat, mensis anno, annus sæculo. quot ergo seculis putes steterisse huic agroto tot annos? Et tamen (vide patientiam & imitare) animi mansuetudinem non perdidit, postquam omnia perdidit. dignissimus erat cui alij primas deferrent, in piscinæ moræ accessu, & cuius valetudini suam omnes alij postponerent, & tamen nullus cessit: Omnes properarunt mor-

bum suum primi in vndas excutere, & qui secundus esse vellet, nullus erat. Neque tamen hic desperatè valetudinis homo spem omnem & patientiam consumit: sed nec vlli invidet, nulli indignatur, nulli conuiciatur; neminem accusat, neminem crudelitatis damnat, nulli alteri fortem suam imprecatur: sed nec sibi malignus est; non se diris deuouet, non exoratur suum ortum, non turpiter lamentatur, non culpat fortunam, non suos parentes: multò minus in Deum est impius, non obmurmurat, non superos nimis rigidos clamat, non se immerentem affligi queritur, non mortem lentam increpat, non laqueum parat, sed opem patienter expectat; post longam desperationem etiamnum sperat; non importunè sanitatem à Christo postulat, non contumaciter vrget, contentus ærumnas suas seruatori non celasse. Tu, qui agrotas, imitari hæc potes, imò debes, aut cælum non speres.

### §. XXXVI.

#### *Patientia typus. Princeps Magnus.*

Veri posses; aut nimis ecclestes, aut etiam nimis viles & plebeias animas tibi in exemplum patientiæ proponi. Quid iam, mi homo? Christum in cruce imitari non potes aut Laurentium in craticula? imitare Lazarum semesis stipulis immorientem: æmulare Alexium angustis latebris immorantem, & in iisdem finientem. Nimium, inquis, durilectuli, & exempla nimis prisca. Ergo recentia vis? Non desunt certè quæ sequi possis. Scio te tam delicatum qui craticulas & cruces æquo animo non tantum non feras, sed nec aspicias quidem vel audias. Ergo blandiùs tecum agam, & docebo in rebus arctioribus non queri.

Sunt (forassis tu illorum vnus es) qui ut valetudinem seruent, aut læsam reparent, nullos sumptus, nullas aliorum molestias, sed nec decorum aut leges vllas pensi habent; modò illi sani sint, etsi leges violatæ.

Vide mihi magnos principes, qui paucis abhinc annis, sic corporis sanitatem quærebant, ut animi non amitterent.

VVolfgangus LVIII. Archiepiscopus Moguntinus, Elector XLII. extrema inualetudine



Quine laborabat, incidit hæc incommodum in ipsum annum ieiunium. Carnes morbus poscebat, lex Ecclesiæ prohibebat. Suadebant aulici, amici monebant, medici panem præcipiebant, Pontifex ipse annuebat, ut morbi causa potius carne quam pisce vinceretur. At ille solus suæ causæ aduersarius, maluit offensiorem habere Hygeiam quam Ecclesiam: & ne sibi plus quam alijs sacræ leges indulgere viderentur, nihil ille indulgit corpori.

Idem fecit in eodem sacro solio proximus ante ipsum, notus ille cælo terræque Daniel, hic in tanto diuitiarum & dignitatis fastigio, in tanta curarum & negotiorum mole, & in tanto morbi & dolorum incurfu, sibi hoc persuadere non potuit, ut verum illud ieiunium vel unico aucule aut ouicula frustillo minimum violaret, præsertim cum per morbum vel naturam, nec piscibus quidem vesci posset: Ovis igitur & iusculis contentus tantus princeps, omnem aliam aule lautitiem mensâ suâ exclusit; voluitque non solum non alijs, sed nec sibi esse offensioni. Sic Ecclesiam matrem, se verò filium professus est, cuius scilicet esset, matris leges sanctissime potius seruare, quam eas explicare in suum fauorem: Ergo in lethali morbo ab omni pecude tam squamosa quam pilosa constanter abstinuit. Atque hoc primum. Alterum, in eodem morbo preces Canonicas nunquam omisit. Sed & illud in illo præclarum: Cum querela esset ad ipsum delata, feras legeribus nocere: Bene est, inquit, facili huic incommodo medebor: malo ego ferinâ omni carere, quam propter illam subditos in dano esse.

Vbi iam illi queruli egroti, sibi que tam indulgentes, qui cum non omnia ad nutum fluunt, cælum terræ miscent. Vel saltem puras sequantur, si nolunt centones, mendiculos nudâ humo cubantes æmulari reuunt? duces & principes in lectulis decumbentes imitentur. Lazari aut Laurentij exempla nimis antiqua sunt aut ardua? Tantorum præfolum recentissimis factis paria facere conentur. Nimis ignaui militis est, non tantum non commilitonis, sed nec ducis exemplo moueri.

§. XXXVII.

*Patientia speculum, Rex Maximus.*

**B**ono animo nulli cruciatus corporis sunt extimescendi, ac ne mors quidem.

Cur hanc vel illos metuat? qui sibi probè conscius est, nouit homini nihil hic timendum præter peccatum. Mortem desiderant boni, ut portum naufragij, ut finem dolorum, ut bellidiuturni ac periculosi lauream; sciunt se probari hac ratione, non damnari.

Philippus II. Hispaniarum Rex, grande posteris exemplum, tam iniquâ valetudine confictatus est, ut omne genus deterrimorum morborum in eum vnum coniurasse videri potuerit: totius corporis doloribus grauissimè oppressus iacebat, quid nisi spirans cadauer. Dixisset hunc Principum Regumque maximum, *Calamitatis trutinam & Morborum tabernam* congruè vocari. Morbi quibus simul eodemque tempore confictabatur, hi præcipue numerantur. 1. Arthritis, seu Morbus articularis. 2. Manuum pedumque vlcera. 3. Apostema genu & dextri musculi. 4. Febris continua. 5. Hydrops, & sitis perpetua, maxima. 6. Febris Tertiana. 7. Dysenteria. 8. Insomnia. 9. Accessit, quod nullam in partem moueri potuerit. Horum morborum panè singuli satis fuerint ad cruciatus & mortem inferendam: quid non fecerit omnium simul incurfus? Sed ille animo, quo valebat, generosissimo, & verè Christianâ patientiâ, hos omnes morborum imperus sustinebat, tantò sanior ac vegetior mente, quantò minus corpore, illustrissimum prorsus patientiæ Christianæ speculum. Hoc Philippus à Iobo didicit, magno illo in terra Hus principe, quem tot abacti greges, tot ademptæ opes, tot ruinâ oppressorum pignorum inopinatus interitus, statu mouere non potuerunt. Nudum ipsa nuditas, miserum ipsæ miseriæ quasi oblectabant. Nudum se ingressum, nudum egressum canebat, & tanquam pro beneficijs Deo gratias agebat, & laudes psallebat: Dominus dedit, Dominus abstulit, sit nomen Domini benedictum. Non illum criminationes amicorum, non aliorum contemptus, non vxoris blasphemia, irrisio, & acerbissima insultatio vincebat: hanc increpabat, illos refellebat, omnes monebat: diceres etiam nū in throno sedere regnantē. Plagâ pessimâ totum corpus percussum scatebat vlcibus, sanies defluebat, omnibus mēbris velut cauernulis erodentes vermiculi erūpebant, viuum erat cadauer: his cruciatibus nec



tantillum frangebatur: saniem veluti otiosus sui spectator testâ radebat; putredinem fororis; vermium agmina fratrum loco amplexabatur; & (Terullianum agnosce) erumpentes bestiolas in eisdem specus & pastus foraminosa carnis reuocabat. Vnde murus hic aheneus, & robur triplex circa pectus tam calamitosum! Quia nihili sibi malè conscius erat, nullis culpis palleſcebat. Fortunæ illud regnum diabolus abstulerat; proprium animæ patientis & aquæ imperium nec abstulerat Iobo, nec ulli nostrum potest auferre. Vis videre & audire Iobo potentior? Attende, nam & ipse attentionem postulat.

2. Describit hoc Cernera Turrianus de felici excessu Philippi II. Hispaniarum regis, idiomate Hispano, Franciscus Guillimannus Latino.

## §. XXXVIII.

*Patientia specimen, typus, speculum, exemplar absolutissimum Christus Dominus.*

**O** Vos omnes qui transitis per viam, attendite & videte, si est dolor, sicut dolor meus a: ad te Christus de cruce clamat. Per viam hanc Caluarie transis, cum aduersa pateris; sed transis tantum, quia dolores tui quicunque, ad hoc dolorum æstuarium ac pelagus nihil sunt, doloris imagines sunt. Istius crucifixi verus est dolor, in quo toto nihil est quod dolore sit liberum. Ossa, nerui, venæ, & si quid horum à flagris & spinis illegsum, per funium vltimam extensionem, immanner iam cruciatur. Nec est qui hæc tormenta tanta vel verbulo molliat. Amici plorantes (& quot eorum?) nil prosunt, fugitivi discipuli deserunt; insultantes inimici affligunt, & quem antea clavis, iam probris & linguâ configunt. Sed nec afflictissima mater iuuare potest. Ipse Pater iratus derelinquit in tormentis filium, cuius oculi spatis, rabo, lacrymis pleni nil nisi lacrymantem matrem & triumphantes hostes aspiciunt, aures contumelijs saturæ nil nisi sarcasmos & blasphemias audiunt; lingua felle corrupta, siti exusta, frigidam rogat, nec impetrat; nares cadauerosus fœtor ad extremum vsque halitum cruciat; flagella & vepres recentissimos etiamnum riuulos sanguinis protrudunt; mē-

brorum compagine luxata, ossa numerari cupiunt; purpurati clavi dimissuros se negant nisi mortuum. Quicquid designes toto corpore, certum cruciatum ostendis; animum extremè afflictum omne solamen destituit. Et tamen in tantis supplicijs non questus, non indignatus, nulli malè imprecatus, imò veniam deprecatus est omnibus; tot patientiæ dedit documenta, quot tulit vulnera, quot iniurias. Attende iam & vide, si sit dolor tuus, sicut dolor tui Domini, tui Seruatoris. Christum non amas, si pati recusas.

a Tren. c. 1. v. 12.

## §. XXXIX.

*Panoplia ægroti Patientia.*

**I**nterrogatus Demosthenes, quid in eloquentia iudicaret præcipuum, respondit: *Actio*, Roganti quid proximum? respondit: *Actio*, Roganti, quid tertium? Nil aliud respondit, quàm *Actio*. Ita primum præmium *Actioni*; sed & alterum ac tertium eidem attribuit. Si queratur, quid ægroti maximè sit necessarium? optimè responderit qui dixerit: *Patientia*. Si denuò queratur quid vtilissimum ægroti? Idem quod ante respondendum: *Patientia*. Iterum querenti quid decentissimum in morbo? Hoc ipsum repetendum. *Patientia*. Vna sibi patientia triplex hinc præmium deposcit: vni eidemque prima, & altera, tertiaque est assignanda laurea. Hoc ori diuino credamus. In patientia vestra possidebitis animas vestras a. Nec aliter Paulus: Patientia, inquit, vobis necessaria est, vt voluntatem Dei facientes reporteris promissionem b. Ecquid tibi vis o impatiens? Quoniam per multas tribulationes oportet nos intrare in regnum Dei c. Quo pungeris, inde nascitur rosa quâ coroneris. Veritas proclamat: Qui non baiulat crucem suam & venit post me, non potest meus esse discipulus d. Igitur Augustini consilium admitte; & Patere quod non vis, vt assequaris quod vis. Hoc ipsum Salomon inculcat: Discipulinâ Domini, fili mi, ne abijcias: nec deficias cum ab eo corripieris, quem enim diligit Dominus, corripit; & quasi in filio complacet sibi e.

A tutelari tuo Angelo idem tibi quod Tobias dictum crede: Quia acceptus eras Deo, ideo necesse fuit, vt tentatio probaret te. Hoc autem



autem pro certo habet omnis qui te colit (d  
Devs) quod vita eius si in probatione fuerit,  
coronabitur; si autem in tribulatione fuerit; li-  
berabitur: & si in corruptione fuerit, ad mi-  
sericordiam tuam venire licebit. Non enim  
delectaris in perditionibus nostris: quia post  
tempestatem tranquillum facis, & post lachry-  
mationem & fletum, exultationem infundis.  
Sit nomen tuum Deus Israel benedictum in  
secula f.

Ergo, Beati, qui nunc fletis, quia ridebi-  
tis g. Vasa figuli probat fornax, & homines  
iustos tentatio tribulationis h. Egrotus igitur  
ad omnem patientiam compositus dicat:  
Iram Domini portabo, quoniam peccaui ei:  
donec causam meam iudicet, & faciat iudi-  
cium meum: educet me in lucem, videbo ius-  
ticiam eius i. Quod si diuina ira tam grauis  
est quæ purgat, quam erit grauis quæ dam-  
nat? Hanc nulla, illam vel mediocris flectit  
patientia. Quapropter, mi ægrote, ad om-  
nigenam te patientiam compone: Patientia  
tibi ante omnia summè necessaria est k. Ci-  
bus tibi fortasse non sapit? Patientia: commu-  
ne hoc ægrotis est, & plerumque primum,  
eduliorum gustum non habere. Somnus tibi  
breuis & interruptus? Patientia: ægroti vix  
vnuquam tam bene dormiunt ac sani. Dolores  
te vrunt? Patientia: hoc morbi proprium,  
hoc ægotare est. Fortasse negligentius tibi  
ministratur? Patientia: ægroti in omnibus fa-  
cile facere, difficillimum. Fortasse defunt qui  
recreent & solentur? Patientia: Christus Do-  
minus consolator est optimus. At multa de-  
sunt, quæ necessaria videntur? Patientia: de-  
sunt omnia, vnica modò adsit Patientia, &  
salua erunt omnia. Ad Carolum V. Impera-  
torem articulari morbo laborantem Elector  
Brandenburgicus Ioachimvs reuifit, monuit  
quæ medicorum operâ vtendum. Cui Caro-  
lus: Optimum hîc remedium, inquit, est pa-  
tientia. Ita prorsus: Ægroti Panoplia est Pa-  
tientia, hâc ille se armet, & nec morbum, nec  
dolores, nec mortem nimium formidabit.  
Cum his ille hostibus fortiter congregietur, &  
certò vincet: Nam Patientia vincit omnia.

a Luc. cap. 21. v. 19.

b Heb. cap. 10. v. 36.

c Act. cap. 14. v. 21.

d Luc. c. 14. v. 27.

e Prou. cap. 3. v. 11. & 12.

f Tob. cap. 12. v. 13. & c. 3. v. 21. ad 24.

g Luc. c. 6. v. 21.

h Eccli. cap. 27. v. 6.

i Mich. cap. 7. v. 9.

k Sit illud fortasse minus elegans, certè pru-  
dens Antonij Guenarij dictum est: Non erit  
clamor in valetudinario, si patientia fuerit  
in infirmo, & charitas in infirmario.

## §. XL.

Tandem migrandum est, hospites sumus.

V Ita nostra hospitio similis. Nos in do-  
mo alienâ & precariâ versamur; vix in  
eam admissi dimittimur, & cum abeunte abit  
recordatio, tanquam memoria hospitis vnus  
diei praterentis b. Non credis? redi post dies  
pauculos, & narra te ibi pridie hospitatum,  
negabit diuersitor, se tot superuenientibus vi-  
lius meminisse: sic fluctus fluctum elidit, nû-  
bes nubem. Luculentissimè Augustinus: Om-  
nes, inquit, peregrini sumus. Ipse est Christia-  
nus, qui & in domo sua, & in patria sua pere-  
grinû se esse cognoscit. Patria nostra sursum  
est, ibi hospites non erimus. Nâ vnusquisque  
hic & in domo sua, hospes est. Si nō est hospes  
nō inde transeat. Si transiturus est hospes est.  
Non se fallat, hospes est: velit, nolit, hospes  
est. Sed dimittit illam domum filiis suis? ho-  
spes hospitibus. Quare? Et in stabulo si esses,  
non alio veniente discederes? Hoc facis & in  
domo tua. Cessit tibi locum pater tuus; cessu-  
rus es locum filijs tuis. Nec mansurus manes,  
nec mansurus relinques. Si omnes transimus,  
aliquid quod transire non potest, operemur,  
vt cum transierimus, & illò venerimus, vnde  
non transeamus, opera nostra bona ibi inue-  
niamus c. Quando igitur hospites sumus, mi-  
grare non recusemus. Non est latius iter per-  
egrino quam in patriam.

a Cicero in Catone.

b Sap. c. 5. v. 15.

c August. tom. 10. ser. 31. fine. De verbis Do-  
mini.

## §. XLI.

Certus vita terminus.

N Vmerus mensium eius, apud te est; Con-  
stituiisti terminos eius, qui prateriri  
non poterunt a. Quicquid agas, ô homo,  
G 2 quic-



quicquid molliaris, vitæ tuæ dies iam annumerati sunt tibi. Orbis medicos ad te conuoca; Podalirios, Machaonas, Æsculapios, Hippocrates & Galenos: omnes reuiuiscere iube, non hi omnes vel horulam annis tuis apponent, ultra quàm velit Deus. Pharmacopolia exhaurias, aurum & vniones glutias, vt vitam extendas, tamen terminos qui præteriri non poterunt non promouebis. Cantus sis, quantum velis, vitæ pericula omnia declines, morborum principijs obstes, numerum mensium tuorum non augebis. Optes, voueas, roges nihil agis; vitæ tuæ termini iam constituti sunt, nec vnquam (quicquid resistas) præteriri poterunt. Arenam maris tu quidem innumerabilem credis, sed & hanc numefatam habet is, qui vitæ tuæ annos, menses, dies, horas, momenta habuit numerata, iam ab æterno quicquid vel ars tua, vel industria tibi promittant, spatium viuendi nec vnico momento tibi reddent ancitus. Ciborum tibi præstantissimorum copiasit & selectus; vini florem bibas; nunquam labores nisi ad sanitatem, tantû somni capias quantum & lex archiattrorum, & ratio valetudinis poscit; ad numerum & ca-leas & algeas, nihilominus mortalis eris, & vbi vitæ tuæ metam (quam Deus ab æterno præuidit) contigeris, age valedic rebus humanis, & ad rationem reddendam te para; tribunale te vocat. Nullas hic moram, nullas inducias, nullas comperendinationem quære, eundum est; ne tergiversare: ratio reddenda est; ne excusa: mora omnis præcisa est; ne dilationem postula. Numerus mensium cuiusvis hominis apud te est, ô Deus: constituis terminos eius, qui præteriri non possunt, non possunt, non possunt. Neque Senecam hoc latuit: Nemo, inquit, nimis citò moritur, qui victurus diutius quàm vixit, non fuit. Tulit suum,

— *metaeque dati peruenit ad aut.*

Fixus est cuique terminus: manebit semper vbi positus est: nec illum vltius diligentia aut gratia promouebit. Lecticam tuam centum medici, sexcenti amici, mille cognati sepiant, eorû tamen nemo iuuare te potest, vnus & solus Deus potest. Actum est de te, ô homo, actum est, & quidem actum est in æternum, si tunc hostem habeas Deum. Æternum perijisti, si hoc mortis momento à Deo recessisti, aut, si prius recesseris, ad Deum non accessisti, receptus in gratiam. Vltimum vitæ tuæ momentum sententiam de te pronuntiat. Qualis moreris & cadis, talis resurges: talis viues in omnem æternitatem. Ah, sapere incipe, & Deo viuere. Quicquid agis memento Æternitatis.

## §. XLII.

### *Prima agroti Obiectiuincula.*

**F**acile meipsum solari potui cum sanus & valens fui; facile prouocabam mala absentia; ecce dolor, quem tolerabilem esse dicebam; ecce mors, contra quam multa animosè locutus sum;

*Nunc animis opus: Aenea, nunc pectore firmo.*

Nimirum aliud sensi cum steti, aliud nunc sentio cum iaceo, in lectum deiectus. Extra arenam hostem lacerare facile est; in hanc inferre animum illum quem extra hanc conceperis, difficile. Mortem passim cõtemnimus, sed cum extra mortiferi teli iactum nos esse credimus. At verò cum homo se in eodem cum Morte circo conclusum videt, hostem quem spreuerat, timere incipit. Atque adeo aliud est, luctam meditari, aliud luctari: illud etiam timidi norunt, hoc non nisi fortium est.

Quid ais, mi agrote, quid contra teipsum quereris? quid pristinam eamque bonam mentem mutas? Quasi verò pugilis sit, cum in umbra est, sapere, & animos altos gerere; cum luctæ suæ puluerem ingreditur, desipere & animo collabi? Bonus gladiator etiam in arena consilium capit, etsi prius inops consilij. Sta, mi homo, & aude: vicisti, si velis vincere; si possis non desperare. Editorem & Munerarium tuum Christum aspice te aspicientem. Certaminis tui non spectator tantum est, sed & adiutor; & omnia arma quibus ipse vsus, quasi manu tibi porrigit. At tibi illa forsan, vti Saulis Davidi, habilia non sunt? flagra, spinas, crucem reculas? Scutum cape PATIENTIAM; hoc tectus eris & tutus. Cetera bono Deo committe. Nosti illud Abrahami ad filium: DEVS PROVIDEBIT.

*Obiectiuincula altera.*

**E**cce morior, qui diutius viuere poteram. Imò certè non poteras; nam si posses, pu-

to vi-



to viueres. Sed hoc dicere vis, volebam seu sperabam. Et hoc tibi crediderim, prout animus mortalium vitæ auidus, spei credulus est. Modicum vixi, ais. Quid si plus vixisses, nunquid ideo non vixisses modicum? Spatia vitæ huius imparia & incerta sunt, cuncta tamen breuia: vixit aliquis octoginta annis, quid hic quæso plus iam habet, quam qui octoginta fortè curas, laboresque, & dolores, & cædia ac peccata in lucro ponimus. Aut quid plus haberet si vixisset octingentis? nisi virtutes illius numeremus, non annos. Certè etiam Mathusalæ nongenti sexaginta nouem anni, quid fuerunt, nisi vapor ad modicum parens a? Nullus omnino tamdiu vixit aut tantum, vt non sibi modicum vixisse videatur, & est planè modicum quicquid hîc viuatur: itaque si diu viuere delectat vita illa quaerenda est, vbi semper viuatur, quæ etsi hic non sit, tamen hîc quaeritur. Sed ego morior, inquis, dum bene agere cogitabam. Quid agere cogitabas, nec agebas? Sic forsitan in perpetuum cogitasses. Sunt qui bene agere semper cogitent, nunquam tamen incipiant, nunquam agant. Tu, credo, vnus illorum eras. Quod si bene agere caperas, ne dubites, quamuis boni operis finem mors præuerrat, apud infallibilem rerum æstimatorem nil tibi suberahitur: integra merces tua est, non actuum modò, sed & veterum. Bono sis animo: Rectum & breue iter ad præmium est MORI.

2 Iacobi c. 4. v. 14.

§. XLIII.

Contra alias agroti querimonias.

**A** Grotum innumeræ plerumque querelæ sunt. Vix loquuntur, quin simul & querantur. Quoties illæ voces agroti audiuntur? Heu me miserum, me afflictum, me oppressum doloribus! quoties ex alto suspiriosum. Ah, & Heu, eger ingeminat? Sed si rem ad veram trutinam examinarit, stilum vertet, dicetque sapius: Bene est, bene habet, sic Deo placet, sic meo creatori visum est: me felicem, beatum me inter verbera non tyrannum, sed patris: Deo laus, Deo gloria: cælum sit in præmium omnibus mihi bene facientibus. Sic, agrote, sic decet, sic oportet. Seneca sapienter hoc monens: Noli, ait, mala tua faste tibi ipsi grauiora, & te querelis onerare.

Detrahendas præteritorum dolorum conquestrationes puto, & illa verba: Nulli vnquam fuit peius, quos cruciatus, quanta mala pertuli? nemo me surrecturum putauit, quoties deploratas sum à meis, quoties à medicis relictus? In equuleum impositi non sic distrahantur. Etiam si sunt vera ista, transierunt. Quid iuuat præteritos dolores retractare, & miserum esse, quia fueris? Quid, quod nemo non multum malis suis adiecit, & sibi ipse mentitur. Circumcidenda igitur duo sunt, & futuri timor, & veteris incommodi memoria; hoc ad te iam non pertinet, illud nondum. Quid ergo frustra quereris, & dolores ipse tuos impatientiæ vngue fodicas? Miser sum, inquis, Imò beatus es, Bono loco res humanæ sunt, quod nemo nisi vitio suo miser est. Beatus homo qui corripitur à Deo; quem enim diligit Dominus, corripit, & quasi pater in filio complacet sibi b; flagellat autem omnem filium quem recipit c. Increpationem ergo Domini ne reprobes, quia ipse vulnerat & medetur, percutit, & manus eius sanabunt d. An nescis, vnus quod à chirurgo est, medicamentum esse & initium valetudinis? Tu ergo non vulnus, sed manum vulnerantis attende, & fateberis te iam esse multò saniorum (certè animo, si velis) quàm cum esses sanissimus. At dolorem, inquis, grauem sentio. Quid nî sentias, si illum muliebriter ruleris: Quemadmodum perniciosior est hostis fugientibus, sic omne incommodum magis instat cedenti & auerso. Sed grauis est cruciatus. Non est fortium, leuia rantum tolerare. Cogita, non dicam tot centena millia fortissimorum martyrum, sed alios tibi non ignotos doloris victores. Narrat Seneca fuisse quemdam, qui dum varices præberet excandans, legere librum perseuerauit. Martyres aspicias? mutilatos, sectos, laceratos, vltos, confossos, frixos, stillarim & guttatim mortuos vides. In hos memoriam sparge, & mirare te illis cetera simillimum, illorum tamen patientiam dissimillimam esse impatientiæ tuæ. Sed nihil inquis, agere me finit morbus. Itane, nihil omnino? Vide quæso, corpus tuum inualerudo tenet, non animum. Itaque, si cursor sis, tibi pedes sunt ligati; si sutor aut faber, manus impeditæ. Quod si animus tibi esse in usus solet, suadebis, docebis, audies, discies, quæ-



res, recordaberis etiam ægrotus. Quid porrò? nihil agere te credis, si temperans æger sis? si ostendas morbum posse superari, vel certe sustineri. Est, mihi crede, virtuti etiam locus in lectulo. Habes quod agas; bene luctare cum morbo, & satis egisti.

a Sen. epist. 78. med.

b Pross. c. 3. v. 12.

c Hebr. c. 12. v. 7.

d Job cap. 5. v. 17. & 18.

§. XLIV.

*Ægrotus ad seipsum, contra seipsum.*

**Q**uid ago? si cecine ante canos morior, nec mihi, quod alijs conceditur senescere? Sed num, ô bone, adeo pulchrum aut iucundum est senescere? Nimirum in hoc omnes errore versamur, ut non putemus ad mortem, nisi senes inclinatosque iam vergere: cum eo statim infantia, & iuventus, etasque omnis nos ferat. Etas senectutis vita immaculata, & senectus omnium pulcherrima est, proba vita. Melius est cani sint sensus hominis quam caput. Senectutis dotibus abundè dives est qui coluit Deum, qui prudenter vitam instituit, qui bene vixit. Et porrò gloriosius est virtute sua, quam temporis dono senuisse. Quicumque ad extremum fati sui venerit, diu vixit, & senex moritur. Stat sua cuique dies, ad quam cum venerit metam attigit. Sed ea vitæ avaritia est, ut, cum moriendum, omnes nobis iuvenes, hoc est immaturi ad mortem videamur, etiam octogenarii senes. Sed quid frustra annorum tuorum paucitatem numeras? Deus tibi viuendi spatium scripsit in tabulis providentiæ suæ: istud tu non ampliabis. Hoc iudicium à Domino omni carni, & qui superveniet tibi in beneplacito Altissimi: siue decem, siue centum, siue mille anni. Non est enim in inferno accusatio vitæ. In Orbe altero nulli Deum accusant quod vitam non dederit longiorem; seipsos accusant, quod vitam non vixerint meliorem. Tu igitur hoc age, & annos æternos in mente habe. Nulla est iactura punctum temporis amittere, & æternitatem lucrari. Generosissime dixit Rex Macedo: Ego me metior non ætatis spatio, sed perennitatis. Tu quoque te metiatis non annorum termino, sed æternitate, quæ nullum habet terminum.

a Sap. cap. 4. v. 9.

§. XLV.

*Ægrotus ad Deum.*

**D**eus meus & desiderium cordis mei. Ego misellus homuncio, & vermiculus vilissimus, hic lectulo affixus iaceo, sine manuum & pedum usu: otiosus, iners, torpidus, inutilis servulus; terræ grave pondus, nullos pro te labores perfero. Desidero tamen, ô Deus, desidero tui causâ quam plurimum laborare: desidero pro te algere, aestuare, fatigari, vexari, cruciari pro te: famem & sitim, molestias pro te quam plurimas perferre, dolores pro te acerbissimos tolerare desidero.

Hoc me desiderare docuit beatus Dominicus, qui cum maximis doloribus solito gravius virgeretur, monitus est à socio, rogaret Deum mitius secum agi. Cui vir sanctus subiratus; Nisi, ait, de tuâ simplicitate mihi constaret, te protinus hinc expellerem, quod hæc dicere non veritus sis. Et mox in nudam humum se abiiciens: Gratiâs, inquit, tibi ago, mi amantissime Deus pro his quæ mihi dedisti perferenda. Auge dolores, multiplica cruciatus, da centum morbos: dabis etiam, scio, simul patientiam.

Ecquid ergo aliud dixerò, quam hoc ipsum: Exiguum nimis est, quod patior, ô Deus, his doloribus alios atque alios adde. Sæuiores longè verbera sum meritis, quam tu mitissime Deus parente manu infligis. Hic Domine ne parce, hic vre, hic seca, hic lace-  
ra, modò parcas æternum. Si mihi sint centum corpora, centum ego cruces, tui amore, vestire velim: modò tibi placeam, modò inter tuos numerer, ô Pater amantissime, quicquid mihi tandem doloris aut laboris sit sustinendum. Nullos labores, nullos dolores respuo, nullos excipio. Tua in me Voluntas, Domine, integrè fiat. Scio enim, quam bonum sit & facile, tibi, Deus, servire; apud quem opus, & operis faciendi voluntas æquali sæpe præmio afficiuntur: apud quem voluisse facere, & fecisse eiusdem esse pretij & meriti potest.

Ego iam ad quietem à te, ô bonitas, componor: nox mea mihi venit, quâ nil amplius operari possum. Sed tamen, licet posse operari morbus mihi eripuerit, non tamen eripuit.

vcl-



## CAPVT SECVNDVM:

velle operari. Volo, Domine, volo, & dum in me superest vel halitus, tui amore & facere & pati paratus sū, quicquid cētū, quicquid mille famulorū tuorum tuo amore flagrantissimi faciūt & patiūtur. Dic tantū Domine quid me vis facere? quid pati me vis? Plenos ego tibi bonorum desideriorum Mundos offero. Ad Indos curram & extremos Iaponas, sed voluntate curram & desiderio: non obstabunt huic montium iuga, non præcipitia vallium; illa conscendam, hæc subibo: animum meum non morabuntur niuium cumuli, non eluiones aquarum; hos transmeabo, illas perumpam: non saxa, non ignes reuocabunt, illa percalcatum, hos suppressum ibo: irrisiones etiam, contemptum, conuitia, falsas accusationes pro te lubens volens patiar; propter te, ô æterna Sapientia, stultus haberi non tantum non recuso, sed ambio; sed & verbera pro te & tela excipere affecto, millies pro te mori ardentem concupisco. Nihil nimis arduum, nimis acerbum, nihil nimis difficile, nil erit inexpugnabile: Omnia superabo, pervincam & expugnabo omnia, te duce & adiutore. Et quicquid per vires non licebit, quocunque pedibus aut manibus perreptare non potero, illuc desiderio accedam, id expeditis cogitationibus pertingam, id voluntate salutem & animo euincam.

Sed nunquid hæc tanta desideria si in opus prodeant, cælum mihi referabunt? nunquid si hæc omnia factis repræsentaro, aspectu Dei dignus ero? Ah! Domine Deus meus, si patiar & faciam, quicquid omnes vnquam sanctissimorum hominum passi sunt & fecerunt, quicquid etiam pati aut facere voluerunt, non tamen ideo dignus sim, qui vel momento te fruar; quanto minus ero, cum hæc exigua & opere cassa desideria tibi offero. Quibus ergo modis iter ad cælum mihi expediam? O infinita bonitas, si mei misereri uolis, actum est de me: in cælum nunquam admittar, si tua misericordia excludat. Vnicum ergo mihi asyllum restat, vnicum refugium ab ira tua & iusta in me indignatione. Misericordia tua, Domine, Oceanus est & immensissimum mare, in hunc ego me Oceanium, in hoc mare præcipitabo, cum me uoluerit Mors de hoc vitæ colliculo deicere. Sed etiam nunc dum colliculum hunc occu-

po, in inexhaustum tuæ, ô Deus, infinitæ misericordiæ pelagus me abicio, certa spe, in his aquis tutum me fore ab inferorum incendijs. Clamo igitur cum Dauide:

*Miserere mei Deus, secundum magnam misericordiam tuam.*

*Et secundum multitudinem miserationum tuarum dele iniquitatem meam.*

Sed & in extremis meis angustijs, in suprema & vltima vitæ meæ horridula, cum animæ meæ iam iam erit e veteri sua tabernula migrandū, hoc ipsū pro me clamare volo singulas respiraciones meas: imo iam superstes & sanus deliberatissimè & ardentissimè volo & iubeo, vt in ipso mortis meæ momento, aut proximo ante illud tempore, singultiens spiritus meus, tam angelis quàm hominibus vel singultiendo significet, se ad te, ô Deus clamare, neque verò aliud quàm hoc ipsum: MISERERE MEI DEVS, SECVNDVM MAGNAM MISERICORDIAM TVAM.

*a Chronic. 8. Dominici.*

## §. XLVI.

*Agrotus cum Deo pascitur.*

**S**VMmum illud ac pænè vltimum Ecclesiæ Africanæ decus, Fulgentius, Ruspensis Pontifex, doctrinæ & vitæ sanctimoniæ conspicuus, septuaginta diebus ante obitum, afflicte ingeminabat has voces:

*Domine, da mihi modò patientiam, postea indulgentiam.*

Hoc vir sanctissimus contra vim morbi, velut scutum obiciebat. Imò quò vehementius verebatur dolor, eò ardentius precabatur hic præful:

*Patientiam, ô Domine, patientiam, postea da indulgentiam.*

Hoc est cum Deo suauissimè pacisci, nec præmium ante laborem, nec triumphum cupere ante victoriam, nec amoenissimum montis iugum sine sudore velle conscendere. Obiit Fulgentius ipsis Ianuarij Calendis, nouum vtique annum exorsus in cælo nunquam finiendum.

Beatus Richardus Cicestrensis Antistes, ille alijs tam benignus, sibi rigidus, qui tria millia pauperum pane vnicò refecit, qui non hispido solum cilicio, sed & ferreâ corpus loricâ domuit: hic in fatali morbo, iam vltimæ lineæ admotus, illud Christi Domini

cre-



creberrimè reperijt:

*In manus tuas, Domine, commendo spiritum meum.*

Subinde & Matrem Domini his vocibus in-  
clamabat:

*Maria, Mater gratia,*

*Mater Misericordia,*

*Tu nos ab hoste protege,*

*Et hora mortis suscipe.*

Inter quas voces animam reddidit Conditori. Nimirum quibus dura vita est, vix dura mors est. Et quemadmodum mori, poena improbis, sic portus est probis, & ingressus ad immortalem vitam. Ita mors inuitis imperat, volentibus seruit.

# §. XLII.

*Deo gratias, assiduum sit agroti can-  
ticum.*

**V**irgo beatissima, Domini mater, MARI-  
A, ne vnquam Deum benedicere  
cessaret, vti Bonauentura loquitur a, illud v-  
num in ore semper habuit: *Deo gratias*. Ne-  
que aliud ferè respondere solita est, quàm hoc  
ipsum, *Deo gratias*. Hanc loquendi consue-  
tudinem Ecclesia in tali auctore piè reuerita,  
suis omnibus voluit esse vsitatissimam. Hinc  
illa Christianis olim, vti iam Religiosis, in om-  
ni salutatione & congressu familiaris vox:  
*Deo gratias* b.

Diuus Cyprianus cùm à Proconsule Gale-  
rio interrogatus breuissimè respondisset, reci-  
tata tandem è tabella sententia: *Thascium Cy-  
prrianum gladio animaduerti placer*: dixit Cy-  
prrianus, *Deo gratias*. Siculatori verò aureos  
viginti quinque numerari iussit à suis diaco-  
nis. Laurentius martyr antesignanus, in  
caudente craticula allatus gratias egit. Theli-  
ca quoque fortissimus martyr dum vngulis  
laceratur, hoc ipsum inter carnificum rabiem  
ingeminavit: *Deo gratias* c. Euplius etiam  
martyr qui demum suspensio ad collum Euan-  
gelio plexus est capite, saepius iteravit hoc  
vnum, *Deo gratias*. Bonifacius itidem mar-  
tyr, in saeuissimis cruciatibus: Gratias, inquit,  
tibi ago, Domine Iesv. Beata clara continuis  
viginti octo annis, morbo intabescens, assidue  
*Deo gratias* reulit. Anima quæ benedicit,  
impinguabitur d. Verissimè dixit Augustinus:

Quid melius & animo geramus, & ore pro-

namus, & calamo exprimamus, quàm *Deo  
gratias*? Hoc nec dici breuius, nec audiri læ-  
tius, nec intelligi gratius, nec agi fructuo-  
sius potest. *Deo gratias*, qui te tam fideli pe-  
dore ditauit &c. e In aduersis, inquit Chry-  
sostomus, infideles maledicunt, Christiani  
gratias agunt. Vide quanta sit hæc philoso-  
phia, tum Deum lætificas, diabolum pude-  
facis, quod malè factum est, nihil esse facis.  
Nam & tu simul gratias agis, & Deus dolo-  
rem amputat, & diabolus abscedit. Nihil hæc  
linguâ sanctius est, quæ in aduersis *Deo gra-  
tias* agit. Certè non est inferior linguâ Mar-  
tyrum; vtraque pariter coronatur f. Tertul-  
lianus Iobum commendans: Cùm ille homo,  
inquit, ad omnem acerbum nuntium, nihil  
ex ore promeret, nisi *Deo gratias* g.

Ioannes Auila peritissimus interioris ho-  
minis magister, dicere solebat: Plus valet in-  
arumis & doloribus vnum *Deo gratias*.  
quàm sex millia in rebus prosperis & bona va-  
lerudine. Nam *Deo gratias* agere, inquit,  
tempore consolationis, est omnium; atqui  
tempore calamitatis, propriè proborum.

Quare, mi optime ægrote, per tuam te sa-  
lutem oro, sic animum, sic linguam forma,  
vt quò peius tibi est, hoc tu promptius dicas:  
*Deo gratias*. Tum denique imitator crucifixi  
Domini censeberis, cùm etiam in doloribus  
audebis dicere: Fastidia vexent, mœrores  
augant, desint plurima, *Deo gratias*. Sequant  
dolores, augeant cruciatus, tormenta cre-  
scent, *Deo gratias* Discepar, dilanier, occi-  
dar, *Deo gratias*. Hæ voces cælum penetrant,  
hæc musica Deo gratissima, gratiarum actio  
inter aduersa & tormenta. Ad hoc hortatus  
Paulus: In omnibus, inquit, gratias agite h-  
tam in morbo, quàm in valerudine commo-  
da, tam in inopia quàm in copâ, tam in per-  
turbatione quàm in tranquillitate, tam in ad-  
uersis quàm in prosperis. *In omnibus gratias  
agite*. Non enim minus, imò plerumque ma-  
ius beneficium Dei est, morbus, inopia, sola-  
tij destitutio, honoris priuatio, quàm si om-  
nia ad nutum fluant. In omnibus ergo agen-  
dæ gratiæ. In quacunque mentis positione sit  
ægrotus, dicat tamen: Benedicam Domi-  
num in omni tempore semper laus eius in o-  
re meo i. Nullum sit momentum, nulli sint  
dolores, in quibus ægrote graue sit dicere:

*Deo*



*Deo gratias.* In omnibus gratias agite. Tanto gratiarum actio nobilior, tanto patientia est gloriosior, quò morbus aut dolor vehementior.

a Bonau. de vita Christi c. 33.

b Vide hic c. 3. §. 21.

c Baron. to. 2. An. 303. n. 39. & n. 146.

d Prou. c. 11. v. 25.

e Aug. to. 2. epist. 77. ad Aurelium Pontific.

f Chrys. tom. 4. hom. 8. in c. 3. epist. ad Coloss. mihi pag. 1159.

g Tertul. de Patient. c. 13.

h 1. Thess. c. 5. v. 18. i Psal. 33. v. 1.

## §. XLVIII.

*Ægroti vera in Deum fiducia.*

**M**ori, serium est negotium, & ars minime ludicra. Et merito possit ex ægrototo quarì: Visne te totum æternitatis alæ committere? Viam inis & longam & ignotam, & quò peruenies? His optimè responderit æger, qui non miserorum illud mullitavit: *Debeo, Cogor.* Sed illud potius erecta mente dixerit: Spiritum meum Deo meo libens volens impendam: ita me committo Æternitatis, ita legus abeo.

Sic prorsus, sic & ani sentiant, præsertim ij, qui velut moribundi obeunt. Ex horù numero rectè quis dixerit: Iam pridem mori cæpi, iam morior, iam delibor & consumor, iam iter ad Æternitatem infisto. Et quia Dei misericordia finem nescit, & mensuram omnem excedit, sic pergo intrepidus. In te, Domine, speravi, non confundar in æternum (sic spero) in æternum, in æternum. Et quamvis è diuinis paginis mille me oracula confirmant, largissimam tamen rationis lucem, quam hic Romanus Sapiens allucet, non spreuerim. Quid de morte, sed verò etiam quid de reditu à morte ad vitam sit sentiendum, à priscis sic docemur.

Cum venerit dies ille qui mixtum hoc diuini humanique secernat, corpus hoc, ubi inueni, relinquam: ipse me Deo reddam. Nec nunc sine illo sum, sed graui terrenoque detineor. Per has mortalis æui moras, illi meliori vitæ longiori que proluditur. Quemadmodum nouem mensibus nos tenet maternus uterus, & preparat, non sibi, sed illi loco, in quem videmur, emitti, iam idonei spiritum trahere,

& in aperto durare: sic per hoc spatium quod ab infantia patet in senectutem, in alium naturæ sumimur partum. Alia origo nos expectat, alius rerum status. Nondum cælum, nisi ex intervallo, pati possumus. Proinde intrepidus h horam illam prospice: non est animo suprema sed corpori. Quicquid circa te rerum vides tanquam sarcinas non asportandas aspice. *Transendum est.* Dies iste quem tanquam extremum reformidas, æterni natalis est. Depone onus. Quid cunctaris? tanquã non prius quoque, relicto, in quò latebas, corpore exieris? Hæres & reluctaris? tum quoque magno nisu matris expulsus es. Gemis, ploras, & hoc ipsum flere, nascentis est. Sed tunc debebat ignosci, rudis & imperitus omnium veneras, ex maternorum viscerum calido mollique fomento emissum afflauit aura liberior. Deinde offendit duræ manûs tactus, tenerque adhuc & nullius rei ignarus, obstupisti inter ignota. Nunc tibi non est nouum separari ab eo, cuius ante pars fueris: æquo animo membra iam superuacua dimitte, & istud corpus diu inhabitatum pone: Scindetur, obruetur, abolebitur. Quid contristaris? ita solet fieri. Pereunt semper velamenta nascentium. Quid ista sic diligis, quasi tuâ istis opertus es. Veniet, qui te reuelat dies, & ex contubernio sædi atque olidi ventris educat. Hinc nunc quoque tu quantum potes, subnola: vrique etiam necessarijs, quæ coherrebunt, alienus. Iam hinc altius aliquid sublimius que meditare. Aliquando tibi natura arcana reteguntur, discutietur ista caligo, & lux vndique clara percutiet. Nulla serenum vmbra turbabit: æqualiter splendet omne cæli latus: dies & nox æris infimi vices sunt. Tunc in tenebris vixisse dices, cum totam lucē totus aspexeris, quam nunc per angustissimas oculorum vias obscure intueris, & tamen admiraris tam procul. Quid tibi videbitur diuina lux, cum illam suo loco videris? Hæc cogitatio nihil sordidum in animo subfudere finit, nihil humile, nihil crudele. Deum omnium rerum esse rectem ait, illi nos approbari, illi in futurum parari iubet, & Æternitatem proponere, quam qui mente concepit, nullos horret exercitus, non terretur tuba, nullis ad timorem minis agitur d.

Quid quæso sanctius Christiani? Hæc cogitemus,

H

temus,



temus, hæc meditemur. Nemo bonus male moritur, nemo malus, bene. Brevis ad ÆTERNITATEM via est Mors.

a *Psal. 40. v. 1.*

b N. B.

c *Quis obsecro Seneca, hæc mysteria exposuit?*

d *Senec. epist. 102. fine.*

# S. XLIX.

*Constante.*

**C**onstante, obsecro, constante. Nulla est patientia, si desit constantia. Sed erit, qui dicat: hæc iam altera, iam tertia, iam quarta vel quinta, iam nona hebdomas est, quâ decumbo. Obijciat alius: hic iam sextus, iam decimus, iam decimus sextus mensis agitur, ex quo male habere capi. Non deerunt qui querantur iam se altero, iam tertio, iam octavo, iam decimo tertio anno, & pluribus in morbo esse. O boni! non valde patientis est animi, ad calculum tam exactum, dies, & menses, & annos reuocare. Durate, queso, durate, & ad vosmet rebus seruate fecundis. Verè patiens, etsi annos plurimos decubuerit: Temporis punctum est, inquit, quo morbus me tenet, cum æternitatem specto. Omnis labor brevis est, requies sempiterna. Fuerunt, qui pænè tamdiu ægotarunt quamdiu vixerunt.

B. Seruulus, qui Gregorium Magnum a habet encomiasten, à prima ætate usque ad finem vitæ plurimis annis paralyti detinebatur, ita quidem ut nec manum ad os mouere, nec in alterum se latus versare potuerit: nihilominus tota pænè biblia memoriæ mandauit audiendo. Illius viuere quid erat, nisi diu mori? Dūque sic quotidie tot annis moreretur, illud vnum, *Deo gratias*, assidue vsurpabat. Huic omnes in morbo anni, licet tam ærumnosi, nihil esse visi sunt ad Æternitatem.

Beata Lydvina b virgo Schiedamensis, ipsos triginta octo annos diuersis morbis confestabatur, mendicum illum ad probaticam piscinam amulata. Hanc virginem rectius dixisses mori quàm viuere tot illis annis, quos inter grauissimos, inanditos, & pænè continuos dolores exegit. Omnis cruciatuum varietas in illam coniuerauit. Annis triginta vix tantum panis comedit, quantum viro robusto

in triduum suffecerit; vix etiam tribus noctibus aliquid quietis cepit. Accessit ad tantam morborum sauitiem extrema paupertas, grauis & ipsa morbus. In hac ærumnarum congerie Lydvina hoc vnum assidue pronuntiauit: *O bone IESU miserere mei*. Huic etiam virgini triginta octo anni per maximos dolores acti, vix punctulū videbantur ad Æternitatem.

Sed est quæ & Seruulū & Lydvinam annorum in morbo consumptorum numero superet. Beata Coleta, d virgo Corbeiana incredibilem dolorum vim annis amplius quinquaginta patientissimè sustinuit. Subinde octiduo toto vix horulam vnam dorminit. Festis ac dominicis diebus dolores plerumque augebantur. Quandoque tam corporis quàm animi egritudine quatiebatur. Et quod illa singulares Dei fauores interpretabatur, omnia sanctorum martyrum tormenta sanè horrenda gradatim experta est, alijs cruciatibus super alios diuinitus immissis. Inter hos illa sepius dixit: O si ego vna omnium febrium æstus ac frigora pati possim. Theatrum esse cupio, in quo genus omne morborum ludar, ut inde Angelis & Deo spectaculum fiat. Lectulus aliorum agrotorum fomentum, clauis illi ac vepribus sparsus videbatur. Hanc illa formidabilem dolorum continuationem ac seriem, annis, ut dixi, amplius quinquaginta, admirabili patientia tolerauit. Verum & huic virgini tot anni vix vnum momentum visi sunt ad Æternitatem. Potuit & hæc virgo cū beato Bernardo dicere: Opus meum vix vnus est horæ: & si plus, præ amore non sentio e.

Quare, mi agrote, si dies & annos tui morbi computes, momentum voca; si patientiam atque constantiam, beatorum æternitatem spera. Labor est exiguus, brevis dolor, eterna merces.

a *Greg. l. 4. dial. c. 14.*

b *Seu Lidvinda.*

c *Ita Zachar. Lippelo. & Francisc. Hareus 14. April. obiit hæc virgo anno 1433.*

d *Alij Nicolaam nominant, de qua Surius & Hareus 6. Martij, obiit anno 1447.*

e *Bern. ser. 34. in Cant. med. ferè.*

# S. L.

**V**T tam sanus quàm agrotus ea quæ sanctè apud animum suum statuit, in opus possit



possit producere, & è verbis facere facta, sequentes orationes addimus, animo confirmando.

\*\*\*\*\*

## I. ORATIO.

*Sanis, aegrotis, moribundis assidue dicenda.*

**D**ulcissime Domine Iesu Christe, in vnione illius charitatis, qua te ipsum Patri obtulisti in mortem, offero tibi cor meum, vt de me, & per me fiat beneplacitum tuum. Dulcis Iesu, hoc beneplacitum tuum eligo & desidero, quantalibet aduersa, morbus & mors instent, & me totum fidelissimæ Prouidentiæ, sanctissimæque Voluntati tuæ committo. Spero enim, & rogo, vt me, & omnia quæ circa me sunt, tu dirigas ad gloriam tuam, & animæ meæ salutem.

## II. ORATIO.

*Ad conseruandam cum diuina Voluntate Conformitatem.*

**D**omine Iesu Christe, qui ad gloriam tuam, & salutem nostram læta permittes tristibus, & ad profectum nostrum secunda aduersaque euenire permittis, bonitati tuæ gratias ago, quod mei fueris recordatus, & hac exigua Cruce seruum inutilem visita-ueris. Peto autem gratiam vt ex hac qualicumque visitatione tua, fructus & prouentus, quæ tu desideras, consequatur, neque impatientiæ vel ingratitude meâ impediatur. Tuam quæso manum porrigas, infirmo mihi, meque sicut Petrum Apostolum, cum mergi cepisset marinis fluctibus, potenti dextrâ erige, ne sub hac cruce labascam & concidam. Quod autem potes, id velis etiam rogo, vt præsentem & amarum, carni quæ molestum calicem à me transferas, sicut Regem Ezechiam cum lacrymis orantem exaudisti, & lethali morbo mirabiliter liberaisti; Verumtamen non mea, sed tua (quæ semper iusta est & sancta) voluntas fiat. Penes te stat omnis auctoritas de filiis iudicandi atque decernendi, nec quisquam te rectius nouit, quæ pharmaca morbis nostris curandis conueniant. O mi amantissime Pater, argue, corripe, casti-

ga, vre, seca, hoc tempore, vt in æternum parcas, neque in furore tuo peccata nostra inferni flammis exuras. Scio multis prodesse virgam tuam, cum dilectos filios corripis, & corripiendo, purgas, exerceas, probas priusquam electos coronas. Paratum cor meum Deus, paratum cor meum, quomodo & quamdiu tibi placuerit, me virgæ tuæ paternæ subijci, meamque patientiam in cruce probari. In te Domine speravi, non confundar in æternum. Me totum sanctissimæ voluntati tuæ submitto, atque committo. Etiam si me occideris, tamen in te vitæ fontem sperare non desinam. In manibus tuis sunt sortes meæ.

## III. ORATIO.

*Ad acquirendam Patientiam.*

**N**osti omnipotens Deus, quàm vile sit & fragile hoc manuum tuarum signum, quod ex puluere formatum, à leui vento concutitur, frangitur. & tandem iterum in puluerem euanescit. Adeo nihil est quod meis ego viribus fidam, qui carne contra spiritum semper reluctante, tot sentio motus indignationis, impatientiæ, pusillanimitatis, diffidentiae, aliarumque perturbationum, quando vel leuiter tangor. Tuam igitur opem implo-ro, cælestis medice, diuinum tuum pharmacum, quod PATIENTIA dicitur, mihi cupio communicari summum nempe in morbis etiam acerbissimis leuamentum est PATIENTIA.

Da mihi quæso, Domine, præsentem & æquo esse animo, vt velut ambidexter læta & tristia, suauius & aspera non aliunde quàm de paternis tuis manibus profecta suscipiam, mihi quæ diuinitus esse immissa certissimo credam, quoniam ad filiorum tuorum exercitationem ac profectum dirigis omnia.

Doceat me obsecro spiritus tuus, quo confortante possumus omnia, vt sciam animam meam in patientia possidere vsque ad mortem. Tu es Dominus qui aculeos & dolores omnium & singulorum laborantium consideras: ego vero licet nondum ad sanguinem vsque restiterim, tamen carnis imbecillitatem & recalcitrantis naturæ vim saepe vel inuitus experior. Tanto igitur magis adiupa, Domine, imperfectum meum, vt virtus inin-



firmitate perficiatur, & ego sincerè testari possim, Virga tua & baculus tuus ipsa me consolata sunt. Ad hæc gratia tua duce respiciam sæpe in faciem Christi mei, & Filij tui crucifixi, qui se patientibus omnibus absolutum PATIENTIÆ speculum & exemplar præbet. Sed & lectissimi ac fidelissimi amicitui in cruce mea me consolentur, qui tanquam aurum in ardenti fornace à te probari ac purgati, atrocissima quæque supplicia pro te, vti patientissimè ita & fortissimè pertulerunt, tanto nunc Capiti similiores in caelestibus delictis quanto antea patientiores fuerunt in grauibz tormentis.

## IV. ORATIO.

*Ad augendam Patientiam.*

**V** Ita hæc nostra peregrinatio est ab exilio ad patriam. Et ne detineat nos amicitas viæ, quò minus ad te, Deus, rectà & celeriter contendamus, excitas nos stimulis, & spinis pungis, vt concupiscamus requiem & finem itineris. Sunt ergo morbi, fletus, luctus, mœror, aduersa omnia, velut calcaria, quibus segnis hic equus, vel verius, asinus vrgeretur, ne semper in via subsistat. Fac nos, Domine, obliuisci viæ, meminisse patriæ, atque si adijcis pondus aduersorum, adde etiam robur ne succumbamus oneri, ad te perpetuò intenti & erecti. Ceterum, tua, Domine, sunt omnia; fac de omnibus sine exceptione, quod inscrutabili tuo iudiciò visum fuerit, hoc vno dempto, ne me tibi inimicum esse patiaris.

## V. ORATIO.

*Resignationem sui in diuinam Voluntatem complectitur, è Ludouico Bloisio.*

**D** Vlcissime Domine Deus meus, memor esto quæso, benigneque considera me pauperem creaturam tuam esse, te verò Dominum & creatorem meum. Ecce ego me in æquissimum iudicium tuum offero, & gratissimæ Voluntati tuæ integrè resigno, paratus hunc & alium quemuis cruciatum, quamdiu tibi placuerit, sustinere. Vtere me sicut vis, in tempore & in æternitate. Quicquid tu Pater celestis in me & de me facere decreueris, faci-

to, nam ad omnia qua possum humilitate, me totum tibi offero, trado, & resigno, libenter patiar pro te quicquid super me venire volueris, indifferenter enim volo de manu tua bonum & malum, dulce & amarum, letum & triste suscipere, & pro omnibus gratias agere. Custodi me solum, ô Deus, ab omni peccato, & non timebo mortem nec infernum, dummodo in æternum me non proijcias. nec deleas de libro vitæ, non mihi nocebit quicquid venerit tribulationis super me. Adesto mihi Domine Iesu, in omni loco & tempore, sitque hæc mihi consolatio, libetèr pro te vel le carere omni humano solatio. Et si tua mihi defuerit consolatio, tua Voluntas & iusta probatio erit mihi pro summo solatio. Sit nomen sanctum tuum nunc & in æternum super omnia benedictum.

## VI. ORATIO.

*Eiusdem sensus, sed breuior.*

**O** Amor ineffabilis, ô dulcissime Iesu, Deus meus, si mihi dares optionem & promitteres, quæcunque peterem, te daturum, non aliud peterem quàm hoc ipsum, quod patior, & hoc millies peto, vt laudatissima Voluntas tua secundum optimum beneplacitum tuum in me, de me, per me, & in omnibus semper fiat.

*Hic legi possum in Imitatione Christi l. 1. c. 29. & c. 30.*

## VII. ORATIO.

*Litania agrotis & moribundis accommodata è sacris litteris.*

**K** Yrie eleison.  
Christe eleison.

Kyrie eleison.

Christe audi nos.

Christe exaudi nos.

Pater de cælis Deus.

Eli Redemptor Mundi Deus. Miserere nobis.

Spiritus sancte Deus.

Sancta Trinitas vnus Deus. Miserere nobis.

Qui sanas contritos corde. Miserere nobis.

Qui vulneras & mederis. Miserere nobis.

Qui mortificas & viuificas. Miserere nobis.

Qui



## CAPVT SECVNDVM.

61

Qui deducis ad inferos & reducis.  
 Qui orantes in sua infirmitate curare  
 conſueſtiſti.  
 Qui propter miſericordiam tuam ma-  
 gnam, ſaluos facis omnes ſperantes  
 in te.  
 Qui Iob vlcere peſſimo percuſſum ſa-  
 naſti.  
 Qui Ezechiam ad te clamantem à mor-  
 bo liberaſti.  
 Qui dæmonium à Sara depuliſti.  
 Qui Tobiam lumen cæli videre feciſti.  
 Qui Chananaſtam pro filia deprecantem  
 exaudiſti.  
 Qui ſocrum Petri à feбри liberaſti.  
 Qui mulierem ſpiritu infirmitatis annis  
 octodecim inclinatam, ad ſanitatē  
 perfectam erexiſti.  
 Qui filium principis iam mori incipien-  
 tem à feбри ſaluāſti.  
 Qui puerum Centurionis verbo ſanaſti.  
 Qui paralyticos & leproſos curaſti &  
 mundaſti.  
 Qui à ſpiritibus immundis vexatos &  
 obſeſſos liberaſti.  
 Qui mulierem per tactum ſimbriæ tuæ  
 à ſanguinis fluxu ſanaſti.  
 Qui ſurdos audire feciſti.  
 Qui claudis greſſum reſtituiſti.  
 Qui mutorum ora aperuiſti.  
 Qui cæcos illumināſti.  
 Qui omnes infirmos & ægrotos tan-  
 gendo ſanaſti.  
 Qui omnes oneratos & laborantes re-  
 ſicciſti.  
 Qui omnes langores noſtros portāſti.  
 Qui filium mortuum matri viduæ vi-  
 uum reſtituiſti.  
 Qui filiam Archiſynagogi ad vitam re-  
 uocaſti.  
 Qui Lazarum quatrIduanum à mortuis  
 reſuſcitāſti.  
 Qui ægrotos viſitaſti, & viſitantibus  
 præmia æterna promiſiſti.  
 Qui per vmbraſ Petri multos ab inſir-  
 mitatibus ſuis liberaſti.  
 Qui per ſudaria & ſemicinſtia Pauli  
 multos infirmos curaſti.  
 Qui per oſſa Eliſæi mortuum ad vitam  
 reuocaſti.

Miſerere nobis.

Deus adiutor & protector noſter. Miſerere  
 nobis.

Suſceptor & liberator noſter. Miſerere nobis.  
 Refugium noſtrum, & cornu ſalutis noſtræ.  
 Miſerere nobis.

Fortitudo & Patientia noſtra Miſerere nobis.  
 Saluator & Redemptor noſter. Miſerere  
 nobis.

Propitius eſto. Parce nobis Domine

Propitius eſto. Exaudi nos Domine.

Propitius eſto. Libera nos Domine.

Ab omni malo.

Ab omni peccato.

Ab omni morbo & languore.

Ab omni impatientia & puſillanimitate.

A peſte & omni contagione.

Ab inſidijs diaboli.

A periculis mortis.

A doloribus inferni.

A ſubitanea & improuiſa morte.

A damnatione perpetua.

Per tentationem tuam.

Per lacrymas & ærumnas tuas.

Per labores & deſatigationes tuas.

Per triſtitiā & tædium tuum.

Per pauorem & mœrorem tuum.

Per ſitim & famem tuam.

Per agoniam & ſanguineum ſudorem  
 tuum.

Per ſacroſancta vulnera tua.

Per pretioſum ſanguinem tuum.

Per Crucem & Paſſionem tuam.

Per mortem & ſepulturam tuam.

Per glorioſam Reſurrectionem tuam.

Per admirabilem Aſcenſionem tuam.

In die Iudicij.

Peccatores. Te rogamus audi nos.

Vt nobis parcas. Te rogamus audi nos.

Vt nobis indulgeas. Te rogamus audi nos.

Vt ſpatium veræ poenitentia nobis concedas.

Te rogamus audi nos.

Vt compunctionem cordis, & fontem lacry-  
 marum dones. Te rogamus audi nos.

Vt nos viſitare & conſolari digneris. Te ro-  
 gamus audi nos.

Vt ſanctitatem mentis & corporis largiaris.  
 Te rogamus audi nos.

Vt indulgentiam & remiſſionem omnium  
 peccatorum impertias. Te rogamus audi  
 nos.

H 3

V 8

Liberanos Domine.



Vt gratiam & consolationem sancti Spiritus infundas. Te rogamus audi nos.

Vt veram ac Christianam patientiam tribuas. Te rogamus audi nos.

Vt nobis in omni tribulatione nostra succurras. Te rogamus audi nos.

Vt nos in hora mortis contra omnes insidias diaboli protegas. Te rogamus audi nos.

Vt nos in tua gratia mori & ad finem usque perseverare facias. Te rogamus audi nos.

Vt extrema nostra benedicas & sanctifices. Te rogamus audi nos.

Vt spiritum nostrum in manus tuas suscipias. Te rogamus audi nos.

Vt post obitum nostrum paradisi ianuas nos gaudenter introire iubeas. Te rogamus audi nos.

Vt nos exaudire digneris. Te rogamus audi nos.

Fili Dei. Te rogamus audi nos.

Fili Dei. Te rogamus audi nos.

Fili Dei. Te rogamus audi nos.

Agnus Dei, qui tollis peccata Mundi. Parce nobis Domine.

Agnus Dei, qui tollis peccata Mundi. Exaudi nos Domine.

Agnus Dei, qui tollis peccata Mundi. Miserere nobis.

Christe audi nos.

Christe exaudi nos.

Kyrie eleison.

Christe eleison.

Kyrie eleison.

Pater noster &c.

*Vers.* Saluos fac seruos tuos.

*Resp.* Deus meus sperantes in te.

*Vers.* Adiutor noster esto, ne derelinquas nos.

*Resp.* Neque despicias nos Deus salutaris noster.

*Vers.* Adiuvā nos Deus auxiliator noster.

*Resp.* Et propter gloriam nominis tui libera nos.

*Vers.* Domine exaudi orationem meam.

*Resp.* Et clamor meus ad te veniat.

## O R E M V S

**D**eus qui vnigeniti tui patientiā antiqui hostis superbiam contriivisti, da nobis quesumus, quæ idem pro nobis pertulit, dignè recolere, sicque exemplo eius cuncta nobis aduersantia equanimiter tolerare.

Deus humani generis benignissime conditor, & misericordissime reformator, qui hominem invidiā diaboli ab eternā felicitate deiectum, Vnigeniti Filij tui pretioso sanguine redemisti, vivifica nos famulos tuos gratiæ tuæ vigore, & iacentibus manum porrige salutarem? reple nos gaudio cordis & lætitiā spiritus; expelle à nobis omnes hostiles insidias, & mitte nobis medicum salutis, Angelum pacis, qui nos in angustijs positos consolationibus tuis attollat, quibus in præsentem consequamur auxilium, & in futuro præmia obtineamus æterna.

Misericordiam tuam humiliter deprecamur, omnipotens Deus, quæ amissam gratiam nobis reconciliet, atque munus patientiæ in illatis omnibus, semper & ubique protegendō impertiat. Deus sub cuius nutibus vitæ nostræ momenta decurrunt, suscipe preces humiliter ad te clamantium, vt de omni aduersitate & agridine liberati, perpetuā te gratiarum actione laudemus. Per Dominum nostrum Iesum Christum, Filium tuum, &c.

## VIII. O R A T I O.

*Ad stabiliendam humanā voluntatis cum diuinā conformitatem.*

**O** Dulcis Iesu, neque vitam, neque mortem, sed tuum beneplacitum desidero, te expecto: fiat mihi secundum voluntatem tuam. Si vis vt moriar, dulcis Iesu, suscipe spiritum meum. Et licet ad vesperam venerim omnium nouissimus, da mihi, vt tecum, & in te requiem accipiam sempiternam. Si verò vis, vt diutius viuam, dulcis Iesu, hoc propono, & pro hoc gratiæ tuæ suffragium rogo, reliquum vitæ meæ corrigere, atque in holocaustum tibi totum offerre in gloriam tuam, & secundum beneplacitum tuum.

## IX. O R A T I O.

*Ad hoc idem impetrandum, quod summè & vniū est necessarium.*

**D**omine Iesu Christe, obsecro te per amorem quo omnium hominum onera portasti, vt facis me onus tristitiæ meæ cum gratitudine suscipere de manu providentiæ tuæ, & de voluntate paterni cordis tui, & pro tui amore, quamdiu tibi placuerit, cum plenissi-



plenissima mei ipsius resignatione, longanimiter sustinere, ita dumtaxat, vt me tua gratia confirmes, ne vnquam te vel in modico offendam, aut à sanctissima voluntate tua vel minimum recedam. Atque vtinam possem omnium & singulorum, qui pro te passi sunt, hominum pressuras solus sufferre, vt qualemcumque vicem redderem infinitæ charitati tuæ. Eia benignissime Iesu, ita quasro vnias voluntatem meam, cum sanctissimo beneplacito tuo, vt aliud optare nequeam, quàm quod tu vis.

## X. ORATIO.

*Ad impetrandam Patientiam*

**O** Domine Deus meus, confiteor me non vixisse, prohi dolor, sicut debuissim & per gratiam tuam potuissim. Vnde iam toto corde doleo, & me non satis dolere doleo. Obsecro igitur te Domine, & suppliciter rogo, vt non facias mihi secundum peccata mea, sed secundum magnam misericordiam tuam, quæ superat peccata totius mundi. Tu Domine, qui exterius flagella irrogas, da interius indeficientem patientiam, ita vt laus tua nunquam recedat de ore meo. Miserere mei Domine, miserere mei & adiuua me, sicut tu nosti quod mihi necesse est in corpore & anima. Scis omnia, potes omnia, qui viuus in seculorum secula.

## XI. ORATIO.

Post sumptam in morbo SS. Eucharistiam.

*Ad Iesum Christum Mundi Saluatorem.*

**G**loria tibi Christe, qui in dulcedine tua pauperem meam animam visitare & refocillare dignatus es. Nunc dimittis seruū tuum Domine, secundum verbum tuum in pace. Iam te teneo, dulcis amor, iam vltra non dimittote te, iam Mundo & omnibus quæ Mundi sunt, lubens valefacio, iam gaudens ad te venio, Deus meus. Nihil amodo, nihil, o bone Iesu, me separabit à te: tibi enim Christe coniunctus sum, in te viam, in te moriar, & in te, si volueris, in eternum permanebo. Viuo iam non ego, viuit verò in me

Christus. Tēdet nunc animam meam vitæ meæ; cupio dissolui & esse cum Christo: mihi enim viuere Christus est, & mori lucrum. Iam non timebo mala ambulans in regione vmbrae mortis, quoniam tu mecum es Domine, & sicut desiderat ceruus ad fontes aquarum, ita desiderat anima mea ad te Deus: sicut anima mea ad Deum fontem viuum, quando veniam & apparebo ante faciem Dei mei?

Benedic mihi, Iesu amantissime, & nunc in pace dimitte me, quoniam verè tuus sum ego, & in æternum vltra nunquam dimittam te. O si felici tibi copulâ nunc societ in æternum, o si totus in te immergi, totus absorberi & sepeliri in te merear, o si anima mea inter amplexus tuos suauiter requiescens absorbeatut tota in te, & felicissimè fruatur te Deo amatore suo. Quid mihi iam vltra cum Mundo, mi amantissime Iesu? Ecce nec in cælis quicquam præter volui. In manus tuas, Domine Iesu, commendo spiritum meum. Recipe me, dulcis amor, vt in æternum mihi bene sit in te, & in pace suauiter in te obdormiam & requiescam.

## XII. ORATIO.

*Ad Beatissimam Virginem Mariam matrem Domini.*

**O** Mater misericordiae, mater æterni Regis, perueniant ad te preces meae. Scio me peccatis meis graues pœnas commeruisse, sed tamen impetra tu mihi à Filio tuo misericordiam, vt antequam moriar, ex animo conuertar, & sinceram agam pœnitentiam. O mater Domini, assiste mihi & adiuua me patrocinij & meritis tuis, in omnibus doloribus meis & præsertim in vltimâ necessitate meâ succurre mihi. O mater afflictorum non me deseras in hora mortis meæ.

AD SS. ANGELOS.

**O** Purissimi Spiritus Angeli beatissimi, assistite quasro mihi migranti ex hoc sæculo, & potenter eripite me ab immundorum spirituum insidijs, & animam meam in vestrum consortium assumite. Tu præcipue Angele bone, qui custos es meus fidelissimus, defende me in prælio, vt non peream in tremen-



tremendo iudicio. O vos omnes sancti Angeli Dei, vestris obsecro intercessionibus defendar, vt infernalis canis mihi non noceat, & vt anima mea, ad suum creatorem pura perueniat.

*Ad Patronum, aut Patronos celites.*

○ Patrone optime, sancte N. etiam in te spem aliquam subsidij & confidentiam

collocavi. Tuis obsecro deprecationibus apud Deum, & nunc mihi adis, & praesertim in extremae necessitatis articulo, impetra mihi quaeso benignam sententiam, vt à iudice meo audire merear. Veni Benedicte Patris mei, accipe regnum quod paratum est ab initio Mundi. Vt ita tecum ô sancte N. communem & immortalem Dominum glorificem in saecula saeculorum.



## CORONIS CAPITIS SECVNDI AD LECTOREM.

**H**Ac eò diximus, sanis & egrotis partim recreandis, vt respirent, partim excitandis vt vigilent, partim roborandis vt vincant, ad omnem Mortis occursum parati. Cuncta profecto experiri praestat, quam mori malè. Mala mors errorum omnium non solum pessimus, sed & indelebilis, inexpiabilis error est.

Itaque nunc moribundos accedimus, & ijs documenta scribimus, non vt ea tunc primum legant, cum moriendum, sed vt à sanis lecta, prosint moribundis.

AD



## A D C A P V T I I I.

## Imago III.

## MORIBVNDIS SIC CONSIDERANDA.

- A. *Ab hac securi, vno cadunt ictu vel altissima quercus: FERIO.*  
 B. *Ruit vetusta domus, veteres migrate coloni, sub terra tutius habitaturi.*  
 C. *Pisces capiuntur hamo, volucres visco, mortales Mortis spiculo: hic nemo est eximius.*  
 D. *Neminem hic ventus terreat: mortalitas, illius semen est; sed seges immortalitas.*  
 E. *Vt aqua effunditur sic & vita: sed expectat libri, quæ vita appendat opera.*  
 F. *Sol quidem occumbit, sed ut resurgat: homo moritur, sed ut reuiuiscat.*  
 G. *Actum est; undique iam capta fera est: nihil usquam effugij; MORIENDVM EST.*

## C A P V T I I I.

## M O R T I S M E M O R I A

## R E P R Æ S E N T A T V R M O R I B V N D I S.

## §. I

*Ars bene moriendi compendio traditur.*



ESCI RE mori, incertitia omnium miserrima est. Vt ergo id discamus, quod totâ vitâ discendum est, quinque potissimum obseruanda sunt, quæ mortem faciant bonam.

Primum, *Animus liber & intrepidus*. Res summi momenti hoc est, & ex quo pendeant cetera. Magna pro noxis satisfactio est, rem omnium charissimam tam promptè dedisse. Ideo Dauid: *Voluntariè, inquit, sacrificabo tibi*. Nihil hîc æquè Deo placet, & homi-

nem iuuat quàm imperterritus, liber, proimpruſque animus, & generosa in Deum fiducia. Tergiuersatio hac in re signum est voluntatis humanæ cum diuina non consentientis. Ergo, si aliquando, cur non modò? Huic animo ad promptè moriendum comparando facit singularis affectus ad *Demini passionem*, quæ singulis diebus Veneris, certis precibus ac operibus colenda.

Alterum, *Testamenti ac debitorum expectatio*. Error est de testamento non cogitare, nisi cum mors in foribus est.

*Dispone de bonis, dum adhuc mentis tua es b.*

In ijs porrò legandis quæ nostri arbitrij sunt, regulam D. Ambrosius hanc suggerit: *Fides sincera sit, & prouidentia peripicax:*



Seu charitas cum prudentia, Prudentia cum charitate. Videat etiam qui dateleemosynam, aut dari curat, ut apud Deum bono loco sit, & in gratiâ.

Tertium, *Cura salutis unica*, Hic illud maximè locum habeat: Porro vnum est necessarium. Beatus Augustinus exemplar bene morientium, decem ante mortem diebus neminem ad se admisit, nisi statâ horâ medicum, & cum qui cibum deferret; ipse in continuas preces, gemitus, lacrymas effusus, cum Deo de vitâ sua pertractabat, monebatque nos alios omnes his verbis: Nullus Christianorum hinc emigret, sine digna & competenti poenitentia.

Quartum, *Sacramentorum trium petitio*, nimirum Confessionis, Communionis, & extremæ Vnctionis. Non cogi velit egrotus, sed ultro hæc petat, nec eorrem differat, dum animus in extremis labris hæserit. Multi malè moriuntur, quia videri nolunt brevè morituri. In hoc negotio salutis distulisse, semper fuit noxium. Ergo qui de malè actis seriò vult dolere, maturè doleat. Hic crebra & robusta *Contritio* locum habet, de qua consule Bellarminum c.

Quintum, *Summet in diuinam Voluntatem oblatio quam integerrima*. Animus intrepidus forsitan non eque ab omnibus exhiberi potest, sed animus cum diuina Voluntate consentiens à nemine non potest. Quocirca millies, etiam vno die, reperat egrotus illud Christi Domini: Ita Pater, quoniam sic fuit placitum ante te d. Ita Pater, Ita Pater, Ita mi Pater, &c. Vix perire potest, qui suum sibi iudicem tam efficaciter conciliat, ne pereat.

a *Psal.* 53. v. 3.

b *Vet. Iamb.*

c *Bellar. de arte moriendi l. 2. c. 6. mihi pag.*

181.

d *Matth. c. 11. v. 26.*

## §. II.

*Tempus malè perditum, quomodo recuperandum.*

**A** Missum tempus quisquis reuocare cupit, auertat se totis viribus, ab omni loco & tempore, seque in illud *Æternitatis*. Nunc recipiat, in quo Deus: hic in Deo deper-

dit omnia reperiuntur, hic in Deum homo se immergat hoc modo:

O *Æterne Deus*, vtinam, ô vtinam omni eo tempore, quod à Mundi origine ad vsque finem durabit, tam purè, obedienter, & sanctè vixissem, sicut omnes ij homines vixere, qui in omni virtutum exercitio, in erumnis & laboribus assiduus tibi placuerunt. Vtinam ex gratitudine & amore in te, omnes pelagivndas per oculos meos deducere, egenos omnes opportunè iuuare, mæstos vniuersos consolari, & te Deum meum ijs laudibus, eoque amore prosequi possem, quo te Beati omnes, & Angeli tui prosequuntur. Hæc enim omnia, Domine amoris tuo promptissimè impendere par esset. Nunc autem, mi Deus, miserere mei, sicut scis, & sicut vis.

De his talibus iam olim pronuntiauit psalmographus: Et dies pleni inuenientur in eis a. Plenus dierum moritur, inquit Gregorius, qui per hæc transiunt tempora, id quod non transit, operatur. Amissas horas reparauit, qui amississe sincerè doluit.

a *Psalm.* 72. v. 10.

## §. III.

*Brevis vita quomodo extendenda.*

**B** Ona mentis homini viuendum, non quamdiu iuuat, sed quamdiu oportet Sapientia clamat: Consummatus in breui, expleuit tempora multa a. Bene multa, quia & vniuersa complectitur. Quomodo enim non expleuit omnia tempora, qui transit ad *Æternitatem*? Quanta sanè tempora non longæuitate, sed longanimitate, hoc est, non annorum serie, vel dierum numero, sed mentis deuotione, & inextinguibili semper proficiendi desiderio percurrere potuit, tanta sibi in meritis non immeritò vindicauit. Retinet quippe virtute quod amisit in tempore. Meritò multorum, imò omnium temporum recipit vicem, qui nullo tempore voluit mutare bonam voluntatem, & *Intentionem*. Itaque indefessum proficiendi studium, & iugis conatus ad perfectionem, *Perfectio* reputatur b.

a *Sap. c. 4. v. 13.*

b *Bernardus epist. 253.*

## §. IV.



## § IV.

*Finis rerum omnium: Aeternitatis nullus.*

**A** Pud moribundum etiam hilarescere, & latum canere quid verat? praesertim si id ex usu nostro sit. Beatus Iacopous vir festiva sanctitate praeditus, versiculos scripsit, quibus Mundi deliria, & mortis praecipitia non illepidè descripsit; ex ijs & hi sunt:

I.

*Cur Mundus militat sub vana gloria,  
Cuius prosperitas est transitoria,  
Tam cito labitur eius potentia,  
Quàm vasa figuli, quae sunt fragilia.*

II.

*Dic ubi Salomon olim tam nobilis,  
Vel ubi Samson est dux invincibilis,  
Vel pulcher Absalon vultu mirabilis,  
Vel dulcis Ionathas multum amabilis!*

III.

*Quò Caesar abiit celsus imperio,  
Vel dives Epulo totus in prandio,  
Dic ubi Tullius clarus eloquio,  
Vel Aristoteles summus ingenio.*

IV.

*Tot clari procures, tot rerum spatia,  
Tot ora praesulum, tot regna sortia,  
Tot Mundi principes, tanta potentia,  
In ictu oculi clauduntur omnia.*

V.

*Quàm breve festum est haec Mundi gloria,  
Vt umbra hominis sunt eius gaudia,  
Quae semper subtrahunt aeterna pramia,  
In ictu oculi clauduntur omnia.*

Omnia haec vera sunt, illud longè quàm verissimum: In ictu oculi clauduntur omnia. Vox beati Gregorij est: Omnis longitudo temporis vitae praesentis punctum esse cognoscitur, cum fine terminatur. Quod idem Gregorius confirmans: Parum est, ait, quicquid finitur. Longum quippe nobis videri non debet, quod cursu sui temporis tendit, ut non sit: quod dum per momenta ducitur, ipsa hoc momenta sua quae differunt, impellunt: atque vnde teneri cernitur, inde agitur, ne teneatur. b. Augustinus explicatissimè: Totum hoc tempus, inquit, non dico ab hoc hodierno die usque in finem saeculi, sed ab

Adam usque in finem saeculi, exigua gutta est comparata Aeternitati c. Rerum omnium exitus est, Aeternitatis nullus, heu nullus! In Orbe nihil est, cui non suus imminuat finis: conuiuia & choreae finiunt, lusus omnis & risus finiunt, nunquam finiet Aeternitas: Momento, ubi luserunt, sorbentur nauigia, momento confertissima hilaritatis theatra corruunt; momento vnico iucundum omne eualescit; vnicum momentum, rerum omnium sepulchrum est. Quid ergo tam vana sectamur & breuia? Magnum animum delectare non potest, quod non duret. In ictu oculi clauduntur omnia. Quicquid capit, finiet, sola non finiet Aeternitas.

a Hos versus elegantibus modis musicis inclusit  
Sebastianus Ertelius.

b Greg. lib. 15. mor. c. 24. initio & l. 7. mor. c. 14. post med

c Aug in Psal. 101. Con. 2. med.

## § V.

*Hominis moribundi consideratio.*

**M** Agister patientiae Iobus: Lapidem, inquit, excavant aquae, & alluione paulatim terra consumitur: & homines ergo similiter perdes. Roborasti eum paullulum, ut in perpetuum transiret: Immutabis faciem eius, & emittes eum a. Quàm non multis caeremonijs vititur Deus, hominem ex hoc in alium Orbem emissurus: immutat faciem eius, & aliò iubet proficisci. Tunc certè cum Mors euocat, facies tota immutatur (& vt Hippocrates in suo praenotionum libello) sibi ipsi maximè contraria redditur: Acutus fit nasus, oculi caui & reconditi, tempora collapsa, aures contractae, aurium extremitates auersae, cutis in fronte dura & rugata, color totius faciei pallidus, cereus, aut etiam plumbeus, niger, liuidus, labra resoluta, pendentia, albicantia, dentes adusti, collum exesum & gracile, mutata omnia, ita vt noua homini persona videatur inducta. Sic ubi Deus hominis vultum mutauerit, emittit eum. I nunc, mi homo, I modò in domum Aeternitatis tuae. A tantillo Mortis punctulo, tot saeculorum pendente volumina, nullis euoluenda saeculis.

a Iob cap. 14. v. 19. & 20.

I 2

§ VI.



## §. VI.

*Stantes mortui.*

**V**espasiani Imperatoris scitum est: Imperatorem non decere nisi stantem mori. Ego dixerim, nec decere Christianum aliter mori, quam stando. Sed quænam hic optima standi ratio.

Anno millesimo sexcentesimo quinto Viennæ ipsa nascentis Christi nocte miles excubitor in lignæ adiculâ frigore obrigit, mane stans quidem, sed non vigilans repertus est, iam enim & noctis & totius vitæ vigiliam finierat. Simili fato alius quispiam obiit, gelu itidem exanimatus, qui vivere desijt antequam equitare. Nam equus vitæ gnarus fidei Constantiam in publicum hospicium, peruenit suū dominum, sed mortuum a. Q. Curtius attestatur, quosdam ex Alexandri Macedonis militibus applicatos arborum truncis obriguisset frigore, eos tamen non viuientibus solum, sed etiam inter se colloquentibus similes esse conspectos, durante adhuc habitu, in quo mors quemque deprehenderat. b.

Leodegarius martyr capite plexus erexit sese, & ultra horam immotus stetit c. Petrus itidem martyr decussus iam capite, submissis genibus corpore reliquo mansit erectus d. Sancta Osiha virgo regia suum ipsa caput iam amputatum recto tramite ac firmis vestigijs incedens ad eadem Apostolorum ad tria pœnè stadia tulit e. Seuerinus Boëthius & ipse martyr, cum regius spiculator vulnus ei lethale infixisset, ille vtrâque manu diuulsum caput sustinuit, & interrogatus, à quo percussus esset, respondit: Ab impijs, progressusque est in templum vicinum, ubi flexis ante aram genibus sacra percepit & paullo post expirauit f. Dionysius Arcopagita inter primos martyrum, caput suum ceruicibus abscissum, suis ipse manibus velut præmium accepit, & obuiæ mulieri in manus tradidit g. Idem hoc fecerunt quo Diocletiani & Maximiani, inuicti martyres, Vrsus & Victor, cum sexaginta socijs, quorum quilibet caput suum à ceruicibus resectum, ad certum viæ spatium suis manibus gestauit h. Atque hi profectò non tantū stantes sunt mortui, sed & steterunt post mortem. Hic accensum

duo B. Simeones, de quo Theodoretus admiranda commemorat, quæ vitæ probauit exitus. Siquidem hic ipse Simeones stans mortuus est, mansitque in statu suo post mortem immobilis: animus quidem iam celum penetrarat, corpus ab inquilino suo desertum, ne sic quidem cadere sustinuit, sed locum sui certaminis mole pressit erecta, tanquam si inuicti athletæ victorias & triumphos loqueretur. Sic & Benedictus numerosissimæ familiæ laudatissimus pater, animam Deo stans reddidit, verè magnus Imperator, qui, quod gloriosissimum, in se maximam potestatem habuit, & seipsum inter spinas triumphauit eternâ victoriâ.

Christianum non nisi stantem decet mori. Standum & pugnandum est morienti. Rectè stetit, bene pugnavit, quisquis Deo nixus, moti non timuit.

a Poggius l. 1. de miseria hum. qui hoc à se viderunt.

b Curt. l. 8. cap. 9.

c Lippeloo 2. Octob.

d Baron. tom. 3. An. 310. n. 10.

e Lippeloo 7. Octob.

f Baron. tom. 7. An. 526. n. 7.

g Sur. tom. 9. Octob.

h Sur. tom. 5. die 30. Septemb. & Thom. Bozins de signis Ecclesiæ l. 15. c. 9.

## §. VII.

*Ante mortem mortui.*

**S**apiens Alexandridæ dictum est: Morientem esse, antequam mori cogaris. Tarfenus Paulus, non semel dumtaxat aut sapius, sed quotidie mortuus est. De seipso id affirmans: Quotidie, inquit, morior a.

Gregorius Magnus, qui quanto sublimius occupauit solium, tanto clariores sanctitatis emisit radios; hic vigilantissimus pastor sapius ante mortem fuisse mortuus viderur. Siquidem non multo ante obitum, suam ipse conditionem describens: Me, inquit, amaritudo animi & assidua exacerbatio, atque podagra molestia sic afficit, vt corpus meum tanquam in sepulchro siccatum sit: vnde fit vt iam raro de lecto surgere valeam b.

Colmus Medices, iam morti vicinus, cum à coniuge interrogaretur, Cur ita clauderet oculos,



culos, etiam vigilans? Respondit: Cuperem eos affluere, ut diutius claudi non moleste ferrent. Optimum hoc genus mortis est, oculos tunc praelertim claudere, cum eos mortifera voluptas illicit. O claudere, & vel sic morere, ne moriaris, quisquis pudicitiam amat. Sapientissime suavit Seneca Lucilio: Hoc denique tibi citra diem mortis praesta: moriantur ante te vitia c.

2 I. Cor. 13. v. 11.

b Greg. epist. ad Rusticanum patric.

c Senec. epist. 27. in it.

## S. VIII.

## A seipso sepulti.

**P**Acuvius Tiberij Caesaris procurator in Syria, vino & epulis tam largiter sibi quotidie parentavit, ut a cena in cubiculum ferretur, inter famulorum plausus, qui ad symphoniam velut mortuo istud accinebant: *Vixit, vixit.* Quid hoc aliud erat, nisi quotidie seipsum efferre; & sepelire? Optimè Seneca. Hoc, ait, quod ille ex mala conscientia faciebat, nos ex bona faciamus, & in somnum ituri, læti hilaresque dicamus: *Vixi.* Crastinum si adiecerit Deus, læti recipiamus. Ille beatissimus est, & securus sui possessor, qui crastinum sine sollicitudine expectat a.

Labienus, quia omnes dicaci ore lacerabat, Rabiens dictus, eo exosus fuit, ut omnes eius libri fuerint combusti. Non tulit hoc Labienus, nec voluit suo ingenio superstes esse, sed in monumentum suorum maiorum se iussit deferri & includi: nec tantum finivit ipse se, sed sepelivit b. Itaque Labienus a seipso sepultus est. Sed plus habet admirationis, *Vivus sepultus, insepultus mortuus.* Storax Neapolitanus, paucis abhinc annis, homo locuples, delicatus, fastuosus annonæ præfectus, cum mala fide munere suo fungere, plebs famis impatiens in hominem irruit. Ille latebras quærens in divi Augustini æde sepulchro sese abdidit: inuentus tandem, lapidibus peritus, & frustillatim disceptus, adeo ut sanguinem ejus non pauci lamberent, & ossa efflente sepulchro. Epitaphium illi hoc scriptum est:

*Storax qui vivus subijt sepulchrum,*

*Mirum, defunctus caruit sepulchro. c*

Sed profanæ sunt hæc sepulture; miscamus

sacras. Albertus Magnus ævi sui miraculum, deposita vltro Ratisponensi mitrâ Coloniæ redijt, ad suæ Religionis eruditam paupertatem. Hic omnium penè rerum memoriam, ut ei olim prædictum amisit. Tam obliivus tamen non fuit quin quotidie felicissime meminisset, sepulturæ suæ locum accedere, ubi pro seipso ceu mortuo preces funes diebus singulis, octoginta septem annorum senex recitavit d.

S. Severus Ravennas præsul, vivus conditorium ingressus, seque medium collocans inter filiam & uxorem quam olim habuerat, expiravit.

Macarius Romanus collo tenus in terra stetit sepultus triennio e.

Philoromus Galara presbyter annis sex in sepulchris mortuorum habitasse dicitur, ut mortis formidinem superaret. f.

Seria hæc est & admiranda sui ipsius sepultura, cui seriam simul & ridiculam attexo.

Bonziorum in Iaponia princeps Comben-daxis nomine, iam maturus ævi, seipsum vltro defodit scrobe cubitorum quatuor profundâ quadratæ formæ, hanc aperiri severissimis verbis vetuit, nec enim in præsentia mori se; post aliquot millies millena millia annorum; virum quandam doctrinæ laude præstantissimum in Iaponis regna venturum nomine Mirozu, tum se quoque demum è fovea proditurum: interea diuturnis laboribus fessum corpus velle reficere. Circa ipsius sepulchrum lampades complures ardent è varijs eò missæ provincijs, fatuâ prorsus superstitione g.

Polemon Laodicensis, Suidâ teste, Timocratis philosophi discipulus, Aristidis oratoris magister, cum annum ageret quinquagesimum sextum, seipse in sepulchrum coniecit, ob arthritidis cruciatus, inediâ solutus. Cum autem amici & propinqui lugerent cuperentque sic sepultum refodere, dixisse fertur: Date mihi aliud corpus, & ascendam h.

Sed sanctioris exempli est, quod addo. Duo Anachoretæ in rupe Pterigia prope fluvium habitabant. Horum alter iam senex obiit, a socio sepultus in monte. Paucis post diebus defuncti senis discipulus ad agricolam, dum is aratrum duceret, descendens; Oro te, mi frater, inquit, hanc mihi gratiam præsta, ligonem ac sarculum sume, & sequere me



præeuntem. Non grauâtè secutus rusticus, in montem peruenit cum duce. Anachoreta sepulchrum senis digito monstrans: Hic, inquit, fode, dum ego interim oro. Effosso sepulchro finitilque precibus anachoreta complexus agri-  
colam: Ora, inquit, pro me frater. Et viuum se super magistrum suum iniiciens, à seipso sepultus, animam efflauit. *i.*

Mirari hæc licet, non item imitari, nisi hac ratione quam diuinus Paulus ingerens: Mortui estis, inquit, & vita vestra abscondita est cum Christo in Deo. Optimum est illud philosophi monitum: LATENS VIVE. Siquidem bene vixit, bene qui latuit. Hic talis à seipso honestissime sepelitur & magno suo bono. plerunque. Qui notus nimis omnibus moritur sibi. Quietissime viuunt, quisquis seipsum viuus ita sepeliunt.

a Sen epist. 12. med.

b Cal. Rhodigia. l. 11. Antiq. c. 23.

c De presbytero qui viuus sepultus, iterum in auras emerit, Gregor. Turonens. lib. 4. histor. Franc. c. 1. Viui sepulti sunt SS. Chrysanthus & Daria, S. Marcellus, S. Castulus, de quibus vide Baron.

d Ferdinandus Castilius in hist. S. Dominici, & ord. Predic. par. 1. l. 3. c. 47. med.

e Rosweid. l. 1. mihi pag. 230.

f Palladius c. 113. Heracles c. 32.

g Pet. Maffei lib. 4. epistol. Indic. mihi pag. 151.

h Suidas V. Polemon.

i Io. Moschus in prato spiritali c. 90. Rosweid. l. 10. mihi pag. 882.

k Coloss. c. 3. v. 3.

l Ouid. Crede mihi, bene qui latuit, bene vixit, & intra Fortunam debet quisque manere suam.

### S. IX.

#### Consideratio sepulchri.

**T**ertia mo Phthia tempestas leta locabit: Dicebat Socrates iam de morte sua præfagiens, & verè. Phthia hic ciuitatem non aliam significat, nisi illam quam in ignea turri iacentes subimus & supini, hoc est, sepulchrum, quo quicquid spirat properat. De magno Macedonum rege Alexandro vetus Poëta cecinit:

Cum tamen à sigulis munitam intraverit urbem,

Sarcophago contentus erit. Mors sola fatetur,

Quantula sint hominum corpuscula — a

Nulla domus nostra, tam verè nostra est atque sepulchrum. Hoc beatus Iacoponus vir tam religiosus quam facetus reipsa sic docuit. Cuius Tudertinus par pullorum gallinaceorum emerat; domum missurus fortè Iacoponum in foro conspicit, ad què versus: Quæso te, inquit, hanc mihi gratiam gratificare, & hos pullos domum meam defer: sed caue mihi imponas. Iacoponus excipiens: Tu verò mihi fide, ait, domum tuam, uti iubes, hos deferam. Et rectà in templum S. Fortunati abiit, ubi ciuis illius sepulchrum fuit. In hoc Iacoponus pullos, ut potuit, abscondit. Cuius domum reuersus, primo ingressu de pullis quærit. Domestici omnes negare, se quidquam horum vidisse. Ita in forum recurrit ciuis, conspectoque Iacopono: Nimirum hoc verebar, ait, ne faceres quod soles, & mihi illuderes: sed dic ubi pulli mei sunt? Huic Iacoponus: Domum tuam, inquit, detuli, prout iusseras. Atqui, ait ciuis, domesticorum nullus id faretur te fecisse. Hic Iacoponus: Veni mecum, ait, virorum optime, & vel oculis tuis fidem faciam. In templum ergo hominem deducit ad nostrissimum sepulchrum, & sepulchrali saxo nonnihil leuato: Amice mi, ait, Nunquid non tuæ hæc est domus? Cuius negare non ausus, & pullos recepit, & animum optimis cogitationibus imbutum. Iobus ergo verissime dixit: Scio, quia morti trades me, ubi constituta est domus omni viuenti.

a Iuuenal. sat. 10. v. 171.

### S. X.

#### Testamenta nouem.

**V**erissime dixit Plinius Iunior. Falsum est nimirum quod creditur vulgò, testamenta hominum, speculum esse morum.

1. Ziska notæ improbitatis miles, pellem suam tympano, carnes volucribus ac feris testamento legauit, simulque suis præcepit ne templis aut monasterijs parcerent. Imperio hic nullo fuit opus; iniussu & sponte animi hoc fecissent hæredes. Peste Ziska obiit Anno Christiano 1424. Ita

Tabulæ



Tabulæ supremæ affectus veros indicant.

2. Femina fuit, quæ felis suæ testamento legavit quingētos philippeos, videlicet ut honestâ semper mensâ frueretur felis. O ridiculas hominum insanias, ô quantum est in rebus inane! De Herode olim Augustus dixerat: Herodis ego porcus esse malim quàm filius: Quis hic non simili voto precetur: Huius ego feminae felis esse malim quàm famulus.

3. Illustis fœnerator mortis proximus, Notario & testibus accitis, supremam voluntatem conceptissimis verbis sic scribi voluit: Corpus meum reddatur terræ, è qua sumptum est: Mea verò anima demonibus detur. Cohorruerunt amici ad tam diras voces; monuerunt & increparunt. At ille iterum ac tertium: Mea, inquit, anima detur demonibus, quia iniuste plurima corrafi. Iisdem debetur anima vxoris meæ, & animæ filiorum meorum, qui ut haberent quod in vestes, in epulas, in luxuriam infunderent, in fœnus tam varium me impulerunt. Iisdem debetur anima confessarij mei, qui tam mihi silentio improbitatem meam animauit. Dixit, & efflauit animam. O miser! hæredes quidem habebis, quos voluisti, funus autem & exequias, quales meruisti?

4. Diuus Hieronymus heredum auaritiâ perstringit hoc apologo: Porcellus parentis sui mortem acerbo grunnitu fleuit. At cum lectis testamenti tabulis, glandis acerrum & aliquot farinæ modios sibi legatos audisset, obticuit. Rogatus, cur tam subito fletum omnem comprimeret? Farina, inquit, & glandes os mihi obstruunt. Verè hic hæredis fletus, sub persona risus erat. Ea mens est hodie plurimorum hæredum; legata inhiant, supellectilem asportant, monetam innumerant, quicquid Manibus fiat legatoris: quiescat, ut meruit. Sed tabellas testamentarias sanctiores inspicimus.

5. Sanctus Hieron. martyr, quarto die antequam ad mortem educeretur, matri & sorori facultates suas, Rusticio autem, qui Anceyræ Rempublicam administrabat, suam manum iam abscissam testamento legauit. Sic Nicodemus Gamalieli ligneam Christi crucifixi statuam, legatum nobile reliquit.

6. Sanctus Hilariū cum annum ageret octogesium, hæredem ex æse scripsit Hesy-

chium absentem holographâ hæc scripturâ: Omnes diuitias meas, Euangelium scilicet & tunicam saccineam, cucullam & palliolum Hesychio amantissimo relinquo. Hæc totius suppellestilis nomenclatura.

7. Antonius Magnus testamentum nuncupavit in hæc omnino verba: Locum tumuli mei, præter vestram dilectionem, nemo noverit. Vestimentorum autem meorum sit ista diuisio: Melotem & pallium tritum, Athanasio Episcopo date, quod mihi nouum ipse detulerat. Serapion Episcopus aliam accipiat melotem; vos cilicinum vestimentum. Et valete viscera mea, Antonius enim migrat. Vix verba finijt, ruentibus in amplexum discipulis, pedes paullulum extendens, mortem hilari vultu admisit.

8. Sanctissimus Alexandrinus patriarcha Ioannes Eleemosynarius, vltimæ voluntatis tabulas in hunc sensum conscripsit: Gratias tibi ago, Deus, qui me moriente non nisi vnum tremissem ex omni thesauro, quem habui, superesse voluisti. Cum Alexandria me suum dixisset antistitem, inueni octoginta centenarios auri: his addiderunt amici Christi pecuniam penè innumerabilem, quam omnem, ut quæ Dei erant, Deo darem, in pauperes erogavi. Vnde qui remansit tremissem, iisdem dandus est. Hic illud verissimum: expeditissima testamenti ratio est, si priusquam finias, omnia in stipem conferas.

9. Hic addendum cuiusvis Christiani hominis testamentum: solum mutetur nomen, annus, dies; cetera omnia omnibus sunt æqualia.

Ego Achatius Victor, curro ad Æternitatem ab anno 1581. à mense Augusto, à die 15. Augusti, & annos æternos in mente habui. Nunc spiritum commendo Deo; & quia rem suam terræ negare non possum, corpus tibi & vermibus lego. E bonis nihil iam meum, nisi bona voluntas, quam mecum defero ad Dei tribunal. Cetera sic dispono:

1. Inimicis meis omnibus IEN OS CO de corde meo.
2. De peccatis meis omnibus sincerè DO-LEO.
3. CREDO in Christum IESVM redemptorem meum amantissimum, & in hac fide, Ecclesiæ sacramenta expeto.



4. SPERO à Dei bonitate vitam aeternam.  
 5. DILIGO Deum meum ex toto corde meo, super omnia, & in sanctissimam Dei voluntatem me totum plenissimè RESIGNO. Valere. & grotare, viuere, mori, quodcumque Domino visum, paratissimus: Fiat voluntas Dei.

Nisi Christianus quilibet, & vitam, & suprema sua sic ordinet, malè vixisse, peius mortuus fuisse censendus est. Consummat hora mortem extrema non facit.

a Lippeloo. 7. Nouemb.

b S. Athan. in vita S. Antonij c. 58.

### § XI.

#### Epitaphia nouem.

**E** Pitaphia, Næuij superbissimum, Plauti vanissimum, Pacuuij modestissimum scriptor Atticarum Noctium proponit legenda a. Nos ad alia.

1. In primaria Germaniæ ciuitate duo sunt sibi proxima sepulchra; senis & iuuenis, atque idem, quod multi putent, epitaphium habent. Senis tumulus hanc habet inscriptionem: **ET MORTVVS EST.** Quod & Adami, & complurium aliorum cenotaphium est b. Idem hoc etiam iuuenis tumbæ inscriptum: **ET MORTVVS EST?** Sed observa, Lector, huic alteri additum interrogandi signum, quod à priori abest. Proinde prudens scriptor hoc voluit de senè dicere: Senex iste, plurimas ætates, hyemes quoque plurimas vidit, tanquam ei mors parsura videretur; expertus varia, per humanas demum miseras & ætatis fluxum, redactus est ad capulum, **ET MORTVVS EST.**

At verò iuuenis epitaphium, **ET MORTVVS EST?** sic interpretandum: Hic iuuenis ab opibus, à forma, à corporis viribus præstans, Musis & Apollini charus, Gratiarum & Fortunæ pullus, nondum annos viginti natus, Mortis securus, tanquam immortalis, omnesque Parcas decepturus vixit, **ET MORTVVS EST?** Capularem illum senem esse mortuum pauci dolent, nemo miratur: florentissimum hunc iuuenem à morte abreptum mirantur omnes, plurimi dolent. Ergo mortuus est, quæruunt, tam formosus, tam vegetus, tam gratiosus iuuenis? heu dolor! quàm Parces nesciunt vlli parcere!

Huic sepulchralem inscriptionem addo, inter ceteras non numerandam, ideo illam velut in marginum notas reijcio, curioso solum Lectori spectandam.

Extat epitaphium antiquum Bononiæ, quod multorum fatigauit ingenia; verba epitaphij hæc sunt:

AM. PP. D.

*Ælia, Lælia, Crispus, nec vir, nec mulier, nec Androgyna, nec puella, nec iuuenis, nec anus; nec pudica, nec impudica, sed omnia; sublatæ neque fame, neque ferro, neque veneno, sed omnibus; Nec calo, nec aquis, nec terris, sed ubique iacet.*

*Lucius Agatho Priscus, nec maritus, nec amator, nec necessarius, neque mærens, neque gaudens, neque flens, hanc nec molem, nec pyramidem, nec sepulchrum, sed omnia; scit & nescit, quid posuerit.*

*Hoc est sepulchrum intus cadauer non habens, Hoc est cadauer, sepulchrum extra non habens: Sed cadauer idem est, & sepulchrum sibi.*

Sunt qui hoc ægnum interpretentur animum hominis, alij nubium aquam, alij Nioben in saxum mutatam, alij alia. Commentarios in hoc epitaphium scripserunt Ioannes Turius Brugenfis, & Richardus Vitus Bafin-stochius Iuriconsultus, Anglus, cuius liber editus Durdrecht apud Ioannem Leonem Brevvout, Anno 1618.

Sed mittamus has umbras & nebulas; felicius exercetur ingenium in sole. Hæc autem ideo miscemus, ne meros luctus & pauores sedulo lectori obijciamus, & ut subinde fesso fastidium detrahamus. Quod si mores spectemus & salubria mortuorum monita, en aliud epitaphium, quod Neapoli tale visitur.

2. Hæc mihi lapidea memoria posita est, imò tibi, qui hæc legis. Quisquis es, vigila dum vigilas; & in rem tuam maturè prope-ra. Horas scire nemo. Vale.

3. Caietæ breuem hanc inscriptionem saxum exhibet.

*Tui, non sum: es, non eris;*

*Siluius Palladius.*

*Vt moriens viueret,*

*Vixit vt moriturus.*

4. Non omifero breuissimum illud, sed sensu non infœcundum.

Quò



Quò vadam nescio. Inuitus morior. Vale-  
te. Posthumi. M. Posthumus Eques.

5. Præ ceteris sapere nos doceat, & vana  
spernere, epitaphium hoc, viro religioso &  
gente nobili scriptum:

Heus viator, adsta, & perlege, pauca te  
volo.

Hoc saxum viuis morituro mihi posui qui  
hic angustè iaceo, & te hospes, atque fata-  
lem Angeli tubam in tenebris expecto. At  
fors quaris meam prolapiam? Ab Adami  
purpurâ serus nepos sum. Fors rogas & pa-  
triam meam? Mundus fuit. Doctrinam meâ?  
Vmbra fuit. Famam meam? Fumus fuit. E-  
tatem meam? heu punctum fuit, aut paullo  
productius momentum. Nosse vis & opes  
meas? paupertas fuit. Honores meos? con-  
tempus fuit. Libertatem meam? obsequium  
fuit. Votum meum? mors fuit, & post mor-  
tem VERA VITA, quam ego, tibi viator, tu mi-  
hi reciproca prece seriò adprecare, & abi, LÆ-  
TI MEMOR.

6. Addo mœstissimum illud & verè lachry-  
mabile, fratris à fratre occisi epitaphium.

Heu, Heu!

Hic ante annos iuuenis iaceo, Morti ludi-  
brium, Fratri funus, Patri mœror, Matri la-  
crima, Musis luctus, Iuuenibus exemplum,  
Senibus suspirium, Mihi tabum, cinis, nihil:  
Deo quid? Ah! viator cur rogas? Eheu iam  
audiam quod timeo, quod spero. Tu cras scies.  
Curiose ciuis abi.

7. Richardus de Marisco Dunelmensis an-  
tistes, funebrem epigraphen ipse sibi sanè  
piam scripsit, nec sine illius qui vltimo lepo-  
re; inscriptio hæc est:

*Culmina qui cupitis, laudes, pompasq; sitis,  
Est sedata sitis, si me pensare velitis;*

*Qui populos regitis, memores super omnia sitis.*

*Quod mors immitis, non parci honore potitis.*

*Vobis prepositis similis fueram; bene scitis.*

*Quod sum, vos eritis, ad mo curvato venitis.*

Nempe hæc prisca sæculi venustas amabilem  
spirat simplicitatem. Sed addo viri doctissimi  
monumentum.

8. Iustus Lipsius è scriptis notus, è sepul-  
chro cum viuis ita loquitur:

Quis hæc sepultus quæris? Ipse edisseram.  
Nuper locutus & stilo & linguâ fui, nunc al-  
tero licebit. Ego sum Lipsius, cui litteræ dant

nomen & tuus fauor: Sed moriens ipse abiui,  
abibit hoc quoque; Et nihil hic Orbis, quod  
perennet, possidet. Vis altiore voce me tecum  
loqui? Humana cuncta fumus, vmbra, vanitas,  
& scenæ imago, & verbo vt absolua, Nihil.  
Extremum hoc te alloquor; Eternum vt gau-  
deam, tu adprecare. Iustus Lipsius vixit An-  
nos 59. Obijt Anno Christiano 1606. ipsa  
die Christi morientis.

Ita demum docti indoctique, opulenti ac  
pauperes, vnum omnes habent epitaphium,  
quod illis Moses scripsit: ΕΤ ΜΟΡΤΥΣ  
ΕΣΤΙ. Imperatores olim recens inaugura-  
ti rogabantur, quod saxi genus placeret in se-  
pulchrum? Ego panè idem ex te, Lector,  
quæro. Quæ forma placet epitaphij? Elige.  
Velis, nolis, hoc officij præstabunt alij vel in-  
uito, & linguam apponent tibi mortuo, si vi-  
uus tacere malis quàm loqui funebria. Vnam  
insuper formam sepulchralis inscriptionis ex-  
hibeo, quam ego mihi, quam tibi, quam Chri-  
stianorum plurimis accommodatam censco,  
si paucula mutantur: ea hæc est:

Quisquis es, Lector, est quod ex te quærà.

Nostin' quis hoc arcto subterraneo carce-  
re habiter? Ego putredinis filius, & frater ver-  
mium. Hæc stirps mea: Nomen meum ne  
quare; euauit cum vita, quam post lachry-  
mas & cunas in libris consumpsi, quos panè  
simul cum vita clausi. Iam etsi viuere, non  
desijtamen vouere. Ah! hospes: quàm vel-  
lem plus virtuti, & minus me permissem  
vitijs: quàm cuperem, sapius ante mortem,  
fuissem mortuus affectui! Nunc ista mihi non  
nisi optare, tibi etiam etiam præstare licet.  
Quisquis es (nam te non video in tenebris)  
dum potes, tuam ante mortem maturè mo-  
rere. Hoc vita tua erit probator, quò in illa  
mors ista crebrior. Vale, Lector, vsque dum  
cæli canat classicum, ad quod vt lætus reuiui-  
scam, tu iam precare. Anno à pariente Virgi-  
ne 1617.

Sed ne istud nesciamus: Mortem beatam  
non faciunt purpureæ exuvie, non funebres  
pompe, non tegmen holosericum, non lon-  
gus ordo comitantium, non sexcentæ faces,  
non numerosæ imagines, non inuersi clypei,  
non lugentes cognati, non vulgi præconia,  
non coniugis lamenta, non funereus laudator,  
nec defuncti titulus in marmore victurus, do-  
nec



nec sua quoque lapidibus mors veniat. sed vir-  
tus, sed animus inter mortis minas infractus  
& imperterritus. *Bene vixisse*, pulcherrimum  
omnium epitaphium est.

a *Gal. l. 1. cap. 24.*

b *Gen. c. 5. pluribus versibus.*

c. *Sim. Maiolus tom. 2. Canit sine libri, mihi*  
pag. 548. d *Gen. c. 5. sepius.*

## §. XII.

*Cur a quo animo moriendum, causa novem.*

### CAVSSA I.

**A**Nte omnia Servatoris tui mortem co-  
gita, & tuam feres aequissimo animo.  
Confer, obsecro, tuum lectulum cum ipsius  
cruce; culcitra tuas cum ipsius spinoso dia-  
demate; cibos tuos cum ipsius felle, potum  
tuum cum aceto illius; dolores tuos cum il-  
lius tormentis. Tu inter amicos & solantes,  
ille inter inimicos & conuitantes obiit. Tu  
inter tot auxiliares manus, ille desertus ab o-  
mnibus expiravit. Pro tua valetudine tot phar-  
maca laborant, illius extremae siti ne quidem  
frigida succurrit. Et ille tamen Dominus, &  
summus, tu servus & quidem infimus atque  
vilissimus. Illi haec omnia infonti & immeri-  
to, tibi fonteueniunt & meritissimo. Quare  
quod conqueraris, sanè non habes.

II. Maximus supremi Regis fauor est, *Bona mors*. At bene mori, est effugere malè vi-  
uendi periculum. Bene autem moritur, qui  
moritur libenter. Quis è rigido strato non  
promptè surgit? ij solum cunctantur qui plu-  
meo calore molliùs foti, & grè deserunt calen-  
tem nidum. Si tibi aegrè fuit in hac vita,  
quippe ni ad meliorem lubens transeas? Si  
bene, tempus omnino est, ut finias, ne te pro-  
speritas, ut multos, præcipiter; sera quidem  
sed graui ruinà. Difficillima est mors feli-  
cium. Ad rogum non peruenisset Cræsus, si  
non ad senium. Plurimi seruorum, si in iu-  
uentute, fuissent etiam in libertate mortui.  
Heu quot & quanti mortalium ad æternos  
rogos damnantur, quibus pueris aut iuueni-  
bus si vitam mors rapuisset, contulisset calu-

III. Cælitès & charissimi quique ad senos  
inuitant. Atqui, ais, à socijs & amicis abeun-  
dom. Improvidè: adeundi sunt. Parentes tui  
ubi? In cælo speras nonne? Sed & te quoque

illuc peruenturum. Multos tuorum seu ami-  
corum seu cognatorum in cælo esse non cre-  
dis? Atqui & tu ideo viuis, ut eò è viuis ad il-  
los transferaris. At hæc certa non sunt spera-  
ta sunt tantum. Rectè. Neque enim quisquam  
sperat, quod videt, aut certum habet. Et ideo  
Deus, etiam huius virtutis materiem tibi sug-  
gestit: Sperare te iussit cælum, nunquam illud  
certa securitate tibi polliceri voluit. Sed &  
hoc scias, te certa spe ferri, etsi in rem tibi ad-  
huc incertam. Fideli debitori non habet quod  
diffidat creditor Deus, se tibi, affirmatè dico,  
debitorem constituit. Vide tu, cuius sis credi-  
tor. An non ille hoc ipso lætus qui clamat:  
Scio cui credidi.

IV. Cogita, parui animi homo, egregiam  
animi alacritatem, & ardens moriendi studiū  
diuinorum Martyrum, qui omnem mortis ap-  
paratum contempserunt, qui sauiissimos quos-  
que cruciatus ore renidenti subierunt. Certè  
non mors aut labor est terribilis, sed laboris  
aut mortis timor. Propterea laudamus eum,  
qui dixit: Mors non est malum, sed turpiter  
mori. Pueri larvas horrent ob imperitiam.  
Mors quid est? Larua, Incertè, & ita esse co-  
gnosces. At verò nec infantes, nec pueri, nec  
mente lapsi mortem timent, turpissimum ergo  
est, si eam securitatem nobis ratio non præstat,  
ad quam stultitia perducit. Mors tributum, &  
vedigal est ab omnibus pendendum. Quid  
ergo tristaris, cum pendis quod debes, & facis  
quod nemo nō facit? Neque quisquā hīc vllū  
sibi fingat priuilegium nullus haecenus ab hac  
lege eximius fuit, nullus erit. Non est vnus o-  
mnium qui euadat. Mundus, inquit Basilus,  
mortalis est, & regio morientium.

V. Longus mortis metus, quid nisi longū  
tormentum est? Diu viuis? diu etiam torque-  
ris. Non possum, inquis, non timere malum,  
quod imminere video, tamen si lento passu. Er-  
go saltem tunc timere cessa. cum in eo res est,  
ut tibi omnis timor adimatur. Optimè dixit  
Tertullianus: Non est timendum quod nos  
liberat ab omni timendo. Atqui, ais, res for-  
midolosa est, in morbo sic præuidere mortem  
sensim adrepentem. Homo vermicule, quid  
tibi vis? An non tuus Servator triginta tribus  
annis & amplius, suam ipsè mortem, & eam  
quidem acerbissimā præuidit? tunc illo melior?  
Sed quia non solam mortem, sed præuia mor-  
tis in-



vis incommoda times, Epictetum audi: Tu vero, inquit, nō animo firmo egredieris, sed tremens, propter vestimenta tua, propter vasa argentea. Infelix, itane haec omne tempus perdidisti? Quid ergo si aegrotaro? Aegrotabis honeste. Quis me curabit? Deus, amici. Duriter decumbam. Sed ut vir, domicilium commodum non habebo. In incommodo aegrotabis. Quis autem mihi victum parabit? Qui etiam alijs parant. Quis verò erit morbi exitus? Quis nisi mors? Non igitur cogitas, caput hoc malorum omnium, & degeneris animi, & timiditatis esse, non mortem, sed mortis metum: aduersus hunc igitur te exerce: huc inclinent disputationes omnes, omnia quae audis, quae legis. Tum scies, hac sola ratione asseri homines in libertatem.

VI. Quantis heu malis per mortem liberaris? Mori est officinam omnium miseriarum claudere. Optimè dixit Plinius: Ea vitae cōditio est, ut mori plerumque etiam optimis pōrtus sit, & p̄cipuum naturae bonum. Quapropter hoc primum quisque in remedijs animi sui habeat: ex omnibus bonis quae homini tribuit natura, nullum melius esse tempestiua morte. Caesar apud Sallustium: In luctu atque miserijs, mortem arumnarum requiem, non cruciatū esse asserit; eamq; cuncta mortaliū mala dissoluere. Ideo sapiens semper cogitat, qualis vita, non quanta sit. Nā cōmorandi nobis natura, nō habitadi diuersorū dedit; & vitę vsuram sicut pecuniae, nulla praestituta die. Quid est igitur quod querare, si repetit, cum vult ea conditione acceperas.

VII. In morte carcer panditur, quid trepidas exire? Gaude potius & gesti; hucusque captiuus fueras, nunc liber eris: patet iam carcer; euola. Quid haecenus philosophatus es, si hanc philosophiam MORI tantopere reformidas? Ideo hoc corpus accepisti ut redderes, & ideo reddes, ut & denuò recipias cum amplissimo scēnore. O quā satuum est illi spei, illi beatitudini non inniti, ut hinc latus exeat ad id quod semper maneat, & mortis compendio mutes, quod in perpetuum non tollatur. Patet carcer, euola ad meliora.

VIII. Mors via est, imò ianua est per quam admittimur in patriam, ad aeternam vitam, ad immortale gaudium. Mors enim non tam vitae finis, quā ad vitam transitus est. Pra-

clare dixit Bernardus: Moritur quidem & iustus, sed securè: quippe cuius mors, ut praesentis est exitus vitae, ita introitus melioris. At dixeris: diu viuere quā iucundum est! sed ah, quā incertum est, an diuina gratia non prius tua culpa te sit desertura quā vita. Et quis est qui non subindetrepidet de sua perseverantia, quam nulla vitae sanctimonia mereri potest. Donum est haec, & gratuitū. Ideo qui donum hoc ambit, donantē sibi conciliet.

IX. Causarum causa est Voluntas Dei, cui ab aeterno placuit te hoc tempore, hoc loco, hoc morbo naturae concedere. Quid vis amplius? Deo sic placet, ita Deo visum est. Haec illa est voluntas quae nihil velle potest mali. Ergo quod Siracides suadet, In tempore infirmitatis ostende conuersationem tuam. Sed has omnes causas in compendium sic confarro. 1. Mors Christi. 2. Gratia Dei. 3. Inuitatio Caelitum. 4. Exempla praecurrentium. 5. Finis timendorum. 6. Finis omnium malorum. 7. Egressus è carcere. 8. Ingressus in paradisum. 9. Voluntas Dei.

a 2. Tim. 1. v. 12.

b Plin. l. 25. nat. hist. c. 23. & l. 28. c. 1. sine.

c Eccli. c. 18. v. 21.

## §. XIII.

Mors igitur formidanda non est.

F Ac ergo libens, mi Christiane, quod vel nolens faceres. Quicquid sit à volente, sit leuius, & definit esse necessitas, ubi voluntas accesserit. Sapiens sic instructus est, ut, quibus non potest obistere, consentiat. Ergo securus, nil timeas, Natura parens benignissima, nihil fecit horrificum; mortem adeo formidabilem error hominum facit, non natura rei prouida. Mortem exhorrescimus, non quia mala, sed quia hominibus non est nota. Si quid magnum voluis animo, si quid altum struis, humiles & ineptas vulgi voces; despice, verum illos suspice, quorum imitatio ad veram gloriam via est. Apud nos legē feliciterque morientium innumerabilia sunt exempla. Non te terreant illorum verba, qui mortem vicinam affirmant. Imitare vel illum è priscis, qui mortis monitori minime asper hunc dedit dialogum. *Morieris*: Ista hominis natura est, non pœna. *Morieris*: Hac conditione intrani ut exirem. *Morieris*: Gentium



ius est quod mutuum acceperis, reddere. *Morieris*. Peregrinatio est vita; cum multum deambulaueris, domum redeundum est. *Morieris*. Putabam te aliquid noui dicere. Ad hoc veni, hoc ago, huc me singuli dies adducunt. Nascenti mihi Natura protinus hunc posuit terminum. Quid habeo quod indigner? in hæc verba iuravi, *Morieris*. Stultum est timere, quod vitare non possis. Istud non effugit, etiam qui diu distulit. *Morieris*. Nec primus, nec vltimus. Mihi me antecesserunt, omnes sequentur. *Morieris*. Hic est humani officij finis. Quis sanus exauctorari molestè tulit? Quò transit Orbis, ego transibo. Ad hanc conditionem cuncta gignuntur. Quod cœpit, desinet. *Morieris*. Non adeò graue est, quod tantum semel patiendum est: Æterna verè cruciant. Nunc certè minus mors formidanda quàm olim: Siquidem olim obstructo cæli aditu, hoc vnum omnes ingemiscebant. *Noctes atque dies patet atri ianua Ditis*. Nunc verò læti canimus:

*Noctes atque dies patet atri ianua cæli.*

Ingenti itaque animo mors prouocanda est, siue nos horribili vastoque impetu aggredietur, siue quotidiano & vulgari exitu: nihil refert quàm minax veniat, quod à nobis petat minimum est. Nunquam malè de morte sensit, qui bene vixit; neque aliquid perdit, qui acquirit omnia.

#### S. XIV.

*Quomodo sancti mortem desiderant & tamen formident.*

**V**ideamus Paulum, inquit Gregorius, quomodo amet quod refugit; quomodo refugiat quod amat. Ecce & mori desiderat, & tamen carne expoliari formidat. Cur hoc? quia etsi victoria in perpetuum lætificat, ipsa nihilominus ad præfens pœna perturbat, & quamuis vincat amor subsequens muneris, tangit tamen non sine mœrore animum pulsus doloris. Sicut enim vir fortis cum vicino iam belli certamine armis accingitur, & palpitat & festinat, tremit & lauit: quasi pauere per pallorè cernitur, sed per iram vehementer vrgetur: ita vir sanctus cum passioni se propinquare conspicit, & naturæ suæ infirmitate concutitur, & spei suæ soli-

ditate roboratur & de vicinâ morte trepidat, & tamen quòd moriendum verius viuat, exultat. Ad regnum quippe non potest nisi interposita morte transire: & idcirco confidendo quasi ambigit, & quasi ambigendo confidit: & gaudens meruit, & metuens gaudet, quia scit quòd ad brauium quietis non perueniat, nisi hoc quod interiacet, transcendat. Hinc etiam sanctissimi viri ad Mortis occursum nonnihil trepidarunt. Ezechias Rex inualecente ægitudine tabescens flebiliter lamentatur, *quod in dimidio dierum suorum vadat ad portas inferi a*. Quid? nonne ab ipso Dauide, vocem illam expressit mortis formido: Ne reuoces me in dimidio dierum meorum *b*. Quid de Abrahamo, Iacob, Eliâ dicemus, qui etiam, vt è paginis sacris discimus, mortem timuerunt, sed moderatè. Elias mortis fugitans mortem tamen sub iunipero inuitauit.

Artenius, vir centum viginti annorum, nullo vnquam morbo tentatus, postquam annis quinquaginta quinque seruissset Deo, iam migraturus è vita, nonnihil trepidare cœpit, imò & lacrimis madere. Præsentes hoc mirati: Etiam tu pater, aiunt, mortem metuis? Attilæ: Reuera, inquit, ex quo monachum indui, hanc horam formidare nunquam desieci. Ad rem præclare dixit Seneca *d*: Itaque & fortissimus plerunque vir, dum armatur, expalluit: & signo pugnae dato, ferocissimo militi paululum genua tremuerunt: & magno imperatori, antequam inter se acies arerent, cor exiluit: & oratori eloquentissimo dum ad dicendum componitur, summa riguerunt *e*. Hoc prorsus videtur euenisse Carolo V. maximo Imperatori, qui in omnibus bellicis expeditionibus animosissimus, ad omnia pericula impavidus qui ad nullum curulis tormenti tonitru expalluit, nec pedem mouit, nec caput submisit: nihilominus cum ante prælium thorace ferreo armaretur, nonnihil cohorrescere solebat, & pallore suffundi. At verò ubi iam galea capiti, gladius lateri, lorica corpori harebat, leonem spirans, in hostem velut ferreus gigas ferebatur.

Ita mortem optimi quique & desiderant & formidant, cupiunt exire & metuunt. Sed præstat cum Carone mori quàm cum Antonio viuere. Mortem vixit qui dextrè passus est à morte.



morte se vinci:

a *Isaia c. 38. v. 10.*

b *Psalm. 101 v. 25.*

c *Surius in vita Arsenij cap. 27. die 19. Iulij.*

d *Sen. l. 2. de Irac. 3.*

e *Summa, hoc est, extrema partes, manus, pedes, labia.*

## §. XV.

*Mors mala vitam malam sequitur.*

**Q**uemadmodum arbor incisa illac ruit, quā propendit; ita plerūque quā propendemus dum viuimus, illac cadimus cum morimur: pede quo cœpinus, semper imus. Monstro similē, si vitam pessimē actam mors claudat laudabilis. Quæ viuenti fuerit in delictijs, eadem recursant morienti. Aulicus Regis Cœnredi famulus qui magis suo domino, quam Seruatori Christo placere studuit, cum ad extrema venisset, conscientia curam non tam negligere quā differre videri voluit. demum ubi cacodæmones cum ingenti flagitiorum codice triumphātes vidit, desperās salutis obiit. a Dum impius Chrysaorius, *Inducias*, clamat, *inducias vel usque mane*, negatis inducijs expirat b. Herodes Agrippa prout flagitijs vitam impleuit, sic & mortem. Herodias saltatrix quæ Baptistæ caput carnifici secandum obiecit, etiā suum caput glacie sectum amisit. Sic Iezabel & Athalia Regina, sic Reges Benadad & Balthasar, sic Antiochus, sic alij sexcenti, qualem egerunt vitam, talē habuerunt & mortem.

Mors sapientum gemenda, sed multo magis stultorum vita. Mors peccatorum pessima, c & Aternitatis luctuosissimā ingressus sine ullo exitu irrevocabilis. Stultē mortem timer, qui vitam negligit: Qui luxuriæ viuit, viuus moritur.

a *Beda l. 5. hist. Anglor. c. 14. inisio.*

b *Greg. hom. 12. & l. 4. dial. c. 38.*

c *Psalm. 33. v. 22.*

## §. XVI.

*Mors bona vitam bonam sequitur.*

**V**erissimē dixit Augustinus: Mala mors putanda non est, quam bona vita præcesserit. Neque enim facit malam mortem nisi quod sequitur mortem a. Nimirum boni

feminis, bona messis est. Regia ad bonam mortem via est, vita bona: is gradus ad eam primus, is medius, & vltimus est. Vitam & mortem non malē syllogismo comparem: syllogismi finis, conclusio est: vitæ, mors. At verò conclusio vera est aut falsa, pro antecedentium naturā: sic omnino mors bona vel mala est, prout antecesserit bona vel mala vinendi ratio. Ita diuinus Paulus seuerē pronuntians: *Quorum finis*, inquit, erit secundum opera eorum. b

Memorāda mors fuit sanctissimi martyris Felicis, qui cum ad supplicium duceretur, sibi ipse gratulatus altā voce: Virginitatem, inquit, custodiui, Euangelia seruauī, veritatem prædicaui, nunc flecto ceruicem Deo victima c. Narrant religiosissimæ vitæ virum subitā morte occupatum, repertum esse mortuum in museo, illo quidem corporis habitu, ut digitum seruaret intentum sacris biblijs, & illi etiā paginæ, in qua Sapiētia præmonet: Iustus si morte præoccupatus fuerit, in refrigerio erit. d Pretiosa in cōspectu Domini mors sanctorum eius, seu lenta seu subita. e

Mellissus ille Bernardus Aternitati iam vicinus, suos vltimum affatus: *Quia*, inquit, non magna religionis exempla vobis relinquo, tria tamen, quæ magis à me obseruata memini, sedulo imitanda commendo. 1. Minus sensui meo quā alterius credidi. 2. Læsus à ladente vindictam non expetij. 3. Neminem vnquā offendere volui: quicquid cōtra euenit, sedauī ut potui. Iam proximus morti, epistolam tamen ad Arnaldū Bonæ vallis abbatem dictauit in hæc verba: Spiritus promptus est in carne infirmā: Orate Saluatorem, ut tempestiuum iam exitum non differat, sed custodiat. Curate munire votis calcaneum nudum meritis: ut is qui insidiatur, inuenire non possit ubi figat dentem, & vulnus infligat. f

Gerardus & genere & religione Bernardi frater, hoc ipsum quod affirmamus (mortem bonam bonæ vitæ coniungi) affatim demonstrauit, sed de hoc Bernardum ipsum, quem ipse dolor disertum fecit, loquentem audiamus: Vitam, inquit, non te amiserim sed præmiserim, vitam vel tardē aliquando sequar te quocunque ieris. Non enim dubium quin ad illos ieris quos circa medium extre-



ma noctis tuæ inuitabas ad laudem, cum in vultu & voce exultationis, subito erupisti in illud Dauidicum, stupentibus qui assistebant: Laudate Dominum de cælis, laudate eum in excelsis. Iam tibi, frater mi, nocte adhuc media diescebat, nox sicut dies illuminabatur. Accitus sum ego ad id miraculi, videre exultantem in morte hominem, & insultantem morti: Vbi est mors, victoria tua? ubi est mors stimulus tuus? Iam non stimulus, sed iubilus. Iam cantando moritur homo, & moriendo cantat. Vsurparis ad lætitiā mater mœroris, vsurparis ad gloriā gloriæ inimica, vsurparis ad introitum regni, porta inferi, & fouea perditionis, ad inuentionem salutis, idque ab homine peccatore. Iuste nimirum, quia tu iniquè in hominem innocentem & iustum potestatem temerariā vsurpasti. Mortua es o mors & perforata hamo quem incauta glutijisti, cuius illa vox est in propheta: O mors ero mors tua, morsus tuus ero inferne g. Illo, inquam, hamo perforata, transeuntibus per medium tui fidelibus latum lætumque exitum pandis ad vitam. Gerardus te non formidat, larualis effigies. Gerardus per medias fauces tuas transit ad patriam, non modò securus, sed & lætābundus & laudans. Cum ergo superuenissem, & extrema iam psalmi me audiente clara voce complexer, suspiciens in cælum ait: Pater in manus tuas commendo spiritum meum. Et repetens eundem sermonem, ac frequenter ingeminans Pater, Pater, conuersus ad me exhilarata facie. Quanta, inquit, dignatio Dei, patrem hominum esse? quanta hominum gloria, Dei filios esse & hæredes! sic cantabat, quem nos legemus, in quo & meum (fratorem) luctum pœnæ in cantum conuertit, dum intentus gloriæ eius, propriæ ferè miserix obliuiscor. Mori malè non potest, qui non malè vixerit.

a Aug. l. 1. de ciuit. c. 118.

b 2. Corinth. cap. 11. v. 15.

c Baronius tom. 2. an. 302. n. 124.

d Sap. c. 4. v. 7. Io. Raulin. theol. par. 1. ser. quædrag. mihi pag. 345.

e Psalm. 215. v. 15.

f Auctor vital. s. c. 2.

g Osee c. 13. v. 14.

## S. XVII.

*Qualis vita, talis mors.*

**V**enator defessa toro cum membra reponit,  
Mens tamen ad siluas & sua lustra redit.

Nimirum quæ diurnis agitur curis, recursant nocturnis. Eodem prorsus modo, quibus in vita insueuimus, ea placent & in morte. Hinc talis plerumque mors est, qualis præcessit vita.

Aurifabrum aiunt fuisse, cui etiam in ipsa fari linea libuit esse negligentem salutis, & plus curare argentum quam cælum. Huic argentea Christi crucifixi statua veneranda atque osculanda porrigebatur, monebaturque mortem illius cogitaret, qui humanam gētem ab interitu reuocasset tam acerbo leti genere. At ille inferorū ac cæli, ille sui atque Dei, ille omnium sanctorum cogitationū oblitus. Et quæso, aiebat, quod pondo esse censetis hanc imaginem? Aurifex miserrime, non sanctiora cogites, in hoc æternæ salutis punctistio, in illo quo vita & mors distinguitur momento? Ita prorsus quod diurnis versamus studiis, ea nocturnis somniamus ludibrijs, & quod in vita agimus, in morte cum agimus animam, rarò desinimus. An non hostales vulpi similes esse dixeris? quæ cum ad patibulum duceretur, vltimum adhuc plateam anserum transire cupiebat: Ita qui aurum amant, qui voluptates inhiant, oculis iam morte pressis, & spiritu supremos anhelitus reddente, etiamnum aurum, etiamnum voluptates somniant. Sic viuimus, sic perimus.

Quantò melius Socrates, qui nec ipso quidem excessu vitæ, sui & honesti potuit obliuisci. Quantò sanctius ille Christiani sanguinis, nec infimæ sortis famulus? Aulicum erat seruitium Oeniponti grauitè decumbens; iamque rationes cum sacerdote putarat, cum vsu venit ut siti leuandæ frigidam posceret. Datur: & cum porrecto poculo, dicis causā, iubetur ei, quem amicissimum haberet, propinare. Lectulum fortè aulica turba coronabat. Tum ille circumferre oculos, & ex aduerso Christi patientis iconem contemplari, atque Christo, inquit, propino, charissimo meo qui me ab inferis vindicauit. Cuius dicti

suauis



suauitas omnium animos mirè permulsi, at ille postmodum ad amicissimum feliciter migravit. Non sic impij: non sic b.

Antiochus Rex Syria Iudæos immanissimè vexauit: Maximinus verò Imperator crudelissimus edictis & atrocissimis cruciatibus fudit Christianos delere statuit; quorum uterque tandem diuinâ se exerente iustitiâ in morbum deterrimum lapsus, cum aliunde nulla se auxilij spes ostenderet, ille Iudæos, hic Christianos enixissimè rogauit, vt pro salute ipsorum supplicarent Deo suo, similimè planè coruo Æsopico, qui cum lethali morbo urgeretur, matrem affidentem monebat, ne approraret sibi: quin potius sanitatem suam precibus commendaret Dijs. Cui illa: O mi fili, quem Deorum tibi propitium fore confidis, cum nullus sit, è cuius arâ, victimâ partem non sis furatus.

Ergo quales viuimus, tales morimur, tales & iudicamur, tales aut Orco asserimur, aut Cælo.

a Valer. l. 7. c. 8.

b P'salm. l. v. 4.

## §. XVIII.

Bona mortis votum.

Moriatur anima mea morte iustorum, & fiant nouissima mea horum similia; Exclamat vates Balaam a. Quanto rectius vovisset: Viuat anima mea vita iustorum, vt & mori possit morte iustorum. Ridiculum est, mortem bonam appetere, & bonam vitam fugere. Bene viuere laboris, bene mori felicitatis est, sed istud ab illo pender. Qui recusat rubrum pelagus transire, non poterit manna comedere; qui Ægyptiam seruitutem amat, terras beatas non continger. Piè hic & eleganter Bernardus: Vtinam inquit, hac morte ego frequenter cadam, & euadam laqueos mortis, vt non sentiam vitæ luxuriantis mortifera blandimenta, vt non obstupescam ad sensum libidinis, ad estum avaritiæ, ad iracundiæ & impatientiæ stimulos, & angores sollicitudinum & molestias curarum. Bona mors quæ vitam non auferit, sed transfert in melius. b

Nimirum hæc illa mors est, quam sibi votis omnibus expectat, qui vitam ambit mor-

tis ignaram. Ante mortem mori vitij, mors omnium optima est.

a Num. c. 23. v. 10.

b Bern. ser. 52. in. Cant. med.

## §. XIX.

Somnus Mortis frater.

Refert Pausanias, Olympiæ visam à se statuatam, NOCTEM, figurâ habituque muliebri: hæc puerum album dormientem dextera tenebat, laxa nigrum dormienti similem: horum primum appellari Somnum, alterum Letum, utrumque autem Noctis esse filium a. Hinc Maro consanguineum Leti loquorem facit. b

Gorgias Leontinus, iam senio confectus, & ad vitæ metam spectans, aduersa valetudine correptus est. Ad hunc amicorum quidam reuisti, reperitque optimum senem in somnum prolapsus: euigilantem interrogauit, qui haberet: Cui Gorgias respondit: Iam somnus incipit suo me fratri tradere: c.

Quisquis est Christiani sanguinis, nunquam se somno permittat, quin suam prius conscientiam conueniat & noxas dolendo detergat. Multi dormire ceperunt & simul mori, qui prius vitam quam somnum finierunt. Itaque ipse etiam somnus Leti frater timendus, & quam fieri potest, non cautissimè tantum, sed & castissimè adeundus. Qui non castè dormit, vix castè vigilabit.

a Pausan. l. 1. Eliacor.

b Virg. l. 6. Æneid.

c Ælian. l. 2. var. hist. c. 35.

## §. XX.

Mortis prodromi.

Æternitatis prodromus Mors, Mortis prodromi notissimi, dolores & signa letalia. Letale signum, si Plinio credimus, in furoris ægritudine, risus est; in alijs verò morbis, inæquabilis & formicans venarum percussus, sed & oculi ac nares indubitata mortis signa exhibent a. Cum Plinio experientia quoque loquitur, vicinæ mortis esse indicia, cum periculosè egroti iuenera disponūt, & fugam



gant moluntur è lecto; cum stragulam vestem plicant, aut operimenti quasi villos decerpunt. Præter hæc subinde quædam velut præfagia sunt, quæ mortem appropinquantem non vanè nuntiant. Augustus Imperator ante efflatam animam subito pauesfactus, à quadraginta le iuuenibus abripi questus est. Id quoque magis præfagium, inquit Suetonius, quam mentis alienatæ signum fuit. Siquidem totidem Prætoriani milites, eum mortuum in publicum extulerunt.

Cum Alexander Rex Macedo ad Babylonem nauigaret, exortus ventus regium capitis ornamentum & alligatum ei diadema rapuit, ornamento in aquas delapso, palustri arundini adhæsit diadema. Hoc è nautis quidam allatum ijt, sed ne illud natando madefaceret, capiti imposuit, atque sic Alexandro retulit. Muneris loco talentum accepit nauta, sed mox Chaldaeorum monitu capite plexus est. Sed nec Alexander mortem effugit, quam ei ablatum diadema proximam portendit.

Anno Christiano 1185. cum ingens, idque vltimum Andronico Comnenio Imperatori exitium immineret, Constantinopoli in templo statua beati Pauli, quam ei Andronicus posuerat, vbertim fleuit. Nec vanè fuerunt lacrymæ, quas Imperator sanguine suo diluit.

Præfagium somnium Guilielmi Ducis Bauari iam supra narrauimus. Huic sanguinis cognati virginem adstituimus. Barbara Bavarix principis, quinquennis Cœnobium virginum Monachij est ingressa. Hanc Rex Gallix coniugem sibi petijt à duce Alberto, fratre germano Barbaræ. Hoc cum innotuisset puellæ, triduum petijt deliberationi. Et isto quidem tempore remotis à se arbitris, cum solo Deo egit, ardentè sæpius præcata in templo, diuinè voluntari explorandæ. Elapso triduo respondit: Mei parentes me Deo donarunt, hoc ego donum non reuocabo. Ita in Cœnobio permansit. Inter alia sibi concessa habuit amaracum tam prodigiosæ magnitudinis, vt huic portandæ vix duo viri sufficerint. Grandedem deinde caueam auiibus plenam aluit. Sed & torquem autem sub sacro velamine, nudo corpori applicitum gestauit. Verum, quatuordecim diebus ante obitum Barbaræ, amaracus omnis exaruit; nocte altera omnes aues repertæ sunt mortuæ; tertia demum nocte

medius torques rupit. Barbara præfagi animi virgo, Antistitam conueniens. Hæc omnia, inquit, me petunt. Et paucis post diebus, cum annum ageret decimum septimum, obiit, die diuo Ioanni Baptistæ sacro, Anno 1472. Post illustriissimæ huius virginis mortem decimo quarto die, alia è monialium numero defuncta est, hanc iterum aliæ atque aliæ secutæ sunt moriendo, dum viginti virgines, ex eadem sacra familia certis intervallis obierunt.

Habent subinde viri principes sæminæque mortis suæ præfagia, insolitos lacatus canum, rugitus leonum, intempestuos in horologijs sonitus, nocturnos in arcibus tumultus, aliæque propinque mortis indicia. Rectissime dixit Plinius: Cum innumerabilia sint mortis signa, salutis securitatisque nulla sunt. Quid verò illa omnia monent, nisi hoc ipsum: Memento te esse hominem, ô homo: Æternitatem cogita ad quam properas: Brevis est eundem, nam hospes es, quare viam: Age sis, para te, ad Dei tribunal reorum omnium scopulum vocaris. Qualis vixisti, talis iudicaberis: a Plin. l. 7. nat. hist. c. 51. toto.

## §. XXI.

*Quid ad mortis nuntium respondendum.*

**B**eatus Ambrosius accepto mortis nuntio; cum amici lugerent rogarentque vt longius vitæ spatium à Deo posceret: Non sic vixi, ait, vt me pudeat inter vos viuere; sed nec mori timeo, quia bonum Dominum habemus.

Sapientissimum hoc responsum Augustinus plurimum suspexit, & apud suos tanquæ climata prorsus & librata verba in maximopere commendauit. Ideo enim dixisse censemus, *Nec mori timeo, quia bonum Dominum habemus.* Ne crederetur de purgatissimis suis moribus præfidentiis sentire, qui magis Domini voluntati, quam suis meritis fidebat.

Ipsè Augustinus, ad mortis nuntium niturbatus: Non erit magnus, inquit, magnum putans quod cadunt ligna & lapides, & mortales moriuntur.

Aurei oris orator Chrysostomus paullo ante mortem, exul ad Innocentium scripsit: Nos tertium iam annum in exilio versamur, expositi pestilentix, fami, bello, continuis incur-



## §. XXIII.

*Melior mors, quàm vita amara.*

**P**raestat semel mori, quàm ad mortem sapius accedere. Quotidie morimur, infantiam amissimus, deinde pueritiâ, deinde adolefcentiam: vsque ad hesternum, quicquid transijt tēporis, perijt, nec sine labore ac graminis plurimis. Has Greg. Nazian. compendio complexus: *a* Nullum, inquit, inter homines bonum est, quod non aliquid habeat admixtum vitij: Opes, sunt insidia; paupertas, pedica est; dignitatum fastus, mera sunt insomnia. Imperare periculosum, alterius imperio subesse, molestum: iuuentus est temporis feruor; canities, tristis vitę occasus: Gloria, est aer; nobilitas vetus sanguis; matrimonium, est vinculum; liberi sunt seges curarum: satietas, perulantiam; egestas impatientiam suadet. Omnia denique mortalibus laboriosa sunt; omnia humana merus metus, risus, fluctus, merus flatus, fumus, volatus: quicquid in Orbe cernitur, orbis quidam est perpetua conuersione similia omnia voluens, qui modò videtur stabilis, modò dubius est, modò labilis, diebus, noctibus, laboribus, morbis, mœroribus, voluptatibus, calamitatibus semper incertus ac varius. Et quid demum post illa tam incerta? Mors certissima. Eleganter prorsus Augustinus: Mors sola, inquit, certa est; cetera sunt incerta omnia. Conceptus est puer, fortè nascitur, fortè non nascitur, sed abortu perit. Si natus sit, fortè crescit, fortè non crescit; fortè senescit, fortè non senescit; fortè diues erit, fortè pauper; fortè honoratus erit, fortè abiectus, fortè vxorem ducet, fortè non ducet; fortè habebit filios, fortè non habebit; fortè aegrotabit, fortè non aegrotabit; fortè à bestia deuorabitur, fortè non deuorabitur. Nunquid possumus dicere? fortè morietur, fortè non morietur.

Diuinę paginę Regis Alexandri fatum ita depingunt: Et post hæc decidit in lectum, & cognouit quia moreretur. *b* O quanta vis verbulo, *Post hæc*, & illi *decidit*, sed & isti, *quia moreretur*. Orbem, imò Orbes plures victoriarum spe iam deuorauerat Alexander; Æternis annalibus dignissima gessisse sibi visus est:

L

Nihilò.

incurfionibus, solitudini inenarrabili, quotidiana morti, Ilauricis gladijs. Cum verò iam esset acturus animam, clarè pronuntiauit: Gloria tibi Domine de rebus omnibus. *b*

D. Cyprianus ob Christinam religionem capite damnatus, ingenti spiritu dixit: *Deo gratias*, qui me à corporis vinculis dignatur absolvere.

Hos sanctissimos viros imitetur moriturus, dicatque hoc ipsum sapius: *Deo gratias, Gloria tibi Domine de rebus omnibus*. Sat mihi vigilatum inter spinas, sat lufum inter feras, sat laboratum inter procellas. Nunc, quia vigiliarum, & lufus, & laboris finem video, *Deo gratias, Gloria tibi Domine de rebus omnibus*. Nimirum, quibus vita est tædio, mors est lucro.

*a* *Possidon. in vita August. cap. 27. Paulinus in vita Ambrosij.*

*b* *Niceph. l. 13. c. 37.*

## §. XXII.

*Mors dulcissima, sed pessima.*

**G**eorgius Clarentiæ dux à fratre Eduardo IV. Angliæ rege ob suspicionem affectati regni iussus est mori, data tamen mortis optione. Ille suauissimam mortem electurus, labrum vino Cretico impleri præcepit, in hoc ipse se collocauit, atque vt alij per stillicidia emittunt animam, sic ille dulcissimum liquorem sorbendo, stillatim admisit mortem, submersus tandem in hoc tam suauis, sed letali balneo.

Si mores spectemus, ah quanti sic moriuntur? Voluptatum melleam potionem tam intemperanter bibunt quàm sitiunt, nec vllum faciunt aut sitiendi aut bibendi modum. Ita dum lambunt, dum sorbent, dum sugunt, dum tota anima in se trahunt voluptates vanas, breues, fœdas, pœnitendas, heu miseri guttatim & exitium combibunt, ventris ac libidinis mancipia. Atque quò auidiùs melleam hanc mortem hauriunt, eò citiùs se submergunt. Ducunt in bonis dies suos, & in puncto ad inferna descendunt.

*a* *Singula enim gutta ingulant.*



Nihilominus post tot tantasque victorias, victus cecidit non modò in lectum, sed & in tumulum, sarcophago contentus. Refert Petrus Alfonsus, Alexandro iam vitâ functo, complures Philosophos confluisse, qui super regio funere varia pronuntiarunt. Fuit, qui diceret: En, modò quatuor vlnarum spatium ei satis est, cui spatiosissimus terrarum Orbis non suffecerat. Subiunxit alter: Heri potuit Alexander, quos voluit à morte liberare, hodie non potest seipsum. Aureum defuncti loculum contemplatus vnus: Heri, aiebat, Alexander ex auro fecit thesaurum, iam mutatis vicibus thesaurum ex Alexandro facit aurum. Ita dictis eruditè certatum est; omnium tamen vna vox erat quæ diuini oraculi; *Post hæc decidit in lectum, & mortuus est.*

En, in quantas sæpe cogitationes, obliti conditionis nostræ venimus! Immortalia (vntinam cælestia) volumus animo, & in nepotes pronepotesque disponimus, cum interim longa conantes mors opprimit, & hoc quod senectus vocat, pauci sunt circuitus annorum. Ecceur, obsecro, morti fidimus? Circumspicite quàm leuibus causis amittamus vitam; Non cibus nobis, non humor, non vigilia, non somnus sine mensura quadam salubria sunt. Morti ad nos aditum pandunt pes leuiter offensus, auriculæ dolor, dens verminans, cibus stomacho parum obsequens, humoris corrupti guttula. Nunquid vt extinguamur, res magni molimenti est? Odor, sapor, lassitudo; nutrimentum ipsum, & sine quibus viuere non possumus, mortifera sunt. Humanum corpusculum imbecille, fluidum, putre, morbidum. Quocunque se mouet, infirmitatis suæ statim conscium, non omne cælum fert, aquarum nonitatibus, statumque non familiaris aure, & tenuissimis causis læditur. Ergo Siracidæ credamus. Ergo melior mors est (& mortales) quàm vita amara; & requies æterna quàm languor persequerans. Ergo, melior habitatio est in cælis, quàm perigrinatio in terris.

a *Greg. Nazian. tract. de vita itineribus extat sub finem operum illius.*

b *1. Machab. c. 1. vers. 6.*

c *Vnus Pellæo iuueni non sufficit Orbis. Iuuenal. sat. 10. v. 168.*

## §. XXIV.

## Beatitudo Mortis.

**S**cribe: Beati mortui qui in Domino moriuntur: A modo iam dicit Spiritus, vt requiescant à laboribus suis: opera enim illorum sequuntur illos a. In Domino mori, idem est, quod mori seruum Domini, vt de Mose sacræ paginæ loquuntur. Moses seruus meus mortuus est b. Quasi Dominus diceret, inquit Caietanus, licet quandoque peccauerit, & peccando non fuerit seruus meus: at tamen mortuus est seruus meus, mortuus est in statu seruitutis meæ; mortuus est sic, quod quicquid erat & quicquid operabatur, meum erat; seruus enim totum quod est, domini est. Et talis seruus Domini, illud Simeonis carmen in ipsa morte moduleretur: Nunc dimittis seruum tuum Domine, secundum verbum tuum in pace. Omnino in pace, eaque æterna, ad cuius statim initium, omnium proborum hominum bella finiuntur, æternum non resuscitanda. Tales etiam serui Dei in Domino moriuntur, quia in Domini sinu quasi morientes conquiescunt, & sic quiescendo suauiter in mortem obdormiscunt. Ita Stephanus inter ipsos saxorum nimbos, in tantolapidantium tumultu & fremitu, obdormiuit in Domino c. Ita & Lazarus amicum suum Christus dormire dixit d: Sic & Moses seruus Domini mortuus est iubente Domino Iehouah, seu, ex osculo Iehouah; hoc sensu; Sicut mater infantulum brachijs suis indormientem deoscularatur, & sic in lectulo blandè reponit; ita Moysen ceu dormientem infantem, Deus per osculum & amplexum in sinu Abraham quasi in lectulo collocauit. Nimirum, cum dederit dilectis suis somnum, ecce hæreditas Domini e. Beati ergo tales mortui & nimium beati, quia nunquam amplius futuri miseri. Bona, inquit Bernardus, mors iusti propter requiem, melior propter nouitatem, optima propter securitatem. Beati, iterumque beati tales, opera enim illorum sequuntur illos; sequuntur tanquam famuli suum dominum, tanquam filij suum patrem, discipuli suum præceptorem, milites suum ducem, nobiles suum Regem; sequuntur vsque ad tribunal Dei; deducunt & comitantur vsque ad

ad



ad supremam Dei curiam, quo hi soli nobiles famuli admittuntur. Atque ut quantum quisque diues sit ac nobilis, ex famulorum cum numero, tum ornatu cognoscitur; ita qui ante Regem gloriæ dignè apparere cupit, sibi de tali familia provideat, curetque ut ea se stiper, sitque quam numerosissima & ornatissima. Et licet bona opera nostra præcedant nos merito, sequuntur tamen præmio; labor qui in illis præstet merces quæ ab illis, subsequitur.

a *Apos. c. 14. v. 12.*

b *Iosue c. 1. v. 2.*

c *Act. c. 7. v. 60.*

d *Ioan. c. 11. v. 13.*

e *Psal. 126. v. 3.*

## §. XXV.

*Valdictio morientis, ad viuos eadem via secuturos.*

**Q**Vorum me poeniteat, multa sunt; virtutis sapiens neglectæ, & temporis male consumpti. Quam potuissim; imò debuissim; fuisse patientior, submissior, & quotidianæ mortis studiosior! quantillus in me diuini amoris igniculus spirauit! Miserere mei Deus, miserere mei secundum magnam misericordiam tuam; parce peccanti, o infinita bonitas, per filij tui sanguinem & mortem te precor. Sed & vos quotquot offendi dictis vel factis, ignoscite, fatentem habetis reum & dolentem: atque hoc mihi abituro viaticum non negate, offensionum mearum omnium veniam. Ne quæso exemplo meo, quod sæpe prauum fuit, vestra decrescat virtus, in oculis vobis sunt sanctiorum mores & vita, ad quam & vestra sese conformet: illorum patientiam, submissione, obedientiam accensis studijs æmulamini. Sed & vobis gratias ago maximas, quotquot mihi benefecistis; quotquot me iuistis seu manu & opere, seu curâ, consilio & amore Deus, bonorum fons inexhaustus, & amoris pelagus immensum, vicem reddat a mori vestro. In eos certè bonus hic Deus liberalissimus esse solet, qui totos se ipsius sanctissimæ providentiæ committunt. Præclarissima quidem virtus est Obedientia, & sine quâ reliquæ in homine religioso, nec virtutes quidem sunt Summè necessaria, est Patientia. Excel- lentissima virtus est submissio, cuique ipsius

contemptus. Christo charissima virtus est paupertas: Virtutum reginâ Charitas est. At verò præ ceteris virtutibus omnibus singulare quid & eximium habere mihi videtur *Fiducia* in Deum, & plena suimet in diuinam providentiam *Resignatio*, quâ & sacra pagina adeo commendat; quæ & regio vati continuo in ore est; quam demum Christus tot argumentis, à floribus etiam & aviculis petitis persuadere conatur. Huius fiduciæ vires, & quæ illam animi tranquillitas sequatur, nec nosse, nec aliunde notas credere potest, qui non semper, atque in omni re, maximâ, minimâ perfectissimè Deo fidei, diuinæque Providentiæ ac Voluntati se totum integerrimè permittit. Neque hominū ullus est puto, qui hac in Deum spe fiduciaque fuerit, & non sapius arcana in se miracula deprehenderit. Fidamus Deo, nosque totos diuinæ dispositioni, quam possumus plenissimè, credamus: Ipse providebit; ipsi curæ est de nobis.

Ego quidem, quod cernitis, ad Dei tribunal citor, rationem redditurus de sexaginta annis. Omnia mea, facta, dicta, cogitata illi iudici sunt apertissima; nihil latere poterit: omnes vitæ meæ actus sententiam decretoriam accipient. Heu horreo; nam verè horrendum est iudici Deo se sistere. Sed est quod me in tam arctis rebus soletur. Licet ergo seruus sim improbus, bonus est tamen Dominus meus, & infinitè bonus, qui seruulum quantumvis malum, suum tamen fuisse agnosceret. Non parum etiam præsidij pono in Diuis illis quos ad mortem meam & vltimum certamen inuitavi, cum diebus ipsorum honori festis cœlestem mensam hoc sine accumberem, ut mihi Diuos illos Diuosque propitiarem volentesque redderem ad ferendum in morte auxilium. Sed & causæ meæ, subsidij plurimum & patrocinij spero à sanctis Angelis, quos singulariter venerari, mihi quæ demereri, licet officiis non dignis, quotidie conatus sum. Hos tutelares purissimos spiritus, cum omnibus sanctis, iam iudici sistendus, corde & ore inuoco. Vos verò vniuersi etiamnum superstites saluete, meque suo quisque ordine secuturi Valere.

## §. XXVI.

*Morientium extrema monita.*

**V**Ti sol ad occasum tendens amenior est, sic homo morti vicinus plerumque, sapien-



tior. Hinc illæ morientium orationes à sapientia laudatissimæ. In specimē pauca dabimus.

Cyrus Rex moriturus : Corpus meum , inquit , ô filij , cum diem supremum clausero , nec in auro ; nec in argento , nec in vlllo alio metallo condite , sed rem suam terræ reddite. Postrema eius vox fuit : Si in amicos benefici fueritis , etiam in hostes animaduertendi facultas non deerit. Valere filij charissimi , atque idem matri meis verbis renuntiate. Vos itidem amici , qui adestis , saluete. *a*

Sapienter planè Theophrastus moriens dixit : Multa duleia mentitur vita , obtentu gloriæ , cuius amore nihil est vanius. Huc spectat Seneri Imperatoris morientis dictum : Omnia fui , sed nihil prodest.

Constantius Imperator Constantini Magni parens iam moriturus imperium filio transcribens , mirâ hilaritate animi : Nunc , inquit , mortem propè pluri quam ipsam immortalitatem æstimo : filium Imperatorem relinquo. Hic vir hic est , qui post ducentos septuaginta annos , Christianorum lacrimas absterfit , & tyrannorum crudelitatem vindicauit : Christus cum Constantino verè in armis fuit.

Rex Galliarum Ludouicus in extremis filio hæc præcepit : Caue , mi fili , ne vquam lethale peccatum admittas : potiùs omne tormenti genus perfer , quàm talem culpam perpetres. Peccata crebro confitere , eosque tibi confessarios delige , qui agenda docere , cauenda sincerè audeant monere , & vitia reprehendere. Parentibus obedientiam , amorem ac reuerentiam exhibe.

Clotarius Rex in vili villâ moriens : Quid putatis , inquit , quantus ille Rex est , qui tantos Reges interficit.

Carolus V. Imperator augustissimus , morti iam vicinus , vocato ad se filio Philippo II. hirtum ei cilicium & cruentum flagellum , quibus in se vsus , asseruanda tradidit , non sine præclaris monitis.

Philippus II. Hispaniarum Rex viram pariter clausurus , vbi ex arcano scrinio illud ipsam parentis cilicium & flagellum quibus etiam ipse corpus domuit , Philippo III. filio munus protulisset , hæc insuper adiciens monita : Magnam , inquit , gratiam , tibi fecerit Deus , si te ad illud gloriæ fastigium eueherit , quò me præeuntem habuisti. Sed ex animo re-

obtestor , cum id assecutus fueris huius etiam lecti , in quo me iam vides , memineris ; hic , ut cernis , subsistit omnis Mundi gloria. Deintibi commendo Sedis Apostolicæ obedientiam , fidei Catholicæ protectionem , Religionis Christianæ Zelum , Reipublicæ pacem , & in subditos iustitiam. Si Deus his meis consilijs subscripserit , suum regem non amittet hoc regnum , sed vtiliter commutabit. *b*

Ferdinandus Magnus Castellæ Rex mortem obiit memoratu dignissimam , Egrotare cepit ipso Christi natali die , iam fari suæ beati Isidori monitu certus ; postridie cultu prorsus regio præsulibus comitatibus , delatus est in templum. hic singula regum ornamenta deponens , Deoque sua velut restituens , adaram remisit , ipse cilicio indutus , & cinere aspersus , in terram se abiicit cum lacrimis dixitque ; Domine , regnum quod à te accepi , tibi restituo : colloca me quæso in æterna luce. Altero ab hoc die , sacramentis munitus , in eodem templo vitam sanctissimè finijt , vbi annis quadraginta regno præfuerat. *c*

Carolus Rex Sicilia cum in vltimis esset , hæc locutus est : O vanas hominum cogitationes ! Ah , miseri ! honoribus delectamur , aurum acervamus , & negligimus cælum. Beatam pauperem sortem , qui tenui salino contenti , somnos ducunt tranquillissimos. Quid me regnum , quid omnium obsequia iam iuuant ? miser esse potuissem siue tantis impendijs. Nondum cæpi vivere , & iam cogor vivendi finem facere. Vbi nunc vires imperij mei ? eadem me necessitas inuoluit quæ vilissimum mendicium. Et tot millibus famulorum , clientum , adulatorum , ne quidem vnus est , qui comes ire velit aut possit ad Dei tribunal. Ite nunc mortales , & magnis cogitationibus peccata implere. Ite cauti & opes anxie captas per mille annos disponite , hodiernâ vel crastinâ morituri. Vale igitur terra : Vtinam dicere liceat , Salue cælum.

Sed ne silentio transeamus opulentissimum regum , & sanctissimum , solem Hebrææ gentis Davidem qui è vita discessurus : Ego , inquit , ingredior viam vniuersæ terræ. Et ad filium conuersus : Tu autem Salomon fili mi , ait , scito Deum patris tui , & serui ei corde perfecti , & animo voluntario. Omnia enim corda scrutatur Dominus , & vniuersas mentium.



rium cogitationes intelligit. Si quaſieris eum, inuenies: ſi autem dereliqueris eum, proijciat te in æternum. Terribilis exhortatio, & quæ vel adamantinũ pectus penetret. Hac vltima concione ſua Dauid, optimæ vitæ capita exactiſſimè complexus eſt, ſcilicet, Dei præſentiam vbique cogitandam; Deo fideliffimè ſeruendum; Obedienti præmium fore ipſum Deum; Præuicatori æternum imminere ſupplicium.

Ita mors deuorat omnes, ducit reges, trahit populos, impellit gentes, non precibus fleſti, non diuitijs placari, non lacrimis perſuaderi, neque vllis vnquam viribus ſuperari poteſt. Sed æquo animo ſapiens, Stultus iniquo vitam deſerit.

*a Xenophon in Cyro. Alij aiunt acie viſtum à Tomyride Maſſagetarum regina, qua mortui caput in virem humano cruore plenum demiſerit, his verbis inſultans: Filij mei ſanguinem hauſiſti, & meum ſiſiſti, Cyre: at ego cruore te ſaturabo,*

*b Obijt Anno ſeculari 1600. Vide Florimund.*

*Ramundum l. 5. de Ortũ hæreſum c. 5. ſine.*

*c Henr. Spondanus è Baro. ann. 1065. ſine.*

## §. XXVII.

*Chriſtus inuitatur.*

**M**ane mecum Domine, quoniam adueſperaſcit, & inclinata eſt iam dies. Dies vitæ meæ in noctem præceps vergit, nec vllus eſt Iſue, qui properantem hunc ſolem ſiſtat, & diem extendat: lux mea iam iam occaſura in terræ ſinum feſtinat. Sed vti ſol quotidie terra ſepelitur, & ipſe ſuas it exequias, & tamen quotidie velut rediuiuus è ſuo illo tumulo emergit: ſic & ego, ſic & omnes quotquot viuimus, in terram quidem abibimus, illius gremio condendi: ſed redibimus è terrâ, ſole ipſo clariore.

Ergo, ô Chriſte, ô mi amâtiſſime Seruator, mane mecum: en, adueſperaſcit: oculi, aures, ſenſus omnes à me deſiciunt & abeunt in ſingulas pœne horas, nec abeuntes morari poſſum aut retinere. Tu ſolus, oro, ne me deſeras, IESV benigniſſime, & cetera libens dimittam. Abite omnia alia; miſſionem do, & veniam. Meus creator mecum eſt, ſatis eſt, omnia bona mecum ſunt. Sed vt mecum in ipſam vſque noctem, in ipſam vſque mortem permaneat, identidem clamo: Mane mecum Domine,

Domine, quoniam adueſperaſcit. Sed & cum vox mihi omnis hæſerit, cum omnis ſenſus defecerit, & ſolus iſque tenuis in me halitus vixerit, volo vt ſingulæ reſpirationes meæ ad vſque vltimam, pro voce ſint, illudque iuſſu hoc meo ſignificent & flagitent; Mane mecum Domine, Domine mane mecum.

*a Luc. c. 24. v. 29.*

## §. XXVIII.

*Moribundus animatur.*

**C**um non lubet multa legere, & animo firmando non parum vtilis. Cogita Cyprianum hæc tibi velut in aurè ſuſurrare. Cum morimur ad immortalitatem tranſgredimur, nec poteſt vita æterna ſuccedere, niſi hinc contigerit exire: non eſt exitus iſte, ſed tranſitus, & temporali itinere decurſo ad æterna tranſgreſſus. Quam præpoſterum eſt, quamque peruerſum, vt cum Dei voluntatem fieri poſtulemus, quando euocat nos & accerſit de hoc Mundo Deus, non ſtatim voluntatis eius imperio pareamus? Nitimur, reſuſcitamur, & peruiacium more ſeruorum ad conſpectum Domini cum triſtitia & morore perducimur, exeuntes iſtinc neceſſitati vinculo, non obſequio voluntatis. Et volumus ab eo præmijs cœleſtibus honorari, ad quem venimus inuiti? Quid rogamus & petimus, vt adueniat regnum cælorum, ſi captiuitas terrena delectat? Quid precibus frequenter iteratis rogamus & poſcimus, vt acceleret dies regni, ſi maiora deſideria & vota potiora ſunt, ſeruire iſtici diabolo, quam regnare illic cum Chriſto?

Tunc eſt pax Dei ſerujs, tunc libera & tranquilla dies, quando de iſtis Mundi turbiniſus extracti, ſedis & ſecuritatis æternæ portum petimus, quando expunctâ hæc morte ad immortalitatem venimus. Cum videre Chriſtum, gaudere ſit, nec poſſit eſſe gaudium noſtrum, niſi cum viderimus Chriſtum, quæ cæcitas animi, quæve demencia eſt, amare preſſuras, pœnas, & lacrimas Mundi, & non feſtinare potiùs ad gaudium, quod nunquam poſſit auferri?

Morſ ergo mortalium omnium portus eſt. Felix littus, ſecurus portus! in quo nemo, niſi volens, naufragatur.

*a Hoc inuite morientibus occinendum.*



## §. XXIX.

*Resurrectionis Fides.*

**C**ARO hæc nostra iam uiuit, breui reditura ad argillam suam, ad vagum puluerem, etiam in sterquilinijs bestias, in quibus & uenena ruminet; etiam post naufragia in aliquem piscium censum; in culices, tineas, locustas & formicas; in subterranea, in subaquanea, in uesperugines & noctuas; demum in quas non refingitur bestias? Et post hæc omnia eadem caro surget. quæque ante per tormëta laniata, quæ per ignes abierat in fauillas, coronabitur: Nec tu mihi hic cogita aliam carnem à priori, nisi Deum uelis iniustum, qui aliam mercede donet, quam quæ uicerit: aliam confedere secum faciat in cœlestibus, quam quæ sudauerit: quasi alterius sint præmia quam cuius fuerint agones & certamina. Eadem per omnia Anima quæ in hac carne pugnauit, stetit, Deum didicit, Christum induit, salutis spem seminauit, fructum metet. Eadem omnino caro quæ omnem hunc uitæ ordinem cum animâ decurrit, alit, æstauit, sanguinem fudit, cum eadem sociâ animâ præmiû accipiet. Idem fuit Lazarus post quatruiduanû sepulchrum, & antè. Idem filius post siccitas matris lacrimas, & antè. Idem Christus post monumentum, qui antè; Nec ullum sepulture senium, Deo aut potestatem adimit, aut bonitatem tardat. Eadem est diuitis lingua quæ delitijs pascitur, & quæ flammis punitur, ac de digito animæ felicioris expectat solatium roris: ita eadem per omnia caro, quæ sæculo gaudente luxit, sæculo lugente gaudebit; ut nulla iam sit de scelere fortunata, de probitate misera, cum singulæ restituantur, ut pro meritis demeritisue in hac uita, supplicijs vindicentur aut præmijs doneantur in futura. Inspice figulum; argillam vario ignis temperamento, in robustiorem laxioremue recoquit materiam, aliamque ex alia fingit formam. Non poterit Deus, eandem argillam, eadem quâ quondam spiritus sui aura, erigere in uitam? aut qui olim musculos ut glebas, ossa ut saxa, papillas ut calculos, venarum ramosos discursus, neruorum traduces, medullarum thesauros, ex illa ipsâ argillâ formauerat, non poterit eadem ex eadè effingere: aut maior fuit diuini uis Numinis in uirgine adhuc ar-

gilla, minor in uiduâ, post rescissum semel animæ connubium; cur eadem qua antè formata manu, non eodem animetur quo antè afflatu? An quia quod perijt semel, semper perire necessum sit; quâ id lege: Intuere, ne te ad sublimiora deducam, uniuersum hunc reuolubilem rerum ordinem; testatio is est redeuntis hominis. Intuere, omnia redeunt cum abscesserint, hinc redornantur lunæ specula quæ menstruus numerus attriuerat: Reuoluuntur hiemes & æstates, uerna & autumnus cum suis vicibus: reducuntur solis & stellarum radij, quos matutina represserat claritas, aut nocturna tlexerunt tenebræ. Vites iuraueris mortuas, & non nisi lignû ignibus aptum; sed hæc denudò animarum uidemus, & post spolia densius etiam uestiri: & ferè quæ frigus exterminauerat, ea restituit æstas cultiora, feceratio quodam interitu. Etiam in alite nobili documentum. Phœnix de singularitate miraculum, natali sine decedens succedit iterum Phœnix. Non quod hæc per omnia exprimant humanæ uicis reparationem, sed quod nos manu quasi ducent ad illam. Vis signatius documentum? Hæc bimus pignus in Christo, in quo usurpamus cælum & Dei regnum. Vis in homine? caro propè computruit in Lazaro, caro surrexit: sanè sine anima iacuit, surrexit cum illa. Et in illo dominici montis secessu, Moses & Elias Apostolis agnoscibiles facti, alter in imagine carnis nondum receptæ, alter in ueritate nondum defunctæ, eandem tamen ualitudinē corporis etiâ in gloriâ perseverare docuerunt. Imò & ipsæ animæ iam solitariae, licet è gurgustio corporis eruperint in apertum, ad meram puramque suam lucem, tamen nihil aliud, suæ felicitatis iam securè suspirant, quàm superindui hoc puluere, continuare cum hac connubiali sociâ, carne, uitam nullâ pugnâ soluendam: ut qui simul pugnarunt, finiant in præmijs & gloriæ parilitate, cum hic puluis immortalitatem induet nobili demutatione, Christo duce, qui uexit in cælum carnem & ossa pignus & documentum futuræ integritatis.

Non igitur tristemur, cum uetusta domus corruit, resurget longè pulchrior. Non solum sine causa credidit, sed & sine causa uixit, qui se ad hoc solum natum credidit, ut periret.

*a Non disputo, quid de hac aue sentiendum.*

§ XXX.



## §. XXX.

*Spes Resurrectionis, solatium maximum.*

**I** Obus innumeris grunnis pœnè iam sepultus, ingenti tamen alacritate animi cantās: Scio, inquit, quod redemptor meus vivit, & in nouissimo die de terrâ surrecturus sum. Et rursum circumdabor pelle meâ, & in carne mea videbo Deum saluatorem meum. Quem visurus sum ego, ipse & oculi mei conspecturi sunt, & non alius. Reposita est hæc spes mea in sinu meo. *a.* Christus velut per dialogismū respondens Iobo: Ego sum, inquit, Resurrectio & Vita, qui credit in me, etiamsi mortuus fuerit, vivet. *b.*

Veniet iterum, veniet qui nos in lucem reponat dies: (nil certius) & ideo a quo animo debemus exire redituri.

In vltiore Indiâ volucrem esse narrant, cui nomen Semenda; ortu similimam Phœnici, trisido rosto, sentireque se morituram; eam igitur deferre ligna in nidum, cantillare suauiter, alarum percussu struem congestam incendere, ipsam eo igne consumi, indeque vermiculum gigni qui postea in auem crescat. Luculentum Resurrectionis symbolum si omnia ex fide narrantur. *c.*

Romanus Orator Minucius, rei Christianæ magnus propugnator, tam pulchrè quàm breuiter: Vide adeo, inquit, quam in solatium nostri, Resurrectionem futuram, omnis Natura meditetur. Sol demergit & nascitur: astra labuntur & redeunt: flores occidunt & reuiuiscunt; post senium arbuta fródescunt, semina non nisi corrupta reuiuiscunt; ita corpus in sæculo, vt arbores in hiberno, occultant virorem ariditate mētis. Quid festinas vt crudâ adhuc hieme reuiuiscat & redeat? Expectandum nobis etiam corporis, *ver est.* d. Scio quod Redemptor meus vivit, & in nouissimo die de terrâ surrecturus sum.

*a. Iob. c. 19. v. 25. ad 28.*

*b. Ioan. c. 11. v. 25.*

*c. Nicol. Caussin. l. 6. symbol. Sap. Symb. 103.*

*d. Minucius Felix in suo Octauio.*

## §. XXXI.

*Spes cali.*

**Q**uid vis, quid optas: quid desideras? Viuere vis & mori non vis? Sic ergo viue, vt aliquando beatè viuas. Nam viuere, & non beatè viuere, genus est mortis, vel via ad mortem. In cælo viues non moriturus: illic beatè viues: nam nec mala patieris, nec pati poteris, quia illic nulla sunt. Ibi quod optabis, possidebis, & possidere desiderabis; pelli possessione non poteris: & hoc te satiab. Comedite amici, ait Rex cæli, & bibite, & inebriamini charissimi. Conuiuium hoc finem non habet; nihil illi triste succedet: quod hodie est, æternum erit. Augustinus exclamat: O vita sempiterna, & sempiternè beata, vbi gaudium sine mœrore, requies sine labore, dignitas sine timore, opes sine amissione, sanitas sine languore, abundantia sine defectione, vita sine morte, beatitudo sine calamitate, vbi omnia bona in charitate perfectâ, vbi species & visio facie ad faciem. Portæ Ierusalem ex sapphiro & smaragdo edificabuntur: & ex lapide pretioso omnis circuitus murorum eius. Et platea ciuitatis, aurum mundum, tanquam vitrum perlucidum. Et per vicos eius Alleluia cantabitur. *b.*

Quocirca, Beati qui habitant in domo tuâ. Domine, in sæcula sæculorum laudabunt te. *c.* Credo videre bona Domini in terrâ viucentium. *d.*

*a. Cant. c. 5. v. 1.*

*b. Tob. c. 13. v. 21. Apoc. c. 21. v. 21.*

*c. Ps. 83. v. 5.*

*d. Ps. 26. v. 13.*

## §. XXXII.

*Suspiria ad calum.*

**O** Stende mihi gloriam tuam, ostende mihi omne bonum. *Ex c. 33. v. 18. & 19.*

O quando dabitur lugentibus, corona pro cinere, oleum gaudij pro luctu, pallium laudis pro spiritu mœroris? *1. sc. 61. v. 3.*

Quis det vt veniat petitio mea; & quod expecto, tribuat mihi Deus? Et qui cœpit, ipse me conterat: soluat manum & succidat me.

*Et*



Et hæc mihi sit consolatio, vt affligens me dolore non parcat, nec contradicam sermonibus sancti. *Iob c. 6. v. 8. 9. 10.*

Sicut seruus desiderat vmbra, & sicut mercenarius prestolatur finem operis sui. *Iob c. 7. v. 2.*

Domine, quis habitabit in tabernaculo tuo, aut quis requiescet in monte sancto tuo? *Psal. 14 v. 1.*

Vnam petij à Domino, hanc requiram, vt inhabitem in domo Domini, omnibus diebus vitæ meæ. Vt videam voluptatem Domini, & visitem templum eius. *Psal. 26. v. 4. & 5.*

Quemadmodum desiderat ceruus ad fontes aquarum, ita desiderat anima mea ad te Deus. Sitiuit anima mea ad Deum fortem viuum, quando veniam & apparebo ante faciem Dei? Hæc recordatus sum, & effudi in me animam meam, quoniam transibo in locum tabernaculi admirabilis vsque ad Domum Dei. *Psal. 41 v. 1. & 2.*

Quis dabit mihi pennas sicut columbæ, & volabo, & requiescam. *Psal. 54. v. 6.*

Quis deducet me in ciuitatem munitam? *Psal. 59. v. 10.*

Beatus quem elegisti & assumpxisti, inhabitabit in atrijs tuis. *Psa. 64. v. 4.*

Quàm bonus Israel Deus his qui recto sunt corde. Quid mihi est in cælo, & à te quid volui super terram? Defecit caro mea & cor meum; Deus cordis mei, & pars mea Deus in æternum. *Psa. 72. v. 1. 25. 26.*

Quàm dilecta tabernacula tua Domine virtutum! concupiscit & deficit anima mea in atrijs Domini. Melior est dies vna in atrijs tuis super millia. *Psa. 83. v. 1. & 10.*

Placebo Domino in regione viuorum, *Psa. 114. v. 9.*

Heu mihi quia incolatus meus prolongatus est! multum incola fuit anima mea. *Psal. 119. v. 5.*

Lætatus sum in his quæ dicta sunt mihi, in domum Domini ibimus. *Psal. 121. v. 1.*

Super flumina Babylonis illic sedimus & fleuimus, dum recordaremur tui Sion. Quomodo cantabimus canticum Domini in terra aliena? Si oblitus fuero tui Hierusalem, obliuioni detur dextera mea. *Psa. 136. vers. 1. 4. & 5.*

Educ de custodia animam meam, ad con-

suetudinem nomini tuo; me expectant iusti, donec retribuas mihi. *Psal. 141. v. 8.*

Cupio dissolui & esse cum Christo. *Philip. c. 1. v. 23.*

### §. XXXIII.

*Solatio aduersus mortem, compendit dantur.*

**P**rimum. Mors familiarem nostrum hostem occidit, *Corpus*. Nulla pestis ad nocendum efficacior hoste inquilino, vti nullus fur domestico fure perniciosior. Scimus: Caro concupiscit aduersus spiritum, & spiritus aduersus carnem, hæc sibi inuicem aduersantur.

Alterum. Mors hostium effringit in carcere, quo includimur. At nos veteres inquilinos carceris, sæpe consuetudo loci, etiam inter compedes & iniurias non inuitos decinet. Aliter optarat Regum maximus, qui solui cupiebat & educi de custodia.

Tertium. Mors ingens onus detrahit. *Corpus* quod corrumpitur, aggrauat animam, & terrena inhabitatio deprimit sensum multa cogitantem. Onere hoc detracto, meliora restant hinc emissis. Nemo enatat cum hac sarcina.

Quartum. Mors peregrinationi nostræ finem imponit. Quid est, inquit Gregorius, vita mortalis nisi vis! Perpendite fratres mei, quale sit in via lassari, & viam nolle finire. Vita præsens laboribus plena est, & cum luctu agitur, nec tamen sine lacrymis dimittitur.

Quintum. Mors periculis nos omnibus subducit. Nemo tam beatus viuat, quin plurimis obnoxius viuat periculis: & raro periculum sine periculo vitatur. Ille solus pericula omnia euasit, qui viuere desijt.

Sextum. Mortis necessitas. Præclare dixit Romanus sapiens: Nullum est maius solatium mortis, quam ipsa mortalitas. Viuere noluit, qui mori non vult. Mors necessitatem habet æquam & inuictam. Quis queri potest in ea conditione se esse in qua nemo non est? Prima pars æquitatis, est equalitas.

Septimum. Mors Christi; ad hanc contemplantam hortatus Paulus: Per patientiam, inquit, curramus ad propositum nobis certamen, aspicientes in auctorem fidei & consum-



# CAPVT TERTIVM.

89

fluminatorem Iesum, qui proposito sibi gaudio sustinuit crucem. Membris ab hoc capite maximum est solatium, nam ne mortem timerent membra gravissimos mortis impetus sustinuit caput: Auctor vitæ moriendo cælum referavit, quid mori timemus?

Octavum. Spes Resurrectionis. Quid ex-  
postulamus cum morte? non eripithac vitam sed intermittit. Illucescet æternus dies qui nos sepulchris euocet; Resurgemus omnes. Hoc natura nobis variè commonstrat: Æstas abit, sed alter annus illam reducit. Hiems cedit; referunt illam sui menses: solem nox obruit, sed hanc dies abigit: Plurima quæ videntur perire, mutantur, sic & nos morimur, æternum victuri.

Nonum. Ipsa immortalitas. Mors & finis est, & transitus est: finis calamitatum, transitus ad immortalitatem. Hinc in Sacris nostris mors proborum, dies Natalis appellatur. Hinc ille ausus dicere: b

Mors, Christianis ludus est.

Et ne vllus hunc ludum expauesceret, idem præclare cecinit:

Non est, credite, pœna quam videtis,

Quæ puncto tenuit citata transit,

Nec vitam rapit illa, sed reformat. Sic optimo cuique idem felicitatis principium est, qui finis mortalitatis.

a Gal cap. 5. v. 15.

b Prudentius hym. in S. Vincentium.

c Hendecasyllabi eiusdem.

## §. XXXIV.

Contra inuitè morientes.

**I**Ta passim vivimus; mortem metuimus, vitam negligimus, inuiti morimur. Quis non recusans, quis non gemens exit? Atqui hoc ingrati est, non esse contentum concessio tempore. Semper inquit Seneca, a pauci dies erunt, fillos numeraveris. Cogita non esse summum bonum in tempore, quantumcunque est, boni consule. Vt prorogetur tibi dies mortis, nihil proficit ad felicitatem: quoniam morâ non fit beator vita, sed longior. Quanto satius est, non aliorum annos computare, sed suos benignè æstimare, & in lucro ponere? Hoc me vitæ tempore dignum iudicavit Deus: hoc satis est. Potuit plus; sed hoc quo-

que beneficium est. Opportunè hic vates vernusinus monet

—Ex æcto contentus tempore vitæ

Cedat. vti conuiuium satius—

Quis ferat conuiuium illum, qui ad lauti conuiuii epilogū dicat: *Nondum comedi satis*. Quis illum hominem laudet, qui è vitâ discedens queratur: *Non vixi satis*, lugeatque tanquam vita medio actu rerum abrupta sit. Non turpis solum sed vana est eiusmodi querela. Fixus est terminus; seu longa fuerit vita, seu brevis, finienda est, ita placet auctori vitæ.

Lusisti satis, edisti satis, atque bibisti.

Tempus abire tibi est. — b

Insigniter Epictetus: Celebritas, inquit finita est. Exi: discede vt gratus, vt verecundus, da locum alijs: oportet alios ita nasci, vt & tu natus es; & natos habere locum, & habitationes, & victum. Si verò primi non discesserint, quid relinquitur? Cur insatiabilis es? Cur satisfaceri tibi non potest? Quid angis & coarctas Mundū? Sed insignius Epicteto Augustinus: Vndecunque, ait, voluerit Deus vt ex eas hinc, paratum te inueniat. Inquilinus enim es, non possessor domus. Locata est enim tibi domus. Domus ista tibi locata est, non donata, & si nolis, migrabis; & non eam tali conditione accepisti, vt quasi tempora certa tibi sint. Quid dixit Dominus Deus tuus? Quando voluero, cum dixerō, migra, paratus esto. Expello te de hospitio, sed dabo domum. Inquilinus es in terra, possessor eris in cælo. d

Delicias cœlestes auidius expectat, firmius sperat, qui terræ delitijs seipse priuat. Certè

Cui durior vita est, minus mortem timeat.

a Sen. l. 5. de benef. c. 17.

b Horat. l. 1. sat. 1.

c Epict. l. 3. dissert. c. 26. post med.

d Aug. in Psal. 148 post med.

e Vst. Iamb.

## §. XXXV.

Moribundi scopulus, dilatio.

**M**onuimus sanos, monuimus ægros; moribundi etiam monendi nobis sunt, vt caueant hunc scopulum, DIFFERRE. Quot hominum millia vel hanc vnam ob causam male finierunt, quia distulerunt minimè differenda. Quid crastinum, quid perendinum,

M

mi



mi moribunde, salutē tuā destinās? crastinus dies, tuus non est, hodiernus est. Hodie quāso, hac horā, iam age quod agendum est, cras aut perendie ubi tu eris?

Narrant Amylius & Plutarchus, Thebanorum exulum cum exercitu aduentum optimatibus Thebanis nuntiatum fuisse, at illos vino epulisque deditos id despexisse: quin etiā ad eum qui summum magistratum Thebis gerebat litteras delatas, quibus omnia exulum consilia detegebantur, & iam in conuiuio acubanti esse redditas, quas ille, ut erant signatā puluino subiiciens: *In crastinum*, aiebat, *res seueras differo*. Sed hic ipse dilator cum suis eadem nocte interfectus est. Ita Mors cunctatores solet obruere; dum deliberant, dum moluntur, dum differunt, adest illa & spicillo ferit improviso. Augustinus monitor fidelissimus, dicentem, *Cras bene viuam*, sic instruit: Indulgentiam tibi promissit Deus, crastinum diem tibi nemo promissit. Si malē vixisti, bene viuē iam hodie. Stulte hac nocte auferetur à te anima tua. Non dico, quē prae parasti cuius erunt: sed secundum quod vixisti, ubi eris? Vocat te nunc Deus, exhortatur te nunc, expectat donec respicias, & tu tardas? Non enim modò sit longanimis in sustinendo, ut nunquam iustus in iudicando. Distribuit tempora. Noli ergo dicere, Cras me conuertam, cras Deo placebo, & omnia hodierna & crastina dimittuntur mihi. Verum quidem dicis, quia Deus conuersioni tuā indulgentiam promissit, sed dilationi tuē diem crastinum non promissit *a*. Non tardēs conuerti ad Dominum; subitò enim veniet ira illius, & in tempore vindictae disperdet te. Praueniendus est dies qui prauenire consuevit. *b*

*a Aug. in Ps 101. conc. 1. post med. & in Ps. 144. circa med.*

*b Eccli. c. 5 v 8. & 9.*

S. XXXVI.

*Moribundi dolores & terrores.*

**V** Aldē serium negotium est Mori, & raro sine doloribus aut angoribus peragitur. De his dixerē Tertullianus: Euenit saepe, inquit, animam, in ipso diuortio potentius agitari, sollicitiore obtutu, extraordinariā loquacitate, dē ex maiore suggestu, iam in libero

constituta, per superfluum quod adhuc constitatur in corpore, aunnuntiat quā videt, quā audit, quē incipit nosse. *a*

Narrant Cunonem Malburchrensis oppidi dominum annis quadraginta, moribus parum probatis vixisse; dein mutata mente religioni vltimum vitā triennium impendisse, & piē prorsus obiisse. Eo tempore cacodamon qui feminam infederat, falsus est, quindecim milia diabolorum in Cunonis morituri cubiculum conuenisse, tantum autem abfuisse ut nocuerint moribundo, ut ne quidem accedere propius potuerint, validis clamoribus tonsuratum repulsi, ita ludibrio religiosos viros precantes descripsit. Quæstus insuper est; Cunonem sibi suisque ereptum iniquissimē, ut qui Deo non nisi triennium solum, vitis & inferorum dominis, ipsos quadraginta annos seruisset *b*

Deus bone, tot milia hostium ex Erebo conuenerint, ad vnicuique hominis obsidendum exitum! Qui terreri non vult moriturus, mori maturē discat. Mortem nemo amicam habet, nisi qui cogitat præsentem dum abest; sed dictis fidem asseruent sequentia.

Ioanne Climaco teste, & Homo religiosus ac solitarius, sed vitę remissioris, ad extrema perductus, horam vnam iacuit iam omnium iudicio defunctus. Vbi ad se redijt, præsentēs, quorū quot aderant, enixius rogauit, loco cederent. Egreffis omnibus, mox tugurij aditum lapidibus obstruxit, arcto solum foramine relicto, per quod cum pane hydria transmitteret. Hic ille à seipso in hunc carcerem damnatus, totis duodecim annis cum nemine loqui, assiduē suspirare, altum gemere, vberius lacrimare, præter panem & aquam nihil degustare. Sic attonitus vultu quē ferē immoto sedebat, & ea quæ sub excessum viderat, fixissimo cogitatu, altissimaq. mente apud se identidem volutabat, tacitis interea lacrimarum rivulis continenter per genas defluentibus. Hoc vitę tenore annis duodecim exactis, cum morti esset proximus, religiosi accolæ rupto pariete, vi aditum sunt emoliti, iamque moribundum circumstantes impensissimē rogauerunt, aliquod sui monumentum, ad monitiunculam virtutis stimulum relinqueret, nec tamen aliud impetrarunt, quàm has solummodo voces: *Nemo qui reuerā mortis me-*

*moriā*



*moriam agnouerit, peccare unquam poterit.*

Consideret Lector, ait Robertus Bellarminus, *hanc historiam esse, non fabulam, & ab illo scriptam, qui & vir sanctus erat, & scriptis quæ proprijs oculis vidit, & proprijs auribus audiuit. Hoc Bellarmini de narratione illa iudicium.*

Ex his non difficile est coniectare, quos dolores & terrores Mors afferat, ijs præsertim, qui remissius aut lasciuius vixerunt. Sanè si quis Mortem, & ab hac æternitatem serijs cogitationibus in animum admitteret, si non totos dies & annos, creberrimè profectò attonitus federet, & ad vnũ hoc sese disponderet quod hominũ nemo non potest non experiri.

Bernardus iure commonet: Morientium vocatio, tua sit emendatio. Non tibi oberit efferi sine præcone, humari sine pompâ, putrescere sine famâ, abijci sine titulo, modò non sepeliaris in inferno.

*a Tertull. l. de anima c. 53.*

*b Platus l. i. de statu Relig. c. 31. med.*

*c Climac. grad. 6. post med. De anachoreta in Chorch. habitante.*

*d Doctissimus sanctissimæque vitæ Cardinalis l. 2. de arte mor. c. 1. fine.*

*e Bern. de modo bene viuendi ser. 27. med.*

## §. XXXVII.

*Moribundi promptus animus.*

**C**alicem salutaris accipiam, & nomen Domini inuocabo. *a* Calix iste amarior quidem est, illum tamen bibi ipse meus Seruator, & ex cruentâ trabe eundem mihi exhauriendum propinauit. Calix iste fatale Mortis poculum est, quod Christus, quod Christo amicissimi, quod omnes omnino homines perhauriunt, ineuitabili necessitate; cur ego hoc solus reculem? quisquis cœpit viuere, desinere debet, vt denuò incipiat, & quidem vitam illam quæ nunquam desinat. Bona & mala, vita & mors, paupertas & honestas à Deo sunt. *b* Quid ergo tibi vis vane timor, quid reuocas damnosâ mœstitiâ? Calicem quem dedit mihi Pater, quem Christus mihi miscuit, non vis vt bibam illum? Mortalis ego sum & mori me mirer?

Cum apud Regem Alexandrum Macedonem grauius decumbentem, aliquot malè anxij a-

mici Philippum medicũ de veneno porrigendo insinularent, Rex Philippum cum paratâ potione ad se venientem sic excepit: Alterâ manu amicorum litteras ei porrexit, alterâ pharmacum ab illo accepit: dumque medicam potionem ori admoueret, oculos in Philippi vultu defixit, si quas fortè in illo conscientia notas deprehenderet. Cum egregiam in se medici fidem è facie disceret, intrepidus porrectum poculum perhausit. Ita & ego faciam: Poculum quod me in quietem & longiorem somnum dabit, Iesus meus, medicus & Seruator meus mihi temperauit, porrexitque ebibendum: Ego, dum illud exhaurio, oculos ab hoc meo medico non dimittam; vultum meum firmabo in crucifixi Domini mei vultu, in quo summum in me amorem inscriptum legam, simulque constans & intrepidus hunc calicem perhauriam, qui tantò plus habet salutis, quantò plus amaroris.

*a Psalm. 115. v. 4.*

*b Eccli. c. 11. v. 14.*

*c Curtius l. 3. c. 10.*

## §. XXXVIII.

*Moriturus Fide, Spe, Charitate se armat.*

**V**t istud cuius promptam sit ac facile, præimus verba, ad fidem, spem, charitatem exercendam.

## AD FIDEM.

Protestor coram Deo, sanctis Angelis, omnique Ecclesia triumphante & militante, & nominatim coram Angelo meo custode, me firmiter credere, quicquid credit sancta, Romana, vniuersalis Ecclesia: me etiam viuere velle & mori in fide, quam hæc eadem Catholica & Apostolica Ecclesia profitetur, in vnione & sub capite, Domino nostro Iesv Christo, eiusque in terris vicario. Quod si quid his dissentaneum mihi excideret, protestor illud non à me, non meum esse.

## AD SPEM.

Prouidebam Dominum in conspectu meo semper: quoniam à dextris est mihi ne cōmouear. Propter hoc latatum est cor meum, & exultauit lingua mea, insuper & caro mea requiescēt in Ipe. Quoniam non derelinques



animam meam in inferno : nec dabis sanctum tuum videre corruptionem. Notas mihi fecisti vias vitæ, adimplebis me lætitia cum vultu tuo : delectationes in dextera tua vsque in finem. *Psal. 15 à v. 8. ad finem.*

### AD CHARITATEM.

Quid retribuam Domino pro omnibus quæ retribuit mihi? Calicem mortis de manu Dei accipiam, & nomen Domini inuocabo : laudans inuocabo Dominum & ab inimicis meis saluus ero. In manus tuas Domine commendo spiritum meum. Tu me creasti Deus, tu me redemisti tu sanctificasti me; tuus ego sum, viuus, mortuus. Ego me tibi offero in omne beneplacitum tuum. *Ies v fili David miserere mei.*

### §. XXXIX.

*Ægro & Moribundo quid semper corde ac ore versandum.*

**I**N morbo, mi Christiane, interrogatus qui valeas, quomodo res tuæ se habeant &c. Caue vnquam aliud respondeas quàm hoc solum & vnicum : *Prout Deus vult; Sicut Domino pl. cuit, sic factum est: Secundum Dei beneplacitum. Ad Dei Voluntatem: Bene; Optime: Sic Deo placet: Fiat Voluntas eius; sicut in celo & in terrâ. Vt autem hoc possis, & egroto tibi, & moribundo perpetuo in ore sit & in corde, triplex hæc precatiuncula.*

1. *Benedictus Deus in æternum.*
2. *Miserere mei Deus secundum magnam misericordiam tuam; eisi Domine minor sum cunctis miserationibus tuis.*
3. *O Dominus meus, & Deus meus ego me tibi offero in omne beneplacitum tuum. Fiat voluntas tua.*

Fuit qui triplicem hanc precatiunculam grandiori charactere scriptam ad lectum, proximè oculos affigi voluerit, vt assidue merneretur quid perdius & pernox ore animoque volutare deberet.

Nostre preces nostri ad Deum præcursores sunt. Discemus tandem à prodromis nostris & ipsi viam, sequemurque felici pede quo nos vocauerit beata Æternitas.

### §. XL.

*Moribundo singulariter obseruanda.*

**P**rimum, Non suis nitatur meritis, sed seipsum cum vniuersis peccatis & negligentis in immensum diuinæ misericordiæ pelagus demittat & immergat.

Alterum. Sanctæ Catholicæ Ecclesiæ fidei firmiter & simpliciter inhæreat : Ecclesiæ sacramenta cum perfecto proposito Deum non amplius offendendi, tempestiuè petat & suscipiat.

Tertium. A caducis & fluxis rebus omnibus se auertat, vt toto affectu cœlesti Patri se veniat, terram promissionis suspiret, vt illic Deo pro immensa bonitate gratias agere & perenne laudis sacrificium offerre possit. Ipsam etiam matrem misericordiæ & beatos spiritus, omnemque cœlestem exercitum maxime patronos suos deprecabitur, vt sibi in hac necessitate assistant, & ab exilio hoc ad iucundissimam suam societatem perducant.

Quartum. Seipsum, hostiam viuam, ad gloriam Dei, pro acceptissima illius voluntate offerat, ad sufferendam, ex vero amore, omnem languoris acerbicatem, & ipsam mortis amaritudinem; omnem denique pœnam in tempore & Æternitate sustinendam, ita vt si mille insuper annis, omni voluptate affluens, pro voto posset viuere, pro Dei tamen honore & amore mortem subire mallet.

Quintum. Amarissimam passionem & mortem Christi Domini sibi proponat, corpus suum & animam cum ingenti spiritu, saucio corpori & afflictae animæ Christi vniat, & tanquam simul cum Christo in cruce moriturus, spiritum suum in cœlestis patris manus commendet. Cor suum in patulum Saluatoris cor, membra sua morientia in eiusdem vulnera deponat.

Ceterum, tutissimum est, vt quisque in extremo decessu, se quisque vellet fecisse, id modò sanus facere incipiat.

### §. XLI.

*Moribundo quid faciendum; è Blosio.*

**L**Vdonicus Blosius abbas Latiensis, Sancto Ignatio Loiolæ per litteras familiaris & quod Aubertus Myraus testatur, a viæ vitæ



vite innocentissimæ, qui Cameracensem Archiepiscopatum à Carolo V. Cæsare oblatum constanter repudiavit, quique vitam in libris exigens plurima scripsit ævo longiore dignissima: inter quæ moribundum instructurus, ad verbum hæc habet

Quidam Dei amicus interrogatus, quidnam morti proximus facere veller, si multo tempore in grauibz peccatis vixisset, respondit: Si quadraginta annis semper in peccatis vixissem, & tempore resolutionis meæ instante, peccata mea purè confessus essem, atque cum perfecto amore, ex fundo cordis mei, saltem ipatio vnius salutationis Angelicæ, meipsum in Deum ita recipere possem, vt reuera totus ad ipsum conuersus, & ab omni peccato auersus inueniret: tunc nimirum sicut purus & innocens ex hac luce migrarem. Si verò non nisi vnum peccatum admisisset, & contritus, dolens, mœrensque post confessionem ritè factam hinc exirem, tunc utique sicut pœnitens morerer. Addit in moribundi gratiam.

Dominus quibusdam amicis suis renelare dignatus est, quod verba illa, quæ mox subiiciemus, morientium auribus ingesta, & coram eis recitata, vel ab eis pie prolata, siue cogitata tantæ virtutis sint, vt non facile perire possit, qui ea sub vite finem, vero & integro corde humiliter pronuntiarit. Sunt autem ista:

*Domine Deus, ego sum miser ille, quem tu pro paternâ bonitate tua creasti, & per ignominiosissimam mortem Vnigeniti tui de potestate inimici redemisti: tu solus imperium & dominium in me habes, meq; saluare potes secundum immensam misericordiam tuam, in qua spero & confido.*

Nimirum hæc ad artem moriendi compendia sunt. Multum in hac arte promouit, qui scit compendio mori.

*a Myraus in Belgicis elogijs.*

## §. XLII.

*Moribundum refrigerantia.*

**V** Ade populus meus, intra in cubicula tua, claude hostia super te, absconde re modicum, ad momentum, donec pertranseat indignatio. *Is. c. 26. v. 20.*

In momento indignationis abscondi faciem meam parumper à te, & in misericordiâ

sempiternâ misertus sum tui; dixit redemptor tuus Dominus. *Is. c. 54. v. 8.*

Quare tristis es anima mea, & quare conturbas me? Spera in Deo, quoniam adhuc confitebor illi salutare vultus mei, & Deus meus. *Psal. 42. v. 6. & 7.*

Filij Sanctorum sumus, & vitam illam expectamus, quam Deus daturus est his qui fidem suam nunquam mutant ab eo. *Tobia cap. 2. v. 18.*

Non est voluntas ante Patrem vestrum, qui in calis est, vt pereat. vnus de pusillis istis. *Matth. cap. 18. v. 14.*

Sic Deus dilexit mundum, vt Filium suum vnigenitum daret, vt omnis qui credit in eum, non pereat, sed habeat vitam æternam. *Ioan. 3. v. 16.*

Sed & si quis peccauerit, aduocatum habemus apud Patrem Iesum Christum iustum: & ipse est propitiatio pro peccatis nostris: non pro nostris autem tantum, sed etiam pro totius mundi. *1. Ioan. cap. 2. v. 1.*

Amen, Amen dico vobis, quia qui verbum audit & credit ei qui misit me, habet vitam æternam, & in iudicium non veniet, sed transiet à morte in vitam. *Ioann. cap. 5. v. 24.*

Omne quod dat mihi Pater, ad me veniet, & eum qui venit ad me, non eijciam foras. Amen, amen dico vobis, qui credit in me, habet vitam æternam. *Ioann. capi. 6. v. 37. & 47.*

Ego sum Resurrectio & Vita, qui credit in me, etiam si mortuus fuerit, viuet, & omnis qui viuit & credit in me non morietur æternum. *Ioan. c. 11. v. 15. & 26.*

In domo Patris mei mansiones multæ sunt. *Ioan. c. 14. v. 2.*

Si Deus pro nobis, quis contra nos? Qui etiam proprio filio non pepercit, sed pro nobis omnibus tradidit illum, quomodo non etiam cum illo omnia nobis donauit? Quis accusabit aduersus electos Dei? Deus qui iustificat. Quis est qui condemnet? Christus Iesus, qui mortuus est, imò qui & resurrexit qui est ad dexteram Dei, qui etiam interpellat pro nobis, *ad Romanos cap. 8. v. 31. vsq; ad 36.*

Nemo nostrum sibi viuit, & nemo sibi moritur. Siue enim viuimus Domino viuimus: siue morimur, Domino morimur. Siue ergo



viuimus siue morimur, Domini sumus. *ad Rom. c. 14. v. 7. & 8.*

Scimus, quoniam si terrestris domus nostra huius habitationis dissoluatur, quod adificationem ex Deo habemus, domum non manu factam, æternam in cælis. Nam & in hoc ingemiscimus habitationem nostram quæ de cælo est, superindui cupientes, si tamen vestiti, non nudi inueniamur. *2. Cor. c. 5. v. 1. 2. 3.*

Nunc magnificabitur Christus in corpore meo siue per vitam, siue per mortem. Mihi enim viuere Christus est, & mori lucrum. Esse cum Christo multo magis melius. *ad Philip. c. 1. v. 20. 21. 23.*

Nostra conuersatio in cælis est, unde etiam Saluatorem expectamus, Dominum nostrum Iesum Christum qui reformabit corpus humilitatis nostræ, configuratum corpori claritatis suæ. *ad Philip. c. 3. v. 20. & 21.*

Fidelis sermo & omni acceptione dignus, quod Christus Iesus venit in hunc Mundum, peccatores saluos facere: quorum primus ego sum. *1. Tim. c. 1. v. 15.*

Qui perseuerauerit vsque in finem, hic saluus erit. *Matth. c. 24. v. 13.*

Esto fidelis vsque ad mortem, & dabo tibi coronam vitæ. *Apoc. c. 2. v. 10.*

Hi fontes, præferuidas Mortis thermas refrigerant. Feliciter enatabit, quisquis in his fontibus submergitur.

### §. XLIII.

*Moribundi ad Deum suspiria & preces.*

**B**Eatus Eligius Nouiomensis Antistes in extremis, suos cum lacrimis complexus: Valet, inquit, & deinceps quiescere me permittite. Terra in terram redeat; Spiritus ad Dominum iturus, iter suum reperiet. Ita oculis manibusque in cælum elatis, diu precabatur immotis labijs. Deinde in has voces erumpens: Nunc dimittis, inquit, seruum tuum Domine, secundum verbum tuum in pace. Memento quæso, quod sicut lutum feceris me: & non intres in iudicium cum seruo tuo, quia non iustificabitur in conspectu tuo omnis viuens. Memento mei, qui solus sine peccato es, Christe Mundi redemptor, & educens me de morte corporis huius, transfer in regnum

tuum. Scio me conspectum tuum non mereri: tu tamen scis, quia Spes mea semper fuit in misericordia tua. Et nunc quoque in confessione sancti nominis tui moriens, extremum, Christe, anhelitum efflabo. Suscipe ergo me secundum magnam misericordiam tuam, & non confundas me ab expectatione meâ. Aperi mihi properanti ianuam vitæ, & principes tenebrarum non occurrant mihi. Tua manus deducat in locum refrigerij, & vel in vltimam mansionem ex ijs quas præparasti seruis tuis timentibus te.

Sub his verbis affluit animam. Eligium voce præeuntem sequamur, & hac etiam ratione Christum Dominum compellemus.

Illumina, ô bone IESV, oculos meos, ne vnquam obdormiam in morte, ne quando dicat inimicus meus, præualui aduersus eum. *Psal. 12. v. 4.*

Domine IESV Christe, Fili Dei viui, pone passionem, Crucem & mortem tuam, inter iudicium tuum & animam meam.

Ne memineris, bone IESV, iniquitatum mearum, citò anticipent me misericordiarum tuarum, quia pauper factus sum nimis. *Psal. 78. v. 8.*

Dulcissime Domine IESV Christe, ob honorem & virtutem tuæ benedictæ passionis, iube me adscribi in numerum electorum tuorum.

Non intres in iudicium cum seruo tuo, misericordissime IESV, quia non iustificabitur in conspectu tuo omnis viuens. *Psal. 142. v. 2.*

*Christi de cruce pendens, alias manibus, alias perosso lateri, alias pedibus crebra piæque imprimet oscula; & modo crucifixum, modo crucifixi vulnera sic compellabit.*

Adoro te, IESV Christe, & benedico tibi, quia per crucem tuam redemisti mundum Saluator Mundi salua me, qui per crucem & sanguinem tuum redemisti me.

Trahe me ad te, ô bone IESV, qui dixisti, cum exaltatus fuero à terra, omnia traham ad meipsum.

O Clementissime IESV te deprecor per pretiosum sanguinem tuum, quem pro me peccatore effundere voluisti, ut abluas omnes iniquitates meas. O sanguis Christi purifica me, corpus Christi salua me, aqua lateris

*Christi*



Christi laua me, passio Christi confortame. O bone I E S V exaudi me, intra vulnera tua absconde me, ne permittas, ô bone I E S V, me separari à te, in horâ mortis meæ voca me, iube me venire ad te. vt cum sanctis tuis laudem te in sæcula. O Creator & Redemptor meus, I E S V Christe, totum me tibi dedo, non me reijcias: Ad te venio, non me repellas. Ne proijcias me à facie tua, & spiritum sanctum tuum ne auferas à me. Ne perdat me iniquitas mea, quem creauit omnipotens bonitas tua.

*Cum quis morti vicinior, sic orandum.*

Nunc Domine secundum voluntatem tuam, fac mecum misericordiam tuam, & præcipe in pace recipi spiritum meum. Sonet in mentis meæ auribus, vox illa dulcis: Hodie mecum eris in paradiso. Nunc dimittis seruum tuum Domine, secundum verbum tuum in pace, quia viderunt oculi mei salutare tuum.

O Clementissime I E S V recognosce quod tuum est, & absterge quod alienum est. O I E S V, I E S V, ô I E S V permitte me intrare in numerum electorum tuorum. O I E S V fili David miserere mei: Deus in adiutorium meum intende: ô Domine I E S V ad adiuvandum me festina: ô Domine I E S V suscipe spiritum meum.

## §. XLIV.

*Moribundi vera in Deum fiducia:*

**H**ic ego cū Bernardo fidenter proclamo: Prætendat alter meritum; sustinere se iactet pondus dei & æstus; mihi adherere Deo bonum est, & ponere in Domino Deo spem meam. *a*

Et quamvis conscius mihi sim, eam fuisse vitæ meæ antea præuitatem, vt planè merear à Deo deseri, tamen non desinam in eius immensa bonitate semper confidere, optimèque sperare, quod quemadmodum hactenus sanctissima eius gratia vires mihi ad omnia subministravit, sic eadem illud mihi robur sit collatura, vt omnia patienter & libenter feram. Hæc mea etiam exigua patientia cum meritis dominicæ Passionis coniuncta (quæ quidem meam omnem tolerantiam infinitis modis excedit) debitas mihi pœnas mitiga-

bit, & mercedi in cælo recipiendæ augmentum adijciet. Vnicum hoc à te, mi Deus, peto, ne permittas vt vnquam de bonitate tua diffidam, quantumcunque debilem me ac miserum esse cognouero. Imò si in eo me terrore ac consternatione cernerem, vt iam iam lapsurus viderer, meminerò tamen Petrum Apostolum vnico venti flatu, ex modicâ fide submergi cœpisse; faciamque quod ille fecit; Christum compellabo: *Domine saluum me fac*. Vtique manum suam, ita spero, extendet, nec submergi me patietur. Quod si verò Petri partes vltius me agere, planeque præcipientem ruere permetteret Deus (quod pro sua misericordiâ benignissimè auertat) spero nihilominus fore, vt oculo misericordiæ plene respiciat, vti respexit Petrum; meque deinde in nonâ spem vitæ erigat. Illud comperitissimum habeo, quod absque meâ culpâ Deus me non deseret. Verissimum agnosco dictum Augustini; Potest Deus aliquos sine bonis meritis liberare, quia bonus est; non potest quemquam sine malis meritis damnare, quia iustus est. Itaque omni spe ac fiducia me illi totum committo. Si propter peccata mea me sinat perire, saltem iustitia eius in me laudabitur. Spero tamen & certissimò spero futurum vt clementissima eius bonitas animam meam fideliter custodiat, quò Misericordia illius potius quàm iustitia in me commendetur. Nihil mihi contingere potest, quod Deus non velit. Quicquid autem ille vult, cuiusque malum videatur, est tamen reuera optimum. Quæcunque tu vis, ô mi Deus, hæc ego volo omnia, volo, volo.

*à Bern. ser. 9, in Ps. Qui habitat.*

## §. XLV.

*Moribundi cœrens.*

**S**int lumbi vestri præcincti, & lucernæ ardentes in manibus vestris: & vos similes hominibus expectantibus dominum suum quando reuertatur à nuptiis: vt eū venerit & pulsauerit, confestim aperiant ei. Beati serui illi, quos, cum venerit Dominus, inuenerit vigilantes. *a*. Istud moribundi testamur vel ipsis adstantium oculis, cum prehenso ardente cereo aduentum Domini opprimur, & vitæ lampadem velut alteri tradimus.

*Vicum*



Virum religiosum fuisse commemini tam pacatæ ac serenæ cōscientiæ, ut ei etiā in morte ridere sit concessum. Cum enim moribundo fatalis cereus in manus traderetur, ille obuersionis in suum præsidem oculis: Tot, inquit, circumstant hic robusti viri, cur obsecro, mi Pater, ego tam exhaustis viribus cereum tenere cogor? quàm lata mors.

*Nil conscire sibi, nullâ pallefcere culpa.*

Quid verat talem ridēdo mori? Carcerē suum nemo, nisi insanus amat. Hic suū deseruit ridens. Serium est quod addo, & omnibus imitabile. Consaluus Mederius, eā virtute pollebat, ut in seuerissimo vitæ instituto æquabilis perpetuæque illius cōstantia emereret. Quippe annis compluribus, præter aliorum sacerdotum pensum, sex quotidie horas precationi meditationique impendit. Atque hanc præcædi consuetudinē ne in itinere quidem omisit: magnā quin etiam ex parte retinuit supremis vitæ diebus, cū pessimè affectum corpus penè spiritus defecisset. Paullò ante excessum aliquot sociorum accitis, sacrū cereum iussit accendi; tum symbolo Apostolorū protato: In hac, inquit, fide institutus sum, in hac vixi, in hac morior; testorque si quid fortè in extremo agone excidat mihi, iam nunc indictum & irritum velle: ac protinus brachio porrecto, cerebroque manu prehensio: ut lumen hoc, inquit, oculos illuminat corporis, sic ego credo Dominum IESUM illuminare omnem hominem venientem in hunc Mundum; quia ipse lumen verum & æternum est. Quæ magno sensu eum protulisset, continuans inde sancta cum Deo colloquia, Ecclesiæ mysterijs omnibus præmunis, euolauit è corpore, pridie nonas Aprilis, Anno Christiano 1552.

Et tu quisquis es, etsi sanus sis, apprehende cereum, fortassis hac luce lux tua exstinguetur. Vigilantem te Mors inueniet, & præcinctum & cum accensa face, si labores tuos fortiter, errores aliorum cordatè, vitæ procellas patienter sustinueris.

*a Luc. 12. v. 35. 36. 37.*

### §. XLVI.

*Moribundi verba vltima.*

**A**vgustus Imperator moriens in hac voce defecit: Liuiæ, nostri coniugij me-

mor, viue ac vale. Quantò sanctius Christiani, qui vltima, cū moriuntur, verba dirigunt ad sui principium & omnium Conditorē.

Vir ille diuinus, Dionysius Areopagita capitis iam damnatus, feralem sententiam Christianā generositate amplexus, & adstantium probra contemnens: Vltimum, inquebat, verbum Domini mei in cruce, sit & mihi vltimum in hac luce: Pater in manus tuas commendo spiritum meum.

Basilus Magnus, extremam vitæ clausulam appositurus, cū suos præclaris monitis imbuisset, illud Christi, ad Christum pariter adiunxit: In manus tuas, Domine, commendo spiritum meum. Et vnā cum verbis animam lætus effudit.

Sisoius abbas, vir sanctissimus iam vltimæ lineæ admotus, plurimos habuit sui exitus spectatores, ad quos ille radiante vultu: En, inquit abbas Antonius venit ad nos. Et paullò post: En, ait, agmen prophetarum huc adest. Mox: Cætus etiam Apostolorum, inquit, ad nos visit. Et quia cum his aduentoribus loqui videbatur, interrogatus est, quibus cum loqueretur? At ille: Angeli, ait, venerunt, animam meam aliò ducturi: hos rogavi, liberalius mihi pœnitentiæ spatium concederent. Ad quem amici: Pater, aiunt, non eges pœnitentiā. Quibus ille: Nondum, ait vel initium feci pœnitentiæ. Hanc viri submissionem largiter probauit vultus magis ac magis intradians. Exclamat tandē Sisoius hilari voce: Videte, videte, Dominus venit. Atque verba simul & vitam finijt. Felix mors quam Æternitatis triumphus excipit. Et licet morientis lectulum non cingant reges, satis est tamen regum regem adesse, in quo moribundi vox vltima quiescat.

Bernardus, tanquam si morituro Christum commonstret manu: O tu Christiane, inquit, ne de hac infirmitate desperes: docuit te Christus quid in omnibus periculis mortis debeas dicere, ad quem confugere, quem innocare, in quem sperare: in Patrem Deum, qui non potest despiciere sperantes in se, cum attestacione bonorum operum. Bonorum dico, quia sine meritis aliquid sperare, non spes, sed præsumptio debet dici. Tu itaque talia fac opera, ut ei in hora mortis in veritate dicere possis: In te Domine speravi, non

con-



confundat in æternum. c

Ergo vltima morientis verba dirigantur ad Deum: in illum preces, in illum vota, in illum spes vltimæ ferantur, in illius nomen extrema desinant suspiria. Dicat moribundus ex imo pectore: Ad te, Domine, faciem meam conuerto, ad te oculos meos dirigo.

a Segerus in Chron.

b Greg. Nazian. ora. c. 20.

c Bernardus sermone 1. in cena Domini mihi pag. 1346.

## §. XLVII.

*Humane voluntatis ad diuinam conformatio, summi momenti est, præcipue sub finem vitæ.*

**L**Vdovicus Blosius, quem supra laudauimus, de nostræ voluntatis cum diuina consensu, hæc pronuntiat his omnino verbis.

Nullum igitur exercitium in extremis vtilius esse potest, quàm vt quis seipsum ex integro diuinæ voluntati resignet: humiliter, amorosè, plenèque confidens in immensa Dei misericordia ac bonitate. Fieri enim nequit, quin is, qui in huiusmodi vera perfectæque resignatione, cum sancta erga Deum fiducia ex hac luce exit, confestim ad regna cælestia euolet. Nam sicut nihil omnino pœnæ, nihil ignis purgatorii in Deum cadere potest, ita nec in hominem, qui eo modo per voluntatis conformitatem, amoremque Deo vnitus est. Hoc animo iustus ille latro moriebatur in cruce, qui non salutem corporis à Domino postulauit, nec orauit vt à pœnis purgatorii seruaretur, sed libenter pro peccatis suis, proque Dei gloria moriens se totum in diuinam resignauit voluntatem, se totum Christo obtulit, vtille secum ageret, quicquid vellet. Quod si morte imminente, infirmitas naturæ mœret, aut trepidat, huiusmodi etiam mœstitia & formido in Deum per resignationem projicienda, ac certa spes erga eum concipienda est. Mors Christi mortem tuam soletur. Ille præcessit; præcesserunt & innumeri electi eius: non igitur pigreat te sequi.

## §. XLVIII.

*Moribundus alterum in Golgotha latronem amuletur.*

**D**omine memento mei, cum veneris in regnum tuum. Felix latro, qui in schola Christi, plus in virtute profecisti tribus horis, quàm infelix Iscariotes tribus annis. Verba mihi præis, & precandi formulam, qui Christo patronus fueras & aduocatus in extrema necessitate Deus! Quæ iudiciorum tuorum abyssus est? Amici & cognati silent, discipuli deserunt; Angeli non comparent, nec mater filij innocentiam tueri sinitur. Et vbinam illa vndecim & plura millia, panibus ab hoc crucifixo Domino saturata? quis è tanta multitudine vel verbulo mutit pro tanto benefactore? Ergo ad latronem Christi patrocinium deuoluitur. Latro contra latronem socium, Christo caussidicus sit, innocentiam illius asserit, impia probra diluit, omnem affusam multitudinem arguit parricidij. Ergone Dei filius suam causam à latrone perorari non erubuit? tantum abest vt hunc oratorem suum erubuerit, vt etiam publicè collaudarit. Nec rhetor iste dominicæ causæ defuit: *Et nos quidem iuste, inquit, nam digna factis recipimus: hic verò nihil mali gessit. a*

O quàm verè idem de me dicam? Et ego quidem iustè iam morior, nam digna factis recipio: hic verò Deus meus, & Dominus meus nihil gessit, propter quod moreretur, & in tantis tormentis moreretur. Sed & illa precandi formula rectè iam vtor; *Domine memento mei, quia venisti iam in regnum tuum.* Et quia iam es in regno tuo, me in hoc exilio gementem aspice, & hinc abeuntem in regnum tuum admitte. Hoc ego te rogo, Christe Iesu, per flagella, per spinas, per crucem, per tormenta omnia & mortem tuam.

Ergo, quid iam reliquum est; nisi vt in eius sinum coniiciam hanc meam animam, cuius vnus ipse laborem doloremque considerat. Nouit ipse quid animarum saluti conducatur, & apud illum est iam ab æterno decretum, quo tandem nobis ad eum sit itinere reuertendum. *Salutare tuum expectabo Domine.*

a Luca cap. 23. v. 41.

N

§. XLIX.



## §. XLIX.

*Heliotropium contra omnes morbos, & mortem  
pharmacum.*

**H**eliotropium herba seu flos, vti quotidianum experimento constat, cum sole se circumagit, & abeuntem intuetur semper, omnibusque horis cum eo vertitur, etiam die nubo, tantus est amor floris in hoc sidus. Noctu, velut desiderio solis contrahit sese flos iste. Voluntas humana ita semper diuinam intueatur, vt horis omnibus, ad illius nutum se vertat ac circumagat quaquaversus, quantumcunque nubilus sit dies. Enimvero diem magis nubilum non habet humana vita quam diem mortis. Hoc maxime die moribundus, velut verum heliotropium, ad suum se solem vertat fixissimis & planè immotis oculis. Id nos Seruatoris verba doceant.

Ita Pater, quoniam sic fuit placitum ante te. Ad hunc prorsus modum, mi moribunde, loquere. In omnibus omnino rebus faciendis & fugiendis, patiendis, ac perferendis, exēplo Domini, dic semper. Ita Pater, Ita Pater, Ita mi Pater. Etsi vno die millies, ter millies id ingeminandum. Atque tunc magis hoc dicendum & reperendum, cum magis premunt aduersa, in omnibus tuam ipsius sanctissimæ voluntati subiiciēdo. Hęc vigilans & dormiens, hæc sanus & æger, hæc moriens assidue pronuntia, velut si dicas: *Domine, nil possum tibi negare, tu scis.* Ego autem in te speravi, Domine: dixi: Deus meus es tu, in manibus tuis sortes meæ. Valerudo mea, morbus meus, prospera & aduersa mea, & vita & mors mea sunt in manu tua Domine. Sicut vis, ita fiat: Domine secundum voluntatem tuam & *vivere & mori*, iucundū mihi erit, quia Deus meus, & pater meus es tu. Sicut ergo vis, sicut disponis ordinas, permittis omnia fieri, ita fiant ita Pater, ita & in me fiat, & nihil fiat in me, aut à me quod Voluntati tuæ rectissimæ, optimæ vel minimum aduersetur Ita Pater, ita fiat & nunc, & semper, & in omnem Æternitatem.

Philippus II. Hispaniarum Rex, ab omni-gena quidem virtute multo laudatissimus princeps, hac tamen ad Dei voluntatem Conformitate iam pœnè diuinus homo euasit, etiam dum inter homines ageret: nam in fatali

morbo, diuinæ Voluntati deuotissimus, illa Seruatoris verba pœnè infinities repetijt: Pater, non mea sed tua Voluntas fiat. Cumque è Matthæo Euangelista Christi Domini Passio, ad apostema ferro secundum, prælegeretur, iussit rex, ad illa ipsa Domini verba: Pater, non mea, sed tua Voluntas fiat, lectorem nonnihil subsistere. Tanti regum iste maximus hoc Heliotropium, tam sanus, quam æger ac moribundus æstimauit.

Hoc certè Heliotropium morbis, mortis, malis omnibus medetur. Procul est ab omni exitio, qui voluntate tam propinquus est Deo, a *Matth. c. II. v. 16.*

## §. L.

*A moribundo dicenda, aut moribundo prælegenda.*

## I. ORATIO.

*B. Hieronymi in agone mortis, vt scribit Eusebius.*

**P**le Iesu, virtus mea, refrigerium meum, susceptor meus, & liberator meus, in quem speravi, cui credidi, quem dilexi. Summa dulcedo, turris fortitudinis, & spes mea à iuuentute mea. Voca me dux vitæ meæ, & ego respondebo tibi. Operi manuum tuarum, quod de limo terræ Creator omnium formasti, quod ossibus & neruis compegisti, cui vitam moriens tribuisti, clementiæ tuæ porrige dexteram. Tēpus est, vt pulvis in puluerem reuertatur, & Spiritus redeat ad te saluatorem, qui huc illum misisti. Aperi ei Domine ianuam vitæ, nam pro me in ligno crucis, tanquā latro pendisti, suscipe me misericors Deus, secundū multitudinem miserationum tuarum. nam latronem ad te currentem in cruce moriens suscepisti. Ægrotus sum, infirmata est in paupertate vita mea, & ideo ad te, Domine, curo medicum. Sana me, Domine, & sanabor: & quoniam in te confido, non erubescam. In te Domine speravi, non confundar in æternū.

At quis ego sum, piissime Deus, vt tam audacter loquar ad te: peccator sum & in peccatis enutritus; cadauer putridum, vas foetidum, esca vermium. Parce mihi Domine. Quæ enim victoria est, si pugnando mecum me viceris, qui minus sum ante te quàm stipula ante faciem venti. dimitte omnia peccata mea, & erige



erige de stercore pauperem. Exurge & adiuua me Domine, exurge & ne repellas in finem. Intret postulatio mea in cōspectu tuo, Domine, & fiat manus tua vt saluum me faciat. Ecce hominem qui discedens ab Hiericho, captus à latronibus & vulneratus, seminivus relictus sum: Tu pie Samaritane recipe me. Peccaui nimis in vita mea, & malum coram te feci: à plantā pedis vsque ad verticem capitis nō est in me sanitas. Certē nisi in ligno crucis moriens me adiuuisses, digna erat habitare in inferno anima mea. Ego, pie Iesu, sum pars tanti pretij: pro me fudisti sanguinem tuum pretiosissimum, non me repellas à te. Ego sum ouis quę erravi, require eam bone pastor, & appone illam ouili tuo, vt iustificeris in sermonibus tuis, nam promissisti mihi quod quicumque hora peccator ingemuerit, saluus erit. Dolens sum; iniquitates meas ego cognosco, & delicta mea coram me sunt. Verē non sum dignus vocari filius tuus, quia peccaui in cælum & coram te. Sed auditui meo dabis gaudium & lætitiā. Auerte faciē tuā à peccatis meis, dele iniquitates meas secundum magnā misericordiam tuā. Ne proicias me à facie tua, neque secundum peccata mea facias mihi, neque secundum iniquitates meas retribuas mihi, sed adiuua me Deus salutaris meus, & propter honorem nominis tui libera me. Benignē fac in bonā voluntate tuā, vt inhabitē in domo tua omnibus diebus vitę meę; vt cū habitantibus in ea laudem te in æternum.

## II. ORATIO.

*Ad Iesum Christum, Mundi Saluatorem.*

**I**esu Christe, fons misericordię, ostende mihi pauperculę creaturę tuę misericordiam tuā: adiuua me in hac extremā necessitate. Creator & Redemptor meus IESV, Christe, pone passionem, Crucem & mortem tuā, inter iudicium tuum & animam meam. Totum me tibi dedo, non me reicias; ad te venio, non me repellas. Nunc Domine secundum voluntatem tuā fac mecum misericordiā & præcipe in pace recipi spiritum meum, redemisti me Domine Deus veritatis; sonet in mentis meę auribus vox illa dulcis, Domine IESV: Hodie mecum eris in paradiso.

Suscipe me, IESV crucifixe, inter amosa tua brachia, quę pro me in cruce extensa cer-

no & complector; suscipe me inter desiderabiles amplexus tuos, & trahe ad te animam meam; suscipe me bone IESV, in misericordia tua; suscipe in pace spiritum meum. Amen.

## III. ORATIO.

*Ad agendas gratias in extremis, S. Isidori mart. gris.*

**G**loria tibi, Domine IESV Christe, qui me vocare ad gratiam verę fidei dignatus es. Gloria tibi, quod tam misericors & benignus in me tot ac tantis peccatis obnoxium temper exististi, tantisque per omnem vitam beneficijs affecisti. Mi amantissime Deus benedico te, quod beneplacito & voluntate tua nunc vocor ex hoc Mundo ad te, tibi enim Domine, gratias agens, libet ad te venio, & humiliter tibi me committo. Sed oro te Domine Deus meus, suscipe me in misericordia tua, & animam meam in sanctas manus tuas accipe, tibi enim soli, Domine, commendō spiritum meum, qui eum mihi dedisti, & inuoco te solum verum Deum, vt accipiam bonā partem inter electos tuos, & facias mecum diuitem tuam misericordiam, liberans me ab inimicorum meorum insultibus, & ab omni afflictione & angustia, quoniam tu es Deus solus, qui ab omni necessitate redimis eos, qui te inuocant, in te sperant: Te decet laus & gloria in sæculorum sæcula. Amen.

*Has preces, maxime duas sequentes cupimus à sanis sapius legi, vt eo attentius & maiore sensu cogitēt extremam illam necessitatem, & moribundi abitam ad tribunal diuinum. Quo tempore homo viuus vix sentit amplius se viuere, & velut medius haret, inter huius & alterius Orbis terminos.*

## IV. ORATIO.

*A circumstantibus dicenda, pro animam agentibus.*

**C**hriste IESV crucifixe, in vnione feruentissimi amoris, qui te vitam omnium videntium in Cruce mori coëgit, pulsamus ad medullā benignissimi cordis tui, & rogamus, vt animę famuli tui, fratris nostri N. peccata omnia dimittas, & tuā sanctissimā cōuersatione, & tuę acerbissimę passionis merito omnia eius suppleas, eumque superabundantissimam



miserationum tuarum multitudinem facias experiri, nosque omnes, & singulariter hunc fratrem nostrum N. quē proximē vocare disponis, placito tibi modo prępare, ei que pręstes vt cum vera patientia, perfecta resignatione, plena peccatorum remissione, validissima fide, spe firma & integra Charitate, in perfectissimo statu, inter dulcissimum amplexum, & suauissimum osculum tuum, feliciter ad tuam æternam laudem expiret.

Eia dulcissime Redemptor, Domine Iesu, per illas lacrimabiles voces; quas in cruce moriturus edidisti, & passionis doloribus consumptus dixisti, Deus meus, Deus meus, vt quid me dereliquisti, ne quæso longē facias à famulo tuo fratre nostro N. tuæ miserationis auxilium, nam ille in hac horâ & momento extremæ afflictionis, prę defectione animæ & consumptione spiritus te inuocare non valet. Per triumphum sanctæ crucis & per mortis passionisque tuæ infinitum meritum, cogita Domine, de eo cogitationes pacis & non afflictionis, sed misericordiæ & consolationis. Libera eum de omnibus angustijs, tuisque sanctissimis manibus, quas pro eo nobisque omnibus in cruce clavis affigi permisisti, Iesu bone & amantissime Pater, erue eum à tormentis illi debitis, & perduc illum in requiem æternam. Amen.

### V. O R A T I O.

*B. Dionisij Carthus. in colloquio de particulari iudicio animarum, pro animam agentibus.*

### A D D E V M P A T R E M.

**O**mnipotens æterne Deus, Pater misericordiarum & Deus totius consolationis, tuam deprecamur immensam bonitatem, per ineffabilem illam charitatem, qua humanum genus dilexisti, quando Vnigenitum Filium tuum pro nostra redemptione in hunc Mundum misisti, vt pro nobis acerbissimam & ignominiosissimam mortem subiret. Ostende ô Domine, in hac hora, pietatis tuæ abyssum, & effunde charitatis tuæ dulcedinem in hanc rationabilem creaturam tuam, quę nunc ad te Patrem spirituum redit. Ostende illi lucem miserationum tuarum, conforta mentem illius in te, intellectum illumina, voluntatem accende. Clementissime Deus, hunc hominem

in te vno, omnium vltimato, incommutabili, infinito ac summo bono conserva. Protege eum ab omni potestate aduersaria, à Satanæ tentationibus, ab omni occurſu cōtrario. Non secundum peccata eius iudices eum, sed secundum benignissimæ bonitatis tuæ immensitatem, secundum charitatem tuam affluentissimam, secundum multitudinem miserationum tuarum miserere illius, indulge illi & parce; suscipe spiritum illius in sanctissimę dilectionis tuæ brachia. Hoc te rogamus per Vnigenitum Filium tuum, Dominum nostrum Iesum Christum, per vniuersa eius beneficia & merita, per omnia redemptionis nostrę mysteria, per quicquid in seipso pro nostra salute assumpsit, fecit ac passus, per omnem denique bonitatem tuam, ô Pater, qui cum Vnigenito tuo, & sancto Spiritu vnus es verus, solus, ac summus Deus.

### A D D E V M F I L I V M.

**O**blecramus te Domine Iesu Christe per charitatis tuæ ardorem quo teipsum pro nostra redemptione tradisti in mortem, mortem autem crucis acerbissimam atque turpissimam, & per tui pretiosissimi pro nobis liberalissime fusi sanguinis pretium, per tuæ quoque amarissimæ passionis indeficientissimum ac copiosissimum meritum, atque per tuam dilectissimam Matrem, perque maternę compassionis illius acerbicatem, cum tibi usque ad tuum in cruce excessum assisteret, mirifica pietatis tuæ abyssum in hoc tuo famulo, à vitæ præsents luce ad te omnium iudicem metuentum tranſeunte prępara animam eius, ô Domine, ad occurrendum tibi, & sine vera cōtritione ac filiali ad te conuersione ne eum à corpore separari permitte. Visita & illustra mentem eius visitatione tua secreta & paternam, qua in ictu oculi iustificas impium, & ex immundo mundum efficis. Mitte ei, ô Domine & Saluator, auxilium gratiæ tuæ, à throno glorię tuę & ea pietate, qua latroni sero pœnitenti indulgentissimē promisisti: Hodie tecum eris in paradiso, etiam in hoc homine, pietatis & charitatis tuæ viscera ostende. Iube eum ad tuam misericordiam peruenire ô Saluator Mundi, Rex gloriæ, Princeps virtutum, Iudex supreme, Deus altissime, qui cum Patre & sancto Spiritu viuus & regnas benedictus per infinita sæcula.



## CAPVT TERTIVM.

## AD DEVM SPIRITVM SANCTVM

**S**piritus sancte Deus, adorande paraclete, bonitatis pacis, charitatis & omnis dulcedinis fons immense, obsecramus te per tuam aeternam ex Patre & Filio processionem infunde nunc radium tuæ propitiationis, in animam istam vndique angustiatam: omnē malignorum spirituum impugnationes ab ea remove: effunde in illam divitias gratiæ tuæ, eamque conforta & erige contra vniuersam vitiorum ac dæmonum metuendam aciem; fac eam plenē contritam ad suum creatorem feruēdē aspirare, & ad fontem totius puritatis ac sanctitatis purificatam venire: Imple illam ea largitate qua in die Pentecostes igneis linguis super Christi discipulos descendisti. Dignare, ô diuine Spiritus, hunc hominem illuminare & accendere, atque ad te totius salutis ac gratiæ fontalem originem perducere, qui cum Patre & Filio viuīs & regnas equalis Deus, per infinita sæculorum sæcula. Amen.

## VI. ORATIO.

*Sapius dicenda, Contritionis, Fidei, Spei, Charitatis &c. actus continens.*

**D**omine Iesu Christe, credo quod Deus meus & Redēptor meus es. Credo quod pro mea salute de Virgine Maria nasci, & in cruce mori dignatus es. Credo quicquid per sanctam Catholicam Ecclesiam mihi credendum proponis, & in hac fide preestor me vi-

uere velle & mori. Domine Iesu, doleo quod summam bonitatem tuam offenderim, & doleo quod non magis doleam de tot offensis contra te creatorem & redemptorē meum in-gratissimē perpetratis. Peto humiliter peccata omnia mihi cōdonari per sanguinem tuum, firmiter ab eis abstinere, & vitam emendare propono, si vixero. Atque si quid oblitus sim, vel non cognoscā quo tuam Maiestatem offendi, de eo illuminari cupio & pœnitere; interim de omnibus veniam peto.

Omnibus qui me vnquam offenderunt, libenter & ex animo, propter te, mi Deus, offensas omnes dimitto, & si quem offendi ego, precor etiam mihi veniam dari: Si quid aliorum bonorum est apud me, quātum teneor, & facultates meæ se extendunt, volo satisfieri omnibus. Spero in diuina tua misericordia, & in sanguine cum tanta charitate pro me fuso, quod me licet indignum saluum facies, & adimplebis me læticia cum vultu tuo, quod vt facias, per sanctam passionem & mortem tuam te precor. Corrobora me, Domine Iesu, contra omnes Satanae insultus, & scuto misericordiæ tuæ protege me, quoniam in bonitatis tuæ præsidio tota est reposita spes & fiducia mea. Nihil quidem meritum habeo, quod allegem apud te, malorum heu nimis multum video, sed per tuam misericordiam confido me saluandum. Ita in pace in idipsum dormiam & requiescam, quoniam tu Domine singulariter in spe constituisti me. Tibi laus & gloria in sæculorum sæcula. Amen.





## EPILOGVS ET MONITVM

## LECTORI.

**H**As preces, mi Lector, pro animam agentibus dicendas, tu ipse pro teipso, dum sanus es, pauculis mutatis, sapius dices, si sapias. Putem ego ad vitam sanctius instituendam vix efficacius quicquam cogitari, quam lacrymabilem illum hominis moribundi statum. Tunc illud Domini vaticinium etiam in moribundos pronuntiatum luculenter se prodit: Quia venient dies in te, & circumdabunt te inimici tui vallo, & circumdabunt te, & coangustabunt te undique & ad terram prosterneant te, & non relinquent in te lapidem super lapidem. Hec certe oculis testibus, in homine moribando fiunt. Circumdant illum angustiae, fatigant sollicitudines diuersae, vallant dolores, tentant cacodemones, peccata praeterita in terram prosterneant, supplicia futura perterrefaciunt, creata omnia deserunt. Et licet morientis lectulum peritissimi medicorum cingant, nullus iuuare potest, nisi medicus è calo. Aeterna lex à principio dicta omni huic Mundo, nasci, denasci; oriri, aboriri; nec quidquam stabile aut firmum arbiter ille rerum esse voluit praeter seipsum. Abeunt omnia in hunc nascendi pereundiue fatalem gyrum, & longanum sit aliquid in hac machina, aeternum nihil. Per tuam ergo ipsius, mi Lector, salutem te rogo, memento Aeternitatis. Momentum est vita; eheu momentum est, sed pendet ab hoc momento siue perenne bonum, siue perenne malum. Brevis est labor; Voluptas omnis evanescit; sola ignorat finem Aeternitas: Memento Aeternitatis.

a Luc. cap. 19. vers. 41. & 44.

FINIS LIBRI PRODROMI.



ipso,  
vi-  
ilem  
coria  
ada-  
ad  
cer-  
fati-  
veri-  
desse  
mare  
Cun-  
rile  
lique  
Per  
Mo-  
bo-  
gno-

...



Incurvati sunt colles mundi ab itinere  
 ATERNITATIS  
 Habac. c. 3.



ÆTERNITATE  
CONSIDERATIONES

CORAM

SER.<sup>MS</sup> BAVARIÆ PRINCIPIBVS,  
MAXIMILIANO ET ELISABETHA

EXPLICATÆ

Ab HIEREMIA DREXELIO è Societate IESV.



TERNITATEM, Serenissimi Principes, quam auribus accepistis, nunc etiam reuerente ac supplici manu, serenissimis manibus committo, nec id facerem, nisi crederem, cogitationibus vestris ÆTERNITATEM quotidie sic interesse, vt calum sit in oculis, ÆTERNITAS in pectore, nec enim PRINCIPES ANIMOS alia vlla magis implere potest, quam ÆTERNITATIS cogitatio. Breuius quidem opusculum suscipere non potuissim, sed nec longius. Theologis vnum NVNC & INSTANS est ÆTERNITAS. Quo quid esse potest breuius ac contractius? at verò etiam hoc ÆTERNITATIS NVNC tam longum est, vt nullis vnquam seculorum tractibus sit finiendum; quo quid potest esse longius? quæcunque temporum diuturnitas ad ÆTERNITATEM collata, breue quid est, & simillimum momento; ita omnem annorum vel extensissimam seriem, non longissimis tantum, sed infinitis spatijs excedit ÆTERNITAS. Atque huius ÆTERNITATIS vmbra in vnius libelli angustias redacta, ad Serenitatum vestrarum genua, vltro sese atque ex debito submittit, sibi que lucem ab his geminis serenissimis fideribus perpetuam pollicetur. Permittite, Serenissimi Principes, huic vmbrae suum imperum, vmbra suum solem sequitur; hæc eò audacius ad Serenitates Vestras procurrit, quo certius geminos à se soles repertos credit ÆTERNITATIS verè capaces. Serenissimæ stirpis in nostrum ordinem innumera merita, nunc ideo non attingo, quia hoc vno iam augeri rogo, vt pictam hanc ÆTERNITATIS vmbra Serenitates Vestrae dignentur suâ clientelâ non excludere. Monachij sexto Nonas Iulij, Anno à partiente Virgine 1620.

Serenitatum VV.

*Infimus cliens*

HIEREMIAS DREXELIVS, è Soc. IESV.



AD STUDIOSAM IVENTVTEM  
TYPOGRAPHVS.

**A**GE nunc, precor, piarum  
Sitiens inuenta rerum.  
Cupiens salutis undas  
Bibere ex perenne fonte,  
Sacra quem caro profudit  
Habitantis astra Christi.  
Celeri fugit volatu  
Properatque cuncta secum  
Resecare falcis ictu  
Nimium rapace TEMPVS.  
Quid ad hac caduca vertis  
Oculos tuos inepte?  
Reduc ad superna cali  
Loca cogitationem:

Loca quæ volantis eunt  
O fugiunt fugacitatem,  
Loca quæ voracis Orci  
Superant rapacitatem.  
Vbi nulla sunt timenda.  
Vbi cuncta sunt amanda.  
Ibi tu manens iuuentus  
Inhians bono superno  
Animam BEATITATIS.  
Sapida irremota vini  
Fluuius inebriabis.  
Ibi TEMPVS omne calcans  
Remanebis intra abyssum  
Solida ÆVITERNITATIS.

I. L E C T O R I.

**N**Ecdum, beneuole Lector, scribendorum librorum finis est: alij alios excipiunt, & in amplissimas bibliothecarum familias, quotidianis augmentis excrescunt: qui tamen hactenus hunc sibi laborem sumpserit, scio neminem. ÆTERNITAS velut in tabella hic proponitur, non legenda solum, sed multo magis cogitanda, perpendenda, assidue nocturne vigilantissima mente versanda. In verbis herendum non esse premoneo: penicillo volante & rudi hæc ÆTERNITATIS lineamenta ducta sunt, & compluribus locis plus sensui & pietati dandum erat quam Latinitati. Neque vero conuenit fugientes vocalas sectari, cum calum quarimus, cum domum ÆTERNITATIS, breui eam ingressuri, contemplamur. Itaque terogo, mi Lector, ne hæc tantum animi causa, aut leuando fastidio inspicias. Hæc vere seria ad animum, salutem, calum, immortalitatem spectant, in alijs iocari liceat aut naufragare: hic nemo satis vigilauerit. Vale & vive ÆTERNITATI.

INDI-



# INDICVLVS CONSIDERATIONVM

## DE ÆTERNITATE.

### CONSIDERATIO I.

*Quid sit Æternitas?*

- §. 1. Varij Veterum de æternitate sensus & picturæ.
- §. 2. Arcanus scripturæ sensus aperitur.
- §. 3. Æternitatis locus, cui MANSTO dicatur.

### CONSIDERATIO II.

*In quibus natura representat Æternitatem.*

- §. 1. Quænam apud inferos sint æterna.
- §. 2. Cur gehenna ipsa sit æterna.
- §. 3. Alij ad æternitatem naturæ ductus.

### CONSIDERATIO III.

*In quo potissimum æternitatem suam Romani veteres collocarint.*

- §. 1. Quantum Romani à vera æternitatis via aberrarint.
- §. 2. Melior ad æternitatem via.
- §. 3. Hanc viam sollicitè esse indagandam.

### CONSIDERATIO IV.

*Quomodo B. David æternitatem sit meditatus & qua illius in hoc meditandiratio.*

- §. 1. Diuersæ ad æternitatem cogitandam admonitiunculæ.
- §. 2. Omnes Arithmeticæ numeros & leges transilit Æternitas.
- §. 3. Consideratæ æternitatis effectus.

### CONSIDERATIO V.

*Quomodo etiam alij improbi æternitatem sint meditati.*

- §. 1. Hominis & araneæ labores collati.

§. 2. Quæ in mundo sit omnium optima quæstio.

§. 3. Quomodo Deus hic puniat, vt ibi parcat, inauditum exemplum.

### CONSIDERATIO VI.

*Quomodo scriptura, SS. Patres, Ecclesia, Æternitatem meditandam ingerant.*

- §. 1. Sanctorum Patrum & Ecclesiæ circa hoc responsa.
- §. 2. Scripturæ diuinæ clara de æternitate testimonia.
- §. 3. Omnia MODICVM præter æternitatem.

### CONSIDERATIO VII.

*Quomodo Christiani pingant æternitatem.*

- §. 1. Christus inuitans.
- §. 2. Adam lamentans.
- §. 3. Coruus crocians.

### CONSIDERATIO VIII.

*Quomodo Christianis non tam pingenda, quàm meditanda æternitas.*

- §. 1. Non rem tantum, sed spem omnem præscindit æternitas.
- §. 2. Æternitatis gustus quanti sit, illustri exemplo declaratur.

### CONSIDERATIO IX.

*Conclusiones septem circa has de æternitate considerationes.*

- §. 1. Æternæ mortis supplicium.
- §. 2. Æternæ vitæ præmium.
- §. 3. Epilogus dictorum omnium.



MEDITATIO DIV NOCTV-  
QVE EXERCENDA.

VTINAM O HOMO.

Scires pre- terita cum dolore:	Malum commissum contra	Deum, Proximum Teipsum. Vitia non extir- pando,
	Bonum omissum	Virtutes non inferendo, Ad perfectio- nem non pro- perando.
	Tempus amissum quo	Nil pretiosius, Nil labilius, Nil desiderabi- lius.
	Christum occisum	Crudeliter ab inimicis, Nequiter ab a- micis, Libenter pro a- micis & inimi- cis.

MEDITATIO DIV NOCTV-  
QVE EXERCENDA.

VTINAM O HOMO:

Intelligeres presentia cum tremo- re,	Beneficio- rum multi- dinem in	Anima, Corpore, Rebus cate- ris.
	Mundi vanitatem, qua	Decipiuntur a- uari, Trahuntur car- nales, Capiuntur su- perbi.
	Peccan- tis infirmi- tatem pro- pter	Carnem repu- gnantem, Daemonem im- pugnantem, Mundum alli- cientem,
	Vitę bre- uitatem, quę est	Vitro fragi- lior, Fumo leuior, Vento velo- cior.

MEDITATIO DIV NOCTVQVE EXERCENDA.

VTINAM O HOMO.

Prouideres futura cum timore,	Diem mortis immi- nentem, quę est	Certissima, Incertissima, Acerbissima.
	Faciem Iudicis ter- rentem, quoniam est	Infallibilis propter sa- pientiam. Inflexibilis propter iu- stitiam. Infugibilis propter po- tentiam.
	Ignem inferni ſauien- tem quo	Nil crudelius Nil horribilius Nil infelicius.
	Eternam gloriam in- deficientem, in qua est	Amotio omnium ma- lorum, Associatio omnium san- ctorum, Adimpletio omnium desideriorum.



D E  
Æ T E R N I T A T E  
C O N S I D E R A T I O P R I M A .

*Quid sit Æ T E R N I T A S ?*



**I**NTERROGATVS Simonides ab Hierone Rege Siculo, inquit Cicer. libro primo de Nat. Deo. quid Deus sit, diem vnum huic considerationi petiit, elapso illo, nondum sibi liquere dixit, & biduum in eandem deliberationem postulauit. Elapso & biduo, triduum sibi deposcit, denique id vnum respondit, quò plus cogitaret, plus cogitandum occurrere; minus atque minus expediri se, quo diutius in hac cogitatione luctaretur. Cogitaturis nobis de Æternitate, primum omnium illud se offert quærendorum principium, quid est Æternitas? Boetius lib. 5. de Consol. prof. 6. ait, esse interminabilis vitæ totam simul & perfectam possessionem. Nemo ægre feret, si dicamus id sciri non posse, & quo plus indageretur, plus indagandum relinquui, & quomodo enim definiri possit quod nullos habet fines? si quis vrgeat & vel vmbrailem delineationem cupiat, negando id fieri facilius quam affirmando putamus, ita de Deo Plato in Timæo: quid Deus sit, ait, non noui, quid non sit, noui. Ita Hipponensis Præsul August. ferm. 64. de verbis Domini, veram illam apud superos beatitudinem, depingit, omnem cuiuscunque mali contagionem ab ea remouendo: Facilius, ait, inuenimus, quid ibi non sit, quam quid sit. In cælo non est dolor, non tristitia, nulla penuria, defectus nullus, non morbus, non mors, nullum malum. Ita & de ÆTER-

NITATE loqui possumus, quidquid enim in hac vita videmus, & per exteriores sensus admittimus ÆTERNVM non est. Quæ enim videntur (ait D. Paulus 2. Cor. 4.) temporalia sunt, quæ autem non videntur, ÆTERNA sunt, ita dicere licet; hoc meum gaudium, hæc voluptas mea & delitiæ; hic thesaurus, honor iste; hoc superbum ædificium, hæc vita mea, fluxa sunt, caduca sunt, ÆTERNA non sunt: ita quocumque digitum intendamus, moritura ostendimus, vulgi voces sunt: hæc structura æterna est, hoc monumentum immortale, ita & impatiens æternos suos dolores esse queritur. Sed breues nimium sunt æternitates istæ quas facile est verbis comprehendere; de vera æternitate quicquid dicamus, minus dicemus. Sic Augustinus, in Psalm. 61. Quidquid vis, inquit, dicis de æternitate: ideo autem quidquid vis, dicis, quia quidquid dixeris, minus dicis. Sed ideo necesse est aliquid dicas, vt sit vnde cogites, quod non potest dici. Trismegistus in Asclepio suo; Anima, inquit, horizon est eternitatis & temporis; quæ enim immortalis, æternitatis est particeps, quæ verò corpori à Deo infusa, particeps est temporis. Antequam verò ulterius progrediamur, ordini seruando videamus quid prisci æui homines; quid Romani, Græci, Egyptij, alijque de Æternitate senserint. Certè agnouerunt hanc, & variè depinxerunt.



## §. I.

*Varij Veterum de aternitate sensus & pictura.*

**P**rimò repræsentarunt aternitatem per Annulum, seu circulum, qui principio caret & fine, nulla sui parte incipit, nulla desinit, quod diuinæ aternitati proprium, ita cum Deus æternus, & ipsius duratio propriè dicatur aternitas, Ægyptij circulus Deum significabat. Persæ olim putabant à se tunc quam maximos honores deferri Deo, si editissimâ concensâ turri, celi circulum, illum appellassent, quin & Turcis in more positum (vñ Pierius fufius docet) manè ex altissima specula vociferari, Deus semper fuit, semperque erit: simul & Mahometem suum salutare Saraceni etiam Deum circulum nominabant. Mercurius ille Trismegistus, quem dixi, nominatissimus Philosophorum (qui tot libros scripsit quot nullus mortalium; si Seleuco & Menæco credimus) Deum spheram intellectualem esse dixit, cuius centrum sit vbique, circumferentia nusquam, quia nusquam maiestas Dei & immensitas terminantur. Ea de causa veteres Dijs suis templa struxerunt rotunda, sic Numa Pompilius Romæ rotundam eodem fertur sacrasse Vestæ, sic Augustus Cæsar, Agrippæ nomine Dijs omnibus templum rotundo ambitu dedicasse, & inscripsisse Pantheon. Hinc & Pythagoras vt Deum sempiternum ostenderet, à discipulis suis circumactu corporis adorari iubebat, & à Numa, teste Brissonio, statutum vt Deū adoraturi in orbem sese conuerterent. Ergo Deus priscis est circulus, sed circulus sine peripheria seu circumferentia & cuius centrum est vbique, quoniam omnium principium simul & finis est Deus, Iob c. 26. meritissimò exclamat: *Ecce Deus magnus vincens scientiam nostram: numerus annorum eius inestimabilis.*

Secundò repræsentarunt prisci æternitatem per spheram & globum. Ita Faustina Imperatrici moneta cula hac forma & effigie, globus erat cui insidebat Imperatrix, manum alteram protendens, sceptrum tenens alteram cum inscriptione, *ÆTERNITAS*. hinc veterum multi, mundum, quia rotundus, æternum fuisse censuerunt, quibus aptè Diuus

Basilii respondet: Circularis sit mundus, æterni circuli principium est centrum.

Tertio, *ÆTERNITATEM* priscis significabat & sella, quæ æternam quietem designabant. Nasamones Africæ populi maiorem partem non tantum sedentes expirare, sed etiam hoc situ humari volebant, quasi iam aternitatem & longam illam à laboribus cessationem adijssent. vñ tubinde hodieque Reges & Cæsares in subterraneis mausæolis componuntur sedentes taciturna & lugubri maiestate. Romanis etiam vñtatum, mortuorum imperatorum fustes statuas, similibus sellis effulcire, vt qui iam fruuntur æternitate. Sunt homines, qui secum ipsi ratiocinentur sepius in hunc modum. En ego à curis & laboribus tam male hætenus habitus & oppressus quin respiro, quin paulo non nihil, quin labores hos & molestos & longos desino? diu satis laboratum est; laborem tantundem & alij, quantum ego; quiesco iam igitur & cesso. Ita sellas sibi ponunt & ferias indicunt; sed o non diu duraturas! sellam locant & quietem amplexantur, sed nec loco suo, nec suo tempore, quam verè & sanctè aureus ille de Christo imitando libellus (lib. 2. c. 12.) aurem nobis vellicat his verbis: *Dispone & ordina omnia secundum tuum velle & videre & non inuenies nisi semper aliquid pati debere, aut sponte aut inuite, & ita crucem semper inuenies.* & *Tota vita Christi crux fuit & martyrium, & tu quæris requiem & gaudium?* Ergo sella in celo locanda est, non hic, inter tot turbas quietæ non stabit, & vt parcant sellæ huic omnia, mors demum euertet, requies vera speranda nulla est nisi æterna, si tamen vlla sit quies in hac vita, ista erit: totum se suaque omnia Deo. Deique voluntati penitus committere, illi ex toto fidere, cætera omnia vana ducere. Ita nos instruens Ecclesiasticus cap. 12. *Confide, ait in Deo & mane in loco tuo.* extra hanc animi quietem turbæ meræ, merum mare & magni fluctus & præsentis inferi, sed ad priscos redeo.

Quarto, per Solem & Lunam adumbrata est priscis *ÆTERNITAS*. Sol semper reuiuiscit, tametsi quotidie videatur mori & à seipso sepeliri; semper resurgit licet quotidie in præceptis eat & occidat, ita & Luna nunquam nõ recrefcit & ditatur, post mensuram suam.



suam paupertatem. Catullus bene monet in suis hendecasyllabis:

*Soles occidere & redire possunt:*

*Nobis cum semel occidit brevis lux.*

*Nox est perpetua una dormiendo.*

Apud inferos certe perpetua isthæc nox erit, sed sine somno: nemo illic dormit, quia hic dormierunt cum vigilandum fuisset: illic ergo vigilant post somnum in peccatis non longum, qui ipsi tamen si potuissent, longissimum fecissent, imo æternum. Alia longe ratio in cælo. Ecclesia Romana canit de Christi Martyribus: Lux perpetua lucebit Sanctis tuis & eternitas temporum, hic quies, hic voluptas est post labores & vigilas nō diuturnas.

Quintò, per Basiliscum monstratur à veteribus *ÆTERNITAS*. animal hoc omnium venenatissimum est, & solum, ait Horus Nilivus, humana vi manuque interfici nequit: imò tam virulentum est, ut herbas necet solo afflatu, animalia cætera fuget vel sibilis suis, aves cōticescere faciat quā primum adesse auditur. Refert *Ælianus* in *Africæ* solitudine iumentum defecisse, & ad illius cadauer, velut ad conuiuium quam plures serpentes conuenisse, at serpo basilisci sibilo fugatos arenas se abdidisse. *Æternitas* quæ vel in gaudijs vel in tormentis erit, à nullo præcidi, minuique, multo minus tolli aut declinari poterit, nec mirum si omnes, quibus est integra ratio perterrefaciat vel leuiter cogitata infinita sunt huius basilici volumina, immensi & inuolubiles gyri orbesque, heu tremendum draconem! Hic ad nos paululum diuertamus. Fit nonnumquam cum in semet descendit quispiam & instituendæ confessioni conscientiam rimatur, ut copiosos serpentum nidos & tota viperarum agmina reperiat, mireturque secum ipse; Et quæso vnde tantum veneni in meo pectore, vnde tot pingues colubri, tot mortalia peccata? vnde tantus lacertulorum exercitus, vnde tot feedæ & libidinose cogitationes: horreo ipse tam numerosam pestem, ne mireris, causam facile pandemus, generandis serpentibus valde aptus est locus & humidus & neglectus. En duplex causa, & humor loci & negligentia eorum, qui curare deberent, idem prorsus est in animo humano, si pleraque omnis cura impendatur corpori, delicate id tractetur, laute nutriatur, epulis sagi-

netur, voluptatibus mulceatur; animus, incolam illius in humido habitare fatendum est, si iam accedat incuria & neglectus, diuinorum, vix vlla salutis ratio habeatur, modo saluum sit corpus, quid, quid fiat animo, si deinde confessio sit rara & fere perfunctoria, quid mirum plurimos hic nasci serpentes, plurimos reperiri letales noxas? At, ô bone Christiane, immitte pectori tuo hunc basilicum, admitte cogitationem de *ÆTERNITATE*, & senties paulatim euanescere virosas has bestias, fateris ipse cor tuum scateris his angibus signum, ergo est te raro hæc tenus aut nunquam de *ÆTERNITATE* cogitasse, emenda, & vel iam incipe assidue illud in animo voluere: *Momentaneum quod delectat, æternum quod cruciat.*

Sextò, in hunc denique modum pingebatur æternitas, Antrum statuebatur ingens, formidabile, hoc circumplexu suo cingebat serpens & in illa reuolutione caudam sibi admodorabat, ad antri dextram stabat iuuenis amœni & floridi vultus, arcum læuâ & duplices sagittas, dextrâ citharam gerens, huic in ipso antri aditu senex sedet oppositus, & attentum in tabellam vultum defigens, scriptitatur, si quid vel cœlestis globi motus vel adstans iuuenis diceret scribendum. ad leuam huius spelæi matrona sedet exertato vultu & cano capite. ad ostium specus quatuor sunt gradus, alius alio altior, primus ferreus, secundus æneus, argenteus tertius, aureus quartus. in his ludentes & vagabundi pueruli oberrant lapsus & periculorum securi. hæc pictura est, picture sensus est ista: Antrum *ÆTERNITATIS* incomprehensibilitatem significat, vipera in orbem replicata, Tempus; iuuenis, Deum, in cuius manu, cælum, terra, inferi: terra & tartarum tela Numinis excipit, cælum citharam dumtaxat nouit & gaudia; senex ille fatum, seu, quod Deus ab æterno effatus est; femina, Naturam, distinctas ætates & sæcula, gradus distincti, pueri per gradus discursantes, res creatas designant, maxime hominem in rebus suæ salutis ludibundum, & in ipso *ÆTERNITATIS* ingressu iocantem. Eheu, mortales, diu satis lusimus in ipsis summis periculis: *Æternitati* proximi sumus, in illius aditu consistimus dum viuimus, leuissimo mortis impulsu sit, & iam in tota sumus *ÆTERNITATE*.



TATE, non opus est vt mots magnis viribus in nos pugnet aut longo tempore, momento præcipitatur, & è gradibus istis deuoluimur in ÆTERNITATIS Oceanum. Cogitate, vos qui in gradibus hic luditis & omnia alia quam ÆTERNITATEM cogitatis, forsan hodie aut cras in illa futuri.

## §. II.

*Arcanus Scripturæ sensus aperitur.*

**C**Aput hoc de pictura & typo ÆTERNITATIS sacra pagina diuina veritate non incommode interpellabit. Nabuchodonosor Rex Babylonius, cum tres Hebræos iuuenes impia iussa detractantes in accensam fornacem conijci iussisset, flamma super fornacem effusa est cubitis quadraginta nouem. Res omnino miranda, nec sine certo mysterio; ecquis rapacissimæ flammæ volatilem altitudinem tam accuratè mensus est, quis illuc ascendit & mensuram regulam applicuit, & cubitos non quinquagenos sed nouenos tantum supra quadragenos deprehendit? neque vero ita loqui solemus, sed viginti, triginta, quinquaginta numeramus, etsi paullo plures sint aut pauciores quos numeramus, hic vnicus cubitus ad quinquagesimum numerum deesse dicitur, mysterium hic est & arcanus sensus, numerus quinquagesimus, Iubilæum olim significabat: at flammæ in Orcianianâ illa Babylonianâ, etsi supra omnem modum tam in corpora, quam in ipsas etiam animas sæuiant, & immane quantum supra omnes huius vitæ cruciatus excreuant, nunquam tamen eò pertingent, vt iubilæi gratiam attingant, apud inferos Iubilum nullum est, nulla venia, tormentorum finis nullus, nunc illud Iubilæum est, non singulis tantum centenis aut quinquagenis annis; singulis diebus est, singulis horis, momentis. vna pars horulæ veniam nunc impetrare potest, quam non potest tota illie ÆTERNITAS. vna iam dieculâ plus debitorum potest dissoluere, quam in lustralibus ignibus ipsi toti anni aut secula. Huic & aliam diuinæ pagine explicationem addamus. Cum Iordanem Dei populus transfret, aquæ inferiores in mare solitudinis (quod nunc vocatur mortuum) descenderunt, vsque quo omnino deficerent, & Ecclesiasticus, cap.

20. Est, inquit, qui multa redimat modico pretio. duo hæc testimonia Scripturæ coniungit Galfridus & super ijs sic diserit: si perennis tibi amaritudo debetur, & euadere potes, percipiens temporalem, magna vtique paruo pretio redemisti. Fateor, mare est in quo nauigas, sed mare mortuum, & quantas gratiarum actiones debes Deo, quod mare saluum, insanum, intransmeabile merueras, & ecce illud tibi mari mortuo misericorditer cōmutauit, vtinam per mare mortuum ad terram viuentium valeas pertransire, comparat hic scriptor omnia huius vitæ aduersa mari mortuo, æterna verò supplicia mari saluo & intransmeabili, nemo vtumque euadit, aut hoc aut illud nauigandum est, quid agis, o homo? (exclamat D. Chrysostom.) cælum paras ascendere, & interrogas ne qua tibi difficultas occurrat; quicquid faciamus, hoc mare mortuum transendum est, penes nos, est an in tranquillum portum beatitudinis appellere velimus. Fons sapientiæ, verbum Dei in excelsis, & ingressus illius mandata æterna. Quod si ab huius aui theologo Cornelio de Lapide quæritur. *Quid est ergo Æternitas?* Est circulus (dicit) in se recurrens, cuius centrum est SEMPER, circumferentia NVS QVAM, hoc est NVN QVAM FINIRI, quid est Æternitas? est orbis vndique rotundus, sui que similis, in quo non est principium nec finis. *quid est Æternitas?* est tota quæ semper voluitur, & voluetur in omne volubilis æuum. *quid est Æternitas?* est annus iugiter renolutus, qui vbi moritur & occidit, ibi & renascitur rursumque oritur, *quid est Æternitas?* fons iugis, in quo per mæandros, aquæ ad suam semper refluunt originem, vt iterum fluant. *quid est Æternitas?* perennis scaturigo, iuges emanans aquas, sed aquas vel benedictionis suauissimas, vel amarissimas maledictionis, *quid est Æternitas?* Labyrinthus innumeris sese gyris intorquens qui ingressos perpetuo circumducit, circumagit & perdit, *quid est Æternitas?* Est abyssus spiratum & renolutionum; est spira semper gyrans & circulans in immensum, *quid est Æternitas?* anguis orbiculatim in se flexus, caudam ore complectens, qui in sui fine rursum semper incipit, & incipere nunquam desinet. *quid est Æternitas?* est duratio semper præsens, est vnum per



perpetuum H O D I E, quod non transit in præteritum aut futurum. *quid est Aeternitas?* est ævum ævorum, ait Dionysius, capit. 10. de diuin. nomin. quod non interit, sed eodem modo semper se habet. *quid est Aeternitas?* est principium sine principio, sine medio, sine fine, est in æge, interminatū, semperque inchoans principium: in quo beati beatam vitam continuo auspicantur, nouisq; voluptatibus perpetuo affluunt: in quo damnati semper moriuntur, postq; omnem mortem mortisque luctam rursus iugiter mori & cum morte luctari incipiunt, quamdiu Deus erit Deus, tamdiu beati erunt beati, tamdiu regnabunt & triumphabunt; tamdiu damnati erunt dammati, tamdiu ardebunt & clamabunt: *Cruciamur in hac flāma cruciandi & torquendi Aeternū.*

## S. III.

*Aeternitatis locus cur mansio dicatur.*

**A**lexandrinus Pontifex Ioannes, summæ pietatis vir, ad ægros visēbat sapiens, socium habebat quandoq; Troilum Episcopum, numotum magis quam agrotorum amentem. huic in aurem insurreptans Ioannes: Amabo (inquit) frater, amicos Christi iuuenimus, calidus ad hæc Troilus & animi morbum vātrē dissimulans, pecuniam omnem, quam tunc seruus rebus emendis alijs secum ferebat, egenis dari præcepit, nec ita multo post febricula cœpit tentari, quam ei creauit avaritia, audit hoc Alexandrinus Patriarcha, & morbi causam, quæ erat facili coniecturâ affecutus, tantundem argenti, quantum nuper inter egros distributum, secum ipse ad febricentem attulit, & producto nonnihil sermone: Iocabar, inquit, nuper & à te stipem ægrotis rogabā, cum ea seruo meo decesset, & en bonâ fide muruos Philippeos refero, & gratias ago. Vidit Troilus præsentem monetam, & mox docilis illa febris remittere, astutus mitigari, & omnia in melius habere, itaque & ad prandium valentior surgere, & vnâ ire ad mensam secundum meridiem, finitisque epulis Troilus domi dormire cœpit & suauiter meridiari. vidit hic per somnium amplissimas ædes, & in illarum fronte supra ianuam, hunc titulum: *Mansio æterna & requies Troili Episcopi*, gaudet somnians, sed mox aliud videt & dolet, adest qui adductis secum operis serio

imperans: Tollite, inquit, hanc ædium inscriptionem, & illam eius loco suffigite, *Mansio æterna & requies Ioannis Archiepiscopi Alexandria, emptæ libris triginta argenti*, horruit ad somnium istud Troilus, nec vanū esse voluit, & ex avaro atq; immitti, multo liberalior, in egenos præsertim euasit, hoc illi vel in somnis, *Æterna illa mansio* visa præsuasit. verba ipsius Leontij hæc narrantis: fideliter omnia adnumerabo; narratio fusior est & in amentioris styli, sed quæ priscam pietatem ac simplicitatem sapiat, auaritia quæ sordes insigniter depingat.

Pergebat aliquando hic beatus ad visitandos pauperes, in locum qui dicitur Casarium, illic enim eis fecerat quasi tholos quosdam prolixos, ligneis tabulis pavimento strato ad requiescendos eos, & simul cum floreis & rachanibus per totam hiemem, cum quodam episcoporum eorum qui cum eo erant, amatore pecunie, passibili modo presso. Dixitque beatus patriarcha ad eum: Ama ac honora frater Troile fratres Christi: hoc enim ei erat nomen. Nuntiauerunt enim quidam Patriarchæ quod triginta libras auri portaret in ipsa hora domesticus eiusdem episcopi Troili, ut emeret speciem argenti anaglyphi, gratia mensæ suæ. Episcopus autem tantquam veritus sermonem Patriarchæ, imo ad horam calefactus, singula dari omnibus fratribus præcepit ei, qui triginta libras illas portabat. Celeriter ergo huiusmodi auri quantitas erogata est. Recedentibus itaque vtrisque Patriarchæ scilicet, & qui inuitam (ut ita dicam) elemosynam fecerat, Episcopo Troilo, in proprijs episcopis velut quadam amens & anima periculosa in eum cogitatio irruit, propter pecuniarum dationem, horroris & amoris pecunie, & credulitatis & negligentie: genimen cum sequebatur, febre extra naturam mixta propter quod ægrotus inuitus in lectum cecidit. Hebdomadario ergo à sanctissimo Patriarcha ad eum veniente, & ad mensam eiusdem Patriarchæ eum inuitante, recusauit: frigore enim & febre se vexari, pro quadâ causa dicebat. Igitur cū hoc audisset Patriarcha, mox agnouit causam, quia propter exitum viginti librarum, infirmatus est ille inuitus elemosynator. Erat enim (ut prædictum est) valde immisericors & amator pecunie. Non fufferes ergo beatus se quidem super mensam reficere, illum autem super lectum cruciari graviter, peruenit celeriter ad eum illo.



eum ille vere sine superbia, & dixit ad eum hilari vultu: Fac charitatem fili Troile: Æstimas quod in veritate dixerim tibi fratribus huiusmodi dare? crede mihi per iocum dixi tibi dare; Ego enim volui prestare eis singula munifera propter Sanctæ festivitatis, sed quia non habebat distributor meus secum sufficientem quantitatem, huius rei gratia mutuum dedisti eam mihi, & ecce attuli tibi illas 30. libras. Vt vero vidit quantitatem episcopus in honorabili manu sapientis existentis medici & pastoris, febris quidem subito disparebat, frigus etiam recedebat, fortitudo quoque & corporis eius calor ad eum reuertebantur. Vt ex hoc non posset latere, hanc esse causam repente eum comprehendentis commutationis. Suscipiens ergo aurum ab honorandis manibus Patriarchæ, & nihil omnino contradicens, expectabat ab eo Patriarcha conscriptionem abrenunciationis mercedis earum quæ data sunt, tringinta auri librarum. Fecit autem hoc cum gaudio Troilus episcopus, scribens proprijs manibus ita: Deus domino meo Iohanni beatissimo Patriarchæ huius Alexandrinorum Magnæ ciuitatis, da mercedem tringinta librarum quæ data sunt, quoniam ego recepi mea. Hoc scriptum itaque sanctus accipiens, sumpsit secum & eundem Episcopum ad prandium. Vt enim iam dictum est statim sanus factus est. Volens ergo mercedis redditor Deus corripere eum, simul autem & ad miserationem contri- bulatorum & compassionem erigere, ostendit ei eadem die dormienti post prandium Patriarchæ in somnis, quæ mercede priuatus esset. Vidit enim, ut ait, domum cuius pulchritudinem atque magnitudinem non potest ars hominum imitari, & ianuam huius totam auream, & super ianuam titulum conscriptum. Mansio æterna, & requies Troili Episcopi: Cum ergo hoc, inquit, legissem, gaudisum sum; sciebam enim donandam mihi ab Imperatore talis domus epulationem. Nondum autem huius modi tituli superscriptionem perlegeram, & ecce quidam regius cubicularius, habens secum & alios obsequij diuini: & cum peruenisset ad talem nitentis domus ianuam, dixit ad proprios officiales: Deponite mihi titulum. Et cum deposuissent, iterum dixit: Mutate eum, & ponite quem misit orbis terrarum Rex. Et attulerunt & adfixerunt aliud, aspiciente me, superscriptum ita. Mansio æterna, ac requies Iohannis Archiepiscopi A-

lexandriæ, emptæ libris tringinta. Et cum hoc vidisset, surrexit à somno & magno summo- que pastori, quæ visa sunt ei in somnis, enarra- uit. Proficiens ea de causa Troilus episc. factus ex tunc eleemosinator magnificus (Leontius Neapoleos Cyporum episc. in vitâ S. Iohannis eleemosynarij c. 26. interpret. Anastasio S. R. E. Bibliothecario.)

O beatæ mansiones, & ideò beatæ quia æ- ternæ? quam cupit Christus vt tabernulas no- stras & tuguriola breui ruitura fastidiamus, illas amemus, ad illas properemus MANSIO- NES ÆTERNAS: In domo Patris mei (inquit, Ioan. 14.) mansiones multæ sunt, nemo hinc arceatur nisi à seipso; locus neminem excludit, longè quàm amplissimus; tempus neminem expellit, mansio illic est & quidem MANSIO ÆTERNA.

O æternæ, misericors Deus: ò æterna veri- tas, ò vera charitas, ò chara æternitas! cæci- tati nostræ sic medere, vt è præsentibus & breuibz ærumnis, agnoscamus futuras, hor- ribiles, æternas pœnas; duc nos & doce nos, vt bona peritura sic possideamus, ne amittamus æterna; commissas noxas sic lugeamus, vt sup- plicium euadamus æternum; sic nos geramus in hospitio, ne MANSIONIBZ ÆTERNIS excidamus; sic progrediamur in viâ, ne re- pellamur à patria.



## CONSIDERATIO

## SECUNDA.

In quibus natura representet Æter- nitatem.

Æternitatem ergo agnouerunt etiam ido- lolaræ, qualemcunque illam, quam & per certa signa descriperunt, Deus enim illis manifestauit, ita vt sint inexcusabiles, (Ad Ro. 1.) quanto iam commendatior debet esse hæc cogitatio Christianis, quibus Æter- nitas aliter longe meliusque depingitur, pro- pter quod inexcusabilis es, ò homo quisquis saluberrimam hæc æternitatis memoriam, et- iam monitus, tradis tamen securæ obliuioni. Sepe tibi in oculis sunt annuli & circuli, sphe- rula



rule & globi, sella & sessorij lectuli, Sol & Luna oculos identidem incurrunt, & hæc aspecta eternitatis tibi memoriam ingerunt. Sed & natura ipsa, bona mater ea in publicum proponit, quorum aspectu audituque ad eternitatem meditantiam inuitaris.

Memorat Solinus, Arcadix lapidem (Asbestos dicitur) ubi flammæ semina conceperit, continuis pœne ignibus ardere. Ideo in delubris olim & sepulchris ex illo lampades concinnabantur, cuius etiam D. Augustinus meminit, lib. 21. de Ciuit. c. 5. Addo Plinium. Volaterranum, Dioscoridem, plures alios qui mira referunt de lini quodam genere. varij hoc nominis est, nam Asbestinum, Carystium, Indicum, sed & viuum vocatur. hoc igni non tantum non consumitur, sed lauatur, & extergitur. Ideo regum aliquot cadauera rogis iniicienda & cremanda, tali linteo fuerunt obuoluta, vitandæ confusioni cinerum, & his ab illis distinguendis. Ex hoc lino mantile habuit Nero, quod contra gemmas atque aurum pretiosum æstimabatur. En tibi duccem & magistram naturam, quæ digito id monstrat quod suam in ignibus mortem non reperiat: ita damnati omnes ardebunt & non desagrabunt. vrentur perpetuum, & nunquam consumuntur, quærent in his flammis mortem, non reperient. rectè Ammandus in Horolog. sapientiæ exclamat. O vix æternum, nunquam finem habiturum! ò finis sine fine, mors grauior omni morte, & non posse vñquam emori. ita diuinus Isaias, ca. vlt. *Ignis eorum nunquam extinguetur.* Et Apocalypcticus ille angelus, cap. 9. *Desiderabunt mori & mors fugiet ab eis.*

Salamandram in ignibus viuam aliquanto certè tempore durare posse, præter Aristotelem, Plinium, Galienum, Ælianum, Dioscoridem, etiam D. Augustinus credidit. frigidissimum hoc animal est ex imbris natum; sol & siccitas mors illi sunt, hinc in flammis, Plinij sensu, perinde vt glacies durat. è pelle illius lychni fiunt perpetui lampadibus instruendis. Bonus Deus, qui Salamandram è terrâ & luto producit, formauit & hominem ex eodem scilicet auro, sed natura longe nobiliori, minuit eum paullo minus ab angelis (Psalm 8.) certe idem illi quod angelis regnum assignauit, post vitæ tirocinium,

habitandum. Sed (Psalm 48.) homo cum in honore esset non intellexit: comparatus est iumentis insipientibus, & similis factus est illis. sua ipse malitiâ talem se fecit Salamandram, quæ in flammis æternis seu viueret semper, seu semper moreretur. In igneis illis inferorum ergastulis omnia æterna sunt, sex tamen præcipue ista.

## §. I.

*Quanam apud inferos sint æterna.*

1. **D**amnatus ipse æternus, immortalis est. nullus alterum, nec seipsum vllus poterit interimere. quærent mortem & non inuenient eam. (Apoc. 9.) imò hoc ipsum moriendi desiderium, quod scient nunquam explendum. ingens illis sumentum erit.

2. Carcer ipse æternus est, ruere non potest, non effringi, non suffodi, montibus atque rupibus obleratus est. hæc serra atq; repagula nimium firma sunt, nulli concessura egressum, si quis damnatorum ante iudicii diem inde ad nos comect, Deo id permittente sit, sed suos ille secum inferos circumfert, à cruciati non immunis. Occurrit hic duorum Theologorum disputatio nō vana, de situ locoque corporum apud inferos, illorum alter Geometer simul non radis, in hunc ferè modum differebat. Certum est è Christi ore, maximam hominum partem damnandam ita vt beatorum pauci sint futuri, ad incredibilem illum numerum damnandorum. Veritatis verba sunt: *Intrate per angustam portam, quia lata porta & spaciola via est, quæ ducit ad perditionem, & MULTI sunt qui intrant per eam: quàm angusta porta, & arcta via est, quæ ducit ad vitam, & PAUCI sunt, qui inueniunt eam.* Matth. 7. Quæso te, crediturnè hoc in mundo? num hæc Christi verba esse censentur? sed ad institutum: terræ medium & centrum inferorum sedes est, & qui possit hæc (enimverò dimetiamur) tot miliones hominum satis capere, nisi dicamus corpus illic à corpore penetrari? non hoc necesse esse est, ait alter: sed erunt sicut haleces in dolio, inter quos arctè compressos sal tantum medius est; ita inter damnatos ignis



nis, aut erunt sicut lateres in calcaria fornace; alter alteri haeret. flammæ vis omnes penetrat, diuina scriptura clarè assentitur, alia tamen similitudine: *Sicut oves in inferno positi sunt, mors depascet eos.* Psal. 43. non erunt ut oves in pascuis, sed ut in macello iam iugulatae, & in cumulum vnum proiectæ. Ergo & damnatorum locus æternus.

3. Non minus æternum est ignis ille nullis umquam sæculis extinguendus, Christus apud Matthæum ca. 26. nimis quam clarè præmonet: *Discedite à me maledicti in ignem æternum.* Audis? æternum. hunc ira diuina sufficit nunquam sopiendum; Isa. c. 40. & 34. attestatur: Flatus Domini sicut torrens sulphuris succendens eam, nocte & die non extinguetur, in sempiternum ascendet fumus eius. Pariter relata sunt (inquit Aug. l. 12. de Ciui. c. 23.) hinc supplicium æternum, inde vita æterna. dicere ergo vita æterna: sine fine erit, supplicium æternum habebit finem, valdè absurdum est. Quis cunctabitur plenè conuerti?

4. Equè ac cetera æternum, vermis est & conscientia ob præteritam vitam afflictissima & desperatissima. Vermis eorum non moritur, prædicit Isaias, ca. 66. hoc olim poëtæ è sacris, litteris in fabulas transtulerunt; quid enim aliud Virgilianus ille Tityus, qui quotidie aduolanti vultui iecur præbet erodendum aclacerandum quodque proxima semper nocte in nouam lanienam renascitur? quid hoc aliud nisi vermis iste, & conscientia perpetuis moribus discerpenda?

5. Hic est sententia vltima & omnium nouissimum iudicis Christi decretum, decretum heu irreuocabile, immutabile, æternum. nulla ab hoc ad alium iudicem appellatio aut prouocatio, nullaque apud Iuriconsultos replica aut triplica, reuocatio nulla, nullæ comperendinationes aut induciæ, quod semel huius iudicis ore pronunciatum est renouari non potest in omnes omnino æternitates. mater nostra, Romana Ecclesia, in Officio mortuorum, nocturno tertio, responsione prima, fideliter nos monet, sepiusque illud occinit: *Peccantem me quotidie, & non me poenitentem, timor mortis conturbat me, quia in inferno nulla est redemptio.* Nulla, nulla, sed æterna desperatio: sanguis Christi, etiam recens fusus in Golgotheo monte, & ad

satisfaciendum efficacissimus ad damnatos tamen non pertigit. Si iugum Domini, inquit Bernardus, iugum poenitentis, suauis non creditur in seipso, vel hoc non ignoratis, quia suauissimum est comparatione illius, de quo dicitur: *Ite in ignem æternum.*

6. Quod sine caret apud inferos, est poena damni, quam vocant æterna diuini aspectus privatio, quæ cum omnibus alijs inferorum tormentis & cruciatibus finem nullum habebit, neque enim hic vlla esse potest satisfactio. Et quamuis hæc tormenta durent aliquot mille milliones annorum, tamen nec vnicus quidem dies, imò nec horula, nec momentum quieti & respiracioni conceditur. tormentorum quidem varietas erit & vicissitudo, sed in maiorem poenam & dolorem. Christus disertissime præmonuit per Matthæum capite 7. 22. 24. non semel: filij regni eiciuntur in tenebras exteriores, ibi erit fletus & stridor dentium, fletus in igne, dentium stridor in frigore & glacie. Qua ratione igitur homo tam sui quam Dei obliuisci, & quomodo adeo in pecudem degenerare, imò in saxum & rupem indurescere potest, ut, cum inexplicabiles illos & infandos cruciatus eternitate tota duraturos cogitat, nil formidet, non horreat, non sibi ipse dicat: re ipsa in via sum ad æternitatem, & forsitan via hæc breui finietur: in gradibus eternitatis iam sedeo, quouis leuissimo impulsu, hinc præcipitor in immensam voraginē, quod si tam molestum & intolerabile videtur, vnicam solum noctem vigilantibus & inconniuis oculis, in mollis tamen lecto, suspirare & gemere, ob capitis, aut alterius membri, ob dentium aut calculi dolores, cum serū manè vix expectari potest, cum sol in via hædere creditur, cum nox vna videtur hebdomas. & tamen in plurimis cubatur, spes est mansuetioris diei, solatium & subsidium à medico expectatur. Ah! quid erit ergo in flammis, mille atque mille & iterum mille annis, noctes diesque vigilare, esurire, sitire? ardere, membris omnibus extreme cruciari, refrigerium nullum, quietem nec minimam sperare, desperare omnia, atque sic vltulari & torqueri per infinitas sæculorum myriadas, & finem horum non tantum nullum esse, sed nec vllum sperari posse. Ibi (inquit Thomas à Kempis.



à Kempis, libro 1. capite. 24. de Christi imitatione) erit vna hora grauior in pœna, quam hic centum anni in amarissima pœnitentia. Ibi nulla requies est, nulla consolatio damnati. O Domine, ne in furore tuo arguas me, neque in ira tua corripas me, (Psal. 6.) Delicta iuuentutis meæ & ignorantias meas ne memineris, Psal. 24.

§. II.

*Cur gehenna sit æterna.*

**H**ic ad rem nascitur questio à cunctis sciri dignissima quomodo fieri possit vt Deus misericors ille & bonus, & cuius misericordia super omnia opera eius, nihilominus tamen vel vnicum lethale peccatum vel momento, vel sola etiam cogitatione patratum, iustissimè puniat in omnem prorsus æternitatem, ita quidem vt illud nunquam satis puniri queat, & quotquot annorum millia peragentur, tamen nunquam dici possit iam satis punitum est hoc crimem, iam satisfecit reus iste, iam cogitationem malignam, qua Deum offenderat eluit. Et hæc optimorum theologorum mens est, solam morosam delectationem mortale peccatum esse. delectationem morosam vocant eam, cum quis impuram & libidinofam cogitationem animo voluens non quidem statuit re patrare quod cogitat, sed cogitatu illo suo sciens & volens immoratur & delectatur. Ergo cogitationi vnicae rogos æternos Deus decreuerit: & quæ hæc equalitas est, peccato momentaneo, quod nemini noceat, supplicium æternum statuere? vt quid beatus Dauid Psalm. 11. vociferatur: Confitemini Domino, quoniam bonus: quoniam in æternum misericordia eius, vt quid hoc vices septies repetit, si Deus tam seuerus est? Ad hæc respondent D. August. D. Gregorius. D. Thomas Aquinas, 1. 2. q. 87. ar. 5. ad 2. & alij: culpam in quouis mortali peccato ex natura sua esse infinitam, quia peccatum iniuria est in infinitam Dei maiestatem. accedit & illud quod qui moritur peccati lethalis cōcius, nec dolet admissi, tantūdem facit ac si æternum peccasset, siquidem ei æternū viuere cōcessum fuisset, peccandi voluntatē non amisisset, sed vitam, semper peccaturus si semper victurus; ita non peccare desijt, sed viuere. Ius super & istud hic considerandum: damnatum hominem quantumcunque debitorum

persoluat, nunquam tamen satisfacere, cum enim vt hostis, apud Deum in gratiā non sit, solutio eius digna non est quæ acceptetur, quando nec ipse homo est acceptus, sed nec debitorum quidquam persoluit talis, cum nihil faciat, sed solum patiatur eas, quibus iniustus plectitur pœnas. ab exemplo res magis parebit. Debet quis vicino mille philippeos, quos ab illo accepit, domum suam censui perpetuo subiiciens, pensum quotannis soluturus. Intra viginti annos totidem philippeos persoluit vicino quot ab eo accepit. num ergo ab omni iam debito liber; nil restat soluendum; totum omnino pecuniæ caput; quod tam integrè soluendum remanet, ac si nil vquam fuisset exolutum; ea enim talium conuentorum lex est, vt numeratæ pecuniæ caput semper integrum permaneat, etsi redditus annuus semper persoluantur, sic prorsus damnati quidquid demum pœnarum persoluant, ære tamen alieno nunquam exeunt æterni debitores, perpetui Deo tributarij. Isaias cap. 1. vaticinatur: Et erit fortitudo vestra vt fauilla stuppæ, & opus vestrum quasi scintilla, & succenderetur vtrumque simul, & non erit qui extinguat. Tiberium Cæsarem olim narrat Suetonius libro 3. capit. 6. in recognoscendis custodijs cuidam pœnæ maturitatem precanti respondisse: *Nondum tecum in gratiā redij.* Christus iustissimus iudex, non tyrannus, non Tiberius est, sed etsi damnatus quispiam post mille annos in flammis exactos mortis maturitatem rogaret, idem tamen ei responderet: *Nondum tecum in gratiam redij.* Roget hoc idem post alios mille annos; idem audiet: *Nondum tecum in gratiam redij.* Roget hoc post centum millia annorum, non aliud respondebitur. Roget hoc post aliquot milliones annorum, idem semper Christus iudex opponet: *Nondum tecum in gratiam redij.* nec redibo; redire olim volui, gratiam meam millies atque millies tibi obtuli, sed tu repulisti eam? amicus esse volui imo pater, sed tu noluisti esse filius. dissimulaui, tacui, expectaui quadraginta, quinquaginta, sexaginta annis, si forsitan mutares animum & vitam, sed nulla secuta est seria aut constans pœnitentia; despexisti omne consilium meum & increpationes meas neglexisti; exosam habuisti disciplinam, & detraxisti vniuersæ correptioni



meæ, comede igitur fructus viæ tuæ tuisque consilijs saturare. *Prouer. cap. 1.* Ego in interitu tuo ridebo æternum, nec aliud tibi iustitia mea post infinita sæcula respondebit, quam quod *Nondum tecum in gratiam redierim?* O superi! ô Deus! ô peccatum! ô præcipitium humani generis, in barathrum tormentorum, in æternitatis luctuosissimam abyssum: sed iustus es, Domine, & rectum iudicium tuum, *Ps. 118.* Iustum est æquum est vt qui per pœnitentiam oblatâ nunquam vti voluit misericordiâ per pœnam semper intentatâ puniatur iustitiâ.

## S. III.

*Alij ad Æternitatem naturæ ductus.*

**S**ed ad naturæ magisterium redeo circa æternitatis considerationem. Felix Faber (inquit lib. 2. de rebus Sueuicis:) thermæ reperiuntur in montibus & scopulis, tanto talique sonantium aquarum collisione & murmure, vt qui illuc valetudinem curaturi conueniunt, si primo thermarum ingressu certum symphonix genus, & instrumenta sibi musicale audire imaginentur, tam assiduo fragore aures illis obtundantur, vt musica initio suauissima, imaginatione diurnâ in fastidium & cruciatum abeat: ij verò qui tympanum sibi, aut sonorum magis instrumentum imaginati sunt demum penè insaniant ob molestissimū assidue obturbantem strepitum. Etiam hic ad cogitandā æternitatem ducimur sub montibus illis, inferorum claustris, clamor ille, ploratus, fragor, ululatus qui primò ingressu cœpit, nunquam desinet, aures & non imaginationem tantum cruciabit assidue, nec assidue quidquam horum mitigari poterit. Ita è contra inter beatos cœleste illud Trisagion, Sanctus, Sanctus, Sanctus, non tantū nec minimū tædij creabit, sed nouâ semper voluptate audietur Christus cū Samaritanâ feminâ collocutus, mentionē æternitatis æternæque vitæ ultra quam vigesies iniecit Et qui autem biberit ex aqua quam ego dabo ei, non sitiet in æternum, sed fiet in eo fons aquæ salientis in vitam æternam, (*Ioannis. 4.*) utinam & nos cum Samaritide hos fontes sitiremus, & serijs precibus rogaemus. O Domine, da mihi hanc aquam, vt non sitiam; da,


ô Christe, vel guttulâ huius aquæ, vel aliquod saltem desiderium æternæ vitæ.

Sed aliud habet quod monstret Natura. Anno post Virginis partum octogesimo primo, (vti Suetonius, in Tit. ca 8. Dion. in Tito, & Plinius Secundus ep. ad Tacit. fufius memorant) Calendis Nouembribus, horâ septimâ ad montem Vesuium in Campaniâ horribilis flammæ eruptio facta est, quam præcessit inusitata siccitas & graues terræ motus: auditi etiam subterranei sonitus, velut si conitrua mugirent: dein mare fremere & magnum fieri, calum omne resonare, quasi montes in conflictum corruerent, tum verò ingentia saxa subsilire, mistis fumo flammisque aer omnis infici, sol ipse occultari: vnde plerisque persuasum, mundum in chaos redigendum aut igne absumendum. tanta namque copia cineris effusa est, vt terrâ, mare, aërem compleret, hominibus, prædijs, pecoribus maximo illato damno, piscibus atque volucribus necatis, duabus vrribus, Herculano & Pompeijs, dum populus in theatro spectaret, penitus obrutis. Atque hæc aliaque id genus cauernosa præcipitia & monitum iuga quæ continuis ignibus flagrant, nec tamen vnquam consumuntur aut deflagrant, viuæ exempla à Deo hominibus data esse, incendij apud inferos *Æterni*, quo fontium corpora semper vrentur nunquam cōburentur, Tertullianus imprimis *Apol. cap. 48.* Minutius in *Ostauio*, & Pacianus de pœnitentia & confess. declarant. Vide mi homo, quàm etiam hic natura soletter præcat & manu ducat ad contemplandam *ÆTERNITATEM*.

Ipsū denique tempus nostrum, signum est & quasi vestigium æternitatis. Cuperet natura, è signo signatum disceremus, nostroque tempore æternitatem illam metiremur. Augustinus in *Sent. sent. 270.* Inter temporalia, inquit, & æterna hoc interest, quod temporalia plus diligantur, antequam habeantur; vilescant autem cum aduenerint, non enim satiat animū, nisi incorruptibilis gaudij vera & certa æternitas. Æternum vero ardentius diligitur adeptum, quam desideratum, quia ibi plus adeptura est charitas, quam fides credidit, vel spes desiderauit. Ah! quomodo non sordet nobis terra breui descenda cum cælum aspiciamus æterno dominio possidendum.

CON.





## CONSIDERATIO

## TERTIA.

*In quo potissimum Aeternitatem suam Romani  
veteres collocarint.*

**P**linius Secundus epistol. 2. ad Tacit. Beatos puto, ait aut facere scribenda aut scribere legenda, beatissimos vero, quibus utrumque. Ita tribus modis censebant Romani, sui nominis, famæque æternitatem ad posterum transmitti posse. Primò scripserunt, & præclara & multa: sed non præclara omnia, non casta & sancta vniuersa; natos etiam suos, turpitudines & libidines chartis commiserunt, via ad æternitatem non honesta & regia. Deinde quos libri, autores suos moriendo auerterunt, & ad Platonis animû, similes fuerunt hortis Adonidis tam citò mortuis, quam natis: non diu placebant quæ citò placebant. At viuant sanè Romanorum omnium libri perpetuum, nemo tamen eorum à suo libro poterit aliquid vitæ in se transferre.

Secundò non scripserunt tantum Romani; sed & fecerunt scribenda facinorosa docto ac eloquenti calamo digna, & hæc varij discriminis. siquidem in plurimis æternitatem quæsiuerunt, in nullo inuenisse, fides nostra nos docet. Magni fuerunt, non negamus, in rebus civilibus & bellicis, domi forisque; admirandi fuerunt in artibus & scientijs magnifici & effusi in spectaculis, & donis; obstupescendi in ædificijs, mausolæis, sepulchris, statuis; exemplo sint hæc paucula breuissime perstricta:

Ludos fecit Augustus suo nomine & sumptu vices quater, expensis ætarijs vices ter, nullus aurum infra quingentes aut milles HS stetit: sunt nostræ monetæ 2500000, philippi, seu coronati; sescqui tertius millio, & hæc tanta pecuniæ vis in vnicum tale spectaculum effundebatur: infans & parcissimus sumptus in singulos ludos ab Augusto editos erat quingentes HS. ipsi 1250000 philippi. Nero totum theatrum illeuit auro; omne choragium & instrumenta comica fecit aurea. acdebant missilia seu sparsiones, hoc est lignæ

testere in vulgus spargendæ, quibus inscriptæ: totæ domus, agri, fundi, prædia, mancipia, serui, iumenta argenti & gemmarum sæpe maximus numerus. harum tessellarum aliquam quisquis exhibuit, mox id accepit quod inscriptio designauit.

Idem Nero gregario militi in donatium numerari iussit centies HS. sunt 250000. philippi, Agrippina mater, in mensa hunc tantum pecuniæ numerum expandi iussit, ut vel sic tacite filij effusionem reprehenderet & coerceret. Notauit Nero se moneri, & alterum tantum addi præcipiens; Nesciebam, ait me tam parum dedisse.

Idem Imp. Teridati regi ut hospiti, nouem mensibus Romæ agenti, in singulos dies constituit viginti millia philipporum, sunt quinque milliones & quadraginta millia coronatorum in totos illos nouem menses constituta; abeunti dedit viaticum, milles HS. seu duos milliones, & medium, de ædificijs quid memorem?

Caligula Imper. mari pontem fecit ad tria milliaria. Tempia Romæ fuerunt quadringenta viginti quatuor, pleraque magnifica. Domitianus in solam Capitolij inaurationem ipsos septem milliones, impendit.

In amphitheatro saxeis gradibus commodè sedere poterant spectatores 87000. in superiore parte per ambitum stare 12000. vniuersim 99000.

Præter plurima alia duodecim publica fuerunt balnea ab Imperatoribus structa, in quibus gratis lauabatur. In thermis Antonini fuerunt è polito lapide 1600 sellæ, & commodè tot homines simul lavare poterant. In balneo Hætrusci, ait Plinius, omnia fuisse argentea, canales, labra, solû ipsum, sed ad alia.

Romæ tot ferè statuarum fuerunt quot homines, præter infinitas æreas, marmoreas, eburneas, etiam argenteas & aureas. Domitianus in Capitolio auream habuit centum librarum. Commodus & Claudius aureas, harum singulæ mille librarum. Claudius in rostris etiam argenteam habuit, hinc Præfectus certus, Comes Romanus dicebatur & multus ei miles ut tantum statuarum populum custodiret.

Viâ Appiâ vir expeditus; quinque diebus habuit quod percurreret, ab vrbe Capuam vsque protendebatur hæc via tam lata ut duo cur-



rus obuij libere commearent: tam firma vt laxi nihil aut soluti appareret perinde ac si saxum esset vnicum. Plures tales fuerunt viae. Incredendum est, quod de aquæ ductibus fide digni scribunt. Claudius Imperator impendit in aquæ ductum septem milliones auri & medium. sexcenti homines alebantur tuendis tantum aquis. Hæc certe magna & quædam ob nimium luxum reprehendenda. fuit tamen quod ædificia illa splendidissima superaret, vix tamen honesti nominis. Cloacas Romæ habuerunt seu subterraneos fornices cum perfluentibus aquis, ad euehendas totius ciuitatis sordes. Cloacarum istarum tam multæ, tam amplæ & longæ, vt inter orbis miracula non immerito censeri possint. de his in specimen satis, quæ ei, scio, minimè sunt incredibilia, qui veterum Romanorum opes & potentiam primoribus labris libauit, & testes audiuit Suetonium, Dionem, Cassium, Plinium, Liuium, alios.

Et hæc quidem, quæ commemorauit, ex se laudanda administratio Reipub. tam prudens, qua & in bellis maiorem partem inuicti, in scientijs & artibus eximij, virtute quoque illustres fuerunt, ita vt Cyneas Pyrrhi legatus homo facundus & intelligens, cum frustra sollicitasset urbem ad fœdus Romanis non sat dignum, regressus suo regi dixerit: Urbem sibi templum, Senatores reges videri. In his talibus ergo laudandi Romani. Sed in hoc grauissimè & toto cælo errarunt, quod homines adeo prudentes omnem suam æternitatem in rebus minimè æternantibus locarint. Si Augustinum lib. 5. de Ciuit. Dei cap. 24. Romani ad æternitatem viæ ductorem delegissent, viam eis multò certiore ad ipsam æternitatis regiam monstasset. Neque enim nos, inquit ille, imperatores eos felices dicimus, qui multos imperij ac vitæ annos, vel victoriæ triumphos, vel fortunæ thesauros numerarunt: hæc ijs etiam deferuntur munera, quibus nihil iuris est ad regnum illud æternum. Et quinam ergo, Augustine, tuo animo felices censendi? Audite Imperatores, Reges, Principes, Augustini sensu vera æternaque felicitas à vobis obtinetur, obseruatione legum istarum.

## IVSTITIA.

Lexi. iuste imperare.

## MODESTIA IN SENSV.

2. Tot honorantium & salutarium linguis non extolli, sed meminisse hominem se esse.

## DEI TIMOR ET AMOR.

3. Ad Dei cultum maximè propagandum, humanam potentiam omnem Maieitati diuinæ famulam facere, timore Numinis & amore.

## CÆLI DESIDERIVM.

4. Ardentius amare regnum illud æternum, in quo potestatis confortes nulli timentur.

## IGNOSCENDI FACILITAS.

5. Ad veniam prouum, & facilem esse, tardum ad vindictam & illam solam, quam tuendæ Reip. poscit necessitas.

## MISERICORS LIBERALITAS.

6. Asperiora decreta, misericordiæ lenitate & largitate beneficiorum temperare.

## CONTINENTIA.

7. Luxuriam quantò esse posset liberior, tantò castigatiorem habere.

## MODERATIO AFFECTVVM.

8. Malle in affectus prauos, quàm in quasuis gentes dominari.

## SVBMISSIONIS ET ORATIONIS STUDIVM.

9. Hæc omnia non inanis gloria; sed æternæ felicitatis studio facere: nobilissimum submissionis & orationis sacrificium nunquam negligere.

Has leges Augustinus ipse (vti patet dicto libro de Ciuitate Dei,) ad Mundi valuas suffixit, velut omnium Principum illustre speculum. Nunc vos, ô Romani, quantum à ianua harum legum aberrastis, vt taceam pro vno ferme innumeros Deos in veneratione apud vos fuisse: S. Leo serm. 1. Nat. Apostol. Nam Roma sibi magnam videbatur assumpsisse religionem, quod nullam respuebat falsitatem, & cum



cum penè omnibus dominaretur gentibus, omnium gentium seruiebat erroribus. Sed ut hæc sileam omnia, quàm vnum illud & ridiculum, omnem suam æternitatem post se relinquere velle in membranis & chartis, in marmoribus & saxis, in amphitheatris, pyramidibus, sepulchris ac mausoleis. & vbi nunc saxea hæc est æternitas : Romæ penè idem quod Hierosolymis contigit. Apostolorum vñus magistro Christo structuram Hierosolymæi templi demonstrans : Aspice, ait, quales lapides & quales structuræ respōdit Christus. *Vides has omnes magnas adificationes : non relinquetur lapis super lapidem, qui non destruat.* Marc. 13. ita nihil æternum in hoc orbe. Et vbi nūc vetus vrbs Roma? quaritur; & dici potest, hic fuit. vbi qui eam ædificauerunt? perierunt omnes, nec cineres illorum nouimus. Et nos ipsi eadem hac via sequemur, post aliquot annos vmbra, puluis, nihil. Heu res mortaliū vel maximorum paræ! heu validissimorum instabiles! quid enim illa omnia nunc aut vbi sunt? euauerunt. vbi supra fidem cumulatæ opes? defluerunt. vbi cælo errantia opera? non apparent. si cuncta quæ nobis magna sunt, vmbra sunt & somnium, si cum æterno & æternitate comparentur. debile nimis & ex luto fundamentum est super quo tota vaneſcentis gloriæ fabrica extruitur; non ita saxis & marmoribus æternitas inſculpitur. recte Lactantius : mortalia sunt opera mortaliū, Babylonem, Troiam, Carthaginem, Romam fuisse credimus : oculis fidem quod faciat, vix cadaueris pars superest, ita septem orbis miracula, sic aureum Neronis palatium, Diocletianæ thermæ, Antoniniana balnea, Seneri septizonium, Coliſſeum Iulij, Amphitheatrum Pompei, vix sui vestigium & nomen in libris reliquerunt, & hoc quàm diu?

## §. I.

*Quantum Romani de vera æternitatis via aberrarint.*

**N** Azarethi in arcano sanctissimæ virginis conclaui mentionem iniicit Angelus de regno, cuius regni non erit finis. Lucæ cap. 1. tale non fuit Salomonis, quod quadringentis tantum annis durauit, vsque ad cladem Baby-

lonicam. tale Romanorū non fuit, sed nec Persarum, nec Græcorum fuit tale. Vbi enim nunc regna illa sunt olim florentissima, vbi antiquæ illæ monarchiæ; quantus olim Nabuchodonosor in Chaldaea & Syria, & post hunc Balthasar? ab his in Persiam migrarunt sceptra & Mediam, ad Cyrum & Darium. Nec hic diu permanſerunt, in Græciam translata ad Alexandrum Macedonem, magnum Regem & diu bellicosum, diu fortunatum, sed vbi bellica virtus cecidit, etiam fortuna defecit, & hinc in Italiam cum sceptris migravit ad Iulium Cæsarem & Octavianum Augustum. At vbi nunc hi omnes? tu, mi Christiane, regnum quære, cuius regni non erit finis. Numantiam, Athenas, Carthaginem, Spartham suos deleuit finis; regni, quod supra nos, non erit finis. Rex illius æternus est, æterni incolæ. *Dominus regnabit in æternum & ultra.* Exo. c. 15. in quæ verba Origenes: Putasne, ait, in sæculum sæculi Deum regnaturum? regnabit adhuc, vel ultra, & quodcunque dixeris, illud de regni eius spatijs semper tibi Propheta dicit: Et adhuc, siue ultra. Et nunc, inquit Isidorus Clarus, regnum hoc sempiternum, immensum, ex omni parte beatum, omni generi hominum promissum est, & tamen de illo altum inter nos silentium est, quorū enim quisque est, qui vel minimam dici particulam in hoc secum expendendo impendat? de hoc commemoret? hoc vxori, hoc liberis, toti hoc familiæ inculcet? alia omnia garrimus, cæli vix vlla est mentio, aut certè rarissima. in laudando natali solo plerique omnes diserti sumus; nostram illam verissimam patriam laudare penè erubescimus. in eam nimirum pie collocationis defuerudinem multi deueniunt, ut nisi sterilissimas nugas subinde etiam lasciuas spurcicias turgentibus buccis effundant, inurbanos se & infestinos haberi putent. Hoc verè est toto cælo errare. æternis inhiandum est & corde, & ore, cogitibus & colloquijs, nec vlla speranda est vera gloria, nisi æterna.

Hebræi proceres, ut contra Christi potentiam, ad politicam illam æternitatem, viam sibi sternerent, frequentem senatum adesse iusserunt, & stolidissima prudentia, quod maxime metuebant, in caput suum decreuerunt. De his in frequenti curia deliberantibus eleganter Augustinus tract. 49. in Ioann.

sub si.



sub finem: Pontifices, inquit, & Pharisei, sibi consulebant, nec tamen dicebant: Credamus. Plus perdit homines cogitabant quomodo nocerent ut perderent, quam quomodo sibi consulerent ne perirent. Et tamen timebant, & quasi consulebant, dicebant enim: Quid facimus quia hic homo multa signa facit? si dimittimus eum sic, omnes credent in eum, & venient Romani & tollent nostrum locum & gentem. *Temporalia perdere timebunt, & vitam æternam non cogitauerunt ac sic utrumq; amiserunt.* Ioan. cap. 11. vers. 48. ita fit, hæc nostrarum cogitationum vanitas est & superbum ludibrium, & qui sumus nos? quæ sunt nostra? Hodie floremus, commendamur, placeamus; cras flos languescet: displicebimus tam ijs, quibus hæcenus placuimus, quam Deo cui numquam placere studuimus. Cælum negligimus, terram non retinemus; Dei fauorem non acquirimus, munda perdimus, hinc & hinc deploratissima orbitate miseri. Si mors parceret felicibus in hoc orbe, reperirent fortasse hic quãdam gloriam, quamdam, inquam, nam vera nulla est, nisi quæ in cælo & æterna: sed nulli mors parcat; in tenebris sæpè videt, nec videtur; expectat ut ex insidijs incautos inuadat, quò deducet; si male viximus? ad sæuæ regna Proserpinæ & iudicantem Æacum. Ibi neminem liberabit nobilitas, neminem teget potentia; neminem eripiet hominum applausus, sed solius Domini fauor, & gloria illa, quæ per gloriæ fugam comparata est. Non est vera gloria nisi æterna.

Hebræus sapiens, (*Proverb. 8.*) sapientiam Reginam depingit, quam ponè comitantur duæ famulæ, dextrâ ÆTERNITAS, lauâ Gloria; nullius est pretij Gloria, si absit æternitas quam nos Christiani expectamus: manentem ciuitatem hic non habemus, sed futuram inquirimus æternam in cælis, (*ad Hebr. 13.*) In memoriâ æternâ erit iustus, stipem, mi Christiane, das pauperi, inhianti gulæ subducis escam, castitatis hosti resistis; non grandia sunt hæc opera, nec multi temporis: facti tamen memoria, sed & merces erit æterna quantillum Magdalena Christi pedibus impendit, quâ citò id obsequij perfecit, & tamen orbi vniuerso innotuit, alij alia in Magdalena suspexissent, roseam oris pulchritudinem, blandam formæ

venustatem, amatum iuuentutis florem; raram gratiam, opes magnas, fauores maximos, gratiam affabilitatem, festiuos applausus: nullam hæc ei laudem, sed dedecus comparatur; at officium vel pedibus præstitum, elemosyna non grandis, æternam illi gloriam, immortalè nomen conciliarunt, *prædicabitur in toto mundo.* Matth. cap. 24. Christo teste: non fuit opus hoc incisum marmori, non ægyptio efformatum, non in foro promulgatum, non ad tubas & tympana proclamatum, tamen hæcenus durauit, durabitque æternum, & *prædicabunt in toto mundo*, si actionem spectes, reprehendit eam auarus cononimus Iscariotes, culpauit & superbus Phariseus Simon: si materiam, vnguentum erat, ut summum 30. aureorum; si locum, priuatus, si testes, pauci, si personam, infamis fœmina; & tamen *prædicabitur in toto mundo*; quot Imperatores victrices Aquilas in hostium castris plantarunt? quot bellicosi duces numerosissimos exercitus laudabiliter administrarunt? quot prouidi gubernatores, amplissimos populos sapienter rexerunt? quanti Reges, insignia, statuas, castra, ciuitates condiderunt? quot viri eruditi omne cerebrum in nouas inuentiones, per calamum instar, chymicorum distillarunt in chartas, ut inter memoria dignos reponeretur, qui tamen silentij nocte & obliuione inuoluti iacent. At opus iusti vnicum, æternam confert memoriam, ab omni verustate & inuidiâ immune, à sapientibus, Ducibus, Regibus, Pontificibus, reuerentiâ & silentio, auditur, legitur; *prædicabitur in toto mundo*: solum itaque bene & viuere & mori, via est ad æternam immortalitatem. Ite nunc mei Romani, & Æternitatem in statuis & marmoribus quarite, nunquam reperturi. Ego potius optem & malim quod D. Hieronymus in rebus gestis Pauli Eremitæ optans: Hieronymi peccatoris ait: Memineritis, cui si Deus optionem daret, præferret tunicam Pauli, malletque eam cum meritis suis, quam purpuram Regum cum suis regnis. Nos Christiani ne pecuniæ nostræ iacturam faciamus, versuram facimus, imò ante nos in alium orbem præmittimus, cælum illam recipit, & hoc tutò fit, & à fidiis tabellarijs eo desertur, sed non alijs quam mendicis, & pauperibus. pauca illis damus & vi-

lia, pro



Ita, pro his in cœlo maxima recepturi, ita Christus promisit & præcepit, *Et ego dico vobis, facite vobis amicos de mammona iniquitatis, ut cum defeceritis, recipiant vos in æterna tabernacula.* Luc. 16. Sed à Romanis ad alios tranſeamus.

## §. II.

*Melior priore ad Æternitatem via.*

**D**Arius, clade ſua notiſſimus ille Rex Perſarum, in exercitu ſuo decem millia Perſarum habuit, quos immortales vocauit: ideo (vñ Cælius Rhodiginus explicat lib. 8. c. 2. & lib. 25. c. 1.) non quod planè nunquam morerentur (vbi enim illi tales?) ſed ſi quis horum aut nece aut morbo numerum minuiſſet, conſeſſim ſubſtituebatur alius, nec vñquã plures erant paucioresve decem millibus; ita & Darius immortalitatem aliquam, & muneris æternitatem conſinxit, ſed brevis admodum hæc fuit, Dario totoq; ipſius exercitu funditus pereunte. Non immeritò certè Xerxes, qui ex Aſia ſubiugandæ Græciæ (Herodotus narrat) duos exercitus terra mariq; ſecum eduxit, nimirum ter & vices centena millia, ſeptemdecim millia ſexcentos, exceptis ijs, qui militi ſeruiert. Hoſ omnes cum è monte proſpiciens oculis obiret, in lachrymas ſolutus hoc aſpectu idcirco ſe flere dixit, quod poſt 30. aut 60. annos è tot cœtenis millibus viris tã robuſtis & ſelectis, vix vllus eſſet ſuperſtes futurus. Æternitatis neſcio quas fingere nobis poſſumus, interea tamen omnes morimur & quaſi aquæ dilabimur in terram, 2. Reg. cap. 17.

Alius & melior beatæ typus æternitatis excogitatus eſt Conſtantinopoli. Anno poſt patientem Virginem 459. Eccleſia Conſtantinopolitana æuo Gennadij Episcopii, aucta eſt nouo & nobiliſſimo D. Ioannis Baptiſtæ ſacro cœnobio Acæmetarum, hoc eſt, inſomnium, qui inges & peruiſiles diu noctuq; laudes Deo concinere cõſuerant, hac ratione, cœnobitæ omnes in tres claſſes diuiſi ſunt, vt ita cum prima claſſis partem aliquam diuinarum laudum finiſſet, ſecunda ordiretur, ſecunda quoque ſiniente tertia inciperet. ex hoc pio inſtituto ſum aliquod cælum vrbs habuit: ſic illi repræſentata cœleſtis æternitas, quã tota

Deus ſine vlllo ſaſtidio & nauſea inter ſummas voluptates laudabitur. quam iure exclamat diuinus Plaltes, Beati qui habitant in domo tua Domine, in ſæcula ſæculorum laudabunt te, Omnium tunc beatorum vox erit, quæ olim in rupe Taboteja Petri fuit: *Bonum eſt nobis eſſe.* nam vt Diuus Bernardus in Cantica opulencia, inquit, multa nimis eſt æternitas. Sed & hoc addit: Æternitas niſi perfeueranter quæſita, non inuenitur. Sed à te, beatiſſime Bernarde, illius quærendæ modum ſagita- mus. Audite igitur Patris optimi documentum ſer. 2. de omniũ SS. paupertate manſuetudine, ſætu renouatur in anima ſimilitudo quædam & imago æternitatis omnia tempora complectentis. paupertate meremur futura: Beati pauperes ſpiritu, quoniam ipſorum eſt regnum cælorum, vbi pauperes ſperantur & deſeruntur, vbi cor vna cum pecunia in arca concluditur. vbi numi ad auaritiæ regulas expenduntur, vbi paupertatis affectus & amor nullus eſt, ſed nec vllus Æternitatis. Manſuetudine verò præſentia nobis vindicamus: Beati mites, quoniam hæreditabunt terram: Poſſet quis hic quærere, quid homo ille in quo nihil eſt manſuetudinis & patientiæ, è quo vix vñquam mitius verbulum auditur, quid tandem lucri haberet è ſua intractabili impatientia, quid illi commodi ferret toties indignari, ſequi, fremere, vociferari, tumultuari, omnia velle perſundare, neminem vel paulò humanius aſſari. certè aut bonorum talis iacturam patitur aut fame; frequenter vtriuſque: nam quod habet opum, non poſſidet, ſed cuſtodit vt moloſſus, cuius eſt tantum allatrare, innadere, mordere, famam, ſi quam habet, impatientiæ titulo non auget: cælum, priuſquam habeat, amittit. Demum luſtu, præterita quoque recuperamus, quæ prodigè amiſiſſimus peccando: ſed hic luſtus non vnius horæ aut diei ſit neceſſe eſt. Quid enim de filio illo ſentiamus, qui matris ſunus deducit humentibus nonnihil oculis & atro pallio, eodem tamen aut altero ſtatim die, & ſiccis ridet oculis & pullam veſtem in praſinam viridemq; commutat, hoc non eſt ſeridò lugere, tam breui finire luſtum. Simillimum nos facimus, ah nimis frequenter confeſſione noſ hodie & communionem ſacrâ, munimus, dolemus peccaſſe, cras iterum hiliter



laniter peccamus & saepe grauius priorem vitam detestamur, & tamen reuocamus; eiu-  
 ramus commissâ scelera & eodem die iterum  
 patramus. ita eadem omnino linguâ quâ Chri-  
 stum infantem proclamamus, hac eum cruci  
 addicimus, germani fratres Pontij Pilati, qui  
 vno eodemque ore Messiam postum & vita  
 donandum pronunciauit, & in crucem raptran-  
 dû: homines prorsus instabiles, nec in re vlla  
 constantiores quâ in vitiosa vitæ consuetudine  
 repetenda. subinde pietas tam serîo nobis pla-  
 cet, vt nulla pœnè hilaritas intercedere tam  
 sanctis officijs possit. fronte deiecta & ad om-  
 nem remissionem irascente supercilium inquit-  
 mus, sed heu non duraturæ sanctitatis, mox  
 odisse incipimus hanc ipsam pietatem, & in  
 contrarium acto torrente, repetimus quem  
 omiseramus & luxum, & luxuriam. ita tam  
 faciles amicitiam cum Deo factam soluimus,  
 quam inuiti facimus. dum hæc agimus, ecce  
 tibi reuocata pietas adest, tristisque pœniten-  
 tiâ lasciuia rursus expellit, donec etiam il-  
 lius pœnitentiæ pœnitere nos incipiat. Ita  
 raro continuis vitijs probitatis laboriosam  
 imaginem intuemur? leui nutu ad pristinam  
 immunditiam desuimus. Hinc omnium vo-  
 luptatum ac vitiorum genera menti nostræ  
 subiicit, hæc tanta vitæ inconstantia, palam  
 quidem VIRTUTEM adorare videmur, in-  
 tus & in animo operoso cultu deueneramur  
 VITIVM. hæc via ad æternitatem non est, nisi  
 ad illam, quæ meros cruciatus & tormenta  
 habet perpetua maxima. Sed deligamus è  
 Christianis Catholicis vnum aliquem corporis  
 voluptati deditissimum, deducamus ad fue-  
 centum & flammis tumultuantem furnum, &  
 ex eo hunc in modum queramus: quantum ti-  
 bi voluptatis deposeis pro eo vt in hoc furno  
 diem vnum nudus consumas? respondebit in-  
 dubiè: Non totum ego mundum, non om-  
 nes mundi voluptates mercede vel dono fer-  
 rem, vt in his flâmis diem vnum torqueri me  
 permitterem. at paciscamur vterius: quid præ-  
 mij petis, & medium dumtaxat diem in hoc  
 igne duras? pone, dicet, quicquid ve-  
 lis delictiarum & pretij, tanris ego tormen-  
 tis hoc non emo. at vt conueniamus tan-  
 dem, quid præmij postulas aut voluptatis,  
 & ardentem hunc clibanum ingrederis, in co-  
 que vel horam vnicam perseveras? responde-

bit vtique da quicquid petere possit vel auarissi-  
 mus vel impudentissimus, comparandum id  
 non est cum vnus horæ infandis eiusmodi  
 vltulationibus & doloribus. quod si rectè ra-  
 tionique congruenter responderit. qui sit, &  
 Deus, quod ob lucrum exiguum & vile, ob  
 honorem fallacem & fugitiuum voluptatem  
 spurcam & non longam, à tam multis parui-  
 pendatur supplicium æternum? vt horam v-  
 nam in ignibus simus, persuaderi nobis non  
 potest, posito in præmium terrarum orbe, &  
 æternos inferorum ignes non formidamus:  
 modò vel lucrum inuitet, vel honor arrideat,  
 vel alliciat voluptas. Meliora, inquis, spero  
 & infinita Dei bonitas non tam male ominari  
 me iubet de futuris æternis. ita loqui sole-  
 mus, nec impia hæc verba sunt, sed facta re-  
 clamant. temerariû hoc est & nimis periculo-  
 sum, vitam in vitijs traducere & Æternitatem  
 inter beatos expectare ad damnationem satis  
 est vel vnicum peccatum. An nescis quid  
 Christus cõminetur? *Qui dixerit fratri suo  
 Fatue, reus erit gehennæ ignis. Mat. 5.* An ne-  
 scis quid Christus prohibeat? *Qui viderit  
 mulierem ad concupiscendum eam, iam mœ-  
 chatus est eam in corde suo ibid.* An nescis quid  
 Christus præmoneat? *Non omnis qui dicit mi-  
 hi, Domine, Domine, intrabit in regnum calo-  
 rum, sed qui facit voluntatem Patris mei,  
 qui in calis est Matth. 7.* An nescis, quam mul-  
 tos Christus foras excludat? *Qui diligit pa-  
 trem aut matrem plus quam me, non est me di-  
 gnus: & qui non accipit crucem suam & se-  
 quitur me, non est me dignus. Matth. 10.* An ne-  
 scis, quam apertè & serîo illud ingerat: *Mul-  
 ti sunt vocati, pauci verò electi. Matthæi 20.*  
 PAUCI, PAUCI An nescis quoties ad vitæ e-  
 mendationem hortetur: *Nisi conuersi fueritis  
 & efficiamini sicut paruuli, non intrabitis in  
 regnum celorum. Matth. 18.* Si manus tua vel  
 pes tuus scandalizati te, abscinde eum & pro-  
 jice abs te: bonum tibi est ad vitam ingredi de-  
 cibilem vel claudum, quam duas manus vel  
 duos pedes habentem, mitti in ignem æternum.  
 Si pœnitentiam non habueritis, omnes similiter  
 peribitis. Matthæi 19. Et addit: *Contendite in-  
 trare per angustam portam: quia multi, dico  
 vobis, quarent intrare & non poterunt. Luc.*

13.

An nescis etiam, quam explicatè D. Pau-  
 lus



Plus recenseat ea omnia, quæ beatam Æternitatem includunt? *Manifesta sunt opera carnis, quæ sunt fornicatio, immunditia, impudicitia, luxuria, idolorum seruitus, veneficia, inimicitia, contentiones, emulationes, ira, rixa, dissensiones, secta, inuidia, homicidia, ebrietates, comestationes, & his similia, quæ prædico vobis, sicut prædixi, quoniam qui talia agunt, regnum Dei non consequentur.* ad Galat. 5. Quod si quis vel vnus ex enumeratis conscius sibi est, nec ita dolet vt modum omnem exquirat illius peccati deinceps vitandi, interea verò vanissimum illud *Spero, Spero*, sibi ipse occentet; huius spes nulla est, sed mera temeritas. periculum adire plagarum & verberum, tolerabile malum est. centum aut mille florenos incerte alleque committere, non summa iactura est: caput & vitam in discrimen conijcere, non maximum damnum est: at verò salutem cum corporis tum animi æternam, periculo tanto exponere, adeò in incertum viuere, verbis sperare, factis huic spei contraria facere, hoc omnium malorum supremum malum est, hoc summa iactura, hoc damnum vere maximum: hoc audacia & temeritas perniciosissima, hoc stultitia & dementia extrema. Intelligite hæc qui obliuiscimini Deum: ne quando rapiat, & non sit qui eripiat. *Psal. 49.*

## §. III.

*Hanc viam sollicite esse indagandam.*

**I** Deo nullus sit Christiani sanguinis homo, qui non sæpius seipsum aliosque, quos Dei loco habet, interroget: quid faciam vt beatam Æternitatem consequar? istane vera est via qua eo, ad illam quam quero Æternitatem? operis quidem aliquid facio, sed illud quantillum est quamque exiguum? aspiro quidem gaudia immortalia & æterna, sed num hæc opera mea adeo pauca, adeò languida & frigida, præmio digna sunt æterno? peruenire quidem ad portum cupio, sed viam horreo paullo molestiorem, cum tamen ea via ad cælum sit tutissima & optima, quæ asperissima & angustissima. hæc oris diuini Veritas pronunciat; clamat Christus, & monet; Intrate per angustam portam, quia lata porta &

spatiosa via est, quæ ducit ad perditionem, Matth. 7. multi sunt (cheu multi sunt) qui intrant per eam. quam angusta porta, & arcta via est, quæ ducit ad vitam, & pauci sunt (cheu pauci sunt) qui inueniunt eam, nec clamare desinit, aut monere: Contendite intrare per angustam portam, quia multi, dico vobis, querent intrare, & non poterunt. Lucæ 13. O quam formidandum atque tremendum est illud *MULTI*, & illud *PAUCI*! interea miseri & in rem æternam nimis temerarij, fallimus nosmet, & in *PAUCI*s illis cælo adnumerandos, nescio an speremus nos, an somniemus. Vtinam dum dies sunt salutis & tempus acceptabile, attentiores oculum in Æternitatem subinde emittamus, atque hunc in modum nobiscum ipsi ratiocinemur. Quid tandem est hoc omne quod ego patior, aut alios pati conspicio, quid est hoc totum ad æternitatem? imò si cum D. Paulo numerare possim tot labores & pericula quot exantlauit ipse atque ijs, quæ ad Corinthios, litteris recensuit: si famem sitimque, si graues inimicitias & iniurias, si morbos & egestatem tolerem: imò si cum Paulo lapidibus insternar, si virgis cedat, si naufrager; quid hæc omnia ad supplicia æterna? In omnibus igitur aduersis rebus cogitandum mihi erit: *Omnis consummationis vidi finem.* Psalm. 118. Daniel, varijs recensitis calamitatibus, subdit: *& hoc, usque ad tempus,* Danielis cap. 11. Vbi, vbi estis erumnosi afflicti, calamitosi, quid vestris vos lacrymis sepelitis, quid per vanos impatientiæ questus vitam vobis omnem acerbam redditis? solatium habetis, & ingens ab ipso tempore. diuersæ vos calamitates exercent; ne despondere animum: erit hoc solummodò *usque ad tempus.* contumeliæ vos lacerant, iniuriæ fatigant, mala plurima perturbant? lamenra mittite, erunt hæc omnia non nisi *usque ad tempus*: non vsque ad infinita sæcula vestri sese gemitus extendent. ad exiguum tempus stillabunt lacrymæ, non æterna ducetis suspiria, breui dolore perfungemini, ad immortalem felicitatem transitori clarissimè adfirmat Ecclesiastic. c. 1. *Usque in tempus* sustinebit patiens, & postea redditio iucunditatis, sed & vos, ô beati, chara Mundi progenies, ne cornua sumite, omnis vestra felicitas quam



ras quam breui carcere, quamq; angustis cellis clausa est? *usque in tempus* triumphabitis; *usque in tempus* beata vestra durabunt somnia. Post tempora non longa, iubebit. Mors fortunæ larvam vos ponere, & inter turbam stare coget, tantò tunc verè miseriorēs quantò antea breui figmento beatiōres. Ergo *usque in tempus* omnia. Sola nullas temporis leges admittit Æternitas. Siue ergo corpus meū patiat̃ur siue animus; bona seu honores adimantur; dolores an tristitia. curę vel alia me quāpiam afflictio, interior vel exterior exerceat, picta sunt hæc omnia & momentanea, ad æternas pœnas. Nam vbi post extremum iudicij diem quinquagies milleni anni transierint, supererūt adhuc quinquagies milleni milliones annorum transituri: ijs etiam, ad nostram numerandi rationem, transactis, alij atque alij & denuo alij annorum milliones transigendi restabunt, & hoc sine fine. Optimè fecit Myrogenes, cum Eustachius Hierosolymorum Archiepiscopus ad eum munera misisset, modeste recusans. Hoc, ait, vnum pro me ora, vt liberer ab æterno cruciatus, Nec Tullius Cic. 3. Tusc. qq. à vero aberrans: Sapientu, inquit, nihil potest videri magnum in rebus humanis, cui eternitas omnis totiusque mundi nota sit magnitudo. sed Tulio longè melius Franciscus paupertatis sincerus amator, & verus eternitatis contemplator, Modica (inquit) hic voluptas, sed pœna post immensa: modicus hic labor, sed gloria post æterna: Elige multorum vocatio, paucorum electio, omnium retributio. Quisquis igitur peccato letali obstrictus est vel vnico, maturet pœnitentiam; Satiū est & suauis, (ait Guerricus, Sermonē 4. de Purificat.) fonte purgari, quam igne pœnitentiæ. tempus nunc est, præoccupet pœnitentia pœnam. Qui timet pruinam, irruet super eum nix (Iob 6.) qui minora detrimenta metuit, ad maxima deueniet: qui leuem pœnitentię laborem fugit, grauissimas tartari pœnas incurret. ita Diuus Gregorius: Nonnulli, ait, dum temporalia aduersa pertimescunt, distractione se æternę animaduersionis obijciunt: huic Diuus Pacianus accedens: Memento te, ait, quia apud inferos exomologesis non est, nec pœnitentia tunc tribui poterit, consumpto tempore pœnitendi: festinate, dum in via es. *secu-*

lars ecce ignes timemus, & carnificum virgulas expauescimus. comparate cum his æternas torquentium manus, apiscetque flammarum nulla ætate morientium: quæ pulchrè Ambrosius ad Virginem lapsum cap. 8. in hæc verba consignat, Pœnitentia non verbis agenda est, sed actu. hæc autem sic agitur. Si tibi ante oculos ponas de quantâ gloriâ rueris, & de quo libro vitæ nomen tuum deletum sit; & si te iam credas prope ipsas positum tenebras exteriores, vbi erit fletus oculorum, & stridor dentium sine fine. Cum hæc certâ fide, sicut est, animo conceperis, quia necesse est prauaricatricem animam tartareis pœnis & gehennæ ignibus tradi; nec aliud remedium constitutum est post Baptismum, quàm pœnitentiæ solatium; quantumuis laborem. quantumuis afflictionem subire esto contenta; dummodo ab æternalibus pœnis libereris. Vrgent ægrum morbi corporis, ad corporis purgationem; vrgent etiam nos morbi ad animi purgationem, vrgent salutis auiditas, vrgent æternæ mortis, æternique cruciatus horror, vrgent æternæ vitæ, eternæque gloriæ consequendæ spes. Quicquid animū purgat id amplectamur, quid inquinat fugiamus: inquinat autem imprimis luteum corpus. fidelissima hæc D. Ambrosij admonitio est. Christe Iesu, da vt omnia vana hæc & fluxa sic possideamus, ne perdamus æterna: sed viam, teneamus illorum, de quibus eximie Augustinus: Multi, ait, desiderio salutis, subiugum liberi veniunt, & paullo antè sublimes ac elati, humilia affectant; cupiunt esse quod antè despexerant, & odisse incipiunt quod fuerant: Præsentium hospites, futurorum appetitores, ÆTERNAM illam patriam suspirant: abstinentiam delitijs, somno vigilias, paupertatem diuitijs anteponunt; arduum contra vitia laborem, voluptatē computant, inimicos diligunt, nullis iniurijs franguntur, propter ÆTERNAM retributionem. Ecquis non extreme laborer, tui amore, ô ÆTERNA RETRIBUTIO!

CON-



## C O N S I D E R A T I O

## Q V A R T A.

*Quomodo Sanctus David Aeternitatem sit  
meditatus, & quæ illius imitandi  
ratio.*

**Q**UOD Deus Apostatas angelos, & homines in extremo iudicio damnatos æternum sit puniturus, tam durum aliquibus & incredibile visum est, ut etiam Origenes tanti ingenij, tam præcellentis doctrinæ, tam peritus scripturarum, ausus sit in libris periechon docere, damnatos & demones gratiæ restituendos: postquam in ignibus contractam culpam satis eluissent. Hunc præter cæteros D. Augustinus libro 21. de Civitate Dei capite 23. & sequent. erroris damnat & convincit. reperit hic error, non paucos qui assentirentur. per Hispaniam Aniti hæretici eum disseminarunt, diversis interpretationibus. Alij damnatos omnes, solos alij Christianos, isti Catholicos tantum, illi solos eos qui largiores fuissent in dandis elemosynis, ex Orco liberandos putabant. Quos tamen Augustinus erroris non argueret, nimis tamen aperte divina pagina refutaret. *Discedite à me maledicti in ignem æternum. Et ibunt hi in supplicium æternum.* Et. *Iusti autem in vitam æternam.* Matth. capit. 25. Nulla hic glossata; nullæ opponi possunt explicationes. Unde Psalter diuinus Rex David, duo maxime tempora cordi habuit, nec tam præteritum quam futurum observans: *Anticipauerunt, ait, vigilas oculi mei, turbatus sum, & non sum locutus.* Psal. 76. Quid tibi somnum abruptit, beatissime Propheta? quæ hæc antelucana negotia, unde hoc silentium & animi perturbatio? Causam audite: *Cogitavi dies antiquos, & annos æternos in mente habui.* En hoc est quod illi somnum rupit, præteritis cum futuris æternisque annis consulit, neque hoc solum fecit interdiu; Et meditatus sum in nocte cum corde meo, & exercitabar, & scopebam spiritum meum. Et quod huius nocturni exercitij est incitamentum? Nunquid in æternum projiciet Deus, aut non apponet ut complicitor sit ad-

*huc.* En ut formidet & horreat æternitatem, ut divina iudicia pertimescat, ne perpetuis in se pœnis Deus animaduertat. Et quis meditationis istius est finis aut effectus? *Et dixi, nunc capi.* ita momento panem, seipso factus est melior; non distulit, non procrastinavit, non in deteriores annos emendationem coniecit: nunc cœpi, nunc sanctius vivam, non post horam primum aut diem. Si ita possem, dicat quis, meditari Aeternitatem, uti meditatus est beatus David, forsitan etiam illud *Nunc cœpi*, promptus & hilaris pronunciarem. at ego curis quotidianis inuolutus, laboribus impeditus, officijs distractus in mille partes, inter homines ago, multum mali video audioque, ita vix locus est apud me tam salubri de æternitate cogitationi; in circulis, in conventibus, in symposijs, eius generis colloquia nostra non sunt ut vagabundam per multa mentem ad æternitatis considerationem affigamus in convivijs, nugis & cyathis res agitur; seria iam pridem hinc exulant: conventus & circuli tam tetrica vix admittunt. nona ex Italiâ, Gallijs, Hispaniâ petuntur: nimis vetera sunt & sæpius decantata quæ ex cælo, ex inferis feruntur nova; hæc iam scimus. quid opus talia ad fastidium toties repetere; sic æternitati cogitandæ vix aptus vsquam locus, vix commodum unquam tempus reperitur. Veritas te amet, mi Christiane, quam hæc verè dixisti. *utinam culpam quam agnosceis, etiam emendes.* nimis hoc clarum est; & oculis creditur, nullam pœnæ in mundo Aeternitatis curam esse, cum ramen non desint, quæ partem illius non sæpius, partim quotidie moneant. Romanæ Ecclesiæ ritualis liber in Episcoporum inauguratione, hæc illis verba recitanda esse, monet. *Annos æternos in mente habe.* Cum summus Pontifex recens electus sollenni ritu ad sacellum deducitur, est qui præeat, & ardentem stuppam concutiens, ter hæc ingeminet: *Pater Sancte, sic transit gloria mundi.* Quam salubri pioque instituto, quotidie, ad omnium actionum initium & finem, nos ipsi nobis repeteremus. *Annos æternos in mente habe.* præsertim cum est peccandi occasio, cum demonis suggestiones ingruunt, cum lædendæ conscientię instat periculum, ô tunc annos æternos in mente habe.



## S. I.

*Diuersa ad aeternitatem cogitandam admonitionum.*

**P**hilippus rex Macedo, per nobilem ephreum quouis manè ter sibi dici iussit: PHILIPPE, HOMO ES, suæ mortalitatis nunquam obliuisci voluit, quo cautius ageret inter mortales. Censeo ego, nullum debere esse Christiani & Catholici sanguinis hominem, qui non suus ipse quotidianus sit monitor, dicatque sibi consideratius ter minimum: *ÆTERNVM, ÆTERNVM, ÆTERNVM*, quare dispone domui tuæ, quia morieris tu (ait Ezechia Regi propheta) & non viues. erit vesper cuius tu posterum manè visurus non sis, aut erit manè, cuius non sis habiturus sequentem vesperam. ita ergo tu tua negotia perage, ne lædas conscientiam; eò te rebus perituris crede, ne per eas pereas perdasque æterna.

Mos est in Germaniâ & bonus, ut cum sub crepusculum lumen inferretur conclauis, simul etiam addatur Christianum illud. Deus det nobis lucem æternam. In templis ante sanctissimum Eucharistiæ sacramentum, perpetui luminis lampas excubat nuntiatque adesse *LYMEN GENTIUM* & luminis conditorem. quid hæc nisi admonitionum ad cogitandam æternitatem? Est etiam aliqua in carceribus æternitas, sed infamis & horribilis: ad perpetuas tritremes, ad perpetuos carceres dānari graue supplicium est, & multis ipsa morte tristius videtur morbis alijsque ærumnis pressi, quandam itidem sibi æternitatem imaginantur, vnde & voces illas audimus sæpius: Nempe hoc assidue: sicine æternum affigam lecto? perpetui dolores isti tolerandi? itane semper vexabor & cruciabor? æternitates istæ breues sunt, & suo fine clauduntur. Sed ad carceres redeo, eosque perpetuos, quos multi sponte & ultro ingrediuntur, & omnem illic vitam volentes consumunt. atque hi, religiosi sunt viri foeminaeque, quibus non est difficile Dei causa, æternum mundo valedicere, & sacris sese ergastulis mancipare. Monasterium est Bauariæ, quod ab S. Alstone nomen trahit, & in duas classes virorum & foeminarum diuisum, vti sic distinctum & duplex cœnobium; illud Constantinopolitanum, de quo antea, fere æquet,

in continuis diu noctuque decantandis Dei laudibus. Hic ergo moris est, cum Virgo sacrum velamen in templo accipit, & Christo in sponsam initiatur, finitis publicè sacris omnibus, noua Christi nupta, in monasterium deducitur per sacrarium; præeunt illam quatuor è monialibus, & laudabili ceremoniâ feretrum præferunt; ingressis omnibus sacris Virginibus, fores clauduntur & obserantur, perinde prorsus ac si noua Christi sponsa diceretur: Vide, mea Virgo, ut quod iam incipis, ritè constanterque perficias, Cogita te nunc vitam hanc ingredi, non regressuram nisi mortuam, mundus, & quicquid est mundi, deserendum tibi est, & nec cogitationibus quidem illuc amplius reuertendum, tuus tibi Christus sit omnia. Et en per hancianuam transis in domum obedientiæ, nec redibis per hanc, nisi in hoc, quod vides, feretro, cum vltimum iter facies ad sepulchrum, super humeros tuarum sororum ad cælum tibi via semper aperta est, hac licet exspatiari & excurrere, non ad mundum, non in patriam, non in paternam domum. viuat enim te iam sepelimus, & tu ipsa tuas is exequias. Hoc multis spectatori- bus lugubre videtur & moestum spectaculum. Hem, inquit, æternâ cauê sic includi, vno semper loco delitescere, omnem ad parentes reditum esse præclusum, voluptatibus procul degere, ante mortem sic sepeliri? horremus nos; præeant alij atque aliæ non sequimur. At dicite vos, quæso, Mundi alumnuli, est quod ex vobis sciscitetur. Isaïas vates: Quis ex vobis poterit habitare cum ardoribus sempiternis? illud vobis videtur intolerabile, pauculis annis, ad vitam sanctè ducendam, ad cælum tutius & certius obtinendum, ad beatam in cœlo Æternitatem promerendam, ad aspectum Dei æternum assequendum includi, cum tamen ij, qui religiosè casteque viuunt, sincerius gaudium percipiunt, quam qui quotidianis delictis & voluptatibus abundant, & diffingunt. At dicite vos etiam, nunquid damnatis sandapila præferetur, quæ significet illos iam ablegari ad rogos, & ignis supplicium; sed post aliquot annorum centurias mortuos in feretro efferendos. O quam optata hæc esset & mitis sententia! at, *expectant mortem*  
*et non*



*non venit.* Iob 3. Mille & mille atque iterum mille annis expectabunt, sed necdum veniet, ipsi tamen expectant etsi sciunt se frustra expectare, quisquis cælum & teipsum amas, maturè annos æternos in mente habe. De non ab simili monasterio, si ingressus spectetur, narrat Rufinus Aquileiensis li. 2. ca. 17. Apud Thebaidem, inquit; Isidori monasterium tam amplum quam nominatum est, laxissimis mœnibus septum, hortis, puteis, & omnibus ad vitæ usum necessarijs liberaliter instructum, ne vlla cuiquam ansa detur vel causa cogitandi excursus. hæc enim cœnobij lex est immobilis, ut quâ quis semel pedem intulit, hæc nunquam efferat amplius ad cælum & ad sepulchrum solum, non alio egressus patebat. Et mirum videatur, inquit Rufinus, quod hac lege ingressos, non legis necessitas, sed ipsius vitæ beatitudo retineat, Opus eorum omne est, precari, Deum laudare, religiosi studijs navare operam, quæ omnia ea obeunt industria vitæque sanctimonia, ut multi inter eos thaumaturgi, & qui patrandorum miraculorum gratia polleant. Ea verò viuunt temperantia & singulari vitæ prerogativa, ut nullus inter eos morbus sit nisi ultimus, hoc est, ipsa mors quæ omnium ubique claustrorum seras vectesque conuellit, nec se vllis quantumvis ferratis ostijs finit excludi. Et nunquid hoc etiam monasterium aliquam eternitatis vmbra præ se tulit; sed progrediamur.

## §. II.

*Æternitas omnes Arithmetica numeros & leges transilit.*

**C**ommunis & notissima proponi solet circa eternitatem Arithmetica, quam infantes in scholis docentur, & hæc est: Sit mons, aiunt, è minutissimis arenulis, instar totius terrarum orbis, aut mole & magnitudine illo maior, singulis nec annis non nisi granulum vnicum deinatur ab Angelo. quot annorum millia, & iterum millia & denuò millia, quot centena millia; imò quot millia millionum abibunt, donec mons subsidere appareat & decreescere; sedeat iam Arithmetices magister, & calculum moneat, numerumque colligat, quot anni sint abituri, dum mons dimidius, & cum totus abeat, sic ab Angelo tam lentè ablatus.

nos quidem vix aliter istud capimus, ac si nullus esset omnino futurus finis: sed errat gravissimè imaginatio nostra, & hallucinatur turpiter in eo, quod non satis potest assequi vera istius tanti montis ultimum tandem numeraretur granum. at Æternitas longitudine incōparabili excedit, (nihil certius) quia finiti ad infinitum nulla est comparatio, proportio nulla. nullos admittit limites æternitas, nullos fines. ergo damnati, tam longo tamque incōprehensibili annorum spatio vrentur in assiduis flammis, dum mons tantæ magnitudinis, dicto modo posset aliò transferri. sed tantum abest ut eo tempore futurus sit tormentorum modus & finis, ut tunc dici possit, iam primum incipit æternitas; nihil deceffit æternitati, adhuc est integra post mille annos, post centum millia annorum, post mille milliones annorum, necdum finis, necdum medium, necdum principium est *Æternitatis*, sed eius mensura est *Semper*. Eandem hanc Arithmetices rationem circa æternitatis negotium, eodem profus sensu, verbis paullo alijs huius ævi Theologus explicat, quæ tibi Lector, omnia integrè & bona fide admeriar, neque enim hæc unquam satis aut dici aut commendari, aut inculcari possunt. Vide, inquit Cornelius de Lapide, in cap. 15. Exodi vers. 18. quàm longa sit *Æternitas*? quàm diu regnabit Deus & Sancti? quàm diu ardebunt damnati in gehenna? In *ÆTERNVM* quantum est *ÆTERNVM*? cogita centum millia annorum, nihil cogitasti respectu *Æternitatis*: cogita decies centena millia annorum, imò seculorum; nihil adhuc ex *Æternitate* decerpisti: Cogita mille milliones annorum, æque integra adhuc restat *Æternitas*: Cogita mille cubos millionum annorum, necdum inchoasti *Æternum*. cogita tot milliones cuborum, quot sunt guttæ in mari, necdum ad principium *Æternitatis* peruenisti, æque *Æterna* restat *Æternitas* gaudiorum Sanctis, & tormentorum damnatis. Si Deus diceret damnatis, impleatur terrâ arenâ minutissimâ, ita ut totus orbis hisce arenæ granulis repleatur, à terra usque ad cælum empyreum, & millesimo quoque anno Angelus veniat, dematque ex hoc arenæ cumulo vnum granulum, cumque post tot millenarios annorum quot sunt granula, ea exhausserit, liberabo vos à gehenna. O quàm exulta.



exultarent damnati; damnatos se non æstimarent. nunc autem post omnes hos millenarios; restant alij & alij millenarij in infinitum in *ÆTERNVM*, & ultra Hoc est pōdus graue *ÆTERNITATIS*, quod opprimit damnatos: cogita, ô peccator, hoc pondus tibi imminere nisi respicias. Guilielmus Peraldus Episcopus Lugdunensis; vir perquam religiosus & doctus, 1. Summæ Virtut. part. 7. de 8. Beatitud. hunc ipsum innumerabilem annorum numerum apud damnatos, alia nobis ratione meditandum subiicit. Si damnati, ait, singulis diebus, non nisi vnā extillarent lacrymulam, cum omnibus adhuc extillandis guttis asseruandam, demum plus funderent lacrymarum, quam mare habeat aquarum: Omnes enim maris guttulæ in numerum & mensuram redigi possunt, cum Deo difficile non sit dicere; tot maris guttæ sunt & non plures. At verò damnatorum lacrymæ, & numerum omnem respuunt & mensuram. Eheu! quam non cogitamus ista, & quam peccamus liberè, potiusque nos æternitatis reos constituimus, breui plerumque & spurcâ voluptatula. Sed & hac ratione calculum ponamus dum damnatorum annos expendimus. sit è membranis scheda palmum lata, tam verò longa, vt totius terræ globum ambiendo cōplectatur: hæc continuis & arctè sibi iunctis nouenarijs perscribatur, ad omnem illam longitudinem, quis iam ille Arithmeticus, qui numerū hunc exprimat, quis mons qui tot grana contineat, quis Oceanus, qui tot guttas possideat? & tamen hoc non est æternitas, vltius illa protenditur, neque sic circumscribi se patitur; est longior, est extensior: quousque tandem? in infinitum. Si cor tuum, mi Christiane, nondum in lapidem atque saxum induruit, fieri non potest, vt hæc cogites, & immensum illud æternitatis barathrum non horreas: si vllus in te sensus est, hic erit. at quod supra demonstrauimus, nimium pauci hæc cogitant, & inde salutis tam securi viuunt, ac si celū nullū esset, nullus Deus, nulli inferi, æternitas nulla; nullum omittunt diem quem peccatis non onerent, quasi id solum laborent, vt vltimo suæ vitæ die, peccatorum summam reperiant quā maximam: atque sic ludibundi ad eunt *ÆTERNITATEM*, non aliter atque si de carcere aliquot dumtaxat hebdoma-

dum ageretur; hi tales, inquit Gregorius; lacrymarum causas trepidantes peragunt, & mortis suæ negotium ridentes exequuntur. O verè cæcitas, & obliuiosa infania! pro vita breuissima, pro *Æternitatis* vmbra, supra vires laboramus, pro *Æternitate* vera vitæ felicissimæ, nō dico supra vires, sed nec pro viribus laborare dignamur: hanc autem vitam non acquirere, est mortem sempiternam incurrere, quæ iuxta quod sit tormentum tormentis omnibus huius vitæ grauius, simul etiam hoc habet quod æternitate tota nulla sit futura horula quæ quietem, nondum finem mali adferat.

## §. III.

*Considerata Æternitatis effectus.*

**E**T hoc est quod tam multos Christianorum, tot Sanctorum Martyrum adeo paratos, promptosque fecit ad quosvis cruciatus, ad quamcunque mortem, vt cum in summis doloribus, in suomet voluerentur sanguine, nihilominus tam animosi & hilares, tam constante vultu, & ridente ore tortoribus insultarint: annos æternos in mente habuerunt.

Et hoc est quod tot hominum millia, & inter hæc tot prius impios in solitudines egit, in monasteria & cœnobita cōclusit, à vita molli & voluptuaria, ad seuerā rigidamque traduxit: annos æternos in mēte habuerunt. Et possent nominati homines religiosi complures, qui etiamnum viuunt, & fatentur ex hac vna æternitatis cogitatione totum sibi mundum cœpisse desipere ac displicere: talis B. Teresa, nouæ per terram Hispaniam religionis parens.

Et hoc etiam quod religiosi viris ac feminis, omnibusque alijs seueras vitæ leges amplexantibus, facilia reddit omnia & iucunda. Hæc æternitatis cogitatio laborem omnem leuem esse persuadet & breuem: hæc eadem preces, studia, vigilias commendat, & amabilia efficit. hæc famem condit atque sitim, omnemque paupertatis defectum mitigat, hæc cilicia, rigidos lectos, flagella, & quamcumque vitæ asperitatem facit tolerabilem & gratam, quisquis annos æternos in mente habet, & quoti-




quotidianis meditationibus altius atque altius illos sibi imprimit, nulli labori cedit, nullis frangitur incommodis. huic tu si regnum offeras, si delicias & voluptates maximas, ille tamen hæc omnia suo statu vel pauperismo non mutet. & talis de nulla re aut homine queritur, omnia præfert, omnibus se mittit, nam illud assidue cogitat: & quam hoc atque hoc & istud, & illud modicum quid est? patiar itaque & durabo, non durabit hoc æternum, horula est, quâ hostes mei me premunt: eia pergit detractores, lacerate me invidi, non subtraham me vobis; hæc est hora vestra & potestas tenebrarum: ego diem Domini expecto, diem æternum & quid lamentis me conficiam? tota hæc vita, vnius horulæ mors est, nec difficilis est victoria, triumphus æternus. quid furibundi maris expallescant minacis? iam portum video. Nunc quidem imbres, & tempestatum furor in capita proborum detonat, at non & olim sic erit semper, nisi Dei hostibus. Variatur Daniel cap. 12. *Multi, ait, de his qui dormiunt in terra pulvere, euigilabunt: alij in vitam æternam, & alij in opprobrium ut videant semper.* In prisca lege Deus Moyfi præcipiens: Fac tibi, inquit, duas tubas argenteas ductiles si semel clangueris, venient ad te principes & capita multitudinis Israel. si autem prolixior atque concisus clangor increpuerit, movebunt castra. Duabus his tubis comparandæ geminæ vocalæ. Nunc, SEMPER. lex mundi est: nunc lætissimus, nunc carpeamus gaudia: nunc fruamur bonis dum sunt; venite, nunc coronemus nos rosis antequam marcescant, nunc ubique signa lætitiæ relinquamus Sap. c. 2. qui vnam tantum hanc tubam attendunt, & ad solum Nunc, aurem utramque arrigunt, ij sæpe viuunt perinde ac si illud SEMPER numquam secuturum esset. ideo castra non mouent, peregrinos se esse suauissimè obliuiscuntur; quocunque lasciuia caro inuitat, beneuoli sequuntur, toti aut in fruendis opibus, aut in fruendis voluptatibus; adeoque illius Nunc clangor aures illis obundit, ut ad optima monita surdi, secuturum SEMPER non audiant. Ij verò qui utramque hanc tubam, prout Ecclesiæ quotidie illis sexcenties clangit, auribus & animo admittit, illudq; breuissimum, Nunc cum prolixissi-

mo, ac eterno SEMPER conferunt, non diu deliberant, castra mouent, viuunt ut peregrini, carnem stringunt, in itinere se esse meminerunt, diuitias & voluptates in patriam præmittunt, malunt illis SEMPER frui in celo, quam Nunc in terra. Certum est, quisquis concisum hunc & prolixiosum clangorem huius utriusque tube, mente seria attentaque percipit, & præsentia futuris transitura æternis confert, ille mox abitum parat, sepulchrum circumspicit, funebre linteum exponit, feretrum sibi locat, sua omnia componit ad iter, ubique meminit in via se esse ad æternitatem, illudque ea de causâ secum assidue pertractat: Poterone de omnibus dictis, factis cogitatis, Deo rationem reddere? & quando redditurus sum? quam ille sententiam in me pronuntiabit? Nunc ergo mihi moriar, ut & mihi & Deo viuam semper. Bene homini illi, qui maturè iam, idque quotidie, æternitatem sic cogitat quidquid agamus, hac viâ peruenimus, & forsitan breui, ad portam æternitatis, ubi totam ante nos æternitatem videbimus: mors supremâ vitæ horâ ad hoc ostium nos silet, cogetque ingredi, hoc nos moribundi sapius, & verbis & gestu docent. Obijt Anno Christiano M. DC. VI. x. Calendas Apriles, Iustus Lipsius, vir eruditione & scriptis clarissimus sæpe is sibi cum Augusto *in bonariis* & facilem mortem exoptare consueuerat, liberum etiam in illa necessitate & interpidum animum, utriusque votis accidit nam vnus tantum quatuor diebus, summum hoc egit mori, toto hoc tempore nec scriptorum à se, nec studiorum vllum omnino verbum fecit. Imò cum solatij à Stoicis magnam illi materiam superesse, qui spâ infusurraret: Illa sunt vana, respondit, digitoq; in Christi crucifixi prope adstantem imaginem intento. *Hec est, ait, vera patientia*, mox magno spiritu subiecit: Domine Iesu, da mihi patientiam Christianam, morbi inualescens initio, prima illi cura fuit, sacris Pœnitentiæ, Eucharistiæ, Extremæ Vñctionis, purgari, muniri, foueri sacramentis, piorum precibus assidue ardentique expetitis, & in altum oculis manibusque moribundis sublatis, sic piè ipse precatus est: O Mater Dei, ad sis famulo tuo cum tota æternitate decertanti, & non me deferas in hac hora, à qua pender animæ meæ salus



eterna. Habemus hic, mi Christiane, viri Catholici exemplum nobile: nos itidem à Beatissima Virgine Dei parente, eadem quotidie efflagitemus, & ardente animo de die sapius dicamus. O Mater Dei, ad sis famulo tuo cum tota aeternitate luctaturo, & non me deferas in illa hora, à qua pendet animæ meæ æterna salus.



## CONSIDERATIO

### QVINTA.

*Quomodo alij etiam improbi Aeternitatem sint meditati.*

**V**etus Patrum historia narrat, hominem religiosum, super Psalmo octogesimo nono meditatum, ad illa demum verba devenisse: *quoniam mille anni ante oculos tuos, tanquam dies hesternæ, quæ præterijt.* atque hic hæsisse, nec illud satis potuisse capere, quâ ratione mille anni & vna diecula conferri inter se possint. hic submissam à Deo ajunt auiculam, quæ cantus dulcedine ita delinivit hominem, vt longissimum, quo auctularat tempus, vix fuisse horam putarit. Spiritus, vbi vult spirat, Ioan. 3. non tantum proborum multi cum S. Dauide aeternitatem meditati sunt, sed & improbi, & penè contra quam volebant. Refert Benedictus Renatus l. 5. Magni Ord. Christianorum, hominem vanum & impium, & ad Mundi leges ex amussi factum, cui Fulco nomen, qui vti ieiunijs, ita vigilijs inassuetus, & vt in alijs, sic & in somno nil sibi deesse patiebatur, vna tamen nox illum deprehendit, quâ, vt alias, in vtramque aurem stertere non poterat; vigilare illum cogebat inusitata prorsus insomnia: è latere in latus se vertit, nec tamen somnum conciliare potuit, diem esse voluisset. hic spiritus Domini stare cœpit, quamvis in ignota terra, nâ cogitationes bonæ in isthoc homine admodum erant raræ. Incipit ergo è tædio vigiliarum cogitare varia, occurrit hic animo ecquid præmij poscis, & sic decubis biennio aut triennio continuo in tenebris, sine amicis, in leni morbo, sinclodo & comestationibus, in vincu-

lis istis, sed tamen plumeis, sed tamen etiam sine conuiuiali & theatrâli hilaritate. Et certè solusego eximius & immunis non abibo! in morbo cubare debebo, velim, nolim, nisi morte repentinâ & subitâ obeam, quod Deus nolit (bonushic ventus, bonæ cogitationes) quem autem lectum habiturus sum post mortem? corpus putrescet sub terra; ita alios, ita omnes video tractari post mortem. quid autem fiet animæ in altero mundo? non omnes credo, mortales vno loco conueniunt, vbi ergo illi, vbi isti? an non præter caelum flammæ piaculares, an non & inferi sunt? Ah! qualis ibi lectus erit damnatorum? quot annis illic iacebunt? quo, post initium, anno flammæ illæ cessabunt? Christus certè in ignem æternum non minatur mittendos impios, sed mittit; res nimis clara, nimis certa est. ergo æternum in flammis ardebunt: ergo mille & iterum mille anni non sufficient, ad eluenda breui vitæ peccata? æternum ergo non videbunt solem, non caelum, non Deum, æternum miserimi? ah! ah! His talibus cogitationibus adeo insomnis est factus & vigil, eoquæ progressus, vt noctes diesque cæteros, hæc cogitata aeternitas illum sit insecrata. voluit excutere molestos hos animi vermes; non potuit ludos, pocula, sodales, symposia non intermisit: ita morosas conscientie querelas, cum inter alios fuit, minus audiit, cum solus ad se redijt non effugit. inherebat animo aeternitas, & vrgebat. tandem statuit emendare vitam, & melioribus se studijs dare. Et quid ego, ait ipse secum, miser hic ago? fruor mundo, nec fruor, multa patior quæ nollem, multis carco, quæ veilem habere. seruiro: sed quis mihi mercedem? facilè vidi hætenus quæ sint Mundi præmia, cum diu seruiieris. & fac frui me delitijs quascunque optare possem, & quamdiu hoc durabit? nec in crastinum quidem certus sum vitæ; satis id probant quotidiana funera. ô aeternitas si tu non esses, ô aeternitas si extra cælum sis, vel in molissimo lecto iniucunda eris & acerba. agrè quidem abstrahimur ab ijs, quibus inseruiamus, durum est à lautioribus epulis, largioribus poculis, charioribus sodalibus sic auelli, at si cunctemur, mors præuenit, & rapit hæc omnia; quid ergo differs, quin honestam tibi

neceſ-



necessitatem indicis? Age, alius ero, aut nullus. Vita hæc nimis mihi brevis est, nimis longa est æternitas. alio nunc eundem est, non muto? ita pergō. fecit quod dixit: & sacra Cisterciensium familiæ se addicens; probe vixit, piè mortuus est. O æternitas, quàm pauci sunt qui sic seriò de te cogitent, quàm multò pauciores qui perpendant & inhæreant! omnia alia quæruntur, sola vilis est æternitas diuitiæ cogitantur, sed fluxa & relinquenda: honores ambiuntur, sub breui adimendi, voluptates amantur, sed quæ malum & acerbum habent finem: quies desideratur, sed quæ non diuturna est: amicitia expetitur, sed quam mors dirimit: conuersatio passim in voto est, sed non ea quæ in cælo, abundantia quæritur, sed eo loco ubi defectura est. quod si æternitatem cogitaremus sæpius, certè in res tam brevis æui, nostra minus calerent desideria. testem do diuum Bernardum, epist. 3. Æternis iohianti, fastidio sunt transitoria. Sunt autem qui nescio quam æternitatem ore voluant, & quædam eiurent æternum vitanda. audiuntur quandoque eiusmodi promissa. In æternum, suspectum hunc & peccati fauorem locum cauebo? hominem illum, illam sceminam, illum in malo socium, æternum non adibo amplius, commensationes illas & choreas æternum euitabo; satis est semel, satis est toties hic & illic, cum his & illis peccasse. bene, mi homo, proponis; & quia peccatum metuis, etiam peccati periculum iure fugis: sed vtinam tam sanctè serues, quam facillè promittis. Aliquando vix dies aut horæ abeunt paucula, cum idem omnino facis quod adeo cinxisti & execratus es. Considerate hic agendum est, & fortiter. nil temerè Deo promittendum; quod verò promissum, sanctè constanterque seruandum est. exemplis admodum luculentis docemur, quâ puniat Deus, si fidem illi datam frangamus.

## §. I.

*Homini & aranea labores collati.*

**A**lia est æternitas, sed pessima, quam sibi mer pollicentur ij, qui cælum sibi struere volunt extra cælum, & beati esse antequam mortui. Propter hoc (ait Isaias cap.

28.) audite verbum Domini, viri illusores: dixistis enim, percussimus fœdus cum morte, & cum inferno fecimus pactum. ô infanti, quam nulla est hæc vestra æternitas! nil stabile aut perpetuum in hoc carcere. Regius vates eleganter id explicans: *Anni nostri*, ait, *sicut aranea meditantur*. Psalm. 89. non potuisset brevius & melius, quid enim aliud sunt omnes anni nostri, nisi continua exercitatio & laboriosa meditatio; totum vitæ nostræ tempus vanis laboribus, multis doloribus, varijs timoribus, crebris suspicionibus, sollicitudinibus penè innumeris exercetur; sicut aranea cum fila filis nectit catenatus & continuus est noster labor, continua suspiria, iam vt illo fruamur, iam vt istud amoliamur à nobis, multa facimus & laboriosa supicimus, & heu nescimus quod aranearum telam teximus, grandi labore, nullo effectu anni nostri sicut aranea meditantur. Aranea laboriosè telam suam orditur, diu multumque discurrit, hac illac circuit, in idem sæpius redit, seipsam consumit, dum suam illam multiplicium filorum rotulam absoluat, exenterat & euiscerat sese, ( alij aliud sentiunt: non litigo ) vt suum istud perfatile tentoriolum ex arte concinnet, quod vt sublimi suspendat, affigat, firmetque, sexcenties it & redit, nec visceribus suis parcit, libenter ea in tenuissimam hanc texturam impendit. Cum verò tralucidum hoc & subtilissimum conopeum iam pender alligatum, & textile hoc opus absolutum est, ad leuem scoparum ductum, omnis labor intercidit & perit; misella, vero aranea vel in tela sua interficitur, vel eâ velut laqueo trahitur ad mortem, pedè obterenda. ita imprudens animalculum, aut funebre sibi ipsi linteam neuit quo inuolueretur, aut restim confecit quo necaretur, ita prorsus homines, instar araneæ, multis sese laboribus exhauriunt, vt in altum emergant, vt voluptatibus affluant, vt opes struant, vt retineant & augeant. hisce conatibus omne suum ingenium impediunt, & sepe valetudinem discurrunt, fatigantur, sudant, eneruantur? vti aranea viscerum egestu; & cum omnia fecerint, telas araneatum habent & texturum opus, ad capiendas mulcas. sæpe suo ipsi operi immoriuntur, dies quos geniales sperabant, fatales inueniunt; sepul-



chrum est, quod palatium esse censebant, sic anni nostri velut aranea meditantur: verè maximam partem meditantur tantum, plurima namque facturos nos proponimus, pauca facimus, & plerumque quæ rectius non faceremus: nullam habent perpetuitatem, ad quæ tanto molimine tendimus, & plerumque non peruenimus, ita pactum cum morte, fœdus cum inferno nullum est. tabescimus omnes & morimur, hoc pessimum, quod ita cœci adeamus æternitatem, quam numquam exhibimus. Guerricus, cum audisset in templo legi è libro Geneseos, capite. 5. Factum est omne tempus quod vixit Adam, nongenti triginta anni, & mortuus est. Et facti sunt omnes dies Seth nongentorum duodecim annorum, & mortuus est, factique sunt omnes dies Enos nongenti quinque anni & mortuus est. Et facti sunt omnes dies Mathusalem nongenti sexaginta nouem anni, & mortuus est. &c. ita mortem concepit animo, & se quoque moriturum, tam valide impressit menti, vt demum in S. Dominici leges iurauit, quod mortem sanctius obiret, & tutius adiret beatam æternitatem, quando hic nulla est reperienda æternitas.

## S. II.

*Qua in mundo sit omnium optima questio.*

**R**efert D. Matthæus, ca. 19. venisse adolescentem ad Christum, qui quæstionem proponeret. probus fuit hic adolescens, quod ex D. Marco ca. 10. licet conijcere, nam genu flexo venit & seruatorem interrogauit in hæc verba: *Magister bone quid faciam, vt vitam æternam percipiam?* Præcepta nosti, respondit Christus, si vis ad vitam ingredi, serua munda Philippis in vrbe Macedoniæ, custos carceris, Paulo & Silæ ad genua accedès, querit. Domini, quid me oportet facere, vt saluus fiam? (Act. 19. vers. 30.) optima quæstio: nil melius, nil & vilius potuissent hi querere: Sed, o bone Deus, vbi hæc quæstio in mundo? perpetuè vbique quæstiones volant, hæc vna ferè nusquam, & plerumque suis se quæstionibus produnt homines, protrahuntque in lucem vel simplicitatem, vel curiositatem vel latentem alium animi morbum: qui adeo

gnauè quærit, vbi venale sit vinum bonum, satis aperit quid curæ sibi sit, quærit alius, ad quod non possit non erubescere auditor: satis hic patet, cor plenum esse eo quo os abundat, plena sunt omnia quæstionibus, sed quàm rarum est, vt alter alterum interroget: putasne hæc via ad cœlum deat? Omnium quidem vitiorum hoc est maximè libidinis & luxuriæ, vt cum quis profundum petit & incipit submergi, non facillè serio sincereque animo quærat: istone viuendi genere beatam Æternitatem obtinebo, si cecine itur ad astra? Sed tamen ij omnium minimè hoc querunt, quibus iucunda & suavis est vita; qui parum mœroris sentiunt & afflictionis, aut si sentiunt, omnia agunt, ne sentiant. PATI apud illos extremum malorum est: modo ipsis nunc benè sit, quicquid fatalijs, quicquid futurum sit in illâ, de quâ nil cogitat, æternitate, quotidianum illorum carmen est: Cælû cæli domino, terram autem dedit filijs hominum, nec desunt eis corporis & animi vires, quibus hominum conatus ad momentum effugiant: sed vt in lōgas illas summi iudicis manus sine effugio incidant, & longissimas scelerum suorum luant pœnas, quod si Deus arcanissimis suis iudicijs hominem reijciat, reprobetque, & ex impotentis animi libidine permittat viuere, pleraque illi omnia prospere & feliciter euenire sinit, ne miser bis puniatur, hic & illic, & si quid boni fecit, mercedem statim recipiet de eiusmodi male fortunatis hominibus, verè pronunciauit illud Psaltes regius: In labore hominum non sunt, & cum hominibus non flagellabuntur: ibunt in adinventionibus, suis, & hic est miserimus vitæ status, si quis esse potest, quia quem Deus destinauit ducere in viam beatæ illius æternitatis, huic certè non parcat, sed *assiduât flagella*: Eccl. 30. Ex innumeris testibus sisto vnicum, sed magnum, nil simile multis retrò sæculis visum auditumque censeo.

## S. III.

*Quomodo Deus hic puniat, vt ibi parcat inauditum exemplum.*

**A**NNO post Virginis partum, millesimo centesimo octogesimo quinto, Androni-




Andronicus Orientis Impera. tertio imperij sui anno, ab Isaacio Angelo victus, duabus gravibus ferreis catenis collo iniectis, & compedibus oneratus, verbis contumeliosissimis exceptus; ita demum ornatus ad Isaacium perductus est, hic illi seditus & tyrannis exprobrata, facta omnibus licentiâ, quidlibet in illum audendi, iucundum fuit irritatis, ab hoste vindictam sumere, itaque impinguntur ei colaphi, tergum ignominiosè pullatur, barba vellitur, capilli trahuntur, dentes excutuntur: in publicum deinde protrahitur, omnium ludibrijs exponitur, etiam à mulierculis pugnis ceditur, post dextra ei præciditur & sic, mutilus infurum & latronum ergastulum detruditur, sine cibo, sine potu, sine cuiusquam officio. Paucis elapsis diebus, alter ei oculus effoditur, ipse sic fœde habitus, & vno ratum oculo vnaque manu deformis, curtâ infuper breuique tunicellâ male amictus, capite raso & glabro infamis, scabioso camelo imponitur, per forum triumphi formâ, lentâ pompâ deducitur, hic plebs petulantissima, & circum foreana sordida turba, efferatis animis in eum fecit impetum nulla habitâ ratione, quod is nudius tertius fuisset imperator, regio diademate redimitus, ab omnibus laudatus, cultus, celebratus, adoratus, quodque & ipsi iureiurando fidem suam & benevolentiam erga illum obstrinxissent: furor omnibus ministravit arma. clavas alij in caput impeerant, sordibus alij nares opplerunt; alij spongas hominum pecudumque excrementis & oieto plenas in faciem expresserunt, veribus alij latera pupugerunt, illi lapidibus, hi luto petiverunt; isti rabidum canem, fungum alij & balaam proclamant. Impudens muliercula illam è culinâ raptam bullientis aquæ plenam, in transeuntis istius Imperatoris caput effudit: nemo erat qui ei non malè faceret. Ita demum summo ludibrio in theatrum productus, & mox camelo detractus, inter duas columnas pedibus suspensus est, qui sexcenta mala iam perpessus fuerat. virum tamen & heroem se gessit planè Christianum, lamentari & eiulare aut fortunam accensare auditus non est; & frustra id fecisset, cum Deo cœpit rationes ponere, & noxarum veniam orare, illud enim solum identidem ingeminabat: Domine miserere, do-

mine miserere, miser Andronice, quod tanta ferre cogaris; felix, quod patienter feras & agnoscas peccata sic esse expianda. Sed nec suspensio furibunda turba, dum vixit, pepercit: direptâ tunicellâ, variè manibus agitarunt & lacerarunt, ferocior unus enslem perpendentis alium ad intestina adegit, duo alij periculum facturi, vtrius gladius esset acutior, ambabus annexi manibus, aversum corpus transfixerunt, hic miserrimus Imperator, mutilatam dextram agrè admovit ori, calidum ex eâ sanguinem, ut multi putabant, ob recentem plagam, adhuc stillantem, exacturus; sic miserè vitam abruptit. Diebus aliquot interiectis, ex infami furca detractus, sub theatri fornicem pecudis instar proiectus est, dum humaniores aliqui in locum alium transfulerunt, eum tamen à nemine sepelire permisit Isaacius. O Andronice, ô Imperator Orientis, quantam tibi Deus fecit gratiam, qui hæc te pati voluit paucis diebus, ne perires omnibus diebus, breui tempore miser fuisti, ne esses æternum. nec dubitem quin annos æternos in mente habueris, cum hæc tã fortiter toleraris. Scripsit hæc qui ævo illo vixit Nicetas Choniates, qui & Andronicum ab eo commendat quod fidei Catholicæ tenacissimus fuerit, simul & devotissimus D. Paulo Apostolo, cuius epistolæ præ manibus, & nunquam non apertas habere consuevit. Neque verò Apostolus istud obsequij gratis sibi deferri est passus; curam gessit sui cultoris Andronici, cui cum exitium immineret, imago Apostoli auro exornata & in æde sacra collocata, vberim illacrimasse visa est. quod ostentum, ipse statim Andronicus, non aliter atq; venturæ cladis nuncium acceperat. O Christiani, annos æternos in mente habere; sic quicquid malorum ferendum est longe facilius perferetis: breve videbitur, quicquid cum æternitate conferetur: *Id enim quod in presenti est momentaneum & leve tribulationis nostræ supra modum in sublimitate, æternum gloria pondus operatur in nobis.* 2. Cor. 4. Hinc tam serio clamat & precatur August. domine hic vire, hic sece; modo in æternum parcas. Et D. Fulgētiū, et si sanctissimus, mortuū vicinior septuaginta diebus, antequam finiret, identidem clamabat: *Domine da mihi modo patientiam, & postea indulgentiam,* hæc illius



illius voces & vota fuerunt vsque dum exhalaret. Certe Deus ijs omnium minime parcit, quod per totam æternitatem secum retinere decreuit.



## CONSIDERATIO

## S E X T A.

*Quomodo sancti Patres, Ecclesia, Scriptura, Æternitatem meditandam ingerant.*

**R**itus Catholicus est, statis annis diebus supplicare & circumire, Dei & Dñorum honori augendo. Æmulatur id dæmon: habet & ipse suos qui supplicent & circumumeant. Vidit hos regius vates: *Impij in circuitu ambulant.* Psal. 11. Vitam suam sic instituant, vt à voluptate transeant ad voluptatem, à conuiuio ad conuiuium, à delitijs ad delicias, à scelere in scelus, hic illorum circuitus est; & cum putant hunc nequitie circuitum pœnæ completum, & vtrumq; circinatum libidinis suæ orbem, denuò incipiunt, ad priora & antiqua redeunt, dum mors ita circumeuntibus non vocata occurrat. Libèri Iob hanc inter se legem statuerunt, vt in orbem transirent dies conuiuij; alteri ab alteris iuuirentur, Optimus illorum parens probe aduertit orbicularem hunc conuiuiorum transitum, sine peccatis vix futurum. *Propterea mittebat ad eos, & sanctificabat illos, consurgensq; diluculo offerebat holocausta pro singulis.* Iob 1. Vti ergo impij voluptatum circuitione gaudent, & in bonis dies suos ducunt, ita Deus circuitum cum illis instituet, sed perpetuum, sed in tormentis, sed æternum idem hoc B. David Psal. 76. *Præuidit: Etenim sagitta tua transeunt, vox tonitru tui in rota.* Fames, bellū pestilentia, ærumnæ, morbi, calamitates, mors ipsa, aduersa denique omnia, quæ ante mortem primam nos premunt, Dei sagittæ sunt, sed transoluant; alacres sunt celerrimè ab his ad illos atque alios transiliunt. At verò vox tonitru, vox iræ & furoris diuini in inferorum ergastulis, velut rota circumagetur, idque æternis sæculis, rota hæc veluti si puluere tormèntario stipata sit, vbi semel ignem conceperit, at-

debit in omnes æternitates. *Ignis succensus est in furore meo, & ardebit vsque ad inferni nonisima.* Deu. 32. Est & alius hic circuitus, itque etiam æternus: ab inexplicabili frigore, ad imensos ardores, & ab his ad illud iterum regressus erit. ad nimium calorem, inquit Iob 24. ab aquis niuium transeat, quod expressus & stridor dentium & oculorum sterus designat Matt. 22. Horribilem Æternitatis rotam, quò plenius depingamus, ordo postulat, vt qua ratione sancti Patres cum Ecclesia, hæc cum diuina Scriptura in hoc conueniat, ostendamus, variæ ab his admonitiones sunt, quas si attendamus, æternitatis non faciliè obliuiscemur.

## §. I.

*Sanctorum Patrum & Ecclesia circa hoc responsa.*

**E**X omni numero Sãctorum Patrum, quinque potissimum audiendi sunt, qui diuersis temporibus vixerunt. Augustinus, Chrysostomus, Gregorius, Bernardus, Laurentius, Iustinianus.

Prima hic est quæstio, sed quæ vana & stulta videatur, quid facilius aut tolerabilius sit, triduo pati capitis, oculorum, dentium, vel calculi dolores, vel viscerum tormina, vel (si qui alij sunt acuti dolores) noctes diesque somnum non videre, sine omni penè respiratione torqueri; aut certè de pisce, in quo fel compressum est, frustillum edere, ridicula prorsus & otiosissima quæstio, multo quã suauius est, totum eiusmodi felleum piscem deuorare, quam diem dumtaxat vnicum, tantos perperit dolores, illa piscis amarities nec vitam aufert, nec ex se morbos creabit; os solum, quod acerba respuit, maximè conquereatur, rectè responsum est. Interea verò quot hominum millia primum eligunt seu verbis seu facto ipso, quoties in exhortationibus, in confessionibus, concionibus clamatur. quam disertè & apertè prædicitur: En agitur de animæ vestræ salute eternâ, æterni vos cruciatus manent; si hac viâ porrò eatis: Christus aliam monstrauit, aliam iuit: redite, respicite, satis diu aberratum est, in voluntate vestrà situm est cælo frui, aut excludi: Deus volentibus non deest, habent quidem

amaro.



amaroris aliquid abſtinentia & ieiunium, criminum confefſio & corporis caſtigatio, ſenſuum cuſtodia & victoria ſui, vita caſta & continens, non eſt negotium cuius facillimum, quicquid id eſt, ferendum eſt aliquid, *Nonne oportuit & Chriſtum pati, & ſic intrare in gloriam ſuam?* Ne terreat brevis labor: pauculis annis, aut forſan diebus tantum, fortia & agere & pati neceſſe eſt, quies & gaudium erunt æterna, vincit omnia qui ſe vincit, qui ſe continet, qui prauis affectibus ſuis violenter reſiſtit, idque propter cælum, propter Chriſtum, propter beatiffimam Æternitatem. Chriſtus ſuis poſt reſurrectionem appoſuit piſcem prunis impoſitum, quod doceret, quanta forent adhuc ſuſtinentenda: vitam æternam & ſuauem non eſſe cogitandam; lapidandos, flagellandos, cruciſigendos, excoſtandos, hæc enim viam eſſe ad latam olim reſurrectionem, & æternitatem inter beatos ducendam: omnia quæ videmus modica eſſe & exigua, nec comparanda cum immortalitate, & quæ nondum videtur, beatitudine. Et hic ille ſelleus piſcis eſt, qui toties in concionibus, in libris apponitur, nam hæc aliaque his ſimilia ſepe ſapius ingeſcuntur & inculcantur, leguntur atque audiuntur, & tamen non creduntur, pauperiſcuntur, curis alijs & obliuione ſepeliuntur, & quoties ipſa etiam conſcientia concionatoris vices agit, & ſalubria hæc monita obtrudit, inſtat, dehortatur, vellicat, nihil efficit: fruſtra omnia, nam multis nec concionator perſuadet nec conſcientia, contra obducunt illi & ſua etiam axiomata regunt: *modo hic bene: futura ſunt incerta: præſentia modo commode habeant: nullus moriturum reuertitur, non enim eſt qui agnitus ſit reuerſus ab inferis; venite ergo fruamur bonis.* hæc illorum ſunt cantilenæ. Sed propoſitam quæſtionem definiat Augu. Melius eſt, inquit, modica amaritudo in faucibus, quam æternum tormentum in viſceribus, ita proruſus, verè melius eſt in hoc, quam altero mundo contracta debita ſoluere, longè ſatius eſt ſexaginta aut ſeptuaginta hic annis, corpus exercere continuis & quotidianis vigilijs, flagellis, cilicijs. quam illic vel vno die in tormentis derineri, ſed alius è SS. PP. ſuccedat.

S. Chryſ. hom. 22, ad Pop. ſecundam pro-

ponit quæſtionem. Si quis, ait, intra centum annos, vna ſolum nocte ſuaue lætemque ſomnium vidiffet, & centenis ob id annis puniretur, an ſomnium hoc appetendum eſſet? Quod autem, inquit, eſt ſomnium ad centum annos, hoc eſt præſens vita ad futuram, imo multò minus, & quod eſt gutta ad pelagus, hoc anni mille ſunt ad futuram æternitatem, & alibi hoc confirmans: Tempori, hoc. 28. in ep. ad Heb. ait, infinito quid conferes? quid ſunt decem millia annorum cum ſæcula cogitas infinita? nonne quantum eſt ſilicidium minimum abyſſo comparatum? Noli poſt hanc vitam ſpectare finem, vbi poenitentia remedium nihil valet, vbi lacrimæ cadunt ſed nihil profutura: verum, eſi quis ibi dentibus fremat, eſi linguam ardentem exerat, digito guttam inſtillabit nemo, ſed audiet illa quæ diues audiuit. detur igitur quod per totam vitam noſtrâ voluptati vacauerimus, ſed quid hoc ad ſæcula infinita? hic enim & bona & mala finem habent, illic autem immortales poenæ; hic ſi ardeat corpus, egreditur anima, illic vero incorrupto corpore reſurgente, ſemper anima conturbetur: peccatores enim incorrupti reſurgent, non vt honorentur, ſed vt immortaliter permaneat in tormentis. Poſt Chryſoſtomum D. Gregorius reſpondet ad illud cum quæri ſolet, an non celerior ſeſe inſinuet ebrietas cum in cella bibitur ad dolia quam cum in triclinio? gloriatur cæleſtis ſponſa Salomonis ore, (Cant. 2.) Introduxit me rex in cellam vinariam, ordinauit in me charitatem, in quæ verba S. Gregorius ita diſſerens: quid per cellam inquit vinariam, congruentius, quam ipſam arcanam æternitatis contemplationem accipimus: Et certè quicunque cogitationem hanc de æternitate paulò altius in animum demiferit, gloriari poterit: ordinauit in me charitatem; nam meliorem ſeruabit ordinem amoris, ſeipſum minus, plùs atque ſeruentius Deum, & propter Deum, ipſos etiam inimicos amando. Sed & hoc habet iſthæ cogitatio, vt qui eam paulò largius delibat, ebrius fiat, ſed ebrietate optimorum deſideriorum, quæ non erant niſi ad emendationem vitæ ad cæleſtem patriam, ad æternas voluptates. Apoſtoliſis exprobratum eſt, ebrios eſſe muſto, erant certè, ſed ex

hæc



hac cellâ quamvis autem D. Gregorius æternitatis sæpius meminerit, illud tamen ab ipso brevissimè simul & verissimè dictum est; *Momentaneum quod delectat, æternum quod cruciat*, hic merito quiuis optet cum Iob cap. 19. Quis mihi det vt exarentur in libro, stilo ferreo, nimirum hæc ipsa verba: *momentaneum quod delectat, æternū quod cruciat*, liber huic scripturæ aptus, cor hominis est: calamus aut stilus ferreus, seria meditatio; liquor purpureus, Christi sanguis, & hæc verba sic insculpta pectori, tum maximè voluenda sunt, & crebrius iteranda, cum voluptas abblanditur, cum libido stimulat, cum inuitat luxuria, cum refragatur caro, cū spiritus flaccescit, cum peccati occasio est aut periculum. S. Bernardus quarto loco venit, paulò post ad præmittendam quæstionem responsurus. Vita humana ea est, vt homines sint diuersissimi sensus, quemadmodum diuersissimi sunt vultus. reperiuntur qui continuè & grauiter affligantur, vt pœnè succumbendum putent afflictioni, hunc egestas, illum morbus, istum occulta debita, curæ alium, hunc iniuriæ aut calumniæ ita premunt & perturbant, vt qui pusillanimes sunt & impatientes nonnumquam mortem sibi optent ad flumen aut ad restim properent, sic enim miseri finem criminis imponendum arbitrantur cum earum faciant initium, cui nullus concedetur finis. Contra probi alij & ad omnem Dei voluntatem paratissimi, nec citò mori cupiūt, nec diu viuere, vult Deus illos mori? idem volunt & ipsi: vult citò mori? hoc ipsum & illi volunt: vult diu viuere? non resistunt, ita idem illis cum Deo & velle & nolle est. Præter duo hæc hominum genera, pars maxima est, quæ longam vitam desiderat nec vllus ferè tam senex, quin speret & cupiat annum adhuc vnum viuere, apud hos nulla ferè satietas est vitæ, mors istis nimium properat, nimis adest matura, & ante tempus venire creditur. Hic iam quæri posset, quinam hominum viuunt aut victuri sint diuissimè. D. Bernadus in Ps. 90. sermone 17. in diuinum hoc promissum: Longitudine dierum replebo eum, admirabundus exclamat: quid tam longum, quam quod æternum est? quid tam longum quam quod nullo fine præciditur? bonus finis vita æterna, bonus finis,

qui finem non habet. Addit: Verus dies qui non nouit occasum, æterna veritas, vera æternitas, ac proinde vera æternaque societas. Ita dicendum est, illos solum vitâ vere longâ victuros, qui nunquam morientur in cælo: & illos morte eheu nimium proluxâ morituros, qui semper morientur, qui nunquam viuunt in tartato, etsi semper viuunt. B. Laurentius, Iustinianus, vltimum nobis quæsitum explicabit. plurima sunt in hoc orbe, quæ natura ita vni assignauit loco, vt in alijs reperiri non possint, aut non nisi pars illorum de floribus noui orbis solum potest haberi semen; de multis animantibus sola pellicula. Æternitas, ita res est alterius Mundi propria, vt illius non nisi semen hic habere possimus: quid ergo semen est æternitatis; Semina æternitatis, ait Laurentius Iustinianus, libro de obedientia capite vigesimo sexto sunt hæc: contēptus sui, charitatis donum, operum Christi gustus, contemnere alios, arbor est quæ totum tegit mundum, & pro inferorum incendijs excreuit amplissimè contemnere seipsum, & minimum est semen, & ignotissimum mundo istud è cælo attulit Christus, qui exinanivit semetipsum formam serui accipiens, & factus est obediens non tantum vsque in stabulum, in præsepe, sed vsque in Caluariam, vsque in crucem, ad mortem, in sepulchrum, in limbum: propter quod & Deus exaltauit illum. En, creuit hoc semen in latissimam propaginem, in arborem omnium latissimam. de charitate idem beatus Patriarcha libro de disciplin. & conuersat. monast. mentionem faciens: Iuxta charitatis, inquit, mensuram, æternæ retributionis est gloria. Nam cui minus dimittitur, minus diligit. (Luc. 7.) minus obtinet gratiæ, qui minus habet charitatis; vbi verò minor est gratia, minor erit & gloria, ita omnino, quanto magis Deum amas, tanto magis æterna tibi præmia cumulas, tota lex est amor, sed purus, castus, diuinus. Tertium erat, gustus operum Christi, scitum est de ijs, qui student Rhetoricæ: proficere censendos esse illos, quibus Cicero sapit. ita prorsus affirmari potest, in virtute progredi eos, quibus diuina Christi documenta non desipiunt, quisquis in Christi verbis, factis, vitâ, vix quidquam gustus inuenit, non afficitur, non delectatur,



tur, non mouetur ijs, quæ ad animum & pietatem, quæ ad beatitudinem & diuina spectant: at vero comedere, bibere, ambulare, ridere, iocari, ludere, per quam sapiunt, is tutò sibi ipse dicat: O mi Deus, quàm nulum est in me semen æternitatis: cum enim in memet descendendo manifestè in me deprehendo, quos ego patiar manes, quò meus me inuitet affectus: choreas ducere, cõuiuijs hilarescere, ad pocula vigilare, fritillum & tesseras mouere, infantijs & fabulis auscultare, impuras pagellas lectitare, ad cantiunculas veneras plaudere, socijs paria facere, hoc possum, hoc mihi incundum est & volupe. at vero multa de Christo, de diuorum vigilijs & ieiunijs audire vel legere, hoc iniucundum est & infuauit; ægrè totà duro concione, vna illius horula, cæteris longior videtur, & ideo vel somno vel colloquio fallenda de hoc tali homine sententiam pronunciare facile est: Operum Christi nullus est hic gustus. sed Ecclesiæ de Æternitate sensum videamus.

Tanti facit Ecclesia memoriam æternitatis, vt nullus sit psalmus, precatio, hymnus, quem non finiat æternitatis memoriâ. hinc perpetuæ & solemnes psalmorum clausulæ: Gloria Patri, & Filio, & Spiritui sancto: Sicut erat in principio, (ante omne scilicet principium ab æterno, absque omni principio) nunc & semper, & in sæcula sæculorum, infinita, innumera, incompresensibilia, taceo vestes, ritus atque ceremonias sacras, quarum non pauca, eandem æternitatis memoriam ingerunt, sed à riuiis ad ipsum fontem progrediamur.

## S. II.

*Scripturæ diuina clara de æternitate testimonia.*

**T**Res solum testes produco: prophetam, Apostolum, Euangelistam? quanti quotidie gemitus eunt hominum abiectorum & despectorum ab omnibus: passim reperias quid dicat: Miserum me, quàm paucos ego, quia pauper, amicos numero: apud omnes inhonoratus iaceo, vbique spernor, omnium penè pedibus proteror. Expecta, mi homo, paulisper, & patere, nondum omnium dierum soles occubuerunt: promissum diui-

num attende; Baruch cap. 5. pronuntiat: *Circumdabit te Deus diploide iustitia, & imponent mitram capiti honoris æterni.*

Sunt alij, qui naturam accensent, & vitam cornicibus longam, breuem nimis concessam homini querantur. Audite queruli, adhuc alia superest vita, vbi breuis hæc & vana desierit; Beato Paulo credite testificanti: *Scimus quoniam si terrestris domus nostra huius habitationis dissoluatur, quod ædificationem ex Deo habemus, domum non manu factâ æternam in calis* 2. Cor. 5. quæ ergo tanta iactura est si luteum hoc tuguriolum nostri corporis corruat, cum palatium aureum nobis paratum sit, numquam ruiturum? Prophetæ & Apostolo testis accedit Euangelista Matthæus, cuius ore in hæc verba Christus loquitur: *Si manus tua vel pes tuus scandalizat te, abscinde eum & projice abs te; bonum tibi est ad vitam ingredi debilem, vel claudum, quam duas manus vel duos pedes habentem mitti in ignem æternum. Et si oculus tuus scandalizat te, erue eum & projice abs te, bonum tibi est vnum oculum habentem in vitam intrare, quam duos oculos habentem mitti in gehennam ignis.* ô ignis! ô gehenna! ô æternitas! quodcumque damnum temporis, ad damnum æternitatis collatum, lucrum est, non damnum: hoc sensu dat Christus, oppignerationis seu stipulationis chirographum D. Matthæi verbis consignatum: *Et omnis (inquit) qui reliquerit domum vel fratres, aut sorores, aut patrem aut matrem, aut uxorem, aut filios, aut agros propter nomen meum, centuplum accipiet & vitam æternam possidebit.* An non hæc clara satis est promissio de beata æternitate, cum in pignus detur illud centuplum? Cum verò Christus apud eundem Euangelistam, de supremo iudicio præmonet, æternitatis ter facit distinctam mentionem, supplicij æterni, ignis æterni, & æternæ vitæ. Expendit hæc profundiore meditatione Pachomius, qui post tot labores in vasta eremo susceptos, nouum dormiendi, imò potius vigilandi genus excogitauit. quindecim annis non admisit vquam somnum, in tugurio suo decumbens aut iacens; neque vlli fulcro incumbens, sed in medio cellulæ suæ sedebat, vndequaque liber, adeo vt nec tergum aut latus parietis acclinaret, sed, si quidem somnus vincere



veller, sic vinceret non deiectum, non suauiter recubantem, & recusantem vinci. Plurimum quidem, hac vigiliarum obstinatione vir sanctus affligebatur, a quo tamen ferebat animo difficillimam hanc contra somnum luctam, spe prælibans æternam illam in cælo requiem. Eò Pachomium perpetuæ quietis meditatio deduxit, ut etiam humi cubare & terram pro lecto habere, inter delicias numerarit.

Cum ergo sancti Patres, Ecclesia, & Scriptura variè nobis æternitatem proponant perpendendam; nostrarum nunc partium est, ut quisquis æternus esse vult in cælo, serio cogitet: ô mi Deus, quam rarò hætenus & quam frigide de æternitate cogitavi, præterquam quod horis singulis æternitati suam viciniore, deinceps in re tam seria minus ludam, & si quidem mihi multa ex voto fluere, resque meas prosperè & feliciter euenire aduerto, proximum erit ut cogitem: & quamdiu hoc durabit? eritne semper tam serena tempestas, itane semper Phœbus & fortuna ridebunt? & quid mihi mercedis rependet, secutura mox æternitas, pro hac suavi sed breui, pro grata hac sed periculosa felicitate? quod si vero res meæ sint turbidæ, si multa contra votum eueniant; si affligat, si cruciet, si hinc illic mala & infortunia in me coniurent, irruant, exagitant, illud vnicum assidue cogitabo: Sine tantum; sine, peragat mandata factorum tempestas, inhorrescat hoc mare magnum & iratum, fremant afflictionis venti, impellanturbationum undæ, nubes tentationum minentur, tenebræ mæroris inuoluant, fractus licet illabatur orbis: non semper ruinæ, non semper procellæ: hi venti aliquando ponent, subsident fluctus, nimbus & grando dispellentur; quidquid demum hic patiar, non durabit æternum: cadet mea crux, saltem cum ego morti cecidero victima. at verò procellis omnibus procellosus est, flammis additi æternis. hoc longum tormentum est: alia omnia quæ extra æternitatem sunt, breui, volucra, momentanea sunt. Vmbræ sunt & somnium (ait Chrysost.) qualiæcunque sint, illa speremus & expectemus. Et quomodo Christus discipulis suis illud MODICUM inculcat? omnes cruciatus suos, & acerbissimam in cruce mortem MODICUM VO-

cat, omnes Apostolorum labores & violentam per supplicia necem, MODICUM appellat, cur ergo non & mihi MODICUM videatur, quidquid patior, tamen centum in annis patiar. *Adhuc enim modicum aliquantulumque, qui venturus est veniet, & non tardabit.* Ad Hebr. c. 10. v. 37. sic igitur pergam, & illud porro vnum iudicabo esse necessarium, ut nil agam contra conscientiam, nil contra Deum. omnia ei salua sunt, cui salua est beata ÆTERNITAS.

## S. III.

*Omnia MODICUM sunt præter  
Æternitatem.*

V Erè nimis quam MODICUM est quidquid hic seu laboris seu doloris perferendum est, Augustinus tract. 107. in Ioannem: Hoc modicum, inquit, longum nobis videtur quoniam adhuc agitur, cum finitum fuerit; tunc sentiemus quam modicum fuerit. Sapientissimus hominum, ut omnem humanæ vitæ periodum, vel ad centum annos ampliatam, proprio penicillo depingeret, minutissima rerum sibi sumpsit exprimenda; ita enim dilucidè affirmat Ecclesiasticus c. 18. *Numerus dierum hominum ut multum centum anni: quasi gutta aqua maris deputati sunt & sicut calculus arena, sic exigui anni in die aui.* En, quid vobis, ô longæui & centum annorum senes plauditis? omnes anni nostri quid sunt? lapillus arenarius & marina guttula, & quid lapillus est ad altissimos arenæ montes? & quid est guttula ad profundissimam maris voraginem? ita quinquaginta, sexaginta, ita centum anni vestri, ô senes: MODICUM sunt, nihil sunt ad illum æui & æternitatis diem. Et tamen cum hoc lapillo, cum hac guttula sic triumphamus ô vani & miseri! lapillus est vita nostra, at non pretiosus lapillus, non auri & gemmæ, sed arenæ: guttula est vita nostra, at non dulcis aquæ guttula, sed salissimi maris: Cuncti dies eius doloribus & erumnis pleni sunt, nec per noctem mente requiescit, ait Ecclesiastes c. 3. Vere August. in Ps. 36. Recole, inquit, annos ab Adam vsque in hodiernum diem, Percurre scripturas: heri penè Adam ille de paradiso lapsus est, ubi enim sunt præterita tempora? si toto illo tempore

vive.



viueres, ex quo Adam de paradiso dimissus est usque in hodiernum diem: certe videres vitam tuam non fuisse diuturnam quæ sic auolasset, vnus autem cuiusque hominis vita quanta test? adde quantoslibet annos, duc longissimam senectutem, quid est? nonne aurâ est matutina? Verissima sunt hæc omnia. Dic enim quæso, vbi nunc Adam? vbi Cain iam? & vbi longæuus Mathusalem? vbi Noe? vbi Sem? vbi Heber; & vbi obedientissimus Abraham? vbi Iacob? vbi Ioseph? vixerunt: fuerunt Troes. Sic transit vita, sic transit mundi gloria, ô ros! ô vanitas! quid ambis, quid longa speras? breue est *M O D I C U M*, vile est quidquid hic vides. In istu oculi clauduntur omnia: Omnis consummationis vidi finem, latum mandatum tuum nimis. Quantumcunque verò modicum sit viuendi spatium & breue, ad æternitatem collatum, damnatorum tamen nemo Deum accusare poterit, quod vitam non dederit longiorem? seipsos damnabunt quod vitam non vixerint meliorem. *Non enim est in inferno accusatio vitæ.* Eccles. cap. 41. satis diu viuerent dānandi, si satis piæ. Hoc liber, mi Christiane, liberius paulo ac fidentius tecum agere, & rem oculis, clarissimè cernendâ subijcere, Ais, te cælum sepius cogitare, & magnis votis æternitatem aspirare. Ais tu hoc? ego vero nego & pernego id te facere, mihi ipsi hoc de me affirmanti iuberem te non credere. Et qui fieri possit, ô mi bone Christiane, vt ego tuque cælum sæpius & seriò cogitemus, & tantis, vti nos iactamus, votis æternitatem aspiremus, interim tamen viuamus tam torpidi & frigidi, tam lenti & fracti ad bonum, tam viuaces & feruidi ad malum, tam parati ac lubentes ad omnem petulantiam? homines queruli & oscitabundi, nunquam minus legnes quam cum irascendum est, nunquam magis pusilli animi, quam cum patientum est: quauis afflictione, quouis verbulo turbamur & deijcitur, nunquam desperatiores quam cum multa contra voluntatē accidunt, tacebo cæteras libidinis & inuidiæ latentēs in animo vomicas. Et tamen nos tales, tam belli homines; tam timidi cum audendum, tam audaces cum timendum esset, nihilominus gloriamur sæpe nobis æternitatis gaudia in mente & in votis esse. Crede mihi,

creditum hoc difficillimum est, nos cælum & æternitatem in animo crebrius voluere, & interim moribus non melioribus viuere, da veniam verbo, hoc impossibile est. Et istud iam demonstro, Genes. cap. 19. Iacob Patriarcha auunculo suo Labano, pro filia Rachele septem annis seruiuit, & videbantur illi pauci dies præ amoris magnitudine, audis hoc homo queribunde? tu seruis non impostori, qualis Laban, sed Deo conditori & promissori fidelissimo, nec pro vxorcula seruis, sed pro toto cælorum regno: non pro vxoria forma, sed pro æterno Dei aspectu: non pro vxoris blandimentis, sed pro cœlestibus, æternis delitijs. Et tamen vel vnus dieculæ molestia te sic eneruat, vt subinde tuus omnis in cælū, in Deum amor, frigere incipiat: quam primū aduersa ingruūt, mox in fulissimas querelas prorumpis, cælū & terrā inclamas, spiras vindictæ fortè nec ipsi semper diuinę iustitiæ querimonia tua parcit? quandoque verò sic te abblandiens voluptas emollit, vt seruitij diuini oblitus, & peccati labyrinthum à fronte amœnum ingressus, in letalem somnum resoluaris. En, hæc tua est vigilantia! En, hæc amoris tui heroica magnitudo est! Vbinam arduum istud septennium in diuino seruitio exantlatum? O Simon, Simon! sicine non potes vna hora vigilare cum tuo Domino.

Sed audi plura de Iacob Patriarcha. Deceptus hic à Labano perlippiensis Liæ coniugium pro desponsa sibi Rachele, seruiuit apud eundem impostorem, septem annis alijs, nec dubium quin & hi septem anni, visi sint illi pauci dies, præ eadem amoris magnitudine. & credibile est, cum subinde ab opere fatigatum, in Rachelis formam obliquasse oculos, secumque tacitè dixisse, digna est certe hæc forma, quamuis molestâ & septenni seruitute; atque si necesse, alijs insuper septem annis illius gratiâ duram hanc seruitutē seruire non recusabo, ita amoris impetus omnem laboris sensum mitigabat. Capis ista delicate Christi miles? & adhuc murmuras; tu Deo, pro Deo ipso seruire; pro æterna quiete iuberis laborare ad tolerantiam atque patientiam prouocaris pro immortalī beatitudine, & adhuc ignauus dormitator conquereris? Numerā quæso annos, quos in Dei famulatum to-



ros expendis; vide num annis viginti ita tu Deo sicut Iacob Labano fideliter, & industriè seruieris: vix totidem menses aut dies reperies, numerata peruigilatas in precibus noctes, recensens dies in laboribus pijs exhaustos: poterisne tu Deo quod Iacob socero dicere: die noctuque astu videbar & gelu, fugiebatque somnus ab oculis meis: sicque per viginti annos in domo tua seruiui tibi, quatuordecim pro filiabus, & sex pro gregibus, tuis tunc ita, mi Christiane, annis viginti Deo seruisti? nosti, quæ tui laboris futura sit merces, non filiarum Labani, non greges ouium? seruitutis tuæ præmium, Deus ipse erit animi corporisque beatitudo; vnde quaque tibi erit optimè; delicijs affluens innumeris, maximis, sine omni defectu, sine vilo fastidio, sine fine; natabis quasi liquidissimis immersus voluptatibus. Et tamen aspice manus tuas ad opus languidissimas, intueri pedes tuos ad templum lentissimos, inspicere cor tuum inuidia tabidum, ira & vindicta æstuans, spurcis cogitationibus verminans, socordia & impatientia ignauum. Siccine Deo seruis pro cælo, pro immortalis vitæ, pro æterna beatitudine? quin facis quod Iacob, & promissam tibi Rachel non aspicias, cum suscepti laboris tædium obrepit, quotiescumque igitur ægrè tibi est, & vel aduersa premunt, vel prospera seducunt, vel labores oneri sunt, oculos cælo attolle, & te ipsum sic solare: En, illa tua Rachel est, formosa nimis & decora? En cælum, en domum quietis & voluptatis æternæ: sustine nunc paululum non summos dolores, non maximos labores, & breui illic eris, tanto tunc latior & beatior, quanto nunc tristior & afflictior; tunc quies illa tibi erit iuvundior, quò nunc vita fuerit operosior, ergo & age fortiter, & parere constanter; digna est his omnibus beata ÆTERNITAS. Si sic, mi Christiane, te ipsum sæpius animares, si talibus oculis cælum frequentius suspiceres, si hoc affectu æternitatē quotidie cogitares, crede mihi, pauci tibi seruitutis dies viderentur, præ amoris in æternitatem hanc magnitudine laborem omnem tibi facilem diceres; molestias omnes gratiam computares, aduersa omnia inter lucra numerares. Vitam præsentem hoc quisque sanctius instituit, quo attentius futuram æternitatem expendit.

## CONSIDERATIO

## SEPTIMA.

*Quomodo Christiani depingunt Æternitatem.*

**P**ER tenebrosam domum pedetentim incedendum est, parietesque palpani si manus intellectus in æternitatem sese velit immittere, iter reperiet tenebris & caligine obseptum, nec vniquam in hac vita penetrandum, via quidem ad eam brevis est, sed exitus interminabilis, & quamvis nemo hominum æternitatem sic animo conceperit, ut quid ipsa sit, liquido possit dicere, eius tamen immensitatem similitudinibus & picturis, quasi quibusdam vmbrarum lineis licet proponere. Vmbra prorsus est & vmbrarum vmbra, quicquid vel scribitur vel pingitur de æternitate, neque enim omnia tempora in vnum coaceruata, eius latitudinem exhaurient: non horæ, non dies, non hebdomades, non menses, non anni, non lustra, non olympiades, non Indictiones, non Iubilæa, non secula non anni Platonici, & tardissimi octauæ spheræ motus, etsi hæc per quævis numerum numeratæ, millenarium aut millionē multiplicentur, aut cuiusque numero numerato comparentur, ut stellis cæli, arenulis Oceani, herbulis terræ, fluuiorum guttulis, æternitatis tamen numerus non indagabitur. Nautæ demissa bolide, maris profunditatem explorant; nos item submissa & reuerenti cogitatione impenetrabile profundum æternitatis tentemus, & quo id melius expendamus, hæc à Christianis proposita imago iuuabit, ea sic habet.

Christus puerulus, quasi à præsepi & cunis pœnè nudus & inuestis, stat inter nubes, aptam humeris suis fert cruculam, nubibus vnicum hoc verbum inscriptum visitur, ÆTERNITAS, infra Christi pedes in terra, humi sedet cadaver ossuum, pilis & cute nudum, solâ barbâ dignoscendum, læua membranam tenet in

qua



qua præscriptum, MOMENTANEVM QVOD DELECTAT: dextra domum extollit: iuxta Coruus est, rostro cochleam admordens, sua illi vox adscripta, CRAS, CRAS, è terra hians, flamma sese in altum emergit, in qua voces illæ descriptæ Æ T E R N V M QVOD C R V C I A T. Christum ex æthere procedentem, flexis genibus adorant è dispari sexu gemini homines, loco omnium hominum: Pone hos fluës clepsydra & apertus gemina facie liber est: alterâ pagellâ scriptum: *Ducit in bonis dies suos, & in puncto ad inferna descendunt.* Iob c. 20. alterâ verò; *Quis me liberabit de corpore mortis huius?* (Ad Rom. 7.) iuxta stant caelestes genij & cernentium oculos manu regunt, eosque ad diuinum puerum exigere iubent. hæc pictura est, sensus illius iste.

## §. I.

*Christus inuitans.*

**C**hristus, æterni Dei æternus filius, non aliâ quàm nos veste, hoc est nudus in hunc orbem ingressus est vestem immortalitatis & innocentiae per inobedientiam nos amissimus. nunc omnes heu quàm malè vestiti, in hanc lucem prodimus? Christus nobiscum, imò pro nobis luit, quod non deliquit. Sed quid crux in humeris diuinissimi huius puelluli lectulus est, in quo in mortem obdormiuit; pro cubiculo Golgotha fuit. multi è sanctis hoc exemplo ducti, ultro per annos aliquot voluerunt incommodè cubare, & malè parcissimeque dormire, modò læti ad diem æternum surgerent. Certè D. Bononius abbas, pro culcitra plumeâ terram, pro lodice cilicium, pro cernicali saxum habuit. S. Lupus episcopus viginti annis, S. Edmundus Archiepiscopus triginta annis, extra omnem lectum dormierunt. tacebo Nicolaos. Basilios, Valricos, aliosque quàm plurimos, quibus operæ pretium visum non est, talibus delitijs somnum paucorum annorum fouere. alia illis quies & longior in mente fuit, idè nec ad satietatem, nec ad delectationem, extra cælum quiescere placuit. quot feminis etiam, idem animus fuit? S. Clara pro puluillo ligneum trunculum capiti subiecit. S. Hedvigi

gis culcitram stramentitiam non nisi pro delitijs admisit. S. Brigitta ab obitu mariti, triginta annis & cilicium assidue gestauit, & nunquam nisi humi dormiuit; omitto alias.

Et quid veteres narramus? quot hodieque viri religiosi, semeso stramini dormiunt, nec plumas petunt cum beatam æternitatem sperent, quam quotidie cogitant. Sed ad Christum redeamus, mortè is oppetijt, eamque & acerbissimam & ignominiosissimam, sed ve mortem æternam à nobis arceret omnes quidem morimur, sed mors hæc breuissima est: ictu oculi momento à corpore diuellitur anima, & totum hoc factum est quod M O R T I vocamus. non ita res agitur apud inferos, tormenta illa omnes mortis angores & dolores longissimè superant, non tantum quia multò graniora, sed quia incomparabiliter diuturniora, cum sint æterna. itaque illic ista pati, est *continue mori*. & ab hac perpetuâ morte liberauit nos puer ille, qui in nubibus pictus progreditur. sub pedibus diuini huius pueruli exelum cadauer sedet, quod primi omnium patris Adami esse, pluribus indicijs sciri potest. audite nunc posteri & feri nepotes parentem vestrum, vos sic affantem.

## §. II.

*Adam lamentans.*

**O** Filij, felices futuri, si parens vester sciuisset felicitate vti: nunc verò miseri hoc ipso, quod mei filij, ego vos necaui prius quàm genui. propter me antè damnati estis. quam nati. Deus esse volui, vix homo mansi, omnes in me periistis, antequam perire possetis. ita nescio, patrem me appelleris an paricidam & tyrannum. vitiosos vos esse quid miror an conqueror? à me tales esse didicistis inobedientes, vos esse doleo, sed tamen esse docui, ipse Deo inobediens, intemperantes & gulosos vos auersantur superi; ah, paternum hoc est vitium! superbia vestra exosos vos Deo facit. ego primus vestrum, ab hoc monstro triumphatus cecidi, factaque est superbia me victo superbior. hoc à me patrimonium habetis, miseriarum cumulum. cælum vobis magni Dei nuntius transcriptum erat, & legatum certissimâ sponcione ego turbavi omnia, &



hereditatem omnium vestrum abligurivi  
bolo vnico. vxorem & pomum pluris e-  
ego feci quàm vos omnes, quàm cælum,  
quàm Deum: hem malum & execrandum  
prandium, post quod aliquot millibus anno-  
rum, mihi cenandum fuit apud inferos! In  
horto degebam supra quàm cogitari & fingi  
potest amœno: omnibus quæ animo colli-  
buissem, frui licebat, vnicam si stirpem decli-  
nassem. omnium animantium rex eram, sa-  
piens & pulchrior, valens & robustus: deli-  
tibus innumeris affuebam. cælum æquabili ele-  
mentia nouis coniugibus fauebat, & in cæru-  
leâ veste nitidum continuè ridebat: soles non  
nisi purissimos illic vidimus. nil nisi anœ-  
num & floridum incurrebat oculos, aures  
suos habebant muscos, auiculas: terra cro-  
cum & cinamomum halabat; vndique me vo-  
luptas incredibilis ambiebat: vivebam pro-  
cul omni curâ, tædio, metu, labore, morbo,  
morte. Deus aliquis eram in terrâ. hanc  
felicitatem cælitæ ipsi mihi gratulabantur;  
ego vnus eam mihi maximè inuidebam.  
& quia diuinæ legi non parui, & vetitum ma-  
lum admordi, omnia in me mala irruerunt:  
paradiso exturbatus, à Deo profugus, pudore  
plenus latebras captaui. labor, dolor, mœ-  
ror, pavor, lacrimæ, calamitates, mille mi-  
seriæ fatigare me cœperunt. vos sentitis, quot  
quot ex meâ familiâ estis. & quod finis æ-  
rumnarum esse creditur, mors sæpe est ini-  
tium, & quidem æternarum. ô mei filij,  
meo vestroque damno sapite, & vel v-  
num hoc à me discite, PECCATVM ODIS-  
SE. en prorumpentem iuxta me flammam;  
hæc eodem quo peccatum tempore cœpit  
vrere, nunquam in æternum extinguenda.  
Omnia alia supplicia in leui ponenda sunt, &  
breui finiuntur, hæc reos semper cruciabit,  
sed eam euadere iam possumus, modò ipsi ve-  
limus. vltra quinque millia annorum, mihi  
meisque liberis omnibus, porta cæli occlu-  
sa fuit: nunc referata est per illum, qui quod  
ego liber malè rapui ex arbore, ipse suffixus in  
arbore totum liberalissimè persoluit, & no-  
bis omnibus moriendo restituit rem. cunctis  
iam cælum patet: sed eò non ducit nisi via  
pœnitentiæ, non admittit nisi porta crucis,  
qui hac viâ, & per hanc portam venit, ad  
gaudia securus venit, & certus habitationis

æternæ. Non excludetur illinc amplius: ne-  
mo illic ledi potest aut ledere. ô posteri, Æ-  
TERNITATEM cogitate, breui immor-  
tales futuri, aut inter damnatos, aut inter  
beatos. Hæc Adam ad posteros sunt monita.

## S. III.

*Coruus crocicans.*

**P**roximè hoc protoplasti cadaver, coruus  
appictus est, qui non leuiter facit ad Æ-  
ternitatem integrè representandam. Notum  
D. Augustini dictum est: *Cras, cras, Corui vox  
est. gemit ut columba, & runde postus*, hanc fe-  
rè ob causam, beatam Æternitatem plurimi  
amittunt, quod illam hodie quærendam, cras  
quæsituros statuunt, nihil enim promptius in  
incertissimum CRAS reijcimus ac pœni-  
tentiam, quam vt à nobis honesto nomine  
amoliamur, identidem promittimus.

*Cras hoc fiet idem: cras fiet. quid, quasi ma-  
gnum*

*Nempe diem, donas? sed cum lux altera ve-  
nit,*

*Iam cras hesternum consumpsimus; Ecce al-  
liud cras*

*Egerit hos annos, & semper paulum: erit ul-  
tra.*

*Perf. Satyra 5.*

ita CRAS illud tam longâ sponfione cun-  
ctatur, dum vitæ tempus eripitur, & repente  
miseri ad Æternitatem, sed horrendam &  
subterraneam deuoluuntur. Salomon identi-  
dem inclamat: *Non tardes conuerti ad Domi-  
num, & ne differas de die in diem, subitò enim  
veniet ira illius & in tẽpore vindictæ disperdet  
te.* (Eccl. 5.) verè dixit Rom. sapiens Seneca:  
Magna pars vitæ elabitur, malè agatibus; ma-  
xima nihil agentibus; tota, aliud agentibus. at-  
que veluti Archimedes, dum Syracusæ caperè-  
tur, domi suæ in puluere circum securus tota-  
bat: ita plurimi hominû dum illorum æterna  
salus agitur, puluerem illi suum tractant, va-  
nis litibus, pecuniarijs negotijs, & non pro-  
futuris laboribus distenti, Æternitatem nun-  
quam cogitant aut rarissimè, idque perfun-  
ctoriæ tantum, velut canes è Nilo bibunt O  
Martha, Martha, quam vanè turbaris & di-  
straheris in pluxima: porro vnum est neces-  
sarium



*farium, beatitudo, sed non hæc brevis in terrâ, sed illa in cælo ÆTERNA.* Antequam laborem sumamus, notam illam regulam sæpe applicamus, & nobiscum ipsi quærimus: estne hic labor ad panem lucrandum? an non potiori iure Christianus cuiuscunque operis initio: seipsum serius interroget: estne hoc ad cælum lucrandum? conducitne istud ad beatam æternitatem promerendam? sed nos has tales curas in aliud atque aliud tempus rejicimus, nimirum istud de labore nostro tunc quæsituri, cum non amplius poterimus laborare. Sed hoc omnium peccatorum est, ait Augustinus; omnis peccator dicit: *aliquando, sed non modo.* Dionysius Rex Siculus, Apollini auream chlamydem abstrahens: Nec æstati, inquit, nec hyemi vestis hæc convenit; in æstu grauat, in frigore non calefacit. sic multi, ait Ambrosius, cum anima sua ludunt, & cum Deo: iuveni dicunt, ad mundi leges viuendum est, ad calices & choreas, ad equos & palæstram exercitatus sit, aprico gaudeat & socijs? eremum & templa tetricis senibus permitimus, & cum senectus adrepsit frigida & morbida: Non hæc inquirunt a senibus postulanda: per vires non licet, quies illis indulgenda: valetudinem curent, & satis agunt. ita & æstas ætatis nostræ transiit & hiems, & ad futurum æternum ver nihil laboratur. ergo dum tempus habemus operemur bonum, nec, per coruinum illud CRAS, CRAS, & hodiernum & crastinum & æternum elabi sinamus. crastina dies non est nostra, sed hodierna. *Ecce nunc, inquit Apostolus, qui dicitis, hodie aut crastino ibimus in illam civitatem, & faciemus ibi quidem annu: & mercabimur & lucrum faciemus, qui ignoratis quid erit in crastino, que est enim vita vestra? vapor est, ad modicum parens, & deinceps exterminabitur* Iacob 4. Rectè Messodamus, quod Guido Bicuricensis narrat, inuitanti ad epulum postere lucis? Mi amice, inquit, cur in crastinum vocas? ab aliquot iam annis, diem secururam mihi nunquam polliceri sum ausus, quia in horas singulas mortem expecto. Nemo certe mortem satis cauet, nisi qui semper cauet, nimis ille temerarius est, & eternitatis manifestus contemptor, qui cum letali peccato ita cubitum, & in plumas sese abijcit. totoque prostat de pectore somnum.

Ah! quanta est humanæ mentis & cæcitas & temeritas: quàm frequens sit & crebra, mors repentina, scimus; ipsos etiam homines novimus, qui pridie valentes & sani cubitum ierint, manè inuenti sint mortui, forsàn è plurimis, Deus scit; in flammis tracti, ipsi etiam vidimus, qui subitâ vi tacti, simul agrotare ceperint & mori intra partem horæ sani, ægroti, viui, mortui & adhuc procrastinamus, & de die in diem (parum est hoc) de anno in annum emendationem vitæ differimus, interim mors adest non expectata. & toti nos tradit æternitati, viriliter in se cunctabundam hanc lentitudinem expugnans Augustinus? Sentiebam, inquit, me ab eis teneri, & iactabam voces miserabiles, quamdiu, quamdiu, cras & cras? quare non hâc horâ finis turpitudinis meæ? dicebam hæc & flebam amarissimâ contritione cordis mei. Magnus ille Antonius, teste D. Hieronymo suos ad virtutem exhortatus, iugi meditatione aiebat retinendum esse monitum illud: *Sol non occidat super iracundiam vestram.* Ep. 4. neque tantum super iracundiam solem occidere nō debere dicebat, sed & super peccata alia omnia, ne vnquam scelerū nostrorum testes Sol & Luna discedât. Ioanni Alexan. Patriarchæ, litigij quid fuerat, cum Niceta Patricio vrbis primare: ad forum res spectabat; in qua ille potius pauperum, hic numorum magis curam gerebat. Fuit vt vnum in locum conuenirent, pacem, si qua ratione posset, iniriuri. clamatū est diu acriter, nec sine stomachi aut bilis indicio; neuter, suas partes deferere, æquum censebat, ita in seras horas confictus hic verborum abijt, nec amplius profectum est, quam vt animi paullo quam antea essent offensiores. quando ergo neutrius animus ad alterius condiciones accedere voluit, discessum est lite pendente & integrâ. Patricius iure pecuniario cedere iniquum putabat, Patriarcha Dei causam sibi agere videbatur, nihilominus tamen, cum iam abijisset Patricius pertinaciæ seipsum damnans integerrimus præsul. nec in optima quidem causa (ait ipse secum) hanc inflexibilem iræ contumaciam Deo placere putares: & iam etiam adulta nox imminet; itaque solem super iracundiam nostram occidere sinemus? impiorum hoc est, & contra præceptum Apostoli (Leontius Cyprianus



rum Episcopus in vita illius cap. 14. ) nequeuit optimus artifex, & quam primum sacerdotes primarios complures, ad Niceram Patricium submitit, ei que renunciari iussit, hæc solum: *Domine Sol ad occasum est*, quæ paucula verba Patricij animum improviso aggreffu sic immutarunt, & adeo peruicaciam omnem expugnarunt, ut turgentibus oculis prorupturas lachrymas, ægrè in statione contineret, nec distulit; abeuntes clericos è vestigio secutus, ad suum Pontificem Ioannem, quam importunus tam gratus irruit, & statim: Sancte Pater, exclamat, in tua posthac ero potestate. quo dicto in mutuos amplexus, & vnà in concordiam iuerunt ambo ita pacem, quam longa verborum velitatio nequijt, vnicum hoc dictum integravit: *Sol ad occasum est*: ita omnino, quisquis peccati mortalis conscius sibi est vesperi hoc ipsum sapius apud se animo reuoluat: *Domine Sol ad occasum tendit*, fortassis & vita tua. atque si hac nocte moriaris, quod nec nouum nec rarum est, in quâ te futurū putas *Æternitate*? diuorum an damnatorum? conscientia tibi tua hoc dicet, quare age quod agis. *Sol ad occasum tendit* caue occidat super libidinē & luxuriam tuam, super tuam inuidiam & blasphemiam, super detractionem tuam & furtum, super peccatum tuum mortale vel vnicum. Deus bone, si vestis, si vultus, si pileus leui sorde maculetur, mox abstergimus aut eluimus; Ergo vestis aut pilei, ergo vultus maculam tolerare non possumus, & animi turpissimos nauios tam diu toleremus? is dies, ea hora expiationis esto, quæ est peccati agenda est pœnitentia, ait Ambrosius, lib. 2. de pœnit. c. 1. non solum sollicitè, sed etiam maturè, ne forte Euangelicus ille paterfamilias, qui arborem ficum plantauit in vineâ suâ, veniat, & quærens fructum in eâ, si non inueniat, dicat cultori vineæ, *succide illam*, hoc vltimum vulnus arbori inflictum, prorsus est immedicabile, ergo quibus licet, & dum licet medeamur, ipsæ animantes hoc docent. ceruus sagitta confixus, ad dictamnum notam sibi herbam proferat; hirundo si pullos excæcauerit, nouit illos oculare rursus de sua chelidonia. nos heu, miseri, pœnè quotidie vulneramur, & sæpe letaliter, & tamen medicinæ cura nulla est. ad mensam, ad confabula-

tionem, ad lectum vti assueuimus, properamus; & quis ad pœnitentiam, ad confessionem? si tutelar angelus (nam & hi in hoc æternitatis typo expressi adstant) monita audiremus, nunquam nisi prius Deo reconcilati, cubitum abiremus, custos hic noster sapius monet clepsydra ad finem defluentis, monet iudicij iam imminētis. At nos via, quæ cœpimus, pergitur; fluat clepsydra, imminet iudicium, Orcus minetur, moneat Angelus, mors instet, nos verò pergitur, & in dulcem declinamus lumina somnum, ô miser, quisquis es.

— *potes hoc sub casta ducere somnos?*


Virg. 4. Æn.

potes conscientiam peccati mortalis ream ad lectum deferre, potes in tanto æternæ mortis periculo soporem, mortis fratrem admittre? Possum, inquis, possū; nec aliquid mali mihi vnquam euenire, ne fidas, vnica horâ euenire potest, quod mille horis non euenit: nondum euasisti, & cogita obsecro, quanto spatio anima tua distet à morte, ab inferis, ab æternitate vnico certè halitu; verissimè tu quoque dices: vno tantum gradu, ego morsque diuidimur. non magno apparatu opus est vt mors te sternat, neque tota telorum pharetra exhaustiunda, vt cor tuum transigatur; vnus sagittulæ mucro, vitâ te omni spoliabit. Ecce aura malignior & corruptior te afflat, vel humor aliquis è cerebro in pectus subsidit, vel aliquod alicubi ostiolum in corpore obsepitur, aut cordis calor subito suffocatur, aut arteriæ pulsus intercipitur, & torum tuum viuere concidit, tuque te prius ad æternitatem abreptum esse miraberis, quam metueres abripiendum, mille sunt non tantum tardæ, sed & repentinæ mortis viæ. mors illa maximè improvisa est, cuius vita præcedens non fuit prouida. mors impræmeditata, mors pessima, ideo salubriter consultum est omni ætati, vt omnem diem sibi credat vltimum, imò omnem horam putet extremam. quot hominum subito sunt extincti, lapsu, laqueo, veneno gladio, flammis, yndis, leonis vnguibus, aporum dentibus, equorum calcibus, mille mortis causis: quot quot corpori sunt non dicam sensus, sed & pori, tot & morti sunt fenestræ. Natus es, ait Augustinus, certum est quia morieris; & in hoc ipso quia mors certa est,

dies



dies mortis incertus est, nemo nostrum scit, quam prope versetur terminus, nescio quamdiu subsistam, & si post modicum tollat me factor meus, media vita in morte sumus, quam in sinu semper circumgestamus, & cui exploratum est se ad vespertum victurum: huic hominum latroni, Morti dico, mille nocendi artes, innumera fulmina, tobitrua, ignes Phrygij & Græci, sagittæ, gladij, falaricæ, falces, fundæ, exemplis opus non est quæ à prisceis petamus, sat recentium habemus, nonne multi, quos ipsi nouimus, dum dormierunt in mortem ipsam obdormierunt, non excitandi ante supremum diem. non semper Mors nuncios aut Feciales mittit, qui aduentum suum significant, sapissime adest inexpectata, & sine omnibus ceremonijs inertem hominem inuadit sternitque. vigilate itaque, quia nescitis neque diem neque horam. venit nox quando nemo potest operari; operamini ergo dum dies est, (Ioan. 8.) Dies (inquit Origenes hom. 10. in Matth.) huius sæculi spatium est, qui quidem dies nobis longus, sed si cum æternitate conferatur, est breuissimus, quam tamen diei breuitatem, infinita sequitur æternitatis prolixitas. ô mi homo, tu præsertim, qui peccati grauioris conscius tibi es, æternitatis ostium contemplare, & mortem cogita, incertissimum est quo te illa loco expectet, tu itaque illam omni loco expecta. qualem te inuenerit Dominus cum vocauerit, talem pariter & iudicabit.



## C O N S I D E R A T I O

## O C T A V A .

*Quomodo Christianis non tam pingenda,  
quam meditando sit  
æternitas.*

**O**rdopostulat, vt à Psalte regio, alijsque æternitatem meditantibus, in nos ipsos descendamus, nobiscum ipsi habitemus, & saltè subinde domi, & apud nos simus; nimis procul à se suaque salute abit, qui quod transiit, videt; æternorum obliuiscitur.

Norunt Iurisperiti ius illud, quod de

solis tribus obolis est deferendum non esse, si ius sit perpetui & æterni census. magnum inesse censetur premium tribus tantum quadrantibus, si singulis ijs annis sint suo domino pendendi. tanti est, rei vel vilissimæ perpetuitas. Quod si ius trium obolorum persequeris, mi homo; & qui sit quod in hæreditate regni æterni adipiscenda, tam socors sis & oscitabundus? De tribus obolis bellum alteri moues, & prolixum instituis litigium: cælum alijs rapiendum permittis: nimirum res vilis est cælum: certè apud te, qui tam parum pro cælo laboras, omnia alia tanto quæris ambitu, tanto conatu & sudore: de æternis, vt quæ procul distare videantur, vix cogitare vacat, & cū vacat, nō liber, res morosa videtur, mentis oculum fatigare in ijs quæ peruideri nequeunt: vicina & præsentia magis delectant. Hic, si sapimus, mirabimur nostram ipsi cæcitatem aut verius insaniam, quod cum in plerisque omnibus præsertim cū pecuniaria caussa est, velimus esse certi, at verò cū de thesauris æternis agitur, nulla quærat, cum haberi possit aliqua certitudo, vel, vt vocant, assicuratio, quis mutuas dat pecunias, qui non in vicem literas postulet aut pignora; omnium hoc in ore est: certus esse volo, cupio assicurari; viam ibo tutiorem, aleam subire non placet, præsentia & certa vbique præpollent incertis & longè distitis; melior est passer vnus in manu, quam decem aut viginti in tecto, charior nobis est regulus in cauea, quam aquila in nubibus: nimirum cum Plauto sentimus, & tum credunt manus nostræ cum sunt oculatæ. Itane, ô mortales, certitudo vobis quæritur rerum incertissimarum, & tunc maxime fallentium cum manu tenentur, de vita æterna tam non curatis esse certi? norunt Christiani quam hic assicuracionem aut certitudinem posuerit Rex cæli Christus: Si vis ad vitam ingredi, serua mandata. (Matth. 19. Lucæ 18.) qui seruat ingreditur: res certissima, via securissima est: at verò qui vel in vnicum ex his præceptis peccat, pœnitentiam insuper differt, nec eadem qua peccauit hora, offenso se Deo reconciliat, is se suaque omnia, is corporis & animæ salutem æternam, aperto committit discrimini. tribus digitis (sed nec tantum) à morte abest, cum mille mortis causas intra



se contineat, & tamen in illo damnationis statu temerarius persistit, in quo si mortem obiret, periret in omnem aeternitatem. an non hoc est temerariè agere, & aleæ periculossimæ, quam faciliè vitare posset, aternas diuitias committere? quod si tot anni in inferorum cruciatibus essent explendi, quot peccata quis patrasset, aut etiam quot horis vixisset, quam id esset tolerabile? ac reuera sic plures viverent inimici & hostes Dei, si ad certos tantum annos ignis ille duraret; nam plurimi ne sic quidem terrentur, cum sciant supplicia illa aeternum, & infinitos annos duratura, eaque esse tanta tamque immania, ut pars horæ in ijs consumpta, videatur annus, nam si constaretur in vnam quasi massam id quod homo centenis annis in hac vita perpeti potest putâsse annum vnum apud inferos exigendum æquaret? sicarii, latrones, parricidæ, & quorumcumque scelerum rei triduo aut quatrinduo, omne sibi debitum supplicium exhaustiunt: dirissime quidem torquentur, sed intra paucos dies omnis hæc stat tortura, & tota vnus circumactus hebdomadis absoluitur. At verò damnatorum tormenta non vno anno, nec sæculo vno, alteròve concluduntur. Deus hos semper punit, neque vnquam satis punit, etsi totâ punit aeternitate.

## S. I.

*Non rem tantum, sed & spem omnem, aternitatis præscindit.*

**S**pes in hac vita sic habet, ut sæpe sola hominem in miserijs soletur, ad subleuandam enim hominum lassitudinem, spe nihil est efficacius & diuina lenitas plerumque aliquam in aduersis, spem salutis reliquam facit ægroto dum anima est, spes est, post hanc vitam, hoc vltimum rerum aduersarum solatium, dampnatis penitus ademptum est: spe sublatâ sola remanet aeterna desperatio, Vidit & audiuit Daniel Propheta, cap. 4. clamantem Angelum: *Succidite arborem, & præcidite ramos eius: excutite folia eius & dispergite fructus eius: veruntamen germen radicem eius in terra sinite.* Florem, inquit Ambr. & folia decutit, radicem seruat, delitiæ hic auferuntur, pœnæ infliguntur, spes tamen non adi-

mitur. en, radix seruatur: spes mahet, apud inferos, radicitus & stirpitus euulsa est. non relinquet eis germen, neque radicem, clamat Malachias cap. 4. Iobus etiam cap. 19. dolens: *Et quasi auulsa, inquit arbori abstulit spem meam.* Spes impiorum peribit, *Prouer cap. 10.* Ergo dum possumus, sed simul etiam id quod debemus, speremus. Ouidius olim monet:

*Omnia sunt hominum tenui pendentia filo,*

*Et subito casu, qua valere ruunt.*

His ergo fidendum non est, nec sperandum in his. Bernardus, serm. 10. in Ps 91. viam monstrat meliorem, his verbis: Dicit fides parata sunt magna inexcogitabilia bona à Deo fidelibus suis: dicit spes, mihi illa seruantur, nam tertia, charitas: curro ego, ait, ad illa, spes vera, uti Diuus Gregorius affirmat, in aeternitatem animum erigit, & idcirco nulla mala exterius, quæ tolerat, sentit. Spes vera, omnia modicum quæ & momentum esse non nescit. sed ô momentum, à quo tota penderet AETERNITAS! hora mortis & extremi agonis dies propriè momentum illud est, & illa preciosa margarita, ob quam prudens mercator omnia vendit, ut illam emat. sed pauci norunt huius vnionis pretium. D. Hieronymus affirmat, & pro aeterna salute (inquit) omnis admodum homo negligens est: sed vnde neglectus iste in re summi momenti? oculos, miseri, habemus imbecilles & malos, cominus satis videmus; eminus vix quidquam de adultis & senibus non loquar; pueri, puellæque à cunis recentes, & quibus nondum omnes dentes nati, vitiorum elementa accipiunt, & minimas auaritiæ sordes ediscunt: mox acquirendi docentur insatiabile votum; norunt itaque quid lucro, quid crumenæ, quid penori faciat, de mercimonijs loqui possunt, & vina iudicare, & vestium peregrinas formas distare norunt. nimirum,

*Hoc monstrant vetula pueris poscentibus assem.*

*Hoc discunt omnes ante alpha & beta puella;*

*Inde fere scelerum causa —*  
Inuen. Sat. 14.

Inde etiam tanta rerum æternarum aut inscientia, aut obliuio; iuuenes senesque nuni pretium



tium probè intelligunt, cœli & æternitatis ignorant. Sed pergamus vterius. Et te potissimum, mi Christiane, qui concioni sæpe intereres, sed fortasse rarò attentus es quæritur: Si tu ad mare stes, illudque minuto cochleari exhaurire instituas, in proximum à latere vicino rivulum, qui tamen ipse etiam mare influat, & sic omnia quæ mari ademerat; à mari resorbeantur: dic iam, quam diu in exhauriendo mari laborabis? quod si dolio haurire liceat, & in flumen aliorum derivatum effundere, quot annis vel hac ratione hauriendum tibi esset, dum in alium alveum mare transfunderes? interea temporis in flammis sedere infandum esset tormentum, damnatis tamen gratissimum pactum & moram dicerent non longam, modo demum sic finientem, ut eadere liceret æternitatem. Finerunt præfici tricipitem nescio quam hydram, cui resecto vno capite, mox aliud atque aliud subnasceretur, hydra hæc verè apud inferos est si est vspiam, illic enim æternitas triceps, quæ & pœnam damni, pœnam sensus, & vermem conscientie nunquam moriturum, velut trigemina capita præfert. Heu miseros nos & rerum maximarum improvidos, qui viam habemus tam breuem quam periculosam, in ea tamen adeo hilares sumus & læti, perinde atque si per paradisum & amœnissima tempe deambulemus, securi ab hostibus, iam iam in patria tuto locandi, nescire tamen sine culpa non possumus, percuturos nos demum ad geminas portas duplicis æternitatis, quarum illa beatorum, hæc damnatorum est; per harum alterutram ingrediendum, prout nimirum in via nos gesserimus. Laurentius Iustinianus hanc hilarè viatorum insaniam miratus: *O mortalium, inquit, lugenda conditio, quæ cum sit exul à patria, exultat in via!* differamus ergo tantisper vanissima gaudia, dum patriam contingamus, & hoc vnum agamus, ut per illam admittamur portam, quæ principium est æternæ beatitudinis. Creavit nos quidem Deus ad delicias potius quàm ad labores, verum hic neque locus, neque tempus est deliciarum, sed laborum æternitatem Deus delitijs assignavit, huius verò vitæ spatium ad delicias illas promerendas concessit. Et quo, inquis, obsequio eas promerebor? Oraculum nostris: Regnum calorum vim pa-

titur, & violenti rapiunt illud, (Matth. 11.) Cogita tecum: Egone violentus ille? nimirum in plumis, in poculis, in tripudijs, in delitijs. Ah! certandum est generosè, currendum strenuè, dum vivimus & vigemus, ut in ultimo vitæ articulo, in ipso æternitatis horizonte, qui nos in perpetuum ab hac vita determinabit, & in aliam quæ totius æternitatis est, transcribet, de vita transacta gaudere, de futura optimè sperare possimus. Laboremus ergo, laboremus, & vim nobis inferamus. sic latentem in tempore sempiternam quietem, & æternam sub paucis diebus occultatam gloriam assequemur.

Verum solidumque gaudium non in vanis his delectationibus, sed in æternis voluptatibus quærendum est. Ascendit hedera super caput Ionæ, ut esset umbra super caput eius. Et lætatus est Ionas super hederam, lætitia magna, (Ion. 4.) Et quid demum est omnis huius mundi seu voluptas, seu vanitas? an non virens hedera, quæ textili filia per parietem inserpit, lætamque supra caput umbram explicat? Lætantur opulenti lætitia magna sub umbra suæ hederæ, suarum opum lætantur gulosi & ebriosi sub umbra suarum mensarum, voluptuosi sub umbra deliciarum suarum. at extrema lætitie luctus occupat. Paravit Deus vermem & percussit hederam, & exaruit. Vbi nunc, mi Iona, tua est hedera. & ubi lætitia tua? exaruit & illa & ista, ita prorsus hederæ nostræ exarescunt, simulque cum illis omne illud umbratile gaudium Iob. 20. gaudium enim hypocritæ ad instar puncti est: æternorum bonorum gaudium est æternum.

## §. II.

*Æternitatis gustus quanti sit illustri exemplo declaratur.*

V Idit hoc & maturè, (in vita S. Pachonii c. 29.) Theodorus annis adolescens sed certè iudicio senex, Christianis ortus parentibus. hic die toti Ægypto festâ, cum in amplissima parentum domo risus, cachinni, tripudia personarent, cum geniales mensæ ad epulas invitarent, ipse clauso sed casto ingemiscens vulnere, secum ipse sic expostulare cepit: infœlix Theodore! & quod inde tibi lu-



crum, si mundum lucreris vniuersum? multa habes, & quamdiu habebis? abundas, epularis, tripudias & quamdiu hæc omnia? eundem placeret & saperet hæc viuendi ratio, modo diu placere posset & sapere. Ecquid autem? delicias has retineam, perdam æternas? dic Theodore, num hoc Christianæ legis est, in terra sibi cælum effingere, & per delicias ad delicias transire velle? aut ego me valde fallo, aut Christus per spinas eundem dixit. abrumpe, & breuibus gaudijs præfer æterna. dixit & madentibus oculis in penetralem domum se recipiens, ibique solo se asternens, sic precari cœpit: Deus æternæ, cor meum tibi patet, meus ad te orator, meus est gemitus. quid à te petam, aut quomodo, vix ipse satis scio, hoc vnum, o mi Deus vnice deprecor, ne me mori sinas æternâ morte. Domine tu scis quia amo te, & cupio esse apud te & laudare te æternum. Domine miserere, dum hæc orat, interuenit mater, & rubicundulos madidosque oculos, curiosa obseruatrix statim animaduertit: & Vnde, inquit, hic mœror mi fili? & quæ hæc tua solitudo hoc die? iam mensa te vocat; tu vnus desideraris. cui Theodorus: Quæso te mater, inquit, meam à mensa absentiam honesto purga nomine: nauseanti stomacho cibum vel potum obtrudere, nec ipsa tu suaseris, ita clementi dolo matrem à se remouit, ipse solus cum solo Deo penitus in æternitatis adyta est ingressus, caputque vitæ suæ statum omnem attentâ cogitatione rimari; & quis (inquit ipse secum) hæcenus fui, aut potius quis deinceps esse volo, siquidem æternitatis regno nolim excidere? Varia ad cælum via est, alius hac it, alius aliâ. modò perueniatur, quid refert, quâ? quando tamen non omnes viæ similes, & nos quoque dissimiles, deligenda cuique ea est, quam sibi nouit commodam. Alia breuior, alia longior ac periculosior. Si timeam in longa ac periculosa, superest breuis ac secura, quam si eligam, sine dubio mecum gaudebunt Angeli. At mei tristabuntur? initio quidem, postea verò forsan & ipsi gaudebunt. Age Theodore, modo non in longum differ, & noli nimis credere. Spero sanè me fore fortè, vbi fortes aduersarios inuenero: quid si habiturus sim molles, blandientes, illachrymantes? hic plus mihi me-

tuo. Sed obfirma animum, & quem à natura flexilem habes, à Christo infractum impetra. Ad quid si mater vbera ostendat? scis, quid S. Hieronymus dicat: Ad vexillum crucis euola, virtus est in hac re esse crudelem. Aliam habes & maiorem matrem, quæ sua pariter ostendit, & est illa patrona tua. Beatissima Virgo, quæ tibi deinceps instat mille matrum erit, si tu fueris eius filius. At res ardua est, hæc vitæ mutatio, præsertim in ipso æui flore: Est ardua, fateor. Sed experientia loquitur; plerique hoc ipso malè Deo seruiunt, quod serò seruiant, rectissime omnium illi, qui ab adolescentia Domini iugum portare didicerunt. At, delicatè hæcenus nutritus sum, nunc asperam vitam ingrediar? ferre potero? Spero. sed quam diu? in annum vnum alterumve? hoc satis non erit, ultra tendendum est, & ad finem vitæ. Perpende itaque & aut non incipe, aut fini. Puto me in his superandis solum non fore, sed cum socio Deo verum id quidem est, at contra assueta tendere difficilimum est, hæcenus vitam duxi nobilem & liberam, nunc humilem & seruilem ducam? quamdiu ducam? non licet breuem hic comœdiam cogitare, vt vnum aut alterum diem, hanc personam sustineam; hic vltimus actus agitur cum agitur anima. Longa erit theatri huius molestia, & ad sericum aut purpuram redire, non concessum, nisi vbi indueris immortalitatem & vestem gloriæ. o Theodore, quid facies in hac tam diuturna scena? ad alios actores attendam; inter ceteros video Christum Dei filium, ignobilem, humilem ac simplicem quæuis seruilia pati & agere: quid mihi faciendum, nunquid illo sum melior? At reuera durum est in has sese angustias redigere, & quandam quasi carcerem ingredi: Vide; voluntas tua in posterum erit alterius, & facies quod volet alter, & quod tu voles non faciet alter. Hic quoque quem sequar Christum habeo, qui non venit suam facere voluntatem, sed Patris qui in cœlis est. Nec mihi difficile fuerit, alienum sequi ductum, si ducentem intuear, quis est qui iubet? homo vocem profert, Deus imperat, cui si obedientiam non promitterem, deberem. At profectò nimis alta hæc philosophia est, à locuplete in pauperem transire vitâ quid facies? mendicandū tibi erit, qui



qui mendicantibus dare poteris delicias quas non habebis, noli querere. Quid tamdiu mecum ipse litigo? quid fluctuo, in hoc spei & timoris Euripo? exemplum domini mei non ante me cerno? non in oculis est Christus cruci suffixus, illusus, infanda passus? ille, celestibus relictis thesauris in hanc inopem venit terram quid habuit? ortus & occasus eius ostendunt, in illo non habuit, quod diuerneret, in hoc non habuit quo se tegetet: nudus obiit. Per vitam qualis in fuga, in itinere, in siti, in aestu? quam agendo indefessus, quam patiens perfectendo! quam docuit, hæc & fecit, quis tam attentus ad pauperem, tam promptus ad labores, tam mitis ad contumelias? Istius me ducis pudeat, inter huius me comites censerierubescam: aut Theodorus non ero, aut ero talis, qualis me esse vult dominus meus Iesus, paratus sum amore illius & algere, & esurire, & sitire; paratus contemni, vinciri, vri, secari: brevia sunt hæc, nec possunt esse diuturna: sola æternitatis vel gaudia vel tormenta verè sunt diuturna. ite caduca, flocci vos facio, sola mihi in voto est ÆTERNITAS. Adeo incauit hoc cogitationum aestu, ut iam solam arderet eternitatem in celo. itaque decrevit, numeris, parentibus, delictis longum & æternum dicere VALE. firmando huic suo decreto non tam precipitanter egit quam constanter, non statim is fuit, qui esse cupiebat, sed tandem fuit, hoc est, Pachomij discipulus, Tragœdia hunc prologum non una est secuta, sed contra morem tragœdiæ, post triste principium læto exitu, ita Theodorus ipsis eternitatem medullis combiberat, ut mundo fieri fabula non recusaret, modo ille non crederet cum mundo, fabulam esse æternitatem. Vultis, mei Christiani à Theodoro, imò à magno Paulo, imò ab ipso Christo audire verbum verum & seriū? Sic plerique vivitis, ac si fabula sit omnis æternitas. Lata porta est & spatiosa via, quæ ducit ad perditionem, & multi sunt qui intrant per eam: cerrè non intraturi per hanc, si crederent, illic quæ intrarunt, æternum se perimassuros. ita vobis pia fabula est eternitas. At credimus (diceris) æternitatem, speramus, cupimus quæ se vos, quæ illa hæc spes aut fides, quam frigida hæc est cupiditas? præsens voluptas, moneta in manu, blandimenta carnis tam ingeniose fallunt multos, ut in eis

omnem æternitatis amorem suavi obliuione paulatim extinguant. Euigilate itaque, Christiani, euigilate: ad ianuam stat iudex: momento fiet quod rota doleat æternitas. Magnus ille Antonius in quadam ad suos concione. Hic, ait, mei fratres, sunt æqualia rerum pretia, in vendendis rebus & emendis. tu mihi decem das aureos, tantiuis pretij, ego tibi do aromata, quinquagenos ego tibi florenos numero, tantidem tu mihi frumentum rependis. alia longè ratio est, in ijs quæ æterna sunt, comparandis, æterna vita, vili prorsus stat pretio obolus vnicus, cum toto auri millione, iustius comparari potest, quam omnis labor noster, cum celesti beatitudine. In psalmis lego: Dies vitæ nostræ septuaginta anni, si multum, octoginta: quidquid reliquum est, labor & dolor. quocirca si octoginta, aut si centum, ut plurimum annis, Deo fideliter & seruentur seruiemus, omnium sæculorum regnum obtinebimus, & non centum dumtaxat annis regnabimus. cœlum hereditabimus, non terram. Ergo, filiioli, non vos aut tædium fatiget, aut vanæ gloriæ deflectet ambitio. Non enim sunt condignæ passionis huius temporis, ad superuenturam gloriam, quæ reuelabitur in nobis. nemo, cum mundum deseruerit, ingentia se reliquisse arbitretur, omnia enim terrarum spacia, ad cœlorum infinitatem comparata, brevia sunt & angusta. & licet opes nostras retineamus, lege mortis ab illis diuellemur inuiti. quin ergo virtutem teximus è necessitate, & breui amittenda, sponte, amittimus uti exigua, maxima recepturi; hæc fufius narrat Athanasius, in S. Antonij vita capite 13. S. Pachomio vltimissimum fuit, & perpetuum, ut, quotiescunque mentem illicita titillaret cogitatio, eam eternitatis memoriâ repelleret recurrenti opponeret æternas pœnas, dolores sine fine vrentes, ignem inextinguibilem & vermem nunquam omnino morientem quare considerationem istam hic ipse D. Pachomius verbis suis finiatur. Ante omnia, inquit, præ oculis habeamus diem vltimum & momentis singulis singulis supplica timeamus dolorem ÆTERNO.

R V M.



## CONSIDERATIO

## NONA.

*Conclusiones aliquot dictorum de aternitate.*

## I. CONCLUSIO.

**N**on tantum non eloqui, sed nec cogitatione satis assequi potest ullus hominum infinitam *ÆTERNITATIS* longitudinem. Inter hominem verum & sculptum, ignem verum & pictum, maxima est differentia, & tamen etiam hæc suo sibi modo similitudo dicuntur. at inter nostrum & tartareum ignem, inter nostros & tartareos dolores, nulla est, nulla penitus comparatio, nam illorum mensura *TEMPVS* est, istorum *ÆTERNITAS*. Christus id in palmitate eleganter exprimens: *Si quis, inquit, in me non manserit, mittetur foras sicut palmes, & arescet, & colligent eum, & in ignem mittent.* Ioan. cap. 15. *ET ARDET.* hic *ÆTERNITAS* breuissimè, vnico nimirum verbo, & optimè descripta est, omnia alia Christi verba futuri habent discrimen; arescet, colligent, mittent; non ardebit, sed *ARDET.* iste damnati hominis status erit. ibunt mille anni, *ET ARDET.* iterum mille anni transibunt, *ET ARDET* sicut in principio. iterum atque iterum milleni anni præteribunt, *ET ARDET* sicut caput. quod si post aliquot annorum milliones quærat, homo ille ante tot millia annorum damnatus quid facit, quid eò fit? responderi aliud non poterit quàm hoc ipsum *ARDET*, ardoribus continuis, infandis, æternis. In hunc locum pulchrè August. tract. 81. in Ioan. Vnum de duobus palmiti congruit, aut vitis aut ignis: si in vite non est, in igne erit: vt ergo in igne non sit, in vite sit.

## II. CONCLUSIO.

**S**i scirent, qui in peccato mortali sunt, quàm vicini sint *ÆTERNITATI*, & tormentis æternis, cum possint vnico Dei nuntio (sic loquimur) morti & ab hac diabolo

tradi, totum Hispaniarum regnum, omnes Asiæ thesauros, totum mundum donari sibi nollent ea lege: vt vel vnica horam confessionem & poenitentiam differrent, multò minus vt cum peccato tali, cubitum facerent. Quid enim prodest homini si totum mundum lucretur, animæ verò suæ detrimentum patiatur? Matt. 16. omnia si perdas, ô homo, animam seruare memento. Omnia pænè membra amisit, Arialdus Mediolani diaconus homo patriâ nobilissimus, nam Marchionis frater fuit, sed & vita sanctissimus, vt qui constantissimè hæreticis, alijsque flagitiosis hominibus restitit, demum ad necem ductus est: aures ei præsectæ, superiora labra mutilata, præcisæ nares, lingua sub gutture euulsa, oculi effossi, dextra amputata, taceo cetera, hic Diuus in corpore verè perditissimo, seruauit animam, & vitam vt acquireret, vitam perdidit. Anno à pariente Virgine millesimo sexagesimo sexto. Syrus presbyter in eius vita, ad Rudolp. Abb. Vallis vmbre.

## III. CONCLUSIO.

**P**Ars magna Christianorum, etiam Catholicorum, gehennæ & cæli *ÆTERNITATEM* esse non credunt, certè aliter viuerent, si id verè crederent, in hos illud conuenit: *Filius hominis veniens, putas fidem inueniet in terra?* Luc. 18. Sunt qui videri velint id credere: verbis aiunt, factis negant. hi *ÆTERNITATEM* aut nunquam aut rarissimè cogitant, aut cogitant tantum, non perpendunt, non inherant, non examinant, intellectum & voluntatem non concitant, imaginationi nil imprimunt: vix incipiunt, & mox aliò euagantur. & si quid forsitan scintillæ bonæ ex hac cogitatione natum est, id omne protinus curis, negotijs, voluptatibus, velut aqua suffocant. ita plurimi clausis oculis, & obturatis auribus, viâ ineunt *ÆTERNITATIS* ad mortem, quod SS. Patres in Euangelico epulone observant, eum tunc primum leuasse oculos, cum esset in tormentis: tota vita oculos habuit clausos, maximè pauperibus, sed & omni pietati: apud inferos primum aperuit, sed nimis serò, nec est quod miremur multos ita cæcos, manibus & pedibus properare in domum æterni luctus, via



via admodum ampla est, amœna, lata, plana, in viâ hac nemo errat, sed in viâ sine, via pluribus placeret, sed displicet terretque viâ terminus, idèò prudenter malunt viam aliquamdiu asperam, quæ tamen ducat ad hospitium perpetuo beatum, quam viam breui amœnitate ridentem, sed quæ ducat ad carcerem perpetuis lachrymis & cruciatibus destinatum, verè lob: *Sicut inquit, consumitur nubes & perivansit, sic qui descenderit ad inferos non ascendet, nec revertetur ultra in domum suam, neque cognoscat eum amplius locus eius.*

## IV. CONCLUSIO.

Quisquis subinde serio in *ÆTERNITATIS* cogitationem descendit, is non tantum non licenter & petulanter vivere, sed nec effusè sapius ridere & cachinnari deprehenditur, quotquot ex mortuis, alterius viæ rationem insepserunt, & rediit ad nos redierunt, non facile risisse visi sunt? id singulariter in illo Christi amico, è Bethania Lazaro est observatum, potuerunt hi omnes cum Ecclesiaste de se affirmare: *Risum reputavi errorem, & gaudium dixi, quid frustra deciperis?* Eccles. 2. iure timendum in hoc fateatur se Cyrillus Alexandrinus; & gehennam (inquit) timeo quippe interminatam, pestiferum vermem formido, quippe perennem. Vtinam saperent & intelligerent ac novissima providerent: *Deuteron. 32. Quem hæc ÆTERNITATIS cogitatio ad meliora non impellit (dicam breviter, sed dicam vere) aut is fidem non habet, aut si fidem habeat, cor certe & sensum non habet.*

## V. CONCLUSIO.

Cum de æternitate sermo est nemo nimium dicere aut rem nimium augere potest, quicquid dicatur, nulla est hic exaggeratio, nulli nimis extensi numeri, semper minus dicitur, quod de infinito & æterno dicitur, nam hoc habet *ÆTERNITAS*, integra est quicquid inde demas, demantur tot anni quot sunt stellæ cæli, guttæ maris, arenæ granula, folia arborum, terræ gramina, adhuc tota est: addamur tot, non erit maior, quamdiu Deus

erit, tamdiu damnatos punit. Hoc aliquot similitudinum umbris suprà demonstravimus, addamus nunc aliam è D. Bonavent. de Inf. ca. 49. Si damnatorum quispiam ita ploraret, ut singulis centenis annis non nisi unam lacrimulam funderet: hæc autem guttula tot annorum centurijs asseruarentur, ut demum mare aliquot æquarent; cheu, quot annorum miliones erunt revolvendi, dum vel rivulus, ne dicam Oceanus, fiat, & tamen tunc vere dici poterit, *ÆTERNITAS* primum incipit, sed fiat hoc iterum, & alius seu fluvius, seu mare, ex his tam raris guttulis colligatur, iterum toto illo tempore exacto dicendum erit, nunc incipit *ÆTERNITAS*, & sic deinceps in infinitum nihil hic est quod quis addubitet, nam finiti ad infinitum nulla est proportio. At hoc nobis idèò mirabile videtur & incredibile, quia id imaginatio nostra non capit, nequit assequi tam remota; non penetrat hic, infinitum est, impenetrabile est, & hæc etiam causa aliqua, quod intellectus noster ad cogitandam *ÆTERNITATEM* tam difficulter adducatur, quia crubescit quodammodo aut indignatur, in eo se fatigari, quod penetrare non possit, sed huic malè veretur cedendū non est, impellendus & cogendus est intellectus, ut saluberrimam hanc cogitationem quotidie suscipiat, & saltem in his talibus similitudinibus perpendendis sese exerceat, nunquam errabit, nunquam nimis multos, nunquam tot annorum miliones cogitabit, quin sint plures atque plures in infinitum, res hæc certa est & extra controuersiam. Daniel vates quo *ÆTERNITATIS* incomprehensibilem extensionem melius efferret, hoc pronunciauit capite. 12. *Qui autem docti fuerint fulgebunt quasi splendor firmamenti, & qui ad instructionem erudierint multos, quasi stellæ in perpetuas Æternitates.* Quod ita enunciauit, ac si dixisset: ad explicandam *ÆTERNITATEM* verba non suppetunt? non possum plus dicere, etsi plus esset dicendum, in quo tamen auxilium duplicem verbis addidit propheta, cum *ÆTERNITATES* dixit, & *PERPETVAS*. & quidem, si una est interminabilis, quid erunt duæ, decem, centum, mille, imò perpetuæ? quod si annum, aut annos *MAGNOS* millies multiplicatos *ÆTERNITATI* conferamus, eequam illius



illius partem explicabimus? aiunt octauum coelestem orbem plusquam lentissimè moueri, & licet quotidie primi mobilis raptu circumuoluatur, suo tamen motu non nisi singulis triginta sex millibus annorum, in orbem plene circumuoluendum, & hoc temporis spatium, *Annum magnum, Annum vertentem & Platicum* appellant. Comparemus hoc totum cum *ÆTERNITATE*, & ad illam non nisi momentum, instans, horologii minutum erit. Vere dixit Boetius: Instans seu punctum temporis, & decem millia annorum sibi similiora sunt, quam decem millia annorum, & *ÆTERNITAS*. S. Ioannes I. ep. cap. 2. *Filioli*. inquit, *novissima hora est* & tamen hoc ante mille sexcentos annos dixit. Verissime ergo dixit D. Aug. in Psal. 145. Omnis res quæ finem habet, brevis est, *ÆTERNITAS* in verbo, quatuor syllabis constat, in se sine fine est. Ama æternitatem; nullo fine regnabis cum Christo, si finis tibi Christus est.

## VI. CONCLUSIO.

**C**redibile non est hominem præsertim priscâ religione iubutum, tam impotentis & effrenati animi reperiri (modo non viuat ut pecus & studio in præceptis ear, nam impius cum in profundum peccatorum venerit contemnit) *Prov. 18.* qui si semel de die vel horulæ partem, huic *ÆTERNITATIS* meditationi tribuat, imò si quavis hebdomade vel semel de *ÆTERNITATE* serio cogitet, non mutet vitam in longe meliorem, & homo fiat, alius, è superbo summissus & modestus, ex iracundo mitis & mansuetus, ex impuro castus & continens, ex ebrioso temperans & sobrius, imò hic talis, verè religiosus fiet, animo certè, si non veste. Sed non raptim, non obiter & perfunctoriè hic transeundum: trutinanda res est & perpendenda, affigenda est cogitatio, & animo reuoluendum identidem *ÆTERNVM, ÆTERNVM, ÆTERNVM*, quod nunquam habebit finem, nunquam, nunquam; quod sæculis innumeris, incomprehensibilibus, infinitis durabit, & non cessabit vnquam durare. Hoc inquam, attentius considerandum, & velut cibus ruminandum, cibus etsi pretiosus & salubris, si non ceratur dentibus, & digeratur, venenum est,

non alimentum; omnis generis morbos creat, hæret aliquamdiu in corpore, sed nil boni succi generat, ita prorsus salubres sunt & sanctæ cogitationes de morte, de iudicio, de calo, de inferis, longè tamen saluberrima est cogitatio de *ÆTERNITATE*, quæ meritò dici potest quinta essentia: sed hæc veluti pretiosus cibus non ingerenda tantum sed & digerenda est. Homo solus, curis vacuus, attentus, hæc talia inter se conferat. quod nisi fiat, pæne omnis rerum diuinarum lectio, & auditio erit sine fructu. Multi conciones multas audiunt, quædam & ipsi legunt, vix quidquam inde proficiunt, quia nec lecta, nec audita expendant, transeunt omnia, & antequam in opus prodeant, elabuntur. immorandum est non nihil auditis & lectis, & voluntas ijs erudenda, hoc à Beatissima Virgine Dei matre discimus? *Maria autem conseruabat omnia verba hæc, conferens in corde suo.*

## VII. CONCLUSIO.

**N**emo credit, aut certè nemo intelligit & perpendit hæc Christi clarissima verba. *Intrate per angustam portam, quia lata porta & spatiosa via est qua ducit ad perditionem & multi sunt qui intrant per eam, quæ angusta porta & arcta via est, que ducit ad vitam, & pauci sunt qui inueniunt eam, Mat. 7.* Et repetit hoc idem per os D. Luc. *Contendite intrare per angustam portam, quia multi, dico vobis, quærent intrare & non poterunt, Luc. 13.* Quicunque (ait Aug. ser. 64. de verb.) irridet hanc fidem, ut ideò putet non sibi esse credendum, quia non videt: quando venerit quod non credebat, erubescit, confusus separatur, separatus damnatur. Refert Hieron. Platus lib. 1. de bono statu relig. cap. 5. non longè post institutam à D. Francisco nouam familiam, Bertoldum eiusdem familiæ virum insignem, ea dicendi vi atque libertate, contra certum quoddam vitium, pro suggestu disseruisse ut femina eius sibi conscia, in mortuam conciderit? mox vniuersa concione in preces procubente, exanimem reuixisse, & cur in vitam redire sit iussa, & quid in orbe alio viderit, in hunc modum narrasse. Cum stare ad tribunal Dei steterunt vnâ mecum sexaginta millia animarum, quæ ex



quæ ex omnibus mundi partibus diuerso mortis genere ad iudicem euocabantur, ex omni hoc numero, tres solum piacularibus flammis sunt addictæ, in reliquis omnes, æterni supplicij lata est sententia. Eheu ! huic femina narranti non crederem nisi prius credidissem Christo tam serio affirmanti: *Spatiosa via est quæ ducit ad perditionem, & multi sunt qui intrant per eam: arcta via est quæ ducit ad vitam, & pauci inueniunt eam.* Mat. 7. Quis verò credat, non sexagenis, sed tot alijs millenis millibus hominum æternum supplicium à Deo decretum esse, nisi hoc persuaderet summa & infinita Dei maiestas, & peccati contra hanc inexplicabilis malitia, & diuinæ Scripturæ apertissima testimonia. Iobus trepidat. *Vbi nullus ordo, sed sempiternus horror inhabitat.* c. 10. Matth. affirmat: *Discedite à me maledicti in ignem æternum.* c. 13. Ecclesia pronunciat: *Peccantē me quotidie & non me penitentem, timor mortis conturbat me, quia in inferno nulla est redemptio.* Offic. mor. NVLLA, NVLLA, quod si & ij qui in gratia Dei viuunt, bonæ mentis & volūtatis homines satis capeant, quātis tormentis essent in die iudicij per iudicij sententiā liberandi, & quantis gaudijs æternum permanens cumulandi, nec horam quidem differrent, quin vana vanis, mortuos mortuis, & suis mundū amatoribus relinquerent, & ipsi eam potissimum religionem amplecterentur, in quā Deo maximè placerent, Deumque plurimum & amarent & laudarent per omnem vitam, ob illud conferendum sibi æternum duplex beneficium, in liberatione à gehenna, in donatione paradisi. Affirmat hoc Diuus Gregorius libro 10. moralium capite duodecimo: Mala, inquit, vitæ præsentis tanto durius animus sentit, quanto pensare bonum quod sequitur, negligit, & quia non vult præmia considerare quæ restant, grauius æstimat esse quæ tolerat: at si semel quisque ad æterna se erigat, atque in his quæ incommutabiliter permanent, oculum cordis figat, propè nihil esse hoc conspiciat, quicquid ad finem currit. Idem: Carmen in nocte (inquit lib. 26. mor. 102. In c. 35. Iob) est læticia in tribulatione, quia etsi pressuris temporalibus affligimur, speramen de æterni te gaudeamus, eodem prorsus modo ratiocinatus est disertè Augusti, in

Psal. 39. Cū attenderes, inquit, quid sis accepturus omnia tibi erunt vilia quæ pateris, nec digna æstimabis pro quibus illud accipias, nam vtique fatres, pro æterna requie, labor æternus subeundus esset, æternam felicitatem accepturus, æternas passionem sustinere deberes; sed si æternū sustineres laborem, quando venires ad æternam felicitatem? ita sit vt necessario temporalis sit tribulatio tua, quā finitā venias ad felicitatem infinitam, & appende mille annos contra æternitatem: quid appendis cum infinito quantumcunque finitum? decem millia annorum, decies centena millia, si dicendum est & millia millium, quæ finem habent, cum æternitate comparari non possunt. Huc accedit, quia non solum temporalem voluit laborem tuum Deus, sed etiam breuem: aliquot duntaxat dieularum est tota vita hominis. Licet ergo quis per omnem vitam spatium, laboribus, ærumnis, doloribus varijs atteratur; carcerem, & plagas, famem & sitim nullo non die toleret, ad diem vsque vltimam; exigui temporis molestiam subiisse dicendus est: pauci dies sunt tota vita hominis, & leuis & breuis labor est, quo transacto, regnum æternum succedet, sine fine felicitas; veniet æqualitas angelorum, veniet hæreditas Christi, veniet coheres Christus, pro quanto labore quantam mercedem accipimus? Idem August. alibi in Psal. 91. Nimis profundę factę sunt cogitationes Dei vbi est cogitatio Dei? ad præsens habenas laxat, sed postea alstringet. Noli gaudere ad piscem, qui in escā suā exultat, nondum traxit hamum piscator, nam ille iam habet hamum in faucibus, & quod tibi videtur longum, breue est: omnia cito transeunt: quid est longa vita hominis ad æternitatem Dei? vis est longanimitas? vide æternitatem Dei, nam attendis ad dies tuos paucos, & diebus tuis paucis vis impleri omnia? vt damnentur omnes impij, & coronentur omnes boni, istis diebus tuis vis hæc omnia impleri? implet ea Deus in tempore suo: æternus est, tardat, longanimitas est: tu autem dicis: ideo ego non sum longanimitas, quia temporalis sum: sed in potestate habes: iunge cor tuum æternitati Dei, & cum illo æternus eris. Si iam Christianus es & bene eruditus, dicis, Deus iudicio suo referuat omnia. Boni laborant, quia flagel-



lantur ut filij, mali exultant, quia damnantur ut alieni. Duos filios habet homo; alterum castigat, alterum dimittit, facit unus male & non corripitur à patre: alter mox ut se mouerit, colaphis ceditur, flagellatur. Vnde ille dimittitur, & ille ceditur, nisi quia huic casu hæreditas seruatur, ille autem dimissus exheredatus est, videt eum non habere spem, & dimittit eum, ut faciat quod vult puer autem qui flagellatur, si cor non habuerit & imprudens fuerit & stultus, gratulatur fratri suo qui non vapulat, & gemit de se, & dicit in corde suo: Tanta mala facit frater meus, quicquid vult facit, contra præcepta patris mei, & nemo facit illi durum verbum, ego mox ut me mouero, cador. Stultus est, imprudens est: attendit quid patitur, & non attendit quid illi seruetur. His, ex eodem sanctissimo & doctissimo Præsule rectè coniungamus ista: tanquam hætenus dictorum epitomen, qualis misericordia Dei? non dicit, decies centena millia annorum labora: non dicit, vel mille annos labora: non dicit, quingentos annos labora: cum viuas, labora, in paucis annis, inde iam requies erit, & finem non habebit. Et paucos annos laboras, & in ipsis laboribus non deest consolatio; non desunt gaudia quotidiana. Sed noli gaudere in sæculo: gaude in Christo, gaude in verbo eius, gaude in lege eius. Verum est ergo quod dixit Apostolus: Etenim quod ad præsens est, temporale est, & leue tribulationis nostræ, iuxta incredibilem modum & in incredibilem modum, æternum gloriæ pondus operatur in nobis. Ecce quantum pretium damus, quodammodo vnā siliquam, ad accipiendos thesauros sempiternos siliquam laboris ad requiem incredibilem. Gaudes ad tempus? noli ibi fidei: tristis es ad tempus? noli desperare, non te corrumpat felicitas, & non frangat aduersitas. Promittit Deus vitam æternam, contemne temporalem felicitatem: minatur ignem æternum, contemne dolores temporales. Concludamus hæc cum eodem diuino scriptore: Ergo amemus vitam æternam, & ex eo nouerimus quantum pro vita æterna laborare debeamus, cum videmus homines amatores præsentis vitæ temporalis atque finiendæ; sic pro illa labo-

rare, ut quando venerit metus mortis, quid quid possunt, faciant, non ut auferant sed ut differant mortem, quantum laborat homo, quando mors imminet, fugiendo, latendo, quidquid habet dando, & se redimendo, laborando, cruciatus, molestias, quæ sustinendo, medicos adhibendo, & quidquid aliud homo potest. Videte quam consumptis laboribus & facultatibus suis, ut aliquantum uiuat, potest facere; ut semper uiuat, non potest. Si ergo labore tanto, tanto conatu, tantis impendijs tantâ instantiâ, tantâ vigilantîâ, tantâ curâ agitur, ut aliquantulum plus uiuatur: quomodo agendum est ut SEMPER uiuatur? Et si prudentes dicuntur, qui omnibus modis agunt ut differant mortem, & uiuant paucos dies, ne perdant paucos dies: quam stulti sunt qui sic uiuunt, ut perdant diem æternum.

Cogitate hæc, ô mortales, & antequam æterni sitis, siue in gaudijs, siue in tormentis, ÆTERNITATEM præuidete, omnia transeunt, sola restat nec transibit ÆTERNITAS.

## §. I.

*Æterna mortis supplicium.*

**A** Pud Persas carcer fuit, squalidus & horribilis, in quem facilis ingressus. egressus perdifficilis concedebatur, ideoque Lethe dictus est. Ad inferos facilis descensus, sed semel ingressis, exitus nullus reperitur: gradum inde nemo vnquam reuocauit, hic Dei carcer, vero nomine LETHÆ dicitur, seu OBLIVIO, sic enim Deus damnatorum obliuiscitur, ut eorum ad gratiam recordaturus non sit in omnem ÆTERNITATEM. infernus vere obliuionis terra est, id quæ (quod pius & eruditus scriptor obseruat) duplici de causa. Quia (inquit Franc. Titelman. in Ps. 87.) qui illic sunt, non sunt amplius Dei memores in bonum, neque vllam habent priorum memoriam, nisi quæ affligat; omnium enim pompæ, voluptatum, deliciarum, aut obliuio est, aut non sine cruciatu recordatio. Sed & à Deo atque angelis flammea hæc damnatorum regio obliuioni data est, quia qui illic degunt, nunquam inde sunt educendi. Inter nos & vos, clamat Abraham, chaos magnum firmatum est, ut hi qui volunt hinc transire ad vos non possint



possint, neque inde huc transire, Luc. c. 16. O chaos metucendum! ô tormentorum æternitatem horrendam! Sepulchra eorum domus illorum in æternum, Psal. 48. talia sibiipsis struunt palatia impij: *Mortuus est autem & diuus, & sepultus est in inferno.* ô profundum sepulchrum! hoc mausolæo, hic Lazari tortor est conditus, cui pro lectulo flamma, sitis pro nectare, pro dapibus sulphur, pro tripudijs est desperatio. Concionem non tam longam, quam horrendam dictauit Ezechieli Deus c. 40 in hæc verba: *Et dices salui meridiano; audi verbum Domini hæc dicit Dominus Deus: Ecce ego succendam in te ignem, & conburam in te omne lignum viride, & omne lignum aridum, non extinguetur flamma succensionis, quot nunc cedri, quot impij homines in hac vita & virent fortunæ successu, & arent virtutum inopiâ. Audite ergo vos & virentia & arida ligna, succendatur ignis, & flamma succensionis non extinguetur.* In gehenna, quo vos properatis, nulli dies festi sunt quibus succensa fornax interquiescat æternus dolor, æterna mors, æternus luctus, nullis intermiscendus vniquam solatijs, noctes atque dies, insopita, peruigil, inextincta in vos flamma vindicabit; viciis ad assiduam perpetuam mortem. Augustino (tom. 10. serm. 112. de Marc. massa candida,) id credere, tam diserte quam grauius monentur: Habebunt, inquit, impij in cruciatibus vitam: sed qui viuunt in tormentis, cupiunt (si fieri possit) finire talem vitam, & nemo eis dat interitum, vt nemo auferat cruciatum. Sed vide scripturam loquentem & discernentem, non est dignata talem vitam vocare vitam, In cruciatibus, in tormentis, in ignibus sempiternis, noluit appellare vitam, vt ipsum nomen vitæ laudis sit, non mœroris; vt ubicunque audis vitam, tormenta non cogites. nam in tormentis esse semper, æterna mors est, non aliqua vita. Ipsam vocant Scripturæ morrem secundam, post hanc primam, quam omnes humanæ conditioni debemus. Etiam mors secunda, mors vocatur, & nemo tamen ibi moritur satius & melius dixerim, nemo ibi viuunt. In doloribus enim viuere, non est viuere. Ergo illa vita in tormentis, non est vita: & illa vita sola est, quæ beata nec beata esse potest, nisi fuerit ÆTERNA. hoc ip-

sum alibi sic consignat: si anima in penis viuunt æternis, quibus & ipsi spiritus cruciabuntur immundi: mors illa potius æterna dicenda est, quam vita: nulla quippe maior & peior est mors quam vbi non moritur mors.

Simillimum huic testimonium fert Gregorius lib. 9. mor. c. 49. In gehenna miseris erit mors sine morte, finis sine fine, quia ibi mors viuunt, & finis semper incipit. Idem submonens Innocentius: Tunc, inquit, erit mors immortalis, ô mors quam multo dulcior esses, si vitam adimeres, quam cum cogis sic viuere. Sic est numerus annorum apud inferos, absque numero est, nulli numerabilis. Deus ipse annum eius vltimum, in numerando illo non inueniet. post mille millia millionum annorum numerata, totidem supererunt numeranda, quibus enumeratis, non solum vltimus non inuenietur, sed singuli erunt quasi essent primi Caino post quinque millia annorum, quos illic vix assidue moriendo, tam adhuc integer restat luctuosorum annorum numerus, ac si hoc primum die in flammeum istud ergastulum detruderetur. Et post aliquot annorum milliones, ex hoc numero consumptos, non magis decrescet ipse numerus, quam si hac primum hora inciperet ardere. Et quamuis Evangelici illius opulenti heluonis tormenta ad duo millia annorum accedant, tamen ardet adhuc & æternum ardebit, & nec guttulâ pridem postulatâ, æstuantilinguæ impetrabit.

Hæc audimus, hæc cogitamus & ridemus? nimirum res leuis est æternis flammis immori, hic quæri posset non immerito: *Vbi lacryma vestra, ô ridiculi mortales!* tales certè sumus: ob paucos obolos, ob paruam iacturam, lachrymarum grâdes guttas fundimus. immensum, irreparabile dānum, hilari cachinno decoquimus. Ad iudicem hominem euocati trepidamus; ad Dei tribunal, magnis quotidie passibus, vel nolentes imus, & in via libere iocamur; mare nauigaturis, pericula formidamus; ad ipsam totam ÆTERNITATEM ridibundi currimus.

Votum est B. Bernardi æquissimum, ser. de SS. Apost. Petro & Paulo: Vtinam, inquit, saperent, vtinam, vtinam, & quorsum hæc nobis, Bernarde, sapientia; Vt Æternitatis imago reformetur in nobis: videlicet, vt præsentia moderemur per sapientiam, præterita per



intelligentiam diiudicemus, nouissima prouideamus ad cautelam. Diuini Pauli non votum hic habemus, sed præceptum, nec enim Ephesij optat, sed imperat. *Videte itaque fratres, quomodo cautè ambuletis, non quasi insipientes, sed ut sapientes redimentes tempus, quoniam dies mali sunt.* Eph. c. 5. Circumspectè, diligenter, accuratè negotium salutis curandum est; insipientissimi sunt, qui breue hoc tempus, felici æternitati comparandæ concessum, non expendunt, sed prodigunt in vanissimas oblectatiunculas, iocando, ludendo, oriando cælum mercaturi, non fabulis redimendum est tempus, non otio vel poculis, sed crebris precibus, serio labore, constanti industriâ. Augustinus, profanis etiam negotijs, nonnihil temporis suffurandum docens: Quando, inquit, aliquis tibi litem infert, perde aliquid, ut Deo vaces, non litibus; id enim quod perdis, pretium est temporis. Sicut enim das numos, & panem emis, sic perde numos, ut emas tibi quietem & tempus vacandi Deo, hoc enim est tempus redimere.

Ita quarumvis rerum dispendio, bene agendi opportunitas est comparanda, quoniam dies mali sunt, dies vitæ huius plenissimi sunt doloribus, periculis, tentationibus, ærumnis, quæ bene agendi occasionem vel adimunt, vel minuunt, inquit, Anselmus, quod si occasionem istam elabi, & vitam nostram in meris melioris vitæ propositis sinamus effluere, nõ erit vel momentũ amplius, quo neglecta reparemus. Vita nostra (inquit Nazian in sent.) quasi mercatus est, cuius dies cũ abierit, tempus amplius non erit emendi quæ velis. Nunc ergo emendum est, dum sunt nundinæ, nunc piè viuendum est, dũ vires suppetunt, hoc ipsum Ecclesiastes cap. 10. identidem inculcat: *Quodcunque facere potest manus tua, instatè operare*, hoc ipso temporis & occasionis stimulo sapius nos vrget Apostolus: *Dum tempus habemus, bonũ operemur ad omnes, quia hora est iam nos de somno surgere.* Gal. c. 5. Tu dormis (inquit Ambrosius) & tempus tuum non dormit, sed ambulat, imo volat. Bene illi, bene illis omnibus, qui hæc nõ cogitant tantum, sed & opus monstrant, & ita viuunt, uti vixisse se volent, cum moriẽdum erit; faciuntque ea, quæ in æternitate constitu-

ti, fecisse se gaudebunt. LEVIS NVNC NEGLECTVS, ÆTERNVM FIT DISPENDIVM.

## S. II.

## Æterna vita primum.

Vita in cælo vere vitalis, & perfecta vita est, quæ animalis, quæ humana quæ angelica, quæ diuina est. Viuit ibi memoria, recordatione omnium præteritorum: viuit ibi intellectus cogitatione & visione Dei: Viuit ibi voluntas, omni quæ bono fruitur. Pari modo, viuit ibi appetitus tam concupiscibilis, quem vocant, quam irascibilis: viuunt sensus omnes, suisque fruuntur delitijs. Hæc vita delitias omnes, opes, honores, & omnium vitarum, sensuum, potentiarum oblectamenta includit. Summo huius vitæ desiderio æstuans Augustinus (lib. 22. de Ciuit. Dei cap. 30.) exclamat: *Quanta erit illic felicitas, ubi nullum erit malum, nullum latebit bonum: vacabitur Dei laudibus, qui erit omnia in omnibus.* Beati qui habitant in domo tua, Domine, in secula seculorum laudabunt te. Omnia membra & viscera incorruptibilis corporis proficient in laudibus Dei. Vera ibi gloria erit, ubi laudantis nec errore quisquam, nec adulatione laudabitur. verus honor, qui nulli negabitur digno, nulli deferetur indigno, sed nec eum ambiet ullus indignus, ubi nullus permittetur esse nisi dignus. Præmium virtutis erit ipse, qui virtutem dedit, & qui seipsum quo melius aut maius nihil possit esse promisit, quid enim est aliud quod per Prophetam dixit; *Ero illorum Deus, & ipsi erunt mihi plebs, ego ero quacunque ab omnibus honestè desiderantur, & vita & salus & virtus & copia, & gloria & honor, & pax & omnia bona; sic enim & illud rectè intelligitur, Erit Deus omnia in omnibus ipse finis erit desideriorum nostrorum.* Atque id etiam beata ciuitas illa magnum in se bonũ videbit quod nulli superiori ullus inferior inuidebit, sicut in corpore non vult oculus esse qui est digitus: cum membrum utrumque contineat totius carnis pacata compago. & subdit t. 3. c. 60. *Ibi vacantes in sabbatho requiei videbimus quoniam suauis est Deus, quo pleni erimus, quãdo ipse erit omnia in omnibus.* O ergo chara veritas, vera æternitas, æterna felicitas, Deus meus! auctor libro de Spiritu & anima, eandem hanc vitam sic compellat: *Non est in te corruptela, nec defectus,*



nec senectus, nec ira, sed pax perennis, gloria solennis, latitia sempiterna, solennitas continua. Verè tantum gaudium & exultatio flos & decus inuentus & perfectæ salutis. Non est in te heri nec hesternum, sed est idem hodiernum. Tibi salus, tibi vita, tibi pax est infinita, tibi Deus omnia. Gloriosa dicta sunt de te, ciuitas Dei, sicut enim tantum omnium habitatio est in te: nullus in te timor, tristitia nulla: desiderium omne transit in gaudium, dum præsens est quicquid optatur & quicquid desideratur, abundat. Inebriabuntur ab ubertate domus tua, ô Deus, & torrente voluptatis tua potabis eos, quoniam apud te est fons vita, & in lumine tuo videbimus lumen, cum videbimus te in te, & nos in te, & te in nobis, visione continua & felicitate perpetua.

Hæc tamen perpetua felicitas, breuissimo tempore & labore non adeo magno, à quolibet hominum comparari potest. Ingemiscens Christus in plebem: Misereor (inquit) super turbam, quia ecce iam triduo sustinent me, Mar. 8. Suauissime Iesu triduum nunc numeras, quo sustinemus te, & cur, Christe, non numeras æternitatem dierum, quibus in cælo perpeturaturus es nobis immortale gaudium? en quam facilis sit, breui labore, æternam mereri gloriâ? minima Deus obsequia numerat, & in pretio habet: pilos numerat per caput sparlos, & guttas sanguinis pro se fusi, non numerabit? Liceat ergo cum B. Hieronymo proclamare: O quanta beatitudo, pro paruis magna recipere, æterna pro breuibibus, & habere Dominum debitorem. At durum est, inquis, tam multa quotidie pati, durum est mori, sint licet cætera facilia omnia. Quid, mi Christiane, & inaniter quereris & pueriliter? an nescis illud? scio me ascendere ut descendam, virere ut arefcam, adolescere ut senescam, viuere ut moriar; mori autem, ut sim beatus æternus: Spera ergo in Domino, in sæculis æternis, in Domino Deo forti in perpetuum.

Augustinus adhuc sermone 64. mihi in mente est, qui de verbis Domini. Conclufit (inquit) Dominus, cum hæc verba diceret sic: Ibunt isti in ambulationem æternam, iusti autem in vitam æternam: hæc est vita æterna qua nobis promittitur, quia amant homines viuere in hac terra, promissa est illis vita: & quia multum timent mori, promissa est illis æterna

vita, quid amant viuere, hoc habebis quid times? mori non patieris. Sed & illi qui torquentur in pœnis, velle habent mori & non possunt: non ergo magnum est diu viuere aut semper viuere, sed magnum est BEATE VIVERE.

Ergo in cælo viues, non moriturus: illic beate viues, nam nec mala parieris, nec pati poteris. Ibi quod optabis possidebis, & possidere desiderabis; pelli possessione non poteris, & hoc te satiat. Eo certè famem & sitim suam omnem differens Dauid: Satiabor, inquit, cum apparueris gloria tua Psal. 16. Noua & mira vox in rege: mensam cibis offertissimam habet, & quasi famelicus saturitatem sperat, ex mensa non sua, prorsus esuriebat Dauid alienas dapes, & ardentem sitiebat cœlestem nectar, quid enim est omnis regum omnium luxus? inopia & mendiculorum ollulæ? si cœleste cogitetur epulum. Comedite, dicit rex cæli, & bibite & inebriamini charissimi, Canticor. cap. 5. Conuiuium hoc finem non habet, nihil illi triste succedet: quod hodie est, æternum erit. Neque hic se continet Augusti. quin iterum exclamet: O vita vitalis, vita sempiterna, & sempiterna beata. Vbi gaudium sine mœnore, requies sine labore, opes sine amissione, sanitas sine languore. Manual. 7. de gaud. Parad. (vere nil tale in hac vita) abundantia, sine defectione, vita sine morte, perpetuitas sine corruptione, beatitudo sine calamitate, ubi omnia bona in charitate perfecta, ubi plena scientia in omnibus & per omnia. ubi præsens maiestas Dei conspicitur, & hoc vita cibo mens intuentium satietur, vident semper & videre desiderant, sine anxietate desiderant, & sine fastidio satiantur.

Et ut scias, mi Christiane, hanc iam excellentem gloriâ, has tam sublimes opes, hoc regnū emi posse, audi eundem Aug. in Psal. 93 post med. Venale est (ait Aug.) venale est quod habeo dicit tibi Deus: eme illud, quid habes venale? Requiem, inquit, venalem habeo, eme illam. dicit ei: quantum valet? pretium eius labor est. quanto labore digna est requies qua non habet finem? Si verum vis comparare, & verum iudicare, æterna requies æterno labore rectè emittitur. Verum hoc est, sed noli timere, misericors est Deus. Si enim haberes æternum laborem, nunquam peruenires ad æternam quietē. Ergo, ut aliquando peruenias ad id quod emis, non in æ-



ternum laborandū est, non quia non valet tanti, sed ut possideatur quod emetur. Digna est quidē emi labore perpetuo, sed necesse est ut labore temporali ematur. Decies centena millia annorum habent finem. Qualis misericordia Dei nec dicit: decies centena millia annorum labora, non dicit: vel mille annos labora, non dicit: quingentos annos labora; sed, cum vivis, inquit, labora in paucis annis. Inde iam requies erit, & finem non habebit. Et adhuc audi, Domine, secundum multitudinem dolorum meorum in corde meo exhortationes tua iucundauerūt animam meā. Et paucos annos laboras, & in ipsis laboribus non deest consolatio, non desunt gaudia quotidiana; sed noli gaudere in seculo, gaude in Christo. Ecce quantum pretium damus: quodammodo unam siliquam, ad accipiendum thesauros sempiternos. Ergo, o Christiani, ergo nos ipsos cum eodem exhortemur.

Ponamus nobis ante oculos talem vitā cum promittatur ÆTERNA, ut remoueamus ab illa quicquid hic molestum patimur, facilius enim inuenimus quid ibi non sit, quā quid ibi sit. Et tamen venale est, eme, si vis: nec multum exstus de re magna, propter pretij magnitudinem, tantū valet, quātū habes, noli quarere quid habes, sed qualis sis. Res ista te valet, tantū vales, quātū es tu. Te da, & habebis illā, quid exstus? quid turbāris? nunquid quasiturus es te, aut empturus es te? Ecce tu qui es, qualis es, da te & habebis illā. Sed malus sum, inquires, & fortē me non accipit. Dando te illi, bonus eris. Ut huic fidei promissionē, te des, hoc est bonum esse. Cum autem bonus fueris pretium ipsius rei eris, & habebis non quod dixi solum, salutem, incolumitatem, vitam, & sine fine vitam, non hoc solum habebis, adhuc alia tollo. Non enim ibi erit lassari & dormire, esurire & sitire, crescere & senescere, quia nec nasci eris, ubi numeri integri manent. Numerus qui est, ipse est, nec opus est, ut augeatur, quia non ibi fit ut minuatur. Ecce quanta tuli, & nondum dixi quid ibi erit, quia illud nec oculus vidit, nec auris audiuit, nec in cor hominis ascendit, 1. Cor. 2. Unde enim ascenderet in cor meum ut dicerem, quod in cor hominis non ascendit.

Et quia hic per Augustini libros, quasi per hortos ad cælestem paradisum deducti sumus, eiusdem discretissimi & sanctissimi Doctoris verbis priora consignemus. Si quotidie, inquit,

oporteret omnia nos tormenta perferre, si ipsam gehennam longo tempore tolerare, ut Christum in gloria sua videre possemus, & Sanctis eius sociari, nonne dignum esset pati, omne quod triste est; ut tanti boni, tantāq; gloriæ participes haberemur? Insidentur ergo daemones, parent suas tentationes, frangunt corpus ieiunia, premant carnem vestimenta, labores grauent, vigilia exsiccent, clamet in me iste, inquietet me ille, frigus incuruet, conscientia murmuret, calor urat, caput doleat, pectus ardeat, infletur stomachus, palleat vultus, infirmer totus, deficiat in dolore vita mea, & anni mei in gemitibus, ingreditur puiredo in ossibus meis, & subter me scateat; ut requiescam in die tribulationis, & ascendam ad populum accinctum nostrum. Quā enim erit iustorum gloria? quā grandis Sanctorum letitia, cum unaquaque facies fulgebit ut sol! cum ordinibus distinctis populum suum Dominus in regno patris sui caperit recensere, & meritis atque operibus singulorum promissa premia restituet, pro terrenis cælestia, pro temporalibus sempiterna. Manual. c. 15.

Cogita ergo dies antiquos & annos æternos in mente habe: ÆTERNITATEM COGITATA, o mi homo, COGITA, COGITA æternantes pœnas & æternantia gaudia, nec vnquam (securus polliceor) de vlla re aduersa conquereris; vox illa tibi nunquam excidet: hoc graue nimis, hoc intolerabile, hoc nimis durum est; omnia tolerabilia esse dices & facilia, nec vnquam tibi magis placebis, quā cum eris afflictissimus.

Refert Ioannes Moschus cap. 141. Olympium singularis patientiæ senem, in cænobio Gerasimi ad Iordanem quascunque molestias patientissimē tulisse, intuitu æternorum cumque eum de via nescio quis religiosus hospes conuenisset, nec sine admiratione obiecisset; Et quomodo tandem, mi Olympi, in hac cauea, in tanto æstu, inter cyniphe & muscarum examina durare potes? subiecit Olympius; & Fili, inquit, hæc leuia sunt: ista tolero, ut cruciatus illos intolerabiles, æternos euadam; cyniphe patior, ut vermem effugiam immortalem; hos æstus perferre facile est ei, qui ignem metuit æternum: hæc mea etsi molesta sint, sunt tamen breuia, & finē habebunt, illa nullum. Veritas te amet Olympi & sapientia; tam enim hæc sapienter, quā verē dixisti.



dixisti. Utinam essent multi, qui hæc tecum cogitarent, multi quoque forent qui hæc tecum tolerarent.

## S. III.

*Epilogus dictorum omnium.*

**Z**EUXES inter præfati pictores laudatissimus, operi tuo morosius & diutius quam artificii tam eximio conueniret, immorari dicebatur; cum quæ interrogaretur, cur tam exacte quaquaeris omnia, & tam moroso lentoque penicillo effingeret? Diu respondit, pingo, quia *Æternitati* pingo. Et nos quoque omnes *Æternitati* pingimus, quidquid enim operum facimus, sic ad æternitatem spectat, ut quiuis vere dicere possit, *ÆTERNITATI* scribo, lego, canto, oro, laboro, quidquid facio, dico, quidquid etiam cogito, *ÆTERNITATI* cogito, quod si hæc nostrorum laborum omnium est ratio, non ergo volante aut oscitante, sed attentâ pingamus manu, ut perfectè elaborata opera, in *ÆTERNITATEM* transmittamus, omnia certè eo mittenda sunt vel ad supplicium, vel ad præmium.

S. Gregorius lib. II. in Iob c. 3. Vigilanti curâ, inquit, per cuncta opera, intentio nobis nostra pensanda est, ut nil temporale in his quæ agit, appetat; sed totam se in soliditate, *ÆTERNITATIS* figat. In omnibus ergo operibus tuis esto perfectus: ora, stude, patere, certa, labora æternitati: viue Deo, viue cælo, viue *ÆTERNITATI*. Vere Diuus Bern. ser. 15. ad Cler. Non transeunt, inquit, opera nostra ut videtur, sed temporalia quæque veluti æternitatis semina iaciuntur: stupebit insipiens, cū ex hoc modico semine copiosam viderit exurgere messem, seu bonam, seu malam pro qualitate seminis, hoc qui cogitat, nullum paruum putat esse peccatum, eò quod futuram messem potius æstimet quam semen-tem. O periculosam & miserabilem filiorum Adæ insaniam! ad infinitorum ac æternorum bonorum possessionem conditi sumus, ut quid nos toto affectu ad fugaces vanissimasque reulas abijcimus? Deus nos cæli hæredes, æternitatis possessores scripsit, quid tam auide terram inhiamus, in vanitatum nostrarum inuolucris miserè perituri? Sapiamus dū licet & viuamus æternitati, magnisque quo-

tidie passibus ad eam tendamus. Via breuis, & angusta, terminus est amplissimus. Sed ô miseros nos, aut fatuos! Æternam obtinere vitam volumus, & nolumus viam insistere ad vitam: illic esse cupimus, illuc ire refugimus. Nemo est qui beatus esse nolit. Nemo est (inquit Augustinus, sermone de Martyribus, qui massa candida vocantur, cap. 2. & 3.) quocunque genere vitæ electo, qui non vitam beatam cupiat. *Beata ergo vita communis est omnium possessio; sed quæ veniatur ad eam, quæ tendatur, quo itinere tento perueniatur in controversia est; te per hoc si quæramus beatam vitam in terris, nescio utrum inuenire possimus, non quia malum est quod quærimus, sed quia non in loco suo quærimus. Alius dicit, beati qui militant: negat alius, & dicit: beati qui agrum colunt, & hoc negat alius, & dicit: beati qui in foro populari claritate versantur, causaque defendunt; & hoc alius negat & dicit, beati qui iudicant & potestatem habent audiendi & discernendi, negat hoc alius, & dicit, beati qui nauigant multas regiones, discunt multa, colligunt lucra. Videris, charissimi in omni illa multitudine generum viuendi non placere unum omnibus, & tamen beata vita placet omnibus.*

Beatitudo ergo non hic expectanda, sed alibi quærenda, nec nisi per bonam mortem inuenienda. Etiam mali bonam mortem appetunt, sed bonam vitam fugiunt, bene mori felicitatis est; bene viuere, laboris: illud sine isto non obtinetur. *æternitas à morte pender, mors à vita bona vel mala elige nunc: perisse semel, æternum est perisse. Anni sunt non multi, cum vir alti sanguinis & perspicacis ingenij, sed religionis nouitiæ interrogatus, quid de austera religionis hominum, quid de aliorum licentioris vita sentiret? respondit: cum istis malim viuere, cum illis mori mallem, argutè hoc quidem, sed etiam Christiane sic respondere potuisset: cum ijs viuere volo: quibuscum morituum me censeo. Sic & Balaamii votum non malum fuit, *Moriatur anima mea morte iustorum.* Num. c. 23. sed prudentius, sibi quæ utilius dixisset Balaam: *Viuat anima vita iustorum ut moriatur morte iustorum,* quisquis enim vitam piorum viuit, mortem quoque piorum obibit: quisquis vitam degit impiorum, eorundem & morte interibit, idque semel & semper.*



Lamachus Centurio, admissi erroris increpabat militem, qui ut culpam dilueret, deinceps nil tale admissurum se promisit. Cui Centurio: In bello, inquit, bone vir, non licet bis peccare. Plutarchus in Lacon. In morte, eheu, nec vel semel quidem peccare licet, nam hoc tale peccatum est irreuocabile semel mortuus es, semper mortuus es: semel male mortuus es, semper damnatus es, hanc mortem corrigere, hanc damnationem excutere, per omnem aeternitatem non poteris. Turpem aiebat Iphicrates Imperatoris esse hanc vocem: *non putaram*. Turpior est & longe damnosior hæc Christiani; *non putaram*, inter castam & voluptuariam vitam tanti interesse, *non putaram*, ab ea totam pendere *ÆTERNITATEM*; tam citò me moriturum sanè *non putaram*. Eheu quàm somnolenter *ÆTERNITATIS* negotium agimus! cum mortalis hæc vita nostra, nec momentum quidem sui certum habeat: certoque sit certius hinc esse emigrandum, & quidem incertissimâ horâ, cumque hora illa venerit, non tam vixisse tibi videberis, quam momento ad mortem euolasse. Inquilinus es, non possessor? domus locata est tibi, non donata: etsi nolis, migrabis. August. in Psalm 148. non habemus hic manentem ciuitatem. quærit Baruch diuinus vates cap. 3. *Vbi sunt principes gentium, & qui dominantur super bestias quæ sunt super terram? qui argentum thesaurizant & aurum, & non est finis acquisitionis eorum?* nunquid regna sua & gloriam adhuc retinent? Et respondet ipse sibi Propheta. *Exterminati sunt, & ad inferos descenderunt, & alij loco eorum surrexerunt*. Migrarunt, inquit, nam inquilini erant non possessores, domus eorum alijs locata sunt, illis eiectis & ad inferos ablegatis. Si quæratur, vbi sint cæli principes qui empyreum illud sublime palatium incolunt, responderi non potest, exterminatos esse, & alios eorum loco surrexisse, sed in regno cælesti permanere, nec ab ullis vnquam successoribus extrudendos.

Coronemus nos rosis, aiunt illi soluta & deplorata vitæ homines, Sap. 2. nimirum rosis sese coronant perituri, quarum & decor & odor die vno euanescit. at gemmis coronantur beati, & lapillis pretiosissimis, quarum venustas non perit. In capite admirandæ il-

lius semine corona est non rosarum ex horto, non genimarum è mari, sed stellarum è cælo, sicut ergo cælestes orbes sunt incorruptibiles, ita qui illos habitant stabiles & immortales: *Iusti autem in perpetuum viuunt*, Sapientia 5. mundana omnia caduca, cælestia sunt sempiterna, hic labor nos fatigat non lógus, illic quies nos excipit æterna. Et quid quierem ambimus ante finem laboris? adhuc in arenâ, in puluere, in cursu sumus; sudandum, perrumpendum, eluctandum est. Optimè D. Gregorius homil. 37. in Euang. Si consideramus, inquit, quæ & quanta sunt quæ nobis promittuntur in calis vilescunt animo omnia quæ habentur in terris. Quæ autem lingua dicere, vel quis intellectus capere sufficit, illa superne ciuitatis quanta sint gaudia? Angelorum choris interesse, cum beatissimis spiritibus gloriæ conditoris assistere, præsentem Dei vultum cernere. incircumscriptum lumen videre, nullo mortis metu affici? incorruptionis perpetuè munere latori? Sed ad hæc audita inardescit animus, iamque illic cupit assistere, vbi se sperat sine fine gaudere. Sed ad magna præmia perueniri non potest, nisi per magnos labores. Vnde & Paulus egregius prædicator dicit: *Non coronabitur nisi qui legitime certauerit*. Delectet igitur mentem magnitudo præmiorum, sed non deterreat certamen laborum, progrediendum est & in progressu perseuerandum, nec viæ asperitas, sed patriæ beata æternitas consideranda. quod idem sanctus doctor eleganter explicans: Hoc (inquit lib. 32. moral. cap. 34.) speciale specimen electorum esse solet, quod sic sciunt præsentis vitæ iter carpere, ut per spei certitudinem nouerint iam se ad alta peruenisse, quatenus cuncta quæ præterfluunt, sub se esse videant, atque omne quod in hoc mundo eminet, amore eternitatis calcant. hoc enim est quod sequenti se animæ Dominus per Prophetâ dicit: *Sustollam te super altitudines terræ*. nam quasi quædam inferiora terre sunt: damna, contumeliæ, egestas, abiectio, quæ ipsi quoque amatores sæculi, dum per latæ viæ planitiem ambulant, vitando calcare non cessant, Altitudines autem terræ sunt, lucra rerum, blandimenta subditorum, diuitiarum abundantia, honor & sublimitas dignitatum, quæ quisquis per ima adhuc desideria



desideria incedit, eo ipso alta æstimat, quo magna putat. At si semel cor in cœlestibus figitur, mox quam abiecta sint cernitur, quæ alta videbantur. nam sicut qui in montem conscendit, eò paulisper cætera subiacentia despiciat, quâ ad altiora gressum amplius tendit; ita qui in summis intentionem figere nititur dum annulo ipso nullam præsentis vitæ gloriam esse deprehendit, super terræ altitudines eleuatur, & quod prius in imis desiderijs positus, super se credidit, post ascendendo, proficiens, sibi subesse cognoscit. Huic beati Gregorij ratiocinationi aureum diui Augustini documentum, tract. 3. de 12. abus. grad. non erit incongruens: quod aliquando per necessitatem amittendum est, pro æternâ remuneratione sponte distribuendum est. Diu vixit Moyses, & sanus vixit, tandem vivere desijt. diutius vixit Mathusalem, sed & is tandem è viujs abiit, & mortuus est. Omnes morimur, & quasi aquæ dilabimur, 2. Regum 14. Animus immortalis est & æternus, in æternum vivet vel ad præmium, vel ad supplicium. Hic aleam iacimus, aleam **ÆTERNITATIS** irrevocabilem. ô felix æternitas, ô æterna, felicitas! qui sit quod tā ratō, tam modicè, tam obiter de te cogitemus; qui sit quod tui causā non magis laboremus, non magis solliciti simus? O Deus meus & omnia aperi oculos nostros, ut cognoscamus quid sit quàm immensa sit, quàm felix vel misera sit **ÆTERNITAS**. Creasti nos ad te, & creasti nos ad **ÆTERNITATEM**, qui tu es **ÆTERNITAS**, tuæ nos **ÆTERNITATIS** participes facere voluisti, iussisti, sanxisti. da ut momētū hoc tēporis piè sancteq; expendamus, ut in eo laboremus **ÆTERNITATI**, patiamur & ceretemus **ÆTERNITATI**, utiq; idem omnibus inclamemus, & quotquot possumus, animas in æternum perituras servemus. Audite Christiani, audite Pagani, audite Reges & Principes, audi Germani, audiat orbis:

*Nulla satis magna securitas ubi periclitatur ÆTERNITAS.*

O longa, ô profunda, ô abyssalis, ô æterna **ÆTERNITAS**. Beati qui habitant in domo tua Domine, in omnibus æternis, per infinitas sæculorum myriadas laudabunt te.

Moyses funeri suo iam proximus, faustis Israelæ precationibus Deo commendatus, vl-

timo loco Aseritarum genti, sic valedixit: *Benedictus in filijs Aser sit placēs fratribus suis & tingat in oleo pedem suum, ferrum & as calcamentum eius; sicut dies iuventutis tue, sic & senectus tua. Non est Deus alius, ut Deus rectissimi. Ascensor cœli auxiliator tuus, Magnificencia eius discurrunt nubes, habitaculum eius sursum, & subter brachia sempiterna.* Deut. 33. Ita per cælum Deus in infinitum protendit potentia suæ brachia, & sub hisce eius brachijs, omnis hic mundus, omne tempus, omnesque res huius mundi continentur, decurrunt & diriguntur: ita Deus ab initio, imò ab æternitate prædestinationis suæ habitaculum fuit omnium proborum, quos & complectitur protegitque quasi quibusdam æternis, & continuis brachijs. Ascende igitur & ingredi hoc habitaculum tuum, ô anima, quæ hic cum gleba & luto luctaris. extende te & ascende ad ascensorem cœli, ad Deum tuum qui habitat in altissimis montibus **ÆTERNITATIS**. Ibi in tuto locata, in terram despice, & vide quàm modica sint, quæ hic te sunt, vel cupiditate alliciunt, vel terrore percellunt. vide quàm exilia sint omnia, quæ hoc terræ puncto continentur. vide quàm præ Deo, præ **ÆTERNITATE** creata omnia sint vana, sint infirma, sint brevia, imò quam vile & magnum inane, quam imò *grande nihilum* sint **OMNIA** vñum ergo summum & immensum bonum ambi, cetera parvi æstima: Deo nitere, in Deo dilatare: pedibus tere quicquid sub sole sub luna vel blandum allicit, vel terribile minatur, æterna cogita. Cacodæmon olim camelum obfideus, ad diuinum illum Hilarionem adductus, terribilem in modum cœpit furere, quasi virum sanctum iam deuoraturus Cui Hilarion: Non me terres, inquit, diabole tantâ mole corporis; in vulpeculâ & in camelo, idem & vnus mihi es. mox ferociēs, hic camelus, coram eo corrui, & in ridiculâ mansuetudinē abiit omnis prior truculentiâ. Talia sunt omnia blandimēta, omnia tentamēta Mundi, & terculamēta omnia, quid speras? quid times? quid amas? Ascensor cœli auxiliator tuus: ipse brachijs suis sempiternis te complectitur & tuerur: iisdem & hostes tuos qui te vel alliciunt vel territant, sic arcu stringit, ut omnes vno nutu, velut musculas possit elidere. Ergo libidinis aut gulæ



voluptas te sollicitat? modica est, despice, æternam voluptatem cogita, terrent te minæ, premunt ærumnæ, contemptus affligit, infestat morbus, fatigat occulta paupertas? modica sunt hæc omnia, & quò acerbius in te sæviunt, hoc & breuius: despice hæc, & cælum suspice, æternitatem cogita. S. Hieronymus in vita Hilarionis capit. 18. *Non contristabit in sum quicquid ei acciderit.* Pro. 22. Si vel cælum ruat, impavidum illum ferient ruinæ. Ergo nunquam tristis iustus? ergo nulla illum incurfat tribulatio? nequaquam; multæ tribulationes iustorum. Psa. 38. sed illi mala eiusmodi omnia, pro ludicris habent; solum illud verè malum existimant, quod æternum est, quod à Deo separat, uti separat peccatum, & peccati stipendium æterna mors. *Non conreplantibus nobis qua videntur, sed qua non videntur.* (ait Doctor gentium 2. Cor. 4.) Ica demum verè magna sunt, seu bona, seu mala.

At nos qui tam rarò contemplamur quæ non videmus, quam adulti aut quàm senes pueri sumus? ob excussam manibus glaciem ploremus, quam retinere non possumus: circa umbras attoniti stamus, & in somnijs altum sapimus; tabescimus in ijs, quæ non tantum transibunt paullo post, sed & iam transiunt. non præteribit figura huius mundi, sed iam præterit; in ipso est transitu: & sicut bona ista omnia quibus hic afficimur, instabilia sunt; sic mala omnia, quibus premimur, non diuturna, sola illa quæ non videntur, perennem ha-

bent statum, finem ignorant, terminum nò admittunt, mutationem nesciunt, stabilia, immota, æterna sunt.

Symphorianus, Christianus adolescens, non simplici flagrorum lanienâ defunctus; cum iam ad ultimum supplicium Augustoduni duceretur, occurrit in viâ mater, sed salvis capillis, sed tecto pectore, nec muliebriter eulans verum prout heroidem decebat Christianam: Nate, exclamat, mi nate, memento æternæ vitæ, cælum suspice, & ibi regnantem intueri. non eripitur tibi vita sed mutatur meliore, maternâ hac voce animatus iuuenis, ferro iugulum constanter præbuit. S. S. S. 22. Augusti.

Et nos, ô mei Christiani, iam ducimur ad mortem, supplicium supremum omnes iam imus, sed passu lentiore: cuncti nobis cælitates acclamant: *Mementote æternæ vitæ, cælum suspicite, & hic regnantem intuemini*, hic te Symphorianum gere, quisquis Christianus es; te ipsum labori & luctu ne subtrahe, & vel ferrum, si opus, pro Christo tuo fortiter excipe, hic aude, hic animum ostende, & cum tentaris, cum doles, tristaris, angeris, cum contemneris, rideris, infamaris; cum spoliaris, varièque supra Iobum cruciaris, Symphorianum & mille Christianos alios imitare, & constanti pectore vel milles liberam hanc vocem erumpe: quicquid hoc est, *M O D I C U M* est, *B R E V E* est, valete mihi *O M N I A*, tu sola iam mihi salve *Æ T E R N I T A S*.

*Finis libri ÆTERNITATIS nullus.*



MEMORIALE  
ÆTERNITATIS  
SIVE  
DIGESTÆ IN TRES  
SEPTENARIOS  
CONSIDERATIONES  
CIRCA  
ÆTERNITATEM.

*Annos aternos in mente habui, & meditatus  
sum. Psal. 76.*

*Zelus animarum inuenit, Timor Dei impressit.*



# P A R T H E N I C I S M A R I Æ S O D A L I B V S.

SALVTIS SVÆ STVDIOSIS MARIANÆ  
Aquicinctinorum Philosophorum congregationis  
Director Salutem æternam.

**I**N vobis pauca de ÆTERNITATE, qua inuente anno è varijs collegeram, in vnum colligaram, & numerosissima florentissimaque Philosophorum Parthenicorum Congregationi dedicaram: tum quod ad restringendos discinctorum temporum mores nullum se offerret xenium aptius, arctiusve ferreo, simul aureo sane annulo Æternitatis; tum quod hoc studium videretur esse melior sane pars Christiana illius Philosophia, cui operam illi suam studiosè commodant: ita igitur primum prodijt, & bono alite serpsit in publicum ÆTERNITATIS iste annulus: atque adeo auide etiam ab exteris arreptus est, ut necessum sit rursum vocare ad incudem, praelo (inquam) submittere, sed alijs auspicijs, nam quo ad plures fructus pertineat, placuit vniuersim Parthenicorum MARIÆ Sodalium nomen, velut nobilem gemmulam, annulo imprimere; erit id, opinor, omnibus Sodalibus pergratum, nec erit, cur quispiam ex frontispicio ad ÆTERNITATIS aspectum exanguis impallescat metu, & quasi presso angue refugiat; meus hic conuolutus serpens non mordebit, neque inficiet: aut si mordebit aliquem, at nocebit profecto nemini; imo salutaris erit plaga, si quæ inferatur; nam hac extrema (quod scite dixit S. Bernardus ser. de conuers. ad Cler.) qui pauet, cauet: quid negligit, incidit. Itaque Parthenici sodales, hanc vestri Marianique nominis gemmam illustrem annulum gestate in digitis, dicere volui in corde, eoque sigillo consignate mores vestros; ita verè patricij, verè nobiles, vera Mariana familie soboles eritis.

At propè mihi exciderat: ut vos mouerem ea, qua hoc loco contexui, ferè ex sacra scriptura ac SS. Patribus, alijsque probe fidei scriptoribus studiosè primum à me collecta, & deinde digesta esse stylo quidem, ductuq; scriptionis non ad fucum eleganti, sed ad motum animorum, nisi fallor, apto, eandido saltem, & amico: ob eam vero causam trium partium singulas in particulas septem distinxisse, ut plurimum hebdomadarum diebus singulis vespere, præsertim post conscientia examen, ante somnum, particulam ÆTERNITATIS, saltem vnā haberetis, quam legendo meditaremini, Davidis sanctissimi exemplo de se testantis: Annos æternos in mente habui, & meditatus sum nocte, & exercitabar & scopebam spiritum meum, Ps. 76. Habetis nunc consilij factiq; mei rationem: vos ita utimini, & eternum saluete.

C O N.



CONSIDERATIONVM  
CIRCA  
ÆTERNITATEM  
PARS PRIMA:

*Complectens septem Propositiones singulis hebdomada diebus manè, vesperi, & sapius  
studiose perpendendas.*

PROPOSITIO I.

*Vita brevis.*



APIENTI nuntius præcur-  
rens, naus pertransiens flu-  
ctuantem aquam, avis transuo-  
lans in aëre, sagitta emissa in  
locum destinatum; lanugo, quæ  
à vento tollitur; spuma graci-

lis, quæ à procella dispergitur, memoria ho-  
spitis vnius diei prætereuntis. Quid vita? San-  
cto Iacobo vapor ad modicum parens, Davi-  
di umbra, Iobo eriam fumus, folium, ventus;  
Quid iterum vita? Pindaro vmbre somnium,  
Æschilo umbra fumi, denique Iusto Lipsio  
scenæ imago & (vt verbulo cum eodem ab-  
soluamus) Nihil. Hinc colliger vir sapiens,  
nisi desipit, parvipendendas esse scædas volu-  
ptates, honores falsos, fluxas diuitias, res om-  
nes sub astro inconstantis Lunæ projectas:  
cum ex simul ac vita fugacissimè transuolent,  
sintque cum temporis momento, cui insistant,  
finem breui suum habituræ. Ita olim ratioci-  
natus est vir ille nobilis Rolandus nomine, qui  
postquam splendens luxu vestium, inter iocos  
festum diem totum epulis, lussibus, choreis-  
que traduxisset; vesperi ad mentem reuersus,  
hem, exclamat, vbi nunc festum, quod egim-  
us? Vbi totius diei latititia? vbi cetera? ni-  
mirum vt hic dies; sic reliqua omnis trans-

scurret vita, nihil post se relictura, nisi æter-  
num pœnitere. Sic grauitè tum quidem con-  
cludit; & postero die vitam sanctiorem ador-  
sus est. Ex PP. Dominic. histor.

PROPOSITIO II.

*Morte nihil certius, & nihil incertius.*

P Aradoxon audire te putas; sed axionma  
est moriere. A sex millibus, annorum  
Dens mortis tuæ, legem fixit eamque ada-  
mantinam; *Statutum est hominibus semel mo-  
ri.* Hebræorum 9. At incertum quando,  
vbi, quomodo morieris, an in meridie, an se-  
rò, an nocte concubia, an in gallicinio, an  
mane: An in vere adolescentiæ, æstate inuen-  
tutis, senectutis autumnò, hyeme ætatis de-  
crepitæ, an domi, an foris. & (quod caput  
est) an bene, an male. Scio moriturum te, cæ-  
tera nescio. Habemus adhuc Epitaphium per-  
nobilis illius adolescentis, quem non pridem  
è Philosophiæ, vitæque cursu nobis, medico  
frustra sperante, mors repens incogitantem  
surtipuit. Lege,

*Forma nitore, genere, & opibus florui:  
Flores, sed istos messuit mortis manus.  
Vbi inuentus? abiit, & spes absceidit:  
Dei ad tribunal pœne adhuc vinus fletu,  
Nec profuere stirps, opes, oris vigor.*



*Vsq̃ue ad sepulchrum hac omnia, ulterius nihil.*

*O arundinee mortalis, hac quisquis legis.*

*ÆTERNITATEM prospice & longum vale.*

*Vigilate, quia nescitis diem neque horam.*  
Matth. 25.

Vigilabat Maximilianus primus optimus Imperator, quem legimus, toto quadriennio ante mortem, sarcophagum sibi parari, secum deferri, apud se semper esse voluisse, quasi semper iste mortis apparitor ei occineret: Maximiliane cogita mori. Qui me audis, idem cogita, & vigila: quia neque tu scis diem, neque horam. *Lips. in Mont.*

### PROPOSITIO III.

*Corporis locus, sepulchrum.*

**H**ic constituta est domus omni viventi. Iob 30. Quid ampla palatia edificas mox discessurus? militum more sub tentorio degis, quamdiu vivis; statim ac summus Imperator clauos tabernaculi refigi iusserit, abeundum erit in longam istam domum; vbi putredini, mi puelle dicas, *pater meus es, mater mea, & soror mea, vermibus.* Iob 17.

I nunc, vestire mollihus, dormi super bene plumco anseri, & sub culcitra suavi: *Subter te sternetur tineæ, & operimentum tuum erunt vermes.* Isa. 14. Ecquid agis demens, cum neglecto animæ studio, vnam inter Epicuri porcos curas cuticulam? scilicet vt nitida, vt pinguis sit. Sed quorsum? vt eò magis dapsile vermibus epulâ appares. Hæc minimè cogitas: atqui magnam tamen id ad rectè Philosophandum vim habet. Si nescis, disce: fuit vir Bononiæ tibi persimilis, delicatulus, qui vitam omnibus delicijs diffluentem viveret, qui nullum de rigidiore vita verbum sibi fieri pateretur. Quid tu isto homine faceres? hunc è familia Sancti Dominici religiosus aliquando conuenit, & multa familiariter comiterque loquutus. digrediens vnicum monuit, cogitaret sub noctem lectum ingressus illud Prophetæ, *Subter te sternetur tineæ, & operimentum tuum erunt vermes.* Fecit ille, vt erat monitus, atque ita altè cogitatum istud animo insedit, vt rebus omnibus abdicatis

homo ante mollissimus, se Deo vitæque ætiori obstrinxerit. Humbert. tract. 7. de Tim.

### PROPOSITIO IV.

*Animabus horrendum Dei Tribunal.*

**H**Orreo vel cogitans: tu tui securus forsitan nunc rides, ludis, iocaris, leuiora hæc sunt, nunc etiam fortè scelerate viuis. Sed heus tu, audi S. Ioan. Apocalypsim: *vidi mortuos, magnos & pusillos, stantes in cōspectu throni & libri aperti sunt, & alius liber apertus est, qui est vite, & iudicati sunt mortui ex his, quæ scripta erant in libris secundum opera ipsorum.* Apoc. 20. Audi præterea Apostolum; *Omnes nos manifestari oportet ante tribunal Christi, vt referat unusquisque propria, prout gessit.* Epist. 2. Cor. c. 5. Ergo tuæ tunc sceditates manifestabuntur quas nunc tam operosè tenebris & parietibus obregis. Audi denique Innocen. Papam III. in Pl. 142. Meticulosum est omni viventi coram te Domine, causam agere criminalem: quia cum sis potentissimus, manqs tuas nemo potest effugere; cum sis sapientissimus oculos tuos nihil potest latere; cum sis iustissimus, animum tuum nemo potest corrumpere: coram quo accusatrix est conscientia, rea mens, aduocatrix ratio, testis memoria, & tu Iudex. Quare meritò diem iudicii cogitans S. Hieronymus, de se dicebat. *Quoties diem illum considero, toto corpore contremisco: siue enim comedo, siue bibo, siue aliquid aliud facio, semper viderur mihi turba illa terribilis sonare in auribus meis: Surgite mortui, venite ad iudicium.* Apud Dionis. Carth. l. de Rem. Tent. a. 22. Ecce quàm ip-sis etiam viris sanctissimis formidandum sit istud tribunal, para te igitur tēpori ad examen, incertus est iudicii dies. Citaberis fortè cras, fortè hodie: neque in hoc foro comperendinari, aut vadari licebit. Et quomodo, si imparatus fueris, ferre poteris vultum iudicis irati?

Quidam importunis precibus à matre religiosè viuendi facultatem extorserat; cum negligentius viveret, in morbum incidit; visusq; sibi est ad Dei tribunal sisti, & à matre, quæ prius viuis excesserat, graubus hisce verbis fodicari. Quid est hoc fili! Et tu in locum hūc condem-



condemnatus iussus est venire? Vbi tui olim illi sermones? Vbi propositum vitæ melioris? Hæsit ad hæc ille consternatus, & vigiliæ ac sanitati redditus, adeo se luctibus, ac lachrymis immergit, vt omne à se solatium rejiceret: Si improprium, inquiebat, matris meæ sustinere non potui; quomodo Christi & angelorum eius aduersum me confusionem & acerbitatem potero in die iudicii sustinere? Vit. SS. Patrum, libro 5 tit. 3. Ille non potuit, tu grauiorum scelerum reus an poteris? Vis exemplum aliud? Socio alius post mortem mæsto vultu apparens ter vocem istam inclamauit: Nemo credit, Nemo credit, Nemo credit; cumque viuis quæreretur, quidnam esset istud, quod nemo credit: Respondit mortuus? *Quam discriete indicat Deus, & quam seuerè punit.* In Spec. Exemp. ex Jac. Parad. Cor profecto non habet, qui ista recordatur & nondum pauet.

## PROPOSITIO V.

*Alia iudicia Dei, alia hominum.*

**N**on enim cogitationes meæ cogitationes vestre, neque via vestra via mea, dicit Dominus: *Quia sicut exaltantur cæli à terra, sic exaltata sunt via mea à vijs vestris, & cogitationes meæ à cogitationibus vestris.* Il. 56. Nèpe, homo videt ea, quæ parent; Dominus autem intuetur cor. 1. Reg. 16. Ille breuiter, & quasi per transfennâ & eminus respicit; hic scrutatur etiam renes, & quidem in lucernis. Vis exemplum? præsto est & ad manum. Promam autem verbis (vt erant istorum hominum mores) simplicibus, & candidis. Abbas Agathon moriturus, tres dies mansit immobilis, oculos apertos tenens; pulsauerunt autem eum fratres dicentes: Abba, vbi es? & ille respondit: *in conspectu diuini iudicii assisto.* Dicunt ei: Et tu times? Et ille dixit: *Interim laboraui virtute qua potui, in custodiendis mandatis Dei, sed homo sum, & nescio utrum placuerint opera mea coram Deo.* Dicunt ei fratres: Et non confidis de operibus tuis, quia secundum Deum sint? Et dixit senex: *Non præsumo, nisi venero ante Deum: Aliter enim sunt iudicia Dei aliter hominum.* In vit. PP. 1. 5. c. 18. de sobri. Timuit ille; tu securus es?

## PROPOSITIO VI.

*Duplex ab unico momento pendes*

ÆTERNITAS.

**E**N vaticinium Dan. c. 12. *Euigilabunt alij in vitam æternam, & alij in opprobrium vt videant semper:* en Euangelium S. Matthæi cap. 25. *Ibunt hi in supplicium æternum, iusti autem in vitam æternam,* excipe nunc vtramque iudicis de ÆTERNITATE sententiã: à dextris dicit ouibus; *Venite benedicti Patris mei, possidete paratum vobis regnum à constitutione mundi,* ibid. Tum hædis à sinistris cum horrifono tonitru edicet: *Discedite à me maledicti in ignem æternum.* O istorum beatam! miseram horum ÆTERNITATEM! O diuersissimam fœlicis, infœlicisque iactus, & fortis aleam! Visionem iusti iudicis verba sunt Sancti Gregorij lib. 31. moral. ca. 12. quam iustus vehementer expectat, iniustus venire reformidat: iste namque labores suos considerans mercedem retributionis querit, & causæ suæ meritum sciens præsentiam Iudicis expetit &c. Ille verò, qui iniustitiæ suæ meminit, venire ad iudicium perhorrescit, actusque suos examinari metuit: quia damnati si examinentur, nouit. Porro ex vitæ vnius momento pendere vtramque ÆTERNITATEM nemo nescit: potes igitur, vt voles, esse vel æternum beatus, vel æternum miser. Quid maius è duobus? age, quid maius? sed priusquam in tanta re quidquam constituas, Sancti Francisci diuinum oraculum consule.

*Modica hic voluptas, sed postea pœna immensa:*

*Modicus hic labor, sed postea gloria æterna.*

ELIGE:

*Multorum vocatio, paucorum electio, omnium retributio.*

ÆTERNITATEM

*cogita.*

Cogitauit ideoque sapienter elegit Sancta Catharina Senensis: cui cum Christus apparuisset dextra coronam miri decoris auream: sinistra verò spineam protendens, optionemque fecisset, eligeret vtram mallet, spineam, auidissimè prehensauit; & vsque adeo capiti infixit.



infixit : vt dolores perſentifceret grauiſſimos; maluit ſcilicet coronam auream pro momentaneo cruciату aſſeruari in Æ T E R N I T A T E M.

### PROPOSITIO VII.

*Inferi terribilium terribiliſſimum.*

**O** *Stendam vobis!* loquitur Chriſtus apud S. Luc. c. 12.) *quem timeatis : time- eum, qui poſtquam occiderit, poteſtatem habet mittendi in gehennam : ita dico vobis, hunc time- te.* Et verò viri omni memoria ſanctiſſimi timuerunt, imo horruerunt. Vide *Sanctum Cyrillum* ( *in orat. de exit. ani.* ) *toto corpore & animo cohorreſcentem.* Gehennam timeo, ait, quippe interminatam, & horreo tartarum; vt cui nimium inſit caloris; paueo tenebras, quoniam nihil admittunt lucis; formido peſtiferum vermem, quoniam eſt perennis. Aduerte nunc *Sanctum Bernardum* ( *ſer. 6. in. Cant.* ) *pari horrore impalleſcentem :* Paueo ( inquit ) gehennam, paueo Iudicis vultum, contremiſco à dentibus beſtiæ infernalis; horreo vermem rodentem, & ignem, torrentem, ſumum, & vaporem, & ſulphur, & ſpiritum procellarum; horreo tenebras exteriores. Quis dabit capiti meo aquam & oculis mei fontem lachrymarum, vt præueniam ſletibus ſletum, & ſtridorem dentium? Agedum ex pœna vnus inferorum acerbitates collige reliquas. Amici duo inter ſe pepigerant; vt qui prior moretetur, ad ſuperſtitem rediret de ſtatu alterius vitæ mopiturus; obiit paulò poſt eorum vnus, fidemque datam præſtans ſocio poſt dies 30. adfuit vultu exangui, & pallido; En adſum, inquit, tuo, ſi vti velis, bono: nam

ego quidem ſempiternis addiſtus ſum pœnis: quæ quam graues ſint nescis: ſed diſce ex vna protendenſque manum ſanioſo vlcere ſtillantem; Videturne, ait hæc pœna levis? mox curuatis in volam digitis tres diſtillantibus tabis guttas, duas in tempora, alterâ ſocij in frontem aſperſit, quæ tam altè penetrarunt: vt in illius vultu foramen nucis capax efficerent. Vade iam, inquit, ſi ſapis, & habitum muta & animum: ita damnatus ille commonuit, & diſparuit: alter verè eo monito percuſſus mundi transfuga ſtatim ſe abdidit in religionem, & ſanè quid ad iſta vel terriſculamenta vel exempla nondum ſapit, nequidem brutum eſt, ſed ſtipes: neque ſtipes modo ſed lapis. *Ex Spec. Hiſt. Vincent. l. 25. c. 89.*

### ORATIO.

*Pro timore Dei obtinendo.*

**C** Onſige Domine timore tuo carnes meas, à iudijs enim tuiſtimui; *Pſal. 118.* Ecquis non timeat conſiderans huius vitæ breuitatem, certæ mortis incertitudinem, ſepulchri, & vltimi tribunalis horrorem, vitæ alterius & ſuppliciorum æternitatem? quis te omnipotens & tremende Domine non timeat? ſed tamen donum tuum eſt iſta ſalutariter timere: auge igitur meos timores, iſſque conſige non modo carnes meas; ſed etiam transfige cor meum, vt concipiam, & parturiam, & pariam ſpiritum: ſpiritum timoris, quia initium ſapientiæ eſt timor Domini, *Iſa. 26.* ſpiritum contritionis quia ſi peream ſemel. æternum perij, ſed non pereat æternum ſeruus tuus, pro quo ſanguinem fudit filius tuus **I E S V S** meus pro peccatis meis crucifixus. Amen.





## SECUNDA PARS PERSTRINGENS VII. CONCLVSIONES;

QVIBVS NATVRA, ET DVRatio ÆTER-  
NITATIS, huiusque Philosophiæ ef-  
fectus continentur.

### I. CONCLVSIO.

*Operæpretium, sed difficile definire  
Æternitatem.*

**O** ÆTERNITAS, quàm ratò versaris in  
mentibus hominum! iterum dico, quàm  
rarò versaris in mentibus nostris ÆTERNI-  
TAS: Ò ÆTERNITAS! heu ÆTERNITAS! quid  
dicam, aut quomodo dicam! quam rarò ver-  
saris in cogitatione filiorum Adam ÆTERNI-  
TAS? quis exprimat quid sit ÆTERNITAS?  
quis concipiat quid sit ÆTERNITAS? cogito  
mille annos, cogito tot annorum millia; quot  
sunt momenta seu puncta in toto tempore à  
condito mundo vsque ad eius consummationem,  
& de ÆTERNITATE nihil adhuc habeo.  
Ò ÆTERNITAS! quis poterit par esse ÆTER-  
NITATI in tormentis? *Fumus tormentorum  
eorum ascendet in secula seculorum.* Apoc. 14.  
Quid est in secula seculorum? volo dicere, &  
nescio dicere. Ita frater Adamus Sasbournius  
(Hom. dom. 1. Quadr.) vir admodum pius  
& sapienter sensit, & eleganter scripsit,

### II. CONCLVSIO.

*Potest Æternitatis natura saltem describendo  
adumbrari.*

**Æ**TERNITAS Doctore Angelico (1.  
p. q. 10. art. 1. & 5.) est duratio im-

mutabilis & indeficiens, carens successione,  
tota simul existens & conformitas eius quod  
est extra motum. S. Dio. Areop. (c. 10. de dir.  
no.) est immutabilitas, immortalitas, in-  
corruptibilitas rei totius simul existentis; æ-  
uum, quod non interit, sed eodem modo sem-  
per se habet. Boëtio (lib. 5. de consol. presb.  
6.) est interminabilis vitæ tota simul & perfe-  
cta possessio. Quid est ÆTERNITAS? vnum  
perpetuum *Sum*, quod præterito caret & fu-  
turo: est circulus, cuius centrum semper, cir-  
cumferentia nunquam: est magnus annus &  
tamen annulus sese inuoluens, & implicans si-  
ne termino: est axis firmus & immobilis, cir-  
ca quem agitur tota mundi, temporis & sæ-  
culorum omnium: est stella fixa, cuius cauda  
errans in infinitum protenditur: est Oceanus,  
cuius altitudo nulla bolide inuestigari potest;  
est abyssus, in qua vis intelligendi humana  
submergitur. Quid tandem est, reuera nescio  
illud tantum scio id ipsum esse quod Deus so-  
lus sua infinitate ambit & complectitur.

### III. CONCLVSIO.

*Longus & vanus labor metiri durationem  
Æternitatis.*

**M**etire semel, iterum, sapius: Post decem  
annorum milliones; post centum mille  
miriadum annorum, post decies centies  
mille.



millena millia millionum annorum; necdum finem, necdum medium, imò nondum *ÆTERNITATIS* principium designasti. Iunge ad ista omnes hominum, & Angelorū, cogitationes, omnes motus & mutationes quarumvis rerum creaturarum: adde his arenulas, quot non possent millenarum terrarum vastissimo sinu contineri: collige denique in vnum omnes numeros Arithmeticae quadratos, cubitos quosvis: nunc imple his numeris volumina chartarum hinc ad supremos cœlos vsque, nondum *ÆTERNITATIS* durationem mensures, tantum abest, vt sis emensus. Quamdiu igitur durabit *ÆTERNITAS*? semper. quando finietur? nunquam. quamdiu cœlum erit cœlum, quamdiu inferi erunt inferi, quamdiu Deus erit Deus, tamdiu durabit *ÆTERNITAS*: tamdiu, cœlum beabit Sanctos, tamdiu improbos torquebunt inferi. Quamdiu hoc erit? æternum erit. Ne quaeso, molestior sis querendo: apprehende saltem, si comprehendere non potes.

## IV. CONCLUSIO.

*Æternitatis duratio mensurari non potest.*

**E**X quo Poli sunt perfecti,  
Aude numero complecti;  
Stellas cœli, stillas roris,  
Vndas aquei floris,  
Guttas imbris pluuiæ,  
Floccos velleris pualis.  
Quot sunt vere nouo flores,  
Quot odores, quot colores,  
Quot vinaceos Autumnus,  
Poma legat & Verrumus:  
Quot iam grana tulit æstas.  
Fronde hyemis tempestas,  
Torus orbis animantes,  
Aër atomos volantes,  
Pilos feræ, pecus villos,  
Vertex hominum capillos:  
Adde littoris arenas,  
Adde graminis verbenas,  
Tot myriades annorum,  
Quot momenta sæculorum:  
Heu adhuc *ÆTERNITATIS*,  
Portus fugit à damnatis.

*Nihil numerando proficis,  
Plus res restat quam detraxeris.*

*ÆTERNITAS! ÆTERNITAS.  
Quam longa es ÆTERNITAS!*

## V. CONCLUSIO.

*Æternarum poenarum immensitas damnatos  
adigit ad desperationem.*

**P**ro dolor, inquit, decem elapsis annorum millibus, centum adijciuntur millia, toriungentur myriades, & milliones; quot in firmamento sunt stellæ, & in Oceani litore arenarum grana: post quæ longissima annorum spatia, quasi nihil de poenis nostris accisum esset, sic iterum ab initio tormenta suscipere incipimus: atque ita sine interruptione, sine fine, sine modo, voluetur continuò nostrorum rota tormentorum. O terribilem! ô formidandam *ÆTERNITATEM*! Si nobis saltem concederetur, vt arenolus quispiam mons extolleretur, vt arenolus quispiam quans, fastigio cœlum attingens, ex quo post centum millia annorum aduolans auicula rostro non plus auferret, quam est decima vnius arenulæ pars, & rursus post alterum centum annorum mille, aliam arenulæ vnius decimam partem, & pari modo aliam atque aliam, ita vt spatium decies centum millium annorum, tantum vnicum arenulæ vnius granum de môte illo arenoso minueretur: quam læti, quam alacres essemus, quod post vltimam saltem môtis totius ablationem, damnationis nostræ finem aliquando aliquem haberemus? ô desperationem! ô insaniam! Ne id quidem vnde quaerere miserrimis conceditur. Væ ergo nobis iam nunc, & in perpetuum. Væ, quod nati sumus, nec vnquam mori valeamus. Væ, quia torque-mur, nec vnquam liberabimur. morimur sèper & viuimus; deficiamus & subsistimus, finimur & sine caremus. Mors enim nostra est sine morte, defectus sine defectu, finis sine fine; quia hic & mors semper viuet, & defectus deficere nesciet, & finis semper incipiet. Et propter turpem vnius momenti voluptatulam ita lancinari? ô acerbum! ô crudele! ô intolerabile supplicium! Quid ad hæc peccator? agendum, quid ad hæc; nondum ad vitæ prioris mutationem commoueris? ergo non modo ratione, sed etiam sensu cares. Ex l. 9. Moral. 5. Greg. c. 39. Ex S. Aug. l. de Spir. & ani. c. 56.

## VI. CON-



tata? an momentum postpones ÆTERNITATI?

*O dedecorum petiosus emptor!*

## VI. CONCLUSIO.

*Parit hæc Philosophia veram rerum mundanarum æstimationem.*

**I**Ta enim ÆTERNITATIS Philosophus seipsum arguet, admonetque: Animule, quid tanto curarum æstu intrare veras? quid continuo motu molis? aut quid moliris? age iam nunc quin floccipendimus quidquid est in hoc mundo fugitiuarum opum, quidquid est illecebrarum carnis, quidquid est futilium honorum? quin id vnum agitur, vt æternas inferorum pœnas effugiamus, felicitatem ad quam facti sumus, assequamur? Itane insanimus, vt momentaneâ voluptate, æternos ignium cruciatus lubeat mercari? *Momentaneum enim est quod hic delectat, æternum quod ibi cruciat.* Quid? candelæ emorientis flammulam, ne digito quidem vno ad breuissimum tempus sustinere potes? experiri non potes? æternos inferorum ignes sufferre poteris? compone momentum & ÆTERNITATEM, tum rem suis ponderibus æstima. In toto orbe haud quisquam est tam insano cerebro, qui mundi totius imperium ea conditione acceptet, vt triginta vel quadraginta annorum spatio, in lætulo roseis floribusque vernantibus strato, extensus iacere velit: atqui læsto ille iaceret florido, & vernanti, ita est, verum cubationis diuturnitas gravem adfert molestiam, quæ igitur tua dementia? quæ frenesis, quam insanus furor? si velis pro re nihili, pro cepis Ægyptiorum, & porcorum quilibet te periculo exponere cubandi in ignito damnatorum strato, in quo & lente torrearis, & æternum torquearis. Refert S. Ioannes Damascenus Iosaphatum Abenner Indorum regis filium Barlaami Eremitæ disciplinâ ad Christi fidem conuersum meretriculæ cuiusdam formâ, & lenocinijs fuisse iam iamque capiendum & consensurum in res obscenas, nisi diuina miseratione contigisset, vt parumper obdormiscens & Sanctorum gloriam & damnatorum pœnas videret: ergo ista per speculum & per soporis vmbra dormiente visa, tantam vim habuerit? quid tandem efficiet in te animo vigili ac studioso præmedi-

## VII. CONCLUSIO.

*Eadem Philosophia parit robur animi, & constantiam.*

**Q**Vis enim ÆTERNITATIS Philosophus in malorum omnium catastâ positus non statim exclamet cum S. August. in Medit. O Domine Deus meus, hic vire, hic sece, vt in æternum parcas. Nam cædi virgis, membrarum diuidi, in rotam aut crucem agi, viuum lento igne comburi, morbis omnibus telisque, fortunæ impeti & configi quid est? quid sunt tyrannorum minæ? omnia mundi tormenta æternorum comparatione cruciarum quid sunt? fumus, risus, iocus aut comparatione æternorum præmiorum quid sunt teruntius, obolus, ne hilum quidem. Ita hæc philosophia instructus Thomas Morus nuper Cancellarius Angliæ, Aloysiæ vxoris plenam illecebris orationem retorfit, os obturauit, argumenta elusit. Erat illa ab Henrico VIII. submissa in carcerem; vt adornato sermone mariti animum ad impiam Regis voluntatem desisteret, prodit igitur fœmina vxor, & multa ciulans suamque ipsius, imo totius familiæ descendam conditionem commemorans obnixè rogat, ne bona omnia, & vitam ipsam, quibus multis abhinc annis frui poterat, subito perditum irer: Ad hæc paucis Morus, at quamdiu, ô Aloysia, quamdiu istis opibus, vitæque commodis frui potero, quamdiu? cui illas facile vt minimum ad viginti annos, si Deo ita placer, mi More: vin' ergo (subdit vir Sanctus) vt ÆTERNITATEM cum viginti annis commutem? Næ tu imperita, ne dicam stulta, es negotiatrix: Nam si aliquot annorum millia speranda diceres, aliquid tu quid polliceri viderere: sed tamen ad ÆTERNITATEM quid hæc essent? Ita sanctus Martyr sapienter sensit, & dixit, ita vixit, ita decessit, Sander. de schif. Ang.



*Oratio pro retinenda memoria Æternitatis.*

**D**omine Deus, obsecro dic mihi seruo tuo, quid est ÆTERNITAS? Cogito & recogito, & tenebræ sunt, eoque magis implicor, quo magis explicare studeo; quid igitur est ÆTERNITAS? ah nolo scire, nolo Domine: fac tantum ut intimè sentiā ÆTERNI-

TATEM: O momentum! ô ÆTERNITAS: ô pretiosum momentum, unde pendet æterna ÆTERNITAS! Concede Deus meus, per merita filij tui & beatissimæ Virginis, Angeli mei custodis, & omnium Sactorum ÆTERNITATIS memoriā ita cordi nostro imprimi, & nostra omnia sic disponi, ut æterna damnatione vitata æternam tuæ visionis gloriam consequi possimus, Amen.



## TERTIA PARS.

### QVÆSTIONES VII.

CIRCA

### ÆTERNITATEM HARVMQVE SOLUTIONES.

Querit ex te Christus Matth. 16.

*Quid prodest homini, si uniuersum mundum lucretur, anima vero sua detrimentum patiatur? aut quam dabit homo commutationem pro anima sua,*

2. Querit Deus iterum ex te, Lucæ 12.

*Stulte, hac nocte repetunt animam tuam à te, qua autem parasti cuius erunt?*

3. Querit Malachias ex te & ex me, cap. 3.

*Quis poterit cogitare diem aduentus eius? aut quis stabit ad videndum eum? ipse enim quasi ignis constans.*

4. Querit S. Petrus à peccatore epist. 1. c. 4.

*Si iustus quidem vix saluabitur, impius & peccator ubi parebunt?*

Querit S. Iob ex se, c. 14.

*Quis mihi hoc tribuat, ut in inferno protegas*

*me, & abscondas me donec pertanscat furor tuus?*

6 Querunt de se ex inferorum incendijs damnati, Sap. 5.

*Quid nobis profuit superbia, aut diuitiarum iactantia, quid contulit nobis?*

7. Querit Isaias ab omnibus, cap. 33.

*Quis poterit habitare de vobis cum igne deuorante, aut quis habitabit ex vobis cum ardoribus sempiternis?*

IMPLEXOS HARVM QVÆSTIONVM NODOS SACRARVM litterarum, Sanctorumque PP. iudicio dissoluent ea, quæ sequuntur.

1. Frequens & exactum conscientia examen.

**V**ias meas (inquit S. Iob c. 13.) in conspectu eius arguam & ipse erit saluator meus. Nimirum (quod Apostolus testatur 1. Cor.



Cor. 11. *Ipse nosmetipsos diiudicavimus, non utique iudicaremur.* Audi Chrys. in loc. Apost. cit. idem scripto attestantem. Solum si vellemus agnoscere peccata, si nosmet ipsos condemnare, si de delictis ferre sententiam, liberaremur ab eo, quod & hic & illic est supplicio. Nam qui seipsum condemnauit, duplici ratione Deum placat, & quod peccata agnouerit, & quod in futurum sit tardior. Cui sententiæ accedit S. Anselm. in eund. loc. simulque excutiendæ conscientie formam describit egregie. Ascendat itaque homo (inquit) aduersum se tribunal mentis suæ, constituat se ante faciem suam, atque ita constituto in corde iudicio adsit accusatrix cogitatio, testis conscientia, carnis timor, inde quidam sanguis animi consistentis profluat per lachrimas, postremo ab ipsa mente sententia proferatur: & mox. Versetur ante oculos eius imago futuri iudicii, & quidquid in se viderit, quod à iudice venturo reprehendi possit & puniri, ipse nunc in seipso reprehendat & puniat: peccata enim siue parua, siue magna, impunita esse non possunt, quia aut homine puniente aut Deo iudicante plectuntur. Cessat autem vindicta diuina, si conuersio præcurrat humana.

2. Sanctæ Pœnitentiæ serie, neque sera usurpatio.

**V**ocat enim Dominus apud Ioëlem cap. 2. Conuertimini ad me in toto corde vestro in ieiunio & in fletu, & in plâctu & scindite corda vestra, &c. quia benignus & misericors est, patiens, & multa misericordia, & præstabilis super malitia.

Sed vide sequaris consilium Sapientis Eccl. 5. Ne tardes conuerteri ad Dominum, & ne differas de die diem, subito enim venit ira illius. Tum illud Eccl. 17. Non demeris in errore impiorum: ante mortem confitere, à mortuo quasi nihil perit confesso: consteberis viuens, viuus & sanus consteberis. Quare ad Corinth. scribebat Apost. 2. Cor. 6. Exhortamur ne in vanum Dei gratiam recipiatis, ait enim, (Deus) tempore accepto exaudiui te & in die salutis adiui te: ecce nunc tempus acceptabile, ecce nunc dies salutis. His consona scribunt SS. Patres, S. August. sermo. 141. de temp. Homo si male viuit, non viuit; moriatur, ne

moriatur; quid est moriatur, ne moriatur; mutetur, ne damnetur.

Greg. Mag. lib. 1. epist. 33. ad Venant. Cul-pam tuam pensa, dum vacat; distractionem futuri iudicii dum vales, exhorresce? ne tunc illam amaram sententiam audias, cum iam nullis fletibus euadas. Idem Greg. hom. 12. in Euang. Si sciret quisque de præsentis sæculo quo tempore exiret, aliud tempus voluptatibus, atque aliud pœnitentiæ aptare potuisset: sed qui pœnitenti veniam spondit, peccanti diem crastinum non promittit. Semper ergo su præmium diem debemus metuere, quæ nunquam possumus præuidere. Ecce hunc ipsum diem de quo loquimur, ad inducias conuersionis accepimus, accepimus, sed vramur, Sodales mei, dum possumus, ne non possumus, cum volumus.

3. Creber usus venerab. Sacramenti.

**H**ic est panis, qui de caelo descendit; non sicut manducauerunt patres vestri manna & mortui sunt, qui manducat hunc panem, viuet in æternum Ioan. 6. Oraculum audis ex Euangelio: vide iam ex eodem quid timere & simul quid amare possis. Nisi manducaueritis carnem filij hominis, (ibid. inquit veritas) & biberitis eius sanguinem, non habebitis vitam in vobis: qui manducat meam carnem, & bibit meum sanguinem, habet vitam æternam, & ego resuscitabo eum in nouissimo die, caro mea vere est cibus, & sanguis meus vere est potus: qui manducat meam carnem, & bibit meum sanguinem, in me manet, & ego in illo, Vin' audire SS. Patres? Cibus sum grandium, cresce & manducabis me: nec tu me in te mutabis, sicut cibum carnistuar; sed tu mutaberis in me. Ita S. Aug. 7. confess. 10. Ut manifestum est eos viuere, qui corpus eius attingunt, & Eucharistiam iure communicationis accipiunt: ita contra timendum est, & orandum: ne dum quis abstentus separatur à Christi corpore, procul remaneat à salute; comminante ipso & dicente; Nisi manducaueritis &c. Ita S. Cyprianus de orat. domin. ca. 7. Vis igitur electorum, beatorum. diuorumque immortalium numero accenseri? accede ad diuinam illam mensam: hoc enim sacramentum Prophetæ Zacharias vocat frumentum electorum; S. Ignatius Martyr, pharmacum im-



mortalitatis, & antidotum non moriendi:  
Conc. Nicæ. symbolum resurrectionis: Conc.  
Trident. pignus felicitatis & gloriæ.

#### 4. Opera misericordia.

**S**criptum siquidem legimus apud Psalmistam Psalmo 40. *Beatus qui intelligit super egenum & pauperem in die mala liberabit eum Dominus*: audiet nimirum lætissimam illam vocem Matth. 25. *Venite benedicti Patris mei, possidete paratum vobis regnum à constitutione mundi, esurivi enim & dedistis mihi manducare &c.* quare S. Chrysost. hom. 24. in 3. cap. Ioan. recte monet: Mutuemus Christo pecunias, vt veniam accipiamus peccatorum: ipse enim est, qui iudicat: nolimus eum despiciere in hoc sæculo esurientem; vt in futuro nos nutriet. Et paulò post: Parua igitur saltem exhibeamus, & pro paruis maxima accipiamus, maxima mercedem Eleemosyna (inquit idem Chrysost. ho. 33. ad Pop.) Christi adstat tribunali non tantum patrocinians, verum & ipsi persuadens Iudici; vt reo patrociniū præster, & pro eo sententiam ferat.

#### 5. Patientia in rebus aduersis.

**A**ppello Apostolum, ad Heb. 12. *Omnis disciplina in presenti quidem videtur non esse gaudij, sed mœroris, postea vero fructum pacatissimum exercitatis per eam reddet iustitia: rationem adfert luculentam scribens ad Cor. Id enim quod in presenti est momentaneum & leue tribulationis nostræ supra modum in sublimitate, æternum gloria pòdus operatur in nobis, non contèplantibus nobis quæ videntur, sed quæ non vidètur, quæ enim videntur tēporalia sunt, quæ autē non videntur, æterna sunt.* 2. ad Cor. 4. Ea spe animati acerba quæque Martyres fortiter tolerarunt. Nouerant sc. illud Apost. 2. ad Tit. 2. *Fidelis sermo: nam si cōmortui sumus, & conuiuemus: si sustinebimus, & conregnabimus.* Et illud S. Angust. ser. 47. de Sanct. Regulat esse in corpore, qui odium non vult sustinere cum Capite. Atque ob hanc eandem scilicet causam subinde nos Deus durius trahat, & paterne affligit: vt S. Doctor Greg. lib. 6. mor. c. 15. scripto relinquit. In sex ita-

que nos tribulationibus Dominus liberat, ne nos in septima malum tangat: quia per paternæ pietatis eruditionem præsetis vitæ labore nos atterit: sed in aduentu Domini à verbere abscondit, vt tantò nunc ad salutem certiores exhibeat, quantò nunc nos flagella durius secant: vt mihi lubeat iterum hic illud S. Aug. in Medit. exclamare; Domine Deus hic vire; hic feci, vt in æternum parcas.

#### 6. Culius Beatiss. Virginis.

**O**lim Abiathar sacerdoti dicebat rex Salomon, 3. Re. 2. *Et quidem vir mortis es; sed hodie te non interficiam; quia porraſti arcam Domini Dei.* Arca illa vmbraſtilis Mariam referebat, quam si tu in corde & amoribus habes, Christum facilem iudicem experieris: ipsam Virginē testor: *Qui creauit me, ait ipsa, requieuit in tabernaculo meo & dixit mihi, in Iacob inhabita, & in Israel hereditare, & in electis meis mitte radices.* Ecc. 24. quid plura? *Beatus homo, qui audit me, qui vigilat ad fores meas quotidie, & obseruat ad postes ostij mei: qui me inuenerit inueniet vitā, & hauriet salutem à Domino, qui autem in me peccauerit, lædet animam suam.* Omnes qui me oderunt, diligunt mortem Prou. 8. Prodeant huc in Mariæ laudem Ansel. Bonauentura, & Bernardus, triplex Mariæ corculum. Sicut impossibile est quod illi, à quibus Vir. Maria oculis misericordiæ suæ auertit, saluentur: ita necessarium, quod hi. ad quos conuertit oculos, filio pro eis aduocans, iustificentur & glorificentur. Ita S. Anselmus apud sanctum Anton. p. q. 15. cap. 14. §. 7. lib. 1. Phar. c. 5. velut è tripode: Et ex eo S. Bon. Sicut, ô beatissima, omnis à te auersus & à te despectus necesse est, vt intereat: ita omnis ad te conuersus, & à te respectus; impossibile est vt pereat. Habet, teneo, cliens Marianus perire non potest, omnino non potest. Totis igitur Bernardum audis (sermone de Natiuit. B. Virginis.) Totis medullis cordium, totis præcordiorum affectibus, & votis omnibus Mariam hanc veneremur? quia sic est voluntas eius, qui totum nos habere voluit per Mariam &c. Ad Patrem verebaris accedere? Iesum tibi dedit mediatorem: Paulo post, Sed forsitan in ipso maiestatem vereare diuinam, quod



quod licet factus sit homo, manserit tamen Deus. Aduocatum habere vis & ad ipsum? ad Mariam recurre, exaudiet utique matrem filius, exaudiet filium Pater, Filioli hæc peccatorum scala, hæc mea maxima fiducia est, hæc tota ratio spei meæ. Expectas ex me exemplum: pleni sunt libri, plena volumina: en vnum è mille. Sancta Gerfenda nobilis & sancta matrona, cum pro S. Elzeario, quem enutrierat feruenter oraret: corporeis auribus audiuit Christum sibi dicentem: Iuueni huic pro quo tam multum oras, noueris me matrem meam dedisse magistratam: nihil igitur de illo dubites. Satis est, teneo hæreditatis tabulas, & codices obsignatos: sum Mariae cliens, ergo male perire, aut calo excidere non possum. In vita S. Elzearii apud Sur. 27. Sept.

7. Denique Meditatio sedula Æternitatis.

**H** Vc omnino pertinet votum illud Moy- sis Deuteron. 32. *Vtinam saperent & intelligerent, ac nouissima prouiderent*: huc consilium Sap. Eccl. 7. *in omnibus operibus tuis memorare nouissima tua & in æternum non peccabis*. Huc denique exemplum Davidis, qui de se negotijs licet regni occupatissimo dicebat, Psal. 76. *cogitavi dies antiquos, & annos æternos in mente habui*, sed placet audire Bernardum ser. de Apost. Petr. & Paul. explicantem verba illa, *utinam saperent, &c.* vt ÆTERNITATIS, ait, quædam imago reformari videatur in nobis præsentia moderatibus per sapientiam, præterita per intelligentiam dijudicantibus, nouissima prouidentibus, ad cautelam: Et alibi (cp. 292.) *te, quisquis es alloquens*. O utinam saperes & intelligeres ac nouissima prouideres! saperes quæ Dei sunt, intelligeres quæ mundi sunt, prouideres quæ inferni sunt, profecto inferna horreret, superna appeteret, quæ sunt ad malum contemneret. Concludo Abbatis Ammonis bene notanda sententia (In vit. Patrum lib. 5. tit. de compunctione) Vade, & talem fac cogitationem tuam, sicut faciunt iniqui, qui sunt in carcere. Illi enim interrogant homines, ubi est Iudex, & quando veniet? & in ipsa expectatione penarum suarum plorant. Ita & tu debes semper suspectus esse, & animam tuam

obiurgare, dicendo: Væ mihi, quomodo habeo altare ante tribunal Christi, & quomodo habeo ei actuum meorum reddere rationem? Si igitur semper sic meditatus fueris, poteris saluus esse: addo ad extremum tutum illud, *hæc igitur fac, & viues*.

## O R A T I O.

*Pro Dei timore simul & amore impetrando.*

**D** Omine Deus, summè iustus & summè bonus, qui timeri te à nobis ideo voluisti; vt te amare inciperemus, & tandem super omnia nunc & in æternum amaremus, sancti nominis tui timorem pariter & amorem infunde perpetuum, sed timere iam minus lubet; amare nunc te volo. O! amem te, Deus cordis mei, amem te plusquam alia, plusquam me, plusquam omnia; quia tu es Deus meus & omnia. Detestor peccata mea, non iam quia mori & condemnari timeo; sed quia te offendi infinitam bonitatem quam super omnia amo: perfice amorem istum, vt nunquam nisi casto timore timeam, & vt perfectius in celo cum omnibus sanctis æternum te amare valeam. Amen.

## E P I L O G V S.

*Ad Virginis Sodales vera sapientia studiosos.*

**N** Vnc lubet tandem finire, (Sodales Virginei) quamquam quis ÆTERNITATIS esse vmquam finis potest: lubet autem finiendo cum doctis simul ac pijs nostri sæculi, viris duobus præceptoribus olim meis, postremum quanto possum animi, vocisque studio exclamare. O ÆTERNITAS! abyssus gaudij Sanctis, abyssus miseriarum & dolorum impijs, sicut enim omne bonum facis infinite melius & optabilius: ita omne malum efficis infinite peius, & molestius. Quæ mens magnitudinem tuam capere, quod robur animi pondus tuum sustinere queat? Tu omnem superbiam retundis, omnem duritiem frangis, omnem animositatē reprimis: omnes peccatores perturbas, omnes pios in afflictione recreas, & ineffabili gaudio perfundis. *Momentaneum enim & leue tribulationis huius supra modum*



*in sublimitate æternum gloria pondus operatur in nobis*: pro momentaneo malo rependetur æternum bonum; pro leui tribulatione, pondus gloriæ immensum; pro afflictione terrena, gloria in sublimitate. Væ miseris peccatoribus, qui momentaneum & leue huius vitæ solatium æterno illi gloriæ ponderi anteponunt, qui æternum malum subire supplicium; quam momentaneo huius vitæ carere commodo, qui terrena ista præferunt cœlestibus & infima sublimissimis, momentanea sempiternis, Lessius de diu. persl. 4.

O chara ÆTERNITAS, æterna veritas, vera charitas, Deus meus & omnia; aperire oculos meos, & amoue à nobis stuporem hominum, vt cognoscamus quid sit, quam immensa, quam felix vel misera ÆTERNITAS,

Creasti nos ad te, creasti nos ad ÆTERNITATEM: quia tu es ÆTERNITAS; tuæ ÆTERNITATIS nos participes facere voluisti, iussisti. sanxisti: Nam *lux perpetua lucebit Sanctis tuis Domine, & Æternitas temporum.* Da vt momentaneum hoc temporis, piè & sanctè expendamus: vt in eo studeamus ÆTERNITATI, laboremus ÆTERNITATI, patiamur & certemus ÆTERNITATI: vtque idem omnibus inclamemus, & quotquot possumus, animas in æternum perituras saluemus: Audite Christiani, audite Pagani, audi Belgium, audiat orbis. Cornelius à Lap. in c. 34. Deut. *Nulla satis magna securitas, ubi periclitatur ÆTERNITAS.*  
O longa, ô profunda, ô abyssalis, ô æterna ÆTERNITAS.

F I N I S.

INFER.



IN FERNVS  
DAMNATORVM.  
CARCER ET ROGVS  
ÆTERNITATIS.  
PARS II.

*Coram Serenissimo utriusque Bavariae Duce S. R. I.  
Archidap. Electore; MAXIMILIANO &  
Serenissima coniuge ELIZABETHA  
explicata ab*

HIEREMIA DREXELIO,  
è Societate Iesv.



ILL.<sup>MO</sup> ET REV.<sup>MO</sup> DOMINO  
 D. PETRO ALOYSIO  
 CARAFA,  
 EX DVCIBVS NVCKERIÆ:

EPISCOPO TRICARICENSI,  
*Nuntio Apostolico, ad Tractum Rheni, & partes  
 Inferioris Germania, cum potestate Legati à Latere;  
 Domino meo observandissimo.*



OBILIS ab Italia pictor Michael Angelus, supremum Orbis iudicium, & inferorum flammās pinxerat. Eam picturam Iulio II. Summo Pontifici consecravit. Idem ego tentavi, sed calamo, non penicillo. Flammeum Aeternitatis carcerem depinxi. Quicquid hoc operis est, Tuo, Ill.<sup>me</sup> ac Rev.<sup>me</sup> Præsul, nomini iure merito inscripsi. Vt auderem, multa me impellebant.

Illustrissimam Carafarum familiam specto? Equo Troiano illam non malè contulerim, è quā tot viri principes, non in exitium Troiæ, sed in Orbis bonum progressi sunt. E Tuā familiā Præsul Rev.<sup>me</sup> Pontifex Maximus, Paulus IV. Ex eādē quatuor Patriarchæ, octo Archiepiscopi Neapolitani, longè plures Episcopi, sedecim purpurati senatores Cardinales prodierunt. Hinc amplissima Carafensis prosapia purpuræ splendorem adeo sibi iam familiarem habet, ut ea vna penè Curiam è purpuratis Patribus & supremum Ecclesiæ senatum, sed & amplissimam tot Principum, Ducum, Marchionum, Comitum coronam constituere possit. Nolo plura de familiā. Vereor illius laudes ingenij culpā deterere. Et scio hæc ornamenta à Te non inter prima numerari.

Maiora cerno, Studia Tua cum pietate coniuncta. In gymnasijs & Academijs Societatis nostræ tam Neapoli, quàm Romæ sic educatum Te novimus, ut simul etiam præclarissima pietatis fundamenta ieceris. Nam sodalitates, in quibus censebaris, eo ardore tot annis frequentasti, iis decorasti exemplis, ut à sanctā consuetudine, quam iuvenis adscivisti, nihil diversi exhibuerit virilis ætas. Nam etsi jam Principatus Firmani & Firmanae Urbis Præfectum ageres, nihilominus Te sodalitati præsentem sistere, è sodalitatis legibus vivere, Tui esse officij censebas. Quod utinam vellent non nescire Celsitudine Tuā longè inferiores, qui sodalis officio egregiè satis factum putant, si cætus Parthenios orment solo nomine.

Studia



Studia porro & litteras, Ill.<sup>me</sup> & Rev.<sup>me</sup> Antistes, eâ ingenij felicitate, illâ industrię laude tractasti, vt maximos tam in Philosophiâ quàm Theologiâ progressus feceris. Quod maius. Non immeritò in Te geminum istud miramur, tam exactam politioris litteraturę, quàm vtriusque Pontificij & Cæsarei Iuris peritiã. Neque in vmbra eruditio Tua latuit. In solem & pulverem progressa est. Nota loquor. In iis omnibus, quas dixi, tam Philosophię, quàm Iuris, ac Theologię scientijs, illustre specimen sepius dedisti. Pro testimonio dicunt tot concertationes ac congressus publici, in quibus eruditio Tua doctissimo cuique insigniter sese probavit.

Inde fuit vt amplissima munia Te ambirent, non Tu illa. Prolegatus Ferrarię, Urbis Firmanę, & eiusdem Principatus Præfectus annis compluribus, eum Te præbuiſti, vt iam septennio amplissimâ Summi Pontificis Legatione fungaris, magno Religionis incremento. Non enim ab vllâ parte curę aut laboris quidquam remittis, iam omni Leodiensium terrâ ad res componendas obitâ.

Sed propria me vocant, & magis domestica. Minimam Societatem nostram, Ill.<sup>me</sup> Domine, tanto hactenus tamque constanti affectu prosecutus es vbivis locorum, vt ea Te inrer patronos primos recte numeret. Ex ore nostri admodum Reverendi Patris Generalis mihi videor loqui. Et scimus Te religiosissimè gloriari solitum, diem festum sancti Ignatii Loiole Tuum esse Nalem. Eò vsque certè Tuus in nos amor progreditur, vt Te panè vnum ex nobis gratulemur.

Neque verò Tua in nos, Præful Amplissime, Tuorumque benevolentia sterilis fuit, aut solâ verborum munificentia stetit. Collegium Neapolitanum Tuę familię liberalissimis impensis conditum, & amplè constitutum est. Sed recentius tacere nefas. Ante annos septem Excellentissimus Princeps Tiberius Carafa, germanus frater Tuus, vnus inter Hispanię Magnates, & Aurei Velleris Eques, Societati ad extruendum ac dotandum Collegium pares sumptus beneficâ manu suppeditauit. Quam piam beneficentiam omnes ac singuli Societatis nostrę Sacerdotes triplici sacrificio ex more remunerare conati sunt: idem obsequij genus præstituri defuncto huic principi.

Verum, quod hanc potissimum scriptionem, ad Te iubet excurrere, Virtus Tua est. Non blandiar Tuis auribus. Neque enim mihi hic mos est; malo veris offendere. Eximiam pietatem, & integritatē vitę publicæ in Te Fama veneratur. Hic mihi seges suppetit, vnde possim in Tuâ Celsitudine laudare castum corpus, sobriam mentem, puram mentem. Sed parco modestiæ. ac submissioni Tuę, quam signatis tabulis comprobare est. Iam enim non vnas à Celsitudine Tuâ litteras accepi, non humanitate solum ac benevolentia, sed reverã submissione plenas. Liberè dico. Submissio in tanto apice, omnes facillè virtutes sibi iungit.

Quando igitur iam facillimum est coniectare, quàm vigilanter cum Hebræo rege annos æternos in mente habeas, idcirco hanc scriptionem de Æternitatis æstuarijs visum est Celsitudini Tuę consecrare, vt ea famam & lucem huic scripto circumdet.

Germania nostra iam ab annis aliquot faciem inferorum induit, varijs bellorum ignibus calamitosa. Italia imitatur, & eundem præfert vultum flammis bellicis exastuans. Bellum optimè descriperit, qui veram inferorum effigiem appellarit. Ergo temporis nil aduerſum ago, cùm de inferis loquor. Præ foribus, imò & in ædibus nostris spectamus inferos. Solatio est, has bellicas flammæ non fore æternas. Hic enim pauca diuturna, nihil perpetuum.

Deinde hanc scriptionem de Dei in perduelles Iustitiâ nemini putem rectius dedicauero, quàm amanti iustitiã. Non timendū in Tuo tribunali, Rev.<sup>me</sup> Antistes, ne aut causæ fiant perpetuę, aut gratia vim æqui habeat, aut culpa redimatur auro. Etenim



cum illam divini furoris officinam tacitis cogitationibus contemplaris, nihil ambigo quin Ferdinandi Caesaris vocem usurpes. *Fiat iustitia, aut pereat Mundus.* Seria spei Avernalis contemplatio, notitiam divine iustitiae necessario coniunctam habet.

Memorable prorsus est, quod de Vandalorum rege Canuto referunt. *b.* Hic aequi amantissimus supplicia representabat omnibus indistincte nocentibus. Non favor, non amicitia, non affinitas delicto patrocinari poterant. Quod vel inde constet. Cum latrocinantes capere damnati iam ducendi essent, unus aliquis e medio damnatorum grege proclamavit, se Canuti regis cognatum, iure sanguinis impunitatem & vitam polcere. His auditis rex nihil turbatus: *Cognato*, inquit *nostro vi honoratior sis locus, sublimiorem crucem ponite.* Beati calites non tantum non cognatorum, sed nec parentum sempiternis supplicijs ad ullam miserationem flectentur. Imò vero: Latibuntur iusti cum viderint vindictam; manus suas lavabunt in sanguine peccatorum. *c.*

Te animo sapius Praesul Ill.<sup>me</sup> inter calites versari, insignis Tua pietas, & mores Tui satis testantur. Nec dubitem, quin e caelo in Aeternitatis carceres despiciens, illud Imperatoris mente agites: *Salve sancta Iustitia.* Non terret eos gehenna quos vera in DEVM fiducia, & tranquilla conscientia solatur & erigit. Qui rogos infernales meruit, illius gratiam ambiat, qui habet claves mortis & inferni. *d.*

Hic aliam expono causam, quae me impulit, ut hanc abyssi flammæ picturam Tuae Celsitudini offerrem. Celestium arcanorum conscius Ioannes: Vidi, ait, Angelum descendentem de caelo, habentem clavem abyssi. *e.* Supremum Ecclesiae caput, summi Iudicis Vicarius in Germaniam Te misit, Legate dignissime, neque *Solvendi* tantum, sed & *Ligandi* potestatem tradidit, eaque ratione abyssi clavem commisit. Hinc Te suum Germania veneratur Angelum, habentem clavem abyssi. En igitur hic provincia, ad quam Tibi tanquam Angelo commissa clavis, compendiosam imaginem.

† Mos fuit prius Romanis ut provincias devictas quantumvis barbaras in titulos suos referrent. Inde Duces & Imperatores Dacici, Getulici, Scythici appellati. Enimvero nulla unquam Arabia tam fuit inculta, nulla Scythia tam barbara, quam Luciferi regnum est, Vbi umbra mortis & nullus ordo, sed sempiternus horror inhabitat. *f.* Ab hac incultissima & nimis quam barbarâ Scythiâ vel oppugnatâ vel subiugatâ heroi Christiano speciosissimus titulus accedit, nominari *Scythicum*. Quicumque autem hanc Scythiam non vi vanâ impugnare cogitat, regionis illius diversa loca sapius consideret necesse est. Eam etiam ob causam Scythici istius regni situm & incolas omnibus inspiciendos propono. Sapientissimorum consilio rectissime facit, qui vivus subit inferos, ne subeat mortuus.

Sapiens olim Demonax stultè prorsus respondit: Interrogatus namque, qualisnam esset inferorum conditio? Expecta sis, aiebat, simul atque illuc venero, per litteras tibi omnia significabo.

O. Demonax, ô rudes & improbi Christiani! serum nimis est eò mortuum descendere. Nemo illuc explorator admittitur, nisi vivus. Quisquis mortuorum illatabiles hos recessus ingreditur, egressum perdidit, iam captus est, in carcere est, & quidem aeterno.

De vivo Tarrato longè verissimum, quod de picto Iulius II. Pontifex summus *g.* dixit: In inferno nulla est redemptio. Ibi dærum fremitus perennat, illic ignis aeternum coquitur. Sed ille ignis, ô DEVS, ignis sapiens est, qui damnatorum singulos inaequaliter, prout promeriti, torquet; qui membraurit & reficit; carpit & nutrit: sicut ignes fulminum corpora tangunt, nec absument: sicut ignes Vesuvij ac Aetnae montium dies noctesque vivunt, nec deficiunt; ita illud Avernale incendium cruciatibus reorum pascitur, & torquendo noxios nutritur. Hunc ego ignem sapientissimum in chartâ depingere conatus sum.



# EPISTOLA.

Non hic Siculi aut Campani montis miſiles flamas, non Trophonij ſpecum, non Pythagorę de Orco ſomnia, non Maronis de aulã Ditis carmina deſcribo; hic flammeos, æternos carceres ſub oculis pono, ſuccinctã ſcriptione. Et hanc Tibi, Ill.<sup>me</sup> ac Rev.<sup>me</sup> Præſul, velut Angelo Germanię venerabundus, vt picturam dico ac conſecro, & vnã rogo, vt Celſitudo Tua Societatem noſtram omnem quo hæcenus affectu complexa eſt, ſovere non deſinat. Monachij die S. Michaëlis Archangeli, Anno Chriſtiano 1630.

Ill.<sup>me</sup> & Rev.<sup>me</sup>  
Celſitudinis Tuz

*Servus in Chriſto ſubmiſſiſſimus*

HIEREMIAS DREXELIUS ꝛ Societate Ieſu,

a Pſa. 76. Verſ. 6

b Krantzius l. 3. Vandalia, cap. 32 poſt medium,

c Pſa. 57. Verſ. 11.

d Apoc. Cap. 1. verſ 19

e Apoc. Cap. 20. Verſ. 1.

f Iob. c. 10. v. 22.

g Cuius principio meminimus,



# LECTORI BENEVOLO.



D inferos te duco, mi Lector, & Aeternitatem multo luctuosissimam aperio spectandam. Obsecro, patientes huc oculos adverte. Ad superos brevi te reducam (ita mecum bene spera) & monstrabo etiam calum. Libellum hunc studio brevioris scripsi, & omnes inferorum cruciatus ad novem supplicia redegi, prolixius in calo moraturus. Modo iam disceamus pericula vicina nosse, quae facile cavet, qui praevidet.

Non parum interest è terrâ spectes naufragium, an iacteris ipse in eadem navi. Naufragium passi sunt, & irreparabile, quotquot ad Orcum praecipitati sunt; nec in portum unquam pervenient. Aeternitatis igneum mare, carcer eternus hos naufragos iam sepelivit. Nec finis naufragiorum. Innumeri penè diebus singulis huc eijciuntur fractâ navi. Nos etiamnum extra hoc mare sumus, naufragorum spectatores. Nunc alienis malis licet sapere, & cavere inferorum profundissimam charybdim; aeternum carcerem.

Lucundum esse censuit Callimachus,

Neptunum procul à terra spectare furem. a

Nobis utilissimum erit, flammeum damnatorum pelagus ita iam contemplari, ut illud velis remisque fugiamus. Sapienter dixit Publius Syrus, Improbè ab eo accusari mare, qui alterum fecerit naufragium.

Et nobis forsitan, mi Lector, iam sapius navis fracta est, ut pro se quisque fateri debeat: Nisi quia Dominus adiuvit me, paullo minus habitasset in inferno anima mea. b. Istud maturè cogitemus & tempori. Naufragium minatur ultimum, is maximè qui priora contempserint. Inferos nemo melius cavet, quàm qui sapius cogitat. Hoc ista scriptio agit, & Novissima praevidere submonet. Pauculis annis esse miserum, facilis iactura est, & sepe principium salutis. Tu, si quid curas, hoc unum cura; Ne eternum sis miser. Ego hic, quod veteres in consolatione dicebant, rectè usurpem: Vellem ut velles, mi optime Lector, hæc non legere solùm, sed & expendere. Hic serio agitur, & de capite. Quod olim Augustino Angelus, idem ego tibi succlamor: Tolle, lege, expende.

a Horatius epist. l. i. ep. ii. ad Bullatium.

b. Psal. 93. Vers. 17.

DE



# DE ÆTERNO DAMNATORVM CARCERE ET ROGO.

## CAPVT I.

*Quò liber hic collineet; & instructio  
Lectori.*



**RV** DIXIT Philo Iudeus:  
*Domus Dei, cogitatio sapientis.*  
a Hanc domum æterna Sa-  
pientia subit, hanc habitat, in  
hac suauiter recumbit. Videre,  
loqui, audire, scribere, humanæ

quidem actiones sunt, non tamen animantibus  
brutis penitus negatæ. Audiunt & feræ, vi-  
dentque, & eo quædam hominem vincunt. Iu-  
menta quoque memorantur locuta. Scriptio-  
ni simillimum quid, elephantis præsertim, tri-  
buitur. Cogitare ac ratiocinari, solius hominis  
est. Puris ac sanctis hominum cogitationibus  
interest Deus, & velut suâ se domo continet.  
Atque hinc eruditum Philonis dictum: Do-  
mus Dei, cogitatio sapientis.

Quid porro post hominis conditorem, di-  
gnissimum sit ab homine cogitari, variè disce-  
ptari potest. Solymæus rex David in discepta-  
tionis partem veniens: Cogitavi, ait, dies anti-  
quos, & annos æternos in mente habui. b Co-  
gitatio prorsus vtilissima; digna homine, digna  
Deo. Amplissimū hîc cogitandi stadium patet,  
quod nemo vquam emensus est cogitando.  
Finis hîc quæri potest, inueniri non potest.  
Æternitas finem nescit, terminos ignorat, me-  
tâ nullâ clauditur. Æternitas cogitari dig-  
nissimæ.

Æternitatem in se spectandam ante decen-

nium proposuimus. Restat Æternitatem tam  
beatorū, quàm dānatorum cogitandā demus.  
Cogitandam, aio, & alto pectore pertractan-  
dam. Parum est de illâ loqui, audire, scribe-  
re. Hæc superficiem radunt: penetrandum est  
altius, & intimis animi medullis reponenda  
eternitas. Proinde hoc quidem capite, vnum  
istud explicabimus; Quò isthæc de damnato-  
rum æternitate scriptio collineet.

a *Philo, lib. de Migratione Abraham, initio.*

Et l. de somniis post med.

b *Psal. 76. vers. 6.*

### S. I.

**R**omanus Sapiens amicè cum Lucilio suo  
expostulat. & quo modo molestus est, in-  
quit, iucundum somnium videnti, qui exci-  
tat: aufert enim voluptatem, etiam si falsam,  
effectum tamen veræ habentem? sic epistola  
tua mihi fecit iniuriam. Revocavit enim me  
cogitationi aptæ traditum, & iturum, si licuif-  
set, vltius. Iuvabat de Æternitate anima-  
rum quærere, imò me hercule credere. Crede-  
bam enim facile opinionibus magnorum vi-  
rorum. Dabam me spei tantæ: iam eram fasti-  
dio mihi, iam reliquias ætatis infractæ con-  
temnebam, in immensum illud tempus, & in  
possessionem omnis ævi a trāsiturus. Cum subito  
experrectus sum epistolâ tuâ acceptâ, & tam  
bellum somnium perdididi. Quod repetam, si  
te dimisero, & redimam. b.

Hic ego pænè in eam sententiam descen-  
do, quam mihi scriptor priscus suggerit. Fla-  
vius Lucius Dexter Barcinonensis, Orientalis  
Imperij præfectus prætorio, & beato Hiero-  
nymo



nymo amicissimus, Chronicon litteris consignavit. In eo ad annum Servatoris Christi sexagesimum quartum, de verbo hæc exprimit.

c Recens editum Lugduni hoc Chronicon Anno 1627.

## §. II.

Lucius Annæus Seneca Cordubensis, Hispanus, missis ultro citroque ad sanctum Paulum litteris, de Christianâ re bene sensit, factusque Christianus occultus, eius fuisse discipulus creditur; dulciterque scribit ad Paulum in Hispaniâ morantem. c.

Ego hic nihil affirmo, sed veteris chronographi testimonium veneror. Certè Annæus Seneca, Æternitatem non tantum cogitare instituit, sed & credere. Observemus viri solertiam. Æternitatem suis momentis ponderare ingressus est, idque fecit attentissimè. Hanc enim contemplationem confert somnio, quod omnium exteriorum sensuum operosas vigilias sopit, & vigilare iubet interiores. Hoc meditari est. Et agrè tulit Annæus hanc meditationem suam interpellari. Grandi enim emolumento hæc mediatatus: Contemnebam, ait, quod reliquum est vitæ, & in illud sæculorum inexplicabile volumen memet extendebam.

Omnia iam ipsi Senecæ videbantur nauseanda, præ vnâ illâ interminati ævi possessione. Quid nos Christiani? Si sic æternitatem meditantur gentilitatis tenebris oppressi? Æternitatem frustrâ credimus, si eam raro aut frigide cogitamus. Mille causis impellimur, ut Æternitatem assidue meditemur. Sit hæc causa plurimarum loco. Æternitas durissima pectora, ipsos panem silices ac chalybes molliit, omnem animi pervicaciam expugnat. Actum est de homine, quem Æternitas non trahit ad meliora. Eat, pereat, qui tonitru hoc formidabilissimum, alto sopore merfus non audit.

Sed dicas: Incendia inferorum, ante oculos illorum statuenda sunt, qui ad inferos festinant. Quid eos his terreas, qui assidue cælum suspirant; qui peccare omitunt, non formidine pœnæ, sed Numinis amore. Quid hos iuverit æternos ignes contemplari? Plurimum. Eamque ob causam triplex hoc documentum statuimus, quò sapius in hac scriptione respiciendum.

a Æternitatis descriptio.

b Sen. epist. 102. inis,

**P**rimum: Ex hac inferorum contemplatione sanctissimis quibusque hominibus gaudium ingens nascitur. Dum enim spe certâ his sese incendijs substractos cogitant, cor illis gaudio subfultat. Hinc gratiarum actio amantissima, hinc desipientia sui maxima, & divinæ bonitatis amplissima deprædicatio. At quia etiam bonæ mentis homines errant & labuntur, mox cogitata recurrit Æternitas, & aurem pervellit: Attende tibi, nondum extra teli iactum es. Nescis enim, an ad ultimum vsque halitum perseveraturus sis. Merissima est gratia, perducta ad tumulum perseverantia. Nullis actionibus hanc gratiam emereri possumus. a Deum hic debitorem appellare non licet. Nulli dat syngrapham. Neger tibi Deus perseverandi gratiam, & peristi æternum.

Hoc optimo cuique potens est frenum. Nec enim ignoramus fuisse qui quadraginta, quinquaginta & pluribus annis Deo servierint; omnem denique priorem sanctimoniam turpi epilogo corruerint, quemadmodum ille apud Cassianum Hero. Hec qui mente seriâ expendit, optimos quosque affectus in se concitat.

Alterum: Vbicunque attentæ Æternitatis meditatio præcedit, ibi non potest non sequi studium ingens, ardor animi, & mira in rebus gerendis omnibus accuratio. Hæc vna cogitatio præclare docet, Deo ut supremo Domino omnia deberi; nec parem vnquam aut dignam hoc famulatu diligentiam adhiberi; nihil tantæ Maiestati respondere; infra illam esse omnia. Eadem Æternitatis meditatio præsentem vitæ statum assidue ingerit, monetque, iam laborandi ac promerendi tempus esse, longissimas sine fine ferias, æternos sine exitu annos secuturos, quibus nec laborare, nec promereri quidquam licebit.

Memini me legere, nec sine admiratione, fuisse hominem, qui Æternitatem animo sic prospexerit: Quis mortalium est, aiebat ipse secum, qui quidem sanæ mentis sit, & ratione utatur, qui regnum Galliarum, Hispaniarum, Poloniæ, regna sanè opulentissima sibi vendicet eâ pactione, ut quadraginta continuos annos in lectu-



inlectulorosis strato, eoque mollissimo supinus iaceat? Et licet forsā non defuturus sit, qui ad hanc conditionem descendat, & sic decumbere incipiat, is tamen non totum triennium (res certa) sic decumbet, quin abruptat & dicat: Sinite, surgam; malo carere regnis, non dicam tribus, sed omnibus, quā sic continuē, licet mollissimē iacere, vel decem tantum annis; nec dum viginti, aut triginta, vel, uti pactio fiebat, annis quadraginta.

Itāne res se habet, ut nemo sanus reperiatur, qui, ut triplici regno donetur, triginta vel quadraginta annis dictā lege decumbere velit? quā ergo cæca, quā furiosa est insania, ob lacerum rete, ob tres aciculas, ob crepundia vilissima, illud petulanter subire periculum, & tale designare, facinus, ob quod in candente crate, in ferro flammeo, non solis quadraginta, non quadringentis, nec quatuor millibus, sed nec quater centenis millibus, sed æternū torquearis. Furiis, o mortales, intemperantissimis agimur, nisi iam mature, & in rem nostram sapiamus.

## §. III.

**T**ertium hic documentum: Vtinam ab iis omnibus, qui hæc lecturi, vnum hoc impetrem, ut duplici conspiciolorum genere uti assuecant. Vnum quidem ceruleum, purpureum vocari potest alterum. Cærulei vitri conspiciilia sic usurpanda. Quotiescunque nobis bene est, cum corpus vel animus, vel vtrique pars hominis in voluptate est, quotiescunque vel amœna pulchraque oculis, vel auribus suavia, vel gulæ delectabilia, vel odorandi & palpani sensibus grata sese ingerunt, qualiscunque demum iucunditas, quæcunque nos delitiæ afflent, mox conspiciilis cæruleis ita vtamur, ut pro se quisque ratiocinetur hunc in modum: En, hoc tibi placet, hoc sapit, hoc iuvat & melli est: sed quæso quid hoc omne ad æternitatem beatorum? quid hæc mellis guttula, ad illud mellis mare in cælo? quid frustra hic lambo & lingo? quid famelicis his linctibus meipsum ab æternis voluptatibus distineo? Illam, inquam, illam celsitum æternitatem suspice, eo aspira, ubi abundanter est, quicquid vspiam voluptatum est, aut esse potest.

Atque hæc talis cogitatio medios inter conuivas, ipsa inter tripudia, in ipso deliciarum vigore locum habet, si velimus. Hoc artis arcanum in omni delectatione adhibendum, Atque hoc est conspiciilis uti cæruleis: animum erigere, ad futura transferre, cælestes delitias velut prælibare. Ita moderatē, ac sine damno amœnitatibus fruemur.

At verò cum nobis malē est, cum vel corpus dolor, vel animus ægritonia exedit, cum est quod vellicet, affligat, cruciet, mox ocularium specillum purpureum ita suffigendum, ut apud se quisque dicat: Hocce ita te vexat, istud adeo te torquet, ut pœnē in rabiem agat? Quid hoc autem obsecro, quid istud ad æternitatem damnatorum est? Demitte oculos, & inferos contemplare. Quicquid hic te vrit, fabula est, iocus est: quicquid hic pateris, merissimus ludus est: signum vmbra sunt ignēs nostri ad illa inferorum incendia; pœnæ, quas hic dependimus, delinæ sunt, ad illa nunquam desitura tormenta.

Quid ergo vanissimis querelis cælum terramque oneras? Impatentiam hinc tuam, imò tuam & stultitiam (ignosce verbo) hinc nimium prodis. Tu certē, quid gehenna sit, ignoras, alioqui tot querelas non sparsurus. Sed miserrimas ac ærumnas mihi tuas obijcis. Quenam tandem ille? Num stabulum habitare cogeris? At illic extremi fœtoris haras igneas habitant damnati, idque æternum. Crebra te famēs cruciat? At illic nec mica fami, nec gutta siti succurrit; sititur, & esurit, idque æternum. Videris tibi lacrymis natere? Hæc gaudij materia est, si velis: Ibi erit fletus, sed siccus, ibi erit erit stridor dentium, sed nil profuturus, idque æternum. Inimici te tui fatigant, invidi obrectatores te lacerant? Quid hoc ad inferos, ubi exosissima damnatorum & diabolorum omnium societas toleranda est, idque æternum. Mœrores & curæ te angunt? Illic continua cor desperatio discerpit, idque æternum. Hic forsā humi iaces: aut a ferri rigidoque strato indormis? Illic ignis prolecto est, ubi nunquam dormitur, idque æternum.

Si his talibus conspiciilis hac ratione vtamur, de gravissimis etiam malis nil conque-remur: & quicquid aliās durum & intolerabile visum est, iam facile, momentaneum ac



leve videbitur. Fateri cogemur: Hæc omnia, ô mi Deus, quæ suo fine clauduntur, tolerabilia sunt, iucunda sunt, cælum sunt, ad damnatorum æternitatem collata.

## §. IV.

**D** Vplici hoc conspiciolorum genere optimi quique hominum semper sunt vñ, & etiamnum vtuntur. Beatus Gregorius his se plurimum adiutum non dissimulans: Dum, inquit, recognosco Iob sedentem in sterquilino, Ioannem esurientem in eremo, Petrum pendentem in patibulo, Iacobum decollatum Herodis gladio; Cogito, qualiter Deus in futuro cruciabit quos reprobat, qui ita durè affligit quos amat? Si cum intimis amicis sic agit tempore gratiæ, quid hostibus fiet tempore iustitiæ ac vindictæ?

Eruditè Chrysostomus: Ab experimento, inquit, rerum tenuium fieri potest, vt accipiamus de magnis aliquid coniecturæ. Si quâdo in balneo fueris nimium effervescente, tum gehennæ recordaberis: & rursus si quâdo febre acriore cõflagraveris, ad flammâ quæ illic est, progredere: tum probè intelliges, quia si balneum & febris adeo nos affligant & territant; quo animo futuri sumus, quando in fluvium ignis inciderimus, qui ducitur ab illo horrendo tribunalis? profecto frendemus dentibus propter labores illos & cruciatus indicibiles; nemo suppetias feret. *a*

Et quæso, vt conspiciolorum hæc discamus ritè applicare; sumamus noctem vnicam, quàm à curis aliisve fodicantibus cogitationibus infomnem, aut quam infestante calculo, vrenæ podagrâ, torminibus aut dentium doloribus in nos sævientibus turbatam exigimus. Quàm hæc talis nox longa, & instar hebdomadis aut mensis est! Quid si anno toto sic inter dolores iacendum, quid si annis centum, quid si mille annis, si sex aut decem millibus annorum? quid si æternum, & sine fine?

Pari modo potest quis sibi representare, quicquid vnquam illætabile, luctuosum, crudele, miserandum, horribile vidit & audiit, quicquid ab Orbe condito sæva tyrannorum crudelitas excogitavit, quicquid ad vñque Mundi occasum sævissimorum hominum immanitas invenire poterit; hoc autem omne

si velut in fascem colligatum cum æternitate damnatorum componere, & quasi per conspiciolorum mentis oculos ad imas Erebi sedes, demittere voluerit, cum Chrysostomo proclamabit: Hæc omnia quæ hic patimur, merus ludus ac risus sunt, si cum illis suppliciis in contentionem veniant. Et causam iungens orator Græcus: Etenim hæc tormenta, inquit, temporaria sunt; illic autem nec vermis moritur, nec ignis exstinguitur. Pone, si liber, ignem, ferrum, & bestias: & si quid his difficilius: atamen nec umbra quidem sunt hæc ad illa tormenta. Nonne videmus terrenos milites principibus serviennes, quomodo criminosos trahunt, quomodo ligant, quomodo flagellant, quomodo perfodiunt costas, quomodo faces tormentis adhibent. Sed hæc omnia ludicra & risus ad illa supplicia. Nam & temporaneæ sunt hæc pænæ: illic verò neque vermis moritur, neque ignis exstinguitur. *b*

His omnino conspiciolorum vtendum in rebus omnibus tam acerbis & tristibus quàm suavis & iucundis. Alioquin nobis id solum videbitur magnum, quod oculis erit proximum; dolor præsens aut voluptas nos afficiet, futura omnia tanquàm eminus sita vix cernentur. Ideo ex iis omnibus quæ aspiciamus, audimus, olfacimus, gustamus, tangimus, aptandum conspiciolorum, ad remotiora illa plenius cernenda.

*a* Chrysost. tom. 5. epist. 5. ad Theodor. milh. pag. 842.

*b* Chrysost. tom. 4. hom. 9. in Epist. 2. ad Cor. tom. 5. hom. 49. ad pop. Antioch. sine.

## §. V.

**C** Hrysostomus hæc amplissimè confirmans: quando, inquit, videris aliquid bonum & magnum in præsentī vitâ, cogita cælorum regnum, & id nihil esse existima- bis: quando terribile, cogita gehennam, & irridebis. Quando te invaluerit cupiditas corporalis, reputa! & ipsius peccati voluptatem, quod nullius sit pretij, quod ne habeat quidem voluptatem. Si enim legum, quæ hic sunt lætæ metus tantam vim habet, vt nos à pravis abducatur actionibus, multo magis futurorum memoria, supplicium immortale, pænâ sempiterna, Si metus regis

reteneat



terreni à tam multis nos abducit malis, quanto magis metus æterni regis? Quomodo ergo poterimus assidue metum habere? Si perpetuò audiamus scripturas. Nam si mortuus, si solum videatur, animum nostrum ita reprimat, quanto magis gehenna & ignis qui nequit extinguere. Si gehennam semper cogitemus, non cito in eam incidemus. *a*


Phalaridis Tauris supplicium olim fuerat horrendum. Origo illius inde Phalaridi Agrigentini tyranno bovem opifex fabricavit æneum, quo inclusi subditis ignibus, longo & abdito cruciatu, bovis instar mugiebant, Terroremque artis suæ opus primus artifex inclusus imbuat. *b* In hoc æneum ignitum ergastulum generosissimus martyr Eustachius cum coniuge Theopiste ac liberis conclusus, inter immanissima tormenta gloriose finit, omnibus post sæculis mirandum Constantiæ exemplum. *c* Hos cruciatus verè dixeris infernum, sed ò infernum mitem & minimè diuturnum! Et licet hunc cogitatione non difficile sit assequi, ea tamen quæ nos ipsi sentimus, facilius intelligentiâ, citius voluntate ac memoriâ complectimur, idè in rebus omnibus, ut demonstratum est, quæ vel amœnè ac suaviter afficiunt; vel vrunt, mordent, ac pungunt, specilla sic adhibenda, ut identidem dicamus: Ecquid hoc ad æternitatem, quid istud ad inferos? Pergamus, & patiamur. Quæcunque patimur, iocus & umbra sunt ad Æternitatis immortale tormentum.

Hæc in antecessum Lectori scienda duxi. Primæ artis est, futura illa sæpius rectè meditari.

*a* Chrysost. hom. 2. in 1. Epist. ad Thessalon.

*b* Valer. Max. lib. 9. cap. 2.

*c* Roma die 20. Sept. Vide Lippemannum, Surium, Lippeloo, Haræum.



## CAPVT II.

Primum Æternitatis Tartaræ tormentum.

## TENEBRÆ.

**H**ic in nostris regionibus longissimæ noctes sunt, æstate multò breviores. At

verò fieri potest, ut alicui nox longior videatur æstate, quàm quæ longissima est hieme. Quàm ea nox longa sit necesse est, quæ horis non multis canitiem antea non visam adfert. Id fieri, certis testibus, & vel ipsa docemur, experientiâ. Nec docti negant, fuisse qui nocte unicâ canuerunt. Didacus Olorius à rege Hispaniæ in carcerem coniectus Hispali, à merore nocte vnâ incanuit. Bilbilitanus vates mirabundus cecinit.

*O nox quàm longa es, quæ facis vna senem! a*

Rectius dixerim: O nox quàm longa es, quæ cogis vna non senescere, sed mori milles, & sapius! Eiusmodi noctes apud inferos sunt, quibus vel milles, & crebrius, moriuntur damnati, nec tamen ullus moriendi finis est. Heu longa nox! quæ longior videtur anno, quæ longior olympiade vel lustro, quæ longior vel sæculo. At verò longissima nox est, quam nullus vnquam sequitur dies; horribilissima nox est, quæ tenebris involuitur æternis. Tali nocte, talibus & tenebris Deus, in hostes suos vindicat. Sole procul & lunâ, procul omnibus astris damnati degunt. *Noctem illorum tenebre sus turbo possidet: non computatur in diebus anni, nec numeratur in mensibus. Obscurat eam tenebra, & umbra mortis, occupat eam caligo, & involuitur amaritudine. b* Damnati conditorem suum non tantum non vident, sed nec vnquam in omnè æternitatem videre illum poterunt, ad quem tamen videndum conditi sunt. Et hoc primum apud inferos supplicium est TENEBRÆ. Duplices inferorum esse Tenebras, & quàm inexplicabile sit tormentum, quod Theologis, *Pæna damni*, dicitur, ostendemus.

*a* Martialis l. 4. epigram. 7. In castigato rectè deest hoc epigramma.

*b* Iob cap. 3. vers. 5 & 6.

## §. I.

Tenebræ apud inferos, duplices. Illas Corporis voco, & exteriores, has Animi & interiores. Illæ Corporis, tenebras Ægyptias, horribiles, crassissimas, manu palandas longè superant. Ignis apud inferos ardere potest, lucere non potest. Quod Sapientia de tenebris Ægyptijs asseruit, idem de Orcinianis dicendum: Vnâ catenâ tenebrarum omnes erunt colligati,



De hac tenebrarum pœnâ Chrysostomus : Plorabimus omnes tristissimè, inquit, flammâ nobis vehementius incumbente. Neminem videbimus præter damnatos nobiscum, & immanem solitudinem. Quis potest verbis consequi, quàm formidabiles pavores à tenebris exorientur, quæ inanimis nostris exstabant? Quemadmodum ignis illic non habet vim resolvendi, sic nec lucere potest: alioqui non essent tenebræ. Huiusmodi igitur pavorem à tenebris, tremorem, solitudinem, membrorum attonitum stuporem adducere sufficit vna illius tēporis ratio.

At tenebræ interiores illæ, longè horribiliores sunt, quas Theologi *Pœnam damni*, seu, *Divina visionis privationem* vocant. Hoc omnino suppliciorum summū est, quo Deus hominem punire potest. Nam uti *Videre Deum*, ipsissima beatitudo est, & summa beatorum felicitas: ita, *Deum videre non posse*, maxima damnatorum pœna est, è quâ inexplicabilis in eorum voluntate nascitur tristitia. Explico.

Falco avis dum scorteo pileolo tectos habet oculos, nec picas, nec anates, nec ardeas insectatur: at ubi pileolo detracto cævem conspicitur ad quam consecrandam naturâ fertur, iam non amplius retineri potest nisi violentissimè: abruptet lorum & vincula, atque si aliter non possit, aut sibi ipsi pedem, aut venatori brachium, dum luctatur, graviter lædet, tantâ vi naturæ rapitur, ad illam quam eminens cernit volucrem.

Non absimilis est cum homine ratio. Dum in orbe hæc agimus, oculos cucullo tectos gerimus; in tenebris sumus. Hinc mirum nō est, nos ad videndum Deū vi nullâ rapi, velamen oculis ac vultui præpansum impedit. At ubi Animus corporis exuvijs abiectus, cucullo per mortem detracto, iam in Æternitate constitutus liberè circumspiciet, tantâ vi ad conditorum suum rapietur, ut inter supplicia omnia, hoc ei futurum sit summum maximumque, à Conditoris aspectu vel brevi morulâ distineri. Si iam ab eodem exclusus sit æternum, hoc illi tormentū erit infandum prorsus & inexplicabile. Beatitudinis summa est, *Videre Deum*. Rex David sapienter animadvertens, nullis voluptatibus, re nulla satiari posse hominem: Satiabor, inquit, cum apparuerit glo-

ria tua. d. Hinc calamitatum omnium apex est, ab aspectu Dei arceri.

a *Virgil. lib. 6. Aeneid.*

b *Chryf. tom. 5. Paranesi priore ad Theodorum lapsus. mibi pag. 842.*

c *Venatores vocant.*

d *Psalm. 16. vers. 15.*

## S. II.

**Q**uodvis damnum tantò maius est, quanto plus bonorum eripit. Gravis multa est, cogi decem millia philippeorum pendere; gravior est, viginti aut triginta. Centum millium inter gravissimas censetur. Sed hanc ipsam longè superat, mulus auri millionibus, imò thesauris omnibus in omnem vitam spoliari. Tale omnino est Tenebrarum hoc supplicium, quod bona simul omnia rapit, nec in omnem tantummodò vitam, sed in omnem, eheu! æternitatem.

Hinc attonitus Chrysostomus: Nam si mille, ait, dixeris gehennas, nihil illius par di-ces doloris, quem sustinet anima. Intolerabilis gehenna est: confiteor, & multum intolerabilis: tamen intolerabilior hæc regni amissio. Hoc cogitate. Hoc ipsum sæpius repetens & inculcans: Si mille aliquis ponat gehennas, inquit, nihil tale dicturus est, quale à beatæ illius gloriæ honore repellere, exorsumque esse Christo, & audire ab illo, Non novi vos a

Omnis arbor, quæ non facit fructum bonum, excidetur: & in ignem mittetur. b. Duplex hic arboris supplicium: Excindi, & in ignem mitti. Arbori mitior pœna foret, ignibus vstulari, quàm sic eradicari, ut ab eâ nec frondes nec flores unquam amplius sperari possint. Itaprofus homini supplicium foret mitius, in ignibus esse, quàm à conspectu Dei æternum exclusum esse.

Imaginem aliquam huius supplicij, vel vimbram, etiam in hac vitâ videre est. Qui Deum gravius læserunt, dupliciter quandoque puniuntur. Primò doloribus & mœroribus. Sic Antiochus & Herodes etiamnum vivi vermibus ebullierunt, velut cadavera, aut putres casei, verè percussi à Deo. Hæc prima pœna. Altera, solatium omnino subtrahitur, ut ita punitus nihil amœni reperiatur in Deo. Atque hoc gustulus & promul-

sis in-



sis, inferorum est. Quamvis & sanctissimi quique hominū hac promulside subinde in-  
tinentur. Ideo sēpē vociferatus est David: Ne  
proicias me à facie tuā: Non avertas faciem  
tuam à me. Quemadmodum igitur tam vir-  
tutum quā vitiorum cultores, aliquantulā  
tam sensus quā dampni pœnā mulctantur  
dum vivunt, ut gustent quid legis & moris sit  
apud inferos: ita qui illuc præcipitantur, illam  
non sensus tantum, sed & dampni pœnam totā  
mole incumbentem perperiuntur & vsque in  
æternum non videbunt lumen.

a Chrysostom. 5. hom. 49. ad pop. propius finem,  
mihi pag. 283. Idem tom. 2. in cap. 7. Mat.  
hom. 24. mihi pag. 203.

b Matth. cap. 3. vers. 10.

## S. III.

**B**eatissimum hunc supremi Numinis in-  
civum perdimus quovis letali peccato.  
Nam, ut Theologorum Magister docet,  
quisquis letaliter delinquit, voluntatem à su-  
premo fine avertit, & eo ipso meretur hoc fi-  
ne, ad quem conditi sumus, excidere. In hos  
iam dudum lata est sententia: Discedite à me  
omnes qui operamini iniquitatem. a Hæc pœ-  
na non solum in se gravissima & maxima, sed  
hominis culpā plurimum augetur. Ab exem-  
plo res patebit.

Est qui decem millia philippeorum assequi  
potuisset adeundā hæreditate, sed ille igna-  
vissimus causā suā indormiit, itaque hære-  
ditatem tam opulentam neglexit, iamque ta-  
libus serē pœnitentiæ furijs agitur, ut ipse  
sibi imminet, velut seipsum discepturus. Et  
nonnunquam mors inde violenta sequitur.  
Haud aliter damnatorum quilibet seipsum sic  
allatrat: Potuissē; auxilia non deerant; vo-  
cabar: potuissē, eheu, potuissē, sed nolui.  
A summo Bono exclusissimus sum in omne æ-  
vum, & vsque in æternum non videbo lumen,  
quia nolui videre.

Sentire tanto se bono privatum esse, &  
quidem suā culpā, inexplicabilis infandus erit  
dolor mærorūque. Nec mirum, hæc expli-  
cari non posse. Cum enim cæli gaudia cogi-  
tando non penetremus, Numinis aspectum  
non capiamus, quid miri, si tanti boni priva-  
tionem non satis æstimemus? Infantulus, cum  
parens illius moritur, ignorat quid in hoc vno

homine perdat, ideo nec gemitus ducit, nec  
lacrimas fundit: Simillimè nos agimus, cum  
peccamus; ignoramus, heu miseri! quantum  
bonorum amittamus.

Neque verò hic vnquam tot tantisque ma-  
lis obruimur, quin subinde respirare liceat;  
accedit quod Orbis alterius statum nesciamus.  
Hinc non neminem videas, qui sub ingenti  
malorum mole, cum rege Vandalorum Gili-  
mere rideat. Risus omnis ab Orco procul  
exulat.

In omni noxā letali, singulariter specta-  
da sunt duo hæc, *Aversio* & *Conversio*. Sic lo-  
quamur cum Theologis Avertit se à Creato-  
re qui peccat; convertit autem se ad rem crea-  
tam. Hoc velut duplex in Deum iniuria est.  
Aversioni proinde *Pœna dampni*, *Conversio-  
ni Sensus pœna* respondebit; quæ licet multi-  
plex sit, ab illā tamen priore multum supera-  
tur. Et certè procul omni risu esset, quem sola  
Dampni pœna torqueret, gehennæ satis senti-  
ret, qui hoc vno supplicio afficeretur.

Gravissimè olim questus Cain impius, Ec-  
ce, inquit, eiicis me hodie à facie terræ; &  
à facie tuā abscondar. b Et tamen etiamnum  
spes erat recuperandæ gratiæ. Quid de infe-  
rorum captivis dicendum? Eiecti sunt à facie  
terræ, & à vultu divino absconditi. Verè  
Deus, quod diu minabatur, dereliquit eos, &  
abscondit faciem suam ab eis: sunt in devo-  
rationem; inveniunt eos omnia mala & affli-  
ctiones. c Illud malorum maximum: Proie-  
cti sunt à facie Dei. Quod vnicè ac toties de-  
precatus est David, à facie Dei non proijci,  
hoc illis iam contigit: Proiecti sunt, nunquam  
amplius recipiendi.

Quàm acerbi doloris est, si is qui iam iam  
in regem fuisset vngendus, capiatur, & in fu-  
rum ergastulum detrudatur Videre Orbis ter-  
rorem Nabuchodonosorem in ipso gloriæ  
culmine constitutum, subito præcipitem rue-  
re, & in saltum ad feras ablegari, ut qui ma-  
lè hominem egisset, disceret iam agere bo-  
vem. Videte Hebræum regem Sedeciam è so-  
lio in carcerem raptari, neque solum fortunis  
omnibus, sed & oculis privari. Tunc veris-  
simè, quod Boethius dixit, miseriarum maxi-  
ma erat, meminisse felicem se fuisse Non  
aliter damnati omnes eo tempore in Æterni-  
tatis antra raptabuntur, quo inter ceteros



beatos fuissent attollendi in reges, non minus vnquam censuri malum, summum semper possessuri Bonum. Hoc vnum rectè damnatum dixeris; & quod satis dici, quod satis deseri non potest, irreparabile.

a *Matth. cap. 7. vers. 23.*

b *Gen. cap. 4. vers. 14.*

c *Deut. cap. 31. vers. 17.*

#### §. IV.

**O**rbus oculis quid aliud quàm illud cæci postulet: Domine, vt videam. a Si quæ damnato fieri posset gratia, vt vnā aliquam ex vniuersis cæli voluptatibus peteret, vtique id vnum rogaret. *Videam Deum.* Amceniorem locum non cupio, suaviorem societatem non desidero, nec in ignibus esse detrecto, modò *Deum videam.* Verum id nulla lex permittit.

Sed obsecro, modò post mille annos id impetrem. *Non permittit hoc vlla lex.*

Modò post decem millia annorum id fiat. *Nec hoc permittit.* Vtinam vel post viginti millia annorum id consequar quod peto. *Nec istud leges vlla patiuntur.*

Saltem post quinquaginta millia annorum hoc obtineam. *Omnes Dei leges reclamant.*

Ah, vel saltem post centena millia annorum Deum videam. *Æquè hoc abnuunt divina leges.*

O si demum vel post cæties centena millia annorum exaudiar! Actum est; Nihil hic impetrabile est; Ianua gratiæ iam clausa est. Porta cæli iam obserata est. Deum nunquam videbis, Et vsque in æternum non videbis lumen. b

Hoc cogitare, inquit Chrysostomus. Cogitemus, obsecro, cogitemus, & hæc tam feruē vel à nugis nostris æstimemus. Si quis moliat omnia, & nullum non lapidem moveat, vt vel desideratos honores, aut optatas opes, vel expetitas sponfam impetret, nullisq̃ laboribus vel sumptibus parcat, iamque panē votum suum spe certā devoret, paratq̃ nuptias; Alius tamen ex inopinato præueniat. Hoc miserum ad insaniam redigit. Hic damnum cum pudore ferendum. Hinc amentia & furor, hinc cædes & mala plurima.

Sed comparate mihi hominem spe suā falsum,

& alium æternis tenebris involutum. Grande nimis discrimen est. Ille aliò migrare, alios honores, sponfam aliam ambire potest. At iste nec locum mutare, nec supplicium effugere valet; spe omni excidit, æternum desperatissimus. Nihilominus fateri cogitur, quòd Deus pro se sollicitus in viam variè vocarit, ipse verò venire ac sequi contempserit. Non nescit eò se conditum, Christi sanguine redemptum, salutis fonte ablutum, à Deo millies invitatum: Veniret modò, regnum occuparet; Conditore suo æternum frueretur. Sed ego, dicit ipse sibi, in culpā sum, ego neglexi, ego me in has flammās precipitavi. Hic pudor, dolor, furor miserabilis, immensus. Isaias clamat: Tenebræ & palpatio factæ sunt super spelancas vsque in æternum. c.

Hoc vel ipsi cacodæmones fatentur, cum illis corpore infello latitantibus exprobratur: *O miseri, Deum nunquam videbitis.* Tum illi fremere, sævire, furere, gestu motuq̃ corporis horribili ostendere, eā vnā re incredibiler se torqueri.

a *Luc. cap. 18. vers. 41.*

b *Psalm. 48. vers. 10.*

c *Isa. cap. 32. vers. 14.*

#### §. V.

**B**eatissimam hanc Dei visionem Christus Dominus compendio explicavit, cum omnem Angelorum felicitatem in eo sitā docuit: Semper vident faciē Patris, a Cum verò illam de regis nuptiis parabolā pro concione exponeret, sub finem addidit à rege dictum: Mittite eum in tenebras exteriores. b. Hebræā phrasi cæcer longè terribilior, tenebræ nimium formidabiles designantur, quale nihil in Orbe hoc nostro. De hoc Augustinus disserens: Vt penitus, inquit, extra Deum sit, quisquis dum tempus est, corrigi noluerit. c.

Ea vitæ istius ratio est, & tanta subinde mæstitia nos incescit, vt vnum hoc lubeat, *Lugere*; nulla Sirenum carmina, nulli Charitum lepores, nulla Voluptatis blandimenta pristina nos hilaritati restituere possunt, adeò nonnunquam in mærorem obstinavit animus. De superioris ævi Imperatore publicæ liree produnt, eum tantis mæroribus confectū fuisse, vt illum nulla vocum & fidium harmonia, non equestres ludi, nulla locorum amenitas, nulla



nulla gratissimorum hominum colloquia ad hilaritatem potuerint traducere; frustra erant omnia. Quid hoc, obsecro, Deus sibi vult? Quid eruditionis sacræ, Deus hic ingerit? Hoc ipsum: An videtis, ô mortales, quam humana omnia inane magnum, & picta vanitas sint? Num tandem sentitis, quantum à me vno, omnia vestra pendeant? En, nec omnium quidem voluptatum congeries animum mœrori datum, absque me, hilarare potest.

Ita prorsus est: habes, ô Deus, confitentes reos. Quod si huic tam mœsto homini cuicumque divina facies vel momento se conspiciendam præbeat, mox omnes tristitiæ nubes evanescent necesse est, perinde si quis è tristissimo somnio evigilet repente, somni-que sui vanitate damnatâ, in palatio, nobilissimo, inter charissimorum gratulationes seipsum circumspiciat.

Porro Deum videre tam immensæ voluptatis Oceanus est, vt, etiam si quis vel in igne sit, si Deum tamen videre possit, præ tanti gaudij dulcedine ignem sensurus non sit. Cogitationes hic nostras, obsecro, mittamus vterius, & paullo altius divinos hos intuitus expendamus. Inde profectò liquebit, quantum hæc vna summi Boni iactura tristitiam ac dolorem omnem; calamitates omnes, omne malum ac supplicium infinitis partibus excedat.

a Matt. cap. 18. vers. 10.

b Matt. cap. 22. vers. 13.

c Aug. in Psalm. 6.

#### §. VI.

**A** Tqui hæc tenebræ, seu divini aspectus privatio primum est tormentum Eternitatis damnatæ, quâ iustissimè punitur humana mentis cæcitas, quæ primum in hac vitâ malum & vltimum malorum est. Vique-queque is miser est, quem cæcitas ista corripit. Hunc talem nec admonitiones, nec exempla, nec correptiones, nec instructiones, aut conciones vllæ corrigunt. Cæcitas & animi furor hominem iam occuparunt. Quâ data porta ruit in vetitum, amentia cæcus. Huic sobrios castosque mores commendare, est colores laudare cæco.

Huius erant farinæ duo nequissimi senes illi, alienę pudicitia subseffores, Susanna iudi-

ces, qui everterunt sensum suum, & declinaverunt oculos suos, vt non viderent cælum, neque recordarentur iudiciorum iustorum. Hos lascivius amor adeò intransversum egit, & dementavit, vt conscientiam, voluntatem ac rationem illorum fœdæ tenebræ involve-rint. Sicut autem qui in altâ nocte ruere incipiunt, non vident quâ ratione sistant ruinam: ita illi prout labi cœperunt, sic ad grande nefas prolapsi sunt.

Hic nemini mirum videatur plurimos in turpissimis flagitiis quietâ statione persistere; caligo mentium illos exercet. Priora vitia diem illis eripuerunt, inde iam securi pergunt sceleratâ nocte defensi; Evvertunt sensum suum, & declinant oculos suos, ne videant cælum. Iob pepigit fœdus cum oculis suis, ne virginem aspiciant; illi cum suis, ne cælum videant, ab eo forsitan terrendi aut alliciendi ad meliora.

Hoc mentis est tenebris ac sordibus oppletæ, quam ideo *Pœna damni* cruciat æquissimè. Noluistis videre Deum; non videbitis eternum. Quapropter Hieremias vates hortatur: Date Domino Deo vestro gloriam, antequam contenebrescat. b

Græcus ecclesiastes Chrysostomus, nobilissimam totius Christianæ philosophiæ regulam tradit, rebus omnibus sic applicandam: Suave hoc quidem est, sed non immortale. Epulari & cuculam curare, *suave quidem, sed breve*. Indulgere genio, & delitijs se dedere, *suave sed non diuturnum*. Carnis petulantiæ sectari, *suave, sed non perpetuum*. Abundare divitijs, *suave, sed non immobile*. Honorari ac laudari passim ab omnibus, *suave, sed non æternum*. Petere vltionem ex hostibus, *suave, sed heu quam non stabile!* Stomacho suo vivere, ple-que omnia ex voluntate sua facere, *suave ac iucundum, sed heu non sempiternum*. At verò divinis obtutibus privari, acerbissimum simul & perpetuum; lugubre nimis & immortale. Neigitur, inquit Chrysostomus, segnes simus, vt vno momento delitiemur (hoc enim, est præsens vita) & infinitorum sæculorum accersamus nobis supplicium. sed momento laboremus vt perpetuò coronemur. Videtis quòd etiam in secularibus sic plerique homines faciunt, & parvum laborem pro longa quiete eligunt, tamen diversum eis eveniat



niat. Nam labor sæpè immensus, fructus verò parvus, & sæpius ne parvus quidem. Considera agricolam per totum laborantem annum; & sub ipsum finē sæpius excidit spe fructus multorum laborum. Item gubernator ac miles vsque ad ultimam ætatem in bellis ac laboribus agit, & sæpius vterque moritur, & ille quidem sarcinas divitiarum, hic verò cum victoriâ etiam vitam amittit. Quam igitur habebimus excusationem, in rebus sæcularibus laboriosa perferentes, vt parum refocilemur, vel ne parum quidem; spes enim incerta est: in spiritualibus autem contrario modo facientes, & propter parvam ignaviam, inefabilem pœnam nobis accercentes? Ideo oro vos omnes, vel serò ex hoc stupore vigiletis. Nullus enim nos liberabit in illo tempore, non frater, nec pater, nec puer, nec amicus, nec vicinus nec vllus alius: sed si operibus destituti fuerimus, omnia transibunt, omni- noque peribimus. *c*

*a Daniel. cap. 13. vers. 9.*

*b Hierem. cap. 13. vers. 16.*

*c Chrys. tom. 4 in epist. 2. ad Cor. cap. 5. hom. 9. fine, mihi pag. 687.*

### S. VII.

**R**ectissime igitur hortatur Isidorus Pelusiora: In æternitatem tanquam in scopum intenti simus, & prudentiam indies divinis oraculis acuere debemus. Hoc scilicet vnum terreat, hoc soletur vnum: Terreat quidem, dum quisque sibi dicat: Perdo Deum hoc vitæ momento? Omnes vnâ voluptates, omnia simul bonâ perdididi, idque æternum. Promereor Dei faciem hoc vitæ punctulo? Gaudium omne, bona simul omnia acquisivi.

Gregorius id affirmans; Omnia etiam retinendo, inquit, relinquitis, si sic temporalia geritis, vt tamen tota mente ad æterna tendatis. Si cupis, inquit Chrysostomus, his quæ in Mundo sunt, frui, cælum quære: Si vis etiam præsentia consequi, toto illa studio despicere. *a*

Ereminigildus invenis sanctissimus Hispani Regis filius, cum ei pater Levigildus iussisset dici, aut eucharistiam Arriano ritu sumendam, aut moriendum esse. Ille religionis veræ tenacissimus Arriano patri renūtiari iussit: Facilem esse iacturam regni, quod diu retine-

ri non posset: illud à se regnum ambiri, quod reges faceret immortales.

Non aliter nobis ratiocinandum: Rebus omnibus quæ à summi Boni aspectu derinent, Vale longissimum dicamus. Plurima enim perduntur cum lucro, nec æstimandum est damnum illud, quod fenore pensatur amplissimo.

Cum rex Demetrius Athenas cepisset, Lachares Atheniensis, philosophus vultum attramento tinxit, rusticam vestem induit, & calathum multa fronde opertum tulit. Qua ratione per portam omnium minimam turtim egressus est. Vt verò Tarentinos equites summo studio insequentes falleret, equo & ipse consenso, nummos Daricos in via velut neglectum sparsit. Hos dum illi studiosius colligerent, ipse in Bæotiam elusis insecutoribus pervenit. Lucrum est, perdere vt lucreris, abijcere vt serves. Abijciamus ergo vt servemus, perdamus vt lucremur. Hoc vnum perdere metuamus, æternum Dei aspectum: illudque iam assidue pro se quisque roget: Ne proicias me à facie tua *b*. Tibi dixit cor meum, exquisivit facies mea, faciem tuam Domine requiram. *c* Ostende mihi faciem tuam. *d* Domine, Ostende nobis Patrem, & sufficit nobis. *e* Domine. paratus sum omnia, quæ iusseris, aggredi; quæ immiseris, pati; quæ volueris, facere; quæ prohibueris, cavere. Tu modò, Ne averras faciem tuam à me. Domine, iam sim in tenebris, iam vili pendar, iam infimis accenscar. Tu modò, Domine, Tu modò ne avertas faciem tuam à me. Malum etiam levissimum, si semper duraturum sit, immensum ab æternitate pondus accipit. Quid ergo de malorum omnium malo gravissimo dicendum?

*a Chrys. in. 1. epist. ad Tim. hom. 11. fine. mihi pag. 1332.*

*b Psal. 50. vers. 13.*

*c Psal. 26. vers. 8.*

*d Exodi cap. 33. vers. 13.*

*e Ioan. cap. 14. vers. 8.*



## CAPVT III.

*Alterum Eternitatis Tartarea tormentum.*

## FLETVS.

**S**I vinitor incurtus botros in vite iam maturos negligat, ac tum primum ad torcular deferat exprimendos, cum iam putrescunt, vinum effluet tam ignobile & insuave, ut id nulli nec ebrio quidem propinari possit. Lacrimę pię, pretiosus liquor, & vinum sanę generosum sunt, vel Angelis propinandum, si temporifundantur.

Bernardus certę asserit, nostras lacrimas Angelorum esse delicias, si tamen eas expresserit vel dolor sanctus, vel amor divinus. Quod si lacrimę fundantur tempore non suo, aut causa non laudabili, in vinum accenscens & marcidum degenerant; potus miserabilis, nemini profuturus.

Illa regum monstra Herodes & Antiochus lacrimas fundebant, sed non serias & nimium seras. Venator Esau, Paulo teste, Non invenit pœnitentię locum, quamquam cum lacrimis inquisisset eam. *a* Vinum ignobile atque fugiens, lacrimę intemptivę.

Tempus vivendi, tempus flendi est: *Qui* seminant in lacrimis, in exultatione merent. Euntes ibant & flebant, mittētes semina sua. *b* Hac quidem ratione fragrans Angelorum vinum, aromatites, conditum funditur.

Elephas quandoque noctu tristē murmurat, suam velut servitutem desens. In nocte degimus, dum vivimus, & heu vitijs crebro servimus; cur servitutem hanc miserimam non iure deseamus? uvas ad vitem putrescentes negligit, qui cum Petro & Magdalena flere renuit. Serę nimis sunt lacrimę in Orbe altero; Hic flendum est. Væ miseris qui domum luctus subeunt eterni: illic quidem incipitur fletus, sed non finitur. Eternitas peregrinum pincerna lacrimarum est.

Atque hoc alterum apud inferos supplicium est, FLETVS, de quo Servator explicatissimę: Ibi erit fletus, & stridor dentium. *c* *Tenebra*

oculorum, *Fletus* aurium tormentum est; de illo, capite priori, de isto, capite sequenti nos plura.

*a* *Hebr. cap. 12. vers. 17.*

*b* *Psa. 125. vers. 5. & 6.*

*c* *Matth. cap. 13. vers. 42.*

## S. I.

**D**Amnatorum lacrimas Christus in divinis suis cōcionibus sapius ingessit, ne memoriā elaberetur maximi doloris testimoniū. Hinc illę voces crebrius repetitę: Ibi erit fletus, & stridor dentium. *a* Fletus quidem, inquit Bernardus, ob ignem qui non extinguitur, stridor verō ob vermem qui non moritur. Planē fletus ex dolore, stridor dentium ex furore. Fletum nempe tormentorum immanitas, stridorem dentium vehementia ipsa tabescentis invidię, & obstinata malignitas extorquebit. *b*

De tempestivo fletu Veritas dixit: Beati qui lugent, quoniam ipsi consolabuntur. *c* Hic nonnunquam voluptatis est flere: Eternus illic fletus solatiij omnis est expers. Notum Nasonis illud: Sedatur lacrimis, egeriturque dolor. At illic tormenta omnia incrementum à fletu capiunt, perinde ut flamma oleo aut bitumine vegetatur.

Quod si damnati singulis diebus vel vnicam solum lacrimulam stillarent, atque hæc vnius diei guttulę cum secuturis ceteris (quod Deo facile) asservarentur, demum ingens lacrimarum Oceanus inundaret, maria omnia superaturus. *d* Verum damnati licet acerbissime plorent ac eiulent, nullas tamen lacrimas fundunt, quemadmodum perfriētę frontis pueri, qui quavis acriter à parentibus cædantur, nec vnicam tamen lacrimulam extillant; obdurerunt contra plagas: Ita damnati, quorum voluntas est obstinatissima, horrendum quidem vociferantur & exululant, fremunt, rugiunt, ac furunt, sed pias oculorum pluvias non mittunt. *e* Omnes suas caueas confusissimis eiulatus, velut pecudes iam iam ingulandę complent, Ah, qualis musica æternum non sopienda!

Quod Paulus de cælestibus delictijs elocutus: Nec oculus vidit, nec auris audivit, &c. id sanē de damnatorum etiam furioso fletu asserendum: Tam lamentabiles questus, tam



horrificas vociferationes, tam terribiles rugitus edunt, vt verissimè dici possit, Nemo simile quid vnquam audivit.

In memoriam, obsecro, revocemus crudelissimos Neronis hortos, in quibus ipse cenare solitus, dum Christiani circum circa suffixipalis, f lento igne cremarentur in vsum nocturni luminis. g Quàm lugubres ac miserandi horum eiulatus fuerint? Cogitemus, vel mille solum huiuscemodi crucifixos flammarum medios, & mille alios iam fractis cruribus, rotis implexos etiamnum spirare, & lu-  
 Quosissimis lamētis cruciatus maximos testari. Quàm hæc miserabilis eiulatio? Sed quid mille subiecti. ignibus crucifixi, quid mille rotis inserti rei sunt ad tot millies millena millia, ad tot millionum milliones cum damnatorum, tum dæmonum, quorum omnium formidabiles vociferatus, vnusquisque vt malum sibi proximum distinctè percipiet.

a Matth. cap. 13. vers. 42. & cap. 22. vers. 13.

Luc. cap. 13. vers. 28.

b Bern. serm. 8. in Psal. Qui habitat, circa med.

c Matth. cap. 5. vers. 5.

d Eternitatis Considerat. 4 parag. 2.

e Theologis notum, post supremum iudicij diem nullam nec generationem nec corruptionem fore.

f Transfigi palo, simplex crucis genus.

g Tacitus l. 15. Annal. post med.

### §. II.

**I** Stud Deus sapientissimè decrevit, vt quod beatos omnes mirificè oblectabit eius contrarium damnatos incredibiliter ex cruciet. Cælestes modulos ac beatorum musicam commendant sæpius diuinę paginæ, quippe omnes etiam exteriores sensus sua quisque voluptate perfundetur: sic apud inferos singularissimum erit tormentum, perperim audire tot centenorum millium horribilissimos mugitus, planctus, rugitus, perinde si meri boves assentur vivi, aut si rabidi canes catenas rumpere luctentur, nec possunt.

Quàm insuavis est musica, si vicinus atrium canibus plenum habeat, qui noctu assiduis latratibus pervigilis agroti aures obrundant; Sed ô quàm dulcis est canina hæc musica! ô quàm mitis est, & minimè diuturnus

hic Orcus, ad flammeos inferorum specus æternis eiulationibus exsonantes!

Ita nimirum amatoriarum impuræ cantionculæ, ita lascivi moduli, sic carmina saltatoria, & spurca choreumata expiantur: illorum loco Væ, Væ, Væ sempiternum insonabit! Dam-nati Deum divosque, imò & seipsos, omnesque sceleris socios assiduis execrationibus devovebunt: parentem filius, filium parens, matrem filia, hanc mater execrabitur: omnes vitæ dies annosque, & ipsam qua quisque natus est horam maledictis onerabit.

Nil æquè tamen siccissimis illis lacrimis desflebunt, quàm turpissimam temporis iacturam: tot optimas horas, tot opportunissimos dies, tot hebdomades ac menses, tot ipsos etiam annos tam otiosè, tamque turpiter consumpsisse, dolor erit vehementissimus, sed heu nimium serus.

Narrat Petrus Reginaldus, Homini religiosissimo, dum preces funderet, allapsam ad aures vocem lugubrem. Quæsit ille quis esset, quid ploraret, quid peteret? Ad quem vox iterum: Vnus è damnatis sum. Quid lugubrè ploras? aiebat alter. Cui denuo vox illa: Ego, damnatiq; ceteri nil adeò acerbè deploramus, quàm vitæ tempus inter flagitia perditum Eheu! vel horulâ vnicâ impetrare licuisset, quod omnis deinceps æternitas negabit. O dictum verum, sed heu nimis etiam serum! Hinc optimus plurimorum mos est, singulis horis animum cælo attollere eiuscemodi verbis: O Dominus meus, & Deus meus, iterum consumpsi horam, cuius erit reddenda ratio. Miserere mei Deus, nunc & in fine vitæ meæ. a

a Vide Horologium Angeli Tutelariv, Hora 2. Diei.

### §. III.

**I** Am igitur vtilissimè gemimus, iam lacrimæ, si velimus, gemmę sunt, iam opportunissimè flemus, ne semper gemendum, ne flendum sit æternum.

Cum Macedonum regi Alexandro, multa de matre scripsisset Antipater, quibus perlectis: Ignorat Antipater, ait rex, vnicam matris lacrimam multarum calumniarum epistolæ esse deleturam. Idem ego pænè de noxijs inferorum capitibus dixerim? Damna-  
 ti suæ.



si suaviter ignorare voluerunt, vnicâ lacrimula, sed seria & matura, noxas omnes aboleri posse.

Eam ob causam Bernardus: Quis, inquit, dabit capiti meo aquam, & oculis meis fontem lacrimarum, vt præveniam fletibus fletum, & stridorem dentium, & manuum pedumque dura vincula; & pondus catenarum prementium, stringentium, urentium, nec consumendum? *b* Ibi erit fletus. Vnius Matthæi ore hoc quater repetitum: Filij autem regni eiicietur in tenebras exteriores, Ibi erit fletus & stridor dentium. Idem ingeminatur. Et mittent eos in caminum ignis, Ibi erit fletus & stridor dentium. Inter nuptialia gaudia in malè vestitum pronuntiatur: Mitte eum in tenebras exteriores, Ibi erit fletus & stridor dentium. *c*

Non caret fletus solatio, cum mortuus, qui defletur, etiamnum in adibus est, sed vbi effertur non rediturus, cum in scrobem deiicitur ante iudicii diem non emerurus, hic nimbi lacrimarum fluunt, hic mœstissimum ultimumque Vale dicitur: Sic omnis in Orbe hoc ploratus suum habet solatium. Imò, quæ admodum qui flere se somniant, finito somnio siccas deprehendunt genas, & triste ludi-  
brium mirantur: sic vbi post fallacia vitæ somnia ad æternitatem evigilaverimus, nostras ipsi sterilissimas lacrimas & mirabimur, & damnamus. Verè somniantium hic planctus est, nam, Ibi, Ibi erit fletus & stridor dentium, idque ob infandos dolores.

Libeat, oro, experimentum eius rei vel levissimum subinde sumere: digitus ardenti, sed gracili cereo admoveatur per partem horule. Prò quanti quiritatus, eiulationes quantæ audientur! Totum hominem putabis rogo iniec-  
tū, cū solum extrema pars digiti vratur. Quid quæso hæc ludicra, hæc pictæ flammule ad gehennam? Ibi erit fletus, ibi stridor dentium erit. Fletus ab igne, dentium stridor ab inexplacabili frigore proveniet. Sed & illud hic significatur, damnatos integerrimis semper sensibus pati.

In febrientibus id observare est, in quibus quia vivacior etiamnum doloris sensus, ideo dentium concussu vim morbi frangendam putant: ita damnati suos cruciatus vivacissimo sensu percipiunt, ideo illos velut mitigaturi &

fere dicuntur & stridere, dentemque in dente fatigare.

Iure flebunt, meritò eiulabunt, dum enim viverent, coram eis Christus crucifixus toto flebat corpore, & sanguinem membris omnibus efflebat, sed frustra; Tutelaris Angelus aures illorum monitis obtundebat, sed frustra; cælites omnes ad meliora provocabant, sed frustra; Deus ipse triginta, quadraginta, quinquaginta, sexaginta, pluribusque annis clamabat & invitabat ad honestiora, sed frustra omnia. Noluerunt flere brevissimo tempore: fleant igitur omni ævo, fleant æternum. Clamores monentium neglexerunt audire, clament igitur, & non audiantur.

*a Plutarch. in Alexandro.*

*b Bern. serm. 16. in Cantica.*

*c Matth. c. 8. v. 12. & c. 13. v. 42. & 50.*

## § IV.

**F** It nonnunquam vt viator in montis fastigio videat quosdam qui in subiecta valle periculosissimam glaciẽ tentent trajicere. Hos ille non tantum videt, sed & periculi monet, ne pergant in præsens ituri exitium. Siquidem non ratio rigente brumâ stagnans aqua, vel amnis mitissimus sed profundus tenui glaciẽ velut crusta obducitur. In glaciẽ iniectæ nives tutissimum iter viatori mentiuntur.

Huc vbi viarum ignari deferuntur, amnem tacitis meatibus serpentem, & glaciẽ fallacissimam ingrediuntur, tanquam si solidis campis incederent, periculorum securi. At glaciẽ moli corporum impar vestigium fallere, subito hiatu discedere, & ita mergere incautos.

Hoc vbi in colle futurum prævidet periculi gnarus viator, mox vociferari ab alto & monere, ne illa porrò eant. exitio ire proximòs; dolosam glaciẽ declinent, iter aliò flectant.

Fidelissimum hunc clamorem si viatores in valle, aut non audiant, aut contemnant, in suum ipsi properant interitum. Fallit glaciẽ? haurit amnis? frigus perimit? Sibi culpam impudent. Moniti sunt; sed audax temeritas spre-  
vit monita: Suo perit vitio, qui sic perit.

Haud aliter Deus, divique cælites ab alto clamabant olim, sed etiam nunc clamant. Fallacissima glaciẽ est Voluptas, recedite; fragili superficie decipit oculos, ne fidite, rum-



perur subito fraudulenta hæc via, ne pèrgite, certò submergendi. At illi protervo risu monita eludentes, in pericula certissima nimis quàm animosi securo pede pergebant, in glacie tam insidiosa non tantum viam reperturi, sed etiam choreas ducturi.

Ita ibant, ridebant, iocabantur, saltabant: subito rupit glacies, submersi miseri, heu non amplius emerfuri; sepulti semper, nunquam mortui, nunquam morituri, & tamen morituri semper. Iam lamentantur & plorant: frustra. Non audierunt moniti, iam nec moventes nec flentes audiuntur. Pereant, quos tam pertinax pereundi libido tenuit.

Amantissimus Deus satis diu satisque validdè clamavit: nemo audijt. Vocavi, ait, & reuixistis; extendi manum meam, & non fuit qui aspiceret; desexistis omne consilium meum, & increpationes meas neglexistis, Ego quoque in interitu vestro ridebo. *a*

Christus quamdiu, & quàm contente clamabat? Beato Luca teste, Ipse iter faciebat per civitates & castella, prædicans & evangelizans regnum Dei. Et hæc dicens clamabat, qui habet aures audiendi, audiat. Quid obsecro clamabat? Væ vobis, qui ridetis nunc, quia lugebitis & flebitis. *b* Perinde si dixisset: Ego vaticinor, hæc glacies, quam insistitis, falleret vestigium; mergemini; breves cachinni fletu finientur nunquàm finiedo. Sed surdis cantabatur fabula; ià non surdos cruciant tormenta. *a* Proverb. c. 1. v. 14. *b* Luc. cap. 6. vers. 27.

## § V.

**H**ic monitum instillo saluberrimum. Hoc agamus, cum in miseria sumus, & adversis premimur, saltem hoc vnicum cogitemus: Si miseria hæc duret æternum; si istud semper sentiam, in quantum id excreset tormentum vel sola diuturnitate? Ah, vel muscæ, vel culicis pinctiuncula, si tamen sit æterna, quàm inexplicabilis cruciatus pronuntiabitur? Quis igitur horror exercebit damnatos vel ob vnam hanc, sed assiduam cogitationem? Hic ignis æternum ferendus, hic ululatus æternum audiendus, hic fætor æternum olfaciendus. Atque hinc fletus multò quàm amarissimus; hinc horror sempiternus. Terror, tremor, eiulatus, angor vndique opprimit Stygis ergastulos. *a* Quia verò hæc

supplicia nullæ amorum centuriæ, non Olympiades, non lustra, non sæcula, nullæ sæculorum myriades exhaurient, rectissimè Iobus Sempiternum horrorem nominat, *b*.

Ægro subinde nox vnica censetur anno longior: quot ergo annos, quot sæcula vnicus damnatorum annus includit, cuius nullum designare sit momentum, quod non occupet mors acerbissima: Æternus mæror æternæ mortis comes est.

Narrat Ioannes Climacus, in obeundis monasterijs hominem religiosum à se visum, qui continuis fere lacrimis madebat. Hunc ipsum super ea re placuit interrogare. Mi frater, aiebat Climacus, quid obsecro causæ est, quòd adeò vberest tibi sint oculi, vt pænè nunquam non aquas stillent? Ille diutulè cunctatus, id demum responsi dedit: Ego Pater persuasissimus sum, non cœnabit, sed Christo & Apostolis me servire. Et quia ad focum & ignem mihi hærendum (cœnobij cocus erat) assiduis cogitationibus ignes illos æternos volo, Hoc lacrimas ciet. *c*

Cogitatio prorsus saluberrima, inferorum rogos, damnatorum fletus animo versare. Illic, inquit Cyrillus, ingemiscunt assidue, nec vllus miseretur; clamant de profundis, & nemo flectitur; lamentantur, & nullus eripit. Hæc lamenta præcogitando caventur.

*a* Sic olim vocati servi, qui in ergastulo compingebantur. *b* Iob c. 24. v. 19.

*c* Io. Clim. grad. de Obed. post init.

## § VI.

**M**iserunt olim è monte Nitriæ religiosissimi viri complures, iunctisque precibus Macarium rogarunt, ingenti plurium desiderio id daret, & in Nitriam veniret, alioquin sciret, subito plurimorum adventu se obruendum, si venire cunctaretur. Persuaderi se passus Macarius non distulit venire. Hic omnes primum aspectu tanti viri oculos paciscere, dein & aures satiare velle. Itaque vna omnes Macarium rogant, adderet hanc gratiam, & audiendi avidissimos ad virtutem hortaretur. Expectabantur grandia. At Macarius non verbis, sed lacrimis orsus dicere: Floremus, inquit, & lacrimas, ô fratres, nostri oculi producant, antequam hinc eò migremus, vbi lacrimæ comburunt corpora.

Hoc



Hoc orationis exordium, hoc narratio, & confirmatio, hoc epilogus fuit. Quæ quidem brevis, sed seria cohortatio sic omnium animos percelluit, vt cuncti lacrimis perfusi, in terram procumberent, dicerentque: Pater, ora pro nobis. *a*

Rem dixit Macarius: Lacrimæ, dum vivimus, lavant, post mortem, cruciant; hinc sordes abstergunt, illic fontes amburunt. Ibi erit fletus, & acerbissima cum demonum tum damnantorum comploratio. Fingamus quoscunque aurium cruciatus, clamores hominum, larrarus canum, luporum ululatus, mugitus bouum, rugitus leonum, aliarum bestiarum fremitus, fragores nubium, deiectus aquarum, & quicquid inamænum auribus fingi potest. ah quam id omne nihil est ad Orcinane plebis desperatissimum fletum, cuius auctarium est stridor dentium.


Huc adsint qui odio invidiaque æstuant, qui leviter læsi ringuntur, qui dentes velut apri acuiunt, & dentibus inscendunt: hic in damnatis suos agnoscant mores. Vates regius monet: Observabit peccator iustum, & stridebit dentibus super eum. *b*

Vitam nostram inspicere, & videbis quomodo alter in alterius exitum attentissimis oculis collineet. Sed quas demum utilitates hic sequimur? Vnum, hoc spectamus; vt quâ parte pater adversarius, eâ ictum inferamus certissimum: lædere, obesse, perdere conamur. Hoc inexplabile odium, hoc insatiabilis agit invidia. Et velut canes, cum rixantur, dentes retegunt; ita nos canini homines, aut inhumani canes inter nos agimus, & nonnunquam de osse calvo altercamur.

O Invidi, odiisque exacerbati, quid Stygios canes æmulamini, cur mores damnatorum induitis? Ibi, ibi erit fletus, ibi stridor dentium. Quisquis æternum illud Væ capit, invidiam omnem ac odium ponit, illud mente memori volutans: Nec oculus vidit, nec auris audit, quæ Deus præparavit deferentibus se. In Tartaro fletus, in Paradiso cōcentus erit, quem nulla vnquam auris audit. Tui arbitrij nunc est, aut illum fletum, aut hunc concentum incipere. Aut hunc, aut illum nunquam fines.

*a Pelagius interpres libel. 3. n. 9. apud Rosveyd.*

*b Psalm. 36. vers. 12.*



## CAPVT IV.

*Tertium Æternitatis Tartarea tormentum.*

FAMES.

**E**Rhetorum scholâ optimus magister. Quintilianus dicere non est veritus Felix pestilentia, felix præliorum strages, denique omnis mors facilis. Fames aspera, durissima necessitatum, deformissima malorum. *a* Infandum malum sit necesse est, ad quod mala maxima in pretio haberi possint: Talis est Quintiliano fames, inter maxima mala, non indignum sceptro malum. Nec sine ratione hoc asseritur. Siquidem tam è veteri quam recenti historiâ liquet, extremâ & letali fame hominem cōfuriarum subinde redigi, vt suas ipse carnes avidissimis dentibus discerpat, & corpus infelix alat minuendo corpus. *b* Zeno Imperator hoc fecit, prius sepultus quam mortuus.

Itanè verò novemdialis Fames, tam acerbû leti genus, vt ad illud mors omnis inter mitiora supplicia referri possit? Quid igitur fames decennalis, quid sæcularis; quid fames mille, aut millies mille annorum erit, cui nec micula, nec guttula solatio erit, nec esse poterit, cui res & spes omnis est adempta? De hac verissime dixerim: Durissima necessitatum, deformissima malorum Fames.

Hoc furibundum malum, Æternitatis illius luctuosissimæ Tertium est Tormentum. Minatus iam olim hoc supplicij Propheta. Famem, inquit, patientur vt canes. *c* Ille quidem miserrimus est, qui cum cupit edere, quod edat, non habet: sed ille longè inferior est, qui semper cupit edere, quem furibunda stimulat fames, sed quod edat, nec habet, nec habebit vnquam. Atque, quod amplius, quem non tantum fames extrema, sed & sitis vehementissima cruciat. Talis est fames sitisque damnatorum. De his hoc capite differendum.

*a Quintil. declam. 12. parag. 21. med.*

*b De quo Cas. Baron. ad Ann. 491. Ex Ennodio,*

*Zonara &c.*

*c Psal. 58. vers. 7.*



## S. I.

**M**Inatur Christus seriò: Væ vobis, qui saturati estis, quia esurietis. *a* Ea vos famēs opprimeret, quæ non vnius diei, aut mensis, aut anni sit; nec cui plurima, sed cui defint omnia. Nemo miculam, nemo dabit guttulam, nec dare poterit. Priorum deliciarum memoria tormentum erit, & accendens famem, ut gulæ noxam comiteretur gulæ pœna, & suum delicto respondeat supplicium. Teste Sapientia, Per quæ peccat quis, per hæc & torquetur. *b*

Variè prorsus delinquit gula. Primò quidem cum nimium cibi potulque ingeritur, vel reclamante stomacho, qui sapissimè non in ediam queritur, sed nimiam sagem. Sunt autem & stomachi sua verba, sunt & clamores. Quoties is indignatur, & ructu frequenti clamat: Obruor, succumbo, destruo, pereor. Nimis beneficiis enecor; refocillari vellem, non farciri; ali, non opprimi. Non ego cibo, ut culcitra tomento implendus sum. Hæc mihi benevolentia magis officit, quàm odium & inedia. Hæ stomachi querelæ sunt. Chrysostomi dictum est: Quod necessitatem in edendo excedit, id non alimentum, sed pestis est. Satietas morborum omnium origo. *c* Hæc prima gulæ noxa est, nimium deferciri.

Altera, cibis adeò delitatis aut pretiosis inhære, ut necesse sit, omne perferutari profundū, & cōchylia ultimi maris ex ignoto littore eruere. Ultra Phasim capi volunt, quod ambrosiosam popinam instruat. Quod dissolutus delitiis stomachus vix admittat, ab ultimo portatur Oceano. Gulæ omnia nota fastidienti vndique convehitur; Orbe toto conquiruntur epulæ, & quantò quid carius est tanto magis sapit, uti Alagabalus Imperator, mari vicinus nunquam piscem comedit. Hi famem longè maiorem habent quàm ventrem. Vomunt ut bibant, bibunt ut vomant, & epulas quas Orbe toto conquirunt, mox eadem via reijciendas ingerunt.

Sed notes velim, illud etiam delicatum ac pretiosum cenferi, licet in se vilissimum sit, quod à gula plurimum desideratur. Hinc fieri potest, ut iste gravius delinquat fungis edendis quàm ille perdice aut Phœnicopteri lingua. Esau non ob altilem gallinam, aut spado-

nem capum, sed ob lentis edulium avidè nimis appetitum reprehensus est,

Tertia gulæ noxa, symposiis ac convivij nimium & temporis & nummorum tribuere. Apud plurimos in Orbem eunt convivia, ut inter Iobi filios; & hi vix ullos per annum dies à comestationibus liberos numerant; mera vivunt bacchanalia.

Solent subinde liberis parentes vaticinari: Vt tibi puer, ubi in exteras regiones amissus, delitiis domesticis carebis: quàm insuetus eris laboris & penuriæ? Haud secus his obijciendum: Væ vobis qui quotidie saturati estis, quàm insolentes eritis famis & ieiunij:

Quantum gulæ vitium, ieiuniorum leges temerè violare, aut certè ad arbitrium suum explicare. Hinc sapius quadragintadiale ieiunium, in decem aut viginti dierum temperantiam mutatur. Multi ieiunos se credunt, cum non sunt ebrij. Eò rerum devenimus, ut solis panè religiosi familiis ieiunij leges videantur latæ. Ceteri, benignissimi harum legum interpretes, semper aliquid causarum habent, ut exleges sint. At medicus, inquis, & confessarius ieiunij legibus me solverunt: Nimirum tuis verbis persuasi; aliter, puto, iudicaturi, si minùs disertum aut magis inopem haberent reum.

Quintum gulæ crimen, Ebrietas, plurimorum vitiorum origo, & omnium vitiorum periculosissimum idque ob hanc rationem. Ebrius si subito lapsu aut morbo (quod non infrequens) mortè habeat vicinam, miser nec de noxis dolere, nec animum ad Conditorem erigere potest; ita letali culpa oppressus, & facti sui ignarus ad Aeternitatem rapitur, Ah, Mortis & dæmonis mancipium!

*a Luc. cap. 6. vers. 29.*

*b Sap. cap. 11. vers. 17.*

*c Chryf. tom. 3. in cap. 2. Ioan. hem. 21. sine mihi pag. 91.*

## S. II.

**V**æ igitur, væ vobis qui saturati estis, quia esurietis. Non immeritò dixit Reginaldetus: *a* Hoc peccato gulæ infiniti homines damnabuntur. Gula imperij est amplissimi, omnibusque vitij felicissimè patrocinator. Nimirum, Hæc fuit iniquitas Sodomæ proclamat Ezechiel, Saturitas panis, & abundan-

tia,



cia, & otium ipsius. *b*

Eam ob rem vigilantissimè monet Servator. Attendite vobis, ne fortè graventur corda vestra in crapula & ebrietate. *c* Hæc enim vitij huius nequitia est: non corpus solum prægravare, sed & animum humo affigere ac calcare, imò & Orco præcipitare. Hic fames hic sitis hic longissimum ieiunium, *quia esuriētis.*

Sed videte quàm nos nec æstimare, nec capere possimus res Orbis alterius, quod miseriæ nostræ pars maxima est. Quis nostrum extremæ famis experimentum sumpsit? Inde nec nostræ quidem nedum Stygiæ famis sævitiam expendimus. In obfessis civitatibus, aut in sevis carceribus eius rei specimen præbatur. Eò enim rabies famis adigit, ut non solum canes, equi, feles, sed & mures, glires, imò & serpentes ac bufones in cibum lixentur ac videntur. Gramen agris evellitur, corium scutis detrahitur, & cibus est: columbarum pectus & aliarum excrementa in hominum alimenta transeunt, fame rabida cogente, quæ nec charissimorum quidè corporibus parcit.

Cambyles rex, quod Annæus refert, ingentem bello turbam per invia perque arenia in Æthiopiam trahebat. Sed cômmeatibus non provisus, nec itineribus exploratis intra primum iter necessaria deerant, nec quidquam subministrabat sterilis & inculta, humanoque vestigio ignota regio. Sustinebant famem primo tenebrima frondium, & cacumina arborum, tum coria igne mollita, & quicquid necessitas cibum fecerat: postquam inter arenas herbæ quoque & radices defecerant, apparuitque inopsetiam animalium solitudo, è militum numero decimum quemque, alimentum habuerunt fame sævius. *d*

Parum hoc: multo sæviora fames dedit spectacula. Quot matres suum sanguinem, liberos suos, velut pullos gallinaceos ingularunt, suis ausè detibus membra convellere vel proprijs membris chariora. Parum & istud videri possit ad immitiora collatum. Quoties in carceribus reperti qui seipsos & suas ipsi carnes dentibus fame adacti lacerarunt? Quacunque morsus seu brachijs seu humeris inhi potèrat, eò dentes properarunt quantumvis irrita crudelitate. *b*

*a Reginald. in speculo finalis Retribut.*

*b Ezech. cap. 16. vers. 49.*

*c Luc. cap. 21. vers. 34.*

*d Senec. l. 3. de ira c. 20.*

*e Vide theatrum crudelitatis Hugonotica.*

## §. III.

**A**D rem: Hanc famem quam vel oculis effcernere, non satis capimus, & quomodo illam inferorum atrocissimam, æternam famem capiemus? Quò furiosior est fames nostra, hoc, & brevior illa vero licet sit furiosissima, eadem tamen etiam est æterna. Væ vobis, quia esuriētis.

Heu qualis est ista regio, quæ crudas carnes equinas, mures & bufones sterces columbinum, pro delitijs appetit, & ea impetrare nequit: quæ mori posse, summi beneficii loco ducit, & mortem nusquam invenit: Desiderabunt mori, & fugiet mors ab eis, & Inexplicabilis, æterna fames; intolerabilis, æterna sitis.

His tormentis, & illud est annexum. Aiunt Theologi cælestes delitias adeo futuras vberes, ut omnia beati hominis membra, omnesque sensus suam sibi beatitudinem sint habituri. Hinc gustatus & lingua tanta Ambrosiæ suavitatè, tamque divino imbuentur succo, ut assiduè beatorum quisque lautissimo epulo videatur refici, idque ad omne, & supra omne votum.

Sic & damnatorum maledicentissima lingua merissimo natabit felle, fel ipsa merum. Prædixit Hebræus vates: Fel draconum, vinum eorum, & venenum aspidum insanabile. *b* Huic fami, huic felleo liquori dulcedo nulla poterit mederi; cruciatus insanabiles.

His aliqui accessuros putant sævissimos dentium dolores. Quisquis eos dum vivit, experitur, illos, obsecro post vitam cruciatus cogiter. Et nunquid si apud inferos nulla penitus alia sint tormenta, quàm vel vehemens capitis, aut dentium, aut sævus prodagra vel calculi dolor: si tamen hic dolor futurus sit æternus, quantis sumptibus, quantis laboribus ac doloribus non redimendus sit? Sed hæc timeamus, & non timeamus, dum maxime timenda hilariter perpetramus.

In hospitij quandoque genialiter estur, largè bibitur, latè canitur, saltatur, & tripudiat: at ubi caupo calculum cum hospitibus ponere,



nere, & rationes duplicare, tum hospites hærere, & alternis aspectibus sese intueri, in eas demum voces prorumpere: Vtinam huc nunquam ingressi simus! Adeo caræ sunt symbolæ.

Nos etiamnum, quamdiu vivimus, in hospitio degimus, & symbolarum incogitantes genio indulgemus, ad vesperum perpotamus, canimus, saltamus, tripudiamus. Quis verò solvet symbolas? O malè securi! Nos solvemus symbolas non iniquas, sed heu percaras! Edimus, bibimus, lusimus; valetudinem decoximus, ætatem & aurum in computationes istas insumpsimus: demum terret & vrget cauponis calculus; æs alienum persolvendum, creditori satisfaciendum, vel de tergo, si aliter nequeas.

Edimus, sed nimium, sed delicata nimis & pretiosa; convivia struximus, sed nimis crebra & lauta; ieiunia forsitan inivimus, sed nimis rara & profana: vino nos sepelivimus, nunc edormienda erit crapula. Væ, quia esuriemus. Æterna fames, sitissequitur æterna. O qualis cena, post lautiusculum, sed breve prandium! Dum viverent damnati, merum linxisse salem videntur, ita furiosè in Orco sitiunt.

Quam horribile sitis tormentum sit, nemo facile æstimaverit, nisi certum eius rei sumperit experimentum. Ægrotis in hoc habenda fides, quos nonnunquam adeo exercet, ut eam inter morbi gravissima numerent.

a *Apocal. cap. 9. vers. 6.*

b *Deut. cap. 32. vers. 33.*

#### §. IV.

**H**ebæus purpuratus gulo linguâ inflammata eiciens: Crucior, exclamat, in hac flamma, & vel digituli stillam in refrigerium peto. En, modestas preces! Non aquæ labrum, non olei guttam, non vini dolium postulat. Quod rerum vilissimum est, vel guttulam aquæ rogat, nec tamen impetrat. Eo inopiæ devenit opulentus hic helluo, ut non calicem crystallinum, sed digiti extremum, non generosum Creticum, sed aquæ minimum, non nobilem pincernam, sed Lazarum mendicum flagitaret.

Sed quid ais, ô purpurate, Lazarus scabiosas manus habet; horrebis utique ab illius digitis stillantem aquam. Ah vel guttula, vel La-

zari manu detur, & instar rosati nobilissimi excipiam.

Nihil tamen impetrat, nemo audit; & aures & ianua sunt clausæ. Sed cur Hebræo huic epuloni, in extrema fame sitique, cur obsecro negata guttula? Dixisset hospitalitatis amantissimus Abraham: Detur illi guttula; non invabitur: à rore tantillo non mitescet tam vehemens flamma.

Sed longè alia vivendi ratio est in Orbe altero. Nam uti cælum gaudia & voluptates offertissimas propinat, sine vlla vel minima mœroris mixtura: ita Tartarum tormenta ingerit sine vlllo vel minimo lenimento, sine solatiolo aut laxamēto vlllo. Hinc elegantissimè simul & verissimè dixit Hipponensis Præsul: Nulla maior & peior est mors, quàm ubi non moritur mors. a Ita nulla seivior letaliorque fames ac sitis est, quàm ubi fame sitique letum inferri non potest.

a *August. l. 6. de Civit. cap. 12.*

#### §. V.

**D**vo fratres, uti narrant, sapiens & fatuus, iter unâ ingressi ad biuium devenère. Fatuo via placebat amœnior. Sapiens asperiores præferebat ut tutiorem. Litigatum est diu. Demum cedere maluit sapiens quàm pertinacius contendere. Ita in prædonū insidias delati ambo, & in vincula, sed separatim tracti. Inde ad tribunal evocati. Hic sapiens fatuum accusare, & omnem illi culpam impingere: Fatuus in sapientem omnia revertere, omnemque illi errorem adscribere. Denique iudex ita statuit: vterque reus est; & fatuus qui sapientiori debuisset credere, & sapiens qui amentiori credere non debuisset. a

Sic omnino vivimus. Animus & Corpus fratres sunt, sed valdè dispares. Animus origine sua nobilissimus, & sapiens, viam asperiores ad cælum non horret, temperantiam amat, esuritiones non odit, quantum hæc sibi prosint, non ignorat; Spiritus promptus est. At verò Corpus ab ortu fatuum cum viam variis amœnitatibus ridentem conspiciatur, mox illuc properat; edere, bibere, ludere, bene dormire, labores fugere, otium sectari & ferias delicias ambire, sui putat esse officij, hæc Corpori sapiunt. Laborare, esurire, vigilare, ut pestem odit fugitque.

Ani-



Animus contrà nititur, & prolixè suadet, non esse mollem ad astra viam, sed asperam & confragosam; docetque variè non ei fugiendas esse spinas qui cupiat rosas. At Corpus ad imperia languidū, ad monita tardū, nihil minus vult quàm parere & frugi esse. Ita demum cedit Animus, & suo Corpus lubitu permittit ire, sequiturque mancipium herus. Sic itur & peritur, sic in medios deveniunt latrones, vitia, cacodæmones.

Hic gemini fratres separantur, diversis carceribus assignandi: terra Corpori, Animo gehenna est habitanda. Supremi iudicii die ad tribunal ambo sistentur, hic alter alteri culpam impingeret. Quia ergo fatuum Corpus Animi consilij parere noluit, & quia prudens Animus petulantiam Carnis coercere non sustinuit, uterque sceleris damnatus supplicio addicetur æterno. Sententia hæc decretoria, inevitabilis, gladius utraq; parte acutus b per Animum & Corpus transfadiget. Atque ideo Christus: Timete eum, inquit, qui potest & animam & corpus perdere in gehennam, c ubi tot suppliciorum velut condimentum est fames sitisque æterna, nec aliud fami sitique lenimentum quam sulfureum Falernum. Ignis & sulfur pars calicis eorum. d

a Vide Trismegistum meum lib. 3. c. 4. paragra. 2. Vbi hæc fusius narrantur.

b Apoc. c. 1. v. 16.

c Matth. c. 10. v. 28.

d Ps. 10. v. 6.

## §. VI.

**A**T nos ambitiosissimæ gulæ homines, his plerunque parum terremer. Dapes & delicias, cenas, & calices sectamur, quicquid defuturâ fame sit Consideratius, obsecro Christiani, consideratius. Edere, bibere non vetamus. sed edendum & bibendum dicimus, ratione ac conscientia non oblectante, divinis legibus non neglectis. Spernimus, & audemus, ac in iura divina deliquimus? In foribus stat patibulum: Væ, qui saturati estis, quia esurietis, —furet ardor edendi.

Vbi culpa, ibi pœna. Plurimas, ut supra demonstratum est, à gulâ noxas trahimus fame sitique accerbissimâ luendas. Erisichthon (ut in fabulis est) horribili fame correptus,

—quod pontus, quod terra, quod educat ner, Poscit, & appositis queritur ieiunia mensis: Inq; epulis epulas quarit, quodq; urbibus esse Quodq; satis poterat populo, non sufficit uni, Plusq; cupit quod plura suam demittit in alvum.

Viq; fretum recipit de totâ flumina terrâ,

Nec satiatur aquis, peregrinosq; ebibit amnes:

Viq; rapax ignis non unquam alimenta recusat,

Innumerasq; faces cremat, & quod copia maior

Est data, plura petit, turbæque voracior ipsa est. a

Sic epulas Erisichthon rapit & absument. Sed laxiorem hac famem fingamus, & illam apud inferos non æquabit. Somnium est omnis esuritio nostra, ad illas damnatorum esuritiones æternas. Hæ iam monent omnem caverni Intemperantiam.

Convivæ olim ritu veteri partem cenulæ in mensâ relinquebant, quod docerent rebus humanis utendum, non consumptâ voluptate, nec ad omnigenam saturitatem. Et Germanorum vetus verbum est: Hilaritas cum maxime calet, claudenda. Sic è convivij abundum, antequam convivij epilagus finiatur. Nec verò quisquam tam fatuus est, qui si sciat tribus quatuorve horis edendi libidinem substringendam, aut certè anno toto esuriendum, nihilominus statim & quàm primum cibos afferi velit.

At verò tam fatui nos sumus, qui licet sciamus abstinentiam & ieiunia non multis vitæ horulis duratura, nihilominus pertinaciter volumus, ut modò bene sit, ut iam cuticula mulceatur; hinc voces illæ: Venite, sumamus vinum, & impleamur ebrietate, & erit sicut hodie, sic & cras, & multò amplius b

O miseri & fatui! paullo post non erit sicut hodie; lætitiâ hodiernam tristissimum Cras excipiet; saturitatem fames comitabitur, temulentia iustissimè siti torquebitur. Brevis occinetur vobis luctuosum illud carmen: Recepistis bona vestra in vitâ vestrâ; ite nunc, nil vobis amplius debetur. Olim epulati estis, iam dies sunt ieiunij: nunc epulantur alij, qui quondam ieiunarunt.

Propter hoc, hæc dicit Dominus: Ecce servi mei comedent, & vos esurietis: ecce servi mei bibent, & vos sitietis: ecce servi mei lætabuntur, & vos confundemini: ecce servi



mei laudabunt præ exultatione cordis, & vos clamabitis præ dolore cordis, & præ contritione spiritus ululabitis. *c* Vobis olim, sed furdis, prædicebatur centies, sexcenties, delicias supplicij persolvendas. Nemo audiit. Vocavi, & non respondistis; locutus sum, & non audistis; & faciebatis malum in oculis meis, & quæ nolui, elegistis. *d* Nunc longâ, nunc æternâ fame hilaris sed brevis insania digerenda est; voluptates fugacissimæ sitî perpetua piandæ sunt. Nimis iam serum est huic fami sitique mederi velle. Post tale prandium talis cena sequitur.

Ergo, Sobrijetote & vigilate. *e* Nam, Fornicatio, & Vinum, & Ebrietas auferunt cor. *f* Qui famem horret æternam, famem modo toleret nec lōgam, nec sevam. Beati, qui nunc esuritis, quia saturabimini. *g* Tolerantiæ Christianæ convivium illud paratum est, quod nullo claudetur epologo. Lasciviæ & Intemperantiæ supplicium illud decretum est, quod nullo finientur termino. Quisquis gehennam sæpius cogitat, gehennam profecto evitat.

*a* Ovid. *Metam.* l. 8.

*b* Is. c. 56. v. 15.

*c* Is. 65 v. 13.

*d* Ibid. v. 12.

*e* 1. Petri c. 5. v. 8.

*f* Osæ c. 4. v. 11.

*g* Luc. c. 6. v. 21.



## CAPVT V.

*Quartum Eternitatis Tartarea tormentum,*

## F O E T O R.

**S** Vave quidem est vivere, non rarò tamen morte ipsa insuavior est vita. Orator aures id observans: Nemo nò ex ijs, inquit, qui liberaliter sunt educati, hic in carcerem coniectus, fœtorem solum, & iacere in tenebris, & in vinculis esse cum homicidis, quavis morte dicit esse gravius. *a*

Inferos contemplare, & Nullus unquam (dices) tam teret ac lævus fuit carcer, nec subterraneus Messeniorum, cui nomen *The-saurus*, nec horribilis Persarum, cui nomen

*Lerha*, Nec *Latonia* Syracusanæ, nec Creten-sium *Labyrinthus*, *b* nec Atheniensium *Domus* aut *Barathrum*, nec Romanorum *Tullianum*, nec Cypriorum *Ceramon*, nec Spartanorum *Decas*, nec Gilimeris *Ancon*, nec nominatissimus *Actiolini* carcer, quem omne suppliciorum genus infamavit: Neque verò in ullis unquam ergastulis tot rei tenebantur captivi, quot supremum Numen in grandi suo carcere punit damnatos.

Hic Dei subterraneus carcer, si locum spectes, profundissimus; si carceris præfectum, crudelissimus; si loci squalorem, fœtidissimus; si carceris inquilinos, amplissimus est; innumeros coercet: si porro innumerabilem reorum multitudinem cogites, angustissimus est; si carceris diuturnitatem, æternus est; omni egressu caret, ostiis omnibus & ianuis obstructis. Et quia in hunc carcerem totius Orbis colluvies derivatur, cloaca est multò fœculentissima, spelæum est longè graveolentissimum. Et hoc Quartum Eternitatis lustruosa supplicium est, intolerabilis Fœtor. Quàm verò infandus hic cruciatus opinione nostra longè sit maior, nunc explicandum.

*a* Chrys. hom. 1. in epist. ad Hebr.

*b* Quem carcerem fuisse putant aliqui.

## S. I.

**I** nferorum fœtorem intolerabilem sacræ pat-ginæ sæpius cogitandum ingerunt. Divinus Pfalter: Pluet super peccatores laqueos, inquit, ignis & sulfur, & spiritus procellarum pars calicis eorum. *a* Quemadmodum verò pluviarum guttæ in numerum cogi non possunt, ita nec improborum pœnæ; **PLUET.** Instar imbris aut torrentis vehementissimi præcipitabunt in eos tormenta. **PLUET** laqueos, sic enim vincientur, ut horum captivorum nullus elabi aut effugere, nullus hæc vincula rumpere, parietes perfodere nullus queat; profundissimis specubus claudentur. Pars illorum erit in stagno ardenti, igne & sulfure. *b*

Hic in rem præsentem venire sic licet: Animum quæso advertamus. Sulfurati vel unici fœtor quantus est? Iungantur centum, iungantur mille, quàm acrem spargent graveolentiam? Hec tamen nihil est ad Orcinum sulfur. Arque hic Avernalis fœtor à variis causis erit.

Prima,



Prima, post Orbem uno quasi funere elatum, post supremi iudicii diem, omnia terræ purgamenta in illam inferorum sentinam defluent, eā enim ratione Orbis purgabitur. Psal. mographus prædixit: Ignis ante ipsum præcedet, & inflammabit in circuitu inimicos eius. c. Hoc vaticinio nixi theologi aiunt, Ignem ante Orbis iudicem, velut apparitionem, ac satellitem præcessurum, & ad tribunal substiturum, dum iudicium omne peragatur. Vbi demum decretoria sententia fuerit prolata, ignis ille fulminis ritu præcipitabit, & velut lictor noxium gregem invadet, vinciet, involvetque, ut nec minimum vel ulli pateat effugium. Sic unā omnes velut catenatos canes in antra destinata rapiet, *Inflam-  
mabit in circuitu inimicos eius* Cum hac ingenti damnatorum ruinā, cum hoc igne simul omnis eluvies & æquum Orbis in cloacam illam defluet. Nam inferi verē sentina terræ, omnis inquinamenti receptaculum.

Altera fœtoris causa, sulfure, de quo Domini ocellus Ioannes: Pars, inquit, illorum erit in stagno ardenti igne & sulfure, quod est mors secunda. d. Tablinum caeleste, seu, volumen sacrum quā omniū vocularum observans est! In stagno, ait, quod immobiles & fœtiditas alit aquas, non decrevit, non emittitur, non siccatur. Post mille annos hoc stagnum sibi simillimum erit, post tringinta, post sexaginta annorum millia nihil sui amitter; post centum millia, post mille myriadas seu milliones annorum, stagnum illud nec unā quidem guttulā inaruisse sentietur. Sicut erat in principio, ita tunc, & in sæcula sæculorum erit.

Deinde hoc stagno mergentur, qui prius suum ipsi animum cupiditatibus ac libidinibus merferunt. His demum thermis, sulfureo hoc natabulo, his sudatoriis lavantur. Atque hos fœtores ab experientiā melius discemus. Si piscina emissa plerique omnes pisces mortui, diebus aliquot non amoveantur, tam incredibilem undequaque spargunt fœtorem, ut eō loci nullus quamvis sub dio, quamvis non toto die, perdurare possit. Quod igitur tormentum erit apud inferos, terribilissimam Mephitim habitare, nec inde vel pedem efferre posse in omnem æternitatem? Sordidissima fœtidissima

que opificia longior assuetudo reddit facilia. At verò cruciatus Avernales nullā unquam assuetudine poterunt mitigari.

a Psal. 10. v. 7.

b Apoc. cap. 21. v. 8.

c Psal. 96. v. 3. d Apoc. cap. 21. v. 8.

## §. II.

Tertia fœtoris illius causa, ipsa damnatorum corpora, omni cadavere fœtidiora Prædixit Isaïas: De cadaveribus eorum ascendet fœtor. a Unius fœtore omnes, & unus omnium fœtoribus torquetur. Caro verminans & putrida in prunis, o quale thus! In Luciferi regno innumera damnatorum cadavera velut putridæ carnes, inter prunas assidue iacebunt.

Libidini quidē furiosa vis inest, quæ ipsam etiam rationem calcat, sed effrenes hi impetus coerceri possunt, præsertim si frenum libido pati maturè discat. Eam ob causam in eremo Scythicā vir religiosissimus libidinis impetum sic repressit. Sæpius ei recurabat femine olim non ignotæ forma. Hanc ille memoriam, has & cogitationes è pectore penitus eliminandas censuit. Diu laboravit, animosè certavit, & non uno tantum ariete seipsum fregit, nec tamen aliud sibi profecisse videbatur, quàm ne victus esset.

Submisit interim divina providentia hominem ex Ægypto, qui mentione temere iniecit, feminam illam formā præstantem fato concessisse narrabat. Excepit dictum hoc athleta Christi, & in rem suam super eo deliberans, id demum reperit consilij. Tugurium suum Superis committit, & ad defunctæ fœminæ sepulchrum properat. Hic ille scdum Cupidinem triumphaturus, rem sic aggreditur. Noctu à tumultu saxum amolitur, terram egerit, & ad cadaver penetrat. Vbi seipsum affatus: En, inquit, thesaurum tuum: en tuas delicias: quin aufers rem tibi charissimam? Pars certè de hoc auro, quod effodisti, asportanda erit. Dixit, & fecit, furtoque religiosissimo partem mortualis velaminis sanie ac tabo bene saturatam abstulit.

Regressus in casam suam, bene olentem hanc prædam sub ipsos oculos posuit assidue aspiciendam. Hic seipsum iterato scommate lacescens: En, inquit, habes quod appetisti;



fruere, satiare. Exple oculos, palce nares, imò totus hinc nasus fias: cogita hoc esse strophium à charà tibi feminâ missum: quin ori ac naribus propius admoves tam pretiosum lin-  
teum?

Ita generosus hic athleta tamdiu fœtore se cruciavit, dum sordidas cogitationes victor ab omni animo extirparet. *b* Ita libido quantumvis potens ac furibunda cessit fœtori. Ita certissimus ille iaculator, nequissimus Cupido graveolentiâ victus fugatusque.

Cogitemus hic obsecro non partem sepulchralis linteï, non cadaveris unius membrum, sed cadavera damnatorum innumera Mephitim exhalare graveolentissimam, neque id pauculos dies, sed in omne ævum.

Divus Bonaventura ausus est dicere: Si vel unius damnati cadaver in Orbe hoc nostro sit, Orbem totum ab eo inficiendum.

*a* *Isa. c. 34. v. 3.*

*b* *Lib. sententiarum patrum parag. 10.*

### S. III.

**Q** Varta fœtoris causa, dæmones ipsi, qui licet spiritus sint, hanc tamen corporum graveolentiam secum trahunt, estque tam Avernî quàm diabolorum ita proprium fœtere, ut prisca usitatissima vox fuerit *Graveolens Avernus*.

Narrat Severus Sulpitius, Turonensi præfuli Martino cacodæmonē diademate ac purpurâ prænitentem sese exhibuisse, & hæc insuper dixisse: Scies, Martine, quâ ratione me venereris; Ego sum Christus. At Martinus, ne mendaciorum patri crederet, monitus ab alto: Non hoc schemate, inquit, venturum se Dominus meus promisit. Christum cruentum, spinis redimitum, in trabe pendentem novi; peregrinum hunc regem non novi. Vix ea dixit, & personatus hic Christus evanuit. Et ut sciretur, quis ille rex, & è quo regno fuisset, cubiculum tam horribili fœtore implevit, ut Martinus iam apud inferos se habitare crederet, & secum ipse ratiocinatus diceret, Si vel diabolorum unicus sic fœteat, quis oro tam diabolorum quàm damnatorum hominum fœtor erit?

Rex Antiochus Epiphanes, seu, Illustris, scelesti hominis pulcherrima effigies, cum tandem Nemestin in tergo sentiret, iamque

membra illius vermibus ebullirent, adeo fœtebat infelix, ut omnis exercitus hanc narium pestem extremè averfaretur: Imò, quod divina oracula testantur, nec ipse iam fœtorem suum ferre poterat. *a* Et quomodo tandem iniquillinus Tartari, tam dæmonum quàm fœtorum omnium fœtores perferet? idque in æternum?

Mezentius rex Tyrrenus, Antiocho non impar, hominum divumque contemptor, eo ingeniosæ crudelitatis progressus est, ut plurimos non securi, non cruce, non rogo, sed fœtore iugularet. Nam homini mortuo iamque tabescenti vivum colligabat, dum vivus allecti cadaveris putore extingueretur. Maro asserit:

*Mortua quin etiam iungebat corpora vivis,  
Componens manibusque manus, atque ori-  
bus ora*

(*Tormenti genus*) & sanie taboque fluentes  
Complexu in misero lōgā sic morte necabat. *b*  
Supplicium horrendum, ingens, & tantò immanius, quantò lentius. Sed quid hoc ad inferorum supplicia comparatum, quid paucolorum dierum fœtor ad Erebi cloacam fœtoribus sempiternis execrabilem? Cum igitur nostros ignes, cum rotas crucisque nostras, cum nostros pædores ad illos tartareos expēdimus, iure proclamamus:

*O mites Diomedis equos, Busfridis e  
Arasclementes! — d*

O mite Mezentij tormentum, uni duntaxat cadaveri alligatum mori! Sed o mortem omni morte horribiliorem, tot dæmonum, totque damnatorum teretissimis fœtoribus torqueri, & semper mori, nec tamen unquam finire, nunquam emori.

*a* *Machab. c. 9. v. 11.*

*b* *Virg. l. 8. Æneid.*

*c* *Qui hospites suis equis devorandos obiecit.*

*d* *Qui Iovi eos immolavit.*

### S. IV.

**I**N Iaponum ergastulis hodieque Christiana generositas sic exercetur, ut plures in fœdissimam caveam compingantur: nullus illinc egressus nisi ad gladium, aut ad crucem, aut ad ignem. Quicquid hic edunt captivi, quicquid ingerunt egeruntque, secum retinent, incredibili narium radio ac cruciatu. Hinc

Iapo-



Iaponius ille carcer, & ergastulum, & stabulum est, Augiæ a regis stabulo longè immun-  
dus, & ipsa morte tetrius.

Et quia carcerum in Iaponiâ mentionem inieci-  
mus, en ergastuli Iaponij vivum ac-  
rens paradigma.

Carolus Spinola patriâ Genuensis, stirpe Marchio, è Societate Iesv sacerdos, ante-  
quam pro Christi fide vivus combureretur, hanc in Iaponiâ carcerem quadriennio habi-  
tauit.

Latus erat hic carcer palmos sedecim, altus non nisi duodecim, longus viginti quatuor, prorsus ad instar caveæ factus. Nam neque muro nec pariete ligneo cõstabat, sed contextus erat è palis, quorum singuli duobus digitis à se invicem distabant. Hinc captivi omnibus iniurijs celi patebant. Nam etsi hæc cavea esset tegulis tecta, quia tamen pali erant dis-  
iuncti, sicut in corte aviaria videre est, non frigus tantum aut æstum, sed ventos, pluvias, nives, omnemque tempestatem admittebant. In hac cavea triginta duo captivi erant con-  
clusi. Fores carceris istius serâ claudiebantur, erantque adeo angustæ, ut vix transitum da-  
rent corpori humano. A latere patebat fenestella, lancis vnus magnitudine, qua capti-  
vis cibum satellites inferebant. Circuibat car-  
cerem via lata octonos palmos, atque hanc duplex obibat seps, depacta ex arboribus den-  
sis longisque, & in cuspidem acuminatis, quas spinæ supernè induebant. Vnico aditu, seps ista ingressum dabat. Erant præterea  
duabus in partibus ædificatæ domus, vna pro statione vigilum, qui diu noctuque excuba-  
bant; altera in usum Decurionis, qui crebrò circitores iubeat circuitiois fungi munere. Reliquum denique loci includebatur septo be-  
ne munito, in quo princeps porta, & via quæ ad interioris seps ianuam ducebant. Huius-  
modi facies custodiæ fuit, in qua tot annis illustris ille pugil vixerat, ex ea nunquam, ne quidem intra septa expatiatus, satellitio egres-  
sum prohibente. Alia vero quæ custodiæ huic accessere sæva, vix cogitatione, nedum verbis explicari queunt. Singuli corporis sensus pro-  
priis conflictari doloribus cogebantur.

Magna erat in primis loci angustia, ut ne-  
que procumbere nisi ægrè, neque ambulare vel ad passus spatium possent. De hac Caroli

litteræ ita testantur: *Angustè admodum habemur, neque enim quisquam plus habet spatij quàm duorum palmorum & trientis.* Hinc noctu non potuerunt sese ad capiendam quietem extendere.

Iam victus parcitas respondebat angustijs carceris. Vita illorum perpetuum erat ieiuniū. adeoque asperum, ut satis quidem cibi suppe-  
teret ad arcendam mortem, sed nunquam ad comprimendam famem. Ordinariæ epulæ e-  
rant duæ lances oryze frigide, aquâ purâ co-  
cta; præterea paropsis una Xiri. Sorbitio est herbis ingratissimis mixta, tamque amara, ut hau-  
riri vix potuerit. Ad hæc exiguum quid radi-  
cis crudæ ac salis, aut par unum halecularum calidâ frigidâve salutarum. Hinc capti-  
vos tanta vexabat fames, ut cum satellites a-  
liquot frustilla obtulissent panis malè ac sine fermento cocti, iamque indurati, quisque il-  
lorum comederit, ac si collyra vel panis sac-  
charites foret.

Quia verò hic carcer in edito colle positus erat, ventorum vim omnem excipiebat. At licet per æstatem spirantibus undequaque ven-  
tis molestia nonnihil leniretur, ferventissimi tamen ardores, solaribus radijs omni ex par-  
te penetrantibus, ipseque numerus captivorum adeo incommodabant, ut affirmarit Carolus, diurnis nocturnisque se sudoribus maduisse. Hieme autem id omnino reddebatur intolera-  
bile, cum neque gelidus aer excludi, neque pluviz & imbres arceri, neque nives, quæ ven-  
to per omnem partem ingerebantur, interci-  
pi possent. Tanto autem acerbior erat frigoris sensus, quantò gravior vestimentorum, qui-  
bus tegebantur, inopia, quorum nullam facili-  
tatem supportari satellites permittebant. Hoc Carolus ad Patrem Provinciale perferri. bens: *Assèvero, inquit, Reverentiæ vestræ, neminem esse è nobis, qui, æstimato inferioris appetentiæ sensu, non mallet vivus con-  
cremari, quàm hunc carcerem ferre.* Nam omnes à vestibus panè nudi sumus. Neque vigiles vel tegetem concedunt statibus, im-  
bribus, nivibusque arcendis, planè ut imma-  
ne sit frigus.

Loci frigoribus affectus interiit Ambrosius Fernandez, annos novem & sexaginta natus, Caroli in custodiâ comes, qui paralyti gravis-  
simâ correptus, ob copiam, ut aiebant, ni-



vium, duodecim horarum spatio & morbum & vitam finit.

Ne verò deesset suis quoque cruciatus oculis, noluerunt milites lumen in carcere per noctem accendi, ut in tenebris fuerit exigenda. Quâ in re tanta vigilû extitit pertinacia, ut ne lucernulam quidem eâ nocte, quâ Ambrosium repentina vis morbi inuasit, Carolo quantumvis obestanti concesserint.

Sed gravius omnibus hos Christi pugiles vexabat continuus Fœtor, de quo nobis iam sermo, cuius mentionem Carolus in epistola iniiciens: Incitat me, inquit, gravitas odoris, ut ad cælum suspirem. Nascebatur hæc graveolentia ex multitudine hominum tam angusto loco clausorum; ex flaruum aërisque corruptione; ex præsentē cloaca, in quam exonerare alium cogebantur; ex sudore corporum quæ æstate nunquam siccabantur. Cum nimirum vetaret miles, aut recentibus linteis mutare obsoleta, aut lavare iam inquinata: ut de Carolo speciatim scribatur, quod triennio roto neque indussum, neque vestem commutavit. Hinc tanta pullulabat animalculorum sordiumque vis, ut moribus aculeisque captivi miserrimè confixi, nullam unquam caperent partem quietis. Atque ut experirentur, vivi, quod mortui nullo doloris sensu post vitam tolerant, à summo vertice ad imos usque pedes omni genere vermium è corrupta materia natorum erant cooperti: quæ materia (quoties pluebat) exundante latinarum cloaca, pavementum custodię inundabat. Tormenti genus multò atrocius quàm primâ sui facie æstimari possit. Adversus hos cruciatus non aliud illis suppeditabat remedium quàm patientiæ, vivæque in Deum fiduciæ. Patientia certè illorum tanta erat, ut Carolus in litteris affirmet; Hoc ergastulum mihi paradysus esse videtur. *b* Et reverà hic talis carcer, quavis ipsâ morte atrocior, si tamen ad inferorum carceres comparetur, paradysus est. *c*

Ideo beatus etiam Hieronymus de seipso: Ob gehennæ merum, inquit, tali me carcere ipse damnaveram, scorpionum tantum socius & ferarum. *d* Qui carceres flammeos contemplantur, nullas habitationis angustias accusat, omnem carcerem paradysum æstimat. *a* In quo tria millia boum, quod annis triginta nunquam purgatum.

*b* Lit. ad P. Sebast. Viera 20. Feb. A. 1620.

*c* P. Her. Hugo in vitâ P. Car. Spinola c. 14.

*d* Hieron. tom. 1. epist. 22. ad Eustoch. c. 3.

S. V.

**H**ic obsecro in rem nostram ita ratiocinemur: Sint inferi nil aliud quàm fœdus frigidusque carcer, ubi uno sub fornice captivi mille interfodes & vermes nec sedere cōmodè, nec iacere possunt; ubi cibus oryza nigra, potus aqua fæculenta; ubi fames, fœtor, dolor vix quidquam somni admittant, idque vel mille duntaxat annis tolerandum sit: Nil aliud, inquam, sint inferi, quàm talis, ut dixi, carcer. Nihilominus quis non tremat vel audito tantum hoc inferorum nomine? Verum, si rem hanc omnem ad æqui verique, & ad sacræ paginæ libellam placeat expendere, id luculentè deprehendemus, fœdissimos lapponum aut quorumcunque barbarorum carceres ad Tartarum collatos, viridarum & delicias paradysum & amœna tempe censendos. Ratio luculenta est. In nostris carceribus saltem aliquid & cibi & somni est; sunt quiescendi horulæ: in Tartaro, nec cibus, nec somnus, nec quies ulla est, illic oryza nigerissima, foret ambrosia; necar esset cænosa aqua. In nostris ergastulis, nemo mille hiemes numeravit unquam, in inferorum sedibus, quod omnium luctuosissimum, centum millia annorum nec unum quidem punctulum æternitati demunt; post mille milliones annorum eadem est, integerrima est etiam tunc æternitas.

Deinde nostri carceres quamvis multum formidandi, sunt tamen extra flammam, & in solatium habent Mortis sagittas. Damnatorum specus & flammis pleni sunt, & à Mortis futuræ iaculis defensi non sunt. Siquidem apud inferos mors semper præsentissima est, sed mors sine morte; mors assidua sine fine duratura.

Heu quàm hæc non cogitamus, quàm non expendimus omni hora cogitanda, omnium solertissimè expendenda! Bernardus hac in re longe considerat: Totus tremo, inquit, atque horreo ad memoriam huius regionis, & concussa sunt omnia ossa mea. Locus in quo vermis immortalis, fœtor intolerabilis, mali percutientes, tenebræ palpabiles. *a*

O evi-



O evigilate non iusti tantum, sed & iniusti, & vos maxime luxuriosi; evigilate & luxuriosorum præmia prævidete; gustate saltem quàm amarus sit Orcus, si gustare recusat, quàm suavis sit Christus Dominus, aut quàm amœnus paradysus.

a Ber. ser. de 5. regionibus.

## S VI.

**H**ic Avernalis fœtor non importunè submonet, quàm variè vel hac vnâ in re delinquamus. Non enim solum oculos, & linguam, & aures in officio continere decet, sed & nares. At vos odoris gravioris plerumque nimis impatientes sumus. Viles captivos, & pauperes agros ideo sæpe auersamur, quia potius alium quàm crocum, aut moschum obolent. Idcirco iudex ab iride delicatulis his exprobrabit: Infirmus, & in carcere eram, & non visitastis me. *a*. Nimium tam delicata est impatientia, ut ubi vel suspicio fœtoris, illuc eam vel albis quadrigis nemo pertraxerit. Eos amamus, illorum familiaritatem amamus, qui cinnama spirant, qui crocum halant & balsama. Sed brevi mutabunt vices, & quod Isaias vaticinatur, Erit pro suavi odore fœtor. *b*.

Dein olfactu peccant, qui sua omnia peregrinis odoribus imbuunt, vestes, conclavia, lectos; quidquid crebrius contingunt, odoribus prius inficiunt, nec unguentis parcunt, ut semper sit quod nares mulceat. Hoc quidem tam grande nefas non censeatur, atramen Deus olim capitali pœnâ sanxit: Talem compositionem (odoris) non facietis in usus vestros, quia sanctum est Domino. Homo quicunque fecerit simile, ut odore illius perfruat, peribit de populis suis. *c*. Ergo etiam odoris intemperantiâ peccamus. Sic plurima quæ nobis videntur minuta, & nullius ponderis, ea divinus Oculus ille observat, & inter puniendâ numerat.

Porro illud accuratiùs atque frequentius perpendendum, quid sibi velint divinæ paginæ, cum nidores sulfureos proponunt. Exemplo quod dicitur, demonstretur. Dominus pluit super Sodomam & Gomorrah sulfur & ignem à Domino de cælo, & subvertit civitates has, & omnem circa regionem, universos habitatores urbium, & cuncta terræ vi-

rentia. *d*. Sulfureus hic nimbus ac fœtor, libidinis ardores & luxuriæ fœtores puniunt. His pluvijs extinguendus erat Cupidinis æstus.

Summus ardor igni, maximus fœtor inest sulfuri. Quando igitur lascivâ carnis concupiscentiâ fœtebant, igne & sulfure peribant, ut ex animadversione iustâ discerent, quid spurca libidine commervissent. Homo libidinosus & impurus supplicium meretur duplex: dum vivit, seipsum magis ac magis luxuriæ cœno inficit; cum vivere desinit, in balneum sulfureum transit.

a Matth. c. 25. v. 43.

b Isai. c. 3. v. 24.

c Ex. c. 30. v. 38. sine.

d Gen. c. 19. v. 24. & 25.

## S VII.

**E**rgo in lasciviam potissimum Avernalis ignis ac sulfur grassabitur. Quod Gregorius crudité asserens: Tunc, inquit, edax flamma comburit, quos nunc carnalis delectatio polluit. Omnis impius habet flammam ignis proprii quem in corde suo ex fervore desideriorum temporalium accendit, dummodò istis, modò illis cupiditatibus æstuat, & cogitationes suas per multiplicia blandimenta sæculi amplius inflammat. Ideò nunc fœtus expiet quicquid delectatus per negligentiam animus deliquit. *a*. Credibile prorsus est paucissimos in flammeas voragines derudi, qui nihil libidinosi fœtoris secum deferant.

Hic quivis mortalium bono suo & sapere discat, & cavere, ne hac libidinis Camerina submergatur. Vinum quidem & ebrietas, Osea teste, *b* cor auferunt, sed omniùm maxime Fornicatio. Hæc ita sibi cor rapit, utilitudo non facillè restituitur.

Sed illud obstupescendum prorsus, & nimis quàm horrendum, sub cogitatione unica (quam Theologi delectationem morosam nominant) innumeras pœnas, supplicia infinita, mortem æternam delitescere. Res in aperto est: Qui viderit mulierem ad concupiscendum eam, iam mæchatus est eam in corde suo, *c*. Hic iactus oculorum unicus, unica hæc cogitatio, hic latentissimus in libidinem assensus innumeros infinitos annorum miliones continet, quibus ille oculorum iactus, illa cogita-



cogitatio, assensus ille vindicandus est, nec tamen unquam satis expiandus. Obstupescendum hoc, inquam, & nimis quàm horrendum.

Rem dicam: hæc etsi forsân cogitemus, certè non perpendimus, non examinamus. Inde est, vt Isidorus Clarius loquitur, quòd malum esse ad momentum fucati, quàm in sempiternum splendidi; ad horulam libidinosi, quàm in æternum gloriosi. *d* Hæc nostra est incogitantia, & (liceat dicere) excors temeritas. Tutò quis vel capite suo dimicet, ab eo æternitatem minimè cogitari, qui vel invidiæ, vel libidinis, vel avaritiæ sordibus etiamnum involuitur. Nunquam delinquet gravius, quisquis æterna supplicia cogitaverit frequentius.

Ergo, In omnibus operibus tuis memorare novissima tua, & in æternum non peccabis. *e* Tua, inquam, novissima memorare, non aliorum, neque raptim aut perfunctoriè id facito. Nam hic error plurimorum est, quibus ista velut ad se non perventura cogitantur. Tua igitur novissima memorare, & Avernales fœtores inter memoranda respice. Quid ei proderunt delitiæ, quem inferorum sepelient flammæ? Ah, sapiamus, dum licet ne dulce momentum amarissima comitetur Æternitas.


*a* Gregor. l. 4. mor. c. 17. & l. 5. c. 8. initio.

*b* Os. c. 4 v. 11.

*c* Matth. c. 5. v. 23.

*d* Isid. Clar. tom. 1. orat. 13.

*e* Ec. c. 7. v. 40.



## CAPVT VI.

*Quintum Æternitatis Tartarea tormentum*

### I G N I S.

**R**omanus scriptor, ubi suum diversis suppliciiis discrimen assignasset, demum pronuntiat: Ignis suppliciorum ultimum. *a* Humana crudelitas, in penas ingeniosa, exquisitissima invenit supplicia, nullum tamen acutius, nullum vehementius est igne. Romanus Cæsar Valerianus, qui Decij crudeli-

tatem perpetuavit, si flammis atrocius tormentum excogitare potuisset, eo utique Laurentium affecisset. Tyrannis prisca vix acerbiores cruciatus ullos reperit, quàm vivum flammis tradere, lentè exurere, assare. Ignis suppliciorum ultimum, gravissimum.

Quòd si fieri posset hominem læsæ Maiestatis, aliorumque scelerum plurimorum reum millies ita comburi, ut hoc supplicium semper æquaret horam, rectè diceretur, Ignis suppliciorum ultimum. Cruciatu sanè acerbissimus est, còburi vivum. Sed ò mitem gehenam; ò temperatas flammæ, vel millies vivum comburi! Feralis hæc sententia (mille horis tolerare flammæ) captivis inferorum longè clementior videretur, quàm si reo iam iam plectendo vitæ fiat gratia.

Sed firmum fixum est decretum, decretum immutabile, irrevocabile: Verba Christi iudicis planissima sunt, & apertissima: Ite in ignem æternum. Omnia Christianorum templa docent improbos æternis, nunquam defuturis ignibus cruciandos.

Atque hoc Quintum Æternitatis luctuosissimæ supplicium, Ignis æternus, de quo, quantum in re tam feriâ humani oris paupertas permiserit, verba facere conabimur.

*a* Curtius l. 6. c. 12.

### S. I.

**M**Os fuit prisca poësi subinde intercalaribus uti versibus. Ira crebrius repetito versu princeps poetarum canit:

*Incipe Manalios mecum mea tibia versus.*

Quo sæpius ingeminato, demum subiungit:

*Desine Manalios, iam desine tibia versus. a*

Nec poësis sacra hunc morem antiquavit. Hinc ille sacrorum carminum intercalaris cantus: Regem venturum Dominum, venite adoremus. Idque sæpius repetitur: Venite adoremus Regem venturum Dominum, Venite adoremus. Pari modo sæpius interposito versu ad inferias cantatur: Regem cui omnia viuunt, venite adoremus: Hunc ipsum morem in divinis concionibus suis observavit Seruator Orbis. Sic, Marco teste, perorans ad populum: Bonum est tibi aiebat, debilem introire ad vitam, quàm duas manus habentem ire in gehennam, in ignem inextingui-



tinguibilem, *Vbi vermis eorum non moritur, & ignis non extinguitur.* b Non pignit hæc eadem uno loco ter dicere. Nam paullo post repetens idipsum: Bonum est tibi, ait, claudum introire in vitam æternam, quàm duos pedes habentem mitti in gehennam ignis inextinguibilis, *Vbi vermis eorum non moritur, & ignis non extinguitur.* In eadem omnino concione dictum hoc intercalare tertium ingeminaus: Bonum est tibi, ait, luscum introire in regnum Dei, quàm duos oculos habentem, mitti in gehennam ignis, *Vbi vermis eorum non moritur, & ignis non extinguitur.* c

Hoc canticum Christus, hunc intercalarem versum præcinit rex noster. Perinde si dixisset: Me voce præeuntem sequimini, & accinite: *Vbi vermis eorum non moritur, & ignis non extinguitur.* Ecquem non terreat oris divini tam tremenda comminatio? Profectò quisquis hoc illatibile carmen, quisquis tristissimum hunc lessum sæpius & attentè cantaverit, in Orbe meliori *Alleluia Latissimum* semper cantabit. Satis hoc abundantissimè satis est testimonij, etsi alium alibi diuina oracula silerent.

Sed ignis infernalis, & noster, nimium quantum differunt, & primò quidem *Vrendi sensu.* Noster ignis Augustino pictus videtur, sed ille alter verus. Discrimen ingens, imò vix ulla similitudo veræ ac pictæ flammæ. Hic quæso tacitis progressibus in rem præsentem veniamus.

Quanti & quàm acres dolores, per unam dumtaxat horuam, unum tantummodò & vel extremum digitum gracilis cerei igniculo admotum uri? Quanto maiores, sic uri manum integram? Sed quantò vel maximis maiores erunt dolores sic uri totum brachium? Quàm verò infandus erit cruciatus sic uri totum corpus? Licet ignis, qui urit, pictus videri possit. In Iapone hoc èvo lentis ignibus dirissimè torquentur Christiani. Inter hos Carolus Spinola fuit, cuius superiori Capite facta mentio. Hic cum aliis viginti tribus tam immane supplicium hoc modo subiit.

Ignis struebatur eminus, viginti quinque palmorum spatio à columnis Martyrum remotus, ut tantò acerbior, ac sævior esset cruciatus, quantò prolixior, atque ita prius lentè assarentur quàm arderent. Quin si quæ par-

te luculentior erumpebat flamma, protinus coërcebatur. Vincula verò non ferrea erant, sed viminea, quibus Christiani, laxè, obiter, ac ferè in speciem ad palum ligabantur, crudelissimo astu damonis, qui eò spectabat, ut Christi athletæ doloris acerbitate còpuli & vinculis facillimè ruptis, expedire se, atque flammis eripere nullo negotio possent. Hoc autem indicio conventum erat, ut Christum eiurasse censeretur, quisquis se incendio eripuisset. Interim igitur dum languendo flammarum ardore, ignis in viscera penetraret, corpore immoto stabat Carolus, oculis in cælum fixis, ubi post pauculas horas desideratissimis Christi amplexibus frueretur, cui corporis sui victimam in holocaustum destinabat. Duravit acerrimus ille cruciatus ignium ad duarum vel trium horarum spatium. P. Sebastianus Chimura, patrâ Iapon (uti certis tabulis testatur) manibus antepectus in crucem decussatis, oculisque in cælum sublatis, tres horas vivus stetit in ardente rogo. d

Tormentum horribile prorsus, nec verbis effabile, hominem igne eminus ac lentè admoto tribus horis torreretur vivum. Quodnam igitur tormentum, ô Deus, quàm infandum, quàm incomprehensum, non duas tresve horas, non unum alterumque diem, non annum annosque mille, sed æternitate torâ (quæ tamen nunquam tora erit) & corpus & animus uri, nec unquam comburi?

Hic vox & verba deficiunt. Nemo, non dicam satis eloqui, sed nec satis cogitatione complecti potest infinitam illam doloris acerbicatem. Divinam iram perhorrescens David: Devorabit eos ignis, inquit, Dominus in irâ suâ conturbabit eos. e Sicut in ultrinâ ferrum candens ita ignem imbibit, ut merus sit ignis, & ferrum tamen maneat, sic inferorum flamma, ipsis damnatorum ossibus, & ossium medullis implicabitur.

a *Virgil. eclogâ 8.*

b *Marci c. 9. v. 43.*

c *Ibid. v. 46. & 48.*

d *Combusti sunt An. 1622. die 10. Sept. Sabbato. Ita Herm. Hugo in vitâ Caroli Spinola c.*

18. pag. 175.

e *Pf. 20. v. 10.*



## §. II.

**A**ltera tartarei & nostri ignis differentia, splendor est & lumen. Ardet noster, & lucet; at tartareus, prout iustitia divina sanxit, ardet, sed non lucet, nisi in gravius tormentum, ut qui dum viverent societatem coierunt in nequitij, socios sese agnoscant in tormentis: ita fur adiutorem furem, lusor collusorem, adulter adulteram cernet & tabescet, malletque cœcus esse, quàm dolores alienos videndo facere suos.

Optimè dixit Isidorus: Ignis gehēnæ lucebit miseris ad miseriam augmentum & ad damnationem, ut videant impij unde doleant, & non ad consolationē, ne videant unde gaudeant. *a*

Tertia utriusque ignis differentia: noster consumit omnia, ille nihil. Quā in re locupletissimus testis Augustinus: Si Salamandra, inquit, in ignibus vivit, & notissimi Siciliae montes, totā diuturnitate temporis atque vetustate usque nunc, & deinceps flammis aestuant atque integri perseverāt, satis idonei testes sunt, non omne quod ardet, absumi: & anima indicat, non omne quod dolere potest, posse etiam mori.

His docemur, qua ratione hominum sempiterno supplicio punitorum corpora, & in igne animam non amittant, & sine detrimento ardeant, & sine interitu doleāt. Quis nisi Deus creator omnium dedit mortui tui pavonis carnibus, ut vel in annum solidum asservatu sint faciles? Quis paleæ dedit vel tam frigidam vim, ut obrutas nives servert, vel tam fervidam, ut poma immatura maturaret? Iam verò quā mirum est, quod cum calx extinguitur, tunc accenditur: Cur itaque facere non possit Deus, ut & resurgant corpora mortuorum, & igne æterno crucientur corpora damnatorum, qui fecit Mūdum in cælo, in terra, in aere, in aquis, innumerabilibus miraculis plenum, cū sit omnibus, quibus plenus est, procul dubio maius & excellentius etiam ipse Mundus miraculum. *b* Cur non dicamus quamvis miris, tamen veris modis etiam spiritus incorporeos posse pœna corporalis ignis affligi? Quod igitur de sempiterno supplicio damnatorum per suum prophetam Deus prædixit, fiet, omnino fiet: Veritas eorum non morietur, & ignis eorum non extinguetur. *c*

Quarta differentia: Noster ignis ad pabuli modum, vivit, augetur, vel deficit augete vel deficiente pabulo. At ignis æternus divina iustitia nutritur, nullo sopiendus mari, inextinguibilis est. Hæc una vox, *Inextinguibilis*, à Domino ter repetita, aut vitia nobis dislualerit, aut nos esse pecudes demonstrabit.

*a* *Isid. sent. l. i. c. 31 initio.*

*b* *August. tom. 5. li. 21. de Civ. c. 4. pluribus locis & c. 7. initio. & c. 9. ac 10.*

*b* *Is. c. 66. v. 24.*

## §. III.

**H**ic verò inferorum ignis cuiusvis noxia ac sceleribus attemporabitur. Iustitia divina eo ut flagello uteretur. Pro mensura peccati, erit & plagarum modus. *a* Quemadmodum è pluribus reis uno eodemque flagello alter altero acerbius puniri potest.

Hinc liquet infamia quorundam hominum vix sibi aliud quā inferos promittentium. Eorum voces sunt: Cū in via simus ad furuam *b* regna Proserpinæ, plenius eò velis invehiri placet. Curemus ut nobis bene sit, dum licet: plagas merebimur, mereamur illas insigniter.

Ite furiosi, ire & delictis affluere supremam felicitatem credite; hodie vino & plumis vos mergite, cras forsitan mergendi flammis. Omnes in Orco capitivi dirissimè cruciantur; ceteris ij dirius, qui Numen & gravius & crebrius offenderint: Dabit enim igne m & vermes in carnes eorum, ut urantur & sentiant in sempiternum. *c*

Hoc ignis æterni supplicium, optimè omnium, sensu meo, tamque succinè quā nervosè divus Prosper cogitādum subijcit. Illius verba cedro digna, hæc sunt: Continuus gemitus pœnalis sensus, dolor summus, cruciatus æternus torquent animas, neque extorquent, puniunt corpora, neque finiunt. Quemadmodum verò nullum est apud nos supplicium, quod igne acrius torqueat, sic nullum est quod citius torquere destinat, & consumat. Quis ergo ignis ille, qui & acutissimè cruciat, & cruciare nunquam cessat?

Moses cum vices divinas fungeretur, vocem reperit quā significanter admodum æternitatem vindicantis flammæ ingerens: Ignis inquit, succensus est in furore meo, & ardebit



bit usque ad inferni novissima. *d* Haudaliter Hieremias vates: Ignem, ait, succendistis in furore meo; usque in æternum ardebit. *e* Pulvis tormentarius quo æternus ignis succenditur, est *Furor Domini*. Dum vivimus non tam futorem, quam iram Numinis expectimus. Machabæe historia scriptor: Alienarus mente Antiochus, inquit, non considerabat quod propter peccata habitantium civitatem, modicum Deus fuerat iratus. *f* Profecto modicum Deus irascitur, licet magna vi brachia tollat, videaturque non perfuntorie flagellaturus: modica proflus etiamnum ira est, nam & clementiæ coniuncta est. Cum vero hæc ira spernitur, clementia ridetur, tandem patientia læsa fit furor, & in furore hoc ignis accenditur, arsurus æternum. Ignem hunc vos ipsi succendistis, inquit Deus, sceleribus namque toties repetitis clementiam meam ludibrio habuistis, iram meam tamen modicam impatientissimè tulistis, exleges, & omnis disciplinæ contemptores in vetitum corruistis. Iam tempus vindicandi est: horribilibus, inauditis vos supplicijs afficiam: Succendistis ignem in furore meo: Iam ardebit furor meus usque ad inferni novissima.

Natura quidem, quod Annæus asserit, aut tolerabilem facit dolorem, aut brevem. At naturæ opifex Deus in rebelles ac contumaces subditos suos, & longo, & intolerabili dolore animadverit: Longo certe, quia æterno, intolerabili, quia igne sævissimo.

*a* Deuter. c. 25. v. 2.

*b* Horat. l. 2. odâ 13.

*c* Iudith. c. 16. v. 21.

*d* Deut. c. 32. v. 22.

*e* Hier. c. 17. v. 4.

*f* 2. Machab. cap. 5. v. 17.

## § IV.

**H**ic omnes quotquot Christiani sanguinis sunt rogo atque obsecro quam maxime, si quid ægrimonix aut doloris urat, si podagra, si calculus, si quis alius morbus aut molestia infestet, prima omnium cogitatio sit ista: molestia hæc aut dolor si annis decem, si centum, si annis mille duret, an non ad inferos deiectum te credas? Ad eum verò amoliendum quid facias? Fac illud iam ad evitandum os dolores æternos. Et scito molestiam

quam pateris, licet gravissimam, dolorem quem sentis, etsi maximum, nec umbram quidem inferorum esse. Hic Deus una tantummodo manu, eaque parcente ac lenta leniter ferit, illic utraque & quidem ferrea rigidissimè & accerrimè cædit: hic uno sæpe digito tantum impellit omnibus illic digitis, tota manu flagellum vibrat.

Christianus heros Eustachius ( cuius supra mentio ) cum vxore ac liberis in candentem æneum bovem inclusus dirissimè cruciatus est; ingens nihilominus hoc illi solatium erat, & finis brevi adfuturus, & præmium beatitudinis nunquam finiendum. Hæc cogitemus.

Ignes æternos religiosissimi quique viri assidua cogitatione velut contrectabant. Narrat è Græco Palschafius Diaconus Anachoretas duodecim velut in senatum ventasse, & pro se quemque dixisse, quid sibi videretur ad id temporis profecisse, & quid potissimum contemplatione expendisset. Vbi suam singuli sententiam dixissent, duodecimus, & in dicendo ultimus, quid animi sui esset exposuit. Verba illius integrè ac bona fide admetiar, ut suis religiosæ simplicitati ster color. Ita dixit: Vos quidem Patres, cælestem habentes conversationem, cælestem & sapientiam possidetis. Nihil mirum. Ego verò me his indignum iudicans, video quod peccata mea, ubicumque iero, præcedunt me semper ad dextram, & ad sinistram: in infernum verò adiudicavi meipsum, dicens: Esto cum his quibus dignus es, istis post modicum annumeraberis. Video igitur ibi pæres gemitus, & incessabiles lacrimas, quæ à nullo referri queunt. Aspicio quosdam stridentes dentibus, & salientes toto corpore, & trementes à capite usque ad pedes. Et iactans me super terram & amplectens cinerem deprecor Deum, nunquam casum me illorum experimenta accipere. Video & mare ignis bullientis immensibile, & circumfluentes, & mugientes, ut putent aliqui usque ad cælos attingere fluctus ignis, & in tremendo illo mari innumerabiles homines deiectos, & una voce omnes clamantes & ululantes simul, quales nemo super terram ululatus & voces unquam audierat, & sicut arentia omnis virgulti cremare: misericordia autem Dei averte te



ab illis propter iustitiam. Et tunc lamento genus hominum, quò audeat loqui, vel cui libet attendere, tantis in Mundo repositis malis. Et in his teneo mentem meam, luctum meditans, quod ait Dominus, indignum me cælo & terra iudicans. reputansque quod scriptum est: Factæ sunt mihi lacrimæ meæ panes die ac nocte. *a b*

Hunc apud se calculum complures posuerunt: En, aiebat quisque sibi, penas immortales iam pridem meritis es, neque id semel dumtaxat. An verò Deus tuam omnem culpam aboleverit, chirographo testari non potes? abolitam speras, aut certè abolendam, & rectè facis. Sed vide, cautus esto, & sollicitus an bula cū Deo tuo, hoc enim Dominus requirit à te. *c* Et hoc est mature sibi sapere.

*a Paschas. apud Rosveid. c. 44 n. 12.*

*b Ps. 41 v. 4. c Michæ c. 6. v. 8.*

#### § V.

**S**ed quàm multi alia omnia faciunt? Nummos tam anxie corradunt, perinde si eos illaturi sint cælo. Honoris & existimationis fumum, ut rem sacrosanctam summo studio tuerentur; mori mallent quàm despici. Nonnunquam tamen hi ipsi aliorum famam varijs obrectationibus lacerant, & tanto acerbius de alijs, quantò de seipsis benignius loqui solent. Multorum ea una cura est, curate cuculam, & genium non facile fraudare ulla, quam appetierit, voluptate.

Ita ad eternitatem tendimus futurorum improvidi, immemores præteritorum, in præsentia pronissimi. Sic plerique mortalium vivunt: alijs cum arca, alijs cum ventre negotium est: nemo non serius sibi videretur, cum maximè nugas agit. Vitia tam ubique obvia secundis progressibus, ut cælum & inferi vix inter seria habeantur.

Vesani mortales! Discamus obsecro nostros impetus obiecto igne hoc æterno restinguere. Furiosissimis ignibus nò malè còferuntur Ira & Libido, affectus impotētissimi, nec ulla ferè vitia tam concitato impetu, quàm data porta, ruunt. Libido velut infrenis equus, aut mannulus indomitus rationem omnem excutit. De hoc monstro eleganter Gregorius Nazianzenus Poëtes non ignorat:

*Que vult in vetitum damni secuta libido. a*

Iracundiam Paulus Orosius *b* egregie depingens: Furor, inquit, consilij expertus dolorem & vindictam putat esse virtutem; quantumque meditatur ira, tantum promittit audacia. Iram, tyrannicum affectum rectè nominat Chrysostomus. Etenim nihil æquè tranquillitatem animi turbat, atque ira impatiens freni. Hos ignes æternis ignibus domemus.

Medicorum scitum est: Ignis igni remedio est. Nam cū digitus aut manus ustulatur, remedium vicinissimum est ustulatum membrum aut ardenti cereo, aut gliscenti foco, aut vivis carbonibus admove. Sic ignis ignem sui similitudine attrahit. Eandem ob causam incendia tormentis quæ petuntur, ut lectiorem flammam violentior domet. Heu! quoties cor nostrum cupidinibus malignis ardet? Ergo in hoc incendium, bis terve emittatur illud ingens tormentum bellicum (*Ita maledicti in ignem æternum*: Quid agis miser, perire vis: facillimo istud impendio fiet: hora una, imò vel unica parte horulæ, imò momento vel unico per iram aut libidinem patras, quod æternum doleas. Atque sic ignem iræ superet ignis gehennæ, flammæ libidinis expugnet flamma Stygis. Et sunt quæ horum subinde moneant.

*a Naz. in sacr. carm.*

*b Oros. l. 2. contra pagan. c. 16.*

#### § VI.

**Q**ui originem familiæ Carthusianæ consideravit, neminem ex ea facile unquam aspiciet sine gemitu. Historiam notam in compendium conféro.

Vir literatus Parisijs, morte obita, cum inferiæ canerentur in templo, è feretro assurgens, voce horribili exclamavit: *Iusto Dei iudicio accusatus sum*. Dilatum ergo funus in posterum diem. Iterum eadem cantantur, cū defunctus iterum vociferatur è tumba: *Iusto Dei iudicio indicatus sum*. Necdum, quid coactum, liquebat. Dies ergo tertius expectandus. Eadem fiunt quæ diebus prioribus. Et mortuus tertium è sandapila proclamatur: *Iusto Dei iudicio condemnatus sum*. O vere ter miserum, qui eternum erit! Et quod nemo non contremiscat: Vir iste omnium calculo vir sanctus &

vita




vita integer habebatur. Adeo fallunt humana iudicia. Vrbis Parisiorum uniuersa rei gestę testis. Hoc Bruonem cum focijs exegit urbe, hoc in avia nemora rupesque desertissimas expulit, ubi cælum potius habitare discerent quàm terram. Hæc Carthusianæ familiæ origo. *a*

Hic ferò cogitandum: Itane homines eruditi, & humano sensu sancti accusantur, iudicantur, damnantur? Quid me fiet misero? Ergo animum quantis possum industrijs curabo. Alij se suamque cuticulam curent æternitatis obli, vigeant, floreat, cras forsitan cinis & favilla. Hos ego mores nil moror, hauc ego viam non ingredior, nam & alium viæ terminum quaero. Si ego Carthusianos, asperros montes habitare non possim, illas saltem latebras, ubi estur, ubi potatur & luditur, declinabo; si non carniū esum, saltem carnis petulantias ciurabo; si non æternū silere quēam, ab obtrẽtationibus saltem & lascivis colloquijs abstinebo; si non dies noctesque, religioso ritu, in templo sim, hoc certè agam ut nulla mihi labatur hora, quā Dei non meminerim. Et quęcunque in posterum mihi fuerint perferenda, non tantū exigua, sed nulla esse dicam ad æternitatis ignes collata. Quo quidem sensu Augustinum verissimè locutum veneror: Quæ quisque, aiebat ille, gravia valde patitur in hac vita, in comparatione æterni ignis, non tantū parva, sed nulla sunt *b*

Sic est omnino, omnes dolores nostri ludicrum quid & leves mortuiculę sunt ad æternitatis supplicia. Minimum apud inferos tormentum maius est, quàm sit maximum in Orbe hoc nostro. Morborum cruciatus tolerabiles faciunt intervalla, quę in Orco nulla. Dolorem sentite tunc nos desinimus, si nimium sentimus. Nemo potest valde dolere, & diu, nisi apud inferos. Sic enim mitis natura disposuit, vel dolorem faceret, aut brevem, aut toleratu non adeo difficilem. In gehennā & intolerabilis est dolor, & longissimus, quia æternus.

*a Capit. ea Anno Christiano 1082.*

*b Aug. tom. 10. ferm. 109. mihi pag. 298.*



## CAPVT VII.

*Sextum Æternitatis Tartaræ tormentum.*

VERMIS CONSCIENTIÆ.

**G**emma priscorum Patrum & Antistitum sidus Augustinus experientia cōvenientissimè dixit: Inter omnes tribulationes humanæ animæ nulla est maior tribulatio, quàm conscientia delictorum. *a*

Grande supplicium est patri, si filij supplicio capitali debeat interelle spectator; sed multò maius est, si ipse pater cogatur esse carnifex; longè maximum, si patibulum, cui filius suffixus, ante ædes statuatur, quotidie aspiciendum. At hæc omnia, & ludicra, nulla sunt, ad illud supplicij genus, cum suus ipse carnifex est reus, cum seipsum dentibus commordet, dilaniat, laceratque moribus conscientia perpetuis.

Et hoc Æternitatis lucuosissima sextum est supplicium, quod Christus concione unicā, imò unicā concionis epilogo teritidem repetijt: Vbi vermis eorum non moritur. Mox idem ingeminat: Vbi vermis eorum non moritur. Sed & tertium hoc inculcaus: Vbi vermis eorū. ait, non moritur *b* Nec aliter Ilaia, qui & ipse conciones suas non alio clausit epilogo quàm eodem isto: Vermis eorum non morietur. *c* Ingens, inexplicabile hoc supplicium sit necesse est, de quo nos plura.

*a Aug. in Ps 45. mihi pag. 170.*

*b Marci c. 9. 44 46 & 48.*

*c Is. c. 66. fin.*

## §. I.

**Q**uam turbata conscientia tormentum sit vel prisci idololatæ satis exploratum habuerunt, Rhetor è Latio Quintilianus: O tristis recordatio, exclamat; o tormentis omnibus gravior Conscientia! Eadem omnium sapientum vox est, Sanctissimus Pontifex Gregorius: Inter multiplices, inquit, humanæ animæ tribulationes & innumerabiles afflictionū molestias, nulla est maior afflictio quam conscientia delictorum. *b* Verè ni-



hil est miserius, quàm animus hominis malè sibi conscius. Hic consentiamus, ait Seneca, mala facinora conscientia flagellari, & plurimum illi tormentorum esse, eò quòd perpetua illam sollicitudo urget ac verberat. Malitia ipsa maximam partem sui veneni bibit, ipsa sibi supplicium est; Nemini bene est nocenti.

Hæc suo quoque calculo cõsignans, quem dixi, Augustinus: Seipsum, inquit, quò fugiturus est homo? quocunque fugerit se, talem trahit post se, & quocunque talem traxerit se, cruciat se. Ipse est pœna sua, quem torquet conscientia sua. Deus scit tantam pœnam animæ, tantas cruces, tantas gehennas, tanta tormenta. Quot hominis vitia, tot animæ tormenta, tanto autem acerbiora, quanto interiora.

Et in prõptu ratio est: Cum undique omnia sunt adversa, cum cælum & terra infestant, etiamnum superest suffugium ad Deum: etsi nemo soletur, satis solatorum est Deus. Sed si conscientia sit inquinata, nihil uspiam nec in rebus conditis, nec in conditore solatij est repetire; omnia acerba, fellea omnia. Et quò profugias? ad Deum? Hostis est. Ad conscientiam? Carnifex est. Ad divos cælitæ? Offensi sunt. Ad socios? Augebunt cruciatus. Ad delicias & voluptates? Conscientiam magis inquinabunt. Verè, non est pœna gravior prava conscientia.

At dum vivimus hoc conscientie macellum suas habet ferias. Subinde hos oblatrantis conscientie morsus nonnihil distinemus, aut arte fallaci eludimus, aut certè delinimus, nunc legendo, nunc laborando, nunc colloquendo modò hilarius comessando, modò huc illicque commigrando, & saltem dormiendo hos angores fallimus: At verò in illà Crudelitatis arce, in regno diaboli nulla quietis intervalla, interspirationes nullæ, non somnus, non quies, nulla lectio, nullæ comestationes, consolatio nulla, dies noctesque conscientie vipera laniatum undique pectus perrodet: Vermis eorum non morietur,

a Quintil declam. 12. parag. 38.

b Greg. in Psal. 143.

c Suetonius in Tiberio. d Sen. ep. 97. fine.

e Aug. in Psal. 45. mihi pag. 170. & in psal. 36. pag. 117.

Plurima sunt, ob quæ singulariter illos æternæ noctis inquilinos torquet cõscientia. Primum omnium, *Amisio æterna gloria*, Obleratum est cælum, obleratum est Tartarum, nullus hinc transitus illuc. Actum est, epulum cæleste neglectum est, neglectu irreparabili. Spes nulla beatitudinis.

Esau homo rudis, & qui à feris quas instabatur, feritatem hauserat, nihilominus indignissimè tulit faustam parentis precationem à fratre sibi præreptam. Nam auditis sermonibus patris, irrugit clamore magno, & consternatus, ait: Benedic etiam & mihi, pater mi. Vt verò rugient damnati, conscientia cuique eorum opprobante: Benedictione patris perdidisti, ius & spem cæli omnem amisisti, pro lenticula vilissima vendidisti regnum. Maledictus es, exclusus, exclusissimus es à cælo in omnem æternitatem. Verum qui te cœpit rodere, non excuties à te amplius. Tuis ipse auribus decreti iudicis audisti: Ite, discedite à me maledicti in ignem æternum, qui paratus est diabolo & angelis eius.

Hoc regnum Satanæ destinatum, hos vermes impiorum lanienæ paratos poeta vetus, Christianus, non ineleganti metro, sic ob oculos ponit:

*Præscind inde Pater liventia tartara plumbo  
Incendit liquido. piceasque bitumine fossas  
Infernalis aqua furuo suffodit Averno,  
Et Phlegæont eo sub gurgite sanxit edaces  
Perpetuis scelerum pœnis obrodere vermes. b*

Inter hæc vermium examina cernent damnati, ut divus Gregorius arbitratur, beatorum gloriam: Ut peccatores, inquit, in supplicio amplius puniantur, & eorum vident gloriam quos contemplerunt, & de illorum etiam pœna torquentur, quos inutiliter amaverunt. Ita cælitum felicitatem damnati vident, sed velut eminus: d perinde si quis è turri præalta qua clausus, & in qua fame diuturna confectus, inter fœtores & vermium acervos despiciat in hortos amœnissimos, ubi complures inter se amicissimi voluptatibus affluant: ah, quàm cruciabilis est hic aspectus! Hoc cernere, est suas sibi pœnas augere.

Famelicus si mensam cernat epulis refectam, nec tangere audeat, plus esurit, præsertim



seruim si ipse sua se culpa paratis epulis privarit. Non aliter damnati: Famem patientur ut canes. Et itaque illos conscientia sic torquet, ut quicquid oblectare potest, cogitare non possint. Rea conscientia velut rabidus canis assiduò latratu & morsu in desperatissimam rabiem ager miseros. Sic ulcisci se solet conscientia, cum moneret, non audira.

a Gen. c. 27. v. 34.

b Prudentius contra Marcionitas.

c Greg. 10. 3. hom. 40. in Euang. mihi p. 139.

d Vitiis, solo intellectu, non oculis. Gregorius dicto loco alium addit videndi modum.

e Ps. 18. v. 7.

## S. III.

**A**lterum, quod damnatis conscientia exprobrabit, est *Virtutis neglectus, & Noxarum cumulus*. Omnia ordine conscientia velut è syllabo recitabit, quæ perperam facta, quæ socorditer omissa. Inde omnes illi sceleratæ stultitiæ seipsos accusabunt; sua cuique conscientia socordiam exprobrans: Et quoties, dicet, precari debuisses, cum aut somno aut lussibus vacares: preces tuæ & raræ & ignavæ, ac somniculosæ: iam luis. Quoties ieiunium tibi servandum, cum gulæ malles quàm sacris legibus parere: iam luis. Quoties sine rei familiaris dispendio stipem erogare potuisses, cum tu avaritiæ potius quàm misericordiæ studeres: iam luis. Quoties monitus, quoties rogatus es, ut inimicis veniam dares, ut iniurias oblivione Christianâ digereres, & noluisti: iam luis. Quoties in rebus adversis patientia tibi commendata est, & noluisti esse pariens: iam luis. Quoties Humilitatis & Charitatis actiones, quæ solius voluntatis sunt, exercere potuisses; non hic laborandum, nec currendum, nec sudandum aut algendum fuisset; sine flagris, sine ciliciis, sine rigoribus aliis hæc facillimè fecisses; & noluisti: iam luis. Ad sacramenta percipienda quoties invitatus, tractus, rationibus impulsus es, & venire noluisti: iam luis. Occasio tibi nunquam defuit, tu semper occasione. Potuisti, & noluisti: lue iam, lue nequitiis. En tua tot tamque gravia flagitia; cum tamen longè suavius virtuti licuisset operari quàm vitis.

En perditissime, inter iocos & lusus perdidisti regnum: potuisses esse felix æternum,

modò voluisses: brevi ac levi labore beatam immortalitatem tibi parasses, modò voluisses. En stultissime, pro carnis voluptatula, pro spurcâ & momentaneâ oblectatiuncula immensas vendidisti voluptates. Nimirum tua tibi caro quàm cælum carior erat. Sentis iam quas delicias sectatus fueris? Prædixi, monui, vellicavi. Sed actum egi, nihil profeci, oleum & operam perdidi. Nunc vindico, nunc spes & res abs te segregant, sed tua solius culpa.

En impurissime, ut delectatiunculas sordidissimas pauxillulo temporis retineres, perdidisti omnia. Procul nunc à te honores thesauri, voluptates beatorum, ad quas omnis tibi via intercepta est. Hæc tibi tormenta libidines tuæ pararunt, in hos ignes tua te præcipitavit incontinentia: tuam illam hilarem, sed brevem insaniam, nunc luis æterno luctu. Desperatè ploras paradisi gaudiis te privatum? tu ipse te privasti. Acerbissime doles perenne cæleste epulum neglectum? tu neglexisti. Obseratam tibi cæli ianuam lamentaris: tu eam ipse tibi obserasti. Ex toto beatissimus iam esses, modò esse voluisses. Facili operâ cælum emereri licuit: sed differendo & negligendo huc sponte irruisti cæcus, & amens, hinc nunquam exiturus amplius. Nulla hîc libertas, nulla salus. Desperantes, sexcenties, despera millies, æternum desperaturus; æternum moriturus, & ad mortem nullis sæculis perventurus. A vultu Dei proiectus es, quia te ipsum ab illo avertisti. Non aliena, sed tua culpa peris, æternum periturus.

Hæ conciones erunt conscientiæ, sed seræ nimis & acerbæ. Ad irritum spes omnis cecidit.

Earum virum est pœnitentia tempestiva, ut culpas omnes deleat, & pœnas culparum reliquias pariter tollat, aut certè minuatur, nec non divinos favores augeat. Idcirco ille eremi angelus Ioannes hoc unum assidue concurrentium auribus instillabat: Pœnitentiam agite; appropinquabit enim regnum celorum, agite pœnitentiam. a Nil horum potest Pœnitentia in Proserpinæ culina, culpam nec minimam eluit, nil pœnæ demit, nil gratiæ divinæ reddit. Hostes Dei sunt, quos tunc primò pœnitet, nil impetrant, serò nimis sapiunt hi Phryges.

Hæc



Hæc omnia illi cælo proscripti non ignorant, hinc vermis eorum non moritur. Scelerum quæ patraverunt, velut in tabula descripta vident, & exhorrent. Ridiculam pompam, vestitum luxum, & omnem vanam gloriam detestantur: iudiciorum suorum temeritatem, & invidentiæ labem: avaritiæ sordes, & omnis luxuriæ carnium execrantur furiosè. Cernunt infelices lascivarum cogitationum suarum immensos aggeres oculis oppositos. Intemperantiæ suæ turpitudinem, desidii suæ mollietatem & veterum, voluptatum suarum fallacias, impurissimæ Veneris blanditias abominantur, sed hæc omnia serò nimis. Acerbissimo planctu sed irritò vociferantur: Transierunt omnia illa tanquam umbra, & nos in malignitate nostra consumpti sumus. Potuimus cavenda fugere, exercenda facere potuimus, & noluimus. Hoc æternum occentabit conscientia. Vermis eorum non moritur.

a Mat. c. 3. v. 2.

b Sapient. c. 5. v. 6.

#### S. IV.

**T**ertium quo præcipuè Conscientia domesticos cacodæmonis torquebit, est *Aspernatio divinæ gratiæ*. Iobus calide optaus: Quis mihi tribuat, inquit, ut sim iuxta menses pristinos, quando lavabam pedes meos butyro, & petra fundebat mihi rivos olei? Hoc nimum quantum urit, à summis opibus ad incitras devolvit. Non nesciunt damnati quantis olim divitiis affuxerint. Illis ius cæli transcriptum erat: hæredes regni potuissent esse, modo voluissent. Recordantur divinæ gratiæ butyrum copiosissimè sibi fluxisse, quo lavari licuisset, id tamen à se repudiatum esse. Meminerunt olei rivos è petra, divini amoris & misericordiæ fontes è Christo sibi emanasse, hæc omnia tamen suo vitio à se neglecta. Iam clamant, sed frustra: Quis nobis tribuat, ut simus iuxta menses pristinos, quædo lavabamus (certè lavare poteramus) pedes butyro, & petra Christus fudebat nobis rivos olei, sanguinis sui. Iam nec olei, nec butyri guttula fluit amplius, Divinæ misericordiæ fons exaruit: divini favoris rivuli sunt exiccati. Cælestis agni sanguis pro nobis frustra fusus est; cruciatus & mors Christi nobis non profuit amplius; incassum recidit omnis impensæ. Eheu,

actum est de nobis.

Atque hoc lacerabit cor damnatorum, quod opera levissima, quod sola robustiore voluntate cælo se asserere potuerint, & tamen noluerint: quod gratiæ millies oblatam recusarint millies. Inde in seipsos furenter exardescunt miseri, & assiduo sibi ipsis lugubrem hanc cantilenam occinent: O tempus rerum omnium pretiosissimum! ô dies, & ô horæ plusquam auræ, quod evanivitis, æternum non reddituræ! Nos cæci & excordes, obstructis oculis & auribus libidine furebamus, & mutuis nosmet exemplis trahebamus ad interitum. Huc properavimus infelicissimi & monitis omnium spretis cucurrimus ad mortem, heu mortem æternam! Quid nunc omnia, quæ fallacissimus Mundus offerebat, iuvant? Oblectationum priorum meminisse mors est. Voluptas omnis avolavit & evanuit. Et quavis aliquot annorum centuriis eâ licuisset frui, quid illa gaudia fuissent ad hæc tormenta? Ah! umbram solum captavimus amaræ voluptatis. Quis nos tam crudeliter fasciavit?

O si annis singulis æternitatem vel semel seriò perpendissemus! O vel dieculam, ô vel horulam unicam impetrare liceat!

Sed frustra sunt hæc vota: actum est, spes omnis præcisa est. Maledictus ergo dies quo nati, maledictus Deus à quo conditi sumus.

Hic stylum pono, & impias voces illuc remitto, unde prorruperant. Mature sapiat & caveat, quisquis hanc conscientiæ lanienam formidat.

a Iob. c. 29. v. 2. & 6.

#### S. V.

**I**ncredibile videretur, nisi testes loquerentur oculi, quæ in rebus fluxis curandis industrii ac solertes, quæ attenti & assidui, quæ vigilantes & acuti, quæ scientes & gnavi, quæ cati cautiq; sumus: nimirum cum corporis negotiū agitur; nemo non sapit, nemo non vigilat, nemo non impiger ac sedulus est; hic vivimus, hic volamus. Videre mihi vestes elaboratissimæ & exquisitissimè factas, videte picturas, & fidicia, sculpturas, videte candidissimam sindonem, tenuissimam byssum velut aranearum operas, videte artificiosa horologia, exactissimam Musicam, laboriosissimam mercaturam; quàm in artibus tractandis, in negotiis conficiendis,

in opi-



in opibus struendis, in honoribus obtinendis acres & indefessi sumus; at hæc omnia caduca sunt, fluxa sunt, momento transeunt.

Cum autem pro cælo laborandum, heu quam inertes & stupidi, quam desides & supini, quam frigidi sumus & somno pleni! Hac unâ in re solutè ac negligenter agimus, languemus, cessamus, iacemus. Verissimè dictum: Pro modicâ præbendâ longa via curritur, pro vita æternâ vix pes semel à terra levatur. *a* Hic plerique omnes torpemus; vigilat dormon, nos dormimus. At ubi demum seriò evigilaverit conscientia, non ampliùs sopiri poterit; uret, mordebit, anget, torquebit in omne ævum. Vermis eorum non morietur.

Hic Vermis infandis doloribus, & tristitiâ pascitur inconsolebili. Dolent damnati amissam beatitudinem, & quidem sine spe ulla reparandi tam immensam iacturam: in dolorum mare præcipitados suâ se stultitia indefinenter cogitant: Neque moestissimam hanc cogitationem alia unquam latiore fallere licebit.

Hæc Bernardus attentiore animo contemplatus: Quid tam pœnale, inquit, quam semper velle quod nunquam erit, & semper nolle quod nunquam non erit. In æternum non obtinebit quod vult; & quod non vult, in æternum nihilominus sustinebit. Nullus de tanta numerositate spectantium molestior oculus suo cuiusque. Non est aspectus sive in cælo, sive in terra, quem tenebrosa conscientia suffugere magis velit, minùs possit. Non latent tenebræ vel seipfas. Se vident, quæ aliud non vident. Opera tenebrarum sequuntur illos, nec est quò se abscondant ab illis, ne in tenebris quidem. Hic est vermis qui non moritur, memoria præteritorum. Semel iniectus, vel potiùs innatus per peccatum, hæsit firmiter, nequaquam deinceps avellendus. Nec cessat rodere conscientiam, eaque pastus, esca utique inconsumptibili perpetuat vitam. Horreo vermem mordacem, & mortem vivacem. Horreo incidere in manus mortis viventis, & vitæ morientis.

Itaque durante anima durat & memoria, Sed qualis? Fœda flagitiis, horrida facinoribus, vanitate tumida, contemptu hispida & neglecta. Quæ priora trāsierunt, & non transierunt. Transierunt à manu, sed non à men-

te. Quod factum est, factum non esse non potest. Proinde etsi facere in tempore fuit, sed fecisse in sempiternum manet. Non transibit cum tempore, quod tempora transit. In æternum ergo necesse est cruciet, quod perperam te egisse in æternum memineris. *b*

*a Imitatio Christi l. 3. c. 3. na. 2.*

*b Bernardus l. 5. de Considerat. ad Eugen. c. 12. mihi pag. 901.*

## S. VI.

**E** Divi Domini familia theologus & præpiscopus, historiarum evi sui fidelis scriptor, rem miram narrat in hunc modum, Præsul in Germania fuit, princeps sanguine, moribus vitæque degener. Hic primò quidem vecundius inhiare auro, libidini furtivè indulgere, ita sensim progredi, nec mores emendare, effulsit demum habentis in vitium ruere, rapinis & luxuriæ liberè vacare. Varia in illū Deus animadversione usus est, modò moribus, modò miseris aliis invitans ad meliora. Sed frustra. Tandem prout vitam egit iniquatam, sic mortem obiit non piam. Ea ipsa hora Conradus Hildemensis episcopus ad preces matutinas surrexerat. His finitis ad suos sese libros contulit, in diem sequentem ad dicendum se paraturus. Hic ille à sensibus aliquantisper abductus, videre sibi visus est Præsulem tiara insignem, sed velata facie ad tribunal iudicis rapi. Mox aderant qui accusarent, rapinis potissimum & libidinibus infamem reum. Hic iudex confessoribus: Examine, inquit, causam, & dicite sententiam. Examinarunt, dixerunt. Nec mora: satellites adsunt, & iudicum sententiis damnatum, mitra, annulo, veste sacra, ceterisque ornamentis exuunt, eaque ad pedes, supremi iudicis abijciunt. Assessores loco confurgunt, & illud unum, dum abeunt, in iudicii clausulam pro se quisque dicunt: Ergo, *dum tempus habemus, operemur bonum ad omnes. a*

Hæc Hildemensis episcopo spectata, qui ubi ad se redijt, secum ipse inquirere cœpit, quis præsul ille miserabilis eo tempore obijisse credi possit. Dum hæc animo versat, en ad portam adest qui sensus nuntiat, priori vespere suum dominum (nominavit) in proximam villam venisse, iam morte subitâ extinctum. Conradus ad fatum tam lacrimabile altum ingemiscens



ingemiscēs, non sine lacrimis illud secum reperebat noctes & dies toto animo cogitandum: Dum tempus habemus, operemur bonum ad omnes. *b* Conscientia impura iam malè quieta, æternis furijs agitabitur.

*a Gal. c. 6 v. 10.*

*b Thom. Cantip. l. 1. c. 3. n. 1.*

## §. VII.

**I**ncredibilis vis est conscientia, maxime verò post actam huius vitæ fabulam. Nam coram Deo ad suas quisque labe sic erubescet, ut, quamvis panderetur cæli ostium, & illotus ad ingressum inuitaretur, suas tamen ipse maculas & perhorrescens & fugiens, recusaret ingredi, dum sordes omnes expiasset. Adeo suam ipsam sæditatem erubescit & averfatur Conscientia.

Ergo, dum tempus habemus, operemur bonum ad omnes. Nam, ut Augustinus ratiocinatur: Quisquis nullâ se adulatione seducit, satis intelligit, cum quantâ penuriâ perfectæ iustitiæ peregrinetur à Domino.

Hoc iam agamus, & loquentis conscientia monita non repugnanter accipiamus. Nunquam muta est Conscientia, si sedatum & attentum habeat auditorē. Et reverà hoc unice prodest, hunc vermem animo inhærentem ita iam sentire, ne sentiatur æternum. Bernardus id asserens: Optimum est, inquit, tunc sentire vermem, cum possit etiam suffocari. Itaque mordeat nunc ut moriatur, & paullatim desinat mordere. Mordendo rodat interrim putredinem, ut rodendo consumat, & ipse quoque pariter consumatur, ne foveri incipiat in immortalitatem.


Ergo satius est iam monitricem, quam illic iugulatricem pati conscientiam. Nam (quod idem Bernardus cogitandum subijcit) Extorres cælo in carne cruciabuntur per ignem, in spiritu per conscientia vermem. Ibi erit dolor intolerabilis, timor horribilis, fœtor incomparabilis, mors animæ & corporis, sine spe veniæ & misericordiæ. Sic tamen morientur, ut semper vivant; & sic vivent, ut semper moriantur.

Quid agimus mortales? vita brevis, via longa, terminus viæ dubius, tempus exiguum, nil certius morte, nil mortis horâ incertius,

supplicij & præmij æterna duratio, & à modo mento utraque pendet Æternitas. Quid, o mortales, quid ergo agimus?

*a Bern. de Convers. ad Clericos, cap. 6.*

*b Idem l. de Animâ c. 3. med.*



## CAPVT VIII.

*Septimum Æternitatis Tartarea tormentum,*

## LOCVS &amp; SOCIETAS.

**V**ir censorius notissimæ virtutis M. Cato, eos qui empturi erant agros, monere solitus est, viderent ante omnia, num bonos habituri essent vicinos. Grande malum, vicinus malus.

*Mantua va misera nimium vicina Cremona.*

Proinde scitum est illud Themistoclis apud Plutarchum, qui prædium venditurus, hoc quoque præconem addere iussit: Quod vicinos haberet bonos. Domus incommoda & ruinæ proxima, si vicinos insuper malos habeat emptorem habebit neminem.

Omnes cælo proscripti eas habitationes incolunt, ad quas haræ nostræ, & canum caveæ, palatia & regum conclavia videri possunt. Accedit, quod veteri verbo ferebatur, verè saluaginosa vicina, diabolorum & damnatorum hominum tot centena millia, tot myriades ac milliones, Dei capitales hostes omnes qui vel paradysum adducant in fastidium.

Atque hoc septimum est Æternitatis luctuosissimæ supplicium, LOCVS & SOCIETAS, ille miserabilis supra omnem modum, ista nimium detestabilis. Iudex sententiâ decretoriâ utrumque complexus: Domus hæc ignea, dicit, hic carcer funestissimus, qui paratus est diabolo & angelis eius, b non vos initio spectabat: Sed quia hostium meorum familiaritas gratior vobis fuit quam omnis favor meus, Itenunc, ite, & illorū vobis habitatio nō displiceat, quorū olim societas tantopere placuit, Itenunc in ignem æternum, qui paratus est non vobis, sed diabolo & angelis eius. Fit nonnunquam ut magister, in scholâ in unius noxam iubeat ligari virgas, sed quoniā eadem deinceps culpa plu-



pa plures involvit. Hæ virgæ, inquit, non in vestrum ligatæ sunt caput, sed quia in eandem cum immorigero illo incurritis noxam, eandem cum illo subibitis pœnam.

Ita Christus suis hostibus: Angelorum societate vos frui volebam; paradysus vos expectabat, sed quia omni excussa disciplina non mihi obtemperastis, sed diabolo: Ite iam, ite, ite, & diaboli spelæum habitate; in societate, quam ipsi constastis, perdurate. De hoc loco, atque de hac Societate nunc porro agendum.

a *Virgil. eclogâ nona post init.*

b *Matth. c. 25. v. 41.*

## S. I.

**A**Ntequam locum subeamus, loci custodem videamus. Olim Trimalcionis domum ad sinistram intransibus non longe ab ostiarij cella, canis ingens catena vinctus, in pariete erat pictus, superque quadrata littera scriptum: CAVE, CAVE CANEM.

Ad ingressum balnei Avernalis prisca affingebant canem Cerberum. De hoc vates Cordubensis:

*Post hac avari Ditis apparet domus.*

*Sævus hic umbras territat Stygius canis,*

*Qui terna vasto capita concutiens sono*

*Regnum tuetur, sordidum tabo caput*

*Lambunt colubri, viperis horrent inha,*

*Longusq; tortâ sibilat caudâ draco.*

*Par ira forma ——— b*

Non unus talis apud inferos canis est. Tot Cerberi quot diaboli, Cerberis omnibus terriores. Hic scribo, hic vociferor: CAVE, CAVE CANES. Sed ipsum iam locum inspiciamus.

Episcorum Patrum & Theologorum placitis est, illætabiles illos inferorum recessus medio terræ sinu latere. Affirmant id sacræ paginæ. Nam ubi rebelles Mosi à Dei populo secessionem fecissent: Dirupta est terra sub pedibus eorum & aperiens os suum devoravit illos cum tabernaculis suis, & universâ substantiâ eorum, descenderruntque vivi in infernum, operiti humo. & Iure suo hic improborum carcer loco infimo est, uti beatorum sedes amœnissimæ loco summo ac nobilissimo.

De carceris illius capacitate sic ratiocine-

mur: Si æternæ mortis damnentur trigiesies aut etiam centies mille milliones hominum, sive, 10000000000. Flammeus autem hic carcer, secundum omnem altitudinis, latitudinis, ac longitudinis dimensionem unum milliari Germanicum complectatur; satis omnino spatij habebit, ad obstupescendum illum numerum hominum complectendum. Carceri conveniunt angustię. Pars liberatis est laxè habitare. Atqui grex damnatorum, canes illi ac porci in arcto habitabunt, eruntque sicut uvæ in torculari, aut salsæ haleces in orcâ, aut sicut lateres in fornace calcariâ, aut sicut ligna in rogo, aut sicut prunæ in ignitabulo, aut sicut oves iugulatae in macello; & arcte scilicet & compressè vincientur. Angustię carceris, & mutua reorum compressio ad pœnarum acerbiterem facit. In exiguum hunc Orbem contrahet Deus sentinâ & faciem Orbis.

In Orbe hoc nostro vel maximum gaudium turbat loci foeditas. Quis in officinâ liquati sevi, aut macerati corij, quis in Augiæ stabulo, aut in antro putrescentium cadaverum pleno voluptatem sentiat, præsertim si dies noctesque illic hærendum? Tam inamœnus loci squalor ac foetor omnem è pectore lætitiâ expellunt. Quid ergo in illa divini furoris officina, in horrifico illo Æternitatis antro amœnitatis sit, unde omne gaudium, voluptas omnis exulat, ubi meri merissimi dolores. Et quantum ijs augmentum erit locus ipse profundissimus, tenebrosissimus, foetidissimus, & quod lugubre cogitatu, remotissimus à cælo; mille clathris ac seris, repagulis ac claustris mille obseratus?

Clamat ex alto Abrahamus: Inter nos & vos chaos magnum (chaos flammeum) firmatum est, ut hi qui volunt hinc transire ad vos, non possint, neque inde huc transire. Et tamen Abraham in cælo nondum degebat.

In ergastulis nostris amœna laxitas est, si illam sceleratorum foveam spectemus. Sepulchra eorum, domus illorum in æternum & Principes ac Reges, Imperatores & Pontifices claudit hæc domus: nec aliter illic habitant vel opulentissimi Cræsi, vel strenuissimi Alexandri. Beatus Lucas asseverat: Mortuus est autem & dives, & sepultus est in inferno. h O sepulchrum nimis profundum! Hoc illius nunc ædes & arces, hoc amœni fontes & ar-



cus triumphales, hoc viridaria, & horti pen-  
siles, hoc tepida balnea, hoc magnifica thea-  
tra, hoc laxissima palatia: tota domus, sepul-  
chrum est angustissimum. Nec tamen hic so-  
luri & liberi, sed vincti habitant & ligati. Rex  
magnus imperans: Ligatis, inquit, manibus  
& pedibus eius, mittite eum in tenebras exte-  
riores. *c* Non ambulare, sed nec movere se  
poterunt hi rei quo volent: manus pedesque  
vincti, & velut infixi veribus ardebunt, mi-  
serandum ignis pabulum.

*a Arb. Sat. mihi p. 19.*

*b Sen. Her. furens.*

*c Num. c. 16. v. 32.*

*d Unus millio, quod bene notetur, decies centena millia hominum comprehendit.*

*e Vide Aeternitatem meam Consid. 2 para. 1.*

*f Luc. c. 16. v. 26.*

*g Psal. 48. v. 10.*

*h Luc. c. 16. v. 23.*

*i Matth. c. 22. v. 13.*

## S. II.

**E**Veteri historia liquet, cōplures nec tantum infimæ fortis homines, velut peregrinas aves, caveâ inclusos.

Rex Macedo Alexander Callisthenem, Olynthium insidiarum insimulatum, vel quod regi suassisset ne affectaret ab Atheniensibus Dominus appellari, auribus, labris, ac naribus abscissis, ceterisque membris crudeliter truncatis deforme ac miserandum spectaculum reddidit, & cum cane, ferreâ clausum caveâ circumferri iussit. Dū Lysimachus tanti viri misertus, & antea illius etiam auditor, venenum ei præbuit, ut poenam, quam non culpis sed libertati penderet, finiret. *a* O beatam Callisthenis caveam, ad flammeam tot sceleratorum carnificinam!

Quæ Callisthenem eadem & alios fors involvit. Tamerlanes *b* Orbis terror, Baiasiten *c* Turcarum Imperatorem victum, & caveâ ferreâ inclusum, spectaculo & ostentui cunctis circumduxit triennio *d*

Rex Daniæ Christiernus, Anno millesimo quingentesimo vicefimo secundo, à priscâ religione defecit. Tribus deinde regnis ob crudelitatem exactus miserè tandem perpetuis vinculis addictus, & Anno millesimo quingentesimo trigesimo secundo, tanquam in-

domita bellua in clathratam caveam coniectus, nec ante mortem inde liberatus est. *e* Verum ô mites Baiasica ac Christierna caveas, ad illas damnatorum comparatas!

Sed nec Valerianus Imperator Romanus à Sapore Persarum rege suavius est habitus. Nam cavea pariter inclusus, nec ea unquam egressus, nisi cum Saponi equum ascensuro, tergum præbere scabelli loco coactus est. *f* Demum Valeriano cutis detracta, & carnes sale conditæ sunt. Eodem modo Rencus Frederici filius in caveam cōtrusus vitam finijt *g*

Sic & Marcus Arethufiorum episcopus eloquentia sanctisque moribus ornatus, martyr patientissimus, impio Iuliano imperante, primò pueris, ut aciculis compungeretur, expositus: dein garo ac melle perunctus, caveâ inclusus, æstuante sole sub dio suspensus, crabronibus, vespiis, culicibus, muscis lacerandus est obiectus, ut diu se mori sentiret. *h*

Sed ô blanda hæc supplicia, ô caveas voluptate plenas, si flammeis inferorum caveis conferantur. Pictura est, umbra est, quicquid cruciatûs hic tolerandum. Nam sua & his tormentis iucunditas est: solatur temporis præsentis brevitatis, quo hæc ferenda; excitat futuri gaudij perennitas, inter superos obtinenda. Scimus id quod in præsentis est tribulationis nostræ, leve ac momentaneum esse.

Ita duramus inter athletas Domini, & quò plus doloris sentimus, hoc maius præmium speramus. At illi Orcinis caveis circumclusi, nec à præsentis tempore, quod neglexerunt, nec à futuro, quo semper in tormentis erunt, quidquam habent levaminis. Sed hæc divinæ iustitiæ lex est, ut tortores illos & hostes sentiant improbi, quos suosores & amicos antea fuerant secuti; & quia luxuriæ suæ prata querebant, i nunc carceres habitent, & caveas. Ab ævo in ævum sic erit.

*a Seneca, Valerius, Iustinus, Suidas, Curtius, alij.*

*b Sen. Tormir. Lancus.*

*c Sen. Baiasitem.*

*d Lipsius l. 2. Monit. Polit. c. 5. Mon. 2.*

*e Genebrar. in Hadriano VI. ex Iorio.*

*f Baronius ad ann. 262.*

*g Suevica Goldasti.*

*h Suidas, V. Marcus, mihi pag. 587.*

*i Sapient. c. 2. v. 8.*



## §. III.

**R**everà si mortis æternæ reos non alia ulla exerceret pœna nisi hæc una, tam fœdo carcere inter tot hostes æternum claudi, pœnarum satis foret, abundè satis. Quid iam cruciatus alij, conscientia vermīs, fames ac sitis, perpetuus ignis, & quod prorsus inexplicabile, tormentorum nullus finis.

*Hic status in barathro multos durabit in annos.*

Vere multos, quia universos, nec tamen universos quos numeratura est Æternitas. Quæ & numerabilis simul & innumerabilis est. Qua parte cœpit, numerabilis; qua finis cogitatur, nec tamen erit, penitus innumerabilis est.

Isaias hunc æterni exilij locum graphice describens? Et convertentur, inquit, torrentes eius in picem, & humus eius in sulfur, & erit terra eius in picem ardentem. *a* Ioannes, hunc locum stagnum ignis & sulfuris vocat: *b* Christus caminum ignis. *c* Iobus terram tenebrosam, & opertam mortis caligine, terram miseriæ & tenebrarum, ubi umbra mortis, & nullus ordo, sed sempiternus horror inhabitat. *d*

Sed qua ratione, dices, hæc Avernalis Æterna, hoc omnium miseriarum receptaculum animo ac mente concipiendum, ut imago eius in animum sæpius incurrat?

Subit memoriam colloquium, quod inter duos fuit amicitia coniunctissimos, quorum alterum Orestem, Pyladem dixisses alterum. Querebat Pylades (sic nominemus) quomodo ante oculos animumq; proponendus damnatorum carcer? Tum Orestes: Putem, inquit, rem hanc ita docendam. Demittatur quispiam Vere aut Autumno, frigidioris anni tempore, in profundam subterraneam foveam, ubi nec focus, nec mensa, nec lectus. Huc semel duntaxat de die frustillum mucidi ac parvè saxeï panis, cum pocillo seu caliculo fœtentis aque, submissus funis tenuissimam hanc annonam porrigat. Addatur tam opiparæ mensæ schedula, quæ hominem in imâ foveaia centem moneat, non aliud opus ab eo exigī, quàm ut æternitatem dies noctesque perpetim meditetur. Ad quæ Pylades: Optimus, inquit, modus Æternitatem efficaciter cogitandi, eamque in animum penitissimè velut trans-

fundendi. Et quæso, si non ingratum, hic paulo liberalius de hoc tali homine philosophemur in rem nostram.

*a* 1. c. 34 v. 9.

*b* Apoc. c. 19. 20. 21.

*c* Matth. c. 13 v. 42.

*d* Iob. c. 10. v. 21. & 22.

## §. IV.

**P**incipiò quidem huic homini, tres hebdomades, tres omnino anni videbuntur: & ubi in auras emerferit, dirissima se passum dicet. Sed quæ illa tandem? Famem, sitim, frigus, defectum somni, & omnis solarij penuriam. Rem dicit. Sed videte, obsecro, quàm tolerabilis ac mansuetus hic carcer sit, imò diarta, seu, viridarum amœnum, si cum æterni barathri custodijs conferatur. Nam ille ipse in eam scrobem deiectus homo, tantillum saltem alimentum ac potus habuit quo vivere liceret: Apud inferos nec cibus, nec potus est.

Deinde hominem illum nemo irrifit, nemo illi insultavit, nemo flagris eum cecidit: Apud inferos hæc non quotidiana solum, sed assidua sunt.

Tertio, illi homini quiescere interdum, noctu dormire licuit; tametsi quies turbator, & somnus nonnihil fuerit contraxior: At verò apud inferos nullus somnus, quies nulla, nec unico quidem momento.

Quarto, hominis illius animum nulla decerpit ægritonia, absuit mœror, pavor, stupor, eiulatus, angor, horror, desperatio: Apud inferos hoc nullum omnibus, etiam nocentibus ingeritur.

Quinto, corpus omne illius hominis à cruciatibus immune fuit, nec alius eum morbus, quàm fames, sitis, ac frigus infestavit: Apud inferos omnia & singula damnatorum membra torquentur; Animus undequaque afflictiſſimus in igne & semper vivit, & semper moritur. Omni morte acerbior est mors ista.

Sextò ille in cavum subterraneū demissus, etsi procul voluptatibus fuerit, extra solem, sine socijs, extra convivium, sine lusu animique relaxatione, in spem tamen ingredi potuit redeundi ad solem, & ad socios, & ad convivales epulas, & ad voluptates ceteras: At verò apud inferos spes penitissimè decollavit; spes



omnis hic abscissa est, hic spei, nihil est. Ad primum loci ingressum sciunt, nec ad solem, nec ad socios, nec ad ullam amplius voluptatē fore regressum. Conspectus Numinis, societas Angelorum, delitiæ cælestes sic ereptæ sunt, ut eas recuperandi spes nulla, heu nulla sit, nec esse possit. Desperatio illic æterna domus est, & damnatorum nemini parcat.

Videte Christiani, quàm levi impendio, in Æternitatis notitiam venire liceat.

## §. V.

**E** Divi Dominici familiā vir eruditus à narrat, quod iam dicta firmet. Homo ioculator, & dicax scurra, in virorum nobilium coronā, Ecclesiastę verba, quę eo manē audierat, ludo cavillari cogitaverat, & quod magis facilius placerent, ut maximē ferius exorsus: Nostis, inquit, vos mei domini, quàm ego vobiscum faciam in symposijs, convivijs, lusibus, choreis, tripudijs omnibus, fidelissimus comes ad omnem hilaritatem. Sed audite, obsecro, quid mihi nupere venerit. Plumis iacebam mersus, & ut somnum invitarem, cogitare mecum cœperam: Si iam alligeris hic, ut annis viginti aut triginta nec loco te movere possis, quid facias ad liberandum te? Quid si aliter libertas non detur, nisi ea lege, ut nuntium remittas & socijs, & omni comessationi. Ego verò, dicebam ipse mecum, Iovem lapidem iurabo (si sic opus) & eiurabo socios, symposia, convivia, lusum, choreas, tripudia omnia, modo meæ restituar libertati. Sed quid facias, oro, si sis in aula Ditis, non plumis sepultus, sed flammis, non compotorum medius, sed diabolorum, ubi veritum solari & colloqui, ubi aquę guttula non minus pretiosa, quam cella generosissimo Falerno plena. Vbi ingressus, qualis animantium ad leonem ægrum, quorum omnia vestigia introrsum spectabant, nulla cernebantur redeuntium. Subire Orcum facile, sed revocasse gradum quis unquam visus est? Tu ergo si hic sis, dic amabo, quid facias?

Dixit, & hac oratione sua ita subito mutatus est, ut videri potuerit mimus Iuliani Cæsaris Porphyrius, qui dum gesticulatur in theatro, & Christiana sacra imitatione mimica irridet, repente seipsum exuens, iam

quę alius Christianum se proclamavit constantissimè. Et verò etiam ut Christianus martyr gladium excepit fortiter. Ita res nata è ioco. Nec aliter ille cavillator, in serium convertit, quicquid per iocum dixerat. Ita sibi alijsque plurimum profuit.

Optima est hæc & minimè fallax ratiocinatio, à levi brevique molestia cruciatus æternos æstimari. In eam rem Hieronymus monet: An putamus, fratres, quod iocando prophetę prædicant, ridendo loquantur Apostoli, Christus infantiliter comminatur? Locum non sunt, ubi supplicia intercedunt. *b*

*a Ioan. Iunior in scala celi.*

*b Hieron. ad Pom & Ocean.*

## §. VI.

**S**ed præter locum apud inferos omni genere cruciatuum infamem, est etiam societas omni modo detestabilis. Quemadmodum verò beatis cœlitibus inexplicabilem afferret voluptatem, Orbis Servatorem Christum, beatissimam Christi matrem & discipulos, tot millia torque myriadas generosissimorum martyrum suis oculis aspicere, Angelorum choris medium esse: Sic & reprobis tormentum erit horribile, societate tam execrabili æternum liberari non posse. Quid sentias, si cogaris, dum sanus es, inter ulcerosos, moribidos, cadaverosos homines in eodem hypocausto noctes diesque agere, crura sanie taboque fluentia cernere, foetores ferre, lamenta eorum & complorationes varias audire, cum ille ingemiscit, hic queritur, ille tussit, hic pœnè pulmones eiecit, alius plorat, propè expirat alius. O qualis infernus est, dices, inter hos vivere! Sed, o bone, quàm hoc ad infernum nihil est! Balsamum est, quod foetorem vocas; Musica est, quod lamentationes dicis; ludus est, quod cruciatum appellas; paradysus est, quod infernum credis. Nam si grave ac molestum sit inter paucos versari quibus odio sis: quid ergo molestius, quid acerbius, quàm illic esse ubi nemo alterum amat, ubi omnes alternis flagrant odijs?

Hi mores sunt in aula Satanae, omnes sic mutuis ardent odijs, ut alter alterum si posset, dentibus laceraret. Nam hi ardentes incolæ & in alijs & in seipsis imaginem Dei extremè oderunt. Sicut enim Deum, sic quicquid est

Dri



Dei, summo prosequuntur odio: at inter tales domesticos semper vivere, acerbissimum vitæ genus est. Et hic illud præci poetæ verissimum.

*Nec possum tecum vivere, nec sine te a*

Oculos verò potissimum torquetur eorum præsentia, qui causâ (quomodocunque demum) extiterunt condemnationis, seu parentes, sive uxor, sive liberi, cognati, socij, familiares fuerint. quibus annuerandi & ipsi diaboli, qui à supremo iudicio, tortores erunt hominum (è Theologorum mente) ut sentiant eò præcipitati, quibus se dominis olim subiecerint. Ab hac societate nunquam posse liberari, gravius supplicium est, quàm in foveam serpentibus plenam conijci, nec inde unquam educi, à colubris assidue morde-ri, nunquam eliori.

Hæc societas minimè socialis, id faciliè à quovis impetret, ut pravas illas societates potentium, ludentium, peierantium, obscœna crepantium, vitia ecommunicantium quàm studiosissimè fugiat, & quicquid mali exempli est caveat religiosissimè. Nam in omni no- xarum genere, cum primis cavendum, ne aliis malo exemplo simus proclamatur Christus: Væ mundo à scandalis: Qui scandalizaverit unum de pusillis istis qui in me credunt, expedit ei ut suspendatur mola asinaria in collo eius, & demergatur in profundum maris. Væ Mundo à scandalis. Væ homini, per quem scandalum venit. b Mali exempli noxæ (scandala vocamus) Ditis aulam longè ditissimam faciunt.

Ergo, melius est ire ad domum luctus, quàm ad domum convivij, in illa enim finis cunctorum admonetur hominum, vivens cogitat quid futurum sit. c


Vnusquisque rem suam agat, idque mature. Omnis gens humana gemino ad Aternitatem ducitur ingressu, sed egressus inde nullus. Ingressus est in cælum? Securus esto, hinc nemo amplius exturbatur. Ingressus es in Orcum? Certissimus esto, nulla dabit egressum ianua, nulla patebit vel rimula. Iam civis es; domicilium collocasti, sedem stabilem fixisti: hic habitabis æternum. Illud Ecclesiastæ nosti: Si ceciderit lignum ad Austrum, aut ad Aquilonem, in quocunque loco ceciderit, ibi erit, d

a *Martialis l. 12. epigr. 47.*

b *Matth. c. 18. v. 6. & 7.*

c *Ecl. c. 7. v. 3.*

d *Ecl. c. 11. v. 3.*



## CAPVT IX.

*Osium Aternitatis Tartarea tormentum.*

## DESPERATIO.

**M**Irabantur olim Thebani, Rempublicam Lacedæmoniorum adeo florere, cives in officio contineri, rara in eorum civitatibus vitia grassari. Miserunt ergo Philonium Philosophum, qui singula observaret curiosus arbiter, leges & quicquid civici iuris esset, scripto ad se perferret. Philonius omnibus exactè observatis Thebas redijt, & ut publicè de legationis suæ munere responderet, horrificam suppellectilem per theatrum explicans, virgas, laqueos, taureas, flagra, fideulas, catistas, equuleos, secures, rotas, cruces proposuit, & aliquamdiu altum siluit; demum in vocem erumpens: En, inquit, vel oculis spectare, ô cives Thebani, quid Laconum disciplinam sanciat: Nemo apud ipsos vitiosus est impunè. Sunt sua virtuti præmia, sunt & sua scelerei supplicia, eaque seria. Hinc mores illorum nostris emendatiores.

Orbis legislator Deus, sapientissimè munus suum administrans, ne disciplina labatur, non furcas, non secures, non rotas, sed gehennâ, sed rogam semper arsurum intentat, Nihilominus (prò nefas hominum!) Orbis etiamnum in divinas leges audacissimè delinquit: quid, oro, non auderet, si Deus unius horulæ aut dieculæ supplicia, vel carceres anno bienniove tolerandos minaretur? At verò cum ijs omnibus, qui divinas leges evertunt, Aternitatis carcer, & immortale supplicium sit decretum, est quod vehementissimè miremur Legiruparum innumeros etiamnum reperiri.

Vnde, obsecro, incredibilis hæc temeritas plurimorum? Non est timor Dei ante oculos eorum. a Cum mitissimus Deus non mox toties sua mittat fulmina, & ad inferos præcipi-

ter,



ter, quoties peccant homines, ideo vitia incredibilem induunt impudentiam; hinc plurimi metu securi vivunt, leges perfringunt, & quâ data porta ruunt in vetitum. Spes falsa plurimos sensim ac blandè ducit in ipsum desperationis barathrum. *Desperatio* Eternitatis luctuosissime octavum est supplicium, de quo hoc capite differendum.

*a Ps. 13. v. 3.*

§. I.

**S**pes, omnium in hoc Orbe molestiarum, laborum, miseriarum admirabile lenimentum. Vnguentum eam esse dixeris, quod omnes reficit lassitudines. Spes duo præcipue spectat, & *Fructum* & *Finem*. Quidquid lacrimarum est, his velut spongijs duabus facillè siccatur. Generosos Christi athletas, invictos martyres, plurima passos, plurimum tamen solabatur patientiæ Fructus. Idem solatij habent, quicunque bona agunt, ut Bernardus loquitur, & mala patiuntur.

Est qui prædium multis millibus philipporum emat, dicatque eius emptionis se minimè pœnitere, cum omnes expensæ temporis, nec sine honesto fœnore sint rediturae. Hoc apud inferos omne supplicium vehementissime accendit, acerbissima quæque sine omni tamen emolumento pati. Apud nos lacrimula vel unica, modò seria, gravissimas noxas delere potest: Apud inferos nec levissimam quidem culpam quancunque cruciatus expiant, sed nec aquæ guttam imperrant.

Quàm grave est paganæ ac paupertinæ plebi, cum vecturæ aliæque operæ gratuite imperantur. Durissimus scilicet labor est sine spe mercedis. Sic mancipia quæ suis dominis, nil sibi lucrantur, quicquid denique lucrentur, altero tanto graviozem putant laborem, cum *Fructus* desit: restat tamen quod soletur *Finis*. Sic laborantibus peroratio Mors intervenit. Sed hoc etiam negatum est illis captivis. Quærent mortem, & non inveniunt eam; & desiderabunt mori, & mors fugiet ab eis. *b* Habebunt, inquit Augustinus, impij in cruciatibus vitam. Sed qui vivunt in tormentis, cupiunt (si fieri possit) finire talem vitam, sed nemo dat eis interitum, ut nemo auferat cruciatum. *c* Pœnæ illic non tantum sine fine, sed recrudescentes perpetim

& novæ. Æstuabunt, & omnis dolor irruet super eos. *d* Atque hinc furiosa desperatio, desperatio desperatissima. Rectè præci: *Ultima omnium malorum dira desperatio est.*

Sunt qui desperent, sed semel duntaxat, nam desperationem mors excipit. At in gehennâ, uno die, imo vel horâ unâ millies desperant, imò verò continua est eorum desperatio, velut febris hæctica, febris continua. Quicquid cogitant damnati, rabida desperatio est. Seiplos, modò possent, suismet dentibus discerperent, per omnia membra cultros immergerent, mortem patulis ulnis ad se traherent: sed mors fugiet ab eis.

*a Iurisconsultis, Angariorum exhibitio.*

*b Apoc. c. 9. v. 6. c Aug. serm. 112.*

*d Iob. c. 20. v. 22.*

§. II.

**Q**ui adversis casibus succumbunt spe destituti, ad aquas currunt, aut ferrum in se condunt, aut sibi laqueum induunt, aut venenum hauriunt, aut per præcipitia ruunt, ut simul & vitæ, & mali, ut putant, finem inveniant: In Orco nec vitæ, nec malorum, nec mortis ullus finis inveniri potest. Non hîc aquæ, non ferrum, non laqueus, non venenum, non præcipitia sunt ut extinguant, hæc tamen illi omnia sunt ut torqueant: simul hîc desperatio assidua, interminata. In hanc potissimum conijcit supremum iudicis decretum: Discedite à me maledicti, in ignem æternum. Hic nulla causæ repetitio, nulla sententiæ revocatio, retractatio nulla est speranda. Hoc ultimum & irrevocabile decretum Augustinus: *Incommutabilitatem æterna sententiæ rectè nominat.*

Angelus à Ioanne visus iurabat per viventem in sæcula sæculorum, quia tempus non erit ampliùs. *b* Sed erit eternitas & remuneratio eorum quæ gesta in tempore. Hoc Angeli immutabile iussurandum, hanc Domini fatalem sententiam damnati omnes tam certâ fide aurium percipient, ut hæc verborum procella, hoc tonitru horribilissimum, in auribus eorum, perpetuis fragoribus insonet: In ignem æternum, In ignem æternum, In ignem æternum, heu, in æternum ignem. Horum verborum nec syllabula quidem audientes faller. Hæc damnati audient & capient; nos audi-



audimus, sed non capimus.

Quemadmodum verò sedes beatorum, complexus ac compendium est omnium gaudiorum; ita sedes inferorum, epitome ac summarium est omnium dolorum. Quicquid uspiam acerbum, lacrimabile, horrificum est, apud inferos sentitur; quicquid uspiam amœnitatis, deliciarum, gaudij, voluptatis est, apud superos plenissimè percipitur.

In orbe nostro nullum est tam grande malum, cui non suum etiam sit pharmacum. Omnis agrimonia leuiminis aliquid habere potest si velit. Solatium præbet nunc ratio, nunc somnus, nunc mensa, nunc colloquia, nunc ipsum tempus; modò amici, modò cognati, modò alij similia experti, demum ipsa spes finis afflicto plurimum refrigerationis affundit. At verò in regione Plutonis portæ omnes oclusæ sunt solatijs, omnes hic aditus vel minimis leuamentis sunt intercepti. Nihil auxilij, solatiij nihil nec è cælo, nec è terrâ; nec à rebus præsentibus, nec à futuris, nec à præteritis sperandum. Quocunque oculos vertunt, Aternæ mortis spicula in se torquenti cernunt. Undique luctus & angustie, undique mæror & dolor, undique & undique cruciatus innumeri. Verè *Circumdederunt eos dolores mortis*, & angores desperationis. Verè, *Tribulationem & dolorem inuenerunt*, & ideo nomen Domini maledictis assiduus incessunt.

a Aug. to. 4. l. 2. Euang. q. 37. mihi pag. 151.

b Apoc. c. 10. v. 6. c Ps. 114. v. 3.

### S. III.

**H**Anc sceleratorum desperationem incredibiliter augebit, certo scire, tot ac tantis supplicijs nec minimam quidem labeculam & culpam expiari posse. Tam enim letalis noxæ venenata vis est, ut etiam minora ac leuiora piacula, capitali tamen crimini coniuncta puniantur aternum. Exempli gratiâ: Sunt quotidianæ sordes, otiosa dicta, supervacui risus, copiosior cibus, incautior oculus, remissior in precando animus. Hæc talia, dum vivimus non difficulter expiamus. Bolus unicuique genio subtractus, gemitus aut suspirium unicum, levis patientia, facilis, seu manus siue oculi continentia minores eiuscemodi nexos elabit. Si verò mortiferum facinus noxæ

minimæ in Orco iunctum sit, utrumque vindicabitur eternitate totâ. Atque hoc desperationis grande incrementum est.

Verè Deus in hoc Orbe mirissimâ & parcente dextrâ, castigat, in altero plumbeam ferreamque manum ad feriendum extendit, nec revocat extantam.

Porro hæc desperatio è spe nascitur, sed nimiam, quam Præsumptionem dicimus. Huic fugiendæ Siracides monet: Ne dixeris, peccavi, & quid mihi accidit triste? Altissimus enim est patiens redditor. De propitiato peccato noli esse sine metu, neque adijcias peccatum. Et ne dicas, Misericordia Domini magna est, multitudinis peccatorum meorum miserebitur. Non tardes converti ad Dominum, & ne differas de die in diem; subito enim veniet ira illius, & in tempore vindictæ disperdet te.

Optimè Gregorius: De omnipotenti Dei misericordiâ ordinatè confidit, qui hoc quod peccando deliquit, penitendo (& non repetendo) corrigit. b Quicquid aliter, non spe, sed temeritate impellitur.

a Eccle. c. 5. v. 4. & seqq.

b Greg. in 1. Reg. c. 3.

### S. IV.

**C**Redibile prorsus est, vix ullum Christiani sanguinis ad Erebum detrudi, qui non, dum viveret, protractus vitæ spatium sperarit, arbitratus mortem multo serius ad se accessuram. Ex hac tam fallaci spe, desperatio demum nascitur aterna.

Nec illud minus credibile inter illos desperatissimos capitivos vix ullum esse, quæ dum superesset, non sapius occultè desperavit hoc modo: En, actum ago; nunquam alios mores induâ, assueta relinquere nimis durum est; nihil proficiunt conatus mei; frustra sum; sanctior non ero; nisi ad Calendas Græcas. Sic igitur pergamus, & fruamur bonis quæ sunt. a Mors properat; ibimus brevi, ibimus omnes. Valedicamus ergo maturis gaudijs, & abitum nostrum voluptate celebremus. Hoc reverè desperare est.

Obsecro vos, Christiani, per vos; per quæ salutem vestram, per quæ Domini mortem; hunc modo scopulum vitæ: naufragium certum est, si navis hunc allidatur. Dum vita est; nunquam sera nimis emendatio est.



In vitia millies prolapsi sumus: Resipiscendo millies surgamus: Nunquam serum est, velle sanctiorem fieri. Quovis die, vel quavis etiam horâ, pro se quisque dicat cum psalte regio: Dixi, Nunc cœpi. *b*

Quisquis ad eam redigitur imbecillitatem, ut nec conari amplius, nec suspensus emendationem urgere velit, sed habenas laxet naturæ quocunque anhelanti, is demum in omne vitiorum genus prolabetur. Hunc iure suo vocabimus *Desperatum*, cui venale cælum est, cui gehenna tolerabilis carcer videtur, qui nihil minus cogitat quàm Æternitatem, homo perditus.

Verissimè dixit Bernardus: Desperatio sibi omnem malitiæ consummationem vendicat. *c* Desperationi plurimum facit ignoratiâ Dei. Est qui resipiscere cogitet, & hominem Christianum agere, si autem quàm bonus sit Deus, ignoret, sua ei cogitatio dicet: Quid facis? Et vitam istam vis perdere, & futuram? Peccata tua & multa nimis, & gravia sunt: Pelle exue, nec tamen satisfacies. Delicatè hæcenus vixisti, iam subito mutas? Consuetudinem non vinces; quidquid agas, in eadem atque eadem recides. Permitte hæc igitur suis ire passibus.

Ita miser in voraginem sensum abducitur, Bernardo teste, Portæ inferi, carca desperatio. *d*

*a* Sapient. c. 2. v. 6.

*b* Psalm. 76. Vers. 11.

*c* Bern. serm. 37. in Cant. post. med.

*d* Bern. in senient. nibi pag. 497.

# S. V.

**I**N nostris carceribus reos reperiâs tam proiectæ viræ homines, ut in ipso carceris loco (quod ipse meis oculis vidi) furcas & patibula parieti appingât, tanquàm sibi gatulentur de futuro sepulchro tam sublimi. His scilicet patibulum iocus est. Nec defuerunt ex eadem nebulorum tribu, qui, dum socij attolerentur in furcam, ipsi sub furcâ præciderent plurius erumenam, non tam spectatores quàm actores. Simillimè prorsus nos agimus (sit venia dicto) & Æternitatis aleam ingenti temeritate tenramus.

In carcere sumus, incerti quo die, quâ horâ producendi ad supplicium sumus. Nos in-

terim ridemus & iocamur; nil metumimus, negamur, fabulamur, tempus perdimus, delitiamur. De gehenna differentes quidem audimus, aut ipsi de ea differimus, sed sine sensu, perinde si hæc nihil ad nos. Quotiadana & sæpè immatura spectamus funera, vix tamen nos etiam morituros, cogitamus. Æternitas nobis identidem inculcatur. Quis moveretur, aut quâmdiu hic motus durat? Calamitates Orbis, iusta delinquentium supplicia cernimus, nec resipiscimus, atque ita sub ipso patibulo animosè delinquimus. Hoc sanè tacita est desperatio, & ad furibundam illam ac æternam planissima via.

Miles Romæ, quod beatus Gregorius narrat, *a* accepta letali plaga, aliquanto tempore in mortuum iacuit. Sed ubi ad se rediit, tanquam redivivus, quæ in Orbe alio vidisset, recensuit hunc in modum: Ad amœnissima præta pons extensior ducebat. Pontem subtermeabat fluvius terribilissimi sceleris nebulam exhalans. Ponte transmissio primæ amœnitatis viridaria, & in ijs non exiguus candidatorum numerus occurrebat. Locus hic omnium gratiarum, longè gratissimos è floribus odores illic ambulantibus afflabat. Domicilia hæc complura elegantissimè structa. Huc per pontem evadere conabantur plurimi, sed irritò conatu. Nam quisquis minùs religiosè vixisset, pontem superare nequaquam poterat: soli transibant integri morum, scelerisque puri; qui verò vitam sceleribus inquinassent, in fœdissimum illud flumen præcipites abibant.

Dum in vita sumus, extra hunc pontem ambulamus, spe pleni. Nunquam tam turbidum est mare, nec cælum unquam tam feræ reum & inexorabile, quin speremus meliora. Remedium denique malorum omnium est finis. At verò qui è ponte iam excussi sunt, iamque pleno ore Cocytum bibunt, spe omni destituti sunt. Nimirum ubi spei finis, illuc desperatio nis est initium, sed sine fine. In Eumenidum regno mera merissima desperatio est. Procul illinc, procul iam pridem spes omnis exulat. Quidquid eo præcipitati cernunt, audiunt, intelligunt, desperationis plenissimum est. Æternus dolor, æternus luctus, æterna mors. Fine scilicet, malorum omnium remedio carêt. *a* Greg. l. 4. dial. c. 36.



## §. VI.

**I**gitur, ô damnati, æquissimus iudex congregauit super vos mala, & sagittas suas complevit in vobis. *a* Insanabilis est fractura vestra, pessima plaga vestra, plagâ inimici percussi estis, castigatione crudeli. Insanabilis est dolor vester, propter multitudinem iniquitatis vestræ. *b*

Quæsiuit olim ex vate Hieremia Deus: Quid tu vides Hieremia? Cui vates: Virgam vigilantem ego video. At Dominus secundum: Quid tu vides? Ad quæ Hieremias: Ollâ, inquit, succensam ego video. *c* Nostræ omnes, dum vivimus, pœnæ quid nisi virgæ sunt minimè atroces & sævæ? His optimi quique filiorum castigantur, & gratias agunt ob tam mite supplicium.

Hebræus rex David: Virga, inquit, tua, & baculus tuus ipsa me consolata sunt. *d* Virga directionis, virga regni tui. *e* Quamvis enim seu baculo, seu virga hac feriamur, non id eo miseri sumus censendi. Hæc verbera indicium amoris, hæc vulnera principium sanitatis sunt. Olla verò illa succensa, non directionis aut solatij, sed perditionis, sed exitij, sed desperationis est. Hanc ita metuemus, ut eam caveamus. Maturè iam descendum, quâ ratione tam temeritas seu Præsumptio, quàm diffidentia & desperatio declinanda.

Deus velut gigas ingentia duo brachia ducit, Iustitiam & Misericordiam: vtrumque porrigit volenti. Qui solam apprehendit Misericordiam, Temeritati ac Præsumptioni se exponit; qui solam complectitur Iustitiam, in diffidentiam pronus ac desperationem abit. Certè Deus grandia statuit Iustitiæ suæ documenta in hoc alteroq; Orbe, qui hæc sola considerat, è facili desperat: qui sola cogitat Misericordiæ invitamenta, plus æquo sperat. Medium tenere Beati, Inter Misericordiam & Iustitiam medius tutissimus ibis. Hoc omnes rectæ paginæ proclamant: Univerſæ viæ Domini Misericordia & Veritas. *f*

Hoc geminum Dei brachium assidue contemplatus David: Misericordiam, inquit, & iudicium cantabo tibi Domino. *g* Ita prorsus, ita duos inter parietes istos Iustitiam & Misericordiam transcendendum: sic nimiam spem,

sic & desperationem evitabimus. Vtrumque vitiosum, & nihil & nimium sperare. Vtrumque tamen, dum vita est, medicinam patitur. Avernalis desperatio immedicabilis est: æterna.

*a* Deut. c. 32. v. 23.

*b* Hier. c. 30. v. 12. 14. & 15.

*c* Hier. c. 1. v. 11. & 13.

*d* Psal. 22. v. 4.

*e* Psal. 44. v. 3.

*f* Psal. 24. v. 10.

*g* Psal. 100. v. 1.

\*\*\*\*\*

## CAPVT X.

## ÆTERNITAS.

## Piorum iuge suspirium.

**S**olymæus rex Salomon, idemque sacer scriptor Ecclesiastes, variè quamvis rectè, Æternitatis inexplicabilem circulum describens: Generatio, inquit, præterit, & generatio advenit, terra autem in æternum stat. Oritur sol, & occidit, & ad locum suum revertitur. Lustrans universa pergit spiritus, & in circulos suos revertitur. Omnia flumina intrant in mare, & mare non redundat. *a* Ita prorsus in Avernalem Æternitatem omnia pœnarum ac suppliciorum genera perinde ut flumina corrivantur, ipsa tamen Æternitas, velut immensissimus Oceanus, sibi semper simillima, non extensior, sed nec contractior fit, immutabilis semper & infinita.

Vbi in hac sæculorum voragine centena sæcula *b* fuerint absorpta, alia centena absorbeantur: his pariter absorptis, alia atque alia, iterumque alia centena sæcula, in eandem voraginem descendant, idque sine ullo sæculorum termino. Nam ubi grex damnatorum tot sæculis gehennam habitaverit, ut ab omni retro æternitate in flammis se fuisse arbitretur, nihil tamen Æternitatis, nec punctulum quidem præterisse dicendum est. Æternitas post tot sæculorum tractus, nec quadrante quidem unico decrevit; tota semper simul est. Post evoluta millies millena sæcula, Æternitatis circulus æquè amplus adhuc & totus æquè inextricabilis est.



Hoc nonum atque summum, hoc inextinguibile, hoc incomprehensibile in Dei carcere supplicium est. Et quandoquidem æternitas vivorum etiam cogitationibus interest, eam triplici hoc discrimine assignamus. *Æternitas piorum iuge suspirium: Æternitas impiorum formidabile somnium: Æternitas damnatorum immortale supplicium est.*

De triplici hac differentia differendum. Et de primo quidem eius membro, scilicet *Æternitatem piorum iuge suspirium esse*, hoc caput decimum loquetur.

## S. I.

**D**ivina è cælo sponsa humanitatem sui sponsi commendans: *Læva eius*, inquit, *sub capite meo*, & *dextera illius amplexabitur me.* *a* *Mysterium hinc tegitur*, quod evolendum. In *læva sponsi honores, opes, rerumque abundantia*; in *dextera verò longitudo dierum*, seu, *Æternitas est.* *b* *Hic sponsa velut prudenter*, & *sponsa cæca: Lævam*, inquit, *non video*, nam *capite eam premo*; *ita res fluxas*, & *quicquid honorum ac opum est*, non curo. *Dextram*, quâ me complexurus, aspicio, sed *nondum attingo.* *Quicquid mihi oculorum domi est*, in *æternitate defixum habeo*, *æterna curo.* Quia verò beatorum æternitatem nondum obtinui, hoc mihi nihilominus promitto: *Amplexabitur me.* *Æternitas dilata cruciat.* Nam, *Salomone teste*, *spes quæ differtur*, affligit animam. *c* *Æternitas piorum iuge suspirium.*

Bonifacius Romanus civis, aliquanto tempore cum Aglaë matrona nobili consueverat. Eius rei Bonifacium adeo pœnituit, ut hoc unum agere cœperit, maculam istam eluere, quacumque vel ardua virtute. Hinc fortunarum & capitis etiam periculū neglexit, ad martyrum carceres revisit, catenas osculatus, victos ad constantiam exhortatus, extremo supplicio affectos sepeliuit. His studiis intentus, Tarsum peregrinatus est, quo loco idem obsequij Christianis athletis præstitit. *Assidua ipsius adhortatio erat: Supplicia constanter ferrent; Breve esse laborem, præmium fore sempiternum.* His ille vocibus, & alios, & seipsum, ad mortem animosè subeundam mirificè accendit. In his pietatis officijs comprehensus, & ferreis unguis laceratus est,

acuti è ferro calami carnem inter & ungues infixi, liquatum plumbum in os infusum. In his ille tormentis constantissimè durare, brevem laborem, præmium sempiternum verè credere, suam sibi exhortationem occinere, illudque sæpius ingeminare: *Gratias tibi ago, Domine Iesv*; & ita gloriosissimè finit. *Æternitas piorum iuge suspirium.*

*a Cant. c. 2. v. 6.*

*b Ita hoc explicat Paulus de Palatio.*

*c Prov. Cap. 13 Vers. 12.*

## S. II.

**F**ranciscus Assisias, avi sui gēma, ex oculis laborare cœperat ob iuges lacrimas. Cūque ei à pluribus suaderetur, à fletu tam crebro abstinere; altum ille suspirans dixit: *Ob amorem luminis*, quod nobis commune cum muscis, æternæ lucis radios nequaquam excludendos censeo. Idem interrogatus, quid sævitiam hiemis amictu tam tenui arceret? Si flammâ, inquit, æternæ patriæ calefcere mus, facile nos ab hoc frigore tueremur. Franciscus vita hæc in patientiâ, æternitas in desiderio fuit.

Dominus Iesv, ut doceret suos, æternitatem iugi suspirio desiderandam esse: *Nolite*, inquit, *timere eos qui occidunt corpus.* *a* *Ocultum sed artificiosissimum argumentum: Hanc ob causam*, ait, *non timere*, quia occidunt. Si quem in igne similive supplicio detinere possent non occidendo, iure timerentur. At iam quò plus torquent, hoc citius extorquent animam; ubi gravior cruciatus, ibi celerior finis. Non est ergo quod illos metuat, qui corpus iugulare non nisi semel possunt, quod sæpè plagâ fit unicâ. Eum metuite qui plagas etiam letales iterat assidue, & semper occidendo nunquam occidit.

En antitheses divinisimi oratoris è cælo: *Mortis brevissimæ metus*, *mortis æternæ metu superandus est.* Vult ergo Dominus probè intelligi animos hominum esse immortales, solius Dei arbitrio subiectos; corpora verò in vitam revocanda ad præmium, vel supplicium æternum.

En quam artificiosâ verborum brevitate Christus maxima complexus sit mysteria, immortalitatem animi, reditum à morte ad vitam, tam præmiorum quàm suppliciorum æterni-



æternitatem. *Æternitas* piorum iuge suspiriū.

## S. III.

Thomas Morus vir undequeque exactissimus in vinculis erat ipsi minimè ignominiosis, sed quæ sanctitatem ipsius testarentur Orbi. Huius viri vxor in carcere penetravit flectendo marito. Sed frustra. Duplicem illa masculo pectori arietem admovit, precibus & lacrimis suam peroravit causam, illudque unice ac per tori fidem rogavit maritum, Vellet diutius vivere. Ecquid ego, aiebat, quid liberi, quid cognati, quid familia omnis adeo peccavimus, ut te, marite mi, tam cito perdamus? Nostrium omnium vita tuo stat capite. Ego quidem centies mori malim, quàm extincto te superesse. Quapropter, mi More, assentire regio decreto, & annos plurimos tuæ nostrumque omnium vitæ adiecisti. An adeo exosam habes hanc lucis usuram, ut obstinatè pertendas mori! Veniet Mors sui non ignara temporis: quid illam ultro acersimus, velut nostri oblitam? Ut plurimis tuorum parcas, parce tibi, & quod optimum ætatis tuæ erit, ne sperne. Nil ambigo, complures tibi annos optimus Deus indulgebis, modò tu ipse tibi non inideas vitam.

Audiit hæc Morus patienti silentio. Ac ubi finit coniux: Et quot ergo annis, inquit, me superstitem futurum censes, o mea Aloysia? Cui illa promptè: O mi optime marite, ait, ipsis facillè viginti annis & amplius. Ad quæ subiungens Morus: Hoc igitur agis, inquit, ut æternitatem totam vicenis annis commutem: nā tu scrutaria fores imperitissima, nobilissimas merces triobolo venditura. Si viginti annorum millia dixisses, videri posses non imprudenter furere. Sed hæc ipsa viginti vel triginta millia annorum, quid oro sunt ad æternitatem? Punctulum, fumus, umbra, momentum, nihilum. Hanc ob causam ego vincula, & omnes vitæ calamitates lætus perpetiar, quamdiu Deo visum, modò mihi saluum sit Æternitatis præmium. Illius iacturam vel minimam fecisse, est, omnia perdidisse. Dixit, & verba generosa morte firmavit. c

a Matth. Cap. 10. Vers. 28. b Sed iniquo.

c Hoc repetendum videbatur, quod in primâ Æternitatis editione omissum. In alijs editionibus mentio huius sit Consid. 7. paragr. 2. De Thomâ Moro Sanderus l. 1. Schism. Anglic. & Stapleton. in vitâ Mori C. 16.

I Oannes Godefridus, inter præsules fidus clarissimum, Herbipolensis Pontifex tantò maioris, quantò tectioris sanctitatis: Hic, inquam, antistes dictum iecit auro & cedro exarandum: *Omni momento*, aiebat, *ad ostium æternitatis* sto. Hinc in omni ædium suarum conclavi cranea, calvas, mortuorum ossa tum picta, tum argilla, vel ligno ficta disponi iussit, ne æternitatis unquam oblivisceretur. In eius exequijs Latina tenebris oratio, plurima in eo iure merito commendavit, illud singulariter: Adeo illum æternitatis perpetuò cogitandæ studiosum fuisse, ut libellum de Æternitate non obiter, sed pressò vestigio ter perlegerit. Hic fervere opus necesse est, ubi tam recens semper æternitatis calet memoria. Hic optimorum semper quorumcunque animus erat, æternitatem dies & noctes secreta estimatione pensare.

Non omittendum hic illud, quod certa fide constat. Vir religiosus & sacerdos, omni litteratura excultissimus, tam ardente studio ferebatur æternitatis in animum quàm altissimè demittendæ, ut libellum de Æternitate septies cum cura evolverit, sepius id facturus, ni cum Mors maturior ad æternitatem citasset. a

Pachomius suos prolixè exhoratus, hunc demum epilogum attexens: Ante omnia, inquit, præ oculis habeamus ultimum diem, & momentis singulis æternorum dolorum supplicia formidemus.

Norat profectò vir iste sanctus, quo aditu quærenda virtus. Æternitas piorum iuge, sed & triste nonnunquam suspirium. Cum enim duplex nobis immineat, beata & luctuosa æternitas, nec ullo chirographo certi beatitudinis sumus, non mirum formidinis aliquid & horroris tunc magis sentiri ab ijs, qui iam viciniore eunt æternitati. Deinde, licet spe sumus maxima cœlestis æternitatis obtinendæ, quia tamen hanc necdum obtinemus, hoc ipso non sine dolore suspiramus. Tanti boni dilatio gemitus excutit & lacrimas.

Hermenigildus b rex (cuius supra mentionem fecimus) Levigildi Visigothorum regis filius, Arriano dogmate repudiato, ad Catholica mysteria se vertit, animoque tulit æquissimo sui parentis iniurias, qui necem filio minabatur, nisi denuo Catholica sacra desereret.



feret. Cui filius generosissime: Poteris, aiebat in me statuere, Pater, quod lubet. Regno privas? sed perituro tantum: immortale illud eripere non potes. In vincula me rapis? At caelum certe patet, ibimus illuc, ibimus. Vitam eripis? Restat melior & aeterna. Vox rege dignissima. Non est dispendium sed lucrum, aeternis bona caduca commutare. Aeternitas piorum iuge suspirium.

a P. Hermanus Hugo, qui Pia desideria, & Bredanam obsidionem &c. scripsit, demum in castris mortuus. b Alj, Ermigildus.

## § IV.

**D**ixerat olim Iechonias Ezechieli: Fili hominis, hi sunt viri, qui cogitant iniquitatem, & tractant consilium pessimum in urbe ista, dicentes: Nonne dudum aedificatae sunt domus? hec est lebes, nos autem carnes. Idcirco vaticinare fili hominis. Putabant homines scelerati, se in civitate sua, suisque delictis, perinde ut carnes esse in lebe, à nullo facile extrahendas. Bene nobis est, aiebant, urbs nostra & domus nostrae defendunt nos; tuti sumus. nihil in nos hostes poterunt. His ipsis rigide vaticinatus, & vices Numinis functus Ezechiel: Ejiciam vos, inquit de medio lebe, & daboque vos in manus hostium, & faciam in vobis iudicia. Gladio cadetis. b

Sic & illis prorsus evenit, quibus mortalis haec vitant opere sapit. Carnes se putant esse in lebe, bene illis est, vestitum mollem, opiparam mensam, crebras voluptates pro caelo numerant: Aeternitatem quam non cogitant, eam nec etiam desiderant, lebe suo contenti. Sinamus hos furere. Brevi aliter erit. Ejicientur, gladio cadent, in leberes alios abripiuntur, lizandi & assandi eternum. Interea temporis, dum hilare momentum carpunt impij, bonae mentis homines sursum enituntur, velut adest in olla bulliente summum perit, carnibus in imo residentibus. Hanc optimam pinguedinem Mundus velut sedulus, sed stultus cocus, olla ejcit perinde ut spumam, tanquam purgamenta huius Mundi sunt optimi quique: Sed haec pati iucundum illis est: praedulci Aeternitatis beatissimae amore iam inescati sunt. Aeternitas piorum iuge suspirium.

Ex Israelis populo nonnulli magnis deside-

rijs aestuabant terrae fertilioris contingendae. Sordere illis coeperat eremus tot annis habitata. Maximè vero cum uberrimae regionis delicias, sicut dulcissimas, mala gravata optima, & ingentis uve molem suis ipsi oculis spectarent, potiundae terrae cupiditate accensu: Quid facimus, aiunt, ascendamus & possideamus Terram, quoniam poterimus obtinere eam. d

Haec piorum quotidiane voces sunt: Quid hic agimus inter funera, quid fluxarum rerum momentis carptim pascimur? Ascendamus & possideamus Terram fertilitatis eternae. Augustinus hac ipsa cupiditate flagrans, librum tertium, quem de libero arbitrio conscripsit, in haec verba finit: e Tanta est pulchritudo iustitiae, tanta iucunditas lucis aeternae, ut etiam si non liceret amplius in ea manere, quam unius diei mora, propter hoc solum innumerabiles anni huius vitae, pleni delictis & circumfluentia temporalium bonorum rectè meritoque contemnerentur. Non enim falso aut pravo affectu dictum est: Quonia melior est dies unus in atriis tuis super millia. f Aeternitas piorum iuge suspirium.

a Ezech. c. 11. v. 2. & 3.

b Ibid. v. 9. & 10. c 1. Cor. c. 4. v. 13.

d Num. c. 13. v. 31.

e Aug. t. 1. l. 3. de li. arb. c. 25. & ult. mih. pag. 299. f Ps. 83. v. 11.

## § V.

**A**ugustus Imperator, Orbis monarcha noctes tubinde traxit infomnes, Atrium habebat opulentum, Orbem tributarium, Provincias paratas, domi forisque pleaque omnia secunda & prospera. Nihilominus sensit deesse aliquid, quidnam deesset, explicare non scivit. Optimus quisque Christiani sanguinis, quid sibi desit, distinctissime novit, & hoc est quod ingemiscit, hoc ei quandoque somnum avertit. Omnia licet possideat, nihil se habere putat, dum beatissimam aeternitatem non possidet. Quaecunque cetera in vili habet, modò aeternitatis in caelo compos fiat. Hoc votis & studiis omnibus, hoc animo cupit. Aeternitas piorum suspirium.

Quid obsecro sensus fuerit vati Hebraeo Ionae, cum vivus in immani ceto, velut



in ambulante ac volubili carcere latitaret? Momentis panē singulis sibi ipse videbatur mori. Imò prius sepultus quàm mortuus, eundem piscem, & carcerem, & carnificem suum expertus est. Navigio vivo inclusus, millicies naufragatus est. Hinc è ventre ceti velut ab inferis exclamans: Et proiecisti me, inquit, in profundum in corde maris, & flumen circumdedit me: omnes gurgites tui, & fluctus tui super me transferunt. Circumdederunt me aquæ usque ad animam, abyssus vallavit me, pelagus operuit caput meum. Ad extrema montium descendi, terræ vectes concluderunt me in æternum. *a*

Quàm ardens huius viri desiderium fuit, ex hoc ergastulo evadendi? Hoc unum utique versabat animo: Modo extra hanc belluam sim, modò in sicco littore stem, modò, ah modò ex hoc volatili sepulchro in auras liceat emergere: Quæcunque rovi, reddam pro salute Domino. *b*

Non aliter æternitatem anhelant pij. Dum vivunt, cum fluctibus luctantur. Idcirco hoc unum efflctum desiderant, esse in portu. Æternitas piorum iuge suspirium.

Catholici ritus est, diebus pœnitentiæ dictis, Hebræam vocem gaudij nuntiam *Alleluia*, sacris cantionibus non miscere, testando luctui: eius loco audire est voculas illas, *In æternum, in æternum*. Hunc cantandi morem obsecro discamus, & istud nobis ipsi assidue occinamus: *In æternum, in æternum, in æternum*. Tunc autem maxime hæc cantio iteranda, cum carni lascivire lubuerit, & viam ingredi latam ac voluptuariam. Hic carmen illud maximarum virium identidem ingeminandum: *In æternum, in æternum, in æternum* ardebunt impij, in æternum gaudebunt Numinis amici. Et uti nullus gaudiorum, sic nullus suppliciorum finis erit.

Augustinus occasione nata: Hæc ego, inquit, mihi ipse canto quotidie. *c* Imitemur: & pro se quisque dicat: Hæc ego mihi ipse canto assidue: Non incendium Troiæ, sed Gehennæ: gyros æternitatis inextricabiles, infinitos contemplatione quotidiana expendo. Hæc cantemus, Christiani, hæc cogitemus. Post triste Cinerum tempus, lætissimum sequetur Pascha. Suaviores modulos cælestis Hierusalem suggeret, per vicos eius cantabitur

*Alleluia d*

*a Ionac. 2. v. 3. & seqq.*

*b Ibid. v. 10. c Aug. tom 2. epist. 64.*

*d Tob. c. 13. v. 22.*

\*\*\*\*\*

## CAPVT XI.

## ÆTERNITAS

*Sceleratorum formidabile somnium.*

**P** Riscæ sapientiæ antistes Bion dicere solebat: Viam ad inferos planissimam profecto, facillimam & tritissimam, ac prorsus inoffensam esse necesse est, cum illuc plerique omnes clausi eant oculis. Ipsissimam veritatem, mi Bion, & oracula loqueris, sic est omnino. Facilis descensus Averni, facillimus; itur eò ac curritur, clausis & compressis oculis. Imò sunt qui dormientes ac somniantes ambulent, ab hac ramen via non aberrant: Evertunt sensum suum, & declinant oculos suos, ut non videant cælum. *a* Hi sanè dum iter faciunt dormiendo, æternitatem subinde cogitant, sed somniando. Atqui formidabile somnium est. Idcirco illi hoc excutere conantur: Perinde ut ij faciunt, quibus mœsta species per somnum oblata est, eam proximæ dici hilaritate moluntur expellere, mestumque somnium symposio læto digerunt. Non aliter impij è quibus sunt, qui dicant: Vbi hæc viderimus, credemus. Ita cæci eunt; vix unquam sibi vigilant; Æternitatem raro, nec nisi obiter cogitant, aut potius somniant, atque sic in Orbem alterum migrant. Æternitas impiorum formidabile somnium. Quod iam explicatiùs trademus. *a Daniel. c. 13. v. 9.*

## §. I.

**Æ** TERNITATÈ aliquibus somnium esse diximus, sed terrificum. Quis enim adeò in saxum obrigit, ut ei Æternitas vel per quietem visa terrorem non incutiat? At verò quia hæc talia ut somnium habent, idcirco ea non capiunt, non estimant, cū animo suo non volvunt, non suis hæc momentis ponderant.

Hinc



Hinc ista oblivione celeris sepiunt. Hoc Sira-  
cides notans : Somnia, inquit, male facien-  
tium vanitas est. *a*

Die quo Christus cruci fixus in vitam  
redijt, p̄x aliquot matronæ, ad Domini  
conditorium exierunt, mortuum unctu-  
ræ : at ubicum candidati cælitè vivere aie-  
bant, regressæ à conditorio, omnia quæ vi-  
dissent & audissent, ut lætum nuntium ad A-  
postolos pertulerunt. Et visa sunt, inquit Lu-  
cas, ante illos sicut deliramentum verba ista,  
& non crediderunt illis. *b*

Hic simillimum fit. Nunquid enim eterni-  
tas & crebro satis, & apertè satis, satisque di-  
stinctè concionibus, picturis, exhortationi-  
bus, colloquiis, libris, & auribus & oculis  
ingeritur ? Sed quo effectu ? Videntur hæc ante  
multos sicut deliramentum, aut somnium.  
Timent aliquantulum, sed cum somnio desi-  
nit & timor.

Vates Hebræus Jonas divina iussa fugitans  
commisit se mari. Ortâ tempestate horribili,  
naute de vicino periculo, trepidi Deum suum  
invocarunt, & allevando navigio, quicquid  
vexerunt oneris, exturbant in mare. At Jo-  
nas ad ima navis descendit, & periculorum  
securus, dormiebat *sopore gravi*. Hic guberna-  
tor hominem accedens, & è somno experge-  
faciens : Quid tu, inquit, sopore deprimeris ?  
Surge, invoca Deum tuum, si fortè recogitet  
de nobis, & non pereamus. *c* Mox inito-  
consilio fors ducta, & Jonas sortitò eiectus  
est in undas, salvus ceteris, qui sua eiecerant  
in mare.

Dum vivimus in navi vulneratâ, & rimo-  
sâ, in mari turbido, & furioso degimus, tam  
autem vicini sumus Eternitati, quàm navi-  
gantes mari : tribus à morte digitis distamus,  
sæpè non totidem ; uno sit halitu quod tota  
non eluat eternitas. Periculi monemur sæ-  
pius. Est non nemo qui dicat : Quid tu sopo-  
re deprimeris, surge, invoca Deum. Cui sa-  
lus cordi est, somnum excurit, loco confur-  
git, nocitura onera in mare deijcit : hoc aio,  
hic talis in precesiones sese effundit, ieiunijs  
frangit, stipem largam tribuit, omnia para-  
tus dare, ut peccati pœnas serio luat.

Quàm vero aliorum multi divinæ volunta-  
tis ac Dei fugientes, dormiunt sopore gravi,  
nec audiunt tempestatis minas ; Eternitas eis

somnium est, & fabula. O somnum peri-  
culosum ! dum enim surdis hæc auribus trans-  
mittunt, fors mortis in eorum caput trahitur,  
& illi semisomnes in Eternitatis mare subitò  
excitantur.

*a* Eccl. 6. 34. v. 5.

*b* Luc. c. 24. v. 11.

*c* Iona c. 1. v. 5. & 6.

### §. II.

**N**arrant fuisse hominem stirpe ac sangui-  
ne, non item moribus nobilem. Erat is  
ad Mundi leges examissus factus, & quod  
inter vitia eminebat, egenis rigidus. Hic unâ  
cum famulo ad quietem ijt in utramque au-  
rem dormiturus. Medio noctis per quietem  
famulo hæc species obicitur. Herus ad tri-  
bunal Dei rapitur, accusatur, condemnatur.  
Inde à cacodæmonum globo, non sine trium-  
phi specie in flammeos gurgites abducitur. Va-  
ria sed luctuosa hic ludibria repræsentantur.  
Lucifer novum hospitem salutans : Solitus est,  
inquit, hic amicus noster delectari thermis,  
& indelecto, quàm molliſſimo foveri : con-  
suevit spumantes pateras modis musicis ac  
symphonia exhilarare : igitur ut hæc omnia  
ad nutum sint, curate. Hic miser vociferari,  
& diem natalem suum, superos omnes, Deum-  
que ipsum execrationibus, deterrimis devove-  
re. Dum eiulat infelix, in paratum ignis pu-  
teum præcipitatur fragore ingenti. Hic evi-  
gilans famulus surgit, revisit ad herum, sed  
iam mortuum invenit. *a*

Eheu ! fors moriendi ducitur occultissimè ;  
væ miseris, quos subitò designarit dormien-  
tes. Ibunt hi in domum eternitatis suæ, non  
redituri ad epulas & delicias suas. Deus in-  
dignationis plenus severissimè minatur : Ine-  
briabo eos ut sopiantur, & dormiant somnum  
sempiternum, & non consurgant. *b* Satis ubi-  
que exemplorum est.

Rex Chaldaus Baltasar epulum regale ac-  
cumbens, dextram in pariete scribentem vi-  
dit & exhorruit, quamvis scripturam non in-  
tellexerit. Danielem peritissimum eius inter-  
pretem purpura & torque donavit, ei que ter-  
tios à se honores decrevit. Pœnitentiæ tamen  
nulla profus mētio. Sed eadem nocte rex Bal-  
tasar interfectus est.

Hæc omnium fors est, quibus Eternitas  
somnia



Somnium est. Hi namque licet infinita cogitent, cogitationē tamen seriam in Æternitatē nunquam desigunt; licenter & impie vivunt. His sepius, quemadmodū Baltasar regi, paucorum verborum scriptio monstratur talis: *Momentum vita est, sed pendet ab hoc momento aternitas.* Terrentur hic quidem, nonnihil trepidāt, horrent æternis ignibus cremari, obstupescunt post mille milliones annorum Æternitatem nec minimo quidem minuendam: veritatem hanc laudant, sed non sequuntur; mysteria hæc venerantur, sed mores non emendant; mysteriorum interpretes & audiunt, & colunt, sed poenitentiam non agunt, aut nimis instabilem: Hæc credimus, aiunt, sed à consuetis vitiis non abeunt. Post terrorem non longum ad suos calices, ad Veneres suas, ad nunos suos, ad livorem & simulates suas redeunt tam vitiosi quàm antea, subinde vitiosiores quàm antea.

His pariter, quod regi Daniel dixit, in os obijciendum: Tu quoque Baltasar, non humiliasti cor tuum, cum scires hæc omnia. Tu quoque, Christiane, avaritiam & iniustitiam tuam non emendasti, cum scires hæc omnia. Tu quoque maledicam & mordacem linguam tuam, amarulentam & crudelem invidentiam tuam non correxisti, cum scires hæc omnia. Tu quoque tuas libidines freno non coercuisti, lasciuiam & has sordes non fugisti, cum scires hæc omnia. Tu quoque confessiones & orationes tuas non omisisti, cum scires hæc omnia. Tu quoque ludendi, & tu iurandi consuetudinem non cavisti, cum sciretis hæc omnia. Æternitas vobis perfunctorie cogitata, formidabile visum est esse somnium; Æternitatem nunquam toto cogitastis pectore, nunc è vivorum numero repente in immensum Æternitatis mare præcipitami. Hæc prævidere potuissetis, inò debuissetis, si Christianum nomen tueri voluissetis. Sua culpa perit, qui exitium vel monitus non caver.

a *Messret. serm. 3. in Dom. 2. post Epiph. mihi pag. 221.*

b *Hierem 6. 51. v. 39.*

## S. III.

**S**aul Israël's populo gravem incussit metum. Nam, quod Regum fasti testatur, In-

siluit spiritus Domini in Saul, & iratus est furor eius nimis, & assumens utrumque bovem concidit in frustra, misitque in omnes terminos Israel per manus nuntiorum dicens: Quicunque non exierit, & secutus fuerit Saul & Samuel, sic fiet bobus eius. Cunctabantur quidem Hebræi cives militiæ se dare: Sed audito tali nuntio Invasit timor Domini populum, & egressi sunt quasi vir unus, trecenta & triginta millia virorum. a

Cæli terreque dictator Christus, & Saul longè maior rex seria comminatione proclamans: Timete, inquit, eum qui postquam occiderit, habet potestatem mittere in gehennam: ita dico vobis, hunc timete. b Non boves, sed homines minatur in ignem rapiendos. Sed quid plurimis hæc minæ sunt? Somnium. Divinas leges nihilominus audacissime perfringunt.

Vos ipsi dicite: Quanta viatoris illius temeritas est, qui fessus de viâ parietem videt, sed fatiscientem & rimas agentem, iam iamque ruiturum, sed quia fatigatus & somnolentus, acclinat se dormiturus securè. Mox adest qui hominem suimet negligentem excitans: Heus tu, ait, quid hic agis temerarie? Surge properè, quam primum, & in tutum te recipere. Hic paries ruinam meditatur in singula momenta, & tu hic dormire audes? Astutum abi. Quid si viator illinc abire nolit, dicatque monitori: Ne mihi molestus sis; tu tua age: ego somnum quem cœpi, pertexam. Ergo pereat, perire qui vult: Hic in tumultum, ruinam muri elegit: Habeat ergo sepulchrum quod ambiat.

Vita hominum paries sanè ruinosus est; quodie, quâ horâ, quâ parte horæ collapsurus sit, à nemine sciri potest; incertissimum est: etsi certum sit diu stare non posse tam malè materiatarum opus. In singulos dies, in horas, & in horæ partes singulas ruina est expectanda. At nos, audax Iapeti genus, homines prorsus temerarij, huc acclinamus, & securissimè dormimus. Suo quisque sopore torpet. Hunc avaritiæ, illum crapulæ, istum libidinis, alium invidiæ aut superbiæ somnus dejicit. Rex Hebræus plurimos ita dormientes vidit, & miratus dixit: Dormierunt somnum suum. c

Ita suo quisque indulget somno, graui & ar-



cto. Sed adsunt qui dormientes evigilare iubeant. Clamar Christus, clamant discipuli Christi, clamant prisci Patres, clamant e cathedrâ oratores Christiani, omnes unâ voce monent, ne parieti fidamus tam ruinoso, iam vitium fecisse, brevî, & subito ruiturum. Quin imò vitium ac ruinas monstrant, iubentque periculum protinus exire. At sunt quos somnus a deo altus complexus est, ut monitorum nihil audiant. Sunt quos voces tam crebrò iteratè expergefiant quidē, sed frustra, paullo post iterum in somnum relapsuros. Id illi tales, quod viator, respondent: Sinite, finiamus somnum quem cœpimus: nobishic bene est.

Neque tamen monitores desinant monere, idq; tantò contentius ac constantius, quanto certius graviusque periculum imminet. Neque enim de unius corporis, sed de corporis animique salute agitur æterna. Æterna mors premit, quos paries iste dormientes opprimit.

At multi nihilominus post plurimorum monita tam frequenter repetita in somnum declinant, parietî iam ferè ruenti fidunt, dormiunt securi, & Æternitatem somniant; terrentur, sed ut somniantes solent, qui terrorem excutiant cum somnio.

Ita vivimus, ita dormimus, ita somniamus, ita perimus. Subito namque paries, qui minabatur, ruit, & opprimit sopitos. Mox tota in oculis est Æternitas, non iam breve somnium, sed immortale supplicium. O viatores nimium temerarios! O soporem tam arctum quàm exitiosum! Et quæso, num ista nimis quàm certa creditis?

a 1. Reg. c. 11. v. 6. & 7.

b Luc. c. 12. v. 5.

c Psal. 75. Vers. 6.

#### S. IV.

**C**redibilissimum est, quòd, si damnatorum aliquot ab inferis redivivi emergerent, qui sic dormientes vellerent, monerent, ruinam proximam prædicerent, eos tamen non expergefacerent. Tanta est humanæ mentis & cæcitas, & socordia. Ideò Abrahamus negat se facturum, quod in flammis purpuratus epulo rogat de mortuorum aliquo ad fratres suos mittendo. Et repulsa rationem assignans:

Si Moſen, inquit, & prophetas non audiant, ſi monita vivorum ſpernant, neque ſiquis ex mortuis reſurrexerit, credent. *a* Ita proſuſ eſt. Eam ob cauſſam Chryſoſtomus dixit. Gehenna non videtur incredulis; credentibus eſt perſpicua. *b*

Cùm de reorum ſupplicijs mētio iniicitur, quoties audiuntur iſta: Hic in exilium pulſus, hic virgis caſus, ille ad remum darus, ille capite plexus, iſte in patibulum ſublatus, iſte in rotam actus, hic rogo extinctus. Hæc etiam facinoroſi audiunt, neque tamen ad frugem ſe corrigunt. Multi capitalium reorum, licet eis vitæ fiat gratia, denuò tamen eadem patrant, aut peiora.

Nos tales ſumus, modò rei fatentes ſumus. Quoties enim gehennæ condonationem pœnitentia impetramus, & omnia facturos promittimus: Brevi tamen ad ingenium redimus, & deteriores ſumus licentia. Iracundiæ & invidiæ valedicimus; avaritiâ & ſuperbiam procul à nobis relegamus; ſic furta eiuramus, libidines detestamur, temulentie hoſtes nos proſitemur. Paullo poſt & irascimur, & invidemus; iterum ſuperbi, avari iterum; nec fur- tis, nec libidinum nequitijs abſtinemus; vino ac poculis ſuaviſſimè reconciliati; eadem quæ ante, & sæpè peiora facimus. Num iſtud non eſt Æternitatem ſomniare, & interim æternis ignibus digniſſima patrare?

In Ægyptio Pharaonis carcere, duo ex aulico famulitio rei ſervabantur, quibus diverſum obtigit ſomnium, neuter tamen illius interpretandi rationem norat. Ideò ad Iosephum unâ captivum verſi: Somnium vidimus, aiunt, & non eſt qui interpretetur nobis. *c* Æternitatis ſomniores multi, interpretes pauci. Iuvemus & interpretemur.

a Luc. c. 16. v. 31.

b Chryſ. orat. 4 de Lazaro.

c Gen. c. 40. v. 8.

#### S. V.

**I**n prima, quam de Æternitate dedimus, ſcriptione, variâ eam imagine ſpectandam propoſuimus. Addimus nunc iſta, non legenda ſolum, ſed etiam expendenda.

Rogus ſit è vivis ac candentibus carbonibus, qui magnitudine urbem hanc Monachium



chium æquet, tribus quatuorve cubitis terram penetret. In regum hunc tam amplum homo unicus iniiciatur, hac lege. Non prius illum ex ardenti hoc lecto liberandum, quam singillatim ac particulatim carbones omnes subtrahantur: singulis autem centenis annis advolaturum vulturem, qui carbonem unum, nec plures, auferat.

En, homo iste è novemplici Æternitatis, non nisi uno ignis supplicio, cruciatur, & tamen intolerabilis hic cruciatus aestimatur, ob diuturnitatem. Nunc ergo ponuntur Arithmetica, quot millia, quot milliones annorum transitori, dum homo iste liberetur è rogo tam vasto. Tam inexplicabile hoc videtur, quam intolerabile.

Sed, ô boni, ô mortales cæci, ad inferos hoc nihil est. Nam homo iste à novemplici æternitatis supplicio liber, non nisi unicum ignis tormentum patitur. Accedit spes finis quatumcunque serò venturi.

Sed ut damnatos in tumbis flammeis iacentes attentioribus oculis contemplemur, spectaculum imaginationi hoc effingendum.

Vnus aliquis in profundissimâ subterraneâ cellâ lecto ferreo catenis arctis affixus est; manus collû, ac pedes annulo chalybeo alligati. Infra lectû hûc prunæ & ignis, sed nec aliud lecti operimentum. Solatium hic unicum est istud. Cum miser iste primum alligaretur (ita ponimus) hoc illi denuntiatur, millefimo quoque anno venturum aliquem, qui è candentium carbonum strue, eâ quidem vice unicum sit ablaturus. Post mille tamen annos hunc ipsum rediturum, & alterum è carbonibus ab eo auferendum. Atque hac ratione singulis millenis annis aliam aque aliam è prunis tollendam, dum tandem omnis prunarum congeries auferatur.

Cogitemus, ah, cogitemus quot annorum milliones seu myriades sint transiture, dum igneus hic lectus sic minutim ablatus cesserit urere. Sed ô mirissimum hunc infernum ad desperatissimum & cruciatibus plenissimam æternitatem! Durante hac, eiuscemodi flammei lecti decies, vicies, centies, sed & millies dicta ratione, auferri poterunt, & necdum finis erit ullus Æternitatis, nunquam heu nunquam terminandæ.

In rebus gestis diuorum admiranda pluri;

ma: Verè enim mirabilis Deus in sanctis suis.

a Ego nil minus mirandum putem, quam quod multis mirissimum videtur. Æternitatem præ ceteris expendisse censendus est ille, de quo Climacus b narrat, anachoreta. Vixerat in monte Choreb, sui & arduæ virtutis negligens. In extremis horam iacuit velut iam exanimis. At ubi ad se redijt, omnes quotquot moribundo aderant, rogavit, loco cederent, sibi iam deinceps seriò agendum. Ita tugurij sui ostium, quam licuit, arctissimè obstruxit, uno solum foramine, quo panis & hydriola inferretur, relicto. At ille totis duodecim annis cum nemine, nisi cum Deo & angelis locutus, præter panem & aquam parcissimè sumpta gustavit nihil. Hic ille perdius & pernox velut attonitus sedere, Æternitatis rotam animo assidue volvere, interminata tam gaudia quam tormenta pensitare, certissimæ Mortis iaculum nunquam non prævidere, celum suspicere ac suspirare, inter hæc tacitis sed panè continuis lacrimis fluere, hoc vivendi tenore annos duodecim exigere, denique ad extrema denudò devenire. Quod ubi ceteris innotuit, vi obstructam ianuam emoliti, certatim in moribundi cavum se infundentes rogarunt, daret abiturus sui monumentum. At ille ingemiscens altum: Date veniam, inquit, meisque erroribus, Patres, gratiam facite: Quisquis Mortem, quæ ad Æternitatem ianua est, mente seriâ consideraverit, non peccabit.

Hunc ego hominem, ut dixi, ex omni sanctorum numero ideò minùs admiror licet vitam egerit prorsus admirandam, quia quicumque cogitationes in Æternitatem intenderit, non multum his absimilia præstabit. En sanè melius est seipsum, vel centum annis muro includere, & rigoribus extremis corpus exercere, quam vel minimum Æternitatis beatæ periculum subire. Vnusquisque sibi, quod Lotho, dictum credat ab Angelo: *Salva animam tuam; festina, & saluare.* Gen. cap. 19. v. 17. & 22.

a Psal. 67. v. 36.

b Climac. gradu 6. de Mortis memoria.



## CAPVT XII.

## ÆTERNITAS

*Damnatorum inexplicabile, ac Nonum supplicium.*

**P**haraonem regem & incolas Ægypti Deus non simplici solum flagello castigavit: Cruentos fontes, Ranas, Cinipes, Muscas, Pecorum mortalitatem, Vlcera, Grandinem, Locustas, Tenebras immisit. Graves ictus, & magno brachiorum pondere incussit: at ubi decimus accessit, hic demum fracta est pertinacia, hic plurimorum secutus interitus. Factum est autem in noctis medio percussit Dominus omne primogenitum in terrâ Ægypti, nec erat domus in quâ non iaceret mortuus. *a*

Cum gravissimis novem supplicijs hostes suos afficiat Deus, nunquam addit decimum, quo eos de medio tollat. Nullus finis, mors nulla, nullus interitus. Imò, ut Gregorius loquitur, mors sine morte, & finis sine fine, quia & mors vivit, & finis semper incipit, & deficere defectus nescit. *b* Quod Ægyptijs maximum fuit supplicium, hoc damnatis summum esset solatium, scilicet iugulari, & tandem funditus tolli.

Qualis hæc regio, Deus bone, quæ mortem inter gaudia summa numerat, qualis hæc regio? Iobus eam, Terram miseriæ iure merito vocat. Verè miseriorum omnium sentina est. *c*

Octo inferorum supplicia percensuimus. Addimus Nonum, omnium multò gravissimum, quod non solum oratione non explicari, sed nec intelligentiâ comprehendi, nec cum ullo aliorum suppliciorum conferri potest. Æternitas damnatorum inexplicabile supplicium. Quod quidem nunc verbis non explicare, sed nonnihil adumbrare conabimur.

*a* Exod. c. 12. v. 20.

*b* Greg. l. 9. Mor. c. 49.

*c* Beatus Thomas nominat statum omnium malorum aggregatione perfectum.

§. I.

**Æ**ternitas damnatorum inexplicabile prorsus supplicium. Fingamus hoc ipsum supplicium quadruplici tantum hac molestiâ constare: Apicula pungat manum dexteram; lævam sugendo infestet culex; genam in vultu dexteram scarabæus Lucanicus præfret, lævam suppurans spinula pervellat. Hæc solum apud interos toleranda sint, non aliud quidquam, aut horum duntaxat unicum. Fingamus solum manum ab æstro aut tabano fodicari, hoc tamen supplicium fiet infandum, si fiat æternum, tametsi alius dolor accedat nullus.

Quid quæso urens calceus, si omni vitâ perferendus? Quid, oro, doloris ciet unicus scarabæolus, aut cantaris rubea, si per aurículas ilapsa, cerebrum incipiat scrutari? Dolor quicumque alius vel levissimus designetur, si vitâ totâ idque assidue tolerandus sit, gravissima pœna censetur, si semper perferendus, si æternus sit, tormentum erit infandum.

Quid mihi iam verborum supererit, si novemplex Æternitatis supplicium coniunxero? Hic vox, hic sensus omnis deficit. His tamen quomodocunque tandem adumbrandis rem mirissimam recenset beatorum calitum notus panegyristes. *a*

Lydvvina Schiedamensis virgo religiosissima, patientiæ omnisque sanctimonix speculum, triginta & octo annis morbos pertulit sævissimos, non minor tamen patientia illius fuit quàm dolor. Ad hanc ut reviseret, agrè persuaderi se passus est homo flagitiosus, quem nemo unquam eò potuit pertrahere, ut apud sacerdotem crimina sua accusaret. Hoc demum ab eo, quamvis ægerrimè impetratum, ut apud Lydvvinam tumbæ proximam conscientie sue vulnera nonnihil aperiret, & ijs medelam peteret.

Ille, quod eiusmodi pecora solent, id iocum interpretatus, ad egrotam virginem viscit, atque ut promissis stare, scelus suorum ingentem catalogum ridendo percensere orsus est. Illa per omnes cælites rogare hominem, sibi cā narrare omitteret, has tales conscientie labe sacerdoti aperiendas, ab alijs eas audiri nefas esse. At ille, prout cepit, narrationem peritexuit, & longam flagitiorum seriem



riem explicavit, cum etiam inter sodales, de his gloriari non ei fuerit insuerum. Lydvina cum negare aures non posset historiae tot sceleribus contextae, demum quasit, an cum eius venia haec sacerdoti, velut interpret, aperire possit? Cui ille subridens: Veniam do, inquit, modo ego ipse harum virtutum mearum non cogar esse p[re]co. Lydvina homini iuvando prudenter hoc executa, narratas sibi noxas non aliter quam suas ingenti dolore animi expiavit.

Ille ad agram revisens: Puto te, inquit, mea pro me scelera sacerdoti exposuisse, quid iam poenarum iniungis? Hoc unum, ait illa, ut nocte una, sed tota, in tuo lectulo cubes supinus, nec in ullum te latus moveas. Fac hoc, & mihi committe cetera. At ille lectum cachinans: Nil amplius, ait, imperas? hoc tota moles mea poenitentiae? Aures tuas laudo, tam elementes mihi iudices. Si tam facile est vitae maculas eluere, faciam quod iubes.

Sed vesperi vix in lecto se collocavit, cum nescio quid molestiae sentire, grave erat in neutrum se latus vertere, itaque putare nunquam tam rigidum habuisse lectum, & quia movere se vetitum, supina haec quies visa est difficillima. Dum ita cubat, secum ipse cogitans: En, aiebat, sanus sum & incolumis, lectus mollissimus est; modo liberum esset meo me more huc illuc versare. Sed quid hoc curas? dormi tu, dormi, dum clarum mane fenestras intret, dormi secure, & in utramque aurem.

Non potest. Alia super aliam cogitatio subnascitur. Quid deest, ait ipse sibi, nox unica sic dormienda est, & fidem tuam liberaisti. Verum, quid si tres pluresve noctes sic dormiendum? Mori malim. Mori? Tantam certe molestiam huic rei subesse non credidissem. Pro me miserum, quam exigua, quam nulla in me patientia, quem tam leve vincit taedium? Lydvina in quantis doloribus, quam patiens? Quid si asseri sit indormiendum, idque multis hebdomadibus? Quid si colica, vel podagra vel calculus aut dolor capitis accedat, uraturque angatur? Haec ad inferos spectant. Et quod tu spactas? quod tua te ducent scelera, tot tantaque? sexcenties aut milles capitalia es ausus iam pridem meritis gehennam. Sed quis lectus illic iacentium, quod stragulum, quae

lodacula? an tantum eis libertas adempta, in utrumque latus se vertendi? quae illos vestiunt plumae? an non loco plumarum flammæ sunt? Et quot mensibus, quot annis cruciatus illi durabunt? Aeternum, (si fides Evangelio) ita prorsus, eternum. Ergo sine fine? Revera sine omni fine. Ergo post centies milles millena millia annorum, non tantum non finem, hi cruciatus invenient, sed nec ullam spem finis. Quid ergo agimus, qui cum eternitate ludimus? Imo non ludere hoc est, sed insanire. Agendum, deinceps alius ero, aut nullus ero.

Dixit & fecit: & o quantum mutatus ab illo? Ad sacram confessionem iam paratissimus, cui antea mors visa, seipsum acculare. a *Surius* 10. 7. die 14. Aprilis mihi pag. 296,

## S. II.

**S**ed hoc ipsum, quæso, & nos cogitare perpendamus. Vere & in mollissimo lecto iacere, sed semper iacere, & æternum iacere, supplicium foret inexplicabile. Quid iam omnium apud inferos suppliciorum erit cumulus, ac congeries formidabilissima?

Febriens sic quandoque ardet, ut arbitretur siti suæ vel dolum fontanæ frigidae non suffecturum. Heu quis damnatorum siti medebitur? Ardebunt & sument, sed nec omnes Orbis rivi, non fontes universi, non omnia flumina, nulla maria illorum ardentissimam sitim extinguunt, idcirco etiam nec eis guttula stillabit.

Mi Deus, quam molestus nobis est calor æstivus, ut languemus, ut fatiscimus, ut anhelamus? Vestes abijcimus, lecti operimentum excutimus, huc illuc impatientissimè nos volvimus? urit lectus, nec quidquam amabilis præbet frigoris. Sed quid hoc, o Deus, ad sulfureum Aeternitatis vaporarium, ubi non solum refrigerationis nihil est, sed nec fore sperandum est? Non frigidulus vesp[er], non gelida nox, non rorans manè ardores illos temperat. Vna, sed ignea, sed doloribus plena, sed æterna nox est. Ah, vel poenæ saltem nos terreant, si non invitent præmia. Aeternitas damnatorum inexplicabile supplicium.

Quicquid apud inferos est, tormentum est. Undequaque undique in doloribus sunt. Supra damnatos paradisus est, sed æternum



clausus. Abyssus infrâ, sed nunquam referenda. Ante ipsos tormentorum omnium æternitatis. Ponē ipsos amissę voluptatis amarissima memoria. Dextrâ tortores diaboli. Levâ peccatorum socij. Intra ipsos angor, vermis, terror, desperatio.

Hæc Christiani, credimus, & ita vivimus? Quis credidit auditui nostro, & brachium Domini cui revelatum est? *a* Hæc esse credenda novimus, sed credimus languidissimè. *Nostrum Credere* vix quidquã habet animę, non vivit. Perinde si cui digito monstram pictam tabulam, dicamque: Hic est Abrahamus filium immolaturus. Abrahamum dico, vti que non vivum, sed pictum. Talis omnino est fides nostra, non viva, nil ardoris spirans, non animata, sed picta. Credimus, & non credimus.

Eam ob causam Æternitatis quotidie meditando modum hîc brevibus perstringo.

Pater locuplex filias elocarat honestissimè. Hæc persuaserunt seni, ut eas opes vivus liberis non subtraheret, quas daturus esset post mortem: id unum sanctę pollicitę, de alimentis patri a se laute prospiciendum. Et primo quidem anno liberaliter ab ijs habitus est. Cum vero præter spem ipsarum diutius viveret, seminis pertaxę, pietatis & pactorum immemores, tenacius ac durius cœperunt patrem tractare. Ille ut imprudentiam suam emendaret astu, capaciorem cistulam sed saxi & arenę plenam cubiculo suo inferri clam curavit. Hanc noctu aperuit, & quicquid modicę pecunię reliquum habuit, reperitis identidem iactibus diu multumque numeravit, submissâ voce ponens grandem calculum, ita tamen ut a genero facili audiri posset. Demum observavit divitem arcam, Postero manẽ filię parentem blandius affatę interrogarunt, quid nocte proxima somnum tamdiu distulisset? Quibus pater: Remotis, inquit, arbitris, thesauri mei calculos subduxi, filię: Quę vestrum melius de me viro fuerit merita, eo potietur. Hic porro ingens emulatio, & utraque omnium officiorum genere parentem prosequi cœpit. Eo mortuo, reclusa cista, cum saxi & arenę repertus fuisset, cui inscriptum: *Quod pietas non potuit, avaritia extorsit.* b

Nos panẽ pari sed longe sanctiore consilio cistam replebimus arena vel minuto semi-

ne, ut quod persuadere nequiverit pietas, possit æternitas. Sic ergo rem aggrediamur: Quisquę proximam sibi cistulam, aut armariolum, aut riscum, vel arculam loculatam; aut si etiam aliud ad manus sit, suos loculos, suum pileum, suum poculum, aut chirothecas suas & papavere, vel lapillis, vel cicere, vel tabaci, aliove semine minuto impleat, & æternitatem meditaturus sic numerare incipiat, ut unum papaveris, vel alterius seminis granulum vel lapillum, vel pisum unicum centum aut mille annos valeat.

Ergo unum granum, mille anni; duo grana, duo millia annorum; decem grana, decem millia annorum; centum grana, centum millia annorum; mille grana, millies mille anni, & sic deinceps. Hoc primum.

Alterum: etiam si ex armario, cistula, pileo, patina vel vase quocunque alio sic impleto decem aut centum grana subtrahantur, penę nihil subtractum videbitur. Interea certissimum durante Æternitate tot mille annos transiuros, quot papaveris, vel ciceris, vel alterius seminis granula in vas illud vel arcam sunt congesta. Nil certius. Nam omnis hic numerus suum habet finem, etsi dicto modo hypocauftum, etsi capacissimam domum papavere vel alio semine repleamus, & grana singula mille annos valeant:

Tertium: Vbi Æternitate stante, tot mille anni abierint, quot in grandi arcâ eiuscemodi grana sunt, nihilominus Æternitas adhuc erit integerrima, nullâ sui parte minor; non vel minima pars ulnæ, sic loquar, Æternitati adempta est. Et quamvis arca illa tertium, quartum, quintum, sic evacuetur, ut ad grana singula mille numerentur anni, nihilo tamen secius æternitati nil penitus ademptum est, tam tota & tam longa est, quàm fuit cum cœpit.

Quartum: Hæc talis cogitatio, si seria sit & attenta, non nihil anget animum, non propterea tamen excutienda illa, sed progrediendum ulterius. Seipsum homo meditabundus hortetur: Age porrò tu; numeremus amplius.

Quintum: Hac tali meditatione sic sensim calefiat animus ut exclamet: Quid facimus? terrę quisquiliis & crepundia insano amore quatimus, & negligimus æterna. Nimis verum: annos æternos in mente non habemus.

SEXIMUM



Sextum : Ita paulatim erudiendus est intellectus, ut arcana illa capiat per ista quæ oculis subiiciuntur. Aristotelis scitum est: Oportere phantasmata speculari. Quemadmodum verò scalas uno saltu ascendere non licet, sed gradatim; & sicut in angusti colli lagenulam non subitâ fusione vinum descendit, sic æternitas strictim & obiter cogitata intelligentiæ ac voluntati non imprimitur. Sensim à minoribus eundem ad maiora: Et sicut pileum, poculum, cistam, cantharum, pluteum implemus, & inde singulis ductibus mille annos educimus; sic etiam totum aliquod conclave aut hypocaustum erit replendum, & ex eo pariter instituenda numeratio.

Septimum demum est, seipsum alloqui: Quid obsecro est omnis in Orbe hoc afflictio, ad infinita millia annorum, quibus Æternitas durabit, & non tantum non finietur, sed nec minimum imminuetur. Hic nemo non fateri cogetur: Etiam si me unum omnis Orbis calamitas premeret, quid hoc ad supplicia æterna? Et etiam si ego unus omnium voluptatibus fruerer, idque centum annis, quid hoc ad æternitatem beatitudinis? Quid ergo ego insanus ago, quod non aliter agam? Ergo impofterum saltem sapiam.

Quod si quem animi corporisve dolor, aut uterque simul cruciet, si morbus in corpore, ægritudo & luctus in mente hæreat, tunc potissimum pro se quisque sic cogitet: Si hic dolor aut mœror aliquot menses, si annum, si decennium, si quinquaginta, si centum, si quingentos, si mille annos, si decem annorum millia duraret. O Deus quam hic dolor aut mœror inexplicabilis foret! Quid verò decem millium annorum maximus & mœror & dolor est ad acerbissimos Æternitatis cruciatus, ubi nullus finis post decies, centies, millies mille annos; ubi tota semper permanet Æternitas?

En succinctam Æternitatis meditandæ formulam. Porro ad alia.

a *Is. c. 53 v. 1.*

b *Ioannes Paulus in iocoseris.*

c *Vas, aut vasculum quodcumque.*

§. III.

**L**ongè verissimum est, quod non nemo ab Orbe altero redux proclamavit, & Ne-

mo credit, quanta tormentorum apud inferos sit acerbitas; Nemo capit quanta sit diuturnitas; Nemo satis perpendit, quam longa sit Æternitas.

Heu nugis nostris immoramur, & sæpè immorimur; oblanam caprinam litigamus, Æternitatem ludibundi, aut somniantes cogitamus. Hinc rara morum, aut pænè nulla emendatio.

Ego, qui hæc scribo, cum illis omnibus, qui Æternitatis tradunt monita, liberè proclamo: *Curavimus Babylonem.* b Voluerit, noluerit curari, in ipsius erat arbitrio. Via arcta, angusta porta est, & pauci inveniunt eam. Multi quidem vocati, pauci verò electi. Idcirco Hieremias vates contentissimè clamar: Salvet unusquisque animam suam. c Si aliter nequeat, seipsum perpetuo claudat carcere, & vivum se sepeliat. Satius est ex ergastulo in cælum migrare, quam è palatio ad inferos descendere.

Sed hæc auribus dici, in animum autem infundi non possunt. Nisi quis ipse meditetur ista, & studiosè intueatur, verbis parum proficitur. Hæc prosunt accuratius expensa.

Non ignarum hoc priscæ philosophiæ. Annæus Seneca: Iuvabat, inquit, de animarum æternitate quærere, imò credere. d En, æternitatis arcanum pensiculant, qui luce veritatis carent. Quid Christianis faciendum? Sed idem, quem dixi, Annæus sapientissimè pronuntiavit: In malis optimum est, supplicij finis. e Finis malorum omnium remedium.

Est qui lamentetur domum suam incendio haustam. Alius nullum sibi uspiam fautorem aut amicum, nullum esse adiutorem luget. Alius corporis dolores: Ille animi angores queritur. Ille paupertatem suam deplorat. Ille contemni se ac abijci morte gravius putat. Quid, ô viri, hæc lamenta iuvent? In malis optimum est, supplicij finis: finis malorum omnium remedium. Hoc remedio penitissimè destituta est Æternitas luctuosa. Omnia habet suppliciorum genera, solum non habet finem. Hinc rectissimè asserimus: Æternitas damnatorum inexplicabile supplicium.

Rem mirâ optimâ fide venerabilis Beda memorat, ævo suo contigisse. Fuit in provinciâ Nordan Humborum paterfamilias ex assepius, qui Drithelmus, audiit. Hic vehemē-

tiâ mor-



tiâ morbi ad extrema deductus, sub noctis principium mori videbatur. Eâ nocte iacuit in mortuum. Vbi diluxit, subito ad se rediens, omnibus attonitis vitam sibi concessam affirmabat, sed longè aliâ ratione quàm prius ducendam. Siquidem extemplo in prolixiores sese preces abiecit, mox facultates suas omnes liberis, coniugi, & egenis assignavit, ipse profanis curis omnibus exutus acerrimè ac severissimè seipsum habuit. Et satis austeritas vitæ loquebatur quàm horrenda in Orbe altero vidisset. Nec ea passim omnibus narrabat, sed ijs solùm quibus Æternitatem unicè cordi esse sciverat. Inter hos Rex Alfridus fuit vir litteratissimus, qui Drithelmum studiosè ac crebrò audijt de Thermis stygiis narrantem: Pars narrationis explicabat horribiles tenebras, incomparabilem foetorem, acerbissimos eiulatus ac fletus, ebullientes colubros, insultationes cacodæmonum, flammarum globos, & grandinem sævissimâ, quando scilicet damnati vicissitudine miserabili ex ignibus in glaciem rapiuntur. Hæc talia cum paradisi delitiis exponebat Drithelmus.

Sed ipse narrationis suæ fructum maximè capiebat. Nam in cenobio secretum mansionis locum, ad fluminis ripam habitavit, ubi hunc sibi unicum laborem sumpsit inherere Deo, votis perambulare celum, assidue preces iterare, corpus affligere, Æternitatē cōtinuis gemitibus cogitare. Et ut liqueret omnibus quâ seriò ageret, solebat creberrimè ad carnem marcerandam proximum flumen ingredi, ad umbilicum aut collum usque in eo tamdiu perstare, dum hieme glacies corpus raderet; egressus inde vestimenta madida non ad solem aut focum siccabat, sed vexando corpori retinebat, non tam vestem quàm glaciem indutus. Intervenire aliquoties huic spectaculo, qui hominē miserati quærebant: Quis tandem fieri potest, Drithelme, ut tantam frigoris immanitatem toleres? Quibus ille promptè respondit: Frigidiora vidi & acerbiora. f

Quisquis æternitatis supplicia seriò meditatus fuerit, idem de sanctorum martyrum tormentis quibuscunque pronuntiabit: *Acerbiora vidi*. Iacobus nobilis Persa ab Isdegerde rege iussus est membratim à capite ad calcem secari, singulis iuncturis & articulis separatim præcisis. g Immane tormentum. Sed

Æternitatis contemplator dicet: *Acerbiora vidi*. Serapioni omnes membrorum articuli cōfracti sunt, h Nicephorus martyr post candentes craticulas minutatim concisus est. i Sed redeunt voces: *Acerbiora vidi*. Ionæ martyri non sine acerbo ioco præcisi digiti quasi seminandi, cutis capitis abtracta, lingua evulsa, ipse in pice bullienti coctus, denique in cochlea membris omnibus contusus & contritus. Socius eius Barachisus spinis flagellatus, & foedè discerptus, dein ossa omnia convulsa & fracta k *Sed acerbiora vidi*. Saturninus feroci tauro alligatus, fera stimulis agitata, ipse per avia devia tractus & laceratus. l Horrendum supplicium. *Sed acerbiora vidi*. Martina nobilis virgo, quatuor palis affixa, fustibus & flagris caesa, ungulis lacerata, bestijs obiecta, demum ad flammam damnata. m Emmeramo Ratiponsensi Pontifici post digitos præcisos, oculos effossos, nares ac aures resectas, manus etiam & pedes truncati sunt, dein & lingua præcisa. n Augustodunensi Pontifici Leodegario pariter post famem & carceris squalorem oculi effossi, plantæ pedum laceratae & avulsæ, labra præcisa, lingua extracta. *Sed acerbiora vidi*. o Alexander Romanus Pontifex creberrimis punctis confossus: Cassianus è Brixienfi Anistite Christi causa Imolenis ludimagister stylis & graphijs puerorum confixus est: quorum quanto infirmior manus tantò gravior martyrii pœna fuit. p Marcus Arethusius præsul, lanceolis undequaque compunctus, melle oblitus, in iuncea sportam impositus, apum, vesparum, culicum moribus in laniam obiectus est. q *Sed acerbiora vidi*. Beatus Maximus post ungulas, equuleum, fustes toleratos, lapidibus obrutus est. r Antimus martyr subulis candentibus, fractis testis, crepidis ignitis, tentis fidiculis excruciatu est. s Zoë Exuperij martyris coniux post sex dierum inedia in tenebricoso carcere toleratam capillis suspensa, & fumo è stercoribus necata. t Glycerius, postquam caesus ut extarent ossa, in rogam coniectus u est. Petrus Exorcista Marcellini martyris socius primò flagellis concisus, in hiantia deinde vulnera acutum sale mixtum infusum, ita lauciarum corpus lento igni assaetum est. x Christina virgo pariter assata, oleo de super infuso, serpentes in eam immissi, lingua illi



illi evulsa, demum sagittis confixa finiit. *y* Maxima & Donatilla virgis acriter caesa, dein vulnera vivâ calce exulcerata, ambę in craticulâ costæ, & ad bestias damnatę sunt. Theonilla insuper caput novacula cum cute abrasum, rubis ac vepribus coronatū, ipsa ad quatuor palos extensa, lotis immaniter caesa, venter illius prunis perfusus est. In his tantis supplicijs expiravit. Horrendi sanē cruciatus, acerbissima supplicia, *sed acerbiora vidi*. Pantaleon diu ustulatus deniq; in plumbeum fervens balneum coniectus est. & Paulus & Iuliana frater & soror, equuleum & catasta, picem bullientem, ferreas candentes & virgas, & sellas, lectulos erectis clavis intratos, acerbum inter serpentes triduum, flammās deniq; & rogam pro Christo tolerarunt. *aa* Beata Barbara facibus, flagris, ferreis unguibus durissimē laniata, ubera ei amputata, caput malleolis contusum. *bb* Auxentio plantę ferro terebratę ipse in rota suspensus, cadentibus subulis dum exhalaret animam, laceratus est. *cc* Quintinus Romanę nobilitatis, senatorij ordinis inaudita pertulit supplicia, nam postquā bullienti oleo, pice, adipe perfusus, latera facibus adustus, toto corpore catenulis cæsus, ori eius sinapi, calx, & acetum infusum est; (ō qualis potus!) ipse deinde binis ferreis sudibus à cervice ad usque crura transfixus, omnes eius digiti inter ungues & carnem clavis terebrati sunt. *dd* Hęc nimis atrocitas videntur; sed longē atrociora habet Acheron supplicia, & insuper æterna, prę quibus illa ludus & iocus sunt: *Acerbiora vidimus*.

Sed nec nostro ævo ingeniosa defuit tyrannis. Alicubi sacrorum hominum ventres aperti ferro, & pabulum porcis aut equis offusum. Nudis etiam ventribus vivi glires injecti, obversis pelvibus detenti ac coacti dentibus effugium quærere, negatum à superstructis ignibus, intra viscera concessum. Disce quod imiteris Caligula. Iam corpora quoque membratim lacinata, ardentes tadę axillis totiq; pectori submore, ungulę visceribus immerse, & quō lentior mors iret, ignes substructi. Aliqui urtorum pellibus vestiti, & laniandi molossis obiecti. Alij acutissimis injecti saxi, tabula testi, librarum mille superiecto pondere, in frusta comminuti; eō crudeliūs & acerbius, quō lentius. Acerba hęc, acerbissimę

sunt, sed quisquis inferorum tormenta contemplando vidit, de universis omnium Martyrum cruciatibus constantissimē pronuntiabit: Vidi multo acerbiora, vidi, vidi, longē horribiliora spectavi. Exigua sunt, nulla sunt omnium tyrannorum supplicia, ad tormenta inferorum heu æterna, heu æterna.

*a De quo infra.*

*b Hier. c. 51. v. 9.*

*c Hier. Ibid. v. 45.*

*d Supra eius mentio, c. 1.*

*e Sen. epist. 101.*

*f Beda l. 5. hist. Anglor. c. 13.*

*g Zach. Lippel. 27. Novemb.*

*h Baron. to. 2. An. 252. n. 5.*

*i Idem An. 284. n. 20.*

*k Lippel. 29. Martij.*

*l Idem 29. Novemb.*

*m 1. Ianuarij.*

*n 22. Septembr.*

*o 2. Octobr.*

*p 13. Augusti.*

*q Baron. An. 362. n. 34.*

*r Idem An. 254. n. 24.*

*s Idem An. 302. n. 42.*

*t An. 286. n. 13.*

*u An. 301. n. 18.*

*x An. 302. n. 29. & 30.*

*y Lippel. 24. Iulij.*

*z Lipp. 27. Iulij.*

*aa Lipp. 17. Augusti.*

*bb 4. Decemb.*

*cc 13. Decemb.*

*dd 31. Octobr.*

## § IV.

**A**B Ezechiele Deus promulgari iussit: Vt sciat omnis caro, quia ego Dominus eduxi gladium meum de vaginā suā **IRREVOCABILEM.** Vbi gladius iste vel semel extra vaginam abierit, nunquā rediturus est, irrevocabilis est. Vt hoc intelligentiæ nostrę instillemus, sessui nos obsecro recipiamus, sed prout ille in rupe Choreb, Aternitatis attentissimus contemplator: Sedeamus, inquam, & numeros in chartam aut digitos mittamus hac ratione: Damnari ad inferos mille annis torquebuntur: Non sufficit. Duobus millibus annorū: Non sufficit. Tribus millibus annorū: Non sufficit: Quatuor millibus annorum:

Hh

Non



Non sufficit. Quinque millibus annorum : Non sufficit. Decem millibus annorum : Non sufficit. Viginti millibus annorum : Neque hoc sufficit. Quinquaginta millibus annorum : Neque istud sufficit. Centum millibus annorum : Hoc ad æternitatem nihil est ; nequaquam sufficit.

Quam tandem subducemus summam, si di-  
ctâ ratione ad dimidium dumtaxat diem pro-  
moveamus calculos ? Quis rationarius codex  
computationem hanc capiet ? Exacto demum  
ad umbilicum die obstupescendus numerus  
calculatorem suum obrueret. Id demum pro-  
nuntiandum foret ; Æternitatis mensura non  
venit ad digitos ; nullis includi, nullis com-  
prehendi calculis potest, innumerabilis est.  
Nam quoscunque numeros in immensum a-  
cervemus, quantumcunque grandem subdu-  
ctionem effingamus, excedit eam Æternitas.  
Quocunque tandem ? In infinitum, in id  
quod computationem omnem transgreditur,  
in tremendam sæculorum innumerabilitatem.

Ah, ô mortales, ô Christiani, ah, ah, quam  
non cogitamus ista, quam rarò ad hos calcu-  
los sedemus ? Verè, Nemo credit, Nemo cre-  
dit, Nemo credit. Et hæc non somnia, non  
figmenta, non Rhetorum colores ; nullæ hîc  
amplificationes, exaggerationes nullæ sunt.  
Æternæ Veritatis oraculum est : Discedite à  
me maledicti in ignem Æternum. *b* Non sol-  
iple clarior his verbis. Sed repeto : Nemo  
credit, Nemo credit, Nemo credit.

In prima Æternitatis parte, ad æternita-  
tem rectius expendendam ita lectorem manu  
ducimus : *c* Cogita mille cubos mille millio-  
num annorum. Hæc quidem expedite pro-  
nuntiantur, non item expedite considerantur.  
Sunt anni 1000000000000000000000000  
000000. Sunt millies, millies, millies, millies,  
millies, millies, millies, millies millena mil-  
lia annorum. Vbi ergo tot millia sæculorum  
apud inferos transacta fuerint, uti tandem  
transigentur (nil certius) tunc damnatorum  
singulis desperatissima conscientia dicet : Ini-  
tium æternitatis nondum est, tu ergo ne finem  
expecta, nullus erit : tora tibi restat Æterni-  
tas. Non minimo seipsâ minor est. Et ubi ite-  
rum iterumque, ac denuò toridem annorum  
spatium transierit, idem affirmandum : Nihil  
sui perdidit Æternitas. Etiamnum integerrima

est, nec circumcidi, nec imminui potest, in-  
immosos sæculorum cumulos duratura, sem-  
perque ultra.

*a* *Ezech. c. 21. v. 3.*

*b* *Matt. c. 23. v. 41. Luc. c. 13, v. 27.*

*c* *Parte 1. Æternit. Consid. 4. §. 2.*

S. V.

**H**oc denique aio ; Æternitas seriò cogi-  
rata, si quicquam, mente hominem e-  
moveat. At Deus non emoram mentem, sed  
emendatos mores quarit. Et quæso date mi-  
hi hominem, qui Æternitatis inexplicabile  
volumen mente seria contrectet, mox ego  
dabo, qui quinquaginta, cui centum annis  
paratissimus sit in summa viram asperitate tra-  
here. Quandoquidem verò tam paucos nu-  
meramus, qui in suum ipsi corpus sæviant, qui  
ad propitiandum Numen rebus duris se dent,  
cælumque solùm suspirent, hinc illud veris-  
simum, Nemo credit, Nemo credit, Nemo  
credit. De repetitis his vocibus, in fratre, Le-  
ctor, instruum.

Et Ah, saltem eò nos adducerent hæc Æter-  
nitatis cogitata supplicia, ut ijs abstinere non  
nollemus, quæ Deo displicitura novimus.  
Hactenus, quod Isaias queritur, Iniquitates  
nostræ diviserunt inter nos & Deum no-  
strum. *a* Nunc igitur appropinquemus Deo,  
& appropinquabit nobis. *b*

Sed coronidis loco addimus, quod Æter-  
nitati explicandæ faciat. Ponimus Orbe toto  
unicum esse mare (quod cruditorum fert opi-  
nio) illudque nec augeri, nec minui, quod  
certè post supremum iudicii diem obtinebit.  
Concedat ergo Deus per beneficium & gra-  
tiam (sic fingimus) & ad Æternitatis captivos  
submitatur Angelus qui lætum nuntium pro-  
mulget hoc modo : Bono animo estote, Evan-  
gelizo enim gaudium magnum, quantumvis  
serò percipiendum. Præcepit Deus ut ego sin-  
gulis annorum centurijs ad mare descendam,  
unamque ex eo guttam auferam : Vbi mare to-  
tum ita guttatim fuerit siccatum, omnia tor-  
menta vestra desinent, & vos in libertatem ce-  
litum asserendi, hinc emigrabitis. Solatiû hoc  
foret ingens, tamen post panè innumeros sæ-  
culorû tractus promissa libertas obtingeret.  
Nos quidè tam tardû beneficij genus non ca-  
pimus, neque hunc finem assequimur, perinde  
ac si




ac si sponſio hæc nunquam in opus exitura. Quot enim Oceani guttæ ſunt? quis eas in números digerat? noſtro ſenſu numerari non poſſunt, ita nec inferorum ſupplicia finire. At certè damnati hanc gratiam probè caperent: Norunt illi omne quod finitum eſt ſuis claudi finibus, rerum omnium meſuras, præterquã Eternitatis, colligi, mare ipſum ſtillatim etiã vel tandem exhauriendum. Adeo quæ illam Angeli promiſſionem ut optatum nuntium audirent. Sed hoc ipſum illis negatum eſt: tam beati nuntij ad illos nunquam venient. Nil horum ſperari poteſt. Tam extenſum quidem temporis ſpatium tranſibit, quo mare vel ſic guttatim exhauriri poſſit, ſed poſt omnem illam durationis intercapedinem damnati & ardent & ardebunt: nullus hîc finis, nullus terminus, non exitus, non clauſula ulla, nihil hîc ultimum, extremum nihil, æterna omnia: Vt ſciat omnis caro, quia Dominus eduxit gladium ſuum de vaginã ſuã irrevocabilem. & Eternitas damnatorum inexplicabile ſuppliciũ. Inde vel ipſi mortui cæcitatem noſtram complorantes clamant, Nemo credit. Nemo credit, Nemo credit. Ergo quod Ieremias identidem inſinuat: Salvet unuſquiſque animam ſuam. d

a *Iſ. c. 59. v. 2.*

b *Iac. c. 4. v. 8.*

c *Loco ſuprà cit.*

d *Hier. c. 51. v. 45.*



## CAPVT XIII.

*Concluſiones tres in præmiſſa capita.*

**A**vrelius Prudentius, verus poëta Chriſtianus, ævo Theodoſij maioris, a duos in Symmachum libros vulgavit, in eorum altero arcem ad cælum ſemitam eleganti verſu ſic depingit:

*Prima via facies inculta, ſubhorrida, triſtis,  
Difficilis, ſed ſine ſui pulcherrima  
Et quæ præteritos poſſit penſare labores.*

Amplam planamquæ ad inferos viam ita deſcribit:

*Devia, picta bonis brevibus, ſed ſine ſub ipſo*

*Triſtis, & in ſubitam præceps immerſa charyb-  
dim.*

Quàm eleganter his Iobus accinit: Ducunt in bonis dies ſuos, & in puncto ad inferna descendunt. b Nunc cuique noſtrum ſoluta eſt optio eligendi. Elige, Vtra placet? Elige.

Iosephus Chriſti Domini educator, ex Ægypto in terram patriam rediturus, duas ſibi vias habuit propoſitas: liberum ei erat, quod veller, aut in Iudæam, aut in Galilæam eundi. Angelus namque id unum iuſſerat: Vade in terram Iſrael. c Hac aut iſtac viã iveris, cui arbitrij eſt. Iosephus prudenter deliberans, cum audiſſet quod Archelaus regnaret in Iudæa pro Herode patre ſuo, timuit illò ire. d Et ad Cælum nobis, & ad Orcum via patet. Potestas optionis eſt: eligamus maturè, Vtra placeat. Centies, ſexcenties, millies ingeritur nobis, Apud inferos regnare diabolum cum apoſtatis angelis; apud ſuperos regnare Chriſtum cum ſui cultoribus & amicis. Eligamus, quod ire lubeat. Electionem hanc iuverit, ſequentia conſideraſſe, unã cum tribus concluſionibus, quas apponemus.

a *An. Chriſtiano 390. l. 2. contra Sym.*

b *Iob c. 21. v. 13.*

c *Matth. c. 2. v. 20.*

d *l. cit. v. 22.*

## § I.

**S**i quis è Perſici Regis Aſſueri cõvivis ſu per lautitiis epuli regij interrogatus fuiſſet, ad omnem quaſtionem reſpondere potuiſſet, ſummas fuiſſe lautitias, id quæ anno medio. Exempli gratia eiufcemodi quaſtiones illi ſint poſitæ.

1. Quinam ad hoc epulum invitati? Cuncti Principes, fortiſſimi Perſarum & Medorum inclyti, & præfecti Provinciarum. Atque hi omnes invitati, *Ad annum medium.*

2. Convivium quale? Hortenſe, omnium amœnitatum refertiſſimum, Nemus cultu regio conſtituta omnia tempe, paradifiſum omnem ſuperabat, *Id quæ medio anno.*

3. Quis convivij locus? Non aureus ſolùm, ſed & gemmeus. Nam lectuli aurei & argentei ſuper pavementum Smaragdino & Pariſtratum lapide diſpoſiti erant, quod mirã varietate pictura decorabat, & hoc in oculis erat, *anno medio.*

Hh 2

4. Quæ



4. Quæ convivas umbracula tegebant? Pretiosissima. Nam pende bant ex omni parte tentoria aërei coloris, & carbasini ac hyacinthini, sustentata funibus byssinis atque purpureis, qui columnis marmoreis fulciebantur, *idq; anno medio.*

5. Qui cibi ponebantur? Selectissimi, regij, *idq; anno medio.*

6. Quis in mensâ potus? Vinum, magnificentia regia dignum, abundans & præcipuum, *idq; anno medio.*

7. Quæ pocula aut pateræ, quæ chrysendera adhibebantur? Aurea. Bibebant enim qui invitati erant, aureis poculis, & alijs atque alijs vasis cibi inferebantur, *a idque anno medio.*

8. Quæ Musica convivas hilarabat? Nobilissima: Omnes Gratia & Charites, ipsa Sirenium concordia videri potuisset concinere, *idque anno medio.*

9. Omnes ne convivæ lati? Letissimi, *idque anno medio.* Hæc unus aliquis ex Assueri convivis dixerit. Hæc eadem de cælo, iure multò potiore dicentur, si pro anni dimidio, æternitatis duratio substituatur.

Sed interrogetur quis è damnatorum numero, similem in modum: Ecquæ maxima damnatorum pœna? Tenebræ, dicit, seu Intuitus divini privatio, *idque in omnem æternitatem.*

Quæ altera sceleratorum pœna? Fletus & stridor dentium, hæc Plutonis musica est, *idque in omnem æternitatem.*

Quæ tertia? Fames ac sitis incredibilis, *idque in omnem æternitatem.* Si fames hæc sitisque tantum decies millies centenis millibus annorum esset duratura, minùs id grave videri posset, quam visum sit olim ieiunium in sacra confessione iniunctum.

Quæ quarta? Fœtor intolerabilis, è tot cadaverù acervo, è sulfuris Oceano, à tot diabolorum consortio. Fœtor omnis in Orbe hoc nostro cinnamomum & balsamum est ad illos Erebi fœtores. Prædictum illis sæpius: Expectat vos triste balneum, si hac via pergitis. Sed furdus canebatur fabula. Pergebant. Iam balneum ingressi sunt, non egressuri amplius. Quam id foret tolerabile, tot annis, fœtore hoc torqueri, quot ab Orbe condito in hanc usque horam momenta transierunt: sed

heu cruciabit hic fœtor sine fine, *idque in omnem æternitatem.*

Quæ quinta damnatorù pœna? Ignis horribilissimus, ad quem flammula nostræ possint videri pictæ. Illud inexplicabile, quod ignis ille sit inextinguibilis, quem nulla flumina, maria nulla, nullum diluvium extinxerit, quem nec ipsa sopiverit Æternitas. Iudex præmonuit; fixum est decretum, sapius legendum. Ite in ignem æternum. Vrentur, non comburentur, *idque in omnem æternitatem.*

Quæ verò sexta? Vermis conscientie; tanto gravius, quanto abstrusius supplicium. Vires oculis subijciatur, non aliud cogitandum, quàm igneam selem cuiusque pectori inhærere semper illudque unguibus fodicare ac lacerare, ita tamen ut pectus ita vulneratum, in novam identidem laniam recrescat, *idque in omnem æternitatem.*

Quæ septima? Locus & societas execrabilis. Hæc peccatorum fuerunt illicia, quæ caveri poterant, nec cavebantur; nunc pro digressa sepulchrum igneum: pro amicorum familiaritate sodalitas est diabolorum & damnatorum hominum execrabilissima. Hic locus semper habitandus, hoc sodalitium nunquam futurum, *idque in omnem æternitatem.*

Et quæ octava numeratur pœna? Desperatio planè furiosa, quæ momentis singulis sceleratos illos iugulat, nec tamen iugulat, perinde si culter aut pugio alius super alium adigatur in præcordia, *idq; in omnem æternitatem.*

Et quæ tandem nona inferorum, pœna? Ah, ah, ah, inexplicabilis, immensa, incomprehensibilis Æternitas, hæc tormentorum omnium tormentum maximum. Tolerare Tenebras Fletum, Famem, Fœtorem, Ignem, Conscientia vermem, Desperationem, Diabolorum convictum, hæc, inquam, omnia tolerare annis mille, aut bis mille, vel etiam decem aut centum millibus, aut tot annorum millibus, quot in quaternione chartæ peritissimus scriba posset exprimere; numerus foret nullus Arithmetici lingua exprimendus, sed tamen finitus; & ob hoc unum acceptatissimus damnata plebi, quod tandem post pænè innumera millia millionum annorum finis futurus esset tormentorum.

Sed sententia lata est, nec revocari potest. Illa octo supplicia toleranda, *idque sine fine,*



ne, ardens idē, sine fine, æternum, in perpetuas æternitates, ut vates Hebræus loquitur.

Atque hoc est quod nunquam satis dici, sed nec cogitari satis, quod nunquam capi, intelligi nunquam poterit. Æternitas piorum iuge suspirium; Æternitas impiorum formidabile somnium; Æternitas damnatorum inexplicabile supplicium. Restat ut ad septenas in primā Æternitatis parte positas conclusiones, adiiciamus tres alias istas.

a *Esth. c. 2. Pluribus versibus, initio.*

## § 11.

**C**onclusio prima. *Omnia Orbis pretiosa, fungi sunt, umbra sunt ad Æternitatem collata.* Argentum omne aurumque, gemmæ omnes si in geminos consententur globos; omnia honorum nomina, omnis triumphorum gloria; omnes Salomonis & Sardanapali delitiæ, omnis illecebrarum dulcedo, voluptatum omnis omnino suavitas fungi vilissimi, rivilitium, & reverā umbræ merissime, aut rectius, omnia hæc scarabæi umbra sunt, qua nihil esse potest vilius, si ad Æternitatem conferantur.

Quis convivium illud æstimet, in quo rapimur unus alterve bolus ingeritur, & abitur? Quis illud præmium laudet, quod ventre aufertur? Talia sunt vitæ istius bona; buccæ & micæ, medicati boli, vanitas & umbra.

Ad rem præclarissimè dixit Augustinus: Non nobis sufficit, quicquid longum est in tempore, si habet finem, & ideo nec longum dicendum est. Et si avari sumus, vitæ æternæ avari esse debemus. a Cetera hic omnia puerorum nuces sunt, bracteolæ & matteolæ, crepundia & pupæ. Hinc illæ divini Pauli generosissimæ voces: Existimo omnia detrimentum esse, propter eminentem scientiam Iesv Christi, propter quem omnia detrimentum feci, & arbitror ut stercora. b

Conclusio altera: *Nullus religiosorum hominum tam parvè ac duriter seipsum habet, nemo tantis rigoribus exercet corpus, atque liberati de pœnis alterius Orbis facerent.* Quod nos severissimam vitam interpretamur, vita voluptuaria est, ad illam seu vivendi seu moriendi perpetuam necessitatē in Tartaro. Nos videri possumus suavissimè dormire, etiam si complures noctes traducamus insomnes: Nos inter ipsas calamitates delitiamur; illi verè cruciantur, &

vel unā horā millies moriuntur.

Scriptor fide dignus commemorat, Theodorico Taiectensi Præsuli fuisse famulum, qui Eberbach audiit. Hic hero suo ab insigni prudentiā & fideli prorsus industriā commendatissimus, amulorum invidiā sic exagitatus est, ut demum velut in rabiem actus cacodæmoni se mancipari, ut vel inde præsidij aliquid alaceret contra tam malevolos insidiatores.

Annis aliquot evolutis fato concessit Eberbach; animus corpore solutus in Euripum flammeum abiectus est. Ab hoc igne tantos percipiebat cruciatus, ut redivivus diceret, Si ex omnis Orbis arboribus & lignis rogos strueretur unicus, malle se in eo usque ad supremum iudicii diem ardere, quàm hora unica illis prioribus ignibus torqueri. Sed & Avernale frigus, & tenebras, ceterasque pœnas ex ordine percensuit. Dum autem his suppliciis afficeretur, adfuit è cælo nuntius qui miserum affatus: En, inquebat, hoc præmium ijs debetur, qui diabolo serviunt. Sed dic, si tibi ad vitam redire liceat, an ob commissas noxas, vitam suscipies expiabilem? At ille: Pœnarum, inquit, nihil recuso, modo hinc exeam.

Hac demum lege voluntariæ multæ subeundæ rediit ad vitam, & quia nondum terræ mandatus, in feretro sese erigens, omnes adstantium in fugam egit. Mox ingenti spiritu scelorum pœnas à seipso expetere aggressus, Othoni præfili in sacram militiam eunti se adiunxit. Sed iam ea vitæ severitate se afflicta-vit, ut iuxta equum nudis pedibus curreret, nec curaret spinis ac saxis tibias plantasque variè vulneratas cruentari. Pecuniā pœnæ omnem in pauperes erogavit Panis & aqua quotidianum illius ieiunium parcissimè resciebant. Erāt qui summam hanc vitæ austeritatem mirarentur, mitiora persuasuri. Quibus ille: Non est, inquit, quod miremini; longè graviora passus sum. Vos ibi sitis, aliter sentiat. Atque ubi sacrum hoc iter confecit, unā cum uxore religioni se addixit, quod vitæ reliquum esset, rigidissimis piaculis acturus. c Hæc ipse de se Ioanni Xantenſi enumeravit, à quo ea scriptor accepit.

Hic illud moniti nobis opportunissimè ingeratur: *Graviora passus sum.* Et tu, mi Christiane, graviora pateris, nisi hæc levia tole-



res patienter. Est cum apud nos ipsos gravissimè iniurias aliorum querimus: hic quisque sibi rectè dixerit: *Graviora patieris*. Est cum aliorum aures querelis opplemus: idem optimè respondebitur *Graviora patieris*. Idem in omnibus molestiis ac miseriis usurpandum. Quid malum tuum impatiètià exasperas? *Ni caves; Graviora patieris*. Nihil est quod patieris, nihil est ad thermas illas non Neronis sanguineas, sed Plutonis flammeas collatum. Ergo, ne *Graviora patiaris*, patere hæc levia.

*a Aug. in Psal. 68.*

*b Philip. c. 3. v. 8.*

*c Cesaris Heisterbacens. l. 12. mirac. c. 13. qui hac copiosè narrat.*

### §. III.

**C**onclusio tertia. *Non tantum vanus, sed plerumq; noxius est omnis labor, qui æternitatem non spectat.* Qua de re Christus luculentissimè: Quid prodest homini, ait, si Mundum universum Incretur, animæ verò suæ detrimentum patiatur, *a* Non solum non divitias, valetudinem, delicias, sed nec Mundum universum adipisci iuvat, si quis seipsum interim perdat. Vtere & frui divitiis, valetudine, delitiis quantum vel optare potes; fungi & umbre hæc omnia, si post vitam hanc palo infigaris flammeo. Contemplemur obsecro, qua ratione usitato apud nos supplicio per medium hominem adactus stipes per os emergat: Spectaculum horrendum. Pendet miser affixus palo, & subinde auctarij loco substructus est ignis lentus, pedes ad palum catenis colligati, manus affixæ clavis. Heu dirissimum suspendium! Si anno medio, si decem, si centum, si mille, si decem millibus annorum, si semper, si æternum ita pendendum sit?

Heu quid prodest homini, si Mundum universum lucratur, animæ verò suæ detrimentum patiatur! Vtunque capimus hoc oraculum, sed quod theologus *b* dixit: Plerosque sensus carnis excæcat. Hinc verissimè Chrysostomus: Quamvis, inquit, ignis ille exstuet, fluvius flamma accendatur; nos tamen rideamus & delicias amplectimur, & licentiosè peccamus. *c* Quid ergo hic aliud inelamem, quam illud Hebræi vatis: Salvet unusquisque animam suam. Æternitati propinquamus, & illa nobis. Brevi unâ erimus,

Iosaphatus rex Iudorum à Barlaamo Christiana sacra edoctus, velut per somnium vidit inferos, & diversorum tormentorum seriem, auditq; vocem; Hæc sceleratorum sedes est, qui sese flagitiis contaminarunt. Vbi triste hoc visum desit, totis cœpit artibus tremere; rivulorum instar lacrimæ fluxerunt, omnia male suadæ voluptatis illicia evanuerunt, alium induit hominem Iosaphatus. *d*

Deus bone, quàm nos præfractæ malitiæ sumus! Non somniamus inferos, sed esse credimus, fide minimè fallaci. Verum qui nostri nihilominus sunt mores? Nos quidem alium atque alium hominem induimus, sed semper malum, adeoque ipsam variamus malitiam, & velut priorem pertesi, novum subinde nequitæ vultum sumimus. Ideò vel sanctissimus quisque, cum Bernardo roget: Subveni mihi Deus meus, priusquam sine termino crucier in inferno. Ideò vel impiissimus quisque cum Manasse id unicè deprecetur: Ne simul perdas me cum iniquitatibus meis, neque in æternum iratus, reserves mala mihi, neque damnes me in infima terræ loca. Quia tu es Deus, inquam, pœnitentium. *e* Et quid ego non homo, sed iumentum, ad te mi Deus, vociferer, quàm illud unum: *Parce, ignosce, miserere, ne reminiscaris iniquitatum mearum.*

Cum Christus Dominus postridie palmyferi sui triumphi è Bethania in urbem Hierosolymorum tenderet, in via esuriens ficum adiit, inde petiturus fami solatium, at ubi nihil in ea invenisset præter folia: Nunquam, ait, ex te fructus nascatur in sempiternum. Et arefacta est continuo ficulnea. *f* Tales omnino sunt omnes Archerontis incolæ: ficus maledictæ, semper infecundæ stirpis eradicatæ in flammis abiectæ in flammis semper arsuræ. Nunquam ex illis nascetur fructus in sempiternum. In regnis Behemoth ignota penitus est patientia; nulla submissionis notitia; nulla illuc hospitatur virtus; solum est sterilissimum, ubi nullæ arbores nisi ad ignem natae. Nunquam ex illis nascetur fructus usque in sempiternum.

Postquam protoplasti parentes nostri primum vetitum admorderunt, protinus illo amoenissimo horto sunt exclusi, & ad horti custodiam admotus est non sine armis Angelus. Divinæ paginae id testantur: Ejecitque Adam, & col-



& collocavit ante paradifum voluptatis Cherubim, & flammeum gladium, atque verfatilem. *g* Illustriffimum hoc erat divinx mifericordix argumentum, illic famulum duntaxat collocaffe, non ipfum Paradifi dominum fteiffie cum gladio ad prohibendum omnem ingreffum. At verò iudicij fupremo die, nulli famulorum gladius permittetur: ipfe dominus eum arripiet, ftringetque in damnata capita, *Discedite à me maledicti*. Paucula verba funt, fed librum & volumen ingens faciunt, nunquam fatis evolvendum.

Nunc igitur rerum noftrarum fatagamus. Tantò quifque minus mifer in Orbe altero erit, quantò miferias fuas in ifto patientius tolleràrit.

*a Matth. c. 16. v. 26.*

*b Lucas Burgenfis.*


*c Chryf. hom. 55. ad pop.*

*d Damasc. hift. de Barlaam & Iofaph. c. 30.*

*e 2 Paral. c. 36. & ult. fine.*

*f Matth. c. 21. v. 19.*

*g Gen. c. 3. v. 24.*



## CAPVT XIV.

*Que ligna, quòdve pabulum ignis fit aternis  
Vbi de peccati mortiferi inexplicabili gravitate.*

**V**eriffimè dictum à prifco philofopho: *Initium falutis, notitia peccati*. Revera non peccabit unquam gravius, quifquis mente ferià cum gravitatem peccati, tum fœditatem infpexerit. Peccatum ex Orbe tolle, & malum omne fuftruleris. Vnum atque unicum Orbis malum, & ceterorum omnium malorum fèminarium, miferiarum omnium pelagus profundiffimum, fuppliciorum eft abyffus Peccatum. Hinc ille Chryfoftomi voces: Peccatū fpontanea infania, voluntarius eft dæmon. Eam ob caufam beato Ludouico Galliarum regi etiamnum adolefcenulo mater altiffimè impreffum cupiebat: Potius vitam perdere, quàm letali fe culpa obstringere. Rectiffimè protus Ioannes Climacus dixit: Efti mille annis continuam inedia pane folo & aqua toleraremus, cefi totum Mundum ut nobis

cum pro nobis lugeret commoveremus, cefi Iordanem stillatim & guttatim lacrimando per oculos educeremus, nunquam tamen pro commiffis peccatis fatisfacere poffemus.

Inde Sapiens Hebræus tanta contentione vociferatur: Quafi à facie colubri fuge peccata. *a* Quis tangit poculum, in quod mors ructaverit, uti Tertullianus loquitur, & in quo venenum minitètur bibenti? Nil habet Orbis formidabilius peccato. Quæ de re dicta fcriptæque funt innumera: nos compendio quintuplicem hanc affertionem ftatuimus. Quifquis letaliter delinquit:

1. Deum graviffimè offendit, eumque fibi adverfarium & hoftem conftituit.

2. Divinam gratiam omnem amittit.

3. Omne genus miferiarum & calamitatum fibi ultro accerfit.

4. Cælum in omnes æternitates perdit.

5. In fempiternos inferorum rogos præcipitem fe mergit.

Divinus Paulus rem verbo abfolvit: Stipendia peccati mors, *b* & omnis Mortis comitatus, Luctus, Dolor, Morbus, Mœror, quos velut antecambulones fequitur æterna mors. Hoc omne ut exactius, prout omnino par eft, confideremus, affertionem illam quintuplicem ordine explicabimus.

*a Eccl. c. 21. v. 2. b Rom. c. 6. v. 23.*

## §. I.

**P**rimum eft: Deum graviffimè offendit eifque fibi adverfarium ac hoftem ftatuit, quifquis letaliter delinquit. Peccato fummum bonam læditur, ita quidem ut neglecto creatore finè fuum in re creata conftituat homo. Quod fummæ iniuriæ eft, & fimillimum idololatriæ. Hinc toties in divinis oraculis peccata idololatriæ nomine designantur. Ifta in omni peccato graviore temeritas quovis fupplicio digniffima eft. Cum enim Deus ubique focorum præfentiffimus fit, ante ipfius reclamantis oculos patratuf nefas, fitque iniuria & cernenti, & audienti. Ita fummum regem coram & in os contumelijs afficimus. Et quod fœdius, beneficijs abutimur in offenfam beneficiæ conferentis. Auxilium enim quod nobis Deus in omnibus omnino actionibus præftat, contra ipfum convertimus: perinde fi filio parens gladiolum porrigat, ut ad fe de-



fendendum eo uti condiscat, simul etiam imbecille filioli brachium regat, at verò nequissimus puer optimum parentem, dum is ferientis manum sustinet, conetur configere. Hoc agit, quisquis peccat. Dum Deus actiones illius & adiuvat & dirigit, has ipse in Deum iniuriose convertit. Atque ut summa hæc in Deum contumelia magis elucescat, rem oculis ita subiicimus.

Quotiescunque homo in deliberatione seu ipso peccati aggressu est, medius inter Deum stat atque diabolum, velut iudex & arbiter, pro qua parte pronuntiet. Deus legem à se latam explicat, & unà filium cruci suffixum monstrat, ut hominem à peccato avertat. Diabolus escam malorum voluptatem obicit, suadet, invitat, ut ad peccandum illiciat: quisquis iam peccat, hoc ipso diabolum Deo præstare pronuntiat, nam aversus à Deo, causam diabolo adjudicat iniquissimus iudex. Quid hoc aliud est quàm reipsa dicere: quicquid leges iubeant vetentque, quicquid crucifixus filius monet moneat, roget, suadeat, imperet, quicquid è cælo minetur Pater, diabolus tam suaviter me invitat, mulsam tam dulce propinat, ut persuadeat, ut vincat; Eo, sequor diabolum, ab illo me trahi sino: placet hic caupo, quamcunque tandem symbolam poscat. Verissimè hoc facit, quisquis leralitet delinquit.

Ita in unam lancem Deus mittitur, in alteram voluptas. Accedit homo velut libripens, atque ubi peccare decrevit, malle se divinæ amicitie, quàm voluptatis iacturam facere apertissimè statuit. Et ita Christo Servatori latronem anteponeit.

Quid horrendum magis, quid indignius suprema Maiestate, quid turpius quàm hoc conditori fieri à recondita? Obstupescite cæli super hoc, & portæ eius desolamini vehementer, dicit Dominus. Duo enim mala fecit populus meus: Me dereliquerunt fontem aquæ vivæ, a fontem limpidissimum, & impuros rivulos sectati sunt.

Atque ut hoc ipsum explicatiùs tradamus: Hominem peccaturum partes diversæ trahunt, ut diximus; hinc trahit Deus, hinc diabolus. Penes hominem stat, à quo velit attrahi. Cacodæmon filo aut culmo ligat hominem (nec enim aliter potest) & ostentat quod vel

carnem mulceat, vel crumenam augeat, aut certe famam extendat. His filis, his ille culmis quoquò vult pertrahit, quem ligavit. Ut igitur homo vel suæ libidini, vel avaritiæ suæ, vel arrogantiae satisfaciatur, contra expressissimam Dei legem in vetitum ruit.

Deus quidem vinculis haud facilè rumpendis ligat hominem, beneficia sua proponit, debitum sibi servitium exigit, proscriptionem è cælo, & æterna inferorum incendia minatur. Sed nihil agit, quicquid promittat, aut minetur Deus: vincit diabolus, & Deo, sic volente homine, antefertur. Hoc enim præstabilius putat homo, blandientem Satanam sequi, quàm præcipientem Deum. Ideò vincula omnia, quæ ipsi Deus iniicit, contumaciter abrumpit.

Dicite iam vos ipsi, qui in malum scientes ruitis, qui hinc & illinc tracti victorem diabolum facitis; dicite, quibus hoc gehennis, quibus æternitatibus hæc in Deum iniuria possit elui?

Hoc ipsum Deus iam olim gravissimè questus: Rupisti, ait, vincula mea, & dixisti: Non serviam. *b* Ad rem est propriissime querela ista. Hoc certè facit, quicumque scelus in se concipit; abrumpit vincula, dicitque, *Non serviam*. Hinc vel ipsi Christo Deo insultans Satan dixerit: En, hoc tibi tui faciunt; sic homines à te conditi te amant, ita te honorant ij pro quibus mortuus es, quibus te ipsū das & omnia. Quid à me habeant non ignorant, nihilominus sequuntur me; voluptatula vilissimæ trahi se sinunt à me, ego illos obsequentissimos habeo; me suum esse hostem nō nesciunt, & tamen diligunt, modò eis aliquid vel pecuniæ, vel lasciviæ, vel inanis gloriæ monstrem. En, quantos numerem in meis castris. Ego pro illis nec colaphos tuli, sicut tu Christe pro tuis; nec flagella sustinui, nec crucem pertuli, nec mortem obij, sicut pro tuis tu Christe. Sed neque illis cælum promitto, neque paradysum offero, sicut tu Christe tuis, quos monitis doces, exemplis instruis, minis terres, præceptis dirigis. Sed frustra. Te spreto me audiunt. Malunt æternum ardere, quàm brevi tempore tuis legibus vivere. Volentibus non fiet iniuria: peribunt quia perire cupiunt. Quia conditorem suum repudiant, me dominum, imò tyrannum habebunt.

Quid



Quid ad hæc, inquit Cyprianus, respondemus fratres? An non igitur videris, ô mortales, & palpatis, quanta hæc in Deum sit iniuria? Atque hoc est quod nullis inferorum ignibus, nullis sæculorum tractibus expiari possit. Nos anxie quandoque querimus: Ecur Deus unicam letalem noxam, quæ vel momento committitur, æternis ignibus punit? Varia super eâ re Theologi respondent. Vix ullum satisfacit responsum: & nos sequenti capite hæc de re plura. At quisquis illud, quod modò diximus, enucleatius perpenderit, ultrò fatebitur capitale crimen omne, non posse nõ infinite Deo displicere, tamque inexplicabilem esse iniuriam quæ Deo infertur peccando, ut ea nullis unquam cruciatibus satis elui possit.

Res in aperto est: Quanto persona, in quam peccatur, nobilior ac sublimior, tanto noxa est gravior. Qui sibi æqualem lædit, noxam contrahit, hæc tamen multum augeatur, si sacerdotem profanus læserit. Vtraque hac culpâ gravior ea est, si episcopum offenderit. Longè gravior, si episcoporum Antistitem, aut purpuratum patrem; gravissima si Regis aut Cæsaris maiestatem spreverit; longè gravissima, sic homines censent, si ipsam Pontificis tiaram ausu temerario violarit. Hæc incrementa sunt culparum, prout nimirum dignitas crescit, sic & culpa. Hinc cum Deus, qui læditur, sit infinitæ dignitatis, offensa etiam gravitatis sit infinita.

Quare quo penitus quis Numen divinum nosse incipit, eò exactius infandam peccati malitiam & agnoscit & odit. Certè Deus tanto fertur odio in peccatum, ut theologus è divi Dominici familiâ celeberrimus dicere sit ausus: Certissimum est, quòd si quis omnes creatos intellectus in unum conflaret, & ex omnibus linguis unâ fabricaret, nec intellectus ille comprehendere, nec lingua ista explicare posset illud, quod Deus in peccatum gerit odium. Cum enim Deus infinite bonus sit, amore infinito bonitatem, odioque infinito persequitur malitiam. Atque hinc illam premijs æternis, hanc æternis supplicijs remuneratur: Ibunt hi in supplicium æternum, iusti autem in vitam æternam. *d*

Vt autem istius; quo Deus in peccatum fertur, odij magnitudinem paullo altius in a-

nimum admittamus, consideremus obsecro, quantum supplicij æquissimus iudex vel unico peccato sapissimè irrogarit. Animus ab actione innotescit; pœnæ à Deo inflictæ odium divinum explicabunt. Et quod illud, oro, supplicium Angelorum? Lucifer, omnis elegantiae ac venustatis miraculum multò quàm nobilissimum. cum tot centenis millibus, rectius dixerim, cum tot millionibus Angelorum subito in flammeas voragines præcipitatus est. Ecquod ab eis facinus est designatû? Unica superba cogitatio. Ah, ô Deus, Ah! Tantus numerus tantorum regum (ad quorum vel unicû vel mille reges collati exiguae sint potentiae) in æternum damnatus sit? Nec ulla pœnitentiæ aut misericordiæ, nulla recuperandæ gratiæ facta sit mentio? Ergo ipsissima, ergo omnis eternitas unicam superbam cogitationem non exhauriat? ergo sæcula infinita pro unicâ unius momenti noxa nequeant facere? Iure Deus Angelo apostatæ ceteris, quæ eius asseclis dixerit: Extinguere vos penitus, & in nihilum possem redigere, sed eritis Maiestati meæ, beatis Angelis omnibus, hominibus universis prodigium, portentum, nequitiae spectaculum, iustitiæ testimonium, æternum mei in vos furoris barathrum.

Si quis mille Regum ac Imperatorum filios capite damnari & securi subici videat, ingemiscet utique dicitque: Atrocissimum planè facinus hic sanguis regius commiserit necesse est, quod omnes unâ eaque inexorabilis sententia feriat; obstupefiscendum prorsus, adeo nec precibus, nec numero, nec sanguini, nec clementiæ quidquam dari. Idem omnino hic cogitandum, & plus quàm obstupefiscendum, tot Angelorum milliones ad æternos rogos deiici, & nullum veniæ, nullum gratiæ, misericordiæ nullum dari locum; non genus & originem cælestem, non maximam multitudinem, non delicti, ut videri poterat, exiguitatem spectari, sed pariter uno omnes turbine involvi, læsæ Maiestatis universos damnari, morti sempiternæ addici.

Ah, ô mi Deus, ah quæ tandem peccati nefanda est atrocitas, ut divinos furores eoque tam implacabiles in se provocet ita quidem implacabiles, ut nullis unquam sæculis mitius savituri sint, nec ullis se supplicijs mitigari sinant. Hinc omnis venia venique spes



exulat. Deo rebelles, cælo extorres erunt in omne ævum. Effusa est omnis gratia; spes libertatis nulla. Frustra preces, frustra libelli supplices. Conclufum est; Decretum est. Quondam Angeli, nunc diaboli, olim Deo amiciffimi; nunc hostes capitaliffimi, ardebunt æternum. Et quod delicti genus fuerat? Iam diximus: Cogitatio superba unica. O Rex gentium, quis non timebit te?

Hic nemo fe fallat, & Angelorum delictum longè alterius fuiffe ordinis putet quam fint humanæ noxæ. In protoplastis idem est cernere, quod in Angelis. Primi parentes noſtri cum univerſis poſteris divinâ gratiâ exuti, innocentia veſte ſpoliati, paradifo excluſi, æternum exulare iuſſi ſunt, additâ fatali hac ſententiâ, *Moriendum eſſe*. Nec ſatis fuiſſet morte unâ deſungi, Mors æterna iam triumphabat, iam immenſum populum ſui iuris & cenſus numerabat, & verò etiam omnem humanam gentem in ſua regna traxiſſet, niſi Altiffimi filius humanam ſortem miſeratus hominem induiſſet, expiraturus in cruce. Iam perieramus omnes, ni perire voluiſſet, qui perire non poteſt. Nam inhærentis peccati contagio ab uno in omnes tranſiit. Et quod illud tam immane fuit Adami flagitium? Pomum unicum leviter admorſum.

Eheu tantis lacrimis, tantâ funetum ſtrage, tantis ſupplicijs luendus eſt pomi morſus? Quid querimur? Hæc peccati ratio eſt: infinitè Deo diſplicet, infinitis ſupplicijs acerrimè vindicatur, nec tamen unquam expiatur. Euxit Deus cum in peccatum excandefcit.

Sed huc magis oculos ad humanæ gentis excidium. Et en Orbis terrarum univerſus, unius loco ſepulchri eſt, in quo totum genus humanum aquis ſepultum eſt. Ex omni hominum numero vix octo ſervati ſunt ab inundatione diluvij. Quæ cauſſa tam prodigioſi funeris? Quis tot centena millia hominum iratum hoc mare deturbavit? Peccatum, præſertim Libidinis. Quis ampliſſimas Gomorrahæ, Sodomæ, ceteraſque urbes incendio delevit? Peccatum, præſertim Libidinis. Quis Sichimorum urbem evertit? Peccatum, præſertim Libidinis. Quis Beniamitarum viginti quinque millia, Iſraelitarum quadraginta millia in prælio interfecit: Peccatum, præſertim Libidinis. Hic Dei mos eſt, hoc illius in om-

nia peccata odium; nihil hac in parte diſſimulare poteſt. Nullum peccatum ſine pœnâ. Et quamvis multa impetrent veniam, nulla tamen non ſubeunt pœnam.

Quæ ſacerdotis Heli ob ſolâ in caſtigandis filijs negligentiam? quæ Saulis propter inobedientiam? quæ Davidis propter incontinentiam? quæ Nabuchodonoforis ob ſuperbiam? quæ Ananiæ & Sapphiræ ob avaritiam; quæ plurimorum aliorum ob culpas, ut videbatur, leviſſimas pœna fuit? Achan hoſtilium ſpoliorum aliquid ſubducit, & id morte luit. e Pauperculus ille colligit ligna ſabbato, & lapidatur. f Oza nimium ſollicita manu contrectat Arcam, & vi ſubita necatur. g Obſequens, ſed paululum incautus propheta ſinit ſe decipi, & à leone ſuffocatur. h Iſraelitæ contra Moſen murmurant, & ab ignitis colubris interimuntur. i Beſſamitæ parum reverenti oculo ſalutant Arcam, & ſupra quinquaginta millia hominum iugulantur. k Eliſæum irrident pueruli, & eorum quadraginta duo ab urſis lacerantur. l

Non parcit Deus delinquentibus. Pereat Samaria (pereat anima) quoniam ad amaritudinem cõcitavit Deum ſuum. m Sit alicubi mare mellis, & unica fellis gutta in hoc dulciſſimum mare immiſſa univerſum illud in extremam mutet amaritudinem, quid quæſo de hoc felle, quid de hac fellis guttula ſentendum? Fel iſtud inexplicabilis & infiniti amaroris eſſe diceretur. Et rectè diceretur. Atque hæc eſt ipſiſſima peccati amarities. Eſt quidem divinæ pietatis ac miſericordiæ dulcedo infinita, velut mare mellis immenſum. At verò peccatum mortale quodcunque vel unicum amaritudinis eſt tantæ, & fel abditam malignè potens, ut Deum ſuavitatis ac dulcedinis inexhauſtæ pelagus, in pavendâ indignationis ac furoris amaritudinem convertat. Atque hoc eſt quod Oſeas clamat: Ad amaritudinem concitavit Deum ſuum, Anima peccatis ſuis. Non hæc vel ideo pereat? Deus ipſe id queſtus: Ad iracundiam, inquit, me provocavit Ephraim in amaritudinibus ſuis. n Hieronymus exponit: Sceleribus ſuis amarum me fecit, quia dulciſſimus eram. Idcirco non parcit Deus delinquenti.

Non iam miror amplius dixiſſe Iobum: Verebar omnia opera mea ſciens quòd non par-



ceres delinquenti. o Adeo certe non parci-  
Deus delinquentibus, ut vel in filio suo aliena  
etiam delicta acerbissime puniverit. Revera  
mors Christi funestissima satis luculente do-  
cet quanto Deus odio peccatum prosequatur.

Cum ægto pharmacum è fusili auro, aut è  
margaritis liquidis, aut è lapide Bezoar mi-  
scetur, prout est dicere, gravissimū esse mor-  
bum, & præsens vitæ discrimen: Ita hic pro-  
sus nimia fuerit necesse est peccati gravitas ac  
fœditas, quam eluere non potuit nisi domi-  
nicus, nisi regius infiniti pretij sanguis. Agno-  
sce igitur, o homo, inquit Bernardus, quā  
gravia sint vulnera illa, pro quibus necesse  
fuit Christum Dominum vulnerari.

Imò Christus cum sub cruce duceretur ad  
crucis supplicium, sua vulnera suamque mor-  
tem deferri voluit, ut scilicet illæ lacrimæ im-  
penderentur peccatis, quæ mortis tam infā-  
mis fuerunt causa. Enimverò solis Christi  
lacrimis satis elui potest peccatum. Nam si  
Angeli omnes, quotquot in cælo sunt, cor-  
pora humana induant, & multis sæculis vel  
unius mortalis peccati nequitiam plorent, ne  
sic quidem tot lacrimarum nimbis, peccatum  
illud unicum sufficienter deploraretur, quod  
solum Christi lacrimæ, eæque sanguinæ, sa-  
tis expiant.

a Hier. c. 2. v. 13.

b Hier. c. 2. v. 20.

c Ludon. Granat. Part. 1. Memor. l. 2. c. 7.

d Matth. c. 25. v. 46.

e Iosue. c. 7. v. 25.

f Num. c. 15. v. 33.

g 2. Reg. c. 6. v. 7.

h 3. Reg. c. 13. v. 24.

i Num. c. 21. v. 6.

k 1. Reg. c. 6. v. 19.

l 4. Reg. c. 2. v. 24.

m Osee. c. 14. v. 1.

n Osee. c. 12. v. 14.

o Iob. c. 9. v. 28.

## §. II.

**A**lterum assertionis nostræ caput est,  
Gratiam divinam omnem amittit, quis  
lethaliter delinquit. Facinus quodcumque  
mortiferum omni penitus gratia divina spo-  
liat. Nil pulchrius animo quem ornat Dei  
gratia; nil fœdus quam animus divina gra-

tia gratiâ exutus, & scelere pollutus vel uni-  
co. Coluber est peccatum venenatissimum, vul-  
nus ab hoc colubro est mortiferum, licet sua-  
viter & cum voluptate inflictum. Et o si ocu-  
lis videre liceat, quanta peccati sit defor-  
mitas ac fœditas, quā sedulo peccatum  
fugerent qui modò festinant. Deformius  
est atque terribilius ipso cacodæmone pec-  
catum. Princeps Angelorum Lucifer, mul-  
tò formosissimus fuit Angelus, sed peccati  
unius fuligine ita omnis eius pulchritudo de-  
fœdata est, ut iam terribimū ac spurcissimum  
sit prodigium, adeoque horrendum, ut negent  
eum diu posse superstitem agere, cuius oculis  
suam Angelus Apostata fœditatem obiecerit.

Porro divinæ gratiæ pretium illud est, ut  
verissimè dicatur, in Orbe nihil esse pretiosius.  
Explico. Dixerit quis de auro potabili, aut de  
aqua vitæ, Vnicuique liquoris huius guttula ma-  
ioris est pretij quàm sint vel centum plaustra  
generosissimi vini. Hoc ipsum ad amissum de  
gratiâ divinâ dixeris: Pars huius minima pre-  
tiosior est omni favore humano, omnibus  
Orbis opulentij. Sit totus terrarum Orbis  
aureus, nihil pretij est ad divinam gratiam  
collatum. Peccatum verò letale quodcumque  
sic omnem adimit divinam gratiam, ut eius  
nil penitus remanere possit admissio peccato.

Quicquid meritorum plurimis annis colle-  
ctum est, id omne momento effundit vel uni-  
cum peccatum. Ecclesiastæ vox est: Qui in  
uno peccaverit, multa bona perdet. a Et etsi  
quis quinquaginta, etsi centum annis in om-  
ni virtutū genere se Deo probaverit, etsi maximis  
rigoribus & quotidianis ieiunijs vitam omnē  
exercuerit, pane solo & fœte vixerit, lumbos  
ferro strinxerit, in dies se flagris ceciderit, sua  
omnia in stipem erogarit, si demum lethaliter  
delinquat; universa vitæ prioris promerita  
perdidit, omnem Dei gratiam effudit, exa-  
micissimo iam professus Dei factus est hostis.

Res certa; testes luculenti. Ezechieli hoc  
credamus: Si averterit se iustus, inquit, à  
iustitiâ sua, & fecerit iniquitatem, om-  
nes iustitiæ eius quas fecerat, non recordabun-  
tur. b Lethaliter vel semel peccasti? Amisisti  
omnes labores tuos, amisisti gratiam, amis-  
isti cælum, amisisti Deum, adeoque amisisti  
omnia. Aut igitur quæ amisisti recupera, aut  
æternum amissa flebis.



Inter supplicia quę Deus Israel minatur, illud tanquam omnium maximę formidandum ingerit: Vt eis cum recessero ab eis. *c* Hic Dei ab animo recessus atque abitus, mors animi est, malum cui revera nullum par, malum quod omnes vel acerbissimos divorum Martyrum cruciatus, quod perpetua damnatorum omnium tormenta superat. Et videre hominis, quem Deus ob peccatum deserit, miseriam. Quicquid agat, quicquid patiat, hic homo, divina gratia destitutus, montes transferat, ignes infiliat, stellas exstinguat, fontes accendat, omnibus sæculis admiranda faciat, nec minimum quidem cęlestis beatitudinis promerebitur, dum apud Deum in offensa est. *d* In liquido causa est. Fons omnium meritorum divina gratia est, qua iste peccando seipsum spoliavit. Aut ergo gratiam reparet, aut cælum desperet. Addo quod æquę miserum.

Is qui sic à Deo descivit, suomet quidem impulsu potuit cadere, suomet conatu surgere non poterit: seipsum in foveam abiecit, sed nunquam revocabit gradum, nisi Deus porrigat manum singulari opę. Echo non respondet nisi voce provocetur: qui peccavit, non respicit, nisi à Deo excitetur. Sed nemo veniam desperet vel millies lapsus. Peccasti: animos resume. Firmior non raro post lapsum gressus est, certe cautior.

Quando igitur tam atrox peccati genius est, tam detestabilis malitia, generoso prorsus spiritu proclamans Anselmus: *e* Si hic, inquit, peccati pudorem & illic cernerem inferni horrorem, & necessariò uni illorū haberem immergi, prius me in infernum mergerem, quàm peccatum in me immiterem. Mallem enim purus à peccato & innocens gehennam intrare, quàm peccati sorde pollutus, cælorum regna tenere; cum constet solos malos in inferno torqueri, & solos bonos in cęlesti beatitudine foveri.

Hanc ob causam, idem sanctissimus scriptor: Aperi oculos, inquit, anima misera, & vide quid fuisti olim, & quid nunc es: quo loco fuisti tunc, & quo nunc es: Eras sponsa Altissimi, eras templum Dei vivi, eras vas electionis, eras thalamus æterni regis, eras thronus veri Salomonis, eras sedes Sapientiæ, eras soror Angelorum, eras hæres cælorum.

Ecce cum omnia hæc fueris quę dixi, quod tunc dico; Eras, Eras; toties tibi lacrimandum est, dum subitam tuam cogitas mutationem. Sponsa dei facta est adultera diaboli, templum Spiritus sancti mutatum est in speluncam latronum, vas electionis in vas corruptionis, thalamus Christi in volutabrum porcorum, sedes Dei in cathedram pestilentię, soror Angelorum in sociam dæmonum; & quę instar columbæ volitabat per cælum, nunc tanquam serpens reptat in terra. Plange itaque super te, o anima misera, plange; quia te plangunt cæli, quia te plangunt Angeli, quia te plangunt omnes Sancti; te plangunt lacrimę Pauli, te plangunt guttę sanguinę Christi Domini; quia peccasti, & mali illius quod commisisti, pœnitentiam non egisti.

Sed hoc amplius examinemus. Is qui peccavit, aut vulnus conscientię sentit, aut non sentit? Si sentit, miser est, nam in dolore est & quidem acerrimo. Vrens cōscientia tormentorum maximū. Non sentit hoc? Iterū miser est, imò miserimus. Extremū malorū est, matiam suam clausis oculis fovere, iamque vulneris mortiferi sensum perdidisse. Ita miserum bibunt, vini vim temulenti non sentiunt, sentient digesto vino. Optimę dixit Chrysostomus: Primum malum est, esse malum. *f* Etiam si ægrum medicus non fecet, ægrotat tamen eger; etiam si non puniat Deus, in morbo tamen est, imò iam moritur qui peccat.

Simillime locutus Sapiens Romanus? Prima, inquit, & maxima peccantium est pœna, peccasse nec ullum scelus impunitum est. quoniam scelus in scelere supplicium est. Quicquid malę agitur, conscientia flagellatur. Vbi vitia ibi & tormenta: nec possunt esse sine dolore vulnera conscientię.

Hominem malum etsi nemo percutiat, lacere, suspendat, mutilet, torqueat, cremet, ipse sibi tortor, carnifex, supplicium, crux est. Fortassis hæc non sentit, ut diximus, iamque omnem mali sensum perdidit? tantò igitur inferorum incendijs vicinior est, quanto à peccati sensu remotior. Hunc vere mortuum, imò & sepultum, dixeris: Peccavit, & non dolet; Deum gravissime læsit, nec veniam petit, divinam gratiam amisit, nec ingemiscit; ius cęli perdidit, nec iacturam esse hoc credit,

iam



iam inferis transcriptus est; & etiamnum ridet. O pecudem! ô saxum! ô rupem! Hæc peccati malignissima sunt artificia, homines mutare in pecudes, in saxa, quæ vulnus ante non sentiunt, quàm in ignibus sunt.

Cum in tergo hæret supplicium, abominatiori esse incipit peccatum. Fitque non raro, ut qui flagitijs sensum omnem perdiderunt, prius sentiant gehennam, quàm desinant vitam. Ita Sodomæi ac Gomorihæi cives prius inferos experti sunt, quàm essent apud inferos. Ad rem Chrysostomus: Quod si, ait, audito gehennæ nomine, irides ac fidem non habes, illum ignem recordare Sodomorum. Vidimus enim, vidimus & in præsentī quoque vita gehennæ effigiem. Tale est Sodomorum incendium, id quod sciunt ii, qui ad ea loca profecti plagam illam divinam, ac cælestium fulminum opus oculis subiecerunt. Cogitato quam grave illud sit peccatum, ut quod ipsam gehennam etiam ante tempus existere coegerit. g

Pestis & fulminis obstupefcendas incredibiles, sed & abstrusissimas vires nemo unquā satis explicaverit: multo tamen minus peccati, quod vere pestis exitiosissima, verè fulmen sevissimum, vastans omnia. Peccatum malorum omnium verè maximum malum, & solum malum est. Peior est culpa quàm mors, peior quam gehenna, peior quam quævis poena, cum sit cuiusvis poenæ causa.

Sufanna ad vendendam pudicitiam invitata, masculo prorsus pectore: Si hoc inquit, egero, mors mihi est: si autem non egero, non effugiam manus vestras. h Quid ais Hebræa mulier, quid hic loqueris? Imò si adulteris nõ cõsentias, morieris, si cõsenseris, effugies mortem. At illa dictum perseverans: Mors, inquit, mihi est, si hoc egero. Noverat castissima matrona mortem aliam, quàm sit illa corporis, mortem continuam, æternam, ad quam mors corporis collata, mors non sit. Verissimum illud Apostoli: Peccatum cum consummatum fuerit, generat mortem. i Hinc Sufanna generosissimè subiungit: Melius mihi est absque opere incidere in manus vestras, quàm peccare in cõspectu Domini. k Disce, Christiane à matronâ Hebræâ, potius corporis vitam perdere, quàm Dei gratiam.

a Eccles. c. 9. v. 18.

b Ezech. c. 18. v. 24

c Osee c. 9. v. 12.

d Disponere se tamen poterit ad recipiendam gratiam: ideo à bonis actionibus nunquam cessandum.

e Ansel. de Simil. c. 190. seu penult.

f Chr. 10. 5. ser. 5.

g Chrys. ho. 4. in epist. ad Rom.

h Dan. c. 13. v. 18.

i Luc. c. 1. v. 15.

k Dan. c. 13. v. 23.

## §. III.

**T**ertium est quod initio posueramus: Quisquis letaliter delinquit, omne genus miseriarum ac calamitatum sibi ulro accersit: Atquin omnium omnino miseriarum, calamitatum omnium una unica est causa Peccatum. Cyprianus litteris Donatum hortatur, ut in montem sublimis iudicij ascendat, & inde prospiciat obfessa piratis maria, vallata prædonibus itinera, valles grassatoribus referas, colles ab exulibus occupatos, fures & homicidas ubique frequentes, urbes simultatibus divisas, regna bellis attrita, nusquam non plurimum malorum, Omnium causa peccatum; omnia turbat & confundit peccatum.

Rectissimè Chrysostomus? Nomina calamitatum, inquit, philosophantibus nomina tantum sunt, vera autem calamitas est, Deum offendere. a Nimis Deum abiicit, qui lucrum aut voluptatem, qui pecuniolam aut mulierculam audent præferre Deo. Si Deo Deum alium æquè formosum, divitem, liberalem, sanctum præferremus, prudentior non nihil esset stultitia nostra; at cum sordes & vilissima quæque, cum guttulas maris, cum res conditas, res caducas conditori præferimus impiè, hoc demum insania luculenta, hoc manifestaria impietas, atque hoc malorum omnium Lerna, hoc omnium ærumnarum est seminarium. Sed

Nil mortalibus arduum est.

Cælum ipsum petimus stultitia; neque

Per nostrum patimur scelus

Iracunda Deum ponere fulmina. b

Mortalium flagitiosa temeritas non dubitat quidvis audere. Vel ipsæ hoc fabulæ loquuntur. Gigantes cælum affectant, Hercules iuvat inferos, Iason cum socijs scrutatur matia, Dædalus sese aeri credit. Hoc nimi-



rum fabulis docemur: Superbi gigantum instar moluntur expugnare cælum quod solâ Humilitatis viâ adiri potest. Contemptores Numinis rident inferos. Avari Iasones & velut aurei sitientes se pelago cōmittunt. Ambitiosi Dædali omnem captant auram inanis glorię. Audax omnia aggredi gens humana ruit per vetitum nefas.

Et unde tandem dissidia, contentiones, litigia, bella, ruina, nisi è solo peccato? Quicquid in humano corpore sanitatis, virium ac formę est, Morborum & Mortis pabulum ac pręda est operę peccati. Hebręus rex meritò vociferatur: Non est sanitas in carne meâ, nō est pax ossibus meis à facie peccatorum meorum. *c* Quocirca medicus è cælo, non utile solum, sed & necessarium in morbos consilium suggerens: Iam, inquit, noli peccare, ne deterius tibi aliquid contingat. Pestilentiam, & omne morborum genus in aciem contra nos eduxit Peccatum.

*Macies, & nova febrium*

*Terris incubuit cohors:*

*Semotique prius tarda necessitas*

*Leti corripuit gradum. d*

Horum omnium causa Peccatum. Evolve Regum fastos, & arrogantiam potissimum multari animaduertes; Ezechielem perlege, & rapinas, Iochem; & lasciviam varijs cladi- bus puniri cernes. Plena omnia divinę iustitię exemplis. Quantum calamitatis in Reges Israel, in Coritas, in Sodomitas, in Dathan & Abiron assecras, in Iudæorum populum, in infinitos alios Peccatum non immisit? Quot centena millia, quot milliones hominum fame, ferro, flammis, peste, sulfure, aquis Peccatum absumpsit? Perierunt propter iniquitatem suam. *e* Quoniam qui malignantur, exterminabuntur. *f*

Ita mors in omnes homines pertransit per peccatum. *g* ut vita non sit nisi mors continua. Et meminimus omnia mortis instrumenta, carceres, cippos, numellas, manicas, funes, equuleos, flagra, virgas, taureas, craticulas, rotas, scorpiones, sartagine, pectines, cruces, & quicquid eiusmodi feralis suppellectilis est, excogitatum esse propter peccatum aut inventum ab ijs quibus in innoxios peccare voluptas est. Sic enim variatur peccati supplicium, sicut infinite varium est ipsum

peccatum. Non tot Proteus finxerit personas, non Empedocles tot transmutationes, nec Pythagoras tot transmigrations, nec Chaldaei tot varietates, nec Evantius tot imagines, quot Peccatum subit formas, induit personas.

Quemadmodum verò sola probitas & morum innocentia hominem supra homines attollit, ita improbitas & nequitia hominem infra homines deiecit, & in belluam mutat. Num homo censendus, qui voracitate lupum induit, qui iracundiâ canem, superbiâ pavonem, avaritia bufonem, levitate passerem, astutia vulpem, rapacitate vulturem, furore leonem, timiditate cervum, lascivia hircum?

Hinc David rex serpentes & aspides dixit iracundos; insipientes mulos; Adulteros Hieremias equos; Pharaonem Ezechiel draconem; Phariseos Ioannes genimina viperarum; Impudentes Christus canes & porcos, Herodem vulpem appellat. Homines peccatum in feras transmutat. Ex oraculis divinis id liquet: Homo cum in honore esset, non intellexit; comparatus est iumentis insipientibus & similibus factus est illis. *h* Parum hoc. Hominem peccatum transmutat in diabolum. Apertè Christus discipulis: Ex vobis unus, inquit, diabolus est. Et Iudæorum turbis obiectum: Vos ex patre diabolo estis. At diabolus, inquit Anselmus, non terroribus aut minis, ne peccaret, monitus est. Homo, licet intentata morte peccatum tamen non cavet, Diabolus semel, homo millies ac millies iterumque millies delinquit; ille in creatorem, iste tam in creatorem quam in redemptorem calces elidit impie.

In hominem invidum graviter exandescens Chrysostomus: Nam invidus, inquit, ipso diabolo magis diabolus est. Invidet Satan, sed hominibus, non sociis. Tu verò homo cum sis, invides hominibus, odium adversus genus naturamque communem exerceas, quod ne Satan quidem facit. *k* Ergo flagitijs operatus, rectè diabolus, sed & infernus dicitur. Ioannes Apostolus: Et infernus, inquit, & mors missi sunt in stagnum ignis. *l* Et quomodo hoc eadem? An infernus in infernum missus est? Ita prorsus; sic sacri interpretes affirmant. Nam qui vitam criminibus implet, rectissime, Infernus dicitur. Nam sicut infer-



Infernus tormentorū ac cruciatuū locus, diabolorum domus est, sic impius cōscientiæ laniationem, & sæpè diros cruciatus gerit pectore quod cacodemoni pro domo locat. Ita infernus iste mittetur in infernum.

O Peccatum, ô ventum horribilem ac pestilētem! qui flores, frondes, fructus humanarum stirpium decussit, qui iustitiam, immortalitatem, scientiam ac innocentiam, & hominem homini ademit. O virus letaliter amabile, ô toxicum ad usque animi medullam seque viens, nullis calamitatum fluctibus, nullis inferorum incendijs sopiendum!

Quærit cælestis Pater è protoplasto iam reo: Adam ubi es? *m* Et Adam verè responderit: Nusquam sum. Nusquam tunc erat, nec enim in Deo erat ob commissum peccatū, nec in paradiso ob contractam pœnam; nec in seipso ob conscientiæ remorsum; nec in rebus creatis, ob motam rebellionem; nec in Mundo, ob propriam inconstantiam. Nusquam, heu nusquam erat, ubi bene esset? rapacissimo torrenti non absimilis, cuius aquas properante impetu defluentes hic vel illic esse dicendum non est.

Vis ergo scire, quid sit peccatum? Vnicam Adami noxam intruere. Quot ea milliones hominum in extremas miseras præcipitavit? Hinc fames, bella, pestis, hinc calamitates, ærumna ac cædes, hinc morborum agmina, hinc mors ipsa. Ab uno hæc omnia peccato sunt. A tali arbore tales fructus, à tali causa tales effectus. Ad istud quidem expiandum Dei filius in crucem actus est; quot millia nihilominus in Erebum detruduntur ob peccatum? Quisquis hæc serius cogitat, cum voluptas ad peccandum invitarit, liberè dicet: Aeternum pœnitere tanti non emo.

E cælo tonitrua, nix, grandines, fulgura, procellæ, turbines, fulminaque ruunt, horum omnium causa exhalationes & vapores è terra sursum evecti nativa levitate, qui varijs tempestatibus in terram redeunt. Haud aliter è cælo in nos fames, bella, pestilētia, morborum & miseriarum plurimarum quotidiana tempestatibus veniunt, quæ quidem à Deo immittuntur, sed prius vapores & exhalationes peccatorum emittuntur, hinc omne tempestatum genus, hinc omnis calamitatum turbo. Illud Meteorologia, istud Theologia nos do-

cet. Et rectissimè Gregorius: Mala, inquit, quæ patimur, mala nostra meruerunt. Siracides id affirmat: Mors, sanguis, contentio & romphæa, oppressiones, fames, & contritio, & flagella: super iniquos creata sunt hæc omnia.

Peccatum nos paradiso exclusit, & in hanc vallem lacrimarum, in hoc exilium, in hoc mare procellosum eiecit, ubi venti vehementes, & fluctus ingentes: ubi quotidiana naufragia, ubi omnia mala. Verè *miseri facit populos peccatū*, quod Salomon affirmat. Vnde tot olim infestationes Turcarum, tot incurfus barbarorum, tot victoriæ adversariorum? Vnde fames & pestis tam crebra? Cur cælum sæpè nobis æneum, cur nubes nonnunquam, aut nimis imbribus abundantes, aut nullis? Vnde tot agmina morborum, tot febres, epidemice pestes? A peccato hæc omnia: Peccatum omnium miseriarum pelagus.

Cum Romano Sapiente dixero: Errat si quis putat Deum nocere velle: non potest. Deus nec dat malum, nec habet: ceterum castigat quosdam, & coercet, & interrogat pœnas. Vis Deum propitiare? bonus esto. *q* Mundi sunt oculi eius, ne videat malum, & respicere ad iniquitatem non poterit. Ideo extremè odit peccatum. Nam uti lux natura tenebras averfatur, pulchritudo turpitudinem, bonitas malitiam, puritas immunditiam, vita mortem, sic & sanctitas omnem nequitiam & sceditatem. Sicut igitur Deus sanctitatem infinito amore, ita necessariò peccatum odio prosequitur infinito. Odij signa sunt, quæ modò numeramus.

Principiò seipsum Deus suamque gratiam subtrahit ei qui peccavit. Deinde, varijs calamitatibus in hoc etiam Orbe, velut præsentem monetâ punit peccata. Tertiò ius cæli adimit ei qui delinquit. Aut igitur respiscendum, aut cælo valedicendum. Quartò quodcūque letale peccatum incendijs punit æternis, & tamen (quod obstupescendum dictum est) citra condignum punit. Omnium Theologorum ore asseritur, noxæ lerali cuiusvis vel unicæ sempiternū esse decretum supplicium, nec ullis tamen æternitatibus futurum ut dici possit: Hæc noxæ sæpè pœnarum sustinuit. Quid ergo est peccatum mortiferum? Heu, Eheu! Hic omnes Angeli loquantur, nec tamen satis eloquentur illud infinite abominandū, quod sub mortifero



tifero peccato vel unico delitescit.

Horrendum est quod in detestationem peccati letalis Ludouicus Blossius pronuntiat: Si Mater Domini, ait, Virgo beatissima peccasset mortaliter, ac sine contritione mortua esset, cælum nunquam obtinuisset, sed cum demonibus in inferno cruciaretur. *f* Tam exacta est Dei iustitia.

Atque hoc sanctissimæ feminæ Birgittæ patrefactum, quæ dæmones ad supremum iudicem sic audiit vociferantes: Si res illa, quam præ omnibus diligis, quæ est Virgo quæ te genuit, & quæ nunquam peccavit, si inquam illa peccasset mortaliter, & sine contritione divina mortua fuisset, sic diligis iustitiam, quod anima eius nunquam obtineret cælum, sed esset nobiscum in inferno. *t*

Nimum obstupefcenda vis est cuiuscunque peccati letalis. Miratur Plinius argentum, æs, aurum in sacculis cera obsignatis, a fulmine liquari, sacculis penitus illæsis, & ceræ signo nec quidem confuso. Mirabilius multo est animæ solius peccati abditissimo illapsu ita iugulari, ut eam æterna mors sibi obnoxiam habeat semper iugulandam, nunquam extinguendam.

Solenter submonens Chrysostomus: Fratres mei, ait, nolite pueri effici sensibus sed malitia parvuli estote; etenim puerilem pavorem habemus, mortem timentes, pueri enim larvas timent, ignem non timent facile, quippe manum admovent igni: sic & nos timemus mortem, quæ larva est digna contemptu, peccatum verò non timemus, quod verè timendum est. *u* Peccatum, quia omnem eripit divinam gratiam, miserijs peccantem omnibus subijcit, & ad mortem trahit æternam. Atque hoc tertium est nostræ assertionis caput.

*a* Chrys. hom. 3. ad pop.

*b* Horat. l. 1. Carmin. Oda 3. fine.

*c* Psal. 37. v. 4.

*d* Horat. l. 1. Carmin. Oda 3.

*e* Ps. 72. v. 19.

*f* Psal. 36. v. 9.

*g* Rom. c. 5. v. 12.

*h* Ps. 48. v. 13. & 21.

*i* Ioan. c. 6. v. 71.

*k* Chrys. tom. 3. in c. 9. Ioan. hom. 43. fine. Et to. 4.

*l* 2. ad Cor. 12. hom. 31. ante finem.

*l* Apoc. c. 20. v. 14.

*m* Gen. c. 3. v. 9.

*n* Eccl. c. 40. v. 9.

*o* Prov. c. 14. v. 34.

*p* Peccatum.

*q* Seneca epist. 95. post med.

*r* Habac. c. 1. v.

*s* Blossius Monit. spirit. s. 1. ad finem.

*t* Revelationes S. Birgittæ l. 4. c. 7. ante med. cu-

ius ipsissima verba sunt.

*u* Chrys. hom. 5. ad pop.

#### S. IV.

**Q**uartum est: *Quisquis letaliter delinquit, cælum in omnes æternitates perdit.* Peccatum cælo excludit, cælo empyreo, quod ornatu amoenissimum; situ altissimum, spatio amplissimum, omni ex parte perfectissimum Mundi miraculum. Hoc tali cælo excludit peccatum. Supremi regis decretum novimus à Paulo promulgatum: Omnis fornicator, aut immundus, aut avarus (quod est idolorum servitus) non habet hæreditatē in regno Christi & Dei. *a* Damnum hoc non ultimum, sed certè maximum est. Tamen si nocumentum aliud non inferatur à peccato, istud abundè satis, & nimium quàm satis est, delitijs privari eternis. Dici potest hoc damnum, æstimari non potest. Rectè Augustinus: Si possemus, inquit, facere fratres, ut dies iudicii nō veniret, puto quia nec sic erat malè vivendum. *b* Sit ergo; Ignis divini iudicii neminem corripiat, quibuscunque lubuerit delitijs affluant peccatores, & semper affluant, si tamen separati sint à divino vultu, nec eum unquam videant à quo creati sunt, infinito & damno & supplicio maciati sunt, meritoque in qualibet æternitate, ut Augustinus loquitur, & impunitate peccati plangere se deberent.

Illud quidem dictum in Rhetorum scholis videtur natum. Quis mihi det membranas perinde ut cælum extensas, quis mihi tot calamos suppeditet quot arboribus sunt folia, quis mare in atramentum mutet, ut scribam damna quæ letale peccatum infert. *c* Sed nulla hic auxilii, exaggeratio nulla, nam etsi tot sint calami, tantum membranæ ac atramenti ad scribendum. nemo tamen unquam perscripserit, quantum homini peccatum noceat, cum noceat æternum.

Veri-



Veritas ipsa pronuntiat: Bonum erat ei, si natus non fuisset homo ille: *d* Nam hominis istius imaginem in celesti civitate ad nihillum redigit Deus, idque iure merito, quia infinitam Deo contumeliam intulit. Quamto enim minus est bonum quod Deo præterter, tanto maior est quæ Deo infertur contumelia. Atquin omnis thesaurus, voluptas aut dignitas omnis bona sunt infinitè minora Deo. Infinita igitur Deo fit iniuria, cui æquifimè responderet infinita pœna.

Et nonne is sibi plurimum obstringit eum, cui centum auri marcas largitur gratis? Atqui vel sola lingua, vel oculi soli à Deo nobis concessi mille auri marcas in infinitum superant: Accedit corpus, & corporis inquinatus animus vel mille Mundis pretiosior.

Ægidius è divi Francisci sociis hominem profanum instruens: Quidam, ait, manibus, pedibus & oculis carebat. Hunc unus aliquis amicorum sic allocutus est: Si quis, amice mi, & manus tibi, & pedes, & oculos restituat, quid tu illi reponas sosti loco? Servum, inquit, me illi addicam in omnem vitam. His in antecessum dictis Ægidius: Et tibi, mi frater, quis manus, & pedes, quis oculos, & linguam, & aures, totumque corpus, quis animus, & quicquid boni habes, largitus est? Deus utique. Igitur si ob restituta membra non multa, te servum geras: quid ob attributa tibi membra omnia, Domino Deo rependes? Quam autem indignum est oculis eum offendere, qui oculos dedit, & iis illum manibus lædere, qui manus tribuit, & eam illum linguam læcessere, qui linguam formavit?

Hinc certè infinita servièdi Deo nos vincit obligatio, atque ob hanc etiam transgressionis culpa, & quod sequitur, culpe pœna est infinita. Nam, quod breve fuit tempore vel opere, inquit Bernardus, longum esse constat in pertinaci voluntate. Quia sicut condemnatus est, qui in vitiosa permanet voluntate, sic reprehensibilis est, qui in aliis non studet proficere. *e* Sic omnino, cuius vita moritur in culpa, eius mors vivit in pœna, eaque sempiterna: Sine fine vivere cogetur, ut sine fine per mortem crucietur. Mors eum semper depascet, nunquam consumer.

Eheu, rapidissimi temporis volaticam hi-

laritatem, seu hilare momentum opibus, gloriæ, voluptatibus nullo ævo morituris præponimus; acum perdimus, tristamur; cælum amittimus, & ridemus. Scimus à quolibet graviore delicto eternitatem pendere duplicem, felicem & infelicem illius iacturam: huius pœnam cuicunque letali noxæ decretam esse. Scimus hæc, scimus, & tamentantemere delinquimus, maximè in tam dubia vita, quæ nullum momentum à morte liberum polliceri potest. Quis sibi horam post scelus alteram, quis adeo momentum doloris & poenitentię vel unum spondeat? Nihilominus in tanta vitæ incertitudine, tam dubia re, scientes volentesque salutis æternæ, ignis eterni periculo nos exponimus: ita sponte animi flammis nos induimus non morituris, gloria exuimus æterna. Sic reverà cælum infanti odimus. Cælum odit qui contemnit, qui negligit, qui ultro peccatis se involvit.

Lacon, uti Plutarchus memorat, voto se ipsum obstrinxerat; de rupe Leucade præcipitem se dare. At ubi conscendit montem, & formidandam altitudinem conspexit, horrore concepto avertit se, & pedem revocavit. Cumque illi hoc probri gratia objiceretur: Non putabam, inquit, ad illud votum maiore opus esse voto. *f* Qui facinus arduum animo concipit, prius animum facinori parem induat necesse est. Verum quid istud ex edita rupe, in imam voraginem præcipitium, ad illud sit è cælo in tartarum sese abiicere? Qua igitur ratione innumeri seipsos præcipientes agunt è sede beatorum, in barathrum diabolorum? Nimirum clausis oculis id faciunt, infinitam peccati malitiam non expendunt, inextricabiles æternitatis gyros non respiciunt. Viam ad inferos cæci ac compressis oculis percurrunt. Quisquis verò cæcus esse non sustinet, omnibus studiis ac votis hoc præcipitium caver. Mavult omnia pati, quam illuc deiici, unde reditus negatur.

*a* Ephes. c. 5. v. 5.

*b* Aug. tom. 3. in Ps. 49. post princip.

*c* Amatus Horolog. Sapientia l. 1. c. 4.

*d* Matt. c. 26. v. 24.

*e* Bern. in parvis serm. n. 15.

*f* Plutarch. in Lacon.



**Q** Vintum assertionis nostræ caput est: *Quisquis letaliter delinquit, in sempiternos inferorum rogos se mergit. Eternitas ignis infandum peccati supplicium. Nil in se peccato mali, hoc certè malorū omnium cōpendium est. Peccati stipendium eterna mors. Anima quæ peccaverit, ipsa morietur: iustitia iusti super eum erit, & impietas impij erit super eum.* *a* Præclarissimè Augustinus: Quanta pœna est, inquit, tantummodò à facie Dei separari? Qui autem illam dulcedinem nō gustaverunt, si nondum desiderant Dei faciem, timeant vel ignem; supplicia terreant quem præmia non invitant. Vile tibi est quod Deus pollicetur, contremisce quod minatur. Veniet dulcedo præsentia; nō mutaris, non excitaris, non suspiras, non desideras, Amplexaris peccata tua, & delicias carnis tuæ; stipulas ad te congeris, veniet ad te ignis.

Ignis in conspectu eius exardescet, Non erit iste ignis sicut focus tuus, quò tamen si manum mittere cogaris, facies quicquid voluerit qui hoc minatur. Si tibi dicat: Scribe contra caput patris tui, scribe contra capita filiorum tuorum; nam si non feceris, manum tuam mitto in focum tuum; facies, ne ardeat manus tua, ne ardeat ad tempus membrum tuum, non semper in dolore futurum. Minatur ergo inimicus tam leve malum & facis malum: minatur Deus æternum malum, & non facis bonum? *b*

Quicquid malorum diaboli in animos nostros invchunt, id operà peccati faciunt. Hinc innumera animi perturbationes, formidines, suspiciones, fluctuationes, mœrores, anxietates, desperationes. Sic hominis animus per peccatum fit infernus. Non est pax impijs, dicit Dominus. *c*

Homines ij qui peccatis sese permittunt, à cacodæmone tot catenis onerantur, dum ipsi suo se pondere in inferorum barathrum præcipiunt. Dum vivunt, inferis identidem viciniores sunt, velut cum grande saxum è monte devolvitur, toties revolutum ruit, dum in imo sit. Sic carnifex furem magnæ olim dignitatis, cum per fatales scalas attraheret, his cum vocibus animabat: Domine, adhuc unum gradum superemus. Tandem collum inferitur

restit. Sic & aviculæ ad insidiosam escam invitatae toties eunt, redeunt iterum iterumque cum pluribus remeant, dum denique capiuntur. Sic & potatores: Adhuc unum caliculum, aiunt, adhuc unum; hic ultimus esto: Sicq; caliculos toties repetunt, dum vino saucij è mensâ sint asportandi. Hæc ratio peccandi est. Initio satis est fecisse semel. Tum duplicantur, quadruplicantur, multiplicantur, centuplicantur lapsus.

Ita qui principio clam ac verecundè delinquit, denique perfrectâ fronte impudenter aude facere, quod cogitare aliquando verebatur. Ita turpitudine prima plerumque non sola, ceteras post se trahit grandi numero turpitudines. Cœptū est ab unâ, addita altera, & tertia, & decima, & centesima. Sic surculus excrevit in silvam, sic gutta tumescit in Oceanum, sic scintilla gliscit in incendium æternitatis totâ non sopiendum. Hæc omnia peccati sunt stipendia.

Atque idè plurimi maluerunt mori quàm vel semel peccare. Castissimus Ioseph mavult famam, imò & vitam perdere, quàm castimoniam temerare. Verecundissima Susanna: Melius est mihi, exclamat, absque opere incidere in manus vestras, quàm peccare in conspectu Domini. *d* Dulcius ei fuisset lapidibus inferni, quàm adulterio inquinari. Beatissimus Paulus certus est à Charitate Christi se nec morte quidem separandum. *e*

Ambrosius præsul longè paratior est omnia pati quàm malè agere. Cum enim Rufinus Theodosio Imperatori spem faceret flectendi à sententiâ præsulis: Novi ego ait Imperator, constantiam Ambrosij, nullo regis Maiestatis terrore Dei legem transgredietur.

Chrysostomus non minus animosus Eudoxiæ Augustæ fatales minas adeò non exhorruit, ut fuerit qui Imperatrici hæc renuntiaret: Frustra hominem terremus, nihil ille nisi peccatum timeret. Rex Galliarum Ludovicus etiamnum puer à Blancâ matre didicit, potius mortem oppetere, quàm consensum letali noxæ permittere.

Anselmus Cantuariensis Antistes, si ei liberum fuisset, aut letali peccato, aut Orci barathro se mergere, maluisset mergi barathro quàm peccato. Edmundus in eodem folio successor dignissimus: Potius, aiebat, in arden-



tem rogam insultero, quàm ullum peccatum sciens in Deum commiserò.

Sanè Democles emendarissimæ formæ iuvenis, ut Demetrii regis vim impudicam eluderet, in bulliens ahenum insiluit, Suavior ei fuit tam acerba mors, quàm vita minus casta. Sic & Papinianus Iureconsultus, licet Christianis sacris non imbutus, mori maluit, quàm Caracallæ Imperatoris facinus in fratrem designatum defendere. Hinc vetus dictum:

*Tolerabilior est qui mori iubet, quàm qui malè vivere. f*

Homo letali crimine contaminatus vilior ac miserior est cane, porco, bufone. Hæc enim unam naturæ mortem debent, ille duas. Unam, sed brevem naturæ, alteram, sed æternam Deo. Homo peccatis merfus, Basiliscorum nidus, latronum infernalium spelunca rectè dicitur. De improbis istis affirmas Paulus: Pœnas, inquit, dabunt in interitu æternas à facie Domini, & à gloriâ virtutis eius, g. exclusissimi in omne ævum.

Heu! quæ unquam ætas tam efferam tulit belluam, quæ in aliam plus quàm simplici morte sæviret? Aut quis carnifex, quis tyrannus, morte unâ non contentus, mori post mortem docuit? Semel occidisse cuicumque barbaræ crudelitatis satis est. At peccatum omni bellua & tyranno sævius, non contentum semel in hominem sævisse, sævit æternum. Vides reum, ad rotam trahi, & in viâ candentibus forcipibus lacerari, mox è tam gravi supplicio, immania hominis facinora fuisse colligis, quantum ergo piaculum erit, quod nec æternis quidem supplicijs unquam expiabitur?

Et hæc toties agitari, hæc toties à Deo denunciari, nec manum nos à sceleribus retrahere? Hæc sciri, & tamen divinas leges audacissimè violari? Hoc nimirum eterno celi exilio multat, hoc ignibus æternis objicit, in quibus & animus & corpus æternum uratur, quasi vitam subministrant flammis & pœnarum materiam. Quæ qui tacitus secum serio cogitat, non fræna iniiciet cupiditatibus, & labantem reprimet dexteram, & meliore coget ire viâ? Stultum est perire malle, quàm curari.

O homines cogitate ista: res hæc nimis quàm seria est & momentosa! Non levi pretio paratur cælum.

At interim tam securè nihilominus ac libere peccant homines, quasi Deus id nesciat; tã audacter, quasi non prohibeat: tam impudenter, quasi non videat. Miramur stultitiam Esau, cui lentis edulium iure primogeniti longè potius visum est. Mirari desine, quisquis ius cæli infra voluptatulam vilissimam habes, qui gloriæ hæreditatem fumo vendis & nebula vanissimæ laudis. Vbi generosorum voces? Malo mori, quàm peccare.

Narrat Plutarchus Lysimachum apud Getas eò sit redactum, ut se cum toto exercitu in potestatem hostium dederet. Cumque iam dedititius frigidâ bibisset, dixisse? Prò me hominem pravum, qui tantillæ voluptatis gratiâ tantum amiserim regnum! b. Quanto rectius hoc dixerit, quisquis letali se noxâ obstringit: Prò me hominem fatuum, & omni modo nequissimum, qui cælum brevi fœdâque voluptate vendo, qui res creatas creatori præfero, qui magis vitium quàm virtutem colo, qui mortem potius quàm vitam eligo, qui perire quàm servari malo.

Ah! Avare, quantillo vendis lucello cælum? Heu Lascive, quantilla mutas oblectationcula delicias æternas? O Iracunde & invide, quàm rarò vestris cogitationibus inter est gehenna? O potulente & ebriose quàm inique tuos calices ambrosiæ & nectari præponis? Heu quantæ insanix est beata æternitate proposita, ob unius propè momenti gaudium, æternum illam excidere velle? Voluptas & Vindicta, Ebrietas & Crapula omniaque vitia momento delectant, tormenta illis debita æternum cruciant.

Quid iam miramur, quod Deus improbos æternum puniat, cum etiam probos æternum remuneretur? Deinde, quod iam sapius dictum, qui peccat ob volaticam voluptatulam, seipsum diabolo vendit, quid miri, si emptor ius acquirit perpetuum? Sic aperitissimè Ahabo regi Elias: Inveni, ait, te inimicum mihi, eò quod venundatus sis, ut faceres malum in conspectu Domini. Insuper & illud ex se notum, ab eo qui culpæ commissæ iungit contumaciam, augeri & pœnam. Quando igitur qui apud inferos torquetur peccatis iam commissis addunt contumaciam (nihil enim penitentix vel emendationis in Orco) simul etiam augent iniuriam.



Ergo intelligite hæc qui obliviscimini Deum : ne quando rapiat , & non sit qui eripiat. *k* Ille ipse iudicabit qui læsus est. Ab hoc ad aliū provocatio erit vana, defensio frivola, excusatio stulta, favores inultiles, preces steriles, patrocinium serum, detrectatio nulla. Nam Iudex inadulabilis & incorruptus, sententia suprema & irrevocabilis, decretum æternum, æternum est supplicium.

*a* *Ezech. c. 18. v. 4. & 20.*

*b* *Aug. tom. 8. in ps. 49. post princip.*

*c* *Is. c. 48. v. 22.*

*d* *Dan. c. 13. v. 23.*

*e* *Rom. c. 8. v. 38.*

*f* *Publij Mimi.*

*g* *2. Thes. cap. 1. v. 9.*

*h* *Aut. Dij boni, quam ob brevem voluptatem, summam amisi felicitatem! Plutarch. parte*

*1. mor. i. de Sanitate tuendâ, mibi pag. 257.*

*i* *3. Re. cap. 21. v. 20.*

*k* *Psal. 49. v. 12.*

\*\*\*\*\*

## CAPVT XV.

*Cur unica letalis noxa supplicio afficiatur æterno.*

**N**emo miratur narrantem, unicâ scintillâ neglectu civitatem bene magnam incendio haustam. Vulcani vires novimus, & ingluviem horrendam : robustissimus & voracissimus est ; dum pabulum habet, vorare non desinit, & vorando crescit. Omnia glutit, domos, & urbes, & regna sorbet. Non amicos novit, non hostes. Omnia diruit, nusquam sistit, absumit omnia. Arserunt urbes, arsurum & Orbem ipsum credimus. Quas fauces, quem esse ventrem dicam, cui tam grande pabulum objicitur, nec famem sedat. Non itaque miramur scintilla urbes integras deflagasse, miramur incendium non citius extinctum fuisse.

Eundem pathe in modum, Vitam momentum esse affirmanti non adversamur, utique vita Æternitati comparata vix momentum appellabitur. Quod si dicatur, ab hoc momento Æternitatem pendere, nec hoc miramur, scimus namque æternum præmium comparari non labore æterno. Nam si labor æter-

nus foret, merces non foret æterna. Neque verò etiam miramur asseri, hoc vitæ momento posse gaudium obtineri æternum. Hoc enim non nostris, sed Christi promeritis tribuimus.

Sed quod miramur, hoc est, brevissimo tempore unico imo momento, imo cogitatione unica supplicium æternum commereri. Actiones cum virtute coniunctæ præmium adipiscuntur æternum, ob Christi Domini promerita, quæ infiniti sunt pretij : at verò quâ ratione delicta nostra infinite sint nequitia, adeoque infinitum ijs supplicium debeat, id nostram intelligentiam excedit, non assequimur hoc Theologiæ arcanum. Quid igitur fœdæ voluptatis horula, aut pars horulæ vel ut Tertullianus loquitur, vaporata libidinum momenta quid habent obsecro delitescents malitiæ, quæ omni Æternitate satis expiari nequeat, quæ sempiternis ignibus castiganda ? Miramur, non capimus.

Huic quæstioni non nihil responsum est in superioribus. Sed quia res magni momenti, & capto difficilis, eam explicatius iam trademus, explicaturi, Cur brevissimi temporis noxa supplicij æternis vindicetur, ita hinc Æternitatis luctuosissimæ causam efficientem prosequemur.

### S I.

**I**n sacris Christianis arcana quædam sunt, quæ nemo satis intelligentiâ & ratione comprehenderit, horum quinque potissimum numeramus.

Mysterium sacrosanctæ Triados; Christus hominem indutus; Eucharistiæ miraculum; Mortuorum in vitam reditus; Æternitatis supplicium. Quia verò hæc creditu difficilia, ideo illa singulariter divina providentiâ Oraculis, Concilijs, Miraculis confirmavit. Nostrum hic est de supplicij æternis disserere, & cur ea Deus, cuius natura est misereri, voluerit esse æterna.

Varia sunt Theologorum responsa. *a* Sed, cum veniâ illorum dixerim, an ad caput rei perveniant, nescio. Sunt qui dicant, nec displicet responsum : Scelerati in locis infernis semper peccant, *b* ideo semper puniuntur. Quid ergo iniqui est in eo non desinere pœnam, qui perseverat iniuriam.

Non displicet responso. Imò non solum apud



Apud inferos æternum peccant damnati, sed etiam apud nos, dum viverent, aliquam peccandi æternitatem invenerunt. Perpendamus hoc obsecro maturè.

Quisquis ad usque mortem noxas iterat, in suo (sic dicā) æterno peccat, idè in æterno dei iustissimè punitur. Tam verè quàm eleganter Gregorius: Constat nimirum, inquit, & verò verius est, nec inter beatos finem gaudiorum, nec inter damnatos finem esse tormentorum. Veritatis decretum est: Et ibunthi in supplicium æternum; iusti autem in vitam æternam. Quia enim verum est quod promissit Christus, falsum procul dubio non erit quod minatus est Christus. Sed dixeris: Scire velim, quomodo iustum sit, ut culpa quæ cum fine perpetrata est, sine fine puniatur? Responder beatissimus Pontifex: Hoc rectè diceretur, si districtus iudex non corda hominum, sed facta pensaret. Iniqui enim idè cum fine deliquerunt, quia cum fine vixerunt. Nam voluissent utique si potuissent sine fine vivere, ut possent sine fine peccare. Ostendunt enim quia in peccato semper vivere cupiunt, qui nunquam desinunt peccare, dum vivunt. Ad magnam ergo iustitiam iudicantis pertinet, ut nunquam careant supplicio, qui in hac vita nunquam voluerunt carere peccato. d

Hic velim unum aliquid solertissimè observari. Est aliqua peccati adhæsiō seu circumstantia longè pessima: Non peccasse tantum, sed cupere amplius peccare. Hæc peccandi cupiditas interorum supplicij dignissima est. Si quidem Deus non tantum respicit peccata quæ facta sunt, sed & concupiscentiam ac firmitatem ad faciendā. Exemplo rem monstramus.

Vir iste triginta annorum, sic ponimus, gehennæ addicitur; quia peccare non desijt. Si quinquaginta, si sexaginta aut septuaginta annis vixisset, toridem annis peccasset. Si centum, si mille annis, vixisset, non paucioribus peccasset; si ei æterna fuisset vita, æterna fuissent & illius peccata. Quia ergo tanta, & ad peccantis animum æterna est peccandi sitis ac concupiscentia, iure merito æterna erit & peccatorum pœna. Ergo, quod Gregorius inculcat; Nunquam careant supplicio, qui in hac vita nunquam voluerunt carere peccato.

a Vide quid Æternitatis pars 1. dicat Confid. 2.

b Fatemur damnatorum blasphemias, non propriè peccatum appellari

c Mat. C. 26. V. 46.

d Greg. l. 4. dial. C. 44.

## §. II.

**D**amnati porrò noxas, quas contraxerunt, non eluunt; malitiam, dum viverent cœptam non exuunt. Neque enim id gratiæ à Deo habent ut rescipiant. Illud autem longè horribilissimum est, & plusquam infandum, Damnati gratiā divinā omnī adeo sunt spoliati, ut æternitate tota nullus eorum dicturus sit: *Miserere mei Deus*. Tantum profectò gratiæ illorum nemo habebit. Quo factè diabolis sunt simillimi, è quibus nulla vis tormetorum unquam exprimet, vel solas has voculas: *Peccavimus, parce*. Hinc non malè quis dixerit: In inferno meros merissimos esse diabolos, hoc est, obstinatissimos ac desperatissimos Dei hostes, quales non diaboli tantum, sed & omnes damnati sunt.

Quia in re sceleratus dum in vivis, damnatus dum in tormentis est, æquales sibi sunt, suis viribus neuter ab animi morte revocare se potest. Divino hinc opus auxilio. Quod Deus, dum vivimus, nunquam denegat, etsi millies gratia excidamus, sed simul tamen monet: Attende tibi, nunc facio delicti gratiam, non eam facturus semper; præmonco, & paciscor; dum animus hæret corpori, fores misericordiæ tibi patent; ingredi. Vbi animus à corpore abierit, hæ fores obserabuntur.

Æquissimè prorsus. Nam si damnatus decies millies, si vicies, aut tricies millies ac sepius petijisset veniam, dum vixisset, repulsam non tulisset. Post exitum vitæ non amplius veniæ, non auxilij, non gratiæ quidquam sperandum.

Hæ pactiones erant, nec mille admonitiones deerant; oblatam gratiam non esse repudiandam, misericordiam dum liceret, amplectendam. Neutrū factum; gratia effusa, misericordia neglecta; placuit esse miserum; libuit perire. Ergo qui pereunt, suis pereunt votis, suo se gladio iugulant: noluerunt amici esse Numinis, ex pacto nunquam erunt.

Deinde, actiones improbæ bonis adversantur rectissimæ. Enimvero his æternum præ-



animum debetur, illis itaque supplicium eternum. Nam (quod in philosophorum scholis tritissimum) contrariorum eadem est ratio. Beatitudinis perfectio est, beatum esse sine fine: Tormentorum in Orco ratio est, sine fine esse miserum. Christus Ecclesiastes è cælo divinissimas conciones suas omnes hoc omnino epilogo clausit: Et ibunt hi in supplicium æternum; iusti autem in vitam eternam. Quod Matthæus asserens: Et factum est, inquit, cum consummasset Iesus sermones hos omnes. *a* En, exhortationes suas Dominus Iesus non alia signavit clausula, quam hac ipsa, de præmio ac supplicio æterno. Nimirum tam iustus est Deus, quam misericors; amicis summum gaudium, inimicis tormentum summum decrevit.

*a* Matt. C. 25. *fine.* & C. 26. *initio.*

### §. III.

**E**T hæc quidem cōgruentissimè dicuntur. Sed num à capite rem arcessimus? Ego hic Augustini sapientissimum pronuntiatum venerabundis brachijs amplector. Vir sanctissimus ita loquitur: Factus est malo dignus æterno, qui hoc in se peremit bonum, quod esse posset æternum. *a* Hæc ipsissima supplicij æterni causa est, infinita cuiuscunque letalis noxæ malitia. Cum enim Bonitas offendatur infinita, offensio infinitam exerit malitiam, quæ summum Bonum tam temerario aggressu violare audet.

Theologorum princeps Thomas Aquinas: Peccatum, inquit, nihil aliud est, quam actus humanus malus. In omni verò letali peccato duplicem assignat malitiam. Prima est, Actus rationi eiusque regulæ dissentaneus. Altera est, iniuria Deo irrogata contemptu Dei. Atqui hæc malitia nihil aliud est quam voluntaria à Deo aversio, quæ pœnam meretur infinitam, quando Bonum abijcit infinitum. Certè omnis letalis noxa contemptum Dei præ se fert. Exemplo rem monstramus.

Verbis Italæ lex capitalis est: Nemo gladium, nemo pugionem gestato. Qui legis gnarus data opera nihilominus & gladio & pugione se armat, magistratum aut principem legislatorem spernit. Non aliter edixit Deus: Nemo furetur, Nemo mentiatur, Nemo adulteretur, &c. At inspectante Deo hic furatur,

ille mentitur, iste adulteratur, quicquid lex dicat, Num hoc non est contemnere Deum? Qui Cæsaris edictum violat, in Cæsarem peccat: Quisquis leges divinas spernit, Deum contemnit. E sacris paginis id liquet: Anima quæ peccaverit, & contempto Domino negaverit proximo suo depositum. *b* Sic & Augustinus: Peccatum est, inquit, spreto incommutabili bono, rebus commutabilibus adharere.

Hinc infinita illa malitia emergit. Nam quò Maestas quæ læditur maior, hoc & offensio gravior est. Virum nobilem lædere, grave est, gravius, dynastam; gravius, Comitem. His tamen multò gravius est læsisse Principem; longè gravissimum læsisse Regem aut Cæsarem. Sic gradatim itur in humanis. Quam ergo grave sit læsisse Deum infinitæ Maestatis dictatorem?

Hinc infinita hæc malitia vel unica letali noxæ, cogitationis impuræ vel unice, nullo actionum bonarum cumulo potest redimi. Nam si in unâ divinæ Iustitiæ lance, omnia beatissimæ Matris Virginis, omniumque divorum ac celitum promerita componantur, in alteram noxa letalis vel unica conijciatur, illa omnia huius unius molem numquam æquaverint, illa pro hac nunquam satisfecerint. Dictu prorsus formidabile est, omnium proborum hominum sanctas actiones, unius letalis culpæ pondere superari. Hoc tamen nemo mirabitur, qui Deum Deique Majestatem immensissimam æstimaverit. Conditorem omnium à re condita contemni infandæ temeritatis facinus est. Divini oris pronuntiatum novimus: Reus erit æterni delicti. *c*

*a* Aug. l. 21. de Civ. Dei C. 12. *mihi p. 283.*

*b* Levit. Cap. 6. ver. 1.

*c* Marc. c. 3. v. 29.

### §. IV.

**T**anta est igitur tamque infinita noxæ letalis cuiuscunque malitia, ut nullis virtutum officijs pensari possit, ni eam iudex supremus ultrò condonet. Quà in re Deus multò quam liberalissimus, vel uni homini millies iterumque millies culpæ gratiam facit, & impunitatem concedit, eà tamen lege, ne culpam repetat, aut repetitam, pœnitentiã prius expiet,



piet, quàm in alium Orbem migret. Differt ille, & debitor obit? æterni delicti reus est, eritque semper.

Ad rem insigniter Augustinus: Qui pro aliquo grandi crimine, inquit, morte multatur, nunquid morâ quâ occiditur, quæ perbrevis est, eius supplicium leges æstimant, & non quod cum in sempiternum auferunt de societate viventium? Sicut enim non efficiunt leges huius civitatis, ut in eam quisque revoctetur occisus; sic nec illius, ut in vitam revoctetur æternam secundâ morte damnatus. Si magistratus reo, in perpetuum vitam admittit quam non dedit, non idem Deus iure meritisimo possit?

Quando igitur infinita noxæ letalis malitiâ pœnam commeretur infinitam, hæc autem non possit per intensionem infligi (ut in scholis loquuntur) per extensionem infligatur necesse est, ut scilicet quod non habet tormenti atrocitas, habeat temporis diuturnitas. Dabit ignem & vermes in carnes eorum ut urantur, & sentiant usque in sempiternum. b

Cum nos hæc talia meditatur, putem sic esse affectos debere, prout sunt qui plurimæ rapacitatis sibi conscij non sine gemitu supplicium sibi debitum in alijs cernunt. Fit nonnunquam ut vir magni nominis & famæ patibulum transeat, & occulis suspitijs seipsum feriat, hæc apud animum suumvolvendo: En miseri isti ventis inane ludibrium, nobis triste spectaculum, etiam post mortem luunt quæ vivi deliquerunt. Et quæ eorum tanta facinorosa? Sunt forsitan ex ijs, quorum omnia furta (quod sæpius cõpertum) quinque aut sex florenos non exceßerint. Etti qui aliquot florenos millia sensim intervertisti, sanus & incolumis obambulas, in byssinis ac holoserictis incedis, honorificè salutaris, & ius in miseros dicis, patibulo præ his miseriis centies dignior: hi reculas vilissimas compilarunt, & pendent; tû fortunam auream crebrius suppilasti, & triumphas. Cave; Dij laneo ac lento incedunt gressu, sed tarditatem vindictæ gravitate compensant.

Ita prorsus cogitandum cuique nostrum cum inferos cogitamus: Heu, quot capitula commisi crimina, & tamen etiamnum à flammis salvus sum: quàm multi, non dubi-

tem in Orcino barathro ardent, æternum arfuri, qui longè pauciores quàm ego, & forsitan unicam letalem noxam contraxerunt. Divini sol favoris etiamnum mihi splendet, illis qui rariùs & leviùs quàm ego deliquerunt, æterna nox iucubat. Cave; tardo tacitoque pede ultio divina inserpit. In arcto stas præcipitio, & non horres? Levissimo cades impulsus; qui diu steteras, momento rues: & quo rues? abyssus & chaos flammeum ruentem excipiet. Caue, vel digituli motus te præcipitat; unica te febricula, gravedo aut apoplexia, cunctiuncula aut glans unica æternitati te obijcit. Cadis amicus Numinis? excipiunt Angeli. Sin aliter? excipiunt diabolus, excipit æternus ignis.

Putat sanctus Ignatius multos in inferorum ergastulis cruciari, qui forsitan unico letali nœvo se contraminarunt, sive iam periurio, sive vindictæ desiderio, seu cogitatu obsceno, sive alio loquendi, cogitandi, agendi modo deliquerint.

Cogitandum etiam seriò, damnatos, fuisse homines nobis similes, & multos eorum Christianos, qui sacramentis & concionibus, qui libris sacris & admonitionibus ad optima quæque invitati, forsitan aliquanto tempore vitam integram piamque duxerint, familiares cum Deo: Paullatim remissius ac socordius agendo, in peccatum mortale prolapsi, iusto Dei iudicio æternis incendijs sunt addicti.

O mortales, ponite corda vestra, clamar Aggæus vates, ponite corda vestra super vias vestras. d

a Aug. l. 21 de Civ. C. IX. med.

b Judith. Cap. 16. V. 21.

c Sideratio nervorum.

d Aggæus cap. 1. vers. 5.

## §. V.

Sigismundus Imperator, quod Aeneas Sylvius narrat, Theodoricum Coloniensem Pontificem inter principes maximæ auctoritatis virum diversa interrogans: Quo pacto, aiebat, ea obtinenda est felicitas, quâ quis verè dicatur felix? Cui Theodoricus: Hæc, inquit, inter mortales frustra queritur. Imperator iterum: Ergo, inquit, ad illam celestem, quæ rectissima ducit via? Huic Præsul: Meo sensu, inquit, nec certior, nec tutior



est, quàm sincera in rebus agendis omnibus intentio. Et qualis, inquit Imperator, in viam hanc ingressus est? Ad quæ Theodoricus: Nō difficilis, ait, modò tales simus cum sumus fami, quales nos futuros esse promissimus, cum fuimus ægroti. Responsum ad omnia sapienter.

Et verè nulla hic vera felicitas est; quærimus illam, non invenimus. Summa hic rerum inconstantia; nutant & vacillant omnia, sordet voluptas omnis ad beatam æternitatem collata. Viavero ad delirias cælestes rectissima est, pura in omni actione Intentio. Hanc porro viam ingredimur, si nostris ipsi promissis stemus, si quæ in gravibus periculis, in vehementibus morbis, in confessionibus sacris promissimus, in opus educamus, & è verbis faciamus facta.

O varium & mutabile semper humanum propositum! Siracides clamat: Qui baptizatur à mortuo, & iterum tangit eum, quid proficit lavatio illius? a Post baptisma mortuum tangit, qui culpam post lacrimas repetit. Clamat Isaias: Lavamini, mundi estote. b Lavamur, sed ad sordes brevi revertimur. Post lavacrum mundus esse negligit, quisquis innocentiam vitæ, post pœnitentiam non custodit. Clamat iterum Siracides: Non alliges duplicia peccata, nec enim in uno eris immunis: non iteres verbum in oratione tuâ. c Verbum in oratione iterare, est, post fletum committere, quod rursus necesse sit flere. Quod Gregorius confirmat his omnino verbis: Quisquis peccata plangit, nec tamen deserit, cor quidem conterit, sed humiliare contemnit. d Ideò, inquit, admonendi sunt qui admissa plangunt, nec tamen deserunt, ut considerare solliciti sciant quia flendo inaniter se mundant, qui vivendo se nequiter inquinant, cum idcirco se lacrimis lavant, ut mundi ad sordes redeant. Hinc scriptum est: Canis reversus ad suum vomitum. Et quoties Christus Dominus unum quemque nostrum inclamat: Ecce sanus factus es: iam noli peccare ne deterius tibi aliquid contingat. e Hec audimus, & dissimulanter contemnimus. Ideo planissime Bernardus: Irrisor est, inquit, & non verus pœnitens, qui adhuc agit quod pœnitet. Si ergo vis verus esse pœnitens, cessa à peccato, & noli amplius peccare. Sic plange

commissa, ut non denuò committas plangenda: quoniam inanis est Pœnitentia, quam sequens coinquinat culpa. f

a Eccl. 34. v. 30,

b 1s. Cap. 1. Vers. 16.

c Eccl. Cap. 7. v. 8. & 15.

d Greg. tom. 3 parte 2. pastoral. cura admonit.

31. mihi pag. 197.

e Ioan. C. 5. Vers. 14.

f Bern. l. de Animâ. c. 4. mihi pag. 1054.

§ V I.

**H**æc scimus, & vero etiam, quicquid à nobis exigitur, facturos promittimus, & nihil fit. Ah, quoties, & quanta sanctissime spondemus, & nihil fit; eiuramus pristinos mores amoreſque obscænos, & nihil fit; vitam pollicemur emendatissimam, & nihil fit. Parturimus grandia, tandem musculus, hoc est, imbellis & frigidum opus prorepat.

Valerius narrat, in exercitu Xerxis, quem adversus provinciam contraxerat, equæ partu leporem effusum. Eo monstri genere tanti apparatus significatus est eventus. Nā qui mare classibus, terram pedestribus copiis operuit, ut fugax animal, pavido regressu regnum suum repetit.

Tales omnino sunt nostri conatus: omnem uno die sanctimoniam combibimus, consilium suscipimus arduum, propositum haurimus sanctum, optimos mores promittimus: sed consilium non explicamus, propositum non premimus, cœpta non tenemus, à destinato aberramus, à promisso resilimus, sumus quales antea, & sæpè peiores; sic equus parit leporem, sic montes parturiunt musculum. Standum & perseverandum est, propositis inhaerendum, bene cœpta sunt urgenda. Breves dies hominis sunt, b & tenuissimum vitæ filum subitò præscinditur. Aranearum architecturæ suum sibi spoliarium concamerantium vita nostrâ similis est, quarum, circinatum orbem decussata paribus intervalis quaterna subtegmina dividunt, quæ ipsa segmenta singula, vicinis intertexa filis, æqualibus ubique maculis scutulatum rete absolvunt, ut cum telam omnem pertexuerint, octoginta omnino internodijs plagulisque, quod Pineda c noster observatum curiosus ait, totus ille prædatoribus orbis in muscarum perniciem




miem rotundatus implicetur. Hæc inquam  
vita nostræ icon est, quam tamen Parcarum  
tenui filo deduci egré quidam audiunt, &  
poëtis irascuntur, qui annos nostros ad co-  
lum examinant; cum illis vel invitis David  
occinat: Anni nostri sicut aranea meditabun-  
tur, quasi nimia in fuso & lausificio sit firmi-  
tas, ut ad aranearum texturam tota ævi no-  
stri periodus revocari debeat. Breves dies ho-  
minis sunt, & semitam, per quam non rever-  
timur, ambulamus.

Interim *Æternitati* propinquamus omnes; nemo nostrū procul abest ab hac meta serius aut citius contingenda. Quis scit, quorū ea passibus distemus? hodierna forsitan, aut luce crastina tota nos circūdabit *Æternitas*. Quid ergo cunctamur, quid in re momenti tanti ludimus? Salvet unusquisque animam suam. Is sapit solus, qui unius voluptatulam momenti, non præfert beatorum *Æternitati*.

a Valer. l. i. c. 6. inter externa.

<sup>b</sup> Iob cap. 14. v. 5.

¶ Pineda in c. 27. Iob, v. 18. ubi sectiones vocat.



CAPVT XVI.

*Humana gentis cecitas incredibilis, &  
horribilis stupor, tam in peccatis,  
quàm in supplicijs peccati æternis  
expendendis.*

§. I.

**Q** Vicquid dicamus, quicquid clamemus, quicquid scribamus, five prophetarū vaticinia, seu Christi minas & oracula, five Apostolorum scripta ingeramus, magnam partem frustra sumus. Surdis nēnia. Clamatur, nec auditur clamor; promissa & minæ ingeruntur quidem, sed spernuntur. Et quamvis horribilissima illa vox, *Æternitas, Æternitas, Æternitas* millies iterumque millies inculcetur, vix quidquam tamen proficitur.

Quoties ex alto his talibus monemur ver-  
bis: Filij sanctorum sumus, & vitam illam ex-  
pectamus. quam Deus daturus est his qui fi-  
dem suam nunquam mutant ab eo. *a* Sequetur  
alia post hanc æterna vita, semper beata, yo-

lupias immortalis & perpetua. Nunc ergo sustinere modicum : leve & momentaneum tribulationis nostræ immensum gloriæ pondus operabitur in nobis. *b* Quod iam durum est pati, dulcissimum erit meminisse. Quicquid igitur tolerandum venit, in omni patientiâ & longanimitate, cum gaudio gratias agentes Deo. *c* sustinere.

Hæc pleraque omnia dicuntur gratis: Nec alia fere cantilena extunditur, quam illa Iudæorum: Manda, remanda, manda, remanda, expecta, reexpecta; expecta, reexpecta; &c. Quicquid de futuro sit, oculos & manus præsentia implent; voluptas huc illuc trahit, huc moderari difficillimum. Appetitus satiandus est quibuscumque desumit impendijs. Deus benignus est & misericors, qui facilem dabit veniam delinquentibus.

Hæc illa sunt cæcorum carmina : O miseros, & ô nimium cæcos mortales ! An ignoratis has voluptates vestras, quas adeò sititis, esse veritas ? An non vestra vobis conscientia id quotidie concionando ingerit ? an non dehortatur ratio ? An non aliud divinæ leges imperant ? Sed dicite, oro, an non creditis omnem in hoc Orbe voluptatem, quantumcumque diuturna videatur & suavis, momento stare, subito ruerè, & in æternos luctus definere ? Omnis Mûdi amœnitas Æternitati collata, nec momentum quidem, nec punctum est, minus nihilo est. Sed num hæc cogitatis, num creditis ? Si quidem Christiano nomine censerè vultis, sciendum vobis erit, hæc vobis cogitari, hæc credi. Sed ea est, dicetis, humanæ fortis conditio, ut æternorum obliiti, ad præsentia toto impetu ruamus. Hinc navi & maculæ, hinc omnis vitiorum propago. Bona confessio, modò eam sequeretur & emendatio.

a Tob. cap. 2, vers. 18.

b 2. Cor. cap. 4. v. 17.

c Colof. c. I. v. II.

d I f. c. 28. v. 10.

§. II.

**S**ed liceat denuo querere: Nūc creditis hec vitia, vobis tam familiaria supplicij sempiternis à Deo puniri? Credimus, aiunt. Quare igitur non solū tam obliuioſi, ſed & tam temerari eſtis, ut toties tam impudenter di-



vinas leges violare nō vereamini? Adeo ut nec quidē formidine pœnæ peccatū oderitis: nullus gehennæ metus, nullus ignis perpetui horror, nullus amor calī. Hinc in omnē licentiā effusū mores, hinc querula in adversis impatiētia, hinc petulās & secuta in prosperis oblivio gehennæ, hinc omnes vitiorum rami. Nimirum omnis à cogitationibus vestris exulat Æternitas. Quam forte creditis, sed reverà non expenditis. Nullus est qui recogitet corde. a

Æternitas in ore est, sed in animum non descendit. Aures feriunt Æternitatis monita, non penetrant. Æternitas vix ab ullo suis momentis ponderatur. Æternitatis infinita sæcula quandoque forsan cogitamus, sed obiter: de ea ab alijs scripta legimus, sed obiter; immensam Æternitatis sine fundo voraginem in concionibus adumbratam aspicimus, sed & hoc obiter ac perfūctoriē. Breuī salubres gemitus aliarum cogitationū mole obruuntur. Sic Æternitas vix animum ingressa, mox vanissimis cupiditatibus sepelitur. Inde omnia prioris nequitiae blandimenta subrepunt, & animum ut antē occupant. Ita fides nostra, quam iactamus, fides somnians, aut verius, mortua est.

Narrat illustrissimus scriptor Baronius, quod sibi testatissimā fide cōpertum asserens: Hoc, inquit, auditione accepi, ab integerrimæ fidei viro Michaelē Mercato, qui de auro suo hæc explorata retulit, quæ complurium eruditum virorum assentione scimus firmata, & pro concione sæpius narrata. Res ita habet.

Michael Mercatus senior cum Marfilio Ficinio ingenij nobilissimi viro, intimā iungebatur amicitia, quam & paria Philosophiæ studia accendebant. Vterque horum Platonis scripta combiberat. Fuit ut ex more disceptarent inter se, quis hominis post obitā mortem sit status, quò animus humanus migraret, quæ rerum facies in Orbe altero? Atque hoc è Platonis mente deducebant Christianis oraculis confirmandum.

Sermone inter disserendum longius progresso, ad eam uterque conventionem descendit, ut stipulatis dexteris alter alteri sanctè promitteret, ut qui prior naturæ concederet, superstitem de alterius vitæ ratione quàm fidelissimè, si liceret annuente Deo, redderēt certiorē. Hæc pactio: & iuratum omnino in hæc verba,

Post aliquantum temporis, hi duo viri totis urbibus disuncti habitaverunt. Cumque Michael Mercatus summo manē ad aurorā Musis amicam philosophiæ operaretur, equitem in proximā plateā ad ædium suarum ostium contento cursu properantem, simulque Marfilij succlamantis vocem audijt: O Michael, o Michael, vera sunt illa, vera, verissima. Michael ad notissimi amici voces excitus, mox à libris fenestram accurrit ac prospicit, cernitque à tergo Marfilium equo niveo-vehentem, iamque reflexo itinere abeuntem. Hunc celebri voce persecutus, Marfilio, Marfilio, clamabat. Sed equus candidatus moram non ferens, oculis sese subduxit. Mercatus inopinato spectaculo attonitus, quid suo Marfilio evenisset, anxie cœpit indagare. Demum intellexit Marfilium Florentiæ ea ipsa hora obiisse, qua ad suas ædes visus à se auditusque esset.

Ab eo tempore Mercatus, quamvis iam antea vitæ integer, & commendatæ probitatis fuerit, philosophiam, nuntio remisso, res sibi suas habere iussit, ipse in posterum solius Christianæ philosophiæ leges sectaturus. Ita quod reliquum vitæ habuit, sibi iam Mundoque mortuus, ad futura se totum transtulit, Æternitatem assidue meditatus. b

a Hier. Cap. 12. Vers. 11.

b Baronius tom. 5. Anno. 411.

### S. III.

**A**ttenta Æternitatis meditatio, vitæ melioris principium est. Laudatur virtus, & alget, ubi vita æterna non amatur. Declivis & facilis ad inferos via est, ubi mens non assidue ad beatorum vel damnatorum æternitatem cogitandam iurenditur.

Hæc scimus, hæc credimus; interim obdormimus, & summum Bonum negligimus. Audimur quidem dicere, O Æternitas! At interim hilari manu pateram spumantem capimus, & toto nos auro proluimus, ad usque collum saturi. Subinde alto gemitu Æternitatem suspiramus, at interim impuris ac obscœnis cogitationibus cor scætat; occultas illud libidines coquit, & furtivis meatibus suo se Deo subducit. Cælestes thesauros appetimus, at interim terræ spumam, pecuniam, amicissimis oculis salutamur, & clandestinis sacrificijs litamus Mammonæ. Æternos inferorum ignes



ignes videmur expavescere, at interim Ira & Invidia, velut Ætna ignibus, flammigamus. Æternas ab omni labore ferias expectamus avidi, at interim adeo torpescimus desidia, ut otium ex otio ducamus, ad omnem seriam industriam fracti & languidi.

Onon violentos qui cælum rapiant, sed ô cæcos, qui vira spatiosa & amœna malint errare, quàm aspera nonnihil & arcta, iter tenere rectum.

Interim Christus omnesque cælitres inclamant: Contendite intrare per angustam portam, Contendite, Contendite; quia multi quarent intrare, & non poterunt. a Properate, currite; Vincendum & eluctandum est, Contendite. At nos nec currimus, nec properamus, nec contendimus: nos obscuritabundi lenti quæ velut cameli ac leones pedatim gradimur, & otiosè sequimur. Ac utinam sequamur & non omnino subsistamus.

Nostrum Velle ac statuere simillimum est ægrotorum invalidis conatibus. Æger subinde sese erigit & lecto attollit, gressum molitur, pedem ponit, ambulare teutat, mox virium defectu in lectum recidit. Crura illius tibi quæ fulcra sunt nimis imbecillia, molit corporis sustentandæ. Veller surgere, sed posse negant vires. Vix alij sunt conatus nostri, ardua cogitamus, multa statuimus, sanctiora molimur, videmur velle rem bene agere. Sed vana sunt hæc sine viribus molimina, deest alacritas spiritus, omnia pervadit languor. Hinc vitia potius intermissa quam abdicata non sine gustu repetimus. Ita recidimus in lectulum equo abutum parabamus, & priori obruimur veterno. Ita

*Laudamus veteres, & nostris utimur annis,*

Divorum res gestas evolvimus, & commendamus: non sequimur, non imitamur. Virtutem speciosissimis titulis oneramus, non eam factis exprimimus: beatorum eternitatem inhiamus, sed molestiorem viam, quæ illuc ducit, cautissimè declinamus. Nos spectant hæc veteris Comici dicta:

*Sed cum inde suam quisque ibant diversi domum.*

*Nullus erat illo passus, ut illi iusserant. b*

Cum sacra concio ad finem deducta, cum in templis peroratum est, domum itur, mensa struitur, iamquæ priora omnia ex intervallo nō

longo repetuntur. Hic noster mos est, adimus tēpla, conciones audimus, quandoque ingemiscimus, peccatis indignamur, nobis ipsis irascimur. Sed hoc quādiu? Mox hilaris oblivio sepeliet omnem priorē sanctitatē. Conamur, sed languidissimè: hinc nullum prodit opus, aut mutilū. Adeoque post sexcentas conciones iidem qui antea sumus: eadem quæ prius iuramenta, eadem impatentia, eadem lascivia, Invidia & Iracundia prorsus eadem. Nihil superbiæ decessit, avaritiæ nihil: sed nec gulæ quidquam detractum est. Idem qui ante torpor, pristinae sordes, vetera omnia.

O cæcitas humanæ gentis, nullis sacris lacrimis deploranda! Ex omnibus templorum pulpitis clamatur, Æternitas, Æternitas, Æternitas. Nos nihilominus presenti ducimur voluptate. Adeo perire suave est.

*a Luc. Cap. 13. Vers. 24.*

*b Plautus in Rudente. 4. Act. Scen. penul.*

#### 5. IV.

**Q**Vemadmodū verò sacras conciones audimus, & negligimus; aures perfluunt dicta: ita sacros libellos percurrimus, & nō proficimus: deserunt memoriā lecta. Quod ex oculis, itidē ex animo abit. Et quāvis eternitas iterum iterūque inculceretur, nos tamen telam, quam orsi, perteximus: probamus meliora, deteriora sequimur, pietatem induimus, sed planè desultoriam; ita priori luto mergimur.

O Christiani, respicite & levate capita, & corda vestra, quoniam appropinquat redemptio vestra: a oculos animūque cælo attollite. Sunt fortē iam turbata omnia & adversa? Non sic & olim erit; meliora pollicetur cælum brevi patientia obtinendum. Sunt forte iam successus prosperi, & blandiens aura? Ne fide: nihil in hoc Orbe diuturnum: suis quæque momentis fluunt transeunt quæ omnia. Æternitas durabit, sola transitum ignorat Æternitas.

Hæc dicimus & scribimus, hæc occinimus & pingimus. Sed quis est qui hæc altius in animum admittat? Quis hæc probe capere, quis è solido conatur credere? O Iterum cæci mortales, quorum tunc maximè perfunctoriæ functiones, cum Æternitatis negotium in manibus est, cum de animi salute agitur.



Narrat ecclesiastes tam disertus quā religio-  
sus, Ludovicus Granata, *b* qua ratione insanā  
hanc gentis humanę cecitatem ē numero de-  
functorum quispiam amico superstiti detexe-  
rit. Duo, inquit amicitia amorisque sincerita-  
te coniunctissimi erant, Theseum istum, il-  
lum Pirithoum dixisses, & unum panē ani-  
mum in duobus corporibus. Vterque vitę fuit  
probatissimę, utrumque amor & nescio quod  
singulare pactum sic colligaverat, ut nil magis  
vellent quā unā mori. Sed Mors, illa fœ-  
derum omnium turbatrix, candidissimam  
hanc amicitiam dissoluit, & alterum ab al-  
tero, ex hoc in alium Orbem transtulit. Nec  
tamen omnis à morte amicitia dissolvi potuit.  
Siquidem non multum temporis abiit, cūm  
defunctus vivo se sitit aspectabilem, sed ha-  
bitu vultuque mœstissimo, tanquam si amico  
copiam faceret interrogandi. Exhorruit vivus  
ad tam inexpectatam amici pręsentiam, &  
spectaculo tam lugubri perterrefactus sterit.  
Vbi animum resumpsit, interrogare institit,  
num inter beatos ageret aut quo loco res ip-  
sius essent? Ad quę defunctus altum ingemis-  
cens flebiles has voces ter clarę ingeminavit:  
Nemo credit, Nemo credit, Nemo credit.  
Alter iterum quamvis ore trepido quęsit,  
quidnam illud esset quod nemo crederet? Cui  
defunctus denuō: Nemo credit, quā Deus  
rationes exactę poscat, districtę iudicet, severę  
puniat. Sub hac verba disparuit, dum alter  
novo pavore attonitus hęc secum silentio ex-  
pendit.

*a* Luc. c. 21. v. 28.

*b* In tertiā concione, 'dominicā secundā Adven-  
tūs ē Iacobo de Parad. Carthus. l. de peccatis  
mental. criminal.

#### S. V.

**O** Verę, ō verissimę dictum, Nemo credit,  
quam accurata sint undequaque Dei iu-  
dicia, quā severa ab illis supplicia. Hęc ē  
cathedris toties promulgantur, toties illud  
Ioannis ingeminatur, Agite pœnitentiam, iam  
enim securis ad radicem arborum posita est. *a*  
*Et nemo credit.* In chartis & libris æternus lu-  
cus & æterna tormentorum series toties ex-  
plicatur. *Et nemo credit.* Æterna gaudia, cœles-  
tes & æternę voluptates, nunquam desitura  
paradisī amœnitas quantis voluminibus com-

mendatur? *Et nemo credit.* Plena omnia cohor-  
tationibus ad cælum violenter expugnandum,  
*Et heu nemo credit,* vi tantā opus esse ut cælum  
expugnatur: *Nemo hoc credit,* aut certē tam  
pauci, ut Christus ingemiscens dixerit: Et pau-  
ci inveniunt eam. *b*

Fides qua æternam vitam pręlibamus, fi-  
des somnolenta & deses est. Hinc illi, quos  
vocamus, heroici actus, & generosi aggressus  
tam rari. Hinc illud religiosissimi scriptoris  
oraculum: Promittit Mundus temporalia &  
parva, & servitur ei aviditate magnā: Chri-  
stus promittit summa & æterna, & tepescunt  
mortalium corda. Vile pretium quæritur; pro  
uno numismate interdum turpiter litigatur,  
pro vanā re, & parvā promissione die noctuq;  
fatigari nō timetur. *c* Quis pro cælo tam acer  
& strenuus est? Quāti vigilas suas ad abacum  
luforium, ad hilares choreas, ad poculorum  
aciem suavissimę toleratas non sentiunt? Vbi  
tam hilariter vigilatur pro Christo, pro cælo,  
pro æternitatis prēmio? Millies repetendum:  
*Et nemo credit.* Vbi fides vivit, & immensas  
cæli voluptates, perpetua Orci tormenta ca-  
pit, longē alij mores, longē alia est vita, hic  
oblectatiunculę & voluptatulę tam turpes  
quā breves non sentiuntur, hic labor in pre-  
tio est, hic dulce ac iucundum est pati.

Franciscus Borgias dux Gandię ardentissi-  
ma febri debilitatus didicit, nihil in re-  
bus humanis stabile, nihil esse perpetuum.  
Cum verō alterno & novercali die, igni me-  
dullę coquerentur, pia illa cogitatio mentem  
pupugit: eque nam illos flammę urerent,  
qui ob flagitia apud inferos pœnas æternas  
penderent? Multum in hoc principe valet ad  
omnem reliquam vitam hęc cogitatio. Cogita-  
tio prorsus utilissima si ulla, in morbo, in  
omnibus omnino adversis admittenda. Ita spi-  
ritum iuvet, quod corpori nocet.

Quasi per amœna prata in carcere perve-  
nit, qui per pręsentis vitę prospera ad interi-  
tum tendit. Et certē damnosa vanitas est, lon-  
gam vitam optare, & de vita meliore parum  
cogitare. Quisquis es, cum Bernardo in au-  
rem tibi insusurro: Cogita unde veneris, & e-  
rubesce; Cogita ubi sis, & ingemisce. Cogita  
quō vadas, & contremisce. *d* Tot aliorum af-  
fectata cecitas nemini patrocinabitur. Iam  
pridem moniti sumus, Angustam esse portam,  
& ar-







Tabula hæc lusoria est vita humana, cui lumen rationis non deest, varij vitæ status diversæque dignitates sunt latrunculi. Sunt reges ac reginæ, sunt proceres & optimates, plebs urbana & pagana, honorum & opum maxima diversitas. Qui his perire scit uti, vincit; ignarus vincitur. Inde nox una, sed perpetua; inde tenebræ nullis radijs collustrandæ; inde desperatio sempiterna: Non videbunt lumen in æternum. O nox, ô tenebræ!

a Ps 18. v. 2.

## ALTERVM, FLETVS

Angelus, tanquam cæli Prætor vociferatur iam olim: Quantum glorificavit se, & in delicijs fuit, tantum date illi tormentum & luctum, a Tartarum luctui destinatissima domus. Hic fletur siccis lacrimis, nihil tamen doloris egeritur flendo.

O mortales, quid nummos perditos, quid charorum funera, quid iniqua tempora deflemus? sterilis hæc flendi materia est; nec mala sunt ista, nisi malis. Hic illud Christi usurpandum: Nolite flere super me, sed super vos ipsos flere. A conspectu Dei æternum abiici, hoc ploratu dignissimum, hoc nullo lacrimarum mari sat poterit deferri.

Prophetas omnes eorumque vaticinia considerate. Mala passim ingentia denuntiant, calamitates maximas prædicunt. Repentè stylū vertunt. Subito videntur omnia in integrum restituta, loco esse optimo. Hinc illæ solationum promissæ: Et fluent colles lacte & melle. Apprehendet messium tritura vindemiam, & vindemia occupabit sementem, & comedetis panem vestrum in saturitate. b Ita post tempestates & procellas subita sese infundit serenitas. Causa est in aperto. Nullum in hoc Orbe tam insanabile vulnus, cui Deus non possit malagma imponere; nullum tam grande malum quod suo destituatur seu remedio, seu solatio. Tobias pauper & cæcus, sed patiens & piscis felle curatus; Naaman leprosus, sed opulentus & Iordanis aqua sanatus. Thessalia veneni quidem ferax, sed & Alexipharmacis destituta non est. Insulæ Philippinæ vites non habent, sed habent palmas, quæ liquorem vino nobiliorem ferunt. A lignis egena est Italia, sed hiemem habet mitiorem, & fructibus abundat.

Ita Deus Adamo Christum, Christi genitricem Evæ, delicto gratiam, transgressioni obedientiam, morti vitam opposuit. Nullum hic ulcus tam scdum & hians, quin suum sibi emplastrum inveniat; nulla tam miserabilis clades, quæ non & sanabilis sit. At verò in lucuosa Eternitate illa, insanabilia sunt omnia; plurima illic ulcera, sed nullum illic emplastrum, cataplasma nullum est; malum summum, malum æternum, immedicabile.

M. Marcellus captis Syraculis, florentissimæ urbis miseratione motus illacrimavit. Non lacrimas sed sanguinem stillent ex oculis damnati, cum seipsum quisque aspiciet totius Eternitatis captivum. Hic lacrimis sanguineis, non tamen profuturis, hic fletui acerbissimo locus est. Verè ibi erit fletus, sed fletus solatium ibi nullum erit.

a Apoc. c. 18. v. 7.

b Lem. c. 26. v. 6.

## TERTIVM, FAMES.

Ergo exercentur pænis, veterumque malorum Supplicia expendunt — a

Nimium lautè pranderunt improbi, ideò tã miserè ac siccè iam cenant. Edendi ac bibendi libidinem non continuerunt, hinc varia gulæ flagitia, hinc frequens ebrietas & ingens vitiorum agmen, quod ebrietatem comitari assolet. Non edebant ut viverent; sed vivebant ut ederent. Quorum animus in patinis vixit, quibus vitæ modulus culina fuit. De his diserte Augustinus: Nam cum ideò, inquit, manducant ut vivant, ideò se putant vivere, ut manducant. Istos omnis sapiens reprehendit, & maxime divina scriptura edaces, ebriosos, helluones, quorum Deus venter est. Hos ad mensam non adducit nisi concupiscentia carnis, non indigentia refectiois. Itaque isti cadunt in escam & potum. b O homines qui beatitudinem & felicitatem in mensa tanquam pecus in præsepî constituunt. Edunt, bibunt, vomunt. Iam demum esuriunt, iam sitiunt, iam crapulam luunt. Sed nec minimum famis aut sitis solatium reperiunt. Samaritana aut Saguntina fames apud inferos in delicijs essent: illic crudelius esuritur & sititur. Aquæ guttula in voto est, sed & guttula negatur. Hæc gulæ sunt supplicia: ita suavitas voluptatis exigua dolore cruciatur æterno.

Decoctor



Decoctor iuvenis & patrimonij sui gurgēs Albidius, re omni per gulam absumpta & comesta, domum præ desperatione incendit. Vbi hoc Cato vidit: O te religiosum invenem, inquit, qui tam liberaliter *Proterviam facis!* Mos erat in hoc *Protervia* sacro, ut quod homines ex epulis non absumpissent, Deus claudus Mulciber devoraret. c

Tot damnata ad Orcum capita planè Proterviam fecerunt, turpissimi decoctores omnium bonorum. Divina lege spreta epulis ac vino protervè prorsus indulserunt: iam non solum ipsorum domus, sed & ipsi ardent, arseri aeternum. Hoc planè est Proterviam fecisse.

Huc illa prisca Patris referri poterunt. Ibi nulla vox, nisi gemitus: nulla requies, sed ardor continuus: ibi nullum in flamma refrigerium, sed ignis perpetui continuum incendium. Ibi lux nunquam videbitur, ibi tenebris nunquam carebitur: ibi nulla est in bono eorum memoria, sed oblivio Dei ipsorum æterna, *Quorum cibus, eorum cruciatus*, quorum mansio nō Abrahæ, sed Satanae sinus. Emenda dum potes, ad Deum clama dum tempus habes, dum spatium datur luge, dum licentia tribuitur, pœnitere non protrahe. d.

a Virg. l. 6. *Æneid.*

b Aug. tom. 10. *serm.* 63. *de diversis* c. 14.

c Macrob. l. 2. *Saturn.* c. 2.

d Augustini, si tamen Augustini tom. 10. *ser.* 63. *ad fratres, mihi pag.* 748.

#### QUARTVM, FOETOR.

Ne quid scilicet desit ad totius hominis omnigenos cruciatus, suum etiam naribus opobalsamum ingeretur, foetoris extremi pestis. Sunt inter homines quibus paupertas & pauperes horrendum foeteant: Sunt quorum cum Catullo votum est, in narium delitiis nasum fieri. Hi obsecro prælibent quinam in illa Mundi cloaca soleant odores incendi.

Et quid miramur Eternitatis carcerem foetere? hædorum & hircorum stabulum est. Hoc illi nomen ab Orbis iudice habent. Christus de seipso: Statuet oves quidem, ait, à dextris suis, hædos autem à sinistris. a Hæ pecudes nec pisces olent nec florem. b Ad haras spectant, & ad Angiæ stabulum, procul à celi delitijs, procul, & hircos & porcos. In il-

lam beatorum domum, non intrabit aliquod coinquinatum, aut abominationem faciens. c Immundus ille hircorum grex, tantò tunc gravius foetebit, quantò nunc immoderatus illecebras odoris quæsit.

Suaviorum odorum alij gulam, alij libidinem irritant. Horum appetitus præsertim vehemens incontinentiæ notam subit. Et plerumque ut summam dicamus, huius generis oblectamenta, quæ auribus, oculis, naribus percipiunt, vel levia, vel foeda sunt. Parere sensui, & inhiare voluptati, aut inane, aut obscenum est, maximè si absit modus.

Odores & unguenta non paucis damno, imò & exitio fuere. Mulecasti rex Tunetorum regni recuperandi causâ in filium Amidam pugnavit. Cum autem ex infelici pugna fugeret, cruore, & pulveribus foedatus, ex solo unguentorum odore agnitus, & è fugâ reprehensus est. Iam capto filius utramque pupillam candenti scalpello rimatus diem abstulit.

Vespasianum Imperatorem iuvenis, ut erat unguentis illitus, gratias acturus, adierat. Odore mox hausto Caesar stomachatus, acris supercilio & voce asperâ: Mallem, inquit, oboluisse allium. Sic increpitum sine honore, rescisistis etiam gratiæ iam concessæ litteris dimisit.

C. Plotinus Plancus à triumviris proscriptus, mortis metu Salernitanis latebris abditus. d unguenti odore proditus, sibi quidem pernicië, suis autem proscriptoribus excusationem saviæ quæsit. Ita semper dedecori sunt huiusmodi odores, aut etiam damno.

Hoc sciamus. Hec etiam quæ minuta credimus, divinus oculus observat. Erit ergo, quod Isaias prædixit, pro suavi odore foetor. e Hic Micheæ monitum instillo: Indicabo tibi, ô homo, quid sit bonum, & quid dominus requirat à te: Vtique facere iudicium, & diligere misericordiam, & sollicitum ambulare cum Deo tuo f

a Mat. c. 25. v. 33.

b Tithymalus, & pisces & flos est odoris gratissimi: hinc adagio.

c Apoc. c. 21. v. 27.

d L. Plotinus dicitur à Plinio l. 2. *hist. nat.* c. 3. Valer. l. 6. c. 8.

e Is. c. v. 24.

f Mich. c. 6. v. 8.



## QVINTVM, IGNIS.

De hoc igne insigniter, & singulari nervo Isidorus Pelusiota: Scire debes, boni vir, inquit, quod nemo latebit illustrissimum illum ac pervigilem oculum, ne quidem si in occultissimis penetralibus aliquid patraris. Aperta enim & nuda ipsi sunt omnia, quantumvis aperta & abdita esse videantur. Quamobrem etiam peccantes neque respicientes excipient fluvij quidam perpetui, ignem terribilem ebullientes, quorum flumina nihil sunt aliud quam flammæ ad supplicium fluctuantes. Metuamus igitur divinum Numen. *a* Christianus vates Prudentius de hoc incendio illud canebat: *Vermibus & flammis, summis cruciatibus ævum*

*Immortale dedit, senio ne flamma periret. b*

Heu ignis quem nulli lustrorum tractus, quem nulla, ut Nazianzenus loquitur, sæculorum innumerabilitas extinguet! Quocunque te verteris, sunt omnia Ignis, Pix, Sulfur, Ira & Indignatio Domini. Inter ignes etiam nostros plurimum est discriminis. Ignis fulminis multo est actuosior quam vulgaris. Sed utroque longè potentior est ignis Avernalis, devorans, sempiternus. Nunc quæro cum Isaia: Quis poterit habitare de vobis cum igne devorante? quis habitabit ex vobis cum ardoribus sempiternis. *c*

Illud igneum salis mare, tametsi noctes atque dies ferveat, habet tamen suos per annum intercalares dies, quibus restincto incendio interquiescat. Apud inferos centum elabentur anni; mille, decem millia annorum transigentur, at nec unicus quidem dabitur intercalaris dies. Hinc optimè dixit Augustinus: Qui sanam considerationem habet, qui credit Dei verbis, metuit plus ignem æternum quam cuiuslibet truculenti barbari ferum: plus metuit mortem perpetuam morte quâlibet hæc pessima. *d*

Quot igitur horas, vel quot dies, quot mentes, aut annos in igne hoc permanebunt perduelles Dei? Nec horæ, nec dies, nec anni, numerari possunt, quantovis numero collecto. Eternæ erunt horæ, æterni dies & menses, æterni anni, ignis æternus. Nunquid igitur in æternum projiciet Deus? Projiciet in æternum. *e* Nam, Triumphator in Israël non

parcet, & pœnitundine non flectetur. *f* Hæc qui pavet, cavet, inquit Bernardus, qui negligit, excidit. *g* Hinc prisca ac religiosi scriptoris sapientissimum est consilium: Memoria æterni ignis tecum singulis noctibus dormiat. *h*

*a* Isidor. l. 4. epist. 47.

*b* Prudent. contra Marcionitas.

*c* Isc. 33. v. 14.

*d* Aug. 10. 9. tract. 5 de Temp. Barba, circa med. mibi pag. 324.

*e* Psal. 76. v. 8.

*f* 1. Reg. 6. 15. v. 29.

*g* Bern. serm. de Convers. ad Clericos.

*h* Climachus gradu. 7. pag. 116. post med.

## SEXTVM, VERMIS CONSCIENTIÆ.

Mala conscientia vel unius diæculæ, heu quanta crux! quis erit dolor si sit æterna crux? Damnatorum conscientia undique vulnerata, hinc afflictissima semper & desperatissima, nullo unquam solatiolo mulcenda. De laniata tam exulceratæ conscientiæ Bernardus egregiè: Nullus, inquit, de tanta numerositate spectantium molestior oculus, suo cuiusque. Non est aspectus sive in cælo, sive in terra, quem tenebrosa conscientia effugere magis velit, minus possit. Non latent tenebræ vel seipsas. Se vident, quæ aliud non vident. Opera tenebrarum sequuntur illas, nec est quod se abscondant ab illis, nec in tenebris quidem. Hic est vermis, qui non moritur, memoria præteritorum. Semel iniectus vel potius innatus per peccatum, hæsit firmiter nequaquam deinceps avellendus. Nec cessat rodere conscientiam, eaque pastus, esca utique inconsumptibili perpetuat vitam. Experiri erit hoc vocem illius, Arguam te, & statuam contra faciem tuam. *a*

Apud inferos nulla sunt horologia, nulla regendis horologiis sidera, nulli fasti aut Kalendaria. Nullæ illic temporum vices distinguuntur. Ecclesiastes asserit: Nec opus, nec ratio, nec sapientia, nec scientia erunt apud inferos, quod tu properas. *b* Hic unicum conscientię horologium auditur, sed turbatissimum.

Ægrotò, qui nihil somni possit capere, molestissimum est, nullum audire horologium, nec posse noctis periodos discernere. Hinc unicus



nicus ei quadrans pro hora, hora unica pro nocte tora est. Et tamen ubi sex septemve horulae abierint, aviculae cantillando salutant auroram, sol paullatim è quotidiano suo tumulo emergit, æstus remittit, somnulus plerunque adrepat; omnia quæ ad noctis adventum exasperabantur, iam fiunt mitiora: breviter aderunt quesituri qui valeat, nec verbis tantum, sed & fomentis alis recreaturi ægrotum. Nihil horum, ô Deus, apud inferos est, nihil diei aut solis, nil somni aut rosis, aurora nulla, nulla aviculae nisi dæmones, fomenta nulla, nec aque guttula: perpetuè illic tenebræ, dolores æterni, laniena conscientia nunquam desitura.

Verè ex multis centenis millibus hominum vix ullus est, qui hæc recogitet corde, qui tam seria conetur penetrare. Vita longe foret alia, alij profecto mores, si alia essent nostræ cogitationes. Ita conscientia vitii exfurdada, in tormentis sensum recipit, quem in scelorum tumultu amiserat, tantò iam afflictior & desperatior, quantò antea somnolentior fuit & securior. Augustini vox est: In inferno erit poenitentia, sed sera. Vermis eorum non morietur.

a Bern. l. 5. de Cons. c. 12.

b Eccl. c. 9. v. 10.

## SEPTIMVM, SOCIETAS &amp; LOCVS.

Domus commoda, & mali vicini, magnum malum: Incommoda domus, & vicini pessimi, malum maximum. Hæc habitandi ratio est apud inferos. Sepulchra eorum, domus illorum in æternum. a Ardebunt damnati velut sepulchris clausi. Domus planè incommodissima, nec alias licebit, conducere. Accedunt vicini longè deterrimi, qui vel ipsum cælum infament & exosum reddant, grex damnatorum hominum & diabolorum. O quales vicini! De his illud Domini pronuntium: Bonum erat eis si nati non fuissent homines illi: b Bonum erat eis si creati non fuissent spiritus illi. Homines damnatos aspice: Sicut oves in inferno positi sunt, mors depascet eos. c Sed quomodo sunt iam oves, an non dum viverent, fuerunt tigrides, porci, vultures, lupi, leones? Fuerunt certe, sed ultio divina eos

reddidit oves, & ita mansuefecit, ut nullis doloribus, nulli malo possint resistere; Mors depascet eos. Nam velut oviculæ gramina depalcentes, non ea radicitus convellunt, sed attendant, ut radice salvâ, recreascant herba, iterum, iterumque depascenda; ita illos inferorum reos depascit mors; non eis admittit vitam, ut in aliam atque aliam semperque novam reserventur lanienam. Atque hæc est mors altera semper victura, de quâ Augustinus. Eorum, inquit, qui non pertinent ad istam civitatem; erit è contrario miseria sempiterna, quæ etiam secunda mors dicitur: quia nec anima ibi vivere dicenda est, quæ à virâ Dei alienata erit; nec corpus, quod æternis doloribus subiacebit. Ac per hoc ideo durior mors ista secunda mors erit, quia finire morte non poterit. Ibi & dolor permanet ut affligat: & natura perdurat, ut sentiat: quia utrumque ideo non deficit, ne pœna deficiat. d

Hinc locus damnatorum rectissimè domus doloris & omnigeni luctus appellatur. Bernardus in profundissimam hanc domum gemitus emittens: O regio dura & gravis, inquit, regio extimescenda, regio fugienda: terra oblivionis, terra afflictionis, terra miseriarum, in qua nullus ordo, sed sempiternus horror inhabitat. Locus letifer, in quo ignis ardens, ubi frigus rigens, Vermis immortalis, fœtor intolerabilis, mallei percutientes, tenebræ palpabiles, confusio peccatorum. Totus tremor atque horreo ad memoriam istius regionis, & concussa sunt omnia ossa mea. e

Hic ego Solonem poenè imiter, qui gravius moerentem civem in editam turrim evocavit iussitque per subiectæ urbis ædificia circumferre oculos, addiditque: Cogita, quantus iam olim sub his tectis fuerit, quantus hodieque, sit & multis post sæculis futurus sit luctus, & mitte mortalium mala tanquam tua deslere. Vix ego aliter: Videre, mortales, & considerate formidabile luctus spelæum inferos. ô quanta sub hoc Æternitatis antro delitescit comploratio! quanta infinitis post sæculis sine ullo sæculorum exitu congeries malorum hic futura! Desinite ergo morsunculas vestras ut mala maxima deplorare. Hic verissimum est omnium miseriarum receptaculum; hæc luctus officina. Quisquis etiamnum viator es cave, & iter tuum sic modera-



re, ne iste tormentorum locus; æternum tibi obtingat diversorium.

a Ps 48. v. 12.

b Mat. c. 26. v. 24.

c Ps 48. v. 15.

d Aug. l. 19. de Civit. Dei c. 28. & ult.

e Serm. de quinq; regionibus & quinq; negotiat. qui Bern. tribuitur, mihi pag. 1749.

### OCTAVVM, DESPERATIO.

Varias omnino clades hic Orbis noster cōtinet, sed demum omnes suum quaque finem fortifitur. Video paupertate pressos, sed video paupertatis & finē. Video calumniis exagitatos, sed video & calumniarū finem. Video in gravissimis morbis decumbentes, sed video, & finem morborum. Video verbera, video fideculas: video & membris singulis parata machinamenta. Sunt istic hostes cruenti, cives superbi, domini avari, sed video, quod ab his his omnibus liberet mortis imperium. Video quosdam cruciatibus & tormentis immanibus affectos, sed video & finem tormentorum mortem.

At vero in flammis diabolorum caveis video quidem supplicia horrenda, infanda, sed non video ullum suppliciorum finem, non video usquam pœnarum terminum mortem. Hic nullus, nullus finis. Mors optimum naturæ inventum, Mors omnibus finis, multis remedium, quibusdam votum, de nullis melius merita quàm de his ad quos venit, antequam invocaretur. Mors servitutem invito etiam damno remittit, Mors captivorum catenas levat, Mors è carcere educit, quos exire imperium impotens vetuerat; contra omnes iniurias vitæ, beneficium Mortis est. Sed hoc, cheu apud inferos non est. Per omnia inferorum latibula circumspicio, sed mortem nullam video. Imò verò video mortem, sed vivacissimam, & agnatis sibi doloribus plenissimam. Apud inferos, sicut nullus lugendi & dolendi, sic nullus moriendi finis est. Damnati ipsi, ut Dionysius notat, sic calculum ponunt: Elapsis decem millibus annorum, adicientur centum millia, post hæc centum millia, tot iungentur myriades, & milliones quot in firmamento sunt stellæ, & in littore maris arenæ. Post quæ longissima annorum spatia, quasi nihil de pœnis nostris

accusum esset, sic iterum ab initio pati tormenta incipiemus: atque ita sine interruptione, sine, sine modo voluetur assidue nostrorum tormentorum rota. a

Atque hinc desperatio multò quàm acerbissima. Hæc tam intelligentiam quàm voluntatem ac memoriam dirissime torquet. Quicquid memoria secum revolverit, affliget, quicquid cogitaverit, intellectus, in tormentum cogitantis vertet; voluntas ipsamet obstinationem suam stepebit, neque enim unquam velle poterit quod Deus. ita semper suæ malignitatis in seipsa pœnam reperiet. Et quàm horrendum est, scire, Deum sibi æternum fore inimicum, severissimas eius manus se nunquam evasurum, sub eius pedibus perpetuò calcandum. hinc iugis ac desperatissima rabies, hinc summum Dei odium orietur. Omnis dolor irruet super eos. b Mala omnia super eos congregabuntur. c

O miserrimi noctis inquilini, voluptates vestræ evanuerunt, & ut Ioannes Apostolus loquitur, poma desiderij animæ vestræ discesserunt à vobis, & omnia pingua & præclara perierunt à vobis. d Iam sola superest desperatio. Spes omnis iam decollavit. Vocabitis mortem, & non veniet. Eum ingressi estis carcerem, è quo mors nulla vos unquam educet. Iam sola superest desperatio. Meministis quā avidè, velut uris, mel voluptatis sectaremini. Mel omne evanuit, iam vobis inhæret apum aculeus, æternum in hæsurus. Iamque sola superest desperatio. Hoc nimirum vobis maluistis, centies sexcenties moniti, hoc ipsi volum accersistis; habete nacti.

Ultima omnium malorum æterna desperatio.

a Dionys. Cart. in speculo amatorum Mundi.

b Iob. c. 20. v. 22.

c Deut. c. 18. v. 14.

d Apoc. c. 18. v. 14.

### NONVM, ÆTERNITAS

Loquantur omnes Angeli, nunquam tamen satis explicaverint pœnarum apud inferos Æternitatem. Quid enim est Infernus? Tormentum absque omni dolorum interapedine sempiternum, summum. Priora octo tormenta quantumvis acerbissima, valde tamen tolerabilia essent dicenda, si ea vel multis annorum millibus forent toleranda. Sed cum



cum æterna sint, seheu, inexplicabilia, & multo magis intolerabilia sunt, & tamē æternum toleranda. Cogito, inquit priscus Theologus, mille annos, cogito millies mille annos, cogito tot annorum millia quot sunt momenta seu puncta in toto tempore à condito Mundo, usque ad eius consummationem, & de Æternitate nihil adhuc habeo. *a* Laborabunt in æternum, & vivent adhuc in finem. *b*

Et hæc dolorum æternitas singulare supplicium est Damnați namque non solum pœnam præsentem patiuntur, sed cum certo sciant eam fore æternam, velut totius Æternitatis immensum, inæstimabile pondus sustinent, & modo patiuntur, quod in omnem æternitatem passuri sunt.

Atque hæc causa est cur plurimi sanctorum hominum ad asperissimam vitæ rationem se ipsos ultro damnarint dum viverent, ut illam scilicet pœnarum æternitatem effugerent. Ebrios facit Æternitatis meditatio, veluti mustum. Sanctissimi quique plurima fecerunt Æternitatis intuitu, quæ videri poterant hominum ebriorum deliria. Poterat de illis dici: Musto pleni sunt isti. *c* Erant certè, sed musto, quod eis propinavit Æternitas. Quanti eorum in solitudines sese abdiderunt, in vepres & spinas abiecerunt, aquis gelidissimis merferunt, nives nudo corpore tolerunt, ignes insilire non horruerunt, modo peccatum effugerent, æternitatis luctuosissimæ seminarium. Votum singulorum erat: Ingrediar putredo in ossibus meis, & subter me scateat, ut requiescam in diatribulationis. *d* Et vespè præstat mori millies, iterum iterum millies iugulari melius, quam morti æternæ obijci. Aut pecus, aut saxum est, quem à vitijis non revocat æternitas.

Annis superioribus homo Belga, Bertrandus Cornelij, iuuenis fuit ferox, turbidus, vitiosus, pugnax, ut urbe totâ *Rex turbarum* audiret, in symposijs, ludis, tripudijs effusus. Proximâ sub cineraria nocte, dum convivatur, choreas ducit, bacchatur, à Deo in ipsis choreis intimè tactus Æternitatis radio, subduxit sese, velut auram captaturus liberiorem. Paullò post secuti socij reperiunt hominem subtristem & cogitationibusmersum. Illi blandissimè rogare, curas abigeret, choreas

repeteret, aut si mallet, pocula, & verò iam secum rediret, interpirationi sat datum. At ille de morte, de reddendâ iudici ratione, de Æternitate ita piè cœpit philosophari, ut, licet primò eum id ioco agere opinarentur, ubi tamen seriò & constanter differentem audierunt, vehementer omnes fuerint obstupefacti. Demum ille in hæc verba finit: *Definitum est mihi, socij, deinceps alium agere hominem, hisce ludicris abstinere, mutare mores pristinos, legibus Christianis vivere. Et certè si sapio, nullam impofterum occasionem negligo consequenda salutis. Nec putem serum nimis resipiscere. Quamvis doleo, non citius huic cogitationi animum adiecisse, cum iam satis intelligam, fugacissimis his voluptatibus unam imminere Æternitatem. Sic pergo. Vos singuli rem vestram agite.*

Ita dixit & abiit, deseruitque rei novitate attonitos, quosdam etiam ad meliora persuasos. Nemo non mirabatur, quotquot turbulenti hominis ingenium norant. Sub illud ipsum tempus opportunissimè Eleutherius Pontanus Menenas è Societate I E S V sacerdos illuc locorum venit, & ad Bertrandi domum non ignotus hospes divertit. Audito eius adventu mox accurrit Bertrandus, ad pedes sese abiecit, & in eandem societatem admitti ardentè rogavit. Post aliquod temporis spatium factus voti compos, ad domestica munia obeunda est admissus. Hoc vitæ genus ad obitum usque triginta quatuor annis feliciter perduxit. Erat in eo agrotorum cura insignis, & religiosæ disciplinæ rãta observatio, ut circumgestatâ clepsydra orationis horas agrotorum obsequio interruptas metiretur. *e* Eò Bertrandus Æternitatis meditatio pertraxit.

Scire, à quolibet graviore delicto luctuosam Æternitatem pendere, & nihilominus graviter delinquere, extremæ fatuitatis specimen est. Æternus ignis suppliciorum actorum omnium est epitome.

Hæc omnia Bernardus illustri oratione complexus: Quis putas, inquit, tunc mœror erit, quis luctus, quæ tristitia, cum separabuntur impij à consortio sanctorum, & à visione Dei, & traditi in potestatem demonum ibunt cum ipsis in ignem æternum. ibique semper erunt sine fine in luctu & gemitu? Procul quippe à beatâ paradisi patria exulati, crucia-



buntur in gehenna perpetua, nunquam lucem visuri, nunquam refrigerium adepturi, sed per millia millium annorum in inferno cruciandi, nec inde unquam liberandi. Vbi nec qui torquet, aliquando fatigatur; nec qui torquetur, aliquando moritur. Sic enim ignis ibi consumit, ut semper reservet: sic tormenta aguntur, ut semper renouentur. Iuxta verò qualitatem culpæ, pœnam sustinebit unusquisque gehennæ: & similis culpæ rei, sui similibus iungentur cruciandi. Nihil aliud ibi auditur nisi fletus & planctus, gemitus & ululatus, mœrores atque stridores dentium: nihilque ibi videbitur nisi vermes & larvales facies tortorum, atque teterrima monstra demonum. Vermes crudeles mordebunt intima cordis. Hinc dolor, inde pavor, gemitus, stupor, & timor horribilis. Ardebunt miseri in æternum, & ultra. In carne cruciabuntur per ignem, in spiritu per conscientia vermem. Ibi erit dolor intolerabilis, timor horribilis fœtor incomparabilis, mors animæ & corporis, sine spe veniæ & misericordiæ. Sic tamen morientur, ut semper vivant, & sic vivent, ut semper moriantur. Ita anima peccatoris aut in inferno pro peccatis cruciatur, aut in paradiso pro bonis meritis collocatur: Nunc ergo alterum è duobus eligamus, aut semper cruciari cum impijs, aut perpetualiter latari cum sanctis. Bonum siquidem & malum, vita & mors, ante nos sunt posita, ut ad quod voluerimus, manum extendamus. Si tormenta non terrent nos, saltem invent præmia f

Hæc nostra nos fides docet, hanc ipsam tamen fidem, ut iam supra demonstratum est, aut in torporem ac somnum defluere, aut penitus interire sinimus.

Narrat Patavinus Præsul Petrus Barocius, virum oppidò eruditum optimo suorum amicorum se fuisse post mortem cum eiuscemodi oratione: Sub ipsam mortis horam in rebus fidei turpissimè à Satanâ deceptus sum. Ita mors animum, qualem reperit, abduxit & obtulit Iudici. Ab eo in igne abire iussus sum. Quem, etsi maximus sit, utcumque tamen tolerabilem iudicarem, si post mille annorum millia finiendus esset. Sed æternus est, idemque tantus, quantum apud vos nulla conspexit ætas. Maledicta scientia, quæ in tam immane præcipitium me deiecit. Dixit, & in auras ab-

ijt. At superstes alter, cum rei novitate, tum amici exilio æterno motus, amicissimos quosque, quid super eâ re in medium consulerent, interrogavit. Aliter vixit, sanctius obiit, g

a *Adamus Sabour, Hom. Dom. 1 quadr.*

b *Pf. 48. v. 10.*

c *Affor. c. 2. v. 13.*

d *Habac. c. 3. v. 16.*

e *Annales Societatis An. 1602. die 2. Ianuarij; Lovanij in Belgicâ, mihi p. 679.*

f *Bern. l. de Animâ c. 3. mihi pag. 1052.*

g *Barocius l. 2. de ratione bene moriendi. De eodem Bellarminus Card. de Arte bene moriendi l. 2. c. 9.*

## EPILOGVS

Ergo rectissimè ratiocinatus Augustinus: Quis, inquit, non bibat tribulationis temporalis poculum, metuens ignem gehennarum? Et quis non contemnat dulcedinem sæculi, inhians dulcedini vitæ æternæ? Maiore timore minora contemnimus, & maiore æternitatis cupiditate omnia temporalia fastidimus.

Quantum arena, inquit Chrysostomus, imò vero quantum stilla ab immensâ abyssò distat, tantum vita præsens ab æternis & immortalibus bonis. Non est hæc vera possessio; usus est, nec ipse quidem satis proprius. Sola virtus nobiscum migrare consuevit. Virtus sola ad æternam vitam petransit. Evigilemus tandem, pecuniarumque extingamus appetitum, ut desiderium omne ad æterna transferre possimus, a

Sed heu quanta est humanæ gentis inconsiderantia, quanta cecitas! de obolo litigamus, cælum per risum & iocum prodigimus. Sic passim furoris contagione insanimus, mutuisque exemplis suaviter perimus. Non erubescis, air aureus orator, quod presentibus additus? Non desinis desipere, & insanire, & iuveniliter nugari? Quicquid hic molestum est, exiguum est; quod illic dulce erit, immortale erit. Ergo animos à fluxis & perituris ad æterna ac digniora trāsferamus; cælestium tangamur desiderio, ut bonis perfruamur futuris, b Non satis invitat præmium, terreat supplicium.

Ille ergo nobis, inquit Valerianus, sunt ante omnia cogitanda supplicia, ubi homo vivit durante pœna, ubi nec tormenta corpori, nec



membra defunt dolori Cui Chryſoſtomus accedens : Si non everſionem , ait , timuiſſent Ninivite , fuiſſent everſi . Si tempore Noë timuiſſent diluviū , non fuiſſent obruti diluvio . Si timuiſſent Sodomitæ incendium , non fuiſſent exuſti Magnum eſt malum , minas negligere . Nihil eſt æquè utile atque de gehenna diſſerere . De ea dicatur aſſiduè , ut nunquam in eam incidas . Fieri non poteſt ut anima de gehenna ſollicita citò peceet . Nullus ex ijs qui gehennam habent ante oculos , incidet in gehennam . Nullus ex ijs qui gehennam deſpiciunt , effugiet gehennam . c

Refert Ioannes Moſchus ad religioſiſſimum ſenem Alexandrum , qui cœnobio abbatibus Geraſimi præerat , veniſſe qui diceret : Migrare cogito , Pater ; locus enim quem hæcenus habitavi , nimis inamœnus frequentiſſimum mihi tædium parit Cui optimus ſenex : Et hoc quidem ſignum eſt , fili , luculentum , nec cæli delitias , nec tartari flammæ à te unquam ſerio cogitari . Nam ſi hæc animo agitares , crede mihi , nihil in cella tua tædij ſentires . d

Veriſſimum , & ex tripode oraculum : Quicunque cælum , quicunque infernale balneum attenta mente perpendit , moleſtias & miſerias etiam graviffimas , aut non ſentit , aut certè quod ſentit , in lucrum trahit , pariſſimus & plura & graviora perferre , modò pœnas exire liceat æternas .

Talis certè Olympius abbas , eodem Climaco teſte , qui interrogatus , qua ratione ſpeluncam habitare eſtas tolerare tantos , inter muſcarum & cyniphum examina totos dies perdurare poſſit ? Ad quæ ille : Hæc , inquit , tolero , nec invitus , ut à cruciatibus futuris liberer : cyniphes fero , quia vermem immortalẽ horreo : nec æſtum curo , quia ignes æternos formido . Illa enim temporis ſunt , ſuum

viſura ſinem , idque brevi : iſta ſunt æternitatis , omni ſine caritura .

Idcirco hæc aſſidue cogitanda , hæc vigilanter animo ſunt pertractanda . Firmo etiam corpori in futuros morbos infunduntur medicamenta : ſic animus hiſce cogitationibus armandus in vitia . Hæ cogitationes non nihiſ amara ſed ſalubres : non ſtatim obveniunt , ſed paulatim tempore , contubernio , uſu adoleſcunt ac roborantur ; fugantur otio inerti , quod quantum virtuti adimit , tantum addit omni vitiorum generi .

Age quiſquis es , ſaluti tuæ maturè proſpice . Vaticinantem audi Siracidem : ſi non in timore Domini , teneris te inſtanter , citò ſubverteretur domus tua . e Nunc in manu tua eſt , ut regnes , ut pereas .

Miles è pulvillo & lecto non ſurrexit generoſior . Cogita beatitudinem Laboris & Virtutis eſſe filiam . Non erubeſcat inquit Anguſtinus pœnitentiam agere , qui non erubuit pœnitenda committere , ſed citò in ſe bonis operibus contendat imaginem reparare , ut inter filios mereatur agnoſci à patre , ne ab illâ æterna beatitudine excluſus , & à convivio nuptiali proiectus , ligatis manibus ac pedibus projiciatur in tenebras exteriores . f Optimè Tertullianus : Peccati ceſſatio radix veniæ , gehennæ meditatio , principium ſalutis . Gehennarum malis omnibus abundet , illud ei bonum maximè deſt ; quod eſt in malis optimum , ſupplicij finis .

a Chryſ. 10. 4. ho. 11. in 1. ad Tim. c. 4. mihi pag.

1333

b Idem ho. 9. in ep. 2. ad cor. c. 5. mihi p. 685.

c Idem ho. 2. in ep. 1. ad Theſſalon .

d Moſch. Prat. Spirit. , c. 141 & c. 142.

e Eccle. c. 27. v. 4.

f Aug. 10. 10. ſerm. 60. De Temp. mihi pag. 254.

F I N I S.







ZODIACVS  
CHRISTIANVS.

SEU

SIGNA DVODECIM

DIVINÆ

PRÆDESTINATIONIS;

Totidem symbolis in æs incisus ex-  
plicata

A B

HIEREMIA DREXELIO

è Societate IESV.





ILL.<sup>mo</sup> PRINCIPI AC DOMINO

D. IOANNI

COMITI IN HOHENZOLLERN,

SIGMARING ET VORINGEN,

DOMINO IN HAIGERLOCH, ET

VVehrstain; Sac. Rom. Imperij Camerario hereditario, Cæs. Maiest. & Ser.<sup>mo</sup> Bauarię Duci ac Electori à Consilijis secretis:

E I V S D E M

SVPREMO, ET PRÆFECTO AVLÆ,

ET CAMERARIO.



DITIONEM priorem Zodiaci Christiani Illustrissime Princeps, nomini tuo sacraui: hanc tertiam eidem consecro, idque lubens meritò. Gracilis est hic libellus, & forma quàm ante contractior, re tamen auctior & emendatior. De humanissimâ tuâ beneuolentiâ nil licet ambigere, quin ea, hoc etiam quantumcunque tenuè obsequij genus, prono affectu profectura sit. Seneca ad Liberalem Ebucium: Neminem vnquam vidi, ait, tam benignum, etiam leuissimorum officiorum æstimatorem. Idem ego de Te, Illustrissime Princeps, iure affirmem. Nimirum ea maximorum virorum indoles est, vt donantis te-



tis tenuitatem, humanitatis suæ opulentia non grauâtè locupletent, neque enim nesciunt mores pauperum, qui cum nequeunt offerre thura, lac ferunt, aut idem etiam sæpius donant: istud ego hîc facio. Reuertor igitur ad Illustrissimam Celsitudinem tuam, & hoc Prædestinationis arcanum, coram Serenissimo Electore Maximiliano, & Serenissima coniuge Elisabethâ explicatum, denuò in tuas manus trado, tuis prius auribus acceptum. Atque hac ratione Zodiacum Illustrissimi Nominis tui tutelâ defensum, in publicum reduco. Monachij, die Beatissimæ Virginis ab Angelo salutatæ. Anno M. DCXXV.

a Seneca l. 5. de benefic. cap. 1.

Illustrissimæ Celsitudinis tue

Obsequentissimus cliens,

HIEREMIAS DREXELIUS  
è Societate IESV.

N n

LECTOR





# LECTORIS.

**H**abes, pie Lector, Duodecim signa divina Prædestinationis, è SS. litteris & SS. Patribus, subsecundo studio collecta, & memoria innunda totidem symbolis assignata. Permisi quidem antehac, rogantibus amicis, Zodiacum edi de his ipsis Prædestinationis signis: sed extemporalem illam & tumultuariam scriptiunculam, nunc abolitam cupio & expunctam. Per te id liceat, mi Lector, obsecro: & abiecto priore illo Zodiaco, hunc non tantum correctiorem, sed & altero tanto auctiorem substituere. Et hoc tibi speculum sume quotidie inspiciendum. Tuum hic erit considerare, quot in te Prædestinationis signa deprehendas: an omnia, an nullum; unum an pauca. Ex quo proinde facilis erit coniectura, cui libro, Vitæ an Mortis, tuum nomen sit inscriptum. Supremo Mundi die, hi libri etiamnum clausi aperientur. Et qui non fuerit inuentus in libro Vitæ scriptus, mittetur in stagnum ignis, a Hi vero quorum nomina scripta sunt in cælis, bimensum gaudebunt & æternum.

a Apoc. 20.

b Luca 10.

PRI



P R I M V M  
P R Æ D E S T I N A T I O N I S  
S I G N V M.

SYMBOLVM PRIMVM.



EREVS ardens ( si cupias, Lector, oculis cernere hæc symbola, libelli frontem aspice. )  
Ardēte Cereo designatur *Lux interna*, quæ beneficia Dei, vanitatem mundi, vitæ breuitatem,

peccatorum cœnum, voluptatum omnium vanescentes vmbas sic ostendi, ut, qui hæc videre incipit, calum iam suspiret & exclamet cum regio vate; Sitiuit anima mea ad Deum fortem viuum; quando veniam & apparebo, ante faciem Dei? Multi dicunt quis ostendit nobis bona? signatus est super nos lumen vultus tui, ô Deus, & in hoc vultus tui lumine ambulabimus. 6

a Ps. 41.

b Ps. 4. 88.

S. I.

**H**Abemus magistrum intra nos, lumen rationis, quod liberalissimus Deus, à suo met vultu deriuatum, in meliore hominis parte collocauit. Hoc lumen non tantum à bestiis nos fecernit, sed Deo iubet esse similes, Hoc lumen menti humanæ impressum? indelebilis est concio, quâ identidem mone-mur; *faciendum alteri non esse, quod nobis ab alijs fieri nolumus*, ab altero enim sperandum, quod alteri fecerimus, quâ mensurâ mensi fueritis, remetietur vobis. proinde nec vi nec dolo, neque bona, neque pudicitiam aliorum temerandam. Hoc lumen & creata o-

mnia, & ipsum nobis ( sub vëlo tamen ) monstrat creatorem Deum, habentem omnia perfectum, beatissimum, æternum, ipsum sibi cunctisque sufficientem, principium & medium & terminum, qui lucem habitat inaccessam, qui operibus & muneribus tam amabilis, quàm potens, cuius idem sit & V E L E & FACERE; qui totus misericordia sit & bonitas; idem tamen sanctus seuerus, incorruptus inadulabilis index; idem totus iustitia; qui formâ & magnitudine nobis sit inenarrabiles, cui nihil simile nec videamus, sed nec suspicari aut conijcere possumus visuros, præ quo venusta omnia & pulchra, merissimæ sint tenebræ & vilis vmbra: quæ quidem amabilissima & summa pulchritudo, nihil sibi gratius habeat quàm *amari*. Hoc idem lumen, nostri nobis conditoris ostendit opera; alternum dici noctisque imperium, oculicam stellatamque calî maiestatem longissima solis lunæquæ itinera, florulentum terræ gremium, spatiofissimos fluminum errores, tremendum maris dominium, animalium nationes; proventus fructuum, quæ omnia non manibus nec labore vllò fecerit Deus, sed quia voluerit hæc fieri, facta sint omnia.

Hoc quoque rationis & fidei lumen supremam hominis felicitatem in eo sitam commo-nstrat, si suo se opifici quâ maximè assimilet homo, gratam namque semper esse omne quod est simile: certe enim imaginî nil fieri posse melius, quàm si exemplari suo sit quàm simillima, & hoc demum etiam futurum, sed alijs in terris, in orbe alio, in regione viuorum nondum apparuit, inquit Ioannes, quid



erimus; scimus, quoniam cum apparuerit, similes ei erimus, quoniam videbimus eum sicuti est *a*. Ex affulgente hoc lumine, è cogitatione tali ingens existit in voluntate læticia, spes sese in altum attulit, magnus in Deum calensque affectus confurgit, quid enim dulcius, quam te ipsum viuam infinitæ pulchritudinis imaginem circumspicere; scire, suo se exemplari esse charissimum? quia verò nō omnibus hoc lumen ita liberaliter affulget, beatus David, non eandem etiam omnium esse læticiam expertus, de prerogatiuo hoc munere sibi plurimum gratulatur, & Signatum est, inquit, super nos lumen vultus tui Domine: dedisti læticiam in corde meo *b*. non in corde omnium, sed in meo, eorumque qui à te, o bonitas predestinati sunt ad vitam, ideò in hoc lumine vultus tui ambulabimus, & in nomine tuo exultabimus, tota die læti, emeruisse nos è tenebris, ut quotidie magis ac magis in sanctissimæ voluntatis tuæ notitiâ erudiamur, & arcaniorem in dies tecum ineamus amicitiam: Beati sumus, o Israel, quia quæ Domino placeant, manifesta sunt nobis. *c* Iobus cum ei omnia è terra, è cælo, saderent, huius tamen luminis jucunde recordatus *d*: Splendebat, ait, lucerna eius super caput meum, & ad lumen eius ambulabam in tenebris. Ergo vos, inquit Ecclesiasticus, *e* qui timetis Dominum, diligite illum, & illuminabuntur corda vestra: *f* Lux vestra in tenebris orietur, & requiem dabit vobis Dominus semper, & implebit splendoribus animas vestras. quod si deflexeritis à Deo, Aegyptijs vndique tenebris inuoluemini. Nam error & tenebræ peccatoribus concreant sunt *g*

*a* 1. Ioan. 3.

*b* Psalm. 88.

*c* Baruc. c. 4.

*d* Iob. c. 29.

*e* Eccles. c. 2.

*f* Isa. c. 58.

*g* Eccles. c. 11.

## S II.

**T**Alia, inquit diuinus Spiritus, *a* dixerunt in inferno hi, qui peccauerunt. quænam illa? neque enim otiosa videtur aut inutilis curiositas, nosse, quæ apud inferos loquantur dānati. quæ apud exterarum nationes, in regum

palatijs, in principum curijs agantur, auidi audimus: scire quæ apud inferos fiant, si non ingratum multo minus erit inutile; præsertim cum hæc non incerta sit, uti plerumque rerum nouarum narratio. qui ergo dānatorum sermones sunt? Ergo errauimus à via veritatis, & iustitia lumen non luxit nobis *b*. Ergo errauimus hæc quidè cōsequentia est, sed ubi antecedens? Venite & fruamur bonis, quæ sunt: vino pretioso & unguento nos impleamus, & non prætereant nos flos tēporis, coronemus nos rosis antequam marcescant, nullum pratum sit, quod non pertransit luxuria nostra. Ad prata se inuitant; quid amplius facerent boues & vaccæ? En, istud est antecedens, quod fecerunt in mundo, cōsequentia primum facta est in inferno. Heu pessimi dialectici! ubi enim antecedens posuerant, ibi & consequentiam debuissent subiungere: Venite, fruamur bonis quæ sunt. mox fuisset concludendum: Ergo erramus. nam aut in hac vita pœnitendum, aut ardendum in altera; pœnitendum hic est, non sine fine peccandum; cruces iam cogitandæ non delicia; certandum hic est, alibi triumphandum. Ergo errastis: cōsequentia bona est & vera, sed nimis fera: & iustitia lumen non luxit nobis. Et quodnam hoc iustitiæ lumen? Si iustitia est, uti legumlatores volunt, ius suum cuique tribuere, iustitiæ quoque munus erit, debitam rebus omnibus æstimationem non negare; illud ergo animi lumen, quod cuius rei congruam assignat æstimationem, iustitiæ seu intelligentiæ lumen merito dicitur. Et hoc est, quo se caruisse damnati queruntur generosa vina dignoscere, corollas capiti, epulas ventri seligere per virera, delicias sectari, hæc quidem omnia exactè sciuerunt: sed hæc eadem delicijs æternis nequaquam esse preferenda, suauiter nescire voluerunt. pudendas & breues oblectatiunculas tanti fecerunt, ut præ illis omnia beatorum gaudia non magni viderentur esse pretij, vina sua, suas epulas, Veneres, rosas suas tam tenerè amarent, ut audacter spernerent ipsas etiam cœlestes delicias, adeo chara fuit illis peccandi libertas, ut vilis esset omnis æternitas. Sed hæc est iniquissima rerum æstimatio: contrarium docet intelligentiæ lumen, quod vnam & vnicam summi vult æstimari æternitatem, vilipendi cetera omnia. Ergo errauimus? Res ipsa



ipsa loquitur. Ergo *iustitia lumen non luxit nobis*? Nimis iam certum est. Multi sunt, qui nolunt intelligere, vt bene agant; & Voluntaria sed blanda semet ignorantia decipiunt; omnem viam non bonam ingrediuntur. Ex horum numero & vos fuistis? noloistis intelligere vt bene ageritis. Ergo clamate iam, & vultate miseri, hæc vestra per totam æternitatem erit cantioncula: *Ergo erramus, ergo iustitia lumen non luxit nobis.* hic inferiorum psalmus est, hæc eorum flebilia carmina æternum ploranda.

a Sap. c. 5.

b Sap. cap. 5.

c Psalm. 35.

## §. III.

**A**t tendite Christiani, & missos cælo radios ne excludite: det Dominus virtutem nobis, & illuminet oculos nostros, a hoc intelligentiæ lumine immisso, facili cuius patet, non pluris faciendos esse homines quam Deum, nec diuinitas quam conscientiam, nec pluris humanum quam diuinum fauorem? sed nec voluptatem quamcunque cælo præferendam, nec fluxa hæc æternis esse anteponenda. Et verè non habet (ait Chrysostomus) quod super terram amet; qui cœlestem dulcedinem degustauit.

Hoc intelligentiæ lumen bonus Deus Augustinus liberalissimè voluit allucere. Admonitus, inquit, redire ad meipsum, intraui in intima mea, & vidi qualicumque oculo animæ meæ, lucem Domini incommutabilem; qui nouit eam, nouit æternitatem. Et inueni me longè esse à te in regione dissimilitudinis. b Ab hoc intelligentiæ ac iustitiæ lumine non multum discrepat lumen deuotionis, de quo D. Bernardus: c Roga, inquit, dari tibi deuotionis lumen, diem serenissimam & sabbatum mentis, in quo tanquā emeritus miles in laboribus vniuersis viuas absque labore, dilatato nimirum corde currens viam mandatorum Dei, vt quod prius cum amantitudine & coactione tui spiritus faciebas, de cetero cum dulcedine peragas & delectatione. ad idem inuitans nos regius psaltes: Accedite, inquit, ad eum, & illumamini: gustate & videte, quoniam suavis est Dominus d amœnum hoc cordis lumen est, & plena voluptatis flammula, quæ Deum homini maio-


rem in dies atque maiorem ostendit. Ad hoc lumen in humano pectore accensum, quotidie crescit (res mira) incrementi omnis incipax, immensus Deus.

a Baruch. cap. 1.

b Lib. 1. confess. cap. 10.

c Serm. 3. de circumcis. Domini.

d Psalm. 33.



## S E C V N D V M

## FRÆDESTINATIONIS

## S I G N V M

## S Y M B O S V M S E C V N D V M.

**C**RANIVM seu CALVA, qua declaratur, *animus ad mortem quamcunque illam semper paratus.* Et vos, inquit Christus, similes estote hominibus expectantibus Dominum suum quando reuertatur à nuptijs, vt cum venerit, & pulsauerit, confestim aperiant ei. Pulsat Dominus, inquit Gregorius, a cum per ægritudinis molestiam mortem vicinam esse denuntiat. cui confestim aperimus, si eum cum amore suscepimus, aperire pulsanti iudici non vult, qui exire de corpore trepidat, & videre illum, quem contempsisse se meminit, iudicem formidat. qui vero spe & operatione secutus est, pulsanti mox aperit, vocari se gaudet, & ob futuri præmij gloriam vel inter lacrimas hilarescit, quin ergo b dissolui cupimus & esse cum Christo, multò id melius, quam si prolongetur noster hic lugubris incolatus c. Non potest malè mori qui bene vixerit, nec bene mori qui vixit male. d Et quid illud est, quod nobis eripi adeò formidemus? vita quid est? nisi ludibriorum scena & mare miseriorum, quacunque veharis naui, aurea an argentea, gemmea seu lignea, assilientes fluctus non declinabis, in aduersantes scopulos sæpius impinges, in periculosis vadis crebrius obhæresces. beatus ille qui mare hoc transit, beatus qui enauit, & iam in portu est, quod si quis ad mortem ante seros annos perueniat, non magis conqueri debet, quam qui citò nauigauit. Quid ergo mortem, laborum



finem, præmiorum auspiciū metuamus: hoc iudiciū a Domino omni carni, prioribus sæculis nemo euasit, sed nec futuris euadet ullus: quotquot antecesserint, omnes sequentur, ad hanc legem nati sumus, & cōimus quō eunt omnia: mors, omnibus est finis, multis remedium, probis etiam votum; ijs certē qui ad vitam prædestinati sunt: mors omnium dolorū & solutio est & terminus, vltra quem mala eorum non exeunt, infantiæ foret, optimi Domini decreto resistere, ac tributum nolle pendere quod pendunt omnes, libertatemque ambire, quæ nulli conceditur. Altior est Theologia Christianorum, quæ vitam in patientia, mortem habere nouit in desiderio. Cygnus, si Solino credimus, e in vita gemit & tristatur, in morte lætatur & canit, iidem electi faciunt, dum viuunt, gemunt; cantant in morte, æternum in cælo lætaturi. ita octogenarius ille olor cecinit, Simeon; Nunc dimittis seruum tuum in pace. f Et cur lamentemur ruente tuguriolo nostro? scimus quoniam si terrestris domus nostra huius habitationis dissoluatur, quod ædificationem ex Deo habeamus, domum non manu factam sed æternam in cælis. g

a Hom. 13. in Euang.

b Phil. 1.

c Psalm. 119.

d August. de doct. Christ.

e Solin. de mirabilib. mundi.

f Luc. 2.

g 2. Coriuth. 5.

## § I.

**E**T quis è rigido strato non surgat promptius? Ij solum cunctantur, qui in plumeo calore mollius fori, difficulter deferunt calentem nidum: ægrè tibi est in hac vita: ergo non inuitus, puto, transibis ad meliorem. bene tibi est? ergo maturum omnino est ut mox finias, ne te prosperitas, uti multos, præcipitet serâ quidem sed graui ruinâ, non ergo timendum est, inquit Tertullianus, quod nos liberat ab omni timendo. longum Deus adimit tormentum homini, cum vitam ei concedit breuem. ideo generosus martyr Cyprianus, audita Valeriani Imperatoris contra se sententia: Tascium Cyprianum gladio animaduerti placet, elatis cælo manibus & oculis:

Deo gratias, respondit, qui me à vinculis huius corporis dignatur absolueret. Miratur Ambrosius a quosdam, cum moriendum, extrudi velle potius è suo carcere quàm educi, & quid, inquit, est in mundo & vita hac, nisi pugna cum ira, libidine, gula? Eiusdem animi Chrysostomus: b quid, inquit, dicis homo? ad regnum vocaris, ad regnum filij Dei, & o scitabundus es totus, ac desidum more scalpīs ac torpes? Si namque singulis diebus vel in mille mortēs insiliendum esset, an non omnia ferre oporteret? atqui principatus gratia nihil non faceres, cum verò consors futurus sis regni vnigeniti Dei, non obicies te vel mille gladijs, non insilies in ignem? at tu luges etiam quod abiturus hinc es, & presentibus libenter immoraris, plus æquo corporis curam agens, quidnam hoc est? & mortem etiam horrendum quid esse putas. Horum verè causæ sunt delitiæ & vitæ remissio, alioqui qui vitam viuūt acerbam, auolare quoque vellent & ab hac vita liberari. ita idem nobis euenit, quod pigrescentibus auium pullis, semperque in nido hæreret cupientibus, sed quanto diutius hæserint, tanto redduntur imbecilliores: Nidus quidam est præsens hæc vita ex festucis & luto compactus, etsi magnificas mihi ostenderit ædes, etiam ipsas regias auro multo & lapidibus pretiosis splendidas; nihil tamen illas ab hirundinum nidis putabo differre. Ingruente namque hieme sponte sua cadent, OMNIA.

Ita fit prorsus, Chrysostome, auree orator: cadunt tandem omnia, & nos cum ipsis, plerumque hoc ipso tutius quo citius, hinc gratulatur Sapiens, Raptum esse iustum, ne malitia mutaret intellectum eius. hinc & Angelus mori timentem increpans: pati, ait, timetis, exire non vultis, quid faciam vobis: Fidem resurrectionis non habet, qui ad meliora non festinat. Si domus ruinam minetur, nonne prompti ex ea migramus; si nauis inter procellas periclitetur, nunquid animo toti sumus in portu? mundus hic ingentibus vbiq; ruinis fatiscit, vbiq; fluctus & procellæ: quin ergo portū cogitamus, quin migramus ad patrē? vbi nos charorū turba expectat, de sua salute securā, de nostra sollicita. O beati moritui qui in Domino moriuntur, quia in Domini sinu quasi morientes cōquiescunt, & sic quiescendo



do suauiter in mortem obdormiscunt, ita Stephanus & inter ipsos saxorum nimbos, in cantu lapidatium tumultu & fremitu, obdormiuit tamen in Domino, ita Lazarum à amico suum Christus obdormisse dixit, ita & Moyses seruus Domini mortuus est iubente Domino. & sicut mater infantulum brachijs suis indormientem deosculatur, & sic in lectulo, taciturna molliter reponit, ita sunt qui dicant, scripturæ sensu Moysen ceu dormientem infantem à Deo per osculum & amplexum in sinu Abrahe quasi in lectulo collocatum. Nimirum, cum dederit dilectis suis somnum, ecce hæreditas Domini. f. Ter beati sunt hi mortui: amodo, iam dicit Spiritus ut requiescant à laboribus suis, opera enim illorum sequuntur illos, g. tanquam famuli suum Dominum, filij suum patrem, nobiles suum principem; sequuntur usque ad tribunal Dei, deducunt & comitantur usque ad supremam Dei curiam, quo solum nobiles hi famuli intromittuntur quisquis ergo ad vitam prædestinatus est, mortem ut optimum naturæ inuentum prædicat, cum non alia via illuc se peruenturum sciat, & quia eiusmodi homo nunquam non paratus est mori, sic secum ipse ratiocinatur.

a *Lib. de bono mortis.* b *In c. 1. ad Col.*

c *Act. ca. 7.* d *Ioann. ca. 13.*

e *Deuter. ca. 34.*

f *Psal. 126.*

g *Apoc. c. 18.*

## §. II.

**Q**uid mori trepidem? iter patrum, imo omnium latam tritamque semitam ingredior, quid solus ego mihi nescio quid aliud malum libens faciam, quod facerem etiam nolens: scio, quicquid sit à volente, sit leuius, & definit esse necessitas, cum accedit voluntas. Sed nec tergiversandi causam habeo, cunctesce desino, quod inuitus fui, mortalis. ideo corpus hoc accepi ut redderem, & ideo reddam, ut denuo recipiam cum senore. hæcenus à conspectu Dei mei detentus sum per mortales has moras, quibus illi vitæ meliori præluditur, nam lux ista quam velut extremam multi reformidant, æternæ natalis est; veniet iterum qui me in lucem reponat dies, & ideo equissimo animo, rediturus exibo, o quam latus amplectar diem, qui meo

me domicilio assignet, qui me hinc ereptum, & omnibus laqueis exutam restituat paradisum! In multis merum non nescio, sed misericordia tua, o mi Domine Oceanus est & immensissimum mare. In hunc ego me Occanum, in hoc mare precipitabo, cum me voluerit mors de hoc vitæ colliculo deieceret, sic unico mei ipsius in sinum misericordiæ iactu, omnes vitæ molestias abrumpam, & vitæ mors nullas in via moras neceat: quandoque veniat, volentem me inueniet, & paratum quiescere. non sic odi quietem, ut respuam malorum ferias. Et cur non potius tunc gaudeam cum vitam hanc miseriarum innumerabilium officinam licebit claudere, mortis & fortunæ iugum excutere, diem ordiri nulla nocte finiendum. Felix nuncius cum me Rex meus vocaturus est, & ex hoc carcere liberaturus: multa faciam solutus quæ victus nullo vnquam studio didicissem. Auicula, aperta cauea non eiecitur, sed euolat, sic ego in apertas illas & caruleas plagas libens emigrabo, vitæ iam pridem satur. De loco mortis meæ, de tempore nil angor penitus, faciat ille qui me fecit, quicquid vult. *Voluntas* illius vnica mihi vitæ mortisque est regula: nil mali ab eo aut acerbi metuo qui ipsa est bonitas. Et nonne in figuli manu est, vasculum leui rota effingere, & idem frangere: Vasculum ego sum à magno illo Figulo; quid querar, si qui me finxit, velit frangere, imò refingere & ex misero reddere beatum? viuere me vult? quamdiu vult, volo, vult me mori? nullas mortis inducias nec ad momentum posco. initium meum & finis ab illo sunt, quicquid ille immiserit, excipiam non libentius tantum, sed & hilari fronte: mihi viuere Christus est & mori lucrum. a Amo te, o mi amantissime Deus. cupioque ardentius amare; hæc amoris flamma cor meum penitus liquefaciat: nihil extra te me beat. Et quando, mi Deus, & quando ad te hinc euolabo? sequor te, benigne parens, sequor, & eo promptius cum propius ad te vocas.

a *Philip. ca. 1.*


## §. III.

**I**ta sentit, qui alibi viuere, & cum Christo esse cupit: neque istud noui quid est: nam sicut medicus, inquit Theophylactus, cum vides



videt ægrum fastidire cibos & pharmaca; prior ea ipse sumit, vt ægrum ad eadem sumenda inducat. ita Christus prior ipse gustavit mortem, vt eam gustare non horreat Christianus. Cur iam, mi Christiane, etsi natura timidus sis, & mori te sentias, non priorem illum, quem loquentem audisti, æmuleris, & intrepido ac fidenti animo tu quoque in has voces erumpas: Calicem salutaris accipiam & nomen Domini inuocabo: a calix iste amarior quidem est, illum tamen bibis ipse meus Seruator & ex cruenta cruce eundem mihi exhauriendum propinavit. Calix iste fatale mortis poculum est, quod Christus sponte, quod omnino homines perhauriunt inuitabili necessitate; cur ego hoc solus recusem? quisquis cepit vivere, desinere debet, vt denuò incipiat, & quidem illam vitam quam nunquam desinat. quid ergo tibi vis vane timor, quid reuocas damnosa mœstitia? calicem quem dedit mihi Pater, quem Christus mihi miscuit, & ipse bibit, non vultis vt bibam illum? mortalis ego sum, & mori non didicerim? Cum apud Alexandrum Macedonem grauius decumbentem aliquot malè anxij amici, Philippum medicum de veneno porrigendo insinulasent, Rex Philippum cum parata portione ad se venientem sic excepit: altera manu amicorum illi literas porrexit, altera pharmacum ab illo accepit: dumque medicam potionem ori admoueret, oculos in Philippi vultu defixit, si quas fortè in illo, ob commissum toxicum, conscientia notas deprehenderet: cum egregiam in se medici fidem è facie disceret, intrepidus porrectum poculum perhausit ita, & ego faciam: poculum quod me in quietem & longiorem somnum daret, Iesus meus, medicus & Seruator mihi temperauit, & porrexit ebibendum: ego, dum illud exhaurio, oculos ab hoc meo medico non dimittam; vultum meum firmabo in Crucifixi Domini mei vultu, in quo summum in me amorem inscriptum legam, simulque constans & imperterritus hunc calicem perhauriam, qui tantò plus habet salutis, quò plus amatoris. Ita, mi Christiane, mors ipsa cum venerit, facile vincitur, si priusquam veniat, semper cogitetur, nunquam timeatur.

a Psal. 115.



## TERTIVM

## PRÆDESTINATIONIS

## SIGNVM;

## SYMBOLVM TERTIVM.

**A**VRBA EYCHARISTIAE HIEROTHEO-  
CA qua exprimitur, *Frequens Sacramentorum, Confessionis & Communionis usus.*  
Olim erant perseverantes in doctrina Apostolorum, & communicatione fractionis panis. Observatum est autem luculenter, quo magis hic Ecclesiae primaræ mos intepuit, eo magis ardor spiritus, charitatis ignis, sanctitas omnis refrixit. Hic omnes cacodemonis astus & conatus mirificè defudant. Hoc agit, hoc laborat imprigrè veterator, vt à frequenti Eucharistiæ vfu quàm plurimos retrahat. Et quos ille non ponit obices? quæ non fingit impedimenta? quot obstacula molitur? nunc fidei dubia ingerit; vbi non auditur, fucam reuerentiam persuadet, aut maiorem in ea re gustum, si rariùs fiat. nunc plurimorum consuetudinem in exemplum trahit, qui etiam boni Christiani sint, licet hic infrequētes, modò sermones hominum & dentes opponit, modò molem negotiorum. iam inuitas enagiones animi, angores cōscientiæ, iam inimicitias & alterna inflammat odia huic aridam reddit mentem, & ab omni cœlesti sensu exsuccam, isti præparationem efficit molestam, difficilem, tædio plenam, in alium totos variarum cogitationum exercitus immittit, vt vel sic viam intercludat ad diuinum hoc epulum: sunt, quos nescio quo religionis prætextu decipit, vt saltem differant, quod non censent omittendum, ita mille fucos facit & tricas tricas nectit malignus impostor; ita de die in diem confessionis & communionis sacramentum differtur, ita mora moræ nectitur, propositum propositò adiungitur, & dies alius post alium constituitur, ita hebdomades eunt & menses & anni, cum ad Christum non nisi rarissimè & ferè inuiti ac coacti venimus.

a Act. ca. 2.



## §. I.

**E**T cœperunt simul omnes excusare, *a* hic villam emit, hic boues; iste vxorem ducit: nemo vacat, cum ad Christum veniendum, palliolata hæc est & honesta titulo, sed re non parua infamia. Et cur nec ad horulam quidem, curas villæ, boues præsepi, vxorem fornaci relinquimus, & nos ea agimus, quæ salutis nostræ sunt? si ad colendos agros, aut ad vineas pastinandas, vocaremur, esset cur dormire malleus quam fodere, at iussi discumbere, & vitæ cum Christo conuiuari, nec alium cibum quam Christum ipsum sumere, quod fugâ, tam agresti nos subducamus, hoc demum dementia est insignis aut impudentiæ. Deum iratum si fugeremus, Adami nepotes nos fateremur, *b* sed Deum misericordem & placatum, Deum vocantem & ad paratissimam cælestiumque deliciarum plenissimam mensam suauissimè inuitantem sic auersari, hoc ferarum est non hominum, sed vt excusationes nostræ suos habeant colores, culpam & torporem nostrum non fædis aut illicitis præteximus, non furta aut adulteria causæ nostræ, sed honestissima quæque obtemus, quid enim mali, coniugium inire, rem familiarè curare, pecorâ aut prædia emere? & quid verò in his, mi homo, boni est, si nos hæc auocent à summo bono, ab animi salute? sic curandum est corpus, ne pessum eat animus; sic emenda est villa, ne perdatur cælum. Ad cœnam magnam vocamur, tantisper seponenda sunt cetera omnia, dum adsumus vocati: quiescant interim & villa, & boues & vxor, negotia cuncta curæque sileant, dum nos in ecclâ hæc magnâ, cum Angelorum rege loquimur, at nos eò sæpè impudentiæ progredimur, vt non vereamur dicere: *non possum venire* verius diceremus: *nolo venire*, ita pergit: mei Christiani, ita vobis Deum conciliabitis. Ah, miserrabiles & nemini quàm nobismet ipsis damnosiores! Algemus & ignem fugimus, agri sumus & medicum spernimus, cum tantò magis medico egeamus, quò minus ægros nos esse sentimus: nimirum cepas & allium ore parulo inbiamus, fastidimus suauissimum Manna. Edixit olim Deus per Moysen, colligeret Manna populus per singulos dies, solo sabbato ferietur, &

nos nostrum habemus manna, idque longè præstantius; illo frui licet dum viuimus, & vsque dum mors nobis sabbatum indicat. Sed & hic patristamus miseri. Adami, ait Gerson, è ligno vitæ edere noluit cum potuit: iure punitus est; non potuit cum voluit. sic & nos dum possumus, adeo contumaciter nolumus, vt ad aliorum conuiuatorum mensas alioqui promptissimi confluamus, solum ad hanc diuinam Christi mensam, non nisi ægrè & rarò pertrahamur. sic in nullo fermè quàm in salutis nostræ negotio somniculosius agimus; in ceteris alacres, hic pigramur. Ad formicas Deus pigritiam nostram ablegans: Vade, inquit, ad formicam ô piger, & disces sapientiam. Illa cum naturæ ductu præsciat, cibos hieme non posse colligi, æstate quærere, quæsitamque annonam seruat hiemi, hoc & nos studiosius deceret facere. Immortalitatis alimoniam proponens Christus: si quis manducauerit, inquit, ex hoc pane, viuet in æternum. Ad æternam hanc vitam prædestinati, quamdiu mortis hiemem non superarunt, vitalem hunc cibum assidue quærunt. Et hoc ipse voluit qui dedit sanctissimum istud Sacramentum, non tantum adorandum sed & manducandum, vt cibum: cibo identidem repetito vitam tuemur corpori, alioquin ab infesto nobis calore consumendi; cibo etiam frequentius sumpto animæ seruanda est vita, aliter ab impuro concupiscentiarum estu pessimè depascendi; ideo D. Innocentius monet: cauendum esse, ne si nimium huius Sacramenti sumptio differatur mortis periculum incurratur. idem omnino monens Diuus Hilarius: timendum est, inquit, ne diu abstractus à Christi corpore, alienus remaneat à salute: qui peccare quieuerit, communicare non desinat. Sed hoc ipsum est quod volumus, hæc nostra sunt impedimenta: communicare potius desinimus, quàm peccare celsimus, hanc potius mensam vitamque, quàm petulantiam nostram; ad sanctos castosque mores nec sic quidem suauissimè duci sustinemus, serpenti olim, Deos nos fore mentienti credidimus: nunc Deo nos in se mutandos affirmanti vix fidem habemus. promittit Christus, qui manducat meam carnem & bibit meum sanguinem, in me manet & ego in eo. & audimus promissum, at lentissimè credimus.



præcipit Christus hoc faciendum in mortis suæ memoriam, nec dubium quin eam velit esse quàm creberrimam: præceptum nobis videtur æquum, sed, contra quàm Christus voluit, non crebrò exequendum. Suadent omnes Sancti Patres, hanc mensam frequenter accedere: consilium illorum non displicet, sed præualeat consuetudo nostra. Prælucent tot pij homines exempli sui faciem; videmus, non sequimur.

b Luc. cap. 14.

c Gen. 3.

d Exod. c. 16.

e Prov. c. 6.

f Ioan. c. 5.

### S. II.

**S**I, quoties Eucharistiam quis sumit, toties mille numum aureorū adiceretur auctarium, suavoris verbis nil opus foret amplius, rationes has aureas nemo non caperet; arcenda esset multitudo non accersenda, heu humanam cecitatem! aurum cernimus, & capimur; latentes Eucharistiæ thesauros quia non consideramus, spernimus. Arenularum paucillulum est omne aurum, si huic gemmæ conferatur; pretium illius nemo satis æstimaverit. Eucharistia peccata leuiores delet, grauiora cauet, impetus animi vitiosos eneruat, intelligentiam illustrat, voluntatem incitat, conscientiam exhilarat, contra cacodæmonem armat; in aduersis, ne deficiamus roborat, in prosperis ne cadamus adiuuat, in meliore tramite vt progrediamur, confirmat: Eucharistia dat pignus futuræ gloriæ, & cum eo simul mortis cōtemptrum, celi desiderium, affectuum moderationem, vitiorum horrorem, virtutum amorem, sui ipsius victoriam, in recte cœptis perseverantiam.

Sed animus, inquis, mihi aridus, vanus, frigidus, immundus est; non audeo accedere. Aut nulla hæc est excusatio aut mala, eoque minus differendus accensus, quod magis es talis. Immundus es? accede; Eucharistia fons est puritatis. æger es? medicina est, & certissimum omnium animi morborum antidotum. Esuris? en panem Angelorum. Letali torpes gelu? ne differ, hic ignis est. tui te hostes exercent? ne difficile, hic paupolia & armamentarium est instructissi-

num. tristis es & mœrore consumeris? hic vinum est quod lætificat cor hominis. delicias quæris? nusquam veriores sunt, quàm in hoc epulo quod delicias præbet etiam regibus: Patriam adspiras? en viaticum præriori tibi datur viatica cœna ad cælum tendenti, quàm Eliæ ad montem Horebum cupiti. Quod si sanguinis fluxū stitit illico, Christi vestis vel tacta tantum, quid Christi corpus non poterit? Sed indignus sum, inquis, qui toties pascor tam diuino cibo, nec digna aduersus illum reuerentiam exhibere possum. Obsecro, Christiani, pigritiam nostram reuerentiæ nomine ne coloremus: melius est ex amore accedere, quàm ex timore abstinere, inquit D. Thomas & D. Ambrosius verba Domini, *Panem nostrum quotidianum da nobis hodie*, de Eucharistiâ interpretatus: b si quotidianus, inquit, est panis, cur post annum illud sumis? accipe quotidie, quod quotidie tibi proffit. Sic vine vt quotidie merearis accipere: qui enim non meretur quotidie accipere, non meretur post annum accipere. Si enim quotiescunque (inquit loco alio c) sanguis Christi effunditur, in remissionem peccatorum effunditur, debeo semper illum accipere, vt mihi peccata dimittantur; qui semper pecco, semper debeo accipere medicinam. Genadius Massiliensis: d quotidie, inquit, percipere Eucharistiam, nec laudo nec vituperō, omnibus tamen dominicis diebus communicandum suadeo & hortor, si tamen mens sine affectu peccandi sit, quæ præcipi posset facilius præparatio, quàm affectum ad flagitia ponere, hoc est, deinceps Deum odisse nolle. certè nimis illiberalis est in suum conditorem, qui hoc pestilenti ad turpitudinem affectu carere non vult, in gratiam sui conditoris. His talibus non immeritò iratus paterfamilias: dico vobis, inquit, quod nemo virorum illorum gustabit cœnam meam? quid ais, Domine? illimet ipsi sunt, qui cœnam tuam gustare nolunt, & id tu eis in contumaciæ supplicium statuis? ita prorsus, id quod ipsi volunt, sit ipsis in pœnam, & pessimum eorum velle. sit ipsis in supplicium. Cui graui fame laboraret Samaria, & Elisæus vilissimam annonam rei frumentariæ propediem futuram promitteret, vnus è regijs satrapis vt vanum hoc vaticinium irridens. e si nubes, inquit,



quit, prægnantissima frumenta pluant, nunquid ideo farina tam vilis erit pretij? Cui Elias: videbis, inquit, oculis tuis, & inde non comedes, omnia ex ordine sunt facta. Multorum hodieque pœna hæc est, vident diuini panis abundantiam, sed inde non comedunt. videbis, frigidissime Christiane, sub re diuina panem hunc in altum attolli, sed inde non comedes: videbis per plateas ad egros deferri, sed inde non comedes, videbis plurimos illo in templis refici, sed tu inde non comedes: exclusus es ab hac mensa, quia teipsum exclusisti.

a Par. 3. q. 80. ar. 10. ad 3.

b Lib. 5. de sacram. c. 4.

c Lib. 4. de sacram. c. 6.

d Lib. de dogmat. Eccles. c. 53.

e L. 4. Reg. 7.


§. III.

**A**T verò prædestinati, velut germani Dei filij, hoc pane diu carere, gravissimam patris iram interpretarentur, ita nullam illius fruendi occasionem negligunt, non enim nesciunt quàm benignè providentissimus Deus cunctis animantibus suum cuique cibum pararit, aquilis aues, leonibus feras, equo auenam, boui fœnum, gramen ouibus, ceto pisces, homini panem è terra, si qui hominum velint esse filij, panem è celo, hunc illi celestem, hunc filiorum, hunc Angelorum panem, magno desiderio, submissa reuerentia, ardente affectu sumunt creberrimè, maluntque piè impudentes filij quàm malè verecundi hostes videri. Ex horum prædestinatorum numero si quem Christus in magna hac cœna sic alloquatur, Attende quid amore tui pro te fecerim. Spinæ in capite meo numerabis, non item dolores alios in corpore. Flagella & clauum corpus meum sauciarunt, at verò cor meum iniuriæ innumera. Ipsam pœnè mortem pro te passus sum in horto: angores me prius flagellarunt quàm milites. Tuum iam est cogitare, quid hostes fecerint, cum etiam amicissimi læderent. scis, in quam duro lectulo pro te mortem obierim. Amor meus (vt disceres, quantus fuisset) acerbissimâ omnium & ignominiosissimâ morte defungi voluit, sed ignominiosior illa crucis & acerbior reperiri non potuit. En, pro te mortuus sum, & milles

pro te mori non recusassem. Tu verò pro me quid patieris? si vis, vt meus in te amor sit perpetuus, fac vt sit mutuus, amantem te ama. Ego te amaui ad mortem, ad crucem vsque, & quousque tu me amabis? Quis prædestinatorum illorum non sincerissimis infusus lacrimis respondeat? Etiam ad mortem vsque, ô mi amantissime Domine, etiam ad ipsam vsque crucem te amabo, si sic tibi placeat. Et quis mihi tribuat, vt ego moriar pro te, mi Iesus, ô Iesus mi suauissime: quis ego sum, vt pro te mori sim dignus: & quis tuus hic est amor, vt hæc pati, vt sic mori pro me, sine me, ô vita mea, volueris? Hæc tales gemitus, castissima hæc suspiria crebra: communionis, epulatoria solent esse colloquia: sic animus Deo suo inintimè vnitur.

Et idcirco communionem crebram (modo sinceros ea habeat affectus, etsi non ardentissimos) magnum prædestinationis signum ponimus. Verum, quidquid vel libri clament, vel cathedræ, pars magna Christianorum tam graui malæ consuetudinis veterno premitur, vt nullis piorum exemplis, nullis sanctorum monitis excitari queat, & ad frequentiore sacramentorum vsum permoueri.

O Christiani quæ glacialis rupes, quod letale frigus pectora vestra constringit, vt sic refugiaris amœnissimum hunc solem? non aduertitis, hoc meras esse techuas cacodæmonum, qui omnem diuini amoris ignem in nobis cupiunt extinctum, vt hoc animi pessimo frigore obrigescentes, viuamus velut mortui, pereamus in sordibus, nec in illam viuorum regionem perueniamus. At qui perseueranter Christum amat, nil magis quam sepe cum Christo esse desiderat, vt verissimè dixerit Cassiodorus: inaudita est dilectio quæ amicum amat, & præsentiam eius non amat.



QUARTVM

PRÆDESTINATIONIS

SIGNVM;

SYMBOLVM QUARTVM.

**A**Ltare nudum et deuelatum, per quod significatur Renuntiatio omnium.



Proclamat seruator noster; qui non renuntiat omnibus quæ possidet, non potest meus esse discipulus. Renunciare iussit omnibus, quasit relinquere omnia. Ita dicat qui Christiani sanguinis est: pauperrimus esse malo quam Dei inimicus; malo bonis omnibus, quam diuina gratia spoliari.

Paupertas multos fecit mercatores non a romarum aut panni, sed cæli. Simile est, inquit Christus, regnum cælorum homini negotiatori, quærenti bonas margaritas; inuenta autem una pretiosa margarita, abiit & vendidit omnia quæ habuit, & emit eam: a mercator iste non damnum censet, sed maximum quæstum, omnes opes suas amisisse. inò certè non amisit, sed vendidit, quia pro illis maximi pretij gemmam recepit. reculas suas dedit, & Christi chirographum acquisiuit, quo vno erit olim beatissimus: aurum contempsit, & totum sibi cælum iam habet oppignerat: prædiola sua non deseruit, sed paratus erat deferere, & amplissimum sibi regnum comparauit. Qui margaritam habet, inquit Chrysostomus, nouit se diuitem esse, etiam si ignotum illud sit, cum paruo in loculo margarita recondatur. Certè negotiandi causa viuimus, non otiaudi, neque vllus tam rerum egenus est, qui hanc gemmarum mercaturam nequeat facere, nos enim quærit Deus, non sine nobis nostra, inquit Augustinus, b neque verò etiam vllus tam abundans rerum est diues, cui difficile videri debeat, emendis vnionibus illis, parui facere sua omnia. Mercator hic non exigit, vt opes amittat, sed vt paratus sit si necesse, amittere; negotiationis huius ratio non est, vt pecuniam omnem erogat, sed vt, si opus, malit animæ parcere quàm pecuniæ, & multò promptius mendicus esse velit quàm Dei inimicus. non enim animam pro pecunia, sed pecuniam pro anima daponere conuenit, seu sponte largiendo, seu patienter amittendo. Et hoc esse signum prædestinationis affirmamus. huc nos non tantum Christiana fides, sed & ratio ducit,

a Matth. 13.

b Lib. Euang. 99. in Matt. 9. 13.

**S** Tilpon capta patria, ereptis liberis, amissa vxore, cum ex incendio publico solus & tamen beatus exiret, interroganti Demetrio, nunquid omnia perdidisset? nihil, aiebat, perdidit; omnia mea sunt mecum. Idem, amissis omnibus, ausus est dicere Bias: pectore enim illa gestabat, non humeris, nec oculis videnda, sed animo æstimanda. Hoc generosi pectoris nota sit in idololatra; in Christiano certæ prædestinationis signum est ad vitam. Ille Christo facit stipendia, qui cum amisit plurima, dicere tamen audet: omnia mea mecum porto: Deus meus, & omnia.

Sanctissimum virum, Franciscum Assisiatem accepimus, noctes ipsas quatuor verborum horum commentatione & creberrimâ repetitione, summâ cum animi sui voluptate transgressisse. Sanctissimum hunc virum liceat imitari, & in omni egestate gloriari: *Deus meus, & omnia*. Alij alia quærant, alia desiderant, alijs oblectentur. vnum ego Deum quæro, Deum desidero. Deo meo delectabor, o *Deus meus, & omnia*! opes alijs & honores, voluptates alijs vniuersas relinquo: Deum ego habeam, & omnia habebô. Totos ego alijs mundos concedo; aureos & gemmeos montes non inuideo; exquisitissimas eorum delicias non ambio; mihi Deus meus est omnia. Nihil ita bonum, nihil ita pulchrum aut iucundum est, quin summum illud, & primum, ac supremum bonum, & melius, & pulchrius, ac amœnitatem incomparabili sit iucundius, o *Deus meus & omnia*! quàm me varia sæpe accendunt desideria, quàm diuersis quandoque ignibus ardeo, quàm multis estuo cupiditatibus? ita vt cum lunatico illo adolescente, a modo in ignem, modò in aquam rapiar. Sed quænam illa tanta bona sunt, quæ ego tam anxie appeto? heu vana, fluxa, sæpe turpia, & quæ non possunt esse diuturna sic vt suum dominum & amatorem vel moriendo præuerant, vel deserant morientem. Deus meus, amor meus gaudiū meum, & mea omnia quid tandem est quod appetere possim, cuius loco non tu mihi sis, o Deus, & sis omnia? mihi cibis, mihi potus, mihi quies, mihi gaudium & voluptas, meus mihi maximus honor est Deus, Deus mihi omnia, & plusquam omnia,



# PRÆDESTINATIONIS.

299

omnia. nam etsi cibis quos inhiio, vesci: potui, quem cupio, refici: voluptate quam ardeo, frui liceat: quid tamen istud vesci, quid istud frui est & refici? *Deus meus, & omnia*. te frui, & à te refici, est perfectissimè recreari, est frui omnibus bonis. At interim premit labor, dolor affligit, curæ distrahunt, opes minuunt, fauor subtrahitur, vita decrescit, homines turbant & exagitant. Nihil horum vereor, proclamat Paulus, nec facio animam meam pretiosorem quàm me, dummodò consummem cursum meum. *b* neque enim hæc omnia, etiamsi simul ingruant, mala sunt, si summum illud bonum opituletur, Deus: *Deus meus, & omnia*: tu mihi ô bone Deus, ô bonitas, in ipsis laboribus es quies, in doloribus voluptas, in curis securitas, in paupertate vera es opulencia: tu mihi ab omni hominum insultu, propugnaculum es tutissimum, tu mihi, quicquid malorum fugiam, es refugium; tu mihi es omnia, quæcunque tandem desiderare possum, vel optare. Omnis copia quæ Deus meus non est, egestas mihi est. quid impuros riuulos sectemur? ipsum fontem habemus, eumque limpidissimum: Deum habemus, omnia habemus, quæcunque habere concupiscimus si quem paupertas flagellat, si cui fortuna irascitur, minus quidem is gaudet, sed & dolet minus: suum ab hoc fortuna repetere non potest, nec alienum mors auferre.


a *Matth. 17.*

b *Actor. 20.*

## S II.

**H** Vic tamen eo modo pauperi, felicitate non cedit diues ille, qui cum plurimum bonorum possideat, nihil amat: opes arcâ claudit, non corde, tristitia nequaquam extinguendus, etsi perdat vniuersa. Nam sine dolore amittitur, quicquid sine amore possidetur; quæ verò ardenter diligimus habita grauius suspiramus ablata, ait D. Gregorius. Bonum quo quis verè bonus est, nemo inuitus accipit, nemo amittit inuitus, bonum enim censendum non est quod eripi potest. I, nunc Satan & tabellarium te finge, nondum omnis patientissimi Iobi familia est extincta, etiamnum viuunt, qui renunciare possint omnibus. Curre ergo nuncia tali, clama altum: res tua & pecunia tua omnis est perditâ. responsum

nunc audi: Nisi ego illam, fortassis illa me perdisset: iam in viam ad cælum ero expeditior. Exoneravit me Deus, charo quidem sed periculoso pondere, & tutiore posuit loco, damnum non putabo, quod Deus mihi voluisse remedium. Et cur me frustra & vanè affligerem? habui ista tanquam perditurus: nunc ego magis meus sum, cum ista non sunt mea ampliùs. Auditis Christiani, audis Orciniana vulpes sic sentit sic & loquitur quisquis cælo prædestinatus est, nec vnquam tantum bonorum potest perdere, quin liberam hanc vocem retineat: lactura non est, sed versura, cum lucrum ingens dispendio leui comparamus, cum terræ glebulis mercamur cælum.



# QVINTVM

## PRÆDESTINATIONIS

SIGNVM;

SYMBOLVM QVINTVM.

**F** RUTEX ROSARVM, spinis septus vndique per quem monstratur *Afflictio perpetua, & exercitatio cum patientia*. Abraham Euangelico epuloni in flammis hoc signum opponit: Recordare fili, quia recepisti bona in vita tua, Lazarus similiter mala; in vitâ tu lætabaris, Lazarus cruciabatur: nunc tu cruciaris, lætatur Lazarus, sic vertuntur vices certâ Dei lege. *Patiendum est*, aut *hic*, aut *ibi* in alio prorsus orbe & verè nouo. Alterutrum nunc maturè eligendum; nemo euadit. D. Chrysostomus: a quem videris, inquit, virtutis studiosum innumeris tamen affligi molestiis, beatum hunc puta, vt qui commissa peccata hic diluat, & illic paratam habeat mercedem.

Impossibile est vt qui malis indixerit bellum, pressuris careat. Nefas est pugilem Dei vacare delicijs, non licet epulari luctantè; luctantem enim sunt præsentia omnia, certamen, bellum; pressura, angustia, stadium: illud est quietis tempus, hoc ærumnis deputatum est atque sudoribus. Nullus, vbi ad certamen se exiit, vnctusque est, requiem quærit. Si enim



nim requiem quæris, cur te exuisti? cur libidinibus ac naturæ bellum indixisti? Nihil horum te perturbet, si quidem illi in quiete, tu in tentationibus viuas. Alioquin erroris dānandum est beati Iacobi hortamen: Omne gaudium existimare, fratres mei, cum in tentationes varias incideritis. Nihil eo infelicius, cui nihil euenit aduersi. Argumentum est talem à Deo contemni vt imbellem & ignaum. *d* Amphitheatrum honoris est, inter aduersa luctari. Certa beatitudinis tessera est, posse in perfectionibus gaudere, & circumlaturanibus vndique malis, hilarem cælo animum attollere, celsi per genas copiosæ fluant lacrimæ. Sciuit equidem Christus nos ingenti ærumnarum acervo locupletes, gaudium solidum, præter spem futuræ mercedis habere nullum, & tamen tanquam beatis: GAUDETE, ait, ET EXULTATE. At nos, quoties vanè lamentamur cum affligimur? sæpe puerilem in modum querimus, ac ad omnem penè ictum trepidi expauescimus, nec agnoscimus paternam Dei & medicam manum vulnerantis, cum tamen & pueri sciant, vulnus quod à chirurgo est, medicamentum esse & initium valetudinis. Vt medeatur & sanet, vulnerat Deus, non vt iugulet. testis horum beatus Petrus: si quid patimini, ait, propter iusticiam, beati. hæc est enim gratia, si propter Dei conscientiam sustinet quis tristitias, patiens iniustè. quæ enim est gloria, si peccantes & colaphizati suffertis? sed si bene facientes patienter sustinetis, hæc est gratia apud Deum. ita & beatus Gregorius: Sæpe contingit, inquit, vt electus quisque, qui ad æternam felicitatem ducitur, continua hic aduersitate deprimatur. à cunctis despicibilis cernitur, & huius mundi gratia indignus æstimatur: sed tamen ante occulti iudicis oculos virtutibus emicat, vitæ meritis coruscat, honorari metuit, despici non refugit; corpus continentia afficit, sola in animo dilectione pinguescit; mentem semper ad patientiam præparat, & erectus pro iustitia de perceptis contumelijs exultat.

*a* Orat. 3. de Lazaro.

*b* Idem Chrys. in epist. 2. ad Tit cap. 3.

*c* Iacob. 1.

*d* Sen. l. de prouid. Dei.

*e* Matth. 5.

*f* 1. Petr. 2.

**V** Erè æterna prouidentia, hominem probum in delicijs non nutrit, experitur, indurat, sibi illum præparat, ita tamen vt simul ei promittat: *a* Cum transferis per aquas tecum ero, & flumina non operient te: cum ambulaueris in igne, non combureris, & flamma non ardebit in te. Nimium in vndas immittit nos Deus & in flammis, vti finit & mergi, æstu suos explorat & gelu, sed quos ad vitam prædestinavit, non comburi permittit aut submergi. Fidelis Deus est, qui non parietur vos tentari supra id quod potestis, sed faciet etiam cum tentatione pouentum, vt possitis sustinere. *b*

Eximè, si quisquam, de hac prædestinationis nota videtur sensisse Ludouicus Blosius, qui plenissimè affirmans: non est vllum, inquit, certius signum diuinæ electionis, quam si quis afflictionem, vel quicquid aduersorum à Deo immittitur, non tantum repugnanter, sed submissè atque patienter sustineat, cum homini vtilius nihil eueniat quàm AFFLIGI. Et hic est ille inæstimabilis gemmæ annulus, quo Deus desponsam sibi animam donat. tanti est, vel minimam molestiam pro Deo perpeti, vt Chrysostomus velut decretum proclamet: *d* Nihil esse melius, quàm male pati propter Deum. De torrente nunc electi bibunt in via, propterea caput exaltabunt in cælo. *e* Nunc deprimuntur & calcantur, vt olim asurgant & extollantur ad instar palmarum. Vult nos Deus probè scire, arduum esse bonum, & infinitum quod quærimus, pro quo obtinendo laboramus, vt verissimè dixerit Marcus anachoreta: Deus conscius imbecillitatis nostræ, nemini solet magni quid conferre, nisi præuia calamitate, Moysen Deo vocanti obtemperantem, & aula egressum, glomerata clade inuaserunt paupertas, ignominia, contemptus, insidiæ regis, pericula mortis, fuga, exilium. Electos Dei cernimus, inquit Gregorius, & pia agere, & crudelia pati: hinc ergo colligitur, districtus iudex quanta illic feriat distractione quos reprobat, si cruciat quos amat. Erras, mi Christiane, erras, si cogitas te integrum & non bene contusum, peruenturum ad celum. Circumspice, & videbis, quod plerumque qui ditiores sunt virtutum



tum, locupletiores sint afflictionum: qui vitij opulenti, crebro etiam numis & fortunæ fauore. Nimirum pecudes macello destinate, liberrimè saltant per pascua, alijs in opere sudantibus sic & homines cælo assignati, non lasciuunt in pratis, sed hinc illinc gemunt in angulis, adeo vt verissimè quoque Ludouicus Blofius ex magni viri ore pronunciet: *Quemcunque Deus potioribus donis exornare sublimiterque transformare decreuit, eum non blandè & molliter lauare, sed totum in mare amaritudinis immergere consuevit.*

a 1. scap. 43.

b 1. Corinth. 10.

c Instit. spiritual. c. 10.

d Hom. 8. in. c. 4. ad Ephes.

e Psalm. 109.

## §. II.

**G**alenus & Hippocrates retinere docuerunt animam & fouere, Christus odisse docuit & perdere, ita vt, quod dixisse fertur Themistocles, omnes olim cœlites sint dicturi: perieramus, nisi perijssemus, plurimis salutis est, perire: reuera multi male perierant, nisi à Deo perdit bene periissent. hinc Paulus, cum perditus alijs, sibi tunc maximè restitutus videbatur: *a* Placeo mihi, ait, in infirmitatibus, in contumelijs, in necessitatibus, in persecutionibus, in angustijs pro Christo: cum enim infirmor, tunc potens sum. Bernardus querendo Deo quasi fatigatus: Circumire, inquit, possum Domine Cælum & terram, mare & aridam, & nusquam te inueniam, nisi in cruce ibi dormis, ibi pascis, ibi cubas in meridie. Igitur Dominum serui sequamur, & breui molestiâ cruciatu æternos redimemus. Athanasius ab Iuliano Apostata in exilium abire iussus, cum Alexandriæ illacrimantes circa se cerneret Christianos: Bono animo, inquit, estote, nebula enim est, quæ breui euanesceat. *b* Verè nebula solum est, quicquid horrore habet hæc vita, sed nebula breui dissipanda, per æternam serenitatem. Prisci, si qui ex illis laboriosi, nullum diem volebant esse sine linea: Christiani, quotque prohi ex illis, nullum diem ire cupiunt sine nubeculâ, vt habeant semper quod amore sui domini patiantur. Iobo cælum fuit non tantum subilum, sed & ferreum, & tamen omnem patien-

tia speciem, vt Tertullianus loquitur. *c* aduersus omnem diaboli vim expunxit, quem non abacti greges, non filij vno ruinæ impetu adempti, non corporis cruciatus à patientia exclusit. Quale in illo viro feretrum Deus de diabolo extruxit? quale vexillum gloriæ erexit? cum ille homo ad omnem acerbum nuncium nihil ex ore promeret, nisi *Deo GRATIAS?* quid ridebat *Deus*. Quid? dissecabatur Satan. hinc omnia duplicia recuperauit. Itaque dum patimur, grandi passu in patriam proficiscimur.

a 1. Corinth. 12.

b Sodom. l. 5. c. 14.

c Lib. de patient. c. 13.

## §. III.

**D**iuersæ ad cælum viæ sunt, tutissima est omnium & certissima, regia via crucis. Per multas tribulationes oportet nos intrare in regnū Dei. *a* Et vt vasa figuli probat fornax, sic homines iustos tentatio tribulationis, *b* sed in fornace ardet palea, aurū purgatur, illa in cinerem vertitur, illud sordibus exiit. Fornax est mundus, aurum iusti, ignis tribulatio, artifex est *Deus*: Quod si auro vox sit & sensus, sic loquetur: quod vult ergo artifex, facio, *v*bi me ponit artifex, tolero. Ardeat licet palea ad incendendum & consumendum me, illa in fumum abit, vt ego sordibus caream. *c* Videte ergo paleæ, videte & vos qui aurum estis, in eodem igne palea fumat, aurum rutilat, eadem afflictione improbus blasphematur *Deus*, aut accusatur, patiens laudatur, & ex ipsis aduersis vires sumit, vt ignis qui statu impetitur & crescit, atque vnde extinguendus creditur, inde roboratur. Crescit aduersis agitata virtus, Numera mihi ab orbis incunabilis omnes *Dei* amicos, & in omnibus hæc prædestinationis notam reperies: *Deus* tentauit eos, & inuenit illos dignos se *d*. Abraham exercetur variè & affligitur, Ioseph à fratribus venditur, Dauid à filio iniquissima patitur: Isaias ferra medius secatur, Ezechias eliso cerebro per saxa raptatur, lapidatur Hieremias, Michæas gladio feritur, Amos secundum tempora clauo transfigitur, Daniel leonibus obicitur, Naboth saxis obruitur: Elifæus deridetur, Iob vlcerosus, etiam conspuitur, Tobias excacatur, Susanna innocens damnatur. paucos dixi. & quid



quid malorum non subijce. Paulus? Apostolorum ceteri flagellantur, crucifiguntur, necantur. Nemini suorum parcit Deus, quem enim diligit Dominus castigat, flagellat autem omnem filium quem recipit, omnem, omnem. *e* Omnes enim pie volunt vivere in Christo Iesu, persecutionem patientur. *f*

*a* *Act.* 14.

*b* *Eccl.* 27.

*c* *August.* in *Pf.* 60.

*d* *Sapient.* 3.

*e* *Hebr.* 12.

*f* 2. *Tim.* 3.

#### § IV.

**A** Thoc habet pro certo omnis qui te colit (ô Deus) quod vita eius si in probatione fuerit coronabitur, quia post tempestatem tranquillum facis, & post lacrimationem & fletum, exultationem infundis. Ergo beatus homo qui corripitur à Deo *b*. si enim sustinemus & conregnabimus *c*. Quare nemo flagellari timeat, sed timeat exheredari. ad hæreditatem æternam flagellis erudimur, ne, dum delectamur in via, obliuiscamur quod desiderabamus in patria. Si exceptus es, inquit Augustinus, à passione flagellorum, exceptus es à numero filiorum. Noli esse iniquo sensu & puerili, vt dicas: plus amat pater meus fratrem meum, cui permittit facere quicquid vult, quam me, quia si me mouero contra eius iussionem, flagella inuenio. potius gaude sub flagellis, quia tibi seruator hæreditas; illis ad tempus parcit, quos in æternum damnabit. *d* Tanquam per amœna prata ad carcerem veni, qui per præsentis vitæ prospera ad interitum currit. Observant aliqui rosam iuxta allium plantatâ reddi fragrantiores, suas habet & cælestis hortulanus fragrantissimas rosas, homines paradiso destinatos. Has ipse rosas plerumque sic plantat, vt noxiarum herbarum vicinia illis sit toleranda, quod enim quisque probior, hoc in eum improborum insultus audacior. hoc etiam variarum ærumnarum incursus crebrior. Sic fragrantia rosarum, alij fœtoribus est acpenda. Quin & hoc aiunt, rosam quæ per artem sine spinis nascitur, etiam sine odore esse: virtutum odor, præsertim patientiæ fragrantia nulla est,


vbi nulli sunt rerum aduersarum aculei. Nemo sanè quantum profecerit nisi inter aduersa cognoscit: nondum se nosse cœpit, qui necdum cœpit esse miser. Noctu lucent stellæ, de die latent; sic vera virtus quæ sæpe in prosperis non apparet, in aduersis eminet. Nec tam placent cælesti Domino famuli rebus præclare gerendis, quam aduersis alacriter & cum fiducia perferendis. Aquila pullos suos obiectu solis explorat, metalla argentarius coticula, Christus famulos suos camino afflictionis. Præ Romanis ergo potiori nos iure dicimus? Et facere & pati fortia, hoc Christianum est: nam qua via caput præcessit, hac subsequendum est membris.

*a* *Tob.* 3.

*b* *Iob.* 7.

*c* 2. *Tim.* 2.

*d* *S. Gregor.* in *Iob.* 5.



### SEXTVM

#### PRÆDESTINATIONIS

#### SIGNVM;

#### SYMBOLVM SEXTVM.

**F** Icus, quam Christus in suis concionibus non tantum nominauit sæpius, sed quæ diuino verbo iussa comas ponere & exarescere, momento paruit. fidelem dices diuini verbi auditricem, ideò hac designatur *Auditio verbi Dei*. An non illustre hoc Prædestinationis signum ex ore Christi? Qui ex Deo est, verba Dei audit *a*. eximie id declarans Ambrosius: *b* quomodo, inquit, possunt verba Dei dulcia esse in faucibus tuis: in quibus est amaritudo nequitia? Facile agitur quod libenter auditur, sed illi veri sunt diuini verbi auditores, de quibus Seruator: Beati, inquit, qui audiunt verbum Dei, & custodiunt illud. Frustra custoditur memoria, quod non custoditur & vita. Sunt qui audita sic retinent ne obliuiscantur, hoc tamen agunt viuendo ne corrigantur. *d* Mens prædestinati diuina & sacra cupidè auhelat, seponi iubet negotia, ludos



dos abrumpi, epulas etiam quandoque deferi præcipit, ad templum, ad concionem vrget, nec excusationes admittit, pluuium cælum non metuit, serenum etiam negligit, apri- co & campis templorum fornices præponit, fatagit audire, nec satiatur auditis. Auris bona audiet cum omni concupiscentia sapien- tiam, & quæ vtiq; certior haberi nequit quàm è verbo Dei. Quærit anima Verbum, inquit Bernardus, cui consentiat ad correctionem, quo illuminetur ad cognitionem, cui innita- tur ad virtutem, quo reformetur ad sapien- tiam cui conformetur ad decorem, quo frua- tur ad iucunditatem. f. Animus hoc cibo pa- stus, quoties cum Hieremia propheta succla- mat? Inuenti sunt sermones tui, & comedi eos, & factum est mihi verbum tuum in gau- dium & in lætitiā cordis mei g. Nam D. Chrysostomo teste, vti esurire signum est va- letudinis in corpore, sic amare diuina elo- quia, indicium maximum sanitatis in ani- ma. h.

a Ioan 8.

b In Psal. 118.

c Isidor. soliloq.

d Aug. in Psal. 118.

e Eccl. c. 3.

f Serm. 85. in Cant.

g Hier. cap. 14.

h Chrys. hom. 14. in Gen.

# S. I.

**E**T quis cum credat valere animo, qui a- uerfas à veritate aures, ad fabulas laxissi- mè sinit excurrere, & dum in templis vitia verbis, castigantur, ille factis domi exercet, & in piæ exhortationis vicem vel calicem tra- hit, vel fritillum & tesseras monet, aut otio- sis ambulatiunculis diem imminuit, aut cum canibus agros & silvas pererrat, aut dum con- cionator in suggestu sudat, ipse languidissimus dormitator, adhuc dum inter plumas voluta- tur, nec erubescit somniculosus glis, à sole iā pœnè meridiano, in plumeo sepulchro de- prehēdi, turpe est de Christianis hoc scribere, sed turpius Christianos hoc facere. hæc signa non sunt nisi pereuntium: lōgè alijs noscuntur prædestinati. Factum est autem, ait Lucas, a cum turbæ irruerent in eum, vt audirent ver- bum Dei &c. Nō synagogis aut tēplo, sed nec

ciuitatis mœnibus hæc audiendi sancta fames coërceri poterat: in camporum amplissimam planitiem sese effundebat. sed nec solitudines horrebant viri fœminæque modò liceret audi- re concionatorem eum quem sequebantur quoquo ibat. Nos templis vicini habitamus, & sæpe nec pedem mouemus audiendis ijs qui- bus meliores fiamus, ne dum vt impranli & incœnati ad solitudines, ad mare propere- mus, ita sit vt plerunque nihil magis fasti- diamus quàm diuina. hoc æno sanè non desi- derantur qui dicant, sed qui audiant: concio- natorum satis est, non ita semper auditorum. sexcentas fingimus absentia caussas: nec de- sunt qui audire nolint ideo, ne fortè dormien- tem excitent conscientiam: qui enim se reum nouit, etiam se iudicem formidat, & tribu- nal horret propria conscientia.

Defleuit Hieremias, vias Sionis lugere, cō quod non sint qui veniant ad solemnitatem: non minus viæ ad templa, sæpe nunc lugent, dum in vijs ad tabernas plauditur. non den- sã nimium cōcursationes fiunt ad auditionem diuinæ legis: ac si ridiculus histrio, nouam spectaculi venustatem promittat, si nuptialis pompa, per urbem incedat, si mundialis cu- riositas alliciat. mox vsum pedum recipimus, & quicquid oculorum habemus, adferimus: concurritur insolita stipatione. Dei verò nun- cij si non vt olim subsannantur, certè paruū pendunt sermones illorum, quod grauitèr pagina sacra queritur. b

Non quidem negandum est multos esse qui conciones audiant, sed & illud tamen faten- dum erit, paucos esse, qui animo desiderent, à concione audita redire emendatiores. Aures habent, manibus carent, audiunt & non fa- ciunt. Non abeunt inde vel tantillo meliores. Sunt qui audiunt, vt piæ curiositati non obfi- stant, alij vt tempus fallant, quidam ne pec- cent in consuetudinem, isti vt doctiores fiant non vt meliores, hi vt charos oculos quos ali- bi minus commodè possent, in templis vi- deant, at isti vt videantur, & aliorum in se oculi conuertantur: sunt qui dicentis vocu- las excipiant in risum aut calumniam; sunt etiam qui confabulaturi, aut certè dormitu- ri, accedant, aut aures præbituri, sed iam onu- stas. Pauci sunt, & iidem verè probi audi- tores, qui animum adferunt excipiendis mo-



nitis paratissimum, nec aliam ob causam veniunt, quam ut recedant seipsis meliores? non scholę discunt, sed vitę; audiunt vtrique aure vincti, nec vnquam facillē audire desinunt, nisi virtuti iam procliuiores. Nemo adeo ferus est qui non mitescere possit, si modō culturę patientem aurem accommodet. Et Christi o-uiculę ab alienis dignoscendę, cauma seu signum in aure gestant; verbum diuinum audē audiunt, & obediunt.

a Luc. cap. 5.

b 2. Par. cap. 36.

### S. II.

**N**Orunt prędestinati quā sollicitē monuerit Augustinus: Non minus reum esse qui verbis Dei negligenter audierit, quā qui corpus Christi in terram negligentia sua caderet permiserit. Non ergo tam atēdendus est, qui dicit, quam qui dicitur, & dicenda imperat Deus: Ego quid sum, inquit Aug. a nisi cophinus feminatoris? Ille in me ponere dignatus est, quę vobis spargo, noli te atēdere ad vilitatem cophini, sed ad claritatem seminis, & potestatem feminatoris, Christianus vbi-que inuenit quod discat, semperque proficiat, atque hoc etiā suę prędestinationis indicium agnoscat, sedere ad pedes Domini, & cum Magdalena audire verbum Dei; neque ob domestica ministeria, nec ob sororis murmura, non etiam ob amicissimorum auocamenta, ab ore loquentis pendentem auelli posse. Neque verō electionis nota est, audire tantum, sed & meminisse, sed & exequi, quorsum est comedere, si quod comestum, mox indigestum reuomatur? in Christi matre maximę laudis erat, quod conseruauit omnia verba hęc, conferens in corde suo. In corde meo, ait psaltes regius, abscondi eloquia tua, vt non peccem tibi. Terrę bonę conferuntur ijs, qui corde bono & optimo audientes, verbum retinent & fructum afferunt in patientia. b Nam vtilegere, & non intelligere sic audire & audita memoria non custodire, ferme tantumdem quod negligere est, orio abutitur pictor, qui lymphatis coloribus quidlibet in tabella, magno studio pingit, quod mox spongia detergat: sic turpe Christiano est, audire, & mox omnium obliuisci. sic meminisse conetur, vt memoria non sit ignaua, sed efficax

& strenua, quę fieri vrgeat, quod meminit faciendum. Si hęc scitis, beati eritis, si feceritis ea c. Scivisse neminem ad cælum extulit, sed fecisse; facere autem non vult, qui recusat scire facienda. Fons sciendi purissimus, libri diuini. Et quamuis ex eodem diuinę scripturę fonte diuersi hauriant, idque sæpius, nemo tamen vnquam poterit totas has opes eruere. Ea est huius opulentię natura, vt quod foderis altius, hoc magis exundent diuini sensus; fons est nunquam deficiens d. Quemadmodum verō formica pabulum in hiemem, æstate sibi colligit, sic Christianus in tranquillo verbum Dei excipit, vt inde in rebus turbidis pascatur. Constat, eos qui hac in re contemptores, sic quandoque puniri a Deo, vt & ipsi sentiant se puniri, & videant alij. Alium ab alio doceri, alterum alteri submitti vult Deus. Sapientissimus erat rex Dauid, pręceptorem in plurimis habebat adulteria & homicidia esse vetita, & tamen pœnitentiam prius non egit, quā de ea disserentem Nathanem audijt. Christus Paulo e ē nubibus confectionatus est, & tamen erudiendum illum ad Ananiam misit. Cornelio f nunciavit Angelus, preces eius & eleemosynas Deo probari, sed simul ei Petrum a quo instrueretur, monstrauit. Reginę Candaces quęstori Isaiam in curru legenti, non Angelus in pręceptorem, sed Philippus a Deo assignatus est g. Moses, quem iure diceret Deo a secretis fuisse, & supremum intimumque Numinis consiliarium egisse; nihilominus a socero suo ramet si alienigena instituitur velut puer, nec sine acri verborum castigatione, modū docetur gubernandi populi h Christus ipse, æterna sapientia, medius doctorum sedet, & interrogat. i Nullus hominum sexus, nullus ordo & status, audiendarum concionum immunis est.

a Hom. 26. in. l. 50. hom.

b Luc. c 8.

c Ioan. cap. 13.

d Sermon. 4. de Lazar.

e Act. 9.

f Act. 10.

g Act. 8.

h Exod. 18.

i Luc. 2.

### S. III.




## §. III.

**A**T inter doctos, inquit, cenfeor: nil noui audiam; quæ dicturus est Ecclefiaftes, iam ante fcio. En humani ingenij eruditam superbiam? & quis eò peruenit ætatis & doctrinæ, vt non plura nefeiret quam didiciffet? Sed fac, omnium te efle doctiffimum, nec doctiorem è concione rediturum: ita quidem intelligentia antecelles omnibus. Sed quid voluntas & memoria? an non mouenda illa & inflammanda, monenda ifta erit & iuuanda? memoriæ facillimum eft falli, proniffimum voluntati errare, nifi quotidianis fubfidij dirigantur, illa vt firmetur, hæc vt ab erroribus liberetur. Ergo non vtile tantum, fed & neceffarium eft omnibus, conciones audire; malis, vt corrigantur, bonis, ne corrumpantur; ignaris, vt doceantur; doctis, vt commoneantur, & vt noua difcant, aut certè vetera memoria recolant: audiens fapiens fapientior erit, a & auris fapientium quærit doctrinam. b Herodes multis fecleribus clarus, tam barbarus tamen, aut fatuus non fuit, quin aulicum concionatorem fuum, & libenter audiret, & audito eo multa faceret c. In Herode non libentia tantum audiendi fuit, fed & longa quoque patientia, multa enim ex Ioannis concionatoris fui præfcriptione facere non potuiffet, nifi concionatorem fæpius, & de multis audiiffet neque per catalogum dūtaxat enumerando, vitia regis Ioannes caftigaffe cenfendus eft, fed rationibus & copiofè egiffe, vt non tantum indicaret mala, fed & potenter diffuaderet. Non poterant regis adulterium, & tot eius flagitia, vnica Ioannis concione fatis elui. fingula fingulas conciones, imò fingula plures exigebant; mès fecleribus obfirmata, crebro ariete quatienda erat: Et tamen libenter eum audiebat. Et quamuis ei Ioannes in os: & in faciem obijceret publice: non licet tibi habere vxorem fratris tui, idque oratione indubiè longa probaret, tamen libenter eum audiebat; tantum in Herode fuit audiendi ftudium, nec defitit Ioannes: cetera omnia Herodis facinora fententio politico non inuoluit, clarus teftis beatus Lucas: d Herodes autem, inquit, tetrarcha cum corripere ab illo, de Herodiade vxore fratris fui, & de omnibus malis quæ fecit, itaque

Ioannes in Herodis tyrannidem, in cades, in tributa tam auarè collecta quam prodigè in omnem luxum difsipata inuehebarur liberè, & tamen libenter eum audiebat, tanta in Herode fuit concionatoriæ obiurgationis patientia, vt non prima illa vehementiore, non fecunda, nò tertia, non multis concionibus fequentibus fuerit offenfus, libenter eum audiebat. Herodi Ioannes nunquam neque nimis fæpe, neque nimis prolixè, neque nimis fimpliciter aut populariter, neque leuere nimis, aut acerbè vitus eft concionari, libenter eum audiebat, & audito eo multa faciebat, modò facere perfeueraffet, queri certè non potuit quod fortuna fibi veritatem inuideret. queritur id olim Seneca e & , Monftrabo, inquit, tibi, cuius rei laborent magna ftigia, quid omnia poffidentibus defit, Scilicet ille qui verum dicat: Non vides, quemadmodum illos in præceps agat extincta libertas, dum nemo ex animi fui fententia fuadet difsuadetque, & vnum amicorum omnium officium eft, vna contentio, quis blandiffimè fallat. Non fefellit Herodem Ioannes, tam candidi pectoris, tamque aperti oris monitorem fe præftitit, vt nil minus poffe fit vitus, quam veritatem tacere. regias aures affiduè vellebat, quibus & flagitium illud identidem occinebat: Non licet tibi, Herodes, non licet tibi. Vbi mihi nunc illi delicatuli & prurientes auribus, qui fi vno verbulo, etiam fæpe detorto & perperam intellectu, notatos fe putent, & concionatorem execrantur, & cathedram Herode parricida & adultero, nefeio an in hoc non deteriores fint, qui quamvis vitia, vt ipfe, non fugiant, fugiunt tamen conciones quæ vitij medelam faciunt, quod non faciebat Herodes. Seductori dat manum qui dare difsimulat præceptor, & ftulto difcipulum committit, qui fe folum pro præceptore agnofcit. quifquis iam adeò fapit, vt neminem docentem audire nifi fe dignetur, plus elationis oftendit, quam eruditionis. nec poteft in eo Virtutis effe amor in quo cœleftis doctrinæ odiū eft, aut neglectus. Initium recedendi à Deo eft, ftultitiū audiendi diuina, nec Deū diligit, qui pia monita non efurit. Lapis lydius explorat aurum, Euāgelium Chrifti reuelat cogitationes hominū. a Prou. 1. b Prou. 8. c Marc. 6. d Luc. 3. e Lib. 6 de benefico. c. 3.





## SEPTIMVM

## PRÆDESTINATIONIS

## SIGNVM;

## SYMBOLVM SEPTIMVM.

**F**RUTEX TABACI. Saluberrimum hoc fruticis genus est, vlcibus præsertim & vulneribus curandis illustre; grande vlcus corporis est, paupertas: grandius animi, peccatum, vtrique persanando mirifice conducit. *Eleemosyna*, illa præsertim quæ datur benigno affectu in egenos. & hæc per Tabaci fruticem representatur. Ab Apostolo id discimus: Induite vos, inquit, viscera misericordiæ sicut electi Dei *a*. non dantis manum duntaxat, sed & affectum requirit. Verè beatus qui intelligit super egenum & pauperem, in die mala liberabit eum Dominus. *b* Diuinæ scripturæ syllogismo id firmatur. Qui accipit mutuum, seruus est cœnerantis. *c* sed ditissimus Deus per pauperem accipit mutuum. facilis est iam conclusio. alteram syllogismi partem confirmans Salomon: Fœneratur, inquit, Domino (seu, quod idem, Dominus accipit mutuum ab eo) qui miseretur pauperis. *d* Augustini ore Christus sic stipem mendicat: Da mihi ex eo quod dedi tibi, de meo quæro: da & redde, habuisti me largitorem, fac me debitorem, habeam te fœneratorem: temporalia mihi das, æterna tibi restituam te ipsum tibi reddam, quando te mihi reddidero. Greg. Nazianz. orat. de amore pauperum: Fac calamitoso sis Deus, Dei misericordiam imitâdo, nihil enim tam diuinum homo habet, quam de alijs bene mereri: tibi derelictus est pauper, velut Deo. talis in terra Deus Iob fuit; Pater eram pauperum, & causam quam nescibam, diligentissime inuestigabam. Oculis fui cæco & pes claudò, *e* Tobias Deo charissimus: eleemosyna, inquit, ab omni peccato & à morte liberat, & non patitur animam ire in tenebras. Fiducia magna erit coram summo Deo eleemosyna, omnibus facientibus eam. *f*

*a* Ad Coloss. 3.*b* Psalm. 40.*c* Ad Coloss. 3.*d* Psalm. 40.*e* Iob 29.*f* Tob. 4.

## S. I.

**C**hrysostomus: *a* Melius est, inquit, hanc artem dandi eleemosynam scire, quàm esse regem. hæc enim domos ædificat in cælis semper manfuras, hæc docet quomodo Deo possis similis fieri. Magna res est homo, & pretiosa, vit misericors. Qui pronus est ad misericordiam, benedicetur, de panibus enim suis dedit pauperi. *b* Ergo beneficentia, vt eodem ore aureo loquar, Deo similes facit. & hæc charitatis mater, Christianæ virtutis proprium insigne, per quod discipuli Christi noscuntur: hæc nostrorum scelerum est medicina, hæc animæ sordes emundat, hæc scala quæ in cælum vsque porrigitur. *c* Christus præcipit. Thesaurizare vobis thesauros in cælo *d*. Audite, ô diuites, nouam è cælo artem: nouus colligendi thesauri modus est, SPARGERE, Errastis hactenus, nam dando ditescimus, non corradendo & seruando Thesauros in orbe illo supero struit, qui pauperibus eos in hoc infero distribuit. imò nec opus quidem, plenas auro manus in egenos excutere, dare obolos & asses, dare panis frustilla (modò beneuolus affectus accedat) & in fœnus recipietis plenissima horrea, opulentissimum ærarium. Censores olim lustrabant ciuium ædes, & num si quæ tinea in vestibis, vermes in carnibus, mures in panibus reperirentur, indagabant, non cassus hic labor, hodieque forsan inuenirentur qui mallerent hoc genus animalium pascere, quàm pauperes. Sed iam inuentus est locus, patetque cunctis ad eum aditus, vbi nulli mures, non tinea, nulli vermes: Theaurizate vobis thesauros in cælo, vbi neque ærugo, neque tinea demolitur, & vbi fures non effodiunt, nec furantur. *e* Manna non corrumpebatur nisi quod in diem alterum seruabatur, numi non amittuntur, nisi quos amittere nolumus: tutius seruari non potest, quàm quod perit inter manus mendiculorum. Ventres pauperum ampla sunt horrea, quicquid



quid hic reconditur, incendij securum auge-  
tur, multiplicatâ vsurâ. Si: Absalomus au-  
ream cæsariem suam attendisset, crines capi-  
te, non funes gessisset: si fortunatiores rem  
suam in pauperum subsidium acciderent, tot  
amicos arcâ clauderent, quot numos; nihil  
dando hoc agunt, vt periculosiores sint infi-  
diæ, quo plures pecuniæ. Perde pecuniam  
propter fratrem & amicum tuum, & non abs-  
condas illam sub lapide in perditionem, sua-  
det Ecclesiasticus f. Christus: g Date & dabi-  
tur vobis. Puteus, si sua non amittat, lute-  
scit: vberior fluit, & purior hauriendo. Cælo  
destinati cum stipem dant, si possent, cor ad-  
derent, adeo benigno sensu in egenos ferun-  
tur, idcirco beatos pronunciauit Christus  
misericordes, non eos solû qui possent quàm  
plurimum elargiri, sed qui vellent omnium  
misereri, Pythagoras olim docuit, similia  
non nisi à similibus comprehendi; hoc vitæ  
mercato, non nisi simile simili paratur, oleum  
emittit oleo. misericordiam vis consequi?  
hamum iace, misericordiæ opus. At dando  
aliis, egebo ipse? Pusilli animi homo, & qui  
maius diffidentia tuæ credere, quàm syngra-  
phæ Christi? quantos auaritia ad incitas rede-  
git? nullos eleemosyna. certat Deus cum li-  
beralitate nostra, nec munificentia finit se  
vinci: Date & dabitur vobis. h Sareptana vi-  
dua i non tantos fecit sumptus, in siccum  
prandiolum Eliæ, quantos lucrata est. Elisæi  
hospita k. plus recepit quàm hospiti suo con-  
tulit.

a Hom. 33. & hom. 36. ad populum.

b Proverb. 22.

c Chrysost. hom. 6. in c. 3. ep. ad Tit.

d Matth. 6.

e Matth. 6.

f Eccles. 29.

g Luc. 6.

h Luc. cap. 6.

i 3. Reg. 17.

k 4. Reg. 4.

## §. II.

**A**T sunt, non è numero prædestinatorum  
qui raro dant, nisi dent malignè. Ma-  
lignè dant qui quæ nauſcant, quibus carere  
malunt, quæ vix aut esui sunt, aut vsui am-  
plius, pauperibus elargiuntur: si quid in do-  
mo vermiposæ carnis, si quid mucidi panis,

si quid fugientis vini, aut morientis aceti; si  
quid putridi, si quid fœtidi quod vix cani  
porrigas, mox ad pauperes abit, munifica do-  
natione. Heu Christiani, quàm sæpe blandâ  
persuasione, nos fallimus! hoc non est oleum,  
sed (quod Baruch a exprobrat) oliuarum of-  
fa offerre. Deus ad Cain b & munera eius non  
respexit, quia vilissima de terræ fructibus of-  
ferebat, qui poterat meliora. Parum potes?  
sufficit multum voluisse. Multum potes? ca-  
ue velis parum dare. Si re non potes, paupe-  
rem spe bona, & miti alloquio iuua; saltem  
animo miserere. Spreti non sunt Israelitæ illi  
qui simillam, seras, aut caprarum pilos obtule-  
runt; meliora deerant: sed si aurum habuif-  
sent, & ista obtulissent (ait Chrysostomus c)  
maledicti protinus fuissent. Quidam non ma-  
lignè dant, sed oleum misericordiæ, sordibus  
luxuriæ vitiant; tam faciles ad eleemosynam  
quàm in libidinem proni Anazarbæi Ciliciæ  
populi, opimam regionis oliuitatem, virgi-  
num suarum castimoniam tribuunt, quæ solæ  
illic plantat oleas, & oliuas legunt. Christianis  
certissimum sit, oleam hanc nostram & Vene-  
ris myrtum, inimicissimas esse arbores, nec  
in eodem plantario iungi posse. ingrata est  
Deo eleemosyna, quam fœda carnis voluptas  
comitatur, nec simul placere possunt, manus  
munifica, & libidinosus animus. Sunt alij, qui  
quidem hoc carnis luto non merguntur, sed  
quia videri amant & laudari, oleum suum ste-  
rilissimo labore effundunt. Et cur, mi Chri-  
stiane, scit leua tua, quid dextera tua faciat?  
Iobus d oliuæ te comparat florem proiicienti,  
hec enim arbor, inquit Gregorius, etsi large  
floreat, si tamen immoderata stringatur ne-  
bula, fructum omnem desperari iubet, ita qui  
tunc maximè misericors est, cum spectatores  
habet, vel vt habeat, fructum operis perdit, ex  
nebula fauoris. Hominis prædestinati eleemo-  
syna, vnicui obseruat oculum, sed omnia cer-  
nentem; nec laudem expectat, nisi à quo &  
præmium, ab vno solo Deo: Et quamuis au-  
reas habeat alas eleemosyna, Chrysostomus f  
docente, non tamen pauonis instat, ad mira-  
tores sibi deligit in terra, cum muneratorem  
habeat in cælo, eo suis aureis alis subuolat, &  
Christo se sistit, quem in mendico agnoscit.  
Eleemosyna tam non copite esse nota, vt si pos-  
sit, etiam clam domino suo lacere velit, nam  
homo verè misericors, non laborat vt à mul-  
tis scia-



ris sciatur quantum dederit, modò sciatis v-  
nus, qui potest danti reddere. ideo D. Cypria-  
nus hunc beneuolum in egenos animum, se-  
curitatis nostræ salutare vocat præsidium,  
quo Deum debitorem constituimus, & Chri-  
stum iudicem demeremur.

a Baruch. cap. 6.

b Gen. cap. 4.

c Hom. 32. in epist. ad Hebr.

d Job. cap. 15.

e Gregor. lib. 12. mor. c. 26.

f Hom. 32.

### §. III.

**S**upremo fatalis iudicii die, de misericor-  
dia rigidum examen erit, & quæstio, in quib-  
us cor immitte, durum, immisericors fuit,  
terribile velut in tabella decretum legent: a *Ite  
maledicti in ignem æternum.* At ij quos iam ab  
æterno diuina destinatio Angelorum societa-  
ri adscripsit, fidentius loqui poterunt cum iu-  
dice; licebit illis dicere: da; quia dedimus:  
date, quia tua causa dedimus: miseri su-  
mus aliorum; tu nostri miserere: fecimus quod  
iussisti, redde quod promissisti, non erubescet  
hæc postulata iudex, & debitorem se libenter  
fatebitur. Cernent electi patulum in Christi  
latere hiansque & roseum vulnus, inque eo  
velut gemmis scriptum: *Venite benedicti, pos-  
sидete regnum.* impetrastis quicquid petitis ag-  
nosco promissionem meam, laudo misericor-  
diam vestram, quæ iure sistere se præmio po-  
test; accipite præmium quod pretio æstimari  
non potest, quicquid vlli meorum fecistis, mi-  
hi factum est. Vestra me commiseratio cibo  
potuque sæpius refecit: vestris ego vestibus  
tegebar, ad vestras ego ædes peregrinus diuer-  
tebam, vester in me amor, ipsos ad me carce-  
res penetravit; vestra misericordia dixi: *Ven-  
nite benedicti.* fragmen panis famelico dedistis?  
En, mensam paratissimam, venite æternum  
epulaturi, peregrinos tecto non exclusistis:  
Angelorum ciues vos esse iubeo, seminudo-  
rum algentibus membris lanam iniicistis: ad-  
este, immortalitatis purpura velandi: *Veni-  
te benedicti.* O quæ hæc rerum commutatio  
pro centonibus, pro obolis, pro mensarum  
miculis, paludamentum gloriæ, thesauros cæ-  
li, delicias non finiendas recipere? Omnis  
misericordia faciet locum vnicuique secun-


dum meritum operum suorum, & secundum  
intellectum peregrinationis ipsius b. Hæc si  
quam vera, tam essent omnibus persuasa, ne-  
mo foret, qui non tam vili vellet cælum eme-  
re: Verissimè dixit Augustinus: Si vis mercator  
esse optimus, da quod non potes retinere, vt  
recipias quod non poteris amittere; da mo-  
dicum vt recipias centuplum, da pauperi nu-  
mum, vt à Christo impetres regnum, da buc-  
cellam vt obtineas peccatorum veniam, da  
vestem vt merearis gloriæ stolam, c da villia  
vt consequaris æterna. Quæ autem stultitia,  
inquit Chrysostomus d illic tua relinquere vn-  
de exiturus es, & illuc non præmittere, quò  
iturus es? Illic ergo tua reponere vbi tuam ha-  
bes patriam.

a Matth. 25.

b Eccl. 16.

c Cas. Arelat. hom. 13.

d In Matth. 6.



### OCTAVVM

## PRÆDESTINATIONIS

### SIGNVM

### SYMBOLVM OCTAVVM.

**C**UPRESSVS. hæc perpetui viroris &  
cuncti odoris arbor putredinem in se  
non admittit, ab alijs etiam, cadarofum fœ-  
torem prohibet; hac non immerito *vilis sui  
æstimatio* significatur, quæ latentem superbiæ  
vermiculum interficit, nec hominem ita cor-  
rumpi finit & putrescere, vt sibi placeat, ma-  
la certè sanies, placere sibi ipsi. Odi superbos  
& arceo, clamat David: non habitabit in me-  
dio domus meæ qui facit superbiam. a Rarum  
aiunt esse generosum pharmacum, cui non in-  
sit veneni aliquid aut saccbari: nullum certè  
vitium est, in quo non aliquid superbiæ, per-  
cense omnia, & sic esseprehendes. Initium  
omnis peccati est superbia, & qui tenuerit eam  
replebitur maledictione, & subuertet eum in  
finem. b Superbia pessimi ingenij fomes, func-  
tis ac multiplicibus virijs, in diuersa prorump-  
pit, odij, amorisq; & super omnia inuidiæ sup-  
plicis



plicij obnoxia. Nec alij magis anxij aut perpetui motus sunt, quam hominum non tam quærentium laudem, quam hanc sibi deberi credentium. Et contemni se facile suspicantur, & hanc aliorum, ut putant, contumaciam, in se acerbissimis curis vindicant. Iam sua vitia nesciunt, iam virtutes aliorum. Sic inflatis & turgentibus, pietas, fides & quicquid in hominibus sacrum, infra famam hominumque cupiditatem iacet. Et ceterorum quidem vitiorum materies sæpe vilissima, plerumque nobilissima est superbix, quæ quoduis præclatum facinus, eruditionem omnigenam & virtutem, omnem sanctitatem audet arroderi, prorsus ad instar vermium, qui non nisi optima pyra aut poma perrodunt, non est qui Diaboli mores venustius exprimat superbo. ille altissimo par esse nitebatur, iste non exquiri vult alijs, sed præferri. Sed nusquam non resistit superbis Deus, & ut miles stans in pinnis mœnium, quotquot ascendunt, romphæa deturbat: quandoque tamen etiam vi nulla superbus à Deo sternitur, perinde ac si regius olitor excrecentes in altum herbulas ludentibus digitis attondeat. Saul humilis in regem euectus, sublimis deiectus est. Sunt qui natura cepas, sunt qui araneas aut feles horreant natio odio: hæc natura Dei est, superbos horrere & execrari: Abominatio Domini est omnis arrogans; Immundus est apud Deum omnis qui exaltat cor suum. Sed veluti pestifera lues, varia corporis parte se prodit, sic superbia non vna moratur sede: quorundam occupat oculos, aliorum linguam, horum manns inuadit, plurimorum velle se inuoluit: sunt quorum collari tam pacata sedet & immobilis, ut illam nec centum concionatores loco moueant. Sunt quos sui negligentes, & iuratos superbiæ hostes diceres, nisi suas epulas, ædificia sua, liberos suos atque familiam, ipsam supellectilem suam superbire docerent, arcano magisterio. Sic variè superbiam spiramus, subtili prorsus ventulo; quandoque ipsi nos deicimus infra quamlibet vilitatem, rosas & mulla loquimur, aulæ byssina verba iactamus, omniū genibus aduoluimur, ut malè super alios efferramur: in alto iam positi, nec superiorem ferimus, nec parem. Quid superbis pulvis & cinis? leuiter mors afflatu disperget. Quid ti-

bi places Suffene? fortes hominibus, fortes Angelis, fortes Altissimo, terram spiras (ô luti priusci Adami!) & Luciferi fœtorem spargis. Si tibi non odor tantum cupressi, sed & altitudo placeat; age, ascende, sed præter te solum, neminem despice. Hoc grande & præclarum est, in alto non altum sapere; cum extolleris, te ipsum deprimere, & (quod prædestinatorum est proprium) meritis cælum attingere, & opinione sua circa solum repetere. Bernardus: fœsemper, inquit, diuinæ gratiæ familiaris esse solet humilitas. quæ est hæc tam sublimis humilitas, quæ cedere non nouit honoribus, inolescere gloria nescit? non est magnum in abiectioe esse humilem, magna & rara virtus est, *humilitas honorata*. Auditis hæc reges, & principes, rerum Domini? Auditis hæc illa vos viri tam docti quam superbi? vos tam fastuosi quam numosi? rara virtus est, *humilitas honorata*. Veræ autem humilitatis hoc est proprium, ut quò quis, cælo teste, sanctior, eò se iudice vilior censetur. Abraham Deo commendatissimus, nonne sibi *cinis & pulvis*? Petrus Ecclesiæ petra, nonne se palam & ex animo professus *hominem peccatorem*? Paulus vas electionis & Apostolorum princeps, nonne sibi *abortiuum & indignum vocari Apostolum*? Verè aliud exaltationis principium non est, quam humilitas, & vilissima sui æstimatio.

a Psalm. 110.

b Eccles. cap. 10.

c Iacobi 4.

d Prouerb. cap. 16.

e Prouerb. cap. 10.

f Hom. 4. super Missus est.

g Gen. 18.

h Lucæ cap. 5.

i 1. Cor. 5.

# S. I.

**S**uperbia virtutum omnium ruina, & altissimum hominum & angelorum præcipitium. qualis ô Deus, inter cælum & terram facta est olim commutatio! pulcherrimus omnium angelus cælo præcipitatur, & misererrimus omnium mendiculus, in cælum ab angelis deportatur. nam vnde Lucifer superbus cecinit, eò vlcerofus Lazarus ascendit, quem incredibile est sapius sua vlcera numerasse, quam



quam suas virtutes, nec dubium quin cunctis patientior sit visus quam sibi, genuino sui contemptu, non illepidè & vere dixit Sanctorum quispiam: parum valet, qui se aliquid valere censet; nil penitus valet, qui se multum valere autumat. hunc assentitur Bernardus, & omnia, inquit, illi defunt, qui nihil sibi deesse putat. addi potest: cælo natos non videri, quibus sua tantum placent, qui alienæ vitæ superbissimi censores, suæ vanissimi æstimatores, tam falluntur circa aliena, quam in proprijs cæcutiunt, iucundâ lippitudine. Abite, ô vani, cælum eiusmodi paucos non admittit: cælo prædestinati, nullius vitam ita rigidè censent ac suam, nullius mores toties damnant quam suos; facile indulgent omnibus, nunquam sibi; in neminem seueriores quam in seipsos miseri nos! pulvis sum & umbra, breui ad plures abituri, & tamen origines nostras, & Maiorum imagines longâ ostentatione percontemur, tanquam si magis homines sint, qui plures auos numerant. Homo vanitati similis factus est, dies eius sicut umbra pretereunt *a*. quoquò vertamus oculos, lacrimis nostras cernimus. cælum tuemur? patriam quidem eminus videmus, sed in exilio nos esse sentimus. terram despiciamus? foueam illa nobis minatur, & licet eam pedibus calcemus, caput tamen nostrum sibi ea pollicetur, paulò post pro libitu tractandum. Nos ipsos aspiciamus? ô pulchrum & rubicundulum pomum! sed vermiculus later, putredo, sanies, mors penitis visceribus delitescunt; cor ipsum inspiciamus? ô profundam speciem, & fœdam! quantum hic anguinem & colubrorum agmen? heu, vitijs scatemus, nobis tamen necdum vilescimus, miserijs, stultitiâ, peccatis obtuti iacemus, & tamen beati, sapientes, docti videri volumus, ac digito monstrari. Prædestinatos vniuersa hæc ad maximam sui viliteriam compellunt, ita vt quò magis suaque considerant, tantò magis in dies sibi ipsis sordescunt & his ex facili, vt beato Paulo, sordent omnia, qui sibi prius ipsis sordere incipiunt, nec difficulter omnia contemnunt, qui ante omnia seipsos. Quisquis beatus esse vult, discat contemni, & præter Deum, contemnere vniuersa. Norunt prædestinati quàm verè sit dictum à Chrysostomo: *b* Minimum de se sensisse tam

magnum est, quàm res maximas fecisse. Norunt clamantis vocem: qui vestrum maior esse voluerit, in regno cælorum (si tamen còperueniat) minor est futurus. Viam humilitatis norunt esse confragosam, & initio nonnihil difficilem, sed planiorem paulatim & commodiorem; colliculum sibi esse superandum sciunt, hunc quærunt & ab alijs ostensum auidè scandunt: amant contemni, occasiones arripiunt: cum se despici vident, lætantur, sibi què ipsis plus quàm vllis inimicorum insultant, horum nemo, sui despicientiam gladio se vindicatorum minatur; nec verbo vindicant: nemo manum, nemo pugionem intentat contemptori, vt qui plus commodi ferat quò plus contemptus. Prædestinati in scholâ Christi, altè combiberunt, se hominem fannis non decrefcere, nec contemptu fieri minores. Tancus est vnusquisque, quantus est in oculis Dei, & non pilo maior, nec iuxta hominum intuitum Deus iudicat *d*. Parui Deo sumus, si magni nobis: grandes ipsi, si nobis exiles. puteus quò est profundior, hoc illius aqua purior; æstimatione sui quò vilior, hoc Deo gratior. defodiendi sunt immodici, ingentes animi deprimendi, atque vniuersa nostra superbia, miseriarum, inscitiae, defectuum nostrorum mole obruenda. Moschum aiunt in locis graueolentibus amissum, odorem recuperare? ira nos si serio nobis ob fordes nostras vilescamus, non què hactenus dedimus, sed quem oportuit, emendationis vitæ odorem exhalabimus.

*a* Psal. 143.

*b* Hom. 3. in Matth.

*c* Imit. Christi lib. 3. c. 50.

*d* 1. Reg. 16.

## S II.

**R**ogatus vir religiosissimus, quam potissimum ad cælum viam inuenisset, respondit. *Si se homo semper accuset*. Hoc pœne tota Christianorum disciplina est, inquit Augustinus. *a* Ambrosius: *b* Signum, inquit, Electorum est, malè de se sentire, & vulnus suum agnoscere. Gregorius *c* Reproborum, ait, est proprium, semper praua agere, & nunquam quæ egerint, retractare. Omne enim quod faciunt, cecâ mente pertranseunt, factumque suum nisi puniti, non agnoscunt. Electi







scitissimè ad triumphos euocetur, & hoc est æterni regis privilegium, iis qui iniuriam volunt esse immemores, concessum. ad eò non malè pati, sed malè facere, est malum perpeti. Mitissimus David, qui cum viris & leonibus pugnabat, & vincebat; ille sic strenuus & nullo timore perterritus, cum hostem capitalissimum Saulem sub hastæ cuspidē non semel teneret, parcere tamen maluit quàm occidere, illudque veluti armorum suorum insigne cantabat: Si reddidi retribuentibus mihi mala, decidam meritò ab inimicis meis inanis. *d* Fortissimus Paulus qui armorum cuneos, qui mortem, qui inferos ipsos in certamen vocabat, in inimicos adeo clemens erat & benignus, vt diceret: *e* Maledicimur & benedicimus: persecutionem patimur & sustinemus: blasphemamur, & obsecramus.

*a* Matthæi 5.

*b* Aug. in Enchirid.

*c* Act. 7.

*d* Psalm. 7.

*e* 1. Corinth. 4.

## S. I.

**N**obilissimum & generosissimum vindictæ genus est, ignoscere cum possis vlterius: & longè gloriosius est tacendo vincere inimicum, quàm respondendo: honor est homini qui se separat à contentionibus. *a* Ambrosius: *b* Vindicare se, inquit, non est actus fortitudinis, sed abiectiois, & timiditatis: Vincitur ab inimico, non vincit, qui se vindicat, nec aliter sentit philosophorum princeps: *c* Sicut debilis est stomachi, ait cibum duriorē non posse concoquere, ita hominis pusillanimitas est; verbum duriusculum non posse sustinere. Nemo luculentius probat se Christianum esse, quàm qui amat inimicum, Virtuti exercendæ aut sincerissimo amico est opus, aut asperrimo inimico, cui nemo vniquam sic nocuit, vt non magis sibi ipsi. Chrysostomus: *d* Vindicta, inquit, in corde posita, nocentior est vipera. neque enim minus malum est, referre iniuriam quàm inferre. inimicum feris? te ipsum letaliter iam læsisti, & hoc est prunas è foco rapere, sed omnium primò sibi manus amburere, deinde alios ijs perfundere sic, semper prima pars

malorum in auctorem suum vertitur, interdum etiam nouissima, cum sæpe interim sit illæsus, in quem perniciēs parabatur. *e* quisquis alium odit, primum animæ suæ vulnus infligit. qui non diligit, manet in morte. *f* At durum est, quicquid dicant alij, durum est, inimicum amare. Sed erit longè durius inter innumeros inimicos apud inferos arde- re. Difficile eum diligere quem vix odio dignum censeas: sed difficilius erit audire ab inde clamantem: *Abite maledicti in ignem æternum.* Nimis arduum est, illesum eum sinere qui toties læsit: Montem non scander, qui viat ardua: cælum fugit, quisquis inimicum odit. Peregrinabundi huc illuc sæpe currimus, subinde deteriores redimus; templorum aras cæra cumulamus, nos interim saxea pectora gerimus; imperando Iubilæo satagimus, nec tamen vindictam vrgere desinimus, ô mi Christiane, Iubilæum Deus in ædium tuarum vestibulo tibi statuit, tuum facis vel verbulo, dic: *Ignosco*, & noxarum omnium veniam impetrasti: Dimitte & dimittetur tibi, nam si tradideris corpus tuum ita vt ardeas, charitatem autem non habueris, etiam erga inimicos, nihil tibi prodest. *h* Diues censetur, qui multos numerat debitores: inimici in te iniurijs multa tibi debent, idèò ab illis disces si velis Subduc modò ratiunculam, quantum tibi sit æris tui, quantumque alieni: diues es si non reddis ijs quibus debes. quot nomina apud Deum contraxisti? & iam negligentia tua factus es non soluendo. quin tu ergo Deum ad debitores tuos remittis, & tua nomina, quæ nunquam posses, per illos expungis? Dimitte & dimittetur tibi. Relinque proximo tuo nocenti te, & tunc deprecanti tibi peccata soluentur. Ingentia tibi debita condonat Deus, sit tu alijs parua. notum illud Hieronymi: O formidolosa sententia! Si parua fratribus non dimittimus, magna nobis à Deo non dimittuntur. Veniam quam quis habet inimico, hanc à Deo speret.

*a* Proverb. 20.

*b* Lib. 1. offic. cap. 36.

*c* Aristot. 4. ethic. cap. 3.

*d* Hom. 41. in Act. Apost.

*e* Lactant. de ira Dei.

*f* 1. Ioan. 3.

*g* Luc. 6.



*h. 1. Corin. 13.  
i Eccles. cap. 28:*

S. II.

**E**rgo saltem tui miserere ô homo, & ne teipsum oderis, ama inimicum. Vltionis non longa est, delectatio, misericordiae semperiterna. Noli, obsecro, vinci à malo, sed vincede in bono malū. *a* Si esurieris inimicus tuus, ciba illum: si sitierit, da ei aquam bibere, prunas enim congregabis super caput eius, & Dominus reddet tibi *b*. vince in bono malum. De hac victoriā Chrysostomus. *c* In Olympicis, ait, certaminibus Diabolo consecratis lex est, malefaciendo vincere: in stadio Christi, omnino lex est contraria; hic enim non cum qui percutit, sed qui percutitur, coronari decretum est. Si mansuetudinem exhiberemus, essemus omnibus insuperabiles, nec vlla ad nos iniuria perueniret. Ergo, ne dicas: reddam malum. expecta Dominum & liberabit te. *d* nec dicas, quomodo fecit mihi, sic faciam ei. *e* Et cur damno tuo nocere cupis alteri? O canis quid lapidem mordes? cum manu agere quā misit lapidem, ô bubo, ô cæce, quid furis in aduersarium? dimitte eum vt maledicat: Dominus enim præcepit ei vt malediceret tibi *f*. Ad mortem damnatus carnifici non indignatur, sed iudici, & cur, miselle homo, carnificem tu tuum inuadis? iudicē attende. Deus est, qui talem in te antagonistā immisit, sed bono tuo, plectendis delictis tuis. Iobo Diabolus nec vnā quidem ouiculā ademisset, nisi Deus id permisisset. Dominus dedit, & Dominus etiam abstulit, *g* non Diabolus. Non haberes potestatem aduersum me vllam, nisi tibi datum esse desuper, respondit Pontio Christus *h*; idem prorsus inimico tuo responde. Plurimis plus inimici profuere quā amicissimi, tyrannos tolle, non erunt martyres: non sint inimici, tollentur plurimorum præmia. non minus Diocletianus Ecclesiam ampliavit immanitate & gladio, quā Constantinus liberalitate & auro. Euangelicus ille paterfamilias, voluit frumentum & lolium vnā surgere: Sinite, inquit, vtrique crescere, sed vsque ad messem *i*. At nos præproperi & in perniciem nostram festinantis ingenij homines, vt primum noxiam herbulam conspiciamur, mox clamamus: carduos ad ignem,

ad flammam lolium, inimicos ad Orcum. Lentius, ô boni, lentius; non sic licet ante messem in agros grassari. tempore messis dicitur messoribus: Colligite primum zizania, & alligate ea in fasciculos ad comburēdum. Cur ergo vota nostra damnamus ipsi, tam malè festinato impetu, quid inimicos ad pœnas rapramus? hoc genus lolij, falcem & ignem non euadet, sed nondum est messis. Christus cum suos orare, ac septemplex petitionem diuino patri offerre docuisset, *k* è septenis his petitionibus non sine causā solam illam de condonandis iniuriarum debitis repetijt, explicauit, & quid explicatione hac aliud declarauit, quā, quædam monstranda esse, quædam etiam inculcanda. nec enim vnquam nimis dicitur, quod nunquam satis dicitur. Et vel inde diuinam legem dilaudans Dauid: Latius inquit, mandatum tuum nimis. *l* verè latissimum, quod notos ignotosque, tam benefactores quā hostes, dignos & indignos, inimicos perinde atque amicos amari præcipit. Nemo torque aureā collo affusā, tam certo se vel diuitem, vel doctum, aut nobilem probat, quā certo quis Dei se filium esse demonstrat, qui inimicos amat *m*. Sed quis ita sēper apud se est, cum iræ fluctus insurgunt, qui non pessimis execrationibus inimicum liberalli ore deuoueat? At Christiani est, imperare iræ & motos eiuscemodi fluctus componere. Pulchrè Augustinus: *n* Audisti, ait, conuictum? ventus est, iratus es? fluctus est. vento igitur flante, fluctu surgente periclitatur nauis, periclitatur cor tuum. audito conuictio vindicari vis, & ecce vindicando te, fecisti naufragium, & quare hoc? quia dormit in te Christus; oblitus es Christum, nimirum excidit tibi, Christum, cū crucifigeretur inimicis suis non crucem, sed veniam à patre lacrimis exorasse. En ergo Christus in te dormit, qui pro suis hostibus, non vigilare tantum, sed & morite docuit. Excita ergo in te Christum, & dic tibi ipse. Et qui sum ego vt vlcisci me velim? forsan prius ego mortem, quā inimicus vltionem meam sentiet. hinc verò migrantem animam repellat à se Christus, qui mansuetudinem docuit non furem, submissionis præceptor, non vltionis; charitatis atque veniæ magister, non odiorum & vindictæ.



a Rom. 12.

b Prou. 21.

c In c. 12. ad Rom.

d Prou. 20.

e Prou. 24.

f 2. Reg. 16.

g Iob c. 1.

h Ioan. c. 19.

i Matth. 13.

k Matth. 6.

l Psal. 118.

m Chrys. hom. 3. in epist. ad Phil.

n Serm. 3. inter 17. hom.

## §. III.

**S**ed sine oculis, sine auribus est ultio surda & cæca fertur, quò eam rapit impetus, vt iure priscus poeta indignetur:

*Verum ita sunt isti nostri diuites*

*Si quid bene facias, leuior plumâ est gratia:*

*Si quid peccatum est, plumbeas iras gerunt,*

*Plaut. in Pæn. act. 3. scen. vlt.*

Nempe plumbeo plerique sunt obtusoque & iacente animo, quirebus omnibus, præterquam iniurijs indormiunt, qualibet offensionis aurâ, gratiam auolare iubent & euascelere, contumeliam grandi odio, velut appenso plumbo in pectus altissimè demittunt. Date veniam, Christiani, ab ipsis idololatriis superamur: eorum & testimonia & exempla nos lapidant, vt supremo mundi die, nulla nobis futura sit excusatio. Sanè Pompeio Magno non magis laudi datum lego, quòd tribus amplissimis triumphis tres orbis terrarum partes complexus sit, quàm quòd esset, vt Paterculus a scribit, amicitiarum tenax, in offensis exorabilis, in accipiendâ satisfactione facillimus. Augustus Imperator Cinnam necem sibi machinantem vita donans: O Cinnâ, inquit, iterum tibi vitam do, prius hosti, nunc insidiatore ac parricidâ, eique consularum obtulit. Vis exitum? Cinnam habuit perpetuò amicissimum, & solus illi hæres fuit. Phocion innocentissimus, & Imperator, iam capite damnatus, cum lictor ei venenatum calicem porrexisset, rogatus à cognatis, quidnam ad filium mandaret? Mando, inquit, vt obliuiscatur huius poculi, quòd ab Atheniensibus propinatum nunc epoto. Iulius Cæsar nihil vnquam præter iniurias oblitus dici-

tur. At quis nostrum hic videri aut esse vult obliuiosus? quàm firmâ plerique omnes memoriâ sumus, cum iniuriarum res agitur? Beneficia pulueri, filici verò iniurias inscribimus, manet altâ mente repositum. Nemo cedit, nec Deo quidem imperante. Iam olim Deus vindictam omnem prohibuit, & seuerè prorsus edixit: *Mea est ultio, & ego retribuam in tempore* b. Nihilominus quotusquisque est, qui non impiè reclamet? *Mea Domine, est ultio & ego retribuam.* Opponit iterum Deus: *Mihi vindictam: ego retribuam* c. Obluctatur iterum homo: *Mihi vindicta, Domine, ego retribuam: tu nimis es exorari facilis, sera nimis tua est ultio.* Sic improbißimo & plusquam temerario ausu, Dei munus inuadimus; gladium in inimicos nostros ab ipso stringendum flagitiose præripimus; pars læsa cum sumus, iudicis seueritatem induimus.

a Lib. 2. hist.

b Deut. 32.

c Rom. 12.

## §. IV.

**N**arrat Rufinus Aquileiensis a ( & complures alij Græcorum interpretes b ) &: Ad Sisoium, inquit religiosissimum senem, iniuriam quidam passus se contulit, & contumeliæ genus, ore, vt sit, tragico exponens: obsecro, inquit, permittite mihi Pater, vt homo sim & me vindicem. At senex multis apud eum precibus instat, ne sic homo esse veller, vt diabolus fieret. Nimirum Deo id curâ futurum, Deo vindictam omnem permetteret, sat fortem esse hunc ultorem, iniuriarum reum diuinæ manus non euasurum. At ille: mihi certum est, inquit, hoc ei non condonare, nec desistam dum par pari reddidero. Cui senex: quæso te inquit, homo sis, sed Christianus, & quid ratio dicet; non quid impetus velit, attende. Et vero ratio, inquit iste, hoc suadet, vt ei non parcatur, qui nec ipse pepercit alijs. Contra Sisoius: Sed hoc tuum non est, inquit, aut velle, aut facere. Ius gladij in hac causa penes solum Deum est. Deus ultionum Dominus, Deus ultionum liberè egit c. nobis hæc agendi libertas negata est. Et nosti, credo, quid Christus non consilij sed præcepti dederit: inimicis non tantum veniam, sed & preces, amorem, beneficia deberi. Pater, inquit iste, animus



mus meus commotum mare est, nec quieturum dum me vindicâro. Quandoquidem ergo inquit Sisoius, obfirmasti animum, saltem non præcipita; obsecro prius oremus. Ambo simul submiserunt genua, & vocē præiuit senex, in hæc verba: Deus, tuum nobis auxilium iam non est necessarium, nec ut pro nobis sollicitus sis, rogamus: nos ipsi omnia curabimus: nostra est ultio, & nos retribuemus, iamque in eo sumus ut inimicos nostros ponamus scabellum pedum nostrorum *d* Adeo perculerunt hominis animum hæc verba, ut mox toto corpore ad senis genua prouolutus, humentibus oculis promiserit, illatam iniuriam nec verbulo à se vindicandam. Hoc iusti iustorum præceptum est; hæc germana filiorum Dei nota, non grauât dare veniam, offendenti, in super etiam offensam beneficio redimere: Videte, inquit Paulus, e ne quis malum pro malo, alicui reddat, sed semper quod bonum est sectamini inuicem & in omnes, nulli malum pro malo reddentes *f*. Hæc Paulus; sed hæc Christus *g* apertius etiam longèque seuerius iniungit: Vobis, inquit, dico qui auditis, diligite inimicos vestros, benefacite his qui oderunt vos; benedicite maledicentibus vobis. Et prout vultis, ut faciant vobis homines, & vos facite illis similiter. Et si diligitis qui vos diligunt, quæ vobis est gratia; nam & peccatores diligentes se diligunt: Et si benefeceritis his qui vobis benefaciunt, quæ vobis est gratia? siquidem & peccatores hoc faciunt; Verstramen diligite inimicos vestros, & erit merces vestra multa, & eritis filij altissimi, quia ipse benignus est super ingratos & malos. Hæc quidem iuste imperas, & liberaliter promittis, sed, ô bone Domine, quàm multi sunt qui te non audiunt, nec lex tua apud illos tanti est ut finem ponant odijs; fatentur nolle se istam ignoscendi facilitatem effeminari; nil sibi fore iucundius quam præsentem & pari monetâ factam iniuriam persolvere: atque si optio illis, quæ Salomoni, *h* fieret postulandi quæ vellent, non sapientiam peterent, sed vindictam. Horum nemo non clamaret: da mihi Domine inimicorū meorum animas; cetera relinquam tibi. Hic germanus vindictæ spiritus est Dei legem non curare, Dei minas parui ducere, iniuriâ non tantum non perferre sed reddere, totâ bilem ad vnum verbulū euo-

mere, furentis ex dolore animi impulsus sequi, votis omnibus inimicū perdere. Hæc vlciscendi libido, inquit Tertullianus, *i* negotium curat aut gloriæ, aut malitiæ: sed gloria vbiq; vana est, & malitia Domino odiosa, hoc quidem loco maximè, quia malum duplicat quod semel factum est. Quid enim refert inter prouocantem & prouocatum, nisi quod ille prior in maleficio deprehenditur. iste posterior, vterque læsi Domini reus est. Dominus monet: Verberant in faciem, etiam alteram genam obuerte. Fatigetur aliena improbitas patientiâ tuâ; plus improbum illum cædis sustinendo, ab eo enim vapulabit cuius gratiâ sustines. Et quem honorem litabimus Domino, sic nobis arbitrium defensionis arrogauerimus? Sequester patientiæ est Deus, si iniuriam deposueris penes eum, vltor est: si damnum, restitutor est: si dolorem medicus est: si mortem, resuscitator est.

*a* *Rufin. l. 3. n. 77.*

*b* *Paschasius c. 10. n. 2. Pelagius libell. 16. n.*

*10. Pallad. in appen. lausiac. hist. n. 13.*

*c* *Psalm. 95.*

*d* *Psalm. 109.*

*e* *1. Thess. 5.*

*f* *Rom. 12.*

*g* *Luc. 6.*

*h* *2. Reg. 3.*

*i* *Lib. de patientia c. 3. 9. 10. 15.*

S. V.

**S**ed obijcias. Semper ego auditor tantum, nunquam ne reponam, vexatus toties? Ita, mi Christiane, tu nunquam repones, etsi centies, etsi millies vexatus. Si vis esse Dei filius, tuo patri hanc causam cōmiste: tu file & patre. Nocentes peribunt qui te vexauerunt, & qui gratulati sunt in tua ruinâ punientur. *a* Qui iniuriam fecit, recipiet id quod iniquè gessit. *b* Sed inquis: Iniuriam condono, non oblitto, non obliuiscor. Itane? hæc tua liberalitas est? nec tu aliam apud Deum quære. Homo homini, inquit Ecclesiasticus, *c* reseruat iram, & à Deo querit medelam in hominem similem sibi non habet misericordiam, & de peccatis suis deprecatur? ipse, dum caro sit, reseruat iram, & propitiationem petit à Deo? quis exorabit pro delictis illius? Clementiæ vanissimus fucus est, nolle vlcisci, nec



tamen obliuisci velle: si quid donas, ex integro dona, aut cælum despera. Nosti, quid minetur Christus: Sic & pater meus cœlestis faciet vobis, si non remiseritis vusquisque fratri suo DE CORDIBVS VESTRIS. Sed dicas: Ego quidem non difficilis forem ignoscendo: at publicum mihi munus commissum est, impune nemo iniuriam mihi fecerit, honorem meum eo defensus. Obsecro, Christiani, non arguemur in tam serio salutis negotio: auferre hæc picta vocularum ludibria. Munus publicum gerebat & Stephanus, nullum tamen lapidem in hostes regerebat, neque honorem suum ita defendebat, quin sincerissimo pectore clamaret: *Domine Iesu ne statuas illis hoc peccatum*. Iesus crucifixus, nõ qua hominis tantum, sed quæ Dei filius, supplices lacrimas pro hostibus ad patrem mittebat: *Pater dimitte illis*. Tantæ maiestatis non est vllus mortalius, vt turpe sibi putet, iniurias præsertim proprias ex toto ignoscere. Non queras vltionem, nec memor eris iniuriarum ciuium tuorum. *d* Sed nulla, inquis, offensionis causa illi nebuloni à me data est. Si causam dedisses, iniuria non esset quam tolerares; parilis vtrinque foret læsio. Quid de causa disputas? quid Ioseph fratribus nocuit, cum somnium suum narrauit? & tamen iniuriam omnem iam Ægypti prorox generoso silentio concoxit. Sed non est, inquis, leuicula iniuria quæ illata mihi est. Quid iam iniuriæ gravitatem exaggeras? nec præmium erit eximium, si dimissa offensio sit leuis. Virtute nunquam magnus eris, nisi magnis iniurijs exercearis. Hieronymum audi: *e* Deus faber est; inimici lima sunt & malei, quibus nos ille expurgat sanctosque sculpsit. Sed nunquid cum Paulo iam lapidatus, aut cum Christo flagellatus, & in Crucem sublatu es? Sed nobilis sum ego, vili ille homuncio est, & terre filius. O testa Samia! de eodem luto es, de quo tuus inimicus, aut paullulū meliore. Si vindictæ libido te vincit, non nobilium es filius, sed peccati seruus. Ergo potius memento nouissimorum & desine inimicari. *f* Et si non vindicem, inquis, vt tamen vindicare me nolim, eam mihi vim facere non possum. Potes, modò velis, sed quamdiu odijs alimentum in animo ministras, quicquid cogitas, merum est absinthium: vtricas, tribulos, sentes geris in pe-

ctore, quibus cruenta conscientia miserrimè vritur. Ardeo, inquis, vindictâ. Nisi mature huic ignem sopias & extingvas, cœli ianuam tibi iam oblerasti, & magnis passibus ad ignes stygios tendis, vbi æternum ardeas. Porta cœli iniuriarum perpestio est, at qui vindicari vult, à Domino inueniet vindictam, & peccata illius seruans seruabit. *g* At nulla, inquis, quies mihi est, non somnus, non cibus, aut potus sapiunt, dum Mardocheum sedentem video & intactum, dum inimicum talia in me molientem cerno & indemnem. Pulchrè, mi homo, in caput tuum deciperis. Narrat Ezechiel de quibusdam militibus *h* qui posuerunt gladios suos sub capitibus suis, & descenderunt ad infernum cum armis suis. En nouum cervicalis genus, gladium! tali cervicali somnum suum fulciunt omnes vindictæ cupidi, quin ullam sibi quietem nisi à conuictijs, à manu, à gladio petunt. Sic primus diaboli discipulus (ita Cainum vocat Basilus) in fratrem iugulatrice manu ibat, vt extinctâ fratris gloriâ suam sibi stabiliret. Contrarium euenit. Esau, Saul, Antiochus diuinam misericordiam non sine lacrimis implorant, non auditi. Esau non inuenit locum pœnitentiæ, quamuis cum lacrimis inquisisset eam. Ita Saul, ita & Antiochus, ab arâ misericordiæ, ad quam confugerant, reiecti, & iure: nec ipsi parcere volebant ijs quos inimicos sibi statuerant. Iudicium sine misericordiâ fiet ei, qui non fecerit misericordiam. *k* Rex David fœdo lapsu peccatum duplicauit, & libidinem sanguine miscuit, quamprimum tamen pœnitentiæ signum edidit, & vix geminas vocular, *Peccauimus Domino*, pronunciauit, mox à Nathane audiit: *l* Dominus peccatum tuum transulit. Quoties Antiochus peccasse se falsus non sine grandi eiulatu clementiam Numinis implorauit, templo donaria vouit, emendatissimos mores in reliquam vitam promisit. Sed repullam tulit. Nec mirum: longè aliter Hebræus ille rex, & aliter Assyrius tyrannus iste, in aduersarios se gessit. David nullo regum inferior bellando & vincendo; omnibus tamen longè superior parcendo, vt qui nihil minus sibi voluerit dicere, quàm vlcisci, benignior vel in hostes suos, quàm in suos ciues Antiochus, qui non nisi gladios, ignes, sanguinem, vltionem, cades spirabat.



a Baruch cap. 4.

b Coloss. cap. 3.

c Eccles. 28.

d Leuit. cap. 19.

e Hier. in cap. 5. Matth.

f Eccles. cap. 28.

g Eccles. cap. 28.

h Cap. 32.

i Ad Heb. 12.

k Eccles. 28.

l 2. Reg. 12.

## §. VI.

**E** Grotos medici non deferunt, donec videant prostratas vires ad tumbam fatiscere. Est tamen morbi genus, cuius primo iutu medicus dicat, sepulchrum aperite: hic homo moritur. Ita prorsus, licet nullius improbi hominis desperandâ sit salus, dum exhalat: in hoc tamen ægritudinis genere, cum pùtrida viscera felle natant, cum animus odijs & vindictæ cupidine laborat, aperiit Ioannes a Apostolus pronunciat: sepulchrum aperite huic misero; est peccatum ad mortem, non pro illo dico ut roget quis: raro respiciunt qui semel obstinarunt animum in vindictam. Non est sensus, vbi est amaritudo b. Sed et si clament omnes sapientes, minentur omnes prophetae, hortentur omnes angeli, ut sepulta iniuriarum memoria, in mutuos amplexus ruamus, adhuc tamen audacissimè conciliationem omnem auersamur, adhuc talionem postulamus. Sapientium denique omnium sapientissimus homo, prophetarum doctor, rex angelorum, auctoritate maxima, potestate summa venit, non ut suadeat hanc unionem, sed ut præcipiat, non ut consilium offerat, sed ut legem figat, & adhuc impudentissimè refragamur. Audite Christum regem præcipientem, audite reluctantes subditos: Stat Christus & patris nomine imperat: *Ego autem dico vobis, diligite inimicos vestros.* Stant rebelles subditi clamant: O Christe, frustra hæc dicis, frustra imperas. *Vobis dico, vobis Christianis.* Nos ab Ethnicis in hoc stamus; non audiris Christe. *Diligite inimicos vestros.* Vix ullus est qui obtemperet. *Ego autem dico vobis, non resistere malo.* Ignavi dicemur & imbelles. *Orate pro persecutibus & calumniantibus vos.* Rara est hæc oratio & ni-

mis frigida. *Ut sitis filij Patris vestri qui in cælis est.* Nimis caro venalis est hic titulus. *Be- nefacite his qui oderunt vos.* Contra naturam, Domine, imperas; mada faciliora. *Dimittite & dimittetur vobis.* Non possumus, ut scias Christe, non possumus, hoc est, nolumus iram cohibere, dentes restringere, manum continere; & quis cogitationibus imperet? *Si dimiseritis hominibus peccata eorum, dimittet & vobis pater vester cælestis delicta vestra.* Parati sumus perire, modo simul pereat inimicus.

a 1. Ioan. 5.

b Eccl. cap. 21.


c Matth. 5. Luc. 6.

## §. VII.

**O** Christiani, adeone cælum odistis, ut si velis remisque ad inferos properetis; Vbi vestrum illud? Dimitte nobis debita nostra sicut & nos dimittimus? aut ergo inimici vobis vestri amandi sunt, aut toties vobis ipsi laqueum iniicitis, quoties hoc à Deo postularis; sicut ut nos alijs dimittimus, ita tu nobis, ô Deus, dimitte. Sed nos nihil cõdonamus, omnia vindicatum, omnia imus punitum, odio implacabili. Ergo & tu in nobis nil impunitum relinque. Impiorum est hoc ingenium non prædestinatorum, nam hi tam graviter lædi non possunt quin clament: Pater dimitte illis, Ne statuas illis hoc peccatum; Ego omnia condono, omnia remitto, nihil ulturus. hæc voces prædestinatorum sunt. Sed priusquam finiam, obsecro vos omnes, qui hæc legitis, nec tam inimicos diligitis, creditisne hæc vera esse? vera, dicetis, nisi Veritas mentiri & Christus decipere potuerit. Si ergo vera sint ista, vti sunt verissima: quæ tandem impia hæc est contumacia, quæ hæc tam obstinata diuinæ legis irrisio, quis iste tam proteruus iu-bentis Dei contemptus? Clamat Christus & præcipit: Ignoscite, dimittite, diligite non amicos tantum, sed & quoscunque inimicos. Adhuc vestra stat peruvacia, adhuc inimicos odistis? nondum ignoscitis? nondum malevolos obtretratores amatis? nec tanti apud vos Christus? nec tanti est Deus? nec tanti cælum est, & æterna salus? & necdum extorqueri à vobis potest vel vnicum, sed se-rum ex pectore promptum verbum: Ig-noscite,



nosco, dimitto; condonet Deus, quicquid in me à quocunque peccatum est. Adhuc, saxa statis sine sensu, sine voce, sine motu vllò ad veniam: adhuc ferreus vester animus spirat vindictam? adhuc clamatis: Inimico mala crux, inimico mala omnia? adhuc vociferamini: inimicis ultio, inimicis mors, inimicis omnes diræ? Ergo adhuc in inimicum durant odia? Ergo necdum imperantem Christum auditis? Ite iam, ite vos tales Christiani, quacunque liber viâ, non errabitis: securè & certò, ad illud quò tenditis, diaboli regnum peruenturi. Ite compressis oculis; ad inferos iam quæuis semita vos ducet: ad hunc vitæ terminum non certius itur quàm errando. Et certissimum est effatum istud: Non potest amare Deum, qui non cessat odisse inimicum.



## DECIMVM

### PRÆDESTINATIONIS

#### SIGNVM;

#### SYMBOLVM DECIMVM.

**F**LABELLO ET VIRGIS monstratur *De-  
reftatio prætorum peccatorum*. Facinus abominabile iudicat esse Augustinus, prætorum peccatorum meminisse, & inde gloriari ac gaudere, cum de illis magnopere dolendum sit, & contra nitendum, nam, vt idem Augustinus verè affirmat: Qui pectus suum tundit, nec corrigit, peccata solidat, non tollit. Lugens Dauid de se pronuntiat: Peccatum meum contra me est semper, ideoque Deum tam afflictum rogat: Cor mundum crea in me Deus, & spiritum rectum in noua in visceribus meis. Beati qui sic lugent & odio tā generoso peccata detestantur, hoc ipsum dolentes; quod non satis doleant; ex hoc ipso tristes, quod minus quàm par sit tristentur. Et hæc quæ secundum Deum tristitia est, pœnitentiam in salutem stabilem operatur. In stabilem salutem, inquit Apostolus, quod attentissimè considerandum. Multi salutem per pœnitentiam recuperant, sed heu non stabilem salutem. Ideo Christus disertissimè mo-

net: *¶ nisi pœnitentiam habueritis, omnes similiter peribitis*, explicatè præcipit, non agendam tantum, sed habendam esse pœnitentiam, eamque retinendam. Nec enim vt statim temporis mutuum, quærenda est pœnitentia, non transuolare permittenda, sed certo perseverandi proposito firmanda. Ita D. Thomas Aquinas: *¶ Vera*, inquit, & seria pœnitentia, non tantum à peccatis præteritis expiat, sed etiam præseruat à futuris. Non habet pœnitentiam, qui non habet propositum firmissimum non amplius in priores noxas relabendi.

a *Lib. 5. de libero arb.*

b *Psalm. 50.*

c *2. ad Corinth. 7.*

d *Luc. 13.*

e *Par. quæst. 48. ar. 8.*

#### S. I.

**C**hristus paralytico, quem sanarat, præcepit lectulum vt tolleretur: Et mox sustulit grabatum suum, & ambulabat. Occasiones peccati cauendæ, tollendæ, remouendæ sunt, & sic ad honesti tectique meram currendum. Euangelicus prodigus extremâ fame rabelscens: Surgam, inquit, & ibo ad patrem meum. Nec tantum dixit iturum se, sed iuit. Et surgens venit ad patrem suum. Hic plerique omnes & manuum & pedum vsum, nostrâ culpâ amittimus. Linguâ valemus, non opere: ore strenui languidi manu. Arcum intendimus, nec tamen sagittam emittimus: proponimus facturos, non facimus. Post commissas noxas gemimus, sed ne committamus, oscitanter cauemus. Nimirum vulnus obductum cupimus, & sanguinem non sistimus, peccatis medelam admouemus, & affectum ad eam non tollimus. Differendo & procrastinando senescimus. ita dum proponimus & promittimus, abit vita, & inter merum & pigrum velle, tota euanesceat. Sic demum in longis nos propositis mors deprehendit, ridetque tot annis voluisse facere, fecisse nunquam. Augustinus olim talis, sed non diu talis, maturè fecit, idque ante senium, quod, vidit sibi esse faciendum. Dicebam, inquit, apud me intus: Ecce modò fiat, modò fiat. Et cum verbo iam ibam in placitum, iam pœnè faciebam, & non faciebam, nec tamen relabebam in pristina;



stina, sed de proximo stabā & respirabam. Retinebam me nuge nugarum & vanitates vanitatum, antiquæ amicæ meæ, & succutiebant vestem meam carnēam & submurmurabant: Dimittisne nos? *b* Dimisit certē & excussit iugum: vitam priorem omnem sic detestatus est, ut aliam viveret.

*a* Ioan. 5. Marci 2.

*b* Lib. 8. Confess. cap. 11.

## §. II.

**N**Os sæpe quidem meliorem vitam incipimus, sed hoc tantum; nec telam hanc perteximus, in cœptis non modò non pergitur, sed & in antiquam siluam redimus. Sunt, quis dubitet, multorum pij conatus, sanctæ cogitationes, optima consilia, castissima proposita: sed plerique Athenienses sumus, optimè decernimus, pessimè exequimur, aut certè in exequendo non persistimus. Modos viuendi honestissimos ac plane salutare nobis præscribimus, sed cuius mox tædio molestiæque cedimus: sancta proponimus & grandia, sed ubi rebellem carnem, inuitantes socios, allicientem Dæmonem sentimus, non inuiti manus damus, & ad priores vitæ sordes, nos retrahi non prohibemus, instabili prorsus & nimium breui pœnitentia. Deceuiisti, mi optime Christiane, vitam instituire castiorem, occasiones cauere, oculis in amore ducibus imperare, carnis petulantiam edomare: rectè, cepisti verècundè loqui, paginas impuras auersari? pulchre. Proposuisti bilem substringere, & iræ moderari, omne odium deponere, inuidiam omnem animo pellere? optimè. Instituiisti linguam coercere, silere cum alij verbis detrahunt, sustinere cum dictariis laceant? omnia præclare, & ad normam veræ pœnitentiæ. Quantò verò præclariùs, in hoc vitæ curriculo perseverare? quàm multi se heri contulerunt, linguam & libidinem represserunt, iram frugerunt, seiplos vicerunt, qui se hodie in priorem vitæ licentiam effundunt, linguæ & libidinis iugum subeunt, iræ habenas soluunt, vitijs ut antè seruiunt. Non est vera, quæ non est firma, & stabilis pœnitentia: inconstans hæc & desultoria mentis leuitas est. O quales gladiatores sumus, qui doctè quidem ventilamus,

eruditè præludimus, sed cum mucrone pugatorio vtendum, cum in gradu standum, & celerè victus eludendi sunt, ignaui recedimus, & vulnera in statu euitanda, in habitu accipimus. O quales cursores nos, qui primo itinere brachia iactamus, pedes incitamus, pœnè iam sudamus: paulò post, ante viâ medium hæremus, deficimus, succumbimus. Ah, quoties præclara conamur, inchoamus cum laude, pergitur aliquandiu spe bona, languemus paulatim, cadimus tandem, iacemus in fine. Arbor frustra flore suo triumphat, & fructus promittit, nisi & proferat. Architectus fundamenta incassum iacit, si ea non in parietes & muros excreuant. Quid nauarchum iuuat malum erigere, antennas aptare, vela explicare, si litore nauim non soluat, aut ad litus quàm primum redeat? Ita nos cum architectis fundamenta iacimus, & nullum surgit edificium, cum oratoribus crebrò exordimur, vix vnamquam peroramus: sæpe vela damus cum nauis, sed ingruente procella, ad litus vnde soluimus, redimus. Illud nobis in ore continuum: volo facere, volo me emendare; nihil facimus, nunquam seriò emendamus. Per Sacramenta ritè percepta carceribus quidem auolamus, sed medio cursu frangimur, cadimus, iacemus. Et iam nullum amplius extat argumentum promissi nostri quod fecimus, aut diuini epuli quod accessimus. Ita quàm memores iniuriarum sumus, tam obliuiosi propositorum nostrorum. Prudentissimum animalium censetur homo, at sibi stultissimum videri, aiebat Polybius: Nam cetera animantes ubi semel offenderint, cauent? non vulpes ad laqueum, lupus ad foueam canis ad fustem temerè redibunt: solus homo ab æuo in æuum peccat ferè in iisdem incautum, obliuiosum animal.

## §. III.

**P**Et Isaiam queritur Deus: *a* Non posuisti hæc super cor tuum (ô anima) neque recordata es nouissimi tui. Et dixit, cum fecisset hæc omnia: ad me reuertere, & non est reuersa. *b* Pœnitudo, inquit Bernardus, sine correctione non proderit. Vnus ædificans & vnus destruens, quid prodest eis nisi labor? qui enim baptizatur à mortuo, & iterum tangit

R r

cum



cum, nihil proficit lauatio eius *d*. Verę pœnitentię comes est correctio, vt iam coërceas gulam, iugules luxuriam, superbiam deprimas, & facias seruire corpus sanctitati, quod iniquitati ante seruierat. Hęc nos omnia facturos pollicemur: vix dies abit, sæpe nec hora, & iam pollicitorum obliti, redimus ad ingenium, & quod Isaias *e* deplorat, è salubri luctu malè hilarescimus: Venite sumamus vinum & impleamur ebrietate, & erit sicut hodie, sic & cras, & multò amplius. Simillimi sumus cum Pharaone ingenij; Videns autem Pharaos quod cessasset pluuia, & grando, & tonitrua, auxit peccatum. Ita nos post impetratam veniam, sapissime augemus culpam. Quoties manè ouiculæ sumus, leones vesperi, & sub humana fronte tigrides: quoties manè angeli, vesperi vix homines esse deprehendimur: ita laruam aliam ex alia sumimus, & illa nobilis sæpe familiarior est, quæ turpior: ita è vasis gloriæ in vasa contumeliæ mutamur, heu crebra nimium vicissitudine. Sicut autem agrotantes, inquit Chrysostomus, g nisi semper ordinatè vixerint, nulla ipsis disciplinæ per tres aut quatuor dies seruati vtilitas sic & peccantes, nisi semper sobrij sint, nihil proderit ipsis duorum vel trium dierum correctio. Pulli gallinacei iam plumantes, sæpe per domesticum atrium musculas & vermiculos, pabuli sui delicias venantur, interim eos sublimis per aërem miluus curiosè numerat. Atque cum iam volans ille fur, cunctabundo motu, eodem pœnè loco pendulus circum tuetur, & quærît quorsum in prædam supernè sese ruat fulminis vice, de cælo improuisus adest, & incuriosam ex his auem rostro trāsfordit, secumque trepidantem sub vngue cibum auellit. At pulli ceteri, metu celeres sub matris alas coeunt, sed non diu latent; mox metum omnem obliti & regi recusantes, è plumatili latibulo securè prouolant, tota area in pastum, vt prius, effusi. Sed adest iterum alatus prædo, & pullum alterum subito abripit. Diffugiunt iterum pauidi, & notum asylum, maternas alas repetunt. Sed hic mali metus nunquam est diuturnus, & ramdiu lusus iste vtriusque luditur, dum pulis area vacuatur. Non impari lusu nobiscum mors ludit: hic vicinum nobis, illic cognatum, amicum ibi abripit, ingemiscimus, &

quia propinquum malum non sine causa credimus, trepidamus etiam, moresque sanctiores promittimus. Sed quamdiu hæc pia trepidatio, quādiu hi gemitus: it vñs aut alter dies, & iterum vermiculos passim sequimur, iamque & lacrimarum & gemituum obliti, ad hilares cachinnos & calices; ad lucella iniusta, ad eiuratas libidines, ad vitiorum nostrorum circulum redimus, & ad pristinam vitę consuetudinem liberè prouolamus, tamdiu male securi, dum vitimæ nobis fluant lacrimæ, & mortis vngues iam nostro hereant pectore. tunc velle facere, nimis serum; fecisse solum iuuat; & quod durū erat pati, tunc meminisse dulce est. Sed hæc neque alijs, neque nobis ipsis satis credimus: peccata detestamur quidem hodie, cras eadem, sæpe plura & grauiora repetimus. Ludimus cum bono Deo; vix facta desueuimus, mox iterum desenda facimus. ita catenam nectimus è vitijs quod deslet Isaias *h* & minatur: Væ qui trahitis iniquitatem in funiculis, & quasi vñcum plaustris, peccatum hic mos noster est, peccata alia atque alia, alijs atque alijs peccatis accumulare, ac plerumque in peius proficere. Et quemadmodum Antiochus Epiphanes bonus puer, sed malus iuuenis, & vir pessimus fuit: sic iisdem pœnè gradibus & nos abimus in profundum. deleris namque per pœnitentiam & exomologesi culpis, primā forsan hebdomade calemus, altera tepescimus, frigemus: tertia, demum omnis bonus spiritus euanesceat, & rursus morimur. O lunas, non vno duntaxat mense, nec hebdomade vna, sed vno quandoque die crescentes & decrecentes, opulentas & inopes. & quot Euripos in angusto pectore circū gestamus? quoties è bona oliua oleastrū turpiter degeneramus? heu volubilitatem & inconstantiam, non fortunę quæ sensim fit pessima, cum esse bona desinit. Impius facit opus instabile. *i*

Iustorum autem semita quasi lux splendens, procedit & crescit vsque ad perfectam diem, & peccata prædestinati sic detestantur, vt ea penitus auerſentur, non tutum arbitrantur, hunc cum Deo lusum reciprocare, vt peccata commissa desleant hodie, cras iterum desenda committant. Dei semel offensi nunquam obliuiscuntur, nec sine gemitu recordantur condonata offensę. Hinc amplissimam à Deo gratiam



gratiam ineunt. Offensum se Deus obliuiscitur, si nos offensus cum dolore recordemur.

a *Isa. cap. 47.*

b *Hier. cap. 3.*

c *Eccl. cap. 34.*

d *Ser. 3. in vig. nativ. Dom.*

e *Isa. cap. 56.*

f *Exod. 9.*

g *Hom. 3. ad pop.*

h *Cap. 5.*

i *Prou. c. 11.*

k *Prou. cap. 4.*

\*\*\*\*\*

## VNDECIMVM

## PRÆDESTINATIONIS

SIGNVM;

## SYMBOLVM VNDECIMVM.

**A**Nchora est, voluntatis in bonum pro-  
pensio, quæ sese tunc demum exierit, cum  
quis firmissimè statuit, nullum vnquam gra-  
uius peccatum committere, etsi bonorum o-  
mnium ipsiusque vitæ facienda sit iactura. Iu-  
raui & statui custodire iudicia iustitiæ tuæ a.  
Quod si cor nostrum non reprehenderit nos,  
fiduciam habemus ad Deum b. Ludouicus  
Granatenfis: Reprobationis, inquit, signum  
mihi certum videtur, facilitas letaliter pec-  
candi, sine doloris sensu. Nimis est malus,  
qui quod bonum est, nec serio quidem vult  
velle: magna pars bonitatis est, velle bonum  
fieri. Cælo prædestinati, vt nil vnquam ma-  
li velint, id volunt vnicè, quod vult Deus.  
Omni hora & momento clamant cum Paulo:  
Domine quid me vis facere? c Non est quid-  
quam pro te pati recusum: nihil mihi nimis a-  
cerbum aut arduum, nihil difficile nimis erit  
aut inexpugnabile: omnia superabo tolerando;  
peruincam & expugnabo omnia, Deo meo  
duce & adiutore. Et quicquid viribus non po-  
terero, id ardentissimis desiderijs consequar:  
quocumque me pedes non tulerint, eò cogita-  
tionum alæ perducunt: & uti solares herbe ad  
suum solem, sic ego semper ad tuam, Domi-  
ne, voluntatem me veritam. In capite libri

scriptum est de me, vt facerem voluntatem  
tuam d. Deus meus volui, & legem tuam in  
medio cordis mei, in medio memoriæ, intel-  
lectus, & voluntatis meæ illam reposui. Ber-  
nardus e ad hoc diuinę voluntati præstandum  
obsequium promptissimus: Pauperculus ego,  
inquit, non habeo nisi vnum minutum, volun-  
tatem meam, & non dabo illam ad voluntatē  
illius, qui toto se totum me comparauit? Æ-  
quum omnino est, vt voluntas diuina regula sit  
humanæ voluntatis & anchora. Epictetus: f  
Constitui, inquit, & conformaui voluntatem  
meam diuinæ Vult me febricitare? & ego vo-  
lo. Aliquid aggredi volo. Potiri volo. non po-  
tiri? nolo. Mori? volo. Quis iam igitur prohi-  
bere me aut cogere præter voluntatē potest, nō  
magis quàm ipsum Deum? Turpe, hæc olim à  
piscis in cæca nocte versantibus ipsa, à Chri-  
stianis ad clarissimum solem cæcipientibus  
non videri: *Fiat voluntas tua; tua, o mi Deus,  
tua voluntas fiat, sicut in cælo & in terra.* Qua-  
re accingimini & estote filij potentes, vt pu-  
gnetis aduersus nationes ( contra insultus vi-  
tiorum ) sicut autem fuerit voluntas in cælo,  
sic fiat. g

a *Psalm. 118.*

b *1. Ioan. 3.*

c *Act. 9.*

d *Psalm. 39.*

e *Serm. de quad. deb.*

f *Diff. 3. cap. 26.*

g *1. Machab. 3.*

## S. I.

**H**Orologia vrbica, primum vnum se-  
quuntur omnia; cur non & omnium ho-  
minum voluntates, velut minuta horologio-  
la, ad illud cæleste magnū, ad vnicam diuinā  
voluntatem dirigantur? Sicut fuerit voluntas  
in cælo, sic fiat. Dici non potest quam hoc  
Deo sit gratum. gratularus ipse sibi Deus ve-  
lut de re maximā: Inueni, inquit, Dauid fi-  
lium Iesse, virum secundum cor meum, qui  
faciet omnes voluntates meas a. Ergo diu  
quæsiuit Deus, quærirque eius animi & vo-  
luntatis hominem qui id solum, in omnibus,  
semperque aut nolit aut velit. quod ipse. Hoc  
tali reperto homine, gaudium non dissimulat  
benignissimus pater: Inueni qui faciet om-  
nes voluntates meas. Ideo & ipse Dei filius

Rr 2 omnem



omnem suam ad patris voluntatem composui : Descendi de cælo, non ut faciam voluntatem meam, sed voluntatem eius qui misit me *b*. Ab hac bonæ rectæque voluntatis normâ nimis remotus est, qui nō tantum non ad nutum, sed nec ad imperium obedit. Sapiens timet & declinat à malo, stultus transiit & confidit *c*. Hoc est comedere, ac tergere os suum, & dicere, non sum operatus malum *d*. Qui huius animi est, oppignerat animam diabolo, & ridet; cælum perdit, nec damnum sentit, tanquam inter omnia damna leuissimum.

*a* Act. 13.

*b* Ioan. 6.

*c* Proverb. 14.

*d* Proverb. 30.

## S. II.

**A**T contra, cælo destinati sic animum in bono stabiliunt, ut omnem mali speciem, & vel umbram peccati perhorrescant: non sinit id sibi placere quod Deo displicet, in id solum tota mente pronissimi, quod etsi displiceat omnibus, modo vni sciant placere Deo, hoc cogitant, hoc & loquuntur, nec dubium quin sapius eorum voluntas sic ignescat, ut præ Epicteto longè religiosius exclament: Deus meus, amor meus! absit hoc à me, ut quod tu vis, ego nolum; aut quod tu non vis, velim ego; tua voluntas mea est voluntas, imò mea iam amplius mea non est, quia tua esse cœpit; & ideo tua mihi iam sequenda est, quia mea esse cœpit. Idem ego velle debeo, quod tu, & verò etiam, ô Domine, volo, Egrotare me vis? volo. Pauperem esse? volo Domine. Doloribus affligi? hoc volo. Contumelijs & iniurijs affici? etiam volo. Contemni atque despici? & hoc volo, quantumvis id grauiter sentiam: Vis me destitui solatijs? volo. Animi angustiis premi? volo, etiam si tu, mi Domine, id me velis ad extremum vsque iudicium perpeti. Vis me rebus charissimis spoliari? difficile est quidem amata relinquere, tecum tamen hoc ipsum volo. Etiam mori me vis? inter difficilia omnia, difficillimum hoc est, tamen centies mori non recuso, modo diuinis sanctissimæ voluntatis tuæ brachijs immoriar, Vis me præmature mori? volo vel reluctante natura.

Vis me cælo adscribere? volo, ô Domine, volo. Inferno addicere? Ah! bone Iesu, ut tu tua hoc velles sententia, factis ego meis volebam & merebar, sed vt ego hoc nollem, & volebas tu & merebaris tuo sanguine. Atque si fieri posset (vt sanè non potest) alterutrum istorum, aut equissimam tuam voluntatem esse irritam, vt ego beatus sim; aut me damnatum esse, vt iustissima tua voluntas sit rata; proelamo: melius est damnari me, & seruari quod tu vis, ô Deus. Sed ô bonitas, mortem meam, scio, non vis, quis filij tui mortem ideo volebas, vt posses non velle meam. Perillam ergo filij acerbissimam mortem te rogo, ô pater; ab æterna morte me serua. En vulnera, en sanguine quo tibi pro me litatum est: filio nolebas parcere, vt posses seruulo. Ego mancipium tuum. O rex immortalis, ad omnem arbitrij tui motum versari me patiar: suauis mihi erit quicquid à voluntate tua euenerit. Paratum cor meum, Deus, paratum cor meum *a*. Hos amat cæli monarcha famulos qui heriles nutus oculo tam vigilante obseruant; vt Domini voluntas, lex fiat serui, qui semper explicata fronte dicat: Dominus est, quod bonum est in oculis suis faciat. Nihil enim melius est quam respicere in mandatis Domini. *b*

*a* Psalm. 107.

*b* Eccles. cap. 23.

## S. III.

**S**um illud nobile monitum commendent Græci: Ne quid nimis. Tu sanè, ô Deus, tu mandasti mandata tua custodiri *nimis*. Seruos suos vult Deus ad omne præceptum, & ad omnem nutum paratos, promptos, qui vel vno etiam die, vel etiam afflictissimi, millies tamen corde & ore dicant *quod Deus vult*. Ita quidquid hi tam bonæ mentis homines volunt hoc vult deus, nam illi constantissimè nolunt, quod Deum auersari sciunt & nolle. Ita hi tales, quicquid desiderant, impetrant, quandoquidem non aliud vnquam desiderant, quam vt ad vnâ & vnicam Dei voluntatem se conforment; sciunt enim quàm verè Hieronymus de obitu Blasillæ scripserit ad Paulam: Bonus est Deus, & omnia quæ bonus facit, bona sint necesse est, nec illi bonæ voluntatis homines pro malo habent quicquid à bono Deo est. Sani sunt? gratias referunt conditori. Langueant?



guent? & in hoc Domini sui voluntatem agnoscunt & laudant. Charorum orbitas irrogatur? plaungunt quod accidit; sed quia sic placere norunt Domino, animo sustinent æquifimo. Voicis rapitur filius; durum quidem, sed tolerabile; quia sustulit ille qui dedit. Imminet dura pauperies, aut grauior pauperie morbus; contemptus affligit aut contumelia; iniuriarum agmen lacescit; alias sibi voces elabi non sinunt quam istas: *Sicut Domino placuit, ita factum est, ita bene factum; etiam in hoc laudetur Deus.* Benedictus Deus in æternum: Hac bona voluntate, velut anchora, stabiles supremam expectant horam, & breue putant omne malum, quod finis melior subsequetur.

in præcepto dato corpori, nullum sui arbitrium est, nec resistere delectum potest, sed omne consilium irrevocabilis præcipitatio abscedit: Ita animus si in iram, amorem, aliove affectus se proiecerit, non facile reprimet impetum: rapiet illum ad imum vitiorum proclivis natura. Optimum igitur ipsis repugnare seminibus, cuiuscunque demum malignioris affectus. In confinibus arcendus est hostis, nam ubi portis se intulerit, modum à captivis non accipiet. O quanto melior est patiens viro forti, & qui dominatur animo suo, expugnatore urbium.

a Ad Galat 5.

b Serm. de S. Andrea.

c Psalm. 118.

d Epist. 85 & 116.

e Prov. 16.

DVODECIMVM

PRÆDESTINATIONIS

SIGNVM

SYMBOLVM DVODECIMVM.

**C**ITHARA, qua exprimitur moderatio affectuum, seu, victoria tentationum. Qui Christi sunt. carnem suam crucifixerunt cum vitijs & concupiscentijs suis, liberè clamat Paulus. Eleganter Bernardus de Christo nos ad se invitante: Qui vult venire post me, abneget semetipsum ac si dicat: qui me desiderat: se despiciat; & qui vult facere voluntatem meam, discat frangere suam. *Quod autem pugnantem fatigat, vincentem coronat.* Et hoc est lucrari vitam, quotidie sibi suisque affectibus mori. Vbi affectus viuunt, ibi aut cæca, aut mortua est ratio. Ideo sanctissimus David: Reuela oculos meos & considerabo mirabilia de lege tua. Scio Domine in lege tua magna & sublimia secreta contineri, sed ego homo sum, carne pressus, & varijs obnoxius affectibus, nec ignoro, quanta sit vis illorum qui mentem meam turbant, & excæcant: tu igitur pietatis sit aperire oculos meos, & offusam ab affectibus caliginem dispellere. Verè de affectibus Seneca. Facilius est initia eorum prohibere, quam impetum regere. Nam sicut

§. I.

**A**ugustinus: a Beati pacifici, inquit, in seipsum, qui omnes animi motus componunt & rationi subijciunt, beati qui carnis concupiscentijs edomitæ, regnum sunt Dei, in quo nihil non ordine agitur, in quo mens imperat, non reluctantibus famulis, corporis sensibus. Hæc illa pax ab Angelis, nascente Christo, proclamata, sed ea non nisi per arma & pugnas obtinetur. Cur enim Deus inter bellicos tubæ clangores Moysi legem in manus tradidit? nū mitior & suavior musica, religioni Ecclesiasticæ, quo lex spectabat non fuisset conveniētiore castris tuba quā templis est aptior. Et nos, mi Christiane, ad castra vocamur, & ad cōflictus ab eo, qui legem dedit. legē non servabit, quisquis contra legis hostes pugnare detrectaverit. Carnem suam nemo vicē blandiendo: suadentem Diabolum, Mundum seu blandientem seu sequentem sine pugna nemo superavit; resistendum & luctandum cum omni affectu, quem hostes diuinæ legis concitant, qui suis solum noxis irascitur & affectibus indulget, is malæ arboris ramos amputat, sed salva radice: rami repullulabunt. Ita Chrysostomus Christi verba expendens: qui viderit mulierem ad concupiscendum eam iam mocharus est eam in corde suo. Non modo, inquit, morbum, sed & morbi radicem evellit Christus. Radix adulterij concupiscentia est impudica. Quare non



solum plectit adulterium, sed & concupiscentiam, matrem adulterij. Ita non tantum cedes prohibet, sed & iram ad illas ducem, sed & contumeliosa verba iræ fomenta. Iracundia & amor, duo violentissimi affectus sunt, nec leges admittunt, nisi serias & seueras; blandis præceptiunculis vix emendantur. Ita non aliorum vitiorum more sollicitat animum, sed abducit, imò præcipitat. Et quamuis nemo velit tam grauitè ferire hostem, vt manum in vulnere relinquat, seque ab ictu renocare non possit: tale tamen telum est ira, vix retrahitur cum longius excurrere coeperit. Ira non abhorret ab illo scelere, & si quem sibi destinari suo fulmine tangendum, non nisi letali plaga lenitur. Iracundus, velut pyrites lapis, quacunque sui parte cum silice collidatur, igne vomit. Vir iracundus prouocat rixas, & qui ad indignandum facilis est, erit ad peccandū procliuor. *c.* Ira & furor vtraque execrabilia *d.* Et vix vlla pestis humano generi pluris sterit. Nam virū stultū interficit iracundia, & paruulum occidit inuidia. *e.* Itaque fratres amantissimi, inquit Augustinus, ne obsecro tantum malum nobis inducamus, animæ morbum, rationis tenebras, à Deo alienationem, obliuionem familiaritatis, principium bellorum, plenitudinem calamitatum, dæmonem pessimum. Qui quidem tantò magis cauendus est quò plures quotidie inuadit. In omnes personas inquit Seneca, hic exardescit affectus: tam ex amore nascitur, quàm ex odio: non minus inter seria quàm inter lusus & iocos. Nec interest ex quàm magna causa nascatur, sed in qualem perueniat animum. Sic ignis non refert quàm magnus, sed quò incidat. Nam arida scintillam quoque fouent vsque in incendium. Arqui nihil est, ait, tam difficile & arduum quod non humana mens vincat, nullique sunt tam feri & sui iuris affectus, vt non disciplina perdomentur. *Quodcumque sibi imperauit animus, obtemperat.* Quantum vero est, effugere maximum malum, iram, & cum illa rabiem, seditiam, crudelitatem, furorem, & alios comites eius affectus.

*a* Lib. 1. de ser. Dom. c. 2.

*b* Exod. 19.

*c* Prov. 29.

*d* Eccl. 27.

*e* Job. 5.

*f* Epist. 18.

*g* L. 2. de ira c. 12.

## S. II.

**Q**uod Romanus hic sapiens dixit de ira, idem hoc de notissimis furis Superbia & Inuidia, idem de nequissimis fororibus Luxuria & Gula, deque omni vitiorum affectuum exercitu dicendum: quantum est, hæc mala maxima effugere, & ad beatam tranquillitatem, & quandam quasi harmoniam, ac omnium cupiditatum concordiam, ac omnia componere. Beatus ergo ille, qui tanto minorem affectibus libertatem indulget, quanto minus ipse vult seruire vitij: & vt rationi suum stabiliat sceptrum, crucem statuit affectibus. Ad trimeses damnati, certas habent, tametsi breues remorum serias, subinde sua membris est quies: qui affectibus seruiunt, quieto nunquam viuunt animo, vnus ex alio cogitationū tumultus nascitur. Seruietis dijs alienis die ac nocte, qui non dabunt vobis requiem. Idcirco Ecclesiasticus: Post concupiscentias, inquit, tuas non eas. Equus refractarius fræno coercendus; deses calcaribus virgendus. Idem affectibus faciendum, quorum aliquos impellendo, plerosque retinendo melius regas. Nemo magis odisse se potest, quàm qui sic perdit se amat, vt in voluptates immodicè solutus, nec impetrare sibi, nec negare quidquam possit. Sed sciant hi, quid eis vaticinetur Apostolus: Si, inquit, secundum carnem vixeritis, moriemini: si spiritu facta carnis mortificaueritis, viuetis. Nemo magis obtinet imperium, quàm qui ipse sui est Dominus: non est inferior seruitus quam suis seruire affectibus; nec illustrior est triumphus, quam parva de seipso victoria. Breuis hic concitatus, præmium æternum. Affectus suos vincit qui eis seruire non vult. At seruit, ait Ambrosius, c quicumque metu frangitur, vel delectatione irretitur, vel cupiditatibus ducitur, vel indignatione exasperatur, vel mœrore deijcitur. Nec vlla seruitus turpior est, inquit Seneca, d quàm voluntaria, cum alius libidini, alius auaritiæ, alius seruit ambitioni. Bonus, Augustino teste, etiam si seruiat, liber est: malus, etiam si regnet, seruus est; nec vnus hominis, sed quod grauius, tot dominorum



## S. III.

minorum quot vitiorum. Cupiditatum verò non magis vnum genus ac ratio est, quàm vultus humani & formarum, quæ cum ex æquo homines simus omnes, maximam habent varietatem, sic alij alijs rebus afficimur, neque omnes iisdem æqualiter delectamur. Hic in libidines exastuat, ille auro capitur, hunc strangulat invidia, iste potando sibi quærit exitium, alius oriando aut ludendo. Nemo ea quàm sibi fingit, petire se putat beatitudine, perinde atque si minus suffocaretur qui in vino submergitur, quàm qui in aquis. Rectè D. Gregorius æ asserit: reprobræ menti valdè placet quod concupiscit, sed in æternâ pœnâ quod ei modò est dulce, amarescit. O miser, species te decipit, & concupiscentia subvertit cor tuum, vt aquas fugaces ore decepto appetas. Et quæ hominis beatitudo sit libido? de qua Ambrosius, febre, inquit, libido flagrantior est, grauiusque inflammat, & præcipitat: sed vbi quis respuerit à furore, tunc conscientie visus aperitur, & sui vnusquisque facinoris pudendam turpitudinem erubescit. Tunc Deus timeretur, & peccator se celare cupit, sed non potest; patet deformitas, nudum enim est Deo omne secretum, & peccator diuinum mente conscia iudicium formidat. Pecunie fames, ad omne scelus egregium calcar, non sedatur lucro, sed incitatur, nec minus animum quæstus torquet quàm querendis, cumque cetera vitia senescente homine senescant, sola iuuenescit auaritia. Oidium porro & invidia pertinacissimi morbi, nec qua reliqui affectus facilitate sanabiles, nisi in cunabulis pereant. Gulæ verò qui seruiunt, malam certè dominam habent, quæ tantò sit imperiosior, quò fidiorem nacta est seruum, & quia cognatam habet Lasciuia Gula, tantò plus ea nouet castimoniam, quò plus illecebris nutritur. Quis iam ille, & laudabimus eum, qui cum Tobia glorietur: mundam seruauit animam meam, ab omni concupiscentia: hoc enim est omnes citharæ fides in concordiam componere.

a Hier. ca. 16.

b Eccles. cap. 19.

c Lib. 2. de Iacob & vita beata.

d Sen. epist. 47.

e Lib. 4. in 1. Reg. c. 4.

f Daniel. c. 13.

g Tob. ca. 3.

Saul Agagum regem carcere damnavit, quem Dei iussu, capite debuisset. Nos quoque non minus turpi clementia in affectus nostros statuimus, & iugulandos non necamus, sed solo mulctamus carcere, cum id potissimum cauemus, non vt extirpentur, sed ne fœdè prorumpant foras, licet intus sæuiant. Ita dum latenti hosti parcimus, cum in nos ipsos armamus, vt quod principio lapsus fuerat & error, paulatim mos fiat & consuetudo, ex qua demum vitiosissima oriatur necessitas. Ita sensim ab hoste domestico vndique oppressi, clamamus: non possum me hic vincere: assuetis carere non possum, mori me cogit, qui hanc mihi delectationem eripit. Sic errores nostri in mores abeunt, & quia malignos affectus non in herba opprimimus, sed crescere permittimus, tandem siluam creuissimam cernimus, & ingens dumetum quod nullis pœnè viribus amplius conuelli possit. Sed neque hic desperandum, cum etiam consuetudo expugnari queat consuetudine meliori, & tantò futura sit corona pretiosior, quò difficilius pugna: volenti cum bono Deo vincere, certa est victoria. Modo Moses marinos fluctus virga increpet, cetera curabit Deus. & tutus transibit Israel & tota mergetur Egyptus. Amorrhæus & Chanaeus nostris confinibus exterminabuntur, modo discamus certare cum hostibus, & habere consuetudinem præliandi. Militia est vita hominis superterram. Nemo sibi ipsi fidat, periculosiorem etenim insidiatorem & hostem nemo habet, quàm seipsum, cum quo nolle satis turgere possunt esse induciæ: neque securum est, prius claudi hoc hominis armamentariū, quam aperiri sepulchrum. Semper in armis excubet, cui cordi est reportanda de tot hostibus victoria. Pulchrè Cyprianus: Voluptatem, inquit, vicisse, voluptas est maxima; nec vlla maior est victoria, quàm ea quæ à cupiditatibus refertur. Qui enim hostem vicit, fortior fuit, sed altero: qui vero libidinem repressit, fortior fuit seipso. Citharædus tamdiu discordes inter se chordas ad musicam legem attemperat, dum in symphoniam consentiant: Prædestinatus tamdiu turbatos inter se affectus conciliat, dum religiosæ paci non contradicant. Si

Plato,



Platoni credimus, corpus nostrum cithara est, citharædus est animus, cui nunc hæc, nunc illæ fides tentandæ; modo lex oculis, modo linguæ ponenda; modo aures, modo manus attingendæ; nunc luxuriæ, nunc impatientiæ affectus, ad debitam normam reuocandi. Peritus sanè citharædus fuit qui dixit. Castigo corpus meum & in seruitutem redigo. *b* Prædestinati princeps cura est, ut quotidie citharam suorum affectuum examinet: & iam cum iracundia sua litigat, nunc inuidiam reprehendit, modo suam somnolentiam extimulat, mox lætitiā refrænât, inde tristitiā mitigat: semper his suis chordis oberrat, totiesque vel remittit, vel seuerius intendit, donec in harmoniam conspirent. Nihil suis affectibus indulget prædestinatus, nemini minus parcit quàm sibi, deprehensam in se ream cupiditatem, non nisi ad crucem absoluit. Signum itaque prædestinationis est & istud: Qui Christi sunt, carnem suam crucifixerunt cum vitijs & concupiscentijs suis.

a. i. Reg. 15.  
b. i. Cor. 8.

*Signorum de Prædestinatione & Prædestinatarum paucitate Coronis.*

**D**ICTIS addat coronidem mellifluus doctor, Bernardus: Nouit Dominus, inquit, qui sunt eius, & solus ipse scit quos elegerit à principio, quis vero scit hominum, si est dignus amore vel odio? quod si, ut certum est, certitudo nobis omnino negatur, nunquid non tanto delectabilius erunt, si qua forte electionis huius signa possimus inuenire? quam enim te, quem habere potest spiritus noster, dum prædestinationis suæ nullum adhuc testimonium tenet; Fidelis proinde sermo & omni acceptione dignus, quo salutis testimonia commendantur. Hoc sanè verbo & electis consolatio ministratur, & subtrahitur reprobis excusatio. Cognitis siquidem signis vitæ, quisquis hæc negligit, manifestè conuincitur; in vano accipere animam suam & pro nihilo habere terram desiderabilem. Iure nemini nisi sibiipsi culpam impingat, qui nullum in se prædestinationis signum deprehendit. Non ecceâ fortitione, cælo vel inferis, hos illos

prædestinauit Deus, Notum à sæculo est Domino opus suum. Ita ex præmissis omnium meritis, vel his præmium, vel supplicium illis decreuit, ut rectissime dixerit D. Prosper: Non ex eo necessitate pereundi habuerunt, quia prædestinati non sunt; sed ideo prædestinati non sunt, quia tales futuri ex voluntaria perquaricatione præsciti sunt. Consentit Augustinus: Non odit Deus Esau hominem, sed Esau peccatorè *b* Nihil enim in homine, Deus aliud odit, nisi peccata. Idem: *c* Solum, ait, peccatum viam obstruit ad cælum. Omnes quidem metam ad vnam properamus, sed heu quam diuersis semitis & imis, & currimus, & perimus! Arcta via Vitæ mollis, rosea, & lata perditionis: asperitas montium illic, hic vallium decliuiua. Facilis descensus Auerni. Clamat Veritas, monet & adhortatur: *Intrate per angustam portam, quia lata porta & spatiofa via est, quæ ducit ad perditionem. & MVLTI sunt qui intrant per eam: quam angusta porta & arcta via est quæ ducit ad vitam, & PAUCI sunt, qui inueniunt eam!* Idem denuò ingerit: *Contendite intrare per angustam portam, quia multi, dico vobis, quarent intrare, & non poterunt.* Verè angusta hæc est semita quæ non nisi vni & sine comite licet incedere: Vnusquisque nostrum pro se reddet rationem Deo: vnusquisque onus suum portabit: vnusquisque propriam mercedem accipiet secundum suum laborem *e*. Et hoc est quod ingemiscens Christus: *Multi sunt, inquit: vocati, Pauci vero electi.* Hoc vnicum verbum, PAUCI, velut horrendum & inauditum tonitru, magnam orbis partem è vitiorum veterno excitauit: ex vibibus in antra atque horridas solitudines, non paucos expulit: g quor centena Martyrum millia in carastis & equuleos, in rotas atque rogos, in cruces & bestiarum fauces, in armatas tortorum manus egit? vox vna erat illorum omnium: Mori nobis facile est, modò demum viuere liceat, inter PAUCOS illos ELECTOS: ludat gladius ingulis nostris, modo PAUCI S illis sed BEATI S annumeremus, Et quis eorum non ausus dicere? si vnus ego vel centum cruces vestire possem, non abnuam; si vnus ego possem vel centum ceruices securi porrigere, nullam subtraham: centies mori, iocus mihi erit, tormenta pro fomentis habebō, modo ad illam

PAUCI



**PAUCORUM** in paradiso societatem admittat. Hinc illa Ignatii martyris generosissima vox: *Ignis, crux, bestia, tota in me tormenta diaboli veniant, tantum ut Christo fruatur.* Hoc idem ore Christi missum tonitru, hæc eadem vocula **PAUCI**, tot impura vitæ homines è viridantibus luxuriæ pratis, in domum luctus & pœnitentiæ compegit; satius illis visum est inter paucos seruari, quam cum plurimis perire, non enim minus perit qui perit in turba. Et hæc Saluandorum paucitas, omni ævo propofita nobis in cautelam. De hac ipsa, iustitiæ præco Noe (sic appellatur à Petro Apostolo) centenis annis & amplius cōcionatus est ante diluuiū. At omnibus in scelere obstinatis, octo solū animæ ex omni hominū numero, in ligneo illo seucarcere, seu nauigio sunt seruata: & inter hos paculos, impius Cham erat. Nam vt semper odoriferis proxima spina rosis iungitur, ita rarissima proborum societas est sine mixtura improborum. Quod si Deus Sodomam terram euersurus, vel decem probos reperisset, ad Abraham præces omnibus alijs pepercisset, sed omnis illa terra nec denarium quidem iustorum aluit. Vere tunc sterilissima fuit probitatis annona. Igitur Lotho ab Angelis præcipitur: *Festina & saluare te.* Ita maximo huic incendio, quo florentissimæ Sodomorum & Gomorrhæorum ciuitates deflagrarunt, non nisi tres homines sunt subducti: ite diuinæ signa hodieque illic locorum extant. Sed & illud seruandorum paucitatem clarè prænuntiabat: Cum Moses sexcenta millia vitorum peditum, absque paruulis & mulieribus, educeret Ægypto, & vulgus promiscuum innumerabile sequeretur, duo tantum è tanto numero in fertiles illas terras peruenerunt, ceteris omnibus eremus pro capacissimo tumulo fuit, in hoc velut vnicum conditorum tot millia mortuorum descendunt. At vero Ægyptius tyrannus qui populum è fuga retrahitur infecutus est, cum vniuerso exercitu, rubri Oceani fluctibus sepultus est. En, quot millia viuorum in vastissimo hoc sepulchro sint condita? quis non timebit te, ô rex Gentium! Porro propter adoratū idolum; proclamatur Moses: Si quis est Domini, iungatur mihi, & eodem die cæsa sunt viginti tria millia hominum. Magna profecto strages quam

edidit vnicus ex auro vitulus. Tanti est coram Deo vel vnicum peccatum. Cum Iosue ciuitatem Hiericho, circumeundo & clamando expugnasset, quicquid & hominum & iumentorum in ea fuit, flamma gladioque perijt, vrbs ipsa demum quasi vnus cadaueris bustum, in altissimo cinere deflagrauit, o vna domus à cæde vrbisque incendio seruata est immunis. Duce Gedeone Madianitas impugnaturo, è triginta duobus millibus militum, trecenti tantum selecti sunt ad pugnam, reiectis ceteris omnibus. Nullum Deus numerum curat, nisi bonorum: nec via ad inferos longa est; vnico itur anheliu, vnico letali crimine, rei læsa Maiestatis efficitur, & digni æternis rogis. Ita olim propter vnicum libidinosum facinus, q̄ quadraginta millia Hebræorum; Beniamitarum quinquaginta millia & sexcenti iugulati sunt. Bethsamitæ arcam Domini curiosius tantum intui, quot millium strage hanc oculorum licentiam luerunt. Non minus clarè in sacra Regum historia, hæc prædestinatorum raritas oculis subiicitur. Absalomo rebellem exercitum in patrem ducente, peruolat cursor ad Regem Dauid, nuntiatur: *Toto corde vniuersus Israel sequitur Absalon.* Cumque etiam Seba furiosam multitudinem in suum regem concitasset, mox alius superuenit rumor: *separatus est omnis Israel à Dauid, secutusque est Seba.* Mundum inspicere, & idem nunc pænè fieri dices. Christus, alter Dauid, viam nobis signat suo sanguine cruentisque vestigijs opertum spinis gerit caput, infamem crucis trabem fert humeris, sanguine mixtim lacrimisque narant moribundi oculi, & hoc habitu Caluariæ montem conscendit, & vt sequamur, hortatur. Sed heu, quàm raros habet comites, qui cum ipso, eo quo possunt modo, velint crucifigi? liceat dicere: totus mundus in maligno positus, toto corde sequitur non Seba, sed Satanam: paucorum iter est in montem Golgortha cum Christo. Huc illud quoque pertinet, quod cum Dauid Rex elatiore spirita populum censer iussisset, septuaginta hominum millia peste sunt consumpta. Et ista quidem omnia, futurorum vmbra, & velut prologus seu exordium fuerunt concionis illius, quam Christus de paucitate prædestinatorum erat habiturus. Iudæos iam mihi nu-



mra a b Abrahamo vsque ad diem mundo vltimam, & illa in Apocalypsi centum quadraginta quatuor millia, vix pars erunt millesima omnium simul numeratorum, ita vt ex omni eorum numero millesimus Iudæus inter prædestinatos non veniat numerandus. Et quod de Hebræorum, idem de omnium aliorum hominum numero salua proportionem, rectè astruitur, nam quod Christus x prædixit Iudæis & omnibus alijs commune est, nec enim paucos tantum ex Iudæis arcto tramite ad vitam ituros, sed absque discrimine pronunciauit; *PAUCI inueniunt eam*. Huic veritati confirmandæ, Prophete plerique omnes acclamant. *Isaias: Dilatavit infernus animam suam, & aperuit os suum absque termino, quia succensa est velut ignis impietas, vepre & spinæ vorabit, & succendetur in densitate saltus, & conuoluetur superbia fumi y*. Vepres enim & spinæ erunt in vniuersa terra z. Et vbi quæso libidinis atque luxuriæ vepres non in siluam excresecunt? vbi non surgunt densissimæ spinæ curarum, & sollicitudinum pro numis, non pro cælo? Verè terra infecta est ab habitatoribus suis, quia transgressi sunt leges, mutauerunt ius, dissipauerunt fœdus sempiternum. aa Omnes in viam suam declinauerunt, unusquisque ad nouissimum bb. Hieremias non minus flebili questu hanc proborum paucitatem defflens: cc *Circuite, inquit, vias Hierusalè & aspiciate, & considerate & querite in plateis eius, an inuenietis virum facientem iudicium, & querentem fidem? & ferrum, vniuersi corrupti sunt dd*. Non diuites tantum, sed quod mireris, pauperes quoque superbire sciunt & lasciuire, iamque etiam paupertas didicit cum vitijs habere amicitiam: vniuersi corrupti sunt, æs & ferrum, argentum & stannum. Et vt mali originem exploraret propheta: *Attendi, ait, & auscultavi, nemo quod bonum est loquitur ee* (nimis verum nostrum hoc xuo) nullus est qui agat penitentiam super peccato suo, dicens, quid feci: omnes conuersi sunt ad cursum suum, quasi equus impetu vadens in prælum. Væ terræ, væ hominibus, adulteris repleta est terra ff. Michæas æquè lamentatur hanc virtutis orbitatem: gg *Væ mihi, ait, non est botrus ad comedendum: periit sanctus de terra, & rectus in hominibus non est*. Dauidi hæc consideranti, exundantes lacrimis oculi, ad iustarum fonticu-

lorum cœperunt fluere: *Deus, inquit, de cælo respexit super filios hominum, vt vident si est intelligens aut requirens Deum. Omnes declinauerunt, simul inutiles facti sunt, non est qui faciat bonum, non est vsque ad vnum. hh* Cōsideret quis lacrimabilem huius æui statum, variamque morum corruptelam, & cum regio vate sentiet, dicetque rediisse Noëmi tempora, aut simillima illis. Nam, sicut erant ante diluuium comedentes & bibentes, nubentes & nuptui tradentes, vsque ad eum diem quo intravit Noe in arcam, & non cognouerunt donec venit diluuium & tulit omnes. ii Ita & nunc virtus vbique terrarum aut exulat, aut vbi admittitur, non habitationis lege vt inquilina, sed hospitij gratia vt peregrina recipitur, non nimis diu retinenda. At vitium amplissimi iuris & dominij, regna sua non amplius numerat, latè nimis dominatur, Palliata iniustitia, oculatissima inuidia res suas audacter hic agunt, & multò quam audacissimè, exosum cælo vitium, spurcissima luxuria. Sic demum proborum numerus ad paucos redigitur, qui ad improborum myriadas collatus, Biantis dictum confirmat: *Rari boni, prauis plurimi*. Huic accedens Ambrosius: In comparatione, inquit, reproborum exigua est turba electorum. Nam vbique multitudo peccantium, vbique turba pereuntium. Verè lugent viæ Sion, at rident semitæ Babylō kk. Profectò, si quis mentis oculos in viam, quæ præcipitio ad inferos imminet, intendat, aduerter eam tam esse viatoribus frequentem & celebrem, vt alius alium impellat ac tradat, gratiosa compressione. Ita cuncti ad gehennæ flammam, velut ad nuptias alternis exemplis properant. Non pronom iter est tantum ad vitia, sed præceps. Ad virtutem via ducit ardua, sed viatores hic pauci, & ferè ignoti. Præfago luctu commonens Isaias: ll *Hæc erunt, inquit, in medio terræ, in medio populorum, quomodo si pauca oliuæ quæ remanserunt, excutiantur ex oleâ, & racemi, cum fuerit finitavindemia. Hoc vaticinio, bonorum raritas, racemulis & oliuis pauculis, quæ post copiosam oliuitatē & vindemiā pauperibus in prædā relinquantur, improborum verò copia abundanti vuarum & oliuarum segeti conferri potest. Non est enim veritas, inquit Oseas, & non est misericordia, & non est scientia Dei in terra mm* Maledictum, & mendacium



lactum, & homicidium, & furtum, & adulterium inundauerunt, & sanguis sanguinem tetigit. Nimis quam apertè proborum paucitatem Prophetæ deplorauerunt.

Post Prophetarum lacrimas eandem hanc beatorum paucitatem, in lege nouâ deplorant Apostoli, Ioâne affirmâte: *nn Mundus totus in maligno positus est.* Petrus quærit: *oo Si iustus vix saluabitur, peccator & impius ubi peribunt?* Paulus luget: *pp Omnes quæ suæ sunt quærunt, non quæ sunt Christi.* Hoc ipsum sæpius repetit Christus ipse: *qq Regnū calorum,* inquit, *vim patitur, & violenti rapiunt illud,* Nec interim minari desinit. *rr Væ vobis diuitibus quia habetis consolationem vestram: Væ vobis qui saturati estis, quia esurietis: Væ vobis qui ridetis nunc, quia lugebitis & fletibitis.* Nec auribus tantum quæ audiant, sed & oculis quæ videant, opponit B. Luca narrante, *ss* pars boni seminis in saxa iacitur exiccanda, pars alia in dumos & vepres spargitur suffocanda, pars etiam in viam abiicitur conculcanda, quarta pars duntaxat terram bonam fortitur. Sic è decem leprosis iam curatis, vnicus regressus agit gratias. Inuitati ad laudatissimam cœnam, cœperunt simul omnes excusare. *tt* Mora piscina è tot morbidis vnicus sanatur. *uu* Vnicus Nicodemus inter Hebræos senatores, liberius paullo pro Christo loquitur. *xx* E tot diuitibus & avaris Hierichūtinis ciuibus, è tot scilicet onustis camelis, vnicus Zachæus deposita gibbi sarcina (sic Beda loquitur) *yy* hoc est, opum onere relicto, & per angustā portā ingressus, rem iniuste partam restituit, è telonio vnicus Mattheus, voica magdalena è prostibulo ad vitæ innocentiam narrantur trāsisse *zz* Paulus ante Philippos vrbe Macedonia, concionatur; auditores multi, factores ferè nulli; vni Lydiæ Christiana lex placet *aaa* Idem Paulus Athenis in curia de Christo disserit; auditores non tantum multi, sed & docti, multi etiam irrisores, qui tamen Paulo crederet, non fuit nisi Dionysius & Damaris. *bbb* In celeberrimo septuaginta duorum concilio, vir vnus aut alter repertus, qui Christi sanguine non sitirent *ccc*. Sic ante crucem Domini, spectatores multi, amatores crucis aut imitatores pauci. Sic & hodie conciones multæ, mutationes morum raræ: tanguntur vitia, non extinguuntur, notari se vix ferunt,

ne dum eradicari: *Multi vocati, Pauci electi, eheu Pauci.* Ad fidem, inquit Gregorius, *ddd* multi veniunt, sed ad cœleste regnum pauci perducuntur. Nimirum in arcâ plus palearum est quam tritici, plura sunt arborum folia quam fructus: multi in vite pampini, paucae vites, multæ in rosetis spinæ, paucae rosæ; multi vbique silices, paucae gemmæ; sic & numerus eorum quos diuina prouidentia, ad beatitudinem prouehet, ad improborum multitudinem collatus, est exiguus. Quam verè vaticinatus est Hieremias: *Desolatione desolata est omnis terra, quia nullus est qui recogitet corde.* Qui corde scilicet, corde recogitet: nimis volatiles sunt cogitationes nostræ, nec bono honestoque affigi se diu patiuntur: quæ lubet expatiantur. Hinc exiguus gehennæ metus aut nullus, hinc frigidum cæli desiderium aut inconstans. In Christianos etiam hæc cadit accusatio: *pro nihilo habuerunt terram desiderabilem.* Quid cælo desiderabilius? sed quia cogitationes nostræ, rarò illuc commeant, hoc etiam beatorum regnum, vt rem ignotam fastidimus, aut certè, frigidissimè appetimus. Et hinc spes & vires crescunt tartareo gigante Behemoth, vt de eo Iob: *Ecce absorbebit flumen, & non mirabitur, & habet fiduciam quod Iordanis insuat in os eius.* Ideò idem iste patientissimus virorum: *Verebar,* inquit, *omnia opera mea, sciens quod non parceres delinquenti.* Omnia dicta factaque mea: imò & cogitata suspecta mihi sunt; dum inexorabilem Dei iustitiam cogito. Et hoc est quod notus ille Hilariō (de quo Hiero.) in morte trepidat, & iam iam tribunali iudicis Christi sistendus pauet. Modicus adhuc calor tepebat in eius corpore, nec præter sensum quidquā viui hominis supererat, & tamen apertis oculis loquebatur: *Egredere, quid times? egredere anima mea, quid dubitas? septuaginta propè annis seruiisti Christo: & mortem times? non tam mortè timuit animus, quæ imminens sibi iudicium expauit.* Ite nunc mei Christiani, & dum sanctissimi viri de salute sua trepidant, vos securè delitiâmini, auri argèrique acervos struite; alternis inuidiæ moribus vosmet lacerate, & consumite: honorum venationes & gloriarum aucupia institute; indulgete genio hilariter: cælum cæli domino, terram autem dedis filijs hominum, hic este ciues: sit sua



libertas oculis, sit & cogitationibus, sit omnibus affectibus: excurrant ij quo volunt: quidquid lubet, licere vobis credite, nullam corpori voluptatē negate, curate vt vobis *hic* bene sit & suane: Ambulate in vijs cordis vestri, & in intuitu oculorum vestrorum, & scitote quod pro omnibus his adducet vos Deus in iudicium eee. Et quāvis annis multis vixerit homo, & in his omnibus letatus fuerit, memnisse debet tenebrofi temporis, & dierum multorum qui cum venerint, vanitatis arguentur prae terita. Ergo potius satagite, vt per bona opera, certam vestram vocationem & electionem faciatis. Diuinæ Prædestinationis signa quæ sunt, audistis. 1. Non amici tantum, sed & inimici sunt amandi. 2. Subleuandi pauperes, non argentea tantum manu, sed & pleno misericordiæ affectu. 3. Aduersa omnia sic toleranda sunt, vt Dei voluntas in his etiā laudetur, & patientia continetur. 4. Fortunæ bona præ cælo nihili facienda. 5 & 6. Admonitiones autem siue interiores Dei, siue hominum exteriores parum est ei exaudire, qui obedire detrectat. 7. Porro prioris vitæ delicta sic detestanda sunt, ne nouis identidem cumulentur. 8. Neque vllus placere se putet Deo, qui sibi nondum displicet. 9. Nec Christum, a se amari credat, qui in se Christi præsentiam non amat. 10. Affectibus vitiosis, principio præsertim fortiter obsistendum, nam hic esse potest, quisquis volet, imperator. 11. Sic denique voluntas in bono firmabitur, alioqui semper vacillatura. 12. Sic & mors eò minus erit formidini, quo sæpius fuerit obiecta meditationi: non inuitus morietur, qui se moriturum quotidie & serio cogitauerit. Et hæc via est ad illam sine morte vitam. Suam nunc quisque conscientiam interroget, num hæc prædestinationis signa in se obseruarit, vnde sperare possit, se via proborum quæ ad cælum ducit, non errare. Via peccantium complanata lapidibus, & in fine illorum inferi & tenebre ffff. Et tamen hæc sub initium facili, plana & amœna via, densissimum agmen, ita confertim ruit ad interitū, vt vel oculi testari cupiant, verissimè à Christo dictū esse: *Lata porta & spatiosa via est quæ ducit ad perditionem, & multi sunt qui intrant per eam. Multi, multi.* Complurimum scriptis narratur, anachoretæ per ecclasijs visas animas, densæ niuis in-

star aut pluuiæ ad inferos delabi: adeo vt dāmonati manes (narrat id Lustranus orator) ggg nō immerito quærere possint: nunquid mundus vt antea perseuerat? tot enim animæ in hunc locum tormentorum veniunt, vt vix credibile, tot homines in mundo esse posse.

Sanctus Vincentius Ferrarius Valentinus, & Sancti Dominici familia religiosissimus, & vere igneus ecclesiastes de paucitate prædestinatorum publicè pro suggestu disseruit, dictaque confirmauit celebri exemplo. Tanti auctoris verba mutare religioni duximus: ea fideliter adnumerata, hæc sunt: Antequam Christus veniret in hunc mundum in humana carne, transferunt vltra quinque millia annorum, hhh & totus mundus damnabatur, exceptis paucis de populo Israel, qui ibant ad limbum sanctorum patrum. Item tempore legis Moysi, cogitare quot infantes mortui sunt absque circumcissione. Sic modo tempore legis Christi, quot moriuntur absque baptismo, & de his nullus saluatur. Item, quot Iudæi, quot Agareni, quot Pagani & Infideles. Item, quot mali Christiani, quia fides & baptismus cum bona vita saluat hominem, alias non. Quot Christiani sunt, qui licet habeant fidem, tamen sunt superbi, auari, luxuriosi, & sic de alijs peccatis, &c. Nota hic de Archidiacono Lugdunensi, qui per quadraginta annos fuit in eremo magna pœnitentia, postquam resignauit sua beneficia, qui post mortem apparuit Episcopo Lugdunensi, qui quæsiuit ab eo vt diceret sibi aliquid de alio Mundo, qui respondit, quod in die qua ipse obiit, mortui fuerūt in mundo triginta millia, de quibus solum quinque fuerunt saluati, scilicet ipse, & Beatus Bernardus, qui etiam illa die obierat, qui statim sine purgatorio ascenderat ad paradysum, & tres descenderant ad purgatorium, alij quidem descenderunt ad infernum. Propterea dicit Christus: Intrare per angustam portam. Angusta porta paradisi, Voluntas Dei est. Ad istam oportet se restringere, qui paradysum vult intrare. Lata porta est, Voluntas propria. Via spatiosa inferni, conuersatio mundanalis, bene comedere, bene bibere, luxuriari, delectari, vindicare se de iniurijs &c. Pauci sunt electi: Hæc cohortatio beati Vincenij, cui alium addimus Euangelicum oratorem.



Bertoldum memorant è D. Francisci familia, discretum æuo suo per Germaniam concionatorem, cum pro suggestu certum quoddam vitium gravissimis verbis insectaretur, seminam eius sibi consciam, tantis animi doloribus hauritam, vt in mediâ circumstantis populi coronâ, velut exanimis repente corruerit, mox tamen ad populi preces redierit ad se, recensueritque quæ ad Dei tribunal vidisset, illud cum primis: adducta illuc sexaginta millia, vario mortis genere defunctorum, ex omni gente, Christianis barbarisque, ac tres duntaxat animas ex ingenti hoc numero ad breuius supplicium relegatas, ceteras ignibus addictas æternis. O verè **MULTI** qui intrant per eam, per laram & spatiosam viam perditionis. Hoc sensu Christi, Ioannes Chrysostomus ausus est scribere, & dicere: Multo sunt plures gehennam ingredientes, sed maius est Dei regnum, licet habeat paucos, Et; quot esse putatis in ciuitate nostra qui salui fiant? insectum quidem est quod dicturus sum, dicam tamen: non possunt in tot millibus centum inueniri qui saluentur: quin & de his dubito, Quanta enim in iuuenibus quæso malitia? quantus in senibus torpor? &c. Hæc Chrysostomus, vir prudentissimus & sanctissimus, Ecclesiæ doctor, lumen orbis, idque dixit de Antiochia vrbe longe populosissima, idque eo tempore quo primæuæ Ecclesiæ spiritus nondum intepuerat. Quis iam miretur, Paulum adeo sollicitum monere: *cum metu & tremore vestram salutem operamini*: quando Christus ipse tam aperte præmonuit: *Contendite intrare per angustam portam* Contendite, clamat Veritas, contendite, enitimini, adlaborate, conamini omnibus viribus, vt hanc portam dignis pœnitentiæ fructibus penetretis, Vacillantibus & ludibundis passibus huc non vehitur; vigilantissimo conatu opus est, & qui velit difficultates quascunque perfringere. Nisi enim mentis intentio ferueat, ait ex Gregorio Beda, & vim sibi insigniter homo faciat, facile gradum reuocat, haud valens portæ angustias pertransire, præ ea quam patitur effrenium carnis concupiscentiarum effusione: vt præteream tentationes persecutionesque, quos dæmon & mundus ijs mouent, qui portam hanc traicere conantur. Et vti remiges aduer-

sus flumen scapham impellentes, omni quo possunt conatu remis incumbunt: sic qui contra tot hostium insultus animam ad cælum impellunt, toto pectoris annisu virtuti incumbere, impetumque impetu maiori vincere necesse est, si nolint, anima perinde vt scapha, vi fluminis in errorem irreparabilem abripietur. *Euigilate itaque iusti, & nolite peccare. iiii* Is autem vigilare celsendus est qui sic semper & vbique viuit, vt vnamquamque lucem tanquam vltimam, & non redituram consumat: qui in omni cogitatu & facto sic suam obseruat cōscientiam, quasi hodie moriturus. Faciamus ergo dum possumus, quod fecisse vellemus, cum non amplius poterimus. *Quæ seminauerit homo, hæc & metet: kkk quoniam qui seminat in carne sua, de carne & metet corruptionem: qui autem seminat in spiritu, de spiritu metet viam æternam.*

a Resp. 3. ad cap. obiect. Gallicar.

b Lib. 1. ad Simplic. q. 2.

c Epist. 108.

d Matt. 7. v. 27. & Luc. 13. v. 23.

e Rom. 22. Gal. 6. 1. Cor. 3.

f Matth. 10. & 22.

g Gen. 7.

h Gen. 18.

i Gen. 19.

k Exod. 12.

l Exod. 14.

m Exod. 37.

n Hierem. c. 10.

o Iosue. c. 2. & 6.

p Iud. 7.

q Iud. 20.

r 1. Reg. 6.

s 2. Reg. 15.

t 2. Reg. c. 20.

u 2. Reg. 24.

x Matth. 7. Luc. 13.

y Is. c. 9.

z Is. c. 24.

aa Exod. c. 14.

bb Is. c. 53.

cc Hier. c. 5.

dd Hier. cap. 6.

ee Hier. cap. 8.

ff Hier. c. 23.

gg Mich. 7.

hh Psal. 13. & 52.

ii Matth.



326 SIGNVM DVODECIMVM PRÆDESTINATIONIS:

ii Matth. 24.  
kk Thren. c. 1.  
ll Isac. 24.  
mm Of. c. 4.  
nh Ep. 1. c. 5.  
oo Ep. 1. c. 4.  
pp Ad Phil. 2.  
qq Math. 11.  
rr Luc. 3.  
ss Luc. 17.  
tt Luc. 14.  
uu Ioan. 5.  
xx Ioan. 7.  
yy L. 5. cap. 77. in Luc.

zz Luc. 19.  
aaa Añ. 16.  
bbb Añ. 17.  
ecc Luc. 23.  
ddd Hom. 19. in Euang.  
eee Eccles. 11.  
fff Eccles. cap. 21.  
ggg Philip. Diez tom. 5. con. 2. die B. Vir-  
ginis ad Nives. S. Anton. 3. p. hist. rit. 24.  
cap. 9. S. 2. Hic. Plat. l. 5. de bono statu  
relig. cap. 15.  
hhh Hic alij aliter sentiunt.  
iii 1. Corinth. 15.  
kkk Galat. 6.

FINIS.



H O R O L O G I V M

AUXILIARIS TVTELARIS

A N G E L I.

A V C T O R E

HIEREMIA DREXELIO,

è Societate IESV.





P R Æ F A T I O.  
A N G E L O  
S V O T V T O R I,  
A V C T O R.



V n c ego libellum , ô mi optime , ô mi amantissime Custos , bea-  
tissime Angele , vniuersis in cœlo Angelis ; tibi præcipuè conse-  
cro , tibi inscribo , id quæ facio ex intimo pectore , è penitissimis  
animi mei medullis , pronissimo in te affectu , & quidni hoc ita fa-  
ciam ? innumeris me tibi beneficijs deuinxisti ; necdum deseris , pridem indi-  
gnum & immerentem : viuere me cogis , & mori ingratum , ô charissime Tu-  
tor. Verè tu tantò melior es , quantò tuus cliens est deterior. Somnolentum  
prorsus & indocilem discipulum nactus es , ô Custos vigilantissime. Sed hæc  
tuorum commilitonum & tua est bonitas , etiam de pessimis optimè me-  
reri. Et quid ego rependam pro tot annorum fidiſſimis excubijs ? me-  
liora non habeo ; tua tibi reddo pro munere. Docuisti me sæpe sæpius ,  
variè instruxisti ; admonuisti fideliter ; correxisti frequenter , diu noctu-  
quæ me defendisti , constanter rexiſti : verbo dicam , planè perseueranter in  
me bonus es. En ego tua hæc monita , quasi ab ore tuo , in confusam li-  
cet memoriam excepta , in chartam , vt potui , digessi , complurium bono.  
Tu verbis quidem meis , at ego sensu hic tuo sæpius loquar. Ita perge , mi opti-  
me Tutor , me porrò docere : doce me , necumque alios *orare* , *viuere* nos do-  
ce ; doce *mori*. Hæc scire est omnem necessariam scientiam habere. In pleris-  
quæ alijs , ignoratio vtilior est quàm scientia. & quid est , quod nescire nos pœ-  
niteat , si hæc sciamus ? Quare , mi suauissime Angele , doce nos *orare* , *viuere* ,  
*mori*



# ANGELVS

## TVTOR, SVO CLIENTI,



Onne duodecim sunt horæ diei? Ioan. ca. II. *Aduerte igitur animum, horis singulis, cum diurnis tum nocturnis, in tribus hisce postulatis, idque pro capto, quàm breuissimè te instruam, sed pro: sus inuerso ac tu petisti, ordine. Primum docebo te MORI: negotium hoc est negotiorum omnium maximum, in quo non nisi semel erratur, sed error semper luendus, neque vero etiam Deo vnquam incipies viuere, nisi antè tibi moriaris. Deinde docebo te VIVERE: bene mori cupere, & malè viuere, ridiculum & puerile votum est. Sed nec vnquam bene orare discet, qui non prius dediscat malè agere: Inanis est oratio, ubi praua est actio. Postremò ORARE te docebo. Si Augustino credis: Verè nouit rectè viuere, qui nouit rectè orare, ita*

Docebo te  $\left. \begin{array}{l} \text{MORI} \\ \text{VIVERE} \\ \text{ORARE} \end{array} \right\}$  idque horis singulis.

*Quod verò libellum hunc mihi cunctisque Angelis inscribis, honori id nostro factum interpretor: sed cuius hic vsui cedit? Si me audis, volo siue inbeo, ut eum integerrimis adolescentibus & iuuenibus MARIAE filijs, in parthenium beatissimæ Virginis cœtum adscriptis, dices & inscribas. Plurima inter nos illosq; amicitia est neque nobis alia vlla gravior, præ hac castissima cum illis familiaritate. Igitur pro more & lege amicitia, omnia nostra, illorum esse volumus. Si nos amant, quod cerè faciunt, & nostra hæc monita in amorem admittent.*

OPTIMIS, INTEGERRIMIS, ADO-  
LESCENTIBVS, IUVENIBVS, VIRIS, BEATISSI-  
mæ Virginis Mariæ Sodalibus,

*Salus à Domino & Domini Matre æterna.*

**V**IRGINEM beatissimam DOMINI matrem, vniuersi vos colitis, sancto & sanè antiquissimo instituto, Cultus vester & sodalitium sub cruce Do-

T t

MINI



MINI cœpit, in monte Golgotheo. Primum sodalem & filium hæc Virgo habuit Ioannem, charissimum DOMINO discipulum. Ab illo vos omnes sodales & filij estis huius & Virginis, & Matris, quia tamen eius præsentia, quâ Ioannes fruebatur, vobis subtracta, & magna hæc mater celsius cunctis Angelorum ordinibus sic euecta est, vt eam Ecclesia meritò Angelorum Reginam salutet, nec iniucundum vobis erit nec inutile, etiam in Angelorum familiaritatem vos quàm intimè insinuare, Sunt Angeli Magnæ matris (nec negare audeamus) proximi filij: & pro magno nobis ducendum, si nos in fratres admittere non dedignentur. Illorum certè amicitia ijs est necessaria, qui & ipsi haberi volunt filij tam opulentæ matris. Ad hanc vos amicitiam, optimi sodales aspirare, & vt pares ijs filij sitis, Angelos esse cupere, nil dubito. Et hæc causa est, cur istud ANGELI TUTELARIS HOROLOGIVM. in omnium vestrum manus promptissimè tradam, quod si sepe, vt aiunt, in horti gratiam salutemus, Angelos ob Angelorum Reginam venerari, cuius pronissimum erit. Facile patronam sentiet hanc cæli Dominam, qui amicos habebit hos cæli aulicos. Itaque singulos ac vniuersos vos integerrimi Sodales, obsecro, vt hanc Angelis & Angelorum Regi ac Reginæ sacram scriptionem, beneuolis oculis ac manibus admittere non grauemini. Gratis à vobis non colentur Angeli, nam & hæc amicitia si pares non accipiet, certè faciet. Monachi, ipso die S. MICHAELIS. Archangeli, Anno Christiano M. DC. XXI.

*Omnium vestrum*

Seruus in Christo

HIEREMIAS DREXELIUS  
è Societate IESV.

## CHRISTIANO Lectori.

**T**um, mi Lector, votum esse reor, quod olim Poeta fuit, & nunc, credo, est omnium: quicquid dicas, quicquid scribas, dic breuiter, scribe compendio: Istud hic facere in animo mihi est, atque breuiter, ordine, compendio docere te tria: bene MORI, VIVERE, ORARE. & hæc omnia in honorem sanctorum Angelorum, præcipuè Angeli tutelaris, quisquis Angelos amat, hunc libellum, oro te, ne oderis, eius tibi usus hoc erit frequentior, quò tuus amor in sanctos Angelos fuerit maior.

DIEI



DIEI HORÆ.  
HORA PRIMA  
DIEI.

Disce MORI id te doceat

*Mors certissima.*



Emento, homo lutum, venturū manē illud ( & forsan breui ) cuius vespere victurus non sis, aut venturum vesperem, cuius tu manē non sis visurus.

Statutum est hominibus semel mori: ( *Heb 9.* ) Debemur morti nos nostraque. at vero discere quī vult mori, omnibus id horis necesse est, discat. Et quid longas spes præcipis, quid magnis cogitationibus animum impleas: cras forsitan futurus favilla & cinis. Cautos fige pedes, ô homo; illa atra Dina. Mors, cuique nostrum super caput quotidie adstat, & ultimas vitalis clepsydæ arenulas, inopito & vigili oculo expectat. Age si quid agis; abibis breui: virtus, si quam amasti; vitia, quæ patraſti, tecum ibunt, nec alios hinc habebis comites: memento mori.

Disce VIVERE: id te doceat

*Lex Patientiæ.*

**I** Vre prima hæc tibi virtus sit, quia summe necessaria. vitam hanc bene noueris; sunt vbique ferenda plurima. Bonam vitam ego puto, ait Bernardus, mala pati & bona facere, & sic perseuerare vsque ad mortem. Qui pati non vult, viuere recusat. nostri ad Deum pædagogus sunt. mæror & dolor. affligi & non murmurare, est cælum iam cominus

salutare. Magnum sanè malum est, non posse perferre malum. vulneris feruorem nihil tam exasperat, quàm ferendi impatientia. Deus si sæpe ferire, at sæpissime etiam mederi consuevit. Præsertim si quis leniter, & cum gratiarum actione molestias, perferat, nec eum, à quo immittuntur, oderit, aut cum Dei prouidentia expostulet: nec in secundis tantum rebus bonum se præbere didicerit. Sæpe protrahitur labor pugnæ, vt crescat corona victoriæ. *Patientia* thorax ferreus est impenetrabilis; & Virtus dum patitur, vincit optimum, cum pateris, canticum est: *Sit nomen Domini benedictum.* Omnis impatientia hoc habet lucri, proprium malum auget, promissum præmium perdit; supplicium nouum cõmeretur. Ergo tolera quod non vis, vt assequaris quod vis: tormentis præmia crescunt.

Disce ORARE: id te doceat

*Actus Contritionis.*

**D** Omine Iesu Christe, verus Deus & homo, creator ac redemptor meus, poenitet 2 me ex toto corde, quod offenderim te Dominum meum, & Deum meum, quem 3 amo super omnia. Et propono 4 firmiter, amplius non peccare, omnesque peccandi occasiones deuitare, confiteri, & implere poenitentiam, quæ mihi fuerit iniuncta. Et in satisfactione

T: 2

tisfa-



ristactionem peccatorum meorum, offero; tibi passionem tuam, merita Beatae MARIE. semper Virginis, & omnium Sanctorum tuorum, atque omnia opera mea, & totam vitam meam. Et confido 6 in bonitate & misericordia tua infinita, quod per merita pretiosi sanguinis ac mortis tuæ, mihi remissurus sis omnia delicta mea, & gratiam 7. vberem largiturus, qua vitam sanctæ instituere, tibi quæ perfectæ usque in finem servire valeam. Qui cum Patre sanctoque Spiritu, vivis ac regnas Deus in sæcula benedictus. Amen.

*Includuntur hac oratione. 1. actus fidei. 2. dolor de peccatis. 3. amor Dei super omnia. 4. propositum de futuro. 5. oblatio sui per Christum, 6 spes venia per Christum, 7. petitio gratia & auxilij Dei.*

### A D M O N I T I V N C V L Æ.

*In Contritionis actum.*

**C**ontritio adeo res est pretiosa, ut momento vel mille, gravissima etiam peccata extinguat, hominem Deo, homini Dei gratiam restituat, ac beatam æternitatem tribuat, si quem (sublata confessionis occasione) sic mori contingat. *Sacrificium Deo spiritus contribulatus: cor contritum & humilium Deus non despicies.* Contritio vero maxime nititur amore Dei super omnia, continetque tres actus.

I. Est *Dolor* ob offensum Deum, qui dignissimus est, ut ab omnibus; super omnia & ametur, & colatur. hinc, bonum quod quovis letali peccato perditur, infinitum est, maius est omnibus bonis: hinc, & malum quod quovis letali peccato incurritur, infinitum est, maius est malis omnibus, proinde tanti boni iactura, & mali tanti permissio maiorem dolorē merito inurat, quā si bona cuncta, pecunia omnis, valetudo, fama, vita, cetera omnia sint perditā. Interire millies, locus est, si æternis inferorum ignibus conferatur, quibus nos peccatum vel vnicum obstringit.

II. Est *Propositum*, nō amplius nec amore, nec timore delinquendi, atque si quid contra ius fasque sit acquisitum, restituendi. Ex hoc firmo animi decreto, ita paratum se quis offert ad omnes Dei leges servandas, ut dicat: dixi, Domine, custodire legē tuam; quicquid

præcepti ō mi Deus, faciam quam possum integerrimē.

III. Est *Spes venia*, & *Petitio gratia* ad seriam vitæ emendationem. Acculare se & se non emendare, est Deum tentare: nec quicquam valet à malis veniam poscere, & mala de nouo iterare. Sanguis autem & mors Domini IESV, hanc nobis fiduciam ingerit, ut hæc speremus, petamus tanta, seriam scilicet emendationem vitæ, post tam graues ac multiplices offensas.

*Accusatio sui, & propositum emendanda vitæ ubi quis in culpam, quam sciuerat sibi maxime cauendam, relapsus est.*

**O**Mi amantissime Deus ego ingratus, ego perditus homo ad te redeo postquam satis à te per illicita sum euagatus; nunc te amicum quero, quem ipse mihi hostem feci. Iterum deliqui, & post mille iam casus, iterum cecidi. Ah! Domine, pessimas illas cogitationes, iterum in animum admisi, illa pessima verba iterum dixi. Ah! in culpam illam, quam sciebam tibi plurimum displicere mihi maximè nocere, in hanc ipsam iterum relapsus sum quantum mihi hæc cauenda esset, præsciebam; & tamen non cauebam. ita Majestatem tuam, ō Deus, offendi, gratiam tuam perdidici, cælum amisi, meipsum damnaui, obvilissimam delectationem. Scio Domine, tu mihi super omnia es amandus: agnosco, mi Deus, quod lex tua & tuus honor, chariora mihi esse debeant rebus creatis omnibus, & tamen tam perdit me ipsum amo, ut meum honorem, lucellum meum, meamque libidinem, tibi, tuæ legi, tuoque honori prætulerim iam sæpissime. Ah! quā adhuc carnalis sum! & licet ego negem, opera mea loquantur. Mundus non tantum mihi nondum crucifixus est, sed totus in me vivit & spirat. plenus sum prauis motibus, fœdis concupiscentijs & desiderijs; & tamen probus ac bonus haberi cupio. Vita mea merus est Euripus, merissima inconstantia & mutabilitas, sensus mei exteriores quoquò volunt, liberri-mè expatiantur: quam variæ & quam fœdæ imagines animo meo insident! quā ego, ō mi Deus, dura, & immobilis cautes sum, cum de pœnitentia agitur! ad loquendū tam pròptus sum, quā incautus; surdus ad moni-ta, ad



ta, ad fabulas & stultiloquium attentissimus: quæ de cælo, de Deo dicuntur, nimis peregrina mihi sunt & fastidiosa; ad lucri rationes satis vigilo; cum orandum est, totus nauseo; cum epulandum, totus anhele & propero, ad cultum diuinum restudo sum, ad lulum & petulantias pernix aquila, ad honesta repo, ad vetita volo, ad inuidiam & suspiciones pronissimus sum; vix tangor, & irascor & ferio, certè linguâ, cum manu non possum. nemo me leget, in quem non ultionem mediter & vindictâ. Libidinis ignes, ô Deus, tu nosti, quàm mihi sint vicini: hic ego quidem dissimulo & tego, tibi tamen, ô mundi oculo, aperta sunt omnia; nullum cordis secretum est, quod tibi celari possit. O quoties, & quanta facturum me propono & spondeo! mox omnia in ridiculum, imò in flagitiosam obliuionem euanescent.

Iure igitur doleo, me dolenda toties committere. imò vel hoc ipsum doleo, me non magis dolere nec satis vt par est, propriam sentire miseriam. Et quâvis hætenus ad omnem pietatem lentissimus fuerim & heu nimis alacer & festinus ad vitia, tamen talis deinceps non ero: *Dixi, nunc cœpi.* iter ad cælum nemo bene perficit, nisi qui quotidie incipit.

Igitur firmissimè statuo, ope tua Domine confusus, priores culpas illas, & omnem peccandi occasionem quam diligentissimè cauere. Iam ero alius, ita me cœlites iuuent. O Dominus, & Deus meus, cor mundum & castum in me crea; innoua, oro, in me spiritum rectum, vt tandem aliquando vitam serio emendem, ex animo te amem, & ad finem vitæ sic perseuerem.

*Pro venia peccatorum.*

**M**iserere mei Deus, miserere mei miserimi peccatoris, indigna agentis, & digna patientis; assidue peccantis, raro dolentis, & tua flagella impatienter ferentis. Iustus es Domine, & rectum iudicium tuum: grauius est quod commisi, leuius quod tolero: non iniuste nec crudeliter nos affligis, ô misericors Deus. Scio Domine & certus sum, vitam nostram non temerarijs motibus raptari, sed à te Deo nostro disponi & gubernari: tibi cura est de omnibus, præcipue de seruis tuis, qui omne desiderium suum in sanctissimo be-

neplacito tuo collocarunt. Ideò ego ad aram misericordiæ confugio, & oro supplex, non me punias secundum peccata mea, sed parceas secundum magnam misericordiam tuam. flagellari, mi Deus, non recuso: tu modò da patientiam; sub ipsis, Domine flagellis, & bonitatem tuam laudem, & vitam meam emendem. Miserere mei, Domine miserere mei, & adiuua me, sicut tu nosti; scis omnia; Domine, potes omnia, qui viuus in sæculorum sæcula.

*Pro omnibus Dei beneficijs.*

**B**enedicant te Domine omnes Angeli tui, Archangeli, & Principatus, laudent & glorificent te in sæcula.

Benedicant te Potestates. Virtutes & Dominationes laudent & glorificent te in sæcula.

Benedicant te Throni, Cherubim atque Seraphim; laudent & glorificent te in sæcula.

Benedicite Patriarchæ & Prophetæ Dominum, laudate & glorificate eum in sæcula.

Benedicite Apostoli & Euangelistæ Dominum, laudate & glorificate eum in sæcula.

Benedicite Martyres & Confessores Dominum, laudate & glorificate eum in sæcula.

Benedicite Virgines & Sancti omnes Dominum, laudate & superexaltate eum in sæcula.

Fideles tuos, Deus, benedictio desiderata confirmet, quæ eos & à tua voluntate nunquam faciat discrepare, & tuis semper indulgeat beneficijs gratulari, per Christum Dominum nostrum.

\*\*\*\*\*

## HORA II.

Disce MORI: id te doceat

*Mortis incertissima hora.*

**M**emento, homo vmbra, nullum esse in orbe artificem, qui tale concinnet horologium



rologium, quod tibi supremum vitæ diem aut horam indicet, *Futura nullo scire potes nuntia*, Eccl. c. 8. Mors ubique tibi minatur, diabolus semper, insidiatur, & tu tamen torpes & nugaris? quid annos proponis & nescio quam vitæ seriem? nulla tibi horula à morte secura est. Suavis sed periculosa est dementia, longam vitam sperare, & de bonâ vitâ vix vnquam cogitare. Magna res est, & diu discenda, cum aduentat hora illa tam inuitabilis quàm incerta, æquo animo abire. *Nescit homo finem suum, sed sicut pisces capiuntur hamo, & sicut aues laqueo comprehenduntur, sic capiuntur homines in tempore malo, cum eis ex tempore superuenit mors*, Eccl. 9. Memento mori.

Disce VIVERE: id te doceat

*Lex Obedientia.*

**Q**ui resistit potestati, Dei ordinationi resistit: qui autem resistunt, ipsi sibi damnationem acquirunt, ad Rom. c. 13. Grata olim erant vñtimæ Deo, sed multo gratior semper obedientia. Qui suas à Deo preces audiri vult, vocem ipse imperantis audiat, & obedire discat: Citius exauditur vna obedientis oratio, quàm decem millia contemptorum. Non attendit verus obediens, quam suauis sit quod præcipitur, hoc solo contentus: quia præcipitur, nisi quid contra Deum præcipiatur. Virtutibus cæteris dæmones oppugnamus, obedientiâ vincimus. Parere cum didiceris, imperare scies, certè in cælo.

Disce ORARE: id te doceant

*Tres istæ preces, tam brevissimæ, quam optimæ.*

I.

Benedictus Deus in æternum.

II.

Miserere mei Deus, secundum magnam misericordiam tuam: et si, Domine, minor sum cunctis miserationibus tuis.

III.

O Domine meus, & Deus meus, ego me tibi offero, in omne tuum beneplacium: fiat voluntas tua.

## OBSERVATIONES

*in tres illas oratiunculas.*

I.

**O**ratiuncula prima sumpta est ex ore David & Zachariæ Prophetarum (1. Reg. cap. 25. & Luc. c. 1.) Secunda ex ore David Regis & Iacob Patriarchæ (Psal. 50. & Gen. cap. 32.) Tertia ex ore Christi, & Thomæ, Apostoli, (Matth. c. 6 & Ioan. c. 10.) Eadem compluribus alijs sacra scripturæ locis repetuntur.

II.

Omniem bonæ orationis perfectionem continent hæ tres oratiunculae: Laudem Dei, gratiarum actionem, opis implorationem, veniæ petitionem, demissionem animi, oblationem sui, reuerentiam Numinis, voluntatis sacrificium, principem amoris effectum, omnium bonorum desideriorum summam.

III.

Hæ oratiunculae, tres sunt sagittæ aureæ, quæ ubi non è labris, non ab ore solo, sed ex ipso corde hominis auolant, non feriantur nec cessant dum ipsum Dei cor (sic loquimur, attingant & penetrent.

IV.

Folles sunt hæ precatiunculae, quibus ignis sincerissimi amoris in Deum, assiduis quasi flammis conservari, foueri, excitari, augeri potest. Incredibile dictu est, quam hoc Deo gratum, vtile homini, assiduis hisce talibus oratiunculis, mentem ad Deum erigere, ac cum Deo vnire.

V.

De his verissimè dici potest: *quo crebrius hoc melius*, millies de die, iterumque millies non nimis crebrum sit, *quo crebrius, hoc melius*; si tamen cordis & oris dissidiu non sit; modo cor consentiat, & non solius linguæ sit labor. nam vti fieri non potest, quin ignis exiliat, cum pyrius pulvis & ignitarius fomes conueniunt: ita harum orationum vel vnica, & cor humanum, nunquam simul erunt quindiuini amoris igniculus subsulset.

VI.

Nec necesse est semper omnes tres simul, aut lingua pronunciare aut animo cogitare: sæpe vnica harum sufficit præsertim prima, quæ aliquot centenis per diem iterationibus assidue



assidue ingeminanda est, præcipue duæ hæ volu-  
culæ: *Benedictus Deus, Benedictus Deus &c.*  
nec etiam necesse semper illas efferri linguâ  
(quamvis id bonum) sed satis animo eas idem-  
titem agitati.

## VII.

Homines negotiosis, egris, calamito-  
sis, ærumnosis, convenientissime sunt hæ piæ  
ad Deum precatiunculæ, durum est, longas  
ab eis preces exigere; preces tunc penitus in-  
termittere, impium est, & Christus vetat: *quo-  
niam oportet semper orare, & non deficere.*  
Lucæ capite 18. Ergo hæc optima cuius ho-  
minum lex sit: quo plus labor urget, dolor  
urit; quo magis tedium aut mœror, aut egri-  
tudo, aut afflictatio quæcunque premit hoc &  
sæpius & ardentius clamandum: *Benedictus  
Deus, Benedictus Deus in æternum. &c.* vel,  
*Miserere mei Deus, miserere.* vel excellentis-  
simum illud: *Fiat voluntas tua, fiat, fiat: tua  
Domine Voluntas, tua fiat: tua, non mea.* Hoc  
ardenter tunc præsertim repetendum, cum  
nostræ voluntatis contumaciam aduertimus.

## VIII.


Sunt qui corde & ore assidue hæc volu-  
ant, & quo rarius, hoc sibi peius; quo frequen-  
tius repetunt, hoc sibi melius esse fateantur.  
Certe mirificum quid viri sancti in his talibus  
iaculatorijs, ut vocant, orationibus & ad  
Deum aspirationibus senserunt Alacritas hæ  
preces, quæ mentem euehant, & in sereno  
locant, suavi amoris afflatu accendunt, diui-  
nam humanamque voluntatem sic vniunt, ut  
tandem amarum sit homini, velle quod nolit  
Deus, aut nolle quod Deus velit. S. Chryso-  
stomus (vti de eo Nicephorus lib. 13. c. 37.)  
animam acturus: in hæc vltima verba expira-  
uit: *Gloria tibi Domine, de rebus omnibus.*  
Optimavox plebis fuit, (Mar. c. 7.) *Bene om-  
nia fecit.* Ergo, *Benedictus Deus in æternum.*

## IX.

Nemo terreatur, si hæc initio aut non tam  
suavia videantur, aut non tam vilia. Nihil  
principio sui potest perfici usus & perpetua  
eiusdem iteratio, & facilem faciet & vilem  
hunc orandi modum, modo non solius lingue  
sit hoc officium; cordis solius esse potest, vox  
si adsit ne desit cor: iunctæ operæ cordis & o-  
ris, nunquam non fructuosas preces Deo  
admovebunt.

*Ad omnes SS. Angelos pius gemitus.*

**A**ngeli, Archangeli, Throni, & Domi-  
nationes, principatus & Potestates, Vir-  
tutes cælorum, Cherubim atque Seraphim,  
Sanctique omnes, intercedite pro me, nunc &  
in horâ mortis meæ.



## HORA III.

Disce MORI: id te doceat

*Penitentia procrastinata.*

**M**emento, homo sævum, & emendatio-  
nem vitæ (viti facis) ne differ de die in diē  
de hebdomade in hebdomadem, de mente  
in mensem, de anno in annum: sera nimis est  
crastina, incipe hodie. Pars magna sanitatis  
est, morbum agnovisse; & pars magna boni-  
tatis est, velle bonum fieri in morbis pess-  
imum est, non habere mali sensum, ecquid  
miserius misero seipsum non miserante? rem  
tuam age mature; mors tua non claudicat, sed  
volat aderitque subito. Crastinam diem sus-  
pectam habe, & nunc dole, nunc emenda: hoc  
est, ait Augustinus quod multos in exitium  
trahit, cum dicunt CRAS, CRAS, &  
subito clauditur ostium: Memento mori.

Disce VIVERE: id te doceat

*Lex Temperantia.*

**M**ulta sunt quæ sustineas, sed plura penē,  
a quibus abstineas, peccatum semper in-  
foribus est, nisi tu ipse aperias, non intrabit.  
Temperantia, suam rebus omnibus mensuram  
ponit, victum iubet esse sobriū, vestitum hone-  
stum, somnū non sine parsimonia, omnia cum  
modo, id namque in omnibus caute observat:  
*ne quid nimis.* nil tutum est quod modum ex-  
cedit: Optimus est modus cupidorum non  
quantum velis, sed quantum debeas sumere.  
Satiū est indormire stramine, & conscientiam  
tranquillam tenere, quā lecto aureo recubare,  
& perturbationibus agitari. guloso modulus  
vitæ, culina & gula est; sobrietas, abstinentia.  
Mensam sumptuosam fortuna. frugalem ap-  
ponit temperantia. Temperanti, lex Deus est  
& ra-



& ratio; voluptas aut venter, intemperanti.

Disce ORARE: id te doceat

*Officium paruum Angeli Custodis.*

### AD MATVTINVM

*Vers.* Angelis suis Deus mandauit de te, vt custodiant te in omnibus vijs tuis. *Resp.* Amen.

**D**omine labia mea aperies, & os meum annuntiabit laudem tuam.

Deus in adiutorium meum intende, Domine ad adiuuandum me festina.

Gloria Patri & Filio & Spiritui sancto: Sicut erat in principio, & nunc & semper, & in sæcula sæculorum, Amen Alleluia.

*A septuagesima vsque ad Pascha loco Alleluia, dicitur, Laus tibi Domine Rex æterna gloriæ.*

*Hymnus.*

Costodes hominum psallimus Angelos,  
Naturæ fragili quos Pater addidit  
Cœlestis comites, Insidiantibus  
Ne succumberet hostibus.

*Antiphona.*

Sancti Angeli custodes nostri, defendite nos in prælio, vt non pereamus in tremendo iudicio.

*Vers.* In conspectu Angelorum Psallam tibi Deus meus.

*Resp.* Adorabo ad templum sanctum tuum & confitebor nomini tuo.

### O R E M V S.

**D**EVS qui ineffabili providentia sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æterna societate gaudere. Per Dominum nostrum Iesum Christum Filium tuum, qui tecum vivit & regnat in vnitæte Spiritus sancti Deus, per omnia sæcula sæculorum. Amen.

### AD PRIMAM.

*Vers.* Angelis suis Deus mandauit de te, vt custodiant te in omnibus vijs tuis. *Resp.* Amen.

### III. DIEI.

**D**Eus in adiutorium meum intende, Domine ad adiuuandum me festina.

Gloria Patri, & Filio, & Spiritui sancto: Sicut erat in principio, & nunc & semper, & in sæcula sæculorum. Amen. Alleluia.

*Hymnus.*

Nam quod corruerit proditor Angelus,  
Concessis merito pulsus honoribus,  
Ardens inuidia pellere nititur  
Quos cœlo Deus aduocat.

*Antiphona.*

Sancti angeli custodes nostri, defendite nos in prælio, vt non pereamus in tremendo iudicio.

*Vers.* In conspectu Angelorum psallam tibi Deus meus.

*Resp.* Adorabo ad templum sanctum tuum, & confitebor nomini tuo.

### O R E M V S.

**D**EVS qui ineffabili providentia sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æterna societate gaudere. Per Dominum nostrum Iesum Christum Filium tuum, qui tecum vivit & regnat in vnitæte Spiritus sancti Deus, per omnia sæcula sæculorum. Amen.

### AD TERTIAM.

*Vers.* Angelis suis Deus mandauit de te, vt custodiant te in omnibus vijs tuis. *Resp.* Amen.

**D**Eus in adiutorium meum intende, Domine ad adiuuandum me festina.

Gloria Patri, & Filio, & Spiritui sancto: Sicut erat in principio, & nunc & semper, & in sæculorum, Amen. Alleluia.

*Hymnus.*

Huc custos igitur peruigil aduola.  
Auertens patria de tibi credita.  
Tam morbos animi, quam requiescere.  
Quicquid non finit incolas.

*Antiphona.*

Sancti angeli custodes nostri, defendite nos in prælio, vt non pereamus in tremendo iudicio.

*Vers.* In conspectu Angelorum psallam tibi Deus meus.

*Resp.*



*Resp.* Adorabo ad templum sanctum tuum,  
& confitebor nomini tuo.

## O R E M V S .

**D**EVS qui ineffabili providentia sanctos  
Angelos tuos ad nostram custodiam  
mittere dignaris : largire supplicibus tuis &  
eorum semper protectione defendi, & aeterna  
societate gaudere. Per Dominum nostrum Ie-  
sum Christum Filium tuum qui tecum vivit  
& regnat in unitate Spiritus Sancti Deus, per  
omnia saecula saeculorum, Amen.

## A D S E X T A M .

*Vers.* Angelis suis Deus mandavit de te, vt cu-  
stodiant te in omnibus vijs tuis. *Resp.* Amen.

**D**Eus in adiutorium meum intende. Do-  
mine ad adiuvandum me festina.

Gloria Patri, & Filio, & Spiritui sancto:  
Sicut erat in principio, & nunc, & semper, &  
in saecula saeculorum, Amen. Alleluia.

*Hymnus.*

Christe sanctorum decus Angelorum.

Rektor humani generis & auctor.

Nobis eternum tribue benignus,

Scandere coelum.

*Antiphona.*

Sancti Angeli custodes nostri, defendite  
nos in praelio, vt non pereamus in tremendo  
iudicio.

*Vers.* In conspectu Angelorum psallam tibi  
Deus meus.

*Resp.* Adorabo ad templum sanctum tuum, &  
confitebor nomini tuo.

## O R E M V S .

**D**EVS qui ineffabili providentia sanctos  
Angelos tuos ad nostram custodiam  
mittere dignaris : largire supplicibus tuis &  
eorum semper protectione defendi, & aeterna  
societate gaudere. Per Dominum nostrum Ie-  
sum Christum Filium tuum qui tecum vivit  
& regnat in unitate Spiritus Sancti Deus, per  
omnia saecula saeculorum, Amen.

## A D N O N A M .

*Vers.* Angelis suis Deus mandavit de te, vt cu-  
stodiant te in omnibus vijs tuis. *Resp.* Amen.

**D**Eus in adiutorium meum intende, Do-  
mine ad adiuvandum me festina.

Gloria Patri, & Filio, & Spiritui sancto: Si-  
cut erat in principio, & nunc & semper, & in  
saecula saeculorum. Amen. Alleluia.

*Hymnus.*

Angelum pacis Michael ad istam

Coelitus mitti rogitamus aulam,

Nobis vt crebro veniente crescant

Prospera cuncta

*Antiphona.*

Sancti Angeli custodes nostri defendite nos  
in praelio, vt non pereamus in tremendo iu-  
dicio.

*Vers.* In conspectu Angelorum psallam tibi  
Deus meus.

*Resp.* Adorabo ad templum sanctum tuum, &  
confitebor nomini tuo.

## O R E M V S .

**D**EVS qui ineffabili providentia sanctos  
Angelos tuos ad nostram custodiam  
mittere dignaris : largire supplicibus tuis &  
eorum semper protectione defendi, & aeterna  
societate gaudere. Per Dominum nostrum Ie-  
sum Christum Filium tuum qui tecum vivit &  
regnat in unitate Spiritus Sancti Deus, per  
omnia saecula saeculorum, Amen.

## A D V E S P E R A S .

*Vers.* Angelis suis Deus mandavit de te vt, cu-  
stodiant te in omnibus vijs tuis. *Resp.* Amen.

**D**Eus in adiutorium meum intende, Do-  
mine ad adiuvandum me festina.

Gloria patri, & Filio, & Spiritui sancto: Si-  
cut erat in principio, & nunc & semper, & in  
saecula saeculorum, Amen. Alleluia.

*Hymnus.*

Angelus fortis Gabriel, vt hostem

Pellat antiquum, voliter ab alto,

Sapius templum, veniens ad istud

Viscere nostrum

*Antiphona.*

Sancti angeli custodes nostri defendite nos  
in praelio, vt non pereamus in tremendo iudi-  
cio.

*Vers.* In conspectu Angelorum psallam tibi  
Deus meus.

*Resp.* Adorabo ad templum sanctum tuum, &  
confitebor nomini tuo.

V u

confi-



confitebor nomini tuo.

## OREMVS.

**D**EVS qui ineffabili providentia sanctos Angelos tuos ad nostram custodiam mittere dignaris, largire supplicibus tuis, & eorum semper protectione defendi, & æterna societate gaudere. Per Dominum nostrum Iesum Christum Filium tuum, qui tecum vivit & regnat in unitate Spiritus sancti Deus, per omnia sæcula sæculorum, Amen.

## AD COMPLETORIVM.

*Verf.* Angelis suis Deus mandavit de te, ut custodiant te in omnibus vijs tuis. *Res.* Amē.

**C**onuertere nos Deus salutaris noster, & auerte iram tuam a nobis.

Deus in adiutorium meum intende, Domine ad adiuuandum me festina.

Gloria Patri, & Filio, & Spiritui sancto: Sicut erat in principio, & nunc & semper, & in sæcula sæculorum. Amen. Alleluia.

*Hymnus.*

Angelum nobis medicum salutis

Mitte de cælis Raphael, ut omnes

Sanet ægrotos, pariterque nostros

Dirigat actus.

*Antiphona.*

Sancti Angeli custodes nostri defendite nos in prælio, ut non pereamus in tremendo iudicio.

*Verf.* In conspectu Angelorum psallam tibi Deus meus.

*Res.* Adorabo ad templum sanctum tuum, & confitebor nomini tuo.

## OREMVS.

**D**EVS qui ineffabili providentiâ sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æterna societate gaudere. Per Dominum nostrum Iesum Christum Filium tuum qui tecum vivit & regnat in unitate Spiritus sancti Deus per omnia sæcula sæculorum, Amen. Has horas canonicas cum deuotione, Dixi, custos Angele, tui ratione: Precor me custodias mortis in agone, Et præsens me deducas cæli regione.

Angele Dei, qui custoses mei,  
Me tibi commissum pietate superna,  
Hodie illumina, custodi, rege, gubernas. Amen.

\*\*\*\*\*

## HORA IV.

Disce MORI: id te doceant

*Damnatorum inania vota.*

**M**emento homo bulla, & seriò expende, quanti emerent damnati horulam nostri temporis vel vnicam, quarum tu tam multas liberalissimâ socordiâ ludibundus prodigis. Viue memor leti: fugit hora, & nihil est annis velocius, rigidum ius mortis est, & inuitabile; moriendum est, cum nascimur, huic tributo subijcitur, moriendum est. Quid profeceris in vita, mors dicet. Ergo dum licet, operare & profice, est qui reddat labori tuo præmium. Habes operis tui perpetuum & attentissimum spectatorem Deum, qui sicut capillos, ita & minimos cogitatus tuos numeratos habet, aut ad præmium, aut ad supplicium, idque ÆTERNVM. Memento mori.

Disce VIVERE: id te doceat

*Lex Fiducia in Deum.*

**Q**Vò magis te ipsum tibi diffidere necesse est, tanto minus Deo, cui semper & in omnibus fidendum. *Qui confidunt in Domino sicut mons Sion non commouebitur in æternum.* Pl. 124. Fide Deo, fide affectu quam potes, generosissimo, ecquid trepidas modice Fidei? Deus prouidebit Gen. 22. Dominus regit te, & nihil tibi deerit, quid angeris? etsi membra tua dilaceret inimicus, capillos tamen tuos dinumerat Deus, ne ergo timeas iacturam membrorum, quando securitatem accipis de numero capillorum. (*Aug. serm. de fest. Mart.*) Mihi hoc crede, proborum vitâ, etiam per singula rerum ac temporum momenta, a Deo sic temperatur ac regitur, ut omnia in eorum cedant bonum. Securè nauigat, qui fiduciam suâ anchoram in Deum iactat, Deoque fidei in omnibus.

Disce



# HORA IV. DIEI.

319

Disce ORARE : id te doceant

*Litania SS. Angelorum*

**K**Yrie eleison. Christe eleison,

Kyrie eleison.

Christe exaudi nos.

Pater de cælis Deus, miserere nobis.

Fili Redemptor mundi Deus, miserere nobis.

Spiritus sancte Deus, miserere nobis.

Sancta Maria Regina Angelorum. ora pro nobis.

Sancte Michael, qui populo Dei semper defensor fuisti, ora pro nobis.

Sancte Michael, qui Luciferum cum complicibus rebellibus de cælo deturbasti, ora pro nobis.

Sancte Michael, qui accusatorem fratrum nostrorum in profundum inferni deiecasti, ora pro nobis.

Sancte Gabriel, qui Danieli visionem patefecisti. ora pro nobis.

Sancte Gabriel, qui Ioannis Baptistæ ortum & ministerium prænunciasti, ora pronobis

Sancte Gabriel, qui incarnationis Verbi divini nuncius extitisti. ora.

Sancte Raphael, qui Tobiam saluum duxisti & reduxisti. ora.

Sancte Raphael, qui demonium à Sara depulisti, ora.

Sancte Raphael qui Tobiam senioremm inuast, ora.

Sancti Seraphim, ora.

Sancti Cherubim, ora.

Sancti Throni, ora.

Sanctæ Dominationes ora.

Sanctæ Virtutes, ora.

Sanctæ Potestates ora.

Sancti Principatus ora.

Sancti Archangeli ora.

Sancti Angeli, ora.

Qui super Dei solium excelsum & eleuatum stas, ora.

Qui iugiter Deo Sanctus, Sanctus, Sanctus concinnis, ora pro nob.

Qui discussis tenebris mentem nostram illuminas, ora.

Qui diuina hominibus nunciatis, ora.

Qui hominum custodiam à Deo accepistis, ora pro nobis.

Qui semper faciem Patris qui in cælis est,

videtis,

Qui super vno peccatore penitentiam agentem gaudetis, ora.

Qui Loth de medio peccatorum eduxistis, ora pro nobis.

Qui per scalam Iacob ascendistis & descendistis. ora.

Qui in monte Sina diuinam legem Moysi tradidistis, ora.

Qui Christo nato gaudium hominibus annuisti, ora.

Qui Christo in deserto ministrastis, ora.

Qui Lazarum in sinum Abraham deportastis, ora pro nobis.

Qui iuxta Christi sepulchrum in albis sedistis ora.

Qui Christo in cælum ascendente, eius discipulis apparuistis, ora.

Qui electos in fine sæculi congregaturi estis, ora pro nobis.

Qui malos de medio iustorum separabitis, ora pro nobis.

Qui orantium preces ad Deum deferitis, ora te pro nobis.

Qui morientibus assistitis, ora.

Qui animas iustorum ab omni labe purgatas ad cælum deducitis, ora.

Qui prodigia & miracula virtute Dei perpertratis, ora.

Qui hæreditatem salutis capientibus in ministerium mittimini, ora.

Qui super regna & pronicias constituti estis, ora.

Qui hostium exercitus sæpe dissipastis, ora.

Qui Dei famulos ex carceribus & alijs vitæ periculis sæpe liberaistis, ora.

Quis sanctis Martyribus in tormentis sæpe solatio fuistis, ora.

Qui Ecclesiæ Prælatos & Principes eiusdem nutritios peculiari cura fouere soletis, ora.

Omnes sancti beatorum spirituum ordines, ora pro nobis.

A cunctis periculis, per sanctos Angelos tuos, Libera nos Domine.

Ab omni hæresi & schismate, Libera nos Domine.

A peste, fame & bello, Libera nos Domine.

A subitanea & improuisa morte, Libera nos Domine.

A morte perpetua, Libera nos Domine.

V u z

Pecca-



Peccatores, Te rogamus audi nos.  
 Per Sanctos Angelos tuos. Te rog. audi nos.  
 Ut nobis parcas, Te roga. audi nos.  
 Ut nobis indulgeas, Te rog. audi nos.  
 Ut Ecclesiam tuam sanctam regere & conser-  
 uare digneris, Te rogamus audi nos.  
 Ut domum Apostolicam & omnes Ecclesia-  
 sticos ordines protegere digneris, Te ro-  
 gamus audi nos.  
 Ut Imperatori nostro, Regibus, & omnibus  
 Principibus Christianis pacem & unitatem  
 largiri digneris, Te rogamus audi nos.  
 Ut fructus terræ dare & conservare digneris,  
 Te rogamus audi nos.  
 Ut omnibus fidelibus defunctis requiem æ-  
 ternam donare digneris. Te rogamus audi  
 nos.  
 Agnus Dei, qui tollis peccata mundi, Parce  
 nobis Domine.  
 Agnus Dei, qui tollis peccata mundi. Exaudi  
 nos Domine.  
 Agnus Dei, qui tollis peccata mundi, mise-  
 re nobis.  
 Christe audi nos.  
 Christe exaudi nos.  
 Kyrie eleison. Christe eleison.  
 Kyrie eleison. Pater noster &c.

*Psalmus ex varijs Psalmis.*

**L**audate Dominum de cælis laudate eum  
 in excelsis.  
 Laudate eum omnes Angeli eius: laudate  
 eum omnes Virtutes eius.  
 Benedicite Dominum omnes Angeli eius: po-  
 tentes virtute, facientes verbum illius, ad  
 audiendam vocem sermonum eius.  
 Benedicite Domino omnes virtutes eius: mi-  
 nistri eius qui facitis voluntatem eius.  
 Benedic anima mea Domino, & noli obliui-  
 sci omnes retributiones eius.  
 Qui redimit de interitu vitam tuam, qui co-  
 ronabit in misericordia & miserationibus.  
 Quoniam Angelis suis mandavit de te, ut cu-  
 stodiant te in omnibus vijs tuis.  
 In manibus portabunt te: ne fortè offendas  
 ad lapidem pedem tuum.  
 Super aspidem & basiliscum ambulabis, &  
 conculcabis Leonem & Draconem.  
 Immittet Angelus Domini in circuitu timen-  
 tium eum, & eripiet eos.

Gloria Patri, & Filio, & Spiritui sancto:  
 Sicut erat in principio, & nunc & semper, &  
 in sæcula sæculorum Amen.

*Vers.* In conspectu Angelorum psallam tibi  
 Deus meus.

*Resp.* Adorabo ad templum sanctum tuum,  
 & confitebor nomini tuo.

*Vers.* Domine exaudi orationem meam.

*Resp.* Et clamor meus ad te veniat.

## O R E M V S.

**O**mnipotens & misericors Deus, qui nos  
 angelicâ custodia munire dignatus es,  
 concede quæsumus, ut tanta protectione se-  
 cure, & a pravis cogitationibus liberemur in  
 mente, & ab omnibus aduersitatibus eriamur  
 in corpore. Per Dominum nostrum Iesum Chri-  
 stum filium tuum, qui tecum viuit & regnat  
 in unitate Spiritus sancti Deus, per omnia  
 sæcula sæculorum. Amen.

## H O R A V.

Disce M O R I: id te doceat

*Assana mortis rapina.*

**M**emento, homo vanitas, non moritu-  
 rum te, sed MORI, quouis die, qua-  
 uis horâ. Vitæ huius principium, mortis est  
 exordium; prima hora quæ vitam dedit,  
 eandem etiam carpsit & mutauit, hunc ipsum  
 quem agis diem, cum morte diuidis quidquid  
 facis, respice finem. Breues dies hominis sunt,  
 numerus mensum eius apud Deum est: con-  
 stituti sunt termini eius qui præteriri non po-  
 terunt, non poterunt, eheu non poterunt, (*Iob*  
*cap. 14.*) Et non tantum non præteriri, sed nec  
 sciri possunt, quam sint vicini. Vis esse im-  
 munis à morte subitâ mortem assidue cogita.  
 semper discendum est, quod an sciamus, expe-  
 riri non possumus: meditare mortem. Nemo  
 improvisò moritur, qui semper se moriturum  
 cogitauit: Memento mori.

Disce VIVERE: id te doceat

*Lex Iustitia.*

**V**irtutis est proprium iniustitiam odisse,  
 & omnem iniustitiæ comitatum, inhi-  
 dias,



dias, fraudes, iniurias: has accipere malis, quam inferre. Non mundi, sed Christi lex est: Rapturo pallium, etiam tunicam adijciendam in auctarium; & quod illud lucrum sit, argentum in arcâ, dampnum in conscientia, lucro turpi facturalongè preferenda est: *Quidem proderit homini, si lucretur mundum totum, & detrimentum animæ suæ faciat* Mar. ca. 8. Sed ips iam moribus vivitur, ut iustitiæ nomen religiosè adoretur, res ipsa ad cuiusvis sensum aut commodum torqueatur: iusti haberi volunt plurimi, pauci esse, Pars magna iustitiæ est, ut, quod alijs vitio vertis, ipse non facias. Discite iustitiam moniti (ô mortales) & non temere Diuos:

Disce ORARE: id te doceant

*Orationes istæ.*

I.

**D**Eus, qui miro ordine Angelorum ministeria hominumque dispensas, concede propitius, ut à quibus tibi ministrantibus in cælo semper assistitur, ab his in terrâ, vita nostra muniatur. Per Christum Dominum nostrum.

II.

**B**enignissime Deus, cuius immensa bonitas & sapientia, in omnibus sanctis Angelis tuis mirificè refulget, te rogo suppliciter, ut Angelicis pro me interuenientibus suffragijs, omnia opera mea & placatus suscipias, & ad salutem meam prouenire concedas. Per Christum Dominum nostrum.

III.

**O** Aeternæ Deus, bonitatem tuam per omnium Sanctorum Angelorum atque Archangelorum preces & merita, humiliter imploro, ut quod mei in te amoris deest, illorum in te ardentissimus amor compenset. Per eundem Dominum nostrum Iesum Christum Filium tuum, qui tecum vivit & regnat cum sancto Spiritu in sæcula sæculorum.

## H O R A V I.

Disce M O R I: id te doceant

*Quotidiana plurimorum funera.*

**M**emento homo putredo, quot hac, non dicam die, sed hora, è vivis citandi ad tribunal summi iudicis, & quot ex eis damnandi, ita non tantum sæpe, sed assidue mortalem te cogita. Nil æque tibi proderit ad temperantiam omnium rerum, quam frequēs cogitatio brevis æui huius & incerti. *Noli de mortuo inimico tuo gaudere sciens quoniã O M N E S morimur.* Ecc. c. 8. Attende ergo tibi & vitæ tuæ: Ortum quidquid habet, finem time: *ibimus omnes ibimus.* Illi, & isti, & isti præcedunt, nos singuli, quo quemque mors ordine vocauerit, sequemur, attende tibi: Vitam lucrari est, in singulos dies mori: Memento mori.

Disce V I V E R E: id te doceat

*Lex Misericordiæ.*

**E**Dicit Veritas: *Misericordiam volo, & non sacrificium.* Matt. c. 9. æquum est egentibus subveniri, non divitibus. effundit, qui in plenum mittit; illud potius reconditur, quod vasis vacuis commendatur. Laudant te esurientium viscera, non ructantium opulenta conuiuia. Ter mirum! in plenissimo resurrectionis conventu, coram vniuersis Angelis, taceret Christus quod Abel primus martyr fuerit, quod Abraham obedientia extulerit, quod Moyses legem tulerit, quod Petrus crucem I E S V primus ascenderit, hæc, inquam, tacet iudex, & solum proclamat, quis sibi pauperi cibum dederit, quis nudo vestem obtulerit, quis domo fouerit. En, quicquid datur pauperi, non est donum, sed mutuum; quicquid enim tribuitur tam pulchro quam magno fœnore recipitur, quæstuosissima omnium ars est, elemosyna, & cæli ianitoribus notissima. Elemosyna vero aurea, & summa est **INIMICOS DILIGERE.**



Disce ORARE: id te doceant  
Orationes de S. Michael Archangelo.

I.

**B**Eati Michaelis Archangeli tui quæsumus Domine, intercessio gloriosa nos semper & ubique protegat, & ad vitam perducat æternam. Per Christum Dominum nostrum.

II.

**P**rinces gloriosissime, Michael Archangele, esto memor nostri hic & ubique semper, precare pro nobis filium Dei.

III.

**B**Eati Archangeli tui Michaelis commemoratione lætantes, humiliter te Domine deprecamur, ut quod nostris meritis non valemus, eius intercessione consequamur. Per eundem Christum Dominum nostrum.



## HORA VII.

Disce MORI: id te doceat

*Temporis iactura irreparabilis.*

**M**emento homo favilla, non verba solum, sed & tempus volare ireuocabile in domus combustæ vicem, surgit alia: in temporis combusti pretium, nulli vniones sunt computandi, paleæ sunt gemmæ omnes præ hoc temporis censu, nec furum vllus damnosior est, quam qui hoc ipse sibi furatur, aut male agendo, aut nihil agendo: Aliqua est rerum omnium recuperatio, nulla temporis: mille florenos perdere, magnum damnum censetur; famam amittere multo maximum, & quo plus temporis in vanum auolat, hoc mors formidabilior propinquat: Memento mori.

Disce VIVERE: id te doceat

*Lex Mansuetudinis.*

**F**lli, in mansuetudine opera tua perface, & super hominum gloriâ diligeris. Eccl. c. 3. Quicquid dicas, faciasve, super omnia vultus & verba accedant bona: *Beati mites, Cæle-*

stis vrbs Hierusalem non est spoliū bellatorum, sed sperata hæreditas mansuetorum. Mites sunt, qui improbitati cedunt, & malo non resistunt, sed vincunt in bono malum. Sunt quidam mites, sed quamdiu cuncta sunt procorum arbitrio: tange montem, mox cernes fumum, nimirum, qualis quisque apud se lateat, illata contumelia probat. Magni animi proprium illud est, ut sciat esse placidus, ut norit iram substringere, iniurias atque offensiones, serenâ semper fronte digerere. Verè mansuetus est ut tractabilis cera, mitis columba, tranquillū oleum.

Disce ORARE: id te doceant

ORATIONES

*Ad Custodem Angelum, Christi matrem, Christum.*

I.

AD ANGELVM

Custodem

**S**aluto te, ô Sancte Angele Dei, Princeps nobilis, custos meus fidelis, cui me gubernandum diuina bonitas tradidit, quam multam, secundum Deum, tibi tuæque charitati debeo, quod indigno mihi tot annis totque modis fideliter atque clementer assistis, & animi corporisque mei salutem procuras. Commendo me tibi hodie, ut aduersus malignum hostem, te duce illæsus conseruer, & in gratia Dei, ad extremum vsque halitum firmus & constans perseuerem, & tecum in cælo Dominum nostram laudem in æternum.

II.

AD B. VIRGINEM

MARIAM

*Salutationes XII. toridem stellis assignata.*

**A**ve Mundi decus, lampas inextinguibilis.

Aue Mundi oculo, cælorum ianua, Seraphicorum gloria.

Aue Mater purissima, quam nulla vnquam nequior inuasit cogitatio.

Aue



Aue ingens & portentosum mundi miraculum.

Aue ornatissimum supremi Regis palatium.

Aue armarium vitæ, pratum totius fragrantia Spiritus sancti.

Aue latens thesauri gratia, quæ sola portas Verbum, quod portat omnia.

Aue vas electionis admirabile.

Aue mater filij, filia Patris, Sponsa sancti Spiritus.

Aue nubes lucida, Aue columna ignea, quæ populum Dei per desertum mundi deducis.

Aue vellus mundissimum de cælo humectatum, per quam & in qua ouem induit pastor.

Aue doctrinæ sceptrum, deuotionis templum, donorum omnium gazophylacium opulentissimum.

Aue noui Adami paradise: Aue vrna aurea, cæleste manna continens.

Aue fax fidelium, infiniti circumdatrix, castarum animarum ara: Aue gaudium, semper & in æternum ineffabile.

## N O M I N A P A T R V M

è quibus hæ stellæ sunt excerptæ

**C**yrillus Alexandrinus, Epiphanius. Elias Cretensis, Fulgentius, Gregorius Nicomedensis, Gregorius Neocæsariensis, Hildefonsus Toletanus, Origenes, Sophronius, Theodoret. Methodius Olympus. Inter hos velut duodecim Apostolos, decimus tertius esse cupit Bernardus, vti fuit & Paulus. Nec se continet Bernardus, & ad DOMINI MATREM succlamat: Ex totis animæ viribus te saluto ac compello:

Aue Virginum Regina: Aue mare gemmis plenissimum.

Nec hoc satis totum inuitans orbem ad Matris istius venerationem. Totis ergo, inquit, mendullis cordis veneremur MARIAM, quia sic est voluntas eius, qui totum nos habere voluit per MARIAM.

## I I I .

## A D C H R I S T V M .


**I**esu bone, ego nimis imperfectè tibi seruiuo, nimis frigide te laudo & diligo. Ah! quam longe adhuc absum à vera mei abne-

gatione, à vera humilitate, patientia, & charitate. Te rogo, vt quod minus est in me, tu digneris supplere, & diuinum cor tuum Patri pro me offerre.

Domine Iesu Christe, amem te solum propter te, & nihil amem nisi in te.

Domine Iesu Christe, auge mihi laborem & dolorem, modo augeas & amorem.

Domine Iesu Christe, da mihi vt in diuino beneplacito tuo & in sanctissima tua voluntate vnice delecter, & in eam super omnia requiescam.



## H O R A V I I I .

Disce MORI: id te docat

*Imminentis metus Iudicij.*

**M**emento, homo puluis, conscientiamque tuam interroga: si hac te hora ad tribunal suum euocaret Deus, num paratus fores reddenda rationi, ne dicas: *cras ero*, commendationi tuæ indulgentiam promisit Deus, sed tuæ dilationi diem crastinum non promisit. Heu, heu, vos miseros, quam totus homuncio nil est. O theatrum & ludum quicquid in hoc orbe VIVERE vocatur! Age, valedic rebus humanis, & ad reddendam rationem te para; tribunal te vocat, nullam hic moram, nullas inducias, nullam comperendinationem quære, hinc abeundum est; ne tergiversare: ratio reddenda est, ne excusa, qualis vixeris, talis & iudicaberis: Memento mori.

Disce VIVERE: Id te doceat

*Lex Veritatis.*

**A**nte omnia opera verbum Verax præcedat te Eccl. 27. Veritatem enim requirit Dominus. Pl. 30. Iurare & mentiri nesciat lingua tua: Veritati sic studeas, vt quicquid dixeris, iuratum putes. Non est sinceri, non est probi hominis, aliud pectore clausum: aliud lingua promptum habere. Veritas, sicut vbique mater est sanctitatis, sic vbique amanda est. Nullæ duæ res tam inter se concordēs sunt & cognatæ



cognata vt VIRTUS & VERITAS. Premi quidem solet veritas, non opprimi; emergit tandem: impugnatur saepe non vincitur. Veritatis amatori nullus reprehensor est metuendus, aut enim reprehensus, inimicus est, aut amicus: inimicus si insultat, ferendus est; amicus si errat, docendus; si ipse doceat, audiendus est. Tegere, polire, fingere, comere, fucare veritatem, est dehonestare, mentiri, est animam necare. *Os enim quod ementitur occidit animam.* Sap. c. i.

Disce ORARE: id te doceat

*Oratio exercendi diuini amoris actibus XIII.*

### ACTVS AMORIS in Deum.

**O** Mi amantissime Deus, 1. ad te summum bonum, toto cordis affectu feror. 2. In immensissima bonitate tua exulto, 3. & gaudeo, quod te omnes Angeli adorent, beati omnes honorent & laudent, 4. O mi creator, quam ego cupio, vt omnes homines te agnoscant & colant; tibi vni omnes seruiant! 5. Ah, quam me poenitet omnium peccatorum meorum! 6. Et ideo firmissimè statuo legem tuam posthac in omnibus obseruare. 7. Omne solatium meum in sanctissimo tuo beneplacito quaeram; 8. Aduersabor quicquid tibi displicuerit. Mi 9. Deus, omnia mea tua sunt, tibi omnia confecto: Propter 10. te aduersa omnia libentissime tolerabo: 11. Permissione & dispositione tua semper contentissimus ero. 12. O bonitas, tuum in me amorem adauge. 13. O Charitas, te nunquam amare desinam.

*Explicatio precedentis Orationis.*

**C**um virtutis laus omnis in actione consistat, amoris in Deum tendentis actiones interiores, à Theologis plerumque hæc solent assignari.

1. Deum tanquam SUMMUM BONUM, videndum ac fruendum pronissimo affectu desiderare.
2. Sua Deo bona omnia velle, nec aliam ob causam, nisi quia bona Dei sunt, vti sunt sapientia, bonitas, potentia, &c.
3. Impensè gaudere, Deo ab Angelis, beatis, probis omnibus serui.
4. Desiderare vnicè, vt res create omnes,

gloriæ honorique diuino sese impendant. 5. Animo dolere ob omnes in Deum iniurias, & à se & ab alijs commissas.

6. Serio constituere, omnem Dei legem exactè obseruare.

7. Vnicam in omnibus Dei voluntatem sibi sequendam proponere.

8. Auerfari omnia quæ quis Deo displicere cognorit.

9. Omnia sua Deo liberalissima submissione offerre.

10. In res aduersas omnes, Dei causa tolerandas, Promptum animum obfirmare.

11. Diuini regiminis prouidentiam vbique agnoscere. & extollere.

12. Fateri, se diuinis fauoribus minus respondere, & amoris augmentum poscere.

13. Beatam in Dei amore perseverantiam, assiduis precibus efflagitare.

*Circa has diuini amoris actiones, duo maxime notanda.*

1. Letales animi plagas non perferant nisi AMOR aut DOLOR, huc, vt Theologorum ore loquamur, duo tantum sunt actus, qui perditam Dei gratiam recuperent, actus charitatis, & actus poenitentiae: quorum alter alterum includit. Publicanus dolendo potissimum, Magdalena diligendo præcipue omnem animi pestem deterfit: *Remittuntur ei peccata multa quoniam dilexit multum.* Lucæ 7:

2. Primaria diuini amoris actio est, serio & ex animo velle omnibus Dei præceptis parere. *Qui habet mandata mea, & seruat ea ille est qui diligit me.* Io. 14. *Hæc est enim charitas Dei vt mandata eius custodiamus.* 1. Io. 5. Ad hanc amoris diuini actionem exercendam quicquid hominum obstringitur, in triplici fere periculo. Primum cum quis grauiter à dæmone impugnatur, aut alijs ad vitia illecebris inuitatur, & hæc sint exemplo: videt quis auream sine custode moueram, deprehensum habet sub vnguibus inimicum, cernit oblatam explendæ libidinis occasionem; hic cæcæ demoni ingenti conatu suggerit: Sic elabi fines pulcherrimam hanc occasionem? en numos aureos, en opportunam vltionis horam, en paratas delicias; aude aliquid, fructu, opportunitate, dum licet, vttere. Hic necessarium omnino,



minino, vt qui letale crimen horret, suum in Deum amorem sic testetur: Domine Deus, lex tua & tuus honor chariora mihi sunt, quam lucrum meum, quam turpis & vetita voluptas, quam totus orbis, nisi is qui in hoc lubrico sic egerit, Deum perdidit, gratia Dei excidit, cœlum amisit, aut ergo tunc Deum amabit, aut à diabolo vincetur, quod si hominem clandestinæ mètis, aut furtiue corporis libidini dedit, tum interrogem: mi homo, amas ne Deum? amare se affirmabit. Sed an decalogum nosti, noui, dicet, etiam præceptum sextum tenes? dicet, teneo. nuquid eo libidinem omnem prohiberi censet? censeo, respondebit, nec aliter poterit. Et tu tamen in hanc expressissimam Dei legem, nihilominus tam petulanter, toties peccare audes? ergo tua tibi muliercula, tui tibi furtiui amores, tuę tibi oblectatiuncula præ Deo, præ Dei lege, præ honore Dei, longe sunt chariora: ergo in te nec scintilla viuit diuini amoris, quamdiu hos mores & impurum hunc amorem perseueras. *Hac est enim charitas Dei, vt mandata eius custodiamus.* Quid est inquit Augustinus. quod diligo regem, si odio habeo eius legem? & verissimè Gregorius: Verè inquit, amat, qui ad mandata eius à suis se voluptatibus coarctat: qui per illicita desideria diffinit, profectò Deum non diligit, quia ei sua voluntate contradicit.

Deinde, ad eandem diuini amoris actionem quemque obligat, alterum hoc periculum, cum quis prudenter sibi metuit, ne ratione loci quo iturus, aut hominum, quibus cum acturus, grauius delinquat, tunc sanè opus animum Dei amore sic inflammet & muniat, vt cum Psalte regio sincere pronunciet, *Scrutabor legem tuam Domine, & custodiam illam in toto corde meo.* Psal. 118 *Hac est enim charitas Dei, vt mandata eius custodiamus.* Prostremum denique corporis animique periculum, idem quod dixi diuini amoris argumentum postulat, vt cum quis fatalem sibi horam imminere sentit, hoc ipso in suum conditorem amore feratur, idque non pœnæ formidine, non præmij spe, sed quod agnoscat, hoc à se **SVMMO BONO** modis omnibus deberi, hac certè suprema vitæ horâ, si vnamquam, lex illa, quam integerrimè potest, obseruanda: *Diliges Dominum Deum tuum ex*

*toto corde tuo, & ex tota anima tua, & ex omnibus viribus tuis, & ex omni mente tua.* Luc. cap. 10. *Charitas nunquam excidit. Ergo. in charitate crescimus in illo per omnia.* 1. Cor. 13: & Ephes. 4.


## PROTESTATIO.

*Ad Deum, saltem semel per hebdomadam dicenda.*

**S**I quidquam, ô mi Deus, cogitauero, dixero, fecero per imprudenciam, quod diuino beneplacito tuo repugnet: corâ te, Domine, totaque curiâ tuâ cœlesti protestor, id præter & contra voluntatem meam fieri. Si aliter accidat, miserere Domine, & errantem illicò reuoca, cadentem subleua, & ne id contingat, per bonitatem tuam rogo te misericordissime Deus, vt benedictione tua me præuenire, & tanquam rem tuam possidere ac regere digneris. Arbitrij mei libertatem tibi sic subijcio, vt illam à te, si opus, etiam cogi cupiam & vinciri, ne contra te rebellet aut contra voluntatem tuam vel minimum quid committat. Vnicè velim mi Deus, quod tu vis, & quod tu non vis id & ego vnicè nolim. Hac mea vnica sit voluntas, voluntatis tuæ beneplacitum querere, ac facere in omnibus. Si quid Domine à te petam, ne largiaris petenti, quod honori tuo deroget, quod tuæ voluntati repugnet. Scio, ô bonitas, scio; id mihi solum obest, quod tibi non placet. Ergo te, per omnes sanctos Angelos tuos, da mihi odium mei, & tui in omnibus amorem.

*Gemitus ad Deum anhelantes, amoris plenissimi.*

**A**Mo te, mi Deus, cupioque ardentius amare. Hac amoris flammâ cor meum penitus liquefiat. Nihil extra te me beat. Et quando, mi Deus, & quâdo ad te hinc euolabo?



## HORA IX.

Disce **MORI**: id te doceat

*Maximus debitorum numerus.*

**M**Emento homo spuma, immenso aere alieno te laborare, cogita peccata tua  
X x omnia



omnia, & in vnum ea cumulum compono: tot lasciuas cogitationes; tot verba non otiosa tantum, sed contumeliosa, fœda, detractoria; tot facta improba nullo fucō excusanda, intueri hos tantos nozarum acervos, & fateri cogeris: Magnus debitor sum, multorum millium talentorum, & heu, si me sic obaratum mors meo aduersario tradat: certum est, carcere non exibo, dum ad teruncium solutor; mature hæc cogita & alijs sæpe ignoscito, tibi nunquam: qui se cognoscunt, vti semper peccant, ita semper plorant. Vis nunquam esse tristis? bene viue, beatus ille homo, qui semper & vbique sic viuit, vt vnamquamque diem velut vltimam, & non redituram consumat: Memento mori.

Disce VIVERE: id te doceat

*Lex Castitatis.*

**F**ructus Spiritus est charitas, continentia, castitas: omnis autem ponderatio non est digna continentis anime. Galat. c. 5. Eccl. c. 26. Nemo iacet pudicum animum, si impudicum habeat oculum: nemo de casto corpore gloriatur, cuius casta non sit cogitatio. Optimus Iob, ideo cum oculis sanciebat fœdus, vt posset etiam cum cogitationibus: *Pepigi, ait. fœdus cum oculis meis vt ne cogitarem quidem de virgine.* Iob. c. 31. *quam enim partem haberet in me Deus desuper?* Oraculum accipe à B. Hieronymo editum. Quacumque ait, virtute polleas, quibuscunque operibus niteas, si cingulo castitatis careas, omnia per terram trahis. Et crede mihi mi homo, si te pestilens libidinis vrêdo adurat, nec resistas, perijisti. Corpus animus, pecunia fama, omnia tibi tua perierunt: valedic calo & morere. Ergo principijs obsta, & caput obtete huic colubro, ne caudâ te venener.

Disce ORARE: id te doceat

*Oratio B. Francisci.*

DEVS MEVS ET OMNIA,

**B**eatum Franciscum accepimus noctes ipsas quatuor, verbulorum horum commentatione & creberrima repetitione, non semel summa eum animi sui voluptate transexisse. Igitur voce præuntem sequere, & dic:

DEVS MEVS ET OMNIA.

**M**illies hoc dicam, millies hoc cogitabo, millies hoc & vsque, & vsque, & vsq;

millies repetam, neque enim vel dicere, vel cogitare maius possum aut melius, quam hoc ipsum, DEVS MEVS ET OMNIA, Alij alia querant, alia desiderant, vnum ego Deum meum quero, Deum desidero: Ô DEVS MEVS ET OMNIA! opes alijs & honores, voluptates alijs vniuersas relinquo: Deum ego habeam, & omnia habeo, totos alijs ego mundos concedo: aureos & gemmeos montes non inuideo; summas delicias permitto; mihi Deus meus est omnia, nihil ita bonum, nihil ita pulchrum ac iucundum, quin summum illud & primum bonum, & melius sit & pulchrius sit ac iucundius, DEVS MEVS, ET OMNIA! quam me varia sæpe accendunt desideria, quam diuersis subiude æstuo cupiditatibus! ita vt cum lunatico illo adolescente, modo in ignem, modo in aquam rapiar. Sed quænam illa tanta bona sunt, quæ ego tam anxie appeto? num hoc vel illud genus edulij aut potum? Deus meus, cibus meus, potus meus, & omnia num hoc vel illud genus relaxationis aut voluptatis? Deus meus, gaudium meum, voluptas mea, & omnia: num hoc vel illud genus honoris aut dignitatis? Deus meus, honor meus, mea dignitas & omnia, quid est tandem quod appetere possim; & cuius loco, mihi nō Deus sit, & sit omnia? mihi epulatio, mihi oblectatio, mihi quies, mihi thesaurus Deus est, mihi Deus est omnia, & plus quā omnia, nam etsi cibus, quibus inhio, vesci: potu quem sitio, refici: voluntate, quā ardeo frui: honores, quos ambio, assequi liceat: quid istud vesci est, & quid istud refici, & frui, & assequi? DEVS MEVS ET OMNIA, te frui, à te refici, est perfectissimè refici, est frui omnibus bonis: DEVS MEVS ET OMNIA, at vero labor premit, dolor affigit, curæ distrahunt, homo turbat & exagitat. Nihil horum metuendum; neque enim hæc omnia, etiam si simul ingruant, mala sunt, si summum illum bonum opituletur Deus DEVS MEVS, ET OMNIA, tu mihi ô bone Deus ô bonitas, tu in labore quies, in dolore voluptas, in curis securitas; tu mihi ab omni hominum insultu propugnaculum tutissimum; tu mihi ab omni malo refugium; tu mihi es OMNIA quæcunque tandem desiderare possum. Ergo, quancumque in posterum, & quodcunque bonum appetiero, hoc ipse mihi semper occinam: DEVS MEVS ET OMNIA, Desine, ô homo,



mo, impuros riuiulos sectari cum fontem purissimum habeas, Deum habes, omnia habes, quęcunque habere concupiscis.

## ORATIVNCVLÆ SELECTÆ.

*Ad Christum Dominum*

I.

**D**A mihi obsecro, Domine, diabolica vitare contagia, & ad te meam etiam rebellem compelle propitius voluntatem.

II.

**O**mnipotens, æterne Deus, fac me tibi semper & deuotam gerere voluntatem, & maiestati tuę sincero corde seruire.

III.

**T**Va, me, quęso, Domine, gratia semper & præueniat & sequatur, ac bonis operibus iugiter faciat esse intentum. Qui viuus in sæcula sæculorum.

**VNA VOLVNTAS DEI, ADVERSARIA, MORBUM, MORTEM INFERENTIS; & HOMINIS ISTA PERFERENTIS.**

**D**EVS meus, amor meus, absit vt quod tu vis, ego nolim; aut quod tu non vis, velim ego, tuā voluntas, mea voluntas: imò iam amplius mea non est, quia tua esse cœpit, imò tua iam mihi sequenda est, quia mea esse cœpit; idem ego velle debeo, quod tu: & vero etiam, ô Domine, volo, vis me agrotare? volo, vis me depauperari? volo; tabescere? volo; doloribus affigi? volo; solatijs destitui? volo; aduersis plurimis exerceri? volo; mori etiam? & hoc volo, vis me cælo adscribere? volo, inferis addicere? ah! bone IESV, vt tu hoc velles, volebam ego & merebar; vt ego hoc nollem, & volebas tu & merebaris. Atque si fieri posset (vt sanè non potest) horum alterutrum: aut sanctissimam tuam voluntatem irritam esse, vt ego beatus sim, aut me damnatum esse, vt sanctissima voluntas tua rata sit proclamo: melius est daminari me, & seruari, quod tu vis, ô Deus, Sed ô bonitas, mortem meam, scio, non vis, qui filij tui mortem ideo volebas, vt posses non velle meam. Per illam ergo filij morte te rogo, ô Pater, à morte æternâ me eripe. En vulnera, en sanguinem, quo tibi pro me litatum est filio nolebas parcere, vt posses seruuulo. Quia ergo & potes & vis misereri, ô immensa, ô tremenda Maiestas; miserere mei, parce mi-

hi, peccaui, negare non possum; sed tu potes condonare, quicquid peccaui. Serua me, Deus, quem creasti: opus tuum sum, quod te meum opificem videre, & æternum laudare cupio. Potes quidem, instar figuli, me luteum vasculum, & sub sui auctoris manu parum obsequens frangere, & (pridem id meritis sum) in flammis abiicere: sed quia maior est tua bonitas, quam malignitas mea, parce Domine, parce, parce viuam amando te, qui breui moriar, hoc per vltimum halitum rogando te, MISERERE.

ANNO TATIVNCVLÆ DE DI-  
uina & humana voluntatis confor-  
matione.

I.

**P**ER omnem sacram paginam, nihil commendatius est quam hæc diuinę & humanę voluntatis vnio, Christus vtique omnium hominum optimè orare nouit; sic autem orauit. *Pater, non mea; sed tua voluntas fiat.* Sed nec nos aliter orare docuit: *Fiat voluntas tua, sicut in cælo, & terra.* Mille alia biblicorum pro hoc testimonia sunt.

II.

Vnicam in omnibus Dei voluntatem attendere, est compendium & summa optimæ ac tranquillissimæ vitæ.

III.

Extra omnes tempestatum furias, supra nubes securus degit, quicunque sua omnia ad vnicam Dei voluntatem collineat. Amicis summum precandi genus est **VELLE**: Deo amicū facit, idem in omnibus **VELLE** cum Deo.

IV.

Quęcunque in orbe fiunt, aut verè mala, & in Deum peccata sunt, aut certè mala non sunt, quia nec peccata sunt, in prioribus illis Dei permissio, in his dispositio semper admirabilis elucet.

V.

Ideo sapienter Epictetus: Ne postules, inquit, ea quę fiunt, ita fieri vt tu vis; Sed, si sapias, ita velis ea fieri, vt fiunt, sic omnia secunda tibi accident (Enchir. c. 13.) sapientius Thomas à Kempis. Homo internus citò sese colligit, & sicut res eueniunt, sic se illis accommodat. (lib. 2. c. 1.) sapientissimè Salomon; *Non contristabit iustum, quicquid ei acciderit*

X x 2

ciderit




*ciderit.* Prou. c. 12. Quid enim tristeretur ille qui in omnibus summam Dei prouidentiam, & sanctissimam eius voluntatem agnoscit.

## VI.

In omni fortuna, secunda & aduersa, in quauis turbatione aut tentatione, in quibuscunque procellis, tutissimum & optimum, vnicam sibi Dei voluntatem sequendam proponere vniuersa & singula, quæ facienda & ferenda in vnam Dei voluntatem reducere, hac quisquis iuerit, tutissimus ibit.

## VII.

In morbo & morte, non est vtilius exercitium vllum (Ludouico Blosio teste) quam vt quis seipsum ex integro diuinę voluntati submitrat, & immensam Dei bonitatem ac misericordiam, HUMILITATIS & CHARITATIS brachijs amplectatur.



## HORA X.

Disce MORI: id te doceat

*Vsitatus defunctorum Psalmus.*

**M**emento, homo aura, quid tibi omnes è tumulis defuncti acclament: **M I H I H E R I E T T I B I H O D I E.** Memor esto iudicij mei, sic enim erit & tuum Eccl. c. 38. Hic ille communis mortuorum psalmus est, quo inuitamur ad tumulum. Imus huc omnes, nec sciungimur, sed leniter alter alterum anteimus, Hæc lex est vniuersi nasci, surgere, languere, mori. Omnes morimur, & quasi aqua dilabimur in terram, quæ non reuertuntur. 2. Re. o. 14. Ideo sæpe cogitandum est, quod semel faciendum est. Quare sarcinulas collige, breui aderit qui te ducet ad **P L V R E S.** iter hoc nec auro, nec prece, nec pretio, arte nulla redimemus. Eundum est, eundum, & in alium orbem migrandum; si mortem metuis æternam, vide vt tua ante te vitia moriatur; Memento mori.

Disce VIVERE: id te doceat

*Lex Humilitatis.*

**G**loriam præcedit humilitas. Pro. c. 15. Et qui sine humilitate virtutes congregat, in ventis puluerem iactat. Vere modestus &

humilis non vult modestus & humilis, sed vili videri, cum affligitur & contemnitur, sibi ipse identidem occinit; **HIS DIGNVS ES.** Cadere vult non ascendere, qui ad alta, non per infima tendit; perire vult, qui se in superbiam & pretium sui præcipitat. *Quanto magnus es humilia te in omnibus* Eccl. ca. 3. Et quæso, cur spectatores tibi deligis in terra, cum theatrum habeas constructum in cælo? quid sterilem gloriolâ aucuparis, cui gloria æterna promittitur? Nihilominus humilitatis vmbra multi, veritatem pauci sectantur. Humilē ostendit indefessa patientia, & generosus suimet contemptus. Et hoc tibi longè sit certissimum de te ipso; Tanto maior eris in oculis Dei, quanto minor fueris in tuis: tanto Deo pretiosior, quanto tibi ipse vilior.

Disce ORARE id te doceat.

*Commendatio anima in manus Creatoris.*  
*In manus tuas, Domine. commendo spiritum meum.*

**I** Am commendo sanus & valens, vt commendatum habeas, ô Christe, quando illum commendare non potero amplius, et si suis vinculis nondum solutum. Timeo tempus illud, quo inter viuos ero, nec esse me sciam. videmus in plerisque moribundis id fieri. spirant, viuunt, & viuere se nesciunt. quis palpitantem tunc spiritum & migrare trepidantem, tandem tamen ex amico carcere migrantem recipiat, si tu excludas, orbis conditor? Christe patientissime recordare, etiam te in extremis illis angustiis lacrimatum & deseri questum esse, spiritum Patri commendasse, exclamasse, expirasse. Ad te ego iam clamo vt tu meus seruator spiritum meum suscipias, quocunque morbo, tempore, loco, è corpore abeuntem, Recordare, bone Iesv, in cruce te brachia expandisse, pectus aperuisse, caput inclinasse. Ecce, anima mea à rebus creatis omnibus deserta, refugium quærit; in illa tua brachia sese immittit, in tuum illud pectus sese ingerit; admitte, obsecro miseram, & ne inde exturba, donec ira Dei transeat. hic securam, hic ab inferorum satellitibus tuta lateat. Ergo in manus tuas, Domine, commendo spiritum meum, imò tuum, quia tu eum creasti & reparasti; Figmentum tuum, ô Deus, ne despicere.

ASPI.



## ASPIRATIONES AD CHRISTVM

Profelici obitu.

**N**on intres in iudiciū cum seruo tuo, dulcissime IESV, quia non iustificabitur in conspectu tuo omnis viuens Pf. 142.

Ne memineris bone IESV, iniquitatum mearum cito anticipent me misericordia tua, quia pauper factus sum nimis. Pf. 78.

Illumina, mansuetissime IESV, oculos meos, ne unquam ebdormiam in morte: ne quando dicat inimicus meus: preualui aduersus eum. Pf. 12.


Domine IESV Christe, fili Dei viui, pone passionem, crucem & mortem tuam inter iudicium tuum & animam meam.

O mi amantissime Domine IESV Christe, ob honorem & virtutem tue benedictæ Passionis, iube me adscribi in numerum Electorum tuorum.

## AD OMNES SS. ANGELOS

ardens suspirium.

**S**uccurrite, subuenite, ô vos omnes beatissimi Spiritus, Sancti Angeli Dei, & cum in extremis, vestram opem non amplius implorare potero, ne me deserite.



## HORA XI.

Disce MORI: id te doceant

Repentina mortis insidia.

**M**emento, homo somnium, cum cubitum te confers, quam plurimos somnum inchoasse & vsque continuasse morte subitâ extinctos. ita Silara, soporem mortis sociâs deseruit, & mortuus est, Iud. c. 4. Quot sani cubitum ierunt, reperti mortui? quot inter colloquendum, cenandum, ridendum subito abrepti? mille modi sunt Leto. vnica venenata herbula, vulnuscum neglectum, pustula vix conspicua, acinus vix, tecti regula, piscis pinula, guttula medicata, tenuissimus pilus, ipsa etiam vel paullo corruptior aura necat hominem: ad vitam rapiendâ innumeros habet aditus, insidiosissima MORIS. ideo dies omnis

& ordiendus cautissimè, & claudendus optimus ordo est, à Deo diem incipere, & cum Deo finire; nec prius plumis se mergere, quam rationes sint positæ, de luce transacta, nimium temerarius est, qui offenso & nondum propitiato Deo, auder obdormire. Sic somnum semper inchoa, ac si quis auri insusurret; Hac nocte repentent à te animam tuam. Lucæ c. 12. Memento mori.

Disce VIVERE: id te doceat

Lex Charitatis

**D**iligentibus Deum, omnia cooperantur in bonum, ad Ro. c. 8. Omnia. Beatus, ô Domine, qui amat te, & amicum in te, & inimicum propter te. Causa diligēdi Deū, Deus est; modus, sine modo diligere. Vbi thesaurus tuus, ibi & cor, & amor tuus est, vis nosse, vbi tuus thesaurus sit? attende quid ames. vis nosse quid ames? attende quid cogites, ibi thesaurum condis, quo crebras cogitationes mittis. vbi Dei obliuio est, ibi Deus thesaurus non est. Sed nec Deum amat, qui vllum hominem odit. Paulinum dogma nōst; si charitatem non habuero, nihil sum. etsi habeam alia omnia & Super omnia autem charitatē habete, ad Ro. c. 8. Licet ergo tota horrea, totas vineas, aureos montes, gēmeas domos in stipē croges, si vel vnicum hominem odisti, nihil dedisti. Nunquam enim concordiam habebis cum Christo, si discors esse volueris cum Christiano. Tota lex Christi tribus literulis includitur: AMA, Deum ama, & omnes leges seruasti.

Disce ORARE: id te doceat

Oratio pro felici sue vitæ:

**S**anguine tuo, Christe IESV, à peccatis omnibus laua me & concede vt anima mea, cum è corpore migrauerit, ante tribunal tuum appareat munda O bone IESV ne deseras me, in vltimis angustijs, in supremâ mortis lucta, à quâ tota pender ÆTERNITAS. O mi Redemptor, in manus tuas spiritum meum iam commendo. Tua, ô mi Deus, sanctissima voluntas in me semper fiat, & in æternum.

## AD CHRISTVM CRVCIFIXVM

**A**doro te IESV Christe, & benedico tibi, quia per crucem tuam redemisti mundum.



dum: Saluator mundi salua me, qui per crucem & sanguinem tuum redemisti me, Trahe me ad te, ô bone Iesv, qui dixisti: Cum exaltatus fuero à terra, omnia traham ad meipsum: te deprecor per pretiosum sanguinem tuum, quem pro me peccatore effundere voluisti, vt abluas omnes iniquitates meas. Creator & Redemptor meus, Christe Iesv, totum me tibitrado, non me reicias; ad te venio, non me repellas. Ne proicias me à facie tua, & Spiritum sanctum tuum ne auferas à me. Ne perdat me iniquitas mea, quem creauit omnipotens bonitas tua,

AD

## OMNES SS. ANGELOS

*Hominis moribundi gemitus, & impendentis iudicii memoria.*

**O** Vos omnes purissimi Spiritus, Sancti Angeli Dei, respicite in me. Hic ego iam ceo gemens & suspirans, quia manus Domini tetigit me, mors mihi in oculis est; mortalium iam nemo amplius, vos soli potestis succurrere. Iudicii dies mihi iam est indictus, cheu, comparandum est coram summo Deo, & reddenda ratio de cogitatis, dictis, factisque omnibus. Scitis, ô beatissimæ mentes, me vilem terræ vermiculum, quotidie honori vestro dicere aliquid aut facere conatum esse. Ah, ne me deserite, in his summis angustiis meis, in hac vltima necessitate à qua mihi tota pendet **ÆTERNITAS**. Momentum illud iam imminet, in quo salus mea omnis aut perenne stat exitum. Ah! iuuare, & ante Regem regum pro me supplices procumbite, & meum mihi obsecro conciliate Iudicem. Sententiam ego nunc expecto supremam; vos impetrate, vt ea mitis sit & ad vitam. Mortem quam ego meritis fuisset æternam, per vestras preces meritaque liceat deprecari. Subuenite sancti Angeli Dei, subuenite, succurrite, iam iam aderit Iudex Christus Iesvs. Misere, ô Iesv, misere: per omnes sanctos Angelos tuos te rogo Iesv misere.

## HORA XII.

Disce MORI: id te doceat

*Impronsa Mortis irruptio*

**M**emento, homo nihilum, vt fures in domum illam nunciare non solent, quam hora noctis duodecima, aut prima, aut secunda effringere vel suffodere statuerunt; sic nec mortis mos est, certis nuncijs præmonere, tali die aut horâ venturam, vbique mors est, & semper in propinquo, Vigilate itaque ô mortales omni die, omni horâ. *Ipsi enim diligenter scitis, quia dies Domini sicut fur in nocte ita veniet.* 2. Thess. 2. Iacob moriturus, collegit pedes suos super lectulum, & mortuus est. Animum tuum, ô homo, tuum spiritum tu collige: ibis breui, ibis in domum **ÆTERNITATIS**: Memento mori.

Disce VIVERE: id te doceat

*Lex familiaritatis cum Deo.*

**A**ppropinquate Deo, & appropinquabit vobis. Iac. c. 4. Non metuenda est hîc familiaritas nimia; quò quis Deo familiarior erit, hoc erit & Dei reuerentior. Amicos facit animorum coniunctio, consiliorum communio. Amicus Deo nemo fit, nisi purgatissimis moribus. Hic ego, mi homo, summe oro, tracta causam tuam omnem, cum tuorum amicorum optimo, cum Deo tuo bene tibi est: de hoc successu Deum consule. malè tibi est: de hoc ipso, nil sine Deo tuo statue: omnia cum hoc amico tuo delibera; tam fidenter cum ipso loquere, quàm tu ipse tecum. Suauissimus est hic amicorum & fidelissimus, sed animæ solum Deum quærenti, Dei quotiescunque minis fueris memor, mox redi & clama: O mi Deus, ô meorum amicorum amatissime, diem perdi, quia præsentiam tuam amisi, tui memoriam neglexi. Scio, eum qui amicus est, omni tempore diligere: nec ei quicquam esse suauius, quàm esse cum amico. Amicitia quæ vera est, est **ÆTERNA**.

Disce



Disce ORARE, id te doceat

*Examen conscientia quotidianum practicum.*

**T** Antò, inquit Gregorius, securius quis Dominum expectat, quanto quotidie vitam suam suspectius examinat. Eleganter huius officij submonens Augustinus. In tribunal inquit, mentis tuę ascende contra te, & te reum constitue ante te: noli te ponere post te, ne Deus ponat te ante te. Quotidianum examen conscientia, orationem esse longè utilissimam, omnium sapientum vox est, multi, quinque illius assignant capita, nemo est qui hunc orandi modum sic doceat, vt is nemini videri possit difficilis, at erit facillimus: tu modò sic ora, & hoc solum obserua, vt post duas primas orationunculas nonnihil subsistas, & quomodo diem expenderis, cogites.

*Ergo si sic oraueris, rem panè omnem factam habebis.*

I.

*O infinita Bonitas, gratias tibi ago pro omnibus beneficijs tuis, quæ mihi hodie & tota vita mea contulisti, tibi laus & gloria in infinitas sæculorum myriadas.*

II.

*O immensa Maiestas, da vt quicquid tibi hodie in me displicuit, id mihi in memoriam integrè redeat.*

III.

*Hic exacta diei cogitata, dicta, facta in memoriam reuoca, & quid in Deum peccaris expende.*

IV.

*O inexhausta Misericordia ignosce mihi quicquid hodie peccaui contra te. Ego omnes offensas huius diei, & totius vitę meę, in abyssum misericordię tuę depono, & per mortem filij tui, te precor, ô Deus, dimitte mihi quicquid vnquam in te peccaui.*

V.

*O aterna Sapientia, Christe IESV, firmissime propono non peccare amplius.*


*Et hoc quotidianum est examen conscientia: Addi possunt hæc.*

*Pater Æterne, per vitam & mortem filij tui; per omnem bonitatem tuam te rogo, concede mihi vt in bono perseuerem, & in gratia tua moriar.*

*Bone IESV, per extremas illas in cruce voces, quibus Patri spiritum commendasti, te rogo, suscipe spiritum meum in fine vitæ meę.*

*Spiritus sancte Deus, miserere mei, & sancta inspiratione tua me semper & potissimum in hora mortis meę adiuua.*

*Santissima Trinitas vnus Deus, miserere mei, nunc & in fine vitę meę.*







## HORÆ NOCTIS.

**E**xegimus HORAS DIEI, *super sunt NOCTIS, quæ uti quietior, ita meditationi, quàm dies, aptior est. Idcirco quem per diem docuimus orare, per noctem meditari & considerare docebimus: prius tamen causas assignabimus, quare Angeli tanto amore, totque officijs meritisimo sint colendi.*

### CAVSSÆ

CVR SANCTI ANGELI,  
præ cæteris beatorum ordinibus, sum-  
mè venerandi.

#### 1. Causa. Sacra Biblia.

**P**Lenæ sunt diuinæ litteræ testimonijs & elogijs, de felicissimo statu, deque plurimis SS. Angelorum in nos beneficijs.

#### 2. Vetus Historia.

Omnis verus historia, amantissima circa nos Angelorum ministeria, variè deprædicat.

#### 3. Numerus Angelorum

Angelorum numerus nobis infinitus, soli Deo est numerabilis, ita innumeros in cælo amicos habere poterit, quisquis eos sibi conciliare voluerit.

#### 4. Angeli Dei Vicarij.

Tam in priscâ, quam in nouâ lege, vices Dei funguntur Angeli, frequentissime promittit Deus: mittam Angelum meum: Præcedet te Angelus meus: Immitter Angelus Domini, &c.

#### 5. Nobis addictissimi.

Angeli nobis beneuolentissimi sunt: & hoc vnum omnibus suis officijs agunt, vt breui eis quàm simillimi simus.

#### 6. Nostrî sine numero patroni.

Vnico venerationis actu tot contenta milia beatissimorum spirituum; innumeros nobis patronos conciliamus.

#### 7. Aduersariorum de eis testimonia.

Ipsi etiam hæresiarchæ Lutherus, Calvinus admodum honorificè de Angelis scripserunt. Calvinus, etiam neget alios Diuos & beatos, Angelos tamen expressè docetinuocari posse:


vt patronos & caussidicos nostros lib. 3. institut. c. 20. §. 23.

#### 8. Experientia quotidiana.

Multos hominum quotidiana docet experientia, quam assiduas pro nobis & fideles agant excubias beati Angeli.

#### 9. Voluntas Dei

Deus Angelos curandæ nostræ salutis præfecit: prouinciam custodiendi nos in omnibus vijs, Deus Angelis demandauit. Angelis Ecclesia theatrum est, in quo & Dei sapientiam mirentur & ignorantia nostræ opitulentur. Mille nos Angeli afficiunt beneficijs; mille nos Angelos afficiamus obsequijs.



## HORA PRIMA NOCTIS.

Disce MORI: & cogita

*Nunquid non est mihi migrandum erit tandem & moriendum? Cur ergo vasa non colligo.*

Disce ORARE.

**A**NIMA I CHRISTI sanctifica me, corpus Christi salua me, sanguis Christi inebria me; 2 Aqua lateris Christi laua me; passio 3 Christi conforta me. O bone 4 IESU exaudi me; intra 5 vulnera tua absconde me; ne 6 permittas me separari abs te; ab hoste 7 maligno defende me; in horâ 8 mortis meæ voca me, & iube 9 me venire ad te, vt cum 10 sanctis tuis laudem te in æternum Amen.

Bre-



*Brevis est hac oratio, sed exercenda virtuti decem illustria documenta suggeruntur cogitanda prout indicant numeri.*

1. Communio crebra. 2. Confessio frequens. 3. Passionis Dominicæ meditatio. 4. Oratio assidua. 5. Iudicii metus. 6. Perseuerantia. 7. Fortitudo in tentationibus. 8. Memoria mortis. 9. Desideriū cælestis patriæ. 10. Aternitatis meditatio. *Et hac ego tibi una cū adiunctis duobus alijs documentis, per duodecim Noctis horas breuissime explicabo. Faciamus initium hac hora.*

Disce VIVERE: tua  
verò sit vita,

COMMUNIO CREBRA.

**N**isi manducaueritis carnem filij hominis & biberitis eius sanguinem, non habebitis vitam in vobis. Ioan. c. 6. Amicum non amat, qui eius præsentiam odit: nec Christum diligit, qui eius conuiuium fugit.

\*\*\*\*\*

## HORA II.

Disce MORI: & cogita

*Quid me fiet post mortem? quo anima deueniet? incertum est. Cur ergo tam securus viuo, velut iam certus cæli?*

Disce VIVERE: tua verò sit vita,

CONFESSIO  
frequens.

**A**mplius laua me à peccatis meis Psal. 50. Operum bonorum initium est confessio malorum. quotidie peccamus, peccata si non quotidie, saltem crebrius eluamus: peccatum enim quod pœnitentia non diluit, suo pondere mox ad aliud trahit.

Disce ORARE, & Considerare.

**O**ratio vera cordis est non oris, aut labiorum: neque enim verba deprecantis Deus intendit, sed orantis cor aspicit, ait Ildo-

rus. Itaque paullatim mi homo, & in minoribus docebo te corde orare, hoc est, meditari, & quævis diuina maximè attentius considerare; optimè orat, qui res suæ salutis hoc modo considerat, pro more sic orauerat Isaac? *Et egressus fuerat ad meditandum in agro, inclinata iam die.* Genesis capitul. 24. Nihil est quod non assidua meditatio facillimum reddat. Primum quod tuæ considerationi subijciam, interrogatiunculæ sunt, quas tu ipse iam diu aues proferre, nunc licet? tuarum partium sit quærere, mearum respondere.

Tres Quæstiuncule,

1. Q. O mi Angele, cur Deus pro lapsis Angelis, non itidem factus est Angelus, vti pro lapsis hominibus factus est homo;

1. Resp. Ah! noli hoc quærere: RVINAM Angelorum, & LAPSUM hominum tu nunquam satis intelliges, nisi cum hominē exueris, & inter Angelos vixeris, quis fando explicet aut cogitando satis indaget, decretum illud quo mitissimus ille Deus, tot miliones nobilissimorum ac pulcherrimorum spirituum cælo proseripsit, in omnem aternitatem, & quis ille inter homines Monarcha, qui trecentos principum aut regum filios ad gladium damnet, & in ferale theatrum productos securi percuti iubeat, ob culpam, multorum iudicio, lenissimam! & quid sint, ignosce mihi mille Cæsarum filij, ad Angelum vnicum? tot tamen centenis Angelorū millibus, ipsa bonitas recusauit parcere, & delictum quod erat? vnica cogitatio, vnicum NOLLE.

Verè vigilat Rex noster, tam ad iustitiam quàm ad misericordiam, vt indulgeat, & vt puniat. Creauit quidem Deus tot pulcherrimos Angelos, eos tamen ab æterno præsciuit fore fœdissimos diabolos. At sicut Deus (vt rectè Aug.) naturarum bonarū est optimus cōditor, ita malarum voluntarū est iustissimus ordinator, vt cum illi male vtuntur naturis bonis ipse bene vtatur voluntatibus etiam malis, apostatarum Angelorum sedes iam hominibus decretæ sunt, si eas velint facere suas bene viuendo; ita Luciferi ruina, humanæ genti causa est sublimioris ascensus, non vanè Origenes; Si earum, inquit, virium essem, vt Luciferum vincerem, Luciferi in cælo solum



obtinere, quo quis enim fortiolem ac callidiorē superauerit diabolum, hoc celsiorem inter Angelos occupabit locum. Quis autem hominum, in principis Angeli sede sit collocandus, tibi non refert scire, hoc scias, cum illic sublimissimum fore, qui antē hic fuerit verā submissionis studiosissimus.

2. Q. Num oro, mihi Angele, tot hominum in cælum sunt euehēdi, quot Angelorum inde præcipitati extant libri qui hoc constanter, nec sine ratione affirmant.


2. Resp. Et hoc velim omittas quærere, pia malim tibi placeant quam curiosa. Sed est humanae gentis vitium CURIOSITAS. Verissimè dixit Ecclesiastes c. 7. *Solummodo hoc inueni quod fecerit Deus hominē rectum: & ipse se infortis miscuerit quæstionibus.* Tu hoc potius quære, quibus alis ad Angelorum cætus eueharis. Et diuinis libris nosti, nouem illorum esse ordines: infimum Angelorum, proximum Archangelorum, supra hos, Principatus, Potestates; Virtutes, Dominationes, Thronos, Cherubim, Seraphim. Vni horum inferi cupias. Sed quæris, quomodo id possis? Beata Mechthildis (*Reuel. c. 54.*) diuinitus edocta, in hunc sensum de hac re loquitur. Ad primos ANGELORVM ordines viam sibi sternunt, qui egenis, ægris, peregrinis, Dei causā inferuiunt. Ad secundam ARCHANGELORVM coronam contendunt, qui orationi rerumque diuinarum meditationi se dedunt. Ad PRINCIPATVS spectant, qui omnem in se noxiam cupidinem expugnant. Inter POTESTATES censiuntur, qui alijs eā quā par est curā, amore, vigilantiā præfunt. VIRTUTIBVS annumerantur, qui opibus paupertatem præferunt; qui se patientiæ ac obedientiæ totos emancipant. AD DOMINATIONEM chorū anhelant, qui deuotissimis studiis omnem suam voluntatem ad diuinam in omnibus cōfirmāt. THRONI dicendi sunt, qui assiduis rerum celestium meditationibus, cursuum dignam Deo sedem faciunt. Ad CHERUBINOS extollendi, qui, quod in Deo per meditationē vident, quod in operosā hac mentis quiete discunt, in aliorum animos sermone transfundunt. SERAPHINIS accensentur qui Deum toto pectore amant ardentq; & ipsos etiam propter Deum inimicos, si quid amant aliud, in Deo amant, solius Dei iniuriā percelluntur. Et hæc via

est ad sublimes illas Angelorum hierarchias.

3. Q. Et cur, mi optime Custos, nullus vnquam Sanctorum Angelorum (quod ego sciam) chari hominis corpus infedit, quod tamen transfuge Angeli sepe sepius sunt ausi, quandoque multa millia diabolorum, vnius hominis membra, velut tabernam publicam subierunt, vix multa vi pellendi, cur non idem meliore humanitate audeant beati Angeli?

3. Resp. Homo, templum est Numini sacrum, Angeli, reuerentia & amore ducti, principis sui conclauē, suo ingressu nolunt temerare, impudentis famuli est, spectante Domino, aut sellam aut equum sui Domini infidere, Angeli verò conseruos sese non diffidentur. Accedit, quod cum Deus hominis originem adeo nobilitarit, admirando diuinæ & humanæ naturæ connubio, tam nihil sibi in hominem licere volunt Angeli, vt non tantum Numinis sed & hominis seruos se dici tolerent, nihil nisi iussu Domini in hominem moliantur.

Angelus exul, Dei æmulus, modo Deus non abnuat, omnia vi agit, & crudeli impudentia. Atque huic Deus sæpe annuit, puniendo homini, qui si Deo neget hospitium, hunc ab Orco hospitem iubetur admittere. Gemina in corde hominis conclauia non sunt; vnicum est, in quo aut Deus hospitat, aut diabolus: si Deo locus non sit, certe est diabolus: sic vbi peccatum regnat, illinc exulat VIRTVS.



### HORA III.

Disce MORI: & cogita

*Quo morbo, quo tempore, quo loco mors me inuadet? hac nemini præsumuntur. Cur ego non quouis loco, & omni tempore mortem expecto?*

Disce VIVERE: tua vero sit vita

MEDITATIO DOMINICÆ  
Passionis.

**C**hristo passio in carne, & vos eadem cogitatione armamini. 1. Petri 4. Ab omni heste



hoste tutus est, qui in vulneribus Domini Iesus se nouit ascendere, nec sentit sua deuotus miles, cum sui ducis inuictur vulnera.

Disce O R A R E : & considera,

*Meditatiuncula ter nouena, quibus compendio à sacris paginis, aut benignus Angelorum amor, aut iusta in nos ira proponitur.*

### ANGELI.

#### 1. Liberant à carcere.

**A** Postolos in carcerem à Principe sacerdotum coniectos, è vinculis educet Angelus: *Ite, inquit, & stantes loquimini templo plebi, omnia uerba uita huius.* Actor. cap. 5. Nec audiendus, nec timendus est homo, cum aliud iuber Deum.

#### 2. Seruant in flammis.

Hebros tres iuuenes in flammis Babylo- nicis, quartus ipse seruauit illos Angelus, *Dan. cap. 3.* Innocentia ubique ruta est, innocentibus flammæ pro rore sunt, leones pro agnis.

#### 3. Vindicant à gladio.

Isaacum sub patris gladio confuturum, iam iam ferendum liberauit Angelus. *Et ecce Angelus Domini de celo clamauit dicens: Abraham, Abraham, qui respondit, adsum, dixitque ei, Non extendas manum tuam super puerum, neque facias illi quidquam.* Gen. cap. 22. Laudatissima est obedientia quæ in arduis præstatur.

#### 4. Inter leones protegunt.

Agnellum unum, septem impastis leonibus obiectum, Angelus defendit intactum, quod de se confirmat Daniel: *Deus meus misit Angelum suum, & conclusit ora leonum, & non nocuerunt mihi.* Dan. c. 6. Inter leones uelut inter agnos secunda degit castitas, quam Angeli tuerentur.

#### 5. In undis defendunt.

Mosen in scitellâ scirpea Nilo innatantem, ab exitio protexit Angelus, & educationem ei uelut reginæ filio impetravit. *Exo. c. 2.* Pallio pro nauigio utitur per furibundum mare, qui Angelum habet nauarchum.

#### 6. E vinculis educunt.

Ad Petrum Angelus geminis catenis uinctum, uelut Sol irradians penetravit, & dormientem impellens: *surgere, inquit, velociter, & circumda tibi uerimentum tuum, & se-*

*quere me.* Act. c. 12. Omnium serarum clauces habent Angeli, omnia penetrant: vinciri non potest, quem Angelus in libertatem asserit.

#### 7. Incendio vicino subducunt.

Lothum, proximo iam Sodomæo incendio, educentes duo Angeli: *Salua, inquit, animam tuam: noli respicere post tergum, nec stes in omni circa regione, sed in monte saluum te fac, ne & tu simul pereas.* Gen. c. 19. Bonis moribus nocentissimum venenum est malorum societas: Cum his versare, qui te meliorem facturi sunt.

#### 8. A mortis supplicio eripiunt.

Angelus castissimam Susannam, cum iam duceretur à morte liberauit, per spiritum innocentissimi adolescentis Danielis qui in impuros senes publice proclamauit: *Manet Angelus Domini gladium habens, ut secet te medium, & interficiat vos.* Dan. c. 13. Nemo gratis fidei Deo, in summis periculis quò minus humanum, eo præsentius habet diuinum auxilium.

#### 9. Impinentem cladem auertunt.

Angelus, uelut Imperatorius caduceator, ut inferendam vastitatem cohiberet, proclamat: *Nolite nocere terræ & mari, neque arboribus, quoadusque signemus seruos Dei nostri in frontibus eorum.* Apoc. c. 8. Vasa etiam vacua honori sunt, quando sic signata sunt.

### ANGELI.

#### 1. Contumacia resistunt.

**B** Alacrum asina uehementem, stricto gladio inuasit Angelus, & *Ego ueni, inquit, ut aduersarer tibi, quia peruersa est uia tua mihi, que contraria, iussitque eum uiam omnem re- legere.* Num. c. 22. prouident est homini errare, modo errorem monitus, non recuset emendare.

#### 2. Inobedientiam reprehendunt.

Vniuersum Israelis populum acerrimè ob- iurgans Angelus: *Nolistis, inquit, audire uocem meam, & cur hoc fecistis?* concionem hanc non tantum magnus omnium fletus, sed & magna morum emendatio secuta est. *Iud. c. 2.* Noxas ridiculè plorat, qui deploratas mox iterum patrat.

#### 3. Superbiam puniunt.

Angelus Herodem veste regia nitentem, pro tribunali sedentem, & concionantem ad



populum percussit, eo quod non dedisset honorem Deo, & consumptus à vermibus expirauit. Act. c. 12. Exola est superbia vel ipsis superbis, & qui superis placeret?

4. *Hosium castra euertunt.*

Angelus vnicus, magnum mare Assyrij sanguinis fudit: *Deiecit castra Assyriorum & contriuit illos Angelus Domini*, Eccl. cap. 48. Vnica maledica lingua (qualem Sennacherib habuit) & suum dominum, & innumeros alios trahit in exitum.

5. *Plurimos peste perimunt.*

Angelus 70000. Israelitarum triduo peste necauit: cumque Hierusalem etiam eadem lue laboraret, *misertus Dominus super magnitudine mali: imperauit Angelo qui percutiebat: Sufficit, iam cesser manus tua. Leuansque Dauid oculos suos, vidit Angelum Domini stantem inter celum & terram, & euaginatam gladium in manu eius, & ceciderunt tam ipse, quam maiores natu, vestiti cilicij, proni in terram.* 1. Paral. c. 21. Quam seuerus est Deus in peccantes, tam mitis est in dolentes de peccato.

6. *In bellis terrori sunt.*

Iudam Machabæum Angelus eques, candidatus, armis aureis coruscus, contra hostes præcessit, eumque militibus se sequentibus: animum iniecit, vt in hostes leonum more iruerent, parati muros ferreos penetrare. 2. Mac. c. 11. Sub tali duce, quantumcunque paruis copijs, certa est victoria.

7. *Pro amicis se opponunt.*

Angeli in monte Dorthain, adeo formidandam & flammeam aciem explicuerunt, vt Elisæus seruulo suo trepidanti dixerit: *Noli timere, plures enim nobiscum sunt, quam cum illis: & ecce mons plenus equorum & curruum igneorum, in circuitu Elisæi.* 4. Reg. c. 6. Veniant Xerxis copiae, & inuadant me; veniant vniuersæ diabolorum cateruæ, & irruant in me; videbo tutus dum me vel vnicus tueatur Angelus.

8. *Belli duces constituunt.*

Angelus Gedeonem belli duce saluans: *Dominus, inquit, tecum virorum fortissime: Vade in hac fortitudine tua, & liberabis Israel de manu Madian: scito quod miserim te: Ego ero tecum* Iudic. c. 6. Per Angelos nemo non fortis est, si velit esse.

9. *E futurum exitum prædicunt.*

Angelus fortissimus, saxum molare ingens sustulit (spectante id Ioanne) & in pelagus excussit, clamauitque: *Hoc impetu mitteretur Babilō, ciuitas illa magna & ultra iam non inuenietur.* Apoc. c. 18. Cauere Babylonij, vos balneum hoc expectat.

ANGELI

1. *Facundiam donant.*

**I**saïæ Prophetæ labra calculo ignito, quem forcipe tulerat de altari, attraxit Angelus, *1sa. cap. 6.* Facile est ei facundos ignes in frequens auditorium spargere, qui sub tali magistro Rhetoricam addiscit.

2. *Egrotos sanant.*

Aquam Hierosolymis, intra Salomonis porticus conclusam, Angelus per annum sapius (vt plerique censent) in gratiam tot ægrotorum mouit, vt qui primus in eum descendisset post motum, sanus exiret. *Ioan. cap. 5.* Non plebeius hic medicus est, qui aquam dumtaxat turbat, & ægros sanat.

3. *Fatigatos reficiunt.*

Eliam prophetam sub vmbra iuniperi dormientem, è somno excitans, & cum fontana panem apponens Angelus: *Surgam, inquit, comedere: grandis enim tibi restat via.* 3. Reg. c. 19. Valeant regum delitiae, valeat salernum omne, præ hac aqua, quam talis è cælo pincerna ministrat.

4. *A charis vinci se sinunt.*

A Iacob Patriarcha vinci se luctando permisit Angelus & victorem suum à fratris intentatis minis tutatus est. *Gen. c. 32.* Dum viuimus, luctandum & pugnandum est: beatus es, si pugnando moriaris, quia mortuus mox coronaberis.

5. *Afflictos solantur.*

Angelus, Abrahami ancillam Agar, à desperatione reuocans; *Quid agis, inquit, Agar? noli timere: simul vicinum fontem desperationis vitæ remedium monstrauit.* *Gen. c. 21.* Miser & infelix est, qui non fuerit infelicitate tentatus.

6. *Ad benefaciendum hortantur.*

Angelus Philippum hortatus: *Surge, inquit, & vade contra meridianum &c.* voluit Angelus occasionem arripi, per quam Candaces Æthiopum reginæ quaestor, religione vera imbueretur, *Act. cap. 8.* Occasio bene de alijs



# HORA IV. NOCTIS.

357

alijs merendi non quærenda tantum, sed sepe capienda est.

## 7. E calo in terras commeant.


Angeli tam in prisca, quam noua lege, officioso ascensu & descensu calum terrasque petunt. *Vidit Iacob in somnis scala stantem super terram & cacumen illius tangens calum: Angelos quoque Dei ascendentes & descendentes per eam.* Genesis cap. xxx. Christus similitimum Angelorum huc illuc commeandi studium prædicens: *Videbitis*, inquit, *calum apertum, & Angelos Dei ascendentes & descendentes supra filium hominis.* Ioan. c. i. Errare cupit, qui viam ad calum, ab his cæli tabellarijs discere negligit.

## 8. Orantes animant.

Vxor Manue, simplici narratione viro referens. *Vir Dei*, inquit, *venit ad me, habens vultum angelicum, terribilis nimis.* cumque iterum vtrique coniungi sese videndum exhiberet Angelus ac de nomine interrogaretur? *Cur*, ait, *quæris nomen meum, quod est mirabile?* Iudic. cap. 13. Et terret probos, & solatur Deus, omniaque in eorum bonum vult cedere.

## 9. Castos ubique ardentissime amant, & propugnant.

Castissima Iudith pudicitiam suam inter vngues Assyrij prædonis Holofernis seruata, nulli nisi Custodi Angelo in acceptis referens: *Vixit Dominus*, inquit, *quoniam custodiuit me Angelus eius, & hinc euntem, & ibi commorantem, & inde huc reuertentem & non permisit me Dominus ancillam suam coinquinari.* Iudith. cap. 13. Amica Angelis est Obedientia, amica Patientia, amica Demissio, super omnia amica illis est CASTITAS.



# HORA IV.

Disce MORI: & cogita

*An non plurimi morte repentina sublati sunt? & quo migrarunt? Cur ergo ego mihi iam pacificam & leniam mortem polliceor?*

Disce VIVERE: tua vero sit vita,

ORATIO ASSIDVA.

*Quoniam oportet semper orare, & non desce-*

*re.* Luc. c. 18. *Meditatio docet quid desit: oratio ne desit, obtrinet.*

Disce ORARE: & considera,

CONSIDERATIO I.

*Sanctorum Angelorum natura & numerus.*

CAPVT I.

**C**onsidera mirificam in Angelis naturæ excellentiâ, ob quâ Angelus, perfectus homo, homo imperfectus Angelus dici queat. Angeli beatissime viuunt, siue omni corporeâ facie, corruptionis omnis expertes. Summa insuper præditi sunt rerum omnium notitia, & abditissima cognitione, excepto solo cordis secreto. 2. Para. 6. *Tu solus nostri corda filiorum hominum*, ô Deus quamuis ad hoc pectoris arcanum penetrare facile est Angelis: è signis plurima rimantur, & vt signa non sint, Deum cuncta scientem & videntem vident, & in Deo omnia. Patent eis vniuersa naturæ mysteria. nec vnum ex alio, vt nos, ratiocinando deducunt momento & simul capiunt innumera. In gratia diuina firmati, intellectu suo Deum semper aspiciunt, idque sine velo, sicut illum nos olim ( prout Paulus loquitur ) facie ad faciem videbimus. Voluntate Deum solum ardent, amoris diuini plenissimi. Hos, stellas matutinas rectè dixeris, aut purissimos soles, quod si solem, beatorum quilibet, septies auctiore splendore vincet, quantò magis hi proximi Deo aulici, immenso radiabunt iubare? Vere tersissimo nitidissimoque speculo sunt simillimi, in quo æterna sapientia, bonitas, potentia, & amor conditoris clarissime relucet. Hi, illa sunt candidissima lilia, inter quæ cælestis sponsus, *Cant.* 2. supra omnem amœnitatem pascitur. Hi, montes illi optimorum aromatum fertilissimi, *Cant.* 8. Hi sunt velut amœnissimum pratium, in quo mille millia florum, inter quos tamen ( quod obstupescendum ) duo eiusdem coloris, formæ, odoris nusquam reperiantur. ita D. Thomas Aquinas existimat *par.* 1. q. 50. art. 4. nec tamen secus sentientes reiiciendi.

CAPVT II.

**N**vmerus eorum tantus, vt ( quod de eo vere Nazianz. orat, de Nativ. Dom. )

Y y 3 mun-



mundum nouum constituent, qui nostrum numero longissime superet. nam vt cælum ea omnia quæ complectitur magnitudine; sic cælitēs, vniuersa numero excedunt. Et hunc Angelorum numerum nec intelligentiā comprehendī, nec lingua pronūciari posse, ē diuinis paginis liquet. Iob c. 25. quærit, *nunquid est numerus militum eius? Lacedæmonum reges, trecentos selectissimorum militum, reges Macedonū mille in corporis custodiā habuerunt, omnia hæc numerabilia. Sed nunquid est numerus militū Dei? Daniel conatur sub calculum vocare, cap. 7. Millia millium, inquit, ministrabant ei, & decies millies centena millia assistebant ei.* nimirum hoc affirmat Propheta, Angelorum numerum esse prorsus innumerabilem. ita clarē B. Gregorius: Superiorum, inquit, ciuium numerus, apud sanctum Iob infinitus est, & apud Danielem definitus exprimitur, vt qui Deo numerabilis est, esse hominibus innumerabilis demonstretur. Accedit huic sententiæ regius Propheta Psalmo 72. *Currus Dei decem millibus multiplex.*

Christus in oliuarum horto præferuidum Petrum inhibiturus, Matth. 26. *An putas, inquit, quia non possum rogare Patrem meum, & exhibebit mihi modo plusquam duodecim legiones Angelorum?* tuo, mi Petre, & socio- rum tuorum auxilijs non indigeo. Quiescant gladij Apostolorum, cum respuam etiam defensionem Angelorum: ab alijs propugnari si vellem, non vos duodecim discipulos meos, sed duodenas Angelorum legiones à Patre meo exorassem: fuissent 72000. Angelorum, vti B. Hieronymus numerat. Albertus magnus eadem ratione hoc supputans: In vna, inquit, legione sint Angeli 6000. Christus Dominus in monte Oliuario, à septuaginta duobus millibus, vtrique satis defensus fuisset, si sic defendi voluisset. Christo nato, ait S. Lucas, cap. 2. facta esset cum Angelo multitudo militiæ cælestis. Milites vocat Angelos, quemadmodum Iob, vt qui semper ad prælium, & ad honorem Imperatoris sui defendendum promptissimi ac paratissimi Zacharia etiam teste, cap. 9. Circumdabo domum meam ex his qui militant mihi euntes & reuerrentes. Hi milites tam chari sunt Deo, vt pomen sibi titulosque sumpserit, non ab

aureo cæli palatio, non à terræ marisque thesauris, non à tremendo inferorum imperio, sed à suis militibus vocari voluerit: DOMINVS EXERCITVVM.

Paulus Apost. in eandem it sententiā, & ad Hebr. cap. 12. *Accessistis, inquit, ad ciuitatem Dei viuentis Hierusalem, & multorum millium Angelorum frequentiam.* Ioannes Apostolus, arcanissimorum conscius, Apocal. 5. *Et vidi, ait, & audiui vocem multorum Angelorum in circuitu throni, numerus eorum millia millium.* Luculenta sunt hæc testimonia numerum Angelorum maiorem esse quàm vel capere vel dicere possimus. Dionysius Pauli Apostoli discipulus (cæl. Hier. c. 14.) tantam innuit esse Angelorum multitudinem, vt eam numeris nostris quamuis in immensum multiplicatis non facillè simus definituri Aliquot Thomæ Aquinatis discipuli, eam aiunt fuisse mentem magistri, vt asserant plures esse Angelos sideribus cæli, aëribus aeris, oceani guttulis, arenæ granulis, terræ herbulis & flosculis plures imò ipsi atomis, minutissimis corpusculis; demum plures quam sint omnia in orbe, vt vocant, indiuidua. B. Gregorij Nysseni verba non discrepant (l. de creat. hom. c. 18.) Sunt, inquit, infinita millia Angelorum. Eiusdem prorsus animi est S. Bernardinus Senensis, Tom. 4. ser. 49.

Mediolanensis præsul Ambrosius (ep. ad Ant.) quoddam sentire ait, numerum Angelorum nonagies nouies maiorem esse omni numero hominum, idque confirmari ē capite decimo quinto D. Lucæ, vbi de Pastore serm. qui 99. oues deserit, vt errabundam vnicam reperiat. ita Christus, aiunt Angelos deseruit, & in hanc incultissimam eremum demigravit, vt humanum genus ab errore reuocaret. ita sentit D. Hilarius (c. 18. in Matth.) S. Brigitta (l. 4. Reuel. c. 11.) Tot, inquit, millia millium seruiunt Deo, vt si ab Adamo primo homines vniuersi, ad vsque vltimum numerentur omnibus & singulis hominibus, plures quam decem Custodes Angeli assignari possent. Hoc certum videtur & diuinis testimonijs congruum multò maiorem esse numerum Angelorum, quam hominum, quot eorum verò legiones, quot miliones sint, nouit Rex ille qui numerat multitudinem stellarum, & omnibuseis nomina vocat. Psal. 146. Ipsi Angeli



## HORA V. NOCTIS.

359

geli numerum suum in Deo, ut in speculo cernunt; mortalibus hæc arcana nondum scienda.

*unusquisque nostrum pro se rationem reddet Deo. ( Ad Rom. cap. 14 ) Omnia tempus habent: tempus nunc miserendi, tunc vero tempus erit ulciscendi: dies illa, dies ira.*

### CAPVT III.

**S**ubmittamus ergo curiosi ingenij alas, & scire hoc nostrum tantisper differamus, dum in alium beatorum Orbem deueniamus. beata nos interim spes soletur, & extimulet. ut eò votis omnibus contendamus, vbi non tantum Angelorum numerum nosse, sed & Angelos, eorum medij, videre possimus. Interea loci, numerosissimam hanc supremi Regis aulam, assidue vel sic eminus contemplemur, cui Salomonis effatum pulchrè congruit. Proverb. cap. 14. *In multitudine populi dignitas est Regis.* Equissimum prorsus, ut Rex regum in immenso celi regno, copiosissimam alarum familiam, quam obstupescens David exclamât. Psal. 88. *Deus qui glorificatur in concilio Sanctorum, magnus & terribilis super omnes qui in circuitu eius sunt.* Mirum illud, in orbe nostro, à sua Rex custodiâ defenditur; illic suam Rex defendit custodiam: regum nostrorum vires in multo milite sunt; Rex summus, suis ipse det vires militibus. Et quod obstupescendum, innumera hæc militia celestis agmina, eo inter se amore vniuntur, ac si omnibus voluntas una, vnicus sit intellectus. Heu, quam dispar celi terreque facies! vbiq; hic lites, discordiarum vbiq; plurimum, omnia rixarum plena; turbæ è turbis. carenata bella, vndique bella. Pax in terra, pax sit, sed pax hominibus **BONA VOLUNTATIS.**

### Disce ORARE: & considera. CONSIDERATIO II.

*Qua ratione pingantur Angeli: seu, vestes, habitus, forma, assumptum Schema Angelorum.*

### CAPVT I.

**F**Aciem florentissimi ac formosissimi iuuenis, penicillum eis, rectè assignat: iuuenes sunt, nec vllum eos senium, aut morbus, aut annorum series corrumpet. De fœminis Christum vincturis Marcus cap. 16. *Introeuntes, inquit, in monumentum, viderunt iuuenem sedentem in dextris.* Forma eorum, omnium etiam venustissimorum hominum formas ita extinguit, ut sol stellas. Angelorum forma non fragile bonum est, rugis aut canis non fœdatur, superbiæ aut lasciuia penitus ignorat: immortalis est, nec vñquam florere desinet. Duplicem hic nobis cogitationem inspiret noster in Angelos amor. Prima; si infimus atque minimus Angelorum, omnem humanam formam ita superet, ut illa cum hac nec conferri quidem velit, quæ olim in cælo voluptas erit, tot centena millia, tot milliones Angelorum, non eminus aut caligante oculo, sed perfectissimo intuitu æternum aspicere, nec vllum fatietatis tedium sentire, ab hoc suauissimo aspectu; & tamen pars hæc beatitudinis erit minima. Secunda; cura nostra sit quotidie iuuenescere non annis, sed castissimis desiderijs, ac sanctis propositis. omni die spiritus innovandus est, & senium desidiosi languoris exquendum. Cadimus millies: millies resurgamus. David Rex quotidie factus seipso iunior. *Dixi, ait, nunc capi* Psal. 76. *Nobis ipsi idem de die sæpius occinamus: Dixi, nunc capi.* **NUNC,** quod intra decem, viginti, triginta, aut quadraginta annos neglexi; hodie, hæc hora, **NUNC** faciam, ita in nouam quotidie requeamur ætatem viginti, triginta, aut quadraginta annis iuniores. S. Carolus, Borromeus; petenti è suis, quâ viâ optimè iretur ad cæ-

## HORA V.

### Disce MORI: & cogita

*Quid mortem facit maxime formidabilem? mala conscientia. Cur ergo nunc eam non tranquillam reddo, ac bonam?*

### Disce VIVERE: tua verò sit vita,

### IUDICIS METVS.

*Omnēs stabimus ante tribunal Christi, Itaque*



ad cælum? hoc dedit documentum: Ad cælum sic eas, vt quotidie de integro ire incipias.

## CAPVT II.

**V**Estis Angelorum rutilans, & plerumque nuiet candoris visa, & talis etiam pingitur. Augustinus (*ser. 14. de Nat. Dom.*) Angelum ad salutandam Beatissimam Virginem missum ait venisse, facie rutilante, veste coruscante, ingressu mirabili, quid ni albam vestem gerant innocentissimi, purissimi spiritus? decet illos hæc textilis & decora nix, neque vero atrati & in pullis vestibus prodire debent, cum summis semper affluat voluptatibus, cum eorum vita merissimum sit gaudium. Nocte qua Christus natus, non sine latissimo fulgore Angelus, oppilionibus primum ferens nuntium: *Euangelizo, inquit, vobis gaudium magnum.* Visti tamen etiam Angeli in armis, & vt nostri milites ferro, sic illi auro quandoque cataphracti. Machabæorum historia narrat (l. 2. c. 11.) Cum irruente Lyfia Iudas Machabæus, suis auxilium iret; *Apparuit precedens eos eques in veste candida, armis aureis, hastans vibrans.* Contra Timotheum (l. c. ca. 10.) verò, Asiatici exercitus ducem cum pugnaretur, *apparuerunt de cælo viri quinque in equis, frenis aureis decori, ductatum Iudeis præstantes: ex quibus duo, Machabæum medium habentes, armis suis circumseptum incolumem conseruabant: in aduersarios autem tela & fulmina iaciebant.*

Hic tuam, mi Lector, Meditationem cum veniâ interpellare liceat, & recens Angelorum (sic arbitror) in bellis subsidium, modesto compendio narrare; Angelis certè proprium semper, militiæ curare.

Cum SERENISSIMVS Boiariæ Dux MAXIMILIANVS, Anno 1620. in rebelles Bohemos moueret, non procul Bilsnâ, in vili pago (Lithiæ ei nomen) per aliquot dies castra habuit, hoste satis vicino, & ad insidias variè procurrente, multis frustra tentatis, noctem vnâ. quæ opportunior visa, delegit sibi hostis, forsan non minimam cladem illaturus, si inferre illi tam concessum quàm destinare. mens erat SERENISSIMUM MAXIMILIANVM Ducem, & omnem illic militem, vi re-

pentinâ opprimere; & vt cruenta hæc fraus certiori iret successu, selectissimos quosque milites ad signa euocabant primi pili. ibat agminis caput, quod & belli Fridericus, quondam Elector Palatinus, cuius regiam dignitatem, annum magistratum fuisse, euentus docuit: ibat Dux Anhaltinus, ibat & Ducis Anhaltini filius, ibant præstanti animo & numero duces complures, cum suis selectis copijs. Primum agmen Comes ab Hollach ducebat, coniunctis ex omni turma selectis equitibus & molquetariis, vt essent mille trecenti, hos Vngari, illos Austrii, istos alij atque alij sequebantur. Principis Anhaltini filius (qui hæc sua manu conscripsit) regem proximus antecedeat. Hi omnes castris suis hora septima primæ noctis caperunt egredi. Decem millium insidiosa hæc phalanx fuisse creditur. Euntibus nox fauebat. Serenissimum Ducem Maximilianum locus non defendebat, nec adeo numerosus, puto miles qui hosti par esset, vigilabat; vigilabant tamen pro eo insomnes Angeli, qui (quod ipsi facile) confusissimum hostem, & iam insidias meruentem quas structurus venerat, in castra repulerunt, re non tantum infecta, sed nec quidem incepta. Triplex hosti obiectum impedimentum. Primum, à via aberrarunt, qui apud illos, viæ duces peritissimi habebantur. facillimum est errare cum Angeli seducunt. Alterum, tantæ viarum angustię occurrebant, vt vniuersum agminis ordinem turbarint & soluerint. Tertium, terror planè Panicus viam omnem coegit relegere; nam ex inter Vngarorum præsertim ordines ortæ sunt turbæ, vt hostem quem gæsuerant, oppressuri, iam fugerent velut proditi perditique. Atque hæc vel ipsorum hostium testimonio vera esse comperta sunt, nam omnia quæ narraui, Principis Anhaltini filius gallico idiomate accuratè perscripsit, sed in vltimo prælio & ipse, & bellici ipsius commentarij sunt capti.

Attexo narrationem (in rem ipsam Iudeis partes mihi non sumo) & duorum colloquium, è quo prouenit sit opinari, in vltimâ dicti anni & decretoria pugna, milites è cælo supperias aduenisse, & luculentam opem tulisse Catholicis signis. Non ita diu post memorabilissimam illam cæsis rebellibus victoriam, Augustæ in eodem hospicio conuen-

runt,



runt, miles vnus religione Catholicus, & gente nobilis; (*nominari potest, nec ignotus est.*) alter dux belli è VVirtembergia oriundus, qui rebellium Bohemorum castra sequebatur. hic miles: Quæso, inquit strenue domine, fas mihi sit quærere, qui tandem fieri potuerit, vt omnis adeò animus in pedes vobis conciderit? Annon vobis æque ac Catholicis copiosus exercitus? An non vobis locus multò æquior quam Catholicis? An non penes vos Morauæ equitatus robur? An non vos tormentorum cūculum numero illic loci superiores? An non solum Catholicorum agmē, vos iam disposita per quietem acie excepistis? an non vobis vrbs à tergo munimen? vicinum palatium, Stella nomine, propugnaculum? Vnde ergo Catholicis victoria, vobis fuga? Ignoscat mihi domine, tuus genius; penē ausum dicere, scēminæ fuistis, quia nolulistis vincere. Audijs hæc è VVirtembergia militiæ dux. Et: Si finisti, inquit, quæ in nos promere volebas, & me audi. Pugnæ ratio hæc fuit: Nos nec nostras nec hostium vires ignorauimus quis vtrique nūmerus esset legionum, sciuimus, & ita equitatum equitatu, turmas turmis, legionem legioni opposuimus prout licuit; certè hic ducum nec industria accusari potest, nec prudentia: arma nobis cum hoste paria fuerunt; locus, fateor, nobis æquior fuit, ac opportunior quam hosti; ex edito pugnabamus in subeuntes. Sed & alia non nego, Bohemorum parti contra Cæsareum militem fauebant. Ideoque victoriæ iam ferè certi, non sicut illi, diu deliberandum de inेतundo conflictu censuimus: è te nostra esse, visum est plerisque omnibus, CONFLIGERE: At vero post aliquod pugnæ felix initium, noua nobis ex aduerso castra stare, gens incognita, & nunquam visa se opponere, legio se ostendere, de qua nihil vnquam nobis innotuit hic, mihi crede domine, ea omnium animos inuasit consternatio, vt nemo nisi fugam cœperit circumspicere nec est quod quis adeo id nobis vitio vertat: ipsi equi stabant, & tremebant, mox partes nostræ labare, dein multum inclinare, inde ruere, demum omnes apertissimè fugere: & sanè plures è nostris in fuga cæsi, quam pugna.

Et quæ autem hæc inuisa fuit legio, quæ acies illa incognita, quæ noua castra, nos qui

præsentes fuimus, vetera nouimus non noua hæc, nisi ea fuerint è cælo: certè nullus militum è formidanda & fulminatrice hac legione, stipendium à nostris ducibus vllum exegit. Si Angelos à non nemine nostrorum victos, pro nobis pugnasse dicamus, nimium in rem nostram honorifice locuti videbimur. Sed suum hosti testimonium non refutamus: nobilissimum veritatis argumentum est, quod aduersarius suppeditat.

— *Fas est, & ab hoste doceri.*

Angelis certè nil noui, militiæ gratuitis feruere stipendijs. felicia castra quæ vel vnico tali gaudent milite! & quantam olim nocte vnâ, Angelus vnicus in castris Sennacheribi regis stragē edidit? penè ducenta millia hominum iugulauit, vnicus talis è cælo archistrategus. Atque huius ipsius Angeli, qui Assyriorum castra tantis funeribus opplevit, fusilem è cœlâ statuam, ante ille ducentos & amplius annos Chrysostomus (*Orat. quod Vet. & noui Test. vnus sit legislator.*) spectauit, non sine suauis sensu & pijs lacrimis. Ita pace bello quæ Angeli suam nobis probant obedientiam & inuictum robur; neque tantum scipionem ferunt vt pregrini, sed & clauam, vt milites & duces: pacem offerunt & bellum, vt olim Q. Fabius Carthagine in Curia, sinu è toga facto PACEM, inquit, ET BELLVM PORTAVERIS; VTRVM PLACET? Pacem ferūt Angeli HOMINIBVS BONÆ VOLUNTATIS: bellū rebellibus.

Albati porro crebrius visi sunt Angeli, non quod eis alius coloris veste vti non liceat, quod nescio quis Seuerus Antiochenus somniauit, perinde ac si eis purpura, vti olim Romanis fœminis esset interdicta ridiculum signum. Candor placet Angelis & in veste & in mente; Candidatos illos esse conuenit apud quos perpetui festi ac nuptiales dies, continuum gaudium, æterna conuiuia. Sed latius paullo euagati sumus: à FACIE ET VESTE Angelorum ad ALAS deueniamus, quod tertium meditationis caput est.

## CAPVT III.

**A**LAS appingi ait Angelis, diuinus ille Areopagita Dionysius, quod nihil in eis lutei aut fordidi è terræ fœcibus. Sed nec vllum corporis pondus eos moratur, quin mo-



mento sint ubi esse volunt. Ea etiam amoris dulcedine inhaerent Deo, ac si in aere penderent indefessa voluptate. Meminit alarum in Angelis Chrysostomus (*hom. 3. de incomp. nat. Dei*) recteque Gabrielem Archangelum alatum pingi asserit, non quod Deus alatum crearet, sed ut nos graui semper recordaremur, mirandi volatus e caelo, in beatissimae Virginis Nazarethanum conclave: ubi legationem obijt Angelus, & Dei vice assensum Virginis expetiit, in orbis reparationem.

Pernices alas auium, sagittarum, ipsorum etiam ventorum, cursus ceruorum, aut tigridum, volatus aquilarum, velocitatem nubium, rotatus orbium coelestium, si cum Angelorum alis conferamus, res tarda est & morarum plena nimium quantum preuertit Angeli, vel ipsos ventos, multo celerrimos habet tabellarios, magnus ille Dominus, Rex caeli, quae Dei nutus viam designat, hac momento eunt Angeli, in omnem obedientiam pronissimi. Obstupescit hoc Psalter regius: Psal. 103. *Domine Deus meus magnificatus es vehementer! qui ambulas super pennas ventorum: qui facis Angelos tuos spiritus, & ministros tuos, ignem vrentem.*

## CAPVT. VI.

**G**EMMAS tribuunt Angelis, & SERTVM cruce insignitum imponunt capiti pictores, congrue id faciunt rationi, & litteris diuinis. Ezechiel cap. 28. de omnium Angelorum pulcherrimo locutus: *Omnis lapis pretiosus*, inquit, *operimentum tuum*, nobilis gemma est Obedientia: at quia hanc Lucifer excussit, gemmas suas omnes perdidit. Constantinus Magnus, B. Damaso teste, in aede D. Ioannis ad Lateranum (basilica Constantiniana olim dicebatur) praeter innumeras ex auro & argento iconas quatuor praegrandes ex argento Angelos, varijs gemmarum ignibus collucentes statuit. horum singuli libras argenti centenas quinas pendebant. Donum prorsus regium.

Fronte crucem praefereunt Angeli, quia hanc dierum ultimo, velut labarum ac trophaeum sui Domini; ad iudicij locum deuehant. praedixit hoc Christus, Matth. cap. 24. *Et tunc parebit signum filij hominis; signiferi erunt An-*

geli, quicrucem sui Domini amant. non quod cruce sic ab interitu seruati, ut nos (quamuis sint optimae notae scriptores, qui dicant Christum etiam Angelis & gratia & gloria promeruisse) sed quia Rex illorum, cacodemonem debellauit cruce, ideo & Seraphim a B. Francisco, non nisi crucifixus spectari voluit, ut eo nos spectaculo suauiter submoneret: omnes amores nostros, ad crucifixum IESVM debere tendere, ut animo sapius ingememus: AMOR MEVS, CRUCIFIXVS: imò nos à nobis ipsis quotidie crucifigi debere, neque enim diuiniam amoris aurum, ad aliam coticulam certius exploratur, quam ad crucem: IN AMORE NON VIVITVR SINE DOLORE.

## CAPVT V.

**E**Xcalceati pinguntur Angeli, nubibus ambulantes. Nihil hoc insolitum in Dei legatis, haec pedum onera abijcere. fecit id Moses, Isaias, Apostoli: sed & alij viri sancti, quorum mens caelo iam inerrabat, calceis potuerunt non egere, per annos aliquot nudis pedibus incedentes, uti Nicolaus Tolentinus, & complures olim Christiani. Angelorum per nubes ambulatio, modum edocet, quo aduersa tranquillè vincamus, leuissimum quid nubes est, & non nisi densatus vapor, quem ventus agitat. Omnis fulgurum & fulminum intemperies in nubibus luctatur, quae igneos hos partus in inferiora eijciunt. vltra nubes ius nullum est tempestati. ij quorum conuersatio in caelis est, adeò tenaci amore inhaerent Deo, ut eos inde nulla fortunae serenitas, nulla tristitiae tempestas auellat: Deum curant & conscientia, cetera omnia non pluris quam fungum estimant: atræ nubes impatientiae, inuidiae, iracundiae eos non turbant? ipsi supra nubes sunt, & calcant eas imperio mentis, & hoc est cum Angelis nubibus inambulare.

## CAPVT VI.

**Z**ONAM Angelorum vidit Daniel vates, esse non holosericam, sed aurum obryzum. Zona haec castimoniae nota est: *Erunt*, (inquit, Christus) *sicut Angeli Dei*. D. Gregorius hom. 13. in Euang. *Lumbos praecingi-*  
mus,




mus, inquit, cum carnis luxuriam per continentiam coarctamus. Neque lumbos tantum, sed & pectus cingulo stringunt Angeli, neque enim corporis solum, sed & cordis est castitas. Sed heu, quam sepe vilem censemus huius utriusque cinguli iacturam! Sunt lusofores, qui ubi pecuniolam omnem per lusum decoxerunt, eo aguntur ludendi libidine, ut vestes quoque committant aleæ, & plerumque primum est cingulum, ut quo facilius carere se posse putant; quam pallio, aut pileo. Ita quicumque concupiscentiam in societatem lusus admittit, iam pudicitie iacturam fecit: modò hoc, modò illud concupiscet miser; nunc hanc, nunc illam, & breui aliam atque aliam indagabit oblectationunculam, eo minus satur, quo plus animum impleuerit turpitudine. Peritissima ludendi est *Concupiscentia*, fraudem ex fraude struit, blandè trahit, suauiter illaqueat, retinetque planè viscosis manibus, nam è suggestione cogitatio, è cogitatione affectio, ex affectione delectatio, è delectatione consensus, è consensu operatio, ex operatione consuetudo, è consuetudine desperatio, è desperatione peccati defensio, è defensione gloriatio, è gloriatio demum dānatio pulcher lusus! post multa hoc lusu perditā, proxima est zona pectoris, seu, castimonia mentis. hac amissa, procliuē est, & limborum cingulum, seu castitatem corporis prodigere.

Ludit mundus, mihi credite, cum hoc utroque cingulo castitatis. O castitas, inquit Ephrem, mater pulchræ dilectionis, & angelicæ vitæ ratio! O verè beata Virginitas, quæ cum Angelis de gloriā certat, imo superat virtute, non felicitate.

Radix est odorifera, inimica pesti, quam ANGELICAM vocamus: verè ANGELICA hæc est Castitas, quæ venenum cordis; cogitationes impuras, altius non sinit imbibi, resistit, & pellit hanc animi pestē, & Angelos nunquam non amicos habet, Ambrosius (*lib. 1. de Virg.*) Quo quisque purior est, ait, eo magis est custoditus & circumdatus ab Angelis, qui ob similitudinem, quam virgines castique cum eis gerunt, plurimum cum eis versari delectantur. oderunt disinctos Angeli, nec eorum societatem amare possunt, qui fluentem vestem per omne genus sordium trahunt. Repeto illud Hieronymi: Quacumque virtute pol-

leas, quibuscunque operibus niteas, si cingulo castitatis careas, omnia per terram trahis. fidelissimè de hoc admonens Christus, Lucæ c. 12. *Sint, inquit, lumbi vestri præcincti.* Hanc FACIEM, VESTEM, ALAS, GEMMAS, SOLEAS, ZONAM pictura dat Angelis, quæ, nisi cæci sumus & surdi, formandis nostris moribus, taciturnæ, sed erudita est concio.



## HORA VI.

Disce MORI : &amp; cogita

*Qualis tandem, quæ mores & vitam, à morte reperiri cupio? Cur ergo nunc talis non sum?*

Disce VIVERE : tua vero sit vita,

PERSEVERANDI  
studium.

*Esse fidelis usque ad mortem, & dabo tibi coronam vitam.* Apoc. c. 3. *plus operis in eo est, ut proposita quis custodiat, quam ut bona proponat: exiguum est bene incipere, nisi & bene finias.*

Disce ORARE : &amp; considera;

CONSIDERATIO III.

*Cantus Angelorum & officia.*

## CAPVT I.

CONCENTVM CAELI QVIS DORMIRE FACIET? quærit Iobus c. 38. Eam nos vitam viuimus, ut semper extrema gaudij luctus occupet. Subinde nostras aures, suaves moduli permulcent; putamus canere Sirenium concordiam, sed hoc quamdiu? tandem satietas? tædium, nausea priorem suauitatem expellunt; aut certè dum musicos concentus audivisse audimus, & adhuc integra est audiendi fames, cessatur, & omne illud mel aurium, vaneſcit in ventum. sic sua perit vel inuitis auribus dulcedo, & tantò post durius cruciantur silentio, quanto plus ante fidium & vocum delectabantur inani sonitu.

Aliter in cælo canunt Angeli: incipiunt &amp;



nunquam finiunt, fatiant nec tedium creant: post aliquot millena millia annorum, symphonia hæc tam grata erit auditu, ac prima fuit qua cœpit audiri horâ: symphoniæ huius suauitas, mortalium aures nunquam attigit, immortalibus & iam beatis semet infundit. Sed quid canunt Angeli, quis audit cantantes?

Isaias audiit, & cœlestis illius odarij verba descripsit, c. 6. *Seraphim clamabant alter ad alterum Sanctus, Sanctus, Sanctus Dominus Deus exercituum, plena est omnis terra gloria eius.* Hoc dem sacrum trifagion canunt irrequieita illa & insomnia animalia, quæ Apocalypticus ille Angelus vidit & audiit clamantia, Apoc. c. 4. *Sanctus Dominus Deus omnipotens, qui erat, & qui est, & qui venturus est.* Conferat quis obsecro nobilissimos hos Dei cantores, & auletas, cum tot impijs in terra hominibus, tot damnatis sub terra diabolis, & spiritibus, qui nefarijs execrationibus & blasphemijs continuis, eundem optimum Deum incessent æternum. Heu, quam dispar est beatorum ac damnatorum psalmus!

## CAPVT II.

**I**oannes etiam ille Domini oculus, ille charissimus discipulorum, hos Angelorum in cælo concentus audiens, Apoc. c. 5. *Et vidi, ait, & audiui vocem multorum Angelorum in circuitu throni, & animalium, & seniorum: & erat numerus eorum millia millium, dicentium voce magna: Dignus est Agnus qui occisus est, accipere virtutem & diuinitatem, & sapientiam, & fortitudinem, & honorem, & benedictionem.* Sed & alibi narrat, quæ in celsissima illa æternæ voluptatis arce viderit, & audiuerit, Apoc. c. 7. *Et omnes Angeli stabant in circuitu throni, & seniorum, & quattuor animalium: & ceciderunt in conspectu throni in facies suas, & adorauerunt Deum, dicentes. Amen. Benedictio, & claritas, & sapientia & gratiarum actio, honor, & virtus, & fortitudo Deo nostro in secula seculorum. Amen.* Neque dubium est, quin & Angeli cum innumeris illis beatorum agminibus, latissimum illud celestium canent, *Alleluia.* O cælum! o domus amenitatis & gaudij! quis non nausceat vel etiam suauissimos hominum concentus,

velut inconditos pecudum mugitus: cum de te tuaque cogitat, non dulcissima tantum, sed æternæ dulcedinis symphoniam! O mors, veni, & transfer me è valle fletuum, in arcem canentium; auelle me ab hominibus, vt coniungar Angelis.

## CAPVT III.

**O**fficium Angelorum ferè quintuplex. SUNT CANTORES, sunt ORATORES, LEGATI, PROTECTORES, BELLI DVCES. Primum & Princeps eorum munus est, Deum semper amare, & nunquā non laudare. Sic amant vt ardeant Deū, sic amant vt peruigili & insopitâ laudis harmoniâ collaudent. En, aulicos cantores indefessis obsequijs, suo Domino astantes! Et tanti Deus hoc aule officium facit, vt supremos Angelorum & nobilissimos voluerit esse præcutores. Diuinum illud melos, SANCTVS, SANCTVS, SANCTVS, Seraphini præcunt Isaiâ teste, & dum canunt, volant vti per aërem cantando alaudulè ascēdunt. Summi hoc desiderij argumentū est, & ardentissimi affectus, Deum ardentius atque ardentius amandi, & sic quasi propius accedendi: interim pedes conuelant & faciem, summa reuerentiæ signo. Omnibus Deum precaturis, duo hæc maxime necessaria sunt: REVERENTIA & AMOR: Supremi hoc faciunt Angeli: & quid nos infimi vermiculi? *Servite Domino in timore, & exultate ei cum tremore:* hortatur Rex David, Ps. 2. Laus sine amore frigit; amor sine reuerentia sordet; amari vult Deus, sed castè & reuenter.

Alterum Angelorum munus: ORATORES sunt. Preces & vota hominum offerunt Deo. Testes sisto ipsos Angelos è quibus vnus aliquis primarius Tobie, cap. 12. *Ego, inquit, obtuli orationem tuam Domino, hoc ipsum alius ex Angelis, Cornelio Centurioni affirmans, Act. c. 10. Orationes tue, inquit, & elemosyna tua ascenderunt in memoriam in conspectu Dei.* idem à se visum, narrat ille arcanissimorum conscius, & verè Dei primicerius Ioannes, Apoc. c. 8. *Stetit Angelus ante altare, habens thuribulum aureum, & data sunt ei incensum multa, vt daret de orationibus Sanctorum omnium, In hunc modum & sancti Patres loqui*



loqui didicerunt, & diuinis paginis. Vnus omnium loco sit Bernardus (*Serm. 3. super. Misus est, &c.*) Solent, inquit, Angeli aditare orantibus & delectari in his, quos vident leuare puras manus in oratione. Rabbini fabularum pleni, & hic nugas suas ingerunt; caput primum Geneseos sic exponunt: Firmamenti facies, aiunt sunt volucres quæ Deo referunt omnia. Aliquid veritatis inuoluit deliramentum istud. Sed oculis patriarchæ Jacob, clausis etiam & sopitis plus credimus. Viditis (*Gen. c. 28.*) ascendentes & descendentes Angelos negotioso sanè ministerio, quasi cæli & terræ internuncios, & regio cursores, ut qui è cælo litteras ferant in hanc vallem, & hinc ab hominibus illuc referant responsa, spectatores calamitatis nostræ, auditores suspiriorum ac gemituum, testes lacrimarum & precum nostrarum. Sed quid descensus aut ascensus iste, quid hæc precum nostrarum oblationes? an Deo nunciant quod antè nesciat? quæso te, mi homo, cum tu oras, cum tuam in precibus egrimoniam deploras; nunquid Deo, quod ante ignoret, explicas? sciuit hæc, antequam ordieris, & ab æterno sciuit. ergo non orandum, ergo tollendæ preces? idem de Angelis cogita; Deo visum, sic ordine fieri, ut immensa Dei Maiestas magis innotescat, dum in eius cultu operas iungunt cæli terræque incolæ, ideo Deus omnes fecit *administratores spiritus*, ad Heb. c. 1. bonitatis ac potentie suæ luculentius nobis demonstrandæ: *Mittam*, inquit, *Angelum meum qui præcedat te, & custodiat in via, & introducat in locum quem præparauit*. Exod. c. 23. Aliam assignans causam Bernardus (*Serm. in Cant.*) *Quis*, inquit, *dabit mihi per vos, o benigni Principes, petitiones meas innotescere apud Deum? non Deo cui etiam cogitatio hominis confitetur, sed ijs qui cum Deo sunt, beatis Virtutibus ac solutis carne spiritibus? Sed & alia insuper huius est ratio. Precibus nostris suas iungunt Angeli, & hiemem nostrarum orationum, igne suo temperant. Hilarius affirmans in Pl. 129. Angelus, inquit, non eget natura Dei, sed imbecillitas nostra; nihili eorum quæ agimus ignorat Deus, sed infantia nostra ad rogendum & promerendum hos tales desiderat oratores. Sed cur preces tantum, non opera alia dicuntur offerre. Inter opera bona, optimum*

est oratio, & aliorum principum. Adde & hoc: ab Angelis orare discimus. Bernardus: Homines, inquit, docent Deum querere, Angeli adorare, solus Spiritus sanctus est, qui doceat inuenire. Nec illud omittendum: non preces tantum, sed & eleemosynas ab Angelis offerri Deo, diuina testantur oracula. At quo tandem modo exhibent preces nostras, cum non videant cogitationes nostras? quid precemur, facillimè sciunt, aut nostri aspectu aut Dei quis est qui orat, & non simul gemat, suspiret, pectus tundat, etsi verba non formet? sagacissimis spiritibus hic facile est assequi, quid clausum sit animo. at nil penitus in nobis obseruent, in Deo certè rerum omnium obstupescendo speculo vident omnia, ea præsertim quæ ad sui clientis curam pertinent. Gregorius lib. 4. Dial. c. 33. Quid est, inquit, quod ibi nesciant, ubi scientem omnia, sciunt? Tempore eodem, diuersissimis locis orabant Tobias, & Sara, hæc in Rages vrbe Medorum, ille in Ninive vrbe Assyriorum, tamen vno hoc eodemque tempore vtriusque preces, Deo quasi prælectæ sunt, sic enim liber Tobie loquitur c. 3. *Missus est Angelus Domini sanctus Raphael, ut curaret eos ambos, quorum vno tempore sunt orationes in conspectu Domini recitata. Quis recitauit, quis recitatas comédauit, quis commendatas obtulit, si non Angeli? Et hoc probis omnibus summo est solatio: oratores suos, suæque causæ patronos & actores habent in cælo; quicquid patiuntur aut agunt, quicquid precis aut stipis fundunt, hac Angelicommendatione, Deo sit commendatus.*

Tertium Angelorum munus: **LEGATI** sunt, idque in summi momenti negotijs cum Dei filius hominè indueret, cū in cruce obiret, in sepulchro ad vitam rediret, cum à nobis in cælum abiret, prompti parati erant ad omne obsequium Angeli, non egebat illorum ope & opera, sed hoc agebat bonus Deus, ut animus noster caperet, quantam ille nostre salutis generet curam. Solet nimirum amantissimus Deus sic nostris conatibus quotidie interessè ut ad nostros mores & ad nostram intelligendi rationem, sese quam plurimum attemperet, mirificis summi in nos amoris argumentis.

Quartum Angelorum munus: **PROTECTORES** sunt. Regius Plaltes, Pl. 90. *Angelis suis, inquit, mandauit de te, ut custodiant te in*







*cam.* Hæc illa sinceri causæ gaudij est; suo se nobis chirographo detinuit Angelus. *ducturus & reducturus*, officiumque fidissimi comitis præstiturus. Fidamus huic sponfori; non fallit; ducet, modo non reluctemur; reduceret, modo sequamur.

## CAPVT III.

**S**olatur nos. Dum hic degimus, & hanc seu vitalem mortem, seu mortalem vitam viuimus, solatio egemus assiduo. Nunquam deest quod pariamur. In singulos non tantum dies, sed & horas, in singula, pene dixerim, momenta, est qui nos vellicet vermiculus, & quandoque omnem spei ac gaudij nostri hederam depascitur. Sed sint tranquilla ac fausta omnia, fluant ad nutum vniuersa, solus tamen metus amittendi, sat graue est patibulum, felicitati nostræ torquendæ. Sic nunquam ex toto feriamur à malis; aut enim corpori ægrè est, aut animo, hæc vitæ lex, cui annexum dolere in omni sorte. Ideo perpetuum nobis solatij rorem instillans Angelus: *Forti animo esto*, inquit, *in proximo est ut à Deo curearis*. Ne salutem despera; vicina est. vno solo sit halitu, & totam possides inter beatos *ÆTERNITATEM*. Neque tamen lacrymas semper abstergit Angelus, quandoque etiam elicit, vti fecit refractario Israelis populo: (*Indic. ca. 2.*) cui rebellem contumaciam exhibauit. Verum ad solandum & exhortandum prouiores sunt, quam ad obiurgandum cœlestes hi sacerdotes, qui assidue illud nobis ingerunt: *Fortes animo estote, in proximo est, ut à Deo curemini*.

## CAPVT IV.

**C**acodæmonis technas detegit. *Audi me* (ait Tobia Angelus cap. 6.) *& ostendam tibi qui sunt, quibus præualere potest demonium*, quantæ nobis quotidie ab hoc optimo tutore nostro, sunt admonitiones: quoties blandè suggerit hic caue, omitte hoc; fuge illinc, & istus Cupidineos exi, fuge, fuge, hinc tibi periculum, hinc & exitium impendit. hac parte te muni, quâ debilior es: huc ne accesseris, latet anguis in herba; hunc lapidem ne tange, scorpium sub eo se oculit. ab-

ijce hoc, quod vides, non aurum est, sed lutum; non lux, sed fumus: hac cautus gradere aut senties pedicas; dimitte voluptatem hanc magno luendam &c. ita centies, ita millies nos monet; at multi & centies & millies ad hæc monita oburdescunt, luemus miseri, stolidam hanc surditatem. non audiemur perituri. qui toties, ne periremus, monentem audire detrectauimus.

## CAPVT V.

**A**cacodæmonis insultu defendit. Vociferabatur Tobias, instare immanem cetum perire se; cui acclamans Angelus: *Apprehende*, inquit, *branchiam eius, & trahe eum ad te*. adeo trepidabat Tobias, ad aquatilis huius bellæ occursum, ut se iam in eius faucibus hædere crederet. exemit metum Angelus & voce iuuenem adeo animauit in cetum, ut quem horrebat aspicere, iam tangere non formidaret. Sapientissimè Apostolus Iacobus c. 4. *Resistite diabolo & fugiet à vobis*. Diabolus simillimus est crocodillo, qui, ut aiunt, insequentem fugit, & fugientem insequitur. ergo, mi Tobias, apprehende ceti branchiam: resiste diabolo, magno animo te illi oppone, & fugabis hunc formidabilem crocodillum, aut certe ille te, ni preoccupes. Aude tantum, socium atque adiutorem Angelum cogita; vicisti, si vnâ cum illo pugnes, ueque enim Tobias à cetu solum, sed & à diabolo illa sum vindicauit, Apoc. cap. 12. *Tunc Raphael Angelus apprehendit demonium, & reliquit illud in deserto superioris Ægypti*, ita & diabolus, optimus hic tutor noster compefcit, ut iam non magis ab illo lædi possimus, quam à cane canis adstricto latrare hic potest, mordere non potest, ni propius accedentem.

## CAPVT VI.

**V**T fratres nos habet, adeo tenere amat. *Tobia frater, si placet itaque tibi, præcedamus*. Sed & alius probabili coniectura Angelus, gratulatus nobis Apoc. c. 12. *Nunc inquit, facta est salus, quia proiectus est accusator fratrum nostrorum*. Obserua, viator, comitis tui, aut, tui fratris honestissimas blanditias: *Si placet itaque tibi, præcedamus frater,*



*ter.* Secum te vult præcedere, sed mente ac desiderio, & ad illam cœlestem patriam. quis viatorum non præmittit oculos, ad viæ suæ terminum, etiam cum eum oculis nondum licet contingere? At ubi vel eminus illū conspexerit, cor salit, & oculi præuolant, iamque ibi sunt, quò pedes contendunt. ita, mi frater, PRÆCEDAMVS, mens nostra iam ibi sit quò breuifecuturum & corpus speramus. Amemus nostram quietem, sed eam solam quæ nos, finitis tumultibus, & turbis omnibus exceptura est in cœlo.

## CAPVT VII.

IN periculis omnibus tuetur. Redux Tobias narravit patri, ordine, quanta S. ille vir (sic eum vocabat) in se beneficia contulisset, quâs à periculis liberaffet: dæmonium, inquit, cōpescuit; me ipsum à deuoratione piscis eripuit. quam certi sint hi cœli principes, amici nostri, quis est, qui non id expertus in rebus sæpe incertissimis? quoties manus, crura certicem fregissemus, si horum amicorum nobis auxilia defuissent. Si bene calculum ponamus, vbique naufragium est, & periculum, quot pori corporis, tot ostiola mortis per quæ improvisa irreat. nec sudamus, nec algemus absque periculo; nec mensam, nec lectum à periculis securi adimus. cibus auidum strangulat; fames ieiunum necat, hunc bellum rapit, illum penatum suorum ruina sepelit, in equis, in naui, in siluis? domi, foris; terra & mari vndique pericula, & verè sub omni lapide scorpis dormit. At vigilant in rem nostram custodes Angeli, hi Ionam in ventre ceti; Paulum in vndis pelagi, Danielem in leonum foueâ, in scirpeâ filcella Moïsem, Iuditham in hostium castris, Hebræos tres iuuenes in ipsis stammis seruare norunt. Absque horum ope fuisset, centies & nos periissemus. Testor ego qui hæc scribo, volare me nunquam didicisse, sed præcipitem è scalis in saxa? præcipitem à cliuo & curru euerso in Danubium, penitus incolumem euasisse (ut alia pericula taceam) non sine opitulante Angelorum manu: Testor, præsentissimam Angelorum opem me sexcenties expertum idem, aliorum quoque confessione constare credo. Verè integerrimos amicos habemus Angelos;

tum maximè præsentem, & sollicitos, cum plurimum vrgent pericula.

## CAPVT VIII.

ALIJS docet bene facere Raphael, exonerato pisce fel tradidit Tobia cap. 5. & *Lin.*, ait, *super oculos eius ex felle isto piscis quod portas tecum. Scias enim quoniam mox aperientur oculi eius, videbit pater tuus lumen celi.* Præterquam quod à Gabelo pecuniam, à Raguele filiam, & omnem ex alle hereditatem, suo Tobia impetrarit Angelus, etiam artem docuit, qua parenti oculos restitueret. Verisimè dixit Nazianzenus: Nihil tam diuinum homo habet, quam de alijs bene mereri & scimus, neminem sibi nasci, neque nos nobis tantum viuere. Sapiētissimus hominum, Prou. c. 5. venustè submonens: *Deriuentur, inquit, fontes rui foras, & in plateis diuide aquas tuas.* Samaris illa, Ioan. c. 4. cæteroqui non optimæ famæ fœmina, ubi à Christo meliores vitæ leges accepit, mox ciues suos ad eandem pertraxit concionem. Maximæ laudis est, cum Ecclesiastico c. 33. gloriari posse: *Respicite, quoniam non mihi soli laboraui.* Nemo gratis quamuis ingratiſſimum beneficijs afficit: quominus mercedis ac laudis habet ab homine, tantò plus remunerationis ac præmij expectet à Deo. Ab Angelis discamus bene facere, vt Angeli fiamus.

## CAPVT IX.

AD omnigenas virtutes inducit. Orandi, ieiunandi, ac largiendi studium, non vt mercator merces, quas vult extrudere, commendat Raphael, sed sua hoc vilitate noscendum proponit, & : *Bona est, inquit, oratio cum ieiunio, & eleemosyna, magis quam thesauros auri recondere quoniam eleemosyna à morte liberat, & ipsa est quæ purgat peccata, & facit inuenire misericordiam & vitam æternam. qui autem faciunt iniquitatem & peccatum, hostes sunt animæ suæ.* Tob. c. 12. Libello breuiore, omnes omnino virtutes docere non potuisset. Hæc virtutum trias, omnes actiones bonas includit. Oratio nos Deo reddit: nos ipsos nobis ieiunium restituit: pauperes Dei amicos, & nostros esse eleemosyna facit. Oratio velut a-



quila est, quæ mentem ad Deum euehit, sed sine geminis ieiunij & stipsis, seu Temperantiæ ac Misericordiæ alis, conatu inani in altu se librat, & decedit, antequam incipiat ascendere multum orare, & gulam non frenare, stipem egenis negare est Æthiopem lavare. *Bona est oratio, sed cum ieiunio & eleemosyna*, thus sine prunis nec odores spargit, nec sublime petit: oratio friget, quam abstinencia & debita frugalitas, quam misericordia & pia liberalitas non commendat.

## CAPVT X.

**O**Mni bonorum genere cumulat Tobias, totius comitis beneficia ordine patri enarras, ut plurima compendio diceret, Tob. c. 12. *Bonis*, inquit, *omnibus per eum repleti sumus*, idem dicere habuit & Cornelius de Angelo, Act. c. 10. qui ei viam ad fidem & ad celum patefecit, familiarissimo colloquio: *Bonis omnibus per eum repletus est*. idem prorsus & nostrum quisque de suo tutore Angelo, ingenuè fateri cogitur: *bonis omnibus per eum repleor*, quid enim mali nos doceant, hi sanctissimi alites, hi oculi castissimi, hæ purissimæ flammæ, quæ identidem & exemplo suo, & horratu, dies noctesque illud vnicum nobis ingerunt: Deum ama, ama Deum, cetera omnia nisi ob Deum non amanda; si homo creatorem tuum ama, à quo tantis impendijs es amatus. Audiamus modo sapientissimos hos doctores nostros, *bonis omnibus per eos replemur*, nil boni desiderabimus, quod per eos non assequamur. Amicos quærimus: fideiiores his non inueniemus. consiliarijs, egemus: intelligentissimi sunt, prævident omnia. paternos desideramus: hi sunt & disertissimi, propugnatores ambimus: Angeli sunt & potentissimi. benefactores optamus: his liberaliores non habebimus: *bonis omnibus per eos replebimur*.

## CAPVT XI.

**I**N mortis luctu defendit. Raphael suo Tobie valedicturus, cap. 12. *Tempus est*, inquit, *ut remeant ad eum, qui misit me: pax vobis, nolite timere*. Non est quod quis addubitet, mendico Lazaro (cuius chirurgi & me-


dici, canes erant) Angelos adfuisse in morte, qui eum post mortem tam honorificis exequijs detulerunt in sinum optimi patris. *Factum est*, ut moreretur mendicus, & portaretur ab Angelis in sinum Abraha. Lucæ c. 16. Angelorum ope nunquam magis egemus, quam cum mors instat, & iam totam oculis est ÆTERNITAS, hic gelidus sudor, hic trepidæ conscientiæ vulnera, hic omnis generis angustię premunt, hic frendet & furit dæmon, omnesque nequitie suæ vires exerit. non nescit, si hoc horulæ ultimo vincatur, aliam nullam de homine illo sperabilem esse victoriam. ideo ne tot annis actum egerit, tunc agit omnia in omnem terrendi aut fallendi occasionem attentissimus. Sed æquo animo esto, mi moribunde seu iuuenis, seu senex, tuus tibi defensor adstat: non expugnaberis, modo defendi velis. mille nos lupi cingant, hunc pastorem non mordebunt; multa diabolorum millia nos impugnent, sat defendet vnus Angelus. Aspice, mi homo quò tibi tuus hic propugnator digitum intendat? In Christum crucifixum huc oculi tui, huc tui gemitus, huc omne tuum suspirium eat, hic patientiam disce, huc fiduciam erige. huic Domino tuo, pro te in crucem acto, te ipsum summâ submissiōe offer, dic centies, repere millies: fiat voluntas tua, Domine; fiat voluntas tua, fiat, fiat. Paratus sum viuere, ægrotare, mori, sicut vis: peccata mea me turbant, sed sanguis tuus instaurat; mea vita me damnat, tua solatur: sicut vis bone IESU sic fiat. Hęc animo assidue volue & tuo te Angelo ac Angelorum Regi committe: perire vix potest, qui hac via tendit ad ÆTERNITATEM.

## CAPVT XII.

**P**ost mortem etiam iusserit. Est credibile Angelos ijs, quos flamma piacularis celo parat, aliquid quandoque solatii affundere. Sed illud plurimum testimonio firmatum est, supremi iudicii die, cineres omnium nostrum ab Angelis legendos ita quidem ut singuli eorum hominum ossa sint congesturi, quorum olim gesserant curam. (*Frans. Suar. to 2. disp. 50. sect. 4.*) Sic demum à longo nos somno excitabunt; aut ad æternas in paradiso nuptias, aut ad perpetuas in flammis vigiliis & penas.



*Ipse Dominus in iussu & voce Archangeli descendet de celo. 1. Theff. cap. 4. Vox erit tunc vna omnium Angelorum ad iudicis amicos, Tob. cap. 12. Benedicite Deum celi, & coram omnibus viventibus (hic praesentibus & iudicandis) confitemini ei, quia fecit vobiscum misericordiam suam.*



## HORA VIII.

Disce MORI : & cogita

*Quid me fecisse aut praeulisse optarem annis prioribus, si mors iam immineret? Cur ergo iam & agere & pati fortia recuso?*

Disce VIVERE : tua vero sit vita

## CONSIDERATIO

Finis.

*Et vos estote parati, quia qua hora non putatis, filius hominis veniet. Luc. c. 12. Potentissimum in omnia vitia pharmacum est, assidua mortis memoria. Quid egeris, tunc apparebit, cum animam ages.*

Disce ORARE : & considera,

## CONSIDERATIO V.

*Angelorum in Christum obsequia.*

## CAPVT I.

**D**EVm, hominem futurum nunciant. Gabriel in Galilæam. Nazarethum missus, castissimæ Virgini, illud è cælo Ave tulit, gratia plenam pronunciauit, Dei in utero concipiendi modum explicavit, filij nascituri nomen & stabile regnum prædixit. Elisabethæ cognatæ fecunditatem exposuit Luc. c. 1. *O beati mundo corde, quoniam ipsi Deum vident.*

## CAPVT II.

**C**Hristum natum euulgant. Illustrius Angelorum gaudium in orbe nostro, nunquam nec auditum nec visum, quam cum Rex illorum in eo est natus. Alias, aut vnus solum,

aut duo sese videndos exhibuerunt : hic ingens exercitus, & visus & auditus est, illam de pace odam concinere; *Gloria in altissimis Deo, & in terra pax hominibus bonæ voluntatis.* Sed & opiliones in colloquij societatem adscuerunt, nec erubuerunt regi sui iugurium & viles panniculos, Lucæ cap. 2. *O beati spiritum pauperes : ipsorum est enim regnum celorum.*

## CAPVT III.

**C**Hristo fugam adornant. Dixisses Angelos, nimium quantum pro diuino hoc infante sollicitos, non tantum tres illos ex Oriente dynastas, Herodis hospitium, in reditu declinare iusserunt, sed & cœlestem puerulum iam gladio destinatum, ab Herodiana sicâ defenderunt. Iosephum potro ire, & in Ægyptum secedere monens Angelus Matth. c. 2. *Accipe, inquit, puerum & matrem eius, & fuge in Ægyptum, & esto ibi usque dum dicam tibi, tantumdem fuit, ac si aperte diceret. Nos equidem pro rege nostro solliciti sumus, ne tibi graue sit, mi Ioseph, patriam terram exilio mutare; vtriusque orbis thesaurum tecum vehis. Sed ne longiorem in Ægypto moram sentias; opportune iterum monemus: inter Ægyptios, princeps hic noster non consenscet, extincto igitur Herode monitor redijt, & hostes pueri iam funeratos nuntiauit, viamque aperuit in terram Israel. O beati qui persecutionem patiuntur propter iustitiam, illorum est enim regnum celorum.*

## CAPVT IV.

**E**Surienti Christo ministrant. *Matt. c. 4.* Post Domini tam longum ieiunium, post tot esuriales dies in eremo exactos: post triplicem sui ducis cum cacodamone congressum; post obtentam ter victoriam. post hostis recessum, præsto fuerunt siderei ephebi, & velut dâpiferi esurienti sua domino mensam posuerunt. Ah! quam malim ego, ex hac quantulumcumque frugali cenâ vel miculas corradere, quam in lautissimo Herodis vel Tiberij epulo, lætus conuiua accumbere. *O beati qui esuriunt & sitiunt iustitiam : quoniam saturabuntur.*

CA.



## CAPVT V.

**M**oestum & orantem in horto Christum solantur. Cum Dominus ad cliuū olearum, etiam ante crucem & flagra, suo iam sanguine maderet, tristis, pauidus, tantum non exanimis, inter preces & mortem luctaretur, velut viuū funus, in terram se abijceret, angoribusque supremis circumfluere, apparuit illi Angelus de celo, confortans illum. (ait Lucas c. 22.) illum ipsum à quo creatus, à quo in æternum beatus conseruatur. Heu, spectaculum! celi Dominum, terræ affusum, viribus delinquentibus labantem, pallidum, suomet sanguine sudantem, tristitia oppressum iam morti proximum cernere. *O beati qui lugent! quoniam consolabuntur.*

## CAPVT VI.

**C**hristum rediuium annunciant. Dum in cruce Rex celi animam ageret, Angeli velut mœtore absentes, inter impios ficiarios, in scelerata terra videri recusarunt, nec mirum: ipsa gemebant saxa, terra trepidabat, omne cœlum exequias parabat, atrata stellæ in funus prodibant & lugebant. Sol ipse pudibundum à tanto flagitio vultum auertebat, & velo tegebatur, ergo & Angeli, prout dignum erat, mœrebant. Sedenim Christo reuiuiscēte, lugubri veste posita splendentem & candidam, sumunt, crucifixum Nazarenum ad vitam rediisse nunciant, sepulti amictus lineos offendunt, resurgentis locum monstrant, pauere verant, discipulis latum nuncium afferri, & vt in Galilæam migrent, dici imperant. Liceat dicere: post grandem luctum, officiosissimi sunt Angeli. *O beati mites! quoniam terram possidebunt.*


## CAPVT VII.

**C**hristum in cœlum ascendentem comitantur. Admirandum prorsus fuit hoc iter Domini ad cœlum. Hominem per aëra seu volare, seu gradi posse, primi viderunt Apostoli; dumque fixissimis oculis obstupescendam hanc in cœlum profectionem spectarent, & submissa nubes, velut sella regia, suum do-

minum exciperet, spectantiumque oculis subduceret; Ecce duo viri adstiterunt iuxta illos, in vestibus albis, qui & dixerunt: Viri Galilæi, quid statis aspicientes in cœlum, hic IESVS, qui assumptus est à vobis, sic veniet, quemadmodum eum vidistis euntem in cœlum. Act. cap. 1. En iterum duo Angeli (alios omnes in occurſu sui Regis occupatos cogita) in hilari festaque veste, triumphum sui Domini comitaturi adſunt, simul etiam inducunt reditum ad tribunal, & iudicium. *O beati pacifici! quoniam filij Dei vocabuntur.*

## CAPVT VIII.

**V**enturum Christum iudicem stipabunt. Nil certius hoc iudicis aduentu iudex ipse præmonuit: Cum venerit filius hominis in Majestate sua & omnes Angeli cum eo, tunc sedebit super sedem maiestatis sue. Matth. c. 25. Nullus ergo Angelorum deerit, qui Christum non comitetur, & omnes Angeli cum eo. Ad erunt vniuersi, & velut comitatus aulicus parebunt. Coniectura est verisimillima Angelos in corporibus supra humanam dignitatem & formam elegantibus, omnium se aspectui exhibituros. Cum enim iudicium hoc apparatu maximo, summa gloria sit transigendum, æquum erit, vt assessores & ministri iudicis, eum habitus splendorem præ se ferant, qui augende iudicij huius maiestati, omnium oculis cernatur, quod si verè tubis vsuri sint Angeli, (Francis. Suar. to. 2. disp. 17. sect. 3.) & Domino suo crucem prælaturi, credibile est in assumptis corporibus hæc facturos. *O beati tunc misericordes! quoniam misericordiam consequentur.*



## HORA IX.

Disce MORI: & cogita

*Et quanti, cum moriendum mihi erit, omnes orbis delicias ac voluptates æstimabo? Cur ergo illas tanti nunc æstimo?*

Disce VIVERE: tua verò sit vita

PERPETVA MORS.

*Mortificate membra vestra, quæ sunt super terram,*



*ram. Coloss. ca. 3. Ille demum censendus est optimè vivere, qui quotidie vitij, sibi que ipsi magis magisque moritur.*

Disce ORARE: & considera.

#### CONSIDERATIO VI.

*Angelus & homo inter se collati.*

##### DISCRIMEN I.

**A**ngelus, velut filius in arce regiâ, natus & educatus Rex est. verus regni heres: nunquam deliquit, parentem sibi nunquam habuit offensum. Homo IRE filius, heu quàm ignobili & scedâ prodit origine! non sine ingenti labore, assidua lucta, continuis miserijs ac ærumnis, Dei fauorem & celi regnum emeretur, & nisi longos ac catenatos labores & dolores, finis optimus coronet, frustra tulit, fecitque omnia. Ergo Angelis vt filijs, hominibus vt militibus obtingit regnum.

##### DISCRIMEN II.

**A**ngelus, vnico rerum intuitu penetrat, peruidetque omnia. nos vnum ex alio colligimus, nec sine tædio & morosè ratiocinamur: & adeo angustis oris est mens nostra & intelligentia, vt si quid plusculum sublimius, guttatim ei sit instillandum. Terra cælo comparata, punctum: homo Seraphico collatus formica est. Theologorum eruditissimi, ad infimum Angelum pueruli sunt balbutientes, & alphabetarij, quam verè Ecclesiastes, cap. 1. *Cunctæ res, inquit, difficiles, non potest eas homo explicare sermone.* multa scrutamur & indagamus, & nec ea quidem penetramus cogitando, quæ oculos incurrunt misselli, hæc infima, non capimus, & qui tandem illa cæli arcana rimando peruestigabimus? blandâ & suavi cæcitate nosmet fallimus, & crebro vanissimas coniecturas aut ignorantias, pro venerandis scientijs adoramus. Scire nostrum nihil est, nisi pleraque omnia nescire nos sciamus.

##### DISCRIMEN III.

**L**Oco, ah! quam dispari Angeli habitant & homines! Celsissimâ illi arcem ab omni hoste vndique securam incolunt; Nos paradisi exules, in sordente & vlginoso viculo, in combusto pago degimus, & tamen ge-

nus atque proauos nostros, nostras terras & palatia iactamus. Animam Deus sic affixit corpori, vt suum illa carcerem, perpetuo secum circumferat, miserè compedita. Angelus è cælo in terram, inde in cælum, & quaqua vult, liberrimè com meat & celerrimè. Angelus à Deo conditore, primariâ nobilitate donatus, sex minimum diebus præuenit hominem, cuius dimidia pars (erubescimus) merum lutum est, sed scite compactum. Angelus ab omni rabe immunis nullum pendit vctigal morti, homo, ipsa putredo, ad mortem sensum defluit, tandem fit cadauer, & abiicitur: nec ante hac vllus restitit, quin sese præberet vermibus, expectatum epulum. Spes sola, nos alit, tales futuros olim, quales nunc sunt Angeli: *Oportet mortale hoc induere immortalitatem.* 1. Cor. c. 13.

##### DISCRIMEN IV.

**V**oluntas Angeli afficacissima, memoria tenacissima, iudicium electioque rerum immobilis. hic nos omni infante prorsus infantiores sumus, malè iudicamus, sæpe peius eligimus, numum aureum piro, & quæ fistula mutare lucrum putamus: humana diuinis, caduca æternis auferre, consuetam & facilem iacturam censemus. VELLE nostrum & pigrum & instabile est: *Vult & non vult piger.* Prou. c. 13. Memoria nostra, penè dixerim, nulla est, in ijs planè labilior, quæ vtilissimè retinerentur. quoties, vix a sacro confessionis tribunali abimus, & eiurata mox repetimus; peccata sobriè deserta, breui velut ebrii, denuò perpetramus, damnosissima obliuione. Ob hoc ipsum Chrysostomus, auditores suos non semel, verborum mordaci aceto perfudit. (*Hom. 1. ad Pop.*) Erant Antiochiæ frequentes terræ motus: videbantur ijs etiam pectora moueri, & in penitentiam flecti. Sed quamdiu durabat hæc morum emendatio? quamdiu ferè terræ motus, paucis post diebus, omnia in ventum & vanam obliuionem abibant; iterum vt antè, passim omnes in vestitum ruebant. Sic viuimus, hæc memoriæ nostræ labe est: iam peccasse dolemus, mox iterum hilariter peccamus. Sic pigrum VELLE, facillimè sepelit maligna obliuio. Accusare se, nec se tamen emendare, est Deum ad sumendum de se supplicium incitare.

DISCRE,



## DESCRIMEN V.

**F**ormam nostram quandoque ipsi adeo suspicimus, ut veluti carlo delapsos homines, aut instar Deorum vel Dearum, nos coli non indignemur. Sed hem quo purpurifoso rubicundulas genas, vel leuis tingit febricula? mors & morbus, omnem oris purpuram extinguunt, & vultum vel venustissimum lurore cereo sic tœdant, ut non tantum non alij, sed nec ipsi nos amplius norimus, & ad speculum quæramus, *QVIS ES TV?* Vbi nunc, quæso, formosissimi Adonides, vbi laudatissimæ Helenæ? fuerunt. Non tantum fragile, sed breue quid est, humana forma, & ad formam Angeli, ah! neutiquam accedit. Confe in vnum humanas elegantias omnes, & vna fiat, nondum sat digna erit, vel infimo Angelo. Nitet quidem etiam orichalcum, sed quam illud exigua dignitatis est, auro collatum? Angelorum pulchritudini, cum hominum formâ minus conuenit, quam auro cum aurichalco. Narrat Guilielmus Baldefanus, à Franciscâ Romana miræ sanctitatis & pudicitiae fecminâ, tutores eius Angelos (duos habuit) vi-  
 sos sepius, vestis illorum niuis aut cæli colorem habuit, brachia in crucem pectori appressa. oculi carlo elati, aurea cæsaries, vultus decora maiestate longè fulgentissimus, & qui verè deceret Angelum. Si villa Dei sit effigies, Angelus erit. De Lucifero Ezechiel. cap. 28. *Tu signaculum, inquit, similitudinis Dei, plenus sapientia & perfectus decore, in delicijs paradisi Dei fuisti.* Sic omnis hominum venustas, cinerea ac lutea deformitas est, Angelorum formæ collata.

## DESCRIMEN VI.

**F**ortitudo & vires Angelorum eē sunt ut ipsi gigantes sint, nos imbecillimipumiliones. Sapiens quidem Astris dominari dicitur, sed heu quam debile hoc & remorum est dominium: Stellis & orbibus cœlestibus ius dicunt Angeli, qui vti Thomas Aquinas loquitur, admiranda possunt facillimum illis, ventos, pluias, tempestates, tenebras, terre tremores, momento producere, flumina sistere, fontes durare, montes diluere, sidera extinguere, tartarum illuminare, cœlum depocere, terram suspendere, possunt vnico (sic


loquimur) digituli motu elementorum certe partes, si non tota, de loco in locum transferre possunt. *Æquē facile illis est homines, pecudes sanare, necare; annonæ caritatem aut vilitatem inducere, incendia sine aquis præfocare, famelicos leones ieiunium docere, corpus ex aere formosissimum momento formare & æquē celeriter in auras dissoluere.* clauēs habent Angeli ad omnes seras & repagula: atque hæc omnia celeritate conficiunt incredibili. Vnicus Angelus summum cælum tot millibus annorum, velut per orium circumducit, rotatu tam assiduo ac præcipiti, ut sol hora vnica 260000. ducenta sexaginta millia miliarium Germanicorum percurrat, & hic suppremi cæli cursus est, quo & orbes ceteros secum rapit, incredibili prioris velocitate, quam ei confert Angelus. & quā, lacertosum hoc brachium sit, quod immensam hanc molem sic gyret! Et quæ nostræ sunt vires, quæ illa potentia nostra? *Isaias exprobrans ca. 5. Va, inquit, qui potentes estis ad bibendum vinum, & viri fortes ad miscendam ebrietatem.* Hæc fortitudo ac potētia humana copiosum vinum dolijs egurgitare in ventrem cetera tam debiles sumus, ut Iob miratus dixerit, cap. 13. *Contra folium, quod vento rapitur, ostendis potentiam tuam, & stipulam siccam persequeris.*

## DESCRIMEN VII.

**E**Rgo, quid nos homunculi, viles formiculæ, potentiam aut genus, aut scientiam nostram crepamus? delira vanitas est. & quæso ponamus cristas? Angelos cognatione proxima sanè non attingamus, neque de nobis pronunciauit illud Rex David Ps 8. (non desunt qui sic interpretentur Psaltem: nos tamen cōmunem sententiam non rejicimus) *Minuisti eum paullo minus ab Angelis:* parum ad nos laus ista: propria Christi est. Paulus id discretissimè affirmans ad Heb. 2. ca. *Eum autem, inquit, qui modico quam Angeli minoratus est videmus IESVM propter passionem mortis, gloria & honore, coronatum.* Nos vero Angelis multo inferiores sumus nihilominus tamen Angeli, nobis tanquam dominis suis, inferuiunt fidelissimè. Angelis toga candida, pacis ac lētitiae signum? nobis gladius, galea, clypeus, lorica conuenit, *Militia est vita hominū*



*super terram. Iob. c. 7. quotidie in acie standum, quotidie tela temptationum excipienda, nunquam non pugnandum. Angelis suo nectare & ambrosiâ fruuntur, gaudijs æternum non desituris. ob nostras dapes ingemiscens David, Psal. 79. Cibabis, inquit, nos pane lacrymarum, & potum dabis nobis in lacrymis, in mensura. Isaias: Dabit vobis Dominus, ait, panem arctum & aquam breuem. Isa. c. 30. Certè nunc Angelis quâ plurima dissimillimi sumus. Spes vnica solatur: olim in plurimis fore quam simillimos. Veritatis oraculum est: In resurrectione neque nubent, neque nubentur, sed erunt sicut Angeli Dei in celo. Matth. cap. 22.*



## HORA X.

Disce MORI: & cogita

*Quos maxime hostes, & quos potissimum, amicos habeo in morte? Diabolos, & Angelos. Cur ergo nunc amicis istis non assentior? his hostibus non resisto.*

Disce VIVERE: tua vero sit vita

DESIDERIVM CÆLESTIS  
patriæ.

*Quam dilecta tabernacula tua, Domine virtutum! concupiscit, & deficit anima mea in atria Domini. Pl. 83. Ab, cui non sordent terra. cum calum cogitat? Mens, calum aut Deum semper cogitans, quidquid affligit, requiem putat.*

Disce ORARE: & considera:

CONSIDERATIO VI.

*Qua Angeli in homine oderint, mirentur, ament.*

## CAPVT I.

**A** Versantur quidem Angeli, quidquid vitium redolet, maxime tamen oderunt in vitijs CALOREM, FVMVM, FOETOREM. Calorè ira & inuidia, fumum superbia, foetorem luxuria. IRÆ calor quâdoque tantus est,

vt verè dicat Chrysostomus: Ita quasi fulmen in animam irruit, seruientemque sibi reddit amentem. Iratus nihil nisi crimina loquitur, & merum vomit venenû. Iratus (ait os illud aureum) dæmone plenus, dicenda & non dicenda effundit: quandoque etiam voces per iugulum redituras protrudit. Iracundus ferrû semper in igne habet; vbi vel verbulo leditur, profilit, & impugnat. De ira affirmare dixit Seneca: Nulla pestis humano generi pluris sterit. Eiusdem animi, Iob ca. 5. Virum stultum, inquit, interfecit iracundia, & parvulum occidit inuidia. Ira, vehemens & furibunda fera est, ferreos habet ungues, & fauces igneo veneno plenas. Ideo suos Augustinus enixe rogans; Ne, obsecro, inquit, fratres amantissimi, ne tantum malum nobis inducamus; anime morbum, alienationem à Deo, principium bellorum, plenitudinem calamitatum, dæmonem pessimum. Paulus, & rogans & imperans: ad Eph. c. 4. Omnis, inquit, amaritudo, & ira & indignatio, &c. tollatur à vobis: estote autem invicem benigni. Nam sicut carbones ad prunas, & ligna ad ignem: sic homo iracundus suscitât rixas. Prou. c. 26. Malum calorem, pessimus ignis, sequitur, illum & huic oderunt Angeli.

Æquæ calorificum & letale toxicum est INVIDIA, oculos & cor inuidi consumit. Salomon Prou. c. 14. Vita carniû, inquit, sanitas cordis: putredo ossium INVIDIA. Hominum plerumque pessimi sunt, qui aliorum erumnis læti, alienis iacturis diuites, calamitatibus locupletes, funeribus immortales. Et quid alteri alteros flagellamus? Et cui tandem inuidemus? bono? ergo & bonis dignus est. malo? sua illi malicia laqueus est, & interitus: quid opus illum sapius perire? Qui liuoris & inuidiæ peste carere vult, illam hæreditatem diligit, quàm cohæredum numerus non minuit, quæ & omnibus vna est & singulis tota: plena mors inuidiæ, est amor ÆTERNITATIS. Cælum vis ascendere? non his moribus illic viuitur: inferiores gaudent superiorum bono, ideo nec Angeli hanc à diabolo luem, in nobis tolerant. sibi quoque id dictum purant: Sap. 6. Neque cum inuidia tabescente iter habeo, quoniam talis homo non erit particeps sapientiæ. Aut ergo inuidiam pone, aut Angelos & cælum amissi.

CA-



## CAPVT II.

**N**EC SYDERIA FVMVM ferunt Angeli ne miremur: nec David Rex eum ferre potuit, Psal. 100. *Non habitabit, inquit, in medio domus mea qui facit superbiam.* Et vnde Angelos superbiam nostre amicos speramus; in regibus hanc oderunt, in æqualibus suis eam non tulerunt; turpissimum monstrum est, superbus; pauper habuit Lucifer vnde superbi-ter, sed habuit etiam vnde superbus rueret. nos verò mendiculi, vnde turgemus? vnde tam altum nobis supercilium; miserijs & spurci-tijs scatemus, & fastu extollimur? superbi pauperes, turpissima monstra sumus. quid lu-tum se iactat? quid homo superbit; cuius vita, naufragium; cuius esse, momentum; mors fi-nis & exordium. Sic Angelorum non delitie, sed nausea erimus. Verissimè Augustinus: Vix toleratur, inquit, superbus diues, pauperem superbum quis feret? & nemo miretur, adeo inimicos esse Angelos superbis! adhuc trepi-dant ob veterem suorum ruinam. Ex Angelo facit diabolum superbia, omnium malorum fecunda mater, hæc turres euerit, linguas confudit, Goliathum prostravit, Amanum suspendit, Nicanorem dispersit, interfecit Antiochum, Pharaonem submersit, iugula-uit Sennacherib, Herodem pediculis confe-cit: omnes hæcenus filios suos præcipitauit, & malè perdidit SYPERBIA.

## CAPVT III.

**N**EC luxuriæ foetores tolerare possunt An-geli; indignantur & horrent, quicquid in castitatem inuerecundè peccamus: oculi toti sunt, imò oculi ipsique purissimi. Asmo-dæus & Gabriel non bene conveniunt in vno cubiculo. multò minus in vno pectore. O ho-mines, nolite fieri sicut equus & mulus. To-biæ arcadum hoc pandens Raphael: *Audi me, inquit, & ostendam tibi qui sunt, quibus præ-ualere potest demonium, qui Deum à se & sua mente excludunt, ut sua libidini vacent, sicut equus & mulus: habet potestatem demonium super eos.* Angeli verò homines in amicitiam adsciscunt, non pecudes: diuinus è cælo spon-sus, nusquam suauis est, quàm inter odori-

fera castitatis lilia; eos solum in amplexus admittit, qui omnem penitus à se Veneris & Cupidinis ignem excusserunt, castas amat & virginicas mentes, Virginis filius: abite im-puri; odio estis & Angelis & Angelorum regi. Narrat Antoninus (*parte 4. Sum. Theol. l. 1. c. 6 §. 1.*) Angelum humana specie testum, iter fecisse cum anachoreta, transierunt fortè cadauer in viam temerè proiectum: anacho-reta nares pressit, non ita socius; paullo post obuium habuerunt hominem supra ornatissi-mas imagines cultum, sed qui occulta libidi-ne laborabat. cetera politissimus, & incessu venusto pedes ad legem & numerum ponebat, quin & cinnama fragrans, & balsama rorans, odoros post se ventulos trahebat, optasset quis nasus fieri cum Catullo, sed Angelus ve-lut mephitim foetidissimam declinaturus; vul-tum pressasque nares auertit, causam à socio rogatus: Homo libidinosus, inquit, olentis-simum cadauer est. Dixit, & euauit. LVX-URIA FOETORES non ferunt Angeli. Procul, o procul Cupidinis ignes, à castissimis An-gelorum sacris. neminem oderunt magis, quàm quem in libidinis cœno volutati cer-nunt. O mi iuuenis, aut libidini amicus non sis, aut hostes habebis omnes Angelos.

## CAPVT IV.

**E**ST quod Angeli summè in nobis mirantur, hoc Eldræ sacerdoti exponens Angelus, 4. Eld. 8. (*quamuis hic liber non eiusdem cum ceteris sit ordinis.*) Transierunt, inquit, dolores, & ostensus est in fine thesaurus immortalita-tis: Noli ergo adicere, inquirendo de mul-titudine eorum, qui pereunt, nam & ipsi ac-cipientes libertatem spreuerunt Altissimum, & quidem scientes quoniam moriuntur. Hæc Angelorum summa admiratio est, quod scia-mus non tantum morituros nos, sed mori; nec tamè animæ interitum sentiamus, aut exi-tium horreamus, aut mores corrigamus. Nil noui, si fur furetur, cum solus est, & extra liuoris oculos, & tutam credit occasionem. Sed furem iam iam ducendum, in ipso carce-re caliculum in manticam rerrudere, hoc no-ui quid est. & certè reperti tales, qui cum pa-tibulum iam in oculis esset, imò sub ipsa fur-ca, & miserint, & impiè locati sint. Nos tales sumus.




sumus: grandi passu ad mortem imus, imò morimur, atque dum morimur, audacter peccamus & aut furtiuas libidines animo agitamur, aut in alios linguam stringimus, aut manu nocemus. Eheu, iam in fatalibus scalis stamus, mox deturbandi, & necdum perulanciam nostram desinimus, *Scientes quoniam morimur*, adhuc vitia in nobis viuere conuiuemus. Verè hoc Angelorum admiratione dignissimum est.

## CAPVT V.

**S**ed est etiam, quod Angeli, saltem in aliquibus nostrum admodum ament, *SANOS OCULOS*. Oraculum à Christo est, oculi sanitatem in totum corpus redundare, *Luce c. 11. Si oculus tuus simplex fuerit, totum corpus tuum lucidum erit.* Angeli ubi demum locorum sint, peruigili & nunquam interrupto obrutu Deum aspiciunt. Sunt inter homines, qui eo quo possunt modo, id æmulentur: Deus illis assidue in oculis est. E Sanctis quidam monuit, pistori nos similes esse debere, qui dum farinam aqua subigit, dum brachia iactat, dum totus formandæ massæ incumbit, nihilominus iucundè garrit, & in colloquenter subinde oculos reflectit. Ita nobis, non ideo ut Deum videamus, labores desinendi, sed dum laboramus, oculi in Deum assidue & suauiter emittendi, & hoc Tobias senex filium docens: *Omnibus, ait, diebus vita tua in mente habeto Deum.* Tob. cap. 4. hoc David se fecisse gratulatus Psal. 15. *Prouidebam*, inquit, *Dominum in conspectu meo SEMPER*, nimirum sanctissimos oculos habuit Rex David. Lippientes sunt illi oculi, & multo puluere corrupti, qui in vijs, in domibus, in templis, in angulos omnes emissitij excurrunt, & interrim mentis oculi, amissum Deum non quærunt. Tunc bona est actio, cum manus est in opere, oculus in Deo. Multa sæpe agimus, sed ignauè & oscitanter. Oramus, sed ubi attentio? stipem damus, sed ubi affectus? ieiunamus, & ubi Deo placendi studium? nimirum uti nos Deum non videmus; ita nec videri nos à Deo censemus; ita quædam segniter, alia turpiter, & incompositè facimus, quia Deum spectatorem nostrum non aspiciamus. Attende tibi, ô homo, & fixos semper ocu-

los intende Deo. *Non praterit illum omnis cogitatus, & non abscondit se ab eo ullus sermo.* Eccl. cap. 42. *Lasciua cogitas & non erubescis? Deus videt.* impudica loqueris, nec te pudet? *Deus audit.* illuc rapacem, huc libidinofam manum extendis, nec cohorres? *Deus præsens est*, quicquid agas, quicquid cogites, quibuscunque te latebris condas, memento te vbique deprehensum. Clemens Alexandrinus (*l. 3. pedagog. c. 5.*) Hac solum, inquit, oratione fit, ut quis nunquam labatur si Deum sibi ipsi semper adesse existimet. Dositheum, optimum fecit monachum ex dissolutissimo milite, hoc vnicum B. Dorothei præceptum: *Cogita semper Deum præsentem, & te coram illo stare.* Verè, in omni loco oculi Domini cõtēplatur bonos & malos Prou. c. 15. *Spirituum ponderator est Dominus: omnia nuda & aperta sunt oculis eius.* ad Heb. c. 4. Supremi iudicii die quot abdita peccata, quot arcana scelera, quot monstra noxarum in lucem & publicum protrahentur, quæ nunc aut simulationis mælo, aut arcana parietum fide, aut tenebrarum silètio reguntur? omnia Deus audit, videtque omnia: & quomodo grauius vnquam delinquit, qui intuentem se Deum non desinit intueri? quicquid agis, ô homo, videri te scias & audiri; memento te in omnibus deprehensum.



## HORA XI.

Disce MORI: & cogita

*An in extremo morbo, omnibus ignoscam, & omnes mibi cupiam ignoscere? Cur ergo nunc tam longas nutrio iras, tam implacabilem Spiro vindictam.*

Disce VIVERE: tua verò sit vita,

## CONSIDERATIO PRÆSENTIÆ diuinæ.

*Opera omnis carnis coram illo, & non est quidquam absconditum ab oculis eius.* Eccl. cap. 39. *Deo nihil clausum est:* Et verissima vox est Augustini: *Deus totus oculus est, quia omnia videt; & totus manus est, quia omnia operatur; totus pes est, quia ubique est.*

Disce



libenter facientis citò facere, *Sene lib. 2. beneficiorum.*

Disce ORARE: & considera.

## CONSIDERATIO VIII.

*Virtutes Angelorum.*

## VIRTUS I.

**P**VRITAS, innocentia, castitas summa. Caelestes hi genij nullam vnquam labem contraxerunt, constantissimi Numinis amici. hos enim allocutus Deus, Gen. c. ii. *Venite, inquit, descendamus, & confundamus ibi linguam eorum.* Angelos ad hunc descensum tam humaniter inuitatos, Augustinus affirmat (*l. 16. de Ciuit. cap. x.*) Amat Deus suos hos innocentissimos ephobos, post tot millium defectionem. Infans in cunis, innocens Angelus dicitur; tamen in paradiso, aliena manu deliquit, & primus eius, auus sur fuit. In nullum beatorum spirituum hoc dici potest, quos & Christus laudans: *Erunt, inquit, sicut Angeli Dei*, quod si nostram in alijs similitudinem amemus, Angelis, hoc quis charior erit, quo castior, quia sic ijs similior. Ideo pudicissimam Iudith in castris hostium singularius defenderunt; castissimam Susannam insidijs senum eripuerunt; Cæcilijs, Agnetes, Theodoras luporum dentibus subtraxerunt. Vbi cor castum, ibi deliciae Angelorum.

## VIRTUS II.

**O**bedientia promptissima. *Nonne omnes sunt administratorij Spiritus?* ad Heb. c. i. Cum iussa acceperint, dictum, factum confirmat hoc Psalter regius, Ps. 103. *Qui facit Angelos suos spiritus, & ministros suos flammam ignis.* ad nutum, eò quò mittuntur, celerim feruntur, ad instar volatilis signis. *Nūquid mittes* (ait Iob c. 38) *fulgura, & reuertentia dicent tibi: adsumus,* pluribus imperijs non fatigantur, parati sapius ire & redire *Videbitis* (ait Ioannes c. i.) *caelum apertum, & Angelos Dei ascendentes & descendentes supra filium hominis,* vti fulgura, eunt redeuntque Angeli, & nonis sese officijs offerendo dicunt: **A D S V M V S**; hæc omnium obedientium vox est, adsum, ecce me, præsto sum, paratus ire, promptus facere, quicquid imperabitur. Tardè velle, nolentis est proprium, est

## VIRTUS III.

**A**Mor in Deum, & nos maximus Angelus Isaacum à gladio vindicauit: ancillam vilissimam solatus est Angelus, luctatus cum Isaac filio & vinci non indignatus. Angelus incendio Lothum eripuit: Tobiam incolumem, velut tabellarius, duxit & reduxit; Eljæ & Danieli Angelus à ferculis fuit, illi panem & fontem, huic delicias messorum apposuit. Angelus Philippum ad Reginæ Candacis quæstorem Æthiopem misit, bono ægrotorum pauperum Angelus aquam Hierosolymis turbauit. Angelos amor pænè vespilones fecit; mendiculum in sinum Abraham, non vnus tantum Angelus deportauit. Suis nos manibus portant, ne offendamus, vti maiores natu filij fraterculos suos minores. Nemo tam impius est, quin gaudium creet Angelis, resipiscendo. Lacrymæ pœnitentium, vinum sunt Angelorum, ait Bernardus. Ab Angelis beatissimam Dei matrem & Ioannem Baptistam, cibos accepisse scriptorum complures asserunt. (*Francis. Suar. disp. 24. sect. 3. in parte 3. D. Tho.*) Amore nostri, vilissima ministeria nunquam recusarunt Angeli. O charitas! quanta virtutum regina es, quam tamen vbique passim, inhonora & contempra iaces!

## VIRTUS IV.

**S**ubmissio admiranda. In lege prisca, adorari se passi sunt Angeli. aduoluit se ad illorum genua, pronusque imò humi abiectus, adorauit ternos è caelo sibi parentes nuncios, ingens ille Abrahamus: non prohibuerunt. Binos adorauit & Lothus: non interdixerunt. Adorauerunt eosdem Iosue, Tobias, Manue, non reprehenderunt. Sed & alij hos ipsos adorarunt; non obstituerunt. Sed neque in submissionem deliquerunt; temporis decoro paruerunt. In nouâ lege, sui regis exemplo moti, & velut si profecissent, facti submissiores, post tantam Domini abiectiorem. hunc sibi cultum deferri, seque adorati vetuerunt. Viderant enim summum Deum ad infimorum hominum pedes, non procumbentem tantum, sed & lauantem. Ad hoc nouum inuicemque



cælitibus spectaculum se quodammodo at-  
temperarunt, infraque suam naturam ac mo-  
rem descenderunt. Ita Ioannem in Pathmo  
iam procumbentem, iam adorare molientem,  
è terra erigens Angelus, Apoc. cap. 19. *Vide,*  
*inquit, ne feceris, conseruus tuus sum, & fra-*  
*trum tuorum habentium testimonium I E S V,*  
*Deum adora.* En ipsos celi principes, quodam-  
modo seipsis factos esse meliores, miratur  
Gregorius, & : Quid est, inquit, quod ante  
Redemptoris aduentum ab hominibus ado-  
rantur & tacent : postmodum verò adorari re-  
fugiunt? nisi quod naturam nostram, quam  
prius despexerant, postquam hanc supra se as-  
sumptam conspiciunt, prostratam sibi videre  
pertimescunt. Imò etiam à nobis mendicant  
iam Angeli, &, quod Cæsares & Reges sub-  
inde fecisse constat, veste peregrinâ ignoti,  
hospitium apud nos rogant; Sanctorum vi-  
rorum complures (prout eorum res gestæ te-  
stantur) opulentissimos hos mendicos suâ  
mensâ non semel refecerunt. In beatis illis  
mentibus nec nanulus quidem hæret super-  
biæ. Inde amor illorum & reuerentia in pau-  
peres. Nam Christi nati felicissimum nun-  
cium, solis pauperculis opilionibus detule-  
runt. nec vnquam in terris maiore numero  
visi, quàm cum Rex illorum in extrema ege-  
state, inter bestias hospitaretur: non erubue-  
runt çherei hi prætores, sui Domini viles  
panniculos, & stramineas cunas. Prædixit  
Christus, Luc. 9. *Qui me erubuerit & sermo-*  
*nes meos, hunc erubescet filius hominis, cum*  
*venerit in Maiestate sua, & Patris, & san-*  
*ctorum Angelorum.*

## VIRTUS V.

**T**olerantia constantissima illos etiam cu-  
randos suscipiunt; Angeli, quos damnan-  
dos sciunt. neque ideo minus laborant in eru-  
diendo homine, etsi norint se frustra labora-  
re *Curauius Babylonem*, aiunt, *& non est*  
*sanata derelinquamus eam.* Hier. ca. 18. Ho-  
minem autem prius non deserunt, quàm cum  
Diabolus sui iuris factum, ad carceres abripiat  
æternos. Quis olitor in horto suo, quis vini-  
tor in sua vinca colenda tam patiens, vt cum  
illum aut illam votis non responsuram sciat,  
nihilominus tamen & illum colendo, & istam  
fodiendo exerceat? eius tamen tolerantia sunt

Angeli, vel etiam in desperatissimos. Ipse  
quoque Antichristus suum habebit monito-  
rem Angelum. Vidit quidem Iulianus Aposta-  
tata suum à se Genium abire; sed hoc monen-  
do illi factum; vt mater fugam simulat, vt in-  
fantis contumaciam frangat. Iulianus tamen  
ita monitus, non respuit; vnâ & languinem,  
& blasphemiam, & execrandam animam eie-  
cit. Nos; si quem officij bis terve moneamus,  
abundè monitum censemus, & cessamus; An-  
gelorum ingenium longè à nostro diuertit:  
Angeli & centies & millies monent: quæso te  
omite hoc, oro. fac hoc, & quò perfractè  
magis omittenda facimus, aut facienda omit-  
timus, eo constantior est eorum patientia, cu-  
ius tamen etiam imitatores habent.

Ammoni & seni, & ægro, (*Vita PP. l. 9. c.*  
*19.*) Ioannes Thebæus totis duodecim annis,  
mirabilis & patientia & sedulitate seruijt.  
nunquam eum tetricus senex vel mitiore ver-  
bulo dignatus est: sed morti iam proximus,  
coram alijs compluribus, prehensa Ioannis  
manu: Hic iuuenis, inquit, non homo, sed  
angelus est. fateor equidem, vix vnquam il-  
lum humanius sum affatus, tot annis tamen  
ægtoranti mihi, mira & industria, & toleran-  
tia inseruit. Moses patientia, non Angelus  
tantum, sed & Deus, tam Pharonis quam  
Hebræorum est factus. Angeli quam exer-  
cent, hanc & amant in nobis tolerantiam.

Narrat Pelagius Diacouus e Græco *libel.*  
*7. num. 31.* quod mirificè roboret; firmetque  
patientiam in rebus omnibus.

In horrenti vastaque solitudine habitabat  
cælo notissimus senex & qui Dei causa pluri-  
ma iam didicisset & FACERE & PATI. Domus  
illius magna ex parte cælum fuit, cubile ter-  
ra, somnus, vigilia, cibus, ieiunium, collo-  
quia, silentium, casula, palatium, sustentandæ  
vitæ deficiebant illi pleraque omnia, maximè  
tamen aqua, elementum publici quidem vsus,  
sed non vbiuis locorum adeundum. Ergo, si  
quando siti mederi voluit extreme prius fati-  
gari debuit, & ad fontem quasi in mercatum  
proficisci, ad emendum falernum: neque an-  
tè aquam bibit, quàm viam longam deuorauit.  
Hoc illi sitim pretiosam valde, imò & exo-  
sam faciebat, maluissetque esurire bis terve,  
quam vel semel sitire; nam ita extra omnem  
aquæ viciniam habitabat, vt quoties hydriam  
suam



suam implere voluit, milliare prius integrum pedibus emetiri debuerit; neque tamen recentem & frigidam vnquam bibebat, nisi continuo illic bibisset, vbi fontem reperisset. Hęc virum cœlitibus charum sæpius turbarunt, atque ad indignationem etiam concitarunt. Fuit, vt affueto iam calle ad notum sibi fonticulum, instat sitientis cerui properaret, pedibus alas addebat non timor, sed sitis. at viâ nonnihil vltra dimidiam decursâ, fauces arere. lingua faucibus hære, vox asperari, brachia languere, pedes succumbere, anhælitus deficere, corpus penè totum corrui, & solo alterni. itaque fracto iam plane & fatigato gressu incedebat, meditationi, quam ante, aptior, multa igitur secum disputare, partes in omnes versare animum, ita demum secum ipse confabulari cœpit. Et quis tandem, inquit, potum tibi feret, cum te non ferent pedes amplius? Et fac immortalē te esse neque vnquam morbo tentandum, quæ tamen hæc penè quotidiana cum tanta lassitudine excursio? vt taceam dispendium temporis, quo interim legere, meditari, precari commodius possem, dum ego toties, tam laboriosè, & tantum itineris conficio. Cui creticum suum tanto stat pretio, quanto mea mihi aqua? quam me per æstatem æstus frangit, per hiemem frigus eneruat! Et cuius hic duret patientia, in tantis tamque assiduīs molestiis? ignosce mihi Deus, non possum non indignari, & irasci habitationi meæ tam incommoda.

Sed an nihil consilij est quo riuulum mihi aut salientem aquulam viciniorem efficiam? Sempèrne tot mille passuum decurram, vt bibam? profecto huius vini cella nimium à me distita est. quid si ergo illi fierem vicinior: illa certe mihi non potest, neque enim nouo alueo ad me derivatus fons curret, ita prorsus, ita agam: sedem ego meam migrabo, & iuxta scaturientes latices domicilium mihi figam: ita demum compendium reperero immensi laboris. quid necesse est, ita quotidie fatigari? Et, o me infelicem, aut incogitantem, qui non primum in hoc consilium iuerim.

Vix hæc effatus, cum à tergo leuissimum insequentis strepitum aduertit, & respicit in ipso ambulationis motu, videtque iuuenem sequi, qui omnes, quotquot ipse passus faceret, accuratè numeraret, ad quem illico senex.


Heus tu, inquit, quod fesso seni tacitum conuitium facis, vt omnia vestigia mea passusque in digitos mittas? non sumus incessu pares, vt olim, cum & mihi virent genua: desine hoc ludibrium. Ne sæui (ait Angelus quem ille iuuenem credebat) ne sæui, mi optime senex cælo missus sum, vt passus omnes & singulos numerarem, quotquot facis ad fonticulum illum; simul & præmia in numerum cogerem, pro his vel singulis passibus, sed olim, sed in cælo rependenda. dixit & ex oculis se subduxit. Cum eremicola cœlesti hoc affatu attonitus in terram atque in preces funditur: & o mi Deus, exclamat, quæ tua hæc bonitas in seruulum vilissimum: egone impatiens ille, & iracundus; ego deses ille, & cessator famulus, tanto tibi vendam pretio, vestigia vel singula? ignosce o mi conditor, huic & iracundiæ, & impatientiæ meæ; sit venia fauo prorsus consilio, reuoco quod cogitavi, quod & dixi. Tuguriolum meum magis à fonte imposterum distabit, quam hæcenus, vt cum via crescat patientia, atque vt verbis manum adderet, mox ad demolendam suam casam sese accinxit, illamque dimidio insuper milliari à fonte remotam denuo excitauit, vt ita plus passuum numeraret Angelus, plus præmiorum redderet Deus.

Et te, mi homo, quisquis es, tuus semper Angelus insequitur: nunquam à te abit: omnem incessum tuum, passusque singulos ad numerum reuocat. passus tantum? cogitatus etiam, vel latentissimos; verba omnia, facta omnia, minima, maxima, in numerato habet. En, quam fidum tu habeas amanuensē! quidquid agas, actiones ille omnes numerat. precaris tu? voces ille vel singulas dinumerat. stipendium erogas? numerat obolos: flagellis te castigas? numerat verbera; ieiunijs te maceras? numerat abstinentias: de sōno quid subtrahis? numerat vigilias: Cupidinem Veneremque vincis? numerat victorias, carnem cilicio domas. numerat horas: animum meditatione pia instruis? hic vel puncta horæ numerat. mentem confessione purgas? hic ille dies numerat: legis demum, scribis, laboras? nec hic ille snum numerandi munus negligi; modo tu Deo laudando legas, scribas, labores.

At sciro habere te latronem etiam alium, imo verum ex Orco latronem, qui non pecu-



nix tua, sed animæ insidiatur. hic extorris  
cælo ciuis, æque atque tutelarior Angelus in  
suos pugillares refert omnia quæ facis, di-  
cis, cogitas, si iuras aut peieras, verba; si la-  
sciua loqueris syllabas; si fœda meditaris cogi-  
tationes: si rem diuinâ negligis, horæ quadrân-  
tes, quando demum peccato letali te maculas,  
etiam momenta numerat, dum momentum  
illud veniat, quo te inimicum Dei, exhare-  
dem cæli, Diuorum hostem, in suum re-  
gnum casu irreuocabili præcipiter: Ah! mi  
homo, per salutem tuam te oro, tu quoque (si sa-  
pis) numerare incipe, annos quos consupisti,  
dies quos neglexisti, horas quas perdidisti: sed  
& futuros dies horæque in numerum digere,  
si potes, cum ne hanc ipsam, qua tecum lo-  
quor, horulam mortis securam habeas de-  
mum **ÆTERNITATEM** quam numerare  
non potes, saltem cogita. Non absurde dice-  
bat olim vir doctus: *Nuptias esse breuem &  
latam cantionem, sed habere longum & triste  
epiphonema.* Sic nos verissimè dicemus: pec-  
cati cuiuscunque voluptas, brevis & hilaris  
est cantioncula, sed longissimum habet & tri-  
stissimum epiphonema, tormentum **ÆTERNI-  
TATIS**. O eternitas, ô eternitas, ô eternitas!  
quam sæpe turpiter peccamus, quia te vix un-  
quam serio cogitamus! ô **ÆTERNITAS**! aut  
in delitijs inter Angelos, aut in supplicijs in-  
ter diabolos ducenda, & nūquam finienda! At-  
tende, mi homo, horum an illorum amici-  
tiam nunc ambias: Et hoc scito, tum denique  
te fore Angelis amicum, cum tu fueris **TO-  
LERANTIAE & CASTITATI**.



## HORA XII.

Disce MORI: &amp; cogita

*An non à mortis meæ momento, tota mi pen-  
det ÆTERNITAS supremum halitum,  
aut æterna salus, aut exitium excipiet æter-  
num. Cur ergo nunc per bonam vitam, ad  
optimam mortem me non dispono: tutissimum  
est, ut quicquid in extremo decessu, se quis-  
que vellet fecisse, id modo sanus incipiat fa-  
cere.*

Disce **VIVERE**: tua vero sit vita,

## CONSIDERATIO

Eternitatis.

*Cogitavi dies antiquos, & annos æternos in  
mente habui. PL. 76. Quidquid in mundo est  
vanum, breue, merum nihilum est, ÆTER-  
NITATI collatum: Et solus ille omnium sa-  
pit, qui caducis his spretis, vnâ atque vni-  
cam sibi præfigit in terra cogitandam, in  
cælo assequendam ÆTERNITATEM.*

Disce ORARE, &amp; Considera.

## CONSIDERATIO IX.

*Cultus & veneratio sanctorum Angelorum.*

## CAPVT I.

**T**obias pater, filio & oculis sibi restitu-  
tis. Tobiam accersens; *Quid possumus,*  
inquit, dare viro isti sancto? Cui filius: *Pater,*  
ait, *quam mercedem dabimus ei, aut quid di-  
gnum poterit esse eius beneficijs?* & cepit ea  
narrando percurrere, demum iterum: *Quid,* in-  
quit, *illi ad hæc poterimus dignum dare?* quic-  
quid demus, minus quam promeruerit dabi-  
mus. Et vocantes eum regere coeperunt, *ut di-  
gnaretur dimidiam partem omnium quæ attu-  
lerant, acceptam habere.* Et quid nos, nostro  
tutori Angelo rependemus, pro tantis benefi-  
cijs, per tot annos in nos collatis? Eccle-  
siasticus c. 33. *Si est,* inquit, *tibi seruus fidelis, sit  
tibi quasi anima tua, & quo loco nobis erit,  
fidelissimus hic custos, qui cura & fide since-  
riore nos tuetur, quam Reges & Principes  
possit omne regium satellitium.*

## CAPVT II.

**A**ngeli, eo honore cultuque possunt affi-  
ci, quo ceteri Diuorum, quos precibus,  
stipe, ieiunijs, tanquam Dei amicos deuene-  
ramur. Angeli Deum assiduis frequentant lau-  
dibus, hoc crebrior apud nos æmuletur ora-  
tio Angeli, criminis omnis purissimi, castissi-  
mam integritatem absque naueo traducunt;  
huic illorum virtuti æmulandæ, frequentiora  
nos iuuabunt ieiunia: Angeli beneficiorum in  
nos largissimi sunt, id elemosynis nostris piè  
imitari conemur.

Constantinus Imperator verè pius apud  
Con-



Cōstantinopolim in vtroque maris Euxini litore, illustrissima duo templa condidit Michaëlis Archangeli honori. Imperator Iustinianus, eidem Archangelo Michaëli, aliisque Sanctis Angelis, sex magnifica templa à fundamentis erexit, rectè persuasus, si hunc altarum legionum ducem, qui tot potentissimos perduelles in cælo sub iugum miserat, amicum haberet, bellum facile & felix se cum Vandalis habiturum Seraphicus ille Franciscus, præter quadragintadiale ieiunium Ecclesiæ, alios insuper quadraginta dies inedia se maceravit, pro honore & cultu S. Michaelis Archangeli. Anno à pariente Virgine millesimo, Otho III. Imperator Romanus, (teste Petro Damiano, in vita S. Romualdi.) Roma in Apuliæ montem Garganum, ad ædificium S. Michaelis, nudis pedibus contendit, (sunt 50. milliaria Germanica) idque iussu S. Romualdi, ut crimen paulo ante commissum, hac corporis afflictatione expiaret.

## CAPVT III.

Cum Angeli sint integerrimi spiritus, ab omni sorde carnis eximij, utique illis summo est gaudio & honori, cum quis eadem sese castæ integritatis veste amicit, seque illis; quantum conando potest, reddit quam simillimum, sitque castitate Angelus, quot sanctorum hominum castam & cœlibem vitam quasi castitem agnouerunt: nec in alio etymo Grammaticis magis credendum. verè dixit Hieronymus: esse angelum, felicitatis est; esse virginem, virtutis. Narrat Basilus, (*Tract. de vera virginitate*.) Diocletiano & Maximiano in Christianos sæuientibus, Theophilam virginem, formâ & prosapiâ nobilissimam, cum a lictoribus in lupanar vi traheretur, in viâ sic esse precatam. Mi Iesv, amor meus ô spōse mi, ô fons castitatis, matura opem, & sponsæ tuæ pudicitiam serua. Hoc cor, hoc os, & oculi lacrimis pleni loquebantur prostibulum ingressa, Euangelium, ut mos erat Christianis, lectura protulit. Fuerunt quidem qui irruere auderent, nemo qui tangere. Sedebat Virgo & legebat, verecundissimo vultu ad omnem modestiam composito; adstabat iuuenis è cælo, pulchritudine inenarrabili, amœnissimos ignes oculis spirabat, ita-

que strictorum oculorum maiestate terrebat ingressos, ut impuram vim omnem à Virgine arceret. Et hic adolescens, inquit Basilus, Virginis protector fuit, uti virgineus Daniel Susannæ. Nemo amat Angelos, qui castitatem oderit: vita casta, gratissimus Angelorum cultus est.

## CAPVT IV.

Quo porro cultu affici velint, æthereæ mentes, cœlestes hi Legati, facile id suos exéplo docent: B. Pauli sensu omnes administratorij spiritus sunt, pleni officijs & obsequijs, tales & eos esse cupiunt, quos instrunt,

Ioannes Carrera (Hist. Soc. li. 11. nu. 66.) castissimus iuuenis, inflammato semper studio erga tutelarem Angelum rapiebatur. cum hoc tanto erat, tamque familiari coniunctus vsu, ut velut intimo cum amico, sua consilia sermone sive conferret, sæpe ad eum de rebus suis dubijs arduisque referret sæpe interrogaret, exquireretque cōsiliū. Denique in eam Sancti Angeli familiaritatem venerat, ut ab eo quotidie horis antelucanis, ad orationem excitaretur è somno. quamquam hanc aliquando consuetudinem Angelus intermisit, quod excitatus à se, languore victus, non è cubili protinus surrexisset. Sed si hæc culpa fuit, certè per dies plurimos occultante se Angelo, poenâs dedit. Cuius præsentie desiderio multis ad Deum placandum precibus ac ieiunijs adhibitis, tandem aliquando quod amiserat, recuperavit. Receptum in pristinam familiaritatem Angelus monuit, idcirco suam se occultasse præsentiam, quod ad orationem se suscitantem, non protinus audisset: Deumque ab eo poenâs voluisse repetere, ut documentum ei esset in posterum, ne in surgendo moras neceret.

Non Mus tantum, sed & Angelis amica est aurora: manè cum Deo, interdiu de Deo loqui nos volunt: nec tamen officiorum erga alios obliuisci. Sui cultum interpretantur, cum in alios obsequiosi sumus, virgent merito, ut quod operè alijs impendimus, id & prompte & libenter impendamus, invita & lenta ministeria vix meliora sunt turpiorio. Placere non potest obsequium, quod *alacritas & promptitudo* non commendat, duplicem fert opem, qui celerem fert.



## CAPVT V.

**S**unt qui templa varijs muneribus colant. hi ceram, illi oleum, isti cereos; alij aras, pretiosam vestem, artificiosas imagines, calices aureos donant. Augustinus (*Serm. 3. de Nat. Dom.*) Equum est, inquit, monitos nos à Psalte regio, & **VOVERE & REDDERE**: duplici modo id fiet. Sunt qui ceram, oleum, telam, simulam, odores, aurum dent. Sed hæc nisi à ditioribus non expectes. nobiliora his munera habemus, è pauperum etiam arcubus depromenda, quæ Angelis oblata, non poterunt non esse gratissima. Ea verò sic ordine numerat Augustinus, auro prorsus & cedro scribenda.

1. Quicumque iram in alterum conceptam, subtrinxerit, & Dei amore illatam iniuriam oblitterarit; votum obtulitiste, oleum purissimum.

2. Si quis luxuriæ cœno volutari consuevit, respiscat tandem & excutiat sordes suas, & animo ad Deum secretius clamet: Benignissime Domine, misericordissime Deus: sufficiat, hæcenus luisse tecum, huc usque peccavi, te contempsi, legem tuam abieci, carnis meæ foetoribus satisfeci: nunc, ô mi Deus, ad te redeo, & voueo nequitiam meam me desitutum. Et hic obtulit candidissimam virginem ceram, utique charissimum munus Angelis.

3. Si quis inuidia laboret, ærumnis aliorum exhalatur, felicitate aliena tabescat, quod est peccatum, inquit Augustinus, usque ad mortem, promittat & ipse animo, actus amoris potius, quam lioris & inuidiæ se meditaturum. Et iste votum obtulit, calice aureo donauit Angelos.

4. Si quis iniuriam intulerit alteri, aut etiam eadem fecerit, animum veneno plenum abstinentia cruciet & luctu, nec panem Angelorum tangat, dum se Deo, læsos sibi reconciliarit integrè. Et hic votum offert: collapsam restaurat aram Angelis.

5. Si quis aliorum actiones capere; suas non inspicere, omnium honori detrudere, maledicos dentes nemini non infigere sit solitus: Deo & Angelis sic voueat: Huc usque de alijs dixi, me non inspexi: ego eram inferior, & alios miseros existimabam. Satis, ô mea lin-

gua, satis meque aliosque perdidisti; æstioribus te posthac vinculis constringam, seriò lasciuiam tuam emendabo. Et hic obtulit votum: grandem ex optimo ære statuam locauit Angelis.

6. Si quis se obseruet eleemosynæ parcum, in egenos asperum, in domesticos tenacem, in omnes iracundum, voueat hic Deo & Angelis, mansuetam liberalitatem. Ille quoque munificum soluit votum sacrificam ex auro vestem dedit Angelis.

7. Si quis se humanæ laudis percupidum, arrogantem, iactabundum, insolentem aduertat: voueat is submissionem & modestiam. Peristromata hic offert & tapetia, Angelorum æstimatione pretiosissima.

8. Si quis vino plus equo indulgeat, & caliculis epotandis studeat, voueat is sobriam & frugalem mensam. grande votum obtulit & iste: aliquot vini veteris urnas sacrauit Angelis.

9. Si quis languidum se fractumque, & ad exercitia pia eneruè & lentum sentiat, alacritatem is voueat, & ad diuina feruorem. Pretiosum & hic votum obtulit: argenteam balsamoque ardentem lampadem suspendit Angelis.

Deuota hæc Angelis munera, eiusdem Augustini verbis consigno. Et cum hæc omnia, inquit, feceritis charissimi, offeritis Deo votum placitum, & quasi remuneratis Christum. Et post hæc veniet vobis benedictio, & vota vestra offerentur ante tribunal Christi. Putamus, quam dulce erit, quando vota nostra talia, qualia dixit, Angeli ante conspectum diuinæ Majestatis obtulerint.

## CAPVT VI.

**S**ingularis & Angelis conuenientissimus, eorumque alumniis vtilissimus cultus est, præsentiam illorum plurimum semper venerari. rectissime Bernardus. (*Serm. 12. in Psal. 90.*) In quouis, inquit, diuersorio; in quouis angulo, Angelo tuo reuerentiam habere. tunc audas illo præsentem, quod vidente me non auderes? Sanè custos iste, castissimos oculos suos & aures (hominum more loquimur) perui-giles, semperque intentos habet, in omnia nostra facta, dicta, cogitata. Senecæ nil efficacius



cuius visum est, extirpandis vitijs. quam viri grauis presentiam assiduo cogitatu sibi proponere: iisdem mi homo, verbis te compello, quibus suum Lucilius Seneca: Accipe, inquit, & quidem utilem, & salutarem clausulam, quam te affigere animo volo. Aliquis vir bonus (& quis melior custode Angelo) nobis eligendus est, ac semper ante oculos habendus, vt sic tanquam illo spectante viuamus, & omnia tanquam illo vidente faciamus. Magna pars peccatorum tollitur, si peccaturis testis assistat. Aliquem habeat animus quem vereatur, cuius auctoritate etiam secretum suum sanctius faciat. O felicem illum qui non actus tantum, sed & cogitatus emendat. Sapienter idem, in alia epistola inculcans (*l. 12. Epist. 84.*) Sic certe, ait, viuendum est, tanquam in conspectu viuamus; sic cogitandum, tanquam aliquis pectus intimum inspicere possit & potest. quid enim prodest ab homine aliquid esse secretum? nihil Deo clausum est; interest animis nostris, & cogitationibus medijs interuenit. Sic interuenit, dico, non tanquam aliquando discedat. Nil verius aut sapientius a calamo hominis non Christiani doceri potuisset. Verè omnium actionum nostrarum, Deum Deique legatos Angelos & arbitros & testes habemus, & quidenim nesciant, aut non videant Angeli, qui videntem & scientem omnia sciunt, videntque obtutu perspicacissimo perenni?

## CAPVT VII.

**C**upiet fortassis, bonæ mentis homo, facili compendio nosse quid operis, quoti-

die fieri posset, sanctis Angelis honorandis. vt hunc satisfiat, breuem ei tabellam exhibemus eorum, quæ singulis diebus, aut certè crebrius, honoris sanctorum Angelorum præstanda.

1. Quotidie Dominicam orationem & Angeli salutationem nouies attentè pronuciare.

2. Litanias, Officium aliasve preces SS. Angelis inscriptas, quotidie recitare.

3. Quotidie aliquid boni operis, aut aliquam sui victoriam, Angelis offerre.

4. Cum è scripturis sacris constet, nouem esse Angelorum ordines, nouenarium numerum in pijs præsertim exercitijs, studiosius attendere.

5. Castitati, ab Angelis commendatissimæ virtuti, singularius studere.

6. Cultum eorum & venerationem apud alios propagare.

7. Templà ijs sacra frequenter, dies eisdem festos obseruare, præsertim octauum Maij, vigesimum nonum Septembris, & Dominicum diem Angelo Custodi sacrum.

8. Odium atque inuidiam omnem, & quidquid in mente contra alios alienationis est, in gratiam illorum ponere. pleni namque diabolus sunt inuidia, amore Angeli.

9. Præsentiam illorum assidue; sapissime saltem de die illam cogitare, in omnibus aduersis & periculis, Angelos atque Angelorum Reginam Domini Matrem, in subsidium ac patrocinium vocare.



EPILOGVS  
TVTELARIS  
ANGELI.

*Ad commissum sibi hominem.*



**D**OCVI te, mi homo, quam moriendi, maximè quam viuendi, quam etiam orandi legem sequeris. At nosti, scire hæc, & non facere, est bis delinquere, nota vox Domini: Seruus, heri voluntatè intelligens, eam tamè negligens, vapulabit multis. Christiani hominis nõ est, de multitudine legum conqueri: paucas habet, imò vnicam: Deum amet, & omnes omnino leges seruauit. quicquid ceterarum legum est, in vna illa continentur omnes. Genti Hebrææ, numerosum præceptorum onus fuit impositum. Aiunt Hebræi Doctores, in illo quintuplici Mosi volumine, sexcenta tredecim præcepta comprehendendi, sic diuisa, vt illorum, quæ imperant faciendum quid, tot sint, quot humani corporis partes à chirurgis assignantur, ducenta scilicet quadraginta octo: tot verò eorum, quæ fieri quid vetant, quot annus dies numerat, nempe trecenta sexaginta quinque. sic vniuersæ sexcentæ tredecim leges Iudæis fuerunt constitutæ. Ex his omnibus, vnam fecit Christus Dominus: AMA DEVM, & legibus vniuersis paruisti, qui diligit legem impleuit. (*ad Rom. c. 13.*) quare, mi homo, cum vnam atque vnicam habeas legem, eamque natura suauissimam, cur auersus à Deo in voluntarium ruis præcipitium? *Miserere anima tua placens Deo, & contine, & congre-*

*ga cor tuum in sanctitate eius.* Eccl. cap. 30 vel tuæ, inquam, ipsius animæ miserere. multa quæris, multa ambis: vnum quære, vnum ambi, DEO PLACERE, & quæso te, delectatiunculæ quibus crebrò æstuas, quam viles, quam turpes, quàm & breues sunt! an cælum desperasti? vita hæc momentum est: delicta sequuntur æternæ; illis te serua, & contine cor tuum à tot noxijs tot impuris ac fœdis tot acerbis ac liuidis cogitationibus, at nunquam satis in officio continebis cor tuum, nisi & linguam, nisi & aures ac manus, nisi & oculos tuos contineas, pudicus animus, & impudicus oculus, mihi crede, nunquam conueniunt: verecunda mens, & lasciuia manus, amicitiam non contrahunt; perulantem linguam, & custoditum cor simul non reperies. Ergo, vt cor tuum continere possis, linguam tuam, tuas tu manus, tuos contine oculos, vigilantia, quanta potes maxima. Vt scias, tibi tecum maximè luctandum est, sed ita luctandum, vt victoriam omnem in abstinendo & fugiendo, omne robur in patiando ponas. Fuge, quicquid libidinem, & vel libidinis suspicionem oleret: fuge, fuge. Si quid molesti & turbidi teledat, hic vir esto, hic dura; mala omnia superabis, tolerando: aduersa nemo vicit melius, quam qui patientius tulit. Quamdiu æquor hoc vitæ nauigas, tamdiu fluctus & procellas senties: & interdum fenum



num aliquod si blanditur, decipit & ferè tempestas maior succedit alia & alia tibi cogitanda. Vt flores quidam sunt, qui non nisi ad Solem se vertunt: sic tu mentem à nubilibus istis auerte ad diuina ad æterna.

Sed vnam hic velim salutis tuæ remoram tollas, & si quidè serio bonus esse vis obsecro te, ne tarde velis: ne differas, ne procrastines, Fatuas Virgines quid à cœli foribus excluderit, non ignoras: distulerunt, dormitarunt, horam ex hora traxerunt. non malum erat consilium illarum, sed nimis tardum, ita plerosque cernes perire, qui mores emendare cogitant, sed nondum: vitiorum illecebras abdicare, sed nondum: seruire Deo, prius tamen diabolo & mundo, ita non tantum in antiquam, sed in infinità siluam itur & reditur, dum Mors occurrat improuisa, & subito præscindat longissimā procrastinationis telā. Historiam profanam cōsulis, hoc idem te docet.

O Alexander Macedo vbi es? cuius illud innotuit, victorem fuisse, *nihil differendo* Tu ergo, *miserere animæ tuæ*, & hoc ipso sanctius te moriturum crede, quo citius ad mortem te composueris. Cum vita tam brevis & contracta, mors tam incerta sit, remerarium prorsus & fatuum est, in negotio salutis tam periculoso differre, cunctari, procrastinare. Aurem tibi iam sæpius vellicaui: memento mori, memento, ò nimium obliuio: se homo, mille tibi horæ si parcant, vna sterneret, & ea quidem, quam tu nunc minimè suspectam habes. At nunquid vis, vt ea omnia, quibus te ad mortem meliorem, ad vitam sanctiorem, ad puriores preces instruxi, in compendium conferam? Ergo,

Disce MORI, & esto paratus: quia nescis diem neque horam. *Matth. cap. 24.* Isboerth dum suauiter meridiatur, dormiēte ad ostium ancillā trucidatur à sicarijs, 2. *Reg. 4.* ita mors & peccatum iugulabunt te, si mortis in te dormiat memoria. Audacissima quidem Mors est, rarò tamen nisi incautos adoritur, & velut à tergo. Samson, dum Dalilæ gremio indormit, vires omnes amittit. I nunc, voluptati te crede: & tuam, è Samsonis fortuna, metire. Suis olim viribus mors pugnavit in homines, vt senecta, peste, morbis alijs nunc etiam alienis armis vitur, cibo, potu, crapula, libidine, multos in aquis submergit, sed

multo plures in vino: omni loco infidiatur. tu ergo *dispone domui tuæ, quia morieris.* Isa. ca. 38. & à rebus humanis toto alio orbe disiungeris. Et quàm serio Christus Dominus præmonuit: *Sint lumbi vestri pracincti, & lucernæ ardentes in manibus vestris; vos, similes hominibus expectantibus dominum suum, quando reuertatur à nuptijs.* Lucæ c. 12. Morti paratus occures, si tria hæc Domini iussu, tibi mature compares: Cingulum, Pacem, Tintinnabulum, an recordaris, quæ de Castitatis cingulo supra te monuerim horis pluribus? Sed millies inculcandum tibi est, beati Hieronymi monitum: *Si cingulo castitatis careas, omnia per terram trabis.* cinge lumbos eorum mors turpis est & mala, quos discinxit luxuria Facem manu præferes, si Decalogum non solum scias, sed serues. At verò tintinnabulum tu tibi conscientia est: hæc sæpius, imò quotidie ad tribunal ducenda. descende in te, & vitam tuam inspice, nec tantum quid facturus sis, sed & quid feceris, creberrimè cogita. ita tuum hoc tintinnabulum pulsa, conscientiam tuam de cogitatis per diem, dictis, factisque tecum quotidie rimare & excute. Sic inducijs, quas imminente morte, frustra peteres, nunc concessis vtire: disce MORI: aut idem tibi cogar occinere, quod Angelorum vnus Carthaginensi episcopo grauius decumbenti obiecit. (*S. Cypr. serm. 4. de mortalitate. Baron. to. 2. An. 256.*) *Pati timetis, exire non vultis, quid faciam vobis?* Ergo *miserere animæ tuæ* & mortem, quò illa venit iusidiosius, hoc tu frequentius cogita.

Sed & VIVERE disce, castè & cautè viuendo. Si cautus non sis, nec castus eris. Iobus, tolerantia speculum, non tantum castimoniam coluit, nam & cum oculis scædus pepigit, vt ne cogitarent quidem de virgine, sed & idem cautissimus vixit. magna in illo morum sanctitas elucebat, & tamè timebat, trepidabat, cauebat. Verebar, inquit, *omnia opera mea, sciens quod non parceres delinquenti.* Iob. c. 9. Suspectum illi erat quid faciebat, ne forte faceret, quod Deo minus placeret. sciebat vir integerrimus, alia longe hominum; alia Dei esse iudicia. Hanc ob causam opera sua omnia verebatur, verè & castus & cautus disce, & imitare, vt tanto viuas castior, quanto in omnibus cautior, & circumspici-



*Crior. Misereve anima tua placens Deo.*

Sed & ORARE discere, Rex noster Christus, non crebras tantum, sed & assiduas à te preces exigit: *quoniam oportet semper orare.* Lucae c. 18. & quam fideliter sepius exhortatur: *Videte, vigilate & orate: nescitis enim quando tempus sit.* Marc. c. 13. *Sine intermissione orate.* 1. Thes. 5. Ergo, non impediaris orare semper. Eccl. cap. 18. Excellentissimam hanc ORANDI arcem non disces, nisi & saepe ores, & feruide. hoc ipso multorum languida est oratio quia rara, fabri fiunt fabricando. veri coram Numine oratores, satius tamē est, breues esse preces & feruidas, quam longas & languidas. vix vllarum est virium oratio, quæ nihil habet ignei, oratio marcens & torpida, idem est fere quod ignis frigidus. Paulus oraturus calidos spirabat ignes, quibus fuscitandis? *Orabo, inquit, spiritum & mente.* 1. Cor. 14.

Quid prodest labiorum strepitus vbi cor est mutum? ignita vero censetur precatio, quam ardentes gemitus, & ad Deum crebra comitantur suspiria: oratio vana & frigida est, vbi hoc tam graue negotium soli committitur linguæ. Ergo vt rectius discas VIVERE, discere feruentius ORARE: neutrum difficile est, volenti.

Et vt compendiariâ prorsus te viâ ducam ad cælum, hanc verborum meorum summam teneto, & duplex hoc monitum, nulla vniquam obliuione deleto.

1. Assidue cogita, te quotidie propius atque propius, ad ipsam totam immensam ÆTERNITATEM accedere, quæ tibi vel in flammis inter damnatos, vel in delitijs inter beatos agenda erit. sic bene MORI condisces.

2. Deum tibi semper præsentem, ex oculis nunquam dimitte, ita scies recte VIVERE.

*Ad maiorem Dei, Deiparæ<sup>3</sup> Virginis, & omnium  
Sanctorum Angelorum honorem & gloriam.*

F I N I S.



ror est  
quam  
romi-  
t, ubi  
ritur  
disce  
h, vo-

ducam  
mam  
a un-

us at-  
n. E.  
flam-  
bea-  
res.  
pculis  
RE.

um





Cupido Victus

Nicetas Victor

Rucholle.f.

Nicetas tomo primo fol. 387.



N I C E T A S.

S E U

T R I V M P H A T A


I N C O N T I N E N T I A.

A V C T O R E

H I E R E M I A D R E X E L I O,

è Societate Iesv.





BEATISSIMÆ VIRGINIS  
MARIÆ

Nobilissimis sodalitatibus,

INGOLSTADIANÆ,  
MONACENSI,  
DILINGANÆ,  
AVGVSTANÆ,  
RATISPONENSI,  
OENIPONTANÆ,  
HALENSI,  
LVCERNENSI,  
FRIBVRGENSI HELV,  
BRVNTRVTANÆ,  
CONSTANTIENSI,  
EYSTADIANÆ,  
ENSISHEMIANÆ,  
NEOBVRGENSI,  
FRIBVRGENSI BRIG.

*A Deo Deiq; Matre Virgine, Felicitas sempiterna.*



Tiamnum meus in vos affectus calet ( profapia, eruditione, Virtute Nobilif-  
fimi Domini Soldales ) nec est quod malim quam vobis quam plurimum  
prodesse, vt cum plurimum à vobis acceperim, id demum redeat ad suos fon-  
tes. Quicquid ego adolescens vel litterarum vel pietatis hausi, id Beatissimæ

Vir-



Virginis Sodalitati accepit refero, & hoc Orbi testor. Vobis debeo, & vestris ceteribus, quod Virginis Filius IESVS, in suam me Societatem prorsus indignum admiserit. Ingenue fateor, absque sodalicio vestro fuisset, perissem, & mecum plures alij. Sed perire vix potest inter vos, nisi pereundi cupidus animum à vobis in perniciem voluntariam abducatur. Nec in scholis quidem utiliter quis discit, nisi à vestro consortio hoc ipsum discat, quemadmodum & quam sobrie, discendum sit, Virtus & aliorum scientia est, & sui. Verissime Romanus Sapiens, & Marianis catibus accommodare. Nulla res magis, inquit, animis honesta induit, dubiosque & inclinabiles reuocat ad rectum, quam bonorum virorum conuersatio. Paullatim enim descendit in pectora, & vim praeceptorum obtinet, frequenter audiri, adspici frequenter. Sane vel ipse occurfus vester & adspectus iuuat ad virtutem, & est aliquid quod quis à vobis vel tacentibus proficiat. Possum ego in laudem de vestris Congregationibus iure optimo affirmare, quod priscus poeta de vrbe Roma per cauillum dixit:

*Hic sunt homines — b*

Et nisi quis inter vos discat hominem agere, & homo fiat verecundus, sapiens; pudicus, operam perdidit, & sub humana specie pecudem, saepe non vnam absconderet: Scholas & lycea occupabit iste, & inde vel bonus Grammaticus, vel disertus Rhetor, vel argutus Philosophus; aut etiam doctus Medicus, aut insignis Iure consultus prodibit: At his omnibus valere, licet ad parandam farinam faciat, ad emendum calum illa omnia sciuisse, castus labor. Bonum Christianum, probum sodalem fieri, hoc artis est & sapientiae. In hanc rem vna Virtus est, quam si quis inter Beatissimae Virginis sodales non didicerit, vitia sine magistro discet auidâ docilitate. Sane in Marianis sodalitiis varia viget virtus, *hic sunt homines*, ad normam Virtutis. Illi in suum exitium pessimè cauti, & ferè nunquam nisi casu boni, qui ceteros hos fugitant, qui huic disciplinae nomen suum dare recusant, aut vbi dederint, publicos congressus declinant, & nusquam minus quam in conuentu sodalium conspiciuntur, perpetui emanfores, & nec ad numerum quidem augendum beneuoli: Hi tales, inquam, hoc vnum agunt ut nullum habeant cum virtute commercium, tanto liberius vitiosi, quanto remotiores à castis oculis. Tanti est cum bonis consortium, cui quidem me omnia debere fateor, & ut hoc testato dicam per orbem, scriptionem hanc iam alteram, & nouam, ad vestra subsellia, Ornatissimi Domini Sodales, mea Voluntate animoque libentissimo depono, grati animi vel tenue monumentum.

Libello huic nomen est *Triumphata Incontinentia*. Hic nemo malè ominetur, eum nomini vestro inscribi. Non hoc agit libellus iste, perinde si vos adureret Incontinentia, sed ne adurat. Vti medicinam facimus, illis in remedium, istis in leuamentum, in antidorum alijs: sic etiam remotis vitijs, quâ ratione cauere ea possint, discendum est. Et quia difficillimum, duram iam & veterem animis pestem extrahere, prouidè omnino facit qui praemeditatus, non hoc laborat ut aegrotus esse desinat, sed ut maneat sanus. In hunc finem ad vos libellus iste properat non ut Incontinentiae morbum adimat, sed ut non admittat.

Sed cur non librum mitto grandiore, decentius munus foret? Ignoscite, oro, dantis tenuitati, sed & vitijs nostri aui, hoc si placet inspicere, magnam morum euersionem, & Incontinentiae plurimū vbiq̃e sparsum esse non negabitis; libere dicetis: Aegrotat orbis, & potissimum ab Incontinentiâ. Atqui aegroti non grandes boli, aut in amplis patinis tugeta crassa sunt anteponehda, in sculis atque sorbitunculis iuuandus est. Idem hic faciendum. Atque si aui nostri genium consideremus, aegrè aliter iuuari nunc Orbis poterit.

Volumina & prolixos codices nauseabundum hoc seculum vix admittit; & iam salutaris



## EPISTOLA DEDICATORIA.

lutaria, pœnè in transitu instillanda. Libelli & scriptiuncula etsi minus perpolite, modo succinctè honestatis obliuionem facilius corrigent. Quicquid autem alij vel dixerint vel scripserint, hoc vitium Incontinentiæ sine modo, sine fine persequendū est, nam illi quoque nec finis est, nec modus. Et quoniam Incontinentia, voluptarium hoc, sed pestilentissimum venenum, maximam orbis partem inficit, ad plurimos, optem, medicus hic libellus perueniat, qui ideo brevis esse debuit, ne malum quod sanare vult, morosa prolixitate potius offendat. Quod si etiam Beatissimę Virginis Sodales spectem, quorum honori & bono libellus hic scriptus est ne sic quidè laciniosas adhortationes his obtrudere debui. Sunt quidam ex hominibus tam egregiam fortiti indolem, vt in ea quæ tradi solent, perueniant sine longo magisterio, & honesta complectantur, cum primum audiunt. Hæc tam rapacia virtutis ingenia & ex se fertilia, in hac Beatissimę Virginis familia minimè rara sunt. Quare, obsecro, Sodales integerrimi, huic libello, nouo hospiti locum præbete: non amplum petit nec lautam, sed quem libellis pijs negare non soletis. Et quia Castitatis ac Continentiæ amore vos ardere non dubito, hoc victæ ac triumphatæ Incontinentiæ spectaculum beneuolis oculis & auribus accepturos prorsus confido. Vestrum omnium castissimis precibus submissee me commendo. Monachij, die Beatissimę Virginis lustratę, Anno Christiano 1624.

a Sen. ep. 94. circa med.

b Iuuenal. sat. 2. ve. 167.

Omnium vestrum

Seruus in Christo

HIEREMIAS DREXELIUS  
è Societate IESV.



# BENEVOLO LECTORI.



*Adum, mi Lector, ab omni saculo inauditum, omnibus post  
saculis obstupescendum fero. N CETAS, Aegyptius iuuenis,  
sui & libidinis victor, singularis, admirabilis, stratagemate  
vicit in omne auum admirando. Putem ego in omni re Christia-  
na nil reperiri simile. Possumus sane, quod ille de Ulysse, de hoc  
iuuene longè veriùs affirmare: Scyllam prater nauiganit, nec  
abreptus est; Charybdi conspectus est, nec conspectus est. Cir-  
ces poculum bibit, nec mutatus est; ad Lotophagos accessit, nec remansit, Sirenes au-  
diuit, nec accessit. a Addam ego: vinctus est, ligatus est, armis omnibus spoliatus est,  
nec vinci potuit. Imò Sirenem fallacissimam audiit & accessit, seu, accedere coactus  
est, & tamen submersus non est. Lingua pugnavit, lingua vicit, qua pene omnes vin-  
cimus; nec vicit concitando linguam in eloquium, sed mutilando in tormentum.  
Vis nosse, Lector, generosissimi stratagematis incomparabile consilium? hunc libellum  
lege: sed quaeso te, quietus lege, & animo proficiendi. Mores hic componimus, non  
verba, & animis hæc scripta sunt, non auribus. Scriptionis huius finis est, quem &  
tuum esse cupimus, illud extremum malorum, capitalissimam pestem, vitiorum om-  
nium largissimam scaturiginem INCONTINENTIAM expugnare. Incontinen-  
tia omnium vitiorum fecunda mater, in omnes scelerum formas se diffundit. Qui ca-  
stitatis hostis est, omnium propè vitiorum amicus est: nec ullus vnquam Pudicitia  
bellum indixit, qui non prius fœdera iunxisset, cum non simplici nequitia. Cui mens  
est vitia per compendium discere, in Lasciniæ disciplinam se tradat, & breui se magi-  
strum ex discipulo mirabitur. Nemo sancte vixerit, qui non & caste.*

*Et ne te fallas, ô mi optime Lector, non solis iuuenibus, non virginibus solis, nec  
tantum Parthenijs sodalibus hæc scripta sunt. Ad omnem statum, ordinem, sexum,  
etatem attinet hæc scriptio, & multum quidem. Suam & vidua, suam coniuges, suam  
sponsi & sponsa castimoniam colant necesse est. Coniugij leges male seruabit qui ignora-  
rit Castitatis, imò ausim dicere, Castitatis leges exacite sciendas illi, qui seruare volue-  
rit coniugij. Nulli hominum ordini, etati nulli Pudicitia septa transilire fas est. Et  
quomodo ei bene conueniat cum Virtute, cui quidem lis sit cum Verecundia, Virtutis  
sede? Ita hæc qua de vitanda Incontinentia dicuntur, nemini non necessaria sciri  
sunt.*



Addo : plurima hoc libello doceri quæ ad omnigenam Virtutis cultum faciant. Et ut scias, mi Lector, quod hic sacra institutionis summarium tibi proponam : Quicquid Anno 1621. coram Serenissimo Electore MAXIMILIANO, & Serenissima coniuge ELIZABETHA, de Dei Præsentia in omni, per sacros Dominici Adventus dies diseriui, eius tibi summam & velut expressum sucum libro secundo, capite decimo propino. Et quicquid Anno 1624. coram iisdem Serenissimis Bavaria Ducibus & aulico comitatu de nouemplici Æternitatis inferæ tormento pro suggestu dixi, eius tibi synopsis & epitomen do, eodem libro posteriore, capite II. Et quamvis hæc scriptio tanta molis non sit, non tamen properata aut sesquidie elucubrata est. Horatij præceptum est, nouennio præmendum, quod luci & publico velis committere. b Seruauit, & aularium adieci. Argumentum libelli & ordo, ut iam ostendi, hic est.

Viginti quatuor omnino capita libris duobus assignantur. Liber primus per capita duodecim exponit, quæ sint cum inuitamenta tum effectus Incontinentiæ. Secundus, per totidem capita eidem Vitio præbet antidota. Origo & causa, sed & tenor ac clausula scripti NICETAS est, miraculum Continentiæ, & dignum calo spectaculum. Hæc te scire volui, Lector, & cum lucro legere.

a Madaur. de Deo Socr. fine.

b De art. Poët. propius finem.

PRIMÆ



## PRIMÆ IMAGINIS EXPLICATIO.

**I**O triumphe, Nicetas vicit, sed vicit ducis illius auspicijs, quem lilij innutritum, lilio ut cruci suffixum monstrat. Omnia impuri Cupidinis iacula castissimus iuuenis excepit illasus; animi mortem exijt, quia mortem inferorum, mortem aternam in mente habuit. Ita lasciuum ex Orco angelum, cacum Veneris puerum superauit; quem & pedibus calcat. Nunc in primum latissimus Angelorum è calo choreis honoratur.

Non assequetur Castitatis premia, qui detractauerit generosi laboris praelia. Luctandum & certandum est: hic aliter victoria non constat. Optimè dixit Chrysostomus: Virgo (amans virginitatis) à bello nunquam cessare potest.

## LIBER PRIMVS.

### CAPVT PRIMVM.

#### SERMONIS INGRESSVS.

#### PARTHENIVS ET EDESIMVS COLLOQVVTVR.

**P**ARTHENIVS. In manu mihi erat his diebus Hieronymus, ille linguarum totiusque antiquitatis doctissimus scriptor, & Orbis Oraculum, de quo non immerito ferebatur illud: *Neminem scis- se quod HIERONYMVS ignoraret*. **EDESIMVS**. Breuiter simul & copiosè laudas, doctorem laude dignissimum, cuius si velepistolae solum euoluas, magnum eruditionis thesaurum inuenies eruendum. **PARTH.** Has ipsas legi, quibus libro tertio miscet res gestas Pauli, primi anachoretæ, ubi mentionem iniicit Ægyptij iuuenis, cuius heroicam virtutem, nulla, putem, vnquam sæcula satis obstupefcent. **EDES.** Hoc ipsum non ita pridem, & legi, & pœnè in saxum steti. Quid nos, Partheni; ad Heroas istos; **PARTH.** Ita est; sed quæso te, si quidem plura super hoc libet dis-

serere, hanc tu mihi sellâ occupa, sedentes caput sermonem pertexemus, nam noui te è gèrè Peripateticorū nō esse, & Dion olim putat, uti arcum & lyrâ, ita & homines quiete vigere, & Stagiritæ scitū est: sedendo & quiescēdo animum fieri prudentem. **EDES.** Sed num, Partheni, de Castitate disserturis quies adeo est commēdanda? nosti illud de Ægyptio adultero: *desidiosus erat*. **PARTH.** Quietem, mi Ædesime, non otium, non desidiam suasi. Sed ad rem, & **NICETÆ** nostri palæstram propius inspiciamus. **EDES.** Sed hac lege, ut tu mihi Theseus sis per omnem hunc explicandi labyrinthum. Ego Hieronymum sumo, & ad verbum lego, te auditoris interpretem.

a Aristot. l. 7. Phys.

s. I.

**A**lium iuuenili ætate florentem, in a-  
mœnissimos hortulos præcepit abducia  
D d d ibique



ibique inter candentia lilia & rubentes rosas, cum leni murmure aquarum iuxta serperet riuus, & moli sibilo arborum folia ventus præstringeret, super extructum plumis lectum resupinari iussit: &, ne se inde posset excutere, blandis serico nexibus irretitum relinquit. Quo cum, recedentibus cunctis, meretrix speciosa venisset, capit delicatis colla stringere cōplexibus, vt corpore in libidine concitato, se victrix impudica superiaceret. Quid ageret miles Christi, & quo se conterret, nesciebat. Quem tormenta non vicerant, superaret voluptas? Tandem cēlitus inspiratus, præcisam mortu linguam, in osculantis se faciem expuit: ac sic libidinis sensum, succedens doloris magnitudo superauit. *a* PARTH. O factum, Superi, omnibus retro sacculis inauditum! omnibus post sæculis obstupescendum! Hoc est pugnare, hoc vincere, hoc triumphare! Eandem ego historiam ex Nicephoro *b* verbis nonnihil alijs. conscripsi nuper. exercendo stylo, libetne audire? *ÆDES*. Libet quàm maximè. millies hoc mihi narra, nunquam satiabis has aures. PARTH. Ergo recitare iubes? *ÆDES*. Et iubeo & volo: recita. PARTH. Ergo animum & aures aduerte.

*a* Hier. in vita S. Pauli primi Erem. c. 3. Baron.

*An. 253. Desij Imp. primo.*

*b* Lib. 7. cap. 13.

## C A P V T II.

*Illustrissimum NICETÆ facinus, paulo fusius narratum.*

**I** Actat priscum quum sui Anaxarchi libertatem, qui in vinculis tortus, linguam dentibus præcisam, in tyranni os expuit. Ne superbi, mi Anaxarche: Viros ego tecum vel cum Mutio, aut Aquilio, aut Regulo comparem? pueri & mulierculæ nostræ, vobis sæpe non pares tantum, sed superiores longè, & vel in arctissimis vinculis libiores sunt. Satis id ostendit Ægyptius ille iuuenis, NICETAS, cuius plus quàm heroicam libertatem & fortitudinem, nemo satis, non dicam, laudet, sed nec miretur satis. Felicem te, dicebat Rex Macedo de Achille, qui virtutis tuæ præconem nactus es Homerum, idem ego de hoc iuvene verius: Felicem te, NICETAS, qui

tuæ virtutis panegyristen nactus es Hieronymum. Et videte mihi obsecro inter quot & quàm insidiosas catenas, libertatem suam sit professus, castissimus hic Achilles noster, cui longè periculosior scena fuit instructa quàm socio. Lectus erat supra omnem Sardana-pali plumam & Helio-gabali olorinam culcitram mollis & delicatus; in hunc abiectus iuuenis, non ferreis sed bombycinis vinculis ligabatur. Iam actum esse dixisses de retinenda pudicitia inter tot insidias. Circumcirca Voluptas sua inuitamenta disponebat, quibus pudica mens suæ castitatis, propositum vix potuit non vendere. Stabant foliorum germine renidentes arbores, quæ cum hilari odore gratas diffundebant umbras, & clementi brachiorum motu, dulces susurros obsibabant. Has inter loquax riuulus & omni cry-stallo nitidor errantibus ludebat aquis, & querulo rore lapillos vexabat. vnde pœnè musico concentu pulsabatur, vtriusque flores & copiosa Zephyri familia. Hinc è viridi prato argentea ridebant lilia, illinc purpurascētes rosæ promicabant; istinc Narcissorum niuem & ebur, Hyacinthorum sanguis & aurum acuebat; ventulus ab omni parte placidissimus aspirabat. Heu! quid facies Christiana libertas? vndique ad voluptatē inuitaris; in tot florum lasciuia, in tantæ odoris fragrantia; & inuitarici huic voluptati resistes? & quomodo tot pedicas abruptes? En, adrepit etiam perulanti vultu femina, quæ tot in te iaciet vincula, quot verba, &, vt basiliscus solis oculis necabit. Heu! miserande iuuenis. Quomodo ab hac te viperâ seruabis illa sum? nulli vnquam sua magis captiua fuit libertas quàm tibi. Oculos aperis? à forma tibi laqueus est. hos claudis? aures patent, per quas veneni satis instilletur. Sed neque manus pugnis, aut pedes calcibus castitati tuæ succurrere queunt. Ah! amissa videtur integritas, & expugnatum tot machinis pudicum pectus. Credibilis videtur, Romanum parricidam in culcum cum cane, serpente, gallo gallinaceo atque simia insutum, à vulnere seruari posse innoxium, quam te; ô iuuenis miserande, à libidinis peste immunem. Quidquid agas, constrictus teneris, nec pater vel spes euadendi vlla. Lasciuus Cupido ab omni parte tibi imminet, atque iam iam, quod inte venena-

uit



tuit telum, emitter. At, at, ante victoriâ cecinit triumphû Venus; reperit consiliû Christianus hic Athletes, in lerali hac arenâ. Inuenit sibi viâ, qua victrix Castitas hostem suû triumpharet. Nam, dum sic vndique oppressus iuuenis vicinissimû periculum contueretur: Quin, ait ipse secum, exurgis læse pudor, & quibuscunque potes armis, te ipsum defendis? sola lingua vinculum non sentit. Recte est: lingua mihi telum erit: malo esse mutus; quàm parum castus. Dixit, & generosissimo vulnere, mediam sibi linguam præmordit, eamque in frontem lupæ quæ fronte caruit, sanguinolentam eiacularus est. O NICETA; ô macte virtutis & animi iuuenis, qui tot ex Orco compedes rupisti, & virginei pudoris libertatem, in tutum asseruisti, fauce pro pharetra, lingua pro sagittâ fortissime vsus.

## S. I.

**ÆDES.** O cælum, ô terra, & ô maria Neptuni! quid simile in omni historia, profana & sacra; veteri, nouâ, Romana, Gracâ reperire est? verè huic iuueni acclamari potuit **FACTVM BONVM**, factum admirandum, præsigne, obstupefendum. Nihil ad hoc Lacon ille adolescens fecit, qui bello captus, identidem clamabat: *non seruiam*, & ut primum iussus serui & contumelioso ministerio fungi, illisum parieti caput rupit. Quid Mutij dextera ardenti foculo castigata? Sed neque sicam Lucretiæ sanguine stillantem miror; casta illa esse voluit, cum castitatem amisit. **PARTHE.** Habuit quidem & priscum æuum magna Castitatis exempla: Xenocratem laudo, Scipionem prædico, Alexandrum Macedonem ob hoc veneror, Spurinam & Democlem admiror, solum **NICETAM** obstupefco. Xenocrates, illius fuisse dicitur verecundiæ, ut si quid vel in bestiis impudici videre contingeret, avertis illud & retortis oculis continuò damnaret: Scipio commendatissimæ formæ virginem sponso, vti eam acceperat, intactam restituit, tam sui quàm libidinis victor. Alexander, Rex Darij filias & coniugem, miræ elegantia feminas, nec oculis quidem voluit attingere. Spurina proprij vultus elegantiam vulneribus confudit, ne alios ea vreret; Democles in bulliens ahenum insiluit ut stuprum effugeret, vterque Castita-

tis generosus propugnator; neuter tamen cum **NICETA** nostro conferendus. Et quia Circum hunc ingressissimus, libetne pedem protollere, & qua possumus, hoc stadium emetiri? **ÆDES.** Vacamus ambo: nec est quod reculem, præsertim si tu manu ducas. **PARTHE.** Sed si errem, veniam dabis, incidi nuper in versiculos, pauculos illos, atque si verba spectes, parum delicatos & terreres, sed sensu opulentos, & nescio an breuius quid legeris, & simul vtilius. triplex illis inscriptio, nec nisi sex vniuersum sunt: En, recito.

**INCONTINENTIA ET LIBIDINIS INUITAMENTA.**

*Otia, Mensa, Libri, vaga Lumina, Verba, Sodales;*

*Hac tolle, hanc minue, hos muta, hac clande, hac fuge, vita hos.*

**INCONTINENTIA ET LIBIDINIS EFFECTVS:**

*Corpus, Opes, Animam, Ingenium, Famam, Virtutes;*

*Debilitat, perdit, necat, impedit, inficit, aufert.*

**INCONTINENTIA ET LIBIDINIS ANTIDOTA:**

*Lectio, Flagra Preces, Confessio, Lympha, Labores,*

*Portarum excubie, Christi presentia, Poena.*

**ÆDES.** Memoria iuuandæ facti sunt, nec displicent: sed qui tu me hodie manu ducis, incipe Partheni, & explica illa tuorum versuum enigmata, ne cui Arabicè locutus videaris. **PARTHE.** dimitte iam paucos hos Epicos: alios post subdam. de **NICETA** meo, qui, nisi luxuriæ malum ingens habuisset cognitum, non illud adeò fuisset destitutus, ut cum summo dolore balbus esse mauerit, quàm cum paratâ voluptate impudicus.

## CAPVT III.

**Primum INCONTINENTIAE inuitamentum OTIVM.**

**N**ihil ad vitia seu discenda, seu committenda procluius, quàm otiosa vita. In ludo Vitij **OTIVM** Magister est & primarius doctor. Et ne mireris: Draconis lege, qui

Ddd 2 Otij



Otiij damnati essent, capite mulctabantur. Ad libidinem maximè trahunt.

*Otia, mensa, libri, vaga lumina, verba, Sodales.*

En, antesignanum, OTIVM, non est quod hic quidquam controuertamus; omnium vitiatorum vitatum puluinar est Otium, quid nunc etiam sit luxuriæ? Et oraculum est, quod olim affirmatè Diogenes edens: Libido, inquit, est otiosorum negotium. Portentum est profecto, homo otiosus & castus, atque vti cognata sunt vitia, *mentiri & furari*, illic enim ego tibi furem ostendam, si tu mihi mendacem, ita prorsus, proxima sibi sunt *nihil agere, & male agere*; tempus perdere, & Castitatem non retinere; *otiosi, & luxuriari*. Ouidianum illud tritissimum nosti:

*Quæritur Ægyptus quare sit factus adulter? In promptu causa est; desidiosus erat.*

A desidiâ perâque libidinum incendia excitantur. Otium fauilla libidinis. Atque vrinam parentes & magistri hic attentè vigilent, suis vt torporem omnem excutiant: exemplo præit, parens ille apud Satyricum: *a*

— at nunc

*Post finem autumnus media de nocte supinum Clamosus iuuenem pater excitat, accipe ceras, Scribe puer, vigila; causas age, perlege rubras Maiorum leges, aut vitem posce libello.*

Magni Imperatores, cum malè parère militem vident, aliquo labore compescunt, & expeditionibus detinent. Nunquam vacat lasciuire districtis. *b* Reuera,

*Otia si tollas periere Cupidinis arcus.*

*Contempraque iacent, & sine luce faces.*

liquidem eodem magistro monente:

*Quam platanus riuus gaudet, quam Populus vnda,*

*Et quam limosa, canna palustris, humo;*

*Tam Venus otia amat* —

Otiosus enim, vti verissimè Romanus Sapiens; non sibi vivit; sed quod turpissimum est, ventri, somno, libidini.

*a* Inuenal. sat. 14. v. 137.

*b* Sen. ep. 56.

*c* Sen. ep. 55.

#### S. I.

**S**ed grauiores tibi testes adduco. Mellissimus doctor Bernardus: Sicut, inquit, per

rimam sentinæ, aqua latenter intrat & excreuit, donec navis per nautarum incuriam demergatur: ita ex otio atque ignavia cogitationes prauæ, & concupiscentiæ multiplicantur, donec navis cordis eis succumbens, in peccato periclitetur *a*. Otiij hostem capitalissimum scias fuisse Bernardum, qui serio submonens: Omnium, inquit, tentationum & cogitationum malarum colluviæ est otium, summæ mentis malitia, malorum omnium sentina, mors animæ *b*. Et vt sciretur quàm cauendum esset Otium Castitatis studio: Luxuria, inquit, cito decipit homines otio deditos, & grauius vrit si quem otiosum inuenit: industria & labori cedit. *c*

Laurentius Iustinianus, vir perinde sanctus ac doctus: sicut aqua, inquit, quæ caret decursu ac iaceret in foueis, putrescit: ita & corpus otij tæbe confectum concupiscentiarum ac voluptatum carnalium parit ac nutrit infantiâ *d*. Id a libi confirmans: e quemadmodum, inquit, extempore labore carnis incendia cohibentur, sic ex otio fouentur & crescunt. In magnatum culinis, pigritia coquorum id compendij reperit, cum ignis segnior est, butyrum affundunt, vt ad flammam irriterent. Idem penè diaboli calliditas facit: cum libidinum ignis in nobis fractior est, tunc & oleo, & pice, & butyro illum reddit viuacissimum: cibus potiusque copiosior est oleum; pix, libri obsecrni; molle butyrum, turpe otium: ad hæc fomenta facilis exurgit flamma. Qui castitatem odisse vult, amet otium.

*a* Sermon. de S. Andrea.

*b* Epist. ad fratres de monte Dei.

*c* Ser. 51. de modo bene viu.

*d* Lib. de perse. grad. cap. 9.

*e* Lib. de ligno vite cap. 5.

#### S. II.

**O**tium & Reges simul & beatas perdidit vrbes *a*. Otium iners & languidum, solam requiem complectitur, quo nil sædius, nil similis est sepulchro. Otium sine litteris, mors est & viui hominis sepultura *b*. Proximè sanè agnationis sunt OTIVM & VITIVM, Multarum enim malitiam docuit Otiositas, cæcè rectè mater nugarum, & omnium virtutum nouerca dicatur. Nullus fructus est Otij, sed dispendium semper maximum: Otium, res vna



na omnium disciplinæ inimicissima est. Otium non tantum non acquirit noua, sed etiam acquisita consumit: & vix quicquam est, quod viam ad gehennæ fauces aquæ facilem planamque reddat atque Otium, quod etiam fortissimum quemque in diuersa vitia suauiter impellit. *Multam malitiam docuit Otiositas.*

Præclare scripsit Portius Cato, necesse esse ut sua cuique vitæ ratio constet; id certe nisi operoso & laboris amanti contingere non potest, & sanctioris quidem vitæ ratio processu gaudet & crescit; cessatione torpescit & deficit. Cui verò vitam per dedecus placet exigere, Otium sectetur, & à scopo suo quàm minimè aberrabit. Decliuus & ad omne flagitium compendiosa via est Otium. Vis veram huius monstri descriptiunculam? Pulcherrimum omnium vitiorum breuiarium & epitoma est Otium. Mens otiosa in mille facinorū furias discurret; *Multam malitiam docuit Otiositas.* **ÆDES.** Plerique omnes contra **OTIUM** diserti sumus, & nonnunquam ore tragico in illud declamamus: at interim suauis nobis esse credimus, cum vacamus, otium melius reprehendimus quàm fugimus. Videmus meliora & probamus, deteriora sequimur. **PARTH** tantò peiores sumus, quantò dulcius nobis est hoc pessimum malum. Verè, *Multam malitiam docuit Otiositas.* Hactenus in otium dixisse satis sit.

*a Catull. ad Lesb. b Senec. epist. 12. c Eccli. cap. 33. v. 29.*

## CAPVT IV.

*Secundum INCONTINENTIÆ inuitamentum, MENSA LAVT OR, SATVRITAS, GVLA.*

**R**Es in aperto est, & pridem certa: sine Cerere & Libero frigere Venerem. Cum enim totum illud domicilium interioris hominis, esca stipatum, vino inundatum, decoquendis excrementis instuat, quid tam in propinquo superest, quàm ad Lasciuia sapere? tunc enim libidinosus nec tenebras expectat, tunc impudicus morbum publicat; tunc petulans nulquam manum continet: & licet omne vitium detegatur in ebrio, libido tamen plurimum. ita corpus fartum est, & cuticula bene curata, ante omnia vitia refurgit libido, quæ annis sæpe integris iacuerat emor-

tua, aut certe sopita languerat, vires resumit, maxime dum adulteris carlata vasa propinaciuum, tanquam per se parum doceat libidinem temulentia, ut necessum proinde sit vinum ex libidine haurire, si lasciuire lubear. Nec vulgi dictum hic errat: *post epulas chorea*, cui & sacra pagina adstipulatur: *sicut populus manducare, & surrexerunt ludere.* a Sed lufum non bonum, lufum impium, ideo vigilanter monet gentium Doctor: Nolite inebriari vino, in quo est luxuria b. Et nosti, mi **Ædesime**, quod veteri & vero adagio dicimus: *Nunquam fames adulteria genuit.* Quod diuinus Ezechiel clarissime pronuncians: c **Hæc**, inquit, fuit iniquitas Sodoma; superbia, saturitas panis, & abundantiam & otium ipsius, & filiarum eius.

*a Exodi c. 32. v. 6.*

*b Ephes. c. 5. v. 18.*

*c Ezech. c. 16. v. 42.*

## S I.

**I**Ta plerunque post lautiores mensas, post salubres cenas, post epulas copiosiores, ab homine nonnihil diuertimus, & quandoque etiam in pecudes degeneramus: Impinguatus est dilectus & recalcitruuit. Incrassatus impinguatus, dilatus, dereliquit Deum factorem suum, & recessit à Deo salutari suo a. Ita lex vitiorum certa est, ut saginè substructa sit lasciuia. Ut non mireris apud eos incontinentiam, apud quos repereris offertam mensam. Et quæso te, vel rationem tu tuam interroga famelicæ an saturitatis Virginitatis sit amicior. Tutius, puto, habitat pauperum tabernas Castimonia, quàm Regum turres & aulas. Tibias scis, tum maximè stridere, cum maximè inflantur, & plenæ sunt vento: ita prorsus corpus humanum habet; tunc potissimum in lasciuam petulantiam exæstuat, cum plurimum ab epulis vinoque caler. Optimè Gregorius: b **Ex** vno Gula vitio, innumera vitiorum agmina, ad confectum animæ producuntur. Vnum quidem Gula vitium est, sed aculei libidinis innumeri sunt, qui præcedentem illum quasi regem sequuntur, qui læta quidem suggerunt, sed ad æterni fletus lamenta perducunt. Hæc totidem verbis Gregorius, qui, silere si velit, loquatur experientia. Quam multi perdidit pudicitiam, quia



noluerunt vincere Gulam. Vnde vox illa castissimi Hilarionis : Paleiste pascam , aselle , non hordeo. Itaque opimiores mensas adeò abhorret Castitas , vt tum demum victoriam speret , cum corpori , velut iumento , deliciae omnes negantur.

Verum ab hac lege , nimium quantum recedit hoc æuum nostrum. Atque iam sæpe animum meum subiit cogitare , an non prisca illa sæcula ; sanè non aurea , sed ferrea vel plumbea redierint , de quibus diuinus Lucas : in diebus Noë , ait , edebant & bibebant , vxores ducebant & dabantur ad nuptias vsque in diem , quaintrauit Noë in Arcam , & venit diluuium , & perdidit omnes c. Æuum hoc nostrum considera , & fateberis parissimum cum illo veteri Noëmi. Editur , bibitur passim , affluenter & salariter. Neque hoc satis ( venia sit à tuis auribus mi Ædesime ) vomitur & luditur certatim , qualem scilicet Iusum luserat Vdo ille infelicissimus Magdeburgensis antistes. Nuptiarum etiam & chorearum vbique satis est ( vrbes ingredi , & mecum senties ) vbique Hymenæus & Thalassius personat. Hos mores , credo , perseverabit Orbis , dum veniat non Noëmus , sed Christus , & ab iridis tribunali decretoriam sententiam pronunciet in omne humanum genus.

a *Dent. cap. 32. v. 15.*

b *In libros Reg. lib. 5. c. 1.*

c *Luc. cap. 17. v. 27.*

## §. II.

**E**Rgo , si Veneream hanc flammam imminutum vis ire , mensæ saginam minue , cibum potumque tibi adime , Luxuriam subinde videmur fugere , dum fouemus. Canem tibi molestum vis abigere , & panem proijcis ? Libidinem vis vincere , & ventrem refercis ? Hoc est operam ludere. Quid Castimoniam inter epulas & delicias quæris , quam Hieronymus inter prolixas abstinentias & plagas ægrè reperit. Ergo quantum potes , circumscribe corpus tuum , & animo locum laxa. Id agere debemus , vt irritamenta vitiorum quam longissimè profugiamus. Indurandus est animus , & à blandimentis voluptatum procul abstrahendus. Iſæus Assyrius , teste Philostrato , interrogatus : ecquas epulas iudicaret suauissimas ? Iſta , respondit , curare

desij. Vtinam & nos , Ædesime , has curas corporis deserimus curare ; mens rectius haberet. Imperio animi , corporis seruitio vtendum , nec plus fidendum huic seruo quam hosti. Hieronymus certè sol ille solitudinis , integrarum hebdomadarum inedia , maligniorem in se flammam compressit , oculos cælo inherentes , & quasi caueâ suâ egressos , lacrymarum pluuia sequebantur. En tibi , & aquâ pugnavit in hunc ignem , & alimenti subtractione. Sed pertexamus coeprum versiculum ; ita is habet : Otia , Mensa , libri — Ædes. Attentum habes auditorem ; securus perge.

## C A P V T V.

*Tertium INCONTINENTIA inuitamentum. IMPURI & OBSCOE NI LIBRI.*

**P**Estis ipsissima sunt , hi tales libri , & certissimum venenum legentium. Et quod longè pessimum , vbique obuium est , hoc genus toxici , & liberalissimè quacunquè sparsum reperies , neque enim vno tantum idiomate obscenitas in libros irrepsit , omnibus grassatur linguis : Germanica , Italica , Gallica , Hispanica , Belgica , Latina , Græca ; soluta , & ligata oratione , suntque hoc sædo scribendi genere , priscorum & recentium plurimi infames , è quibus alij historias texunt , alij satyras scribunt , alij poemata pangunt , illi fabulas concionant , isti alium scribendi Circum ingrediuntur , in quo cum veris , tum fictis narrationibus , historijs & fabulis hoc venum agunt , vt lectorum animos Veneris lue venenent , & vt minimum ad cogitationes impuras , si non ad lasciuos sermones , & ipsos ausus pelliciant. In hos tales iure commotior Tullius ; a Moliunt , inquit , animos nostros ; nervos omnes virtutis elidunt. In horum albo sunt plerique omnes prisca poetæ , fabulatores , satyrici ; non nomino ne nosse doceam. Horum omnium scripta si castigata non sint , & ab obscenitatis sordibus eluta , lectori merissimum venenum sunt , non tanget hos , quisquis Castitatem cordi habet. Ouidius ipse ob hoc ab Augusto in exilium relegatus , nec à Tiberio reuocatus , cautè id monet ;

*Eloquar inuius , teneros ne tange poetas*

*Submo-*



*Submoueo dentes impius ipse meas.*

Audiscine, ipse pestilens poeta vociferatur: ne me attingas, abi, recede: prædicat periculum, malum ante denuntiat. proclamatque, fuge, procul esto, ne inficiaris, Tu verò infers te, & irruis; & nec amicorum reuocantium, nec hostium repellentium voces audis; tangis, legis, relegis, expendis magis serius quàm diuinas paginas. Ergo iure vox è cælo intonat: quis miserebitur incàtatori à serpente percussò, & omnibus qui appropiant bestiis? b Tu igitur, ne tange hos, quisquis infici non vis, & perire. Neque enim hi pestilentissimi codices aliud sunt Origeni, quam tanq̃ Ægyptiæ, Hieronymo glandes & siliquæ porcorum, Augustino flumen Tartareum, in quo miserè deuoluitur ad inferos, humanæ gentis pars magna.

*a Lib. 2. Tuscul. 99.*

*b Eccli. cap. 12. v. 13.*

## § I.

**A**T verò dicas: hinc verbo disco, hinc stylum acuo, hinc eloquentiam haurio, & ritus veteres cognosco. Nimirum, discere vis bene loqui, & malè viuere. Ex abundantia enim cordis os loquitur a. Et quid opus aurum in hoc luto quærere? Itane, mi iuuenis, ex oleto isto tantum tibi eruditionis accedet? perinde atque si Musæ natæ sint & donatæ cum his Veneris satellitibus. Et deinde, si ita, mi iuuenis, sine his eruditionem parari non posse, numquid satius est iacturam facere doctriinæ quam pudicitie? & velle potius minus eruditum, quàm minus castum esse? At istud mantelum est & pretextus vanissimus, sine hoc obscænorum scriptorum lenocinio scientiam, stylum, eloquentiam non constare.

Si ego tibi, mi Ædesime, Falernum capaci auro vel gemma propinem, prius tamen scèdum araneum in hoc generosi potùs carthesio commoluissem; responderè sine propinanti: tantine apud te esset Opimianum, vinum vel rari artificij Chrysendethon, vt oculis tuis certum periculum nuntiantibus non crederes, sed allicienti gulæ pareres? tam fungi te & fatuum non credo. Simillimum prorsus in his libris est: phrasis, stylus, elocutio, velut aurea patera blandiuntur oculis: vestis insuper libri, purpura & auro nitens icones in æs in-

cisæ, dictio vernans & florida, fabulæ etiam & facietiores historiæ, ritus præci aui, velut vinum edentulum, & centum annorum Opimianum, inuitant ad hauriendum, ad legendum. Sed cogita quàm pinguis hic innatet araneus? lasciuia, obscœnitas, libido hic latent: mors in hæc pocula ructauit: præstat hic sitim ferre, quàm mortem bibere.

Libri certè inhonesti quauis colubrina sanie pestilenciores sunt & perniciosiores. Nâq; obscœnus scriptor, omnium horarū leno est, nulloque non tempore ad impuros cogitatus, motusq; inuitat & letali peste inficit, quos obsequentes habet, atque in exitū suum curiosos. Ita fit vt multò maxima sit horum librorū, & turpium picturarum, perniciēs, cum illi rectæ fœditatis ingenioso inuolucro alliciant, istæ tenaci oculorum visco decipiant, & Castimonia suauiter expugnent. Neque talium librorum auctores aliud faciunt, quam qui fontes publicos veneno inficiunt tot funerum rei, quotquot inde biberint.

*a Matth. cap. 12. v. 14.*

## § II.

**S**Vrena, Parthorum Dux, Crasso vna cum plurimo milite atque filijs interfecto inter prædā, Aristidis Milesia reperit, & obid Romanis plurimum insultauit. Quid cacodæmon faciet in morte, cum Ouidios & Amadisios &c. moriturum oculis ingeret, quos sani tantis studijs legebant, forsitan etiam re diuina ob id facilè temereque neglecta. Scis, mi Ædesime, quid olim Hebræi ad Romanum tribunal succlamant, *Non hunc, sed Barabbam*. Itidem prorsus spurcorum scriptorum lectores faciunt, & grandi voce, hoc est opere ipso succlamant: Non hunc, non libellum de Imitatione Christi, non stimulos Virtutum, non Claudium Viexmontium de Pœnitentia, non Dominicum Candelam de Virginitate, non Franciscum Brunum de Christo, aut Christi matre, non Ludonicum Gratenensem pro pietate plurima scribentem, non Franciscum Arias de imitanda Beatissima Virgine differentem, non Ludovicum Richeomum de Peregrino Lauretano loquentem; non hos volumus, apage cum talibus. Sed neque Didacum Stellam de Muudi contemptu, neque Gabrielem Inchinum de om-



nium Nouissimis, non opus Marianum Martini Delrij, non sacras meditationes Ludouici de Ponto, nullum horum, sed Barrabâ, sed Amadisium Gallicû, copiosum illum & illustrê scriptorem, qui vltra vicenos quatuor libros conscripsit; da Heliodoros, Arbitros; da Madarenfès, Faustos, hos volumus, non illos alteros morolos scriptores. Itane vos, Christum & Christianas lucubrationes tam facile repudiare, admittere Barrabam, parricidas libros in exitum vestrum petere & fouere? Dixi iam supra, obscenas has chartas ranis Ægyptijs similes, quæ abscono carmine perstrebebant in omni domo, ipsas etiam mensas fœdabant, ipsa etiam cubicula turbabant. Ita sacra pagina: *a* Quæ ingredientur domum tuam, & cubiculum lectuli tui, & super stratum tuum &c. Rectè, in stratum, nam & dormituro, imò & dormienti hæc tale obscenæ ranæ sese ingerunt. Et hinc, mi Ædesime, etiam cum dormimus, sæpe culpa non caremus: somnus etiam in noxam nobis abit, quia cum vigilaremus, sine noxa non fuimus. Et quæso, quæ tandem hæc nostra infamia est? iam proximus ardet Vcalegon, ac flammæ vomit caminus noster, & nos resinam & oleum affusuri accussimus. Quid opus, libidinem his libris accendere? iam antè scuit nimium quantum in humanis membris, à protoplasti laterali morsu. Satius profectò foret vel oculis carere, quam illis tam malè vti. *a Exod. cap. 8. v. 5.*

## S. III.

**N**Arrat Iosephus, *a* Theopompum mente motum fuisse, diebus triginta, quod fuisset circa legem diuinam curiosior: Theodetè verò poëtæ: cum aliquid è sacro volumine tragœdiæ suæ inferere tentasset, oculos glaucomate suffosos caligasse. Quod si nec sanctæ quidem (sic loquar) curiositati sit venia, quæ erit impiæ illi & fœdæ? non benè conueniunt, nec in vna sedè morantur, Virginitas & Curiositas, hæc præsertim in lasciuis paginis. Consuluit sibi Nonnus poeta, qui Dionysiaca sua discerpit, & stylum ad sacra conuertit. Æneas Syluius, dein Pius II. Pont. Max. dum illi virebant genua, quædam licentior calamo in lucem dedit, quæ maturioris iam æui, primus ipse iudex damnarit;

plurimum etiam vt ea omnia suppressum iret, laborauit. Hinc eiusdem voces illæ & preces: Seni magis quàm iuueni credite: & Pontificem pluris, quàm hominem priuatum facite; Æneam reijcite, Pium suscipite. Ioannes Picus Mirandula libros amorum ab se compositos exussit. Noui ego, qui sub vitæ finem versiculos eiuscemodi molliores hoc versu damnarit: Ite mali versus, animam qui perditis, ite. Æuo nostro, Laurentius Gambara, Petrus Bembo, Franciscus Petrarca, Torquatus Tassus, Petrus Ronfardus; plures alij acerbè demum deplorarunt, quicquid olim calamo minis verecundo exararunt. Ita hi libri nuspiam tutiore sunt loco, quàm cum in flamma sunt. Sed ex te, quisquis eiuscemodi chartas reuoluis, quæro: admittere sine in eides tuas lenonem aut lenoniæ artis vetulam? apage tu mihi hos tales hospites in honesta domo, respondebis credo. Atqui, mi iuuenis, obsceni libri & imagines omni lenone peiores sunt, vt qui omnibus horis pelliciant. Malus homo subinde boni consilij est auctor, at ex libro malo & lasciuo honestatem nunquam condiscas. Hic, vti venenata bestia tolli potest, mutari non potest, idem semper & vbique sibi similis, pestilens, animorum corruptor, euerfor candoris, pudoris, sanctitatis, vniuersæ virtutis; doctor proteritiæ, inuercunditiæ, lasciuæ vitiorum omnium. Nulla Circe, nullæ Sirenes, nulla Hydra aut Harpyia tam viriosa aut noxia fingitur, atque sunt impura volumina. Quare Concilium Lateranense & Tridentinum, à Christianis oculis & manibus, ea merito seuera lege arcent. Si enim sanctissimus vir Hieronymus ad Christi tribunal flagellatum se asserit, quòd Ciceronianus esset, quid tu Catullianis, Propertianis, Amadisianis, futurum censet? *ÆDES.* Persuades, Partheni, nec differo quin hodierna aut crastina luce bibliothecam meam recenseam. Si quos huius notæ libros reperero, expellam hospitio. Sed quid de picturis censes, quæ cum veste honestatem exuerunt?

## CAPVT VI.

*Quartum INCONTINENTIÆ inuitamentum, PICTURÆ INHONESTÆ.*

**P**ARTH. Quod de libris obscenis dixi, idem de picturis talibus affirmatissimè assero



sero : pestem & venenum immittunt per oculos in animum. Cum tentatio deest , pictura supplet. Multa olim idola proponebantur adoranda , quæ vel aspicere honesti oculi dedignarentur. Ideo diuina Sapientia clamat: *Initium fornicationis est exquisitio idolorum , & adinuentio illorum corruptio vite.* Insani mortales turpitudinem , quam picti dii Deæque præ se ferebant , eam ipsi honestatem interpretari sunt , nec sibi verum credebant quod Dijs licuisset: Ab his fontibus tales riuuli. Ab inhonestis picturis , facilis gradus est ad actus inhonestos. *Ædes.* Nec tamen omnes eiusmodi picturas damnabis , mox ad Vulcanum ablegandas quandoque artificio parcendum. Pictores & sculptores , hominem ideo sæpe fingunt inuestem , vt humani corporis eniteat artificium , quæ structuram , prorsus admirabile. *PARTH.* Quid? tu his patrocinares? quasi vero artificij pereat , nisi pereat pudor. Laudatissimi pictores fuerunt , qui tamen casto semper penicillo sunt vsi. Quales Tutianus & Tintoretus , Veneti ; qualis Christophorus Schvvarz Monacensis? eorum operasummi artifices etiamnum mirantur: iinumquam inuerecundis coloribus pinxerunt , Tintoreti quidem opus Christum à Romanis militibus crucifixus , in Venetâ Curiâ , sermone muto hodieque concionatur. At verò Christophorus Schvvarz , quicquid artis ( vt ipse fassus ) quicquid sensus , animi , affectus , venustatis habuit , in vnam Beatissimæ Virginis sedentis & puellum filium genibus fouentis imaginem ita consumpsit , vt sibi demum satisfecerit. Et hæc Monachij in aulâ Scholarum Societatis Iesv etiamnum spectatur. Sed ( quod admirandum ) nulli artificum est imitabilis , quamuis eximij pictores tentarint non semel parem effingere , successu tamen prorsus impari. Et hæc pictura eo nobilior , quo artifex ille ingenium omne atque artificium , non in amorum Deam , sed in *Domini* matrem pingendam impendit.

Pictores illi sine fronte , venatores simul sunt , sed diaboli , his talibus picturis velut retibus incautos oculos illaqueant. Incredibile , quantum malorum in Orbem inuehant , lasciuæ hæc imagines. Et tamen vbique pœnæ locorum , hoc oculorum virus reperire est. In cubiculis , diætiis , cœnaculis , in hortis , fon-

tibus , in propylæis , vestibulis , triclinijs , in ipsis poculis , in vijs publicis ; libros etiam cum eruditos , tum eos quos stemmatum vocant & amicitie , inficiunt , Et quot oculi ad hos scopulos sædè impingunt.

## S. I.

**C** Aligula Romæ , publico epulo , seruum ob detractam lectis argentream laminam , carnifici confestim tradidit , vt manibus abscissis , atque ante pectus à collo pendentibus , præcedente titulo , qui causam pœnæ indicaret , per cœtus epulantium circumduceretur. Sulpicius Galba numulario non ex fide monetam versanti , manus etiam amputauit , & ad pecuniariam abacum affixit. Digni prorsus hoc supplicio sunt pictores , qui adeo verecundiæ obliuiscuntur , vt plurimorum oculos in eandem secum trahant inuerecundiam. Libros obscænos multi non legunt , quia non habent ; imagines lasciuas plurimi aspicunt , quamuis eas non habeant. Et velut aui culæ quæ viscatis virgis falluntur , quanto magis alas his applaudunt , tanto magis inhærescunt ; sic oculi hoc diaboli visco tenacius retinentur , quo diutius spectant. Certe vel ipsis idololâtris picture tales minime probabantur : si quis inter eos prudentior aut honestior , fœdas has oculorum illecebras plurimum semper detestatus est.

Aristoteles , in suis politicis : *b* Cum vero , inquit , dicere quidquam tale interdixerimus , clarum est quod & aspicere , & picturas & actus deformes prohibemus : sit igitur cura magistratibus , nullam neque picturam , neque statuem esse talium rerum imitatricem. Sed ô mi optime Aristoteles , iam pridem vapulas , philosophia tua moralis dudum exulare iussa est , nos alites mores instruimus. Si hodieque fas tibi foret , ô mi Philosophe , Christianorum ædes obire & pictas in ijs tabellas inspicere è plurimis ablegatam verecundiam omnem pronunciares. Hæretici certè adeo iam depuduerunt , vt Christi crucifixi effigiem cubiculis & hypocaustis eiciant , Faunos pictosq ; Cupidines , Veneres & Fornicatos ad mensæ parietem affigant , vt vna prandeant & cœnent libidines. Sed nec in templis , Christi Diuorumque icones tutæ sunt ; illinc etiam exturbantur , à mansuetissimo Caluini spiritu. Im-



gines lasciuæ raram patiuntur proscriptionem nec vnus alteriusve loci exilium horrent, cum alibi tantò ampliore hospitio recipiantur. At verò castissimè Catharinæ certamen, intergererrimæ Vrsulæ triumphus, verecundissimæ Agnetis victoria, tot mille fortissimorum martyrum depicta supplicia procul amandantur; euocantur contra ex inferis. Deæ omnem impudicitiam professæ, earum imagines sub aspectum collocantur, vt perire volenti, vbi-que pareat pereundi occasio. Indignum dictu est, à Christianis talia ex Orco monstra in pretio haberi, & Seruatoris, Deiparæ, Diuorum imagines, velut nescio quam idololatricam sapiant, eliminari, & ex omni ædium loco proscribi: Beatissimæ Virginis effigiem nullâ domus parte tolerari, fœdissimæ Veneris imaginem loco editiore honorari.

a *Sueton. in Calig. cap. 32. & lib. 7. in Galba.*

b *Lib. 7. polit. cap. 17.*

### S. II.

**V**Nius è Sodalibus Marianis Ingolstadtij eximia virtus fuit in abolendo hoc malo. Compererat hic, clam per urbem vñire, à nescio quo propolâ, obscenas imagines, quæ oculos honestos seque ipsas erubescerent. Constituit eas adolescens tollere: abiit coemptasque ad vnam omnes, ne quos aspectu viderent, flammis combussit: testatus, nihil se neque lucro maiori emisse, neque dispendio minori perdidisse. O factum bonum & ad leges Pudicitie! Laceret, vrat inuerecundas imagines, qui discerpi non vult & comburi animus. Tales picturæ, mihi crede, sæpe peiores multo sunt colloquijs impuris: dictio dicta perit, auolant leuissima verba; littera scripta manet, turpitudine picta perseuerat, & ex his oculis in alios atque alios oculos sese insinuat. Ita, imagines spurcæ, aræ sunt diaboli, in quibus oculi, cogitationes, & cor, huic Orci domino sacrificantur. Damnum, vix quispiam satis æstimet, quod ab impuris his simulacris inferitur, tam illorum auctori quam spectatori. Narrauit mihi nuper celeberrimus chalcographus & pœnæ catalogum texuit eorum tantum pictorum atque scalpторum qui artificosè quidem, sed inuerecunde pinxerunt aut scalpserunt; demum ad incitas reda-

cti aut præmaturo funere sublatis finierunt miserimè. Adeo nemo impunè vel conficit vel aspicit hæc libidinum irritamenta. Procul ergo procul, Aristidis vel Pausaniæ, aut etiam Nicophanis infames labores, quos meretricios pictores antiquitas vocabat, qui votum suum in pictura confitebantur. Apage hoc artificium quod oculis se vendit, & pudorem eripit. *ÆDES.* Pictorum causam, Partheni, non agis. *PARTH.* Imo vero maxime, sed eorum quorum colores arrificium monstrant, non lasciuam docent. *ÆDES.* Equidem tecum sensi, vt rem fatear, antequam ista in picturas inuerecundas dissereres: nec quisquam est, puto, tam ferreæ frontis, qui non fateri cogatur, has tales imagines concitandæ libidini plurimum facere. Et hoc tibi de me persuade, si quid ego minus verecunde pictum in musco meo, aut inter meos libellos aut in cetera supellectile reperero, hodie in igne erit. *PART.* Sic oportet: melius est ardere telam aut chartam, quam animam. *ÆDES.* Sed promoueamus pedem, ad vagos oculos.

a *Ann 1614. factum.*

### CAPVT VII.

*Quintum INCONTINENTIÆ inuitamentum OCULI VAGI, CYRIOSI, EMISSITII.*

**P**ARTH. Inter libidinis inuitamenta, posui *Vaga lumina*. Versiculum meum repeto:

*Otia, mensa, libri, vaga lumina* —

Libidinis malum non vno tantum ostiolo in animum irrepit: sæpe per aurium patulas portas, at sepius & perniciosius per oculorum geminas fenestras ascendit. Vix opus hic testibus, malo nostro id experimur. Sanctissimum Prophetam David, in duo ingentia scelera precipitarunt incauti oculi. Vidit, & exarsit; factus adulter & homicida, solo lauantis mulieris aspectu. Ideo Iob precipitium hoc & metuens & cauens: Repigi fœdus, inquit, cum oculis meis, vt ne cogitarem quidem de Virgine. Quam enim partem in me haberet Deus desuper, & hæreditatem omnipotens de excelsis? b Rectissime cum oculis fœdus pepigit, cum oculis enim, paciscendum est ei, qui



qui tueri vult Castitatem. Nam nisi oculi certâ lege & fœdere obligati sint ac constricti, nulum erit tam firmum Castitatis propositum, quod oculorum, fraus vel importunitas, vel etiam negligentia, & leuitas non labefactet. Ephremi dictum est: Aquæ ductus confractus perdit aquas; oculorum distractio mentem castam destruit. Hinc Christus vt oculorum procacitatem comprimeret, legem tulit tam seueram: Qui viderit mulierem ad concupiscendum eam, iam mœchatus est eam in corde suo. *d.* Per Mosen, inquit Gregorius, luxuria perpetrata, per auctorem munditiæ Christum, etiam cogitata damnarunt. Hinc tot monita, tot præcepta oculis data: Ne respicias mulierem, &c. Virginem ne conspicias &c. Auerte faciem tuam a muliere comptâ, &c. *f.* Hinc illa multo prudentior quam seuerior Zaleuci Locrensiū legislatoris lex de eruen-  
dis oculis adultero, vt qui sint adulterij vel duces, vel suafores. Oculum, primam amoris viam esse, non absurde dixit Lucianus. Oculi, Amoris principium est, Platoni: Amoris sedes, Philostrato.

*Si nescis, OCVLI, sunt in amore duces. g.*

Ea, inquit Nazianzenus, oculi impudici & auidi attingunt, qui nefas est attingere: sunt enim organum auidissimum atque promptissimum. Hinc eleganter Basilii: Oculis, inquit, velut *manibus incorporeis*, quicquid volumus, attingimus. *h.*

*a 2. Reg. c. 11. v. 2.*

*b Iob 35. vers. 1.*

*c Tom. 2. tract. de Humil.*

*d Matth. cap. 5. v. 28.*

*e In Iob cap. 31.*

*f Eccli. c. 9. v. 3. 5. 8. 9.*

*g Propert. lib. 2. eleg. 15.*

*h Lib. de vera virginitate.*

S. I.

**Q**uod de Naphta, sulphureo bitumine Plinius: Huic, inquit, magna cognatio ignium, transiliuntque protinus in eam vndeque visam; hoc quoque de ardentibus oculorum tædis, & concupiscentiæ igne affirmare licet. Ideo continenda omnino sunt lumina, ne alienam videant formam & pulchritudinem, est enim his oculorum ignibus

cum pulchritudine maxima cognatio; transiliunt in illam vndeunque visam. Decor natura suâ, inquit Tertullianus, *b* libidinis inuiator est. *ÆDES.* At viri boni aut feminae pudicæ forma non lædet me. *PARTH.* O mi *Ædesime*, multa bona sunt, multa sunt optima, sed non tibi, non mihi, non illi alteri. Susanna bona erat, & sancta, sed non solum illorum oculis: bona erat (puto) & honesta Bersabee, sed non bona oculis Dauid: bonus erat, optimus erat, Hebraeus Ioseph, & tamen oculos dominæ adussit. bona erat arbor Paradisi, sed suos illic oculos amisit Eua. Infans hominis est, oculos eruen-  
dos præbere, ea tamen lege, si gladiolo eruantur aureo. Virginea forma gladiolus est aureus curioso spectatori, sed oculos non minus perdit, qui sic perdit Magnus ad concupiscentiam aditus est, hoc vnum *VIDERE.* nam, quod Clemens & Alexandrinus sapienter monet; dum lasciuunt oculi, calefcunt appetitiones. Sic prima fornicationis sagitta, est oculus ——— vitruque videndo, femina. *d* Non tam eleganter quam verè multis sæpius occinendum: Caue tibi, tuisque oculis; caue animo tuo: Est mulier tactu viscus, visu basiliscus. *ÆDES.* sed reuera difficile est, hos scintillantes capitis nostri orbiculos, tam seueris semper legibus adstringere. Natura illos in capite, velut in animatæ turris vertice collocauit, tanquam speculatores, vt imminente malo reliqua membra præmonerent, & periculo subducerent. Ita oculi aperti sint necesse est, custodes enim sunt nostri corporis. *PARTH.* non nego esse, sed de his custodibus, cum Iuuenale & sæpe quis querat ——— sed quis custodiet ipsos Custodes? Ergo faciant officium oculi, corpus custodiant, sed ita, ne hosti prodant animum, quem clausi aut modeste depressi melius seruabunt, quàm hiantes & aperti. Erigere se volunt? cælum aspiciant; submittete? terram tueantur. *ÆDES.* non adeo pulchrum censeam. sic deiecto semper vultu inter homines versari, quasi furti reum, *PARTH.* Imo vero pulcherrimum; sed nec decentior alius Verecundiæ habitus est, quam oculos deprimere, & in terram figere. Et scilicet sanctissimo viro Ephremo, quid circa hoc, documenti dederit muliercula? *ÆDES.* aucto scire, enarra-  
ta sis.



a *Plin. l. 2. c. 105.*

b *Tert. l. de cult. fem.*

c *Clem. l. 3. pedag. c. 11.*

d *Virg. 3. Georg.*

e *Iuven. sat. 6. vers. 345.*

## §. II.

**P**ARTH. Edessam tendebat Ephrem; a in via Deum sic precabatur: domine, tu meū hoc iter sic dirige, vt primo vrbis ingressu, in eum virum incidam, qui mecum disserat super ijs, quę sunt iuuando & excolendo animo, Cumque iam citatior gressu portę immineret, secum ipse caput disquirere, & quas viro illi quęstiones poneret, quę primo, quę loco vltimo interrogaret. Dum sic suis meritis cogitationibus incedit, entibi mulier leuicula, sub ipsam portam illi sit obuia. Ephrem fixis in eam oculis, quasi emota mentis substatit: turbabatur nimirum vir sanctus hoc femine occursum, dolebatque votis Deum non annuisse; ita tristes & indignantes oculos in femine vultu statuit. Non minus illa, eum sic stantem obrutu acerrimo caput contemplari. Vbi sic inter mutuos aspectus aliquamdiu silentium tenuit, demum prior Ephrem, pudorem femellę incussurus: Non erubescis, inquit, procacula, tam fixis oculis me petere? Non erubescis, inquit illa, mi bone vir: licere mihi reor te aspicere, ex te tuoque latere sumpta sum. Tibi vero conuenit, non feminas, sed terram matrem tuam aspicere, ę qua sumptus es, & in quam reuersurus es. Audijs Ephremus inexpectatam prorsus concionem, & ipse sibi tacitus dixit: *Hoc habes*, mi Ephrem, & nunc votis tuis satisfactum. Petijsti a Deo vires magistrum, & nactus es. Huic femine minerval debes, & gratias. Idem Deus viri, idem femine ore loquitur. Habes abundę satis in hunc diem, habes in multos annos quod discas, & exerceas: oculos custodi, feminis eos claudere, terrę aperiri, & sepulchrum circumspice. Et nos, mi Aedessime, aut cęlo attollamus oculos, aut terrę defigamus: ita volare docendi sunt oculi, & repere, volare ad Deum, repere ad sepulchrum. Grande bonum, oculis tranquillę pudicus.

*Et castigata collecta modestia frontis.*

ÆDES. Permite, vt te turbem, & interfari liceat. & cur oculi in humani corporis for-

maturā, vltimi omnium vitam accipiunt, (sic fertur) & amittunt primi, cum moriendum? PARTH. Optimę id constituit natura, vt quo maius est ipsorum periculum, eod minus sit nocendi spatium; & sapientissimę Deus, oculos stertus instrumentum esse voluit, vt quo viti-  
tiorum sordes hauriuntur, eodem per lacrymas diluantur. Nec enim amor tantum, sed & omnibus virijs in animum per oculos via est, vt rectę affirmat Fabius. Huic adulterium monstrant, huic incestum, huic domum quam concupiscat; irritamenta vinorum ducesque scelerum sunt oculi, adeoque pars innocentię est cęcitas, qua cupiditatibus innumeris via inciditur. Samson ille abstemius, & magno Dei dono natus, vt Dalilam vidit, petijt; iam cęcus perditum robur reparauit, quod malę oculatus perdiderat. Homo libidinis amans, compedes gerit in oculis quibus vinciat, gluten quo affigat, hamum quo inuncet, flammam quibus adurat, sagittas quibus confodiat, & suum animum, & aliorum. His compedibus vincus, hoc hamo inuncatus, his flammis adustus, his sagittis confossus est Assyrius Holofernes, vidit Iuditham, & vitam perdidit: *Cumque intrasset ante faciem eius, statim captus est in suis oculis Holofernes.* b

a *Sozom. lib. 3. hist. Eccl. 16. Sur. tom. 1. Feb. 1. d Metaph.*

b *Iudic. cap. 10. v. 17.*

## §. III.

**A**Lexandri Macedonis non tam miror inuictam dextram, quā pudicos oculos: Darij vxorem, inquit Plutarchus, a quia formosissima dicebatur, noluit in suum venire conspectum. Oculorum pestem quia prudenter timuit fortissimę cauit, magis victor, Darij coniugem non videndo, quā Darium vincendo. Periclem Atheniensium principem hoc quoque nomine laudatissimum nō transco. Hic, cum in prętura collegam haberet Sophoclem, ac is publico officio vna districtus, prętereuntis pueri formam impensius laudasset, intemperantiam eius perstringens, Prętoris, inquit, non solum manus a pecunię lucro, sed etiam oculi a libidinoso aspectu debent esse continentes b. Vx nobis Christianis, supremi iudicij die: leges nostras tam exactę nouimus, quā facily in eas delinquimus



mus. Clamat legislator Christus: Si oculus tuus scandalizat te, erue eum, & proijce abs te: bonum tibi est vnum oculum habentem in vitam intrare, quam duos oculos habentem mitti in gehennam ignis. Seria lex: sed apud multos petulantia oculorum ab ea non cadit; iocum putant, emissitios suos oculos, velut pecus suum, in omnem libidinem agere. Rari hodie Iobi viuimus, qui cum oculis scædus ineamus, vt ne cogitent quidem de virgine: Salomones potius sumus, & oculos nostros penitus exleges facimus. Omnia, inquit Salomon, quæ desiderauerunt oculi mei, non negauicis. Et quam tu ab eo vitæ sanctimoniam speres, qui suos ipse oculos sic hortatur: Ire mei oculi, & quaquâ lubet, expatiimini liberrimè; licet vobis, quicquid libet. Videte, vt intuenso exsatiemini, pro cupidine, nullius iucundæ rei conspectum vobis eripiam: vna vobis lex est, LIBERTAS. Vbi tanta oculis licetia permittitur, actum est de animo. Vetus Patrum dictum: Incustoditus visus, incustodita mentis est nuncijs. Et sicut domus munda non erit, cuius effractæ fenestræ omne genus auium admittunt: ita nec mens pura, si mentis fenestræ oculi, ad omnem pateant curiositatem.

a Libell. de curiosis.

b Valer. Max. lib. 4. c. 3.

c Matth. cap. 8. v. 9.

d Eccl. cap. 2. v. 10.

pus. Alipius oculos, vt statuerat, comprimimus, quantum potest, auerit ad alia. Vtinam & aures obturasset. Ita quidem cœpit, non ita finit. Subito ingens populi clamor coortus est: hic bonus Alipius curiositate victus, noluit esse cæcus amplius, nec erat iam ille qui venerat, sed vnus de turba, ad quam venerat. Ita oculos diu pressos referauit, spectauit, clamauit, exarsit, abstulit inde secum insaniam, qua stimulabatur, non redire tantum cum illis à quibus antè trahebatur, sed etiam præ illis, & alios secum trahere. Hanc tamen postea insaniam, ad Augustini monita, ope diuina correxerit. Adeo nunquam non orandus Deus: *Auerte oculos meos, ne videant vanitatem.* Solent medici, cum morbos habent curandos, sequiores, ægrum à quorundam ciborum non solum vsu, sed & aspectu arce-re, ne vlla inter os & oculos committatur proditio, puterque æger salubre sibi esse, quod suaue futurum credit. Ita (è Cassiani sententia) is secum ipse agat, quem blandiens Caro sapius infestat; oculos à re grata quidem, sed noxia; constanter abducatur. Nam, Augustino teste; solus aspectus via recta est ad opus. Oculi raptores ad culpam, vt Gregorius loquitur, præuertendi sunt rationis imperio, & maturè, obductis quasi valuis, ab aspectu cohibendi.

a Psal. 118. v. 73.

b Lib. 6. Confess. cap. 8.

## §. IV.

**A**DES. Si tanta sunt animo pericula ab oculis, non immeritò sollicitus precatur David: *Auerte oculos meos, ne videant vanitatem.* a PARTHEN. Et nos, si Castitas & pudicitia nobis sit curæ, quotidie scædus cum oculis inire, quotidie Deum rogare instemus: *Auerte oculos meos, ne videant vanitatem;* iuuabit Deus iuuari volentes, sed serio & constanter volentes. Scis quid Augustinus, de Alipio suorum sodalium optimo narret. b Auerlabatur is omnem spectaculorum turpitudinem, sed cum ad amicorum blandissimos inuitatus & preces inuictus, iam etiam traheretur familiari violentia: Ad amphitheatrum, inquit, non totum Alipium pertraheris: animus & oculi ibi non erunt: itaque absens adero. Venitur, confidetur, feruet o-

## §. V.

**V**Xorem Lothi, vel etiam hac de causa, exemplo tam inuitato punitam arbitrat Ambrosius, quod urbem impudicam & gentem lasciuam, regressis illuc oculis esset intuita. Quandoque non eruendus tantum est oculus, sed & proijciendus, *erue eum & proijce abs te.* a Sunt qui petulantiorum oculum eruant; sed minimè abiciant: libidinem aliquandiu intermittunt, sed libidinis occasiones non fugiunt. Non ita castissimus Ioseph, qui oculum cruisse non contentus, eum etiam à se proiecit; fauores domine atque minas, non tantum contempsit, sed & blandissima vi trahentem elusit, profugitque abiecta veste. Quot castissimi homines, non tantum eruerunt, sed ita proiecerunt curiosiorem illum, & scandalizantem oculum, vt nec matrum



quidem vel sororum conspectum sustinerent, Pior Ægyptius, ipsis quinquaginta annis solitudinem habitavit, Angelis quàm hominibus notior, vix demum Obedientiæ lege compulsum, ad speluncæ limen prodijt, & à sorore anu se conspici passus est. Huic complures alij, ob eandem oculorum verecundam noctem annumerandi. Nec defuerunt cui oppidò severas, & sanguine scriptas leges oculis suis dictarint.

Lucia, religiosissima virgo, facinus retro sæculis inauditum est ausa, & ab hoc NICETÆ nostro non multum inferior. Audijt illa, impurum amatorē à suis oculis peltem traxisse & vri; nec diu cunctata: Itane, inquit, meos ille oculos ardet? Rex Britannorum? adeone illi placent mei oculi? oculos meos habebit. Mox utramque hanc lucentem stellam à cælo suo reuulsit; oculum utrumque eruit, & proco transmisit, maluitque perire sua quàm se. An non Domini legem, *erue eum & projice abs te*, fortissima simplicitate seruauit? non eruit? non proiecit? nec vnum tantum; sed ambos oculos, etiam infantes, non quod deliquerint videndo, sed ne visi alios iuuent delinquere. Amans Castitatis nec videre vult, nec videri; oculos cœcitate sancta castigat.

*Matth. c. 18. v. 19.*

#### S. VI.

**ÆDES.** Ah, quantis nos intervallis absumus à tam illustri & forti pudicitia oculorum? **PART.** sed nec opus vt ferro scrutemur, & eruamus oculos: *claude*, & eruisi; *contine*, proiecisti: præstabit olim, fuisse luscum & cælo recipi, quàm vagis oculis liberè vsum, & gehennæ addici. Nimis quàm clarè legislator noster edicit: *a Si oculus tuus dexter scandalizat te, erue eum & projice abs te: expedit enim tibi, vt pereat vnum membrum tuorum, quàm totum corpus tuum mittatur in gehennam.* Lucix factum fortasse non sit imitabile, habemus & alia quæ imitemur. In rebus gestis S. Caroli Boromæi admiranda sunt multa, inter prima non immeritò numerem illud. Habitauit vir sanctus aliquanto tempore ad forum, vbi ob hominum frequentiam, largissimum semper pabulum habere potuisset curiositas, sed adeo ille fluentem ad omnia curiositatem auersatus est, vt non

tantum totos dies ad fenestras non combusserit (qui plurimorum sæpe mos est) sed nec horas, nec horæ partes prospiciendo consumpserit, imò prospexit nunquam, ac si desertum aut carcerem habitaret æternæ noctis damnatum. Hunc, mi Ædesime, hunc virum, oculorum suorum dominum appellemus, quæ constat & affectum fuisse, & magnum sui in omnibus victorem. Viris non cedit sexus infirmior.

Sara virginum sacrarum Antistita, in monasterio agebat Scythiotico, quod loco non inamœno situm limpidissimus fluuiolus alluebat. Amnis hoc placido meatu ibat illimis, & perlucidus vndis crystallinis, per quas nunciabilis altè, calculus omnis erat; viridis margo mitissimum hunc amnem ad oculorum amœnitatem vestiebat: quisquis vidit, laudauit hoc tam leniter ambulans vitrum. Sara argenteam hanc aquam commendari sæpius audiuit, & vt sit, videndi cupiditatem ei fecit laudantium multitudo. At illa potens sui, suorumque oculorum verè domina & imperatrix, hanc ipsa sibi legem statuit: Riuulum illum præter labentē vt videas (aiebat illa secum) nulla necessitas cogit, ad perennes super astra fontes peruenire poteris, illo non viso. Sunt in orbe maioris amœnitatis plurima, quæ tamen tuos oculos nunquam attingent, inter hæc sit & iste riuulus. Quare ferriō tibi edico, fenestram ad hunc prospectum nunquam aperies. Dixit, & fecit: atque annis sexaginta proxime hanc aquam habitauit, eam tamen spectauit nunquam. Ab hoste non potente certamen longum & difficile, victoriā illustris, quam obtinuit oculorum continentia. Hoc ferro fodiamus oculos, *Continentia.* Quæ tunc religiosior sit necesse est, quò mains ruinæ ac lapsus est periculum, *a Matth. c. 5. v. 29.*

#### S. VII.

**ET** nunquam audisti quid monosticho non inuenustum moneat faciendum, cum oculis periculum est, ab illice mulierum formâ, Attende; cano.

*Quid facies, facies Veneris si veneris ante? Non sed eas, sed eas; ne pereas per eas.*

Capis? si virginei vultus elegantia oculos tuos incipiat lacerare, tu aut abi aut peri: qui abire non vult, vult perire. **ÆDES.** Oculos clau-



claudam, & manebo. P A R T H. claudere potes, sed & recludere potes, quamdiu manes. Bonum est operire oculos, optimum & tutissimum abire. Alipius cautè se gessit in spectaculis, sed non constanter: diu assedit cœcus cum laude, hanc tamen omnem perdidit, vitiōse oculatus in fine. Nimis quàm sæpe Alipij sumus, oculis fidimus, & imminente periculo, modestè in latebras recessuros speramus. Fallimur; hi proditores tunc minimè seruant fidem, cum maximè deberent. Oculis ergo ne fide; boni est illos claudere, & persuadere ne velint videre, sed melius est & longè tutius, illos abducere, ne possint videre, cū velint Bernardus, antequam Religioni se addiceret, feminam semel fixioribus oculis est intuitus: mox, vt ad se redijt, adeo suam ipse curiositatem erubuit, itaque exarsit hanc in se quàm celerrimè vindicare, vt neglecta longiore de liberatione, rigente cœlo, aquæ gelidissimæ stagnum insilierit. Hic collo tenuis vsque eò constitit immersus, dum ex sanguis pœnæ congelaret. Ita omnem in se libidinis calorem extinxit.

Habes, NICETA, sanctissimum tui facinorosi emulatorem, qui licet linguam dentibus non cōuulserit, licet cruento bolo non pugnarit, Cupidinem tamen egregiè triumphauit, & ob vnicum molliorem flexum oculorum, omnia corporis membra ad pœnam rapuit, seipsum fortiter expugnauit, & viciit. Hoc est oculos docere aliena forma non lædi. Sed ab oculis ad os descendamus.

## CAPVT VIII.

Sextum INCONTINENTIAE inuitamentum. VERBA PRÆTEXTATA & IMPVDICA.

**N**olite seduci: corrumpunt mores bonos colloquia praua. *a* Ah, quanti iuvenes hac vna peste perierunt, qui venenum, quod fortè respuebant oculis, hauserunt auribus. Et vti parum interest quâ parte letalis plaga veniat, si mortem inferat; ita non multum refert, per oculos an per aures pereas, modo pereas. *Ægyptij*, Harpocrati facturi, clamabant: *Lingua fortuna, lingua demon* *b. Vita & Mors. verè in manibus linguae sunt; c & plerumque aut*

Angelus aut diabolus illam insidet.

Lingua lasciuia, sepulchrum patulum spurcitie & fœtoribus plenum: Sepulchrum patens est guttur, eorum *d.* Miratur hic Chrysostomus, quod, cum cadauera terræ mandentur, & ne vicino putore nos lædant, altè defodiantur, verba tamen putida, lasciuia; obscœna toties eruantur è pectore; & sæpe pluribus audientibus, vt damnum latius serpat, in medium efferantur. Sepulchrum patens & fœtens, os impurum. O mi Deus; quantus vbique horum sepulchrorū numerus! Orbem, *Ædesime*, percurre; domorum angulos rimare, vbique fermè reperies procaciores linguas, quæ non otiosa tātum, sed & fœda ac spurca instillent auribus; vbique sibilant hi colubri, vbique sermunculi, ad quos honesta frons se contrahat. Hieremias iam olim quæstus: *e* Attendi, ait, & auscultauit, nemo quod bonum est loquitur. Tale prorsus est nostrum hoc æuum: adeo vt si quis immundissimi mundi penitus deserendi causam non habeat aliam, hæc satis impellat ad fugam; scilicet exire tot impudicos ac spurcos sermones. Ab vrbibus iam pridem exulat Verecundia verborum; quandoque vix satis tuta in religiosorū penetralibus. Quamuis in his nunquam putem audiri talia, & non puniri. Inter profanos vero tanta verborum turpitudine, quanta libertas; tanta obscœnitas, quanta licentia & impunitas: vix vsquam inuenias qui vel verecundo gemitu, aut seueriore aspectu flagellet has colloquiorum sordes.

*a 1. Cor. cap. 15. v. 33.*

*b Plutarch. de Isid. & Osir.*

*c Prouerb. cap. 18. v. 21.*

*d Psal. 13. v. 3.*

*e Hier. cap. 8. v. 6.*

## §. I.

**Æ**DES. O mi Partheni, tu nunquam in novos mores resinges mundum, risum ferunt & plausum, non gemitus, nupta hæc & prætextata verba. P A R T H. hoc est quod queror & doleo Latantur cū malè fecerint, & exultant in rebus pessimis *a.* Augustinus in seipso suisque sodalibus grauissimè hoc damnat; mutuis illi sese adhortationibus vrgebant: Eamus, & faciamus, & pudet non esse impudentem, *b*

Diuina



Diuina pagina, verborum alioqui parcissima, huic tamen sermonis petulantia castiganda omnem expromit facundiam: Lingua, inquit, constituitur in membris nostris, quæ maculat totum corpus, & inflammat totam natiuitis nostræ, inflammat à gehenna. Spurci sermones verè sulphurata tædæ sunt ex inferis, quæ mentes etiam castas & pudicas, nunquam prouocant ad impuros ignes. Cognata prorsus sunt, turpia dicere, & turpia facere; & properè; agitur quod libenter auditur. Melleus scriptor Bernardus: dyti sunt, inquit: elingues & muri, sic etiam sunt facundi & loquaces diaboli, inter hos signifer est lasciuus dæmon, cuius officium est, colloquia his verborum spurcitijs aspergere, inuerecundos sales vbique miscere. Guilielmus Peraldus, vir egregiè doctus & sanctus, Lugdunensis Antistes, hos tales sermones, *diaboli sputa*, rectissimè vocat, nimirum suo rem titulo proponit. Omnino diabolorum vomitus, & sputa sunt, omnes hæ verborum sceditates, nec aliud agit impurns fabulator, quàm vt os suum diabolo locet pro nido; è quo quid boni speres, quid honesti? Verborum turpium licentia, omnis impudentiæ nutritrix est. Neque hoc in loquentis tantum perniciem vergis, sed eos etiam qui hæc talia loquentem audiunt, aspergine lutulenta inficit: paulatim pudor omnis per verba discenditur. Vnus est, inquit Bernardus, qui loquitur, & vnum dumtaxat verbum profert, & tamen illud vnum verbum, vno in momento, audientium dom aures afficit, animas interficit. Sed fortè Peraldos aut Bernardos non audias, alium oppono, cui nefas contradicere. Diuinus Paulus, seuerè hîc imperat: Omnis sermo malus ex ore vestro nō procedat *f*. Et vt scias quem maxime sermonem malum nominet: Fornicatio & omnis immunditia, aut auaritia, nec nominetur in vobis, sicut decet sanctos, aut turpitudine, aut stultiloquium, aut scurrilitas quæ ad rem non pertinet *g* Obserua, nec nominetur in vobis. Nam vt optime Tullius: Pudici, ait, etiam cum de pudicitia loquantur, erubescunt, & si quidem rem odisse debemus, ipsa etiam rei nomina nobis sunt auersanda. quod enim loquimur, non immerito & cogitare, & concupiscere arguimur, è labiorum scissura febris argu-

mentum sumunt medici: è verbis turpibus mentem impudicam haud vanè coniectamus. Et quamuis omnis loquacitas pudori sit inimica, deuehit enim curiositatem libidinum vehiculum, ea tamen præcipue, quam Paulus immunditiam & turpitudinem vocat simulque, rogans: Et nolite, inquit, contristare Spiritum sanctum Dei. Obscœni oris homo tam est odio Superis, vt vel ipsum latitiæ auctorem Deum, afficeret tristitiâ. si eâ Deus posset affici.

a *Prouerb. cap. 2. v. 4.*

b *Lib. 2. conf. c. 2. & 9.*

c *Iac. cap. 3. v. 6.*

d *Sermon. de 7. spirit.*

e *Sermon. 2. 4. in Cant.*

f *Ad Ephes. c. 4. v. 29.*

g *Idem c. 5. v. 5.*

## §. II.

**C**aluinianam illam pietatem meritò de testatur quæ sacros calices in profana pocula liquat, eaque impudicis ex Ouidianâ metamorphosi fabellis insignit. Et putes tu, mi Adesime, Deo probari si quis ore suo, per quod dominicus Angelorum panis toties infertur, petulanter abutatur ad narrationes, iocos, cantiones Venereas, & animi sui vestibulum quo diuina Eucharistia excipitur, inlupanar mutet & prostibulum diaboli. Fœdum piaculum: linguam cœlestis epuli sedem, Veneris facere interpreterem. Propter hæc venit ira Dei *a*. Et serum nimis est in flammis clamare, vt refrigeret linguam meam *b* Neque tantum cruciatur lingua, quod nimium eduliorum admiserit edendo, sed quod nimium verborum profuderit garrindo: nam prima, inquit Gregorius, malè conuiuantibus famulatur culpa loquacitatis, & plerumque parum castæ.

Petrus Damianus tam sanctus quàm facundus, linguam lasciuam eleganter turdo confert, cui idem quod alimento, hoc etiam exitio est, nam ex eo quod edit & egerit, viscus prouenit, quo & ipse & aues ceteræ capiuntur: ita prorsus impudicè garrulus, viscum excernit ore, quo eum stygiauicupes affigant. Condemnabit te os tuum, inquit Iobus, & labia tua respondebunt tibi. Plinius sterilescere affirmat oleam, si eam capra lingua tondeat,



deat, aut lambat tantum *d.* Sanè si olidus caper talis, illoti oris homo, colloquijs interueniat, iuuenum animos velut adolèscèntes oleas facillimè ita corrumpit, vt, quod semel malè audierunt, eius per omnem vitam pessimè recordentur, quod libenter auditur, celerimè excipitur, eoque grauius nocet, quò snauius instillatur & quamuis non statim officiat, semina tamen in animo relinquit, sequiturque auditorè, resurrectorum postea malù.

Bernardinus gente nobilis, patria Senensis, tam verecundus à puero fuit, vt quoties sordidum eiusmodi verbum audisset, non aliter colorem duceret, quam si quis ei vultum colapho percurrisset. vnde coxui pueri si quando sordidè locuti, viso eo: tacete, dicebant, tacete; Bernardinus venit. Vtinam, ô vtinam plures hoc æuo Bernardini sint, qui acetum porrigant, ore tam illoto garrientibus. Sed, quod mireris, etiam inter idololatras hoc acetum venale fuit. Epictetus: *e Periculofum est, inquit, ad oris obscenitatem progredi. Cum igitur tale quippiam incidere, obiurgabis eum qui talem sermonem iniecerit; aut taciturnitate saltem, & rubore vultus ostèdes, eam tibi orationem displicuisse.*

*Nil dictu fœdum visuque hac limina tangat;*

*Intra qua puer est, procul hinc, procul inde puella*

*Lenonum, & cantus pernoctantis parasiti. f*

Et verissimè Plautus: Ego, inquit, illum perijsse duco, cui perijs pudor. Ergone, ô bone Iesv, ô iudex orbis, etiam ab idololatris apud tribunal tuum damnabimur? ergo etiam hostes tui sententiam in nos dicent? perijmus, nisi nos vel hinc etiam perire sentiamus. Vicinum est exitium, ni illud caueamus omni verborum circumscriptione.

*a Ad Ephes. 3. v. 7.*

*b Luc. cap. 16. v. 14.*

*c Iob cap. 15. v. 6.*

*d Plin. lib. 15. c. 8. & lib. 17. c. 24.*

*e Enchir. ca. 55.*

*f Iuuenal. sat. 14. v. 44.*

S. III.

**Æ**DES. Partheni, rigidus censor esin has proteruiore linguas & nefas per te, liberiores facietias serere. PARTH. Non

per me, sed per Christianam legem, & quasi vero facietus esse nemo possit, nisi & lasciuus sit: sape, dum facietias aut vrbauitatem affectamus, modostiam exuimus. At, ea demum iucunda nobis sint, quæ honesta. Sed multi, vt flagitium honesto nomine prætexit, istam oris spurcitiem, aulicam comitatem appellant. Hoc est bis peccare, peccatum virtutis titulo vendere. Paulinum, imò diuinum tibi edictum iterum occento: *Profana autem & inaniloquia denita, multum enim proficiunt ad impietatem a.* Neque in hoc hæreticorum sutelibus & fallacijs, verborum spurcitijs multum impar est. Sermo eorum vt cancer serpit. Cancer, seu, gangræna, horribilis & edax morbus, viuas carnes scædè depascitur: ita prorsus petulantiores hæ narratiunculæ, fabulæ, cantiunculæ nimium quantum serpunt, & quidquid casti pudoris reperiunt, vitiant. Abominatioues Domini, cogitationes malæ, & purus sermo pulcherrimus *b.* Qui loquitur iniqua, non potest latere, nec præterit illum corripiciens iudiciu. *c.* Non abscondit se ab eo omnis sermo. *d.*

Refert Surius, *e* VVallericum abbatem iter fecisse hieme, & frigoris sæuitie compulsu, è via diuertisse in ædes hominis quem minimè profanum credebat. Sed hic multò acerbius frigus virum optimum excepit, vbi nec scintillam diuini amoris reperit: Paterfamilias & loci iudex, non in otiosos tantum; sed & obscenos sermones erumpere cœperunt. Hic VVallericus: vtique, ait, Euangelij legem meministi; quoniam omne verbum otiosum quod locuti fuerint homines, reddent de eorationem in die iudicij. At effrontes illi monitorem cachinno eludere, audacius loqui & scædiora etiam effutire, Cum iterum VVallericus: volebam, inquit, caloris hic aliquid haurire corpori fouendo, sed lingue vestræ grauius adurunt quam vllum frigus; expellor, vos videritis, qui hanc oris impuritatem ad Dei tribunal purgetis. At illi, Iret modò bonis auib; vt qui etiam inuocatus venisset; nec vllus nostrum, inquit alter, penulam tibi scindet vt mancas, abi licet, abi. Sed & abeuntem dicterijs impuris impetebant. Non distulit vltor Deus, & obscenam linguæ petulantiam vindicta manifestaria castigauit: illum quidem cæcitas, hunc inguinaria lues

FFF

inuasis,



inuasit, urgebant miseri, & iam reuocatum volebant, quem linguis eiecerant: frustra. hunc fœda corporis putredo citò extinxit, ille diutius vixit, sed productiore supplicio cœcus.

a 2. *Tim. cap. 2. v. 17.*

b *Proverb. cap. 15. v. 26.*

c *Sapient. cap. 1. ver. 8.*

d *Eccli. cap. 24. v. 20.*

e *Sur. 1. April. de S. VVallerico.*

f *Matth. cap. 12. v. 36.*

## S. IV.

**N**on immerito Rodolphus episcopus Eugubinus, a vir sanctissimus, fratrem suum natu iuniorem, Petrum, flagellari, & quadraginta diebus, omni vino abstinere iussit, quod in familiari colloquio verbum lasciuus protulisset. Elzearius Comes Ariani, b dynasta integerrimus, has aulae suae leges condidit:

1. Diebus singulis, rei diuinæ interesse.
2. Singulis hebdomadibus, de peccatis confiteri.
3. Singulis mensibus, diuinam mensam accumbere.
4. Aut caste viuere, aut domo cedere.
5. Non tesseri ludere, nec alio simili lusu se oblectare.
6. Iuramentis, verbisque inhonestis ac turpibus penitus abstinere.

O præclaræ leges & dignæ quæ ad omnium ædium valuas figantur, vnde & iuvenes senesque discant, & magis sapere, & cautiùs loqui. Mature igitur, animum & os ad omnem verecundiam is componat, cui curæ est Castitatis eminentissima nobilitas. *Ædes.* Sed quid in mensa, in conuiujs, in circulis, in plurium consensu faciendum, cum hæc verborum sordes plenis faucibus sparguntur? **P A R T H E N I V S.** Nosti quid suadeat Siracides? Sepi aures tuas spinis, & linguam nequam noli audire. c Claudendæ sunt aures impuris vocibus, & quidem primis. nam cum initium fecerunt admixtaeque sunt, plus audient. Qui sermones spurcos non inuitis auribus admittunt, ij castaneis similes sunt, sed in ignem coniectis & violatis, quæ veste iam scissa non se produnt, non crepant, non subsiliunt, quod tamen faciunt integræ, & quarum tunica nondum rupta est. Ita prorsus

ij quos libidinis ignis iam adussit, cum lasciuia audiunt, nihil obstreperunt, non reprehendunt, tacent, subident, nec frontem contrahunt, & quam hæc talia sibi non displiceant, improbo silentio satis ostendunt. His longè deteriores sunt, qui spurcè loquentem non tantum benigne audiunt, sed & iuuant, atque de suo addunt, faciuntque huic vesti propudiosam laciniam. Diogenes obseruans duos è scholasticis in via sermonem & capita conferentes, interrogauit alterum, in quod colloquium cum altero venisset; cum is quid sibi narratum esset, exponeret, utriusque plagas infligi iussit, alteri quod tale quid narrasset, alteri quod audisset. rectè factum. Nec Christianis hoc ignarum, quandoque tam grauitè delinquere audientem quàm recensentem. Et quod de obrectationis vitio, hoc etiam de impuro sermone verè dicetur: diabolum æquè in obrectatoris ore, quàm in auditoris aure desultare: idem hic, & dicere talia, & audire, piaculum est.

O Clitomache. ô nobilis athleta vbi es, qui si quis sermones inieciisset amatorios, surgere solebas & abscedere d. Ita, si quis importunior prætextata verba faciat, repentinè illum sauiore vt minimū vultu, aut cū Clitomacho subtrahas te ab ore impuro, si quidem carere velis hac aurium macula. In perpetua apud te statione rubor excubet, verecundiæ signum, Castimonix præambula certa quæ testatio: ostende saltem & tibi displicere, quod Deo nunquam placere potest. Paulum tibi denuo huc sisto: Nunc autem, inquit, deponite & vos omnia: iram, indignationem, malitiam, blasphemiam, turpem sermonem de ore vestro. Extremum hoc commendat, vt altius infligat. Mirum! erupturam tussim comprimimus, & fœdissimam hanc saluam vi erumpimus, eaque omnium aures conspuimus. *Ædesime*, sicut censorius Dei oculus vbiq; nobis obseruandus, ita censoriæ Dei aures nunquam non metuendæ: sic loquamur, vt sermo noster, si non eloquentia, saltem pretiosus sis verecundia.

a *Zacha. Lippello 26. Iunij de S. Rodolph.*

b *Idem 27. Septemb.*

c *Eccli. ca. 28. v. 28.*

d *Plutarch. lib. 7. q. con. 7.*



## CAPVT IX.

Septimum INCONTINENTIAE *inuitamen-*  
*tum. MALI SOCIJ.*

**V**Ti speculum, etiam terribilissimum maculam trahit ab anhelitu: sic homo cetera optimus & castissimus, à malorum societate nauos recipit. Qui communicauerit superbo, induit superbiam. In quibusdam corporis morbis vehemens est contagio, sed nihil contagiosius est corruptis moribus: facillimè hi addiscuntur, adhærescunt, transfunduntur ab vno in alterum. mali mores, contagiosissima lues, nec vllus efficacius persuadet, quàm qui vitia docet exemplo. Verissimè Seneca: Verlat nos, inquit, & precipitat traditus per manus error. alienisq; perimusexemplis. nemo sibi tantum errat, sed alij erroris causa & auctor est. Primæuum hoc malum est. Vix Eua deliquit, & mox in societatem peccati attraxit maritum. Hæc omnium ferè vitiorum natura est, nolle solum esse, sed velle cum socio atque comite perire. Age cum improbo, & breui senties, quam blande inuitet vt sequaris, quo ille præit. Proclamat Moyses: *b* Recedite à tabernaculis hominum impiorum, & nolite tangere quæ ad eos pertinent, ne inuoluamini in peccatis eorum. Idem proclamatur & Isaias: *c* recedite, recedite, exite inde, pollutum nolite tangere; exite de medio eius.

*Aegyptius* seruator Ioseph tam exosus est improborum societatem, vt nec mortuus quidem, inter eos morari sustinuerit. Ideò suos ex Israele hæredes iureiurando adegit, vt, si quando *Aegyptum* migrando desererent, secum inde cadaueris sui reliquias asportarent. Voluit magnus hic *Aegyptij* prorex, nec cines suos illaudatæ familiaritatis notam contrahere: & vt *Egyptios* mores non probabat imitationi, sic nec terram sepultura: consortium malorum omni modo fugiendum iudicabat. Certum, qui tetigerit piecem, inquinabitur ab ea *d*. Vnicus prauæ vitæ iuuenis, quàm plurimos potest corrumpere:

— sicut grex totus in agris

*Vnicus scabies cadit, & porrigine porci;*

*Vnaque conspecta linorem ducit ab vna. e*

Pastoris est, morbidam orem illico separare; ne dum parit ouiculæ, perdat gregem: causi hominis est, omnem declinare amicum; omnes fugere socios; qui labem moribus affricare possint. Ea enim rerum natura est, vt cum bonus improbo se iungit, non improbus à bono emendetur, sed bonus ab improbo contaminetur. Inter malos bonum esse, est contra torrentem natæ. Quod quandoque fieri posse non negarim, sed tam difficulter quàm raro. Verissimè Romanus. Sapiens: *f* Sumuntur, inquit, à conuersantibus mores: & vt quædam in contactos corporis vitia transiliunt, ita animus mala sua proximis tradit. Ebriosus, conuictores in amorem vim traxit: impudicorum cæsus fortem quoque & silium virum emolliit: auaritia in proximos virus transtulit.

*Dum spectant laesos oculi, leduntur & ipsi. g*

Idcirco, mi *Ædesime*, melius est habere malorum odium quàm consortium. Nemo vitiosus non aliquod nobis vitium aut commendat, aut imprimit; aut nescientibus allinit: sunt vitia quæ commendantur exemplo, alia imprimuntur sermone, plurima allinuntur conuersatione, tutissimum est omnes suspectæ vitæ amicos ac sodales cauere, & discessionem ab ijs maturè facere, proximus periculo, diu tutus non erit: qui amat periculum, in illo peribit. *h*

*a Eccl. ca. 13.*

*b Num. ca. 16. v. 36.*

*c Is. cap. 32. v. 11.*

*d Eccl. ca. 13. v. 1.*

*e Iuuenal. sat. 2. v. 80.*

*f Sen lib. 3. de ira ca. 8.*

*g Ouid. lib. 2. ar.*

*h Eccl. cap. 3. v. 27.*

§. I.

**M**inuta quædam animalia, vt ait Phocædon, cum mordent, non sentiuntur, adeo tenuis illis & fallens in periculum vis est tumor morsum indicat. Idem plerisque omnibus in conuersatione malorum euenit: non deprehendunt quemadmodum, aut quando sibi nocuerint. nocuisse deprehendunt. Ideo beatus Paulus seuerè interdicens: Ne, inquit, commisceamini fornicarijs: scripsi vobis, cum huiusmodi nec cibum sumere. Idcirco, ante

ff 2

circum-



circumspiciendum est, quibuscum edas aut bibas, quam quid edas aut bibas. Nescitis, addit Paulus, quia modicum fermentum totam massam corrumpit *b*: Omni tuo sic fuit: cum peruerso peruerteris: Salomon, patrem induens sapientissime monet: *c* Fili mi, si te laetauerint peccatores, ne acquiescas eis. Si dixerint: Veni nobiscum &c. Sortem mitte nobiscum, marsupium sit omnium nostrum. fili mi, ne ambules cum eis, prohibe pedem tuum à semitis eorum, pedes enim illorum ad malum currunt. Viua vox & conuictus ad docenda vitia, & suavis & potens est persuasio, habet enim vim præcepti frequenter aspicci, audire frequenter. Socium ergo improbum aut imiteris necesse est, aut insecuteris, vtrumque vitandum est, ne aut malis similis, aut multis inimicus fias, malorum enim ubique plurimos inuenies. Cum vis versare, qui te meliorem facturi sunt; hos admitte, quos tu potes facere meliores, aut illi te. Aequalium quidem vsus dulcior, sed senum aut hominum religiosorum tutior est. Mulierum familiaritatem damnat Basilus, non quia ipsæ sint malæ, sed quia earum familiaritas danda, inquit, est opera, vt mulierum colloquia funditus fugiamus. *d* Memento semper, ait Hieronymus, *e* quod paradisi colonum de possessione sua eiecerit mulier. Remoue paleas, nondum extinctus est ignis clamat Virgilius. *f* *Ædes*. Liceat interfari sæpe ardua nimis erit hæc discessio à coniunctissimis sodalibus. *PART*. Sit ardua, quia tamen necessaria, omnino facienda est. Arduum remedium est vt vitam serues, brachium aut crus dare præsecandum: Christi tamen præceptum esse non negabis: *Si manus tua vel pes tuus scandalizat te abscinde eum & projice abs te g*. Quid sibi coniunctius quis habet, quam sua membra ea tamen sæpe sunt amputanda, immedicabile vulnus ense recidendum est, ne pars sincera trahatur. Sic & amicus, *Ædesime*, sic & sodalis aut socius quicumque amputandus est, si tibi noxius est. & quid hic cunctandum? multo melius est, familiaritatem amico quam Christo renunciare, & iacturam facere amicitie potius quam anime.

*a* 1. Cor. cap. 5.

*b* Ibidem vers. 9.

*c* Prov. c. 1. v. 10. 14. 15. 16.

*d* Basil. in const. mon. cap. 4.

*e* Ad Napolitan.

*f* S. Gregor. l. 4. dial. c. 11.

*g* Matth. cap. 18. v. 8.

## S. II.

**O** Petre, Petre! ô Ecclesiæ Petra, nec in ferorum machinis cessura, vnus tamen ancillæ voculâ quassata! nimirum petra erat Petrus, quamdiu erat inter bonos. vix ab ijs digressus, improborum contubernium abiit, & en tibi iam non petram, sed arundinem. verbo sternitur, quæstiuncula vnica deijcitur, ad vocem femine virum exiit, & ex animoso in timidissimum mutatur; negat eum sibi notum, pro quo paullo ante milles mori obstinabat; cuius ante pauculas horas sanguinem hauerat in mensâ, cuius corpus epulatus fuerat, nosse tamen negat quem illamct ipsâ horâ ferro propugnarat; tamen nosse negat eum qui illo ipso vespere laundos ac tergendos pedes porrexerat, paratus etiam manus & caput offerre huic balneo; & tamen nosse negat, cui carceris & mortis societatem sanctissime pollicitus fuerat, & tamen, cheu, & tamen hunc ipsum amantissimum omnium & notissimum hominem negat sibi notum, negando iurat, iurando detestatur. O Petre, inter Apostolos cordatissimus eras Domini defensor, inter facinorosos timidissimus es desertor. Nempe aliud est aula Cayphæ, aliud cœnaculum Messæ; aliud Apostolorum, aliud sunt colloquia sicariorum: inter illos noscitur Christus, inter hos negatur. Tantum habet momenti societas bonorum, vel improborum; illa virtutis, vitiorum hæc magistra est, & etiam nunc verissimum hoc: Cum electis electi, cum peruersis peruersi sumus. Fugiamus, & illos tales moribus nigros caueamus ardenti studio. Nominatim vero fugiendi nobis sunt, qui & ipsi fugiunt, sed conciones in templis, litterarias exercitationes in scholis; qui piorum librorum lectionem, sacramentorum frequentationem negligunt, qui popinas & ganeas, qui conuiuia & symplosia, qui mulierum amicitias, saltationes, choreas sectantur, non sine certo tam studiorum quam salutis dispendio, & vt verbo præcipiam, quisquis otium non fugit, hunc tu maxime fuge. Otiosus ad omne vitium



ne vitium tam discendum quam docendum aptissimus est. Otiosus nec pios libellos, nec sacras conciones, nec sacramenta curat, nec templa. Pro libellis chartulas lusorias, pro concionibus compositiunculas, pro templis choreas frequentat: & ut tempus suauius fallat, nunc solem somno excludit. & mero meridie stertit, nunc ambulatiunculas instituit, nunc muliercularum fabellas excipit; omnia agit ut nihil agat:

— *hic niger est, hunc tu Romane caue.*

Otiosus nemo est, qui non & vitiosus sit. hunc talem vrvicinam pestem consortio nostro excludamus mature.

## §. III.

**Q**uod si etiam famæ nominisque rationem habeamus, deteriores notæ socios quam maxime auersemur, nisi & tales haberi velimus, quales illi sunt, aut illis contemptiores. Inualuit iam opinio, ab ijs viuendi nos accipere similitudinem, quibus cum versandi hauserimus cupiditatem. nec falluntur qui se opinantur; testem habent Salomonem: Qui cum sapientibus graditur, sapiens erit: amicus stultorum similis efficietur. Et uti vinum dilutum colorem mutat, etsi non omnem vini virtutem perdat: sic boni nominis ac famæ colorem amittit, qui admittit socios tam diluta probitatis. Hieronymus: *b* Tales, inquit, habero socios quorum contubernio non infemaris: non ornentur veste, sed moribus, non calamistro crispent comas, sed pudicitiam habitu polliceantur. Talis quisque censetur, qualis est, qui cum versatur. Nostis, aues concolores simul volant. Vis nosse hominem: attende quorum familiaritati assuescat, amicitia pares, aut accipit, aut facit. Ergo, qui probus, qui honestus vult videri, & proborum & honestorum amicitiam amet, & ambiat, qui pensi non habet famam, & omnium indiscriminatum amicus sit, breui plurimos numerabit titulos, sed parum speciosos.

Augustinus senex, de seipso iuvene queritur, & c. Præceps ibam, inquit, tanta cecitate, ut inter coetaneos meos pueret me minoris dedecoris quam audiebam eos iactantes flagitia sua, & tanto gloriantes magis, quanto magis turpes essent: libebat malum facere, non solum libidine facti, verum et-

iam laudis. Quid dignum est vituperatione nisi vitium? ego, ne vituperarer, vitiosior fiebam: fingebam me fecisse quod non feceram, ne viderer abiectior quo eram innocentior, & ne vilior haberer, quo eram castior. Ecce cum quibus comitibus iter agebam platearum Babyloniar, & volutabar in cano, tanquam in cinnamomo & vnguentis pretiosis. O nimis inimica amicitia! *Ædes*. Non adeo metuendi sunt, quia nisi me fallo, pauci sunt, qui tam professe sint impietatis, ut prima fronte flagitiorum licentiam vendant. *Parti*. Ut ut est, eorum certe pauci non sunt, qui lupum ouinâ pellicula tegunt, & in quorundam familiaritatem eo blandius se primo insnuant, quo deinde perniciosius instigant ad pessimam libertatem. In hos apte conuenit illud: *Homo homini lupus*. Fugiamus, *Ædesime*, fugiamus blandientes hos lupos turpis, & plerumque fera nimis est cantilena: *Societas me perdidit*. At ridebimur ut inhumani & agrestes? rideant, modo non noceant: cærior nobis sit pudicitia & integritas, quam ut ob eorum risum, fieri velimus fletu & lacrimis dignissimi. Qui vitare vult farinam, & vestium pullarum candidos nauios, nonne molam vitat? qui vultus atrorem metuit, nonne Cyclosum fornaces, & fabrorum ferrariorum officinas declinat? idem & nobis hic faciendum, idque tanto magis, quia vitia pelliciunt, serpunt, transiliunt, *Apollonius Thyanæus* sapienter hoc vnum à Dijs petiisse fertur: *d* Nosse bonos, malos vitare. Optimæ preces. Nos idem: sed à Deo precemur: bonos & nosse & imitari, improbos & odisse & fugere.

a *Proverb. cap. 13. v. 20.*

b *Ad Nepotian.*

c *Aug. l. 2. confess. c. 3. 9. & 10.*

d *Alex. ab Alex. lib. 4. cap. 7 Genial. dier.*

## CAPVT X.

*Incontinentia primi effectus: CORPVS DEBILITAT, OPES PERDIT.*

**F**iniui, *Ædesime*, primos duos versiculos, qui Incontinentiæ inuitamenta continent:

*Otia, Mensa, Libri, vaga Lumina, verba, Sodales:*



*Hæc tolle, hanc minus, hos multa, hæc claudes,  
hæc, fuge, vita hos.*

Verſuum horum ænigmata & ſcrupos, vri  
petieras, in lucem dedi. Et ſi quidem ænigma-  
tiſtes tuus eſſe debeam, etiam alteros illos  
verſiculos aliquâ luce perfundam, ſunt iſti:  
*Corpus, Opes, Animam, Ingenium, Famam,  
Virtutes:*

*Debilitat, perdit, neceat, impedit, inficit, au-  
fert.*

Iubes pergere? *Ædes.* quaſo te, Partheni,  
ceremonias & delicias omitte, ſi permittis,  
iubeo: ſi reſiſtis, oro & obſecro, Et hoc de me  
ſcias velim, moras à me non ſentiri, dum tu  
diſſeris: ab ore narrantis pendeo. Nec tibi  
faſtidio ſit, auditorem habere vnicum: nos  
alter alteri ſat amplum theatrum ſumus. *P.A.R-  
T.H.* Ergo deducamus ſermonem, ad uſque  
umbilicum dici, poſt verbis ſaturi, è patinis  
pranſuri.

*Prius verba utriuſq; verſiculi, ſunt, COR-  
PVS DEBILITAT.*

Non in animum tantum libidinis toxicum  
graſſatur, ipſum etiam corpus enervat & fœ-  
dat, cui & vires & valetudinem bonam ſub-  
ducit. Hic ego ſalcem meam ſubſtringo: me-  
dicorum hæc res eſt, & illorum pronuntiatis  
aſſirmanda. Vnicum produco, teſtem, qui v-  
nus pro mille dicat, quàm Venus inimica ſit  
valetudini. Hippolytus Guarinonius, vir inter  
medicos etiam ſcriptis clarus, Anno Chriſtia-  
no milleſimo ſexcenteſimo decimo librum ty-  
pis vulgavit, in quo humanę gentis multipli-  
cem, quàm vitam, quàm mores interitum deplora-  
rat. Hic, libro quinto, ſexageſimo capiti, hunc  
preſiguit titulum: Naturalis demonſtratio &  
confirmatio, nullam peſtem ad corruptionem  
humanarum virium, deſtorationem iuuentu-  
tis, & inexpectatam humanę vitæ præciſio-  
nem, æquè facere quàm Venerem. Eiſdem  
libri, capiti ſexageſimo ſecundo, hanc præ-  
mittit inſcriptionem: Præclara & illuſtria te-  
ſtimonia Phyſices & Medicinæ Antiſtitum,  
quòd maius in orbe malum non ſit ad imma-  
turam & præproperam mortem acceleran-  
dam quàm Venus. Eiſdem libri quinti, capi-  
tis ſexageſimi tertij hoc eſt proloquium: Con-  
tinentiam & Caſtitem ad diurnam valetu-  
dinem & vitam, non optimum ſolum &  
præſtantiſſimum eſſe remedium, ſed multò

nobilius quid, humanęque rationi conveni-  
tius digniusque, quàm illicitam Venerem, aut  
etiam licitum coniugium. Audis, mi *Ædeſi-  
me*, quod nominatiſſimus & regiſ olim me-  
dicus, pro cælibe vita contra Venerem im-  
probitatem teſtimonium dicat, vel in fronte  
ſolum dictorum capitum? Rationem & ar-  
gumentorum pondus hic ommitto.

### S. I.

**C**hryſoſtomum huic teſtem adiungo, a-  
gnoſce illius verba: *a* Qui in delicijs &  
luxuria vitam ducunt, reſoluta quidem cor-  
pora, & omni cera molliora circumferunt, at-  
que agmine quodam infirmitatum repleta, &  
eis eſt vita ſemper cum medicis & medica-  
mentiſ: ſenſus autem ipſi tardi, graves, ob-  
tuſi, & quodammodo iam ſepulti. Magnus  
teſtis in rem præſentem: Contra verò non a-  
nimi tantum bona, è limpidiſſimo pudicitie  
fonte promanant ſed etiam ſos, venuſtas, vi-  
res corporis, vita ſanior, ſenectus tardior. Nò  
immemor & Continentia illud gloriatur. Flo-  
res mei, fructus honoris & honeſtatis, in me  
gratia omnis vitæ *b*. Ex te nunc, *Ædeſime*,  
ſciſcitor, ecquid ſentis de tot Anachoretis, qui  
in tanta cibi potuſque & parſimonia & penu-  
ria, tot annis produxerunt vitam: non illis  
hanc longauitatem à Caſtitate potiſſimum  
conceſſam cenſes?

Simeon Stylites, illud Orbis miraculum,  
ille per diuſ atque perniox ſtator, per continua  
ieiunia, ad annum centeſimum nonum per-  
uenit, at vt ſcias, vxorem nunquam habuit.

Antonius Magnus, cui Orbis pro libro  
fuit, centum & quinque annis vixit: at coniu-  
gem ignorauit.

Paulus, primus Eremiticola, centeſimum  
decimum tertium annum attigit: at ſemper  
virgo permansiſt.

Hilarion, pauperimus monachus, & à  
ſole nunquam comedere viſus, vitæ annis o-  
ctoginta quatuor, nullam vxorem duxit.

Panuphius, qui plurimis annis ſolo panẽ  
viſcitauit, nonagenarius euasiſt, & coniugium  
neſciuit.

Macarius, annum nonageſimum exceſſit  
perpetuis ieiunijs: nuptias nunquam celebra-  
uit.

Aſenius Arcadij & Honorij Imperato-  
rum



rum Præceptor, ad centum viginti annos ætatem detulit? epithalamium ei nemo cecinit.

Romualdas Italus gente, hanc ipsam ætatem attingit, cultu victuque asperissimo: virginitatem semper coluit, & animi candorem iugalibus illecebris longè prætulit.

Franciscus de Paula, semel de die, pane & aqua se refecit, idque post occasum solem, nonagesimum tamen annum superauit, & iugi Castitate floruit.

Hieronymus Stridonensis laboriosam & exhaustam fame senectutem, ad octogesimum annum protulit, Castitatem tam seruauit integre, quam copiosè laudauit.

Beda ab ætatis suæ anno septimo, ad nonagesimum secundum, in Religione virgo vixit, coniugij penitus ignarus.

Remigius, Pontificis Rhemensis officium gessit (quod rarum, & nescio an cuiquam alteri concessum) annos totos septuaginta quatuor. Vnde Iubilæus nominabatur vniuersè nonaginta sex annorum fuit, cum obiit: totum maritalem nunquam attingit.

Martinus Turonensis, octoginta sex ætates, Vdalricus Pataviensis Præsul centum quinque, Epiphanius centum quidecim autumnos vidit, crebra his sanctissimis viris obseruata ieiunia, Virginitas perpetua.

Longum, nominare sexcentos alios, quos parsimonia, & eorum quæ auiditatem euocant, modus & Castimonia ad longam senectutem perduxerunt. Reperies hodieque non paucos qui venerandam suam eruditamque canitiem partim abstinentiæ, partim Castimoniæ, iure optimo ascribant. Cœnobia ingredi & hominum Religiosorum ædes inuenies complures, qui sexaginta, septuaginta, octoginta, etiam nonaginta hiemes tolerant, vitæ tanto longioris, quanto continentioris. Ante annos non multos, ad materteram meam in pauperrimo cœnobio monialem reuisti, & vt sermo ibat, quæ sui, quotiam annis illie seruissset Deo: respondit: quadraginta, obstupui ad hanc vocem, & mox eam serio intuitus, ex oculorum fide, viginti annorum virginem pronuncialem. Igitur Deo, inquam ego, gratias amplissimas memineris: extra Religionem nec virium istarum, nec huius coloris esses; iam obijisses; aut tumbam

proximè spectares. Hoc etiã vitæ continentis merces est, quæ quos callibes, hos & longæuos facit. Et quis enim, ille, dic ædificat, tam ferreus & aheneus, qui coniugij vinculis implexus, inter tot quotidie recurrentes curas, mœrores, angores, infortunia, æquè sanus ac vegetus viuatur, quàm is qui hoc vnum curat, vt Deo suo placeat. Illis alijs tot corpora sunt vestienda, tot ventres saturandi, tot morbi curandi, tot calamitates deplorandæ, tot funera lugenda, toties penè moriendum, quoties liberorum aut nepotum vnus extinguitur.

Sed mittamus valetudinis & vitæ dispendia in coniugio: quot adolescentum & iuuenum sanitas & vita in hoc vno maligne Veneris Euripo naufragata est? dic mihi, vnde bubo, scabies Gallica, alijque innumerabiles morbi in humanum genus, velut ex insidijs prorumpunt, nisi ex hoc vno libidinis latibulo?

a Tom. 5. hom. quod nemo ladirur, &c.  
b Eccl. c. 24. v. 23. & 25.

## S. II.

**D**E opibus, quas vt vires, licentior & libidiniosior vitæ ambedit, vix est quod addam. Verè, prout versiculus monet, O P E S P E R D I T Incontinentia. Res liquet, peras & marsupia mirum quantum ab impuro amore exenterari, castus amor sine impensis est gratuitus interdus pluresque recipitur: spurcus & Veneris, tam manus auro iniecit quàm animo. hic illa canilena occiditur: aut da, aut non ama. ah! quot miseri amatorculi post Paupertati fecere stipendia, qui prius Veneri. Euangelicus ille prodigus, quàm bellè & quàm facilè omne suum patrimonium, inter impuræ vitæ homines decoxit? lacta ipsi est alea; cuncta absorpta sunt, perierunt vniuersa, non naufragio, non egritudine, non sinistro casu, sed *vinendo luxuriosè*. Non tot absorpsit rates charybdis vorax; non tot absumpsit noxios Atheniense barathrum, quot empererunt tales amicæ aureos in eiusmodi luxu, ita bonus ille iuuenis, porcorum demum conuiuia factus est, vbi meretricum sympulo esse desijt. Prodigium est, quod addo. Fuit prisco cūo iuuenis, cui Mædus nomen (nihil minus ei conueniebat) qui Paulinam pudicam matronam ad inhonestæ sollicitant; eius pudicitiam



dicium vt auro expugnaret, viginti drachmarum myriadas, hoc est, viginti millia Philipeorum spondit, si votis haberet obsequentem. Vah! quod hoc inaurata petulantia portentum est? Nosti quid Demosthenes prudentissimè, Laidi pro nocte decem milia drachmarum stipulanti, responderit? *tanti poenitere non emo.* Quàm verè hoc à te dictum, mi facundissime orator, inhonestè voluptati indiuiduum comitem ire *P O E N I T E N T I A M.* Quis vnquam Veneri vel horam, vel momentum seruiuit, quem impuræ seruitutis huius non poenituerit, & puduerit? *ADES.* Oraculum fundis, Partheni: & prisci etiam illis notum fuit, vbi mel est, ibi & fel esse, & vbi vber, ibi tuber reperiri. *PARTH.* Atque, vt est in fabulis, litigarunt olim Ioue iudice, Voluptas & Dolor; neque illa huic, neque hic illi in vilo cessurus videbatur. Ad quos Iupiter: Bene est, inquit, ita vos componam, vt dirimi nequeatis. atque ita dissidentes adamantino & inenodabili vinculo colligauit, velut fugitivos seruos, vt neuter neutrum possit effugere, inde nunquam non simul sunt. Mirum, quàm eleganter Mediolanensis Pontifex Ambrosius, Voluptatem producat, hunc in modum facundam: Ille apud me primus, qui omnium perditissimus; ille meus est, qui suus non est; ille mihi gratior qui sibi nequior. Calix aureus Babylonis in manu meâ, inebrians omnem terram; ex poculo meo biberunt omnes gentes. Hipponensis Præsul Augustinus quàm verè: O voluptates, inquit, quàm faciles aditus habetis, dum suadetis! & quàm difficiles exitus habebitis, cum perimetis? Dum suadetis, inungitis; sed postquam suaseritis, vsque ad mortem animæ pungitis. Habemus ergo iam illustria duo præmia libidinis: Corpus effectum, & depletum exhaustumque marsupium.

## CAPVT XI.

*Incontinentia effectus alteri: ANIMAM  
NECAT, INGENIUM  
IMPEDIT.*

**N** Ec sola hæc, nec summa mala sunt impuræ Veneris. Parum illi est vires & yacerudinem corpori, crumena numos subtra-

here: Nobiliore prædâ, & verò spolijs optimioribus triumphat. Animam impuri pessundat, & necat. Hoc illi quidem cum ceteris vitijs commune est, animum *Æterna mortis* reum statuere. Sed hoc & facilius & celerius facit, quàm ferè vllum vitiorum. Hic enim vel vnâ atque vnicâ cogitantiunculâ impurâ, eaque sola quam nostrates Theologi, delectationem morosam nominant, æternis flammis obnoxij reddimur. Absit facinus, absit patranda facinoris voluntas, æternæ tamen morti ille se obijcit, qui vel solum impuriorem cogitatum, in oblectationem sciens volens admittit. Hoc Augustino credes, apertissimè id pronuncianti: *a* Totus homo, ait, damnabitur, nisi hæc quæ sine voluntate operandi; sed tamen cum voluntate animum talibus oblectandi, solius cogitationis sentiuntur esse peccata, per mediatoris gratiam remittantur.

Rectè castissimus Bernardus, cum flagitiosas per puellam insidias sibi strui aduerteret, *latrones, latrones,* exclamauit. Sanè latro est omnis Venerea libido; latronum ritu amplextur vt perimat; osculum meretur cum Ioabo, vt sicam infingat in Amasam quem salutat. Et Senecæ monitum est: *b* Voluptates præcipuè exturba, & inuisissimas habe latronum more; in hoc nos amplexantur vt strangulent. Ah! quanti perierunt ab hac vna peste. Et quod lacrimis dignum, etiam fortissimi, etiam sapientissimi, & quod mireris, vel etiam sanctissimi; Samsones, Salomones, Dauides, hoc vno telo corruerunt. Et nos qui stabimus qui nec Samson fortiores, nec Salomone sapientiores, nec sanctiores Dauide sumus; præsertim cum pericula nostra sic amemus, vt in ea proni magnoque nisu ruamus, & plexumque toti procumbamus in voluptatem.

Memini ego & horreo, quoties id meminî, à Præceptore meo me audire, si centeni iuuenes inferorum flammis addicantur, è centenis istis nonaginta nouem, ob hoc de quo loquimur, vitium Carnis damnari, centesimum ædem ob aliam aliquam grauiorem noxam. *ADES.* Coniectura hæc mihi non incredibilis est. *PARTH.* nec mihi certè. immobilis stat sententia in impuros iam lata: Hoc enim scitote intelligentes, quod omnis fornicator, aut impudus, aut auarus, quod est idolo;



idolorum seruitus, non habebunt hæreditatem in regno Dei.

*Lib. 12. de Trin. c. 12. 2. sen. d. 24.*

*b. Epist. 51. sine.*

## S. I.

**M**emoriæ quoque & ingenium ab hac fe-  
dissimâ lœ affari & corrumpi, nimis  
quàm certum est, & verissimè Philosophorum  
Deus Aristoteles, a Venerem amentia præ-  
fectam ait. Scholas obsecro & gymnasia lu-  
stremus: hic tu mihi adolescentem aut iuue-  
nem da, qui vnâ & Veneri liter & Apollini,  
qui sit ingeniosus simul ac eruditus, & tamen  
parum castus. Monstrum hoc mihi foret, al-  
bo simillimum coruo. Non sine mysterio Mu-  
sæ Virgines finguntur à poetis: malè simul  
habitant libido & eruditio. De talibus veris-  
simè Comicus:

*Neque ius, neque bonum aut aquum sciunt,*

*Melius, peius, profit, obstit; nihil vident*

*Nisi quod libido suggerit*

Et Claudianus meus, poetarum ocellus, af-  
sentitur:

*Luxuries prædulce malum, quæ dedita sem-  
per*

*Corporis arbitrijs, hebetat caligine sensus.*

Et verò si lubet, bibliothecas obeamus, &  
gnaue indagemus, an plus librorum scripse-  
rint cælibes & casti, an verò vinculis vxorij  
attenti. Et qui possit, fac velle, Veneris fa-  
cibus vel leuiter adustus, eâ tranquillitate  
animi & serenitate, qua opus est, tractare li-  
bros? quid sani sensus, aut eruditæ cogitatio-  
nis, è tali cloacâ (da veniâ verbo) effodias? in  
impuro & sordente vase malè seruaueris ope-  
balsamum, & diuinæ pagine oraculum est: In  
maluolam animam non introibit sapientia,  
nec habitabit in corpore subdito peccatis *b.*  
In fonte cænofo ac turbido, nil liquido satis  
ac perspicue cerni potest.

*a. L. 2. Rhet. cap. 24.*

*b. Sap. cap. 1. v. 4.*

## CAPVT XII.

*Incontinentia effectus tertij: FAMAM IN-  
QUINAT, VIRTUTES OM-  
NES EXTIRPAT.*

**A**D gemini versiculi finem, & vna sermo-  
nis antemeridiani, tendimus, Inconti-

nentia in famam & Virtutes grassatur; illam  
inquinat, has extirpat. Hieronymi voces hic  
iure vsurpem: O luxuria, ô ignis inferna-  
lis, cuius materia gula, cuius flamma super-  
bia, cuius scintillæ praua colloquia, cuius  
fumus infamia, cuius cinis immunditia, cu-  
ius finis gehenna. De iacturâ tamæ non est  
quod longè disseram; res ipsa loquitur. nul-  
lum certè vitium est, quod plus erubescere  
nos cogat quam hoc, de quo sermo est. Meritò  
plurimum pudoris habet & ignominia, quod  
plurimū habet infamia & turpitudinis. Nec  
agrè credam, plurimos hominum, tum de-  
mum perfide muros esse incipere, cum hoc  
genus flagitij in confessione prodendum est.  
nec crebrius violari Pœnitentiæ sacramen-  
tum, quàm ab silentio commissæ obscenita-  
tis. O tetrum flagitium! quod non tantum  
letalem plagam imponit, vt alia, sed & me-  
delam excludit, & hoc vnum agit, vt quem  
semel nexuit, nunquam manu mittat. Nec  
illi satis, læsisse, pecuniam abstulisse, inge-  
nium fregisse, memoriæ hebetasse, iugulasse  
animam, nisi demum & famam rapiat; pro-  
bique nominis thesaurum interuertat cru-  
deli prædatione. Neque hoc mirum in hoste  
omnigenarum Virtutum, & amico Vitiatorum  
omnium. *Æ d e s.* Enimverò, Partheni, hoc  
vltimum nondum ex toto persuasisti: habens  
Virtutes suum quæque hostem, habent & Vi-  
tia suum quodlibet aduersarium. *P A R T H E.*  
At ego te, mi *Ædesime*, hic quidem inoffenso  
pede ire velim, nec quicquam subsistere, aut  
addubitare. Non retracto dixi, id quæ leui o-  
pera planum facio: Libido sic immutat ho-  
minem, vt nec homo quidem maneat, verè  
iam pecus, post exutum turpiter hominem.  
Da mihi iuuenem, eiusmodi spurcitarum a-  
mantem, & vide quid in illo Iolide virtutis  
reperias? exulant virtutes, vbi libido victrix  
imperat. Canit olim Venusinus vates, de iu-  
nere sui iuris facto:

*Cereus in vitium flecti, monitoribus asper.*

Verissimum id est de homine obscenarum  
sordium non puro: Cereus is est, non in v-  
num aliquod, sed in omne prorsus vitium.  
Principio quidem, non negabis, credo, si su-  
perbiæ eos studere dicam qui lasciuis oculis  
probari se cupiunt; qui comptuli, qui muni-  
duli, & nitiduli è meris pigmentis & nite-

Ggg

lis for-



lis formam sibi adstruunt, & hoc maxime agunt ut placeant. At avari forsitan hi tales non esse videbuntur: non sicut etiam: at erunt certe prodigi, quod æquè vitiosum est & turpe. Imò quod monstruosissimum merito dicas, frequenter isti, & avari sunt simul, & effusi. Ab his pecunias avarissime compilant, ut habeant quod in istos per prodigiam effundant. Parentibus rapiunt, meretricibus donant. Invidia plenum esse amorem Venerum nemo nescit. Veteres tibi tragœdias recantari vis? Troiæ labores & excidium, sed & plurium ciuitatum, imò & regnorum euerfiones id satis loquuntur. De gula, non est quod multis astruam, in aperto est, monstrum esse libidinē sine gulâ. Sed neque familiariores amicos reperies quàm desidiâ & luxuriâ, otium & Venerem. Consigno cum Tullio, qui in Catone Maiore, Archytæ Tarentini verba sic refert: Nullam capitaliorem pestem, quàm corporis voluptatem hominibus à natura datam. Nec multò post subiungit: In voluptatis regno Virtus consistere non potest, quo circa nihil tam detestabile, tamque pestiferum quàm voluptas, siquidem cum maior est & longior, omne animi lumen extinguit. At verò Salomoni magis credes quàm Ciceroni, aut Deo de Salomone. Hunc ubi libido triumphauit, vitiorum omnium mater idololatria turpissimè sub iugum misit. Quid virtutis remansit in Herode, postquam victas manus dedit Herodiadis petulantia, cuius incestum non lacrimis, sed cruoris rivulis deplorauit infontissimi Baptistæ præcibus caput. O luxuriâ! ô charybdin quæ omnes animæ vires, imò & corporis, quin & omnem virtutem gulose absorbet abligurique. *ÆDES IMVS.* Persuades, Partheni, & me in tuam sententiam trahis vel inuitum.

## S. I.

**P**ARTH. Edesime, suboleo quid velis. Epilogum expectas, & ut loqui desinam. Dentes credo, tibi pruriunt in cibum. nec mirum — sexta iam linea tangitur vnbra, meridiem esse, & mihi stomachi mei horologiū dicit. Sed quæso te, patere, vterque suam prius & memoriam & patientiam exerceat, quàm mensam accumbat. Reuocemus in cumulum

& synopsis. quicquid horis antemeridianis super NICETÆ nostri victoriâ prorsus obstupescendâ disseruimus. Et nisi me fallit memoria, ordinem hunc seruauimus.

Sermonis caput NICETAS fuit, verè victor, verè maior elogijs nostris quibuscunque. Quid illecebrarum, quidquid artis aut frudis, quidquid machinarum Incontinentia, seu Libido habit, in NICETAM expediuit. Omnia tentauit fecidissimus Cupido, omnia superauit castissimus NICETAS, dolos, artes, fucos, fraudes, vim omnem expunxit; technas, illecebras; machinas eluit vniuersas. Nouo ausu & robore planè admirando suum debellauit hostem. Hanc ei victoriâ dum mirabundi gratularemur, sermo nos suauiter ad Incontinentiæ armamentarium deduxit. Hic duplicis generis arma reperimus, *Inuitamenta & Effectus*. Incontinentiæ: illis oppugnat, istis iugulat. Ita primum lacescentis Incontinentiæ telum est OTIUM, horribilis carapulta contra omne genus bonarum actionum. Alterum Incontinentiæ telum oleo litum, vtsit penetrabilius, GULA est. De hac notum illud Ambrosij: Saturitas Castitatem prodigit. Et sanè plures occidit Gula quàm gladius, fuitque ea semper plurimorum malorum fomes. Tertium & Quartum Incontinentiæ telum, LIBERTAS, & PICTURÆ lasciuæ. Rarissimum est his tangi, & inuulneratum viuere. Quintum, OCULORVM LIBERTAS. Abundè, reor, demonstrauimus, quantum veneni per oculos attrahamus in animum. Beatus ille, quid oculorum suorum dominus, seduci se ab illis non sinit. Sextum Incontinentiæ volatile illicitum SERMO IMPRVDICVS. multiplex hic malum, & audientium & loquentium. Septimum trabeale telum Incontinentiæ SOCIETAS PRAVA. contra picea tam hanc tragulam, nemo nimium munitus erit aut cautus. alienis exemplis, & societate plurimi pereunt, qui perire se nesciunt.

## S. II.

**A**Tque his armis oppugnauit NICETAM Libido. Initium pugnae, ab illo hortensio Otio cœpit, cum fortissimus iuuenis, ad mollissimum lectulum deduceretur, tanquam illic suauissime meridiaturus, ubi hortus varam vo-



nam voluptatem velut offertam epulis mensam iam explicasset : Postquam ergo resupinus in toro iuuenis, blandè alligatus est, petulantissimæ mulieris compra facies, libris & picturis ad nocendum longè pestilentior, castissimis illius oculis sese impudenter ingessit. Hic, audire aut aspicere; hic tangi aut tangere, extremi res erat periculi. ad fallendos oculos forma, ad inducendum animum verba iucitabant compositissima. Et quid facietate hac poterat esse periculosus, quam solum à sola sic deprehendi: Vicit tamen, vicit NICEIAS vniuersa hæc incontinentiæ inuitamenta. In lectulo delicatissimo, etsi victus, minimè tamen otiosus, voluptatem paratissimam penitus exosus, ad pictam supra omnes imagines feminam neququam curiosus, ad omnes oculorum illecebras cæcus, ad mellitos verborum globulos surdus, Venereæ huius societatis fortissimus aduersarius, inuictus, inexpugnabilis. Quia ergo Incontinentiæ tela, quibus expugnare solet, incassum ceciderunt, arma etiam, quibus solet iugulare, frustra fuerunt. Recordarisne, Aedime; quos Incontinentiæ statuerimus *Effectus*? & hi arma sunt illius, quibus, quos expugnarit, necat. Primus ergo Incontinentiæ *Effectus*, corpus viribus, Alter, crumenam numis exhaustire: Tertius, animum occidere: Quartus, inge-

nium heberare. Quintus, famam inquinare: Sextus demum, virtutes omnes extirpare. Atque de his, etsi strictim & ordine nonnihil inuerso, prout versiculi suggererant, iam egimus.

Nunc mensa & prandium nos vocat: Adedum, meus hodie conuiua eris, sed non asymbolus. Tres tibi questiunculas ponam, quæ à proposito sermone, simul & à mensa non abhorreant. Prima erit: cur Apiculæ volucres ianubæ, & virginæ auiculæ, Cereris famulæ vocentur; quos illæ flores non tangant, quos homines non pungant, quo flore maximè gaudeant; quo etiam spectat quid mel virginium, quid charta virgo, quæ virginea sit membrana? *ADES*. Num hæc vna est questio? *PARTH*. Vna, sed conglobata. Altera: quæ herba & oculos acuat, & Castitatem; & quæ animum tam viuæ quàm mortuæ, seu, tam naturæ suæ quàm esu nostro, sint castissimæ, & quid apud homines religiosos lactuca & hordeum, quotidiana pœne fercula sibi velint? *ADES*. Vt video, mille me questionibus petes *PARTH*. ne diffide: reperiemus responsa. Postrema, quæ, rerum delicatissimæ, quæ irreparabiles? in vtroque ordine numerabis, iam præscisco, Virginitatem. Eamus: nisi tu Chæmæleon sis, & aëre viuas. De ceteris, iam prætransi colloquemur.





## SECUNDÆ IMAGINIS EXPLICATIO.

**F** Actum bonum: Cupido victus est. Va victo. Vel pueri nunc misello audent illudere. Ille quem Cupidinis alam frangit, hic telum, iste arcum. Est qui facio tergum prabeat: ut plura crucifixi vulnera faciat. Hic pharetram calcat, hic flagellum intentat, iste Venereas chartas lacerat, ille digitis infame suspendium exprobrat. Alius amatoria mercis sacculum excutit, facem extinctam vnus ad terram affigit, est qui saxis pendentem petat. Extrema omnia meritis est nequissimus puer, omnium scelerum magister. Semper illum præuolant Ardor & Petulantia, comitantur Fœtor & Immunditia, sequuntur Dolor & Pœnitentia. Ergo mille cruces improbo Cupidini. Quisquis es, caue hunc cœcum puerum? Aut tu illum ingulabis? aut ille te.

## LIBER SECUNDVS, CAPVT PRIMVM.

*Geminus NICETÆ Benedictus, Illusterrimo itidem facinore.*



**P**ARTHENIVS. In Sanctuarijs Mithridatis maximi Regis deuicti (Plinius memorat a) Cn. Pompeius inuenit in peculiari commentario, ipse manu compositionem antidoti, è duabus nubicibus siccis, sicibus totidem, & rutæ folijs viginti, simul tritis, addito salis grano: & qui hoc ieiunus sumat, nullum ei venenū illo die nociturum. Satis veneni congesimus ante meridem. Vis, Ædesime, huic suū etiam antidotum quæramus? ÆDES. frustra hoc rogas? epulis tuis satur sum, nondum tuis verbis. Pertexe telam, mi Partheni, quam orsus es. Venena nosse, te auctore didici: discam etiam nosse obfustentia venenis pharmaca. Tu mihi Mithridates sis. Marfos, Ophiogenes, Psyllos terrori serpentibus fuisse, narrat idem Plinius, & tactu ipso suctuue medico leuasse. Anguis est Incontinentia, fecundissima veneno, & quos non icit? Partheni, è Psyllorum

familia te virum præsta, & ictis aut iciendis tactu medico, succurre. PARTH. blandè cogis.

Ergo progrediamur sermone cœpto, & iam alterum à NICETÆ exordium ducamus, cui nemo non acclamet.

Vicit NICETAS; exulter, triumphet NICETAS. Quod Seneca de suo Mutio, ego verius affirmarim de NICETÆ nostro: Consecit bellum inermis ac mancus, & lingua trunca totum Veneris exercitum profligauit. Vicit. ÆDES. Vicit excellentissime, transcendit pœnè omnem laudum nostrarum apicem: inimitabilis est. Et quis talem pugnam experat, ut talem coronam referat? nil periculosius, quàm sic pugnasse; nil tamen etiam gloriosius, quàm sic vicisse. Parem, putò, NICETAS in hoc neminem habet; facinus illius est incomparabile.

PARTH. Sed habeat parem, conferri cum illo possunt alij, hoc ipsum illius laudi accedit, quòd



quod sic pugnarit, ut & alios ad similem pugnam animarit, & pugnare docuerit exemplo. Benedictus, magnus ille sanctissimæ familiæ Patriarcha, post NICETAM felicissimè pugnavit. Hostem ex adverso stantem, & quem oculis designaret, non habuit; seipsum vicit. Cupidinem triumphavit, quem non vidit. Vis narrem & hoc prælium? *ÆDES*. Et nisi sponte animi faceres, conarer cogere. Tu perge modo; quod diutius hæc audio, hoc avidius PARTH. Neque Benedictus sine sanguine pugnavit, in hoc pœnè superior NICETA, quod non os solum, sed omne corpus cruentarit, magnanimo volutatu per spinas. Et quæso liceat per te, *Ædesime*, pugnam hanc Benedicti, penicillo paullo morosiore depingere.

a Lib. 23. nat. hist. c. 8.

## §. I.

**S**ed antequam gradum promoveam, non nemini satisfaciendum censeo. Quid? (dicat aliquis) viro sceleris tam puro, vitæ tam integro, aries tam impurus insultet? Benedictum etiam, spurcus Cupido laceſſat? repugnat hoc tam sublimi sanctimonix. Imò propugnat hoc tam sublimem sanctimoniam, quæ nunquam fuisset tanta, nisi sic fuisset tentata. Ne mireris, ô bone, & si nescis, vel à prisco scriptore hoc discere. Hos itaque Deus, inquit Seneca, quos probat, quos amat; inducat, recognoscit, exercet: bonum virum in delicijs non habet: expetitur, sibi illum præparat. quid miraris, bonos viros, ut confirmantur, concuti? non est arbor solida, nisi in quam frequens ventus incurrit. ipsa enim vexatione cōstringitur, & radices certius figit. Et cuius virtus sine adversario non marcescit; laſſa vero, multum sibi adjicit; erigitur cum tangitur, & impellitur: omnia adversa exercitationes putat.

Talis Benedictus, qui molliter habendus non fuit, quandoquidem in tantum belli ducem eligendus. Deinde, bella hæc & rebellionem carnis, vetare qui possumus; non magis quàm Pandari sagittam Menelaus arcere, quam ille furtim & à socijs tectus immisit. Et quamdiu duæ illæ partes, animus & corpus, iunctæ concordia quadam discordi; quamdiu diuinæ aurg, moles illa cibo tantum ( ut

Possidonium ) recipiendo habilis adtexitur, tamdiu intereas malè convenit, utique cum de imperio agatur, aut servitute Regnum utraque pars exambit. Et magis illa quæ non debet. Terra attollere se supra ignem suum conatur, & cœnum hoc supra cælum. Hinc in homine dissidia, turbæ, & velut assidua quædam velitantium inter se partium pugna, cui Duces & Imperatores, *Ratio & Opinio*, illa pro animo, & in anno: hæc pro corpore, & in eo pugnat. Sensit hanc pugnam & Benedictus, quia homo, quia mortalis; quia unus ex nobis. Sed sensit, non consentit. deprehendit intestini belli motus, sed nec è statu suo excessit, ne trepidus se vinci permisit. Stetit, pedem contulit, manus conseruit, & contra seipsum vires suas expertus est, quæ nunquam certam dare fiduciam sui possunt, nisi plurimæ difficultates hinc & illinc irruerint. Sic verus animus & in hostis sui arbitriū non venturus, probatur, hæc eius obrussa est. Videte ergo mihi quomodo Benedictus contra Benedictum, hoc est, seipsum pugnet: prælusionem attendite.

## §. II.

**A**dest auicula, sed nigella, & quales in Plutonis cauea sunt. Adest ex Orco submissa, tanquam una ex velutibus, & quæ prælio exorsum daret, docta prius à nigro illo magistro, qui ipsi Stygium Avernæ expedit. Exequitur ergo quæ iussa, & vices suas bellè fungitur. Vultum viri sancti circumvolat, alis decorè remigat; & nescio quid blandum susurrat. Blandiri eam diceret, quæ insidias struebat, ingulum & salutem petebat. Pergit illa & circa Benedicti caput, assiduo volatu auram circinat. Coruum crederes qui esurienti Thesbitæ Cererem deportarat. Nec sese ingerere cessat vel invito, adeo ut manu capi posset; sed cruce, quam manus bene cauta efformarat. cedere cogitur, & in infernas caueas, unde subvolarat, remeare. Pugnam finitam creditis? nondum cœpit. Anteludium hoc fuit & initium pugnx: Iuliorij tantum telis ater ille cornicem pulsus; & nondum vulnus, neque vera congressio pure solum à ferro hactæ, ut olim, & obtusis gladij in auras iactati. Iam primum decretorios stylos & pugnatorios mucrones cer-



netis, & à ludicris transitum ad vera & *versa* arma.

Vix auolauit illa Cocyti merula, cum Acherontis Imperator classicum canere, omnem Veneris exercitum conuocare, inflammare in prælium, instigare in Benedictum: illam sapius ab illo iniuriam exaggerare, prædicare suorum vires, Benedicti extenuare, omnes dolis & fraudibus armare, tandem amandare, & victoriam polliceri. Ruit immunda phalax ipsa Cypride duce, & facibus Avernali sulphure stipatis, casti pectoris moenia it expugnatum. Ah, Benedicte! in te vadit pedes iste Venerens, ni validus occurras, victus es, plures in te conuolant Cupidines, quam olim Arcefilaus circa marmoream legnam effigiarit: E possi hoc natum putas, Ædesime, & vnum aliquod è ceteris figmentis? rem dixi, de modo quo dixi, non laboro, nec aliud sacri codices loquuntur, qui sæpe plures cacodæmonas; quid aio? legiones totas in vnicum hominem immittas asserunt. Et certe in Benedictum non ab vno tantum imperus; acies totæ in illum videntur pugnasse. Adeo enim faces illas tartareas sentit; adeo pectus exæstauit flammis non putis, vt vix amplius durare sibi visus, contra tam lætè populans incendium. Et propè fuit vt loca illa deserta desertum ireret, & in urbem rediret.

### §. III.

**S** Ed adest auxiliatrix manus, & qui voluit Benedictum impugnari, expugnari veruit. Adest Numen & animum facitcentem, in prælium restaurat. Mox ipse Diuus recepto animo, & quasi aqua è languido refocillatus, semetipsum affatur, & : Benedicte, inquit, cedis? & potior tibi fugacissimæ voluptatis vmbra quam cælum, quam Deus? nec exitum spectas? quò ruis? hæc olim polliceris, nempe cessurum voluptari, quæ poenè antequam venit, aufugit. Tam vile tibi cæli præmium? tam iucunda inferorum incendia? vbi robur? vbi per tot annos sapientiæ meditata studia, vbi ille animus, qui possit dicere: *si fractus illabatur nobis, non expauescam.* Et quæso; pudorem longa inedia, crebra insomnia, multa tolerantia adhuc seruatum, momento perdes? Non ira. Et tu pecus (car-

nem suam compellat) hæc adfectes contrariationem, contra leges, contra Deum? hæc in me cudas pericula? tū me hosti prodere, cælo extrudere, infero draconi gloriendum obijcere? mercedem feres, ne dubita, te dignam. Mulceberis: & curabo vt hodie bene tibi sit. Dum hæc fatur, obliquos vtrinque secus dimittit oculos, & arma circumspicit, quibus in rebellem carnem vindicet. Et en tibi, proximè circumspicientem densi spinarum nexus, & crudele senticetum, quod sine contactu sauciet vel tantum spectantes oculos. Et bene est, inquit Benedictus, etiam de lectulo tibi prouisum, mea Caro, blanditer per illum volutaberis quin ergo te, dignam hoc toro, molliusculè illic repono?

Primi quidem in omnibus prælijs vincuntur oculi: & sæpe prius fugæ quam pugne locus queritur. At Benedicti oculi etsi dumorum aspectu pauidi, non tamen fugitiui. Neque vllus cūctationi locus in eo cōsilio, quod non potest laudari nisi præactum, Mox enim Benedictus, post amarulentos in carnem iocos, piè iratus & sanctè crudelis, vultum assueuerat, virum se gerit, & lacinijs deuēstir, neque latus obdit, vt olim pugiles, sed toto corpore ad veprium ictus expositus, nullam partem spinero interdicit. Et videte quam non hæreat, quam secum non multa putet, quam sibi non ignoscat: Melius est, inquit, corpus ardeat quam animus, laceretur illud quam iste. Vix hæc fatus, inerme corpus & nudum, hilari iactu in horridum dumentum præcipitat, & sacros artus horrentibus vndique paliuris fortissimè induit. Currunt ex omni parte cruoris riui, & virides spinarum gladios liberaliter purpurant.

### §. IV.

**H** Vc iam oculos, & spectate mihi purpureum corpus in mucronato hoc lectulo. Hunc & aures, non quæ lamenta & questus, sed quæ herois iniunctas voces audiant & adorent. Iacer inter spinarum scorpiones; non lacrymar, non ciulat; nec ingemit quidem. Sed ipse sui tortor & spectator, quod olim gladiatoribus Romani: *Repete istum, repete;* hoc ipse sibi acclamat, & suæ voci obsecundans, transfixa membra magis versat, & quasi extricando se laboret, altius intricat, sentesque toto & pro-



profundo corpore admittit, & noua vulnera infligit, siue ampliatur antiqua. Nec satis. Corpus quod vepres, etiam verba lancinant: iam, mi carere aqualicula, inquit heros, iam voluntari licet & satiari. Explicat tenellos artus, amplexare hos flores, & petulantia tua hic indulge, quantum satis. Tandem uti solebant Quirites victo gladiatore, exclamat, *Hoc habet.*

Ah, Benedicte (sed quid triumphis ingemisco?) o magnè athleta, iam tibi licet vocem illam emittere: *Vici*: & quidem victores gentium, ardores prauos. Et tu ille sapiens es, qui licet vratur, cruciatur, in Phalaridis tauro sit, dicat tamen: *Quam suauis est hoc: quam hoc non curo? beatus sum.* Hæ voces in ipsa officina voluptatis audite, cur ergo incredibiles sint apud eos qui virtutem colunt? Quam bene Seneca: Licet corpus, plenum bona conscientia, stillat, placebit illi ignis, per quem bona fides collucebit, verè.

*Latius est, quoties magno sibi constat HONESTVM.*

Et Christianus doctor hæc consignans Ambrosius: Non frangitur, inquit, sapiens doloribus corporis: sed etiam in ætumnis beatus manet. Etiam & tu Benedicte: imo beatus non mansisses, nisi quam sibi corpus beatitudinem fingit, abiiecisses: Viciisti peccatum, quia transulisti incendium. O rubi, nulli minus quam Benedicto crubescendi! vos Veneri pudorem incussistis & ruborem. Illa in rubis victa, quæ rubos venerat satura. Flammæ ex Idæ rulit in Cassinatem, sed flammis pulsa est; æstuat in voluptates Benedicti animus, sed hic estus vrticarum incendio representus. Sentibus impunè licuit venas rimari, ne merla visceribus libido, penitus medulas sorberet.

## §. V.

**F**ingit Theocritus impurum Cupidinem ab apicula punctum, sentem ad Cytheren rediisse, & voces illas: Perij, mater, occidi; sæpius iterasse. Quam verius ego; Cupidines omnes quotquot Benedicto insultarunt, a suo victore discessisse, nec sine amaro ploratu. Et hoc illud è carduis vallum est, in quo vir sanctus hostem suum, seipsum, ex-

armavit; sanguinem suum senticeto gustandum propinauit, triumphauit Venerem, turpemque ignem frigere iussit Sic miles iste vulnerato corpore animum reddidit invulnerabilem, incendium non quidem evitauit, sed mutauit, mentem seruauit, cum calcavit carnem. Quod si huic pepercisset, tyrannus fuisset in illam. Vulneribus ergo vulnera persanauit, & flammis restinxit flammæ. Iracundis tribulorum manibus corpus obiecit lacerandum, ut ab vredine integrum seruaret animum. Quod si noluisse esse saucio corpore, fuisset animo, & hunc non effecisset sanum, nisi prius insanum illud. Mirum & nouum sanandi genus, sanitatem amittere, & o nouum artificium lucrandi, iacturam facere! quamuis hic nec iactura quidem, nisi luti sanguine mixti, Corporis. Et sit damnum, corpus hoc, quod, Solone teste, cum oritur, putresco; cum viuunt, bellua; cum moriuntur, vermium esca est: sit, inquam damnum, hanc belluam, anescam belluarum? lædere: quantum hoc est, & quam nihil præ victoria quæ ex hoc nascitur. Bis vincit, qui se vincit: neque pulchrior, addo, neque opulentior est victoria, quam de seipso. Innumerabiles sunt qui vrbes, qui populos habuere in potestate, paucissimi qui se. Neque mihi iactes vstulatam dexteram tuam Scæuola. Facesse: talis actor non fuisses, nisi tales spectatores habuisses. Benedictus, Nicetas, sexcenti alij, teste cælo, spectatore Deo, & solo non aspirarunt gloriam, sed profligarunt, tanto illa digniores, quanto minus esse voluerunt. Ite Muri, ite Lucretiæ, vos violentas vobis manus attulistis iam violatæ. Nostri hi athletæ ne violarentur. Non disputo, quo iure sibi vitam eripiat, qui non dedit Benedictus, Nicetas, alij, seruauerunt vitam, vel rectius, viam mortem membris intulerunt, ut animi mortem effugerent, tanto clariores cunctis alijs, quanto fortiores. Secum luctati sunt; spinas & supplicium sibi attemperarunt; pigrum illis visum sudore acquirere, quod possent sanguine; vere perierunt — *pulchram per vulnera mortem?* Mortem, aio; non corporis, sed Cupidinis impuri; mortem omnium vitiorum. Viam ad cælum non voluptariam, non stratam rosas, non quæ plano pede aditur, sed dumis asperam ostenderunt: nec ostenderunt solum;



solum: sed iuerunt illam, perueniunt per illam, quo plerique cupiunt peruenire, non ire. Sinitur nimirum per blandimenta corpus valere, languescere animus. Vegetandus est hic, frangendum illud. Atque uti pugio vetustate obrutus asperatur saxo, & mucro ardere iubetur: sic corpus sæpe quo non vult, stimulis adigendum. Turpe certe est comitari, ut recte Tacitus, virtutem principis non adæquare. Factum Benedicti aut Nicetæ admiramur? & imitari possumus. Neque vlli, Iobō sic proclamante, missio prius indulgetur ex hac militia, quam è vita. Inquietus puer est, imo ipsa inquiet cæcus ille deus, quietos tamē & cæcos ferit, auferendo cæcos facit. Impia sagitta Benedictum tetigit, non prostravit. Infamem sibi repulsam tulit, telumque retulit retusum, imo fractum, & pro victoria lacrimas habuit & pudorem, qui illum extorqueré voluit. Atroximum durum est, inquis, rubos insilire, membra spinis amittere, excire sanguinem. Vis leuiora? *Aude hunc hostem serio sugere, & viciisti.*

## CAPVT II:

## Pugna NICETÆ &amp; Victoria Epici de scripta.

**Æ**DES. Illustissima prorsus fuit, & hæc Benedicti de seipso victoria. Sed nescio quid maioris admirationis habeat, si vincat vnde quaque; victus, quemadmodū vicit NICETAS. Benedictus cū pugnare cæpit pugnam illam, liber fuit & solutus, nec in eo tam bulliens iuuentæ sanguis, neque vlla tunc ei femina blandientes manus iniecit, sed neque vlla suis, oculos illius videret, nullatunc impudica Siren illius aures vulneravit; omnis hostis arderat in animū. At contra NICETAS & oculi, & aures, & manus, & nares, & quicquid in NICETAS vixit, pœnè prius expugnatum fuit lenocinio Voluptatis, quā NICETAS arma circumspiceret. Victus, ligatus (obstupesco) ab hoste oppressus undique, vincendi spe præcisa, vicit tamen, &, ausim dicere, plura potuit quam posset. De milite Lusitano qui dentem pro plumbea glande in hostem bombardæ excusserit, legi: qui linguam dentibus præsectam in hostem blandissimum

expuerit, nec legere me memini, nec audire. Et quis vnquam tuo sanguine pro armis vsus. mirabile certamen, in quo hostem conspuisse vicisse fuit: mirabilis catapulta quæ ore potius abscondit: mirabilis Castitatis triūphus, quem cruentum lingue frustulum obtinuit. **ΠΑΡΤΗΝ.** Mira prorsus, ter mira hic pleraque omnia, & nescio an in omni Romana, Græca, Barbara, Christiana historia, quidquam huic parinueniatur. Et hoc mihi etiam puero stimulos addidit, hanc NICETAS pugnam metro & numeris includere. Placeret audire? aut potius tu lege, audiam ego. Carmen generosi & sani coloris ne expectes; à discipulo scriptum scias, non à magistro: *Legere.*

**E**rgone tanta animos subigit vesania nostras  
Castra mouere foras. aliosque inuadere fines;  
Arma domi bellumque pati, atque in manibus  
hostem?  
Hinc mouet Idalias in nos Cytherea phalanges.

Inde Cupidineis irrumpunt agmina peltis.

Ergo age quisquis adhuc desudas integer alma

Virgo pudicitia, Castumque tueris honorem.  
Sub mea signa veni, certam victoria laurum,  
Certa trophæa dabit, solam ne desine pugnam,  
Inque hostes ferus esto tuos: ego bella docebo  
NICETAS, vires Deus ingeret, arma vorant.

Hic matutino surgebat nobilis auro  
Flosculus, atque alias suauem spirabat odorem

Anterosas, nam Christe tuis noua plantula in hortis

Euiruit, gratam redolens è virgine nardum  
Pectore, cum toto diffusus in ore niteret  
Integritatis honos, & pulchro in corpore virtus

Diuque Parthenijs regnaret gratia libris.

Quid memorem verno conclusum flore virgilem

Cælestemque animum? ipse suis excelsior annis

Ibat, & ingenio præsignis, & indole clarus,  
Nec pietate minor; felix cum fortè procaces  
Non premerent oculi; iam nunc afflata maligne

Vritur aduersis rosa fragrantissima ventis.

Quip.



Quippe ambire omnes, omnes ardere, decorem,  
Amirari oculos, castissimaque ora tueri;  
Denique peius amare, placet puer omnibus, v.  
ni

Displicet ipse sibi, vultque infontissimus vni  
Posse placere Deo, rosa & esse, & nulla videri.

Mox ciet infernas tanta hac constantia tur-  
mas

Coryi vulgus formidatamque Megeram:  
Siccine felicem patimur florere iuuentam  
Quam comitatur amor, quam fama & gloria  
vestit?

Nicetamne meis non posse occumbere telis?  
Cepimus imbellem, si dulce ligamen amoris  
Vertimus in laqueos; annis & viribus infans,  
Ingenio puer est, Stygijs aptissima technis  
Materia, & nostrae seges haud incommoda pra-  
da:

Ipsa ego flammabo Veneres, ego Cypridis arcus  
Ipsa venenabo, nec bellum imbellem mouebo.

Dixit: & efframi tumefacta libidine terras  
Inuehitur, blandumque serit Dea saeva vene-  
num,

Hinc clandestinas ductura in praelia turbas,  
Hinc Paphios raptura greges. Postquam agmi-  
na certo

Effudere loco Cyprias, densa imbre, sagittas:  
Heu mihi quae pugna facies? uno impete le-  
ne

Lenonesque ruunt castrum expugnare pudorem  
Ipse etiam Decius certat, rabidisque rebellem  
Aggreditur furij, & scortum in virgine qua-  
rens

NICETAM insequitur, NICETAM morsibus  
angit.

Qualis odoriferae Spartanâe gente Melam-  
pus

Si quae fames angusta vocat, dominumque fe-  
rina

Delicium inuitat densis erraticis antris  
Militat in praedam, stricteque minatur hia-  
tu.

Sic Decius rictu NICETAM attentat aua-  
ro

Exanimare; iris laudes & laudibus iras  
Suggerit, hinc blandis iuueni sermonibus in-  
stat

Inde metu, tumidaque Ionis ceu fulmine, mi-  
tra.

Iam tua virginea tam rara encomia miles

Deplorata videntur, & intermortua fame,  
Protinus in plumam, lecto religatur eburno,  
Sardanapale tuam, vinciturque inter odoras  
Membra supina rosas, & serica texta tapetes:  
Vincula virgineas nectunt bombycina palmas.  
Ferreâ sint, clamat, vel sint adamantinas:

porro

Mollis olivinis fulcitur culcitra plumis  
Eheu quam malum vitreis incumbere testis:

Hortus erat varijs vestitus honoribus olim  
Ante Semiramios fortunatissimus hortos  
Sive locum, seu dona loci tuearis, amæno  
Peruius aspectu, roseis huc gratia gemmis  
Nimpharumque chorus, Venerumque exercitus  
vnam

Deuenero domum, viuis argentea pratis  
Sidera resplendent, & mollis amaranthus albis  
Crimitur violis rubras noua lilia lambunt

Intermixta rosas, suauisque fruuntur amomo  
Hic passim pingues Panchaia nutrit odores

Totaque mellifluis interuiret Hybla rosetis,  
Purpureas Narcissus opes, Hyacinthus eburnas  
Certatim ostendunt, & grato errore duellant.

Haud procul arboreis illudis blandula scenis  
Et pariter dulces obshibilat aura susurros.

Passim hedera serpunt, grauida que in collibus  
vua

Maturantur, & arboribus circum intexun-  
tur:

Celsior erectam contra decertat oliuam  
Cedrus, odoriferam diffundit amygdalus um-  
bram:

Garrula quas inter ludentibus undula lym-  
phis

Ambulat, & querulos collidit rore lapillos

Ductus aquae dulcis, nec soli sacra palato

Fistula, demissis stat peruius humor ocellis.

Hic Zephyrique Eurique iocos, hic bella Fauo-  
ni

Æstatisque domos, & veris regna videres,

Heu loca grata alijs, soli loca iniqua Pudori

Quippe ubi NICETAS blandis cum frau-  
de catenis

Ductus in hortenses prosternebatur odores,

Continuè totis florum lascinia castris

Militat in iuuenem, & male sano corpus amo-  
mo

Afflat odoriferi redolens fragrantia lecti.

In scelus aspirant aureque, & stridula tortis

Flumina vorticibus pictis erraticis riuis.

H h b

Quid



Quid facies tanto miles fortissime bello?  
 Arma aciemque vides in te conuersa; sed arma,  
 Heu nulla arma vides pro te! Qua machina blandas  
 Abrumpet pedicas? qua vis bombycina franget  
 Vincula farræ dolis? nullo manus obuia ferro est.  
 Fune ligata manus, Samsonis robur haberet,  
 Rumperet irato fallacia fila lacerto,  
 Non habet, & proprijs exuta eluditur armis.  
 Porro ubi mentito iuuenis diademate victus  
 Et prope victus erat, petulanti femina vultu  
 Insuper adrepat, stygia non degener hydra  
 Femina, lasciuus importunissima verbis.  
 Monstrum horrendum, ingens, tot sanctæ spicula menti  
 Quot mala verba iacit: nunquam sic flamma noceret  
 Missa oculis Basiliscæ tuis, quam mollia lena  
 Heu scelus! alloquitur, oculum male facta venenum  
 Parturit, & præsentem inspirat vipera mortem.  
 Quid facis infelix? quibus amolire malignam  
 Pestem armis: quæque arte feram certabis in hydram?  
 Nulli adeo extremo stetit intermortua bello  
 Quam tibi liberta; hem ludicra pascis inanes  
 Fabula Syrenes, & nulla relinquitur orba  
 Virtutis species oculos aperire, perire est.  
 Et laqueum reperire oculis, hos claudere, frustra;  
 Viraque reclusa est auris, satis ampla veneno  
 Ianua femineo: nec ceram pauper Ulysses  
 Extremum medicamen habet; nec carcere vincit  
 Auribus auxilium spondent & opercula palme,  
 Nulla manus pugnis, nullis pes calcibus hostes  
 Proturbare valent; ipsi inter bisina sudant  
 Vincula, compedibus cœu luctarentur ahenis.  
 Desperata tua iuuenis castissime dixi  
 Serta pudicitie, tantisque his molibus unum  
 Expugnari animum & Cyprijs succumbere tellis.  
 Non ita Romano vecors homicida duello  
 Angitur inter aquas, geminis dum moribus

urgent  
 Et canis & serpens, cristatoque addita gallo  
 Simia: maiores (olim impeneirabilis) hostes  
 Sustinet integritas, nec spes super vlla saluti.  
 Quidquid agat (cane pressa fera est, indagine cincta)  
 Frustra agit, Ionio passim puer imminet arcu,  
 Atque Cupidineis admixta venena sagittis  
 Proximus inorquet: solum victoria plausum  
 Hactenus expectat, magnæque Venus fruitur spe:  
 Iamque suo iactat sese lasciuia theatro,  
 Letheosque canit versus, & carmine dirum  
 Non ignara mali celebrat victrix Hymenæum.  
 Atqui inconsultum mulier sine fronte triumphum,  
 Turpis Erynnis agit, nam qua viciisse superba  
 Crediderat, victa est, dubia prope fessus arena  
 Nobilis athletes calo tutore secundum  
 Repperit auxilium, repperit qua victor iniquam  
 Arte triumpharet lasciuo pectore lenam.  
 Namque ubi vicinis obseptus ubique periculis  
 Iam dare iamque manus mox cogebatur inermes:  
 Quin, ait ipse sibi, prorumpis & arma requiris.  
 Lase pudor, dabit arma dolor, dabit arma voluntas.  
 At frustra in vinculis gladium quæsieris; vana  
 Forte tibi teneris non fascinat improba filis  
 Linguam mollities, ergo hac pudor utere lingua  
 Pro gladio quocunque potes, tibi maior honesta est  
 Cura pudicitia, quam vana gloria lingue.  
 Dixit, & admorsam generoso vulnere linguam  
 Demetit, inque lupa turpem vomit oscula frontem  
 Oscula sanguineo effrontem pingentia riuo:  
 Macte animi iuuenis, magnæque amplissima fame  
 Materia, & sanctis nostrorum annalibus vnus  
 Annuerande ducum, stygium qui viribus hostem  
 Et Phlegethonteos tanto in certamine funes  
 Innictio rupisti animo, qui talibus ausis



*Partheniumque decus, libertatemque perennem  
Seruasti innocuam, doctus pro fenore vitam  
Virgineo posuisti tuam, tu spicula torto  
Librasti neruo, faucesque fuere pharetra.  
Lingua sagitta fuit Paphique diremptio belli,  
Amo corona fuit, tanti fuit ausa triumpho.*

*ÆDES. Ô NICETA! Ô Victor gloriosissime!*  
quit omnibus retro sæculis oblitescendus,  
in omnem posthumam memoriam omni post  
æuo colendus & venerandus, omnium vocibus  
es decantandus.

Sed, ain' tu hoc carmen discipuli? cras credam, hodie non. In os, mi Partheni, te laudare non cogito, ne, palpem. Somniasti feliciter in bicipiti Parnasso. PARTH. Mitamus hæc somnia, & ad rem redeamus. Nemo nostrum NICETAS erit, si sciamus solum, in hoc Circo vicisse alios, nisi & arrem calceamus, qua & ipsi vincamus. Disseruimus super *Inuitamenti & Effectibus Incontinentiæ*, restant *Antidota*. Tenes bellos illos & rotundos versiculos: sed non tales Nasoni aut Maroni, sunt isti:

*Lectio, Flagra, Preces, Confessio, Lympha, Labores,*

*Portarum excubie, Christi presentia, Poena.*  
Ne videamur, vt iam supra monebas, Arabice loqui, voces singulas exponamus. Hic omne Incontinentiæ pharmacum, velut in nunc Ilias continentur: Ordiamur.

## CAPVT III.

*Primum INCONTINENTIAE pharmacum, LECTIO SACRA.*

**P**Arum erit, Adestime, libros impuros amouisse, nisi & meliores substituamus: nec virtutis est, noxia non legere, si profutura speramus. Piorum libellorum lectio, tam utilis quam necessaria est. Cum oramus, cum Deo loquimur; quanto legimus. Deus loquitur nobiscum. Lectio sacra pharmacopolium est, è quo suam cuique vitio medicinam petamus. Conciones, statim dumtaxat, & non nisi festis diebus nos erudiunt: à libris; taciturnis his concionatoribus, quotidie doceri possumus: imò debemus. Segerè non colliget, qui per plures hebdomades, vnâ alteramve tantû spiculam infert horreo: nec multum pietatis

addisces è libris, qui eos vix sapius quam menstrua lectione consuluerit. Quod si simplici vice parcius, sapius tamen pij aliquid legendum est. Ægrotis in hoc non absimiles sumus: ne bibant ij largius vno ductu, iubentur frequentius bibere. Ita nos non multa simul ingeramus, sed multum. *ÆDES.* Hoc non satis assequor. PARTH. Breuiter explicatius id tradam. Hoc iam ago, crebram, imò quotidianam lectionem sacram esse vtilissimam.

D. Bernardus, elegantis ingenij, & admiranda doctrinae antistes, multa illustra, quædam etiam panè diuina scripsit, nullo aium magistro vsum: sola precandi & lectitandi assiduitate, ad hoc eruditionis culmen ascendit. Vt legeret, intelligendi fecit cupiditas; vt intelligeret, oratio impetrauit; vt verò impetraret, quid nisi vitæ sanctitas promeruit? Sic cupiat, sic oret, sic & viuatur, qui sic proficere desiderat. Soli ferè lectioni sacræ debemus duos illustres Patriarchas Dominicum & Ignatium; quorum ille sanctitatis suæ primordium, Collationibus Patrum; iste Vitæ Sanctorum iure adscribat. Vtrumque non mutauit tantum pia lectio, sed alios fecit homines.

Audierat Magnus ille Antonius, ex Euangelio legi: *b Vade, vende quæ habes & da pauperibus, & habebis thesaurum in cælo: & veni, sequere me.* Hic ille cælesti oraculo sibi hoc dictum interpretatus, mox rebus caducis æternum Vale dixit, & Mundum res sibi suas habere iussit. Illud ingenij miraculum Augustinus, Augustinus certè nunquam fuisset, nisi talis esse cepisset à Sacra lectione. Ipse de se testis: *c Sentiebā, inquit, me ab ijs teneri (vitæ suæ sordes accusari) & iactabam voces miserabiles: quamdiu, quamdiu, cras, & cras? quare non modò, quare non hac hora finis turpitudinis meæ? Dicebam hæc, & flebam amarissima contritione cordis mei. Et ecce audio vocem de vicina domo cum cantu dicentis & crebro repetentis quasi pueri, an puellæ, nescio: TOLLE, LEGE: TOLLE. LEGE.*

Nec distulit; arripuit sacrum codicem, aperuit, legitque quo primum coniecti erant oculi: Non in cubilibus & impudicijs, non in contentione & æmulatione? Sed induimini dominum nostrum Iesum Christum, & carnis curam ne feceritis in desiderijs. Hic



legenti pectori lux admiranda sese infudit,  
& prior Augustinus esse desijt; vbi nouus cœ-  
pit.

O quoties otiosis illis fabulatoribus occi-  
nendum hoc ipsum: *TOLLE, LEGE: TOL-  
LE, LEGE.* Libellum pium arripe somniculo-  
se cessator; inspicere, lege aliquid, ostende sis  
te oculos nondum perdidisse. Quid totos dies  
vanissimis colloquijs comburis.

a *Aug. in Psal. 65.*

b *Matth. cap. 19 v. 21.*

c *Lib. 7. conf. cap. 12.*

d *Ad Rom. c. 13. v. 13.*

### § I.

**C**om mendat sacra pagina quæstorem  
Candaces Æthiopum Reginæ, ab indu-  
stria sacrae lectionis: *Et reueriebatur sedens su-  
per currum suum, legensque Isaiam Prophetam*  
a. Mirantur Chrysostomus & Hieronymus, b  
tam pium tæque sedulū legendi studium: En,  
aiunt, homo barbarus, distentus curis, septus  
vnde quaque negotijs, cogitationibus innume-  
ris inuolutus, legebat tamen, & quamuis non  
intelligeret quem legebat, nihilominus tamen  
legebat, id quæ in via, in curru. Si talis in ip-  
so itinere, qualis in quiete domi fuisse creden-  
dus est? Nec defuere Principes, Reges, Im-  
peratores, qui hanc ipsam viam præiuerint il-  
lustri exemplo. Nota est Theodosij Imperato-  
ris Iunioris vigilantissima lampas, c quam  
adeo artificiosa concinnauit manus, vt certis  
libramētis monita mota quæ suum ipsa sibi  
pabulum sufficeret, nec alienas vocaret manus  
quæ oleum affunderent, sed ad domini sui  
peruigiles lectiones non interrupta seruiret  
flamma. Noluī, lectionis studiosissimus  
Princeps, vlli suorum famulorum somnum  
frangere, qui suum sibi in multā sæpe noctem  
omnino adimebat. Alphonsus Aragoniæ Rex,  
non minus sacrae lectionis audius, vtrum quæ  
Testamentum, vetus nouum quæ, quater de-  
cies (repeto) quater decies, neque cursim  
aut obiter, sed presso vestigio, & vna cum  
commentarijs euoluit. Quid nos, Adestime,  
quid simile præstamus? in Regum & Cæsarum  
manibus sacros codices spectamus, & nos o-  
tiosiuli, tot bonas horas tam malè perdimus,  
quas vtilissimè lectioni piorum libellorum  
impenderemus.

Scriptis Magni Antonij res gestas Athana-  
sius, ille per Orbem, Christi causa, exul  
& profugus. Legit hoc scriptum & Augu-  
stinus, atque alto spiritu de eo id pronuncia-  
uit: Quid est hoc? quid audisti? surgunt in-  
docti & cælum rapiunt: & nos cum doctrinis  
nostris sine corde, ecce vbi volutamur in car-  
ne & sanguine: an quia præcesserunt pudet  
sequi d? Eiusdem Beati Antonij vita, duobus  
ex Imperatoris Theodosij aula, sanctiorem  
vitam persuasit, tam celeri quàm admi-  
bili prorsus metamorphosi. Mens ijs erat  
horas pomeridianas deambulando frangere.  
Atque dum hi dæo apricis vagantur campis,  
æstui declinando ad monasteriolum egenum  
deflectunt. Ingressiuntur, pauperrimam su-  
pellectilem otiosè circumspiciunt. hic alter  
fortè fortuna beati Antonij vitam languida  
manu prehendit, aperire, inspicere curiositas  
suasit: etiam legere cepit fallendo tempori.  
Miratur primò, substitit aliquoties, medita-  
tur nonnihil, delectari incipit, paulatim tra-  
hitur, sensim inflammatur, eademum lectio-  
ne sic incaluit aulicus hic lector, vt defixis  
in socium oculis: quæso te, inquit, quid am-  
biant vniuersi labores nostri? altius fasti-  
gium omnis spes nostra non habet, quàm  
gratiam Cæsaris, & istud quamdiu? per quot  
pericula itur ad periculum grandius? Mundi  
mancia sumus, & sæpe diaboli Martyres  
simus, & vbi ætatem, valetudinem, vitam  
impenderimus vanissimo huic otio, quod in-  
de nobis præmium? Amicus Dei si fieri volo,  
nunc esse quæo. Dixit, iterumque legere cœ-  
pit, arduum quid voluens animo. Tandem  
exclamat: Abrupi, seruire Deo iam statui, id-  
quæ hac ipsa hora, hoc ipso loco aggrediar.  
Et ad socium; libetne, inquit, domine, adiun-  
gi & imitari? saltē ne aduersari velis: non  
muto. Cui alter: Comes ero indiuiduus; vs-  
que sequar te. Cœperunt bene, sanctè perse-  
uerarunt, optimè finierunt. Sponsas habebant  
ambo, quæ mutatione hac admiranda & ipsa  
mutatæ, deuota Deo virginitate, in cœlestes  
thalamos denupserunt. Hæc tanto credibi-  
lora, quanto testis locupletior Augusti-  
nus. e

a *Act. cap. 8. v. 38.*

b *Chrys. hom. de Lazaro, Hiero. epist. 130.*  
ad Paulin.

c *Nice.*



c Niceph. lib. 14. cap. 3.

d Lib. 8. confess. ca. 8.

e Lib. 8. conf. ca. 6.

## §. II.

**E**N mi Aedime, quid in mentem hominis possit pia lectio. Verissimum est effatum Augustini: Cum legimus, Deus nobiscum loquitur. Qui legendo nil proficit, ne dicat, secum Deum non loqui, sed Deum loquentem à se non audiri. Qualis rerum lectio, talis legentium profectus: non tam multa legenda sunt quam vtilia. Maronem & Cicetonem non aio penitus abdicandos, sed Thomam à Kempis aliosque scriptores esse miscendos, ne ad Christi tribunal cum Hieronymo Ciceroniani accusemur potius, quam Christiani. Augustinus inter Dialecticos Sophistas diu indagauit verum, quod non solum illic non reperit, sed in Manichæum etiam delirium incidit; nec ab hoc prius respuit, quam Pauli Tarsensis epistolas legit.

ADES. Quos ergo potissimum legendos suades? vix est, quin plurimi adolescentum atque iuuenum in librorum delectu grauiter errent, neque enim in libris idem esse puto quod in cibus, vt ij plurimum nutrant, qui maximè sapiant. PARTHEN. Rectè sentis; non ad gustum, sed fructum, legendum est, neque vt doctiores inde fiamus, sed vt meliores. Piorum librorum equidem hoc æuo magnus est numerus, & qui in dies auget. Sed en, breuissimum tibi syllabum do eorum librorum, quos ego Adolescentibus, Iuuenibus, Viris, præ millenis alijs vtilissimos censeo:

I. Stimuli Virtutum.

II. Considerationes de Aeternitate.

III. De imitatione Beatissimæ Virginis Mariæ.

Vltimum horum scripsit Franciscus Arias, cuius viri alia itidem opuscula omnia tibi commendo. Sed primus sit, quem primo loco nominavi, *Stimulus Virtutum*: de quo hoc sentio, nescire me quis è plurimis Orbis bibliothecis videri debeat præ isto iuuenibus vtilior. Ita primus sit iste: ab hoc ad alterum progredere, & illi fundamento, *ÆTERNITATEM* impone. Verum, cum illos paucos suadeo, non nego alios itidem vtilissimos le-

ctu esse, vt sunt, Dux peccatorum Ludouici Granatæ, & ipsius alij eruditè sanè & pij libri; Praxis spiritualis Antonij de Sales; Imitatio Christi Thomæ à Kempis; Vitæ Sanctorum à Zacharia Lippeloo scriptæ; Zodiacus Christianus de XII. Prædestinationis signis; Horologium Auxiliaris tutelæ angeli; Ascensio mentis in Deum Roberti Cardinalis Bellarmini; Eiusdem de Aeterna felicitate Sanctorum; Eiusdem de gemitu Columbæ; Eiusdem ars moriendi; Albertus Magnus, vel Iacobus Aluarez de Virtutibus; Lucæ Pinelli pars prima & secunda Operum spiritualium; Manuale Sodalitatis à Francisco Veron editum; Francisci Bruni partes quatuor de Beatissima Virgine, Vita & morte Christi; Ludouici de Ponte partes sex meditationum. En cumulum, & paucos nominatu selige. Plerosque illorum & leui sumptu emes, & lectione breui euolues. Ita fac Aedime: mei te consilij non pœnitebit. **ADES.** Parebo: sed à te legendi leges etiam expecto. Paucas dabo, nec plures, quam liberos. Tria mihi maximè in lectione sacra videntur cauenda.

I. Celeritas.

II. Varietas.

III. Vanitas.

Et ne ænigmata putes esse hæc nomina, explico.

## §. III.

**P**ro Lectoriante omnia, & primò cauenda est *Celeritas*. Dixi iam: non multa sed multum legat, qui profectum amat. Apage mihi Lectores illos, qui per libros volant, vt gallus gallinaceus per prunas raptim multa euoluunt, nusquam insistent, nihil meditare legunt. Sacra lectio penicillata sit, & crebrius interrupta, vt quod legeris, meditando expendas, & recolendo melius intelligas. Sunt qui non edunt, sed vorant, & vt de ijs propriè Plautus, tubercinantur, grandes bolos properanter ingerunt, nec mandunt; sed mox deglutiunt. His cibus non tam alimento est quam detrimento: ita qui multum ingerit legendo, nihil antem digerit expendendo, viciose legit, & cum noxa. Pluuia est quam Stillam vocant, quæ cælo placidè & guttatim rorante,

Hh 3 teriam



terram facundo illapsu penetrat: nimbus vehemens & subitus, plerumque parum fertilitatis adfert: ita lectio properata, meditatiunculis non distincta, velut repentinus imber, animum ad fecunditatem non irrigat, sed obruit & non penetrat. Si quid legis, quod formandæ vitæ magis faciat, patere obsecro ut penetret: cogita num ad id temporis talis fueris, num futurus sis talis. frustra legis si non peniculatè legas.

Deinde VARIETAS, in omni pœnè lectione improbanda. Ferculorum multitudo, multis ceteroqui sanis valetudinem adimit; multitudo pharmacorum plurimis iam ægrotis, vitam præscindit: Sic omnino librorum fastidiosa varietas, solidum profectum impedit. Vagum & instabile quid habet, omnis generis voluminum lectio. Nusquam est qui vbiq; est; sed nec sanitati conducit remedium crebra mutatio. Fastidientis est stomachi, multa degustare, quæ vbi varia sunt & diuersa, multa fercula faciunt: ita & lectoris vitium est voluptatem potius in libris quærere, quam utilitatem. Hos tales Polybius cætilionibus, & gulosis conuiuiis æquiparat, qui appositos cibos variè & carptim delibantes, neque in præsentia voluptatem solidam, neque fructum aut alimoniam in posterum ferunt. Ita legamus, mi Ædesime, ut non quæ sapiunt, sed quæ instruunt & prosunt; vtilia magis quàm plausibilia sectemur.

Sed & VANITAS in legendis libris damnanda, Vanitatem voco, legere, non ut facias, sed ut scias; scholæ discere, non vitæ. Ah, mi Ædesime, scire nostrum cælo non probabitur sed nostrum *facere*. Quid multa lego, si facturus non sum, quæ legi. Quid iuuat sacra lectio, si profana sit nostra omnis actio; quid pios codices terimus, si nullam in nobis pietatis imaginem exprimimus? quid præcepta Castitatis accipio, si ea sequi reculo? Sacra lectio nunquam ordiendi est sine ingenuo firmoque animi decreto, exequendi quacunque in re, quicquid faciendum vel omittendum instinctus diuini per librum dictarint. Angelus coram Ezechiele & Ioanne, non solum librum expandit, a sed illos etiam comedere volumen iussit, & visceribus abdere. Vanissima lectio est quam opus non consignat. Post lectionem tales incipiamus esse, quales

esse præcepit liber. Alioqui copiosum spargimus semen, & nulla messis sequitur. Et malè illi, qui facienda sciuerit tantum, non fecerit. Hortatus nos Christus: Ille, inquit, seruus qui cognouit voluntatem domini sui, & non preparauit, & non fecit secundum voluntatem eius, vapulabit multis. b

a Ezech. c. 3. v. 1. Apoc. c. 10. v. 9.

b Luc. ca. 12. v. 47.

#### S. IV.

**B**eatissima Virgo, Domini Mater (cuius sanctissimos mores nullus vnquam satis laudauerit,) à nona dici hora, ad primam usque faciem diuinas paginas perlegit, plusque profuit (ut Sabellicus loquitur) vni virguncula, singularis lectio, ad beatitatem & decus, quàm omnibus sapientibus omnes bibliothecæ.

Syluia Rufina Alexandria Præfecti filia in Thebaidis solitudine, id adepta est assidua lectione, ut non sola sibi esse videretur, cum maximè sola esset, & quorum virtutes legebat, illas ad profectum æmulata, in se conabatur effingere.

Alcibiades iuuenis (vtri memorant) scholam olim ingressus, Iliadem Homeri à magistro petere instituit. Negauit Magister eius libri copiam sibi esse. Cui audax iuuenis non verba sed colaphum rependit atque abiit, hoc vnum apud se musian: Ludimagister sit, & Homerum non habeat? Forlan, mi Ædesime, Beatissimæ Virginis sodales reperiatis, quos si interrogas, num libellum de Imitatione Christi lectione, etiam habere se negabunt. An non & his iure obicias: sodales sunt, & sacrum hunc scriptorem non habeant? Non potest esse maior vitiositas, quàm optimis esse inimicum. Alphonfus olim eximius ille regum interrogatus, qui essent optimi consiliarij? Mortui, respondit, libros scilicet intelligens, qui nihil blandientes, nihil celantes, veritatem & institutionem sinceris documentis expriment.

Sanus esse vix potest qui salubres cibos auersatus, gulam suam in cerasa & omne genus pomi effundit: ita nec sanctus erit, qui pios libellos exosus, audiendis aut lectitandis sabelhis se pascit. Vtilia & pia legenda sunt, & nisi ea crebro legantur, nec utilitatem nobis,



bis, nec pietatem conciliabunt. Atque hoc dicere habui de prima vōcula versiculi (LECTIO) sequitur altera (FLAGRA) ADES. Iam mihi tergum horret. Sed perge, mi Partheni: nondum desij attentus esse.

## CAPVT IV.

Secundum INCONTINENTIAE antidotum, CORPORIS AFFLICTATIO.

**P**ARTHENIUS. *Resistite diabolo, & fugiet à vobis a.* Aedesime, Castimonia sine bello nulla est, pugnare non vis? Castitatem non amas. Res gestas omnium Sanctorum inspicere, pugnas videbis admirabiles. Vix vlli non magno stetit sua Castitas. Notum illud D. Chrysostomi: Virgo à bello nunquam cessat. Hostis tam blandus & subdolis, quam propinquus est. Quisque sibi non solum vicinissimus est hostis, sed & pessimus. Diabolus & Mundus licet totis nos castris oppugnent, frustra sunt, si proditor inquilinus, eorum parti non faueat. Nec ignorat cacodæmon, victorias suas poenè omnes carni referèdas in acceptis. Facili molimine vincit dominam *Rationem*, si expugnauerit ancillam *carnem*. Hæc sui amore stultissimo decepta, vt aliquot mellis guttulas emat, cælum vendit: æternum perire non curat, modo ei suauè sit pauxillo temporis. Insaniam hanc extremè damnans Siracides: Quid, inquit nequius quam quod excogitauit caro & sanguis? *b*

Hic mihi Iahalem, Cinzæam feminam, tam dolis quam manu robustam considera. Ad tentorium illius venerat, militiæ Dux Sisara, bello iam fractus, & ex fugâ fessus. Iahel in occursum egressa, suavi verborum fuco, & blandissimis benevolentia figmentis hominem inuitans: Ingredere, inquit, mi domine, non est quod formides ingredere. Ille, perinde si bos macellum subeat, ingressus, frigidam petere institit. Illa, velut in hospitem vltra preces liberalior, etiam lac propinauit, & pellibus contextum, ad somnum suauiter composuit. Sic sopitum & iam atius dormientem aggressa, trabalem ei clauum trans tempora adegit. Ita miser somnum quem cepit, necdum finijt. Iaheli simil-

lima, imò peior illa, est *Caro* nostra, petulans, procax, fallaciarum plenissima, & mille versutijs ad decipiendum instructissima, animo sitienti lacteam propinat promulsidem, varias *Carnis* oblectationes & voluptates ingerit. Et quamuis hæc porio letali toxico sit mista, tamen est grata estuanti animo quem & pellibus coopert conciliandi sopori. Hic genius *Carnis* est, mollia semper & delectabilia offerre, reijcere quidquid asperum aut laboriosum. His lenocinijs Magnus ille dux *Animus* in somnum datur, dum dormit, fuisse rebus tam nihil inuigilat, trabali luxuriæ clauo ad terram affigitur & occiditur. O Sisaram. ô Animû miserimum! ita & somnum, & mortem simul incipis, & quidem æternâ.

O Aedesime, nō hic arripimus flagra, & nequissimam hanc decepticem, prout meretur, contundimus? *Cibaria, & virga, & onus asino: panis & disciplina, & opus seruo: operatur in disciplina & quarit requiescere, laxa manus illi, & quarit libertatem. d*

*a* Iac. cap. 4. v. 7.

*b* Eccli. c. v. 30.

*c* Iudic. c. 4. v. 18. & seqq.

*d* Eccli. cap. 33. v. 25.

## S. I.

**N**Arrat Plutarchus, a Agasone ab irato iam iam percutiendum exclamasse: Atheniensis sum, Atheniensis sum, Ille ira in asinum callidè versa: Tu verò, inquit, Atheniensis non es. Mox miserum immentum liberali fustuario multauit. *Animus* noster originem, è cælo trahit, hæc ei patria, hic ciuis est: *Caro* terræ filia, sordidissimis prodit natalibus. Et quid ei tamen parcimus? Atheniensis non est, è cælo non est, *Animus* est. Cur ergo in hoc iumentum tam faciles & benigni sumus: vitiosa hæc & fatua est mansuetudo. Sed, modo *Carni* bene sit, modò huic iucunda & mollia non subtrahantur, modò plagas euadat *Caro*: sordescat *Animus*, pereat; quid refert?

Hic patria omnino facimus Neronis matris Agrippinæ. Consulenti huic super Nerone filio, responderunt Chaldei, fore vt imperaret, matremque occideret. Atque illa impiè: Occidat, inquit, dū imperet. *b* Ita nos in *Carnem* damno nostro indulgentes & placidi, scommate impio sanctissimos monitores eludimus.



dimus. Monet Christus, clamant Prophetæ, Apostoli hortantur. Virgent Ecclesiastæ, Diui omnes exemplo docent: non secundum carnem ambulandum, sed secundum spiritum. Prudentiam carnis mortem esse: sapientiam carnis inimicam esse Deo: eos qui in carne sunt, Deo placere non posse: debitores nos esse non carni, vt secundum carnem vivamus: morituros nos, si secundum carnem vixerimus, si autem spiritu facta carnis mortificauerimus, victuros. Quid nos ad hæc? Moriar, peream, occidat; modo imperet *Caro*, modo sua omnia salua sint carni, quidquid fiat animo. Redcunt monitores illi & contentius exhortantur: Carnis curam ne feceritis in desiderijs: *a* Caro & sanguis regnum Dei possidere non possunt, *e* mundemus nos ab omni inquinamento carnis *f* Spiritu ambulate, & desideria carnis non perficietis. Manifesta sunt opera carnis, quæ sunt fornicatio, immunditia, impudicitia, luxuria, &c. fructus spiritus est Charitas, Continentia, Castitas, &c. Qui autem sunt Christi, carnem suam crucifixerunt cum vitijs & concupiscentijs. Hæc audimus, O *Ædesime*, & adhuc differimus flagra, & carnem mulcemus? nimirum asinum missione donamus, & imputissimè dimittimus; Angelorum ciuem, Animum, heu pessundamus nequissimis blandimentis: *Virga, & onus asino, virga, virga.*

*a* Flutarch. de Ira.

*b* Tractatus l. 4. annal. post initium.

*c* Ad Rom. c. 8. v. 4. 6. 7. 8. 12. 15.

*d* Ad Rom. cap. 13. v. 14.

*e* 1. Corinth. cap. 13. v. 50.

*f* 2. Corinth. cap. 7. v. 1. Gal. c. 5. v. 16. 19. 22.

24.

## §. II.

**I**N mari si quando Nauachus eminens prospiciat, aut Maurorum Liburnicam, aut Turcarum tiremè, celerissimo cursu contra se ferri. si se viribus imparem sentiat, & fugam capeffendam cogitet, mox ad remiges aduolat, quos lentiores deprehendat, aut remigare non velle, lorum seu flagellum, quàm primum corripit, & horribili frementis voce, identidem clamat: *remiga canis, remiga, remiga.* Si nec flagrorum metus, operis celeritatem persuadeat, ponit flagrum Naucerus, & gladium stringit: nec multa pratatur, mox

contumaciori manum aut brachium amputat. Dein proximum quemque priori carmine salutat: *remiga canis, remiga, remiga.* Et nos, mi *Ædesime*, in mari sumus procelloso, furibundo, ventis & fluctibus in ludibrium expositi: hic syrtes, hic scopuli, hic scyllæ & charybdes interitum minantur. Cum vndique eluctamur, piratæ cingunt, qui hoc vnum agunt, vt viam ad cælum præcludant. Inter pericula hæc innumera, Caro contumax, perfida, quietis & ouij amantissima, puluillos & lectulos circumspicit, non nisi ferias & delicias quarit, periculorum secunda & incogitans, lusibus & nequitijs incumbit. Et cur hic non viri sumus? quid cessamus? cur non flagellis & loris ad remigandum bestiam adigimus? cur non vociferamur *vapula Caro, vapula pecus, vapula, vapula.* Aliter certè hoc vile mancipium tractandum non est. Parua corpori facta indulgentia, rapit & euertit dominium rationis. Disceat ergo subesse & feruire, laborare disceat, & Castimoniam tueri; sed hoc ei rationibus aut blanditijs non persuadebitur: verberibus & vi agendum est.

Indigna res, Sanctissimi viri Castitati tuenda accerrimè luctantur? Benedictus inter vepres, inter niues Franciscus, in lacu frigidissimo Bernardus, sexcenti alij totas horas, dies pœnè totos flagellis & loris se lacerant, a vt suam sibi Castitatem defendant. Vnus Dominicus Loricatus, b vna solum quadragesima (plures autem habebat annuas) toties & ad preces tam prolixas se virgis atque loris accerrimè cecidit, vt incussum verberum numerus, ad quadraginta quinque millium excreceret. Et nos in periculis longè grauioribus, quàm illi tales constituti, ad omnem inertiam & languorem proni dissuimus: cum quæ ambabus ferendum esset, timidissimè parcimus. Ita ex facili à libidine triumphamus. Ah, mortales, hæc via non est ad astra, ad cælum non est. Et quæ forte, *Ædesime*, nomina mihi è tot millenis millibus Sanctorum vel vnicum, qui suo corpori non fuerit noverca, qui non illud parçè ac duriter aluerit, & exercuerit ad omnem tolerantiam. Dominicus, quem dixi, Loricatus solebat dicere, se ad hoc verberationis voluntariæ fastigium paulatim ascendisse. Idem cuius alteri, epitulante Deo, posse contingere. Vt enim per uigilijs assuesceret, vigilare cœpisse: nam somnus,



somnus, aiebat, inuitat somnum, & ex vigilijs facilius trahuntur vigiliæ, sic abstinendo discimus abstinere. Ergo incipiendum est: difficilia sunt quidem initia, sed à cœptis non statim resiliendum; progressus est facilior. Tu, ne cede malis — hic aude, aut Castitatem perdis. Vfus certè flagellorum duo habet eximia. Primum est: carnis petulantiam nimium subfultantem velut asperum frenum insigniter coërcet. Alterum: Christi, flagellis cæsi, spinis redimiti, in crucem acti cruciatus nemo satis cogitat, qui flagella, doloresque similes non gestat. Quod si funiculos nostros, nec irata quidem manu incussos, adeò tamen sentimus, iam cogita qui hostiles dextræ hamatis loris armatæ, in Domini corpus sauerint. Mare dolorum fuit; infandis cruciatibus. Ergo licet morigeram quis carnem habeat, si tamen patientis Christi summos dolores serio velit perpendere, exiguo ipse non respuet, vtetur flagris, quæ Dominus in nostros vsus, suo iam sanguine sacrauit. Nobis dictum putemus à Salomone: *c* Noli subtrahere à puero disciplinam: si enim percusseris eum virga, non morietur. Tu virga percuties eum, & animam eius de inferno liberabis.

*a* Vide Iacob. Gret. ser. de disciplin.

*b* Pet. Dam. Surius tom. 5. ad 14. Octob. in vita.

*c* Prov. cap. 23. v. 13.

## §. III.

**Q** Vandoque tamen flagellis præferenda sunt cilicia. Subinde caro lentis rigoribus trangenda est, hoc cameuniæ vestes & cilicia præstant. Hæc molestæ tunicæ olim plurimi vsus fuerunt, etiam in præcæ lege. Nec plebi tantum, sed & regibus vsitatæ. Achab, David Ioram, alijque reges hanc hispidam vestem, ad carnem indutui gesserunt. Illud Hebræum sidus Iuditha, castitatem atque pudicitiam suam cilicio insigniore fecit & tutiorem. In lege nouâ apud sanctissimos viros feminalque nil vsitatus his ipsis asperis indusijs. Omnis ætatis, ordinis, status, conditionis, sexus homines ea gestarunt, & etiamnum gestant domandæ & vexandæ carni. Fuerunt qui viginti, triginta, octaginta continuis annis dies noctesque, hoc seroso amictu, carnis

rebellionem omnem compresserint.

S. Lupus Trecentis Pontifex, qui humi somnum capere, nec annis vicenis ulli vniquam lecto indormire sustinuit, qui alternas noctes vigilijs & precibus exegit, qui vna solum tunica se operuit, cilicium assidue gestauit, nec imitatoribus caruit. nam idem S. Maximus Rhegiensis Præsul, idem alij fecerunt, Abrahamus Eremita, qui ex amplissimo patrimonio, patris ex asse hæres, præter cilicium, storem, poculum ligneum, nihil sibi retinuit, vestem cilicinam quinquaginta annis gestauit, nec vnquam mutauit. S. Amatus abbas, non aliam quàm è cilicio culcitram admisit, eadem in morbo & morte vsus. Comes Elzearius, serico thorace cilicium velauit. idem ad quinquagesimi psalmi (Miserere) singulos versus, tribus ictibus idque catenulis terreis se cecidit. Notum Caroli Magni Imperatoris cilicium. Franciscus Borgias Dux Gandiæ, etiamnum sui iuris & extra Religionem, visitaturus feminas, cilicio se armauit. S. Thomas Cantuariensis Archiepiscopus, pilosam vestem ad genua pertingentem gestans: si corpori meo, aiebat, præesse, nequeam, & qui tot alijs præero? S. Edmundus, in eodem folio successor, cilicium extra quadragesimam, in quadragesimâ lorica ferreâ gestauit. Ad hoc eum mater assuefecit à puero, quæ, quoties ei Parisios recentia indusia, lotum simul misit ciliciolū, suadens biduo triduove quor hebdomadibus vreretur. *Ades.* Da veniam quæstiunculæ: & quis primū cilicium induit? *PART.* Primus homo, Adam cum cōiuge: *consuerunt folia ficus & fecerunt sibi perizomata* a Aspera sunt hæc folia, nec blanda nudis. sic cilicium ab arbore sumptum in Paradiso cœpit esse vsui. Imitatus Iacob, qui cruentam filij tunicam cernens, *scissis vestibus, indutus est cilicio.* b Imitati innumeri alij, qui piloso hittoque hoc texto in carnem pugnarunt. Notum Ecclesiæ canticum: Cilicio Cæcilia membra domabat, Deum gemitibus exorabat. Nec ipse nuptiarum dies hanc ei hispidam interulam potuit detrahare: aureis quidem radiabat vestibus, latente tamen cilicio mordebatur, dumque Fescennini canerentur, suam ipsa virginitatem Deo commendabat. Hac non inferior Editha Anglorum regis filia, quæ vt cilicij, quod dies noctesque



etque gessit, vexationem sanctè dissimularet, vestem cultumque regium non abhorruit. Vidit eam sic regiè compram, S. Ethelvoldus, & substricta fronte: non sic, inquit, non sic, o mea filia, ad cælum itur. cœlestis sponsus hunc nitorem, hos radios non curat. Illa modestè: Sancte Pater, inquit, & hoc est quod me soletur, cor à Deo non vestem æstimari. Sensit vir sanctus mentem bonam, non semper à veste iudicadam. Radegundem Clotarij Regis, Kunegundem Henrici Imp. coniugem omitto, quarum ista non indormire tantum sed & immori voluit cilicio.

## §. IV.

**Q**uid multis? hoc vnum egerūt omnes Sancti; vt continuam corpori facerent iniuriam. Omnes in hanc rem mirè ingeniosi fuerunt, cauerunrque vnice, ne sub nomine necessitatis, subreperet voluptatis nequitia. Hinc proluxa illorum vigilia, humi cubationes rigida, inedia perpetua, insulsi & insuauis cibi, acerbae poriones, vestitus asperimus, mira in rebus omnibus patientia. Ludebant cum corpore, ne ludus ei fieret Animus: Vis, aiebant, o mea Caro dormire? hic poteris, sed aut stando aut sedendo, prout vis; hic lectus pro te nimis durus est, aut si mauis iacendo quiescere, in hic optimum puluinar, saxum: Vis prandere, cenare? & hoc potes, en herbas, en radices optimas, cum condimento etiam, cinere, acetum, sal, oleum tibi non conueniunt. Sitis, o mea Caro? en aquam cristallinam, argenteam, licet nonnihil tepidam, ne gelu tibi noceat. Ita in corpus amarissimè iocati, sedegerunt illud in seruitutem. Et assiduas has pugnas contra carnem summâ contentione aggressi sunt, sciebant enim bellum esse intutissimum, cum hostis est intra muros. Idcirco suum quisque corpus, velut benenolum inimicum (ita Nazianzenus a loquitur) aut insidiosissimum amicum frangere laborauit precationibus, laboribus, vigilijs, inedia, cilicijs, flagris, rigoribus alijs innumeris. Religiosissimâ in seipso tyrannide seruauerunt illud Caligula: si fieri, vt sentiat se mori. Sic tractarunt corpus, vt seruum se commeminisset, non dominum; sic carnem exerceuerunt, vt ex aduerso pugnaret, medicina cum morbo, dolor sensus cum voluptate carnis.

At nos tenelli ac delicatuli (certè tales sumus, ad illos comparati) nos mollicelli hoc vnum agimus vt suauiter pereamus. Id omne studiosissimè amolimus quod carni non blanditur. Ecquid parimus huic asino? non est Atheniensis, cœlestis ciuis non est, Animus est. Ecquid hanc vermium prædam tam blandis obsequijs in nostram perniciem demulcemus? an ignoramus, nullam pestem efficaciorē esse ad nocendum, quam hostem domesticum b? Carnem, capitalissimum nobis hostem imminere, quauis, non dicam die experiri licet, sed hora, si libeat explorare. Caro enim concupiscit aduersus spiritum, spiritus aduersus carnem: hæc enim sibi inuicem aduersantur. c Perpetua hic rixa & lucta est, & quo crebrior Carnis est victoria, hoc maiores illius sunt vires. At ibi semper vincit, vbi nunquam creditur esse hostis. Ah vani, ah miseri! quantum mortalia pectora cœcæ noctis habent! quid delicias & voluptates quarimus, nec suo tempore, nec loco suo. In alium & meliorem orbem migrandum est deliciarum audio. In orbe hoc nostro appetentia voluptatis, plena est anxietatis, satietas vero plenissima poenitentia. Tristes esse voluptatum exitus, quisquis reminisci libidinum suarum vult, intelliget, hinc morbi & dolores quasi quidam nequitia fructus referuntur. Ita demum voluptas omnis in tormentum vertitur.

Inid vero solum ingeniosa est Caro, vt oñus, & virgam, & opus à se remoueat, & quiete fruatur delicata & voluptabili. Ergo, mi Aedime, ex aquo & iusto: oñus, & virga, & opus huic pecudi conuenit, aut illam profecto habebimus refractariam. Ad finem capitis huius, illustrissimè & prorsus severæ Continentia admirandum speculum extollo. Adeste spectatores; huc & oculos & animum.

Ioannes Godefridus Bambergensis & VVürzburgensis Pontifex, Anno MDCXXII. quarto Calendas Ianuarias, Ratiſponæ in comitijs defunctus, per omnem vitam adeo se totum Castitati consecrauit, vt homines libidinum suarum mancipia, velut ipsos diabolos auersaretur & fugeret; neque vnquam induci potuit, vt cum his talibus vel paullo familiarius ageret. Iam inde à parulo Godefridus, cilla-



dus, cilicio consuevit vitioris diebus ac noctibus, integris etiam hebdomadibus. Diebus Veneris, sabbati, & pridie dierum Christo, Beatissime matri Virgini, aut patronis dicarum, flagellis se acriter cecidit. Omnibus annis, quibus episcopum egit, stramine tantum, quod linteamine texerat, indormiit, multas noctes nudahumo, rudi panno substrato, exegit: ad solitas preces media nocte sapissime surrexit. Ad rem facit quod addo: Omnibus Veneris ac sabbati diebus cibo abstineuit, vnica panis buccella & haustu modico contentus. Si quando his diebus hospitalitatis ius, aliave causa eum mensæ admouisset, vt abstinentiæ suæ constantem rigorem sanctè dissimularet, cibos ab opsonij magistro seu structore diuisos, tanquam cenaturus accipiebat, paullo post, alijs id minus obseruantibus, famulo intactos velut neglectim porrigebat. Die Christi patientis, & alias per annum crebrius omnis cibi abstiniens, præter panem & aquam gustauit nihil, & hoc tunc maximè fecit, cum omne alieni oculi arbitrium vitare licuit. Quadraginta diebus ieiunio nil è piscibus aut alijs animalibus hæstitauit, herbis solum, leguminibus, & rapis contentus. Per omnes Dominici Aduentus dies nil carniū in cibum admisit. Sane non paruo ei stetit, Castitatis, tam sincerus amor. Quod vel hinc etiam luculente patefiat.

Adolescens etiamnum, liberali admodum & venusta erat facie, ita tamen vt in eo nobilissimam fecerit mixturam Pudicitia & forma. Hoc eius virgineum decus cacodemmon isto sibi stratagemate sumpsit expugnandum. Egyneceo faminae magni nominis, insigni iuuenis pulchritudine in beneuolentiam parum pudicam inflexæ, ad conuiuium Godefridum specie honoris vocarunt. Adest vocatus, nec tamen solus (vt res tam periculo careret, quàm suspicione) sed vnà secum vitæ suæ moderatorem adducit. Hunc præ omnibus benignæ inuitationes & crebra pocula petebant. Hoc enim nequissima vassricie agebatur, vt is omnium minimè gressum è domo moliri posset, qui primus deberet, itaque cogere cum commisso sibi iuuenecillo pernoctare. Res è vero successit, nam probè appetitum, & iam vacillantibus vestigijs, articulisque subsidentibus labentem, in proximum

conclaue, blandè cubitum trahi iusserunt. Ita & iuuenis ea nocte pedem domo efferre prohibitus est: & quia nil mali suspicabatur, ipse quoque ad lectum tali hospite dignum deduci se passus est. Cum verò adulta iam nocte quies & silentium teneret, cubiculum spiritus iuuenis furia ille libidine accensa laqueo passu irrepunt, iamque proximæ lectum quæ verbis, quæ gestibus, adolescentis innocentiam ad flagitium inuitant. Hic castissimus iuuenis, velut ad Stygij monstri aspectum euigilat, & mox horrendum vociferans, è lecto, vt erat lineis solum femoralibus & indusio vestitus, profluit, impuris manibus semet extorquet, & omni veste alia relicta, ex infidiosa domo euolans, in vicini edes, velut in asylum transfugit, vbi reliquam noctis inter preces & gratiarum actiones, pro obtenta Castitatis palma exegit. O factum dignum æternis annalibus! O Niecta, sunt qui tecum saltem certare velint, si superare non possint! O Egypti Prorex Iosephe, tuæ virtutis æmulum agnosce! O Aedese, præne rediuuium Nicetam tibi sisto in hoc iuvene. Promissimum mihi est credere, Godefridum post tam nobilem victoriam, cum à Deo fauorem impetrasse, quem Thomas Aquinas, cui lumbos stinxerunt Angeli, vt aut nullam deinceps carnis rebellionem senserit, aut facili negotio represserit. Neque tamen noxia securitate castimonie suæ sisus, diaboli technas timere desijt. Sciuit quod supra monuimus, virginem à bello nunquam cessare. Ideo in domum suspectæ pudicitie aliàs inuitatus: Malim, inquit, leprotrophium subire, & cum leprosis cenare, quàm vel semel castitatis periculo, ædes illas ingredi, meque sponte in ignem præcipitare. Nec aliter fecit quàm dixit, & rigidæ virtutis exemplo perpetuam sibi Continentiam stabilivit, in sui corporis tormentum variè ingeniosus. Solebat namque cingulum ferreum insuper aculeis asperum ad nudos lumbos appressus gestare. Armillæ ipsæ, si quando ijs vsus, non lasciuie instrumenta, sed Castimonie, ostentationem nullam præferabant, sed virtutem regebant. Siquidem sub hoc tortili auro carnificina manuum latebat, quæ maluisset metallo tam nobili non indui, quàm additis sub eo aciculis assidue compungi.



Godeffido certè sua Castitas non gratis constabat: verberibus, ieiunijs, alijsque rigoribus, corporis animique florem & emeruit, & retinuit *d.* Sed versiculus monet: Lectio, flagra, preces — de lectione & flagris diximus. Ad preces me verto.

*a* Greg. Naz. de paup. cura.

*b* Boet. lib. 3. de cons. phil.

*c* Ad Gal. c. 5. v. 17.

*d* Ex funebris orationibus Dn. D. Friderici Forneri &c. & P. Ioannis Salleri.

## CAPVT V.

Tertium INCONTINENTIÆ Antidotum PRECES & ORANDI STVDIVM,

**A** Nachoretam senem (vt Pelagius refert è Greco *a*) consulens quispiam de animi sui latente malo: ecquid ego, inquit, faciam? cogitationes meæ non nisi ad libidinem me trahunt, nulla mihi ab eis est quies, nec per horulam quidem & hoc non leuiter me affligit. Cui senex: Quando, inquit, demones eiusmodi cogitationes ingerunt, ne colloquaris cum animo, quia dæmonum est talia suggerere; tuum, suggesta identidem regere. penes te est, hos hospites aut admittere, aut ingredi volentes eijcere. Modo resistas, inuito tibi consensum vi nulla extorquebunt. Ad quæ iuuenis: Atqui, mi pater, inquit, debilis sum, & tam potenti affectui vix resisto, vincor. Atqui nemo, inquit senex, hic vincitur, nisi volens. Et scis quid fecerint Madianitæ? *b* filias suas ad omnem illecebram compas & ornatas, in oculis Israëlitarum quasi venales proposuerunt. Ita quidem allicere potuerunt ad turpe nefas, neminem cogere. Israëlitis omnibus integrum erat, non perire Multi, quibus lex diuina cordi fuit, non tantum Venereū hoc illicium cōtempserunt, sed alios etiam, illecebroso spectaculo captos, ultione laudabili puniuerunt. Sic & nobis agendū. Fucaras tibi diabolus cogitationes prostituit? Contēne, non responde, despue in illas sordes; surge, ora, & clama: Fili Dei miserere mei. Ad hæc iterum iuuenis: Ecce pater, inquit, & oro, & meditor, & clamo, sed sine omni gustu; lapis sum, non moueor. Tu tamen, inquit senex, nihilominus & ora, & medita-

re, & clama. Incantator sæpe vim verborum quæ pronunciat, ignorat, ac sentit eam incantatus serpens, & velit nolit, humanæ voci se subiicit. Ita nobis quantumuis saxeum cor sit, & ad preces insensile, sentit tamen eas cæcædæmon, terretur, & fugatur. Tu igitur ora, etsi silex tibi videaris.

*a* Libell. 5. num. 32.

*b* Num. 25. v. 2.

## S. I.

**S** Alomon, illud opulentiæ & sapientiæ prodigium, & si solus hic loquatur, satis persuadeat: Sciui, ait, quia aliter non possem esse continens, nisi Deus det, & hoc ipsum erat sapientiæ, scire cuius esset hoc donum: adiudicium & deprecatus sum illum *a*. Nobilissima gemma est Castitas & pudicitia, tolerabili tamen & leui venditur pretio; pete illam à Deo, & iam emisti. Omnis quidem virtus, munus à Deo est, singulari tamen ratione Castitas, idcirco precibus ardentissimis petenda est à liberalissimo domino, qui sic rogatus, menti allucet, vt vicina pericula præuideat; voluntatem afficit, vt congrua malo remedia constanter adhibeat; infrenem appetentiam sub legis imperium compellit; luctantem hominem confirmat ne ob pugna difficultatem, vincendi spem despondeat, sed opem cælo affuturam erecto animo confidat; qui denique nouas identidem vires subministrat, vt is qui cœpit; hoc Castitatis stadium decurrat, promissumque Castitati præmium obtineat. Hæc Augustino causa fuit, sic effectum precandi: Deus meus, accende me. Continentiam iubes; da quod iubes, & iube quod vis *b*.

Ille paradisi hospes, castissimus Paulus, virginitatis adeo erat amās, vt omnes sibi cuperet quam similimos, tamen & ipse has facces luteas sensit: *c* Datus est, inquit, mihi stimulus carnis meæ, Angelus Satanæ, qui me colaphizet, & qua tandem ratione diuinus hic homo ab hac carnis iniuria se vindicauit; Precibus, & quidem ter repetitis: Propter quod ter dominum rogauit, vt discederet à me. Ea demum oratio impetrat quæ perseuerat, quæ ignes spirat: Preces languide, nec hominem quidem ad assensum flectunt, nedum Deum. Spiritus est Deus, & eos qui

ado-



adorant eum, in spiritu & veritate oportet adorare. *d* Falstas est illa, & turpe dissidium cū lingua preces & verba demurmurat, mens interim à precibus aliena, ad ludos & choreas euolat. Precari putes hunc hominem; os certè occupat: cor oritur, aut peiora tractat otio, & nescio quid aliud nugatur. Atqui hoc non est *in spiritu adorare*: his precibus Castitatis gemmam nemo impetrauerit. Sanctissimus David precationibus assiduis exarsuans: Ad te, inquit, leuauit oculos meos, qui habitas in cælis: Ecce sicut oculi seruorum in manibus dominorum suorum; sicut oculi ancillæ in manibus dominæ suæ, ita oculi nostri ad Dominum Deum nostrum donec misereatur nostri. *e* In manibus, inquit, domini, stant oculi seruorum, non in facie. Nimirum hic oculorum coniectus petit vt accipiat; ad heri dextram peruolat, vt eam aperiat ad dandum. Ita nos prorsus oculos nostros in Dei manus statuamus, & Castitatis vnionem pretiosissimum, violentia Deo grata extorqueamus.

*a* Sap. cap. 8. v. 11.

*b* Lib. 19. Confess. cap. 29.

*c* 2. Cor. cap. 12. v. 7.

*d* Ioan. cap. 4. v. 24.

*e* Ps. 122. v. 1. & 2.

## §. II.

**M**ilitiæ dux, cui castrum commissum est defendendum, si quando videat à vicinis iam hostibus castrum obsidione cingendum, literas quam primum perscribit ad arcis dominum: hostem in propinquo esse, de arce agi, se cum suo milite in periculo versari, nisi quam celerrimè submittatur auxilium: proinde rogare se, vt si quidem dominus arcem suam velit saluam, maiores copias & recentem militem, quam citissime possit, suppetiarum mittat. Militiæ viuimus mi *A*desime, & castrum suscepimus propugnandum, Animum. Varius hanc arcem incurrit hostis, maximè Cupido, Venerus ille iaculator, qui secum ingentia trahit agmina, tot occasionum, illecebrarum, tentationum. heu cingimur sepe, ac vndique magnis copijs obsidemur. Quid hic consilij? primum est, non differre proximum, literas exarare, & cum ijs tabellarium quam primum amandare ad do-

minum. Nuncius noster, nostra est oratio; literas scribimus, cum ad Deum preces fundimus. Hic iuuat, expeditum & celerem esse. Quam primum in periculo est Castitas, cum occasiones inuitant, illecebre blandiuntur, cum tentationes incitant, mox ad Deum peruolet epistola; mox ardentissimæ preces concipiendæ in hunc fere modum: & satis est quandoque vel vnica tali precatiuncula opem diuinam pscere.

Libera me de sanguinibus Deus, Deus salutis meæ Ps. 50. v. 16.

O mi amantissime Domine succurre; pereoserua me.

Deus in adiutorium meum intende, Domine ad adiuuandum me festina. Psal. 69. v. 2.

O IESV castissime, de animæ meæ salute agitur, custodi me ne peream.

Ad te Domine leuauit animam meam: Deus meus in te confido, non erubescam. Psal. 24. v. 1.

O mi IESV, O IESV fortissime defende me, à Satane laqueis erue me.

Illustra faciem tuam super seruum tuum, saluum me fac in misericordia tua. Psal. 30. v. 17.

O mi Deus, fons puritatis, amator castitatis, crea in me cor mundum & castum.

In te Domine speravi, non confundar in æternum; in iustitia tua libera me. Psal. 30. v. 1.

O IESV purissime, in cordis puritate conserua me.

Complaceat tibi Domine, vt eruas me, Domine ad adiuuandum me respice. Ps. 39. v. 14.

O IESV desiderabilissime, totum me trahere ad te.

Potens est telum in cacodæmonem ardens oratio, quod etiam hinc discas. Vnus è sodalitate Virginis Beatissimæ fuit (mihirebus omnibus coniunctus) qui clam ad mortis facibus in flagitium agebatur. Terillum nocturna mollitione Cacodæmon impetierat; iam in virum procerus; mox intra pusionis modum contractus; denique virgine assumulata nihil virgineum meditabatur. In his angustijs deprehensus adolescens, quicquid armorum habuit hosti obicere; Præsidem suam aliquando ingeminare; rursus cruce præcordia notare velle, sed irritò semine con-



natu; nam torpebat exanimis pollex, & manus nihil virium retinebat. Ad vltimum lingua suppetias tulit, vt in clamato Numine redirent manus ad officium, & Sirenum ora in fumum dilaberentur. Nec restinctum tamen ea fuga incendium est, sed viucentibus adhuc flammis adolescens conflagrabit. Ergo lecto se corripit, abiectusque humi ipse plerere se incipit. Vbi cum per horam decubisset, tandem ab incendio triumphauit. *a*

Christus, quotidie precari nos iussit: *Et me nos inducas in tentationem.* Sed & clausulam addi precepit: *Sed libera nos à malo.* Tam rogandus est Deus ne incurramus periculum, quam vt euadamus. Et hæc oratio non à summis labris veniat, sed à pectore, & intimo sensu.

*a. Anno 1614 factum.*

### S. III.

**H**ic mihi duos velim consideres, in extremis pudicitie periculis, precantes: Iosaphatum Regem, & Thomam Aquinatem tibi filio. Decreuerat Thomas, primum gratias Deo ac pudicitie dicere. Parentes, vt hoc animi decretum rescinderent, blanditijs, minis, promissis, inauditis artibus castissimum pectus sibi sumplerunt expugnare. Ictus vani, & in ventum abiire omnes. Obdurabat filius, destinati consilij tenax. Ergo validiore ariete quatiendus fuit hic paries, dum corrueret, nec consilio defuit vigilantissimus Satan. Solum se agere putabat Thomas in conclau, quod demum carcerem esse sensit periculosissimum. Eo enim immissa est puella, melioris formæ quam pudicitie, ipso vultu petulantiam confessa. Cæpit ea variè & blandè vercundissimum adolescentem, ad flagitium inuitare. Omnia in ea loquebantur, vox, forma, gestus, oculi, vestes, vestium odor. Quot verba, tot iacula: quicquid dixerat, venenum erat.

O Thoma, quot in te sagittæ volant: singulæ mortem ferunt; vel vnam admisisse, plaga letalis erit. Equidem sensit eximius adolescens ad cor penetrare blandissimum hoc toxicum. Hic, velut in arena gladiator, consilium caput amulator NICETÆ, & mox ad Christum: Ne quæso sinas, exclamat, Domine Iesv, & tu sanctissima Virgo MARIA,

vt in oculis tuis turpissimum scelus committam. O mi castissime Iesv, ne permittas, vt obspurcam libidinem, æternas cæli delicias vendam. Dixit, & è focotitionem rapuit, insidiatricem fugauit, cubiculo extrusit, occlusit ostium; *viuit.* Opportunius hæc pugna subsidium non habuit, quam preces ex ardenti pectore petitas.

### S. IV.

**S**cenam habuit periculosiorem Rex Iosaphat; Regis Abenneri filius, & nisi eximia illius virtus, in eodem quasi theatro bis vicisset, plausum ab Angelis non tulisset. *a* Sacra Christiana regius hic iuuenis à Barlaamò Eremità didicerat; iamque mores alios & castiores præ se ferebat, quam dum idola coleret. Abennero patri seuerior hæc vita filij non probabatur, vt qui aliud cælum non nosset, quam in sordibus volutari, & mergi voluptatibus. Cumque filium non vnus machinis tentatum, sentiret inexpugnabilem, magorum suasu hoc eum stratagemare instituit adoriri. Remouit ab eo famulitium omne aulicum, & solas quæ iuueni ancillarentur, puellas substituit. Hic mihi Samsonem da; da Dauidem, da Salomonem, & videamus, num dureret sceleris purus inter corrupelas. Nec Iosaphato pectus adamantæ aut chalybe stetit, cæpit sentire pellacias, cæpit æstare; tale demum libidinis incendium pectore circumtulit, vt huic extinguendo se parem non crederet. Generosè quidem contra tot hostes luctatus est: & iam Deum obiectabat animo, iam Dei leges: modò inferos cogitabat, modò cælestis præmium: non minus tamen Veneræ facies animum iucendebant. Ita nec Deus, nec inferi, nec cælum, neque spes, neque metus impuram flammam multum adeo mitigabant. Vltimum & præsentissimum visum est mali remedium, in preces se sternere. Ergo manus oculosque cælo artollens: O Deus, inquit, spes desperatorum, respice & miserere: tu omnia potes, misericors in omnes. Vide, Domine, quæ patiar; meæ me cogitationes occidunt. Perij, nisi tu adiuues. Cordis & corporis pudicitiam seruare cupio, sed expugnor, nisi tu defendas. O mi Deus, tuus sim; pereuntem à lapsu reuoca: tibi viuam, tibi moriar. Adfuit benignus Deus sic calidè oranti,



ranti, & impurarum cogitationum agmen subito euauit. Nec tamen precari desijt iam victor iuuenis, sed ab eo tempore (valedicebat iam dies) ad alterum vsque solem in precibus peruigilabat.

a *Damasc. l. de Barl. & Ios. c. 30.*

## §. V.

**S**ed nec dum omni periculo defunctus est Iosaphat. Acerbior & longè periculosior instabat pugna. Abennero patri iam antè dono venerat puella, regis filia; bello capta, sed pulchritudinis tam eximie, vt omnem eius xui formam extinguere, & pœnè Dea esse crederetur. Et hæc, tragiæ caput stangebatur, mago regio strenuè adlaborante. Hic, vt certior veniret victoria, carmine magico cacodæmonem in puellam immisit, vt sic iunctis operis institueretur stratagemata, nulli eludendum. Adest ergo personatus diabolus sub venustissima latua, & vt immitius pugneret, blandissimam pretendebat pacem. Puella ad omnem dolum ingenio versatili erudita, religionis Christianæ cupidissimam se dextrè simulabat. Volebat Orcinianus piscator, Satan, eam hamis escam imponere, quam sciebat appetituros hos tales pisciculos. Iosaphatus iuuenis præclaram hanc ratus occasionem seruandi ab Orco hominis: nihil equidem se malle aiebat, quàm vt plurimi secum ab idolis ad Christum transirent. In eam rem vtrinque prolati sermones. Puella sensum veritati cedere, & expugnari se callidissimè mentita, in se quidem nil futurum moræ, quin sacro fonte lustrada, in leges Christianas iuraret, si modo regius iuuenis, reginæ coniugium dignaretur non aspernari. Fortunam sibi regiam, non sanguinem deesse. Putare se vero, à Christianis non fortunam, sed virtutes & animum in dote numerari. Parentes sibi, & auos; atque atavos, & horum maiores fuisse reges. Opulentiam regiam bello non nihil accisam, aut mutatam esse: credere se tamen, non sine dote venturam; si probitatem coniugi futuro adferret. (Ah, Iosaphate, ah, ah! non periculo tantum, sed ruine vicinior nunquam fuisti.)

Stabat iuuenis, & venusti sermonis prudentiam non sue tacita commendatione mirabatur, & vsit, oculos suæ stationis obli-

tos, in loquentis vultum subinde obliquabat. Et ne adeo alienus foret ab honestissimis nuptijs, cœpit fallacissima Siren, nescio quas sententias (à magistro diabolo eas didicerat) ex Euangelijs in medium recitare, ipsius Christi præsentia nuptias cōmendatas allere, honorabile coniugium & immaculatum torum extollere, multa demum in coniugij laudes garrire.

Ad aures & ad oculos talem oratorem admittere, & non persuaderi, diuinæ est potentia, non leuitatis humanæ. Forma vel muta, eloquentissima est oratio; quod vult, impetrat. Vbi iam verborum mel affunditur, & eblandiens animum suada facundia coniungitur, sine vi, quidquid dicitur persuadetur. Saxum antea videri poterat Iosaphatus, & immota rupes ad omnem libidinis impetum, sed lasciuus dæmon tantâ sordentium flammarum vi hanc rupē vallauit, vt & ipsa instar solutæ arenæ defluere cœperit, & minui. Nondum quidem prostratus Iosaphat, hoc vno tamen victoriam sibi fecit ancipitem, quia cœpit dubitare. Decretum erat ei antea intactum seruare corpus ab omni femina; iam vero vacillare, turbari, anxius hæsitare, necurbationi satis resistere, nec dubitationem expedire.

a *Ad Hebr. c. 13. v. 4.*

## §. VI.

**D**igressa ab se Oratrice illa pestilentissima, quia ipse vnus, & accusatoris, & patroni partes sustinuit, ideo ipse sibi & obijcere, & obiecta diluere, secumque ipso plurimum luctari cœpit, & in vtramque partem fluctuare, demum se solum sic affari: Nil, inquit, inhonesti à te petitur; coniugium proponitur, & quidem non dispar: Regina est quæ sponsum querit; nec leges Christianæ contradicunt.

Id quidem verum est, sed meministi quid te docuerit Barlaamus? Omnis ponderatio non est digna continentis animæ.

At hîc occasio est lucranda animæ, & puellæ regiæ ad Christum traducendæ.

O mi Iosaphat, hoc non est lucrari animas, tuam negligere, vt acquiras alienam. Nosti illud: Quid prodest homini, si mundum



dum vniuersum lucretur animæ verò suæ detrimentum patiatur.<sup>b</sup>

Sed non est omnium, vivere vt virginem, vt Angelum. Recte hoc quidem dicitur, sed qui declinat virginum certamina, nec præmia desideret virginibus promissa.

At durum est in continua lucta vivere; si bi ipsi semper contradicere. Durum est, sed gloriosum est, & res vna omnium Deo dignissima.

Credibile tamen est, multos sanctissimos homines in coniugio fuisse seruatos, qui alioqui periissent. At non minus credibile, multos in coniugio periisse, qui si casti vixissent, seruati fuissent.

Sed fac, prout destinaui, sic incipiam: quis scit an sic finiam? aliud est inchoare, aliud ad finem peruenire. At istud Deo permittendum est; hoc ipsi erit cura. Qui suauit incipere, iuuabit etiam finire.

Sed repugnat natura. Corrupta, non integra: & Deus natura longe potentior est.

Sed quid faciam? vror, ardeo; cogitationibus pessimis, iam diu mens incenditur; sæpit in medullis fax Stygia. At hunc æstum, igne Christi superare potes: hoc tale incendium Christi sanguine potes extinguere.

Sed nunquid vnus aliquis ex Apostolis dixit? qui matrimonio iungit virginem suam, bene facit. Ita est, sed idem omnino Apostolus addidit: & qui non iungit, melius facit, & bonum est homini mulierem non tangere.<sup>c</sup>

Sed an non aliqui Apostolorum, vxores habuerunt? Habuerunt, sed inter illa omnia quæ Christi causa reliquerunt, etiam vxores fuerunt: sic Apostoli omnes erant virgines, vel post nuptias continentes.

Sed an non Pauli vox est? melius est nubere quam vri. Eiusdem tamen & hæ voces sunt: Volo autem omnes homines esse sicut meipsum: Dico autem non nuptis & viduis; bonum est illis si sic permaneant, sicut & ego.

Heu quid faciam? vti nam, virginem illam regiam nunquam ad aures, nunquam ad oculos admissem. Hoc forsan melius fuisset, sed nec sic quidem omnis victoria desperanda est.

At forma illius animo meo identidem ob-

errat. At nunquid non formosior est Deus, à quo rerum omnium forma & pulchritudo, velut è mari stilla vnica, aut guttula est.

Ah, ferendo non sum, si diutius durer tam vehemens cogitationum pugna.

Hic Deus prouidebit: feramus hodie, quod nos ferre vult Deus, ipsi cura est de crastino.

Sed num misellam illam virginem in Stygij draconis faucibus hædere sinam?

Sed num etiam oblitus es, quantis te periculis obiecerit mulierum familiaritas? vix euasisti, & egressum cogitas? nemo verius periculum iudicat, quam qui expertus est.

Sed Christianum est, alienæ salutis curam agere. Suæ, ante omnia: speciosissimos titulos excogitat caro, quibus suam turpitudinem veler: mille versutias instruit vt fallat.

Diu secum ipse in hunc modum luctatus est reciproca contentione. Demum inuenit virtute viam, & ipsa sibi necessitas reperit exitum. Ad preces iterum, velut ad sacram anchoram confugit. Precibus & lacrimis diu intentis, in soporem soluitur. Hic ea vidit, vt experrectus, & fletet præ lætitia, & præ Numinis reuerentia tremere. Inde omnis, inquit Damascenus, conspectæ mulieris pulchritudo, cæno & sanie foedior ipsi visæ est. Ita catodæmonum insultus acerrimi, repressi sunt precibus. Ergo, mi Deus, continentiam iube, da quod iubes, & iube quod vis. Sed precibus recte iungitur Confessio.

a *Eccli. c. 26. v. 20.*

b *Marth. c. 6. v. 16.*

c *1. Cor. cap. 7. v. 38.*

## CAPVT V

*Quartum INCONTINENTIA antidotum, CREBRA PECCATORVM CONFESSIO.*

**Q**ui diligit cordis mūditiā propter gratiam laborum suorum habebit amicum Regem. a Nihil a quæ fauores diuinos emertur, quam nitidam semper ac tersam habere conscientiam. Conscientiam verò ita puram non facile conseruabit, nisi qui eam crebrius emaculauit. Id frequens peccatorum confes-

sio pe-



no potest: hæc autem vix erit integra, si sit rara, vt verissime dixerit Bernardus; *Computatio dilata, multa facit obliuisci*. Qui rationes suas raro inspicit, vix est vt non aliquid pertranscat conuiuente oculo: & sicut acutiores illi sunt, qui, si non quot diebus, quot hebdomadibus saltem suarum rationū libellum relegunt, ita vitæ plerumque puriores sunt qui conscientie nauos, singulis hebdomadibus ad sacerdotis aures deponunt: Velox confessio, velociter medicinam facit. *¶* Et hæc prima frequentioris Confessionis causa est. Do & alteram.

Sunt quotidiana delinquendi pericula, quibus expositi viuimus. Diabolus, Caro, Mundus, noti hostes: tentant, vellunt, rogant, alliciunt, renitentes vrgent, trahunt, tantum non cogunt, & hoc vnum agunt, ne boni simus, nec Conscientie maculas tam studiosè obseruemus, easque non nisi tardè & segnitè eluamus. Quid tibi cum tam delicata & tenera conscientia (aiunt illi deceptores nostri) habebis semper quod agas. Æternum tibi creas negotium, & simul molestissimum semper erit, quod abstergas, & nullum laboris reperies finem. Non subolet hic tibi quid machinentur hostes tui? hæc consilia sunt secreta diaboli in amicum vestiti. Si nolisea tibi obesse, detege. Qui denudat arcana amici, fidem perdit *c.* Amicitiam simulat. Cacodemon; tu cuncta eius arcana pande, confessione quam creberrima, & lauatum hunc amicum facillimè vitabis. Quod Bernardus de Communionis, idem ferè de Sacramento Confessionis asseri potest: Duo illud Sacramentum, inquit, operatur in nobis, vt videlicet & sensum minuat in minimis, & in grauioribus peccatis tollat omnino consensum *d.* Consilium Tridentinum affirmat eos qui hoc sacramentum debita præparatione obeunt, custodiri ne statim succumbant temptationibus, & multò facilius in via virtutis, cautiore iam & vigilantiores progrediantur. Ipsa verò (sunt verba Concilij) huiusmodi Confessionis difficultas, ac peccata detegendi verecundia, grauis quidem videri posset, nisi tot tantisque commodis & consolationibus leuaretur, quæ omnibus, dignè ad hoc sacramentum accedentibus per absolutionem certissimè conferuntur *e.* Locuples testis experientia est, ijs in

urbibus, vbi crebrioris confessionis vsus, multos per omnem vitam sine grauioribus peccatis agere.

Sed & tertiam causam subiicio, cur conscientia crebriori confessione purganda sit. Id luminis in hoc Pœnitentiæ Sacramento acquiritur, quo peccata eorumque origines longè facilius dignoscuntur. Initium est salutis, notitia peccati. Nam qui peccare se nescit, corrigi non vult, deprehendas te oportet, antequam emendes. existimas tu, aliquid de remedio eos cogitare, qui mala sua virtutum loco numerant? quidam vitij gloriantur. Ideo quantum potes, te ipse coargue, inquire in te, accusatoris primum partibus fungere, deinde iudicis, nouissimè deprecatoris, aliquando & te offende *f.* Votum est vatis regij: Illumina oculos meos, ne vnquam obdormiam in morte, ne quando dicat inimicus meus: præualui aduersus eum *g.* Conciones publicæ si quos feriant ad emendationem, hoc ipso minus feriunt, quod feriant multos; ea verò monita quæ à Confessario suggeruntur cauendis vitiis, in concionis vicem sunt, tantò efficaciora, quantò minus multis dicuntur, cum vni soli dicantur. Cum dispositione initur bellum, &, erit salus, vbi multa consilia *h.* Bellum tibi pro pudicitia diu felix non erit, nisi ad illud te disponas exomologesi crebriori, in qua etiam consilium capias de Castimonie hoste feliciter vincendo. Hostis certe vaferrimus est, & ferè inquilinus, nec in vlla vsquam arena, tam præsentis opus consilio, quam in hac.

*a Prou. c. 22. v. 11.*

*b Bern. l. med. c. 37.*

*c Eccli. c. 27. v. 17.*

*d In Cena Dom. de bap. & ablut. ped.*

*e Sess. 14. c. 5. & 8.*

*f Senec. epist. 28. fin.*

*g Psalm. 12. v. 4.*

*h Prou. cap. 24. v. 6.*

## §. I.

**H**is quarta accedat causa. Piacularis confessio nunquam repetitur sine nouo diuinæ gratiæ augmento. Quantum Deo displicet impudentia peccantis, tantum ei placet verecundia confitentis. Verè Bernardus: Omnis, inquit, spes veniæ & misericordiæ

K k k

in con-



in confessione est, nec potest quis iustificari à peccato, nisi prius fuerit confessus peccatum. Ex eo enim unusquisque iustus esse incipit, ex quo sui accusator extiterit *a*. Ideo Pipinus sub Dagoberto Galliarum Rege, Maior Domus, hoc est, Aulae Praefectus & à Rege proximus, vir probatissimæ vitæ, famæque integerrimæ, & qui non immerito *disciplina regum* vocaretur, quoties de noxis confessurus venerat sacrum hoc tribunal nudis pedibus accedere solebat, in signum seriae pœnitentiæ *b*.

Vis etiã quintam causam? Qui recusat esse cautus, nec castus erit. Castissimos plerosque videas quos cautissimos. Castitas & Pudicitia omni vitio Veneto tenerius quid sunt, & illis leui aut vitiantur, aut perduntur. At vero cautelas huic crystallino vasi seruando necessarias, maxime docet frequens Confessio, ideò cacadamon, ille technarum & mille artium magister, adeò laborat, vt confessio- nem faciat iuuam & grauem. Tædia ingerit, negotia obtrudit, varia caussatur, omnem mouet lapidem, vt confessio & rara sit & frigida: Hæc, inquit, veterator exigua sunt; quid opus in minutissimis trepidare? quam tu conscientia lanienam patieris, si tanta scrupulositate obserues, quæuis minutula? Tu verò, mi iuuenis, etiam minutissima caue, ni ad maiora velis prolabi. Qui spernit modica, paullatim decider: *c* Neq̃ cauebit magna, si negligat ea quæ videntur minuta.

Huic sextam etiam causam adiungo. Quies & gaudium Conscientia, non nisi à crebrâ Confessione est. Omnia, inquit Bernardus, in confessione lauantur, conscientia mundatur, amaritudo tollitur, peccatum fugatur, tranquillitas redit, spes renouiscit, animus hilarescit; post Baptismum nullum aliud nobis constitutum est remedium, quam confessionis refugium *d*. Quotidie sordium aliquid contrahimus, quotidie inquinamur (ea huius vitæ ratio est) & nisi contractas sordes eluamus creberrimè, nimium quantum augent, & pœnè in immensum excrescunt; sit è granis non multis, atena maris. Regum optimus fuerat & sanctissimus, David, quia tamen pœnitentiam distulerat, seipso teste, ab innumeris malis deprehensus? Circumdederunt, inquit, me mala, quorum non est nu-

merus, comprehenderunt me iniquitates meæ, & non potui vt viderem. Multiplicatae sunt super capillos capitis mei *e*. Eius generis sunt hæc sordes animi, vt, nisi quàm primum expurgentur pœnitentiâ, mox alie atque alie ipsi accrescant. Inde fit, vt, qui in sordibus est, sordescat adhuc. *f* Et quæ Conscientia quies sit aut hilaritas in perpetuo harum sordium augmento? Putam effice Conscientiam, si eam redire velis: tolle nubes tot noxiarum, si serenam eam cupias: tranquilla non erit, inter hos peccatorum morsus; tolle vermes qui eam lacerant. Sed Leuia, inquis, peccata, pacem animi non disturbant.

Suas habet etiam leue peccatum morsu- culas: quamdiu has ferre mens cogitur, tamdiu suavis ei quies non erit, sed nec vnquã ferio hilarescet. Secura mens quasi iuge conuiuium *g*. At verò securam habebis nunquam (sanctissime affirmo) nisi ab illo veræ securitatis præsidio Pœnitentiæ sacramento eoque quàm creberrimè repetito. Tum demum iucundo frueris epulo, cum vellicantes animi vermes occideris. Si diu hos vinere sinas, perit tibi tuum hoc conuiuium. Vbi punctura, ibi molestia; nec serio se hilarem credit conscientia, nisi ab omni verme, qui lancinat, ex integro sit libera. Iugi conuiuium illo non fruitur, nisi *secura mens*. Secura non erit, nisi pura sit, & quasi semper à Confessione recens lota.

*a De inter. dom. c. 1.*

*b Stepha. abb. de eo l. 1. c. 2.*

*c Eccli. c. 19 v. 1.*

*d Lib. med. cap. 37.*

*e Psalm. 39. v. 13.*

*f Apocal. cap. 2. v. 11.*

*g Prouerb. cap. 15. v. 15.*

## S. II.

**H**ic septimam attexo causam priori affinem. Plurimi sanctorum hominum, viri feminæque, quibus cordi erat conscientia quies & tranquillitas, Confessionem quantum licuit, creberrimè iterarunt. Fuerunt qui quotidianâ confessione animum lustrarent: sepius voluissent, si per alios licuisset.

Birgerus, homo nobilis & potens, D. Brigittæ parens, a singulis diebus Veneris ad sacerdotis pedes se abiecit, confessioni facienda. Eam-



de. Eamque facti rationem assignans : Ita, in-  
quiebat, mea hodie cum bono Deo compo-  
nam & transigam, vt quidquid molestiarum  
ceteris diebus in me ille immiserit, æquo  
ego animo id perferam. Idem fecit per om-  
nem vitam, & Birgeri filius, qui illam insuper  
clausulam adiunxit, vt confessionem volun-  
taria sui diuerberatio exciperet. Idem fecit &  
Birgitra filia, eumque sibi morem à teneris  
annis indixit. In eandem legem iurauit Bir-  
gitte maritus Vlpho. Idem alij religiosissimæ  
huius familiæ præstiterunt. Idem prorsus B.  
Lydvinae auus in more habuit, qui vbi die  
Veneris animum Confessione purgasset, po-  
stero Sabbato corpus ieiunij exercuit, nec in  
cibum aliud, quam panem & aquam admisit,  
Ea semper integerrimorum hominum mens  
fuit, aut nullam conscientie labem admittere,  
aut incuriā qualicumque admissam, quam  
primum abstergere.

Ab his in duersum abeunt illi, quibus vo-  
lupe & iucundum est, sordibus mergi, qui  
liberrimè peccant, quibus in vili frons est &  
pudor : at verò cum de peccatis instituenda  
est confessio, hic illi frontem induunt ahe-  
neam, illi hoc *verecundiam* vocant. Nimirum  
flagitiosè erubescunt fateri, quod patrare mi-  
nimè verebantur : ad flagitia effrontes, ad no-  
xium silentium pessimè verecundi.

Hic mihi in mentem est, nec sine gemitu  
recordor, quis ante annos centenos, Luteri  
æuo rerum status fuerit. O sæculum, planè  
non aureum ! difficile tunc erat ab hæreticis  
Catholicos dignoscere. Sacramentorum v-  
sus vix ullus. Confessio quot annis erat vna,  
eaque frigidissima, aut Confessionis mera  
puta ceremonia. Hæc enim talia plerunque  
quo rariùs, hoc peius facimus. Ita tunc om-  
nia inuaserat languor, vt sæpius quam semel  
anño toto diuinum epulum accumbere, ad in-  
star piaculi haberetur. In arcto, & velut in  
extremâ tegulâ stabat tunc temporis Religio  
& Pietas, & pudori erat nolle sapere cum in-  
sanis. Hæc planissima via erat, ad grassan-  
tem iam hæresin. Quid facilius plurimis,  
quam nunquam amplius de noxis confiteri,  
qui antea semel tantum in anno id facere con-  
sueverant. Quod rarissimè fit, non difficulter  
penitus omittitur, illud præsertim quod plus  
sormenti habet quam oblectamenti. Sed, pro-

pitio Deo, ita iam mutarunt tempora, vt af-  
firmare audeam, quisquis nostro hoc æuo,  
annuam dumtaxat confessionem instituit, hoc  
omnibus de seipso suadet, ne se alium esse cre-  
dant quam frigidissimum Christianum, qui,  
nisi lex vrgeret, nec semel quidem per annum,  
conscientiam expiaret, suis sordibus conten-  
tus. Fugiamus, Aedeseime, fugiamus letalem  
hunc veternum, sæpe peccamus, sæpe etiam  
peccasse doleamus.

a Sur. tom. 4. die 13. Iulij.

## S. III.

**Æ**DES. Sed quò confessio tam crebra?  
an non abundè satis menstrua? P A R-  
T H. Vix est vt credam hic te serium esse. Sed  
an non causas recitavi eius quod affirmo?  
Obsecro te, vel tantum humanæ voluntatis  
inconstantiam & prauitatem cogita; nisi ea  
nouis quotidie stimulis agatur, ad rectum, in  
obliqua tendit, ad veritum abit, diffuit ad in-  
honestam & noxiam. Vides hoc horologium con-  
cinnè & affabrè factum? nisi pondera quoti-  
die attrahantur, otia bitur velut mutus & e-  
linguis excubitor; nec indice nec tintinna-  
bulo loquatur. Vides illic in angulo textilem  
rotam aranearum? parietis diu non absterfi  
argumentum hoc est. Vitant araneæ cubacula  
illa ditiorum quæ sedulitas ancillarum creber-  
rimè deuerrit Vides hanc citharam exascia-  
tam dexterrimè? sed nisi fidium discordia, ad  
musicæ leges sæpius concilietur, dissona vo-  
ce pulsanti respondebit. Vides, hanc mei stro-  
phioli lineam niuem? vsu sordidatur, & in  
atrorem declinat, ni sæpius lauetur. Ea pror-  
sus Conscientiæ nostræ ratio est, nisi eam con-  
fessione sæpius laues, mox in eâ maculas, im-  
puritatem, sordes videbis. Quare vitia sua  
nemo libenter confitetur? quia etiam nunc  
in illis est. Somnium narrare, vigilantis est:  
& vitia sua confiteri, sanitatis indicium est.  
Expergiscamur ergo, vt errores nostros coar-  
guere possimus. a

Sed, num libet audire, octauam etiam causam?  
Brevissimè id perstringo, cuius iam su-  
prà mentionem feci. Diabolus, in somnis, per-  
uigil, septriceps draco, monstrum inquietissi-  
mum, alijs atque alijs insultibus nostram præ-  
cipuè pudicitiam incurfat, millies victus ali-  
quam tandem acquirendam victoriam non



desperat : via verò quâ tot hostiles incurſio-  
nes auertas aut etiam anteuertas , certior vix  
est villa , quam Pœnitentiæ Sacramentum , &  
frequens Confessio . Cum proditur hic hostis ,  
vincitur ; quamdiu later , victoriæ partem ob-  
tinet . *Æ*uo Ioannis Chrysostomi , horrificus  
leo magnam agris , pœcori , villis , hominibus  
ladem intulisse fertur . Venerunt ad optimum  
Pontificem qui suppetias pererent . Ille pro  
suggeſtu respondit , non aliam sibi eius vasti-  
tatis causam fingerent , quam diuinæ legis con-  
temptum , qui passim inter ipsos inualeſce-  
ret . Auertendæ autem huic cladi pœnitentiam  
& peccatorum confessionem suasiit .

Volant quandoque per orbem querelæ :  
Num ergo diabolus omnes rupit catenas , o-  
mnia fregit repagula ? an omnibus vinculis  
exutus liberè grassatur , & iam non rogat , sed  
imperat ? ita videtur fuisse eo tempore quo  
Dei filius in crucem actus est ; ipse Christus  
reſtatur : *Hæc est hora vestra , & potestas tene-  
brarum* . b. Videri tunc potuit cecodæmon om-  
nes sui carceris clathros effregisse . Huius ma-  
li præſens bonus I E S V S , discipulis pedes  
lauit , Eucharistiā porrexerat , vigilare iussit ,  
& orare : Tali certè tempore , talia sunt qua-  
renda remedia . Ergo , cum Stygiæ procel-  
læ in te ruunt ſeuiore impetu , pedes laua ,  
affectus & conscientiam purga , ad Eucharis-  
tiam propera ; vigila , & ora .

a *Senec. epist. 53.*

b *Luc. c. 22. v. 36.*

#### S. I V.

**F**inio , ad Nonam & vltimam crebre con-  
fessionis causam . Omnia nobis tuta ſunt ,  
nunquam erit vita . Mors incertiſſima est , &  
ſubiti caſus , eo ſæpe loci ac temporis , quo  
minimè veremur , nos opprimunt . Quoties ,  
quamque ſollicite , prorsus , & omnium Euan-  
gelistarum voce , Christus monuit : in omne  
temporis momentum paratos nos eſſe . Ne-  
que terè aliud eque inculcauit , quam hoc v-  
num , VIGILATE . Ore Matthei clamat : Vi-  
gilate , neſcitis quâ horâ Dominus vester ven-  
turus ſit a . Vigilate itaque , quia neſcitis diem  
neque horam b . Vigilate & orate , vt non in-  
tretis in tentationem c . Per Beatum Marcum ,  
non minus contentè nos inſclamat : Videte ,  
vigilate ; & orate , neſcitis enim quando tēpus

ſit d . Vigilate ergo , neſcitis enim , quâdo Do-  
minus domus veniat , an mediâ nocte , an galli-  
câtū , an manè , ne cū venerit , inueniat vos dor-  
mientes . Quod autē vobis dico , omnibus dico ,  
VIGILATE . Quaſo te , qui ſincerius nos & ar-  
dentius exhorterur ad indefeſſas vigilias ? At  
idem prorsus per ſanctum Lucam impetuſſi-  
mè commendat : Vigilate itaque omni tem-  
pore orantes , vt digni habeamini fugere  
iſta omnia quæ ſunt , & ſtare ante ſilium ho-  
minis e . Quid crebrius monet Beatus Paulus ,  
quàm hoc ipſum : propter quod vigilate f .  
Vigilate , ſtate in fide g . Igitur non dormia-  
mus ſicut ceteri , ſed vigilemus & ſobrij ſi-  
mus . h Quoties diuus Petrus hoc ipſum ad-  
monuit : Vigilate in orationibus : Sobrij eſto-  
te , & vigilate , quia aduerſarius vester diabo-  
lus , tanquam leo rugiens circuit , querens  
quem deuoret i . Nec aliud vigilantis Beatus  
Ioannes vociferatur : Eſto vigilans , ſi non vi-  
gilaueris , veniam ad te tanquam fur , & ne-  
ſcies quâ horâ veniam ad te . k Beatus qui vi-  
gilat , & custodit veſtimenta ſua . En , mi Æ-  
deſime , nihil tam neceſſarium nobis quam  
VIGILARE . Atqui malè in rem ſuam vigilat ,  
qui tam rarò per Pœnitentiæ ſacramentum ,  
ad Mortis aduentum ſe parat . Non exhorret  
mortem promptus ; paratus eſt migrare , qui  
de peccatis frequenter confeſſus , vitæ ſuæ  
rationes ſæpius inſpexit l . Produunt hiſto-  
riæ , ſacerdotem quemdam , virum admodum  
religioſum , quotidie conſiteri ſolitum , ante-  
quam ſacris operaretur . Hic ad extrema de-  
ductus monetur , vt ad exomologeſin ſe pa-  
ret , vitæ ſuæ vltimam . Ille , accepto hoc  
nuncio , ſublatis in cælum quâ oculis quâ  
manibus : Ergo , inquit , benediſtus ſit domi-  
nus meus I E S V S : triginta iam anni ſunt &  
plures , ex quo quotidie aliter confeſſus non  
ſum , quàm ſi confeſſio alia non eſſet ſubſecu-  
tura ; ac proinde ſatis mihi modò erit conſite-  
ri , tanquam mox à Confeſſione ſacrum fa-  
cturo . Hoc , VIGILARE eſt . Optimum  
Augustini conſilium eſt : Præueni Deum : non  
vis vt ipſe puniat , tu puni . Puniendum eſt pec-  
catum : ſi puniendum non eſſet , nec peccatum  
eſſet m . Non te pudeat coram vno dicere , quod  
te non puduit forſitan coram multis facere :  
Nam , vti Bernardus loquitur , Simulata con-  
feſſio , non eſt confeſſio , ſed duplex confuſio .

ÆDES.



**ÆDES.** Quod obducam, Partheni, sanè non habeo, nisi meum vnicum & pigrum **NOLLE**. Sed connitte vt id in me **VELLE** fiat Persuadam me tenes. **PARTH.** Ergo ad Lympham transeo.

a *Matth. cap. 24. v. 42.*

b *Matth. cap. 25. v. 13.*

c *Matth. cap. 26. v. 41.*

d *Marc. cap. 13. v. 33. 36. 37.*

e *Luc. cap. 21. v. 36.*

f *Act. cap. 20. v. 31.*

g *1. Corinth. 16. v. 13.*

h *1. Thess. 5. v. 6.*

i *1. Petr. 5. v. 8. & c. 4. v. 9.*

k *Apoc. c. 3. v. 2. & c. 16. v. 14.*

l *Alphonf. Rodriqu. par. 1. tract. 2. de perfect. cap. 5.*

m *Aug. in Ps. 44. & l. 2. de visit. infirm. cap. 5 tom. 9.*

n *Bernard. l. med. cap. 73.*

## CAPVT VII.

**Quintum INCONTINENTIAE antidotum, IEIUNIA, & ABSTINENTIAE EXERCITIVM.**

**I**gnis qui valentem materiam occupauit, aqua, & interdum ruina extinguendus est: ille qui alimentis deficitur, sua sponte subsidit. Subtrahe ligna foco — & fugâ vix notabili euanesceat ignis. Ignis ex Orco est Luxuria, quæ ipsum etiam corpus in flammam, Oppressam vis hanc flammam pabulum corpori subtrahe, & licet extingui non sentias hunc ignem, certè senties extinctum. Fames, amica est virginitati. Sputum ieiuni hominis fugat serpentem, ieiunij virtus Stygium draconem: Hec vna omnium Sanctorum Patrum vox est. Basilii: c Ieiunium, inquit, contra exercitum demonum dat arma. Chrysostomus: d Aduersus demonum naturam, inquit, constitutum est ieiunium. Hieronymus: e Pulchra res est, inquit, ieiunium quod demones terret. Origenes: f Cum ieiunatis, inquit, demones vincitis, omnemque illius classem malignam retrorsum agitis, mala desideria effugatis. Athanasius: g Ieiunij vim, ait, spiritus mali metuant. Ambrosius: h Nul- lum, inquit, remedium maius contra ini-

micum serpentem poteris inuenire, quam ieiunium. Quid multa? diabolus nemo vicit sine ieiunio. Iobus, illud celi spectaculum, iam vndique infelicissimus, ipse septem diebus ieiunauit Origine affirmante i. Ioannes, Domini prodromus, venit non manducans neque bibens, & adeo enim parci cibi potusque fuit, vt nec comedere, nec bibere videri potuerit. De Apostolorum ieiunijs, prædixit Christus: Auferetur ab eis sponfus, & tunc ieiunabunt: i Paulus, non vnum alterumve ieiunij diem sibi met indixit, sed in ieiunijs multis, in fame & siti, m corporis rebellio- nem expugnauit. Antonius per omnem vitam (Athanasius id prædicat) adeo pertinacis fuit ieiunij, vt nonnumquam biduo tri- duoque impransus & incenatus ageret, & quarta demum die, panis aliquid, sed parcissi- mè gustaret: sal ei pro omni condimento, pro- generoso Cretico fuit frigida. Hilarion quin- decim annorum iuuenis, vt omnem in se car- nis petulantiam expungeret, eiusdem æmu- lus abstinentiæ, post occasum solem, quindecim caricis, nescio an famem fallere, an irri- tare sit solitus. Cumque ne sic quidem om- libidinis scintillam in se sopitam crederet, ie- iunium adeo intendit, vt triduum & qua- triduum sine omni alimento duceret vsque dum vix amplius spirare posset.

a *Senec. epist. 30.*

b *Plin. lib. 28. cap. 4.*

c *Hom. 1. de ieiun.*

d *Tom. 5. serm. 2. de ieiun.*

e *Lib. 2. contra Iouin.*

f *Hom. 4. in diuers. in Matth.*

g *Lib. de virginit.*

h *Lib. 6. Hexamer. c. 4. ad fin.*

i *Tractat. 3. in Iob.*

k *Matth. cap. 11. v. 18.*

l *Matth. cap. 9. v. 15.*

m *2. Corinth. 11. v. 27.*

n *In vita Antonij.*

## S. I.

**S**unt morbi, in quos medici liberè pro- nunciant: mittatur è vena sanguis, nec prius sistatur dum linquatur animus. Morbi- uehementia lene remedium conténit. Hoc i- dem secum Hilarion egit, ita succurrendum



putabat animo, dum deficeret caro, neque enim hac salua sanum sibi spiritum promitterbat. Herbarum succo, inquit Hieronymus, & paucis caricis post triduum vel quatrimum, deficientem animam sustentabat, & ieiuniorum laborem labor operis duplicabat, sic attenuatus, & in tantum exco corpore, vt vix ossibus hareret. Verum est omnino B. Ambrosij effatum: Quod nocet corpori, iuuat spiritum. Et Christi verissimum: Hoc genus non eiicitur, nisi per orationem & ieiunium. a. Acriora enim dæmonia (inquit Hieronymus b') docuit Dominus, non nisi oratione & ieiunio posse superari: Certè sic est: acerrimus ille Luxuriæ spiritus, hoc genere armorum enervatur, de quo Augustinus: c Vide-te, inquit, charissimi, quanta sit ieiunij virtus, vt id facere ieiunium valeat, quod Apostoli nequiverunt. Inde pulcherrimè atque validissimè ratiocinatus Ambrosius: d Videte ergo, ait, quæ sit ieiunij vis, quantam homini suo præstet gratiam, quod tantam præstat alteri medicinam: videte quomodo proprium sanctificet hominem, quod ita purificat alienum. Mirum, ter mirum: alter ieiunat, & alteri prodest ieiunantis abstinentia, iste pharmacum sumit, & ille vi pharmaci curatur. Quod etiam D. Leo Pontifex admiratus: tam grata est, inquit, Deo, quam terribilis diabolo ieiunantis oratio. Quod si ea est virtus ieiunij, vt qui illo munitur, infessorem dæmonem ex alieno pellat corpore, quanto magis poterit impugnatores suos? alieni vim ieiunij, in eo quem iam occupat, non sustinet cacodæmon, & quomodo sustinebit proprii in eo quem tantum impugnat? Ecclesia ergo rectissimè canit? Qui corporali ieiunio vitia comprimis. Diabolus intemperantia & gula vitijs omnibus pandit aditum, ideo gulam Ambrosius e vocat, primum diaboli spiculum: Hieronymus, f prima dæmonum arma: Basilius g prima malorum causam & vniuersale venenum: Chrysostomus, h r e m summe gratam dæmoni. Ideo Hieronymus, i cum cibo, inquit, abundanti carnem reficimus, oleum igni affundimus, vt maiores effundat flammæ. Et notum illud Augustini: Affluentiam ciborum, comitari solet insolentia verborum; saturitatem ventris, sequitur leuitas operis, & vanitas mentis. In-

ter epulas & delicias intutissima est Castitas: esurire discat, qui Castitatem amat.

a Matth. c. 17. v. 21.

b Lib. 2. contra Iovin.

c Ser. 65. de Temp.

d Serm. 25

e Lib. de Elia c. 1.

f Epist. 22. ad Eustoch.

g Hom. 1. de ieiun.

h Hom. 71. ad pop.

i Epist. ad Furiam.

## S. II.

**Æ**DES. Ingrata est concio quæ famem laudat. Et quæso te, comedere, bibere, satiari quid demum mali est? PARTH Quid hoc mali sit nescio, omnium malorum initium fuisse sat scio. Noëmi æuo, cum omnis caro corrupti viam suam, cum corrupta est terra corâ Deo & repleta iniquitate a. Hoc ipsum omnis nequitie principium erat edere & bibere. Christus clarissimè testatur: b Sicut enim erant in diebus ante diluuium comedentes & bibentes, nubentes & nuptui tradentes. En, quàm bene iunguntur mensæ & nuptiæ, epulæ & nequitie, saturitas & libido, Bacchus & Venus. Mihi crede, vbi ieiunium exulat, ibi nullo in pretio est Castitas Nam, vti verissimè Seneca: c Honestum ei vile est, cui corpus nimis carum est. Qui famem odit, Castitatem vix amabit. Diui Ambrosij oraculum est hoc: Pascitur libido conuiujs, nutritur delicijs, vino accenditur, ebrietate inflammatur. Sic est prorsus: lasciuie corporis illecebæ non aliunde quàm ab immodica saturitate manant. Aptam huic malo medicinam passim docet Hieronymus. Cum enim virginem Eustochium doctor sanctissimus erudiret, dicere non dubitauit, castitatem diuturnam firmamque esse non posse, nisi temperantia eam defendat, ciborumque vsus parcissimus, vt (ita ipse loquitur) stomachum potius quàm mentem dolere malimus, & crura magis quàm pudicitiam vacillare. Paleis astellum, paleis pascendum esse non hordeo, monuit iam supra castissimus Hilarion. d

Luxuriæ currus (vti cum aliqui depingunt) quatuor habet totas: Vestium molliem, Orij defidiam, Oculorum petulantiam, Ventris ingluuiem, à geminis equis trahitur, Prosperi-



*ate vite, & Abundantia rerum.* Duo his præfunt auriga, *Luxus & Languor.* Aristoteles hæc confirmans: *e* Venus, inquit, comes & pedisequa est Satiæ. Ergo ieiunij & sobrietatis comes erit Castitas. Eadem enim est scientia contrariorum, ut eidem philosopho placet. Verbum tam vetus quam verum reperto: Nunquam fames adulterium genuit. Nimirum, sine Cerere & Baccho friget Venus.

Hoc est quod Israelis populum in libidines & vitia egit præcipitem. Sedit populus manducare & bibere, & sarrexerunt ludere. *g* Hic ordo rerum est; post epulas choreæ. Hæ enim lautioris mensæ sunt appendices.

*ÆDES.* Ergo etiam choreas prohibes? *PARTH.* Non ego, sed lex Pudicitie. Nostri aut choreas attende, & eas plerumque non aliud esse dices, quam diaboli theatrum? & palæstram aut præludium Veneris. Tripudia læpe totius hilaritatis velut ultima scitamenta sunt. Scilicet post mensam, etiam lasciviæ sacra fiunt, temulento motu obeunda.

Corpus animum & tegit, & detegit; membris tegit, sed ipsæ etiam detegit, nam manuum iactatio, pes mobilis, oculus vagus ac petulans tale aliquid arguunt esse in animo qui non cernitur, quale in ipsis est quæ cernuntur. In choreis multa sunt urbanitatis specie quæ Castitatis vernos incidunt. Liberæ hic manus, liberi oculi, liberae volant voces. Hæc sunt quæ pudorem labefaciunt, hi sunt libidinis stimuli, hæc laxamenta licentiae. Appositè quidam de choreis hoc pronuntiavit: Choreæ est circulus, cuius centrum est diabolus, & circumferentia omnes angeli eius. Sanè illic variè offenditur Castitas, & quandoque tam spectando quam saltando, in illam delinquitur. Cum hoc exactè congruit dictum Chrysostomi: *b* Vbi lascivius saltus, ibi diabolus. Rex Alphonsus non illepidè aiebat, saltatorem & stultum eo tantum distingui, quod ille totâ vitâ, iste dum saltet, stultescat, cum hoc vnum agat, ut ad numeros & tibiarum voces scitè insaniat. Apud Iobum, petulantiam olet & libidinem exultare lusuibus. Et cum liberior musica choreis applaudit, certè non Spiritum sanctum, nec castas cogitationes animis instillat. Saltando, *Ædesime*, nec sancti sumus, nec casti, nec si fuimus, tales manebimus. Lu-

cus vocatur, quod veriùs appellaretur scelus, aut sceleris festiùm irritamentum: & quis redit à choreis castior? Eo nomine choreas rectè quoque dixeris, diaboli aucupium, è quo auceps iste vix unquam abit vacuus, & sine prædâ. *ÆDES.* Sed vereor, *Partheni*, ne frustra moneas, nec retrahas illos tam avidos saltationis. *PARTH.* Si sic illis collabiturum est, pergant, & ad Orcum descendant saltando. Ego foueam & præcipitium monstravi currentibus; si nolint hunc cursum sistere, sibi culpam impudent, qui cupiunt perire. Ad institutum redeo.

*a Gen. cap. 6. v. 11. & 12.*

*b Matth. cap. 24. v. 38.*

*c Epist. 14.*

*d Thomas Cisterciens. in Cant. ca. 1. v. 4.*

*e In problem. sect. 10.*

*f Terent. in Eunuch.*

*g Exod. c. 32. v. 6.*

*h Hom. 49. in ca. 13. Matth.*

*i Iob c. 21. v. 11.*

## S. III.

**A**bstinentia & ieiunijs, lascivire dediscit caro. Hieronymus mihi iterum in mente est? Omnis caro, inquit, a concupiscit quidem ea quæ carnis sunt, & quibusdam illecebris, ad mortiferas animam voluptates trahit. Sed nostrum est voluptatis ardorem maiore Christi amore restringere & lasciviens iumentum frans inedia subigere, ut non libidinem sed cibos quærat, & sessorem spiritum moderato ac composito portet incessu.

Daniel ieiunus, inter septenos & quidem impios leones, velut inter agnellos, sex continuis diebus illæsus agit, *b* & ipsos etiam leones ieiunare docet, ait Basilus. Hoc tu miraris? inquit Chrysostomus, ieiunium interroga, à quo hæc virtus. Ideò D. Petrus contra rugientem ex Orco leonem, aliud non præcepit, quam: Sobrii estote, & vigilate. Ideò sanctissimus ille Hebræus Rex. Operui, ait, in ieiunio animam meam. *d* Numerum animi operimentum, subiungit Ambrosius, ieiunium. Qui non ieiunat, nudus & intectus est; patet vulnere. Adam si ieiunio se texisset, nuditatem suam non erubuisset. Cum ieiunat Noë, cunctis pereuntibus superstes est,



est, cum vini vim ignorat & potat, sui filij fit ludibrium. Lot sobrius incendium euadit, remulentus incestum incurrit. Dum Samson ieiunium seruat, leones sternit, mille militiæ cedit, ciuitatis portas velut plumam tollit, vincit & perrumpit omnia, ipse inexpugnabilis: iam vini & feminæ illecebris captus, robur amittit, in hostium potestatem venit, oculos, vires, vitam, omnia perdit. Sciuit hæc Dauid, & idcirco pugnae se parauit, & ne cui hostium aditus pateret ad rapiendum, vulnerandum, occidendum, ieiunij operimentum arripuit, eoquæ se munijt: Operui in ieiunio animam meam. Castitatem defendere, & seruare vis? Operi te ieiunio: Abstinendo vinces. Illud Diui Ambrosij sæpius iterandum: Fames amica est Virginitati, inimica lasciuia: Saturitas verò prodigit Castitatem, nutrit illecebram. Ea de causa, idem hic sanctissimus Præsul, Ieiunium vocat, delictorum excidium, salutis remedium, fundamentum Castitatis. Et Diti Augustini præconio: Ieiunium purgat mentem, subleuat sensum, carnem spiritui subiicit, concupiscentiæ nebulas dispergit, libidinum ardores extinguit, Castitatis lumen accendit.

Audis hæc? & etiamnum Abstinentiam repellis? vel festum numero te obruam. Atha, nascus: Vide, inquit, quid faciat ieiunium; dæmones fugat, malas cogitationes expellit, cor reddit purgatius, corpus sanius. Petrus Rauennas: Scimus, ait, ieiunium esse Dei arcem, Christi castrum, Castitatis signum, Sanctitatis trophæum. *g* In aperto & extra li-tem, Abstinentiam plurimum & *Sanitati* & *Castitati* facere. Id enim quod noxij & nimij est in corpore, absomit, caput serenat, animum ad saniores cogitationes disponit. Et hæc Salomoni causa fuit, de genio fraudando consilium capere: Cogitavi, inquit, in corde meo abstrahere a vino carnem meam, vt animum meum transferrem ad sapientiam, deuitaremque stultitiam *h*. Ita Enos, Enoch, Mathusalem, Noe, non minus sapientes fuerunt quam abstinentes. Ita Nazaræi ac Rechabita a sapientiâ æquæ ac abstinentiâ commendantur. Iuditha tam sapiens quam casta, formam & pudicitiam suam cilijs & ieiunijs propugnauit. Quid memorem illos Terræ Angelos, tot millia Eremitarum,

Monachorum, Coenobitarum, quorum omnis vita fuit abstinere, & Deo sapere? Verè, anima sicca & sobria, anima sapiens & casta.

*a* Epist. 9. ad Saluin. c. 5.

*b* Daniel. c. 14. v. 13.

*c* 1. Petr. ca. 5. v. 8.

*d* Psalm. 68. v. 13.

*e* De Elia c. 4.

*f* Serm. de quadrag.

*g* Serm. de ieiun.

*h* Eccl. ca. 2. v. 1.

## §. IV.

**N**Ec idololatrias hoc latuit. Prisci Persæ, si Xenophonti credimus, ad panem, nisi nasturcium adhibere soliti, sunt & variâ tunc virtute floruerunt, Orbis domini per annos ducentos, a Cyro ad Darium, qui inter delicias & vina, imperium & vitam perdidit. Priscos Egypti sacerdotes Chærede-mus asserit, carne, ouis, vino, & lacte semper abstinuisse, vt & libidinis ardorem restingerent, & diuinis intentius puriusque vacarent. Iudæorum Esseni vino & carne sibi interdixerunt. Delicias, maximam hominis pestem iudicauit Socrates, idè virtutis studiosos ad colendam abstinentiam crebrius hortabatur, eaque de re interrogatus, quid solus ipse à ceteris adeo discrepare mallet: Alij, respondit, viuunt vt edant, ego verò edo vt viuam.

At mittamus vetera; longè illustriora præ his sunt recentia. Sed nosti me: catalogum nontexam, paucos nominabo, sed Magnos. Inter ipsas dapes abstinere aut esurire, mihi semper maximum fuit. Terror ille Romanorum Hannibal, sæpe tunc minimè bibit cum maximè sitiit. Et vt sitim suam reddere docilem, aquam quandoque spectauit, sed nec guttam libauit inde. Silius: Exercetque sitim, & spectato fonte recessit. Magnum hoc est, sed Hannibalem non idè inter Magnos numero, alios & maiores spectro.

Norus ille cælo Daniel, quinquagesimus septimus Archiepiscopus Mogutinus, Elector quadragesimus primus, qui Anno Christiano 1582. obiit, vir sanè in omnibus Magnus, hoc multis superior. Ieiuniorum erat obseruantissimus, suaserant ei medici, aliique complures, ad ieiunium verum melius tolerandum,



um, vt, quandoquidem pisce non vesceretur, carnes in mensam admitteret. Pontifex etiam, cum ieiunij lege soluerat. Solus ille sibi minimè indulgebat, atque cum aulicam eamque exquisitam mensam accumberet, ouis solum & iusculis contentus, à ieiunij legibus nec latum vnguem abibat. *a* S. Ambrosius Pontifex, annis compluribus nunquam prandit, de die semel dumtaxat refectus. S. Carolus Borromæus, Romanæ Curia purpuratus senator, dignus Ambrosij in tā alto folio successor, delicatè quidem educatus, eò tamen se assuefecit, vt vltimis vitæ annis solo pane & aquâ viueret; solis diebus festis aliquid opsonij addidit, nihil tamen eorum quæ gulam mulcerent; nam carne, pisce, ouis, vino semper abstinit: per quadragintadietale ieiunium etiam panem sibi negabat, fabis tantum & sicibus famem mitigabat, non explebat, hebdomade sanctâ non nisi lupinis) amarorum pisorum genus est) victitabat. Hem, tantus Princeps, tam rigidas ieiunij leges ipse sibi statuat, & nos ad ipsum collati, mera mendicabula, iuuenes robusti & vegeti, quibus sanguis in variâ petulantiam ebullit, abstinentiam & ieiunium sic horreamus? Nimirum, nisi venter bene fartus semper nobis turgeat, mox morbum & mortem somniamus, cum fames in omne morborum genus validissimè pugnet.

*a* Nir. Sera. l. 5. hist. Mog. in Dan. c. 22.

## §. V.

**I**N Italia certè peritissimorum medicorum, primum in omni morbo pharmacum est, fames & inedia. Rationi hæc admodum conuenienter faciunt, primum enim omnium morborum seminarium est ingluuies & oppletio, cui sola abstinentia optimè medetur. Sicut ergo fames omnibus corporis affectibus conducit, sic eadem omnium in animo vitiorum est Antidotum. Non cernis, vt elato frangat ceruicem fames? Auaro, rubiginosos educere thesauros fames persuadet. Iracundus si egeat, sit mitior. Otio torpentem ad opus extimulat fames: qui enim vitat molam, vitat & farinam, & quia fames fastidiosa non est, gulosum à lauticijs ad frugalitatem, luxuriosum à spurcitijs ad continentiam perducit. Omnibus vitijs resistit fa-

mes, luxuriæ plurimum. Perpeffi sunt exercitus, inquit, Seneca, *a* inopiam omnium rerum, vixerunt herbarum radicibus, & dictu scdam tulerunt famem, Hæc omnia passi sunt pro regno (quò magis mireris) alieno: & dubitabit aliquis ferre famem, vt animum libidine liberet?

Narrat Rufinus Aquileiensis dignum memoratu *b*. Ad religiosum senem reuiscit quispian, & : Mi pater, inquit, quid faciam? non sum amplius sustinendo tot impuras cogitationes, adeo animum meum implent sordibus. Cui senex: ad similes cogitationum sordes non memini me trahi. Agrius id verbi accepit homo, & id fieri vix posse iudicauit. & quomodo, inquit, hoc fieri potuit, vt nunquam ab importunis hisce cogitationibus impugnaretis? Senex ad ista: Ex quo, inquit monachum indui, nunquam satis panis comedi, nunquam satis aquæ bibi, nunquam satis somni admisi. Ita prorsus, quia nunquam satur, cibum potius aut somnum appeto; nihil molestiæ mihi facessit libido. Audijs iuuenis, & plurimum profecit ex modestissima hac Abstinentiæ commendatione. Repeto meum, & finio; Fames amica Virginitati.

*a* Epist. 17.

*b* Lib. 3. apud Rosuueid. num. 62. Pelag. libell. 5. num. 31.

## CAPVT VIII.

*Septimum INCONTINENTIAE Antidotum, LABORES & AMOR EXERCITII.*

**Æ**DES. Satis multa de Ieiunio. PARTH. Plura debuissent. sed capere reputo, quam cognata sit Castimonix Abstinentia. Sed num recordaris versiculi nostri?

*Leitio, Flagra, Preces, Confessio, Lympha, Labores.*

Lympham exposui. Sanè quod lympa est igni, hoc Abstinentia est libidini: Sed progrediamur, paucis te docebo, tam amicos Castitati labores esse, quam inimicum otium. Reperias forsân, qui nequaquam ferant otiosorum, titulo insigniri sese, illi ipsi tamen sic laborent, vt dubium sit, otiosi præstet an



tic laborare. Garriunt, & fabulantur vanissima, & hoc colloqui vocant & seria conferre, ludunt, deambulant, potant, libros non legunt sed lustrant, otio nauseam demunt, sexcentis ineptijs diem frangunt, & omnia agendo, nihil agunt. Homines, inquit Seneca, a inter oleum & vinum occupati: quibus ad votum dies est actus, si bene desudauerunt, qui, quantum sudoris effluit, tantum portionis ingerunt. Et hoc illorum est LABORARE: hæc sterilissimæ confabulationes CONVERSATIO vocantur. O quanta pars vitæ nobis elabatur nihil agentibus, quanta male agentibus! Ego vero alios tibi labores ingeram tuendæ Castitati.

Noſti Dianam ideo fingi virginem, quod otium odiſſet, ſequæ cum ſuis aliſiduo venatu exercuiſſet. Apud virginẽ hunc cœtum malẽ audiſt, Salmacis Nympha, quod ceteris perpetuo in opere deſudantibus, ſola illa ignauiffimas ſectaretur occupatiunculas, & vel crines peſteret, vel vultum erugaret vel genas ſtudio fucaret, vel ſpeculum conſuleret, vel in veſte plicas emendaret, vel flores legeret; illa tamen ſibi viſa plus omnibus agere, & ſe neminem eſſe occupatiorem. Veniſte de hac Ouidius. b

*Sepe ſuas illi, fama eſt, dixiſſe ſorores:*

*Salmaci, vel iaculum vel pictas ſume pharetras,*

*Et tua cum duris venatibus otia miſce.*

*Nec iaculum ſumit, nec pictas illa pharetras,*

*Nec ſua cum duris venatibus otia miſcet.*

Eadem hæc voces, iuueni tam malè occupato ſapius ingerendæ: Quid ceſſas dormitator? Age aliquid, age, age: chartam explica, calammum ſume, nota, ſtylum exerce, epistoſas concinna, orationes compone, poëmata pange. Scripſiſti? Nunc librum arripe, lege, memoriæ manda. Legiſti? Nunc orã, cum Deo age, pia & ſacra meditare. Oraſti? ad lectionem, ad ſcriptionem teipſum reuoca. Nil ſine magno labore mortalibus natura dedit: aliſiduo labor, longaquæ exercitatio doceant omnia.

Neque ego te iubeo aliſidue imminere libro aut pugillaribus; dandum eſt aliquod intervallum animo, ita tamen vt non reſoluatur, ſed vt reſpiret, & remittatur. Reſpiraſti? Ad

labores redi; calamos, chartas, libros reſume, vrge opus. Hic vitæ noſtræ circulus eſt, aut laborandum, aut à labore nonnihil reſpirandum, nec in ipſa tamen reſpiratione penitus otiaudum, eſtquæ in ipſo otio cauendum otium.

a *Epist. 15.*

b *Lib. 4. metamorph.*

# §. I.

**S** Vbiſt aliquando eremi tædium Antonium, dubiũquæ clamaffe fertur: Seruari cupio, ſed meæ mihi cogitationes aduerſantur. Dum ſic animo fluctuat, cernit in vicino hominem monachi veſte, nunc calathos texentem, nunc ad preces in genua ſubſidentem, nunc alia facientem: ſimul & vocem audiſt: ita & tu fac Antoni: Oraculum ſecutus Antonius, per has orationis & operationis vices, omnem ſolitudinis moleſtiam abſterſit perfeuerantia inexpugnabili. Inſtar reſectionis eſt, mutatio laboris, & generoſos animos nutrit labor. **ÆDES.** Et quorſum continua hæc cum laboribus luſta? **PARTH.** Vt Caro tam quietis quàm libidinis appetentiſſima, hoc ſtrata gemate diſtineatur, ne quietſcere incipiat, & ſimul laſciuire. Nimis ei pronum eſt, à quiete ad laſciuiam deſluere. Plerumque enim, cum manus ab opere ceſſat, mens ſe cogitationibus impuris occupat. Ea re Hieronymi monitum eſt, ſanè ſapientiſſimum: Nunquam te diabolus non occupatũ iuueniat. Ea de cauſa per totam Ægyptum nulli monachorum ſerebantur otioſi, a ſuũ quiſque ſibi victũ labore parabat, nemini grauis, cum nec oblata quidem ab alijs admittere liceret. Tu tibi labora, dicebam tuæ te manus nutriendæ, non alienæ: non eſt viri, ſudorem timere. Hinc eius omnes indiſtriæ fuerunt, vt non ſolum ſibi, ſed & peregrinis atque hoſpitibus cenulam inſtruere poſſent. Imo etiam per loca Lybiæ quæ fames preſſerat, & per diuerſos carceres plurimum alimonix liberaliſſimis ſubſidijs partiebantur. quæ omnia labor illis ſubminiſtrauit.

Inde inter eos vulgaſſiſſimum erat, velut oraculum: Qui laborat, ab vno ſolum dæmone vellicatur; deſes & ceſſator ab innumeralibus exagitur. Ex illorũ numero vnus, probatiſſimæ vitæ, Paulus Abbas tametiſ palmarum



marum fructibus & hortuli sui prouentu abū-  
de reficeretur, & ideo colligendæ cenæ securus  
feriari posset, ne tamen innumeros in se dia-  
bolos conciret otando, & castitatem pericu-  
lo exponeret, sportulas terebat, & quodidia-  
num à se pensum exigebat seuerissimè. Tam  
remotus autem ab vrbe degebat, vt si merces  
suas venum voluisset extrudere, maius vecturæ  
quam omnium sportellarum pretium fuisset.  
Ita elapso anno cum antrum suum vimineis  
textis impleisset, ignem subiecit, & vnus anni  
laboriosam solertiam Vulcano vendidit. Ne-  
que enim vllus, aiebat, aut castas habebit co-  
gitationes aut cor mundum retinebit, aut dia-  
bolum vincet feriando. *b*

*a Cassian. l. 10. instit. c. 22. & 23.*

*b Cass. l. 10. instit. cap. 24.*

## §. II.

**T**er pigrorum quasi sepes spinarum *a* Qua-  
quā it otiosus, spinas offendit; omnes eius  
semitæ impurarum cogitationum sentibus  
sunt obductæ, & hoc otiosi labor est, turpia  
cogitare: has ille corbes contexit, quas po-  
stea peculante lingua pro libitu quibuscunque  
venales obtrudit. vix enim à spurcis sermoni-  
bus temperat, qui eiusmodi cogitationes non  
refrenat. O Salmaci, ô piger, sume pharetram,  
iaculum cape, & tua indutrij conatibus fran-  
ge otia. Age aliquid, labora, opus adorna,  
aut te mitte, aut te innumerabiles diaboli ex-  
agitabunt.

Pelagius memorat, *b* fuisse qui cupiuerit à  
molestissimis *Carnis & diaboli* suggestionibus  
liberari, serio tamen resistere nunquam ani-  
mum induxerit. Hunc religiosissimus senex  
aggressus: O cursor, inquit, testudines, tan-  
tum nobis vacat, iam viuere, iam mori sci-  
mus: O athleta dormiens, vis saluari? vade,  
labora; vade, affligere; vade, vigila, pulsa. An  
nescis quid faciant Pancratiastæ? ad certa-  
men vocati, proiectis alte brachijs consistunt,  
caputque & os manibus oppositis quasi vallo  
præmuniunt: membra eorum omnia aut ad  
vitandos ictus cauta sunt, aut ad faciendos  
parata, & calce, & pugno ferire norunt. Ita  
& nos oportet animo semper esse prom-  
pto atque intento: standum est, modisque o-  
mnibus contra nitendum; cor sanctioribus

cogitationibus firmandum. Faciamus nos  
quod in nobis est, & dominus pugnabit  
pro nobis.

Sic est: nobis laborandum est, nec vnquā ab  
opere cessandum, cetera bono Deo cōmitten-  
da. Quod si necdū ô piger, ad laborem incale-  
scas, vel Paulum ad opus stimulatē attendes:  
Ijs autē qui eiusmodi sunt denunciamus &  
obsecramus in Domino Iesv Christo, vt cum  
silentio operantes, suum panem manducent.  
Quoniam si quis non vult operari nec man-  
ducat *c*. Peritissimus medicus iste, pharmaco  
vnico plurimorum morborum causas incidit,  
quot enim vlcera ab vna radice otij emergunt,  
tot vno illa omnia operis cataplasmate curan-  
tur. Quam vero alijs legem tulerat, eius ille  
prior obseruantissimus fuit: Ipsi enim scitis  
inquit, quemamodum oporteat imitari nos  
quoniam non inquieti fuimus inter vos, neque  
gratis panem manducauimus ab aliquo, sed in  
labore & in fatigatione, nocte & die operan-  
tes, ne quem vestrum grauaremus.

En tibi Tarfensem Paulum, vbi classicum  
illud indarat, quo partem multo maximam  
humanæ gentis ad Christi signatraduxit, ali-  
menta manu quesit; funes texuit, scenas &  
tentoria concinnauit. Ipsa Domini mater, quæ  
nunquam otiosa fuit! nulli pulchrius diurna  
vitæ ratio constitit, quam Beatissimæ huic  
Virgini, quæ à prima luce ad tertiam diei ho-  
ram placando Numini vacabat sedulo, inde  
ad meridiem lanificio, mox à cibo, qui illi  
parcissimus fuit, reliquum diei diuinarum re-  
rum lectionibus applicabat.

*a Prou. c. 14. v. 19.*

*b Libell. 5. num. 5.*

*c 1. Thess. 2. v. 12.*

## §. III.

**Q**uod si Apostoli, ait Hieronymus, ha-  
bentes potestatem de Euangelico viuere,  
laborabant manibus suis, ne quem grauarent;  
cur tu in vltus tuos cessura non præpares? Faci-  
to aliquid operis, vt te semper diabolus inue-  
niat occupatum.

O Salmaci, Salmaci! ô pigrum pecus! ad  
laborem nati sumus, nec vlla nobis sine la-  
bore obtingit virtus. Scis, dum se David ex-  
erceret in militia, non insultabat ei luxuria:



cum cœpit abundare otio, cœpit etiam laborare adulterio: Salomon dum templum ædificat, luxuriam superat, ab opere quietus, & Astartem Deam colit, & Venerem. Agamus, Ædesime, agamus semper aliquid, vt nos diabolus nunquam non occupatos inueniat. Concessum nobis otium, vertamus in negotium, nulla nobis prætereant expens laboris, non dies dumtaxat, sed nec hora, sed nec pars horæ. Ij quibus vacare lubet & feriari, nondum didicerunt *nosse tempus*, quod Pittacus monebat.

Tempus, pretiosissimum est impendium, nec alterius vllius rei grauior est quàm temporis iactura. Perdi potest tempus, reparari non potest. Aliquid temporis amisisse, damnum est irreparabile. Idcirco ipsi Parthorum reges ne desidia torpescerent, telorum cuspides acuerere consueſſe, seduloque id fecisse traduntur; vt non solum animi oblectationem ex ea re sibi quesierint, sed & laudem. Sarius profecto est aliquid agere, quam nihil agere, modo id quod agitur, honeste fiat. Qui nihil agit, esse omnino non videtur, nisi cadauer culcitæ incumbens & torpore multo sepultum.

Plinius Maior, cum nepotem suum cerne- ret otiosè diem imminuere deambulando: Poteras, inquit, has horas non perdere. Ah (non sine dolore gemo) ah quoties videre est iuuenem aut virum his ipsis vocibus compellandum: poteras has horas, hos dies; poteras imo hebdomades, hos menses non perdere. Breue est vitæ huius curriculum, inquit Hieronymus, hoc ipsum quod loquor, quod dicto, quod scribo, quod emendo, quod relego, de tempore meo mihi aut crescit aut deperit. Nihil æquè vitam hominum aut aptius instruit, aut validius confirmat, quàm honesta operatio, & solers industria. Ignauia hebescent animi, torpescunt corpora, fiuntque morbis impensius obnoxia: vtrumque tuetur diligens exercitatio. Omnis in actu virtus sita est, nec effugit diaboli pedicas, quisquis fugit laborem. Labor est materia virtutis & gloria; illum qui reiecit, eiecit istas: non potest paruo res magna constare. Ad rem nostram verissimè Laurentius Iustinianus: Quæ admodum, inquit, temperato labore carnis incendia cohibentur, sic otio fouentur &

crescunt. *b* Centies repetendum: Assiduè age aliquid, vt te diabolus semper inueniat occupatum. Sequitur: *Portarum excubia.*

*a Senec. epist. 19.*

*b Lib. de ligno vite cap. 5.*

## C A P V T IX.

*Septimum INCONTINENTIÆ Antidotum sollicita SENSVM exteriorum CVSTODIA.*

Oculos pudicè claudendos, supra demonstrauimus. Verùm vrbs illa hostem non excludit, quæ vnā obseruauerit portam, apertis ceteris: omnes claudendæ sunt. Pars magna innocentiae est, opportune velasse oculos. Sed plures sunt ianuæ per quas illabatur hostis, nares odorem, sermonem aures, gustatus saporem admittunt, manus tactione gaudet. Ad omnes has portas intentissimis excubijs est opus, parum est hic vigilare ianitorem, nisi & pugnare sciat, atque hostiles ingressus vi arcere. De his quinque corporis sensibus non inueniunt Nicetas Serronius: Sensus, inquit, nisi probè regantur, ad vitium faciles sunt viæ, peccatique ianuæ; per eos enim ad vitia nobis aditus patet, ac per eos in animum influunt peccatum. Hi ipsi sensus humani sæpissimè lenones sunt, qui blandis illecebris mentem in vitium flectunt, nuncij sunt, qui ad voluptatem inuitant; raptiores sunt, qui animum ad res creatas abripiunt, fenestras sunt, per quas omnium scelerum contagio irrepit; ostia sunt per quæ animus semet sibi suffuratus, clanculum euolat ad prohibitam pabulationem. Idcirco Gregorius Magnus: *b* Ad custodiendam, inquit, cordis munditiam, exteriorum sensuum mundities seruanda est. Mors per fenestras ascendit, & domum ingreditur, cum concupiscentia per sensus corporis, habitaculum mentis inuadit. Sic perimus miseri: rimarum sæpe ac fenestrarum pleni sumus, & quacunque voluptas veniat & ingressum roget, beneuoli eam ac faciles admittimus, non aliter quam Troiani fatalem illum equum, qui tunc demum cœpit esse exitium vrbs, cum vrbe receptus est. Multa recipimus per exteriores sensus, quæ primà fronte amicitiam præseferunt, recepta hostilem in nos squitiem ex-  
ercent,



ercent, & animum necant. Quis delicatas epulas, generosum vinum, bellaria exquisita non applaudente gustatu recipit? ingrediuntur blande, sed in nouissimo mordent ut coluber, & sicut regulus venena diffundunt. Quis suauissimam Sirenum symphoniam non audis haurit auribus? At non semper pudica & casta est musica: aliquos quandoque ad bellum afferavit, alios tamen etiam ad libidinem incitavit. Quis Sabæos odores & fragrantia cinnama non patulis trahit naribus? Quis tactu mollia non promptis attrectat manibus? sæpe tamen hæc talia nescio quam mollitiem affricant animo. Quis elegantis formæ decus non beneuolentissimis tueretur oculis? sed heu, quoties decepto lugendum fuit: Vt vidi, ut perij, ut me malus abstulit error?

a In comment. in orat. 38. Nazian.  
b Initio cap. 31. Iob.  
c Prov. cap. 23. v. 32.

## S. I.

**I**Ta frequentissime *Videre* nostrum, & *Audire*, nostrum *Odorari*, *Gustare*, *Tangere*, in apertum; nos non periculum modo, sed exitium clandestina prodicione perducit. Salomon monuit: Omni custodia custodi cor tuum, quia ex ipso vita procedit. At cordis nulla erit custodia, nisi quinque illorum ad cor ostium custodita sint claustra. *Ædes*. cui ergo clauæ ad quintuplex hoc ostium committendæ? *PARTH.* aut *Necessitati* aut, *Utilitati*, alterutri sanè, nunquam *Voluptati*. hoc assero: si quid videre velis, si quid audire, si quid alijs sensibus admittere, aut *Necessitas* te cogat, aut *Utilitas* impellat, si ad solum *Voluptatis* nutum hæc portæ pandantur, vel etiam vnica illarum, non custodis cor tuum, sed prodidis: proditorem tui te castri non gubernatorem fuisse, breui senties. *Voluptas* enim ubi has clauæ nanciscitur, ad cordis penetralia, turbam intromittit promiscuam, & plures hostium quam amicorum. Inde animus heu quantis ineptijs, phantasjs, stultitijs impletur! omnium rerum imagines, pleræque vanæ, turpes, obscenæ, ad cor conuolant. Ita *Voluptas* agit, cum clauium, ad illas quinque ianuas sit domina, omnia suscipe deque veruntur, illudque vnum agitur, ut Animus à *Voluptate* delinitus atque persuasus, suis se

concupiscentijs vendat, nec abhorreat ab vlla cogitationum turpitudine. Eò spectant Beati Basilij verba: a Oblectationis appetitus è carne, velut ex fronte manat & per omnes sensus, tanquam per flumina diffunditur. Idem: b Aspectum, inquit, æquè ac auditum ex æqua cum profectu inde consecuturo. Sic oportet: quisquis ad aurium voluptatem mittitur audienda, innumeris noxis vel solo auditu obstringet animum. Leuia forsitan creduntur, arrigere aures ad vana, curiosa, ridicula, noua, ad nugas, fabulas, laudes proprias? & quis hic surdus aut somnulosus est, cum talia in sermonem veniunt? vnica illa vox noua, noua, aures nobis longissimas facit. Sed ignoscat mihi tuus genius, qui rerum nouarum narratiunculis delectatur, mendacijs pascitur, qui nugis & fabulis tam benignas aures porrigit. ventos reti venatur. hinc quandoque gradus fit, ut aures sponte pateant ad scurrilia etiam colloquia, lasciuos sermones, fœdas cantiones, infames detractiones, qualia non rarò tam audisse noxium quam dixisse. Nota est Bernardi censura in hos auditores: c Porro, inquit, detrahere & detrahentem libenter audire, quid horum damnableius sit, non facile dixerim. Nec fallitur Hieronymus, d qui: Si desint, ait, audientes, non inueniuntur detrahentes. Sapiens erit qui pessimè huic turbæ verborum clauferit aures, quibus ceram parum est obdere. Firmiori spissamento opus est, quam vsum in socijs Vlysses ferunt. Aures tuas non cerea, sed spinea sepe muni, & quandoque tui amantissimis surdum te præsta. e

a Lib. de vera virginit.

b Serm. de abdicat.

c Lib. 2. de consil. sine.

d Ad Celant.

e Senec. epist. 31.

## S. II.

**O**Doratus etiam suis eger custodibus! *ÆDES*. Quid si me hortorum flores, si templorum odores & thureæ nubes inuitent, num vis ut nares obstruam? hic ego totus cum Catullo cupiam nasus fieri. *PARTH.* Catullianum est hoc votum, scio, sed parum Christianum: dixi iam sensuum exteriorum clauæ, non *Voluptas*, sed aut *Necessitas* habeat,



aut *Vililis*. Si suos tibi aut templum, aut hor-  
tulus odores affert. non ut nares constringas,  
iubeo, sed ut simul mentem dilates, & memi-  
neris dicti Paulini: Christi bonus odor sumus  
Deo *a.* & Davidici: Dirigatur oratio mea si-  
cut incensum in conspectu tuo *b.* Cogita,  
phialas aureas plenas odoramentorum, quæ  
sunt orationes Sanctorum. *c.* Sic sine noxa,  
seu thuribula seu florum agmina, suos tibi o-  
dores propinabunt. Alti hic animi Augustini:  
De illecebra odorum, inquit, non satago ni-  
mis; cum absunt, non requiro cum adsunt non  
respuo, paratus etiam eis semper carere *d.*  
Quod si solius hic negotium sit *Voluptatis*, si  
molichum, si muris peregrini folliculos, si  
ambram & cybetræ vestis chirothecæ, ma-  
nus, cubicula spirent, hic iam noxa, & irri-  
ramentum libidinis, & culpandæ deliciae. Ha-  
rum appetitus incontinentiæ notam subit, præ-  
sertim si vehemens. Et huius generis oblecta-  
menta plerunque videbis vel fœda esse vel le-  
uia. Assyrij, Arabes, & Sabæi nostris armis  
domiti, suis nos odoribus expugnant. Reue-  
ra omne hoc bene olendi artificium, non bo-  
ni odoris argumentum, sed latentium signum  
est defectuum: turpius est enim artificiosius  
quam simplicibus assueuisse; omne autem  
quod turpe est, quod sit artificiosius, eod fit tur-  
pius. Meministi iuuenis, qui cum Vespasiano  
Principi pro collata præfectura gratias actu-  
rus, factitij eiuscemodi odoribus halarët, sto-  
machatus Imperator, acri supercilio & voce  
aspera: Mallem, inquit, alium oboluisse. Sic  
increpitum sine honore, rescissis concessæ iam  
gratiæ litteris, bene olidum dimisit. Ita dede-  
cori sunt odores eiusmodi; interdum etiam  
damno. Muleastes Rex Tunetorum; contra  
Amidam filium, regni recuperandi causa pu-  
gnauit, sed infelicitè: cumque immixtus  
fugientium turbæ Muleastes facillè se regem  
dissimulasset, cruore & pulveribus fœdatus,  
solo vnguentorum odore agnitus, & è fuga  
reprehensus est. Capto filius utramque ocu-  
lorum pupillam candenti scalpello rimatus,  
miserum parentem æternæ noctis damnauit.  
Plura his non absimilia commemini. Horriffi-  
cum illud quod Petrus Damianus prodit de fe-  
mina Veneta, *e.* Non repeto; eius narrationi  
hoc vnum addo cum poëta. Oprimè olet, qui  
nihil olet *f.* Et ab experientia discimus, eo-

rum cadauera grauissimè fœtere, qui dum vi-  
uerent, optimè olebant. Fugiat has delicias,  
qui rerum vilium & vltimarum dedignatur  
esse mancipium. Vnguenta quidem penetra-  
bilia, sed penetrabiliora sunt vitia, quæ hac via  
celerrimè ad nos se penetrant.

*a 2. Corinth. 2. v. 15.*

*b Psalm. 140. v. 2.*

*c Apocal. cap. 5. v. 8.*

*d Lib. 10. confess. cap. 32.*

*e Epist. ad Blancam comitiss. de institut. monial.*  
*cap. 11. Baron. tom. 10. an. 998. nu. 20.*

*f Cic. ad Attic. 2. Plant. Mostell.*

### §. III.

**V**Ti ad Visum, ad Auditus, atque Odo-  
ratum, sic ad Gustatum constituere ne-  
fas est clauigeram *Voluptatem*. De perniciosius  
mensarum lauricijs, & Abstinentiâ iam egi-  
mus. Quàm autem gustatui, eiusque appeten-  
tiæ, non ad *Voluptatis* leges agendum sit, in-  
signissimè docens Augustinus: *a.* Sicut ager,  
inquit, ad medicinam, sic ad sumendas dapes  
debet quisque accedere, nequaquam videlicet  
in illis *voluptatem* appetens, sed *necessitati*  
succurrens. Et hanc gustatus legem à Deo se  
accepiisse gratulatus: *b.* Hoc me, inquit, do-  
cuiisti, ut quemadmodum medicamenta, sic a-  
limenta sumpturus accedam. Non ego im-  
munditiam opsonij timeo, sed immunditiam  
cupiditatis. Scio Elau lenticulæ cōcupiscentiâ  
deceptum, & David propter ea quæ deside-  
rauit à seipso reprehensum, & Regem nostrum  
non de carne, sed de pane esse tentatum. Et  
hæc illum philosophia non dicere docuit, sed  
facere. Nam Augustinus, esu carniū ferè  
abstinuit, sed & alijs ciborum lauricijs men-  
sa tua interdixit, mensas alienas & conuiuia  
studiosè declinauit, itaque se hic in ordinem  
redegit, ut de seipso testetur: Quotidianum  
bellum gero in ieiunijs, sapius in seruitutem  
redigens corpus meum. *c.* VVolstanus, VVi-  
gorniensis antistes, *d.* non minus gustatum in-  
signi victoria triumphauit. Fuit ut post rem  
diuinam in abdito loco prolixioribus preci-  
bus vacaret. hic ad eius nares, assæ carnis de-  
dicatus odor porrigit, & vnâ appetitus eden-  
dæ. Turbari sensit animum vir sanctus, à pre-  
cibus in culinam ad ollas trahi. Tunc ipse se-  
cum: Hocceine, inquit, precari est: hocceine

est



est Deo loquidū lingua voces depromit, dum manus cēlo attolluntur, mens per culinam vagatur. Lues hoc commissum, ne dubita. An non libenter esitares carnes assas? ego tibi eas condiam, vt sapiant. Sic statuo: nec illas quarum ad te odor peruenit, nec vllas alias libabis in posterum vnquam. sic sancio lege irreuocabili. Dixit, & fecit: tam tenax & perseuerans exequēdi propositi, quā concipiendi. Hoc vno gustatus triumpho maximum gradum fecit, ad omnem vitæ sanctitatem, miraculis illustris, obiit anno Christiano M. LXVII.

Hoc sanctissimorum quorumque hominum primum fuit negotium, Gulam odisse, & Gustatum velut proditorem, tam blandum quā noxiū, modis omnibus persequi. Non solus Isidorus Sacerdos, nunquam satur ē mensa surrexit plures hac lege vixerūt, NVNQVAM SATIARI. Magnus Daniel vates, magni socij eius hoc ipso, quod vino regio & ferculis delicatioribus abstinuerunt, contenti frigida & parabili victu. Ita non Gula tantum, sed & ipsi flammis superiores facti. Nos in contrarium nitimur, quos tantō seuerius Gula in preceps agit, quanto frequentius honesto necessitatis nomine se regit. Ita saepe flammam flammę addimus & oleum ardenti camino affundimus, qui calorem naturalem in vitia sponte protuberantem multo vino animamus. Vinum largius haustum, malus est consiliarius. Ergo gulam frena, & omnem carnis appetitum facilius frenabis.

a Tom. 9. de conflictu vitiorum c. 18.

b Lib. 10. conf. c. 31.

c Exod. c.

d Sur. de eo 19. Iunij.

e Thom. de Kemp. lib. 1. c. 19.

## S. I V.

**C**laues ad Visum Audiatum, Odoratum & Gustatum negauimus Voluptati; multo minus concedemus ad Tactum. Sensus hic totum corpus permeat omnium oblectationum vaserimus aueps, frequenter alios sensus, quorum ille opera ad suas voluptates aucupandas vitur, vna secum trahit in exitium Basilii hoc aduertens: Tactus, inquit, omnium sensuum deterrimus, socijs ablanditur, vt eos adiutores habeat ad sectandam vi-

tiorum dulcedinem. Cautē hic, cautē prorsus agendum, & pro norma honesti montum hoc habendum: quod non licet concupiscere, notū tangere. Tactioni non satis est corpus vestiri; nisi & molliter vestiatur; nec ei satis, cubare, cum dormit, nisi & molliter cubet. Hoc primæ tactionis curę sunt, vt omnia vbique reperiat mollia, & blanda, idque, vt pater, ad voluptatē. At hoc pridem damnatum à Christo: Ecce qui mollibus vestiuntur, in domibus regum sunt, a sed eorum qui in terra, non regis summi & æterni. Et Ioannem Zacharię filium, Iordanis accolam, non à molli, sed ab aspera & setosa veste commendauit. Neque diuinus Lucas purpuratum epulonem à vestium mollitie accusasset, nisi eam Cælites essent exosi, qui malē recti Lazari funus frequentarunt; alterum in purpura mortuum, in Orco sepultum, nullo dignati sunt honore. Mollem & delicatum habitum Castitas certē non amat; hæc libidinis aut insignia sunt, aut incitamenta.

Simplicis cultus munditię gaudet pudicitia illic plerunque pretiosus est cultus & mollis, vbi pudor est vilis. Augustus Imperator licentiosiore habitu filię grauit̃ offensus contemptam hanc in veste mollitiem, insigne vocabat superbiz, & luxurię nidum. Sed hæc omnia sectatur tactionis sensus, nisi ad Christianas leges seuerius coërceatur, si quando indulgentius habetur, tunc & mollem postulat vestem, & molliorem lectum; neque somnum sperat facilem, nisi plumis profundius mergatur. Ab his initijs ad vitiosorem licentiam proficit, & demum in leges verecundię impudenti audaciā delinquit. vel nominasse; pœnē nimium est, inuerecundos tactus, amplexus, oscula: satis dixi, & iuuabit forsan vel solo nomine perstrinxisse hæc dedecora. Cautē, mi Adestime, cautissime, hic agendum, si velis castē, ē leui sape tactu, non leui secuta est turpitudō. Rogatus Aurelius Augustinus, quid esset quod noller cum sorore habitare, ita occurrisse fertur: quia non sunt mihi sorores, quæ cum mea sunt. Enimuerō malum est videre feminam, peius alloqui; pessimum attingere. Ideo Nicetius, b ex optimo Sacerdote, Lugdunensis Pontifex, amantissimus puritatis, suos assidue monebat, & tactus & verba cauere obscœna: ipse sui maxime memor,



memor, vel infantium etiam membra nuda manu tangere verebatur: neminem hic nimis cautum censebat, ubi *voluptas* sese tam celeriter dolo insinuaret. Cum ferrum tangit silicem, exiliunt scintillæ; cum tangitur serpens, mox caput replicat, ut mordeat tangentem: quod castior quis est, hoc & cautior est, ne carnem tangat non suam, unde sua vratur; neve serpentigena luxuria, mox ubi tactus impudicos senserit morsum inferat, & vulnere venenum instillet.

Editha & Edgari Anglorum Regis filia non solum regio sanguine, sed virtutibus illustrissima, post mortem Dunstano Episcopo per somnum visa, de corpore suo monuit, & ne hoc vanum duceret, addidit illud: etiamnum ab omni tæbe illæsum reperiendum, oculis solum, manibus atque pedibus in cineres solutis, quibus olim puellari leuitate esset abusa, dextrum verò pollicem quo toties crucem signasset, remansisse integrum, ut eluceret clementiæ diuinæ benignitas in partibus seruatis; iustitiæ seueritas in absumptis. Rectissime ergo Basilii: *d* Sit virgo, inquit, virginis auditus, & visus, & gustus, & tactus; iugulando quidquid à verâ virginitate degenerat.

a *Matth. c. 11. v. 8.*

b *Gregor. Turon. in vitis PP. cap. 8. Sur. 1. April.*

c *Sur. 16. Sept. vixit circa an 980.*

d *L. de vera virg.*

#### §. V.

**S**ubmoueor hic beati Iacoponi è S. Francisci familia, viri integerrimi, hic perquam eleganter, quinque hominis sensus exteriores, in hunc modum descripsit. a Virgo erat, & huic quinque fratres. Primus, Pictor: alter, Musicus: tertius, Cocus: quartus, Pharmacopola: vltimus, Caupo, homines exigui census. horum sororem fecit opulentam nobilissimus Vnio. Hunc pauperculi fratres precibus extorquere certatim institerunt. Musicus: nosti, ait, rem meam esse reuueam; da gemmam tuam, & seruaui vitam meam. pro eâ ego modos musicos faciam quos laudes: Tu verò abi, mi frater, inquit virgo, tantillo pretio gemma mihi mea venalis non est.

Pictor, ut gemmam impetraret, picturam promissit, quam haberet, elegantissimam; sed

repulsam tulit. Idem tentauit & pharmacopola, nescio quid nouæ fragrantiae pollicitus, sed eadem repulsa dimissus est.

Nec aliud tulit responsum cocus, etsi Iouis cerebrum, & delicias exquisitissimas sponderet. Caupo, homo impudens, scire se aiebat lectissimos iuuenes, qui omnes eius esse cuperent mariti: hac in re solertem se fore actorem recepit. Minime placuit qui maximam sperabat gratiam, extemplo reiectus, Hanc demum gemmam Optimas obtinuit, in cuius vnâ thalamum denupsit Virgo. Hoc, ita Iacoponus explicabat: Anima, Virgo est: Voluntas, gemma: Virginis fratres, sensus exteriores, visus Pictor, auditus Musicus, odoratus Pharmacopola, gustatus Cocus, tactus Caupo. Sed an non insigniter delirasset Virgo, si pro reculis vilissimis, sua se gemma priuasset? Optimati, Christo Domino erat seruanda. Atqui nos longè stultiores sumus, & vero nomine, insani, qui Arbitrij nostri, seu, nostræ Voluntatis pretiosissimum vnionem, pro delicijs escarijs, pro obscœnis narratiunculis, pro Veneris delectatiunculis, pro vitreis fractis & pupis, verè pro scarabæi vmbra, non vendimus, sed turpissimè abijcimus. Ille, ut cupita sibi liceat videre, innocentiam perdit: iste, ut gulam saginet, Castimoniam offendit: hic, ut omnis generis sordes per aures recipiat, pudicitiam expellit: alij, ut omnem orationi & tactioni libertatem permittant, verecundiæ leges negligunt. Ita nostram nobis gemmam, Voluntatem seu assensum, illi pessimi quinque fratres extorquent & subducunt. Ad extremam spiritus inopiam deuoluimur odorando, tangendo, maximè videndo & audiendo.

Memini me legere de homine ægro, sed rectissime sibi conscio, qui in mortis vicina, velut orator ad seipsum, omnibus corporis sensibus meritam gratiam retulit in hunc modum: O mei Oculi, amo vos de hac re, quod passi estis noctem vobis & cœcitatē persuaderi, quotiescunque vanitatis aut lasciuia aspiciendæ fuit periculum: hæc mihi nox, hæc cœcitas sæpe fuit saluberrima. O meæ Aures, gratia vobis habeo, quod artificio extemporali obsurdistis, ad omnem inhonestum, obrectatorium, noxium sermonem: hæc mihi furditas sæpissime



sine fuit saluti. O Manus meę, vobis memorie mente adscribo, quod delicias & tactui iucunda potuerim aspernari: vestra mihi ad hoc profuit continentia.

O mi Olfactus, & tuis beneficijs respondeo; tuę fuit virtutis, & odores gratos spernere, & ingratos perferre Dei causa: multum me iuuat tua patiens industria. Et o mi Gustus, tibi quoque me gratum prebeo, tibi acceptas refero victorias plurimas; pars salutis meę maxima in te stetit: potuisti & dapibus carere, & inter dapes esurire; potuisti & in copia abstinere. & sustinere inopiam: fateor, absque te fuisset, mei hostes me milites sub iugum misissent: abstinendo & sustinendo promouimus. Igitur, o meum corpus, sine me breui temporis spatio a te abesse iungemur iterum iterum, & vnā fruemur premio inexplorabili, felicitate non finienda. Vtilissima monita, si sint qui ijs pareant.

Pelagius, refert, sanctam Syncreticam dicere solitam: Sobrię viuamus, quia per sensus corporis nostri fures, ingrediuntur. Verę: & sepe non vnus aliquis furunculus, sed furum & prędonum ingens turba, cogitationum & imaginum fœdarum magnus numerus. Hinc lugubris ille gemitus clamantis propheta: Deprędatus est oculus meus animam meam Voce præeuntem sequamur; clamet pro se quisque: heu præda factus sum oris, & oculorum meorum, aurium, & manuum mearum! Deprędatus est animam meam visus meus, auditus, tactus, gustatus meus. Cor sine sensuum custodia, vrbs est sine mœnibus, domus sine ostio, hortus sine sepe: illam hostes transfiliunt, hanc fures expilant, istum conculcant fera.

## CAPVT X.

*Ostium INCONTINENTIÆ antidotum, assidue cogitata DEI PRÆSENTIÆ, in omni loco.*

**A**DES. Partheni, dimittis me plenum ingentis fiducię ad sanctiores mores, instituis, disputas, doces, aduersus omnem vim vitiorum me munis. PARTH. Si laudare velis, hoc est, adulari, ego interrumpi nolo; pede quo cœpi, pergā; iam enim prospicio. Restant pauca, at profecto, si rem spectes, non

paucis explicanda. versiculum tenes?

*Portarum excubia, Christi præsentia, Pœnæ.*

Suas portis excubias dedimus. Nunc Dei Præsentiam contemplemur.

Et principio quidem mirari subit, nos in plurimis non circumspectores esse, quos *oculus Domini* vigilantissimus, obseruat omni momento, omni loco. *ADES.* Ergo hic Deus ad linguam, ad oculos, ad manum meam? PARTH. Dubitas, etiam intra oculos, linguam, manum tuam est, qui cor tuum vndequecunque penetrat Deus. Quid clarius, quid crebrius inculcat sacra pagina, quā hanc ipsam Numinis præsentiam in omni loco; digitum, pro more meo intendam ad pauculos fontes, Salomon, apertissime pronunciat: *a* In omni loco *oculi Domini* cōtemplantur bonos & malos. Insomnes sunt hi oculi, nullo temporis puncto clauduntur. Idem affirmat Siracides. *b. Oculi domini* multo plus lucidiores sunt super solem; circumspicientes omnes vias hominum, & profundum abyssi; intuentes in absconditas partes. O verē nimium quā lucidiores omni sole *Oculus!* Sol excludi potest, sexcentis modis, nullo diuini oculi, qui omne profundum rimantur, qui parietes omnes vel etiam ferreos penetrant. Nihil eis clausum est. Omnium luculentus testis, diuinus Paulus: Et non est vlla creatura inuisibilis in conspectu eius. Omnia autem nuda & aperta sunt oculis eius *c.* Cuius oculi (verba sunt Hieremię Prophete *d*) super omnes vias filiorum Adam, vt reddat vnicuique secundum vias suas, & secundum fructum adinventionum eius.

*a* Pro c. 15. v. 3.

*b* Eccli. c. 23. v. 28.

*c* Ad Hebr. cap. 4. v. 13.

*d* Hier. cap. 32. v. 19.

## S. I.

**A** Bimelech Rex, cum Saram Abrahami coniugem mille argenteis donasset, istud moniti adiunxit: Et quocūque perrexeris, memento te deprehensam *a.* Auro proptus hoc, & cedro scribendum: *Memento te deprehensam.* Nulla tam abdita cogitatio, tam furtiua libido nulla est, nullum tam clandestinum furum, quin & illam, & istam, & istud *Dei oculus* deprehendat. Quidquid dicas faciasve-

M m m

quid.



quidquid vel arcanissimi secreti etiam cogites *memento te deprehensum*. Vbi ubi locorum, & quidquid denique rerum agas; etsi tam solus sis, vt nec musca tecum sit, tamen *memento te deprehensum*, ab oculo omnia cernente.

Hęc ignorantie nostre labes est, ad Deū velut longè distitum suspirare. Proximè nos est, imò in nobis est, & nos in ipso, velut piscis in mari, auis in aëre, in circulo punctum: Quoquò istud se mouerit, clausum est, quoquo piscis natauerit, aquis circumfusus est, quoquò volauerit auis, ab aere circumtecta est. Suum hunc errorem, qui Deum velut remotum fingit, damnans Augustinus: *b* Erraui, ait, & multum laboraui, quærens te extra me, & tu habitas in me: mecum eras, & tecum non eram; malè querebam foris, quod erat intus. In ista formosa, quæ fecisti, ego deformis iruebam. Ea me tenebant longè à te, quæ esse non poterant nisi in te.

ÆDES. Sed num Deus sit præsens, etiam in impijs? PARTH. Te hominem albæ mentis! præsensissimus est, etiam in impijs & quidem, vt Theologorum ore loquamur, per essentiam, per presentiam, per potentiam suam, solum non per suam gratiam Deus cū omni sanctitate & sapientia sua cum omnibus suis thesauris, æquè totus ac præsens fuit in Iuda Christi proditore, quam in Petro Christi defensore. Miseri nos & cæci, quam non cogitamus ista! momentis singulis, diuinā manu sustentamur, & quasi assidue recens creamur. Cesset Deus vel puncto temporis benefacere, & omnia, quæ nostra vocamus, in renue nihilum evanescent. Pulchrè Bernardus: Idcirco, inquit, sicut nullum est momentum, quo non fruamur Dei misericordiā, sic nullum sit momentum, quo eum præsentem non habeamus in memoria. Momento nos Deus, vel ignibus æternis addicere, vel cælo adscribere potest. Instillet modò vel vnicam scintillam luminis, quod gloriæ vocant, & in cælo iam erimus, etsi extra cælum simus. Nusquam à Deo nec latum vnguem recedimus. Et dic, quæso te, mihi: Si quis staret vndeque flammis præaltis & in orbē cinctus, sciretq; illicò pereundum sibi, si scintilla vel vnica tangeretur, quam parcus ei risus foret, quàm modestus se contraheret, quàm pavidus trepidaret? Atqui verè in Deo,

igne illo immensissimo stamus, mouemur, deambulamus, quicquid rerum agimus, agimus in illo, ab illo vndique circumdati. Nec nescire possumus, quod vnicum Dei *vellet*. nutus vnicus, aut in cineres redigere nos, aut ad inferos momento præcipitare possit: & tamen cum hoc igne intelligentissimo pugnamus, hunc conspuimus, hunc impio ferro fodimus, hunc nouis quotidie iniurijs laceessimus, & nequicias nostras (quo quid demitius?) non obseruari credimus. Heu, miseri, à Deo vndique deprehenso. tamq; morti, quàm inferis vicini, quid compressis oculis cæci ruimus in exitium? In omni loco *oculi Domini* contemplantur bonos & malos. Ah! quàm cautè & quàm submissè se gerere par est, in *Oculis tanti Domini*, quos nec ad momentum vel exire licet, vel declinare. *Quocūquo perrexeris, memento te deprehensū.* a Gen. c. 20. v. 15.

b Soliloq. ca. 31.

## S. II.

V Nicus hic, & ad omne flagitium acerrimus est stimulus, credere, se non videri: I modò, & furè interroga quid hæc audeat? arbitrar, dicet, me non videri. Sed & adulterum adi, & quære: Tunc alienam domum inuadere, coniugem non tuam violare impurissime? si Deum non metuis, etiam magistratus vindictam negligis? trepide respondebit: Putabam, neminem huius fore consciū. Sed ad plures te mittam. Accede silentio improbijs oris hominem, & dum dominum suum diris omnibus execratur, interroga: in quem hoc lingua virus euomat? territus dicet: credebam me solum esse, & à nemine audiri. Hæc via ad inferos rectissima est, ita viuere, tanquam si nullius oculo notetur, à nemine videatur, Hinc impiorum voces illæ: quomodo scit Deus, & si est scientia in excelsis? Et dixerunt: non videbit Dominus, nec intelligens Deus Iacob. Contra hos acriter insurgens regius psalter: Intelligite, inquit, insipientes in populo, & stulti aliquando sapire. Qui plātauit aurē, non audiet? aut qui finxit oculum, non considerat? dominus scit cogitationes hominum, quoniam vanæ sunt b. En, cogitatus tuos nouit, vel latentissimos, & ignorabit ausus & facta? Sed hunc talem tenebrio,



nebrionem, qui humanos solum oculos amotos à se cupit, diuinos non curat, sic loquentem producit Siracides: *b* Quis me videt? tenebræ circumdant me, & parietes coope-riunt, & nemo circumspicit me. Quem ve-reor? delictorum meorum non memorabitur Altissimus, Impiis his vocibus opponitistas: Et non intelligit quoniam omnia videt *Oculus* illius, quoniam expellit à se timorem Dei, huiusmodi hominis timor. *ÆDES*. No-stras nos fides docet, nihil clam Deo fieri, omnes & omnia ab ipso videri, æquum proinde est, vt quis in omnibus seipsum sic exciter: *ATTENDE TIBI. PARTH'* Recte: sed vide, mi *Ædesime*, quo hominem malignior affectus, aut lasciuior appetitus non pertrahat, & abducatur ab illa fide. Homo impurus & libidinis sectator (eadem est omnium vitiorum ratio) ante se habet hæc duo: Carnis petulantiam, & Fidei notitiā, sceda petulantia illa vult in opus prodire quod cogitatur; non vult Fides, & à Deo cuncta cerni affirmat. Ergo ne ille crimen deferat, deserit fidem & vt a: dult er sit, fit hereticus factio. Idem vel solis sit cogitationibus. Cogitat quis obscœna, nec tamen nescit has ipsas in se cogitationes à Deo videri. En hic fidem, quæ identidem pungit, vellicat, monetque: Deus videt illa quæ cogitas; cor tuum Deus penitissimum per-uidet: eijce has & imaginum & cogitationum sordes. quid hic miser? ne cogatur suas expellere cogitationes, expellit à se fidem & tantundem facit, ac si dicat: non cernit hæc Deus, quæ cogito, que mente aspicio. Ita pergit infelix, & eiecta aut sepulta fide, cogitationes & imaginationes sordidissimas retinet, fouet, & quia ipsi pulchræ sunt, cum ijs ludat, & sic obscœna suauitate seipsum perimit, Huc malorum, huc deducit impium illud: *Nemo me videt*. Quam nobile fuit par illud nequissimorum senum, qui Susannæ pudicitiam æntarunt? totum nequitie pallium, quo scelus suum velarunt, hoc ipsum fuit: *Ostia pomarij clausa sunt, & nemo nos videt*. c Hinc omne flagitium accenditur, & animos sumit dum diabolus ad aures delinquentis suauiter occentat: *Nemo te videt*. Aude felicitat: *Nemo te videt*. Ita perge constanter: *Nemo te videt*. Ita etiam pergimus miseri, parietes nobis circumdatos iudicamus, non

vt tutius viuamus, sed vt occultius peccemus. Quid autem prodest recondere se, & oculos hominum auresque vitare? si honesta sunt, quæ facis, omnes sciant: si turpia, quid refert neminem scire, cum tu scias. d Heu, stultissimi mortales, quàm hic vltra bestias nihil sapimus? mugiles & lampretæ, pisces marini, qui Plinio teste e si caput vndis immergant reliquum corpus patere oculis non putant. Eadem & perdicis ridicula stultitia est. Hæc si solum abscondat caput, iam se totam credit oculis subductam. Eundem hunc lusum & infantes ludunt: pone ianuam, mantili caput obuoluunt, & licet pedes emineant, à nemine tamen videri se credunt, quando ipsi vident neminem. Tales nos infantes, tales imo bestie sumus, modo hominum oculos à nostro scelere amoliamur, oculos Dei parum curamus, & sic à nemine nos obseruari credimus. Hinc illæ voces. Hoc meus dominus, hoc parens meus, hoc meus magister non videt, istud ille non resciet, salua omnia. Erras, mi homo, nil saluum illi qui diuinos oculos non veretur, sui sceleris obseruatores. Neque cogitasti in corde tuo, quia ego tacens, & quasi non videns, & mei oblitus es f. Ita per Isaiam queritur Deus. Ergo, quocunque perrexeris, memento te deprehensum. Videris, audiris: vbicunque es, totus in oculis Dei es, a *Psal. 72. v. 11.*  
b *Psal. 93. v. 7.*  
c *Eccli. c. 22. v. 26.*  
d *Dan. ca. 13. v. 20.*  
e *Senec. epist. 43.*  
f *Plin. l. 9. c. 19. & c. 23.*  
f *Is. c. 57. v. 11.*

## S. III.

Q Vemadmodum verò, improborum plurimos, in vitijs audaces fecit stultissimū illud: *Nemo te videt*. Ita innumeros alios ad illustrem vitæ sanctitatem prouexit vnicum istud: *Deus videt omnia*. Primus & martyr, & virgo, & frater Caini Abel, ex hac vna præsentie diuinæ notitia, ad omnem virtutis cultum profecit. Clarissimus testis Iosephus: a Abel, inquit, iustitiam colebat, & omnibus actionibus suis Deum præsentē ratus, virtuti operā dabat Hic te verbulo monuerim: in Biblijs *ambulare cum Deo*. non aliter explican-



dum, quam Deum ubique praesentem iugi memoria, prosequi, neque enim solemus aut possumus cum alio, nisi cum praesente ambulare. Hinc nobile illud priscorum Patrum encomium, *cum Deo ambulant*. Post mundi originem laudatissimus Henoch, *Ambulauit cum Deo*, & non apparuit, quia tulit illum Deus *b*. Noë vir iustus atque perfectus fuit in generationibus suis, *cum Deo ambulauit c*. Hoc ipsum Abrahamo iam nonagenario praecipitur: *Ambula coram me*. & esto perfectus *d*. Moses, ille Deus Pharaonis, qui & Numini a secretis consilijs fuit, dux infiniti populi, varum maximus, non alia re magis diuinam in se liberalitatem emeruit, quam assidua diuinae praesentiae ueneratione, Paulus id affirmas: Fide, ait, reliquit Aegyptum (Moses) non ueritus animositatem regis, inuisibilem enim tanquam uidens sustinuit *e*. Hoc illi assiduo in mente fuerat: *Deus uidet omnia*. Hinc tantarum molestiarum patientissimus, inuictus perseuerabat. Rex Ezechias (liceat dicere) hac arte una, quindecim uite annos a Deo emendicauit, in paucis persuadens quod rogabat: Obsecro domine, inquit, memento quæso, quomodo *ambulauerim coram te* in ueritate, & in corde perfecto, & quod bonum est in oculis tuis fecerim *f*. Prophetæ omnes in priscæ lege, Reges aliquot, omnes uirtutis studiosi, plurimum in omni pietate promouerunt, ex hoc uino effato: *Deus uidet omnia*: Admirandus in hoc rex David, Regionum quidem negotiorum mole premitur, & tamen in hoc uino est assiduus: Oculi mei semper ad Dominum *g*. Perinde, atque si dicat: vix mihi quidquam abijt temporis, quo non meminerim praesentis Numinis. Et affirmatiùs longè de seipso testatur: Prouidebam, inquit, Dominum in conspectu meo semper: *h* Assiduus mihi in oculis est Deus. Inde ingentis animi ausu: Etsi ambulauero, inquit, in medio umbræ mortis non timebo mala, *quoniam tu mecum es i*. Neque satis hoc illi, obtutu continuo in Dei praesentia oculos defigere, omnes alios ad hoc ipsum ardentè instigans: Quarite, inquit, dominum; & uirtutem eius; quarite faciem eius semper *k*. Et idem ingeminat: Quarite dominum, & confirmamini. quarite faciem eius semper. *l* Cumque à seipso minus hoc obseruatum deprehendisset

largissimis lacrimis id deplorans: Tibi soli, ait, tibi soli peccaui, & malum coram te feci. Mi Domine, praesentiam tuam non obseruauit, oculos tuos reueritus non sum, te inospectantem neglexi. Vix quidem oculos non admisi, cum flagitium illud comisi, sed tuos, ô Conditor, excludere non potui. Tu ô Deus uides omnia, tu adfuisisti, uidisti, tabellis id tuis inscripsisti. Ideo peccaui, sed *tibi soli*, & coram te solo grande hoc malum feci: Ah! in oculis tuis, te inspectante ausus sum hoc flagitium designare. Si te praesentem cogitasset, adulter non essem, parricida non vocarer. O mortales exemplo meo sapite, *Deus uidet omnia*. Iobus, eiusdem prorsus animi: Nonne, inquit, ipse considerat uias meas, & cunctos gressus meos diuumerat *m*? Et: Obseruasti omnes semitas meas, & uestigia pedum meorum considerasti *n*. *Deus uidet omnia*, & capillos hominis numerat, & passus. Susanna castissima extremis angustijs confictabatur: hinc probrosum facinus, illuc, ni consentiret, mors ei certa sic imminebat, ut exclamarit: Anstugiæ sunt mihi undique *o*. Assentior? letali me noxa obstringo. Resisto? capitis supplicium incurro. Et qui tandem ex his syrtibus est eluctata? Ante Deum se stare cogitauit; Deum praesentem & sui certaminis spectatorem est intuir. Inde tantum criminis horrorem hausit ut liberissimam hanc uocem proruperit: Sed melius est mihi absque opere incidere in manus uestras, quam peccare in conspectu Domini. Vos quidem pomarium clausum, nullum hic arbitrium, à nemine nos uideri dicitis: at, *Deus uidet omnia*; malo subire mortem, quam Deum omnia cermentem offendere. O uoces cælo inscribendas, ut, quemcunque carnis lasciuia uellicare cœperit, cælum suspiciat, istudque legat: *Mori malo, quam peccare in conspectu Domini*; *Deus uidet omnia*. NICETAS, cum impugnaretur, solus erat, nec tamen solum se esse credidit, Deum praesentem uidit, praesentis opem petijt, centies mori maluit, quam vel semel coram Deo assentiri flagitio. Hinc cruenta pugna, hinc uictoria gloriosa. *Deus hac uidet omnia*. Aedifite, sunt qui museum aut cubiculum picturis impleant, tu tuum obsecro imple scripturis, & hoc unum vel centies omnibus appingere parietibus: *Deus uidet omnia*.



a Lib. 1. antique. cap. 3. initio.

b Gen. cap. 5. v. 22.

c Gen. cap. 6. v. 9.

d Gen. cap. 17. v. 2.

e Ad Hebr. cap. 11. v. 3.

f Is. cap. 38. v. 3.

g Psal. 24. v. 15.

h Psal. 15. v. 8.

i Psal. 22. v. 4.

k I. Par. 16. v. 10.

l Psal. 140. v. 4.

m Iob. 31. v. 4.

n Capit. 13. v. 27.

o Dan. cap. 13. v. 22.

## S. IV.

**H**oc ipsum : *Deus videt omnia*, homines etiam sceleratos quandoque attonuit, & retraxit à præcipitio vitiorum. Thais Alexandrina, a femina tam male quam bene nota, vt grauius periret, multos secum perituros in voragine traxit libidinis. Pereuntium misertus Paphnutius, & militem indutus, Thaidem adit, & vnum se simulat aduentorum. Dein loci secretum stipulatur, nolle enim se à quoquam videri. Inducit illa in cubiculum, negat ille satis arcanum locum. Itur in aliud interius; moram eandem obijcit. Demum in domus penetrale perducitur, vbi personatus miles huc illuc circumspiciens: quæso te, inquit, num hic securi sumus, & sine omni arbitro? Quid dubitas, inquit illa, hic nemo nos audiet, videbit nemo, nisi Deus aut diabolus. Excepit vocem Paphnutius, & tanquam ad eam exhorruisset, quærit: Credis Deum? credo, ait illa. Querit amplius: etiamne credis, eum vbique præsentem, omnia cernentem? & hoc credo, respondit illa: subdit Paphnutius: an non improbis decreuit ignes æternos? ita, inquit illa. Mox ille iterum: Ergo, ait, hæc credimus, & tamen in oculis iustissimi iudicis omnia spectantis tam turpiter peccemus? Et quid tu temeraria, impia, salutis æternæ prodiga, hoc vnum laboras, vt vna tecum tot alij æternum pereant? tantine est corporis spurcissima voluptas? an duos illos, Deum & diabolum, non vereris? iudicem illum, hunc accusatorem non times? an non *Deus videt omnia*? Ista mulier dicto, altum ingemiscere, excu-

sationis nil reperire, sordes suas erubescere: iamque & oculi lacrimas parturire, ipsa demum in genua procumbens, poenitentiam & emendationem promittere. Dixit, & fecit, nec multo post omnem muliebrem mundum, libidinis suæ instrumentum combussit, ipsa in Virginum cœnobium transiit, arctissimo habitaculo clausa, fonte solum & pane vixit. Dei nomen pronunciare non ausa, vnum hoc assidue repetijt: Tu qui creasti me, miserere mei. Triennio sic acto, simul & isto, & corporis carcere absoluta, in meliorem orbem migravit. Magni Antonij discipulus, Paulus, in cælo ei paratum torum conspexit, ita cælestem thalamum feliciter possedit, quia impudicum aliquando possedisse dolenter tulit. Mirum hoc, sed non semel dumtaxat factum. Eodem illo pronunciato, *Deus videt omnia*, Beatus Ephrem, a quæ profligati pudoris mulierculam ad pudicos mores traduxit.

Et certè nisi in bestias aut in laxa degeneremus, fieri non potest, quin, si sæpius serioque cogitemus, *Deus videt omnia*, in officio nos contineamus. Bernardus: Quomodo, inquit, negligens potest fieri, qui intuentem se Deum non desinit intueri? Si negligentiam, quomodo nō etiam luxuriam à se repellat, qui diuinos oculos in se defixos obseruat? Dorotheus vir religiosissimus, in familiam suam cooptauit iuuenem spei non magnæ. Erat is libertati assuetus, vanus, vitij plenus, & tamen monachum profiteri omni modo contendebar. Facile erat Dorotheo cogitare, hunc talem iuuenem præceptis & legibus non obruendum; ita vnicam dedit, sed auro exarandam: *Cogita semper Deum tibi præsentem, & te coram illo stare*. Dositheus (hoc nominis accepit in cœnobio tyro ille) ex vna hac lege, eos in virtute progressus fecit, vt elapso quinquennio, non in meliorem tantum, sed in alium prorsus hominem mutauerit, iam ceterorum non tardus imitator, sed antesignanus, & virtutis speculum. Tantum ei profuit, assidue cogitasse, *Deus videt omnia*.

a S. Anton. part. 2. hist. tit. 15. c. 1. § 3.

## S. V.

**P**hengites, miri nitoris lapis, ea etiam quæ à tergo sunt, monstrare dicitur. Domitianum Imperatorem eo vsu affirmans



Suetonius : *a* Tempore , inquit , suspecti periculi appropinquante , sollicitior in dies , porticum in quibus spatari consueverat , parietes , Phengite lapide distinxit , è cuius splendore per imagines , quidquid à tergo fieret , prouideret . Eius generis lapidem habuisse fretur Maximilianus I . Imperator . Huic celeberrimam Germaniæ urbem ingressio , gratulatum aduenit Magistratus , & chrysendeton aureis plenum obtulit in monumentum debiti obsequij . Erat tum Imperator in conclaui , non procul à foro , ubi spectacula parabantur . Digresso inde Magistratu ciuico , initium est datum ludorum equestrium . Aulici ramuli plerique omnes huc illuc dilapsi , occupando commodiore loco . Secutus Imperator cum paucis , cratere aureo in mensa relicto , & ianuis per quas transferat , apertis . In omnibus in ludos intentis , familiarium vnus in Cæsareum conclaue obrepit silentio , aureos credo numeraturus , sed suæ crumenæ . Ergo poculum inuadit , nec parca manu extrahit partem aureorum non minimam , ratus se à nemine videri . Interim Imperator Phengiten suum dissimulanter ante se mouet , omnia à tergo videri , & hunc furem . Reditur in conclaue : magna hic omnium expectatio patendi muneris . Iubet Cæsar singulos dominorum pro se quemque accipere . Etiam ille , qui ante inuocatus venerat , vocatus est & iussus extrahere , quantum manu prederet . Initio ille modestè tergiverfatus , tandem pauculos aureos verecundis digitis attollit . Hic Imperator : numera sis , inquit , quot traxeris . Numerat . Cæsar iterum : Iam , inquit , & illos prome quos nobis absentibus traxisti : videamus , num antea , an iam fueris cordatior . Fit funus miser , balbutit , contremiscit , vocem vix expedit , mustat , deprecatur . Expromit tandem aureos è furtiuo sacco , & numerat , sed longe plures esse comperti , quos prius clepserat , quam quos iussus excerpserat . Tum imperator tolle , inquit omne hoc ruum est , sed sub oculos meos non redi . Tu , si sapias , cum magnatibus ( multo minus cum Deo ) non ludis , à tergo etiam habent oculos . Et an nescis longas Regibus esse manus , acutissimos oculos , plurimas aures ? an nescis , Deum merum esse Oculum , meram manum , diserte Augustinus : *b* Deus , inquit , totus oculus est , quia

omnia videt , totus manus est , quia omnia operatur , totus pes est quia vbique est . Hoc nempe seruulorum linguas & manus coerces , vt nec flosculum carpant , nec pomulum ex horto rapiant , nec frustulum panis sublegant , si nullam sibi herilis absentię securitatem polliceri queant . Hinc crebriores querelę illæ : dominus meus semper mihi à tergo hæret ; loco quo minime formido , deprehendor . Et quis vsquam vnquam oculos Dei cuncta cernentis euitare potuit ? *Deus videt omnia* . Ergo quocunque perrexeris , memento te deprehensurum .

Pausanias in Corinthiacis refert , Iouis simulacrum trinoculum celebrari , ob triplex in Superos , medios , inferos imperium . Mitamus figmenta . An non Deus noster triplices habet oculos , quibus omnia cæli , terræ , marisque , & inferorum vel minutissima peruidet . Augustinus : Oculos , inquit , Dei simul vniuersa cernentis , non abdita locorum , non parietum septa sedudunt ; nec solum ei acta & cogitata , verum & agenda & cogitanda sunt cognita . *Deus videt omnia* , tam præterita & futura , quam præsentia .

*a* In Domit . cap . 14 .

*b* Epist . III .

## S . VI .

**H**oc alte animo imprimere , & in laboribus roborat , & in molestijs atque doloribus erigit iustitice . Eo quisque contentius laborare solet quo plures habet & nobiliores sui spectatores . In Hierosolymorum obsidione , nulla præmia Romanos acq̃ue in hostem animare potuerunt , atque Titi Cæsaris in bello præsentis oculi . Fidem facit Iosephus his verbis : Romanos hortabatur consuetudo vincendi , & quia vinci non assueuerant . Ante omnia vero Titus , semper , vbique præsens . Nam & inertia , spectante atque opitulante Cæsare , grauissimum facinus videbatur . & ei qui bene decerasset , testis aderat qui rependeret premium . Præterea fructus erat , vel cognosci solum Principi , virum fortem . Idcirco multorum maior viribus alacritas demonstrata est . En , oculus domini saginat equum : En , oculus Titi magnanimos facit milites , qui velut viri , ferrei , stant inexpugnabiles . Potuerunt hoc oculi Titi Cæsaris ? multo magis id poterunt oculi præsentis vbi-  
que



que Numinis. De Iuda Machabæo, eiusque  
copijs sacra historia, hoc prodidit: Erant ma-  
nu quidem pugnautes, sed Dominum cordi-  
bus orantes, prostrauerunt non minus trigin-  
ta quinque millia, *præsentia Dei* magnificè de-  
lectati *a*. Vicerunt, quia Deum sibi præsen-  
tem fecerunt precando. & hæc illis cogitata  
Dei præsentia, famem sitimque, sangatio-  
nem & puluerem, vulnera, plagas, mortis pe-  
ricula, facilia omnia reddidit. Quod si mili-  
tes hi inter tubas & tympana, inter armorum  
fragorem, inter vulneratorum, casorum, mo-  
rientium clamores & ululatus, ita sibi Deum  
statuerunt præsentem, vt eius præsentia ma-  
gnificè delectarentur: nos quoque vel in tur-  
batissimis etiam negotijs, præsentis Dei me-  
minisse poterimus, si velimus. Proinde si quis  
adeo delicata & parcente manu laboret, simi-  
lis somnum meditantis, elumbis, lentus, fra-  
ctus & oscitans, non immerito illum proxi-  
mus quisque sic exstimulet: quid agis ignaue?  
vbi manus, vbi opus tuum? num ideo sic so-  
lute & segniter, sic remissè & perfunctorie  
laboras, quia te solum putas, & à nemine vi-  
deri: — Sed luna videt, sed sidera testes, In-  
tendunt oculos — sed vident Angeli, sed  
videt Deus. Dei oculos non reformidas? non  
te pudet, spectatore Deo, eò languoris prola-  
bi, vt instar brutæ pecudis, non festines nisi  
ad quietem & somnum? Respice piger, & si  
quidem humanos negligis, diuinos saltem o-  
culos reuerere: *Deus videt omnia*, tã alios in-  
dustrie & feruenter, quàm te languidè & osci-  
tanter laborantem: operosos Deus contem-  
platur, & cessatores: ipse nouit & decipien-  
tem, & eum qui decipitur. *b Deus videt om-  
nia*. Seneca de hoc non Christiana tantum,  
sed pænè (fas sit dicere) diuina scripsit. Et  
quàm hoc propriè ac verè ad Lucilium: Pro-  
pè est, inquit, à te Deus, tecum est, intus est.  
Ita dico, Lucili, sacer intra nos spiritus se-  
det, malorum bonorumque nostrorum ob-  
seruator & custos, hic prout à nobis tractatus  
est, ita nos ipse tractat. Nihil Deo clausum  
est, interest animis nostris, & medijs cogita-  
tionibus interuenit Deus vbique, & omnibus  
præsto est *c*. Obstupesco tantum lucis huic  
viro in tenebris alluxisse. *d* Idem: Sic fac,  
inquit, omnia, tanquam spectet aliquis. Pro-  
dest sine dubio, custodem sibi imposuisse, &

habere quem respicias, quem interesse cogi-  
tationibus tuis iudices. & : *e* Magna pars pec-  
catorum tollitur, si peccatoris testis adsistat.  
Aliquem habeat animus, quem vereatur, cu-  
ius auctoritate etiam secretum suum sanctius  
faciat. O felicem illum qui non actus tan-  
tum (alij libri, aspectus, tactus, omnia re-  
ctè) sed etiam cogitatus emendat! O feli-  
cem illum, qui sic aliquem vereri potest, vt  
ad memoriam quoque eius se componat atque  
ordinet? Ergo sic viue cum hominibus, tan-  
quam Deus videat, sic loquere cum Deo tan-  
quam homines audiant. Præclarissimè omnia.  
Et hoc homo non Christianus scripsit? Iesv  
bone, quid in supremo iudicio responden-  
dum Christianis: iam conuicti sumus vel  
mille testibus. Scimus, *Deum videre omnia*,  
sed aliter non viuimus, quàm si nihil videret  
ex omnibus.

*a* 1. Mach. c. 15. v. 27.

*b* Job cap. 12. v. 16.

*c* Epist. 41. init.

*d* Epist. 25. med. ferè.

*e* Epist. 11. propius finem

## §. VII.

Oculos hominum tantò magis observa-  
mus, quantò minus Dei. Et hoc est, ex-  
mente Chrysostomi, quod nos in exitum ra-  
pit. Humanis nos oculis commendare, stu-  
diosissimè ambimus, oculos diuinos negligi-  
mus, perinde atque si nullus sit Deus qui nos  
videat. In sceleribus (os illud aureum iure  
queritur) Deo contempto homines formi-  
damus, homine præsentem nemo fornicaretur,  
sed pudore hominum, affectus violentiâ vin-  
ceretur: cū autem Deus videat, & hoc aude-  
mus, & longè grauiora. Nonne hoc solū satis  
esset, quò cælitus innumeris peteremur fulmi-  
nibus? Hinc omnia orta sunt mala, quod in  
rebus turpibus, nō Dei oculos sed hominū ti-  
memus. Nihil est opertū, quod nō revelabi-  
tur, & occultū quod non sciatur *a*. Ambrosius  
tam hic disertus est & serius, vt si quis vllum  
conscientiæ sensum retinuerit, non possit  
non moueri: Derur mihi, ait, captus adulteri-  
næ cupiditatis intemperantissimo actu, qui  
nolit repugnare suæ carnis appetentiæ, in-  
curiosus iustitiæ, tamen sollicitus famæ, eru-  
bescens testimonium erroris, qui ipsum non  
eru-



crubescit errorem. Si quem fortè spectatorem nouerit facinoris sui, verecundia sequestrat intemperantiam, & pudore incæptum scelus deserit. Ah! quanto magis, si consideret plena esse Angelorum omnia aerem, terras, maria, ecclesias quibus præfunt Angeli. Hominem vereris præsentem, Dei præsentiam non vereris? Sed cum tibi dicitur, quia Deus nouit occulta hominum, ideo non vis audire, ne incipias scire quod timeas & timere ne pecces. Sed an putas, quod in lupanari te Christus non videat, quem videt lupanar ingredientem? in flagitio te non deprehender, quem videt flagitium cogitantem? Sed fac (quod fieri non potest) quod nequitias tuas videre noluerit Deus; vidit Belial, vidit legio dæmonum, qui te impulerunt. Ne putes quod tibi præster colludium silērij, qui tecum habebit consortium supplicij. Studet plurimos sui similes videre, & hæc eius est gloria, quod plures, perdat. Ergo, *quocunque perrexeris, memento te deprehensum, Deus videt omnia.*

Humanis oculis fucum facere, & (vt Plautus loquitur) glaucoma obijcere, res est facilis negotij; oculos Dei fallere nulla vnquam ars potuit, hoc prisca explicabant apologo isto: Ceruus insequentes venatores fugiens, metu delatus est in stabulum. Hic mulum rogauit: tantillum sibi spatij non inuideret, quo fugam liceret dissimulare, dum transuerti essent venatores. Cui mulus: Hic, inquit, parum eris securus, breui aderunt & herus & famulus. Ceruus opinionis suæ tenax: Videbo, ait, quas fugæ meæ latebras captem, modo tu me non prodas. Vix tutum se recipit & famulus irumpit, ceruum tamen profundiore fœno vtrumque iam sepultum non obseruat; sicque abiit. Ceruus mirè sibi gratulatus, quod famuli oculos fefellerisset, iam pœnè victor omnem periculi metum ponebat. Cui mulus: mi frater, inquit, hunc talpam decepisse, non artis fuit, sed fortunæ: vè tibi, si venerit herus, lynceos is habet oculos: hunc si fefelleris, triumphum cane.

Breui & ipse herus adest, dumque omnia sagaci lustrat oculo, ceruinum cornu è fœno prominens deprehendit, & simul fugitiuum hospitem. Mox complosis manibus, seruos in clamat. Ita miser catærem esse sensit, quod asylum putabat. Mens fabulæ ista est: Serui

sunt, quocunque mortales viuunt; dominus omnium solus Deus est. Seruorum istorum oculos decipere, nimis quàm facile est; mille larvæ sunt quæ fraudem faciant; dominum, qui merus est oculus, nemo fefellit vnquam. Scrutatur corda & renes Deus *b.* De quocunque homine dixeris: renum illius testis est Deus, & cordis illius scrutator est verus, & linguæ eius auditor. *c.* Homo videt ea quæ parent, dominus autem intuetur cor *d.* Ergo, *quocunque perrexeris, memento te deprehensum, Deus videt omnia.*

*a* Matth. cap. 10. v. 26.

*b* Psalm. 7 v. 10.

*c* Sap. c. 1. v. 6.

*d* 1. Reg. c. 16. v. 7.

### S. VIII.

**R**hetoricæ figura est, quæ *Conuersio* dicitur, hæc quæstiones complures vno responso diluit. Ea vsus Basilii, a varium quæsitum verbo dissoluit. Quærebant Basilij discipuli: quis omnium facillimè & creberrimè irascitur? quis in re diuina censendus est pigerimus? quis animo maximè vagus in precibus? quis leuissimus in gestu? ecquis omnium inquietissimus est dicendus? Verbo, ad omnia respondebat Basilii: Quis non semper cogitat, suarum actionum & cogitationum inspectorem esse Deum.

Sed denudò quæritur, & qui fieri possit, vt quis ira nunquam incalcescat? quis cogitationes sic cohibeat, vt non euagentur? quis in tetrico negotio animi & spiritus, æque semper vegetus sit & alacer, atque in lusu & choreis? quis tam cautus in moribus vt nullam stultitiæ mixturam prodas? quis adeò semper apud se domi suæ, vt omnia dicta factaque composita habeat, & ad decorum exposita? Vnum iterum ad omnia responsum est Basilij: hæc omnia ei facilia sunt, qui Deum semper præsentem aspicit. Ecclesiasticus: *b* Si non in timore Domini, inquit, tenueris te instanter, citò subuertetur domus tua. Deum non metuit qui absentem credit. Idcirco Augustinus: *c* Deus, inquit, timendus est in publico, ipso in secreto, procedis? videris, intas? videris, lucerna extincta est? videt te. lucerna ardet? videt te. cubile ingrederis? videt te. in corde versaris? videt te. Illum ergo ti-

me, cui



me, cui cura est vt videat, & vel timendo castus esto. Cognouit enim dominus omnem scientiam (vt Siracides loquitur d) abyssum & cor hominum inuestigauit, & in astutia eorum excogitauit: tandem fraus omnis ad solis testimonium publicatur: *Deus videt omnia.*

Ferdinandus I. Imperator, mirè delectabatur horologiis affabrè factis & rotundatis. Erat ei magnus horum numerus, & artificiosa varietas. Fuit, vt animi gratia loquaci hoc aure mensam oppleret, & velut mercè venditurus, ordine collocaret, gratum aulico comitatu spectaculum. Vbi satis datum oculis, ad colloquium factus secessus. Vnus interim non spectator tantum sed emptor, furandi libidine an occasione impulsus, vnum ex horologiis raptim in caligas abdidit sagaci manu. Obliquo id oculo deprehendens Cæsar, hominem ad se vocatum, vario sermone, ad id horæ detinuit, dum sonorum illud aurum intra calligas loqueretur, & horam nunciaret. Erubuit miser vel inuitus, & totam faciem minio perfusus, sine voce confessus est furtum, Cæsar rubore contentus, liberalissimâ conuiuentiâ, reum furti absoluit. Et nos, mi Adestime, huic furi simillimi sumus: quoties nos aut fucata mendaciâ, aut clanculariâ confabulationes, aut furtiue mentis libidines oblectant? miseri, latere nos credimus. Tandem, tandem, elapsâ vitæ horulâ, horologium nostrum, nostra conscientia loqueretur; Oculi Dei non obliquus sed rectissimus atque fixissimus, in nos assidue intentus, factorum nos omnium convincet. Nam, in omni loco, oculi domini contemplantur bonos & malos: *e Omnia videt Deus.* Nunc temporis dissimulat, & huic furari, & illum adulterari sinit Deus: quid iste, quid ille, quid nos, quid omnes omnino homines cogitent, videt, & tacet. Erat tempus, cum singulis obiecturus hic iudex, hæc fecisti, & hæc & hæc etiam, & illa, & ista etiam, & tacui f. Nunc tua te prodit conscientia, nec te ipso iudice absolui potes. Heu, quid tunc miser sum dicturus, quem patronum rogaturus, cum vix iustus sit securus? Infernus, & perditio coram domino, quantò magis corda filiorum hominum? Si homini, ait Ambrosius, inficiaris, Deo fatearis; etsi volueris negare, tuæ te cogitationes

reuincunt. Lactantius huius rei optimè commonefaciens: *b* Quid agis, inquit, quid machinaris qui abscondis? Custos te tuus sequitur. Putas tibi contigisse vt oculos omnium effugias demens? quid tibi prodest: non habenti conscientiam? *Patentis Deo vndique Ergo, quocumque perrexeris, memento te deprehensum: Deus videt omnia.*

*a In quæst. fusè explicatis quæst. 20.*

*b Eccli. c. 27. v. 3.*

*c Serm. 46. de verb. Dom.*

*d Eccli. c. 42. v. 18.*

*e Prou. c. 15. v. 3.*

*f Psal. 49. v. 21.*

*h Prou. cap. 15. v. 11.*

*i Lib. 6. de vero cult. cap. 24.*

## S. IX.

**A**D B S: Fafne mihi querere? P A R T H. Iuberem, ni sponte faceres; interim respito ego. A D B S. Vnde obsecro tot, tam fœda, & tam quotidiana inter Christianos flagitia: an non ea omnia credunt, quæ de Deo vbiq; locorū præsentè dissuulsi? P A R T H. Credunt sanè, sed fide otiosissimâ, nec plus faciunt quâ si nō credant. Curlorem veredarium noui ego, proiectæ audaciæ hominem, qui assuetus diu noctuq; iter facere, equum quandoque per inuia, deuia, per saxa & sentes agebat; monitus periculi, & saltem vitæ suæ, si non suo equo, parceret. Irridens ille, oculos, inquit, comprimo & omnia vbiq; plana sunt. Huic, ij simillimi qui Deum vbiq; præsentem esse credunt, sed nil prorsus, diuinâ præsentia dignum faciunt: oculos comprimunt, & quâ data porta, ruunt: tales, nebulones illi vetuli, alieni matrimonij subseffores, Susannæ, pudicitiam sollicitantes, *exarserunt in concupiscentiam eius, & euerterunt sensum suum: & declinauerunt oculos suos, vt non viderent calum, neque recordarentur iudiciorum iustorum. a*

David Salomon filio, hoc ipsum grauissimè commendans: Tu autem Salomon, inquit, fili mi, scito Deum patris tui, & serui ei corde perfecto, & animo voluntario. Omnia enim corda scrutatur dominus, & vniuersas mentium cogitationes intelligit. Si quæseris eum inuenies; si autem dereliqueris eum, proiciet te in æternum *b*. Concio, regum, auribus di-

Nun

gnissi-



guissima. Sed Salomon paternæ disciplinæ immemor, alienigenarum mulierum libidines affectatus, eo delirij & impietatis prolapsus est, ut Deum patris sui cœperit nescire. Ita cuticula placet aliena, ut animula displiceat propria. Hęc vitæ labes inde est, quod Deum aut nostra non videre, aut faciliè condonatum visa, stultè & improbè persuadeamur. O tenebras humanæ mentis! Oculus ille qui videt omnia, & à nemine videtur, in lucem olim protrahet quæcunque arcana & abdita. Hic Oculus ostender quos mortuos nocte sepelierit Tobias. Hic oculus monstrabit, quot palàm, quot clam iugulauerit Herodes. Hic oculus pandet Orbi, quis Nicolaus ille fuerit; qui furtivis beneficijs, pudicitia periclitanti, alienæ subuenerit. Hic oculus humano generi proder, non à Iosepho dominam, sed à dominâ Iosephum ad flagitium fuisse invitatum. Oculus iste declarabit, Elisabetham Ungari regis filiam, in abdito hortifui angulo, scabiosi mendici caput lauisse. Secretissima omnia ad solem producet hic Oculus. Res nunc in Orbe sæpe geruntur inæqualissimè, subinde etiam iniquissimè: illi fidei deuorant, & acculant istos: reis venia datur, vexat censura infontes; corui delinquunt: impune, columbæ mulctantur, non latebit, non est occultum quod non manifestetur, nec absconditum quod non cognoscatur, & in palàm veniat. Ideò Christus: Et Pater tuus; inquit, qui videt in abscondito, reddet tibi d. Ergo, quocunque perrexeris, memento te deprehensum, Deus videt omnia. Non praterit illum omnis cogitatus, non abscondit se ab eo vllus sermo e. Ut verò huius nulla nos vmqnam capiat obliuio, certa memoriæ statuenda sunt signa, quæ quotidie moneant. seu sit imago cubiculi, seu dictum illustrius musco inscriptum, seu pars vestis aspectui exposita, seu digito insertus annulus seu quotidianum illud sacerdotis in sacro: Dominus vobiscum. Quidquid illud sit, monendi sumus assiduo, Deum vbique præsentem videre omnia. Addo clausulam viri docti, & sancti Martyris Severini Boëthij, qui aureum illud de Consolatione Philosophiæ opusculum, his ipsis verbis consignauit: Magna vobis est, si dissimulare non vultis, necessitas indicta probitatis, cum autem oculos agi-

tis, iudicis cuncta cernentis f. Aut saxa sumus, aut his mouemur: Deus videt omnia.

a Dan. c. 13. v. 9.

b 1. Par. c. 28. v. 9.

c Luc. cap. 8. v. 17.

d Matth. cap. 9. v. 18.

e Eccli. cap. 42. v. 20.

f Lib. 5. consol. phil. fine libri.

## CAPVT XI.

Nonum INCONTINENTIAE antidotum, Nonena ÆTERNITATIS supplicia.

**H**ic flere malim quam loqui. Quicquid dixerimus, minus æquo dicemus; verbis non assequemur, sed nec cogitationibus quidem, inexplicabilem illam damnatorum Æternitatem. Scio multos & multa de damnatorum tormentis scripsisse, sed vana est scriptio, inanis est omnis dictio, vbi non est attentata & profunda cogitatio. Legimus ista, audimus talia, cernimus picta, cogitamus futura, hæc omnia breuè euanescent, nisi ea vigilantissimâ mente sapius expendamus, & imaginationi seriæ insigamus. Eheu quàm multa sunt, inferorum infanda supplicia, quæ hic mihi, Ædesime, tibi quæ meditanda subiiciam, compendioso ordine.

## PRIMUM.

**S**upplicium Inferorum, tremendum, INFANDUM;

**TENEBRÆ.** Primus hic cruciatus est, & maximus omnium, & verè infandus. Sed audi quas ego tenebras dicam. Deum posse aspicere per totam Æternitatem, ô quantum erit liquidissimæ voluptatis; hominem formosum intueri, aliquam patit voluptatem, quæ mox ad amorem trahit. Creet iam Deus, vii potest, infinitè formosorem, quàm sit homo vel formosissimus in Orbe; quàm ille in sui spectatōribus, æternum amorem prouocabit; hunc tu mihi homunculum vnicum cum Angelo, Angelum, imò Angelos omnes cum Deo, cuiusque infinita pulchritudine confer, ecquid iam sentis omnis pulchritudo florum, hominum, Angelorum, & rerum omnium, pulchrarum, ad Dei pulchritudinem collata nox est, & meræ tenebræ, & deformis caligo. Ab



ligo. Ab huius ergo immensæ pulchritudinis aspectu excludi, idque æternum, inexplicable, infandum, incomprehensibile tormentum est. Et hoc Theologi, *pœnam damni* nominant. Chrysostomo mille gehennæ minus sunt, quàm sic à Deo reijci. Verba illius adnumero, hæc sunt: *a* Noui autem, quod pluri pertimescant tantum gehennam, ego tamen illius gloriæ amissionem, multo amarior, quàm ipsius gehennæ dico esse supplicium. *Et pauculis interiectis* Intollerabilis quidem res est etiam gehenna: quis sciat, & supplicium illud horribile non perhorrescat? tamen si mille aliquis ponat gehennas, nihil tale dicturus est, quale est à beatæ illius gloriæ honore repelli, exolumque esse Christo, & audire ab illo: *non noui vos*. Est enim factius vel mille fulmina sustinere, quàm vultum illum mansuetudinis pietatisque plenum, nos tamen auersantem videre, & illos placidissimos oculos nequaquam nos aspicere sustinentes. Quid ego luctuosius esse poterit, quam horrendum illud tonitru, vocem audire diuinam, sic repellentem: Discedite à me maledicti: Foris canes, & impudici *b*. Ah, quàm non capimus hoc ineparabilis damni supplicium, & interiores (sic vocemus) tenebras, quæ intelligentiam, voluntatem, memoriam hominis omnem fœdâ cœcitate obruent. Quicquid memoria secum reperierit, affliget, quicquid cogitauerit intellectus, malum erit & execrabile, in tormentum cogitantis voluntas obstinatione sua stupebit, neque enim vmquam velle poterit quod Deus: ita in se semper suæ malignitatis habebit pœnam. Verè Augustinus: Exterioribus, inquit, deputati tenebris, nullo illustrantur interiori lumine. O tenebræ formidandæ.

His, exteriores illæ iunguntur, de quibus clarè Seruator: Inutilem, inquit, seruum eijcite in tenebras exteriores *c*. Et hæc, densissimas illas Ægyptiorum tenebras longè superabunt. Si quid luminis habebunt damnati, in grauiorem id pœnam erit, vt videant, vnde plus crucientur: parentes, filij, amici, cognati, fratres solatio non erunt, sed supplicio. O verè terram tenebrosam, & opertam mortis caligine! ò terram miseræ & tenebrarum, vbi umbra mortis & nullus ordo, sed

sempiternus horror inhabitat! *d* Hic discant libidinosi oculi, ad salubres nunc tenebras se ipsos vltro damnare, & omnem à se Veneris petulantiam excludere. Beati mundo corde, quoniam Deum videbunt.

*a* In cap. 7. Matth. hom. 24.

*b* Matth. cap. 25. v. 41.

*c* Matth. c. 25. v. 30. idem Matth. c. 8. v. 12. & c. 22. v. 14.

*d* Iob c. 10. v. 21. & 22.

## SECVNDVM.

**F**LETUS, & STRIDOR DENTIVM; vlulatus & rugitus horribilis, lamentabilis. Post oculorum tormentum, sequitur aurium. Propone hic tibi omnes aurium cruciatus; clamores hominum, fremitus bestiarum, fragores nubium, deiectus aquarum, & quicquid in odium potest aures adducere, id omne damnatorum fletus superabit. Apertissime præmonens Christus: Ibi erit fletus, inquit, & stridor dentium: *a* multi enim sunt vocati, pauci verò electi. Hic damnatorum fletus, vlulatus, rugitus velut pecudum ex acerbissimo dolore proueniet, qui vel saxeis pectoribus desperatissimam hanc complorationem excutiet.

His odis atque modulis, miserorum illorum aures assidue torquebuntur. Auctarium huius musicæ erit *stridor dentium* à nimio frigore. Hæc vices erunt apud inferos, sed abique omni doloris lenimine: Ad nimium calorem transcunt ab aquis niuium *b*. O atrocissimam febrem damnatorum, quæ nullam habet declinationem! sempiternus hic horror inhabitat. Terror, tremor, ploratus, angor vndique opprimit captiuos illos. Et quia hoc non aliquot annorum centurijs, non vicenis solum aut quinquagenis, aut etiam centenis annorum milibus patiendum erit, ideo Iobus *sempiternum horrorem* nominat. Annus videtur quandoque nox vnica, quàm quis solus in tenebris, sine somno, dolore acuto compunctus, tametsi inter plumas, transigit: & quàm is anxie horas numerat, quàm auidè finem expectat tam acerbæ noctis, qui sic insomnijs peruigilat: & quid fictus hic annus, quid nox hæc, licet experts somni, licet plena dolorum: ecquid centum, quid mille noctes dolorum plenissimæ ad illam sint æterni.



ternitatem in Orco, vbi moror, vbi fletus & dolor sempiternus? Ah! quàm horrendum est incidere in manus Dei viuentis! O immitamus nos iam in manus & brachia Christi Domini in cruce mortui. Dolere aures, quicquid ad hoc temporis libidinum admisistis; deinceps vos spinis sepi non recusate. Nimis horrendum est, in manus Dei viuentis incidere.

c *Luc. c. 13. v. 28. Matth. c. 12. v. 14.*

d *Iob c. 24. v. 19.*

e *Ad Hebr. c. 10. v. 31.*

## T E R T I V M.

**F**AMES, & SITIS incredibilis. Vbi culpa, ibi poena. Quantas à gulà noxas trahimus, heu fame sitique acerbissimâ lucendas! Purpuratus epulo ardentem linguam exerens: Crucior, exclamat, in hac flamma, & vel extremi digituli stillâ linguam refrigerari possulat. Non dolium frigidâ plenum petijt, sed guttulam, illam tamē non impetrauit. En, eò deuenit inopix opulentus ille gulo, vt non calicem, sed digiti extremum, non Falerium, sed aquæ guttam; non pincernam nobilem, sed Lazarum mendicum flagitaret. Hæc tamen ei negata omnia. Ita omnis solatij spes illic præcisa est; quacunque vel manus vel oculos moueant damnati, nusquam à dolore quies est vel minima. Velut qui in mare lapsus est, vndis vndeque inuoluitur, nec inuenit vbi pedem figat; frustra iactat brachia; fugitiuam aquam incassum caprat, fallit illa miserum, & eludit: sic infelices illi in tormentorum pelago submersi, nullum vespem à tormentis effugium reperiunt. Nihil est eo loci quod famem aut sitim mitiget. Recepistis, ô miseri, bona vestra, in vitâ vestra. Nil vobis debetur amplius, nisi tormentum, idque æternum. Olim epulati estis, iam dies sunt ieiunij, nunc epulantur alij, qui quondam ieiunarunt. Propter hoc hæc dicit Dominus Deus: Ecce serui mei comedent, & vos esurietis: ecce serui mei bibent, & vos sitietis: ecce serui mei latabuntur, & vos confundemini: ecce serui mei laudabunt præ exultatione cordis, & vos clamabitis, præ dolore cordis, & præ contritione spiritus vlabitis. Vobis olim, sed surdis, prædicebatur centies, delicias supplicij lucendas:

Nemo audijt: vocaui & non respondistis; locutus sum, & non audistis; & faciebatis malum in oculis meis, & quæ nolui, elegistis. Nunc longâ, nunc æterna fame hilaris, sed brevis inania digerenda est; voluptates fugacissimæ sicut perpetua piandæ sunt. Nimis iam serum est, huic fami sitique mederi vel. Post tale prandium, talis cœna sequitur; saturitatem meritò fames excipit, temulentia iustissimè torquetur siti. Hæc gulæ debetur merces. O Deus! gehennam profectò euitat, qui gehennam sapius cogitat.

a *Luc. cap. 16. v. 24.*

b *Isaia c. 65. v. 13.*

c *Isa. c. 65. v. 12.*

## Q V A R T V M.

**F**ORTOR intolerabilis. Omnes exteriores sensus peccatum inficit, omnes vindicta punit. Olim, pluit dominus super Sodomam & Gomorram sulphur & ignem. His pluuijs extinguendus erat æstus libidinis. Igni summus ardor, maximus fœtor inest sulphuri. Qui ergo lasciuâ carnis concupiscentiâ fœtebât, igne & sulphure peribant, vt ex animæ aduersione iusta discerent, quid spurca libidine commersissent. Sic, pluit super peccatores laqueos: ignis, sulphur, & spiritus procellarum pars calicis eorum. Duplex, libidinosus & impurus supplicium meretur: dum viuunt, seipsum magis atque magis luxuriæ laqueis irretit; cum viuere desinit, in lacum sulphureum transit. Quantus est autem vel vnus cadaueris fœtor? & quantus erit inter innumera damnatorum cadauera? omnis apud nos nephitis crocum spirat, si cum graueolente Auerno conferatur. Apocalypticus ille Angelus, sapius minatur sulphureum stagnum: pars illorum erit in stagno ardenti igne, & sulphure. Ite iam, Christiani, & delicijs affluere supremam felicitatem credite, cras forsitan mergendi sulphureis his vndis. Et quid tunc proderunt deliciæ, cum vos inferorum sepiant flammæ? cum peregrinos odores sulphureus expellet fœtor? Ah, sapiamus, dum licet, ne dulce momentem, amarissima committeret æternitas.

a *Genes. c. 19. v. 14.*

b *Apoc. cap. 21. v. 8.*

## Q V I N T V M.



## QVINTVM.

**I**ENIS, nullo sæculorum tractu extingendus. Nimis quàm clara sunt quæ prophetae, quæ magister prophetarum Christus, de hoc igne prædixit: Discedite à me maledicti, in ignem æternum. Paleas comburet igni inextinguibili: Bonum est tibi claudum introire in vitam æternam, quàm duos pedes habentem mitti in gehennam ignis inextinguibilis, ubi vermis eorum non moritur, & ignis non exstinguitur. Omnis arbor non faciens fructum bonum, excidetur, & in ignem mittetur, ignem illum inextinctum, qui omnes tangendi sensus nimium quantum cruciabit. Non tantum mala est arbor, quæ verminosa fert poma, sed etiam quæ nulla. Sæpe culpandi sumus, non quòd grande malum patremus, sed quòd nihil boni. Et plerumque citius ad ignem trahitur arbor, quæ nulla quam quæ calculosa fert pira, vti non tantum ille feruus vapulat qui nocuit, sed etiam qui otia non profuit: non tantum pungentes spinæ, sed & virens tolium & zizania colliguntur, & alligantur in fasciculos ad comburendum. Sic erit in consummatione sæculi: exhibunt angeli, & separabunt malos medio iustorum, & mittent eos in caminum ignis: Ignis cheu, ignis, & quidem ignis æterni. Humana crudelitas in poenas ingeniosa, exquisitissima inuenit supplicia, nullum tamen acutius, nullum vehementius est igne: Sed vti nullum est quod acrius torqueat, sic nullum est quod citius torquere desinat, & consumat. Quis ergo ignis ille, qui & acutissimè cruciat, & cruciari nunquam desinet? Sanè si hæc credantur, & cogitentur attentius, nemo peccati letalis conscius à gemitu & lacrimis temperabit, nemo procrastinabit penitentiam. *Ædesime*, nihil agimus, nisi flammæ illas immortales, quantum fas, velut libemus atque tangamus, & oculis, & manibus. O quisquis es, cum te vrit libido, admove, oro, extremum digiti gracili cereo, nec cum prius flammulæ illi subtrahes, quam orationem dominicâ semel dumtaxat pronunciaris, quid cunctaris id experiri? ecquid iniectum digitum subito retrahis? vix duas vuculas pronunciaſti, & mox intolerabilem ais esse cruciatum. Perdura & redde digitum igni. At

negas id posse fieri, ob nimium dolorem. Ah, mi Deus, ah, ah, per centesimam aut millesimam horulæ partem, digiti extremum igniculo admove, incredibilem, nimium, intolerabilem dolorem dicimus; & quis erit ille dolor, cum totum corpus non pictis his igniculis, sed in tremendis illis gehennæ flammis ardebit, non horæ partem, non tantum horam, non diem tantum; non tantum mensem vnum aut annum, nec sæculum tantum aut olympiadem, aut per decem millia, aut etiam per centum millia annorum tatum, sed nec per centum millia millionum annorum tantum, sed per annos innumerabiles, infinitos, in omne æuum, in æternum. Ah! ô mi Deus, & ô mi *Ædesime*, quisquis hoc serio vel semel per hebdomadem cogitat, aut viuet vt hominem rationis cõpotem decet, aut iam in merum saxum dirigit, aut certe degenerauit in pecudem. Silex est, quem tremendum hoc, & verè infandum inferorum supplicium non percellit cogitatum. Sed communis insania, & sensum nobis eripit, & quidquid est sanæ cogitationis. Nam his sæpe non plus mouemur quam si pictas fabulas cerneremus. Communis, inquam, hæc hominum insania est, qui beatam vitam cumperunt, fugiunt; æternam mortem quam videntur fugere, non perhorrescunt, & fugiendi laborem recusant.

O ignes? ô gehennæ flammæ, ô inferorum incendia, nullis sæculis extinguenta! vnus membri, vnus solum acutior dolor, seu ille stomachi sit, seu capitis, pedis, pectoris, seu dentis, oculi, quam inquietas noctes, quàm dies efficit acerbos? Verum, sit eger qui varijs doloribus, membris omnibus torqueatur; suus sit omnibus corporis articulis cruciatus; sit homo vndeque miserrimus & plenissimus dolorum, & qui vel silicem ad miserationis sensum emolliat: hic tamen adeo diues tormentorum, nondum scit, quàm infandi sit doloris gehennæ flamma, ad quam noster ignis, pictus videri possit; præ quâ nostri dolores ludicrum quid & leues morsu culæ dicantur. Minimum apud inferos tormentum, maius est quàm sit maximum in orbe nostro. Magnos cruciatus habent morbi, sed hos tolerabiles interualla faciunt, quæ illic nulla. Summi doloris intentio, citò hic in-



uenit finem , & tunc desinimus dolorem sentire , si nimum sentiamus : Nemo potest valde dolere , & diu , nisi apud inferos. Sic enim natura disposuit , vt dolorem aut tolerabilem , aut breuem faceret *f.* In gehenna. & intolerabilis est dolor , simul & longissimus , numquam desiturus , aternus. Ignis eorum non exstinguetur. *g*

*a* *Matt. c. 25. v. 42.*

*b* *Matt. c. 3. v. 12.*

*c* *Marc. cap. 9. v. 49.*

*d* *Luc. cap. 3. v. 9.*

*e* *Matth. c. 13. v. 30. & 45.*

*f* *Senec. epist. 78.*

*g* *Is. c. 66. & vlt. v. 24.*

#### SEX TVM.

**L** ANIENA CONSCIENTIÆ miserabilis. Vermis eorum non morietur , affirmat Iſaias *a.* Iſdem verbis cõsignat hoc Christus : Vbi vermis eorum non moritur , & ignis eorum non exstinguitur. *b* Et hoc ipsum pauculis interiecit ( vt id stupor noster capiat ) tertium repetit : Vbi vermis eorum non moritur , & ignis non exstinguitur. Rea hæc damnatorum conscientia , velut rabidus canis assiduo latratu & morſu , in desperatissimam rabiem ager miseros. Inde omnes illi , sceleratæ stultitiæ seipſos accusabant ; sua cuique conscientia identidem hoc exprobrabit : En , perditissime , inter iocos & lusus perdidisti regnum : potuisses esse felix aternum , modo voluisses : breui ac leni labore beatam immortalitatem tibi parasses , sed noluiſti. En , stultissime , pro carnis voluptatula & spurca , & momentanea , immensas vendidisti voluptates ; Nimirum , tua tibi caro quam cælum , carior erat. Sentis iam , quas delicias sectatus fueris ? prædixi , monui , vellicaui , nihil profeci , nunc res & spes abs te segregant , sed tua solius culpa. En , impurissime , vt oblectationibus sordidissimas aliquamdiu retineres , perdidisti omnia. Procul nunc à te honores ; thesauri , voluptates beatorum , ad quas omnis tibi via intercepta est. A cæli delicijs vndique exclusissimus es , quia esse voluisti. Hæc tibi tormentali libidines tuæ pararunt , in hos ignes tua te præcipitavit incontinentia : tuam illam hilarem sed breuem insaniam , nunc luis æterno luctu. Desperatè ploras paradisi gau-

dijs te priuatum , tu te priuasti. Acerbissime doles , perenne , cœleste neglectum epulum ? tu neglexisti. Obseratam tibi cæli ianuam lamentaris ? Tu eam ipse tibi obſerasti. Ex toto beatissimus iam esses , modo esse voluisses. Facili opera cælum emereri licuit : sed differendo , & negligendo , huc sponte irruisti cœcus & amens , hinc nunquam exiturus. Nulla hic libertas , nulla salus : despera centies , millies , aeternum desperaturus , aeternum moriturus , & ad mortem nullis sæculis peruenturus. Tu vnus & solus , omnium quæ pateris tormentorum causa es. Damnatus es quia damnari voluisti : à vultu Dei proiectus es , quia te ipsum ab illo auertisti. Non aliena , sed tua culpa peris , aeternum periturus. Hæc conciones erunt conscientia , sed seræ nimis & acerbæ. Dum viuimus , oblatrantis conscientia morsus arte variâ eludimus , aut delinimus , nunc legendo , nunc colloquendo , nunc dormiendo , modo laborando , modo hilarius comessando. Sed apud inferos non somnus , non quies , nulla lectio , nulla comestationes , nulla consolatio ; dies noctesque conscientia vermis laniatum vndique pectus corrodet. In seipſos furenter exardescunt damnati , & tabescent ; assiduo sibi ipsis lugubrem hanc cantilenam occinent : O tempus , & ô dies aureos , quo euauisti , non redituri aeternum ? O cœcos nos , & excordes , obſtructis oculis & auribus , libidine furebamus , & mutuis nos exemplis trahebamus ad interitum. Huc properauimus infelicissimi , & spretis monitis cucurrimus ad mortem , heu mortem , heu mortem æternam ! Quid nunc iuuant omnia quæ fallacissimum mundus offerebat : oblectationum priorum non sine dolore recordamur ; voluptas omnis auolauit , & euauit. Et quamuis ea frui licuisset , aliquot annorum centurijs , quid fuissent vniuersa illa cum his tormentis comparata æternis ? vmbra solum captauimus amaræ voluptatis. Quis nos tam crudeliter fascinauit , vt huc ratum rueremus ? O si annis singulis vel semel Aeternitatem serio perpendifsemus ! O vel dieculam , ô vel horulam vnicam impetrare liceat ! Sed frustra sunt hæc vota ; actum est , spes omnis præcisa est. Maledictus ergo dies quo nati , maledictus Deus à quo conditi &c. Hic subſtringo calamum , & infandas blasphemias

remit ;



remitto sub Orcum. Hoc vnum repeto, Ver-  
mis eorum non morietur, & ignis eorum  
non exstinguetur. Mature sapiat, & caueat,  
quisquis hæc supplicia formidat.

a *Is. cap. 66. v. 24.*

b *Marci. c. 9. v. 44. & 45. & 49.*

## SEPTIMUM.

**L**OCVS, & SOCIETAS detestabilis. Locus  
ille à sedibus beatorum nimium quantum  
remotus est. Clamat ex alto Abrahamus: In-  
ter nos & vos, Chaos magnum firmatum est,  
vt hi qui volunt hinc transire ad vos, non  
possint, neque inde huc transire a. Etta-  
men Abraham in cælo nondum degebat.

Conclauia aut cubicula, sed nec ergastula,  
qualia nostra, Orcus habet. Sepulchra eorum,  
domus illorum in æternum b. Nec aliter illic  
habitant vel opulentissimi. Mortuus est autem  
& diues, & sepultus est in inferno c. O sepul-  
chrum nimis profundum! hoc illius nunc æ-  
des, & arces, & arcus triumphales; hoc bal-  
nea, hoc theatra, & palatia. Hic tamen habi-  
tant non soluti & liberi, sed vincti & ligati.  
Christus imperans: Ligatis, inquit, manibus  
& pedibus eius, mittite eum in tenebras ex-  
teriores d. Non ambulare, sed nec mouere se  
poterunt damnati quo volent; manus pedes-  
que vincti, & velut infixi verubus ardebunt  
miserandum ignis pabulum. Quantum tor-  
mentum est agrotis, febri estuare, & loco se  
mouere non posse? Quod supplicium illud  
fuit Marci Arethusi e sanctissimi martyris,  
qui arctissime colligatus, & perunctus mel-  
le, ad ardentissimum solem expositus est nu-  
dus, muscarum, culicum, vespærum mori-  
bus sic pungendus, vt diu sentiret se mori.  
Sed, o Christiani, picti sunt hi cruciatus ad  
illos inferorum. Sua fuit & huic tormento  
iucunditas: solabatur martyrem & breuitas  
temporis quo hæc passurus, & perennitas  
gaudij quod in cælo consecuturus. Sciebat v-  
tique, id quod in præsentem est tribulationis  
nostræ, & leue; & momentaneum esse. Ita  
durabat athleta Domini, & quo plus dolo-  
ris sentiebat, hoc maius premium sperabat.  
At vero damnati nil penitus leuaminis ha-  
bent, nec à præsentem tempore, nec à futuro  
loco. Vbi torqueri cœperunt, illic semper tor-  
quebuntur; ab quo in æuum sic erit. Accedit

confortium execrabile: Apud superos, feli-  
citas pars magna est, inter Angelos degere:  
apud inferos, pars magna infelicitatis, inter  
diabolos ardere. Hęc diuinæ iustitiæ lex est,  
vt tortores illos & hostes sentiant improbi,  
quos suosores, & amicos ante fuerant secus-  
ti.

a *Luc. cap. 17. v. 26.*

b *Psal. 48. v. 10.*

c *Luc. cap. 17. v. 22.*

d *Matth. cap. 22. v. 13.*

e *Refert S. Greg. Naz. ora 1. in Iul.*

## OCTAVVM.

**D**ESPERATIO extrema bonorum om-  
nium. Beatitudo, compendium est om-  
nium gaudiorum, sic Orcus suppliciorum &  
dolorum omnium summum est, & epitome.  
Quidquid vspiam acerbum, illatibile, lu-  
ctuolum est apud inferos inuenitur: quidquid  
vspiam est amœnitatis gaudij, voluptatis a-  
pud superos inter offertissimas delicias reperi-  
tur. In orbe nostro nullum tam grande ma-  
lum est, cui non aliquid possit esse leniminis:  
nunc ratio, nunc tempus, nunc mensa, &  
sominus, nunc amici, nunc alij similia experi-  
ti, nunc denique spes finis, refrigerationis  
quiddam affundit afflicto. In Tartaro porta lo-  
latijs omnes sunt occlusæ, omnes vel mini-  
mis leuamenti aditus sunt intercepti. Opem  
illi neque è cælo, neque è terra, non à rebus  
præsentibus, non à futuris vllam expectens:  
quocunque oculos vertunt, acerbissime mor-  
tis spicula in se torqueri ceruunt: vndique lu-  
ctus & angustia, mœror vndique & dolor,  
vndique innumeri cruciatus. Vere, circumde-  
derunt eos dolores mortis a. Vere, tribulatio-  
nem & dolorem inuenerunt, & quidem tam  
varium ac multiplicem, vt suum cuique flagi-  
tio responsurum sit supplicium.

Nemo sibi suæque carni plus æquo indul-  
geat. Hæc ipsa caro prout deliquerit sic pu-  
nietur. Hæc caro, corpus istud, si ampliora  
sibi atria quam Deo templa struxerit; si la-  
quearium, columnarum, specularium magni-  
ficentiam, si hororum ac nemorum amœni-  
tatem nimio studio quæserit, in terram re-  
legabitur tenebricosam, & opertam mortis ca-  
ligine. Huic carni, si balneis calidis ad volu-  
ptatem, vel cum vitæ aut pudoris periculo  
friga-



frigido gurgite ad lasciuia abusa, *preparata est Tophet profunda, & dilatata*; cuius *nutrimenta ignis & ligna multa, flatus domini sicut torrens sulphuris, succendens eum* b. Hanc carnem, si comendo & poliendo se, pretiosum manē imminuerit, si veste variā superbierit, putredo & vermes hæreditabunt c. Hæc caro, si otio inerti, si somno disciplinarum hosti sic indulserit, vt pulchrum & suauē duxerit, in medios dormire dies, vigilijs tunc perpetuis, insomnia æterna cruciabitur. Hæc caro, si choreis ac saltationibus impudicis & libidinosis se oblectarit, omnium tunc membrorum contorsione, tractione, conuulsione, non ad suauēs sidiū modulos, sed ad terrificos dæmonum rugitus affligetur. Hæc caro, si ebrietati, & remulentiæ se manciparit, si sic vixerit vt ederet & biberet, dirissimā fame si-rique torquetur. Hæc caro, quæ ocellos emissitios, turpitudinis & nequitia præcones quaquā lubeat, euolatē permiserit, nullum tunc formæ aut pulchritudinis florem delibabit, sed, terribilem Behemoth, formidandum Leviathan, fœdam & truculentam draconis effigiem inuitis oculis spectabit. Hæc caro; quæ florum delicias, & odorum illecebras naribus venabatur, cadauerum putore, sulphurisque graueolentia saturabitur: Hæc caro, quæ aures salubribus monitis, & sacris concionibus oclusas, scurrilibus vero fabellis, carminibus obscenis; cancionibus impuris, lasciuis colloquijs apertas habuit, lætum epithalamium in flebilem lessum, iucundum Io & Euge, in Væ & Eheu perpetuum commutabit. Hæc caro, quæ tactum varijs libidinum formis collutulauit, fædissimorum monstorum amplexibus obijcietur, liquatâ pice velut vnguento perfundenda. Hæc ipsa caro, & non alia vicaria, pro singulis quas contraxerit, noxis, cruciatus perferet inenarrabiles, innumerabiles, cheu æternos. Per, quæ quis peccat, per hæc & punietur d. Et; pro mensura peccati, erit & plagarum modus. e

a Psa. 114. v. 3.

b Isc. 30. v. ult.

c Eccli. cap. 19. v. 3.

d Sapient. cap. 11. v. 17.

e Dent. c. 25. v. 2.

**Æ**TERNITAS, nullius intelligentia comprehensibilis. Hæc vna vel ex leuissimo tædiolo intolerabile demum, & infandum facit tormentum. Æternitatis consideratio, tam ferus labor est, vt in carminis leges ægrè transitus videatur. Obseruat tamen prudenter Seneca, & : *Quemadmodum*, inquit, spiritus noster clariorem sonum reddit, cum illum tuba per longi canalis angustias tractum patentiore nouissime exitu effudit. sic sensus nostros clariore carminis arcta necessitas efficit. Eadem negligentius audiuntur, minusque percutiunt, quamdiu soluta oratione dicuntur: vbi accessere numeri, & egregium sensum adstrinxere certi pedes, eadem illa sententia velut lacerto excussa torquetur n. Sic prorsus credo fieri, & idcirco, quo tenacius animo hareret Æternitatis immensitas impetrabilis, eam nuperrimè versiculis, qua licuit, inclusi. Et ne amicus esse desinam, etiam Ædesium meum ad huius carminis auditionem audeo inuitare. An aures vacant? *Ædes*. Ambæ, quam maximè. Lege, obsecro, lege lege. Nunquam ista satis nec dicuntur, nec scribuntur, nec leguntur, nec cantantur, nec pinguntur. **P A R T H.** Lego: sed tu verbis & metro ne nimium inhære; rem & sensum expende.

a Senec. epist. 118.

\*\*\*\*\*

## L A C R Y M Æ

## Æ T E R N I T A T I

## S A C R Æ.

**I. E**heu! quid hoc? cor æstuat,  
Elinguat ora terror.

Concussa mens percellitur,  
Horrorque quassat artus.

**II. F**ons emicat per lumina,  
Genæ natant in undis.

Has lacrymas, hæc flamina  
Vox vna concitauit.

**III. T**remenda vox, horrenda vox,

Ingens



- Ingens malum minatur,  
Quod nulla lux, quod nulla nox  
Quod astra nulla claudent.*
- IV. *Vox una, sed vox ferrea,  
Immitiorque ferro,  
Grassatur hausta pectore  
Per ossa, per medullas.*
- V. *ÆTERNITAS, est illa vox  
Vox illa fulminatrix,  
Tonitruis minacior,  
Fragoribusque cæli.*
- VI. *ÆTERNITAS, est illa vox  
Meta carens & oru,  
Mortalium qua pectora  
Ad æterna ducit.*
- VII. *Hæc vox totondit Casares,  
Et induit cucullis;  
Hæc antra cacarupium  
Impleuit inquilinis.*
- VIII. *Hæc mille Lauros condidit,  
Sepisitque mille Mandras:  
Strinxitque setis corpora,  
Et vestijt camelis.*
- IX. *ÆTERNITAS, ÆTERNITAS  
Me lanciat, necatque.  
ÆTERNITAS, ÆTERNITAS  
Me torquet atque mactat.*
- X. *O tempus absque tempore,  
O finis absque fine!  
Perennis heu ÆTERNITAS,  
ÆTERNITAS perennis.*
- XI. *Descende sis ad Tartara  
Non ut coquare flammis,  
Sed mente flammæ pensita,  
Ut exeat ab illis.*
- XII. *Voluam rotas Ixionis,  
Ætnasque sustinebo,  
Pascamque fibrâ vultures,  
Omnes subibo pœnas.*
- XIII. *Araneos & viperas  
Pleno ore deuorabo,  
Et Scorpios, & excetras,  
Et noxias rubetas.*
- XIV. *Misce cicutam toxico,  
Picemque mi propina.  
Metalla da liquentia,  
Aurumque Crassianum:*
- XV. *Succos draconis hauriam  
Caldas bibam fauillas,  
Venena nulla respnam,*

- Pestem, Stygemque nullam.*
- XVI. *Quin tostus in sartagine  
Frigar, veruque figar,  
Rogoque viuus concremer  
Vel torrear caminis:*
- XVII. *Tauros, ahena, sulphura,  
Famem, sitim, geluque  
Tunicas molestas induam,  
Vascosque culcosque;*
- XVIII. *Et sæculis hæc perferam  
Mille, alterisque mille,  
Dum spes sequatur termini,  
Finiisque sæculorum.*
- XIX. *Tormenta nulla territant,  
Quæ finiuntur annis,  
ÆTERNITAS, ÆTERNITAS  
Versat, coquitque pectus:*
- XX. *Hæc inferos, Hæc tartara  
Facit, cruceque tendit,  
Augetque pœnas in dies,  
Centuplicatque flammæ.*
- XXI. *Eheu quid est ÆTERNITAS,  
ÆTERNITAS perennis!  
Non hora, mensis, sæculum,  
Centumve vel trecenta.*
- XXII. *Nec mille sunt aut millies  
Millena sacra Phœbi,  
Cum claudit orbem temporum  
Orditur orbis orbem:*
- XXIII. *Sic itur in perennia,  
Cursu perennitatis.  
Æternitatis sæcula:  
Sic itur, aut reditur:*
- XXIV. *Nam finis est exordium,  
Exordiumque finis:  
O vita morte tristior,  
O mors, sed absque morte.*
- XXV. *I, mœche, nunc ad inferos,  
Sed inde non redibis;  
I, venter, I, lauernio,  
Perenne sic peribis.*
- XXVI. *Descensus est pronissimus,  
Ascensus inde nullus,  
Quos rictus hausit tartari  
In Tartaro manebunt.*
- XXVII. *Relatus inter calites  
Hos inter usque plaudet,  
Rescriptus inter inferos,  
Hos inter eiulabit.*
- XXVIII. *Nec finis ullus gaudia,*



- Palmasque terminabit;  
Nec finis ullus lacrimas  
Absterget, aut leuabit.
- XXIX. Sed illud Orci pabulum  
Ardebit heu perenne,  
Perenne cum tortoribus  
Et flebit, & dolebit.
- XXX. Vivant beati cœlites,  
Vivant, canant, triumphant,  
Florent stygis catharmata  
In ÆTERNITATEM.
- XXXI. Ad astra, ad astra tendite.  
Non semper hæc patebunt:  
Nunc sunt adhuc inducie,  
In morte finiende.
- XXXII. Foras Canes, cum Cerbero  
Cenate, vel latrate.  
Ad Castitatis regiam  
Soli vocantur Agni.
- XXXIII. Vultur foras, Promethei  
Prandeis in macello;  
Paratur istud candidis  
Coœuium columbis.
- XXXIV. Sed dum beatos hospites  
ÆTERNITAS saginat.  
Exclusa turba prandio  
Quid rodet in canino?
- XXXV. Micam fami, guttam siti,  
Sed unicam rogabis;  
Calum tamen gulonibus  
Hanc sportulam negabit.
- XXXVI. ÆTERNITAS perennium  
Pincerna lacrimarum,  
Hæc præter vndas flentibus  
Nec guttulam propinat.
- XXXVII. Hoc, hoc bibent, quod fleuerint;  
O aridi bibones!  
Nam quot propinquum lacrima  
Siccantur ad caminum?
- XXXVIII. Sed lacrimarum fontibus  
Succedet urna fellis,  
Heu urna nunquam ad ultimum  
Exhaustiunda fundum;
- XXXIX. Fellis bibent plus quam volent,  
Urget Modimperator,  
Et ingerit vomentibus;  
Ah, suavius sitirent!
- XL. Hæc sola Bachanalia  
Sunt longiora voto;  
Bibes: abire non licet;

- Cur symbolum dedisti?
- XLI. Conuiuialem tesseram  
Nunquam remittet hospes,  
Hic nemo caupones Stygis  
Fœdis fragos vocabit.
- XLII. Nec prima mensa tollitur,  
Nec ponitur secunda:  
Pridem satur, nondum tamen  
Promulsidem ebibisti.
- XLIII. Æterna Liberalia  
Dat Liberalis Orcus;  
Male male Liberalibus!  
Male Liberalitati!
- XLIV. Procrastinator improbam  
Cane corue cantilenam:  
ÆTERNITATIS vltimum  
Cras corue non videbis.

Ah! Æternitas! & quis te non dicā, capit  
sed laborat capere? ille immortalis memoria  
dignissimus Godefridus, Bambergensis &  
Vürzburgensis Præsul, quem supra diximus,  
ille vnus ex millibus, & poenè solus cepisse  
videtur, quid sit Æternum, nam Æternita-  
tis assidue memor, dicere solebat: Omni mo-  
mento sto ad ostium Æternitatis. In eum fi-  
nem pietas, sculptas, cerâ fictas, tumulis et-  
iam effossas cadauerum caluas habuit, per om-  
nia conclauia quæ habitabat, sic dispositas,  
vt certissimæ mortis, & securæ post hanc  
Æternitatis nunquam liceret obliuisci.

Legistine libellum de Æternitate? tremen-  
dum est, quod ille asserit, & tamen verissimum  
est, nec negari potest. Si rectè memini, hæc  
habet ad verbum: Cogita mille cubos mille  
millionum annorum, hoc est, millies, mil-  
lies, millies, millies, millies, millies mil-  
lies, millies millena millia annorum ( tam  
horribile hoc cogitatu est quam facile pro-  
nunciatu. ) Cogita ergo tot annos in igne  
transgessos: simul tamen etiam cogita, hoc  
omne temporis spatium, etsi duplicatum,  
triplicatum, etsi centuplicatum, nec princi-  
pium quidem esse Æternitatis: post tot an-  
norum reuolutum tempus, necdum incepisse  
dici poterit Æternitas, Ædesime, nisi hæc co-  
gitatio sanctiores nos reddat, pecudes, saxa,  
merus chalybs sumus: nil cum mouet, quem  
non mouerit æternitas, immensa illa, inter-  
minata, sine fine, perpetua, semper duratura,  
nullis nec innumeris desitura sæculis. Quam-  
diu



diu viuet Deus tamdiu morientur damnati. Sed ô mortem immortalem, ô vitam mortiferam? nescio quo te nomine appellem, vitæ an mortis? si Vita es, cur crudelius morte afficis? si Mors cur crudelitatem tuâ non finis? neutro te dignabor nomine. Et Vita & Mors boni quippiam habent: in vitâ requies, in morte terminus est; solatio sunt hæc duo in malis omnibus. Tu verò nec requiem habes, nec habes finem. Quid igitur es? & vitæ malū es, & mortis: à morte cruciatus habes sine fine, à vitâ immortalitatem sumis sine requie. O Æternitas damnatorum, ô mare amaritudinum!

Nec tamen Deus vllius crudelitatis est arguendus, quod peccato letali vel vnico, supplicium decreuerit æternum. Deus, quia iustus, miserorum cruciatus non pascitur, quia tamen & iustissimus est, impiorum supplicijs non placatur. Factus est malo dignus æterno, qui in se bonum peremit æternum. Pœnas dabunt in interitu æternas à facie Domini, & à gloria virtus eius. Iurisconsultorum scitum est: reprobata pecunia non liberat solucentem. Pœnitentia, pecunia est soluendis debitis apta: tamdiu durat pretium huius moneat, quamdiu mercatus vitæ. Hoc finito, pœnitentia omnis reiecta, adulterina est pecunia. Apud inferos est quidem pœnitentia, sed neutiquam vera, quia fera nimis, & plena blasphemiarum & furoris. Nec mirum damnatos semper torqueri: continuè blasphemant, & sic quasi semper peccant, semper ergo plectuntur: dum viuerent corrigi noluerunt, semper peccaturi, si semper victuri, ergo iam semper puniendi, æternum cruciandi. Voluissent utique sine fine viuere, vt possent sine fine peccare. Ad iudicantis ergo iustitiam spectat, vt nunquam careant supplicio, qui, dum viuerent, nunquam volebant carere peccato. Quid viui dixerint, scimus: Venite, fruamur bonis, venite frangamus diem poculis; venite, choreæ nos vocant, inuitant horti, ludendi est occasio, venite. Hæ viui loquebantur. Quid vero iam dicunt ad inferos deiecti? aliarum illorum sunt voces: O Æternitas, inter intolerabilia omnia, intolerabilissimum! O Æternitas cœlestis, breui tempore, leui labore retinenda! O Æternitas tartarea, sola solcordia, & spurca voluptate quæsit! O Æ-

ternitas luctuosissima, & longè acerbissima, quàm facile te vitassemus, si te sæpius cogitassemus! O Æternitas modò post nonagenta millena millia annorum, vel dimidium tui liceret cernere! O Æternitas in desperatione assidua desperatissima! O Æternitas, ô omnium tormentorum multò atrocissimum tormentum, Æternitas!

Quis, ô Ædesime, Æternitatem hanc capere, quis eam satis obstupescere, ecquis de ea dignè differere possit? nulla hic suspiria, nulli gemitus, nullæ sufficiunt lacrimæ; verba omnia, quin & ipsæ hic deficiunt altissimæ cogitationes.

Æternum, ô mi Deus, æternum in flammis viuere! tuo conspectu æternum priuari, infandis doloribus excruciaci æternum, ah æternum? Heu insaniam extremam hominum! quàm volueri decipimur bono, ô quam doloso ludibundi poculo sensim venenum condebimus! ita velut ebrij, voluptatum auidi, beatitudinis immemores, Æternitatis obliti, velut per iocum mergimus nosmet in omnium ærumnarum barathrum, in immensissimum Æternitatis Oceanum.

In vanissimam gloriam, in aurum, in Venerem æstiuamus miseri, & illos ignes, illos Æternitatis rogos, heu non cogitamus: Nullus est, heu nullus est, qui recogitet corde. Ædesime, si quid adhuc hominis retinemus, hoc vnicum assiduè cogitemus, ÆTERNVM.  
a Hier. c. 12. v. 11.

## CAPVT XII.

DICTORVM DE TRIVM-  
PHANDA INCONTINENTIA

## EPILOGVS.

**H**Orribile dictu est, quod sanctissimus Rhemensis Præsul Remigius, de Incontinentiâ & Libidine pronunciauit: Dempis paruulis, inquit, ex adultis, propter carnis vitium, pauci saluantur. Considera iam mihi orbis statum, & miraberis, totum pœne mundum hoc Quæternali igne ardere. Vix est vllum vitium quod plurius steterit humano generi, quam hoc libidinis & Incontinentiæ. Hydra est, aut draco, non trium, nec septem



tantum, sed nouem capitum; ad singula tibi digitum iam intendo.

## I. C.

Libido & Incontinentia vitium est IN-SATIABILE. Catenâ Stygiam rectè appelles, anulus ex anulo pender; turpitudinis & cupiditatum hic series est, altera ex fine alterius nascitur. Si semel huius vitij iugum receperis, dura patiere imperia, quibus nec vlla seruitute facies satis. Nunquam expletur voluptas, plurimum licetingeras, semper plus appetet: Etnam montem emulatur, perpetuis ardet ignibus, nec tamen decrescit. Obsequeris voluptati hodie? maiora cras imperabit: negas? vim faciet: cælum proponis? distrahet: gehennam monstras? aliò auerter. Ideo princeps Apostolorum: Charissimi, ait, obsecro vos, tanquam aduenas & peregrinos, abstinere vos à carnalibus desideriis, quæ militant aduersus animam *a. Militant*, inquit, neque enim breui res hæc velitatione conficitur, sed vbi vel semel huic hosti parueris, tam diuturno quàm miserabili bello intricaberis. Canis cum in heri manu os videt, adulatur, lambit, blanditur caudâ, dum osse potiatur, vbi hoc obtinuit, i nunc, eripe, & minaces dentes videbis, non mulcentem caudam. Ita diabolus, cerberus ille trifaux, callidissimus, quantis blanditijs castimoniam sollicitat? vbi hanc nobis extorserit, heu quàm difficile fuit multis denuò ea potiri! Ergo canē hunc bene noveris, quo blandior hoc nequior, tunc maxime mulcet, cum turpissimè decepturus venit. Et hic quoque facilius sepe fuit non labi, quàm surgere. Tenacissimum est hoc vitium, vbi semel inheſerit, egerrimè reuellit.

Ergo principijs obſta, & primos aditus libidini omni constanter nega. Quod si collum ei submittas, tuam tibi libertatem tollit, rationem adimet, & vt verbo dicam rapiet te tibi, & quidquid in te hominis est; omni vecundo sensu exuert, & induet bestiâ. Hem quis hostis in quemquam tam contumeliosus fuit, quàm in quosdam voluptates suæ sunt, obſcœnæ illæ, & veritæ? quibus tamen miseris sic se mergunt, vt ijs in consuetudinem adductis carere vix posse videantur: & ob hoc miserimi sunt, quòd eò perueniunt, vt illa quæ superuacua fuerant, facta sint penè necess-

ſaria. Seruiunt itaque; putidæ carni, & mala sua, quod malorum est vltimum, amant. Tunc aut consummata est improbitas, vbi turpia non solum delectant, sed etiam placent: & desinit esse remedio locus, vbi quæ fuerant vitia, mores fiunt. Fuge, ah fuge, fuge, quicquid aduersatur pudicitia.

## I I. C.

Vitium carnis ferme IMMEDICABILE est. Noëmi æuo, totus orbis in omne vitium, maximè tamen in libidinem ruebat. Hinc illæ Dei quarelæ. Non permanebit spiritus meus in homine in æternum, *quia caro est*. a. Vniuersi homines (Noëmo excepto) tantum carnem sapiebant toti caro. Aversabatur Deus hanc illorum obſcœnitatē, & profusam intemperantiam. Vindictam tamen quingentis annis distulit; intereâ temporis per Noënum variè monuit, fabricandam Arcam distulit, omnes extremæ malitiæ damnauit, omnium interitum prædixit; crebrius minatus est, vniuersum humanum genus, nisi resipisceret, vndis extinguendum. Nemo resipuit, nec vnus quidem. Ita omnes vitiōrū dulcedini succubuerunt, vt quidquid diceret aut moneret Noë, omnia illi cachinnis & sibilis digererent. Neminem suæ turpitudinis pœnituit, nemo doluit peccasse. Tandem, Deus, vt decreuerat, signo dato imbres emisit, qui quadraginta continuis diebus & noctibus ruerent, dum terra omnis in faciem pelagi mutaretur. Atque ita genus illud vniuersum libidini deditum, aboleuit, vt aliud nouum & à vitijs purum instauraret. Hæc libidinis natura est, remedia spernere, monita contemptum proculcare. Hinc eam Clemens Alexandrinus, b congruente titulo vocat *morbum immedicabilem*. Christus Beati Marci ore: c Deceptio, inquit, diuitiarum, & circa reliqua concupiscentiæ introeuntes, suffocant verbum, & sine fructu efficitur. Cum flumam ignis corripit, nil opus est igni pabulum suggerere, quo seipſe pascat, abundè inuenit. Et nos flumæ instar sumus miseri, quos si libidinis ignis carpere incipiat, noua identidem in nobis fomēta reperit, quibus in nos magis ac magis inualeſcat.

Nullum proſectò vitium tam pertinaciter & obstinatè diuino spiritui resistit. Siracides testatur luculentè: Verbum sapiens audiuit luxu-



luxuriosus, & displicebit illi, & proiciet illud post tergum suum *d.* Huic accedens Oseas: Non dabunt, inquit, cogitationes suas vt reuertantur ad Deum suum, quia spiritus fornicationum in medio eorum, & Deum non cognouerunt *e.* Ideo auertere, fuge, execrare, quidquid Venerem olet, aut libidinem: suspecta tibi sit omnis Incontinentia. Hæc est volûtas Dei sanctificatio vestra *f*

*a Gen. c. 6. v. 3.*

*b Lib. I. padag.*

*c Marc. 4. v. 19.*

*d Eccli. c. 21. v. 18.*

*e Ose. c. 5. v. 4.*

*f I. Thess. 4. v. 3.*

## III. C.

**V**itium carnis, vitium est COMMVNIS-SIMUM. Non erraro, si orbem pœnētōrum dixerō, hoc igne pestilentissimo ardere. Non palatia duntaxat regumque turres luxuria subit, sed & tuguria pauperumq; tabernas ingreditur, nō in plurimum tantum, sed & in pauperis infestat, non ætatem solum florentiorem, sed quandoque etiam effatam senectutem ad turpe probum instigat. Tanto ergo magis ab omni erate ac sexu, ab omni hominū ordine cauendum, ac respuendum hoc vitium, quanto magis apud omnem ætatem, sexum, hominumque ordinem sese insinuat. Sensus & cogitatio humani cordis, in malum prona sunt ab adolescentia sua *a.* Nunquam xui senio libido moritur, nunquam crimen hoc temporibus obruitur, nunquam scelus istud oblivione sepelitur. Hoc vitium sine modo, sine fine persequendum est, nam illi quoque nec finis est nec modus. *b* Et cō corruptela moram alicubi progressa est, vt derelicta verborum ac gestuum turpitudes, comitatis ac vrbauitatis nomine insigniantur. Multi, vt oris spurcitiam honesto nomine prætexant, humanitatem aulicam appellant. Hoc est bis peccare, peccatum virtutis titulo vendere. Nimirum in laudem ex crimine crescimus, ep̄que festiuum quis vocatur, quod iudicatur turpior. Si possis, inquit Cyprianus, *c* in sublimi specula constitutus oculos inferere secretis, recludere cubiculorum occultas fores, occulta penetralia referare, conscientiam hominum rimari, aspicias ab impudicis geri, quod nec possit aspicere frons pu-

dica, videas, quod crimen sit & videre. Et quanta ubiq; libidinum probra domesticis parietibus oblecta, quorum quō secretior culpa, hoc maior est audacia. Vere, Mundus totus in maligno positus est *d.* Et maxime in hoc impuritatis & libidinis maligno. O fugiat mundum, quisquis vult vivere mundus: impuritatem omnem excreetur, quisquis affectat beatitatem. Sint lumbi vestri præcincti *d.*

*a Gen. c. 8. v. 21.*

*b Lib. 2. epist. 2. ad Rom.*

*c I. Ioan. 3. v. 19.*

*d Luc. c. 12. v. 35.*

## IV. C.

**V**itium carnis, Angelis est INVISISSIMUM. O extingue Veneris ignes, & rebellantes carnis motus cōpelle, quisquis Angelos amas, & reuereris. Qui autem in carne sunt, Deo placere non possunt *a.* Sed nec possunt placere Angelis Dei. Angelum & porcum in vnā aliquā amicitiam compingere difficile est. At verò porcum induit, qui puritatem exosus in libidinis cœno volutat: contrahendam cum Angelis societatem ne speret talis. Mentis illę castissimæ, purissimæque spiritus quō sibi similiores cernunt, hoc integrius diligunt, oderunt & auersantur omnes impuros. Nulla eis familiaritas, societas nulla, nisi cum castis & puritatis amatoribus: hircos illos & porcos extremē abominantur. Si quem castitatis sciunt studiosum, hunc in suam, eamq; intimam amicitiam cooptant, & Angelum faciunt: Tales sunt, sicut Angeli Dei in cœlo *b* — melius nil cœlibe vita. Quā ei facile est fieri Angelum, quisquis se cupit præstare castum. Nam, si Chrysostomo credimus: Virtutem Angelorū tulit è cœlo Christus. Et Sanctorum Patrum scitū est: Vita casta, vita est Angelorū. *c* Nec errat, Omnis ponderatio nō est digna continentis animæ *d.* Nota, mi Adesime, nota: Omnis ponderatio, omnis, omnis cum casto animo in comparisonem venire non potest. Tu iam aureos & gemmeos Pompeij Magni triumphos, tu turres Basilij Imperatoris auro stipatas, tu omnes Persicæ gazas, & Cresi thesauros, aureos imò montes propone, nondum animæ castæ pretium vel leuiter exprefferis. Non est digna continentis animæ omnis ponderatio. Nos tamen, stultissimi mercatores,



quadrante vno aut teruncio, non tam vendimus quàm abijcimus castitatem, & breui voluptatula delinicti, perdimus pretium incôparabile. Nemo hic Cypriano credit, cuius illud præclarum extat: Voluptatem vicisse, voluptas est maxima. Verè Christiani est, summam voluptatem in voluptatû fastidio, summam gloriam in carne incontaminata ponere, & Angelos habere amicos: summum eiusdem dedecus est, ab Angelis, hominum aliqui amantissimus non amari, & hostes experiri omnes cëlites. Lasciviam ne amet, qui odium metuit Angelorum.

a *Ad Rom. ca. 8. v. 3.*

b *Matth. ca. 22. v. 30.*

c *Chrysost. hom. 23. in epist. ad Ephes. Ambr. lib. 1. de virginibus. Basil. de verâ virgini.*

*Cass. l. 6. Inst. c. 6. & l. 12. c. 11. Ber. ep. 42. d. Eccli. c. 26. v. 10.*

## V. C.

**V**itium carnis FVGAEISSIMVM est. Momentaneum est, ô miseri, momentaneum est quod delectat, sed quod cruciat æternum. De hoc omnium turpitudinum fugacissimo transcurso, nemo signatius atque expressius mihi videtur locutus præ Tertulliano, qui cogitabant, inquit, interdum vnde cecidissent, & post libidinum vaporata momenta cælum suspirabant. a Quàm pulchrè puridas carnis voluptates momentum appellat, & vaporatum quòd prius evanescat, quam quis illud satis aduertat. Diuinè hoc ipsum expressit in metris suis Boëthius. b.

*Habet omnis hoc voluptas*

*Stimulis agit furentes, c.*

*Apiumque par voluntum*

*Vbi grata mella fudit,*

*Fugit, & nimis tenaci*

*Ferit ista corda morsu.*

Adolescentia & voluptas vana sunt, inquit Ecclesiastes c. Ioannes Apostolus: Mundus transiit, & concupiscentia eius d. Et Carnis, & Mundigaudia, hoc sibi commune habent, celerrime transire, & quandoque prius finire, quam plenè incipere, dulci vino simillima, quod in annum alterum, non fert ætatem, sed accessit antequam exhaustiatur. Verè, & in puncto ad inferna descendunt e. Fuge ergo, fuge mi homo, fuge fugacissimas illas voluptates.

a *Lib. de mulier. hab. c. 1. & 2.*

b *L. de conso. phil. metr. 7.*

c *Alij fruentes.*

d *Cap. 11. v. 10.*

e *1. Ioan. c. 2. v. 15.*

f *Iob cap. 12. v. 21.*

## VI. C.

**V**itium carnis DAMNOSISSIMVM est. Hinc sanè damna & incommoda, nata, qualia à nullo vitio. Quantas libido gentes, quàm validas, hostibus tradidit? quanta patrefecit propugnacula? quantos ad ferrum ignemque impavidos fregit, & edomuit? ad quæ non pudenda, nec ante cogitata, compulerit viros magnos, ignorare non potest, nisi qui Samsonem, Dauidem, Salomonem ignorat.

Ob hoc vitium vrbs Sichimorum evertitur, vrbs princeps & omnes incolæ trucidantur. a

Ob hoc vitium è Beniamitis viginti quinque millia, ex Israelitis quadraginta millia virorum in prælio cadunt. b

Ob hoc vitium sapientissimus mortalium, cultor fit idolorum. c

Ob hoc vitium potentissimus regum Dauid innumeris plagis afficitur. d

Ob hoc vitium septem mariti Saræ à diabolo necantur. e

Ob hoc vitium improbi senes, Susannæ pudicitiam subvertere aggressi lapidabantur, statim in tales supplicio. f

Ob hoc vitium viginti quatuor millia fornicantis populi in Moab, plaga vna perimuntur. g. Ad historias veteres te non reuoco: quotidianis exemplis sat discimus, quantum libido & Incontinentia singulis etiam hominibus obstat, quibus vires, valetudinem, opes, memoriam, ingenium, famem, vitam adimulat: & relinquat hæc omnia, animam tamen & cælum rapit; pro iactura horum omnium reddit infernû. Romæ olim Veneris & Libitinæ templa meritò coniuncta sunt, cum à Veneræ ad morem, animi præsertim, via curratur proxima. Quot iuvenes, prius Angeli, post diabolo simillimi, castis moribus exutis in præceptis vitiorum anhelu cursu ruerunt! Ideo Ecclesia rectissimè, velut mater, filiorum salutem metuens, assidue precatur. *A spiritu fornicationis libera nos domine.* Sed quæso te, & desine, quid iam diu files? die etiam



etiam tu aliquid, vt duo sumus. Quà lege omnes loquendi vices mihi tradis? Quid me loquente proficias, nescio: hoc scio, à te tacente me plurimum discere, cum primis insignem patientiam in me audiendo. Sed ne abutar illa, iam iam dictioni finem impono. Et verò etiam serus vesper, velut præco suprema dicta prononciat: *Actum est I licet.* ADES. Obsecro, per te liceat, etiam hoc tempus non perdere meis quæstionculis. Tu perge. PARTH. Tria solum capita hydræ illius restant demonstranda.

a *Genes. ca. 34. v. 25.*

b *Iudic. c. 20. v. 21. & 25. & 45.*

c *3. Reg. c. 11. v. 4.*

d *2. Reg. c. 12. v. 10.*

e *Tob. c. 6. v. 17.*

f *Daniel. c. 13. v. 62.*

g *Numer. cap. 25. v. 9.*

## VII. C.

**V**itium carnis FALLACISSIMUM est, præterquam quod vix vlla pestis exitiabilior sit humano generi, Luxuria dulcis Siren, venenum voluptarium, letale mel, felicissimus diaboli hamus, quo totum pœnè orbem & inescat, & trahit, vt perimat æternum. Concupiscentia cum conceperit, parit peccatum; peccatum verò cum consummatum fuerit generat mortem a. Ideò voluptas non veniens sed abiens consideranda: accessus illius blandus est, recessus amarissimus; à fronte mulcet, à tergo viperat, pestis tam subdola, quàm noxia. Id Bernardus egregiè demonstrans: Hæc pestis, inquit, eò ad nocendum procliuor, quo ad repellendum difficilio r, quæ nolenti etiam se ingerit, blande onerosa, displicendo placens. Subtiliter intrat, & mentem occupat, & nisi subito repellatur, allicit & incendit, & quasi virus pestilentia, per totum corpus paulatim se diffundit: cogitationes prauas multiplicat, affectiones malas generat, mentem illicita delectatione afficit, & ad consensum turpitudinis, animum inflectit; omnes animæ virtutes corrumpit. Hac peste qui adstrictus tenetur, diuelli ab ea vix potest, quoniam stimulos eius confiteri aut nescit, aut erubescit, tam subtiles & turpes sunt. Adiua me Domine Deus, vt huic tam pestifero & mortifero vitio resistere possim. Scio, quod resistentem fatigat, vi-

centem coronat: Scio, si mentem cogitatione immunda inquinaro, tibi qui munditiæ actor es, placere non valco. Cor mundum crea in me Deus. b

Iulius Solinus memorat, Phalagium (aranei genus est, quod & Tarantulam dicimus) dirum esse animalculum, tactu pestilens. Atque si nifum quæras, nulla ei vis est, si vim & potestatem lædendi, hominem ictum veneno interficit. Et cum æstu anni flagrantissimo assiduus sol campos Aduliæ torret, tum maximè seu afflatu noxio, seu æstu accensa hæc phalangia, tam exitiali licentia in humanos artus grassantur, vt, quotquot ab hac pestifera lue libantur, irrequieti vel canant, vel lacrimant, vel delirent, aut tam letali stupore pressi iaceant, vt membra omnia senescente rabo putifcant, & sic animum extrudant. Phalangium est, libido pestilentius nescio an fraudulentius, ijs maximè infestum, quibus minutum malum censetur: blandè serpit, celerrimè inficit, suauiter occidit. Tacti ab hac peste in tam irrequietam insaniam prolabantur, vt id vnum assidue appetant, quod maximè noceat. Ita Phalangium istud non tam vulnerare & lædere sentitur, quàm vulnerasse & læsisse.

a *Iac. 1. v. 13.*

b *De inter. dom. c. 39.*

## VIII. C.

**V**itium carnis, probro plenum; TURPIS- SIMUM est. Præ cæteris vitijs omnibus tam singulariter scdum & turpe est hoc, de quo agimus, peccatum, vt propriè & suo nomine vocetur TURPITUDO. Vnde quaque vitium hoc monstruosum & spurcum est, idè tenebras & angulos quærit, & pœnè seipsum exhorrescit. Optimi parentes Susannæ vt Danielis historia memorat, a Helcias & vxor eius, laudauerunt Deum pro filia sua Susanna cum Ioachim marito eius, & cognatis omnibus, quia non esset inuenta in ea *resturpis*. Castissimus Paulus, Ephesijs præcepit, ne nominarent quidè hanc *turpitudinem* b. In ea quâ ad Romanos scripsit epistola, vbi de iniquitate & immunditia mentionem iniecerat, quem ergo, inquit, fructum habuistis tunc in illis, in quibus nunc erubescitis? Nul- lum est vitium quod adeo ruborem incutiat, & pudore suffundat, atque turpissima hæc



hæc bellua, quæ diem non fert, nocti amicissima.

Eximiè laudatur Hebraus rex Asa, quod inueterendam idoli statnam, *simulacrum turpissimum* confregerit, combusserit, & submerferit torrente cineres *d.* Vbi libido, ibi turpitudine; vbi pudicitia, ibi corporis mundities & mentis pulchritudo: Deformis esse Castitas non potest, sicut nec formosa vquâ Incontinentia: illa rosas & lilia; vtrique hæc & spinas profeminat; illi non nisi munda & sancta probantur, huic cænum & sordes placent. Christus Virginis filius, omnis generis tulit conuitia; at incontinentiæ noluit insimulari, tam hoc scdæ notæ probum est. E priscis ille sapienter dixit: Vti nec cælum respicit, nec margaritum quatit porcus, sic & animus dulcedine voluptatis captus, & in luxurie cænum delapsus, difficile potest celestia cogitare, & aliquid Deo dignum sapere Turpitudinis mater est Incontinentia: è sordibus nascitur, sordibus pascitur, inter sordes educatur, & moritur. Nimirum talis est riuus; qualis est fons & origo riuus, nec à lutosâ scaturigine limpidus amnis soler profluere; ita quidquid ab incontinentia emanat, sordet, & notam post se trahit *TURPITVDINIS*.

a *Dan. c. 13. v. 63.*

b *Ephes. c. 5. v. 4.*

c *ad Rom. c. 6. v. 13.*

d *1. Reg. c. 15. v. 13.*

#### IX. C.

**V**itium carnis, vitiorum omnium *COMPENDIUM* est. Nimis parum dixi, cum Phalangio etsi pestilentissimo animalculo libidinem contuli, bellua est, eaque truculentissima. Mantichora *a* (si Ctesie credimus) apud Indos fera est, cui omnium belluarum feritas inest, nec vnquam ab humanâ manu mansuescit: triplex ei ordo dentium pectinatim cœuentium, corpus & magnitudo leonis, auriculæ & facies humana, oculi cæsi & ardentes, cauda scorpionis bifida, missili aculeo armata, color sanguineus, vox fistulæ non absimilis, velocitas cerui. Et hæc fera humanæ carnis est appetentissima. Huic belluæ in-formi & horribili simillima est libido, vt quæ omnium fere vitiorum noxam & venenum participat, plerumque nulla *cicuta*

tut arte quamdiu viuere permittitur. Triplex libidini series dentium; prima crumenæ & corporis bona conficit, vires & opes; altera famam nominisque honestatem dis-cerpit; tertia omnia animi bona scdæ com-molit. Libidini leonina est truculentia; di- uinas & humanas leges perrumpit, monita omnia pessundat. At verò facient hominis habet; inter omnia vitia humanissimum vi- detur; initium illius blandum, suauis, iucundū, sed cauda ferit vt scorpium, morsum cōscientiæ infigit acerbissimum. Oculos habet ardentes, quos in omnes sordes eiacularur videndo, Colore sanguineo est hoc vitium, neque enim aliud præ se fert, quàm quod sanguis & caro appetit. Vox libidinis, vox fistulæ: fistula dul- cè canit, volucem dū decipit auceps: blandi- tur turpitudine, dū irretiat, idque facit celerita- te incredibili, quandoque enim iactu oculo- rum vnico, in animum transilit libido. Qui viderit mulierem ad concupiscendum eam, iam mœchatus est eam in corde suo *b.* Quod exponens Augustinus: Etiam si, in- quit, non sequatur factum, rea tenetur in conscientia. *c.* Hem, quàm immanis, atrox bel- lua! hanc nisi cauisti, mi homo, perijsti. Opti- ma suadens Cyprianus: Primis, inquit, titilla- tionibus diaboli obuandum, nec fouendus est coluber, donec in draconem formetur. Reperias non rarò, de quo dicere liceat: hic homo & frequenter orat & stipem libenter erogat; non est potator, non lusor, non de- coctor, non perfidus, non maledicus, non contumeliosus, non ebriosus, imo officio- sus; industrius obsequiosus est, sed simul est libidinosus. Ah, laudem priorem om- nem perdidit. A diabolo satis captus est, quis libidine victus est: omnem virtutem vitiat libido; imò nullam habet virtutem, quisquis habetur ab hoc vitio. Quicumque totam legem seruauerit, offendat autem in vno, factus est omnium reus *d.* Nulla sui par- te liber est, quicumque in hæc vincula con- iectus est.

Hoc carnis vitium, velut Pantomimus, om- nium sibi vitiorum larvas aptabit, nisi ab il- lo maturè te vindices, & in libertatem asse- ras: Fors comedere te nescis & superbire? hoc te Vitium istud docebit; calamistratos facit & comprutos, quos in familiaritatem recipit.



recipit. Numis alienis insidiari, tuos dilapidare, forsan nesciebas antea? hinc disces. Dies totos otiosa vrbantate comburere fortasse non solebas? iam affluces & otiosi, & in vtramque autem securus stertere; si quid dici superfuert à somno & otio, id sibi curiosa lectio deponet. Bono animo; omnes vitiorum formas condiscas, si magistram habueris Incontinentiam. Et licet horreas quodcunque turpe facinus, licet auerferis sceditatem omnem quæ oculos incurrit, modò fordidà cogitare non recuses, modò scintillam libidinis animo conceptam non extinguas, modò phantasys & imaginationibus impuris hospitium non neget, hoc tibi satis erit ad interitum; satis perit, qui sic sine strepitu perit, satis malus est, qui sic occultè recusat esse bonus. Nec sanè ad ælū aspirat, quisquis in his cogitationibus sese oblectat. Verbulum otiosum vel vnicum, in examen trahetur, & cogitationes obscenæ immunes erunt ab hoc tribunali? Animus puritatis amans vel leuissimas etiam cogitatuunculas extinguit, quàm primum illas à Castitate alienas deprehendit. O Castitas (exclamat Ephrem) Angelicæ vitæ ratio, quæ homines Angelis reddis similes! O Castitas, cui deliciae, cui luxur vestium, & cura corporis pudori sunt & odio. O Castitas oculorum frenum, quæ totum corpus è tenebris transfers in beatam lucem! O Castitas in quotidianis prælijs impeterrita, & in tuos hostes animosa atque vigilans! O Castitas, cœlestis prudentia, & cœlestium capax! O Castitas currus igneus cultores tuos in sublime euehens! O Castitas, & pluchra & pretiosa possessio, donum Dei opulentissimum! O Castitas, mater innocentiae, morum ornamentum, quæ proborum omnium in te gratiam concilias quæ vel hostibus tuis es venerationi aut admirationi! O castitas, tuū ipsa decus beata, & efficiens beatos, quæ in medio corporis animique velut rosa flores, & æternum fragras! O castitas, in qua diuitias æternas recondidit pruritatis amator Deus!

His Cyrillus Hierosolymitanus subscribens: Non ignoremus, inquit, Castitatis gloriam; Angelica est corona. Parcamus corporibus quæ lucere debent sicuti sol. Parua est ad horam voluptas, sed ex peccato æterna verrecundia, & poena

Castitatem, mi Aedefime, docebunt nos tot millia virginum sub gladio, in patibulo, stipite, leone, axe, incendio & rogis: vt virginitatem seruarent, vitam perdidissent. Ira quo sublimior virginum cura, maior gloria. Teclæ castimoniam adorat leo, Alciones impudicitiam vindicat ciconia. Puellæ Romanæ non paucae, Vestæ de virginitate censebantur: sed & quæ Delphis insaniebant, nubere nesciebant: sed & quæ Dianæ Scythicæ, quæ Iunoni Achaicæ, quæ Cereri Eleusæ pro sacerdotibus seruiebant, matrimonium à seabdicarunt. Erubescere Caro, quæ Christū in lauacro induisti: illis diabolus incontinentiam præcipit, & auditur: tibi Apostolus Castitatem prædicat, optatque Christianos omnes virgines esse, f & negligitur. Ah, vel duas solum has voculas pensita improbe acturus, quid ago? Ita castissimus Iosephus: quomodo possum, aiebat, hoc malum facere & peccare in dominum meum g? Ita confortabitur cor tuum, eo quod Castitatem amaueris, & eris benedictus in æternum h. Quoniam bonum est homini sic esse, nam. mulier innupta & virgo cogitat quæ domini sunt, vt sit sancta & corpore & spiritu i. O mi homo, quisquis NECTAM miraris, vel in hoc vno imitare, & Teipsum castum custodi. k

Fructus spiritus est Charitas, Continentia, Castitas l. Fructus carnis libido. Incontinentia, turpitudine. Aedefime, audisti hactenus triumphatam in horto Incontinentiam, audi obsecro eandem in horto triumphatam; sed vna tecum audiant, velim, omnes in orbe iuvenes, audiant viri, Orbis audiat, & Incontinentiam omnem, vt turpissimam vitæ labem & animi pestem certissimam, modis omnibus detestari discat. Audi tragœdiam inauditam.

In celeberrima ciuitate Lubecenfi matrona erat venerabilis, & Consulis vxor, quæ vno partu tres filios edidit, quorum vnus elephantiasti, alter in aquis, tertius, de quo nobis sermo, sua manu perijt. Sed quo is modo, quoue ordine tam tetram mortem obierit, sincere conscripsit ille, qui & ipsum, & germanos ipsius, & omnem illam familiam optimè nouit.

Erat tertius hic iuuenis elegans forma, ingenio acer, auro diues, veste nitidus, nec incultus moribus, sed, quo scēdauit omnia, li-



bidinosus. Vnde post variam Incontinentiam, iniegit in vnam earum, quæ forma vincere credebatur omnem Lubecensium feminarum pulchritudinem. Hæc miserum inuerecundi amoris vinculo nexum, in sua scabra sic captivum duxit, ut eum nec numorum dispendium, nec fractæ libidine vires, nec Dei timor, nec terror gehennæ, nec publica honestas, nec amicorum priuata correptio, à turpi consuetudine potuerint abducere. Quæ ex re factum, ut crumena iam depleta etiam necessarijs inciperet egere. Quod ubi mater aduertit (pater nam naturæ concesserat) filium indignam natalibus pauperiem incurrisse, materno affectu mora bis terree, iterum atque iterum æs grande filio donauit, simulque monuit illacrimans, memor esset Dei, generis item & honoris, memor salutis æternæ, probrosam consuetudinem renunciaret, atque de cetero lasciuix suæ impetus cohiberet virili animo. Sed heu! fulgere cæco lumina; surdo cecinit philomela. Voluit infelix, & non voluit, languidè conatus est, & ideo è libidinum cæno eluctatus non est.

Tandem cum videret mater, quicquid largiretur, in filij perniciem abire, animum obdurauit, & clausit manus. Iuuenis, animum & vultum matris mutarum obseruans, egestate & libidine consultricibus pessimis vltus, stricto ense in matrem irruit non semel, & (horreo dicere) calcibus etiam protriuuit, seuerè minatus, iam confodiendam, ni ocyus promptâ pecuniâ duræ necessitati succurreret. Miserrima mater sub filij velut sub hostis gladio contremuit, & territa tam præsentis periculo, quicquid exigebatur, quamuis inuita donauit. Neque ausa est sui paricidæ crudelitatem ad cognatos, ad magistratum deferre, verita ne fortè primores ciuitatis, quorum rigida æquitas iam innotuisset Orbi, filium tantæ improbitatis reum seuerâ sententiâ fulminarent. Tacuit ergo, & quanto potuit silentio rem prefficit. Sed breui nescio cuius linguæ vitio, tanti facinoris fama per omnium aures spargebatur. Quocirca conuenerunt cognati; & consilij agitati, iuueni sub pœnâ capitis interdixerunt ne simili ausu gladium vniquam amplius in matrem stringeret; aliaue iniuriâ eam affi-

ceret. At ipse effrons alioqui, ad Manlianum hoc edictum erubescens, statim matris adibus excedere, & vnâ matris oculos exire instituit. Et ne solus erubesceret, in totius familiæ notam & dedecus, ipse cum infami mulierculâ in prostibulo habitare cœpit. Hic post sericas vestes consumptas, post dissimulatam diu famem, post marsupia omnia exhausta, æger animi, & dolore vix consolabili tabescens sine re, & propè iam expes, partim febri æstare, partim omnia desperare, & inferendâ sibi necis consilium coquere. Cumque malum in dies cresceret, nec mali remedium vllum occurreret, iam impar ægrimonix, morte decreuit tam acerbam vitam abrumpere. Verum ne quis tam funestæ tregediæ epilogum impediret, mulierculam quam ad id temporis deperibat, cum fictis negotijs aliò amandauit. Illa domum egressâ, ille iam solus & absque arbitris, è culinâ, cultrum rapit, & secedit in hortum, vbi scilicet *Incontinentia* suum sibi triumphum statuerat. Hic vagum lumen in omne latus circumferens, in solitudine se deprehendit. Itaque diffibulato raptim thorace, pallidum morbo pectus nudauit, & cultri manubrium infixit parieti ligneo, tantoque sese impetu in aduersum mucronem impulit, ut ossea crate pectoris transfossa, dorsi quoque spinam violaret. Hoc vulnere sauci in terram corruit, visoque sanguinis effusio, sæuioribus furijs agitabatur quod inuisum spiritum tam acerbis impulsibus exturbare non posset. Heu triste spectaculum! Et en quo furore suimet carnifex hærentem etiamnum pectori cultrum in orbem rotet (ut è signis in cadauere patuit) viscera laceret, & scelestum animum non tam emittat, quam eiiciat.

Rediit interim domum infelix femina, & in horto demum reperiens amasum in sudmet sanguine volutari: expalluit & linquente animo humi collapsa est. Tandem, resumptis viribus cum ad se rediisset, omnem viciniam fœdo ciulatu conciuuit. Vicinis in hortum cateruatim irruentibus, ipsa lacrimis infusa, quo habitu cadauer reperisset, narrauit. Mox fama per urbem, & ad matrem euolat. Ad hunc nuncium mater, velut læna raptis catulis irrugiens, pallore suffundi, & pœne alterum



alterum funus fieri, mox ad hortum non ire, sed curere. Hic interspirantes flores tam fœdè extinctum filium offendit, & mox primo aspectu, anima deficiente, velut cum filio moritura in herbam procubuit. In fletum adduxit spectatores iam pœnè geminum aut triplex funus. Mater è defectione recreata, vberibus perfusa lacrimis, & madentes oculos in filij pellicem obuertens: O mulier, inquit, quid fecisti? meum mihi sanguinem tu se dixisti; horum omnium causa tu es, infelicitissima.

Altera luce cognati vix plurima pecunia impetrarunt, liceret sibi miserabile funus terre mandare, quod leges flammis dari voluissent. Ita hic iuuenis sui ipsius carnifex in profano sepulchro humatus est. Nocte vnica post sepulturæ honorem exacta, tumuli terra ita subsedit repentina labe, vt non nemo conijceret, cacodæmones, qui animam rapuerant, etiam corpus abstulisse. Ipse ego (inquit scriptor rei gestæ) vidi congestam glebam in eminentiorem tumulum: at verò postera die, tantum terræ dehiscibat, vt difficile fuerit credere, hominem illic sepultum esse.

Et hunc tam exitialem exitum habuit iuuenis illius libido & incontinentia, in luculentum exemplum omni posteræ memoriæ, vt norint omnes, quam malorum voragineij sese precipites mergant, qui habenas libidini laxant.

Hoc illud nobile trophæum est Incontinentiæ in horto triumphantis, quæ pariter in horto à NICETA nostro gloriosissimè & victa & triumphata est. Discant iuuenes, discant viri, discat Orbis aliena clade sapere, lasciuie cupiditates frenare, consortium omne, quod libidini faueat, declinare,

Verum, quod nos in Libidinis labyrinthum inducit, quod in luxuriæ abyssum præcipitat, est noxarum quotidianarum & crebrò repetitarum neglectus: *In pigritijs humiliabitur contignatio, & in infirmitate manuum persilabit domus* m. Cum domus rimas accipit, & stillas admittit, in ruinam vergit, nisi rimæ obducantur, auertantur stillæ. Plurima sunt quæ nos minuta credimus, & quoniam ea per oscitantiam non cauemus, ab his miuitis in maximum sepe malū prolabimur. Nō magni-

nobis est vna libidinosa cogitatio, aspectus feminae curiosior, aliquot verba liberius prolata. Res hæc, vt putamus, leuicula est. Ita cogitationes augentur & crescunt, aspectus iterantur, verba non iam licentiam tantum, sed & lasciuiam olent: ab his paulatim transitus fit ad alia, quæ inter leuia quoque numeramus, vt sunt litteræ parum virginæ, anuli, chirotheculæ, flosculi, bullæ aureæ, munuscula alia dono missa, aut accepta: inde lectioniculæ, & cantilenæ parum pudicæ, inde tactus inuerecundi, inde alia atque alia, mihi nec quidem nominanda: & vt cœno mergamur profundiore, hæc omnia tanquam non maxima facinora in nobis leniter vindicamus. Nimirum per has rimas & stillas, ruinæ paratur domus. *Qui modica spernit, paulatim decidet* n. Quamuis illa minimè sint modica nisi contemptori, cui sollenne est dicere: quid tum postea cogitationes sunt, aspectus & verba sunt, humanitatis indicia sūt. Per has rimas satis grandes, letale libidinis venenum instillatur. En, domum malignis imbribus persluentem, breui & cadentem cernes,

Sanctus Iob, cum statuisset apud se, ne cogitare quidem de virgine, mox huius propositi rationem reddens: *quam enim partem, inquit, haberet in me Deus desuper* o: Perinde ac si diceret: nisi ita serio cauere, nisi occasiones tam studiose declinare, nisi omnem malam cogitationem mox animo proscribere, nisi denique parua magni facerem, aliquod haud dubiè lasciuum desiderium in me oriretur, per quod Deum amitterem.

In quo cacodæmon exercitatum furem feciliter sæpe imitatur, hic namque clausam domum expilaturus, si quod foramen vel fenestellam sibi patefaciat, quæ tamen hominem adultum non admittat, puerum per illam immittit, vt is hac ratione in domum illapsus, magistro suo ianuam referet, quo rem suam intus agant. Pari modo diabolus, cogitationes impuras, iactus oculorum curiosos, lectionem incautam, voces & gestus parum verecundos veluti furunculos præuios intromittit in animum, qui veluti ostium pandant, viamque faciant ingressuro. Vnde maximi refert, summa hic cautione vt, occasiones etiam eminens cauere, nihil velut rem paruum negligere, nectantur



tum libidinem omnem, sed & libidinis vmbra auersari, & fugere. *In pigritijs humiliabitur contignatio & in infirmitate manuum perstillabit domus.* Verè, domini ignavia, est domus ruina, nam si sarta recta non conseruentur, fiet vt tandem arceri non possit pluvia. Par ratio est animi, quædam, velut non magna negligentis, in eo his iniurijs libido crescit. Verissimè diuus Gregorius: Si inquit, curare parua negligimus, insensibiliter seducti, audenter etiam maiora perpetramus. Quia igitur à leuioribus malis incipitur, & ad grauiora peruenitur, vanitas mentem obnubilat, iniquitas cæcat p. Cognata prorsus sunt turpia cogitare aut dicere, & turpia facere, propter agitur quod libenter auditur. Adestime, qui incipit cogitationibus non resistere, incipit perire: cui suaue est, iam hoc iam illud & istud audere, huic durum non erit toto pectore libidinem haurire. Ita demum fœdissimis imbribus perstillabit domus tota. Nemo ergo dicat: hoc non grande facinus est, hoc modicum quid est, hoc leue, hoc exiguum quid est, modo grauioribus abstineam, tolerabile erratum hæc cogitatio, & hæc & hæc etiam; ferri potest hic oculorum, aut linguæ, aut etiam manuum error, possunt isthæc sic abire.

Non possunt, mi homo, non possunt, nam si ista sic abeant, alia atque alia sequentur & semper grauiora ac fœdiora: tandem tota perstillabit domus. Illud Gregorij repero: Si parua non curamus, insensibiliter seducti, maiora perpetramus: Ergo hic omnia caue, etiam quæ videri minuta possent aut nihil cauebis.

Sed ad te redeo, tecumque finio, ô Christiane Samson, castissime NICETÆ, qui victæ in horro Incontinentiæ trophæum & triumphum nobilissimum deportasti.

O NICETÆ reuiuiscce in nobis; pugna, & triumpha in nobis, ô Victor illustrissime. Tuum nos exemplum, tua nos pugna & victoria, in certamen animet, accendat, inflammet. Audeamus cum NICETÆ, pugnemus, vincamus, Is certam hic habet victoriam, qui seriam non detrectat pugnam. Pugnandum est: nulla hic sine pugna obinetur victoria, hic nullum sine luctu venit præmium: pugnandum est. Inæstimabilis pretij thesaurus est Castitas, æternis numeranda præmijs. Nec potest gratis constare Castitas. Hanc si magno æstimas, omnia paruo æstimanda sunt. *Omnis autem ponderatio non est digna continentis anime.* q

a Vide Cor. Geslib. 1. de quadrup. pag. 631.

b Matth. cap. 5. v. 29.

c Lib. 12. de Trin. cap. 13.

d Iac. 2. v. 10.

e Cateches. 12.

f 1. Cor. 5. v. 7. volo omnes homines esse sicut me ipsum.

g Gen. c. 39. v. 9.

h Iudith. c. 17. v. 11.

i 1. Corint. c. 7. v. 26.

k 1. Timoth. cap. 5. v. 22.

l Ad Gal. c. 5. v. 22.

m Eccles. c. 10. v. 18.

n Eccli. c. 19. v. 1.

o Iob. c. 31. v. 1.

p Greg. l. 10. mor. c. 6. fine.

q Eccli. cap. 26. v. 20.

F I N I S.



Christi  
A, qui  
rum &

igna, &  
rissime.  
a & vi-  
lat, in-  
pugne-  
victo-  
m. Pu-  
tinetur  
mum;  
ij the-  
a prae-  
castitas,  
o æsti-  
non est

631,

ent me







TRISMEGISTVS

CHRISTIANVS,

S E V

TRIPLEX CVLTVS

Conscientiæ,

Cælitum,

Corporis.

A V C T O R E

HIEREMIA DREXELIO,

è Societate IESV.





BEATISSIMÆ VIRGINIS  
M A R I Æ

Nobilissimis sodalitatibus,

INGOLSTADIANÆ,  
MONACENSI,  
DILINGANÆ,  
AVGVSTANÆ,  
RATISPONENSI,  
OENIPONTANÆ,  
HALENSI,  
LVCERNENSI,  
FRIBVRGENSI HELV,  
BRVNTRVTANÆ,  
CONSTANTIENSI,  
EYSTADIANÆ,  
ENSISHEMIANÆ,  
NEOBVRGENSI,  
FRIBVRGENSI BRIG.

*A Domino, Et Matre Domini Salus aeterna.*



X promisso ad vos redeo (Profapia, Eruditione, Virtute ornatissimi Domini Sodales) vnaque adduco *Trismegistum Christianum*. in vno tres viros, aut in tribus vnum. Hic, meo iussu, tria vobis deferunt munera: LIBRVM vt Philosophus, THVRIBVLVM quia sacerdos, tanquam Rex CORONAM, Librum Sapientiae, Thuribulum Pietatis, Coronam Regni symbolum esse non ignoratis. De triplici hoc symbolo, apud vos, bonam veniam vestram, Christianus hic *Trismegistus* differere cupit. Opportune, puto, apud eos optima vitae fundamenta iaciuntur, qui,



tur, quibus omnis virtus amabilis est.

Verissimè olim Romanus sapiens dixit: Non dat Natura virtutem, A R S est bonum fieri. *a* Hanc artem inter Christianos vix quisquam exactè discet, qui Libro illo, qui Thuribulo ac Coronâ illâ vti nesciet. E Libro hoc Conscientiâ tractare, à Thuribuli vfu Calites venerari, ab vfu Coronæ Corpus regere, suavi compendio, quisquis voluit, didicit. Fabius hoc rectè: Brevis est, inquit, institutio vitæ honestæ beataque, si credas. Natura enim nos ad optimam mentem genuit: adeoque discere volentibus promptum est, vt verè intuenti illud magis mirum sit, malos esse tam multos. *b* Breuem hanc ad integerrimos mores institutionem vobis exhibet *Trismegistus*, qui ad triplex solum documentum aures & animos petit beneuolos.

Primum est: Conscientiam scienter discutere,

Alterum: Cēlites religioso cultu prosequi,

Tertium: Corpori nimium cultum detrahere.

Primam *Trismegisti* partem demonstrat Philosophi Liber, scrutandę Conscientię signum, hac enim via ad veram Sapientiam itur. Res sanè maximi momenti est, seipsum non assidue fugere, statis horis à seipso inueniri, & cum Conscientiâ suâ peritè loqui posse. Malorum hoc proprium est, alienam conscientiam declinare, suam non timere. Nam, vt beatus Zeno Veronensis Antistes dixit: Qui suam conscientiam non timet, is est qui Deum non timet. *c* Optimè aureus orator Chrysostomus: Etsi te, inquit, omnes accusauerint, tu verò teipsum non condemnaueris, neque ipsa conscientia reprehenderit beatus es, itaque ne modicum & exile tibi videatur istud proprię conscientię forum. *d*

Mihi credite, Sodales, nihil tam necessarium, neque magis cum cura dicendum est, quā qua ratione conscientia ad examē quotidie vocemus. Ad omnia vitia perfananda, tam certum ac potens pharmacū vix est, quam frequēs diligensque sui disquisitionio. Hanc quisquis temerè negligit, vitiorum dulcedini non inuitus succumbit. nec enim praua emendat, nec noxia prospicit, nec poenitenda præcauet, sed cæco quodā impetu in illa proruit, & ignorantia sui, velut atra nube inuolutus in præcipitium non vnum deuoluitur. Certè à quotidiani huius examinis neglectu certissima sequitur *Ignoratio sui*, quę misero homini eas tenebras offundit, vt aciem in cēlestia intendere vix valeat, sed perpetuis erroribus ac labyrinthis inerret, è quibus se vix vnquam explicabit, caelestiole subtrahit. Facili negotio malus est, qui non quotidie seriò vult esse bonus. nisi enim mens nostra hoc quasi continuo freno contineatur, identidem ad assueta & erubescenda dilabitur. Succumbunt vitij virtutes si illa non citò odisse properaueris. Nunquam ex integro sanus erit, qui morbos à superficie tantum curarit, nec ad mali fontes descenderit: ita nec vnquam ex solido probus erit, qui non sæpius in seipsum redierit, atque à se dicta factaque, sed & cogitata ad vnguem explorarit. Ex habitu peccare facillimè discit, quicumque se perrarò ac negligenter discutit. hinc enim necesse est vitia habitusque prauī in dies augmentum sumant, & foedorum motuum ac turbarum causę crescant, vnde proxima ruina est in varias vitę labes.

At verò seria & non perfunctoria conscientię discussio, & mala reteggit, & malorum causas. hinc cuius perfacile ad eorum remedia deuenire. Hinc etiam sanctioris vitę primarium subsidium est *Notitia sui*. Nemo autem fortuitò se suaque cognoscet. Magnum hic studium assiduęque diligentia necessaria est, quā ij adhibent qui sua omnia ad quotidianam incudem reuocant. Persuadet deinde hęc conscientię discussio rem omnium difficillimam, *Contemptum sui*, magnamque animi submissionem, cum in miseriarum nostrarum cognitionem nos deducat, milleque submissimè mentis causas præbeat ac quadam verecundia totum hominem perfundat.

Et



Et hinc altera pars *Trismegisti* exurgit, pia *Calitum* veneratio, Sacerdotis Thuribulo designata. Quo quis enim egentior se agnoscit, eò studiosius ditioribus amicis se commendat, & quò plus suæ causæ diffidit, hoc potentiores inuocat patronos. Ita qui conscientiam suam lustrans, à virtutibus inopè se deprehendit, ad illos celi thesauros, ad beatos cælites confugit, suæ inopiæ consulturus. Quà in re diuinis honoribus nihil subtrahitur. Alexander Macedo nil gloriæ suæ derogatum censebat, cum Sisyganibis Darij mater, Hephestionem corpore cultuque præstantem pro Alexandro ipso nunquam visò saluasset. cumque illa tandem ad Alexandri pedes prouoluta, ignorationem nunquam antea visì Regis excusaret, Alexander manu eam alleuans: Non errasti mater, inquit, nam & hic Alexander est. e Nec Deo displicet, per amicos adiri & rogari, de quibus ipsemet: Ego dixi, Dij estis. f Sanè sancti Angeli, ceterique Cælites libellorum supplicum velut magistri, Deo preces nostras offerunt, suasque addunt. Cuicunque igitur sua conscientia quotidianos errores & lapsus exprobrat, is merito in eam rem vnice sollicitus est, vt causæ suæ patronos apud Deum quàm plurimos inueniat, quò diuinam largitatem *multiplicatis intercessoribus* ( prout Ecclesia precatur ) facilius in se deriuat. Ita *Notitia sui* prouocat *venerationem Calitum*. At seria, & quæ imitatione potissimum constat, *Calitum* veneratio. Illud cumprimis exigit, vt, qui celestes animos debito cultu velit profequi, corpus suum non nimium colat, & herile imperium seruo nequaquam committat.

Atque hinc Tertia *Trismegisti* pars emergit, quam Regis Corona significat. Vere Rex est qui nouit regere seipsum, nec se ancillæ arbitrio permittit. Ancilla est, *Caro*, sed male fidei, & in exitium sui domini nunquam ingeniosa. Hic opus imperio seueriore: indulgere velle & parcere, seua bonitas, blandum & affabile odium est, neque hic aliud quis agit quàm vt pessime clemens sceptrū amittat, & carnē amando animam occidat. Aut illū dicamus Regē cui muliercula imperat, cui pecuniola, cui gloriola, & alij animorū tyranni? Ille verè Rex est, & sui potēs dominus, qui imperat sibi & suæ Carnis malignis cupiditatibus. En tibi Regē: non vitijs, non affectibus, non proprijs blanditijs subiectum, & qui omnium minimè seruiat corpori. Magnæ libertatis est, & vere Christianæ, audere corpori negare quæ inique petit. Corpus natura querulæ impudentiæ est, & hos modò cibos, has modò vestes sibi postulat. Si alterutrum duntaxat adipisci liceat, mauult laurius vestiri quàm cernare. Et hæc aui nostri labes est, patrimonialia vestibus impendere. Obsecro, Sodales optimi, vrbium mores corruptissimos considerate, & vnà mecum liberè pronunciabitis, vix quemquam vsquam reperiri, quem vestium luxus aut lusus tam varius nunquam deceperit. Sane rarissimæ iam virtutis est, modestiæ leges non calcare, & intra fortunam suam vestiri velle. Olim forsàn vestimentorum vsui præscripserit Temperantia fines terminosque, iam nulli sunt. A numis leges petimus, tam nitidam quisque nunc vestem habet, quàm opulētam arcam, status ordinisve vix vllum à veste discrimen sibi constat. Cui plurimum numorum, saepe plurimum & vestium est, essi nec sanguineis nec eruditione inter ceteros emineat. Nec est ferè vllum genus vitijs, in quo tanta varietate, & lusu tam multiplici passim exorbitemus. Non enim multitudine tantum vestium, sed & pretio ac forma, sed & nouitate ac curiositate, aliisque modis delinquimus. Ita quandoque Cælites nimis quam sobriè & parca manu colimus, in nostri corporis cultum crumenas totas effundimus: tum demum nobis ipsi liberales visì, si in corporis ornamentum exhauserimus marsupium. Nec vllus ferè tam stupidus est, cui in stultam hanc solertiam non multum ingenij superfit. Hic *Trismegistus* coronam suam quatit, monetque Christianos, meminerint in quam spem nati sint, ne dum corpus tam operosè colunt, perdant incultum animum.

Hæc



# EPISTOLA DEDICATORIA.

489

Hec ego ad vos, Nobilissimi domini Sodales, sub Trismegisti nomine scribo, non ut illius hic culpæ vos arguam, sed ut illos quos castissimi vestri mores tacite arguunt, unâ vobiscum reprehendam publica voce. Hoc certè ago, ut quàm plurimos alios, ad emulam vestræ virtutis modestiam prouocem, idque diuersis monitis. Ideo liber iste triplicem præfert faciem Philosophi, Sacerdotis, Regis. Philosophus Conscientiam examinare, Sacerdos Celites venerari, Rex Corpori imperare docet. Ad omnigenam virtutem compendio discendam, triplex hæc facies mihi visa est semper momenti plurimum habere. Et id quoque est causæ, cur eam vobis potissimum proponere in animum induxerim: effigiem vestram ad virtutis leges compositam non sinuit agnoscetis. Atque, ô vtinam meum omuem in vos affectum, vobis quàm plenissime possim impendere, nimis mihi exiguum est, quicquid vestro aut honori aut utilitati laboro. Imo dum vetus apud vos nomen conor expungere, nouum facio. *Horologium Tutelaræ Angeli* vestro nomini consecraui: plus reddidistis, quàm acceperitis. Sacræ liberalitati vestræ ut gratias agerem, *Nicetam* submisî. hic iterum plurima precum vestrarum remuneratio secuta. Sic iam minus quàm antè soluendo sum. nam & illud inter vestra in me beneficia numero, meas scriptiunculas tam beneuolè à vobis accipi. Neque mihi iam aliud superest, quàm ingenuè fateri, vos veris beneficijs, me pene solo affectu certare, atque adeo à vobis longe superari. Cedo facilis: suaue mihi est sic vinci, sed ne ingratus moriar, *Trismegistum Christianum*, quem scripsi, libens meritissimò iam vobis offero consecroque. Sit illi, oro, locus inter vos, qui prioribus meis libellis fuit. Scriptio non tantæ molis, nec ampla est. At hoc me solatur: Semen quamuis sit exiguum, cum occupauit idoneum locum, vires suas explicat, & ex minimo in maximos auctus diffunditur. Idem spero, facient hæc *Trismegisti* monita. Eadem enim est horum quæ seminum conditio, non late patent, sed in opere crescent: non multa sunt quæ traduntur, sed si illa animus vester plane idoneus exceperit, & in se traxerit, conualescent & exurgent.

Itaque, Sodales optimi, scriptionem hanc obsecro, non ab eruditionis censu, sed ab affectu meo estimare. Omnium vestrum castissimis precibus submississime me commendando. Monachij, dies S. Michaelis Archangeli. Anno Christiano MDCXXIV.

a Sen. epist. 90.

b Fab. l. 12. Inst. c. ult.

c S. Zeno serm. de Fide,

d Chrys. hom. 26. in epist. ad Rom.

e Curtius lib. 3. c. 24.

f Psal. 81. v. 6,

*Omnium vestrum*

Seruus in Christo

HIEREMIAS DREXELIUS  
è Societate IESV.

Qqq

BENE



# BENEVOLO LECTORI



**V**idisti, Lector, in libri fronte Trismegisti nomen. Veniam dabis tam grandi titulo, si causam audieris. Nosti Trismegistum prisco auctore celeberrimum & Philosophum, & sacerdotem, & Regem fuisse. Nam apud Aegyptios, sicut mos maiorum ferebat, ex omni numero Philosophorum sacerdotes, & sacerdotibus Reges legebantur. Trismegistus, uti Philosophos sapientia, ita religione Sacerdotes, ita & Reges superiores omnes instituta superavit, doctus Philosophus, religiosus Sacerdos, aquus Rex. Triplicem hanc personam ex decore agere prima laudis est in hoc Orbis theatro. Ideo praecepta quae huic institutio fauent, minime spernenda.

Et hoc, mi Lector, hi tres libri agunt, ut te faciant & philosophum, & sacerdotem, & regem: Philosophum, arcana rimando; Sacerdotem calites venerando; Regem, corpus gubernando. Arcana philosophia est, conscientiae recessus penetrare, & discere seipsum nosse. Arcanorum arcanissima arcana hic latent, nec unquam deest quod scruteris. Praeuium est cor hominis & in scrutabile: quis cognoscet illud? a Sacerdotium est nemini non competens, supremum cali Dominum, beatorumque calites religioso cultu prosequi. Et ratione diuinus Petrus, omnes Christianae professionis, genus electum, regale sacerdotium, gentem sanctam, populum acquisitionis appellat. b Regnum est omnibus regnis maius, in seipsum habere maximam potestatem, & corpori non seruire. An non regem censes qui liberrima voce proclamat: Castigo corpus meum & in seruitutem redigo. c Non tibi rex videtur, qui generoso spiritu: Maior sum, inquit, & ad maiora genitus, quam ut mancipium sim mei corporis. Nunquam me caro ista compelles ad metum, nunquam ad indignam bono simulationem, nunquam in honorem huius corpusculi mentiar. Cum visum fuerit distraham cum illo societatem, & nunc tamen dum haeremus, non erimus aquis partibus socij: animus ad se omne ius ducet. Contemptus corporis sui, certa libertas est. d An non haec voces sunt regis? Talem te regem, mi Lector, talem te sacerdotem, talem & philosophum te formare mens est. Ita triperita haec dissertatio mihi prorsus non videbatur disjungenda, & in vno hominis capite vultus triplex ostendendus. Calites persuntoriè colet, qui sui negligens, aut nullum animo cultum, aut, quod tantumdem est, omnem impendit corpori, haec omnino inter se nexa sunt.

Hoc igitur est eruditè philosophari, conscientia latebras explorare, & in dies proficere notitia sui: hoc pie sacrificare est, Deum atque calites, ritè venerari: hoc regè imperare est, corporis seruitutem detrectare. Hunc talem Trismegistum sibi formandum sumpsit hac scriptio. Summa illius & ordo hic est,

Primi Libri, Nouem capita, de cultu Animi, & examine conscientiae agunt.

Secundi, Decem capita, cultum Calitum exponunt.

Tertij, Vnde sunt capita, cultum corporis nimum persequuntur. En tibi triginta vniuersè capita, cultum Corporis, Animi, Calitum complectuntur, & quasi per tres gradus necessariè sibi coherentes eunt. Calitibus locum medium ut honoratiorem iure assignauimus, vltimum corpori, ut seruo & mancipio; Primum Animo, ut hero & domino. Hoc tescire, Lector, sed & illud rogare volui; ut si tibi quandoq; fastidire lubuerit aut nauseare, non liberet hac legere. In lectione sacra seruum & attentum lectorem multa effugient, ne dum oscitantem & fastidiosum. Sacra, & ea quae ad Animum sunt, non tantum legi, sed & capi ac intelligi, sed & cogitari ac expendi volunt. Ita fac, mi Lector, & bene vale.

a Hier. c. 17. v. 9. b 1. Pet. 2. v. 9. c 1. Cor. 9. v. 27. d Sen. ep. 65. proximè finem.



# LIBER PRIMVS.

## ARGVMENTVM TRISMEGISTI CHRISTIANI.

### LIBER PRIMVS.

*Animi cultum, & rationem docet erudienda conscientia; per quotidianum illius examen*

### LIBER SECVNDVS.

*Modum tradit colendorum calitum, cum per mentuam illorum sortitionem, tum per alia pietatis exercitia.*

### LIBER TERTIVS.

*Corporis cultum superuacuum, & vestitus insolentiam castigat.*

## CAPVT PRIMVM.

### INGRESSVS AD SERMONEM DE ANIMI cultu, & Examine Conscientie.

## POLYCHRONIVS ET GERARDVS

### COLLOQVYNTVR.



**P**OLYCHR. Animi cultum is minimè negligit, qui conscientia curam religiosè gerit: ac verò conscientiam is optimè curat, qui quotidiano eam examine a vitijs assidue purgat. Porro examen conscientia, vt res est vna omnium utilissima, virtuti per compendium assequenda; sic forsan à paucis bene sit, ab innumeris om-

nino non sit. Quærere, quid examen conscientia sit, quæstio mihi superflua censetur. optandum, eius vsus tam notus nobis esset, quam est natura, vel definitio. quid sit, sci- mus; quantum profit, vix scire laboramus. Atque adeo qui conscientiam suam vesperi perfunctorie & quasi aliud agentes examinent, fortassis multos reperias, eos qui examen hoc utilissimum penitus intermittant, difficile



est numerare. Romanus sapiens queritur olim; & verè sic est: Hoc nos pessimos facit, quod nemo vitam suam respicit. quid facturi sumus, cogitamus, & id rarò: quid fecerimus, non cogitamus: atqui consilium futuri ex præterito venit. Atque eò iam incuria plerique progredimur, vt examen istud, quod appellamus *quodiduanum*, vocari possit *mensurum*, aut etiam *annuum*, quando aliqui vix singulis mensibus semel, alij vix semel singulis annis id instituunt. GER. Ne mireris, Polychroni, seipsum accusare insuane negotium est, & tamen hoc examen aliter non constat. P o l. Neglecti huius examinis plures sunt causæ, non nego hanc vnam earum esse. Omnino, *sui ipsius accusatio*, tam pulchra est quàm rara virtus. Hinc sanctus ille senex, Pastor omnes virtutes ad vnius domum commigrasse aiebat, extra quam frustra quis desudet in quærendis virtutibus. Rogatus, quenam illa esset virtus? Seipsum, respondit, seriò ac iugiter accusare.

Et hoc docet examen conscientia, in quo quisque reum se citat ad tribunal sue mentis, quod ad vitam probam compendiosa via est. a *Seneca epist. 87. initio.*

## S. I.

**D**. Basilius, post documenta plurima suis tradita, demùm sic concludit: Quæ quotidie feceris opera, vespere tecum commemora, & cum ijs, quæ fecisti pridie, conferto. Ita voluit, vt omnes cum conscientia sua prius loquerentur quam somno se permitterent. Ratus hoc vnum, optimum fore stimulum ad illa omnia, quæ ab ipso didicissent, in opus producenda.

D. Bernardus: b multæ, inquit, scientia hominum, sed nulla melior est illa quàm cognoscit homo seipsum. Beatus homo qui se potest cognoscere, probare, & improbare. Nam qui sibi displicet, Deo placet; & qui sibi vilis est, Deo carus est. Itaque tibi ipsi carus non sis, accusa teipsum, omnem animi morbum hoc emplastrum & malagma persanat. Tardus es ad preces? in precibus vagus & oscitans? plumbeus es ad iussa, volas ad mensam: effusus es in risum & confabulationes, fractus ad laborem, studiosus liberationis, incurius tui officij? sæpius forsan de die auribus, lingua & oculis peccas? huic

malo remedium non est opportunius, quam vespere conscientiam conuenire, dici errores in numerum, aut certè in eumulum redigere, & quid, quæque ratione sequenti luce sit cauendum, statuerè. & nisi hoc modo, quotidie teipso fias melior, securè credas, aut conscientiam sæpius non examinaram, aut obiter tantum & perfunctoriè. Si ferueat hic industria, non potest ei non par fructus respondere. Quod si leui brachio, anhelus ad lectum & semisopitus, oculis in somnum iam turgentibus, solum in cæremonia morem, hoc conscientia iudicium instituas, non erit hoc verum, sed mentito nomine, iudicium, aut iudicij larua, socors & ignaua cogitationum discursatio, ex hoc fonte tali emanabit riuus: Eadem post menses & annos in te viuunt vitia quæ prius: æque pronus in iram, facilis ad impatientiam, instructus ad superbiam, æquè procerax in verbis, asper & mordax in dictis, dissolutus & levis in moribus, verbo eris antiquus *Dormitantijs*. Et in promptu caussa est, nunquam domi tuæ es, nunquam te deprehendis, nunquam te obseruas, teipsum nunquam serio accusas: vitis in tranquillo frigore, omnia fluere sinis, vt fluunt, pacificus homo es, sed malo tuo. Vitijs tuis quierem non turbas, cum defectibus tuis non litigas, cum concupiscentijs tuis non pugnas. quid multis? pacificus homo es, in tuam maximam perniciem, alges & torpes; tunc solum viuacissimus cum aut comedendum est, aut ludendum aut etiam irascendum. hic in te viuunt omnia, hic vir, hic atleta es, & heros.

a *Bas. serm. commonit. ad mon.*

b *Bern. de int. dom. c. 28. & 29.*

## S. II.

**G**ER. In me hæc omnia declamas, an in absentem alium? P o l. Gerarde, ne metas: nihil hæc contra; nisi tu binominis sis, & non tam *Gerardus*, quam *Dormitantijs* audias. In *Dormitantijs* omnia à me dicta sunt & dicuntur: illum, inquam, qui qualis olim fuit, talis est hodie? qui in placido ignauia statu perennat, qui nunquam obedientiorem habet somnum, quam cum ei cum conscientia loquendum, qui in se nunquam aut raro admodum descendit: qui omnia alia sci-

re sat-



re satagit, præter se, miserabili neglectu animi; verbo, qui dormit, cum vigilandum foret. At hac ratione nemini familiaris sit virtus. non enim natura dat virtutem, multo minus socordia; ars est, bonum fieri. hanc artem dat exacta sui notitia, & quotidiani profectus ingens desiderium. istam autem & istud non docet nisi examen conscientia; nullo die neglectum. Initium salutis, notitia peccati, qui peccare se nescit, corrigi non vult. Ideo D. Bernardus tam sollicitus in suos patresfamilias: Vnde, inquit, rogo dilectissimi fratres, ut vnusquisque vestrum intret in cubiculum suum, scopet conscientiam suam, se quærat in angulis cordis, circumeat latebras mentis. *b* Idem inculcans alibi: Redeamus, inquit, ad nos & discutiamus conscientiam nostram. *c* GER. Sed quæ lex, à quo, & quibus lata est conscientia; diebus singulis examinanda? POL. Ut video, Gerarde, ex Volontatibus non es, si lege vis cogi. Sed veniam da; sensum eote ducā, ut ad solem cernas quod etiamnum inter nubila videtur additum. Primum erit scire, quam hoc prorsus nouitium inuentum non sit. Certe ab omni quo fuerunt, qui sicut vltimam, ita primariam diei actionem esse voluerunt, suam vesperi conscientiam excutere, eoque vel ipsius naturæ lege ac luce præeunte ducebantur. Paucos è præfatis nominabo, tuendæ huic veritati.

*a Sen. ep. 21.*

*b Bern. serm. 11. in cæn. Dom.*

*c Proem de int. do.*

## CAPVT II.

*Examen conscientia; quolim, & quomodo facerint.*

**R**atio prorsus & Natura huc impellunt. & ausim dicere, hoc naturæ scitum esse: acto die diei acta cum animo suo repetere, simulque displicere quid in lucem posteram: aut omisissit futurum optimum, aut factum. Inde sapientes quos Gymnosophistas dicebant, nullum suæ disciplinæ adolescentem ad mensam admittebant. nisi is prius conscientia; sue subiisset examen. imò quod pudorem nobis meritò incuriat, mensam ijs accumbere non licebat, qui in tertio huius examinis capite

(ad morem nostrum loquor) non pulchrè stetitissent. impransus, impotus, incenatus eieci-  
batnr domo, qui nil præclari à se gestum commemorasset, luculentè id testatur ille à Madaura philosophus. verba illius integra tibi admetiar: *a* Igitur, vbi mensa posita, priusquam edulia apponuntur, omnes adolescentes ex diuersis locis & officijs ad dapem conueniunt. Magistri perrogant, quod factum à lucis ortu ad illud diem, bonum fecerint? hic, alius se commemorat inter duos arbitrum dilectum, sanata simulare, amicos ex infensis reddidisse: inde alius, sese parentibus quippiam impetrantibus obedisse: alius, aliquid meditatione sua reperisse; vel alterius demonstratione didicisse. qui nihil habet afferre cur prandeat, impransus ad opus foras extruditur.

O pulchrum institutum? & nunquid vel apud Christianos melius possit? O legem saluberrimam, quæ si hodie vigeat, multi dies plurimis ieiuni forent ducendi, quod sese his iudiciis vel non sisterent, vel peius starent in iudicio. En legem, Gerarde, breuem & strictam: *aut non prande, aut prius conscientia; rationem redde.* Vis esse ostende prius te laborasse. Et cur nos ipsi nobis non dicamus vespere: Vis dormire? antè cogita, quàm bene vigilaueris. Festinas ad lectum? prius tecum disquire, qualis in templo, in foro, in domo, qualis in mensa, qualis alibi fueris. Adeo ne verò à recto sensu degeneramus, ut quod sciuerunt feceruntque idololatræ, id nesciant Christiani, aut (quod peius est) facere nolint quod faciendum sciunt.

*a lib. 1. Floridor.*

## § I.

**P**hocyliides, si Stobæo fides, primus omnium mortales docuit quotidie seipsum ad hoc conscientia; tribunal citare. Pythagoras certè nominatus ille è porticu philosophus, tam occupatus non fuit aut somniculosus, quin prius in seipsum descenderet, quàm somnum caperet; & quicquid pie toto egisset, se iudice damnaret vel absolveret. vnde apud Pythagoreos, pulcherrimum hoc institutum vsus quotidiani fuit, *quid quoque die dixeris, audieris, egeris, vespere commemorare.* Et hoc est apud conscientiam suam examen instituire, & seipsum sibi velut censorem aut iudicem ferre.



*Quid pratergressus : quid gestum in tempore, quid non?*

Faciebat hoc idem conscientiae examen, & P. Sextius, eo ipso vir optimus, & adeo sibi nihil indulgebat, adeo & somnū vincere; & negotia differre, & cogitationes in potestate habere potuit, ut consummato die, cum se ad nocturnam quietem recepisset, (cum Seneca loquor a) interrogaret animum suum: Quod hodie malum tuum sanasti, qui vitio obstitisti? qua parte melior es? o Pythagora, o Sexti! quam nos Christiani, non paria vobis facimus, in consuetudine tam Christiana! Ah! quam hic congruē illud Christi vociferarer: Viri Ninivitarū (viri idololatrarū) surgent in iudicio cum generatione ista, & condemnabunt eam. b

Nosti, quid Vir bonus (hic titulus carminis est apud Maronē) de hoc quotidiano examine conscientiae moneat. Ille igitur Vir bonus. *Index ipse sui totum se explorat ad vnguem. Quid proceres, vanique ferat quid opinio vulgi* Securū; in isto trutina se examine pensat. *Ne quid hiet, ne quid protuberet, angulus a-* quis

*Partibus ut coeant, nil ut deliret AMVSIS. Sit solidum quodcumque subest: nec inania sub-* ius

*Indicet admotus digitis pellentibus ictus.*

*Non prius in dulcem declinat lumina somnum* Omnia quam longi reputauerit acta diei.

*Qua pratergressus; quid gestum in tempore, quid non:*

*Cur isti facti decus absuit, aut ratio illi:*

*Quid mihi prateritum: cur hac sententia sed-* dit.

*Quam melius mutare fuit. miseratus egentem*

*Cur aliquem fracta persensit mente dolorem:*

*Quid volui quod nolle bonum foret: utile ho-* nesto

*Cur malus ante tuli: num dicto aut denique* vultu

*Perscriptus quisquam: cur me natura magis,* quam

*Disciplina trahit: sic dicta, & facta per om-* nia

*Ingressus, ortoque à vespere cuncta reuoluens.* Offensus prauis, dat palmam, & pramia re-

*ctis.*

*En virum verè bonum: tales simus. Neque v-*

nus tantum alterue (quod quis obijciat) ē Romanis Græcisque hoc fecit, & conscientiam vesperi discussit; plures in hac classe numeramus, inter quos & laudatissimus ille L. Annæus Seneca, qui viros religiosos multos qui Sodales Parthenios plerisque, ausim dicere, aut æquauit in hoc, aut superauit.

a l. 3. de Irac. 26.

b Matt. c. 12. v. 41. Luc. c. 11. v. 32.

## S. II.

**E**Rat Seneca potens in aula, Imperatoris doctor & moderator, inter strepitus & discursus aulicos, & tamen examen hoc conscientiae non omittebat: erat in coniugio cum vxore & tamen vesperi conscientiam suam super diei actis audiebat: erat in studijs semper aut negotijs, neque tamen studia aut negotia potiora habebat, hac vtilissima in seipsū animaduersione: erat inter amplissimas opes, atque si voluisset, inter maximas voluptates & delicias, & tamen sub noctem, sepositis omnibus, solius conscientiae negotium tractabat. Ipsum tibi testem sisto locupletissimum. de fide non est quod quidquam ambigamus: malim ego Seneca narranti credere, quam multis alijs iurantibus. Vtor, inquit, hac potestate, & quotidie apud me causam dico. cum sublatum ē conspectu lumen est, & conticuit vxor, moris mei iam conscia, totum diem mecum scrutor, facta ac dicta mea remetior. Nihil mihi ipse abscondo, nihil transeo, quare enim quidquam ex erroribus meis timeam, cum possim dicere: Vide ne istud amplius facias, nunc tibi ignosco.

Obstupeſco, quoties hęc lego, nec sine admiratione & rubore vnquam legi. Homini tot negotijs, tot studijs, nobili etiam vxore districto, hæc tam arcta & quotidiana in seipsum inquisitio fuerit? Et, obsecro te, Gerarde, considera mihi, quæ vir iste incomparabilis, examinis huius capita sibi statuerit, quos in seipso errores notarit, quid in dictis suis factisq; culparit. Sic seipsum accusans: 1. In illa, inquit, disputatione pugnacius locutus es. Audite litigiosi. 2. Illum liberius admonuisti quam debebas: itaque non emendasti sed offendisti. de cetero vide, non tantum an verum sit quod dicis, sed an ille cui dicitur, veri patiens sit. Audite critici, & omnium



censores. 3. Minus honorato loco positus, irasci cœpisti conuiatori, vocatori, ipsi, qui tibi præferebatur. *a* Audite superbi & iracundi. 4. Non aquis quendam oculis vidisti, quia de ingenio tuo malè locutus est. *b* Audite inuidi ac maleuoli, & oculos atque dentes continere discite. En, quantus vir, quàm opulentus, neque tam ad opes suas, quàm ad suam conscientiam fuit attentus. Possedit Seneca (quod ei Suillius approbat *c*) ter millies HS. is modus nobis esset 7500000. hoc est, septuagies quinquies centena millia philippicorum: ipsi septem milliones auri cum dimidio. Opes penè regis, fateor. Sed ô virum dignum opum vi maiore! qui diuitias, & quidem tantas in sinu positas & circumfusas sibi potuit non adorare, potuit ridere, contemnere. ô virum omni laude maiorem, qui potuit in diuitijs paupertatem non odisse, semetipso & ex se nascentibus bonis contentus esse. Diuitiarum contubernio non corrumpi, sanè tam præclarum quàm rarum est, quod Annæus hic noster habuit, qui non cum suis numis, sed cum libellis suis, secum ipse assidue locutus est. & quod nos alijs libentissimè facimus, hoc ipse sibi fecit, hoc est, de se apud se malè existimauit.

Ita, mi Gerarde, Seneca examen conscientie, perinde ac si lex cogeret, quotidianum sibi esse voluit; nec sine profectu. Nam ipse de se: Hoc mihi satis est, inquit, quotidie aliquid ex vitijs meis demere, & errores meos obiurgare. *d* O virum vel hoc ipso argumento non tantum magnum, sed verè bonum! & qui non scripsit sensuque solum talia, sed fecit. Et homines Christiani, Sodales Parthenij, viri Religiosi hunc stimulum virtutis reijciant?

*a* loc. iam cit. c. 36.

*b* & c. 37.

*c* apud Tacit. l. 13. *Annal.*

*d* Sen. de vit. beat. c. 17.

## CAP V T III.

Examen conscientia quanta utilitatis sit, & quàm id à sanctis impensè commendatum.

**V**tilitatem huius sanctissimæ in seipsum inquisitionis nescire non potest, nisi

qui cæli & tartari securus, viuit in diem, & possim coruos sequitur; nec vllum post mortem tribunal aut iudicem pertimescit. Viri mali, inquit Salomon, *a* non cogitant iudicium. Talem mihi da, & videbis quàm is vel ab ipsis idololatriis longè superetur: da, inquã, talem & dices: hic homo non insisit viam quæ ducat ad cælum. iocando, ridendo, cachinnando totos dies traducit, securus mortis, & post illam secuturi iudicij. transactodie cenat idem hilariter, cenam confabulationis, confabulationem somnus excipit. Hunc ille ordinem, hanc diei methodum seruat.

*O curus in terris animæ & cælestium inanes! b.*

O mi homo, quid demum habes quod hic obducas? sanctissimos illos eremi angelos Antonios, Hilariones, Onuphrios imitari non vis? Senecas saltem & Sextios & Pythagoras, te meliores esse non sinas. Et quæ tuæ occupationes tantæ, vt hoc non possis quod potuerunt occupatissimi? prisceis illis persuasissimum fuit, diem pessimè finiri, nisi sic finiretur: pænè perijsse sibi censebant diurnas horas quæ non haberent hanc diei clausulam, hoc somni prologium. Nimirum hinc maximum ad probos mores emolumentum capiebant, hanc vnã ad virtutem viam compendiosissimam credebant, in hoc continue tranquillitatis portu persistebant. Ecquid enim pulchrius simul & vtilius hac consuetudine excutiendi totum diem? qualis ille somnus post recognitionem sui sequitur? quàm tranquillulus, altus, ac liber: cū aut laudatus est animus, aut admonitus, & speculator sui censorque seceret cognoscat de moribus suis. Detumescet sensim superbia; mens auara se latius expādet; libido frænum recipiet; mitescet ira eritque moderator; omnia vitia minus sibi licere credent, si scierint sibi quotidie ad iudicem esse ventendum: Sed in digiros mitto huius examinis vespertini commoda.

*a* Prov. c. 28. v. 9.

*b* Pers. sat. 2.

*c* Senec. l. 3. de Ira c. 36.

§. I.

1. **S**omnus etsi tranquillulus esse possit & placidus, tutus esse non potest, nisi præmittatur



mittatur ei hoc conscientie examen. nam penè idem est, ignis in sinu, & peccatum in conscientia. Is demum securè dormit, cui dicere licet: Iam rationes posui cum Deo meo; promptus paratus sum ad omnem Dei nutum. nec viuere reculo, nec mori pertimesco, bonum *Dominum* habemus. Huic ego me meaque omnia quàm integerrimè cōmitto. Ad es somne, & fac officium; iam tuus sum. Hoc est, mi Gerarde, inter brachia Christi domini suauiter obdormire.

2. Aurora insequens tanto erit iucundior, quanto fuerit compositior præcedens vespèra. Nam posterum manè felicitatis suæ partem trahit à præterito vespere. matutinas cogitationes nec lætas habebit, nec sanctas, qui pridie cum tristibus aut prauis quietem aspiciatur. Hinc in cœnobiis lex pia & perpetua, Completorio, quod vocant, finito, linguæ ferias indicere, & altum silere. quies & taciturnitas tunc omnibus imperatur. vult quis loqui? Deum habet, cum illo sermones misceat: vult quis deambulare? in cœlo potest, sat amplum deambulationi hoc pratum est: cupit quis esse cū socijs? innumeros habet Angelos, illis se iungat, sed silendo & precando. si secus fiat, nec proximè noctis, nec secuturæ diē preces succedent; quicquid enim pridiano vespere viderit quis, dixerit, egerit, recurrat, & omnem orationis & actionis bonæ vim turbabit & elidet. Ergo, ne mane malus sis, vespèri bonus esse incipe.

3. In omne genus vitij nil æquè pugnat, quàm firum animi decretum ac propositum *CAVENDI*. idque crebrius restauratum. Atqui animus nitoris sui amans, non opportuniùs hoc apud se statuet, quàm vbi vespèri errores suos ipse recens deprehenderit. Hic decernat, hic sanciat ac proponat quàm firmissime *CAVERE* in posterum, quæ toties malè non cauerat. Iuret, hoc est, firmissimè statuat custodire iudicia iustitiæ Dei: non vno alteròue duntaxat die, sed per omnem vitam, æternum. Ad hanc animi destinationem facit, disquirere secum, quo loco, quâ societate, quibus occasionebus, ad noxas priores committendas, sit inductus, & has constanter euitare conatu generosissimo insistat. Id si quotidie (inquit Chrysostomus) diligenter facies, terribili futuri iudicis tribunali lætus assistes.

Hoc modo Paulus seipsum mundauit, ac ideo dicebat: Quod si nosmetipsos diiudicemus non utique iudicemur. c

a Psal. 118. v. 100. b in c. 12. Matth hom. 43. c 1. Cor. 11. v. 21.

## §. II.

4. **M**aximi res momenti est, gratum esse Deo, idque si non singulis horis, diebus saltem singulis, momento quouis in nos Deus beneficus est. quid magni reddimus si nos in ipsum grati sumus, quouis die semel sub vespèrū? Estimare beneficium, magna hostimèti pars est, & referre capit, qui debere est confessus. Liberalissimus Deus est, nec vinci se patitur liberalitate; nouis nos beneficijs assidue cumulat, quoties nos ea gratè accipimus. Hic verissimè dicitur, *gratia gratiam parit*: a neque nos vnquam meritam Deo gratiam referimus, quin nouam identidem gratiam obtineamus. Certat nobiscum Deus, sed armis imparibus: ille beneficia conferendo, nos solum gratias referendo, seu agendo; nec istè vnquam tot ac tantæ sunt, quin illa & multò maiora sint & plura. Ita felicitatis nostræ est hic semper superari. Et quando autem commodius Deo gratos nos præbeamus, quàm in vespertino examine conscientia, cuius primum caput est *GRATIAS AGERE*.

5. Quoties dissensiones, lites, inimicitia planè letales oriuntur interdum iurgiorum sanè & discordiarum vbique plurimum est, nec vllus finis rixandi, orto igitur incendio tali, & nondum sopito, cubitum ire & somno se committere, facinus est audacissimum, & exitiosa planè temeritas. Si hac nocte subito (plurimis contigit) mors te configeret, ah! quo ires miser? quò migraret animus?

Est veneni genus lene, & quod non statim sæuiat, sed ea hausto somnus letalis est. Et tu, mi Christiane, venenum hausisti, quod tibi Rixa, quod Odium & Discordia, quod Libido & Incontinentia propinarunt, & iam dormis? nec prius pharmacum adhibes, nec prius hoc toxico conscientiam liberat? Num tibi videris in plumjs cubare? Mihi crede, ad ipsas inferorum fauces dormis: leui sit impulsu, & in imum præcipitaris. Ergo prius venenum expue, conscientiam purga; ingemisce, pene veniam, & sic demum somnum admitte.

6. Eadem



6. Eadem est ratio omnium letalium noxarum. Conscium sibi esse vel vnicui letalis criminis, nec illud poenitentia delesse, nihilominus se somno committere, extremæ temeritatis est & periculum proximum morti, idque æternæ. Et quis magis mortuus eo (vt Bernardus loquitur) qui portat ignem in sinu, peccatum in conscientia? nec sentit, nec excutit, nec expauescit. Vide, mi homo, si tibi Hispaniarum regnum, si Turcarum imperium, si totius Orbis dominium offerretur in præmium, vt vel nocte vnicâ somnum caperes, letalis noxæ conscius, hæc tamen tibi omnia, velut frustillum fungi, reiicienda forent, præ illo formidabili periculo quod adires. Et discernimen non vides? aliquid quidem lucrari posses, sed infinite plus posses perdere. Iam vero nullum tibi præmium ponitur, minæ ingeruntur, supplicium proponitur, idque æternum, tu tamen ludibundus, hilaris, iocundus, potulentus in plumas te abijcis, absque vlllo Numinis pauore, nulla conscientie cura, nullo inferorum metu; ô crebram, sed nimis periculosam insaniam! At vero qui læsam conscientiam, prout par est vesperti curandam sumit, & male acta deplorat, etsi forte per diem letali nauo se inquinari, eaque nocte vi subita extinguitur, tamen in refrigerio erit, b supplicium saltem æternum euadere censendus est. Et hoc vere est breui dolore, cruciatu æternos redimere.

a Sophocl. in Oedip.

b Sæp. c. 4. v. 7.

## S. III.

Est ergo hæc conscientie exploratio, nostri in virtute profectus incitamentum primum, & vt tale sanctissimi quique ac doctissimi viri iam olim id nobis commendant. Hanc suis legem tulit Basilus, a vt quouis vespere, suam quisque conscientiam rimaretur. Idem Antonius, idem Bernardus b, Bonauentura, Cassianus, Ignatius auctor Societatis IESV, alijque suis impense commendauerunt. c Cassiani verba sunt: *Quamobrem ita nobis aduersus hæc arripienda sunt prælia, vt unusquisque vitium quo maxime infestatur, explorans, aduersus illud arripiat principale certamen, omnem curam mentis ac sollicitudinem erga illius impugnationem observationemque*

defigens. At vero de vitij explorato iudicare nunquam sciemus nisi in quotidiano conscientie examine naturam eorum nosse didicerimus. Mercator ad incitas redigetur, nisi qua damni, qua lucri calculos celeberrime subducatur. & hic quidem industrius sit, tam acceptæ quam expensæ pecuniæ rationes quotidie inspiciet. ita prorsus Ephrem Syrus faciendum suadet ijs qui dum viuunt, lucrari cupiunt: *diebus*, inquit, singulis vesperti & mane diligenter considera, quo pacto sese habeat negotiatio tua, ac mercimonij ratio, & vespere quidem ingressus cubiculum cordis tui, axamina te ipsum ac dicito. Putasne hodie Deum in aliquo exacerbauimus in re aliqua fratrem irritauimus? num alicuius famam detractionibus lacerauimus? &c. deprehensis noxis gemitum, dolorem, & lacrimas iubet superfundere.

De matutino examine: facto iam diluculo, inquit, rursus eadem tecum meditare & dicito: Quomodo, putas, ista mihi nox præterijt? Lucratus sum in ea mercimonium meum? numquid improbe ac sordide cogitationes inuaserunt me, atque illis libenter immoratus sum? Eodem prorsus modo Dorotheus: e quo pacto, inquit, per singulos dies, nos ipsos purgare & propemodum expiare debeamus exactissime, docuerunt maiores & Patres nostri. Nempe vt vesperti sedulo quisque perquirat & inuestiget, quomodo pertransierit diem illum. Rursus mane examinet, quomodo exegerit noctem illam, & poenitentiam agat ac resipiscat coram Deo, si quo pacto (vt fieri potest) peccatum aliquod admisserit. Chrysostomus, de hoc ipso conscientie tribunali differens: Hæc, inquit, fiant singulis diebus, nec prius dormieris ô homo, quam mente versaueris, quæ à te interdiu peccata acta sunt: & die sequenti eris omnino tardior ad ea ipsa rursus aggredienda. f Post paucula interiecta: Singulis diebus, inquit, vesperti ab anima rationem exige, & cogitationem quæ peccauit, condemna eam, veluti in ligno suspende, & torque & inbe ne amplius ea aggrediatur. g Quid clarius? Et an, Gerarde, notasti illud, singulis diebus, bis inculcari? Neque etiam nescis, hæc à Chrysostomo non monachis, sed ciuibus, sed Christianis omnibus serio dicta.

R r r

a Hom.



a Hom. 1. de instit. mon.

b Lib. 50. homil. hom. 24. de int. dom. c. 65.

c Collat. 5. c. 14.

d Ephrem tom. 3. serm. asc.

e Dor. serm. 11.

f Chrys. tom. 1. in Ps. 4. post. med.

g ib. tom. 1. pag. 619.

§. IV.

**S**ed num vis, Gerarde, aliorum etiam Patrum testimonia recitem? GER. Satis me istis lapidasti Polychroni, & liquere puto, de huius exercitij utilitate; in ore duorum vel trium testium stet omne verbum. a Fateor, tem vnam omnium vtilissimam videri: modo ea etiam aut iucundior nobis videretur, aut facilior. Et quis enim est, qui non in se deprehendat & maximam procliuatatem peccandi, & peccatorum facillimam obliuionem? vtrique malo, non dubitem, insigniter medetur quotidiana hæc conscientia perscrutatio. Por. Rem dicis, Gerarde: hinc & hinc miseri sumus, hinc nimis temerè delinquendo, illinc properè nimis obliuiscendo delicta. Opus foret propemodum facere, quod illi apud Climacum, b qui pendentem à cingulo libellum chartaceum ferebant, in quem suas etiam cogitationes quotidie referebat. Et hæc viris sanctissimis causa fuit, non semel tantum de die in seipsum inquirere, & in istud conscientia ius ambulare: vno die sæpius id facitauerunt. Societatis IESV Patriarcha, sanctus Ignatius, horis interdiu singulis animum consuevit colligere, ac sepositis curis examine conscientiam vrgere. Tum, si vis afferretur quæ horam ei consuetudini negasset, proxima confestim refarcire. c Ignatij sodalis, magistri sui felicissimus imitator, S. Franciscus Xauerus, eodem prorsus studio feruens, de die sapius accurata perscrutatione intimos animi recessus inspiciebat, & ceteros ad idem faciendum magnoperè horrabatur, ratus in eo perfectæ vitæ cardinem verti. d Rari exempli sidus Franciscus Borgias, eodem magisterio eruditus, non satis habuit bis quotidie conscientiam perterritare, singulis horis diurnis seipso ad vnguem excutiens exploransque, memoriâ repetebat dicta, facta ac prætermissa; inquirens in se grauiter. e Abhinc his exemplis, in legem res transijt, vt omnes in Socie-

tatem IESV adseripti, quotidie bis examinandæ conscientia accuratam nauent operam. Sunt & alij hodieq; religiosi homines qui hanc legem tam exactè obseruant, vt non tantum bis quotidie conscientiam axaminent, sed huic soli examini, horam integram diebus singulis impendant.

a Math. c. 18. v. 16.

b Clim. gr. 4.

c Rib. l. 5. vita S. Ign. c. 1. Maff. l. 3. c. 1.

d Turf. l. 6. vita Xauerij. c. 6.

e Schot. l. 4. vita Borg. c. 4.

§. V.

**R**E verà, nisi quotidie animi nostri hortulū ingressi, subnascentes in eo sterile herbas quam primum extirpemus, breui siluam non hortum habebimus. Quisque sibi dictum putet diuinum illud: Constitui te hodie, vt euellas & destruas, & disperdas, & dissipes, & ædifices & plantes. a Et nisi hoc semel minimū de die fiat, infelix lolium & sterile auenæ dominabuntur, surget gramen inexpugnabile. Nonne pigri & malè feriari hominis domum stillicidia tandem demoluntur, b Nonne cum dormiret Isboseth, à latronibus iugulatus est? c Nonne hoc pacto zizania dormiente patrefamilias excreuerunt? d Transui, inquit Hebræus sapiens, per agrum hominis pigri, & per vineam stulti, & ecce totum repluerant vrtice, & operuerant superficiem eius spina, & maceries lapidum destructa erat. e Talis est animus hominis; siluescit & fit desertum vepribus fertilissimum, nisi conscientia identidem & quotidianâ industriâ repurgetur.

Neglectis vrenda filix innascitur horis.

Hic ligo nunquam manu mittendus, aut mox spinæ se prodent. Ligo iste aut sarculum, est examen conscientia, ad omne vitium, antequam ætatem & vires acquirat, ex animo euellendum. Bernardus: Quamobrem, inquit, noueris te, vt inter angustias, quæ non desunt, fruaris conscientia bono, magis autem vt scias quid desit tibi. nam cui non desit? omnia illi desunt qui nihil sibi deesse putat. f Neque satis, vt menstruum sit hoc examen, aut vt quot hebdomadibus, sed, vt quot diebus fiat, quod Clareuallensis ille Antistes grauisimè vrgens: Disce, inquit, in eo secundum



dum communis instituti leges tu tibi præesse, & vitam ordinare, & mores componere, & temetipsum iudicare: te ipsum apud te ipsum accusare, sæpe etiam condemnare nec impunitum dimittere. Sedeat iudicans iustitia, stet rea & seipsum accusans cōscientia. Nemo te plus diligit, nemo te fidelius iudicabit. Manè præteritæ noctis fac à temetipso exactionem, & venturæ diei tu tibi indicito cautionem. Vespere diei præteritæ rationem exige, & superuenientis noctis fac indictionem. Legem hanc quam alijs tulit Bernardus, eandem & ipse seruans: Propterea, inquit, statuam me ante me, & iudicabo meipsum, ut illius extremæ & tremendæ diei iudicium euadere possim. g

Et hæc examinis istius ingens est vtilitas, in supremo iudicio beata securitas. Si nos ipsos indicemur à Domino, quem uti D. Gregorius loquitur, h tanto quis securius expectat, quanto quotidie vitam suspectius examinatur.

a Hier. c. 1. v. 10.

b Eccl. c. 10. v. 18.

c 2. Reg. 4. v. 5.

d Matth. c. 13. v. 28.

e Prov. c. 24. v. 30.

f Horat. serm. l. 1. sat. 3.

g lib. 2. de consid.

h de int. dom. c. 31.

i Lib. 20. mor. c. 5.

## CAPVT IV.

*Examen conscientie quanta sit necessitatis, & quod dispendium, illud negligere.*

**D**Ixi iam de vtilitate; attexam paucula de necessitate, quæ hic tanta est, ut affirmare ausim, in plerisque omnibus frustra nos agere, nisi & hoc agamus. Potest concionator clamare, & clamando rauescere; franguntur pulpita, rumpuntur columnæ, tremunt sedilia: omnia frustra, nec in te quidquam fere proficiet, nisi tu ipse tibi vesperi concioneris, tuam ipsius & reprehensionem & adhortationem audias. Frustra monetur, qui se vult negligere; frustra custoditur, qui se vult perdere. Sic & confessarius docebit te, sed frustra; monebit & incitabit frustra & hoc; instabit & præscribet poenam, frustra omnia,

sæpius tibi dicet: hoc vitium nominatim fuge; hos sodales, has ædes singulariter caue; hac via, ut scias, ad cælum non itur. hic te ipsum vincede, hic abstine, hic tuos imperuocoerce, hic autem generose sustine, hic dura, hic te virum gere; hic te Christianum ostende, &c. omnia hæc futura sunt frustra, nisi tu ipse tui curam geras, nisi ipsum velis aut nolis, quod velle aut nolle iuberis, nisi noctu quotidie tuam ipsius confessionem audias & à te confessario vel absoluaris vel damneris. Sic & magister in scholâ commendabit quidem diligentiam in studijs, parsimoniam temporis laudabit, probitatem in moribus maiorem desiderabit, pietatem in omnibus constantiorem à discipulo postulabit, sed quo effectu aut fructu? nisi tu tuus ipse sis præceptor vesperi temet instruendo, examinando, puniendo. non hilum proficies; perdidisti mineral.

Sic & prætor, aut iudex, seu alius quis magistratus, vinculis te addicet aut eximet: non tamen ideo vere libereris aut nexus, nisi tu ipse tibi laxes carcerem, aut obferes; nisi causa cadas vel vincas teipso iudice. Atque ita conciones, correctiones, admonitiones, castigationes pleræque frustra sunt, nisi tuus ipse sis & concionator, & confessarius, & præceptor, & iudex, quod esse potes, & debes in quotidiano examine cōscientiæ. Optima illa disciplina est quam quisque sibi ipse necessario adhibet, saluberrima multa quam quis ipse sibi imponit. Multam, inquit Siracides, inueni in meipso sapientiam, & multum profeci in eâ, & Ah, quid tandem sapientiæ inuenit in seipso vel sapientissimus, nisi seipsum nosse, & ad æquam iudicii trutinam appendere? quod tum fit. cum quis suam conscientiam ad vsque fundum penetrat, & boni malique congeriem secernit districto examine. Hęc illa multa sapientia est, quam cuius in seipso licet inuenire, in eaque quotidianis incrementis proficere. Vanum est in omnibus alijs altum sapere, absque hac sapientia.

a Eccl. c. 51. 22.

## §. I.

**R**efert à Græco, Pelagius & interpres aſcetam senem apud religiosum inuenem de domo conscientie semper purganda sic dis-

Rit 2

seruisse.



eruisse. Diabolus est inimicus, & tua conscientia domus. Igitur ingenium inimici tui noris: nunquam non sordes tractat, gaudetque vni necesse illas, quas odit, domos sordibus optulerit. hoc ergo agit, ut, quicquid potest immunditiarum, in te offundat. Tuarum vero partium est, immixtas spurcicias continuo regere, & conscientie domum solertia quotidiana conservare mundam. Si neglexeris, tua tibi domus illuvie tanta implebitur, ut ad eam vix ipse reperias aditum. Igitur principis obsta, & sicut inimicus tuus quotidie aliquid sordium in te coniecit, ita tu quotidie, quicquid inquinamenti per diem resederit, hac velut spongia deterge, suum illi cænum nullo non die remitte. sic nitidam servabis domum: cesset hæc cura mox hara fiet conscientia, & immundum cubile vitiorum. In nauis sentina quid fiat, nosti: uti ea semper aliquid aquarum recipit, ita est qui semper exhauriat, quod perstillantium vndarum receptum fuit, aut navis paullatim illabentibus & crescentibus aquis suaviter submergitur. Eodem prorsus modo cum quotidie aliquid pravi operis, aut incauti sermonis, aut immundæ cogitationis, nobis etiam vigilantibus subrepat, necessarium omnino est, ut id quotidie hoc velut haultro, in dies singulos egurgitemus, aut sanè in dulcè succumbemus interitum. Ergo tuam vespere, mi homo, sentinam exhauri; tempus est, exhauri sentinam, I modo, & vide, reperies semper aliquid illabentium aquarum. Bernardus, de hac ipsa mentis sentina differens: In illud siquidem repositorium, inquit, velut in sentinam aliquam tota decurrit abominatio, & immunditia tota defluit. *b* Tu itaque exhauri, ne per noctem proximam, in navim excurrat sentina & mergaris. Ergo exhauri, vespere est, exhauri. Non facile peribit, qui quovis die serio cauet, ne pereat.

*a* Libell. xi. n. 48.

*b* Lib. ad mil. de persecut. sust.

### S. II.

**S**I ligno aut saxo similes essemus, hoc lustrandæ tories conscientie labore facile superfedere possemus. Asser dolabra semel delatus, lapis scalpro semel leuigatus permanet, quales eos vel ascia, vel cauatorium

ferramentum fabri formavit. At nos, hoc ipso miseri sumus, quia tam mutabiles sumus & varij. Vno anno, una sæpe hebdomade, quandoque etiam die vno, & Virtuti & Vitio sacrificamus; eadem frequenter hora & in ridiculum furorem excandescimus, & inansuetudinem non duraturam descendimus: Stomachum subinde nobis movet luxuria: cito tamen cum illa redimus in gratiam. Sic arbori crescenti, aut luxurianti palmiti similes sumus. hæc duo sæpius putanda & circumcidenda sunt, ne nimium luxurient, ac in vitiosam sese amplitudinem diffundant, aut inutili fronde, aut pampino superfluo. Scipsam vermibus pro domo locat arbor, quæ nulla unquam brachia olitoris, cultro præbet præsecanda: in siluam degenerat vitis, quæ lacrymare non vult, quæ secari non sustinet. Legibus suis pareat hortulanus necesse est, & nec viti parcat, nec arbori: secet, stringat, vulneret, incidat, amputet, quicquid vitiosi germinis subnascitur, nulli stirpium libertas sit à purgante ferro, si quidem non flores tantum desiderat olitor, sed & fructus. Sic & homo (nisi sui nimium sit amans) in seipso nunquam non reperit, quod purget, quod inferat, quod refecerit, quod excutiat. Et sicut humanis membris, inquit Theologus ille, a ab evaporatione fuliginosi & mali humoris per poros, semper aliquid sordium accrescit, ita si caput non petas, laborabis porrigine; si oculos non coluas, lemis; si dentes non defrices, scabritie; si faciem non laues, illuvie; si vngues non refices, in imo fient rediuosi, à summo nigrescent & excrescent aquilarum more: si pedum curam negligas, pedore obsolescent. Sic animus & conscientia, ob concupiscentiæ fomitem perenni scaturigine inherentem, paullatim contaminabitur, & facies illius in carbone mutabit; ita imago illa & similitudo Dei nobilissima, Christi sanguine lota & restaurata, sensim scædabitur, & prototypo suo fiet dissimillima. Tam necessaria est huius examinationis cura: contra nihil perniciosius est eius negligentia & amissione, quæ reuera tabes quædam est animus exedens, est quædam scabies, seu potius clancularia lepra, quæ minuta sed crebra lethalium pustularum congerie animum malè infectum conficit.

Facilis percundi modus est, minuta non

caue-



cauere, & paulatim prolabi ad grandiora: Nec ille vnquam natus carebit, qui seipsum raro aut nunquam reprehenderit.

a *Debrins sacra lect. 12. de sui not.*

## §. III.

**R**ex Hebræus: Lauabo, inquit, per singulas noctes lectum meum, a Lectus hic quotidie lauandus, conscientia est. nam vti lectulus fatigatis & sanis quies est & dulce fomentum, sic ægris ingens tormentum; hos vrit hoc affligit & cruciat, illos recreat & suauiter sopitos, molli gratoque calore circumtegit. Ita prorsus conscientia, ægro à vitij animo vrens lectus, aut catasta & equuleus est; animo à vitij libero & sano grauisissimus thalamus est, cui ille quie rem suam omnē in acceptis referat. Verissimè ille è D. Aug. familia: b Gaudebis, inquit, semper vespere, si diē expēdas fructuosē. Vigila super teipsum, excita teipsum, admone teipsū; & quicquid de alijs fit, non negligas teipsū. Neque hoc nimis crebrum putes; quotidie lauanda sunt, quæ quot diebus sordescunt. Laua ergo hunc tuum lectulum quotidie, per singulas noctes, quouis vespere. Nisi hoc à te impetres, vt ille tuus lectulus semper quasi recens sit lotus, nunquam tu quietus eris. Et quæ illa conscientia quies sit, optimos dies totosque soles fabulis, iocis, poculis, nugis, deambulationibus frangere, noctu ad lectum, velut fessus equus ad stabulum, festinare vix paucas vocalas precari, & in somnum defluere, conscientia frustra infusurrante: perdidisti, diem, homo, diem perdidisti, iacturam cogita, fors sequenti die asportandus es ad tumulum. Hanc furdo fabulam occentat conscientia; non audit ille, iam somno sepultus stertit, de crastina luce securissimus. Hoccine viuere est, & conscientia tranquillitati studere? vnam quamlibet rem vix ad perfectū adducit assidua vigilia & intentio, vbi iam in vtramque aurem dormire quis incipit, antequam ad rem suam vigilare, nil vnquam præclari operis prodibit. Statuarium aut lapicidam mihi considera, centies vno die regulam suam applicat, ne quid in artis leues peccet, ne quid cui rei linquat, ne quid delitam mensuram excedat: Et nos nec semel quidem de die ad conscientia nostræ lineam opera nostra reuocemus?

Aspice mihi Chrysostomum, & vide quam solerter, ad suam ille regulam opus suum diurnum examinet! Expendimus, inquit, diem o anima, quid boni fecimus! aut quid mali operati sumus? Et si quid boni fecisti, gratias age Deo; si quid mali de cetero neficias, c Nihil est, inquit, Augustinus, quod sic quisque debeat cogitare, nisi vt in semetipsum oculos conijciat, se discat, se discutiatur, se inspiciat, se quærat, & se inueniat; & quod displicet, necet; & quod placet, optet & plâter.

Hoc est quod regius Plâtes suavit, & in cubilibus vestris compungimini. d Spinis indormit, qui lēsam conscientiam ad lectum defert.

a *Psal. 6. v. 5.*

b *Thom. à Kemp. l. 1. de Imit. Christi. c. ult. fine.*

c *Hom. 2. in Psal. 50.*

d *Ps. 4. v. 5.*

## CAPVT V.

*Examinanda conscientia quis sit modus.*

**D**iuinus vates Hieremias, modū examinationis huius instituendi, breuissimo effato docens, Statue, inquit, tibi speculam: pone tibi amaritudines: dirige cor tuum in viam rectam. a Speculam principio vult collocari, & qua Dei beneficia dic illo nobis impenſa contueamur, & pro ijsdem gratias agamus, sed non cum Phariseo illo, qui dum gratus fuit in suis, maledicus extitit in alienis. Verum de gratiarum actione postea.

a *Hier. c. 31. v. 21.*

## §. I.

**C**enante Domino cum suis vltimum, & iam iam suum corpus in cibum, in potum sanguinem porrecturo, caprum est examen conscientia. Nec enim quidquam dubitem, quin Apostolorum quilibet, excepto Iacario, suam prius conscientiam dein & Christū interrogarit, Nunquid ego sum Domine? a Perinde ac si pro se quisque diceret: Ego, mi Domine, modò meam conscientiam super vaticinio tuo examinavi? nil illa horum fatetur, nec me reum dicit. si quid tamen in me, me forsan incio, proditiōis lateat, velim,



lim, Domine, mihi non parcas, sed proditorum tuum, quisquis ille sit, palam, nomines, etiamsi me nominaris: erubescere non recuso, si reus sim, si mihi tantum flagitium ceciderit conscientia; te, Domine, loco conscientia appello, & fidenter interrogo: *Nunquid ego sum?*

En mi Gerarde, qua ratione corpus Dominici epulaturi Apostoli, suam prius couenerint conscientiam, si quid occulte proditoris in ea deprehenderent. Dixerat Seruator? Amen dico vobis, quia vnus vestrum me traditurus est. At illi ob hoc lugubre vaticinium tristes, se reos esse, nec fateri, nec negare ausi, quatuor singuli: *Nunquid ego sum Domine?*

Ita nos vespere cubitum ituri, à nobis ipsis quaramus: *Nunquid ego sum Domine*, qui hodie preces multas recitavi, & ad illas nihil auscultavi, lingua garriente, corde absente: *Nunquid ego sum Domine?* qui hodie meas ipse laudes tam liberali ore decantaui, alios spreui, me cælo extuli: aliorum famem detraxi, meam immodicè auxi, liuidos dentes alijs infixi, mihi met blandè induls, verbis incautus, leuis, sordibus, maledicus. *Nunquid ego sum Domine?* qui tot impuras hodie ac fœdas cogitationes hospitio non exclusi, cum ijs, tanquam id nemo cerneret, collusi, vetitæ delectationis avidus, & occultus castitatis hostis. *Nunquid ego sum Domine?* qui diem hunc perdidi, & tam malè tot bonas horas. partim colloquijs vanissimis, partim lusu & otio sterilissimo combussi. *Nunquid Domine ego sum?* qui Gulæ hodie ventrique cibo potuque nimio sacrificavi; qui cæcus & furens ira, in hos & illos fulmina misi, ad Orcum illos, si licuisset, detrurusus. Ah, mi Domine, nunquid ego sum piger ille & plagis dignissimus servulus? Multis quandoque interrogantibus, Christi nomine, respondebit conscientia: *Tu dixisti? agnosce & corrige.*

Hic occurrit, cuius primo loco videmur monendi, vt scilicet hoc cognoscendæ conscientia negotium conficiatur INTEGRÈ. suum illi tempus assignemus, & tantisper alia omnia mittamus, dū hoc perfecimus. Optimus hic modus est, vt quisque totum diem secū scrutetur, factaq; & dicta illius diei omnia noctu remercietur, vt vbi viderit, quò maximè morbo laboret, ei potissimum mederi curet, Quic-

quid in se non sani deprehenderit, eò magis illud per sanare conetur, quo minus id videtur sanabile; & hoc ipsum fortius semper aggredietur & quatiet, quod contumaciùs resistit. Nullum sit tam potens aut frequens & familiarie nobis vitium, in quo dediscendo desperemus. modò id quod facimus, faciamus integrè, quà modum, quà tempus, quà omnes huius examinis partes. Pleraque res hoc ipso non benefiunt, quia fiunt non integrè.

Neque tamen integrè solum, hæc vespertina in conscientiam quæstio instituenda, sed & accuratè, vt iam dicam.

a *Matth. c. 26. v. 22.*

## S. II.

**H**ebraorum regum optimus David, non solum designauit tempus explorandæ conscientia, sed quàm accuratè id faciendum exemplo suo docuit. Non ignorabat rex sapientissimus, quanti referret hic vigilare, ideò quæstior sui quotidianus: *Meditatus sum*, inquit, *nocte cum corde meo, & exercitabar, & scopebam spiritum meum.* a Neque id feci obiter, non leui brachio, non incuriosè, non oscitanter aut perfunctoriè, sed intètus operi, attentè, & accuratione magna, omnes conscientia meæ angulos rimabar, & quicquid sordium ac minimi puluisculi reperiēbam, id totum cum ramento euerrebam. *Nocte cum corde meo meditatus sum*, ita vt integras quādoque noctes cōsumperim, mecum ipse colloquendo, & exercitabar cogitando, varietate super delictis meis ratiocinando, & scopebam spiritū meum, huc atque illuc quasi scopis cogitationum versabam illum, animumque partes in omnes diuidebam, penitissimos mentis meæ recessus scrutabar. Non auri venas in suffossis montibus, sed animi noxas scrutatus est David, de quo pulchrè Augustinus: Quanta, inquit, homo habet intus, & non fodit? Scrutabatur iste spiritum suum, & cum spiritu suo loquebatur, seipsum enim interrogabat, seipsum examinabat, in se iudex erat. b Verè non blandiebatur sibi rex iste potentissimus, non excusabat, sed Caronianam in seipsum censuram instituebat, & omne pectoris sui arcanum rimabatur exactissime, & quicquid hic latentium sordium deprehenderat, atroci conatu effodiebat. Censet Gregorius



rius hoc nobis imperari ab Iſaia, c qui ſucclamans, Ingredere, inquit, in petram, abſco idere in foſſa humo à facie timoris Domini. Petram ingreditur, qui cordis ſui duritiem penetrat: à facie timoris Domini deſoſſa humo abſcōditur, qui cogitationes terræ inhiantes egerens, in imo ſuæ vilitatis, magna ſubmiſſione ſe contrahit. ô cor humanum! ô rupem Marpeſiam! ô ſurdum ſaxum & immobile! ô duram petram, præſertim cum monitis pulſatur! Vociferatur è cathedra eccleſiaſtes, inſtruit in pœnitentiæ tribunali ſacerdos, hortantur probi, exempla inuitant, funera monent, libri docent, leges vrgent, clamat Chriſtus, & tamen cor hominis, velut duriffima petra, ad hæc omnia obſurdeſcit, ſic petra iſta, nec voces, nec vociferationes illas, nec monita, nec clamores hos audit, niſi quis hanc ſuam ipſe petram ſubeat, & in omnia à ſe dicta, cogitata, cupita, omiſſa ſeuerus iudex inquirat. Et hoc alterum eſt, quod ad iſtius examinis modum pertinet, vt id fiat ACCVRATE.

a *Psalm. 76. v. 7.*

b *Auguſt. in Ps. 76.*

c *in Iob. l. 31. c. 21. Iſa. c. 2. v. 20.*

## S. III.

**T**ertium in huius examinis modo ſpectandum, vrid ſiat cum ſenſu & DOLENTER. Hieremias propheta ad hoc cohortatus: *Pone, inquit, tibi amaritudines.* a Hoc iubet vates, vt cum quis præteritæ diei noxas & errores deprehenderit, non illos tegere, non excuſare, non defendere conetur, ſed ſeipſum accuſet, & omnem in ſe culpam deriuat, doleatq; toties, tam proteruè & petulanter, tam procaciter & impudenter, Deum offendiſſe. Et quæ animi noſtri leuitas eſt! pecunioſam perdimus, aliquot obolorum aut rei viliffimæ iacturâ facimus, & lacrymis maximè ſeris damnum deſtemus: Deum lædimus, tempus prodigimus, cœlum amittimus, & etiamnum ludentibus oculis hilariffimè ridemus, nec damni magnitudinem ſentimus; ſtat etiamnum exporrecta & ſerena frons, nec vllum luctus indicium ſe prodit. O audaciſſime mortalium, *pone tibi amaritudines.* Deum offendiſti; ingemiſce, dole, peſtus tunde, de teipſo pœnam exige, & quantum ex immoderato

uſu rerum habuiſſi delectationis, tantum tibi nunc doloris ſcias eſſe animo capiendum, Rex Ezechias accurate hoc obſeruans: *Reco-*gitabo, inquit, omnes annos meos in amaritudine animæ meæ. b Ita quiuis veſperi ſeriò dicat: omnes horas quas per otium expendi, omnia momenta quibus Deum offendi in animæ meæ recogitabo, nec antè lætitiâ a nîmi reſumam; quàm Deum peccatis meis propitiâvero. Iobus inſenſus ſibi ipſi: *Nunc autem, inquit, oculus meus videt te. idcirco ipſe me reprehendo* & ago pœnitentiâ in ſauilla & cinere. c Ah quoties, mi Gerarde, poſſim ego veſperi dicere: O mi Deus, tui obliuſ ſum die iſthoc integro: vagabar huc illuc, quo me vel oculorû curiositas, vel meutis libido egit: hic colloquiis miſcendis, illic pecunijs numerandis intentiſſimus, iſtic libri & chartæ, hic alueus luſorius & teſſeræ me ſibi totum raperunt: tu mihi, ô mi conditor, nunquam in oculis, nunquam in memoria eras hac tota die. *Nunc autem oculus meus videt te: vi-*ſerò tandem, & ſub exitum diei, recorder tui ô mi amantiffime Domine, *idcirco ipſe me reprehendo* & ago pœnitentiâ, ob tam turpem & prolixam tui obliuionem.

De hoc conſcientiæ dolore præclariffimè ſanè diſſerit Bernardus, cuius verba omnia, prout omnino digna ſunt, fideliffimè recitabo: Da diuerſis igitur mundi partibus, inquit, in quibus cor vagum & profundum renetur, vel vanè occupatur, ad ſeipſum redeat, & ſeipſum diſcutiat, cumq; inuenerit culpam, timeat pœnam. Quærendo autem culpam, nuſquam illam niſi in ſe reperiât: reperta autem culpa & pœnæ cauſa, ſeipſum puniendo, ſe ante ſe ſtatuat, & tanquam alium ſe iudicet. Se equidem culpatum, ante ſe afflictum ſe reum, ante ſe iudicem ſeuerum: ſe impium, ante ſe ad pietatem reuerſum: proponat ſe ante ſe, decernat quid à ſe faciendum ſit de ſe, iuſtè in ſe iniuſto inſigat iuſta flagella. Loquatur etiam ſic ſibi: Quia pacem deſeruſti apud dominum Deum tuum, & bellum incurriſti apud teipſum, ſciſſuram pateris, vt tu è teipſo condemnaris, quia pactum pacis rupiſti. Vis quod non vis, & non vis quod vis, a teipſo condemnaberis. Nolenda vis, volenda non vis. Ecce de ore tuo te iudico ſerue nequâ. Afflige itaque te, & ſtatue contra faciẽ

ſuam,



tuam, ut aspicias turpitudinem tuam, & recogites stultitiam tuam. Sic igitur in miserijs suis ad seipsum conuertitur cor, & sistitur cor ad cor. *d*

Audis, Gerarde? prius nobis miserix nostra gustanda quam quies. Nemo somnum suauius aut securius admittit, quam qui tale poenitentix & doloris præmittit exordium. Ergo conscientix nãui, cum sensu, & DOLENTER abstergendi: hic omnis ex animo eradenda est nequitia. ergo, ut idem Bernardus monet baptizemus lacrymis conscientiam nostram: e abstergamus & eradamus, quicquid ei vitiositatis inhaeret.

a c. 31. v. 21.

b Isa. c. 38. v. 15.

c Job c. 42. v. 6.

d Bern. de int. Dom. c. 24.

e Bern. serm. 10. de modo bene viu.

#### §. IV.

**A** Maritudines sibi posuisse, uti Hieremias vates loquitur satis non est, nisi & illud quod addit sequatur: *Dirige cor tuum in viam, in qua ambulasti.* a Præteritam culpam horres: ergo & futurâ caue. agnoscis morbum? ergo & de remedijs iam cogita. Deprehendisti forsitan, cor tuum procul à cælo, procul à Deo in vias auias euolasse; retrahere, & dirigere in viam rectam. erit fortassis cum accusante conscientia fateri cogeris hodie bis litigauisti, vnum aliquem in via prætereuntem irrisi, cõuitia ieci non pauca in domesticum, absentium nomē detractionibus laceravi quinque, vni amicorum beneficium exprobraui ter imprudenter & incaute respondi, diras omnes & deuotiones pessimas in alios deprecatus sum sexies, temere iuraui vltra quàm decies, semel iterumque verbum lasciuus mihi excidit, in mensâ mihi contradicentem audaci disterio momordi, ut minimum quater mentitus sum, ad morosius imperiũ eloquenter & copiose obmurmuraui, in cenâ virtutes meas nescio quas vanissima ostentatione iactaui, & diues fui promissis, quibus nunquã stare cogitaui: Sed & illud memini, quod in amici aures plaustrum querelarum exonerauerim, simul & susurronem egerim, atque ab vno audita ad aliũ detulerim amicitia dissociada. Sed & illud recordor, quod in collo-

quentium circulo duorum mores temeraria censura vituperarim: porro verborum otiosorum nullum est inire numerum.

Et hæc tot pestes à sola lingua sunt: quid iam oculi, quid aures, quid manus. quid ingentia cogitationum agmina die vno non delinquent? Dirigam ergo cor meum, & cum eo meos oculos, aures, & manus meas, meamque linguam in viam meliorem. ita propono, ita sanctissimè statuo, neque solum memoriæ hoc tradam, sed & in opere tentabo. nunquam probus ero, si sciuero tantum hæc cauenda, nisi & cauero, & fugero vitia. hoc est enim esse sanctum, non si à sceleribus abes, sed si ea refugisti. hunc laudemus, qui potuit transgredi & non est transgressus, facere mala & non fecit b. Ergo hoc vnum agã, ut in ea quæ iam detestor, non recidam, aut id pœna præsentium, certè toties mentiri, iurare, malè imprecari, alijs detrachere, similiaque vitia quæ me toties implicauerunt, posthac studiosissimè fugiam, & in hoc obstinabo animum: dixi custodire legem tuam; iuravi & statui custodire iudicia iustitiæ tuæ. c Scio, tantum quisque proficit, quantum conatur, & vult. Hunc ergo cunctas faciendi & non faciendi rationes dirigam. etiamsi laboriosum erit, faciam tamen, quod faciendum iam video, & quod facturum me recipio. Simili ratione, quidquid iam turpe iudicio, etiamsi pecuniam, etiamsi voluptatem ferat, tamen non faciam ab honesti amore re nulla deterrebore; ad turpia spe nulla inuitabor, decretum est, non committere, ut in antiquas sordes reuoluatur. Dixi, statui, iuraui, huius tenoris mei permanere, & hanc animi obstinationem quotidianis stimulis vrgerè. Et modò hoc exercitij genus serio tentemus, vsu ipso fiet facile. acerrimus quisque labor sepe ad oblectationis dulcedinem mansuescit; nec quidquam est quod principio sui possit perfici, quod aliquanto tempore vix vllum successum habet, tandem succedit. Et quæ vnquam ista destituere tentantem? cui non faciliora apparuere in actu? Non quia difficilia sunt, non audemus: sed quia non audemus, difficilia sunt. ergo audendum & incipiendum; ergo persistendum in cœptis & perdurandum. Et hoc est CONSTANTER, ac nouis quotidie sanctionibus animum ad optima quæque impellere. Alioqui desultoria est nostra



stra probitas, & nos ridiculi iudices sumus, qui in dies mutamus & nostra decreta ipsi conuellimus, grandes pœnas minamur, sed minamur tantû, & cum iam tenemur fatetem reum, mustitamus occultè *sit venia facto; dissimuletur hoc; cur meus ipse sim carnifex?* Hoc non est CONSTANTER agere. Sed hoc ipsum paullo luculentius octauo capite demonstra-  
bo.

a c. 31. v. 21.

b Eccli. c. 31. v. 10.

c Ps. 118. v. 57. & 107.

§. V.

**V**ltima est, sed primaria ratio examina-  
dæ conscientia, ut illi vicio magis infi-  
stas, à quo magis infestaris. Et hoc ego ap-  
pellem, conscientia ACCOMMODATE mede-  
rit. Quid digitum obligas, cum stomacho la-  
bores? quid pedi applicas malagmata, cum in  
pulmone sit vitium? quid pilos præscindis,  
cum membrum refecandum est, ne pars sine-  
ra trahatur. illam partem potissimum cura qua  
æger es. quid tecum ipse litigas, quod incau-  
tus somno cesseris, quod die vetito iusculum  
è carne nescius sorbueris, quod læuo pede è  
lecto surrexeris, pransurus manus non laue-  
ris, die Veneris vngues secueris: quid in his-  
tricaris? si teluxuria viris, si te coquit inuidia,  
si accendit ira, si pungit avaritia, si inflat su-  
perbia. Medere tu prius tuæ libidini, aut  
ambitioni tuæ; malum expugna robustius.  
Quid Gabaonitas obsides? Hethæos, Ger-  
gezæos, Amorrhæos, Chanaanæos, Pherezæos,  
Heuæos & Iebusæos impugna, hos pete, hos  
ad internecionem cæde, hos extingue, sed pau-  
latim & per partes.

Ego quidem minores noxas non aio negli-  
gendas, sed vitia maligniora potentius subi-  
genda. qui omnem conatum confert ad extir-  
pationem vnius capitalioris vitij, is vnâ et-  
iam tollit radicem & fibras aliorum multo-  
rum. Quisquis itaque seriò vult proficere, an-  
te omnia norit, cui vicio sit procliuor, in  
quem animi morbum propensior. Nam vi-  
tium sua cuique crux est, quam Seruator commen-  
dat portandam, ita suum cui est vitium, quod  
idem imperat superandum.

— In multis offendimus omnes.

Nam vitij nemo sine nascitur: optimus ille  
est

Qui minimis urgetur — a

Quotusquisque est, cuius inter illustria deco-  
ra non aliquis nexu extet? Hic non penitus  
iracundiæ, ille non linguæ est potens. Alter  
in curando corpore necessitatis imponit spe-  
cies, non nemini species diuinæ laudis in sui  
factis virtutibusque commemorandis. Vir vs-  
quequaque sui dominus, perrarus est, errare  
labi, decipi humanum est. suus cuique nexus,  
suum cuique domesticum est vitium. Huc vi-  
res, huc conatum & industriam, huc machi-  
nas & arma transfert ad expugnandum. in  
hoc vincendo & penitus extirpando quotidie  
teipso fias fortior. Ita te inflammat? ad iram  
ergo, sub imperium & potestatem rationis co-  
gendam totus incumbe, crebra eam mansue-  
tutine retundere, vires illius & impetum a-  
liorsum diuertere, omnia ei fomenta subtra-  
here, illam denique quomodocunque compri-  
mere, idque quotidianis victorijs assequi stu-  
de. Superbia te tumefacit? ad superbiam ergo  
euerrendam, quantus es insurge, eamque fre-  
quenti submissione ex alto deicere, & nullo  
non die sub jugum mittere conare. ad ima de-  
scende, vbicumque supercilium & fastus in al-  
tum te inuitat; in omnibus subesse disce. Li-  
bido te stimulat? ad libidinem ergo coercen-  
dam, omne consilium confer. hoc cogita,  
hoc meditare, quibus artibus hanc pestem à te  
penitus excutias: caue & fuge, quicquid vel  
libidinis suspicionem olet. Quæcunque pu-  
dica, quæcunque casta sunt, grata tibi sint &  
amabilia, sentiat te Libido capitalem hostem,  
& sibi nusquam non aduersari. Qua verò ra-  
tione contralibidinem vnoquoque die fias ro-  
bustior, sub noctem cum tua ipse conscientia  
expende. Idem assero faciendum eum alijs.  
vniuersis vitij. Præclare dixit Musonius, b  
eos qui sani esse velint, ita viuere debere vt  
perpetuò curentur. Nisi hoc agimus, frustra  
agimus. Nunquam non intenti simus in hanc  
animi curam. qui animo valere vult, diligen-  
tiam assiduam conferat in hanc valerudinem.  
Illud autem caput rei est, nosse in quod quis-  
que vitium feratur procliuus. Si sic, Gerar-  
de, inquilino malo mederi vellemus, à facili  
& breui possemus sauari.

At nos sæpe decimamus mentham, & ane-  
thum, & cuminum, & relinquimus quæ gra-  
uiora sunt legis, excolamus culicem & gluti-  
mus



mus camelum. *c* Terrores conscientia nescio quo in minimis fouemus, & negligimus maxima, integro brachio emplastrum imponimus, cum exulcerati renes suppurent. Quid agis homo? tu tuum vlcus cura: tu tuam iracundiam persana, tu factum & tumorem tuum deprime, tu tuam libidinem extingue: at tu inuidiam tuam digere, & de hoc tecum ipse loquere. Quid autem, inquit Seneca, tecum loquaris? quod homines de alijs libentissimè faciunt, de te apud te malè existima. Assuesce & dicere verum, & audire (præsertim à te ipso) id autem maximè tracta, quod in te infirmissimum senties. *d* Nota, Gerarde, nota: ei parti præcipuè medendum iudicat Romanus sapiens, quam senserimus infirmissimam. Et hoc indeliquet. nota habet quisque corporis sui vitia: itaque alius medicamentis exteriors leuat stomachum, alius frequenti cibo fulcit, alius interposito ieiunio corpus exhaurit & purgat. Hi quorum pedes dolor repetit, aut vino abstinent aut balneo; in cetera negligentes, huic à quo sæpe infestantur, occurrunt. Sic in animo nostro sunt affectæ partes, in pectore collectio & vomica est, cui adhibenda curatio. Quales vomica, quam maligna vlcera, Superbia, Libido, Auaritia, Inuidia? Quocirca quotidie vlcus tuum cura, vomicam tuam exterge, aut crescente malo interibit animus. Et hic est modus sua dicta facta per diem exactè recognoscendi, si quis conscientiam suam INTEGRE, si ACCURATE, si DOLENTER, si CONSTANTER, si denique ACCOMMODATE, vt iam diximus, conetur excutere. Vnum hoc superest, non scire hæc tantum sed exsequi, & vsu quotidiano facere faciliora. GER. Etiam de partibus huius examinis dicturum te spero.

*a* Horat. l. i. serm. sat. 3.

*b* Plutarch. de ira. cohib.

*c* Matth. c. 23 v. 24.

*d* Sen. ep. 68.

## CAPVT VI.

*Examinanda conscientia quot, & quæ sint partes.*

## §. I.

**P**OL. Res pridem nota; plerique omnes quibus de hac res sermo, partes assignant. QVINQVE, quas nunc paullo explicatius proponemus.

Pars prima: *Gratias agere conditori, pro acceptis beneficijs.* D. Basilio teste, a optimus precum prologus est, gratiarum actio. Et hæc, vel eâ etiam de causâ, loco princeps ponenda, vt nostra improbitas liberalitati diuinæ collata, vehementiorem nobis pudorem incuriat. Hac prorsus methodo diuinus Nathan, vnâ cum Hebræo rege Dauid conscientia examen orsus est. Primo loco quæ Deus in eum beneficia conferta manu effudisset, recensuit: Rex inquit, vnctus es; insidias Saulis euasisti, domum opulentissimam nactus es, imperium tibi in Israël & Iudam commissum est: & si quidem tibi parua hæc videntur, paratus est Deus adijcere maiora. En, quam suauiter & aulicè (sic dicam) rex iste inuitatur ad agendas gratias. Hoc primum istius examinis caput. Alterum: mox enim cæcitatibus illum insimulans, & oculos adhuc clausos vi diducens: *Quare, inquit, contempsisti verbum Domini, vt faceres malum in conspectu meo?* *b* Hoc secundum examinis caput, cui mox adiunctum & tertium hoc modo, Vriam occidisti, vxorem illius rapuisti, adulter & sicarius, gemini sceleris compendio. Ergo, primam in hac conscientia tractanda causâ, caput est, agere Deo gratias. Omnia facienda sunt vt Deo quam gratissimi simus. Et quid enim Numini magis debemus quàm gratiarum actionem, Dei beneficia nostris non tantum non vincere, sed nec exæquare; non tantum non paria, sed nec inferiora possumus reddere. Tanti nos non sumus, vt in Deum possumus esse beneficii, penes nos sola est potestas referendæ gratiæ. Quotidie, quauis hora (quid dicam) quouis momento, alia atque alia beneficia confert in nos Deus, qui singulis momentis hoc agit, perinde si nos recens & denuo



ereet, atque insuper donis auget quàm plurimis. Et quod hoc monstrum ingrati animi, in tantorum beneficiorum mari natum, & nec semel quidem per diem benefactoris meminisse? miselli, nec digitum quidem mouemur, Deo non iuvante, à quo nobis cibus, potus, vestis, corpus, animus, bona omnia. Quid autem hoc magni sit, semel per diem oculos cælo attollere, & benefactorem suum venerari his oculis, AGO GRATIAS. Num possumus liberalissimè danti, minus reddere? qui meminit, sine impendio gratus est. Pluit in nos beneficijs Deus, idque sine mercede, & nobis grande quid videatur aut graue, vespere fateri & dicere: ACCEPIMVS. O mortales tam beneficiorum auidi quàm ijs ingrati! quoties hominem exiitis & in bestias degeneratis? sic verbo venia, sic solent porci sub ilice pascentes, in deiectum pabulum cupidissimè feruntur, quis deiecerit, curæ ipsis non est; quicquid oculorum habent, in glandibus hæret, ad pastorem suum in arbore non suspiciunt: ita nos nouis semper cupiditatibus occupati, non quid habeamus, sed quid petamus, inspicimus, non in eum qui dat, sed in illud quod datur, intenti. Nihil carius æstimamus quàm beneficium quamdiu petimus: nihil vilius cum accepimus. Sæpe apud nos & gratia beneficij, & memoria omnis adeo intercidit, vt nec confessione quidem grati sumus. Quod in prima parte animi positum esse deberet & semper occurrere, ita seponimus ac abijcimus, vt in oblivionem ac ignorantiam verteretur. Inde non mirum, inter plurima maximaque vitia nullum esse frequentius, quàm ingrati animi crimen. GER. Putem ego, Polychroni, plurimos hominum non improbitate ingratos esse, sed oblivione. POL. Et hoc tibi videtur non grandis culpa? Ingratus est, si Senecæ credimus, & qui beneficium accepisse se negat, quod accepit: ingratus est qui dissimulat: ingratus qui non reddit: ingratus sumus omnium qui oblitus est. En obliuio sum infra omnes deprimit: & apparet, illum non sæpe de reddendo cogitare, cui quidem obrepit obliuio. Et hanc turpissimam obliuionem pars prima in examine conscientie nobis eximit, quæ hoc vnum apertissimè monet AGE DEO GRATIAS.

*a in constit. men. c. 2. post initium.*

b 2. Reg. 12. v. 1. & seqq.  
c Lib. 3. de benef. c. 1.

## S. II.

**P**ETE LVMEN A DEO, cernendis erroribus per diem illum commissis, pars altera est examinis istius, & quidem summè necessaria, In vitijs alienis lynces, in perspicendis proprijs talpæ sumus. Nauos nostros ab alijs videri aut notari non ferimus, nec eos ipsi videmus, nec tamen cæcutire nos fatemur. In his tenebris lumine è cælo nimis quàm egemus, vt cernamus tandem errasse nos. Eò hoc conscientie iudicium instituitur, vt quis meliorem se ipse quotidie faciat, vt aliquid ex erroribus suis ponat vt intelligat sua esse vitia, quæ putarat aliorum. Lucundè narrat Seneca, & onus hæreditarium sibi in domo remansisse, vxoris suæ fatuam, Harpasten, hæc subito desijt videre, nesciebat tamen se cæcam esse, & subinde prædagogum suum rogabat vt migraret, neque oculis suis sed adibus culpam impingebat, aiebat enim domum esse tenebrosam. Hoc, inquit Annaeus, quod in illa rideamus, omnibus nobis accidere, liqueat tibi, nemo se auarum esse intelligit, nemo cupidum.

Crebræ sunt conciones, quæ in Auaritiam, in Superbiam, in Libidinem, in Iracundiam & Inuidiam, in Vsuram & improbum Fœnus, in fraudes & dolos disertissimè inuehuntur, sed quam paucos reperias qui sibi ipsis oggerant: Hæc tibi dicuntur, tu ille Auarus, tu Superbus ille es, tua Libido damnata est, tua Iracundia, Inuidia tua hodie flagellata est, tu es ille nequam fœnerator: hoc sibi nemo insusurrat, nemo. Plerique omnes dicere solemus. Eucleonem illum sordissimum hodierna concio insigniter perstrinxit; litigiosum vicinum meum optimè notauit ecclesiastes; suis elogijs hodie ac titulis insigniti sunt superbi; contra Venerem acriter hodie dictum est, Iracundos hodie frigida perfudit concionator; certè Inuidis excussit dentes; notus ille in foro vsurarius non immerito è cathedrâ vapulauit. Ita suauiter à nobis, saluberrimam concionis acrimoniam in alios deriuamus, nec fatemur nos tales esse quales depinguntur. & quis est qui in se commotior sibi dicat: Tu es ille vir qui fecisti hanc rem. b



Cæci sumus, & tamen, cum cæci ducem quarant, nos sine duce erramus, & dicimus: Non ego ambitiosus sum, nemo aliter Monachij, nemo Augustæ aliter potest viuere; vrbes ipsę magnas impensas exigunt. non est meum vitium quod iracundus sum, quod pessimos non laudo, quod liberior vino; illud natura, hoc adolescentia facit. ita difficillime ad sanitatem peruenimus, quia nos ægrota-re nescimus, aliena discutientes, vt loquitur Chrysostomus, & propria non inspicientes. Dictu iam, Gerarde, an non opus sit lumen à Deo petere, vt nostros ipsi errores deprehendamus, acculemus, puniamus? Et hæc vespertini examinis, vt dixi pars altera est, cupere suum malum nosse. GER. Venia tua, Polychroni, hæc inter prima litterarum rudimenta puer didici. Agendas Deo gratias, scimus: perendum à Deo lumen, & hoc scimus, sed, an sola mente, an conceptis verbis, & quibus id faciendum, hoc arbitror, multi nesciunt, quod tu tamen nondum docuisti; hanc à te institutionem sperabam, cum de modo exploranda conscientię dissereres. POL. Num vidisti, obsecro, libellum, cuius frons hanc præfert inscriptionem, HOROLOGIVM TYTELARIS ANGELI? Hoc opusculum, hora diei duodecima (hæc eius est partitio per horas) verbis conceptissimis docet, qui vtrumque illud sit præstandum. Reperam id in tuam gratiam. Deo agendas sunt gratiæ, hoc modo.

*O infinita Bonitas, gratias tibi ago pro omnibus beneficijs tuis, quæ mihi hodie & tota vita mea contulisti. tibi laus & gloria in infinitas seculorum myriadas. Lumen à Deo sic petendum.*

*O immensa Maiestas, da vt quicquid tibi hodie in me displicuit, id mihi in memoriam integre redeat.*

En tibi precandi formulas. Aut, si mauis, cum Iobo Deum sic alloquere: Quantas habeo iniquitates & peccata; scelera mea, & delicta mea ostende mihi. habes meliores? vtere iis. cupis prolixiores? inuentis addere, non magis artis est, vis breuiores; hoc te velle vix puto, nisi omnino nolis precari. satis breues sunt precatinæculæ istę, sed & longæ satis, modò non in folijs labris nascantur, sed magno & ardente affectu, è corde ad Deum recta euolent. ideo enim tam breues proponuntur in exem-

plum, vt in eas minus possit licere vagis illis & importunis cogitationibus.

a Sen.ep.10.

b 2.Reg.12.v.7.

c Hom.25 in Matth.

### S. III.

**T**ertia pars in trutinanda conscientia est secum hoc disquirere. Quid Feci? quę stionem hanc sequatur altera: Quid dixi? sed & vterius progrediendum interrogando: Quid Gogitavi? inio etiam quærendum: Quid NON Feci: quid omisi, quid neglexi faciendum? Vbi hæc tuam conscientiam interrogaris, audi & tace; attende quid illa respondeat. Conscientia natura sua tam est facunda & impatiens silentij, vt iussa dicere, mox quicquid sciuerit, eloquatur. Citharædus aut fidicen si vel digitulo vno chelyn suam aut testudinem carpat, vocem illa protinus reddit: ita conscientia velut garrula & sonora chelys, vix tacta respondet, & suam homini malitiam exprobrat diserte. Reticere illa & celare non nouit, nisi prolixa nequitia & scelere continuato exsurdatur, & iam propemodum extincta. Si sana sit, modo ei dicendi sit locus, non tacebit præsertim interrogata: modo ei vespere, loquendi detur spatium, fideli narratione totius diei gesta percentebit: vbi dubitauerit, hoc ipsum, dubitare se, candide fatebitur. Ergo suam quisque conscientiam loqui sinat vespere non experietur mutam. quod si vel sola Lingua & Oculi ad hoc conscientię tribunal citarentur, satis esset rerum discutiendarum. Quid die vno vnica Lingua malorum aut etiam pessimorum verborum non effundit? quid non delinquant Oculi, lenones omnium vitiorum, & raptiores ad culpam? Et quanta egent discussione vel tantum preces nostrę? An non hic quærendum? Num me ad precandum disposui? an preces statas & debitas recitavi? an ad id quod precabar attendi? an cogitationibus meis liberam euagationem & excursus permisi? an oculos inter orandum continui? an verba præcipiti lingua deproperavi? an voces fastidiose & frigide pronunciaui? an sub precibus in somnum declinaui? an iustar somniantis, sine sensu & affectu, ore solo quod cor nesciret, demurmuraui? Crede mihi, delicata res est, serium ac plenum formidinis negotium



tum, cum Deo colloqui. Si vspiam in vlla re, hic certe attentione opus vigilantissima: Deus non irridetur. *a* Ita longa satis & intricata est quæstio, *Q*uomodo *O* R A S T I? Vbi iam ceteri errores per diem & lapsus? Ego quidem existimo, noxas quotidianas plerasque omnes hoc breuissimo indiculo contineri. Enilum.

Qualis { In precib. & re diuinâ  
In occupationibus.  
In verbis & sermone  
In mensâ } fuisti?

An nihil hodie temporis perdidisti?

An nulli detraxisti, neminem offendisti.

An nunquam iratus nunquam impatiens extitisti?

An omnes malas, acerbis, impuras cogitationes repulisti?

An quod heri statueras tibi faciendum aut cauendum, fecisti hodie, aut cauisti?

Si quæ grauiores sunt rixarum, periuriorum, furtorum, ebrietatis, libidinis & luxuriæ peccata, in memoriam faciliè reuocabit conscientia; modò illa loqui permittatur, non dissimulabit has animi labes; producet in medium hæc monstra, vt plectantur. Conscientia fidelissimus est antigrapheus noster, à Deo assignatus, qui, quotiescunque postulat, rerum à nobis gestarum commentarium producit. Ita pars tertia examinis vespertini hoc præcipit: *EXPENDE QUID PECCARIS.*

*a Ad Gal. ca. 6. v. 7.*

#### §. IV.

**P**riorem illam ordine naturæ sequitur hæc quarta pars: *PECCATORVM VENIAM PRÆCARE* Formulæ, quibus & antea deprecemur, & futura constituamus, hæc sunt.

*O inexhausta Misericordia, ignosce mihi quicquid hodie peccaui contra te. Ego omnes offensas huius diei, & totius vitæ meæ, in abyssum misericordiæ tuæ depono, & per mortem Filij tui te precor, ô Deus, dimitte mihi quicquid unquam in te peccaui.*

Emendationis consilium & conatus sic restaurandus.

*O Æterna Sapientia, Christe IESV. firmissimè propono, non peccare amplius.*

Quarta ergo huius examinis pars est, supplicium promeritum ab se deprecari. *Pœnitentiâ*

*itaque age ab hac nequitia tua, & roga Deum, si fortè remittatur tibi hæc cogitatio cordis; tui a* Ah, quoties toti dies nobis effluunt, quibus nec semel quidem recordamur Dei, acquisitum prorsus vt vel fero tandem. Sub finem diei, cum dolore & gemitu vagabunda mens redeat ad Deum. Moyses Deo familiarissimus, promittens: *Cumque quæsieris, inquit, ibi Dominum Deum tuum, inuenies eum, si tamen toto corde quæsieris eum, & tota tribulatione animæ tuæ. b* Quærit vult offensus Deus, vult & inueniri, sed ab ijs qui quanta possunt industria quærunt: inuenies eum, si tamen toto corde quæsieris eum, & tota tribulatione animæ tuæ. Non ignorarunt hoc purè conscientia amatores. quantis enim lacrimis sanctissimi homines desierunt nauos non grandes, crimina non summa, verbum imprudentius, molliorem offensam, risum leuiorem, copiosorem cenulam, aspectum incautiorem, negotium solutius curatum, temporis exigui dispendium, cogitationem tardius expugnatam, sanctioris operis licet non imperati neglectum, aliaque eiusmodi piacula minora. Hinc illa manum, hic linguam, iste oculum pœnis mulctat grauissimis post errorem non magnum. Euagrius sacerdos, ob nescio quod distractionis verbum semel prolatum, dies quadraginta, perdius & pernox sub dio perdurauit. Eusebius monachus ob oculos in agriculturalum opus euagatos licentibus, & hos & omne corpus seuerissimis legibus castigauit. *c* Moyses abbas responsum duriusculi horribili luit supplicio. *d* Maurilius episcopus, quod pueri mortem sacro fonte non præuenisset, seipsum sede sua emouit, & peregrinationis pauperimæ damnauit. Maria Ogniacensis, in commemorandis vesperti actionibus suis, si vel minimas noxas deprehendisset, acerrimo dolore in eas vindicauit. *e* Timeri vult Deus, etiam ab amicissimis. Proclamat Dauid: Time Domini omnes Sancti eius. *f* Iniuriæ Deo illatæ, etiam minimæ, dolore non perfunctorio expiandæ sunt: ex imo pectore trahatur gemitus, quo peccatum abolere cupimus. Placari se sinit Deus, sed *g* tota tribulatione animæ. Regis vatis monitum est: Et in cubilibus vestris compungi mini. *g* Nisi dolor de diurnis lapsibus conceptus pungat animam atque fodiat, vanus est, & obtusus sine mucrone



gladius, non penetrat caxeam mentis durti-  
tiam. Tale sequetur CRAS alterum quale pre-  
cessit HODIE, sic multa agendo nihil  
proficimus, semper discentes, & nunquam ad  
scientiam veritatis peruenientes. *h* Dolor de  
offenso Deo sincerus & pungens, non solum  
noxas præteritas delet, sed & cauet futuras:  
Satis est, ait, lapsum esse, tu iam prouide, ne  
lapsu repetito gemines malum: attende tibi ne  
posthac tanti emas pœnitere. Nota vox Cali-  
gulæ, cum occidendum iuberet lentius tor-  
queri: *sic fiori, ut mori se sentiat*. Idem & huic  
Dolori esset imperandum: *sic punge, ut sentias  
se peccasse*. Idcirco non semper satis erit dolere,  
nisi & sentias vnde plus doleas. Adiungendus  
erit quandoque comes Dolori, afflictatio vo-  
luntaria. Fecerunt id integerrimæ vitæ homi-  
nes. Fuit, qui vbi deprehendisset vesperti cre-  
brius se verbo lapsum, dentibus linguam a-  
crius commordendam obijceret. Germanis  
verbum verus est: tu suauius digitum admor-  
deas, quam hæc talia lingua effutias. Fuit, qui  
errores suos, quos noctu obseruasset, flagris  
expiaret, & pœnam hanc ad delicti modum  
attemperaret. S. Agathon vt silere disceret, ipso  
triennio lapillū ore versauit. S. Ignatius Loio-  
la circa initia sanctioris vitæ, contra risum sic  
dimicauit, vt quoties per diem se risisse nume-  
raret, tot sibi plagas ante somnum infligeret.

Non satis est, mi homo, vt tuus ipse sis  
accusator, & testis, & iudex nisi sis ipse tuus  
& carnifex. Multi sunt errores, quos etsi de-  
fleas, eosdem tamen facillimè repetes, nisi  
& punias. Eius genij est Caro, vt vbi aliquid  
furtiuū mellis gustarit, ad fortum identidem  
redeat, nisi flagellata discat deinceps nolle fu-  
rari. Mos erat priscis monachis, si quis silentij  
leges violasset, triduo sine mēsa simul ei pran-  
dium & cenam (sed post quam non sunt la-  
pandæ manus) hoc est panem cum frigida ap-  
ponere. Nimirum tacere citius non discit in-  
continens lingua quam ab hoc pharmaco.

His insuper afflictationibus voluntarijs,  
offenso Deo facilè satis facimus, & fauorem  
illius ad ampliora emeremur. Parum habet  
obsequij & meriti, quod ab inuito, quod à  
coactio sit. Honestum voluntarium est: admi-  
sce illi pigriniam querelam, tergiuersationem,  
metum; quod habet in se optimum, perdi-  
dit. *i* Voluntariè sacrificabo tibi *k*. Hoc no-

mine Daniel vates se suasque preces mirè Deo  
commendauit. Nam & Angelus recreando il-  
li submissus: *Noli, inquit, metuere Daniel;  
quia ex die primo, quo posuisti cor tuum ad in-  
telligendum vi te affligeres in conspectu Dei tui  
exaudita sunt verba tua*: impetrasti quod ro-  
gabas, quia precibus rogasti armatis. Suauissi-  
mus Deus facillimè se sinit expugnari, si pre-  
ces armentur ieiunijs, alijsque corporis casti-  
gationibus. Infantulus si lacteum fontem à  
matris vberè, signo solum aut plaudentibus  
manibus poscat, læpe fert repulsam, nam sub-  
inde aut negat mater aut differt, at si ploratu  
& contentiosis lacrymis agat, ac seipsum affli-  
gat stendo, non continent se diutius materna  
viscera, iubent dari quod sic flagitat. Ira fe-  
re nobiscum bonus Deus solet agere. Opti-  
mè sunt preces illæ Domine, da mihi con-  
stantem patientiam. Mi Domine largire do-  
num Castitatis. Da, ô Deus, victoriam in hoc  
prælio. Amem te, mi bone Iē s v. O Christe,  
fac me mitem & humilem. Optimi desiderij  
sunt hæc petitiones, sed si solis consent verbis,  
interdum repulsam, frequenter dilationem pa-  
tientur. Suos Deus impensissime amat, tunc  
autem maxime, cum cernit eos sponte affli-  
ctos. Hinc illa tam crebro imperata: *I affligetis  
animas vestras. Omnis anima que afflicta non  
fuerit die hac, peribit de populis suis. Si veneris  
& iuramento se constrinxerit, ut per ieiunij vel  
ceterarum rerum abstinentiam affligat animam  
suam &c.* In quæ verba Origenes: O mira,  
inquit, festiuitas! dies festus vocatur animæ  
afflictio. vide ergo si vis diem festum agere, si  
vis vt lætetur Deus super te, afflige animam  
tuam, & humilia eam: non ei permittas ex-  
plere desideria sua, nec concedas ei lasciuia e-  
uagari: cum enim afflicta fuerit anima & hu-  
miliata in conspectu Domini, tunc repropitia-  
tur ei Deus. Ita omnino solet optimus Deus;  
sibi charissimos in deliciis non nutrit, sed assi-  
due mergit dolorum & amaritudinū mari. Er-  
go, cui animus est dolore peccata expungere,  
serio doleat, & vt sentiat se dolere, vltro subin-  
de addat, quod fodicit refractariam Carnem.  
Videat reus ad hoc tribunal consistens, vt ge-  
mitibus, suspirijs, lacrymis, quandoque &  
flagellis, aut alijs ad institutum aptis suppli-  
cijs, quibus hic decernendis proprius locus  
est, labes animi expientur: hoc agat vnice vt  
cum



eum Deo suo in gratiam redeat, & offensum  
placet, quacunq; de seipso sumpta vindicta:  
non expectet ultorem Deum, sed volutarijs  
pœnis sequiora supplicia deprecetur. Nec prius  
in dulcem declinet lumina somniam, quàm  
Deum & calites ex offensis propitiatos sibi  
habeat atque reconciliatos. Et hæc quarta pars  
huius examinis: PECCATORVM VENIAM  
PRÆCA RE.

a *Ath. c. 8. v. 22.*

b *Deut. c. 4. v. 26.*

c *Theod. in Hist. SS. PP. sect. 4.*

d *Cass. l. 7. coll. c. 27.*

e *Iac. de Vitr. l. 1. vitæ illius c. 6.*

f *Pf. 33. v. 9.*

g *Pf. 4. v. 5.*

h *2. Tim. 3. v. 7.*

i *Sen. ep. 66.*

k *Pf. 52. v. 8.*

l *Leu. c. 16. v. 29. & 31. & c. 23. v. 27. & 29.*

*Num. c. 29. v. 7. & c. 30. v. 14.*

## S. V.

**S** Equitur vltima: E M E N D A T I O N E M  
QVAM MAXIME SERIAM PROPONE  
Vis omnis & efficacia nocturni huius iudi-  
cij, non in audiendis testibus sita est, sed in  
sancta erubescencia, in dolore legitimo, in se-  
uera sui ipsius vindicta, in solerti culparum  
castigatione, in generoso animi proposito,  
non desistendi amplius à vero rectoque tra-  
mite Virtutis. Hic quisque cor suum dirigat in  
viam rectam: statuat apud sese, alius esse alijs  
atque alijs diebus, & in eam rem, pœnam, si-  
bi lanciat, si, quæ rectè proposuit, tardius aut  
nunquam exequatur. Deprehendit quis for-  
san hodie minus pudicum oculum, magis effre-  
nem linguam; illi pudicitiam, huic silentium  
imperet, in utroque membro nimiam liberta-  
tē castiget. Fuit fortasse alius quis in precibus  
sommniculosus aut vagus, ad fabulas atrētus &  
vigil: somni & cibi plus æquo liberalior, stipis  
erogandæ parcior: forsan obedire iussus non  
paruit, silere monitus non tacuit, ad melio-  
ra instructus non audiuit, ad diuina cogi-  
tanda incitatus, fastidiuit: iam ergo apud a-  
nimum suum decernat, in precibus vigila-  
re, aure surda fabulas & quicquid est obscœ-  
ni colloquij transire, somnum & cibum ad  
dimensionem sibi dare; stipem liberalius ero-

gare; negotium salutis contentius curare, æ-  
terna præ his fluxis avidius aspirare. Quod si  
Atheniensem se esse obseruet, qui semper de-  
cernat, nunquam faciat quod decreuit, mul-  
ctam etiam addat, & à seipso pœnas exigat. Ita  
duo iuvenes illi Beatissimæ Virginis matris  
Sodales fecere, qui ante quindecim annos  
literis atque Virtuti nauantes, examen con-  
scientiæ hunc in modum instruerunt. Ille  
quidem prior in minimas etiam labeculas se-  
curè vindicauit, nec sibi met ignouit, nec ri-  
midam censuram exercuit, rigidus in se testis,  
& acculator, & vindex. quotquot enim no-  
xas in pugillares suos referebat, tot sibi reo  
colaphos infrungebat generosa manu. O  
dextram heroicam, & præ ambusta illa Sce-  
uolæ robustam! Nam nisi Mutius spectato-  
res habuisset, ad ardentem foculum dextram  
non rapuisset; iuuenis ille quia solus & sine  
rester, suam in se manum armavit, spectato-  
res habere meruit & laudatores superos Di-  
uosque omnes. Idcirco Poeta, suum illud de  
hoc verissimè prounciarit:

*Ille dolet verè, qui sine teste dolet. a*

Alter, huic non multum impar, quoque va-  
na seu oriosa verba per diem proximum exci-  
disse sibi annotasset, tot terræ fixit oscula, si-  
mul & minatus sibi suæque dicacitati Virgi-  
lianum illud:

*Post mihi non simili pœnâ commissâ luetis.*

Et; redeas modò, aiebat ipse secum, cum  
tot lingue delictis, non ea os tantum, sed &  
tergum sentiet. Hoc est seipsum gloriosè in  
triumphum ducere pompâ non magnâ. Addo  
& tertium, si libet audire. GER. Totus iam au-  
ris sum. POL. Miles fuit, qui in pessimam iu-  
randi, & quod huic vicinum, peierandi con-  
suetudinem deflexit: tandem adducto in con-  
siliū animo, sic ipse secum loquebatur: Vi-  
de, animam venalem circumfers, & mors ti-  
bi in oculis semper est; quocunque stes loco  
sepulchrum tuum calcas: vel vnius tantum  
glândulæ sibilus te tangat, & totum hoc egi-  
sti, MORT. At quo ires si sic obires in tanta vi-  
uendi, iurandi præsertim & peierandi licen-  
tia (ô bonam conscientiam propriam accusatio-  
nem!) quid anima tua fieret? Agedum, legem  
tibi figo: quam aut vires nunquam, aut illico  
violare des pœnam; Lex hæc erit, Nunquam  
in posterum iurare: aut terram toties osculo  
salutare,



salutare, quories iurare contigerit. Et hanc ego legem, si vir, si miles sum, sanctissimè serabo, ita me Deus amet, & hoc meum decretum fortunet ac firmet. Sed audi obsecro rei euentum admirabilem. Conflictus instabat cruentus & atrox, nec nisi multorum sanguine finiendus. Concurrunt tandem acies geminæ, & suas quisque vires in altero experitur illi cominus acriter instare, isti haud timidi resistere, inter quos & noster hic miles fuit. Volant vtrinque glandes ferreæ, incerti ictus, vulnera improuisa, vtrinque cadēs & funera plurima. Inter hæc miles ille, quem dixi, legis suæ immemor, deuotiones pessimas deprecari, diis hostem omnibus execrari, omnia demum alia contra animi sui propositum & dicere & agere. Et en, in ipso prælij ardore, legis à se latæ recordatur, nec differt aut deliberat, sed mox pronus ruit in terram toto corpore, & matrem suam osculatur. Dum hoc facit, glans ignita ferte supra tergum iacentis volat, ictu certissimo traiectura stantē, quem iacentem impunè transijt, & sine omni noxa. Non multo post prælium inde diremptum, ille saluus è cruento campo digressus: & narravit ipse, & ab aliis narrari audiit quod in se obseruassent. Deū etiam miraculi providentissimum auctorem veneratus est, hancque sibi legem æternam esset voluit, vt toties pronus in terrā rueret, eamque lingua lamberet, quoties lingua peccasset. Factum egregium, & conscientię probum examen. imitari possumus, imo debemus, aut cælum fugimus. Nam Paulinum illud æternum & inconcussū manet. Quod si nosmetipsos diiudicemus, non vtrique indicemur. Iudicis autem est, non tantum absolvere, sed & damnare, & multam dicere. Accusatores & testes ridiculi sumus, nisi simus & iudices in nosmetipsos, & plectamus quicquid malè delirauimus. Vtrique vtilissimum est, & emendationis seriæ principium, pro nozarum modo & numero, etiam pœnam iniungere. exemplum nobis positum sit huiusmodi, multam sibi met irrogantis.

1. Orationem dominicam & Angelī salutatio- nem iam quinquies recita.
2. Psalmum quinquagesimum (Miserere &c.) passis brachiis, & lentè, mox pronuncia.
3. Precum hodie segniter omisarum ne-

glectum, nunc compensa.

4. Ob tale delictum iam toties repetitum, cenā semel abstine.
5. Carnis perulantiam, aut nunc flagro, aut cras mitiga cilicio.
6. Grauiora meritis, terram nouies osculare, & sepulchrum cogita.
7. Quia famę aliorum detraxisti, nunc tuæ detrahe pecuniæ, & tot sestertios cras in stipem expende.
8. Pro ijs quos offendisti hodie, crastina tot preces persolue.
9. Inter tot oculorum, linguæ, aurium, cordis & operis noxas, confessionis & Eucharistiæ sacramenta, ad illum aut illum diem repete.

Hæc verò in specimen duntaxat proposui monstrandę rationi, quā quis seipsum vt reum suo bono puniat, si quidem proficere cupiat ad virtutem. Alia atque alia pro grauitate aut numero culparum, aliis atque aliis diebus sibi quisque imperet. Ita quinque sunt partes, vt iam demonstratum est, vespertini huius iudicii.

1. Age Deo gratias.
2. Pete lumen à Deo.
3. EXPENDE QUID PECCARIS.
4. Peccatorum veniam precare.
5. Emendationem quam maxime seriam propone.

Sed quæso te, Gerarde, dic etiam tu aliquid, vt duo simus: nolo mihi tradas omnes loquēdi vices. GER. Si ita vis, Polychroni, loquar equidem, sed contra te. multa hic habeo obducere. Examen conscientię multa sunt quę suadeant, neque id nego, sed æquę multa sunt quę impediunt. Sit hoc genus sacri studij vtilissimum, sit omnino necessarium, quam id autem multis sit factū difficile, facilis coniectura est. POL. Age, Gerarde; aduersare quantum placet; oppositionum plauastro non terrebis.

a *Martial. l. i. epigr. ep. 30.*

b 2. *Cor. c. i. v. 31.*



## CAPVT VII.

*Examine conscientia obijci solita  
diluuntur.*

**G**ER. Optimè te dixisse affirmarem, si ad examen conscientia instituerem, tantum mihi semper otij esset, quantum animi. **PO**L. Itane vero, Gerarde, tam occupati sumus tam non vacat, parare se cœlo? Et quis nostrum æque multis districtus est, atque fuerat rex David? & tamen media nocte surgebat, singulis noctibus conscientiam exercebat, septies de die preces fundebat. Sunt hodieque optimates, principes, reges, qui quotidie vesperi multum temporis huic curæ impendunt. Illis hoc tempus superest; & nobis desit? præ illis nos in otio sumus, & vacamus. Et quod illud negotiorum aut occupationum genus tam varium ac multiplex, ut ante salutem animi curandum sit? Et quamuis tempus deforet ad petendum cordis sui secretum vespere, pars tamen studijs potius alijsve negotijs detrahenda esset, quam omittendum illud. Adeo vilis est nobis animi salus? ecquid ei minus demus? pretiosissima gemma est Fama bona, at si hanc retinere non possim nisi velim perdere conscientiam, dico libere; abi Fama, abi, abi: mea mihi carior est conscientia. Et hinc illud Annæ libenter exaudio: Nemo, inquit, mihi videtur pluris estimare virtutem, nemo illi magis esse deuotus, quam qui boni viri famam perdidit, ne conscientiam perderet. *a* Vere magnum & maius bonis omnibus est TRANQVILLITAS ANIMI. Tranquilla conscientia est, inquit Bernardus quæ omnibus dulcis est, & nulli grauis, vtens amico ad gratiam, inimico ad patientiam, cunctis ad beneuolentiam & quibus potest ad beneficentiam. *b* Huic comparandæ, non ego partem horulæ libens quotidie impendam? Abite litteræ, si non possim esse doctus, nisi simul sim impius, Abite. Quid mihi cum Grammaticorum libris, quando meæ conscientia librum inspicere oportet? illi de litteris, accentibus, syllabis, disputationibus altercantur, iste me vitij docet obistere. quid mihi syllabarum enarratio, verborum diligentia, fabularum memoria, quid versuum lex ac modificatio, si

meipsum ignorem? Quid mihi cum historicorum, poetarum, philosophorum libris, qui non raro vana, ridicula, spinosa, incerta, falsa, obscena propinant. Procul ô procul omnes hos codices, si propter illos conscientia meæ liber sit negligendus. Quid mihi medicorum, quid iuriconsultorum aut theologorum volumina, si nequam conscientia tuæ inextricabile volumen quotidie inspicere: illa alia febrem pellere, aut litem componere, aut religionem propagare me docent, at vero hic conscientia codex docet me qui meipsum nosse possim, & melior fieri. Clarissimè de hoc Bernardus: Vnicuique, ait, liber est sua conscientia, & ad hunc librum discutiendum & emendandum omnes alij libri inuenti sunt. Anima vero cum de corpore egreditur, nulum alium librum præter librum conscientia secum poterit portare, atque in illo cognoscet quo debeat ire; vel quid debeat recipere, Ex his quæ scripta erunt in libris nostris, iudicabimur. *c* Illos ergo aliorum scriptorum libros reijcere non debeo, sed hunc quem Deus scripsit in corde meo, præferre. Ergo cedant alij, cum iste mihi legendus & corrigendus est.

*a* Sen. epist. 81. circa med.

*b* Bern. c. 21. de int. dom.

*c* Bern. lib. de consc.

## S. I.

**G**ER. Legendum hunc librum non nego, sed legendum in quiete, procul turbis & strepitu. At impediri multos & turbari sæpius, facile crediderim, & ego id domi meæ satis experior. **PO**L. Quæ demum hæc impedimenta, quæ turbant? Si conscientia sit locus, ut plurimum aut fabulæ nos impediunt, aut somnus, nam ita quidam cenare solent, ut mensam inter fabulas claudant, ubi fabularum satis est iamque somnus inuitat, & ocelli nictant ac clauduntur, tum vero rectissima via itur ad lectum. Hic raptim vnoque tractu diffibulatur thorax, volat collare, excutuntur pedibus soleæ, fluunt reliquæ vestes omnes, ita denique excussis abiectisque lacinijs, vno saltu lectus insilitur, operitque suum Curtium mollis hic & plumeus hiatus. O festinationem alibi malam, hic pessimam! quis ita ad scholam vti ad mensam, ad templum vti ad lectum, ad laborem



borem vti ad soporem properat? an non prius figendi humi poplites, cœlo manus attendendæ, preces ad Deum fundendæ, elapsæ diei acta omnia repetenda sunt? ita bestiarum somnum ineunt, vt vbi notum cubile obtinent, primo ingressu terræ affundantur, membrisque proiectis, corpore toto somnum admittant. Vincere has debet, qui homo esse vult, ne dicam Christianus, Catholicus, Religiosus. Somnus licet vrgeat ac inuitet blandissimè, moram tamen is ferre, & pati imperium potest, diurna licet fatigatio lectum monstret, & quietem anhelet, illa tamen ad horulæ partem dilata non succumbet.

## §. II.

GER. At difficilis est lucta contra blandientem somnum? fatigatio protracta quies, crux est maxima. POL. Sed obsecro cogitemus, mi Gerarde, quotiescunque serus nobis obtingit vesper, ad stare tutelarem Angelum, adesse cœli Reginam, Christum ipsum in aurem dicere illud: *Non potuisti vna hora vigilare mecum*? Tunc has voces audies, & in lectum ac somnum corrues? Angelum custodem cõtēnes, Domini matrem repelles, Christum monentem negliges? Itane non possis vigilare, non dicam hora vna, sed parte horulæ vel vnicæ, cum tuo & in gratiam tui Angeli, tuę dominæ, tui Principis, imo in gratiam tuam, tuique animi? Quin ergo in teipsum excandescens his temetipse verbis alloqueris: Excute noctē dormitator, causa tibi dicenda est; adesdum, iudici te sisse; præteritæ lucis facta, dicta, cogitata tecum expende; differ paullisper somnum: libellos profanos remoue; fabellas inutiles abrumpe; cum Deo colloquere, diuina beneficia recole, noxas tuas inspice, & ingemisce, emendationem promitte. Nisi tecum ipse sic egeris, vere dicere poteris cum Tito, imo verius quam Titus: *AMICI DIEM HUNC PERDIDI*. multum enim perdit, imo perdit omnia, qui nunquam ad calculos sedet, cui ratio expensæ & accepti non constat: multum perdit, qui quod lucrari potest negligit, multum perdit, qui debita cum potest, non dissoluit. Talis omnino is est qui dies, & menses, & annos ita traducit, vt ephemeridas & diaria sua raro, & non nisi hallucinante & conuiiente oculo inspicat, qui quotidie

plurimum delinquit, nihil dolet de delictis, beneficia plurima accipit, nec gratias agit pro acceptis, plurimam ad exercendas virtutes occasionem habet, nec hanc arripit, nec illas acquirit, stertit ad commoda sua, in perniciem suam vigilat. Tale qui omnino examen conscientię est; ephemeris est & diarium vitæ, in quod redigenda sunt omnia quæ facimus, loquimur, cogitamus: codicillus est tam peccatorum quæ ipsi committimus, quam beneficiorum quæ à Deo accipimus; stimulus & instrumentum est ad omnem virtutem aptissimum. IS vero nusquam est, qui raro domi suæ est: facultates perdit, qui conscientias rationes negligit.

## §. III.

GER. Hominis conscientiam suam fugientis & somniculosi personam cœpi agere, hanc sustinebo, dum missionem dedero, Polychroni, ex hoc theatro. Vis vt ignauorum pulcherrima dicta congeram? tuum erit ea dissolvere. POL. Placet; audiamus. Sed verbis, Gerarde, Vapulabis prædico. GER. Non recuso. vapulem ego modo alij sentiant. POL. Ergo; hoc dico: Vesper domi tuæ sis, in teipsum descendere; inquire in teipsum, rationes collige & dispunge. GER. Vellem, modo possem. POL. Pigrorum hic clypeus est. Sed tuas tibi voces reddo: posses modo velles, *Nobis* in causa est *non posse* prætenditur, quid enim? occupationes impediunt; at hæc differri possunt. negotia remorantur? vix hæc tanta erunt, vt horæ partem tibi non relinquant. GER. At tot preces nimium sibi temporis petunt: POL. Si somno. si desidat, si sphæristarijs, si confabulationibus, si discursationibus, si iocis, lusibus, symposijs temporis partem subtraheremus, esset quod animo, quod huic examini, quod Deo daremus. GER. At quandoque imperium heri aut iussa patrisfamilias obstant. POL. Fac quod iuberis, sed hoc non omittit: Dei iussa potiora sunt quam hominum. GER. Domesticis parendum est. POL. Pare illis, magis tamen, & ante omnia Deo. GER. At socij quietem obtrubant. POL. Tu tibi pessimus es socius, quod si socius hic velit esse frugi, nemo intercedet. Hic ego penè idem insusurrem tibi quod olim Diogenes iuueni se secum loqui affirmanti, rati-

te in;



te ingesserat: Vide ne cum malo homine lo-  
quaris GER. At turbę domesticę mea me agere  
non sinunt. POL. Inter ipsas turbas, in medio  
vrbium fremitu brevis tibi solitudo quären-  
da est: animus sibi sit intentus, & nulla vox  
te tibi excutiet; omnia licet foris resonent,  
dum intus nihil tumultus sit, dum inter se  
vagę cogitationes non rixentur. nam quid  
prodest totius regionis silentium, si affectus  
fremunt? GER. Commodus locus deest.  
POL. Non multum ad hoc locus confert, nisi  
se sibi præstet animus, qui secretum, & in  
occupationibus medijs, si vult, habebit.  
GER. At vnde mihi cera vel seuum? candelę  
desunt. POL. Huccine rerum deuenimus, vt  
etiam noctem accusemus? in tenebris te ipsum  
melius reperies, & sincerius iudicabis, vt  
olim Areopagitę. GER. At tempus est eun-  
di cubitum, & lectus iam vocat. POL. Re-  
sponde tu, post horę partem te venturum,  
modo tibi esse quod cum Deo transigas. GER.  
At somnus inuitat. POL. Excute somnum, &  
caue venientem annuentibus oculis excipias.  
GER. Obrepi in cauto. POL. Recte dicis incau-  
to. caute hunc posses & vincere, si velles. GER.  
At oculos ex insidijs inuadi, & reluctantes  
claudi. POL. Parua hic lucta est, vbi ho-  
stis ceremonijs tam blandis recipitur. GER. At  
opprimit me, terrę affundit. POL. Nimirum  
cedentem ipsi & volentem vinci. Si vir sis,  
surges, stabis, in genua procumbes, ambu-  
labis, pectus tundes, suspiria ducēs, de de-  
bitis soluendis, de noxis eluendis cogitabis,  
non de somno, non de lecto, nisi de eo qui a-  
pud inferos damnatis sternitur ē flammę pur-  
pura.

## §. IV.

**E**T quęso quę illa temeraria securitas, &  
exitibilis fœcordia est, cubitum facessere  
& somnum capere cum lethali peccato: Sati-  
us esset noctem illam insomnem ducere, aut vi-  
rulentissimam viperam ad dormituri latus ap-  
plicare, quam ita in stratum se abijcere, vt si  
somni soror Mors lectum inuadat, a somno  
transeundum sit ad vigilias, sed ærumnolas,  
sed tartareas, sed æternas. Ah audax & teme-  
rarium hominum genus!

Mirabatur augustinus Imp olim, equitem Ro-  
manum ducentes HS. hoc est, quingenta mil-

lia philippicorum. & debuisse, & dormire  
potuisse: adeo illi creditorum voces somnum  
non rumpebant. Quare, vbi suppellex mor-  
tui, voci præronis & hastę subiecta est, ex  
omni ea Imperator solum sibi emi voluit cer-  
uical, cui consueisset indormire tantus debi-  
tor. b Et quęso quodnam cervical, quinam  
puluilli sunt isti, quęnam hæ culcitre, quę  
hominem post contractam, nec prius deletam  
lethalem noxam securum iubeant somnum du-  
cere, nisi extrema salutis incuria, cęli obli-  
uio, inferorum irrisio, mortis incogitantia,  
impia denique vitę securitas, & Numinis  
contemptus? Hę sunt illę culcitre, puluilli  
quibus indormiunt, qui conscientia per diem  
lęsa, nec per nocturnam poenitentiam sanata;  
plumis sese immerfos sepeliunt, & soporem  
in altissimam lucem deducunt. At hoc cum  
Deo ludere est, & cęlo per iocum valedicere.  
Neque tamen interea talis a conscientię sti-  
mulis & vulture cor fodicatę penitus libera-  
get: recursabunt subinde domestici testes, &  
a suis conscientia furijs infestabitur, quibus  
quidem subinde se subducere, eas tamen nun-  
quam poterit omnino effugere, nisi per v-  
nicum & summę necessarium hoc amuletum,  
vespertinam conscientię censuram. Pulchrę  
& vere Minucius Felix contra idololatrias  
disserens: Apud nos, inquit, & cogitare pec-  
care est: Vos, confcios timetis nos etiam con-  
scientiam solam, sine qua esse non possumus;  
neque enim conscientiam suam decipit, qui  
fallit alienam. Et o felicem illum qui eam sic  
tractat quotidie, vt nec aliorum elogia deside-  
ret, nec monitis egeat aut reprehensionibus,  
dum eam factis mereri laudem conatur, quam  
etsi ab alijs non impetret, a conscientia tamen  
nunquam non obtineat, dumque ijs seipsum  
obiurgationibus vrget, quas etsi ab alijs non  
audiat, hę tamen occultę ad emendationem  
sufficiant. *Gloria nostra hac est, testimonium  
conscientia nostra.*

a Sen. 500000. philip.

b Macrobi. lib. 2. Saturn. c. 4.

## §. V.

**G**ER. At si quis diem optime expenderit,  
& nihil nequorum reperiat? POL. Si dixe-  
rimus, quoniam peccatū nō habemus, ipsi nos se-  
ducimus, & veritas nō est in nobis. a Nemo no-



strum non peccat, neque enim est homo qui non peccet, *b* homines sumus. Septies in die cadet iustus, & resurget. *c* Verum sit ita, nullos die aliquo nequos tibi videaris contraxisse, non tamen ideo superfluous hic labor, qui eo suscipitur, non ut semper reperias culpanda, sed ne reperias. GER. Sed sicut stultitia, est venarum ducere inuitos canes, aut inuitos boves plastro inducere, quemadmodum naufragi stomacho cibum obtrudere non expedit, ita hic proflus putem, minimè succedere quod à nolentibus extorquetur. quid in nausea & fastidio vexanda conscientia? POL. Etiam ij qui mari se credunt, nausent, & euersti stomachi tributum fideliter mari pendunt, neque tamè ceptam viam desinunt, progrediuntur, & spe contingendi portus solantur stomachum, contemnunt nauseam, Virtutis est cuius fastidijs inchoatum opus pertere. Triumphat diabolus si eam inducat nauseam; ut à precibus abducatur. Nondum precari didicit, qui rædio cedit. Quod resistentem fatigat, vincenrem coronat. *d* GER. At subinde ingens & monitorum impatiens obrepit rædium. POL. Vincendum est, & illud prius excutiendum quàm conscientia. Si precari nolis, nisi voluptatem inde trahas, & velut mel lingas, multi quandoque dies sine precibus abibunt. Si vesperi plura non possis, dic corde, & ex animo: Deus propitius esto mihi peccatori. Aut, Misere-re mei Deus secundum magnam misericordiam tuam; deinceps ero alius, ô mi Deus. GER. Sed quid opus præterita in mentem reuocare? quæ quidem retro sunt obliuiscens, inquit Paulus; ad ea verò quæ sunt priora, extendo meipsum. *e* POL. Quàm hoc arguere! vana est, fateor, præteritorum memoria, si nulla eis, aut eis fieri possit medicina. Hic verò errorum cum dolore meminisse, est errores tollere. An non sapientissimè Seneca, de quo iam supra: Hoc nos, inquit, pessimos facit quod nemo vitam suam respicit quid facturi simus, cogitamus, & id raro: quid fecerimus non cogitamus, atqui consiliū futuri ex præterito venit. GER. At pauci sunt, puto, qui quotidiana hac censura se notent, & peractum diem ad calculos reuocent. POL. Vox ista, PAVCI, tantum abest ut hic terreat, ut etiam animet. Quoties proclamat Chri-

stus? Arcta est via ad vitam, & PAUCI inueniunt eam. Præstat cum paucis cælo recipi, quàm cum plurimis perire. GER. At durum est, seipsum reprehendere, & reprehensum insuper pœnis coercere. POL. Durum sit; at pulchrum est & vtile, & via recta ad vitæ sanctimoniam. Vis esse sanctus? Circa tuam vitæ esto austerus, circa alienam autem benignus & mitis. Ignosce aliis plurima, tibi nihil. Sed discussæ videntur pigrorum voces & querelæ. Ignauorum personam, Gerarde, insigniter egisti, dignus cui lucra, persoluam. Superest videre, quo fine conscientia sic vrgenda, aut quo potissimum in examine conscientia animus sit attendendus.

a 1. Ioan. c. 1. v. 8.

b 2. Par. c. 6. v. 36.

c Prov. c. 24. v. 16.

d Bern. c. 29. de int. Dom.

e Phil. c. 3. v. 13.

## CAP. VIII.

*In examine conscientia quo potissimum collineandum. & quanta humana voluntatis sit inconstantia.*

**L** Amici aiunt exemptiles esse oculos, quo tunc primum fronti inferant, cum foras prodeundum est. Lamias, Gerarde, sæpe imitamur, & domi nostræ ad nostra vitia malumus carere oculis, quàm ea cernere, & dolere: at vero cùm ædes alienæ sunt penetranda, cū vitia non nostra sese offerunt, tunc tales fronti oculos imponimus, ut suos videri possit mutuos dedisse serpens Epidaurius. Hic tam promptè vitiositatem aliepiā damnamus, quàm callidè excusamus nostram. Vitia nostra quia amamus, defendimus, & malumus excusare illa quam excutere. Quid culpis vana, nomina præteximus, miseri, & deformitatem nostram augemus, elegantiam affectando inconstantissimi. Homines sumus, miserij, defectibus, vitijs ditissimi. & hoc vno nomine vere miserabiles, quia non tantum vitiosi, sed & in vitijs cernendis cæci sumus, plurimaque lippis oculis transimus quæ stirpitus sunt euellenda. Oculatam hanc cæcitatem emendat EXAMEN CONSCIENTIÆ, si eo quo debet instituat sine, qui fere triplex. Primus ut culpa-



culparum numerus decreſcat, ſiātque ex multis defectibus pauciores, & paulatim nulli. Alter, vt errores antea magni tranſeant in minores, & ſenſim, quantum id fieri poteſt, in nullos. Tertius ne ſemper ſint eidem: eadem enim culpam iterum iterumque ac ſæpius repetere, eodemque luto hære, magnæ ſocordiæ argumentum eſt. Hic Gerarde, hic Rhodus, hic ſaltus; hoc opus, hic labor, vt non ſolum *VELLE* noſtrum, ſed & *FACERE* vires habeat. Sæpe multa proponimus facturos, aut opus inter obliuionem & tadium ſubinde breui euaneſcit.

## S. I.

**V**ult & non vult piger, inquit Salomon. Nouum hoc auditu, & quod vix capi poſſit. Si enim vult, & quomodo non velle affirmatur? quod ſi non vult, qua ratione velle aſſeritur? Hieronymus eleganter in hæc verba diſſerens: Imperare vult, inquit, cum Chriſto, non ſubeſſe pro Chriſto; præmium amat, non prælium. Vult ergo deſiduoſus ille, victoriam ſine prælio, coronam ſine certamine, ſine lucta præmium, ſine ſudore gloriam. Vis, ô bone (te compello, qui nunquam te talem geris, qualem promittis) vis cælo admitti? Volo. Vis pecuniam non tuam reddere? Non poſſum. Reſtius dixiſſes, Nolo. Vis beatus adſcribi? Volo. Vis vitiiſ ſinem imponere, præcandi occaſiones fugere? Volo, ſed nondum. Vis vitam immortalem auſpicari? Volo. Vis palinodiam canere, & ereptam ſamam reſtituere? Non audeo. Vis Chriſto placere? Volo. Vis inimico parcere? Nec poſſum, nec volo. Vis virtutes adipiſci? Volo. Vis adipiſcendis illis neruos intendere, induſtriam omnem adhibere? Nimis hoc opæroſum eſt. En tibi, vult & non vult piger, ſimillimus Balaamo ſic opranti: Morietur anima mea morte iuſtorum, & ſiant noſſima mea horum ſimilia. Improbuſ erat Balaam, proborum tamen obitu decedere volebat: in vitiiſ vitam agere, cum virtute mortem obire cupiebat. Perinde vt ille qui olim interroga- tus, vter eſſe mallet, Cræſuſ an Socrates? In vita, inquit, Cræſuſ, in morte Socrates. Vult & non vult piger; ſinem optimum, non item ea quæ ducunt ad ſinem. Deus per Iſaiam de hiſ grauiſſimè queſtus: Me etiam, inquit,

de die in diem quærunt, & ſcire vias meas volent, quaſi gens quæ iuſtitiam fecerit, & iudiciuſ Dei ſui non dereliquerit: rogant me iudicia iuſtitia, appropinquare Deo volunt. Sed nolunt cum labore, ſed nec vitia, quibus aſſuenerunt, deſerere volunt. Hoc verè & velle & nolle eſt. Tu, quiſquis hanc notam ſubire non vis, eſto firmuſ in via Domini. Sed Scholaſtica inſtantia claruſ paradigma tibi nunc ſubiciam, è quo facile erit perſpicere, quantum noceat inſtantia in corrigendis moribus, ſi ea ſic obſit in diſcendiſ litteriſ.

a Num. ca. 23. v. 10. b Iſa. cap. 58. v. 2.

c Eccli. c. 5. v. 12.

## S. II.

**C**ernimus quot annis ab adoleſcentibuſ non paucis in ſtudioruſ inſtauratione, toto viriuſ cõplexu diſciplinæ arripi, chartarum integra volumina, quaſi totos Muſarum campos exaraturi ſint, parari, ſtilo tantum, calamos ſexcentos exacui, aures arrigi, magiſtroſ attendi, dicta bibi, dictata ſcribi, multa extra ordinem notari, leſtitari, ſcriptitari, vigilari, & prope peruigilari, denique tantuſ improbo labore promitti, vt iureſ vno die, eademque hora Corinthuſ peruenturoſ, tanto diſcendi cæſtro percuſſi ad ſtuduſ ingredituroſ. Sed vbi labor & opæra ſenſim creſcunt, prælectio- nes geminanturoſ, ſcriptiæ, diſputationeſ, exercitationeſ duplicanturoſ, vbi magiſter vel poëmatiſ condendi hypotheſin ſubijcit, vel orationi ſtruendæ quæſtionem proponit, vel ſuorum auditoruſ ingenia periclitari, & tentare incipit, & nunc Latina, nunc Græca, nunc ſoluta, nunc ligata ſcripturæ penſum exigit, iubetque ſuo quemque Marte quæ dicenda inuenire, inuenta loco & ordine componere, compoſita perpolire, tum diſcipuluſ in muſeo domi quærere, hære, vngueſ rodere, caput ſcabere, libelloſ voluere, reuoluerè, nihil reperire, faſtidire, proijcere, ſurgere, teſtudinem aut chelyn arripere, ſideſ tentare an meliùſ quàm libri reſpondeant: aut ſi indoctuſ lyra, pilâ vel luſoriaſ chartulaſ promere, numoſ deponere, calicem ducere, potare, ludere, ridere, dormire, & pro armis viriſque canere:



*Tityre tu patula flevens sub tegmine pluma.*

Nec corpus leuare, donec clarum manè fenestras intret, & in lecto pandiculantem officitantemque deprehendat. Siccine itur ad astra, ô adolescentes. hoc studere est? hoc sudare, algere, vincere? Quid deinde cum in gymnasio classica canunt? Musis magistrisque morbos excusare, pedes, cauput, dêtes, oculos dolere, negotia prætexere, heros, populares, parentes, ne ferulam subeant, adducere, de literis & progressu nihil curare, alia omnia cogitare, imò desperare. Ita qui primis mensibus Cleanthes omnes & Demosthenes superaturi videbantur, tertio quarto quinto, & sequentibus, fracti animis, & luxu abducti, luroncones fiunt, Endymiones imitantur, glires ignauia vincunt. Nimirum, aliud est incipere, aliud incepto non abire: felix principium ducere, & finem non disparem subiungere. En Gerarde, quàm breui tempore scholasticus hic feruor elanguescat! Idem in moribus est obseruare. Par enim ferè ratio est vitæ & virtutis, piorumque operum & litterarum palæstræ. Et quamquam hæc, quæ in bonis artibus inconstantia, ingens detrimentum inferat; tanti tamen non est, quantia, quæ in bonis moribus. A litteris cessare, tamen si turpe adolescenti, cuius hoc vnum est studium vt studeat, in eo tamen fortunæ Græciæ sitæ non sunt, non vita, non salus, non beata ac perennis immortalitas hic periclitatur. Absque librorum comitatu viam ad cœlum reperies, sed non absque virtute, vitæ sanctitate, morum innocentia; cuius elegantiam si corrumpas, & ab integritate deficias, simul spem & rem, & omnia perdas. Hic opus constantia.

### §. III.

**V**erum, ô quoties optimis desiderijs turgenus, velut prægnans ac fœti copiosa prole? videmur mira parituri, magnam morum emendationem, & seriam ad Deum conuersionem: tandem turpiter abortimus, & auram atque ventum parimus. Statuimus grandia, & nihil fit; promittimus multa, & æquè nihil fit. sancta sunt quidem poposcita nostra, sed nullum sortiuntur effectum; proles abortiæ quæ lucem non aspiciunt, sed ante partum extinguuntur, iuramus Deo, hæc & hæc et-

etiam non amplius facturos, sed breui frigescente hoc iuramento redimus ad ciuitates sordes. Laudatur Israelis populus ab hoc facto: Iuraueruntque Domino voce magnâ in iubilo & clangore tubæ. & in sonitu buccinarum, omnes qui erant in Iuda, *cū execratione: in omni enim corde suo iurauerunt, & in tota voluntate sua quæsierunt eum & iuenerunt.* Iurant multi, sed non in omni corde suo: quærit Deum, sed non in tota voluntate sua. damnant peccatum, sed non cum execratione, nec istud seriò & ex animo detestantur, hinc facilis ad illud regressus. Ægyptio tyranno Pharaoni similis sumus, hac tanta voluntatis inconstantia. Quoties improbus ille ingemiscens? Peccavi, ait, in Dominum Deum vestrum, & in vos. Sed nunc dimitte peccatum mihi. *etiam hac vice.* b Sunt qui sæpius in anno, cōfessione piaculari se lustrent, eadem tamen vitia plerumque referant, & illud *etiam hac vice.* sexcenties occurrat, identidem adhuc ingeminet, *etiam hac vice.* Condonat illis Deus delicta, *etiā hac vice,* sed illi ad ingenium redeunt *etiam hac vice.* & cōdonaram culpā omnē repetunt *vicibus innumeris.* Mouit quidem Pharaonem Moyses, &: Veruntamen, inquit, noli vltra fallere, vt non dimittas populum sacrificare Domino. c Veruntamen sefellit vltra non semel, sed sæpius. Monet & nos sacerdos auctoritate diuina: Veruntamen noli vltra fallere, vt toties repetita, & quæ pridem emendasse oportuit, repetas: Ecce sanus factus es iam noli peccare. ne deterius tibi aliquid contingat. d

At nos post paucos dies, post pauculas sepe horas, & vltra fallimus, & noxas sexcenties condonatas repetimus, milles sanati, nos ipsos iterum iterumque vulneramus, & quicquid demum nobis accidat, ex integro animosè peccamus. O volubilem rotam, ô globum erraticum humanæ voluntatis! Lunam mutabilitate vincimus, & modo tam nobis promptum est Nolle, quàm erat antea velle.

a 2 Paral. c. 15. v. 14.

b Exod. c. 10. v. 17.

c Exod. c. 8. v. 29.

d Ioan. c. 5. v. 14.



## S. IV.

**I**nsistendum est capris, ne desit manus ultima, urgenda sunt sanctiora proposita, magnis conatibus agendū vt in opus exeat, quod pulchrum erat statuere. Clauum per parietem adactus, non eum semel duntaxat iterumue malleo leniter ferit, sed tamdiu ictus ingeminar, ac toties reducit malleum in caput clauī, dum is totus asserem penetrarit, & iam fixus firmusque hæreat. Ita non satis est qualecunque propositum obtinendæ virtuti. Proposuisse, o mortales, non sufficit; vltius tendendum est, & proposita persequenda. Parum est statuisse *facere*, nisi cum licuit *fecisse*, constet quod fuerat statutum. Eo spectet quotidianus conatus, vt è rebus omnibus quæ cernuntur, audiuntur, leguntur, cogitantur, maius atque maius in dies eruat peccati odiū. Hoc quāto magis creuerit, tanto feliciore incremento se prodet Virtus. Atque vt his vestigijs tenacius insistamus, hoc sibi quisque certissimū persuadeat, si in libræ lancem vnā mala & supplicia simul omnia, quotquot adhuc ab Orbe condito fuerunt, si egestas, si ærumna carcer, catenæ, si cruces, rotæ ignes, si membrorum lacerationes, si morbi, dedecus, dolores, si mors, si omnes humanæ vitæ formidines, si vniuersi inferorum cruciatus, in vnā inquam, lancem componantur: in alteram vero vnā atque vnicū lethale peccatum immittatur, ab hoc vnico illa prorsus omnia, immani pondere superanda. *a* Eheu! o Iasv mi amantissime! Et nobis tamen iocus est, peccato lethali se obstringere. Parum est cæcos nos appellari, insani sumus, & cum insanientibus furimus. Atque vt nos ipsos amplissimè decipiamus, benignè persuademur, ad animi salutem satis id esse, si vel olim ad valetudinem redituros statuamus. Perinde atque si omnia vitæ nostræ momenta nostri sint arbitrij, vt quamdiu libuerit, liceat insanire, & tum demum ab bonā mentem redire, cum visum nobis fuerit, insaniam desinere. Ah! miseri, quid voluptatis est, sic eruditè falli, & solis se solari propositis, Qui nunc modus peccatorum est, olim & suppliciorum erit.

*a* Ita Ludo. Grana. l. 2. Duc. Pecca. c. 3.

## S. V.

**G**ER. Liceat interfari, Bene proponere, & nunquam exequi, aut malè cum obliuionis, tum imbecillitatis humanæ signa sunt. POL. Verum te dicere, credam, si addas, cum pigrity tum malitiz probra sunt. Aliquid, non negem, boni propositi decerpit obliuio, aliquid imbecillitas hominis & corruptior natura: non minus tamen honestum propositum subuertit pigrity; nequitia vero plurimum. Hinc mensibus, hinc annis singulis eadem atque eadem vitia, sæpe plura & grauiora ad sacerdotis aures redeunt, quia licet bene incipiamus, ceptis tamen desumus, aut nouo languore victi, aut veteri peruersitate.

Apologum tibi recitabo sapienter factum, in nostrorum propositorum vanitatem. Lupo in caulā deprehenso mortem minatus est opilio. Lupus ad dolosa facundia artes confugiens: Mi domine, inquit, non redibo huc amplius, sed & greges tui posthac à me tutissimè erunt, ita promitto, ita spondeo, & fidem meam do. Cui pastor: Non me, inquit, decipies nequissima bestia. & vero tunc non redibis amplius, cum te iugulauero. nimis crebro sefellisti fidem. Et cur ego tibi parcerem, cui non satis est meos agnos & oves in campis lacerare, sed & in stabulum clam subreperere, & sola nocendi libidine fame non vrgete, infontes pecudes discerpere. Nunc lues, non parco. Ad hanc vocem lupo? Agnosco, inquit, mi domine recordiam meam. & quid vis: habes contentem reum, sed quem nequitie suæ pœniteat ex animo, & patieris, scio, me bonum fieri, deinceps alijs viuam moribus, nec quidquam rapiam, nisi cogente fame. & licet dira me fames coegerit, non tamen nisi septem obolo cenabo.

Motus pastor tam sincera confessione, tamque ampla pollicitatione: Ergo abi, inquit, sed memento te vitam liberalitati meæ debere: vide stes promissis.

Abit lupo; & iam dulcius ei erat viuere, post hanc vitæ factam gratiam. In itinere secum meditatatur frugaliorem abstinentiam, & mensam septem obolorum. dumque cogitationibus mensus lentiore passu progreditur, en tibi veruex pinguisissimus venit obuia. O nimium potentes illecebræ! quis hic tam lapis sit,

vt de-



vt dentes salinâ natantes substringat? Ergone, inquit lupus, mihi vltro prandium occurrit? nefas videtur fortunam tam propitiam non salutare. Sed qui palpum obrudam opilioni in ius trahenti? quo nomine hanc culpam purgabo, si fidem frangam, si fœdus negligam? Ponamus ergo rationes: Iste veruex nihil valet; ego certe illum non emerim tribus obolis, hoc tantum triobolare est prandium. itaque prandere non differo. mox venecem inuasi, discerpsit, deuorauit. Altero ab hoc die bouem & vnâ pascualem vitulum habuit obuium. Hic Inpus priore facinore iam audacior: bene est, inquit, bos iste quatuor obolis censeripotest, vitulus tribus. hac ratione tota cena septem obolos non excedet. Hoc ioco & istud scelus prætexuit. Quid tibi videtur, Gerarde, an non mutato nomine de nobis fabula centatur? An non multi sub humana specie lupo illi paria faciunt? Hos vbi arcanus iudex, sacerdos cauere iubet, exitium æternum his talibus imminere, ipsi omnia se facturos recipiunt; ille furtum, hic crapulam, iste adulterium detestatur; credere eos iurare in leges sanctimonix. Sedenim quid iam? pauculi dies abeunt, redeunt occasiones pristinx delinquendi, inuitant focij, blanditur caro, cacodæmon instigat; ita miseri paullatim audent antiqua omnia, & ne conscientia vehementius reclamet, repetitam culpam, vt lupus, varijs pigmentis extenuant. Est qui ad pompam aut choreas inuitet. Cui alter comitaretur, inquit, ni promississem, eò loci me non rediturum. Mox prior: Non, inquit, tabernam, sed crapulam sed luxuriam inter prohibita numeremus, mens subinde à serijs auocanda est: eamus. Itur, & in seram noctem bibitur, dum.

— iam vertigine tectum

*Ambulet. & gemina exurgat mensa lucernis. a*

Multò latentius libido sollicitat; tenuissimis sepe principijs inserpit animo. Munnscula cantionculæ, epistolæ, picturæ & libelli molliores placere incipiunt: laudatur aliena forma, colloquia quaruntur petulantiora, & infidiosa blandimenta aurium, & quò præuolant oculi, paullatim sequuntur manus. ita demum omne castimonix propositum corruit. Ita in alijs etiam vacillamus, & animi no-

stri decreta ipsi facillimè conuellimus;  
*a Iuuen. sat. 6. v. 304.*

# S. VI.

**H**Vnc lusum Hebræi millies luserunt cum Deo, quantam sepius promiserunt obedientiam? mox ad ingenium redierunt, & ad iam notam perfidiam: *Ci: d fecerunt, obliiti sunt operum eius, & non sustinuerunt consilium eius. a* Cum hostis hereret à tergo, cum serpentes ignei morderent, cum varia eos necessitas premeret, quantis clamoribus apud Deum egerunt, vt seruarentur? *Et clamauerunt ad Dominum cum tribularentur, & de necessitatibus eorum eripuit eos. b* Nihilominus: *Exacerbauerunt eloquia Dei, & consilium Altissimi irritauerunt* tales post correctione, quales antea. Ab hac tam flagitiosa inconstantia non multum nos abludimus; nimium frequenter Iudei sumus. In morbo, vitorum omnium inimici videri possumus: at vbi morbus valedixit, nos sensim cum vitijs in gratiam redimus, & postliminio morbi, nouam iungimus amicitiam cum antiqua Superbia, aut Libidine, aut Auaritia. Si facerent sani, quæ facturos statuunt egroti, breui Christianus Orbis faciem indueret meliorem.

*Videns Pharaon quod cessasset pluuia, & grande, & tonitrua, auxit peccatum. c* Ita nos, cum aduersis vrgemur, grande odium indicimus peccatis; cum redit fortunæ serenitas, hilari cachinno Peccatum resalutamus, & hostem toties eiecimus, largiore, quàm antea, beneuolentia recipimus. Et hoc est non tantum parentum suorum, aut sui nominis obliuisci, vt Messala Coruinus, sed sui ipsius, quæ omnium est damnosissima obliuio.

Hebræis inter alia monumenta plurima, & simbria violacæ erant in veste: ne sui ipsorum Dei quæ obliuiscerentur. Ita Deus Moisi: *Recordentur, inquit, omnium mandatorum Domini, nec sequantur cogitationes suas & oculos, per varias res fornicantes: sed magis memores præceptorum Domini, faciant ea, sicut, sancti Deo suo. d* Isaias: *Hic, inquit, qui habitauerint corâ Domino, erit negotiatio eius vt manducent insaturatè, & vestiantur vsq; ad vetustatem e* Pœnitentia & sanctioris vitæ desiderijs sapius bene vestimur, sed non vsq; ad vetustatem. Nō licet per nos his vestibus ad senium pertingere: vix



# DE CVLTV CONSCIEN TIÆ.

521

re: vix eas induimus, mox peruianti manu laceramus. Inde meritò nobis obijcitur, & nescis quia tu es miser, & miserabilis, & pauper, & cecus & NVDFVS. f. Petulantie tuæ age gratias, quod optimam vestem innocentia tam citò laceraris, & hoc egeris, vt iam virtutum indumentis careas. Ita post initia sæpe bona, progressus malus, pessimus exitus.

a Psa. 105. v. 13.

b Psa. 106. v. 6. 13. 19. 28.

c Exod. c. 9. v. 34.

d Num. c. 15. v. 38. &c.

e Isa. c. 23. v. ult.

f Apoc. c. 3. v. 17.

## S. VII.

**A**H! quæ nostra est hodie rerum gerendarum inconstantia? Non sic, quicunque vlla in re clari magnique fuere, sese tractauere. Philosophiæ princeps euasit ille Stagirita, sed viginti rotos annos audiuit Platonem. Celebrati Pythagorei, sed annis pluribus tacere prius quàm loqui didicere, quamquam rectius semper tacuissent, quàm post multos etiam annos ita locuti. Laudatur hodie Apelles, sed nullum abire diem sine ducta linea passus est. Agesilai dictum mihi summo pere semper placuit. Hic admonitus; ipse sibi parceret ob incertam fortunam: At ego, inquit, meipsum assuescacio, vtin nulla mutatione admittam mutationem.

Iusserat Dionysius, notus ille ab Sicilia tyrannus, vt omnes qui conuiuio interessent, in veste purpurea saltarent. Recusauit Plato id facere, neque enim Philosopho hoc tale vestimentum conuenire. At verò Aristippus & vestem eam induit, & imperatas choreas ingressus: Qui verè, inquit, pudicus est, nec inter bacchanalia corrumpitur. Vterque Christianè & constanter, iste dicendo, ille faciendo.

Atqui hæc ego profanis relinquo. In Christiana Republica, Superi, quæ constantia suppeditant exempla? tacebo veteris memoriz Abrahamos, Iacobos, Moses, Iosephos, Iobos, Tobias, Iudithas, Paulum nostrum, Ecclesiæ columen, gloriantem audi, qui immensis laborum, ærumnarum, periculorum malis terra marique exantlatis exclamat: Cursum consummaui, fidem seruaui, de re-

liquo reposita est mihi corona iustitiæ, quam reddet mihi Dominus, in illa die iustus iudex a.

Fortissimas innumerabilium Martyrum lectiones, ad mortem & vltima supplicia decerantes intueri, ô vagi & inconstantis animi homo. Anachoretarum patientiam, constantiamque vix credendam contemplare, videbis multos ad quinquagesimum, octogesimum, centesimum annum in summa vitæ egestate, penuria, asperitate, labore, æstu, frigore, siti, fame, constantissimè perdurasse. Noti nobis Pauli, Antonij, Macarij, Hilariones, Simeones, Daniele, Stylitæ, quorum æternæ stationes, eluritiones, precationes, peruigilia omnem omnium sæculorum posteritatem in admirationem summam adducunt. Hæc magna, hæc præclara, hæc diuina sunt. Nos ægrè subinde per cineralia, per mensem, per diem, ne dicam per horam, prauos animi affectus in officiū continemus. Ita sæpe quidem inchoamus, initium ducimus, facienda destinamus, sed destinatis non insistimus, Nō tantum in fine, sed & ante finē corrūpimus. b

a 2. Tim. c. 4. v. 7.

b Psa. 94. v. 1. sen tit.

## S. VIII.

**H**Ic te, Gerarde, velim esse prolixæ patientiæ. Nihil hic nimium dicitur, quia quod dicitur, vix vlli satis creditur; nil nimium inculcatur, ea est huius morbi pertinacia & malignitas: Et plerique omnes hoc malo corripimur: Sumus promissores grandi hiatu, hostes nostros debellamus super mensam vno halitu, at vbi constanti conatu & ardore progrediendum est, terga vertimus, & laborem exosi reuoluimur ad eandem segnitiam. Nosti quid dicat Thomas à Kempis: O quantà fragilitas humana, quæ semper prona est ad vitia! Hodie confiteris peccata tua, & cras iterum perpetras. Nunc proponis cauere, & post horam agis, quasi nihil proposuisses. a

Fingebant prisca Tithonum immortalæ æuo ab Aurora donatum, cum tamen & senuisse & defecisse; in cicadam denique mutatum esse. Et nos quandoque propositis nostris immortales nobis videmur & æterni. Est cum & nostrum quis auder has voces iactare: Non mouebo in æternū. b Ita David tot victorijs

Vuu

clarus:



clarus: Dixi (inquit) in abundantia mea, non mouebor in aeternum. At mox subiecit: Avertisti faciem tuam à me, & factus sum conturbatus. Paulo ante serenitas, lux, decus, felicitas me circumdabant, fortissimus mihi videbar & maximarum virium. Sed heu, robur hoc meum, à me non erat, à Deo erat: vertit ille se, & ego iam leui ventulo impugnor & deijcior. Princeps ille Apostolorum quantus erat ante pugnam, & quam ingentibus promissis alacer? Etiam si oportuerit, inquit, me mori tecum, non te negabo. Vix abierunt tres horulae, cum iam plenus trepidatione, & ad ancillae sibilum exterritus timidissimas voces spargit: Non sum, non noui hunc hominem, nescio quid dicis. Et ceteri quid? dilapsi sunt, fugerunt, latebras quaesierunt. Sed an non omnes in mortis societatem cum Domino coniurarunt, ita prorsus: *Similiter & omnes discipuli dixerunt.* Sed aliud est dicere, aliud facere, aliud proponere, aliud quae proposueris, in opus producere. Et ne miremur adeo sibi dissimiles fuisse discipulos Domini intra pauculas horas. Moniti erant & vigilare & orare; neutrum fecerunt. hinc in pugna victi, quia ante pugnam imparati. Mala in pace securitas, incertam facit in bello victoriam.

Dicere solebat Cato: illum sibi militem, omnium minimè probari, qui ambulans manus moueret, pugnans pedes, clariùsque sterneret quam inclamaret. Nunquid, Gerarde, nos tales sumus? qui antequam in conspectum hostis veniamus, grandia spiramus facinora, & pene iam caelum rapimus magna proponendo: At vbi cominus salutandus hostis, vbi ardua fortitudinem, dura patientiam, abiecta submissionem, illecebrosa continentiam nostram desiderant. hem, non iam manus sed pedes agitamus, & imbelli fuga praecipites abimus ad Impatientiam, ad Languorem & Fastum, ad Luxuriam. O athletas! o milites, qui hostes suos inter pocula exarant! Non coronabitur, nisi qui legitimè certauerit. d At nemini illius certamen legitimum fuisse dixeris, quod ad finem debitum non fuerit perductum.

a Imit. Christi l. 1. c. 22. m. 6.

b Psal. 29. v. 7. & 9.

c Matth. c. 26. v. 35. & 36.

## §. IX.

**A**Rbor, quamuis primo vere in frondes sese induat, flore triumphet, fructusque vberimos polliceatur, nisi tamen ad maturitatem baccas prouehat, aut speratum cultori pomum largiatur, inutilis habetur ac penitus extirpatur. Vitēs quamuis gemmantes spem latam vinitori ostendant, nisi mites vuarum botros educant, à radicibus conuulsae Vulcani consecrantur: Architectus quamuis alta palatiorum turriumque fundamenta recte iaciat, substructiones molitur, parietes erigat, si deficiat in recto, exponit se ludibrio. Par fere ratio viri & virtutis; frondemus, floremus, fructus spondemus, nullos damus; fundamenta iacimus sed domum ad recti fastigium non perducimus; Cum Oratoribus saepe exordimur, cum nautis saepe vela damus, sed ingruente procella, ad litus vnde soluiamus, redimus; carceribus euolamus cum cursoribus, sed medio in cursu frangimur, languemus, labimur, iacemus. Primus & vltimus est Cacodæmonis aries quem admovent, ut à bene ceptis retardet, vbi hoc impetravit, sensim sine sensu ad alia atque alia, & semper ad deteriora pertrahit. ita quouis die si non peiores, ad malum certè prouiores euadimus, nisi cœpta constantissimè virgemus.

Quoties victrices manus cum Mose tollimus, a sed mox ad primam fatigationem, victas iterum demittimus, sic nunquam serio vincimus. Heu vitam consumimus ædificando, destruendo, & saxum Sisyphi voluendo, quod vbi ad montis vmbilicum ascendit, quasi poenitens tam ardui itineris, repentino lapsu ad imum reuoluitur. Ita nos identidem post breuem pietatem ad inolitam consuetudinem reuertimur, velut diuturnioris sanctimonie iurati hostes. Ita Penelopes telam semper teximus, ac reteximus: ita omnis aras elabitur incipiendo, & nunquam finiendo.

Lædatur, inquit Iobus, quasi vinea, in primo flore botrus eius, & quasi oliua proiciens florem suum b Flos oliuæ delicatissimus, quamcunque cæli iniuriam non sine grandi damno accipit. Reflorescimus nos velut oliua quoties peccasse ingemiscimus, & mores

emend.



emendatores promittimus, at ubi vel strictior malignæ impugnationis, vel mollior amœnæ occasionis aura nos tangit, mox omnem floris opulentiam excutimus, arbores nimis delicate quæcunque temporis iniuria aut vicissitudo vrere nos aut deicere potest. Vide mihi Danielelem vatem quotidie ter constantissime orantem, non eum emulorum insidie, non leges regiar, non capitis periculum ab hoc vitæ instituto poterat abstergere. ita decreuerat facere, & quod recte à se decretum fuerat, in eo constantissima mente censuit esse perseverandum. Nos crebro decernimus pie vivere, sed decretis nostris non diu, non pertinaciter inhaeremus: corpus habemus, sed nervos non habemus: sidera sumus, sed errantia; manus quidem aratro, sed oculi tergo inhaerent. Nimirum stultus sicut Luna mutatur: homo autem sanctus in sapientia manet sicut Sol. *e* Vox illa prisce de Christianis hic verissima est: Manè psalterium, meridie convivium, vesperti convitium & propudium. Nimirum his gradibus ad cælum nos ascensuros somniamus. Sic stulti sumus vt cum spiritu cœperimus, carne consummemur. *d* Non sic ô Christiani, non sic ad alta pervenitur; hoc non est ascendere. Attendite vobis, in disciplina perseverate; *e* est facilis descensus Avernus. Qui in via ad Æternitatem non continuo ascendit, atque de die in diem proficit, is sanè in declive fertur, & de die in diem deficit. In Dei obsequio non progredi, est regredi. Quatuor animalia illa Ezechielis visa, illuc gradiebantur, quo spiritus impetu ferebantur, & non reuertebantur: *f* In hoc itinere velle consistere, est velle reverteri. I una crescit, dum ad plenum orbem distendat, flumina currunt dum in mare se prouoluunt, ascendit ignis dum ad spheram suam pertingat: Sic omnino dum vivimus, necessum est crescere, currere, ascendere constanti Virtutis cultu. Aristotele monitore, ad virtutem requiritur: firmiter & immobiliter operari. *g* Qui monitis his parent, ibuat de virtute in virtutem. *h*

*a* Exod. c. 17. v. 11.

*b* Iob cap. 15. v. 33.

*c* Eccli. c. 27. v. 12.

*d* Gal. c. 3. v. 3.

*e* Hebr. c. 12. v. 7.

*f* Ezech. c. 1. v. 12.

*g* 2. Ethic. c. 4.

*h* Psal. 83. v. 8.

## S. X.

**G**ER. Optimè dicis, Polychroni, & verissime dicis. Sed quicquid dicas; Homines sumus, qui ad assueta vsque, & vsque, & vsque relabimur. & quam facile est conquiescere, cum sic somnus vrget? *P o l.* Hoc ipsum nos vrgeat vt hunc animi lethargum acrius expellamus, cum ille nos tam nulla vi vincat. Si minus huic hosti pateremus, esset aliqua cessationi nostræ venia, nunc vero cum constet, nihil nobis facilius esse quam à bene cœptis deficere, & male agere, quid est quod adeo in nostram perniciem torpeamus? An genium nostræ voluntatis ignoramus? quæ ubi virtutis consortium declinare incipit, in vitiorum amicitiam mox transit. Purei stulam mihi considera. hæc etsi iam ad supremum os fontis ascenderit, si tamen manum ab ea retinenda subducas, mox impetu deorsum ruit in imam scaturiginem: ita voluntas nostra si bimet permissa, sine duce ruit in vetitum, pæne in dies aut peior, aut certe ad bonum remissior. Idcirco illi Deo familiares viri quotidianis incrementis se vni constantiæ parabant. Isaacum, Moysen, Dauidem aspice seipsum quotidie fortiores. Non est bonus, qui non vult esse melior, & ubi quis incipit nolle esse melior, ibi & bonus esse desinit. Quæ quidem retro sunt, inquit Apostolus, obliuiscens, ad ea vero quæ sunt priora, extendens meipsum, ad destinatum persequor. *a* Persequar inimicos meos (iurat David) & comprehendam illos, & non conuertar donec deficiant. *b* O malè fundatos conatus nostros, quos aut robur aut constantia destituit. Vitia nostra, hostes nostros, quandoque cadimus, sed non persequimur cadendo, non comprehendimus; conuertimur & deficimus. Pachomius suorum aures assidue obtundebat hoc monito. Frustra ad salutis brauium currimus, nisi sic curramus vt cōprehēdamus; frustra cū hoste cōfigimus, nisi certemus vt vincamus. *c* Hoc ipsum nobis assiduissimè & quot horis occentemus: vrge negotium, vrge, vrge: cœpisti mansuetus esse? persevera hanc mansuetudinem, cœpisti castus esse? lasciviam ne repete, retine castimoniam: cœpisti è pigro laborio-

Y u u z

borio-



boriosus fieri? perpetua laborem: multas vitiorum sordes euoluisti? ne redi ad vomitum. Hoc negotium urge, hic tibi sis similis, hanc telam pertexe & in bene cœptis perdura. Petrum Aldobrandinum purpuratum Romanum senatorem ferunt solitum dicere: Perseuerantia est virtutum baculus, quo nisi nitantur omnes, corruunt. Pars certè magna profectus est, quotidie idque serio velle proficere. Bilanx aurifabri tam mobilis est, vt leuissima quauis festucula deprimatur: ita nos vel ipsa occasiois umbra, aut asperior iracundiæ ventulus ab honesti rectique via depellit, & iam iterum ad vitæ prioris sordes reuertimur, & cum probè circumspexerimus, nos in ipsis principijs vitæ bonæ deprehendimus, quos pridem longius progressos putabamus. Ita demum fama de nobis non bona in cœlo inter Angelos spargitur: *quia hic homo cœpit ædificare, & non potuit consummare.* d exorsus est bene, progressus est aliquamdiu, collapsus est ad extremum. Geminæ illæ boues ad Arcam Domini trahendam iunctæ, nec dextra nec læua declinabant per viam Betfames; e & licet vituli matrum absentiam inclamarent, illæ tamen cœptum iter perseuerabant. Iugum Domini ah quoties in nos recipimus, & virtutis viâ incedimus, sed heu breui illud excutimus, & ad vitulos nostros redimus. Quid agis, non bos, sed homo? progredere, non desiste; vt cœpisti, sic perge: mugiant licet concupiscentiæ, inuitet notum stabulum, tu perge: & quamuis consuetudo reclamet, socij alio trahant, tu verò perge & nec responso dignare auocantes. Paulinum illud assidue cogita: Fratres nolite deficere benefacientes: e

a Philip. c. 3. v. 13. b Ps. 17. v. 38.

c Metaphrast. & alij.

d Luc. 14. v. 30.

e 1. Reg. 6. v. 12.

f 2. Thess. c. 3. 13.

### §. XI.

**E**Rgo, bonum facientes non deficiamus, tempore enim suo meremus non deficere. a In morte, bonum fuisse, non sufficit, sed ad mortem bonum permanisse. Beatus seruus ille, quem cum venerit Dominus, inuenerit ita facientem, b non, ite fecisse. Si prudentia

Samsonis & sapientia Salomonis ad suum finem ematuruissent, nec ille vires amisisset, nec iste regnum scidisset. c In Christianis non principium sed finis attenditur. male cœpit Paulus, bene finijt; bene cœpit Iudas & male finijt. Currit incassum qui prius succumbit quàm cursum absoluit. Ad desertum cum Hebræis perueniunt multi, in terras illas fertiles vix vllus. Monstruosum opus, cuius principium est ratio, finis libido. Centauros & chimæras enituntur; habent hi partus nostri caput humanum, sed pedes equinos aut leoninos. Initia Saulis fuerunt, optima, sed quia in rectè cœptis non perstitit, morte pessima finiuit. Vxor Lothi, vitæ & saluti consuluit urbem egrediendo, vitam & salutem & omnia perdidit, ad urbem respiciendo. d Sunt qui icti sapere incipiant, & fallacissimas mundi vanitates execrari; at mox cum Lothi coniuge curiosum oculum ad veritatis oblectationulas reflectunt: vident, ardent: vincuntur, pereunt. O miseri! brevis est labor, præmium erit æternum, momento stat pugna, æternitate tota permanet corona.

Narrat sacra pagina virum Levitem apud socerum suum diuersatum, laute & humaniter habitum esse triduo, quarto demum die Leuites, ne hospitii sui liberalitate abuteretur, protectionem adornaui. Cui valedicenti socer: *Gusta prius, inquit, pusillum panis, & conforta stomachum, & sic proficisceris. Sederuntque simul, ac comederunt & biberunt.* Vesperascente die rogat iterum socer: *Quaeso te, vt hodie hic maneas, pariterque latemur.* Leuites, cœpit quidem velle proficisci, sed non profectus est, sic eadem die, hospitali domo pedem non extulit: mansit, latatus est. Postero manè, parabat rursum Leuites iter. quem denuò socer, blandè detentans: *Oro te, inquit, vt paululum cibi capias, & assumptis viribus dū increseat dies, postea proficisceris.* Persuasus iuuenis blandissima hospitalitate, ientare cœpit, sed hoc ientaculū nec ad meridiem finijt. Atque vbi solem pomeridianum notauit, subito è mensa consurgens itineris iam certus valedixit. Cui rursum socer: *Considera, inquit, quod dies ad occusum declinior sit, & propinquat ad vesperum; mane apud me etiam hodie, & duc latum diem, & cras proficisceris.* e Talis omnino est. Gerarde, profectio nostra in patriam, veram illam & beatam.



beatam. moramur & tritamur dum dies abit. Iam hoc, iam illud vitium suauissimè inuitas: *Mane apud me*, inquit, *etiam hodie*, & *duc letum diem*, & *cras proficisceris*, Quid nos ad hæc? incipimus *velle proficisci*, non tamen proficiscimur, manemus etiam hodie, & ducimus letum diem. Altero mane perfectionis occasio urget, confurgimus velut iam iam abituri, cum autem tanta humanitate ad ientandum inuitamur, non difficillime persuademur; manemus iterum, etiam hodie; & cras (dicimus) proficiscemur. Ita crastino, & perendino, ita quinto & septimo, ita multis diebus alijs manemus. Et licet quandoque pedem domo proferamus & in viam nos demus, mox redimus, & veterem noti hospitij beneuolentiam inquirimus. Sic iter nullum absoluiamus, etsi plurima ineamus, constanti, seu rectius, peritua inconstantia. Hoc illud voluntatis nostræ contagium est. O vacillantes animi! ô homines ventosissimi! Attendite, obsecro, ad extremam patientis Domini vocem: **CONSVMMATVM EST.** Hæc vox è cruce in paradysum iter aperuit. Standum, perseverandum, consummandum est. Patientiæ soror est Perseuerantia, illam sibi non conciliat, qui hanc à se procul amandat.

a *Gal. c. 6. v. 9.*

b *Luc. c. 12. v. 45.*

c *2. Reg. 11. v. 11.*

d *Gen. c. 19. v. 26.*

e *Iudic. c. 19. v. 5. & seqq.*

S. XII.

**A**brahamum sacrificio intentum, subito agmine volucres eduolant, turbaturæ virum, si ille se turbari fuisset passus, sed enim in sacrificij parte ponebat Abraham, constantiam non perdere, aures abigere, & carnes ab ijs intactas seruare. Et quanta cogitationum agmina nos inuadunt, cum preces fundimus, & Numini supplicamus? Tu verò abige muscas, perge precari, orationis exordium suum epilogum annecte, quod inchoasti perfice. Verum, *in imagine pertransit homo.* a Imago hominis quem pictor sedentem aut stare parantem pinxit, nunquam surgit, nunquam stat, etiam si videatur velle surgere & stare, Millicies hanc imaginem intueri, nunquam sur-

rexisse cernes, surgere tantum molientem Tales plerique omnes, omnes pictæ imagines sumus, videmus velle surgere, velle stare, non surgimus, nec stamus. Surgere nos iubet dies Christi Nascantis, molimur surgere, non surgimus: surgere nos iubet dies Christi Resurgentis, nec iam aliud quàm antea facimus: surgere nos iubent & alij per annum sacratiores dies, sed nos moris nostri sumus, æquæ lenta sunt nostra mollimina ad surgendum, nec tum surgimus aut certè mox iterum sedemur, cadimus, iacemus ita sanè, *in imagine pertransit homo*: cadit vt viuus, surgit vt pictus.

Apud Egyptias Thebas, Memnonis statuem olim fuisse aiunt è nigro lapide ad ortum solis conuersam. Hæc imberbem adolescentem referebat. cuius ambæ manus sedi sic innitebantur, vt hominis surgere volentis similitudinem exprimerent: videbatur enim saxeus ille adolescens orienti soli veste allurgere, Oculorum autem & totius oris conformatio, hominem iam iam locuturum representabat. Et sunt qui dicant ab hac statuâ sonum edi solitum, cum illam sol oriens radijs suis attingisset. a Huic simulachro nos prorsus simillimi sumus. In molli viriorum sede, dies & annos velut clauis affixi hæremus. Et licet surgere velle videamur, & abitum moliri, nunquam tamen surgimus, à vitijs nunquam ferio abimus. Videmur etiam velle loqui, & commissas noxas velut nō amplius repetendas efficacissimè detestari. Sed heu quam fractè loquimur! inanis sonitus non ab imo pectore, sed à summis labris euolat. languidas aliquot vocalas ab ore fundimus: *doleo, nollem fecisse, inconsideratè egi* Vbi dicta illa robustiora? Ex animo me pœnitet omnium noxarum, extremè damno quod feci. malle fluxa hæc omnia perdidisse, quàm Deum offendisse: sed statuo, cum plâte iuro, firmissimè propono, iustificationes Domini custodire, & has noxas non amplius repetere: mori malo quàm talia denuò patrare: totis posthac viribus in mei emendationem incumbam.

Paucorum hæ voces sunt, & sint licet, verbis tamen non respondent facta, nec sermo cum vita concordat; dicimus & non facimus, statuimus & nil perficimus, decernimus & non exequimur. Nimirum saxei homines sumus, in pranas consuetudines pessimè ob-



finati. & hoc ipso illi lapideò adolescenti non abfimiles, quod ad maturam sanctioris vitæ senectutem vix vnquam pertingamus, atque ita maneamus lapides.

In vestis Aaronicæ orâ infima inter campanulas aureas, mala punica purpurascebant; hæc inter arborum fœtus excellunt, & rectè virtutum præmijs conferuntur, sed illa non ad supremum vestis marginem, ad vmbilicum, sed imam fimbriam appendebantur: ita præmiũ virtutis non incipientibus, non progredientibus, nec in medio hærescentibus, sed finientibus cedit. Esto fidelis vsque ad mortem, & dabo tibi coronam vitæ c

Itaque in omni bene beatæque agendæ vitæ instituto constare nos nobis ipsis decet, vt semper iidē simus, imò & meliores simus, eademq; animi & maiori semper alacritate curamus quâ cœpimus. Si quo fortè vitij diuerticulo, iustitię iter fuerit interruptum, rursus ad illud per poenitentiam reuertamur. quoniam autem reuertendi facultas interdum morte præceditur, diuertere periculosissimum, continuare semper tutissimum. Seruiamus illi in sanctitate & iustitia coram ipso, *omnibus diebus nostris.* d At nos nescio quam morosè vitæ nostræ seriem numeremus, longum nobis videretur triginta, quadraginta aut sexaginta annis, integros castosque mores perseverare; pœnè tot sæcula quot annos computamus. adeo leui morula nostra omnis clangescit Constantia. O homines pusilli animi! Noëmum videte, iustum, perfectum, cum Deo ambulantem. b Hic cum molienti arcẽ manuum admoueret, quingentorum annorum erat. Finito sæculari opere illo, sexcentas iam ætates viderat, cum morti concederet, annos vitæ numerabat nongentos quinquaginta, Eò qui constantissimam innocentiam perduxerat maturus hic cælo senex. Vbi iam anni nostri pauculi, è quibus vel vnicum innocentie, integrum donare, nimia nobis videretur liberalitas. A custodia matutina vsque ad noctem speret Israël in Domino. f Melius est non cœpisse, quam non finivisse. g Nihil est quo non expugnet pertinax opera, & intenta ac diligens cura. h Hæc Christianorum vera demum est gloria, cum Christo posse dicere: Opus consummaui, quod dedisti mihi vt faciam. i

a Ps. 38. v. 7.

b Pausanias in Atticis l. 35. c. 7. Philostratus, Suidas, Strabo, alijs.

c Apoc. c. 2. v. 10.

d Luc. c. 1. v. 75.

e Gen. c. 6. v. 9.

f Ps. 129. v. 9.

g Aug. de Contin.

h Sen. ep. 66.

i Ioan. c. 19. v. 30.

CAPVT IX.

Examen conscientia commendatur Religiosis.

§. I.

**V**Os ego nunc maximè appello (sed reuerenter & submisse) quorum leges quotidianum esse volunt hoc conscientie tribunal. Hic ego oro & obsecro (nihil enim in me imperij) si quid facitis, id rectè & integrè facite. Animus domui suæ sit, vigilent oculi, perseverent genua, lingua suis partibus ne desit, opus suum faciant, & manus, atque in pugilares, chartam, tabellas referant, si quid debitorum contractum, aut si quid rerum aliarum huc spectantium subnotandum est.

Inter profanissima veterum sacra clamabat olim præco: Hoc AGE. Hoc ipsum quisque sibi sub noctem seuerius ocllamiter: Hoc AGE, conscientiam tuam rimare, & omnes illius angulos excute. Neque vnquam deerit quod rimeris & excutias. Si Bernardo credimus, Conscientia tam nostra quam aliena, abyssus & nox est imperscrutabilis. a Ergo inquite in teipsum, de teipso fer sententiam non conuiuentem oculo, attentisq; auribus. Hoc AGE: Sed actum te agere scias, nisi iam hoc vnum, idque seriò agas Ergo hunc diem tuum recognosce, affectus insolentiores compesce, marcentia in te excita, soluta constringe, contumacia doma, cupiditates tuas iugula: & istis dicentibus, Quousque eadem? responde, Ego debeo dicere, Quousque eadem peccabitis? remedia antè vultis quam vitia desinere. ego vero eo magis dicam, & quia recusatis, perseverabo. b

Hoc ergo agendum est, vt quod censuram meretur, reprehendi & extirpari, quod laudem, commen-



commendari possit, & altius animo inferi.  
beatus, qui

*Index ipse sui se totum explorat ad vnguem.*

*nil vi delirer amissis:*

*Cogitat, & iusto trutinæ se examine pensat. c*

Antequam veniat tibi somnus, inquit Chrysostomus, profer in medium, codicem Conscientiam tuam, & reminiscere peccata tua, si quid in verbo, seu in facto, vel in cogitatione peccasti. *e* Cum Romano Sapiente hic quivis optime dixerit. Hoc mihi satis est, quotidie aliquid ex vitijis meis demere, & errores meos obiurgare. *d* O quoties per diem nosmet amittimus, & vaga licentia eriantes velut perditii, aut in Iræ, an in Impatientiæ, vel etiam in Socordiæ dominum impingimus. Vesper; quisquis voluerit reuocare gradum, poterit, & à tam barbara servitute se vindicare. Inestimabile bonum est, suum fieri, & in seipsum habere maximam potestatem, nec ulli rei affectu nexum esse, nisi vni Deo, cui, an mens hominis se ita donarit, non otiose ad conscientiæ tribunal disquirendum. Hoc opus, hic labor, ut quod tunc faciendum, non oscitanter, non perfuntorie, non somniculose fiat. quis enim non dixerit stultitiæ proprium esse, illud quod quis cura & studio vix recte faciat, hoc ignavè ac negligenter facere, & alio corpus impellere, alio animum. Quicquid obsequij Deo defertur, id quam potest, studiosissime & accuratissime deferendum est: dignissimus est Deus, in cuius cultum nervi omnes, cum animi tum corporis intenduntur. nec in levi negligentia ponendum, quicquid hic paullo negligentius curatur. Divinus Paulus precaturus: Orabo, inquit, spiritu, orabo & mente. *f* Nimirum in alijs satis fuerit partem hominis fatigati, hic totus homo nunquam satis laboraverit. Sedulos ministros vult Deus, & qui id quod agunt, toti agant. O Religiosi! an non sæpe hoc Conscientiæ negotium remissè agitur, cū tædium, nausea, fastidium se insinuant, cum somnus & torpor obrepunt, cum cursim & obiter conscientia inspicitur? Gratia aguntur Deo, sed languidè? Lumen à Deo petitur, in oculis nictantibus & semisopitis iam nox est; Culparum venia rogatur, sed frigide & mente alibi occupata; Emendationis in posterum sit promissio, sed ea nec firma nec valdè se-

ria. Ita hæc Conscientiæ quaestio & causa per transfennam agitur, & dormitante iudice, à quo merito prouocatio fiat ad vigilantem; ita rei accusatio, damnatio, castigatio somniculosa celeritate deproperatur, iamque pedes ad lectum festinant. O Simon, dormis; o servi Numinis, hæc factæ diei clausula est, hoc incundæ noctis exordium? Aliquando ad vnumquemque horum talium, vox venit non blanda: O Religiose, sic non potuisti, non dicam hora, sed nec vna horulæ parte vigilare mecum? Nunc mors tibi dies & horas computat, tu cogita an non annis præteritis sexcentis & amplius, Conscientiæ causam dormiens tractaris? difficile tibi non erat ad rerum novarum narratiunculas attentissimis auribus vigilare, at mecum per horulæ partem rationes componere, fastidij plenum videbatur. O Religiose, rebus tuis consule, ne & illa vox te feriat: quia te non videns placuisti tibi, displicebis & mihi cum iudicaberis, & tibi cum ardebis.

Idcirco sui muneris esse quisque credat cum Isaia profiteri: Super speculam domini ego sum, stans iugiter per diem, & super custodiam meam stans totis noctibus. *g* Confitebor aduersum me iniustitiam meam, & Dominus remittet impietatem peccati mei.

Dorothei consilium est, non fibras tantum noxarum amputandas, sed ipsas etiam vitiorum radices & indagandas & extirpandas, quod sanè nunquam fiet, nisi quotidiana Vigilantia Conscientiæ hoc examen quam exactissime instituat. Ergo, o Religiosi, Hoc Agite quod agitis. non satis hic inæqualem superficiem utcumque complanasse; ardentiore conatu opus, altius fodiendum est, & ad ipsas errorum origines penetrandum. Vigilijs hæc res agenda & solertissima cura, nec parcendum operæ. Nemini vquam sua probitas paruo stetit. Sanè dormiendo vitia non dediscemus. Summum vitæ gaudium bona conscientia; summum vitæ supplicium mala conscientia; maximum vel in gaudijs tormentum conscientie laniatus; maximum vel in dolore leuamentum, pax & tranquillitas conscientie. Hanc quisque tanto curat impensius, quanto sincerius amat.

*a Bern. serm. 4. de aduent. Dom.*

*b Senec. epist. 89. proprius finem.*



c Auson. Eidyll. 8.  
d Hom. 2. in Ps. 30. post med.  
e Sen. de beata vita c. 17.  
f 1. Cor. 14. v. 15.  
g Isa. c. 21. v. 8. h Ps. 31. v. 5.

## S. II.

Idem Beatissima Virginis Sodalibus  
commendatur.

**L**Eges etiam vestrae, ô Sodales integerrimi, hanc vobis lineam ducunt, ad quam omne opus diurnum exigatis. At si bene calculum pono, triplex ferè inter vos est factio. Sunt qui dicant: conscientiam sub quemlibet vesperem examinare, non vacat. Alij paulo prorsus: non lubet, etsi vacaret. Deum vero nomine sodales: Et lubet, inquit, & ut vacet, nos curabimus. Sed nescio an primi illi, his alteris censendi meliores. inter illos & istos exiguum est discrimen, nisi quod illi excusationis mantelum præpandant culpæ, non vacat, aiunt; isti socordiam apertè professi, dissimulare nolent vitium, non lubet, inquit. Itane vobis, ô boni, non vacat? Nimirum ad alia omnia vacamus, præterquam ad salutis negotiû suas horas studijs, suas lussibus, & somno suas idque liberalissimè partimur; suas sibi horas mensa habet, vna cōscientia nec horæ quadratè sibi vllâ ratione impetrat. Ad quascunque nugas abundamus tempore, cum vero à maculis eluenda conscientia non vacat. Sic tempus avarissima tenacitate Virtutis studio negamus, quod turpissima prodigētia, in somnū, in ludos, in confabulationes effundimus. Cū salutis res agitur, non vacat; cū sordes animi detergendæ, non vacat; cū actiones præteritæ dici magno emolumento remetiendæ, non vacat; cū horæ quadrans saluberrime sui ipsius notitiæ dandus, tam angustum nobis tempus ut nec tum vacet. sic ad virtutem contēdimus, inter vitia districti: pudet dicere, honesta non colimus, nisi quantum vacat: At quantum præmiū nos expectat, si occupationes nostras, & mala hæc tenacissima abruptamus? Has ergo habentes promissiones, charissimi, mundemus nos ab omni inquinamento carnis & Spiritu perscipientes sanctificationem in timore. a Non enim vocavit nos Deus in immunditiam, sed in sanctificationem: Hac est voluntas Dei sanctificatio nostra, b.

## LIB. I. CAPVT IX.

At sunt, quibus sua placet segnities, & etiam sine pallio, nil excusationis opponūt; hoc labore supersedere se posse autumant modo dicant non lubet quod tantundem est dicere, ac nolo facere quod officij mei est, sodalium legibus parere non volo, conscientie tranquillitatem tanti non facio, ut eam his impendijs emam. Ah! miseri, quovsq̃ tandem vestrū illud ignavissimum, non lubet. Filij hominum vsquequod gravi corde! c Conscientiæ puritas tanti est, ut operæ pretium sit omnino, eam vel maximis laboribus, vel quantavis molestia redimere. Suppliciorum extremum est, in vitio sibi facere delicias, & mentem cauterio resectam gerere. B. Greg. quisquis inquit, vitæ suæ custodiam negligit discutere, quæ agit, quæ loquitur, quæ cogitat, aut despicit aut nescit, sibi metipsum præsens non est, quia semetipsum quotidie exquirere atque cognoscere sollicitus non est. Ille autem veraciter sibi est, qui se in suis actibus tanquam alium attendit. Nam sunt multa peccata quæ committimus, sed idcirco graua nobis non videntur, quia priuato nos amore diligentes, clausis oculis, in nostrâ nobis deceptione blandimur. d

E veteri memoria in vos testes non producam: videte obsecro vel tantum sodales vestros alios, quibus hoc vnicè curæ & cordi est, conscientiam quotidie in sincerum nitorem repurgare: nullum illi diem finiunt, cui hanc clausulam non apponant: nullam illi noctem inchoant, cui hanc præparationem non præmittant: nunquam illi prius in lectum quā in seipsos descendunt: errores suos quotidie obiurgant, quotidie aliquid ex vitijs suis demere conātur. De his optimè, quem modò dixit Gregorius: electorum est, inquit, actus suos quotidie ab ipso cogitationis fonte discutere, & omne quod turbidum profuit, ab intimis excicare. Meruūt in his quæ se egisse meminerunt, & puniunt stendo, quod perpetrasse se intelligunt: timent subtilia diuina iudicia, etiam de his quæ in semetipsis intelligere fortasse non possunt. Vident enim videri diuinitus, quod ipsi in se per humanitatem non vident. Atque in hoc secreto interioris iudicii, ipsa mentis suæ executione constricti pœnitendo feriunt quod superbiendo commiserunt, Ibi namque aduersum se, quidquid



quid se impugnat, enumerant, ibi ante oculos suos omne quod deficiant coacervant: ibi quicquid per irā districti iudicis decerni possit inveniuntur: ibi tot patiuntur supplicia quot patiment, nec deest in hoc iudicio mente concepto, omne ministerium quod punire reos suos plenius debeat. e

Mercatores sunt qui maria terrasque assidue itineribus circulantur; nunc Romæ, nunc Mediolani degunt; iam Parisios, iam & Constantinopolim appellant, domi suæ vix vnuquam sunt. Pace vestra dixerim, tales & vos estis, vaga curiositate omnium domorum incolæ, vna conscientia domo pertinaciter deuitata, ita vix vnuquam domi & apud vos ipsos estis. O Sodales, nusquam est qui vbi que est, foris Argus, domi talpa, Quam autem hoc congruum rationi, ut qui per diē cū tot alijs, vespere secum ipse, & cum sua conscientia loquatur. Ingredere & includere in medio domus tuæ; monet Ezechiel. f Tuta domus, arcanum conscientia: miser est, & nec Deo nec sibi vivit, qui hac domo habitare, nescit qui cum conscientia convenienda est, incertissimum illud obijcit, non lubet. Sibi dictum putet vnusquisque sodalium, quod Hugo Victorinus in hæc verba submonet: Redi ad cor tuum, & subtiliter discute teipsum: considera vnde venis, quod tendis, quomodo vivis, quid agis, quid amittis, quantum quotidie proficis vel deficis, quibus cogitationibus magis incuraris, quibus affectibus tangeris, quibus tentationum machinis à maligno spiritu acriter impugnaris: & cum totum interioris & exterioris hominis statum plenè cognoveris, non solum qualis sis, verum etiam qualis esse debeas, de cognitione tui poteris sublevari ad contemplationem Dei. g Conscientia rationes quisquis bene vult subducere, quotidie subducatur: hoc ipso malè curatur conscientia quia rarius, Ah, quàm malè est extra legem viventibus, quicquid meruerunt, semper expectant, h Nam conscientia accusat, ratio iudicat, timor ligat, dolor excruciat, quod iudicium eo certius punit, quo interioris sævit. i Præclarissimè Bernardus: Conscientia mala, inquit, contristat animam, eamque Deo exhibet immundam, angelisque & hominibus scdam & sibi ipsi turbatam & inquietam. Nulla enim pœna maior est mala con-

scientia. Omnium siquidem delictorum nostrorum ipsa est testis, ipsa iudex, ipsa tortor, ipsa carcer. Ipsa accusat, ipsa iudicat, ipsa punit, ipsa damnat. At verò conscientia bona, templum est Salomonis; ut idem Bernardus loquitur, ager benedictionis, hortus deliciarum, aureum reclinatorium, gaudium Angelorum, Aula Dei, habitaculum Spiritus sancti, liber signatus & clausus, & in die iudicii, aperiendus. Nihil est iuncundius, nihil tutius, nihil ditius bona conscientia: premar corpus, trahat Mundus, terreat diabolus, illa erit secura vsque in finem. k

a 2. Cor. c. 7. v. 1.

b 1. Thes. c. 4. v. 2. & 7.

c Ps. 4 v. 3.

d Greg. hom. 4 in Ezech.

e Greg. l. 25. mor. c. 6.

f Ezech. c. 3. v. 24.

g Hugo lib. 3. de anima.

h Arb. satyr.

i Greg. l. 25. mor. c. 6.

k Ber. l. de consc. proxime finem.

## §. III.

Idem alijs quibuscunque commendatur.

Nemo hic præmolatur, se lege non teneri. Piacularis confessionis lex neminem habet eximium. Atqui vero huic ritè instituendæ, necessarium prorsus est, conscientiam excutere, & in notitiam deducere delictorum. Istud sanè quo rarius, hoc & peius fiet atque remissius; ipsa exercitatione in hanc industriam roboramur. Qui in re familiari neglectum omnem cauere vult, expensarum rationes quotidie inspicit; vbi moræ & dilationes crescunt, rem familiarem decrescere necesse est. Idem prorsus hic, seipsum raro inspicit. Horologij æquabilis ordo directricem manum quotidie postulat: conscientia sanitas quotidianis vult subsidij fulciri. Episcopus pulchrè submonens: Quemadmodum, inquit, in ambulando caues ne clauum calces, pendemve distorqueas; sic in degenda vita caue, ne gubernatricem actionum, mentem tuam lædas. Quod si in re vnaquaque obseruabimus, omnia cautius aggrediemur. At si spinam aut clauum pede induceris, an non ea mox hora, eo certè die extrahes, ne pars læsa in



malignum vlcus supputet: ita pedi consulis. Et conscientiam si laſeris (ſepties enim in die cadit iuſtus *a*) non eodem mox die medicinam facies? mucronem ſubtiliſſimum pedi eximis, & lethale vulnus tolerabis in conſcientia? Videte itaque, fratres, quomodo caute ambuletis, *b* vt ambuletis dignè, Deo per omnia placentes. *c* In quæ verba inſigniter Auguſtinus; Dicitis, inquit, quid eſt ambulare? Breuiter dico *proſicere*, ne forte non intelligatis, & pigrius ambuletis. Proſicite, fratres mei, diſcrite vos ſine dolo, ſine adulatione, ſine palpatione. Non enim eſt aliquis intus tecum, cui erubeſcas & iactes te. Eſt tibi, ſed cui placet humilitas, ipſe te probet. Proba & teipſum tu ipſe. Semper tibi diſpliceas quod eſ, ſi vis peruenire ad id quod nondum eſ. Nam vbi tibi placuiſti, ibi remanſiſti. Si autem dixeris, *ſufficit*, & periſti, Semper adde, ſemper ambula, ſemper proſice. Noli in viâ remanere, noli retro redire, noli deuiare. Remanet qui non proſicit, retro redit qui ad ea reuoluitur, vnde iam abſceſſerat; deuiat qui apoſtat. Melius it claudus in via, quam curſor præter viam. *d*

Laudata illa Moabit ſiſ Ruth, vt ſacræ paginæ teſtantur, *collegit in agro vſque ad veſperam, & quæ collegerat, virga cadens & excutiens, inuenit hordei tres modios. e* Conſtantia monet pertinax hic labor, & exigenda ab animo rationis ſub ſerum veſperem. Quiſquis eſ, hoc tibi met tuto perſuade, non vſquequaque omnia ex amiſſi & ad vnguem te facturum, quin à te facta limam admittant, imo exigant: quantumcunque indiſtrius & ſolers ſis, tamen puri ſeminis acervum non colliges, quin collectum diligenter excutere oporteat, quâdo multa facimus, quæ velut caſſa nux omni nucleo carent, & præter ſolam virtutis ſpeciem nil habent in ſe pretioſi. Quam multi quærent conſcientiam, & pauci conſcientiam! *f* Verendū ſanè, ne olim cum reddenda erit ratio, eueniat nobis quod infelicibus illis Ephraïtis, Iordanem tranſire molientibus. Hi namque à Galaaditis intercepti & interrogati an Ephraïci eſſent, illis negantibus imperatum porro, vernaculi idiomatici notam ede-  
rent, pronuntiarentque vocem *Scibboleth*, hoc eſt, ſpica grani plena. Hic miſeris inaffueta lingua non parebat, neque illi aliud enun-

ciare poterant quam *Sibboleth*, hoc eſt, culmus grano vacuus, è vocali hoc ſigno, hoſtes eſſe noſcebantur, ideoque ſtatim apprehenſi *ingulabantur in ipſo Iordanis tranſitu. g* Et nos in itq̃ perpetuo atque tranſitu ſumus, è noſtro in orbem proſus alium & nouum: neque fas tranſire vlli quem non excipiat ſeuerum examen, in quo ſola virtus reiſcitur. Animus à virtute vacuus, velut ſteriliſſimus culmus ad incendia æterna deiſcitur. At vero quemadmodum ſpicæ licet prægnantes granis, ob paleæ tamen ſterilem ſocietatem flagellis excutuntur, ita vix vlli actus humani tam puri ab omni defectu & ſorde, quin & in his pretioſum à vili, ſincerum ab impuro ſit ſecernendum: Ergo teipſum, tuatque actiones, mi Chriſtiane, cæde & excute, reiſce paleam, remone omnia quæ maculant. Et ſanè par eſſet, vt quod Ruth fecit: trium modiorum meſuram quotidie comportaſſes. Hos ſacri interpretes aiunt eſſe cogitationis puritatem, locutionis veritatem, optimæ operationis ſinceritatem, vt diem totum ſibi rapiant & ſanctæ cogitationes, & colloquia vtilia, & honeſtiſſimæ actiones vnius Numinis honori editæ. Et hoc ipſum nocturnæ diſcuſſionis pars erit, videre, num tres modios iſtos repleueris.

Omnes igitur cordis noſtri reſceſſus (inquit Caſſianus) iugiter perſerutandi ſunt, & aſcendentium in eos veſtigia indagatiōe ſagaciſſima retractanda. *h* Aureus ille orator ad idem grauiſſime ſuos hortatur: Et ne, inquit, ita ſimpliciter ieiuniorum hebdomadæ prætereant, ſerutemur ſuam quiſque conſcientiam, & rationem examinemus, & conſideremus quidnam in hac hebdomada præbe actum ſit, quid in alia, & quale augmentum fecerimus ad ſequentem, quas in nobis affectiones correxerimus, quod ſi vitam noſtram non iſtituerimus, magnam animæ noſtræ curam habentes, nihil nobis vſui erit ieiunium vel inedia quam toleramus, præſertim ſi comperti fuerimus inferiores his, qui tantum ſtudium colligendis opibus impendunt. *i* Opus ſuum probet vnusquiſque: vnusquiſq; enim onus ſuum portabit. *k* Suum opus, inquit Anſelmus non alterius examinaret, vt Pharīſæus publicani. Neque tantum peccata, ſed & actiones alias, quantum  
uis bo. 33



vis bonæ videantur, examinari vult Paulus. Deus quàm primum lucem creauit, inspicere, illam & experiri voluit: *Et vidit Deus lucem, quod esset bona l.* Quid luci cum huiusmodi experimentis? an non de bonitate illius constabat, maxime cum Deo esset creata? Constabat omnino, sed ostendit hic bonus Deus, quâ ratione nostra nobis opera tentanda sint & experienda, quantumcunque bona illa & lucida videantur. Sunt quæ nitorem, non tamen naturam auri habeant.

Christus discipulos suos super fama sua examinans: Quem, inquit, me dicunt esse turbe? Idem & nostrum quivis de se interroget: Et quem me aiunt esse ciues mei? Quem expecta sis, mi homo, respondebo. Aiunt te esse hominem potentem & madidum, vini amantissimum, & in dies poenè singulos ebrium: & forsan tu solus hoc ignoras? Aut dicunt te Veneris esse mancipium, ad omnem petulantiam & libidinem proiectum, ore, oculis, manu iurecundum: & forsitan tu solus hæc nescis? Aut non negant te cetera probum, sed deparcum, sordidum, avarum Euclionem qui multæ pecuniæ longe sit appetentior quàm puræ conscientia, audior numquam celi: & fortassis te solum hæc latent? Aut, constanter asserunt te hominem esse turgentis supercilij, ore asperum, gestu inflatum, ceremoniarum & pompe cupidissimum, ostentatione & arrogantia plenum: & forte tibi vni hæc ignota sunt? Aut, nonequidem dissimulant te pacis & concordia inimicum, omnis iniuriæ impatientem, ad arma & iram præcipientem ruere, difficillime placari: & tu forsan te talem ad hoc temporis non credebas?

Aut, plerique affirmant te dandis consilijs illustrem, politicum, comem ceterate hominem tui sensus & cerebri esse, pertinacem & aueæ cervicis, nec religionis adeo tenacem: & fieri potest ut tibi soli hæc nunquam innotuerint? Aut, vox fere omnium est, te quietis tam amantem, ut nihil tibi dulcius sit quàm ferriari & otio dissuere: & tu forte hoc virtutis in te non notaras? Aut, farentur plurimi, te precum quidem studiosum, sed patremfamilias incuriose agere, & pecuniam utrâque manu insigniter dissipare: & forte an tibi hæc à nemine obiecta? Aut, nemo est qui non accuset liuidos dentes tuos & oris morda-

cissimum acetum, quo omnium famam perfundi dicunt: & tu fors edentulum te credebas & mansuetæ linguæ hominem?

Quid ergo contra sermones hos obducis? omnésne falli? Sæpe fit, mihi crede, ut homines sibi met ignotissimum, intus alij & in cute norint. Tu ergo tuam conscientiam quot diebus interroga, non mentietur: si illa te reum pronuntiârit; errores ne defende, sed emenda & corrige: si infontem te absoluerit, rumores populi generosa patientia contemne. Conscia mens testis, famæ mendacia rider.

Augustinus olim intrepide de seipso: Sentide Augustino, ait, quicquid lubet, sola me in oculis Dei conscientia non accuset. *n l.* Idem, quicumque alius serenæ conscientia homoliberrimæ dicat, Loquatur de me alij quod volunt, modo me ad Dei tribunal defendat conscientia. At quomodo defendet eum à quo neglecta, oppressa, vix unquam loqui permittit? Hic forte dicas, quanti sunt, qui vix semel in anno, conscientia suæ potestatem faciunt loquendi: & nos quotidianas illius accusationes toleremus? Et quid oro, Christiani, malæ causæ argumentis peioribus patrocinaur? Non est bonitas pessimis esse meliorem, aut effrenatissimis moderatiorem; non inde conscientia nostra erectior est, quod ab alijs ea calcetur, neque nos culpæ eximit tantus aliorum neglectus. Iobus consilijs sanioribus vsus: Veruntamen, inquit, vias meas in conspectu eius arguam, & ipse erit saluator meus, & annexa causæ: Verebar, inquit, omnia opera mea, sciens quod non parceres delinquenti. Ut tuum, ô mi Deus iudicium preuerterem, diebus omnibus me ipsum iudicavi, & velut à deprehenso reo poenas repetij.

Pulcherrime & ex natura rei de hoc disserens Chrysostomus: Est tibi tribunal, inquit, multum habens emolumentum, & nullam referens accusationem. Constitue super conscientia iudicantem rationem, & in medium omnia tibi patrata propone, animæ tuæ peccata scrutare, & poenas exige diligenter, & dic: Quamobrem hoc, & hoc aulæ es? Et si hæc quidem fugiat, aliena discutiat, dic ad eam: Non de his te iudico, non pro his venisti te purgatura. quid enim si ille malus? quare tu hoc, & hoc admisisti? Responde, noli accusa-



re, tua consideres, non aliena. & eam in hanc anxietatem agas continuè. Postea, si nihil quod dicat, habeat, sed refugiat: dilania flagellans eam quasi quandam ancillam insolentem, & fornicantem: & quotie indicium huiusmodi constitue (*quotidie, nota Gerarde, quotidie*) & ignis flumen deligua, veneniferum vermem, tormenta reliqua: nec eam amplius sinas diabolo copulari, nec impudenter loquentem tolere: Ille venit ad me, ipse mihi tendit insidias, ipse me tentat, sed dic ei: Nisi tu velis, illa omnia superflua. Quod si rursum dicat: Corpori connexa sum, carnem induta, mundum habito, in terra commoror, dic ad ipsam: Hæc omnia sunt excusationes & prætextus. Nam & ille carnem erat indutus, & ille mundum habitans, & in terra conuersans, probabilis fuit: quin & tu ipsa, cum bene te gesseris, carne circumdata id facis. Quod si doleat hæc audiens, ne tollas manum: non enim morietur, si percusseris, sed eam ex morte erues. At si rursum dixerit, quod ille exacerbauit, ei responde: sed tibi licebat non exacerbari. certe frequenter iram compressisti. Si dixerit, quod illius species me subleuauit, dicas ei, sed tu poteras continere, propone victos, propone primam mulierem quæ dixit: Serpens decepit me, nec à crimine liberatam. Cum autem hæc examinaueris, adsit nemo, nemo tumultuetur: sed sicut iudices sub velis iudicant sedentes: sic & tu pro velis, quietis tempus & locum inquire. Et paruorum magnas exige pœnas, ne magnis vnquam approximes. Si per singulos, hoc feceris dies (obserua iterum Gerarde, singulos dies) cum fiducia stabis ante tremendum illud tribunal. q

Ita verbum è verbo expressit Chrysostomus, qui vna grauissimè questus: sed nos, inquit, non ita facimus, sed omne contrarium. nam simulatque reclinati sumus omnia versamus, secularia, & hi quidem immundas inferunt cogitationes, hi vero scœnora & commercia, & corruptibiles curas. Ita somnum pessimè auspicamur, inter vanas, auaras, inuidas, inter impuras & sordidas cogitationes, ita nec dormimus quidem sine vitio, cum tam vitiosè obdormiscimus.

Hoc est quod Christus toties repetitis clamoribus inculcat: Vigilate & orate, quia ne-

scitis diem neque horam, quâ Dominus vester venturus sit. (Et vos estote parati, quâ horâ non putatis, filius hominis veniet. b)

Pestilentissima incogitantia, & inexplicabilis audacia est, conscientiam agram, & lethalis culpæ, vel vnica ream, ad lectum deducere, ac plumis se sepelire, nec prius Numinis offensas deprecari, & cum Deo in gratiam redire. O mortalium miserrime, peristi, & eternum peristi, si nox hæc tibi sit vltima. Et cuius promissis securus, post hanc plures tibi noctes polliceris? Diebus pœne singulis immatura efferuntur funera; morte subita hinc illinc plurimi rapiuntur ad tribunal, & tu nihilominus offenso & irato tibi Deo, lectum temerarius irruis? Ah, infelix, quam non ludendum est cum *Eternitate*! leui obstaculo aut concussu, momento vnico spiritus incipitur, & omne tuum viuere consumptum est: cras cadauer tuum in sandapilâ, animus erit in gehenna, si non prius peccatum excludas, quam somnum admittas. His sese periculis subducit, qui sopori se permittitur, ante serio euigilat, & quicquid per diem noxarum nauorumque contraxit, dolore abstergit & emendationis proposito.

Hic talis licet eâ nocte vitam finiat, vita tamen beatior non excidet. Ergo vigilate, quia nescitis neque diem neque horam: Estote parati, quia quâ horâ non putatis, filius hominis veniet.

Sermonem, Gerarde, vnâ cum die finiamus. Lux hæc abiit, sed non sine linea, quod tibi mihiq; gratulor. Longus fui, fateor, sed prædixi hoc futurum, & ideo longam à te patientiam postulaui. Ego quidem oppido festus sum dicendo, sed non dubitem, quin tu etiam audiendo. Vtrique fatigationem somnus eximet, sed somnus quem præcesserit Examen Conscientiæ, vt non doceamus tantum facere, sed & faciamus.

a *Prov. c. 24. v. 16.* b *Ephes. c. 5. v. 15.* c *Gloss. c. 1. v. 10.* d *Aug. ser. 15. de verb. Apost. e Ruth. c. 1. v. 17.* f *Bern. c. 21. in dom. g Iudic. c. 12. v. 6.* h *Cas. coll. l. 1. c. 12.* i *Chrysostom. 11. in Gen. ante med.* k *Gal. c. 6. v. 4. & 6.* l *Gen. c. 1. v. 4.* m *Luc. c. 9. v. 18.* n *Epist. ad Secundinum Manich. o Iob. c. 13. v. 15. & c. 9. v. 28.* p *Chrysostom. 5. hom. 46. ad pop. Antioch. q Chrysostom. 1. Mat. c. 24. v. 42.* f *Luc. 12. v. 40.*

LIBER



# LIBER SECVNDVS.

## CAPVT PRIMVM.

### INGRESSVS AD SERMONEM DE CVLTV CÆLITVM.

POLYCHRONIVS ET GERARDVS  
COLLOQVVTVR.



**P**OLYCH. Diem primum ad  
Consciētię tribunal exegimus:  
hunc alterum Diuis cælitibus  
dicabimus. Ante omnia ve-  
lim audire ex te, & quæso ig-  
nosce quæstioni, Gerarde: Christianus es?  
GER. Sum. POL. Catholicus? GER. Sum:  
POL. Ergo iam perorauimus magnam partem.  
Nemo Catholici sanguinis fuit vnquam, qui  
Cælites negaret esse venerandos. An nos dam-  
nabimus, quicquid omnia retro annorum se-  
cula probarunt? Laus Sanctorum, Laus Dei;  
qui omnis sanctitatis fons est & origo. Quic-  
quid honorandum aut commendandum in  
Diuis est, Dei donum est. quicquid igitur ho-  
noris aut cultus Cælitibus impenditur, id  
omne in omnium auctorem Deum meritissi-  
ma pensio. e refunditur. Laudatio serui ho-  
nore est domini. Quod beatus Hieronymus  
discretè affirmans. Honoramus, inquit, reli-  
quias martyrum, ut eum cuius sunt martyres,  
adoremus: honoramus seruos, ut honor ser-  
uorum redundet in dominum, qui ait: qui vos  
suscepit, me suscepit. *a* In eandem sententiam  
beatus Gregorius Nazianzenus concedit, &:  
Athanassium, inquit, laudans, virtutem lauda-  
bo, quoniam omnes virtutes complexu suo  
tenet. Virtutem autem laudans, Deum lauda-

bo, à quo virtus ad homines promanat, cu-  
iusque beneficio nobis contingit, ut ad eum  
per cognatam illuminationem euehamur, vel  
potius reuehamur. *b*

*a* Hier. *epist.* 53. *ad Ripar.*

*b* Greg. *de laud. S. Athanas. Alex. arch.*

#### §. I.

**S**Alomon humanę sapientię miraculum, in  
eum errorem à feminis fascinat, ut  
pro vno, plurimos Deos venerari cœperit.  
Roma caput Orbis, & verę religionis nunc  
Antistita, olim eò prolapsa est abominandę  
pietatis, ut diuersorum deorum ipsa triginta  
millia percensuerit nominatim & coluerit.  
Proh quæ ista est & quam vilis deorum an-  
tona! alij longius etiam progressi infinitos pe-  
næ deos posuere; alij nullos: providentes alij,  
aliqui otiosos. Nos, quotquot Christiani san-  
guinis censemur, Deum vnum agnoscimus,  
Diuorum longè vltra triginta millia venera-  
mur. Sed aliud est Deus, aliud Diuis, qui quic-  
quid honoris habet & ornamentum, habet à  
Deo.

Priscæ æu diuersi generis amici numera-  
bantur. Erant, quos *Prime admissionis* amicos  
dixere. Alij secundæ, tertiæ alij vocabantur,  
scilicet ex ordine quo admitterebantur. Tiberius



imperator, ipse amicos, solitus describere in tres classes; & ab hoc more admissiones diste. Si hæc infima diuinis fas conferre, Deus etiam amicos numerat, ferè triplici classe distinctos. Amicos tertiar admissionis dixeris, qui in gratia sunt apud Deum, sed etiamnum inter mortales degunt. Istos verò secundar admissionis nūcuparis, qui vita functi & cælo destinati, sed nec dum cælo admissi. At illos velut primar admissionis familiares iure veneramus, quos Deus cælo iam recepit, beatissimis sedibus locauit, & verè *admisit* in conspectum. Et hos sciamus auxiliari nobis & nosse, & velle, & posse. Preces nostras audiunt, miseras, & arumnas nostras vident, idque in eo qui videt auditque omnia Deus illis voluntarium speculum, & theatrum longè quàm amplissimum est, in quo eis vniuersa prout sunt, repræsentantur. Hæc illi assidue contuendo, incredibili prorsus voluptate profunduntur. Beati vtiq; immortalis lumine circumfusi, & plura & clariùs cernunt in Deo, quàm vllus olim prophetarum. Atqui prophetæ ea viderunt quæ esse desierant, & præuiderunt quæ nondum erant.

## S. II.

**C**U ergo Celites, qui omnigena felicitate circumflunt, ea nesciant quæ ad ipsos spectant, quæque ab ipsis sciri cupiunt, qui opem illorum implorant? Helias clarissimus Hebræorum vates iam in sublime curru igneo fuerat euectus, & tamen quid Ioram Regi euenturum esset cognouit, & ad eum super futuro statu litteras scripsit *a*. Diuinus Paulus à Corinthijs corpore aberat, iisdem tamen præfatus animo; & iste nunc cælestis gloriæ iubar indutus, rerum in scientia laboret? An non primus à Christo Pontifex Petrus Christianis promittit, non modò se dum viueret, sed & mortuum vniuscuiusque illorum memoriam fore? Dabo autem operam, inquit, & frequenter habere vos *POST OBITUM MEVM*, vt horum memoriam faciatis *b*. Istud promissi probè cepit Chrysostomus, eaque de causa, die Principibus Apostolis Petro & Paulo natali, suis Petrum verbis compellat, monetque fidei & pollicitationis, vt qui suis discipulis promississet, eorū se haud immemorem, post discessum à vita futurum. Ergo no-

runt beati quinam opem illorum implorent; ergo nil obstat quàm notitiam hanc, quo minus auxiliari nobis possint. At iam cælo iniuriam fecerit, qui beatissimam illius familiam non quidem neget id nosse, sed nolle affirmet: *Caritas nunquam exiit*. *c* Caritas apud illos nunc auctior, inuiolabili cursu Eternitatis manet intemerata. Et nos pronissimam eorum in mortales voluntatem in dubium vocemus? Vere & venisse Cyprianus: Magnus, ait, illic carorum numerus expectat, parentum, fratrum, filiorum; frequens nos & copiosa illic turba desiderat, iam de sua immortalitate secura, & adhuc de nostra salute sollicita *d*. Quis autem cum ratione ambigat de amplissima eorum potestate gratiaque apud Deum, à quo, vt canit vates Regius, *Constituti sunt principes super omnem terrā*. *e* Ita ipsi olim per Ioannem arcanssimorum consciū promissit: Qui vicerit & custodierit vsque in finem opera mea, dabo illi potestatem super gentes, & reget eas *f*. Ergo iuuare nos norunt, & volunt & possunt.

*a 2. Paral. c. 21. v. 12.*

*b 2. Pet. c. 1. v. 13.*

*c 1. Cor. c. 12. v. 8.*

*d Cypr. l. de immort.*

*e Ps. 44. v. 17.*

*f Apoc. c. 2. v. 16.*

## CAPVT II.

*CVLTVS CÆLITVM  
contra opiniones asseritur.*

**G**ER. Obsecro, Polychroni, bona tua venia, liceat mihi, sicut heri pigrum, sic hodie hereticum agere, & quæ strictim in fundamentum à te prolata, tricorni ariete concutere.

Placidissimam quietem Diuorum turbare necesse est, si ad hominum vora vocesque animi debeant attendere, cum alioqui immensissimæ voluptatis suauitudo sic absorbeatur, vt aliò mentem nequeant auocare. Hoc primum; en & alterum cornu. In Christum Seruatorem ea ratione iniuri sumus, si alijs insuper aduocationem nostram committamus. En & tertium. Nullum est in diuinis oraculis edictum quod ab eis opem & re-

telam



telam iubeat exposcere.

## S. I.

**P**OL. Gossipio, non ferro præfixus est hic tuus aries. Et ô fatuam religionem! beataram mentium quæ Deo felicissime potiuntur, vim & efficientiam eo modulo metiri velle, quo nostros animos corporum custodia & concretionem impeditos. Quid in mortalitatis mala superos adoptamus? hac quidem ratione Angelis, vix liberum vllum tempus aut solum foret, si humanæ calamitates illorum continuæ felicitati obstruerent. Sic & alij Cælites æternis delicijs immersi, vix mutuos in se aspectus flectere auderent, si hac reciprocati amoris beneuolentia, à diuinis amplexibus abstraherentur. Somnia sunt hæc, quæ nostros mores affingunt cælo, & quod terra patitur, id fieri putant inter sidera. Alij mores supra nos sunt & vitæ ratio nostræ longe dissimilima: Beatissimæ cum Angelorum tum hominum mentes, in eo quem nunquam videre desinunt, dilucidè vident, quæ ad illos pertinent omnia, tanquam lineas in suum cætrum coeuntes, cum inferior hic mundus perfectè contineatur & distinctè repræsentetur, in archetypo illo infinitæ capacitatis mundo. Gregorius de Angelis: Interius, inquit, exteriusque sciendo diffusi sunt, quia ipsum scientiæ fontem contemplantur. quid enim de his quæ scienda sunt, nesciunt, qui scientem omnia sciunt? Et de beatis alijs? Quia, inquit in æterna hereditate omnes communi claritate Deum conspiciunt, quid est quod ibi nesciant, ubi scientem omnia sciunt? b

a Lib. I. moral. c. 2.

b Lib. 4. c. 33.

## S. II.

**S**ed tui arietis cornu alterum retundo. Palam & liberrimè fatemur cum doctore Orbis: Vnus Deus, vnus & mediator Dei & hominum, homo Christus Iesus. a Hic humanæ gentis Aduocatus, Mirabilis Vnus, Absolutus est, qui suo & nomine & auctoritate loquatur. Sed negare inferiores alios velut sequestres & proxenetas, quos eò produxerit summa Christi auctoritas, diuinis paginis plane non repugnat. An non Moyses sua se voce diuulgans; Ego, inquit, sequester & medius

fui inter Dominum & vos, in tempore illo. Propter hanc eandem rationem Basilium in Nicæno Concilio secundo laudatus, Apostolos & Martyres vocat Mediatore, eorum opem implorandam docet his verbis: Qui aliqua premitur angustia, ad hos confugiat, qui rursus laratur hos oret? hic vt à malis liberetur, ille vt duret in rebus latus. b Eleganter Gregorius Nyssenus Theodorum clarissimum Martyrem obsecrat, vt immanitatem Scythicam armatosque cuneos Orienti iam imminentes suis precibus auertat: Vt miles, inquit, pugna pro nobis, vt martyr pro confertis; vtere libertate loquendi, &c. Admone Petrum, excita Paulum, Ioannem item theologum ac discipulum dilectum, vt pro Ecclesijs quas constituerunt, sint solliciti c. Chrysostomus, Regum & Principum Constantini Magni precipue pietatem in Diuos dilaudans: Et ille, inquit, qui purpuram gestat, ad sepulchra illa se confert, vt ea exosculetur, abiectione factu stat supplex, sanctosque obsecrat, vt ipsi apud Deum præsidio sint d. Sed mens mihi non est præcorum Patrum, qui luculentè idem testantur, syllabum hic texere: Quod si censura sit ingeniorum, ijs ego facile crediderim, quibus persuasum est neminem vllum Origenis aut Augustini ingenio par vnquam habuisse. Igitur quid Origenes, quid Augustinus hac in re senserint, narratione breui, sed fidelissima pandam. Origenes: Incipiam, inquit, me genibus prosternere & deprecari vniuersos sanctos, &c. O sancti Dei, vos lacrimis & fletu pleno dolore deprecor, vt procidatis misericordijs eius pro me misero, &c. Hec mihi Pater Abraham deprecare pro me. ô beate Iob viuens in perpetuum apud Deum, & victor, permanens in conspectu regis Domini, ora pro nobis e. Augustinus multò clarissime hanc in Diuorum poscenda ope religionem firmat, & Iobi verba sic interpretatur: Miseremini mei, saltem vos amici mei. Angelos videtur postulare, vt pro eo deprecetur, aut certe sanctos vt pro penitente orent f. Et Augustinus ipse D. Cypriani auxilium implorat: Adiuvet itaque nos, inquit, orationibus suis in ista carnis mortalitate, tanquam in caliginosa nube laborantes, vt donante Domino, quantum possumus, bona eius imitemur g In opere illo nobilissimo de Ci-



uitate Dei, hanc formulam consuetae precationis (ô Sancte, memor esto mei) ore omnium Christianorum usurpari affirmat his verbis,

*Quia sui memores alios fecere merendo:*

Prorsus tanquam eis diceret, quod frequentatur ore Christiano, cum se cuique Sanctorum humilis quisque commendat & dicit, Memor esto mei, atque ut id esse possit, promerendo efficitur. & : Cum itaque recolit animus ubi sepultum sit carissimi corpus, & occurrit locus nomine martyris venerabilis, eidem martyri animam dilectam commendat recordantis & precantis affectus. Ideo idem Augustinus, ad subsidium à constantissimo martyre Stephano petendum hortatur, facilius enim orationes illius pro orantibus quam pro lapidantibus admittendas. *k* & : Iniuria est, inquit, orare pro martyre, cuius nos debemus orationibus commendari. *l*. Nam Sanctorum martyrum orationibus propitiatur Deus peccatis populi sui. *m*. Omnes martyres qui cum Deo sunt interpellant pro nobis. Non transeunt eorum interpellationes, nisi eum transit gemitus noster. *n*. Gaudeant de vobis qui orant pro vobis. *o*. Num tibi, Gerarde, solem claro meridie illustrioribus radijs vis allucere? nihil capit qui hæc non capit.

*a* 1. Tim. c. 2. v. 5.

*b* Basil oras. 20. in 40. Martyres.

*c* Greg. Nyss. or. in Theod. mart.

*d* Chrys. hom. 26. in ep. ad Corinth.

*e* lib. 2. in Iob.

*f* Aug. tom. 4. Annot. in c. 19. Iob v. 21.

*g* lib. 6. contra Danatist. c. 1.

*h* tom. 5. lib. 21. de ciuit. Dei, cap. 27. proximo finem.

*i* tom. 4. lib. de curâ pro mortuis gerenda ca. 4.

*k* serm. 1. de S. Stephano.

*l* serm. 17. de verb. Apost.

*m* q. 108. in Exod.

*n* tom. 8. in Psal. 85 paullo ante finem.

*o* in Ps. 88. fine.

### S. III.

**Q**UO tertio loco diuinas paginas requiris, en dictorum testes Vates Hebraeus Baruch: Domine omnipotens, inquit, Deus Israel, audi nunc orationem mortuorum

Israel, & filiorum ipsorum qui peccauerunt ante te. *a*. Obserua mihi verba, orationem mortuorum. Ergo etiam mortui orant? Vtique, sed ij qui iam viuunt supra ceruleas illas stellarum plagas. Laudatissimus dux, Iudas Machabeus per quietem vidit Oniam Pontificem pallis manibus pro populo supplicantem. Proximè hunc alius senio & maiestate venerandus assistebat, quem Onias velut digito designans: Hic est, inquit, qui multum orat pro populo, & vniuersa sancta ciuitate, Hieremias propheta Dei. *b* Quin & ipse purpuratus epulo in flammis pro fratribus rogat, ne & ipsi veniant in locum illum tormentorum. *c*: Et Petrus ac Paulus in summis beatorum delicijs, iam ex toto securissimi, tacebunt? Hoc sensu Hieronymus ratiocinatus: Sanctus Paulus Apostolus, inquit, ducentas septuaginta sex animas sibi dicit in nauì condonatas, & postquam resolutus, esse cœperit cum Christo, nunc ora clausurus est, & pro ijs, qui in toto Orbe ad Euangelium suum crediderunt, mutire non poterit. *d*: Diuino pariter imperio Iobi tres cognati ad Iobum sic ablegantur: Sumite vobis septem tauros, & septem arietes, & ite ad seruum meum Iob, & offerite holocaustum pro vobis, Iob autem seruus meus orabit pro vobis: faciem eius suscipiam, ut non vobis imputetur stultitia. Ergo Numinis iram mitigabit homo, etiamnum sceleribus obnoxius, & cuius iam cœlo donatus, iam Numini proximus, id non possit? Tot in cœlo potentissimi oratores nullam mortalitati nostræ gratiam exorabunt? tam copiosæ fragrantia nubes sceleribus nostris mederi non poterunt: quid autem sunt cœlitum preces, nisi odorum suauissima congeries? Hoc eis nomen tribuit beatissimus Ioannes, &: Habentes, inquit, singuli citharas & phialas aureas plenas odoramentorum, quæ sunt orationes Sanctorum. Ergo, Gerarde, hæreticam larvæ quæ sumptas, iam tuto ponere licebit iterum, & certam Diuorum opem agnoscere. GER. Si ergo Cœlites colendi, an non cum delectu id faciendum; an non alij præ alijs, veneratione afficiendi! num alius alio non sublimior est in sedibus beatorum;

*a* Bar. c. 3. v. 4.

*b* 1. Mach. c. 15. v. 12,

*c* Luc. c. 16. v. 27.



d. A. c. 27. v. 24. &amp; 37.

e. Hier. tom. 4. contra Vigilant.

f. Job c. 42. v. 8.

g. Apoc. c. 5. v. 8.

## CAPVT III.

*Quinam Calitum præcipuè colendi.*

**P**OLYCHR. Hic videri possumus in ipso limine offendere & errare, dum querimus ne erremus. Audio scriptorem sacrum qui moneat: Noli etiam inquirere de meritis Sanctorum, quis alio sit sanctior, aut quis maior fuerit in Regno cælorum? Quidam zelo dilectionis trahuntur ad hos vel illos ampliori affectu, sed humano potius quàm diuino. Magnū est vel minimum esse in cælo, vbi omnes Magni sunt, quia omnes filij Dei vocabuntur. Sed pace tua, o magne, & o sancte scriptor, præceptis tuis nil refragatur nostra questio: Non illorum dignitates distinguere, sed nostrum obsequium instruere, animus est. Nec malè hic credam, me omnium voce loqui, si dicam secundum Christum IESUM, qui orbem restaurauit suo sanguine, matrem Christi, & beatissimas illas mentes Angelos, præcipuo cultu esse venerandos. Hoc ratio, hoc auctoritas sacræ paginæ, hoc priscorum Patrum volumina, hoc omnis antiquitatis consensus docet. Sit, qui neminem Diuorum nōrit, matrem Dei Deoque proximum famulatum, Angelos ignorare non potest. Non nescio Chrylostomum in beati Pauli tutelam mirifico affectu transisse, cuius & iconem in suo museo assidue oculis voluit obuersari. Scio Sanctos Philippum & Ioannem Baptistam à Theodosio Imperatore præcipua veneratione cultos. Noui, Paulum Elcanum sancto Nicolao & sanctæ Catharinæ deuotionem quàm Diuis alijs. Non me latet à beata Elisabetha Hassiæ, Landtgrauiæ, Ioannem Euangelistam in Diuum tutelarem adscitum; & regem Angelorum Eduardum, nulli huius Apostoli nomine petenti, quiddam negare solitum. Non ignoro Hungum regem Pictorum diuo Andree, Carolum Siciliæ regem diuæ Magdalene, Constantiam Constantini Imperatoris filiam diuæ Agneti virginis, Zimisiam Imperatorem diuis Georgio & Theo-

doro martyribus, Vrbani II. Pontificem diuo Benedicto singulariter deuorum extitisse. Pari ratione alij alios sibi patronos delegerunt, omnes bene & piè. Sed neque noster, puto, errabit amor, si præ Diuis alijs omnibus, ad Beatissimæ Virginis, Dei matris, sanctorumque Angelorum, patrocinium confugiamus. Gerarde, si piè viuere & sanctè mori in animo nobis, à matre Dei & ab Angelis deprecationem efflagitemus: perire non potest qui tales sibi conciliauerit patronos. Ita ego quidem inter Cælites Matrem Domini, & sanctos Angelos singularibus obsequijs censeo nobis in amorem deuinciendos, vtrumque paulò explicatius nunc docco.

## §. I.

**V**irgo beatissima, Dei mater MARIA, nullius preces aspernatur, in omnes beneficiorum diues est. Quò maior rogantis est miseria, hoc amplior dantis misericordia. Pulchrè & cum sensu Bernardus: Ipsam, inquit, sequens non deuias; ipsam rogans non desperas; ipsam cogitans non erras; ipsa tenente non corruis; ipsa protegente non metuis; ipsa duce non fatigaris; ipsa propitia peruenis. Ille solus huius Virginis laudes sileat, qui fidei prece appellatam, suis necessitatibus senserit defuisse. Illud in hac Virgine admiradum, & opulentissimæ gratiæ illustrissimum argumentum. Adeò in huius Virginis vultu & augusta venustas, & verecunda Maiestas certabant, vt vel solo aspectu, vel ipsis tantum oculis etiam muta concionaretur, & aspicientis se animo castissimam flammam subijceret. neque solum omnes sui spectatores, ad pudicitiam mirifice accendebat, verum etiam si quid obsceni ignis in spectantium mente saeuirer, protinus suo vultu, velut frigida, extingueret. Auctores huius & testes complures sunt. Hinc forsàn antiqui Patres, contra carnis maligniores illecebras, Virginis huius imaginem, velut Virtutis speculum, aspicere, tam potens quam suauè remedium censebant. Hinc illa Clareuallensis Præfatis assidua exhortatio: Respice Stellam, voca MARIAM. Proxima Numini hæc Virgo est, quæ numè peperit, quæ terris Deū dedit. Cum hanc Virgine laudamus, feliciori encomio, ad Deum assurgimus. Et quam laudè hac Virgine dignā hu-



mani oris paupertas reperiat? Sole clarior, Luna pulchrior; cælum premit, sideribus ciuitur. Verè hortus conclusus, & paradysu voluptatis, imo hortu floridior, & paradiso amoenior est. Propinquo Numine potèssima, virginitatis flore pulcherrima, in tota reru vniuersitate eminet; quàm pulchra tam benigna, quàm potens tam propitia. Vt Deum caperet, cælo maior esse debuit: sic Deum concepit vtero, & enixa est, vt cælum in terram traheret, & castissimis visceribus auream immensamque cæli maiestatem vinceret.

At cum de Virgine hac dixerimus omnia, tacuisse plura videbimur: innumeris & æternis virtutum facibus collucet. Quicquid præconij & laudis, quicquid ornamentorum & nominum per quoscunque titulos ingressi, in hanc Diuam congesserimus; maius tamen elogium non superet, quam vnum illud naturæ ipsi obstupescendum, MATER & VIRGO, Mater Dei, Virgo perpetua, Virgo sine exemplo, Virgo sine pari, omnibus antistans, nec primam habere similem visâ, nec sequentem; inter sanctas sanctissima, inter puras purissima, cæleste prodigium, Virtutis speculum, Mundi miraculum, Orbis vniuersique gaudium.

a Bern. serm. 2. super Missus. &c.

b S. Tho. p. 3. dist. 3. q. 1. art. 2. S. Bonau. q. 2. &

3. Gabriel. Halensis, alij post. D. Ambrosium.

## §. II.

**V**aticinatur olim de se Virgo beatissima: Beata me dicent omnes generationes. Ab æuo in æuum sic erit. Vel hostes tui, ô Virgo, præconium tuum augebunt. Tu illa regina cæli, terræ, maris: Tu Angelorum hominumque Domina: Tu fons misericordiæ vberimus. Tu intemerata mater, & humani generis sospitatrix perpetua, semper fouendis mortalibus munifica, dulcem matris affectionem miserorum casibus dispensas. Nec dies, nec quies vlla, ac ne vix momentum quidem tenue tuis transcurrit beneficijs otiosum, quin eos qui tuam opem inuolant, mari terraque protegas, & depulsis vitæ procelis salutarem porrigas dexteram. Te superi colunt, obseruant inferi. Tu solem luminas, Orbem exhilaras, tartarum calcas, Tibi respondent sidera, ancillatur terra, seruiunt clementia. Supra te nihil nisi Deus est, infra

te est, quicquid Deus non est. Tu Luna ab illo Sole proxima. *Beatam te dicunt omnes generationes.* Quot enim librorum volumina, quot per orbem templa, quot diuites templorum aræ, quot facundi titulis ac donis parietes, quot sacrorum hominum cætus, quot piorum iuuenum sodalitia se colunt, tuas laudes commemorant, tuis honoribus deseruiunt? *Beatam te dicunt omnes generationes.* Omnibus retro sæculis, omnes hominum ordines, vbique terrarum & locorum te *Domini Matrem* religiosissimo cultu venerantur. Vna vbique Virgoes, sed materni diuiniq; affectus ignem locorum varietate multiplicas: templa ornas, scholas erudis, domos protegis, imple orbes beneficijs, virtutibus, gratijs, miraculis. Nimirum ab vno iubare innumeri emanant radij. O stella maris; quot naufragos seruasti? quot perditos in salutis regnum reuocasti? Mater es omnium qui cupiunt esse filij. O Magna, ô admiranda! quæ in omnes esse benefica per te vis, per filium autem potes: ô verè animatum cælum, ô abyssus gratiæ, ô Mater Dei! Nemo hanc matrem coluit, & seruus fuit? agnoscit illa nomen suum amabile, & in cultores deriuat: reddit affectum, & filios appellat.

Et hanc Diuam, Gerarde, præ Diuis omnibus colamus, assidua sed non perfunctoria pietate. Totis, inquit Bernardus, medullis cordium, totis præcordiorum affectibus, votis omnibus MARIAM veneremur, quia sic est voluntas eius, qui totum nos habere voluit per MARIAM. Si viæ duces hic quæris, si exempla desideras, sanctissimos homines, augustissimos Imperatores, Reges, Principes, Virgini Matri deuotissimos, his ipsis vestigijs præeuntes obserua, & sequere.

At Angelorum Reginam tantò potentius nobis demerebimur, quanto studiosius & Angelos reuerēbimur. Huc Ambrosius digitum intendens: obsecrandi sunt, inquit, Angeli pro nobis, qui nobis, ad præsidium dati sunt.

a Luc. c. 1. v. 48.

b Bern. serm. de Natiu. B. Virg.

c Amb. to. 4. lib. de viduis.

## §. III.

**G**ER. Mihi sanè placet, quod vna & Angelos, & Angelorū Reginam à nobis coli oportet.



li oportere doceas. Regina cæli supra omnes Angelorum ordines sublimis, illis præsidet, per Angelos ergo transeundum est ad eorum Dominam sua vota contendenti. *Pol.* Totus hoc sentio, beatissimam Virginem ab eo rectissimè coli, qui & Angelorum amicitiam ambuerit: & quisquis Angelos amauerit, Reginam eorum utique amore prosequetur. Guilielmus Baldesanus, scriptor insigniter eruditus & pius hoc ipsum disertè docet, ante Calites alios omnes, beatissimam Matrem Virginem, & secundum hanc, purissimos illos genios, nobilissimos cæli ephebos, Angelos, veneratione singulari afficiendos. *a* Multum debemus Angelis, multum supra omnem modum & præsertim suo quisque tutelari Angelo. Hic nobiscum quasi nascitur, & ad cunabula nostra mox vigilare non dedignatur. Hic nutrice fidellissimam longè superat, & infantem sæpius, quem nutricis negligentia necaret, tuissimis manibus (sic loquar) excipit. Post cunas custoditas, prædagogum agere, vile sibi non putat. Semina maximè & veluti fundamenta virtutum, præalto affectu insinuare clientulo suo laborat. Simul vitiorum auersandam fœditatem proponit; intemperantiæ, mendacij, fraudis, inobedientiæ, libidinis turpitudinè, velut insolentiæ prodigiorum exterret, fastidium præmiaque Virtutis monstrat: præcipuè Vim Numinis venerari docet, nunc beneficio, nunc vindicta suspiciendam. Et hoc ipsum non atroci aut molesta ratione vrget: Suauissimis impulsibus, hæc prima rectæ disciplinæ initia, in sui clientis animum stillatim transfundit. Vbi lenibus his rudimentis pueritiam initiauit, ad virilem cautamque virtutem exhortatur.

Quod verò admirandum, & in summis beneficijs æstimandum, quantumcunque indocilem & refractarium discipulum sit nactus, eum tamen magisterio suo non excludit, suâ ope non destituit, non subtrahit saluberrimos instinctus, diurnas nocturnasque excubias non laxat, non subducit se; hominem quantumuis improbum & contumacem ad usque supremum halitum constantissimè tuetur & erudit.

O mi Deus, ô mi amantissime Tutor Angele, quantis beneficijs per momenta pæne singula obruimur, nec sentimus, incogi-

tantis animi stupore defixi; morimur ingrati.

*a Lib. 3. sim. Virg. 12. Ec. 13.*

## S. IV.

**N**Os misellos, viles vermiculos, tanti Deus æstimat, ut iugi castrorum incinctu prouidissimè nos tueatur. Basilii Magnus, illud regij vatis, *Immitter Angelus Domini in circuitu timentium eum a.* sic exponens: Omni, inquit, in Christum credenti Angelus assistit, &c. Considera igitur quanta sit Angelorum natura, quoniam vniuerso exercitui, & castris numerosæ hominum multitudinis vnus assimilatur Angelus. Ob magnitudinem itaque eius qui te custodit, castra tibi munitionesque præbet Deus: propter Angeli vero virtutem, veluti circumuallat te vndique securitate, quæ est per illum.

Quot ergo nominibus huic castrorum vigilantissimæ fidelitati obstringimur? Et quoniam Calites in prisce nouæque legis sacris voluminibus crebrius laudantur quam Angeli? Non est libere diuinis, qui Angelorum elogia non recitet. Angeli per tota Biblia largissimè commendantur. Vix quidquam olim patrauit Deus, quod effectum non sit auctoribus Angelis, qui semper vigilantissimis studiis nostræ salutis curarunt. Et hæc, mihi crede Gerarde, causa fuit cur me ipsum Angelis artissima deuotione in omnem vitam obstrinxerim. Nô reperio per omne cælum nec plures numero, nec origine nobiliores seu ministros Numinis, seu amicos. Ab his mihi tibi que omnem beneuolentiam fidentissime polliceor. Angelorum in nos beneficia & plurima sunt, & maxima sunt, & sunt perpetua. Nihil eis sordet in ministerijs & obsequijs erga nos, dum profint nobis.

Et num me perituum trepidem, si pro me in extremis constituto, iam iamque animam acturo, infinita pœne millia Angelorum, ad motis precibus Deo fiant supplices? Nam in hoc tribunali salutem mihi litteram non exorent, tot apud iudicem gratiosissimi deprecatores? Num causæ meæ alioqui non bonæ diffidam, si tantos habeam aduocatos & Oratores? Ita dico: Beatissimæ Virgini & Angelis amicus, perire non potest, nisi quem ipsa percundi libido precipitat. Non perit illis.



nisi qui prius ipse sibi.  
a Basil. in Ps. 33. v. 8.

a Epist. lib. 1. disput. c. 14.  
b Epi. lib. 1. disput. c. 14.

## §. V.

## CAPVT IV.

**I**llud tamen vnum hic monuerim, quod a  
prisco philosopho discamus. Epictetus,  
ille origine quidem vilis, ac debilis corpo-  
re, sed mente nobilissimus, & qui inter om-  
nis æui lumina refulsit, cuius lucerna fictilis il-  
lo mortuo, mille drachmis, seu, centum  
philippeis vçnjt, in memoriam & honorem  
viri & ob diuinas scriptiones, quas ad lucer-  
nam illam elucubrauit: non est sanè inter  
priscos illos qui bonam mentem magis aut  
trahat aut formet, tam docta scripsit, tam &  
salutaria. Hic, in quam, philosophus de tu-  
telari Angelo differens: Procuratorem, ait,  
vnique addidit, genium cuiusque, eumque  
illi custodiendum tradidit, & tali quidem  
qui nec dormiat, nec decipiatur. Cum igitur  
fores clauferitis, & conclaue tenebrosam ef-  
feceritis, cauete, ne vnquam dicatis, vos  
esse solos; neque enim estis, sed Deus intus  
est, vester genius intus est. Non erubescimus  
ad has voces, Gerarde? hoc viderit philoso-  
phus in illius æui tenebris? ita Deum, ita  
custodem Angelum præsentem esse monuerit?  
Nos Christiani, nos Beatissimæ Virginis so-  
dales, tam insana libertate in vetitum ruamus,  
ac si Deus, ac si custos Angelus longissimè re-  
moti, nihil nostri sceleris arbitrantur? O  
temeritatem furialem! O impure, ô libidi-  
nose, quisquis es, quid impium illud So-  
lvs SVM, in lasciuam turpitudinem te ani-  
mat? ah, cogita, vbicunque es, nusquam So-  
lvs es. Quibuscunque vel tenebris, vel late-  
bris tegaris, nunquam Solvs es. Habes tui  
sceleris vel secretissimi spectatorem Deum, &  
custodem Angelum, & eum quidem custo-  
dem (vri Epictetus) qui nec dormiat, nec  
decipiatur. Ergo attende tibi, & obscenarum  
cogitationum vel primos aspectus exhorresce:  
Non es Solvs, etiam cum solas cogita-  
tiones animo versas, Deus intus est, intra tuum  
animum præsens est, libidinem tuam omnem  
vel latentissimam cernit. Ah, non Solvs es,  
vbique Deprehensvs es; ipsa te conscien-  
tia nusquam deserit, vbique comitatur, om-  
nium actionum testis & accusatrix, nusquam  
Solvs es.

Quanam potissimum ratione colendi  
Calices.

**N**on est dignior litatio sanctis, quam San-  
ctorum imitatio. Satis illos coluit, quis-  
quis imitatus est. Augustino teste, summa  
religio est, imitari quod colimus: Atque; Si  
ad consortium, inquit, sanctorum martyrum  
peruenire volumus, de imitatione martyrum  
cogitemus. Sollemnitates enim martyrum,  
exhortationes martyriorum sunt, vt imitari  
non pigeat quos celebrare delectat. Neque  
arduum nimis videatur, eos qui hac via præ-  
cesserunt, eadem & sequi. Illi ipsi iam beatissi-  
mi celsites iisdem, quibus nos initijs creue-  
runt, iisdem quibus & nos elemētis adoleue-  
runt, easdem quas nos, molestias senserunt, &  
sæpe maiores; ab iisdem hostibus impugnati,  
simillimis illicijs ad vitium inuitati, iisdem  
nobiscum periculis obnoxij, nec alij quam  
nos supplicijs & pœnis castigati. neque ipsis  
pectus ferro aut chalybe stetit, corpus eorum  
æque ac nostrum fragile, & ad omnem iniu-  
riam proiectum; tam ipsos quam nos Mun-  
di rabies allatrauit; ipsis non minus refracta-  
ria fuit caro quam nobis; Satanas in eos non  
mitior, quam esse solet in alios omnes: At  
illi vincendis suis hostibus, rationem mon-  
strarunt, qua nostros & nos debellaremus, si  
velimus esse victores. Illi ne Deus adfuit? ade-  
rit & nobis. Vim eis & robur sacramenta con-  
tulerunt? & nobis conferent. Aliorum illis Di-  
uorum fauor auxilio fuit? nec nobis deerunt,  
tam illorum quam horum coniuncti fauores.  
Diuos igitur venerari conemur potissimum i-  
mitando. Porro nobilissimum hoc veneratio-  
nis genus fere triplici capite constat; oratione,  
carnis castigatione, sacra lectione, de his, si ita  
tibi videatur Gerarde, libabo paucula, vt paul-  
lo copiosius differere liceat de menstrua Di-  
uorum sortitione, de qua hic dicere institui.  
GER. Nihil contradico.

a Serm. 30. de Sanctis, & serm. 47. qui Augusti-  
no tribuuntur.



## § I.

**P**OL. Oratione nobis conciliamus Diuos, si tamen oratio è puro castoque pectore Deum anhelet. Nos sæpe generotum Cricum propinquamus, sed poculo tam illoto & fædo, vt id etiam vehemens sitis auerfetur. Quâdoque optimas preces superis allegamus, sed animus interim suo hærescit luto. *Non est speciosa laus in ore peccatoris.* a Beatissima Virgo, Dei mater, vt narrant, b vni adolescentum per quietem sese spectâdum dedit hac ratione. Vinum ei vt videbatur, generosissimum porrigebat, sed poculo immundo. miratus adolescens tam nobile donum in vase tam sordido. Cui Virgo: Vide, inquit, fili, Rosarij tui preces mihi græte sunt & instar optimi potus, sed calix quo hunc offers, non placet. Oratio tua bona est, non item vita tua; pulchre precaris, sed turpiter viuis: vt in vtroq; placeas, castius viuas. Motus adolescens tam salubri spectaculo, castiores mores induit, vt se cælo probaret tam viuendo quam precando.

Illud autem frequentissimum, vt precantis quidem animum tam fœdæ sordes non inuoluant, eum tamen cogitationes plurimæ plusquam Metium Suffectum distrahant, & à precibus amabili fraude abducant. ita sæpe animus nihil minus cogitat quam quod orat, seque ipsum sibi blandissima vi suffuratur. *Ap. propinquat populus iste ore suo, & labijs suis glorificat me, cor autem eius longe est à me c.* Nec tantum puræ, neque attentæ tantum, sed & constantes sint preces nostræ. Heu, nimium lunc in suscepta pietate ostendimus. Sæpe diem vnum alterumue, vnam alteramue hebdomadam magno precum numero fatigamus cælum: mox elanguescit ac hebescit pietas, & iam vel pauca tædet precari. Constantius, obsecro, constantius, nec enim in re vlla laudabilior est constans importunitas quam in precibus. *Deus non faciet vindictam electorum suorum clamantium ad se die ac nocte d? Et si ille perseverauerit pulsans (ait Christus) dico vobis, dabit illi quotquot habet necessarios panes e.* Ergo, orationi instate vigilantes in ea, f orantes omni tēpore in spiritu g. GER. Odi ego meam ipse inconstantiam, nec tamen reor: cœpi nuper Angelos quotidianis precibus venerari. Sed heu quod mihi antea quo-

tidianum erat, iam vix est menstruum. POL. Nos ipsi nobis sæpe pessimo exemplo sumus, sed en meliora & maioris constantiæ:

Bernardinus patria Senensis, qui iam à parvulo in Virtutis leges iurarat, annis compluribus, idque quotidie, & nudis genibus, ad Beatissimæ Virginis effigiē precari solitus est. Eadem fuit plurimum aliorum sanctissima in his conatibus pertinacia. Sed vicina & recentia nescio delectent magis an moueant. Prodigium est pœnæ, quod nostri aui testimonium habet. S. Carolus Borromæus, Pij Quarti, Summi Pontificis nepos, è stirpe nobilissima, Romanus purpuratus senator, vir ad omnem virtutem à teneris factus, præter quotidianas prolixas sacerdotum preces, Officium & coronam Beatissimæ Virginis quotidie, idque flexis genibus recitare consuevit, & nec in itinere quidem moris sui negligens fuit. En, tantus præful, Cardinalis, Archiepiscopus, tanta mole negotiorum pressus, nihilominus velut otij abundans, diebus singulis, flexo poplite suas Matri Virgini laudes liberalissimè admetitur. Idem sanctus Antistes, quandocunque æris campani signum ad Angeli salutationem audiret, quocunque loci esset, in via etiam fracta & cœnosa, mox in genua ruebat, ab equo etiam desiliebat, & humo poplites fugebat, saluans cœlestem Virginem. Pari pietatis officio, si quem per compita sacerdotem, qui ægro Angelorū ferculum deferret, offenderet, cœptum iter deferrebat, & Christum Dominum per omnem viam deducebat, nec prius abscedebat, dum in templo Eucharistia in suum locum reciperetur. GER. Quid nos, viles animæ, quid nos simile? est sanè quod colorem ducere & erubescere ad hæc talia velimus. POL. Iure merito, in quibus neq; umbra tam magnificæ virtutis elucet. Nec tacendus nobis vir ille doctissimus, Martinus Nauarrus, qui sexaginta amplius annis Rosarij quotidie recitandi consuetudinem habuit h. Quis nostrum hoc vnquam fecit tamdiu, quis facturus? vtinam longe faciliora non subterfugeremus. Sine iucuria non præterierim, illum Beatissimæ Virginis cultorem eximium, Ioannem Godefridum Bambergensem & VVurzburgensem episcopum, qui Diuæ matris Officium & Rosarium, quantiscunque negotijs distineretur, etiam



in itinere, præter statas sacerdotum preces, quotidie recitauit, idque adeo constanter, vt illa ipsa quâ obiit nocte, Canonicas preces (Matutinum & Laudes) vna cum Officio & Rosario Beatissimæ Virgini recitarit, quod & S. Carolus Borromæus morti iam proximus fecisse perhibetur.

Porro Ioannes Godefridus ad Diuæ Virginis Dettelbacensis ædem, duobus milliari- bus distitam, supplicationem crebrius instituit, nudis pedibus. Dini quoque Caroli Borromæi exemplo, quotidie horâ vna post cenam, æris campani signo omnem aulicam familiam conuocari iussit, vt in sacello Lit- nias vna recitarent, & examinarent conscientiam. En, quanti hac præant; quin sequimur?

a Eccl. c. v. 6.

b Præcipue Albert. Castell. de rosario.

c Isa. c. 29. v. 13.

d Luc. c. 18. v. 7.

e Luc. c. 11. v. 8.

f Coloss. c. 4. v. 2.

g Ephes. c. 6. v. 18.

h Miscell. 24.

### §. II.

**S**ed hic, Gerarde, velim vna tecum in salu- berrimam consuetudinem non consen- tias tantum; sed iures. Solent beatissimæ Vir- ginis, & suæ salutis amantiore singulis horis, ad cuiusque horæ principium, verbis Gabrie- lis Matrem Domini salutare, eidemque illam præsertim, Nunc, & in hora mortis nostræ, ardentius commendare. Mos hic utilissimus quot horis Angelicam salutationem recitan- di, etiam summorum Pontificum sacra libera- litate stabilitus est. Leo Decimus piæ memo- riæ, Christianis omnibus mille dierum indul- gentias impertijt, qui horæ signo audito, il- lam Angeli salutationem pronunciarent. Idē, piæ memoriæ Paulus Quintus Pontifex Max. Anno millesimo sexcentesimo vndecimo confirmauit. Putem ego, decere admodū, si id loci ac tēporis ratio ferat, submissis genibus hoc facere. Gerarde, est quod tibi hic in au- rem, imo è meo pectore in tuum mihi amicis- simum pectus trāsfundam, si tamen silentium spondeas. GER. Fidissimum, & saxo dictum credas, quod dicturus es. POL. Ego, quando-

cunque domi in musco meo, aut alibi solus a- go, mox atque horam audio, in genua procū- bo, & oratiunculam Aue Maria &c. pronun- cio; addo quæ ex Horologio Tutelariorum Angeli didici: Benedictus Deus in æternum. Misere- re mei Deus, secundum magnam misericor- diam tuam: etsi Domine minor sum cunctis miserationibus tuis. O Dominus meus, & Deus meus, ego me tibi offero in omne tuum beneplacitum: fiat voluntas tua. Ita Deo Deiq; matri, me, mea, meumq; obitum horis singulis commēdo. Hoc tu alios docere quidem po- teris, de me nec verbulū poteris effutire, quia fidem tuam mihi obligasti in silentium.

Ceterum piā hanc industriam etsi facil- limam, multis alijs precandi exercitijs præ- rulerim, modo quod instituius facere, facia- mus cōstanter. Et quid enim necessarium ma- gis, aut magis, optandum nobis, quam bona vitæ clausula & felix obitus? Hūc vno die mil- lies & vnicē à Deo flagitemus, neque enim a- liter quā precibus impetrari potest, hoc pror- sus gratuitum donum, hunc ipsum obitum nostrum diuinæ Matri quot horis ardentissi- mē commendemus: & in hora mortis nostræ. Ah, ab hoc mortis momento tota nobis pen- det Æternitas. Hoc ergo momentum, Gerar- de, momentis singulis prospiciamus, & vel singulis saltē horis serio precemur: & in hora mortis nostræ. Vix mala morte defunge- tur, qui omnibus ante horis, illam vltimam præiudit, nec præiudit tantum, sed in eam cē- leste sibi præsidium comparauit. GER. In tuam sententiam me omnino petrahis, nec inui- tum. Felici obitu nil felicius in hac vita, nec vllum operæ pœniteat, horis omnibus sup- plices preces cælo admonisse, modo vnicam illam supremam horam impetret sibi beni- gnā ac propitiā. Igitur o Sancta MARIA mater Dei, ora pro nobis, nunc, & in horā mor- tis nostræ, O MARIA, mater gratiæ, mater misericordiæ, Tu nos ab hoste protege, & hora mortis suscipe.

Sic statuo: hac hora, & deinceps horis o- mnibus, ad vsque horam vltimā; hoc vnum assidue rogare non desinam: ita me iuuent om- nes Cælites.

### §. III.



## S. III.

**P**OL. Prima ergo ratio, Diuos Cælites colendi, ratio est; altera, Carnis castigatio. Haecenus nobis de Dei matre, & sanctis Angelis sermo est, de quibus & hæc dicta volo quæ subiungo. Diuus Bonauentura memorat, Angelorum Reginam cum deuota sibi matrona (is Elisabetham fuisse autumat) in hæc ferre verba locutam: Dico tibi filia, sine magno labore, continua oratione, ardenti desiderio, profunda deuotione, multis lacrimis & afflictione, nihil gratiarum aut donorum me obtinuisse, gratia sanctificationis excepta. Scias igitur nullam gratiam è cælo in animam descendere, nisi per orationem & corporis afflictionem.

Sanè iam olim saxeos illos Iudæos toties Deus vrget: Affligetis animas vestras: Omnis anima quæ afflictæ non fuerit die hac, peribit de populis suis. Hoc & Angeli inculcâr: *bona est oratio*, sed, *cum ieiunio* c. Testudinis fides nisi admonita & pulsata non respondent: hominis corpus nisi seuerius habitum rationi non obedit. Res gestas omnium, Sanctorum euolue, & fateberis neminem illorum non noueram fuisse in seipsum hoc omnium certamen erat, corpori non blandiri.

S. Carolus Borromeus, quem paullo ante nominavi, non precibus tantum, sed & ieiunijs, ac insolitis alijs rigoribus gratiam diuinæ Matris ambiit. Et quamuis frugalitatem nunquam non amarit, hostis lautitiarum, insuper tamen, omnibus Deiparæ peruigil pane solo & aquâ ex more victitabat tantus princeps, velut pauperrimus mendicus. Nec in eo vno fuit hic abstinendi ardor. Non lubet hic eorum catalogum texere qui singulis sabbati diebus, beatissimæ Virginis honori cena abstinerunt, & etiamnum id faciunt. Fecerunt hoc sanctissimi homines, potentissimi principes. S. Nicolaus Myrensis Pontifex, etsi quauis hebdomade diebus Lunæ, Mercurij, Veneris non cenaret, nihilominus tamen diuæ Virgini honorandæ, omni sabbato, præter aridum panem & fontanæ hydriam in opsonium nil admittebat. Idem fecit iam inde à puero S. Bernardinus Senensis, idem S. Didacus Complutensis, qui pariter omne sabbatum ac peruigilium Virginis, fonte &

modico pane traducebat. Illostrissimum illud sidus, in comitijs extinctum d. Ioannes Godofridus Bambergensis & VVorzburgensis Pontifex per omnem vitam, omnibus Sabbati diebus, beatissimæ Virginis honori, cibo abstinuit. Idem omnino fecit, qui in eodem solio præcessit Nythardus Bambergensis Antistes, qui quouis sabbato circa vespæram à negotijs iam magis vacuus esse voluit, vt Virginem Matrem impensioribus studijs coleret. Bono igitur omine, die sabbati natus, Pontifex creatus, inauguratus; eo demum die vita functus, eo sepultus est, singulari vtique Beatissimæ Virginis fauore ac patrocinio. Beatus Aloysius Gonzaga castissimus iuuenis, è Societate Iesv, sabbato cenare nefas sibi duxit, ob amorem eiusdem sanctissimæ Virginis. Idem fecerunt alij complures, quorum exemplo ducti idem hodieque faciunt, non tantum religiosorum hominum plurimi, sed & reges, principes maximi.

a Bonav. c. 3. med. vite Christi. b Leuit. c. 16.

v. 29. c. 23. v. 29. c Tob. c. 12. v. 8.

d Ratisbona, Anno 1622.

## S. I V.

**H**ic ego nil arcani euulgo, vrbs tota Monachium eius rei conscia, iam pridem tacita veneratione suspicit, Serenissimū suum Ducem & Electorem maximilianum cum Serenissima coniuge Elisabetha, omnibus per annum sabbatis cenam reijcere solere, Virginum Virgini colendæ. Et quis Monachij nescit, omnibus itidem sabbatis, eisdem Serenissimos Principes, cum aulica familia in hypogeum (Beatæ Virginis cryptam nominant) descendere consueisse, atque illuc, dum res diuina fit, in patimēto humi genibus niti, locum ipsum etsi ab aulico Palatio remotiorē sæpe pedibus adire, ita diuinæ Matri se deuotissimos in rebus omnibus approbare. Quam re & illud illustri argumento est. Cum Serenissimus Elector, Dux Boiarie Maximilianus rebelli Austriæ ac Bohemiæ arma inferret, in labaro aulico, quod suum dominum fidelibus auspicijs præcedebat, Beatissimæ Virginis imago eleganter depicta visebatur, cum hac inscriptione: *Da mihi virtutem contra hostes tuos.* Vere dedit, toto expeditionis tempore, præcipue ad urbē Pragam, fugatis, cæcis, debellatis hosti-



hostibus, victoria æternum memoranda; vtraque Austria, Bohemiaque iam domita & in Cæsaris potestatem redacta. Possem plura tenerimi in Dei matrem affectus symbola in medium dare, ab ipsâ Setenissimis Principibus petita: sed arcanum non temero.

En, Gerarde, quantis exemplis ad diuæ Virginis & Virtutis cultum trahimur! Nec desunt aliorum Principum; Regum, Imperatorum imitanda in hoc facinora.

Ille cælo dignissima Lusitanæ regina Elisabetha, Petro Perpiniano teste, non tantum preces plurimas, sed & plurima ieiunia Angelorum Reginæ in obsequium deferrebat. Incredibile panè est, quàm illa in orando fuerit assidua. Siquidem diebus singulis sacerdotum preces ad omnes horas, Pontificum institutionis comprobata, septem Psalmos Pœnitentiæ scriptos, officium defunctorum, vna cum Officio Beatissimæ Virginis recitauit. Nec ei satis erat annû verum quadragintadiæ ieiunium, huic insuper alterum duplex & geminatum, & quæ diuturnum adiecit. Nam in honorem Matris Virginis à die festo D. Ioannis Baptistæ, vsque ad diem Virginis in cælum assumptæ, quadraginta omnino diebus, & ab hac Beatissimæ Virginis die ad S. Michaelis Archangeli festum diem, diebus planè totidem, si Dominicos demas, panè tantum & aqua ieiunium perpetuauit. Idem omnibus diebus dominici Aduentus, omnibus S. MARIE, & Apostolorum, peruigilijs, idè diebus Veneris & Sabbathi fecit, idem multis alijs diebus quos ipsa priuata quadam religione, propter certorum Sanctorum merita delegit. Præter hæc statâ definitaque anni tempora tribus hebdomadæ cuiusque diebus à cibo se continuit. Ita Regina hæc, vt summam ieiuniorum ineamus, post omnes Aduentus dies ieiunio transactos, triplex insuper quadragintadiæ ieiunium seruauit. Addidit per annum omnia Beatissimæ Virginis & Apostolorum multorumque aliorum Sanctorum peruiugia, omnes dies Veneris & Sabbathi, quibus diebus omnibus communi continentia more non contenta, non solum carnes lautioreque cibos remouit, sed nihil opsonij adhibuit, panè tantum & aqua vitam eggrè tolerauit. Tu iam numera, quibus diebus per annum non abstinerit, & eos panè digitis cõ-

putabis. GER. Repero, quod antè dixi, iam multò confirmatior: quid nos simile, quid obsecro tantæ virtuti affine facimus? nescio quid magni præstare nos credimus, cum leges non contemnimus. Illustrissima certè sunt illa, & magni nominis exempla, quorum nos nec umbram assequimur.

POL. Quid iam aliorum voluntarias afflictationes memorem? Henricus Imperator verè pius, verè Diuus, quotiescunque Romam adiit, primam semper noctem in basilica S. MARIE maioris peruigil inter preces exegit. Maria de Oegnes quotannis ad ædem Deiparæ, duobus milliariibus domo distitam, vnica ancilla comite, nudis pedibus, aspera & rigente hieme requisit impransâ & incenata biduo illo durauit, noctem totam in Virginis templo precando insumpsit. Eadem vnus diei noctisque spatio millies & centies in genua procubuit. Æternam Virginem salutatura, & hoc salutandi officium subinde quadraginta diebus, ardore mirifico perseuerauit. Sed ista me libaturum dixi. Orationi, & corporis afflictationi, sacram lectionem subiungo a Perpin. l. 1. laudationis. orat. 3. in B. Elisabeth. ante med.

b Io. Naucler. gener. 34.

### §. V.

QUAM necessarium sit piæ lectionis studium, id nos etiam NICETAS, seu Triumphata Incontinentia docet: notum tibi libellum nomino. Hic tantum, quos de Beatissima Virgine & SS. Angelis legamus, digito monstrare instituo. Francisci Albertini de Custode Angelolibellum non ignotum tibi reor. Holorogium Tutelarum Angeli, heri, me spectante manibus versabas. Hos perge crebra lectione terere, neque enim Ambrosios aut Augustinos, ingentia volumina præcipio legenda. Libelluli, quos dixi, nec lectoris fastidium obruunt, & virtutum radices quotidianis incrementis erigunt. Hac ergo suauiori lectione animum irriga quàm creberrimè nunquam non eruditior, aut melior lectionem defines. De Matre Domini duo itidem scriptores præ ceteris tibi commendauerim: Franciscum Arias, & Petrum Antonium Spinellum: Ille in Imitationem, iste Amorem Deiparæ Virginis conscripsit, uterque magno emolumento



mento legendus. Sed, quæso te, vidistine illud libri miraculum? Versus est vnicus, nec plurium quàm octo vocularum, & libram implet. In tenui scriptione ingens Diuæ Virginis encomium est; in opete pusillo æternum argumentum. Poëta hic, totum versu vno complexus est cælum. GER. Hæc ænigmata tua; ego sanè non capio. POL. Expli-co: Bernardus Bauhusius, versum scripsit vnicum, hunc ipsum quem recito:

*Tot tibi sunt dores, Virgo, quot sidera cælo.*

Hunc versum quatuordecim syllabarum, milles, bis, & vices mutauit, iisdem prorsus verbis, sensu & metro seruatis. Quis hoc scriptionis prodigium non obstupefeat? Versus quidem mille viginti duo numerantur, sed vnicus est: in vno mille, in mille vnus. Res inaudita & inuisa, versum pangi qui magnitudine sua liber atque volumen sit. Vulgus stellarum numerum, quem confusum cernit, infinitum facit, quia oculis credit. E doctis alijã olim ad calculos cælum vocarunt, stellas numerare ausi, hodiequæ non plures quàm mille viginti duæ recensentur. Hunc stellarum numerum poëta expressit versu vnico, qui in mille viginti duos versus diducitur, & planè in librum dilatur. O admirandum voluminis compendium, nouo prorsus & inaudito carminis miraculo: faciem mutat & pulchritudinem seruat, numerum auget, nec à monade recedit. Hic seu Versus, seu Liber, Proteus Parthenius inscribitur, & iure, nam mille viginti duas facies sustinet. Huic Erycius Puteanus vir eruditissimus, Thaumata pietatis adiunxit: scriptum tersum, elegans, admirabile. GERARD. Oro te, Polychroni, quæ officina venalem habet hunc librum? non morabor vel centum assibus emere. POL. Hoc volui: capta est hæc auicula. decepi te, fa-teor, credebam enim hac offa te faciliè inescãdum. Vbicunque noui quid aut curiosi emergit, huc manibus pedibulque certatim aduolamus. O vitium humanæ gentis; ô Curiositas! quam blande & suauiter rebus plane omnibus te insinuas? Pietas ipsa technis tuis capitur. GER. Feci quod multi, & rei nouæ paulo appetentior fui. POL. Hic noster morbus est. In plerisque omnibus curiosa maioris apud nos pretij sunt quam vtilia, quam pia. Adolescentulis in ludo literario simillimi

sumus, quibus non tam placent solida quàm picta, qui potius pulchra quam docta sectantur, nec tã agentia diligunt quàm sonantia, & vt verè Chrysologus, magis gaudent foliorum amœnitate conspergi, quàm fructuum vbertate nutrirî. Aequa est, & illius scriptoris b quærimonia: O quanti veritatem quærunt non in veritate, sed in vanitate: quæritam inueniunt nō ad veritatem, sed ad vanitatem, & quod miserrimum est, in verbis vitæ, lucra mortis negotiantur! Ita, mi Gerarde, pij esse volumus, sed simul curiosi; eruditionem sectari, sed curiositatem non negligere; in libros studiosè incumbere, sed simul etiam curiosè: amamus pia sed vana non satis odimus, Ergo vt famam hanc sequiorem declinemus, eos libellos nostræ lectioni destinemus, qui nos facturi sunt meliores. Historiam ad solam contemplationem legere, otiosa voluptas est; imitari autem laudatos olim viros, vera & publica eruditio. Da veniam libertati meæ: quærere, vbi Franciscus Arias de Diuæ Virginis imitatione vendatur, hoc decet huius Virginis sodalem. Formandis moribus, non fallendo tempore hæc talia legenda sunt. Nec multa simul aut raptim lustranda, sed vti cibum bene mansum, in stomachum traicere, sanitati conducit; ita lecta bene expensa, in animum demittere probitati. Vnica subinde sententiola menti fidelius impressa, magna dedit incrementa Virtuti. Eo spectant quoniam menstruis Diuis subscribi solitæ. Hic nobis ostium sponte reseat: si placet ingrediatur, & quia de Cælitum cultu dicere instituiamus, hoc agamus, obsecro, & de menstrua Diuorum electione seu sortitione breuiter, ordine, compendio differamus. GER. Hoc ipsum audis expecto audire, etiam hic curiositatem pascere licebit; res est noua, nec mihi audita, nec ab alijs, puto, dicta. Et hoc, spero, non leuiter faciet ad cultum Cælitum vberius promouendum. Sed agamus lege inter nos iam nota: magistrum alium quam te, Polychroni, hic neminem admitto; ex lingua tua prorsum captus sum. POL. Hoc quidem auribus das. Sed quæso, ostende ex intervallo, te lingue vsum nondum perdidisse. nimis strictè Pythagoræus es: loquere & tu interdum. GER. Percipiet me audaciæ, qua iam toties te loquentem interrompi. Incipe Diuis fauentibus. POLYCR.



Sed nunquid prius metas ducimus, & dictio-  
nem nostram septis includimus? Ordo & per-  
spicuitas, vagum dicendi genus & extra suos  
limites effusum non amant. Certos ergo fi-  
nes statuamus: & ne saltem extra oleam,  
per hæc nobis capita eundum. Primum, quæ  
origo sit sortitionis istius menstruæ. Alte-  
rum, quid sibi velit Diui Calitis nomen in  
menstrua schedula expressum. Tertium, quo  
fine addatur sententiosum dictum. Quartum  
quo consilio preces imperentur per mensẽ  
proximum. Quintum, adscripta Virtus quid  
moneat.

a Prolog. super Matth.

b Richard. de S. Victore.

## CAPVT V.

*Origo menstruæ sortitionis Diuorum  
Calitum.*

**I**nter complura colendorum Diuorum pia  
incitamenta, primarium videri potest,  
menstrua sortitio Sanctorum, tam Parthe-  
niorum sodalium, quàm religiosorum cœ-  
trum consuetudine recepta. Origo illius  
hæc.

Franciscus Borgias, Gandiæ Princeps,  
vir sanè magnus quacunque spectetur. O-  
pibus florebat, doctrinâ non carebat, virtu-  
te præstabat, gratia pollebat. Nam à Caro-  
lo quinto Imperatore Maximo in aulam  
adscitus, honoribus & latifundiorum terra-  
rumque censu auctus est. Inter has ille di-  
uitias atque delicias, inter has illecebras  
aulæ Sirenumque cantus, ieiuniorum fa-  
mem, flagellorum sæuitiem, ciliciorum as-  
peritatem non intermittebat, diuina frequen-  
tabat assidue, pius magis in aula quàm mul-  
ti in cœnobio. Si quando ille aucupio va-  
cabat, vincendi sui causâ, sæpius captas  
iam volucres generoso animo liberâs rur-  
sum auolare permittebat, & missionem da-  
bat: aut etiam dum aliis minorum gentium  
aibus casses & retia intendebat, tanisper  
animo volutabat, quàm non dissimili frau-  
de cacodæmon miseros homines in suas pe-  
dicas pertraheret. Inter hæc tam varia pie-  
tatis exercitia, illud etiam minimè negle-  
xit. Erat solemne familiæ Borgiæ vetere

instituto, ut è Diuorum numero aliquem  
quot annis sorte educerent. Hunc illi toto  
quidem anni spatio, sed illo præcipuè die  
qui ei Diuo sacer esset, singularibus obse-  
quijs colebant, sibi que demerebantur, adhi-  
bito ad lautas epulas certo mendicorum &  
pauperum numero, quos vicatim collige-  
bant, iisdemque ad mensam ministrabant.  
Seruabat religiosè hunc morem, etiamnum  
adolescens Franciscus, qui postea felici inge-  
nio reperit, ut quot mensibus Diuorum sin-  
guli, singulis schedis inscriberentur distri-  
buendi.

Atque hæc sortiendorum Diuorum ra-  
tionem Borgias, postquam in sancti Ignatii  
Loiolsæ familiam transiuit, societatem Iesv  
amplexus, in eandem secum migravit & o-  
mnium suffragiis hoc sanxit, ut eo quo dixi  
modo singulis mensibus suum quisque Di-  
uum sorte caperet, vario cultu afficeret, ei-  
que se quotidie per mensẽ illum impensus  
commendaret & deuoueret. GER. Nesciue-  
ram sanè tantum virum consuetudinis istius  
auctorem, qui olim Dux Gandiæ, Gothala-  
niæ Prorex, tertius in Societate Iesv Gene-  
ralis fuit: vir magnæ virtutis & vel inde no-  
tus, quod cum iuuenis obeso admodum &  
crasso esset corpore, post assiduis ieiuniis ci-  
borumque abstinentia, à cena temperans, ad-  
eo se ipse maceravit, ut ventris cutem dupli-  
caret, & pellem togæ instar, quò velleret, tra-  
heret, utrem dixisses esse inanem. POL. Hanc  
tu abstinentiam miraris? nec immerito: ego  
tamen magis animi demissionem miror &  
obedientiam, quæ utraque virtus in hoc vi-  
ro verè admiranda. Habemus igitur aucto-  
rem menstruæ illius sortitionis, quæ suam  
nobilitatem suo debet inuentori.

## CAPVT VI.

*Calitum nomen in menstrua schedula expres-  
sum, quid sibi velit*

**I**ndagauimus originem & caput piæ istius  
consuetudinis, nunc porrò videamus, quid  
in his ipsis schedulis perscribatur.

Primum quod in oculos incurrit, est no-  
men Calitum, seu Patroni menstrui aut Pa-  
tronæ, appposito vna mensis die qui eidem dies  
mortis & vltimus fuit, seu natalis & primus

vixit



vita quam adiit immortalem. Hic ego te, mi optime Sodalis, aut quisquis alius menstruum Sanctum capis, ad examen cito queroque: Amabo te, mi iuuenis, mi vir quid cogitas, cum in menstrualia chartula (vt agamus de eo, in quo agimus mense) Diuum tibi in auxilium patronum designatum legis, & vel Misenfis Pontificis, & Monacensis Tutelarum Patroni Bennonis, vel Pontificis Augustani Vdalrici, vel magni Apostoli Iacobi, vel Christi a matris Magdalene, vel Mundi deceptoris Alexij, vel nobilissimi medici ac martyris Pantaleonis nomen intueris, quæ hic animi tui sensa, quæ tuæ cogitationes sunt? An verò satis esse putas Diuum menstruum accepisse, reuerenti osculo saluasse, nomen inspexisse, perlegisse reliqua: Mox, vbi domum ventum est, obuiò libello abdere, aut pulpito velut captiuum includere, aut etiam contemptim vt vilem chartam abijcere, mensem elabi sinere, nec mense toto vel semel porrecti sancti nomen aspicere, imò nec meminisse quidem accepti. Hoc non est honorare, non est hoc colere cælites: satius esset hospitem hunc è cælo nunquam domo admittere, quam sic habere irreuerenter, aut turpiter eiijcere. Aliud sibi postulat menstrua sortitio Sanctorum. Atque ideo omnium primò in hunc modum cogitationes tuas formabis: Et, nouam vitæ meæ mortisque tutelam. En, D. Christophorus, en D. Margarita, aut en D. Ignatius piâ sorte mihi assignatus est in patronum. Et hic quidem homo fuit perinde vt ego, quem fames sitisque exercere, quem frigus & calor vrere, quem humanæ miseræ omnes, æquæ vt me affligere, quem mors denique superare, solum vero peccatum expugnare non potuit. Non quod ille ab omni prorsus labecula eximius vixerit, sed quòd prauorum affectuum & sui ipsius victor insignis, nullum in se grauius delictum admiserit, aut admissum marure gemitibus & oculorum fontibus eluerit. En (dices tibi ipsi) hic Diuus, aut hæc Dina iam supra est, in illo melliori orbe, in illo cæruleo palatio, in arce illa stellata & aurea, in immenso Diuorum theatro, Angelorum cognatus, imò ipse Angelus, Deo fruitur, Christum videt, Christi Matrem intuetur, ambrosia pascitur & nectare, vitam viuunt immortalem & beatam. ô quantum muraui ab illo!

non hoc futurum credebant qui illum olim contumelijs, irrisionibus, conuitijs impetebant: mori videbatur, & ecce viuunt non morturi æternum. Hæc, mi Sodalis, mi Religiose, cogitationes tuæ primæ sint, quoties in manus sumis schediasma menstruum.

## §. I.

**P**roximum est, sanctorum res gestas libris comprehensas adire, & in ijs, quem tuus ille Diuus vitæ tenorem seruauit, exquirere. Quæ in re Suios, Lippomanos, Baronios, aliosque complures habemus luculentos scriptores, & Diuorū disertos encomiastæ, è quibus tu tibi vnum delige, qui omnia ex ordine, patroni tui acta & virtutes percontetur, ostendatque quæ illum imitari possis, quæ debeas. Vbi mores illius sanctissimos & omnem viuendi periodum peruidisti, tecum ita deinceps statue. Ergo huic aut constantissimo martyri, aut castissimæ Virgini, huic Cælitæ defensori meo, hoc mense has quotidie preces adnumerabo; hæc illi ieiunia, has illi flagellationes, has elemosynas, hæc alia atque alia ipsius honori sacrabo, simulque certa die quæ alioqui non solerem, vbi prius omnem animū per confessionem purgato, diuinissimum epulum accumbam, in quo mihi cum in amicū & patronum magis conciliem atque propitiū, per illum ipsum cæli Regem dominūque, quem lingua mea perinde vt alimoniam sum excepturus.

## §. II.

**H**ic ego te, Gerarde, rem vnā bene & in solidum velim capere. De cultu Cælitum agimus & quidem tali, qui & ipsis placeat, & nobis prosit. In quo mihi videntur ij præclarissimè & sibi consulere, & Sanctis plurimū deferre, qui festis diebus omnibus Christi Domini, Sanctorum Angelorum, diuorum Apostolorum, notiorum Martyrum, celebriorum Virginum, diuinam mensam frequentant, Regem Sanctorum omnium suscipiunt, & tam illum ipsum Dominum quem suscipiunt, quā per illum, illius diei Diuum, ad vitæ suæ horam vltimā, ad supremam cum morte iustam inuitant. GER. Consilium mihi non displicet, sed quæso, explicatius hoc trade, POL. Obsequior quantum possum: au-



sculta. Sit dies Christo Nascenti, aut è sepulchro Resurgenti, aut in cælum Ascendenti sacer: sit dies Matri Virgini aut Natæ, aut Lustratæ, aut ab Angelo salutæ, aut cælo receptæ festus: sit Dies Diuo Michaeli Archangelo, aut sancto Bartholomæo Apostolo, aut generosissimo martyri Laurentio, aut doctissimæ Virgini Catharinæ, aut cuicumque alteri è notioribus Diuis Natalis: hoc tali die, ita Christum, ita & Cælitæ meo bono venerabor. Animi sordibus per confessionem expiatis, sanctissimæ Eucharistiæ diuinum epulum accedam, & vbi cælestem hunc panem iam in ipsam linguam recepero, si dies sit Christo Nato sollemnis, sic precabor: *O mi amantissime IESU, ego te per teipsum, quem ore iam fero, & per hunc Natalem diem tuum humiliter rogo, sis mihi in ultimo decessu meo propitiū iudex.* Quod si dies Diuo Michaeli Archangelo, & vniuersis in cælo Angelis sit sacer, preces illas paullulū variabo in hunc modum: *O beatissime Archangele Michael, & O sanctissimi Spiritus, Angeli Dei, per hunc Dominum meum & vestrū, vniuersos vos ad agonem meū vltimū inuito, adeste tunc mihi, & in extremis iuuante me.* Hæc ego in specimen solum propono: addi his potest quicquid tunc temporis melior sensus aut affectus suggerit. Quod si dies festus sit, aut vni Apostolorum, aut alicui è Martyrum, vel Virginum cætu, aut quibuscunque demum Diuis alijs, tum ego preces meas sic instruam: *O beati Apostoli Philippe & Iacobe, aut, O beate Georgi Martyr, aut, O beate Ioannes Baptista, per hunc ipsum Dominum, quem lingua gero, ardentissime te precor, ad sis mihi morienti, & à bono Deo hanc vnā pro me gratiam impetra, vt in obitu meo cum Deo sim in gratia.* Vix vllus ab amni sensu tam sterilis est, quin his & plura & meliora in rem suam precari possit, si animum attendat. Et hoc ego magni momenti duco, sic pijs ac prouidis curis ad vltimum cum morte luctamen, ad fatalem ingressum se suaque mature disponere. Si quid ego iudico, vix gratia diuina excidet, qui gratiam illam tam laudabili ambitu quaesierit; non pauebit ad Æternitatis ostium, qui tot viæ duces ac comites habuerit; diabolorum rabie non formidabit, qui tot Angelos obtruncit defensores: vix causā cadet ad vltimum

tribunal, cui tot patroni suppetias venerint; viuet, qui sic mori conabitur. Et hoc quoque arcanum è meo, mi Gerarde, in tuum mihi carissimum cor libuit transferre. Scis: consilia bona, tunc primum bona sunt cum fiunt. Nec ignoras, neminem gratis seruire Deo, aut Diuis. quicquid officij Cælitibus impenditur, amplissimo reddit fœnore. Audi rem miram & veram, cui consignatæ tabulæ fidem tribuunt. Est certe, vt dixi: Cælitum cultus nunquam indotatus, & sine præmio abit.

## S. III.

**H**enricus ab Haiden Canonicus Treuirësis, pari morum elegancia & nobilitate iuuenis, cum ab extrema pueritia septem annos in Collegio Germanico Romæ egisset, instanter requisitus à suis, reditum parabat in patriam: sed veram illi patriam Deo destinante incidit in febrem, quæ octauo die attulit mortem. Monitus à sacerdote de necessitate vltima (iam ante se generali confessione præmunierat) ad Apostoli Andreæ corpus quod Malphi colitur, pro valetudine peregrinationem vouet: certam dein pecuniam ad crucem argenteam ponendum in aede S. Apollinaris, is est Collegij patronus: itemque ad pallium, quo altare operiretur Deiparæ Virginis, in cuius erat Sodalitio, reliquit. His rebus ita dispositis, cum somnus multis præsentibus oppræssit, post paullō euigilans, accessit sacerdotem, qui erat ei à confessionibus: O pater, inquit, ô mi pater, quæ ego vidi? Quæ? interrogat ille. Cui eger? Quæ nec oculis, inquit, nec auribus, sed nec vllō sensu percipi possunt. Cum commouisset expectationem, & iungerentur omnium preces, subiecit inter ætonitum latumque, sed propior læto? Salus mea fuit in angusto: at benignitas Mariæ Virginis Sanctorumque Andreæ, Apollinatis, & Martyrum nostrorum tutelarum in tempore succurrit, à dæmone sum ductus ad iudicem. magna vis (cum solus essem) circumstabat accusatorum, varia crimina obiectantium, iam iamque exactor supplicij me pertraherat ad gehennam. Cum abesset prope nihil quin essem miserrimus, adstitit misericordie parens, & ad illos conuersa: Quo vos istum? quid vobis cum illo, qui tot annos mihi in mea Congregatione seruiuit? Consecutus



Consecutus deinde Andreas, idem indignans; titulum ostendebat mei patrocini, quam voueram ad eius tumulum peregrinationem. Sanctus postremo Apollinaris cum ceteris martyribus, quorum sacra lipšana in eade noctra sunt, vim inhiuit aduersariorum, memorans crucem, quam proximè mandauit faciendam. ita, quæ Deo est gratia, periculo simul somnoque solutus sum. Hæc cum dixisset exultans, quartâ ferè post horâ animam reddidit conditori a. Itanemo gratis colit Cælites, qui quis eos animo colit sincero.

a Anno 1,86.

## CAPVT VII.

*Quo fine mensuris Cælitibus sententiosum dictum addatur.*

**A**lterum, quod post Diui nomen in menstrua hac tabella perscribitur est pronuntiandum (nos, sententiam dicimus) vel ex ipsis diuinis Biblijs, aut è sanctorum Patrum monumentis, aut piorum scriptorum libris, quod quidem dictum etsi vnum sit, & plerunque breue esse solet, sæpe tamen ei cui forte obigit, plus attulit emolumenti, quam si is omnia Abulensis præfatus Tostati volumina euoluisset. Pauca sæpius vocalæ, miros in animis hominum effectus dederunt.

## §. I.

**S**Antonius etiam iuuenis, eum in templo illud Christi promissum decantari audisset: *Centuplum accipiet & vitam æternam possidebit a.* vix è sacra æde digressus patrimonij sui rutilantem aceruum hilari ore inuasit, & maximam illius partem ambabus manibus in pauperes tribuit, totum daturus, ni foror obstinisset. breui post idem in templo, euangelico illo monito *Nolite solliciti esse in crastinum b* sic attonatur, vt nihil iam amplius cunctandum ratus, moreque omnis impatiens, continuo toti Mundo, rebus suis omnibus, sibi que ipsi dixerit æternum Vale, multarum gentium in Ægyptia eremo factus pater. Seraphicus Franciscus prima verba dominicæ precationis: *Pater noster qui es in cælis.* attentius secum expendens, mox patri suo & matri, mox opibus & voluptatibus omnibus renunciauit,

& ad trophæum crucifixi Regis peruolauit nudus. Notum est & illud in eiusdem Diui ore frequentissimum: *Deus meus, Deus meus & omnia.* S. Hieronymum assidua formidine perculsum tenebat vnica illa sententia: *Surgite mortui, uenite ad iudicium.* hoc illi epulas omnes perfudit amarissimo cinere. Christus, è rudi piscatorum plebe Orbis oratores, & cæli Principes fecit, duabus solum uoculis istis, *Sequere me.* Simeon Stylites audit in templo à sacerdote cani: *Beati qui lugent, quoniam ipsi consolabuntur,* & protinus opilionem exuens, monachum induit, vitamque egit omnibus post sæculis admirandam. S. Eucherius prolapsa nobilissima oriundus, cum legendo in illud D. Pauli dictum deuenisset: *Sapientia enim huius mundi, stultitia est apud Deum.* c. loco quam primum confluxit, & suas Mundum res habere iussit, meliori ipse Domino seruiturus. S. Paulinus, vir complurium uoce laudatissimus, cum illud Christi dictum ad opulentum iuuenem: *Si vis perfectus esse, uade vende omnia quæ habes, & da pauperibus, & habebis thesaurum in cælo: & ueni sequere me.* d. pensiculatus cogitasset, vitam priorem desijt, & ordiri nouam, meliorem, sanctam, aggressus est, atque in Gemonio cænobio, celesti philosophiæ se totum emancipauit. Quod hominibus salutem attulisse credendum est breuissimum illud, *Nosce teipsum?* S. Ignatius Loiola, quantum sibi, suis, Orbique toti profuit illo breui effato: *Omnia ad maiorem Dei gloriam.* Neque dubium est quin multos improborum vehementi sæpius horrore affecerit serium illud & seuerum de Euangelici Epulonis sepultura pronuntiandum: *Et sepultus est in inferno e.* O profundum sepulchrum! exclamat Augustinus. Et quis ille animus in saxum ita obigit, vt ad tales uoces & monita, non uiuat ac sentiat?

a Matth. c. 19. v. 29. b Mat. c. 6. v. 34.

c 1. Cor. 3. v. 19.

d Matth. c. 19. v. 21.

e Luc. c. 16. v. 22.

## §. II.

**V**ir olim religiosus quispiam ad molissimum iuuenem, & pane alterum Smeudyridæ, vitijs vna & delicijs omnibus innutritum, alia lege aditum sibi aperire non poterat, nisi prius promitteret, de rebus pijs, diuinis, cælestibus



bus mentionem se nullam facturum; de morte nihil, multo minus de inferis quidquam locuturum: lex autem erat paribus poculis si certare collubitum esset, veniret, propinaret, responderetque propinanti, diceret quicunque vellet, tantum non pia aut sacra conditionem etsi iniquam prudenter acceperit homo religiosus, nec dubitauit iuuenem illum parte aliqua patere, quâ saluberrimè feriri posset. Adest ergo & sano consilio multa dissimulat, & vt pacta conuenta erant, nec de Deo, nec de diabolo quicquam sermoni aspergit. affidet lætus, ad risum etiam verba componit: iocatur simul, sed pudice, meridiatur vna sed parce, respondet propinanti sed sobrie. demum abeundi veniam extorquet. Sub digressum, occasionem captat qua in animo incauti vel vnicum pietatis aculeum defigat. cumque bona fortuna iuuenis ille lectum suum selecta pluma turgentissimum abituro monstraret, tum Pater: Nobilis domine, inquit; Isaias vates nouam lecti rationem describens: *Subter te, inquit, sternetur tinea, & operimentum tuum erunt vermes* a. Atque cum hoc dicto valedixit, & placidi somni propitiam noctem precatus est. Mox iuuenis, id vero contra pacta & legem actum esse pronunciat, alio se tempore de eo penas sumpturum, delicti piaculum fore prægrande saluatorium poculum, quod in multam ei vni foret exhauriendum, cetera iam valeret, atque ira hominem religiosum dimittit: voluisset quidem istdem foribus illud de vermibus dictum excludere, sed id nequaquam potuit. hærebat illud animo & reluctantem trahebat, fodicabat, impellebat, stimulat, vrgebat, miseris demum modis angebat; inquieti vermes omnem ei quietem turbabant. Hic iuuenis tam insolentis & occulti concionatoris impatiens, remedium huic malo circumspicere: itaque ad solitas compotationes redire, ambulationes iterare, sociorum numerum etiam augere, nonos lusus excogitare, choreis plus indulgere, iocis effusus hilarescere, hoc demum agere vt à sole nunquam sobrius conspiceretur, quo hærescentem animo molestiam detergeret, abigeretque importunissimum conscientie monitorem, & vel sic tandem molestissimos hos vermes excuteret. non eualuit tamen, quicquid egit

contra domesticum hunc carnificem. agmen hoc vermium insuperabile, animo expellere non potuit, quocunque conatu. Dum ridebat, dum bibebat, dum ludebat, vermes illi, & illarum tinearum conscientiam identidem peruellebant arrobebantque. Euigilauit tandem miser iuuenis, & prioris vitæ veterum excussit hoc secum instituto ratiocinio: Et quid, inquit ipse sibi; proficimus? dies noctesque contra importunissimam hanc & vermiculosam cogitationem pugno, nec inducias vllas aut quietem impetro, nec aliud hactenus egi resistendo, quam vt altius inhæreret; quo magis repugno, hoc minus excutio. Quod si sola de vermibus cogitatio animum ita compungit ac lacerat, quid vermes ipsi facient, præterum stygij, & nunquam morituri? quid facient illi æternæ mortis ministri vultures? Sed mittamus hæc morosa & tristitia. Si possem, equidem vellem. Da te letioribus, & gaude cum gaudentibus. Sed ab, quam vanis & simul quam breuib. gaudijs inhiamus? hodie genialiter viuimus, cras inter alienas lacrimas perimus. Ita eodem sepe loco quo luserunt nauigia, forbentur. Et quis tandem finis, vbi amabili infania diu luserimus? & ipsi demum ludibrium sumus immittissimæ mortis. Ergo: Ergo: dixi; nunc cœpi. Alius fui, alius ero in posterum. Vela feci ad gehennam, nunc ad cælum remigabo. Munde vale, diu satis ludos me fecisti. habes alios quos ludificeris: ego me maturè subduco, dixit, & fecit. & eodem quo cœpit pede ex magno Mundi prostibulo in castra Christi transijt, vnica illa breuissima comminatione permotus.

a Isa. c. 14 v. 11.

### S. III.

**E**N tibi quam diserta fuerit & efficax conicio, vel vnica sententiola. Laudatissimus ergo Partheniorum cœtuum mos est singulis tutelariis sanctis, singulas adscribere sententias, quas quiuis non semel tantum legat (hoc enim parum, hoc nihil est) sed toto illo mense accuratius in omnem partem sensumque secum exputet. Nunquam sine fructu est, quæ de talibus instituitur cogitatio, nec frustra scribitur quod ad pietatem est calcar.

Testimo-

Testim.  
plum.  
Ant  
iuueni  
cert  
nouit  
vi pol  
enim  
uanit  
poris  
anim  
habere  
labar,  
sed nec  
piebat  
luccum  
terreba  
ante  
quâ g  
tam lu  
mum  
demum  
bat, s  
sed vi  
repete  
reus,  
arens,  
teus, &  
gelicus  
impetra  
rentisq  
tit, pra  
finis, e  
& luxu  
ita ad  
lis vir  
iuueni  
deterio  
tempo  
solum  
ginem  
non per  
tem (fi  
dum el  
sanctum  
diuina  
dum ille  
genau,  
scripta  
das ipsu



Testimonio est luculentum huius ei exemplum.

Ante annos certè non multos a. Ingolstadij iuuenis fuit, qui vt vel morbi leuitatem, vel certè Mundi blanditias euaderet, Deo sese deuouit & religioso statui. Morbus abiit, & breui post bonum hoc propositum cum illo. Sensim enim quicquid pietatis in morbo hauserat, euauuit. & ita iuuenis iste post restitutam corporis valetudinem egrotare primum cœpit animo, & post perlanatum morbum peius habere. Principio quidem feruebat & uolabat, post paulo lentius ibat, deinde stabat, sed nec diu nec impigrè; mox languere incipiebat, tandem aperit vitiorum dulcedini succumbebat. Nam Mundi facies, quæ prius terrebat, iam arridere; religiosus status qui antea placebat, iam terrere; societas bona quæ gaudebat, displicere incœpit. ita miser tam suauiter & facile obliuisci potuit primum voti sui, dein sui ipsius, postea cæli, demum ipsius Dei. ita paulatim per gradus ibat, sed non ad cælum: tendebat in præceps, sed viâ molli & clemèter decliui. neque enim repètè pessimus factus est, vt qui hodie fuit aureus, cras vix argenteus repertus est: breui post æreus, exinde ferreus, denique factus est luteus, & ipsum cærum. Ita prodigus ille Evangelicus primò patrimonium repetijt: hoc impetrato in regionem longinquam abiit, parentisque oculis se subduxit: neque hic stetit, præuè etiam societati se iunxit. nondum finis. ea tandem fecit quæ socij & sociæ; gula & luxuria in quotidianos mores transferunt. Ita ad mentem Siracidarum est processio in malis viro indisciplinato b. Hoc planè modo, iuuenis ille de quo cœpi dicere, sensim seipso deterior factus est, & è sancto, progressu temporis in improbum mutatus: hoc ferè solum retinuit boni, quod Beatissimam Virginem & Marianæ Congregationis, cærum non penitus deseruerit, sed subinde se præsentem stiterit, saltem in ceremoniam. Ita factum est, vt statò die cum ceteris menstruum sanctum acceperit, & quidem sorte prorsus diuina. Nam sententia quæ pronunciata est, dum ille ante crucifixi signum ex more flectit genua, è mellifluo doctore Bernardo transcripta erat, hisce omnino verbis, Quid tardas ipsum, quem iam dudum conceperas spi-

ritum parituri salutis? nil mortalibus vel morte certius? vel incertius horâ mortis, quomodo viuere potes, vbi mori non audes c? Audijt hæc iuuenis, tacitus quidem, sed quasi fulmine ictus, monitorem è cælo agnouit, & illo statim die fugam è lubrico in tutum parauit, altera vero luce hilaris & alacer ad Religiosam domum contendit, isque sese aggregauit quos diu fugerat, victurus illic vbi mori non trepidaret.

a Anno 1606.

b Eccli. c. 20. v. 9.

c S. Bern. ep. 103. ad Romanum Rom. curia subdiaconum.

#### S. IV.

EN tibi vel vnica iterum sententiola, menstro Diuo subscripta, apud inueniem istum tantum cuius, quantum vicenæ aut tricenæ conciones non potuissent! Ergo probò instituto menstruis Cælitibus sacrum aliquod piumque effatum subscribitur: sed illud malo contemptu sæpe non legitur, aut lectum non perpenditur. impius sanè neglectus hic est cum concio tam brevis non auditur, aut obliuione quam primum sepelitur. Hoc ergo siue Diuorum nomini in menstruis illis chartulis, dictum aliquod de dictis melioribus subiungitur, vt autem vestiget legenti, eumque officij moneat, addatque stimulum ad vitam emendatiorem. Non multum ab simili modo sortem olim captabant è diuinis oraculis, quod vel ex hoc pateat, quod subiungo. Meroueus Regis Francorum Chilperici filius, homo regij quidem sanguinis, sed probrosæ ambitionis, & qui scelus etiam per pietatem quæreret. Hic Turone D. Martini sepulchro tria sacra volumina, Psalmorum, Regum, & Euangeliorum imposuit, eaque nocte tota illic peruigilans, sanctissimum Antistitem Martinum rogauit, ostenderet quid euenturum, & an regno potiri posset. Huic peruigilare nocti triduum insuper adiecit, quod ieiunij, precibus, vigilijs exegit. O ambitio quid non mortalia cogis pectora! Exacto hoc triduo ad Diui tumultum regressus, sacram historiam Regum aperuit, primus autè explicatæ pagine versus hic erat: Pro eo quod dereliquistis Dominum Deum vestrum, & ambulastis post deos alienos, nec fecistis rectum ante conspectum Dei, idè



ideo tradidit vos Dominus Deus vester in manibus inimicorum vestrorum. Primus psalmorum versus erat iste: Veruntamen propter dolos posuisti eis mala: deiecisti eos dum alienarentur, quomodo facti sunt in desolationem? subito defecerunt: perierunt propter iniquitates suas. Ex Euangelii, in capite pagine hoc legendum occurrerat: Scitis quia post biduum pascha fiet, & filius hominis tradetur ut crucifigatur. Ad hæc librorum responsa Meroueus, qui regnum iniquè affectarat; rubore & lacrimis confusus, assumptis in comitatu quingentis viris, discessit loco in via ab Erpone Regis Gunthramni duce captus est, vti Gregorius Turonensis memorat. Quomodo vero sacri codices olim per vscatam sortem consulti, de futuris quandoque monuerunt, ita fit nonnunquam vt in menstruo Diuorum sortitu, & oraculi vim habeant & vaticinij, quæ è sacris codicibus exscripta traduntur.

Vt vt sit, minime negligendum est breue illud monitum in charta menstrua perscriptum: quanto enim minoris est operæ, illud quotidie perlegere, tanto maioris est negligentia, in re etiam tam facili torperè. Sed pergo.

2 Hist. Franc. lib. 5. c. 14.

## CAP. VIII.

*Quo consilio preces indicantur in mensem promittam.*

**T**ertium, quod in scheda menstrua visitur, est orandi scopus, nos intentionem dicimus, quæ aliud non est quàm propositum & pia voluntas pro istis atque illis preces ad Deum allegandi, quandoquidem in tabella menstrua cuius sodalium suauiter imperatur, pro quibus illo potissimum mense debeat precari. Ita pro omni statu sexuque, pro ætate omni & ordine, pro regnis & prouincijs, pro amicis pariter & inimicis, probis, improbis, viuis, mortuis deprecationes instituuntur; ita ad omnem virtutem impetrandam, ad auertendam omnem noxam, & pestem quamcunque, certi precandi fines præscribuntur. Inter hos tamen ij singulariter obseruandi, qui preces nobis indicunt pro ijs in quorum incolumitate vel interitu maximarum rerum momenta vertuntur. Par est omnino,

in precibus nobis commendatissimi sint Principes Christiani omnes, in quorum manu salus & exitum plurimorum sita sunt. ita vigilantissimos oratus à nobis postulant tota regna & prouinciæ, afflicta bellis Hungaria, fecunda martyrum Iaponia, vexata hæresi Germania, reuocanda ad fidem Anglia, sic & pro magnis Regibus Hispaniæ, Galliæ, Poloniæ omni studio Numini supplicandum. Et quis obliuisci possit vel lethalter peccantium, vel manium in purgante flamma luentium, vel infantium de Iustali fonte periclitantium? Pro his talibus precari quicumque mensis initio admonetur, is certæ sine culpa sic imperatas preces penitus negligere non potest: quanti enim censendum est vel vni infantulo suis precibus cælum donare, animam vel vnicam ex igne Iustali euocare; ei qui delicto lethali obnoxius est, respiciendi gratiam impetrare, & sic è turpitudinis gæno extrahere? Quanta item necessitatis est pro dono Castitatis, sibi alijsque consequendo, Deum & frequenter & feruenter rogare, pacem & concordiam poscere, ad Indos & extremos Sinarum populos suspiria mittere, benefacta his gratijs referre, inimicis iniurias hac talione compensare, homines ad perulantiæ & lasciuia obliuatos Cælitibus serio commendare, postulare denique perseverantiam nobis maximè necessariam. ita vere Antiochenus orator Chrysostomus dixit: pro se precari necessitas cogit, pro alijs charitas hortatur, pro se orare, natura est, pro altero autem gratia. Dulcior est autem ante Deum oratio, non quam necessitas rei transmittit, sed quam charitas fraternitatis commendat.

## § I.

**G**ER. Hic ego forsitan nō malè obiecerim: Quantulus sum ego vnus, aut quæ sunt precatiunculæ meæ, vt ijs vel vniuersam Galliam, vel lausissimam Hispaniam, vel amplissimam Germaniam, aut Italiam totā, aut Principes Christinos omnes fulciam? non earum sunt virium preces meæ, vt ego Atlas sim & humeros supponam ruenti cælo. POL. Atqui audi, mi Gerarde, non tuis solius precibus, sed aliorum etiamtribuendum est, si ijs tori aliquid prouinciæ optuleris. Deus tam bonus est, vt ad paucorum castas, purasque preces maximis



maximis quandoque populis pepercerit: neque dici potest quantum virtus vnus etiam, & solius homunculi possit, si Deus iam posse velit. Recente mundo vnicus Abiahamus Deo supplicat pro quinque ciuitatibus; & benignissime auditur. Et profana consideras? Vnus solusque erat Horatius Cocles qui bello contra Porfenam, in ponte subicio toti exercitui se opposuit, magna sui gloria & suorum bono. Q. Mutius Scæuola vnus solusque & primus è trecentis coniuratis Hetruscum Regem à Romano Capitolio auerit. Vnus ac panè solus Camillus fuit qui Romam iam propè bustum factam, de manu Brenni & Gallorum ferro liberauit *a*. Vnus solusque Hercules fuit qui monstis Orbem inauditis repurgauit. Sed ut hos taceam, Vnus solusque Ioseph fuit qui fame perituram Ægyptum ab interitu seruauit. Vnus solusque Moyses tot centenis millibus Hebrææ plebis toties saluti fuit, suis paritè consilijs paritè precibus. Hierosolyma funditus euersa in magnum cadaver corruissent, sed vnus solusque Mathathias cum lugendo & suadendo, tum hortando & agendo restituit rem. Israelis populus vniuersis idolis litasset, nisi per vnum & solum Eliam Thesbiten à tam immani scelere fuisset reuocatus Daniel vnus solusque fuit, & iuuenis, cum senum plebisque decreta rescidit, & Susannam paratæ neci eripuit, ipsoque iudices morte multandos æquissime iudicauit. Vnus solusque David fuit, tunc etiam adolefcentulus & contemptus, cum carnem illam & loquentem Philistæam turrin, & quasi sedem belli Goliathum, in oculis trepidantis exercitus funda saxoque expugnauit. Vnus solusque Samson fuit, tantum alini mandibula, non ære aut ferro armatus, cum tot simul Philistæos trucidauit. Vnus solusque Ioannes Baptiste fuit qui tacentibus vniuersis ausus est Herodem omnium facinorum quæ patrarat, arguere. Quid? etiam vna & sola mulier Hebræa Holofernem, tunc terrorem Orbis, suo sibi gladio iugulauit. itaque Assyriam militiam vniuersam vna illa superauit. Vnus Mardocheus & vna Esther omnem Iudæorum gentem à certo interitu seruauerunt. Vno Ambrosio sublato florens Italiæ status magnam partem corruit. Vnus fuit solusque Leo Magnus, cum illud Dei flagellum, Atilam,

Romanis arcibus iam iam imminentem, oratione non modo stitit, sed & in Pannoniam redire persuasit.

a *Linus Decad. 1. lib. 5.*

## S. II.

**A**T vero ut neque Daniele, neque Abrahami, neque Samsones nos simus, certè ij esse possumus qui fuerunt æuo etiam nostro vel pueri & mulierculæ. Vnica ancillula, vti narrat illustrissimus Baronius, suis precibus & cilicio, quo multos sanarat, totam gentem Iberum ad Christi fidem perduxit *a*. Carolus V. Imperator, cum Thomam Merum, qui Regis Angli fuit Cancellarius capite plexum inaudisset, dixisse fertur: Henricus Rex totius Angliæ caput præcidit. Tanti erat vniuerso regno, virum hunc vnicum amisisse. Vna Ioanna, Tulliensis virgo, pudica & sancta, ab obsidione plurimos liberauit *b*. Melior etenim vnus timens Deum, quam mille filij impij. Ab vno sensato inhabitabitur patria *c*. Vnus iudex & solus Laurentius Iustinianus Venetorum urbem ab excidio suis precibus seruauit, nam quo tempore bellum inter Venetos & Mediolanenses arserat, in Corcyrano nemore Eremicola vaticinijs clarus degebat. Hunc è Venetis optimatibus vir nobilis adiit, quæsivitque, cui parti bellum illud feliciter cessurum esset? huic respondens Anachoreta: Deus, inquit, vrbi Venetorum vehementer iratus, quod nulla morum emendatio. post tot admonitiones, post tantos clamores sequatur, illam perinde vt Palestinæ Pentapolin iam dudum deleisset, nisi vnicus illorum Patriarcha, suis precibus vindictam diuinam auertisset. *d*. Idem penè de Simeone Salo Leoncio Neapolitano Præful commemorat. Fuit enim vt ciuis Emesanus Hierosolyma iret, quo illic se precibus abbatis Ioannis commendarat. Ioannes, Simeonis olim socius, cum illum Emesâ ad se venisse cognosset: Atqui quam maximè miror, inquit, te tantum viæ tam casto labore confecisse. Eequid est quod me Hierosolymis quæras cum Emesâ habeas Simeonem, cuius precibus non ego solum, sed & Orbis totus indiget. Deus bone, quæta sunt iudicia: quem hominem vt fatuum & stultum mundus totus deridiculo habebat, huius precibus mundus totus egebat. Ergo

Aaaa vnus



vnus atque vnici hominis ad Deum emisse preces non tantum vnum aliquod regnum, sed & orbem terrarum vniuersum sustentare possunt. Ergo & sodalis ille, qui cum alios innumeros iuuare possit, tamen id tam temerè negligit, innumeris nocere censendus est. Verè enim nocet, qui cum possit non prodest,

a Baron. tom. 3. Ann. 327. n. 11.

b Aub. Myraus Ann. 1429.

c Eccl. c. 16. v. 3. & 5.

d Bern. Iustinianus orator, nepos illius, apud Zach. Lippeloo. tom. 1. die 8. Iann.

## CAP. IX.

*In chartâ menstruorum Calitum adscripta  
Virtus quid moneat.*

**V**ltimum denique quod menstruis schedis inscribitur, vna aliqua Virtus est per illum potissimū mensem crebriori actu exercenda. Campum dicendi hic nullum egrediar, cum exitum spectet mea dictio. hic solum mirari multa debeo, ac etiam indignari. Et quā tu fronte, ô frigidissime Sodalis, quisquis es, quā conscientia sanctum menstruum domitū fordescere suis, & pulueribus sitūque obduci, aut libello clausum & malè sepultum non colis vt sanctum, sed custodis tantum vt vinctum, totoque mense illius nomen nec semel quidem aspicias legisque?

Memoriæ mihi est, Gerarde, ante annos aliquot missas ad nos Oeniponto litteras, quæ defuncti Brixinensis Pontificis manes nobis commendarunt, simul etiam de huius Principis virtute illustria quædam narrarunt, inter quæ illud eximium & imitandum. Siquidem Brixinensis iste præsul, suum sibi Diuum quot mensibus Oeniponto ad se mitti, eundemque nunquam nisi flexis genibus accipere voluit, quis ambigat quin religiosè coluerit, quem excepit tam piè. Noui ego Beatissimæ Virginis sodales, qui omnium Diuorum Cælitum, quos vnquam per menstruam sortitionem acceperunt, syllabum & litanias confecerunt, quas & ipsi singulis mensibus ordinatè percurrerunt, & in mortis vicinia sibi ab alijs prælegi petierunt. Bona vtique & incunda est morituro hæc prælectio, si tamen eos quos nominari audis Cælitæ, in vita sibi fami-

liares fecerit frequentiore cultu. Sed nobis nunc de virtute menstruis Cælitibus adscripsero sermo est.

## §. I.

**O** Gerarde, quā longè aliud est dicere, aut docere, aliud facere. Quoties apud nos virtus laudatur, & alget? Omnis in actione consistit virtus, nec vlla est sine labore. Virtutem in chartula menstrua notatam circumferre, virtutis sane non est. Quid porro de ijs dicendum, quibus in distributione menstrua è virtutibus Patientia obtingit, ipsi vero vel asperiore verbulo afflati, velut vento pestilente correpti, fremunt, frendunt, furunt, calcaturi omnia si possint, laceraturi & pessumdaturi omnia, adeo largiter bilem effundunt. O mi iuuenis, & ô mi vir, quid menstrua te schedula docet? an non illa hortatu tacito assidue tibi occinit: *Patientia, Patientia, Patientia*. Quid ais? an omnem adeo patientiam cōsumpsisti, vt ne leuem iniuriam, aut innocentem iocum. nec paucas vuculas, aut obliqui oculi minas possis concoquere? ô te heroem, qui ad pulicis morsum, Herculem inlamentas! Quis vnquam cælo se dignum fecit impatientia? quis non probe confusus in illam patriam peruenit? quis non omnia vincere potest silendo & patiēdo? quid indignaris, quid sequis, quid minaris? hi mores cælo non conueniunt. Sapientiæ comes est Patientia, quæ dolori cuiunque fert remedium. Iter ad cælum, sine Patientia nunquam reperies. Ergo schedam tuam inspicere, lege, & centies relege: hæc tua lectio voce vnica constat, *PATIENTIA*.

## §. II.

**E**T quid de ijs sentiendum, quibus in menstruis chartis. Obedientia præscribitur, at ipsi nihil minus faciunt quā quod imperatur: quibus Ieiunium suadet, illi nec vnico bolo genium suum fraudant: quibus Veritas consulitur sequenda, at illi technas, fucos, sutelas, mendacia consarcinant. Sic auditorum vbique multos reperias, factores paucos. An non ij auditores solum, apud quos pax publice laudatur, rixis illi ac iurgiis turbant omnia: examen conscientia iubetur, illi toto mense nec semel quidem in seipsos descendunt:



dunt: quattuor nouissimorū meditatio proponitur, illi mortis & iudicij immemores, cæli & inferorum securi viuunt: vigilantia precipitur, illi venientem solem hora septima, in lecto salutant, vbi vbi tandem sit sacrum: pia lectio commendatur, illi libellos pios nec habere quidem student, ne dum legere: frequens confessionis vsus inculcatur, vix illi vti hoc quouis bimestri semel faciant, adducuntur. Et de illis quid dicas; quibus Virginitas & Pudicitia colenda indicitur, obsecro illi Catullos pro stimulo Virtutum legunt. O mi sodalis, an non iste mensis identidem tibi occentat *Castitas, Castitas, Castitas*. Vide obsecro quàm casti sint tui oculi, quàm verecundi gestus, quàm pudica verba, vide ante omnia quam purè & mundè sint cogitationes tuæ, si hæc libidinis cænum admittant, ne mireris & oculos, & gestus, & veba eodem luto infici, vbi cor libidinem olet, vbi cogitationes castæ non sunt, nec lingua nec vultus, nec oculi cordis indices castimoniam spirabunt. Ergo & tu menstruam tabellam tuam inspice, lege atque relege centies, sexcenties; lectio tua finitur verbo; *Castitas, Castitas, Castitas*.

## S. III.

**Q**uid porrò de ijs censendum qui menstruali scheda Sobrietatis monentur, illi diem mero frangere, & crumenam in calices student exhaurire. Quid de ijs videtur quos pia illa fors, ad desiderium patriæ cælestis erigit, illi in variam curiositatem effusi, omnibus se vanitatibus indulgent. Quos putes eos, quibus scripta traditur Carnis afflictatio, illi hoc vnum agunt, vt Carni faciant bene, vt corpus mulceant & saginent. Quid de his, inquam, omnibus sentiendū? qui prorsus in contrarium nituntur, & alia omnia faciunt quàm quæ sancti menstrui monent, suadent, iubentque. De te, Gerarde, tua me virtus meliora vult ominari. In eos dixi hætenus, qui torporem & desidiam nec alienis quidem tegunt oculis, qui suo se officio functos credunt, cum consuetudini paruerunt, tamen si mense toto nec Diuicura, nec statæ preces, nec specimen virtutis vllum se prodant. Ita alios atque alios Sanctos, ita plurimos accipiunt colendos, nullum colunt. tunc maximè sensuri quàm malū sit Diuos

Celites negligere, cum rerum nimis erit velle coluisse, cumque nihil vltra restabit quàm vt tam profanz socordiaz frustra peniteat. Non satis est, o iuuenes, o viri, non satis est menstruas schedas flexo poplite, reuerenti manu, pioque osculo excipere, perlegere, retinere, nisi & Diuos in ijs descriptos colere, & virtutem in ijs notatam placeat exercere. Nemo Virtuti fauet, nisi qui eam sequi potest, & Celites nemo experitur propitios cum moritur, qui eos sibi amicos non conciliat dum viuunt.

GER. Sæpe cœpi, sed sæpe etiam desij Diuis menstruis honorem habere nunc obliuione, nunc etiam tædio victus. POL. Vix est vbi altioribus clamoribus sit opus, quàm cum bene cœptorum Constantia docenda, Animus humanus ingenerato pondere nunquam non defleat in praua, varius semper & mutabilis: virtutem præsentem sæpe non odimus, sed negligimus, ita virtutum radices non rarò antequam adoleſcant, sterili frigore exarescunt, vt iam supra demonstratum est Sed quicquid dixerimus, minus semper quàm par erat; dixisse videbimur. Et quia de Conscientiæ, de Cælitum, de Corporis cultu agimus, hunc nobis laborem necessario sumemus, Gerarde vt belluam istam huic triplici cultui infestissimam pro viribus impugnemus. Sanè ab hac animi leuitate & inconstantia admirandæ metamorphoses, & sæpe monstra vitiorum horrenda proueniunt, quæ ab ijs edūtur, qui quandoque sanctissimè incipiunt, finiunt sceleratissimè, ab Angelis, suo vitio, in diabolos mutati. Hæc enim inconstantia, & lentus ad vitium descensus, non vnam aliquam virtutem eneruat, sed vniuersas. Audi funestam tragædiam in qua histrio seu actor, & conscientiam & Cælitæ religiosissimè cœpit colere, suum etiam corpori qui conveniret, cultum tribuere: sed quàm sanctè incœpit, tam impiè finiuit. Audi miram, bis miram catastrophem.

## CAPVT X.

*Inconstantia in Animi & Cælitum cultu, exemplo inaudito arguitur.*

**V**Nus quidam adolescens, & honesto loco natus, & à fortunis felix atque copiosus,

Aaaa 2

melioris



melioris sanctiorisque vitæ studio incoctus, parentem obnixè rogauit, liceret sibi rebus mortalibus abdicato, Christum & immortalia sequi. Negauit hoc ei pater. Institit rursùm ac sapius filius: cum actum agere se putaret, propinquos in parentem immisit, vt id à parente extorquerent. Impetrauit tandem ab inuito potestatem abeundi, & mox in cœnobium se inclusit, in quo tam magna & illustria continentia & abstinentia quotidie documenta ceteris dedit, vt haberent omnes quod imitarentur. Cum aliquamdiu in cœpto vitæ cursu profecisset, ratus se perfectiorem quàm erat, affectat solitudinem, & à Cœnobiarcha secedendi copiam flagitat. dehortatur iuuenem prudens hostilium technarum pater, pericula proponit, insidias exponit, enumerat damna ex eo discessu secutura, nec persuadet tamen iuueni, quem iam persuasit, imò abripuit affectus. Si ergo, inquit Præses, audendum est, dabo socios qui comitentur. ita discedenti comites geminos è contubernio suo adiungit, qui nouo eremicolæ locum opportunum quarant. Faciunt vna iter diem vnum atque alterum, ac per vastam solitudinem fessi oberrant, æstuque tandem ac labore fracti in terram corpora abijciunt, somno paucillum vires refecturi. Cum aliquamdiu placidè omnes quiescerent, ecce tibi ales streperis aduolat pennis, & clangore alarum excitat sopitos. Hic comites: En, inquit, sociene, Dominus cœlitem tibi misit, sequere ducentem. Ille de providentia Dei mirè lætus, salutatis comitibus, sequitur præuiam ductricem. Ales post pauca spatia semel atque iterum subsidit, ac vanescit, in quo loco nouus incolæ siluæ antrum reperit, iuxtaque salientem ad sedandam sitim, & dactylos ad pellendam famem. Intellexit eam sibi regionem à Deo per auem designatam, vbi Deo preces assiduas sterneret, & vitæ cursum feliciter perageret. Ergo totum sexennium in summa vitæ innocentia & sanctitate solus & vnicus trahit. Et iam de tironis felici progressu non parum sollicitus erat cacodæmon, timebatque ne tam altas virtutis radices ageret, quas non posset amplius conuellere. Aggrediendum itaque sibi militem aduocatis in consiliū consuetis artibus decernit, personam inculti & horridi natuque grandis anachoretæ su-

mit, tironem adit, seseque spectandum primum exhibet. horret iuuenis, & aspectu inusitati hospitis percellitur, nam intra sexennium mortalium neminem aspexerat. Dat ergo se in preces, precatur vnâ in speciem valerrimus insidiator, surgentemque hortatur, vt denuo secum etiam votis Deum conueniat. Tum personatus ille dæmon: quamdiu, inquit, hic degis? Sexennium, inquit iuuenis. O infelicitatem, inquit hostis, qui te tam vicinum tamdiu ignorauit! non amplius quatrinduum est cum hic esse te cogitavi, statimque consurrexi loco, & salutarum te perrexi, vti de ijs inter nos rebus, quæ ad vtriusque salutem pertinerent, ageremus. Quid agimus hic in tam vestis & desertis ambo saltibus, à sacris Christi mysterijs, à diuino Eucharistiæ epulo exclusi? vereor equidem ne ab eius quoque regno excludamur. Ad decimum quintum hinc lapidem duo sita sunt cœnobia, quæ licebit nobis festis diebus adire, ac percipere sacra synaxi redire. Visa res imperito tironi salutaris ac necessaria, specum deserit cum ipso dæmone, quem virum sanctum existimabat, & dominico die monasteria perit. Templum ingressus, & in preces fusus cum paullo post circumspiceret, & socium ac ductorem suum requireret, nusquam inuenit. Quærit ex cœnobitis vbi comes suus & pater esset: Neminem, inquit illi, nisi te & prorsus incomitatum huic aduentantem vidimus. Tum decimum sensit se à veteratore circumuentum, & per dolum è cubili suo extractum, neque tamen nimium doluit, ad homines post tantum temporis, reuississe. Ergo ad latibulum suum reuersus progreditur in consueto vitæ instituto. Sed adest rursus stropharū fabricator dæmon, verum iam alia longè via perniciem incauto machinatur. Iuuenis formam induit, habitum civilem & patrium sinit, vt cui semel illuserat, eundem denuo falleret, ac tandem à loco, pietate, religione penitus auerteret, ac in sempiternum exitium præcipitaret. Adest ergo & in latebrâ sedentem ad sui spectaculum elicit, nihil effatus, sed perinde ac si è patria, quæsitum religiosum iuuenem venisset: adstat, intuetur curiose, hæret & modo vultum, modo alias corporis partes respicit, vt ad suscitandum prouocet tacentem. Nec frustra; rumpit silentium prior imper-

ritus



ritus anachoreta, &: Quid, inquit, ades, quid me iam exquisitè contemplaris? Hic architectus mendacij? haud videris me nosse amplius, religiosissime domine, post tantam temporis interapedinem. Ego sum vicini patris tui filius, Pater tuus ita audiebat, hoc nomen erat matri, hoc forori: sed mater quidem ac soror, ante biennium naturę concessere, pater hoc anno defunctus, te heredem ex aſſe scripsit, ut tu veluti pius ac religioſus filius reſtutum aurum ac theſaurum omnem, pro vtriuſque ſalute in egentes diſpertias, miſtiſque, qui te perueſtigarent, nec haſtenuſ ab vſlo reperiri potuiſſi, quod equidem vehementer gaudeo, mihi eam felicitatē diuinitus oblatam, ut in te inciderem. Reſponder anachoreta religioſe; modo etiam conſtanter: Ego vero pecuniaz cauſa locum hunc deſerturus non ſum. Et ille: Quid enim mali ſuadeo? non ſum auctor tibi ut opes poſſideas, aut retineas, ſed in pauperes tribuas, ac reliſtam ſolitudinem quam primum repetas, Quid reſpondebis, de neglecta, & direpta tanta pecuniaz ſumma, ſummo iudici? quid patri? quid egenis ac miſeris, quos tanta miſericordia priuas? Huic anachoreta. Ego, inquit, haſtenuſ rerum caducarum curam penitus nullam habui: conſcientiam ſolum, & cælum atque Cælites curauī. Et hoc eſt (inquit larvata vulpes) conſcientiam & cælum atque Cælites curare, parentibus, in cauſa præſertim tam piâ, ſuccurrere, pauperibus per occaſionem tam bonam non deſiſſe. qui hæc non curat, conſcientiam negligit, & cælum atque Cælites contemnit. Ad hæc anachoreta iterum: An non ſunt, inquit, alij, an nemo ſupereſt cognatorum, qui me abſente, bona hæreditaria in egenos diuidat? Si tu deſis, inquit impoſtor, auariſſimus quiſque aduolabit, & prædam faciet pro libitu: interim mendicorum turba lugebit & abibitinanis, cuius culpam tu ſuſtinebis. Ductus & viſtus hiſ dolis ſimplex & ſtolidus iuuenis, ſurgit, pedem, quem retulit nunquam, ex ædícula proferit, ſolitudinem ſimul ac cælum Cæliteſque deſerit, viam init, patriam repetit. In via non pauca neclenſia nequitie rudimenta accepit à viæ ſocio, à quo inſigniter & cum fallaci venuſtate malus eſſe didicit, antequam id ſe doceri crederet. In patriam ubi peruenit, ecce domum paternam

ingredienti pater ipſe, quem dæmon ſinſerat mortuum, occutrit, mirator nouum hoſpitem, nec agnoſcit filium, ſed probè filius patrem. Quærit pater, quis vnde domo, quid adeſſet? Attonitus prope filius, quod videret viuum, quem audierat defunctum, ſingit (tantum in itinere ex comitis ſocietate profecerat) ſingit inquam, ſe deſiderio patris extremum videndi & ſalutandi adeſſe, agnitum pater in ædes admittit, & amiciſſime ut filium tractat. Sed non diu in ædibus paternis verſatus, Mundi mores & leges exacte addidicit, fortaſſè illas nunquam ſatis oblitus, tanto iam appetentior vanitatis, quanto antè pietatis ſtudioſor, perinde ſi doleret tamdiu vitij non ſeruſſe, ita ſapere cœpit miſero peccandi licentia. Conſcientiam quam antea quotidiano examine ſolebat explorare, iam opprimere, eique ſilentium imperare: Cælites quos prius aſſiduſſimis obſequijs conſueſerat colere, iam contempnim negligere, & ſuſſidire; corpus quod aliquot annis laboribus & inedia macerarat, iam verè colere, & molliſſimè procurare cœpit. hiſ gradibus in præceps ibat, ſeipſo deterior factus in dies. adeo duleis ei erat vitiorum libertas, quâ tamdiu carere ſe potuiſſe mirabatur. Sic per ſummum ſceluſ pudorem & innocentiam amiſit, turpiſſimisque ſeſe flagitijs contaminauit, ita ut a parente plagis etiam multatus, tamen non reſpiſceret, ſed infelicem animam in ſcelerata vita exhalaret.

O prodigium! ô portentum! quiſ vnquam hoc ſanctius inceſſit, quiſ flagitiouſius finiuit? Mali origo eſſe ſolet: melioribus non parere, ſibi fidere, ſeipſum non noſſe. hinc iſta lacrima. Verum quid huic miſero irateſcor mihi deberem. Et ego hunc luſum in alijs atque alijs quotidie ludo: Et hoc, & iſtud, & illud incipio, nullum finio.

## S. I.

**T**ales Protei ſumus, hodie conſcientiam luſtramus & purgamus, & vix cratiſſimū expectamus, cū eandem nouis ſcleribus implemus: hodie Dinorum genua aduoluimur, iſdem cras tergum obuertimus. Iſaia vaticiniū in noſ plane, nō quadrat: *curreſ & nō laberabſ: ambulabſ & nō deſiciet a.* Nos ambula-



mus quidem, sed breui deficiamus; currimus, sed medio sæpe cursu lassescimus, quandoque etiam finem iam vicinum, iam proximum stultissima præcipitatione corrumpimus. Saul regum optimus, si eius principia spectes, à Samuele iussus septem diebus expectare, dum victimas simul immolarent. Expectauit omnino ad vsque septimæ diei serum vesperem, cumque populus ab eo dilaberetur, tanquam coactus sacrificauit. Et eo ipso tempore aduolans Samuel: *Stulte*, inquit, *egisti: nequaquam regnum tuum ultra consurges*. b Heu la-  
xrimabilem iacturam regni! sex diebus Saul expectauerat, & vndecim horis septimi; angustijs tandem compulsus, & de Samuelis aduentu diffusus: ipsa vltima hora priorem perseverantiam omnem corrumpit, defecit, itaque sibi posterisque regnum perdidit, ex quo tempore per eos scelerum gradus cœpit non ire sed ruere, vt post mortale regnum amissum, immortale quoque amiserit & æternum c. Quam tutum est alienis malis sua dediscere, & aliorum ruina cognita, in statu firmiore se componere. Et sane vltima vitæ perseverantia plurimum ab eâ pendet quæ quotidianis actibus roboratur. Qui bene cœpta toties tamque facile deserit in supremo vitæ actu ægre sibi constabit. Ideo sanctissimus rex David: Inclinaui, ait, cor meum ad faciendas iustificationes tuas in æternum. & In æternum non obliuiscar iustificationes tuas d. Nil magis necessarium nobis, quam quotidie firmitissime statuere ac proponere. Quid autem iuuat quotidie proponere, si licet propositum quotidie deponere? Nihil hoc est aliud, quam felici manu substructa, ridicula penitentia destruere, aut molem Sisyphæam in rupis fastigium educere, mox in infimam vallem rotatu præcipiti reuoluendam. GER. Hæc labes nostræ mortalitatis est, non diu eadem consilia probare. P o L. Amamus mixtas penitentiarum voluptates, & bona semper placitura vix admittimus. GER. Statui iam sæpe, nullo die conscientiarum discussionem intermittere: proposui quot mensibus oblatos sorte Cælitus studiosiore cultu prosequi: decreui iam crebro corpori minus indulgere, oculorum incendia cauere, linguæ pestilentes imperus coercere: cepi nō semel insaniam amabilem pugarum & sordium mearum detestari. Et

tamen, quæ statui non feci; quæ proposui neglexi; quod decreui violauit; quod detestatus sum, rursus amaui, quæso, vnde hic morbus, nunquam facere, toties statuere? P o L. Mi Gerarde, forsitan non satis firme statuis, perfunctorie ac leniter leuiterque velle, non animi decretum, sed impetus est, qui vt cito vires acquirit, sic cito amittit. Subita cœli serenitas, subitis nimbis scødatur, herbæ ac flores celeriter nati, celeri morte subducuntur. Firmum propositum non est, quod in cera aut arena scribitur: rigido metallo commendandum est quod diuturnum esse cupimus. Iob hoc fecit; quod statuit, perinde si exarasset id ære, sic executus: Donec, inquit, deficiam & moriar e, non recedam ab innocentia mea: iustificationem meam & virtutem quam cœpi tenere, non deseram.

a 1 s. c. 40. v. 31.

b 1. Reg. 10. v. 1. & c. 13. v. 8.

c Ita sentiunt Tostatus Abulen. Thomas Aqu. Bernardus, Hieronymus, alij.

d Ps. 118. v. 112. & 93.

e Iob c. 27. v. 2.

## S. II.

Narrant hominem generosi sanguinis, sed vitæ profligatissime, latrocinij insuper infamem, eius sibi consuetudinis inuolabilem legem dixisse, vt nullus iret dies, quo se matri Dei non commendasset Angeli salutatione. Quantula scintilla pietatis, in vasto mari flagitiorum! Habuit hic miræ & prolixæ fidelitatis famulum, qui ipsis quatordecim annis industriè illi seruijt. Patuit tandem famularum hunc fuisse insidiosissimum. Siquidem vir sanctus qui in castro illo captiuus detinebatur, hunc famulum adegit I e s v Christi nomine, fateretur quis esset. Ille vim imperij sentiens, demum se diabolum fassus est sub humana specie illic seruissè, idque in mandatis habuisse, vt si quo die herus salutandæ Virginis consuetudinem omitteret, suffocatum abriperet ad impiorum carnificinam, verum ad id tēporis nullū omnino diem abijsse quo herus Dei matrem pro more non coluisset. Hæc ego fide complurimum aliorum recitauit a. Hoc liquet mirifice placere Deo cuiusque boni operis constantiam. Sicut natura indefessa operatrix ab exili planta arborem educit



educit admirandæ altitudinis, non subitis incrementis, sed diu & continuè operando; aque guttulæ lapidem cauant, non vi sed sæpe cadendo; ignis immortalitas tandiu durat, quâ diu subministrantur alimenta, semper viuit flamma, semper vorando: sic Deus assidue operatur benefaciendo, sic homo probus ad immortale fastigium exurgit nunquam ignauè cessando.

Felicem Pilatum si quo pede cœperat, decurrisset. Turpe est cedere oneri, & luctari cum officio quod semel receperis. Posito fûdamento imponenda est & coronis. Virtus boni operis perseverantia est, quâ vbique est opus.

Orpheus Euridicè ab inferis reducturus accepit conditionem ne incôstanti curiositate duci se sineret, & retro torqueret oculos. At miser,

— avidusque videndi

*Flexit amans oculos, & protinus illa relapsa est b.*

Orphei & nos sumus (ingemisco cum cogito) & vix parta, mox iterum perdimus instantia miserabili. Et quoties suam quisque animam ab Orco reuocat pœnitentia? verum quia ad pristinos amores cor iterum reflectimus, iterum etiam atque iterum, relapsam ad Orcum animam damnamus. Quid iuuat, hodie in castimonie leges iurare, cras iterum libidinis cano se mergere? quid prodest hodie infra omnes se submittere, cras grande supercilium resumere, & omnes alios despicere? quid magni, hodie præclarum patientiæ specimen edere, cras omne patiendi studium abijcere? hodie frugali quadra viuere, cras helluari & græcari; hodie agni mansuetudinem induere, cras in lupum efferari; hodie cælum atque Cælites sollicito cultu ambire. cras Veneri & Plutoni ceterisque inferorum monstris applaudere. Gerarde, si Dei matrem, si Diuos alios venerari cœpimus, quæso, non hoc solum die aut hebdomade, non hoc tantum mense aut anno veneremur: constemus nobis, nostrisque cœptis & cras simus quales hodie fuimus.

*a lac. de Vorag. archiep. Iann. Hercules Vincemala l. 1. mira. mir. 14. Pet. Ant. Spinelli de Amore Deipara c. 5. fine. b Ouid. l. 10. Metam.*

**E** Quidem multa sunt quæ nos ad constantiam hanc accendant. Nota tibi nō ingram vel alias audita. Illustre & prorsus inauditū apponam pro clausula. Narrat is qui & auribus suis & oculis non immerito vult credi. Nuperrime in scriptoris huius notitiam deueni, è cuius fide hæc ego tibi fideli narratione pandam.

Franciscus Retzanus rerum diuinarum cōsultus, è S. Dominici familia, in Austria Academia Viennensi triginta sex annis sacras litteras docuit. Hic à teneris vnguiculis Beatissimæ Virginis cultor tam feruidus quam constans fuit. Quotiescunque Dei matrem vel nominari solum audijt, vel eam ipse nominauit, mox occasione proxima salutacionem Angeli submisit pronunciauit. Idem fecit, quotiescunque illius imaginem, & quocūque loco transiret. Ea de causâ non tantum in museo suo, sed & alibi diuinæ Matris iconē voluit esse frequentissimam. Preces, seu, Officiū MARIÆ Virginis vel vnico die intermittere nefas duxisset. Pecuniam omnem quam docendi munere fuisset promeritus, in beatissimæ Virginis cultum expendi voluit. Singulis sabbati diebus dimidiam prælectionis partem decore & cum gratia in laudem diuinæ huius Virginis deflexit, & frequenter eo sensu, vt vberes lacrimæ verba dicentis interciperent. In precibus, quas magno numero quotidie huic Beatissimæ Matri adnumerauit, ingenti affectu animum omnem in hanc cæli Reginam intendit. Medullis ac visceribus ei hærebat pietas in istam matrem. Neque vero interim quæ sui muneris esse norat, negligebat. Sic ad annum octogesimum quartum ætatem prouexit, vir miræ abstinentiæ & hostis sui corporis, quo nudo scilicet lineam non attigit, culciter non nisi lanæ indormijt, religiosi silentij semper obseruantissimus. Si quando è cubiculo in bibliothecam, aut triclinium, aut templum iret, aut domo ad scholas prodiret, ne tantilli temporis iacturam faceret, Dei parentem Angeli verbis assidue salutabat. Post lucubrationes plurimas & libros è se cōpositos, in illa Salomonis verba: *Per me Principes imperant &c.* digressus, tria bene magna volumina conscripsit in laudem cælestis Virginis MARIÆ, cuius in cæ-

lum Al.



lum Assumptæ die, suum ipse laborem elimare cœpit, & curis secundis perficere. Dum ergo manum haber ad tabulam, en febricula scribentem occupat. tantisper ergo calammum pœnit, dum imperus morbi solueretur. At ubi febris in dies recurrebat auctior & grauior, aeger ad socium conuersus: quid hoc sibi vult, inquit, Virgo beatissima, quod me suis octodialibus festis suoque opere distentū estu febrique iactari sinat? sed seramus, quicquid in nos Dei bonitas decernit. Et hoc etiam scribere est, hoc etiam est Deum Deique matrem laudare, non repugnanter pati, ergo pariamur. Fecit, vt dixit. Iamque dies Beatissimæ virginis Natæ aderat, cum sacramentis omnibus confirmatus Franciscus, visu tamen (quod rarum in hoc ætatis) auditu ac mente integra consisteret. Horam nouissimam præsentiens, more suo salutationem Angeli recitare cœpit, & licet in vltimis esset, iamque animam ageret, nihilominus tamen verba formabat, quantumuis exili spiritu ac inter mortuis vocibus, illudque suum (sancta MARIA mater Dei ora pro nobis) continuè pronuntiabat, vsq. dum labra non amplius contrahere aut diducere valeret. sic extremum vitæ spiritum in ipso matris desideratissimæ affatu edidit. In extincti facie nil horroris, sed hilaritas & propè vitalis decor spirabat, qui ad gaudiū inuitaret spectatores. *a. En, Gerarde, insignissimam in Deiparæ cultu cōstantiam per tot vitæ spatia ad ipsum vsque quartum & octogesimum annum. Et quid miremur tam lenem & felicem exitum, post vitam in huius dominæ tam pio famulatu exactam?*  
*a Ioan. Nyder. l. 4. formic. c. 7.*

## S. I V.

**H**ic omnino geminum & plane recens addo, quod non ita pridem Pater quidā ē Societate Iesv mihi narrauit, & ego nunc tibi Paulus Hoffæus, quem incanum egomet sæpissime vidi, neque enim adeo multi anni sunt cū naturæ concessit. Hic in Societate Iesv sacerdotem egit vltra quinquaginta annos, muneribus & curis varijs exercitus. Cumque à Collegij Rectore moneretur, pro veterum more, primum sacrum in templo publice peteret, vir modestus & submissi animi, omnisque honoris & applausus fugiens, priuatim &

in suo Bethlehemo (sic appellarat extemporaneum sacellum, quod ipsius tenio excitatum est) sacrum illud fecit. Post plurimos labores otiosus repertus est nunquam. Manè diebus singulis ante horam tertiam surrexit: totum tempus vsque ad sextam meditando & orando traduxit. meditationibus sacrum, sacro lectiones & scriptiones illius sacra successe-  
runt. Tam in verbis semper consideratus & cautus, quam in cibo potuque omni abstinens & moderatus fuit, quo effecit vt infestam podagram vltra septuagesimum annum à se distinuerit. Et testati sunt medici, vitam ipsi in tot annos ideo prorogatam, quod tam contumaci & seuera abstinentia sese exercuisset. Cibos delicatos etiam in morbo auersatus est, facile parabiles & communes alijs omnibus amauit. Patientiæ fuit tantæ vt leuissimos dolores calculi & podagræ, subinde etiam iocularibus dictis regeret. Pauperatis religiosæ sic amans, vt ob res leuissimas facultatem à maioribus petere sit solitus. Manes sapius (res ej iam nota erat) ad cubiculos fores auxilium ab ipso flagitarunt. Eundem vitæ terminum habuit magnus vir iste, quem prior ille, de quo dixi, nam pariter ad octogesimum quartum annū ætate processit. Hec ideo nosse interest vt sciamus quantæ virtutis viri in clientelam fidemque celestis Reginæ confugerint. Quantum vero hic ipse Paulus Hoffæus beatissimam Virginem Matrem amavit & coluerit, vel ex eo solum conijcias. Omnibus Diuæ Virginis peruigilijs ieiunium religiosissimè seruauit, & quem senem non facile vllus vnquam cantantem audiit, is ipse paucis diebus ante mortem carmen de Beatissima Virgine præter omnem morem cecinit. Dixisses octogenarium olorem funeri suo præludere. Mortuus, subridenti similis, tamque amœno erat vultu, vt ab eo vocem expectasses.

## S. V.

**E**N, mi Gerarde, adultos istos & prope nonagenarios Aeternæ Virginis clientes, & cultores constantissimos. His, Francisco & Paulo, qui Angelorum Reginam præcipuè coluerunt, subiungo Franciscum & Philippum, qui Angelos. De S. Philippo Nerio facile est conijcere quo honore affecerit Angelos  
cum cum



cum eum tanto affecerint Angeli. Nam in eā se se humilitatem submisit Angelus erga Philippum, ut ab eo etiam stipem petere, mendici habitu dedignatus non sit, dixeritque, cum personam aperiret; *veneram experiri, quid facturus esses*. Eundem hunc integerrimum virum in altissimam foueam noctu prolapsū, penitus illegitimum eduxit Angelus. Idem vir sanctus suauissimè concinentes Angelos audiuit, uti in eius rebus gestis testatur Antonius Galtonius *a*. At verò Franciscus Assisius, ille panē vnus ex Angelis, ardentissimo simul ac constantissimo affectu complexus est Angelos. Atque vt omnibus beatarum mentium ordinibus se vere deuotissimum probaret, à die beatissimæ Virginis in cælum euectæ quadraginta continuos dies ieiunio & inedia traduxit. Et quia Franciscus animorum salutem mirare ardebat. Michaelē Archangelum, cui ius aliquod in animos corpore solutos, singularibus obsequijs sibi demereri studebat. Tantorum exemplis ducimur, ad præstantissimam in cultu Cælitum constantiam. Magni prorsus momenti est in omni actione nobiliori, non temere ordiri, non leuiter & citò desinere. Atque hic præclarissimi documenti loco sit, quod Marthois abbas dicere solitus: Malo, aiebat, aliquod leue opus & continuum, quam graue & citò finiendum *b*. Vt autem bene cœpta continuemus, necessarius est plane in re-

bus agendis ordo. D. Ambrosius id significās: Animum, inquit, relaxaturi, videamus ne omnem harmoniam & quasi concentum bonorum operum soluamus *c*. Concentus iste vt constans sit, plurimum refert, si omne diei occupationes eo fiant ordine, vt primarijs hora conueniens assignetur, ad quam statim designati operis capiatur initium. Hunc diues ille Booz suorum messorum labori præfinit modum, vt horam nossent, qua ad messem venirent, qua cibum sumerent, quā ad opus redirent, quā quietem interponerent, quā demum vesperti labores finirent. *d*. Ne turbulenter facias, quicquid facere vis constanter, ordine fiat quicquid diu faciendum est.

Sed meministi, Gerarde, de triplici nos cultu cœpisse differere. De cultu Conscientiæ & Cælitum, ego meam tibi sententiam peregi: quam bene, tui hoc arbitrii facio, Restat de cultu corporis agere, Sed hoc posteræ lucis opus erit. Iam Hesperus os cælo exerit, & dies flectit in noctem. Ego in crastinum promitto, vt quod cœpimus finiamus, & constantiam doceamus non verbis, sed re.

*a In vita S. Phil. Neri pag 45. 46. 47. & pag 383.*

*b Pelag. interpres à Græco. libell. 7. n. 11. apud Rosvveid.*

*c Ambr. lib. 1. off. c. 20.*

*d Rut. c. 2. v. 14.*



# LIBER TERTIVS.

DE

CVLTV CORPORIS.

## CAPVT PRIMVM.

*Animone potius, an Corpori cultus debeat.*

Polychronius, Gerardus,



**P**O L. Ergo nos diē auspicamur, ad solis occasum, cum priscis Aegyptijs? GER. Quid hoc verbi, Polychroni? num tibi sol breui obiturus est? mihi vix ortus est. POL. Hoc aio: diem hodiernum non hodie, sed heri exorſi sumus ad solem iam decubentem. An non hesternus vesper hodierno sermoni dedit initium? siquidem vterque de *culu corporis* nos acturos condiximus. GER. Iam capio, & sic est: lucem hodiernam heri sub noctem inchoauimus, prorsus ad Aegyptium ritum. POL. Hoc igitur habemus: Ccepimus. vt autem amici finiamus, prae-mo-neo, tuam à me patientiam explorandam varie, & timeo ne subinde feriam vitalia, & de viuo quid resece. Sed nosti, Gerarde: Constantans nunquam erit, qui non didicerit esse patiens De *Culu corporis* agere. res tam delicata quàm seria est, quare ne in limine offendamus, & premature serij simus, Deo fabulino pius hostiam feramus.

Fabula est; quam refert Lactantius. Cere-rem, cum Proserpinam filiam quaereret, venisse ad Eleusium regem, cuius vxor Megaira puerum peperit Triptolemum, seque nutricem simulasse. Hanc regina libens filio suo recepit. Ceres cum alumnū suum immortalem vellet, interdū lacte diuino nutrebat, noctū elā igne obruebat, itaque praterquam

soliti erant mortales, crescebat. Cum hoc pater miraretur, nocturno tempore obseruauit nutricem, & cum Ceres puerum igne perfunderet, pater expaulescens & filio metuens exclamauit. Irata illa Eleusium exanimauit, ac Triptolemo aulumno suo æternum beneficium contulit: fruges ei propagandas & currū draconibus iunctum dedit, quibus ille victor orbem terrarum frugibus obseuit. Inest non raro sua fabulis sapientia. fictæ illæ sunt quidem, sed ad docendum, non ad decipiendum, si fictas esse intelligamus. Ego profecto, si hac de re sententiam rogaret, quod Ceres hanc Triptolemo curam fecerit, factum bene dicerem. Verum equidem est, illud primum quod curetur, occurrere, cui natura ipsa primum suum consecrauit laborem. Nam cum animo constemus & corpore, animus aptum sibi domicilium à Natura vult extrui quod occupet. Ideirco natura primum corpori curam exhibet, animo tunc nondum presenti non potest. At nos incipere debemus, vbi natura desijt: diuisam operam cum illa habemus, vt sicut illa sedula fuit, fecitque quod debuit instar si dissimæ nutricis, ita nec nos desimus muneri nostro: corpus illa aptauit animo, nos animum aptemus, vt rectè præsit corpori. Dignior est animus cui seruiatur, qui imperet, qui colatur. nam & ab ipso Naturæ conditore hominis datus est tanquam re-

ctor.



etor. Venitille ad corpus nudus ab ornamen-  
tis omnibus, & suppetias à nobis expostulat  
ut ad immortalitatem, sublimem illam & bea-  
tam, crescat & ornatur immortalitas nobis cū  
Cerere curanda, seu lacte sit opus seu igne si-  
ne animus eruditione nutriendus, sine exercen-  
dus pietate. Equis rectè sentiens denegabit  
operam animo, quam corpori non denegat?  
Magnificum est aulas Principum seruitio co-  
lere: & cur nos nulla huius seruitutis gloria  
titillat? cur non magni facimus, si magnum  
seruitium præstemus animo! est ille à ma-  
gno illo Deo verè magnus, & aliquo modo il-  
lum refert, ad cuius imaginem conditus est.

## S. I.

**N**ihilominus corpus origine sua longe vilif-  
simū, nimium sibi iuris tribuit in animū,  
eodem ferè dolo quo vltus est Amasis. Hic  
Ægypti rex factus, ob natales obscuros agrè  
tolerabatur ab incolis: maluissent illi viuere  
sub illustriori domino. Aduertit hoc Ama-  
sis, & ne qua fortè ob id oriretur seditio,  
cautum voluit erudita calliditate. Pellunium  
habebat aureum, ex eo hospitibus vestigia  
& manus abluebantur, immundumque red-  
debatur ab immunda aqua. hoc in ignem con-  
iectum conflagravit, fecitque ex eo statuam, tum  
in publico tanquam deum adorandum pro-  
posuit. Circumfluxit ingens venerabunda tur-  
ba, & materiam eandem quam antè ut sor-  
didam cum stomacho aspexerunt, iam oscu-  
lis attriuerunt. Nec diu cunctatus Amasis,  
adnata concione huiusmodi verba fecit:  
Viri Ægyptij & qui habitatis regna nostra,  
quod videtis, etiam noscite. Peluis erat antè,  
receptaculum sordium, oculi vix ferebant  
nauseabundi, nemo coluit: at verò postquam  
arte purgatum, & formatum in hanc statuam  
est, induitque Dei similitudinem, omnibus esse  
honori cepit meritissimò. Sic quoque mea nūc  
vitæ conditio est. fui olim vnus ex vobis, imò  
plerisque inferior, & meritò à vobis contem-  
ptus: at postquam ornamenta regia suscepi,  
& sceptro vestro potitus sum, alius esse cœpi,  
quod alia gestem insignia. similis iam sum a-  
lijs regibus, in eorum numero iam habete si-  
milem, quem alioqui iustè aspernari posse-  
tis.

Egregius hic regis sermo, etiam nobis, Ge-

tarde, utilis est, si attendamus. Si animus è ter-  
re hac terrea concretus esset, si ex affinitate &  
cognitione animorum mortalium prodiret,  
esset fortasse cur cunctaremur, esset cur tanquā  
plebeio denegaremus famulatum, sed cum lu-  
premi Regis gerat imaginem, omni officio-  
rum genere colendus est. Corpus, quod lu-  
to proxima cognatione iunctum, pro seruo  
tractandum est. At pænè simile quid contin-  
git corpori nostro, quod Amasis pellunio.  
Corpus à natura ad seruitutem abiectum est,  
sed pravi amoris ignis, & nescio quis adsciti-  
tius vestium splendor illud sic immutat, ut à  
multis pro Deo habeatur & in animū do-  
minetur. sed verissimè dixit ille, nullos do-  
minari deterius quàm quos ad seruiendum  
natura creasset. GER. Sed antequam, quid  
corpus sit, explices, quæso quid est animus?  
quid enim colam hospitem ignotum?

## S. II.

**P**OL. Heu quam multa sunt quæ esse con-  
cedimus; quæ & qualia sint, ignoramus.  
Habere nos animum; cuius imperio & im-  
pellimur & reuocamur, omnes fatebuntur;  
quid tamen sit animus ille rector dominusque;  
nostri, priscorum Philosophorum turba nun-  
quam satis expediet. Alius illum dicet esse  
spiritum, alius concentum quemdam, alius  
vīm diuinā & Dei partem, alius tenuissimum  
aërem, alius incorporalem potentiam. Non  
deerit qui sanguinem dicat, qui calorem. A-  
deo animo non potest liquere de ceteris re-  
bus, ut adhuc ipse se quærat. Empedoclem  
fero, si negligat culturam animi, quem nihil  
aliud esse contēdit, quàm cordi suffusum san-  
guinem. Zenoni ignosco, qui animum ignem  
esse docet, ignis autem colendus non est, nisi  
fortasse à persis, qui illum pro Deo habent. De-  
mocrito quoque venia danda, si hac in parte  
hallucinetur, corpusque præponat animo,  
quem ex vilissimis atomis constatum somniat.  
Pherecrates etiam pacatè viuat, imò hilari-  
ter, & cuticulam demulceat. quid enim ad  
animum attenderet, qui ut ipse eum definit.  
nihil est. At verò nos melius & peritius ani-  
mum noscimus, rem diuinam & immortalem  
originis nobilissimæ spiritum, & propè Deum  
in humano corpore hospitantem: par igi-  
tur exit eum pro dignitate colere, corpo-  
ri autem



ri autem tanquam seruo herilem maiestatem nunquam induere, aut id in solium attol-  
re.

Habuit Isocrates inter suos discipulum, quem aduerit horti colendi studiosissimum esse, ceterum in ornandis moribus languere, nec fere quidquam in studijs proficere. Ideo aggrediendum sibi hominem ratus: Obsecro, inquit, ne hortum habeas cultiorem quam animum. Brevis exhortatio, sed seria, & omnium auribus ingerenda, eorum præcipue qui suos hortos, qui domos suas, qui sua corpora, qui alia sua omnia colunt potius quam animum. de quibus iure conquestus Demonax. Stultissimi mortalium, inquit, omnem solitudinem suam ponunt, in extruendis ædibus, & hominum qui ædes illas habitaturi, nullam penitus rationem habent. Et quid magis miremur, quam cum omnes & cupiant optimè viuere, & sciant non alia re quam animo sic viuere, nec fieri posse, quin si optime uiuant, animus colendus sit, tamen animum suum minimè colant. Sunt qui villas opipare extruunt, & domos ditissimè exornant, & familias numerosè comparant: sed in istis omnibus, in tanta rerum affluentia, nihil est cuius illos magis pudeat quam inculti animi. Habent igitur omnia cumulata, omnia affluentia, omnia opulenta, culta omnia & ornata præter animum, quem velut alienum & rem non suam negligunt. ea contra quæ aliena sunt, inter laudes suas numerant. Et quid, mi homo, de bonis non tuis te iactas? Nobilibus, generosus es? parentibus age gratias. Diuus es? Fortunæ non credas. Honoratus es? ab honorante hoc habes. Validus es? ægritudine fatigaberis. Pernix es? ab ibis in senectutem. Formosus es? expecta paullisper, & non eris. Animus tibi cultus & eruditus est? hoc tantum est. Hoc enim nec à patre hereditarium, nec à casu pendulum, nec à fortuna mutuum, nec à suffragio annuum, nec ab ætate varium, nec à corpore caducum est. hoc à te, hoc vere tuum est. Animus cultus proprium cuiusque & reuera magnum ac solum bonum est. Animus neglectus & incultus, intima, inhærens nimis, & vere summa paupertas est.

a Madaur. de Deo Socratis. sine.

## §. III.

DE modo colendi animi, vt video, Gerar. de, quæsiturus es. An non nudiustertius abunde de hoc actum; conscientiam curare, est animum colere. Hoc tu, siue conscientie, siue (quod forte vtitatis) Animi cultum appelles; per me licet. Sed vt iam de cultu corporis sermo sit planior, de Animo colendo summam rem complectar. Ceres etiamnum mihi in animo est. quid fecit illa? alumnus suum, quem curauit, igne perfudit, vt immortalẽ redderet. nec Cereri dumtaxat hæc ad immortalitatem visa fuit via. Nem. & ipsam Thetide indignatam se Deam mortali Peleo in matrimonium collocatam filios, quotquot oriebatur, in ignem exurendos conijcere solitam tradunt mythologi, quod ita rebatur mortalitatem exuri, & quod immortale esset, perpurgarı & conseruari, vt aurum ære confusum ignis ope purgatur: atque ita lex iam filios consumpserat, donec ad Achillem ventum, quem pater superueniens ab igne eximit. Vtraque mulierum istarum animum curarunt per ignem, & eam hominis partem immortalem cupiuerunt, quæ esse poterat. Dug nobis pariter pro excolendo animo constituendæ sunt nutrices. quænam illæ? Pallas & Pietas. Pallas se primam offert, sed inermis & onusta libris, hæc suos quos informandos recipit, igne perfundit, vt æternet, quis ille ignis quem affundit? Doctrina est, mente homineque digna; nam cum omnis doctrina deriuetur ab æterno illo doctore, & celestis quædam quasi flamma sit; quid ni mortalitatem in animo comburat, & ad illas beatorum sedes erigat? Sed tamen hic ignis satis pusillus est, quantus quantus est, si virtus eius spectetur; instar scintillarum dumtaxat vrit, parum aut nihil in animis excoquit, nisi & Thetis, hoc est, Pietas accedat, quæ non solum stricturas nobis inspergat. sed totos in focum præcipitet. absque his flammis crudi manent animi & confusa massa. Pietas verum ignem habet, & luminosum purumque, quod debiles & cæcæ mentes roborat & illustrat. Ad cælestia & diuina animi nostri non aliter se habent quam argillaceæ Prometheus statuae, quæ etiam Solis radijs expositæ nec vigorem tamen habebant, nec mouebantur. At

vero.



verò ubi consensu olympo virgulam Soli ad-  
mouit & incendit, reduxitque in terras flam-  
mam superis creptam; statuis inseruit, illico  
in membris motus & in statuis gressus seque-  
batur. ita mentes nostræ vecordes & statuis  
immobilitate similes, etiam si doctrinæ igne  
perfundantur & collustrentur, tamē nisi cele-  
stis & diuinior illa lux superueniat, nullus ani-  
mo vigor, nullæ sunt vires. Sed interuenit non  
nemo qui Thetis hanc impediat, qui culpet,  
qui exclamet & damnet eam iam ætatem vi-  
uimus; in qua nec pietatem apud alios feri-  
mus, nec in nobis ipsis colimus, quàm à no-  
bis facimus per scelera extorrem. Tandem  
quid sumus? pulchræ statux. quemadmodum  
Stilpon interrogatus, quem statuis simillimū  
censeret? Hominem, inquit, stupidum, & a-  
nimi sui negligentem.

Verum, extra chorum salto. Recepi distu-  
rum me hodie de corporis cultu, non de Ani-  
mi, quamuis ille ab isto pendeat. Nos eo ipso  
animum negligimus, quia nimium colimus  
corpus, ita cultum hero debitum, iniquissima  
permutatione transferimus in seruum. Quic-  
quid sapientum voces moneant, nos sepe in so-  
lius corporis curam intenti, mirē infanimus  
in exornando hoc mancipio. Et hoc est quod  
seuera castigatione dignissimum. Suum cor-  
pori cultū non eripimus, sed nimias ei pha-  
leras detrachere conabimur. Et quid est cor-  
pus, ut in illud potius quàm in animum, om-  
nem benignitatem tantis blanditijs effunda-  
mus? Sit ergo nobis hæc altera quaestio: quid  
est Corpus?

## C A P. II.

*Quid sit Corpus, & unde tam di-  
gnum colat.*

**G**ER. An non hæc quaestio supernacua?  
quid quarimus, quod videmus, quod  
tangimus? POL. Equidem videmus, sed falla-  
cibus oculis; equidem tangimus, sed maui-  
bus in adulationem corruptis, hinc hosti no-  
stro etsi noxiosissimo, honestissimos tamen  
titulos imponimus, & pro amico colimus, o-  
dijs dignissimū. Auxiliator noster videtur ef-  
se Corpus, sed non minus insidiator est ad-  
iutor censetur, magis tamen impugnatur quàm

villus hostium. quid ergo est CORPUS?

## § I.

**C**ORPUS hominis, sepulchrum esse affirma-  
bant prisce. GER. Itane, sepulchrum: POL.  
Ita prius. GER. Quid ergo nos ornamenta  
ei adijcimus, & speciosam facimus miseriam  
nostram? atra & tristitia illud melius decerent.  
POL. Corpus, græce σῶμα dicitur, quod recte  
Plato α vocauit σῶμα, hoc est, sepulchrum,  
quasi animus in corpore delitescat sepultus b.  
Corpus certe simillimum sepulchro, mephi-  
tim exhalat undique. Hem! quàm vanus est la-  
bor noster! popina vermium taberna sespen-  
tum, bufonum hospitium, sordium sentina,  
ita splendeat, ita curetur: ita superbiat  
infelix hæc terræ gleba tam sordida, tam pu-  
tris ita regatur? tanto labore inseruiatur fa-  
mula carni, relicto hero Animo, nudo & in-  
tectio?

Qui corpus sepulchrum vocant, honestio-  
renomine id afficiunt. fuere qui tartarum &  
infernus illud appellarent. Caelius Rhodiginus:  
Corpus, inquit, esse velut tartarum scribere;  
in quo fluxiones graues infestent, & perfatus  
tumultuentur non absque æstuosis ardoribus,  
sitque plane mortuorum conceptaculum ac  
verius sepulchrum. Adijciunt & illud aucto-  
res sanctissimi, multorum animas corpore  
tanquam mylone quodam, hoc est, pistrino  
esse obuolutas occlusasque. Et primi illi theo-  
logi nil aliud inferos putarunt quàm ipsa cor-  
pora, quibus inclusi animi, per omnium in-  
commodorum, ægitudinum, dolorum species  
raptantur c. Auctor huius sententiæ Macro-  
bius: Antequam, inquit, studium philosophiæ  
ad tantum vigoris adolefceret, qui per diuer-  
sas gentes auctores in constituendis sacris ce-  
remoniis fuerunt, aliud esse inferos nega-  
uerunt, quàm ipsa corpora, quibus inclusæ  
animæ, carcerem scædum tenebris, horridum  
sordibus & cruore patiuntur. Hoc animæ  
sepulchrum, hoc Ditis concava, hoc in-  
feros vocauerunt. Obluionis fluium, er-  
rorem dicebant animæ obliuiscantis, diuinæ  
originis maiestatem: Phlegethontem, ar-  
dores irarum & incendia cupiditatum:  
Acherontem humanæ varietatis dolore &  
ægitudinem animi fluctuantis: Cocytum,  
quicquid homines in luctum, lacrimasque



compellit? flygem, quicquid inter se humana animos in gurgite mergit odiorum d.

a Plato in Gorgia.

b Macrob. l. 1. in somn. Scip. c. 11.

c Rhodigin. lib. 7. antiq. lect. c. 9.

d Macr. lib. 1. in somn. Scip. c. 10. II. & 12.

b Ps. 141. v. 10.

c Cal. lib. 3. antiq. lect. c. 9.

## CAPVT III.

Quantus noster hostis sit CORPVS?

## §. II.

**N**Eque verò hi adeo aberrarunt à vero, cum corpus hoc quàm mortale, & mille tam vitiorum illecebris, quàm incommodorum supplicij obnoxium, animi carcerem & inferos nominarunt, quod & Hebræo sapientiam animam aggrauans vocatur a. Hoc corpus, quod nos palatium aut paradisum censemus, pro carcere habuit sapientissimus Psaltes, nam velut carcerem hunc exorsus in vinculis exclamauit: Educ de custodia animam meam b. Num carcerem in quo Samson molebat, isto fuisse molestiorem putas? aut Iosephi lacum, aut Hieremiæ foueam, aut Danielis inter leones specum, aut Petri geminis catenis victi militarem custodiam? non arbitror.

Cur igitur sepulchro, carcer, pistrino, tartaro, inferis tam pretiosum cultum, tam delicatum pastum in nostram perniciem impendimus? Hoc sciamus, à nullo nostrorum hostium tam nobis cauendum esse, quàm à nostro corpore. Vis plura & speciosiora corporis elogia? Cælius, quem antè nominauit, sua corpori pigmenta conquirit: Imprimis vero, inquit, quam circumfers vestem, exuere oportet ( corpus designat ) indumentum in scitiæ, prauitatis fundamentum, corruptionis vinculum, velamen opacum, viuam mortem, sensuum cadauer, sepulchrum circumuertile, domesticum denique furem, qui dum blanditur, odit; dum odit, inuidet, vmbaculum inimicum, ad seipsum raptans deorsum, ne forte conspicias veritatis decorem, & eius oderis prauitatem c. Hoc est, CORPVS sua laude ornare. Et tamen domesticum hunc furem tam operosè nos & vestimus, & alimus, ut, si fortè parciore nos & vestimus, & alimus, nostris subsidijs crescat in maiorem audaciam. Hoc non est aliud quàm furi suam rapiendi licentiam non tam laudare quàm imperare, quin & modum docere quo pessimas artes faceret liberius.

a Sap. 6. 9. v. 15.

**N**on tantum rem nobis & excellentia nostra indignam facimus cum corpori seruimus, sed etiam perniciosam. Nostine, Gerarde, ingenium Crocodili? Audi obsecro. Penes mulierem Ægyptiam crocodili catulus educabatur: hanc Ægyptij beatam putabant, quod scilicet Deum nutrirer, ideoque & mulierem & alumnum demulcebant, mulieri huic erat filius cum crocodilo educatus & ludens: deus verò ille cicur erat, dum infirmis adhuc erat viribus, at aucto corpore ingenium detexit, puerumque illum occidit. atque hic finis fuit amicitie illius infide, has scilicet gratias altrici sue retulit perfida bestia, quæ antequam puerum sorberet, lacrimas profudit sceleris futuri testes. Quid nos aliud curamus & educimus nisi crocodilum, si corpus tantum curamus? suppetias ferimus hosti, & cum posse à pugnandum est, vincimur à subsidio nostro. Nec potest esse miserabilior elades quàm proprijs armis confici. Verè nullus maior hostis hominis est quàm CORPVS, cum illud amicum habemus & amice tractamus: blanditur nobis, dum nos illi blandimur, & quanto nos magis candidè & fideliter, tanto magis subdole illud atque perfide, crocodilo animalium nocetissimo simillimum. Imo, quod peius, non suis tantum, sed & alienis pugnat, viribus, ut iam ostendam.

## §. I.

**R**em mihi dixisse visus est; qui CORPVS, diaboli vallū & propugnaculum dixit, è quo ille in nos pugnat opportunitate maxima. Vnde quaque patemur hosti, ad omnem incursum, ad omnem ictum, & ne frustra sudet hostilis calliditas, corpus nostrum operam suam adiungit, & nos vinci, gratiam interpretatur.

Semiramis olim regij vernæ apud Babylonios ancilla fuit: captus illius forma rex Ninus adeo eam deamauit, ut illa tandem temere quiduis auderet petere, ille negare non aude-

ret. Illa



ret. Illa in hanc occasionem prona, velut leue quid postulans, vnicum sibi diem à rege indulgenti petijt, quo sceptri & solij ius penes se esset. Facile rex annuit, in preces, vt videri poterant, tam modestas. Itaque poscenti concessit, in solio suo ius diceret, eiusque iussis omnes parerent. Hæc, potestatis quidē auida, primo tamen leuiora imperat fieri. Fiunt. Dein seria magis mādāt perfici. Perficiūtur. Tandem regem comprehendit inbet; comprehenditur. vinciri; vincitur. interfici; interficitur. Sic ancilla ex diurno diuturnum principatum adepta est. Equæ improba, vafritie Corpus sceptrum eripit malè conuenienti rationi. Initium à blandimentis sumitur, his fraudes succedunt, inde vis & Manliana imperia. Nec facile est Corpus ab assuetis deducere? malè seruit hoc mancipium, postquam dominari assueuerit. Quicquid ei vel semel per indulgentiam concessum est, hoc vt debitum exigit. subinde morbos simulat aut inuoluntatem, vt abstinentiæ legibus fraudem faciat: iam pisces recusat, & stomachum caustatur; iam inedia non fert strictioris ieiunij; iam has iamque illas vestes exigit, & vt delicijs ac pompæ honestum titulum prætexat, id ad status sui decentiam spectare pertendit. Hoc agit CORPVS vt imperet, & rationem, quam tollere non potest, ad turpissimos assensus emolliat.

Tobus de homine corpori nimium indulgente differens: *Dulcedo illius vermes*, inquit, *non sit in recordatione, sed conteratur quasi lignum infructuosum* b. In quæ verba Gregorius: Potest, inquit, apertius vermis nomine caro designari, vnde, *homo putredo*, & *filius hominis vermis* dicitur c. Sanè, quisquis putidas corporis voluptates anhelat, quid nisi vermes amat: corpus agnatione proxima vermibus iunctum esse, sepulchra fatentur sincera veritate. Ita *dulcedo illius vermes*. Hinc scōdo Cupidini vincendo plurimum facit, vt hoc quod viuum quis diligit, quale sit mortuū expendat. Fecit hoc Anachoreta, vti Hugo memorat, qui ad abolendā memoriam mulieris, quā dæmon illius animo identidem representarat, tumultu iam sepultæ & tabescentis clam reserauit, & ablatam inde cadaueris partem toties naribus opposuit, quoties animū titillaret libido: & en, aiebat ipse sibi, *dulcedo tua vermes* d.

Ita præsigni victoria seipsum triumphauit. Verè, omnium luxuriæ deditorum *dulcedo vermes*, hoc est, corpus, breui obijciendum vermibus pabulū, & quia homines impuri ac libidinum suarum serui, talem amat dulcedinē, & in ea felicitatis suæ summam collocant, *non erūt in recordatione* apud Deum, vt ab eo præmium beatitudinis accipiant, *sed conterentur velut lignum infructuosum*, in flammis stygijs deiiciendum.

a Muret. l. 6. var. c. 17. e. Grac. comment.

b 1ob c. 24. v. 20.

c Greg l. 16 mor. c. 29.

d Hugo Cardin. in c. 24. 1ob.

## §. II.

**E**Vropa regis Agenoris filia, vt in fabulis est, ad litus Tyrij maris in præto nitidissimum taurum conspicata, quamuis primò contingere metueret, tamen vbi mitem & ablandientem nec minarum quidquam habentē vidit, dempto metu adire, tangere, manu demulcere sustinuit; herbas etiam & flores in pabulum porrexit. Taurus variè alludens, & nunc blandus stare, nunc in genua procumbere; modò collum & palearia manu palpanda præbere, modò cornua ferro impedienda offerre, iam etiam niueum tergum subijcere, & velut ad sessionem inuitare. Tam humanam pecundem experta virgo regia, ausa est etiam, nescia quem premeret, tergo confidere. Hic taurus sensim atque fallaciter à sicco littore abducere, & in primis vadis falsa vestigia ponere, inde subito impetu per medium æquor, cum insidente sibi præda natare. Misella litus relictum frustra respicere, & serò nimis sui lusus audaciam damnare. Verissima hæc effigies est hominis, carnis blanditijs iam capti. Plato (vti Augustinus Calitus refert a) Europam regis filiam, Animam Dei sponsam interpretatur. Nā, sicut regia illa virgo, etsi patriam humentibus oculis respectaret, tamen à tauro, cui nimium blandita fuerat, à patria abducebatur; eodem prorsus modo anima æterni Regis filia maximo salutis periculo, per medios huius vitæ vortices, per procellosum hoc mare, ab indomito tauro, à suo met corpore in vitiorum precipitia abripitur & licet illa cælum, suam patriam, licet illa Deum, conditorem & parentem suum sepius respiciat,



respiciat, tamen à furente hac bestia, longe à patre abducitur. Sed sibi culpam illa imputet: cur tam facilis & blanda fuit in hoc pecus, cur se illi permisit, cur fictæ illius mansuetudinis fidem habuit? sic agit corpus, ubi suis nequitij vires acquirit, sic abducit miseram animam, sic ingemiscientem abripit per voluptatum fluctus, in lacrimabile exitium. Caro & sanguis regnum Dei non possidebunt.

*b* Nam, qui in carne sunt, Deo placere non possunt *c*. Huic ergo fallacissimo tauro, ô Regis filia, ne fide, ne blandire, ne illum poppylis demulce, ne sagina, aut tuum in te hostem incitas beneficijs nusquam peius collocaris.

*a* Aug. *Cal. l. 59.*  
*b* 1. *Cor. 13 v. 50.*  
*c* *Rom. 8. v. 8.*

## §. III.

**E**lisabetha, sanctissima illa Lufitania regina, quid non fecit rutilque (iam supra demonstratū est) ut huius tauri impetum frangeret, furorem frenaret, rabiem coerceret, ut denique hanc bestiam immanitate terribissimam perdomaret. Neque vero aliud quam hoc ipsum se fecisse diuinus Paulus tam animosè proclamat: Castigo corpus meum, & in seruitutem redigo. *a* Hic ei cultus, hæc illi beneficia debentur, his obsequijs circuratur in melioris disciplinæ cautionem. eadem enim corpori conueniunt quæ mancipio, quæ asino, flagellū, onus, seuera castigatio. Nam, debitores sumus non carni, ut secundum carnem viuamus *b*. Et certe, qui Christi sunt, carnem suam crucifixerunt cum vitijs & concupiscentijs suis, quoniam qui seminat in carne sua, de carne & metet corruptionem *c*. Ideo vel milles nobis ingerendum monitum illud saluberrimum: Si secundum carnem vixeritis, moriemini: si autem spiritu facta carnis mortificaueritis, viuetis *d*. Nemo à vitijs liber est qui corpori seruit. nam ut alios dominos, quos nimia pro illo sollicitudo inuenit, trans eas, ipsius corporis dominium quam morosum & delicatum est! *Gbr.* Ergo negligendum est corpus, imo & iniurijs afficiendum? At tu, Polychroni, dictum te promiseras, qua ratione colendum sit corpus, non qua vexandum aut affligendum. *Pol.* Ergo tibi, mi

Gerarde, agricola ille non censebitur agrum colere, qui cum aratro profciderit, qui steriles herbas euulserit, qui effectum solum mille vulneribus sauciariit? Nunquid non hoc colere est terram, ferro eam subigere? hæc cultura debetur agro, alijs alia, cuique sua. Certe vix quidquam est in orbe, quod non siluescat, si ab sit cultura. Sterile scit ager nisi in exercendo illo assidue manus defatigentur. sordescit domus, nisi eam à sordibus cura peruigil defendat: obsolescit vestis, & turpes nequos contrahit, si illam aquæ non lauent, non purgent setq. Desit cultura, plantæ non surgent, flores non erumpent, arbores in directum non crescent, segetes non emergent, pascua non virebunt; lapidescent & siluescent omnia. Ad sit cultura, plantæ stabunt, flores pullulabunt, arbores triumphabunt, respondebunt messes, ridebunt campi, virebunt & gaudebunt omnia. Tanti est in plerisque omnibus cultura. Atqui si ista humanam & operosam manum postulerent, à qua colantur, homo ipse sine cultu erit? Primus est qui coli debeat, & ante alia omnia. At cum homo corpore constet & animo, corpus autem animum degrauet, impedit, mille damnis afficiat, tu nihilominus illud præ animo & suauis quidem ac benigna humanitate colendum censebis? Hic messines non elinguem esse, & libere profari quæ ad natam questionem erunt. non omittam dicere quæ dedecent corpus, dum ea, quæ decet, dixerò. Ostendam hoc ipso coli corpus optime, si non nimium colatur.

*a* 1. *Cor. 9. v. 17.*

*b* *Rom. 8. v. 12.*

*c* *Gal. 6. v. 24.* & *c. 6. v. 8.*

*d* *Rom. 8. v. 13.*

## CAPVT IV.

*Quantus labor impendatur à nobis corpori, hostium nostrorum maximo.*

**H**erus fuit, qui duos in suo famulatu seruos numerabat, planè dispares; Æthiops alter, noctis colorem emulabatur corpore; genere obscurus, doctrina rudis, artificij omnis indoctus, contumax etiam, vecors, ignauus, & qui non semel de domini nece cogitabat, iamque aliquoties impacta sic graniter sauciabatur



ciabat: Alter vero profapia nobilissimus, scientiarum amantissimus, elegantissimus forma; natus ad omnia magna, & qui heri sui salutem curabat ut suam! hic quidem ab hero extreme neglectus, non nisi laceris pauniculis, & vix quidem tegebatur: cum alter ille scædus athiops ab hero plurimum amatus, non nisi pinguibus & pretiosis tunicis superbiret, & iustu heri in formosum illum iuvenem exerceret iniquum imperium. Subolet tibi credo, quid velim, Gerarde. Duæ sunt homini partes tanquam servientes, Animus & Corpus, ille è cælo, hoc è cæno, & tamen cænum istud se supra cælum suum erigit, mæcipium ingenuo, corpus animo præfertur Ah, contra oportet, & grandis iniuria est Animi nobilitatem sic abicere, vilisatem corporis sic attollere. Ornatus est corpus, quo minus ornatur, & tunc est longe cultius, quo magis præ illo colitur animus. GER. Atqui ego hic putè, centones & mendicorum regetes, depe-xas & pertulas tunicellas, crines incomptos & sine lege errantes, vultum fame corrugatum, exercitatum labore, pulvere & sudore madidum; illunem, pædores, aliamque similem sorditudinem inter ea vere numerari quæ corpus dedeceant. Po l. O bone, quam facis, quod ego scæpe, & erras! ista sint dedecora humani corporis, quæ quandoque etiam inter ornamenta illius numeranda? Ergo, tu idem ille purpuram auro crepantem, capillos surgentes & scite contortos, vultum longa sagina nitidum, stibio & cerussa perunctum, ad vitreum oraculum sæpius examinatum, vestes concin-nas & ad omnem ostentationem factas: hæc, inquam, affirmas corporis esse decora? ô quam rem tetigisses, si contrarium dixisses. GER. Atqui, hic omnium sensus est, qui meus. Po l. Atqui ego velim serio sciant omnes, nihil magnum aut præclarum esse quod omnibus placeat. Communis furoris mala est defensio, furentium multitudo.

## S. I.

**C**erte aliter de cultu corporis sentit Romanus sapiens, quam sentiant isti tui omnes: Hanc sanam inquit ille, & salubrem formâ vitæ tene, ut corpori tantum indulgeas, quantum bonæ valetudini satis est. Darius tractandū est, ne Animo male pareat: cibus famē

sedet, potio sitim extinguat, vestis arceat frigus, domus munimentum sit adversus infesta corpori. Hanc vtrum celsus exerit, an varius lapis gentis alienæ, nihil interest. Scito hominem tam bene culmo quam auro tegi. Cotentue omnia quæ superuacuis labor velut ornamentum ac decus ponit. Cogita in te præter Animum nihil esse mirabile, cui magno nihil magnum est. Animus certe si nobilitatem suam nosse velit, corporis velut oneris necessarij non amator sed procurator erit, nec se illi cui impositus est, sed illud sibi subijciat. Et hoc Senecæ iudicium est, cui qui oggannunt, non è sapientiæ schola prodijisse censendi, sed è taberna illiteraræ plebis, quæ nihil minus hodie negligit quam quod deberet maxime, quæ noctes & dies sudat pro corpore.

Cōferamus nos paullisper in hoc magnum orbis theatrum; dispiciamus mortalium conatus, quid actitent inquieti. Hinc inundant milite campi, hinc institutorum turba feruent semitæ, hinc maria sternuntur classibus, hinc in montibus anxia & crudeli diligentia aurum effoditur; illinc concurrunt acies, & ferreis nubibus obtexunt cælum, vnde, ut Papinius canit.

— *stant ferrea cælo*

*Nubila, & copiosa telorum grando volat.*

Urbes ingrediamur, & videamus quæ non fiant in corporis gratiam. Isthinc curiæ litigantium vocibus pane rumpitur illinc opere assiduo æstuant officinæ, hinc summis cōtentionibus agitur, sudatur, curritur; omnia strepunt plena negotijs. nihil vacat ab operosis mortalibus; & moliantur, & saragunt, & contendunt Quo vero tot labores, tâta rerum impendia pertinent nisi ad corpus? cui hoc terræ punctum ferro & igni inter tot gentes diuiditur.

*a Senec. epist. 8.*

## S. II.

**N**unc vero parum ad nos redeamus, nosque ipsos nostramque domum inspiciamus. Nō edimus, ut animus viuat, ipse immortalis est, sed ut corpus sustēteretur; bibimus non ut mēs madescat, ipsa non bibit, sed ut corpus refocilletur; dormimus non ut Animus perpetueatur, qui mori non potest, sed ut con-

CCCC

seruetur



ferueretur corpus: Quæ vero alia nostra studia? quærimus gaudia, sed corporis; opes ambimus, sed corporis; ædificia struimus, sed corpori; thermas ædificamus, sed corpori; viuaria, piscinas, viridaria, hortos grandi sumptu molimur, sed omnia corpori, quicquid ferre in nobis vigilat curarum, id vigilat corpori, maximè pascendo, vestiendo, ornando, comendo. Quotidiana cura nostra omnis quod tendit nisi ad corpus? quo vestitus tam vanus, nisi ad hoc ipsum corpus, propter quod nouas dies nouas vestes videt. Ecquid vani ac miseri noctes & dies pro corpore sudamus? Quorsum omnis noster labor & molimentum spectat nisi ad corpus & corporis commoda cultumque? A natura luxuria pridem desciiuit, quæ quotidie seipsam incitat, & tot sæculis crescit, & ingenio adiuvat vitia. Primo superuacua caput concipiscere, inde contraria, nouissimè corpori animum addixit, & illius deferuire libidini iussit. Omnes illæ artes quibus aut exercitatur ciuitas, aut strepit, corporis negotium gerunt, cui omnia olim tanquam seruo præstabantur, nunc tanquam domino parantur. Itaque hinc textorum, hinc fabrorum, illinc sartorum officinæ sunt, hinc odores coquentium, hinc molles corporis motus cantusque docentium. Recessit enim ille naturalis modus desideria ope necessaria finiens: iam rusticitatis & miseræ est, velle quantum sat est. Sic multa concupiscendo, omnia amittimus, & necessaria ignoramus, quia non necessaria discimus. Ita dum corpori nimium indulgemus, & corpus & animum perdimus.

Hic mihi in mentem est quod Reginaldus narrat hunc fere in modum. Duo fratres vniter fecerunt, quorum vnus intelligens & prouidus, alter non sanæ mentis, homo rudis & bardus. Delati ad biuium litigare ceperunt, quæ eundum esset. Amens ille viam primæ fronte delectabilem ingrediendam ratus: heus tu, inquit ad fratrem, hac eamus; inuitat iucundissima semita, en merum viridarium. At ille prouidus: Mi frater, inquit, hæc viæ facies non displicet, amœna est: at exitus viæ me terrer ad pessimum hospitium deducit. itaque tibi mihi que suaserim, hanc potius non nihil asperam insistamus, principij & progressus molestiam hilari sine pensabit,

ad hospitium ducet nobilissimum. At fatuus illæ suæ sententiæ tenacissimus: Ego, inquit, oculis meis malo quam tibi credere; hac eo, sequere. Sic alter quamuis inuitus, ne fratrem desereret, comes iuit. Dum progrediuntur, in prædonum insidias deueniunt ab his in carceres, sed diuersos rapiuntur. Post aliquantum temporis, è vinculis educti ad nescio quod tribunal sistantur iudici. Hic alter fratrum, prudens ille & sanæ mentis? Mi domine, inquit, in has ærumnas frater iste meus, homo fatuus me coniecit. viam adijimus bonam & tutam, at ille stultitiæ suæ potius quam verbis meis fidem habere maluit, & aliam, perquam infesta sunt itinera, ingressus est. ita refractarium secutus sum altera via, amœna quidem sed intrata, & hæc latronum nos prædam fecit. itaque si moriendum est, ille horum omnium causa pro me moriatur. Contra fatuus: Imo, inquit, non mihi sed fratri meo moriendum. nam si tam sapiens est, qualem se gerit, cur me tam facile secutus est? cur persuaderi se passus est, cur reluctatus non est? cur viam iuit quam sciebat latronibus infestam? Ad hæc alter: O domine iudex, inquit, verba mea contumaciter reiecit, nullaratione ab errore abduci potuit. Cui stolidus: Si me, ait, reclamante tu viam tenuisses tutiorem, ego vel inuitus rediissem, & te secutus fuisset: tu meæ mortis es causa. Mox prudentior: Tu stolide, inquit, causa es meæ mortis. Ita vtrique verbis acriter certatum est.

His auditis iudex sententiam in hæc fere verba pronunciauit: Tu fatue noluiisti sapienti credere, & tu sapiens secutus es fatuum, ideo pœnas mihi dabit vterque.

Ita prorsus, mi Gerarde, ita supremo iudicij die, cum *Corpus* & *Animus* ad Christi iudicis tribunal stabunt inter reos in vtriusque sententia dicetur: Quia *Corpus* fatuum, omne consilium *Animi* spreuit, & *Animus* sapiens omnem petulantiam corporis tulit, damnationem vterque meruit: Ite maledicti, ite, ite; simul deliquistis, simul luetis: Ite, in ignem non vnus horæ, nec vnus diei vel anni, non vnus nec mille lustrorum, non vnus vel centum millium sæculorum, sed, Ite in ignem æternum. Vere de Iudicis istius ore gladius vtraque parte acutus exit, & qui & *Corpus* &



pus & Animum feriat: Corpus quod Animi monitiones non admisit; Animum quod Corporis libidines non coercuerit. Ideo iudex ipse fidelissimè nos pramonens: Nolite, inquit, timere eos qui corpus occidunt, animam autem non possunt occidere: sed potius timete eum, qui potest & animam & corpus perdere in gehennam: ita dico vobis hunc timete.

Sed ad corporis curam redeo, qua & Corpus perit & Animus.

a Petrus Reginald. in speculo final. retrib.

b Apoc. c. i. v. 16.

c Matth. c. 10. v. 28. Luc. c. 12. v. 5.

## §. III.

**C**hrysostomus, hanc pro corpore nimiam curam merito castigans: Animæ, inquit, nobilitas quanta sit, nobis serio cogitandum, ne quid ea indignum operemur, ne coinquinemus eam illicitis operibus, ne sub carnis servitutem eam subiugemus, ac tam nobilem tantæque dignitate sublimem sic crudeliter & immisericorditer tractemus. Sed nos conciones istas tantum non facimus, vt hosti nostro minus faueamus: dulce nobis videtur cum corpore non rixari, & siue amicum illud alij dicant siue inimicum, id nobis curæ non est sed hoc præne solum laboramus; ne Corpori male sit. Idcirco Bernardus; nostrum hunc hostem ipsummet serio allocutus: Propterea, inquit, noli, o corpus, noli præripere tempora: potes enim impedire animæ tuæ salutem; tuam ipsius operari non potes. Omnia tempus habent. Patere vt nunc anima pro se laboret, magis autem etiam collabora ei, quoniam si compateris, & conregnabis. Quantum eius impedis reparationem, tantum impedis tuam; quod nimirum ante reparari non poteris, donec suam in ea Deus imaginem videat reformatam. Nobilem hospitem habes, o Caro? nobilem valde, & tota salus tua pendet de eius salute. Da honorem hospiti tanto. Tu quidem habitas in regione tua: anima vero peregrina & exul apud te est hospitata. Quæso te, quis rusticus, si forte nobilis & præpotens quispiam apud eum voluerit hospitari, non libenter in angulo domus suæ, aut sub gradibus suis, vel in ipsis cineribus accubabit, cedens hospitibus locum (sicut dignum est) potiorum?

Et tu ergo fac similiter b.

Sed o beate Bernarde, non facit hoc Corpus, non facit. recusat subesse rusticissimum hoc mancipium, nec dat honorem hospiti, non cedit, non reueretur, non obedit; omnia turbat agitque pro libitu. Animus vero insipiens, tamen si satis sciat vix vllum perniciosiorem sibi esse hostem quam Corpus, nihilominus & conuiuet, & blanditur & indulget, ac hosti suo in suum exitium benignè facit nec grande damnum reputat, vna cum perfidissimo seruo suauiter perire: Quicquid vel celum spondeat, vel inferi minentur, modo corpori bene sit. hæc vnica pene actionum omnium norma est & regula: modo corpori bene sit. Animus quidem millies & suæ originis & officij sui monetur, sed dissimulat ille, & modo corpori bene sit, malè sibi esse tolerat. Corpus ipsum, quicquid ei minarum ingeras de morte, de domicilio post mortem; quicquid ei de diabolorum crudelitate; de cruciatuum atrocitate, de tormentorum eternitate proponas; hoc vnum contumaciter agit, ac si respondeat; id scilicet curat Corpus, modo corpori bene sit. Sic viuimus, sic obimus, sic interimus.

a Chrys. hom. 12. in Gen.

b Bern. serm. 6. de Advent. Dom.

## §. IV.

**P**achomius, Tabennensis abbas, a nobilissimis olim præceptis Animum instituit, & velut dictat qua ratione is Corpori suo quotidie concionetur: Cum, inquit, vespere venit ad lectum, singulis membris sui corporis dicat: Suadeti mihi optima, obsecro morem gerite, dum in loco meliore simul simus; domino mecum alacriter seruite. Suis quoque manibus dicat: Erit tempus, cum vestra instantia cadet, cum pugnus ab ira collectus soluetur, cum digiti ad res furtiuas extensi, rigeſcent. Dicat & pedibus: Erit, cum omnia vobis itinera obsepientur, cum ad omnem petulantiam excursus negabitur, velitis nolitis. Sed & alia membra sua pariter alloquitur: Eia quæso, antequam mors nos dirimat, ceremus fortiter, stemus perseveranter, viriliter dimicemus; seruiamus Deo sine pigritia, vsque dum absterſis sudoribus, ad beatam æternitatem nos euocet. Et quid mihi vobisque

Cccc 2

pro-



proderit, omnem vitæ suauitatem gustasse, si qua tamen est vlla sincera suauitas, in tantis vitæ miserijs? Quid vultis vos labori subtrahere, nata & educata ad laborem? Quid recusatis pati? breui vobis moriendum est, & sub terram eundum. Quid mollietiem & delicias quaritis; illic, illic in cælo reperietis, si tamen hæc prius velitis perdere. Iactura in loco, pro lucro habenda. Non hoc deliciarum tempus, non locus est, supra est inter beatos, Hoc velim vos exactissime capere, per delicias iri ad flammam non amplius extinguendas, at per spinas perueniri ad delicias non amplius finiendas, & æternas. Quid contra me toties querimini & tyrannum vocatis, cum ieiunia, cum vigilas, aut preces impero? Indulgentia mea præsentissima vobis pestis est. Nemo vnquam alteri sic nocuit læuendo, quantum ego vobis parcendo. Hoc mecum parcere, est & vos & me in exitum sempiternum conijcere. Si mitior essem, vestram vobis gloriam & beatitudinem, quam mecum pariter habebitis, inuiderem. Vultis mecum vnâ quiescere? vnâ etiam laborate: vultis, mecum simul gaudere? simul etiam pati & dolere ne recusat, quæ societas fuit in luctu & labore, ea etiam erit in gaudijs & honore. Rem vobis dicam: Si vos iussis meis reclamare & obistere, ego contumaciæ vestræ parcere velim ac indulgere, & me & vos supplicia manent æterna. Et quæ ista insania vestra est, breuissimo tempore, momento, laborem non summum, dolores patibiles sufferre nolle, & tormenta sempiterna non formidare? Quare obsecro patientiam ne rumpite. Laborum vix bene initium facietis, & beatus finis labores vestros excipiet. brevis est luctus, gaudium immortalis, levis est pugna, præmium æternum.

Hanc membris concionem ab Animo quotidie haberi, sapienter suauit Pachomius. Et sane si hæc capiat pars ignobilior hominis, nullum quantumuis asperum imperium abnuet, nullum quantumuis vile tegumentum respiciet.

Hæc generatim & vniuersè dicta sint de cultu qui corpori debetur. nunc manum propinquiorē admonemus ad prauum, curiosum, perniciosum cultū, qui corpori plane non debetur. Sed vide, Gerarde, vt nec patientia

tua deficiat, nec constantia.  
a In vita eius, c. 46.

## CAPVT V.

*Quam varius sit cultus Corporis exterior?*

V Eriſſime proclamat priſcus poeta a :  
*Auferimur cultu —*  
Nec in alio magis aſſentior Auguſto Cæſari, quam cum inſigniorē corporis cultum, & amictum plus æquo nitidiorē. ſuperbiæ vexillum & Luxuriæ nidum vocauit b. Vere ſic eſt: Decipit hæc oculos Egide diues amor. Et vt ore xīn quantumlibet dormientem excitant odores, ſapores, colores, & exotica ciborum condimenta; ſic libidinem quamuis languentem & ſopitam reſuſcitant hæc ornamenta, lenocinia, pigmenta corporis. O quantā vbique & quā incredibilis eſt veſtium tam varietas quam pretium! Chriſtus ad Magnatum palatia nos amandans: Ecce, inquit, qui mollibus veſiuntur, in domibus Regum ſunt c. Aulas ingredi, & videbis illic niteſce veſtes Attalicas, veſtes pictas, palmaras, cycladatas, polymitas, phrygias, vndantes, ſagmenratas, ſimbriatas, patagiatas, raſiles, conchyliatas, ſurriculatas, auro virgatas. Et vtinam hæc veſtium monſtra intra aularum ſepta ſe modo continuiffent: in alias etiam domus iam pridem immigrarunt. Tamque nos alij, etiam è plebe, dociles ſumus, vt quidquid in veſte ingeniōſa oſtentatio inuenit, felici genio quā primū imitari ſciamus, antequam didicerimus. Inde ingens & copioſiſſima ſuppelleſ vel ſoli capiti comendo reſperra. Noſti, Gerarde, Sycophantam Plautinum ſic olim gloriari ſolium: Tam longum eſt nomen meum, vt ab aurora ad concubiam noctem ſi ambules, vix ad finem peruenieris. Cui aptè ſenex ſubijciens: Opus eſt, inquit, face & viatico ad tuum nomen, vt tu prædicas. Hic ego prorſus idem dixerim, & iure meliore: viatico & face opus eſt ad iter tam longæ narrationis, quæ omnem colendi corporis inſtructum & mundum explicet. Singula parē membra ſuum ſibi, eumque ſingularē cultum vindicant. Hinc modo lunulas, modo torques, modo armillas & monilia poſcimus; nunc mitellas, nunc murenulas, nunc



nunc discriminalia, nunc olfactoriola, nunc dextralia, nunc palliola depromimus: iam vellem sericam, subsericam, holosericam, iam byssinam, bombycinam, iam cymatilem *d.* praefinam, ruseam, xerampelinam, calculam, crocotulam & carbasinam hosti nostro aptamus: iam & annulos, & inaures, & gemmas fronti appendimus: iam & specula, & acus, & vitras, & sindones, iam theristra & Zonas, & fascias pectorales; & periscelides cum cura & studio, nimirum ornando nostro carceri disponimus. Omnino face & viatico est opus, dum colores, formam, pretium, materiam, imo & odores vestium distinguimus. Infinita res est cum de corporis cultu agitur. Et sanè priscis in hoc genere non multum concedimus. Incredibile videri possit quod Aetheneus & Plutarchus, & inter Græcos scriptores celeberrimi memorant, consueisse Sybaritas ad conuiuia, auteriam ad sacrificia, annum ante inuitare feminas, ne quid temporis deesset, corporis cultui parando. Nec Persæ Reges feminam admittebant, nisi per annum prius lotam, comptam, pollitam, pumicatam, delibutam, exornatamque *f.* Et id etiam sacra Estheris historia confirmat *g.* Nulla sunt apud nos hæc miracula; subinde audemus maiora. Nec nostro æuo rarum, dies & annos, & penè sæcula in vnius corporis cultum, vanissimis laboribus impendere.

*a Ouid. l. 2. de arte.*

*b Suet. in Aug. c. 3.*

*c Matth. c. 11. v. 8.*

*d Alij, cumatilem.*

*e Athen. l. 12. Dypnosoph. c. 6. Plutarc. tom. 1. opusc. in conu. 7. sapient.*

*f Vide Perer. tom. 3. in Gen. disp. 3. c. 12.*

*g Esth. c. 2. v. 12.*

### S. I.

**E**T quantus olim vel in pedibus solum priscorum luxuriosus fuit: Quantum veteres Romani stemmatâ & prosapiam lunatis calceis iactabant, quos aut elegans lunula insigniebat, aut corniculans fibula mordebat. Varius certè luxuriosus veterum, vel in hac infima & vilissima parte humani corporis. Antiochi regis Syriæ cæcam & amentem luxuriam imitatus exercitus, magna ex parte aureos clauos calceis subiectos habuit *a.* Agnon Teius aureos

quoque clauos crepidis suppastos solitus fuit gestare *b.* Fuerunt qui gemmas & vniones calceis adderent. Tertullianus testis: & in peronibus, inquit, vniones emergere de luto cupiunt *c.* Testis & Tranquillus: Nec crepidarum tantum obstragulis, inquit, margaritas ponunt, sed totis focculis addunt *d.* Testis & Plinius: Tolerabiliorem tamen fecit (*Pompeius Magnus*) causâ Caij Principis, qui super omnia muliebria, focculos, induerat è margaritis *e.* Fuerunt qui pedi altiusculos calceos inducerent, vt incrementum darent staturæ. Et habuerint priscorum femina elegantius illos Sicionios calceos, habuerint mulleos patricij, foccos alij aut focculos, crepidas, cothurnos: Nos sanè neque hic cedimus, imò superare contendimus, qui hanc humani corporis partem ad lutum damnatam, sæpe sumptuosius tegimus quàm caput. Face mihi denuo sit opus & viatico ad commemorandas tot nouas, tot desitas formas calceorû. E rebus gestis complurium diuorû discimus, quàm pertinaci luxu superioribus sæculis repandi & rostrati calcei passim apud omnes obtinuerint. Clamabant quidem contra hoc à suggestu concionatores diuersi, sed multis clamoribus parum proficiebant; valentior erat ostentationis istius pertinacia quàm vt verbis cederet *f.* Huic tandem calceorum formæ, seu illa sponte displicere cœperit, seu placuerit noua, alia atque alia successerunt. Necdum finis est excogitandi nouas in annos penè singulos. Nam modo acuminatæ placent, modo lati à fronte, modo fenestrari & dissecti, modo illos sine vulnere malumus. Ante paucos annos è simplici soleâ depressæ fiebant, nunc passim cothurnos, & frangendo cruri per quam aptos videas. hic nostri æui furor est, altiusculum lignum calceis addere, & vt audiaris quaquà incedis, & vt pedem nisi cautè figas, facile frangas.

Sed nec idem color in calceis placet: plerisque nigri, alijs candidi aut crocei præferuntur. tam varius est lusus, in hac pedum, vt Tertullianus loquitur, tutelâ *g.* Et vt non idem color omnibus, ita nec eadem omnibus placet materies. Aliquibus sordet corium, & pro eo holosericum substitunt. Taceo Tyrrhenicum & Hetruscum sandalium Italæ Hispanisque feminis vsitatum. Eo iam luxuriosus alicubi lo-



corum abiit, vt aliqui, pœnè pharasiati, velut Antistites & Præsules, incedant. Proximis annis vsque eo calceorum pretium excreuit, vt olim totidem florenis vestem toti corpori velando facilius præstinasset, quàm nuper tale par calceorum. Neque vero luxus, remittente annonâ, remittit, & aliquibus vix menstruum militare stipendium in calceos sufficit, toti futuris & elegantijs est opus. Neque temere & sine delectu omne corium admittimus, nam sæpe delicata curiositate tam corij patriam quam vini exquirimus. Et nisi calceus ad pedem strictus, sine ruga & plica niteat, velut nostro pede indignum reijcimus: imo pedem vri & misere torqueri malumus, quàm calceum paullo laxiorem admittere. Quid ni hostiles, tam stultæ patientiæ homines, diaboli martyres vocemus?

Quid iam de calceamentorum vinculis dicam? olim absulæ & polito ferro, aut etiam argento in vsu erant: his corrigiæ, obstragula, ligulæ successerunt. Iam vero & hæc euituerunt, & quod mireris, periscelides à genibus migrarunt ad inum crus in calceos, nam sericas fascias quibus olim vtrumque poplitem vincire poteramus, nunc in calceis luculentius ostentamus, nonnunquam ex eodem sericolas apponimus, & suam pedibus æstatem facimus. Vniuerse, superbiam & luxum non tantum pedibus non calcamus, sed in regnum & supra caput attollimus. Sed quæso, Gerarde, liceat ab imis vestigijs ad hominis verticem ascendere. GER. Sed & prius quæso, Polychroni, hoc discamus, num olim etiam has seu vestiam, seu calceorum ostentationes sic amarint? POL. Etiam olim, mi Gerarde, sed nec olim quoque deerant, qui vanam hanc elegantiam reprehenderent. Quantum aureus orator Chrysostomus contra hanc in calceis pompam stomachatus sit, audi, sed audi patienter; tam prolixus quam disertus est. Ego nec verbum Chrysostomi mutabo.

a Valeri. Max. l. 9. c. 1.

b Ælian. l. 9. var. hist. c. 3.

c Tert. l. 6. de pall.

d Suet. in Vitel. Imp.

e Plin. l. 47. c. 2. initio.

f Perald. to. 2. p. 180.

g Tert. c. 6. de pall.

## S. II.

Vultis igitur, inquit, vt largas orationi habenas mittamus, ac dedecus huius rei præ oculis ponamus? Sed nolite, oro, irasci, imo verò etiam si irascimini, parua mihi cura est, non enim ipse; sed vos huius molestiæ causa estis, qui cum nec peccata quidem ista putetis, ad reprehendendū acrius tale prodigalitatis genus impellit. Age igitur diligentiori vsu examine, quale malum hoc sit. Quantum vobis dedecus esse putatis, cum seria licia calceamentis vestris, quæ nec vestibus quidem vir probus vnquam subtexerit, diligenter inferitis: quantis hoc dignum cachinnis arbitramur? Quod si huic nostræ sententiæ non acquiescitis, audiat Paulum quantæ hæc cum acrimonia reprehendat, & auctoritate ipsius, turpitudinem rei cognoscite. Quid igitur hæc de re Paulus scribit; Non in tortis crinibus, inquit, aut auro, aut margaritis, vel veste pretiosa. Quam igitur veniā habere poteris, cum neque vxori tuæ, iubente Paulo, pretiosæ vestes permittantur: tu calceos luxuriosissime polias, ac ita construas, vt nimium attentus ad ridiculosæ dedecora esse videaris? Nonne vides naues fabricari, eligi remiges ac gubernatores, vela dari ventis, maria nauigare, ac mercatores patria, vxoribus & liberis relictis, ac vita contempta, & fluctibus commissa; ad extremas barbarorum partes mille perculis peruenire propter serica hæc licia, vt tu scilicet calceis tuis ipsa inferas, & corium exornes? Dic, oro, quid hæc absurditate peius? Non erant veterum talia indumenta, sed viris probe conuenientia. Quare ipse timeo ne tempus veniat, in quo adolescentes apud nos vestibus atque calceamentis sine pudore aliquo mulierum vtantur. Illud autem molestius discedendum est, quod iuuenum parentes, cum indifferenter hanc rem censeant, non increpent, non expostulent. Vultis vt afferam quod grauissimum mihi videtur, quod pecunijs ita abutimini, cum multi inedia laborent, cum esurient Christus ac nudus in medio vestri versetur, captus, catenis etiam vinctus nonnunquam: & quibus non ista digna sunt fulminibus? Illum quidem cibo necessario indigentem negligentes, vos sericum calceis, inferitis.



inferitis. Ipse cum discipulos suos legibus instituebat, nullos illis calceos permittebat; nos autem non dico nudis pedibus, sed viriliter calceatis deambulare non sustinemus. Quae turpitudine atque ritu quid peius fiet? Magnam enim animi molliem hoc ostendit, atque etiam leuitatem & crudelitatem, magnam denique leuitatem vna cum curiositate temeraria. Nam quando rebus poterit, qui tantis defuit luxurijs, diligenter vacare? quando animae suae curam habebit? imo vero, quando se omnino habere animum cognosceret? pusillanimes enim omnino est, atque abiectus qui haec admittitur. Atrox etiam atque crudelis, qui hac de causa pauperes negligit. Virtutis quoque penitus expers, qui studium suum ad haec contulit vniuersum: Nam qui gloriam serici, qui florem coloris, qui ad aureos intextus curiosè perspicit: quando in caelum suspiciet, quando illam pulchritudinem admirabitur, qui tincturas istas respiciens, & ad terram flexus altius se non potest erigere? Et Deus quidem caelum extendit, ac solem accendit, ut oculos tuos sursù erigat: tu vero ad terrena quasi porcus, diaboli artibus persuasus deuoluens. Haec enim omnia ille excogitauit, ut illa tu beatitudine priuatus, ad haec miserrima demutaris. Ita Deus qui caelum tibi offert à diabolo serica tibi licia offerente superatur: imo vero nec ista offert diabolus, opera enim haec etiam Dei sunt, sed molliciem, luxum, atque maleficas artes, quibus oppressi adolescentes aspicere terram coguntur, qui caelorum philosophiae studere iussi sunt, magis calceis suis gloriantur, quam si nouas res atque inauditas gessissent. Digitis enim pedum subleuatis deambulant in plateis, nimio plerumque inde more confecti, ne caeno in hieme, aut puluere in aestate, calcei sui maculentur.

a Chryf. tom. 2. hom. 50. in c. 14. Matth. pag. 373. & seq.

## S. III.

**P**OR. Hec tota Chrysostomi dictio est, & studio prolixam hanc facundiam in mediū expromere volui, ut euident & perspicuum nobis sit, quam ab illo quo longè diuertamus, quæ olim vt piacula habebantur, nos velut inane ludicrum ridemus: nostro an temporis vitio? Hinc liquet, quædam à priscis Pa-

tribus seuerissimè castigata, quæ nos inter minuta numeramus. Chrysostomus hac ipsa oratione, eius rei causam reddens: Nam etsi, ait, parua haec peccata videantur ac ideo negligantur, maiorum tamen delictorum causas nobis praebent. Quod hic prorsus verissimum. Illud etiam iam clarum ex hac oburgatione Chrysostomi, quam non otiosè nos contra nimium & vitiosum corporis cultum agamus; res digna est acerrima infectione. Sed permittes credo, Gerarde, Chrysostomum quod caput, pertextere: sic in eundem luxum differendo pergit. Quid facis homo? animam hac luxuria in caenum coniecisti. eam in terra negligis detineri, & calceamentorum tanto merore angeris: discas vsum ipsorum, & tanti ea facere pudebit. Quod si tu ab huiusmodi labe munda cupis calceamenta seruare, ceruicibus tuis aut capiti connecte. Rideris hoc audientes; mihi autem lacrimandum potius videtur, cum studia in his rebus vestra & vesaniam considero, cumque intelligam corpus nos malle luto, quam calceos deturpare. Ita pusillanimi, ac penitus molles hinc iuuenes efficiuntur, erunt etiam alia ratione pecupiarum auidi. Nam qui vestibus, calceis, ceterisque huiusmodi valdè inhiant soliti sunt, cum multa in his rebus consumant, magno indigent pecuniae cumulo: quod si acciderit, ut ambitiosum etiam & ostentatorem patrem quispiam habeat, tunc vero hac turpissima captus cupiditate, acrioribus seruitutis vinculis coarctatur: sin vero avarum, cogitur ad alia peiora confugere, ut sibi pecuniam ad impendia ista conquirit. Haec ratione multi ex adolescentibus aetatis florem perdiderunt, & gnathones atque parafiti diuitum constituti, ut huiusmodi cupiditatem atque animum suum expleant, turpia nimium ministeria subierunt. Quod igitur avarus, effeminatus, pusillanimis atque otiosissimus sit, & ad omnem luxuriam prior qui haec optat, manifestum ex istis fecimus; quod autem etiam crudelis, ac inanis gloriae cupidus, quis vnquam non insanus dubitabit? Crudelis enim est, quia cum viderit pauperem, tanta sui ornatus cura detinetur, ut nec aspexisse quidem videatur: sed auro quidem atque serico seipsum ornat, pauperem autem fame deperire sinit. Inanis vero glo-



ro gloriæ cupidus est, qui vel minimarum rerum gloriam aucupatur. Ego quippe sic arbitror, Romanorum nunquam Imperatorem fuisse, qui se tantum propter trophæa sua iactaret, quantum luxu perditæ adolefcentes, ob calceorum ornatum, ob vestes scire constriatas, ob cæsariem in modum pilæ tonsoris operire circumductam: nec pudet alienis artificum operibus gloriari. Adderem aliâ his grauiora, &c. *Et hæc Chrysostomi hac de re sententia est. Cui nostra dissertatio, Gerarde, bilem mouerit, huic ego litem non intendam; id vnum à me audiet: Ad Chrysostomum abi, cum Chrysostomo litiga, Chrysostomus respondebit. Nunc, vt dixi, à pede & calceis, ascendamus ad caput.*

*a Eod. c. 2 hom. 50. in c. 14. Matth.*

## §. IV.

**V**erum omnia capitis ornamenta insequi, mei instituti non est. Vix vlla fax aut viaticum ad tam longam narrationem sufficiat. E capitis cultu id diuitaxat sumam, quod nos collare appellamus, translata voce à canum vinculis. Collaria nostra, vt scias, ferè cum Luna mutant, ita vt singulis pænè mēsis, aliqua collarium nouitas se prodât. Perpetua hic mutatio, & sæpe ridicula. Iam collare densum, & multo sindonis volumine impeditum, iam è simplici tela collo affunditur; iam in orbem, iam pænè quadrangulum disponitur: iam ferro aut chalybe à prunis calente, iam aërculis ligneolis in plicas & sinus ordinatur, iam à lotione temerè plicatum collo iniicitur. Memini, etsi facies mea nondum computet annos, cum è simplici bysso collaria in pectus vsque, geminum cornu protenderunt; nec ita multo post dempti sunt apices, & cornua illa quasi forfice præfecta: quamuis & hoc pridem desitum. cœperunt deinde collaria nimium quantum in humeros expatiari, & tergum etiam vestire, credidisses mantilia ceruicibus circumposita. Nec istud diu placuit. Vidimus dein è Gallia aut Italia collaria aduolare quæ velut alæ collum ambiebant, & linei candoris radijs cingebant. Sed neque ista ætatem tulerunt, iamque alia atque alia semperque nouæ formæ in consuetudinem veniunt. Passim iam videas collare multiplici plica grauidum, quod instar valli, collum

ambiat. Pleraque segmentata, rugata, & striata liberaliter.

Quid, quod nec idem color in collaribus placeat qui olim. Ante annos aliquot nemini nisi candor in collari probabatur, & quò illa condidiora & magis niuea erant, hoc mundudulis illis placebant magis. Iam verò & cærulea, & nigricantia & purpurea passim videas, seu filo, seu tinctura sic facta. GER. Equidem spero ad id ætatis me peruieturum, vt etiam præsina cernam & viridia collaria. POL. Olim pepla crocea pulcherrima censebantur, quod æui sui muliebre iudicium Guilielmus Peraldus Lugdunensis Antistes acriter perstringit. Sed tædet me prorsus omnem huius insanis prodigientiam percerere, & sæculi nostri pudorem tam multiplici delitio onerare. Illud constat, neque id ipsi rei inficiari possunt, nimium laboris & pretij in hoc luxu genere collocari. Femina fuit nostro æuo, numorum quàm pietatis ditior, quæ eo deliciarum & luxu processit, vt in vnicum collare lauandum, explicandum, & ad certas leges componendum, ipsos quinquaginta philippeos extenderit solita mercede. Prodigium omnino nobile, & suspiciendum portentum in re tam parua, tam magni luxu! Sed nauis & mulier nunquam satis ornantur, dicebat Cato, Cæterum maiorem partem videre est in viris feminisque protensa nimium & in humeros excurrentia collaria, nimis exquisitè & operosè simbrata, in quibus nimium & operæ & pecuniæ ponitur: neque alio nomine hæc culpa purgatur, nisi quod plerunque dicant, ita moris esse; hos, & illos, & istos idem facere, se illis non æquales tantum sed & superiores esse tam censu quàm sanguine, aut dignitate: si illis hæc & hæc liceant, eadem sibi potiori iure licitura. Sic ad aliorum mores pridem damnatos, componimus nostros; peccatis à peccantium multitudine patrociniū quærimus, atque per aliena exempla perire pulchrum ducimus.

## §. I.

**E**T quid de aliarum vestium fastu, lasciuia luxu, nouitatibus innumeris dicemus? Repeto, face iterum & viatico foret opus ad narrationem tam prolixam. Ausim iterare quod dixi: nouus dies, nouas vestes videt, adeò nihil



nihil neque nimium, neque satis diu bellum & elegans nobis videtur, pœnè quotidie novitia repertura emergit, quæ pretium sæpe à novitate meretur. Adijcit ornatus proxima quæque dies.

Pileus iam fastigiatus caput circumtegit, iam depressus; iam acuminatus placet, iam in rotunditatem planus; iam cum spira, iam sine spira elegantior habetur; iam cinerei, iam candicantis, iam mustelini aut cervini coloris præfertur. Pallium modo simplex, modo alatum est, iurares vespertilionis exuvias esse. Et an non istud insignioris luxus nobile argumentum, cum pallium è lana, quantum quantum est holoserico subducitur, quasi tegere velimus expensarum superbiam, dum maxime ostendimus. Et quis thoracis patriam investigaverit, quem modo ex Gallia, modo ex Italia, ex Hispania modo petimus, iam dissectum, iam institis obductum gerimus, quandoque singularem elegantiam censemus, vestis materiem omnem fimbriarum numero celare. Manicæ quæ? modo amplæ, modo aristissimæ, & ad brachium strictæ. Et quis omnes caligarum figuras explicet? Caligæ nunc ad genu, nunc infra, nunc supra genua clauduntur, nunc laxæ, nunc adstrictæ sunt; iam volitant & genibus illudunt, iam in globum aptantur: modo follicant, modo crassa factura intumescunt; aliqui Gallos caligis, alij Anglos ijs æmulantur. Ligulæ olim in eum duntaxat usum erant, ut caligas thoraci necterent: nunc numerosa ligularum agmina, totis caligis sparsa, puerilem prorsus & ridiculam concinnitatem exhibent. Verè, ut vetus verbum habet, aspræ aves sumus. Omnia hic varia & pœnè in dies nova, infinita series est mutationum cum statim moritura novitate. Neque tantum se circumspicit qui has novitates excogitare, sed & qui sequi scit & imitari. Sed & alius atque alius in veste color placet: ater, nimis lugubris est; lanæ natiuus, simplex nimis. Luxuria, vestibus quoque provocavit eos flores qui colore commendantur. Vestes querimus non solum quæ muniunt per pinguedinem, sed quæ mulceant per mollitiem: nec solum quæ per mollitiem tactum mulceant, sed quæ per colorem oculos seducant. Tertullianus eleganter & facere, verficolorum vestium & purpuræ usum perstrin-

gens: Nimirum Deus, inquit, demonstravit succis herbarum, & concharum alucis incoquere lauas. Exciderat illi, cum universa nasci iuberet, purpureas & coccineas oves mandare b.

Et quoties, vestium partim pondere, partim tormento misere vexamur! Illum calceus vrit, tolerat tamen; istum thorax constringit, tamen dissimulat; hunc frigus ultro aduocatum contrahit, non tamen queritur, ne sua vesti pereat venustas.

O curas hominum! reliqua taceo, quæ ipsa per se oculis loquuntur: fileo aurium vulnera, olim visitata, quasi satis anulorum digiti non caperent: omitto nebulas lineas ventros textiles, rogas vitreas, ut Arbitrè & Varro loquuntur: oratione nemo satis evolvat tot rannias, tot redmicula, tot strias & fimbrias, tot vndas & incinulos, tot globulos & clauos. Nam habitudo omnem novitatē mollis elegantiae assidue correcto, peregrina semper magis estimamus quam nostra: modo aliunde sit forma vestis quæcunque, mox in laudem trahitur: nec formam tantum, sed & materiam vestis peregrinam amamus. lanam, & rudioris naturæ beneficium spernimus. Peregrinitas ubique gratiam reperit, à qua res quæque pretium possidet. Quis vestes parat in quod inueniunt? victum cultumque ad nova identidem exempla componimus. Hinc luxus noster transalpino serico pretium fecit; hinc non mollissimis tantum pellibus contexti, sed serico splendore ad luxuriam vibrantes, vestium ambitiosa pretia mire augemus. Non est locus ut desceam satis, aut ut satis excrem ludibria hæc externorum habituum, quos nobis ab extremis mundi finibus furibunda prærens ætas intulit, & etiamnum quotidie infert.

Minatur Deus per Sophoniam: Visitabo super Principes, & super filios Regis, & super omnes qui induti sunt veste peregrina c. Divus Leo Pontifex de Roma vetere: Hæc civitas, inquit, ignoras suæ prouectionis auctore, cum pœnè omnibus dominaretur gentibus, omnium gentium seruiebat erroribus: & magnam sibi videbatur assumpsisse religionem, quia nullum respuebat falsitatem. Idem ergo pœnè iusum dicere de Germania, quæ cum suos in omnium nationum terras emittat;

D d d d omnium



omnium nationum ritus recipit, & magnum sibi videtur adfiscere ornatum, si nulum respuat peregrinum habitum. Vis videre vestitu Gallos, Italos, Hispanos, Anglos, Polonos, tantum Germaniam iustra, & videbis. Iusserat sibi, vt ferunt, Turcarum Imperator, omnium gentium habitum vestitumque pingi. Pictor, vbi plurimarum nationum diuersissimas vestes expressisset, hominem indusio tectum statuit, & iuxta varij generis pannos. Hanc picturam suam interpretari iussus: Hi, inquit, Vngari sunt, hi Poloni, hi Galli, hi Britanni, Itali isti, ita & de alijs. vbi ad hominem illum inuessem deuenit, hic, inquit, Germanus est, certa vestitus forma pingi non potest, nam quotidie nouam excogitat. Rem dixit hic pictor. Hinc videre est peregrinas omnis stultitię ineptias: exoticum laiciuę habitum ornatumque, vnde ferme nec in moribus quidquam patrię vernaculi superest. Tanquam originis pudeat, hoc vnum omnes agunt, vt videantur à maioribus descivisse. Et hæc illa ornamenta sunt, quibus superbus cinis nescio quàm altum stemma mentitur, & pænè Adamum transiit.

a Plin. 21. nat. hist. 1.8.

b Tertull. de cult. fem.

c Sophon. c. 1. v. 8.

d Comus Ericij Put. pag. 137.

S. VI.

Interiungamus hic paullisper. Ecquid, Gerarde, hoc libri est quod manu tenes? GER. En nomen auctoris in fronte. POL. Non hoc quæro. GER. Quid ergo? POL. Quod gaudeo me non reperire. GER. Ergo suspicabar is mali quid latere? POL. Metus potius quam suspicio erat, & quid apud te dissimulem? mores tui nostri corruptissimos iam nosti, nihil non audemus. Hinc aliquibus non satis est domi, horas optimas pessimè contere in speculo, libellis etiam inferi, & vna compingi curant speculum, vt vbi deum locorum sint, vitrei huius iudicis responsa in promptu habeant. Et quoties aliqui de die domesticum hoc oraculum consulant, quanta patientia responsum quantumvis prolixum præstolatur, quàm sollicitè oculos in omnem partem flectunt, ne quid nanu- li industriam oculorum effugiat. Vah! vani-

tatem vanissimam! O vane! quid speculum cõsulis? mores tuos intueri, conscientiam tuam inspicere, in Christum crucifixum oculos conijcere. hoc tibi speculum & opifex splendor sit, in hoc non fabram leuitatem, sed cruenta tubera, & alta vulnera considera. Quid vis Speculum omni occasione consulere, anxie inspicere, cum tamen cognito Deo & adempta placendi voluntate, per luxuriam vacationem, omnia illa vt otiosa, vt hostilia pudicitia recusantur. Nam vbi Deus, ibi pudicitia, ibi grauitas adiutrix & socia eius a. Tertullianus, quasi pudicitia mundanarices eas feminas habet, quæ (vt loquitur) consilium formæ à speculo petunt b. Potiori iure & in viris hoc ipsum reprehendit. Verissimè Seneca: iam speculum, inquit, ornatus tantum causa adhibetur, nulli non vitio necessarium factum est c. Scis, Gerarde, quid olim Pudens in oratione censoria velut grande crimen detestetur, & clamitet. Habet speculum philosophus, possidet speculum philosophus. An nos non vehementius vociferemur? Habet speculum alumnus Parthenius, possidet speculum sodalis beatæ Virginis, inspicit speculum iuuenis Marianus. Quid hoc, mei iuuenes, ad pietatem aut litteras facit, formam suam spectaculo assiduo explorare? Socrates quidem philosophus, suis suasisse fertur, vt semet in speculo contemplarentur, sed in morum ac disciplinæ, non in formæ gratiam id suasisse, hoc enim volebat vir sapiens, vt si quis suorum à pulchritudine commendaretur, impendio procuraret ne dignitatem corporis malis moribus dedecoraret: qui vero minus se commendabilem formam putaret, sedulo operam daret, vt virtutis laude turpitudinem tegeret. Non iussit Socrates, ad speculum curiosius comam struere, non capillamentum in statione disponere, non crines velut suggestum ædificare, non turres sublimibus cinctinnis in occipitio excitare, non denique tempus nobilissimum apud vitreum hunc censorem perdere, quod nos iniussu sæpe facimus. Grauius queritur Seneca contra curiosos hos fucos, quibus apud tonsorem multæ horę transmittuntur, dum decerpitur si quid proxima nocte succreuit, dum de singulis capillis in consilium itur, dum aut dissecta coma restituitur, aut deficiens hinc atque illinc



## §. VII.

illine en frontem compellitur. Quomodo irascuntur si tonsor paullo negligentior fuit? quomodo excalescunt, si quid ex iuba sua decisum est, si quid extra ordinem iacuit? &c. Quis est istorum qui non malit rempublicam turbari, quàm comam suam? qui non sollicitior sit de capitis sui decore, quàm de salute? Hos tu otiosos vocas inter pectinem speculumque occupatos? Si hæc Seneca non immerito exprobrat, ignoscendum Cyrillo Alexandrino exclamanti: Væ calamistratis ad lædendas & vulnerandas animas. Crede mihi, hæc talia omnia, speculū, & ad speculi examē vibratus capillus, cirri, cinciuni, gypsatissimæ chirothecæ, peregrini odores, molchum, smigmata, tot quasitæ elegantia, tam diuersæ amictus delicia, hæc, inquam, omnia castitatis & pudicitiaæ amorem non olent. Qui castimoniam amat, hæc fugit & vitat omnia: optimus odor in corpore, est nullus. Iam olim minatus Isaias: Et erit, inquit, pro suaui odore fœtor, & pro zona funiculus, & pro crispanti erine caluitium f. Mirabilis mutatio! illis ego carere malim, quàm cum istis mutare: alterutrum necessarium. Qui illis abstinere non vult, audiet tandem horrendum istud: Quantum se glorificauit, & in delicijs fuit tantum dare illi tormentum & luctum g. Neque tantum grauiorem censuram incurrunt hæc talia, vbi honestas Christiana vigeret, sed & ab idololatriæ honesti amantibus damnantur. Flauio Vespasiano Imperatori iuuenis quidam gratias egit pro impetrata præfectura. At hæc gratiarum actio minimè placuit Cæsari, ea solum de causa: iuuenis ille plus æquo comptus videbatur, & quia etiam vnguento fragrabat, Vespasianus seuerum nutu contemnens: Maluissimè, inquit, allium oboluisse, mox & litteras concessas reuocauit.

Optimè olet, qui nil olet, & satis formosus est qui formæ iudice speculo potest non parere.

a Tertull. d. l.

b Tert. de virg. vel. c. 12. & de cult. em. c. 8.

c Sen. l. 1. nat. qq. c. 17.

d Sen. l. de breuit. vite c. 12.

e Sen. ep. 108.

f Is. c. 4. v. 24.

g Apoc. c. 18. v. 7.

GER. Si speculum damnes, Polychroni multo magis pigmenta damnabis, quæ ad speculum prælinuntur vultui. POL. Opumè mones; omiseram panè nobilissimum genus colendi corporis. Fui tamen, fateor, in errore antehac: feminas nostri æui fūco non vti credebam GER. Errabas sanè, ò mi Polychroni, pridem reuixit Iezabel, nec iam vna tantum cerussatas buccas ostentat. In vrbibus tales inuenire est, quæ sibi ipsæ non placerent, nisi purpurissatum os speculo propinarent. Noui feminas quæ virtutiore nequitia hanc artem facitarent, maritos id velle fingunt. POR. Pulchrè conueniunt, fingere & stibio se pingere, quid enim signum, nisi falsitatis stibium; Sed ò miseræ, & in propriam perniciem vatræ! velint nolint, iubeant non iubeant mariti, cerussatam cutem nunquam satis excusabitis. hic ratio & Christianæ leges reclamant. Audite, oro, quid prisce æui Patres in pessimum hoc pingendi se studium pronunciarunt.

Tertullianus non sine stomacho: In illum, inquit, delinquant; quæ curem medicaminibus vngunt, genas rubore maculant, oculos fuligine collinunt, displicet illis nimirum plastica Dei, in ipsis redarguunt, reprehendunt artificem omnium reprehendunt enim cum emendant, cum adijciunt, vti que ab aduersario artifice sumentes addita menta ista, id est, diabolo. Quod nascitur, opus Dei est, ergo quod fingitur, diaboli negotium est. Quantum, autem à vestris disciplinis & professionibus aliena sunt, quàm indigna nomine Christiano, faciem fictam gestare, quibus simplicitas omnis indicitur, effigiem mentiri, quibus lingua non licet appetere quod datum non sit, quibus alienum abstinentiam in speciem exercere, quibus studium pudicitiaæ est.

Atque vtinam miserrimus ego in illo die Christianæ exultationis vel inter calcanæa vestra caput eleuem, videre, an cum cerussa, & purpurisso, & croco, & in illo ambitu capitis refurgatis, an taliter expictam Angeli in nebula subleuent obuiam Christo.

De cetero cultu corporis moderando sic monet Tertullianus: Quamobrem erga vestitum quoque, & reliqua compositionis vestrae

D d d d 2 impedi.



impedimenta, proinde vobis curanda est amputatio, & decussio redundantioris nitoris. Nā quid prodest, faciem quidem frugi, & expeditam, & simplicitate condignam diuinæ disciplinæ exhibere, cetera vero corporis, laciniosis pomparum & deliciarum ineptijs occupare? Hæ pompæ quàm de proximo curent luxuriæ negotium, & obstrepant pudiciuæ disciplinis, dignoscere in facili est b.

Clemens Alexandrinus non minus acerbus in tam sterilem solertiam? Turpe est, inquit, pudicam facere flauentes pilos, sed & genas fucare, & oculos depingere. Non intelligunt autem misere, se propriam perdere pulchritudinem dum externam inducunt. Summo itaque manè se lacerantes & extendentes, varijsque ac confusis mixtionibus effingentes, viuum quidem cutis colorem refrigerant, carnem autem venenis effodiunt, curiosisque ac superfluis abstersionibus proprium decoris florem corrumpunt, & marcidum efficiunt. quocirca à cataplasmatibus quidem pallidæ cernuntur, à morbis autem facile arripiuntur, vt quæ adumbratam carnem venenis iam liquefactam habeant: hominum opificem contumelia afficientes, tanquam qui pro meritis non fueritis largitus pulchritudinem. Iure ergo quod ad domum seruandam & administrandam familiam attinet, ignauæ sunt, vt quæ sedent, velut depictæ ad spectaculum, non natæ ad domus custodiam familiaræ administrationem. Qto autem nihil dici aut fingi potest absurdius, siquæ istius suæ formæ, perinde ac si res ab eis bene gesta & confecta sit, specula excogitarunt, cum huic fraudi esset potius admouendum operculum. *Et paucis interiectis.* Si ergo naturalem corporis pulchritudinem minus quam pulchritudinem animæ estimat Dominus, quid sentiet de adulterina, qui quicquid falsum est, omnino expulset.

Vt autem huius probrosæ artis primum magistrum fuisse diabolum sciamus, Cyprianus hoc fucandi artificium grauissime detestatur: Quæ omnia, inquit, peccatores & Apostate angeli suis artibus prodiderunt. Illi, & oculos circumducto nigrore fucare, & genas mendacio ruboris inficere, mutare crinem adulterinis coloribus, & expugnare omnem oris & capitis veritatem corruptelæ suæ

impugnatione docuerunt. *Addit:* Manus Deo inferunt quando id quod ille formauit, reformare & transfigurare contendunt; nescientes quia opus Dei est omne quod nascitur, diaboli quodcūque mutatur. Quod ornari te putas, quod putas comi, impugnatio est ista diuini operis, præuaticatio veritatis. & Num sinceritas perseverat & veritas, quando quæ sincera sunt, polluantur colorum adulterijs, & medicaminum fucis in mendacium vera mutantur? Dominus tuus dicit: Non potes facere capillum vnum album aut nigrum; & tu ad vincendam Domini tui vocem vis te esse potiorum? Audaci conatu & sacrilego cōtemptu crines tuos inficis, &c. Non metuis, oro, quæ talis es, ne cum resurrectionis dies venerit, artifex tuus te non recognoscat, & ad sua præmia & promissa venientem remoueat & excludat; increpans vigore censoris & iudicis dicat: opus hoc meum non est, nec imago hæc nostra est; cūtem falso medicamine polluisti, crinem adultero colore mutasti; expugnata est mendacio facies, figura corrupta est, vultus alienus est. Deum videre non poteris, quando oculi tui non sunt, quos Deus fecit, sed quos diabolus infecit. Illum tu sectata es, rutilos atque depictos oculos serpentis imitata es, de inimico tuo compra, cum illo pariter & arsura.

Seria sunt hæc, ô Deus, & altè cogitanda! Atque de corporis colendi studio, vniuersè sic sentit Cyprianus d: Ornamentorum, inquit, ac vestium insignia, & lenocinia formarum non nisi prostitutis & impudicis feminis cōgruunt. Et, etsi ipsa non pereas, alios tamen perdas & velut gladium te & venenum videntibus præbeas; excusari non potes, quasi mente calta sis & pudica. redarguit te cultus improbus, & impudicus ornatus e. Gregorius Nazianzenus: Quod si ob adscititiam formam, inquit, ita insolescis, nunquam certè pudicum animum habebis, vipote qui fucum auersatur. f

Chrysostomus, huic vitio verecundam honestatem opponens: Quæ vnguentis, inquit, delibuta non pergit, quæ faciem nequaquam fucis atque coloribus pingit, quæ Dei contenta opificio nihil ex se addere quasi arte molitur. Quid enim studium tuum, quid artem consummato à Deo opificio admouere præsumis,



## CAPVT VI.

*De cultu Corporis quid sacra pagina & sancti  
Patres sentiant.*

sumis, atque ad auctoris iniuriam ornatis?  
Sed & profani scriptores hunc corporis  
cultum vituperant. Optime dixit priscus satty-  
ricus *h*: Color arte compositus, inquinat cor-  
pus, non mutat.

Theophylactus Sophista feminam, atate  
progreſſam, ſuauitupério abſtracturus ab  
hac infania: Naturale, inquit, ornamentum ti-  
bi præterijt, & ad rugas properat elegantiæ. Tu  
vero veritatem obſcurare conaris fictitiõ or-  
natu: quid frontem ſputo & ceruſâ ſignas?  
obtempera tempori. Non enim decent præ-  
ta in autumno flores. Memineris etiam mor-  
tis, cui vicina es, & modeltiam ex neceſſitate  
diſce colere. Alioquin ſenium & iuuentam af-  
ficis iniuria: hanc enim promittens, fruſtra-  
ris, illud autem poſſidens adulterare cona-  
ris *i*.

En, vndique vapulant purpurifſatæ genæ:  
ſacri iuxta & profani ſcriptores ſtibiũ & ce-  
ruſſam ab honeſtis matronis remouent. Ergo  
vilior ei honeſtas eſt, cui purpurifſum & fu-  
cus tantopere commendatus eſt.

Finio cum Tertulliano qui hic agmen di-  
xit: Quare, inquit, meditemur duriora, & non  
ſentiemus: relinquamus lætiora, & non deſi-  
derabimus. Stemus expediti ad omnem vim,  
nihil habentes quod relinquere timeamus. Re-  
tinacula iſta ſunt ſpei noſtrę: proijciamus or-  
namenta terrena, ſi cæleſtia opramus *k*.

Multa dixi hoc capite, ſed in ſummam  
colligam, quæ dixi. Quicquid carnem olet, ni-  
hil ſanctimoniz ſpirat: quod Corpori iucun-  
dum & pulchrum, Animo plerumque noxium:  
Conſcientiam non curat, Cæliſtes parum ho-  
norat, qui corpus nimium amat.

*a Tertull. de cult. fem.*

*b Idem in eodem lib. poſt init.*

*c Clem. Alex. l. 3. pedag. c. 2.*

*d Cypr. de hab. virg.*

*e Cypr. l. de diſc. & hab. virg. med. ſere*

*f Carm. de orn. mul.*

*g Chryſ. hom. 4. in 1. epiſt. ad Tim.*

*h Arbitr in ſat.*

*i Simochates Theano Eurydica epiſt. 3.*

*k Tert. loc. cit.*

**E** Veste virum noueris. Nam, *amicus cor-  
poris, & riſus dentium & ingreſſus homi-  
nis enũciant de eo a*. Vt riſus, vt ſermo, vt inceſ-  
ſus, animi cogitationumque character & nota  
ſunt, ſic & habitus non immerito eſſe perhibe-  
tur. Veſtitus leuiſ, leuem; muliebris, effemi-  
natum; monſtroſus, monſtroſum, plus æquò  
nitidus oſtentationis amantem: ac viciffim  
grauis prudentem; modeltus continentem  
arguit: atque vt ille probrum, ſic iſte landem  
domino ſuo conciliat. Minatur olim Deus ſe-  
uere, omnem cultum corporis auferendum,  
&: In illa die, inquit Iſaias, auferet Dominus  
ornamentum calcamentorum, & lunulas, &  
torques, & monilia, & armillas, & mitras  
& c. *b*.

Eſther quamuis reginarum ampliſſima, ta-  
men imminente ſuis fatali periculo; veſtem  
regiam omnemque mundum muliebrem po-  
nens, & indumentis ad luſtum veſtita, has  
Numini preces ſupplex admouit: Tu ſcis ne-  
ceſſitatem meam quod abominer ſignum ſu-  
perbiæ & gloriæ meæ, quod eſt ſuper caput  
meum in diebus oſtentationis meæ, & deſteſter  
illud. Quibus illa verbis luculente teſta-  
ta eſt Orbi, quantum oderit cultum corpo-  
ris, qui vere ſignum eſt ſuperbiæ. Hic ego  
nò diſſiteor, terreri me ſepius illo Chriſti mo-  
nito, de Epulone purpurato: *Homo quidã erat  
dines, & induebatur purpura & byſſo d*. Tan-  
tine res flagitij eſt, ô Chriſte, byſſina & oſtri-  
na veſte amicti: neque enim aliena vi aut do-  
lo rapuit, vt purpuram & byſſum emeret, nec  
opifices manu pretio fraudauit, nec mercedem  
famulis negauit, nec inuaſit aliena; è ſuis lo-  
culis, ære tuo hæc ſibi comparauit, & vt vi-  
detur dignitati & opibus congrue ſe veſtijt. Et  
tamen ſepultus eſt in inferno. in hoc ei ſepul-  
crum viam ſtrauit, è byſſo & purpura veſtitus.  
Horreo cum cogito, hunc mihi horrorem  
augent D. Gregorij verba: ſunt, inquit, non-  
nulli qui cultum ſubtilium pretioſarumque  
veſtium non putant eſſe peccatum. quod ſi vi-  
delicet culpa non eſſet, nequaquã ſermo Dei



tam vigilanter exprimeret, quod diues qui torquetur apud inferos, purpura & bysso indutus fuisset. Nemo quippe vestimenta pretiosa nisi ad inanem gloriam quaerit, ut honoratior ceteris esse videatur *e*.

*a Eccl. c. 19. v. 27.*

*b Is. cap. 3. v. 18.*

*c Esth. cap. 14. v. 16.*

*d Luc. c. 16. v. 19.*

*e Greg. hom. 40. in Euan.*

## § I.

**G**ER. At decorum est egregie vestiri. **POI.** Mos est, nec tu id ignoras, vilia & foeda coloribus & fucis venalia facere. Hoc illustrium vestium callidum munus est, ut viles & abiectos animos velent illustri fucis. Ita profundissimū cænum vestit fragilis indigna fronde cespes; ita finum nives induunt, nec ipsis anguibz pulchrum veneni tegmen verticore tergo, & squamis fulgentibus deest *a*. **G**ER. Honori est; exquisite indui.

**POI.** Pudebit te cultus exterioris, quoties quid cogitatur, cogitabis. Insana enim est ambitio, finum operire purpura. **G**ER. Ecquis reprehendat vestes quam mundissimas habere? **POI.** Non audisti quid ille vir fortissimus apud Crispum dicat: Munditiam mulieribus, laborem viris conuenire. Et quamuis segniori illi sexui diuus Paulus plusculum quid ornamenti concessit, aurum tamen & argentum & vestem pretiosam adimens: Non in tortis crinibus, inquit, aut auro, aut argento, aut margaritis, vel veste pretiosa, sed quod decet mulieres promittentes pietatem per bona opera *b*; Eiusdem animi & diuus Petrus: Quarum, inquit, non sit extrinsecus capillatura, aut circumdatio auri, aut indumenti vestimentorum cultus *c*. **G**ER. At vestitus insignis auctoritatem addit. **POI.** Sapissime minuit, dum suspicionem auget, eum vanissima cura placendi laborare, qui has sibi phaleras circumdat. Et sepe cultus corporis qui ad famam quaeritur, risum mouet: nec vllare peius sibi consulit deformis homo, quam cum formosus vult videri: quod si natura ei formam non inuiderit, quid adscititijs his pigmentis naturalem gratiam corrumpit? **G**ER. An non festi dies plus cultus indulgent corpori? **POI.** Cadaveri, dicas. Pone in feretro au-

reo cadaver pallidum, gemmis illud ostroque circumda, quo plus ornatus, plus & horrioris erit. Et ne ad iniuriam trahas quod dixi, origo nominis inquirenda est. Cadaver à cadendo dicitur: mortui corpus cecidit, viuū casurum est, caditque continue, semper enim morimur quamdiu viuimus: ita exili discrimine, istud ab illo discedit. Hoc sensu la-cobus Apostolus: Agite nunc diuites, inquit, plorare & vlulate in miserijs vestris, quæ aduenient vobis. Diuitiæ vestrae putrefactæ sunt, & vestimenta à tineis comesta sunt *d*. Factum dicit, quod certo & proxime futurum erat ut fieret.

Tertullianus interrogans: Quo pacto, inquit, pudicitiam sine instrumeto eius, id est, sine grauitate tractabimus? quomodo autem grauitatem administrandæ pudicitiae adhibebimus? nisi & in facie. & in cultu, & in totius hominis contemplatione seueritas circumferatur. Nam, ut idem testatur, Pudicitiae Christianæ satis non est, esse, verum & videri. At vero qua ratione in illo videatur, qui tantopere studet, ut Tertullianus loquitur, se expingere.

*a Madaureus. l. 1. Milesiar.*

*b 1. Tim. c. 2. v. 9. c. 1. Pet. c. 3. v. 8.*

*d 1. Cor. c. 5. v. 1.*

## § II.

**M**agnus Basiliius, hic velut legem condēs saluberissimam: quicquid necessitatis, inquit, vsum excedit, vitandum, neque corpori plus ornatus dandum est, quam quantum animæ profit *a*. Nō minus eleganter & vere Ambrosius: Neglecta, inquit, decoris cura plus placet, & hoc ipsum quod nos non ornamus, ornatus est *b*. Eximius hac in re Bernardus nobilissimè de cultu corporis philosophatur, &: Serica, inquit, & Purpura, & tincturarum fucus, decorem habent, sed non præbent. quicquid tale applies corpori, exponit speciem suam, non deponit. Secum denique tollit, cum tollitur ipsum. Porro decor qui cum veste induitur, & cum veste deponitur, vestis procul dubio est, non vestiri. Tu ergo noli æmulari in malignantibus & mendicantibus pulchritudinem alienam, ubi perdiderint suam *c*. Eiusdem diuini doctoris sensu, mollia licentur vestimenta, quia mollem faciunt, aut esse



DE CVLTV CORPORIS.

583

aut esse ostendunt. Molliā, inquit, indumenta, animi molliem indicant. Molliū vestimentis delectatur regis curia: asperis vero & humilibus delectatur Christi Ecclesia. Talia debent esse vestimenta seruorum & ancillarum Dei, in quibus nihil possit notari no-uitatis, nihil superfluitatis, nihil vanitatis, nihil quod pertineat ad superbiam, aut ad vanam gloriam. Nam, quanto amplius in compositione corporis lætamur, tanto magis a superno amore disiungimur d.

Orabat sapientissimus Salomon, tantum victui tuo tribui necessaria, non superflua e. Habentes (inquit Apostolus f) victum & vestitum, non ornatum. Alius quidam Sancto- rum: Si dederit, inquit, mihi Dominus panem ad manducandum, & vestimentum, quo operiar g. Nota, quo operiar. Sic ergo, & nos, inquit Bernardus, contenti sumus vestimentis quibus operiamur, non quibus lasciuimus, non quibus superbiamus, non quibus mulierculis vel similari, vel placere studeamus. GER. Sed hoc faciūt ij quibuscum habito: si non facio quod ceteri, notabor quasi numero velim eximi, & esse singularis. POL. Licetne, Gerarde tua venia Bernardi responsum addere? GER. Cur per me non liceat? non est auditoris, magistro legem dicere. POL. Addo ergo; que- relę tuę Bernardus sic respondet: Propterea e- xi de medio eorum, ne aut in vrbē notabiliter viuas, aut exemplo pereas aliorum. quid a- gis in vrbē delicate milēs? Commilitones tui quos fugiens deseruisti, pugnant & vincunt, pulsant & intrant, cælum rapiunt & regnant, & tu sedens super ambulatorem tuum, indu- tus purpura & bysso, circuis plateas, vicos perambulas? Purpura non propulsat libidi- nem, non superbiam, non auaritiā repel- lit, & si qua sunt alia ignea inimici iacula non extinguit. Denique quos magis metuis, fe- brem non prohibet, mortem non arceat. Vbi sunt arma bellica, vbi scutum fidei, vbi ga- lea salutis, vbi patientiæ lorica h? Laurentius Instinianus operosiores cultum corporis gra- ui censura notans: Sicut, inquit, continens ac pudicus vilibus induitur vestimentis, vt se oculis diuinę maiestatis exhibeat mundum: ita impudicus ac incontinens, vt videatur ma- gnificus, satagit vestiri pretiosioribus ac mol- libus i. Ephrem hic apte interrogans: Quid

lucrāmur, inquit, vestimentorum cultu, & ornato elationis amictu, nisi ignem inextin- guibilem k?

a Bas. de leg. l. gent. hom. 24.

b Ambr. l. 1. de virg.

c Bern. epist. 113. ad Sophiam virg.

d Idem de modo bene viu. serm. 9. initio, & fine. plura in Apol. & Guil. abb. ante fin.

e Prou. c. 30. v. 8.

f 1. Tim. c. 6. v. 8.

g Gen. c. 28. v. 20.

h Ber. epist. 2. ad Fulconem.

i Laur. lustr. l. de ligno vite c. 5.

k Ephr. l. 1. de luctu Spir. c. 2.

§. III.

Gregorius Magnus originem indagans cultus qui corpori impenditur: Res ipsa inquit, testatur, quod pro sola inani gloria ve- stimentum pretiosius quæratur. Nemo vult ibi pretiosis vestibus indui, vbi ab alijs non possit videri a. Diuus Hieronymus de Pauli defuncti Anachoretę tunica, velut de opimis spolijs triumphans: Vos, inquit, in tunicis au- rum textitis, ille ne vilissimum quidem vesti- mentum habuit mancipij vestri. Sed ē contra- rio illi quidem pauperculo paradisi pater; vos auratos gehenna suscipiet; ille vestem Christi, nudus licet, tamen seruauit; vos ve- stiti sericis, indumentum Christi perdidistis b. Aureus ille Cōstātinopolitanus orator Chry- sostomus, tam diserte quam copiose de cultu corporis hæc pronuncians: Audiant, inquit, opulenti & qui luxuriantur in vermium ope- ribus, & vestiuntur sericis, discantque quo- modo ab initio humanam naturam miseri- cors Deus docuerit. Pelliceas vestes fecit eis vt confusionem regerent, quo docuit nos vt mollem & dissolutam vitam fugiamus, nec inertem & remissam sectemur, sed magis au- steram amplexemur. Itaque vestium amictus continuum nobis sit monumentum, quò me- mores simus quantis bonis exciderimus, & discamus quanto supplicio humanum genus ob inobedientiam sit affectum. Dicant igitur nobis qui tanto vtuntur apparatu, vt iam vsum lanę prorsus audire nolint, sed serico vesti- antur, eoque insanię peruenere, vt aurum vesti- bus intexant. Imprimis autem mulieres huic mollitię deditę sunt. Quare, dic obsecro, cor- pus ita



pus ita ornas, & gaudes eiusmodi ambitu? Non cogitas quod pro magno supplicio, propter transgressionem, tegmen hoc excogitatum est? Et quare non audis Paulum dicentem: Habentes victum & amictum illis contenti sumus? Vides quod vnus duntaxat rei habenda sit hic cura, videlicet, ne corpus nudum sit, sed vt regatur. Num adhuc de vestium varietate oportet sollicitum esse?

GER. O mi optime Chrysostome, quam apud multos tam sacros quam profanos, tam Ecclesiasticos quam politicos. antiqua nimis est & simplex hæc tua oratio. hæc illi monita, etiam milles ingesta, & occentatamillies, non pensi habent. Te in cathedra clamantem non turbant; audiunt monita, at interim domi, non quod tu mones aut iubes, sed quod illis suber, faciunt, & pro more nostri qui dicunt: Fuit vahemens oratio. Hic omnis illorum profectus est, concionem frigidissimè laudare, cetera nec hilo meliores, in eodem hærent luto; nemo est qui dicat: rei sumus, emendemus nos. POL. Sed non terretur Chrysostomus, qui omnem luxum perosus, sic pergit: Quali venia dignandi sunt, qui & in vestimentis multam vanitatem ostendunt, & quod grauissimum, in his superbiunt? Si omnia quæ intus reposita habent indigentibus diuites distribuerent, neque sic supplicium effugerent eorum peccatorum (nota, Gerarde) quæ in delicij vestium & conuiuiorum admittunt. quo enim supplicio non sunt digni, qui modis omnibus dant operam vt sericis & auro intertextis induantur; & post se pompam trahunt in foro, Christus vero nudus obambulat necessario alimento destitutus. Post pauca: Quot pauperum ventres poterant inde pasci, & quot corpora nudè agentium poterant contegi ex his quæ à solo collo & humeris pendent, nullius alterius vsus gratia, quàm in damnum & nocumentum animæ? Et vt dictorum causam reddat: Hoc enim studium, inquit, in ornando corpore internam indicat deformitatem, & huius deliciæ illius manifestam faciunt famem, & huius vestium sumptus illius indicat nuditatem. Impossibile enim est aliquam agere curam animæ, & tanti facere corporis pulchritudinem ac ornatum; sicut & impossibile, in externo illo cultu tantopere occupatum, illius

agere curam. Ita, Chrysostomi sensu fieri non potest, vt is exteriorem cultum adeo curet, cui quidem curæ sit animus. GER. Chrysostomus hæc solis mulierculis obijcit. POL. Ignoscat mihi tuus genius, mi Gerarde, erras luculentè. etiam viros ob hanc colèdi corporis insaniam acriter reprehendit. & en verba Chrysostomi tomo quarto, homilia vigesima octaua in caput XII. epistolæ ad Hebræos. Lege, lege, hæc illius verba sunt: Non enim mihi termo ad solas mulieres dirigitur, sed etiam ad viros. omnia enim reliqua qua habemus, superuacua sunt. Soli pauperes superuacanea & vana non possident, fortassis autem etiam ipsi ex necessitate. ceterum si liceret, neque illi prorsus abstinerent. Ita Chrysostomus ad verbum. Si quis contradicat, huic ego non aliud, quam quod supra, insurrem: Ad Chrysostomum abi, cum Chrysostomo age, Chrysostomus respondebit. GER. Do manus; magis à te victus sum quàm ab Appolline Marfyas. POL. Ergo iam ad alia.

a Greg. hom. vlt. in Euang.

b Hier. l. i. in vit a Pauli, sub finem.

c Chrys. tom. i. hom. 18. in c. 3. Gen.

d Chrys. tom. i. ho. 37. in c. 15. Gen.

## CAPVT VII.

*Cultus corporis nimis, quàm à ratione, & præfci nostrique aui legibus alienus sit.*

Solebant Indi reges maiorum suorum cadavera igni siccare, deinde in palatij penetrali pretiosis funibus suspendere, auro & gemmis ornare, sic ornata seruare, & pœnè adorare. Ridenda superstitio, sed an nos non etiam in illa sumus, qui corpus in cadauerosam tabem breui abiturum sic comimus, sic ornamus, sic excolimus? Num hoc cum ratione, & rectè fieri dicendum? Sed hic opportunè monuerim, nullum mihi sermonem esse de habitu cuius hominum, etati & ordini conueniente. Sunt certæ inter homines (quis nescit?) distinctiones & gradus ab ætate, ab nobilitate, ab eruditione, & virtute, ab officijs & dignitate, sunt & certa pro his gradibus vestium discrimina, de quibus ego hic nihil, neque illos philosophos audio, qui omnes aurito pallio suo amiciunt; hoc solum con-



lum contendo, nec omnem, nec nimium cultum corpori esse indulgendum. quod probè solo rationis ductu intellexit Saladinus, ille Christianorum olim terror, qui cum Syriam, Ægyptum, & Africæ bonam partem subegisset, mortis iam vicinus in cogitationem hæc seriò descendit, & solam interiorem tunicam, pro omni pompâ funebri, in hastâ sublimem ferri iussit, cum acclamatione: *Hoc unum ex dormitore Orientis restare.*

## S. I.

**O**bfecro te, quicumque corpori plus æquo faues, & rationi tam audacter insultas, inuere Adami purpuram, quem habebat indutus, sed non ostro rubefactam. Non malè Demonax quondam pupurato alicui insolentius sese iactanti, ad aurem immurmurans: *Heus tu, inquit, hoc antè gestabas ouis. Et quoties sub tali oue ferocia lupina, pigrizia asinina, vulpina astutia, superbia pavonina delitescit; Sunt in Palæstina pompa Gomorrhæa, quorum intrinsecus fauillaceam fuliginem, extimæ cutis ambitus elegans & formosus quidem continet, at si hæc vel leui tactu premantur, fumum exhalant, & in vagum puluerem fatiscunt. Simillimum huic pomo corpus humanum est, quod sæpe cinnama fragrans, balsama rotans, & vario compectu elegans est; sed prematur nonnihil sepulchro purpurascens hoc pomum, quid exprimitur præter puluerem, foetorem, saniem? Non immerito castigat olim Athenienses suos Græcus Cicero, quod cum in Pihilippum Macedonem eundem esset, cum aggeres muniendi, miles colligendus, exercitus instruendus, ipsi turres & mœnia dealbârent. Quid nos facimus aliud? carcerem nostrum dealbamus, cum in stygium draconem iuratum & æternum hostem nunquam non sit pugnandum, cum mille alia potius agenda sint. Num hoc rationi congruū? Refert è Seneca Augustinus, ille antistitem Antistes, apud Romanes in capitolio idolis ex more lumina accensa, velut in tenebris agentibus, saluantium nomina pronunciata tanquam audientibus, speculum quasi videntibus ostensum, capillamenta pexa, vti sentientibus; easdem etiam illas statuas aquis lotas, strigilibus frictas, vnguentis permultas, linteis extersas, velut veros homines. Quam*

imitamur auidè hanc impiam religionem! Idolum habemus *Corpus*; hoc lauatur, hoc vngitur, hoc comitur, hoc colitur. Vbi speculum animo, vbi lauacrum, vbi vnguentum? Ah, sordescit dominus, dum seruus bene nitidus incedit; herus calcatur, dum extollitur mancipium, Princeps conspuitur, dum subditus adoratur, Rex cruciatur, dum epulatur famulus; necatur Imperator, dum triumphat gregarius miles. Et hoc prorsus contra omnem rationem. O improbum mancipium, ô execrandum idolum! quod in suum dominique sui malum tantis impendijs exornatur, quod videri vult & conspici, quod locum ambit eminentem, quod omnibus seruitijs vult coli; proximū est vt faces ei accendamus, & adoremus. Annon hic & ratio & veterum exempla grauissimè reclamant? GER. Optimè hæc quidem à ratione ducis, sed non æquè ab exemplis veterum, qui ab hac sapientia longissimè diuerterunt. & si quidem de corporis cultu sit sermo, quæ non hic portenta habuit priscum æuum?

*a Aug. l. 6. de ciu Dei. c. 10. Sen. ep. 105. post med.*

*1. Lips l. 2. elect. c. 18.*

## S. II.

**F**eminæ fuerunt, teste Antiphane, quæ crocodili excrementis faciem polirent. hem, eruditam insaniam, & ô dignas quæ hoc vultus sui medicamen etiam glutirent. Clemens Alexandrinus iure grauiter indignatur: Ter enim, inquit, non semel dignæ sunt vt percant, quæ crocodilorum excrementis vtuntur, quæ spumâ sepiarum vnguntur. *a* Poppæa Domitij Neronis Imp. coniux quingentas secum per omnia trahens fætas asinas, balnearum solio totum corpus illo lacte macerabat, extendi quoque cutem & vultus candorem seruari credens. aiunt enim ab hoc lacte faciem erugari & tenerescere *b*. Hæc eadem, etiam in exilium relegata, suas secum asinas trahebat. Affirmat Plinius, notum esse quoddam etiam è Romanis feminis, quotidie quingentas asinas custodito numero in hanc ipsam curam fouere *c*. O scyllas & charybdes patrimoniorum, quæ per hunc vnum corporis cultum profusissima luxuria sorbentur. Et quod illud monstrum, non femina, quæ, vt Vmber poeta canit:

*Eccc*

*incedis*



— *incedit census indura nepotum.*

Plinius visam à se ait Lolliam Paulinam Caij Principis matronam, ne serio quidem ac solenni ceremoniarum aliquo apparatu, sed mediocrium etiam sponfalium cena, smaragdīs margaritisque opertam, alterno textu fulgentibus, toto capite, crinibus, spiris, auribus, collo, manibus, digitisque, quæ summa quadringentis HS colligebat: ipsam confestim paratam nuncupationem tabulis probare. Portentum & prodigium in Oceanum deportandum! una mulier, vno corporis cultu decies centena millia philippeorum egeret sibi circumposita? Queritur iure Seneca, & : Video inquit, vniones non singulos singulis auribus comparatos; iam enim exercitata aures oneri ferendo sunt: iunguntur inter se, & insuper alij binis superponuntur, non satis muliebria insania viros subiecerat, nisi bina ac terra patrimonia auribus singulis pendissent f. De Christianis feminis Tertulianus: Aiunt & de frontibus draconum, inquit gemmas erui, sicut & in piscium cerebris lapidositas quædam est. Hoc quoque de erit Christianæ, vt de serpente cultior fiat. sic calcabit diaboli caput, dum de capite eius, ceruicibus suis aut ipsi capiti ornamenta struit g. Neque hic sexus immodico tantum pretio subinde, sed & nimio studio animi ergastulum adornat, & hoc anxie agit vt omnia corporis æquabiliter sint ad regulam. vt incessus ad artem compositus, vestigia nihil extra mensuram aberrantia dirigat, vt caput aliquot horis ornatum decore emineat, vt denique omnia cultum præ se ferant & gratiam velut si de arca prodirent, aut vt Seneca loquitur, de capsulâ totâ h.

a Clem. Alex. l. 3. pedag. c. 2.

b Plin. l. 11 c. 41. Nat. hist.

c Plin. lib. 28. c. 12.

d Plin. lib. 9. cap. 35.

e 1000000. tanti enim philippeus, quod hic & alibi notandum.

f Sen. l. 7. de benefic. c. 9.

g Tertul. de hab. mul.

h Senec. epist. 115. initio.

### S. III.

**A**T ne solæ feminæ in ius ambulent, & luxum leuant, etiam viri olim in hac no-

xa sunt. Quis nescit quàm solícite nitorem & venustatem vestitus consecrati sint Demosthenes & Hortensius, quorum iste diem college dixit, quod ei in loco angustiore fortè obuius, togæ structuram disturbauerat. Ita, mi Polychroni, veteres ne nimium lauda: leges ijs non malæ, sed victrix legum audacia, in colendi corporis studiū certatim se effudit. Pol. Quid cum prodigijs aut laruis luctemur? quod si a præsci qui moribus patrociniū queras cultui corporis, frustra es, & tuo te iaculo sauciaturum videbis, isdem tibi nominibus occorro. Constat, illum ipsum oratorem Græciæ Demosthenem propter nimis accuratum exquisitumque cultum, probriis sæpe laceratum fuisse. fecit ergo quod nec illius quidem sæculi homines probabant, Hortensium item censorum & reprehensorum voculas ob nimiam munditiem, nimisque affectatum decorem haud effugisse. si rem quo suo dignam Hortensius fecisset, in hanc reprehensionis notam non incurrisset. Quin & ipsis feminis Romæ lex Oppia, nec veste varij, coloris vti, nec auri plus semiuncia habere permittebat. Et nostro æuo an non bonæ leges, & prauī mores inter se pugnant? quam præclaræ multarum urbium sanctiones sunt in hoc vestium luxu abolendo? Promulgantur, & non seruantur, tabulæ singuntur, & negliguntur. Quàm seriō edixit Augustissimæ memoriæ Imperator Carolus V. ne quis fraudem facere legi seu latē, seu ferendæ circa rem vestiariæ. Edita est Augustæ Vindelicorum, Anno 1548. Reformatio politiæ Imperialis, quæ vt legis dicendæ causam exponat, vestitus insolentiâ his ipsis omnino verbis perstringit: Modus autem vestium ac ornamentorū, cum in tantum luxū deuenerit crueritque inter dominos, equites, nobiles, ciues, & colonos seu agricolas, hoc pacto modoque, vt idcirco nō solū priuata personarum etiam nationes & prouincia inde extenuentur, egentioresque efficiantur: videlicet eum per aureas, argenteas, sericasque indumenta, per Damascenā, Attalāsenā, Byssinā, aliosque peregrinos pannes, mitras, margaritas, vniones, qui hodie abusus ad luxū magnus est multusque in Germanica natione, ex qua traiecit atque auehitur in peregrinas & alienas regiones ingēs pecuniarum copia: vt interim de liuore, odio, atque inuidia in diminutionem ac detrimentum Christiana



*Christiana dilectionis cōiūscamus. Quando quidē igitur in tantā luxuriā, & ut ita dicam, presiositate & prodigalitate immodestia exuberat, sic ut inter Principem & Comitem, inter Comitem & Nobilem, inter Nobilem & ciuem, inter ciuem & colonum siue agricolam, nullum discrimen nullaque agnoscat differētia. Idcirco &c. Quid aliud diceret ē cathedra religiosus Ecclesiastes? Ne igitur commune malum deflere solum videatur Imperator, & inaniter queri, etiam imperat & coerecet inter cetera & hoc quod maximē mireris: Porro (verba legis sunt) Nobiles, sericas aut carmasinas atlastinas vestes non gerant. Ergo Nobiles serico abstineant? ergo natales suos corio aut panno patrio abstant? ergo nefas ijs veste sericā aut holoserica vti? certe sic lex iubet. Sed quis legi parer? iam etiam textores, cerdones, sartores in totas sibi vestes holosericum conscindunt, quod viris nobilibus, in fimbrias solum lex permittit, quæ & addit: Nobilibus totques aureos non nisi inuolutos, pro veteri ritu, nec vltra ducentorum florenorum licere gestare; euolutos torques, & sine fascia, tantum equestri dignitate auctis permitti. Eadem lex Baronibus & Comitibus vestes intertextas, seu Attalicas penitus interdicit, & nec fimbrias quidem tales assui concedit. Tu illic reliqua vide & miraberis legibus tam probatis, mores tam corruptos inualuisse, quamvis etiamnum maximorum virorum modestia sibi constet, & communem furorem exemplis lulentis damnet. Sed hoc ipsum vberius iam demonstrabimus.*

*a Gellius l. 1. Noct. Attic. c. 5.*

*b Constit. Imperiales in Reform. Polit. c. 9. 10.*

*11. 12. 13. ad fin. tomi.*

## CAPVT VIII.

*In cultu corporis quanta maximorum virorum fuerit modestia.*

**M**odestiam cultus appello eam virtutem, quæ decorem in cultu corporis, & aliorum externarum apparatu seruat. *a.* Alexander Rex Macedo, hoc etiam nomine, Magnus, & iure laudandus, quod ei cultus corporis habitusque paululum à priuato abhorrens

fuerit. Cumque corpus à labore calidum adhuc & sudore perfusum, in Cydno amne pararet obluere, decorum quoque futurum ratus est, si ostendisset suis, leui & parabili cultu corporis se esse contentum. *b.* Augustus Imperator, vel hoc ipso nomine augustior, quò modestior in hoc cultu. Hic tantus monarcha, non verbis tantum sumptuosas illas vestium elegantias exagitauit, sed & exemplis damnavit modestissimis. nam nec toto cubitauit nisi humili & modice instrato, nec temere alia quàm domestica, veste, ab vxore, sorore, & filia neptibusque confecta vti consuevit. Has sartrices, diuissimus hominum, Romanorum Imperatorum maximus domi aluit, & compendio admirando eandem & coniugem suam & sartricem, eandem & filias & nutrices suas habuit. En, cunctorum dominus, paucas quidem sibi iunctissimas feminas occupabat: nos, aliorum serui, diuinctissimas fatigamus gentes. Equidem nobis Christianis, addo, nobis & mendicis ad Augustum collatis, turpissimum est à tanto principe moderatione in hoc superari. Neque verò alij non secuti sunt post ipsum Imperatores. Hadrianus Cæsar frequenter vili tunica contextus processit in publicum, baltheo præcinctus in quo nihil esse auri. Septimius Seuerus Imp. humili amictu contentus, sic factum defendit: Imperatoria Maiestas virtute constat, non corporis cultu. Vespasianum etiam sciimus veste & habitu neglecto fuisse, & vix à gregario milite distante. Nescio an non principius adstricti moris auctor Aurelianus Imp. qui non modò vestem holosericam in vestuario suo non habuit, sed nec alteri vtendam dedit. Quid ni etiam Alexandrum Seuerum nominem, quem constat vestes holosericas nunquam induisse: subsericam nunquam donasse. Imò quod gemmarum ei fuit, vendidisse, aurum autem in erarium contulisse, dicto addito: gemmas viris vsui non esse. Quid Tacitum Imperatorem memorem, qui holoserica veste viris omnibus interdixit; toga quæ ipse priuatus fuerat vsus, nonnunquam in Imperio utebatur. Verum, ne fabulas à me narrari putes, etiam nostri aui Principes, Reges, Imperatores in cultu corporis modestissimos, paullo post tibi sistam.

*a Lessius de iure & iust. l. 4. dub. 14.*

Eccc 2

b Chr.



## §. I.

**N**Ec omittendum illustre Cari Imperatoris exemplum, quia nec Vulgatum. Narrat hoc Synesius, sed quod ille de Catino homine ignauo per errorem affirmat, hoc ad Carum qui in Persas mouit, referendum. Carus ergo Imperator, cum ad Armeniorum limites peruenisset, militem corpus curare iussit, & cibum è suo comiteatu capere, breui ex hostico (simul elata manu Parthorum agros ostendebat) petendum. Dum id agit miles, ecce adsunt hostium legati, neque tamen sperant se illico ad Imperatorem admittendos; opinabantur scilicet futurum, vt primo ad proceres quosdam aulicos deducerentur; deinde dierum aliquot intervallo ad ipsum belli ducem. At ille ad se recta iubet adduci. Cenabat tum casu, cum ingressi sunt. Et vide, mi Gerarde, quæ in victu vestituque tanti Imperatoris pompa fuerit. Iacebat in herba Carus, frequens miles circumstabat, sed argento vel auro nil cultus. vestis Cari erat punicea chlamis; cibus, vetus aliquod & nigrum pulmentarium, & in eo frustula quædam salæ suillæ carnis. Atque vt vidit oratores illos ad se ita iacentem ingressos, nihil omnino turbatus, & illos ad se vltro vocans: Scio, inquit, quid vester hic aduentus velit, hic ipse Carus est qui vobis quæritur. Sed redite, & iuueni vestro regi renunciate nisi respiscat, futurum vt intra vnam Lunam omnis illius ager, tam glaber sit & nudus, quam hoc meum caput, & simul cum dicto pileum sustulit, & caput tam glabrum ostendit, quam galea eius fuit quæ adiacebat. Vos vero manum in ollam mittite, & mecum pulcem haurite, si quidem appetitis: sin minus, statim abite, & extra Romana castra este, tanquam legatione omni iam defuncti. Ita me Deus amet, ista virum olent, imo heroëm, qui in comitatu suo, qui in victu, qui in omni vita quam minimum voluit esse tragicæ & pompæ.

## §. II.

**N**Eque Græcia viris caruit, qui cultum in animo, non in corpore posuerunt. Age-

filaus dignus rex Sparta, senex iam in Ægyptū Regi Tacho suppeditas iuit, & cum nauivēhens propinquaret, ingens Ægyptiorum turba in portum se effudit, ad celebrem illum ducem spectandum Preceperant animo, maiestatis plenum virum, veste, comitatu, ipso corpore spectabilem. At ille prodijt vili & deflocato palliolo, gregalibus suis non multum a spectu cultuque absimilis. Non impar huic Philopæmenes, Achæorum præstantissimus dux, de quo non sine lepore Plutarchus hæc narrat. Megaram iuit hic Philopæmen ad quædam suorum familiarium, cui se vespere affuturum conuiuium prægunciari iussit. Cuius ille Megarensis lætus ob talem hospitem, curam vxori mandat vt quam celerrimè domi pareret, verrat, sterneret, nec quicquam eorum omitteret quæ tanto hospiti conueniant: ipse in forum officiosus properat vt obsonet. Dum abest & rerum suarum satagit, adest Philopæmenes obsoleta amictus chlamyda, & comitibus post se relictis hospitam inquietam salutat, illa resalutat, sed vt erat curarum plena, virum non agnoscit, sed de cultu eius & corpore vnum aliquem ex ministris & antecursores suspicata: heus tu, inquit, manum admove, & adiuta: festinamus. en, paratum tibi laborem, quæso te, hæc mihi ligna finde. & vna porrigit securim, neque ille moratur: chlamydem abiicit, & vt rogatus seu iussus ligna scindit impiger: Superuenit interea ille de foro, & attonitus exclamat: Quid hoc rei est, Philopæmen, ita te & me dedecoras? Subridēs ille: pœnas, ait, do cultus & vultus mei. adeo non indignatus est se pro seruo habitum, vt vltro in se sit iocatus.

Quam nos, ad hunc virum delicari sumus! vbi vel suspicio est nostram dignitatem lædi, mox ita & impotens sui animus se prodit. superbire scimus exacte, quid sui despicientia sit, plane nescimus. Auctoritate florere volumus inuisibili: nemo nos tangat; honoris vel minimi derogationem non ferimus sine stomachi noxa. Verbo, belli homines sumus, & præterea nihil. Sed Cari & Philopæmenis modestiæ comites damus.

a Iust. Lips. li. 2. Monit. Polit. c. 15.

## §. III.



## §. III.

**Q** Vinque & quadraginta magistratus gefit Phocion, ille Athenienfium clariffimus, fed quo fit veltis genere interim vltus, calceandi ratio in eo demonftrat. Nam inter vrbanos in proverbium cefit, vt cum immenfum frigus & intolerabile fignificare vellent. Phocion, dicerent, calceatus eft. Omitto hic Synopæum Diogenem Cynicę difciplinę affectatorem, qui pallio vixit vnico contentus, tantò rigidior Antiftiene, qui eius fectæ princeps, palliū duplicauit. Reipfa hi tales viri docuerunt, etiam in hoc veltis genere viffimum effe illud: Natura paucis contenta.

Portius Cato (vt Romana Gręcis mifceamus) qui à nobiliffima cenfura quàm gefit, Cenforij cognomen tulit, nunquam toga vltus eft plaris quàm drachmis centum empta. Apud nos mediaftibi & attrienfes famuli lautius veltiuntur. Nec Catone fumptuofoſior effe voluit, Thebanus dux Epaminondas tot victorijs clarus, qui tam exactę fuit continentię, vt vnica velle contentus per ætatem fuerit, & fi quando veruftate detritam refarcire opus foret, domi fe claufum continere cogebatur, dum farta veltis rediret. Huic tam rerum inopi, quàm fortitudinis & prudentię diuiti, cum rex Perfarum magnam vim auri dono miſſiſet, modeſtè repudiavit. In qua quidem munere abſtinentia, vt mea fert opinio, celſiore animo fuit is qui tantum auri, potuit non accipere, qua qui potuit offerre. Epaminonda & Catone ditior effe noluit Agefilans. ſextus Lacedæmoniorum rex, qui ſub eadem velle & æſtius calores, & brumę frigus pertulit. Porro Dionifius Siculorum tyrannus, cetera illaudatiſſimus, hoc vno tamen in præconi partem venit, quod cum ſicarios aut depeculatores, grauib; ſupplicijs afficeret, ijs tamen qui ſplendarum veltium aut ornamentorum fures effent, iram donare difficilis non effet, quo ſcilicet facilius Syracuſani laſciuam habitus elegantiam dedicerent.

Ergo iam ſatis liquet, piſco etiam æuo exquiſitum corporis cultum veltiūq; luxum & exemplis præclariſſimis, & honeſtiſſimis legibus damnatum fuiſſe. Neque tibi, Gerarde, amplius integrū negare, quod veltium curioſas, vt Bernardus loquitur, & morum indi-

cium ſit, & mentium deformitas c.

a Sunt tantum XIII. florent. & X. feſtertij.

b *Ælian. l. 5. var. hiſt. c. 5.*

c *Bern. lib. 3. de Conſid.*

## §. IV.

**P** Riſcorum in habitu modeſtiam, etiā noſtri æui magnates ſanxerunt. Benedictus XI. ſummus Pontifex, humili loco natus, cū ad hoc dignitatis faſtidium euectus eſſet, non erubuit, ſuę paupertatis rudimenta. Mater illius, dum is inter monachos ageret, pannos lauit. Hanc, creatus iam Pontifex ad ſe venire iuſſit. Venit illa, ſed pænè alia quàm ante fuerat. Matronę illā, vt Pontificis, matrem ſummis honoribus extulerunt, & veltibus in diuerſam à priori feminam mutarunt, decere hoc rarę, pro magnificentia ſummi principis in filio. Ita in conſpectum filij producta eſt. Pontifex, vbi eam aſpexit, agnoſcere diſſimulans: quid, inquit, facitis errando? meam mihi matrem adducite: hanc ego dominam non noui, mea mater lotrix eſt, cum hac colloquar: ite. Obruebantur pudore, qui honoris cauſa matrem deduxerant. Detraſto igitur omni mundo muliebri pannuciam illi ſuam reddidere, ac denuo reduxerunt. Tum eam amplexatus Pontifex In hoc, inquit, veltium apparatu matrem meam reliqui, ſic iam noui, ſic recipio. a. O tempora, & o mores, nouos quidem ſed malos; ab antiquis illis moribus quantum mutatum eſt: quis iam è ditioribus illis non ruborem ducit, ad occuſam pauperculorum parentum aut cognatorum: ita tenuitatis noſtrę primordia erubefcimus; veſtes & numos humanius ſalutamus quam cognatum ſanguinem. Hos mores graui cenſura notans beatus Iacobus: Etenim, inquit, ſi introierit in conuentum veſtrum, vir aureum anulum habens, in veſte candida, introierit autem & pauper in ſordido habitu, & intendatis in eum qui indutus eſt veſte præclara, & dixeritis ei: Tu ſede hic bene; pauperi autem dicatis: Tu ſta illic; aut ſede ſub ſcabello pedum meorum: nonne indicatis apud voſmetipſos, & facti eſtis iudices cogitationum iniquarum b?

a *Alb. Grant. l. 8. met. c. 4.*

b *Iac. c. 2. v. 2.*

Ecc 3

§. V.



## S. V.

**P**ost Pōrifices, Imperatores & Reges maximi, maius sibi decus pararunt aspernando cultum corporis quā vlturpando. Rudolfus I. Austriacus Imperator, in vestitu adeo moderatus fuit, vt à plebeio nihil differret. & accidit vt Moguntiaci quodam manē solus egressus pistoris domum ingrederetur. & se ad prunas furno eiectas conferret, tremulas manus (aura frigidior erat) calefacturus, Hic à pistoris vxore, cum pro milite haberetur, non tantum audaces calumnias in Imperatorem iactas audiuit, sed tandem etiam vase aquario in prunas coniecto, vapore, fumoq, cinere perfusus, domo eiectus est, nec re minima vltus est. O verè virum qui adeo omnem corporis splendorem contempsit, vt ob illum etiam contemni non indignaretur. GER. Sed iste cultus eius priuatim fuit, non dubitem quin publicè plus ostenderit Imperatorij splendoris. POL. Prorsus imperitè iudicas; parce dicto. Nec in publico quidem ornatio fuit Rudolfus. Quis dies latior, & aptior pompæ, quam cum vltum Ottocarum, Bohemiæ regem, ad se vocatum, excepturus erat, & fidem ab eo (homagium vocant) accepturus? Rex Ottocarus cum magno & splendido comitatu veniebat. viri & equi, auro, gemmis, serico nitebant. Dictum Rudolfo, talem, & taliter aduentare. & sedulo à quibusdam additum: Pararet se, veste & cultu ornatio- re. tantum Regem admissurus Rudolfus re- nidens: Imo rex Bohemiæ, inquit, griseam à meam vestem sape derisit, nunc ipsum vestis mea grisea deridebit. At vos arma & equos expedite, & accincti instructique, vt ad pugnam; stare. Decus Teutonicorum armorū. non vestium, aduenis illis ostendite: hoc me vobisq, dignum est. Ottocarus certè illi vili cultui se & aurum suum submisit, & ad genua supplex accessit. Imperatorem nimirum, non vestem veneratus est.

Carolus Quintus Imperator Augustissimus, vt sanguinem ab eo, sic & hanc virtutem tæxit, in omni vita temperans, maximè vero in cultu vestium adeo fuit incutiosus, vt nō temerè alia quā amiculo laneo plebeio- que vteretur. Ostendit hoc in primo & sollemni ingressu Mediolanum. Nam cum viq, om-

nes aulæis, tabulis, frondibus superbirent, ci- nes vero vestibus quam cultissimi cum aurea umbella obuij venirent, ille & Imperator, & non semel Rex ac Princeps, in lanca & nigra penula, viliq, pileolo sub aureum illud ca- lum se dedit. Videbant illum & tamen quere- bant quem videbant. passim audisses interro- gari: Istène Carolus, iste Imperator est? cultu tam modicus? Vana plebs vestes auro illulas, & fulgentes in vestibus gemmas expectabat.

Macti virtute Imperatores! magni fuistis, quo minus corporis cultu magni esse volui- stis,

a Anno 1277.

b Latinis, cineream.

## S. VI.

**S**ecundum hunc, Carolus Alberti Neapo- litani Regis parens, tam eminuit hac mo- stia, vt præter restrictam & subductam vilem tunicam, regumentum aliud non admiserit, Ludouicus II. Rex Gallorū, gloria regnoque, imprimis liberalitate, quantum vllus supe- riorum regum, ingens, victorijs etiam clarus, lana aut bombyce induebatur, cum alij reges serico & auro radiarent. Denique Ledouic- us XI. Galliar, Matthias Pannoniar, & Alphonfus Neapolis ac Siciliar, Reges, nihilo fuere à vulgo elegantiores hoc corporis mun- do. Et Alphonfus quidem notatus à quopiam quod parum egregiè vestitus esset, respondit: Malle se moribus & auctoritate regē videri, quā diademate & purpura. Vox magnifica & rege digna. Fuitque hoc magnorum ali- quot principum laus, plebi virtute eminere, cultu consentire.

Sed quā dispares ab his Imperatores Gre- canici, quos luxur & deliciae ad culum vix vi- rilem traduxerunt, quod Nicetas Choniates narrat de Alexio Angelo Byzantino principe. Hic cum inaudijsset ab Henrico V. Imperato- re legatos ad se mitti, suos omnes quā or- natissimos, auratos & gemmatos adesse im- perauit ipse à capite ad calcem nil nisi splen- dor & nitor fuit, rarum vel in templo aliquo spectaculum, quo legatorum oculos præstrin- gendos putauit. Germani vero vt venerunt, Germanos se ostēderunt, hoc est, viros, & tan- tū absuit vt hoc aspectu in metum adduceren- tur, vt etiam ad prædē cupidinem incitarentur, nihil-



nihilque iam magis vellent quam cum effeminatis istis quam primum manus conferere. Accedentes interim Græculi, cubitis eos tangebant, & loquente digito hortabantur: viderent gemmeam Imperatoris vestem, qua ille ut floridum priatum variè nitebat. At Germani luculentè probarunt se his spectaculis minimè terri: tempus esse, ut Græci his sepositis aurum commutent ferro, nam si legatio sit irrita, Græciæ pugnandum non cum pavonibus, sed cum viris vere Martijs & in fracti animi. Hæc Germani ad Græcos iam tum verbis territos, quid si ad rem ventum fuisset? fuisset, nisi mors Henric. Imp. subsecuta, consilia ista turbasset. Hæc, maiorem partem doctissimi Lipsij verbis percerere volui, qui aurum & gemmas non digna satis ornamenta magno principe agnoscit. Et præcesserunt quo superiore, magni fastigij exempla, quæ doceant, ut dixi, virtute plebem vincere, non veste. Narravit mihi vir fide dignus, inuentas alicubi in vetusta charta subductas rationes; in his inter expensa cetera, & istud studiosè annotatum: Item; Cæsaris thoraci reficiendo 6. cruciferi expensi: O Deus! hæc priscam frugalitatem sapiunt, hæc illa tantorum principum adoranda modestia; hæc longè plus suspicienda posteris, quam si legant: Pro pallio nuptiali expensa tria millia philipporum, pro cristis & pilei ornamento mille floreni, pro thorace & caligis mille ducenti aurei, pro cetero mûdo corporis octingenti philippi, præter vniones & gemmas sparsim additas. Et hæc erubescendi luxus egregia sunt specimina! mirabuntur posteris lecturitalia, & ad audenda maiora animabuntur. Hæc forsitan admirationi sint apud imperitos, laudi nunquam erunt apud prudentiores. Et sanè quisquis serio laudari vult, non à veste, aut corporis cultu, sed aliunde laudem colligat, quod illustri facto, priusquam caput hoc finiat, ob oculos ponam.

a Lips. l. 2. *Monit. Polit. c. 15.*

## S. VII.

**E** Legans cum primis & scitu dignum est, quod Ioannes Damascenus vir miræ sanctitatis & eruditionis, in hunc fere sensum commemorat. Iter faciebat Rex Magnus, numerosa satellitum manu stipatus. In via viri

duo sordente & lacero habitu, ora macie confecti, exangues & pallidi obuios se tulerunt. Non ignorabat rex à corporis voluntaria afflictatione & laboribus, Dei causa toleratis, hunc oris pallorem contractum. Ut igitur eos cominus vidit, è curru desiliens, & prono in terram corpore illos veneratus, mox humanissime complexus salutauit. Iniquis oculis id tulerunt aulæ proceres, alienum hoc rati à regio fastigio. Ita germanum regis subornarunt, moneret fratrem, ne diadematis maiestatem ad infimorum hominum pedes deprimeret. Hæc à fratre monitus rex, verbis ambignis & obscuris respondit. Mos autem illic locorum erat, ut si quis capite damnandus, mortis præco tubicen ante illius fores canere iuberetur. Rex igitur sub vesperem ad fratris ædes lethalem hanc tubam, velut extremi supplicij nunciam misit. Audijs regis frater, & cohorrui ad fatale hoc classicum. Proximo mane atratus & lacrimis perfusus, cum omni familia ad fores palatij adest. Rex ad se accitum asperius affatus: O demens, inquit, si fratris cum quo idem tibi sanguis, & honor parè par, præconem sic exhorruisti, quamuis nullius tibi criminis conscius, ecur mihi vitio vertebas, quod supremi Regis summique iudicis olim affuturi præcones, ego non vnus sceleris reus, nuper submissus salutarim? Tu ergo dementiæ castiganda hoc factum: in posterum non è facie, non è veste iudicabis hominem. sed & illi faxo errorem suum intelligant, qui hanc tibi mentem iniecerunt. nunc saluus abi. Fratre sic correcto, quatuor arcas ligneas fieri iussit: quarum duas auro vestiri, sed cadauerum ossibus refeciri; duas alias pice & bitumine oblini, sed selectis vnionibus & vnguentis impleri præcepit, atque has ita compactas proceribus suis, in tempestiuis illis monitoribus proposuit, ut suam vtrique astimationem facerent. Illi duabus auro inductis pretium ingens impofuerunt, ut quæ iudubiè coronam & ornamenta regia continerent, ijs vero quas bitumen obdaxerat pretium leuefecerunt. Quibus Rex O boni, inquit, erratis largissime; nec me fugiebat hanc à vobis censionem statuendam. mox arcas omnes aperiri iussit. Et en, ait, stultitiæ vestræ præsens argumentum: oculis nimium credidistis, & hinc viros his diebus



mihī obuios, ab exteriori habitu imperitissime indicastis. Sed ite iam; non siferetis impunē tam impudentis iudicij errorem *a*.

Sapienter prorsus Rex iste. Quemadmodum enim stultus est qui empturus equum, non ipsum inspicit, sed stratum eius & frenum: sic errat qui hominem ex veste aut conditione, quā modo vestis nobis circumdata est, æstimandum putat *b*. Hoc non Philosophia tantum arguit, sed ratio, & Senecam testem adiungo: Equum empturus, inquit, solui iubes stratum; detrahis vestimenta venalibus, ne qua vitia corporis lateant: hominem inuolutum æstimas? Mangones, quicquid est quod displiceat, aliquo leno cinio abscondunt. Itaque ementibus ornamenta ipsa suspecta sunt: siue crus alligatum, siue brachium aspiceres, nudari iubes & ipsum tibi corpus ostendi. Vides illum Scythiæ Sarmatiæue Regem, insigni capitis decorum? si vis illum æstimare, totumque scire qualis sit, fasciam solue: multum mali sub illa latet. quid de alijs loquor? si pendere te voles seponere pecuniam, domum, dignitatem: intus te ipse considera. Nunc qualis sis, alijs credis *c*. Imo, mi Seneca vestibus & nostris & alienis credimus, & tunc demum nos, aut alios, quasi magnos suspicimus, cum laute vestitos cernimus. Absurde fallimur; & hoc est in emendis equis phaleras considerare, & balthei polimina inspicere, & ornatissimæ cervicis diuitias contemplari *d*. Quoties sub sordido palliolo culra latet sapientia? quoties in vagina aurea, plumbeus absconditur gladius? sed progrediamur.

*a* Damas. *hist. Ios. & Barl. c. 6.*

*b* Macrob. *l. 1. Sat. c. 11.*

*c* Sen. *ep. 80. fin.*

*d* Madagrens. *de Deo Socr.*

## CAP. IX.

*Cultum corporis, Sanctissimi homines quam oderint, & fugerint.*

**N**atura, omnium parens & opifex solertissima, abunde satis docuit hominem, si vnum id animal non seipsum obliuisceretur, quam non operoso sit opus velamento ad tegendum corpus. Nisi quis hanc vocare ma-

lit nouerim (quod nefas dicere) ut quæ ceteris animantibus varie regumenta tribuerit, testas, cortices, coria, spinas, villos, setas, pilos, plumam, pennas, squamas, velleras: truncos etiam arboresque cortice, interdum gemino, à frigoribus & calore tutata sit; solum hominem nudum, & in nuda humo natali die ad vagitus statim & ploratum abiecerit. Atqui sapientissime hoc egit natura, velut solerret providens, non diu placitum homini quicquid demum tegminis ei assignasset. Itaque nudum statuit hominem, docuit tamen quo sine, quibus legibus vestes sibi aptaret ipse, nimirum ut eas regerent & velarent. aerisque iniurias defenderent. At homo legibus naturæ procul relictis, eo processit ut per furorem & insaniam, non iam vestitum qui tegat, sed qui oneret & torqueat humana corpora, inter ignotas feras, inter peregrinos vermes & maris belluas, tam stulte quam laboriosè quæ rat.

Protoplactorum hominum prima vestis, & seu folia fuerunt, huic crudæ pelles succedere. Nec multo cultius vixit Ioannes Zacharæ filius, Iordanis accola, camelorum setis amictus, scortea zonâ cinctus. Christo, Regi summo, Mariæ Virginis filio, vestes quidem mundæ fuerunt & honestæ, sed, uti Isidorus Pelusiora loquitur, qualibus vsi sunt Pauperes in Galilæa *a*. Si harum pretium spectassent Pilati milites, Christum ijs amictum crucifigere potuissent, tam non fuerunt pretiosæ. Sed altius hic Æternæ Providentiæ consilium, quæ in nostros vsque annos seruari voluit vestem illam quæ arte ineffabili contexta verius quam facta; cuius magnum in opificio miraculum, maius in vsu, neque enim perpetuo vestitu attrita, neque minus habilis, sed ad corporis modulum augetur: dignissima prorsus, quæ vaticinijs multo ante laudaretur, & in Caluarie rupe in sortem abiret, ne scinderetur. Sed enim, hanc in cultu sobrietatem, quam admirando spectaculo docuit Christus in cruce nudus, in præsepio linteolis obuolutus? Inuenietis, inquit Angelus, infantem pannis inuolutum, & positum in præsepio *b*. Tam tunc diuinus infans vel murus concionabatur, & mortalium in vestitu vanissimas curas damnabat. sed eâ exhortationis dulcedine, ut delicatos illos iure pudeat non persuaderi.

deri. E  
luxum  
fastum  
hoc v  
sibi n

Qu  
stes mi  
model  
neis cu  
cruc n  
potente  
Sed cor  
sti facie  
nostran  
bitu. R  
pretios  
gine,  
ctauo,  
reo) qu  
pellibus  
thidum  
consecr  
libus a  
uolant  
raram  
mæ, su  
tum ap  
nita? V  
positi s  
signum  
tur c. S  
a f. d. l.  
b Luc. c  
c Bern.

N  
si  
vestiari  
modo i  
filius,  
Christi  
sanctio  
quam b  
quam a  
nuit, v  
Chryso  
duruisse  
riam fu  
bra mo



deri. Et en suauissimus puer, nostrum nobis luxum non exprobrat, nec amarulentis verbis fastum nostrum ut intolerabilem perstringit; hoc vnum agit ut ostendat pompam nostram sibi non placere.

Quid seruuli cunctamur, hos Domini vestes minimè pretiosas, hunc Regis habitum modestissimum æmulari? Clamant in stramineis cunis viles pannuli, clamat in cruenta cruce nuda & extrema paupertas. heu nimis potenter inuitamur ad vestitum modestiorem. Sed confer mihi obsecro, Gerarde, has Christi fasciolas & inelaboratas telas cum vestiumstrarum lasciuo & subinde monstroso ambitu. Rem miram audi, & plane monstrum pretiosè elegantia. Fuit anno à pariente Virgine, millesimo quingentesimo decimo octauo, Princeps sacri ordinis (nomen prætereo) qui talarem tunicam habuit, fuffultam pellibus, quas pellio è carduelium seu acanthidum capitelis, opere prorsus incredibili, confecit. Hem, quot centurijs, quot milibus auicularum, ad vnam hanc togam conuolandum erat? nimirum ut vnicus homo ad raram venustatem vestiretur, tot auium turmæ, suis vestibus erant spoliandæ. Adeo multum apud nos possunt Christi exempla & monita? Verissimè dixit Bernardus: In signum positi sunt panni tui, Domine Iesv, sed in signum cui à multis vsque hodie contradicuntur. Sed nos ad lineam.

a *Isid. l. 1. epist. 74.*

b *Luc. c. 2. v. 12.*

c *Bern. serm. in Natali Dom.*

### S. I.

**N**Ota lex Christi, quam discipulis tulerat, singuli singulas haberet vestes, non arcas vestiarias secum traheret, è quibus modo has, modo illas indutui sumerent. Iacobus Alphæi filius, qui ob faciem similitudinis indiscretæ, Christi frater dictus, e matris vtero sanctus sanctior dein Christi disciplina factus, nunquam balneo vsus, nec vnguento vinctus, nunquam attonsus, qui esu carniū penitus abstinuit, vinum & siceram non bibit, de quo Chrysostomus: Aiunt, inquit, genua eius obduruisse callo, tantamque in eo carnis incuriam fuisse, ut adhuc viuētis omnia fere membra morerentur, atque orationis assiduitate, in-

giq̃ue ad pauimentum corporis prostratione, frontem quoque eius callo similiter (*quod inauditum*) obductam, ut nihil fere à cameli genibus, si duritiem spectes, discreparet: hic sanctissimus vir, non laneis vestibus, sed amiculo lineo vsus est, tam membris suis quam membrorum tegumentis pie iratus. Petrus, ille Apostolorum princeps & Ecclesiæ caput, ille primus à Domino Pontifex, nihil amplius tegumenti habuisse creditur, præter tunicam & pallium, nihil aliud calceamenti, præter caligas. Illud Clementis liber, hoc Apostolorum Actus testantur. Rideant hanc tenuitatem, qui ignorant Ecclesiam ab ipso fundatam olim in paupertate gloriantem, postquam cumulari diuitijs cœperit, virtutibus decreuisse. Nemo diuitum nunc egrotos verbo sanat, tunc autem semitudi Pontifices etiam mortuos reuiuiscere iusserunt. Nec alios Domini discipulos delicato aut eleganti serico vestitos crediderim. Nec multum ab his diuersus Aurelius Augustinus, gemma Præsulum, qui vestitu calceatuq̃ue indiscreto vixit cum ijs, quibus sanctitate, scientia, dignitate longissimè antistabat. Si quis ei vestem exultatiorem obtulisset dono acceptam vnum iubeat dari, ut pecuniam inde exactam cum alijs communicaret, quando quidem vestis ipsa communis esse non posset: itaque Clericis suis officio præstitit; habitu par fuit. Facile est ei vestium pompam spernere, qui purpuram immortalitatis ambit.

Paullus, qui primus eremum habitauit pietatis studio non lancem, non scorteam, non lineam habuit vestem, sed quam inculta solitudo suppeditare poterat, e palmæ folijs contextam, illustri exemplo humanæ luxuriæ à natura repudiata, quando ipsa tam modicis contenta est. Antonius abbas, qui Paulum ope leonum velut vespillonum terræ reddidit, defuncti pallium adeo in delicijs habuit, ut illud festis duntaxat diebus indueret, tam memorabili exemplo quam Hieronymi optatu clarum, qui maluisset in vilibus exuijs Pauli quam in regum ostro conspici. Nam: si mihi Dominus, inquit, optionem daret, multo magis eligerem tunicam Pauli cum suis meritis, quam regum purpuram cum regnis suis. Porro Timotheum anachoretam non folia, sed capilli texerunt, adeoque humanam ei

ffff

speciem



speciem ademerunt, vt à Paphnutio in solitudine repertus, immanis fera primo aspectu, non homo sit creditus. vox inde hominem aperuit, quem cultus efferatior inuoluit. Felix Timothee, cui sua vestis in capite nata est. Haud multum ab similibus huic Onuphrius, & ipse eremi incola, qui consumpta veste, quæ illi vnica fuit, folijs se texit. Satis indutus est, qui sic cum Christo nudus est. Animam Onuphrij ab Angelis, aspectabili obsequio fideribus illatam tradunt. Quis nostrum rudiores pannos aspernetur, cum nudi etiam ab Angelis honorentur. Hilarionem taceo, totque alios viros sanctos, qui generosissimū, quo feruebant, spiritum sacco velabant, Patientissimus Iobus hoc exemplo illustris: Sacrum, inquit, consui super cutem meam *b*. Non minus aspera fuit interior lorica, illius Hebræi Regis, qui: Ego autem, inquit, cum mihi molesti essent, induabar cilicio *c*. Quo etiam vt veste vsus: Et posui, ait, vestimentum meum cilicium *d*. Sed hæc aliquanto vetustiora; nec recentioribus & notis destituimur. Franciscus Afflicta rigida paupertatis cultor studiosissimus, non in eremo vasta, vt illi, sed medio in luxu, crassi natiuique panni tunicam nudo induxit corpori, inductam fene cōpressit, nudis pedibus ligneas subiecit soleas, vt quantum liceret animum à corporis contagione seduceret, & celestibus donaret. Omitto innumeros Francisci cum virtute amulatores.

*a Chrys. hom. 5. in ca. 1. Matthæ*

*b Iob c. 16. v. 26.*

*c Ps. 34. v. 13.*

*d Psal. 68. v. 12.*

## S. II.

**N**Orbertus tam sanctitate quam submissione singulari clarus, dictus iam Magdeburgensis Pontifex, quia aspernabili togula & exalceatus incessit, à lanitore velut mendicus repulsus est *a*. Clareuallensis abbas Bernardus, tenui etiam & despiciore tunica est vsus, ceterum minimè sordida, cuius illud scite dictum: Vestem sordibus obsoletam, sordidæ testem esse. Ad tantorum virorum tam eximiam in habitu modestiam, an non ruborem ducant, quibus parum est, si vestis munda sit, nisi sit & nitida. Hic veniam & pacem

præfari oportet, neque vero aliena vineta egdere, aut cuiquam imporruius insultare, mihi mens est, sed monere solum, idque succincta modestia. Scio; admoneri bonus gaudet: pessimus quoque correptorem asperimè patitur *b*. Reperias forsitan, Gerarde, nostro hoc æuo viros sacros & ecclesiasticos, homines religiosos & Deo deuotos Antistites & sacris titulis insignes, qui magistri morum audire velint, qui Christi paupertatem & Euangelium verbis amplissimè doceant, sed exemplis pœnè contrarijs confutent, quibus panniculi Christi & stramineæ cunæ ludent, qui legum suarum obliti, paulatim in profanos cultus degenerant, qui comam accuratius struere, barbam cura & arte pectere collari leges suas dicere, indumentum aut colore non congruum, aut filo nimis pretiosum, aut forma parum religiosum, aut opere vltra quàm decet, sumptuosum gestare solent, qui nitorem à templis & aris in corporis cultum, aut mensarum apparatus, aut equorum phaleras transferre religioni non habent: qui mapas à cenis suis repudiarent, quas dominico Corporis subterni nimis modelte ferunt, qui numos in pauperes erogandos, in pompam effundunt, variâ sed mala liberalitate. Ego hic quidem digitorum labellis impono, sed clamat pro me Bernardus; audite sanctissimi viri iustas querelas: Nobis autem, inquit, est pro victu satietas, nec vestitum appetimus sed ornatum. quæritur ad induendum, non quod vtilius, sed quod subtilius inuenitur, non quod repellat frigus, sed quod superbire compellat: non denique (iuxta rogulam) quod vilius comparari potest, sed quod venustius, imò vanius ostentari. Et paucis interiectis. Ecce enim habitus noster (quod & dolens dico) qui humilitatis esse solebat insignis, à monarchis temporis nostri, in signum gestatur superbiæ. Vix iam in nostris prouincijs inuenimus quo vestiri dignemur Subiicit: Vanū cor vanitatis notam ingerit corpori, & exterior superfluitas interioris vanitatis indicium est. *c*

*Indumenta mollia & animi molliem inducant. d*

*a Zachar. Lippeloo 6. Iunij.*

*b Senec. l. 3. de ira, c. 37.*

*c Bern. Apol. ad Guil. abb.*

*d Monast. Trochais.*



## §. III.

**H**ic cum Bernardo non immerito quis quarat: Vbi senatus Principis Christi per urbem Hierosolymorum asina vehentis? Vbi sanctissimi Ioannis Baptistæ hirsuta tunica è camelo mutua? Vbi saccus Hilarionis, vbi melota Serapionis, vbi cilicium Benedicti? Laudamus veteres, & nostris vtimur annis. Ex eiusdem diui Bernardi epistola vnica, quam ad Henricum Senonensem Archiepiscopum dedit, quid vetat pauca delibare, vbi de sacerdotum officio: Honorificabitur autem, inquit, ministerium vestrum, non cultu vestium non equorum fastu, non amplis ædificijs, sed ornatis moribus, studijs spiritualibus, operibus bonis *a*. Quàm multi aliter? Cernitur in nonnullis sacerdotibus, vestium cultus plurimus, virtutum aut nullus, aut exiguus. Vide cum vacat, Gerarde, quæ sequantur. Illis addit: Verum tu sacerdos Dei Altissimi, cui ex his placere gestis, mundo an Deo? Si mundo, cur sacerdos? si Deo, cur qualis populus, talis & sacerdos? Nam si placere vis Mundo, quid tibi prodest sacerdotium? nec enim potes duobus dominis seruire, qui autem vult amicus esse huius mundi, inimicus Dei constituitur &c. Sed etsi ego sileo, clamatur tamen in Ecclesia, non in veste pretiosa. Nunquid etsi ego non loquor, sua cuique non loquitur conscientia? quid si alius audaciorem, illud gentilitium ingerat: Dicite Pontifices, non quidem in sancto, sed freno quid facit aurum? quàm tolerabilius cernitur in sancto, quàm in freno: hoc me etiam tacente etsi non curia Regum, tamen penuria pauperum clamat? Sileat licet fama, sed non famæ. clamant nudi, clamant famelici &c. nostrum est quod effunditis, nobis crudeliter subtrahitur, quod inaniter expenditis, nostris necessitatibus detrahitur, quicquid accedit vanitatibus vestris. Duo denique mala de vna prodeunt radice cupiditatis, dum & vos vanitando (*ignoscamus hanc vocem Bernardo*) peritis, & nos spoliando perimitis. Plura addit Bernardus, & æquæ seria. & crede mihi, non sunt è pelui hæc tonitrua. Vera hæc esse, satis loquuntur oculi; improbanda esse, abunde testantur sacri codices? Hi tantum? etiam monita priscorum, Carolus IV. Imperator,

cum Moguntia ageret, *b* forte in colloquium venit cum Archiepiscopo Gerlaco *c*. Vnà tum aderant, honoris causa, aliquot e Canonico- rum numero. Hic Imperator paullo attentius circumspiciens, obseruauit vnum aliquem profanæ elegantia hominem, cuius pileus maxime, auro & gemmis nitebat. Dicebatur is Cunoab (sed familiar, quia notæ, par- co) hunc Imperator humaniter accedens pileum ei, velut per facietas blanda manu detra- xit è capite, & suo imposuit. & quæ comitas eius erat: mi domine, inquit, dic obsecro, quis tibi nunc videor, sacerdoti an militi si- milior? Et ad Moguntiaum Pontificem con- uersus: Domine Archiepiscopo, inquit, tem- pus & necessitas flagitat, vt disciplina Cleri corrigatur, & hi vestium abusus tollantur. Patere nolunt? nec sacerdotijs fruantur: O Carole, Imperator Magne, ô veniant dies qui corrigant mores, qui tollant vestium abusiones, qui faciem meliorem restituant orbi!

*a* Bern. epist. 42.

*b* Anno 1359. Naucler. volum. 3. generat. 46. Serrarius hist. Mogunt. l. 5.

*c* Quis Elector. 26. Archiepiscopus 42. Episco- pus 82.

## §. IV.

**G**ER. Liceat hic pauca. Ergo nitelam omnē à veste proscribis, ergo nefas or- nari? Et an non vestium mundities curanda? POL. Non ego ornatum omnem accuso, la- sciuiam occuso. Eo iam ventum, vt munditiem sola pompa æstimemus, & vestis non vestis sit, nisi pretiosa. In corporis cultu plerumque non sordes fugimus sed aularum delicias ad- umbramus, nec tam vestiri volumus quàm or- nari; non calorem in habitu, sed colorem querimus. Diui Hieronymi monitum est: E- legantias & sordes pari modo fugiendas, quia alterum delicias, alterum gloriam redolet *a*. Nefcis illud Augustini? Etiam in ipsis sordibus luctuosus posse esse iactantiam, & eo pericu- losiorem, quo sub nomine seruitutis Dei de- cipit *b*. Hoc nomine non immerito repre- hensus Antisthenes, qui cum depexum & per- tulum palliolum spectantibus vanius iacta- set: aspicio, aiebat, Sacrates, per pallij scis- suram animi tui vanitatem. quin desinis te-



ipsum ostentare? Idem Diogeni fuit animus, hic cum Olympiam venisset, adolescentes quosdam Rhodios illic conspicatus, cum risu: hoc nihil est, inquit, nisi fastus. Rursus cum in Lacedæmonios incidisset, vilibus tuniculis ac sordidis opertos: En, inquit, alius fastus, tam enim Spartani squalore, quam Rhodij ornatu sese iactabant: illi, se iusto plus colebant, isti se iusto plus negligebant. Nec affectatæ sordes, nec exquisitæ delicie laudem parant. pulcherrimum est, nec turpia velle, nec nimia. Itaque non culpauerim quod pulchrum, aut decenter ornatum, sed quod inane, quod redundans, quod fastum, molliet, delicias, luxum, lasciuia, pompam præ se fert, hoc vituperō, & mecum sentit. Bilbilicus vates:

*Peñere te nolim, sed nec turbare capillos:  
Splendida sit nolo, sordida nolo cutis. d*

An nescitur medium à beatissimis teneri, virtutem in medio, & modum in rebus esse? Sed & hoc addo: Meminisse me apud Hieronymum legere: Sordes vestium candidæ mentis indicia esse. & beatus Hilariion saccum quo semel amictus fuit, nec lauit vnquam, nec mutauit, superuacaneum asserens, munditias in cilicio quærere: Plures omnino inuenias, in sacris paginis, & sapientum libris, ab illo munditiei & lotionum contemptu laudari, quam ab earundem studio. Et pars quædam pœnitentiæ est, neglectus polituræ, omniumque harum concinnitatum & elegantiarum. Isaias olim proclamat: Descende, sede in puluere virgo filia Babylon, sede in terra f. Lauat se Dauid, sed post sletum. Lauat faciem Ioseph, sed post lacrimas, quas viso Beniamino fuderat. Lauat se Iudith & ornat, sed Assyrium ducem Holofernem hoc laqueo decipit. Sanè vestitus mollis & pumicata illa ac polita mundities, libidinum fomes, oculorum rete, animorum suavis est perniciēs. Hinc Ambrosius, serius hac in re censor ausus dicere, mulierem compram, domum esse omnium infernalium dæmonum g. Hinc & Siracides clamat: Auerte faciem tuam à muliere comprā, & ex hoc concupiscentia quasi ignis exardescit h. Hinc regina Esther has tales elegantias signum superbie nominat i. Hinc & Hieronymus: Ingrediuntur, inquit, expolitæ libidinum victimæ, k. Hinc omnes

Sancti, & quibuscunque cordi fuit pœnitentia, hunc corporis cultum velut libidinis incitamentum, adeo & oderunt & fugerunt, vt inter prima semper pœnitentiæ specimina fuerit, suas corpori plumas & ornatum detrachere, vestem mutare, sacco se operire.

a Hier. epist. ad Nepo.

b Aug. 1.4 l. 1. de ser. Dom. c. 12.

c Elia. l. 9. var. hist. c. 35.

d Mart. l. 2. epigr. in Pannicum ep. 19.

e Epist. ad Rus. Mon. qua incipit: Nihil Christiano felicius.

f Isa. c. 47. v. 1.

g Ambr. l. de virgin.

h Eccli. c. 9. v. 8. & 9.

i Esth. ca. 14. v. 16.

k Hier. l. aduers. Heluid.

S. V.

Sapiens illa mulier, & regum progenies Elisabetta, plerunque trita & pœniculis sarta veste amiciebatur, gestiebat magis mendici cœronibus, quam regum ostro spectari. Fuit vt hæc sollenniori die, publico se commissura, exquisitè in reginam ornaretur, & auro gemis insuper regia corona irradians ad templum, rem diuinam auditura deduceretur à frequenti familia. Primo fere ingressu templi, crux Dominica, & ex eapendentis Christi cruenta imago incurrit oculo. Hoc illa aspectu feriri grauit, & animo sauciari, hic altum ingemiscere & velut pudefacta erubescere, lacrimas demum vi prorumpentes non continere. Mox varij cogitationum æstus in animo se prodere: En creator, dicebat illa secum, en seruator meus IESVS, nudo corpore, flagris laceratus, spinis redimitus, sanguine perfusus, in alta trabe mortem pro me obijt ignominiosissimam: At ego misera tot vitij immunda, tot delictorum rea, bysso tamen auroque, purpura gemisque culta niteo. heu vitam diuinis beneficij indignam perdo magis, quam ago. Ah, diuinum illum verticem in Pilati domo sertum spineum perforauit: ah, Domini mei aures opprobria innumeta saturarunt. At vero caput meum corona cingit aurea, me numerofum circumdat famulitium, cuncti venerantur, suspiciunt, pœnè adorant. Me mulierem infelicem! sicine præceptis Domini obtempero? itane Dei beneficia recogito? i-

stane



stane via Christi vestigia sequor? ô membrum sub spinoso capite nimis delicatum! ô me nimis dissimilem meo Domino! Adeo mentem intimam cogitationes hæc penetrarunt, ut Elisabetha iam ægrius respirare, pallorem in ore trahere, animo linq̃ui, humi demum defestis viribus collabi. Nec prius ad se redijt, quam gelide asperione fuisset recreata.

Vna hæc regia mulier altius alijs videtur cepisse, quis cultus corporis eos deceat, qui Christi disciplinam proficetur, regi Crucifixio auctorati. Elisabetham reginam subimer irascen- tem intuemini vos expoliti pauones, cultissimæ imagines, vos pompæ fercula, quibus nil magis curæ est quam speculorum, anulorum, inaurium, strophiorum, cycladum & huiusmodi nugarum vanissima suppellex. Vobis, ô mundi, pectus, vobis neant, vobis re- xunt, Belgæ, vobis Persæ: vobis Seres, vobis Indi, vobis Tyrius murex natat, vobis fragrans bacca hispidis pendet arbutculis, vobis oues Britannicæ albicant, vobis Indica sandix rubet, vterque vobis sudat Oceanus: Eo vsque decreuit apud vos virtus, creuitque superbia, ut iam pudor sit imitari sanctissimos viros feminasque Norbertos aut Elisabethas; iam optimis contemptis abire placet post pessimos: sed nec Augustum Imperatorem in vestitu frugalem prorsus & sobrium sequi lubet, sed Caium & reliquos quorum nec ciuilis vnquam, nec virilis, nec Romanus certe, nec humanus, sed insanus, & nunc femineus, nunc diuinus, ab omni autem parte profusus atque monstrificus cultus fuit. Hæc societas est vitiorum, & nouæ cupiditati inhaerentium oculorum, perque varios illecebrarum motus volitantis animi: sic virtus atteritur, sic animi corporisque vires expugnantur. Qui exemplis vult viuere, ne periculosa sit imitatio, honestissima sectetur.

*a Sur. tom. 7 Nouemb. 19. c. 7. p. 447.*

*b Fran. Petr. l. 1. de vtraque fort. dial. 20.*

## CAPVT X.

*Cultus corporis quantum malorum causa sit.*

**C**vlus corporis nimis, non solum peccatum est, sed multorum malorum vel

caussa, vel effectus, & argumentum est. Peccatum esse arbitratus Gregorius: Nemo, inquit, existimet in luxu & studio pretiosarum vestium peccatum deesse: quia si hoc culpa non esset, nullo modo Dominus Ioannem de vestimenti ipsius asperitate laudasset: si hoc culpa non esset: nequaquam Apostolus feminas à pretiosarum vestium appetitū compesceret, dicens: Non in veste pretiosâ. Isaias sane Hierosolymorum vrbi inter grauiores culpas, & hoc opprobrians: Et ornasti, inquit, te regio vnguento, & multiplicasti pigmenta tua. Christus ipse hanc cultam corporis, sollicitudinem & curam manifeste dampnans: Nolite, inquit, solliciti esse, dicentes; quid manducabimus, aut quid bibemus, aut quo operiemur? Et: de vestimento quid solliciti estis? Idololatrarum hoc est non Christianorum, diffidetiæ hoc argumentum est non fiduciæ. hæc enim omnia gentes inquirunt. Quod quid aliud est quam ordinem rerum turbare, & rei vanissimæ curâ diuino cultui antepondere: *Primum querite regnum Dei.* Quod si Deo displicet sollicitudo circa necessaria, quanto magis curiositas circa superflua? Atque, si quid theolocos audiamus, peccatum etiam letale est, si quis corpus eo animo colat, ut ad libidinem spectatores pertrahat: aut si propter cultū hūc ita semet extollat, ut alios despiciat, salutem aliorum nihili pendat, nec curet perniciosum exemplum prodere: aut si quis alios ideo sup- pilare, debita non soluere, elemosynam non erogare, aut alia demū ratione ob corporis ornatū grauius delinquere non detrectet. Neque Deus in his puniendis tardus vindex. Pretextatæ matronæ nobilissimæ, cum Eustochium virginem, coniuge Hymetio etiam iubente, ad sui sæculi lasciuam venustatem componere, manus arefactæ sunt, euidenti vindictâ Numinis. & vbi per quietem monita, necdū ornatrices manus à virgine abstineret, vincere cupiens & virginis propositum, & matris desiderium: en tibi, quinto post mense, miserabili & præmaturo interitu sublata est. Huins rei narrationem Hieronymus in hæc verba concludit: Sic gemmas & pretiosa ornamenta Christus defendit. Verissimum in hac causa, quod de alia quapiam Cyprianus affirmat: Tormenta paucorum exempla sunt omnium.

ffff 3 a Greg.



a Greg. hom. 6. in Euang. & hom. ult. in ead.

b Isa. c. 57. v. 9.

c Matth. c. 6. v. 31.

d Less. de Iure & Iust. l. 4. c. 4. dub. 14.

e Hier. ep. ad Latam de instit. filia.

S. I.

**G**ER. Quid causæ est, hæc minuta sic puniti à Deo? POL. Causam rogas, & minuta vocas? Expectatis, & grandia dices, & causam satis. has ad digitos numeremus.

Prima: Exterior hic cultus corporis, animi neglecti pœnè certum est indicium. Vti auis è pennis noscitur, sic homo è veste. Dilucidè Bernardus: Quanto amplius, inquit, corpus fotis propter vanam gloriam componitur atque ornatur, tanto interius anima fœdatur & sordidatur. Non ita curaretur corporis cultus, nisi prius neglecta fuisset mens inculta virtutibus. a Chrysostomus: Difficile est, inquit, difficile, ô dilecti, fortasse autem etiam fieri non potest, vt sic ornato corpore, simul quoque ornetur anima. sed necesse est, vt si alterutrū curetur, alterum negligatur. non est enim eiusmodi eorum natura, vt simul fiant b. De Paula non minus sancta quàm nobili matrona Hieronymus: Si vidisset, inquit, comptiorem aliquam, contractione frontis & vultus tristitia arguebat errantem, dicens: Munditiam corporis atque vestitus, animæ esse immunditiam. Venuste & grauitè, vt solet, Ambrosius? Neglecta, inquit, decoris cura plus placet, & hoc ipsum quod nos non ornamus, ornatus est. His subscribens Cyprianus: Sericum, inquit, & purpuram induit, Christum induere non possunt: auro & margaritis & monilibus adornata, ornamenta cordis ac pectoris perdiderunt. Quis non id execretur & fugiat, quod alij fuerit exitio? quis id appetat & assumat, quod ad necem alterius pro gladio fuerit & telo? &: Nullarum fere pretiosior cultus est, quam quarum pudor vilis est. c.

Ita corporis cultus, animi parum culti signum est. Nec id veteres nescierunt. Philippus rex Macedo quendam ex Antipatri familiaribus in iudicium subsellia extulit: verum vbi eum nescio quo fuco barbam & capillos tingere reseuiuit, officio mouit, & causam hanc dedit, cum in rebus gerendis non videri di-

gnum cui fidatur, qui in capillis fidus non esset. Augusto Imperatori, conuiuiorum & vestitum luxus. ægrotantis Reipublicæ signum fuit. Hic idem Imperator licentiorè vestitu filie grauitè offensus, cum illam postero die, veste murata vidisset: quanto, inquit, probabilius est hic cultus tam honestus in filia Augusti d! Hanc ob causam Augustinus: Verus, inquit, ornatus Christianorum, non tantum nullus fucus mendax est, verum nec auri quidem vestisque pompa, sed mores boni. Ergo, plerumque vbi corpus sic nitet, squallet animus. Omnis gloria eius, filie regis ab intus. e.

GER. Ne tamen, Polychroni, tot honestissimas feminas in turbam earum conijciamus, quas parum laudauimus, femina factum audire prorsus illustre, nec ab antiquo sæculo peti- tum. Hoc ipso anno f nobilissima matrona, non sanguine tantum & opibus, sed & ingenio florens, nouum vestimenti genus inuenit tantæ concinnitatis & elegantie, vt omnium oculos in sui spectaculum raperet. mirabantur aliæ feminæ, non solum vestis pretium & artificium, sed tantum ingenij felicitatem quæ hoc artificij reperisset. Pallærat perquam spatiosa & purpura serica; hanc acu pinxerunt ex auro tres Phrygiones, qui annum & amplius huic vesti assiduam operam impenderunt. Ad cycladem hanc seu pallam, quam dixi, additus est thorax feminae habilis, ex eodem purpureo serico, aureis filis pariter pictus. Primo autem die quo hanc vestem matrona illa induitui gerebat, obseruauit nimium in se oculos conuolare. timuitque ne aliæ atque aliæ noui artificij curiositate ductæ, imitari vellent quod vidissent, peterentque eius conficiendæ modum sibi dictari. Itaque ne facere rogaretur quod reculare vix posset, hortante vehementer conscientia, omnem hanc imitationem mature præcauit. Ergo vestem illam, vnico die spectatam & semel exutam, nunquam induit amplius, sed pio consilio, quod superbiæ fuerat instrumentum, religiosæ liberalitatis & eleemosynæ ornamentum esse voluit, & illum omnem mundum Mariæ Magdalene in templo quodam obtulit sacravitque. Porro ex hac vnâ tam pretiosa veste, altari sacrum frontale seu pallium, sacerdoti sacrificantis indumentum, calcei velum, libro missali tegumentum, sanctis-

simæ



simæ Eucharistiæ amiculum confectum est. En, Polychroni, etiam scemina in triumphum ducunt superbiam. Pol. Vtinam, quibus luxum illum sectari placet, norint & hanc frugalitatem siveque victoriam imitari. Sed causam alteram addo.

a Bern. in Apol. ad Guil. abb. & super. Missus.

Ec. b Chrys. hom. 18. in ep. 1. ad Cor.

c Cypr. lib. de discipl. & hab. virg. med.

d Macrob. l. 2. Saturn. c. 5.

e Ps. 44. v. 14.

f Anno 1624.

## §. II.

**A**ltera causa: Vestimentorum luxus, non tantum animi corrupti est index, sed & corruptor, fons, origo malorum multorum. Aperte Chrysostomus: Nunc autem, inquit, multa etiam alia mala nascuntur ex nimia ornandi sui cura, manifestæ suspiciones, sumptus intempestivi, blasphemiae, avaritiae, & plura habendi cupiditatis occasiones. Testem loquupletem addo Tertullianum: Quid alteri periculo sumus, inquit, quid alteri concupiscentiam importamus: nescio an impune abeat, qui alicui fuerit causa perditionis. Perit enim ille simul in tua forma, si concupierit, & admisit iam in animo quod concupiuit, & facta es tu gladius illi. Ea causa D. Antoninus Florentinus Archiepiscopus, feminas petulantiore habitu, velut illicitum diaboli, in templis non ferebat. c. Appositè quærit Chrysostomus: Quid enim ornaris, dic quæso: ut viro placeas? Igitur domi hoc facias. At verò contrarium fit, incultior domi, foras prodis cultissima. Vtinam hic tam modeste peccaremus, ut culpa se domi contineret, Sed malum hoc publicari vult, ut pluribus noceat, quo plurium oculis hanc vanitatem ingerit. Quis eam quam nulli ostenderet, induit purpuram? nemo oculis suis lautus est, sed alienis. His implendis, aut saltem in admirationem rapiendis, tot hominum omnes penè cogitationes laborant. Hoc mihi nemo persuaserit apud hos comptulos multum profundæ, aut piæ cogitationis reperiri: prima virtus, quæ apud hos exulat, notitia sui est. Et sicut ligno putrido innati vermes, lignum magis corrodunt: sic è superbia, vanitate animi, cupiditate oculorum, superfluous cultus, &

vestium luxus nascitur, idemque post luxum superbiam auget, erigit, consummat. Abartifice diabolo sunt hæc irritamenta, quæ de proximo curant lasciviae mercimonia, & obstrepunt pudicitiae disciplinis. Hinc illa Lacorum secura lex, cuius servandæ curam gerebant Ephori (supremus magistratus) ut quotidie obirent inspectiones vestimentorum; si quid in illis forte à decenti iustoque ornatu alienum inveniretur. Eandem ob causam apud Syracusanos lege cautum erat, ne mulieres auro, veste florida, contextu purpureo vterentur, nisi quæ pudicitiam vulgassent. ne quis etiam vir superuacua veste modum excederet. Factum bonum: nam si Tertulliano credimus, pudicitia non tantum in carnis integritate, sed & cultu simplici munditie consistit. Non minus præclara lex illa veterum Francorum, quam totidem verbis describere non piguit. Hæc est:

Nemo plus vendito aut emitto, quam sagum optimum & duplum XX. solidis: simplex X. Vilnos autem minoris: Roccum Maritimum seu Lutrimum optimum XXX. solidis. Sissimum optimum X. solidis Qui secus faxit XL. solidis multator, & delatori XX. solidos exsoluto.

GER. Prisca hæc sunt, & ad Euandri matrem pertinent. Pol. Ergo etiam nostri sæculi vis specimen? Antuerpia Europæ oculus, inter plurimos laudum titulos, hunc quoque tulit à suo encomiasta, qui de nobilissima hac urbe: Magna, inquit, ubique maiestas oculorum, incessus, oris, vestium: in quibus nihil quod libidinis negotium curet. nulla hic purpura multo saturata conchylia, intexta auro, coloribus distincta; aut sane non nisi per quam rara. Plurimum pulla veste gaudent: & responderi innatæ morum gravitati & modestiæ. vestitus enim pudoris prænuntius est. nam mores fere habitus prænuntiat. gravitatem ergo hic & quamdam maturitatem sapit. nihil leve, nihil quod matronalem, nihil quod virginalem pudicitiam dedecet. d. Itaque honestatis exempla non desunt, sed imitatores,

a Chrys. hom. in epist. ad Coloss.

b Tert. lib. de cult. fem.

c Sur. tom. 3. in vita illius.

d Carolus Scribanus in Antwerp. tit. 5.



## §. III.

**T**ertia causa, dispendium temporis, quod corporis cultum sequitur. Notum illud Comici? Dum moluntur, dum comuntur annus est. Sanctus Nonnus Heliopolitanus Presul, cum videret Pelagiam, mulierem vulgarem ad vnguem vndeque gemmis & auro cultissimam, forte tum transeuntem; in eius contemplatione aliquantulum oculis defixus, dein ad circumstantes versus: Et quot, inquit, horas putatis hęc mulier expendit, dum se in cubiculo comit, lauat, vngit, componit, ornat, dum se omnium oculis quam exactissimè polit? & nos quantillum temporis, neque id sine nausea, infumimus, vt Deo placeamus? Cum dicto in lacrimas & preces solutus est. Et certè à Deo hoc impetrauit, vt Pelagia ex impura, in castam & pudicam mutata, longe aliter finierit quam cœperit, vitæque pessimæ clausulam optimam apposuerit. *a.*

O temporis iacturam irremediabilem! quanti horulam emerent vel vnicam ad inferos deiecti? & nos tot horas optimas prodigenter pessima perdimus magis quàm viuimus. Bernardi querela est æquissima: Tempore nihil esse pretiosius, sed eo nihil aut vilius haberi, aut peius expendi. Transeunt, inquit, dies salutis, & nemo recogitat: nemo sibi non reditura momēta perisse causatur. *b* Cum re vera tamen dispendium temporis vel modicum, dānum sit grauissimum, dānum sit irreparabile, nec vllō auro reconcinnandum. Crede mihi; Gerarde, si cultus corporis aliud malum non inureret, nisi hanc temporis amissionem, nullo cēsu sat æstimandam, dignus esset utique quem modis omnibus detestamur. Thomas Morus, ille martyrū æmulus & Anglię gemma, litteris & pietate clarissimus vir dicere solebat: *Quā plurimos in hac vita eo labore infernum mercari, cuius vel dimidio calum lucrati fuissent c.* Cumque hic ipse vir sanctus interueniret virgini ad speculum stanti, quæ multo cum labore, nec sine dolore comas nodo coquebat, & tunicam, quo gracilior videretur, arctissimè stringebat, tam festinè quā sapienter interpellās: *Nisi Deus inquit, tibi pro hoc tuo tāto labore infernū reddat magnam tibi profecto iniuriam faciet.* Ita est, hi tales labores malo otio peiores sunt, nam

& temporis pretium auferunt, & pestem afferunt non vnus vicij.

Alexandriam contenderat Pambus deremita, ab Athanasio episcopo accitus: occurrit in via mulier sumptuosius ad delicatius ornata, quæ omnium oculos in sui spectaculum flexerat. Hanc vt Pambus tacito stupore conspexit, attonito similis hæsit, vt Nonnus, & protinus in lacrimas iit. Rogātibus socijs, quid hęc lacrimæ sibi velint, duplex mihi causa flendi, respondit: vna, quod videam hanc mulierem sibi alijsque exitio esse: altera, quod ego ah neutiquam tantum studij ac curæ adhibeam, vt mihi prosum & Deo placeam, quantum femina illa, vt sibi obicit & Deo displiceat. *c.* Certè hoc paullo aliquid supra dementiæ malum est, fatigari in suam perniciē. Apagē sis hunc impium laborem, si non possim corpus colere, nisi velim tempus perdere. *a* *Sur. in vit. S. Pelag. Herib. Rosvveid. in vitis Patrum. lib. 1. pag. 377.*

*b* *Bern. in Euang. Ecce nos reliquimus omnia &c. multum ante finem.*

*c* *Stapleton. in vita Mori c. 12.*

*d* *Alij, Pammon.*

*e* *Rufin. Aquil. apud Rosvveid. num. 164.*

## §. IV.

**Q**uarta causa. Cultus corporis non alium vllum aut fructum querit aut finem respicit, quam *vanam gloriam*. Sæpe plus expēdimus vt oculos pacamus quàm vt ventrem. Verissimè Seneca: Non sunt, inquit, homines ad popinam dentibus, & ventre, & ore contenti, oculis quoque gulosi sunt. *a.* Nec ille inficere dixit: Mundum esse animal mirabile, quod maiores habeat oculos quàm ventrem. Ergo, vt os hominum mereamur, oculis placere cupimus, & vt laudatores habeamus, spectatores ambimus, & tum demum operæ pretium fecisse credimus, cum voces illas audimus: En, quàm scitè, quàm eleganter, quàm venustè vestitus! en hominem ad omnem gratiam exultum! Nimirum tanti est Deum laedere, vt ab homine lauderis. quā vnā re vti nihil in se, vanius, ita diuinę legi, & Christianæ disciplinæ nil repugnantius. Meo iudicio liberalissimè desipit, qui ob cultiores vestes vult aut ditior, aut doctior, aut ceteris dignior videri, quasi vero equum phaleræ faci-

cians



ciant generosum? aut quasi vero interior do-  
 mus ideo speciosa sit, quod foris magnifica  
 se specie ostendet? Helenam olim pingebat v-  
 nus aliquis à tironibus Apellis, eamque pictu-  
 ram auro liberalius quam artis erat obduxe-  
 rat: vidit hoc magister, & istud pingendi  
 compendium minime probans: O adolescens,  
 inquit, cum non posses pingere pulchram,  
 pinxisti diuitem. Tales sunt qui ab exteriori  
 corporis cultu formam sibi quaerunt, & nescio  
 quod nomen vel auctoritatis splendorem ve-  
 niantur, simillimi templis Aegyptijs de qui-  
 bus erudite Clemens Alexandrinus: Apud A-  
 gyptios, inquit, templa, porticus, vestibula  
 ac luci magnifice instructi, & atria multis  
 columnis cincta sunt. Parietes autem lapidibus  
 externis & artificiose depictis resplendent.  
 Ita ut nihil desit. Aedes enim auro, argento &  
 electro collucet, & ex India ac Ethiopia va-  
 rijs fulgentibus lapillis: adyta vero intextis  
 auro adumbrantur peplis. Sed si penetralia  
 templi ambitus subicris, & ad eius quod pre-  
 stantius est spectaculum properans, imaginem  
 quæ templum habitat, quaeris, non inue-  
 niatur Deus qui quaeratur & expectabatur  
 sub tanto apparatu, sed felis, vel crocodilus,  
 vel serpens indigena, vel aliqua eiusmodi bel-  
 lua, quæ templo quidem est indigna, sed an-  
 tro speluncae, ac cano magis congruit. Ita  
 corpus nostrum, velut templum, variam si-  
 bi venustatem adsciscit ex crine, à pigmentis, à  
 veste; filix eorum compositæ, circumornata  
 ut similitudo templi *b*. En templum, sed Deum  
 intus quære huius ædis incolam, & reperies  
 animum ignorantem, indoctum, rudem,  
 pusillum, abiectum, sordidum, impurum: en  
 crocodilum, en selem, en colubrum in cul-  
 tissima domo habitantem. Vir magnus & e-  
 ruditus (nuperrimè mihi narratum) iuvenem  
 cetera cultissimum, sed indoctum & Roma-  
 ni sermonis penitus ignarum, Latine insti-  
 tuit examinare. hic misero nec vox erat nec  
 sensus. Cum cantharo & poculis loqui didi-  
 cerat bonus iuuenis, non cum viris doctis:  
 Bacchum nouerat & Cupidinem, non Musas,  
 ita vel pisce magis mutus stabat, & ne omni-  
 no feriretur, terram pede terebat. Vbi ho-  
 minem vir ille doctus tam amulum vidit:  
 Pulchra est, inquit, bestia; sed dolendum,  
 eam nil didicisse quam superbire. De hoc tali

homine verissimè dixeris: o pulchram statuat  
 modo ei cerebrum non decesset! o plumbeum  
 gladium in aurea vagina! o elegans templum,  
 sed in quo Ignorantia pro Dea colitur.

Innocentius Pontifex hoc ipsum sapienter  
 adstruens: Quid, inquit, aliud est pretiosior  
 ornatus, quam sepulchrum foris dealbatum,  
 intus spurcitia *c*. Cræsus rex Lydia ornatus,  
 sublimi solio residens, Solonem interrogauit,  
 an pulchrius vnquam spectaculum vidisset?  
 Vidi, respondit, in gallis gallinaceis phasia-  
 nis, atque pauonibus *d*. Certè pauones su-  
 mus; spectari volumus, & ab hoc spectacu-  
 lo quod alijs præbemus, laudari. Xantippe  
 olim Socratis vxor, lautius se vestierat, à ma-  
 rito causam eius rei interrogata, respondit se  
 spectaculum prodituram. o mea coniux, inquit  
 ille, non ut spectes, sed ut specteris, sic vestiris.  
 Vanitas vanitatum, dixit Ecclesiastes (osten-  
 duntur enim istæ res, non possidentur, & dum  
 placent, transeunt) vanitas vanitatum, & o-  
 mnia vanitas *e*. Et quid vanius ijs homini-  
 bus, qui quo meliorem habent togam; eo si-  
 bi meliores & ipsi videntur: qua vnain re bi-  
 errant. neque enim minus falluntur quod me-  
 liorem putent togam suam quam quod se. Cur  
 enim si vestis vsum spectes, tenuioris fili la-  
 na præstat crassiori? At illi tamen tanquam  
 natura non honore præcellant, artollunt cri-  
 stas, & sibi plus pretij credunt accedere ab or-  
 natu, honoremque quem vilis vestiri spe-  
 rare non essent ausi, elegantiori togæ velut  
 iure suo exigunt, & prætermissi negligentius,  
 indignantur *f*. Vanitas vanitatum! Et hanc  
 Anglus quispiam non è plebe, tam festinè  
 quam opportunè oculis subiecit. Londini  
 in Angliæ metropoli moris est, ut ciues pri-  
 marij, præsertim ex decuriones, statis diebus  
 apud Prætorem vrbis prandeant, etiam inuo-  
 cati. Ad has ergo Prætoris ædes, cuius honeste  
 quidem, sed non delicate vestitus venit, cum  
 ceteris pransurus. Verum à ianitore, velut eo  
 cætu indignus, repulsam tulit. Ille causam  
 erroris facile addiuinans, domum rediit, ve-  
 stem mutauit, structus processit & priorem  
 aditum denuo tentauit. Iam notus, iam  
 gratus hospes admittitur, accumbit, pran-  
 det. Prandio iam expirante, & ceteris gratia-  
 rum actionem parantibus ille togam sibi de-  
 tractam imponit mensæ, & obseruantia sin-



gulari venerabundus, suæ vesti ob prandium illud gratias agit amplissimas. Alijs insolentiam facti mirantibus, sui consilij rationem memorauit cum risu & applausu omnium. Vanitas vanitatum! quæ nos gloriæ sed vanæ, sed stultæ facit mancipia. Pulchre Chrysostomus: Gloriantur, inquit, in re quam vermes & gignunt, & perdunt *b*. Nosti, Gerarde, aues in nuptijs Aquilæ indignissime tulisse, v

u

pam auem pastu alias obsecnam, tamen ob versicolores pennas & plicatilem cristam ceteris præferri. Non minus stultum est laudare vel honorare quempiam, ob vestem potius aut formam, quam virtutem. Hinc ille *i*, non immerito in suas ipse vestes sæuij, quamuis ridicula crudelitate. Expertus is fuerat sibi in obsoletiore toga ad forum descendenti, honorem illum minimè deferri, qui tamen in nitida veste prodeunti, magno ceremoniarum apparatu deferrebat ab omnibus. Idcirco cum è publico domum redijt, vestem humi abiectam pedibus calcans: Esne tu honoratus ille vir, inquit, an ego? tibine honor iste tribuitur, an mihi? Vanitas, vanitatum, & omnia vanitas.

*a Sen. Nat. qq. l. 3. c. 18.*

*b Clem. l. 3. padag. c. 2.*

*c Ps. 143. v. 12.*

*d Lib. de vilit. condit. hum.*

*e Laert. l. de vit. Phil. c. 2.*

*g Eccles. c. 1. v. 2.*

*h Th. Morus. Viop. lib. 2.*

*i Chrys. hom. 1. in ep. 1. ad Tim.*

*k Hermannus Buschius.*

#### S. V.

**C**ausa quinta: Vestium luxus & numos dissipat, & rem domesticam frangit. Pecuniarum comparcere difficile est, vbi tam multiplex imperium iubet effundere. Crumena sepius hiet necesse est, vbi corpus studiosius ornari cœptum est. Iam hoc iam illud deest, aut certe deesse fingitur, modo istud, modo aliud argento pensandum. Res tam nota quam mira est neminem egenum esse, cum superbiæ negotium agitur. Petunt pauperes? non suppetunt numi. Corpus ornari postulat? iam abundamus. Opem pecuniariam rogant amici? iam pridem ipsi egemus. Noua vestis cometicenda est: iam turget marsupium. Opifici-

bus merces soluenda est? differri hoc potest in aliud tempus. Nouum collarium genus repertum? simile quamprimum conficiatur. Necessarium quid domesticis emendum? expectent; pecunia deficit. Nuperus & nouitius corpori cultus parandus? paratur; superest loculis quod dent. Ita paupertatem nunquam peius odimus, quam cum vestium nitore aduersum it. Tunc opulenti sumus, cum sumptus faciendi in corporis lenocinium. Iure Bernardus queritur: Inueniunt curiosi quo delectentur, & non iuueniunt miseri quo sustententur. cum periculo animæ acquirunt, vnde oculos hominum delectent. Neque hic formidamus nomina facere, & æs alienum cogere, modo vestis splendeat, quisquis nomina expungat, aut ære alieno nos leuet. Fit quandoque vt quis in veste se iactet quam adhuc sartori & mercatori debet. neque iniuriarum agi posset qui accederet & moneret: heus tu, hæc vestis nondum est tua, quid te in aliena vendis? tuus creditor suam appellat. Et quam turpe est corniculæ plumis non suis superbire? Sed ea est libido quorundam sumptuosè se vestiendi, vt nullas expensas seu suas, seu alienas vereantur. Hinc monstra illa & prodigia: Nero nullam vestem bis induit: Heliogabalus gemmas ab optimis artificibus sculptas in calceamentis ferebat, quæ nunquam iterabat; sed nec linteamen lotum vnquam attigit mendicos dicens qui lotis vterentur. Nec nostro quo talium mostorum inopia est. Gualterus Raiolæus ille apud Anglicanam Cleopatram nimis graciosus homo, visus est in aula crepidas gestare ita gemmis distinctas, vt 6600. hoc est, sex millium sexcentorum aureorum & amplius æstimerentur. Ante annos non adeo multos, cum feminarum symmata etiamnum in vsu essent, sed minimè laudabili, Comitissa quædam in materiam vbius huiusce symmatis, florenorum duo millia & quingentos, opifici vero in manupretium & pro opere faciendum quinquaginta florenos numerauit liberali manu. Sunt, quibus fortunas omnes veste baiulare ac deterere pulchrum est, tanta stultitia contemnere audent opes, qui iactant; qui gerere malunt quam possidere. Si aliquibus omne in ornatu patrimonium est. Et eo iam luxus vestiumque pretia excreuerunt.



zunt, vt quo vestitu olim Comites, Marchiones, Duces vti fuerunt, illo nunc noui homines & infimæ nobilitatis viri feminæque vtantur, & qui antea nobilium erat habitus, is iam plebeculæ & mechanicis vix approbetur. Hinc pretia rebus sic inflammantur, vt iam inter maximos sumptus numeretur, Teg: Verissimè Saryricus etiam de nostro hoc æuo.

*Hic ultra vires habitus nitor; hic aliquid plus*

*Quam satis est: interdum aliena sumitur arca.*

*Commune id vitium est, hic viuimus ambitiosa*

*Paupertate omnes — a*

Quando ergo Principes suum famulitium splendore & sumptu vestium agrè superare queunt, rectissime sapiūt, qui sumptuosissimum hoc certamen detrectant, & quos luxu nequeunt, vincere conantur modestia. Olim qui mollibus vestiebantur, in domibus Regum erant. Desierunt iam ista sæcula, alijs nunc moribus viuunt. Etiam in tabernis, tugurijs, casis sunt qui mollissimè vestiātur, quique potius sordide & parce cenare, quam minus sumptuosè vestiri velint. multi malunt malè esse, modo bene & opipare vestiantur, adeo etiam gula multum superatur à superbia. Mirum! faccus optimo tritico refertus, trioboli fune stringitur; faccus noster, corpus nostrum immunditijs plenum, non tam vestimentis quàm ornamentis sumptuosissime vult cingi.

Vociferatur Amos propheta: Væ vobis optimates, capita populorum, ingredientes pompaticè domum Israël b. Quantis hodie clamoribus ageret vates, si cerneret quo apparatu, quantà pompâ, non optimates solum, sed & è plebe vterque sexus in templa sese inferret Numen suppliciter exoraturi, quanta possunt ostentatione in edes sacras, velut ad choreum conueniunt ad diuinum cultum properant, sed vt suum ostendant. Num hoc, Gerarde, mores Christianos sapit? Theophylactus velut templi custos, compitiorem feminam examinans: An saltatura, inquit, ad Ecclesiam pergis; nunquid hic nuptias & lasciuix oblectamenta conquiris? num vt tui spectaculum præbeas aduenisti? Non iste supplicis est habitus, accessisti vt Deum pro peccatis tuis depreceris, vt cum gemitu & la-

crimis veniam petas; quid te ipsam ornare improbo & intempestiuo studio contendis? Profecto hæc curæ nec domos ditant, nec templa ornant: illæ sumptibus exhauriuntur, hæc leuitatibus & petulantijs implentur.

a *Iuuen. sat. 8. v. 180.*

b *Amos c. 6. v. 1.*

## S. VI.

Causa sexta: Ostentatio hæc vestium siue modo est, nec finem inuenit. Quod præclare docuit Clemēs Alexandrinus. Ebriosum esse, inquit, & vinosum, etsi sunt magna vitia non tamen tanta, quantum est nimium sui ornandi studium. Mensa plena & frequentes calices satis sunt ad implendam ingluuiem. At qui auri, purpuræ & gemmarum nimio studio tenentur, ijs nec quod super terram, nec quod sub terra est, aurum suffecerit. Dum ergo cupiditatis limites sibi non constituunt, in impudentiam impingunt. his enim opus est & theatro, & pompa, & spectatorum multitudine, & errore in sacris, & diuturna mora in triuijs, vt sint manifesti omnibus Ita vitia nec finem habent, nec modum, iuuatque ludere impendijs, & lusus hos geminare, dum quotidie aliquid nouitatis sumptuosius adijcitur. Linum aut byssum patriam pridem fastidimus, peregrinam quærimus. Belgicam aut Batauam quantonius pretio mercamur. muscus quo chirothecæ aut vestes imbuendæ, ab vltima Thule & terræ finibus apportetur necesse est; omnia vicina & quæ vilioris pretij sunt, sordent. Sic earum vestium summa commendatio est, quarum odor inuitet etiam aliud agentes. O Gerarde, malè olet quicquid carnem olet, etiamsi molchum oleat. Sed & hoc spectamus in cultu corporis, vt is plus artificio debeat quam naturæ, & maius pretiū sartor exigat quam mercator, labore materiem superante. Noui virum doctum dicere solitum: à Iuriconsultis quibusdam minores sumptus fieri in libros & Iuris codices, quam à multis feminis in mundum & concinnitudo. Finem non inuenit, & modo caret ambitiosus hic vestium cultus, qui iam olim excogitauit qua ratione araneorum textura in amictum transiret. diserte Plinius affirmans: Telas, inquit, araneorum modo texuit, ad vestem luxuræque feminarum quæ bombycina appellatur a.

G g g g 2

Telas



Telas illas raritate texturæ, & macularū per-  
uia latitudine eralucidas, seu vestem Coam,  
cum araneorum opere confert Plinius. Sed  
an non hoc extra modum est, sic vestiri quasi  
arantos textores habueris, & eorum retia  
in vestem aptaris? O quantum à lorica disces-  
sere mores, vt oneri sint etiam vestes! ô quam  
commodè possemus vestiti esse sine commer-  
cio Serum & exoticis his delicijs! Pruden-  
tius olim iure querit & indignatur:

*Nūm pudet esse viros: quarunt vanissima que-  
que*

*Quis niteant: genuina leues vt robora sol-  
uant.*

*Vellere non onium, sed Eo ex orbe petitis;*

*Ramorum folijs fluitantes sumere amictus*

*Gaudent, & durum scutulis perfundere cor-  
pus:*

*Additur ars, vt fila herbis satura recoctis*

*Illudant varias distincto stamine formas.*

*Vt quæque est lanugo ferè mollissima tactu*

*Pettitur, hunc videas lasciuas præpere cursu*

*Venantem tunicas, animum quoque versicolo-  
rum,*

*Indumenta nouis texentem plumea telis.*

D. Hieronymus ad Letam de institutione filij  
in eandem hanc nimiam & pellucidam mol-  
litiem inuectus: Spernat, inquit, bomby-  
cum telas, Serum vellera, & aurum in fila len-  
tescens, talia vestimenta paret, quibus pella-  
tur frigus, non quibus vestita corpora nuden-  
tur b. In Marcellæ viduæ epitaphio ad Prin-  
cipiam virginem: Solent enim, inquit, purpu-  
rillo & cæruſſa ora depingere, sericis nitere  
vestibus, splēdere gemmis, aurum portare cer-  
uicibus. Nostra vidua talibus vsa est vestibus  
quibus arceret frigus non membra nudaret au-  
rum vsque ad annulli signaculum repudians.  
At nos plerunque omnia nostra, bona & pul-  
chra esse malumus, quàm nos ipsos & ani-  
mum nostrum. Vir nobilis & opulens Aristip-  
pum, philosophum in eſes suas introduxit, &  
circumduxit quæqua vsus. Varia vbique &  
pretiosa suppellex, summus in omni angu-  
lo nitor, & accuratissima vbique mundities.  
Et iam gratiæ agendæ erant ab eo qui sic hu-  
manè fuisset deductus: cum ecce philosophus  
spiritum colligit, & in ipsius heri barbam iacit.  
Ille, quasi coniecto in se Tisiphones angue,  
totus in fermento esse & ardere ira. Philoso-

phus vt huic incendio, verborum lymphas af-  
funderet: quæso te, inquit, ignosce, totam  
domum lustravi, nec augulum reperi qui im-  
mundior esset hac horrente tua barba. vide-  
bar ergo rectè facturus, si in locum domus tuæ  
sordidissimum has oris sordes eijcerem. GER.  
Hic silentium rumpo, vel te inuito. Quanta &  
quàm incredibilis huic Philosopho fuerit, au-  
dacia? POL. Longe maior est sed tectior dia-  
bolo. vaferrimus hic philosophus ex Orco,  
vbi in homine omnia compra videt & ex-  
cultat, præterquam animum hominis, varijs  
eum suggestionibus conspuit. & hoc prolixè  
agit, vt tanto magis sordescat animus, quan-  
tò magis nitescit corpus. Erubescat ergo se-  
ipsum homo malum & turpem, inter res suas  
bonas & pulchras. Et sane vestes pudori no-  
bis sint potius quàm honori. Nam vestis a-  
peritissimum signum est, & primū omnium pa-  
rentem fuisse furem, nisi vetitum malum è  
paradiso subiectum fuisset, natua etiamnum  
pulchritudine gauderemus. Quis vero stig-  
maticorum, stellantem & cauterio inuſſam  
frontem in laude ponit? Neque ad claudi  
aut loripedis gloriam facit, ligneo pede gradi  
vel argenteo, cum defectus fulcrum sit, non  
argumentum roboris; neque est quod scabio-  
sus triumphet si scabiem panniculis nitidiori-  
bus velet. & quid ægrotus cataplasmatum aut  
medicamentorum copia, superbit? Quid er-  
go nos vestes notissimi furti argumentum inter  
decora nostra numeramus? GER. At vestes  
ornant nos. POL. Hoc laudis esset, si nos illas  
ornaremus.

a Plin. l. 11. c. 22.

b De hoc queritur Sen. l. 7. de ben. c. 9. & in Con-  
sol. ad Helu. c. 15. & epist. 90.

c Alij Diogenem, quisquis fueris.

### §. VII.

Causa vltima: Iactura nominis & famæ  
Nos laudem aucupamur ambitioso ha-  
bitu; plerunque contra fit, & vituperium re-  
portamus, aut in suspicionem sinistram veni-  
mus. Rex Ochozias, nuncios suos ad se re-  
deuntes interrogauit, cur spe citius reuerteren-  
tur? At illi remissos se aiebant à viro, qui oc-  
currebat in via. Institit porro rex quærere, cu-  
iusnam habitus esset vir ille qui occurrisset, &  
mox è viri veste colligens quis esset: Elias  
inquit,



inquit, Thesbytes est, hic ipse est a. O mi Gerarde, si te viderint alij adeo comprum & velut pumice expolium, non te dicent Eliam, sed Thraſonem, sed Pauonem, sed cultam statuam. Animum nostrum referamus ijs qui nos vident; defectus nostros aperimus spectatoribus nostris, eosque qui fortè nos frugales & sapientes censebant, errasse ostendimus. Latentis in animo vanitatis indicium est, ambitiosior corporis ornatus. quam vero prona & facilis post hæc indicia, suspicio? Salomon dum se tantopere in sui cultu occupat, Dei obliuiscitur, & sensim per tot corporis lenocinia ad gentium idola turpissimè deflectit. Verè dedit maculam in gloria sua; b. & sapientiam stultitia confundit. Quando nux ante tempus corticem abijcit, intus se corruptam ostendit. Quando Christianus exteriorum habitum disciplinæ Christianæ congruum rejicit, hærescentis in animo vermiculi cariem prodit.

Vulgare fererum efferendis cadaueribus assignatum, nunquam decentius vestitum cernitur, quam cum cadauer in illo recumbit: ah multi tales, & huic feretro simillimi sunt, qui corpus suum tunc maximè ornant, cum animum letali culpa emortuum circumgestant. In hunc talem Abacuciam olim pronuncians: Ecce iste, inquit, coopertus est auro & argento, & omnis spiritus non est in visceribus eius c. Tam varia, tamque disparia simul ex æquo curare non possumus, corpus comere, & animum excolere vix eiusdem hominis est. In nimium diuersas curas hæc agunt, quantoque plus sollicitudinis huic impenditur, tanto plerunque minus alteri. ita dum corpus cura & diligentia nostra complectimur, animum otiosi & negligentes fere transimus: nimirum ut seruus niteat, herus in squallore est. Arca testamenti erat intus obducta auro, at foris cooperta cilicio: sit animus noster amore diuino plenus, parum interest, qualem se ostendat exterius. Cordis penetrabilia virtus occupet, nec anxius eris qua veste corpus alienis oculis commendes. Commemorat Paulus probatissimos homines priscæ legis, camelorum & caprarum pelles vice vestium habuisse d. Sciebant se nudos in hunc Orbem prodijisse, nec aliter discessuros.

Nescit natura diuites, inquit Ambrosius,

quæ omnes pauperes generat. neque enim vestimentis induti nascimur, nec cum auro argentoque generamur. Nudos fudit in lucem egentes cibo, potu, amictu; nudos recipit terra quos edidit; nescit fines possessionum, sepulchro nos includit cespès angustus, qui & pauperi abundat & diuiti, & terra viuentis, quem non cepit affectum, iam diuitem capit e. Eodem sensu Seneca: Nemo, inquit, nascitur diues: quisquis exit in lucem, visus est lacte & panno esse contentus. At ista non cogitat; alios mores sapit qui vestes lautiusculas tam providè quærit, atque hoc vnum agit ut placeat, sed plerunque hoc vnum minimè omnium impetrat: sapissimè alia omnia dicuntur quàm quæ in laudem. En, aiunt, polittissimam statuam, en pauonem speciosè ingredientem, en vestitus insolentiam, en cultum censu maiorem! Vnde huic homini ad hanc lautitiam tam diues crumena? tam magnificè non incederet, nisi & aliena marsupia emungeret, en ostentationem inanissimam, en pompam idoli! Et quis tandem est hic Traso, quâ domo, quâ gente, quinam ipsius progenitores? homines è pago, rustici, gens agrestis: ille ipse olim olus vendidit, & nares brachio absterxit, noluisse de manu eius panem accipere, nunc quantus, quam sublimis est? Hæc illa sunt elogia, hi speciosi tituli, quibus liberalissime afficiuntur iij qui sui status & ordinis rationem ignorantes, in vestitus elegantias plus expendunt quam laudari possit. Ita melioris notæ famam non auget, qui corporis cultui tam religiose studet: malignas suspensiones non effugit, qui seipsum tam affectate comit. Pulcherrima deformitatis exculatio est, vestitus decentia & honestas.

a 4. Reg. c. 1. v. 2.

b Eccli. c. 47. v. 22.

c Hebr. c. 11. v. 37.

d Hebr. c. 11. v. 37.

e Amb. tract. de Nabuchodon.

## CAPVT XI.

Difforum ratio, confirmatio, coronatio

GER. Et cur, mi Polychroni, aur vnde tam disertus es, in vestium luxum, & quid

gggg 3

dena



dem facundia tam proluxa? *Pol.* In aurem tibi dicam ipsissimam veritatem: Hoc vitium multa secum trahit vitia; curiositatem, delicias, vanam gloriam, pessimam liberalitatem, temporis iacturam, & post hæc omnia, re vera potens. Libidinis fomentum est. Non venit de integra conscientia hoc studium placendi per decorem quæ naturaliter inuitatorem libidinis scimus. Ita Hieronymus sentit, &: Si vir, inquit, vel mulier se ornauerit, & vultus hominum ad se prauocauerit, etsi nullum inde sequatur damnum, iudicium tamen parietur, quia venenum attulit, si fuisset qui bibisset. Est ita, vt dicit: concinno vestitu alienos oculos vulnerare facillimum. *GER.* Absit hoc. *Pol.* Ita loqui solemus, sed commune nobis vitium est. aliter dicere & aliter facere, vt merito idem Hieronymus moneat, aut loquendum nobis vt vestiti sumus, aut vestiendum vt loquimur. Lingua castitatem iactamus, veste leuitatem. aut impudicitiam sæpe non dissimulamus. *GER.* Modo in leges diuinas non peccemus. *Pol.* Vbi politicae calcantur, nec diuinæ in honore sunt. at politicas hic sperni, vel oculi loquuntur. O lex Oppia quam dudum exulas! O leges vestiarum tot vrbium & prouinciarum, quam dudum expirastis! iam pridem nullos limites patiuntur effusissimi sumptus in vestium pompam. Et quæso te, Gerarde, dic quæ Biblia docent cineres serico velandos, cænum auro tingendum, fimerum purpura operiendum? & an non corpus nostrum cinis, cænum, fimerum? Cur istud, mi homo, sic operis, sic comis? subter te sterneretur tinea, & operimentum tuum erunt vermes. *Pulchrè Ambrosius:* Audi, inquit, omnes nascimur nudi & morimur: nulla distinctio inter cadavera mortuorum, nisi fortè quia grauius fœrent corpora diuitum distenta luxurie.

Voluit bonus Deus, spiritum hominis, velut diuine particulam auræ, & sui simulacrum nullo pretio sat æstimandum, nihilominus vili sacco corporis abscondere: cui iam vero simile videatur, opificem hunc voluisse, corpus quod vilissimum est, pretioso tegmine involui, qui spiritum inæstimabilis pretij tam vili tegumento circumscripsit? Et cur ipse Deus protoplastis pelles in vestem dedit. si

nos auro & gemmis vestiri voluit? Aut igitur miserabili virtutis inscitia laboramus, aut insaniam hilarem insanimus.

*a Hier ad Nepot.*

*b Isa. c. 14. v. 11.*

# S. I.

**Q**uæsit nuper è Dionysio cognato meo quispiam, quos ille in stultorum nauigio prima sede putaret honorandos? Hæsit nonnihil Dionysius ad subitam quæstionem, & res hæc, inquit, multæ cogitationis est. At tu luce crastina redi, & responsum à me auferes: interim ego senatū in animum aduocabo, vt suis momentis quæstio tam seria ponderetur. Redijt alter postero mane, & an responsum, inquit, reperisti meæ quæstioni? Cui meus cognatus: Reperi, ait, & vt scias secreta æstimatione rem probè pensiculaui, demum hoc statui: In stultorum triremi primos omnino videri aut primis proximis, qui à vestium luxu magnum sibi ornamentum crederent accedere. Cumque alter eiusmodi responsionis rationem sibi non liquere dixisset, subiecit cognatus meus: tu ergo vide quid fieri dementiùs possit, quam operimenta, quæ dedecoris nostri & infamiae, à primis parentibus contractæ, certa sunt indicia, in laudem & ornatum velle trahere! nisi vero tu dicas nebulonem numellis, aut furem ornari fune: Addo: cum à lapsu protoplasti, libido & omnis generis fœdæ concupiscentiæ in membris nostris iam, antè nimium quantum exardescant, nos infami huic incendio pabulum in super sufficimus, & ardenti camino prælarge oleum affundimus; colimus & comimus nos, & sic cultos comprosque mutuis aspectibus propinamus, vt si fortè sopita dormiat lasciuia, ad has illecebras reuiuiscat. Memini, etsi nondum senex, cum non tantum corpora, sed & vestes ipsæ honestissimè tegerentur: Viri suas promissiore nigro pallio, suas matronæ nigra & per totum corpus defluente pallâ tegebant. At nunc tantum abest vt vestes tegantur, vt penè etiam detegantur corpora, & initium alicubi iam factum est, ritu plane non Germano, sed extero & inderecundo. Non satis est pompaticæ ostentationis curiositatem omnem oculisingere, iam etiam, quæ olim velata, nudamus,

& paula-



& paulatim pectus aperimus. quod quid aliud est quam pudicitiam aperto Marte oppugnare? Quid hoc aliud quam irritare cupiditates hominum iam ante incitatas? an non hoc nobile specimen est flagitiosæ stultitiæ, & quæ primas mereatur? Quicquid dicas; hæc in veste lenocinia non sunt pudoris tegumenta, sed irritamenta libidinis. Luculenta hæc est & manifestaria insania: ad mortem damnati sumus omnes, capitis supplicium nemini non impendit, ex quo natus est: iam ducimur, in via iam sumus ad supremum exitum, & tamen etiamnum de curiosiore cultu solliciti sumus! Et quam illud solere sed grandis stultitia est, domum, quæ iam vitium facit & ruinas minatur, foris magno sumptu depingere, intus nil opitulari ruituræ. Quid corpus, ruinofum hoc tugurium tam exquisito vestium nitore, tot pigmentis obducimus? iam ad ruinam inclinat; breui abijcietur in tumbam, terra obruendum. Cyprianus obiecturo hic occurrens: At locupletem, inquit, te dicis & diuitem; & utendum putas ijs quæ possidere te Deus voluit. vtere, sed ad res salutare: vtere, sed ad bonas artes: vtere, sed ad illa quæ Deus præcepit, quæ Dominus ostendit. Diuitem te sentiant indigentes. Patrimonium tuum Deo fœnera, Christum ciba; commenda illic thesauros tuos, vbi fur nullus effodiat, quo, nullus insidians grassator irrumpat.

a Cypr. l. de discipl. & hab. virg.

## S. II.

**V**ix credi potest, quantum post Apostolos viri doctissimi, Apostolorum imitatores laborarint, ut Christianos quæ cultum corporis, in modesti officio continerent, præsertim cum idololatriæ in eos qui neglectioris habitus erant, variè iocarentur & diceria spargerent, vti diuus Hieronymus commemorat, cuius verba hæc sunt: Si tunica non canduerit, statim illud è truiuo. Impostor, aut Græcus est. Laborandum ergo fuit ne Christiani vitandi; his conuicijs, corpus potius excolerent quam mores. Hinc Tertullianus de cultu feminarum, Cyprianus de habitu virginum scripsit. Hinc Ambrosius, Hieronymus aliique complures ad hanc ipsam in cultu corporis modestiam grauiter cohor-

tati sunt. Sed ante hos omnes Iustinus martyr iam olim in eas declamar, quæ arte dolosa tentaret quod feminis Christianis esset interdictum, atque has ita obiurgat: Vsu venit quibusdam seipsas fallentibus, ut cum aperte vultum pigmentis fingere non audeant, arte id faciant. Nam in vndam aut oleum facie, inclinata despicientes de seipsis iudicant, an aduersus castitatem belligerare possint. E quibus facile est scire, Christianas pudicas feminas nec speculo quidem licenter vti solitas, cum eæ, quas Iustinus perstringit, legem eluderent arte. Nec dissentit Tertullianus, qui eas pudicitia nudinatrices nominat (supra exposui) quæ consilium formæ à speculo petunt. Et quæso quid Numinis & naturæ ordinem inuertimus? Cur seruum ornamus, ad speculum commimus, & delicijs pascimus, dum herus & Imperator fœda macie tabescit? Bernardo, magna abusus est, & nimis magna dominam ancillari, & ancillam dominari. Apud Romanos olim statim dies Saturnalium erant, quibus per ludum & iocum, ius herile serui occupabant: At nos Christiani Saturnalia totis annis agimus, & corpus mancipium, supra dominum, extollimus, ut & de nobis verum sit, quod Ecclesiastes notans: Vidi seruos, inquit, in equis, & principes ambulantes super terram quasi seruos. Incredibile dictum est quam acri pœnitentiæ studio, quantis oculorum fontibus, illud viduarum decus Romana Paula, hanc in se culpam expugnat. monita namque, parceret oculis, ne illos efflueret, respondit: Turpanda est facies, quam contra Dei præceptum purpurisso, & cerussa, & stibio sæpe depinxit; assigendum est corpus, quod multis vacauit delicijs; longus ritus perpeti compensandus est fletu; mollia lintheamina, & serica, & pretiosa, asperitate cilicij commutanda; quæ viro & sæculo placui, nunc Christo placere contendo. e.

Eiusdem animi fuit Edildrida Anglorum regis filia. Hæc, extrema ætate sacrarum virginum antistita, è colli tumore magnos dolores capiebat, quos non tantum moderatè & placidè, sed & egregia animi alacritate & voluntate summa tolerans, dicere solebat: Rectè omnino mecum agitur, rectissime; quibus mebris delinquimus, his punimur. Memini me iuenculam superuacua monilium pœdera gestasse col-



stasse collo, iute igitur pœnas expendit sui peccati collum. Tūc hoc, ô mi Deus, beneficium austerum quidem est, sed saluberrimum: Animi pharmaca sunt, tua, mi LESV, vulnera: his plagis docemur modestiam.

a Hier. ad Marcell. epist. 38.

b Inst. ad Seren. de vit. Christ.

c Tertul. de cult. fem. c. 8. lib. de virg. violand. cap. 12.

d Eccles. c. 10. v. 7.

e Hier. in epist. S. Pauli.

### §. III.

**T**homas Morus, fidus illud Anglicum, ille supremus regis Henrici Cancellarius, tanto maiorem meretur laudē, quanto minorem ipse curam sui corporis gessit. Sileo, in mensa cum vno tantum cibi genere, quod ut plurimum bubula caro fuerat, vesci solitum. Vestis ei simplex, & tunc solum serica, cum publici magistratus officium cogeret. Vna eademque semper utebatur, nisi cum famulus mutandam moneret diceretque: here hodie curiam ingredimur; paullo melior vestis sumenda. Ita herilis habitus arbitrium omne penes famulum erat, qui calceos, caligas, aliaque in hunc usum necessaria prestinabat. Hunc ea de causa tutorem suum solebat vocare Morus, cumque die aliquo calceis admodū attritis & panē pertusis prodiret, monitus est, veteres soleas nouis emutaret: Et tu, inquit, meum tutorem roga, alios mihi emat. Denique in his quę corporis curam cultumque attinebant, maluit vir illustrissimus, religiosorum hominum more, alienis imperijs parere, quàm suo nutu agere, siue ut animus excelsissimus ad hæc tam minuta non deuocaretur, siue ut principem hominis Christiani virtutem, submissionem & modestiam insignius in se exprimeret. Verè, nusquam in minore pompa magnæ virtutes, quam hic habitarunt. Saxoniz Dux Guilielmus, honesti habitus amantissimus; in aulica familia hominem habuit vetustæ stirpis, sed mentis vanæ, & qui nouitio ritu, prout nunc ferè mos est, vestem gerebat. Hunc affatus princeps: quæso te, inquit, ne recuses mihi gratificari: sartorem adi, & ex optimo panno vestiri te iube meo sumptu, sed more meo, & scissas has vestes deponc. At ille aliquantulum

præceps & biliosus: & cur, inquit, illustrissime princeps, nō meo me arbitrio vestiā? Et cur, subiungit dux, non meo te arbitrio aulā submoueam: Atque mox missione data, alium sibi dominum iussus est quærere. Non iniquum imperium, & ad prisca xui modestiam attemperatum. Certè & Lacedæmonij hospitem Milesium, in vestitu sumptuosiorem, quam pro Spartana consuetudine, iusserunt ciuitate excedere, & domi suæ, aut vbi demum vellet, modò extra urbem suam, Milesiam exercere. Augustus etiam Cæsar habitum vestitumque pristinum reducere studuit. At visa pro concione pullarorum tuba, indignabundus & elamitans: En, ait, Romanos rerum dominus gentemque rogatam! Itaque negotium adhibus dedit, ne quem post hac paterentur in foro circove nisi positus laceris, togatum consistere. Optima pudicitiz custodia, vestitus honestas.

Epictetus, philosophorum longè clarissimus, & panē dixerim, Christianus eleganter prorsus cum iuvene confabulatus: O adolescens, inquit, quem vis pulchrum facere, Cognosce prius quis sis: ac tum te ornato. Homo es, hoc est animal mortale, quod visis cum ratione vitur. Ratio vero quid est: quod naturæ sit congruenter ac perfecte. quid ergo eximium habes? Animal? Non. Mortale? Non. Vti visis? Non. Rationem habes eximiam, hanc ornato & expolito; comam vero relinquit ei qui illam finxit, ut ipse voluit. Et ad capitis finem. Sed vide quid Socrates dicat omnium pulcherrimo & elegantissimo Alcibiadi: Dato, inquit, operam ut formosus sis, Quid ei dicit: singe comam tuam, vesti tuæ nitorem adde? Absit. Sed ornato voluntatem tuam, malas opiniones abijce. In hanc Epicteti sententiā præclare dixit Iulianus Imperator: Turpe esse sapienti, cum animum habeat, captare laudes ex corpore. Quod si tantopere sericum pigmenta, byssum, purpuram amemus, Tertullianum sequamur, qui, quā ratione hæc in laudem venire possint, ingenuè docens: Vestite, inquit, vos serico probitatis, byssino sanctitatis, purpura pudicitie, taliter pigmentati Deum habebitis amatorem. Nec est quod quis addubitet nitidas & numerosas vestes, ad animi profectum & ad cultum virtutis parum facere. Certum est enim

vani-



Vanitatis aut infirmitatis argumentum, *pluribus indigere*. Proptus ad viuendum velut ad nataudum, is melior, qui onere liberior. *c.* Cui pulchrum est corpus, & anima mala, bonam habet nauim, sed malum gubernatorem.

*a Th. Staplet. in vitâ illius c. 6.*

*b Epict. lib. 3. dissert. c. 1.*

*c Madaur. lib. 1. Apol.*

## S. IV.

**S**ed vitijis facile fucû inuenimus, vel quod peius est, ea quoque importuno patrocinio tueri non dubitamus. Passim responderi audias, diues sum, nobilis sum, in magistratu sum; sponsus, coniuua, paranympus sum, sum iuuenis. Quisquis demum sis, mi iuuenis, homo es, lutum es; & ad te mihi nunc potissimum sermo, nec indignaberis, si cum prisco pedestri Satyrico a pauca ex te queram: Dic quæso, quò spectant flexæ pectine comæ? melius flectitur pernicaciâ? quo facies medicamine attrita? animus magis indiget? quò crines in fronte refugî, & in altum erecti? mens erigitur rectius: quid facit gemma in articulo? si nescis, in scriptis pulchriores sunt gemmæ quàm in digitis; quid tot fasciæ pedes implicant? facilius ferrent suum truncum absque his impedimentis. Aspice mihi mendiculum disparibus & malè consarcinatis centunculis semiamictum, & purulentam manum ad excipiendam stipem porrigentem. squalent horrentque comæ, sine nitore vultus est, extant nuda & sole perusta membra; an ideo illum ex hominum cætu exturbabis, velut extremum busti cadaver, velut primum vitæ dedecus, & solum Orci fastidium? Flecte oculos ad longa retro sæcula; primus homo inuestis & nudus stetit suo figulo, imò nudus non fuit, nam satis tectus est quem tegit innocentia. deinde sit nudus qui in ponte mendicat, an nescis tales nec à decem quidem palastritis spoliari posse, & sæpe tantò minus vitiorum habere, quanto minus numorum. Adde, pares omnes nasci, pares mori, licet quod temporis intercurrit, in illis purpurea fulgeat, gemma niteat, aurum splendeat, alios vix trita tegat lacerna. Nemo tam nudus fuit, tam vilibus tectus, quam cum nasceretur; illud momentum æquauit omnes de morte quid dicam? Omnium idem exitus & idem domicilium. Corpus hoc sub

quacunque purpura sudauerit, arefcet in puluerem; sub quacunque gemma suspirauerit, tenuabitur in cinerem; sub quocunque odore fragrauerit, in nidorem putoremque laxabitur. Nunc ergo beatos censebis illos qui gemma bibunt, qui in ostro dormiunt, in argentea sponda recumbunt, qui manus auro, ceruicem monilibus onerant, qui delectantur catenis & vinculis, dummodo auro ligentur; nec putant onera esse si pretiosa sint; neque vincula esse putant, si in his thesauri coruscant: Apud quos & gemmæ suæ habent pondera, & vestes suæ habent frigora; qui in gemmis sudant, in sericis algent: hos tu beatos dixeris? nil horum exteret mortem. tam certa manu hos rapit, quàm infimæ fortunæ mendiculos. Mors nec blandiri didicit, nec blanditias admittere.

*a Arbitro.*

## S. V.

**I**, Nunc, conuerte calamistro crines, vultum vnguentis enubila, byssinis & hyacinthinis leni corpus amici, ventos balsaminos post te trahere, & quaquā incedis, vias imple; idem tamen gurgustiolum fortieris, quod hominum postremissimi. Sepulchra eorum, domus illorum in æternum a. Specus subterranea, ad corporis modulum angustissima, breui tum palatium erit. Et scisne, mi iuuenis, quam beltiā ita colas comasque, cum corpus colis comisque? qualem in oculis vixerras, fœdum serpentem. Nam audi Plutarchum & Plinium, quorum iste assertatē docet è medulla quæ tergi spina clauditur in homine, serpentem enasci. Attende sis caput integrum è Plinio recitabo. GER. Modo non longum sit. POL. En iterum dolo te cepi. Hæc nostra legendi & audiendi patientia est; sæpe nauseamus, & damnamus antequam audire vel legere incipiamus. GER. Audio, mi Polychroni, audio tu tantum recita. POL. Vix sunt viginti voculæ; sic Plinius loquitur. b. Anguem ex medulla hominis spinæ gigni, accepimus à multis. pleraque enim occulta & cæca origine proueniunt, etiam in quadrupedum genere. Hoc totum caput est, & diuini scitu. Plutarchus vero in vita Cleomenis hæc habet; Cum comperisset Prolemæus, Cleomenem sua ipsius violenta manu trucidatum, cadaver detracta pelle in crucem sustolli iussit, & cum cura custodiri. Ponuntur

H h h h

aliquos



aliquot dies in hac custodia, animaduertunt tandem milites circa suspensi caput, miræ magnitudinis serpentem repere, & saginam sibi ex adfés artubus instruere. Incessit regi Ptolemæo trepidatio, & cum ea quoque superstitio, ne fortassis innocentem & humana sorte maiorem in furcam extulerit, Alexandrini quoque ad supplicij locum confluunt, & viperam illam per cadaueris caulas (vt loquitur Lucretius) liberè vagantem, curiosè spectant Cleomenem herodem appellant, & Deorum filium. sed erepta illis hæc mens est ab eruditius aliquot viris, qui liquido docuerunt, è putrescente boue apes, ex equa vespas, ex asino scarabæos, ex hominis medulla serpentes progigni. En, quantos thesauros vestes contegant, an non merito pretiosæ sint, quæ semen tam pretiosum, nempe viperinum conuelant. Plutarcho & Plinio fidem vix negabis: sed alium doctorem & recentiorem.

a *Psal.* 48. v. 12.

b *Plin.* l. 10. c. 66.

§. VI.

**F**uit hoc nostro quo nobilissimus iuuenis, & qui Hyacinthus aliquis, aut Damocles haberi poterat, ob eximiam oris venustatem. Ar cum moriendum est, eximius nullus est, neque ille iuuenem formosissimus cum furorem mortis tam eleganti & luculento vultu à se abstulit; moriendum fuit. Hic locus induciarum nullus est. Venit ergo ad extremam in ipso ætatis flore, & dum nasceretur hæc rosa, consensuit. Adfunt cognati, lectum sepiunt, diuersa plorant, precantur multa, illud tamen maximè, vti posteris vultus sui vel sic exhausti & pallescentis effigiem velit non inuidere. ita rogant omnes, hoc sibi monimentum relinquere non grauetur.

Surdus est eger ad has preces (vti olim ad similes fuisse dicitur Agestilaus) hoc solum illis annuit, vt postquam plusculos dies cum matre sua Terra fuerit sepulchrum aperirent, & eam quam tum reperient formam, penicillo excipiat depingi curarent. Maluissent equidem cognati obsecrationem suam non repudiari, pondus tamen & momentum habuit apud illos hæc iuuenis iussio quia extrema. Faciunt ergo vt iussit, extinctum terræ inhument, certosque dies, vti edixerat, expectant. Tandem vnam pandunt; sed heu quam fœdè mutatum offendunt! Illam paullo an-

te venustissimam faciem certatim vermes facerant, diaphragma seu dorsi spinam aliquot serpentes occupant; macellum dixisses è quo carnes emerent esurientes colubri. Horrent consanguinei tanquam ad reuelatâ Persei parmam, & poenè lapideo frigore obrigescunt, nec iam vel oculis, vel naribus viciniore se sustinent, & quia id morienti datis dextris promiserant, fidem verentur fallere. Ptolemergo adducunt qui iuuenem non iuuenem sed sepulchralem laruam depingat. Extat adhuc hodie in illustri Germaniæ loco lacrimanda hæc effigies, quæ vt ætatem ferret, saxo etiam incisa est.

Etiānum dubitamus, cui impendamus seruitium & cultum, cum corpus colimus. Sed amor corporis ad illam subinde dementiam excrescit, vt malius perire, quam non seruire corpori. Et vt lignum occulta tere do consumit, sic animus viciat paulatim & exedit ignaua & se vnam contemplantis luxuries. Hinc ad insaniam concupiscimus, quid quid corpori placet. Apud plerosque tandem piaculi loco est, corpori non in omnibus obsequi.

Sed antequam tertiam hanc vesperam claudamus, alter in alterius sinum, Gerarde, suauiter & candide rem magnam confabulemur.

Ecquis est hodie, obsecro, qui cum insatienibus, non dico, insaniat, sed non insanierit aliquando: Contemplare mihi hominem non exquisitissime cultum, quantum tamen etiam iste in cultu exhibet inaniarum? Vide pileum è pilo canis Pontici, vnâ cum pilei cingulo sexcenties iam mutato: vide comam curiosè structam, barbam in peregrinos ritus attonsam, neque hic tamen vlla constantia, collare, oculorum fabula, innumeris gaudet mutationibus, hoc solo venustum, quod nunquam idem, quod varium semper & mutabile: thorax suam patriam ignorat, nam in pluribus prouincijs domi est: caligæ toties in nouâ formam transeunt, quoties hero suo delirare lubet. Et quid tibi, quæso, de ligulis videtur, quarum totus exercitus caligis illudit mira ridiculæ elegantia vanitate Ligularum harû ea lex est, vt soluta caligis inuoluerent, non abstricæ. An hos tales, non dicas pueros, solutis ligulis iam paratos, ad excipiendam betulam? Alicubi his caligarum ligulis præfigunt aurum, vt fures easam habeant cui insidientur:



fidientur: tintinnabula ijs commodissime appenderentur, ad conuocandos spectatores. Gerarde, fateor, improbum votum hic mentem subit. Velim vrbes illas. plenas esse furi- bus, & si quid harum nugarum est, dextrè præ- scindant, arrisuro vtiq; Mercurio. Sed post caligas tot ligulis non ligatas, sed pænè ad volatum paratas, etiam periscelides inspice, quæ modo ante genu dependunt, iam ad la- tus, iam etiam ponè genua in globum astrin- guntur. De calceis nihil habeo dicere, cum pæ- nè nullus illorum amplius sit vsus, nisi inter pauperrimam plebem. Iam cothurnos ge- runt viri feminaeque. Ignotum tibi esse haud potest nouum calceamenti genus, vtrunque liberaliter fenestratum, & basi ligneola sufful- tum. Ita cothurnati iam incedimus, & cal- ceos caprinos ostentamus. Non absurdè, hi- striones & mimos nos dixeris, ad agendam in scenâ fabulam conductos. Equis non hodie, aut Heraclitum induat oculis iugi fonte ro- rântibus, aut Democritus fiat petulantî splene cachinno? adeo multum ridiculi, multum & lasciuî habet vestitus noster.

In feminarum compectu res infinitæ obser- nationis est. Ambitiosæ ligulae etiam per illa- rum capita iam serpunt, sed adstrictæ. Cete- ra quis narret? Illud cuiusum non moueat? Olim collaria largius excurrentia, filis ferreis aut argenteis fulciebantur, iam nescio quis le- ricus paries à ceruice in obliquum sese attol- lit; iam collo geruntur propugnacula, quibus stricissimum collare quieta itatione recum- bat.

Hoc tam multiplex luxus choragium in- numeram infert damna, vt iam demonstraui- mus. Rem hic in compendium conferam. Vesti- tus ad huius aui mollitiem factus, Castimo- niam, Tempus, Pecuniam occultis, sed ma- ximis viribus suffuratur, & vbique spargit ne- quitiae semina. De Castimonia res in aperto est: ad libidinem sæpe potentius inuitat petu- lantia adsciticiae politurae, quam præstantia formæ; imo hæc sine illa quandoque sperni- tur. ita lasciuia negotium maxime agit ocu- lis blandiens vestitus. De Tempore quid con- trouersum? Ille omnium minime temporis par- cus est, qui sui corporis seruus est. Horæ integræ in otiosissimos hos labores infumun- tur, nec id in damno ponitur, quod longe

damnosissimum est. Quisquis horam aufert vel vnicam, nil dignum tanto impendio red- diturus est. Pecuniam varijs meatibus illic diffuere, vbi vestium luxus in pretio est, ne- mo non experitur. Mihi nuper maximæ vrbs patricius, ingenue fassus est, se suosque ciues occulta sed ambiciosa paupertate incredibili- ter laborare, atque si cui ciuium etiam pri- miorum mille antea floreni fuissent, iam nec centenos superesse. Hic ego interpellans. Quo ergo, inquam, omne aurum diffuit. Non in mensas primas, nec secundas, respon- dit ille, sed in arcas vestiarias: quamquam & conuiuia apud nos olim & rariora fuerint, & frugaliora. Tanti est Vest: rî. Hæc nostra est patientia; ne luxur decescat, patimur de- crescere diuitias.

Sed num scire cupis, Gerarde, quid Chri- stianos Hierosolymis, quibus olim poteban- tur, eiecerit? Compendio dicam. Princeps Sa- racenus admirandum vocant, in Christianos humanissimus, Canonico Traiectensi Gui- lielmo quondam narrauit, Christianorum lè- ges inde sibi notas, quod puer educatus esset Hierosolymis, in ea tamen vrbe mores tunc viguisse corruptissimos: Gulæ & Luxuriæ cognatis vitijs neminem non deditum: vesti- tus vero insolentiam fuisse tantam, vt ver- bis æquari vix possit, tam variè & forma, & colore, & pretio exorbitatum. Quantam istud me offenderit, aiebat, vestes meæ pro me dicent. Ex profecto nec auro nec serico virgatæ, sine plicis, sine artificiosis futuris, nihil curiositatis aut artis præferebant. Addi- dit: Ecce, hæc illa sunt vitia, ob quæ Deus Pa- læstinam Christianis denuò crepam alijs cõ- miserit. Ita nos non tam nostris viribus vos illinc eiecimus, quâ vestris vitijs. Hæc Canõ- nicus ille Traiectensis Guilielmus, qui postea sacre Cisterciensium familiar se adiunxit, fide- li narratione aperuit.

En, Gerarde, etiâ ab hostibus nostris sapere docemur, modo sint qui discere non reculent. At nos, post clades etiam nostras, cladum causas amamus, tam altè nobis hæret inepta & misera vanitas. Pedi ligneo in aurea crepi- da, vt verbum est, simillimi sumus.

Fuit in Asia vir opulentus, cui calamitoso casu, cum per niues iter faceret, putrefa- ctus frigore vterque pes deperiit. Ille tam mi- serabilem fortunam expertus, vt infelicitatem



suam solaretur, mutilo corpori aptauit pedes ligneos, quos & calceis texit; ipse famulis innixus, nouo sed ægro incessu sese inferebat. Vbi hoc insuper ridiculum commiscebatur, vt crepidas pulcherrimas semper & nouas haberet, quibus scilicet speciosam faceret miseriam suam c. O nobilem compositionem! *Pes ligneus in aureâ crepidâ.* Istud nos felicissime æmulamur: Miseriarum, vitiorum, ignorantiam scatemus, clauda mente & sensibus sculneis sumus, plane *pedes lignei*: vestibibus ta-

men, supellectile, libris, ac arduis speciosis studemus enitere. Nimirum, vt magis conspicua sit nostra infania, & miseria speciosior, liberum ratione insanire. Ita humane stultitiæ præclarum statrophæum & symbolum, *Pes ligneus in aureâ crepidâ.* Quid tu ad hæc Gerarde.

a Proximo c. 10. b Fusc narrat Cæsarius

Heisterbach. l. 4. de mirac. c. 15.

c Lucianus aduersus indoctos.

S. VII.

GER. Tot istus inferis, Polychroni, vt vel superbissimam quercum deieceris. Tam à me quam ab alijs emédationem spera. Por. Si modo sperare liceat constantem. Mores nostros nosti; Apriles dies imitatur, quorum sæpe serenus ortus, occasus plutus; id iam supra demonstrauius, de Conscientiæ & Celitum cultu. Sed omnibus horis dicendum est, quod nunquam satis dici potest. Nimum flexibiles sunt hominum voluntates, instabiles nimum mobilesque. Leuiter incipimus, varie imus, inconstanter progredimur, dissimiliter finimus. Volaticus est, sæpe conatus noster, qui à seipso breui desciscit. Itaque assiduissimè ingerendum nobis est illud: **CONSTANTER.**

Fons est in Idumæa, vt refert Isidorus, qui ter in anno mutat colorem. Parum est hoc nostræ inconstantia; ter in hebdomade, subinde ter in die sinceram Virtutis colorem mutamus, sicut lacus ille qui apud Troglodytas esse dicitur, ob maleficam vim insanus appellatus. Hic ter de die fit amarus salsusque, ac deinde dulcis, totiesque noctu etiam mutat, scaturitque albis serpentibus vicenum cubitorum a. Ab huius aquæ genio non multum dissident mores nostri, qui tam inæquabili motu feruntur, vt iam blandi; iam asperi; aliquando profusi, mox sordidi sumus; iam vehementer amemus, iam supra modum ode-

rimus, nunc sanctimoniam induamus, iam contiprolabamur in vitium: omnis dies, omnis hora nos mutat. Sed non est quod huius rei culpam aut diabolo impingamus, aut Mundo. Nemini alterius vitio mali sumus, sed nostro. Illud Spartani dictum mihi etiam nunc semper in animo hæret; Athenienses scire equidem quæ recta essent, sed nolle facere. Atheniensium nos prorsus similes sumus, quæ agenda sint, exactè scimus, sed agere ea nolumus. Noluit iotelligere vt bene ageret b. Ignorantiam culpæ prætexere non possumus, cum ignorantia voluntaria laboremus: voluntariè ignorat, qui discenda discere non curat aut si quæ rectè didicit, didicisse malè dissimulat. Atque his quidem decretum est non bene agere, sed modo hunc, modo illum voluntatis impetum sequi Vt Chamaeleon; quoniam aura (vt aiunt) non cibo vescitur, hianti semper est ore: sic illi variarum cupiditatum vento instantur; hoc volunt, hoc nolunt; hoc hodie spernunt, cras appetunt, & vt rami aut tigilla quæ fluminibus innatant, temerè impingunt in hanc illamue partem: ita nos variè fluctuamus, & sæpe nec isti sapimus, vel bestiis magis excordes. Memini me legere, c viro nobili in aulâ VVirtenbergenfi canem fuisse, qui vbi vel semel tantum ab aulicis canibus male acceptus est, iniuriæ damnique memor, deinceps herum suum ad vestibulum tantum arcis aulicæ comitatus est, & mox domum se recepit in tutum. Obseruauit dominus sui canis tam circumspæctum obsequium, & : vere, inquit, meus canis plus me sapit: ego in aulâ toties pessimè habitus, in diestamen vsque redeo.

Et nos quoque, moniti toties, rogati, castigati toties in easdem iterum culpas impingimus, frequenter grauius quam antè, & mentitur iniquitas sibi d. Ita fit subinde vt ad aliquam habitus sobrietatem nos componamus, corporique detrahamus superflua. Et quâdiu hoc? dam nos pœniteat fuisse hac in re sobrios & frugales tunc autem eiusmodi pœnitentiæ obnoxij sumus, cum videamus alijs non eandem in veste modestiam placere, cum veremur ne minus opulenti, aut parci sordidi que habeamur. Sic nostra probitas ad aliorum oculos se fingit, ad sermones aliorum huc illuc se vertit, & quod erat, esse destituit, sic modo palliati, modo rogati, modo frugi su-



frugi sumus & graues, modo prodigi & vani; mutamus subinde personam, & contrariam ei sumimus quam exuimus; planè multiformes sumus. Magnam rem puta, vnum hominem agere. Male mentis indicium est hæc fluctuatio, ac inter simulationem virtutum, & amorem vitiorum assidua iactatio. Vtique claudicatis in duas partes (clamat Elias) si dominus est Deus, sequimini eum, si autem Baal, sequimini illum f. Quid ora hominum pauemus, quid mortalium oculos reformidamus, si Deus est dominus noster, si modestia in cultu placet, cur Deum offendere, modestiam abicere non veremur? Diui Bernardi soror, hac in re animo fuit planè non femineo, g. fortiter incepit, constanter perfecit incepra. Periuenerat illa in colloquium cum fratre admitti, sed quia compitior erat quam fratris oculis probari poterat, ab aditu monasterij repellebatur. Hanc illa iniuriam mitius ferens, fratri renunciari iussit, si delinquentem reiceret, saltem admitteret, corrigi volentem. Admissa est. Hic ei Bernardus grauissimis verbis, & in os, illum vestium luxum & vanissimum lenocinium obiecit; Christianæ feminae non esse, corpus breui in putredinem iturum sic perornare. Profuit illi hæc audisse, nec distulit ad frugem se corrigere: mox pretiosam vestem, mitras, armillas, monilia, in aures, vittas, speculum, discerniculum, anulos gemmas, & omnem mundum exilio damnavit æterno, iussitque Pompam & Voluptatem res sibi suas habere, ipsa Domino deinceps seruitura, modestiam quam caput, hanc & fuit. Non languide ad virtutis difficultatem exurgendum: alacriter incumbendum est inchoatis. Vera modestia non tam principium inuenisse gaudet, quam finem addidisse; in extremo actu non corruit, vsque ad *Flaudire* persistit; à carceribus ad metam decurrit.

a *Plin. l. 31. c. 2. med.* b *Psal. 35. v. 3.*

c *10. Manl. tom. 8. coll. pag. 96.*

d *Ps. 26. v. 22.* e *Sen. epist. 120.*

f *3. Reg. cap. 18. v. 21.* g *Vita S. Bern. l. 1. c. 7.*

§. VIII.

**A**T nos, ô arundines vento agitatae, ô homines mollibus vestitos! quibus tunc demum modestia in cultu placere incipit, cum nudi in fundo suspirant, imo sæpe ne tunc quidem, nã multis suauius est nomina contrahere, quam aliquid pompæ vestium detrudere. O

Iordanis accola, ô Ioannes Baptista! quam constanter rigidissimam tui vestitus modestiã, ad vsque vltimum vitæ actum retinuisti? cameli pellem, non purpura, non serico vquam emutasti, nec monita sequimur magistri, nec exempla: annis & sæculis in eadẽ classe heremus, aut si paullulum promouimus, mox ad eandẽ recurrimus.

Cleobulus in conuiuio septem sapientum apposite narrans apologum: Luna, inquit, à matre petijt, tunicam sibi suisque annis convenientem texeret. Cui mater: Et qua ratione id possim, ô mea filia, cum te modo grandem & obesam, modo gracilem & perparuam videam? mutabilitatem egra, & vestem à me spera. Lunæ nos germani fratres sumus. & iam decentem in veste modestiam sapimus, iam pompam & fastum spiramus, frequenter in hoc etiam expiramus. Indubiè, Gerarde, nosti, quem exitum sortita sit, nobilissima illa Campaniæ Comitissa, Maria Ludouici Pij Galliarum regis filia, sed moribus non perinde similis parenti. Hæc, licet vidua, nihilominus ambitiosissimum corporis cultum non desinebat, dum mors pulsaret fores, & irrueret importuna. Iam ergo moribunda Persaniæ abbatem acciri iussit, cui conscientiam aperiret, verum cum ille aduenisset, illa iam à vita discesserat. Neque hic morati famulorum suorum quisque satagebat, hic vestem, hic vasa; ille culcitras, iste tapetia diripuit, sed nec mortuæ parsum est. nam iussu fortis homo, dominae suæ cadauer lecto euolutum, in terram prouoluit, & sibi linteamina in spoliū rapuit. Admissus demum abbas in defunctæ conclaue, vbi miserabile hoc spectaculum vidit, & corpus illud, cultissimum olim, iam male opertum & abieciū humi reperit, exclamauit: Venite, cernite nobilissimæ Comitissæ pompam: En, hic rerum humanarum exitus, hæc fides est fallacium voluptatum, hanc habent clausulã, mortalium triumphi. ô vanitas, ô ludibrium a! Ita, mi Gerarde, ita qui hodie florent, in autumno suo decident, & fortassis etiam calcabuntur. Viderit, quem iuuat de carne gloriari.

*Thom. Cantiprat. l. 1. mirac. c. 7.*

§. IX.

**G**ER. Licetne interrompere? huic non aliū similem euentū nuperrime mihi recitari audij. Pol. Dic liberrime. GER. Camberiæ in

Hhh 3

pra



provincia Lugdunensi, anno millesimo quingentesimo octogesimo septimo, matrona nobilis amœniore cultu, quàm decebat, delectabatur dum viueret. Admonebat eam frequenter sacerdos, qui ei à confessionibus fuit, meliori daret operam ornatui, quo placeret non humanis oculis, sed Deo. Illa, vt erat ingenio liberiore, serium sermonem familiari ioco eludens, solebat rogare corporis colendi curam sibi relinqueret, aliud nunc æuum, alios esse mores: sciret, & sibi, animi sui salutem cordi esse, quare hoc vnum potius orare, vt in extremo vitę tempore adesset morienti. Sacerdos, adfuturum se recepit, si quidem villo modo posset. Et verò etiam adfuit, sed illa sibi met non satis aderat, nam morbus miserę audiendi, vsum abstulit. ita æquo Dei iudicio factum videtur, vt quę salutaria sacerdotis monita noluit audire cum potuit, nec audire quidem posset, cum velle debuit. Pot. Igitur, vt audio, mortua est surda & tacens, sed nunc etiam vivit exemplo & inclamat imitatores ac imitatrices, vt sint in cultu moderatiores.

Quin ergo ista contemnimus, propter quę vulgus insanit? Satis paruinus corpori, reddamus nos tãdem in disciplinam Virtuti. Pręclare Romanus sapiens: Fateor, inquit, infirmitatem esse nobis corporis nostri caritatem; fateor nos huius gerere tutelam, nec nego indulgendum illi, seruendum nego. Multis enim seruiet qui corpori seruit, qui pro illo nimium timet, qui ad illud omnia refert. Sic gerere nos debemus, non tanquam propter corpus viuere debeamus, sed tanquam non possimus sine corpore. Huius nos, nimius amor timoribus inquietat, sollicitudinibus onerat, contumelijs obijcit. Et hoc ipsum tam vere quàm sapienter in hæc verba consignat: Honestum ei vile est, cui corpus nimis carum est. Et sicut plerumque quorum corpora in saginã, eorum animi in macie & veterno sunt; sic etiam quorum curę adeo feruent in colendo corpore, horum in ornando animo studium fere nullum est. Vt catuli ad venandum inepti sunt, qui saltare & eiusmodi delicias norunt: sic ad exercitia magis serui & sacra parũ apti, qui in curiosiore sui cultu operam ponunt. Simpliciter cura constant necessaria; in deliciis laboratur: sed labore non vano tantum, sed & noxio.

Dionysius olim rex Siculus, Archidami filias multi pretij veste donauit, quas tamen Archidamus modestè recusans aiebat: Vereri se ne suę filię tam insolenti amictu turpes videantur. Intellexit vir prudens virgines nullo cultu melius ornari quàm simplici. Sane vt luxur vestium animum parum sobrium arguit, sic spectatores ad libidinem suauis fallacia inuitat ac pertrahit. Decet autem vt homo castitatis amans & virgo, vndique virgo sit, nec vlla ex parte significationem det corruptę mentis. Cur ergo vitij iam ante in nos grauantibus subsidium feramus, labore tam sumptuoso? Optime dixisse mihi videtur Musonius, qui eodem modo vtendum esse aiebat veste, quo armis, nimirum tutando corpori, non ostentando. Sicut igitur ea optima sunt arma quę firmissima, non quę nitidissima, sic optimus est amictus, qui corpori commodissimus, non qui splendidissimus, aut qui spectantium oculos in se rapiat, sed qui seueritatem redoleat, qui pudicitiam testetur.

Quid ergo vani agimus, quid corpori, hosti nostro splendorem quęrimus tot sumptibus? quid ingeniosi sumus in perniciem nostram? Deum culpa offendimus, hominibus exemplo nocemus, egenos subsidij fraudamus, rem familiarem frangimus, tempus pretiosissimũ, irreuerabile dilapidamus. Apage mihi hanc pestem, si aliter placere alijs nequeam, nisi displiceam Deo; malo displicere omnibus, vt vni placeam Deo. Gerarde, sancte potius quàm scite vestiri velimus, & vt Augustinus loquitur, non affectemus vestibus placere, sed moribus.

Et hæc de cultu *Conscientię, Calitum, Corporis* dicta sint. triplex funiculus est ruptu difficilis, & hæc trias mihi visa est inseparabilis. Calitum cultus illic exiguus est, vbi nullus est cultus conscientię vel animi, & multus corporis. Qui corpus tam studiose colit, conscientiam profecto negligit; porro qui conscientiam siluescẽtem habet & incultam, quomodo coler Calites? Ergo, mi optime Gerarde, vt non negligamus conscientiam, minus colamus corpus, & plus Calites,

a *Sen. epist. 14. c. 83.*

b *In reg. tom. 1. fine.*

c *Eccles. 6. v. 12.*

FINIS.



mi fi-  
n Ar-  
cereri  
s vi-  
hullo  
ne ve  
guit,  
a in-  
o ca-  
p fir,  
apta  
graf-  
lum-  
ulo-  
tebat  
pori,  
sunt  
a, sic  
odif-  
spe-  
ita-

ho-  
piti-  
no-  
ibus  
uda-  
ppus  
s. A-  
alijs  
plu-  
rde,  
& vt  
ceffir

Cor,  
dif-  
ilis.  
llus  
ltus  
ton-  
ton-  
quo-  
Ge-  
mi-

2







HELIOTROPIVM  
S E U  
CONFORMATIO  
HVMANÆ VOLVNTATIS  
CVM DIVINA,  
LIBRIS QVINQVE EXPLICATA  
CORAM SERENISSIMO VTRIVSQUE  
Bauariæ Duce S. R. I. Archidapifero, Electore:

MAXIMILIANO,

*Et Serenissima coniuge*

ELIZABETHA:  
EISDEM SERENISSIMIS PRINCIPIBVS  
INSCRIPTA ET DEDICATA,

A. R. P.

HIEREMIA DREXELIO,

è Societate IESV.





SERENISSIMIS PRINCIPIBUS  
MAXIMILIANO  
S. R. I. ARCHIDAPIFERO ELECTORI;

*Et Serenissima coniugi*

ELISABETHÆ  
COMITIBVS PALATINIS RHENI,  
BOIORVM DVCIBVS,

*Dominis meis clementissimis.*



IRE variant, Serenissimi Principes, humani affectus in virtutum studio. Sunt qui vni se dedant *patientia*, virtuti ad omnia necessaria. Bene, & sapienter. Alij *Obedientiam* in solum euehant, eique plurimum iuris esse dicunt, in omnem Virtutis comitatum. Non malè & isti. Sunt qui sanctioris vitæ fundamentum vocent. *Demissionem animi*. Et hi quoque bene; Multi principem Virtutem salutant *Iustitiam*, Eruditè. Alij Reginam in omnes virtutes faciunt *Charitatem*. Quippe ni optimè? Iam vero qua via virtutum illarum singule sint adeundæ, sensus iterum diuersi, & penè innumere præceptiones. Mihi Demetrius philosophus, vir illo quo magnus, etiam si maximis comparetur, præclarissimè dixisse visus est: *Plus prodesse, si pauca præcepta teneas, sed illa in promptu tibi, & in usu sint, quam si multa quidem didiceris, sed illa non habeas ad manum.* a Ita prorsus est: ecquid opus multis præceptionibus, vbi vna sufficit? subsilire in caelum liceat ex angulo, quid opus tot gradibus.

Hæc mihi causâ fuit, Serenissimi Duces, quare iam aliquot annis Serenitatum vestrarum attentissimis ad sacra hæc aurbus, nihil æquè quam vnum illud commendarim, *VELLE QVOD VULT DEVS*. Sciebam equidem à nemine hoc melius capi, quam ab ijs qui iam pridem id fuissent experti.

Sed quia non eadem omnium auditorum mens est, nec æque capax: videbatur è re fore, si dicta scriptis firmarentur. Hoc agit libellus iste, qui vel ideo etiam ad Serenitates Vestras properat, vt quod auditores ceteri non potuerunt nisi solum nosse & intelligere è meis verbis, insuper discerent & facere, è tantorum Principum exemplis, atque ita quæ verba erant fierent facta.

Hoc spectat humanæ voluntatis ad diuinam *Conformatio*, quæ suauiter docet, præstare



stare se semper in vtrumque facilem; omnia & velle cum volente Deo, & cum nolente nolle. In hoc vno præcepto, diuini atque humani iuris peritia omnis consistit. Hac regula vitæ opera distribuenda sunt: ad hanc legem & agat cuncta, & exigar, qui non perfunctoriam pietatem amat. Vbi hæc sanctissima humanæ diuinæque Voluntatis mixtura est, illic inuidia illi comitatus est omnium virtutum. Plato non vno loco felicitatē definit, *Dei assimilationem*. Verba ipsa Platonis, auro digna, viliori hoc liquore scribantur: *Mortalem hanc naturam, & hunc inferum locum, Malum circumstat necessario & adhaeret. Ideo conandum quam celerrimè hinc illud fugere: fuga autem DEI ASSIMILATIO, quatenus potest.* b Quis autem Deo magis assimilatur, quam qui suam voluntatem in omnibus subiicit diuinæ, iamque nihil minus vult quam quod maximè se velle sentit, in id vnum intentissimus ad diuinæ Voluntatis perpendicularum omnia facere. Quisquis hoc vnum didicit, scientiam vtilem ac necessariam, omnem consummauit. Hec scientia instruit, quemadmodum se quisque & in dubijs, & in aduersis & in lætis sapienter gerat, vt dubia prudenter, aduersa fortiter, læta moderatè tractet. Cui cum Voluntate Dei bene conuenit, is fortuita omnia contemnit, supra omnem metum se attollit, animum virtuti consecrat: & quocumque vocat illa, planum putat, in solido ac sereno stat semper; quoties vult, cœlo interest, nec vnquam esse potest tam miser, quin suauissimè in sinu Dei respiret. Et quemadmodum artifices, si ex alicuius rei subtilioris intentione oculos defatigent, in publicum prodeunt, & fessam aciem libera luce & aura delectant: sic animus in hoc tristi domicilio corporis clausus, quoties vult, apertum petit, & in diuinæ Voluntatis contemplatione requiescit cum religiosissima voluptate: Hæc voluptas equalis est, intrepida, nunquam sensura sui tædium. Hic solida securitas, inconcussa fiducia. Ad humani boni summam peruenit, qui totus in diuinam Voluntatem transijt.

Atque hoc vnicum sapientiæ præceptum traditur, his quinque libris, quos ad vestra Serenissimi Principes, genua velut ad Clementiæ aram depono. c Commisi ante hæc serenissimis manibus, de *ÆTERNITATE* Considerationes. His addenda omnino fuit, Humanarum actionum Amussis, *RECTA INTENTIO*. Hanc ordine sequi debuit, Humanæ voluntatis cum diuina *CONFORMATIO*. Humanæ vitæ terminus, est *Æternitas*. Ad hunc terminum *Recta Intentio* ducit. At vero *Recta intentionis* exactissimum exemplar est, *Velle quod vult DEVS*, idque in rebus omnibus. Ita suo velut generi suæ nectendæ erant species. Et has scriptiunculas à verbis, fateor, rudes & impolitas, sed à re, quam velut digito monstrant, æstimandas, Vestris Serenitatibus omni iure & nomine, libens meritisimo consecro. Nam panè hoc vnum mihi superest, *Velle non ingratum mori*. Hoc volo, & tota mente volo, beneficijs quotidianis prouocatus. Ceterum tantè in omnem nostrum Ordinem beneficentiæ hic panegyri ordiri, finis epistolæ recusat. Res in aperto est; Nostrum tot locis viuere, beneficijs vestris deberi, o Magni Principes, quibus nunquam est dandorum beneficiorum inopia, datorum poenitentia; qui hanc vnam videmini potentiam fotiti, *PRODESSE*.

Inter cetera beneficia rectè numerauero, si Serenitates Vestre dignètur, & huic libello, serenissimi sui nominis radios non subtrahere. Serenitatibus Vestris Societatem nostram vniuersam, meque vna submissimè commendo. Monachij, Die virginis Matris ab Angelo salutata. Anno à Virginis partu M.D.C.XXVII.

a Seneca l. 7. de benefic. c. 1.

b Plato in Phileto, & alibi.

c Plin. 11. hist. c. 54. med.

Serenitatum VV. infimus cliens

HIEREMIAS DREXELIUS è Societate IESV.

liiii

LECTO.



## LECTORI



*N*tibi, mi optime Lector, virtutum (audacter dico) omnium fundamentum solidissimum. Heliotropium placuit appellare, nomine huic rei, arbitror, conuenientissimo, & maxime proprio. Heliotropium pharmacopolis notissima herba, ad omnem solis motum tam stricta religione caput suum circumfert, ut solem etiam nubibus obiectum nunquam non aspiciat; inde sponfam solis nominarunt. Voluntas humana si errare nolit, ad omne momentum, & ad vniuersos nutus diuinæ Voluntatis ita se libret, vii se ad suum solem Heliotropium. Et hac illa inexpugnabilis est sapientia, Hoc firmum & in omnia aduersa impenetrabile scutum, VELLE QVOD VLT DEVS. Hanc doctrinam de hominis voluntate ad diuinam Conformanda, epitomen omnium sacrorum voluminum esse reor, & omnis sanctimonie compendium. Quisquis didicit diuinæ Voluntatis suam subiungere, iam tota callet Biblia.

Sed hoc mature monuerim: in re tam seria, oculis non inherendum. Conformitas humanæ voluntatis cum diuina: Resignatio sui in diuinum beneplacitum: Vnio volūtatum humanæ ac diuinæ &c. re prorsus eadem. solo differunt nomine. Veniam da, Lector, & aude non indignari vocibus parum latinis: Animus est, cum multis hic loqui, & diuinæ Voluntatis arcanum eruere in lucem, non tegere verborum involucris: hac in remedium animi, non in exercitationem ingenij scripta sunt. Plura quidem è meis in tuas manus peruenisse credam. Præceserunt ÆTERNITATIS Considerationes. ZODIACVS Christianus, seu signa XII. Prædestinationis. HOROLOGIVM Tinelaris Angeli. NICETAS, seu, Triumphata Incontinentia. TRISMEGISTVS, de Conscientia, Calium, Corporis cultu. RECTA INTENTIO, omnium actionum Amussis, sequitur iam. HELIOTROPIVM seu CONFORMATIO humana voluntatis ad diuinam. Hoc vltimum, priorum omnium, sed & virtutum vniuersarum Summam & Compendium putem. Hoc autem is optime capiet, qui & priora iam viderit. RECTA INTENTIO ducit ad Deum humana voluntatis ad diuinam CONFORMATIO (liceat dicere) introducit in cor Dei. Et vide, mi Lector, quam brevis ad beatam Æternitatem, & quam expedita te ducat via! Hic vnus verbulis tota describitur: Velle quod vult Deus. Hoc totum iter est, è terra in calum. Lubet hinc eo ascendere? hac via peruenitur. Alijs vijs ire poteris, nunquam peruenire. Et quæso te, ne tibi hac videantur æquo prolixius dicta. Hic fundamentum iacitur ad omnem virtutem: hic aditus obstruitur omnibus viijs. Examina quæ legis, & caput sapientia in istis habebis. Hoc iam vnum amice te monuerim, mi Lector, cū tibi egre est, nec multa lubet legere, id saltē a te impetres velim; Libri primi caput primum, & libri quinti seu vltimi caput vltimum inspicere, dictorumque capitum vel vnam solummodo partem die vno perlege, & morbo tuo (penē polliceri ausim) melius erit. Omnia quæ ceteris videtur mala, & māsuefcient tibi, & in bonum abibunt, si didiceris super illa eminere, diuinæ Voluntatis amplexu. Ita mi Lector, Deum audi, audiendus.



LIBER PRIMVS.  
DE DIVINÆ VOLVNTATIS  
COGNITIONE.

CAPVT PRIMVM.

*Hypotyposis omnium quinque librorum : duplex etiam fundamentum ponitur, & omnes omnino pœnas à Dei Volvntate prouenire ostenditur.*

**R**Ex Macedo Alexander, cum Darium bello peteret, æstu & itineris feruore percalefactus, Cydno amni corpus suum immerfit, sed hebetatis subito torpore artubus, expiranti similis in tabernaculum delatus est. Huc amicis pariter & medicis admissis, melius sibi fore Rex aiebat, mori strenuè, quam tardè conualescere: proinde si quid opis aut artis esset, scirent se non tam mortis quam belli remediū quærere. Itaque medici attentissimo consilio salutis remedia circumspiciebant, qui cum ad vnam potionem sententiam direxissent, Philippus medicus, Regi puero fidus admodum comes & custos salutis datus, non præceps sed strenuum remedium afferre, potionemque illam suis manibus temperaturum, & ea vim morbi levaturum esse promissit. Inter hæc à Parmenione fidissimo purpuratorum, literæ superuenerunt quibus Rex monebatur ne salutem suam Philippo committeret, mille talentis à Dario esse corruptum. Ingentem animo sollicitudinem literæ incusserant regi, & quicquid in vtramque partem aut metus aut spes subiecerat, secreta

æstimatione pensabat. Bibere perseveraret? vitæ periculum terrebat. Damnarer fidem medicorum? anteaactæ vitæ fidelitas dissuadebat. Diu animo in diuersa versato, nulli quid scriptum esset, enunciauit, epistolamque sigillo annuli sui impressam, puluino, cui incumberebat, subiecit. Inter has cogitationes biduo absumpto, illuxit à medico destinatus dies. Et ille cum poculo, in quo medicamentum diluerat intrauit, Quo viso, Alexander, leuato corpore in cubitum, epistolam à Parmenione missam sinistra manu tenēs, accepit dextra poculum, & hausit interritus? tum epistolam Philippum legere iubet, nec à vultu legentis mouit oculos, ratus aliquas conscientia notas in ipso ore posse deprehendere. Ille epistola perlecta, plus indignationis quam pauoris ostendit, proiectisque amiculo & literis ante lectum Rex, inquit, semper quidem meus ex te spiritus pependit, sed nunc vero (arbitror) sacro & venerabili ore trahitur. Crimen quod mihi obiectum est, tua salus diluet. Laeta paullisper animum, quem sollicitudine in tempestiua amici sanè fideles, sed molestè seduli turbant. Non securum modo hæc vox; sed



etiam letum Regem ac plenum bonæ spei fecit. Itaque si tibi permissum esset Philippe inquit, quo maxime modo animum velles experiri meum, alio profecto voluisses: sed certiorum quam expertus es ne optasses quidem. Hac epistola accepta, tamen quod dilueras bibi. Hæc locutus, dextram obtulit Philippo. Vt vero medicamentum se diffudit in venas, & sensim toto corpore salubritas percipi potuit, primo animus vigorem suum, deinde corpus quoque expectatione maturius recuperavit: quippe Rex post tertium diem, iam sospes in conspectum militum se dedit.

*Hinc mihi, Lector, quinque observabis sedulo.*

Primum: Rex Alexander ante omnia nosse voluit quo pharmaci genere iuvare posset. Deinde Philippi medici in se fidem non indiligenter expendit, & quem is animum erga se gereret, è vultu didicit.

Alterum: Vbi Alexander perspexit Philippum medicum tam intemerata fide pro salute sua sollicitum esse, omni suspitione posita medicamentum Philippi manibus temperatum, sine vlla cunctatione intrepidus hausit.

Tertium: Pro tam constanti erga Philippum medicum iudicio, dignissimam mercedem, integram valetudinem intra triduum recepit. Ideo Philippum servatorem suum una secum perduxit ad statua militum, vbi pro se quisque dextram medici amplexus, grates habebat velut præsentī Deo.

Quartum: Quo minus Rex reualefceret, ingens sese impedimentum obiecit, nec vnum duntaxat: Literæ fidiissimi Parmenionis, & suspitionem veneni pluribus indicijis ingerebant, & amicorum sedula quidem sed vitiosa sollicitudo plurimum turbabar.

Quintum: Hoc vnicè Regem Alexandrum iunxit, quod sui medici cum solertem ac eruditam providentiam, tum sanctam & incorruptam in se fidem agnoscere non recusarit, & inde maximam conceperit fiduciam valetudinis recuperandæ, quam etiam recuperavit felicissime.

EN, mi Lector, totius descriptionis & quinque librorum qui sequuntur, Hypotyposin ac summam. Nimirum hoc ordine progrediemur, quo Macedonum regem consanatum diximus. Itaque humanam voluntatem in diuinam

constituendam esse, hac via & connexionē trademus.

Primum erit, ostendere, qua ratione Voluntas diuina sit cognoscenda. Omnium vox & sensus est: Te mihi prius velim notum, quàm me tibi credam amicum. Alexander ante audit, quid, Philippus medicus velit ac iubeat, quam ipse medicamentum sumat. Primum ergo est, diuinam voluntatem nosse.

Primum ab hoc, cum diuina Voluntate suam conformare. Cur enim illam scrutari aut nosse volo, si amplecti, si sequi non volo. Non cunctatus est Alexander, quin idem quod medicus, vellet, traheretque in se ore suo (quod Pilippus dicebat), spiritum sui medici.

Tertium est, proponere, quantæ felicitatis sit, diuinam Voluntatem non solum habere notam, sed suam illi agglutinatam. Non oderat Alexander pharmacum, quia vitam & valetudinem amabat. Certè omnis amator pharmaci, spe valetudinis dulcescit. Amari tudinis subinde aliquid habere videtur Voluntas diuina, sed illud, spe summi boni superandum est.

Quartum erit, impedimenta omnia quæ hanc humanæ voluntatis cum diuina consensionem turbant, amovere, voluntatem propriam iugulare, vt amplecti liceat diuinam. Rex Alexander amicissimis etiam non credidit, ne fidem negare cogeretur ei qui accusabatur vt inimicus.

Quinto denique loco, adiumenta illa explicabimus, quæ ad diuinæ humanæque voluntatis concordiam potissimum valent: Ea sunt, diuinæ Providentiæ cognitio, & inde concepta in Deū Fiducia. Perijisset Alexander, nisi medici doctam sinceramque providentiam agnoscere, eique fidere voluisset.

Hæc sunt, & in hunc ordinem digesta, quæ his quinque libris sumptimus exponenda, vt humanæ voluntatis cum diuina nexus & certior sit, & firmior: Nunc ad rem.

a Curtius lib. 3. c. 10. Arrianus l. 2. Instans l. 11. Valerius l. 3. c. 8. Seneca l. 2. de Ira c. 23. b Matris, ait Seneca.

#### S. I.

Omnis doctrinæ, quam Christus tot diuinissimis concionibus tradidit, caput hoc fuit, diuinæ Voluntati seipsum integre perficere in rebus omnibus ac singulis conformare.



mare. Hoc Seruator qua verbis qua factis amplissimè docuit, & nobis semetipsum formam dedit ad imitandum. *a* Ad hanc Domini doctrinam explicatius proponendum, duplex cum Theologis ponimus fundamentum.

Primum: Omnem omnino profectus nostri rationem, in hac humana diuineque Voluntatis Conformatione & concordia consistere, ita vt quo ista fuerit sincerior, hoc ille futurus sit vberior. Omnè Christiani hominis perfectionem in *Charitate* sitam esse iam liquet. Volumina diuina testimonijs in hanc rem plena sunt: Diliges Dominum Deum tuum ex toto corde tuo &c. Hoc est maximum & primum mandatum. *b* Nunc autem manent fides, spes, charitas, maior autem horum est charitas. *c* Super omnia autem hæc charitatem habete: quod est vinculum perfectionis. Finis autem præcepti est charitas: *d* Charitatis autem actus longè nobilissimus, & assidue instaurandus, est hæc ipsa cum Dei voluntate conformitas in omnibus. Eadem velle, & eadem nolle, firma est amicitia: vox est beati Hieronymi & omnium sapientum.

Alterum fundamentum: Nihil prorsus in Orbe fieri (peccato solum secluso) sine Dei Voluntate, Fortunæ seu ridentis seu sæuientis imperium nullum est. Hæc idololatrarum somnia sunt, qui humanæ vitæ vicissitudines à nescio qua dea dispensari fingebant. Augustinus irridens: Quomodo ergo, inquit, dea Fortuna aliquando bona est, aliquando mala? an fortè quando mala est, dea non est, sed in malignum dæmonem conuertitur. *e* Christiana sapientia fortunam omnem exhibet, *Bona & mala, vita & mors, paupertas & honestas à Deo sunt.* Sed hoc ipsum in diuinis paginis testatissimum, paulo apertius declarandum.

*a* 2. Thess. c. 3. v. 9.

*b* Matth. c. 22. v. 37.

*c* 1. Cor. c. 13. v. 13. & 14. *d* 1. Timoth. c. 1. v. 5.

*e* Aug. l. 4. de Ciuit. c. 18.

## §. II.

**O**mnia mundi mala (peccatum excipimus) à Deo esse, hac ratione docent Theologi. In omni peccato duo sunt. *Culpa & pœna.* Deus est auctor pœnæ quæ in peccato est, sed neutiquam culpæ. Ideo si demamus

culpam, nullum est malum pœnæ, quod non fiat à Deo, aut ipsi non placeat. Sicut autè mala peccati, seu, pœnæ, sic & mala naturæ oriuntur à diuina Voluntate. Naturæ mala vocamus, famem, sitim, morbos, dolores, &c. quæ sapissimè nihil habent cum peccato commercij. Itaque Deus reipsa, (*f* & vt in scholis loquuntur) reffectiue positiuè omnia pœnæ naturæque mala vult, *a* ob iustissimas causas, solum peccatum, seu, culpam permittit. Ideo hæc Dei voluntas Permittens, illa Ordinans vocatur. Id igitur omne quod nos malum vocamus, à Dei Voluntate est. Ita Theologi. *b* Hoc fundamentum altissimè in animo iaciendum, maximi enim refert, probe istud capere, idque semper persuasissimum habere, pœnarum & malorum omnium causam primam esse Voluntatem diuinam, culpa tamen, vt monuimus, semper seclusâ. Iacto hoc fundamento sic concludimus.

Quandoquidem Dei nutu imperioque fit, quidquid fit in Orbe, par est vt omnia de manu Dei acceptemus, sanctissimæ illius Voluntati nostram per omnia, & in omnibus ita conformantes, vt nihil incertis euentibus, nihil casui, nihil fortunæ adscribamus: hæc veterum monstra sunt, inter Christianos minimè toleranda. Neque fortunæ tantum aut casui nil assignandum, sed nec negligentie aut industria humanæ, velut primariæ causæ. Vana sunt, & steriles hæc querelæ: Hoc illudve, ideo mihi euenit, quia hic vel ille me odit, rem magis direxit, fœciorius egit; alitet certè euenturum fuisset, si mihi beneuolus exstitisset, negotium hoc cordi habuisset, operæ non pepercisset. Vana & stulta est hæc philosophia. Vera sapiens, & sancta est illa: Dominus fecit hæc omnia. Nam, quod iam monuimus: Bona & mala à Deo sunt.

*a* Intentione saltem secundaria.

*b* Præcipuè Alexander Pessantius Rom. in part.

1. D. Tho. q. 19. ar. 9. disp. 1. concl. 1. Gabriel Vasquez tom. 1. in 1. 2. disp. 129. c. 9. nu. 32. mihi pag. 690. col. 2. P. Adamus Tanner. quæ honoris causa nomino Preceptorem obseruandum, hic aliquid rectè limitans. Malu solius pœnæ, inquit, seu naturæ, vult Deus non per se, sed per accidens, quatenus ei bonum aliquod coniungitur to. 1. Theolog. Scholast. disp. 2. q. 50. dub. 1. assert. 10.



## §. III.

**H**ic plurimi seipfos fallūt ignorantia miserabili. Hoc enim sibi persuadent, eam tantum mala quę a causis naturalibus proueniunt, cuiusmodi sunt, Inundationes, terrę motus, agrorum sterilitas, terrę labes, annuę charitas, iniurię cęli, morborum incommoda, mortes immiti a Deo, cum plerumque hic nullum interueniat peccatum. at vero mala illa, quę a vitij & malitia humana trahunt originem, cuiusmodi sunt calumnię, fraudes furta, vexationes, insidię, iniurię rapinę, oppressiones, bella, cędes non esse a Deo, nec ab ipsius providentia proficisci, sed ab hominum nequitia, & puerfa voluntate illorum, qui hęc talia in alios moluntur. Hinc illę voces superioribus annis passim iactatę: Hęc anno nę charitas non est a Deo; ab avarissimis hominibus est, a Deo non est. Insanę ac impię voces, homine Christiano prorsus indigne, & sub Orcum relegandę.

Sed vt res sit dilucidissima, exemplo demonstratur id quod dicimus. Est qui alterum bonis omnibus euolutum cupiat: vt hoc nefarium consilium in opus prodeat, in ædes inimici clam subrepat, ignem subijcit actutum ex ædibus se proripit: domo iam inflammata cum ceteris accurrit, velut incendium cum alijs extinguitur, sed longe alius est illi animus. Nam si occasio faueat, non flammam compescit, sed prædam sibi facit, & in rem suam spolia subtrahit incendio. Omnes hęc cogitationes in se spectatę, absque voluntatis peruersitate, omnes hęc actiones, in genere entis (vt scholę loquuntur) consideratę, auctorem habent Deum; Deus hęc facit, vt quęuis alia facit in rebus creatis rationis expertibus. Sicut enim istę nec mouere se possunt, nec operari sine Deo, ita nec incendiarius ille aut domum ingredi, aut eadem egredi, aut ignes spargere sine Deo potest Neque vero mali sunt ex se hi actus, nam & cum virtute fieri possunt, at mala est voluntas, pessimum est consilium, quod improbus ille secutus est. Huius auctor & causā Deus non est, quamuis consilium hoc iniri permiserit. Potuisset enim hoc impedire si voluisset, quādoquidem ergo Deus iusto suo iudicio impium illud consilium non

impedit, permittit. Permissionis causas infra dabimus.

## §. IV.

**E**adem prorsus ratio est in alijs quoque peccatis, quod etiam sub hac imagine magis elucescat. Est qui claudicat ex accepto vulnere: gressum hic quidem molitur, sed ægrius, nec tã decorē atque sanus incedit. Causa motus in pede est vis impellens naturalis, claudicationis autem causa est vulnus, non motrix animę virtus. Simili plane modo, actionis illius, quam quis peccando exercet, causa est Deus; erroris autem & peccati in hoc actu causa est liberum arbitrium. Actioni adiumentum subministrat Deus non aberrationi, non illi a lege & recta ratione secessioni.

Quamuis igitur Deus peccati auctor non sit, nec esse possit. Mundi sunt oculi illius ne videat malum, & respicere ad iniquitatem non poterit. *a* Diligit enim iustitiam & odit iniquitatem. *b* Nihilominus exploratissimę veritatis est, omne malum pœnæ, a causis secundis seu rationibus seu rationis expertibus profectum, quocunque id modo ac ratione accidat, totum prodire a manu Dei, eiusque suauissima dispositione ac providentia: Deus est, mi bone homo, est Deus qui dexteram te percutientis rexit; est Deus qui linguam tibi detrahentis mouit; Deus est qui vires te impie conculcāti dedit. Ipse Deus de se per Isaiā hoc fassus: Ego Dominus, inquit, & non est alter formans lucem & creans tenebras, faciens pacem & creans malum: ego Dominus faciens hęc omnia *c*. Quam luculenter hoc ipsum confirmans vates Hebręus Amos: si erit, inquit, malum in ciuitate, quod Dominus non fecerit: *d* Perinde si dixisset, nullum malum est quod non faciat Dominus, malum culpę permittendo, pœnæ malum efficiendo & ordinando.

Ita Deus adulterium & cædem Davidis regis, per incesti Absalonis filij peccatum puni-  
turus: Ecce ego, inquit. suscitabo super re malum de domo tua, & tollam vxores tuas in oculis tuis, & dabo proximo tuo &c. Tu enim fecisti abscondite: Ego autem faciam verbum istud in conspectu omnis Israel, & in

con-



conspectu solis. e Præclarissime dixit Augu-  
stinus. Sic Deus per malos erudit bonos. f Sic  
Iustitia diuina Regibus impijs, & malis Prin-  
cipibus velut instrumentis vtitur. tam ad exer-  
cendam proborum patientiam, quam ad fla-  
gelandam improborum petulantiam. Exem-  
pla hæc ab omni æuo obuia, vbi Deus per im-  
probos aliorum cupidines bonâ suam volun-  
tatem exercet; per aliorum iniustitiam exserit  
iudicia sua iusta. Et velut pater virgas arripit  
& filium cædit, sed paullo post filio se conci-  
liatum exhibet, virgis in ignem coniectis: ita  
Deus per Isaiam minatur, & : Væ Assur, in-  
quit, virga furoris mei & baculus ipse est, in  
manu eorum indignatio mea. Ad gentem fal-  
laciem mittam eum, & contra populum furo-  
ris mei mandabo illi vt auferat spolia, & diri-  
piat prædam, & ponat illum in conculcatione-  
nem, quasi lutum platearum. Ipse autem non  
sic arbitrabitur, & cor eius non ita existima-  
bit: sed ad conterendum erit cor eius, & ad  
intercionem gentium non paucarum. g Quam  
clare Deus tantorum malorum auctorem se  
falsus, In manu eorum, inquit, indignatio  
mea: Virga furoris mei est rex Assyrius, ad  
punienda Iudeorum flagitia: Ego illum misi, vt  
auferret spolia, deijceretque nimium insolentes  
& inflatos illorum animos, qui proie-  
cta fide, idola gentium vesano ritu venerati  
sunt. Ipse autem rex Assyrius omnia alia cogi-  
tans, non sic arbitrabitur nec ad castigandos  
veniet, sed ad mastrandos, & omni modo  
perdendos: Nihilominus Voluntati meæ de-  
seruiet. At vbi ego gentem meam per Assyrios  
castigaro, vbi huic Virgæ, vbi Assyrijs, quos ve-  
lut instrumentum furoris mei excutiam in  
ignes. Idem prorsus in alijs vltionibus diui-  
nis est obseruare.

Titus imperator Romanus cum Hierosoly-  
morum urbem arctissima obsidione cinxisset,  
muros circuire, & ipse omnia lustrare oculis  
institit. Hic cum plenas cadaueribus valles vi-  
disset, altamque saniem tabefactis corporibus  
defluentem, altum ingemuit, & elatis in cælum  
oculis ac manibus, Deum testabatur, factum  
illud suum non esse. h.

a Abac. c. 1. v. 18.

b Ps. 46. v. 5.

c Isc. 45. v. 7.

d Amos c. 3. v. 6.

e 2. Reg. c. 12. v. 17.

f Aug. in ps. 73. v. 4.

g Isc. 10. v. 5. vsque ad 8.

h Ioseph. 1. 6. de bello Iud. c. 14. post. med.

## S. V.

**O** Bijcias: Si res ita se habent. si malorum  
omnium origo est Voluntas Dei, quid  
ergo reluctamur, quid morbis pharmaca op-  
ponimus, quid hosti armatos cuneos obijci-  
mus, cur portas non illico pandimus, & intra  
mœnia recipimus nostrum exitium, cur non  
sanctissimum præfulem Lupum imitatur, &  
illius vocibus mala nostra omnia, sicut ille At-  
tilam, salutamus? *Salue flagellū Dei*. Decolū  
est, mi homo, non plus sapere quam oportet,  
sed sapere ad sobrietatem. a Bellum, & om-  
nes clades à Deo sunt, res iam liquida. At hinc  
mala est ista, consecutio, ergo hosti non resi-  
stendum, ergo morbis nō occurrendum. Nam  
aliud est voluntas Signi (cum Theologis  
loquor) aliud voluntas Beneplaciti, Atque de  
illa voluntate Signi per leges nobis explicata,  
vt plurimum satis constat At vero de hac  
Beneplaciti non item. Neque continuo scire  
licet, quousque se ista extendat. De qua in-  
fra vberius. Nunc exemplo sit *Morbus*. Hic  
à quacumque causa ortus, diuinæ voluntatis  
est, neque hac in re quidquam ambigendum  
Cum autem ægrotus nesciat, quamdiu se ve-  
lit Deus in morbo cubare, licite prorsus resi-  
stere potest & recuperandæ sanitati, quicquid  
est legitimorum remediorum adhibere. Vbi  
vero rantarit omnia, & nihil profecerit, nec  
conualuerit, persuasissimum sibi habeat, di-  
uinæ Voluntatis esse, se grauius ac diutur-  
niore inualerudine vrgeri Sic ergo ratioci-  
nandum. Vult te Deus, mi æger, ægrotare, ac  
quia nescis an etiam velit te nunquam sanari,  
ea de causa licite vteris remedijs. Si autem  
velit morbum perpetuari, subtrahet pharma-  
cis efficaciam ne saneris. Idem de hostibus  
dicendum Sæpe voluit Deus Israelis gentem  
impugnari, ne torpesceret; quamdiu autem  
non constabat, velle Deum illam etiam expu-  
gnari, tamdiu erat resistendum hosti: secus,  
si monuisset Deus, vt per Hieremiam vatem  
monuit, dederent sese in seruos regi Nabu-  
chodonosori. Pari ratione si ortum incendium  
quantis;



quantiscunque laboribus restitui non possit, argumento id est, Deum voluisse non solum incendi domum, sed & comburi, suis amicis vel experiendis, vel puniendis inimicis. Idem alijs omnibus obseruandum b

Deinde, quemadmodum sit nonnunquam vt vnus aliquis pater det filio ligneum gladium, dicatque: Age puer, defende te contra me; videamus quid apud sanctam profeceris in athletica. Hic non filius patri, sed pugnatu aduersario resistit: ita prorsus cum quis incendiū, cum hostem, cum morbum cupit extinctum non diuinæ voluntati pœnam approbanti, sed culpæ obstitit, quam odit Deus. Nam domus incensa est, vel iniuria, vel inuidia, huic culpæ reniti, nemini non permisum: Sic qui morbum conatur depellere, non Voluntati diuinæ, sed humanæ noxæ se gerit aduersarium, vix enim vllus est morbus, cui non occasionem præbuerit aliqua viciū intemperantia; quisquis iam in morbum pugnat, non Deo, sed intemperantiæ, aut certe illius effectui repugnat: Sic qui armis resistit hosti, non diuinæ Voluntati aduersatur, sed illi qui bellum intulit iniustum. In his talibus se suæque defendere, minimè vetitum, nisi aliunde constet displicituram Deo defensionem.

a Rom. c. 12. v. 3.

b De his infra explicatius agendum.

### §. VI.

**S**ed quid miri est diuinam Providentiam Iusticiamque hominibus improbis velut instrumentis vti, quando & ipsi demones hoc munus obeunt. Fitque mira dispensatione peccatis, inquit Gregorius, vt vnde malignus hostis cor tentat vt interimat, inde misericors conditor hoc erudiat vt viuat. a in fastis Regum hæc memorantur de Saule: Post diem autem alteram inuasit spiritus Dei malus Saul. Et quomodo malus is fuit, spiritus, si Dei? quomodo vero Dei esse potuit, si malus fuit. Hoc ipsum eadem Regum historia sic explicans: Exagitabat eum, inquit, spiritus nequam à Domino. Malus erat spiritus per desiderium peruersæ suæ voluntatis, at Domini spiritus erat, quia missus à Domino ad torquendum Saulem. Hipponensis præsul Augustinus, hic lucis plurimum allucet, nec pigebit illius verba ex integro admetiri, hæc sūt:

Quid est rectū corde? non resistentes Deo. Intendat charitas vestra, & intelligite rectum cor, breuiter dico, sed tamen maximè commendandum. Inter rectum cor & prauum cor hoc interest. Quisquis homo quicquid patitur præter voluntatem, afflictiones, mæores, labores, humiliactiones non tribuit nisi voluntati Dei iustæ (bene hoc notetur) non illi dans insipientiam, quod quasi nesciat quid agat, quia talem flagellat, & talibus parcit: ipse est rectus corde. Perversi autem corde sunt, & prauī, & distorti qui omnia quæ patiuntur mala, iniquè se pati dicunt, dantes illi iniquitatem, per cuius voluntatem patiuntur: aut quia non ei audent dare iniquitatem, auferunt ei gubernationem: Quia ipse (inquit talis) non potest facere iniquum; iniquum autem est vt ego patiar, & ille non patiatur: concedo enim vt sim peccator. certè sunt peiores qui latantur, & ego tribulor: quia ergo hoc iniquum est, vt etiam peiores me latentur, & ego tribulor, qui aut iustus, aut minus peccator quam illi sum: & certum est apud me, hoc esse iniustum, & certum est apud me, quia Deus non faciet iniustum. Deus non gubernat res humanas, nec cura est illi de nobis. Ergo prauī corde (inquit Augustinus id est, distorti corde tres habent sententias: Aut non est Deus, dixit enim stultus in corde suo, non est Deus: Aut iniustus Deus est cui hæc placeant, & qui hæc facit: Aut non gubernat Deus res humanas, nec cura est illi de omnibus. In istis tribus sententijs magna impietas. Et pauculis interiectis: Sic est ergo rectum cor, fratres. Cuicumque aliquid accidit, dicat: Dominus dedit, Dominus abstulit. Ecce rectum cor: Sicut Domino placuit, ita factum est, sit nomē Domini benedictum Et non dixit, Dominus dedit, diabolus abstulit. Intendat ergo charitas vestra, ne fortè dicatis: hæc mihi diabolus fecit (hoc mihi damnum nebulo ille intulit.) Prorsus ad Deum tuum refer flagellum tuum, quia nec diabolus tibi aliquid facit, nisi ille permittat, qui desuper habet potestatem, aut ad pœnam, aut ad disciplinam: ad pœnam impijs, ad disciplinam filijs. Flagellat autem omnem filium quem recipit. Ne te sine flagello speres futurum, nisi fortè cogites exheredari. Flagellat omnem filium quem recipit. Itane omnem; Vbi te volebas abscondere.

Omnem:



Omne: & nullus exceptus, nullus sine flagello erit. Quid? an omnem? Vis audire quem omnem? Etia vnicus (Dei filius) sine peccato non tamen sine flagello. *b* Institutio nobilissima & Augustino sane digna. Quia vero Augustini sentit; nec diabolorum, nec hominum vllus in alterum quidquam potest, nisi permittente Deo, ideo nunc breuiter dicendum quænam permittat Deus, qua ratione, qua de causa, permittat.

*a* Greg. l. 2. mor. c. 14.

*b* Aug. in Ps. 31. *propius finem; sed de hoc plura inferius.*

## CAPVT II.

*Quid, quomodo, quare hoc illud permittat Dei Voluntas.*

**M**iserimè hic vulgus hominum hallucinari solet, cui Permissio diuina, vix aliud est quam humana, quæ nihil agendo desideriosa, & agere volentes, non impedit, etsi possit. Ex hoc vno errore mala gignuntur innumera. Hinc alteri in alteros ruimus, & velut omnis infortunijs fabros, omnis mali auctores mutuo nosmet & verbis, & manibus, & dentibus laceramus, tanquam si Deus interim altercationes nostras otiosus spectet, & grauissimas iniurias cum possit impedire, permittat. Seminarium hoc est omnium perturbationum. Huic euertendo tria capita statuimus in omni Permissione diuina consideranda.

Primum est, Voluntas Permittendi: Alterum, causa Permissionis: Tertium Voluntas cooperatrix in te permitta. Ad hæc melius perspicenda, repetendū animo duo esse malorum genera. Primum eorum quæ molestiam, dolorem, iacturam, infamiam inferunt, vti sunt paupertas, vincula, morbi, exilium, mors, quæ non tam dicenda sunt mala, quàm medicamenta amara, diuina manu admoda. Alterum genus malorum est, quæ vero nomine vocantur mala, vt sunt peccata. Priora illa vere vult Deus, aut ad penam impijs, vt loquitur Augustinus, aut ad disciplinam filijs posteriora hæc non velle dicendus est Deus, sed permittere. Cum enim omnia quæ vere existunt, vere velit Deus, cuius Voluntas sunt omnia, &

sine cuius Voluntate nihil est, peccatum (quod improprie dicitur existere) velle non potest, sed permittere. Vti autem futura omnia perfectissime præuidet Deus, ita facillimè quæcunque voluerit impedire potest; cum autem innumera non impediat, dicendum est, Deum iustissima sua Voluntate ab æterno voluisse adeoque decreuisse illa permittere Deus vti que non nolens sed Volens finit vt aliquid fiat. Homines quidem plurima permittunt quæ aut impedire nequeunt, aut certe mallent non fieri. Non ita supremus rerum arbiter. Est igitur in Deo. *Voluntas Permittendi*, quam in Permissione primum caput statueramus. Hic iam quaeritur cui voluerit Deus permittere peccata, siue quæ in Deo sit causa huius permissionis.

## S. I.

**N**Vquam certe Bonitas illa infinita tantam in Orbe malitiam permetteret, nisi maiora inde bona eliceret & reperta ad perniciem verteret ad salutem Permisit Deus fratrem inuidiam in Iosephum innocentem scire, sed quanto id bono permisit, non solum parentum & fratrum, sed totius Egypti Permisit Deus infantem Dauid ab impio Saule grauissimis iniurijs exagitari, sed Dauid totiusque regni Hebræi bono maximo. Permisit Deus Daniele iniquissimè accusatū in leonum voraginem præcipitari, sed grandi Danielis ipsius, & plurimorum bono. Sed quid hæc narro? Permisit Deus Filium à patricidis crucifigi, sed permisit hoc bono totius humanæ gentis inexplicabili. Ita prorsus ex omni permissione diuina, maxima diuinæ gloriæ incrementa, generi humano emolumenta proueniunt copiosissima Hinc bonita Dei ac Misericordia hinc Liberalitas atque Potentia, hinc Prouidentia, hinc Sapientia & Iustitia, modo prorsus admirabili elucescunt: hinc virtus plurimorum crescit, certamina frequentantur, multiplicantur præmia, coronæ augentur.

Et quam admirandam se præbet diuina Prouidentia in quotidianis his permissionibus! Quid enim magni est si è bono bonum; ac maximum si è malo bonum feceris. Mari tranquillo, vt aiunt, quilibet gubernator est. Neque verò magnæ artis est vento secundo,



navi firmā, mari pacato, astris fauentibus, remigibus periculis portum in conspectu positum tenere: At luctantibus inter se ventis, nauigio lacerō, fremente cælo, insidiantibus piratis, remigibus imperitis, sideribus ereptis, optatum nihilominus portum occupare, hoc demum facinus est in gubernatore admirandum. Talis in suis permissionibus est Deus. Per ea quæ contraria videntur, ad felicem deducit exitum, per tot hominum flagitia gloriam suam propagat, in tantis scelerum acervis amicos suos reddit illustriores: Deo dirigente fraudes in decepti commodum vertunt; vexationes & iniuriæ vexato vires addunt, impietas tot perditorum, pietatem multorum stabilit, & ne pereant, conseruat, & vnde plurimi creduntur deprimendi, emergunt. Iosepho carcer & vincula ad tam sublime dignitatis solum viam aperuerunt; plus ei profuit fratrum inuidia, quàm Orbis totius beneuolentia. Saulis perfidia Davidi diadema contulit. Daniele fovea leonum altius euexit quam vlli regum fauores potuissent. E cruce Christus in Paradisum migravit, ex oliueto ad Patris consessum peruenit. Quod si Deus peccata non permitteret, & permissa non ordinaret, & ordinādo in bonum deriuaret, vindicem Dei iustitiam vix agnosceremus: at sic altius sapere docemur, & admirabilissimam causarum seriem ac cōnexionem fateri cogimur, per quam tandem ē tantis malis tot emergant bona. Qua de te Severinus Boethius erudit: Ordo quidam, inquit, cuncta completitur, vt quod ab assignata ordinis ratione discesserit, hoc idem licet in alium, tamen in ordinem relabatur, ne quid in regno Providentiæ liceat temeritati. Neque enim fas est homini cunctas diuini operis machinas vel ingenio comprehendere, vel explicare sermone. Hoc tantum prospexisse sufficiat, quod naturarum omnium proditor Deus, idem ad bonum dirigens cuncta disponat. Quo fit, vt quæ in terris abundare creduntur, si disponentem Providentiā spectes, nihil vsquam mali esse perpendas. <sup>b</sup> Est ergo (quod alterum erat caput) diuinæ permissionis causa multiplex.

<sup>a</sup> Senec. epist. 85. propius finem.

<sup>b</sup> Boeth. lib. 4. consecrat. phil. profr. 6. fine.

**T**ertium est, Voluntas Dei cooperatrix in omni re quam permittit. Non tantum decreuit Deus ab æterno quæ temporis successu erat permittiturus, neque tantum iussit, sed voluntatem suam permissionis causas, sed voluntatem etiam habuit habetque in omnibus permissionibus cooperatricem. In Theologorum scholis res liquidissima est, omnium eorum quæ verè sunt & existunt. Deum esse adiutorem. Nihil vsquam rerum sine primæ & summæ causæ adiumento existit.

Cum ergo Deus ea omnia quæ permittit, ab æterno decreuerit permittere, idque iustissimis de causis seipsum insuper in suis permissionibus adiutorem præbeat, quid est quod Deum hominesque tot vanissimis querelis incessimus, quid Providentiā & iustissimas Dei permissiones toties allatramus? quin omnes rerum euentus diuinis iudicijs adscribimus, certi, iustissimas diuinæ permissionis grauiissimasque causas subesse, & propositum maximi momenti finem, cui nos minimè conueniat refragari: Bonæ malæque voluntates Deo militant, & inter varios fines, veniunt tamen ad hunc, vt sic dicam finium finem.

Certè sanctissimi quique viri, res omnes tanquam Deo agente sibi eueniri exploratissimum semper habuerunt, siquidem mentis oculos ab alieni peccati cogitatione seuocantes, Dei permissiones quasi actiuas & effectrices assidue contemplabantur. Tam enim bonus est Deus, vt nulla ratione permitteret mala, nisi nosset ex his elicere maiora bona. Ad rem aptissimè Augustinus: Melius, inquit esse iudicauit Deus de malis bene facere, quam mala nulla permittere. Neque enim Deus, cum summe bonus sit, vilo modo sineret mali esse aliquid in operibus suis, nisi vsque adeo esset omnipotens & bonus, vt beneficeret etiam de malo <sup>a</sup>. Optimè Theophilus Bernardinus, quem hic sequimur: Subtilissimè, inquit, nostris erroribus & peccatis insinuat se Deus, non vt approbator & particeps, sed vt auctator & corrector, qui ex malis bona plura, quasi ignem ex aqua educit <sup>b</sup>. Hic cogitandum, vt idem monet, omnes eos qui nos lædunt (quacūque demum id ratione fiat)



fiat) duplicem personam sustinere. Vnam quā nobis pessimē cupiunt, & non simplex in nos malum cudunt: Alteram quā illud omne quod cogitarunt, possunt, & diuinā iustitiā nos affligentis sunt instrumentum. Si primam tantummodo personam maleuolorum agerent, nihil nobis nocerent, sed quia etiam alteram illam, quamuis ignari agunt, Deo nos iustē punienti subseruiunt. Sic Dei seruus Nabuchodofor, sic Artala, sic Torila, sic Tamerlanes, flagella Dei, sic Vespasiani duo gloriā quidem & propagandi imperij causa Iudeos perdere conati sunt: sed errarunt. Reuerā liētores & satellites fuerunt vltionis diuinā in impiam gentem. Concoquere suam felicitatem Iudei non potuerunt, nisi adiuti Neronianis his thermis. c Sed vt presius hanc ipsam ratiocinationem prosequamur, libet pauca quærere.

a August. som. 1. Enchir. c. 27. & c. 11.

b Theoph. Bern. l. 11. de Persen. c. 4. § 7.

c Lips. l. 2. Constant. c. 7.

## §. III.

**E**X te, mi Christiane, quæro, ex te potissimum qui cælum terramq; non raro misces querelis. Dic obsecro, in homine illo, qui te læsit, quid accusas; an voluntatem tantum lædendi, an tantum potestatem, an vtrumque? Vtrumque, dices. Sed ego te docebo neutrum accusare. Non voluntatem nocendi, hæc enim sine potestate, vana est, nec tibi quidquam nocuit: non nocendi potestatem, quæ à Deo est, quæ iusta & equa est. Nosti, omnis potestas à Deo est. a Quid ergo conquereris, illum in te posse, quod Deus illi permittit? Grandis mihi sit iniuria, dices, Quænam illa tandem iniuria? Peccata tua punit Deus, patientiam tuam exercet, præmia tua multiplicat, & tibi fit iniuria? Huic, ais nequam homini, & voluntati eius nequissime indignor. Ad hominem tu semper respicis, ego vero ad Deum te suspicere volo. Voluntas humana, quantumvis improba quid potuit, quid fecit? Tu non adeo doles, quod voluerit tibi nocere, sed quod nocuerit, aut nocere potuerit. At quæso te, quid & quomodo potuit, vnde potuit, cur potuit? nonne potestate & concessione diuinā? si diuinā, nunquid iustā, laudabili, sancta?

Ergo, vel tace, vel querelas tuas ad diuinam hanc permissionem erige, & hoc animo tuo insculpe: Nunquam permissurum Deum, vt alterius mala voluntas, quidquam in te mali moliat, nisi in tuum bonum, si tu tamen ipse tibi non obsis. Et quis est qui nobis noceat, si boni emulatores fuerimus? b Preclarissimē Augustinus: Noli timere inimicum, inquit, tantum facit quantum acceperit potestatem. Eum time qui habet summam potestatem. Eum time qui quantum vult, tantum facit, & qui iniuste nihil facit, & quicquid fecerit iustum est. Putamus iniustum esse necio quid, & ex hoc quia fecit Deus, crede iustum esse. Ergo, inquis, si quis hominem occidat innocentem, iuste facit an iniquē? Iniquē sanē. Quare hoc permittit Deus? Disputare vis, antequam facias vnde dignus sis disputare, quare hoc permittit Deus? Consilium Dei tibi dicere, o homo, non possum. Illud tamen dico quia & inique fecit homo qui occidit innocentem & non fieret nisi permitteret Deus. Et quamuis ille inique fecerit, non tamen hoc inique permittit Deus. c

Idem, de Christi Domini nece: Itaque fratres mei, inquit, Iudas malignus traditor Christi, & persecutores Christi, maligni omnes, impij omnes, iniqui omnes, damnandi omnes: & tamen Pater proprio filio suo non pepercit: sed pro nobis omnibus tradidit illum. Dapone, si potes, distingue si potes: redde Deo vota tua quæ distinxerunt labia tua. Vide quid tibi fecerit iniquus, quid iustus. Ille voluit, iste permittit. Ille iniuste voluit, iste iuste permittit. Voluntas iniusta damnetur, permissio iusta glorificetur. Noli ergo mirari, permittit Deus, & iudicio permittit: permittit & mensura; numero, pondere permittit. Apud illum non est iniquitas tu tantum ad eum pertine. d

Hæc consequendæ tranquillitati via proxima est, non hominem iniuriam inferentem, sed Deum iniuriam permittentem intueri. Hic Sanctorum mos erat, non quis, quæue ratione læderet, sed quis lædentem non impediret, attendere. Hinc ipsas etiam iniurias beneficia interpretabantur: nam isti sunt, aiebant, qui nos beatos faciunt; at qui beatos prædicant, illi nos decipiunt. Ita oculis in Deum semper intentis, à diuinis nutibus in omni re



pendebant, à Deo omnia expectabant.

Ex hoc vero capite nullius hominis peccatum plus veniæ meretur, quod maius inde bonum eliciat Deus, nam boni occasionem solum præbet homo non causam, & occasionem quidem non ex se, sed ex diuinæ bonitatis abundantia. Si pauperulus hominis tugurium improbus quis incenderit, non ideo minus deliquit, quia id pauperulus ille patienter tulit, aut Princeps aliquis decuplo meliorem domum substituit. Aliena virtus, & felix euentus, incendiarij culpam non diluunt, ita nec peccatum bonitatem vllam acquirit, quod boni occasionem præbuit. Sed vt hæc omnia melius capiamus, quam occulta sint Dei iudicia nunc expendendum,

a Rom. c. 13. v. 1.

cb 1. Petr. c. 3. v. 13.

d Aug. in ps. 61. prop. 5.

Aug. ibid.

### C A P V T III.

*Quomodo per arcanissima iudicia Dei cognoscenda sit Voluntas diuina.*

**I**llud Hebraei vatis hic assidue ingeminandum: Iudicia tua Domine, abyssus multa: a multa, multanimis. Iam olim hanc abyssum velut digito monstrarunt duo Regij ministri. Princerna, & Pistor Pharaonis Aegyptij Monarchæ, Vterque eiusdem regis famulus, gratia excidit vterque, in carcerem & vincula vterque raptus est, nec leni de causa, nam vtrique Rex Pharaon iratus, vtriusque etiam inter epulas recordatus est, vtriusque vitæ gratiam potuisset facere, iustitia non obloquente, aut vtrumque capite damnare. Et tamen hunc infami supplicio addixit, illum officio pristino restituit, Pistorem in crucem egit & coruis escam obiecit, Princernam in gratiam recepit, ac denuo ad regis mensæ ministerium admisit. Talia sunt iudicia Dei, hos ex iustitia à conspectu reiicientis, illos autem in conspectum admittentis ex gratia. Iudicia Dei abyssus multa. Quis sufficit enarrare operacius, quis enim inuestigabit magnalia eius? b

a Ps. 35. v. 7.

b Eccli. cap. 18. v. 2. & 3.

### S. I.

**Q**uam occulta Dei iudicia circa Nabuchodonosorem, & Pharaonem illum alterum qui ignorabat Ioseph? a De quibus eximie Augustinus: Nabuchodonosor, inquit, post innumeras impietates flagellatus, penitentiam meruit fructuosam; contra vero flagellis ipsis durior est factus Pharaon, & perijt. Ambo homines reges, impij: ambo flagellis moniti, quid obsecro eorum exitus fecit tam dispares? Vnus Dei manum sentiens ingemuit & resipuit, alter Dei Voluntatem aversus in peccatis permansit, & interijt. b Ita idem medicamentum, ab eadem manu confectum, ægrotos duos simillimo morbo oppressos dissimillimè afficit, & hunc quidem ad sospitatem, illum ad tumbam deducit. Ita duo latrones cum Christo in crucem sublatis, & in pari culpa, æquali supplicio, simillima morte, dissimillimam post mortem sortiuntur habitationem. Iudicia Dei abyssus multa.

Optimus ille rex Asa. qui *Fecit quod bonum* & placitum erat in cōspectu Dei sui, & subuertit altaria peregrini cultus, qui omnē aboleuit idololatriam, omnium priorum regum maculam, *Excelsa*, demoliri ausus. Et tamen iste regum optimus priorem laudem in fine corrumpit: diu præclarissimè se gessit, annis triginta optimorum regum exemplar haberi potuit, tandem Regi Syriæ plus quam Deo confusus, Prophetam Hanani eius facti reprehensorem in nervum compegit, è plebe plurimos interfecit, pedum dolore correptus plus medicorum arti quam diuinæ opi tribuit. c Ah, quam non responderunt extrema principi's! sanctissimus Rex quantum à seipso mutauit! Contra Manasses impiissimus, qui omnem vitam suam sceleribus infamauit, tandem in se descendens, principia pessima nobili fine coronauit. Abyssus multa, mi Deus, iudicia tua, abyssus nimis profunda!

a Exod. c. 1. v. 8.

b Aug. l. de prædest. & grat. c. 15.

c 2. Par. c. 15. & 16.

### S. II.

**S**aul & David quam admirandi! Vterque initio laude dignus, vterque in graui delicta



delicta lapsus cum offensa totius regni, ob hoc uterque punitus, sed euentu diuersissimo. Saul obstinata impietatis homo, miserrime finijt. David pœnam in medicinam vertit, factus Deo familiarissimus. Hic nefas querere. *Quare autem Cur hoc?* è schola demonijs prodijt. *Cur istud?* Multos perdidit importunissimum istud *Cur*, & *Quare*. *Cur præcepit vobis Deus?* querit olim fallacissimus coluber. Cui respondendum fuisset: Præcepisse scimus, cur præcepit, nostrum non est querere: hæc Domini Voluntas est; causæ voluntatis huius nobis minimè scrutandæ. Quis enim cognouit sensum Domini, aut quis consiliarius eius fuit? aut quis prior dedit illi & retribuetur ei? quoniam ex ipso & per ipsum, & in ipso sunt omnia. At dixerint forsitan aliqui: Tamen rationem aliquam exigere licebit huius vel illius præcepti, A quo? num à Deo? cui vni licet quod libet, & nihil libet nisi quod licet. Si seruus à patrefamilias, subditus à principe rationes exigar, ille contumeliam putet, hic rebellionem; tibi plus animi aduersus Deum est? Non aliter hæc ratio constat, quam si nulla reddatur.

Quam admirandum & illud? Samaritani Dominicis verbis celerrimè credunt; rogantque Dominum secum maneat, Geraseni increduli eundem rogant, à se abeat; Iudæi perfidi nec verbis, nec factis, sed nec vllis prodigijs, aut miraculis induci possunt vt credant Veritati. Iudicia tua, ô Domine, abyssus multa!

Julianus Alexandrinus, sanctissimus martyr pedum vsu captus, ad tribunal in sella gestatus est à duobus famulis. Horum alter Fidem & Dominum abnegans, turpissimè defecit, alter Ennus nomine, Deo & hero fidelis perseverauit. Sic ambo camelis impositi, per urbem Alexandriam flagellati, tandem in rogam coniecti, sanctissimè finierunt. Hos cum Belsa miles spectaret, & hominum innocentum misertus, insolentiam petulantis plebeculæ cohibere niteretur, delatus ad iudicem, capite plexus est. Nimirum transfuga illius præmium occupauit. Iudicia tua, ô Deus, abyssus multa.

Narrat Athanasius Alexandrinus præsul, in rebus gestis Antonij Magni, duos fratres ad Antonium suscepisse iter, sed in via, ex aquæ penuria alterum siti mortuum, alterum

morti proximum iacuisse defectis viribus. Antonius aliquot inde milliaribus distans, & tum forte in rupe confidens, duos è suis ad se subito euocans; Ite, inquit, festinato gressu, & aquæ lagenam deferre, vnus è duobus fratribus huc comitantibus in itinere iam obiit, alter adhuc dum spirat sed ægrè, & nisi matura ope subueniatis, nec illum viuum reperietis. Hoc mihi oranti iam primum significauit Deus. Sic ait, & illi vt iussi, mox iter celerarunt: repertum extincti cadaver terræ mandarunt, alterum fonte refectum sibi comitem iunxerunt. Erat autem iter vnus dici. Hic opportunissimè Athanasius: Fortasse, inquit, aliquis querat: Cur non antequam alter moreretur, Antonius monuerit? Indigna prorsus Christianis, questio, quia non Antonij sed Dei iudicium fuit, qui & in morientem, quam voluit, sententiam tulit, & de sitiente reuelare dignatus est.

Hæc arcanissima Dei arcana cum secum miraretur Antonius, iamque pene inciperet descendere in hanc diuinorum iudiciorum profunditatem, apud Deum sic familiariter questus est: Mi Domine, illos flagitijs operatos tamdiu sinis viuere, istos ad plurimorum vtilitatem hatos abripis? Hi non adeo improbi, tam seuerè à te puniuntur; alij viuunt impunè, & à viuendi prosperitate, peccandi sumunt audaciam. Prodit quasi ex adipe iniquitas eorum. Hic vocem audijt? Antoni, ad ipsum intende: hæc iudicia Dei sunt, tibi non scrutanda.

O quam magnificata sunt opera tua, Domine, nimis profunda facta sunt cogitationes tuæ: vir insipiens non cognosceret, & stultus non intelliget hæc. Vere tu es Deus absconditus! Anno millesimo centesimo supra decimum septimum, cum Italia tota terræ motibus quateretur, ait Rogerius, aliquot Mediolanenses Patricij sub turri confederunt, erat enim eis de Republica negotium. Cum vox foris audita, quæ vnum nominatim euocabat. Ille cunctari, & dubitare quis vocaret, & quem itaque harere, & repetitam vocem expectare: cum ecce ignotus aliquis ad fores adest, & hunc ipsum rogat exeat. Vix dum aliquot spatijs à loco abiit, cum turris corruit, & vnâ omnes oppressit. Cur hic vnus tantum, &



tum, & ceterorum nemo ab interitu servatus: Iudicia Dei, abyssus multa. Quis non videat pifca hic prodigia reuocari? Sic Angelus Lothum cum familia eductum, Sodomæis incendijs subduxit: Sic mille alij inter percuntium turbam ab exitio defenfi sunt.

Anno millesimo quingentesimo supra nagesimum septimum, in Sicilia, in monte Regali, *b* obstinata libidinis homo à religioso viro aliquoties monitus, impuram vitam tandem desineret, & meretricium consortium eiuaret. Perstitit tamen miser, sed post extremam monitionem in sinu pellicis confosus est. Alius non disparis vitæ vir, & qui plurimis annis cum infami femina habitauit, vbi lamentabilem hunc exitum inaudijt, alieno malo sapere voluit, & omnem vitam ab annis sexaginta per confessionem relegit. Quid hic aliud iterum vociferer, quam hoc ipsum; Iudicia tua Domine, abyssus multa nimis:

*a* Rom. cap. 11. V. 34. & seqq.

*b* Quod in summo imperio acute dictum, & Tiberio ingessu à Sallustio. Tacit. l. 1. Ann.

*c* Euseb. hist. l. 6. cap. 34. Niceph. lib. 3. c. 30.

*d* Rosineid in Vitis PP. l. 1. in vita S. Antonij c. 31.

*e* Psalm. 72. V. 7. f Psalm. 91. V. 6. & 7.

*g* Is. 45. V. 3.

*h* Kunigiberg.

### S. III.

**E**T hoc est quod diuinum Paulum in tantam admirationem rapuit. Gemellis illis Iacob & Esau, cum nondum nati essent, aut aliquid boni egissent aut mali &c. dictum est, Iacob dilexi, Esau autem odio habui. Quid ergo dicemus? nunquid iniquitas apud Deum? absit &c. O homo tu quis es qui respondeas Deo? Nunquid dicit figmentum ei qui se finxit; quid me fecisti sic? An non habet potestatem figulus lutum? *a* Aurifex argentum & aurum suum, figulus suum lutum pro libitu versat, quamuis inter figulum & lutum non remotissima sit cognatio, qualis inter Deum & hominem, vilissimum terræ vermiculum. Quis igitur Deo dicere potest? cur ita facis: *b*

Narrat Dorotheus, *c* nauigium appulisse ad urbem venalibus mancipijs plenum. Erat in

illa ciuitate virgo sanctissimis moribus, suæque salutis studiosissima. Hæc mirè letata occasione offerri, adsciscendæ inde ancillulæ, quam suo nutu ad omnem virginitatem etiamnum docilem formaret. Et commodè nauarchus puellas duas habuit, e quibus alteram Virgo liberali pretio emit. Vix hæc abiit, cum adest femina profligati pudoris, histrioniam faciens saltatricula, hæc alteram virgunculam licitata, cum pretio non grandi parabilem audiret, emptam abduxit. Heu misella, tam scelestam nocte dominam, quam sanctam altera! Quis hic iudicij diuini abyssum scrutetur? Vtraque ab annis innocens, vtraque venalis; vtraque suæ sortis ignara, vtraque velut testa recens, odorem seruatorem quem primitus imbibisset. Et tamen illa virgineos mores edocta, non diffculter virtuti à teneris assuevit. Angelorum digna consortio: Hæc autem ab illa furia ad omnem perulantiam & lasciuam instituta, improbos dominæ mores felicitè imitata, nobile fuit spoliū diabolo; alia certè futura, si aliam habuisset magistrā. Sed iudicia tua, o Domine, abyssus multa.

Non multum ab simile quid in cognato sanguine Gregorius Magnus expertus est. Tres habuit amitas vir iste sanctissimus, Emilia nam, Tarfillam, Gordianam; omnes se Christo & virginum sacrarum collegio deuouerunt: illæ vti virginitatis sponsonem integerrimè seruauerunt, sic vitam sine optimo clausulerunt. Tertia illa Gordiana nullis obtemperas monitis, illecebrarum appetens, tandem frenum rupit, carnobio excessit, villicum suum, vagâ libidine secuta. *d* Iudicia tua Domine, abyssus multa; hac nemo se immittat: Ecce Deus magnus vincens scientiam nostram, quis poterit scrutari vias eius? *e* Cautissimus hic Iesus rex. Vt iumentum, inquit, factus sum apud te: *f* Tuis, o mi Deus, iudicijs, me non immisceo, tuum me iumentum gero; iumentum est hero iubenti parere. non iussa discutere. Et quid miri hominem in scholis non educatum, & qui iuuentutis suæ rudimenta in pecorum custodia posuit, ita de se sentire: ipsi Seraphini, spiritus nobilissimi hoc faciunt. Nam cum in cælo de abdicandis Iudeis ageretur *g* Seraphim geminis alis faciem pedelque velabant, professi eo altitudinis se perting



pertingere non posse intelligentia, quo sese admiranda Dei opera extollerent: diuina iudicia omnem intelligendi vim excedere: se itaque contentos, scire ter sanctum esse Numen, sanctum in seipso, sanctum in iudicijs, sanctum in operibus. Si sic supremi Angeli arcana Dei iudicia venerantur, quanto magis nos vilissimos homunciones clamare conuenit: Iustus Dominus in omnibus vijs suis, & sanctus in omnibus operibus suis. *b* Hic neminem non plurimum soletur, quod excellentissime dixit Augustinus: Potest Deus aliquos sine bonis meritis liberare, quia bonus est, non potest quemquam sine malis meritis damnare, quia iustus est. *i*

*a* Rom. c. 9. V. 12. & seqq.

*b* Job c. 9. V. 12.

*c* Doroth. ser. de occult. Dei ind.

*d* Greg. homil. 38. in Euang.

*e* Job c. 36. Vers. 23. & 26.

*f* Psalm. 72. V. 21.

*g* Is. 6. V. 2.

*h* Ps. 144. V. 17.

*i* l. 1. contra Iulian. c. 18.

## S. I V.

**C**ernimus quidem mirabiles Mundi reuolutiones, cōtinuas vicissitudines, euentus prorsus inopinatos, & est cum dicamus: Videamus obsecro, quem res exitum sortiura sit. Videmus tandem & miramur, frigidissimū illud nobiscum musitantes: *Non putassem.* At nescimus miseri, quæ secutura sint, sed nec eorum, vt eueniant ratio postcenda. Non enim cogitationes meæ cogitationes vestrae: neque viæ vestrae, viæ meæ, dicit Dominus. Quia sicut exaltantur caeli à terra, sic exaltatae sunt viæ meæ à vijs vestris, & cogitationes meæ à cogitationibus vestris. *a* Rationem de occulto Dei consilio quærere, inquit Gregorius, nihil aliud est quam contra consilium eius superbire. Nostrium est in omnibus cum beato Paulo dicere: O altitudo sapientiae & scientiae Dei, quam incomprehensibilia sunt iudicia eius, & inuestigabiles viæ eius! In hac vita plurima nunquam satis indagabimus. Sufficiat nobis scire, Deum iniquum non esse, nec extremo iudicij die futurum vllum qui non cogatur dicere. Iustus es Domine, & rectum iudicium tuum. Conatus quidem Rex

David, hæc Dei arcana iudicia penitus rimari; Existimabam, inquit, vt cognoscerent hoc. Tandem tamen non reperiens vllum exitum; Labor est, ait, ante me, donec intrem in sanctuarium Dei: differenda est hæc occultorum scientia in Orbem meliorem.

Submittamus ergo & nos curiosi ingenij alas. Reciprocus Oceani fluxus & refluxus omnem philosophorum solertiam fatigauit: & qui nos capiamus profundissimos diuinorum iudiciorum recessus. Quis indaget, cur hic in Turcia natus, ille inter Christianos; cur in plurimas regiones Christi Euangelium tam sero emanarit, & interea temporis tot hominum millia perierint; idem tamen Euangelium in alias prouincias tam maturè propagatum sit. Quid, quod vna regio, tota quantae est, heresi sit infecta, alia ab omni hæreseos labe immunis floreat? Cur diuina vltio hos prætereat, illos tangat? Cur immeriti aliquot populi euertantur, & culpæ maiorum in posteros ac nepotes transeant? Cur tot Principum, Regum & Imperatorum expeditiones ad recuperandam Palæstinam susceptæ, fuerint irritæ. Fugiamus quærere, cur Adamo Deus, non etiam Lucifero pœnitentiæ locum concesserit; Cur Christus Petri misertus, non Iscariotæ; Cur hic in curia, ille senex moriatur? Cur hic in flagitijs pereat, non diu flagitiosus, ille à flagitijs respiscat, ijs diutissime immersus? Cur hic diuitijs abundet, ille nec panem habeat nec pecuniam. Vaga mens quid per hanc curiosam curam tibi vis? Tangere cælestem illum diuini iudicij ignem? liquefeces. Scandere in Prouidentiae arcem? Cades. Vt papiliones & minuta quædam animalculæ vespere lucernæ lumen identidem circumuolant, donec amburantur: sic humana mens lasciuir circa arcanam illam flammam. Vespertilionum oculi nobis sunt ad hunc solem. Homines sumus, secreta Dei non intelligimus. Mirabilia opera Altissimi solius, & absconsa, & inuisa opera illius. *b* Nemo vnquam mortalium fuit qui librum intus & foris scriptum aperiret, nemo qui legeret. Liber iste diuinorum iudiciorum est, intus prædestinationis, foris prouidentiae plenus. Aeternus, sapientissimus Deus, omnia in mensura, & numero, & pondere disposuit. Et virtuti brachij eius quis



quis resistet? *c* Quid nos audaculi, pondus ignis ponderare, aut flatum venti mensurare, aut diem præteritum reuocare frustra nitimur? *d* Modo iam istud sciamus, causam ante omnes causas esse *Voluntatem Dei*, à qua qui querit aliam, vim & potentiam ignorat naturæ diuinæ. Nam causam omnem necesse est, genere quodam priorem & maiorem esse suo effectu: At Deo, & eius Voluntate nihil prius aut maius, non ergo vlla eius causa. Quid ultra hic vis? Deus permittit, Deus voluit, Deus fecit Summa iustitia est, vt rectè & piè Saluianus ait, Voluntas Dei: Summa prudentia est diuinæ Voluntas ac prouidentia decreta placido animo acquiescere.

*a* Is. c. 5. V. 8. & 9.

*b* Eccl. c. 11. V. 4.

*c* Sap. c. 13. V. 21.

*d* 4 Esdr. c. 4. V. 5.

#### CAPVT IV.

*Quomodo Dei Voluntas, in rebus omnibus agnoscitur?*

**D**iuersi quidem regiminis est, hypocritarum plenum infantibus, gymnasium plenum discipulis, plenam domum famulis cœnobium plenum religiosis, campum plenum militibus curare, eadem tamen in omnibus gubernandi ratio est per Obedientiam, quæ diuersas voluntates in vnam iubet coalescere. Male dux imperabit nisi omnes suos milites aut ore gestare possit, aut manu, hoc est, aut voce aut nutu ad omne imperium impellere. illic bene res geritur, & disciplina sibi constat, cum in domo paterfamilias, in schola magister, in cœnobio antistes, in castris dux suos omnes aut lingua circummagit, aut dextra; verbo regit aut nutu, & quoquo vult perpellit.

Quemadmodum vero militè sui ducis linguam aut dextram insidere conuenit, ad huius vel illius imperata promptum: ita prorsus hominem Christianum decet, velut in lingua Dei manuve sic hære, vt quicquid Deus voluerit, dixerit, iusserit, quoquo nutum intenderit, mox ille idem velit, eo protinus eat, currat, vult: Omnium nostrum vox sit: In capite libri scriptum est de me, vt facerem vo-

luntatem tuam: Deus meus volui, & legem tuam in medio cordis mei: *a* in medio memoriarum, intellectus, voluntatis meæ: Voluntas tua, mi Deus, instar legum omnium mihi est.

Sauli à Christo in terram deiecti, prima omnium quæstio fuit: Domine quid me vis facere? *b* Hæc omnium proborum assidua sit percontatio, Domine quid me vis facere? quæ tua Voluntas, mi bone Iesv: verbo, nutu significa, eo, pareo, facio, quicquid me facere volueris. Huic igitur quæstioni ante omnia nunc respondendum, qua ratione nimirum Dei Voluntas in rebus omnibus sit agnoscenda. Aliquot hic regulas dabimus, per quas diuina Voluntas faciliè poterit explorari.

#### Prima Regula.

*Diuina Voluntas cognoscenda.*

**Q**uidquid abducit à Deo, contra Dei voluntatem est: quicquid ad Deum inuitat, ad diuinam Voluntatem est. Hæc est enim Voluntas Dei, sanctificatio vestra, vt abstineatis vos à fornicatione &c. *c* Itaque si quis tale quid in se deprehendat, vt fateri cogatur: hoc officium, hæc societas, hoc mercimonium, hoc viuendi genus me non reddit sanctiorem; abducit à Deo, sed sensum, & lentis gressibus: ergo nec officium istud, nec illa societas, nec mercimonium istud, nec ista viuendi forma diuinæ Voluntas est.

#### II. Regula.

**V**oluntas Dei per legem Dei & Ecclesiæ luculentissimè nobis declaratur. Ideo in omni ambiguitate non tantum quærendum, quid Dei aut Ecclesiæ leges velint, sed quid ipsæ magis aut minus conforme sit. Christus olim opulento iuueni sciiscitanti, qua proxima viaretur ad cælum? hunc optimum diuinæ Voluntatis interpretem designans: Mandata, inquit, nosti. *d* Sanè, nihil dulcius quàm respicere in mādatis Domini. *e* Hunc ipsum diuinæ voluntatis internuntium Abrahamus Epuloni commonstrans: Habent, ait, Moysen & Prophetas: audiant illos. Diuinus Paulus: Nolite, inquit, conformari huic sæculo &c. vt probetis quæ sit voluntas Dei bona, & beneplacens, & perfecta. Bona Dei voluntas decalogo comprehenditur: Beneplacens

confi-



consilij Euangelicis. *Perfecta*, desiderat à se  
imperata perfici in terra, sicut in cælo.

a 1. *Thess.* 4. V. 3.

b *Luc.* 6. 12. V. 10.

c *Ecc.* cap. 13. V. 37.

d *Luc.* 6. 16. V. 29.

### III. Regula.

**H**æc à beato Paulo præscribitur: In om-  
nibus gratias agite, hæc est enim Vo-  
luntas Dei in Christo Iesu in omnibus vobis. a  
Primum hic notatu dignissimū. In rebus om-  
nibus gratias agendas, etiam turbatissimis &  
maximè improlis. Pulchrè Chrysostomus  
dixit. Passus es aliquid mali si velis, malum  
non est: Age Deo gratias, & iam malum mu-  
tasti in bonum. Hoc animi est Philosophici. b  
Prisci Germani optimè liberos instruebant,  
ut si quando digitum igne læssissent, mox dice-  
rent: Deo gratias. Breue, sed nobile præce-  
ptum. Quicquid demum, mi Christiane, te  
premat vræque, quicquid affligat, dic centies  
dic millies: Deo gratias. Addit Paulus: *Spiri-  
tū nolite extinguere.* Sensus hic diuinis instin-  
ctibus locus. Non rarò Deus voluntatem suam  
explicat occultis alloquijs, quibus vt verè di-  
uinis tunc tuto creditur, cū solius Dei gloria  
sectanda proponitur. Sed & illud Paulus addi-  
dit: *Prophetias nolite spernere.* Diuini volumi-  
nis explanationes, sacras in templis concio-  
nes, præfagas fidorum hominum admonitio-  
nes negligi ab eo minimè conuenit, qui diui-  
næ Voluntati approbare se cupit. Qui audire  
nō vult, non vult Dei Voluntatem intelligere.  
Demum præcipit Paulus: *Ab omni specie ma-  
læ abstinere vos.* Quemadmodum boni num-  
larij monetam adulterinam aut à tignitu, aut  
à signo & inscriptione norunt, & reijciunt, ita  
nos, quicquid vel tenuem vmbra vitij præ se  
fert, abominemur, tanquam diuinæ volunta-  
ti contrarium.

a 1. *Thess.* c. 5. V. 17. 18. & seqq.

b *Chrys.* in illum locum.

### IV. Regula.

**P**reter Dei & Ecclesiæ leges, alij quoque  
diuinæ Voluntatis interpretes sunt, maxi-  
me in rebus dubijs. Inter hos censendi magi-  
stratus tam politicus quam sacer, ijque o-  
mnes qui alijs legitime præsuunt: his annu-  
me-

randi Curiores, Confessarij. Maiores & præ-  
sides in sacris familijs. Cum Saulus iam para-  
tus diuinæ Voluntati parere, quæsisset: Domi-  
ne, quid me vis facere? Non illum Dominus  
præceptis oneravit, neque illi subito scienti-  
am omnem infudit, sed vt discipulum ad  
Ananiam mittens: Surge, inquit, & ingrede-  
re ciuitatem, & dicetur tibi quid te oporteat  
facere. a Ananias Paulo diuinæ Voluntatis pa-  
raphrastes fidelissimus fuit, sicut Cornelio Pe-  
trus. Ita vult Deus Voluntatem suam homi-  
ni explicari ab homine. Hinc illæ tam crebræ  
admonitiones: Consilium semper à sapiente  
perquire: b Sine consilio nihil facias, & post  
factum non penitebis: c Anima viri san-  
cti enūciat aliquando veram (magis) quam se-  
ptem circumspectores sedentes in excelsis. Et  
sic in his omnibus deprecare Dominum vt di-  
rigat in veritate viam tuam. Ergo, cum viro  
sancto assiduus esto, quemcunque cognoue-  
ris obseruantem timorem Dei & c. Et cor boni  
consilij statue tecum, non est enim aliud  
pluris illo d. In omnibus igitur dubijs circa  
Voluntatem diuinā, à nemine potius petendū  
consilium, quàm à Confessarijs & Maioribus  
nostris, quibus aut conscientiam aut omnem  
vitam commisimus. Quæ in re vniuersè dici  
potest: Omnis Dominorum aut Maiorum,  
aut Præsidum voluntas (peccatum excipio)  
Dei Voluntas est. Quod ergo cuiusque Domi-  
nus, quod maiores aut præsides insulerint, non  
aliter quam certum diuinæ Voluntatis inter-  
pretamentum est accipiendum. Beatissimus  
Paulus exemplo hic præit, & Galatis scribens:  
Deinde, inquit, post annos quatuordecim iterū  
ascendi Hierosolymam cum Barnaba. Quæ  
caussa itineris tam longi: *Cōtuli cum illis Euā-  
gelium.* En, Orbis concionator per tot an-  
nos, tanquam discipulorum infimus, doctri-  
nam suam in medium proponit, & primarios  
Apostolos illius quasi iudices constituit, vt  
quod illi de ea decernerent ac communi con-  
silio probarent, improbarent, adderent, de-  
mererentque, id ipse sic credendum, sic docen-  
dum susciperet. Magis mirandum quod addit:  
*Ascendi autem secundum reuelationem.* e  
Num qui Paulo reuelauit iter hoc suscipien-  
dum, non equè reuelare potuit quæ Paulus iti-  
nere hoc effecturus? Nimirū vult Deus homi-  
nem ab homine doceri. Accedit, quod Paulus



Hierosolymam ierit, super doctrina sua interrogaturus, non tam quod ipse de ea dubitavit quam alij. His firmandis consultissimum videbatur, Maiores interrogare. Ergo Videte & interrogare de semitis antiquis, quæ sit via bona, & ambula te in ea. f

a Gal. cap. 2. V. 1. & 2.

b Hierem. c. 6. V. 16.

c Añ. c. 9. V. 7.

d Tob. c. 4. V. 19.

e Eccli. c. 13. V. 2.

f Eccli. c. 37. V. 15. 18. & 19.

### V. Regula.

**Q**uod si consilium petere, nec tempus permittat nec locus, dispiciat homo secum ipse, & omnem dubitationem circa notitiam diuinæ Voluntatis facili negotio sic poterit explicare. Attendat solemter, utrum è duobus, in quibus hæsitat, voluntati propriæ sit acceptus, quid gratius carnis appetitui, quid existimationi propriæ optabilius: Vbi hoc, quod facile indagauerit, & serio secum statuerit actiones suas Voluntati diuinæ penitissimè conformare, tunc profecto securus eligit illud quod voluntati suæ minus acceptum, quod minus gratum carnis appetentiæ, quod denique splendoris ac pompæ minus habuerit. Nā illa electio ad propriæ voluntatis, ad carnis, ad existimationis propensionem, cuius inperito nimis quam suspecta & errori proxima videri debet; at hoc alterum procliuirari suæ relictari, plerumque tutissimum: Dum non facis vias tuas, inquit Isaias, & non inuenitur voluntas tua. a Sit hoc exemplo. Ei qui maligno aut frigido est stomacho, explore suaderi potest hoc modo: Id quod tu maxime appetis, hoc tibi minimè conducit; pepones, cucumeres, fungi, limaces, porus intemperanter frigidus, recentes ab horto fructus, & id genus edulij, gulæ irritamenta, plurimum nocent, quæ tamen non rarò cupidissimè ingeruntur. Idem in re proposita: plerumque quod corporis sensibus tam gratum & suauis, noxium est spiritui; quod humane voluntati sic placet, Deo displicet. Mortificate ergo membra vestra, quæ sunt super terram fornicationem, immunditiam, libidinem, concupiscentiam malā &c. propter quæ venit ira Dei. b Ergo post concupiscentias tuas non eas, & à

voluntate tua auertere c (monet Siracides) ut ad Dei Voluntatem conueraris.

Quod si quid plane indifferens & adiaphorum sit, ut si duo mendici occurrant æquæ fortunæ inopes, elemosyna tamen non suppetat in utrumque partienda, da cui volueris, animo diuinam Voluntatem exequendi; non errabis. Quod si res adiaphora maioris sit momenti, consilij opus & precibus. Si vero de vna aliqua pluribusve actionibus suscipiendis penitus non liqueat, quid diuinæ Voluntatis sit, non facile vlla earum suscipiatur, dū utique cunque constet illas diuinæ Voluntati non fore contrarias. In omni tali deliberatione plurimum potest Ratio & Conscientia, non mali in incerto consiliarij, qui si paullo velint circumspiciat agere, facile pronuntiabit quid melius sit factu. Fieri autem potest, ut veretur conscientia homo in talem deveniat labyrinthum in quo spiritus & caro sic inter se luctentur, ut miser trepidare incipiat, ne forsitan diuinæ Voluntati se opposuerit. Hic solatio sit quod nonnunquam est ecclesiastæ Rem sic explicamus. Concionator pomeridianus videt plerumque omnes suorum auditorum dormientes, turbatur nonnihil tot sibi annuentibus, id tamen tolerabilius videtur quam si totidem impudentes garriant. Itaque si duo tresve non dormitent, ait ipse secum satis id mihi, & est cur pergam: vnus pro millibus est. Non aliter ratiocinetur quomodocunque turbatus: modo duo vigilent oculi Ratio & Voluntas, modo hi vigiles Voluntatem Dei obseruent, susque deque vertantur alia, ego vero stabo inconcussus, & quamuis diuini nutus non proximè assequar, assequi tamen conabor.

a Is. c. 58. V. 13.

b Coloss. c. 3. V. 5.

c Eccli. c. 18. v. 30.

### VI. Regula.

**A**d explorandam diuinam Voluntatem plurimum valet, cum Paulo rogare: Domine, quid me vis facere? Hic mos Sanctorum, in rebus dubijs & perplexis confugere ad orationis presidium, vti olim Moyses & Aaron ad fœderis tabernaculum. Et sicuti cum nubes adeo stipata cocunt, ut cælum tonare ac mugire



mugire incipiat, campanæ in turribus quatiuntur dissipandis nubibus : ita quotiescunque sol diuinæ Voluncatis oculis nostris subducitur, vt pœnè quid faciendum sit, ignoremus, proximum est, cælum pulsare precibus. Ita Saulus à subita tempestate medijs campis deprehensus exclamat. Domine, quid me vis facere? *a* Hanc precatiunculam sepius iterandi opportunissimum tempus est, cum epulum cæleste aditur, & Dominicum corpus iam lingua sustinetur, tunc ardentè ingeminandum : Domine, quid me vis facere? Imò sub re diuina quotidie, cum Eucharistiam sacerdos supra verticem attollit, hoc omnium ardentissimum votum sit : Domine quid me vis facere? A viris religiosis votorum formulam sub sacro quotidie recitari consultissimum. Iacobus Laine alter à sancto Ignatio Societatis Iesu præpositus generalis, quot diebus sub sacri finem post Centurionis verba ( Domine non sum dignus ) Christum manu tenens aiebas : Placet Domine quod promisi. *b* Ita quibuscumque alijs, dum cælestis panis in alto monstratur, precandum : Domine sicut vis. ita & ego volo ; quod rectè statui non reuoco. Hęc quotidiana sui in diuinam Voluntatem oblatio præclarissima est ad vltimum in morte luctamen dispositio.

Si quis autem multo tempore rogarit Deum quippiam, nec id tamen impetrarit, persuasum sibi habeat, nolle optimum patrem, id à se impetrari quod tamdiu petiuit filius, aut certè velle benignissimum parentem, petentis filij perseverantiam, ad maius præmium exerceri. Nihil hoc dubitationis habet, quin clementissimus Deus frequenter differat postulatum opem, vt constantiores preces, & diuturniorem patientiam copiosius remuneretur. Certè à plurimis hæc talia, velut ab auaritis numi, non raro extorquenda sunt. Raras preces & rariorem patientiam à nobis impetraret Deus, nisi hoc tali modo desides vrgeret. Adeoque nobis sæpè vtilissimum est, diuturnis precibus nihil impetrasse. Nam precum tam proluxarum plerumque maius est emolumentum quam fuisset impetrationis. Et hoc est quod nemini non magnam tranquillitatem adferat, preces quidem multas, non tamen raras inijsse. Rex Hebræus David precibundavit, vt fleuit, vt orauit in terra pro-

stratus, antequam nosset Dei Voluntatem de moribundo filiolo : at vbi mortuum audijt, agnouit hanc fuisse Dei decretoriam Voluntatem vt moreretur. Itaque iam lætior de terra surrexit, lotus & vnctus, ingressus est domum Domini, & adorauit. *c* Christus, post trinam deprecationem ad clium oliuarium, de paterna Voluntate iam certus : Dormite iam, inquit, & requiescite. *d* Ita obsecrationem etiam repudiatam quies & animi tranquillitas excipit, vel ob hanc etiam causam, quod iam longè certius constet quid fieri velit optimus Deus. Heli sacerdos narranti Samueli quam Deus vindictam tam ab ipso patre quam à filijs esset expetiturus, aliud non respondit quam hoc, Dominus est : quod bonum est in oculis suis faciat. *e* Perinde si dixisset : Ingrata narraſti, Samuel, sed quia mihi iam liquet de diuina Voluntate, narrationem tuam quamuis ingratam beneuolus tamen excipio, & agnosco diuinos natus : Ego, meique filij pœnas commeruimus, subibimus, pœnas, quando ita visum est diuinæ Voluntati, cui nefas refragari. Faciat bonus Deus quicquid ipsius sanctissimæ Voluntati placuerit : nos seruuli, ipse Dominus est : nos variè delinquimus, dominici iuris est, punire delicta. Cum Paulum Hierosolyma abiturum Cæsareenses lacrimis morari conarentur, Paulus illis animosissimè : Quid facitis, inquit, flentes & affligentes cor meum ? Ego enim non solum alligari, sed & mori in Hierusalem paratus sum propter nomen Domini I e s v. Et cum ei suadere non possent, quieuerunt, dicentes, Domini voluntas fiat. *f* Hæc vera quies animi, post preces irritas, illud vnicum precari Domini Voluntas fiat. Et hinc sequitur, ad diuinam Voluntatem explorandam regula vltima.

*a* Act. c. 9. v. 6.

*b* Res gestæ P. Laines.

*c* 2. Reg. c. 12. v. 16. & seqq.

*d* Matth. c. 26. v. 45.

*e* 1. Reg. c. 3. v. 18.

*f* Act. c. 21. v. 13. & 14.

#### VII. Regula.

**N**emo mortalium diuinam Voluntatem certius explorat, quam qui sincerius ad illam in omnibus se conformare desiderat.

LIII 2

Hoc



Hoc desiderium profecto filium est ad omnium labyrinthorum errores extricandos, omnis hinc ambiguitas circa diuinam Voluntatem tollitur, si quis ignoret quidem, quid velit Deus, aut utrum malit e duobus licitis, ita tamen animo comparatus sit, ut mente sincerissima possit dicere: Domine, si scirem, quid tu hac in re fieri à me velles, ego utique id facerem. Hac sponsione facta, libere, quod volet, faciat, & perturbare se desinat; diuinam Voluntatem non facile offendet. Hunc talem filium non delebit amantissimus pater, nec à sua voluntate grauius aberrare permittit. Si desit homo, per quem erudiat, Angelum mittit, uti misit Iosepho, in re graui, quid factu foret optimum, deliberanti: ita tribus ex Oriente dynastis post diuinum infantulum in gramineis cunis adoratum, submissus Angelus, qui Herodianas fallacias cauere, & alia in patriam via redire doceret. Sic Abrahami ancillæ Agari, sic innumeris alijs contra errores præsidio missus est aut Angelus, aut vice Angeli fidus homo.

Anno trecentesimo vigesimo quarto, Constantinus Magnus, relicta Roma apud Ilium cepit urbem condere, sed quia diuinæ Voluntatis fuit, ut ceptum opus omitteret & Byzantium in Thracia ædificaret, diuersè Deus monuit, nam, ut Beda & Glicas memorant, omne instrumentum fabrilis secundum, noctem in altero li tore reperiunt, occulta vi transportatum, ibidem Aquila, quod Zonaras refert, commentariorum amissum sustulit, & apud Byzantium ex vnguibus dimisit. Ita Deus Voluntatis suæ notitiam non negat sincerè petentibus, *Benignus est spiritus sapientiæ* & huius altissimæ & omnibus sese quam liberalissimè impertitur. Adest Deus, omnibus exquirentibus se in veritate, & voluntatem suam tam mirabili quam suauis magisterio explicat ijs omnibus, qui vera submissione se hic discipulos gerunt. Voluntatem Dei optimè nosse discimus faciendo.

a Vide *Cæs. Baron. tom. 3. Anno 324.*

b *Sap. c. 1. v. 6.*

c *Eccli. c. 2. v. 13.*

## CAPVT V.

*Quotplex Dei voluntas, & quibus potissimum in rebus, illa sibi conformari vellet nostram.*

Cyprianus, vir & eloquentissimus & sanctissimus, Carthaginensis præsul, constantissimus martyr, per synopsin complexus est, quid præcipue à sui cultoribus exigit Voluntas diuina Verba Cypriano digna, & auro prorsus exaranda sunt. Et vti nam hæc omnium Christianorum templis & adibus, vti nam & pectoribus inscribantur, velut compendium vitæ ac perfectionis Christianæ. Placet, ea in numeros digerere; hæc sunt.

*Voluntas Dei quam Christus docuit & fecit, est.*

1. Humilitas in conuersatione.
2. Stabilitas in fide.
3. Verecundia in verbis.
4. In factis iustitia.
5. In operibus misericordia.
6. In moribus disciplina.
7. Iniuriam facere non posse.
8. Factam tolerare posse.
9. Cum fratribus pacem tenere.
10. Deum toto corde diligere.
11. Amare in illo quod pater est.
12. Timere quod Deus est.
13. Christo nihil præponere, quia nec nobis ille quidquam præposuit.
14. Charitati eius inseparabiliter adherere.
15. Cruci eius fortiter ac fidenter assistere.
16. Quando de eius nomine & honore certamen est, exhibere in sermone constantiam, qua confitemur, in questione fiduciam, qua congregimur, in morte perseverantiam, qua coronamur. Hoc est coheredem Christi velle esse, hoc est præceptum Dei facere, hoc est voluntatem patris adimplere.

a *Cypri. tract. de oratione domin. habetur inter indubitata ipsius scripta.*



## S. I.

**E**X his singulariter septimum, octauum, nonum atque decimum documentum altiore mente reponendum; Iniuriam facere non posse, Factam tolerare posse; Cum fratribus pacem tenere; Deum toto corde diligere. Hic nos miseresce grauius hallucinamur; Voluntatem Dei muerantem & beneficijs cumulantem affectu pronissimo recipimus; At castigantem velut non Dei voluntatem auersamur, tanquam si homines in nostram salutem & nomen pessime animati, nesciente Deo aut certe non iubente, consilium ceperint, quò non penitus delerent, aut grauius vexarent. Cæcitas & insania manifesta. Grata tantum & nobis commoda submitti cælitus putamus? imò tristitia etiam & incommoda, nec quidquam omnino in hac grandi machina geritur, turbatur, miscetur (dempto peccato) cuius non causa & origo à primâ illâ causa. Hieremias lacrimans: Quis est iste, inquit, qui dixit ut fieret Domino non iubente? Ex ore Altissimi non egredientur nec bona nec mala? Quid murmurauit homo uiuens, vir pro peccatis suis? Quam hoc stupidi atque impudentis hominis est, credere quidquam esse quod Deus aut non imittat, aut certe non permittat. Clarissime Celsianus: Credere inconcussa fide nos conuenit: nihil sine Deo prorsus in hoc mundo geri. Aut enim voluntate eius aut permittu agi vniuersa fatendum est. *b*

Vetustas gigantes fabulata est, qui diuos derubare aggressi de sua arce. Mittamus fabulas: Vos queruli, vos ijestis. Si enim mala omnia, quæ hic premunt, non permittit solum à Deo, sed immissa, Vos qui fremitis, qui repugnatis, quid aliud quam sceptrum illi (quantum in vobis est) eripitis, & arbitrium regnandi? Creatura omnia parent non inuita, & obaudiunt supremæ illi legi; Nobilissimum rerum homo, solus in conditorum suum calces iacit, & resistit. Quid frustra indignamur? omnes clades à Deo sunt, omnes, omnes. Quod ibi labes terræ, oppida aliquot absorptæ, à Dei prouidentia est: quod alibi pestis multa millia hominum demersit, ab ista est: quod cedes, bellum, tyrannis, & hic & istic, ab eadem ista est. Sed omittis publicis: Quod

iste tuus aduersarius, mi homo, partem tibi bonorum rapiat, ille famam inficiat, hic modis alijs te lædat, à Deo est hoc omne, non permittente solum, sed etiam immitte in te. Diuinitus, ut id probè noris, diuinitus hæc omnia immittuntur.

Ergo Voluntas diuina, non hoc tantum à nobis postulat, ut ab inferenda alijs iniuria tam alieni simus, tanquam si non inferre ullam possimus, sed vult etiam illas ab alijs iniurias ita toleremus, ut pacem cum omnibus seruemus, etsi non iidem illi nobiscum. Sed ut exactius capiamus diuinæ Voluntatis arcanum, illud cuius supra meminimus, breuiter explicandum.

*a Hoc est, pro peccatorum supplicio. Thre c. 3. v.*

*37. & seqq.*

*b Cassian. coll. 3. c. 20.*

## S. II.

**V**oluntas Dei, Theologis duplex est, vna *Signi* qua Deus præcipit, prohibet, permittit, suadet, operatur aliquid, & hanc suis legibus ac præceptis declarat; altera *Beneplaciti*, qua destinatum quid vsquequaque vult fieri, vel cū cōditione, vel sine illa, Angelis & hominibus æternam felicitatem voluit impertiri, ea tamen conditione & lege, si ipsi non obfisterent suo arbitrio. Alia vult Deus sine vlla adiunctione, vti voluit cælum terramque condere ita vult esse perpetuum ordinem Orbis torius & gubernationem, qua cuncta disponit sapientissime. Huic Dei voluntati nemo potest obfistere; nullas illa leges patitur, nihil quicquam alieno facit imperio, nulli parat. Ipse Deus per Isaiam id affirmans: Consilium, inquit, meum stabit, & omnis voluntas mea fiet. Sic erit verbum meum, quod egredietur de ore meo: non reuertetur ad me vacuum, sed faciet quæcunque volui. Nos autem viles seruuli, velimus nolimus, quicquid ex alto in nos Deus decreuerit, non possumus non ferre. Omnes cum arumnis plurimis copulati sumus: aliorum aurea catena est & laxa, aliorum arcta & sordida. Sed quid refert; eadem custodia vniuersos circumdedit; alligati quæ sunt etiam qui alligauerunt. Omnis vita seruitium est, imo & supplicium est omnis vita. Assuescendum itaque huic conditioni, & quam minime de illa querendum.



dum. Hic illud ingenti solatio est, scire, sic Deum velle: ita Deo placere, & neminem esse qui diuinæ possit resistere Voluntati. Regina Esther hoc ipsum proclamans; Domine, inquit, Domine Rex omnipotens, in ditione tua cuncta sunt posita, & non est qui tuæ possit resistere voluntati. Hoc Augustinus excel-  
lenter declarans? Hæc, inquit, sunt magna opera Domini exquisita in omnes voluntates eius, & tam sapienter exquisita, vt cum Angelica & humana creatura peccasset, id est non quod ille, sed quod voluit ipsa fecisset, etiam per eandem creaturæ voluntatem, qua factum est quod creator noluit, impleveret ipse quod voluit bene vtens & malis, tãquam summe bonus. *b* Quamuis igitur impij diuinæ obnitantur Voluntati, suam tamen Deus ex illis met perficit Voluntatem, & illorum voluntate pessima optime vtitur.

E dictis liquet quomodo Deus omnibus velit salutem, eam tamen non omnes assequantur, quia conditioni latæ non obtemperat præceptis diuinis rebelles. Quibus seuerè vaticinatus Seruator: non omnis, inquit, qui dicit mihi, Domine, Domine, intrabit in regnum cælorum, sed qui facit voluntatem Patris mei qui in cælis est, ipse intrabit in regnum cælorum. *c* Qui sapit in diuinam Voluntatem totus maturè transiit.

*a* 1<sup>a</sup> c. 46. v. 10. *b* c. 55. v. 11.

*b* Aug. 10. 3. Enchir. c. 100. ad Laurent.

*c* Matth. c. 19. v. 17.

### §. III.

**Q**Uæ cum ita sint, nihil rectius aut præstabilius facere possumus, quam si nostram diuinæ voluntati pænitiſſimè submittamus & accommodemus, dicamulque cum Heli sacerdote: Dominus est, quod bonum est in oculis suis faciat. *a* cum Ioabo duce. Dominus faciat, quod bonum est in cõspectu suo. *b* cum Dauide Rege. Si dixerit mihi Dominus, Non places; præsto sum, faciat quod bonum est coram te. *c* cum Iuda Machabæo: Sicut voluntas fuerit in cælo sic fiat. *d* cum Christo seruatore: Pater mi, si non potest hic calix transire nisi bibam illum, fiat Voluntas tua. *e* Quod si filius fuit tam obsequens, vt patris exequeretur voluntatem plenissimè, Nam: Descendi de cælo, inquit, non vt faciam voluntatem

meam sed voluntatem eius qui misit me: *f* Si hoc à filio exigebatur, quanto minus seruos abnuere imperium fas est. Equissimum prorsus censeamus, vt homini placeat, quicquid ab omni suo placuit Deo: Miles in castris, audito viæ signo, vasa colligit, audito pugne, deponit, & arma sumit; animo, manu, oculis, paratus ad omnem hutum, & intentus: idem nobis sit, & in hac militia sequamur alacres & pleno gradu, quocumque vocantem imperatorem nostrum. Quicquid euenerit, feramus, non patientes tantum, sed etiam volentes, omnemque temporum difficultatem sciamus legem esse naturæ. Et vt bonus miles fert vulnera, enumerat cicatrices, & transuerberatus telis amat eum; pro quo cadit, imperatorem: sic in animo habeamus illud vetus præceptum: DEUM SEQUERE Quisquis autem queritur, & plorat, & gemit, imperata facere vicogitur, & inuitus rapitur ad iussa nihilominus. Quæ autem dementia est, potius trahi quam sequi? quæ stultitia & ignorantia conditionis suæ dolere, quod aliquid tibi incidit durius; aut mirari, aut indignè ferre ea, quæ tam bonis accidunt quàm malis, morbos, dico, funera, debilitates, & cætera ex transuerso in vitam humanam incurrentia. Quicquid ex vniuersi constitutione patiendū est, magno excipitur animo. Ad hoc sacramentum, adacti sumus, ferre mortalia, nec perturbari his, quæ vitare nostræ potestatis non est. In regno, certè ad regnum nati sumus: Deo parere liberris est. *g*

Diximus, qua ratione in diuinæ Voluntatis notitiam veniendū. At illam nosse non satis est: suam illi arctissimè coniungere oportet. Quibus autem hæc coniunctio constet, libro sequenti exponemus.

*a* 1. Reg. c. 3. v. 18.

*b* 2. Reg. cap. 10. v. 12.

*c* 2. Reg. cap. 15. v. 26.

*d* 1. Machab. c. 3. v. 60.

*e* Matth. c. 26. v. 42.

*f* Ioan. c. 6. v. 38.

*g* Seneca l. de vita beata c. 15.



LIBER SECVNDVS.  
DE HVMANÆ VOLVNTATIS  
AD DIVINAM  
CONFORMATIONE.

CAPVT PRIMVM.

*Ingressus ad Conformationem humana voluntatis cum diuina.*

**E**VI T olim magni nominis Theologus qui octennium ipsum assiduus precibus Deum obsecrauit, hominem sibi monstraret, à quo viam doceretur ad cælum compendiosissimam. Eo igitur die quo huius hominis alloquendi desiderio maximo tenebatur, nec aliud mallet quam videre magistrum tam arcanæ veritatis; vocem cælitus allatam audire sibi visus, quæ sic moneret: Exi foras ad templi vestibulum, & qualem quæris, reperies hominem. Prodiit ergo in publicum, & ad ardis sacræ limina mendicum inuenit tibijs vlcerosis, & multo pure fluentibus; vestis mendici vix trium obolorum erat. Huic Theologus candidum præcatus est & prosperum mane. Cui mendicus: Non memini ait, me vnquam habuisse aduersum. Hic litteratus ille, primam salutationem velut correcturus: Eia, inquit, fortunatum te reddat Deus: At ego, inquit mendicabulum, infortunatus nunquam fui. Obstupuit ad hanc vocem theologus, sed ne forsan errasset audiendo, votum suum repetens, sed paulo alijs verbis: Ecquid ais, in-

quit, felicem esse te iubeo. Mox iterum mendicus: Nunquam, ait, infelix fui. Theologus argutari credens didacem mendiculum, & vt hominis ingenium experiretur: Eueniant, inquit, volo tibi quæ optas, atque id fiat. Non est, ait iste, quod hic querar: Omnia sunt vt volo; quamuis fortunæ mea consilia non applicem. At doctor ille denuo salutans an valedicens: Seruete Deus, inquit, vir bone, si quidem fortunam oderis. Sed dic obsecro, tunc solus inter calamitosos mortales beatus? Iob ergo falsus qui asserit: Homo natus de muliere, breui viuens tempore, repletur multis miserijs, & quomodo tu solus euasisti omnes malos dies? non satis assequor animi tui sensa. Ad quæ mendicus: Sic est, mi Domine, vt dixi. Optanti mane prosperum, negaui me vnquam habuisse improspèrum. Sorte mea, quam mihi Deus hic assignauit, contentissimus sum: Non egere felicitate, felicitas mea est. Monstra illa, Fortuna & Infortunium neminem lardunt nisi volentem, aut certè timentem ledi: Nec ego vnquam fortunæ supplico, sed Patri cælesti, qui rerum omnium euentus gubernat. Ita me nunquam infelicem fuisse aio, vt



cui omnia ex voto cadunt. Quod si fame vrigear, Deum providissimum patrem ob id laudo. Si frigus me vrat, si nimbus in me ruat, si alijs cælum inturijs me impetat, Deum æquè laudo; cum alijs ludibrio sum. Deum non minus laudo. Nam certus sum, horum omnium auctorem esse Deum; nec posse non esse optimum quod Deus facit. Idcirco quicquid Deus vel tribuit, vel euenire permittit, gratum sit an ingratum, dulce an amarum, iuxta habeo; nam hæc omnia velut de manu parentis optimi lætus accepto, & hoc vnum volo quod vult Deus; ita omnia sunt ut volo. Miser est qui fortunam aliquid in se posse credit, & is demum vere infelix est, qui nescio quam felicitatem in hoc Orbe somniat. Hæc vera est quàm tenacissimè inhærere. Dei Voluntas, optima rectissima voluntas, quæ non rectior fieri, nec mala esse potest, hæc de omnibus iudicat, de hac nulla. Ut hanc sequar, meum ego studium omne confero, in hanc vnam curam tota mentè incumbo, ut quicquid vult Deus, hoc & ego nunquam non velim. Ea de causa, nequaquam infelicem me cenleo, quando meam omnem voluntatem sic integrè in diuinam transfudi, ut apud me non aliud *Velle* sit aut *Nolle*, quàm quod Deus vult aut non vult. Itane vero, inquit Theologus, tu ista ex animi tui sententia profers? Sed dic, obsecro, eademne tibi mens esset, si te Deus ad inferos statuisset præcipitare? Cui promptè mendicus: Me, inquit, ille? ad inferos præcipitaret, ad inferos ille? At scias duo mihi esse brachia miri roboris, his ego illum artissimè stringerem complexu insolubili. Vnum brachium est, subiectissima Humilitas per sui oblationem, alterum Charitas sincerissima per Dei dilectionem. His ego me brachijs Deo sic innecterem, ut quocunque ablegaret, illuc eum vnà mecum traherem. Et sanè multo foret optatius, extra cælum esse cum Deo quàm in cælo sine illo. Theologus ad has voces attonitus, cum animo suo agitare caput, hanc illam esse compendiosissimam semitam ad Deum. Sed libuit vterius sulcitari, & sapientiam in domo tam incommoda habitantem elicere in apertum: Et vnde tu, inquit, huc aduenisti? A Deo veni, respondit mendicus. Cui Theologus iterum: Et ybinam loquor, inquit,

VOLUNTATIS

reperisti Deum? Vbi res creatas omnes ait ille, deserui. Theologus denique: Vbi vero, ait, Deum reliquisti? Subiecit pauper: In mentibus puris, ac bonæ voluntatis. Ecquid tandem hominis es? ait Theologus. Mox alter: Quisquis sim, inquit, forte mea tam contentus sum, ut eam cum omnium Regum opulentijs non commutauerim. Rex est quisquis sibi met novit imperare. Ergone te regem credam? inquit alter, vbi regnum tuum? Illic, ait mendicus, & simul digito cælum monstrauit: Rex est. cui regnum illud in alto certis chirographis transcriptum est. Denique Theologus finem facturus quæstionibus: Quis ista, inquit, te docuit, quis hunc tibi animum iniecit? Respondit alter, Dicam Domine: totos ego dies sileo, & iam vel precibus vel pijs cogitationibus vaco, & hoc vnice curo ut Deo semper sim coniunctissimus. Coniunctio & familiaritas cum Deo diuinæque Voluntate docet hæc omnia. Plura quærere volebat Theologus, sed in aliud tempus id differendum ratus, in præsentem valedixit. Dum abire, multa secum cogitans: En, aiebat ipse, sibi, doctorem reperisti rectissimæ ad Deum viæ. Quam verè Augustinus: Surgunt indocti, & cælum rapiunt, & nos cum doctrinis nostris sine corde; b Hoc est quod Christus gratias agens: Confiteor, inquit, tibi Pater, Domine cæli & terra, quia abscondisti hæc a sapientibus & prudentibus, & reuelasti ea paruulis. b Verè sub sordido palliolo sape magna latet sapientia. Et quis tantum diuinæ eruditionis quærat in homine tam abiecto, quis credat tæcum spiritus recondi, in tā illiterata simplicitate? En, illa duo brachia roboris inuicti, *Oblatio sui*, & *Dilectio Dei*. c Hæc Deum quocunque lubuerit, trahunt. His brachijs Deus quam artissimè se stringi permittit, alios refugit attractus.

a Aug. l. 8. Confess. c. 8. initio

b Matth. c. 11. v. 25.

c Rei narrata fides sit penes auctorem; is est Ioan. Taulerus, de S. Dominici familia, in suis instruit. mih pag. 109. Fuit hic concionator insignis &amp; piissimus, ut de eo Bellarmin. in scriptor. Eccles. Vixit Anno 1350.

C A.



C A P. II.

*Qua voluntas hominis ad hanc cum Dei Vo-  
luntate conformationem sit maxime ido-  
nea.*

**V**T Assuero regi parentur virgines, ex omnibus regni prouincijs lectissimæ ad-  
ducebantur in Susan metropolim. His an-  
nus erat in vno corporis cultu transigendus.  
Et quæ non lotiones, frictiones, polituræ,  
unctiones adhibebantur! Quantum ceru-  
sæ, purpuriss; sibi, aliorumque pig-  
mentorum exhauriebatur concinnandæ for-  
mæ? Tanti erat regijs oculis placere. Et hu-  
mana voluntas ab omni ornatu imparata, ve-  
lut rusticana mulier ex agro, in summi regis  
amplexus ruere non vereatur? Vt ergo norit  
hominis voluntas, diuinis oculis tum demum  
se placitum, si non tantum minimos etiam  
naunlos conetur abstergere, sed ea sibi orna-  
menta comparare, quæ diuinam voluntatem  
inuitent ad hoc cum ea connubium.

Igitur ordini seruando, & vitandæ obscu-  
ritati, ita rem distinguimus, vt sua Volunta-  
ti nomina tanquam titulos assignemus, è qui-  
bus disceat quâ præparatione sit opus ad hanc  
cum diuina Voluntate conformationem. Et  
quemadmodum herus nouum famulum in  
suas cedes admissurus multa paciscitur, & Vo-  
lo, inquit, vt non sic fabulator, non nugige-  
culus, non lusor, non rixosus, non ebriosus,  
cum primis vero sit diligens, sit fidelis, sit ob-  
sequens. Hoc ius heri est, eiusmodi leges  
sancire famulis. Et cur Deo humanam volun-  
tatem in amicitiam admissuro, non idem iu-  
ris sit? Quæ circa sciat voluntas hominis, iam  
alijs sibi legibus viuendum, præcipue istis.

§. I.

**I.** *Voluntas Insons sit.* Hoc cum primis  
exigitur delicatus è cælo sponsus est,  
sordes & odit, & arcet. Voluntas illi copulan-  
da oderit etiam necesse est omne genus sor-  
dium: & ita quidè vt nō tantum auaritiæ non  
studeat, luxuriæ non indulgeat, iracundiæ non  
obediat, sed etiam si quid propensionis & affe-  
ctus sentiat ad hæc inquinamenta, id omne in  
se viriliter expugnet, nec tantum nolit obsce-  
re,

na cogitare, sed etiam velit castissima quæ-  
que meditari. Sed sermo nobis non est de ijs  
quæ nemini non clara sunt. Aliud est miræ  
subtilitatis, sed & maxime celeritatis vitium,  
Inuidia. Hic Voluntas insons sit, & ab hac  
lue immunem se præstet. Voluntas ad diui-  
nam conformanda sine omni liuore sit; non  
inuidia alienæ felicitatis tangatur, nec prema-  
tur suæ. Nam qui Deo vere coniunctus est,  
videt quidem alios gratia & opibus florere,  
non tamen inuidet, sed ad Deum versus: O  
Domine, inquit, vis illum aut istum ad opu-  
lentiam, ad honores euehi, me contempnim  
neglecto? Non repugno, mi Deus, nec eius  
rei causam à te postulo. Mihi satis causarum  
mihi rationum abunde satis est, tua vna at-  
que vnica Voluntas. Certissimus enim sum,  
nisi tu id permitteres & quidem meo bono  
non fieret, nec id yllus hominum impetraret,  
quod te annuente, nullo negotio, & forte pau-  
culis verbis confectum est. Sed & in cæteris,  
scio, tuo sit permissus, mi Domine, vt iste  
me sic allaret, ille me sic tracter, hic ita ex-  
agitet me, nunquam illos, quod sciam, læ-  
si; verum in tua Voluntate satis ad hoc re-  
sponsi reperio: Tu hæc permisisti, tu iussisti:  
sint ergo illi Semei, simego Dauid, si tibi sic  
visum est, mi Deus.

Sanctissimus ille Antiochenus antistes &  
martyr Ignatius: Frumentum Christi sum,  
inquit, dentibus bestiarum molar, vt panis  
mundus inueniar. Ita nimirum nos Deus  
mentis suæ præparat Dominicum panem.  
Quid ergo habemus contra homines queri?  
molares lapides sunt qui nos velut offusum  
tritricum commolunt: Vt hoc altius in animum  
demittamus consultissimum est, singulis ho-  
ris aliquoties animum erigere ad Deum, re-  
petitis precatiunculis, *Benedictus Deus in æ-  
ternum: Domine quid me vis facere: Fiat  
voluntas tua.* a Hæc prima voluntatis huma-  
næ præparatio est, puram esse à neuis, præ-  
sertim ab omni simultate ac inuidencia. Sed  
præterea requiritur.

*a Vide Horologium Angeli tutelaris Hora I I  
diei.*

§. II.

**II.** *Voluntas Tolerans.* Cum quis rebus  
aduersis agitur, omne præsidium à  
M m m m patienti



patientia petat, dicatque sereno animo: Hoc omne à Deo est, quicquid patior; sed est à Deo per hanc occasionem, per istum hominem, per illam causam in me immisam. Et huius quidem rei tam certus sum, atque vivere mescio. Hic plurimis aqua hæret, qui non ea fide in Deum pollent, ut sibi certò persuadeant, tam aduersa & omnes malignos eventus à Deo esse, quam prospera & optatissimos successus: Si hoc certum haberemus, quod in se certissimum, non facile quicquā impatienti aut deiecto animo ferremus, nec toties illis vocibus urgendi essemus: *Vos modica fidei.* At vero aduersa omnia à Deo, per quemcumque tandem, ad nos deriuari Christus sic demonstrans: Nonne duo passeret, inquit, asse veniunt, & vnus ex illis non cadet super terram sine patre vestro. Idem reperens: Nonne quinque passeret veniunt dipondio, inquit, & vnus ex illis non est in obliuione coram Deo? Sed & capilli capitis vestri omnes numerati sunt. Nolite ergo timere multis passeribus meliores estis vos. *a* Itane Deus cum passerculo in terram cadit? certè Voluntas Dei, quippe ni Deus ipse? qui sicut in rebus creatis omnibus assidue operatur, ita cum pisce natat, ita cum aue volat, cum angue serpit, cum quadrupede incedit, non deferit Deus ea quæ condidit. Licet ergo toties tot alaularum millia cassibus simul irretiantur, harum tamē nulla & nec minima quidem alaularum sine Voluntate Dei capitur: *vna ex illis non cadit super terram sine patre caelesti.* Quod autem prouidentissimam Dei Voluntatem attinet, eadem & Aquilæ, & passerculi, & hominis est ratio. Si ergo auicularum nulla in aucupatoriam aream delabatur sine Dei Voluntate, & tu Homo ad Conditoris imaginem factus, Regni futurus heres, te vllis aduersis exerce-ri, te iniuria, te damnis, te tristitia credis affici, Deo non singulariter volente? Ut autem exactius hoc ipsum caperemus, nec temere vnquam diceremus, rerum animatarum dumtaxat Deo hanc curam esse, addidit Seruator: Omnes capilli capitis vestri numerati sunt. Quis hominum vnquam capillorum suorum numerum inire, potuit? Deus in numero habet tam omnium quam vnus hominis, & nolente Deo nullus subtrahetur. Quotiescunque igitur in rebus aduersis pa-

tientiam abijcimus, malè alijs imprecamur, modo huic, modo illi culpam impingimus, & velut è plastro conuicia ferimus, maximum Fidei defectum in nobis aperimus; nimirum, illorum, quæ nos mala vocamus, Deum auctorem facere veremur fallaci pietate.

Fuit cum in mari solus Ioannes, cæteris discipulis id ignorantibus, agnosceret Dominum diceretque: Dominus est. Plurimi sunt qui inter rerum turbatarum fluctus non agnoscant turbati maris auctorem Deum, sed in eos, quos hostes putant, acerrimè stomachantur: Ille semissis homo, aiunt, ille nebulo, hic furcifer, iste renebrius, illud flagitium hominis, hoc mihi malum fabricauit; ab illo bipedum nequissimo hæc in me cula est faba. At longe aliter loqui assuevit *Voluntas Tolerans.* Hoc omne malum, inquit, à Deo est: Deus me castigat meritissimo: Dominus est, quod bonum est in oculis suis faciat. Sed progrediamur.

*a Matth. cap. 10. ver. 29. & Luc. cap. 12. ver. 76.*

## S. III.

III. *V*oluntas Hilaris. Hæc hominem sic instruit ut tam victu quam ceteris omnibus, quæ quotidie velut è manu Dei accipit sit contentissimus. Hic talis homo: Mi Domine, inquit, satis est quicquid mihi das, cessi auaritiæ meæ id subinde parum videatur: nec istud quidem vllò modo sum meritis; tu nimis in me liberalis es: ego equidem vel aëre quem haurio, indignum me sentio.

Nunquam quæri solet diuinæ Voluntatis studiosus; nemo audierit ex illo talia: Vix ego victum mihi comparo; alij lautissimè viuunt, & nec dimidium mei laboris suscipiunt; parum serunt & amplissimas colligunt segetes. Optime olim Venusinus vates quæsiit.

*Qui sit Mecenas, ut nemo quam sibi sortem seu ratio dederit, seu sors obiecerit, illam contentus viuat, laudet diuersa sequentes:* a Hinc est, mi poeta, hinc est, quod diuinæ Voluntati tam egre acquiescamus. Cupiditas nostra in alia atque alia, & sæpe in lōginqua fertur, nec est finis concupiscendi. Cum vero concupita non obtinemus, in querelas & murmura soluimur. Angustus animus est quem tantopere delectant terrena.

Helio-



## S. IV.

Heliotropium nobis assidue ante oculos  
versetur, de quo eleganter Plinius: Heliotro-  
pii miraculum, inquit, sapius diximus, cum  
sole se circumagentis, etiam nubilo die; tan-  
tus sideris amor est. Noctu vero velut eius de-  
siderio contrahit cæruleum florem. *b* Nota,  
mi homo, heliotropium etiam nubilo die cir-  
cumagere se cum sole, amore solis. Sol nos-  
ter; Voluntas Dei est; hæc nobis non sem-  
per extra nubem illucet, serenis turbidi dies  
miscuntur, quos pluuia, venti, grandines  
inestant. Nemo Christianorum est, qui non  
sapius sentiat hanc cæli gravitatem & turbu-  
lentas tempestates. At nos instar heliotropij  
cum sole nostro, cum diuina Voluntate nos-  
ipsum circumagamus diebus etiam nubilis;  
tantus sit nostri sideris illius amor. Et sane  
nulla nobis vnquam tranquillitas obtinget  
innumera hic illic displicebunt, à nulla res a-  
tis fiet, nunquam forte nostra contenti eri-  
mus, omnia deesse videbuntur, etsi adsint om-  
nia: nunquam extra metum, frequenter op-  
pressi tardio, perturbati, pusillanimes, pleni  
querelarum & lioris, nunquam non miseri  
erimus, quamdiu non ad hunc solem, diuinam  
Voluntatem nos circum egerimus, vt helio-  
tropium. Fixissimis & inconniuis oculis sol  
iste nobis assidue aspiciendus est quocumque se  
vertat, hoc vnicum in animo semper volu-  
tandum: Ita Deo placet, ita & mihi: vitæ mor-  
tisque regula mihi est vnica Dei Voluntas.  
Sicut Domino placuit, ita factum est, ita fiet,  
sit nomen Domini benedictum. Nunc qui-  
dem sol noster nube abditur, sed breui lætum  
os exeret extra hanc nubem mœroris. Vide  
omnium sæculorum decursus, variosque re-  
rum euentus non raro nubilos post serena  
principia; sæpe serenos post initia nubila. Sic  
igitur nos comparemus, vt ante omnem euen-  
tum nihil magis velimus quam sequi diuinam  
Voluntatem. Ex Hebræis olim litteratus quis-  
piam, verbis certè promptissimus Christo se  
traditurus: Magister, inquit, sequar te, quo-  
cumque ieris. *c* Ita nos qua verbis qua factis  
promptissimi ad omnem diuinæ Voluntatis  
nutum, sequamur quocumque ierit.

*a* Horat. l. 1. sat. 1.

*b* Plin. l. 22. hist. Nat. c. 21.

*c* Matth. c. 8, v. 19.

IV. *V*oluntas longanimis. Pleraque omnia  
nostra corrumpimus longanimitatis  
defectu. Israelis populus Moysi in monte mor-  
as pertæsus ad idola se vertit, & vitulum  
aureum pro Deo sibi statuit remanſionem ni-  
mis diuturnam caussatus. Ita duo illi viatores  
Emmauntē tendentes: Et nunc, aiunt, super  
hæc omnia tertia dies est hodie quod hæc fa-  
cta sunt. *a* Est, ô viri boni, dies tertia, sed  
numquid hæc tertia dies iam abijt, an nihil  
temporis superest reuiuiscendi; siccine om-  
nis vestra longanimitas consumpra est? O  
non longanimes! si dies hæc tertia transijſſet,  
si quarta vel quinta iam adueniſſet, videremi-  
ni cum ratione despondere animum. At cum  
tertiā hanc diem necdum ad vespērā deduxe-  
ritis, quid est quod de rediūno Domino tam  
præpropere diffiditis? Ad vota nostra nimis  
quam præproperi sumus, & nisi mox fiat  
quod cupimus, omnem spem nostram in im-  
patientiam aut etiam desperationem præci-  
pitamus. Longe aliter Deus: Misericors &  
misericors Dominus, longanimis, & mul-  
tum misericors. *b* Nec vult perire animam,  
sed *retractat*, cogitans ne penitus pereat qui  
abiectus est. *c* Avarus, sestertertium bis tæ-  
rue manu versat dum expendat, sic Deus ad pœ-  
nas tardus, quasi *retractat* antequam decre-  
toria sententia feriat, & in gehennam mittat  
ac supplicia.

Nos & modicæ fidei, & curtæ spei, si quid  
à Deo bis tæ-  
rue petierimus, nec impetremus,  
spem omnem abijcimus, & more mendico-  
rum, qui si ante domum clamore aut pulsu  
stipem aliquoties rogarint, nec auditi fuerint,  
dicunt; Nemo est domi. Pulsate ignaui, pul-  
sate; pulsantibus panditur hoc ostium. Quam  
in rebus alijs obstinata sepe longanimitas  
sumus! sunt qui officium aliquot annis am-  
biant, & non raro frustra. Pinguior hære-  
ditas quam suauis patientia expectatur? & ne  
moras nimium sentiat hæres, temporis velo-  
citate se solatur. Nos tamen ordinationi di-  
uinæ metas figimus, & tempus præscribimus;  
nimium nobis cunctatur in morbis opitula-  
trix Dei manus; vociferamur: Et quando tan-  
dem Domine, cur moraris? quid differs o-  
pem; quamdiu supplicandum? tot iam annis

M m m m a clamo,



clamo, nec exaudis. Nisi Domine succurras hoc anno, precari desinam, & actum putabo. In hoc certe non abssimiles sumus Bethulie ciuibus, qui: Contestamur, aiunt, hodie calum & terram &c. vt iam tradatis ciuitatem in manu militie Holofernis, vt sit finis noster brevis in ore gladij, qui longior efficitur in ariditate sitis. O minime longanimes! itane rebus omnibus desperatis ciuitas tradenda hosti? an nullum è caelo auxilium sperandum? Hanc ciuium extinctam longanimitatem non modicè fouit Ozias sacerdos, qui lachrymis infusus; A quo animo estote fratres, inquit, & hos quinque dies expectemus misericordiam. Forsitan enim indignationem suam absceindet, & dabit gloriam nomini suo. Si autem transactis quinque diebus, non venerit adiutorium, faciemus hæc verba quæ locuti estis. *d* O mi Ozia. ô sacerdos, quam hic non altum sapis supra vulgus! Siccine vos tempus Deo admetiri, & ferendæ opis constituere diem? adeone omnis apud vos non extincta tantum sed & sepulta est loganimitas. Non tulit hoc generosissima Iudith, & accersitis presbyteris; Quod est hoc verbum, inquit, in quo consentit Ozias, vt tradat ciuitatem Assyrijs, si intra quinque dies non venerit vobis adiutorium? Et qui estis vos qui teutatis Dominum? non est iste sermo qui misericordiam prouocet, sed potius qui iram excitet, & furorem accendat. Posuistis vos tempus miserationis Domini, & in arbitrium vestrum diem constituitis ei. Quid ergo faciendum suades ô Iudith? Dicamus stentes Domino, vt secundum voluntatem suam sic faciat nobiscum cito misericordiam suam expectemus humiles consolationem eius. *e* Hac sanc ratione Longauimis voluntas sic Deo coniungit hominem, vt quantumcunque afflictus, dicat tamen: Secundum voluntatem tuam, ô Deus, sic facias mecum misericordiam tuam: ô Domine etsi decem annis, etsi viginti aut triginta, etsi annis quinquaginta ad te clamauero, clamare tamen non cessabo, nullos tibi terminos figo: & quamuis scirem me penitus à te non audiendum, id me tamen fides docet infallibilis, me vacuum à te non dimittendū; si neget petita, dabis meliora. Itaque si moram feceris, expectabo te, quia veniens re-

nies, & non tardabis. *f*

*a* Luc. c. 24. v. 21.

*b* Psal. 102. V. 8.

*c* 2 Reg. c. 14. v. 41.

*d* Iudith. c. 7. v. 17. 23. & seqq.

*e* Iudith. c. 8. à v. 10. ad 20.

*f* Abac. c. 2. v. 3. vide plura de hoc infra lib. 4. cap. 5.

S. V.

**V**, **V**oluntas Ardens. Hec in eo consistit vt non tantum velit aut nolit, quod vult Deus aut non vult, sed propter hoc ipsum Dei Nolle aut Velle, illud respuat, istud admitat, ardenti studio, nec vllam aliam habeat causam hoc agendi, hoc omittendi quam diuinum beneplacitum. Hominem hac voluntate præditum si quis interroget, cur istud nolit, hoc velit, non aliud se causâ habere respondebit, quam quod Deum id nolle; & velle istud comperiat. Amo, inquit Bernardus, quia amo, & amo vt amem, amor enim est qui amatur. *a* Augustini monitum est: oportet nos in eundem affectum transire, vt sicut Deus omnia voluit esse propter seipsum, ita nos quoque nec nosipos nec aliud esse velimus, nisi propter Deum & ipsius voluntatem. Neque aliter Epictetus: Quid vero est, inquit, dedere se Deo? Vt quod ille voluerit, & ipse velit, & quod ille noluerit, nec ipse velit. Qui ergo istud fiet Quomodo fieret aliter quam si consideret quispiam voluntatem Dei & gubernationem.

Vigente lege prisca voluit Deus, vt omnis supellex Altari & tabernaculo dicata hyacinthino velo inuolueretur, & sic inuoluta portaretur à Leuitis. Iubentis verba hæc erant: Omnia vasa quibus ministratur in sanctuario, inuoluent hyacinthino pallio, & extendent de super operimentum ianthinarum pellium, & inducent vestes. Hoc ea de causâ factum quæ subiungitur: Alij nulla curiositate videant, quæ sunt in sanctuario priusquam inuoluantur, alioquin morientur. *b* Ita baiuli sacra suppellectilis nihil eorum videbant, quæ ferebant, sed solum onus sentiebant, omnia enim cæreuleum tegmen oculis subducebat. In hunc planè modum, quisquis se Deo plenè tradidit, suauissime nescit, sed nec scire cupit cur hoc aut illud à Deo permittatur, aut iubeatur;

onus

onus ille q  
ris, sed o  
est, diuina  
re satis est  
a Bernard  
b Num.

VI. V

cundissim  
desiderio  
nios partu  
nimus alt  
gemitus  
effertesse  
non solum  
acerba mo  
mi, Deus  
proflus om  
ratione  
Deum &  
communi  
demum h  
cat, Ira  
tum ante  
de manu  
Sic om  
manu De  
rum est q  
sophis. Ex  
quam, ait  
reddidisse  
dium est  
ditum? A  
id refert.  
Sed quan  
curato, v  
Ira pro  
cupit, ne  
rum auct  
sed Deu  
Christi a  
sic fuit p  
oblerua  
diuini hu  
stis Pat  
citus fili  
puli, in  
rum mit



enue ille quodlibet subit promptissimis humeris, sed onus cyaneo velo coopertum, hoc est, diuina voluntate vestitum, hanc illi videre satis est.

a Bernard. in soliloq. mihi pagin. 667.

b Num. c. 4. v. 12. & 29.

## S. VI.

**VI. V**oluntas Omniparens. Omniparentem dicimus voluntatem, quæ instat fecundissime telluris, omne genus optimorum desideriorum effundit, eaque velut primogenios partus consecrat diuinæ Voluntati. Hic animus altus, calique appetens exsurgit, hic gemitus amoris pleni, hic suspiria in altum efferuescentia: O mi Deus, quàm ego, cupio, non solum pati plurima, sed & mori pro te vel acerba morte. Per cælestes hos impetus animi, Deus & homo sic conspirant in rebus prorsus omnibus, vt ex hac tam suauis conspiratione ac consensu, incundissima inter Deum & hominem nascatur consiliorum communicatio, & intima familiaritas, ita vt demum homo, ad omnes rerum euentus dicat, Ita Pater, Ita Pater, quia sic fuit placitum ante te, Ita Pater. a Si bona suscepimus de manu Dei, mala quare non suscipiamus? b Sic omnia tam molesta quàm grata velut è manu Dei placidissime accipit. Qua in re mirum est quantum lucis alluxerit priscis Philosophis. Ex his diuine monens Epictetus, Nunquam ait, te quidquam perdidisse dicito, sed reddidisse Filiolus obiit? redditus est. Prædium est ereptum? An non id quoque est redditum? At improbus est qui eripuit. Quid tua id refert, per quem, is qui dederat, repetierit: Sed quamdiu concesserit, tanquam alienum id curato, vt cauponam viator. c

Ita prorsus qui Deo se quàm coniunctissimū cupit, non aliter philosophatur quicquid rerum auferatur, non attendit auferentem, sed Deum sua repetentem. Idcirco illud Christi assidue ingeminat Ita Pater, quoniam sic fuit placitum ante te, ita, mi Pater, ita. Hic obserua, obsecro te, Lector, succinctam diuinam huius sermonis explicationem. Cælestis Pater iam olim per Isaiam vatem allocutus filium: Et dedi te, inquit, in fœdus populi, in lucem gentium. Perinde si dicat, parum mihi est vt reliquias Israelis ad me addu-

cas, barbaras etiam gentes à te doceri volo. Hic Patris sermo octingentis annis virginem partum præcessit. d Hoc igitur Patris decretum tot ante annis promulgatum, promissima voluntate amplexus filius, respondit idem se velle quod Pater, Idcirco Matthæus: In illo tempore, inquit, respondens Iesus dixit. Et cui respondit nemine interrogante? Eterno patri respondit ante tot sæcula filium alloquenti. Et en quàm late filius, voluntatem Patris deoscularus dicat: Ita Pater, quoniam sic fuit placitum ante te: factum à me habero, Pater, quicquid imperaueris. Sicut autem cælestis Pater cum filio per Isaiam ante tot annos locutus, & filius Patri respondit: Sic cum quouis nostrum ab æterno sermocinatus est Deus; distinctissime ac ordinatissime disposuit quo tempore quilibet hominum nasciturus, quo moriturus; auxilium omne consequendæ beatitudini parauit; præuidit quid quisque per omnem vitam cogitaturus, dicturus, acturus, & qua ratione auxilia oblata sit accepturus. Cum igitur hac ratione nos Deus ab æterno benignissimè sit affatus, an non æquissimum, vt & nos, suo quisque tempore, cum Christo respondeamus. Ita Pater: Ita mi Pater, quoniam sic & sic, atque sic fuit placitum ante te, Ita Pater; idque horis singulis, instaurato aliquoties desiderio ingeminemus, ita Pater, & hoc ad vltimum vsque halitum, constantia inuiolabili perpetuemus. Sed plura de hoc infra.

a Matt. c. 11. v. 26.

b Job. c. 2. v. 10.

c Epictet. Enchir. c. 15.

d Nam Isaias occisus est anno Mundi 3340.

## CAP V T III.

*Quomodo voluntas hominis a  
Dei Voluntatem sit conformanda.*

**D**iximus quid præparationis sit præmittendum, huic voluntatum coniunctioni, & quæ hominis voluntas ad conformationem cum diuina censeretur possit maximè idonea, nunc porto dicendum, quomodo re ipsa voluntas hominis ad Dei voluntatem sit conformanda.

M m m m 3

S. I.



## S. I.

**O** Prime Thomas Aquinas dixit, Omnes actiones cum virtute coniunctas, ea ratione Deo probari, si eo fiant animo ut diuinæ Voluntati obtemperetur. Nullius meriti est, vitam etiam & sanguinem prodigere, nisi ad diuinæ Voluntatis placitum. Hoc Pæmen vir sanctus assidue monens: Nunquam, inquit, tuam contra diuinam Voluntatem statuas, voluntas tua diuinæ semper sit coniunctissima. Hæc autem coniunctio si vera sit, est sincerissima in omnibus cum diuina Voluntate concordia, quæ hominem sic instruit, ut illius assidue sint hæ voces: Sicut Deus vult, sic & ego; quando Deo complacitum est, tunc & mihi.

Laudatissima Ruth socrum suam Noëmi affata; Quocumque inquit, perrexeris pergam, & vbi morata fueris, & ego pariter morabor, populus tuus, populus meus, & Deus tuus, Deus meus, quæ de terra morientem susceperit, in eam oriar. Hæc mihi faciat Deus, & hæc addat, si non sola mors me & te separauerit. Non aliter loquitur Elias olim Elifæo. Sede hic inquit, quia Dominus misit me vsque in Bethel. Cui Elifæus? Viuit Dominus, & viuit anima tua, quia non derelinquam te, b Idque tertium repetijt, hero suo inseparabilis comes adhesurus. Regi Ioram suppetias poscenti, Rex Iosaphatus respondit; Ascendam; qui meus est, tuus est, populus meus, populus tuus; & equi mei, equi tui Ita nos Deo intimis animis coniuncti simus, uti Ruth cum Noëmi, Elifæus cum Elia, Ioramus cum Iosaphato; dicamus, ingenti cum fiducia. Voluntas tua, mi Deus; voluntas mea; cor tuum, cor meum, totus sum sub tuo, mi Deus, arbitrio. Et hanc suæ quisque cum diuina Voluntate coniunctionem sedulo curet in rebus omnibus, in negotijs, in officijs, in laboribus omnibus, in morbo, in morte, diuinis placitis semper contentissimus, nec aliud frequentius ore aut corde versans, quam hoc ipsum, *Fiat voluntas tua*. Quemadmodum vero virtutes omnes in Christi tormentis effulsere clariore, sic & orandi ardor. Christus in extremis angustijs; Pater, inquit, si vis, transfer calicem istum à me? Verumta-

men non mea voluntas fiat, sed tua. Non est melior, nec ferè breuior; non est perfectior, non gatio Deo, nec homini utilior oratio præ hac una? Non mea. sed tua voluntas fiat? Non sicut ego volo, sed sicut tu, Dei Voluntas fiat, etsi Orbis ruat. Beata Gertrudis solita est trecenties sexagies ter dicere, O mi amantissime IESU, fiat voluntas tua. Sed hoc infra explicatius monebimus. Cassianus? Quid est, inquit, hoc aliud dicere, Fiat voluntas tua sicut in cælo & in terra, quam ut sint homines similes Angelis; & sicut Voluntas Dei ab illis impletur in cælo, ita etiam hi qui in terra sunt, non suam sed eius vniuersi faciant voluntatem. Hoc quoque nemo ex affectu dicere præualebit, nisi is solus qui Deum credit omnia quæ videtur, vel aduersa vel prospera, pro nostris utilitatibus dispensare, magisque eum pro suorum salute & commodis prouidum atque sollicitum esse, quam nos ipsos pro nobis. d Ita Cassiani sensu, in cæli vestibulo iam habitat, qui suam diuinæ Voluntati sic accommodat. In cælo certe innumera millena millia beatorum, vnius sunt voluntatis. Hinc Arsenius Marco Abbati quærenti; eccur, Pater, ad nos non reuicis? aptè respondit; Cum ijs qui supra nos degunt, melius mihi conuenit, cum omnes idem velint; inter homines tanta ferè voluntatis, quanta vultus dissimilitudo est. Qui autem iam in aduersis quàm in prosperis ad diuinum arbitrium se fingit, is probè capit, quid Hebræus Psalter hoc sibi carmine voluerit; Ecce quam bonum & quam iucundum habitare fratres in vnum. e Et quinam hi fratres? Christus & Vir iustus; neque enim supremus Rex erubescit in hunc fraternitatis affectum conspirare.

a Ruth. c. i. v. 16.

b 4. Reg. c. 2. v. 2.

c Luc. c. 22. v. 42.

d Cass. Coll. 9. c.

e Ps. 132. v. 1.

## S. II.

**E**cce siastes olim, velut rem magnam dicturus, Sapientis oculi, ait, in capite eius. Nūquid ergo homines stulti oculos habent in pedibus aut alibi extra caput? Beati Gregorij interpretatio hæc est; Qui omnē obrutū in Deo

Deique



Deique Voluntate figit, hic vere sapiens est, hic quoque habet oculos, capiti gerit infixos.

Epictetus illud Philosophorum sidus æuo Neronis Domitiani, & M. Antonini, omni fortuna superior vixit. Vnica anus in ministerio ei fuit, vnica lucerna fictilis (hoc domesticum omne instrumentum) ad diuinas illas lucubrationes; quæ lucerna à morte eius mille drachmis, hoc est, centum philippeis venit, in memoriam & honorem tanti viri. Lucianus cæterorum quidem philosophorum irrisor, hunc vnum tamen estimauit. Hic, inquam, Epictetus, præter dissertationes, etiam Enchiridion scripsit cedro & auro exarandum. Hic libellus tantum religiosi spiritus habet, & arcana sapientiæ, vt cum à viro religiosissimo putes conscriptum; Hic libellus supremi iudicii die in ruborem dabit Christianorum plurimos, qui & spurcissima scripserunt nec vixerunt sanctius. Sed ad lineam. Hic Epictetus ille qui omnem philosophiam in duas traduxit, *voculas Sustine & Abstine*. hic, inquam, de diuina voluntate omni nisu sectanda prorsus diuine philosophatur. Libet illius verba huc fidelissimè transferre. Appetitum meum, inquit, obediens præbui Deo; vult ille me febricitare? volo & ipse. Vult me aliqua re potiri? volo & ipse. Non vult? nolo. Mori me vult? Mori igitur volo. Quis adhuc me prohibere potest contra meam sententiam, aut cogere? Non frontem ducis, ô Christiane, non erubescis, refractariè, ad has voces? Sed pergit Epictetus; Vir prudens ira rem considerat, hanc rationem secum init; si Deo, se dediderit, sicut tuto confecturum. Quid est illud, Dedere se Deo? Vt quod ille voluerit, & ipse velit; & quod ille noluerit, & ipse nolit. Qui ergo istud fiet? Quomodo fiet aliter, nisi considerata Dei Voluntate & administratione. Quid mihi dedit meum & mei iuris? quid sibi ipse reseruauit? Liberam voluntatem mihi dedit; & quæ in mea potestate sunt, ea nec impediri nec prohiberi posse voluit. Corpus autem luteum quomodo potuit tale efficere, vt à nemine prohiberetur? Subiecit igitur sub vniuersitatis circuitu possessiones, vasa, ædes, liberos, vxorem. Quid ergo Deo repugno? Quid volo ea quæ vel le non debeo, vt ea quæ mihi data non sunt,

quouis modo consequar? Vt data sunt, & quatenus fieri possunt. At is qui dedit, aufert iterum. Quid ergo repugno? *b* Ita prorsus, mi optime Epictete, ita te res habet: ecquid mihi repugnamus diuine Voluntati? vndique conclusi sumus: si duci nolumus, trahemur aut raptabimur. Seneca de absoluta libertate disserens: Quaris, inquit, quæ sit ista? Non homines timere, non Deos: nec turpia velle nec nimia: in seipsum habere maximam potestatem. Inestimabile bonum est, suum fieri. *c* At vero suus fieri nemo potest, qui non prius sic Dei fiat, vt omnia cum Deo aut nolit, aut velit. Animus qui suus fieri cupit, vtique ab omnibus externis in se reuocandus est: recedat, quantum potest, ab alienis, & se sibi applicet, damna non sentiat, etiam aduersa benignè interpreteretur. *d* Hic animus suus esse incipit; hæc animi libertas est. Nec aliter Augustinus: Bonus, inquit, etiam si seruiat, liber est, malus, etiam si regnet, seruus est, tot dominorum quot vitiorum. *e*

*a Eccles. c. 2. v. 14.*

*b Epictet. l. 3. de sect. cap. 26. paullo ante finem.*

*c Senec. epist. 75. fine.*

*d Senec. de tranquill. c. 14.*

*e Aug. l. 4. de Civ. c. 3.*

## S III.

**F**ortissimus heros Iudas Machabæus, militibus in hostem inflammandis: Accingimini, inquit, & estote filij potentes, vt pugnetis aduersus nationes. Sicut autem fuerit voluntas in cælo, sic fiat. *a* Hoc agamus, viri, & ad nutus diuinos stemus paratissimi, seu nos vinci, cadere, mori; seu vincere nos velit Deus, & triumphare sicut fuerit voluntas in cælo, sic fiat. Sic Ioab pugnam initurus periculosiorem, ad Abisai fratrem: Elto vir fortis, inquit, & pugnemus pro populo nostro; & ciuitate Dei nostri: Dominus autem faciet quod bonum est in conspectu suo. *b* Summi momenti est, in omnibus sic animum instruere, vt omnem rei euentum diuinæ adscribat prouidentia. Fit enim non raro vt viri docti, prudentes, bellicosi, sancti, & fortiter agant & perite, exitu tamen minimè secundo, qui tamen non minus in Dei prouidentiam referendus, quàm felicissimus quisque successus: Ea de causa Ecclesiastes. Vidi sub sole, inquit

*nec vsq.*



nec velocium esse cursum, nec fortium bellum nec sapientem panem, nec doctorum diuitias, nec artificum gratiam; sed tempus casumque in omnibus. Casum vocat, quod nobis videtur tale, non Deo. Nil profecto rari est intelligentem & industrium spe sua fraudari; hoc nos malum casum censemur. At Thomas Aquinas è verbis Ecclesiastæ rectè colligi affirmat, Nihil esse à casu, aut præter voluntatem ac præscientiam causæ Primæ. Casus enim inueniuntur in rebus tempori obnoxijis, & humanæ scientiæ subiectis; diuina vis & Prouidentia omnia ab omni æternitate præsciuit, omnia labente æuo moderatur, & in destinatos certosque fines dirigit, dum sua cuique tempora, suas humanis conatibus varietates præstituit, vt vel sic diuinæ Prouidentia immemores, ab inopinatis casibus aduersis que euentibus discant, suis viribus non nimium tribuere sibi que persuadeant à diuino nutu pendere omnia. Fortuna priscis tantopere culta nunc quid est? versatilis sed inanis ex Orco larua. Numen illud quod cuncta pro arbitrio seu aduersa seu prospera mortalibus partitur, ipsissima Dei prouidentia est. Versat Deus sanctissima Voluntate sua & Prouidentia res humanas instar volubilis rotæ; sortes cæcas & incertas ipse temperat. *Formans lucem & creans tenebras. faciens pacem & creans malum. Ipse Dominus faciens hæc omnia.* d Priscis Fortuna fuit Bicolor, quâ duplici fingeant vultu, albo anteriore & splendido, posteriore atro, vt penes quam boni ac mali sit arbitrium. Hæc puerorum deliria sunt. Bona & mala, vita & mors, paupertas & honestas à Deo sunt. e Ad rem Seneca sibi met obijciens, & diluens obiecta; Sequitur pars, inquit, quæ solet non immerito contristare, & in solitudinem deducere, vbi bonorum exitus mali sunt. Vt, Socrates cogitur in carcere mori, Rutilius in exilio viuere, Pompeius & Cicero clientibus suis præbere ceruicem &c. & quid sibi quisque nunc speret, cum videat pessima optimos pati? *Responsum audi.* Quid ergo est? Vide, quomodo quisque illorum tulerit: & si fortes fuerunt, ipsorum animos desiderare, si muliebriter & ignauè perire, nihil perijt. Aut digni sunt, quorum virtus tibi placeat; aut indigni quorum desideretur ignauia. f Hæc illa ipsissima sunt quæ de im-

proborum felicitate, proborum ærumnis, quæ de Sanctorum immatura & acerba morte Iob, David, Hieremias, Abacuc, & passim alij Prophete queruntur. At hic Cæsus & Fortuna nil sui habent. Vniuersa hæc à prouidentissimo Deo in certos quosque fines sapientissimè disponuntur. Plura de his inferius,

a 1. Machab. c. 1. v. 58. & 60.

b 2 Reg. c. 10. v. 12.

c Eccl. c. 9. v. 11.

d Is. c. 45. v. 7.

e Eccl. c. 21. v. 14.

f Sen. de Tranquil. c. 15.

#### §. IV.

Israelitæ olim Beniamitas ob turpe facinus oppugnaturi, verum oraculum consuluerunt, quis futurus esset dux belli? Respondit Deus: Iudas sit dux vester. a Læti hoc responso, & iam pænè certi de victoria magno exercitu, ingenti animo in Beniamitas mouerunt. Et tamen turpissimè victi, vincti duo millia suorum desiderarunt, quo omnes vno prælio sunt cæsi. Sed rursus hanc certaminis aleam subituri, oraculum denudò consuluerunt, non sine prolixis & precibus & ieiunijs, ita vt prius ascenderent & starent coram Domino, vsque ad noctem. b Quibus oraculum iterum præcepit: Ascendite ad eos, & inite certamen. Fecerunt vt iussi: & quia iam secundum iubente Deo in aciem exibant, optima quæque sibi polliciti, erectis in victoriam animis commiserunt pugnam, & tamen iterum à Beniamitis fugati & cæsi, vt prius, octodecim millibus Israelitarum in acie prostratis. Et quid hoc tandem rei? Suos Deus bis iussit confingere, neutro tamen prælio victoriam reportarunt, amissis quadraginta millibus selectorum militum. Quis hos Dei iussus capiat? Tertium denique omnes Israelitæ in eadem sacram coeuntes, largis lachrymis, inuitatis ieiunijs, & copiosis victimis Deo supplices facti, super statu suo interrogarunt, & an iterum in aciem exeundum, & signa cum Beniamitis conferenda. Quibus Deus respondit tertium in hæc verba: Ascendite, cras enim tradam eos in manus vestras. c Pronum hic fuit pusillanimitati cogitare. Bis iam pugnam suavit oraculum euentu semper infelicissimo, quis ultra in exitium ruat? pugnet qui velit, sedere



lit; sedere domi tutissimum. Sed eucit. Fiducia in Deum, quæ denuo iussit armis decernere, felici demum successu, cæsis Beniamitarum viginti quoque millibus. Hic duo notatu dignissima: Primum, Occultissima Dei iudicia nulli mortalium scrutanda; Alterum. Perseuerans in Deum Fiducia, de qua nos suo loco plura monebimus. In his omnibus ad solam Dei Voluntatem inconniuentibus & irretortis oculis respiciendum; Nemo turbetur. si causam bonam effectus sequatur malus. si optima principia suum fortiantur infaustum. Inuadit temperantissimos morbus; validissimos phthisis; innocentissimos pœna; secretissimos tumultus. *d* Hic in sola Dei Voluntate acquiescendum. In alijs liceat dicere, *PLVS VLTRA*; in his talibus, *NON VLTRA*. Deus est enim qui operatur in nobis, & velle & perficere, pro bona voluntate. *e*

*a* Iudic. c. 20. v. 18.

*b* Ibid. v. 23.

*c* Ibid. v. 28.

*d* Senec. epist. 91.

*e* Philip. c. 2. v. 13.

## §. V.

**P** Elagius priscus scriptor commemorans; Pastorem, abbatem, inquit, interrogauit Ioseph hoc modo; Dic Pater; quomodo fiam Monachus? Cui Pastor, Si vis, inquit, requiem inuenire in hoc & in altero sæculo, dic in omni causa; Quis sum ego vt meam voluntatē aut iudicium diuino preferam? dein caue, quemquam iudices, nam Deus hic habet sanctos suos in omni statu. Consilium saluberrimum. Certē Deus à nemine leges accipit, nec ulli rationem reddit de suis actionibus. hic omnis mortalium sapientia altum sileat, & diuinæ Voluntatis vestigia vbique longè adoret. Quia omne quod vuleris faciat, & sermo illius potestate plenus est; nec dicere ei quicquam potest; Quare ita facis? *a*

Sicut autem in vrbibus plerunque ad horologium primarium vnum diriguntur, cetera omnia: Ita prorsus æquissimum est, vt nostra nos horologiola, voluntatem quisque suam, ad illud supremum, cœleste, magnitudinis infinitæ horologium, hoc est, ad diuinam Voluntatem attemperemus. Nota vox est fidelissimi serui ad Christum Dominum; Nihil ama-

tores tuum & cognitotes beneficiorum ita lætificare debet, sicut voluntas tuā in eo & beneplacitum æternæ dispositionis tuæ &c. Nam voluntas tua, & amor honoris tui, omnia excedere debet. *b* Sed vt oculis pœnē cer-namus, quā ratione, quōve modo humana Voluntas cum diuina sit vnienda, en nobilissimum huiusce rei specimen.

Franciscus Borgia, Dux Gandiæ, cum coniuge Leonora ipsos duodeuiginti annos mira concordia exegit. Egrotante illa, quod altera sui parte spoliari se videret, orare frequentius, piorum etiam hominum precibus adhibitis, eleemosynis atque ieiunijs. Solus aliquando conclaue remotis arbitris ingressus, obnixē & fufis lacrymis obtestabatur Deum, saluam coniugem superstitemque vellet; cum ecce sibi vocem quandam, internam clarē audire visus est, vt post ipse reculit, quæ diceret; *Vxorem si diutius superesse vis, arbitratu tuo fiat: sed tibi non expedit*. Quare turbatus, minimē dubitauit Dei vocem esse, tacitē enim redarguisse quod ignoraret quid peteret. Itarursus in lacrymas solutus, has ex imo pectoris prorupit voces; *Domine Deus, vnde hoc mihi, vt arbitratui committas meo, quod in tua solius est potestate? Mea permagni refert, tuam sequi in omnibus Voluntatem*. Quis enim rectius nouit quid è re mea sit, quàm tu, mi Deus? *Tua itaque Voluntas fiat: nec de uxore solum, sed de liberis etiam, deque me statuas, rogo, quicquid tibi placuerit: fiat Voluntas tua*. Obseruatum est eo tempore coniugis morbum, statum quemdam tunc tenuisse, vt dubitarenc medici, deteriusne an meliuscule haberet; post has vero preces ad desperationem laborare cepisse. *c*

*a* Eccl. c. 18. v. 4.

*b* Imit. Chr. l. 3. c. 22. n. 5.

*c* Franc. Scottus in vita Borg. l. 1. c. 12.

## §. VI.

**S**ic in difficillimis quibusque rebus voluntas nostra conformanda est ad diuinam. Et en alterum huius conformationis specimen multo præclarissimum Iesæus Rex David, a deo arcto consensionis nexu voluntatem suam cum diuina copulauit, vt Deus sibi de hoc viro quasi gratulatus dixerit; Inueni David filium Iesæ, virum secundum cor meum,

N n n

qui



qui faciet omnes voluntates meas. *a* Inueni inquit, tanquam si sollicitè quæsiisset, & diu, dum inueniret, expectasset. Hoc à Deo elo-  
gium Hebronis regi concessum, omnes hono-  
rum titulos excedit.

Christus in nullo non obsequentissimus Pa-  
tri, suo ad id exemplo nos cohortatus; Quia  
descendi, inquit, de cælo, non ut faciam vo-  
luntatem meam, sed voluntatem eius qui misit  
me. *b* Et; Meus cibus est ut faciam volunta-  
tem eius qui misit me, ut perficiam opus eius.  
Ideo enim de cælo descendi. Et ne quis for-  
san queratur. *Parcit filio, non seruo*: En, adest  
filius, attendite quid ei Pater imperaturus sit;  
nec postremissimus quidem seruorum eius-  
cemodi iussa faceret. Cui vestrum, o perui-  
cas, tantum laboris iniunxit, ut filio? quem  
vnam tantis & irrisionibus, & calumnijs,  
& cruciatibus obiecit atque Filium, qui Patri  
obediens fuit vsque in Pilati prætorium, vs-  
que ad columnam funestam, vsque in rupem  
Golgothanam, vsque ad crucem ignominiosissi-  
mam, & accerbissimam mortem, vsque in  
sepulchrum non suum, vsque in manium er-  
gastulum; Ideo descendi, ait, de cælo, ut huic  
parris voluntati me perfectissimè subijcerem.  
Quid ergo faciant serui, si hæc filius? Idcir-  
co Christus præcepta sua omnia in compen-  
dium conferens; Non omnis, inquit, qui dicit  
mihi Domine, Domine, intrabit in regnum  
cælorum; Sed qui facit voluntatem Patris mei  
qui in cælis est, ipse intrabit in regnum cælo-  
rum. *c* Quisquis in eum sese ordinem redigit  
ut quantus est, diuinæ se voluntati penitissimè  
committat, is iam in tutissimi montis fasti-  
gio degere incipit, habetque infra se sub pedi-  
bus nimbos, grandines, fulgura, fulmina &  
omnem cæli iniquitatem, omnes mortalita-  
tis vicissitudines, extra metum positus, nisi  
quod vnicam hoc timeat, ne non satis cum  
diuina Voluntate consentiat, ea de causa assi-  
due clamat; Fiat voluntas tua, sicut in cæ-  
lo & in terra Sed de hoc plusculà capite se-  
quenti.

*a* Act. c. 13. v. 22.

*b* Ioan. c. 6. v. 38. & c. 4. v. 34.

*c* Math. c. 7. v. 22.

## CAPVT IV.

*Quo animo precandum: Fiat voluntas  
tua sicut in cælo, & in  
terra.*

**C**ælestem magistrum discipuli rogantes;  
Domine, inquit, doce nos orare,  
sicut docuit & Ioannes discipulos suos. *a*  
Annuit magister, & Sic ergo, inquit, vos  
orabitis: Pater noster qui es cælis, sanctifi-  
cetur nomen tuum. Adueniat regnum tuum  
Fiat voluntas tua sicut in cælo, & in terra  
&c. Sed, o Deus, quàm difficilis est hæc o-  
ratio! nimium dispares sumus. illi in cælo  
beatissimi spiritus, & nos exules in hac valle  
meri absynthij feracissima: Superis illis om-  
nia ad votū fluunt, nec est quidquam quod ijs  
possit non placere, è contrario nobis etiam  
num cælo extorribus vix quidquam est quod  
ex integro placeat, vbique fastidium & nau-  
sea; vix paucula; idque rarissime, ex voto ca-  
dunt, innumera sunt quæ quotidie displic-  
cant, & stomachum moueant. Iucundissi-  
mum illic, simul & facillimum diuinæ Volun-  
tati se attemperare, vbi nil aduersi vellicat. Hic  
mille nos molestiæ vexat; opprimimur erum-  
nis, vix est tenue respirandi spatium bellum  
ex bello seritur, catenata sunt mala nostra, &  
continua miserationum series, liberè precari  
vix sinit: Sicut ergo non æqualiter cantant  
saturi & fame cōfecti, nec æqualiter saltāt illi  
post lautas epulas, hi post longa ieiunia, ita  
nec nos equali cum beatis promptitudine pre-  
cari possumus, Fiat voluntas tua sicut in cæ-  
lo & in terra. Nos & illi nimium dispares  
sumus. Nos illuc transfer, o Domine, &  
paria eum illis vota & facta iungemus. Venia  
dicto sit, o Christiani, mendici sumus igna-  
uissimi, & nec ore quidem sat prompti. Heu  
quam facile succumbimus, rebus sanè non  
difficillimis, lenis ventulus nos concutit, hor-  
remus quicquid non iucundum expeditur est.  
Nil docuit Christus faceret, o timidi, quod  
fieri non possit. Hoc agamus saltem, & toto  
nisu conemur sic in terra diuinam Volunta-  
tem exequi, uti eam Angeli in cælo: si minus  
te possimus, vel certè votis liberales simus;  
Optimè Cyprianus, Christus, inquit, ora-  
re nos



re nos docuit, Fiat voluntas tua sicut in cælo & in terra, idque non vt Deus faciat quod vult, sed vt nos facere possimus quod Deus vult. *b* Quicunque igitur Christum in preces voce præcuntem vult sequi, nec verba sub lingua immurmuret, sed pronunciet impauide, Fiat voluntas tua sicut in cælo & in terra, Attendat autem ad hæc potissimum, quæ subiungemus, oretque diuinam voluntatem posse exequi.

*a* Luca capite 11. vers. 1. & Matth. cap. 6. vers. 9.

*b* Cypr. de hab. Virg. c. 23.

## §. I.

## I. INTENTIONE PURISSIMA;

Fiat voluntas tua, hanc enim sequi statui, non lucri causa, non quia vallasti me bonis. *a* vt Iobum calumniabatur Satan; sed nec poenæ formidine, ne in gehennam ableger, sed oculo simplici tuam solius Voluntatem intueor: Volo, quia vis, mi Deus.

2. AMANTER; Fiat Voluntas tua, id ego hic solum specto, vt id tibi quod ago placeat, vtque vel hoc modo, nominis tui maiestas per me seruulum inuittillissimum propagetur. Tua, ô Deus, placita tanti æstimo, vt arbitrer satis hoc esse præmij, *Tibi placuisse*. nec aliter Chrysostomum exaudio obijcientem: Vere nescis quid sit placere Deo, sit aliam mercedem quæris.

3. PROMTE, Fiat voluntas tua, Tarde vellet, nolentis est. Gratissima sunt obsequia, parata, facile occurrentia, vbi nulla mora est. Proprium est libenter facientis, citò facere. Bonæ voluntati tantum gratiæ demitur, quantum moræ adijcitur. Ergo paratum cor meum, Deus, paratum cor meum, *b* ad faciendam omnem voluntatem tuam.

4. HILARITER; Quædam satis celeriter facimus, sed non satis libenter. Non ex tristitia aut ex necessitate: hilarem enim datorem diligit Deus. *c* Qui Dei Voluntatem in finem sibi præstituit, si quid ædij aut mœroris intercurrit, non grauatur id deuorat, eas enim delicias inhiat vt dicat: Cibus meus est vt faciam voluntatem eius qui misit me, Fiat ergo voluntas tua sicut in cælo & in terra.

5. INTEGREGRE; Fiat voluntas tua, nec apice quidem illius indice, omisso. Homo diuinæ

Voluntatis verè studiosus nullas quærit exceptiunculas, nec illius sunt hæ voces; Volo, Domine, sed nondum; Obtempero, Domine, sed modo istud non imperes; omnium pedes la-uabo & osculabor etiam, modo non cogar hoc officij præstate hosti meo: Contemni me feram, modo publicè non pudeam, Paratus sum ad omnia, modò illud non exigas à me. Non ita Voluntatis diuinæ amans, nihil excipit, nullis se ictibus subducit. Contra potius: O mi Domine, inquit, vis plura, vis acerbiora patiar? ecce me, promptus, paratus sum, grauiora impera, seuerius castiga, modo fiat voluntas tua.

6. PERSEVERANTER, Fiat Voluntas tua, post primam, nec non post alteram, post tertiã etiam, post denique decimam annorum decadem fiat voluntas tua, & fiat in omne æuum, Inclinaui cor meum ad faciendas iustificationes tuas in æternum. *d* Vis, Domine, vt hoc centum, hoc mille annis perferam? Si vis, volo. Et hoc est Dominicam orationem deuota voluntate recitare. Hæ illæ sunt Seraphinorum alæ, quibus ad diuinæ voluntatis notitiam euehimur altissimè.

*a* Iob. c. 1 v. 10. *b* Ps. 107. v. 2.

*c* 2. Cor. c. 9. v. 7.

*d* Ps. 118. v. 118.

## §. II.

Illud hic singulariter, obseruandum, beatos in cælo copiosius letari, de executione Voluntatis diuinæ, quàm de magnitudine sue gloriæ. Hinc omnes, & suo singuli præmio contentissimi sunt, nec vlli displicet se minus altero, habere. Sic enim qui Deum vident, ad diuinam Voluntatem non tantum conformati, sed ab illâ etiam absorpti, transformatique sunt in illam, vti iam solius Dei velle velint, & magis gaudeant hanc esse Dei Voluntatem vt sint beati, quàm se beatitudine hac frui. Hanc humanæ voluntatis cum diuina conformitatem sequitur excellentissimus amoris effectus, qui non tam conformitas, quam humanæ voluntatis cum diuina vnitas vocari potest, & hæc beatos sic afficit, vt totis viribus, & quam ardentissime velint Deum esse, qui est, tam sapientem ac potentem, tam misericordem ac iustum, quàm est, tam dignum omni honoris & gloriæ amplitudine ac maiestate.



flare. Quemadmodum filius ad optimos mores formatus tam non invidet suo parenti felicitatem quam sibi, tamque cupit parentem suum honoribus affici quam se, aut etiam plus quam se, ita beati tam gaudent de beatitudine quâ Deus fruitur, quam quâ ipsi. Hinc illi concentus in cælo festiuissimi: Alleluia, Laus & gloria, & virtus Deo nostro est, quia vera & iusta iudicia sunt eius &c. Alleluia, quoniam regnavit Dominus Deus noster omnipotens: Gaudeamus, & exultemus, & demus gloriam ei. *a*

Hanc Beatorum non tam conformitatem, vt dixi, quam vnitatem cum Voluntate divina, & nos quoque in nostris precibus imitari possumus hac ratione: Intellectus quidem Dei. Potentiam, Æternitatem, Sapientiam, Pulchritudinem, & Beatitudinem infinitam, immensam, velut attentissimus spectator contempletur: Voluntas vero gaudeat, Deum esse bonum infinitum, omnium opulentiarum fontem, nullius indigum, omnia posse, in omnes liberalem, rebus omnibus præsentem. Hunc maximum ac perfectissimum divini amoris esse actum censent theologi, sicut enim nullus amor potest esse maior quam quo Deus seipsum amat, sic & noster amor non potest esse melior quam si amoris divini illi quotidie fiat conformior. Philosophorum scitum est, non esse aliud, *amare*, quam alicui bonum velle, quo constituto sequitur, vt quanto maius bonum cuiuspiam volumus, illum tanto magis amemus. Atqui Deo bonum immensius velle non possumus, quam quod ipse est, bonorum omnium bonum immensissimum, ergo nec etiam possumus Deum ardentius amare, quam sua illi bona omnia velle. Quocirca hoc etiam maxime modo Voluntas Dei, sicut in cælo & in terra fiet.

*a Apoc. c. 19. v. 1. 6. 7.*

### §. III.

**E**Thi tam coniunctæ cum Deo voluntatis homines, Fulgura illa sunt, de quibus Iobus. Nunquid mittes, inquit, fulgura, & ibunt, & reuerentia dicent tibi: Adsumus. *a* Fulgur & Fulmen ignes subtilissimi, naturâ petunt sublime, at quia Deus, deorsum illa mittit, suæ naturæ oblita, incredibili celeritate ad ima ruunt, ferrum, rupes, & quicquid resistit,

perruptura. Christi fulgura dixeris eos quæ suâ volûratem perfundant, vt pareant divina, alta quidem aspirarent si suos impetus sequerentur, sed quia Deus vult aliud, ad infima sese non inuiti demittit, idque alacritate summa; difficultates omniaque impedimenta per-rumpunt, nec itione tam crebra fatigantur, iussis peractis, instar fulgurum illorum reuertuntur, dominoque suo se sistunt; Ecce Adsumus, quid iam? parati sumus, etiam occumbere; iube quod vis. Sicut autem fulgura (quod hic observes) non ex aqua vel terra, sed e nube densâ beneque clausâ profluunt: ita prompta hæc & ad omnem obedientiam ductilis voluntas, prouenit ab Oratione & Meditatione, quæ nubium instar sublimes volat, sensibus corporis vndeque clausis. Si quis enim attentè consideret, quibus obsequijs in cælo tot milliones Angelorum subleuant Numini; qua ratione ipse Dei filius Patris voluntatem in præsepi, in pannis ac paleis, in itineribus, in cruciatibus, in cruce sit amplexus, non se continebit, quin velut fulgur, promptissimam obedientiam polliceatur, suamque voluntatem cum diuina integerrimè coniungat. Et hic demum orationem Dominicam, & illud præcipue (Fiat voluntas tua, sicut in cælo & in terra) animo sincero prouocabit.

Autem Principem aliquem vni suorum nobilium dixisse: Oportet te cras mecum ad venationes proficisci. Aulicus festiuum se fore ratus. Non oportet, inquit, nam lubens faciam. Qui diuinæ Voluntati se intimè deuouit, nihil inuitus aut coactus, sed omnia lubens facit & volens. Tam paruo emitur tanta libertas. Quam hic Epictetus præclare. Melius, inquit, illud iudico quod Deus vult, quam quod ego, Adhæreo illi vt minister & pedisequus: cum illo desidero, cum illo expeto; denique quod ille vult, idem & ipse volo. *b* Quid Christiani dicant sanctius?

*a Iob c. 38. v. 35.*

*b Epict. l. 4. dissert. c. 7. circa med.*

### §. IV.

**B**eatissimus Iacoponus est sancti Francisci familia vir integerrimus, vt suam voluntatem diuinæ quam arctissimè adstringeret, ex animi sui sententia cupiebat omnes labores, ærumnas, angores, molestias & dolores qui

verbis



verbis exprimi aut animo cogitari possent, tollerare pro Christo, nec inferorum pœnas perferre recusaturus, modo suam cum diuina Voluntate haberet coniunctam: Deum autem à se amari hoc indicij loco habebat, si Deus negasset, quod ille ardentius petiisset. Hic idem dicere solebat, rationem à Conscientia quaesivisse, Cur se non amplius, vt olim affligeret, nec sibi iam vllum faceretur negotium, huic vero Conscientiam respondisse: Hoc ego eâ de causa facio, quia te diuinę Volûtati penitus submisisti, & in eo quod illa de te statuit, absque omni expostulatione acquiescis. Huc insignissime facit illud Augustini, qui præceptum Protoplastis datum de non tangenda malo examinans Adami personam indutus. Si bona est arbor inquit, cur non tango? si mala est, quid facit in paradiso? Huic Deus: ideo est in paradiso, quia bona, sed nolo eam tangas, quia obediens te volo, non contradicentem seruum. Ecce hoc? quia tu seruus, & ego Dominus sum. En tibi mille rationes sub hac vna, quia Deus, noster est Dominus, & voluntatem suam nobis sequendam proposuit non iudicandam, nos autem serui sumus, quousque ergo est, hac nos ire qua nos ducit Voluntas Domini.

Angelus Apostata callidissime ac nequissime quaesivit in paradiso: Cur præcepit vobis Deus? Quærendum fuisse: Cur huius arboris fructus non editis? Ad hanc enim quaestionem aptissime responsum fuisse: Quia Deus id præcepit. At vaserimus serpens responsum præripuit, ex eaque fecit interrogationem, Cur præcepit Deus? Quotiescunque igitur scitur Deum quid velle, non vltius licet querere: Cur hoc? Vrgentissima omnium causarum causa est: *Deus ita vult.* Abraham filium mactare iussus, quas non rationes potuisset excogitare & opponere? Tacuit tamen & paruit, satis illi fuit hoc vnicum, *Deus ita vult.*

2 Gen. c. 3. v. 1.

## §. V.

**P**arentes explorando liberorū genio subinde quaerunt: An non luberet die tam commoda in hortum concedere, aut rus ire? quid si hodie libris nationem demus, & charitulas pictas substituamus illorum vicem? Si

respondeant liberi. Sicut domino parenti placuerit; prout vult Dominus parens &c. argumentum edunt educationis optimæ, & maturæ prudentiæ. Quod si ambulatiuncularum & lusus tam audio se non dissimulent & parentibus nondum annuentibus, iam euolent in apricum, indolis non bonæ specimen præseferunt, & tunc optime Pater: heus puer, inquit, reconde supellectilem lusoriam, ad scholas hodie itandum: Hic deiectus vultus, meror in oculis, murmura, librorum non lectio, sed otiosa volutatio, hic sæpe fletus & querelæ contra parentum tyrannidem. En stultos infantes, & ad parentum nutum parum tractabiles: Tales sumus sapissime; in omnes oblectatiunculas effusissimi & facile obmurmurantes, cum Deus, optimus pater, aut ludicrum nostrum turbat, aut ad opus amandat: Si sapimus liberos amulabimur, optime institutos, nec aliud vnquam dicemus, quam illud: Prout Domino Patri placuerit, prompti parati sumus ire, non ire; facere, non facere; laborare, pati, quicquid voluerit pater.

Hoc ipsum Epictetus sapienter inculcans: Ignauissime homo, inquit, aliudne expetis quam id quod melius est? nū vero aliud quippiam melius quam quod visum Deo fuerit?

Huc apposite Ioannes Taulerus (quem supra nominavi) si cui Deus, inquit, optionem faciat dicatque: Vis vt te immunem præstet ab omnibus & corporis & animi miserijs, teque Paradiso restituam? Non aliud respondendum quam hoc ipsum: Domine prout vis, & adimere miseras potes, & relinquere; hoc autem mihi erit gratissimum, quod Voluntati tuæ congruentissimum. Reuera sic ampliorem gratiam obtinemus, quam si ad arbitrium nostrum amplissima quæque munera capiamus. Deus certe virtutum non lenis exactor, sicut seueri Patres, durius solent educare suos. Itaque cū videris homines probos Deoque acceptos laborare, sudare, per arduum ascendere, malos autem lasciuires & voluptariis fluere, cogita illos filiorum modestia delectari, istos licentia vernularum; illos disciplina tristiore contineri, istorum ali audaciam, Deus hominem sibi charum in delicijs non habet, expetitur, indurat, sibi illum præparat. Melius in malis sapimus; secunda rectum auferunt.



Quare nos Deo, velut vacuas sportas offeramus, arbitrato diuino aut implendas, aut inanes destituendas. Hieronymus Iulianum submonens: Tu te putas, inquit, in virtutum culmine constitutum, si partem offeras ex toto. Te ipsum vult Dominus, hostiam viuentem: te da Deo, non tua.

a Epist. l. 2. dissert. c. 7.

b Sen. Epist. 74. med.

## CAPVT V.

*Qua sint indicia & signa humane voluntatis ad diuinam conformata.*

**N**ihili fecerunt militem Romani, qui non habuissent firma latera, & torosos lacertos ad quauis gestanda onera; insuper armata res & nitentia, & maximam in suum Imperatorem fiduciam. Nemo se iactet Christi militem, nemo se diuinæ Voluntatis studiosum credat nisi certa in se signa deprehendat, suam voluntatem in omnibus pendere à diuina. Qua in re vt quis sui ipsius possit experimentum capere, hæc signa siue indicia obseruabit.

## S. I.

**I.** Signum. Omnia cupere ad diuinæ Voluntatis nutum facere, & ideo nihil ordiri rerum, ope diuina non prius implorata. Qui Dei Voluntatem sequitur, nullum negotium aggreditur quin Deum sibi ante postularit adiutorem. Quod si quid maioris momenti videatur, aut factu difficilius, subsidium à Deo frequentius flagitat. Hoc legis instar sit ijs qui seria tractant negotia, & ad clauum sedent, nil vnquam temere aggredi, Domino non consulto. Nemo mortalium facile æstimet quantum hinc damni ferat Orbis vniuersus, quot familiarum male regantur, quot regna & provincie male administrentur, quot iniusta bella suscipiantur, quot alijs ab alijs iniuriæ inferantur, hac lege neglecta. Hæc creberrimorum malorum est origo; quod patres familias, gubernatores, præfides, reges, sæpe homines sui sensus & arbitrij sunt nec ratione agunt sed impetu; neque os Domini interrogant, sed ducem sequuntur. Temeritatem: ingenio suo fidunt, humeris suis credunt, sibi ipsis magni

## VOLVNTATIS

Athlantes, hinc sæpe negotiorum chaos & fœda confusio plurimorum damno.

Grauitur impeerunt Israël Principes, quod in fidem receperunt Gabaonitas, & os Domini non interrogauerunt. a Nos ab errore illorum nihilo cautiore, sæpe grandia molimur, & os Domini non interrogamus; sacerdotum amibimus, matrimonium contrahimus, terras & populos regimus, & tamen os Domini non interrogamus. Aliter longè generosissimi duces Machabæi, qui nullum vnquam prælium iniierunt quin os Domini interrogarint plus simplici vice. Etenim non solum ante pugnam, ad preces militem suum cohortati, & vna cum milite precari sunt, sed & comprecationem hanc, dum pugnarent, continuauerunt. Sic Iudas Machabæus hostilem apparatum considerans, extendit manus in cælum, & Dominum prodigia facientem inuocauit, qui non secundum armorum potentiam sed prout ipsi placet, dat dignis victoriam: b Nec ipse solum dux Machabæus ante congressum, os Domini interrogauit ardentissimis precibus, sed & copias suas ad idem faciendum exemplo suo accendit. Ita, qui cum eo erant, inuocato Deo, per orationes congressi sunt. Neque tantum ad pugnae initium, verum etiam in ipso pugnae furore, Deum assidue appellabant; manu quidem pugnantes, sed Dominum cordibus orantes, prostrauerunt non minus triginta quinque millia, præsentia Dei magnifice delectati. c Hoc est, os Domini serio interrogare.

Cassini consilium est, ante omnes actiones, illud Ecclesiæ usurpandum; *Deus in adiutorium meum intende, Domine ad adiuuandum me festina*: Aut illud: *Actiones nostras quaesumus Domine aspirando præueni, & adiuuando prosequere, vt cuncta nostra oratio, & operatio, à te semper incipiat, & per te capta finiatur*. Pamboni certè hoc consuetudinis fuit, vt quoties consilium rogaretur, spatium ipse peteret tantisper rem Deo commendandi. nec enim respõsi quidquid dare sustinuit, quin prius os Domini interrogasset. Et quidem mos iste huic viro tantum profuit, vt morti iam vicinus, non meminisse dixerit quippiam à se vnquam dictum cuius pœnitisset. Nimirum Deus interrogantibus se continuo responderet: *Præparationem cordis eorum audiuit auris tua.*



tua. *d* Deo non nititur, nec studiosè diuinam Voluntatem exquirat, qui non rerum omnium initium à Deo ducit. Os Domini in rebus plane omnibus interrogandum est.

*a* Ios. c. 9. v. 14. *b* 2. Mach. c. vi. v. 21.

*c* Ibid. v. 27.

*d* Psalm. 9. v. 38.

## §. II.

II. **S** Ignum verè deuotionis erga diuinam Voluntatem, est ærumnas & calamitates non tantum non expauescere præsentēs, sed eas vltro appetere cum absunt, & hoc ea de causa, quod Deus varie afflictis longe sit vicinior per gratiam, quam quibus omnia fluunt ad votum. Non sine delectatione cantans Iesæus vates: Vniuersum, inquit, stratum eius versasti in infirmitate eius. *a* Ambrosij & Chrysostomi sensu, Deus ægrotum aut aliter afflictum ijs consolationibus permulcet, ac si ei lectulum sterneret mollissimum: Sicut quandoque principes feminae, ancillantur ægrotis non sine suauis miserationis affectu, Sic Mater Domini, sic Christus Dominus singulare patrocinium gerunt hominis aut morbo, aut alia quauis calamitate pressi, modo sint qui se dignos præstent celesti hoc patrocinio. Romanus Sapiens multo religiosissime, pæne dixerim diuinæ hac de re philosophatus: Nolite, obsecro vos, inquit, expauescere ista quæ Deus immortalis velut stimulos admouet animis. Calamitas virtutis occasio est. Illos merito quis dixerit miseros, qui nimia felicitate torpescunt, quos velut in mari lento tranquillitas iners detinet. Hos itaque Deus, quos probat, quos amat, indurat, recognoscit, exercet: eos autem quibus indulgere videtur, quibus parcere, molles venturis malis seruat. Erratis enim si quem iudicatis exceptum: veniet ad illum diu felix sua portio. Quisquis videtur dimissus esse, dilatus est. Quare Deus optimum quemque aut mala valetudine, aut alijs incommodis afficit: Quare in castris quoque periculosa fortissimis imperantur? Dux lectissimos mittit, qui nocturnis hostes aggrediantur insidijs, aut explorent iter, aut præsidium loco deiciant. Nemo eorum qui exeunt, dicit, Male de me Imperator meruit: Sed, Bene, iudicauit. Idem dicant quicumque inbeptur

pati timidis ignauisque flebilis; Digni vili sumus Deo, in quibus experiretur, quantum humana natura pati poller.

Et quam hoc congruè Sapientiæ proclamanti! Quoniam Deus tentauit eos, & inuenit illos dignos se. *b* Ergo, fugite delicias, fugite eneruatam felicitatem quæ animi permadescunt, nisi aliquid interuenit, quod humanæ fortis admoneat, velut perpetua ebrietas sopiti. Hanc itaque rationem Deus sequitur in bonis viris, quam in discipulis suis præceptor, qui plus laboris ab his exigit, in quibus certior spes est.

Nunquid tu inuisos esse Lacedæmonijs liberos suos credis quorum experiuntur indolem publice verberibus admotis, illos ipsi patres adhortantur, ut ictus flagellorum fortiter perferant, & laceros & semianimes rogant, perseuerent vulnera præbere vulneribus. Quid mirum, si durè generosos spiritus Deus tentat? nunquam virtutis molle documentum est. Verberat nos & lacerat fortuna? patiamur non est sequitia, certamen est, quò sapius hoc adierimus, fortiores erimus. Ad contemnendam malorum potentiam, animus patientia peruenit, Ignis aurum probat, miseria fortes viros. Quid miraris bonos viros, ut confirmantur, concuti? non est arbor solida nec fortis, nisi in quam frequens ventus incurfat, ipsa enim vexatione constringitur, & radices certius figit, fragiles sunt quæ in apica valle creuerunt.

En tibi, certissimum signum humanæ voluntatis in diuinam velut transfusa, si illa hanc per ardua quoque & aspera non recuset sequi. Quisquis igitur totis amplexibus diuinam Voluntatem in se admisit, animosius sanè quàm Demetrius ille inter ærumnas proclamabit; Hoc vnum, mi Deus, de te queri possum, quod non ante voluntatem tuam mihi notam feceris. Prior enim ad ista venissem, ad quæ nunc vocatus adsum. Vis opes à me aut famam auferre? hæc pridem offerre paratus eram. Vis liberos meos sumere? illos tibi sustuli. Vis aliquam partem corporis? Summe, non magnam rem promitto breui totum relinquam. Vis spiritum? Quid nisi nullam mori facio, quo minus recipias quod dedisti, à volente feres, quicquid petieris. Nihil cogor, nihil patior iniurus, nec tibi, ô mi Deus, serui,

sed assen-



sed assentior. Hæc est vera geminæ voluntatis unio.

a *Psal. 9. v. 35.*

b *Psal. 40. v. 4.*

c *Sap. 2.3. V. 5.*

d *Senec. de Provid. cap. 4. & 5. pauculis mutatis.*

### §. III.

**III.** Signum, Sui ipsius diffidentia quam maxima. Hæc verè Christiana virtus est, vix nota priscis idololâtris. Qui sibi diffidit, felicissimos etiam successus, non suis viribus, nec industriæ suæ tribuit, sed eos ex toto divinæ potentie ac bonitati adscribit; errores & quicquid ab his est, sibi imputat, observatque fidelissimè Augustini monitum. Tota præsumptio tua Deus sit, ita ut agnoscas te absque Deo nil penitus posse, & in Deo omnia. Nihilominus hic talis qui rebus suis omnibus diffidit, ac desperat, facere, quod in se est, non negligit, tanto certiore fiducia in Deo nixus, quanto magis nulla in seipso; Scit se nihil posse, & posse omnia, sed cum Deo. Pro viribus quidem laborat, sed eventû laboris omnem à Voluntate divina expectat, æquo animo ferens omnia ea quæ non sunt mala, nisi malè sustinenti.

Quam longè aliter, qui sibi, qui suis viribus suæque arti, qui suæ prudentiæ ac consilijs fidunt, quam ij sunt in rerum suarum encomijs facundi, quam seipso liberali ore dilaudant, quam ingerim in multis remissis agunt, sui fiducia nimij?

At vero qui totus ex Voluntate divina pendet, instar libræ, tanto magis altera lance in ipsum deurgit, quanto illa ascendit altius.

Dux militiæ qui castrum defendendum suscepit, dum abest hostis, infirmiora loci & immunita considerat, de comineatu providet, tormenta bellica disponit, contra omnem irruptionem se parat, scit enim hosti fidendum non esse, ita Christianus, morbis, inquit, & morti non fidam, sacramentis me præmuniam, precibus & ieiunijs, velut armis me instruum; non fido, nec mihi, nec morti.

At temerarius & suæ virtuti confusus, satis se credit paratum in omnes hostium occursum; aut certe facillimam sibi sperat fore præparationem, cum res postularis: fidit sibi & Mor-

ti. Recte de hoc utroque homine Salomôn; Sapiens, inquit, timet & declinat à malo; Stultus autem transilit & confidit. a Sed infra fusi, de hac pessima sui fiducia.

a *Prou. 6.4. v. 16.*

### §. IV.

**IV.** Signum, Fiducia in Deum maxima, & qua nascitur, ut qui læsus aut offensus est, non continuo vindictam meditetur, sed sibi ipse dicat: Deus hoc vidit, audiit; Deus viciscetur, idque suo tempore: Atque hoc vno hostibus omnibus euadit superior, quod certum habeat, licet illi Acheronta moueant, sibi tamen non plus nocituros, quam Deus permittat. Sed dicas? Sunt qui nullam alijs nocendi occasionem negligunt, si damna nequant inferre, emolumenta saltem aliorum impedire conantur. Sic est, verum qui Deo fidit, hoc agit, ne quid in se desideretur industria, cetera omnia diuinæ providentiæ committit. Huic ob stare frustra nituntur improbi. Non est sapientia, non est prudentia, non est consilium contra Dominum. a Quam fraudulenter egit Laban cum suo genere Iacob! sponfam mercedem decies mutauit, ut res generi decurraret, frustra fuit, in generi commodum cesserunt omnia, *Non dimisit enim Deus, ut noceret illi b.* Hierosolymis minatus est extrema Sennacherib, sed nec ipse nec exercitus ipsius vindices Dei manus effugit: Exercitum Angelus, ipsum interfecerunt filij. *Saluauitque Dominus Ezechiâ & habitatores Hierusalem de manu Sennacherib regis Assyriorum; & de manu omnium. c* Itaque mi Christiane, fide Deo, & omnem illi vindictam permitte, ille Dominus ultionum est. Et hoc vel idololatræ te doceant. Tissaphernes dux Persæ, cum Agesilao fœdus icit, sed lingua, non animo; mox enim cum ingentibus copijs adfuit, & iussit Græcos cedere Asia. Agesilaus ad hanc legatorum denuntiationem intrepide: Duci vestro, inquit, referre, me ipsi amplas agere gratias, quod fœdus ruperit, eaque te Diuos hominesque inimicos in se concitarit, ita copię meæ plurimum auferent ab hostis perfidia. Dictum prorsus Christianum, Sicut locutus est, salutem ex inimicis nostris, & de manu omnium qui oderunt nos. d Qui Deo fidit, omnes inimi-



inimicos suos sibi vestigales habet, quia Deum habet fauentem. Quicquid autem homo Deo nixus, desiderat, id omnium primo à Deo petit. Qua in re hanc sibi regulam statuit, hoc quod peto, aut mihi expedit concedi, aut non expedit, quod quidem Deus omnium optime nouit. Si expediat, aut id confestim largietur Deus, aut tempore opportuniore; ut interim mea quoque patientia exerceatur. Si neget Deus postulata, certissimum, id mihi non expedire quod petij. Hac omnino ratione, neque aliter vnquam supplices libellos Deo porrigit, qui diuinæ Voluntati se solum permisit. Qui hoc diuinæ Voluntatis arcanum ignorant, opem diuinam aut non implorant, aut segniter & remisse, & quam hoc faciant, prius omnium aures fatigant, plurimorum gratiam ambiunt, atque si aliter nequeat, eam etiam muneribus in se deriuant, fauorem & dignitates velut in nundinis mercantur.

Vidit Ioannes, ille Domini ocellus, Christum septenas stellas dextra gestantem. Et quæ sunt hæc stellæ in hac manu? Ioannes ipse mysterium hoc euoluens; Septem stelle, inquit, Angeli sunt septem Ecclesiarum, seu septem Asiæ episcopi, En episcopi, & eorum mitræ infusæque in manu Christi sunt. At vero si vspiciam mitra dominum desiderer, plurimi sunt qui suum ei caput offerunt, sed non primo rectoque cursu ad manum Christi peruolant? Equidem curritur, sed sepe prius ad principum Regumque, ad Præfulum & Antistitum manus peruenitur, quam ad Christi curratur. Idem fit in aliorum officiorum & dignitatum ambitu, humanus fauor quæritur, diuinus à paucis ambitur, aut certe post humanum. Luculentus error, contrarium oportet agere, diuinus ante omnia fauor & Voluntas experenda, sceptræ & tiaræ in manu Dei sunt, officia, dignitates, munia, magistratus Deus diuidit, ab illo primitus hæc petenda. Sicut diuisiones aquarum, ita cor regis in manu Domini, quocumque voluerit inclinabit illud. Sicut olitor, horti sui riuulum sub potestate habet, nec ad proximam aut ad primariam semper arborem, sed sæpe ad debiliorem, aut quæ vult, aquam educit, ita cor regis, veluti riuus, omnis generis præfecturas, & munera continet, Deus instar

hortulani (saluo hominis arbitrio) aquas ex hoc riuo in eos deducit, quos ipse delegit. Ideo stultissime agunt, qui tot preces ac dona in aliorum aures manusque ractant, Deo interim vix eminus & obiter salutato. O deliria hominum! Purius ex ipso fonte petuntur aquæ.

a *Prov. c. 21. v. 10.*

b *Gen. c. 31. v. 4.*

c 2. *Paral. c. 32. v. 22.*

d *Luc. c. 2. v. 71.*

e *Apoc. c. 1. v. 16.*

f *Prov. 21. v. 1.*

## S. V.

V. Ignium, omnia generoso silentio posse concoquere. Contemplare mihi paten-  
tissimum IESVM, inter innumera & conuitia & tormenta generosissime tacentem. Stabant Hebraei sacerdotes & constanter eum accusabant. IESVS autem tacebat: crimina illi diuersa obiecebant, IESVS autem tacebat: instabant illi validis clamoribus, & ad crucem hominem hunc postulabant, IESVS autem tacebat: iam in cruce pendentem irrisionibus acerbissimis flagellare non cessabant, IESVS autem tacebat. Nec aliter Mater Domini, in summis angustijs maximè taciturna. Obseruabat eam Ioseph ferre vterum, & ideo discessiouem ab ea moliebatur. Non hic aliud mater quam filius fecit, ut verè dicatur: Maria autem tacebat, & hoc omne diuinæ Voluntati ac prouidentie committebat. Audiebat illa hominem sibi charissimum, suum sanguinem mille calumnijs appeti, & ideo tacebat: videbat illa filium innocentissimum sub crucis mole fatiscentem, in cruce gementem audiebat, cernebat in grauissimis tormentis morientem, Maria autem tacebat. Hunc filium & hanc matrem complures æmulati felicissime, cum grauissimorum etiam scelerum accusarentur, ipsi autem tacebant. Norat mansuetissimus rex David miram vim huius silentij, ea propter vim sibi faciens: Obmutui, inquit, & humiliatus sum, & filii à bonis. Idem mox reperit; Obmutui & non aperui os meum, quoniam tu fecisti. a Silentij causam non adfert aliam, quam hanc ipsam, quoniam tu fecisti. Ideo sileo quia voluntatis tuæ hoc esse video: Tua, mi Deus Volun-



tas hoc mihi silentium indixit.

Seuerinus Boethius, ille scriptis & vita illusterrimus vir, insigniter prorsus; Quis autem alius, inquit, vel seruator bonorum vel malorum depulsor, quam rector ac moderator mentium Deus? qui cum ex alta prouidentia specula respicit, quid unicuique conueniat, agnoscit, & quod conuenire nouit, accommodat. Hic igitur quicquid citra spem videas geri, rebus quidem rectus ordo est: opinionioni vero tuae peruersa confusio. *b* Qui verò se totum diuinæ Voluntati mancipat, non suæ opinionioni, sed rerum ordini credit, quem omnem tanquam optimum probat silendo.

Fit quandoque vt excitatoris ingenij herus, serui aedes ingressus, disciat, turbet, misceat omnia, & mox abeat, ne auctor deprehendatur, in facto. Seruus domum rediens, & omnem supellestem disturbatam cernens, grauiter quidem exandescit, at cum à suo domino id factum audit, silet & mitescit. Ita David de seipso. Obmutui & non aperui os meum. Cur ita? *quoniam tu fecisti*. Ita prorsus qui diuinæ Voluntati se totum obtulit, aduersa sentit quidem sed diuina se Prouidentia solatur; vanis quæstibus nihil se profecturum non ignorans: Lauaui, inquit, oculos meos in montes, vnde venit auxilium mihi: auxilium meum à Domino. *c*

Rege Assuero & Aman conuiuium celebratibus, cuncti Iudæi flebant. *d* Sed quàm cito cruenta hæc tragedia mutauit, & in auctorem recidit, quicquid in alios mali pararat. Postquam afflixit ac probauit te Dominus, ad extremum misertus est tui. *e* Si Lunam accessio-nibus damnisque mutabilem menstrua paupertas non incesceret, nescissent philosophi eam lumen à sole mutuari: Sic & nos è quotidiano rerum defectu discimus, omne nobis bonum à Deo tribui. Agrotat quis iam primum æstimare nouit valetudinem, quam nunquam tantifecisset, si nunquam perdidisset. Hæc quidem natura mortalium est, vt nihil magis placeat, quam quod amissum est. Calumnias aliquis patitur? iam capit quàm graue sit crimen, alterius famam lædere, quod quamuis læpius ipse fecerit, tamen leue quid iudicauit. In egestatem quispiam deductus est? iam incipit meminisse, qualis olim in egenos fuerit. Itaque silet, & hoc ipsum contem-

platione expendens, diuinæ se Voluntati committit.

Sed agrè fortassis files? Ergo loquere; sed corde, sed Deo, Lingua taceat, mens precetur. Meditare silentium Christi coram Præsidente; Mariæ coram improbis ciuibus, Davidis coram aduersarijs. Dignior & maior tibi conui-tiatur; tace; conui-tiatur æqualis; tace; Vilior & minor conui-tiatur; etiam tunc tace, difficilior hoc sed generosior: illum sine, Deum adi: precare pro aduersario, sicut David, cuius est illud: Pro eo vt me diligenter, detraheant mihi; ego autem orabam. *f* Aduersarium silentio, Deum precibus sibi conciliabat. Ergo file, & diuinæ Voluntati te penitissimè permitte, illud assiduè voluens animo; *quoniam tu fecisti*.

a Psal. 38. v. 3. & 10.

b Boeth. lib. 4. de consol. phil. prosa 6.

c Psal. 120. v. 1. & 2.

d Esth. c. 3. v. 15.

e Dent. c. 8. v. 17.

f Psal. 108. v. 4.

## S. VI.

VI. S. Ignium, Ardua & quæ vix fieri possent credantur, pro Dei honore aggredi. Quam magnanimus hac in re Paulus! Scio, inquit, humiliari, scio & abundare; vbique & in omnibus institutus sum, & satiari, & esurire & abundare, & penuriam pati? Omnia possum in eo qui me confortat. *a* Equè magno & excelso animo David; In Deo meo, inquit, transgrediar murum. *b* Redeat Pericles, & Pyrræos muros struat quadraginta cubitis altos, tam vero latos, vt duo currus inter se iuncti amplius spatium non desiderent, ego tamen, ait David, hos muros transgrediar. Redeant Carthaginenses, & triplicem educant murum omni æuo celebrem, ego tamen hunc ipsum transgrediar. Reuiscat Anastasius Imperator, & mœnia condat octo pedes lata, ego tamen hæc transgrediar. Redeant Babelis architecti, & turrim ædificent, cuius culmen perstringat ad calum, *c*. ego tamen & hanc transgrediar in Deo meo, quoniam in illo eripiar à tentatione. Sed & maiora magisque ardua promittens David; In te, inquit, curram accinctus; in Deo meo transiliam murum. *d* Parum ei erat currere & sudare, sed ar-

amis



mis etiā indutus, & cataphraſtus vult currere: parum ei erat, murum quantumcumque craſſum aut altum tranſgredi, iam etiam tranſilire vult vel caelo certantem molem. Celſior aut dentior murus vix illi obijcitur, quam ſua cuique Voluntas, hunc murum & tranſgredi neceſſe eſt, & tranſilire. Quivis cogitet: Deus me patientem eſſe cupit, cupit eſſe caſtum, facilem dare veniam inimicis, bene de alijs ſentire, bene loqui me vult Deus: Ecce ego non idem velim: Profecto voluntas mea haſtenus vt murus obſtitit: aſiſte me murus non terrebit; tranſgrediar, tranſiliam; Omnia poſſum in eo qui me confortat.

Qui res geſtas Diuorum euoluerit, illud regij plaltis ſapius prouinciabit: Mirabilis Deus in ſanctis ſuis: Deus Iſrael ipſe dabit virtutem & fortitudinem plebi ſuæ; ipſe dedit virtutem & fortitudinē Sanctis ſuis. Et vt vetera taceamus, Franciſcus Xauerius, & Societate Ieſu, Iaponum Apoſtolus, quanta vir iſte pro Deo auſus, quanta potuit, quos muros non tranſgreſſus, quæ mœnia non tranſiit, volaſſe illum dixeris, ſi quo aliter adire non poſſet. Deo ille fretus diuinæque Voluntate velut accinctus eucurrit, terras tranſiit & maria. Queri ſolet nonnunquā ſiculoſus, videri pagum in ſe combuſtum, adeo ſitum virgere, videri potuiſſet Orbis in Xauerij pectore combuſtus, adeo ille omnium ſalutem ſuebar. Et quod incendium Xauerius animo circumtulit, dum quibuſdā quaſi ſaltibus ex Italia in Luſitaniā, ex Luſitania in Indias, ex Indijs in Iaponem, inde ad extremos Sinas ſeſe penetrauit, terram ex terra, mare ex mari mutans. Opponiſ huic terræ mariſque pericula? hæc, inquit, non timet qui Deo fidit Siluarum tenebras? Satis lucet flamma in pectore. Inſanientem Oceanum? Aquæ multæ non poterunt extinguiſſe charitatem: Latronum & piratarum inſidias? Nec domi ſuæ tutus eſt, quem diuina Voluntas non protegit. *e* Ita Deo nixus, murum omnem tranſiit, ita trecenta millia barbarorum, vti Bozius affirmat, Chriſto adiunxit. *f* Hoc nemo ignorat, mille plerumque remoris retineri cogitantem meliora. Sed perrumpendum eſt vi, & eluſtandum ad ardua, etiamſi Satan cum omnibus ſuis furijs, toroque apparatu aduerſetur. Chriſtus nos in hanc rem animans: Si habue-

ritis fidem, inquit, ſicut granum ſinapis, dicetis monti huic, tranſi hinc illoc: & tranſibit, & nihil impoſſibile erit vobis. *g* Quis ſe totum diuinæ Voluntati tradidit, omnia ſe poſſe confidit.

*a* Philip. cap. 4. v. 12.

*b* Pſalm. 17. v. 30.

*c* Gen. c. 11. v. 4.

*d* 2. Reg. c. 22. v. 30.

*e* Vide de hoc infra l. 3. c. 12. vbi de diu. provid.

*f* Thom. Bozius de ſignis Eccleſiæ lib. 6. c. 3.

*g* Matth. cap. 17. v. 20.

## §. VII.

**V**T autem ea quæ diximus tam de cognitione diuinæ Voluntatis, quam de humana ad illam Conformatione, quantumcumque rudi perſpectiſſima ſiant, in hanc epitomen dicta componimus.

Quicquid in Orbe fit (peccatum excipimus) à quocumque aut quomodocumque fiat, diuina id fieri Voluntate dicendum eſt. Omnia quæ ſunt, vult Deus fieri, quicquid autem Deus non vult, certiſſimo non fit. Hinc ſapienter Epictetus: Semper, inquit, illud potius volo, quod fit. Atque vt hoc idem omnibus perſuadeat; Ne poſtules, ait, ea quæ ſunt, arbitrato tuo fieri. Sed, ſi ſapis, ita fieri quæque velis, vt ſunt. *a* Nam omnia quæ ſunt ſunt aliquo modo effectus diuinæ Voluntatis. Quomodo poſſet aliquid permanere, niſi tu voluiſſes? clamat Sapiencia. *b* Solum peccatum non vult, ſed permittit Deus fieri, volens autem permittit, nam & peccatum impedire poſſet, id ramen ob cauſas ſibi notas non impedit. Hoc eſt Theologiæ arcanis confirmamus: Theologi rem hanc definiunt his verbis: Deus vult omne bonum creatum actu exiſtens, ſed quicquid fit extra peccatum, eſt bonum creatum actu exiſtens, ergo quicquid in Orbe fit, hoc Deus vult fieri, modo abſit peccatum. Hinc ille ingenij acutiſſimi theologus: Omnia, inquit, quæ ſunt aut ſunt, quæ fuerunt aut facta ſunt, quæ ſient aut erunt, cognoscuntur à Deo in decreto ſuæ voluntatis. *c* Et nota, mi Lector, liberaſ hominis actiones non eo impediri, quod eas Deus ab æterno prauiderit & volue-



rit; sed Deus illas ideo voluit, quia futuras prævidit *d*

Sed ulterius progrediamur Deus non tantum vult fieri, quicquid in Orbe fit (dempto peccato) sed id omne re ipsa semper exequitur quod melius est, imo quod optimum est, & hoc est, ut sic loquamur, ingenium Dei & innata eius propensio. *e* Istud dilucide Basilii Magnus adstruens? Vnum quidem hoc, inquit, habere in mentibus nostris præsumptum oportet, quod nihil eorum quæ nobis accidunt, malum sit, aut tale, ut melius illo excogitare queamus. *f* In eandem omnino sententiam Damascenus concedens: Omnia, inquit, quæ Dei providentia fiunt, pulcherrimè ac diuinissimè fieri necesse est, atque ita denique ut meliori modo existere prorsus nequeant. *g* Præ omnibus audiendus hic Augustinus: Iustitia, inquit ille, veri & summi Dei factum est, ut non modo sint omnia, sed etiam sic sint, ut omnino melius esse non possint. *h*

Quid clarius? rationem audi; Quicquid enim, inquit, vera ratione tibi melius occurrerit, hoc scias fecisse Deum tanquam bonorum omnium conditorem. Neque enim tu potes aliquid melius in creatura cogitare, quod creaturæ artificem fugerit. *i*

*a* Epist. lib. 4. dissert. c. 7. & Enchir. cap. 13.

*b* Sap. car. 11. vers. 26.

*c* Tamen si forte non solo. Scotus in 1. distinct. 39. quæst. unica. § Viso de contingentia, ita Richar. Caiet. Vasq.

*d* Hoc fusè & eruditè probat Theophilus Raynandus in Theolog. Nat. distinct. 8. quæst. 3. art. 4. mihi pag. 947.

*e* Iacob. Granadus in 1. partem D. Thome tom. 2. disp. 3. per 6. sectiones mihi pag. 420. Et sermo est de rebus in quibus non abitur in infinitum.

*f* Basil. hom. 8. ex var. quod Deus non est auctor malorum. *g* Damasc. l. 2. de fide cap. 29.

*h* August. tom. 1. libr. de quantitate animæ cap. 33. med. fere.

*i* Idem tom. 1. l. 3. de libero arbitrio c. 5. post init.

### §. VIII.

**Q**ua ratione autem Deus omnia quæ fiunt, videri velit, peccata vero fieri permit-

tat, exemplum ponimus huiusmodi. Iussit olim Summus Pontifex, Iulius II. ut Michael Angelus inter pictores celeberrimus extremum Orbis iudicium pingeret. Pictor operi manus admouit, sed pro affectu quem in sacros proceres non benignum gessit, præfules etiam & purpuratos Patres in inferorum flammis collocavit. Pictorem suum sapius accessit Pontifex, neque nescit artificiosam hominis temeritatem & quamvis eam minimè probari, certa tamen ex causa dissimulavit videre, illud secum cogitans: Modo finiat opus, mox in carcere penicilli sui errores sentiet, pance solo & fonte cenaturus. Hic certè Pontifex supremi iudicis tribunal pingi voluit, idque in emolumentum spectantium, non in contemptum cuiusquam aut iniuriam, eam tamen ob certos fines sciens volensque non impedijt: Ita Deus Aternitati nos vult pingere, & opera edere immortalia; at nos affectu & manu exerrantibus, iam hos iam illos in Orco statuimus, hoc est, variè iniuriæ sumus in eos quos nobis hostes arbitramur. Sed & alia plurima in opere faciendo delinquimus. Nihilominus pictura rerum in Orbe diversissimarum elaboratur: Est enim mirabilis rerum omnium connexio, series atque concinnitas, ut singula, quæ seorsum deformia, aut certè minus pulchra viderentur, ceteris adiuncta sint longe pulchriora. Deus autem moræ patientissimus expectat, dum omnis pictura hæc finiatur, errores nostros plurimos, tanquam si non videat, dissimulat iustissimis de causis. Tandem supremo Mundi die parebit, quid quisque dignum æternitate pinxerit, quid in pictura errarit. Sicut ergo Pontifex, aut Regum quispiam certum quid ac destinatum vult pingi, pictoris autem arbitrium non turbas, errores etiam permittit, ob causas sibi notas; ita Deus omnia quæ fiunt, vult fieri, peccatum vero permittit, sed permittit sciens & volens, cum illud impedire possit. Ita rex David Ioabo belli duce est usus; cuius flagitia minimè probavit, tamen si diu dissimulavit. Neque ullus hic obiecerit, quare homo cogitur impedire peccatum quando potest, & Deus non cogitur, qui semper id potest. Nam præterquam quod Deus sit Dominus & moderator omnium intentus bono communi, nos mancipia & seruit, illud etiam accedit,



cedit, quod Deus è peccato re omnium pessi-  
ma boni quid eliciat, quod homo non po-  
test. Augustinus hoc summi opificis artifi-  
cium admiratus: Ex omnibus, ait, cõsistit vni-  
uersitatis admirabilis pulchritudo, in qua et-  
iam illud quod malum dicitur bene ordinatum  
& loco suo positum, eminentius commen-  
dat bona, vt magis placeant & laudabiliora  
sint, dum comparantur malis. *b*

*a* Propter quã non est impedienda causa parti-  
cularis quin suo modo agat.

*b* Aug. Enchir. c. 10 & 11.

## §. IX.

**S**ed obijcias primo: Bona sint omnia, sint  
omnia optima quę Deus vult, sed certè  
non mihi sunt. Audacissimè mortalium, quid  
hic ais? *Equaliter cura est Deo de omnibus.* *a*  
Ita te, ita me, ita singulos curat prouiden-  
tissimus Deus, sicut vniuersos, neque tantum  
quod melius, sed quod optimum est semper,  
& tibi, & mihi, & singulis, & omnibus vult,  
& quod vult exequitur efficacissimè. Grego-  
rius pulcherrime: Sic inquit, intendit omni-  
bus, vt adsit singulis; sic adest singulis, vt si-  
mul omnibus nunquam desit; sic summa regit,  
vt ima non deserat; sic imis præsens est, vt à  
superioribus non recedat, *b* *Cura est Deo de*  
*omnibus.* De filiis, seu charissimis Dei amicis  
res certa & euident; sed nec circa damnan-  
dos alium se getit; pater est, nutritor est, de-  
fensor est vsque ad vltimum vitę momentum,  
hic demum iudex, punitor, hic vindex est  
tam obstinatę in se perfidię.

Obijcias secundo; Et quomodo; tantam  
Dei prouidentiam ac curam tot sequuntur in-  
conuenientia, & vt mihi vocabulo veat, fiunt  
hic illic absurdorum absurdissima quęque.  
Vti Deum dicere dormientem nolim, sic ad  
minuta quęuis vigilantem affirmare, num be-  
ne ausim? O te ouiculam, sed profecto ma-  
lam: quamuis crediderim hic te alienam ge-

re re personam. Vtique Deus vigilat ad quæli-  
bet vel minutissima: Ioannes Damascenus  
tuo stupori apertissimè respondens; Deus, ait,  
nõnunquam aliquid absurdi & præposterii fie-  
ri permittit, vt per eam actionem quę absur-  
ditatis speciem habet, magnum aliquid & ad-  
mirabile conficiatur, quemadmodum per  
crucem hominibus salutem comparauit. *c*  
Num hæc negabis vera? Ergo Deus non qui-  
dem peccata vult, sed efficaciter permittit.  
seu, permittere vult, & inde prouentus elicit  
vtilissimos sibi que maximè gloriosos. Augu-  
stinus perspicue id asserens; Propterea, in-  
quit, diuinę Prouidentię etiam ista dispositio  
tribuenda est, non quia ipsa peccatores facit,  
sed quia ipsa ordinat cum peccauerint. *d* Qua-  
re licet homini secundum se spectato melius  
esset non peccasse; si tamen tota series nature  
& gratię attendatur, multo fuit melius à Deo  
peccatum permitti. Notum Ecclesię testimo-  
nium; *e* Felix culpa quę talem ac tantum me-  
ruit habere Redemptorem. Hęc de Diuina  
Voluntate tam cognoscenda quam amplecten-  
da. Vtinam humana gens, vel hac vna in re  
cæcutire desinat: & diuinam voluntatem,  
quam facile potest agnoscere velit etiam  
prompte amplecti.

*a* Sap. c. 6. v. 8.

*b* Greg. lib. 16. moral. c. 1. med.

*c* Damasc. l. 2. de Fide c. 27.

*d* Aug. in Ps. 7. post med.

*e* Ecclesię auctoritas. Et hinc Theologorũ confli-  
dã assertio est hæc: Deus omnes effectus veros  
& reales quarũlibet causarum secundariũ,  
adeoque omnes actiones nostras liberas, etiam  
malas quę nati sunt, sicut & ipsam pecca-  
ti cuiuslibet permissionem; atque etiam mala  
solius pœnæ, ab æterno, adeoque prius tempore  
quam fiant, etiam in particulari aliquo modo  
prædesinuit ac præordinauit. P. Adamus Tan-  
ner. tom. 1. Theol. disp. 2. Dub. 7. n. 7.



LIBER TERTIVS  
DE HVMANÆ VOLVNTATIS  
A D D I V I N A M  
CONFORMATÆ EMOLVMENTIS.

CAPVT PRIMVM.

*Quantam animo tranquillitatem conciliet humana voluntatis ad diuinam Conformatio.*

**D**IXIMVS, quæ ratione diuinâ Voluntatem nosse, qua nostram illi iungere possimus: Nunc porro dicendum quid emolumenti proueniat, si humana diuinæ semper sit coniunctissima.

S. I.

**T**Am liberalis est Deus diuitiarum & donorum, vt non tantum æternis nos delicijs beare statuerit, sed diem Æternitatis velut præoccupans, quo nos ad omnia paratiores promptioresque reddat, è mensâ suâ mittit cælestis cõuiuijs promulsidem, iubetque libare saltem æternæ felicitatis gustulum. Ita nec inferenti huius mortalitatis nosocomio deest. Magnæ illius æternæque cenæ velut antecena. Etiam in hoc orbe inferiore quies est aliqua, sunt etiam hic solatia è cælo missa. Neque hic impendijs magnis res agitur, sola opus voluntate ad diuinam conformata.

In rupe Taborea vix guttulam gustarat Petrus cælestis beatitudinis, & mox: Bonum est, exclamat, nos hic esse, imo iam ebrius vide-

ri poterat ab hoc nectare, non enim sciebat quid diceret. a O Petre, præproperum est, hic nectar & ambrosiam expectare: loco meliore dabuntur ista, sed nondum.

Angelus ille Apocalypticus Ioannes: Factum est, inquit, silentium in cælo, quasi media hora. b Quies aliqua designatur, beato Gregorio interprete, quam hic assequuntur, qui diuinam Voluntatem exequi perinde, vt in cælo, desiderant, eaque ratione velut in cæli vestibulo degunt. Eo anhelans David: Et volabo, inquit, & requiescam: c Quo volatus iste: vtique ad diuinæ Voluntatis suauissimam contemplationem, eo quisquis pertigerit, iam demum respirare incipit & incundissime quiescere. Nihil enim ardentioribus votis expectit, quam hoc vnum: Fias Voluntas tua, sicut in cælo, & in terra. Inter ea certe quæ maximam animo pacem & tranquillitatem conciliant, primum hoc numeratur. Omnibus votis contendere atque adspirare ad constans diuinæ Voluntatis obsequium. Ita optimus ille scriptor præcipiens: Opta, inquit, semper & ora, vt Voluntas Dei integre in te fiat. Ec-



ce talis homo ingreditur fines pacis & quietis.

d. Quisquis igitur cum sanctissimo rege illo volare cupit & quiescere, his profecto alis euehi in altum potest : & patrare admiranda.

a *Marc. c. 9. v. 5. & 6.*

b *Apoc. c. 8. v. 1.*

c *Psal. 54. v. 7.*

d *Thom. à Kemp. l. 3. Imit. Christ. c. 23. plura l. 3. c. 11. num. 2.*

## §. II.

**O** Primæ fidei scriptor a commemorat de viro religioso, cuius vestes vel solummodo tactę valetudinem multis restituebant, hinc ille apud ægros venerationi, apud suos admirationi esse capit, cum tamen nulla in eo virtus singulariter splendesceret, vitam enim agebat pro more ceterorum in cœnobio, nec ullis insolitis rigoribus sese macerabat; hoc vnum studiosissimè cauere solitus, ne quid aliud vnquam vellet quam Deus. Cum itaque sine pharmacis mederetur sapius, rogatus à cœnobiarcha eius rei causam : Mirari se ipsum, aiebat, & pudore ob id affici, cum ceteros ieiunijs & precibus vix æquet, ne dum superet. Ita est, inquit cœnobiarcha, te hominem lætum esse, non nescimus, cætera non suspiciendam præ alijs. Simul in omnia pressus inquirere, & multa sciscitari cepit antistes, ac animi arcanum referari cupere. Hic vir ille religiosus. Eam, inquit, mihi gratiam à Deo factam iure commemini, quod ad diuinam Voluntatem ita me conformarim, vt aduerso Deo nil vnquam mouere velim. Neque verò etiam metuo res vnquam fore tam turbidas, vt animo cadere, aut conqueri lubeat; sed nec ulli, puto, tam prosperi successus mihi sic blandiantur, vt ob eos singulari me patiar gaudio compleri. Nam omnia sine discrimine de manu Dei accipio. neque postulo vt ea quę sunt, arbitrari meo fiant, sed ita fieri quęque volo vt sunt. Ita nihil me voluptate, nihil mœrore afficit, nihil me turbat, sed nec beat quidquam, nisi sola, nisi vna atque vnica Dei Voluntas. Ideo in omnibus omnino precibus, hoc vnice flagito, vt diuina Voluntas in me semper, rebusque creatis omnibus quàm integerrimè perficiatur. Miratus hæc vehementer antistes : Et amabo te, inquit,

expone sodes, quis tibi nuper sensus, an non vnà nobiscum acerbè ferebas, cum nefarius homo ignem subiecit nostris ædibus, cum stabulum & horreum, tam multum frumenti & pecoris combustum, damno panè irreparabili ? Ad quæ cœnobita ; Hoc, inquit, scias velim, Pater reuerende, nihil inde mœoris me contraxisse. Nam in more positum habeo, pro his talibus Deo gratias agere, cum certissimus sum, quicquid rerum fit, diuina permittente Providentia fieri, idque omne in nostrum emolumentum. Ideo curæ mihi non est, modicum an multum habeamus sustentandæ vitæ ; Deo fido, qui quemuis nostrum aquè frustulo panis poterit nutrire ac pane integro. Ita lætus dego & alacer. Hic Cœnobiarcha multa contradicere & varijs quæstionibus hominem vrgere, vt sic suauiter exprimeret latentes animi sensus. Post varia, Quin imò, ait iste, per quotidianam mei oblationem diuinæ Voluntati, eo deueni, vt si præscirem ego, ad inferos me deiciendum decreto immutabili Deo, tamen refractarius esse nollem, modo simul liceret scire, sic Deo visum esse, ita Deum velle, imo etiã si oratione Dominica vel semel pronuntiata diuinum illud decretum rescindere potestas esset, sanè id audere non vellem, sed potius geminas has Deo preces admouerem, Vt acquissimam sanctissimamque Voluntatem suam in me pergeret exequi, & Vt hanc vnam mihi gratiam faceret, qua veraret tota Æternitate, diuinæ Voluntati quidquam contrarium cogitare. Cohorruir ad has voces Cœnobiarcha, & panè in lapidem sterit, oborto vtriusque silentio. Demum ; Ito, inquit, ito, mi Pater, & propositi huius tenacissimus maneto. Cælum extra cælum reperisti, & hoc interpreteris, gratiam paucissimis factam. Rarè immunitatis est à nemine turbari, à nemine lædi posse. Arcem quietissimam habitat, quisquis se totum ad diuinam Voluntatem conformat.

a *Cæsarius Heisterbacens. l. 10. mira. c. 6. vixit ante CCCC. Annos.*

## §. III.

**I**ta cœnobitam suum à se dimisit antistes, ipse alto stupore defixus, hæc secum cepit ratiocinari, & ; iam mihi liquet, ait, vnde



vnde huic viro, quem hominem ridiculum censebant, illa medendi gratia sit. Hęc tanta cum diuina Voluntate coniunctio, ad hoc fastigij suos euehit. Et qui possit, Deus hunc talem hominem æternis flammis addiscere repugnat id infinitæ bonitatis. Et sanè fateri cogor, nec longum esse, nec difficile iter, ad hoc cultum solidissimæ Tranquillitatis, neque enim hic opus inusitata vitæ seueritate, non crebris ieiunijs, non prolixis vigilijs certandum, omnè hoc negotium peragit vnicum generosum VELLE, sed hoc VELLE quotidie instaurandum, firmeque statuendum, contra diuinam Voluntatem prudenter nil vquam admittere. Ira enim, inquit Chrysostomus, velle efficit posse, vt nolle efficit non posse. Magna vis est voluntatis, quæ efficit nos posse quod volumus, & non posse illa quæ nolumus.

Quod si quis manè ita se Deo committat? O Domine meus & Deus meus, ego me tibi offero in omne beneplacitum tuum, hodie sciens prudensque contra tuam Voluntatem nil agam, is tamen eodem hoc die aut veritatem ganeam, aut infame prostibulum subeat, aut alijs ad vitia occasionibus temerè sese indulgeat, hic quidem homo cum Deo ludere, & altera panem, hac verò manu scorpionem porrigere censesus est. Ita prorsus diuinæ Voluntati subiectissimum se quidem polliceri, nihilominus aliorum opibus, aut famę nominique insidias struere, inuidiam in se sponte admittere, ab ira non preueniri, sed illam viro accersere, hoc iocari est cum Deo, & virtutū moram impellere, atque ostium aperire, vix dum rogantibus admitti. Et quodnam hoc amoris symbolum? amo te, sed hunc à me colaphum accipe. Aut, non patiar me separari à te, at cum occasio inuitat in rupis angusto calle, quem verbis ante adeo demulseram, iam manu deiecio in voraginem. At soleamus pigerrimis nos vocibus defendere, *Non potui aliter*. His Chrysostomus respondens, Nec enim quisquam, ait, poterit excusari, quasi voluerit, & non potuerit, cum cōstet eum idcirco non potuisse quia noluit, vt nolens volentis exemplo damnetur, & volens, quia impleuit quæ voluit, muneretur.

a Chrys. serm. de Zach. sine tom. secundi.

b Chrys. serm. de Zach.

Iud ergo colloquium inter duos religiosos viros, captu difficile non est, & fateri cogimur, viam nemini obstructam, ad illum tranquillitatis apicem, ad hunc paradisum nemini oclusum ostium, quisquis hoc vnum potest, *velle quod vult Deus*, iam ingressus est, nullius aut ordinis, aut sexus, aut ætatis homines hinc arcentur. Verum duo præcipuè in narrato colloquio capita sunt institutionis tam eximie, vt ea probè cepisse, sit hic palmam obtinuisse.

Primum, Altissimè animo imbibere, quicquid sit, diuina fieri providentia, quæ ad suum finem atque ad beatitudinem disposuit vniuersa. prout secretissimo Dei iudicio placuit ab omni æuo. Omnia certa, & in æternum dicta lege decurrunt. Pulchrè de hoc Seneca: Causa pendet ex causa, inquit, priuata ac publica longus ordo rerum trahit. Ideo fortiter omne ferendum est: quia non, vt putamus, incidunt cuncta, sed veniunt. Olim constitutum est, quid gaudeas, quid fleas: & quamuis magna videatur varietate singulorum, vita distingui, summa in vnum venit. Accepimus peritura, perituri. Quid ita indignamur, quid querimur? ad hoc parati sumus. Vtatur, vt vult, suis natura corporibus: nos læti ad omnia & fortes cogitemus, nihil perire de nostro.

Alterum: Facere quod in se est, cetera omnia diuinæ Providentiæ liberalissima confidentia transferre: forte sua contentum viuere, de aliena non inquirere, nec vlli beatorum innidere. Hęc sunt quæ perducunt in propugnaculum Tranquillitatis inexpugnabiles hęc illa virtutū omnium panoplia est. Hanc vero nunquam induunt illi, qui caduca hęc amant, velut sua & perpetua bona, qui se propter illa suspiciunt, qui diuinæ Providentiæ non satis fidunt: hi ad leuissimarum iniuriarum motus collabuntur, iacent & mœrent, cum vanos & pueriles animos, omnis solidæ voluptatis ignaros, falsa & mobilia oblectamenta destituunt. At ille qui se lætis rebus non inflat, nec mutatis contrahit, diuinæ de se Providentiæ plenissimè fidit; aduersus vtrumque statum inuictum animum tenet, exploratæ firmitatis: omnium virtutum panoplia



plia munitus est, verbo: Vult quod vult Deus,  
a *Sen. de. provid. c. 5.*

## CAP. II.

*Fierine possit, ut quis nunquam tristetur, &  
an id arte illa impetrandum, qua  
nostram diuinam Voluntati  
conformamus.*

**S** Alomon humanæ sapientiæ pelagus, & magnum portentum, liberrime pronuntiavit: Non contristabit iustum quicquid ei acciderit. *a* Loquitur sapientissimus Rex de rebus fortuitis quæ bonæ menti contra quâ vult obueniunt, perinde ac si dicat: Mala voluntaria uti sunt peccata & noxæ virum bonû utiq; sollicitum habet & dolore afficiunt: at illa fortune ludibria, facultatum amissio, honoris iactura, valetudinis dispendium, charorû funera virû iustum tam non affligant & angunt, ut hæc sæpissime beneficij loco numeret, nec mala putet, sed exercitium patientiæ credat, & pro ijs, ut par est, Deo gratias agas. Nā bonæ menti calamitas omnis occasio est virtutis. Quapropter Hugo, illud (quicquid ei acciderit) acute expendens: Sicut accidens est, inquit, auctore philosopho, quod adest & abest præter subiecti corruptionem: ita præsens tribulatio, & ærumna adest, & abest præter iusti contristationem, & conturbationem.

Ceterum, quod erecto ac hilari animo vir iustus exteriora quævis mala excipiat, Paulus locupletissimus testis: Repletus sum, inquit, consolatione, superabundo gaudio in omni tribulatione nostra. *b* Nō in fame tantû aur fiti, nō in vinculis solû aut plagis, sed in omnibus ærūnis & angustijs, in omni tribulatione nostra. Neq; leui tantû lætitia afficior, sed, repletus sum consolatione, superabundo gaudio, etiā cum virgis cædor, cū lapidibus insternor, etiā cū naufragijs iactor. Turonensis præsul Martinus à Severo Sulpitio tot annis nūquā iratus nūquam mœstus est visus, sed pacatus semper sibi que similis. Ita sane non contristabit iustum, quicquid ei acciderit. Chrysostomus omni calculo sententiam hanc confirmandus: Nihil enim aliud, inquit, graue atque acerbum est quam in Dei offensionem incurere,

hoc sublato, non afflictio, non insidia, non aliud quidquam prudentem animam molestia afficere queat. Quin potius quemadmodum si exiguum scintillam in magnum pelagus iniicias, eam protinus extinxeris, eodem modo molestia omnis quælibet ingens, si in animum sibi bene conscium inciderit, confestim perit & evanescit. *b* Hic idem oris aurei doctor, ut rem quasi oculis explicatius subiiceret, mentem cælo conferens. Cælum, inquit, altius est imbris ac pluuijs: Cælum quidem cum nubibus obducitur, pati putatur, sed nihil patitur. Sic & nos etiam si putamur pati, nihil patimur, id est, tristitia quasi nubilus obduci putamur, sed non tristamur. Sed demus humanæ imbecillitati doloris aliquid & mœstitiæ, sed quale hoc aut quantum? Ambrosius, Esto, inquit, in illis, hoc est, in laboribus, aliquid acerbatis. Quem virtus animi non abscondit dolorem? Neque enim profundum mare negauerim, quia vadosa sunt littora; neque cælum lucidum, quia interdum obtegitur nubibus; neque terram fecundam, quia aliquibus locis ieiuna glareæ est, aut lætas segetes, quia intermixtam solent habere sterilem auenam. Similiter putā beatę messem conscientię interpellari aliquo acerbō dolore, tamen manipulis vitæ beatę, si quid fortē accidit aduersi atque amaritudinis, tanquam sterilis auena absconditur, aut tanquam lolij amaritudo frumenti suauitate obducitur. *d* Ergo, non contristabit iustum quicquid ei acciderit. Sentiet tristitiam, non consentiet; tegetur nubibus cælum, non subuertetur; lolium miscebit se tritico, sed non nocebit. Non sentire mala sua non est hominis at non ferre, non est viri.

*a* *Prov. c. 12. v. 21.*

*b* *2. Cor. c. 7. v. 4.*

*c* *Chrys. hom. 1 in epi. 2. ad Cor.*

*d* *Ambros. l. 3. de offic. c. 5.*

## S. I.

**N** Equè solum Christiana sapientia hoc capit: priscis etiam hoc animi robur non ignotum. Vere cecinit Venusinus vates:

*Iustum & tenacem propositi virum,*

*Non ciuium ardor praua iubentium,*

*Non vultus instantis tyranni*

*Mente quatit solida. —*

PPP

*Si fra*



*Si fractus illabatur Orbis,*

*Impavidum ferient ruina.*

S. II.

Susque deque ferantur omnia, celum ruat, sub ruente hac mole cor Deo filium non trepidabit. Amplissimæ promissiones sunt quæ cor istud præmuniant. Deus proclamans: Noli te, inquit tangere Christos meos, *b* quos ego gratiæ meæ oleo inunxi: & vere: Iustorum animæ in manu Dei sunt, & non tanger illos tormentum malitiæ: *c* Zacharias: Qui tetigerit vos, tangit pupillam oculi mei *d*. Ioannes, scimus, inquit, quia omnis qui natus est ex Deo, non peccat (violando charitatem letali noxa *e*) sed generatio Dei conseruat eum, & malignus non tangit eum. *f* ea scilicet vi qua possit vincere.

Assyrius Rex Sennacherib omnes Iudææ ciuitates expugnauit, Hierosolyma non potuit, imo nec obsedit, imo nec quidem vidit. Disserte affirmat Isaias: Hæc dicit Dominus de Rege Assyriorum, non intrabit ciuitatem hanc & non iaciet ibi sagittam: & non occupabit eam clypeus, & non mitter in circuitu eius aggerem. *g* Ita prorsus vir iustus, cuius lex Voluntas Dei, vndique inexpugnabilis est, non contristat eum quicquid ei accadat, licet omnia membra torqueat dolor, licet paupertas vrat, licet mille premant ærumæ, ille tamen erecto celsoque animo Deum arctissime stringit, & etiam tunc ad diuinam Voluntatem sese conformat ex toto. Et quippe ni hoc possit libera habet charitatis brachia, nullis vnquam, si nolit, catenis vincienda; æternis amplexibus, modo velit, in hæsurâ diuinæ Voluntati.

Memorant virum eruditione ac virtute magnum, vbi res in maxima esset difficultate, solitum dicere: *Salus amaritudo amarissima, omnis gratia benedictionisque plena.* Quid hoc aliud quam cum Socrate Phil. cicutam haurire ridendo? Melius dixero: quid hoc aliud quàm cum Apostolo Andrea crucem amplecti vel cæminis salutando? Hæc certe ratione propter horum, vt aiunt salutamus & sepem; & propter fructus, amamus & arborem.

*a* Horat. l. 3. carm. Ode 3. *b* Ps. 104. v. 15.

*c* Sap. c. 3. v. 1.

*d* Zac. c. 2. v. 8.

*e* Vide Nicol. Serarium in hunc locum.

*f* 1. Ioan. c. 5. v. 18.

*g* Is. c. 37. v. 33.

**O** Bijcias: Hæc in scholis differimus; aliter domi viuimus. Fames, infamia, bonorum iactura. morborum sæuitia neminem exhilarant neque enim leniter ista feriunt. ferreus sit cuius hilaritatē nō subruant hi arietes.

Da veniam, mi homo, videris ex familia esse amicorum Iobi, quibus ille in os: Consolatores inquit, onerosi omnes vos estis. Verbosi amici mei ad Deum stillat oculus meus. Stillat, non nego, & hoc non voluptatis est, sed stillat ad Deum, hoc solidi est gaudij. Deus non projiciet simplicem, nec porriget manū malignis, Donec impleatur risu os tuum, & labia tua iubilo. Ecquid vultis? Manus Domini tetigit me. *a* Ab hac manu feriri, beatius est, quam a quauis alia mulceri, hæc Domini manus perlanat vel solo tactu; feriendo non morbum sed salutem, non mortem adfert, sed vitam. Hæc amicis suis Iobus, hæc & ego tibi. Simul etiam quæro: Si quis ferrea chirotheca te cædat, & sanguinem eliciat, nunquid in ius ambulare coges chirothecam? manus fecit, nunquid manum ad tribunal rapies? homo te læsit: ita Deus manum qua ferit, chirotheca regit iam scortea, iam lignea, iam & ferrea, modo fame punit, modo infamia, nunc illum in te hominē immittit, nunc alium; quandoque per cognatos, per domesticos, per fratres te castigat: Quid iam tibi vis? eadem Dei manus est, idem Deus qui ferit, sed aliter atque aliter, per alios atque alios te cedit. Quid tu iam blateras, homo? ille nebulo mihi hanc inuidiam conflauit; trifurcifer iste in has angustias me coniecit; hic te nebrio & gratiam mihi & pecuniam subduxit. Quid quæso hic ais, insane? quid contra chirothecam litigas? manum attende, Deum aspice percutientem, Deus hæc tibi omnia fecit. Non recordaris, cuius te supra monuerim? fuisse, imo & obmutuisse sanctissimum regem, hoc vnum cogitando: *quoniam tu fecisti.* Ecclesiastes de bona malaque die differens: Sicut enim hanc, inquit, sic & illā fecit Deus, vt non inueniat homo cōtra eum iustas querimonias. *b* Cur igitur nō Deo id saltē laudis tribuimus quod chirurgo, qui vbi scalpello dextre vomica rupit: Optime (dicimus) mi magister, ab hoc vulnere quod fecisti, sanitatem



tatem ego spero. Medicum quoque laudamus, qui Theriacæ suæ viperam miscet saluberrimo effectu? in Deo cur improbemus, si suis pharmacis humanas noxas & iniurias admisceat? Hoc sciamus, constare illi facti sui rationem, etiam cum de ea nihil nobis constat. At interrim in Deum occultè queruli mustitamus: O Domine quam acerbè percutit manus tua, nimis valida tibi brachia sunt ad verberandum. O Christiane, ne Deum accusa, nimis enim esse validum ad verberandum; tu nimis delicatus es ad tolerandum: si te libet tantum a tristior, si quis tibi saniem extracturus adsit, occidendum te putas. Iustus quasi fundamentum sempiternum: Iustus in æternum non commouebitur. Tandem ibi consistit, ubi nil eum pellat, ubi nil terreat. Non contristabit iustum quicquid ei acciderit.

a Iob c. 16. v. 2. & c. 8. v. 20.  
b Eccl. c. 16. v. 15  
c Proverb. c. 10. v. 25. & 30.

## S. III.

Seneca suo Lucilio. Nolo, inquit tibi, vnam quam deesse lætitiā, volo illam tibi dominā nasci: nascetur, si modo intra te ipsum sit. Ceteræ hilaritates non implent pectus, sed frontem remittunt, leues sunt nisi tu forte iudicas illum gaudere, qui ridet. Animus debet esse alacer & fidens, & super omnia erectus. Ita prorsus est: Animus sit super omnia erectus ad Deum, à nutu & Voluntate diuina sic pendens, ut illum nec extollant fortuita, nec frangant; & cui vera voluptas sit, voluptatum contemptio. Hunc animum ita liberum, ita interritum ac stabilem, extra turpem metum extra cæcā libidinem, & fœdas cupiditates positum cui vnum bonum sit Deus & voluntas diuina, vnum malum auersio, à Deo & diuina Voluntate; hunc, inquam, animum non contristabit quicquid ei acciderit; hunc ita fundatum, necesse est, velit, nolit, sequatur hilaritas continua, & lætitia alta atque ex alto veniens. Reliqua gaudia aut turpia sunt aut infirma & extra hominem. Atque hæc quibus delectatur vulgus, tenuem habent ac perfusoriam voluptatem: & quodcunque inuecticiū gaudium est, fundamento caret. Aliter plane in viri iusti gaudio est. Nam, Seneca teste, illud ex se ortum, fidele firmumque,

est, & crescit, & ad extremum vsque persequitur. Obserua (ad extremum vsque persequitur) quod vel ipsi Rationi clarum, sola enim virtus præstat gaudium PERPETVVM, securum etiam si quid obstat, nubium modo interuenit, quæ infra feruntur, nec vnquam diem vincunt. Nam reuera talis est animus diuinæ Voluntati affixus, qualis Mundus status super Lunam:

*Perpetuum nulla temeratus nube serenum.* d  
Siquidem illa pars mundi superior & ordinatior, nec in nubem cogitur, nec in tempestatem impellitur, nec versatur in turbine; omni tumultu caret. Eodem modo animus diuinæ Voluntati constanter inhaerens, quietus, & in statione tranquilla collocatus, modestus, & compositus est: non contristabit illum, quicquid acciderit. Neque vero Hilaria & Saturnalia semper agitat, aut Bacchanalia viuere vir ille iustus: placidum & occultum illud gaudium est, & cum gravitate, imo seueritate coniunctum. Neque enim aliud est, quam interior quies, & pax, & concordia animi, & magnitudo cum mansuetudine. Quæ malis aut stultis absunt: ubi cupiditates ipsæ sibi obstrepunt aut pugnant, & semper in eorum animis velut legiones & castra fœdarum aut acerbæ cogitationum. Mens bona & diuinæ Voluntati in omnibus obsecundans, nunquam malis suis ingemiscit, fortuita hæc despicit, quicquid acciderit, boni consulit, in bonum vertit, nunquam de Deo queritur. Hæc illa est quies mentis in tuto collocata & sublimitas; hoc illud ex notitia diuinæ Voluntatis & obsequentia gaudium tam grande & immotum, ut non contristet iustum, quicquid ei acciderit. Nam quod Sapientia in Sacris loquitur, idem Voluntas diuina pollicetur; Qui me audierit, habitabit cum fiducia, & requiescet absque timore, ab omni malo. Christianus Doctor hic consignet Ambrosius; Non frangitur sapiens doloribus corporis, nec vexatur incommodis; sed etiam in ÆRYMNIS BEATVS manet. Quia non in delectatione corporis, vitæ beatitudo, sed in conscientia pura ab omni labe.

a Sen. epist. 23. b Sen. de beata vita cap. 4.  
c Idem Epist. 28. & 98.  
d Lucan.

c Prom. c. 1. vers. ult. Interp. septuag.



f. Ambr. l. 1. de Iacob. c. 8.

## §. IV.

**I**Taque sentit ærumnas vir iustus. sensum enim hominis nulla exuit virtus, sed non timet, & inuictus dolores suos ex alto spectat. Clarissime Romanus Sapiens: Nihil, inquit, accidere bono viro, mali potest. *a* Quasi respondeat, Aduersi aliquid, fateor; nihil mali, & in eo tu erras. Quemadmodum tot flumina non mutant saporem maris, nec remittunt, quidem; ita aduersarum imperus rerum, viri fortis non vertit animum. Manet in statu, & quicquid evenit, in suum colore trahit. Est enim omnibus externis potentior; nec hoc dico, non sentit illa; sed vincit, & alioquin quietus placidusque contra incurrentia attolitur. Omnia aduersa exercitationes putat. Talis profecto Iobus, talis Rex David. Nam et si ambulauero, inquit, in medio vmbra mortis, non timebo mala, quoniam tu mecum es. *b* Si Deus pro nobis, quis contra nos? *c* Si Deus pro me, aiebat Paulinus, tunc etiam aranearum telæ instar triplicis muri mihi erunt: Si contra me Deus, tunc ipsum hoc subtilissimum textum plus impedire poterit quam vllus murus. Ita Felix Nolanus presbyter, cum idololatris impia sacra obieciasset, facto in se impetu, in duorum parietum angustias se abdidit, qui aditus cum præpans repente aranearum, telis obductus videretur, nemini recentis latebræ suspicionem reliquit.

Verè, Clamauerunt iusti & Dominus exaudivit eos, & ex omnibus tribulationibus eorum liberauit eos. *d* Orbi hoc fassus David. Exquisiui Dominum, inquit, & exaudivit me & ex omnibus tribulationibus meis eripuit me. Ergo, Benedictus Deus qui consolatur nos in omni tribulatione nostra, vt possimus & ipsi consolari eos qui in omni pressura sunt. *e* Non contristabit iustum, quicquid demum accadat. Nam vt pupillam Christi tangere nemo poterat, nisi is à quo Christus eam voluisset tangi, ita homini probo certissimum, nec pilu sibi posse subtrahi ni Deus id velit. Quod si Deo placere quid scierit, mor adest & exclamat: Fiat voluntas tua, sicut in cælo & in terra: non contristabit me, quicquid à diuina Voluntate obtigerit. Ideo Isaias vates velut puerum emittit ad omnes probæ mentis ho-

mines, & dici eis imperans: Dicite iusto, inquit *Q*UONIAM BENE. *f*

Verum, ô mi Isaiâ, viro huic charissima vxor mortua est. Nilominus, inquit, dicite illi, *quoniam bene*. At domus illi combusta est: Idem hoc illi dicite, *quoniam bene*. At officio & omni gratia priuatus est: *quoniam bene*. Sed magnam fecit iacturam honoris. *Necdum male*. Ariam omnium liberorum funera spectauit. Dicite illi non minus, *quoniam bene*. At maximam pecuniæ summam perdidit, *quoniam bene*, nam ipse perijisset, ni prius ipsius pecunia.

Jacob sub dio dormiit, terra ei in cubile, saxum in cervical fuit; rigidus somnus, fateor, sed vidit huc illuc euntes & redeuntes Angelos, & Deum scalarum capiti acclinem. *g* Multis omnia videntur saxea, sciunt tamen circa se vigilare insomnes Angelos, & Deum ærumnarum suarum assiduum spectatorem respiciunt, ideo non contristat illos quicquid eis accidit. Iustus quasi leo confidens, abique terrore erit. *h*

Alphonfus, ille Neapolis & Aragoniæ Magnus Rex, qui iam senex Liuium & Cæsarem, quotidie legit, epistolas Senecæ in Hispanicum idioma transtulit, & ne putes, Lector, in profanis solum scriptoribus eum studiosè volutatum, hic vir hic est, qui tota biblia, verus & nouum testamentum vnâ cum commentarijs decies quater, non obiter sed presso vestigio euoluit, hic, inquam, Rex virtute & eruditione tantus, inter tot alia, diuinum hoc documentum posteris reliquit. Siquidem interrogatus quemnam in hoc Orbe iudicaret beatum, respondit; Hunc ego prorsus beatum iudico in hac vitâ, qui seipsum Domino Deo summa pietate & affectu committit, & omnia quæ illi eueniunt, non aliter quam rem à Deo factam laudat, & acceptat. Non hoc oraculum dicamus, & vocem cælo lapsam? non verius, non sanctius dixerit è cælo Angelus.

*a* Senec. l. de prou. c. 2. *b* Is. 22. v. 4.

*c* Rom. c. 8. v. 31. *d* Ps. 33. v. 18.

*e* 2. Cor. c. 1. v. 4.

*f* Is. c. 3. v. 10.

*g* Gen. c. 28. v. 12. & 13.

*h* Proverb. cap. 28. v. 1.

*i* Panormitan. in vita Alphonf.



## S. V.

**H**eraclides Alexandrinus memorat venisse se ad Dorotheum sexaginta annis in cauata rupe sanctissime agentem. Ab hoc ad fontem missus haurienda aqua, serpentem vidit innatantem puteo; & mox pedem retulit cum vacua hydia. Subridens Dorotheus, & hominem diutule intuitus, capite leniter concusso; Si Deus, inquit, diabolo permittat in omnes puteos deicere viperas, tunc omni potu abstineas? Mox è specu progressus ad fontem, hausit aquam, cruce signauit, & propinans Heraclidi? Vbi erux, inquit, ibi artes Satanae iacent. Iustus quasi leo confidens, absque terrore erit; Nec contristabit iustum quicquid ei acciderit. *a*

Sed ut quæ hic verba sunt, fiant opera, duplex hoc loco consilium suppeditat Chrysostomus. *b* Primum; Cum in corpore dolor diuersus vrget, plerumque sit ut aliter præ altero non sentiat, ut qui læsum & suppuratam habet digitum, simul tamen è stomacho aut capite grauitur laborat, de digito tacet, stomachi aut capitis dolorem queritur; Ita, inquit Chrysostomus, si te iactura pecuniæ, aut honoris & famæ, aut alia quæuis calamitas dolere iubeat, tu dolorem de peccatis excita, & ingemisce, cogita Christi ad columnam cæsi, per vias tracti, in crucem appensi contumelias & cruciatus infandos, simul etiam noxiis tuis supplicium deberi agnosce. Hic dolor alterum sentiri prohibebit, mitigabit certè si sentiat. Ideo Christus, Nolite inquit, timere eos qui occidunt corpus, animam autem non possunt occidere; sed potius timete eum qui potest & animam & corpus perdere in gehennam. *c* Vult Dominus timorem vinci timore, & illum ab isto consumi, ut non contristet iustum quicquid ei acciderit.

Alterum, Emplastrum parti læsæ applicandum, non sanæ, nec ei cui non congruit, Collyrium oculis medetur non brachijs, cataportium stomacho recipiendum, non eo pes obligandus, malagma vlceri, non vicinæ parti imponendum, ita prorsus. Tristitia nec dāno pecuniario, nec honoris dispendio, nec morbo aut horum malorum ulli medetur. Mærore te cōfice omnia lachrymis imple, & nec hylum proficies, non pecuniam, non honorem,

nec valetudinem luctu reuocabis, sed damnum augebis & dolorem. Huius rei causa hæc: Tristitia proprium remedium est peccati, hæc lues hoc antidoto curatur, hoc malagma huic vlceri applica, peccasse tristare, non numos perdidit. Chrysostomus solerrissime nos huius commonefaciens: Multatus, inquit, est quispiam pecunia, tristatus est multam non emendauit. Filium quis amisit, doluit, mortuum non resuscitauit. Flagellatus est quis? doluit, contumeliam non reuocauit. In mortuum quis incidit grauissimum, doluit, mortuum non sustulit, sed difficiliorem reddidit. Vides horum nulli prodesse tristitiam? Peccauit quis, tristatus est, peccatum deleuit, dissoluit debitum. *d* Clarissime Paulus: Contristati estis, inquit, secundum Deum, ut in nullo detrimentum patiamini ex nobis. Quæ enim secundum Deum tristitia est, poenitentiam in salutem stabilem operatur: sæculi autem tristitia mortem operatur. *e* Ergo tristitia & pharmacum, & venenum est, refert. qua ratione vtaris illa. Ergo repeto millies: Non contristabit iustum quicquid ei acciderit.

*a* Heraclid. Paradisus c. 1.

*b* Chryf. hom. 5. ad pop.

*c* Matth. c. 10. v. 28.

*d* Chryf. hom. 5. ad pop.

*e* 2. Cor. c. 7. v. 10.

## CAPVT III.

*Humana voluntatis cum diuina Conformatem, Deo gratissimum esse sacrificium.*

**P**ost Agnum cælestem quotidie offerri solitum, voluntatis propriæ oblationem gratissimum Deo sacrificium esse asserimus. Hieronymus ad Lucinium, optime distinguens. Aurum deponere, inquit, incipientium est non perfectorum, fecit hoc Crates Thebanus, fecit Antisthenes, seipsum offerre Deo, proprie Christianorum est. *a* Totum Deo dedit qui seipsum obtulit. Et hoc vnum vnice Deus ambiens: Præbe, inquit, filii mei cor tuum mihi; *b* Omnia dedisse censeberis, vbi hoc dederis.

*a* Hieton. epist. 28. ad Lucin. & epist. 101. ad Paulin.

P P P P 3

b Proni



## S. I.

**V**T autem hæc cordis sui voluntatis oblatio Deo grata sit, in gratia necesse est sit ille qui hæc offert. Basilus in illud sacri carminis: Afferte Domino filij Dei, afferte filios arietum; Prius inquit, sis filius Dei, quæta offeras quæ grata sint Deo. *a* Saltem dolere debes excidisse te gratia & conari redire; Cor contritum & humiliatum Deus non despicit. Preclarissime Augustinus, Vellem, inquit, ut nihil aliud agerem quam reddere me, cui me maxime debeo; atque ita Deo fieri, quod ait Poëta, *b* amicam mancipium Domino. *c* Ad hoc omnes alios exhortatus; Constanter inquit, Deo crede, ei que te totum committe, quantum potes. Noli esse velle quasi proprius, & in tua potestate, sed eius clementissimi & utilissimi Domini te servum esse profiteri. Ita enim te ad se subleuare non desinet; nihilque tibi evenire permittet, nisi quod tibi prorsit, etiam si nescias. *d* Item aliud luculente hoc confirmans; Nihil, inquit, gratius ei possumus offerre, quam ut dicamus, quod dicitur in Isaia, *P o s s i d e N o s . e* Sunt qui ceram voueant aut oleum ad concinnandas in æmptis lampades. Aliquot sestertiorum sunt hæc vota, ideo non optima nec perfecta. Alius abstinentiam vouet à vino, aut liberalius largiri stipendium constituit: pretiosum votum, non tamen omnium optimum, quid enim hic pauperes faciant? ergo melius restat. Non eligit Deus oleum tuum aut ceram tuam, sed hoc quod redemit animam tuam, hanc illi offer. Et si me interroges, quomodo animam meam, quam ipse habet in sua potestate, illi offeram? Respondebo, moribus sanctis, cogitationibus castis, operibus fructuosis. Sic Anna suum Samuelem obtulit, sic Iesum beatissima Virgo: Sic Ioannes Baptista infans oblatus est: Ita Gregorius Nazianzenus, ita Dominicus, Bonauentura, Bernardinus, Bernardus, à parentibus oblato Deo, in viros sanctissimos euaserunt. Quod si tantopere profit offerri ab alijs, quantum proderit offerri à seipso, quod integerrime rex David executus. Voluntarie, inquit, sacrificabo tibi. *f*

Hoc ipsum mirifice placet cuique nostrum,

si quis se nobis oblatione tam liberali deuoteat. Socrati olim cum multa multi pro suis quicque facultatibus offerrent: Æschines pauper auditor, Nihil inquit, dignum te quod dare tibi possum inuenio: & hoc vno modo pauperem me esse sentio. Itaque dono tibi quod vnum habeo, Meipsum. Hoc munus rogo quæcumque est, boni consulas, cogitesque alios cum multum tibi darent, plus sibi retinuisse. Cui Socrates. Quid ni tu, inquit mihi magnum munus dederis, nisi forte paruo te æstimas? Habebo itaque curæ ut te meliore tibi reddam quam accepi. Vicit Æschines hoc munere Alcibiadis parem diuitijs animum, & omnem iuuenum opulentorum munificentiam. Vides quomodo animus inueniat liberalitatis materiam, etiam inter angustias? Non quanti quæque sunt, sed quali dentur animo, quam propria voluntate, perspicendum. Multum dat Deo, imo dat omnia qui quotidie se suamque voluntatem diuinæ penitissime transcribit. Et hoc diebus singulis non semel dumtaxat, iterumque faciendum, sed sepius, sed centies, & millies, tunc præsertim cum quis mutari se sentit aut impugnari, cum quippiam successu carere, aut feliciter succedere animaduertit, tunc clamadum: O Dominus meus & Deus meus, ego me tibi offero in omne beneplacitum tuum, fiat Voluntas tua. Hoc aduersis rebus patientiam, prosperis sobrietatem & moderationem conciliat. Hoc, etsi omnia terribimè cadant, hominem afflictum retinet, ne in voces impii & impatientiam prolatur, hoc meritum auget, hoc homini Deum mirifice propitiatur, hoc scutum est aduersus omnem calamitatem.

*a* Basil. in Ps. 28.

*b* Horat. li. 2. sat. 7.

*c* Aug. 10. 1. l. de quantitate anima c. 21.

*d* Idem tom. 1. l. 1. soliloq. c. 15.

*e* Idem in Psal. 131. initio & serm. 2. de Natiuitate Domini.

*f* Ps. 53. v. 8.

*g* Seneca l. 1. de benef. c. 8.

## S. II.

**B**ernardus hoc omnibus persuasurus, Nihil habeo, inquit, nisi minuta duo, imo minutissima, corpus & animam, vel potius vnum



num minutum, voluntatem meam & non dabo illam ad voluntatem illius, qui tantus tantillum tantis beneficijs præuenit, qui toto se totum me comparauit? Alioquin si illam retinuerō, qua fronte, quibus oculis, qua mente, qua conscientia vado ad viscera misericordiae Dei nostri. a Chrysostomus de beato Paulo quotidie seipsum offerente. Abel, inquit, obtulit sacrificium, & inde laudatur, sed si Pauli hostiam adducamus in mediū quam cælum à terra, superior erit. Non enim oues offerebat aut boues, sed semetipsum per dies singulos dupliciter immolabat & c. Neque vero his tantum sacrificijs contentus fuit, sed quia seipsum consecrauerat Deo, etiam Orbem vniuersum studuit offerre. b Hinc igneus iste vir, à sui ipsius oblatione tam alacer nullum fugiebat laborem, nulla horrebat pericula ad omnia pro Deo sustinenda paratissimus.

Æuo Diocletiani, Epictetus presbyter & Astion, religiosissimam vitam agentes in Oriente à Latroniano Almiridensium duce comprehensi, in carcerem ducti sunt. Hic Epictetus: Si crastino, inquit, nos index in questionem rapuerit, mi optime Astion, & de nomine, parentibus, patria interrogarit, hoc vnum ei respondeamus; Christiani sumus, hoc nomen nobis, hoc genus, hoc patria. Quod si tormentis lacerari nos Deus voluerit, nil aliud in tormentis, nisi hoc vnum dicamus, Domine Iesv, tua Voluntas semper in nobis fiat. Postero die ad tribunal medio foro apparatus euocantur è carcere. Latronianus pro tribunali sedens, vniuerso populo inspectante, quærere instituit, vnde domo, gente, patria essent. Ad quæ Epictetus; Christiani sumus, inquit, & parentibus editi Christianis. Non hoc quæro, ait Latronianus nomina vestra edite; sectæ vestræ perfidiam iam antè noui. Hic iterum sancti martyres: Christiani sumus, Christum Iesum adoramus, detestamur idola. His auditis, exandescens iudex, imperat deuotissimos immaniter cædi. Illi elatis in cælum oculis inter cruentas plagas exclamant: Domine Iesv, tua Voluntas fiat in nobis. Hic Latronianus acerbè insultans; Vbi est, inquit, defensor ille vester, cuius auxilium imploratis? veniat, & vos meis manibus subducatur. Post quæ denuò sancti martyres exclamant: Christiani sumus; fiat Voluntas Dei no-

stri in nobis. His vocibus in rabiem efferatus iudex, in equuleum iubet attolli martyres, & vngulis ferreis atrociter laniari. Sed neque hic alia voces extorqueti poterant, quam hæc ipse Christiani sumus, o tyranne Latroniane, fiat Voluntas Dei nostri in nobis. Iudex, sic vincitur, turpe sibi ratus, ardentibus facibus suspensis ad moueri præcipit. Neque tamen iam alia voces audire quam ante: Christiani sumus; fiat Voluntas Dei in nobis. His persuncti cruciatibus reducti sunt in vincula. Spectata hac tragædia Vigilantius, assessor iudicis, postquam toties ingeminari audisset illud: Christiani sumus, fiat voluntas Dei in nobis: in eam temetpersuasionem adduxit, mira virtutis incantamentum hoc esse, quod omnem doloris vim eneruaret, & in ipsis supplicijs supplicia sentiri prohiberet. Hæc ipsa igitur verba, tanquam potentissimum carmen in omnem noxam, assidue repetere, nec aliud stans, sedens, ambulans, domi, foris, cubitum secedens, aut toro surgens pronuntiare quam hoc ipsum: Christiani sumus, fiat voluntas Dei in nobis. Triduum sic exegit, Deo ipse velut infantis non mali miserescente. Quarta demum die, arcana vi motus in publicum prosiliit, & palam vociferari cepit. Christianus ego sum, o tyranne Latroniane, fiat Voluntas Dei nostri in nobis. Admissus in carcerem ad martyres, Christianis sacris imbutus est cū omni familia; qui vi suis doctoribus gratus esset, eos postmodum capite plexos sepelivit. Proxima ab hac die Latronianus Epictetum presbyterum & Astionem in conspectum iubet produci, & iam vulpem induens: Num Dijs, inquit, facitis? an etiamnum insaniam vestram persequeratis? Cui Epictetus: Frustra es, Latroniane, Erebi monstra non colimus: vitam nobis potius extorseris quam mentem hanc. Diximus, & vsque millies ac millies dicemus: Christiani sumus; fiat Voluntas Dei in nobis. Hic demum Latronianus velut leo irrugire, & ad ferales ministros, mox, inquit, huc acutum & salelem, saxo, sentiant improbi se vulneratos esse. Et vos ne parcite, laceros autem aceto & sale conficcate. Verum nec voculam à prioribus mutarunt martyres: eadem viriisque constantissima professio. Christiani sumus; fiat Voluntas Dei in nobis. Sed ab his cruciatibus illati, denuò in carcerem contriti sunt, è quo



è quo post triginta demum dies educti, & ora-  
saxis contusi, atque fraxineis virgis crudelissi-  
mè cæsi sunt. Verum idem etiamnum clama-  
bant ambo: Domine Deus noster, tua vo-  
luntas fiat in nobis. Tandem in eos suprema  
sententia dicta, vt extra urbem capite pœnas  
exponderent. Dum ducerentur, his sese mu-  
tuis vocibus animarunt: Laudate nomen Do-  
mini quia facta est Voluntas Dei nostri in no-  
bis per omnia. Cû ad supplicij locû peruenis-  
sent; suum illud ingenti voce proclamârunt:  
Benedictus es Domine Deus patrum nostro-  
rum, & laudabilis, & superexaltatus, eo  
quod non humana, sed tua Voluntas per om-  
nia, facta est in nobis. Iam iamque securi e-  
rant ferendi, cum inter generosissimos athle-  
tas nobile certamen ortum, vter gladium  
prior exciperet. altero alteri primas deferen-  
te honoris causa. Hic Epictetus vir sexaginta  
annorum, & iam canis inspersus, ætatis au-  
thoritate vsus, cupere se dixit præmitti Astio-  
nem, neque diu refragatus Astion. O mi Pa-  
ter inquit, & ô sacerdos Dei venerande, fiat  
voluntas Dei, & tua. Dixit, & anima Condi-  
tori commendata, caput amputandum pre-  
buit. Epictetus primum se abiciens in Astio-  
nis cadauer, illudque arctè complexus, caput  
& ipse dedit auferendum. Ita vterque sanctissi-  
me finiit. c

a Bern. serm. de quadruplici debito, post med.

b Chrys. tom. 3. ad finem hom. 1. de laud. S. Pau-  
li post init.

c Vide Rosineidæ de vitis Patrum l. 1. cap. 12. &  
seqq. vsque ad 20.

### S. III.

**I**N specula duo terribilissima, in quibus mirifi-  
cè relucet deuotissima volûtas erga diuinâ  
Voluntatem. Ita prorsus se quisque compa-  
ret, vt quantumcunque dura experiatur, as-  
siduè tamen hoc ipsum ingeminet: Chri-  
stianus sum, fiat in me Voluntas Dei: Equi-  
dem ista mihi difficillima, & toleratu grauif-  
sima videntur, sed fiat Voluntas Dei: Equi-  
dem tam tristitia non expectabam, sed fiat Vo-  
luntas Dei: Equidem hic homo mecum ini-  
quissimè agit, sed fiat in me Voluntas Dei.

Dux militiæ fortissimus Iehu scripsit litte-  
ras, & misit in Simariam ad optimates ciuita-  
tis. At illi non diu morati, sed quam primum

ad Iehu legatos destinarunt qui suo loco dice-  
rent: Serui tui sumus, quæcunque iusseris fa-  
ciemus, quæcunque tibi placeant fac. a Et quo-  
ties ad nos optimus Deus mittit litteras, mo-  
netque variè, suamque nobis Voluntatem pro-  
ponit sectandam? Quid iam singuli nostrum  
aliud renuntiari iubeant quàm hoc ipsum:  
Serui tui sumus, quæcunque iusseris facie-  
mus: quæcunque tibi placeant, fac. Ideo bea-  
tus Antonius suis identidem ingerens: Si  
semper, aiebat, Dei manibus omnia commi-  
serimus, nullus dæmonum ad expugnandum  
valebit accedere.

Elias Thesbites cum Baalis sacerdotibus  
contendebat, vtra pars verum Deum coleret:  
Ad eam demum pactionem res venit, vt pars  
illa vinceret, cuius hostiæ igne cælus liba-  
rentur. Cumque sacrificuli diu multumque  
clamassent, neque tamen vllum vel indicium  
igniculi à Baale submissi se proderet, Elias  
omnes suæ victimæ partes perfundi præcepit  
aqua, & mox ignis cælo delapsus, omnem vi-  
ctimam consumpsit. Quantum, obsecro, vbi-  
que laboris & fatigationis, quantum clamo-  
ris & perturbationis est apud plurimos Chri-  
stianorû? sudatur & algetur, curritur & certa-  
tur, nulli parcitur industriæ, at enim plerûque  
deest ignis, vera in diuinam Voluntatem de-  
uotio. Raro & frigide precamur, Fiat Volun-  
tas tua Domine, fiat. Ita sæpius & clamamus,  
& sacrificamus, sed frustra, quia sacrificium  
nobilissimum, propriæ voluntatis oblationem  
non curamus.

Macarium olim duo quidam rogarunt, do-  
ceret se orare. Quibus ille: Non hic opus,  
inquit, multa verborum copia, manus ad  
Deum crebrius pandendæ, clamandumque:  
Domine Deus, quomodo vis, & sicut tibi pla-  
cet. ita fiat; Siquidem ipse nouit quæ nobis  
expediant. b Optimus orandi modus. Nam &  
Pachomius assiduè precabatur, vt Domini  
Voluntas in omnibus impleretur.

Narrat Alphonsus Salmero, fuisse homi-  
nem qui orationis loco, torum ordine alpha-  
betum recitaret (vtrique perplexa necessitate  
pressus) & hanc apposuerit clausulam Domi-  
ne, iunge Tu litteras, & quod tibi magis  
placet, mihi quæ magis expedit, largire. c

Est ergo hæc humanæ voluntatis cum di-  
uinâ concordia, ex ijs omnibus quæ quis  
Deo



Deo potest offerre, maximum, Deoque acceptissimum sacrificium ac holocaustum. In alijs enim omnibus sua duntaxat. in hoc offert homo seipsum : in alijs ex parte solum seu temperantia, seu liberalitate, seu patientia se donat, in hoc autem planè totum se dat, vt de se rebusque suis diuinum arbitrium disponat, quo modo, & quando voluerit, nullate sibi nec minima reseruata vel excepta. Ac proinde quantum pars differt à toto, tantum differt & hoc sacrificium à ceteris omnibus.

Hic duo monuerim : Si te, mi homo sic totum diuinæ Voluntati deuocas, & velut teipsum tuamque voluntatem iugules, non te facti pœniteat; obsecro, seu bene sit tibi, seu malè, ne reuoca quod statuisti. Infantū indolē nosti; cum læduntur, iam nolunt amplius illius esse qui læsit, sed sui. Antea si quæsisles, *Cuius es?* Tuus, dixissent. At paululum offesi, renuntiant huic amori & scæderi. Ne, quæso, te, cum Deo sic agas, mi Christiane: Etiam si Deus te virgis cædat, etiam si fuste percutiat, etsi te vinciat & vrat, etsi varijs rerum angustijs te premat, tu tamen nihilominus assidue clama: Tuus sum, ô mi Deus, tuus sum; fiat Voluntas tua.

Deinde, si in flagranti quopiam delicto seu Temulentia, seu Detractionis, siue Luxurie interrogaris, cuiusnam sunt hæc membra quibus vteris? an non hæc Deo centies, an non millies oblata? & iam in contumeliam, despicatur, & grauissimam iniuriam Dei à te vsurpantur, Ebrietatis, Maledicentiæ, Libidinis instrumenta? Vide, quid agas, ô homo. Hoc non est seruare fidem. En linguam, oculos, manus, corpus totum toties oblatum Deo, iam vendis Cacodæmoni? Vide quid agas; Deus non irridetur. *d* Si deseris nolis à Deo, denuo te sanctissimæ illius Volūtatī submitte, exequendo quicquid aut leges aut instinctus diuini mandant, Tota Israelis felicitas in eo erat Deum sequi ductorem in terras illas fertiles, Nube & Igne præeuntibus: Ita salus nostra in eo vertitur, vt & præeuntem igneam legem Amoris, & opacam diuini regiminis nubem sequamur constanti gressu, dum penetremus in terras illas mellis & lactis verè vberimas. Ita sequamur, quocunque duxerit Voluntas diuina,

a 4. Reg. c. 10. v. 4. & 3.

b *Ruffinus Aquil. numer. 208. Pelagius libel. 12. num. 10.*

c *Salm. tom. 10. tract. 11. mihi pag. 103.*

d *Gal. c. 6. v. 7.*

## CAPVT IV.

*Omniem hominis perfectionem consistere, in Conformatione humana voluntatis ad diuinam.*

**O**Mnes humanæ actiones pretium sui habent à fine quem spectant: hinc illæ tam bonæ vel malæ, quàm illarum finis est. At verò finem actionum nostrarum nec meliorem, ne sublimiorem reperiemus vllum Voluntate diuina, hoc est, ipso Deo. Ergo nec meliores nec sublimiores actiones vllæ sunt, quàm quæ proximæ huic fini. Hinc illud Basilij Magni effatum, totam sanctitatis summam in homine Christiano esse, vt is rerum omnium quæ gradium quæ exilium causas ad vnum solumque Deum referat, & sese in omnibus diuinæ Voluntati promptissimè subiciat. Hæc illa est sanctis Patribus, & sanctioris vitæ magistris toties ac tantopere commendata *Resignatio*, quam vocant, principium omnis tranquillitatis, vt quæ hominem in Dei longè tutissima manu collocat, ita quidem vt homo iam nolit esse suus, sed Dei, nec sibi viuere, sed Deo, & nihil non facere propter Deum, tam aduersis contentus quàm prosperis. Hoc Deus adeo in amoribus & delicijs habet, vt Hebræum regem David, augustissimo titulo donans, appellaret Virum secundum cor suum, qui faciat omnes voluntates suas. *a* Adeo enim rex ille affixum habebat cor, diuino cordi, vrat omnes Dei iutus se promptum paratum sisteret. Hæc omnino ratione plurimum quotidie promereri quis potest, si actiones illas omnes ex se nec vituperio nec laude dignas, vt sunt esse, bibere, deambulare, dormire &c. ad diuinā referat Voluntatem, neque ideo edat aut bibat quod esuriat aut sitiat, sed quod Deo id fieri placeat. Bos aut vacca dixerint: Edo quia esurio, bibo quia sitio, iaceo quia dormiturio; longe aliter loquendum homini, qui edere, bibere, stare, sedere, dormire velle potest, non quia hoc sibi suauis sit, sed quia Deo probetur.



## §. I.

**H**eliotropiū , vt diximus, a soli deuotif-  
simus flos abeuntem solem intueri sem-  
per, omnibusque horis cū eo verti solet & cir-  
cumagi, etiam núbilo die. Huius floris genium  
humana voluntas æmuletur, & diuinam Vo-  
luntatem velut suum solem intueatur assidue,  
diebus etiam núbilis, rebus etiam turbulentis.  
In hoc sanè omnis viri sanctitas consistit, vt  
optimè dixerit ille Theologus: *b* Summa vi-  
tæ Christianæ & virtutum omnium compen-  
dium est: Dei Voluntati se in omnibus con-  
formare, idem velle & idem nolle. Ita pror-  
sus, vt quotiescunque Deus quid iubet, prom-  
ptissimè pro se quisque dicat: Ita Domine,  
hoc faciam. Quotiescunque verat aliquid:  
Ita Domine, hoc omittam. Bernardus: sum-  
ma humilitatis, inquit, in eo videtur consiste-  
re, si voluntas nostra diuinæ, vt dignum, sub-  
iecta sit Voluntati, sicut ait Propheta: Non-  
ne Deo subiecta erit anima mea? Omnia qui-  
dem Deo vt creatori subiecta, quoniam omnia  
seruiunt illi, sed ab homine rationis com-  
pote voluntariam exigit subiectionem.

Rem mirissimam narrant publica monu-  
menta de Iosepho Anchiera. Fuit hoc æuo vir  
iste nouus in Brasilia Thaumaturgus. Anno  
millesimo quingentesimo octogesimo quar-  
to Iosephus ad sinum Ianuariensem redijt. In  
reditu Canoam (navis genus est) cōscendit, v-  
na cum comite. Erat tunc æstus ingens & mo-  
lestus, malacia summa, nec auræ quidquam  
afflabat. Ægrè hanc cæli gravitatem ferebat  
comes. Fortè fortuna tunc arborem infede-  
rant tres quatuorve grandiores aues, quas in-  
colæ Quaracies, nominant, sunt ex gallina-  
rum magnitudine, colore purpureo in flauum  
vergente, aspectu pulcherrimæ. Has Iosephus  
idiomate Brasílico allocutus; Ite, inquit, & co-  
gnatas vestras huc accersite, nostrumque iter  
volatu vestro inumbrate. Ille collo extenso  
vocem, velut accepti imperij signum misere,  
indeque auolantes paullo post magno agmine  
redierunt, densatæque in nubem tamdiu Ca-  
noam superuolantes vmbra fecere, donec  
vnius milliariis decurso spatio, lenis afflare cæ-  
pit aura Fauonij. Hic Iosephus missionem de-  
dit tam fido comitatu, iussitque alio secedere,

Illæ quasi imperio perfunctæ, officiosa croci-  
tatione, & multis lætitiæ signis auolarunt. Hoc  
comes, post obitum Iosephi, multis grauibz  
viris præsentibus iureiurando interposito pu-  
blicè affirmavit. Neque mirum ad hominis  
voluntatem cum Dei Voluntate coniunctissi-  
mi naturas omnes se attemperare. *d*

Huic prodigio firmando, adnectam & alte-  
rum. Piscatio fiebat ad Marcianam insulam,  
aderatque vnà Iosephus. Incredibilis piscium  
copia omnes in admirationem rapuit. Sed  
cum ad salem legerentur, ingens marinorum  
coruorum aliarumque aquatiliū auium nu-  
merus ad expositam escam aduolauit, ma-  
gnū operis impedimentum. Cumque non  
satis ab vilo possent abigi, Iosephus sermo-  
ne Brasílico eas iubens facessere: Vos, inquit,  
hinc secedite, dum hi sunt in opere; vbi nos  
abierimus, tunc redibitis ad capeffendum  
vestrum diarium. Quasi verba vim habuerint  
humanos sensus anibus imprimendi seorsim  
quiete finem operis expectarunt. Profectis  
inde cum Iosepho piscatoribus, gregatim ad  
deuorandas reliquias irruerunt. Inde visu quo-  
tidianum erat, piscatoribus indicare quā co-  
piosam piscationem facerent.

Fuit vt duæ Pantheræ eminus se conspi-  
ciendas darent. Hinc comes Iosephi, optare  
se aiebat illas è propinquo spectare. Respon-  
dit Iosephus, opere absoluto eius rei pote-  
statem fore. Dein belluis his magna voce in-  
clamat, paullo post vt redeant, esse qui illas  
cominus velint aspiciere. Finito labore nauim  
cōscendit Iosephus, & traiecto sinu littus ap-  
pelleit, hic iterum Pantheræ placidè se spe-  
ctandas præbebant, vt eas per otium adspice-  
re omnes ad satietatem potuerint.

a *Supra* l. 2. c. 2.

b *Arias part. 2. de orat. men. c. 5.*

c *Psal* 118. v. 91.

d *Sebaſt. Beretanius in vita Iosephi Anchiera,*  
l. 4. pag. 358.

## §. III.

**Æ** Què obstupescendum & illud fuit, Ad-  
uertit quadā die Iosephus inter vicanos  
suos mœstitiam, & ex ea silentium insolitum.  
Percunctanti caussam responderunt, cibaria  
sibi deesse, ille omnes secum ire iubet ad ma-  
re, cibatum haud dubiè reperturos. Negant  
illi ad



illi ad piscandum idoneam esse tempestatem, quod tum cælum, tum mare ipsum aduerfetur. Instat nihilosectus Iosephus, & omnes gradum addere hortatur, neminem frustratum voto rediturum. Iuere omnes; at mare sæuū altius atque altius intumescibat. Hic vicani ab oculorum fide argumentum petentes: Vidēsne, aiant, ipse presens tuis oculis mare esse intrabile? Iosephus nihilominus ex ijs quærens, quos optarent piscēs: Responderunt contemptim, Xareos minutos. Est hoc genus pisciculorum palmi vnus ferè magnitudine, quorum illo anni tempore nulli solent apparere. Tum Iosephus locum ijs circa littus, minus mille inde passibus indicat, ibi eorum piscium copiam fore quantam velint. Eo igitur se conferunt, & paruis reticulis iniectis, atque adeo manibus, quantum quisque voluit, ad satietatem exceperunt.

Nemirare, Lector, sexcenta talia in rebus gestis Diuorum reperiri. Nota sunt prisca illa, Moſis baculus, Eliæ pallium, scipio Eliſæi, semicinctia Pauli, vmbra Petri. Certè hi tales viri sceptrū à Deo obtinent in res creatas, pro quo illi quod optimum habent, voluntatem dant. Hac mutationis lege homo sic agit cum Deo tanquam si diceret: Domine, omnem ego voluntatem meam tibi trado: Deus; & ego tibi sceptrum meum, vt imperes bestiis, vt domineris in mare, vt sis denique Deus aliquis in terra. Neque enim liberalitate superari vult benignissimus creator: quisquis ipsi dat quod habet charissimum, nec ipse huic negat quod habet excellentissimum, hoc est, in omnia dominari. Et vt olim Alexander rex, de sibi charissimo Epeſtione dixit; Non errasti, nam & hic Alexander est: a ita de homine qui diuinæ Voluntati deuotissimus est, dici potest, Nam & hic Deus est, certè per intimam voluntatis vnionem.

Priscorum Patrum res gestæ, agricolam fuisse memorant, cuius ager fertiliores plerumque segetes tulerit quàm vicinorum. Qui id fieret, rogatus à vicinis. Non esse quod mirerentur, respondit, sibi optimè conuenire cum cælo, nec aliam vnquam tempestatem esse quàm qualem optaret. Irrident illi, & negant id posse fieri. Imo vero, ait iste, ad votum meum responderet cæli gratia. Nam ego nunquam alias tempestatibus commutationes volo

quam quas vult Deus. Cū igitur diuinum vellet, sit & meum, vberiores mihi fruges provenire voluit Deus quàm vobis, quibus plerumque cum cælo & Dei Voluntate malè conuenit. Nimirum Deus, vt olim, vniūscuiusque voluntati suorum deseruit. *b*

*a Curtius l. 2. c. 24.*

*b Sap. c. 16. v. 21.*

## S. III.

**P** Haraoni regi populus Israelis supplicem libellum per Moſen porrexit olim his verbis: Deus Hebræorum vocauit nos, vt eamus viam trium dierum in solitudinem, & sacrificemus Domino Deo nostro. *a* Viā ad cælum plerique aiunt esse viam trium milliarū. Primo quidem milliari via dicitur PYRGANS, altero L L V M I N A N S, tertio VNIENS, hac quidem via proximè Deum venit, cum diuinæ Voluntati arctissimè adstringitur humana. Christus per Lucam: Nemo bonus, inquit, nisi solus Deus. *b* Ex hoc fonte sanctorum Patrum & Theologorum effatū est istud: Sicut intellectus diuinus regula est totius VERI, nec falli potest: ita Voluntas diuina regula est totius BONI, nec distorqueri potest. Atque vt fieri non potest, vt sit aliquid conforme Intellectui diuino, & non VERVM: ita nihil esse potest diuinæ Voluntati conforme, quod non sit BONVM. Optimè Chrysostomus: Quod fit iuxta Dei Voluntatem, inquit, quamuis videatur improbum esse, tamen omnino Deo gratum est & acceptum. Contra quod fit præter Dei Voluntatem, ac secus quam ille vult fieri, quamquam existimatur acceptum Deo, tamen est omnium pessimum & iniquissimum. *c*

Huius rei specimen suggerunt Regum facti. Propheta Regem Achabum diuino iussu reprehensurus, quod Syriæ regi, quem bello ceperat, contra Dei voluntatem peperciſſet, ne tamen prima fronte agnosceretur reprehensor, accedens socium. *In sermone Domini*, inquit, *percutite me*. Noluit ille; religioni enim sibi dixerat prophetam vulnerare. Sed mox decretum audiit formidabile? *Rocedes à me*, inquit vates, *& percutiet te leo*. Factum, vt prædixit. Ergo alium audiens propheta: *Percutite me*, inquit. *d* Percussit ille prophetam, & vulnerauit, quod non tantum impune fecit,



sed ob id laudem meruit. Quid hoc absurdius, inquit Chrysostomus, fieri possit? Qui percussit prophetam, euasit incolumis; qui pepercit, dedit penas. Tanti est diuinæ Volvntatis regulam sc̃ctari, vel aspernari. Cuicumque Volvntas diuina innotescit, nefas ei iam vltcrius quærere, Cur hoc ita? Omnium causarum loco est, Deum ita velle.

Ergo tutissimum Christianæ perfectionis fastigium est, diuinæ Volvntati se quàm integerrimè addicere, & desinere suum esse, vt possit fieri Dei.

a Exod. c. 5. v. 3.

b Luc. c. 18. v. 19.

c Chrys. tom. 5. orat. 1. contra Iud. post init.  
d 3. Reg. c. 20. v. 36.

## CAPVT V.

*Conformationem humane volvntatis cum diuinâ, summum vitæ bonum esse.*

**P** Rodigi adolescentis frater, acerbè admodum tulit decoctorem patrimonij, epulo tam lauto excipi. Idcirco iniuriam sui hoc interpretatus, paternas ædes ingredi recusauit. Pater plenissimus humanitatis, homini pacando egressus caput rogare, ne diei hilaritatem dissentione temeraret. At ille in os patri obijciens: En, inquit, contra volvntatem tuam nil vnquam egi; seruo me vteris, dum viuo, & tamen nec semel quidem vel olim hircum mihi dedisses, vt cum amicis hilarius cenarem, adeo tibi sordent mea obsequia. Sed postquàm inobediens tuus filius, ille Iurco, ille gurges patrimonij & vorago, qui omnia cum mulierculis abliguriuit, domũ redijt, mox omnia pretiosa domus cruũtur, velut in gratulationem rei tam bene gestæ. Quis non indignetur? At verò pater optimus, vt tranquillaret stomachantem: Fili, ait, tu semper mecum es, & omnia mea tua sunt. a An nescis quod æquè sis dominus in domo, atque ego, vno marcupio vtimur: meæ facultates tuæ sunt. His demum mitigatus ingredi domum sustinuit.

Benignissimus Deus hominem suæ Volvntati deuorum sic conseruat, his excitat: Tu semper mecum es, tu es in Intellectu meo, in

Memoria, tu es in Volvntate mea: te semper adspicio, singulari te gratia complector: Omnia mea tua sunt; meum cælum, Angeli mei, imo vnigena meus filius tuus est, quin imo ego ipse tuus sum, eroque tuus. Ego ero merces tua magna nimis, b per omnem æternitatem,

Neque hoc satis amantissimo Patri, sed vt norit diuinæ Volvntati deuotus homo, quantagratia polleat apud Deum, dat insuper eam potestatem multis, vt ea faciant quæ diuinis solum viribus fieri possunt. Opera quæ ego facio, inquit Christus, & ipse faciet, & maiora horum faciet. c Certe tales eam obtinent gratiam, qua norint regere seipsos, & in appetitiones suas maximam habere potestatem. Hoc illud Dei sceptrum est, vt diximus, d hæc amantissima promissio, hic continuus cum fauore aspectus. Cum homine Deus diuisum velut imperium habet, cum omnia quæ Dei sunt, & hominis sunt, etiam Deus ipse. Paulus affirmatissime: Omnia, inquit, vestra sunt &c. siue Mundus, siue vita, siue mors, siue præsentia, siue futura, omnia enim vestra sunt, vos autem Christi, Christus autem Dei. e VESTRA sunt, nondum quidem possessione, sed vsu & fine, omnia enim eo cõdita, vt salutem vestræ subseruiant. Mundus est vester cum rebus creatis omnibus, hæc enim omnia corpori animoque ancillantur: Vestra est vita, vt eam vnica Dei Volvntati impendatis: Vestra est mors, vt per eam velut ianuam transitis in paradysum: Vestra sunt præsentia tam prospera quàm aduersa, quia his vtimini ad virtutem: Futura quoque vestra sunt, quia his fruimini ad voluptatem: Vobis omnia cooperantur in bonum. f Desiderium cordis vestri tribuit vobis Dominus. g

a Luc. c. 17. v. 31.

b Gen. c. 15. v. 1.

c Ioan. c. 14. v. 12.

d Cap. præced.

e 1. Cor. c. 3. v. 21. & 23.

f Rom. c. 8. v. 28.

g Ps. 20. v. 3.

## S. I.

**G**loriabatur olim Themistoclis filius, omnem Atheniensium Rempublicam à se gubernari, hoc enim omnes ciues velle quod ipse



ipse velit. Mirantibus audacissimum iuuenis dictum, subiecit: Quod ego volo, illud & mater mea vult (filium enim illa tenerissime amabat) quod autē mater mea vult, hoc idem vult & pater meus Themistocles, quicquid vero placuerit patri meo, id continuo placere Athenis iam compertū est. Hinc, inquit, Atheniensis respublica ad meum imperium cōponitur. Ita prorsus & meliori iure rectissimæ Voluntatis homo dixerit: Quod ego volo, hoc vult omnis cēlestis exercitus. Nam quod ego volo id vult Deus (ego enim nil vnquam volo, nisi quod Deus) quod autem Deus vult, hoc omnes Beatorum, hoc vniuersi Angelorum ordines volunt. Huic pater suauissimum illud ingerit: Omnia mea tua sunt. Solum improbi etiamnum rebelles sunt. Sed erit cum & ipsi subdētur iustis: Et dominabūtur eorum iusti in matutino. Dum huius vitę nox est, ingentia patrantur scelera, & latent, diuinæ Voluntati certatim cōtradicitur, & tacet Deus. At in matutino, Orbis supremo die, quo cūcti reuiuiscēt, Tunc dominabuntur eorū iusti: & auxilium veterascet in inferno à gloria eorū: a omnis improborum potentia velut defloccata vestis consumetur. Tunc ex integro dicetur: omnia mea tua sunt. Verissime Paulus: Qui autē adheret Domino, inquit, vnus spiritus est. b per hanc voluntatis consensionem, è qua homo tranquillitatem conscientię & omnem vitę sanctitatem haurit, vt semper vigeat vi-reatque.

Rem miram narrat Brocardus c de locis Palestina: grauitè asserens, nihil à se commemorari, quod non ipse oculis viderit. Ergo, ante portam Hierosolymorum, inquit, locus est ad teli iactū ab vrbe distans; vbi Christus perorauit ad plebem: eodem hoc loco lapis monstratur, in quo, velut in cathedra stetit illa mulier quæ sub media Domini concione exclamauit: Beatus venter qui te portauit, & vbera quæ suxisti. d Cuius hic arenis nunquam integitur, licet illic arenæ velut nines vento agitata omnia inuoluant. Accedit & hoc: Æstate & hieme præsignem virorem retinet campestris hic locus, prerogatiua singulari. Huic colli semper virenti simillimum cum dixerim, qui diuinam Volūtatem in cordis penetralia sic recipit, perinde si dicat: Tu mihi, mi Domine, hic concioneris velim, te

audia. Tam bona mens arenariis ætenuatam fluctibus nunquam sepelitur, nec potest tam bonæ mentis homini vnquam esse tam male, quin dicat: Domine, delicate me tractas, & nimium mihi parcis; grauiora meritis sum. Sentio quidem hæc quantumcunque leuia, non tamen quid ego sentiam, sed quid tu velis attendo, & quia hæc ita fieri permittis ego nec quidem hiscere contra habeo: placet mihi quicquid tibi placere videt: decretis tuis omnibus contentissimus, ad omnes nutus tuos paratissimus sum: Iube, impera, decerne, muta, prout vis. Nimis ego inscitus sum & impius si tibi moderari postulem, aut rerum gerendarum modum constituere. Hunc talem hominem omnis infortunij comitatus nunquam expugnauerit; nullius rei iactura illum à Deo auulserit: hac parte insuperabilis est æstate & hieme, tam rebus aduersis quàm prosperis virer.

a Ps. 48. v. 15.

b 1. Cor. c. 6. v. 17.

c Brocard. in sua Palestina mihi p. 301.

d Luc. c. 11. v. 27.

## §. II.

**D**Vx belli Iehu occurrentem sibi Ionadabum familiariter affatus: Nunquid est cor tuum rectum, inquit, sicut cor meum cū corde tuo; Et ait Ionadab; Est, Si est, inquit, da manum tuam. Qui dedit ei manum suam. At ille leuauit eum ad se in currum, dixitque ad eum: Veni mecum. a Quod Iehu, hoc & Christus Rex Orbis vniuersi fecit: venit is Samariam, quæ vel ipso nomine Mundum spinis horrentem designat: huc autem ideo venit, vt omnem impij Achabi stirpem & Baalis sacrificulos deleter, hoc est; Superbiam, Luxuriam, Idololatriam & omne genus peccati eliminaret. Hic Ionadabum Christus reperit, Bonæ voluntatis hominem, quem interrogans: Nunquid est cor tuum rectum, ait, sicut cor meum cum corde tuo? Si est da manum tuam & ascende in currum meū, & veni mecum. Huic Deus dextram gratiæ suæ porrigit hūc in altum Voluntatis suæ currum attollit, cum hoc vehitur. Nam: Veni mecum, inquit, ducam te per viam Crucis: hæc est ipsissima via ad vitam æternam. Neformida, iuxta me sedes, prolabi te nō sinā, sed hoc cal-



le perducam ad cælum, veni mecum, ut semper sis mecum & iuxta me. Hic ille tutissimus in Orbe locus, quem supra modum ambiens Iobus: Pone me, inquit, iuxta te, & cuiusvis manus pugnet contra me. *b* Durabo & mille ictus exibo, tua manu securissimus. Vbi in hunc diuine Voluntatis curram peruenit homo facile illi est in intimam cum Christo familiaritatem sese insinuare, imo & Christi cognatum fieri, & propinquitatem primam coniunctum, Christo asseuerante: Quicunque fecerit Voluntatem Patris mei qui in cælis est ipse meus frater, & soror, & mater est. *c* Exclamat hic non immerito Euthymius: O admirandam virtutem, quæ ad se accedentes ad tantum extollit honorem, ut ipsos Christi faciat esse cognatos: *d* Reuera summum vitæ bonum est, humanæ voluntatis cum diuina coniunctio.

Vir sanctus dicere solebat: *QUICQUID VIS, HOC ES.* Quippe tantarum virium est voluntas nostra diuinæ coniuncta, ut quicquid seruo totaque intentione volumus esse, hoc sumus. Nemo ardentius vult esse submissus, patiens, verecundus, aut etiam liberalis, qui non is ipse sit quem se esse cupit. *Quicquid vis, hoc es.* Addit idem ille: Si magna facere, aut largiri non possis, magnam saltem habebis voluntatem, eamque extende ad immensa. Pauper es? eius tamen animi esse potes, ut si opes suppetere; eas liberalissime in egenos esses partiturus. Exiguarum virium es? Ita tamen offerre te potes, ut si tibi mille sint anime, capita mille, mille tamen animas, capita & vitas mille pro Christo prodigere detrectaturus non sis. Afflictus es; & miser tibi videris? iunge voluntatem tuam diuinæ & felicissimus eris. Ille vere miser est, qui seipsum nequit regere, de quo vitia, velut de Homero ciuitates litigant, cuiusnam sit; qui turpissima vicissitudine modo Ambitioni, modo Auiditiæ; iam Iræ aut Inuidiæ; iam Ebrietati aut luxuriæ seruit; vix vnquam suus est, multo minus Dei, quia nunquam rex in seipsum. De Hercule canit Poëta.

*Omnia cum domuit, Veneri seruus: & ira.*

Idem pene de tali affirmes; Omnia licet habeat, seipso caret, Non suus est, sed Pecuniæ sed Libinini, sed plurimorum vitiorum seruus est. O quæto melior est patiens viro forti,

& qui dominatur animo suo, expugnatore urbium! *e* Si vis omnia tibi subijcere, subijce te diuinæ Voluntati; multos reges, si te regat Voluntas diuina.

*a* 4. Reg. cap. 10. v. 15.

*b* Iob. c. 17. v. 2.

*c* Matth. cap. 12. v. 50.

*d* Euthym. in hunc locum.

*e* Prov. c. 16. v. 32.

### §. III.

**D**Eus omni ævo habuit inter homines, quos sibi delegit in amicos & familiares, quibus intime vteretur, quibus plurimum suorum arcanorum panderet, in quorum se consuetudinem quotidianis favoribus immergeret. Inter quos aliqui velut primæ admissio- nis sunt, alij secundæ, tertiæ isti, hoc est, alij alijs Deo cōiunctiores: nos eiusmodi homines, *sanctos* vocamus. Seneca: Inter bonos viros ac Deum, inquit amicitia est, cōciliantem virtute. Amicitiam dico: imo etiam necessitudo & similitudo: quoniam quidem bonus ipse tempore: tantum à Deo differt discipulus eius æmulatorque, & vera progenies. *a* Aut sumus certe, aut esse possumus. Nostram hac in parte ignauiam merito castigans Epictetus: Si Cæsar, inquit, te adoptasset, quis supercilium tuum feret? Nunc cum Dei filius sis, non te æstimas & attollis? Certe, mi senex, sumus, sed adoptione, quam si perdere nolumus, sanctimonia vitæ seruamus. Porro ad hanc vitæ sanctimoniam proximus gradus est, se totum in omnibus diuinæ Voluntati addicere; is autem maiorem vitæ sanctitatem acquirit, qui altius in diuinam Voluntatem descendit. Ea propter beatissimus Paulus hoc vnice in suis desiderans: Non cessamus, inquit, pro vobis orantes & postulantes, ut impleamini agnitione Voluntatis eius. *b* Non satis ei est, Voluntatem diuinam à suis agnosci, sed impleri eos cupit hac agnitione: vult illos in diuinam Voluntatem quam profundissime descendere. Norat utique Paulus, vbi hoc ipse ab eis impetrasset, in omnigenarum virtutum studio eos quam plurimum, idque sine difficultate profecturos.

Quam autem æquum est, ut homini placeat, quod Deo placuit ab æterno? Harpalus consiliū suū epularis fuisset, & Astyages Rex, qui



qui illas æpulas instruxerat. reliqua filij membra, caput, brachia, pedesque proferri iussisset, interrogassetque: *Et quomodo tibi hæc placeant?* Respondit: *Quicquid facis rex, illud mihi placet.* Ah miser! tanti est hominem exuere, vt pecudi placeas?

Quin potius nos Christiani ad omnia, hoc vnum pronunciamus? *Quicquid fecit Deus, illud mihi placet.*

Romana olim adulatio libellis supplicibus, qui Cæsari tradebantur, subscribere solebat: *Numini Maiestatiq; tue deuotissimus.* Libellos supplices tradunt Christiani cum orant. Quin ergo suis quisque cum orationibus, tum etiam operibus, hanc clausulam adiungit semper: Tuo, mi Deus, Numini Voluntatiq; deuotissimus; voluntatem suam omnem diuinæ deuouere, & obligare quam arctissime, summum vitæ bonum, & vere cælum extra cælum est, vt iam demonstrabimus.

a *Sen l. de prou. c. 1.*

b *Coloss. c. 1. v. 9.*

## CAPVT VI.

*Conformationem humana voluntatis, cum diuina cælum esse extra cælum & veram vitæ beatitudinem*

**B**eatus es, & bene tibi erit, a quisquis hanc propriæ Voluntatis cum diuina conformationem perfecte attigeris, omniaque velut de manu Dei cupide amplexatus fueris: hæc tua in hoc Orbe inferiore beatitudo erit; frueris perenni quodam gaudio, & lætitiis non multis nota, hæc enim felicitate fruuntur homines intima familiaritate Deo coniuncti: Beatus es, & bene tibi erit. Certum siquidem Paulinum illud; Non est regnū Dei esca & potus, sed iusticia, & pax, & gaudium in Spiritu sancto qui enim in hoc seruauit Christo, placet Deo, & probatus est hominibus. b

Vt autem in cælo nulla est vicissitudo, nullum (sic loquar) Heri aut Hodie, sed continuus quidam sibi que semper simillimus æternæ voluptatis affluxus, isque inuariabilis, & nunquam non simul totus. Quoniam mille anni ante oculos tuos tanquam dies hesternæ, quæ præterijr: Ita & ij qui hanc suæ & diuinæ

Voluntatis vniōem adepti sunt, iam pæne immutabiles, quicquid ærumnosæ vicissitudinis intercurrit, rationis imperio premunt: Omnis eorum gustus & oblectatio est Dei beneplacitum; exultat hinc inquietudo atque turbatio, quarum alioquin aliæ atque aliæ sine numero quotidie nascuntur. Voluntas illorum à Dei Voluntate sic suauiter sopita est, vt cum videant à Deo proficisci vniuersa, sanctissimamque eius Voluntatem in omnibus impleri, molestiæ ipsæ ærumnæque, particulam gaudij secum afferant, quia in his ipsius molestijs ærumnisque diuinam Voluntatem reperiunt, & certius quam in rebus secundissimis. Ita quierem illorum altissimam si forte quid incurrat, nihil est certe quod euerat. Qui confidunt in Domino, sicut mons Sion non commouebitur in æternum. c

a *Pf. 127. v. 2.*

b *Rom c. 14. v. 17.*

c *Pf. 59. v. 4.*

## S. I.

**H**æc illa causa serenissimæ pacis qua præsci Patres pascabantur, ac veluti beabantur. Non deerant illis variarum ærumnarum acervi: morbi sæpissime diuexabant corpus, animum egritudines incurfabant. Nā quo quis sanctior hoc plerūque afflictior: Vnde illis ergo tam æquabilis serenitas animi, tanta etiam in fronte oculisque constantia & hilaritas? tam perenne Pascha & quasi sabbatum ex sabbato? Non ab alio sane quam à perfectissima sui ipsius in diuinam Voluntatem oblatione. Vano & reuoluto ruit imperu in eum omnis calamitas, quem sic præmunijr diuina Voluntas. Non contristabit iustum, quicquid ei acciderit. a Iā tunc igitur sanctissimi illi viri felices erant ac beati, nam in rebus omnibus Dei Voluntatem & agnoscebant, & venerabantur; ideoque in hac vna conquelescebant, lætabantur, epulabantur.

Nec præsci Philosophi hoc ignorarunt, à quibus sic definitū: Esse hoc ipsum Beati hominis Virtutem, cum omnia sunt conformiter consentienterque Dæmoni siue Genio, qui singulis adest atque id ex arbitrio & voluntate supremi Gubernatoris. b Epictetus insignissime: ostendite mihi aliquem, inquit, qui & ægroter, & beatus sit: qui & in periculo-



culo sit, & beatus: qui & moriatur, & sit beatus? qui in ignominia sit beatus? Animum, ostendat aliquis vestrum hominis qui idem est Deo sentire velit, posthac nec Deum nec homines culpaturus, qui nulla re frustreretur, qui nullo casu lædatur, qui non irascatur, qui inuideat nemini, qui non irascatur, qui inuideat enim ambagibus est opus? ex homine Deus fieri desideret. c

Quid nos in hac re verius altiusque dicemus: Et unde quæso hæc ad profanos illos delata aut illapsa?

Fuit ut duo quidam hac ipsa de re colloquerentur, quorum alter: Si res ita se habent, inquit, ut omnia quæ sunt à diuina Voluntate proficiantur, ita ut nec vnicus quidē pascerculus, Christo teste, in casses decidat, quin id Deus præuiderit ab æterno, & voluerit felices nos erimus, nec infelices esse vnquam poterimus, si hæc capiamus. Felicissimi, ait iste, & iam pæne in cælo degemus. Sed pauci hoc explicare capiunt, non quia id vlli capri difficile, sed quia animum non applicant. Quamuis & illud in causa sit, quod hoc rarius aut minus luculente inculcetur in concionibus; erudita sepe aut iucunda auditu narrantur, sed parū vtilia & quæ sciuisse vix quidquam faciat ad cælum. Hoc docendum & vrgendum, hoc assidue inculcandum, quia quisque ratione se suaque omnia diuinæ deleget Voluntati, & cælo potiatur extra cælum.

Catharina, illa à Senis, virgo sanctissima dicere solebat? Bone mentis homines esse quæ simillimos Seruatori nostro, qui vti beatitudinem animæ in ipsis etiam tormentis nunquam amisit, ita nec illos eam perdere, cum hæc consistat in conformatione propriæ voluntatis cum diuina. Neque hanc beatitudinem impedit, Multa pati, cum eam sepe auget. Non minus enim Deo coniunctus erat Iob cum acerbissima quæque pareretur, quam cum delicijs afflueret: imo vero ausim dicere, Iobum in Deo longe coniunctiorem fuisse egenum & vlcerosum in simo, quam magnificum & gloriosum in folio. Serenitas mentis cum Voluntate diuina copulatæ nullis ærumnarum nubilis auferri potest.

Heliotropio, inquit Plinius e, sunt æterna folia: idem de hoc tali homine dixeris, Folium eius non defluet, fæter num virebit.

a *Prov. c. 12. v. 21.*

b *Laetius in Zenone.*

c *Epist. l. 2. differt. c. 19. post med.*

d *Matth. c. 10. v. 29.*

e *Plin. l. 21. c. 17.*

f *Ps. 1. v. 1.*

## S. I.

**P**erlarum quispiam olim de suorum multitudine gloriatus contra Græcos; Cras, inquit, solem obscurabimus sagittis. Cui festiue Græcus: gaudeo, inquit, sic enim in vmbra melius præliabimur. Ita qui diuinæ Voluntati vere deuotus est: Ruat, inquit, in me omnis Acherontica vis, adsint hostes, & solem ipsum obumbrent iaculis, nō timebit cor meum, b sub hac vmbra commodius pugnauiero: Sicut fuerit Voluntas Dei in cælo, sic fiat. c

Narrat Cassianus, hominem Alexandrinum iam grandævum ab idololatriæ velut agnum à lupis cinctum. Omnium vna mens erat, virum hunc vellicare, protrudere, exagitare, mille maledictis, mille iniurijs lacessere, & velut pilam habere qua dadatim luditur, demū vnus per ludibrium, quærere, equarum miracula ipsius Christus quem tantopere iactaret, designasset? Cui sedate senex. Hoc, inquit, miraculi patrauit, quod ego iniurias, quibus me oneratis, tolerem, nec animi quietem perdam, graviores etiam ipsius amore toleraturus si vos inferre pergatis. d Magnum sane miraculum, & etiam nunc quotidie patrari solitū ab ijs qui se totos diuinæ Voluntati emancipant. Norunt hi qua ratione medijs in turbinibus ac tempestatibus impauidi; inter ruinas erecti ac stantes persistant, & humana omnia infra se ducant. Nimirum prisca redeunt miracula: Rubus, quem Moses vidit, ardebat, nec tamen deflagrabat: tres Hebræi iuvenes in flammis Babylonice iacebant, illasi tamen intactique permancbant. Ita prorsus, multa viris bonis tristitia eueniunt; nec hoc dico, sensu carent, sed impatientia. Omnia aduersa, sui experimentum interpretantur, & ad diuinam Voluntatem omnia reducunt. Ideo dura ac difficilia non reformidant, nec de Deo aut diuinis permissionibus quidquam queruntur. Quicquid accidit boni consulunt, in bonum verunt, & nihil non attribuunt diuinæ Voluntati ac Providentiæ.

Aiunt



Aiunt Macedoniæ montem Olympum altitudinis esse tam admirandæ, ut ad eius cacumen nec venti, nec pluiæ, nec niues vnquam pertingant:

— *Nubes excedit Olympus.*

Purum illic sincerumque cælum est extra omnes tempestatum furias. Sed nec aues aut alias animantes admittit hic locus, nimia subtilitate aeris respirationi obstante. In huius rei notitiam ventum est hoc modo. Fuerunt qui quorannis eo eluctati, secum deferrent humentes spongas natibus applicatas, quæ aerem stiparent, sicque promouerent respirationem. Hi iugo montis conscenso, certos characteres inscripserunt pulueri, quos anno elapso tam non turbatos reppererunt, ac si eos recens impressissent, quod certo argumento erat, illuc nec pluiis, nec ventis accessum dari. Atque hic status est hominis qui ad eminentissimam hanc cum diuina Voluntate concordiam peruenit. Mons est, Olympus est, altior nubibus, superior tempestatibus, feris inaccessus, imperuius ventis; hic maioris nubes infra feruntur, hic alta & in sola Dei Voluntate iucundissima tranquillitas. Augustinus: In pace, inquit, perfectio est, ubi nihil repugnat: & ideo filij Dei pacifici, quoniam nihil in istis resistit Deo, & vtique filij similitudinem patris habere debent &c. Et hæc est pax quæ datur in terra hominibus bonæ voluntatis. hæc vita consummati perfectique sapientis. Optime dixit Dorotheus: Eum qui diuinam Voluntatem in omnibus sequi conatur, in currû vehi cum omnibus crucibus ipsi alioqui ferendis; alios qui hanc itineris agendi rationem & compendium ignorant, pone sequi pedites, & onerosas cruces aut morosè trahere, aut laboriosè ferre. g

a *Valer. Max. l. 1. c. 7. sine. Plin. l. 16. c. 36.*

b *Ps. 26. v. 3.*

c *1. Mach. c. 3. v. 60.*

d *Cassian. coll. 12. c. 13. sine.*

e *Lucan. l. 2. Pharsal.*

f *August. tom. 4. libr. 1. de serm. Dom. in monte.*

g *2. post. init.*

g *Dorothe. serm. de Obed.*

### S. III.

**H**anc ipsam cum diuina Voluntate perfectam conspirationem, supremam esse ex:

tra cælum felicitatem asserēs Philo: Dum, inquit, de offerendis Deo muneribus agitur, offerentium vilitati prospicitur: Dum enim assuescunt aliquam alimenti partem Deo decidere, nunquam in eius obliuionem veniunt. Qua re nihil in vita potest contingere felicius homini. a Huic sententiæ accedens nostri qui theologus & concionator: Consideraui ego aliquando, inquit, possitne aliqua excogitari ars, qua extra cælestem beatorum statum, plenè felix possit esse homo: vnamque hanc esse mihi persuadeo, si totum se, nulla sui parte reservata, suo dedat Creatori, eiusque sanctissimæ Voluntati: b

Huic declarando mirifice facit genius Cynocephali quæ quidem bestia; manibus pedibusque, sed & cetero corpore non absumptis est homini. Illud propriissimum huic animanti, oculis viribus a Luna gubernari, per huius sideris miranda defluia. Nam cum senescit Luna, lumina Cynocephali ita deficiunt ut cum sidus ad extremam peruenit egestatè, oculi belluæ hient lumine vacui, & pari modo deficiat omne illius corpus. Cum vero adolescit Luna & suum reconcinnat aureum orbem, animantis pariter lumina coalescunt, totumque corpus resumit vires, ita recreatum hoc animal sibi que restitutum, in posteriores sese pedes attollit, & mirabili corporis flexu ac venerabundis manibus ad lunarem circulum elatis, supplici gestu adorat Lunam: qua quidem veneratione velut protestatur & proclamat, omnem felicitatem Lunæ in acceptis referre, cum sua omnia tam pulchri sideris liberalitati debeat. Inde fit etiam, ut cum Luna omnem rotunditatem suam obtrinit, in capite Cynocephali, circulus velut diadema effulgeat. c Admirabilis prorsus consensio inter astrum & brutum animal, quod altrici suæ tantis obsequijs, tam submisso cultu nouit agere gratias & semet in mancipium offerre. Quid agimus, o Christiani, si minus aut sapimus, aut facimus quàm pecus rationis expertus? Deus lux est plenissima, nobis tamen aut crescit aut decrescit lux ista, prout nos illi attemperamus. Languente in nobis hac luce languent oculi nostri, nos tabescimus iacemus, deficiamus, perimus; crescente illa illuminamur, crescimus, valemus & vigemus. Quin ergo huic Domino eiusque sanctissi-

R r r r

mæ



inā Voluntati nos perfectissimē auctoramus, paratos ad omnem nūtum. Hoc nobis coronā conciliat, non illam solum aeternā gloriā, sed & illustrem caducā vitę, mutamur in Deum, nostra voluntate in diuinā mutata.

Hoc igitur vitę sanctioris princeps fundamentum est, omnia ē, manu Dei equo animo acceptare, diuinoque arbitrio se totum permittere. Quisquis es, beatus es, & bene tibi erit. Quicumque diuinę Voluntati serio deuotus est, in paradiso est, factusque est in pace locus eius & habitatio eius in Sion. d

Heliotropium, teste Plinio, formiceas necat. Humanę voluntatis cum diuina consensus, verissimum heliotropium, tota curarum & sollicitudinū agmina pręfocat.

Hoc omne scriptor ē sancti Francisci familia consignauit in hæc verba: Quisquis, inquit, verum animi gaudium ac tranquillam in Deo vitam desiderat, oportet illud immobili huic fundamento velut lapidi angulari *Voluntatis Dei* perpetuo inniti: ei semper incumbendo, idque per modum *Resignationis*. Potest autem (quod notatu dignissimum: præsertim mæsti ac deiecti animi hominibus) potest autem, inquit, resignatus quis esse etiam dum adest contradictio, ariditas animi, aut subtrahitio deuotionis, & licet obmurmuret sensus: quin imo si desit animus sic omnia pro voluntate Dei acceptandi, seseque resignandi, aliud est exurgendum, & ipsa irsignatio pro Voluntate Dei acceptanda. Quod si adhuc tenebrę adeo densę sint, vt nec istud agere queat, oportet eas ipsas tenebras resignare.

Si denique ratione tepiditatis, nihil horum omnium perficere lubeat, hanc etiam tepiditatem ac defectum voluntatis debet Deo offerre, atque ē manibus illius tanquam eius Voluntatem sumere. Hoc modo quęcunque obuiare possunt impedimenta resignationis, ad eandem ipsam Resignationem reducenda sunt, vt Voluntas Dei possit semper & absque intermissione res omnes velut ignis sorbere & consumere. Atque hoc genus irsignationem ipsam resignandi, illud quod secundum sensum est, fructu & merito superat, directiusque ad veram vnionem, sui ipsius mortificationem, & rerum omnium transcendentiam deducit. Hęc ille.

Vtinam, o Christiani, vtinam dies noctesque nihil aliud magis agatis, nihil æque curetis, quā vt voluntas vestra, fiat Dei in omnibus, & diuina in vestram transeat. dignissima res est, vbi nervos omnes intendatis, vt vobis non aliud velle nec nolle sit aliud, quā quod vult aut non vult Deus. Mihi credite, bonum est nobis sic adherere Deo, ad diuinam Voluntatem sic agglutinari bonum est, & ponere in Domino Deo spem nostram. f Hęc vera beatitudo, hoc cælum est extra cælum.

a Phil. l. de sacerdot. muneribus.

b Barthol. de Scobar. serm. de Samuele post init.

c Pierius in hieroglyph. l. 6 pag. 46.

d Ps. 75. v. 3.

e Benedictus Anglus in Reg. perfect. sine libris mihi. pag. 278.

f Ps. 72. v. 28.

LI.

Domin  
cor acc  
humani  
ralissim  
viciu  
ne Hu  
Hac. q  
hac me  
Quid h  
impude  
ferat?  
humani  
di optio  
ad testa  
buisset  
gerius Q  
imitata  
prætul



LIBER QVARTVS.  
DE HVMANÆ VOLVNTATIS  
AD DIVINAM  
CONFORMANDÆ IMPEDIMENTIS.

CAPVT PRIMVM.

*Conformationem humanæ voluntatis cum diuina, quæ maximè  
impendiant.*



I cui domus aut vrbs clauis committantur, potestas etiam vna committitur domus aut vrbs ingrediendæ ad lubitum, Clauis ad cordis penetralia quandoque diu ambit Christus Dominus, dum eas impetret, liberumque ad cor accessum obtineat. Adeo parum aulicæ humanitatis exhibemus hospiti omnium liberalissimo. Rem scitu dignissimâ narrat Ludovicus Blosius, a de beata Gertrude virginæ Huic aspectabilem se præbens Christus: Hac quidem manu. aiebat, sanitatem fero, hac morbum; elige, filia, vtrum placet? Quid hic faciat Gertrudis? Sanitatem eligat? impudentiæ videbitur: Morbum sanitati præferat? nimis modestiæ adscribetur. Certè humani moris est, cum amicus eiusmodi optionem facit amico, vti se vilius eligat, ad testandam modestiam; ita morbum debuisse elegisse Gertrudis, ad effugiendos alterius Orbis cruciatus. Non elegisset inscitè, imitata Catharinam Senensem, quæ longè prætulit spineum sertum aureæ coronæ.

Prudentius tamen Gertrudis & melius elegit neutrum, sed plicatis in crucem manibus ad præcordia, & in genua procumbens: O mi Domine, inquit, id ego votis omnibus à te contendo, vt non meam, sed tuam attendas voluntatem: ideo ego ad vtrumque parata, neutrum eligo: tuum este mi Domine, dignoscere, vtrum hoc an illud mihi relinquant, Cui Christus: Quicumque cupit à me sapius adiri, inquit, suæ voluntatis clauem mihi offerat, nec eam è me vuquam repetat. His Gertrudis edocta, precationunculam fecit conceptissimis his verbis: *Non mea, sed tua Voluntas fiat, mi amantissime Iesu.* Et hoc ipsum trecenties sexagies quinquies instituit ex more repetere. Non mea sed tua Voluntas fiat, mi amantissime Iesu. Quæ quidem orationuncula mille orationibus alijs videtur anteferenda. Optime fecerit qui hanc diu noctuque assidue ingeminavit, & tunc quidem ardentius, cum res aduersæ vehementius infestariunt. Nemo sit tam occupatus negotijs, aat oneratus ærumnis, quin decies, quin vicies aut tricies, quin centies conceptis-



sima hæc verba vel singulis horis pronuntiet: *Non mea, sed tua Voluntas fiat, mi amantissime IESU.*

Verum, non lene cuius negotium videtur hoc VELLE à seipso semper impetrare: Obluctatur quandoque arbitrium, & abnuat impelli ad tam vilia tamque aspera perpassu. Ideo necesse est, vt qui suam diuinæ Voluntati quàm coniunctissimam cupit, ad illa præcipuè paratū se promptumque offerat, à quibus natura deprauator magis abhorret. Idcirco contumax voluntas ad id potissimum adigenda, quod plurimum aucturatur.

a *Blos. Monil. spirit. c. II.*

b *Blos. l. 4. de deu insinuat. c. 23.*

### S. I.

**E**T primo quidem, *Ad omnem penuriam* sese offerat, diuinæ Voluntati deuotus homo, dicatque: Mi Domine, tam ad egestatem quàm ad diuitias expeditum me tibi offero (durum hoc, sed salubre) neque illam etiam animi paupertatem detrecto ferre, quæ me solatijs priuet, destituat omni suauiore sensu. Si ita tibi placet, mi Deus, fiat cor meum instar aridissimæ terre. Tu mihi, Domine, propinasti vinum non Apianum, non Falernum, non Aromatiten, sed asperum, Absynthiten, & Myrrhatum, in tuam igitur gratiam ex hoc ipso amariore calice respondebo. Scio, Domine, cellam tuam abundare Cretico & condito generosissimo, sed tu ad experiendos seruos tuos, vappam illis & accescens vinum propinare soles: perhauriam ergo: ô bone Iesu, quicquid tu mihi calicis amarioris ingeris.

Exhibuerat se Deus vni suorum amicorum familiaris, & varijs animum illius consolationibus permulserat. Visus est sibi homo in rupe Taborea ad Christi radiantem vultum semper consistere. Et quid hoc, aiebat ipse secum an non in loco mœroris & luctus degimus, nunquid hoc tempus has sibi suauitates possit? Iraque deprecatus est tantam animi dulcedinem. Annuit Deus, & qui quænum plurimis eum grumnis & angustiis exerceuit: submitit demum Angelum, qui hominis luctum solatio leuaret. At ille sibi simi-

lis & capti persequens: Non aliud vllum solatium inquit, expeto nisi vnicuius illud, vt sciam placere Deo, me esse in agitudine; maximum mihi est omnium dolorum fomentum, Voluntas diuina; modo placeam Deo, non refert quàm sanus aut eger sim, modo Deo placeam. a

Iosephi, Beatissimæ Virginis sponsi sublimissimam hac in re virtutem merito sic extollit Chrysostomus: Quæ cum audisset Ioseph (solum patrium exilio mutandum) nequaquam passus est scandalum, neque dixit: Incerta ista res est ac prorsus ambigua: tu paullo ante dicebas, quia saluabit populum suum, & nunc seipsum quidem non potest de periculis liberare. Sed fuga nobis necessaria, & peregrinatio ac transmigratio longinqua: contraria omnino sunt facta promissis. Sed horum nihil prorsus opponit. Vir enim erat fidelis, neque curiosè reuersionis tempus inquit, quod vtiq; ab Angelo non signatè fuerat expressum. Verum ille nec per ista quidem factus est segnior, sed obediuit libenter & credidit omnes prorsus tribulationes cum gaudio sustinendo. b Paratissimus erat Iosephus ad fugam adornandam, ad patriam deferendam, ad omnem penuriam tolerandam. Miseriarum omnium leuamentum est Voluntas diuina. Facta sui oblatione ad paupertatem, vltèrius eundum.

a *Blos. Monil. spirit. c. 10.*

b *Chrysost. hom. 8. in c. 2. Matth. ante med.*

### S. II.

**P**RIMÆ igitur succedat altera sui oblacionis *Ad Contemptum & Ignominiam.* Ita Paulus præcipiens: In omnibus, inquit, exhibeamus nosmetipsos sicut Dei ministros. & c. per gloriam & ignobilitatem, per infamiam & bonam famam, vt seductores & veraces. a Dicat diuinæ Voluntati deditus: Domine, ego me tibi offero, ad ignominiam & contemptum quemcumque, eum maximè cuius ego causa non sim: Propter te negligi, contemni, abijci, etiam calcari neuiquam recuso. Durus, & crassus hic dolus est, sed tamen glutendus est, siquidem è pharmacopolio Christi est. Christus ipse non solum ad omne genus iniuriarum sese obtulit, sed illas etiam pertulit, tanquam hominum abiectissimus, factus



pro nobis maledictum, quia scriptum est: Maledictus omnis qui pendet in ligno. *b*

Quanti è Sanctorum numero; bipedum nequissimi olim censebantur, neque illi hoc ignorarunt, sed tolerarunt, etsi senserint. Aliud est improbum haberi, aliud esse, & hoc quidem omnes in cuius didicimus sine magistro, illud autem pauci norunt, & ij solum exactius, qui omnem contemptum perinde vt magnos honores è manu Dei, à diuina Voluntate acceptant.

Videte mihi matrem Domini, Beatissimam Virginem Mariam, diuinæ Voluntati toto pectore affixam, cum Iosephus sponsus ob vicinum partum trepidans circumspiceret; abiturum: an non Virgo siluit, nonne diuinis nutibus quacunque de se opinionem commisit? Hoc tam grandi exemplo permoti plurimi sanctorum, qui tametsi grauissimorum scelerum infimularentur, tacerunt, tamen, ignominiam tulerunt, seque totos cum omni infamia permiserunt Deo.

Sanctus Emmeramus Ratisponensis Presul, non tantum de turpissimo facinore falso delatus, sed & immanissime excruciatu est. Nam iussu Lamberti, qui Theodonis principis filius, ad scalas gestatorias alligatus est Emmeramus. Ad tormenta sic parato digiti manuum pedumque articulati præcisi, aures; nares brachia, pedesque truncati; lingua demum euulsa quam non multo post secuta est anima. *c* Ah, potuit hic Antistes integerrimus, totque alij innocentissimi hominum extremam subire ignominiam equo animo; quid est quod nos mille delictorum rei, leuem despiciam & iniuriolam minimam tam intoleranter & indigne seramus? Si Dei Voluntas, à qua hæc omnia emanant, cordi nobis sit, non turbabimus facile quantumcunque graui contemptu; imo sui ipsius quicquid maximus contemptor erit.

Christus rediuitus Magdalene reuerentissimos pedum amplexus paranti: Noli me tangere, inquit, nondum enim ascendi ad Patrem meum. *d* Perinde si diceret: sæpius me videbis, Magdalena copia negabitur & tangendi & osculandi quod certe permissum plurimis ab Hierosolyma matronis simul id ausis. *e* Equidem potuisset Christum iam tormentis omnibus, tam morte persupctus, sui ta-

ctum iure merito vetare, quia tamen nondum conscenderat caelum, immortalitatis domum, non solum à charissimis discipulis, sed etiam à feminis se tangi permisit. At nos, homunciones vilissimi, qui non tantum in beatorum domicilia nuaquam ascendimus, sed necdum in sepulchra vnaquam descendimus, mortales etiamnum & miseris omnibus obnoxij, nihilominus toties vociferamur; Noli me tangere, Noli me tangere &c. Quid? tu mihi insultes improbe; ego à te tam contemptum appeller? tu meam auctoritatem sic violare, sic conuellere; &c. Mille talia cum stomacho frequenter effutimus. O Christiani, quanta nos tenet diuinæ Voluntatis ignorantia, quæ nos vsque adeo reddit delicatos, vt ne verbulo quidem minus honorifico tangi sustineamus. Qui diuinæ voluntatis mysterium nouit, ipse se ad quosuis contemptus offert, & ? Mi Domine, inquit, dignissimus sum ab omnibus contemni, & abijci: ergo id me fieri videro, quod pridem meritus sum, non indignabor: scio, Domine, nemo me vnaquam despiciatui habebit, *f* quin prius id faciendi à te potestatem acceperit. Nihil ergo conquerar & vilior sum quam factus sum, & ero humilis in oculis meis.

*a* 2. Cor. c. 6. v. 4. *g*. 8.

*b* Gal. cap. 3. v. 13.

*c* Anno 750. Vide *Baunriam Sanctam*. P. Matt. Raderi par. 1. Et par. 1. *Annal. Boicorum* P. Andrea Brunner. pag. 608.

*d* Ioan. c. 20. v. 17.

*e* Matth. c. 28. v. 9.

*f* 2. Reg. c. 6. v. 22.

## S. III.

**A** Nimo ad inopiam & Contemptum iam parato, sequitur tertia sui oblatio *ad morbum quemcunque*. Lampades sunt ex argento aut alijs metallis tam artificiose pendulæ ea compage articulorum & vertebrarum instructæ, vt quocunque & quomodoque ferantur, nunquam tamen inuertantur; seruant illæ suum lumen, semperque caelum respiciunt. Huic tali lampadi non absimilis est quis diuinæ Voluntati vere deuotus est, quantumcunque enim acerbè tractetur & improbè, Deum tamen respicit diuinamque Voluntatem, nunquam non erectus ad suum condito-



rem, cui se frequentius sic offert: Domine, si me vis effrato & debili esse corpore; aut si vis me viuum esse cadaver viribus exhaustum; morbis intabescens, doloribus oppressum, annis pluribus lectulo affixum, ecce me promptum, paratum, si tibi sic placeat, iniquissima etiam valetudo gravior mihi erit, quam quantumcunque diuturna sanitas; mihi perinde erit ad tuum nutum, & valere, & in morbo esse, ac pro eo gratias agere. Observatu dignissimum est quod magnus ille virtutis magister Ioannes Auila docuit his omnino verbis: Plus valer, aiebat, tempore tribulationis vnum Deo gratias, quam sex millia in prosperitate. *a* Nam Deo gratias agere, cum bene est, plerique omnes norunt, inter aduersa paucissimi.

Refert Ludouicus Blofius eximie sanctitatis virginem interrogatam, quibus exercitationibus peruenisset ad eam vite perfectionem, respondisse: Nunquam ita doloribus oppressa fui, quin Dei amore grauiore perferre expeirem, indignam me donis tam singularibus arbitrata. Hac non inferior alia, integerrima indem virgo, ipsos inferorum cruciatus sentire sibi videbatur; sed neque sperari poterat tam cito desituros. Quare ad Deum toto se se animo conuertens: *Me amantissime Deus*, aiebat, *memor esto te Dominum ac creatorem esse meum. En ego me in aquisissimum iudicium tuum offero, & gratissima voluntati tue integre resigno, parata hunc infernalem cruciatum sustinere, quamdiu tibi placuerit: utere me sicut vis in tempore atque aternitate.* *b* Ita se Voluntati suptem impendens, mirabiles fecit in amicitia diuina progressus.

Ergo etiam huc voluntas impellenda, vt circa valetudinem commodam & incommodam discat esse indifferens, & ad vtrumque parata. Sed progrediendum ulterius:

*a* Auila tom. 2. epist. pag. 20.

*b* Blof. Monit. spirit. c. 10. propius finem.

#### S. IV.

**Q**uarto, *Ad mortem*, etiam quancunque illam vltro se offerat voluntas hominis, & nec celerem obitum, nec diuturnam vitam aliter experat, quam quemadmodum Deo placuerit. Dicat ergo Voluntatis diuine amator; Nec diu viuere, nec cito mori, cupio, sed tibi,

o bone le sy, aut illud aut istud obsequi. Sed neque prescribo, quo mortis genere cupiam obire, quocunque me volueris ad te vocare, eo sequi paratus sum. Solum mi Deus, mortem repentinam deprecari cuperem, sed neque hic refractarius esse volo tue Voluntati, si subita morte defungi me velis, sic fiat, vt vis, per tuam gratiam in tua semper gratia viuere conabor. Scio; iustus si morte preoccupatus fuerit, in refrigerio erit. *a* Itaque nec immaturam mortem auersor nec maturam postulo, sed nec miseram aut quam oculi reformident, adeo perhorresco. Credibile est multos placidissime in mortem sopiri, & ad inferos rapi; plurimos horribili acerbique morte decedere, & celo recipi. Arcanum est hoc iudicium quam vt oculis patere possit. Ideo & mite moriendi genus, & immitte promptus excipiam, prout Domino visum fuerit. Nam, siue viuimus, siue morimur, Domini sumus. Nemo enim nostrum sibi viuit, & nemo sibi moritur. *b*

Turonensis presul Martinius iam animam acturus: Domine, inquit, si adhuc populo tuo sum necessarius, non recuso laborem, fiat Voluntas tua. Hinc Ecclesia viri virtutem suspiciens: O virum ineffabilem, inquit, nec labore victum, nec morte vincendum, qui nec mori timuit, nec viuere recusauit! Sic decet, in vtrumque monendi sumus ac firmandi, & ne nimis amemus vitam, & ne nimis oderimus.

**Q.** Curtius: Fortium virorum est, inquit, magis mortem contemnere, quam odisse vitam. Saepe tedio laboris ad vilitatem sui compelluntur ignaui. At virtus nihil inexpertum omittit. Vltimum omnium mors est, ad quam non pigre ire, satis est. *c*

Vtrumque, hoc, & **VIVERE & MORI**, ex prescripto diuinæ Voluntatis amplectendum. Viuere nos vult Deus? viuamus. seu beate, seu misere, modo ad beatitudinem tendamus. Vult nos mori? moriamur animo promptissimo & vt priscus scriptor monet, saltem non pigre eamus ad mortem, vt quæ nos euocet ad immortalem vitam.

Sed heu quam multi moriuntur non sine querela? quis non recusans, quis non gemens exit? Atqui hoc non est diuinæ Voluntatis ex toto se permittere non esse contentum concesso



concesso tempore Nos oportet in promptu habere quæ in incertum diem data sunt, & appellatos sine querela reddere. Pessimus est debitoris creditor facere conuiuium. Semper pauci dies erunt, si illos numeraueris. Cogita non esse summum bonum in tempore: quantumcunque est, boni consule. Ut prorogetur tibi dies mortis, nihil proficit ad felicitatem: quoniam mora non fit beatiore vita, sed longior. Quanto facius est, non aliorum annos computare, sed suos benignè æstimare. & in lucro ponere. Oportet te non de eo quod detractum est queri, sed de eo gratias agere quod donatum est. *Quis ergo diuinæ Voluntati placet iam me mori, iam moriar, iam & iubens moriar.*

*a Sap. c. 4. v. 7. b Rom. c. 14. v. 7. c. 8.*

*c Curt. l. 5. hist.*

*d Seneca l. 3. de benef. c. 17.*

## S. V.

**Q**uinto demum, *Ad omnia omnino, quæcunque vel in tempore, vel in æternitate possunt euenire, idque sine omni exceptione cula paratissimum se Deo contribuatur, diuinæ Voluntati deuotus homo.* Aquile pullus si probæ sit indolis, fixissimis oculis obuetur solem: voluntas humana, si bona sit, diuinam sic ardet, ut ultro se offerat ad omnia, nec excipiat quidquam. Quis hac in re generosior Paulo, qui diuinam Voluntatem sectabatur per strictos gladios, per micantes hastas, per volantia saxa, per Oceani fluctus, per varios turbines, per sauisimas tempestates, per inuia deuiaque, ad exequendam diuinam Voluntatem nihil huic viro viam obstruere poterat, non carcerum horror, non virgarum ter iteratum supplicium, non lapidum nimbus, non naufragiorum metus, non periculorum multitudo, non quotidiana moriendi necessitas: Paulus diuino spiritu ardens, in ignes iusseris ibit. Siquidem: Optabam ego ipse, inquit, anathema esse à Christo pro fratribus meis. Quid ais Paule, inquit Chrysostomus, nonne iam dixisti: Quis nos separabit à charitate Christi? Imo Chrysostome, quia Paulus vnice amabat Christum auelli cupiebat à Christo, & à suauissimo Christi confortio, eam tamen lege, ut plures amarent Christum itaque optabat Paulus velut ex imperio ex-

ci amoris, separari non quidem à charitate Christi, sed à beatitudine & gloria cum Christo: En quam immortos oculos hæc aquila in diuinæ Voluntatis sole fixerit. Tanti est autem hæc tam fortis ad diuinam Voluntatem Conformatio, ut præ illa parum sit vel mille Mundos ridere. Plenisque sanctorum martyrum non adeo difficile fuit suum sanguinem ut rem vilissimam tyrannis propinare: inter tormenta solatijs diuinis affluebant, hinc supplicia ipsamque mortem de facili spernebant. Craticula candenti, velut fessus viator scamno, incumbit Laurentius; funestam crucem velut thalamum regium salutat Andreas; lapidum imbrem, velut roris guttulas admittit Stephanus. At vero qui sub onere tot arumbarum quotidie fatiscit, & lentissime mori se sentit, nihilominus tamen in ius diuinæ Voluntatis concedit, & ad omnia se paratissimum offert, hic sane rem magnam præstat: Si tamen, ut dixi, *AD OMNIA* æque secundum Dei arbitrium promptus sit. Et ita fieri oportet, nam omnia & corporis, & animi, & quæ vocamus fortunæ bona a Deo accipimus, quid in his reddendis excipere possumus? In scholis quidem tritissimum illud. (Nulla regula sine exceptione hic penitus excludendum: Diuinæ Voluntatis regula sine omni exceptione est. Quisquis secundum hanc cupit vivere, discat & se, & sua omnino omnia diuinæ Voluntati subicere. Huius rei illusterrimum nobis exemplum proponens Bernardus: Audi denique hominem, inquit, quem secundum cor suum inuenerat Deus. Paratum, inquit, cor meum, Deus, paratum cor meum. Paratum ad aduersa, paratum ad prospera, paratum ad humilia, paratum ad sublimia; paratum ad vniuersa quæ præceperis. Vis pastorem ouium facere? Vis constituere regem populorum? Paratum cor meum, Deus, paratum cor meum. Si autem dixeris mihi, non places; præsto sum, faciat quod bonum est coram se. a Digna religiosissimo principe demissio animi, & propriæ voluntatis abdicatio. Quid est enim? Non places Si dixerit Deus: Nolo te regem esse, nolo te vivere: *Præsto sum*, inquit David. Si iusserit Deus: Volo te iterum exulem, iterum esse fugituum, & loco mali soceri, pessimum habere filium quæ patris diadema & ingulū petat. Et tamen, *Præsto sum*



*Ho sum*, ait David. Quod si Deus imperet: Volo te rursus subire speluncas, & ferarum latibula, iterum vivere mendicando, & quotidie mortis adire discrimina. Nihilominus. *Præsto sum*, ait David. At si dicat Deus: Volo te solarij loco, in calamitate tua, proscindi conuictijs, etiam à tuis subditis, lapidibus insuper appeti, & diris omnibus deuoveri, Nec istud quidem respuo; ait David, *Dominus faciat quod bonum est coram se*. O sanctissimi principis heroicam virtutem qua vel sola fieri potuit acceptissimus Deo, præsertim cum hæc lachrymans diceret, & veste lugubri indutus, Tanti faciebat. *Placere Deo*, vir secundum cor Dei, vt eam gratiam libertate & liberis, & omnibus diuitijs, vel ipso regno, vita etiam ipsa libentissime redempturus esset. Modo David diuinæ Voluntati possit obsecundare, ad illa omnia paratissimus dicebat: Paratum cor meum, Deus, paratum cor meum. *b*  
*a 2. Reg. c. 15. v. 16. b Ps. 107. v. 2.*

## CAPVT II.

*In quod exitum pertrahat voluntas propria, se non patiat se frangi.*

**M**ellissus doctor Bernardus; Propria voluntas, inquit, quantum in ipsa est, Deum perimit, omnino enim vellet Deum peccata sua aut vindicare non posse, aut nolle, aut ea nescire. Vult enim eum non esse Deum, quæ vult eum aut impotentem aut iniustum. *a* Deinde ad quæstionem quæ infantiam sapiat, aut stulticiam, responderet. Cui rei explicandæ subseruiat hic apologus.  
*a Bet. serm. 3. de Resurr. Dom.*

## S. I.

**Q**Vondam sex hominum, & furum, lauerionem, effractorum ampla societas libellos supplices porrexerunt iudicibus, rogaueruntque patibula & furcas auferrent, rem fordam ante vrbes parcendum oculis & naribus viatorum transcuntium. His à iudicibus responsum est, si quidem antiquatum cupiant morem paribulandi, prius ipsi consuetudinem abrogent furandi, iudices in mora non futuro, quin protinus cruces tollant & patibula, modo ipsi prius cessare iubeant furta. Hic è furum

albo audacior vnus: Venerabiles domini, ait, nos furorum auctores non sumus: quod ergo nos non inuenimus, nec etiam abrogabimus. Quibus iudices responderunt: Neque nos, ô viri, patibula excogitauimus, ergo nec etiam abolebimus.

Humanæ gentis primi parentes in furto deprehensi sunt: hæc scelerum origo, hæc inhærentis peccati contagio, & hinc inferorum supplicia. Nos iam seri nepotes ex hac furum familia querimur gehennam constitutam, & ideo sæpe libellos supplices Deo porrigimus, & rogamus: O Domine, tantum non deturbes nos ad Erebum, ô Domine si rogo Auer-nales tolleres, continuo nos metu liberares. Iure optimo respondet Deus: Auferte vos culpam, & ego extingam, gehennam; cessent noxæ, & sapienter flammæ. Sed nos iterum obducimus: O Domine, nos primi scelerum inuectores non sumus, cur alienam & natiuam labem luimus: hæc noxa est primigenia. At nobis Deus iterum. Nec ego, inquit, causa sum inferorum, sed Superbia, sed Inobedientia: Neque istud Orci principium fuit, torquere homines, sed diabolus; inferorum ignis paratus est diabolo & angelis eius. Ne ergo cõqueri possitis vos alienis malis inuolui, mitissimum ego decretum per seruos meos pronuntiari curabo, cui nemo poterit obtricare. Quod hæc obsecro decretum, quis pronuntiavit? Bernardus è fidissimis Dei seruis non infimus tam paucis quam clavis verbis iam pridem proclamât, quâ ratione gehenna facillime possit extingui hæc proclamantis verba sunt: *Cesset voluntas propria, & infernus non erit*, *b* Et huius rei luculentam rationem sic reddit: Quid enim odit aut punit Deus præter propriam voluntatem? In quem ignis ille desuauet, nisi in propriam voluntatem? Etiam nunc cum frigus aut famem, aut aliquid tale patimur quid læditur nisi propria voluntas? Quod si voluntariè sustinemus, ipsa iam voluntas communis est (tam scilicet Dei hæc immittentis, quam hominis hæc sustinentis.) Porro voluntas propria quo furor Domini maiestatis impugnet, audiant & timeant serui propriæ voluntatis. Primo namque seipsam subtrahit, & subducit eius domui, cui tanquam auctori seruire iure debuerat, dum efficitur sua. Sed nunquid contenta

erit



erit hac iniuria? Addit adhuc, & quod in se est, omnia quoque quæ Dei sint, tollit & diripit. Quem enim modum sibi ponit humana cupiditas? Nonne qui per vlturam acquirit pecuniam modicam, similiter mundum lucrari conaretur vniuersum, si non deesset possibilitas, si supereretur voluntati facultas? Dico si ducialiter, nemini qui sit in propria voluntate, posset vniuersus mundus sufficere. Sed vltinam vel rebus istis esset contenta, nec in ipsa horrible dictu) desauiret auctorem. Hæc est crudelis bestia, fera pessima, rapacissima lupa, & læna sauiissima. Hæc est immundissima lepra animi, propter quam in Iordane mergi oporteat, & imitari eum qui non venit facere voluntatem suam. Vnde & in passione: Non mea, inquit, voluntas sed tua fiat. *Cesset voluntas propria, & infernus non erit.* Non ergo puerilis, nec vana est quaestio; An, & quomodo extingui possit gehenna? potest omnino. Non absurda sunt preces, rogare Deum vt destruat Orcum. Paratus est Deus id facere: vnicum istud in sui operis mercedem postulat: *Cesset voluntas propria, & infernus non erit.* Sed quis omnes omnino homines eò adigat, vt suam quisque voluntatem abdicet, eamque impendat diuinæ? Tu mi homo, si rem serio agas, tuam in te voluntatem expugna, & iam sustulisti sedem illam cui alligandus, & in qua cruciandus fuisses apud inferos, perinde ac si Erebus destructus, & Erebi flammæ forent extinctæ. *Cesset voluntas propria, cesset & infernus non erit.* Hoc idem & alij cum Bernardo clamant: Oculi, ait ille, ianua cordis est & nunciatus, claude oculum & voluntas habendi non erit, cesset voluntas, & ecce infernus clauditur.

a Matth. c. 25. v. 41.

b Bern. serm. 3 de Resur. Dom.

c August. vel quisquis est auctor hom. 31. ad fra. in eremo.

## §. II.

**A**H, quanti patiuntur multa gratiaque, sed inuiti, sed repugnantes, neque enim suam diuinæ Voluntati addicunt. Deus vult illos pati, hancque Voluntatem suam apertissime exponit, cum ea, quæ patiuntur, immitte, non aliter certè quam si vox cælo laberetur: Volo vos pati, At nolent illi, & modo

possent, onus quod ferunt, excussissent iam pridem. En voluntatem propriam cum diuina minimè consentientem.

Norunt parentes, quanti laboris sit educare liberos illos quorum contumacia prima non est facta, quoties in die clamandum: sile, quiesce; hoc age, relinque hoc, omite istud. Quandoque tam irrequieti eas domi turbas excitant, vt etiam mitissima mater grauiter excandescens, virgas, aut baculum, aut quicquid ministrat ira, corripit, & in hunc, illum, ac proximum quenque filium fuste sequitur, quandoque solis vocibus tonas exclamet: Non estis mei liberi, non agnosco vos, nihil mei cerno in vobis, nec patris nec matris ingenium refertis; abite ad carnificem degeneres: Ita Deus agit nobiscum, veluti parentes cum inquietis ac contumacibus liberis. Quoties ebrioso aut luxurioso minatur? quoties illi suam crapulam, huic luxuriam suam arcanis obiurgationibus ob oculos ponit? quoties dehortatur & monet: En, corpori nocet & animo; arcam & valetudinem exhauris, gratiam meam & celum amittis: scis equidem isthæc à me vetita; nosti Voluntatē meam ab hac omni turpitudine quam plurimum abhorre, nec ignoras quam extreme abominer & decesset voluntatem, meæ tam refractariam. Tandem mitissimus pater virgas rapit aut baculum, & improbitatem filij sic punit, vt puniri se sentiat. Vbi hoc sæpius factum, nec ad frugem se corrigit filius, aut è vitij emergit, ædum iratus pater: Super quo, inquit, percutiam vos vlti. Frustra percussi filios, disciplinam; non receperunt. a Spuria vitulamina, non dabunt radices altas. b Abite improbi, dimittam vos secundum desideria cordis vestri ibitis in adinventionibus vestris. c Gratiissima hæc patris ira est formidabilior omni supplicio.

Ita etiæ cum homine superbo & arrogante agit Deus, eumque increpat: Nec mihi places, nec hominibus, quibus me spreto, plurimum placere cupis: ab ijs quos arrogantia tuæ applausuros speraueras, rideris: de mea tibi Voluntate pridem constabat: scis quod superborum neminem tolerare possim, nec Angelum quidem, ne dum hominem; superbis me singulariter resistere quis nescit? superbiam tu tuam nihilominus perseueras. Sic Auarum Deus, sic & Iracundum, sic Inuidum & Ob-



tractatorem secretis impulsibus trahit ad meliora, suamque ijs voluntatem variè ingerit sectandam. Vnumquemque ducit Deus per viam ipsi convenientiorem. Regi Hebræo Sauli in os obiectum. Nonne cum paruulus esses in oculis tuis, caput in tribubus Israel factus es? Quare ergo non audisti vocem Domini, sed versus ad prædam es, & fecisti malum in oculis Domini? &c. Pro eo ergo quod abiecasti sermonem Domini, abiecit te Dominus ne sis Rex, quoniam quasi peccatum ariolandi est, repugnare, & quasi scelus idolatriæ, nolle acquiescere. *d* Quisquis igitur diuinæ Voluntati etiamnum repugnas, veni, obsecro, veni, non ad Aquilarum, sed ad coruorum gymnasium te ducam, hic disce.

*a* Is. c. 1. v. 5. & Hier. c. 2. v. 30.

*b* Sap. c. 4 v. 3.

*c* Ps. 80. v. 13.

*d* 1. Reg. c. 15. v. 17. 19. & 23.

## §. III.

**C**Ur, quæso, Deus Eliam Thesbitem à coruis velut à dapiferis cibos voluit accipere? Quid hoc rei? auium furacissimæ prandium & cenam perferunt ad cremicolam obsequijs fidelissimis. Hoc ideo voluit Deus, vt te, mi homo, doceret, quàm etiam brutæ animantes, vel inuita natura, Voluntati suæ obsequerentur. Quid mitius, quàm à coruo carniū appetentissimo, simul & rapacissimo deferri carnes, quas in via centies ipse deuorasset, nisi Dei Voluntas aliud fieri mandasset. Sed est qui hic obijciat: Facillimum est Deo, quascunque feras ad imperium faciendum cogere: nō ideo parent, quia volunt, sed quia debent. Ita est, vt dicis, & vel ideo etiam par esset te Voluntati diuinæ obsequentissimum esse, quia te Deus imperijs non coactis sed voluntarijs vrget, liberam te seruitutem vult seruire, & sic quàm plurimum promereri. Sed quæso te, à schola coruorum, in antrum Æoli digrediamur, vbi etiam ventorum furor dicto audiens est. Imperauit ventis & mari, & facta est tranquillitas magna. Hinc populi admiratio: Quails est hic, quia venti & mare obediunt ei? *a* An non & rupes ad luctuosissimum expirantis Domini spectaculum ingemuerunt, inuitatis fissuris testatæ luctum? Solus homo in rupem obrigescit, & cæ sæpe quam cæ-

pit contumaciam pertendit. Præuū est cor hominis & inscrutabile, *b* vere INSCRUTABILE. Incipe amabo, scrutari hanc voraginem, & abditissimas illic inuenies cogitationes quæ Deo reluctantur tacitis his susurris: Vis Domine, vt inimicos diligam? vt omnibus me submittam? vt voluptates meas ciuitem? durum imperium, & in omnia alia voluntas mea fertur. Quid igitur faciam? dissimulabo rem, & voluntati non nimium renitatur, tuæ non nimium obsequar. O inscrutabile, & ô præuū cor hominis!

Narrat Trebellius Pollio, Mariū Romæ tyrannum septimum fuisse, hic vno die factus est Imperator: altero imperauit, tertio interfectus est à gregario milite, qui dum sicam in pectus Marij adigeret, acerbissimum hoc addidit: Hic est gladius: quem ipse fecisti. Nam è cultrarij officina peruenit ad diademata. Ei qui diuinæ Voluntati refractarium se gerit, iure sic insultatur: Hic est gladius quem ipse fecisti: tuo te gladio ipse iugulas, hoc est, PROPRIA VOLVNTATE. Quod vero voluntas tam prona est ad peccandum, inquit Cæsarius, causa subest: habet enim diabolus duos satellites seipso nequiores, quibus illa impellitur, carnem & Mundum: Caro concupiscit, Diabolus concupita incendit, Mundus incensa ne extinguantur, se obijcit. *a* Carne multa oriuntur vitia, Mundus plurima offert oblectamenta, Diabolus innumera-bilia adhibet vaframenta. Ita res in expedito est, vt olim Hieremiæ, vari monstratum: Nonne vides quid isti faciunt in ciuitatibus Iuda, & in plateis Hierusalem? Filij colligunt ligna, & patres succendunt ignem, & mulieres conspergunt adipem, vt faciant placentas reginæ cæli & libent diis alienis & me ad iracundiam prouocent. Hic nauiter sane res agitur, cum vterque parens & liberi mutuam sibi operam locant. Et cui hæ placentæ pin-suntur? reginæ cæli, siue, Lunæ; sol enim rex cæli. Voluntas humana Lunæ simillima, continuis gaudet mutationibus: huic reginæ lagana finguntur & collyræ. Caro tanquam chara filia, schidia subministrat, concupiscētiæ: Superbiæ pater diabolus, focū excitat: Vanitas, velut mater, massam porrigit vane subactam; illecebras, sermones, inuitati-culas, voluptates suggerit, hinc dulce fit popanum,



panum, hinc sacrificium nobile instruitur, non Deo, sed propriæ voluntati.

a *Matth. c. 8. v. 26. 27.*

b *Hierem. c. 19. v. 9.*

## S. IV.

**H**anc humanæ voluntatis contumaciam Augustinus psalmum centesimum exponens, elegantissime proponit hunc in modum: Rectum dicitur cor hominis illius, qui omnia quæ vult Deus, & ipse vult. Intendite. Orat aliquis vt nescio quid non eueniat; orat, & non prohibetur. Perit quantum potest, sed contra voluntatem ipsius euenit aliquid. Subiungat se Voluntati Dei, non resistat Voluntati Magnæ, quia & ipse Dominus sic illud exponit. Ostendens infirmitatem nostrâ in se quando passurus erat, ait: Tristis est anima mea usque ad mortem &c. Quid erat illa vox nisi sonus infirmitatis nostræ? Multi adhuc infirmi cōtristantur futura morte. Sed habeant rectū cor, vitent mortem quantum possunt: sed si non possunt dicant quod ipse Dominus, non propter se, sed propter nos dixit. Quid enim dixit? Pater, si fieri potest, transeat à me calix iste. Ecce habes voluntatem humanam expressam: vide iam rectum cor. Verum non quod ego volo: sed quod tu vis Pater. Si ergo cor rectum sequitur Deum, prauum cor resistit Deo. Aliquid illi contingat aduersum, clamat Deus, quid tibi feci? quid commisi? quid peccaui? Se iustum vult videri, Deum iniustum. Quid tati prauum? Prauum est, quia tortum est, & tortam regulam putat. Corrige re, & inuenies rectum, à quo te deprauasti. Ille iuste, tu iniuste: & ideo peruersus es, quia hominem iustum dicis, & Deum iniustum. Quem hominem iustum dicis? Te ipsum. Quando enim dicis, quid tibi feci? iustum te putas. Sed respondeat tibi Deus: Verum dicis, mihi nihil fecisti, omnia enim tibi fecisti. Si enim mihi aliquid fecisses, bonum fecisses. Quicquid enim bene fit, mihi fit, quia ex præcepto meo fit. Quicquid autem mali fit, tibi fit, non mihi fit, quia non facit, malus aliquid nisi sibi; quia hoc non ego iubeo. Idem sanctissimus præsul de eadem voluntatis contumaciâ eruditissime disserit in hac verba: Ergo bonus Deus Israel. Sed quibus? Rectis corde. Qui sunt recti

corde? Qui voluntatem suam ad voluntatem Dei dirigunt, non voluntatem Dei ad voluntatem suam curuare conantur. Breue præceptum est, vt homo dirigat cor suum. Vis habere rectum cor? Tu fac quod vult Deus, noli Deum velle facere quod vis tu, &c. Hoc cogitant qui recto sunt corde, qui voluntatem Dei sequuntur non voluntatem suam: sed qui sequi Deum volunt, faciunt illum præcedentem & se sequentes; non autem se præcedentes, & illum sequentem. Et in omnibus eum bonum inueniunt, siue emendantem, siue consolantem, siue exercentem, siue coronantem, siue purgantem, siue illuminantem, sicut Apostolus ait: Scimus, quoniam diligentibus Deum, omnia cooperantur in bonum. b

En hi germanissimi Aquilæ pulli sunt, qui fixis oculis intuentur solem, qui animum ad diuinam voluntatem serio applicant. Secus illi qui tacite nunquam non altercantur cum Deo: Nunc eis cæli rigor, nunc pluuia tempestas displicet, nunc uimium frigus, nunc nimios calores queruntur, modo Deus non satis tribuit necessitati, modo istum aut illum improbum sinit emergere, modo inimicos nō punit, prout illis videbantur puniendi: semper caulantur, assidue obloquuntur; nihil facit Deus quod illi ex toto approbent. Hoc illud cor prauum; hæc propria Voluntas, de qua etiam audiendus post Augustinum Bernardus.

a *Aug. in ps. 100. in v. 4. med. fere.*

b *Aug. in ps. 124. propius finem.*

## S. V.

**G**Rande malum, inquit Bernardus, propria Voluntas, qua fit vt bona tua tibi bona non sint, quia nihil omnino quod propria inquinatum sit voluntate, gustabit is qui pascitur inter lilia. Hæc autem omnia similiaque ac dissimilia mala, ex vna radice pullulant propriæ voluntatis, huius enim sanguisugæ duæ sunt, insatiabiles filix, clamantes, affer, affer. Siquidem nec animus vanitate, nec voluptate corpus aliquando satiatur, vt scriptum est, non satiatur oculus visu, nec auris impletur auditu. Fuge sanguisugam hanc, & omnia reliquisti, hæc enim omnia trahit ad se. Pone hanc, & iugum quam multiplex abiecisti.



Voluntas propria, subvertens corda hominum & rationis oculos claudens, inquietum malum, quod spiritui semper incubans, inexcogitabilia meditatur. *b* Et, Vnde sunt scandala, vnde turbatio, nisi quod propriam sequimur voluntatem, & temere quod volumus in corde nostro definites, quo modo id prohiberi contingat aut impediri, continuo etiam in impatientiam, in murmurationem, in scandalum proni sumus, non attendentes quoniam omnia cooperantur in bonum his qui secundum propositum vocati sunt sancti, & qui nobis calus videtur, sermo quidam Dei est, suam nobis indicans Voluntatem. *c* Caueamus igitur à propria voluntate, tanquam à vipera pessima & nequissima, & quæ sola deinceps damnare possit animas nostras. *d*

Ioannes abbas iam iam moriturus, teste Cassiano, rogatus est ab ijs qui morientis lectulum circumsteterant, breue monitum daret in hereditatis vicem. Ille ingemiscens: Nunquam feci meam voluntatem, inquit, neque quemquam docui, quod prius non ipse fecerim. *e* Pauci iam tales, & è centenis millibus vix vnus. Innumeri sunt qui verius dicerent morituri: Quicquid potui, ad meum sensum feci, meq; me voluntati totum tradidi, multa docui, plurima præcepi, quæ ipse non feci. Optimus ille senex Pimenius querenti, quæ ratione nos daemones impugnant, respondit: Daemones nobiscum non multum pugnant, quia voluntates eorum facimus: sed nostræ nobis voluntates, daemones facti sunt. & tribulant nos: Quod Achilles vir religiosissimus hoc apologo declarans; Arbores, inquit, in monte Libano collocatæ dixerunt. Quam grandes sumus & proceræ, & tamen ferro non magno incidimur; & quod peius est, à nobis sumuntur arma quibus impugnemur: ferrum ut vulneret nos, manubrium à nobis accipit. Talis arbor est homo, instinctus diaboli ferrum, voluntas hominis manubrium. *f*

O quanto melior Iobus concionator in summo, quam Adamus in paradiso? Ille. Sicut Domino placuit, ita factum est. Ille: Vocem tuam audiui, & abscondi me. Eleganter de Iobo Tertullianus: Immundam, inquit, vlcus sui redundantiam magna æquanimitate distringebat, & erumpentes inde bestias,

in eisdem specus & pastus foraminosa carnis ludendo reuocabat. *g* Agnouit vir sanctissimus, hanc Dei esse voluntatem, scilicet excreri, ideo si quis forte vermiculus fugam meditaretur, cum in corrosam carnem denuo coquebat perinde si diceret: quid fugis? ad lacerandum me destinatus es: fac officium: & corpore meo pro macello vivere. Nam ille idem omnino Dominus, qui mihi tot millia ouium, bouum, camelorum liberalissime dedit, hic etiam mortificantes hos vermiculos benignissime in me immisit: Vtrūque ex eadem omnino manu est, ideo tam hoc quam illud æquo animo acceptandum.

Non aliter Simeon Stylites ebullientibus è corpore suo vermibus dixit: Manducate quod vobis Dominus dedit. Lōge aliter vermiculos aliquis & impatiens Herodes dixerit: Ite in malam maximam crucem exercendarum bestiolæ; pendulam patibuli turbam invadite; vestri iuris sunt cadauera, quid viuos vellicatis, quid me etiamnum spirantem obsidetis? Hi propriæ voluntatis improbi latratus sunt contra diuinam voluntatem. Verissime Chrysostomus: Vnde, inquit, in confesso fuit, quod voluntas nostræ malorum omnium causa est. Nullos igitur accuset pulchritudinem, nullus inutilia verba hæc dicat: Hanc perdidit forma; huic pulchritudo causa fuit interitus: peruersa voluntas malorum omnium causa est. *h* Iam olim minatur Deus: Numerabo vos in gladio, & omnes in cade corrueris pro eo quod vocaui, & non respondistis, locutus sum, & non audistis; & faciebatis malum in oculis meis; *i* quæ nolui, elegistis. *j* Hæc illa malorum Larva est voluntas propria quæ nolui, elegistis.

*a* Bern. serm. 71. in Cant. fra.

*b* Sermon in verba: Ecce nos reliquimus omnia &c. & ser. de Resurr. Dom.

*c* Sermon quomodo voluntas nostra diuina &c.

*d* Sermon de dupl. bapt.

*e* Cass. l. 5. in istis c. 28.

*f* Pelagius libell. 10. n. 62. & Pasch. n. 3. de inu. pug. dam. & n. 4.

*g* Tertull. l. de patientia c. 14.

*h* Chrys. in c. 7. Gen. bora. 24. post med. & hom. 32. circa med.

*i* 1. 65. v. 12.



## CAPVT III.

*Voluntas propria qua ratione subiungenda sit  
diuina, in rebus aduersis omni-  
bus.*

**N**Ec vllius Angeli, nec hominis voluntas esse potest bona, nisi consentiat cum diuina: quanto autem magis illa cum hac consenserit, tanto melior & perfectior erit; quominus, hoc miserior & peior. Vnica Dei Voluntas Amulsi est & regula, omnium omnino voluntatum cælo terraque, nec vlla vnquam voluntas dici poterit recta, nisi ad hanc regulam directa sit.

## §. I.

**C**Um Iesusus psaltes frequentissime commendat RECTOS CORDE, & Augustinus disertissime & ad rem nostram appositissime hanc CORDIS RECTITVDINEM exponens: Videris, inquit, quanti disputant contra Deum, quam multis displiceant opera eius. Cum enim facere voluerit contra voluntatem hominum, quia Dominus est, & nouit quid faciat, nec tam attendit nostram voluntatem quam vtilitatem: illi qui malunt suam potius voluntatem impleri quam Dei, volunt ad suam voluntatem flectere Deum, non suam corrigere ad Deum. *Rectos decet laudatio.* Qui sunt recti? Qui dirigunt cor secundum voluntatem Dei: & si eos perturbat humana fragilitas, diuina consolatur æquitas: Quamuis autem corde mortali priuatum aliquid velint, quod suæ interim causæ vel negotio, vel præsentī necessitati conueniat, vbi intellexerint & cognouerint, aliud Deum velle, præponunt voluntatem melioris voluntati suæ, & voluntatē omnipotentis voluntati infirmi, & voluntatem Dei voluntati hominis. Quantum enim Deus distat ab homine tantum Dei Voluntas à voluntate hominis. Aliquid proprium velle, difficile est vt non tibi contingat: sed statim cogita, qui sit supra te: illum supra, te infra illum: illum creatorem, te creaturam, illum Dominum, te seruum: illum omnipotentem, te infirmum & corrigens te subiungensque voluntati eius ac dicens: Verum non quod ego volo, sed quod

tu vis Pater. Quomodo distinctus es à Deo, qui iam hoc vis quod Deus? Eris ergo rectus, & te decet laudatio, quoniam rectos decet laudatio. Si autem curuus fueris, laudas Deum quando tibi bene est, blasphemias quando tibi male est &c. Et eris infusus puer in domo patris, amans patrem si tibi blanditur, & odio habens quando te flagellat: quasi non & blandiens & flagellans hereditatem parer. Vide autem quemadmodū deceat rectos Laudatio: Audi vocem recti laudantis ex alio psalmo; Benedicam Dominum in omni tempore, semper laus eius in ore meo. Omni tempore & semper, siue in prosperis siue in aduersis Nam si in prosperis & non in aduersis, quomodo omni tempore? Quomodo semper? Et audiuius multas multorum tales voces, quando illis prouenit aliqua felicitas exultant, gaudent, cantant Deo, laudant Deum: non sunt improbandi. Sed isti qui iam Deum laudare ex prosperitatis parte ceperunt, docendi sunt patrem agnoscere & flagellantem, nec murmurare aduersus corrigentis manum, ne sepe prauī remanentes exheredari mereantur. *Rectos decet laudatio.* Quod est, recti? Vt nihil illis displiceat quod fecerit Deus, possint & in aduersis Deū laudare & dicere: Dominus dedit, Dominus abstulit; sicut Domino placuit, ita factum est, sit nomen Domini benedictum. Tales rectos decet laudatio, non primo laudaturos, postea vituperaturos. Discite gratias agere Deo, & in prosperitatibus & in tribulationibus: Discite habere in corde, quod habet omnis homo in lingua, *quod vult Deus.* Ipsa lingua popularis, plerumque est doctrina salutatis. Quis non quotidie dicit? *Quod vult Deus hoc agat.* b  
a in psal. 32. & 35. & 100. de quo priori capite;  
b Aug. in ps. 32. post med.

## §. II.

**H**Æc Augusti luculenta dissertatio, mirifice cum dilucidat, tum confirmat hanc omnem de diuina Voluntate doctrinam, quæ vel ideo commendatissima sit omnibus, quod eā sanctissimi ac eruditissimi viri cupuerint à nemine non quam optime capi, præsertim cum in hoc omnis Christianæ vitæ versetur cardo. Sed hic nondum abire placeat ab Augustino, illuminatissimo scriptore,



cuius verba prorsus dignissima sunt quæ ad testimonium citentur fidei calamo. Hic idem Hipponensis sanctissimus præsul, qua ratione in aduersis etiam à diuina voluntate nec latum quidem vnguem sit recedendum, in hæc omnino verba consignat: Quod sæpe diximus, illi sunt RECTI CORDES, qui sequuntur in hac vita Voluntatem Dei: Voluntas Dei est aliquando vt sanus sis: aliquando vt egrotas. Si, quando sanus es, dulcis est Voluntas Dei, & quando ægrotas, amara est Voluntas Dei: non recto corde es. Quare? Quia non vis voluntatem tuam dirigere ad Voluntatem Dei, sed Dei vis curuare ad tuam. Illa recta est, sed tu es curuus, Voluntas tua corrigenda est ad illam, non illa curuanda est ad tuam: & rectum habebis cor. Bene est in hoc sæculo: benedicatur Deus qui consolatur: laboratur in hoc sæculo: benedicatur Deus qui emendat & probat: & eris recto corde dicens, Benedicam Dominum in omni tempore, semper laus eius in ore meo. *a* Et hoc non tantum Augustinus Hipponis Episcopus, sed etiam Dauid Israelis Rex qua verbis qua exemplis insignissime docuit. Cum enim Absalonem filium rebellem fugeret, & sacerdotes Arcam fœderis eidem fugæ velut præsidium assumpsissent, Rex Arcam referri præcipiens: Si inuenero, inquit, gratiam in oculis Domini, reducet me, & ostendet mihi eam, & tabernaculum suum. Si autem dixerit mihi, Non places: præsto sum, faciat mihi quod bonum est coram se. *b* En quam rex iste potentissimus, in miserabili fuga, in extremis angustiis, sibi tamen præsens fuerit, & compos sui, quam ad Dei Voluntatem attentis oculis respexerit: Redibimus, inquit, si Deo placuerit: sin aliter illi visum fuerit, *Quod vult Deus hoc agat.*

O Christiani, si hoc intelligentia & ratione, prout par est, comprehendere tam velle mus, quam facile possemus, vix amplius vlla difficultas foret in tolerandis aduersis, nec nos vllū tā grande malum premeret, quin aliud tranquille & perlibetè sustineremus. Christus ante mortem in Oliuario horto ea de Patris & sua voluntate locutus est, quæ argumēto sint, ad calamitates quasunque perferendas, nihil esse quod magis animet, quam vnionem humanæ voluntatis cum diuina. Et quam

hoc in Christo ipso luculentum? ante preces pauidus, tristis, pallidus, tremit ac horret futuræ mortis imaginem: post preces, post tantam paternæ voluntati delatam reuerentiam, velut resumptis viribus: Surgite, inquit, eamus, occursum voluntario salutaturi hostes, & initium facturi cruciæ tragediæ. De hoc etiam præclare Augustinus: Vnde, inquit, gerens hominem Christus, & regulam nobis proponens, docens nos viuere, & præstans nobis viuere, ostendit hominis quandam priuatam voluntatem, in qua suam figurauit & nostram, quia caput nostrum est, & ad eum sicut nostis, tanquam membra vtiq; pertinemus: Pater, inquit, si fieri potest transeat à me calix iste. Hæc humana voluntas erat, proprium aliquid & tanquam priuatum volens. Sed quia, recto corde voluit esse hominem, vt quicquid in illo aliquantum curuū esset, ad illum dirigeret qui semper est rectus: Verum non quod ego volo, ait, sed quod tu Pater &c. Hic ostendit quandam hominis propriam voluntatem, ostendit & correxit e. Ecce vide, inquit, te in me, quia potes aliquid proprium velle: vt aliud Deus velit. *c*

*a* Aug. in ps. 35. propius finem.  
*b* 2. Reg. c. 15. v. 25. & 26.  
*c* August. in Psal. 32. conc. 1. de 1. parte eius Psalmi.

## S. III.

C Atharina Senensis de seipsa: Docuit me Christus, inquit, vt mihi intra meipsam secretū conclaue struerem. Et quodnam conclaue istud? Humanæ voluntatis cum diuina Vnio. Domicilium istud primo ingressu videtur angustū, sed qui voluerit illi assuescere demū cōperiet id cælo esse amplius, & castris omnibus vel minutissimis securus, huc rebus turbidis irruere veritum? foris stabulatur, hoc enim tutissimū asyllum ab omni calamitate: nec superi, nec inferi nocere illi queunt, qui voluntatem suam in omnibus cum diuina congruentem retinet: huic vnica lex est, *Quod vult Deus hoc agat.* Eleganter Augustinus Venit dolor meus, inquit, veniet & requies mea. Venit tribulatio mea, veniet, & purgatio mea. Nunquid luet aurum in fornace aurificis? In monili lucebit, in ornamento lucebit: patietur tamē fornacem, vt purgatum à



rum à sordibus veniat ad lucem. Fornax ista, ibi palea, ibi aurum, ibi ignis, ad hanc fiat aurifex. In fornace ardet palea, & purgatur aurum. Illa in cineres vertitur, à sordibus illud exiit. Fornax Mundus, palea iniqui, aurum iusti ignis tribulatio, aurifex Deus. Quod vult ergo aurifex, facio, vbi me ponit aurifex, tolero. lubeor ego tolerare, nouit ille purgare. Ardeat licet palea ad incendendum me, & quasi consumendum me; illa in cinerem vertitur, ego sordibus careo. Quare: Quia Deo subijciatur anima mea.<sup>a</sup>

En, vera subiectio humanæ voluntatis erga diuinam, omnis boni origo est. Rectissime dixit pius ille scriptor: Non est sacrificium maius aut Deo gratius, quàm in omni tribulatione sese conformem facere diuinæ Voluntatis beneplacito. <sup>b</sup>

Magnus ille Abrahamus hac in re summè laudandus. Nam vt Orbi testatum fieret. Abrahamum omnia ex præscripto diuinæ Voluntatis facere; Deus Voluntatem suam aliquoties quasi mutans, alijs atque alijs & in speciem contrarijs ac plane rigidis imperijs hominem fatigauit. At vero Abrahamus ad omnem diuini arbitrij nutum obsequentissimus semper, hoc omni conatu ac studio, hoc omnibus viribus egit vt se totum suæque omnia vni atque vnicę Dei Voluntati quàm liberalissime impenderet. Notant Hebræi Abrahamum decies rigidè tentatum, an id perpetuo veller quod voluit Deus, Numeremus experimenta.

I. Iubetur solum vertere, & patriam accognatos, exilio mutare.

II. Ab annonæ difficultate iterum expellitur peregrinator in Ægyptum.

III. In Ægypto apud Pharaonem regem, periculum vitæ, vxor pudicitij subit & a marito abstrahitur.

IV. Ob continuas famulorum rixas à charissimo Lotho, quem vt filium habuit, diuellitur.

V. Vt Lothum bello captum in libertatem asserat, contra quatuor reges domesticum vernarum exercitum educit.

VI. Agarem fidam famulam, & iam vxorem, impulsu Saræ domo cogitur exigere.

VII. Iam seni & grandæuo Circumcisio imperatur.

VIII. Abimelech rex Geraræ rursus ei vxorem adimit.

IX. Agarem cum filio Ismaele rursus ædibus pellere iubetur.

X. Filium, vnigenam amantissimum Isaacum, miraculo notum, in summam posteritatis spem educatū, sua manu trucidare imperatur. En aceruum calamitatis! præter tot alia non minus acerba, sed minus nota. Abraham tamen permansit Abraham, hoc est, sibi similis & constantissimus diuinæ voluntatis cultor. Hic vir, hic est qui optime intellexit diuinam Voluntatem omnium miseriarum suarum maximum esse leuamentum.

Hic obseruandum, montem Moria in quo Isaacus victima Deo cadere debuisset, in prouerbiū abiisse: *Vnde vsque hodie dicitur, in monte Dominus videbit.* c Hic mons, Dominus videbit, afflictis omnibus conscendendus: Statuant secum omnes ærumnosi, & quibuscūque male est, Deum hæc omnia, quæ ipsis eueniunt, prauidisse ab æterno, & vna decreuisse, vt sic fierent in tempore quæ sunt: atque hanc eandem Numinis prouidentiam sibi suisque rebus omnibus adfuturam.

a Aug. in Ps. 61. medio ferè.

b Ludo. Gran. l. 1. par. 2. c. 22. Ducis peccator.

c Gen. c. 22. v. 14.

## §. IV.

CLades autem & calamitates vniuersas à Deo immitti, hoc nobis exemplum monstrat. Quemadmodum Deus illi prouinciam bellum, huic pestem; ita illi homini podagram, huic nephritidem, isti febrim immittit: hoc vero bellum, & illa pestis, & hæc podagra, aut nephritis, aut febris ista, sunt à Deo diuinæque Voluntate immissa. Certissima est ista, & infallibilis notitia. At quomodo sese prouincia illa, & ista, aduersus bellum & pestilitatem, & qui homines isti aduersus morbos se gerant; An possunt nolle, quod vult Deus non possunt. An ergo nullus defensionis locus est, si tamen illam admittat Deus. Ecqua ratione se gessit Abraham in monte Moria sacrificaturus Isaacum? Circūspexit, & vidit hærentem in vepribus hircum, hic succedanea subditus est hostia Isaac; Ita prorsus regnum bello afflictū, prouincia pestilentia in-

fecta,



fecta, homo podagra vexatus circumspiciat quid liciti remedij sit, coque viatur auertendo bello, tollenda pesti, mitiganda podagra. Si hoc idem velit Deus, & illud auerti, & istam tolli, & hanc mitigari, submitter hircum, suppeditabit remedium ad illa omnia aut lenienda, aut in integrum restituenda: si nihil sit remedij, aut successum non habeat, clarissimum est velle Deum, vt sacrificetur Isaac, vt regnum illud bellis atteratur, provincia illa exhauriatur peste, hic homo podagra torqueatur. Eadem prorsus est ratio & pauperatis, & ignominie omniumque aliarum calamitatum & miserationum. Ergo, vbi Deus subsidium monstrat, liberatur Isaac; sin, mastrandus est. Ergo in his omnibus æqualissimè semper voluntas humana se subdat diuine. Hoc est armis aureis pugnare in omnem Casum & Fortunam, Deum cogitare, Deo subijci, & in omni euentu, mentem hanc flectere ad magnam illam Mundi mentem.

Sanctus Remigius Rhemenfis præsul, prævidit maximam annonæ charitatem in proximum annum; eam ob rem magnam frumenti copiam collegit alendæ plebi. At ex his ipsi, quorum bono id facere instituit vir sanctus, homines potulenti & proiectæ audaciæ fuerunt; qui inter pocula dicerent. Quid senex noster iubilans (erat iam vltra quinquaginta annos sacerdos) ecquid in animo habet, an nouam urbem condere, quid sibi volunt rot acerui tritici? Annonâ videtur velle comprimere. Venite, singamus fabricam aliquam ad hunc senem, struamus sycophantiam. Facile erat maleuolis & iam ante currentibus calcar addere. Itaque ædibus cum impetu prouolant insani, & mox ad frumenti metas hic ardentem tadam subijciens vnus? Videamus, inquit, quàm auide famelicus Vulcanus Cererem sit deuoraturus, Audacissimum hoc facinus mox celeri nuntio ad Remigium in Antistitem deferitur: ille continuo equum ascendit, & omni festinatione properat ad incensos tritici manipulos. At vbi aduenit, iam flammæ per omne frumentum præcipitarant, nulla vi amplius sopienda. Quid hic faceret afflictissimus Præsul? num se marore conficeret, & aut insanè lamentaretur, aut diras omnes deprecaretur in auctores? Hoc fecit: equo

descendit, & quia hiems erat, incendium qua proximè licuit, tanquam se calefacturus accessit, dixitque: Sæpe bonus est focus, præsertim sem. En integerrimi viri animum diuinæ Voluntati deditissimū, eaque de causa in omni sorte tranquillissimum: voluisset quidē, quantum in ipso, ortum incendium reprimere, sed quia nec ratio nec modus erat coercenda iam grassantis flammæ, totum hoc diuinæ Voluntati permisit, & illud Iobi serena fronte reperijt: Dominus dedit, Dominus abstulit; sit nomen Domini benedictum.

Ita prorsus, ita in alijs omnibus agendum: cum malum imminens quodcunque vel etiam præsens legitimis remedijs inhibere nō possumus, dicamus toto animo: FIAT VOLUNTAS DEI: sacrificetur Isaac, si non submittatur hircus; immoletur filius, si sic imperet Deus. Pereat domus, pereant bona, omnia pereant, modò fiat Voluntas Dei.

## S. V.

Citharæ dus tamdiu trahit, intendit, aut remittit fides citharæ, dum assentit: ita qui totum se dedere cupit in arbitratum Dei, tamdiu necesse est voluntatem suam exerceat, subigat, astringat, dum obsequatur; doceat etiam quàm ipsi expediat ad omnem beatitudinem, si ad diuinam Voluntatem in omnibus sese conformet, vti beatissimus David: Nonne Deo, inquit, subiecta erit anima mea? ab ipso enim salutare meū. Dicit huius litteratura Hebræa hæc est: Attamen ad Deum si lebit anima mea, quia ab ipso salus mea. Aptissimè vobis instituto, hac enim mente fuit rex David: Quicquid mihi demum eueniat, feliciter an secus, diuinæ tamen Voluntati non contradico; Dei sancita non turbo, etsi omnia teterimè cadant, ego non obmuro, ad omnem Dei permissionem sileo, diuina dispositione semper contentissimus: aspera omnia leniri possunt placide ferendo.

Quisquis sapientissimum hunc regem imitatus fuerit (quod cuius facillimum, modo velit) hic sane aduersa omnia & quascunque calamitates tràquillo & imperturbato animo sustinebit; nunquam ei vel vocola excidet, qua crebras nimium, aut nimium, graues eorum queratur: Voluntas diuina omnium illi ærumnarum allevamentum erit: nec vnquam



quam esse poterit tam coopertus miseris, quin cum religiosissimo illo viro exclamet: Pater sancte, tu sic ordinasti, & sic voluisti: & hoc factum est, quod ipse præcepisti. Sine consilio & prouidentia tua, & sine causa nihil fit in terra. Ecce Pater dilecte, in manibus tuis sum ego, sub virga correctionis tuæ me inclino: percutere dorsum meum, & collum meum, ut incurram A D VOLUNTATEM TVAM toruositatem meam, ut ambulem ad omnem nuntium tuum, atque super omnia Voluntatem beneplaciti tui semper inquiram. *b*

Qui hanc institutionem non capiunt, perpetuo erunt miseri, semper discentes, & nunquam ad scientiam veritatis peruenientes, *c* Qui vero studium omne in Dei Voluntate cognoscenda, & sequenda posuerint, non patienter tantum sed hilariter & cum gratiarum actione aduersa omnia tolerabunt. Optime dixit insignis ille concionator: *d* Omnem diem amissum credite, quo Dei amore propriam non fregistis voluntatem.

*a* Ps. 61. v. 2.

*b* Thomas de Kemp. l. 3. c. 50.

*c* 2 Tim. cap. 3. v. 7.

*d* Ioan. Taulerus epist. 8. mihi pag. 85. vixit an. 1350.

## CAPVT IV.

*Exemplum illustrissimum, hominis recusantis diuine Voluntati suam subiungere*

**V**ates Hebræus Ionas, nobile fuit paradigma hominis, qui multa tergiversatione cunctatur in ditionem diuinæ Voluntatis concedere, eaque de causa tamdiu tamque variè affligitur, dum suam voluntatem omnem subiiciat diuinæ.

## S. I.

**A**Vdiamus quid Voluntas diuina præceperat Ionæ: Surge, & vade in Niniven. *a* Hæc prima pars præcepti. Altera: Et prædica in ea. Surrexit quidè Ionas, & loco se mouit, sed Niniven non iuit. Surrexit Ionas ut fugeret in Tharsis à facie Domini. *b* Duplex hic inobedientia: in ciuitate, qua iubebatur, non tan-

tum non concionari, sed nec in eam ingredi. Sed mox adfuit ultor à tergo Deus: & ventis, & mari, & omnibus cæli iniurijs pugnavit in obstinatum Ionæ voluntatem. Dominus autem misit ventum magnum in mare: & facta est tempestas magna in mari, & navis periclitabatur conteri. Nec dum tamen animaduertit fugitiuus iste, in se has procellas ruere: & Ionas descendit ad interiora navis, & dormiebat sopore graui. Nihil peius, nihil periculosius mala securitate, iaque magis ac magis inhorruit iratum mare, & nubes vndique adductæ obruerunt tenebris diem. Discurrebant nauæ ad officia trepidantes, vela tēpestati subducebant, & quicquid nauigio videbatur onerosum, iactabant in mare. Sed tempestate mandata fatorum peragente, consilium inirum est explorandæ sortis, Et cecidit fors super Ionam. Hic varia interrogatus Ionas, respondit Hebraus ego sum, & Dominū Deū cæli ego timeo. Itane vero, mi Iona, Deum times? at cur Dei Voluntati non pares: Plures ita loquuntur: Deum, aiunt, timeamus, at interim Dei Voluntatem negligunt. Hoc, o boni, Deum time-re non est, Volūtatī eius obstrepere. Nec mare his Ionæ vocibus tranquillari se sinebat, iamque magis exæstians feruebat, & ingentes aquarum montes voluebat. Ita demum è naui Ionas in pelagus excutitur. Prius autem implemet culpam factus: Scio enim ego inquit, quoniam propter me tēpestas hæc grandis venit super nos. Ita te veritas amet, mi Iona, quam hoc candide & vere dixisti! Omnem hanc cæli intemperiem, hunc ventorū confictum, has pelagi furentis insolentias propria voluntas tua concitauit, vnica omnium illorum causa: Niniven ire iussus es, non Tharsis. Sed expectat te præceptor marinus qui doceat idem Velle aut Nolle cū Deo. Et tulerunt Ionam, & miserunt in mare. Et præparauit Dominus piscem grādem, ut deglutiret Ionam. *c* Hæc præmia sūt propriæ volūtaris, sic docēdi sumus, molle iugū diuinæ Volūtaris accipere. Audi quam sapere didicerit ictus piscator, & quam faciliè se præbuerit diuinis nutibus? iam viuo ceti carcere conclusus Ionas, tam pænè ad inferos demersus, iam inter mortuos & viuos ambiguus hærens: Cum angustiaretur, inquit, in me anima mea, Domini recordatus sum. Tandem tandem resi-

Tttt

pisci-



piscimus, & incipimus VELLE, quod diu male nolimus. Iam ergo, Iona, vis ire Niniuen? Volo ire. Niniuitis concionari? concionabor. Num etiam quæ in hoc belluz cauo vouisti, vis reddere? Reddā. Et dixit Dominus pisci, & euomuit Ionam in aridam. Priora igitur iussa diuinæ Voluntatis redeunt: Surge, & vade in Ninuiem ciuitatem magnam, & prædica in ea prædicationem, quam ego loquor ad te. Et surrexit Ionas, & abiit in Ninuiem. iuxta verbum Domini. d. Iam Ionas propriam voluntatem excussit, iam idem omnino vult quod Deus, iam manibus pedibusque festinat, quopridem iussus est proficisci, iam clamat & hortatur ad penitentiam, iam obtemperat, & morigeratur diuinis iussibus. Utinam constanter id faciat, & ad propriam non recurrat voluntatem.

a Ion. c. 1. v. 2. & seqq.

b Ion. c. 1. v. 2. & seqq.

c Iona c. 2. v. 1.

d Iona c. 3. v. 2. & 3.

## §. II.

**S**ed heu mobilitatem & inconstantiam voluntatis humanæ! quæ modo Dei fuit, iterum incipit esse sua. Et afflictus est Ionas afflictione magna, & iratus est. a. Indicia hæc sunt pessima propriæ voluntatis, iam iterum luctantis cum diuina. Qui suam voluntatem ad diuinam accommodat, nunquam tanto peius turbatur, nec vnquam ærdinis sic deformatur, vt in iram prorumpat, & indignetur Deo. Quid, obsecro, mi Iona, quid est quod voluntatem tuam diuinæ iam coniunctissimā, denuo in hanc discordiam agit? Noui dissidij causam audite: Nūquid non hoc est, inquit, verbum meum, cū adhuc essem in terra mea? &c. scio enim quia tu Deus clemēs, & misericors es, patiens & multa miserationis & ignoscens super malitia. Hæc illa in Deo & Iona voluntatum dissensio est. Vult Deus parcere Niniuitis; Vultisset Ionas puniri Niniuitas, & hoc ait prælagisse sibi suum animum, se frustra minas sparsurum, non successura minis supplicia, Deum cito nimis placadum. Nihil ergo amplius videtur superesse, quàm Deum rogare. Domine, tolle quæso animam meam à me, quia melior est mihi mors quam vita. Melior tibi est, Iona, sed forsitan Deo non gravior,

id autem propria voluntas non curat? hoc solum attendit quid sibi gratum & volupe sit: Deo id placeat, an non, iuxta habet. Et egressus est Ionas de ciuitate, & sedit contra Orientem ciuitatis: & fecit sibi umbraculum ibi, & sedebat subter illud in umbra, vt videret quid accideret ciuitati. Necdum quiescit propria voluntas; urbem deserit, vt commodius spectet excidium vrbis. Cur autem egreditur Ionas, cur ciuium animos nō hortari pergit, ad constantem penitentiam? quid opus est è textili hedera nouum sibi domicilium struere? mille domus vrbicę receperant nō ingratum Penitentia præconem. Sed aliter placuit propriæ voluntati, cui quandoque non tantum amplissimæ vrbes, sed terrarum Orbis nimis angustus est. Putauit Ionas ad suum ex vrbe egressum mox igneas cælo ruituras pluuias, mox urbem funditus euerendam. Ita enim Deus prophetam iusserat minari: Adhuc quadraginta dies, & Niniue subuertetur. Hanc ob causam in tuto Ionas se collocat, hic confidet vt videat, an Deus nullam suis sit additurus vim minis? an omnem iniuriam tam facile obliteraturus, & parsurus sceleratissimæ ciuitatis? Spectaculum è cælo diu expectabat: sed cum cælum omne ferias agere, cum nulli volare ignes, nec vlla erumpere saxa, cum Vindicta omnis dormire videretur; cum hederacea etiam voluptas exarescere, cum sol desuper caput ferire, cum æstus ingens grauitè vexare inciperet, hic demum Ionas tantam Dei patientiam impatientissimè ferens, & serio excandescens, petiit anima sua vt moreretur. & dixit. Malius est mihi mori quam viuere. Cumque super hac sua excandescencia interrogaretur, nūcam censeret equam? respondit audacter: Bene irascor ego, vsque ad mortem. Videte, obsecro, tam impotentis iræ causam. Ideo Ionas tam multum fellis effundit, ideo parè in languorem incidit præ tristitia, Quia non factum est et sicut cogitabat. b. O Iona, quàm credula est propria voluntas, maxime sibi suisque persuasionibus! Ecce tam indigne fers miserationem & patientiam diuinam? an necis, Dei proprium esse, miserrici & parcere? nunquid Deo induere vis impatientiam humanam? vt quam primum læsus, mox feriat, iniurijs affectus mox sua fulmina mittat: Hoc humanæ



humanam sapit indolem, non diuinam: nos tales sumus: vix tacti, pugnis & calcibus tangentem petimus; vix læsi, feruidissimis i-ctibus ferimus, ad rem nullā profecto promp-  
tiores quam ad vindictam: hic currimus hic volamus cum vliscendum est. Non talis est Deus, Miserator & misericors Dominus: patiens & multum misericors: Suauis Dominus vniuersis, & miseratione eius super omnia opera eius. Nec vult Deus petire animā, sed retractat cogitans ne penitus pereat qui abiectus est. *d* Quid autem, mi Iona, tanto perē luges hederaceum palatium tuum a verme destructum? neque tu vermem rodere, nec hederam crescere docuisti. Hanc tibi Dominus dedit; hanc & abstulit Dominus, cur Domino indignaris? Quod si tanti doloris causa est, vmbra hederaceæ demolitio, & vrbis quæ regnum æquet, euersio non sit dolori? Iā ergo, mi optime Iona, voluntatem tuam ad diuinam omni ex parte conforma. Hedera perijt? velis perijisse: Niniue seruata est: seruata & tu velis. Nec est quod quidquam vltra doleas nisi ob propriam voluntatem non protinus diuinæ subiectam.

*a Iona ca. 4. v. 1.*

*b 1. Mach. c. 6. v. 8.*

*c Ps. 144. v. 8. & 9.*

*d 2. Reg. c. 14. v. 14.*

## S. III.

**V**idete, Christiani, quid sit sui iudicii sug-que voluntatis esse, & in quantos errores hæc vna res sanctissimos etiam viros pertrahat. Nihil agimus, quamdiu voluntatem propriam nō penitus expugnamus. Hac stantes, & aduersante diuinæ, nec dona Deo vlla, nec vota, nec preces, nec sacrificia grata sunt. Gratum Deo ieiunium est, grata elemosyna, gratum orandi studium, sed illud solum quod diuinæ Voluntati accommodatum. Nouit quidem & propria voluntas stipem spargere, ieiunia instituire, preces inire, sed hæc omnia nimis quā exosa sunt Deo, si diuinæ Voluntati conformia non sint. Ideo Deus (mirissimum dictu) & ieiunia, & sacrificia ceteroqui gratissima prohibens: Nolite, inquit, ieiunare sicut vsque ad hanc diem. *a* Quid ergo vitij habuit ieiunium istud Hebræis? Propriam voluntatem nimium olebat;

Ecce in die ieiunij vestri inuenitur voluntas vestra: Ieiunium amo, sed propriam voluntatem odi, quæ corrumpit ieiunium. Si quis homini carpas auersant, ferculum cetera pretiosissimum proponat, carpis tamen infectum, nihil inibit gratiæ, nec lassum stomachū peruellet, nauseam mouebit, non appetentiam ciborum: Ita ieiunium velut generosi saporis edulium est, ab Angelo etiam laudatum. (Bona est oratio cum ieiunio *b*) at si huic edulio cape & allium propriæ voluntatis misceantur, apage hoc fastidium a cælesti mensa Chrysostomus: Qui peccat & ieiunat, inquit, non ad gloriam Dei ieiunat, nec se humiliat, sed suæ substantiæ parcat. *c* Omnia fœdat & perdit Voluntas propria.

Et hæc illa deiectionum ad inferos extrema miseria est, tanta eos furere contumacia voluntatis, vt hæc in omnem æternitatem, diuinæ Voluntati nunquam sit consensura: Nunquam volent dampnati quod Deus, nec velle poterunt. Clare Augustinus: Voluntas enim eorum, inquit, talis erit, vt habeant in se semper malignitatis suæ supplicium, nunquam tamen percipere possint bonitatis affectum, quia sicut illi, qui cum Christo regnabunt, nullas in semetipsa voluntatis reliquias habebunt illi qui erunt in supplicio ignis æterni, cum diabolo & angelis eius deputati, sicut nullam habebunt vltius requiem, sic & nullatenus bonam poterunt habere voluntatem. *d* Ah, quid vspiam esse potest formidabilius gehenna, si in illa vel vnicum hoc supplicium sit, a sanctissima Dei Voluntate in omnem æternitatem esse auersissimum, nec cum ea vnuquam conciliari posse? Ergo, mi Deus, vt deferam ego voluntatem meam, doce me facere voluntatem tuam. *e*

*a Is. c. 58. v. 3. & v. 4.*

*b Iob. c. 22. v. 8.*

*c Chrysost. in Matth.*

*d August. l. de fide ad Petr.*

*e Ps. 142. v. 10.*

## CAPVT V.

*Quæ voluntatis propriæ contumaciam maxime confirmat.*

**I**nter grauissima quæ Dominus Hierosolymorum, vbi exprobrat, illud est: Hic-

T t t t 2 r u l a



rusalem, Hierusalem quæ occidis prophetas, & lapidas eos qui ad te missi sunt, quoties volui congregare filios tuos, quemadmodum gallina congregat pullos suos sub alas, Et Noluvisti. *a* Propriæ voluntatis obstinatio. scelerum omnium origo. Ego Volvi, inquit Deus, tu Noluvisti.

Abbas Pastor dicere solebat: Ferreus murus est propria voluntas, à Deo nos seungēs & separans; Et Noluvisti; hinc illæ lachrymæ. Nec aliter Augustinus: Suspirabam, inquit, ligatus non ferro alieno, sed mea ferrea voluntate. Velle meum tenebat inimicus, & inde mihi catenam fecerat, & constrinxerat me. *c* Voluntatem autem propriam mirè roborant hæc tria.

*a* Matth. c. 23. v. 37.

*b* Doroth. serm. 5.

*c* Aug. l. 8. confess. c. 5.

## S. I.

**P**rimum, *Consuetudo prava*. Augustinus hoc explicans: Quippe, ait, ex voluntate perversa, facta est libido & dum servitur libidini, facta est consuetudo: & dum consuetudini non resistitur, facta est necessitas. Quibus quasi ansulis quibuldam sibi inter innoxis (vnde catenā appellavi) tenebat me obstrictum dura servitus. Voluntas autem nova quæ mihi esse cæperat, ut te gratis colerem, fruique te vellem, Deus, nondum erat idonea ad superandam priorem vetustate roboratam. Ita duæ voluntates meæ, una vetus, alia nova, illa carnalis, ista spiritalis conflegebant inter se, atque discordando dissipabant animam meam; plusque in me valebat deterius inolitum, quam melius insolitum. *a*

Ita cum vitia abeunt in mores, non relinquuntur amplius remedijs locus. Nam hic omnium vitiorum genius est, ut nisi quanto citius domo eijciantur, difficulter & raro, cum irroborarint, expelli possint. Verè Gregorius: Cum culpa, inquit, in usum venerit, ei iam animus, etiam si cupiat, debilius resistit: quia quot vicibus pravæ frequentationis adstringitur, quasi tot vinculis ad mentem ligatur. *b* Facile est teneros adhuc annos componere; inveteratos difficile. Væ ollæ cuius rubigo in ea est & rubigo eius non exiit ab ea. *c* Nimirum aspera & insuavem virtutum viam fa-

cit vitiorum consuetudo. *d* Verissimè Chrysostomus: Nihil, inquit, tam firmum est in rebus humanis quam veteris consuetudinis tyrannis. *e* Ideo Augustinus admonens: Peccator, inquit, de proximo reuiuiscat, non eat in profundum sepulturæ; non accipiat desuper consuetudinis molem. *f*

Plato iuvenem alea ludentem acerbius reprehenderat. Iuuenis huic monitori asper. Quam parua, inquit, redarguis? Mox Plato: At non est paruum quid, ait, consuetudo. Certè Cretenses cum acerbissima execratione aduersus eos, quos vehementer oderunt, vitii volunt, ut mala consuetudine delectentur, optant, modestoque voti genere; efficacissimum vitiorum euentum reperiunt. Inutiliter enim aliquid concupiscere, & in eo perseveranter morari, exitio ea dulcedo vicina est. *g*

*a* Aug. l. eod. c. 5. & 11.

*b* Gregor. l. 4. mor. cap. 25. post med.

*c* Ezech. c. 24. v. 6.

*d* Hieronym. epist. 14. ad Celant.

*e* Chrysost. hom. 7. in 1. ad Cor.

*f* August. serm. 14. de verb. Dom.

*g* Valer. Max. l. 7. c. 2. fins.

## S. II.

**A**lterum, quod propriam voluntatem ad eo corroborat, est, *Longanimitatis doctrina*. Hæc nostra est in rebus plurimis præcipitatio, cum id quod valde volumus ad destinatum tempus non impetramus, mox in impatientiam agimur, & quandoque in rabiem. Tales sumus; moræ impatientissimi. Quoties audias hominem longanimitatis experte dicere: Iam volo, statim volo; non expecto; nolo differri, ni breui hoc fiat, despondi animum. Ita rex Hebræus Saul non potuit vnam quæ restabat alteramue horulam expectare Samuelem. Ideo illi in os aperte obiectum quod stultè egisset. *a* Ita plerumque & nos cum Deo agimus, si non mox obtineamus quod impetratum volumus, cadimus animo, & in tristitiam ac querelas solvimur. Nostræ preces plerumque sunt quales erant saltatrici puellæ; *b* Volo ut protinus des mihi. *b* Ita sæpe spem omnem & patientiam consumimus, in impatientiâ & desperationem pro ruamus. Animæ quiores estote filij, & proclamare ad Dominum. *c* Rex Ioachim triginta septem annis attinebatur carcere, post tantâ tempo-



temporis intercapēdinem, sibi & regno re-  
stitutus, docuit quā longanimi patientia di-  
uinum auxilium sit expectandum. Magna  
virtutis est, id quod velis; non velle statim fie-  
ri: Maximarum virum est longanimis pa-  
tientia quæ aridissimum etiam baculum tri-  
enio rigatum, in frondes & flores potest edu-  
cere. *d* Hinc illa Siracidis monita: Sustine  
sustentationes Dei; coniungere Deo, & susti-  
ne. Omne quod tibi applicitum fuerit, acci-  
pe: & in dolore sustine, & in humilitate tua  
patientiam habe. Respicite filij, nationes ho-  
minum & scitote quia nullus sperauit in Do-  
mino, & confusus est. Væ his qui perdid-  
erunt sustententiam. Qui timent Dominum,  
custodiunt mandata illius, & patientiam ha-  
bebunt vsque ad inspectionem illius. *e* At  
propria voluntas in contrarium semper ni-  
titur, & quod appetit, imperiosissime sic exi-  
git: Protinus da, continuo fiat, mox annue,  
confestim exhibe, ne mora sit, cunctatione o-  
mni abiecta. Ideo monendi sumus assidue: Ex-  
pecta fili, donec videamus, quem res exitum  
habeat. *f* Si moram fecerit expecta illum, quia  
veniens veniet, & non tardabit. *g*

Christum in cruce variè vrgebant hostes,  
ne veller videre finem suorum cruciatuum: si  
filius Dei es, aiant, descende de cruce. *h* Pul-  
chrè his respondet Chrysostomus. Ideo de  
cruce nō descenderat, quia filius Dei erat. Ex-  
pectabat Christi longanimitas, dum dicere  
liceret, **C O N S V M M A T U M E S T**. Quod  
autem in capite cernimus factum, hoc &  
membris imitandum: Voluntas patris ad su-  
premum vsque halitum exsequenda. Qua de re  
præclarissimè Ludouicus Blosius, quē sic pla-  
cet recitare, vt verbum è verbo exprimamus:  
Felix igitur ille est, inquit, qui angustijs &  
pœnis afflictus, non aliquid inquitit quo il-  
las euadat, sed ad finem & vltimum vsque pun-  
ctum eas sustinet; nolens de cruce descendere,  
nisi Deus illum soluat ac deponat. Felix pla-  
nè qui se in abyssum diuini beneplaciti ita de-  
mergit, & terribilibus occultisque Dei iudi-  
cijis ita se resignat, vt in huiusmodi doloribus  
ac pressuris, non tantum vna hebdomada aut  
vno mense, sed vsque ad extremi iudicij diem,  
vel etiam perenniter consistere paratus sit non  
recusans ipsius quoque inferni tormenta  
(si Deus ita vellet) subire. Quæ quidem resi-

gnatio omnem aliam resignationem longe  
vincit. Vel mille mundos relinquere in huius  
resignationis comparatione nihil est. *i*

Quā vero hic propria voluntas oblu-  
etur, sic explicat; Irresignatus quisque, dum in  
hunc modum duris scopis à Domino arctitur  
omnia se perdidisse arbitrat, unde & in gra-  
uem tristitiam, horribilemque desperatio-  
nem prolapsus dicit; Iam de me actum est, pe-  
rij. Cæterum qui solida tranquillitate intra se  
frui cupit, ad hoc eniti debet, vt resignato li-  
beroque animo, & Deo, & seipso, & creatu-  
ris omnibus carere possit, veram pacem intus  
interim retinens. Vndecunque accendant pres-  
suræ, de manu Domini suscipiendæ sunt, cu-  
ius permisso eueniunt. *k* Ergo, vt propriam  
domes voluntatem, esto longaminis, & expe-  
cta Dominum, etiamsi moram fecerit, quia  
veniens veniet & non tardabit.

*a* 1. Reg. c. 13. v. 13.

*b* Marc. c. 6. v. 25.

*c* Barn. c. 4. v. 21. & 27.

*d* Vide in vitis PP. Rosineid. lib. 4. mihi pag.  
542.

*e* Eccli. c. 2. v. 3. & seqq.

*f* Ruth. c. 3. v. 18.

*g* Abac. c. 2. v. 3.

*h* Matt. c. 27. v. 40.

*i* Blos. in Appendice c. 1. medio.

*k* Blos. ibid.

## S. III.

**T**ertium denique quo propria voluntas  
supra modum inualefcit, est, *Mutabilitas  
perpetua*. Parum est cum Luna circumagi, &  
aliam atque aliam formam inducere, in dies,  
in horas mutamur; mane aliud, & aliud pla-  
cet vespere, hodie volumus, cras nolumus;  
nunquam iidem nec similes quidem nobis,  
adeo in diuersum aberramus; quotidie consi-  
lium permutamus & votum; vt nubes à  
quonis vento huc illuc impellimur. Et hoc  
voluntati propriæ solennissimum est, vt cum  
firmissimæ illi columnæ Voluntati diuine  
nolit alligari, seipsam rebus caducis ac vanis  
indulgeat, quibuscum non possit non cre-  
berimè mutari. Hac tanta propriæ voluntatis  
instabilitate, cupimus quidem quotidianis  
sædijs occurrere, verum hac ipsa ratione sæ-



pe nobis tedium ē tadio creamus, dum illud tam sollicitē studemus vitare, ita Sisyphi saxum volumus, & dolium Danaidum implemus, dum idem & volumus & nolumus, eadem saepe hora Voluntas nostra, & quod inde pender, omnis sanctitas nostra, non est turris inexpugnabilis in montis iugo, aut edita rupe collocata, sed domus lutea, quæ ad omnem incursum cedit & collabitur. Probus es, sit ita hoc illudue præclare incipis, hic aut illic rem optimè agis; neque hoc negē, sed hoc quamdiu & quā constanter? Ah, quam facile ad omnem aurā sibilum muramur, & sæpè turpiter deiicimur! ut folium arboris, à vento non magno rapimur, & ventilamus nos in omnem ventum, & imus in omnem viam. *a* Multiformes plane sumus, & nobis ipsi dispares, nec vnum agimus hominem, sed plures. Quod in Sacris de Iobo scribitur, *Fuit vir vnus*: id ita Hieronymus interpretatur; Non per diuersa mobilis, & instabilis ferebatur, sed firmus atque incōcussus persistens, erat vir vnus. Nos plerumque non vnum virum agimus, & sæpè nec quidem viri sumus, tam debiles in virtutis actibus, quam inconstantes. Hæc propriæ voluntatis illustria sunt facinora. Sed de hoc humanæ voluntatis Euripo explicatius alibi. *b*

Itaque libera voluntas nos facit nostros, mala diaboli; bona Dei. Qui enim, inquit Bernardus, voluerunt esse sui, virique sicut Dij scientes bonum & malum, facti sunt non tantum iam sui, sed & diaboli. Sane diabolo nos nostra mancipat voluntas, non ipsius potestas. Nostra autem voluntas perfecta non erit, quousque suo creatori perfecte subiecta sit. Profecto expedit nobis magis omnino non esse, inquit, quam nostros permanere. *c* Augustinus de Aquilis; Dicuntur pulli Aquilarum, inquit, sic probari, patris scilicet vngue suspendi, & radijs solis opponi, qui firmum solem contemplatus fuerit, filius agnoscitur, si acie palpitauerit, ab vngue dimittitur. Nos viles hominuli magis sub arbitrio Dei sumus, quā sub patris vngue Aquilæ pullus; à Deo magis pendemus quam radius à sole, calor ab igne plus Deo in nos potestatis est, quā in lutum figulo, & tamen hunc solē nostrum, diuinam Voluntatem liberrimè auersamur. Lubemur inimico ignoscere? Nolumus.

Effrenem libidinem coercere? æque nolumus: Impotentem iram domare? Nec hoc volumus. Illo aut isto familiari vitio abstinere? pigerrime volumus, hoc est modeste nolumus. O pullos non Aquilarum, sed nocturnarum, qui non solem diuinæ Voluntatis, sed tenebras propriæ sectantur. Hinc autem omne malum, & omnis pœna. Narrante Ludouico Blosio, Christus sanctæ cuidam virgini familiarem se præbens; Volo te nosse, inquit, quod omnes pœne quibus homines in mundo affliguntur, in voluntate consistunt; quia si voluntas esset ordinata, & concors cum voluntate mea, careret quo lammodo pœna. Quamuis enim is qui hac sancta ordinataque voluntate præditus est, sentiat laborem ac dolorem, quicquid tamen amore mei sponte patitur, quasi sine pœna portat. Libentissime enim illud sustinet, considerans & sciens meam esse voluntatem, atque permissionem, ut patiatur. Mens eius in quouis dolore corporali libera est, cum voluntas ipsius in omnibus sit conformis, & vnica Voluntati meæ. Igitur ablata voluntate propria spiritus hominis tranquillus est, & pace gaudet. *d*

*a* Eccli. c. 5 v. 74.

*b* In *Thris megis* fol. 1. c. 8. de humane voluntatis inconstantia.

*c* Bern de grat. & lib. arb.

*d* Blos. Mon. spir. c. 10. sine.

## CAPVT VI

*Nihil voluntatis propria retinendum esse; tam in omnibus rebus arduis ac difficilibus, quam in ipsa morte.*

**H**ic Rhodus, hic saltus. In rebus sabinde minutulis non ita difficulter voluntatem nostram diuinæ attemperamus, ac in ijs quæ momenti sunt grauioris, in iactura opum, honoris, vitæ, hic tergiversationes, & excusationes, hic moræ & trice, hic multa refractariæ voluntatis contumacia, hic nostrum nobis & VELLE & NOLLE stat contra Dei & VELLE & NOLLE. Sed quid miserius luctamur frustra, stat Voluntas diuina, stabitque æternum velut immobilis rupes, non illam ad nos trahemus, sed ad se nos illa. Rideamus, si is qui cimbam ad rupem alligauit, fu-



gavit, funem identidem trahat, & rupem ad se accedere censeat, cum ipse ad illam propius ac propius accedat; Et non maior nostra stultitia est, qui ad rupem illam diuinæ Voluntatis nexi, trahendo & reluctando volumus eam nobis obsequi, non nos ipsi?

## S. I.

**S**unt qui & se & alios diuinam legem doceant & hi quidem intelligentiam suam Deo consecrant; at ubi est voluntas rerum omnium pretiosissima? Hanc sibi seruant, partitione facta cum Deo haud æqua. Optime olim alteri alteris sic precabantur: Beneficiat vobis Deus, & Det vobis cor omnibus, ut colatis eum, & faciatis eius voluntatem corde magno & animo volenti. Hi corde prorsus exiguo, & animo minime volente Deum colunt, qui in re quapiam facili voluntate sua cedunt, at ubi vel bonorum alea iacitur, vel honoris punctum, aut vitæ cardo vertitur, hic ius propriæ voluntatis tenacissime retinent, hic sui sunt. O non Volones, quales olim sponte sua militiæ nomen dederunt, pro dominis pugnaturos se polliciti: Ea de causa in ciuitatem recepti, & liberi esse iussi sunt. Quod si contumaces illæ & diuinæ Voluntati tam refractarij ultro se dederent, suamque voluntatem sponte submitterent supremæ illi, certe ius cæli obtinerent, futuri liberi in omnem æternitatem. Inter Volones istos præsignis plane, Hebræus rex David: In me, inquit, sunt Deus vota tua, quæ reddam, laudationes tibi. Sub cælo nihil tam liberum atque hominis voluntas: omnia alia admirabili subiectione conditori obtemperant. In solo homine ea est libertas, qua vult quodcumque lubet, etiam si hoc cælo, inferis, Deo repugnet. Nihil tam in nostra est potestate quam voluntas. Integrum est homini, quotiescumque libuerit, dicere Non, & abnuere, vel ipso etiam Deo annuente. Et hæc scelus omniū Lerna est, Deo dicente: Volo hoc fieri hominem tamen obloqui audere. Nolo hoc facere aut dicente Deo: Hoc fieri nolo, hominem tamen dicere: hoc volo facere. Et quoties Deus: Hæc est, inquit, mea Voluntas, nihilominus homo: At hæc, inquit, mea non est. Ob hoc Deus grauissime questus: A sæculo, inquit, confre-

gisti iugum meum, rupisti vincula mea, & dixisti. Non seruiam. Hæc ipsissima est radix omnium delictorum, non sit hoc impium Volo, non erit utique delictum. Enimuero medicina ea optima est, quæ sic morbum curat, cur & morbi radicem euellat. Proprium peccati pharmacum, Pœnitentia, quæ tunc demum vera est, si rebellionem hanc comprimat, & humanam voluntatem diuinæ penitus subijciat. Primus autem Voluntatis actus est AMARE, uti est aurium audire, cernere oculorum: qui vero quippiam amat serio, ei cor suum voluntatemque cum voluptate impendit; non eum labor, non dolor, non terrifici quidquam inde auocat. Ita voluntas quæ se Deo vere trāscribit, omnia præ Deo nihili facit, tam aspera quam iucunda, & suauia proptè amplectitur, prout scierit supremæ id voluntati probari. Huius sibi mentis conscius rex David: In me, inquit, sunt Deus vota tua. Non reperio quas tibi gratias agam, mi Domine, quod hanc in me felicitatem ac propituitudinem, erga tuam Voluntatem experiar; promissiones tibi à me factæ, in intimis apud me præcordijs asseruentur, ne excidant. Tale sit voluntas Christiani hominis promptuarium, vnde facile depromi possit, quicquid est ad domini gustum. Penarium vere opulentum, omni genere qua esculentorum quæ poculentorum instruitur: Si dominus velit oleum, aut mel, aut aromata, vel vinum siue Chium, seu Thasium, siue Creticum; adferuntur & oleum, & mel, & aromata, & vinum non cibarium & ignobile, sed quale iussit adferri: Si dominus cupiat perdicem, aut altilem gallinam, illico perdix aut gallina promittitur: si panem niueum petat & primarium, mox adest hic panis: si aliud quid postulet, confestim aduolat postulatum. Talis sit voluntas nostra, & olearia, & mellaria, & vinaria, & omnigeni penoris cella, ut quicquid dominico palato placuerit, inde promatur: ita quidē, ut si Deus animum cupiat ad paupertatem, ad morbum, ad ignominiam, ad mortem paratum, hunc ipsum inueniat paratissimum, de quo Deus ipse dixerit: In te, ô homo, sunt vota mea. Talis certe rex David, vir secundum cor Dei: Non in rebus solum minutioribus, sed in maximis æque ac minimis, cum iactaretur, cum per ardua sursum & deorsum irer,



a diuino semper nutu pendebat.

a 2. Macha. c. 1. v. 3.

b Liu. lib. 3. bell. P. un.

c Ps. 55. v. 13.

d Hier. c. 2. v. 20.

e Act. cap. 13. v. 22.

### S. II.

**A**Nno quingentesimo vicesimo tertio, in Concilio Vzeccensi episcopus fuit, cuius nomen, Quod vult Deus. a Fuit & alius eiusdem nominis Carthaginensis Pontifex, vir sanctissimus, qui vna cum Clero à Genferico rege Ariano, fractis nauibus absque remigijs & velis, præter omnem spem Neapolim appulit, ibique exul sancte finijt. Omnium hoc Christianorum & nomen sit, & studium vnicum, Quod vult Deus. At maligni hominis est, tunc solū dicere: Quod vult Deus, cum nec operosa, nec ardua iubentur: Ille fert omne punctum, qui, cum, paupertas vrget, cum morbus exercet, cum ignominia premit, cum mors vocat, nihilominus mēte liberrima pronuntiat: Quod vult Deus: si opes, si valetudinem, si famam, si & vitam velit eripi. Quod vult Deus, hoc fiat. Nec disputat, cur iam, cur hoc loco, cur hoc morbi genere sibi moriendum sit, sed paratissimus ad omnia, hoc vnum assidue ingeminat, Quod vult Deus. Præclarissime dixit Seneca: Quid tibi opus est vt sis bonus? Velle b Quid autem melius potes velle, quam quod vult Deus? Hic ego te, qualiter sentis, & diuinæ Voluntati obniteris, compello Annxi verbis: Tamen tu indignaris aliquid aut quereris: & non intelligis, nihil esse in istis mali, nisi hoc vnum quod indignaris, & quereris: Non feram me, quodie aliquid ferre non poterō: Male valeo, famillia decubuit? senus offendit? domus crepuit? damna, vulnera, labores, metus incurrerunt? Solet fieri, hoc parum est: debuit fieri. Decernuntur ista non accidunt. Si quid credis mihi, intimos affectus tibi cum maximè detego: in omnibus quæ aduersa videntur & dura, sic formatus sum. Non pareo Deo, sed assentior, ex animo illum, non quia necesse est, sequor (erubescite, Christiane, ah erubescite) Nihil vnquam mihi incidit, quod tristis excipiam, quod malo vultu: nullum tributum inuitus conferam. Omnia autem ad quæ gemi-

mus, quæ expauescimus, tributa vitæ sunt. Horum nec speraueris immunitatem, nec petieris. c Ad hanc legē animus noster aptandus est, hanc sequatur, huic pareat: & quæcunque sunt, debuisse fieri putet: nec velit obiurgare naturam. Optimum est pati, quod emendare non possis: & Deum, quo auctore cuncta proueniunt, sine murmuratione comitari, Malus miles est, qui Imperatorem gemens sequitur. Quare impigri atque alacres excipiamus imperia, nec deferamus hunc operis pulcherrimi cursum, cui quicquid patimur, intextum est. Sic viuamus, sic loquamur, paratos nos inueniat atque impigros. Fatum, seu, Voluntas Dei. Hic est magnus animus qui se Deo tradidit: at contra ille pusillus, ac degener, qui oblectatur, & de ordine Mūdi male existimat, & emendare mauult Deum quam se. Carpit diuina & prouidentiam, alia illa esse vellet magis quā se alium, Ingrati sepe diuinorum interpretes sumus. Inde est quod nec viuere volumus, nec mori; vitæ nos odium tenet, timor mortis. Nutat omne consilium nostrum, nec implere nos vlla felicitas potest.

a De quo Baron. tom. 7. A. 523. nu. 15. Martyrol. Baronij die 26. Octobr.

b Sen. epist. 80. init.

c Sen. epist. 96.

### S. III.

**Q**Vanti vero momenti sit in morbo lethali, nostræ voluntatis ad diuinam conformatio, insignissime docet Ludouicus Blosius, hūc in modū: Moriturus quisque meritis Saluatoris nostri Iesv Christi, magis quam suis innitetur. In illius bonitate & in precibus beatæ Mariæ Virginis ac Sanctorum electorumque Dei satis confidet. Christi amarissimam passionem mortemque sibi proponet, & ineffabilem illam charitatem, quæ cum tam indigna sustinere coegit, memoria repetet, atque in patentia vulnera, & in profundissimum pelagus immensæ misericordiæ eius, sese cum vniuersis peccatis atque negligentijs suis demitter, immergetque. Ad summam Dei gloriam seipsum, velut hostiam viuam offeret ipsi Domino, ad perferendum pro acceptissima eius voluntate patienter, ex vero amore omnem languoris acerbicatem, ipsam etiam



etiam mortem, & quicquid sibi Dominus in tempore, & in aeternitate immittere voluerit. Hoc si reuera facere potuerit; Si, inquam, se se ex pura dilectione cum perfecta sui resignatione, ad omnem poenam pro honore diuinæ iustitiæ tolerandam animo spontaneo obtulerit, ipse neque infernum, neque purgatorium subibit, etiam si solus omnia totius Mundi peccata commisisset. Nullum igitur exercitium in extremis vilius esse potest, quam ut quis seipsum ex integro diuinæ Voluntati resignet humiliter, amorosè pleneque confidens in immensa Dei misericordia ac bonitate. Fieri enim nequit, quin is qui in huiusmodi vera perfectaque resignatione cum sancta erga Deum fiducia ex hac luce exit, confestim ad regna cælestia euolet. Nam si eum nihil omnino poenæ, nihil ignis purgatorii in Deum cadere potest, ita nec in hominem, qui eo modo per voluntatis conformitatem, amoremque Deo vnitus est. Hoc animo iustus ille Latio moriebatur in cruce, qui non salutem corporis à Domino postulauit, nec orauit ut à poenis purgatorii serueretur, sed libenter pro peccatis suis, proque Dei gloria moriens, se totum in diuinam resignauit voluntatem, se totum Christo obtulit, ut ille secum ageret quicquid vellet. Nihil nisi misericordiam & gratiam petijt dicens: Memento mei Domine, cum veneris in regnum tuum. Quod si morte imminente infirmitas naturæ moreret, aut trepidat; huiusmodi molestia & formido in Deum per resignationem proijcienda, ac cerra spes erga enim concipienda est. Mors Christi mortem tuam soletur. Ille præcessit, præcesserunt & innumeri electi eius: non igitur pigeat te sequi. Corpus quod modo deponis, vile quoddam vestimentum est. Quid ad te si computrescat, & ad tempus in terra occultetur? Postea ipsum idem corpus tuum resurget, iamque immortale, incorruptibile, gloriosum ac fulgidum erit. Pensandum quoque est, quam resignati ac voluntarii fuerint ad moriendum antiqui iusti Abraham; Isaac, Iacob, Moses, David, & ceteri consimiles, cum nondum ianua regni cælestis esset aperta. Vnde in fine Deuteronomij legimus, Dominum dixisse ad Moysen: Ascende in montem istum &c. & vide terram Chananaan quam ego tradam filiis Israel obtine-

dam, & morere in monte. Ecce quam resignato animo, iuxta Dei beneplacitum, mortem excepit Moses amicus Altissimi. Non transiit quidem ad terram illam visibilem, sed in inuisibilem & meliorem receptus est, videlicet in secretum sinum pacis, & limbum, in quo iustorum animæ tunc magna tranquillitate quiescebant. Tam vero iusti aditus patriæ cælestis, per Christum Dominum referatur est. b

Ergo, mi optime Christiane, cum vicinam sentis mortem, imo etiam antequam sentias, voluntatem tuam quam perfectissime iunge cum diuina, illique te totum committe: nec aliud cogites vel loquaris, quam hoc ipsum.

*Quando Domino visum.*

a Optimum in morte exercitium Resignatio sui.

b *Blos. Consol. pusillan. mihi pag. 328. & seqq.*

## S. IV.

**S** Ed istud QUANDO plerosque omnes homines agere habet. Moriendum sibi sciunt, & mori volunt, sed nondum: cupiunt naturæ soluere quod debent, sed nondum; desiderat cælo recipi, sed nondum; Adeo miscelli infanimus, ut cupiamus desinere esse miseri, sed nondum; ut felices & beati esse velimus, sed nondum. Quid, homuncule, tam altum tibi patibulum ædificas, ut multos gradus habeas per quos ad mortem te ire diutius scias? quid vitæ tuæ tot optas annos, quibus funus tuum prospicias, cogitationum lento tormento? Eundem est, seu hodierna, seu crastina. At scio, quid multos decipiat; cum Mors pulsât, ante tempus adesse putat importunum exactor: Stulti; tunc tempus est, QUANDO Domino Mortis visum est. Quid tergieris, quid immaturam ætatem obijcis, quid moram poscis; ad mortem maturus pridem fuisti. Sed nec concessa mora paratiorem te faciet, aut promptiorem. Nam & post hanc morari volens, minus forsitan paratus, quo plus moratus. Induciarum non paucos deteriores fecerunt. Mala ad mortem preparatio est: mori nolle. Facti dimidium habet, qui tunc vult, quando vult ille, qui nihil mali potest velle. Ergo tergierationem tolle, & dic animo; QUANDO & QUOMODO Domino visum, sic fiat.

Ad hoc ipsum luculentissimam faciem præ-

Y u u u

lucet



lucet Romanus Sapiens, & ; Siue altos, inquit, obseruare volueris, siue teipsum, fauore seposito; & senties hoc, & confiteberis, nil ex his optabilibus & charis vtile esse nisi te contra leuitatem casus, rerumque casum sequentium instruxeris; nisi illud frequenter, & siue querela, inter singula damna dixeris: *Deo aliter visum est.* b Ita dices; Antehac quidem diutius me victurum arbitrabar, At, *Deo aliter visum est.* & bene sic visum est. Ita propria voluntate in diuinam transmutata, omnia tibi reddentur facilia. Nam vti malus omnia in malum vertit, etiam quæ specie optimi veniunt, ita rectus atque integer corrigit praua vitæ, & dura atque aspera, ferendi scientia mollit; idemque & secunda gratè excipit modesteque, & aduersa constanter atque fortiter. Hic idem Voluntati diuinæ tam addictus, nunquam malis eventibus maledicit nunquam accidentia tristis excipit, ciuem esse se vniversi & militem credens, labores velut imperatos subit. Quicquid incidit, non tanquam malum aspernatur, & in se casu delatum, sed quasi delegatum sibi. Hoc qualecunque est inquit, meum est, asperum est, durum est: in ipso naueamus operam, nec de Dei prouidentia queramur. Si Dijs, inquit Epiſtetus, ita visum fuerit, ita fiat. c

a Vide Horologium Angeli Tutelariorum, hora diei IX.

b Sen. epist. 98. c Epist. Enchir. c. 79. seu ult.

## S. V.

**E**T hec sciuerint idololatræ. Christiani aut nesciant, aut quæ sciunt non faciant; videant meliora prebentque sequantur deteriora. Nihil tam acerbum est, in quo æquus animus solatium non inueniat. At vero solatium nec vberius nec cernius erit quàm Dei voluntas: ad hanc in omnibus aduersis assidue suscipiendum.

Iobus in perferendis ærumnis dexterrimus, plus Deo placuit. Chrysostomo teste, plusque sibi promeruit pauculis solum verbis, quàm omnibus suis etiam largissimis elemosynis. Cum enim Iobus yndique afflictus

diceret: Sicut Domino placuit, ita factum est. Sit nomen Domini benedictum: diuinæ Voluntati magis se probauit, quam cum stipem liberalissimam erogauit. Nam, quod à sancto Banauentura discimus. Perfectius est aduersa tolerare patienter, quàm bonis operibus insudare. a Quoniam Deus bonorum nostrorum non eget. b Quisquis igitur diuinam Voluntatem sincere quærit, sanus ne sit an æger, perinde habet, quandoquidem Dei Voluntas, omne nostrum bonum est. In morbo autem sic Medico & medicinis fidendum, vti interim fiducia omnis in Dei prouidentia & Voluntate collocetur. Quod cum rex Asa non fecerit, merito reprehensus est. Nec enim in infirmitate sua quæsiuit Dominum, sed magis in medicorum arte confisus est. Melius Ezechias qui morbi sui curationem non sicubus, nec eas imponenti, sed Deo adscripsit. Quod si pharmaca nil proficiant, aut Medicus vim morbi non perspiciat, aut aliunde committatur error, nec emendetur valetudo, non continuo huic illius culpa impingenda, sed omnia diuinæ prouidentia ac voluntati attribuenda, nec aliud cogitandum, quàm, Deus non vult vt saner, aut vult vt saner tardius.

Lyduina, Virgo sanctissima, omnigenis doloribus exercitata, miserabile spectaculum, & velut conductæ domus omnium ferè morborum, adeo tamen defixit in Domino voluntatem suam, vt nihil neque cogitare, neque dicere, neque facere præmeditatè liberet, quod putaret displicere Deo. Fertur cum patientissimo Iobo sapius dixisse: Hoc mihi Domine acceptissimum erit, vt affligens me dolore non parcas, c cum tuæ Voluntatis executio, sit mihi summa consolatio d Difficultatibus & calamitatibus omnibus efficacissimum remedium fecit, qui semper diuinæ se Voluntati submisit.

a Bonau. de grad. virt. c. 24.

b Ps. 115. v. 2.

c Iob. c. 6. v. 10.

d Sur. tom. 7. p. alt. vit. c. 1. mihi pag. 288.



LIBER QVINTVS.  
DE HVMANÆ VOLVNTATIS  
A D D I V I N A M  
CONFORMANDÆ ADIVMENTIS.

CAPVT PRIMVM.

*Conformationem humana voluntatis ad diuinam consistere non posse  
sine magna in Deum Fiducia.*



**B**EATIO sui in diuinum arbitrium nunquam erit integra, nisi Deo in omnibus plurimum fidamus. Quomodo enim alteri de rebus omnibus assentiar, cui non fido? & quomodo fidam illi, quem non credo res meas fideliter, aut sollicitè curaturum? Ideo de fiducia in Deo collocanda nunc agendum.

§. I.

**P**orro cupienti scire quid diuinæ paginæ de hac virtute sentiant, nostri aui scriptor responder: In scripturis sanctis vix vllum inuenitur caput, in quo Deus opem, gratiam & providentiam omnibus illis non promittat, qui in illo cōfidant. *a* Beatissimus rex David, huius Fiduciæ magister excellentissimus, hanc vnam pleno ore ingerit, in psalmis p̄ne omnibus Et quam illa confidentis animi sunt? Quoniam tu Domine singulariter in spe constituisti me. *b* Dominus firmamentum meum, & refugium meum, & liberator meus: Deus meus, adiutor meus; & sperabo in eum;

Protector meus, & cornu salutis meæ, & susceptor meus. Dominus illuminatio mea, & salus mea, quem timebo? Dominus protector vitæ meæ, à quo trepidabo? Si consistant aduersum me castra, non timebit cor meum, si exurgat aduersum me prælum, in hoc ego sperabo. *c* Qui habitat in adiutorio Dei altissimi, in protectione Dei cæli commorabitur. *d* Qui confidunt in Domino &c. non commouebitur in æternum. *e* In te, Domine, speravi, non confundar in æternum. *f* Erat huic regi cor amplissimum, & plenissimum ingenti Dei Fiducia, Nimirum hos ructarat, quos biberat diuinos fontes.

Eandem in Deum Fiduciam sapientissimi ac sanctissimi viri plurimum semper commendarunt. Illud sapientiæ miraculum Salomon: Habe, inquit, fiduciam in Domino, ex toto corde tuo. *g* Non qualemcumque fiduciam exigit, sed quæ prodeat *ex toto corde*. Nam & Apostolorum Princeps: Omnem, inquit, sollicitudinem vestram proijcientes in eum, quoniam ipsi est cura de vobis. *h* Et psalter: *Ia-  
sta*, inquit, super Dominum curam tuam, &

Y u u u z

ipse



ipse te enutriet. *i* Sed & Salomon iterum monens: In omnibus vijs tuis, inquit, cogitatum, & ipse diriget gressus tuos. *k* Bonum est confidere in Domino quam confidere in homine. *l* Benedictus vir, qui confidit in Domino, & erit Dominus fiducia eius. Et erit quasi lignum quod transplantatur super aquas quod ad humorem mittit radices suas, & non timebit cum venerit aestus, & erit folium eius viride, & in tempore siccitatis non erit sollicitum, nec aliquando desinet facere fructum. *m* Cogitate per generationem & generationem, quia omnes qui sperant in eo, non infirmantur. *n* Beati omnes qui confidunt in eo. *o* Hec enim fiducia Deum obligat, ut tibi in se confidenti beneficiat. Ergo. Confide in Deo, & mane in loco tuo; *p* sorte tua contentus, status tui mediocritatem amplectere, neque ultra mensuram regulæ, qua mensus est tibi Deus, teipsum extende: Memento, non in solo pane vivere hominem, posse Deum etiam è lapidibus suscitare filios Abrahamæ, nec esse difficile Domino, saluare vel in multis, vel in paucis. *q*

*a* *Luden Granat l. 7. Memorial. c. 9.*

*b* *Pf. 4. v. 12.*

*c* *Pf. 17. v. 3. Pf. 36. v. 1. 2. 3.*

*d* *Pf. 90. v. 1.*

*e* *Pf. 124. v. 1.*

*f* *Pf. 30. v. 1.*

*g* *Prou. c. 3. v. 5.*

*h* *1. Petri. c. 5. v. 7.*

*i* *Pf. 54. v. 13.*

*k* *Prou. c. 3. v. 6.*

*l* *Pf. 117. v. 8.*

*m* *Hier. c. 17. v. 7. & 8.*

*n* *1. Mach. c. 2. v. 61.*

*o* *Pf. 2. v. 13.*

*p* *Eccli. c. 11. v. 22.*

*q* *2. Cor. c. 10. v. 13. 1. Reg. c. 14. v. 6.*

### §. II.

**H**ebraus rex Amasias militem scripserat centum talentis argenti a quibus centum millia hominum ad signa euocauit. Quo facto, Venit homo Dei ad illum (ita Regum fasti narrant *b*) dixitque: O Rex, ne egrediatur tecum exercitus Israel, non est Dominus cum Israel, & cunctis filiis Ephraim: Quod si putas in robore exercitus bella consistere,

superari te faciet Deus ab hostibus: Dei quippe est & adiuuare, & in fugam convertere. Dixitque Amasias ad hominem Dei: Quid ergo fiet de ceterum talentis, quæ dedi militibus Israel? Et respondit ei homo Dei. Habet Dominus vnde tibi dare possit multo his plura. Paruit Amasias Deo nixus, & viginti millia hostium occidit. Tanti est, Deo fidere, & non humanis viribus.

Thomas Morus notæ sanctitatis ac eruditionis vir, ad filiz Margaretæ obiectiones hisce omnino verbis in carcere respondens: Nihil, inquit, contingere potest, quod Deus non velit. Quicquid autem ille vult, utcumque nobis malum videatur, est tamen re vera optimum. De Dei bonitate diffidere, mea Margaretæ, nolo, utcumque me debilem ac fragilem præsentiam. Imo si in eo me terrore & consternatione cernerem, ut iam iam lapsurus viderer, meminero tamen diuum Petrum vñico venti statum ex modica fide submergi cæpisse, faciamque quod ille fecit, Christum compellabo. Domine saluum me fac. Spero enim quod extendens manum suam apprehendet me, nec submergi patietur. Quod si vero Petri partes adhuc ulterius me agere, planeque præcipitem cadere, iurare & abiurare permitteret, spero nihilominus fore, ut oculo misericordiæ pleno me respiciat, & erigat, ut de nouo veritatem confitear, conscientiam exonerem, penam & pudorem prioris abnegationis fortiter perferam. Denique illud compertissimum habeo, quod absque mea culpa Deus me non deseret. *c* Christiane & sapienter. Interest enim rebus omnibus diuina Prouidentia, & scimus ab ea innumeros ne laberentur derentos, nullos ut laberentur impulsos. Imo, si hic talis ceciderit, non collidetur, quia Dominus supponit manum suam. *d* Quomodo autem is lædatur, qui in puluinar cadit tam molle? Ante omnia fidendum Deo, *a* *Sunt 60000. philippi.*

*b* *2. Par. c. 25. v. 7.*

*c* *Thomas Stapler. de tribus Thomis, mihi pag. 297. & seq.*

*d* *Pf. 36. v. 24.*

### §. III.

**E**quid denique Christus tam varie insultat & urget, atque hanc vñam in Deum Fide



Fiduciam? Quam varie diuinus hic Magister argumentatur ab auiculis, à flosculis, à capillis, ab ipsis etiam idololatriis, persuadendæ huic fiduciæ? Ita coruos, lilia, passerculos oculis subiiciens. Considerate, inquit, coruos, quia non seminant, neque metunt, quibus non est cellarium neque horreum, & Deus pacificus illos. Quanto magis vos pluris estis illis? Quis autem vestrum cogitando potest adijcere ad staturam suam cubitum vnum? Si ergo neque quod minimum est potestis, quid de ceteris solliciti estis? Considerate lilia, quomodo crescunt: non laborant, neque nent; dico autem vobis, nec Salomon in omni gloria sua vestiebatur sicut vnum ex istis. Si autem fœnum quod hodie est in agro, & cras in clibanum mittitur, Deus sic vestit: quanto magis vos pusillæ fidei? Pater vester scit, quia his indigeris. *a* Et quot experimentis discipulos suos inspexit, ut eos doceret Deo ex toto fidere? Ita quinque millia hominum epulo excepturus in vasta solitudine, Philippum interrogat, unde panes emendi sint. *Hoc autem dicebat tentans eum.* *b* Sic & quatuor millia hominum cibo refecturus, discipulos in eam rem consultores adhibet: Quot, inquit, panes habetis? At illi non magnæ fiduciæ: Vnde istos quis poterit, aiunt, hic satiare panibus in solitudine? *c* O viri, Deus poterit, qui nos sibi in rebus omnibus vult fidere quàm integerrime. Providentia diuina falli non potest; fallere non vult: stabit Deus promissionibus suis. Docemur hoc omnium ætatum exemplis. Erigat proinde se homo in spem magnam, & audeat se suaque omnia in Dei sinum profundere fiduciâ quàm erectissima.

*a* Luc. c. 12. v. 24. & seqq.

*b* Ioan. c. 6. v. 6.

*c* Marci c. 8. v. 4.

## S. IV.

**T** Ostatus, præsul Abulensis, illud eruditionis miraculum, super Regum fastis differens; Ita est, inquit, lex Adam quam debet homo tenere cum Deo, scilicet quod homo humiliet se coram Deo, & colat Deum quantum potuerit, & Deus erit sollicitus pro eo. *a* Etenim ad quem clamamus? Pater noster qui est in celo. Vtique opulentus hic Pater omnibus abunde providebit. Quod si

parua animalia, inquit Hieronymus, absque Deo auctore non decedunt, & in omnibus est providentia, & quæ in his peritura sunt, sine voluntate Dei, non pereunt; vos qui æterni estis, non debetis timere, quod absque Dei viuatis providentia. *b* Cur ergo illi non quàm integerrime fidamus, & animos induamus tãto patri dignos? Nec in medijs quidem flammis desperandum. Res angustæ domi sunt? Dominum habemus diuitem, qui nunquam passus est suos extinguere fame. Inimici insurgunt agmina, siue terris nata, siue inferis excitata? Ducem habemus potentiorum, qui vno flatu, regnorum disperdet exercitus. Maledicæ premunt linguæ, & falsis onerant criminationibus? Deum intueamur iudicem vindicemque & humana non metuemus. Neque enim se vinci ab homine patietur Deus, aut munificentiam suam ab humana fiducia superari. Audet quis fidere: maiora donare audebit Deus. Audet sperare magna? vincet humanam spem Deus, & de locuplete cælorum thesauro, longè maioribus beabit, ita ut ad pellendam egestatem humanam, satis sit spem suam posuisse in Deo, ac de illius liberalitate magna sperasse. Quo enim spes maior est, maiora sunt dona cælestia, ut non tantum æquari, sed innumeris modis vinci à diuina benignitate, humanam spem fiduciamque videamus. Nobilissima est hæc concertatio, ingens hominis in Deum fiducia, cum immensitate Dei liberalitate composita; quasi æmula utrimque fiduciæ & munificentie largitione, tanquam si vinci noller homo, cum tamen vinci non possit Deus.

*a* Tostatus in l. 2. Reg. c. 7. v. 19. q. 11.

*b* Hier. apud S. Tho. in cat. in c. 10. Matt.

## S. V.

**H**ic Hipponensem Antistitem Augustinum luculentissimè ratiocinantem audite: Fecit Deus, inquit, cælum & terram, & maria, & omnia quæ in eis sunt. Si ergo omnia quæ in eis sunt, & te, parum dico te; passerem, locustam, vermiculum, nihil horum non ille fecit, & cura est illi de omnibus. Nolite ergo dicere: Non pertineo ad Deum. Pertinet ad Deum anima tua, pertinet ad Deum corpus tuum; quia Deus fecit & animam tuam, & corpus tuum. Dicis fortè: non numerat me Deus in magna multitudine. *a* Te non numeret, quietiam capillos tui capitis



*In quo Fiducia in Deum consistat.*

omnes habet numeratos? Sed, ais, subinde ijs miserijs inuoluimur, adeo solatijs omnibus & auxilijs destituimur, vt mirum non sit, quandoque fiduciam nonnihil vacillare. Hic etiam Augustinus pro me respondebit. Et obsecro vos omnes qui hæc legitis, aut legi auditis, sanctissimi viri responsum altissimo pectore reponite: Quicquid ergo, inquit Augustinus, hic accidit contra voluntatem nostram, noueris non accidere nisi de voluntate Dei, de providentia ipsius, de ordine ipsius, de nutu ipsius, de legibus ipsius: & si nos non intelligimus quid quare fiat, demus hoc ipsius providentiæ, quia non fit sine causa. *b* Hoc ipsum, idem beatissimus pater, diuinus scriptor confirmans. Nos, inquit, diuina providentia admonet, non res insipienter vituperare, sed vtilitatem rerum diligenter inquirere, & vbi nostrum ingenium vel infirmitas deficit, ita credere occultam, sicut erant quædam quæ vix potuimus inuenire, quia & ipsa vtilitatis occultatio, aut humilitatis exercitatio est, aut elationis attritio. *c* Et vt res pateat ab exemplis: Quis, inquit, disposuit membra pulicis & culicis, vt habeant ordinem suum, habeant vitam suam, habeant motum suum? Vnam bestiolam breuem, minutissimam considera quam volueris. Si consideres ordinem membrorum ipsius, & animationem vitæ quæ mouetur, pro se fugit mortem, amat vitam, appetit voluptates, deuocat molestias, exerit sensus diuersos, viget in motu congruo sibi. Quis dedit aculeum culici quo sanguinem sugat? quam tenuis fistula est qua sorbet? quis disposuit ista, quis fecit ista? Expauescis in minimis, lauda Magnum. *d* Ita iudicem Deum time, muneratorem spera, nec alium; ita humanis omnibus celsior in solo Deo fiduciam pone, certus nec fallere ipsum posse, nec velle. Nullus sperauit in Domino, & confusus est. *e* Beati omnes qui confidunt in eo. *f*

*a Aug. tom 8 in Ps 145. medio fere.*

*b Aug. in Ps 148. post med.*

*c Aug. l. 11. de ciu. Dei c. 22. post init.*

*d Aug. in Ps 148. post med.*

*e Ecclesi. ca. 2. v. 11.*

*f Ps 2. v. 13.*

**M**iseri nos, quā tenuem de Deo notitiam habemus! vix per rimulam aliquid diuini luminis haurimus. Hoc scimus, Deum esse Summum Bonum, & quidem tam immensè summum, vt nil penitus vel petere liceat, vel optare, quod ab hoc tanto Bono non possimus impetrare; certe suo tempore consecuturi omnia, modo tantisper non cadamus animo, sed maxima in Deum fiducia erecti, sciamus prætolari cum silentio salutare Dei. *a* Gemma gratissima, expectatio prætolantis quocunque se vertit, prudenter intelligit. *b* Bonus est Dominus sperantibus in eum animæ quærenti illum. In quo autem hæc fiducia in Deum præcipue consistat, nunc porro videbimus.

*a Thren. c. 3. v. 25. & 26.*

*b Prou. c. 17. v. 8.*

§. I.

**S**pem quidem hoc superat Fiducia, quod Fiducia non qualiscunque spes sit, sed robustissima & perfecta. Clare id discriminis notans Seneca: De te, inquit, spem habeo, nondum fiduciam. *a* Hæc in Deum fiducia omnes hominis actiones complectatur necesse est, nam in omnibus omnino rebus, maximis, minimis, & omnibus vitæ momentis, Deo quam sincerissime fidendum est, cum suis nunquam defuturum.

Rex David gymnasium instituit palæstricum, & præcepit vt docerent filios Iudæ arcum, sicut scriptum est in libro iustorum, *b* Hanc institutionem Ionathas regius iuuenis præuertit docilitate, tã enim certus erat dirigendo arcu, vt hoc laudis ferret ab amantissimo sui Davide: *Sagitta Ionathæ nunquam rediit retrorsum*, neque enim leniter ferire, aut superficiem radere, sed ipsa penetrare arma hostium solebant tela Ionathæ. Fiducia in Deum talis est arcus, cor Dei & tangit, & penetrat iaculis suis nunquam aberrantibus. Ex omnibus autem Israelis & Iudæ regibus (erant triginta nouem vniuerse) quotnam illorum hoc assequi poterant? *Tres aut quatuor è*



toto numero, Dauid, Ezechias, & Iosias, quibus & Iosaphat accenseri posset, modo impia sacrificia in montibus aboleuisset. Horum certe regum cor cum Deo perfectum erat, & maxima in Deum fiducia semper plenissimum.

Cum ingens Moabitarum & Ammonitarum exercitus regi Iosaphato immineret, & ille viribus nequaquam par esset hosti, ingenti fiducia totum se contulit ad rogandum Dominum. Et lamque prolixius precatus, preclarissimam hanc clausulam adiecit? Cum ignoremus quid agere debeamus, hoc solum habemus residui, ut oculos nostros dirigamus ad te. Hic Iahaziel diuino afflatu estuans, proclamat e turba: Attendite omnis Iuda, & qui habitatis Ierusalem, & tu rex Iosaphat: Hæc dicit Dominus vobis, Nolite timere, nec pauereis hanc multitudinem, non enim est vestra pugna, sed Dei. Non eritis vos qui dimicabitis, sed tantummodo confidenter stete & videbitis auxilium Domini super vos. His vocibus mire animatus rex Iosaphat, exercitum duxit in hostem, ne vero suis miles ad tantæ multitudinis occursum trepidaret, instat strenuissimi ducis omnium animos oratione præmunens: Audite me viri Iuda, inquit, credite in Domino Deo vestro, & securi eritis. Et mox, contra quam fieri solet in prælio, statuit cantores Domini, ut laudarent cum in turmis suis, & antecederent, ac voce consona dicerent, Confitemini Domino, quoniam in æternum misericordiacius. En regem cum milite in aciem, velut Episcopum cum suis sacerdotibus ad templum prodeuntem. Res plane insolens, & ridicula in bellis, imbellem cantantium turmam in fronte agminis collocare. Sed adfuit Deus Iosaphato, tanta Dei fiducia pugnaturus. Cumque cœpissent non milites tela iacere, sed cantores sacra carmina canere, hostes in seipsos versi, mutuis sese vulneribus conciderunt. Porro Iosaphati exercitus cum progrediretur, omnem campum cadaueribus stratum reperit, nec supererat cui necem liceret effugere. In tanta vero cadaverum strage, spolia inuenta sunt tam opima & copiosa, ut asportandis ijs nec triduum quidem suffecerit. En, quid possit sincera in Deum fiducia, rerum omnium potens, inexpugnabilis.

a Senec. epist. 10.

b 2. Reg. c. 1. v. 8. & 22.

c 2. Par. c. 20. v. 3. 12. & 20.

## §. II.

ET quānis in actionibus planè omnibus, ut dixi, fiducia in Deū sit necessaria, maxime tamen cum aut preces fundendæ, aut res aduersæ sunt perferendæ. Istud sequenti capite, illud nunc examinabimus.

Et de precibus quidem disserens Bernardus, ait multorum orationem aut esse timidam, aut tepidam, aut temerariam. Timida quidem oratio, inquit, cælum non penetrat, quia restringit animum timor immoderatus, ut oratio, non dicam, non ascendere, sed nec procedere queat. Tepida vero in ascensu languescit & deficit, eo quod non habeat vigorem. Nam temeraria ascendit, sed resistit resistitur enim ei; nec tantū non obtinet gratiam, sed & meretur offensam. Quæ vero fidelis & humilis, & feruens oratio fuerit, cælum sine dubio penetrabit: unde certum est quod vacua redire non poterit. a Ante omnia oratio necesse est, fidelis sit, Quam multi antequam incipiant orare, incipiunt desperare: non me audiet Deus, non impetrabo quod petam, frustra clamabo. O Legatum miserum! vix domo prodit. & corruit, fiducia defectu. Quo modo autē fiducia in precibus erga Deū sit erigenda, Christus nos instruens: Iudex erat in ciuitate, inquit, qui Deum non timebat & hominem non reuerbatur. b Sed & vidua erat in eadem ciuitate, quæ assiduè precibus vindicari cupiebat ab aduersario. At iudex longissimam moram interponebat, improbus eunctor demum importunitate viduæ tam constante victus, controuersiam diiudicauit. En robustam prorsus & contumacem spem, quæ viduæ illi assiduè hoc instillabat: hodie tibi ius dicitur; ubi spes hodierna decellasset, crastina monebat: cras hoc fiet, aut perempte; hæc hebdomade, hoc mense, hoc certe anno sententia dicitur. Vicit demum perseuerans fiducia, quam Christus in argumentum trahit hoc modo: Si tantarum est virium oratio apud improbissimum quemque, quantarum erit apud ipsam Misericordiam? Mens nostra velut vidua, aduersarios numerat quam plurimos. Quid ergo moratur? quin acquiescimus.



simum iudicem appeller, & omnem illi causam integerrima fiducia deleget? Deus non faciet vindictam electorum suorum clamantium ad se die ac nocte, & patientiam habebit in illis? *c* Sanctissimus Rex David hoc vnice commendans: Reucla, inquit, Domino viam tuam, & spera in eo, & ipse faciet. *d* Quid trepidas, quid diffidis, pauidissime mortaliū? Aliquis te maledictis figit, aut iniurijs afficit? Deo id querere, *e* *ipse faciet*. Tua tibi caro iniqua est? Deo supplica, *e* *ipse faciet*. Varios tibi arietes cacodamon admovent? Deum in auxilium inuoca, *e* *ipse faciet*. Quicquid agas, spera in Deo, *e* *ipse faciet*.

*a* Bern. in quadrag. serm. 4. de orat. *e* *ieiunio* sine.

*b* Luc. 6. 18. v. 2.

*c* Ibid. v. 7.

*d* Ps. 36. v. 5.

## S. III.

**E**T ō exigua fidei homo, nunquid oblitus es, quid in hanc rem Christus commemoret. Si quis amicorum ad amicum venerit intempestæ noctis medio, & hospiti suo tres panes petierit: At ille iam somno sepultus variè coeperit tergiversari, & demum aperte negare postulata, non possum surgere, & dare tibi. Si vero alter, & fores pulsando, & panes postulando perseuerarit, iste demum non familiaritate, sed importunitate compulsus, dabit illi quotquot petiuerit panes. Et ego dico vobis, inquit Christus, Petite & dabitur vobis: quærite & inuenietis; pulsate & aperietur vobis. Omnis enim qui petit, accipit: & qui quærit, inuenit: & pulsanti aperietur. *a* Nil gratius Deo; quam vt se tanta fiducia, quanta amicus amicum, appellemus. Neque vero vllus hominum intempestiue vnquam Deū appellabit. Videte medicum pro numulo simplo, aut panis frustillo, patientissime vel ante ædes expectantem, aut post transuolantes quadrigas currentem.

*Blanda que deuexa iactantem basia rbeda. b*

Quid par est nos facere, cum liberalitatem ditissimi regis obsecramus, an non patientissima fiducia hic opus; Ille Apostolorum Charissimus, Ioannes: Et hæc est, inquit, fiducia quam habemus ad Deum; quia quodcunque petierimus secundum voluntatem eius, audit

nos. Et scimus quia audit nos, quicquid petierimus. *c* Quis parens filiolo pro pane silicè, pro pisce serpentem, pro ovo porrigit scorpionem? Si ergo vos, inquit Christus, cū sitis mali, nostis bona data dare filiis vestris: quanto magis Pater vester de cælo, dabit spiritum bonum petentibus se. *d* Hoc tamen sapissime fit, vt nos ipsi nobis non panem sed lapidem, non pisces sed anguem imperitissime rogemus. Nam quid oremus, sicut oportet, nescimus; *e* & cum Deus nostram nobis negat perniciem, indignamur optimo parenti, & nostras preces non admitti murmuremus frementes. O fatui! An non parètes sapius pomum aut pirum negant filiolo, cui aliquot millium florenorum hæreditas minime negabitur? Tarsensis Paulus carnis stimulum deprecatus, rem se petere putabat æquissimam, at precibus Deus nō annuit. Hoc quotiescunque fit, liquere nobis debet, aut e re nostra non esse, petita concedi, aut ea rectè differri, tempore longe opportuniore concedenda, & vt interim Deum fiducia constantiore propitiemus. Creberrime non exaudit Deus ad voluntatem, sed exaudit ad salutem, inquit, Iudorus. *f* Nescire non potest æterna Providentia, quid nobis potissimum conducatur; nec potest æterna benignitas non velle concedere, quod nobis cognouerit expedire. Ipsa autem optime nouit tempus quo cuique debeat succurrere. Ideo nil vnquā à Deo petendum; sine maxima voluntatis subiectione, seu, resignatione; *Quia quodcunque petierimus secundum voluntatem eius, audit nos*. Idcirco in omnibus omnino precibus, illud Domini pro clausula vsurpandum: Veruntamen non mea, ō Deus, sed tua voluntas fiat. Quod si obstinare quippiam à Deo extorquere contendamus, verendum, ne quod vt optimus pater negauit, vt rigidus iudex permittat in nostrum malum, & oratio fiat in peccatum. *g* Hoc nobis longe sit certissimum, nullæ preces cum debita voluntatis resignatione oblatas, esse irritas, nullas omnino, nullas; aut enim quod petitur, aut melius quid impetrabitur. Et hoc est quod precantis fiduciam mirifice accendat, *Quia quodcunque petierimus secundum voluntatem eius, audit nos*.

*a* Luc. c. 11. v. 5. *e* *seqq.*

*b* Iohann. sat. 4. vers. 118.

*c* I. Iohann.



c. 1. Ioan. c. 3. v. 14.

d. Luc. c. 11. v. 14.

e. Rom. c. 8. v. 26.

f. 1. id. in sent.

a. Sen. l. de pron. c. 4.

b. Rom. c. 8. v. 26.

## S. I.

## CAPVT III.

*Qua ratione in aduersis firmanda, & erigenda  
sit ad Deum Fides.*

**G**ubernatorem in tempestate in acie militem, in arena pugilem intelligas. Nemo sciet quid possis, ne tu quidem ipse, nisi varijs ærumnis exercearis. Opus est ad notitiam sui, experimento. Quid quisque posset, nisi tenendo non didicit. Itaque quidam vltro se cessantibus malis obrulerunt, & virtuti in obsecrum ituræ occasionem, per quam enitescerent, quæsierunt. Gaudent, inquam, magni viri aliquando rebus aduersis, non aliter quam fortes milites bellis. Auida est periculi virtus, & quo tendat, nō quid passura sit cogitat: quoniam & quod passura est, gloriæ pars est. His Deus consulit, quos esse quàm honestissimos cupit, quoties illis materiam præbet aliquid animosè fortiterque faciendi: ad quam rem opus est aliqua rerum difficultate. *¶* Unde possum scire quantum in Fiducia erga Deum profeceris, si cuncta succedant ad votum? Unde possum scire, quantum aduersus pauperatē tibi animi sit, si diuitijs diffuis? Unde possum scire, quantum aduersus ignominiam & infamiam odiumque populare constantiæ habeas, si inter plausus senescis; si vitam sine aduersario transis? Sanè ad notitiam sui opus est experimento. Non est artis inter prospera dicere: Dominus firmamentum meum &c. Si tunc primum dicat mendiculus: *Iam bene spero, hac hebdomade non moriar fame.* cum turgentem habet panibus saccum, nullius spei hominem se prodit. Spes quæ videtur, non est spes, nam quod videt quis, quid sperat? Si autem quod non videmus, speramus: per patientiam expectamus. *¶* Ergo tunc maxime Fiducia nostra enitescit, cum fluens sanguis vulnera ostendit, cum fluctus nauiculam insiliunt, cum aduersis cingimur, hic locus, hic tempus Fiduciæ. Qua vero ratione inter aduersa potissimum sit exercenda fiducia iam dicemus.

**D**Vo hic in fundamentum ponenda. Primum: Hoc probè sciamus, miseriarum & calamitatum vbique & in omni vitæ genere plurimum esse, neque vero aliter hanc vitam constare. Christus prædixit: In mundo pressuram habebitis, sed confidite, ego vici Mundum. *¶* Omnes qui pie volunt vivere in Christo, persecutionem patientur. *¶*

Alterum: Sciamus & hoc quod Paulus asseruat: Fidelis Deus est qui non patietur vos tentari supra id quod potestis, sed faciet etiam cum tentatione prouentum, vt possitis sustinere.

Iacto duplici hoc fundamento, primus venit Cyprianus, & qui fiduciam doceat in aduersis hoc modo: Deliquit in te famulus tuus, colaphos aut fustes meritis, Tu hominem leni brachio vix tangis, cum ille mox furere, seruitium renuntiare, ab ædibus excurrere, & aduersario tuo nescio quantas iniurias queri. Si ego huic tali homini patrocinari velim, an molles apud te aditus reperiam? Sanè hic famulus non vna re grauissimè offendit: Castigari meruit, & quidem seuerius, at ille correctori contumax profugit domo, quod capitalis noxa; quod si amicos quaesisset deprecatores, videri potuisset furere cum ratione; at vero profugere ad hostes, & apud illos innumeras in dominum querelas euomere hoc demum facinus est nimis capitale.

Agnosce, mi Christiane, sub hoc serui schemate teipsum. Si tu à Deo puniaris, & quidem longè remissius (quod Dei proprium est) quàm sis meritis, cur detrectas poenam persolvere, cur improbas has voces spargis? Ergo audebo aliquid Cyaris & carcere dignum; ergo me vino obruam, vt ærumnas obliuione sepeliā: cur meus ipse sim carnis fex, cur non subinde genio indulgeam, tot malis à Deo pressus? Hoc est, mi homo, ad hostes profugere, quin tu potius Dei amicos adis, & ab illorum patrocinio veniam speras? Fide Deo, & de integro incipe bonum te famulum præbere. Vbi Fiducia in Deum, ibi voluntas conuincta Deo. Turpissimum est cum Dominus

X X X

IAM



ram bonus punire vult seruum tam malum, hic tamen dicere aude: Nolo puniri; poenam non merui, aut certe non merui tam grauem. Apage has voces: Confide in Deo. & mane in loco tuo. Hieronymus ad hanc fiduciam extimulans: Multa sunt, inquit, praestigie & innumerabiles laquei: at nos dicamus. Si ambulauero in medio umbræ mortis, non timebo, quia tu mecum es: si consistant aduersum me castra (omnium ex Orco diabolorum) non timebit cor meum, si exurgat aduersum me praelium (omnium in Orbe impiorum hominum) in hoc ego sperabo. Quod si dæmonum multitudo te turbauerit, & ad singula victorum cæperis æstare, & dixerit tibi cogitatio tua; quid faciemus: respondebit tibi Elifæus? Noli timere, quia plures nobiscum sunt. d. Præclare Ambrosius: Ibi plus est, inquit, auxilij, ubi plus est periculi, quia Deus adiutor est in opportunitatibus, in tribulatione. e. Deus est qui petram mutauit in cellam, & mellariam, & oleariam, vt Israelis populus fugeret mel de petra, oleumq; de saxo durissimo; f. tot centena millia hominum fonte limpidissimo illic refecit, ubi nec pascerculus reperisset, quod ipsius siti fuisset satis, Deus elatos habet famulos tamque celeres, veteriam ventos præuertant, has suis mittit suppetias, Quin ergo fiduciam habemus in Domino, ex toto corde nostro, Dominus nobiscum est. At nobis nihilominus saepe animus esset querere, quod ex Angelo quæsiuit Gedeon: Obsecro mi Domine, si Dominus nobiscum est, cur apprehenderunt nos hæc omnia? ubi sunt mirabilia eius? De Dei in nos Prouidentia mira narrantur; iubemur Deo rebus in omnibus fidere, interim varijs calamitatum fluctibus huc illuc miserè raptamur: si Dominus nobiscum est, quomodo tot constamur incommodis, tot oneratur malis? Ad quæstionem hanc aptè responderit Bernardus.

a Ioan. c. 16. v. 33.

b 2. Tim. c. 2. v. 12.

c Cypr. orat. 3. contra Iudeos.

d Hier. ad Fabiolam de 42. mans.

e Ambr. l. de Ioseph. c. 3.

f Deuter. 32. v. 13.

Bernardus, inquam, abbatem sancti Nicasijob Drogonis è cœnobio discessum solaturus: Non ergo, ait, hæc te tam horrenda demergat tempestas aquarum &c. sollicitè studeat humilis prudentia tua non vinci à malo, sed vincere in bono malo. Vinces autem, spem tuam in Deo fortiter figendo, & re finem longanimitè expectando: Bonum est tibi humiliari sub potenti manu Dei, & nequaquam velle resistere supernæ dispositioni. a. Diabolus sanè fremat læcet & sæuiat nemini nocet iniussu diuino, nam nec porcos quidem audeat tangere, nisi annuente Christo. b. Quomodo igitur inuadet te, tangeret te, exagitabit te, si Christus non annuat? Quid ergo timeamus Cerberum catena vinctum, nec ulli periculosum, nisi propius accedenti?

Sed audio non neminem dicentem: Nunquam mihi ad inferos deiectus videor, ita variè crucior. Sed num ideo, mi Christiane, fiducia excidas? Ne crede te solum talia sentire: Ad hos inferos deueniunt plures, sed inde salui remeant. Vir integerrimæ vitæ Tobias, his etiam inferis mensus: Quoniam, inquit, tu flagellas & saluas: deducis ad inferos, & reducis: & non est qui effugiat manum tuam. c.

Vt Apostoli de seipsis suaque fiducia experimentum caperent, in nauim eos secum deduxit Christus, deditque licentiam ventis concitandi mare turbidum. Inter has procellas discipuli iam pæne medio mari natate se rati, & quod deterrimum videbatur: ipse vero dormiebat. d. exclamant igitur: Domine, salua nos, perimus. Hic Christus: Quid timidi estis modicæ fidei? Quid tanto percellimini timore? Vbi vestra in me fiducia? Quid refert si dormiat homo, modo pro vobis vigilet Deus, qui nunquam dormitat.

Hinc certè liquet, Fiduciam in Deum nusquam enitescere magis, quam in medijs periculis, aut cum omnia sunt turbatissima. Inter quos turbines Iobus, & inter quas ruinas, ipse tamen erectissimus, stabat: Hostes omne pecus abegerunt, quicquid superat hosti, absumpsit ignis caelo delapsus, omnes liberos voca ruina sepeliuit: ipse Iobus non vlcerosus, sed iam vnum poenæ vlcus, cognatus



gnatorum & coniugis etiam lingua miserè laceratus, omnia perdidit, præterquam generosissimam in Deum Fiduciam. Siquidem iam ad fimeum adegatus, inter ebullientes vndique vermiculos, defluentem sanie non linteolo, sed testula excipiens, nihilominus velut triumphans athleta vociferatur: Et ipse erit saluator meus. Luctuosissimam hanc tempestatem grande serenum, & tranquillitas excepit lætissima. O quoties.

*Flebile principium melior fortuna secuta est.* Si quem igitur calamitas feriat, fiduciam ille in Deum augeat. Quid enim, obsecro, mi homo, agis cum te subitus imber opprimit? in vrbe tectum, credo, subis, deprehensus in campo, patulam circumspicis arborem, quam nubem defendas. En tibi tectum, en arborem, en asylum securissimum, Fiduciam in Deum: nec vnquam tam opportunum esse potest in solitudine hospitium, in imbre tectum, in frigore ignis aut balneum, atque tibi erit in omnibus aduersis, Fiducia in Vniuersi Dominam, quæcumque demum in te ruant procellæ, tutissimus stabis sub hoc imbricato tecto. Fide Deo, & vti nautæ omnia ad nauigandum comparant, ventum à Deo præstolantur, ita tu officio tuo non desis, cetera curabit Deus: tu propositiones pone, conclusionem Deo relinque; fac antecedens, consequentiam faciet Deus. Si videris quod corrigi non potest, tolera, & cum patrefamilias messem expecta, Fide Deo.

a Bern. epist. 32.

b Luc. c. 8. v. 33.

c Tob. c. 13. v. 2.

d Matth. c. 8. v. 24.

e Iob. c. 13. v. 15.

f Ouid. l. 7. metamorph.

## S. III.

**A**T dicas: Grandius hoc malum est quam putetur; non à malis solum, sed & ab ijs qui probi censentur, exagitari; hoc vr̃it & vexat. Nil noui hoc est, mi homo, iam Apostolorum quo commune hoc & peruagatum vitium erat, fictumque ius producere, Fraudem ætelum Iustitiæ aptare; nec inusitatum quid, ab amicis, à cognatis, ab ijs iniurias accipere quibus plurimum benefeceris;

*non hospes ab hospite tutus,  
Non socer à genero, fratrum quoque gratia  
rara est:*

*Imminet exitio vir coniugis, illa mariti.*

Hoc iam amplius est: beneficia in scelus vertuntur; & sanguini eorum non parcitur, pro quibus sanguis fundendus est. Dauidem regem non tantum Achitophel, qui ei à consilijs fuit, neque tantum Saul socer, sed & Absalon filius extremè persecutus est. Et Christus à quibus occisus est: non tantum ab impijs idololatri, sed & à charissimo populo. His plagatus sum in domo eorum qui diligebant me. Imò verò quid à suismet discipulis iniuriarum non accepit Christus? Iscariotes, cui paucis antè horis, & pedes lauit, & corpus suum in edulium dedit, hūc suum Dominum ingratis quæstor vendidit, amantissimus Petrus hunc ipsum negauit, deseruerunt ceteri quid miramur? Inimici hominis domestici eius. Sed qui Deo fidet, hæc omnia facili negotio vincit. Sed quæras, quomodo hæc Fiducia ad Deum in aduersis erigenda? En tibi sex documenta compendio.

Primum. Cum tibi malè est, quam primū & eo statim momento ad Deum te verte, & illi querere quicquid dolet. Hic plerique omnes grauiter erramus, cum nos vrgent aduersa complurium aures querelis innumeris oplemus, omnium postremus Deus, cuius opem imploramus, ordine prorsus prepostero. Longè aliter rex David: Leuaui, inquit, oculos meos in montes, vnde veniet auxilium mihi: auxilium meum à Domino d. Qui hoc non facit principio cuiusque mali, ab ira, dolore, iniuriâ sic occupatur, vt sui fiat impos. Quam primum ergo commotum te sentis, dic: Domine, quid me vis facere? & respondebit tibi diuinæ Voluntatis interpres: Expecta Dominum, viriliter age, & confortetur cor tuum, & sustine Dominum. e Malignas cogitationes, quantum potes coercere, & hoc assidue cogita: Domine quid me vis facere.

Alterum. Tace, & saltem os ac linguam cõtine, si mi nus potes animum; A rege sapientissimo hoc consilium accipe: Dixit, ait, custodiam vias meas vt nō delinquam in lingua mea. Posui ori meo custodiam, cum consisteret peccator aduersum me: Obmutui & humiliatus sum, & silui à bonis. f Ergo tace, nam

XXXX 2

si inter



si inter arumnas aut iniurias frenum permissis linguæ, certo scias in præceptis te trahendum; vix incipies loqui, & offendes. Ergo tace præsertim de tuis aduersariis. Non potes de ijs loqui bene? saltem ne loquaris male. Tua te conscientia soletur, & æquissimus iudex Deus, cuius oculos nec aduersarij tui, nec eorum machinationes exire possunt. Deo fide & sile.

Tertium. Vbi ad Deum te verteris, & tacere cœperis, tunc totus in diuinæ Voluntatis ius concede; diuinæ Voluntati te totum quam arctissime adstringe, & deuoue. Sed & gratias Deo age, quod dignum te iudicer, qui patiaris innocens, aut si nocens patientia tamen repares innocentiam. In hoc diuinæ Voluntatis amplexu, homo Deum velut brachijs stringat, dicatque quod Iacob cum Angelo luctatus: Non dimittam te, nisi benedixeris mihi g

Si nauis periclitante in aquis, duo aliqui terrore vicini periculi ita sese complectantur, vt alter alterum brachijs implicet, necessarium prorsus est vt vnâ pereant, si pereat nauis, quo enim periculum est maius eo arctior inter hos duos sit nexus: Sic omnino Voluntatis diuinæ & vnâ Deus amplexandus est; vt insolubili nexu Deo inhaereat homo, dicatque: Non dimittam te, ô mi Deus, sub ipsas mecum aquas te traham, vnâ mergendi sumus, in ipsis te fluctibus circumplectar, tantopulus consilij tibi, quanto minus mihi.

a Ouid. l. 1. metamorph. initio.

b Zach. c. 13. v. 6.

c Mich. c. 2. v. 6. & Matth. c. 10. v. 36.

d Ps. 120. v. 1. & 2.

e Ps. 26. v. 14.

f Ps. 38. v. 1. 2. 3.

g Gen. c. 22. v. 26.

#### §. IV.

Quartum. Vbi tempestas pondus nihil mitigarit, ad preces te compone. Matrem Domini, sanctosque Angelos ad causâ tuâ patrocinium inuita, ijsque omne negotium tuum commenda, nec id semel iterumque fecisse satis est compluribus diebus, annis & lustis, si res illud exigit, idem factura, nec cessa dum pugnum, quem tibi Deus, velut vir robustissimus, compressis digitis clausum ostendit,

fiducia grandi & obsecratione constanti explices. Rex Ezechias, cum impias Sennacheribi literas accepisset, *Ascendit in domum Domini, & expandit eas coram Domino, & orauit.* a Illud autem pectore & ore assidue versabat Ezechias? *In Domino Deo nostro habemus fiduciam.* b Expande & tu, quisquis affigeris, tuas etiam literas coram Deo, & quidquid querelarum habes, apud hunc æquissimum iudicem, & benignissimū patrem depone. Si vero quod petis, non impetres, arcanissima Dei iudicia & certissimam ab æterno providentiâ suspice, eique te totum permitte. Fecisti quod in te erat, cetera curabit bonus Deus.

Quintum. Vt consilio prudentis ac probi viri. Siracides monens: Fili, ait, sine consilio nihil facias, & post factum nō pœnitebis. c Summopere etiam caue ne tuos affectus, tuumque impetum sequaris. Perdidisti mansuetudinem, perdidisti patientiam omnem, si consiliarios admittis. Affectum & Impetum, consiliarios sanè pessimos. Deus hanc relam, quam miraris, orsus est, & ipse omnium optime nouit, qua ratione illa sit pertexenda. Quod si tu importunè interuenias, illudque ingemines:

*Hec volo, sic iubeo, sit pro ratione voluntas.* d

Suauiſſimam Dei dispositionem, quantum in te turbabis, & ideo euentus malos nemini, præterquam tibi adscribes. Omne nobis malum ex eo est, quod Barcuh ingemiscēs. Non credidimus, inquit, diffidentes in eum & non fuimus subiectibiles illi, & non audiui-mus vocem Domini Dei nostri, vt ambulare-mus in mandatis eius. e Idcirco habere fiduciam in Deo, tâto enim eris ab omni hoste securior, quanto fiducia tua in Deum fuerit robustior.

Sextum. Quod si adhibita omni diligentia nihil succedat è voto, ne indignationem in Deum, nec in vllam rem creatam conuertas, hoc potius cogitato, scire Deum ad vnguem omnia, quæ passus aut passurus es, eumque velle, hæc etic constantiæ tuæ experimenta. Ea de causâ, quicquid Deo, hoc omne & tibi quoque placeat. Nam verè, Beati sumus Israel, quia quæ Deo placent, manifesta sunt nobis f

Nemo dicat: Vt video, frustra laboro? Petiui quippiam à Deo, magna in Deum fiducia, magna in diuinam Voluntatem resignatione, sed ni-



sed nihil impetro. Quid enim nouit Deus, & quasi per caliginem iudicat, nubes latibulum eius, nec nostra considerat, & circa cardines caeli perambulat. g Impiorum hæc cantilena est: Nullo modo frustra sit, quicquid bene fit. Num Deus vnâ solummodo arcam arariam habet, ita vt qui ex ea nil doni accipit, nil speret ex alia? Fatui ingenij seruus est, qui cum Dominum suum habet debitorem, monetam aliam quam sestertios recusat admittere. Quid si Dominus moneta aurea, quid si frumento selectissimo nomen velit expedire, num seruus oblitinâre clamer: sestertios volo sestertios. Ita qui non impetrat à Deo quod togar, certissimus sciat, non frustra se rogasse, impetraturum certo alia, & meliora.

a 4. Reg. c. 19. v. 14.

b 4. Reg. c. 19. v. 14.

c Eccl. c. 32. v. 2.

d Iuuenal. Sat. 6. v. 222.

e Baruc. c. 1. v. 17 & 19.

f Baruc. c. 4. v. 4.

g Iob. c. 22. v. 13. 14. 15.

## S. V.

**Q**uod si Deus ferire nō cesset filios, eosque alijs atque alijs calamitatibus exerceat, facit is quod optimus quisque pater materque faciunt. Parentes cum liberos virgis castigant, subinde post vnâ alteramve plagulam querere solent: Vis culpam non repetere? si cessas taceat, pergit pater cadere: si contumax puer necdum respondeat, verberare pater perseverat, identidem querens: Eho, vis culpam non repetere: idque vrget tamdiu, dum dicat filius: Volo culpam non repetere. Tum demum parens: Abi iam, inquit, & caue culpam hanc repetas. Ita & Deus punire nos solet, & querere: Vis meae Voluntati te plenè subijcere, in omnibus mihi fidere? Quia vero aut per uicaciter tacemus aut non serio respondemus, diuinæ voluntati obsecuturos, ideo Deus sæpe verbera continuat nec aliud expectat, quam vt animo dicamus: Volo, mi pater, volo Voluntati tue parere per omnia, quid me vis facere?

Eleganter Bernardus in hæc verba Domini quid me vis facere? ô verbum breue, sed plenū, sed viuū, sed efficax, sed dignum omni acceptione. Quam pauci inueniuntur in hac

perfecte obedientiæ forma, qui suam ita abiecerint voluntatem, vt ne ipsum quidem cor proprium habeant, vt non quid ipsi, sed quid Dominus velit, omni hora requirant, dicentes sine intermissione, Domine quid me vis facere? Heu plures habemus Euangelici illius cæci, quam noui Apostoli imitatores. Quid vis (ait Dominus ad eum illum) vt faciam tibi? Quanta miseratio tua, Domine, quanta dignatio tua? Siccine Dominus querit, vt serui faciat voluntatem? Verè cæcus ille quia non considerauit, non expauit, non exclamauit: Absit hoc Domine, tu magis dic, quid me facere velis. Sic enim decet, sic omnino dignum est, non meam à te, sed à me tuam queri & fieri voluntatem. Sic profecto, sic multorum vsque hodie pusillanimitas & peruersitas exigit, vt ab eis queri oporteat: Quid vis vt faciam tibi? non ipsi querunt: Domine quid me vis facere.

Hæc porro, de qua loquimur, Fiducia in Deum, diu non stabit, nisi eam Patientia sit met ac Perseuerantia. In templo Salomonis, duæ erant columnæ, quarum illa Iachim, hæc Booz dicta. His columnis duabus Patientia & Perseuerantia optimè conseruntur: his pilis fulcienda est Fiducia. Nimiam tristitiam reprimat Patientia: Perseuerantiæ non nimis longum est, quicquid tempore clauditur. His basibus attollens sese in Deum Fiducia, sicut mons Sion non commouebitur in æternum.

a Bernard. serm. 1. de conuers. S. Pauli, post med.

b Ps. 134. v. 1.

## CAPVT. IV.

Quanta in Deum Fiducia omnes Sancti fuerint.

**C**hristiani sanguinis vera nobilitas est, Deo in rebus arduis fidere, & illo sololiti. Hic animus nobilis & generosus, hic magnus & excelsus est, qui Deo tunc maximè fidit, cum maximam capit calamitatem. E stirpe hac nobilissima complures sanctissimi viri prodierunt.

XXXI 3



## S. I.

**T**acebo Abrahamum, qui Deo fretus, contra spem in spem credidit, qui in reprobatione Dei non hesitavit diffidentia, sed confortatus est fide, dans gloriam Deo plenissime sciens, quia quaecunque promissit, potens est & facere. a qui filium vnigenam diuinæ Voluntati mactare non recusauit, qui cum trecentis octodecim vernis quatuor reges aggressus vicit, summa in Deum fiducia. Tacebo & Iosephum Ægypti proregem, qui toties ad extremas deuolutus angustias, animo tamen non cecidit, erat enim cor eius fiduciam habens in Domino. Moses Deo nixus quæ prodigia non parauit? vniuersos Ægypti exercitus vno maris sepulchro clausit. In Amalecitano bello pro omni curuli tormento virgam habuit, sic enim Imperatorē affatus Elige viros, inquit, & pugna contra Amalec; ego stabo in vertice collis, habens virgam Dei in manu mea. b Obstupefendum! Moses, stans velut spectator otiosus, totos prostermit exercitus, Moysi Panoplia fuit Dei virga, & in Deum Fiducia. At vero Iosue dux belli, incredibili prorsus fiducia pollens ausus est imperare soli, ac dicere: Sol contra Gabaon ne mouearis, Stetit itaque sol in medio cæli, & non festinauit occumbere spatio vnus diei. Non fuit antea & postea tam longa dies, obediēte Domino voci hominis, & pugnante pro Israël. c Ita breuioribus Palæstine reges expugnati. Quid hoc aliud, quam eos omnes, qui in alios habent imperium, monere vt fiduciam locent in solo Deo qui animos hominum versat, iubetque summa ima medio cursu sistere. Quid de Calebō memorem, qui tantę fuit in Deum fiducię, vt tot centenis hominum milibus varie tumultuantibus, vnus ille animosē obsistens proclamaret: Nolite rebelles esse contra Dominum; neque timeatis populum terrę huius, quia sicut panem, ita eos possumus deuorare, recessit ab eis omne præsidium: Dominus nobiscum est, nolite metuere. d Et quātā in Deū fiducię fuit Gedeō, ad trituram potius quam ad malitiam educatus, qui cum trecentis viris tot hostium millia & inuadere est ausus, & vincere. e

Porro rex Ezechias ingenti plenus fiducia non tantum quindecim annos vitę suę aucta-

rium impetravit, sed & in huius rei testimonium, Solis vmbra per decem lineas reuocauit. Sicut autē Iosue Solē stetit, ita Ezechias solem retroegit itinere prorsus immenso. Nimirum animus Deo fidens, Deum impellit, vt Orbem turbet, & naturas mutet. Sed num hoc tum grande prodigium est decem lineis reduci solem? rem paucis aperiam. Si Ptolemæo, credimus, sol in equinoctio vna hora percurrit 36523. hoc est, trecenta sexaginta quinque millia, ducenta viginti tria milliaria Belgica, siue leucas, quarum singulæ horam vnā exigunt. Sol ergo cum decem lineis, seu, quod idem, decem horis recessit, tres milliones, siue, tricies sexies cetera millia, quinquaginta duo millia, ducenta triginta milliaria confecit currendo. Miraculū inauditum! idem tamen tam facile fuit, ac si sol retraheretur funiculo. Et hoc Ezechias potuit fiducia, quæ Sennacheribo Hierosolymis imminente, prius cilicium quam lorica suasi induendum, quo armatus Ezechias primus ipse templum adiit, & populum ad preces & fiduciam concipiendam hortatus: Vigiliter agite, inquit, & confortamini: nolite timere, nec paueatis regem Assyriorum, & vniuersam multitudinem &c. Cum illo enim est brachium carneum: nobiscum Dominus Deus noster, qui auxiliator est noster pugnatque pro nobis. f En plenissimam fiducię abhorrorationem! Quis vero factum quod miser Sedecias nil simile patrarit, cum tamen, ei copiosior quam Ezechias miles fuerit? Hoc ipsum hunc regem perdidit? suis viribus plus æquo tribuit & perit, confidens super baculum arundineum confractum, cui si innixus fuerit homo, intrabit in manum eius, & perforabit eam. g

a Rom. c. 4. v. 18. b Exo. c. 17. v. 9.

c Jos. c. 10. v. 12. 13. 14.

d Num. c. 14. v. 9.

e Iudith. c. 2. v. 9.

f 1. Par. c. 32. v. 7. & 8.

g Is. c. 36. v. 6.

## S. II.

**E**N hoc etiam est quod optimū illum regem Asam perdidit. Triginta sex annis præclarissime se gessit Rex Asa, ob id Deo charissimus, demum collectam gratiam effudit omnem,



omnem, ob unam hanc noxam, quod humanis virtus fuisset confusus. Quamvis hoc Asa factum, si ad humanæ rationis amissum examinetur, videri possit minimè dampnandum, quid enim hoc mali? Regi Syria Benadalo submittit aurum, & eius rei rationem addens: Fædus inter me & te est, aiebat, pater quoque meus & pater tuus habuere concordiam: quâ obrem misi tibi argentum & aurum, ut rupto fœdere quod habes cum Baasa rege Israel, facias eum à me recedere. *a* Quid hic obsecro iniqui? Nihilominus Hanani propheta libere obiurgans Asam: Quia habuisti, ait, fiduciam in rege Syriæ, & non in Domino Deo tuo, idcirco euasit Syriæ regis exercitus de manu tua. Oculi enim Domini contemplantur vniuersam terram, & præbent fortitudinem his qui corde perfecto credunt in eum. Stulte igitur egisti, & propter hoc ex presenti tempore, aduersum te bella consurgunt. *b*

Idcirco Iobus: si vidi Solem, inquit, cum fulgeret, & Lunam incedentem clare, & lætatum est cor meum in abscondito, & osculatus sum manum meam ore meo. *c* Bona, inquit Gregorius, quæ fecit sic narrat, ut ea Deo adscribat. Nō solebat Iobus industriæ suæ gratulari, nec manus suas disuauari, neque enim in se suæque dominatione, sed in Deo fiduciam omnē collocabat. Ita Carolus V. Imperator Augustus vere Pius, vere Felix dicere solebat: Veni. Vidi, sed Vicit Deus.

Regem Hebronis David ad tantum sanctitatis fastigium euexit, summa in Deum fiducia hac ille virtute pollebat, si vllus mortaliū. Inspice psalmos, & mecum senties. Quam ille assidue, & ore & pectore versabat hæc talia: Dominus illuminatio mea & salus mea, quem timebo? Quoniam in te eripiar à tentatione.

Ionas in certi cauo delitescens, iamque vltima lineæ admotus, nihilominus tamen velut in tutissima naui preces concipere, nec vnquā aut vsquam melius fiduciæ virtutem exercere potuit. *Et orauit Ionas ad Dominū Deū suum.* Precibus & votis vbique locus est. Quid ergo precatus? *Circumdederunt me aquæ vsque ad animam*, inquit, *abyssus v. llaui me, pelagus operuit caput meum: Ierunt tamen rursus video templum sanctum tuum.* *d* En fiduciam

ingentem! Ita Daniel intet impastos leones, ita tres Hebræi iuuenes in Babylonis flammis plenas fiducia preces Deo allegarunt.

Tobias in hoc genere admirandus, facultates, & patriam, & oculorum vsum perdidit, egenus, & exul, & cæcus, fiduciam tamen retinuit tenacissime. Et licet tam cognati, quā vxor, & parētes ipsum iriderent, dicerētque: Vbi est spes tua pro quā elemosynas & sepulturas faciebas; manifeste vana facta est spes tua. Ipse tamen eos increpans: Nolite ita loqui, aiebat, quoniam filij Sanctorum sumus, & vitam illam expectamus, quam Deus daturus est his, qui fidem suam nunquam mutant ab eo. *e* Hæc ei fiducia, & facultates, & patriam, & oculorum vsum restituit, & præmium insuper contulit æternum.

Et quantus hac virtute Tarlensis Paulus, qui sapius seipsum quasi funerans; nihilominus: Scio, inquit, qui credidi, & certus sum quia potens est depositum meum seruare in illud diem. *f* Hac armatus fiducia nullum aut laborem, aut periculum horrebat, per saxa, per gladios, per tela, per ignes ruebat, ope diuina nixus & in Deo suo sapius ferreos etiam muros transgrediebat.

*a 2. Par. c. 16. v. 3.*

*b 1bid. v. 6.*

*c Iob. c. 31. v. 26. & 27.*

*d Iona c. 2. v. 2. & v. 6.*

*e Tob. c. 2. v. 18.*

*f 2. Tim. c. 1. v. 12.*

## §. III.

**I**nter feminas hac virtute admirabiliter excelluit Iuditha, facinus ausa inauditum. Cum enim consilium cepisset trucidandi Holofernis, precibus ardentissimis suam in Deum fiduciam accendens: Subueni, aiebat, quæso te Domine Deus meus mihi vidua. Tu enim fecisti priora, & illa post illa cogitasti. *a* & hoc factum est quod ipse voluisti. Omnes enim viæ tuæ paratæ sunt, & tua iudicia in tua providentia posuisti. Non in multitudine est virtus tua, Domine, neque in eorum viribus voluntas tua est, nec superbi ab initio placuerunt tibi, sed humilium & mansuetorum semper tibi placuit deprecatio. Deus eorum & c. exaudi me miseram deprecantem, & de



& de tua misericordia præsumentem. Ex eadem obstupescenda fiducia illud Holoferni respondit: Vivit anima tua, domine meus, quoniam non expendit omnia hæc ancilla tua, donec faciat Deus, in manu mea, hæc quæ cogitavi. Cūque iam ante lectum temulenti Holoferni staret lachrymas precesque silentio fundens: Confirma me, inquit, Domine Deus, ut hoc quod credens per te posse fieri cogitavi, perficiam. Perfecit felicissime, iamque Bethulæ portis recepta, in primas has voces erumpens: Laudate Dominum Deum nostrum, qui non deseruit sperantes in se. *b*

Hæc iure accensetur Susanna, nobilissimū & pudicitiz, & fiduciz specimen. Hæc cum ad capitis supplicium, & saxatiles nimbos iam duceretur; sensus suspexit ad cælum, erat enim cor eius fiduciam habens in Domino. *c* Nec frustra omnium calculo, Daniele iudice, omni crimine liberata est.

Hæc non inferior Esther, rem magnam aggressa, per hanc itidem in Deum fiduciam. Lex erat in Assueri aula, ut si quis ad regem ingrederetur non vocatus, morte id lueret, nisi rex virgam auream protendisset, in signū clemētis. Cum vero Estherem hinc Mardocheus assiduus precibus virgeret, ut regem adiret, illinc obstaret lex & terreret, hoc demum iniit consilij. Iudæi omnes iussi sunt triduū totum inter preces & ieiunia exigere: quod idem & Esther fecit cum suis virginibus. Triduo sic exacto, Regina fiduciam in Deum amplissimam concipiens, ingressa est ad regem pro sua gente deprecatura. Ex voto cesserunt omnia.

Si novæ legis sanctissimos quosque viros feminasque considerem, mira in Deum fiducia claruisse omnes reperio. Ex tot millibus unicum produxisse testem satis fuerit. Anno Christiano millesimo sexagesimo tertio, testibus, Bertholdo abbate Yrpergensis, & Desiderio abbate Cassinensi, litteris item civiū Florentinorum ad Alexandrum Pōtificem datis, Florentiæ graue ortum est dissidium inter populum, & vrbis Anstitem Simoniz accusatum. Plebs omnia sui Præsulis sacra execrabatur, hinc sine sacramentis obibant plurimi. Petrus Damianus dissidentes patres componere nitabatur, sed frustra. Demum pro illius aui morte iudicium commissum est igni, hoc modo.

Petrus monachus Ioannis Gualberti discipulus, vir modestissimus, & mira in Deum fiducia, ipsi Cineratibus peracta re divina, lineam sacerdotis vestem indutus, manu crucem præferens, nudis pedibus luculentū ignem per certa spatia extensum ingressurus, sic cœpit precari: Domine Iesv, misericordiam tuam imploro, ut si Petrus Florentinus Episcopus pecunia sedem occupavit: Tu mea salus in hoc tremendo iudicio, ad me adiuuandum festines, meque illæsum vestigijs non adustis conferues, sicut olim tres iuvenes in fornace Babylonica servasti. Dixit, & ignem illæsum transijt, iamque egressurus, stropholum transeunti sibi excidisse aduertens, animosè redijt, & illud sustulit. Hinc PETRVS IGNEVS est dictus. *d* Hic vir quamvis è nobilissima stirpe Aldobrandinorū oriundus, tam submissitamen & Deo fidentis animi fuit, ut præsidis sui Gualberti iussu pecoris custodem agere non recusavit. Sed quia virtus ab infimis solet eminere, à pecore Petrus, & à pedo ad tiam evocatus, Præpositum egit, post Abbatem; iude Episcopus, ab hoc Cardinalis electus est.

*a* Non quod in Dei cogitatione quam unicum æternitatis NVNC mittitur, sit prius & posteriores, sed quod res alijs alijs sint posteriores.

*b* Iudith c. 9. diuers. vers. c. 12. v. 4. & c. 33. v. 7. & 17.

*c* Dan c. 13. v. 35.

*d* Baronius. tom. II. ann. 1063.

#### S. IV.

Vniuersè de viris feminisque omnibus vite sanctimonia præcellentibus affirmari potest: Coreorum erat fiduciam habens in Domino. Singulare id fuit Chacharina Senēsi. Hæc licet verborū ceteroqui parcissima, cum autem de fiducia in Deum sermonem miscere cœpit, nullum pæne dicendi finem reperire, aut si alios de hac virtute disserētes audisset, nunquam satiari potuit audiendo, perditus & pernox steterat ad hos tales de fiducia sermones attentissima. Iure merito, nullus speravit in Domino & confusus est. *a*

Bernardus cum gravi morbo affictus, extremum iam pæne spiritum traheret, visus est sibi ad Dei tribunal stare. Adfuit autem &

Satan



Satan exaduerso, & virum improbis accusa-  
tionibus incurfauit. Vbi sua omnia executus  
fuit accusator, & iam Bernardo pro se dicen-  
dum esset, sic cepit perorare fiducia ingenti:  
Fateor, nec mihi nec meis actionibus debe-  
ri cælum, tanto premio indignissimus sum. At  
verò duplici iure Dominus meus id obtinuit,  
& Patris hereditate, & Crucis perpeffione;  
altero ipse contentus, alterum mihi donat.  
Ab hoc dono me quoque illius regni herede  
fore confido. Pudefacto ad hanc vocem ad-  
uersario, & conuentu soluto, Bernardus ad  
se redijt.

Hugo, Lincolniensis Præsul, vir integerrimus, nocte quadam grauibz curis infestatus,  
cum eas excutere non posset, turbati animo  
cepit. At primo manè ad se rediens, & altum  
ingemiscens: *Hem, inquebat, grauius deliqui,*  
*quod non vti hominem Christianum decet, om-*  
*nem curam super Dominum, iuxta propheta*  
*monita, iactauerim.*

Nec illud silentio inuoluendum. Dux Sa-  
xoniz Fridericus II. cognomento Placidus,  
Anno Christiano millesimo quadagesimo  
sexagesimo quarto obiit: Hic princeps ali-  
quot ante obitum annis, Friderico è Co-  
mitum stirpe Antistiti Magdeburgico litem,  
& ab ea bellum cepit mouere. Quod vt pru-  
dentius gereret, & cuncta caderent felicius,  
exploratore misit, qui de apparatu bellico  
& consilijs aduersæ partis cognosceret. Fa-  
ctum: exploratis omnibus renuntiatur est,  
nihil opportunum bello parari, sed nec mili-  
tem scribi: Antistitem præterea dixisse, caus-  
sam se commissurum Deo, qui pro seruo suo  
arma sumeret. Hoc vt Elector audiuit: A-  
lius, inquit, insaniat, & bellum inferat ei, qui  
confidit caussa superiorem se futurum Deo  
defensore. Laudandus Præsul, qui Dei pa-  
trocinio filius est: laudandus princeps qui po-  
sitis armis Deum veritus est aduersarium. *d*  
*a Eccli. c. 2. v. 11.*

*b Auctor vitæ Bern. l. 1. c. 13.*

*c Sur. in vita S. Hugonis.*

*d G. Fabr. histor. de Electoribus Saxoniæ.*

## S. V.

**E**lcearius Comes, notæ sanctitatis vir, ea  
in Deum fiducia pollebat, vt periculis  
omnibus iret excelsior, quod vel inde potest

liquere. Mari se commiserat Elcearius, Nea-  
poli cum familia tota Prouinciā reperiturus.  
Dum vela facit, infremit mare, ventis com-  
motum. Franguntur arbores, rumpuntur fur-  
nes, excutiuntur gubernacula, deferuntur remi,  
clamoribus incompofitis atque vlulati-  
bus omnia complentur: oculis mors præsen-  
tissima obseruabatur; qui in naui erant, spi-  
rare tantum, sperare nihil amplius: certè vul-  
tu omnes iam vmbra ac manes erant, nec iam  
aliud deesse videbatur, quam nauim sepeliri  
aquis. Solus Elcearius posita formidine con-  
stabat sibi; eadem illi serenitas, idem oris  
color, eadem mentis malacia. Nam dum ali-  
cum iratis fluctibus luctabantur, ille suauiter  
cū Deo agebat, & cælum fatigabat precibus.  
Interim venti posuere, maris ira detumuit,  
paullatim vox & sensus metu exanimatis re-  
diit. Tandem subducta in portū naui, nonnul-  
los è suis grauius inculcauit Elcearius, quod  
clamoribus & lachrymis satis ostendissent,  
perexigua sese fiducia in Deo niti, nimium-  
que à morte abhorrere. Scorsum autem  
Dalphina coniux interrogabat Elcearium,  
an ipse solus in tam præfenti periculo desisset  
esse homo, & mortem tam vicinā non  
timuisset? Cui ille? Totum me, inquit, diui-  
næ Voluntati tradidi, paratus, si saluis om-  
nibus, solus haurirer fluctibus. Hoc est, quod  
Hebræus Sapiens monuit: habe fiduciam in  
Domino, ex toto corde tuo. Porro qui hæc  
fiducia sunt vacui, humana tantum circum-  
spiciunt, omniaque humanis viribus me-  
tiuntur. Et ferè contingit vt hos in manu con-  
siliij sui destituat Deus hinc, illi frustra irrita-  
que conatu Magna expectant, & in misera spe  
languentem trahunt animam, & plerun-  
que infelici euentu humanas has cogitatio-  
nes claudunt. Contra verò nostra in Deum  
fiducia, diuinæ beneficentiæ potentissima est  
conciliatrix. Gaudet Deus beneficijs dandis,  
& munificentiz suæ dona spargit in eos præ-  
cipuè qui in magnam exurgunt fiduciam.  
Quod si Deus munificam suam manum con-  
trahat contineatque, nec liberalitatis suæ nu-  
bem explicet, nec non nisi per lentissima stil-  
licidia depluat, tacitus secum cogitet ho-  
mo, quis cælestem illam nubem, pendulam  
semper pronamque paratamq; in imbres, sic-  
cauerit siteritque se, inquam, cogitet, deli-  
cta sua,



sta sua, teporem, languoremque suum, maxime vero suam in Deum diffidentiam accuset, in nouam exurgat fiduciam, & pro stillicidijs nimbos speret. Impedimentis enim sublatiis nunquam non pluent illae nubes; nec iam speratos imbres, sed toto caelo flumina mariaque iaculabuntur: ut anhelum validumque fiducia pectus munificentiae suae sepiant aquis. Non enim sponsonibus quam factis locupletior est Deus. Etiam montes promissit transferendos, mortuos ad vitam reuocandos. Audeat proinde sperare homo, maiora qui potest largietur Deus. *b*

Benedictus vir qui confidit in Domino, & erit Dominus fiducia eius. *c* Nullus sperauit in Domino, & confusus est.

*a* Prov. c. 3. v. 5.

*b* Scribanus in Super. Relig. l. 1. c. 27.

*c* Hierem. c. 17. v. 7.

## CAPVT V.

*Quantis premijs Deus humanam in se fiduciam remuneretur.*

**M**VLtis equidem opitulatur galea in capite, lorica in pectore, anchora in equore, multi nihilominus galea operiti perimuntur, lorica recti traiciuntur, anchora instructi merguntur. At vero qui confidit in Domino, sicut mons Sion non commouebitur in aeternum. *a* Nam vti Sionis rupem nulli turbinum incursus, nulli fluctuum assultus loco mouerint, non tantum quia mons est, sed quia mons Deo sacer, ita hominem illum nullus arumnarum impetus subuerterit, qui verè confidit in Domino, cupique diuinæ Voluntati in omnibus parere.

Hec in Deum fiducia, est galea nullis rumpe vulneribus, est lorica nulli penetrabilis rebo, est anchora nulli obnoxia naufragio. Hanc, Sicut anchoram habemus animæ tutam ac firmam.

*a* Ps. 124. v. 1.

*b* Heb. c. 6. v. 19.

## §. I.

**O**bservauit Orbis Ecclesiastes Paulus, quorundam e suis fiduciam vacillare, tanquam si spe vana lactarentur: hos nimium

pulsillanimes instruendos ratus: Teneamus, inquit, spei nostræ indeclinabilem confessionem, Nolite itaque amittere confidentiam, quæ magnam habet remunerationem, patientia enim vobis necessaria est, vt Voluntatem Dei facientes reportetis promissionem. Adhuc enim modicum aliquantulum cunque quæ venturus est, veniet & non tardabit. Ergo, nolite amittere confidentiam, quæ magnam habet remunerationem. *a*

Et prima quidem huius remuneratio ista est. Fiducia hæc neminè fallit aut pudore afficit. Spes non confundit. *b* Fallax illa rerum humanarum fiducia milles decipit, nec tamen cautiore efficit deceptos. Pulchre Platon: Spes mortalium, inquit, somnia vigilantium, aut potius desiderantium. Anno Christiano millesimo octogesimo quarto, Odo amites Guilielmi Angliæ regis, frater, sortilegorum vaticinijs inductus, proximum à Gregorio VII. Pontificem se futurum credidit, & viam sibi munit ad hoc solum per argenteos gradus, pecuniam per nefas vnde cunque contraxit, iamque Romanis arcibus spe imminens, à fratre Guilielmo in carcerem coniectus est, vbi totum exegit triennium; hoc scilicet solum huic spei debebatur. Nec vquam Odo Romanam tiam suæ capite recepit. Ita multis alijs spes sua dedecori est & damno. Spes in pij tantum lanugo est, quæ à vento tollitur, & tanquam spuma gracilis, à procella dispergitur: & tanquam fumus, qui à vento diffusus est: & tanquam memoria hospitum vnius diei prætereuntis. *c* Spes ac fiducia in Deum, nulli mortalium probro est: Spes non confundit. Scitote, quia nullus sperauit in Domino, & confusus est, quis enim permansit in mandatis eius, & derelictus est? aut quis inuocauit eum, & despexit illum? In hanc fiduciam regius psaltes sese attollens: In te, Domine speravi, ait, non confundar in aeternum. *d* Scite Augustinus: Quis est, inquit, qui confunditur? qui dicit, ego quod sperabam non inueni non immerito. Sperabas enim de te, aut sperabas de homine amico, maledictus autem qui spem suam ponit in hominem. Confunderis. Quia fessellit te spes posita in mendacio, omnis enim homo mendax. Si autem ponas spem tuam in Deo tuo, non confunderis, quia ille in quo spem

posui;



posuisti, falli non potest. *f* Spes non confundit.

Hic tu mihi obsecro, fiduciam Moysi, quā ea pudesca non sit expende. Cum Hebræi ex Ægypto digressi, in arctum omnes conclusi essent, iam enim à tergo hærebat hostis Pharaon, in oculis montes & mare fugam omnem negabant, Moyses in has preces effusus dicitur: Domine, tunum est hoc mare, tuus & mons qui nos claudit: & hic potest te iubente aperiri, aut in planitiem solui, potest & mare in terram verti, possumus & nos per aerem sublimes effugere, si nos ita seruari, tibi placeat. *g* Hæc precatus, mare virga percussit, quo ictu repente scissum transiit expeditissimum iter monstrauit. Spes non confundit. Primum igitur fiduciæ munus est, *Non fallere.*

*a* Ib. c. 10. v. 35. *c* &c.

*b* Rom. c. 5. v. 5.

*c* Sap. c. 5. v. 15.

*d* Eccl. c. 2. v. 11. *e* 12.

*e* Ps. 30. v. 1.

*f* Aug. tom. 8. in ps. 36. conc. 2. ante med.

*g* Iosephus l. 2. Antig. Ind. c. 7.

## §. II.

**A**ltera eiusdem Fiduciæ remuneratio est Maxima vitæ tranquillitas. Qui Deo serio fidit, officia sua quamuis latissime pateant, sine tumultu obit, etiam inter aduersa lætus. Latentur omnes qui sperant in te, Domine. *a* Spe enim salui facti sumus. *b* Beati omnes qui confidunt in eo. *c* Augustinus pro more suo pulcherrime, in verba psalmi: Labores manuum tuarum quia manducabis, beatus es, & benetibi erit. Quasi peruersè, inquit, videtur dicere non intelligentibus, debuit enim dicere fructum laborum tuorum manducabis. Multi enim manducant fructum laborum suorum: laborans in vinea, ipsum laborem non manducant, sed quod de labore ipsorum nascitur &c. Quid sibi vult labores fructuum tuorum manducabis. Modo labores habemus, fructus postea erit. Sed quia & ipsi labores non sunt sine gaudio propter spem, de qua paulo antè diximus: Spe gaudentes, in tribulatione patientes: modo nos ipsi labores nostri iucundant; & lætos nos faciunt de spe. Si ergo labor noster potuit manducari, & potuit iucundare, manducatus fructus laboris

ipsius qualis erit.

Germanorum vetus verbum est, parietibus etiam inscribi solitum: Quisquis omnia Deo commiserit, & hic tranquillus, & illic beatus erit. Verè sic est, Deo semper omnia committere, in hac vita tranquillitatem, in altera beatitudinem obtinet. Sed Deo sic committenda sunt omnia; è manu Dei æquè omnia sic accipienda sunt, vt hæc regula exceptionem non admittat. Clarissime pius ille scriptor: Et nota, inquit, hanc regulam, Omnia è manu Dei acceptandi, tam esse vniuersalem, vt ab ea nulla prorsus admittenda sit exceptio: adeo vt non tantum cruces, afflictionisque extrinsecæ Mundi & Proximi, à Deo acceptari debeant, verum etiam intrinsecæ quæ ex imperfectionibus nostris enascuntur, nam omnia cooperantur in bonum diligentibus Deum. *e*

*a* Psalm. 5. v. 12.

*b* Rom. c. 8. v. 24.

*c* Psalm. 127. v. 2.

*d* Aug. tom. 8. in ps. 127. circa med.

*e* Benedictus Anglus. in Reg. Perfect. sine libri, mihi pag. 278.

## §. III.

**T**ertia Remuneratio, Robur in aduersis, & animus calamitate insuperabilis. Iustus quasi fundamentum sempiternum, iustus in æternum non commouebitur. *a* Animosissimus tex Dauid: In Domino sperans, inquit, non infirmabor. *b* Optime Theodoretus; Gubernatorem, inquit, habeas Deum & aurigam, & res tuæ ab illa prouidentia pendeant, nam hoc modo inconcussus manebis & immutabilis. Tales se gesserunt tot centena millia sanctissimorum martyrum. Res noua & rara, pendere in equuleo, & aduri latera, ridere tamen & iocari. Multitudinis concursus fieri, cum missilia sparguntur, cum donatiua aut cogiaria, cum viscerationes dantur, nil noui est: at vero cum capita decutuntur, cum sarragines, cum rotæ & cruce proferuntur, cum omnis generis supplicia inferuntur, esse tamen qui accurrant, & certent quis prior moriatur, hoc nouum, hoc inauditum, hoc tamen, inquit Eusebius, meis oculis vidi: innumeros in Ægypto non ligatos duci extra mœnia in campum: hic alter alterum preuenire

Yyyy 2

conuen-



contendens porrigebat ceruices. Carnifices defecerunt & gladij: fessi sedebant, alij succedebant; murabantur gladij, dies non sufficiebat nullus ex eis nec paruulus morte terrebatur. En heroas ac heroidas inuincibiles: nō commouebantur, sicut mons Sion. Huc appositè Chrysostomus: Montem dixit, spem in Deum immutabilem, inquit, firmam & constantem, inuincibilem & inexpugnabilem. Quemadmodum enim si quis innumerales adhibeat machinas, montem nec conuellere nec labefactare poterit; ita etiam qui eum aggreditur, qui spem in Deū collocauit, reuertetur domum vacuis manibus. Sed cur non dixit absolutè, *Sicut mons*, sed montis Sion meminit? Docens, nos non debere animum deicere in calamitatibus, nec ab eis pessundari, sed à spe in Deum pendentes, omnia ferre fortiter, & bella & pugnās, & tumultus. Quemadmodum enim hic mons, qui fuerat quandoque desertus & nudatus habitatoribus, ad priorem redierat prosperitatem, veteri statu recepto, cum incolæ rediissent, & miracula rursus ostenderentur, ita etiam vir fortis & generosus, licet ab innumerabilibus inuadatur calamitatibus, minimè euertitur. c

Qui sperant in Domino, mutabunt fortitudinem (humanam in diuinam) assument penas sicut Aquilæ, current & non laborabunt, ambulabunt & non deficient. d Beati omnes qui confidunt in eo. Ergo viriliter agite, & confortetur cor vestrum, omnes qui speratis in Domino. e

a Prouerb. ca. 10. v. 25. & 30.

b Psal. 25. v. 1.

c Chrys. in psal. 124. initio, & paulo post init.

d Isc. 40. v. 31.

e Psal. 30. v. 25.

## S. IV.

Q Varta remuneratio, Immunitas à plurimis vitijs. Et non delinquent omnes qui sperant in eo, a Bernardo teste, Perfecta conuersio est ad bonum, vt nil libeat nisi quod deceat vel liceat. Et tūc demum perfecta erit voluntas, cum plenè fuerit bona, & bene plena. b Hanc autem bene plenam, & plenè bonam voluntatem habere censendus est is, qui non suam amplius, sed iam pro sua diuinam am-

amplectitur Voluntatem, eique se totum deuotissima subiectione transcribit. Et hic est qui Deo in omnibus fidit. Quisquis autem felicissimam hanc artem caller, ac re ipsa tant Proidentia diuinæ, quam Voluntati perfectè se tradit, graues vitiōrum insultus non meruit. Vera in Deum Fiducia, non tantum inquieti pectoris agitationem, sed & huic contrarium torporem mentis ac senium tollit. Diserte hoc ipsum confirmans Bernardus: Ita, inquit, animus si non præsumat de se, sed si confortetur à Deo, poterit utique dominari sui, vt non dominetur ei omnis iniustitia. Ita, inquam, Deo innixum nulla vis, nulla fraus, nulla iam illecebra poterit vel stantem deicere, vel subicere dominantem. Alioquin frustra nititur, si non innititur. Disce ergo Deo fidere, etiamsi omnia tibi aduersa sint, disce contra spem in spem credere, & voluntas Domini in manu tua dirigetur. c

a Ps. 33. v. 23.

b Bern. tract. de grat. & lib. arb. ante med.

c Isc. ca. 53. v. 10.

## S. V.

Q Vinta remuneratio, per veram in Deum Fiduciam velut Omnipotentes efficiuntur. Libere proclamatur Paulus: Omnia possum in eo qui me confortat. a Et quamuis cuique nostrum hic obijci possit: Tu longe sequere, & Pauli vestigia adora. Nihilominus tamen quis illorum qui Deo fidunt, non animose dicat? Pone me iuxta te, & cuiusvis manus pugnet contra me. Si Deus pro nobis, quis contra nos? b Sed quid opus testimonijs? Christus disertissime: Si potes credere, inquit, omniaabilia sunt credenti. c In quæ Domini verba egregie Bernardus: Quid ni, inquit, omniaabilia sint innitenti super eū, qui omnia potest? Nil omnipotentiam Dei clariorem reddit, quam quod omnipotentes facit omnes, qui in se sperant. An non omnipotens cui omniaabilia sunt? d

Qua in re nescio an vquam præclarior quid dictum scriptumve sit, quam quod idem Bernardus præclarissime dixit scripsitque in hæc verba: Dulcissima liberalitas inquit, in se sperantibus non deest. Hoc enim totum hominis meritum, si totam spem suam ponat in eo, qui totum hominem sanum facit.

Inte



## CAPVT VI.

*Fiduciam in Deum sine cognitione diuine  
providentia vacillare.*

In te sperauerunt Patres nostri, sperauerunt & liberaſti eos: ad te clamauerunt, & ſalui facti ſunt: in te ſperauerunt, & non ſunt conſuſi. Sperate in eo omnis congregatio populi: quęcunque enim locum calcauerit pes veſter, veſter erit: Pes veſter, vtiq; ſpes veſtra eſt, & quantumcunque illa proceſſerit, obtinebit, ſi tamen in Deum tora figatur, vt ſirma ſit, & non titubet. e

Cum Apoſtoli ſecreto Dominum interrogaffent, cur non & ipſi lunaticum adoleſcentem illum malo genio infeſſum potuerint liberare? Chriſtus cauſam omnem diffidentię adſcribens: Propter incredulitatem, inquit, veſtram: Amen quippe dico vobis ſi habueritis fidem ſicut granum ſinapis, diceris monti huic, tranſi hinc illuc: & tranſibit, & nihil impoſſibile erit vobis. f Hic non Chriſtiana ſolummodo fides commendatur, ſed & illa fiducia, quę diuina ſe Omnipotentia ſic induit, vt ardua quęuis aggrediatur, & admiranda patret. Quamuis Chriſtus non dixit: *Edite miracula*, ſed, *Habete fidem Dei*: querculas contra Dei diſpoſitionem omitte, puſillanimitatem ad ardua trepidantem vincite, omnem à vobis diffidentiam expellite: ſi non poſſitis calcare baſiliſcos & dracones, ſuperbiam calcate: ſi non voce incendia domare, libidinum veſtrarū flammas extinguite: ſi non leones frenare, pardos & tigrides cicurare, iras reprimite, ſi non mortuos ad vitam reuocare, Inuidiam veſtro malo viuaciſſimam ingulate: ſi non aridas arbores, ad virorem reducere, vacuum liberalitate manum, fecundiore ſtipe inſtruite. Hoc eſt quod exigit Chriſtus: Habete fidem Dei. Qui hanc haber, ex omnibus malis aliquid boni elicit, ex omni plumbo argenti quippiam & auri colligit, quod artiſicij diuini eſt. Nam, vti Boetius, ſola eſt diuina vis cui mala quoque bona ſunt, cum eis competenter vtendo, alicuius boni elicit effectum. g Sed de hoc alibi vberius.

a Phil. c. 4. verſ. 13.

b Iob. c. 17. v. 82. Rom. cap. 8. v. 33.

c Marc. 9. v. 23.

d Bern. ſerm. 85. in Cant.

e Bern. in ps. Qui habitat ſer. 15. poſt med.

f Matth. c. 17. v. 20.

g Boeth. l. 4. de conſol. phil. prof. 6. ſin.

**I**N mœſtiſſima illa profectione Abrahami in montem Moria, vbi iugulari dus erat filius, cum terra iam die diluceſcere, & mons in oculis eſſet, Iſaacus qui ligna humeris auuehebat, patrem gladio armatum interrogans: Pater mi, inquit, ecce ignis & ligna, vbi eſt victima holocauſti? Dixit autem Abraham: Deus providebit ſibi victimam holocauſti, fili mi. Pergebant ergo pariter. a Vtinam & nos, tunc maxime, cum aqua nobis hęret, cum exitum nullum reperimus, hoc vnum aſſidue volueremus animo: *Deus providebit, ſi li mi, Deus providebit.* Exemplo demonſtratur id quod dicimus: Multorum liberorum parens animam agit, hoc vnum anxie ſollicitus, quid ſuis liberis ſit futurum: fruſtra vir bonus ſe cruciat: Deus providebit. Alius corpore quidem ſanus, ſed æger animo ſecū diſquiri ipſe: *vt ſeſe res mea habebunt, cum hoc auxilium, aut auxiliator iſte deerit?* vana plerumque ſollicitudo: Deus providebit. Alius auri diues & auorum, non item virtutū: *Quid ſi, ait ipſe ſibi, præter ſententiam & ſpem hoc mihi eueniat?* Homo puſilli animi! Deus providebit. Qui conſidunt in illo, intelligent veritatem. b Ita quondam Romanorum Imperator Maximilianus II. Sieubi res aduerſæ animum eius ſollicitarent, cōceptum à ſe ſymbolum proferebat: *Dominus providebit.* Ita prorſus, ita ad Deum mentis acies conuertenda, qui non patietur in fraudem impelli fidem in ſe.

Abrahamus, quem dixi, illud Dei mandatum diuinis promiſſis, vt videbatur, recta cōtrarium, quam inexplicabili fiducia exequi eſt aggreſſus? Dici non poteſt, quot fiducia ætus exercuerit illo triduo, quo in montem à Deo nominatum profectus eſt, illud ſecum aſſidue repetendo: Deus providebit. Vere providit, modo prorſus admirando. Nam pater, inquit Chryſoſtomus, ſacrificauit, filius ſcipſum obtulit, Deus verumque acceptauit, & vita tamen manſit victimæ. Sic Abraham conſiſus Deo, peruenit vſque ad montem, vſque

Y y y y

ad 29



que ad aram, ad ipsum usque gladium, ad ipsum usque filij iugulum quod iam iam erat secandum. Nimirum altissime combibit animo vir sanctus, illud usquequaque certissimum: **DEVS PROVIDEBIT.** Diuinum hoc pronuntiatum quisquis vult capere, quotidiano id usu discet optime, tamque in se quam in alijs mira deprehendet diuinæ providentiæ vestigia. Et quæso, vitam nostram priorem compendio relegamus: per quot ambages & anfractus diuina nos duxit providentia, quot quantisque periculis nos suauiter subtraxit? Quis nostrum iure dixerit: Misi de cælo & assumpsit me, & extraxit me de aquis multis. Preuenit me in die afflictionis meæ, & factus est Dominus firmamentum meum: liberauit me quia complacuit ei. Et quæta vitæ, quantæ corporis animique discrimina non adij: sed euasi: Deus prouidit, Deus prouidebit, Fidamus Deo. Hanc autem confidentiam in Deum non assequetur, nisi qui & Providentiam Dei probe cognouerit. An sit Providentia, fugimus querere, nam recte Clemens Alexandrinus: Sunt, inquit, questiones quædam dignæ quæ puniantur: cuiusmodi est querere probationes, An sit Providentia, cum sit manifesta diuina Providentia ex aspectu omnium quæ videntur effectorum, quæ arte & sapientia constant. *e* Est ergo prouidentia.

*a* Gen. c. 22. v. 7. & 8.

*b* Sap. c. 3. v. 9.

*c* 2. Reg. c. 22. v. 17. & 19.

*d* Clem. Alex. l. 5. Strom. sub init.

*e* Hanc illustrissimis argumentis & testimonijs demonstrat in Theol. Natur. Theophil. Raynaudus d. 8. q. 3. mihi pag. 893.

### S. I.

**S**ed quid est prouidentia? Est ipsa, inquit Boetius, diuina ratio in summo principe constituta, quæ cuncta disponit. *a* Optime de hac re Damascenus: Prouidentia, inquit est Voluntas Dei, per quam res omnes apte congrueque gubernantur. *b* Rem sic capiemus: Vidit Deus ab æterno quæ ratione quævis res creata suum finem posset assequi; simul etiam omnia impedimenta vidit quæ in assequendo sine occurrere essent. Deinde hic idem optimus Deus, sanctissima sua Voluntate, ea de-

legit subministranda auxilia, per quæ omnes homines ad suum finem quam optime ducerentur. Hæc vero statim ab Orbis ortu proposuit, & in opus deduxit per immensam suam potentiam. Ita diuina Prouidentia, vt Dorotheus loquitur, fons est bonorum omnium. Hanc omnes philosophorum turbæ agnouerunt, hinc illa: Deum sequere; Cum Dijs pugnare nolit id superis curæ; Viderit Iupiter; Hoc in genibus Iouis situm, aliaque talia priscis viderat. Et hanc suam prouidentiam Deus mox ab initio, ipse etiam oculis ingessit per Orbis Diluuium, per Sodomæum incendium, per Calamitates Aegyptias, per Alimoniam & nubibus submissam tot centenis millibus Hæbræorum: quibus insuper inspectantibus leges condidit, præsentiam suam monstrauit, viæ duce statuit columnam lucidam & igneam, emisit effusissimos volucrum nimbos, victorias dedit admirandas. Habet Deus prouidentiam omnium omnino rerum creaturarum. Res certissima est. Clamat Sapientia: Pusillum & magnum ipse fecit, & æqualiter cura est illi de omnibus. *c*

Vt autem nos Providentiæ diuinæ notitiæ altissima mente desigamus, hoc in fundamentum ponimus: Nihil vspiam Orbe toto fieri fortuito, & casu. Si res ad nostram dumtaxat seu prouidentiam, seu scientiam examinemus, plurima casu quodam & forte fortuna fieri putabimus, si ad diuinam intelligentiam, nihil sit casu. Diuina namque intelligentia infinita est, extenditque se sine vilo labore ad omne quod intelligi potest. Deus puncto temporis, vno eodemque, sic dicā, ictu oculi sinus omnes & abyssos cæli, terre, maris, inferorum penetrat ac peruidet. Rectissime Iobus: Nihil, inquit, in terra sine causa fit. *d* Omnia in mensura, & numero, & pondere disposuit Deus & ab æterno. Ita in rebus omnibus diuinæ gubernationis admirabilissima elucet prouidentia, quæ non præest solum rebus omnibus sed interest, imo inest. Nos cæculi plurima putamus casu fieri, quæ tamen omnia ab æterno Dei consilio & prouidentia proueniunt.

*a* Boet. l. 4. de cons. Phil. prosa 6. paulo à princ.

*b* Dam. l. 2. de Fide Orthod. c. 29. Quævis autem Prouidentia Dei consistat in actu intellectus diuini, illi tamē comparatur actus voluntatis.

*c* Sap. 6.



e Sap. c. 6. v. 8.

d Iob. c. 5. v. 6.

e Sap. 11. v. 21.

## §. II.

**S**apientissimè Augustinus; Et sic omnia, inquit, ad diuinæ providentiæ regimen referantur, quæ stulti quasi casu, & temere, & nulla diuinæ administratione fieri putant. *a* Exemplo res patefiet: Herus è domesticis duos, herilis consilij ignaros, diuersis vijs mittit ad eundem omnino locum. Hic alterum alteri occurrere casus est non Domino, sed seruis. Ita thesaurum reperiri à paupere fossore, casus est quidem illi pauperulo, sed non Deo, qui opes illic ideo recondi voluit, vt eas hic ipse mercenarius eo loci fossurus reperiret & discerneret, non casu sed paternæ Dei providentiæ. Deo nil penitus fortuitum est. Idcirco;

— nemo temeraria credat.

Fortuitove geri mundana negotia casu.

Omnia lege mæant; quam rerum Conditor illis

Sanxit ab æterno ———

Canem pinxerat Apelles, cumque in reliqua omni parte sibi satis fecisset, exprimere in eo spumam anhelantis se posse non iudicabat, displicebat autem ars ipsa, nec alia inueniri poterat, & videbatur spuma illa pingi, non ex ore nasci, sicque longius à veritate discedere: Abstergerat sæpius, mutaueratque penicillum anxio animi cruciatu, & nullo modo sibi approbans, cum in pictura verum esse non verisimile vellent. Postremo iratus arti; spongiam eam impegit inuiso loco tabulæ, & illa reposuit ablatis coloribus qualiter cura optauerat. Hoc exemplo similis & Nealcæ successus in spuma equi similiter impacta spongia secutus dicitur. *b* Nos hæc talia merissimos casus interpretamur, & totum fortunæ tribuimus, quæ in pictura fecerit naturam. Erramus splendide; nam quod fortunam dicimus, altissima Dei sapientiæ & providentiæ est. Qui fortunæ aliquid tribuunt, Dei providentiæ sepellunt. Non casu fiebat, quod maxime casu factum videbatur, vt cadauer, metu latronum abiiceretur in sepulchrum Elisæi, cuius ossa cum attigisset homo ille sepeliendus reuixit. *c* Non casu Moyses in viminea fistella expositus, à filia Pharaonis inuentus, & adopta-

tus est. *d* Nec casu rex Achab inter ceruicem & scapulas latus est: Accidit autem vt vnus è populo sagittam in incertum iaceret. *e* Certissima Dei manu ferebatur hoc telum, sicut & illud in Iulianum Apostatam: solum iacentes erat incerta: Non casu aut fortuito hirundines Thobix domum inuolabant, & virum optimum visu priuabant. Hanc tentationem ideo permisit Dominus euenire illi, vt posteris daretur exemplum patientiæ. Diserte Angelus: Quia acceptus eras Deo, inquit, necesse fuit vt tentatio probaret te. *f* Nihil sit casu. Ita minime casu factum, quod Christo nascituro vniuersus Orbis ab Augusto describeretur. *g* Ad fontem Sichar non casu confedit Christus cum Samaritide collocuturus. *h* Hæc omnia in tabulis diuinæ Providentiæ annotata sunt, ab omni æuo.

*a* August. in Ps. 9. post med.*b* Plin. l. 35. c. 10. post med.*c* 4. Reg. c. 13. v. 21.*d* Exod. c. 2. v. 3. & 9.*e* 2. Par. c. 18. v. 33.*f* Tob. c. 2. v. 12. & c. 12. v. 13.*g* Luc. c. 2. v. 3.*h* Ioan. c. 4. v. 5.

## §. III.

**C**vm Cyprianus & Iustina velut capitis rei duccerentur, Theodistus equo vehens, hoc solum dixit: Cum his hominibus inique agitur, mox à Felicio assessore iussus est equo deijci, & cum iisdem duci ad supplicium. Iudicia tua, Domine, abyssus multa! subitus hic casus videri potuit; Dei providentiæ fuit:

Cum sanctus Ignatius Loiola è pedis vulnere æger, fallendo tempori librum petijt, qui equestria, & hoc genus profana ludicra commentis fucaret. At casu factum (ita nos loquimur) vt ea fabularum mendacia domi nusquam essent, sed eorum vicem duo longe melioris argumenti codices egro ferrentur. Altero Viri resque à Christo Domino gestæ, Altero ab æclitibus reliquis facta facinora perscribebantur: Hi libri salutis principium fuerunt Ignatio, alijsque post Ignatium innumeris. At hos libros non Casus aut: Fortuna sed æterna Dei Providentiæ benignissime, huic loco & lectori destinauit.

Paphug.



Paphnutius interrogatus, quid causæ foret, quod illi proficerent, deficerent isti, sub eodem magisterio, hi caderent, illi starent? Respondit: Quæcunque fiunt, aut ad Dei beneplacitum, aut ex permissione Dei fieri: & omnia quidem quæ cum virtute coniuncta essent, secundum Dei beneplacitum; cetera vero quæ cum vitijs haberent affinitatem, damna & iniurias in Orbem inueherent, Dei permisso fieri. Cur autem Deus tanta tamque frequentia mala permittit? Hic iubet Plato quiescere, Iudicia Dei abyssus multa, Hoc optime cepit, qui dixit: Sine consilio & providentia tua, & sine causâ nihil fit in terra. Didici etiam ex hoc inscrutabile iudicium tuum expauescere, qui atligis iustum cum impio, sed non sine æquitate & iustitia. Præclarissime Augustinus: Surgunt procellæ stagni huius, inquit, vides malos florere, bonos laborare; tentatio est. fluctus est, & dicit anima tua: O Deus, Deus, hæccine est iustitia tua, ut mali florent, & boni laborerent? & Deus tibi respondet. Hæccine est fides tua? Hæccine tibi promisi, aut ad hoc Christianus factus es, ut in sæculo flores? b

Componamus ergo animos, & in Providentia Dei acquiescamus, quâvis impios dominari, pios opprimi, religionem euertere, iustitiam extinguere videamus: nihil enim horum fieret, nisi Deus id singulariter permitteret, non permitteret autem, nisi iustissimæ rationes ei suppeterent, atque adeo nisi melius esset, sic permittere quàm impedire. At inde grauia incommoda, & ingens animorum iactura sequitur: Dolendum hoc quidem, sed moderate, quia iustissimis de causis sic placuit Deo, qui è magnis malis bona maiora, velut gladium è vagina nouit educere. Nec refert hoc arcanum Dei regimen non ita iam apparere supremo dierum tanquam in speculo cerneretur totus humani generis decursus, & omnis Providentiæ diuinæ ratio, qua Deus & in singulis regnis, oppidis, familijs, & cum singulis hominibus est usus ut pateat quàm benignus fuerit Deus in delinquentes, & quàm quisque illorum plus minusve sit inexcusabilis quàm denique hæc gubernandi forma, qua usus est Deus, fuerit & naturis rerum, & patefaciendæ ipsius gloriæ accommodata. Hoc iam sciamus, è malis omnibus Deum boni ali-

quid elicere. Quid tristius gentis humanæ lapsu: eam tamen Deus sic iterum erexit, ut præstare videatur sic lapsum esse, quàm semper sterisse. Mors Christi summum in Orbe flagitium, eadem tamen fuit, & Orbis salus. a Thom. de Kemp. l. 3. c. 50. n. 4. b Aug. in Ps. 25.

## S. IV.

**P**achomium quondam adiit Theodorus vehementi capitis dolore vexatus, petijtque hanc à suo capite intemperiem precibus auerteret. Cui Pachomius: Putasne, inquit, hunc capitis cruciatum, aut simile quid, sine Dei permissione & voluntate contingere? Sustine, & cum voluerit Deus, medebitur: bona est à cibis abstinencia, bona in egenos beneficencia, plus tamen lucratur ager, cum patiens & longanimis nutum diuinum attendit. Hinc intelligere licet quam is minime tranquillo futurus sit animo, qui in diuina Providentia non quam optime fuerit fundatus. Sed nec ille diu miser esse poterit, qui hoc diuinæ Providentiæ arcanum fide viuæ penetrarit. Multæ quidem tribulationes iustorum, at de omnibus his liberabit eos Dominus. a Custodit Dominus omnia ossa eorum, vnum ex his non conteretur. Tot in humano corpore ossicula sunt & ossa, ut hominem dixeris Ossuarium. Ossium quædam clauorū vice sunt, ut dentes; alia sunt ut pyxides, ut medulla, præsertim in coxis & tibijs; aliqua quasi consuta sunt ut cranium, alia alijs infixæ sunt sicut ianuæ vncus cardini. Galenus medicorum Princeps, in humano corpore ossa ducenta numerat. b Viringus inter medicos celebris, ducenta viginti quatuor assignat. Horum quodlibet, uti Galenus docet, quadraginta fines seu scopos, in usum corporis habet, adeo artificiosè inter se omnia collocata sunt. Ergo ut ossa solum humani corporis in ordinem reponantur, plusquam octies mille scoporum seu finium obseruandi. Vnicum ex his non conteretur, Deo non annuente; Custodit Dominus omnia ossa eorum. Neque vero Deus ut architectus est, qui cum struxit domum, deserit: Deus operi suo momentis omnibus non adest tantum, sed assidue in eo habitat.

Scrapius Firmanus vir eruditus & sanctus,



## §. V.

Etus, secretum notatu dignissimum exponens: Sanctorum vita, inquit, per singulorum rerum ac temporum momenta à Deo sic temperatur ac regitur, vt omnia in eorum cedant bonum. Quid ni omnia: Nam, Scimus quoniam diligentibus Deum omnia cooperantur in bonum. *c* Ita Deus suos singularissima tucur prouidentia; adiecit illis oculum qui non sopietur. Hinc amabilissimum: illud inter Deum sanctosque homines certamen: Illis nil suauius, quàm id semper velle facere, quod Deo placeat. Nec cedit his Deus, facitque semper, quod suos scit velle. Ludouicus Carbo vir æuo nostro inter Venetos magnus. rationibus docet, virum iustum tam esse gratiosum apud cæli Regem, vt quicquid rogat, impetret. Ioannes Apostolus hoc ipsum planissime affirmans: Fiduciam, inquit, habemus ad Deum, & quicquid petierimus, accipiemus ab eo: quoniam mandata eius custodimus, & ea quæ sunt placita coram eo, facimus. *d* Et eadem ista tertium repetit, ne vltus sit locus diffidentiae.

Dictauerat Deus Ezechieli vati panem immundum ex hordeo, faba, lente, milio pinsemdum, & humano fimeto contegendum. Horrorem ostendit Vates, mox sententiam mutauit Deus. *e* Iacob luctator: Non dimittam te, inquit, nisi benedixeris mihi. *f* Factum. Thomas Aquinas in morbo peregrinos pisces esurijs, mox eos miraculo accepit. Res liquet; Deus voluntatem timentium se faciet, & deprecationem eorum exaudiet, & saluos faciet eos. *g* Sed & arcanissima quæque suis deregens Deus: Num, inquit celare poterò Abraham quod gesturus sum? *h* Nec aliter Christus. Vos autem dixi amicos, inquit, quia omnia quæcunque audiui à patre meo, nota feci vobis. *i*

*a* Psal. 38. vers. 30. & 21.

*b* Galen. lib. de format. foetus.

*c* Rom. c. 8. v. 28.

*d* 1. Ioan. c. 3. v. 22.

*e* Ezech. c. 4.

*f* Gen. c. 32. v. 26.

*g* Ps. 144. v. 19.

*h* Gen. c. 18. v. 17.

*i* Ioan. c. 15. v. 15.

**L** Vdimagister qui puerulos litteras formare docet, quandoque manum vnus ducit. alterius nullam habet curâ. Quid causæ est; ille puerulus bonæ indolis est, ingenuus, docilis, morigerus; iste importunus, inobsequens, intractabilis, asinus ad lyram. Ita Deus voluntatem timentium se facit, sicque illos custodit, ac regit, per singula rerum ac temporum momenta, vt omnia in eorum bonum cedant; in morigeris istis & rebellibus dicitur: Cum multiplicaueritis orationem, non exaudia. *a* Quid ita, aiunt, cur nos non æquè custodit ac regit Dominus, sicut illos, & illos & istos? Vos ipsi in culpa estis: Oculi Domini super iustos, & aures eius in preces eorum. Vultus autem Domini (vultus indignatione plenus) super malos, vt perdat de terra memoriam eorum. *b* Morigeris illis à Deo promissum: Cum transieris per aquas tecum ero, & flumina non operient te, cum ambulaueris in igne, non combureris; clamabis, & dicet: Ecce adsum. *c* Et ego ero ei, ait Dominus, murus ignis in circuitu, & in gloria ero in medio eius. *d* Homini ad Dei Voluntatem se formantis animus, Deus velut solium suum occupat, in eoque tanquam rex residet. Adhuc iam qui hunc hominem velint lædere, Deo licentiam non concedente. Insignissime dixit Ambrosius: Dominus dormit tepidis, vigilat perfectis. Non quod illorum obliuiscatur quos monet, reprehendit, excitat; castigat: sed quod suam in suos prouidentiam singularibus modis & argumentis plurimis demonstrat. Iacob interrogatus à fratre de comitatu: Paruuli sunt, respondit quos donauit mihi Deus seruo tuo. *e* Ita placide illum docuit (ait Chrysostomus) quantæ erga se Dei fuerit prouidentia. A Deo probi curantur vt amici, vt filij improbi vt mancipia & serui. Et quamuis Deus penè inuitus naturæ turbet ordinem, eum tamen milles iterumque milles in amicorum suorum gratiam inuertit. Hinc res gestæ Diuorum tot prodigijs & miraculis admirandæ.

Hæc admirabilis Dei Prouidentia instar scalæ est, quam Iacob sub dio pernoctans vidit à terra in cælum vsque pertingentem. Omnia cæli terræque negotia prouidentissimus

ZZZZ Deus



Deus iam ab æterno habuit in expedito. Attingit enim a fine usque ad finem fortiter, & disponit omnia suauiter. Nam, Tva, Pater, providentia ab initio cuncta gubernat. f Non enim est alius Deus quam tu, cui cura est de omnibus, vt ostendas quoniam non iniuste iudicas iudicium. Ea huius providentiæ vis est, vt re nulla impediri, falli, tardari aut flecti possit: ea vero suauitas, vt nil agat contra cuiusque naturam, fortissimè ac suavissimè omnia & prouidendo & disponendo.

Simile quid somniarunt veteres, catenam auream fabulati quæ cælo demitteretur in terram, & vbi omnia comprehendisset, in cælum denuo attraheretur. g

Est igitur in Deo, fuit eritque pervigil illa & perpes cura, qua res omnes inspicit, adit, cognoscit: & cognitas immota quadam & ignota nobis serie dirigit ac gubernat. h Id autem est quod Providentiam hic vocamus, de qua sæpe non dubitamus, sed querimus, vt pueri severiorem patris disciplinam exosi. Mittamus aliquando has querelas & si sapiamus, sequamur ab alto attrahentem, illam vim, & æquum censeamus, vt homini placeat quicquid placuit Deo.

Quare ad infinitam Dei providentiam quotidie confugiamus. Cum enim orbem tot ac tantis sceleribus opplerum aspexerimus, illud vnà veniet cogitandum: Quoniam prospicit quod veniet dies eius. i Si ex Orbe reducamus oculos domum, & nos ipsos intueamur, Providentiam circa nos tam pervigilem, tam plenam amoris observabimus, vt nec vnicus quidem capillus capite defluat, id ignorante aut verante diuina Providentiâ. Hinc Augustinus excelso animo: Quid mihi deerit, inquit, si membra mea dilaceret inimicus, quando capillos meos dinumerat Deus? k

a Is. c. 1. v. 15.

b Ps. 33. v. 16. & 17.

c Is. c. 43. v. 2. & c. 48. v. 9.

d Zac. c. 2. v. 5.

e Gen. c. 33. v. 5.

f Sap. c. 8. v. 1. & c. 14. v. 3.

g Homerus Iliade.

h Lips. l. 1. Constant. c. 13.

i Psal. 36. v. 13.

k Aug. ser. 4 de mat.

## CAPVT VII.

*Quanta Dei Providentia sit circa vitam necessaria.*

**O**Mnia quidem in manu Dei sunt, non male tamen quispiam dixit, tres claves Deum penes se habere, quas nemini committat: vnâ quidem clavem ad promendas pluvias, ventos, niues & alios eiusmodi partus aeris, clavem alteram ad referenda sepulchra, & reuocandos in vitam mortuos, tertiam ad penû & omne genus alimonie. Quod si Deus has promptuarias cellas ocludat, quis aperiret? Ergo Deus rerum omnium promus condus; ab ipso impetrandum, quicquid ducendæ vitæ necessarium est.

## §. I.

**M**Arcus Anachoreta dicere solebat: Qui Deo non fident in his caducis, quanto minus fident in alijs æternitatem spectantibus. Et primum argumentum quo Christus in nostram diffidentiam vsus, hoc est? Nonne anima plus est, quàm esca, & corpus plus quàm vestimentum? a Hic validissimis argumentis eximit animo sollicitudinem illam pessimam circa vestitum & victum, docerque in alma Dei Providentiâ vnice confidendum. Si enim Deus tam providens & liberalis est in ijs, quæ videntur operosiora, cur Deum obliuionis arguimus aut incuriæ in cæteris minus operosis? Si corpus dedit, cur vestem neget? qui donat equum, cur subtrahat frenum? Nonne vita pretiosior est quàm id quo alitur vita, & corpus præstantius quàm id quo regitur corpus? vtique. Qui ergo nihil sollicitus, imo nec quidem existentibus nobis in rerum natura, vitam corpusque dedit, dabit procul dubio & ea quibus vita & corpus sunt sustentanda, præsertim cum ipse voluerit vitam corpusque his indigere. Si ergo maiora dedit vltro, declarauit se minora etiam & posse, & velle dare. Dabit autem non quidem otiosus nobis quos non ad orium creauit; sed vacuis sollicitudine, hanc enim Deus in se vult rejci. Pulchrè Iobus de coruorum coco interrogans, Quis, inquit, præparat coruo escam suam,



quam, quando pulli eius clamant vagantes, eo quod non habeant cibos. *b* Hoc ipsum ab auiibus sumptum argumentum ingerens & Christus: Respicite, inquit, volatilia cæli quoniam non serunt, neque metunt, neque congregant in horrea, & pater vester cælestis pascit illa: Nonne vos magis pluris estis illis? Hoc ipsum sapius inculcans hic è cælo magister: Nonne, inquit, duo passeret asse veniunt, & vnus ex illis non cadet super terram sine patre vestro. Vestri autem & capilli capitis omnes numerati sunt. Nolite ergo timere; multis passeribus meliores estis vos. *c*

Alterum argumentum sumit à brutis animantibus, quæ citra omnem sollicitudinem pascuntur, vt vel in illis discamus amplitudinem diuinæ Providentiæ, in quam recubamus. Hanc enim vt apertissimam faciat, non adducit passum in deserto Israelis annis quadraginta: non laudat Eliam à coruis nutritum, sed brutas animantes obijcit, idque non leones, vrsos, elephantes aut alia id genus grædia animalia; quæ & ipsa diuinitus pascuntur, sed animalium minima, auiculas, quæ cum cantui fere vacet & veluti obiter sumant cibum, maximè à sollicitudine, liberè videntur. Et homo qui pluris est innúmeris auiculis, Deumque non Dominum tantum, sed & Patrem agnoscit, sic angatur animo?

Post demonstratam Dei Providentiam in auiculas & capillos, quàm circa flosculos gerat ostendens. Considerate, inquit, lilia agri, quomodo crescunt: non laborant, neque nent. Dico autem vobis, quoniam nec Salomon in omni gloria sua coopertus est sicut vnum ex istis. Si autem scœnum agri quod hodie est, & cras in clibanum mittitur, Deus sic vestit quanto magis vos minimæ fidei? *d* Videte igitur quam non solliciti sint agrestes flosculi, de suo, quo triumphant vestiti, nam omnem decorem suum vni Deo referunt acceptum, apertè professi se nihil debere humanæ curæ. Rerū naturam, quæ à Dei Providentiæ est, hominum industria & cura imitari potest, assequi non potest. Adeo vt magnificentissimi Regis Salomonis exquisitus, atque ad miraculum vsque ornatus ac pretiosus cultus, floris contemptissimi elegantiam nequam exæquet. Vos iam ipsi iudicate, si Deus

vilissimas herbas breui demetendas & infur-  
num rapiendas tam pulchrè amicit, quanto  
magis vos, immortalitati à se conditos ve-  
stiet, curabitque necessaria, non regendo tan-  
tum corpori, sed si opus sit, etiam ornando.  
His & tertium quoque argumentum adnectit  
Christus, &: Quis autem vestrum cogitans,  
inquit, potest adijcere ad staturam suam cu-  
bitum vnum? Imo minuet potius sollicitudi-  
ne: nihil hic vilius industria profecerit. Si  
ergo, inquit Lucas, e neque quod minimū est  
potestis, quid de ceteris solliciti estis? si rem  
tantillam vel maxima sollicitudo non promo-  
uet, vt scilicet corporis statura nonnihil au-  
geat, quomodo corpus in vita seruare pote-  
rit quantavis annonæ opumque congesta  
copia, nisi adspiret Dei Providentiæ? Inanis  
& irritus est omnis labor vester, nisi Deus  
illum prosperet. Huic ergo alendi corporis  
curam permittrite, cui & augendi, quia hoc  
quàm decentissimè ac suauissimè, vestris cu-  
ris nil opitulantibus faciet. Aperit ille manum  
suam & implet omne animal benedictione. *f*

*a* Matth. c. 6. v. 25.

*b* Iob ca. 39. v. 3.

*c* Matth. c. 10. v. 29. & Luc. c. 12. v. 7.

*d* Matth. c. 6. v. 28.

*e* Luc. c. cit.

*f* Psal. 144. v. 16.

## §. II.

**C**vm ergo Deus, quæ ad vitam necessæ-  
ria, provideat omnibus. Nam, æquali-  
ter cura est illi de omnibus, & qui sit tantam  
vbique multitudinem esse hominum egentis-  
simorum; videtur Deus res humanas suo flu-  
xui permittere. Mira, mi homo, circa pauper-  
tatem hominum, Dei Providentiæ est. Verè  
Chrysostomus: Non tantum pauperes diui-  
tibus, inquit, sed hi illis indigent, & ma-  
gis. *b* Et fingamus duas vrbes, quarum il-  
lam soli diuites, hanc pauperes soli habi-  
tent, nullum poterit inter has esse com-  
mercium; in illa nulli erunt opifices, non  
operæ mercenariæ, nullus illic sartor, pi-  
stor, sutor, nullus faber, institor, agricola?  
has artes opulenti non faciunt, nulli hic ser-  
ui, ancillæ nullæ, qualis igitur hæc vrbs, si alie-  
na ope destituatur? In altera sat erunt eorum  
qui calceos suant, qui vestes conficiant, qui

Z z z z 2 agros



agros colant, qui sibi denique re modica suffi. *a* Si omnibus itaque abunde suppetere ea quæ vitæ sustentandæ sunt, quid demum sequeretur? Interitus omnium opificio- rum, operarum fabrilium, artificiorum. Sub- structiones, navigationes, aucupia, piscatio- nes, mercaturæ pessum irent: & qui domini forent, si nulli essent qui seruos se profiteren- tur? Ita Paupertas conseruat humanam gen- tem & ornat: Paupertas industrios facit & laboriosos: Paupertas suscitatur artes. Exulet Paupertas penitus ab Orbe, simul boni mores & Virtutes pene omnes exulabunt. Edere, bi- bere, ludere, helluari, græcari & pergræcari, primum erit negotiū: Luxum comitabitur luxuria, Diuitias vitia. Vbi rerum omnium abundantia est, ibi plerumque etiam vitiorum. Testantur hoc vberes anni, quibus plenæ po- tatorum cauponæ, in omne genus turpitudi- nis & insanix despiciunt. Testatur hoc Dilu- uiū cuius principia fuerunt luxus & otium, hinc præmortui pudoris & plena libidinibus vita omniū. En, quanta Dei prouidentia, quæ à lasciuia ad laborem trahit homines pauper- rare; labor optimos citat. Quicquid vspiam pulchri cernimus, ab ijs elaboratum est, qui pecunia non abundarunt; ideo labores suos vendere coacti sunt.

In ipsa porro paupertate quanta Deus pro- uidentia succurrit: non affliget Dominus a- nimam iusti. *d* Beatus Franciscus coram Af- fssinate Præfule vili dumtaxat linteo tectus: Nunc, inquit, liberrimè dixerō: Pater noster qui es in cælis. Idem suis in viaticum dare so- litus est illud psalte: iacta super Dominum curam tuam, & ipse te enutriet. *e* Romano autem Pontifici de alimentis sciscitanti res- pondit: Matrem quidem habemus pauperem, Religionem, sed patrem ditissimum. Ita prorsus est: hic pater tanta suos cura & prouiden- tia complectitur, vt cum humana defunt au- xilia, subministrat diuina. Vt annonam præ- staret Elias, suam nobis prouidentiam ingessit. Primo quidem, prophetæ dapiferos iussit esse coruos. *Corui quoque deserebant ei panem & carnes manet, similiter panem & carnes ves- peri.* *f* En, aues rapacissimæ quæ alioqui commissum sibi comæatum consumpsissent in via, nisi obstitisset diuina Prouidentia, iam etiam à dapibus sunt, & ad cyathos stant.

Deinde hunc ipsum Eliam Deus per pau- perculam viduam pavit, cuius omnes facul- tates erant pugillus farinæ, & parum olei quo vngeretur, non quo vesceretur, & tamen quot farinæ modij, quot libræ olei in pauper- tino hoc penore latebant? Tertio cum Elias egestatem suam securo somno solaretur, adfuit alius è cælo dapifer, Angelus, panem & fontem adferens, vti Habacuc Danieli messorum tulit delicias. Eandem hanc singu- larem beneuolentiā Deus sexcentis alijs suo- rum amicorum exhibuit, farinam, panes, oleū, vinum, occulta vi augendo, aut cum hæc pe- nitens decissent, insperata gratia submittendo. Et quamuis hæc talia nos ipsi nonnunquam experiamur, nihilominus ingens ubique dif- fidentia est trepidantium, ne desint vitæ ne- cessaria, cum Iudeis etiamnum vociferamur: Nunquid poterit Deus parare mensam in de- serto? Numquid & panem poterit dare? Ad- huc Philippi vox auditur: Sed quid hæc sunt inter tantos? *g* tot hominum fami non suffi- cient ista. O verè minimè fidei homines! Scit pater vester quia his omnibus indigetis.

*h* Numquid Dei liberalitas nunc quàm olim contractior?

*a* Sap. c. 6 v. 8.

*b* Chrysostom. 5. orat. de diuit. & paup.

*c* Pauperes vocamus, qui victum manu aut la- boriosa industria parant.

*d* Prov. c. 20 v. 3.

*e* Ps. 54 v. 23.

*f* 3. Reg. c. 17 v. 6.

*g* Ps. 77 v. 19 & 20. Io. 6. 5. v. 9.

*h* Matth. c. 6 v. 22.

### S. III.

**P**AULO inter anachoretas primo, annis se- xaginta dimidiū panē detulit coruus, in- tegrum præfente Antonio. Ioannes eremicola quatuordecim annis à nullo mortalium vi- sus, ceruæ lacte pascus est. Beatus Rochus ali- quanto tempore, panem quotidie accepit à cane quemadmodum Elias à coruo. Non v- nus eremicorum illorum è palmis & cibum & vestem impetrauit; vna illis arbor & sar- tor fuit & pistor. Anno Christiano sexcentesi- mo quinquagesimo tercio Iudacus Eritonum Regis Rethaeli filius, spreto solio in sa- cerdotiū venit, solitariū vitæ genus amplexus in Brachie



## S. IV.

in Brachio loco riuulis cincto cœnobium & templū condidit. Hic in egenos tam pie effusus fuit, vt quodam die non nisi panis vnicus familiæ superesset, hūc ipsum tamē in quatuor partes secari, & quadram dari mendico iussit. At ille idem mendiculus mutata veste quartum redijt, & omne penu mēdicando abstulit. Hic Vlmarus socius mullare & obloqui, atque liberalitati nimis indignari, ludocus hominem solatus, ē cœlesti penore subsidium petere docuit. Paulo post quatuor nauiculæ commeatu onustæ illic appulerunt & omnem religiosæ familiæ indigentiam subleuarunt. *a* Optimè dixit Augustinus: An putas qui Christum pascit, à Christo non pascitur?<sup>b</sup>

Beatus Dominicus sub initium sui Ordinis duos ē suis misit qui alibi locorum concionarentur. Illi sub vesperem & fessi & famelici, sed & tristes gemeabant se ignotos ad pauperissimas casas deuenisse, vbi auxilij nihil sperandum. Hic vnus aliquis occurrēs & mœroris causas eliciens: Omnia, inquit, Dei causa deseruistis, magna vtiq; in Deum fiducia, & nunc trepidatis, velut omni spe destituti: pecudes Deus pascit, & filios sinet perire fame? Cum dicto se subduxit. Illi oppidū ingressi, post preces in templo fusas, à Curione inuitati sunt ad cenam. Sed & alius quispian interuenit qui hos ipsos hospitio recipere contendit? hic amica lis inter duos, à tertio demum dirempta est, primæ illic auctoritatis viro, qui & parochum, & alterum hospitij ius offerentem in suas ipse eides pertraxit & omnes lautè habuit. Ita Christus suis post toleratos nocte tota labores: Venite, inquit, prandete. *c* Et tamen hæc omnia quandoque nostram nobis diffidentiam non eripiunt, quicquid rerum supplexit Deus, egestatem metumus; inter aquas, aquarum penuriam formidamus, & nisi magna nos rerum abundantia circumfluat, multa nobis defieri credimus. Improbæ nos identidem cogitatio vellicat. Vbi est quod speras? Cui optimè respondens Augustinus. Spes, inquit, vandum peruenit ad rem; & ouum est aliquid, sed nondum est pullus.

*a* Zachar. Lippelo 13 Decembris.

*b* Aug l. de elem.

*c* Io. c. 22. v. 12.

**M** Endicum aiunt fuisse qui vbi mantecam iam oppleram, & vnde quaque fampanibus vidisset, dicere solebat: *Iam spero.* Huic nos mendico simillimi sumus, tum scilicet speramus cum in annos plurimos lautè prospectum nobis credimus. Nimirum tantum spei concipimus, quantum rei præsentis cernimus. Longè aliter Ioannes Alexandrinus Patriarcha, qui per veram fiduciam totus à diuina prouidentia pendeat, qua vna re maximis calamitatibus facilem medelam adhibuit. Fuit vt tredecim frumentariæ nauces, quarum singulæ decem millia modiorum capiebant, mergerentur mari. Media fere pars ciuium Alexandrinorū ingenti hoc damno affecta est, ideo nauæ aliq; in Asylum Alexandriæ confugerunt. Ad quos mox schedulam misit Ioannes, in qua hoc solum præscripsit: Dominus dedit, Dominus vt voluit, abstulit. Sicut Domino placuit, ita factū est: Sit nomen Domini benedictum, Exite filij, nihil ob hoc veriti: Dominus sollicitus erit de crastino. Postero ab hoc die adfuerunt qui optimum Præsulem ob acceptam cladem solarentur, at ille modestè, præoccupans, & culpam omnem in se deriuans: Ego, inquit, liberalem me credebam in danda stipe, & forsitan ob id elatioris animi fui, iuste igitur amantissimus pater, filium vanè intumescens tem corripuit hac clade. Admonet Deus & reuocat clementer plagas aliquot insignens, vt ijs admoniti ad nos redeamus, imo ad ipsum. Sed est prorsus idem ipse ille Deus qui lobi æuo fuit, æquè potens, æquè misericors, qui non deseret nos. Ita ipsos consolatores suos integerrimis Antistes solatus est. Nec dñi fuit, ait Leontius, cum grande illud damnum duplicato lucro pensatum est, & Ioannes pristinam in egentes liberalitatem repetijt. *a* Diffidentiam cerre ac pusillanimitatem in his talibus exhibere, idem pænè est, ac dicere, Aut avarus est Deus, aut obliuiosus. Sed apage impias hæc voces.

Sanctus Amatus nobile fuit speculum omnibus ijs sedulo inspiciendum, qui diuinam prouidentiam aut egre capiunt, aut tacitè accusant. Hic post annos triginta in Monasterio Agaunensi exactos, in rupe solitaria vitam



egit continentissimam. Nam è cœnobio assignatus ei socius Berinus, solum tertio quouis die panem attulit hordeaceum & hydriam. Hac tota erat & commeatus, & obsequij ratio. Agrè tulit hanc abstinentiâ cacodemon. Itaque captata occasione, cum vir sanctus in preces effusus genibus niteretur, aduolâs cornuus hydriam euertit pedibus, & panem rostro asportauit, ita omnis in triduum commeatus perijt. Quid ad hæc Amatus: fortassis indignari coruo, & rapacissimâ auem diris omnibus deuouere, atroces voces in Dei prouidentiam iactare, hæc diaboli machinamenta execrari? Nil horum Amatus: nostræ sunt hæc cantilenæ. Ille manus mentemq; cælo attollens: Gratias tibi ago, inquit, Domine Iesu, quod sanctissimæ Voluntati tuæ placeat, excerci me longiore ieiunio. Scio hoc mihi utile futurum, quandoquidem nihil in hoc Mundo geritur absque tua prouidentia. *b*

Audite queruli & increduli: Nihil in hoc Mundo geritur absque prouidentia diuina, sine qua nec foliolum quidem arboris labitur: Et vos, domos incendi, naues mergi, fortunas eripi, famam violari, sopita & dormitante hac prouidentia putatis? rectius senserunt vel ipsi idololatæ: nam quibuscunque illorum sapientiz aliquid aut sanitatis fuit, res humanas nequaquam temerario aut cæco impetu ferri misericordie censuerunt. Ideo, inquit Seneca, fortiter omne ferendum, quia non, ut putamus, incidunt cuncta, sed veniunt. *c* Et quidem à Deo veniunt: quid ergo indignamur, & querimus?

*a* Leontius in vita S. Ioan. c. 27.

*b* Zach. Lippeloo. 13. Sept.

*c* Sen. l. de prouid. c. 5.

### S. V.

**A**D eandem hanc Prouidentiam assidua mente cogitandam, quotidianis panè documentis ducimur. Non ita pridem vir religiosus Valentiz nouem milliarium iter ingressus, sed via nondum omni decursa, æstu, fame, sitique ad omnem lassitudinem cōfectus, abiicit se sub pirum, & precari cœpit, dum preces iterat, in summa arbore pirum grandiusculum videt: eodem tempore transiens illic viator hominem sub arbore fatiscientem allocutus, ubi audiit quæ causâ progressum

moraretur, panem album & benè magnum protrahens, partem præsecuit, & dedit instaurandis viribus. Hæc utique credimus, sexcenta talia contingere non nescimus, similia & ipsi experti sumus, nihilominus tam exigua est sepe nostra in diuinam prouidentiam fiducia, vt nisi marsupia, cistæ, penora, cellæ, horrea, rerum omnium referta sint, animus quoque spe vacuus iaceat, cum verò crumenâ cernimus numis differtam, hic demum speramus. O malè oculati! *Spes quæ videtur, non est spes: Nam quod videt quis, quid sperat? Si autem quod non videmus, speramus, per patientiam expectamus.* *a* Ea demum vera est in Deum fiducia, quando spes in angusto est, & cum rebus arctissimis colluctatur. Videmus mala nostra quæ patimur, nondum videmus gloriam, propter quam patimur: quanto plus tormenti, tanto plus erit gloriæ.

Narrat Theodoretus beato Mæsimæ duo fuisse dolia, alterum tritici, alterum olei: ex his liberalissimè pauperibus erogabat, neque tamen dolia vacuabat. Et Deus quoque duo habet dolia, illud frumento & omnibus, ad vitam necessarijs, istud misericordia, liberalitate, prouidentia plenissimum & exundans: neutrum exhaustiri potest. Ad hæc duo gazophylacia recurrendum est, cum reculæ nostræ in fundo suspirant. Modò vniucum hoc probè discamus, Deo FIDERE, & sanctissimæ ipsius Voluntati ex integro nos committere.

Vetus Germanorum verbum est: Si faceremus, quæ deberemus, Deus faceret quæ vellemus. Hieronymus id confirmans: Sic homo, inquit, qui esse debet, & mox addentur ei omnia, per quem facta sunt omnia. *b*

*a* Rom. c. 8. v. 24 & 25.

*b* Hieron. in cap. 6. Matth.

### CAPVT VIII.

*Quanta Dei prouidentia sit in Amicos.*

**M**Agnificum Dei promissum: Qui tetigerit vos, tangit pupillam oculi mei. *a* Et quanta Deus cura iuuenem illum ci-tharædum (cum Laurentio Iustiniano loquor) est persecutus, quantis in periculis quàm multiplex prouidentia seruauit, perinde si



inde si vnicum hunc hominem suscepisset eundem. Ipse rex David testatur: Domine, inquit, tu cognouisti omnia, nouissima & antiqua: tu formasti me & posuisti super me manum tuam: tu cognouisti sessionem meam & resurrectionem meam: intellexisti cogitationes meas de longe: semitam meam & funiculum meum inuestigasti, & omnes vias meas praeuidisti. *b* Mea omnia, Domine, à te iam ab aeterno ad minutissimum punctulum expensa sunt.

*a* Zach. c. 2. v. 8.

*b* Ps. 138. v. 2. & seqq.

## S. I.

**S**anguinem & vitam Davidis Rex Saul perpetuis insidijs petijt frustra: Deus protexit. Cum verò David in Maonis solitudine lateret, mox adfuit Saul, & copioso milite Dauidem *in modum coronae* sic vallauit, vt nullus esset nec effugij, sed nec spei locus. Putabatur fera indagine & canibus cincta. Hic res Davidis desperatissime videbantur; Saul parè iam victor illius capiti proximè imminebat, leo iam faucibus tenere pradam sibi videbatur. Sed frustra & hoc: Deus protexit. Nam subito allatus est Sauli tristis nuncius, irruptionem fecisse alicunde Philisthaeos; quare properaret, & hostem arceret finibus. Ita David post omnem desperationem, iam vnguibz hærens ferocissimæ tigridis, repente dimissus est liber: Deus protexit. Ita omnes impij regis insidias diuina Prouidentia elusit suauissimè. Non autem mirum, Dauidem, velut oculi pupillam, à Deo sic protectum; norat exactissimè David diuinæ se Prouidentiae attemperare. Et en specimen nobilissimum. Cum Iessæus Rex David rebellem filium Absalonem fugeret, occurrens in via Semei, & atrocissimis maledictis regem lace-rans; Egredere, egredere, aiebat vir sanguinum & vir Belial. Reddidit tibi Dominus vniuersum sanguinem domus Saul, quoniam inuastisti regnum pro eo, & ecce premunt te mala tua, quoniam vir sanguinum es. *b* En prodigiosam hominis improbitatem! Nec diuinam legem, nec principem populi, nec suum regem quidquam reueritus, cum contumeliosissimè & in os appellat homicidam, sicarium, tyrannum, inuasorem regni. In-

dignissimum facinus! Neque hoc satis, principi omnium hominum mitissimo, ac suorum subditorum amantissimo, extrema insuper calamitate afflicto, ac penè prostrato, tot probis insultare. Maiora facinorosis Semei est ausus. Rex David iam è beato miser, quæ vna re nihil est miserabilius, nudis pedibus, vultu lacrymis confuso incedebat, eum tamen Semei lapidibus velut furiosum canem appetijt, & pro floribus canum in eum coniecit, & verè vnguis in vicere fodicando. Hic iam singularem & omnibus sæculis admirandam Davidis tolerantiam vide, quæ ille diuinæ prouidentiae subiectissimum se gessit, & grauissimam iniuriam quasi diuinitus imperatam agnouit. Dixerat Abisai, principis loabi frater: *Quare maledicit canis hic mortuus Domino meo regi? vadam & amputabo caput eius.* Hic Princeps religiosissimus, iam tertium in regem electus, ab impurissimo capite, à suomet subdito, quem nec verbo nec factò violarat, tam grauiter offensus, non tantum non irasci & tremere, non vlcisci & saxa reuoluere, sed sui calumniatoris, patronum agere, militum suorum vim ab eo defendere, culpam in se admissam extenuare, violatæ maiestatis reum, diuinæ Prouidentiae instrumentum agnoscere, Deum denique horum omnium auctorem fateri, sic demum præcipere, *Dimitte eum vt maledicat: Dominus enim præcepit ei, vt malediceret David: & quis est qui audeat dicere, quare sic fecerit.* d. Diuinum quid in hac petulantissimi nequitia obseruans David: Dominus, inquit, præcepit ei vt malediceret. Quamuis autem grauissimè Semei deliquerit maledicendo, tamen ideo præceptum id ei dicitur, vt malediceret, quandoquidem Deus pessima Semei voluntate, quam non fecerat, optimè vsus est ad corripiendum Dauidem. *e*

Eadem prorsus ratio est, in omnibus aliorum hominum vexationibus & iniurijs, in quibus optimus Deus pessimorum hominum arbitrio vel ad insontes exercendos, vel ad puniendos fontes vultur. Hæc flagelli loco sunt cum peccauimus; freni loco, ne peccemus. Ideo quisquis iniquè vexatur ab alijs, cum Dauide rectè dixerit: *Propitius sit mihi Dominus, ne extendam manum meam in hunc hominè, ego me non vlciscar.* Viuit Dominus, quid



quia nisi Dominus percussit eum, aut dies eius venerit ut moriatur. Ita in diuinam Providentiam animo semper excellentissimo feramur. Et quamvis nostri contra nos inimici prudentissimis sese consilijs muniant, non est tamen quod eos formidemus: Domini nutu dissipatum est consilium Achitophel vtile, ut induceret Dominus super Absalon malum. *g* Eo loco apud Deum sunt probi homines, ut de illis iam olim Deus pronuntiarit. Qui tetigerit vos, tangit pupillam oculi mei.

*a* 1. Reg. c. 23. v. 26.

*b* 2. Reg. c. 16. v. 7. & 8.

*c* Vti vult Theodoret. q. 32.

*d* Ibid. v. 10.

*e* De qua re Augustin. de grat. & lib. arb. cap. 20. & seq.

*f* 1. Reg. c. 26. v. 10.

*g* 2. Reg. c. 17. v. 14.

## S. II.

**C**onsiderate mihi obsecro Iosephum Ægypti proregem, per quos anfractus, per quas ductus est ambages, dum ad illud honoris culmen perueniret: Tantę glorię principium, fraternum fuit odium. Nequę hic stitit malorum imperus. Domesticam inuidiam ingens excepit malum: Ismahelitis velut mancipium venditus est, & in Ægyptum ductus. Nec blandior illum sors in Ægypto salutauit. Hic fauor domine tam exitiosus fuit optimo iuueni, quam antea fratrum odium. Cum enim iuuenis castissimus, quotidianas herę pellecebras surdis auribus transmitteret, apud herum falso delatus, ad carcerem raptatus, triennio illic innocens detentus est. Sanę non statim atque in Ægyptum peruenit, currui triumphali est impolitus:

*Per varios casus, per tot discrimina rerum.*  
Ad hoc solij demum euectus est. Et hęc omnia diuinę Providentię iussu sunt facta. Locupletissimus testis ipsemet Iosephus, cum apud fratres de diuina hac Providentia differeret: Non vestro consilio, inquit, sed Dei Voluntate huc missus sum. *a* Nolite timere, num Dei possumus resistere Voluntati? Vos cogitatis de me malum, sed Deus vertit illud in bonum. Hęc non solum audiamus nos, inquit Chrysostomus, sed & imitemur, & ita solemur eos qui nos affligere, non imputantes

eis, quę in nos admiserunt, sed omnia magna ferentes beneuolentia. *b* Siquidem ita solet providentissimus Deus deterrimos etiam amicorum suorum euentus latissimis successibus commutare. Sæpe beneficijs locum fecit iniuria; multi ceciderunt, ut altius surgerent & in maius. Diuina Providentia non modo rectę factis, sed etiam peccatis, ad ea quę destinauit, uti solet. Vidisti Ioseph: tolle malitiam fratrum eius, tolle inuidiam, tolle parricidij commentum, quo in fratrem sauerunt, simul abstuleris omnia illa quibus Ægypti stetit incolumitas. Nulla fuisset regij lominij interpretatio, nulla in septennium frumentatio, fame perisset Ægyptus, perissent & finitimę regiones. Vis clariora: tolle Iscariotę auaritię, & Iudeorum inuidiam, simul abstuleris gentis humanę litrum, Christi sanguinem & mortem. Tolle diabolos, certamina, victorię, pręmia, magna ex parte cessabunt. Tolle tyrannos; vbi martyres erunt? Hic diuinę Providentię mos est, non solum bonis, sed etiam malis ad bonum uti Iosephi certę venditio, si actionis huius naturam spectes, efficienter fuit à Deo, at verò ea quę hac actione tegebatur nequitia, à pessima fratrum voluntate. Prouidit autem Deus plurima, quibus hanc omnem iniuriam emendaret. Pulchrę hic Gregorius. *c* Ecce, inquit, quomodo sapientes, in ipsa sua sapientia vis diuina comprehendat! Ideo venditus fuit Ioseph, ne adoraretur, & ideo est adoratus quia venditus. Idem Mos contigit. Quem enim Pharaon morti destinarat, hunc Pharaonis filia, Deo instigante, sibi educandum commendabat. In aula tua Pharaon, nutrire cogeris cum, qui vendicaturus est illos, quos tu extreme persequeris. Nouum miraculum, inquit Augustinus, filia parricidę, fecit opus maximum misericordię. Non est sapientia, non est prudentia, non est consilium contra Dominum. *d*  
*a* Gen. c. 45. v. 8. & c. 50. v. 19. & 20.  
*b* Chrysostom. 1. in c. 45. Gen.  
*c* Greg. l. 6. mor. c. 14.  
*d* Proph. c. 21. v. 30.

## S. III.

**C**hariton, cum Hierosolyma tenderet, latronum insidijs interceptus, in spelcū illorum tractus, & catenis alligatus est. Latronibus



tronibus alio ad prædam dilapsis, Chariton hoc vnum agere, Deum diuinamque Prouidentiam maximis laudibus extollere, inopinatam illam permissionem secum expendere, ob eâque patri amantissimo gratias agere, eidemque se impensissimè commendare, nec aliud velle quàm diuinam in se Voluntatem perfici. Dum hæc animo voluit, serpens è latebra prorepat ad camellam lactis plenam; bibit hinc largius non vocatus, hospes, sed pro symbolo, quod ingrati solent, venenum refundit. Vbi latrones in notum cubile redierunt, primum erat contractâ sitim lactea promulside propitiare: biberunt liberalius quam serpens, sed ita vt nil biberent amplius, nam paulo post concepto intra venas veneno, extincti sunt omnes. Ergo iam Chariton latronum ex asse heres, & solus infamis latibuli dominus, diuinæ se Prouidentię ardentius quam vnuquam commendauit, nec frustra: vinculis ope diuina laxatis, pro miserabili ergastulo habitaculum reperit opulentum, & pecuniam quidem illic inuentam, partim subleuandis egenis, partim monasteriolo condendo adhibuit. Ipsa lacrocinañtium specus in templum mutauit, vbi tam Iudæi quam idololatræ Christianis sacris imbuti sunt. *a* O admiranda diuinæ Prouidentię stratagemata! Optimè Tobias: Si meipsum, inquit, tradam tibi seruum, non ero condignus prouidentię tuæ. *b*

Sancta Monegundis ad illam vitæ sanctimoniam nunquam peruenisset, nisi eam diuina Prouidentia, per varias ambages illuc duxisset. Duas habuit filias Monegundis excellentis formæ virgines, quibus omnem curam & amorem impendit mater, tunc temporis parum pia. Hanc peccandi illecebram amoliri placuit diuinæ Prouidentię. Ita ambę filię præmatura morte sublatae sunt. Mater suo ipsa funeri velut superstes, omnem odij se vitam, capillos vellere, lacerare genas, omne doloris solatium spernere, nec aliud velle quàm filias celerrimè sequi moriendo. Postquam lachrymis nonnihil egestus dolor, luctum iam remittente, compos sui facta Monegundis: An non, inquit, insigniter fatua sum, quæ diuinæ Prouidentię tam contumaciter reclamo? quid ago? an nesciebâ me genuisse filias, mortales? an ad hoc natae sunt, vt mori non possent? Dei mater, Dei filius, homines

Deo charissimi moriuntur, & ego indigner filias meas desisse viuere: quæ forsâ ideo morte occubuerunt, ne succumberent vitij. Quid igitur meis querelis Deum incesso, qui nihil potest mali velle; quin stultam hanc lamentationem finio, & in diuinę Voluntatis ac Prouidentię sinu me totam compono? Ita dixit, ita & fecit? Mundum res suas habere iussit; ipsa in domunculam cum ancillula se conclusit, Deo deinceps omni conatu seruitura. Hanc vitæ mutationem superis placuisse, miracula manifestum fecerunt. Monegundis namque plurimos ægrotorum sine pharmacis conserauit, Gregorio Turonensi teste. *c* Tanti est ex integro diuinæ Prouidentię se permittere. Verissime dixit Augustinus: Qui habuit curam tui antequam esses, quomodo non habebit curam tui, cum iam hoc es, quod voluit vt esses? *d*

*a* Metaphrast. die 28. Septemb. Flornit Chariton Anno 270.

*b* Tob. c. 9. v. 2.

*c* Greg Tur. de Glor. Confess. c. 24.

*d* Aug. tom. 8. in ps. 30.

## §. IV.

**R**obertus, primus Molismensis, abbas, diuinæ Prouidentię studiosissimus cultor, quicquid potuit in pauperes erogauit. Fuit vt duobus mendicis ante fores expectantibus duos panes iuberet dari: at æconomus se opponere, & nec in prandium quidem suffecturam annonam dicere. Quid ergo, inquit Robertus, prandebimus? Nescio, ait æconomus. Suboluithic viro sancto, aliquid tenacitate malè prouida recondi. Igitur re diuina peracta cum signum daretur ad mensam, sciscitatus est abbas, vnde panes allati essent? paucos, inquit obsonator, pro nobis reseruauit Robertus, Religiosè excañdescens, panes omnes in canistrum iussit colligi, & mox ad medicos foras efferri, & ad suos versus: Ne, inquit, parendi contumacia, & diffidentia dominostre latius grassentur, ieiunium & fames docebunt nos Deo fidere. Volebat Robertus, vt sui omnes à liberalissima Dei Prouidentia toti penderent, velut infans à matris vberibus. Optimum pharmacum malæ parsimonie inedia.

Narrat Dorotheus senem, religiosissimum

Aaaaa

è sto-



est stomachi languore cibos nausse diebus aliquot. Iuuenis qui seni seruiebat, appetentiam cibi reuocaturus, edulia mellita censuit coquenda. Itaque è duabus ampullis illam arripit inconsideratus, qua foetidissimum oleum è lino seruabatur, errorem texit vasorum similitudo. Ergo vt seni faceret bene, largius affudit non mel, sed ipsam pæne mortem, coxitque pulticulam, nec cani quidem apponendam. Senex egrotus vix gustauit factuum cibum, & sui coci manum errasse deprehendit, siluit tamen, & vltra vires comedit, tandem reluctante stomacho posuit cochlear, nec verbulo quidem ob corruptissimum ferculum conquestus: Hic socius hortari & urgere, liberalius ederet dulciculum opsonium, se omnem in eo artem consumpsisse, valetudini hoc mire facturum, & vero etiam se præire velle, nobilem hanc dapem sumendo. At optimus senex adeo bilem in statione continuit, vt non tantum non asperiore voce vlla, sed nec cogitatione quidem acerba in socium commotus, hoc vnum excusarit, succumbere se his ciborum cupedijs. Socius ergo mellitas has pultes vix primoribus labris gustauit, & mox ad genua senis aduolutus. Occidi te pater, ait, & cur obsecro, temerariam meam incogitantiam silentio tuo confirmasti? Cui senex: Ne inquit, angaris animo, fili: Si enim voluisset Deus vt mæ ederem, mel vtique cibo affudisses. Optime, inquit, Dorotheus, locutus est senex, certo enim sciebat, quod si voluisset Deus mel à se comedi, socium suum errare non permisisset, aut, quod æque facile Deo, foetidissimum illud oleum in liquorem melleum vertisset.

Ita se gerit, qui diuinam in omnibus Providentiam agnoscit, non vertit omnia in peius nec quærit cui casum suum imputet, sed peccata hominum, ad Dei Providentiam potius refert. Quicquid accidit, benigne interpretando leuat.

a Dorothe. *serm de omnibus contingentibus ad Deum referendis.*

## S. V.

**H**ic velim, Lector, vnum aliquid enucleatissime à te capi, Hieronymi dictum est: Omnia providentia Dei gubernantur, & fa-

pe quæ putatur pœna, medicina est. Vbi mirabile illud observandum: Diuinam Providentiam sinere suis quæque motibus ferri, vtque incertum tempus. Hic enim diuinæ Providentiæ mos est, vt paulatim & per incrementa temporum, ad destinatos quæque fines perducatur, nam minima eque ac maxima ordinat. Eam ob causam philosophorum sol Epictetus excellentissime dixit: Ne postules ea quæ sunt, arbitrato tuo fieri, sed si sapias, ita fieri quæque velis, vt fiunt. a Christianum, diuinum documentum: Ita fieri quæque velis, vt fiunt. Simillime locutus Basilii: Quoniam, inquit, res non ita eueniunt vt volumus; quemadmodum euenient, sic velimus. b Eodem prorsus modo Nilus abbas. Non ora, inquit, vt fiant quæ fieri velis, sed potius ora, sicut orare didicisti, vt fiat Voluntas Dei in te. c Non aliter pijsimus ille scriptor Thomas à Kempis. Homo internus, inquit, cito sese colligit, & sicut res eueniunt, sic se illis accommodat. d Ita fieri quæque velis, vt fiunt. Huius rei veluti causam reddens Epictetus: Necessitati, ait, qui probe se accommodat, sapit, estque rerum diuinarum cōsciū. Sed & tertium illud addit: O Crito, si Dijs ita visum, ita fiat. Me autem Anytus & Melitus occidere sane possunt, lædere vero non possunt. Quid magis Christiane dic potuisset? & quam perspicaces oculos in diuinam Providentiam fixisse censendus est Epictetus, cuius illud vel vno die millies repetendum: Ita fieri quæque velis, vt fiunt, si Deo ita visum, ita fiat. Ergo nullos eventus certos expectemus, nil certi vnquam designemus nisi hoc vnum vnicum, vt Dei fiat Voluntas. Ecquid aliud beatus Chrysostomus, quid aliud sactorum Patrū senarus vniuersus clamat, quæ hoc ipsum: Neminem lædi nisi à seipso. Morbus est corporis impedimentum, inquit Epictetus, instituti non item, nisi ipse velis. Claudicatio pedis est impedimentum, instituti non item. Quod si singulis in rebus quæ incidunt, consideraris, inuenies eas alterius cuiuspiam rei, non tui esse impedimentum. e

Hinc tam animose Iacobus anachoreta demoni plagas minitanti respondens: Si tibi inquit, permillum est à Deo, percutere, quid moraris, percutere, & plagas libenter accipiam, vt qui ab illo feriar qui feriri me permisit. Si an-



tem id tibi permiffum non fit, non percuties me, etfi millies infanias. *f* Hinc etiam Irene imperatrix, à suo seruo deiecta imperio: Ego, aiebat, Deo acceptum refero quod me orphanam & indignam euexerit ad imperium. Quod vero iam me deiici permittat, meis id peccatis adscribo. In omnibus autem bonis & malis fit nomen Domini benedictum, *g* Certissimum: Nemo læditur nisi à seipso. Ideo Augustinus: Constante Deo crede, inquit, eique te totum committe quantum potes, ita enim ipse te ad se tubleuare non desinet, nihilque tibi enenire permittet, nisi quod tibi profuit, etiam si nescias. *h*

Vt autem hoc quisque sibi persuasissimum habeat, expedit vt fundamentum illud assidue menti obuerfetur: Nihil vlli vspiam aduersi sine nutu Volūtateque Dei posse accidere. Nec enim diabolus, nec mortalium vllus obesse nobis poterit, si Deus id non permiserit. Quisque nostrum cum Iacobo eremita in omnes inimicos suos liberrime proclamet: Tu non percuties me, nec tu, nec iste, nec ille, nec vos omnes me vnquam percutietis, etfi milles infanias & ringamini, si à Deo id vobis non sit permiffum. Neque tantum à Deo omnia, grauissimas etiam grumnas; tanquam à supremo Rege prouenire credendum, sed eadem sic etiam prouenire tanquam ab amantissimo patre in nostrum commodum & utilitatem immiffa, atque adeo neminem omnino lædi nisi à seipso prout castissima Iuditha nos instruens: Nos ergo, inquit, non vlciscamur nos, pro his quæ patimur: sed reputantes peccatis nostris hæc ipsa supplicia, minora esse flagella Domini, quibus quasi serui corripimur, *ad emendationem*, & non *ad perditionem nostram euenisse credamus*. *i* Tam rectæ Deus voluntatis est, vt non velit, nec velle possit, nisi quod nobis bono fit, & quidem maiori bono: Quid ni velit hoc Deus? Optimus est quid ni possit? Maximus est, adeoque vires nullæ sunt supra ipsum, vti nullæ nisi ab ipso. Vndeque & ex omni parte, bona Dei Voluntate ita circumniti sumus, vt ad nos nihil nisi per Prouidentiam diuinam: per ipsum Deum possit pertingere. Vere Domine, vt scuto bonæ voluntatis tuæ coronasti nos. & Nemo igitur indignetur sibi hoc illudue triste accidere, sciat illa ipsa quibus læ-

di videtur, ad conseruationem vniuersi pertinere, & ex his esse quæ cursum mundi officiumque consummant.

Antonium Magnum subinde ingens diuersarum belluarum exercitus ab Orco circundedit, qui extrema omnia minabatur. Irridens hunc omnem bestiarum cuneum Antonius: Omiseri, ait, vt me terreretis, belluas induistis, vel multitudine victuri: si quid vobis esset virium, me vna è vobis vinceret, sed quia retusis viribus inuvalidi in nos pugnat, exercitum obijcitis. Si quam vobis in me licentiam permisit Deus, inuadite, lacerate, forbare me, si iuris nil dedit, laborem frustra sumitis.

Fidamus ergo Prouidentia diuinæ Domini regit nos, & nihil nobis deerit.

*a* Epist. Enchir. c. 13. & c. 78. 79.

*b* Basil. ad Eustach.

*c* Nil. c. 22. de orat.

*d* Thom. à Kemp l. 2. c. 1.

*e* Epictet. Enchir. c. 13.

*f* Theodor. in vitis SS. Patrum c. 21.

*g* Paulus Diac. l. 23.

*h* Aug. in solil. c. 15.

*i* Iudit. c. 8. v. 26. & 27.

*k* Psalm. 5. v. 13.

## CAPVT IX.

*Quanta Dei Prouidentia sit tam in amicos quam inimicos.*

Vetus est apologus qui Prouidentiam diuinam hunc in modum proponit. Ad riuulum lustrabat inter flores puerulus, Tandem puerili discursatione fatigatus, iuxta aquas loco periculoso confedit & obdormiit. Mox adfuit Fortuna, & dormitatem puellum, increpitans: En, inquit, miselle, quam primum est hinc in aquam delabi: Surge, & vicino periculo te subtrahe, ne si quid tibi mali eueniat, omnes in me culpam deriuent, dicantque non te, sed me dormiisse, quæ te dormientem neglexerim. Pulchre hoc Prouidentia Dei asserendæ excogitatum. Inter omnes Christianos constat, de quo illud pronuntiarit Psaltes; Ecce non dormirabit, neque dormiet qui custodit Israel. *a*

Platoni Deus tam acres habet oculos, vt

Aaaaa 2

cos



eos nihil effugiat; Aures habet tam acutas, ut eas nil pretereant, nil fallat, ut qui ipsas etiam audiat cogitationes; porro brachia manusque habet tam longas, ut ijs nemo elabatur *b*. Hoc philosophos, ratio docuit, quod nos non solum è ratione, sed etiam è sacris paginis discimus.

*a Ps. 29. v. 4.*

*b Plato de Rep.*

## §. I.

**S**iracides de diuina Providentia dilucide: *A* sæculo, inquit, usque in sæculum respicit, & nihil est mirabile in conspectu eius. Opera omnis carnis coram illo, & non est quidquam absconditum ab oculis eius. Non est dicere, quid est hoc, aut quid est istud? omnia enim in tempore suo quærentur. *a* Præterita, præsentia, futura distinctissime vnoque intuitu peruidet Deus: Omnes ipsius oculis præfentes sumus, Adam & Antichristus, omne humanum genus, creata omnia. Tam autem diuina Providentia falli non potest, ut recte dixerit idem Siracides: Omnia opera Domini bona, & omne opus hora sua subministrabit. Non est dicere, Hoc illo nequius est: omnia enim in tempore suo comprobantur. *b* Hinc merito dixit Augustinus: Confiteri Deum esse, & negare præscium esse futurorum, apertissima insania est. *c* Vere Providentia Dei attingit à fine usque ad finem fortiter, & disponit omnia suauiter. *d* A supremis Angelorum Seraphiis, ad minimos in terra vermiculos, insomnes Dei curæ descendunt, imo nunquam absunt. Moses olim & Aaron proclamant: Vespere scietis quod Dominus eduxerit vos de terra Egypti, & manè videbitis gloriam Domini. *e* Sane in mortis vespere cognoscemus nos omnes, obstupeſcendam Dei in nos Providentiam. Nam, à Domino diriguntur gressus viri, quis autem hominum intelligere potest viam suam? *f* Longe providentiſſimè ducit nos Deus, sed sæpe per flexos aditus, & labyrinthos pæne inextricabiles, sed ille nouit qua nos vi educat in cali viridaria. Quid ergo querimur contra circumspectiſſimum hunc ductorem? Si quis cum tabellario viarum peritissimo iter ingrediatur, & vbi salebrosæ, difficiles, ac fluxuosæ se viæ obtulerint, incipiat queri, dicarque:

Per quæ me auiā ducis, vir bone? nisi me valde fallo, iam dudum itinere decessimus. Huic viæ auctor promptè respondebit: Ne sollicitus sis, mi Domine, & hanc mihi curam relinque: per aliquas, fateor, ambages te duxi, quod si limite recto iuiſſemus, in paludes illas ineluctabiles incidissemus: fide mihi; sic ducam, ut te huius comitis non pœniteat. Semita trita & tuta, nemini nimium longâ sit aut aspera. Ita nos diuina ducit Providentia: per crebros quidem anfractus, perque varios viæ flexus incedendum est; sed quid indignamur optimo duci modo via sit secura, quid refert, sit sit salebrosa?

*a Ecclic. 39. v. 24. 25. & 26.*

*b Ecclic. cap. 39. v. 39. & 40.*

*c August. lib. 5. de Ciuil. c. 9.*

*d Sapient. c. 8. v. 1.*

*e Exod. c. 16 v. 6.*

*f Prov. c. 20. v. 24.*

## §. II.

**V**idete mihi regem Saul, regum optimum, si tam bene finiſſet, quam cœpit. Non erat, vir de filiis Israel melior illo. *a* Hic ipse dum patris sui asinas quæſiuit, regnum inuenit. Sed diuinam in hunc virum Providentiam paullo altius consideremus. Dixerat Deus Samueli, hic ipla hora, quæ nunc est, cras mittam virum ad te de terra Beniamin, & vnges eum ducem super populum meum Israel. *b* Mittendi modus hic fuit. Pater Saulis asinas amisit, has quæſitum amandauit filium. Saul patris dicto audiens, adſcito in viam comite, omni conatu iumenta quæſiit: Ephrimum montem transcendit, terram Salisâ percurrit, asinas non reperit: tractum Iemini, & oram Salim lustrauit, sed, nullum vsquam asinarum vestigium. Demum Saul ad comitem: Domum, inquit, redeamus, ne patri meo grauiorem nos sollicitudinem iniiciamus quam asina, cogaturque quærere quærentes. Hic comes consilium suggerere & dicere, non procul inde virum Dei habitare, videri prorsus optimum factum, si hunc adeant, & super amissis iumentis interrogent Saul occasionem non spernendam ratus, instituit & istud viæ deuotare: Sic sane post longa diuerticula delatus est ad Samuelem, futurorum plane ignarus. Vix autem in

mutuum



mutuum aspectum & colloquium ventum est, cum Deus Samueli dixit, hunc ipsum esse, quē Hebræo imperio destinasset, hunc in regem vngendum. Omnia ordine facta. Ita Saul & asinas inuenit quas quæsiuit, & regnum reperit quod nunquam somniauit. O quanta diuinæ Prouidentia abyssus, arcanum quantum! & quam diuina ab humanis iudicijs diuertunt! Nihil minus Saul cogitabat quam sceptrum & diadema, cum in solium diuino calculo attollitur. Ita non casu perditæ sunt asinæ. Non casu missus est Saul qui eas indagaret; nec casu factum ut illas non statim inueniret, sed nec casu consilium adeundi Samuelis à famulo suggestum: singulari Dei prouidentia, eoque fine facta sunt hæc omnia, ut Sauli deferretur sceptrum in Israel. Sed quæras forsan, cur Deus Saulem in regem vngi voluerit, quem præsciuit multum impie facturum, & pessimè finiturum? Idem quæram & ego; Cur Deus Angelos creauit in gratia, quos sciuit æternum torquendos in gehenna? Cur Adamum in amœnissimo horto collocauit, è quo eum breui sciuerat exturbandum? Cur Christus Iudam Iscariotem in Apostolum elegit, quem præsciuit fore proditorem? Cur Apostolos suos in ciuitatem Samaritanorum misit, quos præuidit non recipiendos? Quid hoc lusus est? Et tamen eius generis infinita sunt. Hieronymus ad rem respondens; Vis, inquit, scire rationem? Deus præsentia iudicat non futura, nec condemnat ex præsciennia, quem nouerit talem fore, qui sibi postea displiceat: sed tantæ bonitatis est, & ineffabilis clementiæ, ut eligat eum, quem interim bonum cernit, & scit malum futurum, dans ei potestatem conuersionis & pœnitentiæ. Neque ideo peccauit Adam quia Deus peccaturum præsciuerat, sed ideo præsciuit Deus, quia ille propria voluntate erat peccaturus: Nec in eo, inquit Ambrosius, læsus est vel Adam, quia mandatum accepit, vel Iudas quia electus est; non enim necessitatem Deus vel illi prauaricationis, vel huic proditiōis imposuit, quia uterque si quod acceperat custodisset, à peccato abstinere potuisset. Quos scit Deus in bono mansuros, frequenter ante sunt mali; & quos scit malos permanuros, aliquoties prius sunt boni. Stas modo, vide ne cadas. Apostolus,

Ecclesiæ princeps lapsus est: Tu vigila. Iudas cecidit, ut tu stares. Hinc magnum discimus documentum, inquit Euthymius, quod neque humana promptitudo quidquam efficiat absque diuino auxilio, neque diuinum auxilium prosit absque promptitudine humana. Vtriusque rei exempla sunt Petrus & Iudas. Oportet ergo neque obdormire, omni negotio in Deum reiecto, neque rursus putare seipsum omne opus efficere. Siquidem nec totum operatur Deus, ne otiosi permaneamus; nec totum nobis permittit, ne gloriemur; sed ab vnoquoque quod nocivum est auferens, quod utile est nobis relinquens.

a 1. Reg. c. 9. v. 2.

b Ibid. v. 16.

c Hier. l. 3. contra Pelagian. l. c. 2.

d Ambr. in c. 9. epist. ad Rom.

e Euthym. c. 64. in Matth.

## S. III.

Sed Saul etiamnum mihi in animo est. Admirabilis fuit in omnibus circa hunc regem Prouidentia Dei. Nam qui toties Philistarum mucrone Dauidem perdere malitiosè studuit, ipse ingenti Philistarum exercitu vallatus, à Deo desertus, Pythone per summum scelus consulto, Samuelem habuit nuncium imminentis ruinæ, quam nec ferre miser potuit, nec vitare. Heu, quam vigilans est Vindicta diuina! Qui seipsum neci dederat, ut hostiles illusiones effugeret, ille idem præ omnibus Israelitarum regibus, illusos & contumelijs affectus est. Nam caput eius tota Palæstina ludibrio circumuelatum, cadauer volucris in escam abiectum est. Et, ô Deus, quam nihil Prouidentiam tuam præterit! Hic idem Saul qui Amalecitas, Deo iubente, penitus delere noluit, eo miseriarum redactus est, ut beneficii loco duceret ab Amalecita interfici. Pondus, & statera iudicia Domini sunt.

Solet autem diuina Prouidentia, nec statim omnia scelera punire, nec omnia relinquere impunita. Si nulla puniret, nullam esse Prouidentiam multi dicerent, si vero in omnia mox animaduertit, nihil post hanc vitam vel præmij, vel supplicij superesse crederent. Ita Deus dum quædam punit, prouidentiam suam ostendit, dum quædam relinquit impu-

Aaaaa 3

nita, ad



nita, ad futuræ vitæ reservat supplicia. Eodē consilio quosdam suorum periculis subducit, alios impiorum furori vexandos obijcit: providentissime omnia. Sic tres Hebræos iuvenes Babylonis flammis eripuit, septem Machabæos fratres ab Antiocho excarnificari sustinuit: tam illud quam istud, & iuste & provide.

Illustrissimum & hoc diuinæ Providentiæ argumentum fuit, quod plures commemorant. *b* Cyrus Ponopolites, poeta nobilissimus, princeps architectorum, pace & bello insignis quam enim sapiens, tam etiam fuit industrius, sed quod vnum illi deerat, nondum Christianus. Hic in Eudociæ Imperatricis Augustæ familiaritatem sese insinuans, tantam sibi gratiam sua poesi conciliauit, ut ab Imperatore Theodosio iuniore proximus, Urbis & Prætorio præfectus, Patricius Consularis, summis deniq; dignitatibus fulgeret. Simul tamen varijs & acerbis casibus vir iste iactatus est & demum periisset, nisi naufragium fecisset, quo alij solent perire. Nam magna Dei Providentia, è summis, alea vertente, ad ima deiectus est. Siquidem ea re, qua apud ciues magnam gratiam collegit, apud imperatorem non mediocriter offendit. Verum saluti fuit, quod esse credebatur exitio. Cum enim Cyrus, Constantinopolis veteres muros demolitus, duobus interval- lis additis, alios intra sexagesimum diem extruxisset, populus inauditi operis festinatam pulchritudinem obstupescens, in Circo, præ- sente Imperatore exclamavit: *Constantinus condidit, Cyrus instauravit*. Vulneratus his vocibus Imperator. Cyrum sub eo prætex- tu, quod Græcæ superstitionis cultor esset, Præfecti dignitate privari, & bona illius publicari iussit. Accesserunt & aliæ quoque calamitates. Vxorem Cyri filiamque cacodæmō, inuisus hospes, infedit, Hæc quidem Cyro, invidia Principis (vt videbatur) benignissima tamen Providentia Dei sic euenerunt, ut vim medicamenti obtinuerit tam multiplex cala- mitas. Qui enim inter tot signa atque prodigia, etiamnum Deorum cultor perseverabat, violento remedio curandus erat, & reddendus sanæ menti. Itaque Cyrus tot ærumnis pressus, ad Christianorum Deum confugere instituit, sacris Christianis imbutus, & in

Clericum attonsus, quoad vixit Smyrnæ Pon- tificem egit. Gratias agat Cyrus diuinæ Pro- uidentia maximas: Sane perierat, nisi sic periisset.

*a* *Prou. c. 16. v. 11.*

*b* *Cedrenus, Euagrius; Nicephorus sub annum Christianum. 440.*

#### S. IV.

**I**N hunc modum res aduersas omnes quæ in hac vita eueniunt, diuina Providentia sua gubernatione tam amanter complectitur, ut vniuersas vitæ misérias disponat, & ordinet in nostrum bonum, & ipsa etiam peccata permittat, ob altos & secretos sui regiminis fines. Eiusdem enim diuinæ Providentiæ est, & facere bona, & permittere mala. Certe Deus nil vnquam mali permetteret, nisi adeo po- tens & bonus esset, ut è quouis etiam malo bonum eliceret. Dic, obsecro, quæ vnquam maiora in Orbe mala fuerunt quam facinus Adami, & occisio Christi? Et tamen noxa pri- migenia, Deum in humana membra è cælo detraxit: Mors Christi cælum nobis, & bona omnia restituit. Is artifex est Deus, ut è ma- lis omnibus, velut è numis plumbeis eliquare possit probatissimum aurum: Diligentibus Deum omnia cooperantur in bonum. *a* Mag- dalenæ vitiositas multos correxit, Lapsus Petri quam plurimos erexit, dubitatio Thomæ innumeros confirmavit. Deo istud laudi est *Metis, ubi non seminasti*. Cum enim peccata non seminet, ex eis tamen colligit messem complurium bonorum. Vere Deus mel de pe- tra, oleumque de saxo durissimo *b* sugit, cum è grandibus malis, bona non minora elicit.

Ita vero diuina Providentia circa nos no- straque omnia vigilat, ut omnes & corporis molestias minutissimè iam decretas habeat. Ea propter quibus hominum, ad cuiusvis morbi principium, secum ipse, ratiocinetur in hunc modum: Hic morbus è quacunque causa, siue mea intemperantia, siue alterius maleuo- lentia, vel aliunde contractus, à diuina prorsus Providentia est, quæ illum viribus meis sic accommodauit, ut illius initium, graui- tas, incrementum, inclinatio, remissio ab ea- dem omnino pendeant ita ut humor (verbi gratia) qui iam caput afficit, non possit in aliam partem defluere, nec crescere, aut plures

horas



horas durare quam decreuerit Deus. Eadem pariter Prouidentia diuina remediorum, & curationis euentus sic disponit, vt medicus quid faciendum aut intelligat, aut morbi vim non assequatur, & erret, & vt pharmaca vel apta malo, vel inepta, opportune vel importune praebeantur, atque vt cetera medicamenta vel leuent morbum, & ad sanitatem proficiant, vel malè respondeant, & à morbo vincantur, ita vt nil penitus horum casu accidat. Omnia morbi momenta, & minimæ quæuis motiunculae, Dea moderante, eo diriguntur, vt quod diuina Voluntas constituit, assequatur. Certè sanitas & ægritudo, vita & mors à Deo sunt; à Deo est omnis meliora.

Eodem prorsus modo in omnibus aduersis, quæ vel corpus, vel animus afficiunt, de diuina Prouidentia ratiocinandum est: Inimicus tibi maledicit? Vide, mi homo, omnes illius calumnias, omnia verba, syllabas omnes, quas in te ore tragico euomit, à diuinæ Prouidentiae statera iam ab æterno appensa sunt; quantum illi permissum est, hoc in te dicet, & nec vnica quidem syllabula amplius. Quid igitur pugnas, & incassum ringeris? Eandem ratiocinationem hanc adhibe miseris tuis omnibus, quarum ordo, numerus, intensio, tempus, conditio, ad vnguem constituta sunt à diuina Prouidentia. Huic te submitte & dic: Obmutui & non aperui os meum, quoniam tu fecisti. *d* Tu, mi Deus, tu hæc fecisti, tuæ Prouidentia, Voluntas, Permissio hæc in me immisit: quia ergo tu hæc omnia fecisti, impius ego sum, qui contra te querar. Ergo Voluntati tuæ pareo, & quicquid ab ea est, tolero.

Quæ hæcenus dicta, Clemens Alexandrinus consignans: Hic ergo, inquit, tali cognitione præditus, quique est fidelis, & cui est persuasum, quæ sunt in Mundo optimè administrari, æquo certè fert animo omnia quæ eueniunt. Nota: *Cui persuasum est, quæ in Mundo sunt, optimè administrari.* Sed profecto non ratione hominum, qui toties grauissimè errant, sed Dei ratione optimè omnia administrantur, Deus enim per instrumenta etiam pessima, suam tamen Voluntatem perficit. Consilium eius stabit, & omnis Voluntas eius fiet.

*a Rom. c. 8. v. 28.*

*b Deut. cap. 32. v. 13.*

*c Eccli. c. 11. v. 14 & c. 38. v. 2.*

*d Ps. 38. v. 10.*

*e Is. cap. 46. v. 10.*

## S. V.

**H**æc diuinæ Prouidentiae quotidiana consideratio altissimam animo pacem conciliat & omnem hominis voluntatem subiicit diuinæ, idque suauis negotio. Quisquis igitur diuinæ prouidentiae totum se regendum committit, is iam liber ab innumeris molestiis, sedet in pulchritudine pacis, in tabernaculis fiducia, & in requie opulenta. *a* Hinc Allois abbas dicere solebat: Non habebit homo requiem, nisi dixerit in corde suo: Ego & Deus soli sumus in hoc mundo. *b* Hoc ipsum Augustinus confirmans. Sic curas, o Deus, vnumquemque nostrum, inquit, tanquam si solam cures, & sic omnes tanquam singulos. *c* Ipsissimum hoc & Gregorius asserens: Sic Deus intendit singulis, inquit, ac si vacet è cunctis, & sic omnibus simul intendit, ac si vacet à singulis. *d* Ita, mi homo, te curat, ita tibi prouidet Deus, ac si aliud quod curet, prorsus non habeat. Hominum multitudo diuinam Prouidentiam non turbat, idem illi vnus, & mille homines: quemadmodum Noemum cum alijs septem hominibus arca conclusum, aut vnicum in Elysijs campis Adamum curæ habuit, sic omnes nunc habet. Huic prouidentissimo curatori suo, proborum quiuis dixerit: Dilectus meus mihi & ego illi: Ego Deum & diuinos nutus sic obseruo, perinde si aliud in Orbe non sit quod obseruem, aut æstimem: mea vicissim salus sic Deo curæ est, tanquam si aliud in Orbe non sit quod curet, aut cogitet, ille mihi, & ego illi; ille Dominus gubernans me, & ego seruulus ad dominicos iussus paratus, nam ita ille pactus est mecum: Cogita tu de me, & ego continenter cogitabo de te obliuiscere tu tui, & memineris mei, sic ego memor promissi mei, vicissim iugem tui curam habebo.

Hic illud solatij plenum est: Deus non sic gubernat nos, vt Princeps provinciam, Rex regnum, summus Pontifex Christianum Orbem, quibus opus est tot aliorum opera. Pontificis curas tot Archiepiscopi, tot Episcopi,



tot alij magistratus sacri subleuant: Regibus proreges, principes, dynastæ, consiliarij, senatores sunt, in quos illi suæ gubernationis curas partiuntur: Non ita Deus ea prouidentia gubernat vniuersos: qua singulos ita vnūqueque hominum peculiari, sicut omnes generali cura complectitur. In omni loco oculi Domini contemplantur bonos, & malos: Respicit Dominus vias hominis, & omnes gressus eius considerat. *f*

Vtinam in singularissimæ huius planeque paternæ Prouidentie abyssum liberissimo nos actu præcipitemus. Quisque sibi securissime polliceatur: Dominus sollicitus est mei, Dominus regit me & nihil mihi deerit. Si quidē animi tranquillitatem amamus; si Deo fide, si diuinæ Voluntati in omnibus parere desideramus, diuinam hanc Prouidentiam assidue in oculis habeamus, tanto futuri deuotiores diuinæ Voluntati, quanto fuerimus Prouidentie diuinæ fidentiores.

*a* 1<sup>a</sup> c. 32. v. 18.

*b* *Dorothei* doct. 7.

*c* *Aug.* l. 3. *confess.* c. 11.

*d* *Grego.* l. 25. *mor.* c. 19.

*e* 1<sup>a</sup> c. 48. v. 17.

*f* *Prou.* c. 15. v. 3. & c. 5. v. 21.

## C A P V T X.

*Quanta nihilominus plurimorum hominum de Deo sit diffidentia.*

**N**IL crebrius Christus, nil & acerbius in suis discipulis castigauit quam diffidentiam. Hinc illos modicæ fidei, tardos corde, generationem incredulam, peruersam appellauit sapiens: varia tentauit optimus magister, ut sui dedicerent diffidentiam. Quo enim ille Domini sopor in nauigio, illa panum penuria, quo examen super comæatu in solitudinem peruehēdo, quo illa Petri in aquis fluctuatio spectabat? diffidentia proponebatur dediscenda; & hoc sibi volunt voces illæ: Modicæ fidei, quare dubitasti perinde si dixisset sapientissimus doctor: Ergone vos tam indociles, ut primam hanc summe necessariam institutionem non possitis capere?

In varias sese formas diffundit diffidentia,

Sunt qui ideo diffidunt Deo, quod putent illum suis hostibus nimium indulgere, & laxare omnes habenas: Alij diffidunt se impetraturos à Deo quod rogant, præsertim si ob admissa olim peccata, conscientie angoribus vrgeantur, metuuntque ne Deus veniam negarit etiam petentibus. Alij Deo diffidunt, ne forte subtrahat victui necessaria. Triplex hoc diffidentie genus plurimos hominum rectissima fraude à Deo abducit, & præcipitat. Hoc autem diffidentie vitium tanto magis noxium, quanto minus notum est. Quod si originem huius vitij libeat indagare, reperiemus, ex eo etiam nasci diffidentiam, quod quis ipse sibi nimium fidat. Quam hoc & frequens & periculosum sit, sibi ipsi fidere, antequam ad alia progrediamur, hic exponendum.

### S. I.

**S** Alomon hanc sui fiducia graviter perstringens: Qui confidit in corde suo, inquit, stultus est. Ideo toties monet: Ne innitaris prudentie tuæ: Ne sis sapiens apud te ipsum. *a* Nimirum prima stultitie rudimenta sunt, se sapientem credere. Quis autem ille Phœnix est, qui res suas non æstimet, qui parui pendat, qui non aut vires, aut formam, aut opes, aut eruditionem, aut prudentiam suam subinde blandis oculis circumspectat sed suo damno. Nam, qui confidit in cogitationibus suis, impie agit. *b* Deus, ut hanc nobis impietatem extorqueat, sæpe nos graviter castigat, aut indociles disciplina sua penitus excludit.

Videte mihi Goliathum tantopere sibi præfidentem, quasi vno spiritu dissaturus sit totos exercitus. Cumque vidisset contra se progredientem pastoritium iuuenem David acerbis commate tantillum aduersarium contemnens. Veni, aiebat, ut discerpam te, in pabulum bestiis obijciendum. Sed quam hæc sui diffidentia compressa est! quis enim ita lapidem rexit, ut rectissima Goliathi frontem peteret, nisi Dei certissima manus quæ fastuosam illam turrim, non ballistis aut catapultis immanibus, sed lapillo vnicò deiecit.

Holofernes æque præfidentis sibi, tanti non erat Deo, ut virili dextra caderet; omnem illius arrogantiam femina triumphauit. Chaldaus



deus monarcha Nabuchodonosor in palatio suo obambulans : Nonne hæc est, aiebat, Babylon magna, quam ædificavi in domum regni, in robore fortitudinis meæ, & in gloria decoris mei ? An non verbs incluta est ? ego illius conditor sum. O mi Nabuchodonosor, antehac centena tibi fercula in regium prandium cenamque apponi solebant, deinceps apponetur vnicum & valde insuetum, dum discas rectius & cogitare & loqui. Ut verò tibi sapiet ientaculum boum fœnum tamdiu comedes, dum sapere discas, & stylum veritas Balneum tuum gelidus ros erit, Attalica vestis capilli tui, pro anulis ungues auium habebis. Cumque sermo adhuc esset in ore regis, vox de cælo ruit : Tibi dicitur Nabuchodonosor Rex regnum transibit à te, & ab hominibus eijcient te, & cum bestiis feris erit habitatio tua. fœnum quasi bos comedes, & septem tempora mutabuntur super te, donec scias quod dominetur Excelsus in regno hominum, & cuiusque voluerit det illud ; Ita nimia sui fidentia hominem in feram mutauit : Sed audit ut è fera in hominem remigrarit, & Deo non sibi fidere didicerit. Igitur post finem dierum, ego Nabuchodonosor oculos meos ad cælum leuaui, & sensus meus redditus est mihi, & Altissimo benedixi, & viuentem in sempiternum laudaui, & glorificaui : quia potestas eius, potestas sempiterna, & regnum eius in generatione & generatione. Et omnes habitatores terræ apud eum in nihilum reputati sunt : iuxta Voluntatem enim suam facit tam in virtutibus cæli, quam in habitatoribus terræ : & non est qui resistat manui eius, & dicat ei, Quare fecisti ?

Grande malum sui confidentia, quæ & Apostolorum principem in præceptis egit. O Petre cur fles canente gallo ? antea flere decuisset, cum Dominus singulis valediceret, cum mœstissimam mortis mentionem super cena iniiceret, hic sanè decoræ fuissent lachrymæ. At sui confidentia tunc omnes extinxit lachrymas, pro lachrymis ingens audita pollicitatio : Etiam si omnes scandalizari fuerint in te, ego nunquam scandalizabor. f Itaque, Nunquam ? pauculæ horæ ibunt, & omne hoc promissum à sola sui confidentia exortum corruet. Censet omnino Basilii ne-

minem superari ab vlla tentatione, nisi sibi plus equo fidentem. Qui autem sibi serio diffidit, nihil vnquam agere instituit, quin prius diuinum subsidium implore.

Ambrosius olim Augustini matri Monicæ contra filium Augustinum hoc potissimum queritur, fidere illum ingenio suo. Nec prius Augustinus sapuit, quam hanc sui confidentiam correxit. Hoc & ipse de se fassus, Credebam, inquit, me sufficere per me, nec perspiciebam quoniam tu regebas me, donec aliquantulum elongasti à me, & cecidi statim in me, & vidi & cognoui. g

Sicut autem ingenio aut prudentiæ, vel arti suæ, sic & viribus suis fidere vitiosum est. Maximinus Imp. tantæ molis & roboris fuit (Capitolinus refert) ut vxoris armilla pro anulo sit vltus, huic vnus aliquis in theatro græcos hos versiculos occinuit;

*Elephas grandis est, & occiditur,*

*Leo fortis est, & occiditur,*

*Tigris horribilis est, & occiditur,*

*Cauè multos, si singulos non times.*

Nemo robori suo, nemo arti, nemo stemmati & diuitijs, nemo eruditioni & sapientiæ suæ fidat, est cum hæc omnia leui statu corruūt. Non gloriatur sapiens in sapientia sua, & non gloriatur fortis in fortitudine sua; & non gloriatur diues in diuitijs suis. h

a Prou. c. 3. v. 5. & 7 b Prou. c. 12. v. 24

c Dan. c. 4. v. 27.

d Dan. c. 4. v. 28. & 29.

e Ibid. v. 31. & 32.

f Matth. c. 20. v. 33.

g August. soliloq. c. 15.

h Hierem. cap. 9. v. 23.

## S. II.

Sed non tantum non in seipso vllus, sed nec in vlllo altero spem & fiduciam figat. Hieremias vates vociferatur; Maledictus homo qui confidit in homine, & ponit carnem brachium suum, & à Domino recedit cor eius. a Hic acutè Origenes, explicans illud; Maledictus homo qui pendet in ligno. Existimo, inquit, hanc eandem esse sententiam cum illa; Maledictus homo qui confidit in homine. E ligno namque pendere, idem est quod spem suam ex homine, velut fragili trunco, suspensam habere.

Bbbbb

Con.



Consueverunt venatores, ut elephantem capiunt, tales instruere insidias. Arborem cui elephas inniti solet capiendo somno, dissecant in imo, sed erectam nihilominus, velut sanam & integram relinquunt. Elephas cum ex more venit accubitus, succisa innititur, sic vna & arbor & bestia magno impetu corruunt. Sunt innumeri qui arbores sibi seligant, quibus innitantur; hic Principi laboriosissime studet placere, iste opulenti præfulis gratiam exambit, ille in magnanti amicitiam se insinuat, sunt qui aliorum benevolentiam largitione confectentur, alij alijs modis captant fauorem. O miseri! vos ipsos fallitis, & in vestrum hæc exitium paratis. Arbores, quibus innixuros cogitatis, iam pridem occulto vulnere succisa sunt, cum minimè putaueritis, subito ruituræ, & cum ijs omnes confidentie vestre. Augustinus fallaciam hanc monstrans: Multi, ait, de amicis potentioribus præsumpserunt: ceciderunt illi de quibus præsumpserunt, & inuoluerunt eos, qui de se præsumpserant. *b*

Ionas propheta fecit sibi vmbra, & sedebat subter illud in vmbra: Et latatus est Ionas super hedera, læticia magna. *c* O læticiam, & breuem, & inanem! Nam hederacea hæc diæta duplicem hostem habuit, & Solem, & vermem, ita vno die omnis hæc vmbra vilis voluptas euauit. Orbem mihi considera, & plenum reperijs his talibus vmbra culis, florent hæc aliquanto tempore, sed proximum semper exitium huic hederae imminet à diuersis vermibus. Humanis fauoribus niti, heu quam commune & peruagatum est vitium! Vtinam non etiam viri religiosi suæ hic dignitatis obliuisci vellent, & aliorum sibi gratiam & fauorem rectis studijs colligere. Vmbra tica hæc tuguriola sunt, quæ varij vermes inuidiæ, obrectationis, calumniæ, mortis denique arrodunt, dissipant, exedunt. Est famulus cui in suo domino plurimum fiducia; breui mors dominum rapit, & iam totum famuli vmbra culum vbi est? Alius patrono nititur opulento ac potente; patronus moritur, aut ipsius opes ac potentia imminuuntur, ita iam huius etiam hedera exaruit. Filij subinde parentum auctoritate, officijs, dignitate præclare se defensos credunt; subito Deus aufert hoc vmbra culum, iamque mi-

seri contra quam sperant, vruuntur à sole, quia periit domus hederacea. Sic ille Assueri oculus Aman, cognatis & vxori mira gratulatione narrauit, non videri sibi quidquam ad omnem felicitatem deesse, apud regem præter se neminem æquè gratiosum esse, mascula insuper prole decem filiorum, & opum abundantia se mirificè beari. O pulchrum vmbra culum, sed breui à sole & vermibus scæde consumendum! Et Aman & omnes Amanis filij in altam crucem sunt acti. Hoc Mausolæum habuit tam præfidens sibi felicitas.

*a Hier. cap. 17. v. 5.*

*b Aug. in Ps 131. circa med.*

*c Ionn. c. 4. v. 5. & 6.*

### S. III.

**O** Homines, Dei opulentia, fauore, ac potentia innitendum est, non hominum. Contento vociferatur Dauid; *Nolite confidere in principibus.* *a* Cur obsecro, mi optimè Dauid, ijs non confidamus, qui plurimum inter nos valent potentia? Causam mox addit psalteres; *in filiis hominum, in quibus non est salus.* Hoc ipso in nullo nec potentissimorum regum, nec inuictissimorum Caesarum fiducia reponenda, quia & ipsi homines sunt. Quid enim, o homo, confidis homini in quo non est salus? Exhibet spiritus eius & reuertetur in terram suam, in illa die peribunt omnes cogitationes eorum. Beatus cuius Deus Iacob adiutor eius, spes eius in Domino Deo ipso. Spes in homine; vmbra esse ait sacra pagina. Habentes fiduciam in vmbra Egypti *b* Quid fugacius, quid inconstantius & fallacius vmbra? talis est fiducia in homine collocata. Multi requirunt faciem principis, & iudicium à Domino egreditur singulorum. *c*

Iacob è Mesopotamia redux in Chanaan, cum obuium, haberet fratrem germanum Esau, quadringentis viris stipatum, timuit sibi velut ab hostili exercitu & diuinam opem sedulo implorauit. Adfuit vocanti Deus, & amplissimum auxilium est pollicitus, eum tamen claudicantem à se dimisit. Et quod istud, inquis, subsidij aut prouidentie genus? Auxilium implorat Iacob, & coxa debilis dimittitur. Hoccine est manum commodare claudum efficere? Ita prorsus, hoc erat iuuare. Nam est cum & vulnera sanant, & iactura in tem-

porè



port lucrum est, & pleraque sunt in quibus bono nostro vincimur. Et ideo Deus Iacobum à se sic factum remisit, vt & ille & per illum nos omnes disceremus, non nobis aut nostris, nec etiam alienis viribus fidere, sed Dei solius potentia & bonitate niti. Sed quia sanus valetudini, firmus robori, litteratus eruditioni, potens auro, sapiens ingenio fideat, quia tenuis diuite, imbecillis multipotente fulciri petat, ideo frequenter Deus hæc talia sapientissimè aufert, vt eum fulcra, quibus nitebamur, desunt, niti discamus vnò solo, que Deo.

Gedeon, dux belli, viginti duobus millibus virorum missionem dedit, trecentis solum retentis, sic enim Deus iusserat: Ne gloriatur contra me Israel, & dicat, Meis viribus liberatus sum. *a* Benadad Rex Syrus Achabo regi Israelis imbecillitatem opprobrians, minabatur interitum; sed hæc minæ fuerunt ex pelui. Nam et si Benadad triginta duo reges belli socios secum traxerit, equitum etiam & falcatorum curruum incredibilem numerum, primo, tamen prælio fulus fugatusque est: conflictu altero centum milia Syrorum die vnica ceciderunt: aliorum è prælio diffugientium septem millia, ruente muro in Aphec, obtinui sunt. *d.* Hoc habet Benadad; eat nunc & sibi suisque fidat viribus. Iniuriam non leuem irrogat Deo qui ad humanam potius opem quam ad diuinam oculos circumfert, plusque ab exili riuiulo quam ab immenso sperat oceano.

Optimus rex Asa (cuius nunquam sine miseratione meminimus) fiducia in Deum magna fuit, si modo etiam fuisset Constante. Illam certè Deus sic remuneratus est, vt decies centena millia militum, quos Æthiopiæ rex sub signis habuerat, illustrissima victoria profligaret. Sed heu post tot annos præclare actos, optimum hunc regem hæc vna in humanas vires fiducia perdidit. Sic apertè propheta: Quia habuisti, ait, fiduciam in rege Syriæ, & non in Domino Deo tuo, idcirco euasit Syriæ regis exercitus de manu tua. Longa inde malorum series secuta est.

Eximie Augustinus: Odisti, ait obseruantes vanitates supervacue. Ego qui non obferuo vanitatem, in Domino speravi. Speras in pecunia, obseruas vanitatem; speras in honore

& sublimitate aliqua potestatis humanæ, obferuas vanitatem; in his omnibus cum speras, aut tu exspiras, & ea hic dimittis; aut cum viuis, omnia pereunt, & in spe tua deficis. *f* Ingens omnino languor diffidentiam comitatur, ac omnium penè rerum nausea & neglectus, vbi diffidentia, ibi æternus naufragij metus, æternæ tempestates ac iactationes. Nimirum qui sibi aut hominum alteri confidit, in arena ædificium struit: in rupe fabricatur qui Deo fundatur.

*a* Psal. 145. v. 3. 4. 5. 6.

*b* Is. c. 30. v. 2.

*c* Prou. c. 29. v. 26.

*d* Iudic. c. 7. v. 2.

*e* 3. Reg. c. 20. v. 30.

*f* Aug. in ps. 30.

## §. IV.

**S**ed dixeris, vsu nos quondiano doceri, sic sua cuique negotia succedere, prout is diues, industrius, potēs, exercitatus ac vafer fuerit. Argumento sit, res ante annos non multos gesta. Vir magni nominis, & Catholicæ institutionis captiuus tenebatur à principe nouitiæ religionis, apud quem ille de diuinæ prouidentia cœpit differere. Non diu hoc tulit morosus auditor; mox enim amarum subridens, & manum capulo admouens. Hæc, inquit, prouidentia nitendum est. Hic suum illud rex Alphonfus meritò exclamarit: Vox bouis & nō hominis. Nam eundem in modum locutos meminimus quosdam è Deorum cultoribus. Antonius Imperator (vti Dion Nicæus memorat) cum pecuniam multam partim à plebe, partim etiam à senatoribus vitæque minis extortam profudisset, obiurgatus à matre quæ aliquam pecuniæ partem, alio conferri voluisset: Desine, inquit, de numis esse sollicita mater: & simul strictum gladium ostendens: Quamdiu, ait, habebimus hoc ferum, tamdiu nobis non deerit argentum. Verè, vox bouis, non hominis, aut profecto non bene sani. Aliter nos docuit Christus; Deo fidendum, non ferro, non viribus, sed nec forma aut doctrinæ, aut vlli bono tam fragili. Nec est ferè quod tantopere displiceat Deo, quam tanta mortalium diffidentia, quam Deus etiam in amicissimis sibi, grauiter puniuit.



Moses, vir Deo longe charissimus, quia tamen diffidentia bis deliquit, morte hanc noxā luit, nec fertilissimas illas terras nisi eminus videre permixtus est. Prima Mosis diffidentia fuit, cū ille velut sollicitus paterfamilias macelli, rationes poneret diceretque: Sexcenta millia peditum huius populi sunt & tu dicis, Dabo eis esum carniū mense integro. Nunquid ouīū & bouū multitudo cædetur, vt possit sufficere ad cibū? vel omnes pisces maris in vnū congregabuntur, vt eos satient? O Moses, hoc est cum sua diffidentia rationes ponere, non cum Prouidentia diuina: Nunquid manus Domini inualida est? Cautiorem hoc reddere debuisset Mosen, sed redijt non multum absimilis priori diffidentia. Nam populo ad rupem congregato exclamauit Moses: Num de petra hac vobis aquam poterimus eijcere? Quam primum vox cælo ruit, diffidentia pœnam denuntians: Quia non credidistis mihi, vt sanctificaretis me coram filijs Israel, non introducetis hos populos in terram quā dabo eis. *b* Quocirca Deus Mosi iam iam morituro fertilissimam regionem illam eminus ē montis vertice ostendit, sed mox quasi insultans: vidisti eam, inquit oculis tuis, & non transibis ad illam. *c* Tanti refert hanc diffidentia pestem ex animo penitus eliminasse, in quam Deus (vt pote honori suo maximē aduersariam) tam seuerē soler animaduerrere.

At vero ipse Israelis populus longe grauissime peccauit, & quidem sæpius repetita diffidentia. Nec eam vlla prodigia aut miracula satis corrigere potuerunt: siquid non statim oculis cernere, aut manibus palpare licuit, mox Iudæi in pristinam relapsi diffidentiam, id fieri posse negarunt: eo etiam diffidentia illorum progressa est, vt Deum continuīs querelis, aut obliuionis arguerent aut incuria. Et quam improbi erant clamores illi? Vtinam mortui essemus in Ægypto, & non in hac vasta solitudine? Vtinam pereamus, & non inducat nos Dominus in terram istam, nec cadamus gladio, & vxores ac liberi nostri ducantur captiui. Nonne melius est reuerti in Ægyptum? Dixeruntque alter ad alterum, Constituamus nobis ducem, & reuertamur in Ægyptum. Ita, o improbi, quasi non vbiq̃ue percūdi sit locus. Sint forsā qui mirentur, eccur

Deus populo suo non tantum non vinum dederit, sed & aquam insuper permiserit deesse? Sic expianda erat diffidentia. Ecce in eundem hunc populum venenatos igneos serpentes immisit, qui non tantum tot vulnerarunt, sed & necarunt? Ob diffidentiam id factum. Cur vnico nonnunquam prælio viginti aut triginta millia hominum interfici non vetuit? Ob hanc ipsam diffidentiam, Cur hostes potentissimos, qui nunquam satis debellarentur, obiecit? obeandem hanc diffidentiam quæ in querulo hoc populo nullis supplicijs satis potuit extinguere, quin identidem renascere. Aperte tandem Deus ipse prorupit in has querelas: Vsq̃uequo detrahet mihi populus iste? quousque non credent mihi in omnibus signis quæ feci coram eis? Vsq̃uequo multitudo hæc pessima murmurat contra me? Feriam igitur eos pestilentia, atque consumam. *d* Interposuit hic quidem Moses suas partes, & deprecatorē se præbuit, nihilominus decretum diuinum hoc fuit: Sicut locuti estis audiente me, sic faciam vobis. Paruos vestros de quibus dixistis quod prædē hostibus forent, introducā, vt videāt terram quæ vobis displicuit: vestra cadauera iacebunt in solitudine. Non fefellerunt cælestes minæ. E tot centenis millibus hominum, quos Deus ex Ægypto asseruerat, nemo vnus felices terras vel oculis attigit, omnibus ad vnum in ipsa solitudine extinctis. Soli, Caleb & Iosue qui spem potiundæ terræ non abiecerant, terra illa potiti sunt. Ita nimirum punienda fuit diffidentia. Post hæc omnia tamen nondum omnem deserunt diffidentiam, quam etiam in transmittendo Iordane reperierunt.

a Num. c. II. v. 22. & 23.

b Num. c. 20 v. 11. & 12.

c Dent. c. 34. v. 4.

d Num. c. 14. v. 11. & 31.

S. V.

**R**egum fasti memorant, Siceleg vrbe ab hostibus succensa, & omnium vxoribus ac liberis captiuis abductis tantam rerum omnium desperationem fuisse vt populus Dauidem regem lapidibus iam iam moliretur obruere: nec res, nec spes superesse vlli videbatur. At quanto maior omnium diffidentia, tan-



etia, tãto effectior Davidis fuit fiducia. Confor-  
tatus est David in Domino Deo suo. *a* Ita in  
spem maximam vocatus David, cum quadrin-  
gentis viris infecutus hostem, quem securissi-  
me epulantem inueniens, tanta cede aggressus  
est, vt ab vnus diei vespere ad vsque alterum,  
hoc vnum cum suis ageret, mactare hostes. I-  
ta non tantum prãdam omnem, quam Ama-  
lecitæ abduxerant, recuperauit, nec vnico qui-  
dem à suis desiderato, sed alia insuper opimis-  
sima spolia, velut, scœnus, recuperatæ prãdæ  
adiunxit. En, quã ratione spes superanda, &  
in rebus etiam desperatissimis, Deo tamen mi-  
nime diffidendum.

Prædixerat olim Elifæus, in sũma annonæ  
charitate, breui maximam fore frumenti vi-  
litate. Excepit vocem dux quispiam regis  
Samarie, & per diffidentiam irridens: *Etiamsi*,  
ait, *Dominus fecerit cataractas in calo; & plue-  
rit frumento) nunquid poterit fieri quod loque-  
ris?* Cui Elifæus: *Videbis*, inquit, *oculis tuis*  
*& inde nō comedes.* *b* Euenit omnino quod va-  
tes prædixerat. Nam ille dux regis, ad vrbs  
portam à turba compressus & conculcatus est.  
Nimirum hoc præmium debebatur diffiden-  
tiæ. Vere, cogitationes mortalium timide, &  
incertæ prouidentia nostræ. *c* Deus autem æ-  
quẽ certo scit omnia, tam futura, quam præ-  
sentia, & præterita. Notæ est enim illi operis  
sui series: omnium ei rerum per manus suas  
iturarum scientia in aperto semper est: nobis  
ex abdito subit, & quæ repentina putamus,  
illi ab æterno adsunt prouisa. Hinc Ecclesiæ  
preces illæ: Deus, cuius prouidentia in sui  
dispositione non fallitur. *d* Quia vero hæc  
prouidentia abyssus longe abditissima, multi-  
cum vident tot flagitia impune abire, & à Deo  
dissimulari, optimum quemque tot ærum-  
nis acriter flagellari, in diffidentia voragi-  
nem se præcipitant, perinde ac si Deus huma-  
nis se rebus non misceat, cum inter probos  
improbosque sæpe nullum pateat discrimen.  
Ecclesiastes: Vniuersa, inquit, æque eueniūt  
iusto & impio, bono & malo; mundo & im-  
mundo; immolanti victimas & sacrificiades-  
picienti. *e* Hæc nobis temere & casu fieri vidẽ-  
tur. In quo idem nobis euenit quod ei qui ho-  
rologium in turri considerat; hic gnomonem  
quidem, seu, indicem horologij videt,  
ipsum horologium, & artificiosam rotularum

constructionem non videt. Paganus infans sic,  
aut fatuus, qui credat gnomonem seipso mo-  
ueri, idque non consulto sed casu. Homines  
ciuici probe norunt, indicem illum à seipso  
non circumduci, sed pone parietem, latere  
horologium. Ita prorsus gubernatio Dei oc-  
culta, sed ordinatissima, indicem illius in re-  
bus omnibus videmus, sed admirabile diuine  
prouidentia artificium nequaquam cernimus.  
Hinc fatuæ plurimorum cogitationes, qui-  
bus pleraque omnia casu videntur euenire:  
Aliter sentiunt qui altius sapiunt; nullam in  
rebus fortunam agnoscunt, cum sciant om-  
nia Dei manu prouidentissime gubernari. Ita  
Gregorius Nazianzenus: Ego quidem, inquit,  
exploratum habeo, apud summam rationem,  
nihil rerum nostrarum expertis rationis ef-  
f. f.

Hoc diuinæ Prouidentia horologiũ, cui-  
us hominum suas omnes horas ad minima  
quæuis punctula descriptas in se continet.  
Rex Babylonis Baltazar, *g* in opulentissima  
cena iam remulentus, manum vidit in aduer-  
so pariete ignotos characteres formantem.  
Expalluit ad hanc scripturam, & contremuit.  
Quid vides, *h* Rex? quid turbaris? cuius  
est hæc manus? Si nota est, quomodo igno-  
tus scriba? Si nondum aut illam aut istum no-  
ris, cur adeo formidas? Consultit infelix om-  
nes vrbs sapientes, super hoc litterarum my-  
sterio, sed id nullus intelligit, indicem om-  
nes vident, horologium nullus. Sed quis dubi-  
tet esse gnomonem ab horologio diuinæ Pro-  
uidentia rotarum. Venit ergo Daniel, & quæ  
hora regi designaretur, sic pronuntiavit: Nu-  
merauit Deus regnum tuum & compleuit il-  
lud. *b* Hora vitæ tuæ, *h* Rex, iã instat vltima,  
eaque iam laborat in fine: quare prospera vi-  
uere, prospera, iam vltimum clepsydre defluit;  
prospera, horæ finis imminet. Et quomodo  
Daniel hæc sciuit? In diuinæ Prouidentia  
horologio vidit.

*a* 1. Reg. c. 30. v. 6. & seqq.

*b* 4. Reg. c. 7. v. 10.

*c* Sap. c. 9. v. 14.

*d* Domin. 7. post Pentec.

*e* Eccl. c. 9. v. 2.

*f* Greg. Nazianz. epist. 63.

*g* Alij, Baltassar.

*h* Daniel. c. 5. v. 26.



## §. VI.

**H**inc liquet, omnes hominum euentus tā aduersos quam prosperos, in diuinæ Prouidentiaē horologio ad amissim, & ad numerum exactissime descriptos esse, & nec vno quidem apice aut punctulo falli posse hoc horologium, quin omnia habeat directā ad id, quod magis expedit. Iota vnum aut vnus apex non præteribit; Nec dimittā nisi complevero vniuersa quæ dixi. *a* Quod si horologio qui peritissimus est curator non inuiti credimus, quid hoc stultitiæ aut insanitiæ est, erroris quandoque arguere magnum illud orbis totius horologium, quod non potest errare, in quo omnes omnium euentus lōge optime dispositi sunt. Tua autem, Pater, Prouidentia ab initio cuncta gubernat: quoniam dedisti & in mari viam, & inter fluctus semitam firmissimam, ostendens, quoniam potens es ex omnibus seruire, etiā si sine rate aliquis adeat mare. *b* Vti reuera, non vni tantum sanctorū pro nauigio fuit pallium, pro nauigij malo baculus, adeo nusquam diuinæ Prouidentiaē diffidendum. Nihilominus cum optimi quique hominum ceruntur premi, affligi, opprimi, improbi autem florere, & omnia molimina sua ad lætos exitus deducere, diuina Prouidentia aut dormire, aut conuigere nimium videtur. Et hæc cogitatio sanctissimos etiam viros nonnihil turbauit: at illorum turbatio, nostra fuit instructio, & confirmatio: Rex David de seipso: Mei autem pæne moti sunt pedes, inquit, pene effusi sunt gressus mei, quia zelaui super iniquos pacem peccatorum videns. Ecce ipsi peccatores & abundantes in sæculo obtinuerunt diuitias. Et dixi, ergo sine causa iustificauit cor meum, & laui inter innocentes manus meas. *c* Putabat plane Rex David se huius rei causas indagaturum. Nam, existimabam, inquit, vt cognoscerem hoc: labor est ante me, donec intrem in sanctuarium Dei. Hæc olim in cælo videbimus, nunc minime penetranda. Sic enim Hieremias vates, ob hoc ipsum nonnihil turbator: Iustus quidem tu es Domine, inquit, si disputem tecum; verumtamen iusta loquar ad te: Quare via impiorum prosperatur? bene est omnibus qui præuaricantur, & inique agunt. Plantasti eos & radicem misce-

runt, proficiunt, & faciunt fructum: propees tu orientum, & longe à renibus eorum, *d* Idem questus & Habacuc; Quare, inquit, non respicis super iniqua agentes, & taces deuorante impio iustiorē se? Et facies homines quasi pisces maris, & quasi reptile non habens principem. *e* Hæc tales querelæ inde sunt, quia vnā tantum diuinæ Prouidentiaē partem videmus, altera nostris oculis neuitquam patet, & cum expectandus foret rei exitus in supremo iudicio manifestandus, nos ante iudicium illud temere iudicamus: Ideo Paulus; Nolite, inquit, ante tempus iudicare: quoadusque veniat Dominus, qui & illuminabit abscondita tenebratum, & manifestabit consilia cordium. *f* Augustinus similitudine diuersa hoc explicat; si quis in opere musuo, aut emblemate vermiculato lineam obliquam videat, velatis partibus ceteris; aut si quis in pictura monstrum, vel imperfectum quid aspiciat, reliquis non ostensis, vix se continebit, quin dicat: num, hic pictor, num arcularius hic faber non plus artis habent? quod si opus monstraret totum ac perfectum, mirantur atque dilandant, & ordinem partium, & artem. Eodem modo si quis audiat pronuntiarī versum non integrum, & minime fluentem, mox dicet: non est bonum hoc carmen, expecta sis, finiam prius, & tunc cense, num suis constet pedibus. Ita nos prorsus diuinæ Prouidentiaē particulam videmus, totum illius ordinem, nexum ac progressum non videmus: quid annis prioribus euenerit, fortasse scimus, nec tamen integre, quid euenturum sit posterioribus, plene ignoramus hinc Dei Prouidentiam temere ac falso accusamus. Hoc, inquit, Augustinus, perturbat te hominem Christianum, quia vides male viuentes felices, rerum istarum copia circumfluere, sanos esse, superbis dignitatibus eminere, incolumem habere domum, gaudia suorum obsequia clientium excellentissimas potentias, nihil triste interpellare vitam ipsorum. Mores nequissimos vides, facultates copiosissimas respicis, & dicit cor tuum, nullum esse diuinum iudicium, omnia casibus fieri, & fortuitis motibus ventilari. Nam si Deus, inquis, res humanas respiceret, non florere illius iniquitas & mea innocentia laboraret. Quid ergo tu? Spera in Deo.

in Domi  
minum,  
caduca,  
rit, g  
mini h  
rium D  
magni il  
Prouiden  
cere lice  
sus tunc  
rissime i  
rebit, qu  
homines  
proflus d  
hominis  
rem, n  
permiser  
tebit cur  
toplastos  
mines in  
ceteros. p  
illos pr  
Cur hūc  
illum int  
suerit. T  
Christi  
Quisqu  
ri, hoc e  
renti ocl  
a Matth.  
b. Sap. c. 1.  
c. 18. 72. v  
d. Hier. c. 2.  
e. Habac.  
f. 1. Cor. c.  
g. Aug. in

**H**ic fe  
mo  
quod Sau  
respondit  
dotes, ne  
perdidi, i  
si ad mag  
sine susti  
& sustine  
Omne qu  
in dolore  
tiam hab



in Dominum, illi enim sperant non in Dominum, spes illorum mortalis, spes illorum caduca, fragilis, volatica, transitoria, inanis erit. g Ergo, Nolite ante tempus iudicare. Neminus hanc scire licet, donec intret in sanctuarium Dei. Olim cum non indicem tantum magni illius horologii, sed & ipsum diuinæ Providentiæ horologium, idque totum inspicere licebit, tunc omnium sæculorum decursus tunc suæ quisque vitæ periodos omnes clarissime intuebitur; tunc luculentissime apparebit, quanta providentia omnes & singulos homines gubernarit Deus, quam paterna prorsus cura singula vitæ momenta cuiusvis hominis disposuerit in ipsius bonum & salutem, nec ulli quidquam vnquam euenire permiserit, quod non ita expediret. Tunc patebit cur permiserit Deus Angelos ruere, protoplastos labi: Cur Iudæos ferreæ cervicis homines in suum populum elegerit, abiecerit ceteros. Cur hos voluerit nasci Christianos, illos progigni permiserit inter idololatrias: Cur hunc erumnis omnibus maturè liberarit, illum inter calamitates senescere, & expirare suerit. Tunc in prelio erit quicquid iam Christi causa patienter toleratum fuerit. Quisquis hæc serio cogitat, sceptrum Affueri, hoc est, omnem castigationem Dei reuerenti osculo salutari.

a Matth. c. 5. v. 18. Gen. c. 28. v. 15.

b Sap. c. 14. v. 3. & 4.

c Ps. 72. v. 3. 12. 13. 16. & 17.

d Hier. c. 2. v. 1. & 2.

e Habac. c. 1. v. 13. & 14.

f 1. Cor. c. 4. v. 5.

g Aug. in Ps. 136. prima parte psalmi.

## S. VII.

**H**ic forsitan afflictus quispiam & æger animo dixerit: Ah, idē, penē mihi contingit quod Sauli, *Qui consuluit Dominum & non respondit ei neque per somnia, neque per sacerdotes, neque per prophetas.* a Ego hoc, & hoc perdidī, in morbum hunc incidi; quo ibo nisi ad magos? Id vero te Deus prohibuerit. Sustine sustentationes Dei; coniungere Deo, & sustine, vt crescat in nouissimo vita tua: Omne quod tibi applicitum fuerit, accipe, & in dolore sustine, & in humilitate tua patientiam habe: quoniam in igne probatur au-

rum & argentum, homines vero acceptabiles in camino humiliationis. Crede Deo, & recuperabit te; & dirige viam tuam, & spera in illum. b

*Grata superueniet quæ non sperabitur hora.*

Cogita non esse magnum quid, se rebus prosperis fortem gerere, vbi secundo cursu vita procedit: nec gubernatoris quidem artem, tranquillum mare & obsequens ventus ostendit: aduersi aliquid incurrat oportet quod animum probet. Plena & infesta varijs casibus vita est, à quibus nulli longa pax, vix induciæ sunt. Si malè fers, magna onera; si bene, magna solatia. Nullam tam miseram nominabis domum, quæ non inueniat in inferiore solatium. Tu, si voles, & quantum voles, plora, bibes nihilominus illud poculum mæroris, quod non temere tam plenum tibi cælestis medicus propinat. Si bonus es, ærumnis exerceri te sentias; si lapsus, alleuari; si improbus; puniri. Ne dixeris quod Saul ad Samuelem: Coarctor nimis, siquidē Philistinum pugnant aduersum me, & Deus recessit à me. Non recessisset à te, ô Rex; nisi tu prius ab illo. Hoc & tu mi Christiane, cogites: neminem deserit Deus nisi desertus. Si sapuisset Saul, id quod Mauritius Imperator, dixisset: Domine hic potius me punias quam ibi. Sic, ô Christiane, ne in angustijs ad magos, Dei inimicos curre, ne animum despōde, ne Deo diffide: tu potius ad Dei amicos ad cælestes Angelos, ad matrem Dei, ad crucifixi pedes confuge, hic tuum est asylum, hic salus tua, hic illud Davidis & Iobi vociferare: Ego autem semper sperabo, & adiciā super omnem laudem tuam: Etiam si occiderit me, in ipso sperabo. c

Ille plurimorum intolerabilis & error & abusus est vt prius ad humana sese auxilia conuertant, quam ad diuina, neque hæc, nisi illis omnibus frustra tentatis, rebusque iam planè depositis censeant aduocanda. Quo sanè fit, vt humana remedia ordine plerumque præpostero adhibita, vindicante Deo incalsum nobis eant.

Sed quæras fortè, quid Deus permittat tot homines maleficis artibus deuinciri & necari? Ne mirare: summa in Deum dissidentia, etiam hoc supplicij genus meretur, multis vix alius medicus, quam magus, nec alius phar-



macopæus quam diabolus quæritur. Iure Deus per hos punit, per quos tam variè offenditur. Paulinus memorat, Ambrosio Episcopo nullum vnquam magum nocere potuisse, ob illius firmissimam in Deum fiduciam. Mortua namque Iustina Imperatrice Ariana, cum Innocentius magus in quæstionem raperetur, inter tormenta falsus est, Angelum Ambrosij custodem, suum esse tortorem. Nam viua Imperatrice se nocte intempesta sub templi tectum ascendisse, & sacrificasse, eo sine vt Ambrosium infamè inuisumque faceret plebi, nihilominus amorem in hunc virum & fidem Catholicam magis ac magis effloruisse: missos etiam à se Dæmones qui Ambrosium necarent, sed ijs vltra ædium fores progredi non licuisse. En, quibus excubijs Deus illos defendat, qui omnem in se solo collocant fiduciam. Et plerunque qualis est hominis in Deum confidentia, talis est Dei in hominem liberalitas. Sed heu quàm in Orbe rari sunt, qui Deo fidant toto animo! mores hominum considera & plurimum vbique reperies diffidentia, quæ quotannis panè eadem redit ac reuiuiscit, & inde tam vani timores. Iam fruges metunt niuibz suffocandas, aut in herba necandas à siccitate, iam pluuijs mergendas, aut grandine sternendas, vel fulmine exurendas: Iam aliunde vexandam annonam timent: Iam vero ne valetudini, aut incertis casibus desint necessaria, formidant: Iam ad rumores bellicos consternantur, & spem omnes abijciunt: Iam ad funerum, aut aliarum cladum nuntios penitus exanimantur, in quocunque demum laboris aliquid ac difficultatis sentiunt, de eo mox diffidunt, & cum animum gerant cecum, manus semper oculos habent, id credunt quod vident. Et hoc inde, quia de Dei bonitate ac potentia parum rectè parumue liberaliter sentiunt, hinc illa animi de rerum temporalium prospectu nunquam secura, semper diffidens cura. Vera in Deum confidentia clavis est ad ærarium, quo Deus cælestes diuitias solet egentibus ad votum impertiri. Deo diffidere, aut principium est plurimorum scelerum, aut finis.

a 1 Reg. c. 28 v. 6.

b Eccli. c. 2. v. 3 4. 5. 6.

c Ps. 70. v. 14. Job. c. 13. v.

*Ecognitione diuina Prouidentia, magnam in Deum fiduciam, è fiducia, veram cum Deo diuinaque Voluntate concolor. diam nasci.*

**S**icut in aurea torque anulus ex anulo pendet, sic è noticia diuinæ Prouidentia nascitur fidentia, ex hac facillime sequitur humanæ voluntatis cum diuina conformatio. Da mihi hominem qui Dei Prouidentiam in omnibus agnoscat, eique fidat, mox dabo qui se diuinæ Voluntati exactissimè subijciat. Ita nos instituit Deus, vt notum faceret nobis sacramentum Voluntatis suæ, secundum beneplacitum eius, quod proposuit in eo. Et, vt impleamur cognitione Voluntatis eius, in omni sapientia & intellectu spiritali in Noëmo id totum liquidissime videre est.

#### S. I.

**P**incipio Noëmus de infinita Dei Prouidentia instruendus erat. Ideo Deus fidelissima narratione huic viro aperuit, in quæ vsus Arca quam etiam longa & lata, quamque alta esset fabricanda; qua ratione omnis generis animantes in eam cogende, quomodo suum singulis pabulum comportandum, quod denique modo, in perfectam à se arcam cum septem coniunctissimis sibi hominibus ingrediendum foret, decretum enim esse vniuersum hominum genus in aquis extinguere. Ex his Noëmus mirissimam Dei prouidentiam addidit; in hac porro tam exactè cognita summam exposuit fiduciam, qua certissimo sibi persuasit. se cum suis inter Orbis funera seruandum. Hac concepta fiducia, facillimum ei fuit suam in diuinam Voluntate constituere, omniaque ad perpendiculum diuinæ Voluntatis facere. Hinc illud amplissimum Noëmi encomium, *Fecit Noë omnia quæ preceperat ei Deus*. Hic obseruatu dignissimum, quod Noëmo cum suis Arcam ingresso, Deus Arcæ ostium foris clausit, qua ratione clauem ad Arcam referendam secum abstulisse dicendus est. Sed percontari libet, an non consultius fuisset, clauem illam Noëmo tradere, vt elutione subsidente Arcæ ipsemet Noëmus referet



rarèt egressui. Verum ideo Deus hanc clauem nulli committere, sed sibi voluit reservare, vt Arca inclusi eadem manu educerentur, qua fuerant introducti, vtque non in alio villo quam in suæ libertatis ac salutis auctore fiduciam collocarent.

Hac ipsa ratione Ioseph Ægypti Prorex, vt diuinam Providentiam nosceret, tam admirandis casibus docendus erat: vbi Providentiam Dei in suos semper vigilantissimam nosse didicit, etiã fiducia fuit imbuendus, ideo enim permisit Deus, vt Pharaonis pincerna tam officiosè rogatus interpretis sui meminisse vellet, biennio tamè toto obliuisceretur, vt sic Ioseph disceret non hominum favore niti, sed Dei solius, cui libertatem suam omnem acceptum referre deberet. Chrysostomus egregiè super hac re philosophatus: Considera, inquit, quomodo post restitutionem pincernæ duo anni præterierint. Oppor- tebat enim expectari tempus opportunum, vt maiori cum gloria inde educeretur. Si enim præfectus pincernarum ante somnia Pharaonis recordatus, auctoritate sua cum liberasset, fortassis non tam perspicua fuisset alijs eius virtus. Nunc autem omnipotens & sapiens Deus, sciens sicut optimus artifex, quanto tempore debeat in igne aurum teneri, & iterum inde reduci, permittit ad tempus biennij præfectum pincernarum illius obliuisci, vt & tempus somniorum Pharaonis veniat, & compellente necessitate ipsa, iustus ille in toto regno Pharaonis notus fiat. c Hinc illa Iosephi in diuinam Voluntatem tanta deuotio, vt omnia quæ sibi contigerunt mala, in hanc vnam referret, hinc illa nobilissima ad fratres oratio, qua diuinæ Voluntatis arcanum explicans: Non vestro consilio, inquit, sed Dei Voluntate huc missus sum: hinc illa tam benigna parricidis fratribus data venia: Nolite timere, num Deipossumus resistere Voluntati? vos cogitastis de me malum, sed Deus vertit illud in bonum. d Nisi Ioseph diuinæ Voluntatis secretum tam probè cognitum habuisset, in crucem fratres rapi iussisset, non tot beneficijs præuenisset. Quod in Noëmo & Iosepho fuit diuinæ Voluntatis studium, hoc in sanctissimis quibusque viris est videre, de quouis illorum affirmari potest: Semetiplos dederunt primum Domino, deinde no-

bis per voluntatem Dei. e

a Gen. c. 6. v. 22.

b Gen. c. 6. v. 22.

c Chrys. hom. 63 in Gen. circa med.

d Gen. c. 50 v. 20.

e 2. Cor. c. 8. v. 5.

## §. II.

**P** Olycarpus Smyrnensis Põtifex non semel quæstus ad necem, diuinam circa se Providentiam expertus est variè, nam locum è loco feliciter mutauit sapius, tandem, cum effugio etiamnum pateret locus, velut æstu quodam in diuinam Voluntatem abreptus, paratæ neci se offerens dixit: Fiat Voluntas Domini. a Vicit hic quidem, vicerunt & alijs, sed sæuientem Mundum. At vincere blandientem difficile videtur. Sed facillimum erit Augustini consilio sic suadètis. b Non nos teneat Voluntas propria, non nos terreat crudelitas aliena, & victus est Mundus seu sauiens seu blandiens. Quisquis diuinam circa omnia Providentiam, & oculum illum nunquam dormitantem considerat, contumelias, verba probrosa, ignominias, & cetera dehoneſtamenta, velut clamorem hostium fert, & longinqua tela, saxaque sine vulnere circa galeas crepitantia. c

Anno Christiano millesimo nonagesimo quinto, cum Urbanus II. Pontifex Maximus, in Gallijs in concilio Claromontano, publicè de Palæstina recuperanda perorasset, omnium animis ad sacrum hoc bellum inflammatis, acclamatum est ab omnibus, DEVS VVLT, DEVS VVLT, Hæ voces deinde ab vniuerso exercitu illo, plusquam trecentis millibus hominum, pro militari tessera sunt vsurpatæ. Maximè vero cum res conflictum iam spectaret & acies vtrinque concurrerent, Christianus miles generosè succlamauit, Deus vult. Deus vult.

Interram verè sanctam, in terram viuorum tendimus nos omnes, quoque Christiano nomine censetur: quin ergo animos erigimus, & tum præcipuè cum pericula premunt, cum occulti hostes laceſſunt, latè vociferamur, Deus vult, viriliter agamus, laboremus, pugnemus, vincamus, ita Deus vult.

Aldegundis sanctissima Virgo cum miros, in virtute progressus fecisset, celestibus

CCCC

ostentis



ostentis sapius recreabatur. Inter hæc puella ignota velut peregrè ad illam reuifens, iubebat à Dei matre quod vellet postulare, facillè impetraturam quod petisset. Huic Aldegundis alacriter respondens: Hoc vnum, inquit, postulo, vt fiat, quod vult Deus: mea vnica volupras, Domini Voluntas. e

Eudoxia Augusta Theophili Imperatoris coniux, cetera non laudabilis, hoc vno tamen plurimum commendanda, quod cum eius filius graui morbo decumberet, Epiphanius Salaminis in Cypro Episcopus fuerit accersitus, vt suis precibus valetudinem filio restitueret. In eam rem Antistes operam suam spopondit, si tamen Dioscorus hæreticus exigeretur vrbe. Ad quæ Eudoxia: Si Deo, inquit, visum fuerit, viuet filius meus: sin cum ille qui dedit, auferre constituerit, fiat voluntas eius. Aptè hic Bernardus: Vita enim, inquit, in Voluntate eius, vt hoc nobis in omnibus vtilius atque omnino commodius non dubitemus, quod eius cõgruit Voluntati. Et propter eam quam sollicitè conseruare volumus vitam animæ nostræ, tam solliciti sumus quod possumus ab ea non deuiare. f Nam, vt idem optimè totius humilitatis summa in eo videretur consistere, si voluntas nostra diuinæ (vt dignum est) subiecta sit Voluntati. g Hæc autem subiectio vix erit diuturna & firma, nisi diuinæ Providentiæ noticia fuerit fulta.

a Euseb. l. 4. Eccles. hist. c. 15.

b Aug. serm. 1. de S. Vicent.

c Sen. de Const. c. 16.

d Guilielmus Tyrius de bello sacro, & Rupertus abbas Bergensis, ad annum 1095.

e Sur. tom. vlt. die 11. Nouembr.

f Bern. ser. de verbis Abac. proph.

g Sermon. Quomodo voluntati nostræ diuinæ cõc.

### S. III.

S Anctus Franciscus Xauerus, qui primus è societate Iesu in Indiam & Iaponiam Christi Euangelium inuexit, ita altè imbiberat animo diuinam providentiam, vt plurima incredibilis in eas fiduciæ specimina ediderit, ex hac porro fiducia tantum diuinæ se Voluntati conformandi studium nascebatur, vt Xauerus ad Ignatium ex India litteras scripserit in hæc omnino verba, Gratia & Charitas Christi Domini nostri.

Mi Pater in Christi visceribus vnice. Te ego, pater animæ meæ, summeque mihi venerande, positus humi gembus suppliciter oro, vt mihi à Deo impetres, vt dum viuam, sanctissimæ Voluntatis suæ mihi det, & planè cognoscendæ, & omnino exequendæ facultatem. Vale.

Hanc illi tantam cum diuinæ Voluntate consensionem persuasit summa in diuinam Providentiam fiducia, hæc armatus alta spectabat, ingentiaque conabatur. Vbicunque enim diuinus honor ageretur, nulli cedebat difficultati, periculoque, ita nihil moliebat quod non abfolueret, Deo nixus. In vltimam Orientis regionem Iaponiam, lembo vectus pirauco ire sustinuit, securus periculorum, quæ ab amicissimis peritissimisque hominibus & plurima denuntiabantur, & maxima. Hos ille miratus quod tam exiguum haberent fiduciam Dei, in cuius illa omnia essent potestate, Equidem, aiebat, cum Dei nutu atque imperio omnia gubernari certò sciam, nihil omnino metuo præter ipsum Deum, cum res ceteræ quamuis noxiæ, non nisi quatenus ille finit, nocere hominibus queant. Itaque Dei vnus præsidio per tot maris terræque discrimina, per tot gentes sermone moribusque dissiminas, Indiæ vastitate non contentus, Malacam, Molucas insulas, Mauricam, Iaponiam, Sinas, omnem denique Orientem animo atque industria complexus, ad vltima Orientis penetrauit, oceanoque toties remenso Christianis mysterijs feras barbarasque gentes instituit, ac mitigauit. Nec verò vnquam illum Dei fiducia fefellit. Illæsus venena bibit, sagittas transijt, ter naufragium fecit: ac semel tabulæ incubans, bidoium triduumve fluctibus impunè iactus euasit, aliaque innumera pericula effugit. Illud autem assidue animo versauit: Si Deus pro nobis quis contra nos? turpissimum ratus, & omnium periculorum maximum, diuinæ Providentiæ atque potestatis spes fiduciamque abijcere. Ita vnicum in Orbe hostem timuit Dissidentiam. Præsertim (sic ipse loquebatur) cum neque dæmones ipsi neque eorum satellites ac ministri, quicquam nos lædere queant, nisi Dei permisso ac Voluntate.

Quid multis? Hoc omnium Sanctorum potissimè,



## S. IV.

potissimum fuit studium, diuinam prouidentiam cognoscere, è cognita in fiduciam assurgere, è fiducia in suauissimam cum diuina Voluntate vnionem transire, in hac quotidie crescere, hoc demum agere vt propria voluntas suauè sibi ducat in diuinam colliquefcere. Et certè qui Dei Voluntatem semper fieri optat, is in omnibus gratificatur suæ, quid enim ei resistat, qui pro sua voluntate agnoscit diuinam? Ethinc etiam priscorum Patrum laudatissima consuetudo qua omnia, quocumque modo & ratione euenissent, in vnus Dei Prouidentiam Voluntatemque reiecerunt. Res prorsus memorabilis, Iosephi fratres cetera rudes & etiam improbi, eo tamen plurimum laudandi, quod cum pecuniam emendo tritico allatam in singulis saccis repositam reperissent, obstupefacti, *mutuo dixerunt: Quidnam est hoc quod fecit nobis Deus?* a Verba dignissima obseruatu, *quod fecit nobis Deus.* Quis nostrum non dixisset: Hæc quidem manifesta fraus est; occasionem quærunt Egyptij ad perdendos nos; hoc factum est struendæ in nos calumniæ. Nisi forsân œconomus ex incuria numerorum oblitus, eos nescio quo casu in saccos frumētarios raptim abdiderit: Quid si fortasse eleemosinæ loco, reddere nobis voluerit monetam nostram? Quid si plures hac ratione emptores allicere cogitarit? illi nihil horum, sed sapienter omnino: *Quidnam est hoc,* aiunt, *quod fecit nobis Deus?* Quicquid erroris interuenerit aut fraudis, hoc Deus fecit, & nobis id fecit, horum omnium causa est Voluntas Dei, sine cuius nutu nec arena la quidem è monte, nec capillus è capite, nec foliolum ex arbore, nec passerulus ex aere decedit.

Nos frequentissimè, morè canum, percussifustem aut lapidem mordemus, aut ob scripturam malam calamo indignamur, aut in pictura errorem penicillo assignamus, & manum iacentis, scribentis, pingentis non confideramus. Dei manus facit hæc omnia. Ita sanè loquendum, ita & sapiendum in omnibus: Deus disponit, Deus regit, Deus facit hæc omnia. Et vt optimè capiamus hunc & loquendi, & sapiendi modum, paradigmata dabimus compluscula, è Christi & Diuorum ore petita.

a Gen. 6. 42. v. 28.

Christus Dominus in æternā Patris Prouidentiam velut suauissimo actu abrepus: Ita Pater, inquit, quoniam sic fuit placitum ante te. Ita mi Pater; rectè omnia fecisti, nec mortalium vllus in tua dispositione, aut iudicijs tuis quidquam damnet, quoniam sic placuit TIBI. En, quam suauiter doceamur diuinæ potestati modum non definire, Dei iudicia non scrutari, decreta non examinare, sed hoc vno acquiescere quia Deo sic placet. Patri sic placuisse Seruator asserit, quare sic placuerit, non exponit. Siquidem diuinæ Voluntatis causa nec assignanda est, nec quærenda. Mille causarum loco est, Deum sic voluisse. Diuinæ Prouidentiae Voluntas, est summa iustitiæ norma; nec aliter eius rationes constant, quàm si nulli hominum reddantur. Idcirco in omnibus omnino rebus faciendis aut omittendis, fugiendis aut perferendis, exemplo Christi, ô Christiane dic semper: *Ita Pater. Ita Pater. Ita mi Pater*, etsi hoc vno die millies, etsi ter millies ingeminandū: *Ita Pater.* Et tunc magis id dicendum, & assidue repetendum, cum magis premunt aduersa, in omnibus tuam sanctissimā ipsius Voluntati subijciendo: *Ita Pater.* Hæc vigilans & dormiens, hæc sanus, & eger & moriens identidem pronuntia, velut si dicas: Domine, nil possum tibi negare tu scis. Sicut ergo vis sicut disponis, ordinas, permittis omnia fieri, ita fiant, ita Pater, ita & in me fiant, & nihil fiat in me, quod Voluntati tuæ rectissimæ, optimæ vel minimum aduersetur: *Ita Pater*, ita fiat & nunc, & semper, & in omnem æternitatem.

Hoc pacto è priscis Patribus quidam precari solitus est: Fili Dei, sicut scis & sicut vis, miserere mei, Fili mei. In hunc ferè modum ille diuinæ Voluntati deuotissimus scriptor: Domine, inquit, dummodo voluntas mea recta & firma ad te permaneat, fac de me quicquid tibi placuerit. Non enim potest esse nisi bonum, quicquid de me feceris. Si me vis esse in tenebris, sic benedictus: & si me vis esse in luce, sis iterum benedictus: Si me dignaris consolari, sis benedictus: & si me vis tribulari, sis æquè semper benedictus. Domine libenter patiar pro te, quicquid volueris veni-

CCCC 2

re super



re super me. Indifferenter volo de manu tua, bonum & malum, dulce & amarum, laetum & triste suscipere, & pro omnibus mihi contingentibus gratias agere. *b* Hoc esto, Christiani, vero nomine DEVOTA precari, devote agere.

A prioribus nec ista differt oratio: O bone IESU, sic me amasti, ut totum te dares carnis furore, figendum in cruce: quid iam magni sit, si totum me tradam tibi in tuas manus, non crudeles illas, sed vere paternas. Certus ego sum, omnia tendere ad meum profectum. Fac ergo Domine mecum quod bonum est in oculis tuis, tua enim sunt omnia, nec est qui tuae possit resistere Voluntati. Quia tu Domine sicut voluisti, fecisti. Nec est in hominis potestate consilium tuum. *c* Tales omnino in veteri lege Sanctorum preces fuerunt: Sic precatus Tobias: Nunc, inquit, Domine, secundum Voluntatem tuam fac mecum, & praecepe in pace recipi spiritum meum. *d* Sic Iudith precata: Dicamus, inquit, fletus Domino ut secundum Voluntatem suam sic faciat nobiscum misericordiam suam. *e*

*a* Matth. c. 11. v. 26.

*b* Thom. de Kempis l. 3. de imitat. Christi c. 17.

*c* Iona c. 1. v. 14.

*d* Tob. c. 3. v. 6.

*e* Iudith. c. 8. v. 17 & c. 9. v. 4. & 5.

### S. V.

**M**irum dictu est, quoties liber de imitando Christo Domino inculcet hanc ipsam de qua agimus, diuine Providentiae agnitionem, & sanctissimum quod inde nascitur, diuinae humanaeque voluntatis conubium. Nam post varia praecepta, velut praestantissimum, imo compendium omnium traditurus: Nihil ergo, inquit, amatorem tuum, & cognitorem beneficiorum tuorum, ita laetificare debet sicut Voluntas tua in eo, & beneplacitum aeternae dispositionis tuae: de qua tantum contentari debet & consolari, ut ita libenter velit esse minimus, sicut aliquis optaret esse maximus & ita pacificus & contentus in nouissimo, sicut in loco primo: atque ita libenter despiciabilis & abiectus, nullius quoque nominis & famae, sicut ceteris honorabilior, & maior in Mundo. Nam Voluntas tua & amor honoris tui omnia excedere debet. *a* Hoc ipsum

### VOLUNTATIS

inculcat alibi hac occasione: Quæstio est sapientius agitata, in quo demum verus in virtute profectus consistat. Quæstioni sic respondetur: In offerendo te ex toto corde tuo, Voluntati diuinæ non quærendo quæ tua sunt, nec in paruo nec in magno, nec in tempore nec in Aeternitate, ita ut vna equali facie, in gratiarum actione permanens, inter prospera & contraria, omnia æqua lance pensando. *b* Qui adhæret Deo, vnus spiritus est & cum Deo, non naturæ puritate, sed voluntatis conformitate.

Obijcias hic, forsan: Si velit Deus parentes meos mori, qua ratione possum ego parentum meorum obitum velle? Quod si Deus me aut illos damnari velit, an hoc ipsum velim & ego: Mi bone homo, patrem tuum matremque vult Deus mori, non eo solum quo illis eripitur vsura vitæ, sed ut satisfiat debito iustitiæ, vel ut seruetur ordo naturæ, quod & te velle convenientissimum est. Ita prorsus si damnari te velit Deus, non hoc ideo vult, ut tibi malum inferat, sed ut malum puniat, & iustitiam defendat, qua ratione par est & te velle, puniri noxas, etiam in te ipso. Sed opportune hoc loco illud tibi ingero, quod disertissimus ecclesiastes ante centenos & plures annos memoriae consignauit, in hunc modum: Si te, inquit, quotidie ex integro diuine Voluntati ad omnes illius nutus promptum paratumque offeras, veniam noxis obstitines, tantumque gratiæ mereris, ut possis non tantum inferorum rogos, sed & piacularis flammæ non timere. Sincera hæc tui oblatio ad omnem Dei Voluntatem exequendam, penitentiarum, & indulgentiarum, & elemosinarum loco est. *d*

Quid ergo tergiuersamur? creata res omnes diuinæ parent Voluntari, & hoc (indignum prorsus) detrectet solus homo: Deus propositum sibi finem in rebus omnibus spectat, & consequitur, consequemur & nos nostrum, si cognita eius providentia, nostram ipsius Voluntati semper subiunxerimus. Sed heu, nimis subinde molles sumus, & ad omnes molestias grauius ingemiscimus. Verissime Seneca: Quomodo id potest Deo parere, inquit, & quicquid euenit bono animo excipere, nec de fato queri, casuum suorum benignus interpres, si ad volupratum dolorumque pun-

Atunc  
miserie  
quodque  
tunc m  
cogit  
mea sed  
Provide  
mittere,  
rum & q  
cipiamu  
Ludo  
consigne  
vbique d  
in Deum  
feste vni  
dicat (sp  
dum) ven  
Respo il  
ternitate  
prietate r  
uerque, &  
ac si nunc  
vbique D  
tatem, it  
desiderij  
gnatione  
sed Dei  
veniant  
nam, & e  
ne cuius  
humarbo  
ordinatio  
& in adu  
calumnijs  
contemp  
stij pre  
derelicti  
bustiber  
animo fer  
velle, &  
mouere f  
a Thom  
b Tom  
ci. Cor.  
d Ioan. G  
propriet  
e Sen de v  
f Blos. Inf



## CAPVT XII.

## EPILOGVS

## S E V

*Omnium in his quinque libris dictorum Compendium.*

**C**ompendiariam hic docere, beneuole Lector, cogitamus, & huius institutionis de conformanda voluntate nostra cum diuina, summam & epitomen dare, vt semper sit in oculis, quod cupimus semper esse in animo.

Eam ob causam imagines etiam huic rei significandæ adieciimus. In singulis illarum, geminum cernis tam diuinæ quam humanæ voluntatis symbolum. *Cor* aurea corona redimitum, oculis diuinam Voluntatem subiicit, quæ non tantum optima, rectissima, imperas omnibus, sed & immutabilis sibi quæ semper simillima; *Lilium* & *Gladium* vtrunque secus habet, nam & præmio & supplicio mortales afficit. *Cor alarum* humanæ voluntatis symbolum corollam è rosis, subinde è paucorum pennis, contextam habet: Velle nostrum variabile atque inconstans, tunc solum laudabile, cum suis se alis, suis se desiderijs ad cor & Voluntatem diuinam euehit, aut certe non reluctatur, cum euehitur aliunde vel attrahitur, Voluntas humana tanto felicior semper, quanto diuinæ coniunctior est.

Alterum diuinæ Voluntatis symbolum *Sol* est, humanæ *Heliotropium*. Inter solem & hunc florem summa est amicitia. Obtutu religiosissimo eoque assiduo. Solem velut suum dominum hos iste sequitur: nec densæ nubes, quicquid venerationis aut obsequij hoc est, impediunt. Minus flore sapimus, nisi pariter diuinam Voluntatem nostra comitetur, vt asseccla calamitate nulla separabilis, Cetera istarum imaginum, tuæ, mi Lector, interpretatio ni permittimus.

Hactenus dicta digessimus in hunc ordinem. Et primo quidem libro egimus de *Diuinæ Voluntatis Cognitione*. Altero, de *Humana*

C c c c c 3

vofan

Etunculas concutitur? e Si quid Deus immiserit, quod grauiore ingerat molestiam, quodque inferiores animæ vires horreant, tunc maximam imitandi Christi occasionem cogitemus, dicamusque cum Christo. Non mea sed tua Voluntas fiat. Hoc est diuinæ Providentiæ ac Voluntati se integrè committere, vt ipse de nobis statuatur quod, quantum & quomodo voluerit, nos verò nihil excipiamus, nunquam contradicamus:

Ludouicus Blosius hæc omnia suis verbis consignet. Propriam, inquit ille, voluntatem vbique deserat, eam Deo resignet, eam integrè in Deum transfundat, eiusque Voluntati perfectè vniat. Nunquam ore, nunquam corde dicat (spectando seipsum & propriū commodum) verba ista: *Volo hoc, Nolo illud, Eligo hoc, Respuo illud*. Neque in tempore, neque in æternitate aliquid suum quærat: sed omni proprietate reiecta, se prorsus seipso spoliaret priusque, & sibi rebusque omnibus sic moriatur, ac si nunquam creatus esset. Quærat autem vbique Deum, eiusque honorem ac Voluntatem, ita vt ipsis quoque orationibus pijsque desiderijs suis, humilem sui abnegatione resignationemque coniungat, petens non suam sed Dei Voluntatem fieri. Omnia quæ sibi eueniunt, referat ad ipsam voluntatem diuinam, & ea nude de manu Domini suscipiat, sine cuius providentia nec vnum quidem folium arboris decidit in terram. Permissiōnem ordinationemque illius sicut in prosperis, ita & in aduersis, in damnis rerum, in iniurijs, calumnijs, opprobrijs, ludibrijs atque sui contemptu, in doloribus corporis, in angustijs pressurisque cordis, in mœroribus, in derelictione calamitateque interna, & in quibuscumque afflictionibus, parienti ac tranquillo animo ferat, eumque laudet: credens illum & velle, & posse salutem suam in omnibus promouere.

a Thom à Kemp. l. 3. c. 22. fine.

b Tom à Kemp. l. 3. c. 25.

c 1. Cor. c. 6 v. 17.

d Ioan. Gailer à Kaiser. *per. de spirit. peregrino* proprietate 7 mihi pag. 87.

e Sen de vita beata c. 15.

f Blos. *Instit. spirit.* ca. 2. initio, mihi pag. 355.



*voluntatis ad diuinam Conformatione. Tertio, de huius Conformationis Emolumentis. Quarto autem, de Conformationis istius impedimentis. Quinto denique, de eiusdem Conformationis adiumentis. Hæc iam luminatim & compendio, sic trademus vt ea quidem quæ dicta sunt non temere repetamus, sed dictis confirmationem addamus.*

## S. I.

## DIVINÆ VOLUNTATIS COGNITIO.

**D**E hac erudite Bernardus : Formidolosa est, inquit, scrutatio Maiestatis, ac Voluntatis tam tuta quam pia. Quid ni tota diligentia scrutando in stem sacramento Voluntatis Dei, cui mihi parendum per omnia scio ? Quis autem ille tam infelix, qui id nolle audeat, quod certus est Deum velle aut quod certus est eum nolle, id velle præsumat ? Quis ille tam proteruæ frontis, tam exhausti ruboris homo, qui dicere non vereatur : Volo potius meam, ô Deus, quam tuam fieri voluntatem, quia meam vtiliorem tua iudico. Ego ipsi mihi providebo ; æternæ providentiæ tuæ me totum committere, nec securum nec tutum est. Hæc forsan dicere pudori ducimus, non item facere. O multos, nimis modice verecundos, qui voces has quidem detestantur, sed voce solum, non re & factis. Hic profecto grande periculum est, dum infeliciter nobis blandimur, & palpando nosmetipsos seducimus. Nam dissimulamus Dei Voluntatem nosse, dum nostram facere, & aliquam de ignorantia habere volumus excusationem. Præclarissime hic instruens Bernardus : Propterea rogo vos, inquit, diligenter attendite, quia nihil mihi occurrit quod vtilius possitis audire. Vbi certa est Dei Voluntas, omnino nostra sequatur, in his videlicet in quibus certum aliquid in scripturis inuenimus, aut ipse spiritus manifeste clamat in cordibus nostris, quid sentiendum sit, vt est Charitas, Humilitas, Castitas, Obedientia : hæc approbemus indubitanter & appetamus, quæ placere Deo scimus indubitanter. Sed & ea omnimodo odisse debemus, de quibus certum est quod oderit ea Deus, vt est fornicatio, impatientia. In his vero rebus, in quibus

nihil certi possumus inuenire, nihil certum voluntas nostra definiat : pèdeat inter vtrumque, aut saltem neutri parti, nimis inhæreat, cogitans semper ne forte altera pars Deo magis placeat : & parati simus Voluntatem eius sequi in quamcumque partem, eam cognouerimus inclinari. Nemo super his quæ certa sunt hæsitet, nemo dubia pro certis admittat, nemo sibi in dubijs iudicium vendicat, præcipiterue sententiam, & experiemur quod scriptum est : Pax multa diligentibus legem tuam Domine, & non est illis scandalum. Ergo quod certum est Deum velle, id nos velimus omnino : & quod certum est eum nolle, similiter excremur & nos : quod autem incertum est vtrum velit aut nolit, neque velimus ex toto, neque penitus non velimus. *b*

Hæc longe vtilissima Bernardi instructio, dubijs omnibus occurrit, defectibus actionum nostrarum omnibus medetur. Exemplo demonstratur id quod dicimus. Egenis stipem largior : Hic sane nescio, velitne Deus à me, fortasse plus erogari. Ergo ad diuinam Voluntatem confugio : Mi Deus, si scirem te velle in elemosynis dandis me largiorem esse, vtique mox essem largior. Pari modo. Per horum partem preces in eo, Mi Deus, si nossem te velle prolixius me precari, abiecta omni cunctatione id facerem. Eodem modo : Ieiunia inco, mi Deus, si exploratum mihi esset te velle, strictiorem aut crebriorem inediam me tolerare, promptissimus id exequerer. Idem in omnibus alijs actionibus facitandum, cum Deo sic semper paciscendo : Mi Deus, ita hoc, ita omnia alia facere vellem, prout tu à me id fieri velles, quod si ego minus assequor voluntatem tuam, tu meam instrue, impelle, coge prout vis ; posside me, mea voluntas non sit mea amplius, sed tua, proinde tu illa vt tua vtere. Hic iuuerit illam Ecclesiæ precatiunculam crebrius iterare : *Oblationibus nostris quasumus, Domine, placare susceptis, & ad te nostras etiam rebelles compelle propitius voluntates.* c Sed & breuissimum illud vel vno die centies repetiisse proderit : *Mi Deus, doce me facere Voluntatem tuam.* d Aut : *Domine quid me vis facere.*

Hinc etiam ad callidissimas illas diaboli quæstiunculas in promptu responsio est. Solet interdum demò interrogatiunculis vrgeri hominem : Si



nem: Si quis tibi hoc illud obijceret, quid responderes? in hoc illorum rerum euentu quid consiliu caperes? Si spes tua te falleret, si quod ambis negaretur, quid oro faceres? Mille talia versutissimus arguator ingerit, & vt cautius irretiat, vera falsaque miscet. Freqventer rem eo modo proponit, vt vtram in partem aliquis se affectat, mulcipulam inueniat, perplexus fiat, & noxa non careat. Tutissimum hic non respondere: victus es si cum vasserimo Sophista hoc ceperis disputare. Ergo disputationem cum aduersario tam subtili ne ingredi, sed velut compressis oculis hoc vnum oppone: Si velit hoc Deus, & ego volo: si nolit, & ego nolo: diuinę Providentię ac Voluntati me totum do, dico, addico; in Dei arbitratum quantus quantus sum, transij; sicut Deo placuerit, sic fiat. Hoc vno diuinę Voluntatis clypeo, diaboli tela omnia eluduntur: sic vincitur disputator ex Orco, sic sua homini tranquillitas conseruatur. Ad vberiore autem diuinę Voluntatis noticiam, plurimum conducet arbitror, sequens preceptio.

Memorant virum tam eruditum quam pium, morti iam vicinum ab amicis & cognatis rogatum hoc modo! Quandoquidem ad Aternitatis ostium iam staret, & ad illas oras, vbi placidissima quies, pararet abitum, hoc vnum se rogare, sui aliquod monumentum relinqueret. Non abnuo, inquit eger, hanc rem vobis gratificari paratus sum. Multa de Deo deque virtutibus me disseruisse memini, nunc dissertationum mearum omnium epilogum, imo virtutum omnium Summā, omnis doctrinę breuiarium dabo. At scitote, sape nobis exiguum videri, quod ad diuinam ælificationem maximum est. Virtutum ergo summarium hoc est. Omnia quę nobis Deus euenire permittit, æqualiter ab illius manu accipere, ne aliud vnquam velle, quam omnia ad diuinę Voluntatis perpendicularum facere. En cognati optimi, hæc omnium virtutum epitome, hoc summarium est omnium virtutum. Sed quęretis forsitan, quis modus sit diuinę Voluntatis in rebus omnibus cognoscendę? Modum ergo hunc habetote: Si quis in omnibus ita se affectum sentiat, vt si Dei Voluntatem perspectam haberet, eam sine mora sequeretur promptissimē, hic a Dei Volun-

tate non facile aberrabit; implebitur agnitio ne Voluntatis Dei, & Voluntatis Dei in manu eius dirigetur. Et quo talis a ratione & conscientia saepe se impelli ac trahi persenserit, eo vocantem Deum securē sequetur, modo impulsus isti nil a sacris paginis, aut Ecclesię legibus alieni suadeant. g

Sed hic illud obieceris, quod plurimos pessimē angit. Et vnde, aiunt, scio Deum & hoc & istud & illud velle? Tunc sanē scis, mi Christiane, & hoc, istud, & illud Deū velle, cū cernis permittere si nolle, non permetteret. An Deus nolit, quod ab æterno permittere decreuit. Locupletissimum produco testem Augustinum, qui dilucidissimē: Deus, inquit, quasdam voluntates suas vtique bonas, ita implet per malorum hominum voluntates malas sicut per Iudæos maleuolas bona voluntate Patris Christus pro nobis occisus est. Propterea magna opera Domini, exquisita in omnes voluntates eius, vt miro & ineffabili modo non fiat præter eius Voluntatem, quod etiam contra eius sit Voluntatem, quia non fieret si non sineret, nec vtique nolens finit, sed volēs. Nec sineret de bono fieri malē, nisi omnipotens etiam de malo facere posset bene. h Obserua hoc, mi Christiane: *Noli fieret, si non sineret, nec vtique nolens finit, sed volens.* Quod ergo vides vel audis Deum permittere, scias velle. At dicēs: Etiam peccatum permittit Deus. Ita est; sed non ignoras in omni peccato & culpam & pœnam, velut duos vermiculos in putrido dente, aut cariola trabe delitescere; culpam non vult Deus, sed certē pœnam, & ita quidem, vt omnem omnino pœnam, non tantum in nos statuatur, sed eas nos ipse afficias, hinc sæpissime peccatum, punitur peccato, ita per facinus Absalonis incesti punitum est crimen Davidis adulteri. Eadem est ratio ceterorum:

Hanc eandem diuinę Voluntatis cognitionem promouet illud Siracide præceptum: Omne quod tibi applicitum fuerit, accipe. i Quid enim tibi proderit manus tui amans, & sapiens imponere, quod tibi non conueniat? Rex cæli pater tuus est, sapiens est, bonus est, omnia potest, Cur in te permittat, nisi quod ēre tua sit? Hoc ergo quod tibi fuerit applicitum, qualecumque demum & a quibuscunque applicetur, id diuinę Voluntatis esse scio,



scito, & ideo quam agnoscis, hanc & sequere Voluntatem. Memento, ne ea quæ fidunt, velis arbitrato tuo, sed ita fieri, prout fiunt. Peccatum deme rebus contingentibus, & in omnibus, Providentiam ac Voluntatem divinam facile agnosces. Optimè Augustinus: Acquiris, inquit, pecuniam, perdis innocentiam: Perde potius pecuniam, custodi innocentiam & vide directionem qua dirigit te Deus, ut omnia quæcumque vult, velis & tu; ipsa enim est directio. *k* Quocirca prudentiæ aut providentiæ suæ nemo fidat: Medicus quidem, ait Tullius, ingrauescentem morbum ratione providet, insidias Imperator, tempestates gubernator, & tamen ipsi sæpe falluntur, qui nihil sine certa ratione opinantur, incertæ sunt providentiæ nostræ, incertissimæ: Neminem fallit, nunquam fallitur divina Providentia.

*a* Bern. *serm.* 62. *in Capt.*

*b* Bern. *serm.* *Quomodo voluntas nostra divina subijci debeat, mihi pag. 402.*

*c* Oratio in sacris, pridie Dominica passionis, & Dom. 4. post Pentecost.

*d* Ps. 141. v. 10.

*e* Coloss. c. 3. v. 9.

*f* Is. c. 53. v. 10.

*g* Ioan. Tauleus sine sermonum de Sanctis, mihi pag. 443.

*h* Augustin. tom. tert. in Enchiridion. ca. 100. ad Laurent. Romæ primicorium.

*i* Eccli. c. 2. v. 4.

*k* Aug. in Psal. 36. sine prima concionis.

*l* Sap. c. 9 v. 14.

## S. II.

### HUMANÆ VOLVNTATIS AD Divinam Conformatio.

**V**oluntatem divinam nosse non satis est, oportet & facere. Servus qui cognovit voluntatem Domini sui, & non præparavit, & non fecit secundum voluntatem eius, vapulabit multis. *a* Recta sequitur divina Voluntas notitiam, humanæ cum illa Conformatio. Sanctissimam Dei Voluntatem agnoscis? ergo & amplectere, & tuam illi subiunge. An forsan hoc expectas, ut illa se tuæ subijciat, & conformet? Frustra es, Deus operatur omnia secundum consilium Voluntas suæ, *b*

Et fac velle hoc Deum, quod tu vis, tuo id damno veller. Non potest esse bona voluntas, quæ non convenit cum omnium bonarum voluntatum norma & regula. Fundamentum est immobile: Pax hominibus bonæ voluntatis, at non potest non esse bona, quæ convenit cum optima Voluntate.

Eit quandoque ut mater familias hypocautum reperiat plus æquo calefactum, puterque balneum se ingressam, non cenaculum. Hinc bona mulier tota in fermento esse, & in ancillam bilem omne effundere, stomachosis etiam vocibus sic illam obiurgare: Eccur, improba, hypocautum sic calefecisti? ad cenandum hoc convenimus an ad laudandum? quid opus frustra consumere lignorum tam grande pretium? utrimque nocet, & nobis, & lignis. At ancilla. Ne indigneris, inquit, o domina, ita imperavit herus. Illa, mox ubi herum ita fieri voluisse audit, restringit bilem, & mitius loquitur, caloremque ingratum alias discit non sentire. Atque hic finis est pugne in verbosissimam litem alioqui protrahendæ. Tanti est illud vnicum respondisse: *Herus ita voluit*. Idem nobis, in adversis omnibus mansuetum silentium persuaadat, hoc vnicum cogitasse, *Deus ita voluit*.

Eleganter & verè diuus Prosper. Nec aliquid in nobis, inquit, libera voluntas melius agere potest, quam ut illi se commendet, qui malè agere non potest. *c* Quæ cum ita sint, nihil rectius aut melius facere possumus, quam inuictæ Dei Voluntati nostram penitus submittere, nec aliud unquam in animum admittere quàm quod Heli sacerdos dixit: Dominus est, quod bonum est, in oculis suis faciat. *d* Plenissima Philosophiæ verba, vocat hoc essatum Chrysostomus, *e* quo seipsum Heli ad omnem æquanimitem, etiam in adversis animavit. Bene hoc quidem Heli, sed optimè Christus: Pater; si vis, transfer calicem istum à me, veruntamen non mea, sed tua Voluntas fiat. *f* Prima petitio infirmitatis fuit, altera virtutis; illud, inquit Leo, optavit ex nostro, istud elegit ex suo; ut superiori voluntati cedat inferior, Fiat Voluntas tua. Hæc vox Christianos instruit, hæc martyres accendit, virgines confirmat, certantes animat, pusillanimes roborat, iacentes erigit, mæstos recreat, afflictos sanat. Tandè à Christi vo-

si vo-



sti voce illorum omnium vox vna est: Pater mi, si non potest hic calix transire, nisi bibam illum fiat voluntas tua. *g* Hic Præstantissimus Dei cultus est, cum diuinæ Voluntati nostram penitus accommodamus, & in ea conuiescimus immobili & imperturbata tranquillitate, siue prosperis nos Deus excitet, seu aduersis emendet. Hoc enim est quod assidue petimus; Fiat Voluntas tua, sicut in cælo, & in terra. Neque enim solum precamur, vt Dei Voluntas fiat à nobis, exequendo quod iusserit, sed etiam de nobis, & in nobis sustinendo quicquid immiserit. Et hoc præfati Patres exercitium Magnum vocabant, à Dei manu omnia accipere, quod Iobus & Dauid exactissime præstiterunt. Ille: Dominus inquit, dedit, Dominus abstulit, Sicut Domino placuit, ita factum est? Sit nomen Domini benedictum. *h* Perinde si dicat: Dominus ista commodauit, nec à se abdicauit Dominium, quod ergo suum est repetere potest, sit ille benedictus, illi agatur gratia. Nec aliter Rex Dauid: Benedicam, inquit, Dominum in omni tempore, & aduerso, & prospero, vtcunque ille mecum egerit. Hæc suæ voluntatis in diuinam resignatio, supremæ perfectionis & sinceri amoris opus est, summus enim amicitie gradus est, idem VELLE & NOLLE. Sic homo sub iugum mittit affectus omnes, & ad diuinam voluntatem se totum componit, lætæque canit cum beato Bernardo: Vita mea in voluntate tua, Domine. *k* Egregie Hieronymus de hoc disserens: Bonus est Deus, inquit, & omnia quæ bonus facit, bona sint necesse est, Mariti orbitas irrogatur? plango quod accidit: sed quia sic placet Domino, quo animo sustinebo Vnicus raptus est filius? durum quidem, sed tolerabile; quia sustulit ille qui dederat. Si cæcus fuero, amici lectio me consolabitur. Si auditum quoque surdæ aures negauerint, vacabo à vitijs: nihil aliud nisi Dominum cogitabo. Imminet super hæc & dura pauperies, frigus, languor, & nuditas? extremam expectabo horâ, & breue putabo malû, quod finis melior subsequatur. Sanus sum: gratias refero creatori. Languo? & in hoc laudo Domini Voluntatem, virtus spiritus in carnis infirmitate perficitur. *l* Cedendum est, ait Iustinus martyr, Voluntati Dei, sicut lutû obsequitur suo figulo. *m*

Hæc omnia Ludouicus Blosius in compen-

dium conferens auro scribendum: Qui veræ perfectionis amans est, inquit, non à Deo solatium internum, non hoc aut illud præcipue postulare, sed eius gratissimam Voluntatem votis omnibus, expetere debet. Licet enim illa alia peti possint in gratia, immoderatus tamen ea appetere, imperfectio est. Planè super omnia Deus à nobis exigit, vt nostrâ voluntatem illi penitus offerentes, permitamus ipsum facere quicquid volet. Et per hoc vera pace in omnibus gaudemus. Multo acceptius Deo est, vt cum Apostolo ex animo dicamus: Domine quid me vis facere? quàm si mira quædâ ex voluntate propria, pro illius amore nos libenter facere velle dicamus: Super omnia namque quæ vel dicere, vel facere possemus, hoc à nobis maximè exposcit Deus, vt intus in corde dicamus: Domine fiat gratissima Voluntas tua. Inter omnes preces quas Christus in hoc Mundo fudit, illa summa & excellentissima fuit, Pater non mea sed tua Voluntas fiat. Lucundum quidem est, dum pro gratia & virtutibus oramus, obtinere à Deo quod petimus; multo tamen delectabilius atque vtilius est, potissimo Dei beneplacito se resignare. Vbi quis ad hoc peruenit, vt seipsum ex toto resignans, & offerens Deo omnia propter ipsam intus ac foris pati aut subire paratus sit; tunc reuera cum ipso bene agitur & non ante. Bona voluntas virtutum omnium fundus siue fundamentum est. Vnius autem esse cum Deo voluntatis, id virtutes omnes excellit, & in hoc perfectio est. Quisquis enim ita bona præditus est voluntate, vt sese abneget ac propriæ renuntiet voluntati, seque liberrimè resignet ac dedat voluntati Dei, eius bona voluntas est perfecta, idemque absque formidine & anxia sui cura vitam transigit, & de vita æterna obtinenda quandam se sentit habere certitudinem. Eiusdem enim in omnibus cum Deo voluntatis est, & pacem habet cum Deo, & in Deo imperturbabilem. Moderatè, suauiter, ac tranquille ferre nouit & verba aspera, & truces gestus, sæua opera, & quicquid demum iniuriæ, siue in ipsum, siue in amicos eius conferri possit. Sedatè, inquam, & æquanimitè tolerat omnia, quæ ipsi vndecumque, siue à Deo, siue à creaturis quibuscumque accidere queant. Eum perturbare nihil potest, neque iactura terrenarum rerum, vel ami-

D d d d d eorum



corum & cognatorum, neque corporis aduersa valetudo, neque ignominia; neque mors, neque vita, neque purgatorium; neque demon, neque infernus. Quia enim ex vero amore diuinæ se permisit atque resignauit Voluntati, & nullius mortiferi peccati conscientia tenetur, facile illi toleratu est, quicquid de eo fieri mandat Deus in tempore atque æternitate. Itaque cū aliquid patitur, & in omni rerum euentu, ita cogitat ac dicit: Domine, sicut ipse ab æternitate, antequam ego essem, voluisti, ita fiat, & non vt ego volo. Non meum commodum, non meam delectationem quærere debeo, sed tuum honorem & tuam laudem. Gratiior mihi est tua sancta Voluntas, quàm optandi libertas. En igitur meipsum dedo, resigno, & permitto tibi Deus meus, non in tempore modo, sed etiam in æuum sempiternum.

Plurimi sunt qui hunc aut illum viuendi modum, hæc aut illa bona appetant, sed plerumque totum quod agunt ex propria voluntate procedit. Itaque nihil equidem dicere dubitem, vel vnicam salutationem Angelicam cum sui ipsius abnegatione ad gloriam Dei prolatam, meliorem vtilioremque esse multis psalterijs ex propria voluntate perfectis. *n* I. a. Blossius.

Millies ergo ingeminandum, quod piissimus hic scriptor toties inculcans: Verissima denotio, inquit, in humillima sui resignatione sita est: quando videlicet homo non solum in abundantia, sed etiam in penuria & morore; & alijs quibuscunque casibus ac euentibus in sanctissima Dei Voluntate plenissimè acquiescit. *o* Nam, vt optimè Chrysostomus & Bernardus: Humilitatis summa in eo consistit, si voluntas nostra per omnia diuinæ Voluntati subiecta fuerit. *p*

Epictetus haud aliter: audi dignissima quæ gemmis scribantur: Mihi quidem, inquit, optabile est à morte me inuari, nulla alia re, nisi voluntate mea curanda occupatum, vt perturbatione vacuus & liber, dicere possim Deo? Nunquid præcepta tua violauit? numquid ad alia sum abusus facultatibus quas mihi dedisti? num sensibus? num te vnquam inculcavi? num gubernationem tuam reprehendi? Egrotavi, quia voluisti. Egrotant & ceteri, sed & ego volens. Pauper fui, te volente, sed latus. Non impera-

ui, quia tu voluisti. Nunquam appetui imperium. Nunquid me vnquam hac de causa tristiorē vidisti? Nunquid vnquam vultu minus hilari te accessi? Paratus si quid mandes, si quid imperes: Vis me nunc ludorum celebritate abire? Abeo. Gratiā quam possum maximam habeo, quod me dignus es ad ludos tuos admittere, & ad spectanda opera tua, & administrationem tuam intelligendam. Hæc me cogitantem, hæc scribentem, hæc legentem occupet mors. *q* Quam hæc omnia Christianè ac sapienter!

Quæstio inter duos nascebatur super dicto Gerlonis, cum alter interrogauit: Rectene Gersonasseret, Iobum plus meruisse quod illam à Satana ceterisque suis hostibus iniuriā patienter tulerit quàm si suo libitu opes suas omnes pauperibus erogasset? Rectissimè, inquit iste, nam præmio digni sumus maiori, si arumnas vndeunque ortas, sine querela & expostulatione, sine diuinorum iudiciorum reprehensione, sine inimicorum accusatione & odio sufferamus, quam si crebris ieiunijs, flagris, cilicijs carnem maceremus. Tanti est propria Voluntatis resignatio. Contra vero impium est tolerare nolle, quæ Deus per quoscunque demum, immittit toleranda.

Humana igitur voluntas nunquam bona est, nisi quæ diuinæ conformis est; tanto autem seipsa melior est, quanto diuinæ conformior: illa demum voluntas censenda est perfectissima, quæ subiectissima diuinæ. Hinc tantum quisque proficit in virtute, quantum in suæ voluntatis ad diuinam conformationem. Et hoc libro secundo pertractatum.

*a* Luc cap 12. v. 47. *b* Ephes. c. 1. v. 12.

*c* Prosper. in sent. ex Aug. num. 318.

*d* 1. Reg. c. 3. v. 18.

*e* Chrys. l. 3. contra vitup. vitæ monach.

*f* Luc. c. 22. v. 42. *g* Matth. c. 26. v. 42.

*h* Iob. c. 1. v. 21.

*i* Ps 33. v. 1.

*k* Sancti Bernardi sermon. 14. in Cant. fere med.

*l* Hieron. ad Paulam de obitu Blesillæ.

*m* Inst. l. de recta confess.

*n* Blossius Errat. Institution. mihi pag. 542.

*o* sequent.

*o* Idem in dictis Patrum ca. 11. mihi pag. 611.

*p* Chrysost. hom. 3. in Matth. Bernard. l. supracit.

*q* Epist. l. 3. dissert. c. 5.



## S. III.

HUMANÆ VOLVNTATIS AD  
diuinam conformandæ Emolu-  
menta.

**V**erbo dixero : Humana voluntas cum diuina in omnibus consentiens, Pano-  
plia est virtutum omnium. Nimirum ex hoc  
armamentario arma suppeditantur in omne ge-  
nus calamitatum. Is certe qui suam volunta-  
tē agglutinavit ad diuinam, quicquid in rerum  
natura triste aut formidabile occurrerit, serena  
mente despiciens, hoc vnum ingeminabit:  
Fiat Voluntas Domini. Eripiantur ei opes,  
conflagrent ædes, dicet : Fiat Voluntas Do-  
mini. Infestetur morbis, exagitetur doloribus,  
laceretur tormentis, etiamnum clamabit. Fiat  
Voluntas Domini. Spolietur honore omni,  
contumelijs innumeris exagitetur, necdum  
suum illud desinet : Fiat Voluntas Domini.  
Omnes illum homines diuerent, omnes illi  
dæmones insultent; ruat calum, pereat Or-  
bis, pandantur inferi, vociferabitur adhuc:  
Fiat Voluntas Domini. In summis calamitati-  
bus, summum illius solatium, posse dicere:  
Sic Domino placuit, hoc vult Deus.

Bion interrogatus, quis in vita maximè vi-  
deretur anxius? Illum arbitror, respondit, qui  
in maximis rebus cupit esse fortunatus, mille  
curis angitur ut assequatur quod oprat, asse-  
cutus torquetur ne amittat. Nimirum habere  
satagimus, non adepti dolemus, adepti ti-  
memus; mouent erepta, sollicitant eripienda.  
Quisquis autem integrè diuinæ se Voluntati  
permittit, hinc & hinc liber est, nec enim an-  
gitur quid acquirat aut perdat, sed quid Deus  
perdere se velit vel acquirere. At quomodo  
scit Deum hoc vel illud velle? Iam dixi:  
quia cognoscit permittere. In hanc Dei per-  
mittentis Voluntatem sic pridem transfudit  
suam, ut si omnia Orbis mala in se vnum con-  
iuerent, hanc tamen illi ereptura non sint, li-  
berrimam vocem : Fiat Voluntas Domini.  
Admirandum hoc animi robur, & quæ inde  
sequitur, tranquillitas inæstimabilis. Sed  
ordine videamus huius diuinæ Voluntate  
deuotionis commoda.

Primum. *Pax & gaudium ingens* Quis re-  
sistit ei, & pacem habuit: a Re & Augusti-

nus : Fecisti nos Domine ad te, inquit, &  
inquietum est cor nostrum donec requiescat  
in te. b Proinde saluberrimum tibi consilium  
est : Acquiesce ei (conformando tuam ad il-  
lius voluntatem) & habeto pacem, & per hæc  
habebis fructus optimos. c Cui cōuenit pium  
illud monitum : Dixi tibi sepius, & nunc  
iterum dico : Relinque te, resigna te, &  
frueris magna interna pace. d Nihil profecto  
tam acerbum est, in quo æquus animus sola-  
tium non inueniat. Quod autem in hoc Or-  
be maius vspiam possit esse solatium, quam  
sanctissimam Dei voluntatem in rebus omni-  
bus amantissimè complecti, Adbibeamus mo-  
do rationem difficultatibus, & nostram diui-  
næ Voluntati per omnia subdamus, hac vna  
ratione facillimè possunt & dura molliiri,  
& angusta laxari, & grauias scite ferentes mi-  
nus premere. Omnia nobis & facilia erunt &  
iucunda, modo nos in omnem Dei arbitra-  
tum dedamus.

Secundum. *Singulares Dei ductus in rebus  
omnibus.* Nam qui adeo liberaliter diuinæ  
Voluntati se totum permittit, ut nil arden-  
tius cupiat, quàm illam in rebus omnibus &  
nosse & sequi, huius certe vita momentis sin-  
gulis sic à Deo temperatur & regitur, ut præ-  
ter, in omnibus videat quid velit Deus, & ut  
omnia in suum cedant bonum. De Iosepho  
Ægypti prorege hoc asseritur : Fuitque Do-  
minus cum eo, & erat vir in cunctis prosperè  
agens : habitauitque in domo domini sui, qui  
oprimè nouerat Dominum esse cum eo, &  
omnia quæ gererentur ab eo, dirigi in manu  
illius. e Ita fit prorsus : homo diuinæ Volun-  
tati deditus, ac deuotus, in cunctis actioni-  
bus singulariter manu diuina ducitur, & di-  
rigitur, ad intelligendam, & exequendam  
Dei Voluntatem.

Tertium. *Singularis animi demissio & con-  
stantia.* Cum enim hic talis, non mutabili-  
bus rebus suam voluntatem applicet, sed im-  
mutabili Deo affigat, ac cum eo sic vnus effi-  
ciatur spiritus, ut velit quod Deus vult, nolit  
quod ille non vult, quamuis caduca hæc &  
mortalia labantur, & fluant, & mutantur, &  
pereant, ipse tamen stat semper idem, sicut idē  
est cui perpetuo inhæret. Mundus transiit &  
concupiscentia eius (inquit Ioannes) qui a n-  
tem facit Voluntatem Dei, manet in æter-  
num. f Venerunt Bernardus : Eris, inquit,



inter aduersa & prospera mutabilium temporum, tenens quandam Aternitatis imaginē, utique hanc inuolabilem, & inconcussam constantis animi æqualitatem, benedicens Dominum in omni tempore, proindeque vëdicans tibi, etiam in huius mutabundi sæculi dubijs euentibus, ceterisque defectibus, perennis quodam modo incommutabilitatis statum, dum te cœperis renouare & reformare, in insigne illud antiquum similitudinis æterni Dei, apud quem non est transmutatio, nec vicissitudinis obumbratio, quippe sicut ipse est, ita & tu eris in hoc Mundo, nec in aduersis timidus, nec in prosperis dissolutus. *g* Cōstātiām repræsentatur, rupem pingit marinis fluctibus cinctam, cum inscriptione: EADEM SVM SEMPER. Homo diuinæ voluntati deuotus, hoc idem dixerit in omni sorte: Deprimunt aduersa? *Idem sum*. Extolunt prospera? *Idem sum*. Flagellat Deus *Idem sum*. Solatur? *Idem sum semper*. Qui facit Voluntatem Dei, manet in æternum.

Quartum, *Felix & sua & aliena salutis procuratio*. Qui sui sensus ac propositi tenax est, cum se non facile alio sinat inflecti, multas necesse est sibi vias obstruat, & opportunitates recte agendi intercipiat. Neque tātū seipsum, sed & alios impedit, quo minus ad optatum finem pertingant. Nihil deterius quā sic esse suum. Væ filij desertores, clamat Isaias, ut faceretis consilium & non ex me, & ordiremini relam, & non per spiritum meum. *h* Vultis esse vestri: sinam esse, sed in supplicium, nam breui nec vestri eritis nec mei. Homo cerebrosus, & suiarbitrij, non raro alijs, sibi sæpissime & molestus, & noxius est. At vero qui non suo semper iudicio stare, nec suo viuere ingenio cupit, sed se ad omne vnus diuinæ Voluntatis momentum librare nouit, hic & sibimet ipsi semper, & alijs prodest sæpissime. Nam in omni euentu, etiam pessimo ac turbatissimo, exempla is suppeditat optima omnigenæ virtutis, neque enim aliud fere audierur dicere quam hoc vnum: Sicut Domino placuit, ita factum est, fiat Voluntas Domini. Ita quo cū Deus vocat aduolat, & quo auocat, euolat, nec aliter quā Rex David loquitur. Si autem dixerit mihi, non places, proesto sum, faciat quod bonum est coram se. *i*

Quintum *Fastigium & culmen est Chri-*

*stiana perfectionis*, hæc humanæ voluntatis cū diuina Conformatio. Fructus enim lucis est in omni bonitate, & iustitia, & veritate: probantes quid sit beneplacitum Deo. *k* Nimirum, hoc primarium hominis Christiani studium est, exquirere quid velit Deus, quauē ratione sanctissima Dei Voluntas colenda sit, & exequenda, ut in re qualibet, & quouis momento, cum Paulo dicat: Domine quid me vis facere? & cum Christo, Fiat Voluntas tua de me, in me, circa me, per me, tam in vita quam in morte, tam in tempore quam in æternitate. De hoc tali homine Chrysostomus: Melior est, inquit, vnus faciens Voluntatem Domini, quam innumeri peccatores. *l* De hac tali mente Isaias: Vocaberis, inquit, *Voluntas mea* in ea, quia complacuit Domino in te. *m* Qui virtutibus omnibus studere vult compendio, hoc agat, suam voluntatem affigat diuinæ, & iam virtutes omnes perdidicit. Multum facit qui rem bene facit, optime facit qui promptius diuinæ quam suæ se voluntati subiicit. Hoc est quod Orbis Ecclesiastes Paulus tanta sollicitudine vrget, quod tanta diligentia commendat, quod suorum auribus toties inculcat & Ideo, inquit, & nos ex qua die, audiuius, non cessamus pro vobis orantes & postulantes, *ut impleamini agnitione Voluntatis eius*, in omni sapientia, & intellectu spiritali, ut ambuletis digne Deo per omnia placentes, facientes Voluntatem Dei ex animo. Ut stetis perfecti, & pleni in omni Voluntate Dei. *n* Idem hortatur Augustinus: Stantem te, inquit, inueniat omnis casus, o Vere stat, & omnem calamitatis impetum impavidus excipit, qui suam diuinæ Voluntati iam transcripsit: Stantem hunc inueniunt omnes casus. Mentem diuinæ Voluntati adstrictam nullæ hostium vires auellunt. Fare age Susanna, quid pateris, quibus in periculis luctaris? Angustia mihi sunt vndique: *p* omnibus rebus vrgeor, me plurima depressum eunt, timor, sollicitudo, horror, angustia vndeque affluunt. Sed quid dicis, aut quid agis sic anxia animi, atque incerta? *Me- lius est mihi absque opere incidere in manus vestras, quam peccare in conspectu Domini. q* O vocem plusquam virilem, o cōstantiam inuincibilem! Susanna iudicat suauius esse mori, quam diuinæ Voluntati non obsequi: In quacunque, ait, angustias adducar, quibuscun-

que



que calumnijs infamer, quocunque mortis genere afficiat, nihil quidem ego, præter tuam, mi Deus Voluntatem ante oculos statuo; satius est millies perire, quam Voluntatem tuam vel semel deferere. Eu, ô Christiane, Virtutum, Panopliam in femina! Stantem inuenerunt Solannam mœstissimi casus. Animus diuinæ Voluntati deuotus, supra omne omnium malorum imperium est, fastigium & culmen attingit, vbi semet in diuinæ Voluntatis sinum suavissime infudit.

Præclare abbas Lëtienſis Bloſſus: Quando nobis Deus, inquit, præſentia ſuæ conſolationem ſubtrahit, adeoque ſe nobis elongat, ac ſi inter ipſum & nos denſiſſimus murus interpoſitus ſit; quando item nos in anguſtijs, afflictionibus ac miſerijs noſtris veluti relinquit (ſicut Chriſtus à Patre ſuo relictus fuit) & perinde nos quaſi cōſugientes ad ſe, neque videre neque audire vellet, ſolos certare ſinit; tū in ipſa noſtra deſolatione immobiles permanere, & in nulla mortali creatura vel negotio ſolacium querere debemus, niſi in illo dumtaxat verbo, quod & Chriſtus ipſe dixit. *Fiat voluntas tua.* Hoc verbum & iucundifſimū, & Deo gratiſſimum eſt. Beatus qui illud ex animo tunc dicere poteſt. Et hæc humanam voluntatem cum diuina conformatam emolumenta comitantur. Sed quia non deſunt quæ impediunt, ideo tertio, quartus liber adnectendus fuit.

a Iob c. 9. v. 4. b Aug. l. 1. confeſſ. c. 1. c Iob c. 22. v. 21. d Tho. de Kemp. l. 3. c. 37. e Gen. c. 39. v. 2. & 3. f 1. Ioan. c. 2. v. 17. g Bernard ſermon. 71. in Cantic circa med. h Iſ. c. 30. v. 1. i 2 Reg. c. 15. v. 26. k Ephes. c. 5. v. 9 & 18. l Chrys. tom. 3. hom. 8. in Act. Apoſt. m Iſ. c. 62. v. 4. n Coloff. c. 1. v. 9. & c. 4. v. 10. o Aug. in Pſalm. 86. p Dan. c. 13. v. 22. q Ibid. r Bloſ. Farrag. inſtit. mihi pag. 542.

## §. IV.

HUMANÆ VOLUNTATIS AD diuinam conformandæ Impedimenta.

**V**oluntas humana tetriciorem in Orbe peſtem nullam inuenit ſeiſpa. Hæc illa remora eſt, & omnium grauiſſimum impedimentum, quo minus diuinæ Voluntati ſe ſub-

dat mēs humana. Summū hominis malum, voluntas propria, non conſentiens cum diuina. Cum Intellectum & Voluntatem archiſſimum amicitia vinculum copularit, in proclui eſt, ſi Volūtas cuiuſpiam rei cupiditate flagret. Intellectum non ſolum ad conſentiendum, ſed etiam ad comprobandum, quod cupit, inducit. Eſt enim intellectus tanquam lureconſultus, qui blanditijs & numis corruptus, leges explicat non ad mentem legiſſatoris, ſed ad votum largientis: ita Voluntati difficile non eſt, Intellectum in ſuos errores quadam familiaritatis ſuauidate deducere. De propria & mala voluntate ſcite Anſelmus; Solus Deus ait, quicquid vult, debet velle propria voluntate; ita vt aliam quam ſequatur, non habeat ſupra ſe. Cum igitur homo vult aliquid per propriam voluntatem, Deo aufert quaſi ſuam coronam, ſicut enim corona ſoli regi competit, ſic propria voluntas ſoli Deo; & quemadmodum regē grauiſſime lēderet, qui coronam ei auferret, ſic homo Dei plurimum offendit, qui ſibi rapit quod Deo conuenit. Sed ſicut propria voluntas Dei, ſons eſt & origo totius boni, ita propria voluntas hominis, totius eſt exordium mali. Ita eſt proſus; nihil impedimentorum deſt, vbi propria voluntas adeſt; mille ſunt obſtacula, cum vnica voluntas claudicat.

Ah! quid reſtitimus miſeri, quo minus nos vltro dedamus Deo, & conſtituamus noſtram in diuina Voluntate? Omni iure diuinæ Voluntati obligatiſſimi ſumus. Quicquid enim ſumus, non vno ſed plurimis nominibus Dei ſumus, velimus nolimus. Ille nos condidit, ille reparauit, ille adhuc conſeruauit. Illi debemus nos omnes vt Conditori, vt Liberatori, vt Conſeruatori. Serui ſumus & natura, & emptione. Et nos ſcilicet præſcribemus Deo, quid de nobis ſtatuerere debeat; ſua re non vteretur Deus arbitrato ſuo, ſed libidine noſtra? Quid præpoſterum magis? Quapropter ſi eſſe volumus, qui eſſe debemus, miniſtri Dei, nutu & arbitrio illius omnem vitā, & ſingulas vitæ actiones inſtituere nos decet, ita quidem, vt Dei voluntate non probante, nec pedem, neque digitum moueamus, ſed hoc vnū ſummo ſtudio agamus, vt ad amuſſim & perpendicularum diuinæ Voluntati, omnia perficiamus, idque quanta poſſumus animi alacritate. Ecce, ſicut oculi ſeruorum in



manibus dominorum suorum, *b* Ita oculi nostri vigilent, vt vniuersos nutus & iudicia diuinæ voluntatis obseruent. Ite degeneres, ite spuria vitulina, si vestris vos placitis & arbitrio delectet vivere; nimis grande hoc serui supercilium est, & intolerabilis arrogantia, si ea tantum mandata velit persequi, quæ sibi probantur, & allubescunt. Et quid indignus, quam vt homo Christiani sanguinis, qui quotidie rogat, vt Dei voluntas à se & in se perficiatur, suam tamen audeat diuinæ Voluntati antepone, velitque cerro iudicio, quæ patiendæ sunt, sibi deligere, illis aut illis miseris inuolui se sinat, non alijs; illac tenus calamitosus fieri sustineat, non vltra. O nimis emunctæ naris, & perfrectæ frontis homines! Si molestiæ ac cruces essent, quales non esse vellemus, cruces non essent. Si Deo velis serio placere hoc tibi ab ipso petendum, vt te ducat quo ipse iudicat & vult, non quo tu putas & vis. Periculosum impatientiæ genus est, cum nobis ipsi eligimus, quæ toleranda censemus, perinde si dicamus, vt quādoque etiam dicimus. *Hoc patiar, hoc non, istud tolerabo, illud minime.* Non hoc seruatorum est, sed Domini. Recte Augustinus; Oprimus, inquit minister tuus est qui non magis nititur hoc à te audire, quod ipse voluerit, sed potius hoc velle quod à te audierit. *c*

Damnat non immerito Plato illam vulgi præcationem; Deus det tibi quicquid velis? Immo nunquam det, inquit, sed faciat vt velis quod ipse vult. Hæc enim est pura religio; sic te religes Deo. *d*

Hoc ergo summa voluntate conemur, vt ad Dei arbitrium nos totos fingamus; instar millelegum sit, vnicum Dei VELLE. Suauia sint an acerba, cum à Deo sint, sine recusatione omnia, & sine exceptione perferenda sunt. Quidam diuinæ voluntati se dedunt sed cum exceptione, pæne vt priores illi. De his optime religiosissimus scriptor, quidam se resignant, inquit, sed cum aliqua exceptione; non enim plene Deo confidunt, ideo sibi providere sitagunt. Quidam etiam primo totum offerunt, sed postea temptatione pulsati, ad propria redeunt, ideo minime in virtute proficiunt. Domine, quoties me resignabo, & in quibus me relinquam? Semper & omni hora, sicut in paruo, sic & in magno; nihil excipio. Alioquin quomodo poteris esse

meus, & ego tuus, nisi fueris ab omni propria voluntate, intus & foris spoliatus? Quanto celerius hoc agis, tanto melius habebis, & quanto plenius & sincerius, tanto mihi plus placebis, & amplius lucraberis. *e* Si enim voluntas prompta est, secundum id quod habet accepta est, non secundum id quod non habet, *f* duxit beatus Paulus hoc sensu; Vis & meriti virtutis, in prompto voluntatis studio consistit, non in magnitudine factorum aut numero. Hinc eleganter beatus Leo; subinde, inquit, æquatur merito, qui distat impendio; quia potest par esse animus, vbi dispar est census, *g* & Anselmus: Hic omnes, ait, tam pauperes quam diuites æqualiter dant, si quisque ex tanto det quantum habet. Vt ergo seria sit & efficax voluntas, in actum sese ita exerat, *secundum id quod habet*, vt pro viribus aut opibus det, aut faciat quod potest, aliqui tantum velle, non robusta censebitur voluntas. Volumus subinde seu languidissime, & sine omni nervo. Sic olim Deus per Isaiam queritur: Scire vias meas volunt, quasi gens quæ iustitiam fecerit, & iudicium Dei sui non dereliquerit: rogant me iudicia iustitiæ appropinquare Deo volunt. *h* En egregiam propriæ & flaccidæ voluntatis adumbrationem. Scire vias meas volunt: in consilia & decreta diuina, eorumque rationes inquirunt, quare permittat Deus populum in Babylone detineri, & indigna pati; mirantur ieiunijs se arteri, & à Deo non audiri; quin etiam appropinquare Deo volunt, non vitæ, sanctimonia, sed vt cum eo disputent, eiusque iudicia examinent, & in ius vocent. Horum hominum hodieque assatim est, qui semper queruntur male secum agi, cum enim caduca bona inhiunt inique ferunt; ea sibi non largissime à Deo suppeditari; inter diuinæ Voluntatis cutores censerii volunt; sed volunt, frigidissime; neque enim ad Dei Voluntatem quam iactant, suam applicant. Proximus est nolenti qui vult tam frigidè.

Ioannes à Kempis, Thomæ frater, natu maior, vir religiosissimus dicere solebat: Volumus esse humiles, sed sine tribulatione: obediētes, sed sine coactione, pauperes sed sine defectu; virtuosos, sed sine labore; poenitētes, sed sine dolore. Volumus laudari, sed sine virtute; amari, sed sine bonitate; honorari, sed sine sanctitate. Sic velle non multo dignius est quam

quam  
nec tam  
iiciat. A  
ti: Pa  
vobis?  
dus doc  
parum  
sum par  
tuam d  
sibi qui  
iudicio  
præmij  
in anim  
parente  
omnia  
mini au  
ri.

Ecqu  
tati Dei  
qui con  
terra, n  
cis: & E  
& vos in  
tum ei q  
non hab  
massa f  
aliud v  
dicitur  
cur non  
nissime  
nolenti  
præclare  
nos in æ  
strum fa  
benepla  
nem sua  
do hæc  
malo fru  
penitus  
lunatam  
amanten  
sentiet.

a Anselm  
c Aug l.  
e Thom.  
g Leo ser.  
i Ioann.  
k Ise. 4.  
m Rom.  
a Ioan. B



## §. V.

HUMANÆ VOLUNTATIS CVM  
diuina conformandæ Adiumenta.

quam nolle. Sic quandoque viuere nolumus, nec tamen volumus mori, vt iure nobis obijciat Angelus, quod illi mortem deprecanti: Pati metis, exire non vultis, quid faciam vobis? Quid hic respondere par sit, Bernardus docet & voce præit. Viuere erubesco, quia parum proficio, & mori timeo, quia non sum paratus. Paratissimus eris, mi homo, si tuam diuinæ Voluntati delegaueris. Proinde sibi quisque persuadeat: Hæc mihi iusto Dei iudicio, aut in virtutis exercitationem, aut præmij augmentum eueniunt. Sane qui certo in animum suum induxerit, à Deo optimo parente siue immittente, siue permittente, hæc omnia prouenire, gaudebit aduersis, nec homini aut hosti ea imputabit, sed diuino fauori.

Ecquid obsecro luctamur, quin nos voluntati Dei quam integerrime impendamus? Væ qui contradicit factori suo, testa de Samijs terra, nunquid diceturum figulo suo quid facis? & Ecce sicut lutum in manu figuli, ita & vos in manu mea. Numquid dicit figmentum ei qui se finxit: Quid me fecisti sic? An non habet potestatem figulus, lutum, ex eadem massa facere aliud quidem vas in honorem, aliud vero in contumeliam? *m* Quid igitur, dicitur, d. testa Samia, figulo tuo resistis, cur non diuinæ Voluntati te formandum plenissime committis? Cedamus seu volenti, seu nolenti Deo, moniti sequamur meliora. Tam præclare quam vere dixit ille apud Moguntinos in æde summa ecclesiastes: Nisi cor nostrum se immergat in diuinam voluntatem ac beneplacitum, nunquam potest amaritudinem suam expellere. Animum nostrum modo hæc modo alia torquet amaritudo. Huic malo frustra medemur, frustra prorsus nisi penitus, prout instrui mur, in diuinam voluntatem immergamur. Qui benignam & amantem Dei voluntatem spreuerit, iustam sentiet.

*a* Anselm. simil. c. 8. *b* Psal. 122. v. 2.

*c* Aug. l. 10. confessio. 26. *d* Plato in Critone:

*e* Thom. de Kemp. l. 3. c. 37. *f* 2. Cor. c. 8. v. 12.

*g* Leo ser. 4. de ieiunio 10. mensis h. l. c. 18. v. 2.

*i* Ioann. Buschius de Vir. illust. V. vindet. c. 35.

*k* l. sc. 45. v. 9. *l* Hieron. c. 18. v. 6.

*m* Rom. c. 9. v. 20. & 21.

*n* Ioan. Ferus in Ecclesiast. c. 9. v. 7.

**P** Rincipem hic locum tenent, diuina *Pro-  
uidentia cognitio*, & quæ ex hac oritur, *constans in Deū fiducia*. Seria cogitatio de Dei prouidentia, vnicum est remedium aduersus innumeras easque stultissimas hominum sollicitudines. Quid enim vero stultius quam à Deo optimo Maximo minima non sperare, qui maxima vltro largiatur? Millies & repetendum, & inculcandum illud Iobi. Nihil in terræ sine causa fit, & nihil, nihil; nec etiam quidquam rerum minutissimarum. Eternæ Prouidentia manus hæc omnia versat sapientissime. Non casu nobis mala eueniunt, neque è terra germinant vt herbæ. Ab alto sunt omnia. Eam quam aliqui fortunam fingunt nos altissimam Dei Prouidentiam agnoscimus. Diuinæ Prouidentia consilia sunt abscondita quidem, sed iustissima; sunt à diuina Prouidentia rerum progressus occulti, sed certissimi. Sortes mittuntur in sinum, sed à Domino temperantur. *b* Dum hic viuimus, sortes nostræ velut in sinu vel vna videntur esse incertæ, dum eas mors extrahat: sed tamen quod alij præ alijs ad opes, ad honores capessendos euocentur, non fortuna est, sed Prouidentia Dei, qui cuncta & vel minima quæque sic temperat, vt illis fors felicitatis obtingat, hi ea excidant, non casu, sed Dei certissima ordinatione. Augustinus hoc astruens: Non sit aliquid, ait, nisi omnipotens fieri velit, vel suendo vt fiat, vel ipse faciendo. *c* Ideo Rex David tanta fiducia. Ego autem, inquit, in te speravi Domine, dixi, Deus meus es tu, in manibus tuis sortes meæ. *d* Omnes vitæ mortisque vices à tua pendent Prouidentia & Voluntate; non viuam nisi quamdiu tu volueris, non moriar nisi quando tu quoque volueris; viuendi ac moriendi fors omnis in tua manu versatur.

Sigismundo Imperatori annis compluribus famulus fuit, qui ta piutule sorti suæ grauitè indignabatur, & vero rem indignam esse, seruos optime meritos, tam parum liberaliter haberi; in eos tantum spargi munera, qui iam antea opibus affluerent, ceteros tot annorum seruitio exhaustos, vix vllis vnquam munus;



munusculis hilarari, præposteram hanc esse liberalitatem quæ in vasa iam plena effunderet. Inaudijt Cæsar se ab aliquo suorum perstringi. Vt ergo dicacitatem hominis mitissima obiurgatione corrigeret, & os satis importunum obstrueret, hoc ingeniosè commentus: Pyxides duas parari iussit, æqualis omnino formæ ac magnitudinis, & illam quidem auro, hanc plumbo impleri, paritamen pondere præcepit. Iamque accersitum hominem humanius affatus: vt scias, inquit, non mihi beneficiendi animum, sed tibi gratiam accipiendi beneficia defuisse. En tibi duas has pyxides, vtramque plenam, vnam auro, plumbo alteram, tu iam liberrimè quam velis, elige; alterutra tua est, ea enim quam abdicaueris, proximo cuique dabitur, ergo age res tui arbitrij est. Hic miser æstare, modo hanc; modo illam pyxidem curiosissimè contemplari, iamque istius, iam & alterius pondus manu explorare, sed æqualissimum deprehendere, nec vllum auri aut plumbi vestigium reperire, sic incertus & anxius diu deliberare, & nihil magis quam plumbeam pauperatam perhorrescere. Arrecto demum animo, velut si auream fortunam iam manu teneret: Augustissime Imperator, inquit, hanc retinebo. Retinebis, ait Cæsar, hanc ipsam, & tibi gratias ages, si potuisti non errare. Protinus aperta est pyxis illa post longum examen delecta, quæ cum plumbum exhiberet, Imperator occasionem nactus. Vides; inquit, tuæ patpetatis causam, mi homo, non mihi sed diuinæ Providentiæ adscribendam? hic tibi non Cæsar, sed Dei Voluntas defuit: Si Deus annuisset, hunc errorem tua manus non commisisset. e Oprimè igitur Rex David: Dixi, ait, Deus meus es tu, in manibus tuis sortes meæ; omnes vitæ meæ periodi, quin imo singula momenta sic à Deo reguntur, & ordinantur, vt omnia, si quidem ego ipse velim, in meum cessura sint bonum. Eadem in hoc omnium hominum est ratio. Augustinus verissimè: Nihil sit, aiebat, in ista totius creaturæ amplissima quadam immensaque Republica, quod non de summi Imperatoris aula aut iubeatur, aut permittatur, secundum ineffabilem iustitiam præmiorum atque poenarum. f. Ar nos incautissimi oris, & nullius ferè providentiæ homines, modo culpam diabolo impingimus, modo hominis illius negligen-

tiam, modo imprudentiam istius, modo quorundam malevolentiam accusamus? iam æmulorum invidia (vt putamus) nobis obstruit, iam cognatorum fraus impedit, iam cessant amicorum subsidia, iam miserie nostræ causa est domesticorum nequitia: Nunquam desunt in quos causam & culpam transferamus, & cæci, diuinam Providentiam, rebus omnibus maximis minimis moderantem non suspicimus. Quid homines accusamus, o homines? Homo, inquit Augustinus, nil potest in hominem, nisi Deus illi det potestatem. g. Æque parū in nos possunt diaboli, ceteroqui ad hæc inferiora miscenda, turbada, evertenda potētissimi. Sed illos Deus velut rabidos canes sic cōstrictos tenet, vt sine permisso diuino, ipsi nihil sint, nihil possint, nec porcos quidem insidere, nisi annuente Domino. Hanc Dei providentiam Iobus accuratissimè agnorat, ideo tantis gratiarum actionibus ærumnas suas salutarat. Iobo cerrè diaboli, & omnes hostium cunei, non tantum non ouium greges, sed nec vnus ouiculæ flocculum rapere potuissent, nisi Deus singularem eius rei licentiam dedisset.

Quid quod eadem hac Dei Providentia discernente, omnia etiam rationis expertia tanta ratione in suos quæque fines tendant, vt ab omnibus diuinæ Voluntati obtemperetur exactissimè. Sine diuinæ Providentiæ legibus nihil omnino nascitur, nihil denascitur aut perit; nihil mouetur, nihil quiescit. Illa suis omnia finibus destinat, & singulis præsidens intusque insidens, propriam cuiusque indolem format, per quam vniuersa, in congruas sibi functiones se dirigi sinunt. Et solus homo rationis compos, gubernationi & legibus Providentiæ diuinæ se subtrahere, aut illam ad sup̄ calculos reuocare conetur? Rem mihi dixisse visus est, qui temeritati humanæ ingemiscens. Non est, aiebat, vllius artis aut scientiæ, discipulus tam rudis & miser, qui tot magistros, doctores, criticos, censores patiatur, quot æterna Dei Providentia ac sapientia, quæ iustificatur à filiis tuis. Verum, vti Gregorius loquitur, sapientes in sua sapientia, & astutia Dominus comprehendit, quando eius consilij humana facta etiam tunc congruè seruiant, cum resistunt. h. Multæ cogitationes in corde viri, Voluntas autem Domini permanebit. i. Sic diuinum consilium, dum



dum deuatur, impletur; sic humana sapientia, dum reluctatur, comprehenditur. & Et quamuis homo dum peccat, diuinę Prouidentię legibus non pareat, hoc ipsum tamen non perpetratur sine lege Prouidentię, à qua vires accipit, quibus in suam perniciem abutitur, & ea finitur agere, quę absque permisso agere non posset: ita certis circumscribitur limitibus, ne aliter aut amplius male agat, quā Deo visum fuerit permittere. Pulcherrimè? Augustinus? Non sic ait, constituta sunt opera Domini, vt creatura in arbitrio libero constituta, creatoris superet Voluntatem, etiam si contra eius faciat Voluntatem. Non vult Deus, vt pecces, nam prohibet: tamen si peccaueris, non putes hominem fecisse quod voluit, & Deo accidisse quod noluit. Sicut enim vult vt homo non peccet, ita vult peccanti parere, vt reuertatur & viuatur, ita vult postremo in peccato perseverantem punire, vt iustitię potentiam contumax non euadat. Ita quicquid elegeris, Omnipotenti non deerit, unde suam de te compleat Voluntatem. Sic omnia prorsus intra Prouidentię diuinę ambitum conclusa sunt, vt eam nihil vspiam, nec latentissima quidem, ac subtilissima cogitatiuncula possit effugere.

Hanc Dei Prouidentiam agnouisse, est maximum gradum ad Fiduciam in Deum fecisse. Cum enim diuina Prouidentia sic pascat auiculas, vt sua illis alimenta, cubilia, tegumenta dispertiat, sic vestiat foscules, vt suos illis odores, elegantias, colores distribuat, quomodo filiorum obliuisci possit, quibus ius regni dedit? Cum ergo Deus maximam suorum, & peruigilem curam gerat, & nihil sine ipso nutu & Prouidentię consilio fiat, non est quod quidquam timeamus vel hominum potentiam, vel demonum terribilia, vel bestiarum fœuitiam, vel quicquid vterque orbis terribilium minatur: Si Deus pro nobis quis contra nos? Nec vnus ē nostris pilus laxetur, Deo non volente. Neque ille nobis quidquam ab vllō irrogari sinet, quod non cedat in grande bonum, modo ipsi nobis non desimus, & quascunque demum illatas iniurias quo par est animo excipiamus. Hac in Deum Fiducia imbutus David: in te, inquit, curram accinctus, & in Deo meo transilium murum. Est aliquid, tam potentem & aratiam

fractum regem currere; longe plus est, indutum armis currere, vix credi potest eundem regem tanti esse animi; vt armis indutus velis etiam murum transilire. Nimirum has vires suggerit Fiducia. Ita sanctus Ignatius verissime: Nescitis, inquit, quantas vires habeat magna in Deum Fiducia. Adeoque in hoc precipue nostra elaborare debet meditatio, vt huius in Deum fiducię quam altissimas radices agamus: Estque nobis eo vsque enitendum, vt pro re quacunque nata, mox ad istud diuinę prouidentię asyllum, ceu monitissimam arcem, confugiamus ingenti cum fiducia. Ea de causa Bernardus omnibus viribus ad hanc fiduciam vnumquemque nostrum excitans: Crede ergo te Deo, inquit, committe te ei, iacta in eum cogitatum tuum, & ipse te enutriet, vt fiducialiter & fideliter dicas: Dominus sollicitus est mei. Neque enim hoc sapiūt homines amantes seipsum, curam carnis perficientes desiderijs, surdi ad vocem dicentis: Omnem sollicitudinem vestram proijcientes in eum, ipsi enim cura est de vobis. Nam sibi quidem ipsi fidere, non fidei, sed perfidię est. Deo in omnibus fidere hoc virtutis est, & ita quidem fidere, vt nec scire quidem cupiamus, quid de nobis statuerit Deus. Quemadmodum opulentus dominus; ita domum suam fideli œconomo committit, vt ipse quid supellectilis domi habeat, iucundè ignoret, illud secum reputans, pauperis esse numerare pecus. Hoc in Ægypto Iosephus de hero suo: Ecce dominus meus, inquit, omnibus mihi traditis ignorat quid habeat in domo sua. Hoc singularis in Iosephum fidentię argumentū erat. Ita prorsus, magnum is in Deum gerit fiduciam; qui pie simul & eruditè nescire cupit, quid circa vitę mortisque sue periodos decreuerit Deus, illud assidue versans animo, Deum & sapientissimum gubernatorem, & potentissimum regem, & optimum patrem esse, qui & prouidentissime norit, & efficacissime possit, & amantissime velit, cum vera bona suppeditare, tum vera mala auertere: Proinde huic vni & sapientissimo gubernatori, & potentissimo regi, & optimo patri in omnibus sine omni trepidatione plenissime fidendum esse. Ruat iam Orbis, & ridebit homo sic fidens Deo.

Hæc illa sunt adiumenta, quibus in ipsa di-

Eccce

uinæ



uinæ Voluntas penetralia suauiter deducitur. Quisquis diuinam Prouidentiam nosse didicerit, eidem se committere nil dubitabit, qui autem hoc modo se Deo permiserit, huic facillimum erit in diuinæ Voluntas ius atque ditionem penitissimè concedere, animo sic composito, ut ad vnā atque vnicā Dei Voluntatem in rebus omnibus collineet, nec tantum non aliud iam velit, nolite quam quod Deus vult, aut non vult, sed etiam si liceret sibi à Dei voluntate dissentire, nihilominus non aliud velle vnquam aut nolle cuperet, quam quod Voluntati diuinæ placere sciret.

Hoc est quod Catharina Senensis rectissime monet, ut qui serio student virtuti, secretum DIVINÆ VOLUNTATIS cōclauē in suo pectore struant, hic sese concludant, in eo perpetuo habitent, nec inde vnquam vel curiosiorem oculū, vel liberiorem manum, vel pedem petulantiorē proferant, sed sicut apis in aluari suo, aut in suo monili adhærescit gemma, sic illi in diuinā Voluntate persistant constantissime. Virtutum omnium complexum breui obrinet, qui ex animo totum se Voluntati diuinæ deuouet.

Ad Antiochum regem missus est à senatu Romano Caius Popilius legatus cum his mādatis, ut rex Antiochus se bello, quo Ptolemæum laceffabat, abstinere, Rex mirā humanitate virum complexus, amicissimo vultu dextram ei porrexit, at suam inuicem porrigere noluit Popilius, & fronte ad maiestatem composita: Seponamus, inquit, priuatam amicitiam, publica iam curanda sunt, & vna senatus consultum protulit, quo iubebatur rex aut Ægyptum non inceslere, aut bellum habere, cum populo Romano. Tabellas ab senatu missas ut legit Antiochus, dixit se cum amicis collocuturum. Cui Popilius: Moram, inquit, negotium non fert; tollenda est omnis cunctatio. Atque simul virga, quam manu gerebat, pauimentū denotauit, & in eo circulum describens: Prius, inquit, quam hoc circulo excedas, da responsum quod senatui referam. Non legatum locutum, sed ipsam curiam ante oculos positam crederes. Continuo enim rex affirmavit fore, ne amplius de se Ptolemæus quereretur. Ac tum demum Popilius manum tanquam socij apprehendit: sic eodem momento Syriæ Regem ter-

ruit, Ægypti protexit. Idem pōnē nobis quod Antiocho contingit; cum Deo amici esse volumus, sed in Dei Voluntatem transire non lubet. Ergo filius in Orbem legatus à Patre missus, diuinæ Voluntas circulum circa nos designans: Non omnis, inquit, qui dicit mihi, Domine, intrabit in regnum cælorum, sed qui facit Voluntatem Patris. q En mi homo, in hoc circulo conclusus es, nec prius egredieris quam dixeris, num in arbitratum Dei dedere te velis, an tuis placitis viuere. Si tibi pax cordi sit, si nolis esse hostis Numinis, si impium cum Deo bellum oderis, illico responsum dabis. Ah, mi bone Christiane, quid tergiversaris, quid deliberas, quid cunctaris? moram odit hoc negotium. Sifapis, regem illum imitans, & paratissimè respondes: Mi Deus, sanctissimæ Voluntati tuę me totum perfectissimè trado, & adstringo, patatus omnia & agere, & pari, viuere, mori, prout tu volueris. In quibuscunque vel grauissimis etiam ærumnis summo mihi solatio erit rectissima Voluntas tua. Hanc ego mihi nunc vnā vnicā & viuendi & moriendi regulam statuo; Fiat Voluntas Domini, fiat, fiat. Varijs omnia procellis disturbentur, furant arma mutuis concursibus, classes classibus frangantur, fora litibus dies perpetuos strepant, omnia negotiosis conatibus tumultuentur, hoc ego mihi negotij sumo, ut ad vnā atque vnicā Dei Voluntatem me totum componam. Iamque illud intimo pectore, amplector sanctissimum oraculum: Mundus transit & concupiscencia eius: qui autem facit Voluntatem Dei, manet in Æternum. r

a Job c. 5. v. 6. b Prou. c. 16. v. 33.

c Aug. Enchirid. c. 96. d Psal. 30. v. 15.

e Casp. Peucer. in Chronicis.

f Aug. in sent. apud Prosper. g Aug. in Ps. 32.

h Gregor. l. 6. moral. c. 12. fusè & eleganter.

i Prou. c. 19. v. 13. k Gregor. Ibid.

l Aug. in Ps. 110. m 2. Reg. c. 22. v. 30.

n Vide supra lib. 2. c. 5. § ult.

o Bern. serm. tert. in vig. l. Natiu. Domin.

p Gen. c. 39. v. 8

q Matth. c. 7. v. 21.

r 1. Ioan. c. 2. v. 17.

FINIS.

RECTA



RECTA  
INTENTIO  
OMNIVM HVMANARVM  
ACTIONVM AMVSSIS.

CORAM  
SERENISSIMO VTRIVSQUE  
BAVARIÆ DVCE, S. R. I. ARCHIDAPIFERO,  
ELECTORE;

MAXIMILIANO  
ET SERENISSIMA CONIUGE  
ELIZABETHA

pro suggestu explicata;

*Eisdem Serenissimis Principibus inscripta & dedicata*

AB

HIEREMIA DREXELIO,  
è Societate IESV.





SERENISSIMIS PRINCIPIBUS  
MAXIMILIANO

S. R. I. ARCHIDAPIFERO,  
ELECTORI;

ET SERENISSIMÆ CONIUGI  
ELISABETHÆ

COMITIBVS PALATINIS

Rheni, Boiorum Ducibus;

*Dominis meis Clementissimis.*



APITIS ornamentum olim (si Suidæ credimus) fuit Tiara. Hanc soli Reges rectam ferebant apud Persas, Duces autem inclinatam. <sup>a</sup> Demaratus rex Sparte, sed tunc exul, regum potentissimo Xerxi, quid è re foret suscepti belli prudenter suaserat. Xerxes iam non vna clade sapere doctus, Demarato gratias egit, quod solus sibi verum dixisset, & permisit petere quod vellet. Petijt ille, vt Sardes maximam Asiæ ciuitatem curru vectus intraret. <sup>b</sup> Rectam capite tiaram gerens. Id solis datum Regibus. <sup>c</sup> Recta Intentio, Serenissimi Principes, non solum ostendit Reges, vti Tiara recta, sed & facit, nec tantum ornamentum est capitis, sed & caput humanarum actionum omnium. Sine hac Tiara, seu, Cidari recta, nemo beatum illud in alto regnum adibit.

Et quamuis non malè Recta Intentio, huic Regum insigni, rectæ Cidari conferri possit, eam tamen longè melius Seruator noster *Oculo* comparauit, & quidem *simplici*. Hic oculus instar regulæ est, quâ omne Rectû probari solet. Mille errores sunt, quibus inuoluimur, si vel momento deflectamus oculos ab hoc seu oculo, seu hac amissi & regula. Ab hac sane pendent omnia, ad hanc omnia examinanda sunt. Eam ob causam necessaria prorsus est exactissima cognitio Rectæ Intentionis, seu, nostri finis in rebus agendis omnibus. Et Plato censuit, *inutilem omnem scientiam, sine notitia optimi finis.* Et quamuis pluri-

uis pluri  
qui nesci  
nemus:  
lam neg  
dixisse  
etiam e  
cient qu  
repudia  
quod op  
Nihil v  
ter illos  
aut recu  
dici pot  
num A  
Et ha  
vestris v  
tes Vest  
quàm in  
denique  
tionis a  
sa Verit  
quam su  
rum Pri  
los ac m  
fuit a  
enim v  
Non  
ro flum  
pretiosu  
Bona In  
lit, mun  
fuit Bo  
maximi  
fimi Pri  
re ande  
non in e  
seu, Ba  
auroque  
ipla, Se  
bus Vef  
librum.  
principi  
M. DC.

a Suidas  
d. Ælian



uis plurimi non nesciant omnia ad Deum dirigenda, ijs tamen euenit quod aliquibus, qui nesciunt se scire quod sciunt, quemadmodum id saepe querimus quod manu tenemus: ita plerumque non tam ignoramus, quid Recta Intentio sit, quam exercere illam negligimus. Hæc causa fuit, quæ non impullit solû, sed coegit me penè, illud quod dixissem, etiam scribere, vt rei summe necessaria vsus non solum optimè sciretur, sed etiam exactè & assiduè adhiberetur. In plurimis etrabit, imo in omnibus, qui aut nescierit quid Bona, quid Mala sit Intentio, aut illam actionibus omnibus applicare, hanc repudiare in omnibus neglexerit. Tanti est, non tam facere quod decet, quàm respicere quod oportet. Ad illum oculû omnia videntem, omnium oculi erigantur necesse est. Nihil videt, aut certè cum noxâ videt, quisquis oculum illum non assiduè intueatur. Inter illos in cælo Reges nunquam censebitur, qui Tiaram hanc aut inclinatam gesserit aut recurvam: Intentio à recto detorta prauum efficit, quicquid contingit. Nec vnquam dici poterit Bonum, quod Intentione factum est Malâ, Intentio actionum, prorsus omnium Amussis est.

Et hanc Amussim, Serenissimi Principes, hunc simplicem Oculum, serenissimis oculis vestris velut rem suam expectantibus, hic defero. Orbi liquere putò, quàm Serenitates Vestrae hunc Rectæ Intentionis Oculum, vel suis oculis longè habeant chariorem, quàm in omnibus Deum & Diuina spectare, quàm sincere Dei honorem querere, quàm denique sua omnia ad diuinæ Voluntatis nutum dirigere soleant. Hæc illa Rectæ Intentionis argumenta non fallacia sunt, hic ille *simplex oculus* est, adeò commendatus ab ipsa Veritate. Hunc igitur Oculum, cum Serenissimis oculis offero, non tam mea dō, quam sua illis reddo, & ad se spectantia. Et vtinam hoc facere scirem congruè tantorum Principum fastigijs. Erubescit hic liber tam tenuiter excultus, Serenissimos oculos ac manus adire, atque, siliceret, suum auctorem non proderet. Verum à sua fronte sumit audaciam; solatur illum & in spem erigit, præfixus sibi titulus *Recta Intentio*. Hæc enim vilissima etiam munuscula commendare nouit.

Notum è veteri historia, Singentam, hominem paganum regi Artaxerxi aquam è Cyro flumine cauis manibus obtulisse. In auream phiolam exceptum hoc munus, & in pretiosissimis numeratum est. *a* Tam tenue donum, gratum vtique non fecit, nisi tantum *Bona Intentio*. Regi Galliarum Ludouico XI. Conon agricola rapam insigniorem obtulit, munus fuit & hoc gratissimum auroque repensum. *e* Sed quis rapa hoc pretium posuit? *Bona intentio*. Siquidem nec argentum nec aurum, nec quidquam eorum, quæ pro maximis accipiuntur, beneficium est, sed ipsa tribuentis voluntas. Et hoc est, Serenissimi Principes, quod mihi meoque libro animum addidit, vt mea se voluntas explicare auderet per tam tenue obsequium. Non enim refert quid detur, sed quâ mente: quia non in eo quod sit aut datur, obsequium consistit, sed in ipso dantis aut facientis animo, seu, *Bona Intentione*. Sicut nec in victimis (ait Romanus Sapiens) licet opime sint, auroque præfulgeant, Deorum honos est, sed piâ ac rectâ voluntate veneratum. *f* Hæc ipsa, Serenissimi Principes, hanc ego Amussim, hunc oculum simplicem Serenitatibus Vestris offero dicoque. Liceat, obsecro, Serenissimi nominis splendore frui & hunc librum, qui tum demum quorumcumque oculorum noctem non metuet, cum ei talium principum oculi serenissimum diem suum non negauerint. Monachij Anno Christiano M. DC. XXVI.

Serenitatum VV.

infimus cliens

HI EREMIAS Drexelius è Societate IESV.

*a* Suidas in histor. mibi pag. 966. *b* Seneca l. 6. de benef. c. 31. *c* Plato in Theat.

*d* Elian. l. 1. var. hist. c. 32. *e* Ioan. à Cock. l. 2. Aphor. c. 17. *f* Sen. l. 1. de benef. c. 6.



## LECTORI.



*E* voculis, *Lector*, *litem* mihi non *monetis*. *spero*, *Hic* *sepius* *culc.* *Vallam* *iubemus* *valere*, *seu* *quemcunque* *comptioris* *sermonis* *audum*, *Animus* *est* *pie* *differere*; *quid* *refert*, *si* *minus* *sciē*? *DE* *RECTA* *INTENTIONE* *loquimur*; *hanc* *alius* *finem* *appellet*, *aut* *scopum*, *mentem* *vocet* *aut* *metam*: *nomen* *rei* *tribuat* *quodcunque* *placuerit*, *nos* *rem* *curamus*, *neque* *enim* *hic* *discere* *cupimus* *loqui*, *sed* *sapere*. *Nec* *nescimus*, *non* *tantum* *vitiij* *esse*, *non* *intelligi*, *sed* *agere* *intelligi*. *Ita* *minus* *comptē* *loqui* *non* *refugimus*, *modo* *possimus* *clare*. *Et* *utinam* *redeat* *Augusti* *Casaris* *enim*, *quo* *hominibus* *verba* *sua* *nondum* *periculosa* *erant* *a*.

*Dissertatio* *nostra*, *Summa* *rerum*, *omnium* *humanarum* *actionum* *regulam* *&* *caput* *complectitur*. *INTENTIONEM* *RECTAM*. *Hanc* *tibi* *vocem*, *licet* *huc* *non* *ē* *Latio* *adductam*, *millies* *ingerimus*, *ut* *Christo* *monente*, *b* *importunitas* *saltem* *persuadeat*, *quod* *nequit* *ratio*.

*INTENTIO* *RECTA* *virtutum* *omnium* *caput*, *&* *dux* *castrum*, *&* *arx*, *&* *metropolis* *non* *malē* *appelletur*, *ut* *qua* *omnes* *amplissimis* *viribus* *defendat*. *Quia* *vero* *nec* *ipsa* *suos* *ignorat* *hostes*, *ideo* *duo* *ingētia* *mala* *humana* *gentis*, *VANAM* *GLORIAM*, *&* *TEMERARIUM* *IUDICIUM*, *bona* *Intentionis* *hostes* *capitalissimos* *iure* *insectamur*. *Hac* *vero*, *mi* *Lector*, *corē* *Serenissimo* *Electore* *MAXIMILIANO*, *&* *coram* *Serenissima* *ELISABETHA* *Banaria* *Ducibus*, *Anno* *1623*. *dicta*; *tuo* *autem* *bono*, *quicunque* *legis*, *scripta* *sunt*. *Si* *lubet*. *fruere*. *Atque* *ut* *scias*, *RECTÆ* *INTENTIONIS* *notitia*, *ars* *est*, *qua* *compendio* *doceat*, *nunquam* *errare*. *Artes* *cetera* *pani*, *hec* *calo* *lucrando* *facit*. *Hanc* *artem* *nescisse*, *est* *cēlum* *perdidisse*.

*Quare*, *mi* *optime* *Lector*, *in* *rem* *tuam* *vigila*, *&* *disce* *sine* *impensis* *calum* *emere*: *tanto* *melior* *erit* *omnis* *tua* *actio*, *quanto* *sanior* *INTENTIO*. *Hoc* *te* *volui* *scire*, *&* *saluere*.

*a* *Senc.* *l.* *3.* *de* *benef.* *c.* *27.*    *b* *Luc.* *c.* *xi.* *v.* *8.*



LIBER PRIMVS.  
INTENTIONEM BONAM,  
MALAM, ADIAPHORAM, NVLLAM  
EXPLICAT.

CAPVT PRIMVM.

*Quid sit RECTA INTENTIO.*

**D**ARIVS, clade suâ & Alexandri Macedonis fortunâ, notissimus rex Persarum, acinacem habuit, cui ex gemmâ erat vagina, quem zonâ aureâ muliebriter cinctus suspenderat. *a* Nobilis gladius, modò virilem dexteram fuisset fortitus. Celeberrimus est multorum scriptis gladius Georgij Castrioti, quem Scanderbegum vocabant, qui hominem medium ictu transuerso vnico dissecare potuisse ferebatur. Noti sunt è sacris voluminibus Goliathi & Saulis gladij: Celebres sunt ab eruditis paginis complures alij equestrium virorum gladij, nonnunquam supersticiosâ religione culti.

At verò nullius herois gladius vnquam tam vitalis fuit famæ, atque Hebræi Moysis Virga: Illa tot miraculorum, tot stupendorum prodigiorum operatrix, Virga: Quæsierat è Mose Deus, quid manu teneret? Virgam, respondit. Cui Deus: *Proijce eam*, inquit, *in terram. Proiecit. & versa est in colubrum* Iussit iterum Deus, extenderet manum, & apprehenderet caudam colubri. *Extendit, & tenuit; versaque est in virgam. b*

Hic pulchrè subiecit oculis Deus, bonas

& malas actiones sic à nobis esse, vt si terram & res terræ spectemus cum agimus, colubri fiant; actus malitiæ veneno tincti; sin animum calo attollamus, virga Moysis, opera cælesti præmio digna existant. Tanti refert, quomodo Mosaicus iste scipio tractetur, an manu teneatur, an humi proiciatur. Hic scipio, hæc Moysis, virga omnium magorū virgas deuorauit, hæc flumina in sanguinem mutauit; hæc rupē in fontem diluit; & è duri silicis venis subitum torrentem elicit; hæc marinos fluctus in tutissimos parietes diuisit. potuit dicere Moyses, hoc baculo duce & saxa, & maria penetro; omnia mihi peruia sunt. Hac Moysis virgâ sacri Doctores designatam aiunt RECTAM in omnibus humanis actionibus INTENTIONEM. cui penetrabilia sunt omnia. Hic autem, prima omnium quæstio, quid sit RECTA INTENTIO.

Christus Dominus RECTAM INTENTIONEM appellat OCVLVM SIMPLICEM. Cur Oculum? cur simplicem? DEVM Theologi substantiam simplicissimam vocant; in quâ nulla sit compositio aut mixtura; nil aliunde collecti aut emendicati, nihil enim in Deo est, quod non est Deus. Sic oculus, sic & Intē-  
tio



tio simplex dicitur, cui nihil impuri, nullus sui amor, non fatuus timor, non spes vana sit admixta, sed quæ pura, nec ullis eiusmodi sordibus turbata, ad Deum solum directæ, eo solo contenta sit.

Ergo, Intentio Recta est, quæ cum operatur, operis sui finem constituit Deum, seu, quæ omnia ad Dei gloriam & honorem reuocat. Explanat id sanctus Ambrosius Aquilæ solertiâ. Hæc pullos suos inuolucres exploratura, & à legitimis separatura spurios, vngue suspensos teneri in aere, eosque opponit solaribus radijs: qui irretitis & hiantibus oculis excipiunt solem, ignoscuntur in filios, submituntur in nidum, fouentur & aluntur. perinde si dicat mater: hi mei filij sunt, stirps aquilina, digni quos nutriam, ceteros qui solē tremulis ac palpitantibus oculis, idque agrè admittunt, vt degeneres nido præcipitat, & vt genus nō suum exheredat miserabili lapsu. Ita & ij prorsus qui Deum obrutu assiduo sic possunt respicere, vt omnes suos actus SINCERE ac INTEGRÆ ad Dei honorem dirigant, vnicā voluntatem diuinam in omibus sectentur, verissimi Dei filij sunt, his SIMPLEX OCULVS est.

a Curtius lib. 3. post initium.

b Exodi. c. 4. v. 2. 3. 4.

## S. II.

**F** Vit è priscis Ascetis vnus aliquis qui quouiescunque operis aliquid erat aggressus, subsistebat aliquantisper cogitanti similis. Interrogatus quid hoc ageret: opera nostra, respondit, ex se nulla sunt, velut in formis trabes, nisi recto fine sinceræque Intentione velectur ac vestiantur. Et velut qui sagittis ad scopum eiaculandis certant, non emittunt antè sagittā quam oculo collinearint ad metam: sic & ego, quicquid demum acturus sim, ad Deum finem & scopum nostrum vltimum, Intentionem meam dirigo & hoc est, ait, quod agendum subsisto, id enim Deus à nobis exigit. a Optime factum dictumque. Recte sentit Bernardus, insulsum esse Deo nostram omnem & obedientiā & patientiam, nisi omnium quæ agimus vel patimur, ipse sit causa. Et quemadmodum qui proposito premio bombardas explodunt in eundem orbem ligneum, quo minus ab orbis centro aberrant, oculum læuum

plerumque claudunt, solo vsuri dextro, quo vegetior sit acies & certior feratur in vmbilicum scopi: ita prorsus claudendus & nobis est sinister oculus tot humanorum respectuum, tot pessimarum obseruationum, tot inavium scientiarum, solus vero dexter largissimè apertendus aspiciendo Deo per sinceram Intentionem.

Sederat ad fontem Seruator noster à viâ festus, fame siquæ exhaustus, & vbi colloquium cum Samaritide finijt, discipuli ea quæ emerrant, anteposcentes: Rabbi, aiunt, manduca. Quibus Dominus: Ego inquit, cibum habeo manducare quē vos nescitis. Nec tamen inter se querere omittunt discipuli, & Nunquid, aiunt, aliquis attulit ei manducare? Tandem aperit Christus, Meus cibus est, inquit, vt faciam voluntatem eius qui misit me, vt perficiam opus eius. b Hic itidem cibus est omnium Deo seruire cupientium, vt perficiant opus eius.

Atque si rem ad calculos reuocemus, omnes ex eadem patina cenamus, herus & famulus, opulentus & egenus, doctus indoctusque, vnus omnium cibus est, vnica Dei voluntas, vnicus Dei honor; tamque contentus sit sorte suā primus & summus, quā suā postremus & infimus, quando omnium vna debet esse actio, vnam atque vnicam Dei gloriam in omnibus spectare.

a Vita Patrum.

b Io. c. 4. v. 41. & seqq.

## S. III.

**R** Atio viuendi, inquit Basilii, in homine Christiano, verum sibi scopum habet propositū. Gloriā Dei. a Et diuini Pauli præceptū est: Non ad oculum seruientes quasi hominibus placentes, sed vt serui Christi facientes voluntatē Dei ex animo. Et vt hoc altius infingat animo, id ipsum ingeminat: cum bona voluntate seruientes, sicut Domino & non hominibus. b Amandus est Deus operando. & amādo Deum, operandum est propter Deum, ab exemplo id patebit.

Honestæ vitæ matrona, cum reducem habet è via maritum, sospitem & sanum, qui vtrum viveret ignorabat, à quo diu nullas acceperat litteras, cum præsentem vider, ingentia edit lætitiæ signa; hic famulæ vices obire, ocreas detrahere, pedes abluere, non infra fortē suam



uam reputat. Scit quidem hoc ancillarum aut seruorum esse, sed illa seruilem hanc operam præoccupans, & amorem testari vult & gaudium; non vile videtur ei obsequium, quod amor facit tam suaue: honori ducit sic à se ipsa abijci. Pari modo, si nos quicumque simus, nostrum duntaxat munus, laborem, officium, fortunam attendamus, facile obrepit tædium, & oneri erit etiam facillimus labor, grauiter queremur quoties non incundè licuerit quiescere: At vero si oculos alio mittamus, & Deū respiciamus, *seruientes sicut Domino & non hominibus*, nullū nec vilem nimis, nec nimis grauem censebimus laborem; quies erit molestia. Opifices cum ipsis Dominis se laboraresciant, solertiā longè maiore id faciunt. thoracem accipit sartor rescindendum: hic prima quæstio est, cui nam? si Domino, mox sepositis tantisper alijs, ipse magister hanc operam præstat quā alioqui puero imperasset. Ergo, non nos, sed Dominum attendamus, *seruientes sicut Domino, & non hominibus*. Pura erit Intentio, inquit Bernardus, si omni actione nostra aut honorem Dei, aut vtilitatem proximi, aut bonam conscientiam quæramus.

Præclarissimè Seneca: Non potest, inquit, quisquam beatè degere, qui se tantum intuetur, qui omnia ad vtilitates suas conuertit: alteri viuas oportet, si vis tibi viuere. *d* Quodlibet vitium sic à Deo abducit hominem, vt is sibi viuat, ad sua commoda vigilet, stertat ad aliena. Vbi ergo Intentio anhelat ad res & nummos, ibi carior hospes non est quàm pecunia: vbi Intentio carnem sapit, illic voluptas inter intimos amicos numeratur: vbi verò in altum suspirat Intentio ad honores & dignitates, istic anxietas sedulitate colliguntur pennæ quæ euehant ad alta, nec vllus gratius fert munus, quàm qui alas donat huic ambizioso volatui idoneas. En, vt horum oculi auersi abeant à Deo in res vanissimas, quas occulrâ Intentione concupiscunt, ita sibi ipsis viuunt. At, nequit Deo viuere, qui vult viuere sibi.

Ergo, Oculus ad Deum perseueranter reflexus, hic demum SIMPLEX; Intentio Deum ubique obseruans, nec aspiciens quidquam nisi simul aspiciat Deum, hæc demum & RECTA & SINCERA est Intentio. Per hanc viuimus Deo, vt i Hebræo psalter iucundissimum

erat dicere: *Et anima mea illi viuet*; e Hinc pulcherrimum illud à seipso impetrans. *Non proponebam, inquit, ante oculos meos rem iniustam.* f

a Orat. 16. de ebriet. & ingluvie.

b Ephes. c. 6. v. 6. & 7.

c Ber. in sentent. d Sen. Ep. 48. initio.

e Psal. 21. v. 31. & Psal. 100. v. 3.

f Ibi.

## CAP. II.

## Quæ sit INTENTIO RECTISSIMA.

**T** Riplici ferè modo Intentionem, nostram dirigimus ad Deum. Primo, seruit quis Deo, & à noxis granioribus se continet, formidine pœnæ; inferorum ignes, æternos cruciatus metuit. hic talis subinde audent aliquid non carcere tantū aut breuibus Gyris, sed inferis dignum: audent, inquam, aliquid, & rem in casum dat, nam cogitat: nondum tam vicinus inferorum ergastulis sum, quin lætiusculè hoc aut illud audeam: debitum quod me forsitan obstricturus, confessione piaculari tollere, noxam quam fortasse contracturus, iterum delere potero: audeamus ergo, perendic licebit redire ad officium. Ah, oculus iste simplex non est, nec, si sit, diu talis est, non enim solum Deum respicit. Si manes & infestæ fabula essent, homo ille cælum sibi extra cælum strueret, & beatum se crederet, si licenter & ad ventris curas abiectus viueret vt pecus. Hæc Intentio eorum est ferè quos Paulus homines vocat *Animales*, qui non percipiunt ea quæ sunt spiritus Dei.

Altero modo, Intentio ad Deum dirigitur: Seruit quis Deo, quia cupit inter beatos viuere, cælum ei dulce: merces æterna, merces magna nimis. Inclinat cor suum ad faciendas iustificationes propter retributionem. *b* Intentio hæc prima multò melior est, nec tamen optima est: melior, inquam, nam iste qui cæli gaudia concupiscit, cautior est, quàm ille qui orci tormenta solum metuit, neque ea metuit semper, sed quandoque suæ formidinis oblitus, ruit in veritum.

Tertio modo, Intentionem ad Deum rectissimè dirigit, qui sic animo sentit: Seruo Deo, & ideo seruo, quia hic Dominus dignissimus

F f f f f

simus



simus est, ut ei seruiatur ab omnibus, & quia  
me beneficijs eximijis, innumeris praeuenit, o-  
mnia ipsi debeo. Huic placere cupio, & pro-  
pter hunc omnia facio, quaecunque facio: de  
pramio & mercede nihil omnino sollicitus sum.  
Ego Deo serui, seruiamque dum vixero, v-  
bi demum sit remuneratio.

Hec omnium optima, haec RECTISSIMA  
est Intentio, non sui, sed Dei; non Vtilis, sed  
soli Honesti aspectu facere omnia. De hac  
Intentione gloriatus Hebraeus rex David: Vo-  
luntarie inquit, sacrificabo tibi, & confitebor  
nomini tuo, *quoniam bonum est*: Facundissime  
hic Augustinus. Quare, inquit, voluntarie?  
quia gratis amo quod laudo. Laudo Deum &  
in ipsa laude gaudeo, ipsius laude, gaudeo,  
quo laudato non erubescio. Gratuitum sit, &  
quod amatur, & quod laudatur, quid est gra-  
tuitum: ipse propter se, non propter aliud. Quod  
premiū accepturus es a Deo, o Auare? Non  
tibi terram sed seipsum seruat, qui fecit cae-  
lum & terram. Voluntarie sacrificabo tibi:  
noli ex necessitate. Si enim propter aliud lau-  
das Deum ex necessitate laudas: si adesset tibi  
quod amas, non laudares Deum. Vide quid  
dicam. Laudas Deum, verbi gratia, ut tibi  
det amplam pecuniam. Si haberes aliunde am-  
plam pecuniam, non a Deo, nunquid lauda-  
res Deum? Si ergo propter pecuniam laudas  
Deum, non voluntarie sacrificas Deo, sed ex  
necessitate sacrificas, quia praeter illum nescio  
quid aliud amas. Contemne omnia, ipsum at-  
tende, ipsum gratis dilige, quia melius ab eo  
non inuenis quod det quam seipsum. Et con-  
fitebor nomini tuo, Domine, quoniam bo-  
num est. Ob nihil aliud, nisi quia bonum est.  
Nunquid ait, Confitebor nomini tuo Domi-  
ne, quia das mihi fructuosa praedia, quia das  
mihi aurum & argentum, quia das mihi latas  
diuitias, excellentissimam dignitatem: non,  
sed quid? *quoniam bonum est*. Melius nihil in-  
uenio quam nomen tuum, ideo confitebor no-  
mini tuo Domine, quia bonum est.

a i. Cor. 2. v. 14.

b Psal. 18. v. 14.

c Psal. 53. v. 8.

d Aug. 10m. 8. in Psal. 53.

S. I.

**E**N, seruire Deo propter Deum, hoc demū  
vere Deo seruire est. Sic enim & Deus nos  
amat, sic & ipse nobis seruit, uti per Oseam  
promittens: Diligam, inquit, eos spontaneē, &  
hoc est, mere gratis. Idem a nobis iure exi-  
git, neque enim vult ut nos seruiamus sibi, si-  
cut canis seruit suo Domino pro osse aut offa.  
nam si Deo seruiamus pro callo, calum nobis  
charius esse Deo, satis monstramus. Appositis-  
sime huc Seneca: Inveniuntur, inquit, qui ho-  
nesta in mercedem colant, quibusque non pla-  
ceat virtus gratuita: quae nihil habet magnifi-  
cum, si quidquam habet venale, cum virtus  
nec lucro inuitetur, nec absterreatur damno,  
adeoque neminem spe ac pollicitatione cor-  
rumpat. Calcatis utilitatibus ad illam eundem  
est, quocunque vocauit, quocunque misit si-  
ne respectu rei familiaris: interdum etiam sine  
vlla sanguinis sui parsimonia vadendum, nec  
vnuquam imperium eius detrectandum. Quid  
consequar, inquis, si hoc fortiter, si hoc gra-  
tē fecero? quod feceris. Nihil tibi extra pro-  
mittitur. Si quid forte obuenerit commodi in-  
ter accessiones numerabis. Rerum honesta-  
rum pretium in ipsis est. b Præclarissimus  
testis in hanc rem venit Ludouicus Blosius,  
qui hoc ipsum confirmando: Dominus inquit,  
ad ipsam Gertrudem virginem aliquando di-  
xit: Vellem electis meis persuasum esse, quod  
eorum bona exercitia & opera mihi omni-  
no placeant, quando ipsi seruiunt expensis  
suis. Illi autem expensis suis mihi seruitium  
praestant, qui licet saporem deuotionis mini-  
me sentiant, fideliter tamen (ut possunt) ora-  
tiones & alia pia exercitia sua peragunt: con-  
fidentes de pietate mea, quod ego illa liben-  
ter & grate suscipiam. Plerique sunt, quibus si  
sapor & consolatio interna concederetur, non  
eis prodesse ad salutem, & meritum ipsorum  
valde minueretur.

Hanc igitur Intentionem ut optimā & pu-  
rissimam probamus, quā quis facit quippiam,  
quia Deo sic placet, quia Deus vult, quia Deus  
ob immensam bonitatem suam dignissimus est, ut  
eius honori fiat omnia. Quare secum quisque  
sic statuat: Serui Deo propter Deū, qui TAN-  
tus est, ut si celū non sit, nec sint inferi, solus.

tamen



tamen dignissimus sit, cui omnes Angeli, cui gens humana, cui quicquid creatum est, seruiat quam accuratissime.

b Sen l. 4. de benef. c. 1.

c Blas. Monil. spirit. c. 3. ante med.

## §. II.

Facile autem est deprehendere, cum quis animo sic sentiat. Fit enim non raro ut alteri alteros temere aspernemur, & contemptum dicamus: ecquid magni habet hæc scriptio, hæc dictio? quid egregij in hoc consilio, hac actione, hoc opere mandetur hoc alijs, quiuis id possit. His cauillis Rectæ Intentionis homo minime turbatur, sed generosa mente: Domine mihi, ait, parū ego laboro tibi hoc displicere, non hoc feci ut tu laudes; tibi & mille alijs non placeat, id mihi curæ non est, modo vni Deo non displiceat. Mihi maxima laus est & merces, recte fecisse. Probet hoc Deus, etsi vniuersus Orbis improber; id ego scilicet nec flocci facio; contemnere & contemni iam didici. Sciant homines eum me esse quem offendere sine periculo possint. Scio quem debito rem appellem post laborem; in sinu gaudere scio. Hæc Amulsi rectæ Intentionis docet.

Quod si quis res suas ab alijs non magni fieri, grande supplicium putet, turbetur, doleat, tristetur & animo concidat, dicatque: ergo post hac penitus ferabor, ut non habeant hi scioles quod damnent; otiosi mihi suauius erit, quam hæc tam iniqua iudicia subire. En, miser, hic deprehenderis in flagranti delicto. nam si recta tibi esset ad Deum Intentionis, in minimis poneret te tuaque ab alijs non commendari, aut sinistris iudicijs atque sermonibus flagellari, hæc putæ Intentionis hominem nunquam deiciunt gradu: spernit se sperni, Deum respicit, cui vni se suaque probare cupit. Hem, quam essemus miseri (& sumus certe) qui aliorum iudicia in tormenta nostra vertimus, alijs displicere supremum malum credimus, laudem ex plurium assensione venientem maximum bonum censemus, nec vnquam nobis suaue est laborare, nisi cum alij nos incipiunt laudare, aut certe laborem nostrum beneuole spectare. An ignoramus, ægre & raro satisfieri humanis oculis, qui solum opus quod vident, æstimant, animum cæci prætereunt? Deo seruire & iucundum est, & facile, Deus enim cor, ut Gregorius loquitur, & non substantiam pensat, nec cogitat quantum, sed ex quanto quis operetur.

a Os. c. 14. v. 13.

**A**Rboris radix aut fructum dulcem facit, aut amarore inficit, nata prout radice succus dulcis aut amarus est, sic & fructus. Si radix sancta, & rami. a Et sicut rivulorum aqua eiusdem cum fonte saporis est; sic & humanæ actiones, eiusdem bonitatis aut malitiae cum Intentione, quæ illarum & radix, & fons est. Optime, simulque breuissime Augustinus: Non, inquit, valde attendas, quid homo faciat, sed quid, cum facit, aspiciat b. Donauit aliquis magnam pecuniam: sed diues, sed non sensurus impendium. Donauit alius: sed pauper, sed parte patrimonij cessurus. Summa eadem est; beneficium idem non est, Intentio variat. Seneca velut vnus ex integerrimis Christianis præclarissima hac de re monita ingerens: Quoniam quidem, inquit, non in facto laus est, sed in eo quemadmodum fiat. Exemplis hoc firmat: eadem res singula datur, turpis est: si honori. reprehensionem effugit. Amico egro aliquis assidet: probamus. at hoc si hereditatis causa facit, vultur est, cadauer expectat. eadē & turpia sūt, & honesta: refert, quare, aut quemadmodum fiant. Ergo infigi debet persuasio (nos Intentionem vocamus) ad totam pertinet vitam: qualis hæc persuasio fuerit, talia erunt quæ agentur, quæ cogitabuntur: qualia autem hæc fuerint, talis vita erit. M. Brutus dat multa præcepta & parentibus, & liberis, & fratribus. Hæc nemo faciet quemadmodum debet, nisi habuerit quo referat. Proponamus oportet finem summi boni, ad quem nitamur, ad quem omne factum nostrum dictumque respiciat (nemo Christianorum magis Christiane hoc dixerit) veluti nauigantibus ad aliquod sidus dirigendus est cursus. Vita sine proposito vaga est. c Quid posset dici religiosius?

Publius Mimius succincte quidem, sed præclare quoque dixit. Malus est vocandus, qui tua causa est bonus. Ergo non tantum non licet mihi esse malum propter me, sed nec bonum etiam propter me: propter Deum omnia. Ad finem summi boni, ut Seneca loquitur, omne factum dictumque nostrum respiciat.

a Ad Rom. c. 11. v. 17.

fffff 2

b Aug



## §. III.

**I**llum deduxit Dominus per vias rectas, & ostendit illi regnū Dei. *a* Sed quid ratione verū: An non Paulus, cū Orbis ecclesiastes esset, iustus fuit? quantas tamē per ambages, per quot anfractus, quam curuis itineribus ductus est ad cælum? Principio, Iudæus erat Pharisæorum discipulus, sectæ ad quam formabatur, tenacissimus. Dein è discipulo magister, feruens Phariseus, pertinax Rabbīnus. Tertio, factus est Christianorum insecutor & tortor, præses licitorum, *ut si quos inuenisset huius vita viros sac mulieres, victos perduceret in Hierusalem.* *b* Quarto, fit denuo discipulus, sed Ananiæ, optimi Christiani. Quinto, fit & ipse Christianus, & Christianorum Orator, Sexto, in omnem orbis plagam emissus à Deo, terras transiit & maria, terram ex terra, mare ex mari mutans. An non flexuosa sunt hæc viæ? Quot præterea casibus, quantis quotidie periculis, quam pæne innumeris vrgebatur ærumnis? nunc ei mortem minatur mare, nunc falsi fratres, nunc latrones in Pauli caput coniurant: modo gentes infestant, modo Iudæi vexant; iam in naui, iam in carcere, iam in solitudine, iam in viribus contrarios experitur euentus: nunc virgis cæditur, iam lapidibus insernitur, quotidie fere moritur. Septimo demum Romam venit, & illic caput amittit. Quis has semitas non dicat sinuosas? Sed audi, mi bone homo, via hæc tã tortuosa, recta via non est ad cælum? Potuisset alius, non Paulus, eque multum & plus Paulo perpeti, & tamen aberrare à cælo. Ergo rectissima via Pauli ad cælum, fuit eiusdem purissima ac sincerissima Intentio ad Deum: in illis perferendis omnibus, vnicum Dei honorem spectabat. Hæc amussinata ad cælum via est, hanc omnes Sancti tenuerunt, ab hac nullus proborum hominum obliquo tramite ingressus est: *Illum deduxit Dominus per vias rectas.* At illi tam varijs casus, tam multiplices ærumnæ, tam incerti ac mali euentus, quibus omnis vita plenissima est, militiæ morem à nobis obseruari volunt. In bello nil noui aut miri est tortuosos aggeres moliri. Imo quando cundoque dux belli ad urbem mētia vallum du-

cere instituit, non rectis lineis sed incuruis flexuosum ducit. Hæc ad obsidendam urbem directa via est, quæ tam curua est & impedita. Ita nos Deus per omnigenam calamitatum varietatem ad cælum ducit, at quoniam in hoc ipso tam flexuoso calle, rectissima est proborū ad Deum Intentio, verissime affirmatur: *Iusti deducit Dominus per vias rectas:* & quod huic proximum: *Iusti in perpetuum viuent.* & apud Dominum est merces eorum, & cogitatio eorum apud altissimum. *c* Quia illi hoc assidue cogitant, hoc vnice curant, placere Deo, non hominibus; ideo & à Deo præmium capient amplissimum. Hæc ergo, ut Bernardus loquitur, puritas Intentionis est, ut quicquid feceris, propter Deum facias, & ad locum unde exeunt gratiæ, reuertantur, ut iterum fluant. *d*

*a* Sap. c. 10. v. 10.

*b* Act. c. 9. v. 2.

*c* Sap. c. 5. v. 16.

*d* Bern. in vig. Natiuit. Dom. serm. 3. med.

## CAPVT III.

## Quam necessaria sit RECTA INTENTIO.

**S**i diuinæ paginæ de necessitate rectæ Intentionis altum alibi sicerent, ab vnico Seruatoris dicto abunde constaret, quam illa omnibus sit necessaria. Apertissime Christus: Si inquit, oculus tuus fuerit simplex, totum corpus tuum lucidū erit. *a* Affirmat Augustinus, Christum Dominum hic proprie locutū de RECTA INTENTIONE, ut qui paullo ante de precibus, elemosynis, ieiunio disseruerit. Ne quis ergo suarum precum, stipis, aut ieiunij vim omnē elideret aucupandis rumusculis, addit Seruator saluberrimam institutionem de oculo, qui aut simplex & purus, aut multiplex & nequam est.

Sicut ergo, cū oculi nitidi sunt, clari, acres, atque vegeti, corpus sibi suum habet diem; & solem suum circumfert secum; quaquā vult se mouet, & in luce est. At vero si oculi ægri & affecti, si pæti aut lusciosi, si lippientes aut tunicis obducti, omne corpus miserum est, & infra domesticas nebulas ingemiscit: ita prorsus si Intentio sincera sit, & ab omnibus fal-

sa glo-



ſæ gloriæ vmbriſ libera, preces, elemoſynæ, ieiunia à vitiōrum ſæce ſincera ſunt? ſi mala ſit Intentio, omnes hominis actiones tales ſunt. Quid per oculum, inquit Gregorius, exprimitur, niſi opus ſuum præueniens cordis Intentio? quæ priuſquàm ſe in actione exerceat, hoc iam quod appetit, contemplatur. Et quid appellatione corporis designatur, niſi vnaquęque actio, quæ Intentionem ſuam quaſi intuentem oculum ſequitur? Lucerna itaque corporis eſt oculus, quia per bonæ Intentionis radium, merita illuſtrantur actionis. *b*

*a Luc. c. 11. v. 14.*

*b Greg. l. 28. mor. c. 6. prope finem.*

## §. I.

**O** Prime ſolitus dicere Ambroſius: Quantum intendis, tantum facis. Nimirum tanti pretij eſt tuus labor, quanti eſt tuus iſte oculus qui laborem præcedit. Si recta ſit Intentio, recta erit & actio, certe in oculis Dei, nam hic millies oculi humani falluntur. De his pulchre dixit Bernardus: Opera probant, quę cernunt, ſed vnde prodeant, non diſcernunt. *a*

Ita omnium actionum noſtrarum Amuſſis, & fundamentum, & baſis eſt Intentio. Clare de hoc Gregorius: Baſes, inquit, vniuſcujuſque animæ ſunt Intentiones ſuæ. Nam ſicut fabrica columnis, columnæ autem baſibus inniuntur: ita vita noſtra in virtutibus, virtutes vero in inſtima Intentione ſubſiſtunt. Et quia ſcriptum eſt: Fundamentum aliud nemo poteſt ponere præter id quod poſitum eſt, quod eſt Chriſtus Ieſus? tunc baſes in fundamento ſunt, cum Intentiones noſtrę in Chriſto roborantur. *b* Tales omnino ſumus, quaſi eſt noſtra Intentio: Virtutis laudem, aut vitij notam ab Intentione ſortimur, ſi Intentio terram ſpectet, terrei ſumus: ſi cælum, cæleſtes. Et plerumque vbi de eſt finis Virtutis, ibi ſe miſcet vanus, aut naturalis, aut vitiouſus.

Præclare Laurentius Iuſtinianus: In cūctis operibus, inquit, quicunque animi ſalutem exoptat, Intentionis ſuæ componat obtutum, & ad illum quem diuina lex mandat, dirigat finem, vt non caſſo labore deſudet. Addit: Parum prodeſt ardua tractare negotia, cum Principibus & Regibus familiariter conuerſari, ſauctitatis & ſcientiæ celebre nomen ac-

quirere, & obliqua Intentione hoc agere. *c* Richardus Victorinus: Quod eſt inquit, corpus ſine vita, hoc eſt opus ſine Intentione bona. *d* Quælibet actio quamuis bona videatur, tamen quaſi mortua iudicatur, ſi non per Intentionem bonam animatur.

*a Bernardus, tract. de grad. Humil. grad. 5.*

*b Greg. d. l. in c. 38 Iob ad finem.*

*c Laur. Iuſt. de Regim. Pralat. c. 22.*

*d Rich. de ſtat. inier. hom. c. 7.*

## §. II.

**Q** Votieſcunque fere Chriſtus illud ſuum, ATTENDITE, proclamat, vti cum monet; Attendite à Scribis, Attendite à fermento Pharifæorum, Attendite à falſis Prophetis, & plerumque periculum graue imminet, & cautiſſime tunc agendum. Hac voce Chriſtus nos omnes altum inclamans: ATTENDITE, inquit, ne iuſtitiam veſtram faciatis coram hominibus. *b* Cautos pedes figite, pone vos in ſerpit lauernio detracturus pallium? vbi reſpexeritis, amiciffimum ſe ſinget, manum deoſculabitur, mille obſequia ſimulabit. Ecquis ſur iſte, quis hic lauernio? Intentio, ſed obliqua illa hominibus placendi, hominum oculos implendi, humanas laudes emerendi. Ideo Chriſtus ſignate addidit: *vt videamini ab eis.* Auguſtinus: Videant, inquit, bona facta veſtra, & glorificet nō vos, ſed Deum. Nā ſi propter vos glorificandos facitis opera bona, reſpondetur vobis quod ipſe dixit de quibuſdam talibus: Amen dico vobis, perceperunt mercedem ſuā. Ergo, inquires, debeo abſcondere opera mea, ne faciam coram hominibus? Non, ait Dominus, diuerſa iubeo. Finem attende, in finem canta: quo ſine facias, vide. Si ideo facis vt tu glorificeris, hoc prohibui: ſi autem ideo vt Deus glorificetur, hoc iuſſi. Pſallite ergo non nomini veſtro, ſed nomini Domini Dei veſtri. Vos pſallite, ille laudetur; vos bene viuite, ille glorificetur. *c*

Sanctus Gregorius illud Domini monitum de regendâ ſtipe exponens: Sic ſit opus, inquit, in publico, quatenus Intentio maneat in occulto; vt & de bono opere proximis præbeamus exemplum, & tamen per Intentionem, qua ſoli Deo placere quærimus, ſemper optemus ſecretum. *d* Ergo intentio bona ſumme ne-



cessaria est, quæ sola manicularios hos eruditè nouit declinare. Ergo ATTENDITE.

a Luc. c. 20. v. 46. Luc. c. 12. v. 1. Mat. c. 7. v. 15.

b Matth. c. 6 v. 1.

c Aug. tom. 8. in Ps. 65.

d Greg. hom. 11. in Euang.

### S. III.

**I**nter prisci fœderis ceremonias, quas Deus ab Hebræis exigebat, commedandis sacrificijs, & illa è præcipuis erat, *victimæ manū imponere*. Ita lex imperabat: ponet manum suam super caput hostiæ, & acceptabilis erit. *a* Quærunt interpretes: Ad quid Deus hanc manus impositionem exigit, quo sacrificium & sibi gratum, & offerenti foret utile. Oleaster: Voluit Deus, inquit, ut sacrificaturus non solâ hostiam offerret, sed seipsum insuper, cor, voluntatem, intentionem adiungeret. Hoc omnino necessarium est, nam solæ pecudes nec Deo acceptæ nec offerenti fructuosæ. Hinc Augustinus, in illud regij vatis, *In me sūt Deus vota tua*: Quæris, ait, quid des Deo? non animalia aris oblata: de cordis arca, de cellario bonæ conscientiæ, de teipso profer teipsum. *b* Ita prorsus, voluntatem, animum, cor tuum offer, dic Deo: In me sunt, mi Deus, vota tua: quæ enim exis a me, intra meipsum sunt: hæc tu, mi Domine, in sacrificium tibi postulas, non illa exteriora cordis & Intentionis vacua.

Chrysostomi sensu, vera Christianorum sacrificia sunt elemosynæ; oratio, temperantia. At Deus hæc non nuda vult, sed ut seipsum quis addat, vnde holocaustum fiat medullatum. Nam regius psalter apud seipsum statuit: Holocausta, inquit, medullata offeram tibi. *c* Quid est, inquit Augustinus, medullata? Intus reneam charitatem tuam: non erit in superficie, in medullis meis erit quod diligo te. Nihil enim interius medullis nostris. Carne interiora sunt ossa, medullæ interiores sunt ipsis ossibus. Quisquis ergo in superficie colit Deum, magis placere vult hominibus, quàm Deo. Aliud autem intus sentiens, non offert holocausta medullarum: cuius autem medullam inspicit, ipsum totum accepit. *d*

Illâ igitur opera medullata sūt holocausta, quibus voluntas seu Intentio bona inest. Nullo modo vult Deus, ossa exucca, arida, eme-

dullata. Reperias multos qui frequenter orant, sacris etiam intersint, non raro inedia se macerent, stipem dent, sed heu quam nihil medullæ inest his operibus! sunt hæc quidem velut candida niuidaue ossa, sed deest medulla, spiritus, recta Intentio, pius affectus, qui hæc opera subchat ad Deum.

Inter omnia sacrificia, primas habuit holocaustum; alia in bonum etiam offerentium cedebant, istud Deo eiusque honori totum cremabatur. Et quemadmodum sacrificia olim erant distincta, ita nunc nostra opera: quædam & nobis etiam commoda sunt, ut esse, bibere, dormire, deambulare, legere, scribere, monetam numerare: bona sunt hæc opera si bene fiant, & ut debent: alia solum honori diuino institui solent, veluti holocausta, ut orare, inedia tolerare, rei diuinæ interesse, confessione se lustrare, diuinum epulum accumbere. Illa primi generis apud plerisque raro medullata sunt: nam cum hora vocat, ad mensam itur, nec vltra cogitatur, cum somnus inuitat, ad lectum properatur, nec aliud animo agitur quam quies; cum celi fauor in campos euocat, exitur nec aliud in corde versatur quàm hilaris deambulatio: ita multi edunt, bibunt, garrunt, adnegotia incumbunt, nec aliò respiciunt; satis est illis hæc fieri, animum cum Deo in his non vniunt, Intentionem ad Deum non attollunt. Non sunt hæc sacrificia medullata, non sunt. Sed mirandum magis, & grauius culpandum, quod ipsa holocausta nihil habeant medullæ, quod oratio sine attentione, ieiunium sine emendatione, elemosyna sine cōmiseratione, Dominici corporis communio sine deuotione, è labris preces, è crumenâ stipem fundimus, sed vbi calentes affectus, vbi mentis ardor, vbi Deo placendi studium, vbi medulla? Ergo, qui Numini gratum quid offerre vultis, holocausta offerte medullata. Effundite coram illo corda vestra: *e* Intentione plenâ totâque Deum honorate.

Quærit Cyrillus Alexandrinus, cur Deus victimæ sanguinem venterit edi, illumque omnem insisteret ad aram effundi? *f* His ita respondet: Sanguis sedes animi, qui sanguinem, is & animum adimit. Voluit ergo Deus in omni sacrificio voluntatem, cor, Intentionem velut sanguinem effundi coram se, nec guttula in alios vsus reservatâ. Cum ergo sacrificamus,

EX  
rui  
tanti  
tio, &  
pus  
bom  
tention  
diebat  
derabit  
rum  
era  
stra, n  
opinio  
culorum  
sola cor  
opera  
Deo eg  
narium  
minuta  
bantur,  
tisais ia  
perabant  
Phari  
nia, elec  
lapi  
nia pen  
Non  
perspect  
Intentio  
lapidem  
rectam  
tom nos  
nil agere  
tam ing  
Deus hoc  
tè fallu  
mea spon  
lorum tu  
mate He  
nus hoc  
mulierum



mus, cum oramus aut ieiunamus, eò solum tendat Intentio vt Deo placeamus, & quicquid huic contrarium, reijciamus.

a *Leuit. c. 1. v. 4. b.*

b *Aug. in Ps. 55. v. 13.*

c *Ps. 65. v. 15.*

d *Aug. 8. in dictum Ps.*

e *Ps. 61. v. 5.*

f *Leuit. c. 3. v. 17.*

## §. IV.

**E**X his Eusebius Emisenus duo hæc statuit. Primum: Opus bonum quodcunque tanti est apud Deum, quanti hæc cordis effusio, & Intentio in homine. Alterum: Nobis opus bonum aggressuris summa sit cura recte Intentionis, seu Voluntatis bonæ. Lex Olim edicebat: Omnis æstimatio siclo sanctuarij pōderabitur. Hæc enim sola pondera fallaciarum erant expertia. Ita profusus & opera nostra, non ponderanda nec æstimanda sunt ex opinione, vulgi, aut nitore exteriori, aut oculorum fide & indicijs sæpe falsissimis, sed è sola cordis Intentione. Quoties nobilissima opera vix vnus drachmæ censentur, quæ à Deo æquissimo rerum æstimatore velut centenarium argenti pondus recipiuntur? Era duo minuta Hebrææ viduæ quantilli pretij credebantur, ad illam argenti molem, quæ à Phariseis iactabatur: & tamen hanc illa longè superabant. Quam ponderosè videri poterant Pharisei in templo se laudantis preces, ieiunia, elemosynæ: vix equabant discolorum lapillum: frigidissimis hominum elogijs omnia pensari poterant.

Non nescit hoc cacademon; exactissimè perspectum habet, omne operi pretium à recta Intentione accedere, propterea omnem mouet lapidem, & extremè laborat, vt Intentionem rectam vel subtrahat, vel inficiat, satis gnarus, tum nos incassum fatigari, & agendo multa nil agere, ac frustra expectare præmium, vbi tam ingratus Deo labor præcessisset. Certè Deus hoc simplici oculo minè se capi luculentè fassus: Vulnerasti, inquit, cor meum, soror mea sponsa, vulnerasti cor meum in vno oculorum tuorum, & in vno crine colli tui. Idiomate Hebræo: rapuisti cor meum. Tertullianus hoc expendens: Salomon, inquit, morem mulierum in Oriente attendit, quæ hone-

stati tuendæ prodibant operâ facie, oculo vnico detecto. Sponsus ergo hunc morem tanquam honestatis argumentum commendans, ab vno hoc oculo in amorem se raptum fateatur. At verò alij hoc mysterium profundius eruentes, commendatam hic aiunt admirabilem oculorum seu vniionem, seu vnitatem, vterque enim pari semper passu graditur, nec iste ab illo vnquam diuersus abit. vna idem semper aspiciunt, nec potest esse inter eos tanta dissensio, vt ille cælum, hic terram contueatur: eadem & capillorum est vnititas, cum omnes in eum ordinem compositi sunt, vt vnus videri possit capillus. Oculi cordis, affectus & Intentio, capilli, cogitationes sunt. Nihil deformius quam discors horum oculorum varietas, si huc iste, aliò feratur ille; si cupiamus placere Deo, sed & Mundo non displicere; si hoc oculo cælum, isto lucrum aut luxuriam, aut aliud vetitum quid spectemus. Tunc amore Numinis cor vulneratur, cum hominis vnus est oculus, isque in Deo fixus, vna Intentio, eaque ad Deum erecta.

Et hoc Deus in Abrahami sacrificio pulcherrimè declarauit, in quo & aues & animantes alias iussus est offerre, has quidem diuisas & concisas in frustra, illas minimè, à quo significatum est, quamuis partiri quis possit curas suas in vxorem, liberos, familiam, subditos, Intentionem tamen quam aues designabant, nullo modo diuidendam esse. Attendat pater filijs, merces cogitet mercator, oues pastor, ciues consul, pecuniam numularius; in omnium horum animis innumeræ cogitationes se prodent capillis densiores, hi tamen capilli sint vnitati, hæc cogitationes omnes vnum quid spectent, Deum, Dei honorem, Dei obsequium. Vnus hic crinis, oculus vnus ante omnia necessarius. Hac ratione cor supremi Regis suauissimè vulneratur in vno oculorum, & in vno crine colli.

a *Euseb. Emis. in c. 6. Matth.*

b *Leuit. c. 27. v. 25.*

c *Cant. c. 4. v. 9.*

d *Gen. c. 15. v. 10.*



## CAPVT IV.

*Nullam humanarum rerum actionem Deo placere sine RECTA INTENTIONE ubi stricte de Vanâ gloria.*

**S**ummi sacerdotis Aaronis vestis, in quâ diuino cultui operabatur, tanti pretij & pulchritudinis erat, non solum quâ materiâ, sed & quâ arte, vt omnium Regum ac Imperatorum vestes cum eâ nequaquam conferri possint. Beseleel, maximus artifex vestem illam confecit: sed maiorem se artificem habuit, Spiritum sanctum, qui dictauit, qui conficiendâ modum præscripsit, & ipsi magistro velut puero manum duxit. *a* De hac veste Siracides: *Sic pulchra, inquit, ante ipsum non fuerunt talia usque ad originem. Gloria honoris & opus fortitudinis desideria oculorum ornata b.* Quicquid in hoc genere venisti vel curiosissimus oculus desiderarit, id vnâ hac veste spectare potuit: *Desideria oculorum.* Omne vel auidissimum oculi cupidinem satiauit hæc vestis; nil pretiosius, nil & pulchrius in opere non maximo videre quisquam optarit.

Hoc bonus Deus eo sine voluit, vt summus sacerdos ad templum progressus, omnium ad se oculos raperet: ea etiam de causâ ad huius vestimenti iunum marginem trecenta sexaginta sex aurea tintinnabula iussit appendi, vt ipso sacerdos incesu ad hoc spectaculum vndeque omnes conuocaret. Nec erat qui non oculos suos in hoc spectaculo libenter perderet. Interea tamen huic ipsi summo sacerdoti, qui omnium in se oculos conuertit, in neminem oculos emittere licuit; ab omnibus aspiciendus neminem ipse debuit aspicere. Voluit enim Deus vt iuncti sacerdotis oculi in vnicum ineffabile Dei nomen irent, quod ea de causâ sacerdos aureæ laminæ insculptum fronte præferebat.

Nobilissimum hoc paradigma est, hominis ex asse probi. Homo serio bonus in se spectandum præbeat quicquid castis oculis videre in voto est: *In omnibus ipsum prabe exemplum bonorum operū c.* In hoc tali homine opulenti videant exemplum piæ Liberalitatis; afflicti & pauperes, Patientiæ; Iracundi & pugnaces, Mansuetudinis; impuri & intemperates, Con-

tinentiæ; Ignavi & desides, industriæ: sit denique talis, *desiderium oculorum sanctorum*: Sic luceat lux vestra coram hominibus, vt videant opera vestra bona.

Enimvero qui aliorum oculos, vite sanctioris exemplo ad se trahunt, ipsi suos oculos nequaquam in sui spectatores emittant, vt ipsis placeant, sed vt ab ipsis discant: vnum atque vnicum Dei honorem spectent in omnibus, velut Aaron solum frontale suum oculis admittebat; Ita hi solum Deum obtutu assiduo contemplantes, laudem etiam oblatam respiciunt, & à se deriuant in Deum, quantumque sibi ipsis displicent, tantum soli Deo cupiunt placere, per veram sinceramque in omnibus intentionem, de qua proximo capite dictum, quam sit necessaria, nunc porro demonstrabitur, quam nulla nostrarum actionum sine hac Deo possit placere.

*a Exo. c. 31. v. 2. & 3.*

*b Eccli. c. 45. v. 14. c Ad Tit. c. 2. v. 7.*

## §. I.

**I**n epithalamio diuino, a regis Virginis oculos mirifice commendat regius è cælo sponsus, sed per similitudines dissimillimas, ita vt homo cælestium arcanorum rudis, non immerito quærat: quæso, an sponsus hic temulētus est, quibus verbis sponfam laudat? *Oculi tui, inquit, columbarum.* Et: *Oculi tui sicut piscine Hesebon.* Ecquid oculis columbinis cum piscina? quid minus sibi simile quam oculus & amplissimum stagnum? Mysterium texit diuinus spiritus eleganti inuolucro. Oculi columbinis oculis sunt similes, vt videant; piscine Hesebon conferuntur, vt videantur. Hesebon, vrbs regia, Hieronymo teste, viginti miliaribus distabat à Iordane. Ad huius portæ duæ erant nobilissimæ piscine, crystalli æmulæ. Huc populus feriatis diebus cateruatim effundebatur animi causâ, ad spectaculū crystallini maris. His ergo piscinis pœne quotidianum erat, *videri.* Et hinc sanctus Spiritus oculos sibi placentes & piscinis confert, & columbarum oculis. Et principio quidem comparat oculis columbinis. Columba omnium gentium sensu symbolum erat mutæ fidelitatis coniugum, cum alter alterum pari fide respicit. Et hoc cælestis sponsus in animâ castâ dilaudat, oculos eâ habere columbinos: *Oculi tui, ait,*



tui, ait, columbarum; oculi fideles & casti, quos in me solum delectis, & quos ego solus expleo, neque enim agendo, alium quam me respicis, *Et ad me conuersio tua b.* Et velut alteruter coniux oculos à cōiuge diuertens, adulteræ mentis suspicionem mouet: sic Anima si oculum Intentionis in aliud quid quam in Deum conijciat, fidem fallere, & alij à Deo placere se velle ostendit, nam quæ fidelis est, illud assidue ingeminat: *Tibi dixit cor meum, ex qui fuit te facies mea, faciem tuā Domine requiram c:* oculi mei tam & ample simul & angustæ capacitatis sunt, vt præter te, mi Deus, capiant neminem, nec vllius oculis seruiant quam tuis. Eam ob causam tam fideles columbarum oculi, etiam piscinis Hesebō conferuntur, vult enim Deus sibi caros ab omnibus videri, vult omnium oculos in illis defigi, vt superbus in ijs intuendis discat, quàm eximia sit virtus Humilitas, vt auarus cernat, quid possit Liberalitas, vt impurus videat quā decora sit Castitas, vt iracundus norit quid præstet Māfuerudo & Placabilitas. Vult Deus amicos suos esse velut piscinas Hesebon, quas purissimi contemplantur, è quibus hauriant, à quibus virtutum exempla capiant. Et quamuis hæc piscinæ videātur, non tamen sentiant se videri, neque alios ita videant, vt ijs placere cupiant, prorsus vt Aaron qui omnium in se oculos recepit, ipse suos in nemine ausus emittere.

Ergo alijs placere nō cupiat, qui cupit Deo; nec Intentionis oculum in rem creatam vllam defigat, qui creatoris in se amorem concitare, desiderat. Hic rerum cardo vertitur, vt Deum omnium actionum suarum finem assidue obseruet homo. Certè officium Christianum non ab initijs meriendum est; potest quis è vilissimo tugurio Romam ire in Summi Pontificis palatium, ex hoc pariter ad pauperrimam causam tendere, & ab his viæ terminis æstimandum est, & illud, & istud iter. Sicut autem viator Romam iturus, cum animo suo assidue voluit Romam; Romam diu noctuque secum agit, Romam somniat, hæc eum cogitatio & cubitum euntem & surgentem non deserit, Roma enim viæ terminus est: sic in omnibus nostris actibus finem nobis nostrum præstiuamus: quiuis ipse sibi dicat quotidie, quod tendo? quid quæro? propter quid me fatigo?

Hæc Intentio tam necessaria est volenti piè

viuere, atque necessarium est spiritum ducere volenti naturaliter viuere, idque duplici de causa. Prima, arcendæ Vanæ gloriæ: Altera, augendis meritis.

a *In Canticis Canticorum s. 1. v. 10.*

b *Cant. c. 7. v. 10.*

c *Psal. 26. v. 8.*

## S. II.

**V**ana gloria vitium simul & periculosissimum & subtilissimum, tam multiplici vaframento insidiosum, vt euitari possit difficillimè. Alia vitia insidiantur nobis in terra, hoc etiam in ipso pænè cælo pedicas tendit, vndique virtutibus occupatum inuadit. Imo quo sanctius quis viuit, hoc maiorem illud sibi sumit licentiam, tantoque irruit audacius, quanto plus contra se cernit præsidij, è virtutibus nostris crescit, & acquirit vires. Omne genus insectorum velut ranæ scarabæi, mures, cimices, vermes, & id genus animalculorum è putri materia nascuntur: at vero fœdissimus hic vermis, Vana gloria, semine prodit recenti & generoso, è largâ eleemosyna, è rigido ieiunio, è feruidis precibus ortum ducit, & nulli loco, vt Hieronymus loquitur, nulli statui, ætati, ordini, aut sexui parcit, & victum in victorem insurgit vehementius. Vana gloria, vehemens hectica est medullas exsugens, & vix vnquam, si quem occupauit, deserens, primum & vltimum vitium nobis sperandum, Augustini sensu.

Quam suauē fuit Prophetæ Ionæ sub vmbrosâ hederâ, meridiari? vnicus vermiculus omnem amœnitatem illam turbauit. Virent subinde opera nostra, velut arbor feracia diffundens brachia, sed quam primum vermiculus superbix hanc arborem admordet, momento exarescunt omnia. Vermiculus iste sic se nouit abdere, sic furtim rodere, vt ipsi qui Vana gloria turgent, non tantum id non notent, sed nec credant noranti, & monenti: Vermiculus iste abigi se patitur, & cedit incantationi, sed mox redit. Non satis est vanâ gloriam semel effugisse, centies redit, millies redit & sæpe impetu maiore. Ideo venenatus hic anguis quotidie, & sæpius sacris carminibus vrgendus est. Vera cōtra hanc pestem incantatio, est illud regij vatis: Non nobis, Domine, non nobis, sed nomini tuo da gloriam s. Dum vi-

G g g g g

uimus,



unus, monente Bernardo, bē corde & ore non abeat istud Hebræi regis sacrum carmen.

At quis semper ad hoc cantādum tam alacer? is qui in omnibus est sinceræ rectæque Intentionis: hæc excitat & impigrum facit, hæc docet bene agere, & sibi assidue præcinere: Non nobis, Domine, non nobis, sed nomini tuo da gloriam: tuo, Domine, non nostro nomini, nec nostris meritis, sed tuis. Sanctus Ignatius Loiola, charissimum sibi symbolum habuit: *Omnia ad maiorem Dei gloriam.*

a Ps. 113. v. 9.

b Bern. serm. 5. de Sanct.

## S. III.

**A** Deo necessaria est recta Intentio, ut sine hac nemo effugiat Vanam gloriam, quæ recte Cyprianus vocat subtilissimum malum, quod reconditoria cordis arcana penetrat, & spiritualioribus mentibus insensibiliter se infundit. a Eleganter Petrus Chrysologus: Vana gloria, inquit, secretum virus, virtutum fucus, tinea sanctitatis. b Optimè Ioannes Chrysostomus: O noue, inquit, calamitatis genus, o furiosam hanc turbationem, quæ tinea corrodere nō potest, nec fur violare, ea inanis gloria omnino dispergit. Hæc est tinea celestis thesauri, hic est fur qui æterna regna furatur, qui immarcescibiles a nobis diuitias aufert, qui tanquā contagiosus morbus omnia corrumpit. Ita quoniam prospexit diabolus tam latronibus & vermibus, quam alijs machinis inexpugnabile illud esse præsidium, per iuanem gloriam hoc expugnat. c

En etiam cælum ab his vermibus tutum nō est. Suadet Christus: thesaurizate vobis thesauros in cælo, d & tamen ne sic quidem penitus secuta sunt quæ illic reponuntur: Vana gloria furtiuo meatu surrepens, thesauros cælo iam repositos clanculum asportat, nisi custos apponatur recta Intentio, quæ nec latum vnguem abeat a commissis sibi diuitijs. Quicquid vnquam boni fecimus, quicquid facturi sumus, Intentione rectissima vndique communiāmus, nisi nos delectet frustra laborem sumere. e

Nullius sunt meriti difficillima etiam & excellentissima opera, nisi accedat Intētio bona: vanus est omnis labor, quem non recta Intentio commendat. Hanc Deus spectat in o-

mibus actionibus nostris, huic daturus est præmium. Haud maius, nec magis memorandum facinus est, quā alterum alteri vitam impendere: sed etsi quis suo corpore cētenas cruces vestiat, sexcentas rotas induat, mille secures purpuret, & moriatur millies, nisi id fiat pro Christo, Dei causa, sancta Intentione, mori poterit, sed martyr nunquam erit, ad celestem gloriam id ei nihil proderit. Non pena, sed causa, sed Intentio facit martyres, vii Hieronymus testatur: e

Eadem est ratio, in alijs maximi momenti rebus, Intentio baptizat, Intentio consecrat & c. cum ē mille panibus sacerdos in dominicum corpus, verbis Domini commutat, quem Intentione sibi destinat.

Omnia meriti nostri, quā nos, fundamentum est Intentio, ideo Christus orationis Dominicæ caput esse voluit: *Sanctificetur nomen tuum*, ne scilicet vnquam alio agendi principio moueremur, quā Dei honore. Cum ergo tantæ sit nobilitatis Intentio, iure in diuinis paginis Cor vocatur. Cor initium est vitæ, talis vitæ, quale cor: homo in pecudem migrat, si ei cor pecudis inferatur, pecus in hominem transiit, si ei cor humanum addatur.

Nabuchodonosorem Regem voluit Deus fieri bestiam, & inter illas velut vna ex illis agere, ideo iussit: *Cor eius ab humano commutetur* & *cor fere deus ei f.* Sed voluit bonus Deus ut hæc bestia denuo in hominem mutaret: factum est, &: *Super pedes suos quasi homo stetit*, & *cor hominis datum est ei.* g Talis est Intentio, cor omnium eorum, quæ agimus.

a Cypr. l. de Tent. & ieiun. initio.

b Chrysost. serm. 7.

c Chrysost. in c. 22. Matth. hom. 2. propius finem.

d Matth. c. 6. v. 20.

e Hieron. c. 5. ad Gal.

f Dan. c. 4. v. 13. g Dan. c. 7. v. 4.

## S. IV.

**C**onsiderate hic mihi, obsecro, eandem sententiam in duabus curijs pronunciatam. In curia Hierosolymitana, præfide Caiapha summo Pontifice, pleno confesso Senatorum dictum est: Expediit nobis ut vnus moriatur homo pro populo, & non tota gens pereat. a Hoc summus Pontifex decreuit: subscripserunt ceteri. Idem prorsus in curia celesti a sanctissi-



ma Trinitate decretum est: Expediit vt vnus moriatur homo pro populo. Hæc autem eadem decretoria sententia, in Hierosolymitano quidem Cōcilio summæ fuit stultitiæ & iniustitiæ; in concilio caelesti summæ sapientiæ & iustitiæ: illic ferinum cor Caiphæ & Senatorum eius, odio & inuidia incitabatur, in hæc vnum hominem, hic vero cor diuinum in eundem hominem summo amore ferebatur. Ita cor principium vitæ, & sicut corde læso, vicina est mors omnibus cordis functionibus: ita nullum hominis opus dici potest viuum, quod isthoc corde caret, quod non sit propter Deum: inter mortuos est labor omnis, quicunque hac viuâ Intentione destituitur.

Rem miram narrat Appianus Alexandrinus de duplici victimâ ex corde. Iulius Cæsareo die quo in curiâ occubuit, senatum ingressurus, de more fecit: apertâ victimâ cor defuit. Extispice nescio quid vaticinante de Imperatoris obitu, irrisit Iulius, & aliam admoueri iussit, sed & hæc corde careuit. *b* Mirum prorsus, bis mirum. Et quâ ratione viuat animal sine corde, an tunc primum absumptio, an vero, antea desiderato? si antea, & quomodo vixit? si tunc, & quomodo consumptum est? Quicquid id est, victima sine corde, certus mortis nuncius, sic & opus sine Intentione recta, opus mortuum, inutile, nullum.

Ergo, omni custodia serua cor tuû, quia ex ipso vita procedit. *c* Ergo quotiescunque laborem nobis sumimus, aut precaturi, aut rem diuinam audituri, aut eleemosynam daturi, aut quiduis aliud acturi, hoc vnice curemus & ante omnia, vt agentibus hoc tale cor non desit, vt per Intentionem rectam ad Dei honorem agamus omnia. Non est virtus, non est vllum rectè factum, cui deest pars optima, Intentio recta. Videte vosmetipsos ne perdatis quæ operati estis, sed vt mercedem plenam accipiat. *d*

*a* Ioan. c. 11. v. 50.

*b* Quamuis id Cicero lib. 2. de diuin. eludat.

*c* Prov. c. 4. v. 23.

*d* Ioan. epist. 2. v. 8.

## CAPVT V.

In quo potissimum consistat RECTA INTEN-

TIO: Vbi aliquid de actu & habitu Intentionis.

**N**ouum pacti genus & panè inauditum, si quis cum altero sic paciscatur: Amicitiam coibimus, sed in mutui fœderis stabilitatem ego te denasabo: tuus mihi nasus loco litterarum, & signi, & subscriptio nis erit. Hoc tamen cruentum & Scythicum pactum tolerabilius foret, quam fuit illud Ammonitarum regis Naas cum viris Iabes Galaad, qui rogantur haberi se fœderatos, & sic seruituros regi. Quibus Naas Ammonites: In hoc, inquit, feriam vobiscum fœdus, vt etiam omnium vestrum oculos dextros, *a* Volebat sœuus rex miseros ad bellum prorsus inutiles reddere, sinister enim oculus tangebatur scuto, dextrum volebat erutum. Itaque hoc agebat, vt non tantum nescirent vincere, sed & pugnare.

Rex inferiorum Lucifer non alia lege amicitiam inquit cum homine, quàm vt sinat sibi erui oculum dextrum *bona Intentionis*, Oculum illum simplicem, ad Deum dirigendum. Vbi fœdus hoc admittitur, triumphum canit Sathâ? hominem facillimè vincit, eumque sibi facit mancipem, nam oculo illo caret, quo solo vtendum est contra hostem. De dextro hoc oculo, quem Christus simplicem vocat, hætenus actum, quid sit oculus iste simplex, quàm necessarius, & quâ sine hoc nihil Deo placeat, Nunc porro explicabimus, quid huic oculo sit gratissimum, siue, in quo potissimum recta Intentio consistat.

*a* 1. Reg. c. 11. v. 2.

## S. I.

**E**rit vt Christus reprehederet suos in quo minimè videbantur cōmeruisse reprehensionem. Reuersi sunt, inquit Lucas, septuaginta duo, cum gaudio, dicentes: etiam demonia subiiciuntur nobis. *a* Nimirum præclarè rem gesserant, & miracula quoque patrarant? num igitur eis tristandum ob hoc, aut flendū? subiicit tamen Christus illa narrantibus: *Reuerentiam in hoc nolite gaudere: facta, ô mei*

G g g g g 2 disci,



discipuli non improbo, sed hoc in factis sanè spectandum non est, huc vestra Intentio non eat, neque enim sat purus est iste fons gaudij, quod avararum ac magnum sit hoc donum, mirabilis & magnifica hæc potestas in cacodæmones, non tamen vestrum hoc opus est, sed mea gratia; nec ad vestrâ salutem spectat iperitus vobis subijci, sed ad aliorum; alia sunt & potiora dona, de quibus solidè gaudere liceat. Hoc vnum vobis maximi faciendum, vos bono loco esse apud patrem meum: *Gaudete autem, quod nomina vestra scripta sunt, in cælis*; huc omnis actio vestra, huc vestrum gaudium collineet.

En vñ celestis medicus suorum oculos malignè humidos terferit, & fluxum Intentionis non commendanda siccat. Intentio mala semper caducum quid vanumque spectat, eoque vitiosè contenta est. Intentio bona puraque, non nisi æternantia desiderat, atque si sit purissima, solum Deum.

Diximus Capite secundo, cauere culpam eo tantum animo, ne culpa in flammis sit lucēda, Intentionem esse non damnandam, sed nequaquam purā, nec adeo magni pretij æstimatori Deo. Et quemadmodū cuius ille tam probe notè non est, qui ciuicam legem de symposijs extra urbem nō instituendis religiosè quidem seruauit, non tamen reuerentia legis, sed nummorum amore; crumena parcat non famē, nam altero tanto carius potaret in paganis tabernis: itaque potius in vrbe helluatur. Ita nec illa omnino purissima Intentio est, diuinæ legi parere ideo, vt vitā agere liceat æternam in gaudijs: Bona est quidem, & melior priorē, sed aliquem sui amorem sapit. Optima & purissima est Intentio, & verè *simplex oculus*, qui Deum solum respicit tam fixè, vt qui habet hunc oculum sincerissime de seipso pronūciat: seruam Deo propter Deum. Hoc sensu vociferatur olim Hebræus rex, & : quid mihi est, inquit, in cælo, & à te quid volui super terram? Deus cordis mei, & pars mea Deus in æternum. *b Propter te solum; mi Domine, omnia libenter vitabo, quæ vitari iusseris; omnia hilariter & faciam & patiar, quæ mihi facienda venient, aut patienda.*

Illud vnicum, *propter te Domine. propter te, o mi Domine, propter te, vsque & vsque sexcenties, & vsque millies, imo assidue ingemi-*

nandum. Nullus dies abeat, sed nec hora quæ non & labori, & cuiunque demum molestia nos promptè submittamus; isthoc identidem per calentem affectum repetito: *propter te, Domine propter te, & ab hoc abstinere, & sustinere illud: hoc agere & istud perpeti paratus sum, sed propter te, Domine, propter te. Nam propter te mortificamur tota die.*

*a Luc. c. 2. v. 20.*

*b Ps. 72. v. 26.*

*c Ps. 43. v. 22.*

## S. II.

**R**ecte Bernardus: Purus amor, inquit, non est mercenarius a Mercedem operis secururam non nescit, sed eo nunquam respicit, neque ideo bene loquitur, vt bene pascatur, nec ideo sanctè agit vt copiose id exsoluatur: Amor purus imitandum sibi proponit Deum, qui vniuersa propter semetipsum operatus est, & propter gloriam suam. *b Æquum omnino est, vt homo propter hunc eundem Dominum, & conditorem suum nihil facere aut ferre detrectet. Talis erat illa celestis sponsa, quæ omnia poma, noua & vetera, dilectio se seruasse ait. Noui recentisq; fructus sunt, ea quæ in noua lege à diuina gratia oriuntur, vt sunt Deum amare, in Deum credere, sperare, precari, inedia & vigiliæ, aliæque aspera propter Deum tolerare, & hoc est vitiorum ex Adamo traduces crucifigere, & hi sunt fructus horti. Poma vetera sunt illa naturæ opera, edere, bibere, loqui, dormire, &c. quæ tamen vna cum nouis offerenda, vt etiam hæc facturi nunquam non dicamus, propter te Domine, edam & bibam, propter te dormiam, propter te omnia faciam, vt tibi vni placeam, etsi hominibus vniuersis displiceam.*

Et quamuis difficile non sit illa primi generis opera propter Deum facere, difficile tamen est illa generis secundi, cum vis animæ inferior, ac deprauata natura, incredibili affectu ad se trahat quicquid nouit sibi esse commodum & suauē: huc tota festinat, & id vnum agit ne malè sibi sit: atque si sibi ipsa relinquatur, sibi meretur fidetissime. Itaque vt adigenda est, vt illa omnia Deo permittat fieri; vt quis ideo tantum velit edere, bibere, loqui, dormire, quod id placeat Deo. Et hoc est quod diuinus Paullus tam serio commendans: si-

ut ergo



ut ergo manducatis, inquit, siue bibitis; siue aliud quid facitis, omnia in gloriam Dei facite. Tertullianus apud Christianos in more positum fuisse asserit, ad principium cuiusque operis cruce se signare. d. quod tantundem erat ac dicere: hoc fiat ad gloriam Dei, in nomine Patris, & Filij, & Spiritus sancti.

a Bern. serm. 88.

b Prou. 16. v. 4.

c I. Cor. 10. v. 31.

d Tert. l. de Coron. mil.

## § III.

**Q**uerit Basilus, a qua tandem ratione quis possit edere & bibere ad Dei gloriam: Huc suę quæstioni respondet in hunc modum: Mensam accedat animo non nimium soluto, & in solum cibum hiare, qui tantum imperet: affer, cibum est meus, meam quadram lambo, è meo penore viuo, ideo curabo ut mihi bene sit, & sentiam me viuere, non sic loquendum, neque sic edendum, sed istud animo volendum: Inspectorum habeo Deum, ergo cibum ita sumam, ut nullus inde offendatur, Dei gloria non minuatur: nolo ventris mei esse principium, ut solam hic voluptatem sceler, neque enim viuo ut edam, sed edo ut viuam, & par sim ferendis laboribus. Verbo, qui refici vult sine culpa nunquam edat & bibat, quin hoc ipsum in Dei laudem faciat *Propter te, Domine, propter te comedam & bibam; te meum finem in omnibus quæram.*

Sed num hoc nobis cogitandum eo ipso tempore quo mensam accedimus: Notandum, hic aliam esse Intentionem, quę dicitur ACTUALIS, aliam quę VIRTUALIS. Actualis est, cum quis Deo offert quod facit dum facit, aut dum facere incipit. Hac certè Intentione omnis nobis dies est ordiendus antequam quidquam agamus, offerendo diuinę glorię, quicquid acturi sumus. Sed expedit non confusam operum turbam & conglobatim, sed explicate & præmeditatè futurę diei actiones sic Deo sistere: Mi Deus, quicquid ego hoc die dixerò, fecerò; quicquid etiam cogitauerò, id omne tibi offero. Ego has & has preces, illum & illum laborem, ista atque ista negotia mea tibi consecro, nec aliud cupio, quam ut quicquid hodie horis omnibus acturus sum, id omne cedat in tuum honorem, mi Deus. Hęc In-

tentio dum mane suscipitur *actualis* est, tunc enim voluntas est in opere. Hac ita suscepta abijt quis in templum, in forum, in curiam, in sphæristerium, nec amplius cogitat, pro Dei honore illuc aut illuc se iturum: atque tunc Intentio quę mane erat *actualis*, incipit esse *virtualis*, si tamen vis eius aliqua remotis illis actionibus hæreat impressa, sicut lapis manu excussus sursum per aërem volitans, non sua mole, sed manus impulsu regitur ac mouetur. a Bas. in reg. breuior. reg. 196.

## §. IV.

**H**ic notandus perpetuus mos Sanctorum, qui minime cõtenti matutina illa Intentione, omnia opera velut in cumulũ cõgerere, & sic Deo in plenum tradere, sed insuper quotiescunque noui operis aliquid sumunt, toties Intentionem illam restaurant, illud assidue secum ingeminantes: Domine, hoc propter te faciam; propter te Domine, orabo; propter te laborabo; hoc propter te cogitabo; nunc propter te tacebo, nunc & propter te loquar: Quemadmodum homo potulentus quoties fere bibit, toties combibonum vni propinat, & plerumque poculum exficcat, ita homo probus ad cuiuscunque operis initium, illam actionem suam quasi Deo propinans ait: Domine, omnis hic meus labor tuus est, hæc lectio, Domine, hæc scriptio, hæc mea meditatio tua est; tibi Domine, & propter te hæc omnia facio. Hęc proborum hominum perpetua est consuetudo, & sunt Theologi qui vnicam illam matutinam Intentionem negent sufficere, ad omnes diei actiones Deo consecrandas. Nā Intentio *virtualis* actionem saltem impellat & promoueat necesse est; at quis impulsus est à matutina Intentione, cum quis merdie ad mensam sine vlla Dei aut diuini honoris memoria, à tempore, à fame, à consuetudine motus venit? Non est in illo matutino proposito vis alia, quàm ut ex eo bona censeantur, quę illius velut iussu fiunt, fiunt autem illa sola quę hinc non interrupta vi oriuntur: eam autem interruptit obliuio, cogitatio, vel actio naturalis diuersa.

Hinc liquet non sufficere homini iusto ad promerendam singulis actionibus gratiam, & gloriã, principio diei totũ se Deo offerre, cum proposito omnia ad ipsius gloriã faciendi: sed



necesse est ut hoc propositum efficax sit, & vere causa operum quæ postea fiunt, ad quod generalis Intentio non satis est, sed requiritur ut peculiariter constituatur, exempli causa, summa pecuniæ danda pauperibus, quæ deinceps vi illius propositi erogetur, hæc Theologorum mens est. a Hinc etiam luculentum, cur Christus bonis actionibus mercedem gloriæ promiserit, non tamen sine hac appendice, si fiant propter nomen suum. Est quidem propositum initio hebdomadis aut diei conceptum, ob Dei amorem omnia ad eius gloriam agendi, actus Charitatis ac Religionis, tantò præstator maiorisque meriti, quanto amplius & extensius objectum habet, nõ tamen omnibus illius diei aut hebdomadis actionibus suã nobilitatem induit. Nam ut opera sequentia ex tali actu promerentur diuinam gratiam & cælestem gloriam, necesse est ut sint effectus illius. E bona Intentione seu actuali, seu virtuali sunt, quæ vi illius prodeunt, velut arbor surgit e semine: Ut si quis peregrinationem instituat ad locum Deo sacrum, omnes actiones in via exercendæ, aut perferendæ labores, præclari erunt meriti, si exercentur illæ, isti perferantur ex vi ac necessitate propositi illius nunquam reuocari. Et ut summatim dicamus: Opus hominis iusti, æternam gloriam tunc promeretur, si ab actu Charitatis seu recta Intentione imperetur, atque in Deum ut finem vltimum referatur, siue per præsentem actum bonæ Intentionis (quod est actu referri) siue per præteritum, à quo tanquam causa mouente opus procedat, quod est referri virtute.

Ergo, si proborum exempla æmulari, si ex virtute agere, si omnes actiones nostras Deo consecrare cupimus, huius operæ non laboriosæ nos minime tædeat, quin proposito marutino sæpius per diem instaurato, & Intentione actuali (quæ certiori pede graditur quã virtualis) omnia dirigamus ad Deum. Quoties mechanici opifices opus suum ad certam normam, amussim, regulam examinant? quoties de die faber lignarius, aut cæmentarius regulâ longitudines, normâ angulos, altitudines libella explorant? quoties statuarius, latomus, marmorarius canonem applicant? quoties Architecti, pictores, Mathematici ad choro batam aut lineam yndequaque omniõ men-

surant? Ita Christiani singulos, actus suos ad diuini beneplaciti perpendicularum exigant, ne fallantur aut errent, neque obliqua Intentio subrepat, & optima quæque deprauet.

a 3. Th 1.2. q. 114. art. 4. 3. Bonauent. dist. 41. art. 1. q. 3. & aliorum.

## §. V.

Gratissimum est Deo, actionibus omnibus & singulis, diuini honoris lineam dicta ratione applicare, Refert Ludouicus Blosius, Gertrudem sanctam virginem à Christo monitam, sua sibi opera omnia minutatim consecraret, nec tantum lectionem omnem, aut scripturam, sed voces quas lectura, characteres quos scriptura, neque tantum cibum aut potum quem sumptura, sed bolos quos comestura, verba omnia quæ locutura, gressus omnes quos positura, anhelitus omnes, quos & vigilans & dormiens ductura, singulari affectu offerret. a Quid hoc aliud est, quam exigere, ut ceterum floreni, qui ut æs alienum debentur, per singulos asses aut obolos numerentur. Sed cur id Deus à nobis exigit? Nostrum non est quærere, cur hoc aut illud velit Deus (quis enim dicere potest, cur ita facis? b) Sed tamen ratio in promptu est: Vult Deus homines suis seruitijs exquisitè sedulos, vigilantes, industrios & in omne suum obsequium effe attentos, qui non obiter, perfunctorie, & oscitanter faciant quod debent, qui nunquam in officio claudicent, nullamque rem dissolutè conficiant, sed qui studiosissimè omnia diligētissimèque curent, qui noctes & dies nihil aliud agant, quàm ut Domino suo placeant, qui omnibus nervis ac facultatibus contendunt, ut ei se probent cui placere cupiunt.

Hæc hominis contenta industria, Deo accepta est, etiã in minimis. Palladius Helenopolis Episcopus, de seipso iuvene: Quodam die, inquit, cõueni Macarium Alexandrinum valde anxius, dixique: Ecquid faciam, pater, affligunt me cogitationes meæ, illud assidue ingerentes: nihil facis, recede hinc, frustra sunt tua omnia. Ad hæc Macarius respondit: Dic tu tuis cogitationibus, propter Christum custodio parietes c. Quid obsecro facilius quã parietes custodire, qui non tantum non aufugiant, sed nec asportari queunt, & tamen hæc ipsa parietum custodia magni estimanda, ob sim-



simplicem illum oculum in Christum conuersum.

Duo sunt in omni peccato, *Auersio & Conuersio*. Qui agit contra rationem, conscientiam, Dei legem, auertit se à Deo, vt degener filius, reluctantē patre & altum reclamante mane filii, mane hic, mane. Ille nihilominus domo excurrē in tabernam à parente veritam se penetrat. Dupliciter delinquit refractarius hic iuuenis, à patre abit, & subit ganeam prohibitam. Eadem prorsus ratio est omnium grauius peccantium, Cui sua libido, aut dignitas, aut crumena porior est quàm Dei lex, hic è facili diuina iussa contemnit, rei amatæ aditu arceri non vult, ideo auersus à Deo abit, & excurrit ad illicita, hic quidem ad pecuniam, iste ad mulierculam, ille ad alias veritas voluprates.

Sed vtrum in cōtemporis filij delicto grauius est: nū excurtus & fuga è paternā domo, an ingressus tabernæ? grauior certè videtur fuga hæc à patre, velut causa culpæ sequentis: Ita prorsus in omni peccato, Auersio à Deo grauius malum, & malorum inde prouenientium origo.

Eodem planè modo in quauis virtute duo spectanda sunt, exemplo sit pia liberalitas in pauperes, in qua cernitur, & benefica manus in egenum, & conuersa mens ad Christum, cui placere vult, & cuius legi satisfacere cupitis qui sic in egenos liberalis est. Atqui hæc ad Christum conuersio præ illo altero maioris est meriti, & plurimum gratiæ conciliat omni actioni. *Tantum ergo facis quantum intendis.* a *Blosius institut. spiritual. cap. 9. mihi pag. 362.*

b *Iob. c. 9. v. 18.*

c *Pallad. c. 20.*

## CAPVT VI.

*Virum bona, seu, RECTA INTENTIO possit opus malum, facere bonum?*

**D**EVS Abrahamo sacrificium imperans: *Sume*, inquit, *mihi vaccam triennem & præmam trimam, & arietem annorum trium, turturē quoque & columbā.* Colūbam solā non vult Deus, nisi iungatur ei turtur, ea scilicet

et auis quæ spectet ad cognationem: non vulturē, non vpupam, non accipitrem in hanc societatem admittit, sed turturē. Nimirum exigit Deus, vt omnibus quæ ipsi offerimus, columbam addamus, sinceram Intentionem: at si quis huic columbæ iungat fatentem vpupam, sacrum faciet ingratissimum. Sit turtur cum columbā: sit opus vt minimè non malum cum Intentione bona: alioqui columba & vpupa in coniugium conueniunt inæquale. Bona Intentio, & opus malum, exosum Deo sacrificium.

Hinc liquet quàm Deo non gratum munus veniat ab eo, qui aufert donandi gratia; qui pauperes vestit, sed pannum ac corium furatur pro his vestibus; exuijs diuo Petro detractis, diuo Paulo induuias præstat. Hoc aliud non est quàm columbam & vpupam in idem sacrificium cogere, opus malum bona Intentione vestire velle.

Sed non immeritò quæras: Cur bona Intentio non possit malum opus reddere bonū? cum tamen mala Intentio possit opus bonum reddere malum? Vnde tantum, quæso, roboris intentioni malæ, vt opus etiam optimum corumpat, cum Intentio bona tantarum virium non sit, vt operi malo mederi possit? opus bonum intentione mala contaminatur, & quæ sit quod opus malum Intentione bona non emendatur? si nullus est pretij ieiunium ex avaricia, cur non alicuius sit meriti plagium ex misericordia? clarissimè Christus: Si oculus tuus, inquit, fuerit simplex, totum corpus tuum lucidum erit: si autem oculus tuus nequam fuerit, totum corpus tuum tenebrosum erit. Videtur ergo ex æquo iure bonam Intentionem præstare posse in opere malo, quod malè potest intentio, in opere bono. Respondemus, a *Gen. c. 15. v. 9.*

## S. I.

**E** Diui Bernardi sensu: Duo mala robustiora sunt vno bono. Vbi non bona est Intentio, etsi bonū sit opus, ibi duo sunt mala, mala scilicet intentio, & fallax error. Exempli gratia: triduum fere à potu tempero, & quàm parcissimè bibo, venturus est enim ad me potator insignis, vt huic respondere possim viribus non imparibus, iam minus bibo, vt postea possim bibere largius. Hic duplex malum. Primum: Intentio



Intentio mala, fitio in gratiam ebrietatis: Alterum: error fidei qui persuadet vt credam hanc potius temperantiam Deo non displicenturam. Atque hic opus bonum est duplici modo coniunctum, intentioni & errori, quod Bernardus eleganter: Vt oculus, inquit, sit vere simplex, requiritur Charitas in Intentione, & Veritas in electione. *a*

At Verò vbi opus malum est cum bona Intentione, bonum vnicum est Intentio, cetera mala sunt omnia. Hinc fermentum illud etsi bonum, tam potens non est, vt massam malam penetret aut transmutet in meliorem. Notum illud: In asymbolis, vti sunt ignis & aqua, non facilis est transmutatio: bene opinari & malè facere, maximè sunt asymbola. Ad actionem bonam non satis est, putare illam bonam esse, necesse est etià, absit & error, & dolus: Ad malam actionem satis est, si parseius vnica sit mala. Vulgarissimum est illud diui Dionysij; bonum constat ex integra causa, malum verò è quouis defectu. Quod confirmans Seneca: Adjice nunc, inquit, quod nihil honestè sit, nisi cui totus animus incubuit atque affuit, cui nulla parte sui repugnauit, *b* Ad bene ambulandum, inquit Hieronymus, media tritaque via eundum est: bonum agere mala intentione, est nimium ad dextram flectere, malè agere bona Intentione est nimium ad læuam declinare. Vtrum fiat non multum curat diabolus, modò fiat alterutrum, modò viator abducatur à medio, cum sit vbique virtutis modus, æque peccat quod excedit, quam quod deficit. Paulus monet: Et non (sicut blasphemamur, & sicut aiunt quidam nos dicere) faciamus mala, vt veniant bona, quorum damnatio iusta est *c*.

*a* Bern. l. de precept. & dispens.

*b* Sen ep. 82. propius finem.

*c* Ad Rom. c. 3. v. 8.

### §. II.

Gregorius Nazianzenus confirmans dicta: quis dubitet, inquit, maioris esse artis valerudinem ægro restituere, quam adimere sano? difficilius amarissimum liquorem dulcescere, quàm dulcissimum vinum amarescere, ad hoc enim paucis guttulis opus, ad illud grande dolium vix suffecerit. Dialecticis lex est: Conclusio sequitur debiliorem partem, vbi In-

tentio bona, & opus malum est, conclusio tota mala est.

Ita fucus est, & mera fraus, actionem ex se malam bono fine honestare velle, Vitium bona Intentione sic cupere vestire vt id Days velut virtutem probet. Optimè Gilbertus: Quid cum opus bonum præteritur, inquit, & non ipsum bonum, sed aliud totum intenditur. Oculuse ille tenebrosus dicitur ex toto, an ex parte caligans? Mihi quidem magis tenebrosus ex toto videtur. Nam etsi lux deputetur in opere, nulla tamen agnoscitur Intentione. Quomodo autem Intentio bona, quæ bonum non optat: aut quomodo simplex, quæ sub boni velamine seipsam occultat? *a*

Qui statum priorum annorum, ab 1618. ad 1625. annum in memoriam reuocat, perpenditque horribiles Romani Imperij turbas, & grauissimam tot prouinciarum rebellionem, in eam fortè sententiam benignè descendit, vt persuaderi se patiatur, multos rebellium honestissimo fine delusos fuisse, quâto tunc clamor ad arma vocantium, seque mutuis adhortationibus animantium! sed quo fine, qua Intentione? Quantos audisses dicere: vt verbum Dei crescat, vt Euangelium præpagetur, multi, non dubitem, sanctissimis se vocibus fefellerunt, quibus hoc vnum in ore: Deo pugnamus, & Euangelio. Sed, ô boni, si quidem Deo pugnat & Euangelio, cur in legitimum magistratum insurgitis? cur indicta causa, in hos & illos tam sæuè animaduertitis? Hoc contra Deum, contra Dei verbum est, hoc vetat Euangelium, Verbum Dei non gaudet seditionibus, non tumultibus, non rebellionibus. Neque mali quid patrandum, vt inde aliquid boni eueniat. Ergo speciosissimos titulos omittite, bona, vt putatis, Intentione opus pessimum nunquam satis velabit. Malè iunguntur finis bonus, & medium malū, Vpupa & Columba ingratum Deo sacrificiū; mala vi auferre vni quod des alteri, vetitum est. Operi malo bona Intentio veram honestatem nunquam induet.

*a* Gilbert. serm. 22. in Cantica. D. Bernardo in hoc labore succenturiatus.

### §. III.

Paari modo, an non & illi qui Apostolos iugulabant, Intentione optima factum pur-



putgabant? Christus clarissimo vaticinio præmonēs: Venit hora, inquit, & tōmnis, qui interficit vos, arbitretur obsequiū se præstare Deo. *a* Nimirum ideo necabantur Apostoli, ne religio nouaretur, ne peregrina sacra introducerentur in prouincias, ita grauissimum crimen honestissimo nomine prætexebant, vix enim nullum iniustitiæ genus est, quod honestatis mantelo velari non possit. Clarissimè hoc videre est in Saule rege Hebræo. Iurasset quis à Samuele propheta magis impetu quam ratione regem obiurgatum esse. Saulem prouide & bono animo egisse. res ita habuit, Præceptum est Sauli regi: *Vade & interfice peccatores Amalec, & demolire vniuersa eius.* *b* Volebat Deus homines & pecudes mixtim ad interfectionē deleri. At, *pepercit Saul & populus, Agag, & optimis gregibus ouium, & armentorum, & vestibus, & arietibus, & vniuersis que pulchra erant nec voluerūt disperdere ea, quicquid verò vile fuit & reprobum, hoc demoliti sunt.* *c* Adest ergo Samuel: & : *qua, inquit, est hæc vox gregum qua resonat in auribus meis, & armentorum quam ego audio? Cui Saul: De Amalec adduxerunt ea, inquit, pepercit enim populus melioribus ouibus & armentis, ut immolarentur Domino Deo tuo, reliqua verò occidimus. Quid hic obsecro mali? an non hæc optima Intentio, ut immolarentur ea Domino Deo tuo? An non hoc prudenter est agere, melioribus parcere in vsum sacrificij, ceterorum vilissima quæque destruere.*

At verò Samuel aliâ lance hoc factum trutinans: *Quare, inquit, non audisti vocem Domini, sed versus ad predames, & fecisti malum in oculis Domini? Imò audiui vocem Domini, ait Saul, & ambulavi in via per quam misit me Dominus. Cui Samuel: Nunquid vult Dominus holocausta & victimas, & non potius ut obediantur voci Domini? Timuisti populum? at Deū magis debuisses. Obtulisti ea Domino? at melior est obedientia quam victima. Putasti Dei causā mitius interpretanda? At quasi peccatum ariolandi est repugnare. Arbitratus es Deum id non tam rigidè imperare? At quasi scelus idolatriæ est nolle acquiescere. Summa summarū hæc est, stultè egisti, mi Saul: Inobedientia Intentione bona defendi nequit? corium sublegere. & calceos egenis diuidere, elemosyna patibulo digna est.*

Eiusdem generis est & hoc. Iubet herus accersiri ad se seruū, qui tunc crapula plenus, nec pedibus valet consistere, huic excusando seruorum alter: here, inquit male habet. Hic honeste, vt putat, mentitur. Num hoc licitum? nequaquam, mendacium veritatis hostis est, vitium est, etsi palliolū bonæ Intentionis ei iniicias: Verum quidem est, quod Bernardus monet, Intentio bona dictum factumque non adeo bonum excusat, si non à toto, saltem à tanto, vt minor culpa sit in eo, qui bonum diligit, & malum nescius agit. *d* Ita minus peccat, qui alterius honori seruando aliquid fingit, sed tamen peccat. Omne mendacium est peccatum, nec bona Intentione penitus depurari potest.

*a* Ioan. c. 16. v. 2.

*b* 1. Reg. c. 15. v. 3.

*c* 1b. v. 9.

*d* Bern. l. de Præcept.

## S. IV.

**Q**uantis angustiis premebatur castissima Susanna, à subfessoribus vetulis deprehensa in horto solæ famæ vitæque amissio versabatur ob oculos, neque tamen vt famam & vitam non perderet, committere potuit adulterium, *a* & rectam ad Deum Intentionem amittere.

Eodem modo quærit quis relaxationem animi, rem quærit hic non illicitam; bona Intentione, sed si duos in mutuum iurgium & pugnam committat, factum malum bona Intentione non defendet. Idem facit, qui feras alit vt licitam venationem instituat, sed hoc cum damno vicini, & pluriū aliorum, quorum segetes couulcat, & agros vastat; bona hic quidem Intentio, sed actio mala nunquam excusabilis, perinde vt furtiuum corium, & ex eo calcei pro stipe dati.

Diserte hæc omnia confirmans Augustinus: Interest plurimum, inquit, qua causā, quo fine, qua intentione quid fiat. Sed ea quæ constat esse peccata, nullo bonæ causæ obtentu, nullo quasi bono fine, nulla velut bona Intentione faciendā sunt. Et vt opera ex se mala, ab alijs neque bonis ex se, neq; malis distinguat, subdit. Ea quippe opera hominum, sicut causas habuerint bonas seu malas, nunc sunt bona nunc mala, quæ non sunt per seipsa peccata.

Hh h h h

Cum



Cum vero iam opera ipsa peccata sunt, sicut furta, stupra, blasphemie, vel cetera talia, quis est qui dicat causis bonis esse facienda, ut vel peccata non sint, vel quod est absurdius, iusta peccata sint. Quis est qui dicat, ut habeamus quod demus pauperibus, faciamus furta diuitibus, aut testimonia falsa vendamus, maxime si non inde innocentes læduntur, sed nocentes potius damnaturis iudicibus eruuntur: duo enim bona sunt huius venditione mendacij, ut & pecunia sumatur unde inops alatur, & iudex fallatur, ne homo puniatur. Testamenta etiam si possumus, cur non vera supprimimus & falsa supponimus, ut hereditates vel legata non habeant indigni, qui nihil ex eis operantur boni, sed hi potius a quibus esurientes pascuntur, nudi vestiuntur, peregrini suscipiuntur, captiui redimuntur, ecclesiæ construuntur? Cur non fiant illa mala propter hæc bona, si propter hæc bona nec illa sunt mala? Quis ista dicat, nisi qui res humanas, omnesque conatur mores legesque subvertere? *b*

Ergo Augustini sensu, nihil malificandū est, etsi multiplex inde speretur securum bonum. Sed ipse Augustinus sibi obijciens: Dicit aliquis, inquit, ergo æquandus est fur quilibet, ei furi qui misericordiæ voluntate furatur. Quis hoc dixerit? sed horū duorum non ideo est quisquam bonus quia peior est unus, peior est enim qui concupiscendo, quam qui miserando furatur: sed si furtū omne peccatum est, ab omni furto abstinendū est. Eodem prorsus modo cum Augustino dicere licebit: si mendacium omne delictum est, ab omni mendacio refugiendum est, seu mendacium honoris, seu officij, seu commiserationis sit. Nam, eodem Augustino teste, si hanc peccatis aperimus viam, ut committamus minora, ne alij maiora committant, lato limite, imo nullo, sed conuulsis & remotis omnibus terminis, infinito spatio cuncta intrabunt atque regnabunt vitia. Hoc sapere, quid est aliud nisi desipere, vel potius insanire?

*a Dan. c. 13.*

*b Aug. tom. 4. l. contra mendac. c. 7. ante med.*

*c Ibid. c. 8.*

### S. V.

**Q**uam ergo pariter sibi suisque liberis male consulunt, dum in omne genus lucri

inhiant, ne prolem minus opulentam relinquunt. Bonus finis, liberorum facultates augere, sed actio mala, pauperum reculas diripere, publica valetudinaria spoliare, varium & sura genus exercere, omne lucrum venari.

Anno nongentesimo quadragésimo nono, Taxis Rex Vngarorum ingenti exercitu Italiā inuasit, Berengarius rex Italiam terram liberare, & hostem repellere cogitabat, bonus finis, optima Intentio, modo bonum etiam modum huic rei adhibuisset. Rationem certe iniit non bonam: templa & egenorum domos adeo exhaustit, ut immensum thesaurum vndeque corraserit, è quo Vngaris, decem modios nummorum facile potuit admetiri. Quicquid remanebat, sibi retinebat, factus vel ab hoste ditior. *a*

Sic etiam, cum quis sanari cupit, & à morbo reualefcere, finis optimus: sed mittit ad fatiloquos & vaticinatores, ad diuinos & ariolos, ad coniectores & magos, hoc iam pessime agit, nec peccatum purgabit honesto fine. Sic ambit quis officium, munus, dignitatē cupit emergere, finis in se non malus: si quis episcopatum desiderat, bonum opus desiderat: beat si hoc sagat ne pauperior, etsi aptior preueniat, si monera & munera spargat, si post plurima data, plura promittat, & ita per argenteos gradus in sublime ascendat, aut si etiā alium loco moueat, ut ipse in eum succedat, actus sunt pessimi, tamen illud quod cupit malum non sit.

Sic alius quis causæ iudiciariæ finem appetit, rem certe bonam appetit, sed quia his atque illis manus argēto obliuit, & donis in suā partem trahit, ideo bonum finem pessima liberalitate corrumpit & destruit. Non sunt facienda mala, ut eueniant bona: in conclave ingredi, licitum mihi, sed non per fenestras.

Sic omnes actiones quæ Christiana prudentia carent, verā virtutis honestatem nunquam inducunt, etsi optima Intentione fiant. Sine prudentia nullus actus bonus: Estote prudentes sicut serpentes. Nec excusat dicere: putavi sic agendum, non putavi securum hoc dānum, putavi hunc hominem castigandum. Erat omnino, ut dicis, castigandus, sed non infamandus, non tam insolenter tractandus. Multi *emulationem Dei habent, sed non secundum scientiam. d* Iudæi eo ardore ferebantur in legem



legem Mosaicam, ut ubicunque possent, honorem Christi extinctum vellent: en sub magno zelo legis, odiū latebat legislatoris. Hæresiararchæ, & horum assæclæ habuerunt zelum Ecclesiæ in pristinum nitorem reformandæ: bonus erat hic finis, bona Intentio. At vero in omni ordinis & status homines maledicta congerere, magistratum contumelijs lacerare, minuire maiestatem, odio insaturabili in Pōtificem pugnare, plebem in proceres armare, concitare bella, alia ex alijs mala profeminare, non erat hoc aliud facere quam quod fecit Thracius rusticus, qui cum vicinū putantem vites oleasque vidisset, ipse à stirpe omnes incidit: Ita illi, neque excusari poterunt hæc talia, vel millies ingerendo, putavi omnia melius cessura, non putavi tantum dampni securitū.

Frigidissimum hoc, *Non putavi*, Virtutis patrociniū suscipere non potest. Turpissimam aiebat Fabius Imperatori exculationem esse, *non putavi*: ego turpissimam censeo homini Christiano, cuius est talem imprudentiam omnem cauere.

Quod si bona Intentio malam actionem nequeat in solidum corrigere, quid erit, Intentioni malæ malum opus addere? si bonis male uti malum est, malis male uti pessimum erit. Laudatur cælestis spōsa à genarum pulchritudine, *Pulchra sunt gena tue*. Nemo pulcher, Bernardi estimatione, cui altera gena nimium tumet, aut ceræ similis est, utraque necesse est, amabili colore vivat: Stude, inquit, ambas speciosas habere has genas tuæ Intentionis. Nam satis non est Intentionem esse bonam, sed & actio insuper bona requiritur, aut quæ saltem mala nō sit. Huc nobis collineandum, ut omnia fiant à nobis Intentione quam sincerissima, nec decipi amemus tā speciosis nominibus. *Tamen bona Intentionis sum, eius rei rationes mihi sunt & causæ; istud aut illud, hoc illove inducū facio.* Quæso non fallamus nos ipsos, actionibus nostris honestatem verbis non conciliabimus, parum bonus est, qui ore tantum est bonus. Et verendum certe, ne sæpenumero præter blandam nobisque illudentem assentationem, nihil virtutis sit. Nimis quam frequenter iudicium affectus interpellat. Et quoties vel consuetudine, vel impetu non bono, in hoc aut illud ferimur, nihilo-

minus vane iactamus istud: *Ad Dei gloriam.* Scutare, quæso, te ipsum mi Christiane, verene Dei gloria ad hoc te impulit: an non aliud id voluisti? an non consuetudo aut tuus te affectus huic duxerunt? Et qui sit te ad mensam, ad ambulationes, ad animi relaxationes sic properare, imo & currere; ad ea vero quæ tui muneris, quæ virtutis sunt, vix ire, imo & serpere: siccine omnia pari passu ad Dei gloriam aggredieris? Crede mihi, hæc tales loquedi formulæ sæpe meri sunt pretextus, quibus malefacta Deo nunquam purgabimus. Repeto quod dixi: Deus columbæ vult iungi turturæ, non vupam.

a *Luitprand. Ticin. l. 5. hist. c. 15.*

b *1. Tim. c. 3. v. 1.*

c *Matth. c. 10. v. 16.*

d *Ad Rom. c. 10. v. 2.*

e *Cant. c. 1. v. 10.*

f *Bern. serm. 40. in Cant. post med.*

## CAP. VII.

Quinam gradus sint Pure RECTÆQUE INTENTIONIS.

EXperientia docet aquam ex alto defluentem, quamvis multis ambagibus cursum suum exerceat, tandem tamen ad primæ originis altitudinem ascendere, & cum ortu suo æquari. Idem pæne observare est in humanis actionibus, quæ omnes ab Intentione dimanant, hæc illarum scaturigo & fons est, nam cum ratione nemo agit qui sine Intentione, quo iam altior est Intentio, hoc & actio. Enimvero actiones nostræ quandoque in immam voraginem se demittunt, decurruntque in profundam vallem, & velut scipissas amittunt.

Quot hodieque sunt homines religiosi, qui delicate nutriti, vestibibus non nisi pretiosis, mensæ non nisi lautæ, actionibus solū honorificis assueri, scopas antea tractare, pavimentum verrere, ollulam vel vnicam tergere, grandissimum duxissent piaculum. At cū religiosam vitā amplexi sunt, illa omnia & longe abiectiora promptissime facere, honori ducunt & voluptati. Ita sanctus Ioannes Damascenus, regius ante præfectus aulæ, post pannosus monachus, etiam latrinas purgare

H h h h h 2

depre-



deprehensus est à magno viro. En, in quam profundam altitudinem hæc aqua sese præcipit? Verum, sicut torrens ex edito delapsus, ad suum fontem recurrit, sic & actiones istæ licet vilissimæ, quia originem habent altissimam, quia propter Deum suscipiuntur (ex hac enim Intentione promanant) ideo suam originem repetunt, redeuntque ad primum fontem; à Deo à quo sumpsérunt exordium, etiam finem capiunt & præmium. Tanti refert actionibus etiam abiectissimis ad maximam nobilitatem extollendis, altissimam habere Intentionem, ipsum DEVM. Atque de hac locuti sumus hæcenus, superest certos in ea gradus, & quidem tres ostendere; supremum horum omniumque celsissimum ascendere, difficile non erit *volenti*. Hos gradus nunc ordine asfiguo.

## S. I.

**P**rimus est: In omnibus rebus unicum Dei honorem sic attendere, ut omnis affectus ad caduca hæc iugulerur, id solum spectando, quid placeat Deo. Qui sudo callo, itinere longo fatigatus domum redit, omne vestitum onus desfluere sinit, pileum deponit, pallium excutit, thoracem aperit, collare & cingulum soluit, soleas destingit, ita captandæ auræ se exponit. Pari modo cuius animus Deo æstuat, is facile affectum exiit, quem in hæc fluxa prius gerebat. Bernardus de domo interiore: Quomodo enim, inquit, perfecte diligis, aut diligeris, si in summorum desiderio ad superna non raperis? Collige teipsam ad temetipsam. & in solo diuinitatis desiderio requiesce. *a* Atque hic dictum Augustini verissimum: Minus te amat, Domine, qui tecum aliquid amat.

Esther illa Imperatrix potentissima, quæ Assuerum centum viginti septem prouincijs imperantem suæ potestatis habuit, quæ omni voluptatum genere (modo voluisset) affluere potuit, nihilominus tamen: Tu scis, Domine, inquit, quod nunquam lætata sit ancillaria, ex quo huc translata sum, vsque in præsentem diem, nisi in te Domine Deus Abraham. *b* Atque hic primus est puræ Intentionis gradus *rerum conditarum obliuio*. *a Bern. de Do. int. c. 99. fin.*  
*b Esth. c. 14. v. 18.*

## S. II.

**S**ecundum est, *Obluio sui ipsius*. Hæc docet quâ ratione quis possit suimet non meminisse, & solâ inter voluptates numerare in solâ Dei voluntate acquiescere. Sicut enim beatis in calo summæ voluptatis est, videre Dei voluntatem per vniuersum Orbem, perque ipsos inferos velut in offenso pede progredientem, nec vsquam quidquam reperiri, quod diuinæ possit resistere voluntati. Imò, quod mirrissimum, voluptas illa nō sic eos afficit, quod bona possideant nunquam amittenda, quàm quod Deus in illos beneuolentissimus sit, illis maximè cupiat illorum gaudijs plurimum faueat. Et hoc est, quod rex Hebræus Dauid exclamat: Confitemini Domino, *quoniam bonus* *a* Confitemini, Domino, non quia me regem fecit ex opillione, non quia me pauperem ditauit, nec ideo quia tanta insuper daturum se mihi promisit, sed, Confitemini Domino, *quoniam bonus*, quoniam in sæculū misericordia eius. Hic alter puræ Intentionis gradus est, ab illo tamen non facile superandus, quem regium carmen sic notat. *Confitebitur tibi cum benefeceris ei b*. In hoc ergo gradu & relinquit, & obliuiscitur quis seipsam, quod non omnibus tam in expedito est. Non enim arduum relinquere sua, sed valde arduum relinquere se. Virtute constat, hæc *sui obliuio*.

*a Ps. 117. v. 1.*

*b Ps. 48. v. 19.*

## S. III.

**T**ertius est, cum quis seruit Deo, non solum ut id Deo placeat, hoc enim nescio quid humani etiam num retinet, sed quod sibi sic seruienti placeat Deus, vel quia Deus tam bonus est, ut nostrū obsequiū dignetur approbare, eoque se capi ac deliniti ostendat. Diuinus psalter: Introibo, inquit, in potestas Domini, memorabor iustitiæ tuæ solius. Deus docuisti me à iuuentute mea, & vsque nunc pronuntiabo mirabilia tua. *a* Ego quidem homo doctus non sum *quoniam non cognoui litteraturam*, sed Dei omnipotentiam ac iustitiam ita capio, ut nil aliud crebrioribus usurpare possim sermonibus. Huic igitur Domino tam bono, tam potenti, tam iusto pròptissime seruiam, & ideo seruiam, quia tam & bonus, & potens,



potens, & iustus est. Bernardus: O pura inquit, & defæcata Intentio voluntatis! eo certè defæcatior, quò in eà de proprio nil iam admixtum relinquitur. Sic affici deificari est. *b*

Christus primum Pontificem iussurus, quā accuratè purissimam hanc Intentionem in eo excitans: Petre, inquit, amas me? Hoc iam ago, vt tibi mei muneris vicariam operam cōmendam, measque oues committam pascendas: at hoc officio fungi, & meas partes suscipere non poteris, sine purissima Intentione. Ergo, mi Petre, amas me? Nec ei Christus antè hoc munus assignauit, quàm Petrus ter aperte pronunciaisset quò suum cor, oculi Intentio irent, dixissetque: Domine, tu scis, quia amo te. Demum Christus: Ergo, mi Petre, si ego tibi adeo placeo, & seruire mihi vis propter me, nunc tibi meum gregem committo. Pisce oues meas. *c*

O Præsules, ô Episcopi & Antistites, ô Principes, ô magistratus & Præsides, ô Iudices & populi Pastores, attendite quo vestri oculi, quos & Intentio vestra feratur? videte quid quæritis, an vos ipsos & prædam è subditis, an vero salutem & bonum subditorum: aduertite an vestram potius causam agatis, an Reipublicæ, considerate, obsecro, num Deum Deique gloriam Intentione purissima in omnibus spectetis. *Et nunc Reges intelligite: erudi-*

*mini qui iudicatis terram. d*

*a Ps 70 v. 16. & 17.*

*b Bern. de dil. Deo.*

*c Ioan. c. 21. v. 15. & seqq.*

*d Ps. 2. v. 10.*

## §. IV.

**A**ugustus Imperator iuueni olim non optime se gerenti missionem dedit è bello, cumque iuuenis quæreret, quid domi respondendum esset parenti? Augustus ei iterū. Dic, inquit, me tibi non placere: voluit dicere: tu mihi non places, ideo tua opera carere possū. Nos Christiani sic agamus cū Deo, vt pro se quisque sic sentiat: Domine, seruire tibi cupio & seruiam tibi pro viribus, quia mihi places. In omnibus eximie, ideo, mi Domine, ideo prorsus, & hac omnino Intentione tibi seruiam quoad vixero, atque in hoc vnum neruos omnes contēdam, vt seruitijs tuis omnem affectum meum, meque totum impendam, quia

tu mihi non potes non placere.

Hæc verè sincera puraque Intentio, hæc Midę virgula, inaurans omnia quæ tangit. Sed hæc intentio quia tam pura, ideo etiam tam delicata & omnis mixturæ impatiens est. Norunt hortulani quosdam fructus solo ad terram casu vitari, formosum pomum pirumue vix vllum ex arbore decidit, quin narium cōtrahat, & l. lum se mōstret. Intentio sincera tener fructus est, & vnico ad terram illisu corrumpitur. Seruire Deo, metu supplicij æterni, nō vetitum, nec metus hic malus est sed tamen seruilis est; nisi bonus esset, David non bene rogasset: Cōfuge timore tuo carnes meas. *a* Aiunt tamē Theologi, peccatum eum qui sic sentiret; si inferi non essent, peccatum hoc committerem: talis enim voluntatis esset peruersa. Seruire Deo spe præmij æterni, melior est Intentio priore illa, nec tamen optima: Inclinaui cor meum ad faciendas iustificationes tuas in æternum propter retributionem. *b* Seruire Deo propter Deum, hæc omnium optima & purissima est Intentio: Confitemini Domino, quoniam bonus, quoniam in sæculum misericordia eius. *c* Hæc postrema Intentio continuo inculcāda est omnibus, summi enim refert, qua quis Intentione sua omnia faciat; hic agitur de mercede ac præmio inexplicabili, æterno.

*a Psal. 118. v. 120.*

*b Psal. 118. v. 118.*

*c Ps 117. v. 1.*

## §. V.

**F**uit qui amicorum optimo bene suaturus, ex eodem prius quæreret: Quæso te habesne argentum infectum & purum? Cui amicus: Habeo, inquit, plus minus quingentorum florenorum. Ille iterū: Si me audias, ait, non id in monetam cudes, sed parabis in dona. Donem? ait iste, non hoc mearum opum est. Ille denuo: Mi optime amice, inquit, hac ratione donabis, & donando ditesces. Crede mihi, fœnerati est, donare in loco. Hoc tu ages, meo consilio, malluium vnā cum peffulorio fieri curabis è tuo argento, & donabis huic Principi. Primā à dono hebdomade, quinque millia philippeorum ad te redibunt, vnā cum gratia & amplis fauoribus, nisi sic fiat, domum meam oppignerò: domus iste nil minus fer-

H h h h h 3. repo.



re potest, quam gratis sibi aliquid donari, omnemque in se liberalitatem tanto favore compensat, ut donum ipsi oblatum decuplo tanto pluris, quam quanti est, aestimari possit. Huic ergo dona, si vis rem tuam augere amittendo. Iste ingentes egit gratias, & eius consilijs se vsurum promissit. Intellexistis hoc? Eadem prorsus est ratio Intentionis: Aliqui Deo seruiunt, & ut viles abiectæque animæ plagas metuunt, gehennam formidant, vere mæcipia. Alij faciunt quod alimentarij, qui ut cibaria sibi publice locentur, omnem pecuniam expendunt, sic enim alimenta perpetua sibi comparant: ita plurimi spe præmij Deo seruiunt pro cælo tanquam mercede, propriè serui. Alij denique Deo seruiunt amore, ut parenti amatissimo filij. Filius impuber cum parens conuiuium celebrat, inter vernas quidem adstat, & conuiuii ministrat, non tamen vllam mercedem cogitat, nam filius est, qui à parte suauissimum illud sapius audit: *Fili, tu semper mecum es, & omnia mea tua sunt.*<sup>a</sup>

Tales, ô Christiani, tales omnino & nos simus in Deum, non mæcipia, non serui, sed filij, quando Deus ipse nos homunculos, terræ vermiculos honore tanto dignatur. Nam, Videte qualem charitatem dedit nobis Pater, ut filij Dei nominemur, & simus *b*. Nunquid nō & seruus, qui plusculum ingenuitatis habet, maximi æstimat, domino suo à se satisfieri, & famulatum suum probari? hoc illi contra aurū carum est, filius ergo non maximas opes censet, placere patri? Chrysostomus: Aliam adhuc, inquit, præter hoc ipsum quod placere meruisti, mercedem requiris? vere ignoras, quantū bonum sit, placere Deo *c*. Estote igitur imitatores Dei sicut filij charissimi. *d* Incundum vobis sit, omne argentum bonorum operum Deo non vendere sed donare, nec mercedem pro ijs aut præmium exigere: ita nō tantum mille floreni pro centenīs, sed & pro obolo tot & plures redibunt. Aptissime monens Chrysostomus: Ne putemus, inquit, nos præmio carituros, si pro præmio non laboremus, imo ob hoc ipsum, præmium erit maius. *e* Omne enim opus, quo minus operantis lucrū spectat, hoc puriorem habet Intentionem, ipsumque est perfectius. Si filij, & heredes, heredes quidem Dei, coheredes autem Christi. *f*

Deus promptior est ut donum pro dono

reddat, quam ut argentariam faciat & nummum coimmuret.

Pharaonis Ægypti regis filia, mercede conduxit matrem Moſis, ut paruulum illum sibi educaret, at illa non nummis persuasa, sed amore materno inducta promptissime fecit quod rogabatur. Hos tales oculos, hanc amoris Intentionem vult Dens. Nam qui Deo seruiunt præmij spe, aut supplicij terrore, sic ei seruiunt, uti nos panī & vino, non propter ipsa sed propter nos. hic se miscet plurimus sui amor, quem Christus suis coloribus depingens: Queritis me, inquit, non quia vidistis signa, sed quia manducastis ex panibus, & saturati estis. *g*

*a* Luc. c. 15. v. 31.

*b* 1. Ioan. c. 3. v. 1.

*c* Chryſ. l. 2. de compunct. cord.

*d* Ad Ephes. c. 5. v. 1.

*e* Chryſ. hom. 5. in epist. ad Rom.

*f* Ad Rom. c. 8. v. 17.

*g* Ioan. cap. 6. v. 26.

## S. VI.

**D**iabolus hac in re nihil non tentat ut Intentionem aut vitiet, aut quam vitare nō potest, saltē terreat. Duo quidem, in eremo Deo magis vivebant quam sibi, magna concordia, nec minore profectu. Inuidit illis cæcæpdmō, has vitæ diuitias in tanta paupertate, & ut tragulam iniiceret, Angelum induit nitidissimi vultus, ita se seniori silens, ut rectius falleret: Nuntij non boni, inquit, baiulus tibi sum, aut certe socio tuo. Nam iuuenis ille, tuus in hac Dei palæstra commilito & socius, à Deo præscitus, æternis flammis iam destinatus est, ideo quātūmcunque bene agat, frustra agit omnia. Cohorruit ad hanc vocem senex, & ô terribilem, inquit, nuntium! Ergone pessum eant huius iuuenis conatus & labores tam præclari? ah, animo misereor. Hic iterum angelus ex Orco: Sciebam, inquit, non sine dolore ac gemitu te auditurum ista; verum diuina decreta rescindi nō possunt, ita oculis se subdixit venustissima larua. Inde factum ut senex iste socium iuuenem nunquam sine præſago suspitio intueretur. Obseruauit id tādē iuuenis, nec distulit querere, quid causæ esset, quod, quotiescunque se aspiceret, simul etiam ingemisceret? ad quæ denuo altum ingemiscens



scens senex: Quid iubes, inquit, infandum dolorem renouare? hic me potius tacere velis quam loqui. Ipsa hæc senis tergiversatio stimulat iuuenem ad extorquendum responsum. Multis ergo precibus fatigatus senex, ut quicquid id esset eloqueretur, non sine gemitu tandem: significatum mihi est, inquit, te dampnandum, frustra pro cælo laborare. Hic iuuenis singulari alacritate: ô mi pater, inquit, hoc te non turbet neque affligat: Ad hoc temporis Deo seruij, non ut mercenarius pro cælo, sed ut filius ex debito, quia ipse summum bonum est, cui ego me totum debeo, quicquid demum ille in me statuat. Admiratus senex tam sinceræ Intentionis animû: Seruiamus, inquit, Deo quam possumus fidelissime: bonus ille pater non poterit patrem exuere: ipsi curæ est de nobis.

Neque vero distulit Deus paternum animum monstrare in filios tam obsequētes. Breui post submisit verum angelum qui moneret senem, impostoris diaboli mendacijs ne crederet, iuuenem illum æternis præmijs à Deo destinatum esse, Deoque singularissime placere tam generosum illius in seruiendo animum.

Vult ergo Deus sibi à nobis serui, non ideo ut æternos carceres euadamus, neque ideo ut cælestia tempe habitemus, sed quia ipse dignissimus est omnium hominum & Angelorû obsequijs. Quapropter maxima recte factorû merces est, Deo placuisse. Est quidem tantæ bonitatis atque liberalitatis Deus, ut etiam mancipiorum inferos timentium & seruorû cælum sperantium officia non reiiciat, sed si qui seruiant volutariam prorsus & gratuitam seruitutem, hos ut vere amantissimos filios complectitur, horum singulis amabilissimum illud responderet: *Fili omnia meatua sunt.*

## CAPVT VIII.

*Quid sit mala INTENTIO.*

**E**Xile animaleculum est crabro, illud tamen membrum quod læsit, quam dolet & ardet, quam vritur! multo exilium volatile est culex; quam illi rostellum gracile? eo tamen velut siphunculo fugit sanguinem, & pars quâ vulnerauit, mox intumescit. Quid subtilius

scorpionis aculeo? vix oculisprehenditur, illo tamen velut gladiolo vix visibili totus homo itugulatur. Exiguum fermenti quantam farinæ massam permeat paucis horis? vnicus, æteri caliculus, aut modicum fellis, totum generosi vini dolium corrumpit.

Intentio MALA venenum tam potens est & malignum, ut optimam quamque actionem deprauet. Egimus hætenus de Intentione bona, quid ea sit, & quam necessaria: Nunc porro agemus de Mala, & ostendemus quæ ratione hoc fermentum, & fel istud pessimum optima quæque vitiet, quomodo sublimissimus hic scorpionis aculeus sine tam multo occidat.

## §. I.

**S**Tatua Nabuchodonosori regi visa, prodigium erat qua pretij materiæ, magnitudinis, inuisa prorsus turris ex auro, argento, ære, ferro. Sed quia imum statuæ firmum non erat, quia pedes erant lutei ac fictiles, ideo pretiosam hanc molem lapillus vnicus sic contriuit, ut nec testula quidē fuerit relicta, quæ posset esse vsui: *Tunc contrita sunt pariter ferrû, testas, argentum & aurum. & redacta quasi in farinam astuta area, quæ raptâ sunt vento a.* Ita prorsus Mala Intentio bonum opus quodcunque sic cõterit, ut ei nil penitus relinquat boni. Cuius finis malus est, & ipsum quoque malum est.

Seditiosi illi ducenti quinquaginta procures Synagogæ thus obtulerunt; quilibet horum suum habuit thuribulum. Dixisses tot esse sacerdotēs, quod erant factionis huius capita, & regione horum vnicus stabat Aaron. Ita vtrunque idem fecerunt, tanquam si certarent quis melius hoc officio fungeretur. Vtra pars ergo vicit? vtra magis Deo placuit; Illos omnes extreme auersatus est Deus, non quod eorum thuribula parum pretiosa b, aut thus minus fragrans, sed quod Intentio illorum fuerit pessima, qua Moſen & Aaronem in odium populi trahere conabatur. Quocirca omnes hausti sunt à terra vindice, *descenderuntque viui in infernû operti humo, & perierunt de medio multitudinis c* Thuribula eorum in laminas producta & altari affixa, ut hoc æternum monimentum esset Israëlitis, quo commemoretur, Deum non ad actionem sed ad Intentionem respicere. Cuius



re. Cuius finis malus est, & ipsum quoque malum est.

Ab omni quo quanta sunt facta, & quanta etiamnum fiunt per Orbem, quæ humanis oculis videantur optima, sanctissima, eum eadē vī pessima damnent oculi diuini cernentes omnia. Et videte mihi, obsecro, regium iuuenem Absalonem quam is humanus, quā obsequiosus, quam & modestus fuit! primo diluculo stetit ad portam regiam velut ianitor, & vbi quispiam accessit salutaturus illum, extendebat Absalon manum suam, & apprehendens osculabatur eum. Quis vnquam regij sanguinis iuuenem æqualis vidit esse humanitatis? nam si quis & negotia in aula tractaturus venisset, eum humanissime ad se vocatum interrogabat, è qua ciuitate adesset, quod vbi cognouisset, familiarissime solatus hominem: videntur mihi, aiebat, sermones tui iusti & boni, sed non est qui te audiat constitutus à rege. O item, ô & benignum Dominum, & quam olim idoneus erit qui ad regni gubernaculum sedeat, & imperet! Nam audire: Quis me, inquit, constituat iudicem super terram, vt ad me veniant omnes qui habent negotium, & iustè iudicem? En, sam laboris quam iustitiæ amantissimum.

Sed quis non videat sub hoc lapide scorpionem latere, qui vniuersas Absalonis actiones insidiosissime venient. Quorsum enim omnis illa mansuetudo, & prolixa humanitas, quorsum tot blanda obsequia? quorsum tam manè surgit, aduentores & hospites manu prensos osculatur, se iudicem promittit, nisi vt coronam regiam parentis capiti decutiat, & imponat suo? Cuius finis malus est, & ipsum quoque malum est.

Quid porrò sanctius quam vouere Deo & reddere hoc ipsum fecit probus iste, sic dicam, veterator Absalon, sacrificium & peregrinationem vouit, eaque de causa à domino parente abundi veniam petens: Vadam, inquit, & reddam vota mea quæ voui Domino in Hebron, vouens enim vouit seruus tuus, cum esset in Gessur Syriæ, dicens: Si reduxerit me Dominus in Hierusalem, sacrificabo Domino. Nunquid non eximius hic est actus, quis illo melior? Vouens, ait, voui, & sacrificabo Domino. Omnia laude dignissima videtur. Sed quæ horum omnium Intentio? Furtiua, peruersa,

impia. Vt optimum patrem solto pelleret, & ipse imperaret, ista excogitauit, nimirum huc ibant omnia. Hinc votum pessimum, pessima peregrinatio, sacrificium pessimum. Cuius finis malus est, & ipsum quoque malum est.

a Dan. c. 2. v. 25.

b Nam Aaronis thuribulum ex auro purissimo erat, horum autem anea. Vide Iacob. Salianum tom. 2. Annal. vet. Test. Anno mundi 2547. n. 1.

c Num. c. 16. v. 33.

d 2. Reg. c. 15. v. 5.

e Ibid. v. 4.

## S. II.

Eiusdem pictæ nequitia fuit illa vulpes Galilæa Herodes. Peregrinationem quoque rex iste simulauit à se instituendam Bethlehmem, nouo regi Iudæorum adorando: Vt & ego, inquit, veniens adorem eum. Nunquid non sanctum hoc iter fuisse? imo vero, sed qua Intentione venisset? vt infantulum recens natum in cunis iugularet. Cuius finis malus est & ipsum quoque malum est.

Quam vero istud in aulis Principum frequens, quam pœnè quotidianum est, simulare & dissimulare, manus osculari & amplissime porrigere, ad aliorum genua se submittere, mille delicias facere, ceremoniarum nil omittere, omne obsequium polliceri, amicissimum se fingere, verba scilicet & papauere sparsa ingerere, merū mel loqui. Sed vbi cor & Intentio? Lingua in melle, cor in felle; manus quidē beneuolæ sunt, plenum obsequijs os, vultus amicitiam promittit, sed aliud susurrat Intentio, hæc sæpe patibulum, laqueos, diabolium, & omnem malæ fortunæ comitatū apprecatur. Lingua quidem humanissime salutat: non est, mi frater, quem alium malim cernere, quā te. Intentio addit, sed in patibulo. Lingua, prout docetur, familiarissime garrit: nil magis cupio quam Domino meo seruire. Intentio subdit, sed meo commodo. Lingua officiosissime optat: Vtinam fratri meo amantissimo quā plurimum gratificari possim. Intentio explicat, sed sine labore meo. O Herodes, ô vulpes! quam longè aliud est, dicere, aliud etiam sentire, quod dixeris. Verba vendere facile est, Intentionē bonam dictis faciliusque omnibus adiun-



adiungere, hoc virtutis est.

Optimè Publius Mimus: Non aspicias, inquit, quam plenas quisque manus Deo, sed quam puras admoueat. In huius rei testimonium, duos simul Oratores propono, Ezechiam, & Phariseum, qui ex eodem precatorio libello Numini supplicant. Rex Ezechias: Obsecro Domine, inquit, memento quæso quomodo ambulauerim coram te in veritate & in corde perfecto, & quod placitum est coram te, fecerim. Phariseus: Deus gratias ago tibi, inquit, quia non sum sicut ceteri hominum. Quid hoc aliud est dicere, quam ambulasse se coram Deo, in veritate & corde perfecto, quod & Ezechias de se dixit. Pergit Phariseus: ieiuno bis in sabbato, decimas do omnium quæ possideo. Vterque se laudat, eadem vtriusque precatio. Cur ergo illius placuit, huius displicuit? Hoc dubium diuus Gregorius explicans: Sæpe, inquit, contingit ut iusti & iniusti habeant verba similia, sed tamen cor semper dissimile, & ex quibus dictis Dominus ab iniustis offenditur, in eiusdem quoque à iustis placatur. Ecce Phariseus iustificat se in opere, Ezechias etiam in cogitatione, vnde ergo hic offendit, & iste placat? Omnipotens Deus singulorum verba à cogitationibus pensat, & in eius auribus superba non sunt, quæ humili corde proferuntur.

a *Matth. c. 2. v. 8.*

b *4 Reg. c. 20. v. 3.*

c *Luc. c. 18. v. 11. & 12.*

### §. III.

**S**ed duos alios propono simillimè faciētes, dissimillimè sentientes, Thomam Aquinatem virum sanctissimum, & Troianum adulterum Paridem. Beatus Thomas, ut de eo memorant, assidens in conuiuio, feminam venusti vultus fixioribus oculis aspexit. Eius rei causam rogatus à socio non nihil ob hoc offensus: Admirabar, inquit, mundi creatorem: si enim rebus creatis tantum est formæ ac pulchritudinis, ipse opifex & creator, infinite pulchrior sit, & formosior necesse est. Si caduci homunciones adeo vultu præstant in hoc Xenodochio, quales erunt beati post Resurrectionem in cælo? Ita Thomas Aquinas, conscientia illesâ, & bona Intentione surrexit è mensa, creuitque Dei amore. Et forte hic san-

ctus vir, non minus egit ex virtute quam Pior Abbas, qui contrarium fecit, qui nec suam quidem sororem, ægrotam & viduam animum in oculos voluit admittere, sed se illi spectandum præbuit clausis oculis. Thomæ Aquinati similis fuit factio, non Intentione, Paris lascivius iuuenis, qui vix aliud fecit quàm Thomas, in Menelai mensa, ubi Helenam coniugem non suam continuò aspexit, sed oculis non castis, sed in dedecus suum suorumque æternum, nam raptum, nequitiam, adulterium cogitavit. Cuius finis malus est, & ipsum quoque malum est.

Propono tres alios homines, Matrem Christi, discipulum Christi, sed quem ipse diabolus vocavit, & Christi hospitam, quorum actio eadem pœnè, Intentio fuit dissimillima. Mater Christi milies vtrique in cunis filiam reuerenti osculo salutavit: Magdalena pari reuerentia pedes Domini osculata est, cum Simon Phariseus, ob neglectum hoc officium reprehensus est: sed & Iudas Iscariotes ori Dominico fixit osculum. Tam hic impar meritum, quam Intentio. Mater diuini fauoris & amoris ingens augmentum obtinet: Magdalena delictorum veniam, Iudas gehennam. Vnde hæc tanta inæqualitas in matre, discipulo, famula, eundem prorsus hominem osculanti-bus? Mater, amore castissimo; Magdalena, affectu religiosissimo; Iudas, prodendi studio nequissimo hoc fecit. Cuius finis malus est, & ipsum quoque malum est. Idem in alijs plurimis videre est. Assidet quis ægrotanti amico, non quia bonus amicus est, & officij memor, sed quia captator, imò quia vultur est, qui lasa morbo pecora & casura è proximo speculatur; imminet morti, & hæreditatem expectat. En ut bonam actionem fædissimè corrumpat Intentio mala. Pari modo, & Herodes & Zachæus Christum videre cupijt; eadem fuit vtriusque actio, dispar Intentio. Chirurgus hominem ægrum arctè alligat, brachium ei vulnerat, manum amputat, pedem secat, illi tamen gratiæ aguntur, & rependuntur aurei: prædo hominem etiam mutilat, sed in præmium ei debetur rota. & ratio est, ille ut læsum sanet, hic ut sanum lēdat, ferrum expedit. Eadem ratione homo pius lapidem tollit, ut ad templi structuram conferat; homo iratus tollit & ipse lapidem, sed ut illum, cui stomachus, eo feriat: Duo vnâ Romam eunt, ille religio-



nis exercendæ, iste inimici iugulandi causa; illi merces è cælo, isti ab Orco debetur. Mercedis discrimen facit Intètio. Fuit, qui alterum ferro læsurus, tuber aperiret. Num id eo huic gratiæ agendæ, aut reddendum præmium, quod vomica quam medicorū manus reformidauerant, diuiserit. & cum, cuius exitij cupidus erat sanarit nocendo? Vides? non esse magnum in actione ipsa momentum, sed in agentis Intentione. Ita non videtur dedisse beneficium, qui malo animo profuit. Casus enim beneficium est, iniuria hominis. *b*

*a Vide Specula P. Ioan. David. Spec. 9. pag. 111.*

*b Vide Senec. l. 2. de benef. c. 19. initio. Ciceronem l. 3. de Nat. Deor. Valer. Max. l. 1. c. 8. Plutar. ch. de Vilitate ex inimicis capiendæ.*

## §. IV.

**I**nobedientia ex obliuione, negligentia, errore plagas meretur non ita multas. At vero cum accedit Intètio & repugnandi studiū, hoc plagis vix centenis expiabitur. Istud enim pertinaciæ & contumaciæ, ariolandi peccatum est. Pulchre & vere Bernardus: Elatio, inquit, contemnentis, & obstinatio impœnitentis, in minimis quoque mandatis, culpam facit nō minimam. *a* Hic admodum cauendum ne in vllō delicti genere ad negligētiā, incuriam, inobedientiam accedat superbia, contēptus, pertinaciā, hac enim ratione vitia mire se multiplicant, & immensum excrescunt, & quandoquidem illa, quæ dixi, latentia sunt crimina, mira celeritate grauitatem eis addit fœdissimam Intètio mala. Ideo diabolus non tam curat quid boni vel mali faciamus, modo hoc obtineat, vt bonum faciamus Intentione mala. De hac diaboli vafritie Gregorius: Totam arborem, inquit, fructus sibi ferre cōspicit, quam veneni dente in radice vitiauit. Et Bernardi sensu bonum hominem prorsus condemnat Intètio praua, Christus ipse clarissime: Si oculus tuus, inquit, fuerit nequam, totum corpus tuum tenebrotum erit. *b*

Sed est personarum grex, vbique terrarū reperiendus, quem Deus cælo nunquam admittet, scilicet Opera bona malam Intentionem induta. De his diaboli larvis dici potest: Lupus sub pelle ouina furit, Vitium virtutis palliolo incedit, Satanas Angelū lucis se gerit.

Iobus: Abominabuntur, inquit, me vesti-

menta mea. Tam fœdus sum & purulenta tabe plenus, vt ipsa me vestes meæ horreant, velut tangere reculent tam impurum hominem. Vestes, exteriora sunt opera bona, hæc illum, qui intus & in animo tam vlcerosus est, malisque intentionibus scater, abominantur, dānant, refugiunt, velut si doleant hominem foris tam esse nitidum, intus plenum sordibus. Si oculus tuus nequam fuerit, totum corpus tuum tenebrotum erit, etsi ouinam pellem, aut Virtutis palliolum, etsi Angeli vestē ei circūponas. Gregorius: Cum perversa intentione, inquit, vel rectum quid agitur, etsi splendere coram hominibus cernitur, apud examen tamen interni iudicis obscuratur. *a*

*a Bern. l. de precep. & disp.*

*b Luc. c. 11. v. 30. Mat. c. 6. v. 23.*

*c Iob. c. 9. v. 31.*

*d Greg. l. 28. moral. c. 6.*

## §. V.

**E**T hoc Deus quandoque luculente ostendit. Rem miram narrat idem sanctissimus scriptor Gregorius, in hunc modum. Tuderitinus Pontifex Fortunatus, vir miræ sanctitatis, diabolus humani corporis infessorē precibus expulit. Diabolus hospitio pulsus, vt iniuriam suam sarciret, Deo sic annuente, habitum hominis peregrini induit, quem ex arte simulans vrbem obiit sub crepusculum, & velut exul egenusque contra Fortunatum Episcopum querelas cœpit spargere, & En, inquit, quam sanctus vir sit Fortunatus Episcopus vester; ecce quid fecerit, hominē peregrinum, & à fortuna pessime habitum hospitio insuper exclusit, quo tendam; non est qui miserum domo recipiat. Dum hæc queritur, audiit ea ciuis, ad prunas cū vxore & filio cōfidens, & mox inuida curiositate sciscitatus est presus, quid iniuriæ illi fecisset Episcopus? Vbi vaferrimi peregrini querelas audiit, liberaliter ei domum suam in hospitium obrulit, non tã vt peregrino faceret bene, quam vt Episcopum, cui pessime volebat, traduceret. Sic larvatum demōnē vna secū pertraxit ad prunas. Hic vbi multa confabulati, exiliens subito peregrinus, filium hospitis arripuit, & vi maxima in ignem excussit, elisitque animā. Heu miserrime parens, agnosce demum, vel quē tu domo receperis, vel quē Antistes tuus domo exegerit.



exegerit. Laudatissima virtus est Hospitalitas, sed si eam Intentio deprauet mala, à virtute degenerat in vitium; peregrinos hospitio suscipere, etià in magno illo Abrahamo cōmendatissimum fuit, sed si bona desit Intentio, tã facile diabolus recipitur quam Angelus. Eadem est ratio virtutum aliarum omnium, quibus si praua sese insinuet Intentio, cacodemon apertam inuenit tabernam, quam occupet pro libitu, facitque hominem idololatrà, vt suum ipse ventrem, pecuniam suam, suam arcam numariam, aut escariam mensam adoret, quod fieri constat in omni lethali noxâ.

Si oculus tuus fuerit nequam, totum corpus tuum tenebrosum erit *b*. Ah, quam hic circūspecte attendendum, ne frustra nos fatigemus, & operam ludamus, ne, meritum bonis actionibus obtinendum perdamus omne, Intentione non bona. Ideo cum Hebræo psalte precandum assidue: Cor mundum crea in me Deus, & spiritum rectum innoua in visceribus meis: vt tibi seruire cupiam, tibi in omnibus placeat.

*a Greg. l. i. Dial. c. 9.*

*b Matth. c. 6. v. 23.*

*c Ps. 50. v. 12.*

## CAPVT IX.

*Qua ratione malam INTENTIONEM prodat operis publicatio.*

**E**xploratores Hebraei, à militiæ duce Iosue missi, urbem Hiericho ingressi, notissimæ feminæ Rahab hospitium subierunt. Excepit illa, abscondit, aluit. Illi vt hospite suæ gratias meminissent, rem magni momenti promiserunt, eâ tamen lege: Si tamen, inquirunt, non prodideris nos, quod si nos prodere volueris, & sermonem istum proferre in mediū, erimus mundi ab hoc iuramento, quo adiurasti nos *a*. Norant homines prudentes fieri vix posse, vt penitus laterent. Et certe vicini latebras has odorati, rem ad magistratum mox detulerunt. At Iosui plus non exigebant, quam hoc ipsum: *ne prodideris nos*, nam si euulgetur per te, nos hic esse, tuum tibi hospitium nec quadrante soluemus; promissis neutiquam stabimus.

Opera bona exploratores sunt, & ad cælum tabellarij, qui in orbe hoc peregrini ciuibz omnibus exosi sunt. Inter ciues suos Mundus numerat Dolum, Iniquitatem, Vitium, Fraudem. Porro exploratores illi promittunt nobis inaudita & inuisa præmia à magno illo Iosue Christo tunc danda, cum Hiericho, hoc est, orbem succensurus aduenerit. Eam tamen illa conditionem requirunt: *Si non prodideris nos*. Cum facis elemosynam, mouet Christus noli tubâ canere ante *b*. Virtutes proditæ euasunt.

Enimvero tã garrula est Iactantia & Inanis gloria, vt nihil non simul, & prodat & perdat. Huic ergo tam garrulo monstro, non tantum os, sed manus pedesque sunt ligandi, ne vllū dare possit signum cælestium nunciorum operum bonorum latentium. Hoc Christi præceptum crebrius ingerit: Attendite ne iustitiam vestram faciatis coram hominibus, vt videamini ab eis *c*. Cum tamen in eadem concione imperet: Sic luceat lux vestra coram hominibus, vt videant opera vestra bona *d*. Quâ ratione ista conueniant, & quis nostrorum operum bonorum proditor sit, nunc exequemur.

*a Ios. c. 2. v. 14. & 20.*

*b Matth. c. 6. v. 2.*

*c Matth. c. 6. v. 1.*

*d Matth. c. 5. v. 17.*

## S. I.

**Q**uerit è Iobo cognatorum vnus, & Nūquid viuere, inquit, potest scirpus absque humore, aut crescere carectum sine aqua? *a* Scirpi in paludibus & piscinis virent, neque enim sine humore scirpus, neque sine aqua carectum proficit. Sed inutiles sunt hæc stirpes, nullæ inde ficus colliguntur, nec quidquam quod in humanos vsus sit. Ita multos reperias quorū habitus exterior planè decens & compositus, qui multa præclare & dicūt & faciūt, sed ideo quia & auditores & spectatores habent: itaque crescunt & virent, dum videntur & laudantur, hoc scriptum facit virere, humor humanæ laudis, cum hi tales desinunt laudari, desinunt & virere. Quia enim, inquit Gregorius, sine Intentione rectæ cogitationis bona studuit agere, indicat se sine radice floruisse *b*. Idcirco ingemiscens hic idem vir sanctissimus;

IIII 2

simus;



finus; Magna, inquit, recordia est, laboriosa agere & auge laudis inhiare, forti opere præceptis cælestibus inferuire, sed terrenæ retributionis præmium quærere. Vt enim ita dixerim, qui pro virtute quam agit humanos fauores desiderat, rem magni meriti vili pretio venalem portat. Vnde cæli regnum mereri potuit, inde numum transitorij sermonis que-rit. Vili ergo pretio opus vendit, quia magna agit, sed minima recipit c.

Plato, cum nobiliores aliquot amicos ad cenam inuissset, tricliniumque ornari iussisset non omnino sordide, irrupit Diogenes Cynicus, & spurcis suis canosisque pedibus cepit lectulos conculcare. Ingressus cū conuiuius Plato: Quid agis, inquit, o Diogenes? Calco, ait ille, Platonis fastum. Calcas, respondit Plato, sed alio fastu, maiore iactantia, certe in Diogenis animo impotentior erat, quod inops esset, quam in Platonis, qui cultum illum amicorum oculis dabat, non sibi. Ita inuenias superbos plurimos simul & egenos, qui hoc tantum nomine meliores & sanctiores bonis, sed diuitibus sibi videantur, quod nihil habeant: eci vero modicum censum laudari Dominus, non modicum animum, & tanquam virtutis sit egere, & non potius egestatem æquanimitate ferre.

Idem ille Diogenes perpeffu aspera tolerabat multa, sed eo animo vt omnium oculos ad se suspiciendum raperet. Idcirco cum media hieme frigidissima lauaret aqua, frequensque populus ad id spectaculi conflueret, & vero etiam aliqui hominis miserti rogarent vt sibi parceret, Plato inter spectatores exclamauit: Si vultis misereri, abite. Nouerat Plato ingenium huius morbi, qui tunc suis viribus destituitur, cum alienis oculis aut auribus caret.

a Iob. c. 2. v. 11. b Greg. l. 8. moral. c. 24. ante finem. c Geog. ibid. c. 25. initio.

## S. II.

**A**tendite ne iustitiam vestram faciatis coram hominibus, VT VIDEAMINI AB IIS: quantū alij humanos oculos quærunt, tantum vos fugite. Aristoteles quidem magnanimum putat eum, qui nec maiore nec minore vult honore, quam sibi conueniat, affici. **A**t in Christi Academiâ hæc præceptio ex-

ploditur: Christus magnanimum iudicat, qui omnem honorem potest spernere, insuper & seipsum. Certe honor quicumque, non sat dignum virtutis præmium erit. Volucere fugaxque bonum est honor, & inter res extraneas euauescit, nec in honorati potestate, sed in honorantis est. Ideo Christus infantia nostræ miserefcens, tam solcite monet: Attendite, ne virtutes vestras vilissimo pretio vendatis: Si VIDERI vultis ab hominibus, oculos a vobis auerter Devs, Attendite, alioqui mercedem non habebitis apud Patrem vestrum qui in cælis est, Ergo, ne velitis decipi; Maximus honor pro opere bono minimo, impar prorsus & indigna merces est.

Equidem Seneca hoc probe intellexit, idque in epistolis vrgens: Virtutum inquit, omnium pretium in ipsis est: recte facti merces est, fecisse. Nemo mihi videtur pluris aestimare virtutem, nemo illi magis esse deuotus, quam qui boni viri famam perdidit, ne conscientiam perderet. b Maximi quidem est bonum nomen, at pluris bona conscientia. At dicas, commendari à solis hominibus non cupio, sed à Deo hominibusque. O mi bone, Deum nondum nosti, si tibi non sufficit laudari à solo Deo. En, ne fallaris, terrarum orbis & Deus, non maius quid sunt Deo: Arca Dei & idolum Dagonis non plus sunt quam arca: Tantum ergo tibi sit Deus, quantum Deus & alia simul omnia. Scis etiam Christum & mundum amicos non esse, quid ergo ditari vis aut commendari ab inimico Christi? neque nescis Deū tui curam habere, si tibi id profit, spoliabit is Ægyptum vt te honoret. Virtutis maximum præmium est, quod latere suos non sinit, producit illos ad gloriam, sed suo tempore. Interim patere omni tibi noxium honorem submoueri, & ne quæraris non honoror, prout meritis sum, alia me decoret veneratio. c. c. vanissime sunt hæc querelæ: Attendite. Imo tam non vult Deus humanos fauores & honores à nobis amari, vt permiserit suum etiam filium dici Beelzebub, nec fere vllum est contréptus aut iniuriæ genus, quo affectus non sit seruator Mundi, qui vt omnem humanam laudem nobis redderet inuisissimam, illà nobilissimam concione, quam Mathæus descripsit, hoc penè vnū persuadere conatus: Te autem, inquit, faciente elemosynam nesciat sinistra tua, quid faciat



*faciat dextra tua* c. Vultus Christiani totus intorsum respiciat, nunquam curiosè foras exeat cum Dina, non quærat alienigenam cum Samsonè, non Ægyptiam cum Salomone. Ecce humanis laudibus, tanquam ridentibus hæredibus nostrarum virtutum opes permittamus? ridendo rapiunt omnia. *Nesciat ergo sinistra tua, quid faciat dextra tua.*

a Aristot. l. 1. mor. c. 25.

b Sen. epist. 81.

c Matth. c. 6. v. 3.

## S. III.

**C**ontendit Christus, & pluribus modis inculcat, omne opus intentione purissima propter Deum esse faciendum neque hic querendum, quid nobis sapiat, quid placeat, aut adlubescat: *Nesciat sinistra tua.* Plurimum sane laborum nostrorum perdimus, dum in ijs solummodo gustu & sensum sectamur, & ut vocamus, deuotionem nostram quærimus: Si hæc desint, & nostras preces, & functiones nostras, & hoc atque illud temere omittimus, quia gustum operis non habemus; at vero cum hic adest, cum sapit quod facimus, & oramus & laboramus, hoc est sibi sacrificare, non Deo. Si pueri discere nolint, nisi butyrum & similibus panis ad scholas ferendus detur, sero doctores fient. Opera nostra plerumque tum plurimum habent meriti, cum minimum delectationis, cum nosmet ipsi vi ad ea adigimur, cum in ijs molestiam & nauscam sentimus, illam tamen vincimus.

*Nesciat sinistra tua, quid faciat dextra tua.*

Subinde & ipse qui iuuatur fallendus est: ut habeat, nec tamen à quo acceperit, sciat. Optimus quisque cælo & Deo teste contentus est, & cum Lobo se solatur: Ecce enim in cælo testis meus, & conscius meus in excelsis. a Hoc nostræ stultitiæ pars est, cum videmur nobis frustra laborare, nisi sint multi spectatores, & testes laboris nostri. Deus, o vani, theatrum suum in tenebris habet, quid vos lucem & publicum ambitis? Sed quærat quis: quid mali est, si seruus suo domino placere, seque illi probari cupiat? Aio: quiuis suo munere sic fungatur, quemadmodum iubetur: cum ambigit, quid velit dominus, facienda, quam accuratissime potest, faciat; de cetero anxius non sit, placuerit an displicuerit, alioqui humanis tantum oculis seruasse censebitur.

Gedeonis milites in Madianitis pugnaturi, læuam lagenam, in quam lumen, dextra buccinas tenebant. Ac ubi res congressum & prælium spectabat, buccinis clangebant, & lagenas frangebant, atque una conclamabant: DOMINO & GEDEONI. b Nos itidem cum lagenam frangimus, & de corpore supplicium sumimus; cum buccinis clangimus, & Christi religionem in templis extollimus, lux effulget: præclare hæc omnia, modo nemo clamer: MIHI & GEDEONI. Non ita, sed DOMINO & GEDEONI Non nobis Domine, non nobis, sed nomini tuo da gloriam: non mihi, sed CHRISTO: non mihi, & meo gustui, sed GEDEONI, & aliorum plurimorum salutem Solam Dei gloriam, & Deo soli quæramus non nobis; tam alieni à nostrâ, ut *nesciat sinistra quid faciat dextra nostra*: Petrus Ravenas: Si te ipsum, inquit, vult nescire, quanto magis alium? Augustinus, dextram appellat amorem & puram intentionem ad Deum, læuam, obliquum oculum ad umbras falsæ gloriæ c. Hebræus psalter: Si oblitus fuero, inquit, tui Hierusalem, obliuioni detur dextera mea d. Cum cæli non meminimus, obliuiscitur nostri dextra nostra, nec tuat nos, perinde ac si ea prorsus careamus; cum dextra hæc vacat, nunc viger sinistra. Sed nunquid infantes corripimus cum salutanti læuam porrigunt, cum læua cibum eximunt; quis illis non obijcit: pudeat te non manu honestiore vti, sed nec in adultis id dissimulamus cum Scæuolas esse cernimus. At vero in rebus animi, læua uti & rurem aucupari, longe turpius est, neque solam post se trahit turpitudinem, sed & noxam. At sicut infantibus ligatur læua, dextra libera: sic qui obseruat intentionem suam in multis sinistram, liget illam consideratione damni, quod inde maximum & æternum emergit.

a Job c. 16. v. 20.

b Iudic. c. 7. v. 20.

c Aug. serm. 60.

d Ps. 136. v. 3.

## S. IV.

**P**lucherrime Petrus Chrysologus: Iustitia, inquit, quæ se humanis oculis locat, diuini Patris mercedem non expectat. Voluit videri, & visa est; voluit hominibus placere & pla-



cuit; habet mercedem quam voluit; præmium quod habere noluit, non habebit *a*. Et quam congruè Christianus legi Seneca: Pacem, inquit, demus animo, quam dabunt actus boni, & intentio mens ad vnius honesti cupiditatem, Conscientia latissiat, nihil in famam laboremus, sequatur vel mala, dum bene merearis *b*. An non hæc eadem diuinus Paulus sæpius inculcat? Sed iam passim (quod Plinius annotat) multi famam, conscientiam pauci verentur. Plerique non attendunt, quam ipsi bene agant, sed quam alij de ipsis bene sentiant, quam promptè applaudant, modo in ore hominum sint, modo laudentur, quam laudanda faciant, hæc apud illos curarum minima est.

Longè aliter sponsa cælestis: Læua eius, inquit, sub capite meo: & dextra illius amplexabitur me. *c* Centum hic mysteria; sed nostrum hoc est, Læua sub capite cerni non potest, amplexantem vero dexteram cernit is qui amplexu stringitur. Læuam ergo sponsa nō videt, videt tamen dextram. In sponsi læuā diuitiæ sunt & gloria, sed cum tēpore peritura; in dextra longitudo est dierum, beatissima eternitas. Hinc fidelis sponsa oculos suos in æternitatē à se defixos; opes autem & honores, veluti leuam manum à se non aspici affirmat. Quod ergo Christus imperat, Nesciat sinistra tua, hoc & sponsus mandat: Læuam meam sub capite habeto, dextram in oculis.

Quemadmodum autem ille fidelis seruus est, qui multa millia florenorum numerat suo domino tanta fide, vt nec vnicus quidem quadrans piceatis vnguibus adhærescat: ita is optima fide agit cum Deo, qui quicquid humane laudis accipit, huic Domino suo in solidum adnumerat, nec sibi vel minimum inde reservat. De quo insigniter Chrysostomus: Maxima virtute est, inquit, omnia Deo adscribere, nihil suum esse ducere, nihil suæ gloriæ causa facere, sed ad Dei voluntatem perpetuò intentam oculorum aciem habere. Hic enim est qui vitæ actæ rationes exacturus est. Nunc vero rei ordo inuersus est: atque illum quidem qui pro tribunali sessurus, ac rationes repetiturus est, non valdè metumimus; eos autem qui nobiscum itabunt, ac iudicium subituri sunt, expauescimus.

Fit quandoque vt litteræ reddantur non illi domino ad quem scriptæ sunt, sed alteri has

si prudentior quis accipiat, quamprimum litterarum frontem inspexerit, statim: hæc litteræ, dicer, ad me non pertinent; hæc tituli præfatio non me alloquitur, nec mihi tam grædia nomina conueniunt: ita prorsus facit qui laudes non sibi sed Deo debere agnoscit, qui omnem à se gloriam in Deum deriuat, hic demum fidelis seruus, Deo sincere seruit, huius sinistra ignorat, quid dextra faciat.

*a* Chrys. sol. serm. 9.

*b* Senec. lib. 3. de Ira, c. 41.

*c* Cant. c. 2. v. 6.

*d* Chrys. hom. 5. in ep. 2. ad Cor.

S. V.

**S**ic autem nesciat dextra nostra, quid faciat sinistra, non vt nihil in publico faciamus, nec vllum nostrorum operum ab alijs videri, sed vt nō velut nostrum cōmendari velimus. Non est ingrata Deo, inquit Chrysostomus, quæ visa fuerit ab hominibus elemosyna, sed quæ ideo facta est vt visa sit. *a* Imo ij quibus eminens & publica persona imposita est, quædam publicè faciant, eoque exemplo alios animant ad audenda similia. Neque hic timidi sunt aut pusilli animi: Nam, vt præclare Augustinus, si times spectatores, non habebis imitatores; videri debes, sed non ad hoc facere, vt videaris; opus publicum, Intentio secreta. *b* Vt glorificent Patrem vestrum qui in cælis est *c*.

At qui debili est virtute, huic Propertianum illud ingerendum:

— discere manere domi *d*,

Quod & Gregorius optimè monens: Sed valdè perfectorum est, inquit, sic ostenso opere, Auctoris gloriam querere, vt de illata laude, priuata nesciant exultatione gaudere. Tunc solum namque innoxie hominibus laudabile opus ostenditur, cum per despectum mentis veraciter laus impensa calcatur. Quam quia infirmi quique perfecte contemnendo non superant, restat necesse est, vt bonum hoc quod operantur, abscondant. Sepe enim ab ipso ostensionis exordio, propriam laudem quærunt, sæpe vero in ostensione operis, Auctoris patefacere gloriam cupiunt, sed excepti fauoribus, in laudis propriæ cupiditatē rapiuntur: eumque semetipsos diiudicare interius negligunt, sparsi exterius ignorant quid agunt.

corum.



eorumque opus suae elationi militat, atque hoc se impendere obsequio Largitoris putant. e

Atque his quidem triplex hoc documentum seruandum. Primum: in Deum ubique praesentem mentis oculos intendant, siue priuatum quid agant, siue publicè: Optent soli Deo placere, quasi solus Deus in orbe sit, quamuis infirmioribus istis difficile sit Dei praesentiam in publico non amittere. Alterum: non edant signa rectè factorum: publicare virtutem, est perdere, publicatio hæc est tuba conuocans spectatores, qui spectent & laudent. Christus hoc prohibens: Cum facis, inquit, elemosinam noli tuba canere ante te f. Sic & ieiunia vult regi, ne illa tanquam in vultu describantur? Tu autem cum ieiunas, unge caput tuum, & faciem tuam lava, ne videaris hominibus ieiunans, sed patri tuo qui est in abscondito, & pater tuus qui videt in abscondito, reddet tibi. g Sic bona nostra introitus spectent. Tertium: non tantum publicum fugiant hi tales, & sua laudatoribus oculis occultent, sed fugiant se ipsos, & operis sui obliuiscantur, ne fortè sibi ipsis placeant: Nesciat sinistra tua quid faciat dextra. Optimè Iobus: Etiam si, inquit, simplex fuero, hoc ipsum ignorabit anima mea h. Spiritus, mi Christiane, spiritus bonus & rectus sciat quid factururus sis, hic opera tua dirigat, nec multum super ijs cum Carne deliberet, alioqui mille repugnantij & pertinacij implicaberis, alizque Intentiones carnem & terram olentes miscebunt se innumeræ, ita te potius quæres quam Deum. Sic ergo opus tuum perface, Carne illius non conscia, & hoc vnum specta vt velis quod vult Deus.

Nesciat ergo sinistra tua, quid faciat dextra tua: elemosyna tua, & alia tua opera bona, sint secretissima, prorsusque ostentationis expertia. Manus autem tuæ quasi stipis est conscia, quando ad erogandam illam adhibetur. Quare si dexteram eius rei consciam fieri sufficiat, non adhibeatur etiam sinistra. Vsq̃ adeo ergo absis ab omni ostentationis studio, istoque hypocritarum affectu, qui actiones suas hominum oculis ingerunt, vt tu, quantum ad te, prorsus velis ea quæ facis latere, neque desideres testes; sed & ipse scire nolis quæ rectè agis, neque memineris eorum diutius quam dum operi incumbis, moxque tradas obliuioni quod fecisti, ne tibi ipsi hoc nomine

placeas quod feceris, ea qua retro sunt obliuiscis, ad ea qua sunt priora, te ipsum extendens. i Quod si maior quàm par sit boni operis nostri consideratio in animum admittatur, si res facta voluatur verseturque, mente, nobis ipsis nostrorum operum spectatoribus, admiratoribus, laudatoribus oblectabimur, quod aliud non est, quàm si altera, quàm minimè opus est, manus adhibeatur. Ad rem planè Chrysostomus: Nihil, inquit, æquè inania reddit benefacta disperditque atque eorum, quæ nos rectè fecimus, memoria, duo enim parit, mala; negligentiores facit, & in arrogantiam tollit. k

Præcepit olim Deus altare sibi strui è lapidibus non sectis: Quod si, inquit, altare lapideum feceris mihi, non ædificabis illud de sectis lapidibus. Si enim leuaueris cultum super eo, polluetur l. Ecquid hic tantæ religionis multum sanè. Lapidis secantur vt videantur, intra parietis sinum locandi, hoc ferri polimine non egent: ita Deus in hominis animam velut aram sibi structa, illas virtutes probat, quæ simplici & pura Intentione fiunt, quæ verò ideo fiunt vt videantur, ceu secti lapides ad hanc aram idonei non sunt. Omnibus bonæ mentis hominibus, satis est, satis superque, sua rectè facta extremo die iudicij scienda ab omnibus & Angelis, & hominibus. Hic demum verus erit honor, bene egisse, idque laudari ab Omni vniuerso.

a Chryss. in Matth. hom. 9.

b Augustin. tom. 9. tract. 8. in eipst. S. Ioan.

c Matth. c. 5. v. 6.

d Properi. lib. 2. eleg. Hesterna, mea lux &c.

e Greg. l. 8. mor. c. 30. post med.

f Matth. c. 6. v. 2.

g Ibi. v. 17. & 18.

h Iob. c. 9. v. 21.

i ad Phil. c. 3. v. 13.

k Chryss. hom. 12. in ep. ad Philip.

l Exod. c. 20. v. 5.

## CAPVT X.

Quam varia sit & multiplex. MALA  
INTENTIO.

S Alamandra non grandis fera, sed variegata & versicoloris pellicula animalculum est; vt stellio, tantum tamen veneni thesaurum



sauro secum vehit, vt si radicem arboris contingat, fructus omnes in radice iugulet, & arbori adimat omnē vitam. Diabolus, Orcinianus serpens, verissima Salamandra, nullo igne consumenda, si fecundæ arboris radicem admordeat, totam corrumpit. Radix omnium operum nostrum est Intentio nostra, hanc si contingat Diabolus, & prauæ Intentionis veneno inficiat, tota sterilefcit arbor; omne opus inutile, peruersum venenatum redditur, quodcūque hac cacadæmonis fraude læditur. Notum est illud: Cum peruersa est Intentio quæ præcedit, prauum est omne opus quod sequitur. Si oculus tuus fuerit nequam, totum corpus tuum tenebrosus erit.

Ostendimus proximo capite quā affine sit Malæ Intentioni, opus suum publicare: nunc explicandum, quam varia sit Mala Intentio, & quam è diuersis fontibus hoc veneni genus scaturiat.

## §. I.

**V**ix quidquam è terra nascitur, quod adeo contra hiemem se muniat & inuoluatur: quæ capæ: septem ei tunicæ non sufficiunt, insuper etiam caput desigit terra. His ita tunicarum capis, non absimiles sunt illorum oculi, de quibus Siracides: Oculi insipientium septemplexes: multas habent tunicas, vti capæ. Tales oculi minimè simplices sunt, prout eos Christus esse voluit. His oculis, & his tam bene vestitis capis simillima est Intentio Mala, huic si vnā tunicā ademeris, adest mox alia, hanc etiam demis? continuo alia atque alia se prodat. Et vti capæ se abdunt, sic & Mala Intentio: nemo mortalium hanc satis excusserit, aut penetrarit. Mala Intentio, mala videri non vult; omnigeni colores & prætextus ei non desunt. Reprehendit Christus Phariseos, quod stipem daturi iuberent ante se tuba cani. illi honestissimæ excusationis tunicam obijcientes: Non hæc, aiebant, facimus, vt elemosynam nostram commendemus, sed vt pauperes conuocemus, non vt nos alij liberales dicant, sed vt egeni ad stipem confluant: Oculi insipientium septemplexes: Intentio mala multiplex, versicoloris & variegati tergoris est, vt Salamandra.

Scire natura omnes cupimus, quam est autem varia & multiplex Intentio in hoc vico

sciendi desiderio? Pulcherrime Bernardus: Sunt, inquit, qui scire volunt, eo fine tantum, vt sciant, & turpis curiositas est. Sunt qui scire volunt, vt sciatur ipsi, & turpis vanitas est. hi profectò non euadent sublannantem satyricum, & illis talibus occurrentem: Scire tuum nihil est, nisi te scire hoc sciat alter b. Et sunt qui scire volunt, vt scientiam suam vendant, verbi causâ, pro pecunia, pro honoribus, & turpis quæstus est. Sed sunt quoque qui scire volunt, vt edificent, & charitas est. Et sunt item qui scire volunt, vt ædificentur, & prudentia est. Horum omnium solum vltimi duo non inueniuntur in abusione scientiæ, quippe qui ad hoc volunt intelligere, vt bene faciant c.

En, quā sit multiplex in te vnā Mala Intentio: en, quā multi non vitæ sed crumenæ discant! & quantos vanitas ac voluptas, quæstus ac curiositas ad libros trahat? Idem obseruans Seneca: Quidam, inquit, veniunt vt audiant, non vt discant, sicut in theatrum voluptatis causâ ad delectandas aures, oratione vel voce, vel fabulis ducimur. Magnam auditorum partem videbis, cui philosophiæ schola, diuersorium otij sit. Non id agunt vt aliqua illic vitia deponant, vt aliquam legem vitæ accipiant, ad quam mores suos exigant, sed vt oblectamēto aurium perfruatur. Aliqui tamen & cum pugillaribus veniunt, non vt res excipiant sed verba, quæ tam sine profectu alieno discant, quam sine suo audiant d.

a Eccl. c. 29. v. 14.

b Pers. sat. 1.

c Bern. serm. 36. in Cant. med.

d Senec. epist. 108. post init.

## §. II.

**Æ** Que propemodum diuersa est Intentio eorum qui cōcionem audiri in templo coeunt. Quidam veniunt non vt discant, nec vt meliores euadant, sed tantum vt audiant. Alij vt tempus fallant, & moram ad prandium minus sentiant: alij vt consuetudini satisfaciant, isti vt dormiant, & ante meridiem suauiter meridentur; concionator illis pro tibi-cine est, somnum blande conciliante: Porro alij cōcionibus intersunt vt garriant, & commodius modo cum hoc, modo cum illo confabulentur: alij vt imperio herili pareant, neque



## §. III.

neque enim aliter possunt, velint, nolint, adiunguntur ad hoc genus obsequij. Si quis iam querat: Vnde obsecro post tot conciones, post tantos clamores, post tot serias exhortationes non aliam probitatis faciem Orbis induit? facile est respondere. Plurimi ad conciones omnino non veniunt, plurimis alijs, etsi veniant, deest Intentio; curiositate, consuetudine, necessitate trahuntur, nam multi, si sui iuris essent, penitus remanerent, & ex illis ipsis qui conciones frequentant, quotusquisque est, qui animum vacuū adeferat, qui aure vtraque audiat, qui non innumeris phantasys scateat, qui auditis animum seridū aduertat, qui denique velit esse melior. Difficile reperies auditorem ex toto ad audiendum compositum. Hinc illarum lacrimarum, quia Intentio bona euntes ad templum non comitatur, aut in via mutatur in aliam, & in malam facillimè flectitur. Præclarissimè Seneca: Qui, inquit, ad philosophorum scholas venit, quotidie secum aliquid boni ferat: aut sanior domum redeat aut sanabilior. Idem prorsus ego dixerim de Christianorum concionibus: qui ad templum ecclesiasticum auditurus venit, semper boni aliquid secum ferat, & aut sanior domum redeat, aut certè sanabilior. Redibit autem, quisquis sic redire voluerit, ea enim eruditionis Christianæ vis est, ut omnes sincere intentionis auditores plurimum iuuet. Qui in solem venit, licet non in hoc venerit, colorabitur: qui in vnguentaria taberna resederunt, & paulò diutius commemorati sunt, loci odorem secum ferunt: & qui apud ecclesiastè fuerunt, traxerint aliquid necesse est, quod prodesset etiam negligentibus. Attende quid dicam: negligentibus, non repugnantibus. Quid ergo? non nouimus quosdam, qui plurimis annis in concionibus perseverarint, & ne colorem quidem duxerint? Hi tales nunquam voluerunt proficere, sed tantum audire. Attalus & subtilis & facundus philosophus dicere solebat: Idem & docenti, & discenti debet esse propositum; ut ille prodesse velit, hic proficere. Hinc nemo miretur è tot concionibus se nihil profecisse. sed miretur nihil proficere voluisse. Intentionis bonæ, & ferrij conatus hoc negotium est: Sed ulterius progrediamur.

a Ibid.

**A**mor sui omnibus parè actionibus sese nouit quàm mollissimè insinuare, & dum bonam Intentionem sensum ac blandè subtrahit, substituit malam. Amor sui amicus omnium delectationum est, & hoc vnum efficacissimè docet, seipsum querere. Hic verus fons, hæc origo & radix omnium malarum Intentionum est. Trahit sua quemque voluptas: Nemo non benignus sui iudex est, qui nihil minus possit quam seipsum odisse. Intentio mala semper aut delicias querit, aut diuitias, aut eminentias, sed non æternas. Nam inter bonam & malam Intentionem hoc discriminis est: bona nunquam non æterni quid spectat: caducis & fluxis contenta est mala; vna ei cura geritur, se intueri & suum commodum. Et hoc quidem subtilis est idololatria, & adoratio occultissima, quam reperire est in omnibus peccatis lethalibus, cum in re creata finis vltimus ponitur, in solo Deo reponendus. Sed vix est tam grande piaculum, modò sit occultum, cui innocentiarum sucum allinere non possit variegata illa & multicolor Salamandra. Habet Intentio mala suos prætexus, colores, nomina, titulos, larvas, quibus se pulchram fingat. Et ubi se quæso non ostentat Avaritia sub palliolo Parsimonie? Sub Necessitatis nomine vestium pompa, & mensarum affluètia, & omnis Intemperantia se vendicat: sub schemate officij, muneris, auxilij. Ambitio prosperipiti, de iustissimæ indignationis titulo Inuidia sibi met gratulatur. Mala Intentio semper remam reperit qua euadat, est enim subtilissima. Sed exemplis rem demonstramus.

## §. IV.

**P** Rincipiò, ob humanos respectus, ah quantum boni sepiissime omittitur, & quantum committitur mali? Quotus quisque est qui non alios potius attendat quam se, nec tam quid sui officij, quam quid alieni sit iudicij, perpendat. Quam multi cetera non vitiosi, alijs tamen ad probitatem plus adiumenti adferre deberent, sed his ipsis respectibus impediuntur: Et quid iste & ille diceret, aiunt, quàm illi & isti hoc non probarent quam toruis oculis me peterent? mille talia sunt in quæ oculi septemplex affiduo volatu feruntur. Oculis

K k k k

simplex



simplex vnum atque vnicum Dei honorem spectat. Is qui simplicem habet oculum: hoc, ait ipse sibi, Iustitia, hoc conscientia mea; hoc cura, & hoc officij mei est; quicquid hic aut ille obiecerit, huic aut illi placeat, id ego parum moror, hoc faciendum est, & ideo aliorum iudicium circa hoc, curandum non est: Deum respicio, non homines, quicquid dixerint mortales, si aliud Rex immortalis iubeat, hunc sequor.

Deinde, & quod secundo loco ponendum: Ob solū lucrum quanta non fiunt? Pauperiem fugiens Mercator currit ad Indos. Taceo cedens innumeras & latrocinia. Mundi lex est: Lucri odor bonus est, ex qualibet re, & quolibet modo. Vnius lucelli gratia infinita facimus, quā si Intentione recta, Dei causa faceremus, cælum centies promereremur. Verissime dixit sanctus ille vir: Pro modica præbenda longa via curritur, pro æterna vita, à multis vix pes semel à terra leuatur. Vile pretium quaritur, pro vno numismate interdum turpiter litigatur: pro vanare & parua promissione die noctuque fatigari non timetur. *a* Iethro Moſen olim generum suum increpans: Non bonam, inquit, rem facis: stulto labore consumeris. *b* Idem prorsus omnibus illis lucionibus quæstui feruentibus ingerendū est: vnusquisque horū sic monendus. Quid agis, o homo, stulto labore consumeris: non bonam rem facis. Sed vt facias bonam, bona Intentione vttere; vt lucreris, dimitte lucrum, præsertim omne non honestum, aut quod bona conscientia odisse solet.

*a Thom à Kemp. l. 3. c. 3. n. 2.*

*b Exod. c. 18. v. 18.*

## S. V.

**T**ertio, quantum toleratur in gratiā superbiz? Verissimum illud: Aut superbus non sis, aut sis pariens: Multi frigere se dissimulant, ne venustam gracilitatem vestitū turbent; nolūt vt rustici fartas & pingues tunicas induere. Calceus modo niteat & sine rugis pedi strictus hæreat, etsi vrat, non refert. Hūc & superbis collare stringit, illum thorax. Iste vt superbiz suæ genium exprimat, etiā onera vestitum non recusat, hic vt ad quī luxum se vestiat, etiam famem tolerat. Quinimo & creatam vorare iam didicimus, vt vultui decorum

pallorem persuadeamus. Quid cetera narrem huius insaniz tormenta? Hęc aliaque infanda patiens suffert Superbia, sed sibi suffert, & in sui gratiam, quā si propter Deū recta Intentione perferrentur, quā inde rediret merces? Sed & huic tali ad superbiz leges parienti verē occinitur: Stulto labore consumeris. Thomas Morus æquē sanctus ac doctus vir, Anglię magnum decus, fortē fortuna virginem in conclauī reperit coram vitreo iudice, speculo, quā multo labore atque etiam dolore comas plicabat, vt frons lata, & mamillare amictorium stringebat, vt ipsa grācilis videretur, huic Morus: Nisi Deus, inquit, tibi pro hoc tuo tato labore infernum reddat, magnam tibi profecto iniuriā faciet. Affirmabat quē serio, persuasissimum sibi esse, quā plurimos in hac vita eo labore infernum mercari, cuius vel dimidio cælum lucrati fuissent. Cuius nam rei defectu hoc fieri censendum, nisi solius intentionis bonæ?

## S. VI.

**Q**uarto, quid non sit acquirendæ, retinendæ, augendę gratiæ: hic nulli labori parcitur, nulla molestia recusatur, nihil intolerabile estimatur, totos dies dominorum obsequio apparere, graue non censetur. Viri sancti olim in columnis stabant annis compluribus, inde & nomen traxerunt Simeon Stylita, Daniel Stylita, Alipius & Theodulus Stylita. Hi dies noctesque stabant colēdo Deo, & corpori affligendo. Hęc religio Stylitarum annis aliquot continuis stantium desijt, non item eorum qui continuis horis aliquot perstant & sæpe solam gratiam expectant, quā tamen in saxo lubrico & vestigium fallente sita est, & longe citius perdi potest, quā acquiri.

Ioseph Ægypti prorex in summa gratia fuit apud suum Pharaonem, ab illo proximus, sed successit rex alius, qui Iosephum nosse recusauit. Quā charus Dario Daniel, & tamē omnis Darij gratia Daniele a leonum fovea seruare non potuit. Achitophel Absalonis topanta, gratissimus consiliarius fuit, sed hęc gratia collo eius nō aureum torquem, sed laqueū iniecit. Aman gratia potentissimus, & pænē alter Assuerus, sed per hos aureos gratię gradus altissimum patibulum conscendit. Et quis Belisarius sub Iustiniano, tot victorijs illu-



illustrissimus Dux? tandem non gratiam tantum, sed & oculum vtrūque perdidit, ad extremā mendicitatē deuolutus. Quis sub Tiberio Scianus; iam panē alter Tiberius, & gratiam simul & vitam amisit, vno tractus & in Tiberim abiectus est. Dies prius finiat, quā ego tragœdiarum istarum vel tantum nomina expressero. Habeat Argus mille oculos; Gratiam nemo negauerit mille habere alas quibus auolet. Et tamen hæc tam fallax & incertissima fidei gratia, tantis desiderijs ac votis expectatur, tot laboribus ambitur, tantis sudoribus & queritur, tot sollicitudinibus & curis, vix tādē & ægrē obtinetur: vt obtenta retineatur, nō minus laborū & solitudinum impenditur, mēte semper pauidissima, & in omnē partē se torquente, ne, quod tantis impendijs impetratū est, leui statu dissipetur. Ita videas hos gratiæ aucupes semper trepidos & anxios, semper sollicitos, & gratiæ iacturā, velut supremū malū, formidantes, terret eos sonitus folij volantis: a panē vt lepores apertis dormiunt oculis adeo ad omnem gratiæ auram trepidat. Nam (quod magnum malum est) incipit illis opus esse fortuna: sequitur vita anxia, suspiciosa, casuum paucens, temporumque suspensa momentis. Nunquam dant virtuti fundamentum graue, immobile, sed iubent illam in loco volubili stare. Hęc obsecro notate, Aulici. Et quæ ista tam rigida seruitus est, hæc diu noctuque & pati, & agere, in vnius Gratiae gratiam? Qui hæc & pateretur & ageret Intentione bona, Dei causa, quantum is præmij reportaret? Dum hoc autem & iste, & ille, & alius, atque alius negligit, vnique illorum occinendum est: Non bonam rem facis, stulto labore consumeris, stulto, prorsus stultissimo, hoc enim agis vt tibi ipse importune noceas, & cum tædio.

*Leuit. c. 26. v. 36.*

## S. VII.

**Q** Vinto, quid nō tolerāt alij extra aulas famuli, & ancillæ; non ijs verba tantū, sed & colaphi sæpe glutienti sunt. Quoties herus aut hera stomachosi clamant, trifurcifer, stulte, bestia, flagrio, asine, flagitium, post hæc vocum tonitrua frequenter & fulmina sequuntur à manu venientia, volant fustes, & quicquid armorum ira furorque ministrat. Et quid

miseris inde lucri est? merces exigua, victus tenuis & plerumque intemptius, sapissime & frigidus. Qui hæc ideo fert tātum vt viuat, stulto pariter, stultissimo labore consumitur. Quod si ancilla vel famulus generoso animo hæc omnia offerat Deo, dicarque: Domine, propter te fatigari me patiar & vexari, propter te, mi Domine, hæc feram omnia, scio, equidem te mitiorem & liberaliorem esse Dominum, quā cui me mancīpauī: à te, mi Deus, expectabo præmium. Hic profecto sapit, qui suos labores sic vendit, quemadmodū diuinus Paulus hoc genus hominum præclarissime his instruit: Non ad oculum seruientes, quasi hominibus placentes, sed vt serui Christi, facientes voluntatem Dei ex animo. a

Sexto, quid mechanici opifices non ferunt miseriarum? Ad grauissimos labores summo manere deunt, eosque vrgent in seram & auidam noctem, sæpe tamen vix mucidum panem pro se suisque extundunt: æstum, fatores, gelu, incommoda plurima tolerant modici lucelli gratia quis pauperior istis, si solum spectemus corpus, & quis iisdem ditior, si quis horū subinde animo dicat: Mi Deus hunc sudorem meum in tuam manum effundo, labores meos omnes tibi offero; tibi fatigor, mi bone Domine tu diues ille paterfamilias es, qui tuorum famulorum labores nunquam non superas mercede, nec gratis tibi quidquam fieri permittis: opellas nostras præmij excedis inuito. Omnes ergo meos cum filij tui laboribus tibi consacro & dono. De his talibus sua omnia Deo sic offerentibus vere Paulus: Diuites, inquit, facti estis in illo, in omni verbo b.

a ad Ephes. c. 6. v. 6.

b 1. Cor. c. 1. v. 5.

## S. VIII.

**S** I omnes hominum status ordinesque lustremus, in omnibus sane perferenda plurima reperiemus. Et vos ipsi, quos vt diuites & beatos salutamus, & panē adoramus, an non molestiarum & ærūnarum satis abunde habetis? quis vestrum queritur deesse sibi quod patiat? Virtutis est, cum sanctissimus quisque, licet afflictiissimus, auder generoso spiritu dicere: Domine, da plura, immitte grauiora quæ patiar. Apud hunc hominem res optime

K k k k k 2 habent,



habent, hæc talis postulatio puræ Intentionis luculentum indicium est. Sed vos alij, ô beati, ô Magni & omni opulencia instructi, & qua ratione vos afflictiones vestras toleratis? varie vos affligi, nil penitus dubito, etsi negent id oculi, quibus hic nulla fides habenda. Imo persuasum habeo, vos sæpe acerbius, licet occultius, torqueri quam villos religiosos homines, quorum vitæ tenor merus est paupertatis labor: Vobis quidem molliores sunt lecti quam religiosi, sed quæstio sit, vos an illi quietius dormiant, non enim dormitumimus, ut bene cubemus, sed ut bene dormiamus: somnū vestrū prolixiorē esse, quā illorum sit, non negem, sed nescio an credam esse tranquilliorē, & suaviorē: plurima sunt quæ vestrum, illorum vero soporē minime turbāt.

Cibi vobis & multo plures, & longe meliores, sed iterum quæstio sit, quibus hi melius sapiāt, neque enim dubitē quin religiosorum hominum plurimis oluscula sua & auenacæ pulicula, lixū hordeū & lactucula iucundius sapiant, quā vobis galli spadones mera similagine & lacte pasti, ac ipsū Iouis cerebrum.

Vestes vobis pulchriores quā illis & plures sed & hic interrogem, quibus sint habiliores, qui in ijs minus frigeant, minus stringantur? Religiosos viros rarissime premūt calcei, vos sapius accedunt occulta cilicia, vobis etiam inuitis iniecta, quæ animum vexent, fodiant, lacerent?

Vobis largius otium & plures sunt feriæ, sed forsā multi suauius laborant, quā vos orietimini. Vobis denique libertas longe maior est, quā religiosi, sed vestram libertatem multa comitantur vincula, morsus animi, & laniena conscientia incredibilis. In summa, cruce quæ feratis minime desunt, sed forsasse deest Patientia & Intentio recta, quæ cruce sunt perferenda.

Hic igitur, obsecro, attendite, an propter Christum, an vero propter Lazarum Bethaniam veniatis; an quæ vobis sustinenda, eo quo par est animo sustineatis.

In monte Golgothæo duo iuxta Christum vtrinque pendebant, vterque latro, vterque crucifixus, vterque in vno hoc eodemque supplicio mortuus est: at ille paradiso, iste tartaro receptus est. Quid quæso æque reos, æquali supplicio affectos tam inæquali sorte separa-

uit? Intentio. Ille Christo Domino mortem suam obulit, iste auersus à Christo in impatientia finit. Hæc est simillima cruce, in regna dissimillima est via, si tam dissimilis sit intentio.

## §. IX.

**I** Taque cauendum, ne simus Martyres Mūdi, Confessores diaboli, Mammonæ discipuli, Veneris alumni, Amor sui mille fraudes committitur, bladiissimè quod vult persuadet, ponitque pro scopo proprium iudicium, curiositatē, propriam voluntatē: hoc agit ut Intentionem reddat obliquam, non sinceram, à Deo alienam, & quā Deus iure auerſetur. Si cui admodum æstuanti & sitiēti lactis optimi florem propines, è tali tamen catino, in quo plurimæ muscæ innatent, an rem gratam te facturum speras? quis statim bibat, etsi valde sitiat? niueus potus inuitat quidē, sed innatantes bestiolæ absterrent; nigellas auiculas prius ejice, dein lacteam promissidē propone. Sic opera bona, velut candida suauisque potio velut fercula præstantissima, Deo tamen gratæ nunquam erunt, si ea fœdet Vana gloria, Voluntas propria, curiositas, auaritia, sui amor & æstimatio: Muscæ morientes perdunt suauitatem vnguētī. Sic omnis Intentio non sincera & recta nobilissimum quodque opus corrumpit & destruit.

Quis non riserit hospitem illum, qui peregrinum hominem lautissimis verbis in suam tabernam inuitans: mi Domine, aiebat, ad me obsecro diuerſe, vinum mihi prorsus generosum est & nobile, nisi quod non nihil acceſcat. Apage tu cum tuo hoc generoso vino, quod aut acidum sit, aut dilutum, vel dubium. Hoc ipsum queritur olim Deus per Isaiam: Vinum tuum mistum est aqua. De multis idem dici potest, hæc illius actio, hæc opera, hoc obsequium illius, hæc industria, hic conatus vinum bonum esset, nisi aqua malæ intentionis mistum esset. Cui peruersa est Intentio, quæ præcedit, prauū est omne opus quod sequitur, quamuis rectum esse videatur.

In prisca lege cum leproſorum quispiam sanitati restituendus fuit, dextra eius auricula & pollices dextræ manus ac pedis oleo tingebatur. Quid hoc ritu Deus magis cōmendat, quā ut misericordie oleo vluri, & stipē datur.



dati, nil laeum tangamus, nil ambitionis, iactantiae, aut ullius sinistrae Intentionis se miscat, Nesciat sinistra tua, quid faciat dextra tua.

Ad Salomonis tribunal duae feminae litabant de infante; utraque quidem prolem habuit, sed illa vivam, haec mortuam; ut quam dormiens oppresserat. Nos instruit ista, si aduertimus. Nos quidem oramus, stipem damus, consilij aut manu iuvamus, inedia aliaque tolleramus; hos velut liberos gignit bona actio, sed nisi ad haec omnia vigilemus, nisi semper Intentio sincerissima liberos istos defendat, incurioso somno eos opprimimus orationem nostram, & eleemosynam, & inediam, & omnem tolerantiam nostram somnolentia perdimus, & ita quicquid illis virium & vitae inerat, adimimus. Nam, ut praclare Richardus Victorinus: Quod est, inquit, corpus sine anima, hoc est opus sine Intentione bona. Si ergo hi liberi nostri nobis sint chari, si nolumus frustra laborare, ita semper laboremus, ut illa faciamus, non quia sic nobis placet sapitque, nec solum quia sic moris est; aut quia sit ab alijs, sed quia sic placet Deo, oculus simplex ad unum atque unicum Dei honorem collineat in omnibus, in quibus errare refugit? Deus in causa sit, quare haec faciamus, ista fugiamus, illa perferamus. Si iam, quod saepe fit, operam nostram alijs locatam, parcius illi quam par est, compensent. Deum vadem & sponsores habemus. Quod Deus Abrahamo dixit: hoc omnes bonae Intentionis sibi a Deo dictum censeant: Ego protector tuus sum, & merces tua magna nimis. f

a Eccl. c. 10. v. 1.

b Isc. 1. v. 22.

c Greg. l. 1. Dial. c. 9.

d Lev. c. 14. v. 14.

e Rich. tract. 1. de statu int. hom.

f Genes. c. 15, v. 1.

## CAPVT XI.

*Exemplar nobile INTENTIONIS mala fuisse Herodem Magnum, a scalo nitam.*

**A** Diuo Ludouico Galliarum Rege missus est ad Damasci Sultanum Ora-

tor è sancti Dominici familia Iuo, vir doctus & religiosus. Huic in itinere, mirum quid contigit, & quod credibile; studio id adornatum est, complurium instructioni, hac ratione. Anus Iuoni loco quodam occurrit, altera manu Hydriam aqua plenam, altera vas cupreum prunis gestans. Miratus Iuo insolitum occursum vetule, aquam & ignem gestantis, quaerit quid haec sibi velint? Cui mulier: Prunas, inquit, fero ut ijs paradisum incendam & comburam: aquam defero, ut eas flammis inferorū extinguiam, & Orcum aboleam. Iamque magis miratus Iuo responsum tam insperatum, interrogat ultra, quid haec moliri cogitet, & cui bono? Illa, ut in posterū, inquit, omnis Intentio non recta aut non pura cesset, ut nemo probus sit solum spe caeli & praemij; nemo etiam peccare oderit formidine poenae & inferorum horrore, sed solo dei amore, & desiderio placendi Deo. Ad Christi pueri praesepe atque stramineas tinas, tres ab Ortu magni Principes venerunt: Itinere toto tam apud Herodem hospitem, quam alibi nihil aequè frequenter audiebantur respondere, quam illud rectissime Intentionis: *Et volumus adorare eum.* Sed & Herodes idem prorsus grandi ore pronuntiabat: *Ut & ego veniens adorem eum.* Hic nulla spes praemij, nullus poenae metus semiscuit, nec enim vlla vel inferorum vel caeli sit mentio: Unicus itineris Bethlemitici finis est, diuinus cultus & adoratio. Tam Herodes quam illius hospites, in vnam illam vere sanctam Intentionem conspirasse videtur. Ad sunt adoraturi, nec metu supplicij villo, nec spe praemij prouocati. Et quis Herodem non idem sentire dixerit, quod pios illos aduenas? Verum, iam demonstrabimus inter Herodis & trium hospitem Intentionem, tantum esse discriminis quantum inter celum terramque. Et apparebit Herodem Malae Intentionis egregiam ideam exilite.

## S. I.

**P**hilosophorum scitum est, Vltimum in actione, Primum est in Intentione. Finis est ad quem referuntur omnia. Ab experientia quotidiana id constat. Sumit sibi quis diuersissimos labores; hac hebdomade calcem conuehit, altera lateres & saxa, arenam tertia, asseres quarta, dein cum amicis deliberat, modo hoc

K k k k k 3 modo



modo illud ad regulam reuocat, iam circinum rotat, iam & nummos numerat, modo cum architectis agit, iam cementarios accersit, modo vitriarium, & ferrarium fabrum conducit. Et quorsum hæc omnia? Ad domum. Finis omnium domus est, prima quidem Intentione, sed Actione vltima.

Narrat Matthæus, tres ex Oriente dynastias iter ingressos Hierosolymam versus, iter hoc longum, difficile, laboriosum, & magnarum impensarum fuit. Equis huius itineris finis & scopus? Noui Regis adoratio. *Et venimus adorare eum a.* Hoc, toto itinere agitabant secum; *Venimus adorare eum.* Hæc illorum Intentio iter indixit, hæc diuersa munera congeffit, hæc in viam necessaria præscripsit, hæc Hierosolymam Iudææ metropolim duxit, hæc hospitium Herodis quaesuit, hæc præcuncti fideri fidelissime obrepauit. Finis hæc omnia dictauit, finis sane optimus ac laudatissimus, *Et venimus adorare eum.*

Sed & Herodes idem ait, & quidem verbis iisdem: *Vt & ego*, inquit, *veniens adorem eum.* Quis non credat Herodæ, & illius regios hospites vnus esse animi, equalis propositi, eiusdem proptus Intentionis? Sed videre obsecro, quantum tellus & astra dissident, tantum Herodis & trium Magorum animus, propositum, Intentio discrepant. Horum longe optimus, illius longe pessimus finis fuit. Argumenta huius clarissima hæc sunt.

Principio, *Audiens autem Herodes Rex turbatus est b.* Res iam suspecta, & in primū Malæ Intentionis argumentum, turbari. Homo bonæ Intentionis, nunquam totus turbatur, vt res eueniant, etsi omnia terribiliter cadant, sibi constat, sui similis est. Non contristabit iustam, quicquid ei acciderit c. Nam bona, quam habet, Intentione non potest excidere, Herodes ideo turbatus est, quia regno pelli metuebat. Sed vnde hic metus? sibi ipsi nimium amicus, seipsum nimis ardentem & amabat & quærebat.

Anno 1414. tres erant Pontifices (ea erat æni labes) Ioannes, Benedictus, Gregorius. In his turbis è purpuratorum Patrum numero Ioannes Dominicus, vir integerrimus animum suum Intentionemque vere optimam dissimulare non potuit. Nam licet is vnus omnia apud Gregorium posset, ab eo etiam ad illud fasti-

gij euectus fuisset, nihilominus tamen Gregorium monere non desijt, descenderet sponte sua ipsemet de tam sublimi folio, in quod via negata & non legitima peruenisset. Paruit tam sincere mouenti Gregorius: Alij duo hac sede vi submoti sunt, Quo facto Ioannes Dominicus purpuratus senator, & ipse sese in ordinem redigere aggressus, Concilium Constantiense adiit, purpuram suam digniori dandam exiit, & infra Episcopos se locauit. En, quam variè & quam feliciter Ambitionem triumpharit recta Intentio! Herodes quia tam ambiciosus, hinc etiam tam turbatus. Si quis illius auribus dies noctesque ingessisset, natum esse quidem Messiam, non tamen vel minima ex parte nociturum, neque enim venisse vt regna eriperet, sed vt daret: nihilominus Herodes turbatissimus assidue timuisset, nec aliud animo voluisset, quam regis infantuli properatam cadem. Quod si Herodi vel vnica bonæ Intentionis venula fluxisset; sic se, cum fuisset ratiocinatus: Si natus puer vere Messias & Christus sit, aderit illi Deus, sin autem, Deum à me statutum confido. Sed nihil tam sanæ cogitationis admisit rex impius: hoc vnum ei erat in animo: Morietur, hic puer, morietur; & si per mille, etsi per quatuordecim millia corpora d mihi confingendus sit, configuratur, morietur. Et tamen hunc patricidam animum tam pijs vocibus vultuque velans: *Vt & ego*, inquit, *veniens adorem eum.* Bene locutum, pessime cogitasse, primum signum prodidit, Turbatio: *Audiens autem Herodes rex turbatus est.*

a Matth. c. 2. v. 2.

b Matth. c. 2. v. 3.

c Prou. c. 12. v. 21.

d Tot occisorum infantium fuisse, optimorum auctorum assertio est.

## §. II.

Secundo, *Et cōgregans omnes Principes sacerdotum & scribas populi, sciscitabatur ab eis, ubi Christus nasceretur a.* Quæ hic Herodis Intentio? Nolle locum nati pueruli. Quid vero hoc mali? Istud certe, quod nihil hic boni sit. Scire velle, ex se quidem indifferens, vt vocatur, Intentio est quæ nec bona nec mala; huic si iungatur actio mala, neutrum bonum dici poterit, Et cur Herodes Christi nati patriam nolle



nolle voluit? an vt saluaret, munera ferret, adoraret? Vt ingularet: Hæc mens illius, hæc erat Intentio.

Tertio, *Tunc Herodes clam vocatis Magis, diligenter didicit ab eis tempus stellæ b.* Neque hoc bonæ Intentionis signum est. Vocare Magos, nil vitij erat: clam vocare, parum virtutis, & vitio proximum est. Omnis enim qui male agit, odit lucem, & non venit ad lucem, vt non arguantur opera eius. c Hoc cuius certum sit signum Intentionis non bonæ, si quid adeo laboret oculare, contegere, suppressere, vt nullo modo ab alijs sciri velit, odit lucem iste, & latere cupit non se, sed sua vitia.

Multi quidem clam fiunt, quæ fido silentio committuntur; sua sunt arcana curiæ, sua & militiæ, & tamen in his ipsis conscius habere nemo reformidat, si id expedire sciat. Quæcumque elemosynæ clam datur, auctore vix vni, sæpe nemini noto? pie hoc, sancte, & ad Christi mentem. Si tamē ij qui dant, sciant ad maiorem Dei honorem facere, sciri se, utique non suppresserent has voces: ego sum, ego do. Non eadem in vitij est ratio, sunt enim recessus & latebræ ubi luditur, ubi potatur, ubi furtiue amatur, ubi contra leges laboratur: hi latebricolæ, lusores isti, potatores, aut amatores nequaquam sciri volunt. Quis Orator his talibus persuaserit fore ad Dei honorem sciri, quia ipsi sint, qui socij illorum. Nihil audiunt, sed omnibus minaciter imperant, aut file, aut peri. Nemo est illorum, cui vocem illam extorseris: Ego sum lusor, ego sum potator, ego proci & decoctor. Hæc furtim & clam fieri consueverunt. Sed hoc ipsū CLAM, euident est indicium, hæc omnia fieri Intentione non bona. Tecta plerumque suspecta. Herodes ergo dū Magos clam accersit, se palam malæ Intentionis suspectum reddit. Ab hac vitiosa radice similes enati sunt rami. Quicquid hic egit Herodes, vitiosè egit. Cum peruersa est Intentio quæ præcedit, prauum est opus omne quod sequitur. Vbi ergo clam Magos vocasset, tempus stellæ ab eis diligenter didicit, amādauit eos in Bethlehem, de singulis solemter interrogari, & sibi resuntari mandauit, omnia maligne & cum noxa, nam addidit fucatissimam ac nequissimam Intentionem: *Vt ego veniens adorem eum.* En diabolum, sed pulchrum, & Angeli veste decorū

O vulpes callidissima, non sine causâ Herodiana stirpi hoc nomen tribuit Seruator. Vulpina vafritie cruentum, immanem, scelestum animum posse tegi sperabant.

a *Ibi. v. 4.*

b *Ibi. vers. 7.*

c *Ioan. 6. 3. v. 20.*

## §. III.

Herodis vero sacri Senatores & Patres cōscripti, cuiuslā animi & intentionis fuerunt? Variæ. Cū enim senatus indiceretur extra ordinē, credibile est ex ijs fuisse qui dicerēt: Quis diabolorum exteros hos homines ab orientis oris adduxit, tanquam si absque illis non satis negotiorū nobis esset? Alium audisses dicere: Velim idololatriæ isti domi maneat & nostrā nobis pacem non turbent. Alius pessime precatus, forsan dixerit: In malam rem abeant hi homines, pudore nos affecerunt maximorū in Arabia hoc sciant, & nos nesciamus in Iudæa? Alij, paullo modestius: Ex officio, aiebāt, hoc Regi debemus, cui nos in omnem hanc operā obligauimus, ergo libros adire, & inquirere oportet, quæ Christi sit terra patria. Sed neque hi adeo erant laudandæ Intentionis. Nam intentio bona raro impellit, cum vis & necessitas cogit: Non est virtutis bene iubenti dicere: Nolo quidem, sed debeo. Licet ergo curiam Herodis omnem scrutemur, vix vllā Intentionem rectam in ea inueniemus, & quod sequitur, nullam actionem bonam. Illa enim omnia conuenire, inquirere, libros consulere, responsa dare, sunt politicum quid, & actiones adiaphoræ, quibus si non iungatur Intentio bona, nil cælestis præmij assequuntur.

Porro illa Herodis turbatio, Rabbīnorum consultatio, trepidatio Urbis, tres illos ex Oriente reges admodum dubios reddere, imo in errorem trahere & te infecta regressum eis persuadere potuisset. Promptū enim illis fuisset dicere: Quam nos infantes sumus, & digni regum cachinnis! En in ipso Iudææ medullio, de hoc Iudæorum rege quæramus, nihil scitur, & nos tam temere mutum ignem secuti, nostris regionibus desertis in peregrinas has oras nosmet eiecimus: turbauimus Herodem regem, regijs consiliarijs negotium faciliuimus urbem Hierosolimam frustra



cōmouimus: quid vani hoc itinere nobis volumus? Nihil harum cogitationum, nihil admiserunt, sed quo cœperunt pede, Intentione bona qua orsi, ea etiam constanter progressi, hoc vnum omnibus responderunt: *Venimus adorare eum*. Si quis illorum aliquem in antro Bethlemitico interrogasset: & quid hæc vestra sibi muneris volunt? quid humilis procidentium habitus, quid prona in terram corpora? non aliud vnquam respondissent, quam hoc ipsum: *Venimus adorare eum*, huc nos neque metus, neque vis, aut vlla necessitas adigit, non spes opum vlla impulit, hoc vnum nos domo exciuit; *Venimus adorare eum*. Et quem illum o viri, quem venistis adorare? Illum ipsum, aiunt, cuius stellam vidimus, cui parent sidera, qui nobis faciem cœlo extulit, hunc *Venimus adorare*.

Tandem assecuti suum finem, & *procidentes adorauerunt eum*. Poterat pro se quisque dicere: Ego gloriam meam non quæsiui, sed nati Regis Hebræi, huc animum intendi, eâ de causa hoc iter suscepi, hoc sine munera hæc attuli: vna mens & vox vna omnium: *Venimus adorare eum*. Delati demum, fidere duce, ad viliissimum tuguriolum, ad pecudum ædes, ad puerulum pauperrimum, nec diuini quicquam præ se ferentem, nihilominus *procidentes adorauerunt eum*.

En, mi Christiane: quid mala, quid bona doceat Intentio. En, quam fucata illa & trepida, quam hæc constans & erecta sit, & quam sese vtraque suis vtrunque prodatur indicijs! Herodes, licet homo abstrusus & reclusus, ex arte truculentum animum dissimulare nouerit, vitiatæ tamen Intentionis signa edidit satis aperta. Tres ab exortu Magi aberrarunt non nihil, hospitem querendo Herodem, sed hic ipse error bono eis fuit, ob bonam Intentionem: profuit sic errasse. Quando ergo Intentione optima ferebantur ad Christi nati cunabula, non tantum stellam ducem habuerunt, sed & Angelum monitorem, qui fidelissimè instruxit, perfidum hospitium studiosè declinarent, ad Herodem ne redirent, alia via domum remearent, ne Intentionem optimam, qua venerant, deprauarent. Neque enim Magi alia mente secuti sunt stellam, quam ut illius se voluntati ac nutui, qui stellam in ducem in ducem miserat, ex integro submitterent.

Hæc vera & prorsus pura est Intentio: *Dei voluntatem in omnibus sequi*. De hac nostri aui Theologus a: Qui sic animatus est, inquit, ut nihil aliud expetatur, nisi Dei voluntatem explere, eum Deus nunquam potest deserere. Iugens promissum.

Hæc ergo hominis Christiani sit Intentio in rebus agendis omnibus, ut sincero corde apud se assidue voluat: Domine, tuo honori facio omnia, tuæ voluntati parere cupio in omnibus, siue illa mihi facilia sint factu siue difficilia, aspera an iucunda, *Venio adorare te*, non ut Herodes, sed ut tres ab Ortu reges, te Domine semper, & omnibus actionibus meis adorare cupio; eam ob causam viuo, ideo, edo, bibo, dormio, laboro, ut tibi seruiam, tibi placeam, tuæ voluntati obsecundem vbique, semper in omnibus: sic viuam sic moriar.

a Matth. Tymp. in spec. epif. signo 117.

## CAPVT XII.

*Quid indifferens, quid nulla INTENTIO à nobis vocetur.*

**Q**uamuis nulla sit actionum voluntariarum, quæ non originem trahat ex Intentione aliquam; quicquid enim volentes & scientes agimus, desiderio alicuius consequendi finis agimus: nihilominus multa tam ambigue, plurima tam oscitanter, incuriose, propter facimus, ut in multis adiaphoram vel indifferentem, in plurimis nullam habere Intentionem videri possimus. Quam autem Intentionem vocemus Indifferentem, quam Nullam, dilucidè iam explicabimus.

### S. I.

**I**NDIFFERENS appellatur Intètio, seu Adiaphora, quæ nec bona est in se, nec mala, nec ad probitatem, nec ad improbitatem confert; & hæc plerumque actiones mere naturales pro fine habet, ut sunt, edere, bibere, ambulare, dormire. Lucem hic allucebit Seneca, qui sensu prorsus Christiano: Indifferentia, inquit, esse dico, nec bona, nec mala, tanquam morbum dolorem, paupertatem, exiliū, mortem: nihil horum per se gloriosum est, nihil tamen sine his. Laudatur enim non paupertas, sed is



sed is quem non submittit, nec incuruat: Laudatur non exilium, sed qui hoc non doluit: laudatur non dolor, sed quem nihil coëgit dolor. Nemo mortem laudat, sed eum cui mors ante abstulit animum quam conturbauit. Omnia ista per se non sunt honesta, nec gloriosa: sed quicquid virtus ex illis adiit tractauitque, honestum & gloriosum facit. Illa in medio posita sunt: interest, utrum malitia illis, an virtus manum admovent. Et ut liquido sciamus quid indifferens, quid bonum, quid malum sit, addidit Annæus: Omnis res quod non habuit decus, virtute addita sumit. Cubiculum lucidum dicimus, hoc idem obscurissimum est nocte; dies illi lucem infundit, nox eripit. Sic istis quæ à nobis indifferentia ad media dicuntur, diuitijs, viribus, formæ, honoribus, regno: & contra morti, exilio, malæ valetudini, doloribus, quæque alia aut minus aut magis pertinuimus, aut malitia aut virtus dat boni vel mali nomen. Massa per se nec calida nec frigida est, in fornacem coniecta concaluit, in aquam remissa refrixit.

Ergo, sola virtus, bonum: sola malitia, malum: Indifferentia, per se nec bona, nec mala: vsus dat ijs nomen, siue cum virtus, siue cum malitia accessit. Ita ingenium, ars, scientia, sanitas, vires, opes, gloria, nobilitas, indifferentia sunt, quia naturalia sunt, nec altius exurgunt quam quo ea erigit bona. Intentio, quæ si & ipsa intra naturæ fines se contineat, nec ad Deum subuolet, Indifferens manet, & sine præmio. Hinc ire, stare, sedere, currere, loqui, laborare, &c. bona non sunt, nec promeriti nomen acquirunt, nisi bonâ Intentione, quæ actionem etiam minimam, ac vilissimam in altissimum dignitatis gradum extollit, quod ut optime capiamus; Ludouicus Blosius præclare; nos instruit hunc in modum: Quæ agenda sunt, (etiam dum manducare, dormire vel quoduis aliud solatium carni indulgere oportet) tu tali consideratione præueni, ut ea ipsa pure ad Dei honorem facere desideres. Nam quemadmodum opus quod ex se grande ac magni momenti videtur, Deo prorsus displicet, si operantis Intèrio impura fuerit: ita opus quod ex se frigidum nulliusque momenti iudicatur; Domino plurimum placet: si operantis Intentione fuerit recta. Etiam si pietate ductus ceruicem tantum inclinaueris ante crucifixi Iesv

imaginem, vel ad altare Dei genitricis Mariæ flosculos obruleris, aut pedem moueris propter charitatem, non frustraberis à spe iustæ mercedis. Et hoc potest Intentio bona; Intentio indifferens horum nihil potest, sed actionem, cui iungitur, nec deteriolem reddit, nec meliorem, ut infra pluribus dicemus.

a Senec. ep. 82. med.

b Idem ibi.

c Blos. in Can. vitæ spirit. c. 30. initio.

## S. II.

Intentio Nulla, vocatur à nobis ea, cum quis ex consuetudine temere hoc illudue facit, nec sibi vllum actionis suæ finem proponit, & quasi casu viuunt. Ingens hoc vitæ malum est, & omnium laborum cæca vorago, lustrissime queritur olim Seneca, & Necesse est, inquit, multum in vitâ nostra casus possit, quia viuimus casu. Quoties, quid fugiendum sit, aut quid petendum, voles scire, ad summum bonum, & propositum totius vitæ respice. Illi enim consentire debet quicquid agimus non disponet singula, nisi cui iam vitæ suæ summa proposita est. Nemo, quamuis paratos habeat colores, similitudinem reddet, nisi iam constet quid velit pingere. Ideo peccamus, quia de partibus vitæ omnes deliberamus, de tota nemo deliberat. Scire debet quid petat ille, qui sagittam vult mittere: & tunc dirigere, & moderari manu telum, errant consilia nostra, quia non habent quo dirigantur. Ignoranti quem portum appetat, nullus suus vespit. a Omnia præclarissimè; & vere ignorat quem portum pellat, qui Intentione Nulla in casum se fatigat. Vbi certus actionis scopus & finis deest, illic confusio, & omnia indigestum ac rude chaos.

Deus olim præcipiens: Omnis adeps, inquit, Domini erit ture perpetuo in generationibus, & cunctis habitaculis vestris b Quid mirum, inquit Isychius, aruinam & adipem tam seuerè à Deo exigi: Adeps iste, recta est Intentio, in omnibus ad Deum dirigenda, hanc Deus nemini remittit. Qui vero nullam suis actionibus Intentionem præstituit, is quod optimum est sacrificij, Deo subtrahit hic talis, quicquid facit, aut ex inclinatione, aut ex consuetudine

L llll

facit,



facit, nescit enim faciat, aut quorsum, & qui faciat. Miserimum est hoc genus hominum, quibus post varios labores, nulla speranda est merces.

*a Sen. ep. 71. initio.*

*b Leuit. c. 3. v. 16.*

### S. III.

**P** Veris trimulis aut quadrimulis quis in quietior? totos dies huc illuc oberrant, nec vnuquā vno loco diu consistunt: nunc equitare se putant, nunc volantem plumam agitant, iam domunculas edificant, iam per sedilia sursum deorsum saltant, ita sese plurimū fatigant, in summo otio nunquam otiosi, & vbi totum diem ad lassitudinem, diu multumque semet agitant, tandem est omnis hic labor & lassitudo? Nugas egerunt, muscas depulerunt, cribro aquam hauserunt, in aqua sementē fecerunt, iustitiam & inani opera. His infantibus ij omnes simillimi sunt, qui actiones suas nulla Intentione regunt: ardua vix attingunt; si tamen ea tangant, leui decurrunt manu, & superficiem potius radunt, quam latentia petant. Querit ex his apposite nebulosus satyricus.

*Est aliquid quo tendis, & in quod dirigit arcum?*

*An passim sequeris cornos testaque lutoque, Securus quo pes ferat, atque ex tempore viuus?*

Num tibi certus est finis quo omnia referas? an in diem viuus sine proposito, sine providentia, prout natura suggerit? Et quis ille tabellarius, qui quarenti, quorsum tendis? respondeat: *vere ipse ego nescio*. O stolidum caput! redi domum, ridicule homo, redi, & prius quo tendas cogita, quam ex eas.

In hac vita, ô Christiani, non licet nobis vanos ambulatores agere, & quo pes fert, excurrere: singulis horis cogitanda est hora vltima, & viar terminus, omnibus poene momenti Intentione recta restauranda est. Maximi refert, quomodo res appetamus, an virtutum amore, an nostri nudas edere operas minime laudabile est. Vbi autem Intentione recta non est tibi aut mala, aut nulla est. Ingenium quod virtutibus non impleueris, viriis vacat, veluti cessante cultu ager, quem messibus onerare rimueris, se inutilibus herbis sponte exhauriat. Ita plerumque vbi bene agere cessamus, in-

cipimus agere male. De hoc etiam eximie Seneca: *Potemus aliquem, inquit, facere quod oportet: non faciet assidue, non faciet æqualiter, nescit enim quare faciat. Aliqua vel casu vel exercitatione exhibunt recta, sed non erit in manu regula ad quam exigantur, cui credat recta esse quæ fecit. Non promittit se tale in perpetuum, qui casu bonus est. Deinde, præstabit tibi fortasse præcepta, ut quod oportet, facias: non præstabit, ut quemadmodum oportet, facias: & si hoc non præstant, ad virtutem non perducunt. Faciet quod oportet, monitus, concedo, sed id parum est, quoniam quidem non in facto laus est, sed in eo quemadmodum fiat a. Excellentissime prorsus, & ad regulam diuinæ paginæ. Vere non in facto laus est, sed in eo, quemadmodum fiat, Non tantum non facere, sed nec bene facere satis est, nisi hoc ipsum bona fiat Intentione. Tanti ergo ducamus oculum simplicem omni tempore, & omni loco intendere in Deum.*

Sed an non sæpe omni puero stultiores sumus, qui in tanta luce caligamus, imo nobis omnia tenebras facimus, & subinde nihil videmus, nec quid noceat, nec quid expediat. Tota vita incursumus, nec ob hoc resistimus, aut circumspiciamus pedem ponimus. Quis vero nescit quam sit furiosa res, impetus in tenebris? At nos certe id agimus ut longius reuocandi simus: & cum ignoremus quo feramur, velociter tamen huc illuc, quocunque demum, cæco impetu ruimus.

*a Sen. epist. 95. med.*

### S. IV.

**I**delissime Deus per Aggaeum Prophetam commonefaciens: *Ponite, inquit, corda vestra super vias vestras. Seminastis multum & intulistis parum: Comeditis, & non estis satiati, bibistis & non estis inebriati: operulistis vos, & non estis calefacti, & qui mercedes congregauit, misit eas in sacculum pertusum. Hæc dicit Dominus exercituum: Ponite corda vestra super vias vestras a. En quam vigeat Deus illud: Ponite corda vestra super vias vestras, quæ velit considerari: quæ viâ, & quo eamus; En, quam vbiq; Intentionem bonam requirat. Omnibus vero hoc negligentibus occiditur: Seminastis multum & intulistis parum. Sunt qui nummos seminant, tantum scilicet pecuniæ*

*in men-*



in mensam erogan, tantum in vestes & suppellectilem, tantum in recreationes, lusus cō-  
uiuia, tantum etiam in rerum nouarum audi-  
tionem, tantum in varias animantes, tantū in  
libros quos nec ipsi legunt, nec alijs legendos  
permittunt, sed custodiunt vt canis præsepe;  
tantum æris insuper expendant in adulatores  
sanniones, mimos, parasitos, moriones;  
tacebo aliam hominum impuram faciem; tan-  
tum etiam insumunt in artificiola curiosa, &  
sæpe perniciosa, tantum in alias vanissimas in-  
sanas, tantum denique in stipem & elemo-  
synam exponunt, & modo id Intentione sa-  
na fiat. Hi sane plurimum argenti seminant &  
vnoquoque horum recte dixerit, DISPERSIT,  
non autem, *dedit pauperibus*, sed iam ante di-  
uitibus, aut dedit sartoribus, dedit cœcis, cu-  
pedinarijs, palponibus, gesticatoribus, su-  
surronibus: dedit his, & istis vt eos in suam  
causam traheret, vt corrumperet, vt os illo-  
rum sibi emeret. O miser! *seminastis multum,*  
& *intulistis parum*, quia intentione non  
debita seminastis. hinc messis tam modica,  
tam nulla: dimidio pecuniæ vestræ cælum e-  
misistis, sed altero tanto maluistis emere ge-  
hennam.

*Comeditis, & non estis satiati, bibistis & nō  
estis inebriati.* Sunt qui comedant & bibant,  
sunt qui de rebus diuinis multa & præclara au-  
diunt, virtus eis varie suadetur: & vt cœci so-  
lent qui modo lixa, modo asla, modo frixa;  
iā sicca, iam iusculis perfusa, iam frigida, iam  
fumantia & calida apponūt, vt edendi appeti-  
tum acuant: sic fastidiosus his rerum sacrarum  
auditoribus, amabili varietate virtus commē-  
danda est, audiunt illi, & velut audita come-  
dunt, audios se ostendunt, sed mox aliud e-  
suriunt, audita celeri obliuione sepeliunt, &  
animum alio conuertunt, inde nec habitiores  
nec robustiores fiunt, nam sacris admoni-  
tionibus non ea Intentione auscultant, vt me-  
liores sanctioresque euadant: O miser! *come-  
distis, & non estis satiati.*

*Operuistis vos, & non estis calefacti.* Sunt  
qui etiam virtuti quandoque operentur; tem-  
plū frequentant, orant, exomologeseos & Eu-  
charistiæ sacramentis se muniunt, nec tamen  
inde calefiunt, partim quia hæc per sinceram,  
& feruidam Intentionem ad Deum non diri-  
gunt, partim quia se frigori mox iterum expo-

nunt? è templo, ab oratione, à confessione vi-  
digressi, ad antiquum libidinis volutabrum  
redeunt, pristinam iurandi & imprecandi cō-  
suetudinem repetunt, pessimas occasiones non  
fugiant; ita mores inolitos nunquam depo-  
nunt, in assuetis noxis frigidi, vt ante, persistūt.  
O miser! *Operuistis vos, & non estis calefacti.*

*Et qui mercedes congregauit, misit eas in sac-  
culum pertusum.* Liberalissimus est Deus in  
tribuendis muneribus, quæ nos sacculo nostro  
excipimus, sed sæpe pertuso. Mens nostra ve-  
lut sacculus tot habet foramina per quæ cale-  
stes dotes excidant, quot occasiones non vitat  
quæ ad nequitiam inuitant. Hæc omnia pul-  
chrè complexus Gregorius: Multum, inquit,  
cordi suo seminat, qui de mandatis cœlestibus,  
vel legendo vel etiam audiendo multa cognos-  
cit, sed negligenter operando pauca fructifi-  
cat. Comedit & nō satiatur, qui verba Dei au-  
diens, lucra vel gloriam sæculi cōcupiscit. Be-  
ne autē non satiari dicitur, quia aliud mandit,  
& aliud esurit. Bibit & non inebriatur, qui ad  
vocem prædicationis aurem inclinat, sed men-  
tem non mutat.

DEVS olim Ezechiel: Fili hominis, inquit,  
venter tuus comedet, & viscera tua reple-  
buntur volumine isto, quod ego do tibi. Ven-  
tris autem viscera, inquit Gregorius, quid  
sunt aliud nisi mentis interna, id est, recta Au-  
tērio, sanctum desiderium, humilis ad Deum,  
pia ad proximum voluntas? Pensamus, charis-  
simi fratres mei, quàm sit pia ista promissio.  
Multi enim legunt. & ab ipsa lectione ieiuni  
sunt, multi vocem prædicationis audiunt, sed  
post vocem vacui recedunt, quorum etsi ven-  
ter comedit, viscera non replentur: quia er-  
si mente intellectum sacri verbi percipiunt,  
obliuiscendo & non seruando quæ audierint,  
hæc in cordis visceribus non reponunt. O  
miser! *mercedes cōgregatis, sed eas in sacculum  
pertusum mittitis.* Hic idem beatus Gregorius  
In sacculo, inquit, pertuso videtur quando  
pecunia mittitur, sed quando amittitur non  
videtur, qui ergo quanta largiuntur aspiciunt,  
sed quanta rapiunt non perpendunt, in pertu-  
sum sacculum mercedes mittunt: qui profe-  
cto has in spem suæ fiduciæ intuentes conge-  
runt, sed non intuentes perdunt.

Ita demum frustra laboramus, quia laboris  
animam INTENTIONEM non curamus. Id



quod boni facimus, ante oculos nobis statui-  
mus, Intentionem rectam quam negligimus,  
nihil pendimus: ita mercedes congregamus,  
& in sacculum peritum mittimus.

a. Agg. c. 1. v. 5. 6. 7.

b. Greg. lib. 1. in Ezech. hom. 10. post. init.

c. Ezech. c. 3. v. 3.

d. Greg. loco proxime cit.

e. Greg. par. 3. cura pastor. al. cap. 22. fine.

## S. V.

**N**on est molestior labor, quam labor irritus & sine effectu: nemo est qui velit operam ludere. Enimvero aliqui ut asini laborant, multa grauiusq; in se onera recipiunt, & omnem laudem in eo ponunt, ut opera quam plurimum sumant: Isachar asinus fortis &c. suppositum humerum suum ad portandum, factusque est tributis seruiciens. At hi non sibi laborant sed alijs, cum Intentione careant, quam Deo laborem suum vendant. Aliqui porro patiuntur ut Martyres, sed non cantabitur de illis: Gaudent in caelis animae Sanctorum qui Christi vestigia sunt secuti. Miserrandi prorsus, & fetu tanto digniores, quanto numero plures. Ah, quanti sunt qui ponderosis à crucibus premuntur, & tamen in via ad caelum vix quidquam promouent, solo Intentionis defectu. Grandia patiuntur, sed ideo, quia pati coguntur. Terguerantur quidem, torquent se misere, resistunt ut possunt, quia vero impossitam crucem excutere nequeunt, vacillando pergunt. Hoc non est pati pro Christo; hoc est in aere remigare, frigido furno panes inmittere, in arena edificare.

Balaami sacerdotes quid tandem laboris omiserunt, ut Eliam sacrificando vincerent? bouem imposuerunt aeg, & inuocarunt Deum suum à primo mane usque ad meridiem, continuo vociferantes, Baal exaudi nos, Baal exaudi nos &c. transliebantque altare quod fecerant. Cumque esset iam meridies, illudebat illis Elias dicens: Clamate voce maiore. Clamabant ergo voce maiore, & incidebant se iuxta ritum suum, culiris & lanceolis, donec perfunderentur sanguine. Nulla tamen Balaami vox, nullus igniculus, successus rei nullus se prodidit. Deuissent amētes sacrificuli prius ignem excitasse in animo, (quod fecit Elias.)

Intentione extimulasse ad Deum, hac ratione ignem euocassent è caelo. Mundus velut alter Baal variè suos exercet, fatigat, vexat: istos ad omnem nequitiam, illos ad quamcunque seruitutem rapit: exagitantur miserando, stando, currendo: laboribus saepe odiosis, difficultibus molestis, improbis, insanis, indignis exercentur: qui mundo seruiunt debent glutire posse omnis generis inuictiuas, conuitia, reprehensiones, vituperia, morsus acerbos, crebros despectus: & sicut histriones arte gesticulatoria deuorant cultros, ita hi tolerare coguntur & glutire, velint nolint, accrebra multa & admodum aculeata dicta. Habent hi suos obrectatores, emulos, aduersarios, maleuolos & inuidos, antagonistas, nihilominus tamen horum genibus aduolui, manus osculari, mille ceremonijs & delicijs hos ipsos venerari adiguntur, aut Mundo seruitium abrenuntiare, neque verò desunt curæ, solitudines, perturbationes, rei familiaris angustiae. Hæc omnia simul sumpta instar obesi & infusti dissecati bouis essent, modo non deesset ignis, modo Intentio recta, velut caelestis flamma, ea delibaret. Verum quia multi talia ferunt, sed impatienter, ferunt, sed Deo illa non offerunt; patiuntur ista, sed sine Intentione recta; patiuntur non propter Christum, sed propter se, in suam & Mundi gratiam: hinc nihil hic promeriti aut mercedis cogitandum: nebulas diuerberant, & in saxis seminant, nullam à Deo gratiam merentur.

De his eleganter & verè Bernardus d. Væ, inquit, portantibus crucem, non sicut Saluator suam, sed sicut ille Cyrenæus alienam. Duplici quippe contritione conteruntur, qui huiusmodi sunt, quando & hic pro temporali gloria temporaliter se affigunt, & in futuro pro interna superbia ad supplicia æterna pertrahuntur. Laborant cum Christo, sed non regnant eum Christo. De torrente bibunt in via, sed non exaltabunt caput in patria: lugent nunc, sed tunc non consolabuntur. Ita maledictus ille larro iuxta Christum quidem crucifixus, sed è cruce in paradysum cum Christo non migravit. Pari ratione multi multum laborant, sed frustra: multa sustinent, sed & frustra: virtutes etiam ut videtur, exercent sed frustra hæc omnia, imo cum damno, quia recta in his omnibus Intentione caret,

Oscas,



Oseas, vates Hebreus hos ipsos designans: Vitula, inquit, docta trituranf. Qui absque Intentione certa & recta laborat, bobus similes sunt qui triturant. hi etsi ab opere soluantur, redeunt tamen vltro; iam affluenerunt huic operi, quo etiam fruuntur, nā subinde os mergunt auena, & sic labentes perpetuant hunc laborem, iugumque facillime recipiunt. Non aliter agunt illi Mundi alumni, quos insigniternotans Gregorius: Pro Mundi gloriā, inquit, cuncti sudoribus libenter inseruiunt, & gravium laborum iugo colla deuotissime submitunt. Et quæ merces operis? os plenum auena, marsupium non adeo turgens pecunia. Certe vituli docti trituram, laborant vt iumenta plaustralia aut molaria; vel vt equi cæci in fullonica, hi ab vnico puero voce & flagello aguntur, curruntque toto die; & quo tandem vesperi perueniunt? in eodem omnino loco sunt, quia in orbem acti sunt: Sic qui recta carent Intentione, vere cæci sunt, & in virtutibus progressum nullum faciunt; hodie nus, crastinus, perendinus dies nullo illis discrimine veniunt. Hi boues semper in eadem area triturant, & hunc laborem suum pro mercede habent, ideo à Deo aliam non expectent. Hæc est causa, cur Paulus tam contente præcipiat: Omne quodcunque facitis, in verbo & in opere, omnia in nomine Domini Iesu Christi, gratias agentes Deo & Patri per ipsum. g

Idem æque grauiter intuscaus: siue ergo, inquit, manducatis, siue bibitis, siue aliud quid facitis, omnia in Dei gloriā facite h: Omnia, omnia. Sic edendum, sic bibendum, sic aliud quiduis faciendum, vt Deus honoretur, nullus hominum lædatur, aut offendatur: Chrysostomus Paulinum hoc præceptum explicans: Etiam si, ait, spirituale quid fuerit, si tamen propter Deum non fiat, cum primis illum lædit qui facit i. Et sicut cæmentarij amussim suam ab angulo ad angulum ducunt, sic nostrarum actionum amussis sit diuinum illud Pauli effatum, siue manducatis, siue bibitis, siue aliud quid facitis, omnia in gloriam Dei facite.

Itaque rectissime Laurentius Iustinianus: Prima vox, inquit, prima cogitatio, primus affectus diuinam resonet laudem, ignitam ad Deum dirigat supplicationem k. Dimidium facti, qui bene cœpit, habet.

a Gen. c. 49. v. 14.

b Ecclesia. offic. in 1. vesp. de Mart.

c 1. Reg. 18. v. 26. & seqq.

d Bern. in Apol. ad Guil. abb. in initio.

e Bern. in Apol. ad Guil. abb. in initio.

f Ose. c. 10. v. 11.

g Ad Coloss. c. 3. v. 17.

h Ad Cor. c. 11. v. 10.

i Chrys. tom. 5. orat. Calendis dicta.

k Laur. Inst. de discipl. & perfect. mo. c. 10. f. 10.

LIIII 3

LI-



LIBER SECVNDVS  
BONÆ INTENTIONIS  
ET FAVTORES ET HOSTES,  
maximè verò Vanam gloriam, & Iudicium  
temerarium; Eiusdem signa, praxin,  
præmia declarat.

CAPVT PRIMVM.

*Rectam INTENTIONEM esse bonam illam voluntatem, ab Angelis laudatam.*



BONA voluntas, actionis anima est, bona voluntas nunquam non diues est, bona voluntas omnia potest. Noctæ nascentis Christi nouam, inauditam oden cecinerunt interra cælestes genij. Horum è cælo cantorum auditores erant opiliones; odeum, campus; ode ipsa: *Et in terra pax hominibus bonæ voluntatis* a. Et quid est *Bonæ voluntas*? Obsecro, tantum nobis otij sumamus, vt ex omnibus illis qui ad Christi nati stramineas cunas obsequiosè sese stiterunt, hoc ipsum quæramus, quid sit *Bonæ Voluntas*? Interrogationis nostræ initium petamus ab ipsis Angelis.  
a Luc. c. 2. v. 13.

S. I.

OPurissimi, beatissimique Spiritus, quid agmine factò ad tuguriola nostra descenditis? quid in terra, quæritis, quod deesse possit

in cælo? nullum apud nos est dignum vobis hospitium. Ad hanc quæstionem nostram Angelorum omnium vna vox est:

O mortales, loci genium & incolas probe nouimus, neque hoc aduentu nostro illustra facinora, raras inuentiones, exoticas artes, artificia peregrina, neque aurum aut gemmas quærimus, sed Bonam Voluntatem, quæ & auro, & gemmis omnibus pretiosior est, nobisque charior.

Et in hoc quidem fecisse mihi videntur Angeli, quod magnates aliquando solent in pauperulam cereuisariam cauponam peregrè delari. Caupo namque si generosum Baronem aut illustrem Comitem videat suum esse hospitem, primò omnium instituit hospitij tenuitatem excusare, cupedias & delicias apud se nullas reperiri, lectos tanto hospite non sat dignos esse, panem & Zithum suppetere, cetera panè omnia negari, neque vero aliam ruri viuendi rationem esse; si tamè libeat manere, dominus



minus modo imperet, se quidem promptissime daturum, quicquid omni domo possideat. Comes homini animando modeste & placide: Scio, ait, mi vir quas ardes ingressus sum, si mihi par ouorum, & tuæ cereuisiæ haustum tuleris, in hanc cenam satis apposuisti, neque ego huc comestaturus veni; ignotus hospes latere cupio, & te relinquere ditiores, vis hoc? Caupo lætitiæ plenus, & renidenti ore: quid ni velim, inquit, ô mi domine, quid ni velim hoc votis omnibus? manda, iube, impera; ego, meique, iussa faciemus pro viribus. Hanc animi promptitudinem, paratissimam hanc voluntatem potentissimi illi ab æthere dyntasti Angeli quæsierunt in Orbe hoc inferiore, idque nostræ commodo, vt nos relinquerent, longè quam antea ditiores. *Et in terra pax hominibus bonæ voluntatis.* Sic Otho Imperator ad Romualdum visere, cellulam illius non tantum ingredi, & vñ cibum sumere, sed etiam in Romualdi paupere ac duro lectulo cubare voluit tantâ Maiestas. Sic alij Reges & Principes, desertissimas quandoque casas ingressi fonte solo & pane panè saxeo in cenâ vñ sunt non sine voluptate. Sic & Angelorum apud nos voluptas, est bona voluntas, rectaque Intentio. Sed & ex Iosepho quæramus, qua ipse Intentione Bethlemum venerit.

*a Hier. Platus l. 2. de bono stat. rel. c. 37.*

## S. II.

**O** Sanctissime Paterfamilias, castissime Ioseph, quid hoc itinere quæris, tam & longo, & difficili, tempore præsertim tam alieno? quid Bethlechemum migras, omnia vbique hospitia occupata sunt, tibi nec angulus patet, exclusissimus es vñdique, mille domos adeas locum requiemque petens, mille domos occludent seræ, te tuamque coniugem nulla recipiet. Ergo potius iter relege, & Nazarethi habitas: hic nemo te hospitem salutauit, multo minus honorario vino donabit. Iosephus Intentionis sanctissime plenus: Nō refert, inquit, nullam mihi parere habitationem hominum: ergo pecudum subibimus, neque enim huc migrauimus, vt laxè cōmodeque habitemus, sed vt voluntati diuinæ obtemperemus, id quod quærimus, est obedientia, huic omnem animum intendimus, sequemur, quacunque nos vocauerit voluntas diuina.

Sed cum bona venia tua, ô mi optime Ioseph, videris errare à limine: non hæc voluntas est Dei, sed superbia Imperatoris Romani. Cuperet Augustus Cæsar nosse vires ac potentiam suam, ea de causâ regiones & provincias omnes turbat, vt quantus sit, sciat, & inde magis superbiat.

Iosephus contra. Hanc ipsam, inquit, superbiam hominis idololatæ, Deus suæ voluntati perficiendæ aptum reperit instrumentum. *Dominus est, quod bonū est in oculis suis faciat.* a. Quandoquidem ergo Augustus Cæsar, summus magistratus, Dei nutu edixit per Orbem, vt quicuis in suæ tribus ciuitatem se conferret, ideo & nos hoc iter suscepimus, vt huic edicto pareremus. Hæc mea, & commissæ mihi Virginis est Intentio, quam equè commode in humillima casa, in vilissimo angulo, in stabulo exequemur, quàm in Herodis Regis, aut Annæ Pontificis palatio. Sed ipsam etiam beatissimam Virginem matrem super hac ipsa re interrogemus.

*a 1. Reg. c. 3. v. 18.*

## S. III.

**O** Virgo beatissima, te & matrem Dei dixerō, omnem in te laudem congesse. Tu verè dignissima mater es, ad cuius virgineum puerperium è cælo descendant Angeli: quid, obsecro, Virgo diuina, quæris in natali loco profapiz? An nescis? cognatos pauperes nemo nouit. Et valde verendum, ne hoc tuum iter frustra susceptū sit, nam ditiores è stirpe Dauidica, omne vrbis diuersoriū præoccuparunt, vobis aut in publico habitandum, aut redeundum est. Gentiles vestros vobis loco cessuros ne sperate, nemo erit ex his qui ad vos reuiscat, qui cibum potumque honorarium mittat, qui vllum honorem deferat; cognationem nemo agnoscat, humanitas omnis hinc pridem exultat, nec vllum vos diuersoriorum recipiet. Cōtemnuntur qui pauperes sunt, etsi optimi sint. Et verè dicitur: Mortuus viuos frequentat, pauper inter diuites. a. Quare, ô Virgo integerrima, aut publica platea domus tibi erit, aut via qua venisti, erit repetenda.

Ad hæc Virgo puerpera: Meus Iosephus, inquit, & ego, non quærimus cognatos, nec nostri stemmatis reuerentiam, neque cōmodum habitationis locum, sed vñam atque vñicam Deū



cam Dei voluntatem, quam nobis Deus declarauit per Augustum Cæsarem.

Sed, ô beatissima Mater, sit verbo venia, non hæc videtur esse voluntas Dei, sed hominis Deo inimici. nam quod pauperes tam miserè & sine causa fatigantur, iussu Cyrini præsidis fit, hic vir hic est qui vniuersam Syriam inquietat, & obrutat, iste est qui vniuersos suis sedibus huc illuc euocat. Ad quæ Virgo: sed quis, inquit, Cyrino id permisit? Putem, inquam ego, Augustum Cæsarem. Virgo iterum: Ecquis permisit Augusto Cæsari? Deus, utique respondi. Hic demum Virgo cælestis: Hæus ergo, inquit, permissum diuinum sequimur, huius voluntati paremus; hac Intentione iter istud suscepimus. De diuersorio iam anxij non sumus. Deus prouidebit. *b* Si locum negent homines, forsitan pecudes non recusabunt: Fiat voluntas Dei. Sed & ex ipso diuinissimo infante istud querere iacundū sit. *a* *Ver. monast. Throchne.*  
*b* *Gen. c. 22. v. 8.*

## §. IV.

**O** Infans omni Salomone sapientior, ô Rex Angelorum, quid tandem hic queris inter exules, quod non milles melius repetas inter tuos ciues Angelos? num animi gratiâ peregrinum & paganum panem gustare placet? num cælestia tempe cum horridissima hac filua commutare delectat? O Domine, Mendus non nouit te, & nisi te aliter patefacias, omnigeno contemptu te calcabit.

Ad hæc Christus puer, vel solo nutu oculorum, vel lacrimis solis, responsionis sat dedit hoc sensu: Honores ego non quero, nec voluptates, nec vllam mensę lauriciam desidero; Cibus meus est, vt faciam voluntatem eius qui misit me, vt perficiam opus eius. Alijs cibus omnibus carere, facili mihi erit, illum vero cibum gratissimum, cibum vere meum auidiissime consector, hunc quero, hic meus est finis, hæc Intentio. Vti vero nunc cernitis præsepi me incumbere, ita olim cernitis cruci. Et hoc omne ad paternæ volūtatē regulam fiet. Nam sicut Pater meus Imperatoris Romani superbia, & meorum cognatorum inclementia eo vitur, vt iam in fedissimum hoc antrum detrudar, ita vteretur Hebræorum Pontificum inuidia, vt olim in trabem ignominiosissimam

extollar. Meus cibus est, vt faciam voluntatem eius qui misit me *b*, quia non quero voluntatem meam, sed voluntatem eius qui misit me, & quia descendi de cælo, non vt faciam voluntatem meam, sed voluntatem eius qui misit me *d*. Hoc Christi ad nos responsum est.

*a* *Ioan. c. 4. v. 34.*

*b* *Ibid.*

*c* *Ioan. c. 5. v. 30.*

*d* *Ioan. c. 6. v. 38.*

## §. V.

**Q**uid ergo, est Voluntas bona, cui Angeli pacem imprecantur? Optimè ad hoc questum sanctus Leo: Christiano, inquit, vera pax est, à Dei voluntate non diuidi. Horis omnibus ex animo dicendum: Domine, fiat voluntas tua: fiat, & in me, & in omnibus hominibus, perfectissime, omni tempore, sicut in cælo. Hæc, ô Christiani, bona voluntas est, in rebus omnibus toto pectore hoc vnum velle. Domine fiat voluntas tua. Hanc voluntatem, Intentionē hanc animi commendant Angeli. de hac verè D. Gregorius: Nil citius, inquit, offertur bona voluntate. Hæc voluntas veram conciliat pacem, Voluntatem hanc ad Christi conas attulerunt pastores: Voluerunt ire & querere, iuerunt & quæsiuerunt illū ipsum infantem, quem quærendum suasis Angelus, hinc illorum mutæ cohortationes Transcauimus vsque Bethlehem, & videamus hoc verbum quod factum est, quod Dominus ostendit nobis. Et venerunt festinantes *b*. Hæc voluntate penitus caruit callidissima vulpes illa, Herodes Alcalonita, qui & se venturum, in ò & adoraturum promissit: nimirum pueri iugulum petiturus, non genua obsecuturus venisset.

In hac demum bona voluntate rectaque Intentione quies & pax vera consistit. Quicquid agas, ô Christiane, mille turbas in rebus alijs omnibus inuenies: nihil vsquam satis pacati extra hanc bonā voluntatem: inquietatio & molestiæ innumeræ à corpore, ab animo, ab amicis, à consanguineis, à liberis, à subditis, à seruis, ab officio, à negotijs, turbæ domi, foris, in templo, in publico, in aquis, in siluis, turbæ in ipsis relaxationibus & voluptatibus; turbarū vbique affatim te circumfister. Et licet omnia componas ad pacē, nihil omi-

omni  
bona  
insolu  
extra  
nibu  
ta; pax  
In  
posse  
com,  
cupidi  
maciæ  
gè peio  
aut tuta  
bonæ  
a Greg  
b Luc

Recta

G  
uide q  
pillom  
ptē in  
rita m  
millib  
naui  
quo oc  
tur sex  
qui in  
tutis a  
quæren  
hos sc  
Pretio  
regni d  
melum  
mum le  
re, tant  
Step  
Spiritu  
des, &  
res, nec  
filices  
cauit,  
pretio  
sum.  
ad hoc



ominus reperies pacem nisi in hac tantum bona voluntate, quæ voluntati diuinæ vinculo insolubili seipsam alligat. Et hoc cælum est extra cælum, seu cæli vestibulum. Pax hominibus bonæ voluntatis, pax bona, constans, tuta; pax vera & nemini poenitenda.

In plurimis alijs illud vulgi vsurpare quis possit: Malo bonā guerram, quā malā pacem, si spiritus velit cum carne pacem inire, cupiditaribus illius indulgere, omnem contumaciæ noxam dissimulare, pax pessima, & longē peior bello & discordia. Pax ergo nemini aut tuta aut bona esse potest, nisi hominibus bonæ voluntatis, rectæque intentionis.

a Greg. hom. 5. in Euang.

b Luc. c. 2. v. 15.

## CAPVT II.

RECTÆ INTENTIONIS, actioni à solo Deo persolui posse premium.

Gemmarius olim accessit, homo pretiosæ illius mercis imperitissimus, & auidē quærēs: Quanti æstimas, inquit, hunc lapillum bonæ vir? Gemmarius ad hæc promptē in hunc modum respondit: Hæc margarita merito vānit centum & quinquaginta millibus coronatorum. (Hanc gemmam donauit Iulius Cæsar Seruiliæ, matri Bruti à quo occisus est, & hæc, v. dictum, æstimabatur sexagies HS) Miratus supra modum ille qui interrogarat, & O superi, ait, quid virtutis aut fortunæ in hoc lapide? Sed & denuo quærēns de alio cimelio: Quanti ergo, inquit, hos simul lapillos æstimas? Cui Gemmarius: Pretio, inquit, exsolui vix possunt: dimidium regni dederis, nondum tamen persolueris: cimelium est inæstimabilis pretij. Hic ille primum serio in admirationem rapi, & non capere, tanti vānre lapides.

Stephanus, hos Martyrum, Vir plenus fide & spiritu sancto. b merces proposuit solos lapides, & quamvis nec pyropos, nec adamantes, nec topazios venales habuerit, sed meros filices sanguine tinctos, eo tamen pretio indicauit, vt tā diues emptor reperiens non sit, qui pretio vel minimum lapillum potuerit facere suum. Quis non miretur cum imperito illo, ad hoc dignitatis & pretij peruenire potuisse

filices, vt etiam contra gemmas sint chari. Siliceos hos lapides Stephani, Bethlehemiticus infās præsentem demum monetā emit, omniumque pretium liberalissime persoluit.

Sub hac Stephani protomartyris, & Christi diuinissimi infantis imagine nunc explicabimus, omnem actionem bonam etiam vilissimam, rectā tamen Intentione susceptam, tanti esse pretij, vt id solus Deus infinite diues possit persolvere.

a Sueton. Budæus de Affe.

b Act. c. 6. v. 5.

## S. I.

AD hoc lapidum mercimoniū, quod Stephanus Leuita venale proposuit, principio matrona graui vultu, & honestissimo habitu accessit, PHILOSOPHIAM nominant, Hæc Stephanum miris argutijs fatigauit, vt suos illi lapides extorqueret, surrexerunt quidam de Synagoga qua appellatur Libertinorū, Cyrenensium, Alexandrinorum, &c. disputantes cum Stephano a in suas illū partes petrahare conabatur: sed frustra, Suos Stephanus lapides acerrimē defendit, certo eos amissurus, si cum illis sentire voluisset. Et non poterant resistere sapientia & spiritui qui loquebatur. Ita ab emptione abiit Philosophia, de qua Paulus optime monet: Videte ne quis vos decipiat per Philosophiam, & inanem fallaciam. b

Secura PVSILLANIMITAS. anus rugosa fronte, exangui & mortuali vultu, tremulis manibus, tamque pauide videbatur emere, ac si assem portigeret elephantu. Hæc vt purpuratos illos lapides sui iuris faceret, O mi Stephane, inquit, mille testibus conuictus es, omnium sententiæ contra te eunt. Nunquid vniuerso senatui te opponēs? Causam ficer optimam tuearis, non sat tibi virium est, vt institutæ rei exitum expeditas. Dogmata quæ propugnās, nimium noua sunt, permittite illā tempore adolefcere & firmari: Initia hæc lente volunt tractari; aliquanto tempore hos impetus tuos dissimula. Sed nihil obtinuit trepida hæc anus, Stephanus autem plenus gratia & fortitudine c: Tametsi, ait, senatorum altero tanto plures sint, animo non cadam, Hæc DOMINI causa est, hic non licet esse pauidum; facesse à me Pusillanimitas.

Hæc vix digressa, adfuit INCONTINENTIA

M m m m m procax



procax femina, ipso vultu lasciuia professā,  
& facile apparebat non serio illam empturam.  
Ne tamen Stephani lapidibus nullum pre-  
tium posuisse videretur, hoc vnum anxie a-  
gebat, vt iuueni persuaderet coniugium. Quid  
tergiuersaris, mi Stephane, inquebat, quin  
tu more priscorum Patrum matrimonium  
contrahis? æmulare sanctissimos maiores  
tuos Abrahamum, Isaacum, Iacobum, Mo-  
sen, Aaronem, & ne sperne nuptias. Ad ma-  
iora natus es, quàm vt solum mensis seruias.  
Hæc, vt eam decuit, breue responsum tulit:  
Procul inde faceretur; stare animo, non nube-  
re, sed virginem integritatem tueri. *Et intuen-  
tes eum omnes qui sedebant in concilio, viderunt  
faciem eius tanquam faciem Angeli d.*

Post illam, mox adrepsit VANA GLORIA,  
omnium oculos suis deuorans, alijs omnibus  
præmercatura. Hæc, contra morem empto-  
rum, merces, quas emptura videbatur, impen-  
sissimè laudauit, garrulam mercatricem dixis-  
ses, nam post copiosè recitata Stephani elo-  
gia: O sanctissime iuuenis, inquit, tota Hie-  
rosolymorum vrbs in te vnum conuersa, te  
veneratur; omnium civium ora de te loquun-  
tur. In luce sunt prodigia quæ patras: *faciebat  
prodigia & signa magna in populo. e* At nosti te  
tibi maximum esse debitorem, in fama præ-  
fertim & nomine tuo seruando. Ergo Spar-  
tam quam nactus es, tuere, & orna. Fauent-  
issimum tibi senatum habes, si potes illi  
esse non inimicus. Non tulit Stephanus lo-  
quacissimæ femellæ fabulam, sed ea protinus  
reiecit: Fallacissima est, inquit, omnis glo-  
ria, quæ à mortalibus offertur: Cor meum,  
meosque oculos aliorum defixos teneo, glo-  
riam celestem iam eminus prospicio, in Chri-  
stum Dominum omnis mea fertur Intentio:  
*Intendens in celum vidit gloriam Dei f.*

Prioribus illis repulsis, VIOLENTIA nota  
furia ex Orco irruit, non tam emptura lapi-  
des, quam ereptura, varijs istud machinis ag-  
gressa est. 1. *Tunc submiserunt viros qui diceret,  
se auduisse eum dicere verba blasphemia in Mo-  
sen & Deum g.* En testes, veri an falsi, nil inter-  
est. 2. *Commouerunt itaque plebē, & seniores, &  
scribas: & concurrentes rapuerunt eum.* Et hæc  
quidem vis expugnabit iuuenem; patietur Ste-  
phanus frangi pertinaciam suam. *Audientes  
autē hæc, dissecabantur cordibus suis, & stride-*

*bant dentibus in eum g.* Conclusus est Stepha-  
nus inter fulmineos apros; non euadet. 4. *Et  
impetum fecerunt unanimiter in eum h.* Ste-  
phane quid agis? tu toto senatu sis sapientior?  
cede sententia. 5. *Et eicientes eum extra ciuita-  
tē lapidabant. Ita vincēdus est, qui nescit cedere.*

Sed frustra fuere omnia. O imbecillum vio-  
LENTIAM, nec vnico quidem iuueni expu-  
gnando satis robustam! merces venisti raptu-  
ra Stephano, imo dedisti.

a *Añ. c. 6. v. 9.*

b *ad Colos. c. 2. v. 8.*

c *Añ. c. 6. v. 8.*

d *ib. v. 15.*

e *Ibid. v. 8.*

f *Añ. c. 7. v. 55.*

g *Añ. c. 6. v. 11.*

h *Ibid. v. 12.*

i *Añ. c. 7. v. 54. 57 & 58.*

### S. II.

**I**Ta seruauit Stephanus suos sibi lapides, à  
pessimis his nundinatricibus, nulla eos nec  
vi, nec pretio potuit extorquere. Demum par-  
uulus ex oppido Bethlehem, ad istas merces  
accessit, & hos ipsos lapides sanguine pictos  
liceri cepit. Cui Stephanus: Mi diuinissime  
puer, inquit, placent ne tibi? accipe, tui sunt.  
Noui equidē, parentem habes opulentissimū,  
qui solus potest & hos lapides æstimare, & di-  
gnum ijs pretium rependere; omnes ergo tibi  
dono: *Ecce video calos apertos, & filium ho-  
minis stantem à dextris Dei a.* Ad illum Dei  
oculum insomnem, & omni momento perui-  
gilem mei affixi sunt oculi. Pro veritate, & pro  
Christo hunc saxorum nimbū sustineo, hos  
lapides Deo, eiusque honori consacro.

Ita PATI, ita & AGERE oportet, ô Chri-  
stiani; bonæ actionis cuiuscunque pretium,  
omnibus alijs, etiam Angelis, præterquam  
Deo est insolubile. Loquimur hic de ijs tantum  
actionibus, à quibus, vt supra docuimus, ab-  
est malitia, quibus adest gratia, nec deest In-  
tentio recta. Et huiusmodi quidem actio-  
nes, cetera vilissimæ tanti sunt pretij, vt ser-  
mone nemo vnquam expresserit vel minimi  
boni operis valorem Terrarum orbem da, imo  
da cælum, nondum satis dederis, nisi des Deū.  
Imperium in cælestes orbis & sidera, in om-  
nes Angelos non æquat dignitatem actionis  
cum



eum virtute coniuncta. Exempli gratia: Obolus mendico porrectus, sed sana, rectaque Intentione: quanti, puras in cælo æstimatur? Confer in vnum regna omnia, & Turcicum, & Sinense, & Persicum, Hispanicum & Gallicum, cum omni eorum opulentia, cum omnibus imo voluptatibus, & nondum obolo illo dignum pretium statuisti. Ratio huius euidentissima est: vniuersa illa vti principium habuerunt, sic & finem suum reperient; suis vtrique terminis videntur: At obolus ille mendiculo datus pretium acquisiuit æternum. Momentaneum & leue tribulationis nostræ, supra modum in sublimitate æterni gloriæ pondus operatur in nobis. Quid minus dixeris, quam, *momentaneum & leue*? Ita vnicui ad Deum suspirium, ferius ob priores noxas gemitus, acus fracta pauperi data, frigida calix sitienti propinatus (an vilius quid dicam?) mercedem emerentur supra omnem modum maximam, æternam: *æternum gloria pondus operantur*. Omnium regum aurum in vnum locum congestum, vnius hebdomadis spatio facile totum ad libram examinetur, neque enim infinitæ molis est? At vero illud oboli, quod diximus pretium, per omnem æternitatem appendi non potest, infinitum est.

Sed vnde hic obolus tam pretiosus? A diuina gratia, quod verissimè affirmans Augustinus: Omne, inquit, meritum nostrum in nobis non facit nisi gratia: Et cum Deus coronat merita nostra, nihil aliud coronat quam munera sua. Dei gratia animam Deo iungi vt sponsam. Assuerus regum potentissimus, centum viginti septem prouinciarum Imperator Estherem pauperulam, parietibus orbam, captiui Iudæi cognatam, suam tamen coniugem esse voluit, & reginam fecit. Nec causam pete: Sic illi placuit. Quis iam Assueri & Estheris filios, regni hæredes neget? Mens nostra à se pauperima (*cum non sufficientes simus cogitare aliquid à nobis, quasi ex nobis*) eam tamen Deus in sponsam sibi adsciscit admiranda gratiæ benignitate. Et hinc regni hereditas in liberos nostros, hoc est, in actiones nostras deriuatur; hinc nos olim futuri diuine consortes natura. Ipse enim spiritus, testimonium reddit spiritui nostro, quod sumus filij Dei, si autem filij, & hæredes f.

a *Æt. c. 7. v. 69.*

b 2. Cor. c. 4. v. 17.

c *Aug. epist. 105. ad Sixtum.*

d 2. Cor. c. 3. v. 5.

e 2. Pet. c. 1. v. 4.

f *ad Rom. c. 8. v. 13.*

## S. III.

**S**olus ergo Deus, illi quem diximus, obolo persolvere potest præmium, nec vult alia solutione, quam seipso. Ille Theologiæ sol Thomas Aquinas, inter preces olim è terrâ elatus, voces illas audijisse dicitur: *Bene scripsisti de me, Thomas, quæ ergo recipies pro tuo labore mercedem?* Ad quæ Thomas promptissimè: *Domine, non aliam præter te*. Vtique probe cepit vir sanctissimus, dignum actione bonæ præmium, Deum esse. Ideo diuinus Paulus accuratissimè commonfaciens: Non cesso, inquit, gratias agens pro vobis, vt Deus Domini nostri IESU CHRISTI, pater gloriæ, det vobis spiritum sapientiæ & reuelationis, in agnitionem eius, illuminatos oculos cordis vestri, vt sciatis quæ sit spes vocationis eius, & quæ diuitiæ gloriæ hæreditatis eius in sanctis. Hæc Apostolus assidue precabatur, daret illis Deus *spiritum sapientiæ & reuelationis*, siquidem tale præmium à Deo assignatum est cuius bonæ actioni, vt id omnis philosophorum sapientia non capiat. *Quicumque potum dederit vni ex minimis istis, calicem aquæ frigida, tantum in nomine discipuli, amen dico vobis, non perdet mercedem suam*. Proponit Dominus personas abiectissimas, & rem vilissimam calicem aquæ non calidæ hæc enim sine impensis non calefieret; sed frigida sic è fonte manantis: *Non perdet mercedem suam, quâ gaudeat æternum*.

Maxima fuerunt munera quæ duo Reges, sed iam temulenti promiserunt. Assuerus à vino calidus. Quæ est, inquit, petitio tua Esther, vt detur tibi? etiam si dimidium partem regni mei petieris, impetrabis. Herodes pæne idem saltatriculæ pollicitus: Quicquid petieris, inquit, dabo tibi, licet dimidium regni mei. En, maximum regis donum, dimidium regni, sed perituri. Deus liberalior Rex, in operis boni vel minimi, in vniuersi oboli præmium, daturus est totum regnum suum, nunquam periturum, seipsum. *Vocauit nos in suum regnum, & gloriam e.*

M m m m m 2

Nunc



Nunc temporis Deus pleraque omnia tribuit per res creatas, per celum, sidera, terram, terrarum germina per ministros Angelos. At vero, cum euacuauerit omnem principatum, & potestatem & virtutem, tunc rerum creaturarum ministeria cessabunt, tunc Deus omnigenas voluptates beatis afferet seipso, in bonarum actionum premium; *Erit omnia in omnibus* g. Ideo Chrysostomus, illum in seipsum crudelem tyrannum iudicat, qui potest alio contentus esse premio, quam Deo b. Et sane hic talis multo stultior est illo, qui nobilissimum adamantem quinque sestertijs, aut aliquot pomis commutat.

a *Ad Ephes. c. 1. v. 16.*

b *Mat. c. 10. v. 42.*

c *Eph. c. 7. v. 2.*

d *Marci. c. 6. v. 23.*

e *1. Thess. 2. v. 13.*

f *1. Cor. c. 15. v. 14.*

g *2. Cor. c. 15. v. 18.*

h *Chrysostom. 21. in Matth.*

#### S. IV.

**S** I ergo premium cuius bonæ actioni decretum est infinitum inexplicabile, æternum, Deus ipse: vel, ut clarius loquamur, si pro quouis opere bono vel minimo, speranda merces æterna: Nil iam miri quod Stephanus suos lapides, neque Vanæ gloriæ, neque Violentiæ, nec ex illis emptricibus vili vendere voluerit, nemo enim eos digno pretio soluere poterat, nisi Pater illius infantis, cuius cune Bethlehemi, præsepe & paleæ fuerunt. At nos, infantes stultissimi (parum dixi) tyranni in nosmet, atrocissimi, tot præclaras actiones, pro pomulo, pro testula, pro vitreis fractis, aut pictis apinis, imo pro breui gloriolæ fumo, pro leni fauoris aura vendimus vel oculis vel auribus, aut linguis eorum quibus placere cupimus. Ita tota merces est, visum esse, auditum esse, laudatum esse. Quam vere sanctus Gregorius: Qui pro virtute, inquit, quam agit, humanos fauores desiderat, rem magni ac ingentis valoris vili pretio venale portat: Vnde cæli regnum mereri potuit, inde nomini transitorij sermonis quærit a. Ea de causa tam serio horatus Paulus. Serui obedite per omnia, inquit, dominis carnalibus, non ad oculum seruientes, quasi hominibus placentes, sed in sim-

plicitate cordis timentes Deum. Quodcumque facitis, ex animo operamini sicut Domino, & non hominibus: Scientes quod à Domino accipietis retributionem hæreditatis: Domino Christo seruite. b Hoc igitur vniue ueamus, ne nostra obsequia homini duntaxat probare studeamus, eorumque præsentia solū atque oculis seruiamus, sed animi potius singulari quodam candore, cum diuino timore coniuncto, omnes nostri muneris partes expleamus. Quocirca quicquid fecerimus, vere atque ex animo agamus, certoque nobis persuadeamus, non nos hominibus sed Deo bonorum omnium auctori ac Domino seruitutem seruire. Et quoniam certum nobis atque exploratum esse debet, sempiternam illam beatorum sedem nostris laboribus ac conatibus, tanquam palmam, premium, ac mercedem esse propositam, æquum profecto est, ut in vñ Christum nostra omnis feratur Intentio, in Christum hi nostri cant oculi, Christo libertate tanta emere volenti, nostra omnia quam promptissime vendamus.

a *Greg. l. 8. mor. c. 28. ad finem.*

b *ad Col. c. 3. v. 22.*

#### C A P. III.

RECTA INTENTIO quantum à diaboli impugnetur.

**I** Oannes ille Apocalypticus Angelus, vidit feminam sole vestitam, luna calcatam, coronatam sideribus, & hanc parturientem. Coram hac stabat draco septiceps, & expectabat dum peperisset, ut abreptum filium gloriaret, sed expectauit frustra, & inani hiatu. Nam femina illa, peperit filium masculum, & rapit eum filius eius ad Deum, & ad thronum eius: & mulier fugit in solitudinem, ubi habebat locum paratum à Deo a. Ita famelicus draco elusus est.

Incredibile est, quantum diabolus draco peruigil labore, quam subtili artificio hoc vnum agat, ut bonam Intentionem in prauam, aut inutilem detorqueat: hic expectat hians bestia, dum edatur in lucem fetus, ut eum mor glutiat. Vix Petro nouum Pontificis officium detulit Christus, cum statim conuersus Petrus, Domine, inquit, hic autem quid b? O Petre, quid



quid hæc obsecro ad te te ipsum assidue obserua, te ipsum respice. Est qui insidijs obseruet, vt munus delatum turbet: *Quid ad te, tu me sequere*: tui oculi attendant meos; tui pedes meis hæreant, *tu me sequere*.

Vt ergo bonam Intentionem ab huius septicipitis dragonis vi tueamur, diui Ioannis visum iam explicandum est, & vna demonstrandum, quam variè, quamque sollicitè cacodæmon ne tuos omnes in eo contendat, vt rectam Intentionem aut adimat, aut vitiet.

a. Apoc. c. 12. v. 5.

b. Ioan. c. 21. v. 20.

## §. I.

**M**ulier illa prægnans à Ioanne visa, Animam designat, quæ in gratia est apud Deum. Huic animæ omnia seruiunt, ipsa ei fidera famulantur, sol & luna obsequium ferunt, cælum ei transcriptum est. Talis Anima nunquam non parturit optima desideria, fidelius & accuratius Deo seruiendi, neque tantum parturit, sed & partum emittit, & sanctissima proposita in opus deducit, enititur felicitè, & præclarissima quæque opera in lucem edit. Et velut femina prægnans delicatissimi fastidij est, nauseatque sæpe quæ antea merum ei mel videbantur, appetitque quæ prius indicabat fellea. Ita mens hominis castis desiderijs grauida, omnes carnis voluptates, Mundum omnè fastidit; At verò aduersa quæcumque & vniuersum patiendi apparatus magno affectu amplectitur. Hic vigilat draco septiceps, & omni momento insidiatur, vt mentem illam inficiat vel occulta superbia, vel subtili auaritia; vel cæca inuidia, vel clādestina luxuria, aut etiam pietate sed fucata; aut alia quauis picta quidem, sed sinistra Intentione. Sic armatus coluber ex Orco ante parturientem feminam excubat. Quid ergo hic agendum Anime, si vel minimo indicio, læua Intentio se prodar, quâ ratione resistendum? Rapiatur filius ad Deum & ad thronum eius, Intentio ad creatorem se sustollat his precum alis: Mi Domine, tui solius amore, hoc fecerim, & facturus sim. Et mulier fugiat in solitudinem. Dicat huius filij parens: Non cupio, mi Domine, videri, non sciri, non laudari affecto: nolo in foro id proclametur, nolo tanquam magnum aut rarum commendetur: sic istud factum volo, ve-

lut si fecissem in extrema solitudine, in eremo desertissima: modo tu, mi Deus, id scias, vt scis omnia: tu solus, satis amplum theatrum es omnibus meis actionibus.

Cornelius Centurio, ille notus superis miles, omnes filios suos filiasque, hoc est, opera bona sua omnia, ante se præmisit in cælum, ideò Angelus eum humanissime affatus: *Orationes tuæ*, inquit, & *eleemosyna tua ascenderunt in memoriam in conspectu Dei a*. Vir enim erat religiosus ac timens Deum, & deprecans Deum semper. ita filij eius omnes rapiebantur ad Deum, & ad thronum eius, cluso dracone stygio qui prædones, piratas, latrones omnes longe superat. Hic enim prædator nunquā non in insidijs subdit, viatorem obseruat antequam transeat, & in ipso quoque transitu. Indefessus laboris est diabolus, sæpe initio actionis, quandoque medio, non raro in fine Intentionem rectam couellere nititur, quod disertè Gregorius exponens; Sciendum est, inquit, quod bona nostra tribus modis antiquis hostis insequitur, vt videlicet hoc quod rectum coram hominibus agitur, in interit iudicis conspectu vitietur. Aliquando namque in bono opere Intentionem polluit, vt omnè quod in actione sequitur, eo purum mundumque nō exeat, quo hoc ab origine perturbat, Aliquando vero Intentionem boni operis vitare non præualet, sed in ipsa actione se quasi in itinere opponit, vt cum per propositum mentis securior quisque egreditur, sub iuncto latenter vitio, quasi ex insidijs perimatur. Aliquando vero nec Intentionem vitiat, nec in itinere supplantat, sed opus bonum in fine actionis illaqueat: quandoque vel à domo cordis, vel ab itinere operis longius recessisse se simulat, tanto ad decipiendum bonæ actionis terminum astutius expectat: & quo incautum quemque quasi recedendo securum reddiderit, eo illum repentino nonnunquam vulnerare durius insanabilisque transigit. Intentionem quippe in bono opere polluit, quia cū facilia ad decipiendum corda hominum conspiciunt, eorum desiderijs auram transitorij fauoris apponit, vt in his quæ recta faciunt, ad appetenda ima, fortitudine Intentionis inclinetur. Vnde rectè sub Iudææ specie de vnaquaque anima miseræ Intentionis laqueum capta, per Prophetam dicitur: Facti sunt hostes

M m m m m 3

eius



eius in capite *b.* Ac si aperte diceretur? Cum bonum opus non bona Intentione sumitur, huic aduersantes spiritus ab ipso cogitationis exordio principantur, tantoque eam plenius possident, quanto & per initium dominantes tenent *c.*

Imo, quod Chrysostomus *d.* annotauit, diabolus quandoque reposita iam apud Deum opera, per malam Intentionem etiam nunc viat. Atque si opus obiectis difficultatibus nequeat impedire, Intentionem lacescit eamque vitare conatur. Necdum astus succedit? actionem ipsam varijs perturbationum machinis adoritur. Nec sic quidem quod vult efficit actionis finem studet peruertere,

*a. Act. c. 10. v. 4. b. Thren. c. 1. v. 5.*

*c. Gregor. l. 1. mor. c. 19. initio.*

*d. Chrys. hom. 1. in illud. Vidi Dominum.*

### §. I I.

**N**arrat Horatius de comite importunissimo, quem vt à se amandaret, varia negotia hic illic cōficienda simulauit. At ille importunissime illud vnum respondit --- vsque sequar te. Nihil habeo quod agam, & non sum piger: vsque sequar te *a.* Sic diabolus, qui non habet aliud quod agat, quam vt nos impugnet ac vexet, & verè nō est piger: hic velut comes indiuiduus, assidue illud mussat --- vsque sequar te, vsque, & vsque te insectabor: vsque tenebo te, & persequar: non interquiescam, nō cessabo, non desinam dum Intentionem tuam alio deflectam, ne sic recta tendat ad Deum; vsque sequar te. Certe sic agit, quem inani gloria nequit fallere, hunc decipit per Iram aut per tristitiam, aut impatientiam, aut etiam per lætitiā, aut immoderatum feruorem, aut nimium languorem. Mille nocendi viæ. Si labor male succedat, reddit pusillanimum: ecquid dicetur de te? nihili fies, rideberis ab omnibus, hoc certe tibi damno erit, Sin è vorò succedat labor, adest iterum vulpes Orciniana: En artificem, en artificium! belle, præclare, eximie, non potuit melius, quid iste aut iste simile? nemo est qui hoc opus imiteretur; omnes laudabunt. Ita cæcus homo tam bellus sibi videtur, tam sibi placet insigniter: aures vt aper, vbique attingit quid alijs de se sentiant, quā laudent auditurus: nempe vanissimo homini magnum est. & pulchrum est digito monstrari & dici, hic est *c.*

O miserum! vere: *fatti sunt hostes eius in capite.* Principium & caput operis est Intētio, huc diabolus collineat, in hanc frontem laxū dirigit, quod David Goliath fecit. Si caput hoc læsum, si bonus affectus ad Deum corruptus aut extinctus sit, ruit omnis reliqua moles. Hoc caput sibi defensum gloriatus David: Domine, inquit, Domine virtus salutis meæ, obumbrasti super caput meum in die belli *d.*

Narrat Plinius, Erodium *e.* astutissimam aem ad aquas raptu viuere hoc modo. Ad illas aues, quæ se mari mergunt, aduolat, & capita illarum morsu corripit, donec capturam extorqueat. *f.* Homines probi volucris non absimiles, in edito quidem habitant, pabulum tamē ad aquas descendunt, ipsque sese immittunt, curas, sollicitudines, labores, exercitationes varias non refugiant; his sese fluminibus mergunt, neque enim aliter opera bona constant, sudore opus & industria; nemo cum virtute inedia tolerat, nisi corpus id sentiat; nemo prout oportet, orat, nisi vigilet, & animū quæ excitet ad attentionem: Ita probi, sui spiritus alimenta sibi comparant. At diabolus, instar Erodij, harum volucrum caput, *Intentionem*, impetit. Cernit orantem? Intentionis rectæ regulam conuellit, & : Multi, ait, te vident; eant nunc & dicant te orationis non esse amantē. Videt stipem in manu? Hic oculos ad elemosynā spectatores rapit, aut aures ad mendici clamores importunos trahit, vt dum stipem dat, conuitium addat, dicatque, en improbe canis, cessa latrare. *Multi homines misericordes, virum autem fidelem quis inueniet?* g? Obseruat in te aliquid patientiæ, charitatis obedientiæ? Mox commendatitias litterulas quærit, laudantium voculas excipit, & tibi in aures instillat: en, bono es nomine, placuit huic domino tua submissio; profecto hoc in laude ponendum. Mille tales morsus infligit hic ex Orco Erodij, dum caput vulneret, Intentionem rectam confodiat. Ideo in omnibus actionibus, illud obuerferet animo: *Ad Deum, & ad thronum eius*, alioqui stygium Erodium nō effugiemus, nisi omnis fatus noster, omnes bonæ actiones nostræ, rapiantur *ad Deum, & ad thronum eius.*

*a. Horat. l. 1. serm. Sat. 9. post init.*

*b. Persius sat. 1. v. 28.*



c Ps. 139. v. 9.

d Alijs Pelican, Platea, Platalaa nominatur.

e Plin. l. 10. Nat. hist. c. 40.

f Pron. c. 26. v. 6.

## §. III.

**M**Irandū est quod in rebus gestis sācti Seuerini Colonienſis pōtificis memoratū ē. Fuit quo Seuerini p̄sulis eremicola ē principum stirpe oriundus, delicijs omnibus inuolutus iuuenis, qui cum ad nuptias contrahendas iā ematuruisset, sponſam opibus & sanguine non imparē accepit. Itaque totis edibus personabat Hymenaeus, iamque nouos coniuges nuptialis thalamus vocabat, cum sponſus subito pauore correptus, vidit, iuuenem formosissimum lateri suo herentem, qui cum hilarivultu affatus: Si ego, inquit, maiores tibi delicias, & gloriam lōge illustriorem spondere vellesne praeruntē me sequi? Vellem, ait sponſus, si pōdeas his ampliora. Cui personatus angelus: Spondeo, inquit, delicias caelestes & immortalē gloriam, si tamen tu vir sis, & praer illis ista noris contemnere. Mox sponſus, tota ambitione promissis inhians, & sponſoris amore captus: En, inquit, virum: sponde, & duc quo lubet, sequor. Dixit, & facit: nec aliud quidquam ex omni thesauro suo, praeter vasculum ligneum, asportauit. Tam genere sequequentem Angelus, in remotum ab omni humano consortio locum perducēs: Hic inquit, Deo & tibi vaca: cetera curare omitte. Ita se oculis illius subduxit. In hoc theatro nouus hic actor personā quam suscepit, p̄clare diu egit, & Deo Angelisque spectatoriſus, austeram vitae rationem annis compluribus perseuerauit, precandi assiduitate, inedia, vigilijs admodum exhaustus. Tandem incescit hominem cupido cognoscendi, quis aequale secum praemium esset accepturus in caelo, vitam enim vivebat pane inimitabilem. Responsum est ei calitus, Colonienſem episcopum parem ipsi futurum in sedibus beatorum. Admiratus eremicola hanc praemij aequalitatem in vite statu tam inaequali. Ostendi ergo sibi huc virum, summis precibus contendit. Nec mora, idem ille qui cum illuc duxerat, se stitit, monstrauitque viam qua ad illum ipsum episcopum perueniret. Ita instructus eremicola solenni die Coloniam venit, & rei

diuinā interfuit, ē templo digressus, in episcopi triclinium etiam spectaculum admissus est. Vidit hic anachoreta, epulum tamen si non ad nostri aui genium Saliare, tamen laurum & liberale, hoc urbis proceribus Colonienſis Pontifex dedit. Ferculorum copia, deliciarum varietas, argenteae suppellectilis opulentia, illo quo rari luxus exemplum censebatur. Hic ipse secum in animo fabulari caput religiosus spectator: Ergone ego cum hydiola mea, inquit, cum pane arido radiculis & oculis insulis, ieiunijs quotidianis, precibus pane continuis, & hanc lauticiem omnem sponte deferendo, non plus apud Deum emeruerim gratiae, quam hic episcopus in tanto luxu? quid ago, si non plus ago, quam rerum & deliciarum diues hic Praeſul? O mi optime Anachoreta, sapienter forsan ratiocineris, sed non sancte, audi obsecro, & responsum admitte a tuo ductore Angelo, cuius haec sunt verba: Hic quē cernis, episcopus, minus afficitur omni ferculorum pōpa, quam tu ligneo tuo vasculo. Capis ista: Magnus ille est, qui fictilibus vitur, quemadmodum argento: nec ille minor est, qui sic argento vitur, quemadmodum fictilibus. Agnouit hic prudens Asceta, qua ratione Deus non tam actiones, quam agentium Intentiones pōderaret, non aestimaret quantum quisque faceret, sed ex quanto. Sic est prorsus:

*Quicquid agant homines, Intentio iudicat omnes.*

Et, en, ut Acheronticus Erodius Seuerino, per omne luxum extorquere nequiverit affectum & Intentionem optimam ad Deum: Colonienſis hic Antistes, omnes actiones suas, tanquam suos liberos ante se praemisit ad Deū & ad thronum eius. Atque hoc stragemate, vigilantissimo draconi subduxit, quicquid pietatis exercuit. Sed quis est qui imitetur? Rarissimae virtutis est, inter diuitias & delicias non corrumpi, cum etiam rigidissima Paupertas inueniat quo bonam Intentionem non nihil offendant. Nam huic alteri, eremicultori cetera sancto, & qui vitae fuit laudatissimae, aliquid tamen bonae Intentionis, & melioris affectus in ligneum illud vasculū exciderat. Adeo in rebus etiā minimis, non minimū quid aut amittimus aut acquirimus, prout scilicet ad Creatorem, aut ad res creatas nostra vergit



vergit Intentio. Habet Satan plurimas & pæne inobseruabiles pædicas, quas irretiendæ rectæ Intentioni latenter recôdit. His seferetibus implicandos deliciarij sensus nostri, & sua amor immodicus offerunt vltro, suauis illis est sic capi. Quicquid ergo actionum nostrarum non quàm primum ad Deum & ad thronum eius emittitur mox à celerrimo dracone irretitum glutitur.

a Surius tom. 5. die 23. Octobris clauit Sauerinus circa Ann 499.

b Sen. ep. 5.

#### S. IV.

**H**ebreus vates Ezechiel, quatuor vidit animalia, quorû & alæ & capita attollebatur cælo: Et facies eorû & penna eorû extensa desuper. a Non aliud monet erectus hic animalium & vultus, & volatus, quam hoc ipsû, à dracone illo nil satis tutum esse, quicquid nō mox subuolet ad Deum, alis bonæ rectæque Intentionis. Perit, quicquid non hac ratione draconi se subtrahit. Ideo Richardus Victorinus, eum qui bona quidem opera malâ tamen Intentione patrat, filiorum suorum homicidam appellat. Hic duo notatu dignissima occurrunt.

Primum: In quæstione sit, in quo medulla, nucleus, vis & robur, seu neruus Intentionis bonæ consistat; quo hic maximè collineandum, aut quis vnquam hominum optimam habuerit Intentionem? Christus humanæ gētis reparator, de quo Pater ab æthere pronunciauit: Audite illum. b Hic præceptor noster, tres potissimû habuit Intentiones. Prima fuit *Obedientia*. Hoc mandatum, inquit, accepi à Patre meo. c Nam primo momēto quo in Virginis visceribus hominem induit, Patris præceptum ei propositum fuit: *Crucifigendus es*, ita Pater imperat. Huic imperio paterno Christus obedientissimè se subiecit. Hinc verè dici potest: Seruator Mundi triginta quatuor annis pependit in cruce. Nam Intentio Christi per omnem vitam ibat ad crucem, hærebat in cruce: *Hoc mandatum accepit à Patre*. Altera fuit *reuerentia in paternum honorem*: Ego autem, inquit, non quæro gloriam meam, sed honorifico patrem meum. d Tertia fuit *Dilectiois & amoris in Paternam voluntatē*. Ego, inquit, quæ placita sūt ei, facio semper: Ita Pa-

ter, quoniam sic fuit placitum ante te. Veruntamen, non sicut ego volo, sed sicut tu, fiat voluntas tua. Triplex hæc Intentio te quidem pænè eadem est, sed tamen in ea etiam differentia videri potest. Aliud enim est, ideo quid facere, quia sic imperatur: aliud quia inalterius honorem cedit: atque aliud demum quia alteri sic placet. Qui huius animi est, vt alterius voluntatem & nutum etiam obseruet, ac paratissimum se offerens, dicat: Quid opus est, iuberi? non vi, non imperio, non legibus cogendus sum, vltro hoc faciam, eo solo persuasus, quia scio id illi Domino placere, illius voluntatem eo ferri, siquidem illius *velle*, est meum *facere*, voluntas illius mihi instar mille mandatorum est. Et hic, arbitror, apex & culmen est omnis bonæ Intentionis. Arque ista fuit Christi Domini Intentio in vita, in cruciatibus, in morte, in rebus omnibus, *Voluntas Patris*. Sicut, mandatum dedit mihi Pater, sic facio. e Qui misit me Pater, ipse mihi mandatum dedit quid dicam, & quid loquar. Et scio quia mandatum eius vita æterna est, quæ ergo ego loquor, sicut dixit mihi Pater, sic loquor f.

Hinc nos ab ore, nec à corde nostro illud abeat: O Dominus meus, & Deus meus, ego me & mea omnia tibi offero, ad omne beneplacitū tuum. g Vel illud, Ita Pater, quoniam sic fuit placitum ante te: Ita Pater, Ita Pater &c. Vel illud *Veruntamen, non sicut ego volo, sed sicut tu fiat voluntas tua*.

Alterum etiam quæstionis est, & quidem creberrimæ, inter homines pauidæ conscientie, quos illa variè angit pungitque. Sæpe audias dicentem: Modo scirè quo loco res meæ essent apud Deum, an ego in gratia, & seruus Deo charus, nū illi sapientissimo cordiū scrutatori actiones meæ placerent: modo hoc mihi cōstaret, libentissimè, quicquid à me exigitur, præstarem. O mi Christiane, auesne hoc scire? Intentionem tu tuam interroga: expende tantum qualis tua sit Intentio, quam sincera & pura, quanto enim hæc sincerior est: & purior, quanto voluntati diuinæ conformior ac coniunctior, tanto tu meliores, tanto Deo gratior & charior, ne dubita. An nescis? quicquid agant homines, Intentio iudicat omnes, Fieri non potest, vt tu sinceræ sis Intentionis, & optimo animo in Deum, Deo tamen

non



non placeas, nisi Deum velis esse iniustum. Dei vox est: *Ego diligentes me diligo*, & non contineo me, nec aliter possum, quin tam bene erga me affectos, benigno itidem affectu complectar.

a *Ezech. c. 1. v. 11.*

b *Marc. c. 9. v. 7.*

c *Ioan. c. 10. v. 18.*

d *Ioan. c. 8. v. 49. & 50.*

e *Ioan. c. 14. v. 31.*

f *Ioan. c. 12. v. 50.*

g *De quo vide Horolog. Angeli tutelaris editio-  
ne secunda, pag. 18.*

h *Proh. c. 8. v. 17.*

## S. V.

**T** Vergo, mi Christiane, hoc vnum age, vt ad omnem diuinæ voluntatis nutum, semper sis paratissimus; Dei VELLE, sit tuū & VELLE, & FACERE. Ita vulnerabis cor diuinū aureo amoris telo. Hoc enim adeo diuinos fauores emeretur, vt lucrari plurimum possimus, non tantum dicendo & agendo, sed & omittendo ac feriendo. Ludouicus Blosius, vere pius scriptor: Si quis, inquit, propter Deum, voluntati suæ in rebus etiam minimis reluctetur, rem ipsi Deo gratiorem præstat, quàm si multos mortuos (Notetur) ad vitam reducat. Et vt rem firmer exemplo: Duo, inquit, vnà iter faciunt, in via vterque elegantem flosculum cernit & alter quidem iam in co-est, vt illum carpat, deliberans tamen ipse sibi imperat: manus ab hoc flore, propter Deum abstinet. Alter, nihil præmeditatus, florem illum carpit. Et hic quidem nil delinquit decerpando, sed ille prior eundem non attingendo, tantum præ altero promeritus est, quâta est distantia cæli à terra. Quod si Deus pro tantillo obsequio tantum daturus est præmium, quantum dabit ijs qui maiora fuerint ausi pro Deo b.

Ita paratus proptus sit necesse est in alijs omnibus, qui voluerit esse bonæ Intentionis, vt si norit Deum quippiam velle, hoc ipsum & ille velit, quantumcunque voluntati suæ aduersetur. Idcirco frequenter (vti Blosius instruit) secum ipse dicat: Propter te, Domine, nolo illud videre, cum necesse non sit, vt id videam: propter te nolo illud audire, nolo illud gustare, nolo illud loqui, nolo illud

tangere. Domine, si tibi mea vestis, si mensa, si negotia, labores, aut negotiatio mea displiceant, non recuso crasso sabano vestiri, pane & aqua victitare, hæc & illa procul è me amandare.

Sed nos, ô quoties longè aliter & agimus, & loquimur: audias quandoque qui dicat: Mei iuris & arbitrij sum, quem Dictatorem timeam? ita ergo soleo; hoc meæ consuetudinis est; è meà crumena hic sumptus; meam quadram lambo: quid ego morer alios? sic ego volo; hic mihi nemo modum constituerit &c. Hoc non est ad diuinæ voluntatis nutum sese attemperare. O ergo ter beatum, qui vnam atque vnicam in omnibus Dei voluntatem, Intentione sincerissima sectatur, iste demum per uigilis draconis oculos & vngues exit, & quicquid cum virtute agit, saluo comæatu præmittit ad Deum & ad thronum eius.

a *Cant. c. 4. v. 9.*

b *Blos. instit. spirit. c. 2. propius finem.*

## CAPVT IV.

RECTÆ INTENTIONIS hostem maximum  
à cacodemone, esse Vanam  
gloriam.

**H**ic hostis rectæ Intentionis, iure omnibus metuendus est: omnium virtutum præmia subducit Vana gloria, & supplicijs damnat grauissimis.

Herodes Agrippa, non degener nepotulus à maiorum suorum flagitijs, Iacobum Zebedei filium, virum sanctissimū occidit, dissimulauit id Deus: Petrum in vincula rapuit, neque ob hoc à Deo punitus est; alia prioribus flagitia iunxit, necdū vindicauit id Deus: Ar cum concionaretur, veste regiâ coruscus, non populi docendi, sed sui ostentandi causa, plebsque acclamaret? *Dei voces, & non hominis, Cō-  
festim percussit eum Angelus, eo quod nō dedisset  
honorem Deo & consumptus à vermibus, expira-  
uit.* HABET: homini vitā ademit, & tacuit Deus; Deo gloriam rapere voluit, hic defendit se Deus, & consumptus à vermibus, expirauit: Tanti cōstabat ventus. In Herodem recte pronunciat Augustinus: Qui laudari vult Domine de tuo dono, & non querit in illo tuam gloriam sed suam, hic licet propter tuum do-

N u n u u u m



num laudetur ab hominibus, à te tamen vituperatur, quia de dono tuo suam non tuam gloriam quaesivit. Qui autem ab hominibus laudatur vituperante te, non defenditur ab hominibus iudicante te, nec liberabitur condemnante te *a*.

*a Aug. in Medit.*

S. I.

**I**N cunctis Dei operibus duo quaedam rependienda sunt, Utilitas & Dignitas: homini Deus utilitatem cedere voluit, dignitatem sibi seruauit. Veluti pictor celeberrimus, imaginē à se factam facilis cedit alteri, vnum illud suum esse ducit quod subscribit, Protogeus inueniebat, Timanthes faciebat, Apelles pingebat. Ita Deus: ea etiam de causā sacrificia olim sic iussit fieri, vt cum carnibus, frugibus, panibus, simul thus lucidissimum offerretur, partitione tam benigna, vt quicquid hic commodi esset, in sacrificantium utilitatem abiret, sibi thuris suffitum solummodo deposcebat. Et velut cum duo mercatores societatem coeunt, vterque in negotiationem expēdit, quod facultates suggerunt. Subinde vnus expensas omnes, alter industriam; quandoque pares aut pecuniae aut mercium portiones exhibent, lucrum quod negotiatio facit, diuidunt; neutri totum debetur. Ioannes DOMINI Oculus, affirmat sanctos habere societatem cum Deo, *a* hac societate eo coitur, vt aeterna beatitudo, tanquam lucrum obtineatur. Non solus Deus hanc mercaturam facit, nec homo solus. Notum Augustini dictum: Qui enim fecit te, sine te, non saluabit te, sine te. Ad hanc negotiationē Deus expensas omnes tribuit, Deus est enim qui operatur in nobis & velle, & perficere, pro bona voluntate *b* homo solam adfert industriam, quicquid ex hac negotiatione lucri prouenit, inter Deum & hominem diuidendum est: Deus solo honore & gloria contentus, quicquid beatitudinis & opū est, homini assignat. Fiat igitur bona diuisio: Gloria sit in altissimis Deo, homini pax, & omnium honorum possessio. Qui iam sibi arrogat quod Deo debetur, iniquissime agit, & societate hac eijsi, ac priuari bonis vniuersis meretur. Vniuersa propter seipsum operatus est Dominus. *c* Hic rerum omnium epifex honorem velut tributum ab omnibus suis

operibus exigens: Gloriam meam, inquit, alteri non dabo. *d* Hoc Deo vestigial fidelissime reddit Intentio recta: hoc idem nequissime rapit inanis gloria.

Ecquis autem ferat vanissime se iactantem de suo aedificio, quod tamen è marsupio non suo eduxit, quid gloriaris superbe, qui nec lapillum contulisti è tuo, ad hanc structuram; alienis sumptibus aedificare cuius facile est. Pari modo quid nos miselli, actiones & promerita nostra, velut grādia aedificia iactamus? à Deo sunt omnes impentiae quibus aedificamus, in vsum nostrum, non in praconium. Clarissime Christus: Sine me, inquit, nihil potestis facere. Quid ergo gloriamur? aedificiū habitare permittimur, honor qui aedificij fabricam sequitur, solius Dei est. Ergo, Attendite ne iustitiam vestram faciatis coram hominibus, vt videamini ab eis, alioquin mercedem non habebitis apud Patrem vestrum qui in caelis est. *f* Ideo autem tam solite monet Christus, quia hoc vitium Cenodoxiae, seu inanis gloriae, & subtilissimum est, & ipsa sua subtilitate nocentissimum. Climacus: Omnibus, inquit, studijs Cenodoxia aggrandet. Verbi gratia: ieiuno: inaniter glorior. si latendi causa soluo ieiunium, tanquam prudens iterū glorior. Si splendide vestitus, vinco: cā peste. Si vilis induar, denuo glorior. Si loquar, hac superor: si taceam, iterum superatus sum, quocūque hunc tribunal ieceris, erecto persiluit aculeo. *g* Eiusmodi vero gloriosus, est fidelis idolorum cultor, qui Deum quidem colere & venerari videtur, hominibus vero non Deo placere studet.

Dixi iam subtilissimum esse hoc vitium, & prorsus sic est. Persape gloria vt acquiratur spernitur, & ab ipso gloriae contemptu inanis gloria enascitur, & eos quandoque qui omnem gloriam iam pridem videtur proculcasse, fortissime aggreditur. Nihil hic meo sensu desiniam. Vir maximus, nostri qui Theologus *h* hac de re sic dissertit: Fit sapius, vt cultissima femina ex omni muliebri mundo; aut eques torquatus ex omni suarū vestium nitore rantopere sibi non placeat, quantum monachus pauper, pannosus, in pauperrimi monasterij angulo desidens, è pannis, è cucullo lacero & male sartō, à nudis pedibus, à vacua cellula & ab ipsa pomparum omnium victoria, sibi

met pla-



met placet & applaudit. O verè miser, quem Cenodoxia honoribus nequiuat fallere, per ipsam decipit humilitatem!

Ita nemini parcat inanis gloria, omnes hominum ordines inuadit, sed, vt diuus Basilus loquitur, leniter, blandè, suauiter, insensibiliter, & antequam aduertatur, omne bonum opus inficit, totamq; illius pulchritudinem consumit. Imperitis dulce quid est, Vana gloria, dulcis animorū prædo. Multi occultè seipsos quærunt in rebus quas agunt, & nesciunt. *k* Et scæpè, inquit Gregorius, bono operi dum laus humana obuiat, mentè operātis immutat, quæ quamuis quæ sita non fuerit, tamen oblata delectat, cuius delectatione cum mens bene operantis resoluitur, ab omni Intentionis intinæ vigore dissipatur. nam qui bona agere videtur, & per hæc non Deo, sed hominibus placere desiderat, Intentionis suæ faciem deorsum premit. *l* Ea de causa sanctissimi quique homines vigilantissimè in illam pugnarunt.

*a* Ioan. c. 1. v. 7.

*b* ad Phil. c. 2. v. 13.

*c* Prou. c. 16. v. 4.

*d* Isa. c. 42. v. 8. & c. 48. v. 12.

*e* Ioan. c. 15. v. 5.

*f* Matth. c. 6. v. 1.

*g* Climac. Grad. 21. de Cenodox. initio.

*h* Hier. Bapt. de la Nuzâ Theologia Doctor in S. Dominici familia Prouincialis nunc Episcopus Barbastensis. 10. 1. Tract. 2. par. 2. §. 5. de recto affectu in Deum.

*i* Bas. de constit. mon. c. 11.

*k* Tho. de Kemp. l. 1. c. 14. n. 2.

*l* Greg. l. 1. mor. cap. 19. post initium, & l. 1. in Ezech. hom. 4.

## §. II.

**N** Arrat Laurentius Surius, & Cū fortè inquit, Pachomius inter sui Ordinis senes cōsideret, monachus duas storeas eo die à se cōfectas attulit, posuitq; è regione sedentiū, vt commodè spectarentur, sperabat enim à Pachomio se auditurum: En fratris diligentiam, diurnum opus sibi mer duplicantis, duasq; storeas textentis, cum alij die vno non nisi vnam cōficiant. At vero Pachomius ob vanissimum hoc laudis aucupium, serio ingemiscens? Patres, inquit, iste frater à summo manè ad hoc diei multum laborauit, sed omnem

suum laborem diabolo consecrauit, siquidem laudem humanam prætulit diuinæ. Hominem igitur ad se accersitum grauissimis verbis obiurgans: Alijs, inquit, ad orationem euntibus, tu tuas storeas in humeros recipe, & clama: Obsecro Patres Fratresque, Deum mihi miserrimo homuncioni exorate, quia duas storeas pluris feci quàm carum. Fecit vt iustus. Præcepit deinde Pachomius, vt alijs ad cenulā vocatis, iste plus æquo sedulus homo, incenatus medio triclinio staret cum suis storeis. Sed neque dum satisfactum arbitratu Pachomius, hominem cellæ includi iussit, & quinque totis mensibus solo pane, sale & aqua parce refici, simul etiam quotidie duas storeas plecteret, imperauit, vetuitq; sic clausum ab vllō adiri aut salutari. *a* His machinis expugnāda est Cenodoxia, malum alioqui ferè inexpugnabile, & quod post omnia vitia expugnata, valentius insurgit, & ab ipsis virtutibus sumit incrementum. Rectè Climacus: Gaudet desperationis spiritus, inquit, cum videt multiplicari vitia, Cenodoxia vero cum virtutem multiplicari videt, Obserua diligenter, & vsque ad mortem & seipsum pulchrum inuenies hanc nefariam labè vestigijs tuis hædere. *b* Addit: Qui in prærogatiuis naturalibus, puta acumine, peritiâ, lectione, pronuntiatione, ingenio, ceterisque omnibus, quæ nobis sine labore nostro proueniunt, extollitur, hic nunquam eis, quæ supra naturam sunt, bonis potietur: qui enim in modico infidelis est, in multo quoque infidelis erit. Eiusmodi vero est seruus inanis gloriæ.

Pulchrè Gregorius hoc sensu dixit: Quisquis se, beneficus in alterum, extollit, maiore culpam superbiendo incurrit, quàm mercedem largiendo acquirit, sitque nudus dum nudum vestit, & dum se meliorem putat, deterior euadit, minus quippe inops est, qui vestit non habet, quàm qui Humilitatem. *c* Græcus & sanctus Orator Chrysostomus, in hanc pestem facundissimus, & pro cathedra cam sapissimè flagellans: Et quomodo, inquit, non hoc extremæ stultitiæ est, hominum mentè adeo corruptorum, & temere omnia agentium, gloriam quærere; cum oporteat ad oculum qui semper est infomnis confugere, & ad illius sententiam aspicientes, omnia facere & dicere. Nam isti quidem etiam si laudauerint, ni-



hil nos iuvare poterunt. Ille autem, si ea; que fiunt, fuerint ei accepta, & hic reddit claros & illustres, & in die futuro impertietur bonis ineffabilibus. *d* Eiusdem & hæc sunt: Quare, si gloriam adipisci studes, repelle gloriam. Quod si eam aucuperis, eâ excides. Ac si lubet hunc sermonem in ijs quoque, qui promissum huius vitæ genus sequuntur, ventilemus. Ecquos enim cavillis incessimus? An non eos qui ipsam expetunt? Itaque ipsi maxime, sunt, qui eâ carent, ut qui innumeras reprehensiones habeant, atque ab omnibus contemnantur. Ecquos rursus, dic quæso, suscipimus ac prædicamus? An non eos qui hanc spernunt, ac pro nihilo putant? Ergo hi sunt qui gloria afficiuntur. Quemadmodum enim is demum dives est, non qui multis, sed qui nulla re indiger: sic clarus ille & celebris est, non qui gloriæ cupiditate æstuat, sed qui eam contemnit, ac nihili ducit. Umbra enim gloriæ est hæc gloria. Nemo autem picto pane conspecto, etiamsi millies fame teneatur, picturam attingit, eodemigitur modo tu quoque minime committe, ut umbrâ confectus, umbras enim sequi hominis est insaniâ laborantis. *e* Fieri non potest, ut quisquam magnus, & excelsus ac strenuus sit qui non ab inani gloriæ immunem se præstat, verum humi serpat, ac multa labefactetur necesse est, dum scelestæ Domine, ac barbaro quovis crudeliori ancillatur. Et quid enim ea truculentius esse queat, quæ tû maxime sævit & efferatur, cum maxime colitur atque observatur? Atqui hoc ne feræ quidem habet, sed multo obsequio deliniuntur. At contra prorsus inanis gloria, contempta enim mitescit honore, affecta exasperatur, atque adversus eum à quo honore afficitur, arma sumit. *f* Qui est in servitutem reductus inanis gloriæ, non solum non poterit videre, quod alijs, sed nec quod sibi est vitale. *g* Et ut hæc omnia à se dicta consignet Chrysostomus: Mater gehennæ, inquit, est inanis gloria, ignemque illum vehementer accendit, vermemque pestiferum confouet. Et huius rei rationem assignans, alia, inquit, vitia finiuntur morte, hæc & in mortuis vires obtinet. *h* Aspice sepulchrum plus æquo sumptuosum, & observabis quæ id subtili statu spiraret inanem gloriam. O demens quid tibi prodest tam ambitiosè quæsitæ memoria? si vbi es, tor-

queris; & vbi non es, laudaris.

*a* Sur. tom. 3 die 14. *Ma*ij

*b* Clim. d. l. Grad. 21. de *Cenob.*

*c* Greg. l. 21. mor. c. 14.

*d* Greg. l. 21. mor. c. 14.

*e* Hom. 29. in ep. 2. ad *Cor.*

*f* *Ibid.*

*g* Hom. 35. in ep. 1. ad *Cor.*

*h* Hom. 17. in ep. ad *Rom.*

### S. III.

**N**on minus eleganter sanctus Valerianus, Malliæsis Anathetes: Stultitiæ genus est, inquit, ut cum alij debeas vitæ beneficium tibi adscribas ornamenta virtutum. Ecce hic honore extollitur, ille sibi de corporis integritate blanditur: hic diuitias labori suo imputat, ille scientiâ doctrinæ vigilijs adsignat. O miser, vacillat humanum studiū, vbi non requiritur Dei auxilium: nostrum est bonum velle, Christi vero perficere. Torū perdidit quod laboravit, qui proprijs virtutibus fructum sanctitatis adscripserit. *a* Ita prorsus est, nam ut summa omnia habeas, eruditionem, eloquentiam, ingenium, prudentiam, munificentiam, formâ imperio dignam, si res tantas inani gloria, tãquam sale condias, arbitreris stillicidia mellis de canali venenato fluere, ut omnis venustas, opinio, amor priorum pereat, vna gloriæ vanitate tanquam toxico in morientemperato. Sis licet bonus cantor, bonus scriba, bonus pictor, bonus pugil, bonus poëta, bonus orator &c. si horum omnium malus sis estimator, omnia perdidisti: at vero malè hæc æstimat, qui ea inani gloria depravat. Et quamvis ita se vitia nonnunquam prodant, ut nullus sit negandi locus, superest tamen fucus quem illinamus nostræ famæ; hic nemo tam tardioris est, quin promptè oggerat: Ille me magis claudicat, balbutit, delirat, cæcutit, atrior est. Ita nobis formam astrui putamus, si non numeremur inter deformissimos.

Plebs Israelis Ægypto educta, impio consilio vitulum aureum quem fecit, pro Deo colendum proposuit cum acclamatione. Hi sunt Dij tui Israel, qui te eduxerunt de terra Ægypti. *b* Vix aliud ab his faciunt, qui se suorum operum magistrōs magnifico supercilio circūspiciunt, & quicquid cōsilio, arte, industria efficiunt, velut pro Dijs haberi volunt. O idolo-

latraz!



latræ! Soli Deo honor & gloria, proclamatur Paulus: Soli Deo, soli, soli honor & gloria d. nostra est operum utilitas, Dei est dignitas.

Agasicles ab Halicarnasseis extorris factus est, quod tripodem, quem ipse ludis obtinuerat, non dedicasset Deo, sed donum hoc domum retulisset. Omnis gloria recte factorum à Deo & soli Deo tribuenda.

*Dixi te minorem quod geris, imperas.*

*Huc omne principium, huc refer exitum. f*

Nihilominus omni infante infantiore sumus, sicut enim pueri tam se alios credunt in nouis vestibus, ut sibi persuadeant notissimos etiam oculos ab ornatu suo decipi: ita nos quinquaginta aut centum annorum pueri, rebus etiam minimis ac vilissimis ambitionem induimus. Ille se iactat, quod ceremoniam venustius adhibeat, iste quod cibos elegantius carpat, hic quod alijs erectior incedat, infinita sunt ostentationum genera. Sed & ad probra & pudendas artes descendimus, atque dedecore nostro superbimus.

*Malus numerat scelestæ facta in gloriam. g*

Ille se vnum ex omni numero plurimum vini capere gloriatur: iste cuiuscunque lusus peritissimum asseuerat: hic se omnium nequiarum magistrum ostentat. Vere infantes, sed nequissimi, & qui Zabulo sacrificant. Zabulus aleam fertur inuenisse primus. Hic non modo insigni se statua consecrauit, cuius in gremio tabula lusoria cernebatur, sed sibi quoque sacrificari ab aleatoribus voluit, antequam ludum aggredierentur. h. Nimirum improbi, non solum vitiorum fomites nefaria querunt solertia, sed ijs inuentis triumphant. & exultant in rebus pessimis i. Alij paullo altius se credunt sapere, peccantque modestius, à quibus voces illas spargi audias: Hoc consilium à me est, bardis illis id nunquam occurrisset: hoc prudentiæ meæ, istud meæ fuit vigilantia: Absque me fuisset, negotium hoc finem nullum vidisset: est quod mihi agantur gratia, hoc ego effectum dedi: hoc quidem artis est, sed à me repertæ: officio meo, si quisquam alius, fungi scio: noui equidem neminem mihi in hoc genere parem: operam meam, sat scio, quanti desideret. Est qui clamer: Omnes voco gladiatores contra: Ille, & ego consiliarios omnes? Hic, & ego omnes doctores? Ille, omnes ego torquatos equites: Alius, & e-

go cūctos voco artifices contra. O vanitas & somnia, & quantū est in rebus inane! Amore inanis gloriæ quid inanius? Optime Siracides de vanissimis his ostentatoribus; Vana spes, inquit, & mendacium viro insensato, & somnia extollunt imprudentes k. Omnis hominum laus, fauor, gratia, honor, commendatio, quid nisi ventus, aura, flatus, bulla, fumus, vanitas, merum somnium? Nam, si quis existimat se aliquid esse, cum nihil sit, ipse se seducit. l Cū exiguntur mella, fumo abiguntur apes. Fumus est vana gloria quo sparsio demon liquetia bonorum operū mella diripit, ut vere dixerit Basiliius: Odium quo apes fumum prosequuntur; significat, eos qui Deo mellificant, re nulla eque offendi quam humanarum laudum fumo m, Eo dixit Isidorus: Pompa & fastus, & inanis gloria, cū celesti luce non bene congruunt n. Supremo omnium die non tantum non proderunt ista, sed multis plurimum oberunt, quoniam tu benedices iusto. o in quæ verba Chrysostomus: Quid enim, inquit, damni accipit, si homines contemnant, & vniuersus Orbis terrarum, quando Dominus Angelorum eum laudat, & prædicat; quæ admodum, si ipse non benedicat, etsi omnes laudent qui terram & mare habitant, ei nihil prodest. Nam etiam beatus Iob, & in sterquilinio sedens, & vulnere sanie exulceratus, & innumerabilibus scatens vermium fontibus, & illa indignissima patiens, ut qui à seruis conspueretur, eique ab amicis & inimicis, & ab vxore insidiæ tenderentur, & ad inopiam, famem, & immedicabilem ægritudinē illam esset reductus, erat omnium beatissimus, quoniam Deus ei benedicebat, dicens: Homo à reprehensione alienus, iustus, verus, pius ab omni re mala abstinens p.

*Diuinam minime assequitur, qui humana seruit gloria.*

*Esse quæris gloriosus? gloriam omnem despicere.*

a Valerian. homilia undecima sine huius serm.

b Exod. c. 3. v. 4.

c 1. Tim. c. 1. v. 17.

d Omnis enim honor & gloria qua homines afficiuntur, solide in Deum vbi in auctorem & vltimum finem referenda est.

e Herod. l. 1.

f Horat. l. 3. ode 6.

Nnnnn 3

g Vet.



g *Vet. Iamb.*h *Cyp. de Aleatoribus.*i *Prou. c. 2. v. 14.*k *Ecclesiast. c. 34. v. 1.*l *Gal. c. 6. v. 3.*m *Basil. in Ascet.*n *Isid. Pelusiota epist. 197. o Ps. 5. v. 13.*p *Chrys. tom. 1 in Ps. 5. propius finem.*

## §. IV.

**C**HRIſTUS Dominus non habuit in more poſitum, ad riſum, aut ad vultus hilaritatem ſuos auditores prouocare, multo minus luxum ijs ſuadere, nihilominus tamen permittit, imo præcepit, diſſimulando ieiunio, vnguentis ritu patrio vti: *Vnge caput tuum, a vt odore & nitore vultus ieiunium tegas, ne videaris hominibus ieiunans.* Pharifæi cum ieiunium obſeruarent, omnia ſibi hilaritatis ſigna interdicebant, vt omnibus teſtatum facerent, ſe voluptatum cōtemptores, luſtuoſo aſperoque ieiunio dare operam. Seruator in contrariū iubet, ne quidquam in ſolita vitæ ratione mutemus, offendendo ieiunio, quin potius pro more regionis, vultu ſimul læto, hilari, amœno ad occultandum ieiunium, vt ſecreti ſincerique operis à Deo referamus premium. Ne igitur alij noſtram laudent continentiam, hanc potius præ nobis ſeramus lætitiā: præſtat vngi & nitere, quam abſtinentiam præ ſe ferre & videri velle: læpiſſime namque virtutum officia publicare eſt perdere, præſentium laudes, adulationes ſunt, laudes non ſunt.

Inter prodigia recensens Plinius: Inuenimus, inquit, natas ſine folijs vitem & malum punicam ſtirpe fructū tuliffe, non palmite aut ramis *b.* Hoc viri boni, & Humilitatis ſtudioſi faciunt: fructus, hoc eſt, actiones ſanctas occultant, cauentque maxime ne in publicum emanent. Ita virtus eorum eſt tutior, & minus obnoxia inſidijs demonum, qui ad explicatas merces vno agmine proſiliunt. Vis virtutes tuas augere: noli prodere. Viue tibi, & longe nomina magna fuge.

Viatores, vt, quod portant aurum cuſtodiāt, an non illud calecis etiam, aut caligis, cingulo, thoraci, pileo inſuunt, aut baculo inſundunt, in ipſum denique ventrem, vt olim Iudaï, in obſidione Hieroſolymis, recondunt? ecquid opus metallum tā pretioſum ſic abde-

re: hoc ipſo quia pretioſum, ab hoſte nunquā tutum eſt; vt ſeruetur, occultatur. Gregorius: Qui in itinere, inquit, deprædari formidat, abſcondat neceſſe eſt bona quæ portat *c.* Ita prorsus actiones cum pietate ſuſceptas longe inuifiſſimum eſt oculis aut auribus, non dicam alienis, ſed & ſuis exponere: neſciat ſiniſtra tua quid faciat dextra tua. Sic Hebræus rex Ezechias, theſauros ſuos perdidit, quia oſtendit.

Præclariffime monet Hieronymus, & Cōueniat, inquit, vnusquisque cor ſuum, & in omni vita inueniet, quam rarum ſit fidelem animam inueniri, vt nihil ob gloriæ cupiditatem, nihil ob rumuſculos hominum faciat, neque enim ſtatim qui ieiunat, Deo ieiunat, aut extendens pauperi manū, Deo ſcenerat: vicina ſunt vitia virtutibus. Difficile eſt Deo tantum iudice eſſe contentum *d.* Hieronymo accedit Ioānes Sarisberienſis *e*, Carnotēſis Præſul, vir eximiè doctus, qui Vanæ gloriæ proſapiam deſcribens: Si quempiam, inquit, inanis gloria ſtimulat, neceſſe eſt vt per abrupta vitiorum præceps ruat, hoc eſt autem quod nobile cenſetur vitium, adeoque humanæ fragilitatis demulcet ingenium, vt vix ſit vel à præclaris mentibus alienum, nam & ortū nobilem habet, ſuique diſpendij proceſſum neſcit, antequam à ſaſtigio corruat quod optauit, nam & de ſe inuicem vitia oriuntur. At inanis gloria etiam in virtute originis ſuæ figit radicem, in quo enim quiſque præ ceteris poller, in eo, niſi adſit moderatrix gratia, facilius intumeſcit. Vix tamen eſt qui Vanæ gloriæ non inſiſtat, & eam quæ ab hominibus eſt, non concupiſcat laudem. Ad hanc alij virtute, alij virtutis imagine, alij naturæ, aut fortunæ beneficio proſciſcuntur *f.*

*Gloria ambitio, virorum morbus eſt felicium.*

*a Matth. c. 6. v. 17.*

*b Plin. l. 17. nat. hiſt. c. 25.*

*c Greg. l. mor. c. 30.*

*d Hier. contra Lucif. c. 6.*

*e Obiit An 1182.*

*f Sarisb. l. 8. Policrat. c. 2.*

## §. V.

**D**Eplorauit hunc morbum ſecum ipſe Gregorius Magnus, ille oculus Eccleſiæ, nec eū ſine lacrimis deplorans, Dum ipſam, inquit, *Subti-*



subtiliter radicem meæ Intentionis inspicio, Deo quidem ex ea me summopere placere voluisse cognosco. Sed eidem Intentioni quæ Deo placere studeo, furtim se, nescio quomodo, Intentio humanæ laudis interfert, quod cum iam postmodum tardeque discerno, inuenio me aliter agere, quod scio me aliter inchoasse. Sic etenim sepe Intentionem nostram, dum ante Dei oculos rectè incipitur, occultè sibi subiuncta, & eam velut in itinere comprehendens, Intentio humanæ laudis assequitur: sicut pro necessitate quidem cibus sumitur, sed in ipso esu, dum furtim gula subrepat, edendi delectatio permisceatur. Vnde plerumque contingit, vt refectionem corporis, quam salutis causa cepimus, causa voluptatis expleamus. Fatendum est igitur, quod rectam Intentionem nostram, quæ soli Deo placere appetit, nonnunquam Intentio minus recta, quæ de donis Dei, placere hominibus quærit, insidiando comitatur. Si autem de his diuinitus districtè discitur, quis inter ista remanet salutis locus, quando & mala nostra, pura mala sunt, & bona quæ nos habere credimus, pura bona esse nequaquam possunt a.

Obijcias: Quid ergo Deus homini appetitum dedit gloriæ, si gloria omnis ab homine sit repudianda? quid viri maximi frustra se fatigant in obtinenda gloria, si eam obtinuisset piaculum sit? Non omnè, mi homo, gloriæ appetitum damnamus, sed inopinatum & illicitum, qui suauis, sed furtiuo illapsu vbique miscere se solet. Inordinatum aio & illicitum, qui hoc agit, vt homo gloriæ cupidus, gloriam quærat è virtute quâ caret, aut è re cui tale præmium non conuenit. Vt noris, Gloria vmbra virtutis est: inuitos etiam comitatur b. At nos hanc vmbra & sollicitè nimis quærimus, & nimis cupidè amplexamur, gloriam non à Deo, sed ab hominibus expectamus, acquisitam non ad Dei honorem, sed ad nostrum conuertimus. Verissimè dixit Seneca: O quam ignorant homines gloriæ cupidi, quid illa sit, aut quomodo petenda c. Et quæso, dic quibus in terris, & inter quos homines inueniendus est honoris appetitus vnde quaque moderatus? Res rara prorsus coruo quoque rarior albo. Facilius, gloriam omnino fugere, quam rite quærere.

Ita sanctissimos etiam viros feminaque

inanis hæc aura quandoque affluit, sed affluit tantum, non infecit, non prostrauit. Dominicus certè, illud amplissimè familiæ fidus illustre, acriter in pestilentem hanc auram pugnavit. Nam cum Tolosæ plures Christo adiunxisset, Carcosiæ tamen potius fugebat domicilium. Eius rei causam rogatus: Quia, inquit, plures ibi me honorant, hic vero me omnes impugnant. Credidit vir sanctus inter odia hominum tutius habitari, quam inter blandimenta & encomia, maluitque se vexationis, quam inanis gloriæ stimulis conficiendum exponere d. Honoris repulsa, magna est gloriæ eminentia. Raræ virtutis est, magna facere, & magnum se nescire, sanctitatem omnibus manifestam solum latere auctorem. Nil difficilius quam omnem calcare gloriam. Ea tamen etiam à feminis insigniter triumphata est.

Sara sacrarum Virginum Antistita, admiranda sanctitatis virgo, tredecim annis ab impuro cacodæmone impugnabatur assidue, nec aliud volebat lasciuus Satan, quam vt se hominem fateretur Sara, velletque suauissimè vulnerari. At virgo constantissimè obstitit, nec hostem vnquam intra portas recepit, illæso semper Castitatis propugnaculo. Idcirco diabolus alio stratagemate rem agendam ratus, vt, quam lasciuia non potuisset, Cenodoxia saltem expugnaret. Nec dubitauit vafferimus hostis, quin animum huius teli non metuentem occultissimâ plagâ sauciaret. Itaque ei Parthorū more, à fuga placuit petere victoriam, vt quā stando nequisset, fugiendo vinceret. Ideo visendā se Orciniana larua præbuit, & velut iam abitum desparatā victoria moliretur, horrendam vociferari cepit: Vicisti me, Sara, vicisti, vicisti At virgo non ignara hoc etiam telum exire. Non ego, inquit, te vici, sed Dominus meus Iesus. Hæc est vera gloria, gloriam omnem velut rem minimè suam ad Deum remittere: Soli Deo, soli, soli honor & gloria. Hinc sibi nemo prædam sine crimine pollicetur.

a Greg. l. 35. moral. c. 16. & ult.

b Senec. Epist. 79. fine.

c Senec. Epist. 95. fine.

d Vita ipsius l. 4. c. 10.



## S. VI.

**A**ccipiter olim, ut est in fabulis, irrisset Trochilum, illā littoralem avem, quod cum sibi colore non abssimilis, tam angustitamen pectoris sit, ut vermiculis & vilissimo pastu malit vivere, quā suavis aliarum avium carnibus vesci. Cui Trochilus: Nō est, inquit, quod tibi tantopere gratuleris, mi frater, de cibis non tuis, & quos iniquissimum tibi aucupium parat. Ego viliori mensa contentus, maiore quam tu pace fruor, & erit forsā cū gulam tam delicatam malē lues, & sero nimum te poenitebit, venationes has nullo iure licitas instituisse. Vates videri potuit hæc avis. Nam paucis post diebus Accipiter, in ipsa venatione à rustico, cuius columbas insectabatur, captus, & more ceterorum, ex altā turri, alijs in terrorem suspensus est. Trochilus, pendulum funus vel eminus vidit, & mox aduolans: O mi frater, inquit, quā vitæ tuæ longē fuisset consultius, vnā mecum vermiculos in cibum legere, quā alienas aves insectari, & omnium avium ludibrium fieri, si venari noluisse, iam vivere posses.

O miser, o inanis gloriæ venator! mutato nomine de te, fabula cantatur. Tu ille Accipiter es: sed quid rumusculos & præconia, quid applausus & gratulationes, quid fauorem & gratiam, quid blandientes voculas & cōmendatunculas, quid popularē famam, & speciosos titulos venaris? nullo tibi iure permilla est hæc venatio, o Accipiter. Non est hæc gloria quam quæris, non est, vmbra consecraris gloriæ, & quidem falsā idque in tuum exitium. Quanto tibi sāius foret Trochilum æmulari, & viciare vermibus, illis inquam, quos sepulchrum tuum, quo properas claudit, hos tu vermes cogita, & aves alienas, laudes humanas facili spernes. Pulcherrimē August. Melius est, inquit, vel de paruo Dei dono gratias ipsi agere, quā sibi agi velle de magno. Ecquid in orbe hoc magni speras aut æterni? nulla hic diuturna possessio est. Armis, eruditione, opibus, solertiā, fraudibus, etiam virtute paratus honos ferē prius evanescit, quā in plenum eo fruaris. Floris instar solstitialis est tota humana gloria, ecquid sudorem sudore cumulas? fugitiua adeoque & volatica omnis laus & gratia est, non tenetur corpore, &

ne penna quidem, sed neque invita teneri potest, non magis quā rapidissimum flumen. Quid ergo cogitationes in elogia & famam iacularis? nescis mortalium cuncta incerta esse, quantoque plus adeptus fueris, tanto te magis in lubrico ac fragili versari?

*Vitam agit leporis quicunque vanus auceps gloriæ est.*

Et ut votis responderit eventus, ac in possessionem te fortuna speratorum immiserit, quanta hæc erunt, & quamdiu fors hodie, fors hac ipsa hora posteritati fabula iacebis, & præda vermibus.

Narrat Plinius, ad extremos fines Indiæ gentem Astomorum degere sine ore, corpore toto hirtam, vestiri frondium lanugine, halitu tantum viventem & odore quem naribus trahant. Cenodoxi seu inanis gloriæ studiosi, os nullum habent, quo vel Deo laudes debitas pendant, vel homines bene meritos serio laudent, à veri honoris ornamentis iuueles sunt, nec quidquam habent præter pilos & folia, hoc est, humanarum laudum quisquilias, halitu tantum viuunt, aura scilicet vanæ gloriæ quam naribus trahunt, cum ore careant, & nunquam cenent laurius, quā dum laudantur. Alij, quibus os & frons est, tunc plurimū erubescunt & verecundantur, cum eis hæc aura largius in cibum apponitur. Optimē religiosissimus ille scriptor: Qui veram, inquit, & æternam gloriam desiderat, temporalē non curat. Et qui tēporalem requirit gloriam, aut non ex animo, contemnit, minus amare conuincitur cælestem. Magnam habet cordis tranquillitatem, qui nec laudes curat, nec vituperia.

*Gloria vmbra, est parua magnis, pusillis maxima.*

*Si compendio assequi vis gloriam, contemnit o.*

In theatro es vacuo eoque angustissimo, quid hic plausum expectas? altum illud & amplissimum cæli theatrum suspice, & frigidissimos hos plausores ridebis.

*Auāior redit, spreta in tempore gloria.*

Quid? quod sicut temerarijs iudicijs, ita inanibus elogijs peccant homines frequentissimē, quorum hic solennis error est, laudanda vituperijs, vituperanda laudibus afficere. Inde Christianus sapiēs: Nolo, inquit, ab his laudari, quo-



dari, quorum laus vituperium est: nec ab his  
culpari vereor, quorum criminatio laus est.

Quid? quod ijs sepe minime placeamus, quibus  
placituros nos maxime speramus. Refert He-  
rodotus d' Agaristam Clisthenis filiam vario  
ambitu plurimorum, in coniugem postula-  
tam: Certabat inter florentissimos Græciæ iu-  
venes, Tisandri filius Hippoclidēs, qui saltan-  
di peritissima venustate se nemini secūdum si-  
bi persuadebat. Itaque impetrandæ coniugi,  
omnem artem in illud tripudium consumen-  
dam censuit, & mire gesticulatus est. Displi-  
cuit multis, cum primis Agaristæ parenti, qui  
desaltato cantico: O Hippoclidēs, inquit, per-  
didisti coniugem saltādo. Cum tamen stultus  
iuuenis se omnium crederet scitissimum, &  
sibi vni virginem deberi. Ita nos vani frequē-  
tissime credula persuasione fallimur, quādo a-  
lijs nos admodum placere credimus, quia ipsi  
nobis adeo placeamus prius, vt sibi quisque sit  
miraculum. Ecclesiastes quispiam insigniter  
se dixisse autumat, & nulli placuit: Musicus,  
omnes sibi applausuros opinatur, & nemo  
laudat: Pictor sibi mire gratulatur de sui o-  
peris elegantia, & plurimi reprehendunt: Dux  
militiæ coronas & triumphos expectat, &  
vix æquis oculis aspicitur, Palatinus, miros  
principis fauores somniat, & proxime abest, vt  
excludatur aula. Choragus nescio quem plau-  
sum sperat, & nauseam ostendunt spectatores:  
Parasitus, adulator, sannio omnes à se hilaran-  
dos putant, & nemo ridet: Calamistratus ali-  
quis Iopas, aut ad omnem venustatem excul-  
tus Hortensius, admirationem ac laudes sibi  
promittit, & omnes irrident. Ita miseri sæpi-  
sime ijs nauseam mouemus, quos infantijs no-  
stris maxime deliniendos sperabamus: coniu-  
gē perdimis saltando.

Demosthenes antequam eloquio Græco in-  
notuisset, operosioris cultus nitorem appetiisse  
dicitur, sciebat enim à purpura vendi causu-  
dicum. At postquam faciundæ famam assecu-  
tus est toga viliorē cōtēntus dictitabat, se vel-  
le sibi à se potius quam à veste aut cultu ex-  
quisito constare gloriam, quem enim suus at-  
tollit honor, vilitas aliena non deprimit; sed  
nec alienus erigit honor, quem sua vilitas hu-  
mo affligit. Emendicatum nec vlli honestum  
laudis suffragium est quod totum extrinsecus  
accersitur. Chrysofomi verbis hæc consigno?

Præsentis temporis gloria & nulla est, & insta-  
bilis fluctuat: & si aliquandiu permaneat, re-  
pente tandem extinguitur. e

*Sequitur fugientes gloria, sequentes fugit.*

a Aug. epist. 32. ad Paulinum.

b Thom. de Kemp. l. 2. c. 6. n. 2.

c Monast. Trochaic.

d Herod. l. 6. ante finem.

e Chrys. hom. 3. in 1. ep. ad Tim.

## §. VII.

**A**T, difficile est, inquis, non amare, non se-  
qui gloriam, etiam vanam hanc & ina-  
nem. Omnibus insidet opinio sui & pretium,  
vixitque etiam in optimis quibusque viris ne-  
scio cuius gloriæ aculeus, qui perraro ita in  
plenum emoritur, vt nulla supersint semina,  
quæ sota in herbam & fruticem non exurgant.  
Ah, quoties ad famam potius quam ad coliciē-  
tiam laboramus? Ah, quanti acerba omnia  
superarunt, turpissime superari ab inani gloria?  
Identidem ad nos redimus, & in nostrum ho-  
norem reuoluimur. Gloriæ cupido hominibus  
exurit nouissima a.

Et vbi quæso reperias eos, qui laudem o-  
mnem auerſentur? Superbiam palam omnes  
detestamur, nostra tamen encomia sine auriū  
vulnere audimus. Vanæ gloriæ studium nemi-  
ni probatur, cum interim hoc pæne omnibus  
hæreat, quod omnibus displicet. Et sæpe dum  
laudari nos prohibemus, tacite inuitamus, ne  
qui cœpit, tam cito desinat. difficile est odif-  
ſe gloriam, laudem omnem & laudantis fa-  
uorem spernere, difficillimum. Nemo suę vn-  
quam refragatus gloriæ est.

Hic mihi Chrysostomus etiam nunc in mē-  
tem est: Quomodo ergo, inquit, ab hac du-  
ra seruitute liberabimur? Si aliam gloriam a-  
damauerimus, nempe eam quæ vera est gloria,  
quemadmodum enim eos qui corpora amant,  
alia splendidior facies visa, à priore separat: sic  
& eos qui gloriam hanc depereunt, splendi-  
da illa cælestis gloria conspecta si fuerit, ab  
ista abducere poterit. Vanæ gloriæ cupidus, si-  
milis illis est qui tempestates ferunt, semper  
tremens, semper timens, innumerosque do-  
minos obseruans. Qui vero extra illam est ty-  
rannidem, recte comparatur ijs qui in portu  
cōstituti, integra iam libertate potiuntur. Alius  
vero non item, sed quam multis est cogni-  
tus,



tus, tam multos habet dominos, omnibus seruire coactus b.

*Vniuersis singulisque seruit seruus gloriae c.*

Inter hos non postremus ille ab aula domini. Obuium is habuit quemdam e regia domo, ad quem superba fronte: heus tu, inquit, quisnam de me in aula sermo? Alter rubore suffusus: Nullus, inquit, Domine, neque qui ad laudem faciat, neque qui aduersus eam. Audijt hoc homo gloriae appetentissimus, qui se per omnium ora volitare credebat, & adstantium oculis notari indignatus, mox hominem insonrem fustibus excipit, post plagas, quinquaginta aureis donari iussit, quibus ipse dictum insuper hoc adiecit: iam tibi materies & laudis est, & vituperij, vtere, & adhibe in palatio. Hunc tu sui dominum dixeris? mille heris seruit, quicunque gloriae: Imo est omnium seruus, quisquis est gloriae, Nam,

*Gloria seruire, mentis non nisi abiectissima est.*

*Gloria seruus nihil recte inchoat, nil perficit.*

Recte, ne finis suo principio non respondeat. Vnum igitur, inquit Chrysostomus, intueamur solum, ad id tota nostra dirigatur Intentio, quo scilicet pacto, Dei mereamur ore laudari. Non laudat te ille aut ille? nihil inde amittis: & si vituperet quispiam, nihil omnino te laesit: siue enim laus, siue vituperatio, ex Deo tantum emolumentum habet, aut detrimentum. Ceterum humana omnia sunt prorsus inania d. Vere, inanissima.

Hæcerat mens, hæc doctrina Seruatoris Christi Iesv, cuius eruditionem cum admirarentur Iudæi, dicerentque: Quomodo hic scit litteras, cum non didicerit? Ad istud verus Magister Humilitatis: Mea, inquebat, doctrina, non est mea, sed eius qui misit me e. Ita cum admiranda patrarer, & homines valetudinis desperatissimæ curaret, plerunque, ne cui dicerent, imperabat. Nostræ hoc institutioni factum, ut si gloriamur velimus, in Domino gloriemur, non enim qui seipsum commēdat ille probatus est: sed quem Deus commēdat f.

Ergo, quod præclarissime monuit Seneca, Cōscientiæ satisfiat, nihil in famā laboremus. Et vero seipsum ad hoc adigens Anæus: Nihil inquit, opinionis causa, omnia conscientiae faciam. g Bernardus hæc explicatius confirmans: Pura erit Intentio, inquit, si in omni

actione nostra, aut honorem Dei, aut utilitatem proximi, aut bonam conscientiam quæramus.

Deus olim sub pœna capitis sanxit, rem primo intuitu minutam, ne quis scilicet odores diuino cultui destinatos vlti profano incenderet: *Talem compositionem non facietis in usus vestros, quia sanctum est Domino. Homo quicumque fecerit simile, ut odore illius perfrazatur, peribit de populis suis. h* Pretiosum thymiam est Gloria, sed Deo debetur, & soli: quisquis homo es, caue tangas hos odores, capitis res est: Soli Deo honor & Gloria.

Vigilanti igitur cura, inquit Gregorius per cuncta opera, Intentio nostra pensanda est, ut nihil temporale in his quæ agit, apparet: tota se in soliditate *Æternitatis* figat, ne si extra fundamentum actionis nostræ fabrica ponitur, terra dehiscite soluat. i Quisquis bonam Intentionem amat, gloriam inanem odisse debet aut cælum non magni æstimat.

Fusus diximus de hac peste rectæ Intentionis. Sed ut capite sequenti, hac ipsa de re plura differamus, exigit tam obstinati, & ubique vulgatissimi morbi malignitas.

a *Monost. Trochaic.*

b *Ver. troch.*

c *Ego non nomino, sed Floresta, qui de illo.*

d *Chrys. hom. 2. in epist. ad Titum.*

e *Ioa. c. 7. v. 16.*

f *2. Cor. c. 10. v. 18.*

g *Sen. l. 3. de Ira c. 41. & de vit. beat. c. 20.*

h *Exod. c. 30. v. vlt.*

i *Greg. l. 28. mor. c. 6. propius finem.*

## C A P V T V.

*Quid demum sit Vana gloria, & quam ea Rectam INTENTIONEM facere ingulet, ne praueniatur.*

**I**nanis gloria, scopulus est immanis, ad quem vix vlli hominum, non naufragium, aut certe damnum patiuntur. Ecquis ille tam peritus nauta, quis satis caueat, ne nauium ad hunc scopulum illidat? Quam autem ipsa in se varia est inanis gloria, tam diuersa fortitur nomina a præfatis scriptoribus Basilus: Fugiamus, inquit, dulcem spiritualium operum expoliatricem, iucundum animarum nostrarum



strarum hostem, tineam virtutum, blandissimam bonorum operum depredatricem, eandem mellis illitu, veneni coloratricem *a*. Tituli digni quos expendamus *dulcis*, inquit, *spiritualium operum expoliatrix*, similis deceptrici Dalila, quæ humanissimis blanditijs Samsonem viribus exuit, & obiecit hostibus. *Lucundus anima hostis*, grauius necat, quo plus delectat, & vt aptè Cyprianus, dum extollit, emollit; & pungit, cum vngit. *Virtutum tineam*, Inanis gloria. Sicut autem è pretiosiore veste, robustior nascitur, tineam, quæ suos parentes lacerat, & corrodit, sic è virtute nobiliore gloria nascitur vanior & perniciosior, mors suæ matris. *Blandissima bonorum depredatrix*, allicit & delectat, erigit & demulcet, vt iugulet, & animo bona sua rapiat omnia. *Veneni coloratrix*. Ah! quis hominum tam religiosus & sanctus, vt omnes Vanæ gloriæ insidias deprehendat & caueat? S. Ignatius Loyola hoc vno vir sanè magnus, quod singulari Dei fauore consecutus dicatur, vt annis compluribus ante mortem, nullam inanis gloriæ nec cogitationem quidem habuerit. Imò tam fui & cognitor, & contemptor erat, vt nullum se vitium, diceret minus extimescere, quàm turgidæ huius vanitatis *b*. Audite filij, & parentis sanctitatem, vel hoc vno æmulamini.

*a Basil. de constit. mon. c. 11.*

*b Ribaden. l. 5. vita, c. 3.*

## §. I.

**Q**uam autem hoc vitium supra cetera sit audax, & noxiū, egregiè Chrysostomus: Nihil, inquit, ab hoc inimico securum, qui tanquam contagiosus morbus omnia corrumpit. Christus Dominus hortatus fuit, vt thesauros nostros in cælo recondere, quod fur non appropinquat, & vbi tineam non demolitur. Nihilominus inanis gloria eò pertingit, & sepe quæ quis in cælo per bonorum operum fructum thesaurizauerat, vnus inanis gloriæ impetus perdit, consumit, & expugnat *a*. Eodem prorsus modo Basilus: Callida insidiatrix, inquit, Vana gloria, vel in ipsius cæli conuexis, insidiarum aduersus nos collocatrix *b*. Nō minus eloquenter de hac peste Petrus Chrysologus: Subtile malum est, inquit, secretum virus, venenum latens, virtutum fucus, tineam sanctitatis. Aduersa omnia nituntur suis viri-

bus, armis suis pugnant, impugnant palam; vnde & cauentur tam facili, quàm videntur: hæc tamen crudeli arte virtutes truncat mucrone virtutum, ieiunium ieiunio perimit, oratione orationem euacuat, misericordiam miseratione prostermit: hoc vitium de remedijs creat morbos, & de medicinâ conficit languorem *c*.

Eleazarus Hebræus, ille heroum gemma, vt vnus ipse totum vinceret exercitum, elephantem regium sibi sumpsit sternendum, nam *visum est ei quod in eo esset rex d*. Itaque pugnione armatus, generosissimo cursu subter bestiam ruit, ferroque ventrem medium, quæ mollior est, rupit, sed sub ipso elephante quem occidit, & ipse occubuit, remansitque, vt Ambrosius loquitur *e*, suo triumpho sepultus. Facinus mirandum! In prælio & nos versamur, sed contra nos stant Vitia pugnant: quæ diuerso impetu. Primus & maximus hic labor est, nostræ carnis elephantum deicere. Sed heu miseros nos, quos ipsa sepe victoria opprimit, & extinguit, dum sub hoste quem superamus, cadimus. Ieiunijs, vigilijs, alijsque rigoribus lasciuientem carnem vincimus, sed hoc ipso triumpho nostro vincimur, & sepelimur, non à Carne, sed ab inani gloriâ cæsi. Nimis sui suspectus, & instum mortalitati vitium, se suæque mirandi & æstimandi, nos iam victores iugulat. Facinus miserandum! Epictetus hic nobile documentum suauiter ingerens, Sicut sol, inquit, preces aut blandimenta non expectat vt exoriatur, sed statim fulget, & ab omnibus salutatur: Sic tu nec plausus expecta, nec strepitus vel laudes, vt bene facias, sed sponte bene facias, & pariter ac sol charus eris *f*.

*a Chrys. hom. 72. in Matth.*

*b Basil. in Constitut. Mon. c. 11.*

*c Chrysol. serm. 7.*

*d 1. Machab. c. 6. v. 43.*

*e Ambros. l. 1. offic. c. 40.*

*f Stobæus de Magistrat.*

## §. II.

**S**truthio auis, nobile symbolum stultitiæ, mole corporis non inæqualis camelo, vnde & Struthio camelus dicitur, sed capite, instar anatis, exiguo; pēnas habet amplas, vt Accipiter, sed nunquam volat, velut quadrupes

O o o o o 2

bestia.



bestia. Mira fecunditate parit oua, eorum tamen plurima non fouet, sed in puluere viatoribus calcanda deferit, pullos ouis exclusos summè amat, hos ipsos tamen truculenter negligit. Qui laudes humanas ambit, stultitia Struthioni non cedit, pennas habet Herodij pennis simillimas. Hominum sanctorum alæ quibus in sublime feruntur, sunt orationes, eleemosynæ, ieiunia, vigilæ, quæ Struthionibus illis non desunt, sed ij in altum non tolluntur, terræ hærent, nec aliud cupiunt, quam **V I D E R I**, & licet satius edant, pias actiones, quas & ipsi amant estimantque plurimum, & ab omnibus amari ac estimari volût, nihilominus charissimæ hæc pignora, locis non abditis minimeque securis commendant; publicum expetunt, & quæ faciunt, videnda exponunt. *Amans in synagegis & in angulis platearû stantes orare ut videantur ab hominibus exterminât facies suas, ut pareât hominibus ieiunantes a.* Cainum per Inuidiam, Abiron per Superbiam, Zambri per luxuriam, Iscariotem per Avaritiam, Purpuratum epulonem per Gulam, Virgines fatuas per Socordiam, ad inferos ruere nil mirum: hoc mirum est, bis mirum, esse non paucos qui per preces, abstinentiam, eleemosynas, per nobilissimos labores tendant ad Erebum. En stultissimos Struthionones! Ergo, *Non efficiamur inanis gloria cupidi b.* Chrysostomus: Si gloriam amas, inquit, magis eam ama quæ à Deo est *c.* Quam stultus sit athleta vel pugil qui certaminis sui spectatores habet Regem, & omnè regium comitatum, in præmium vero propositum cernit coronam auream gemmis distinctam, istam è mendiculis cæcum interrogat, num placuerit, & ab eodem pugilatus sui mercedem postulat, nitentem scarabæum, aut versicolorem lapillum. In stadio & nos sumus, quotquot viuimus, spectaculum facti Mundo, & Angelis, & hominibus *d.* Sed vani ac fatui, quam præclare nos gesserimus, ex ijs quærimus, qui abditæ virtutis actus, cernere nequaquam possunt, ab iisdè etiam in præmij locum laudariunculas frigidissimas auidè acceptamus. Nunquid non insignissimæ stultitiæ hoc est, laboriosa agere, ut Gregorius loquitur *e.* & auræ laudis inhiare, forti opere præceptis celestibus inferuire, & terrenæ retributionis præmium quærere. *Non ei placebit recordia sua,*

*& sicut tela aranearum fiducia eius. f.* Aranea huc illuc excurrit, & mirè se fatigat, itque sexcenties: è ventre stamina deducit, & irrendendis tenuissimis animalculis venabulum conficit, atque in retis speciem diffundit, texturinum hoc opus araneæ, multi laboris & miræ subtilitatis est, sed huic penitus destruendo nō opus malleis, non securibus, aut bōbardis, auræ paullulum concitator omnem laborem auellit. Aspic obsecro actuosorum hominum sudores & discursus; ut nituntur, ut sagunt, ut moliuntur, idque toto corpore, atque omnibus, ut dicitur, vngulis! varijs se laboribus frangunt, & exhauriunt, officinas ingredi, curias adi, scholas lustra, Aulas inspice, & miraberis multorum miserandam sedulitatē. Tot mensiū, tot & annorum labores sæpe puncto temporis intereunt, nam vbi recta Intentio deficit, in ventum labor omnis euanescit; auræ humani fauoris omnia tollit, *& sicut tela aranearum fiducia eius.*

*a* Matth. c. 6. v. 5. & 16.

*b* Gal. c. 5. v. 26.

*c* Chrys. hom. 2. & 28. in Io.

*d* 1. Cor. c. 4. v. 9.

*e* Greg. l. sup. cit. maxime l. 8. moral. c. 25. & 6. 16. initio & c. 30.

*f* Iob. c. 8. v. 14.

*g* Scio alios aliter sentire.

### S. III.

**N** Arrat qui oculis fidem habuit *a*, visum à se illustrissimum Comitem, qui graviter à modum offensus à filio, cum non opportunum duceret, in ipsum è vestigio filium vindicare, tale supplicij genus inuenit. Effigiem filij fortè conspicatus, eam à pariete soluit, & mox in frustra concepsit, æquissimum paternæ iræ argumentum præ se ferens. Hanc filio sapientiam præire voluit, ut is denique fateretur, sibi hanc penam fuisse persoluendam quæ sua effigies dependeret. Aiunt & Persas cum supplicium de illustri viro sumpturi sunt, vestè & tiam eam detrachere, eaque suspensa verberare ut hominem ipsum. Non multum ab simili pena Christus Dominus Vanæ gloriæ cupidos puniuit. Viderat Seruator in viâ sicum folijs abundantem, sed carentem fructibus. Ideo seuerè in eam pronuncians, & vitam ei omnè adimens. Nunquam ait, ex te nascatur fructus



fructus in sempiternum. Et arefacta est continuo ficulnea *b*. Hęc arbor, comis tam decora, pomis vacua, germana eorum effigies est, qui ad speciem valent, sed carent rectâ Intentione. Hos vt Christus terreret, dum eis parceret, effigiem illorum exsecrationibus lacerauit, vt indignationem quam ipsi promeruerant, in sua imagine cernerent.

Miramur primos omnium parentes ob malum vnicum ad morsum supplicio tam graui affectos. Quis enim Diocletianus aut Phalaris, ob pauculas ficas, aut aliquot fosciculos, aut vnicum pomum, mille homines in crucem rapuit? Cur igitur Deus non mille homines, sed innumeros hominum milliones æternæ mortis damnauit, ob arbusculam vnâ, non solo excisam, sed pomo priuatam, & quidem vnicâ? Puerile præcentum, inquit Theodoretus *c*; & infantibus cõueniens videri potuisset illud: De ligno hoc ne comedas, cur ergo tã diuturna seueritate punitur transgressio? Merito sanè, quod imperium hoc expeditissimum, & nec pueris difficile, detrectauerint tamẽ Protoplasti. Si grandia difficilia impasserent, habuissent quo culpâ purgassent. At verò cum illis amœnissima libertas in omnes paradysi arbores esset, exceptâ vnicâ facinus fuit intolerabile, & tanto supplicio dignum, nec ab hac quidem vnica tam serio veritatẽ velle manus abstinere. Hinc etiam liquet, quàm Deus & illos detestatur, qui gloriam, quam sibi vnâ vult deberi, iniquissimè præceptum eunt: odit Deus omnes viciosos, sed superbis & arrogantibus etiam resistit *d*, quos scilicet infecit vitium idololatrię cognatum. Pro teste stat Veritas, & Quomodo, inquit, vos potestis credere qui gloriam ab inuicem accipitis, & gloriam quã a solo Deo est, non queritis *e*? O miseri, theatrum vobis in cælo conlaturum est, in terra tamen spectatores colligitis *f*.

*a* Hier. Nuz. a. tom. 1. tract. 2. par. 2.

*b* Matth. c. 11. v. 13.

*c* Theod. serm. 10. de prouidentia.

*d* Iacobi c. 4. v. 6.

*e* Ioan. c. 5. v. 44.

*f* Chryss. in epist. ad Rom. hom. 17. ante finem. vbi plura huc facientia licet videre.

## S. IV.

Augustinus veterum Philosophorum turbam, telo ab ipsis accepto, feriebat in hunc modum *a*. Picturam illi talem statuerat. Regina, nec veste, nec vultu eam dignitatem decente, sublimi tamen solio sedebat; Reginx nomen V O L V P T A S. Adstabant nobilissimæ virgines, VIRTUTES, velut ancillæ ad omnem herilem nutum paratæ: Has varijs imperijs fatigabat proterua Domina, & modo prudentiæ, modo Fortitudini, modo Temperantiæ dictitabat, quid in rem suam curatum veller. Bene, inquit Augustinus, hac pictura expresserant Philosophi, quod volebant, sed ad laudis appetitum, quo ipsi maximè laborabant, pulchrè conuincendum.

Ergo simillimam priori tabulam pingamus, sed pro voluptate, VANAM GLORIAM substituamus, cui pariter imperanti Virtutes sic ancillantur, vt nihil provideat Prudentia, nihil distribuat Iustitia, nihil toleret Fortitudo, nihil Temperantia moderetur, nisi quod à Vanâ gloriâ iubeatur, & aliorum oculis placiturum speretur. Et quid, oro, improbo hoc dominatu iniquius? Fecidissimum illud monstrum, illa verè Gloriæ larualis umbra, amplissimis reginis, Virtutibus sic illudat, vel inuitas cogat sub imperium prorsus detestabile? Ita sanè fit, sic vivitur, sic seruitur: hęc mundi sunt spectacula, hęc illius miracula, operosa, faste, & sæpe multi sudoris, sed laudis appetitu non difficilia: sub Vanæ gloriæ amabile imperiũ fluunt omnia: ipsæ Virtutes ad hanc suauissimam vim degenerant, & generosam suã contumaciã, hic expugnari non valde nolunt, trãsuntque in arbitrium fucatae Gloriæ. Sed, Amen dico vobis, receperunt mercedẽ suã *b*. Romani, rerũ domini quam præclare gesserunt multa, quanti armis togæque: quã laudata eorum Iustitia, quam exquisita Prudentia, quàm Clementia celebris, quam inuicta Fortitudo, quam Temperantia illustris, quam casta & impenetrabilis Pudicitia, quam admiranda constantia: Sed receperunt mercedem suam, Locupletissimus testis Augustinus: Honor, inquit, & gloria qua Deus Romanos fecit illustrissimos, merces fuit bonorum operum quę egerant, nec est quod de summi & veri Dei iustitia conquerantur *c*. Eximia illorum erant o-



pera, sed præmium se dignū retulerunt. Gloriam ambierunt, & certē obtinuerunt. Fines imperij Romani, Orbis & Oceanus, ita ut quicquid opportunum fuit aut dignum vinci, vicerint. Itaque terminos sibi fecerunt Orientem & Occalum, exceptis locis inaccessis, aut inhabitatis vel ignobilioribus: *Receperunt mercedem suam.* Aquisimus Deus, nihil vitij, nihil & virtutis sine supplicio & præmio transmittit. Vnde actionibus illic melioribus, quibus tamen cælum debere non vult, congruam, & extra cælum remunerationem assignat: recipiunt mercedem suam, sed ita ut non recipiant æternam. Ah, quantum ubique laboratur, sed nihil ad cælum hi labores. Obsecro, vel Aulas tantū inspiciamus, quā hic varij generis seruitia sunt, quā exactæ sedulitatis, quā cōptę patientiæ; quam piectę fidelitatis, quam operosę solertiæ! totos dies & sæpe in adulescentiam noctem stare, aut ad omnē lassitudinē huc illic excurrere, plurimorum inuidiā tolerare, omnes heriles nutus obseruare, illic quotidiani vsus est. Et sunt qui hæc omnia religiosissima vrbantate faciant, sed preter pecuniam & gratiam nil expectant: *Receperunt mercedem suam*, non enim quam Deo, sed quam Principi chari essent, laborarunt. Alij ad negotia & curarum subtilitatem in aulis admoti vigilantissimos oculos in omnem partem emittunt, ne quid regijs gazis aut honoribus decedat, sed sæpe hi boni viri, dum attentissima sollicitudine curant omnia, animum suum inter curāda non numerant; modo crumenam faciant, modo Principis gratiam non perdant, tantisper sui ac cæli negligentes esse licitum credunt, & seiplos vix vnquā conueniūt cum conscientia suā rarissime, & non nisi obiter loquuntur, suam in rebus agendis Intentionem non examinant: ceterum de rebus omnibus suauissimē confabulari norunt, de cælo per horam differentem, audire ægerrimē sustinent: verbo dicam, non solent esse domi suæ, & secum loqui, omnibus alijs fideiores quā sibi. Et hi quoque, *Receperunt mercedem suam*, humani fauoris auram, & aurum splendētis terræ particulam, heu mercedē post funera non duraturam! Ergo, *videte vosmetipsos* o Aulici, o quicunque alij) *ne perdati quæ operati estis sed ut plenā mercedem accipiatis.* Seduli estis, & diligentes in officijs vestris; be-

ne hoc quidem: Sed quod diligentes videri vultis, hoc iam malē: imō hoc iam pessimē, quod sæpe vobis curæ non est, quā fideles & industrij sitis, sed quā esse videamini. *Videte ergo vosmetipsos, ne & vos olim audiat: Receperunt mercedem suam.*  
 a Aug. l. 5. de Ciuit. c. 29.  
 b Matt. c. 6. v. 2. §. 16.  
 c Aug. l. 5. de ciuit. c. 16.  
 d 2. Ioan. c. 6. v. 8.

## §. V.

O Ccurrit olim Iephtaza Virgo parenti bello reduci, laudes amātissimi patris decantatura, & vnā victoriam ac triumphū gratulatura. Audijs Iephte quāris patrē præconijs afficeret filia, sed tamen hanc laudatricem quamuis inuitus, pro laudum præmio iugulauit. a Facinus ingens, & nobis prorsus imitandum qua licet. In bello sumus & nos, nec vnquam non satis hostium est: omnis diabolorum impetus defæuerit, sola tamen Caro nunquam non refractaria, bellum mouet continuum. Postquam rem præclare gessimus in hoc bello, nostra nobis filia prodit obuiam, pulcherrimis nos elogijs affectura. Hęc est, ut Origenes explicat b Inanis gloria, quæ tunc maximē apparet laudibus instructa, cum res strenuē & feliciter gesta est: Cum Xenodochium locupletasti, cum templum condidisti, cum prolixas preces inijsi, cum pauperulam virginem dotasti, cum liberaliorem stipem dedisti, cū strictius ieiunium obseruasti, tunc blanda illa filia sese fert obuiam, ore pleno, quicquid factum dilaudans, & velut suauē carmen, hæc talia ingeminans: Quam præclare? quā pie hoc & laudabiliter? quā istud religiosē & sanctē, quā hæc res boni exempli factū nobile, quis negauerit? vicisti teipsum, res loquitur: sic decuit, & vtinam multi te imitētur: insigniter egisti: His victori applaudit blandissima hęc filia. Quid hic agēdū? Tu, si vires, & labores tuos non vis esse cassos, hic grādē affectū inlue, & laudatricem hęc generosa manu iugula; quicquid à te factum, vnā cum omni laude integerrimē ad Deum remitte, & rectam Intentionem quam actionis initio tibi sumpseras, ardentē resume, Augustinus ad hoc addens animum: Huic cupiditati, ait, melius restituit sine dubitatione, quam



quam creditur. Non enim huius hostis vires sentit, nisi qui ei bellum indixerit; quia etsi cuiquā facile est laude carere dum denegatur, difficile est ea non delectari cum offertur. Tanto quisque est Deo similior, quanto ab hac immunditia mundior. c

Sed quis ille vir qui omnem Vanam gloriā satis cauerit? Iephthē quo minus filia prodiret in occursum, impedire vix potuit, sed efficere potuit, ut nō caneret, aut prius vitam quam cantū absolueret, vocem ei & animam simul auferendo: Sic homo quantumcunque reli-  
giosis & sanctus, vitare vix potest, quin post plurima bene gesta, Vana gloria occurrat, quin canere, quin titillare incipiat, sed prohibere potest, imō debet, cantum finire. Hunc igitur occursum detestari, laudantis carmen auersari ipsam incantatricem hanc gloriā recta Intentione confodere nil cunctetur, si Deo potius, quā sibi placere malit. Omnem rectam Intentionem Vana gloria iugulat, ni praeueniatur, & occursum primo ipsa iuguletur.

Verē, Vana gloria, ut optimē Chrysostomus, scia est bellua, horrendus dæmon, pestis Orbis terræ, venenata vipera, quomodo enim illa bestia vnguibus uterum matris discerpit; ita etiam hoc vitium parentem dilacerat d. Et quā eximie Thomas ille à Kēpis: Vere, inquit, inanis gloria, mala pestis, vanitas maxima: quia à vera trahit gloria, & celesti spoliatur gratia. Dū enim homo cōplacet sibi, displicet tibi, dum inhiat laudibus humanis, priuatur veris virtutibus. Quærāt Iudæi gloriā quā ab inuicem est: ego hanc requiram quā à solo Deo est. Omnis quidē gloria humana, omnis honor temporalis, omnis altitudo mundana, æternæ gloriæ tuæ cōparata, vanitas & stultitia est e. Atque si Climaco credimus, Inanis gloria est laborum dissipatio, sudorum perditio, thesaurorū insidiæ, perfidiæ alumna, superbiæ præcursor, in portu naufragium, in arēā formica, quæ etsi tenuis est, laboribus tamen omnibus & fructibus insidiatur. Expectat formica dum perficiatur triticum. Cenodoxia vero dum congregentur opes gaudet illa ut furetur, hæc autem ut dissipet. f Operarius ebriosus, inquit Siracides, non locupletabitur, qui quod actione honesta colligit, per ebrietatem vanæ gloriæ dissipat. g

Sed vereor, ne multi hæc monita non satis

capiant. Hos mores hoc æuo amamus, ut cū vitium aliquod perstringitur, neminem facile reperias, qui illo se laborare fateatur: nec mille testibus sinceram ei confessionem expresseris. Et quis est qui se arrogantem credat & doleat? Cum tamen Augustinus Antistes longe sanctissimus, huius se culpæ minime immunem pronunciarit, nā seipsum dister-  
te accusans: Hoc mihi ipse, inquit, tanto quotidie, & tamen vehementer cum aduersario dimicās, sepe ab eo vulnera capio, cum delectationem oblatae laudis mihi auferre non possum. h Nos quidem inanem gloriā damnamus omnes, non omnes fugimus, nemo est, nemo qui hunc morbum non perite dissimulare se credat: plurimi ab hoc morbo sanissimos se iurabunt, cum eo maximē sint infecti, ebrijs illis simillimi qui tunc sibi maxime sapere, & animo constare, ac belle omnia facere videntur, cum & lingua titubat & pedes: ita gloriolæ vanæ sitientes, tunc se primum velut religiosissimos homines circūspiciunt, cum ex hoc mulso probē sunt appoti. Idcirco Chrysostomus Intolerabilis, inquit, quædā ebrietas est, Inanis gloria, quicquid facit, aliorum tantum gratia facit. i Ea de causā Christus illud suum ATTENDITE, tam fideli præmonitione ingeminat, ut inanem gloriā, velut furem vaserrium, & furandi periculosissimum omni studio caueamus. Ergo, ATTENDITE, Omne bonum quod per concupiscentiam laudis ostenditur, occulti aduersarii iuri mancipatur, inquit Gregorius. k Spoliari vult quisquis ab hominibus vult videri.

a Iudic. c. 11. v. 39.

b Orig. hom. 5. in Gen. ad fin.

c Aug. l. 5. de Ciuit. c. 14. ipso initio, & ep. 64. ad finem.

d Chrys. hom. 12. in epi. 1. ad Cor.

e Th. de Kemp. l. 3. c. 40. n. 4 & 6.

f Clim. grad. 21. de Cenod.

g Eccl. c. 17. v. 1.

h Aug. ep. 64. ad Aurel. episc. fine.

i Chrys. hom. 2. in Ioan.

k Greg. l. 8. mor. c. 30.



## CAPVT VI.

*Aliquot quæstiones super recta INTENTIONE.*

**D**Eo seruire; non tantum omnibus legibus, & omni rationi congruum, sed & nobilissimum ac optimum obsequium est in Orbe, & res prorsus necessaria obtinendo cælo. Illa vero solarij dulcedo quam multi sentiunt, qui Deo seruiunt, mel est è cælo, & res sane pretiosa. Nihilominus Deo seruire ad emerendam hanc animi dulcedinem, exiguar laudis est, & à sanctioris iudicij viris habita semper est hæc Intentio vitiosa. Adeo delicata res est *INTENTIO PVRA*, & sui ipsius amori nunquam non inimica, quacunque demum ratione is sese insinuet. Est autem sui ipsius amor omnium delectationum amicus, earum etiam quæ minime profanæ censentur. Et quia Deus sibi non temperat, quin suis fidelioribus seruis aliquid eiusmodi mellis è cælo stiller, amor proprius mox illud excipit, & ob hanc ipsam gustationem, in ampliora seruitia se offert. At hoc non est Deum querere, sed seipsum, nec in donantis sed doni gratiam laborare. Quod quidem à vitio non penitus immune censetur, neque enim aliud est, quam si seruus aut ancilla operam suam locet cauponi, quod speret seu honorarios seu furtiuos caliculos, & crebriores dominicæ cenæ reliquias: aut si quis in seruitutē se tradat pharmacopæo, aut dulciario, aut cupedia-rio ob mellita crustula sæpius lambenda. Hoc amor sui ipsius tam occulte agit, est enim subtilissimus artifex, ut aliquando serius, ab industrio etiam homine deprehédatur tam recta impostura. Deprehendi tamen potest, & tunc maxime cum preces & labores, cum quicquid virtutis est, ideo in fastidio esse incipit, quia mel illud deficit. Atque si talem interroges, cur non oras, cur non laboras, sicut nuper feceras? respondebit: non sapit, nauseo, inamœna res est oratio, tædet laboris. Verum qui Intentionis est sinceræ, his minime mouetur: etsi eum laboris tædeat, leborare tamen sustinet, etsi orationem fastidiat, orare tamen non desinit; etsi molestiæ cumulentur, eas tamen tolerat, neque enim Deo seruit propter cæ-

lum, sed propter Deum. Et hoc purè atque sinceræ Intentionis proprium est, quod enucleatius videtur exponendum, ideo nunc aliquot super, hoc ipso quæstiunculas ponemus.

## I. QUÆSTIONCVLA.

Quid minus aut facilius posset à nobis exigere Deus, quam hoc ipsum, rectam Intentionem? Nimirum id à nobis postulat quod nullus hominum cuiuscunque status, ordinis, sexus, quantumcunque æger & pauper sit, negare possit. Quid creditor minus exigar à suo debitore, quam hoc ipsum, velle serio satisfacere: hoc ipsum poseit à nobis Deus: vis solvere quod debes? iam partem maximam soluisti, nam apud me etiam velle, est facere. Et cui non concessum est *VELLE* hoc voluntatis ararij ægerimus ac pauperimus, hoc afflictissimus quisque penes se habet, Iure olim Deus contra illos queritur, qui vel lenissimum imperiū deprecabant: Mandatum hoc, inquit, quod ego præcipio tibi hodie, non supra te est, neque procul positum, nec in cælo sitū, ut possis dicere: quis nostrū valet ad cælū ascendere, ut deferat illud ad nos, ut audiamus atque opere cōpleamus. Neque trans mare positū, ut causseris & dicas: quis è nobis poterit transfratere mare, & illud ad nos vsque deferre ut possimus audire & facere, quod præceptū est? sed iuxta te est sermō valde, in ore tuo, & in corde tuo, ut facias illū. Idem prorsus de recta Intentione dici potest, *iuxta te est valde*, Intentio illa, *in ore tuo & in corde tuo*, quid autem tibi propinquius quā os & cor tuum? Pauperē vestire nequis? da duos obolos; adde desiderii ingens & serium omnibus egenis propter Deū opitulandi; & en pauperem vestiisti. Orationes prolixas fundere, tuarum viriū non est: fac quod potes, sed adde affectum validū semper laudandi Deum: & en prolixissime orasti. Huius rei testem locupletissimum tibi sisto Chrysostomum, qui disertè hoc confirmans: Non parantur, inquit, hæc sumptu, non labore, non sudore; sufficit velle, & confecta sunt omnia. *b.*

*a Dent. c. 50. v. 11. 13. 14.*

*b Chys. hom. 24. in ep. ad Heb. fine.*

## II. QUÆSTIO:



## II. QVÆSTIVNCVLA.

Num quis potest plures actiones bonas simul eodemque tempore exercere? Potest omnino, & leui opera, sola Intentione. Nō omnibus quidem facile est, de vna fidelia duos dealbare parietes; varium pulmentum eodem pultario simul coquere, diuersos colores ex eadem concha promere: At hoc bonæ Intentioni facillimum est, non duobus tantum parietibus, sed decem, opus albarium superinducere ex eodem vase. Vtilissimum prorsus est, ad operis initium plures sibi fines seu Intentiones præstituere. In exemplum sit hoc. Ad rem diuinam, & ad sacrum eo, 1. Ex obedientia in dominum meum, quem ex officio comitari debeo, vti Aulica Nobilitas suum Principem. 2. Obsequium meum volo sincerum sit, non enim deducam tantum dominum, vt aliquorū mos est, qui post primum ingressum templi, mox se subducunt, ad finem præsentis se sicut domino, tanquam si semper adfuissent: talem ego hypocritam non agam. 3. Ex obedientia in Ecclesiā, cui hoc dominicus & festis diebus debeo. 4. E grato animo in Deū, vt illi gratias agā ob accepta tot beneficia. 5. Cū hodie cælum rigeat, & tempestas perfrigida sit, patientiam exercebo. 6. Cum non desint qui me pessimè oderint, prò his inimicis meis Numen serio deprecabor. 7. Fidam Deo; habere equidem abunde quod domi agerem, sed Deus hanc à domo absentiam occulto scenore pensabit. En tibi septenas Intentiones, seu, septem virtutis actus, duplicis Obedientiæ, Sinceritatis, Grati animi, Patiētiae, Charitatis, Fiduciæ in Deum. Addi possent totidem alij: Hoc nimirum est, Virgula fumi ex aromaticis myrrhæ & thuris, & vniuersi pulueris pigmentarij. At dicas: Mihi difficile nimis est tot actus multiplicare, & vno quasi halitu tam multa intendere animo. Hoc ergo consilij tibi do, mi homo, vnā atque vnicam Dei voluntatem animo tuo amplectere, & quicquid agas, hoc semper præmitras: *Propter te Domine, & hoc & illud, & istud, & omnia faciam: propter te Domine, tuo honori, tuæ voluntati, tibi sit quicquid demum à me fit.*

Qui tamen æmulari vult illos Deo familiares viros, ducem habet qui viam monstret, ad sublimiorem hanc sapientiam Sanctissimus

rex David, in suis actionibus & tam immensi populi gubernatione, plures indubie sanctas Intentiones iungebat, nam quos suæ fidei & sceptro commissos suscepit, *pauit eos in innocentia cordis sui, & in intellectibus manuum suarum deduxit eos a.* Quid hoc? nunquid & manibus est intellectus? Etiam plures, sed tales quos David suis manibus inferebat. Vtique sapientissimus, optimus rex in suis actibus, quos ille manus nominat, præstantissimos diuersi generis affectus in Deum copulabat. Quid sacra regis huius carmina sunt aliud, quam nobilissimorum affectuum medulla, seu thesaurus sanctissimarum Intentionum? quid frequentius suspirauerit Rex David, quam hoc ipsum: O si tibi placeam Domine; populum mihi commissum rectè gubernem; cultum tuū vndique terrarum augeam: Vtinam, mi Deus, te nunquam nō laudem: Vtinam omnia membra mea linguæ fiant decantandis tuis laudibus. Exultabunt labia mea cū cantauero tibi. *b* Misericordias Domini in æternum cantabo. *c* Etiam impios docere non recuso, vt redeant ad te, o mi Deus. Vtilissimus sim & abiectissimus, modo sim in tua domo, mi Domine. Male sit, male hostibus Dei male omnibus qui oderūt Deū: Bene seruis, bene amicis Dei, bene omnibus qui diligunt Deum. En præclarissimos piarum manuum intellectus! mille talia spirabat animus illius Hebrei monarchæ. Vere *in intellectibus manuum suarum*, deduxit velut oues populum suū; innumeris bonis Intentionibus cælum fatigauit. Hæc illa pia vis est cælo cum virtute inferenda. Cælum rapit, Deum expugnat, qui hoc modo, qui toties ad ad cælum, ad DEVM aspirat.

a *Psal. 76. v. 78.*

b *Psal. 70. v. 23.*

c *Psal. 88. v. 1.*

## III. QVÆSTIVNCVLA.

Quid rectam intentionem plurimum vitiat? AMOR SVI. Verbo dicā cum quis omnia suauitate meatu ad se deriuat, & hoc vnum animo agitat: Mihi hoc placet, hoc mihi sapit, mihi hoc prodest; hoc meo bono meo, commodo, hoc ad meū sensum & lubitū fit, hoc mihi iucundum & volupe, hoc demum me mihi rededit. Hic amor sui siluestris taurus est, fera pessima, quatuor cornibus arietat in rectā Intentionem.

P P P P P



tionem. Cornu primum, honoris, titulorum, laudis Auiditas, quæ hoc vnum magni æstimat, eminere, & præ alijs videri. Cornu alterum, Auiditas delectationis, quæ docet cibum potumque sumere, non tamen necessitati quam voluptati, neque mensam accumbere, vt sedetur famēs, sed vt Gula propitiatur, idem in alijs corporis oblectationibus obseruat. Cornu tertium, Auiditas opū, quæ labores ingerit multos & graues, eo solū nomine, vt magis magisque intumescant marsupia. Cornu quartum, Auiditas dāni alieni, hæc multiplici fraude instructa, dicit facitque, quod alijs noceat, saltem quod molestia, quod offendiculo, quod nauisæ sit: neque tamen semper aperta molitione in aliorum perniciem laborat, nonnunquam enim tam commode, tantoque circuitu peccat, vt nihil minus videatur velle, quam eos quos odit, lædere. Assiduū & exitiabile Principibus malum, apud quos gratiosi, prætextu iuuandi aut monendi, satiant inuidiam, & interdum æmulos laudibus attollunt, vt maligna deinde inferentibus sit pronior fides. Ita *sui amor* cornuta bestia est, & omnem bonam Intentionem quadruplici hoc cornu ferit, ac deiecit; caueto. Pessimum veri affectus venenum est, sua cuique utilitas.

Itaque *amor sui* hoc spectat, vt vbique in sagina sit; ipse se pascit, se curat, facitque quod ille olim, de quo Gellius memorat. Cum quidā corpulentus ac nitidus equum haberet macilentum ac strigosum, rogatus quid esset in causa quod ipse longè curatior sit, quam equus ipsius? respondit, mirum non debere videri, si equo suo esset habitior, quandoquidem ipse se curaret, equum Starius seruus *a*. Ita prorsus *amor sui*, quicquid non suum putat, aut id alijs mandat, aut leuissimè curat: ad commoda sua sudare, hoc esse sui muneris putat. Certum: tanto miserius pessum it bona Intentio, quanto felicius *sui amor* inualefcit.

*a Gell. l. 4. Noct. Art. c. 29. seu vlt.*

#### IV. QVÆSTIVNCVLA.

Cur in diuinis paginis tam multa æstimationis alioqui vilissimæ adeo exaggerantur? vt incautior Arcæ tactus, ligna sabbato collecta, multitudo subditorum numerata, calix frigidæ porrectus, lasciuior feminæ aspectus, &c. Moses olim proclamans: Hæc autem sunt,

inquit, quæ accipere debetis, aurum & argentum, & es, hyacinthum, & purpuram, coccumque bis tinctū, & byssum, pilos caprarum &c. *a* Inter munera censeretur aurum & argentum, nisi miri? Sed quo pretio inter hæc sunt pili caprarum, donum prorsus ignobile? Etiamne Deo chara tam vilia & minuta? Quantillares, pugillus farinæ & paululum olei Elia obsequio impensum? *b* Quid duo illi numuli vidue, num tantum postulabant elogium, quantum tulerunt? Sederat Christus & tanquam ad maximè serium spectaculum intentus, spectabat turbam quæ in sacrum gazophylacium ingentia munera iactabat. Inter tot opulentos vidua quædam paupercula plus non attulit quàm æra duo minuta, vnicum quadrantem, in hæc DOMINVS benignissimè pronuncians: *Vere dico vobis*, inquit, *quia vidua hæc pauper plus quam omnes misit. c* Exiguū fuit quod illa muliercula in ærarium cōtulit, sed amplius non potuit: multoque gratus venit quod tam facili, quàm quod plenā manu dabatur, nam hæc munera non in rebus, sed in ipsa benefaciendi voluntate consistunt, plurimum dat qui pauca etiam dat magnificè, & regum opes equat animo, qui exiguum tribuit, sed libenter: qui paupertatis suæ obliuiscitur, dum alienam respicit: qui accipere se putat beneficium cum largitur: qui dat tanquam non recepturus, qui occasionem qua profit, & occupat & quærit, hic & ditissimus est, & liberalissimus, ob rectam Intentionem. Quid igitur, obsecro, adeo commendauit illos numulos, quid farinulam illam, quid caprarum pilos, vna atque vnica RECTA INTENTIO. hæc est quæ omnium penora, thesauros, æraria, quæ omnes Persicæ gazas superet. Nil ditius Recta Intentione.

*a Exod. c. 25. v. 3.*

*b 3. Reg. c. 17. v. 12.*

*c Luc. c. 21. v. 3.*

#### V. QVÆSTIVNCVLA.

Num quis dormire simul & precari potest? Equidem Seruator serio præcepto exigens: Quoniam, inquit, oportet semper orare, & non deficere *a*. Ergone etiam dormientes orare possumus? Possumus, si velimus; idque hac ratione. Quietis præmittenda est oratio, & ipsa quies in Dei obsequiū offerenda, eiusmodi

ferre



ferè verbis : Cupio, mi Deus, vt quoties hac nocte animā duxero, toties singulæ respirationes meæ te laudent, tanquā si semper illud pronunciem : Benedictus Deus in æternum, Benedictus Deus, Benedictus &c. Aut: Cū tuo, mi bone Iesv, somno, quem tu in terra cepisti, iungo & meum, tibi que vna offero. Qui sic ad somnum se parat, semper orat.

Ludouicus Blosius huius rei mentionem faciens: Dominus, inquit, ad virginem Mechtildem dixit: Quando quis somnum capere vult, meditetur aliquid de me, aut mecum loquatur. Ita enim licet corpore dormiat, mente tamen vigilabit ad me. Etiam dormiturus quisque desideret, vt singulas respiraciones, quas nocte illā faciet, tanquam eximiam mei laudem suscipiam, & ego qui sanctis Votis piæ amantisque animæ deesse non possum, in veritate desiderium eius implebo. *b*

Sanè non satis capere videmur quantum emolumenti adferat, sic omnia in diuinos honores reducere. Nullo non temporis momento lucrari possumus. Et quā suaue hoc virtutis compendium est edendo etiam, bibendo ac dormiendo posse emereri cælum? Solā profectò Intentione potest quis vno die plus promereri quā alius quispiam toto anno. In vineam laboraturus serō venit, qui hora diei penultima venit, non minus tamen denarium accepit quā qui à primo manè in serum vesperem sudarunt. *c* Aliud est operam impendere prolixam, aliud intentam. Non tam spectat Deus, quamdiu quis laborarit, sed quā bene.

Nec rarum est, vt facillimum quid factum & vilissimum, maioris sit pretij ob rectam Intentionem, quam actio quauis excellentissima, sed illa Intentione destituta. Et cui non placeat ars, quæ ingeniosam ditescendi celebritatem doceat? Hæc est ars illa, Rectæ Intentionis notitia, hæc illa Midæ virgula est, quæ quicquid tangit, inaurat.

Hoc sanctum Ignatium Loiolam mouit, vt suis omnibus assiduum rectæ Intentionis studium altissimè voluerit impressum, hac ipsa lege: Omnes rectam habere Intentionem studeant. non solum circa vitæ statum, verum etiam circa res omnes particulares; id semper in eis sincere spectantes, vt seruiant & placeant diuinæ bonitati propter seipsam. *d*

*a* Luc. c. 18. v. 1.

*b* Blos. Monil. spirit. c. 9. mibi pag. 93.

*c* Matth. c. 20. v. 9.

*d* Reg. 17. Summarij.

## VI. QVÆSTIVNCVLA.

Quodnam opus Deo gratissimum? Si nos hac in re possumus æstimatores esse, censemus illud omnium præclarissimum, cui plurimum inest diuini amoris, seu, quod à feruentissima Intentione vni Deo placendi prouenit, Ludouicus Granata hac de re differens: Illud opus, inquit, Deo gratissimum, quod solis eius oculis conspicuum, ei qui operatur nec utilitati, nec honori, sed nec voluptati est, nisi hoc solo nomine, quod Dei caussa sit factum. Quantis sæpe desiderijs pectora sanctorum æstuant ampliandi diuini honoris, etsi decies, etsi centies impendenda sit vita. Hæc ipsa desideria tam ardentis in Deum affectus, inter maxima virtutum opera sunt recensenda.

Reperiuntur actores Comici, qui in gratiam vnici alicuius domini totam exhibent comædiam; sed vnus ille liberalius lucas persoluit quam aliorum spectatorum plurimi: Sic homo integerrimæ Intentionis quotidie diuinis obsequijs se offerens: Tuis, inquit, solis oculis, mi domine, spectaculum edo, tibi spectatori actorum horis omnibus: aliorum spectantium oculos & aures penitus non curo: quicquid illi de me dixerint, senserint, susque deque habeo, modo tuis oculis modo tuis me auribus probem; omnes res posteriores pono, atque operam tibi do, tuum, mi Deus, honorem curo. Priscis celeberrimum erat: Alter alteri satis magnum est theatrum vir probus. Epicurus cum vni ex confortibus studiorum suorum scriberet: Hæc, inquit ego non multis, sed tibi: satis enim magnum, alter alteri theatrum sumus. *a*. Homini probò nimis quam magnum theatrum est Deus; Deo quoque sat amplum theatrum est probæ Intentionis homo, qualia theatra fuerunt Deo vnici Abraham, vnici Paulus, qui sincerissimæ erant Intentionis?

*a* Senec. epist. 7. fine.

## VII. QVÆSTIVNCVLA.

Quoties renouanda est recta Intentio? Sanctus Bernardus: Si quis diem, inquit, ita

PPPPP 2 consu.



consumat, vt omnibus actionibus graue Dei odiū miscat, peracto die quot gehennas promeruerint toties repetita flagitia? Contra vero si quis diem sic transigat, vt in cunctis actibus sincerum Dei amorem exerceat, quam altam in cælo sedem hic obrinuerit? est enim Deus prior ad danda præmia, quam ad irroganda supplicia. Ita Bernardi consilium est, rectam Intentionem quam creberrime de die instaurare, quod nos iam supra demonstrauimus.

CHRISTVS Matthei ore: Qui recipit Prophetam, inquit, in nomine prophetæ, mercedem prophetæ accipiet: & qui recipit iustum in nomine iusti, mercedem iusti accipiet. Non tantum hospitium concedi vult Christus, sed & certam Intentionem adiungi. Quid enim magnificas, si domum peregrino pandas, & obstruas cor? Ex quo colligere est, quam vtile sit & necessarium cælestis lucrauido, Intentionem bonam sepius instaurare, nam tanti præmij non est hospitio prophetam accepisse, quanti est optima Intentione id fecisse.

Quod si quis innouandæ Intentionis statam horam nosse cupiat, quinque præcipue tempora de die obseruanda iudico. Primū est, post quietem, matutinū. Alterum, meridianum ante mensam, & post illam. Tertium, ante preces, maxime vero sub re diuina. Quartum, ante labores & quæuis negotia. Quintum, ante somnum. Per hæc potissimum intervalla diei, Animus suæ potestatis fiat, & ad seipsum sese recipiat. Conditorum suum velut respiras, adoret, atque ita rectam Intentionem innouet. Nemo tam negotiosus est, quin id facillime possit ac commodissime tribus solum vocolis hoc negotium omne perficitur. Faciles Deus habet aditus, nec vllum noctis aut diei momentum est, quo sui copiam neget. Itaque rectam Intentionem innouaturus, præsentem animo horum aliquid dicat: Domine, propter te: Honori tuo Domine: In tuam gratiam: Ad tuam gloriam: Tuo nomine: Ob amorem in te: Tibi, mi Deus hoc faciam, hoc dicam, hoc perferam, tibi omnia. Incredibile dictū est, quam hoc actiones nostras commendet, quam & opulenter. Nullum enim mere naturale opus. vi Theologi loquuntur, meritum est vitæ æternæ, qualia sunt, ieiunare solum valetudinis, laborare mercedis, deambulare

sanitatis, edere, bibere vitæ duntaxat seruandæ causa. Nisi hæc per Intentionē eant ad Deū, nihil sunt ad lucrandum cælum. Et hæc crebrius repetita Intentio plurimis vitijs aditum intercludet, alioqui misere in nos grassaturis, simul & vanitatem, quæ se rebus omnibus blandē insinuat, fugabit vnico desiderio placendi Deo.

a *Matth. c. 10. v. 41.*

### VIII. QUÆSTIVNCVLA.

Quomodo è musca fiat elephas? Sic peccata alioqui leuiora, Intentione fiant nos remisse improbā. Huius rei certissimus testis venator Esau, cui tantopere vertitur, rufum pulmentum comedis, tanquam si nescio quā Apicij delicias fuisset consecutus. Quid tandem mali est, lentis edulium absumere, præsertim fame sic stimulante? At Esau velut venaticus canis tam auide coctas lentes inuasit, vt gula dominante rationi locus non fuerit, vt propter pulcritudinem ius primogeniti vendiderit, & quod turpius, vendidisse parui duxerit. Ita quorundam gula plus peccat in vilissimis cibis, quam aliorum tēperantia in exquisitissimis epulis: & quandoque plus superbiæ laret sub rudissimo panno, quam sub aurea toga. Animus & Intentio hic spectatur, non ferculum aut tegumentum. Et quemadmodū maiori cum laude orat, qui breuius quidem, sed tamen ardentius orat, quam qui prolixissimas fundit preces, sed sine vilo igne: ita sæpe grauius peccat qui in rem cetera leuiorem, maiore tamen ardore impetuque fertur, quam qui languide, & velut aliud agens in culpæ societatem venit deteriorem.

a *Gen. c. 25. v. 27.*

### IX. QUÆSTIVNCVLA.

Quotuplex emolumentum sit rectæ Intentionis? Sparsum, iam supra demonstratum, quā Intentio recta sit cognoscentibus se iucunda, vtilis, necessaria. Hoc loco breuiter & summam septemplex emolumentum percensendum venit.

Primū est: Deo hac ratione pro culpis satisfacimus. Pœnas & supplicia peccatis deberi non nescimus, & hæc vel olim certe dependenda; horum partem tollimus, quoties animus bona Intentione à rebus caducis quasi

sedu-



seducimus, & erigimus ad Deum.

Alterum: Magna virtutibus fit accessio, & ingens gratiæ incrementum, non tantum ab exercitijs pietatis, sed etiam à quotidiano vitæ tenore. Recte Intentionis homo nunquā frustra laborat, siue enim legat, scribat, audiat, siue vendat, emat, iter faciat, negotia tractet; siue comedat, bibat, dormiat, quicquid denique rerū agat, modo Dei honorem, suum sibi finem in omnibus præstituat, quæstus semper facit honestissimos. Reuera salutis initium, sincera Intentio.

Tertium: miram vim addit precibus recta Intentio. Hæc enim illa est suada conciliatrix quæ Deum flectere scit, & in vota precantis deducere. Intentio recta non tantum orare nouit, sed & impetrare. Vsq̃ue modo non petistis quidquā in nomine meo: Petite & accipietis. *a* Nerus orationis recta Intentio. Diligentiam suo iure virtutum omnium fecundissimam vocant; idem pœne, aut amplius de recta Intentione merito prædicauerim: Intentio recta virtutum omnium & fecundissima, & coram Deo facundissima.

Quartum: Intentio bona mirabili nexu hominem vnit cum Deo. Præclare de hoc Rustobocius: Simplex Intentio ea est, inquit, quæ nihil spectat nisi Deum, & omnia in ordine ad Deum. Ipsa virtutum finis, initium, decus & ornamentum est. Ipsa fictionem, hypocrisin & duplicitem omnem pellit: vires animæ dispersas in vnitatem spiritus colligit, & adiuuat, *ipsumque spiritum Deo adiungit*. Ipsa naturam pessum premit; atque proculcat, virtutesque omnes incolumes conseruat, & pacem, spem atque confidentiam in Deum, tam hic quam in die iudicij præstat. Quamobrem danda tibi opera est, vt in cunctis actionibus tuis illam retineas & colas. *b* Ingens thesaurus recta Intentio, & serio, volenti inexhaustus.

Quintum: Perpetuū gratiæ canalem à Deo deriuat ad hominem recta Intentio, idque tunc maxime apparet, cum toleranda sunt aduersa. Bonum aut malum corium in pluuijs potissimum se prodit; bonus aut malus homo in aduersis, quam patiens & Dei obseruans est homo probus, tam impatiens, & Deo contrarius est improbus. Eximie hoc Augustinus declarans: Vnde, inquit, in eadem afflictio-

ne, mali Deum detestantur atque blasphemant, boni autem precantur & laudant. Tantum interest non qualia sed qualis quisque patiat. Nam pari motu exagitarum & exhalat horribiliter cœnum, & suauiter fragrat vnguentum. *c*

Sextum: Intentio recta in hostes pugnat stratagemate nunquam fallaci, semperque victoriam reportat. Dum in rupe Moyses cælo extolleret manus, vicit Israël & Amalecitas fugauit memorabilissima victoria. Quamdiu Intentio ad Deum stat erecta, tamdiu nullis succumbit hostibus, inuincibilis, inexpugnabilis est: vbi lassata terram spectare incipit, mox vires amittit, & à suis hostibus triumphatur.

Non omiserim hic, quod mirum videatur. Fit nonnunquam, vt duo litigent coram Iudice: quisquis suam agit causam, ille affirmat, negat iste, vterque suis certat legibus, vterque ius petit ab iudice: Si causam spectes, vterque vincere non potest; si Intentionem, vterque sapius euadit victor, tunc scilicet cum neuter dolo malo controuersiam intendit, cum iustitiam damnantem neuter odisse vult, paratus litem perdere aut euincere, prout iustitiæ visum fuerit. Sic ambo vincunt, non causâ, sed Intentione, quæ in ambobus admodum laudabilis est.

Septimum: Intentio recta in rebus omnibus ingens solatium est, illa præcipue hora quæ de annis omnibus fert sententiam. Equidem reor supremo vitæ tempore, nil moribundo fore iucundius, quam omnia per vitam præteritam Intentione optima egisse. Securissime profecto morietur, quisquis vixerit sincerissime. Si enim bonus Deus tam liberalem munificentiam decreuit in singulas quantumcunque viles actiunculas, sibi tamen bona Intentione oblatas, quam largis muneribus excipiet omnem vitam sibi semper sincera mente deuotam?

Sed quis horror & tremor occupabit miserū, cui conscientia omnem vitæ seriem pandet ex ordine, illudque flebili exaggeratione vociferabitur: Nec inter homines, nec cum Deo egisti sincere: sæpe alios, te ipsum semper turpissime fefelisti: alius videri volebas, alius eras: honestatem verbis præferebas, nō animo: quoties amicitiam gestu & ore mentiebaris,



mente capitalis hostis? quoties actionibus tuis pulcherrimam larvā induebas, vt ea Intentionem improbam velares? nullum & mera mel-la loquebaris, mens inuida nouaculam acuebat: variegata pavonijs tunica te creberrime ostentabas, animo miluum & vulturem fouebas, tam pulcher foris, quam turpis intus. Sed teipsum decepisti, non Deum cui patent omnia. Vt tibi, vā omnibus qui Intentione sapius nulla, frequenter non pura, plerumque mala, actiones suas non Deo, sed suo genio, sibi que offerunt, & perdunt.

Supremo die iudicii plurimis illud poterit opprobriari: Argētum tuum versum est in scoriā: Vinum tuum mistum est aqua: Equidem nitebant opera tua, velut purum purum argētum, sed quia eam frequentem malā Intentionis misturam admiserunt, in argentum reprobū, imo in scoriā mutantur. Quam igitur assidue clamandum: Non nobis, Domine, non nobis, sed nomini tuo da gloriam d. Christi præceptum est: Sic luceat lux vestra coram hominibus, vt videant opera vestra bona, & glorificent (non vos,) sed, patrem vestrum qui in calis est e. Ergo, *benedicite omnia opera Domini Domino: laudate & superexaltate eum in secula f.* Omnia omnino opera nostra, minima, maxima benedicant Deo in æternum.

a Io. c. 16. v. 24.

b Rusbroch. in farrag. Instit. apud Ludon. Blof.

c Aug. l. 2. de ciuit. c. 8. fine.

d Ps. 113. v. 9.

e Matth. c. 5. v. 17.

f Dan. c. 3. v. 37.

## CAPVT VII.

*E dictis circa RECTAM INTENTIONEM qua consequantur: ubi vberius.*

## DE TEMERARIO IUDICIO.

**P**lures sunt artium pulchræ quidem, & minime plebeie, at quia nil faciunt ad farinam, aut lucrandum panem, ideo non magno ambitu frequentantur: Quid prodest, aiūt, hæc scire, & esurire? Multa inter doctos, multa etiam in templis pro suggestu disputantur,

de quibus illud vere pronuncies, *non est de pane lucrando* imo, *non est de lucrando calo*. Qui bono est facundissime temporum seriem percensere, quid iuuat stellarum numerum & ortus noster, quid prodest orbium celestium motiones scire, si nescias artem quæ te supra stellas euehat? Quam multi perierunt cælo, tamen nunquam audierint dubitari, an constet cælum, moueatur terra.

At vero ars hæc, quæ docet qua ratione tractanda sit omnium humanarum actionum *A M V S S I S*, vt maxime facit ad lucrandum panem, panem Angelorum, panem in regno Dei manducandum a

De pecunia vetus est cantinacula, Et genus & formam Regina pecunia donat. Vertamus, & rectius cantabimus. Et genus & formam regina Intentio donat. Intentio sincera rebus omnibus conciliat celeste pretium, absque hac omnes etiam nobilissime actiones iacent in honore & nullius pretij. Ad huius rectæ Intentionis ampliorem cognitionem necessariū prorsus est, ostendere iam quid ei sit & dictis consequens. Itaque aliquot ordine consecutiones subiungam.

a Luc. c. 14. v. 15.

## I. CONSECVTIO.

Qui errat in Intentione, errat in omnibus. Res tota in aperto est, & mille testimonijs hoc vnum certius est: *Si autem oculus tuus fuerit nequam totum corpus tuum tenebrosū erit a.* totum corpus, totum. Quid clarius? Qui in itinere aberrat a via, quo plus progreditur, grauius errat: sic quo quid vehemētius agitur, aut quo nobilior actio suscipitur, hoc peius fit, si bona Intentio desit. Omnibus actionibus nobilitatem impertitur Intentio; si hæc ignobilis sit, & carnem, vel terram oleat: qui alijs dabit, quo ipsa caret? Qui tractat litteras, tantum vt sciat, qui Religionem ambit, ne panis desit; qui aulam sectatur, vt direseat, vel extollatur; qui sacerdotium quærit, vt culinam inueniat, toto cælo aberrat: horum omnium quia nequam oculus est, totum corpus tenebrosū est. Rectè Gregorius: Lucerna itaque corporis est oculus, inquit, quia per radium bonæ Intentionis, merita illustrantur actionis. Et si oculus tuus simplex fuerit, totum corpus tuum lucidum erit, quia si recte intendimus per



per simplicitatem cogitationis, bonum opus efficitur, etiam si minus bonum esse videatur. Et si oculus tuus nequam fuerit, totum corpus tuum tenebrosum erit: quia cum peruersa Intentione quid vel rectum agitur, etsi splendore coram hominibus cernitur, apud examen tamen interni iudicis obscuratur *b*. Addit: Vide ergo, ne lumen quod in te est, tenebræ sint. Si lumen quod in te est tenebræ sunt, ipse tenebræ quantæ erunt? quia si hoc quod bene nos agere credimus, ex mala Intentione suscipimus, quanta ipsa mala sunt, quæ mala esse, etiam cum agimus, non ignoramus *c*.

*a* Matth. c. 6. v. 23.

*b* Greg. l. 28. mor. c. 6. *propius finem*.

*c* *Ibid.*

## II. CONSECVTIO.

Opus bonum bona Intentione omitti potest, sed malum fieri non potest. Thomas à Kempis: Pro nulla, inquit, re mundi, & pro nullius hominis dilectione, aliquid malum est faciendum: sed pro utilitate tamen indigentis, opus bonum liberè aliquando intermittendum est, aut etiam pro meliori mutandum *a*. Hic sæpe grauitè impingimus nec sentimus. Sunt quibusdam in dies singulos statæ precatiunculæ, sunt certæ, quas vocant, deuotiones, his quandoque tam pertinaciter inhereant, vt fame siti- que alios potius perire, quàm aliquid suæ consuetudinis intermittere velint. Hanc ego piâ malitiam vocauerim, quâ sæpe ad infamiâ laboramus: nulla aliorum cura tangimur, in nostram duntaxat rem sapimus: quicquid fiat alijs, nostra nobis semper potiora sunt: hic deuotiones, & precatiunculæ nostræ nemini cedunt. Sed quanto satius esset, charitati Christianæ, quam pietati tam obstinatæ morè gere- re, quanto maiore lucro hæc talia aut omitten- tur, aut certè differrentur? Fuerunt plurimi inter priscos Ascetas obseruantissimi ieiunio- rum, reperti tamen ex his, qui in gratiam ho- spitum sexies aut septies possent prandere, & semper esurire. In rebus animi longè vilissi- mum est, vilitates suas in tempore omittere, & sæpe maximum est commodum, nullam sui commodi rationem ducere. Optimè in- tem Gregorius: Plerumque enim virtus, in- quit, cum indiscretè tenetur, amittitur: cum-

que discretè intermittitur, plus tenetur *b*. Hic apte deducitur.

*a* Thom. de Kemp. l. 1. c. 5. n. 3.

*b* Greg. l. 28. mor. c. 6.

## III. CONSECVTIO.

Hoc purior est Intentio, quo quis minus quærit seipsum, & hoc impurior quo quis ma- gis re suam sapit, & agit. Abel primus & mar- tyr, & virgo sacrificaturus Deo optima quæ- que sacrificio destinavit, daturus meliora, si potuisset. Abel quoque obtulit de primogenitis gregis sui, & de adipibus eorum *a*. Miram hic Abelis in Deum liberalitatè obseruans Chry- sostom. Non tantum, inquit, de ouibus, sed de primogenitis, de optimis & selectissimis obtu- lit, & ex his ipsis quod præstantissimum erat, legit, & de adipibus eorum pinguisima quæ- que altari secruit. Nil simile fecit Cainus, sed, factum est autem post multos dies, vt offer- ret Cain de fructibus terre munera Domino, ar- borum factus, & obuia quæque ad sacrificium rapuit. Itaque Abel quasi conuiuium instruxit Deo, Cain conuiuij epilogum poma, nuges, pi- ra, agreste munus concessit. De hoc pulchrè Augustinus: Cain, inquit, non rectè diuisit, quia male viuens, dedit Deo aliquid suum, sibi autem seipsum.

In Moïse, Deuteronomium prædicat: Non caligauit oculuseius, nec dentes illius moti sunt *b*. Interpretes vetus: Nube malitiæ, inquit, intuitus piæ Intentionis à recto non deuiauit: Moïses enim Deum quæsiuit, non se, hinc in- tentio illius tam pura & firma.

Bernardus illud de paschatis agno præce- ptum explicans: Custodit Dominus, inquit, omnia ossa eorum *c*, vnum ex his non conte- retur, quia nunquam propositum cordis eo- rum, nunquam salubris Intentio conteritur, vt concupiscentiæ titillanti detur assensus. In- tentionem igitur & propositum mentis eâ sollicitudine custodiamus, fratres, quâ vitam animarum nostrarum. Tanto igitur, ô Chri- stiane, sincerior est tua Intentio, quanto mi- nor tui ad teipsum affectio.

*a* Gen. c. 4. v. 4.

*b* Deut. c. 34. v. 3.

*c* Ps. 33. v. 21.

## IV. CON-



## IV. CONSECVTIO.

In rebus plurimis sola Intentio, præmio aut supplicio afficitur. Nimirum cum deest facultas, mercedem accipit voluntas. In omni officio, magni estimatur dantis voluntas: præpote dedit, qui citò voluit; plurimum contulit, qui plura non potuit. Sciebat Plato fastidiri se à Dionysio rege Siculo. Quapropter admitti petijt, & aures sibi dari. Admissus, sic fari cœpit: Rex potentissime, num impune sineres abire, si quis Siciliam fuisset ingressus eo animo, ut grande tibi malum inferret, tamen si obiectis impedimentis mali nihil intulisset? Ad hæc Dionysius: Nequaquam, ô Plato, inquit, nam hostium non tantum mala facinora, sed & consilia ac proposita mala sunt punienda. Hic plato subiungens: Quod si quis, inquit, venisset in Siciliam, Majestatis tuæ honori, & bono, plurima facturus, impediretur autem non sua culpa, sed occasionis & fortunæ, num æquum foret, hunc talem sine omni gratia, cum dedecore & ignominia dimittere? Ecquis est iste, ait Rex. Mox Plato: Æschines, inquit, vir sincerissimus, tam fidus Socratis: amicus quam vilis alius, & qui eos omnes, quibuscum consuevit, possit facere meliores. Hic plurimū maris enauigauit, commune acturus negotium, & alios quoque artis suę facturus participes, hætenus tamen neglectus est. Breuis hæc peroratio sic affecit Dionysium regem, ut Platonem antea exosum amare, Æschinem laute tractare cœperit. En etiam homines solam puniunt Intentionem, aut munerant, quanto magis Deus? si voluntas prompta est, secundum id quod habet, accepta est, non secundum id quod non habet.

Quanta cum laude exaggerauit Deus illud Abrahami facinus illustrissimum? Et non pepercisti vnigenito filio tuo propter me *c.* Tamen parentis gladius filium non atigit, non pilum ei læsit: Voluntate Abrahamus, filio non pepercit, animo illum iugulauit, Intentione iam sacrificauit. Hoc Deus in sacrificiū perfectissimum acceptans, *Nunc*, inquit, *cognoui quod timeas Dominum d.* Tu non pepercisti ob meum iussu, ego autem peperci ei ob tuum obsequium: satis est mihi, Abrahamæ, te hoc voluisse, ideo non minus ample remunerabo tuam Intentionem, quam remuneratu-

rus fuisses tuum factum.

Noëmus vix Arcæ egressus mox aram struxit tumultuariam, & tollēs de cunctis pecoribus & volucribus mundis, obtulit holocausta super altare e, certo sciens voluntatem bonā, animiq; Intentionē in his Deo plurimum probari. *Odoratusque est Dominus odorem suauitatis.* En etiam nidorem & fumum sacrificij gratissimū fecit Intentio *f.* Non æstimauit Deus aues aut quadrupedes, sed odorabatur in eis fragantissimum quid, affectu Noëmi. Qualecunque, inquit Chrysostomus, nostrum sacrificium sit, siue oremus, siue ieiunemus, siue eleemosynam demus, hic illius sacrificij sit odor qui solus placet. Hoc sensu dixit Bernardus: Sola interdum bona voluntas sufficit, cetera non profunt, si sola defuerit. Valer itaque Intentio ad meritum, affectu ad exemplum *g.* Exemplo, quod dicimus, sic oculis subijciamus. Videt quis mendicum miserrimum, ipse non diues, animo dolet huius vicem, suspicit cælū, agitque Deo gratias ob sibi concessa, & ô si (ait ipse secum) & huius mendici penuriam ex integro subleuare possem, quā id facerem hilariter! Hic talis, etiamsi nihil, aut exiguum quid det, mercedem tamen, ac si dedisset, recipiet.

Pari modo si eger, serio & ardentem exoptet, & preces fundere, & inedia corpus affligere, aut alia pietatis opera exercere, ea tamen virium defectu præstare nequeat, non minus Deum sibi debitorem habebit, quā si omnia illa quæ optarat facere, fecisset, modo animus cū Deo sic agat: Mi Deus, quā ego in tuum honorem hoc libens facerem! sed tu scis, Domine, id in mea potestate non esse, hoc ergo desiderium & voluntatem meam in locum operis tibi submississime offero.

Hinc Chrysostomus ingenti plurimorum solatio affirmans: Da, inquit, indigenti, si minus habueris, vel suspirium si profers, omne tribuisti, nam insonnis ille oculus videt te dedisse quod habueras *h.* Hinc & Gregorius: Ante Dei oculos, inquit, nunquam est vacua manus à munere, si fuerit arca cordis repleta bona voluntate *i.* Ideo & à fortunis pauperissimi, & à morbis afflictissimi, tā opulenta & præclara possunt Deo ferre munera, quā ditissimi atque sanissimi. Non hoc opū aut viriū negotium est, voluntatis est, quæ si verè bona sit, & opes, & vires, & omnia exaquat. Quo modo



modo est disertus etiam qui tacet, fortis etiam qui compressis vel alligatis manibus: quo modo gubernator, etiam qui in sicco est: ita & liberalis, & laboriosus, & obsequiosus est, qui vult tantum, nec habet huius voluntatis suæ vllum alium, quam se testem. Regius psaltes: In me, inquit, sunt Deus vota tua quæ reddam laudationes tibi. Etsi ô Deus, extra me non reperiam, quod arę imponam, in meipso tamen inuenio, quod tibi offeram: in memoria, in intelligentia, maximè vero in voluntate mea posita sunt, quæ tibi oblata, nunquam accepta non sunt.

Hæc omnia disertissimè confirmans Christus: Quicumque, inquit, potum dederit, vni ex minimis istis, calicem aquæ frigidæ, *tantiū in nomine discipuli*. Amen dico vobis, *non perdet mercedem suam*. Scio, non esse omnium, hospitium præbere, & vitæ necessaria subministrare, ergo quod pauperrimis quibusque in manu est, haustum frigidæ præbeat sitienti, *non perdet mercedem suam*. Ergo nemo per inopiam se excuset, quo minus ijs, qui Christi sunt, subueniat, cum ijs etiam beneficijs, quæ nullius sunt æstimationis, tam nobile sit promissum præmium, *non perdet mercedem suam*. Et ne quis sumptum lignorum in danda calida pro ablucendis pedibus causari possit, det solum frigidam, nihilominus ob tam tenuē & facile officium, ob rem etiam tantillam, *non perdet mercedem suam*. Non enim in hoc beneficij genere opulenta liberalitas, sed pia voluntas, & recta Intentio attenditur. Æstimat Deus opera magis è studio & conatu, quam è rei magnitudine, magis ex affectu dantis, quam è doni pretio. Hinc etiam minimum quid & vilissimum, in Christi honorem datum *non perdet mercedem suam*. In vilioribus istis frustra nos fatigari, pusillanimitatis nostræ cogitatio est, non intelligentium, quanti Deus faciat, beneficium etiam vilissimum, bona tamen Intentione collatum.

Hac de causa Augustinus: Deus, inquit, coronat bonam voluntatem, quando non inuenit facultatem. Eiusdem animi Bernardus dixit: Deus indubitantes tribuit bonæ voluntati, quod defuit facultati. Quid planius, quàm quod volumus, profecto reputer, ubi factum excludit necessitas. Nec sine causa Parthenius cætus beatissimæ Virginis Matris mon-

struis schedis subscribi iubet, *Desiderium martyris*. Quisquis vult, fieri potest Intentione Martyr. Magni est utique, Deum animo sic asfari: Quam vellem, mi Deus, tibi è meo sanguine propinare purpureum poculum: paratus sum caput meum, & omnem vitam certè morti obijcere, propterea. Profecto hic talis, cui non voluntas moriendi, sed facultas deest, *non perdet mercedem suam*, eamque amplissimam mercedem. Sapius in magis vel voluisse satis est.

At sunt homines ignaui quibus eterna hiems est in pectore, ex horum numero si qui aut leui tussicula tententur, aut caput sentiant grauatus, aut si aura afflet strictior, voces tanpias vsurpare solent: sacris hodie interesse non possumus, itaque manebimus domi, piè voluisse bonus Deus pro piè fecisse munera. bitur; cum deest facultas, sufficit voluntas. Eadem loquendi formulâ cum Auaritia, tum Pigritia multorum se solatur. Cum pauperes iuuandi sunt: Non possumus, aiunt, itaque voluisse iuuare satis erit. Cum ieiunium tolerandum: valetudo impedit, non possumus ferre inedia; itaque dies esuriales, in nos nihil imperij sibi vendicent. Cum difficultas ardui operis, generosè perumpenda: en, inquit, quis hoc possit? veniat ergo in locum operis Voluntas.

O ignauas pecudes non celo natas! ô impiam hiemem expirantis animi! siccine vestra vobis inertiam purgare, & à re divina proli bitu abesse, ceteraque ad arbitrium omittere licet: nihil hæc socordie vestre patrocinantur. Aliud est, ô boni, difficulter & ægrè quid posse, aliud, omnino non posse. Si ea omnia negemus nos posse, quæ difficulter possumus, quid tandem erit inter honesta & pulchra quæ nos posse fateamur? pleraque enim omnia difficilia, quæ pulchra. Istud igitur (*cū deest facultas, supplet voluntas*) causæ vestræ nil penitus fauet: possietis, modo velletis. Si, quicquid non facile sit, liberè omitti posset, quid demum honesti aut præclari vnquam in opus exiret; habent hæc omnia suas quæque difficultates, quas qui fugit, præmium perdit. Pelicanus auis fluuiatilibus conchis se compler, easque stomachi calore concoctas reuomit, eligitque ex his quæ sunt esculentæ. Ita, ô torpidi Christiani, si quid difficultatis & laboris



deuorare volueritis, etiam difficulta nos posse ab effectu comperietis. Qui nucleum esse vult, frangat nucleum. Non detrectat pugnam, qui amat victoriam: non meruit plagas, nec certamen: refugit, qui lauream appetit. Quod autem negatur posse, hoc saltem seruo velle, sit promptum. Sed progrediendum.

a Laer. l. 3.

b 2. Cor. c. 8. v. 12.

c Gen. c. 22. v. 12.

d Ibid.

e Gen. c. 8. v. 20.

f Sen. bonus affectus, quem cum Intentione subinde confundimus.

g Bern. l. de grat. & lib. arbit.

h Chryf. hom. 7. de poenit. ad finem.

i Greg. hom. 5. in Euang.

k Ps. 55. v. 18.

l Matth. c. 10. v. 42.

m Aug. in Ps. 105.

n Bern. ep. 77.

### V. CONSECVTIO.

Summa temeritatis est, vllum hominem iudicare, aut damnare sceleris non aperi, cum Intentio qua omnes vel absolui, vel damnatur, soli Deo sit nota. Accerseratur olim Moses abbas, ut in fratrem qui deliquerat, sententiam diceret. Venit ergo, sed saccum arena plenum humeris detulit. Rogatus quid illud spectaculi sibi vellent: Peccata, inquit, mea sunt, quæ nec nosse satis & vix ferre valeo; iam de alienis quomodo iudicauero?

Extremæ hoc prorsus audaciæ est, & vitium longè inuisissimum Deo; animi arcana rimari velle, & ipsas aliorum cogitationes ad tribunal rapere, ac sententiam in eas dicere. Tu quis es qui iudicas alienum seruum? Domino suo stat aut cadit a. Dominus illius, cor illius scrutatur, si domino suo probetur, quid tu hic te ingeris? propter quod inexcusabilis es, o homo, omnis qui iudicas, in quo enim iudicas aliū, te ipsum condemnas. Quot actiones ab omni ævo visæ sunt pessimæ, quæ tamen ob Intentionem, non tamen non male, sed & laude fuerunt dignissimæ. Ambrosius, vir integer, lupanar ingressus est, sed ut sacros honores fugeret: Abraham eremita, vestem mutauit velut apostata, & solitudinem deseruit, sed ut redderet sanctior, sed ut neptem à flagitijs ab-

straheret: Pynophius anachoreta ad Thaldem Alexandrinam diuertit, sed ut eam à Veneris cultu auerteret. Quotusquisque nostrum est, si illorum aliquem ad infames latebras contendente vidisset, qui non pessimè suspicatus, mox ut iudex profiluisset cum dicto: Videte hominē impurum, qui sub fornice lasciuas delicias quarit. Pronissimum nobis fuisset hoc iudicare, sed an non falsissimum fuisset hoc iudiciū? Ergo, Quicquid agant homines, Intentio iudicat omnes. Quod verè dixit Bernardus: Intentionis propositum culpas discernit, & merita b.

Ad Rom. c. 14 v. 4.

b Bern. ep. 69. ad Guid. abb.

### S. I.

IN diuinis paginis res hæc longè clarissima. Iacob Isaaci filius, ille Abrahamo dignissimus nepos, patrem maternis artificio induxit, fratrem spe amplissima fraudauit, & tamen sanctissimam patris precepcionem impleuit. Fuit utique Iacob Intentionis optimus, qui & hoc quoque meruit elogium. Iacob autem vir simplex a.

Phinees duos homines vnâ confodit, nec tamen rotâ laceratus, aut in crucem actus est, facinus illius mirè Deo placuit: Stetit Phinees, & placuit, & cessauit quassatio, & reputatū est ei ad iustitiā b. Cain Abelem, David Goliathum & Vriā, Ioab Abnerū & Amasam, Herodes Magnus Ascalonita Bethlehemiticos infantes, Herodes Antipas Iordanem Baptistā, Herodes Agrippa Iacobum, Petrus Ananiam & Sapphiram interfecerunt: mera homicidia, & vel manu, vel iussu facta, sed eorum Intentiones & causæ longè diuersissimæ. Eodem modo Apostolus vnus, & quatuor Reges illā dolentium vocem pronuntiarunt, PECCAVI. Dixit hoc Pharao, dixit & David, nec non & Saul hoc dixit, hoc idem prorsus & Manasses rex, & Iudas Iscariotes dixerunt, sed heu quā non pari effectu! nam uti dispares prorsus Intentiones erant, sic & effectus dissimilimi. Verissimum etiam nunc illud: Quicquid agant homines Intentio iudicat omnes.

Et quantæ actiones videri possent laudatissimæ, nisi eas Intentio pessima vitaret. Illud Romani nominis insigne dedecus, Catilina, ab opere censeri potuisset Apostolus, non ab Intentione.



rentione. Aestus, frigoris, inedia, sitis patientissimus erat. Ista tolerabat, inquit Augustinus, ut immanissimas expleret cupiditates: Apostoli ut eas premerent, & dominanti rationi seruire cogerent. Stirps Herodiana huius rei specimen præbuit luculentum. Herodes Ascalonita, *Ut ego veniens, inquit, adorē eum* venisset certē, sed pugionem cruentum retulisset. Herodes Antipas Baptista parricida, Christo, quem Pilatus transmiserat, viso lætatus est quidem, sed non ut Zachæus, hanc ei læticiam curiositas creabat; prodigium expectabat. Herodes Agrippa interfector Iacobi, concionatorem egit, nam, *concionabatur ad eos*, sed non ut populum eradiret, sed ut se ipsum in ornatu regio spectandum proponeret, ideo in ipsa cathedra ab Angelo interfectus est. Quicquid agant homines, Intentio iudicat omnes.

Cum ergo Deus non tam opus attendat quam operantis Intentionem, Intentio autem sciri nequeat nisi à solo Deo; nimium quam audax & intolerabilis temeritas est, vilius hominis actiones etsi pessimæ videantur, iudicare. Hoc enim facere, est perinde atque dicere: Ego cerno hominis istius cogitationes, ego Intentionem illius intueor, ego Christus sum, ego renes & corda scrutor, ego sum Deus. Ex Orco hi tales iudices vociferantur: Nos insensati vitam iilorum æstimabamus insaniam, & finem illorum sine honore: ecce quomodo computati sunt inter filios Dei, & inter sanctos fors illorū est. Exteriora aspeximus, & ab his interiora iudicauimus, inde noster tam temerarius, tamque fatuus error. Iobus in grauissimis illis ærumnis, mira prolocutus, nunc disputare cupiebat cum Deo, nunc peccata sua appendi, & examinari trutina, nunc scire se aiebat quod nihil impij gessisset: eiuscemodi verba maligna interpretatione cognati exceperunt, nec aliter iudicarunt, quā eum velut hominem flagitiosum iure merito puniri à Deo, qui tamen Deo fuerat charissimus. O iudices temerarij & improbi! Atque hi tales, ut probè noscantur, cum in suis sint cæci, in alienis sunt oculatissimi; monstro similes. Domestica, & è propinquo sua nō vident, aliena, etiam remotissima vsque ad ossium medullas scrutantur. Quinetiam vident in alio quæ nulla sunt: solis suspicionibus in aliorū vitia de-

figunt oculos, in quorum laudibus carent oculis. Si quid tenebrarum est, vident, noctemque non raro in alieno cælo inueniunt, in quo plena lux est, diem esse in dēfissima nocte sua credunt, ita in nocte diem, noctem in die recipiunt, prodigioso vbique errore, minima in alijs vitia, apud illos maxima sunt; vitia sua, virtutes arbitrantur, quo fit ut in grauissimos errores labantur, nec mirum, oculos habent nequaquam simplices, sed in alienis inuidia ac odio, in suis amore sui grauidos. O non Areopagitarum, sed cæcum nimis iudicium!

*Cur in amicorum vitij tam cernis acutum.*  
*Cum tua peruideas oculis male lippus in un-*

*dis.*  
Errasti, & errabis hic millies. Quicquid agant homines, Intentio iudicat omnes.

a Gen. c. 2. v. 27.

b Ps. 105. v. 30.

c Aug. l. 2. de mor. Manich.

d Act. c. 12. v. 23.

e Sap. c. 5. v. 5.

f Horat. l. 1. Sat. 3.

## S. II.

**A**T hæc iudicandi libido totum Orbem turpissimè infatuat: Verè dixit Chrysostomus: Non facile reperies quemquā experte huius erroris. Omnes homines ut thronum non conscendant, ut carnifices, ut fiducias, ac compedes minimè habeant, attamen & ipsi quoque eos quos peccare intelligunt iudicant in colloquijs, in cōmunibus cētibus, in conscientia calculo a. Et Augustinus: Maxima, inquit, pars generis humani, indiscreto iudicio ad reprehendendum prompta, & parata esse probatur, cum tamen non ita velut ab alijs iudicari, quomodo vult alios iudicare b.

Ita est prorsus, alteri alteros temerarijs iudicijs continuè flagellamus. Neque in ea tantum, quæ mali speciem præ se ferunt, sententiam proferimus, sed in ea etiam quæ benignā interpretationem non tantum admittunt, sed & exigunt, iniqui iudices sumus. Quantum Roma vetus in Fabio Maximo hallucinata est; tantum, nec minus in Minutio. In hoc temeritatē pro fortitudine, in illo prudentiam pro timiditate grauius auersata est, vna tamen hora docuit, multitudinis esse proprium, nihil sapere, temereque iudicare, ut vbi



consilio est opus euentum requirat. Sed omitto profana, quando sacris testibus abundamus.

Cum Moses ex Æthiopia vxorem sibi accepisset, mox soror connubium hoc malè interpretata fratrè mordaci iudicio perstrinxit. Neque sanctissimus Rex Dauid suæ coniugis acerbissimum iudicium potuit euitare.

Si quis patrij motis ignarus aut libidinofus vidisset Iacobum ad fontem Racheli ferètem osculum, de læsa castitate haud dubiam haussisset suspicionem, aut Iacobum sibi similem, hoc est, libidinofum iudicasset. Quis Iuditham adeò comptam in Assyrij ducis castra properantem intuitus, non simul pessime de illa fuisset suspicatus:

Longè aliter Iosephus, ille beatissimæ Virginis castissimus sponsus. Vterum gestabat DOMINI mater, æterna Virgo, Iosephus quia coniugem suam Angelo similiorem norat quàm homini, in eam sententiam adduci non potuit, vt ab ea quidquam contra coniugij factum crederet, ita rem omnem iudicio diuino commendabat. Et quamuis argumentum ab oculis validissimum mouendæ suspicioni vrgeret, huius tamen arcani iudex esse nequaquam sustinuit. Et vero Christus ipse, iam morti proximus, cum immanissimum facinus illorum qui se crucifixerant, negare non posset, excusauit malitiam, & scelerum nefandam seriem, miti nomine appellauit ignorantiã.

Ita omnes, verè Christiani, cum factum non possunt, Intentionem excusant; cum nec Intentio videtur excusabilis, sibi tamen iudicandi auctoritatem non sumunt, sed id omne, omnium iudici Christo transcribunt. Hi sane norunt quam verè dixerit religiosus ille scriptor c: In iudicando alios, homo frustra laborat, sapius errat, & leuiter peccat.

a Chrysostomus. 5. in c. 2. ad Roman. ante med.

b Aug. de Temp. ser. 202.

c Thomas à Kempis l. 1. de imit. Christi ca. 14. n. 1.

### S. III.

**N**ARRAT Anastasius Sinaita, fuisse hominem in cénobio, veste quidè religiosum, moribus tamen minimè probatum, vt qui plurimum vitæ per otium & torporè exegit. Venit is ad extrema, iamque vicinus morti, nihil

tamen formidinis aut horrois ostendit. Sollicitos hoc habuit adstantes, qui male meruebant homini, ne vitæ parum emendatæ clausulam apponeret non bonam. Itaque præsentium cordatior vnus: Mi frater, inquit, quanta desidia hucusque vitam egeris non nescimus, & ideo miramur, vnde tibi hæc securitas tam periculosa: gemitus & lacrimas hoc sibi tempus poscit, non intempestiuam hanc lætitiã. Ad hæc moribundus: Ita est, Patres. nec ego nego, inquit, vitam traduxi turpi socordia, nec vllas iam virtutes numero. Verum hac ipsa hora, omnium nozarum mearum chirographum attulerunt ad me Angeli, & verò etiam interrogarunt, num meas esse agnoscerem? Quibus ego: Agnosco, inquam, & doleo: Vnicum tamen est, quod iudicem mihi promittat minorem. Ex quo monachum indui, nisi me fallat memoria, *Neminem unquã iudicauit, nec vllius iniuria meminisse volui.* Obsecro igitur, mihi reo patrocinentur. verba DOMINI dicentis: *Nolite iudicare, & non iudicabimini: dimittite, & dimittetur vobis.* His auditis Angeli, peccatorum meorum chirographum lacerarunt. Hinc ego nunc hilis & spei bonæ plenissimus, in orbem alium migrabo. Hæc vbi moribundus fracta voce narrauit, extremum vitæ spiritum edidit placidissime. Et ne meam hic fidem appelles, Lector, en eam signatis tabulis exhibeo. a Tanti est, ô Christiani, tanti est vel vnicum hoc velle & posse NEMINEM IUDICARE. Plurimum poterit apud iudicem Christum, quisquis poterit non iudicare apud seipsum. Ergo, Nolite iudicare, & non iudicabimini. b Quisquis errare meruit, iudicare formidet.

Sed quis est qui hos errores velit cauere? Precabatur olim Anna, & ardentes preces largissimis distinguebat lacrimis. Vidit hanc Heli sacerdos, & precantis os obseruans, atque temulentâ ratus: Vsq; uero, ait, ebria eris, digere paulisper vinum quo madesce. Iniquissimo iudicio feriebat, suspiciosus hic senex optimã feminã, quæ cum esset amaro animo orauit ad Dominum *flens largiter.* Porro Anna loquebatur in corde suo, tantumque labia illius mouebantur, & vox penitus non audiebatur.

Hunc orantis habitum considerans sacerdos, iudicauit illam probe appotam, vano laborum motu demurmurare verba. Tam factum



sum quam temerarium iudicium; nec illo minus tale quod sequitur.

Miserat Hebraeus Rex David ad Ammonitarum Principem qui suo nomine doletet obitum parentis nuper defuncti. Credidit ille non officij causa ad se missos, sed ut sua omnia explorarent: In hanc sententiam deductus, barbam ijs qui missi fuerant contra ius gentium abrasit, & vestes turpiter circumcidit. Temeritas ingens, & quæ non impunè illi cessit. Enimvero legatis barbam ademit, sibi autè regnum. I, nunc, & optimæ mentis consilia pessimè interpretare. Pulchrè Gilbertus: Et prava Intètio, inquit, & peruersa interpretatio vtraque malignatio est, vtraque fellea, vtraque falsa, nihil habens cum columbarum natura commune. Oculi columbarum sunt, qui nec falli volunt, nec fallere norunt. d

At Christus ipse, actionum nostrarum omnium multo excellentissimum exemplar, heu quàm crebra, quàm & iniqua subiit iudicia! Pharisei captatores acerrimi, censores impudentissimi, nequissimi iudices assidue in specula excubabant, si quid forte in verbis factisque DOMINI deprehenderent, quod inuidente lacerarent. Seipsum subinde non vocatum ad cenas inuitabat Sernator: mox è sua specula proclamabant Pharisei: Ecce vobis prophetam, vini amatè, comessatorem, mensarum affeclam. Cùm DOMINVS nobilissimam illam de pastore & ouibus dissertationem institueret, multi auditorum non verebantur dicere: *Demonium habet, & insanit; quid eū auditis?* Si cui Christus sabbato valetudinem restituisset: mox iterum è specula sua prorumpabant Pharisei, & En, clamabant, hic homo sabbatum audacia manifesta violat. Quicquid demum egisset aut dixisset I E S V S pharisea gens quam primum malignissimam interpretationem apponebat. Nec mitiora iudicia in DOMINI discipulos ferebatur, cum fame adacti spicas vellerent, cum manus superstitiosè non lauarent, cum ieiunium non ut alij observarent, mox rigidà censurà notabantur: cum denique diuino spiritu afflati facundissimè simul & constansimè de Christo rediuvio perorarent, fuerunt qui nequissima crisi facundiam hanc cauillati dicerent: quid miramini? facundi calices hoc possunt: boni viri largius obbibentes immaduerunt musto,

hinc tam disert.

a S. Anastasius in oratione de sacra synaxi. Basil. v. 8. An. 599 num. 14.

b Luc 6. v. 37.

c 1. Reg. c. 1. v. 10. & seqq.

d Gilb. serm. 49 in Cant. fin.

e Ioan. c. 10. v. 20.

## S. IV.

Nemo est qui hæc temerariorum iudicium subsellia possit effugere. Siquis paulo lautiore vestitu incedat, mox cum ad iudicium raptamus, & more nostro quarimus: Vnde huic quæso tantum eris est, ut sic ad omnem pompam sese exornet? credibile, ipsum & dominum ipsius ex eodem viuere marsupio, & quod domino subtrahitur, in vestes expendi. Si quis tritiorè veste cõtentus, curam omnem ad mores transferat: Mox adsumus, & O hominem avarum, dicimus, nec sibi nec alijs bonum, ut numis parcat, vestitum obsoletum ac humilem probat. Si quis Confessionis & Communionis sacramenta plus alijs frèquentet, mox eum censuræ & calumniæ sequuntur, nec desunt qui dicant: En simulatam sanctitatem, alijs non minus nequam est, sed alium fingit se esse quàm sit. Si quis crebrius in ædia se maceret, mox sibi & notè: En abstinentem Phariseum, ut laudetur esurit. Si quis fractis viribus & incommoda valetudine ieiunium indictum non obseruet, mox iterum pessimè voces, & nigrum theta: En hominem gulonem & ventri natum, qui ab vnus diei inedia mortem metuit, Si quis solitudinis & silentij amantior, vitam cogitet religiosam, breui adest non vnus tantum, qui cum his vocibus lapidet: Otium sectatur iste, & bonos dies, labor ei; sordere caput, aut desperatio illum ad hæc consilia protrusit. Si quis prauorum sodalitiū fugiens, moribus viuere sanctioribus conetur: hic varij & incòditi clamores oriuntur, illi adulatorem, hypocritam isti, misanthropum alij nominant. Nemo tutus à volantibus his pugionibus, quibus multorum nomen turpiter cõfigitur. Si quis cogitationibus suis immersus trãseat nec aperiat caput honoratori, illicò proflit iudex, & En, exclamat factum hominis & grande supercilium! Si quis obuium amicum non saluter, aut duriusculum se faciat, in promptu est accusatio, & iudi-

Q q q q q 3 cium;



cium: En, vociferantur, quam iste odium & hostilem animum non dissimulet, en quam dedignetur nosse pauperes! Vere Augustinus: In homine, inquit, carnali tota regula intelligendi, est consuetudo cernendi. & Sanctus Cassius Narniensis Antistes, vultu fuit rubicundior, mox cum Totila sacerdotem potentum iudicavit. Vt autem omnibus liqueret iudicij huius falsitas, Cassius in conspectu Totilæ, famulum eiusdem à malo dæmone infestum, signo crucis liberauit d. Vitaliū integerrimæ vitæ monachum lupanari egressum, colapho excepit homo temerarius, at mox deformis ethiops colaphum illū liberaliter repēdit, & ipse viri sancti percussor furijs agitibus amens & spumans, tādē ad ipsum Vitaliū perductus est, Vitalius omnem inturiā sanctissimā obliuione obliterans, hominem ab impuro genio vindicauit. Interim alij curiosiores tugurium Vitalij lustrātes, in chartā repperunt perscriptum: Viri Alexandrini, nolite ante tempus iudicare, quoadusque veniat Dominus. O vocem in concionem omnium mortalium emittendam! Nolite iudicare, nolite, O viri Monacenses, viri Augustani, viri Ratisbonenses &c. iudicare nolite.

Nihilominus, ah quoties, quā temerē religiosorum hominum carus & iudicantur & damnantur, tā superbiā quam avaritiā, aliorūque vitiorum: Quo quis ore prōptior & audacior, hoc seuerior in eos iudex decretoriam sententiam pronunciat inexorabilis; defensionem non admittit, rationes non audit, nemini nisi sibi aut sui similibus credit. Verē, Et nos in vitium credula turba sumus.

Hinc fulminatrices illæ iudicum voces crux superbo huic Iesuitæ, avarum illum Oeconomum ad leonem; ad scalas Gemonias improbum hunc monachum.

O mortales, quantum supplicij vobis imminet ab his iudicij: Orbem pænē totum ad interitum trahūt, & impudica Venus, & temeraria Crisis: illic incōtinentiā homines & libidine furunt, istic iudicij supercilio in alienos lapsus sæuiūt. Adeo vaser est diabolus, vt quos velut sanctiores ad spurcam pecudū voluptatē pertrahere nequit, hos temerarij iudicij cōsuetudine facillimē irretit. Nemo ferē est qui alijs hac in re norit parcere. Quanti reperiuntur qui vbiq; locorum ceram miniatulam,

ranquam omnium cēsores. Secum circumferant & vbi demum quod displiceat vident, audiunt, mox miniatula istud insigniunt.

a Aug. serm. 147. de temp.

b Gre. l. 3. dia. c. 6.

c Fusè, sed paullo aliter hoc narrat Leontius Neap. Cyp. episc. in vita S. Ioan. Eleemos. c. 35.

S. V.

**A**T dixeris: si quid narret fidedignissimus, si quid hisce meis oculis videam, si quid audiam his ipsis auribus meis, nihilominus sententiam promere non audeam? Non audes, mi homo, nam & sic falli potes, & ante te falsi sunt hac ipsa ratione innumeri. Ad Pastorem presbyterum venit religiosorum quispiam, rogauitque veniam sibi daret de cœnobio migrandi, nolle enim se cum fratre illo qui tam male audiret, diutius versari. Cui Pastor. Ne facile, inquit, malum credideris, quod audiuit, Ille contra è viri fidelissimi relato id se accepisse, & ideo abitionem vrgere. Ad hæc optimè Pastor: Si, inquit, fidelis esset, nunquam id tibi dixisset. Sufurronum & detractorū nequitiam dextre notauit. Sed licet quippiam ipse videris & audieris, tu tamen (ni tui officij sic) iudex in visā & audita esse non poteris. Si sapias, dices: Hoc esse factum, scio, quo id animo, quā Intentione, quas ob causas, quibus impulsibus sit factum, nescio. Si tamen (quod fieri non potest) omnia tibi liquido forent percognita, tu nihilominus substringe iudicium, & Dorotheo a monēte dic apud teipsū: Heu mihi, quia ille hodie deliquit, ego forsitan crastinā. Stare mihi videor, eras forsitan casurus, & illum quidem fors facti iam pœnituit, quod mihi de me polliceri sanè non possum. Bernardus: Etiam si, ait, perperam actum quid deprehendas, nec sic iudices proximum, magis autem excusa. Excusa Intentionem si opus non potes: puta subreptionem, puta casum. Quod si omnem omnino dissimulationem rei certitudo recusat, suade nihilominus ipse tibi, & dicito apud te ipsum: Vehemens fuit nimis tentatio. Quid de me illa fecisset, si accepisset in me similiter potestatem? b

Lex Christiana non tantum imperat: non furari, noli fornicari, sed & noli iudicare. Qui manducat, nō manducantē non spernat: & qui non



non manducat, manducantem non iudicat c. Mirum, ter mirum! nos miselli ad abstrusissimos angulos nostri pectoris penetrare non possumus, & tamen parietes perfodere, atque aliena secretaria scrutari tēramus; in nostris marcente ac hebeti visu sumus, & vel cominus excutiāt nobis oculi (nam *delicta quis intellexit?* d) Et tamen alieni pectoris penetralia eminus pervidere, & deijs iudicium ferre aggredimur. Hic ego cum Chrysostomo vociteror: Vitam tuam o homo, animaduere, in tuam ipsius conscientiam descende. Quid vides festucam in oculo fratris tui, & trabem in oculo tuo non vides? Aut quomodo dicis fratri tuo: sine eijciam festucam de oculo tuo; & ecce trabs grandis, trabs ingens est in oculo tuo: Hypocrita eijce primum trabem de oculo tuo & tunc videbis eijcere festucā de oculo fratris tui e. In quā verba Chrysostomo: Qui tam acer, inquit, in alienis fuit, vt etiam exigua denotares, quemadmodum in tuis tam negligens extitisti, vt etiam magna transcurreres. Velut si aliquis leuissimo hydropē, vel quolibet immedicabili languore constrictus, hunc quidem etiam negligat, enim vero culpet qui exiguum in aliqua corporis sui parte non curat tumorem. Si vero malum est propria peccata non cernere, duplex iam aut triplex malum est iudicare alios, & in suo oculo trabem absque dolore gestare f. Verum ita nos solemus, hic mos noster est: dissimulare propria negligentē, & insultare impudentē alienis.

Quid agis, iudex temerariē? cū nec auribus tuis, sed neque tuis oculis tuto possis credere? imo si vel Angelus ē cēlo tibi narret quid aliter fecerit; ne sic quidem semper sententiam in alterum dicere poteris, cum nec Angelus humani pectoris arcanum rimari queat. Solus Deus est, *Dominus scrutans corda & probas renes.* g Huic vni omnium hominum Intentiones perfectæ sunt. Cum autem ab Intentione pēdeat qua quisque nocēs vel innocens sit, quæ hæc temeritas nostra est, suo Deum tribunali emouere, imo extrudere, & nosmet in eo respondere audacia incredibili: quæ hæc, inquam ergo, temeritas, & quā digna vltimicibus flammis, Dei partes vsurpare sententiam in quosuis liberrime proferre? Hinc illa Iacobi Apostoli grauissima communitio: Qui detrahāt fratri, aut qui iudicat fratrem suum, detrahāt legi, &

iudicat legem. Tu autem quises qui iudicas proximum. h

a *Dor. serm. 6.*

b *Bern. ser. 40. in Cant. fine.*

c *ad Rom. c. 14. v. 3.*

d *Psal. 18. v. 13.*

e *Matth. c. 7. v. 3. & Luc. c. 6. v. 41.*

f *Chrys. tom. 5. erat. de prouid. & tom. 2. in. c. 7.*

g *Matth. hom. 24. post. init.*

h *Hier. c. 17. v. 10.*

i *Iac. c. 4. v. 11. & 13.*

## S. VI.

Am autem fœdum est hoc & graue quā commune ac vsitatum flagitium. Totus Orbis laborat exitiali hac, sed laui peste. Iucundū est & volupe plerisque omnibus, tam licente censura quosuis notare. Ita vix vllum est vitium in hac vita frequentius, nec in vlla vitæ parte denior existit humanæ mentis caligo, nusquam maior ignorantia. Nam incerta pro certis affirmamus, aut si certa sint, ad nos certe non pertinent; aut si pertineant, occulta pro manifestis iudicamus; aut si etiam manifesta sint, quo tamen animo ea facta sint, ignoramus, nihilominus tanquam perperam facta persequimur. Et eo sæpe audaciter progredimur, vt ob vnicum proditorem Iudam, omnes Apostolos, totum Christi collegium; ob aliquot malos præfules, omnes Pontifices & Episcopos; ob religiosos aliquot exleges; totos religiosorum cætus, ob aliquot improbas vitæ sacerdotes, Clericos omnes & presbyteros; ob discordes aliquot coniuges, omnes matrimonio iunctos, ob infames aliquot virgines & viduas, omnem cælibem vitam; ob mercatores aliquot iniustos, omnia mercimonia; ob perditos aliquot ciues aut opifices, totam ciuitatem, ob paucos senatores aut Consules nō bonos, totum senatum; ob principes aliquot, reges, & Imperatores illaudatos, omnia magnatum fastigia; iniquissima temeritate damnemus. Heu nimium hic audaces sumus, & plusquam dici potest, temerarij, qui nostro iudicio æternum iudicem prauenerire non formidamus: Veniet Christus, vt iudicetur Mundus; quisquis præuenit, non Christus, sed Antichristus est. Magistratus interpretes Dei sunt neque illis, tanquam diuinis oraculis, de quocquam, nisi quod auctore Deo cognouerint, pro-



pronunciare licet. Si aliter faciant, suisque affectibus feruiat, iudicium & ipsi seuerissimum subibunt. Hominibus ut hominibus iudicare veritum.

Prohibuit Deus in prisca lege, sacerdotem de lepra iudicium ferre, ante diem septimum. Tantæ res moræ fuit in discernendo morbo, qui tamen oculis cernebatur: & quomodo permittet bonus hic Deus, ut alter alterius iudicet Intentionem, quæ nulli patet oculo nisi diuino.

Fæderis Arcam non violarunt Betsamitæ, sed paullo curiosus spectarunt. At suam hanc curiositatem, quæ leuissima poterat videri, aut etiam pia, supplicio tamen luerunt longe grauius. Nam è primoribus septuaginta, è plebe quinquaginta millia hominum vna strage perierunt. Quanto maius arcanum obsecro, est Cor humanum, quam arca illa lignea? Et tu tamè, quisquis es, temerarie, hoc Dei archium non curioso tantum oculo, sed & improbo iudicio reuelare audes, & alijs etiam in spectaculum velitrisum proponere.

Liberrime hic iuxta & verissime Chrysostomus: Si nullum, inquit, peccatū à nobis aliud fuisset admissum, pro hoc solo gehennæ nos tradi, satis abundeque sufficeret. Quippe qui in aliorum delictis seueri & amarissimi iudices residemus, nostras autem trabes, oculis infixas proprijs non videmus: qui aliena etiam minima sollicite perferutur, & ad condemnandum ceteros, omne vitæ nostræ tempus absumimus: à quo vitio neque sæculi hominem, neque monachorum vllum facile inuenies liberum. Et quidem cū tāta sit in hoc posita comminatio, diuina enim sententia dicit: In quo iudicio iudicaueritis, etiam ipsi iudicabimini. Cum ergo mali huius pœna quidem tanta sit posita, libido vero aut voluptas, ut in ceteris solet peccatis, ex hoc nulla sumatur, omnes tamen festini ac præcipites huic se vitio subiugarunt, tanquam si studium nobis & certamen esset propositum, quis ad hoc malum prior omnium perueniret, b

a 1. Reg. c. 6 v. 19.

b Chrys. tom. 5. lib. 1. de compunct. cordis, circa meth.

**E**Rgo, quod præclarissime Seneca monet, Tollenda ex animo suspicio & coniectura, fallacissima irritamenta. Ille me parum humanæ salutauit, ille inchoatum sermonē cito abrupt, ille ad cenā non vocauit, illius vultus auerfior visus est. Nunquam deerit suspicioni argumentatio: simplicitate opus est, & benigna rerum estimatione. Nihil viti quod in oculos incurrit, manifestumque erit, credamus: & quoties suspicio nostra vana apparuerit, oburgemus credulitatem. Hæc enim castigatio consuetudinem efficiet non facile credendi. Addo, nec temere iudicandi. Porro ij qui de omnibus male sentiunt, & quicquid egeris, vitio vertunt, nō absimiles sunt cucurbitulæ medicæ, quæ eo tantum facta est, ut impuriorem sanguinem eliciat: ita temerarij hi iudices, optima relinquunt intacta, si quid autem inter aliorum virtutes non laudandum, si quid in alijs prauis consilij lateret, in lucem, ut putant, protrahunt, simul omnia vitiorū virtutumque nomina turpissime confundant: Demissi animi hominem, inermem aut simulatorem vocat: piè simplicem, fatuum; sobrium nimis austerum; abstinentem, delirum, serium; in delinquentes crudelem, ingeniosa quieti vacantem, ignauium appellant; prouidum, cunctatorē & timidum nominant; parcum, avaritiæ nota insigniunt; fortis & magnanimus illis cōtentiosus est; taciturnus pro illiterato habetur; modestus, inficeti nomine infamatur: Contra vero adulatorem pro amico veneratur, & adulationem, amicitiam interpretantur; temeritas ab ijs sub titulo fortitudinis laudatur; temulentia sub hilaritatis schemate commendatur pro cauto timidus; prodigus pro liberali; sordidus & inhumanus, pro parco & frugali accipitur; avarus industrii fert nomen; inuidus & iracundus in magnanimatorum societatem transeunt; ambitiosus & turgidus inter generosos censetur; fraudulentum prudentium, superbi constantium, garruli & lasciuī affabilem, titulos fortium; cessatores otiosissimi, inter quietos, velut Dij referuntur.

Susque deque omnia vertuntur his iudicijs tam temerarijs, quibus magnam irrogamus Deo iniuriam, nam temerè nobis arrogamus quod ad solū Dei tribunal spectat. Et sicut in

Rei-



## S. VIII.

publicæ damnum insigne cedat, si quisque sibi iudicis auctoritatem assignet, controuersias inter ciues ortas suo calculo dirempturus; aut si profani tribunali iudex hominum sacrorum causas vi ad se trahat: Sic temerarium prorsus est, Christi iudicis, (cui soli perspectissimum, quo quæque animo fiant) officium sibi minimè cõmissum liberrimè vlturpare. *Vnus est Legislatoꝝ & Iudex, qui potest perdere & liberare. Tu autem quis es, qui iudicas proximum?* Tu domi tuæ cadauer habes, cui lacrimas tuas impendas, & ramen domum alienam quæris, vt in eâ mortuum desleas, ô miser.

*I, nunc, & noctes disce manere domi.* Tuos prius desle mortuos. Nox alta ignorantia te premit in cernendis rebus proprijs, & tibi diem polliceris in alienis?

Et quæ hæc audacia vestra, ô Christiani, *Nunquid faciem Dei, quasi laruam, accipitis, & pro Deo iudicare nisimini?* Et quæ turpior sit temeritas, quàm abditissima illa, vt est Intentio, quæ nemini vnquam præterquam suo Domino satis cognita esse potest, diiudicare?

*Quis enim hominũ scit, quæ sunt hominis, nisi spiritus hominis qui in ipso est?* Imo & ipsum met hominis spiritum multa prætereunt, quæ diuinus solum spiritus nouit, cui omnia patent pectoris penetralia. *Homo videt ea quæ parent, Dominus autem intuetur cor. d.*

Rectissimè Franciscus Assisias Seraphicus, comitis sui oculos in alienam mentem audacius immisos sic retraxit. Iter egit Franciscus, & obuium habuit in via hominem vultu lurido, & seminudum. Ingemuit altum hoc aspectu vir sanctus, doluitque sibi non largissimam stipem suppetere. At Francisci comes: *Quid, inquit, mœrore afficeris pateri? egeat indumentis hic homo, at forsan concupiscentijs abundat?* Franciscus ad hæc seriâ fronte. *Itane frater, inquit, sic tu de alijs iudicare? tuâ illi vestem quàm primum da, sed & abi, atque ad hominis genua supplicem te prouolue, ac dicti veniam pete.* Ita discēs in posterum non tam temerè ferre iudicium. Optime factum: *Dominus intuetur cor, non homo.*

a Sen l. 2. de ira c. 24.

b Iob. c. 13. v. 8.

c 1. Cor. c. 2. v. 11.

d 1. Reg. c. 17. v. 7.

**C**vm ergo humanus oculus ad hæc interiora minimè pertingat, is qui temerè iudicat, vltione non humanâ homines, sed diuina flagellat. Super quo questus Iob: *Quare, inquit, persequimini me sicut Deus a?* Imo hæc vltio diuina non est, sed est prorsus diabolica. Diabolus namque præcipiti iudicio Iobum incurans: *Nunquid Iob, ait, frustra timet Deũ?* b En, re incognitâ, suspicio ac iudicium falsum & iniquum: Quapropter Deus ipse (quod Gregorius obseruat c) quo nostram iudicandi pronissimam temeritatem coërceret, in Sodomas turpitudines & flagitia, non prius sententiam pronunciare voluit, quâ vndequaque ad amulsum omnia explorasset. Ideo: *descendam, inquit, & videbo vtrum clamorem, qui venit ad me, opere compleuerint: an non est ita, vt sciam d.* Quâ loquendi ratione declarauit Deus, se nõ relatu solo, aut leuibus cõiecturis, sed rebus penitissimè perspectis in ius vocare.

At nos, non Dij, non Angeli, nec dum beati, sed homines vanissimi, tribunal hoc non modeste conscendimus, sed impudenter inuadimus & irruimus; si quis obster, irrumpimus vi, & occupamus. Ita de occultis asseueranter, de incertis confidenter, de ambiguis indubitanter, de plurimis ad nos nihil spectantibus arroganter, de omnibus denique prauè & impie iudicamus, cum mitissimi sumus, minimum suspicamur. At hæc ipsa suspicio, iudicium est, sed nonnihil dubium, & leuibus cõiecturis nixum.

Hanc autem tam temerariam suspicandi ac iudicandi consuetudinem, ingentia sequuntur damna: Quisquis ita iudicas, persuasissimus sis, tibi grauius imminere iudicium, non ab hominibus tantum, sed à Deo. Vt enim peccata tua diligentius examinentur, ait Chrysostomus, legem prius ipse posuisti, seuerius de his quæ proximus peccauerat, iudicando. Fidelis hic monitor etiam Bernardus: Ita clemens esto, inquit, in alienis delictis sicut in tuis; nec quemquam districtius quàm te iudices: sic alios iudica, vt ipse iudicari cupis. Lex tua te constringit, iudicium quod alijs imponis, ipse portabis e. In quo iudicio iudicaueritis, iudicabimini f.

Phariseus qui vnâ cum Publicano templũ  
R r r r r subiecit,



subierat, & precando quasi certauerat, victus & damnatus est, non quod Deo pro beneficijs gratias egisset, sed quod Publicanum temere iudicasset impium eum arbitratus quem pœnitentia iam expiauerat. Arque vt præceptus hoc iudicium ipsi Phariseo plurimum, ita nihil Publicano nocuit. Sic sæpe, inquit Augustinus g, iudicandi temeritas nulli plus nocet quam ipsi iudici. Pulchre dixit abbas Pastor: Sunt qui linguam contineant & ore fileant: sed quia intus non tacent, & corde iudicant, ideo sine cessatione garrunt, sed neminem iuuant, & sibi plurimum obstant h. Et fit frequenter vt in eadem incidamus ipsi, quæ prius damnaueramus in alijs, vt vel sic insania nostra discat erubescere. Ita senex ille Machetes (Cassiano memorante h) in seipsum questus: Reprehendi, aiebat, fratres meos in tribus, & in iisdem ipse grauiter deliqui.

Illud vero frequentissimum, vt, qui tam lynceus iudex est in culpis alienis, in suis nota sit & talpa, festuculam alieno inhaerentem oculo educit solertissime, trabem è suo tantum abest vt eximat, vt nec quidem videat. Hic temerarij iudicij mos est, nemini parcere, obuium quemque censura perstringere, pessima quæque de alijs suspicari, omnium Intentiones rimari & examinare, seipsum penitus ignorare. Quod deplorans Gregorius: Stulti tanto intentius, inquit, de alijs iudicant, quanto sua profundius ignorant i. Siracides verissime: Pes fatui facilis, inquit, in domum proximi k quia suis neglectis, alienas ardes irruit & scrutatur.

Huc omnino spectat quod de comitijs Atheniensium, quispiam olim dixerat: Sapientes ac docti proponunt, indocti vero ac stulti iudicant & decernunt. Idem hic fit: Homines modesti & prudentes plurima quidem observant, sed iudicium semper continent, & substringunt, stolidi & temerarij pauca capiunt, & omnia continuo iudicant. Evidente hoc indicio, à fatuis facillimum est distinguere modestæ sapientiæ viros ac feminas. Et quemadmodum Apes calo pluuio, & sparsis per aerem nebulis, in aluaria conficiendo melli se recipiunt: ita homines bonæ mentis, & oris minimè venenati, in seipso descendunt, secum ipsi habitant, & optimarum cogitationum mel faciunt, nec in apertum suo periculo euolant,

cum in rebus humanis omnia plena nebularum cernant. Rectissime prorsus: quid enim densioribus nebulis inuolutum quam humani cordis Intentio? Sermones audimus, actiones cernimus, Intentiones latet, nec ullius Lyneis oculi ad illam vnquam penetraverint. Quicquid agant homines, Intentio iudicat omnes.

Ictericis, & ijs qui regio morbo laborat, omnia videtur esse cerei ac flauis coloris. Huic sanando morbo chelidonium plantæ pedis supponitur. Noxa hæc iudiciariæ temeritatis, Icteros & animi, quæ omnibus hoc morbo laborantibus, non suo, sed maligno colore omnia, re præsentat. Qui sanari cupit, à pedibus suis, hoc est, à suis affectibus medendi ducat initium. Affectum in alios non morosum, non difficilem, non stomachosum, non odiosum, non inhumanum, non hostilem gerat; sed potius mitem, benignum, facilem, qui omnia molliore contegat interpretatione, qui vitium oderit, non vitiosum, qui dicat: alia erit ipsius & melior Intentio quam sit actio: sed errauerit, fors illum erroris iam pœnituit? Nobilissimum hoc misericordiæ genus est, non tam dando multa, quam nihil iudicando beneuolus se alteri præbere. Qui succum Ophiuræ Æthiopice bibunt, serpentes à se & nescio quæ terribica môstra putant videri: Qui superbiæ, ambitionis, inuidiæ aut odij succos hauserint, omnia quæ viderint & audierint, carpent & damnabunt, seipso duntaxat mirabuntur & extollent, tam sibi ipsis pretiosi, vt dicere non vereantur: Non sum sicut ceteri hominum m. Morbus hoc ipso pessimus, quod plerumque spernat remedia.

a Iob. c. 19. v. 22.

b Iob. c. 1. v. 9.

c Greg. l. 19. mor. c. 14.

d Gen. c. 18. v. 21.

e Bern. de inter. domo c. 45.

f Matth. c. 7. v. 1.

g Aug. l. 2. de serm. Dom. in monte cap. 6.

h Pelagius libell. 10. n. 51.

i Cass. l. 5. instit. c. 30.

k Greg. l. 14. mor. c. 11.

l Eccl. c. 21. v. 27.

m Luc. c. 18. v. 19.



## 6. IX.

**E**T hoc est quod diuinus Paulus grauissimè inculcat, hoc illud est quod acerrimè nos dehortatus: Iraque, nolite, clamat, nolite ante tēpus iudicare: quoadulque veniat Dominus, qui & illuminabit abscondita tenebrarum, & manifestabit consilia cordium *a*. Quid iudicatis preproperi, his etiamnum pendet, & tota est sub iudice. Adhuc dum secretissima quæque consilia cordium in archiuo diuino latent, quo nulli hominum accessus nondum dies dictus, necdum producti testes, aut peroratae causæ: Sed sit tempus dicendi iuris, non tamē hoc vestrum, sed Dei est, Deus *illuminabit abscondita tenebrarum*. Tantisper ergo, dum iudex omnium adfit, iudicia vestra continete.

Hoc idem Christus ipse, contentissime vociferatur: Nolite iudicare, & non iudicabimini: nolite condemnare, & non condēnabimini: Dimittite & dimittimini *b*. Ergo, *Nolite iudicare*, nolite dicta factaque dubia sinistre interpretari, vel delicta leuia exaggerare, vel crimina etsi certa diuulgare, vel calumnijs benefacta impetere, vel delinquentem desperata salutis proclamare, nam hoc temere iudicandi vitium Phariseis est familiarissimum, qui sibi mer omnia ignoscūt, nihil alijs. *Nolite iudicare*, nam quisquis in alios curiosus, seuerus, iniquus est censor, tales experientur censores & suæ vitæ, qualis ipse fuerit alienæ: *Nolite iudicare*, alioqui subeundum erit vobis apud Deum quoque iudicium exactam, seuerum, rigidum: *Nolite iudicare*, nam adeo benignus est Deus, vt vel hoc ipsum *Nolite* vestrū amplissime remuneraturus sit; hoc vestrum erit præmium, *Nos iudicabimini*; vos Orbis iudex non vt reos gehennā damnandos, sed vt amicos cælo donandos humanissime affabitur die omnium supremo.

Ascetarum aliquis, Iosephum abbatem interrogabat in hunc modum. Quid obsecro, mi Pater, faciam? Stipem quam largiar, non habeo; tot molestias ægerime tolero, quid ergo mihi faciendum suades? Ad hæc Iosephus: Si horum, inquit, nihil possis facere, hoc age, & neminem iudica: multum fecit, quisquis hoc potuit. *c* Sed quam multi sunt, qui hoc, etsi facillimum, nollunt posse. In quos Chrysostomus merito exandescens, in illa Domini ver-

ba (Nolite iudicare) sic differit: Si ergo nō per vnam, sed per omnes, vt ita dicam, vias, & per omnes aditus currimus, & festinamus occupare gehennæ ignes, & non solum pro his, quæ laboris aliquid & continentię videntur exigere, proni in ea ruimus, sed etiam pro ijs quæ leuia sunt, & neque necessitatis aliquid, neque illecebræ quidquam continent aut voluptatis, pari linea vtrobique prauaricationis damnatur. Arguimur enim ex his facilibus & leuibus, quod etiam in illis quæ videntur laboriosa esse, propria ignauia desidiaque delinquimus. Nam, dic mihi, quid laboris habet, vt non iudices alium, neque peccata aliena discutias, neque condemnes proximum tuum? imo vero magis in discutiendo & perquirendo aliena cōmissa labor est, & iudicare de alterius mente, summa difficultas. Quis vero hoc audiens credere aliquando possit, quod cū possumus sine labore seruare mandatum, laboramus, & nitimur, vt prauaricemus. Si per orium, & negligentiam peccaremus, esset fortasse aliquid veniæ his qui laborare nequissent. Vbi vero laboratur vt peccetur, studiumque adhibetur & contentio, quatenus prætereatur mandatum, quis est qui pro hoc malo veniam speret? Hoc enim est contendere aduersus eum qui præcepta dedit, & bellum legibus eius inferre. *d*

Ex hac Chrysostomi ratiocinatione liquet, illam iudicandi temeritatem ea de causâ inter graviora flagitia censeri, quod ea legem seruato facillimam procaciter euerat. Quisquis à se illud vnicum, *Nolo iudicare*, impetrauit iam obtemperauit legi. Quod si te, tanta iudicandi libido stimulat, audi obsecro eundem Chrysostomum optime suadentem his verbis: Vis iudicare? tua iudica. Nemo te accusat, si te ipsum condemnes: accusat autem si non iudices; accusat, si te ipsum non arguas, accusat stuporis. Vides quempia irasci, irritari, aut aliquid aliud facere graue & indignum? statim etiam tu quoque cogita, quæ sunt tua, & ita nec illum valde condemnabis, & à peccatorum onere te liberabis. Si sic vitam nostrā componamus, si eam sic exerceamus, si nos ipsos condemnemus, non multa forte peccata admittemus, multa autem bona & præclara faciemus si mites simus & modesti *e*.

Hæc de iudicijs temerarijs necessario erant inter-



interferenda. Et penè certum, quo quis minus suam examinat Intentionem, tanto pronius iudicat alienam, sed suo damno, quod plerumque tanto est grauius, quo minus sentitur.

a 1. Cor. c. 4. v. 5.

b Luc. 6. v. 37.

c Pelagius à Græco, libell. 10. m. 51.

d Chryf. tom. 5. lib. de comp. cordis, circa med.

e Chryf. hom. 21. fine in ep. ad Hebr.

## CAPVT VIII.

*Quæ sit RECTA INTENTIONIS Praxis.*

**M**athematicis figura rotunda omnium perfectissima est, cuius idem & principium, & finis est: Actiones hominis nobilissimæ sunt, quæ vno gaudent & principio, & fine, Deo Deique honore. Qui tam puram & candidam mentis sinceritatem actionibus suis omnibus induit, nunquam non plurimum emeretur; & facillimū est huic tali, plus vno die promereri, quā alius possit anno integro. Sanè oblata Deo, vti Saluianus loquitur, non pretio sed affectu placent. Hoc est quod egregiè theologus ille dixit Christianos nos non per verba, sed per aduerbia cælum adipisci; cum non tam attendendum, vtratio bona sit, quā vt bene fiat, neque enim ieiunare solum, aut orare, & eleemosynas dare, aut aliud præclari quippiam patrare, cælum obtinet, sed recte ieiunare, bene orare, piè eleemosynas dare, omnia sanctè facere: duplici Eliæ spiritu; geminis bobus ad portandam Arcam; duobus pullis ad perficiendum sacrificium est opus, scilicet opere bono, & bona Intentione.

Ceterum restat exponere, id quod in rebus animi & salutis præcipue spectandum, vt scilicet non tam laboremus, quā ratione salubria monita capiamus, aut memoriæ tradamus, quā modo audita in opus educamus, & sic ista discamus, vt quæ fuerunt verba, fiant opera; & vt institutionem probemus rebus. a Facere docet lex Christiana, non dicere. Ergo hoc iam agamus, & quomodo re ipsa actionibus diuersis, Intentio iungenda sit, exponamus.

a Sen. epist. 20. initio.

## §. I.

*Ad auspiciū diei.*

**I**nitium ergo sumamus à lucis exordio. Prima omnium cogitatio quouis die ad Deū eat. Præclare Laurentius Iustinianus: Prima vox, inquit, prima cogitatio, primus affectus diuinam resonet laudem, & illi se sincero corde committat. a Atque si de verbis agatur, hæc esse possunt.

*O mi amantissime Deus, totius diei huius actiones, ad gloriam & honorem tuum tibi offero, In nomine Patris, & Filij, & Spiritus sancti, Amen.*

Addi potest.

*O bone IESU, per passionem tuam te rogo, ab omni praua Intentione, hac die me conserva.* Nec aliud quam hoc ipsum somni principium sit. Neque enim sine culpa ignorare possumus, diabolus in hoc diei ac noctis confinio esse occupatissimum, quando hoc satagit veterator vt hominē semisomnem pessimis cogitationibus suauiter præoccupet, & in eo vel inuidiæ vel libidinis, vel impatientiæ semina spargat in totum diem plurimum valitura. Nouit Orciniana hæc vulpes, dimidium facti se habere, si tam industriè caperit. Idcirco vigilandum tam ad diei principium, quam ad finem, nam & noctem cacadamon ex voto habet, si noctis initium fecerit suum. His igitur temporibus potissimum, castissimis cogitationibus muniendum est pectus, ne illud hostis prius expugnasse sentiat, quā obsedis.

a Laur. Inst. l. de discipl. c. 10.

## §. II.

*Ad singulas horas.*

**V**tilissimum prorsus exercitiū est, & magni momenti, horis singulis se Deo Deique matri commendare, exitum vitæ cogitare, atque ita rectam Intentionem restaurare. Huic fini commodissimum, singulis horis Dominicam orationem, aut Angeli salutationem recitare, illudque (Nunc, & in hora mortis nostræ) affectu excitatore pronunciare. Et qui enim potest benignissimus Deus illi non optimum vitæ finem concedere, qui eum aliquot annis, omnibus horis petijt: Potest quidem Deus, nemini debitor, hoc ipsum æquissimè negare si velit, tamen quis mille annis nulla non hora



hora id petisset. Verum, *Sentite de Domino in bonitate* : a *Pater vester de calo dabit spiritum bonum petentibus se.* b *Omnia quaecunque petierimus in oratione credentes, accipiemus.* c *Ergo qui sibi quam optimè cōsultum volet in nouissimā vitæ hora, id horis singulis à Deo Deique matre flagitet. Ad hanc vtilissimā pietatem promouendam Leo X. Pontifex Max. omnibus qui quot horis salutationem Angeli pronunciarent, mille dierum indulgentias concessit. Paulus V. in eodem folio successor, Anno Christiano M. DC. XI. hoc ipsum confirmavit. d Rectissime fecerit, qui ad priorem illam, tres precatiunculas istas adiunxit*

*Benedictus Deus in æternum.*

*Miserere me Deus secundum magnam misericordiam tuam.*

*O Dominus meus, & Deus meus, ego me tibi offero in omne tuum beneplacitum.*

Hæc ideo addenda, quia tunc maximè renouatur bonæ Intentionis studium, cum quis se ipsum diuinæ voluntati quam integerrimè cōmittit. Ludouicus Bloſius testatur, sanctam Gertrudem diuinitus eius rei admonitam, trecenties sexagies quinquies hæc verba pronunciasse : *Non mea sed tua voluntas fiat, o amantissime IESU.* e Hoc nemini non imitabile est, idque cum laude, vti præclare idem Bloſius : Nulla, inquit, præstantior oratio est, quam vt quis petat gratissimam Dei voluntatem, in se, & in omnibus alijs fieri f

Cui tale nullum est exercitium, huic eunt horæ, & dies, huic hebdomades, & menses, & anni effluunt, quibus tamen rarissima Dei memoria est, vix vnquam & non nisi frigide de Deo cogitatur quod non tantum non Christianum, nec humanum, sed ferinum est.

Si quis autem omnes actiones suas, ad generalem Intentionem, velut ad regulam, cupiat dirigere, hanc ei formulam damus Intentionis optimæ :

*O mi amantissime Deus, ego me meaque omnia, ad sanctissimam voluntatem tuam, in omnibus conformare vnice desidero.*

Hæc vna omnes bonas Intentiones completitur, nec est quidquam homini ad veram tranquillitatem & felicitatem expeditius, quam idem in omnibus velle quod Deus. Quisquis ad hunc apicem pertingit, supra omnes procellas est, & proximus cælo.

a *Sap. c. i. v. 1.* b *Luc. c. ix. v. 3.*

c *Matth. c. xi. v. 22.*

d *Vide Trismegistum Christi. l. 2. c. 4. §. 2.*

e *Bloſ. Monil. spirit. c. 11.*

f *In Instit. spirit. c. 8.*

S. III.

*Ante orationem, sacrum, examen conscientie, confessionem, communionem.*

**O**RATVRVS sic animo secum statuat. 1. Orabo vt Deum honorem, colam, & laudem. 2. Vt Deo placeam, & gratum ei sacrificium exhibeam, & sic in eius gratiâ me conseruem. 3. Vt Deo meo gratias agam, pro illius in me liberalitate, & beneficijs innumeris. 4. Vt satisfaciam pro noxis meis. 5. Vt animo & corpori necessaria impetrem; vires, valetudinem; animi lumen, mei ipsius notitiam. 6. Vt obtineam virtutis augmentum in hac vita, gloriæ in altera. 7. Vt voluntatem meam cum diuina magis magisque vniam. Perfunctoriè non orabit, qui ad orationem tam serio se preparabit.

*Fuit sacerdos qui horariis precibus has Intentiones sanè pias præfixerit.*

Preces MATVTINAS dixit in honorem sanctissimæ Trinitatis, pro conuersione omnium in peccato lethali existentium.

LAVDES, vt vocant, recitauit in honorem omnium sanctorum Angelorum, pro omnibus suis inimicis, & obrectatoribus.

PRIMAM, in honorem Christi Iesu ad columnam flagellati, pro suorum peccatorum veniâ, & virtute sibi maximè necessaria impetranda.

TERTIAM, in honorem Christi Iesu spinis coronati, pro Regibus & Principibus Christianis omnibus.

SEXTAM, in honorem Christi Iesu ea hora crucifixi, pro omnibus eo die singulariter afflictis.

NONAM, in honorem Christi Iesu ea hora expirantis, pro omnibus eo die animam agentibus.

VESPERAS, in honorem beatissimæ Virginis Mariæ exanimem filium tunc completentis, pro omnibus eo die defunctis.

R x r r 3 C O M.



COMPLETORIVM, in honorem omnium Sanctorum cœlitum, præcipue tutelæ angelî & Patroni, pro felici Perseuerantia in bene cœptis.

Nobilissimum hoc orationis condimentum est, si sint qui eo velint vti seria imitatione, piaque consuetudine. Blosius sacerdoti hanc precationunculam ante Canonicas preces dicendam suggerit:

*Domine Iesu ego pro tui honore humiliter obedire, & tibi fideliter servire teque purè laudare deidero, in vniōne illius perfectissimæ attentionis, qua tu patrem orasti & laudasti in terris, & quia sine te nihil possum, adiūua me gratia tua.*

AVDITORIVS sacrum, easdem quas Orator, Intentiones sibi proponere, sed & has addere poterit. 1. Sanctissimum hoc sacrificium, ô Deus, cum sacerdote tibi offero, vt testis te esse Deum, Dominum, Conditorem meum, cui omnia meque totum debeo. 2. Vt particeps fiam tanti mysterij in quo verum Christi corpus & sanguinem offerri firmissime credo. 3. Vt pro viuis ac defunctis orem.

EXAMINATORIVS conscientiam, hæc præmittat. 1. Rationes à conscientia mea exigam, vt meipsum nosse discam. 2. Vt conscientia puritatem obtineam. 3. Vt tam crebros lapsus in pristinas noxas studiosius caueam. 4. Vt apud Deum in gratia maneam, & per hanc actiones meas illi commendem. 5. Vt confessioni faciendæ hac ratione me preparem. Qui diligit cordis munditiam, propter gratiam labiorum suorum habebit amicum regem. *a*

OBITORIVS Confessionem, hæc sibi proponat. 1. Firme statuo animum meum sacerdoti aperire integerrime. 2. Meipsum accusando submissionem exercebo. 3. Cum Deo in gratiam redire cupio. 4. Turpi mole mearum sordium, & penis ob eas debitum liberari appeto. 5. Conscientia tranquillitatem, & ardentiorum spiritum in diuinis obsequijs obtinere desidero.

PERCEPTORIVS Eucharistiam, ad hæc animum intendat. 1. Diuinum epulum accedam, vt Dominicæ Passionis memoriam in meipso reuocem, iubente Domino: Hoc facite in meam commemorationem. *b* 2. Vt Christo meo per amorem quam arctissime vniam. 3. Vt

contra diaboli tentamenta, & insidias omnes meipsum muniam. 4. Vt Deo meo vere deuotissimus & subiectissimus fiam. 5. Vt omnigenam gratiam, omniumque virtutum, præsertim Humilitatis, Patientiæ, Charitatis incrementum consequar.

*a Prov. c. 22. v. 11. b Prov. c. 22. v. 11.*

#### S. IV.

*Ante quaslibet virtutum actiones.*

GRATIFICATORIVS gratiam alteri, præsertim non adeo bene merito, hæc apud animum suum voluat. 1. Huic Homini, ô Deus, gratiam hanc præstabo pro singulari quo in te sum affectu, & vt te Dominum meum, qui in omnes etiam hostes benignissimus es, pro viribus imiter. 2. Vt ego maiorem apud te gratiam meam, & post hæc vitam, ampliorem gloriam obtineam. 3. Vt tibi morem geram, qui mihi charitatem in alios, etiam inimicos, tantopere commendasti & præcepisti.

DATORIVS stipem, hos sibi fines constituat. 1. Benigne faciam egenis, ad maiorem Dei gloriam, vt vniuersis illius beneficijs me gratum exhibeam. 2. Vt quod mihi fieri velim, id alij faciam, & vt mendicorum vilitati seruiam, eosque Christiana charitate complectar. 3. Vt Orbis index aquisissimus, mei quoque misereatur, quâdo ipsemet misericordibus promissit misericordiam. *b* 4. Vt pro noxis meis satisfaciam. 5. Vt meritum ac præmium æternum, quantum in me est, augeam.

Porro expedit summo opere, vnam eandemque actionem pluribus ad Deum Intentionibus dirigere, hoc enim mirabile dat incrementum amoris diuini. Nam cum multiplicentur actus, augetur habitus, At vero recta Intentio amoris actus est, igitur his actibus amoris multiplicatis, necesse est amor ipse mirifice augeatur. Vt autem rerum omnium quas Numinis honori agimus, plures Intentiones velut in parato habeamus paradigma subiiciemus, ad quod omnes actiones alias licebit conformare. Hoc sit exemplo: Est qui extra legem & cæsuriales dies ieiunium velit seruare; vt autem istam à cibo abstinenciam Deo reddat commendatione, hanc precationunculam præmittet.

*O mi amantissime Deus, hoc ieiunium tibi offero. 1. Ad gloriam tuam, & ad Iesv Christi crucifixi*



crucifixi honorem, in unione omnium ieiuniorum, quæ filius tuus Dominus noster, cum in deserto, tum alibi tolerauit. 2. Ita nunc ieiunare statui, ob amorem in te. 3. Et ut tibi gratior fiam. 4. Dignioresque tibi gratias agam ob innumera tua in me beneficia. 5. Ut etiam maiorem gratiam & sublimiorem paradisi gloriam promerear. 6. Easque virtutes quæ mihi in hac vita necessaria sunt, impetrem. 7. Ut pro peccatis meis poenitentiam agam poenisque mihi perferendis me exonerem. 8. Ut immoderatam cibi vel potus appetentiam refrenem. 9. Ut castitatem, statui meo conuenientem, illibatam conseruem. 10. Ut Christi, Domini mei vestigijs insistam, qui, ut mihi exemplo esset, ieiunauit.

O mi Deus, ego tibi hoc ieiunium, omnes afflictiones ac miseras meas, & quicquid animo vel corpore passus aut passurus sum, simul etiam omnia omnino opera mea, tam cogitationes, quam dicta & facta tibi offero, ad tuum honorem, per merita Christi Iesu Domini mei, qui tecum uiuit & regnat in secula seculorum. Amen.

Cum ab Ecclesia, confessorio, aut alijs preceptum est ieiunium, decem superioribus illis addi potest hæc undecima Intentio.

II. Ut obediam, & Ecclesie legibus satisficiam. Sed & hæc duodecima.

III. Ut hoc (illudue) beneficium, quod peto, à te impetrem.

Eadem hæc oratiuncula, pauculis mutatis, præmitti potest quibuscunque alijs virtutum actionibus. Atque ut huius rei specimen demus: Est qui actum heroicum, quem vocant, actum generosum, difficilem, arduum velit exercere, & suam Deo castitatem asserere, hanc oratiunculam velut scutum obijciat.

O Iesu castissimo statuo cum tua gratia castitatem seruare inuiolatam, omnibusque carnis inuitamentis pro viribus repugnare. 1. Ut sanctissimo nomini tuo plus inde honoris accedat. 2. Ut ego tibi magis magisque placeam, & accuratius inseruiam. 3. Ut tot sanctissimarum virginum, tot aliorum castissimorum hominum totque purissimorum Angelorum suauissima societate gaudeam, & sic uberiori gratia me præparem. 5. Ut effrenos libidinis motus, & omnem carnis petulantiam retundam atque sic noxas priores eluam. 6. Ut præ-

mium singulare celeste, æternum castis omnibus promissum obtineam.

Est porro, cui cum iracundis, peruiacibus, præfractis hominibus agendum sit, hic ergo ut Christiana submissione & mansuetudine omnem verborum contumeliam possit conquire, his sese Intentionibus præmuniat, & precatiunculam opponat istam:

O Iesu mitissime, ego iram & omnem verborum acerbiter detestor, cupioque cum omnibus mansuete & benigne agere. 1. Ut gloriam tuam amplificem. 2. Ut te magistrum meum imiter, qui tuis discipulis omnibus hoc unice commendas: Discite à me quia mitis sum, & humilis corde. b. 3. Ut omnibus bonis exemplum, neminem ledam, nec ullum ad iram aut impatientiam prouocem. 4. Ut in me ipso tranquillitatem animi, cum alijs amicitiam & pacem conseruem. 5. Ut extremam vitam te iudice eo benigniorem experiar. 6. Ut te Dominum meum sponsorem ac debitorem habeam à quo mansueti promissum. Beati mites quoniam ipsi possidebunt terram, c. beatam scilicet illam viuientium. 7. Ut eo altius euehar in calo, liberer omnibus me submittam, cum sciam illud longe certissimum. Qui se humiliauerit, exaltabitur. d.

Et qui tetricum, seuerum rigidum habeat dominum, aut similem huic dominam, aut etiam plures non tam dominos quam reges siue humaniores tyrannos. Hic ergo ut generosa obedientia hero superbo etiam & imperioso pareat, semetipsum adigit ab obsequelam, his Intentionibus.

O mi Deus, voluntatem tibi meam offero, & constituo ijs omnibus quibus obligor, propterea, integre, sincere obsequi. 1. Ut dum homini obedienter seruiro, tuæ voluntati tuisque iussis obtemperem, nam noui à quo mihi dictum sit: Qui vos audit, me audit, & qui vos spernit, me spernit. e. 2. Ut tot mala immorigeris & rebellibus imminencia euitem, nam & illud, noui, quis dixerit: Omnis anima potestatis nisi à Deo, quæ autem sunt, à Deo ordinata sunt. Itaque qui resistit potestati, Dei ordinationi resistit, qui autem resistit, ipsi sibi damnationem acquirunt. f. 3. Ut victoria mihi, præscripta me ipsum triumphem, nam nec istam iussionem ignoro: Serui, sub-



diri estote, in omni timore: dominis non tantum bonis & modestis, sed etiam dyscolis, hæc est enim gratia, si propter Dei conscientiam sustinet quis tristitias, patiens iniuste g. 4. Vt à vestigijs Domini & Seruatoris mei non abeā, qui propter me, factus obediens vsque ad mortem, mortem autem crucis h. Vt promissum ingens obedientiæ præmium adipiscat, scio namque quanti Deus hanc vnam virtutem æstimet. Melior est enim obedientia quā victimā i. Et: Vir obediens loquetur victoriam k. Tanti est Ludouico Blofio, suam alterius voluntati subijcere, vt dixerit: Qui relicta propria voluntate, facit humiliter ad honorem Dei, voluntatem alterius in re licita, magis Deo placet, quā si multo tempore corpusculum suū pane & aqua tantum sustentaret. asperisque flagellis cruciaret ex voluntate propria Victoriam loquetur vir obediens. Sed & illud addit Blofius notatu dignissimum, & quod rectæ Intentionis studium mirifice commendat: Acceptius obsequium, inquit, homo præstat Deo, quando à vano & non necessario visu, auditu, olfactu, gustu vel tactu discrete abstinet, voluntatem suam in huiusmodi rebus pure propter Deum, mortificans, quam si mortuos ad vitam temporariam reuocaret. l

Est qui carnem subinde sentiat refractariā. Vt ergo hanc bestiam cicuret, & dicto faciat audientem, vario illam stratagemate adoritur; nunc cibo fraudat, nunc siti cruciat, nunc edulia præstantiora vilibus emutat, nunc ad offeram ferculis mēsam efurire docet; iam vigilijs torquet, iam flagris coerces, iam laboribus vexat, iam molesto itinere fatigat; modo ei vestem setis horrentem iniicit, modo in rigidum cubile illam abjicit, modo alijs rigoribus exercet: vt hæc omnia & Deo grata, & animo sint salutaria harum Intentionum industria seipsum exstimulat.

Hanc penitentiae myrrham è cruce tua collectam, mi bone Iesu, tibi offero, hauc egomet mihi vim inferam. 1. Vt tuum honorem dilatem. 2. Vt meum in te amorem augeam. 3. Vt tuam in me beneuolentiam mihi magis deuinciam. 4. Vt tuis in me beneficijs maximis, continuis respondeam. 5. Vt improba carnis rebellionem comprimam. 6. Vt scelerum meorum pœnas, meipso iudice & vindice, dependam. 7. Vt hac tam pia vi beatorum sedes ex-

pugnem. Ad hanc Seruatoris dictum me animat: Regnum cœlorum vim patitur, & violenti rapiunt illud. m

a Matth. c. 5. v. 7.

b Matth. c. 11. v. 29.

c Matth. c. 5. v. 4.

d Matth. c. 23. v. 12.

e Luc. c. 10. v. 16.

f Ad Rom. c. 13. v. 1. 2.

g 1. Pet. 2. 18.

h Ad Phil. c. 2. v. 9.

i 1. Reg. c. 15. v. 22.

k Pro. c. 21. v. 28.

l Blof. in Tabella spiritual. mihi pagina 576. col. 1.

m Matth. c. 11. v. 12.

### §. V.

*Ad labores, aut etiam dolores recte tolerandos.*

**L**ABORATVRVS, aut negotium suū quodcunque curaturus, hæc animo verset. 1. Hunc laborem meum, ô Deus quē cum cura, impigre, fideliter & accurate obibo, tibi ad tuum honorem offero. 2. Vt vitam meam in obsequium tuum impendendam sustentem. 3. Vt ad obedientiam me exerceam (si labor præscriptus sit aut imperatus. 4. Vt charitatem in alios demonstrem (si labor alijs etiam profuturus sit) 5. Vt ad submissionem me excolā (si opus sit abiectum, & ignobile.) 6. Vt patientiam discam (si labor molestus, difficilis, & incerti euentus sit) 7. Vt carnem otio & petulantia pronam, opere frangam & edomem.

Cum aduersa ingruunt, cum molestiæ, tædia, difficultates, afflictiones, anxietates fatigāt cum quid obtingit graue & perperu asperum, tunc maxime vigilet RECTA INTENTIO. Quando autem vix quisquam est qui non vel Vnico die centenas habeat occasiones exercenda patientiæ, accuratissime hoc agendum, vt ea qua par est Intentione cūcta perferantur. Plurimos reperias, qui & valetudinis, & facultatum, & famæ nominiſque iacturam faciant; ægri, inopes, contempti, sed quia nihil tranquille, nihil patienter, nihil non repugnanter patiuntur, quia omnia non aliter ferunt, quam quod cogantur ferre, nunquam nō impatientes & queruli, ideo nihil promerentur, nisi supplicia & pœnas, intolerantibus debitas.



tas. Nam quod illis Deus submittit in phar-  
macum, hoc illi mutant in venenū: Hic ergo  
negotium suum sedulo agat Intentio recta, vt  
quod ferendum est, cum lucro & quaestu nobi-  
li perferatur, fiatque ē necessitate virtus.

Quotiescunque igitur res incommoda &  
aspera, graues, afflicta, turbida sunt, quile-  
di non vult, his intentionibus se armet. 1. Hoc  
quicquid est, mi Deus, patienter tolerabo, vt ad  
tuam sanctissimam voluntatem, meam cōfor-  
mem, cum certo sciam, hoc a te, meo bono in  
me immisum esse. 2. Istud mi IESV, libenter  
perferam, tui amore, & vt tuis vestigijs, quā  
mihi hanc viam signauerint, inhaream. 3. Ad-  
uersa omnia hilariter & excipiam, & patiar, vt  
priorem vitā improbitatem luam, Dei fauorē  
& gloriā futurę prēmium augeam. Maxima  
artis est, quaelibet MALA BENE PATI posse.  
Sed & maximi lucri est erudita hęc patientia.  
Optime Ludouicus Blosius: Etiam exigua  
molestia, inquit, propter Deum aquanimi-  
ter tolerata, incomparabiliter pręstantior est,  
quam sint multa & grandia bonorum operum  
exercitia. *a*

*a Blos. in Instit. spirit. c. 8.*

## S. VI.

*Ante status mutationem, ad Sacerdotium, aut  
Religionis ingressum.*

**O**Rta est quondam inter eruditos ac Reli-  
giosos viros questio, quis omnium Or-  
dinum sit rigidissimus? Varij varia super ea  
questione pronunciarunt: Illi, S. Brunonis, & hi,  
S. Francisci rigidos fratres, alij alios vitam  
maxime austeram viuere censebant. Tandem  
vnus auditis omnium sententijs Pace, inquit,  
vestra dixerim, viri: qua de scientia non male,  
qua de experientia iudicastis pessime: Non est  
in Orbe ordo magis adstrictorij rigoris, quam  
sit matrimonium, idque argumentis diuersis  
firmare ingressus est. Verissime hic omnium  
videtur dixisse, si quidem non ea qua pat est  
Intentione matrimonium ineat. Qui aut  
Reginam Pecuniam, aut Dominam, Formam,  
aut Heram Nobilitatem tantum in coniugem  
adsciscit, miserijs sese implicat innumeris; ve-  
re in ordinem hic sese redigit, sed rigidissi-  
mum: Vxorem ducit, Libertatem vendit. Ita  
solet Deus sapissime corruptam Intentionem

punire ( experientia loquitur ) vt qui deli-  
cias, aut diuitias Intentione peruersa quęstir,  
rixas & dissensiones inueniat perpetuas. Heu  
quid eque miserum est, quam toties vel ab in-  
uito confessionem hanc edi? Nec possum te-  
cum viuere, nec sine te.

Hoc tale coniugium intestinis bellis affli-  
ctum, recte dixeris viuum inferorum ectypum.  
*Vbi nullus ordo, sed sempiternus horror inhabi-  
tat.* Videte igitur qui coniugium cogitatis vt  
illud Intentione quam sanctissima ordiamini.  
Non profapie solum, neque solum formę, aut  
pecunię nubendum est: optimi ac probissimi  
mores quęrendi sunt. Imprimis illud curan-  
dum, ne impares iungantur. Hęc enim impa-  
ritas non potest non esse seminarium litigij.  
Ante omnia recta sit oportet vtriusque coni-  
gis Intentio, ne Achab & Iezabel, sed vt To-  
bias & Sara, vt Ioachim & Susanna conueniāt.  
*Hinamque qui coniugium ita suscipiunt, vt  
Deū a se & sua mente excludant & sua libidini  
ita vacent, sicut equus & mulus, quibus non est  
intellectus, habet potestatem demonium super eos.*  
Ergo non ante in coniugium mutua erat con-  
sensus, quam recta Intentio. Huius Intentionis  
formulā dat Tobias istam: Domine. tu scis  
quia non luxurię causā accipio coniugem sed  
sola posteritatis dilectione, in qua benedicatur  
nomen tuum in sæcula sæculorū. *a* Sed ad  
sacerdotes & homines religiosos me verto.

Hic gemitus velim & suspiria pro me lo-  
qui. Heu vereor, ne forte sint qui in Sacerdo-  
tium veniant, non vt pium officium, sed vt lar-  
gius alimentum inueniant, vt penum conge-  
rant, vt culinā instruant, vt cellam impleant,  
taceo peiora, quę tamen oblique suggerere so-  
let Intētio praua, etiā tunc cum ad honestissi-  
ma tēdimus. Verus sed æqua est querela de sa-  
cerdotibus. Dei loco clamat Malachias: *Quis  
est in vobis qui claudat ostia, & incendat altia-  
re meū gratuito? non est mihi voluntas in vobis.  
dicit Dominus exercituum; & munus non susci-  
piā de manu vestra b.* Perinde si dixisset, quā-  
uis ministrorū meorum labores nolim esse si-  
ne stipendio quo se alāt, nolo tamen eos offi-  
ciū suum, ob finē adeo vilem præcipue facere.  
Obsequio meo cum primis studeant, commo-  
dum suum pro additamento habeant. Hinc li-  
quet lethalem esse noxam, diuinum officiū, &  
huiusmodi munia, ea præcipue Intentione  
S f f f f exequi



exequi, ne reditus annui censusque amittantur. Pari modo ad ingressum Religionis summe necessaria est sinceritas Intentionis. Ah, metuo ne forsitan aliqui etiam ad religionem propere, non ut religiosè vivant, aut infra omnium vilitatem se abijciant, sed ut parentum aut cognatorum auaritiæ non displiceant, ut dies quietos & suaves reperiant, ut tandem emergant, & inter ceteros emineant, ut in solium, eo alioqui nunquam peruenturi, conscendant: imo tam subdola nequitia est mala Intentio, ut nonnunquam per ipsam vitæ austeritatem delicias querat, & illic indulgere velit genio, ubi omnes seruiunt Christo.

O Sacerdotes, ô Religiosi (vos appello quoscunque non sincera huc agit Intentio) hoc est roto cælo aberrare, & non in vno delinquere, sed in omnibus. Si vobis hac pia libeat pergere, ad inferos recta tenditis. Ergo aut semitam aliam insitite, aut Intentionem pessimam mutare. Hac ire, & hoc animo, perire est.

Quisquis ergo sacerdotium aspirat, non suum, sed Dei honorè sincera Intentione querat, non tondere oves aut deludere velit, sed pascere, non meliorem victum, sed sanctiorem vitam cogitet.

Quisquis in religiosam familiam adscribi desiderat, in vnam atque vnicam Dei gloriam totus intendat, nec quidquam aliud percipiat, quàm Deo perfectius seruire, fortiter agendo, & sustinendo plurima. Cui non in voto est, quotidie multum perperì pro Christo, ad Christi scholam veniat. Qui pati non vult, ineptus est discipulus in hoc lyceum. Abite, delicati, abite, abite: procul hinc impatientes & queruli: sed omnium primi hinc recedite superbi. Exeste religiosi, qui cathedras, qui clauces, aut mitras queritis. Omnia vitia odit Religio, sed ante omnia Superbiam, è qua omnium vitiorum propago est. Angelos & diabolos cælum vnum non capiebat, nec vnum cœnobium aut collegium Humiles & Superbos. Nimia hæc morum discrepantia est in veram societatem nunquam colitura.

Igitur ô Sacerdotes, ô Religiosi videte, caute; æternæ salutis negotiū non cæco impetu aggrediendū est. Ad hæc sacra dux esse non potest, nisi recta, sincera, puraque Intentio. Quisquis ad sacerdotium, quisquis ad religio-

nem alio venit duce, vel comite, quam bona Intentione, aut hinc ad pristina redibit, aut hic certe interibit.

a Tob. c. 8. v. 9.

b Mala. c. 1. v. 10.

## S. VII.

*Christi actionibus nostras esse iungendas.*

**I**ncredibile dictu est quantum conferat in hoc bonæ Intentionis exercitio, suas Christi actionibus iungere, & sic eas diuino Patri offerre. Mortatur ad hoc Paulus: Omne, inquit quodcunque facitis, in verbo, aut in opere, omnia in nomine Domini nostri Iesu Christi. a Sanctissime fecerit qui cum hoc octario nobilissimo, sua omnia diuinæ Maiestati obtrulerit. In exemplum sint hæc paucula:

*O mi Deus, hunc ego laborem meum tibi offero, cum omnibus filij tui, Domini mei laboribus.*

## A V T

*Isud quod ego patior cum omnibus ijs, quæ in terra passus est filius tuus, tibi consecro.*

## A V T.

*Hanc ego actionem, hanc orationem, hanc fatigationem meam, ad filij tui actiones, orationes, & fatigationes, velut guttulam in mare deferens, appono, simulque tibi omnia immolo.*

## A V T.

*Pater æternæ hanc ego necessitatem, hanc miseriam, hoc grauamen, hoc impedimentū, hunc moerorem, hos dolores, hanc tentationem, calamitatem, tribulationem vnitam Passioni & arumis Vnigeniti tui tibi offero, ad æternam tuam gloriam.*

## A V T.

*O mi amantissime Deus, ego me meaque omnia tibi offero per unicum filium tuum ad omnium hominum salutem, & laudem, nominis tui æternam. b*

Sic actioniculæ nostræ etiam vilissimæ, sic miseræ & calamitates nostræ vniuersæ, Christi actionibus, iniurijs, doloribus & cruciatibus coniunctæ summi pretij dignitatem induent, nec poterunt cælesti Patri non esse acceptæ. Hoc nil aliud est, quam plumbi granulum in liquatum aurum immittere, & auream illi no-



illi nobilitatem donare: aut aliquot aquæ guttulas in dolium generosissimo Falerno plenum spargere, & ad vini dignitatem attolere: sic & opera nostra ex se imperfecta, frigida, defectum plena Christi operibus iuncta pretium acquirunt maximum, ab vnione hac tam excellenti, hoc est enim vestibus Esau optimis induere Iacob.

Hac de re præclarissime Blossius: Consue-  
scat, inquit, tā illa quæ agit, quam ea quæ pa-  
titur, coniungere atque vnire operibus & do-  
loribus Christi per orationē siue desiderium.  
Sic enim ipsa opera & grauamina eius, quæ ex  
se vilia, obscura, atque imperfecta sunt, nobi-  
lissima, clarissima, Deoque gratissima erunt.  
Ineffabilem namque dignitatem ex meritis  
Christi, quibus vnientur, accipient. Et: Bona o-  
pera illius qui istud piè obseruat, excellunt in-  
comparabiliter bona opera eius qui nō obser-  
uat. Idem, hoc ipsum in suo speculo confir-  
mans: Si bona opera, inquit, & exercitia tua  
copulaueris vnierisque actibus & exercitijs  
Christi, atque ita obtuleris illa Deo in laudem  
æternam: erit sanè ista oblatio ipsi Domino  
longè gratissima, & opera tua claritatem di-  
gnitatemque ineffabilem recipient, ex actibus  
Christi quibus vnietur. Plumbum tuum (vt ita  
dicā) mutabitur in aurum optimū, & aqua tua  
in vinū excellentissimum. Ita omnia Domi-  
nus familiarissimis amicis suis reuelare digna-  
tus est, vt nos hac ratione opera nostra red-  
damus nobilissima; hac ratione nostrā inopiam  
ex inhausto meritorum Christi thesauro sub-  
leuemus, & animas nostras eiusdem Christi  
meritis exornemus: hac denique oratione pro  
peccatis nostris facillime satisfaciemus.

Hoc sacrificij genus ita placet diuinis ocu-  
lis, vt Christus voluerit sibi à beata Gertrude,  
omnes omnino actiones minutatim etiam ef-  
ferri, ea nimirum ratione, vt vel litteras quas  
pictura, bolos quos sumptura, verba quæ di-  
ctura, passus quos factura, anhelitus quos ca-  
ptura fidei obsequio quasi adnumeraret. g.  
Ecquid Deus hæc ita minutim postulat? Vt  
homines suis obsequijs intentos, & fideles fa-  
ciat ac diligētes, qui etiam minimos in rebus  
Domini neglectus caueant. Quia vero nostra  
Intentio subinde dormitat, & actiones no-  
stræ sæpe steriles sunt ac languidæ, vult sua-  
lissimus Dominus nos compendio hoc vtī, &

nostras spīs actionibus, Intentionem nostram  
suā, quam ipse in terrā habuit coniungere, sic-  
que diflescere. Hinc illud Ecclesiæ quotidianū  
& perpetuū: Per Christum Dominum no-  
strum. Hæc autem nostrorum cum Christi o-  
peribus coniunctio fieri potest, non tantum a-  
ctionis principio, sed etiam fine, aut medio.  
Quemadmodum recta Intentio, non solum  
initio, sed & medio; ac fine vitari potest. Ali-  
qui bona Intentione incipiunt, pergunt aliquā-  
diu, vbi autem occasionem cernunt exerran-  
di, de facili seipso inueniunt, & Deum quem  
antè quæsiuerant, corrupta Intentione defe-  
runt. Aliquot huius farinæ homines ipsi Chri-  
sto in disciplinam se tradidere. Intentione vtī-  
que bona cœperunt, perrexerunt aliquanto  
tempore, inter Domini discipulos censi. Tan-  
dem eā dicendi vi perorauit Christus de pane  
vino, sed & spiritum esse qui viuificet, carnem  
non prodesse quidquam, vt hoc multi audien-  
tes ex discipulis eius dixerint durus est hic ser-  
mo, & quis potest eum audire? Hic illorum re-  
cta Intentio vacillare, hic ad casum inclinare,  
hic cadere. Ex hoc multi discipulorum eius ab-  
ierunt retro, & iam non cum illo ambulabant.  
h En, non incepisse tantum, sed & finisse re-  
cta Intentione virtutis est.

Ideo continuā hic opus est restauratione,  
nunquam hic cessandū, recta Intentio conti-  
nuè vrgēda, manē præsertim, sub sacro, ad cu-  
iusuis laboris initium, & ante somnum, his in-  
teruallis dici recta Intentio renouanda, his sal-  
tem pauculis verbis: Domine, hæc omnia pro-  
pter te. Aut: Tuo honori, Domine, hoc facio  
Aut: In tuam gratiam, mi Domine, hoc pa-  
tiar. Ah, ingemisco cum cogito, nos à bestijs  
etiam in ruborem dari. Narrant, Elephan-  
tem fuisse in vrbe Colchin, qui operas diurnas  
præbere solitus erat ad portum & res mari-  
nas. Eum fortè vrbis Præfectus vrgebat, vt  
Liburnicam (navim) quam commouere cœ-  
perat, deduceret porro in mare. Ille abnue-  
re, instare alter multis blanditijs, elephas labo-  
rem hunc constanter auersari, ad extremum  
Præfectus, saltem in gratiā Lusitanæ regis id  
vellet, orare. Hic immane dictu, Elephas, clare  
hæc duo verba ingeminat, Hoo, Hoo, quod  
Malabarum lingua est, Volo, Volo, ac sine morâ  
navim traxit in mare. i Tanti erat elephantis,  
regis Lusitani gratia laborare, Quid nos  
ratione



ratione præditi, disciplinæ capaces homines? quoribus præfractæ resistimus, & imperata etiam leuia detrectamus, etsi milles inuitemur: *Eia quæso, in gratiam Christi. Domini Ad voluntatem Regis caelestis. Ad gratiam IESV crucifixi.* Ne sic quidem inouemur; ad nobilissima hæc inuitamenta obfuscescimus, vel bestiis contumaciores.

At quibus salua est semper sinceritas Intentionis puræ, cum quid faciendum, in supremi Regis gratiam, promptissime illud vel centies ingeminant: *Volo, Volo.* Propter te, mi Domine: Et quamuis ad hoc præstandum, me nulla vis aegerit, licet nullum præmium, nec supplicium vllum hoc mihi persuaferit, nihilominus tamen in Christi gratiam, hoc libenter præstabo; Propter te, mi Domine, hæc faciam, hæc omittam, hæc perferam, propter te Domine.

In omnium potestate est, hæc dicere, hæc sentire & velle: nec valentibus, nec ægris hæc difficilia. Alioqui agendo multa, nihil agimus. Sine mercede labor est, quandocunque est sine recta Intentione. Qui perdere non vult operam, assiduam gerat rectæ Intentionis curam.

a *Ad Coloss. c. 3 v. 17.*

b *Blos. Monit. spirit. c. 3 sine & institut. spirit. c. 9.*

c *Gen. c. 27. v. 15.*

d *Blos. Instit. spirit. c. 9. initio.*

e *In spec. spirit. c. 5. sine.*

f *In institut. spirit. c. 6. sine.*

g *Vide supra l. 1. c. 5. §. 5.*

h *Ioan. c. 6. v. 64 & 67.*

i *Chrysostom. à Costa in hist. Aromaticum opera Caroli Clusij editus Antwerp. Ann. 1582.*

## CAPVT IX.

### *Quæ sint signa rectæ INTENTIONIS.*

**H**ebree plebis homines magnam partem rudes & asperi, tamque obruto capti erant, vt ægerime crederent, quod non oculis cernerent. Vt ergo suis ipsi oculis exploratissimum haberent, quid sit Intentio mala & præuicatrix, voluit Deus vt manna quod ex præscripto in sabbatum collegissent, integrum, recens, incorruptum seruaretur, quod

vero contra legem aut vitiosè prouidi, aut reperiendi laboris perit, in alios etiam dies collegerunt, id omne mox corruptum, verbibus coepit ebullire. Hic neque locus, neque vas in quo caeleste hoc alimentum asservabatur, neque ipsum manna in culpa fuit, sed sola voluntas & Intentio prava, legi se subicere dedignata.

Hoc Deus Hebræorum oculis sic obiecit, tanquam si è cælo proclamasset, Cernitis tandem immorigeri; quid voluntas possit in homine quid sit velle aut nolle obedire, quid bona malæ Intentio progignat: hi vermes rebellionis vestræ testes sunt, hos fructus producit contumax voluntas vestra, & peruersa Intentio, spectate hæc oculis, atrectate manibus increduli.

Cum Christianis Deus post Filij tot conclusiones, alia ratione agit, bonæ malæque Intentionis signa ijs etiam proponit, sed magis recondita, & non tam oculis, quam animo cernenda.

Si quis corporis oculos consideret, eos admodum esse garrulos, quamuis sine voce compariet: Illi namque sua garrulitate dominum suum sapissime produnt, cum ex oculis valetudinem & morbum, hilaritatem & mœrorem odium & amorem deprehendere sit facillimum: latentes hos affectus oculi euulgant. Porcus, qua interiora corporis, simillimus homini, morbum suum lingua & oculis detegit aspicienti. Si ferendum sit iudicium quam sana sit hominis actio, interrogandus est interior illius oculus, Intentio: Si oculus tuus simplex fuerit, totum corpus tuum lucidum erit. En tibi, ab oculo discitur, quod de toto corpore pronuncietur.

At sicuti nil artis est scire, morbum in oculis deprehendi, nisi & sciatur quibus signis & indicijs deprehendatur: ita non satis est nosse vitæ probitatem ab Intentione proba colligi, nisi etiam nouerimus, quæ probæ Intentionis signa sint & indicia, de quibus nunc agendum est. Igitur vt fidem sibi quisque habeat, & recta ire via se credat, duodecim ordine signa numerabimus, è quibus suam cuius facile erit Intentionem astimare.

### 1. *Signum bonæ Intentionis.*

Non facile turbari, non tumultuosè aut turbu-



turbulenter rem aggredi. Indoles eorum non bona est qui inconsulta seuitate ad labores accedunt, qui cum impetu agunt omnia, & in res non veniunt, sed rapide feruntur, æstuant, manus pedesque iactant, anxij trepidant, ac si suis curandis defuturum sit tempus; inquietissimi discursant, tanquam primo aggressu omnia deproperaturi. Quid opus hac æstuatione & impetu? festina lente, mi homo. Consilio est opus, non impetu, Quinto Curtio monente. Qui principio tam contente currit, cito deficit: qui gradu clemente ac presso incedit, etiam progreditur, & minus fatigatur. *Qui festinus est, pedibus offendet.* Temperanter sumendum est illud priscorum: Sis in consilijs cochlea, in factis aquila. Itaque subinitium plerunque placide incedendum, dum ab ipso incessu accrescat vigor. Nota nobis verba sunt à præceptis de Christi imitatione: Quod homo non sit importunus in agendo. b Et: Sint actiones tuæ sub te &c.

Qui sinceræ Intentionis est, in negotijs etiam impeditissimis hoc versat animo: Deus mihi hæc negotia dedit curanda; utique dabit etiam tēpus & gratiam ad ea conficienda: Deo laboro, & eius honori, facioque quod mearum virium est; bonus Deus curabit cetera. Itaque, quod etiam poetæ monent, Permittito Diuis cetera. c

a *Prou. c. 19. v. 2.*

b *Imit. Christi l. 3. c. 39.*

c *Horat. l. 1. Carm. ad Tiliarch.*

## 2. Signum bonæ Intentionis.

In omni actione sic affectum esse, ut si quæreretur, quorsum hæc? Promptissime responderet: Ad maiorem Dei gloriam: Quorsum illa? Ad hanc ipsam. Quorsum ista; ad eandem. Sicut viator interrogatus quā viam teneat, sine morâ respondet, In golf stadium, aut Viennam, aut Pragā, aut Rōmam. Arque si vel leuiter itinere se decessisse intelligat, quam primum in viam regiam redit. Qui solum animi causa deambulaturus exit, sepe nec panem, nec pecuniam secum defert, nec enī tabernam, ingredi in animo est. At qui peregre ituri, aut nummos sumunt in viam, aut panes, uti fere solent homines à pago, & cum venter iam mugire & magnum inane queri incipit annonam suam è sacciperio extrahūt, & solātur

oblatrantem stomachum. Ita prorsus homo rectæ Intentionis, qui se nunquam non meminit peregrinum esse, cum in opere fatigatus vitæ molestias grauius incipit sentire, mox secum ipse Intentionem rectam renouans: Et cui hæc facio, inquit, cui laboro, cui lego & scribo, cui sto & curro: Nunquid Deo? an nō propter Deū hæc omnia tolero? Abi ergo corpor, abi tedium? Abi otium & desidia, Abi procul impatientia; abire pessimæ pestes. Si cuncta hæc Deo fiant, prout par est illi soli hæc fieri, ergo & patienter, & promptè, & libenter faciam atque patiar hæc vniuersa. Ita pergo, propter te Domine; omnia mihi & facilia & iucunda, ô Domine, propter te. Secus faciunt illi quibus vita velut deambulatiuncula transigitur, qui nec panem secū ferunt nec pecuniā; & seria & sincera carent Intentione: homines vani, in omne genus illecebrarum proni, quibus anima pro sale data est. horum viuere, est animi causa deambulare, quo pedes ferunt, quò affectus præcurrunt. Non ita veri illi peregrini, quibus & panis est & pecunia, Intentio non tantum seria, sed & sincera.

## 3. Signum bonæ Intentionis.

Non angī, nec ob agenda distrahi in curas, quæ hominem à precibus, à conscientiae cura, à Dei memoria auocent. Qui sinceræ Intentionis est, hoc agit ut faciliatī & viribus suis agat conuenienter. Obseruat Chrysostomus, eum ab hero Euangelico æquè laudari, qui duo accepit talenta, atque illum qui quinque. a Sed dicas: cur utrique par honor habitus? Quia in utroque par fuit diligentia, tamen si circa imparem pecuniam. Hoc creberrimè cōtingit, ut duo in eadem re operam suam ponant, sed effectu prorsus inæquali, illo ab hoc longissime superato? fieri tamē potest, ut equale præmium promeritis sit uterque, certe apud Deū, qui non attendit quale opus, sed à quali conatu & industria prodierit. Sūt qui viribus, aut ingenio, aut prudentia polleant, & quæ alijs difficillima, ipsi velut per iocum faciant. Sunt & alij quibus aut fractæ vires, aut infelix & pingue tardumque ingenium, hi quamuis sudent & conatum omnem exerant, omnemque industriam in opere consumant, tandem tamen vrceus exit, opus sine omni gratiā & Venere. Et quā horum maiore digni



gui præmio; sæpe illi, quorum opus velut nimis inelaboratum ab omnibus spernitur. Ab humanis longissime distant iudicia diuina. Et hoc ijs qui aut ingenij celeritate præstant, aut ad omnia fauentes habet Gratias, superbiæ alas merito incidat; istos erigat, ijsque animum addat, cū nullius momenti sit humanis oculis placuisse, maximi diuinis. Præclare Thomas ille: Si Deus, inquit, semper esset pura Intentio nostri desiderij, non tam facile turbaremur pro resistentia sensus nostri. *b*

*a Chrys. hom. 41. in Gen.*

*b Thom. à Kemp. lib. 1. ca. 14. num. 1. Imitat. Christi.*

#### 4. Signum.

Opere peracto non discursare, aut sollicitè aliorum iudicia expiscari. Sunt qui instar comicorum histriionum, dramate peracto quærunt: qui placuimus? nemone plaudit? ita isti quærere solent: quid sentiunt domini de meo quoque opere? num satisfeci, num placui? quid tacent? Intentionis corruptæ signū euident. Nam qui sinceræ Intentionis est, ita secum ipse loquitur: Scio, cui credidi, & certus sū quia potens est depositum meum seruare in illum diem. *a* Ego quidem feci quod potui, idque sincero animo in diuinum honorem: laus inde sequatur, an non, mihi perinde est; scio quàm serio volenti facile sit, & seruire, & placere Deo.

Fuit qui annulum gemmarum summi pretij inuenit, quem mox ad proximum sutorem deferens? dic quæso, inquit, mi magister, quanti æstimas hunc annulū cum hoc lapillo? Cerdo, cui corium notius quàm aurum & gemmæ: Insignis, inquit, splendor eum forsā euexerit ad trium florenorum pretiū, Ecquis, obsecro, horum amborum stultior, an qui talem interrogauit, an qui talia respondit? Certè inuentor annuli videtur stultitiæ palmam præripuisse, quod ad imperitiū gemmarum iudicem, gemmam æstimandum detulerit. Gemmæ sunt pretij prorsus inæstimabilis, operæ bonæ Intentione editæ: quid vero de his hominum aures oculosque interrogamus? minus hæc æstimare norūt quàm sutor vniones, præfertim cum Intentio, à qua pretium actioni accedit, nemini vnquam satis possit esse cognita. Nux & cælum, guttula & Oceanus, la-

pillus & terrarū Orbis, mutuam inter se comparationē agrè admittunt: minus tamē quod bona Intentione factum est, comparari se sinat cum eo quod mala. Et quomodo tandem hic possint iudices esse oculi, cur apud hos de margaritarum nostrarum nobilitate vanissimè litigamus? Deus solus est qui hæc æstimer, huius iudicio permittenda sunt omnia, huius standum. Ab hominibus virtutes ac vitia pleurumque non ex merito æstimantur, sed ex populari iudicio. Hinc longissima series errorum:

*a 2. Tim. c. 1. v. 12.*

#### 5. Signum.

Euentu rei aut laboris minus secundo non turbari aut cōcuti, cum Deus ad quem Intentione collineandum, non tam spectet quid effectum, quàm quomodo, qua Intentione, qua diligentia quippiam factum sit. Magnus ille Apostolus Iacobus, tota Hispania, vt narrant, non plures Christi sacris imbuit quàm octo homines; ita velut ab irritō conatu reuersus Hierosolymam, Herodis gladio caput præbuit secundum. An Deus Iacobo non idem præmium daturus quod ceteris Apostolis, qui reges & regna integra ad disciplinam Christianam traduxerunt? Idem vtique, & forsā maius. Neque enim illi Deus quid efficeret, sed quid faceret imperauit: ab Apostolo semen spargendum erat, seminis incrementum penes Deum fuit.

Hoc probæ Intentionis homo altè combibit, suū esse, laborare, Dei labori aspirare. Itaque cū ars decipit cū nihil procedit, cū aliquid in perniciem ei vertit, cum spes ad irritū cadit, vix quidquam turbatur, hoc enim inquit, nō in mea est potestate, sed Dei. Feci quod licuit, quod debui, quod decuit, res aliter cessit? humanarū hæc natura rerū est. Atque hoc admodum necessarium est scitu, neque enim infrequens est vt operam ludat etiam laboriosa diligentia, & sine effectu sit præclarus quique labor. Num quis ideo discrucietur animo? Nequaquam: Si bonæ Intentionis est, tam secundos quam aduersos euentus Deo committet, diuini consilij securus. Christus ipse postremis quatuor vitæ annis, quot obsecro sibi diuinissimis suis concionibus adiunxit? non adeo multos numerabis, longè plures Apostoli ad



liad nostras religiones permouerunt.

Pari modo qui nihil non sancta Intentione aggreditur, quamuis in seipso plurima desideret, tamen prauiates & errata in se deprehendat, non tamen continuo abiicit animum, non consternatur, non exanimatur, sed quam illum sua miseria deprimit, tam erigit Dei misericordia, neque tam male vnquam res vertunt, vt bonam Intentionem mutet. Inter aduersa & prospera idem ei animus, hoc est, ad Deum semper erectus. Cetera omnia velut nubes infra se calcat, firmat animum in fortuita, & in omnes casuum impetus; omnia æquo ac hilari aspicit oculo. Animus ei semper æqualis, & qui secundo cursu eat, placidoque statu maneat. Itaque eo peruenit, vt magnum illud Deoque vicinum obtinuerit, **NON CONCVRT.** Non contristabit iustum, quicquid ei acciderit *a*.

*a Proverb. c. 12. v. 21.*

#### 6. Signum.

Re quapiam peracta, Inanem gloriam, & omnem cogitationum vanitatem fugere. Quis est hic, & laudabimus eum, qui sibi ipse nunquam applaudit domi, cui suus labor apud se non sit in pretio, qui à seipso non audiat: bene, belle, præclare, ecquis melius? Hoc vero aliud non est quàm totis hebdomadibus corbes plectere, & operam tam longi temporis Vulcani consecrare. Euanuerunt in cogitationibus suis & obscuratum est insipiens cor eorum *a*.

Sunt qui sua duntaxat laudent, aliena aut damnent, aut silentio transeant; laudes suas etiam ab imperitis auide excipiant, aliorum deiecto vultu, fronte, oculis hauriant, & cum improbare non possunt, nunquam tamen probent. Hi non Deo, sed famę suę tantummodo niti, ingentes arrogantia montes sub modestâ fronte tegunt, neque aliunde prouenit parca hæc alienarum virtutum laudatio, quam ab animo laudis suę auido, qui cum aliorum commendationibus detractum iri veretur suis, serio cauet ne quid elabatur in alio laudandum: odit pares in potiunda gloria. Ad rem hic submonens Annæus Seneca: Illud, inquit, adhuc tibi affige, quod paullo ante dicebam nihil ad rem pertinet, quam multi æquitatem tuam nouerint. Qui virtutem suam publica-

ri vult, non virtuti laborat, sed gloria. Non vis esse iustus sine gloria? at inehercule sape iustus esse debebis cum infamia. Et tunc, si sapias, mala opinio bene parta delectat *b*.

Iacob Patriarcha moriturus: Fiat Dan, inquit, coluber in via, cerasastes in semita, mordens ungulas equi, vt cadat ascensor eius retro *c*. Cerasastes, serpens non spatiosi corporis, sabulo se abdit, equi illac transitori ungulam ad morsurum, vt is dolore furens excutiat sessorem. Diabolus Cerasastę simillimus, dum nos arctiore via virtutis incedimus, ille humanę laudis puluere se occultit, vt equi ungulam, hoc est, Intentionem rectam vitiet, & sic per falsę glorię imaginem præcipitet. Qui bonę Intentionis est, hunc Cerasastem cautissime declinat, & vbique locorum assidue ingeminat: Non nobis, Domine, non nobis, sed nomini tuo da gloriam *d*: Soli Deo gloria? Dominus virtutum ipse est rex glorię.

*a Rom. c. 1. v. 21.*

*b Sen. ep. 113. fine.*

*c Gen. c. 49. v. 91.*

*d Ps. 113. v. 1. Ps. 8. v. 10.*

#### 7. Signum.

Nec inuidiola quidem rangi. Qui diuino tantum honori studet, parum curat, etiam si in artibus aut scientijs pares, vel etiam superiores habeat: nullam rem à se tantum vult confici, neque hoc vnquam in voris habet ab alio non superari: nunquam inuidet altius stanti, quod in alijs magnum, non deprimit, vt sua extollantur. Nobilissimum huius rei specimen præbuit Moses. Venerat ad illum adolescens inuidiam in alios concitaturus, nam eos insoliti vaticiniij accusauit. Diuina pagina rem sic narrat: Cucurrit puer & nunciauit Mosi, dicens, Eldad & Medad prophetant in castris. Statim Iosue ait: Domine mi Moses, prohibe eos. At ille: quid, inquit, emulatis pro me? quis tribuat vt omnis populus prophetet, & det eis Dominus spiritum suum *a*? Fit in aulis principum, vt legati, aut aliud aliquod munus obendum sit, & forsân ad id deligitur qui minime putabat, negligitur qui se maxime deligendum suspicabatur: hic rem magnam facit, qui potest non inuidere. Idem inter religiosos contingit: varia apud eos officia, gubernandi, docendi,



docendi, concionandi, hoc illudue curandi. hic ille magnæ virtutis, & Intentionis optime censendus, qui tam equis oculis alium gubernantem, docentem, concionantem, hoc aut illud curantem aspicit quam se. Sed quandoque alius sese affectus prodit. Quoties accidit, ut alicuius inopiam levare velimus, sed à nobis ipsis; inscientiam doceri, sed à nobis ipsis; vitium corrigi, sed à nobis ipsis; confessiones excipi, sed à nobis ipsis; hos aut illos officiosè salutari, sed ab alio nemine quàm à nobis ipsis, conciones ad populum haberi, sed non ab alijs, cum nos ipsos æque bene aut melius id præstituros non diffidamus. Quam rari hodie Moses sunt qui serio clament: quis tribuat ut omnis populus prophetet? Ut omnes sint legati, aut legatorum curatores: Ut omnes ad gubernandum, ad docendum, ad concionandum sint apti, quis tribuat?

Eodem modo cum alii ab industria, ab ingenio, à fidelitate; ab eruditione, ab alijs naturæ atque animi, scientiæque dotibus largius laudantur, si quis has laudes equis aurijs admittit, & invidiola possit non tangi, & ipse quoque re magnâ fecerit. Quisquis autem bonæ Intentionis est, ad hæc omnia ex animo dicit: Velit Deus, ut mille tales sint, & isti & illis nō inuideo: Velit Deus, ut dominus meus huic laudatissimo famulo tot similes habeat alios quotquot optat; ego, quod in me erit, fideli opera præstabo, ab hoc aut illo me vincere absque invidia patiar. Hæ probæ notæ voces sunt, & longe meliores istis: Tam fidelis & diligens non est hic homo, atque esse creditur: Ille revera non summam eruditionem habet: Ille non tantæ virtutis est, quantæ putatur. Hoc est invidio dente alienas laudes convellere, & tunc demum se circumspicere ut Magnum, cum præ se omnes alios in parvo censu posuerit. Quæ omnia à bona Intentione longissimè abhorrent.

Sed ô Invidia, ô malum pessimum! quot alas, quot, pœnè dixerim, religiosas domos aut evertis, aut inficis? O Invidia alienis incrementis semper inimicissima! Hinc illud est rædium, & nusquam residentis animi volutatio, & concessi omni tristis atque egra patientia. Inde inæror marcorque, & alienorum processum aversatio, & mille fluctus mentis incerte: inde ille affectus orium suum detestā-

tium, querentiumque nihil ipsos habere quod agant; alios se neglectis ad honorificas functiones produci. Hæc sæcum agitat animus si bi relictus, nec sibi sufficiens. Et quis est, qui si aliquid præclare fecerit, & facti honos ad alterum etiam redundet, non statim cum stomacho vociferetur: Hæ ego versiculos, feci, tulit alter honores: Per me victorem triumphant alij, ego sub iugum mitror.

Verum alienis delectari malis, voluptas non hominis, sed diaboli est; alienis bonis torqueri; æterna miseria est. Hi æmulationis & invidiæ non rivuli, sed flumina à pravi intentionis fonte exundant, ad RECTAM INTENTIONEM exarascunt.

a Num. c. 11. v. 27. & seqq.

### 8. Signum.

Iudicia hominum posse contemnere. Hæc una maximarum, & maximè necessariorum artium est. Nunquam vir erit, quisquis hoc posse non exactè didicerit. Hoc nobis omnes sapientes ex omni domo conclamabunt, iudicia hominum non formidanda. Infra Christianam nobilitatem est, ab hominum iudicijs huc illuc agitari, & malum sane ingens, ex aliena opinione tanquam è filo pendere. Quæ enim est tam modesta felicitas, quæ maligniores censuras vitare possit? Præcorum monitum est: si vis beatus esse, cogita hoc primū, contemnere & contemni. Nondum es felix, si nondum te turba irrisit. Sed longe præclarius Thomas à Kempis: Iacta cor tuum, inquit, firmiter in Domino, & humanum ne metuas iudicium, ubi te conscientia pium reddit & innocuum. Bonum est & beatum taliter pati. Non es sanctior si laudaris; nec vilior, si vituperaris. Quod es, hoc es; nec maior dici vales, quam Deo teste, sis. Si attendis quid apud te sis intus, non curabis quid de te loquantur homines, homo, considerat actus, Deus vero pensat Intentiones b.

Qui sinceræ Intentionis est, ideo hos iudices non veretur. 1. Quia exploratum habet quam illi graviter fallantur in plurimis, & hoc vel à seipso discit, toties in alijs iudicandis decepto. 2. Scit ab his iudicijs nihil sibi accedere, nihil demere. Notum Seraphici Francisci dictum: Talis quisque est qualis & in oculis Dei, & non amplius. Vere non amplius, quamvis



quamuis illum nemo non oneret encomijs. 3. Quia conscientiam habet testem, quod agat sincera Intentione. 4. Scit neminem vsquam placere posse omnibus, nec Petrum, nec Paulū, nec ipsum Christum. 5. Scit etiam eximiam virtutis esse, hæc iudicia Christiana nobilitate posse concoquere, quod certe potuit Tarsensis Paulus, qui etsi omnibus omnia factus, tamen liberè proclamabat: Mihi autem pro minimo est, vt à vobis iudicer aut ab humano die c. 6. Quia Deus olim hæc iudicia ad certissimam amulsi iudicabit exactissimè. Hæc cum probè sciat bonæ Intentionis homo, hominum iudicia velut minorum canum latratus faciliè contemnit, nec vnquam laborat qualis alijs videatur, sed qualis Deo & sibi.

a *Tho. à Kempis, l. 3. de Christi imitat. c. 37. n. 21.*

b *Idem l. 2. c. 6. n. 3.*

c *1. Cor. c. 4. v. 3.*

#### 9. Signum.

In omnibus quæ carni blandiuntur, moderatū valde ac continentem esse, sin minus, certum pænè indicium est, aliquem sibi ipsi nimis esse pretiosum & charum. Amor sui ipsius rectissimus est, simul & callidissimus: amor sui, cum inualuerit, nec humana, nec diuina pensi habet; ad æterna præmia, ad ignes æternos planè cæcus est: omnia benigna interpretatione ad seipsum trahit; commodis suis ubique impensissimè studet, in omnibus sibi met ignoscens liberaliter indulget, præcipuè vero mollia amat & curiosa; hos duos bolos, velut soporaram offulam, & corpori obijcit, & animo. Animum vt sibi conciliet, curiosissima quæque ingerit; corpus vt demulceat, ad omnem molliem inuitat, idque cauet vnicè, ne quid duri aut asperi offendant tam bonum amicum. Atqui verissima D. Gregorij, imo virorum SS. omnium vox est: Sicut carne quiescente spiritus deficit, ita ea laborante conualefcit: & quemadmodum carnem mollia nutriunt, ita animam dura ad alta sustollunt, illa nâque delectationibus pascitur, hæc amaritudinibus vegetatur. Spiritus deficit, vbi caro requiescit: vt enim caro mollibus, sic anima duris nutritur. Si quis ergo ad mollia & curiosa inclinet animum, signum de se præbet impuræ Intentionis, qua non Dei honorem

sed suum commodum attendit, vt ancilla quæ pistori, suam operam locat ob panem simalgineum. Hic talis vt primum asperiora sentierit, manum retrahit, & ad mollia flectit, deligitque ignaua potius commoditate sordescere, quam per ardua viam ad meliora sternere: aut si quando ad difficilia dextram porrigat, non extendit conatum ad maiora, quam quo eum honoris ac dignationis propriæ libido impellit. Bernardus eiuscemodi hominem sui religiosa veste latitantem depingens: Ad omnia sua strenuus, inquit, ad communia piger; vigilat in lecto, dormit in choro. Sic & Philautia ad sua omnia maximè strenua est, & quicquid sibi opportunum credit, blando ambitu ad se trahit. Hic seipsum bonæ Intentionis homo rigidissimè coercet, illudque sibi assidue occentat: Non teipsum, sed DEVM quære.

a *3. Greg. tom. 2. in 3. Psalm. pænit. v. 16.*

#### 10. Signum.

Æquè libenter priuatim quid agere ac publice, & æquè diligenter ab aliorum oculis remotum laborare, quam si oculi omnium in ipsum conuolarent; neque etiam suos spectatores, auditores, laudatores numerare. Sunt qui lacrimas fundunt vt ostendât, & toties siccos habent oculos, quoties spectator defuit. Sunt qui laborent diligenter & impigrè, quâdiu aspiciuntur, deme illis testes spectatoresque, non placebit labor secretus. Seneca hominem nimis amantem publici, & spectari volentem præclarissime instituens: Non est, inquit, quod te gloria publicandi ingenij producat in medium, vt recitare istis velis, aut disputare. Cui ergo, inquis, ista didici: Non est quod timeas ne operam perdidideris, si tibi didicisti. Sed ne mihi soli hodie didicerim, communicabo tecum quæ occurrerunt mihi egregie dicta circa eundem fere sensum: tria (Notate hæc obsecro, vos illi quibus summa votorum est, à multis videri vel audiri, notare hæc) Democritus ait: Vnus mihi pro populo est, & populus pro vno. Bene & ille, quisquis fuit, cum interrogaretur, quo tanta diligentia artis spectaret ad paucissimos peruenitur? Satis sunt, inquit, mihi pauci, satis est vnus, satis est nullus. Egregie hoc tertium Epicurus cum vni ex confortibus studiorum suorum



scriberet: Hæc, inquit, ego non multis, sed tibi: satis enim magnum alteri alteri theatrum sumus. Ita, mi Lucili, condenda in animum sunt, ut contemnas voluptatem, ex plurimum assensione venientem. *a* Sic nostrum quilibet dicat: Vnus mihi Angelus, vnica conscientia, Deus vnus pro vrbe, pro regno, pro Orbe toto, pro omnium oculis & auribus est: Satis mihi est, si pauci, satis est si vnus, satis, si nullus sciat, quæ ego, hætenus cum perfecero, tum pertulerim. Sic Christianorum quis ad Christum: Alter alteri sat magnum theatrum sumus? Christe tu mihi longè amplissimum theatrum es Obedientia, Amor, Patientia, & omnium virtutum: Ego tibi theatrum copiosissimæ miseriæ sum, & omnium ferè vitiorum. Hæc sincera est Intentio, quæ solis diuinis oculis laborat, & omnia iisdem tolerat; humanos oculos, absint, adsint, perinde æstimat.

*a Senec. epist. 7. ad finem.*

#### II. Signum.

Vituperijs non deijci, nec innumeris aliorum respectibus deterreri à bene cæptis.

Notum, quid responsi Bernardus in caco-demonem apertissime regefferit. Laudat illum diabolus largissime, & quam tu hoc præclare facis, quam insigniter! cum non moueretur, vertit lulum veterator, & quam nihil est quod agis, quam ineptè & insulse agis omnia: cessa, muscis domicilia struis. His sanctus ille vir hoc vnum respondit: propter te non cæpi, nec finiam propter te. *a* Hanc bona Intentio loquendi formulam habet: Non incæpi ut laudarer, nec definiam cum vituperor. At dicas: Si herus, aut hera, aut alius quis, in cuius gratiam laboratur, & cui merito probetur placeatque labor, eum tamen tanto pe-re sibi displicere nō obscure significet, quis id nō agrè ferat? Id sanè non agrè feret puræ Intentionis homo, sed ita secum ipse ratiocinabitur: feci quod potui, idque optima mète, quod vero huic aut illi non satisfecerim, iacturam non grandem interpretor, modo Deus & ego amici sumus: hic, nisi valde me fallo extra culpam sum. Vanissima spes est omnibus se placiturum sperare. Num ideo ad rectum properè quod laudatus non sum, quod displicuerim? propter hæc crepundia non cæpi, non finiam

propter hæc. Mihi Deus & laboris merces, & laus est, & omnia est. Ita bona Intentio philosophatur. Et vere, magnam habet cordis tranquillitatem, qui nec laudes curat, nec vituperia. *b* Felix qui hoc elogij meretur: *non est tibi cura de aliquo, non enim respicis personā hominum* *c* Verbum vetus est & verum, Despectus, suspicio, & respectus evertunt Orbem. Non est simplicitatis, sic alios respicere, ut obliuiscaris tui: Efflore simplices sicut columbæ. *d* Lothi vxor ad Sodomā & ignem imbrē reflexit oculos, & periit. Stephanus à saxa gradine auertens oculos ad Christum suspexit, & sanctissime finiit. Christi vox est: *Quid ad te? tu me sequere.* *e* Culpent te alij an laudent, quid ad te? ad Christum suspice, hunc sequere, aliorum vituperia recta Intentione despice. Non est vitij vituperari, sed vituperanda facere. *a Res gesta S. Bern. Dicit huius usum ostendit S. Ignatius, lib. Exercit. de dignosc. scrup.*

*b Imit. Christi l. 2. c. 6. num. 2.*

*c Matth. c. 22. v. 16.*

*d Matth. c. 20. v. 16. e Ioan. c. 21. v. 22.*

#### II. Signum.

Ad vtumque semper promptum paratum esse. Philippus III. Hispaniarum Rex, hoc sibi familiare habuit symbolum, *A D VTRVMQUE*, quod leo expresserat qui dextro pede crucem & oleam, altero equestrem hastam præferebat. Bonæ mentis & Intentionis homo, sic *A D VTRVMQUE* paratus est, ut apud eum nullo fere discrimine sint aduersa & prospera, opes & inopia, honor & contemptus, fauor & neglectus sui, valetudo & morbus, longa & brevis vita: huic tali perinde est, in diuitijs aut paupertate, in morbo aut integris viribus, ridente aut stomachante fortuna vitam exigere: circa hæc omnia indifferens est, prout ea Deus ex alto immiserit: Deum querit iste, hac an illa via ad Deum peruenire possit, illius non interest, modo perueniat. Qui aliquid tam parate facit, non est dubium, quin libenter faciat.

Mathematicorum est de numeris, lineis, dimensionibus, & circinationibus agere, an verò figuras mathematicas chartæ, an ligno, plumbo an argento, aut etiā arenæ imprimat, quod Archimedes fecit, id ipsis curæ non est.

*cum om-*



cum omnis eorum dissertatio circa quantitatem abstractam; quam vocant, sese occupet. Sic omnes, quotquot serio virtuti student, Intentione tota feruntur in Deum, Deique honorem: si iam ipsam tam expeditum sit per aduersa hanc metam contingere, quam per prospera, per inuoluntatem quam per sanitatem, per egestatem quam per abundantiam, nil sane altercantur, sorte sua contenti, & parati AD VTRVMQVE, faciles in omnia æquo certe ferunt animo cuncta quæ eueniunt: nemo horum est qui non vel vno die centies dicat: Paratum cor meum, Deus, paratum cor meum. a Pronissimum in tuam abeo voluntatem. Quod si omnis generis aduersa, si paupertas, ignominia, dolor, breuiore illis tutiorque ad Deum tramitem monstrent, quam prospera, quam opes, honor, voluptas, hic illis deliberatissimum est, præ opibus, honore, voluptatibus, paupertatem, ignominiam, dolorem obuijs vlnis amplecti, nec queri quicquam de difficultate viæ cum ad tantam ducat amœnitatem vitæ, & quidem æternæ.

Quisquis hanc rerum notitiam adeptus est, persuasissimum sibi habet, omnia quæ in Mundo sunt, optime à Deo administrari; scit, omnia hæc ad quæ gemimus, quæ expauescimus, esse tributa vitæ, quorum immunitas nec speranda sit, nec petenda cum non accidenti ista, sed decernantur. Et isto quidem modo tam rectæ Intentionis homo ad id fastigij ascendit, ut iam incipiat nil optare, aut sperare, nil appetere, timere nihil nisi Deum & peccatum, illum ut summum bonum, istud ut omnium malorum malum maximum.

Si horum omnium signorum summa sit incunda, compendio hæc numerantur. 1. Nil turbulententer aggredi. 2. Continuo affectu ad bonam Intentionem duci. 3. Ob agenda non anxium esse. 4. Rebus peractis non sollicitè indagare quid alij sentiant. 5. Euentu laboris improspere non turbari. 6. Inanem gloriam omni modo fugere. 7. Ab inuidia immunem se tueri. 8. Iudicia humana posse contemnere. 9. In omnibus quæ carni grata, temperantissimum esse. 10. Non publicum, non spectatores vel auditores ambire. 11. Opinionibus non seduci, vituperijs non deiici. 12. Circa omnem vitæ tenorem ad vtrumque paratum & indifferentem esse. Quam bonus Israel Deus,

his qui recto sunt corde! b qui vnum id vnice laborant, ut hæc salutis signa in se deprehendant.

a Psal. 56. v. 8.

b Ps. 72. v. 1.

## CAPVT X.

## Aliquot conclusiones de RECTA INTENTIONE.

Opinabantur veteres, præcipuam hominis pulchritudinem in oculis esse, cum in his primariam sibi sedem delegerit frontis elegantia. Nam etsi totius vultus symmetria & proportio requiratur ad formam, nulla tamen pars in facie est, per quam animus animique affectus ita traluceant, sicut per oculos. Certè per vitreos hos globulos cor perlucet. Hinc præsci poetæ, Dearum formam laudaturi, ab oculis laudarunt. Homero Minerva γλαυκῶπις Iuno βοῶπις Musa ἐλικόπιες, dicuntur.

Hæc veterum opinio, formosissimum in homine inesse oculis, longè certissima est, si de interiore hominis pulchritudine sit sermo. Si oculus tuus simplex fuerit, totum corpus tuum lucidum erit. a Hi oculi admirandam homini conciliant pulchritudinem, totum reddunt formosum. Per oculum, Intentionem hominis designari, iam supra demonstratum est. Nunc illud restat, ut omnes hæc de Bona & Mala Intentione præceptiones in compendium conferamus. Idcirco conclusiones siue decreta, & placita theologorum super hac re, subiungemus.

a Luc. 6. 11. v. 34.

## I. CONCLUSIO.

Operis boni cuiuscunque quod mercede dignum sit, tres sunt conditiones. 1. Absit malitia. 2. Adsit gratia. 3. Non desit Intentio recta. Si vna harum defuerit, opus nec Deo gratum, nec homini vile, ac sine merito est. Quod primam conditionem attinet excludit hæc omnia opera ex se, seu ex obiecto (ut loquuntur) mala, ut est luxuria, inuidia &c. nunquam bonum panum dicemus, cuius stamina & licia omnia sunt mala. Altera conditio boni operis est, ut illius auctor apud Deum

T E T T E 2

sit in



sic in gratia, quæ omnium meritorum fundamentum est: quamdiu quis Dei hostis est, tamdiu non agit quod gratum sit Deo. Tertia intentio bona; nam ut quicquid illæ dormitantes fatuæ, sine oleo admittendæ non erant à sponso, ita nec opera nostra probantur Deo sine recta Intentione. Inanibus votis pulsamus cælum, si nobis bonæ Intentionis desit oleum. Si oculus tuus fuerit nequam, totum corpus tuum tenebrosus erit, *a* *Matth. c. 60. v. 23.*

## ALTERA CONCLUSIO.

Omnia indifferentia opera, Recta Intentione efficit æternæ vitæ meritoria. Indifferentia opera iam supra diximus ea esse, quæ ex se nec bona nec mala, uti sunt cōedere, bibere, legere scribere, ambulare, pingere, dormire, laborare, negotiari, nundinari, &c. hæc enim omnia vltra naturæ vim nihil habent: at si bona Intentione ijs iungatur, novam induunt dignitatē, & promerentur æternum præmium, modò divina gratia omnis meriti fons non absit. Ita prandendo, cenando, dormiendo &c. promereri nos posse cælum benignissimus Deus voluit. Nā in hac tali actione tria illa, quæ dixi, coniunguntur. 1. Absit malitia? edere, enim, bibere, dormire &c. ex se nil mali habent. 2. Adest gratia? hoc enim ponimus. 3. Non deest Intentione bona, & en cælum pro his vult debere Deus, sic vilissimæ quæque actiuncule, quæ vix nomen laboris habent, ut fila facere, explicare, connoluere, bacillos cuspidare, pecuniam numerare, mensæ adstare, imò & parietes custodire propter *C H R I S T V M* (quod Magnus ille Macarius Palladium iussit facere *a*) æternam beatitudinem emeretur. An non Deum iure meritisimo *BONVM*, an non æquissimo nomine *PATREM* appellemus, qui cælum venale fecit pretio tam tolerabili, tam vili? Quod si humanarum actionum infimas illas ad tantam euehit dignitatem Dei gratia, & Intentione recta, meliori iure illas ex se commendabiles, ut orare, stipem dare, obsequium præstare, cælesti præmio reddent dignissimas.

*a* *Pallad. c. 20. apud Rosveid.*

## III. CONCLUSIO.

Triplex est hæc conclusio. 1. Mala Intentione actionem quamcunque, licet excellentissimam ita vitiat, ut nullius omnino sit pretij. Quid generosius quis audeat, quam ut seipsum viuum flammis objiciat? At si gratia Dei, aut recta Intentione desit, nihil habet laudis, nihil virtutis hoc facinus. Clarissimè Paulus: *Si tradidero, inquit, corpus meum ita ut ardeam, charitatem autem non habuero, nihil mihi prodest. Et si distribuero in cibos pauperum omnes facultates meas, nihil mihi prodest? a* si charitatis, actus recta Intentione defuerit.

2. Mala Intentione quodcunque opus indifferens mox malum efficit. Nam si bonas, imò optimas quasque actiones suâ contagione corrumpit Intentione mala, quanto magis nondum bonas? Lues contagiosissima est prava Intentione, quicquid afflat, iugulat. Hinc dicere aliquid aut facere ut æstimeris aut lauderis, nil boni habet, quia & fons malus, Intentione inanem gloriam olens. Ita emere, vendere artes exercere solum ut ditescas; ita cibum & potum capere, somno indulgere, confabulationi, lusui, venationi vacare, tantum quia hoc suave & iucundum, nullius ponderis, & vitiosa sunt.

3. Mala Intentione, malæ actioni coniuncta, res longè pessima, & diaboli opimum spoliunt est. Isidorus: Bonis, inquit, malè uti malum? sic malis malè uti pessimum est. *b* Huius generis sunt, furari ut habeas quod in lusum, in gulam, in impuros amores effundas; nitere vestium luxu, ut alios ad lasciuia pellicias; carpere alterius famam, ut graue nocumentum inferas; obruere rationem vino, ut ad flagitium animosior sis; studere auaritiæ, ne quid desit superbiæ &c. Hoc verè est utroque pede ad Orcum currere.

*a* *1. Cor. c. 13. v. 3.*

*b* *Isid. l. 3. sent. c. 63. fine.*

## IV. CONCLUSIO.

Indifferens Intentione, indifferenti operi iuncta, nil promeretur apud Deum. Theologorum notissimum effatum est: Nullum opus merè naturale, meritorium est vitæ æternæ, qualia sunt, artē mechanicam exercere, solius lucri gratiā, cibo abstinere tātum sanitatis causā, deam-

sa, deam-



sa; deambulationes instituire, tempori solum fallendo &c. Hæ actiones nunquam inter virtutum officia censerī poterūt. Et hoc ē Theologiæ scholis sic pronuntiatur: Omne opus æternæ vitæ meritorium, necesse est vt habeat supernaturale aliquid, quod acquirit per rectam ad Deum Intentionem.

Salomonis sacrum ædificium diuina pagina sic laudat: Nihilque erat in templo, quod non auro regeretur, sed & totum altare oraculi texit auro. *a* Cogitationes, sermones, actus nostri sic auro bonæ Intentionis vestiendi, vt nihil in animo, nihil in ore sit aut opere, quod non huius auri nobilitatem participet. Ecquid oro, dicite, quid corpus est sine animo; nec sensum, nec formam, nec motum habet, miserimus truncus est, quid arbor est sine radice? quid domus sine futura & substructione? Hoc est actio sine INTENTIONE RECTA.

*a* 3. Reg. c. 6. v. 22.

## V. CONCLUSIO.

Vir in omnibus sinceræ Intentionis, vnus idemque, immutabilis, incōcussus permanet, & quod mireris, nunquam errat suo vel alieno damno. Salomon hoc asserit: Non contristabit iustum quicquid ei acciderit, impij autem replebuntur malo. *a* Illas vitæ vices evitare non licet, quin iam læti, iam dolētes, iam a-lacres, iam fastidiosi simus, modo has, modo illas mutationes sentiamus, sed (vt loquitur Thomas à Kempis) stat super hæc mutabilia sapiens, & bene doctus in spiritu, non attendēs quid in se sentiat, vel quā parte fiet ventus instabilitatis: sed vt tota Intentio mentis eius, ad debitum & optimum proficiat finem. Nam sic poterit vnus & idem, inconcussusque permanere, simplici Intentionis oculo, per tot varios euentus, ad me imprætermisse directo. *b* Dementiæ & plebei per omnia ingenij est, fortuitis potius casibus, quàm ratione res metiri. Fit subinde vt inter se diuersi luctentur venti, sed si supremus sit Subsolanus aut Fauonius, apertum cælum & sereni dies perdurant. Sic in homine sinceræ Intentionis, non nunquam diuersæ affectiones inter se certant, at ille simplici Intentionis oculo ad Deum imprætermisse directo, per euentus maximè dispares, saluus & incolumis transit & quò purior ip-sius Intētio, hoc ipse constantior inter omnes

procellas, nec se sibi patitur extorqueri, diuinis decretis vndeunque immixtis nunquam non optimè cōtentus: Sic omnia præterquam animum mutationibus permittit, perinde si quis hodie galea, cras petaso caput tegat, perendie ligonem, paullo post calamum manu verferet, & nunc stramini, nunc plumis indormiat, itaque vestem mutet aut cubile, non frontis serenitatem, non animum. Talis est sinceræ Intentionis homo, hæc vna ratione sibi semper simillimus, omnia ad maiorem Dei gloriam cōponit: aduersa, non dico, non sentit, sed vincit? illud marmoris, hoc hominis est. Si nihil aliud (inquit Thomas ille) quam Dei beneplacitum & proximi vtilitatem intēdis & quæris, interna libertate perfrueris. Si rectum cor tuum esset, tunc omnis creatura speculum vitæ & liber sanctæ doctrinæ esset. *c*

Addidi: nunquam cum errare qui quidem rectæ Intentionis sit. Quoniam diligentibus Deū omnia cooperantur in bonum. *d* Et quomodo is à Vero aut Bono aberret vnuquā, qui in omnibus quæ agit, & Verum & Bonum, Deum ipsum, Intentione semper amantissimè complectitur. Scio sapientissimos quosque viros multa delinquere; scio, neminem tam circumspēctū, cuius diligentia non aliquando sibi ipsi excidat; neminem tam maturum, cuius prudentiam non in aliquod feruidius factum casus impingat; neminem tam timidum offensus, qui non in illas, dum vitat, incidat. *e* At hi errores (sic vocemus) politici, ipsi errant, sæpe alijs quoque bono sunt, cautioni & documento sunt. Tres illi ex Oriente Dynastæ in errore fuerunt, cum apud Herodē noui regis capitalissimum hostem diuenterunt, quia tamen rectissima eorum erat Intentio, error hic tam illis ipsis quam Christianis omnibus bono fuit, præstabat sic errare, vt multi suos errores dediscerent, Non aliter bonæ Intentionis homo; politice, sic loquar, errabit sapius, sed suo aliorumque bono. Diligentibus Deum omnia cooperantur in bonum.

*a* Prov. c. 12. v. 21.

*b* Imit. Christi lib. 3. c. 33. n. 1.

*c* Imit. Christi l. 2. c. 4. nu. 3.

*d* Rom. c. 8. v. 28.

*e* Sen. l. 3. de Ira. c. 14.



## VI. CONCLUSIO.

Rectæ Intentionis hostis est maximus, humanae laudis appetitus, & huius pater, Amor superfluous, nunquam sine improbitate ingenio-  
sus. Nos in rem nostram callidi homines, felibus simillimi sumus. Felis quomodocumque ex alto ruat, in pedes decedit, & cadere desinit stando. Quacunque demum ratione nobiscum agat Deus, quicquid minetur, quicquid promittat, nos identidem ad nos ipsos relabimur, & stamus vitiosis pedibus, malignis affectibus, Blandimenta carnis, hæc nostra sunt fulcimenta, his basibus nitimur. Quod carni suæ, quod gratum, quod delectabile, hoc à nobis avidissime ambitur. Verissime dictum ab illo: In multis caligat oculus, puræ Intentionis, respicitur enim cito in aliquod delectabile quod occurrit. Nā & raro totus liber quis invenitur, à nāuo propriæ exquisiitionis. Sic Iudæi olim venerant in Bethaniam ad Martham & Mariam, non propter Iesum tantum, sed ut Lazarum viderent. Mundandus est ergo Intentionis oculus, ut sit simplex & rectus, atque ultra omnia media ad me dirigendus *a*.  
Quanti sunt, è quibus si quæras, cur hoc facis? responsum aliud non referas, quam istud: quia ira mihi placet, quia hoc iuvat, & mel mihi est, quia hoc ad meum stomachum facit; hæc re pascor, in hanc meus calor inhiat, hoc mihi volupe. Sic nos nobis ipsis semper fauentissimi cenas apparamus, sic vestes dictamus, sic edificamus, sic titulos affectamus, sic omnia facimus suavi semper in nosmet indulgentia & miti affectu. Sed & illud felium feliciter imitatur; illæ vix unquam à domo tam procul asportatur, quin norint redire domum: Sic nos tamen à nobis ipsis discessionē subinde faciamus per rectam Intentionem, breui tamen redimus ad nos, & eadem quæ prius industria commoda, delicias, lucra, & quicquid nostrum putamus, quærimus. Cum omnia fallunt, illud, *Sic mihi placet*, mordicus retinemus, & sic quandoque animi caussa mali sumus. Virum autem fidelem quis inueniet *b*? qui nunquam seipsum, Deum quærat in omnibus.

*a* Imit. Christi l. 3. c. 33. n. 2.

*b* Prov. c. 20. v. 6.

## VII. CONCLUSIO.

Recta Intentione ad Deum se semper attolere, omnia facili animo tolerare, Dei voluntatem & honorem in omnibus spectare, cælum est extra cælum, & æternæ beatitudinis nobilissimum gustatorium, quo nobis propinatur summum bonum. Angustinus: Quicquid tibi Deus, inquit, aliud dederit, minus est quam ipse; colis non gratis, ut aliquid ab eo accipias: gratis cole, & ipsum accipies, quod enim dulcius à Deo præmium quam Deus ipse *a*. An non amantissimè nobiscum agit munificentissimus Deus, qui ad suum nos servitiū sic inuitat: Quo plus præmij peris, hoc mihi charior es seruus; plus autem petere nequis, quam me ipsum, *summum bonum*; hoc ipsum non negabo, si tamē actiones tuas ad hoc disposueris.

Quam illud cupiditatem nostram suauiter demulceret, si esset qui promitteret in horas singulas quinque aureos, modo singulis horis bis terue serio quis fateretur, se id quod facit, in gratiam aureorum facere. O Christiani, quin hoc tandem capimus? quavis hora non quinque aureos, sed summum, sed omne, sed infinitum bonum promereri possumus, modo quot horis ad summi boni honorem, id quod agimus, referamus, vel vnica tali cogitatione: Mi Deus, hoc tuo honori facio; Domine propter te omnia. Dum hanc vitæ militiam sectamur, assidue clamandum: DOMINO & GEDONI; b DEO & DIVINÆ GLORIÆ; DEO & DIVINÆ VOLUNTATI.

*a* Aug. l. 50. hom.

*b* Iudic. c. 7. v. 18.

## CAPVT XI.

ADHORTATIO AD Religiosos, ad Aulicos, ad omnis Ordinis homines, RECTA INTENTIONI exercenda.

## AD RELIGIOSOS.

CVM RECTA INTENTIO Amussis sit omnium prorsus humanarum actionum, nihil æque magis curandum, quam ne illa in obliquum detorqueatur. Fit enim plerumque ut quo nitidius quid est, eo citius inficiatur; quo tenerius, eo facilius lædatur; quo præ-



præstantius, eo grauius impugnetur. **INTENTIO RECTA** cum sui vigoris est, nitidissima prorsus, tenerrima, ac præstantissima est, hinc tam cito inficitur, tam facile læditur, tam grauius impugnetur.

Ipsa quidem Religio commissos sibi clientes docet omnia recta Intentione obire, sed heu quam facile ac prouum est errare, nec ferè quidquam minus habet negotij quam seipsum decipere. Nemo hic vesti suæ credat, sed seipsum altius rimetur, & suæ Intentioni vigilantissimis curis attendat. Nil vñtatiu stygio leoni quam horrificas iubas sancta veste tegere. Tria sunt occulta, inquit Bernardus; illicita actio, dolosa Intentio, impudica affectio. Actionem illicitam & affectionem impudicam licet effugeris, dolosam tamen Intentionem non tam facile cauebis, quæ mille ostiolis nouit in intimos animi recessus se penetrare.

Et videte obsecro, quam lubricis illapibus dolosa Intentio omnia pererret. Quid laudabilis in homine religioso, quam temper esse in actione, & iam radibus docendis, iam confessionibus excipiendis, iam concionibus habendis, iam ægris instruendis occupari. Sed in has ipsas religiosissimas actiones quam arcua malignitate obliqua sese insinuat Intentio! Nam, subinde nihil malum quam agere, sed non tam vtagamus, quam vt tædium nostrum minuamus? prodire cupimus, non vt multis prosumus, sed quia latere nō didicimus: labores varios ambimus, non vt otium fugiamus, sed vt in plurium notitiam veniamus. Non operosum tantum, sed & religiosum est concionari; at omnem concionis fructum non à conatu, sed ab euentu æstimare, auditores paucos, aut pauperes, simplices aut paganos spernere, celebriores cathedras non aperto quidè ambitu inuadere, sed occultis meatibus aditum in illas sibi aperire, & ea pro suggestu differere quæ admirationi sint potius quam instructioni, quæ doctiores faciant auditores non sanctiores, corruptam prorsus arguit Intentionem. Eiusdem generis est, à viliorum hominum confessionibus audiendis abhorre- re, aut saltem tam promptum non esse, quam cum primates viri femineque consuunt. Eodem spectat, in scholis non sine pompa & am- pullis docere, in scientijs præcellentem se ostendere, alios tanquam ex solio despicere, &

omnem curam in hoc intendere, vt palmam laudemque nemo, vel paucissimi præripiant: ceterum temerè, inconstanter, & inconsultè pleraque aggredi, nullam iniuriæ ferre imaginem, & pænè omnia ad plausum facere, nec suauiore mulicam vllam putare, quam audire: hic ille Rhetorum facundissimus, hic Magnus ille concionator est, ille acutus Philosophus, hic ille profundæ scientiæ Theologus est. O Religiosi, ô serui Dei, hoc est nobilissimas merces pretio vilissimo vendere, imo in ignem abijcere. Videte, quorum mores Chrysostomus deplorat his ipsi verbis: Ita etiam nunc vsu venit in Ecclesia: Ignis omnia deprehendit. Honores quærimus ab hominibus, & amore gloriæ accendimur. Honoris serui facti sumus, Deo dimisso. Non amplius possumus increpare eos qui à nobis reguntur, cum ipsi quoque eadem febre teneamur; & ipsi e- gemus medicina, quos Deus posuit, vt alijs mederemur. Quænam autem iam restat spes salutis, cum ijs ipsis qui medentur, aliorum manu indigent?

Moses bis rupem in fontem diluit, & largissimas aquas è petra scaturire iussit, sui scipionis illisu, sed non vtroque facto Numini placuit. Et quæ causâ discriminis? vtroque enim ingens miraculum vtroque iussus diuinos, laxum virgâ percussit, vtroque de solidi saxi vulnere patefecit flumina. Ratio diuersitatis hæc fuit. Primo illo prodigio, dum Moses virga scòpulum tetigit, intentissimos oculos in Deum fixit. Deus enim pollicitus, *Ene- go, inquit, stabo ibi coram te, supra petram Horreb: percutiesque petram, & exibit ex ea aqua, vt bibat populus c.* Altero autem prodigio hic idem Moses, non in solo Deo defixos tenuit oculos, sed in Israelis populo. Nam: *Audite, inquit, rebelles & increduli, num de petra vobis aquam poterimus eijcere?* Non placuit hæc Moses, vt antè, Deus ipse in illum & Aaronè commorior: *Quia non credidistis mihi, inquit, vt sanctificaretis me coram filiis Israel, non introducetis hos populos in terram quam dabo eis d.* Tanti refert, cum quid facimus, oculos in Deum, an alio cōuertamus. O Religiosi, vos quidem petram virga percutitis, cū carnem ieiunij, flagris, vigilijs atteritis, sed nisi vigilantes rectissimæ Intentionis oculos in Deum assidue figitis, non placetis. Ingratulant,



ra sunt, vana sunt omnia obsequia, quæ non commendat Intentio recta. Ergo dum manus inhæret operi, oculus affigatur Deo.

Moris erat in Ecclesia Græcica olim, vt cum præfente populo panis ad arā offerretur sacrandus, arā minister consensu suggestu plebem his verbis commoneret: S A N C T A S A N C T E. Hoc voluit, vt rem sanctam, sanctitatis affectu prosequerentur. Sic & Deus olim præcipit: Iuste quod iustum est, persequeris, vt viuas. Idem in ceteris actionibus omnibus seruandum, vt quod bonum, bona quoque Intentione, quod optimum Intentione quoque optima exequamur. Huc sane vnusquisque religiosorum in cunctis omnino actibus omni studio contendat, vt sancta sancte fiant, vt & ipse sanctissimi Regis imitator dicere possit: Prouidebam Dominum in conspectu meo semper f.

a Bern. in serm. breu. serm. 2.

b Chrys. hom. 10. in ep. ad Ephes.

c Exod. c. 17. v. 5.

d Num. c. 20. v. 10. & 12.

e Deut. c. 16. v. 16.

f Psal. 15. v. 8.

#### AD AVLICOS.

Si pœna martyrem faceret non caussa, multos Avlicorum, velut sanctissimos Martyres affari vix dubitarem. Religiosis multa sunt perferenda; sæpe tamen non minus Avlicis, quibus Religiosorum vnus aliquis optime dixerit: Videtis cruces nostras, sed non videtis vñctiones nostras. Cùm vero de Avlicorum miserij sermo est, liceat hoc vertere & cantare: videmus vñctiones illorum, cruces illorum non ita videmus. Varium illi habent à voluptate vnguentum, sed non minus varium habent hinc illinc cruciamentum, & crebro tale quod vnguentis illis & vñctionibus parum iuuetur. Quantum est vel vnicum illud tormentum, ex inuidia aut sua aut aliena laborare: crux est & ingens, tam hic agere quam pati. Suis Inuidiam titulis afficit Chrysostomus, cum eam diaboli telum, homicidij radicem, omni venia & excusatione indignam, solam sibi nocentem & inuidi pœnam, malorumque omnium matrem appellat. Inuidiam aiunt in aulis adulescere & educari, nescio an non etiam senescere illic dicamus. Grande hoc ma-

lum nec vllum facile remedium inuenit, quia vix vllum non spernit. Neque solum inuidia malum propè insanabile multos in aulis exercet, alia quoque non desunt, quæ melius tamen vinci nequeunt, quam tolerando. Notissima vox est eius, qui in cultu Regum consenuerat. Cum illum quidam interrogaret: Quomodo rarissimam rem in aula consecutus esset, senectutem? Iniurias, inquit, accipiendo, & gratias agendo. Nam potentiorum iniuriæ hilari vultu, non patienter tantum ferendæ sunt. Sæpe adeo iniuriam vindicare non expedit, vt ne fateri quidem expediat. Ergo licet in aulas Fortuna bona, Fortuna aurea, cum maximis copijs immigrasse videatur, nisi tamè sæpius in subsidium vocetur & Patientia, nulla felicitas in aulis diu salua erit. Etiam in amplissimis palatijs & regum turribus, patientia opus est & quidem crebra, & sæpe non vulgari aut plebeia. Si ars patiendi hic desit, innumeris omnia querelis miscebuntur: vix quicquam erit qui sibi ex integro satisfactum fateatur; nullus suo se pretio satis æstimatum credet omnes aut maiora se sperasse, aut minora meritis impetrasse dicent. Nobilissimum in hæc omnia mala est antidotum RECTA INTENTIO. Sine hac vanitas vanitatum, & omnia vanitas, quæcunque Regibus delata obsequia. Certè Deus conuenientissimo præmio eos remunerat, qui omnem suam industriam praua Intentione corrumpunt. Sunt qui solis Principum oculis & auribus seruiant, modo illos impleant, has occupent, hoc summam votorum ducunt: de recta in Deum Intentione assidue dirigenda parum laborant; Dei gratiam vti non spernunt, ita sane nec ambiunt, sed nec aliter viuunt, quam si aperte dicant: *Quis nobis pecuniam de celo?* Regum aureæ manus nostra marsupia saginant; aureos è celo imbres expectet qui volet, nos ab aulis excipimus opulentas has pluias. His regum fauor summa felicitas est, ac tum demum beatos se credunt, cū Principum oculos sibi maxime propitios & annuentes habent. Hos, inquit, Deus, prout de illo meriti sunt, tractare exsequitur, quandoque illis omnia alia quam sperant, eueniunt: illis ipsius oculis, quibus deuotissimi erant, displicere incipiunt, nec iam amplius, vt olim tam patentes ac benenolas aures obtinent. Hic illi cælum & terram querelis in-



relis incessere: nil suis obsequijs dignè repen-  
di, meliora se meritos, si humanum desit auxi-  
liū Deum iniuriæ suæ fore vindicem. Et quid  
vos, ô boni, Deum in vestram nunc partem  
trahitis? Principis oculos obseruastis, nō Nu-  
minis: omnium laborum vestrorum Intentio  
in aulam ibat, non in cælum. Vos iam sine  
fronte, subsidium è cælo, quod nunquam quæsi-  
stis? opem à Deo, cui nunquam seruistis, spe-  
ratis? Vbi sunt Dij in quibus habebatis fidu-  
ciam? de quorū victimis comedebatis adipēs,  
& bibeatis vinum libaminum: surgant, & opi-  
tulentur vobis, & in necessitare vos protegāt.  
Hæc dignissima illis merces est, qui rectam  
Intentionem quam vni Deo debebant, in ho-  
mines obliquam detorserunt. Demum ab ho-  
minibus & Deo iustissime deferri, sibi ipsis re-  
linquuntur in exitium. Tanti est rectam In-  
tentionem quam Deo vniuersi debemus, im-  
probo furto in seruitutem humanam traduce-  
re: tanti est diuinis oculis neglectis ad huma-  
nos omnem suæ industriæ Intentionem auer-  
tere.

Vos ergo, quicunque Aulas sectamini, per  
vestram salutem obsecro, hoc saltem velitis,  
scilicet labores vestros non perdere, nec enim  
vtilius quidquam est, quam sibi sic vtile fieri.  
Placeat vobis virtus, & ante omnia Inten-  
tio recta, non quia delectat, sed ideo delectet,  
quia placet: minima maximaque è consilio  
rectæ Intentionis vobis gerenda sunt. Sæpe  
Deo gravior est modus agendi, quam actio ip-  
sa, quamuis præstantissima. Sicut cibus exqui-  
site conditus, suauior interdum est, quam a-  
lius lōgè pretiosior, si malè conditur. Quid  
humilius Davidis ante Arcam saltatione? In  
ea tamen affectus & præclara Intentio mirè  
placuit, Deo displicere nequit quod à recta  
Intentione provenit.

Intentio recta multis Aularum malis sua-  
niter mederi poterit si admittatur. Reperiun-  
tur in Aulis, præter illos quos diximus, nec  
pauci, qui quamuis vultu rideant, animo ta-  
men tristes & omnia deplorantes, quibus nul-  
la non causa in querelas placet, perturbati &  
omnia gementes, quibus nec aureus imber sa-  
tis sit, vt queri desinant. Infelix genus hominū  
quibus nihil placet, nisi quod ipsi faciunt: qui-  
bus, quicquid datur, semper minus est quam  
cupiuerant, vel sperarant. O ærummosi! sed

vestra culpa, quod de Aula conquerimini, hoc  
nuspian non inuenitur. Cogitare ergo sapius,  
nullam esse tam bonam felicitatem, de qua  
nihil queri possimus. Quisquis autem rectæ  
in omnibus Intentionis est, contentus est se  
teste & sua conscientia, teste Deo & cælo: om-  
nium, quæ meritis suis non respondent,  
Deum debitorem appellat. Sunt in Aulis alij,  
primis illis non multum absimiles, quos non  
benefacere delectat, sed videri benefecisse, qui  
gloriæ dediti, rebus suis omnibus pompam  
induunt, qui principum oculis aut auribus o-  
stentatricem & inanem operam vendunt, om-  
nium minimè solliciti de recta Intentione. Vt  
quidam fructus ad videndi voluptatem sunt  
non ad gustum, & vt quædam obscuriores  
gemmæ interdum ab artificio & circumposi-  
to auro lucem accipiunt optimis parem, sic il-  
lorū functiones splendent adscititijs radijs  
fucatæ solertiæ. Vere de his Gregorius: Cum  
se ostendere alienis oculis appetunt, damnant,  
quod agunt. Horum inanissimi sunt labo-  
res & planè nulli, quia recta Intentione desti-  
tuti. Quod si frustra fatigari nolint, discant  
Intentionem rectam actionibus omnibus mis-  
cere, & omnem muneris suo pompam detra-  
here, discant plurimum facere, & minimum  
de se loqui.

Sed sunt etiam in aulis, qui cum eorum  
maxima sit cura, gratiam & fauorem ambire,  
vices periclitantis dignitatis, & voluptatū fu-  
gitivos ac mutabiles vultus assidue formidāt.  
Hi vitam leporis agunt, inquieti semper &  
trepidi, atque ad omnem aurē sibilum pericu-  
la somniantes, alia illos ex aliâ fatigat cura,  
qui si recta Intentione animum firmarent, ex-  
tra metum & tremores istos viuerent, Deo  
nixi non humanis fauoribus.

Quid porrò de ijs sentiendum qui omnium  
minimè ferre possunt, quod ipsimet faciunt,  
hoc est, inuidere alijs & æmulari. Aliorum  
inuidia cum petuntur, res ipsis intolerabilis  
videtur, verum se alijs inuidere suauissima sui  
indulgentia dissimulant. In hos iam supra pro-  
nunciamus? Rectæ Intentionis hostilis est,  
quisquis Inuidiæ tam familiaris est. Ecquid  
alteri alteris noxam inferre tam laboriosè  
contenditis? Imperitorum hoc est qui dum  
hostem ferire statuunt, seipsos aduerso telo  
transuerberant, Nemo alteri vel leuiter inui-  
det, quin



det, quin sibi ipse plurimum noceat.

*Aude animo inuidiam contemnere: non nocet illi*

*Quem petit; auctori sed nocet illa suo.*

Coneris itaque, quisquis es, armulos tuos tua patientia, & rectè factis macerare; sic vincis. Scis, quàm bene aut Phaethon curru, aut Icarus pennis sit usus: Si te altius supra alios efferre volueris, cades.

Neque vero defunt in aulis quos deliciarum cōsuetudo corpori blādiens, & pietatis quasi superflua obliuio eo deducunt, ut sibi ipsi tantum in pretio sint, alios quasi è sublimi despiciant, & nihil prę se faciant; impotentiores premant, & omnem iniurię vel ymbram horreant. Tam autem gratiosa virtus est, ut infinitum sit etiam malis, probare meliora. Quis illorum est qui non beneficis videri velit? qui nō inter scelera & iniurias opinionē bonitatis affectet? qui non ijs quę impotentissime facit, speciem aliquam induat recti? velut etiam & ijs videri beneficium dedisse, quos læsit: Gratiā itaque agi sibi ab his quos afflixere, patiuntur; bonosq; se ac liberales fingunt, quia præstare nolunt. Sed & hos recta Intentio (si tamen disciplinam admittant) docebit, vitæ tractum prospicere, & alternantis fortunę vicissitudinem contemplari: discent humanę fragilitatis nō obliuisci, nec nimia sui fiducia extolli, aduersus minores humanitatem, aduersus maiores reuerentiam seruare; lentos eiusmodi odiososque mores exuere, omnia sine cōtumacia sic agere, ut nulla sit in audiendo difficultas, nulla in respondendo mora, & ipsi, cum opus, ad omnia quę agenda sunt, quæta cum industria adsint. Sed & illud docet recta Intentio: Si imbecillior est qui te læsit, parce illi; si potentior, tace, & fortunam tuam, quæcunque illa sit, reuerenter habe: Noris sapienter dictum: Dum excelsus steteri, nunquam pauere destiti. *d Nam,*

*Fortuna magna non caret formidine.*

*Nec splendor eminens vacat periculo:*

*Et quicquid alium est, haud tutum diu manet.*

*Ut quod ruat vel inuidia, vel tempore.*

Ne nimium tibi fide, imò nihil, quisquis es, propositique memor contrahe vela tui. *f* Frequenter eminentis vitæ exitus fuit, cadere. Qui casum metuit, omnium actionum sequa-

tur ducem Rectam Intentionem, hac qui caret, nec sibi commodat, nec alijs. Non dat beneficium qui malo animo prodest. In præcipitum tendit, qui suas actiones non optimo fine insiguit: incassum laborat, qui Deum laboris terminum non cogitat, omnium seruorum miserimus est; cui recta Intentio deest. Nolite igitur, ô Palatini domini, ô quicunque Aulici, nolite serere in spinas. *g* Nolite meritis vestris tantam inferere cōtumeliā, ut ea velitis caelesti præmio fraudari. Obsecro non ambitioni, non famæ, nō oculis laborate, quicquid laboris vestra vobis munia exhibeant; & quicquid demum tolerandum veniat, non favori & gratiæ, non numis & opibus, non ostentationi & glorię tolerate, sed Deo, cui se nemo vnquam aliter probauerit, quàm recta Intentione.

*a Seneca l. 2. de Ira. c. 35.*

*b Deu. c. 32. v. 30.*

*c Greg. l. 8. mor. c. 30.*

*d Sen. Thyest. act. 3.*

*e Apollod.*

*f Ouid. l. 3. Trist.*

*g Hier. c. 4. v. 4.*

#### AD OMNIS ORDINIS HOMINES.

Optime dixisse mihi visus est Diogenes, qui aiebat: Homines ea, quę faciunt ad viuendum, summa cura perquirere, sed quę ad bene viuendum conducant, nihili pendere & negligere. *a* Ita prorsus est, omnes hoc agimus, ut res nostras agamus, quam bene, & quā Intentione agamus, paucissimi sunt qui seriū ad id animū applicent. O Christiani, nō solum quid faciamus, sed quo id animo faciamus, maximi momenti est. Hinc contra Sardensem Antistitem Apocalypticus ille Angelus Ioannes grauissimè conqueri iussus: *Scio, inquit, opera tua, quia nomen habes quod viuas, & mortuus es. Non enim inuenio opera tua plena corā Deo mo. b* Episcopi huius opera hominibus quidem plena & præclara videbantur, sed non talia erant coram Deo, qui intimam hominis Intentionem inspicit, ideo illa ut vacua prorsus & inania accusantur, carebant enim rectā finis Intentione. Id eo etiam hic ipse Sardenfis. Ecclesiæ præsul, mortuus pronunciatur, tamen ab alijs inter viuos censebatur.

O quantus talium mortuorum numerus in orbe vi-



orbe viuere credendus est! qui nomen habent quod uiuant, & mortui sunt, quorum opera plena quidem videri possunt, sed quia Intentione recta destituuntur, inania sunt, & cassæ nuci similia. Fæda nox & meræ tenebræ omnia inuoluunt, ubicūque rectæ Intentionis splendor nō effulget. Nullū corpus pulchrum sine hoc oculo, nullum cum hoc fædum: *Lucerna corporis tui est oculus tuus. Si oculus tuus fuerit simplex, totum corpus tuum lucidum erit. Si autem oculus tuus fuerit nequam, totum corpus tuum tenebrosum erit.* c Diximus iam supra: recte agere, vt inferos euadas, illiberalis serui est: vt cælū obtineas, quæstiosi mercenarij: vt Deo placeas, hoc demum charissimi est filij, Bonus homo de bono thesauro profert bona? & malus homo de malo thesauro profert mala. d Verè thesaurus cordis, Intentio est cogitationis. Intentio est, inquit Augustinus, qua facimus, quicquid facimus, quæ si munda fuerit & recta, & illud aspiciens quod aspiendum est, omnia opera nostra, quæ secundum eam operamur, necesse est bona sint. e Itaque non tam quid demus, quid faciamus, vel quid toleremus refert, quam qua mēte, qua Intentione. Nam virtus non in eo quod datur, quod fit, aut quod toleratur consistit, sed in ipso dantis, aut facientis, aut tolerantis animo & Intentione. Qua in repensandū est, inquit Gregorius, vt omne bonum quod agitur, per Intentionem semper ad cælestia leuetur. f Intentio est quæ parua extollit, sordida illustrat, magna vero & in pretio habita deho- nestat, prout ipsa vel recta, vel praua est. Illa quæ appetuntur, neutram naturā habent, nec boni, nec mali id refert quod ea Intētio impel- lat, hæc enim formam dat rebus. Omnes vir- tutes ruunt, sine recta Intentione, quæ vita vir- tutum est, & omnium meritorum scaturigo. Bernardus in illa Domini verba, (Tu autem cum ieiunas, lava faciē tuam) Per hoc, inquit, quod iubet faciem lauare, precipit nobis In- tentionem puram seruare: quia sicut decor corporis in facie, ita decor totius operatio- nis animæ consistit in Intentione. g

Cælestis rex sponsam suam à proceritate commendans: Statura tua, inquit, assimilata est palmæ. h Hoc encomio bonæ Intentionis rectitudinem ac firmitatem appositissimè de- signat, quæ constans & recta perpetuo se ad

Deum erigit, quod palmæ proprium, in altū scilicet ramos emittere, & inter arbores emi- nere. Sponsa sic laudata, ne ingrati animi sit: Omnia, inquit, poma noua & vetera, dilecte mi seruauit tibi. i. Me meaque omnia sanctissi- mæ voluntati tuæ trado, honori tuo me to- tam consecro, oculos meos rebus omnibus clausos, tibi vni aperio, illos in te solum in- tendo, sed & omnibus membris alijs in tuum duntaxat famulatum vtor. Qua vero ratione membra omnia diuinis seruitijs impendenda sunt, insigniter Chrysostomus: Oculū, inquit, tibi fecit: oculum illi vtendū exhibe, non dia- bolo, quomodo vero illi exhibebis? si creatu- ris eius visis, ipsum glorificaueris, visumque à mulierum conspectu abduxeris. Fecit tibi ma- nus: illas ipsi possidero, non diabolo: non ad rapinam & auariciam, sed ad ipsius mandata & beneficia, & ad continuas preces, & ad succurrendum deficientibus eas porrigens & extendens. Fecit tibi aures? illas ipsi exhibe- to, non lasciuis concentibus, obscænis fabulis sed omnis meditatio tua sit in lege excelsi. Os tibi fecit, illud nihil agat eorum quæ illi non probantur, sed psalmodias, hymnos, & spirituales odas concinito. Fecit tibi pedes, non vt ad malitiam curras, sed ad ea quæ bo- na sunt. Fecit tibi ventrem, non vt eum cibis rumpas, sed vt philosopheris, Dedit indumen- ta vt regamur, non ad ostentationem, non vt illa quidem multum habeant auri, Christus vero nudus pereat. Casam, pecunias, & fruges dedit, non vt solus habeas, sed vt & alijs, præ- sertim egenis impertias. k Hæc omnia docet recta Intentio quæ omnes humanas actiones ad Deum eleuat, nec quidquam in se venale habet, sibi semper bene conscia, infatigabilis, omnibus exposita, nudo homine contenta, nunquam enim vsque eo interclusa sunt om- nia, vt optimæ Intentioni locus non sit. Nū- quam recta Intentio vitur, nec sibi odio est, nec quidquam mutat, quia semper sequitur optimū, vnum Deum, summum bonum, Illuc ergo ascendit, vnde nulla vi detrahitur: quod nec dolori, nec spei nec timori sit aditus, nec ulli rei quæ summi boni complexum eripiat. Intentio recta quicquid aduersi euenit, perfert, non patiens tantum, sed etiam volens & hi- laris, omnemque temporum difficultatem scit legem esse naturæ. Intentio recta opti-



optimum est, etiam pessima fortuna condimentum. Et ut bonus miles vulnera non horret, cicatrices enumerat; & transuerberatus telis, moriens amat eum, pro quo cadit, Imperatorem: Sic recta Intentio vetus illud præceptum, DEVM SEQVERE, pro regula habet, Deum. que semper totis sequitur viribus, nihil unquam quod Dei causa faciendum, recusat; asperrima quævis pro Deo promptissime amplectitur, Deo in omnibus parere maximam libertatem iudicat, pro Deo mori, felicitatis suæ iucundissimam clausulam arbitratur. Hac ratione recta Intentio nunquam sine lucro est, quacunque se vel leuiter moueat, maximos quasus facit, nihil frustra tentat, è rerum euentu non pender, omnia ei ex sententia cedunt, neque impediri vlla ratione potest. Et quamuis nondum sit in regno, ad regnum tamen & quidem æternum se natam nouit. Oculatissima est recta Intentio; imo tota est oculus, sed qui continuè fixus hæreat in Deo. Quicumque igitur rectæ Intentionis estis, putate Deum vobis dicere: Quid est quod de me queri possitis vos, quibus recta placuerunt? Alij bona falsa rapiunt, & animos gerunt inanes, velut longo fallacique somnio lusus. Auro illi, argento, & veste pretiosa ornantur, intus boni nihil est. Isti quos pro felicibus aspiciatis, si non qua occurrunt, sed qua latent, videritis, miseri sunt; sordidi, turpes, ad similitudinem parietum suorum extrinsecus culti. Nō est ista solida & sincera felicitas: crusta est, & quidem tepuis. Itaque dum illis licet stare, & ad arbitrium suum ostendi, nitent & imponunt; cum aliquid incidit, quod disturbet ac detegat, tunc apparet quantum altæ ac veræ fæditatis alienus splendor absconderit. Vobis dedi bona certa, mansura: quanto magis ea versaueritis & inspexeritis, meliora erūt maioraque. Permissi vobis metuenda contemnere, cupienda fastidire, non fulgetis extrinsecus bona vestra introversus obuerta sunt: non egere felicitate felicitas vestra est. At multa incidunt tristia, horrenda, dura tolerata? quia vos bono vestro his subducere, nolui, animos vestros aduersus hæc omnia armaui. Forte fortiter, & assidue in vobis Rectam Intentionem, velut ignem iugis sacrificij restaurare.

Igitur, o Christiani, in vobis ac vestra voluntate situm est, nunquam aut semper errare;

rarius an continuè mereri velitis. Rectæ Intentionis inopia nemo patitur nisi qui vult, prima siquidem & maxima pars illius est VERITAS. Quisquis sincere omnia propter Deum vult, hic virtutibus omnibus per compendium studet. Nam ut omnium aliarum virtutum, ita huius ad animum tota redit assimatio.

a Stob. serm. 2.

b Apoc. c. 3. v. 2.

c Matt. c. 6. v. 22. & 23.

d Matt. c. 12. v. 35.

e Aug. l. 2. de serm. dom. c. 21.

f Greg. l. 1. in Ezech. hom. 4.

g Bernard. in sentent. h Cant. c. 7. v. 7.

i Ibid. k Chrys. in moral. hom. 10. & 11.

l Sen. l. de provid. c. 6.

## CAPVT XII.

De recta INTENTIONE dictorum Epilogus.

ATTENDE TIBI a. Tobia & Timotheo saluberrime dictum, in virtutis tutelam. Ostium pandit vitijs omnibus, sibi non attendere, raro domi suæ, sibi ipsi præsentem non esse; animo, quaquā lubet, euagari, rebus plurimis se miscere, cupiditates longè mittere, nihil præcogitare, in superuacuis aut alienis laborare, multa & nihil agere, omnia turbato animo, & in incertum emissis oculis aspiciere. Simplex oculus, laudatissimus.

a Tob. c. 4. v. 13. & 1. Tim. c. 4. v. 16.

## S. I.

CYRUS Persarū rex potentissimus, ut Xenophon memorat, etsi Tigranē Armeniorum regem bello exarmatum, una cum coniuge captiuum in vinculis haberet, humanitatis tamen obliuisci noluit, & se quoque hominem esse prudenter meminit. Cum itaque variarum fortunam altiore cogitatione secumiple perpenderet, duos illos regios coniuges, non ad colloquium tantum, sed & ad mentem suam adhibuit, ipse velut conuiuator & cense dominus, inter epulas variè facetus, nec sine risu hilaris. Demum conuiuiarum animū exploraturus: Dic Tigranes obsecro, inquit, pro tua coniuge quod mihi redemptionis pretium das? Cui Tigranes liberè: Equidem regnum darem in lyctum, si tua fortuna id mihi non inuideret:



uidisset. nunc cum regno caream, caput meum in illius salutem prompte dependam. Mirifice delectatus Cyrus tam sincero amore, in commiserationis affectum libenter transiit, & vtrique libertatem vna cum regno restituit. Tigranes iam sibi & regno redditus coniugem interrogare institit, quid ei de Cyri prudentia & magnanimitate, quid de forma videretur? Ad quæ prudens Regina: O mi optime coniux, inquit, non ego in Cyrum oculos, sed in illum conieci, qui se capite suo libertatem meam redempturum pollicebatur; hunc ego vnum aspexi, dum inter Persas egimus. Prudentissimum dictum: Ei oculos iure deberi, cui nec vitam negare possis,

## S. II.

**Q**uin ergo, mi Christiane, *Attendis tibi*, & oculos ei tuos non negas, cui & vitam tuam debes. Scis, te tuum non nosse: nosti, quis pro te moriendo vitam tibi dederit: & quomodo nō in vnum hunc assertorem tuum tuus ibit oculus, tua intentio? Frustra viuis, nisi in huius vnius obtutu assiduo hæres. Hac enim vna ratione tibi præsens es, cum in tuum conditorem & reparatorem sic transis. Ah, quoties domi nostræ non sumus, & extra nos abimus? quoto cuique habere se contingit? Hominem iratum mihi obserua, & audies quam ipse vltro fateatur, se non esse apud se præiracondia nihil enim minus in potestate habet quàm seipsum, & irā suam. Aspice libidinosum; hic & oculos & animū perdidit in alieno vultu, non est apud se, nihil illi cum oculo simplici. Auarum cerne; suæ mentis nunquam est, pecuniam eam ipsi rapuit. Et quis inuidum sui compotem esse dixerit? sibi nunquam attendit, sed alijs quos it perditum. Hominem gulonē intueri, exensa mente est totus in patinis, aut poculis sepultus est. Omnia omnino vitia, errores omnes hoc sui principium habent, non attendere, vix vnquam sibi præsentem esse.

*Hoc se quisque modo fugit — a*

Sic & impatiens à se exit, totus extra se agit, & hinc in stultissimas querelas effunditur. Qui aliquid sui & sanæ mentis retinet, ita secum ratiocinatur: Quid ago? rem meam ex mala meliusculam non fecero furēdo, si quod damnum passus sum, augebit illud ab hac rabie; si quod illaturus sum, incautum habeo mini-

strum, furorem; quicquid attentauero per hanc vesaniam prius id destruaui; quam efficere incipiam; nec lucrum inde aliud sperandum, præterquam celer & inutilis penitentia. Reuera quod vnguis est in vlcere, hoc impatentia in omni actione: qui malum suum exasperari vult, impatienter illud ferat. Quin ergo sanire desino, & compesco querelas? in ventū latratus mitto, re nulla profuturos, nisi vt quotquot me audierint, lapidibus me petant vt canem. Idcirco attendam mihi ipse, & quam insanendo perderem, patiando restitutam rem: tranquillitas dabit, quod auferret furor. Verè dixit Thucydides, duo aduersissima esse rectæ menti, Celeritatem & Iram. Ea de caussa vide vt Iram in potestate habeas, & ne te qualibet indignatio ad temeraria verba efferat. Hoc ratiocinium est hominis à se non exeuntis, hic simplex oculus longè plus cernit quàm oculi illi septemplexes.

Verum, sicut priores illi, sic & præceptum ac temerarius in dandis consilijs, aut ferendis iudicijs, nihil pro sano ager, nisi hoc ipsum sibi assidue ingerat: *Attende tibi*, tam præpropria & calida consilia, non infrequenter secum penitenda trahunt. Sunt qui in rerum executionem adeo calidè profluunt, vt antè fecisse quā cogitasse videantur; qui ad res non eunt sed decurrunt, tanquam si quis inopinato incendio latè omnia populante, domo propellatur. Omne horum consilium tanquam in medijs ignibus est, deliberationem ignorant; ac ne domesticum quidem pectoris sui senarum in consilium vocant, fecisse his deliberasse est; remque peregrisse, est perpendisse, non eunt illi in res, sed profluunt, aut verius inuolant; tanquam si quis ex ingenti præcipitio, vno se saltu deturber, pertæsus moræ quam in prudenti lentoque lapsu ponendam videt. Prima non dicam his consilia, sed primus illapsus quacunque fortuna iniectus pro sententia est; damna daturus, an secus, ne cogitant quidem, vt fortuito hi verius quam consilio viuant; fors bene fors malè res cadent, excepturi hunc aleæ iactum sunt *b*. Hic altissima voce inelamandum: *Attende tibi*, quisquis es, & frenos iudicijs tuis, sed & linguæ tuæ iniice. Millies perire vult, qui linguam coercere non vult.

*a* Lucr. l. 3.

*b* Scribanij superior relig. l. I. c. 14.

Vuuuu 3

S. III.



## §. III.

**A**NTE omnia vide ut ante bellum circumspicias arma : hic maxime *Attende tibi*, ne nudū latus obijcias hosti. Hoc assuesce, ut rebus omnibus medicinā pares præmeditando. Præmeditatio eorum omnium malorum, quæ venientia longè antè videris, aduentum lenit, est quæ sapientis, quicquid homini accidere possit, id modicè ferendum esse si aduenerit, præmeditari. Christus suos in omne genus iniuriarum & cruciatuum armaturus: Hæc, inquit, locutus sum vobis, ut cum venerit hora, eorum reminiscamini *a*. Tanquam si dixerit suis : facilius omnia feretis, si præuideatis ferenda. Prouisio hæc animi ad vitam rectè instituendam summè necessaria est. Ideo urget Siracides, & : Fili, inquit, accedens ad seruitutem Dei, sta in iustitia, & in timore, & præpara animam tuam ad tentationem *b*. Prepara te, siquidem hominis est præparare cor *c*. In aduersa omnia clypeus adamantinus est, seria eorum præmeditatio. Leuius lædit, quicquid antè præuidimus. Nam præuisa minus tela ferire solent. Repentina omnia videntur grauiora, & facillime nos lubruunt, quæ subito impetu in nos feruntur.

Romanus Sapiens, præclarissime hac de re Philosophatus: tutissimum, inquit, fortunam raro experiri, ceterum semper de illa cogitare, & sibi nihil de fide eius promittere. Nauigabo, nisi si quid inciderit: & prætor fiam, nisi si quid obstitit: & negotiatio mihi respōdebit, nisi si quid intenuerit. Hoc est quare sapiēti nihil contra opinionem dicamus accidere, non illum casibus hominum excepiamus, sed erroribus: nec illi omnia ut voluit, cedunt, sed ut cogitauit, in primis autem cogitauit, aliquid posse propositis suis resistere. Necessè est autem leuius ad animum peruenire, destituta cupiditatis dolorem, cui successum non vti que promiseris *d*.

Qui hic sibi non attendit, si quid contra quam destinauit, accedat, fremit & insanit, moderate id toleraturus, si præuidisset. Ita Zeno Citienſis cum iuauidiſſet omnia sibi sua mari submersa: Laudo, inquit, tuum factum fortuna, quæ nos in palliolum & porticum redigis; iam expeditius philosophari me iubet. Præuidet vti que hanc plagam, ideo pla-

cate tulit. Inexpectata plus aggravant: nouitas adijcit calamitatibus pondus. Ideo nihil nobis improuiſum esse debet. In omnia præmittendus est animus, cogitandum quæ, non quicquid solet, sed quicquid fieri potest. Nullum tempus exceptum est ab acerbo euentu: in ipsis voluptatibus causæ doloris oriuntur: bellum in media pace consurgit, & auxilia securitatis in metum tranſeunt: ex amico inimicus, hostis ex socio fit. Sepe sine hoste patimur hostilia: & cladis causas, si alia deficiunt, nimia sibi felicitas inuenit. Inuadit temperatissimos morbus, validissimos phthisis, innocentissimos pœna, secretissimos cumultus. Ea vero plerumque plurimum dolent, quæ ut inopinata & insolita miramur: Vnde hoc? Quomodo? Quis putasset?

Ergo *Attende tibi*, nihil eorum quæ pateris, insolitum, nihil inexpectatum tibi sit. Offendi rebus istis tam ridiculū est quàm queri quod spargaris in publico, aut inquineris in luto. Eadem vitæ conditio est quæ balnei, turbe, itineris; quædam immittuntur, quædam incidunt. Non est delicata res, viuere. Longam viā ingressus es, & labaris oportet, & lasseris, & cadas. Alio loco comitem relinques, alios efferes, alio timebis, *Attende tibi*. Per eiusmodi offensas emetiendum est confragosum hoc iter præparetur ergo animus contra omnia: Sciāt se venisse vbi patiatul fulmen, sciāt se venisse, vbi

*Lutū, & vtrices posuere cubilia cura,  
Pallentesque habitant morbi, tristesque senectus f.*

In hoc contubernio vita degenda est. Effugere ista non potes, præuidere potes, contemnere potes, contemnes autem, si sape cogitaueris, & futura præsumptis. Nemo non fortius ad id cui se diu composuerat, accessit, & duris quoque, si præmeditata erant, obstitit. At contra imparatus, etiam leuissima expauit. Id agendum est, ne quid nobis inopinatum sit: & quia omnia nouitate grauiora sunt, hæc cogitatio assidua præstabit, ut nulli malo tirones simus, Nihil miremur eorum ad quæ nati sumus, quæ ideo nulli ferenda, indignè, quia paria sunt omnibus, Quicquid dixeris, multis accidit, & accidet deinceps. Ita dico, paria sunt, nam etiam quod effugit aliquis, pati potuit. Equū autem ius est, non quo omnes vsi sunt, sed quod



quod omnibus latum est. Imperetur aequitas animo, & sine querela mortalitatis tributa pēdamus. Hiems frigora adducit; algendum est. Æstas calores refert; æstuum est. Intemperies cæli valetudinem tentat; agrotandum est. Et fera nobis loco occurret, & homo perniciosior omnibus feris, *Attende tibi*. Aliud aqua, aliud ignis eripiet. Hanc rerum conditionem mutare non possumus: id possumus, magnum sumere animum, & homine Christiano dignum, quo fortiter fortuita patiamur. Optimum est pati quod emendare non possis: & Deum, quo auctore cuncta proueniūt, sine murmuratione comitari, malus miles est qui imperatorem suum gemens sequitur. Hic est magnus animus qui se Deo tradidit: at contra ille pusillus ad degener, qui oblectatur, & de ordine Mūdi male existimat, & emēdare mauult omnia quam se Deo nos tradamus & simplicem Intentionis oculum in Deo vno figamus. Sic viuamus, sic loquamur, paratos nos semper inueniat atque impigros sanctissima Dei voluntas.

a Ioan. c. 16. v. 4.

b Ecclesiast. c. 2. v. 1.

c Pron. c. 16. v. 1.

d Sen. de Tranquil.

e Sen. epist. 91. post init. Et ep. 107. paucis mutatis.

f Virgil. l. 6. Æneid.

## S. IV.

**H**oc ipsum insignissime confirmans Epictetus: Cuiusque rei, inquit antecedentibus & cōsequentibus cōsideratis sic eam aggreditor. Alioqui cupide quidem eam aggredieris: quippe qui nil eorum quæ sequuntur consideraris. Postea vero cū aliqua molestiæ ac difficultates interceſſerint, turpiter desistes. Cupis vincere Olympia? Cōsiderato antecedentia & consequentia: & sic, si ē re tua fuerit, rem aggreditor. Est tibi accurato ordine opus, bellarijs abstinentum, & exercendum corpus vel inuito, idque hora præſinita, in æstu, in frigore: non bibenda frigida: aliquando ne vinum quidem; denique lanistæ tanquam medico te tradas oportebit. Deinde in certamine laniari corpus contingit, manum lædi, distorqueri lumbos, multum pulueris deglutiri, flagris cē-

di, & cum his omnibus interdum vinci. Hic rebus consideratis, si placet, certamen inito. Sin minus, vide ut puerorum more acturus sis, qui nunc pugiles ludunt, nunc gladiatores, nunc tuba canunt, nunc tragœdias agunt, cum ista viderint admiratique fuerint. Sic & tu nunc pugileris, nunc gladiator, mox philosophus, postea orator, toto autem animo nihil: sed ut simus, quicquid videris, imitaberis. Subinde aliud ex alio tibi placebit vſitata verò displicebunt. Neque enim consideratē quidquam aggressus es, neque rem totam explorasti, aut examinasti, sed tenere & frigida cupiditate impulsus es. Ergo in posterum. *Attende tibi*.

Diogenes interrogatus quid in Philosophia didicisset? Respondit: Præuidere aduersa, & cū aduenerint illa, patienter ferre. Nihil scit, quisquis ista non didicit. Quæ alijs diu patiēdo leuia fiunt, vir sapiens leuia facit, diu cogitando. In tanta rerum, sursum ac deorsum euntium, versatione, si non quicquid fieri potest, pro futuro habes, das in te vires rebus aduersis, quas infregit, quisquis prior vidit. Basiliscus, ut aiunt, prius videndo necat hominem; sin ipse prius ab homine videatur, in fugam vertitur. Idem nobis enenit, si calamitas celerior sit nostris cogitationibus, & in securos irruat, facili negotio toros deiecit, sin animum in eam obſtrememus, & venientē oculo illo simplici aspiciamus, sine viribus est, & iam paratos leuiter stringet, idque tum profectu & emolumento nostro, Ergo, *Attende tibi*, & ad asperrimam quamque sortem excipiendam te para.

Cum Anaxagoras apud Athenienses in vinculis esset, duo ad eum nuncij vno die allati sunt: in carcerem. Prior mortem ei decretam esse significabat. Ad quem Anaxagoras constanti vultu: Iam pridem, inquit, sententiam tulit natura, tam in me, quam illos qui me dānant. Porro alter, duos ipsius filios interijſſe nunciabat. Et huic, saluo colore, respondit: Sciebam me mortales genuisse. En, tela rādiu præuiſa, quam non læſerint! Seuerus Imperator vitia pleraque, sic & mortem præmeditari solitus, loculum ad lectum habuit. quem frequenter allocutus: Tu virum aiebat, capies quem Orbis non potest. Vlyſſes viginti annis militiæ vagatus, iā redux Penelopem coniugē

ſententia



flente siccis salutauit oculis; sed catello ad domini praesentiam insanè gestienti, & repente mortuo illacrimauit. *d.* Nam vxoris lacrimas precepit, atque animo secum ante peregit; in illū autem fletū subita res & inexpectata eūm cōiecerat. Sic aduersa omnia præcipienda sunt animo, & longe tranquillius perferentur. Quemadmodum enim is qui se turbæ immiscet, aliud non expectet quam impelli, trudi, comprimi: ita is qui peregre iturus non speret, nisi calū caliginosum, immitte, ventolum, pluuiū, spurcissimam tempestatem, hospitria incommodissima, non tamen modicos sumptus exactura: iam errores viæ, lapsus eorum, euersionem currus, varios casus, tanquam solitas itinerum appendices consideret, vt cum hæc euenerint, dicere possit: *ista prauidi.* turpissima sunt voces illæ: Sperabam meliora: Non putaram sic mecum agendum. Tam graua non expectabam: Nesciebam fortunam mihi nouercam esse: Quis hoc futurum credidisset? Quis tam hostilem animum in hoc homine suspicatus fuisset? Quis hæc omnia prauiderit? Ita magna pars hominum est, quæ nauigatura de tempestate non cogitat. At hoc sapientis non est. Si tibi sapere vis, *Attende tibi*, & prouidum animum in omnia præmitte, vt cum Anaxagora dicere liceat: Præuidebam hæc, sciebam ista, iam ante illa cogitabam, Pecuniam amisi? sciebam posse adimi. Gratiam perdidisti? noueram quam instabile bonum possiderem. In paupertatem decidi? Prædem credidi hanc expeditam, hilarem, tutam esse, si pauper non sit vitiosus. Malè de me loquuntur homines: Faciunt, non quod mereor, sed quod solent. quibusdam canibus innatum est vt non pro feritate sed pro consuetudine latent. Morbus me affligit? & morbis, & morti obnoxium me scio, sed exhibetur etiam in lectulo virtus. Graues inimicos habeo? Iam olim in Chrysostomo legi: Neminem lædi nisi à seipso. Inuidia, tardium, meror me cruciant? neque hoc contra expectationem euenit. Læsus, dolor, metus, non tam supplicia quàm viuendi tribura sunt. Mors liberos, parentes, cognatos, amicos abstulit? Quid istud aut nouum aut mirum? perire perituri: ego illis proximus, mortaliū mortem non acerbè descendam iam didici.

Hoc si quis in medullas admiserit, & om-

nia aliena mala, quorum ingens quotidie copia est, sic aspexerit, tanquam illis liberum & ad se iter sit, multo ante se armabit quam peratur. Ergo, *Attende tibi.* & istud quoque eodem animi robore præstabis, ne quid ex his quæ eueniunt, tibi subitum sit. Quicquid enim fieri potest, tanquam futurum prospiciendo, malorum omnium imperus molliet. Sero animus ad periculorum patientiam instituitur, *Attende tibi.*  
*a Epictet. l. 3. differt. c. 15.*  
*a Sen. l. de tranquill. c. 11.*  
*b Ep. l. 6. qq. nat. q. 3.*  
*c Plutarch. de Tranquil. animi, ante finem.*

## §. V.

**S**ed & in ceteris rebus omnibus idem tibi assidue ingero: *Attende tibi.* Peditentim ad præcipitia ducimur, à minimis scilicet initijs, ad latissima damna descenditur. Nihil rationis est vbi semel affectus indutus est, iusque illi aliquid voluntate nostra datum est, faciet de cetero quantum videret, non quantum permiseris. In primis, inquam, finibus hostis arcendus est. nam cum intrauit, & portis se intulit, modum à captiuis non accipit. *a* Affectu contumaciter parent. Nullum vitium est sine patrocinio: nulli non initium est verecundum & exorabile, sed ob hoc latius funditur. Non obtinebis vt desinat, si incipere permiseris. Ergo, *Attende tibi*, & principijs obsta, Incipientibus vitijs obstruendæ sunt viæ, per Rectam Intentionem; si malitia radices semel egerit & inueterauerit, sicut coalita agritudo difficilis erit extincta. Facilius est excludere perniciofa quam regere; & non admittere quàm admissa moderari, nam cum se in possessione posuerunt, potentiora rectore sunt nec recidi se minui patiuntur. Deinde, ratio ipsa, cui freni traduntur, tamdiu potens est, quamdiu diducta est ab affectibus: Si misceuit se illis, & inquinauit, non potest continere quos submouere potuisset. Commota enim semel & concussa mens, ei seruit à quo impellitur. Quarundam rerū initia in nostra potestate sunt; vteriora nos sua vi rapiunt, & argre relinquunt regressum. Vt in præceptis datis corporibus nullum sui arbitrium est, nec resistere morariue deiecta possunt, sed consilium omne & penitentia irreuocabilis præcipitatio abscit.



tio abscondit, & non licet non eo peruenire, quo non ire liquisset: ita animus si in iram, libidinem, alioque se proiecit affectus, impetum difficulter reprimet, rapiet illum, & ad imum aget vitiorum natura procliuus. Ergo intransibis vitijs resistamus: quia facilius, vt dixi, non recipiuntur, quam recepta ex-  
ant. Curam nobis nostri natura mandauit: sed huic vbi nimium induleris, vitiū est. Sic ab initio non malo ad carnem transimus, & corporis comoda, & quicquid illis vicinum. Optimē Isidorus: Diabolus, inquit, serpens est lubricus, cuius si capiti, hoc est, primæ suggestioni non resistitur, totus in intima cordis dum non sentitur, illabitur *b*. Ergo, *Attende tibi*, & obsta principijs recta Intentione assiduo restaurata, aliquo sæpius in præceptis tuis vix emendanda.

*a Sen. l. 1. de ira c. 7. & 8. & Ep. 116.*

*b Isid. l. 3. de sum. bon. c. 5.*

S. VI.

**P**roximum ab his erit attendere, ne in superuacuis laboremus, aut alienis, id est, ne aut quæ non possumus consequi, concupiscamus: aut adepti, cupiditatem nostram vanitatem serio & post multum pudorem intelligamus, ne etiam labor aut irritus sine effectu sit, aut effectus labore indignus. Ferè enim ex his tristitia sequitur, si aut non successit, aut successus pudet. Circumcidenda est concursatio, inquit Seneca, qualis est magnæ parti hominum, domos, & theatra, & fora pererrantium. Alienis se negotijs offerunt, semper aliquid agentibus similes. Horum si aliquem ex euntem domo interrogaueris: quid tu? quid cogitas? respondebit tibi: *Non mehercule scio: sed aliquos videbo, aliquid agam.* Domum cum superuacua redeunt lassitudine, iurāt nescisse seipso, quare exierint, vbi fuerint, postero die erraturi per eadem illa vestigia. sic sine proposito vagantur, quærentes negotia: nec quæ destinauerunt, agunt, sed in quæ incurrerunt. Inconsultus illis vanusque cursus est, qualis formicis per arbusa repentibus: quæ in summum cacumen, deinde in imum inanes aguntur. His plerique similem vitam agunt, quorum non immerito quis inquitam inertiā dixerit, qui negotia magis amant quam agunt. Omnis itaque labor aliquo referatur, aliquo respiciat, nec vñquam sana careat In-

tentione. Ex illo malo dependet terribilissimum hoc vitium, auscultatio, & publicorum secretorumque inquisitio, & multarum rerum scientia, quæ nec tuto narrantur, nec tuto audiuntur *a*.

Quoties aut alienis negotijs nos miscemus, neglectis nostris, aut non necessaria curamus, omisissis vtilibus & necessarijs, nec quidquam ferè sanctiore cura componimus, quam quod ad nos non pertinet. Quid vana, quid inutilia aut noxia discimus? Discamus continentiam augere, luxuriam coercere, gulam temperare, iracundiam lenire, paupertatem æquis oculis aspicere, frugalitatem colere. *Questus olim Ilaïas*: Quare, inquit, appendiditis argentū non in panibus? laborem vestrū non in saturitate *b*? Quid de homine illo sentias, qui iam extrema fame laborat, pecuniam tamen quam reliquam habet omnem, ad mercatorem defert, & plumas emit in pilei ornamentum? Non dispertem ab hoc, insaniam plurimi committunt, quos strenua exercet inertia, qui omnia agunt præterquam ea quæ animi sunt & salutis, curis & laboribus variè se conficiunt, sed curas & labores aut nulla, aut non recta Intentione insigniunt: pecuniam ambiunt aut gratiam, aut vtrumque obtinendo celo nunquam fatigantur: in omnibus alijs ad lassitudinem exerceri in lucrum trahunt. Apud hos diuinus Paulus merito vociferatur: Tanta passi estis sine causa *c*.

Sunt qui maria emetantur, omnes regiones lustrent, circulentur orbem: sunt qui omnes pænè libros scrutentur, & quicquid vspiciam rerum nouarum est, in suas aures deriuant; de his verè dixeris: Hi tales neminem ex omnibus difficilius domi, quam se, conueniunt; semper extra se sunt, ac per aliena vagantur, & quod hinc sequitur, nemini minus notum quam sibi ipsis. Miserum genus hominum, qui sub vitæ finem ipsi de se fatebuntur: Per totam noctem laborantes, nil cepimus *d*. Ergo, attende tibi, & res tuas age: sibi ipse animus hæreat, se colat, nihil alieni agat. Omnium virtutum tenera sunt principia, tempore ipsis duramentum & robur accedit. Itaque initio vis moderata erit animo facienda, vt vigil in hac attentione perster, & ijs quæ agit, intendat, ne volatica instabilitate huc illuc per diuersa rapiatur; sed vbi vel paullulum respi-

X x x x

rare



rare licuerit, in sinum adamatæ orationis (etsi minime prolixæ) refugiat. Animus ita sibi præsens, non tantum ad aliena non diffluit, sed & in propriis cauet, ne quid ultra limites.

a *Sec. l. de tranq. c. 12.*

b *Is. c. 55. v. 12.*

c *ad Gal. c. 3. v. 4.*

d *Luc. c. 5. v. 5.*

### §. VII.

**D**Enique observatio sui assidua, negotijs omnibus rectè præsidet, hic maxime *Attendet tibi*, & nunquam sic accede ad negotia, vnde tibi ad Deum liber regressus non sit. Vtique animus ab omnibus externis ad seipsum sapius reuocandus est. Subinde saltem, vt periculosa navigatione portum pete, nec expectes, donec res te dimittant, sed ab illis te ipse disungas, & in te quantum poteris, recedas. Assuesce in medijs etiam occupationibus celū inambulare, & frequentibus ab imo pectore ductis suspirijs communem omnium parentem adire, vnaque rectam Intentionem restaurare. Memento properantis Æternitatis, & ad Deum, quoties per intervalla licuerit, ardentè euola. Deum tibi semper terminum finge, in quo oculi tui nunquam non desinant. Sic omnia tam diligenter facies tamque circumspicere quam homo fidelis, sanctusque solet tueri fidei commissa: Sic non expallesces ad ardua, nec retrahes timidus pedem, sed incurrentibus celsior; nihil temerè, fortiter multa aggredieris: sic profutura iuxta obstraque prospicies. Nosti, prudentissimum haberi, qui à se non ab alio consilia mutuatur. Istud hic non laudabile tantum, sed necessariū. Omnium actionū tuarum animam & vitam, non ab alienis oculis aut auribus pete, sed à te tuaque Intentione. Hæc vera prudentia est, hæc tutissima sunt consilia. omnibus actionibus, minimis maximis, rectam semper Intentionem præmittere, & oculos à Deo nunquam deflectere.

Liceat hic indignari, & æquissimè in ignauiam humanam excandescere. Plerique omnes sumus in minimis cauti, in maximis negligentes: Intentionem rectam non solum per plurimas vitæ partes negligimus, sed & prauam nimium frequenter actionibus nostris miscemus. Iacob olim filios obiurgans: Quare

negligitis, inquit, descendite, & emite nobis necessaria. Idem ego hic proclamem: Quare negligitis, ô mortales, quid vanissima studia sectamini, quid labores sumitis non profuturos, omisis necessarijs? De plurimorum vanis & otiosis conatibus non malè ego dixerim, quod ille de suis suorūque sociorū studijs ingenuè fassus. Omnia, inquit, discimus præterquam necessaria. Eodem prorsus modo reperias non paucos, qui omnia discant, omnia fiant, præterquam ea quæ faciunt lucrando calo. Qui solum scit agere, is sanè nihil scit, nisi sciat & bene agere, actionibusque suis omnibus Intentionem rectam adiungere. Heu quanta facimus, & facta nostra Intentione praua corrumimus, atque sic agros nostros ipsi vrimus, & propria cadimus vineta. Oramus, sed vt orationis amantes habeamus: Stipem erogamus, sed vt avari nomen effugiamus, & benefici dicamur: Ieiunamus, sed quandoque ideo tantum vt plus postea voremus: Laboramus, sed lucro tantum, sed oculis, sed laudi, sed necessitati, sed crumenz solū. Templâ frequentamus, vt videamur, aut certè videamus tunc non videnda: Rei diuinæ intersumus, sed ex mera sæpe consuetudine, aut temporî fallendo; Conciones audimus, sed curiositate tracti, vt doctiores fiamus, non vt meliores: Confessionis mysterium obimus, sed ne minus alijs præstare censeamur: Epulum cæleste accedimus, sed neque hic nos ipsos deserimus, & sæpe non nisi dulcedinem hic quærimus: Peregrinationes instituimus, sed tantum vt animum relaxemus, & domesticum tædium vitemus: Inuitamus ad conuiuium, non pauperes, sed eos à quibus & nos inuitemur: Donamus, vt & nobis doneatur: Obsequium impendimus, vt impendatur & nobis: Laudamus alios, vt & ipsi laudemur: Subinde mel & rosas loquimur, sed vt affabiles audiamus, vt humani estimemur, vel vt eo suauis fallamus: Edimus, bibimus, non tantum quia esurimus & sitimus (hoc enim & bos facit in prato) sed quia esse, bibere, nobis admodum sapit, gulamque mirè demulcet: Opes congerimus, non vt egenos iuueamus, sed vt nos diuites simus: Garrimus, deambulamus, nugamur, dormimus, non vt festum animum aut corpus reficiamus, sed vt genio nostro sacrificemus, & faciamus quod magis luber,



lubet, delectatque: Quoties in humilitatem etiam nos submittimus, sed vt emergamus, & ascendamus altius: Quoties minutula quædã grandis religione obseruamus, negligimus peccata grandia: Quoties acerbum frigus, arctas vestes, strictos calceos, & nescio quæ patimur, sed quia id nobis superbia persuasit: Reprehensiones etiam silenter ferimus, non à modestia, sed ab obstinatione sic instructi. Heu mille talia facimus! ita vitam nostram implemus innumeris erroribus, & quod miserrimum est, errare nos nescimus, aut sane non animaduertimus. Ita thesauros colligimus, sed palæarum, aut damnatarum monetarum.

Anno, à Virgineo partu, Millesimo decimo-sexto, vti Ditmarus commemorat *b*. Italia littora Saraceni barbaro furore infestant. Benedictus VIII. Summus Põtifex hosti in finibus concurrendum ratus, instructissima classe comparata tam feliciter rem gessit, vt hostiles exercitus ad internecionem dederit, & regem Saracenum in fugam compulerit. Regina minus assueta fugæ capta est, & capite truncata. Rex supplicio & morte coniugis suorumque clade mirum in modum efferatus, ingentes minas cœpit spargere, & ultionem parare. Atque vt prius Italia metum inijceret, quàm pugne aleam tentaret, Summo Pontifici faccum misit ingentem castaneis plenum, simulque nunciari iussit: Sciret, tot milites æstate proxima Italiam vastaturos, quot in sacco illo castaneas numeraret. Benedictus Pontifex, vt huic tam barbaræ denunciationi responsum attemperaret, regi marsupium amplum milio plenum remisit, eidemque renunciari præcepit: Veniret modo, tot illum in Italia loricatorum inuenturum, quot milij grana marsupio illo continerentur. Hic sacculus, & hoc marsupium non croco, non pipere vel auro, sed vili merce turgidum humanæ vitæ ludibria præclare representat. Docuit nos Christus, quâ ratione thesauros cælo recluderemus. *d*at nos tuguriolis nostris contenti, castaneas & milium pro thesauro accumulamus: actiones acervamus innumeras, sed parum pretiosas, vtpote Intentione sancta destitutas, ita milio & castaneis diuites sumus. Tandem, vt Gregorius loquitur, *e* finis operis probabit, quod operationis Intentione proba non fuerit. Cum ergo mors fores

pulsauerit, cum spiculum fatale torserit, cum ex hoc in alium Orbem migrare iusserit, quos inde thesauros asportabimus? Marsupia milij, saccos castanearum refertissimos (actiones pura Intentione cassas) heu merces in cælo minime venales! Ideoque, vt rectissimè monet Bernardus, maximè opus est puritate Intentionis, qua soli mens nostra Deo & placere appetat & valeat inhærere. *f* Quicquid agamus, actio recta non erit, nisi recta fuerit voluntas, seu Intentio, ab hac enim est actio. Optimè ad rem Seneca: Nulli non virtus, inquit, & viuo & mortuo retulit gratiam, si modò illam *bona secutus est fide*, si se non exorauit & pinxit, sed idem fuit. *g* Videte, obsecro, nec Seneca quidem satis esse censet virtutem sequi, nisi quis eam sequatur *bona fide*, quod quid aliud est, quàm bona Intentione? Hec certè neminem sinit à seipso sic exornari & pingi, vt actus illius non tam sint, quàm esse videantur boni: has omnes officinas & pigmenta extreme odit Intentio bona: Virtutem vt sequamur imperat, sed vt *bona fide* sequamur, non spe vanillecti, non metu adacti, sed ipsius amore virtutis. Insignissime hoc explicans Augustinus: Implebis, inquit, amore, quod timore non poteris. Qui enim timendo non facit malè, mallet facere, si liceret. Itaque etsi facultas non datur, voluntas tenetur. Non facio, inquis. Quare? Quia timéo. Nondum dum amas iustitiam (*nondum sobrietatem, nondum castitatem amas*) adhuc seruus es: Esto filius. Sed ex bono seruo fit bonus filius. Interim timendo noli facere, *d*ices & amando non facere. *h* Idem sanctissimus Antistes, obliquam nimis Intentionem auari sic perstringit: Auare quid inhiat cælo & terræ? Melior est qui fecit cælum & te tam ipsum visurus, ipsum habiturus es. Quæris vt tua sit illa villa, & transiens per illam dicis: Beatus, cuius est possessio ista. Hoc dicunt quam multi qui transeunt per illam, & tamen cum dixerint & transferint per illam, possunt caput agitare, & suspirare, nunquid & possidere? Sonat cupiditas, sonat iniquitas: sed non concupiscas rem proximi tui. Beatus, cuius est villa illa, cuius est domus ista, cuius est ager iste. Compesce iniquitatem, audi veritatem. Beata gens cuius est, quid? iam nostis quid dicturus sim. Ergo desiderate vt habeatis,



tunc demum beati eritis. Hac sola beati eritis, re meliore, quam vos estis, meliores eritis. Deus est, inquam, melior te, qui fecit te. Erige te ad illum, & quicquid oculorum habes, in hunc vnum conuerte.

Quod ergo Tigranidis coniux fecit in Persia, hoc tibi faciendum in omni loco, assidue, in omni vita: suos illa oculos in vnum illum defixit, qui caput pro illa suum offerebat: idem a te iure meritissimo postulatur, ut tuos in illo vno defigas oculos, qui & oculos, & caput, & totum se teque vna tibi donauit, qui vitam & sanguinem suum pro te redimendo, non solum offerre paratus fuit, sed obtulit. At parum est regiam Tigranidis coniugem imitari: exemplis sanctionibus urgemur. Quisquis bonam Intentionem cordi habes, regium Numinis psalterem amulare, & prouide Dominum

in conspectu tuo semper *k* In hunc vnum tuus eat oculus, sed vide ut simplex eat & rectus, in hunc vnum tua feratur Intentio, sed vide ut pura feratur & sincera; nec aliorum quidquam aspiciendum est, nisi per hunc vnum, aut in hoc. Ergo, quod vltimum moneo, ATTENDE TIBI.

*a* Genes. c. 42. v. 2.

*b* Ditmar. l. 7.

*c* Baronius, idem narratio. 11. An. an. 1016. initio.

*d* Matth. c. 6. v. 19.

*e* Greg. l. 1. dial. c. 9.

*f* Bernard. serm. 7. in Cant. propius finem.


*g* Sen. epist. 79. fine.

*h* Aug. to. 8. in Ps. 12. conc. 1. med.

*i* Idem in conc. 2. eiusdem Psal. 32. post med.

*k* Ps. 15. v. 8.

FINIS.






uus  
tus,  
ide  
id-  
um,  
T-

162







Biblioteka Jagiellońska



stdr0030294











Drexelius Hieremias z sac. Jeru.

Opera spiritalia,  
quae in secundo tomo continentur:

- 1.) Heliothopium seu conformatio humane voluntatis cum divina. libri V.
- 2.) Recte intentio omnium humanarum actionum amussis.

Luaci.


Typis Baltasaris Belleri  
1636.

8<sup>o</sup>. (616-900) sz.  
giii<sub>2</sub> - giii<sub>3</sub> - lxxx.

Opn. skórk. Niedziomst

Uwaga: Ten drugi opisany raz  
z dwiema tomami fiernego.







Drexelius Hieronymus è soc. Jesu.

- Opera spiritualia,  
quae in secundo tomo continentur:
- 1) Heliotropium seu conformatio  
humanae voluntatis cum divina <sup>libi</sup> <sub>lv</sub>
  - 2) Recta intentio omnium huma-  
narum actionum amussis.

Ducci.

Typis Bartholomaei Belleri  
1636

80 od 616 sh - do 900 sh


Giii 2 - Giii 3 - XXXX

Op. shok.

Miechiorz

Uwaga: Tom drugi opisywany razem  
z dziełami tomu pierwszego.







Drexelius Hieremias e soc. Jesu.

Opera spiritalia  
in primo tomo continentur:

- 1.) Aeternitatis prodomus seu mortis nuntius
- 2.) De aeternitate considerationes
- 3.) Infernus damnatorum
- 4.) Modicus Christianus
- 5.) Glorologium auxilioris tutelaris Angeli.
- 6.) Nicetas seu triumphus
- 7.) Trismegistus Christianus

Ducci.

Typis Balthazaris Belleri


1636.

8° 15k.n. — 614sh. — 1k.n.

A-A<sub>3</sub> - 2Lhhh - 2Lhhh<sub>3</sub>

Opn. shk. Michioyft







Drexelius Hieremias e Soc. Jesu

Opera spiritualia,  
quae in primo tomo continentur:

- 1.) Aeternitatis prodomus seu mortis nuntius
- 2.) De aeternitate considerationes
- 3.) Infernus damnatorum
- 4.) Modicus Christianus
- 5.) Glorologium auxilioris tutelaris Angeli
- 6.) Nicetas seu triumphata.
- 7.) Frimegistus Christianus

Succi.

Typis Baltazaris Belleri

1636.

80 15k.n. - 614sh. - 1k.n.

A-A<sub>3</sub> - 4lhhh - 4lhhh<sub>3</sub>

Ofr. skórk.

Miedziost



